


ସତ୍ତିଅର୍ ବାଟ୍



The New Testament in the Desiya language of India: ସତ୍ତିଅର୍
ବାଟ୍ (Bible)

ସତ୍ତ୍ୱିକ ବାବ୍

The New Testament in the Desiya language of India: ସତ୍ତ୍ୱିକ ବାବ୍ (Bible)

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

ସତ୍ତ୍ୱିକ ବାବ୍ ନୂଆ ନିୟମ, 2020

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023
cd4d7c1f-dc97-5fb4-a0ba-ab968fde9cde

Contents

ମାଡ଼ିତ	1
ମାଡ଼କ	55
ଲୁକ	91
ଜଅନ୍	148
ପେରିଡ଼	189
ରମିଅ	239
୧ମ କରନ୍ତିୟ	262
୨ୟ କରନ୍ତିୟ	284
ଗାଲାତିୟ	300
ଏପିସିୟ	309
ପିଲିପିୟ	317
କଲସିଅ	324
୧ମ ଡେସଲନିକିୟ	330
୨ୟ ଡେସଲନିକିୟ	335
୧ମ ତିମତି	338
୨ୟ ତିମତି	346
ତିତସ୍	352
ପିଲିମନ	356
ଏବ୍ରି	358
ଜାକୁବ	377
୧ ମ ପିତର	384
୨ ଯ ପିତର	391
୧ ମ ଜଅନ୍	396
୨ ଯ ଜଅନ୍	403
୩ ଯ ଜଅନ୍	405
ଜିଉଦା	407
ପରକାସିତ	410

ଯୀଶୁ ଖ୍ରୀଷ୍ଟଙ୍କ ବିଷୟରେ ମାଥୂଜ ଲେଖିଥିବା ସୁସମାଚାର ଜିସୁକିରିସ୍ଟ ବିସଇ ନେଇକରି ମାଡ଼ିତ ଲେକିରଇବା ନିମାନ୍ କବର୍

ଏ ବଇ ବିସଇ ଜାନ୍‌ବାଟା

ମସିଅକେ ରାଇଜ୍ ସାସନ୍ କର୍‌ବା ରାଜା ଆଇସି ବଲି ବିସବାସ୍ କର୍‌ତେରଇଲାଇ । ମାଡ଼ିତ ସେମନ୍ ବିସବାସ୍ କରିରଇବାଟା ବାଦ୍‌ଲାଇ ଦେଲା । ପର୍‌ମେସର୍‌ ରାଇଜ୍ ଅଇଲାନି ଆଡ୍‌ମାର୍‌ ରାଇଜ୍, ଏ ଜଗତର୍‌ ରାଇଜ୍ ନର୍‌ ବଲି ସେଟା ଗୁରୁତ୍‌ସଙ୍ଗ୍ ସିକାଇତେରଇଲା ।

ମାଡ଼ିତ ଲେକ୍‌ଲା ସୁବକବର୍‌ ନୁଆ ନିଅମର୍‌ ପର୍‌ତୁମର୍‌ ବଇ ଇସାବେ ମିସାଇଲେ ନିକ । କାଇକେ ବଇଲେ ପୁର୍‌ନା ନିୟମର୍‌ ବାକିଅମନ୍ ଅଦିକ୍ ମିସି କରି ଆଟେ । ଏ ବଇ ପୁର୍‌ନା ନିୟମ୍‌କେ ଆରି ନୁଆ ନିୟମ୍‌କେ ମିସାଇସି । ପଣ୍ଡିତମନ୍ ମିସା କଇବାଇ ମାଡ଼ିତ ତାର୍‌ ଲେକାଟାନ୍‌ ମସାର୍‌ ନିୟମ୍‌ ବଇମନର୍‌ ପାରା କର୍‌ବାକେ ଚେସ୍‌ଟା କରିଆଟେ । ଜିସୁ ତଙ୍ଗର୍‌ ଉପରେ ସିକିଆ ଦେବା ବିସଇ ମାଡ଼ିତ ୫:୭ ପର୍‌ମେସର୍‌ ମସାର୍‌ ନିୟମ୍‌ ଦେବା ବିସଇ ସଙ୍ଗ୍ ମିସା ତୁଲ୍‌ନା କରିଅଇସି ୨ୟ ବିବରଣି ୧୯:୩:୨୩-୩୩

ଏ ବଇବିତ୍‌ରେ ରଇଲାଟା

- ୧. ଜିସୁର୍‌ ଜନମ୍‌ ଆରି ତାର୍‌ ସେବାକାମ୍ । ୧-୪
- ୨. ଜିସୁର୍‌ ସେବାକାମ୍ ଆରି ସିକିଆ । ୫-୨୫
- ୩. ଜିସୁ କିରିସ୍‌ଟର୍‌ ମରନ୍‌ ଆରି ମରିକରି ଉର୍‌ବାଟା । ୨୬-୨୮

ଜିସୁର୍‌ ଆନିଦାଦିମନର୍‌ ନାଉଁ ତାଲିକା (ଲୁକ୍‌ ୩:୨୩-୩୮)

୧ ଏଟା ଅଇଲାନି ଜିସୁକିରିସ୍‌ଟର୍‌ ଆନିଦାଦିମନର୍‌ ନାଉଁ ତାଲିକା । ସେ ଦାଉଦ୍‌ ବର୍‌ସର୍‌ ରଇଲା ଆରି ଦାଉଦ୍‌ ଅବ୍ରାଆମ୍‌ ବର୍‌ସର୍‌ ରଇଲା ।

୨ ଅବ୍ରାଆମ୍‌ ପଅ ଇସାକ୍‌, ଇସାକ୍‌ ପଅ ଜାକୁବ୍‌, ଜାକୁବ୍‌ ପଅ ଜିଉଦା ଆରି ତାର୍‌ ବାଇମନ୍ । ୩ ଜିଉଦା ପେରସ୍‌ ଆରି ଜେରଥର୍‌ ବାବା ରଇଲା, ତାକର୍‌ ମାଆ ଅଇଲାନି ତାମର୍‌ । ପେରସ୍‌ ପଅ ଏସ୍‌ରନ୍ । ୪ ଏସ୍‌ରନ୍‌ ପଅ ଆରାମ୍‌, ଆରାମ୍‌ ପଅ ଅମିନାଦବ୍‌ ଅମିନାଦବ୍‌ ପଅ ନଅସନ୍‌, ନଅସନ୍‌ ପିଲା ସଲ୍‌ମନ୍‌ ୫ ସଲ୍‌ମନ୍‌ ପଅର୍‌ ନାଉଁ ବୟଜ୍‌, ବୟଜ୍‌ ମାଆ ରାଥ୍‌ । ବୟଜ୍‌ ପଅର୍‌ ନାଉଁ ଅବେଦ୍‌ ଆରି ଅବେଦ୍‌ ମାଆର୍‌ ନାଉଁ ରୁଡ୍‌ । ଅବେଦ୍‌ ପଅ ଜସୟ୍‌,

୬ ଦାଉଦ୍‌ ରାଜାର୍‌ ସାସନ୍ ବେଲେ ଅନି ଜେଡେବଲ୍‌ ଇସ୍ରାଏଲ୍‌ ଲକ୍‌ମନ୍‌କେ ବାବିଲନ୍‌ ଦେସେ ବାଦି ନେଇରଇଲା ଜାକ ସେଡ୍‌କି ଆନିଦାଦିମନର୍‌ ତାଲିକା ଆଟେ । ଜସୟ୍‌ ପଅ ଦାଉଦ୍‌ ରାଜା । ଉରିୟର୍‌ ମାଇଜିର୍‌ ପେଟେ ଅନି ସଲ୍‌ମନ୍‌କେ ଜନମ୍‌ ଦେଲା, ୭ ସଲ୍‌ମନ୍‌ ପଅ ରିଅବିୟାମ୍‌ ରିଅବିୟାମ୍‌ ପଅ ଅବିୟ୍‌ । ୮ ଅବିୟ୍‌ ପଅ ଆସା, ଆସାର୍‌ ପଅ ଜିଅସାପର୍‌, ଜିଅସାପର୍‌ ପଅ ଜରାମ୍‌, ଜରାମ୍‌ ପଅ ଉଜିୟ୍‌ । ୯ ଉଜିୟ୍‌ ପଅ ଜତାମ୍‌, ଜତାମ୍‌ ପଅ ଆଥସ୍‌, ଆଥସ୍‌ ପଅ ଇଜକିୟ୍‌ । ୧୦ ଇଜକିୟ୍‌ ପଅ ମନସେଅ, ମନସେଅର୍‌ ପଅ ଆମନ୍‌, ଆମନ୍‌ ପଅ ଜସିୟ୍‌ । ୧୧ ଜସିୟ୍‌ ବାବିଲନ୍‌ ନଅରେ ବାସା ଅଇରଇଲା ବେଲେ, ଜିକନିୟ୍‌ ଆରି ତାର୍‌ ବାଇମନ୍‌ ଜନମ୍‌ ଅଇଲାଇ ।

୧୨ ବାବିଲନେ ବସିଅଇ ସାର୍‌ଲା ପଟେଅନି ଜିସୁର୍‌ ଜନମ୍‌ ଜାକ ଏଡ୍‌କି ଆନିଦାଦିମନର୍‌ ତାଲିକା ଆଟେ । ଜିକନିୟ୍‌ ବାବିଲନେ ବାସାଅଇରଇଲା ବେଲେ, ସଲ୍‌ଟିଏଲ୍‌ ଜନମ୍‌ ଅଇଲା, ସଲ୍‌ଟିଏଲ୍‌ ପଅ ଜିରୁବାବେଲ୍‌, ୧୩ ଜିରୁବାବେଲ୍‌ ପଅ ଅବିଉଦ୍‌, ଅବିଉଦ୍‌ ପଅ ଏଲିୟାକିମ୍‌, ଏଲିୟାକିମ୍‌ ପଅ ଅଜୁର୍‌ । ୧୪ ଅଜୁର୍‌ ପଅ ସାଦକ୍‌, ସାଦକ୍‌ ପଅ ଆକିମ୍‌, ଆକିମ୍‌ ପଅ ଏଲିଉଦ୍‌, ଏଲିଉଦ୍‌ ପଅ ଏଲ୍‌ଜାନ୍‌, ଏଲ୍‌ଜାନ୍‌ ପଅ ମଡ୍‌ତାନ୍‌ । ୧୫ ମଡ୍‌ତାନ୍‌ ପଅ ଜାକୁବ୍‌, ଜାକୁବ୍‌ ପଅ ଜସେପ୍‌ । ୧୬ ଏ ଜସେପ୍‌ ମରିୟମ୍‌କେ ବିବା ଅଇରଇଲା । ମରିୟମ୍‌ ପେଟେଅନି ଜିସୁ ଜନମ୍‌ ଅଇରଇଲା । ଜିସୁ କିରିସ୍‌ଟକେ ମସିଅ ବଲି ମିସା ନାଉଁ ଆଟେ ।

୧୭ ଏନ୍ତାରି ଅବରାଆମର୍ତ୍ତେଇ ଅନି ଦାଉଦ ରାଜାର ଜାକ ଚଉଦ ଉତାର, ଦାଉଦର୍ତ୍ତେଇ ଅନି ବାବିଲନ୍ଦ ବନ୍ଦିରଇଲା ଜାକ ଚଉଦ ଉତାର, ଆରି ବାବିଲନେ ବନ୍ଦିଅଇରଇଲା ବେଲେଅନି ଜିସୁକିରିସ୍ତର୍ ଜନମ୍ ଜାକ ଚଉଦ ଉତାର ।

ଜିସୁର୍ ଜନମ୍ ବିସଇ
(ଲୁକ୍ ୨:୧-୭)

୧୮ *ଏଟା ଅଇଲାନି ଜିସୁ କିରିସ୍ତର୍ ଜନମ୍ ବିସଇ । ଜିସୁର୍ ମା ମରିୟମ୍ ସଙ୍ଗ୍ ଜସେପ୍ ନାଉର୍ ଗଟେକ୍ ଦାଙ୍ଗ୍ତାର ପାଇ ବିବା ମାଙ୍ଗନ୍ ଅଇରଇଲା । ମାତର୍ ସେମାନର୍ ବିବା ନ ଅଇତେ ସୁକଲ୍ ଆତ୍ମାଲ ଅନି ଗାଗତେ ଅଇରଇବାଟା ମରିୟମ୍ ଜାନିପାରଲା । ୧୯ ଜସେପ୍ ଗଟେକ୍ ଦରମ୍ ଲକ୍ ରଇଲା ଆରି ସବୁବେଲେ ସତ୍ କାମ୍ କର୍ତ୍ତେରଇଲା । ଆରି ମରିୟମ୍ କେ ଲକ୍ମନର୍ ଟାନେ ନିନ୍ଦା କାତା ସୁନାଇବାକେ ମନ୍ ନ କର୍ତ୍ତେ ରଇଲା । ସେଟାରପାଇ କେ ନାଜାନ୍ତେ ତାର ବିବା ମାଙ୍ଗନ୍ ପିଟାଇଦେବାକେ ଉପାଇ ପାଁଟ୍ତେ ରଇଲା । ୨୦ ସେ ଏନ୍ତ୍ର ଉପାଇ ପାଁଟ୍ତା ବେଲେ, ଜସେପ୍ କେ ଗଟେକ୍ ପର୍ମେସରର୍ ଦୁଡ୍ ସପନେ ଦେକାଇ ଅଇ କଇଲା, ଏ ଦାଉଦର୍ ନାତିର୍ ତିତି ଜସେପ୍, ତରନାଇ । ମରିୟମ୍ କେ ମାଇଜି କରି ସଙ୍ଗ୍ । କାଇକେବଇଲେ ସୁକଲ୍ ଆତ୍ମାଲ ଅନି ସେ ଗାଗତେ ଅଇଲାଆଟେ ।

୨୧ *ତାରଟାନେଅନି ଗଟେକ୍ ପିଲା ଜନମ୍ ଅଇସି, ତମେ ତାକେ ଜିସୁ ବଲି ନାଉଁ ଦିଆସ୍, କାଇକେବଇଲେ ସେ ତାର ଲକ୍ମନକେ ସେମାନର୍ ପାପେଅନି ଉଦାର କର୍ସି ।

୨୨ ଆଇବା ଦିନମନକେ କାଇଟା ଅଇସି ବଲି, ପର୍ମେସର ଗଟେକ୍ ବବିସ୍ତବକ୍ତାକେ ପାଟାଇ ଜନ୍ କାତା ସୁନାଇରଇଲା, ସେଟା ପୁରାପୁରୁନ୍ ଅଇବାକେ ଏ ସବୁ ଅଇଲା । ୨୩ ଗଟେକ୍ ଦାଙ୍ଗ୍ତି ଗାଗତେ ଅଇ ପିଲା ଜନମ୍ କର୍ସି, ଆରି ସେ ପିଲା ଲକ୍ମନର୍ ଟାନେ ଇମାନ୍ୟଲ୍ ବଲି ନାମାଇ ଅଇସି, ଏ ନାଉଁର୍ ଅରଡ୍ ଅଇଲାନି, ପର୍ମେସର ଆମର୍ ସଙ୍ଗ୍ ଆଟେ ।

୨୪ ଜସେପ୍ ସଇଲା ଟାନେଅନି ଉଟି, ପର୍ମେସରର୍ ଦୁଡ୍ ଜେନ୍ତ୍ର କଇରଇଲା, ସେନ୍ତ୍ର କଲା । ମରିୟମ୍ କେ ବିବା ଅଇଲା । ୨୫ *ମାତର୍ ସେ ପିଲା ଜନମ୍ ନ ଅଇବା ଜାକ ମରିୟମ୍ ସଙ୍ଗ୍ ସୁଆବସା କରେନାଇ । ଜସେପ୍ ସେ ପିଲାକେ ଜିସୁ ବଲି ନାଉଁ ଦେଲା ।

୨

ପୁରୁବ୍ ଦେସର୍ ପଣ୍ଡିତମ୍ ଆଇବାଟା

୧ ଏରଦ୍ ରାଜାର ସାସନ୍ ବେଲେ, ଜିଉଦା ରାଇଜର୍ ବେଡ୍ଲିଇମେ ଜିସୁ ଜନମ୍ ଅଇଲା । ଜନମ୍ ଅଇ ଚନେକ୍ ଜିବାକେ ପୁରୁବ୍ ଦେସର୍ କେତେଟା ତାରାର ବିସଇ ପଡ୍ତେ ରଇବା ପଣ୍ଡିତମ୍ ଜିରୁସାଲାମେ ଆସି ପାଟାରଲାଇ, ୨ “ଜନ୍ ପିଲା ଜିଉଦିମନର୍ ରାଜା ଅଇବାକେ ଜନମ୍ ଅଇଲାଆଟେ, ସେ କନ୍ତ୍ର ଆଟେ ? କାଇକେବଇଲେ ଆମେ ପୁରୁବ୍ ଦେସେ ତାର ତାରା ଦେକି ତାକେ ପୁଜା କର୍ବାର ଆସିଆରୁ ।”

୩ ପଣ୍ଡିତମନର୍ କାତା ସୁନି ଏରଦ୍ ରାଜା ଆରି ତାର ସଙ୍ଗ୍ ରଇବା ଜିରୁସାଲାମର୍ ଲକ୍ମନର୍ ସବୁ କିଲ୍ବିଲ୍ ଅଇଗଲାଇ । ୪ ଆରି ଏରଦ୍ ସବୁ ମୁକିଅ ପୁଜାରିମନକେ ଆରି ସାସ୍ତର୍ ସିକାଉମନକେ ତାକାଇ କରି, “ମସିଅ ଜେ କି କିରିସ୍ତ କନ୍ ଜାଗାଇ ଜନମ୍ ଅଇଆଟେ ?” ସେଟା ସେମାନର୍ତ୍ତେଇ ଅନି ବୁଜ୍ବାକେ ଚେସ୍ଟା କଲା ।

୫ ପଣ୍ଡିତମ୍ ଏରଦ୍ ରାଜାକେ କଇଲା, ଜିଉଦା ରାଇଜର୍ ବେଡ୍ଲିଇମ୍ ଗତେ, ଜନ୍ଟାକି ଗଟେକ୍ ବବିସ୍ତବକ୍ତା ଏନ୍ତାରି ଲେକିଆଟେ । ୬ ଏ ଜିଉଦା ଦେସର୍ ବେଡ୍ଲିଇମ୍, ତୁଇ ଜିଉଦା ରାଇଜର୍ ମୁକିଅ ଗଡ୍ମନର୍ତ୍ତେଇ ଅନି ସାନ୍ ନଉଁସ୍,

କାଇକେବଇଲେ ମର୍ ଇସ୍ରାଏଲର୍ ଲକ୍ମନକେ ବାଟ୍ ଦେକାଇସି, ଏନ୍ତାରି ଗଟେକ୍ ସାସନ୍କାରିଆ ତର୍ତ୍ତେଇଅନି ଉବଜ୍ସି ।

୭ ଏଟା ସୁନି କରି ଏରଦ୍ ରାଜା ସେ ପଣ୍ଡିତମନକେ ଲୁଡ୍ତେ ତାକାଇ, ତାରା କନ୍ ବେଲାଇ ଉଦିରଇଲା, ସେମାନର୍ତ୍ତେଇ ଅନି ଚିକ୍ ସଙ୍ଗ୍ ବୁଜିନେଲା । ୮ ତାର୍ପତେ ସେମାନକେ କଇ ପାଟାଇଲା, “ତମେ ଜାଆ ଆରି ବେଡ୍ଲିଇମେ ସେ ପିଲାକେ ନିମାନ୍ କରି କଜିଦେକା, ଆରି ପିଲା ମିଲ୍ଲେସରି ମକେ ଜାନାଆ ମୁଜି ମିସା ଜାକ ତାକେ ଦର୍ସନ୍ କର୍ବି ।”

* ୧:୧୮ ୧:୧୮ ଲୁକ୍ ୧:୨୭ * ୧:୨୧ ୧:୨୧ ଲୁକ୍ ୧:୩୧ * ୧:୨୫ ୧:୨୫ ଲୁକ୍ ୨:୨୧

୯ ପଣ୍ଡିତମନ୍ ରାଜାର କାତା ସୁନି ସେ ଜାଗାଇଅନି ବାରିଗାଲା । ଗାଲାବେଳେ ଏଦେ ଦେକା ! ସେମନ୍ ପୁରୁବ୍ ଦେସେ ଜନ୍ ତାରା ଦେକି ରଇଲା, ସେ ତାରା ଆରି ତରେକ୍ ଡିସ୍ଲା । ୧୦ ସେମନ୍ ତାରା ଦେକି ବେସି ସାନ୍ଦା ଅଇଗାଲା । ତାରା ସେମନ୍ ଆଗେ ଜାକକରି ଜିସୁ ରଇଲା ଜାଗା ଉପରେ ଅଟକିଗାଲା । ୧୧ ପଣ୍ଡିତମନ୍ ସେ ଗର୍ ବିତ୍ତରେ ପୁରି ପିଲାକେ ତାର୍ ମା ମରିୟମ୍ ସଙ୍ଗ୍ ରଇଲାଟା ଦେକି, ତାକେ ମାଣ୍ଡିକୁଟା ଦେଇ ଜୁଆର୍ କଲା, ଆରି ଆନିରଇବା ସୁନା, କୁନ୍ଦୁରୁ ଆରି ଗନ୍ରସ୍ ବେଟି, ପିଲାକେ ଦେଲା ।

୧୨ ପଟେ ସେମନ୍ ଏରଦର୍ ଲଗେ ଆରିତରେକ୍ ନ ଜାକକରି ବିନ୍ ବାଟେ ନିଜର୍ ଦେସେ ବାଉଡି ଗାଲା । କାଜକେବଇଲେ ଏରଦର୍ ଟାନେ ଆରିତରେକ୍ ବାଉଡି ନ ଜିବାକେ ପର୍ମେସର୍ ସେମନ୍କେ ସପ୍ନେ ଆଦେସ୍ ଦେଇରଇଲା ।

ମିସର୍ ଦେସେ ଜିବାଟା

୧୩ ପଣ୍ଡିତମନ୍ ଗାଲାପଟେ, ପର୍ମେସରର୍ ଗଟେକ୍ ଦୁଡ୍ ଜସେପ୍କେ ସପ୍ନେ ଦର୍ସନ୍ ଦେଇ କଇଲା, “ଉଟ୍, ପିଲାକେ ଆରି ତାକର୍ ଆୟାକେ ଦାରି ମିସର୍ ଦେସେ ଦାପ୍ରେ ଉଟିଜା । ଏରଦ୍ ପିଲାକେ ମରାଇବାକେ କଜିଗୁଲ୍ସି । ମୁଇ ସେ ଜାଗା ଚାଡା ବଲି ନ କଇବା ଜାକ ତେଇସେ ରୁଆ ।”

୧୪ ଏ କାତା ସୁନି ଜସେପ୍ ସେ ରାତି, ପିଲାକେ ଆରି ତାର୍ ମାକେ ଦାରି ମିସର୍ ଦେସେ ଉଟିଗାଲା । ୧୫ ଏରଦ୍ ରାଜା ମର୍ବା ଜାକ ମିସର୍ ଦେସେସେ ରଇଲା, ଜେନ୍ତାର୍ କି ବବିସ୍ତବକ୍ତା କଇରଇଲା ମାପ୍ପରୁର୍ ବାକିଅ ସିଦ୍ ଅଇଲା, ମର୍ ପିଲାକେ ମୁଇ ମିସର୍ ଦେସେଅନି ତାକି ଆନ୍ଲି ।

ପିଲାମନ୍କେ ମରାଇବାଟା

୧୬ ପୁରୁବ୍ ଦେସେଅନି ଆସିରଇଲା ପଣ୍ଡିତମନ୍ ତାକେ ନାତାଇ କରି ଉଟିଗାଲା ଆତଡ୍ ବଲି ଜାନି, ଏରଦ୍ ବେସି ରିସା ଅଇଗାଲା । ବେଡ୍ଲିକମ୍ ଆରି ସେ ଲଗେ ପାକେ ରଇବା ଦୁଇ ବରସ୍ ଅନି ତଲେ ରଇଲା ସବୁ ପିଲାମନ୍କେ ମରାଇବାକେ ଆଦେସ୍ ଦେଲା । ପଣ୍ଡିତମନ୍ ଟାନେଅନି ତାରା ଡିସ୍ତେ ରଇବା ବେଲା ସେ ଜାନିରଇଲା । ସେ ଇସାବେ ପିଲାମନ୍ ବରସ୍ ଟିକି କରିରଇଲା ।

୧୭ ଏନ୍ତି ଅଇଲାଜେ ଜିରିମିୟ ବବିସ୍ତବକ୍ତା କଇଲା ଏ ବାକିଅ ପୁରାପୁରୁନ୍ ଅଇଲା । ସେ ଏନ୍ତି କଇରଇଲା,

୧୮ ରାମା ନାଉର୍ ସଅରେ

ମାର୍ତପ୍ ଅଇ କାନ୍ଦବାଟା ସୁନି ଅଇଲାନି,
 ରାଏଲ୍ ତାର୍ ପିଲାମନ୍ ପାଇ କାନ୍ଦଲାନି ।
 ତାକେ ଜେଡେକ୍ ବୁଜାଇଲେ ମିସା ବୁଜେନାଇ ।
 କାଜକେବଇଲେ ତାର୍ ପିଲାମନ୍ ସବୁ ମରିଜାଇରଇଲା ।

ମିସର୍ ଦେସେଅନି ବାଅଡ୍ବାଟା

୧୯ ଏରଦ୍ ମଲାପଟେ, ଏଦେ ଦେକା ! ମାପ୍ପରୁର୍ ଗଟେକ୍ ଦୁଡ୍ ମିସର୍ ଦେସେ ଜସେପ୍କେ ଦର୍ସନ୍ ଦେଇ କଇଲା, ୨୦ “ଉଟ୍ ଆରି ବାରଇକରି, ଦୁଇ ମାଆ ପିଲାକେ ଇସ୍ରାଏଲ୍ ଦେସେ ଦାରିଜା । କାଜକେବଇଲେ ଜନ୍ ଲକ୍ମନ୍ କି ପିଲାର୍ ଜିବନ୍ ନେବାକେ ଚେସ୍ଟା କର୍ତେରଇଲା, ସେମନ୍ ମରିଗାଲା ଆତଡ୍ ।” ୨୧ ଜସେପ୍ ଏ କାତା ସୁନି ଜିସୁ ଆରି ତାର୍ ମାଆ ମରିୟମ୍ ସଙ୍ଗ୍ ବାରଇକରି ଇସ୍ରାଏଲ୍ ଦେସେ ବାଉଡି ଆଇଲା ।

୨୨ ମାତର୍ ଜସେପ୍, ଏରଦର୍ ପଟେ ତାର୍ ପଥ ଆରକିଲାୟ୍ ଜିଉଦା ରାଜର୍ ରାଜା ଅଇଆଟେ ବଲି ସୁନିକରି ତେଇ ଜିବାକେ ଡରୁଲା । ୨୩ ମାତର୍ ଆରିଗଟେକ୍ ବିନ୍ ସପ୍ନ ଇସାବେ ଗାଲିଲି ଦେସେ ଜାକକରି ନାଜରିଡ୍ ନାଉର୍ ଗଡେ ବାସା ଅଇ ରଇଲା । ଜେନ୍ତାର୍ କି ବବିସ୍ତବକ୍ତା କଇଲା ଏ ବାକିଅ ସିଦ୍ ଅଇଲା । ସେ ଏନ୍ତି ବଲି କଇରଇଲା, “ସେ ନାଜରିଡିୟା ବଲି ତାକ୍ପୁଟା ଅଇସି ।”

୩

ତୁବନ୍ ଦେଉ ଜଅନର୍ ବିସଇ
 (ମାର୍କ ୧:୧-୮; ଲୁକ୍ ୩:୧-୧୮; ଜଅନ୍ ୧:୧୯-୨୮)

୧ ସେବେଲେ ତୁବନ୍ ଦେଉ ଜଅନ୍ ଜିଉଦା ରାଜର୍ ମରୁବାଲି ବୁର୍ସ୍ ଆସି ଜାନାଇବାର୍ ଦାରୁଲା । ୨ *ସେ ଏନ୍ତି ବଲି କଇତେରଇଲା, “ପାପ୍ଟାନେଅନି ବାଉଡା, କାଜକେବଇଲେ ସରଗ୍ ରାଇଜ୍ ଲଗେ

* ୨:୨୩ ୨:୨୩ ମାର୍କ ୧:୨୪; ଲୁକ୍ ୨:୩୯; ଜଅନ୍ ୧:୪୫ * ୩:୨ ୩:୨ ମାତ୍ରି ୪:୧୦; ମାର୍କ ୧:୧୫

କେବୁଲାନି ।”^୩ ଜିସାଇୟ ବବିସଡ଼ବକଡ଼ା ଜନ୍ ଲକର୍ ବିସଇନେଇ ଏ ବାକିଅ କଇରଇଲା, ଜଅନ ସେ, ସେ ଲକ୍ ।

ମରୁବାଲି ବୁଏଁ ଗଟେକ୍ ଲକ୍ ଆକ୍ମାରି କଇଲାନି,

“ମାପରୁର ବାଟ୍ ତିଆର୍ କରା,

ସେ ଆଇବାକେ ଗଟେକ୍ ସଲକ୍ ବାଟ୍ କରା ।”

^୪ ଜଅନ୍ ପିନ୍ଦବାଟା ଉର୍ ଚାମ୍ ସଙ୍ଗ୍ ତିଆର୍ ଅଇ ରଇଲା । ଆରି ଚାମ୍ ଆଁଟାବେଡ଼ା ବାନ୍ଦିଅଇତେ ରଇଲା । ସେ ଚିଟ୍ ବା ଆରି ବନେ ରଇବା ମୁତ୍ କାଇତେରଇଲା ।

^୫ ସେ ବେଲେ ଜିରୁସାଲମ୍ ଅନି ଗୁଲାଇ ଜିତଦା ଦେସ୍ ଆରି ଜର୍ଦଦନର୍ ପାକର୍ ସବୁଟାନର୍ ଲକ୍ମନ୍ଦ ବାରଇ ଜଅନର୍ ଲଗେ ଆଇତେରଇଲା ।^୬ ଆରି ନିଜର୍ ନିଜର୍ ପାପ୍ କଲାଟା ମାନିଅଇକରି ଜଅନର୍ ଗାନ୍ ଜାଇ ଜର୍ଦଦନ ଗାତେ ତୁବନ୍ ନେଇତେ ରଇଲା ।

^୭ ମାତର୍ ପାରୁସି ଆରି ସାତୁକ୍ ମନର୍ ବିଡ଼ରେ ଅନି ମିସା କେତେକ୍ ଲକ୍ ତୁବନ୍ ନେବାକେ ଆଇବାଟା ଦେକି ଜଅନ୍ ସେମନ୍ଦକେ କଇଲା, “ଏ ବେସି ବିସରଇବା ସାଁପର୍ ପାରା ବସ୍ତର୍ ଲକ୍ମନ୍ଦ, ପର୍ମେସରର୍ ଗାନେଅନି ଆଇବା ତଣ୍ଡୁତେଇ ଅନି ପାଲାଇବାକେ ତମ୍ କେ କେ ଚେଡ଼ନା ଦେଲା ?” ଡେବର୍ ପାଇ, ଜଦି ପାପ୍ କାମ୍ କରବାଟା ଗାଡ଼ିଆଟାସ୍, ସେନ୍ତାଆଲେ ନିକ କାମ୍ କରି ଦେକାଆ ।^୮ ଅବରାଆମ୍ ଆମର୍ ପୁର୍ବର୍ ଆନିଦାଦି ବଲି କଇଲେ ତମ୍ କେ ପର୍ମେସର୍ ଦେବା ତଣ୍ଡୁ ନ ମିଲେ ବଲି ବାବା ନାଇ । ମୁଇ ତମ୍ କେ କଇଲିନି, ପର୍ମେସର୍ ପାକ୍ନାତେଇ ଅବରାଆମର୍ ବସ୍ ତିଆର୍ କରସି ।^୯ ଆରି ଏବେ ମିସା ଗର୍ମନର୍ ବୁଦେ ଚେଙ୍ଗିଆ ଲାଗିଆତେ । ଜନ୍ ଗର୍ ନିକ ପଲ୍ ନ ପଲେ, ସେଟା କାଟିକରି ଜଇଟାନେ ପିଙ୍ଗା ଅଇସି ।^{୧୦} ମୁଇ ସିନା ତମ୍ କେ ପାପେଅନି ମନ୍ ବଦ୍ଲାଇଲାଟା ଦେକାଇଅଇବାକେ ବଲି ପାନିତେଇ ତୁବନ୍ ଦେଲିନି, ମାତର୍ ମର୍ ପଟେ ଜେ ଆଇଲାନି, ସେ ତମ୍ କେ ସୁକ୍ଲଆଡ଼ମାଇ ଆରି ଜଇଟାନେ ତୁବନ୍ ପାଣ୍ଡୁଇ ମିସା ଦାରି ନେବାର୍ ମର୍ ଅଦିକାର୍ ନାଇ, ସେ ତମ୍ କେ ସୁକ୍ଲଆଡ଼ମାଇ ଆରି ଜଇଟାନେ ତୁବନ୍ ଦେଇସି ।^{୧୧} ଉତାଲି କରି ପର୍ ବେଗଲାଇ ନିକଟାକେ ସଙ୍ଗାଇବାକେ ତାର୍ ଆତେ କୁଲା ଆତେ । ନିକଟା ତାର୍ କଲ୍ କିତେଇ ସଙ୍ଗଇସି ଆରି ବେଗଲାଲ୍ ପର୍ ସବୁଦିନେ ଲାଗ୍ତେରଇବା ଜଇଟାନେ ପିଙ୍ଗିଦେଇସି ।”

ଜିସୁର୍ ତୁବନ୍
(ମାର୍ଚ୍ଚ ୧:୧୨-୧୩; ଲୁକ୍ ୪:୧-୧୩)

^୩ ସେଡ଼କିବେଲେ ଜିସୁ ଜଅନର୍ ଲଗେ ତୁବନ୍ ନେବାକେ ଗାଲିଲି ଅନି ଜର୍ଦଦନ ଗାତେ ଆଇଲା,
^୪ ମାତର୍ ଜଅନ୍ ଜିସୁକେ ମନାକରି କଇଲା, “ମୁଇ ସିନା ତମ୍ ଲଗେ ତୁବନ୍ ନେବାର୍ ଆତେ, ମାତର୍ ତମେ ମର୍ ଲଗେ ଆଇଲାସି ?”

^୫ ମାତର୍ ଜିସୁ ତାକେ କଇଲା, “ମର୍ କାତାଇ ରାଜି ଅଇ ଜା । କାଇକେବଇଲେ ଏଟାର୍ ଲାଗି ଆମେ ପର୍ମେସର୍ ମନ୍ କରିରଇବା କାମ୍ କରିଅଇସି ।” ସେଟାର୍ ପାଇ ଜଅନ୍ ତାକେ ତୁବନ୍ ଦେବାକେ ରାଜି ଅଇଲା ।

^୬ ଜିସୁ ତୁବନ୍ ନେବାକେ ପାନି ବିଡ଼ରେ ବୁଡ଼ି ବାରଇଲା ଦାପ୍ରେ ଏଦେ ଦେକା ! ସରଗ୍ ଉଗାଡ଼ି ଅଇ ରଇଲାଟା ଦେକଲା । ଆରି ପର୍ମେସରର୍ ଆଡ଼ମା ପରୁଆ ପାରା ଅଇ ଜିସୁର୍ ଉପରେ ଉଡ଼ରଲା ।
^୭ ଆରି ଦେକା ଆକାସେ ଅନି ଏକ୍ରି କାତା ଆଇଲା “ଏ ମର୍ ଆଲାଦର୍ ପିଲା, ତର୍ ଗାନେ ମୁଇ ବେସି ସାର୍ ଦା ।”

୪

ସଇତାନ୍ ଜିସୁକେ ପରିକା କରବାଟା
(ମାର୍ଚ୍ଚ ୧:୧୨-୧୩; ଲୁକ୍ ୪:୧-୧୩)

^୧ ତାର୍ ପଟେ ସୁକ୍ଲଆଡ଼ମା ଜିସୁକେ ମରୁବାଲି ବୁଏଁ ଡାକିନେଲା । ତେଇ ସଇତାନ୍ ତାକେ ପରିକା କଲା ।^୨ ଜିସୁ ଚାଲିସ୍ ଦିନ୍ ଚାଲିସ୍ ରାତି ଉପାସ୍ ରଇକରି ବିତାଇଲା ପଟେ, ତାକେ ବେସି ବୁକ୍ କଲା ।^୩ ସେଡ଼କିବେଲେ ସଇତାନ୍ ତାର୍ ଲଗେ ଆସି କଇଲା “ତୁଇ ଜଦି ପର୍ମେସରର୍ ପଅ, ତେବେ ଏ ପାକ୍ନାମନ୍ ‘ରୁଚି ଅଇଜା’ ବଲି ଆଦେସ୍ ଦେସ୍ ।”

୩:୨ ୩:୩ ମାତ୍ରିର ୧:୩୪:୨୩:୩୩ ୩:୯ ୩:୯ ଜଅନ୍ ୮:୩୩ ୩:୧୦ ୩:୧୦ ମାତ୍ରିର ୭:୧୯ ୩:୧୭ ୩:୧୭ ମାତ୍ରିର ୧୨:୧୮:୧୭:୫; ମାର୍ଚ୍ଚ ୧:୧୧; ଲୁକ୍ ୯:୩୫ ୪:୧ ୪:୧ ଏବ୍ରି ୨:୧୮:୪:୧୫

୪ ମାତର୍ ଜିସୁ କଇଲା, “ସାସ୍ତରେ ଲେକାଆତେ ମୁନୁସ୍ ଅବକା ରୁଟି କାଇକରି ନ ବୈତେ, ମାତର୍ ପରମେସରର୍ ଗଣ୍ଡେ ଅନି ବାରଇବା ସବୁ ବାକିଅ ଗାନେ ବୈସି ।” ୫ ତେଇଅନି ସଇତାନ୍ ଜିସୁକେ ସୁକଲ୍ ଗଡ୍ ଜିରୁସାଲମାଠା ଦାକିନେଲା । ତେଇ ତାକେ ମନ୍ଦିର୍ ଚିପେ ଚିଆ କରାଇ କଇଲା, ୬ “ତୁଇ ଜଦି ପରମେସରର୍ ପଅ, ତେବେ ଇତିଅନି ତଲେ ଡେଗଇ ଦେସ୍, ସାସ୍ତରେ ଲେକା ଆତେ, “ପରମେସର୍ ତାର୍ ଦୁଡ଼ମନ୍କେ ତର ବିସଇନେଇ ଆଦେସ୍ ଦେଇସି,

ଆରି ସେମନ୍ ତକେ ଆତେ ଦାରି ଟେକ୍ବାଇ ।
ତେବେ ତର୍ ଗତେ ପାକ୍ନା ନ ପାଏ ।”

୭ ଜିସୁ ସଇତାନ୍କେ କଇଲା, “ ପରମେସରର୍ ସାସ୍ତରେ ଏଡ୍ରି ଲେକାଆତେ, ତୁଇ ତର୍ ମାପୁରୁ ପରମେସରକେ ପରିକା କରନାଇ ।”

୮ ତାର୍ ପତେ ସଇତାନ୍ ଜିସୁକେ ବେସି ଉର୍ ରଇବା ଗଟେକ୍ ତଙ୍ଗର୍ ଚିପେ ତାକି ଦାରିଗାଲା । ଆରି ଦୁନିଆର୍ ସବୁ ରାଇଜର୍ ଦନ୍ ସ୍ପିଚିତ ଦେକାଇ କଇଲା, ୯ “ତୁଇ ଜଦି ମକେ ମାଣ୍ଡିକୁଟା ଦେଇ ଜୁଆର୍ କରସୁ ବଇଲେ ମୁଇ ଏ ସବୁ ତକେ ଦେଇପାକାଇବି ।”

୧୦ ତେଇ ଜିସୁ ତାକେ କଇଲା “ମର୍ଗାନେଅନି ଦୁର୍ ଅ ସଇତାନ୍, ସାସ୍ତରେ ଲେକା ଆତେ, ତୁଇ ପରମେସରକେ ଜୁଆର୍ କରସୁ, ଆରି ତାକେସେ ସେବା କରସୁ ।” ୧୧ ତାର୍ପତେ ସଇତାନ୍ ଜିସୁକେ ଚାଡି ବାରିଗାଲା, ଆରି ଏଦେ ଦେକା ! ସରଗର୍ ଦୁଡ଼ମନ୍ ଆସି ଜିସୁକେ ସେବା କରବାର୍ ଦାର୍ଲାଇ ।

ଜିସୁ ଗାଲିଲି ରାଇଜେ ତାର୍ କାମ୍ ଆରାମ୍ କଲା
(ମାର୍ଚକ ୧:୧୪-୧୫; ଲୁକ୍ ୪:୧୪-୧୫)

୧୨ *ତାର୍ପତେ ତୁବନ୍ ଦେଉ ଜଅନ୍ ବନ୍ଦି ଅଇଲାଆତେ ବଲି ଜିସୁ ସୁନିକରି ଗାଲିଲି ଉଚି ଗାଲା ।

୧୩ *ତାର୍ ପତେ, ସେ ନାଜରିତ୍ ଚାଡି କରି ସବ୍ଲୁନର୍ ଆରି ନପ୍ତାଲିନ୍ ନାଉର୍ ଜାଗା ଲଗେ ରଇବା ଗାଡ୍ କଣ୍ଡି ରଇଲା, କପରନାଉମେ ଜାଇ ବାସା କଲା । ୧୪ ଜେନ୍ତାର୍ କି ଜିସାୟ୍ ବବିସ୍ତବକ୍ତାତ୍ ଏ କାତା ପୁରୁନ୍ ଅଇଲା । ସେ କଇରଇଲା,

୧୫ “ଜର୍ଦନ୍ ଗାଡ୍ ସେପାଟେ ସମ୍ପଦ୍ରେ ଜିବା ବାଟେ
ରଇଲା ସବ୍ଲୁନ୍ ଆରି ନାପ୍ତାଲି ନାଉର୍
ଦୁଇଟା ଦେସ୍, ଅବିସ୍ବାସି ମନର୍ ଗାଲିଲି !

୧୬ ଆନ୍ଦାରେ ରଇବା ଲକ୍ମନ୍ ବଡ୍ ଉଜଲର୍ ଦର୍ସନ୍ ଦେକ୍ବାଇ
ଆରି ମରନର୍ ଆନ୍ଦାରେ ରଇଲା
ଲକ୍ମନ୍ ଉପରେ ସେ ଉଜଲ୍ ଉଦ୍ସି ।”

୧୭ *ସେ ବେଲାଇ ଅନି ଜିସୁ କଇବାର୍ ଆରାମ୍ କରି ଜାନାଇବାର୍ ଦାର୍ଲା । ପାପ୍ କରବାତେଇଅନି ମନ୍ ବଦ୍ଲାଆ, ସରଗ୍ ରାଇଜ୍ ଲଗେ କେଟ୍ଲା ।

ଜିସୁ ଚାର୍ଟା କେଉଟ୍ମନ୍କେ ତାକ୍ଲା
(ମାର୍ଚକ ୧:୧୬-୨୦; ଲୁକ୍ ୫:୧-୧୧)

୧୮ ଜିସୁ ଗାଲିଲି ସମ୍ପଦ୍ରେ ପାଲି ରଇବା ଜାଗାମନ୍କେ ବୁଲ୍ବାବେଲେ ସିମନ୍ ଜାକେ କି ପିତର୍ ବଲି କଇବାଇ, ଆରି ତାର୍ ବାଇ ଆନ୍ଦିୟ୍, ଏ ଦୁଇ ଲକ୍ମକେ ବେଟ୍ ଅଇଲା । ଏ ଦୁଇ ବାଇ ଗାତେ ବଇଜାଲ୍ ମାରି ମାଟ୍ ଦାର୍ତେତେଇଲାଇ । ୧୯ ଜିସୁ ସେ ଦୁଇ ବାଇକେ ତାକି କଇଲା, “ମର୍ ସଙ୍ଗ୍ ଆସା, ମୁଇ ତମ୍କେ ଲକ୍ମମନ୍କେ ମାପୁରୁବାଟେ ଆନ୍ଦାଟା ସିକାଇବି ।” ୨୦ ସେଦାପ୍ରେ ସେମନ୍ ଜାଲ୍ ଚାଡି, ଜିସୁର୍ ପତେ ପଟେ ଗାଲାଇ ।

୨୧ ଜିସୁ ଆରି ତେଇଅନି କଣ୍ଡେକ୍ ଦୁର୍ ଆଗେ ଜାଇ ଜେବଦିର୍ ପଅ ଜାକୁବ୍ ଆରି ତାର୍ ବାଇ ଜଅନ୍କେ ବେଟ୍ ଅଇଲା । ସେଡ୍କିବେଲେ ଏ ଦୁଇବାଇ ତାକର୍ ବାବା ସଙ୍ଗ୍ ତଙ୍ଗାଇ ଜାଲ୍ ସାଜାଡ୍ତେ ରଇଲାଇ ।

୨୨ ଜିସୁ ସେମନ୍କେ ମିସା ତାକ୍ଲା ଆରି ସେମନ୍ ଦାପ୍ରେ ତଙ୍ଗା ଆରି ତାକର୍ ବାବାକେ ଚାଡିକରି ଜିସୁର୍ ସଙ୍ଗ୍ ଗାଲାଇ ।

ଜିସୁ ପରମେସରର୍ ବିସଇ ଜାନାଇ ନିମାନ୍ କରବାଟା
(ଲୁକ୍ ୬:୧୭-୧୯)

* ୪:୧୨ ୪:୧୨ ମାତ୍ରିକ ୧୫:୩; ମାର୍ଚକ ୬:୧୭; ଲୁକ୍ ୩:୧୯,୨୦ * ୪:୧୩ ୪:୧୩ ଜଅନ୍ ୨:୧୨ * ୪:୧୭ ୪:୧୭ ମାତ୍ରିକ ୩:୨

୨୩ *ଜିସୁ ଗାଲିଲିର ଗୁଲାଭବାଣେ ବୁଲି ବୁଲି ଜିଉଦିମନର ସବୁ ପାର୍ତନା ଗର୍ମମନକେ ସିକିଆ ଦେଇ, ପର୍ମେସରର ରାଇଜର୍ ବିସଇ ଜାନାଇଲା । ଆରି ବିନ୍ ବିନ୍ ରଗେ ରଇବା ଲକ୍ମନକେ ସବୁ ରକାମର ରଗ୍ ଆରି ସବୁ ଦୁକ୍ କସ୍ତ, ନିମାନ୍ କଲା । ୨୪ ସିରିଆ ଦେସର ଗୁଲାଭବାଣେ ତାର ନାଉଁ ଜାନଲାଇ ଆରି ଲକ୍ମନ ଡୁମା ଦାରିରଇବା, ମୁରତା ଅଇରଇବା, ଚେରେଙ୍ଗ୍ ଦାରି ରଇବା ଆରି ବିଆଦି ଦାରିରଇଲା ଲକ୍ମନକେ ତାରୁଲଗେ ଆନୁଲାଇ । ସେ ସବୁକେ ନିକ କଲା । ୨୫ ଆନି ରଇବା ସବୁ ଲକ୍ମନକେ ଜିସୁ ନିକ କଲା । ଗାଲିଲି ଅନି ଆରି ଦସ୍ତା ସଅରେଅନି, ଆରି ଜିରୁସାଲାମ୍, ଜିଉଦା ଆରି ଜର୍ଦନ୍ ସେବାଣେ ରଇଲା ଜାଗାମନରତେଇଅନି ବେସି ଲକ୍ମନ ଜିସୁର ସଙ୍ଗ ଗାଲାଇ ।

୫

ଜିସୁ ତଙ୍ଗର ଉପରେଅନି ସିକାଇବାଟ

୧ ଜିସୁ ଜବର ଲକ୍ମନ ତାରଗାଣେ ଆଇବାଟା ଦେକି ତଙ୍ଗର ଉପରେ ଜାଇ ବସଲା । ସିସମନ୍ ତାକେ ଚାରିବେଡ଼ି ଗେରି ରଇଲାଇ । ୨ ସେବେଲେ ଜିସୁ ସେମନକେ ସିକିଆ ଦେଇ କଇବାର୍ ଦାରୁଲା ।

କେନ୍ଦ୍ରାର ଲକ୍ମନର ନିକ କରମ୍ (ଲୁକ୍ ୬:୨୦-୨୩)

- ୩ “ଜନ୍ ଲକ୍ମନ ଆଡ଼ମାଇ କାକୁରତି ଅଇଆଚଡ଼, ସେମନର କେତେକ୍ ନିକ କରମ୍, କାଇକେବଇଲେ ସରଗ୍ ରାଇଜ୍ ତାକରଟା ।”
- ୪ ଦୁକେ ରଇବା ଲକ୍ମନର କେତେକ୍ ନିକ କରମ୍, କାଇକେବଇଲେ ପର୍ମେସର ସେମନର ଦୁକ୍ ସାରାଇସି ।
- ୫ ସୁଆଲେ ରଇବା ଲକ୍ମନର କେତେକ୍ ନିକ କରମ୍, କାଇକେବଇଲେ ସେମନ୍ ପର୍ମେସର ସପଡ଼ କରିରଇବା ବିସଇ ମିଲାଇବାଇ ।
- ୬ ଜନ୍ ଲକ୍ମନ ପର୍ମେସରର ମନ୍ କଲା ଇସାବେ କାମ୍ କରବାକେ ଆସା କରବାଇ, ତାକର୍ କେତେକ୍ ନିକ କରମ୍, କାଇକେବଇଲେ ପର୍ମେସର ସେମନକେ ସାର୍ଦା କରାଇସି ।
- ୭ ବିନ୍ ଲକ୍ମନକେ ଦୟା ଦେକାଇବା ଲକ୍ମନର କେତେକ୍ ନିକ କରମ୍, କାଇକେବଇଲେ ସେମନକେ ପର୍ମେସର ଦୟା କରୁସି ।
- ୮ ମନ୍ ବିଡ଼ରେ ନିର୍ମାଲ ରଇଲା ଲକ୍ମନର କେତେକ୍ ନିକ କରମ୍, କାଇକେବଇଲେ ସେମନକେ ପର୍ମେସରର ଦରୁସନ୍ ମିଲୁସି ।
- ୯ ସାନ୍ତ୍ରି ପାଇ କାମ୍ କରବା ଲକ୍ମନର କେତେକ୍ ନିକ କରମ୍, କାଇକେବଇଲେ ସେମନ୍ ପର୍ମେସରର ପିଲାଟକି ବଲି ନାମାଇ ଅଇବାଇ ।
- ୧୦ *ଜନ୍ ଲକ୍ମନ ପର୍ମେସରର ମନ୍ କଲା ଇସାବେ କାମ୍ କରି ଦୁକ୍ କସ୍ତ ପାଇବାଇ, ସେମନର କେତେକ୍ ନିକ କରମ୍, କାଇକେବଇଲେ ସରଗ୍ ରାଇଜ୍ ତାକରଟା ।
- ୧୧ *ମନେ ବିସବାସ୍ କରବାର୍ ଲାଗି ତମକେ ଲକ୍ମନ ନିଦା ଆରି କସ୍ତ ଦେବାଇ, ଆରି ରୁଗାଇ ତମର ବିରୁଦେ ମିର୍ କାତା କଇବାଇ, ନିଜକେ କେତେ କରମର ଲକ୍ ବଲି ମନେ କରା । ୧୨ *ସାର୍ଦା ଅଇ ସାର୍ଦାଲ ରୁଆ, କାଇକେବଇଲେ ସରଗେ ତମର ପାଇ ବଡ଼ ପୁରୁସ୍କାର୍ ସଙ୍ଗଇଲା ଆଚେ । ମନେରକା ସେନ୍ତାରି ତମର ଆଗଡ଼ୁ ରଇଲା ବବିସଡ଼ବକ୍ତାମନ୍ ମିସା ଦୁକ୍ପାଇ ରଇଲାଇ ।”

ନୁନ୍ ଆରି ଉଜଲ୍

(ମାର୍କ ୯:୫୦; ଲୁକ୍ ୧୪:୩୪-୩୫)

୧୩ *ତମେ ସବୁ ମୁନ୍ସୁ ଜାତିରପାଇ ନୁନ୍ ପାରା । ମାତର ନୁନ୍ ଜଦି ସୁଆଦ୍ ଆରାଇସି, ତେବେ ସେଟା କେନ୍ତ୍ର କରିଆ ଅଇସି ? ସେଟା ଆରି କାଇ କାମେ ନ ଆସେ, ତେବେ ତାକେ ବାଇରେ ପିଙ୍ଗି ଦେବାଇ ଆରି ସେଟା ଲକ୍ମନ ମାଣ୍ଡି ପାକାଇବାଇ ।”

୧୪ *ତମେ ଗୁଲାଇ ଜଗତର ପାଇ ଉଜଲ୍ ପାରା । ଜନ୍ ଗଡ଼ ତଙ୍ଗର ଉପରେ ତିଆର୍ ଅଇଲାଆଚେ, ସେଟା କେବେ ମିସା ଲୁଟି ରଇ ନାପାରେ । ୧୫ *କେ ମିସା ବଡ଼ି ତସାଇକରି ଆଣ୍ଡିତାବି ନ ସଙ୍ଗଅଡ଼ । ସେଟା

* ୪:୨୩ ୪:୨୩ ମାତ୍ରିର ୯:୩୫; ମାର୍କ ୧:୩୯ * ୫:୧୦ ୫:୧୦ ୧ ମ ପିତର ୩:୧୪ * ୫:୧୧ ୫:୧୧ ୧ ମ ପିତର ୪:୧୪ * ୫:୧୨ ୫:୧୨ ପେତ୍ରି ୭:୫୨ * ୫:୧୩ ୫:୧୩ ମାର୍କ ୯:୫୦; ଲୁକ୍ ୧୪:୩୪,୩୫ * ୫:୧୪ ୫:୧୪ ଜଅନ୍ ୮:୧୨:୯:୫ * ୫:୧୫ ୫:୧୫ ମାର୍କ ୪:୨୧; ଲୁକ୍ ୮:୧୨:୧୧:୩୩

ବଢ଼ିକୁଦରା ଉପରେ ସଙ୍ଗଢ଼ବାଲ ଆରି ଗରେ ରଇଲା ସବୁ ଲକ୍ଷକେ ଉଜଲ୍ ଦେଇସି । ୧୭ *ସେନ୍ତାରିସେ ତମର ଉଜଲ୍ ଲକ୍ଷମନରୁଟାଣେ ଉଜଲ୍ ତିସ । ସେନ୍ତାରିଆଲେ ତମର ସତ୍‌କାମ୍ ଦେକି ସେମନ୍ ସରୁଣେ ରଇବା ବାବା ପରୁମେସରର ଡାକ୍‌ପୁଟା କରୁବାଇ ।

ଚିତି ନିତି

୧୭ “ମୁଇ ମିସା, କରରଇବା ନିୟମ୍ କି ବାବବାଦିମନରୁ ଦରମ୍ ସାସ୍‌ତର ବୁଡ଼ାଇବାକେ ଆସିଆତି ବଲି ବାବା ନାଇ । ମୁଇ ସେଟା ବୁଡ଼ାଇବାକେ ଆସିନାଇ ମାତର ସିଦ୍ କରୁବାକେ ଆସିଆତି । ୧୮ *ମନେରକିରୁଆ, ମୁଇ ତମକେ ସତ୍ କଇଲିନି ସରଗ୍ ଆରି ଦରୁତନି ତବିରୁ ଅଇ ରଇବା ଜାକ ମସାରୁ ନିୟମରୁ ଗଟେକ୍ ଚିନ୍ ମିସା ନ ବୁଡେ । ସବୁ ବିସଇ ପୁରାପୁରୁନ୍ ନ ଅଇତେ ଏ ସବୁ ନ ଗଟେ । ୧୯ ତେବରୁପାଇ ଜେ ମିସା ନିୟମ୍ ତେଇ ରଇବା ସବୁଟାଣେଅନି ସାନ୍ ଆଦେସ୍ ନ ମାନେ ଆରି ସେନ୍ତ୍ର କରୁବାକେ ବିନ୍ ଲକ୍ଷମନକେ ସିକାଇସି, ସେ ସରଗ୍ ରାଇଜେ ସବୁଟାଣେଅନି ସାନ୍ ଲକ୍ ବଲି ଏଜାଇଅଇସି । ମାତରୁ ଜେ ନିୟମରୁ ସବୁ ବିସଇରୁ ସାନ୍ ଆଦେସ୍ ମାନସି ଆରି ସେଟା ବିନ୍ ଲକ୍ଷମନକେ ସିକାଇସି, ସେ ସରଗ୍ ରାଇଜେ ବଡ଼ ଲକ୍ ବଲି ଏଜାଇଅଇସି । ୨୦ କାଇକେବଇଲେ ମୁଇ ତମକେ କଇଲିନି, ସାସ୍‌ତରୁ ସିକାରୁମନ୍ ଆରି ପାରୁସିମନରୁତେଇଅନି ଅଦିକ୍ ବିସବାସ୍ ରଇ, ପରୁମେସରର ମନ୍ କଲା ଇସାବେ, କାମ୍ କଲେସେ ସରଗ୍ ରାଇଜେ ଜାଇପାରାସ୍ ।”

ରିସା ଅଇବା ବିସଇ ନେଇ ସିକିଆ

୨୧ “ତମେ ସୁନି ଆଗାସ୍ ଜେ, ପୁରୁବେଅନି ଲକ୍ଷମନକେ କୁଆଅଇଲା ଆରେ, ଲକ୍ଷକେ ମରାଇବାରୁ ନାଇ । ଆରି ଜେ ମରାଇସି ବଇଲେ ସେ ବିଚାରୁ କରାଇଅଇସି । ୨୨ ମାତରୁ ମୁଇ କଇଲିନି, ଜେ ମିସା ବାଇକେ ରିସା ଅଇସି, ତାକେ ସବାଟାଣେ ବିଚାରୁନା କରାଇଅଇସି । ଜେ ବାଇକେ ଏ ବେକାରୁଟାସେ ବଲି କଇସି, ତାକେ ବଡ଼ ସବାଟାଣେ ବିଚାରୁନା କରୁବାକେ ଆନ୍‌ବାଇ, । ଆରି ଜେ ବାଇକେ ଏ ବକୁଆଟାସେ ବଲି କଇସି, ତାରୁପାଇ ନରକରୁ ଜଇଟାଣେ ପିଙ୍ଗାଇଅଇବା ବିପଦ୍ ଆରେ । ୨୩ ସେଟାରୁପାଇ ତମେ ପରୁମେସରୁକେ ବେଦି ଟାଣେ ନିଜରୁ ଦାନ୍ ଦେଲା ବେଲେ, ତେଇ ତମରୁ ବିରୁଦେ ତମରୁ ବାଇରୁ କାଇମିସା କାତା ଆତେ ବଲି ମନେ ଏତାଇଲୁସ୍, ୨୪ ସେନ୍ତ୍ର ବଇଲେ ବେଦିଲଗେ ବଲିଦେବାଟା ସଙ୍ଗଇଦେଇ ବାରିଜା, ଆଗେ ନିଜରୁ ବାଇ ସଙ୍ଗ ମିସା, ତାରୁ ପଟେ ଆସି ତମରୁ ବଲି ଦିଆସ୍ ।”

୨୫ ଜଦି କେ ତମରୁ ବିରଦେ ତମକେ ବିଚାରୁ କରୁବା ଜାଗାଇ ଜିବାକେ ବାଦିଅ କରୁସି ବଇଲେ, ବିଚାରୁ ଜାଗାଇ ଜିବା ଆଗତୁ, ବେଲ୍ ରଇତେସେ ତାରୁ ସଙ୍ଗ ରାଜି ଅ । ନଇଲେ ବିଚାରୁ କରୁବା ଜାଗାଇ କେଟିଗାଲେ, ସେ ତମକେ ବିଚାରୁକରୁକେ ସରୁପି ଦେଇସି ଆରି ଅଇପାରେ ବିଚାରୁ କରୁ ତମକେ ବଦି ଗରେ ନେବାକେ ଜମାନକେ ସରୁପି ଦେଇସି ।

୨୬ ମୁଇ ତମକେ ସତ୍ କଇଲିନି, ତମରୁ ଉପରେ ଟିକ୍ ଅଇଲା ଜରିମନାରୁ ସାରାସାରି ଅଣା ମିସା ନ ଦେବା ଜାକ, ତେଇଅନି କୁଲାସ୍ ନ ଉଆସ୍ ।

ବେସିଆ କାମ୍ ବିସଇ ନେଇ ସିକିଆ

୨୭ “ବେସିଆ କାମ୍ କରାନାଇ, ତମେ ପୁରୁବେ ଅନି ଏ ଆଦେସ୍ ସୁନି ଆସିଆଗାସ୍ । ୨୮ ମାତରୁ ମୁଇ ତମକେ କଇଲିନି, ଜେ ମିସା ବିନ୍ ମାଇଜିକେ ବେସିଆକାମ୍ ଇସାବେ ଆଁକି ଦେକସି, ସେ ତାରୁ ସଙ୍ଗ ମନେ ମନେ ବେସିଆ କାମରୁ ଅପରାଦ୍ କଲାଆରେ । ୨୯ *ସେଟାରୁପାଇ ତମରୁ ଉଜାବାଟରୁ ଆଁକିରୁ ଲାଗି ତମେ ପାପକରିଆଗାସ୍, ତେବେ ସେଟା ବେଟି ପିଙ୍ଗି ଦିଆସ୍, କାଇକେ ବଇଲେ ତମରୁ ସବୁ ଗାଗଡ଼ ନରୁକେ ଜିବା ବାଦୁଲେ ଗଟେକ୍ ଆଁକି ନସ୍‌ଟ ଅଇବାଟା ତମରୁପାଇ ନିକ । ୩୦ *ଜଦି ତମରୁ ଉଜା ଆଡ଼ ତମକେ ପାପ୍ କାମ୍ କରାଇଲାନି ବଇଲେ, ସେଟା କାଟି ପିଙ୍ଗି ଦିଆସ୍, କାଇକେ ବଇଲେ ତମରୁ ସବୁ ଗାଗଡ଼ ନରୁକେ ଜିବା ବାଦୁଲେ ଗଟେକ୍ ଆଡ଼ ନସ୍‌ଟ ଅଇବାଟା ନିକ ।”

ଚାଡ଼ାମେଲା ବିସଇ ନେଇ ସିକିଆ

(ମାତ୍ରିକ ୧୯:୯; ମାରୁକ ୧୦:୧୧, ୧୨; ଲୁକ୍ ୧୬:୧୮)

୩୧ *ଜଦି କେ ମିସା ନିଜରୁ ମାଇଜିକେ ଚାଡ଼ିଦେବାକେ ମନ୍ କଲାନି, ସେ ତାକେ ରାଜିନାମା ପତରୁ ଲେକି ଚାଡ଼ିଦେଅ । ଏ ସିକିଆ ତମେ ଆଗତୁ ପାଇଆଗାସ୍ । ୩୨ *ମାତରୁ ମୁଇ କଇଲିନି, ଜେକି ନିଜରୁ

* ୫:୧୭ ୫:୧୭ ୧ମ ପିତରୁ ୨:୧୭ * ୫:୧୮ ୫:୧୮ ଲୁକ୍ ୧୬:୧୭ * ୫:୨୯ ୫:୨୯ ମାତ୍ରିକ ୧୮:୯; ମାରୁକ ୯:୪୭ * ୫:୩୦ ୫:୩୦ ମାତ୍ରିକ ୧୮:୮; ମାରୁକ ୯:୪୩ * ୫:୩୧ ୫:୩୧ ମାତ୍ରିକ ୧୯:୭; ମାରୁକ ୧୦:୪ * ୫:୩୨ ୫:୩୨ ମାତ୍ରିକ ୧୯:୯; ମାରୁକ ୧୦:୧୧, ୧୨; ଲୁକ୍ ୧୬:୧୮; ୧ମ କରନ୍ତ୍ରିୟ ୭:୧୦, ୧୧

ମାଛଜିକେ ବେସିଆ କାମ୍ ରାତି ଅଲ୍ଲଗା ଦସ୍ ଦାରି ରାତ୍ରିସି, ସେ ତାକେ ପାଦ୍ରି କରାଇବା ଅପରାଦେ ଦସିଅଇସି, ଆରି ଜେକି ରାତ୍ରିଲା ମାଛଜିକେ ବିବା ଅଇସି, ସେ ପାଦ୍ରିଆ ଅଇସି ।”

ପର୍ମାନୁ ବିସଇ ନେଇ ସିକିଆ

୩୩ “ତମେ ପୁରୁବ୍ କାଲେଅନି ଏ ସିକିଆ ସୁନି ଆଇଲାସୁନି, ପର୍ମାନୁ ବାଙ୍ଗା ନାଇ । ପର୍ମେସରୁର୍ ମୁଆଟେ ଜନ୍ ପର୍ମାନୁ କରିଆରାସ୍ ସେଟା ପୁରାପୁରୁନ୍ କରା । ୩୪ *ମାତ୍ରି ମୁଇ ତମକେ କଇଲିନି ସପତ୍ କର୍ବା ବେଲେ ପର୍ମାନୁ ନିୟମ୍ ପାକାଆ ନାଇ । ସରଗ୍ ନାଉଁ ଦାରି ରାନ୍ ପାକାଆ ନାଇ, କାଇକେବଇଲେ ସେଟା ପର୍ମେସରୁର୍ ବସ୍ବା ଜାଗା । ୩୫ ଦର୍ତନିର୍ ନାଉଁ ଦାରି ରାନ୍ ପାକାଆ ନାଇ, କାଇକେବଇଲେ, ସେଟା ପର୍ମେସରୁର୍ ପାଦ୍ ସଙ୍ଗାଇବା ଜାଗା । ଜିରୁସାଲାମ୍ ଗତର୍ ନାଉଁ ଦାରି ମିସା ରାନ୍ ପାକାଇବାଟା ଟିକ୍ ନାଇ, କାଇକେବଇଲେ ସେଟା ରାଜାମନର୍ ରାଜା ରଇବା ଜାଗା । ୩୬ ଆରି ନିଜର୍ ମୁଣ୍ଡ ଚିଇ କରି ପର୍ମାନୁ କରାନାଇ, କାଇକେବଇଲେ ତମେ, ତେଇର୍ ଗଟେକ୍ ଚେଣ୍ଡି ଦବ୍ଲା କି କାଲିଆ କରିନାପାରାସ୍ । ୩୭ ମାତ୍ରି ତମେ ପର୍ମାନୁ ନିୟମ୍ ନ କରି, ତର୍ ଉଁ କାତା ଉଁ ଅ, ନାଇ କାତା ନାଇ ଅ, ଇତିଅନି ଆରି ଅଦିକ୍ କାତା କଇ ପର୍ମାନୁ କର୍ବାଟା ସଇତାନର୍ତ୍ତନେଅନି ଆଇଲାଟା ।”

**ଇସାତଲା ବିସଇ ନେଇ ସିକିଆ
(ଲୁକ୍ ୭:୩୦)**

୩୮ “ଏ କାତା ତମେ ସୁନିଆରାସ୍, ଆଁକିର୍ ବାଦୁଲେ ଆଁକି ଆରି ଦାଁତର୍ ବାଦୁଲେ ଦାଁତ୍, ୩୯ ମାତ୍ରି ମୁଇ ତମକେ କଇଲିନି, ତମର୍ ବିରଦେ କେ ଅନିଆଇ କାମ୍ କଲେ, ତାକେ ସୁଜାଇବାକେ ଚେସ୍ଟା କରା ନାଇ, ଜେ ତମର୍ ଉଜା ଗାଲେ ଚାପତ୍ ମାତ୍ରିସି, ତାକେ ଆରି ଗଟେକ୍ ଚାପତା ମାତ୍ରିବାକେ ଡେବ୍ରି ଗାଲ୍ ମିସା ଦେକାଇ ଦିଆସ୍ । ୪୦ କେ ଜଦି ତମର୍ସଙ୍ଗ୍ ବିରଦ୍ କରି ବିଚାର୍ ଲଗେ ଦାବିକରି ତମର୍ କାମିଜ୍ ନେବାକେ ମନ୍ କର୍ସି, ତାକେ ଚାଦର୍ ମିସା ଦେଇ ପାକାଆ । ୪୧ ସନିଅମନର୍ ବିତ୍ରେ ଅନି, କେ ମିସା ତମକେ ତାର୍ ବଜ୍ ବୁଆଇ କରି ଗଟେକ୍ କିଲମିଟର୍ ହୁ ଆକା ବଇଲେ, ତମେ ତାର୍ ସଙ୍ଗ୍ ଦୁଇ କିଲମିଟର୍ ଜା । ୪୨ କେ ଜଦି ତମକେ କାଇଆଲେ ଜିନିସ୍ ମାଙ୍ଗ୍ସି ବଇଲେ, ମନା ନ କରି ତାକେ ଦିଆସ୍ । କେ ମିସା କାଇଆଲେ ଉଦାର୍ ମାଙ୍ଗ୍ଲେ ତାକେ ଦିଆସ୍ ।”

**ସତ୍ତୁକେ ଆଲାଦ୍ କରା
(ଲୁକ୍ ୭:୨୭-୨୮, ୩୨-୩୬)**

୪୩ “ମାଛତ୍ରିକେ ଆଲାଦ୍ କରା ଆରି ତମର୍ ସତ୍ତୁକେ ଗିନ୍ କରା । ଏ ସିକିଆ ତମେ ପୁର୍ବେଅନି ସୁନି ଆରାସ୍ । ୪୪ ମାତ୍ରି ମୁଇ ତମକେ କଇଲିନି, ସତ୍ତୁମାନୁକେ ଆଲାଦ୍ କରା, ଜନ୍ ଲକ୍ ତମକେ କସ୍ତ ଦେଲାଜିନି, ତାକର୍ପାଇ ପାଟନା କରା । ୪୫ ଏଟା କଲେ ସରଗର୍ ପର୍ମେସରୁର୍ ପିଲା ବଲି ଚିନାପତ୍ରିସା । କାଇକେ ବଇଲେ ପର୍ମେସର ବଲ୍ କାରାପ୍ ଦୁଇ ଲକ୍ ପାଇ ମିସା ବେଲର୍ ଉଜଲ୍ ଦେଲାନି, ଆରି ଦରମ୍ ରଇବା, ଦରମ୍ ନ ରଇବା ସବୁର୍ ଉପରେ ବର୍ସା ମାରାଇଲାନି । ୪୬ ତେବେ, ତମକେ ଆଲାଦ୍ କର୍ବା ଲକ୍କେ ଆଲାଦ୍ କଲେ, ପର୍ମେସରୁର୍ ତମକେ କାଇକେ ପୁରୁସକାର୍ ଦେଇସି ? ସିସ୍ତୁ ମାଙ୍ଗ୍ବା ଲକ୍ମନ୍ ମିସା ସେନ୍ତି କର୍ବାଇ । ୪୭ ତମେ ଜଦି ନିଜର୍ ନିଜର୍ ବାଙ୍ଗାମାନୁକେସେ ଜୁଆର୍ କର୍ସା, ତେବେ ଆରି ଅଦିକ୍ କାଇଟା କଲାସୁନି ? ବିସ୍ବାସ୍ ନକଲା ଲକ୍ମନ୍ ମିସା ସେଟା କର୍ବାଇ । ୪୮ ସେଟା ପାଇ ତମର୍ ସରଗର୍ ବାବା ଜେନ୍ତାର୍ ସିଦ୍, ତମେ ମିସା ସେନ୍ତାର୍ ସିଦ୍ ଅଇବା ଦର୍କାର୍ ।”



ଦାନ୍ ବିସଇନେଇ ସିକିଆ

୯ *ଲକ୍ମାନୁକେ ଦେକାଇଅଇବାକେ ସବୁର୍ ମୁଆଟେ ନିକ କାମ୍ କରାନାଇ । ସେଟା କଲେ ସର୍ଗେ ରଇବା ତମର୍ ବାବାର୍ ଟାନେଅନି ପୁରୁସକାର୍ ନ ପାଆସ୍ ।

୧୦ ତେବେ ଗଟେକ୍ ଗରିବ୍ ଲକ୍କେ ଦାନ୍ ଦେବା ବେଲେ କୁଟିଆଲ୍ମାନର୍ ପାରା ଦେକାଇ ନ ଉଆ । ସେମନ୍ ଲକ୍ମାନୁତେଇ ଅନି ତାକ୍ପୁଟା ପାଇବାକେ ପାଟନା ଗରେ ଆରି ସାଇ ମଜାଇ ଦାନ୍ଦରମ୍ ଦେକାଇବାଇ । ମୁଇ ସତ୍ କଇଲିନି ଜେ, ସେମନ୍ ଇତିଅନି ସେମାନର୍ ବୁଡି ପୁରାପୁରୁନ୍ ପାଇସାରି ଆଟ୍ । ୧୧ ମାତ୍ରି ତମେ ଅବାବେ ରଇଲା ଲକ୍କେ ସାଇଜ କଲାବେଲେ, ଏନ୍ତାରି କରା, ଜେନ୍ତିକି ତମର୍ ଲଗର୍ ମଇତ୍ରି ମିସା ଏ କାତା ନାଜାନ । ୧୨ ତମର୍ ଏ ଦାନ୍ ଲୁଟ୍ତେ ଅଇରଇଲେ ମିସା ସବୁ ଦେକ୍ବା ବାବା ପର୍ମେସରୁର୍ ସେଟା ଦେକି ତମକେ ପୁରୁସକାର୍ ଦେଇସି ।

* ୫:୩୪ ୫:୩୪ ଜାକୁବ ୫:୧୨; ମାତ୍ରିର ୨୩:୨୨ * ୭:୧ ୭:୧ ମାତ୍ରିର ୨୩:୫

ପାର୍ତନା ବିସଇ ନେଇ ସିକିଆ
(ଲୁକ୍ ୧୧:୨-୪)

୫ *ପାର୍ତନା କରବା ବେଲେ କୁଟିଆଲ୍ ବିସବାସିମନର୍ ପାରା ଉଆନାଇ । କାଇକେ ବଇଲେ ସେମନ୍ ଲକ୍ମନକେ ଦେକାଇ ଅଇବାକେ ପାର୍ତନା ଗର୍ମନକେ ଆରି ଗାଉଁର୍ ମଜା ଡାଣ୍ଡେ ଚିଆ ଅଇକରି ପାର୍ତନା କରବାକେ ମନ୍ କରବାଇ । ମୁଇ ତମକେ ସଡ଼ କଇଲିନି, ସେମନ୍ ନିଜର୍ ନିଜର୍ ପୁରୁସ୍କାର ପାଇଲାଇବେ । ୬ ମାତର୍ ତମେ ପାର୍ତନା କରବାକେ ତମର୍ ବାକରାଇ ଜାଇ, କାକେ ନ ଦେକାଇଅଇତେ ପୁରିକରି କାପାଟ୍ ଡାବିଅଇଦିଆସ୍ ଆରି ନ ଡିସାଇ ଅଇବା ତମର୍ ସରଗର୍ ବାବାର ଲଗେ ପାର୍ତନା କରା । ତମେ ଲୁଚ୍ତେ ଜାଇଟା କରସା, ସେଟା ଦେକି ତମର୍ ବାବା ତମକେ ପୁରୁସ୍କାର ଦେଇସି ।

୭ ପାର୍ତନା କରବା ବେଲେ ପର୍ମେସର୍ତ୍ତକେ ବିସବାସ୍ ନ କରବା ଲକ୍ମନର୍ ପାରା ଅରଡ଼ ନଇଲା କାତା ତରକେ ତର୍ କଇ ଆଉଲି ନ ଉଆ, ବେସି ପର୍ ପାର୍ତନା କଲେ ସେ ପର୍ମେସର୍ ସୁନ୍ଦସି ବଲି, ସେମନ୍ ମନେ ବାବବାଇ । ୮ ସେମନର୍ ପାରା ଉଆ ନାଇ । ତମେ ମାଜବା ଆଗ୍ତୁ ଜାଇଟା ଦର୍କାକ୍, ତମର୍ ସରଗର୍ ବାବା ପର୍ମେସର୍ ସେଟା ସବୁ ଜାନ୍ସି । ୯ ସେଟା ପାଇ ତମେ ଏନ୍ତାରି ପାର୍ତନା କରବାର୍ ଆଟେ ।

ଏ ଆମର୍ ସରଗର୍ ବାବା,
ତମର୍ ସୁକଲ୍ ନାଉଁ ଡାକ୍ପୁଟା ପାଅ ।

୧୦ ତମର୍ ସାସନ୍ ଆସ । ସରଗେ ତମର୍ ମନ୍ କଲାଟା ଜେନ୍ତାରି ସିଦ୍ ଅଇଲାନି,
ଏ ରାଇଜେ ମିସା ସେନ୍ତାରି ତମେ ମନ୍ କଲାଟା ସିଦ୍ ଅ ।

୧୧ ଆଜି ଆମକେ ଦର୍କାକ୍ ରଇଲା କାଦି କାଇବାକେ ଦିଆ ।

୧୨ ଆମର୍ ବିରଦେ ଦସ୍ କରିରଇବା ଲକ୍ମନକେ
ଆମେ ଜେନ୍ତାରି କେମା କଲୁନି, ସେନ୍ତାରି ଆମର୍ ସବୁ ଦସ୍ କେମା କରା ।

୧୩ ବେସି କସ୍ତ ରଇବା ପରିକା ଆମକେ ମୁରତ୍ତବାକେ ଦିଆ ନାଇ,
ମାତର୍ କାରାପ୍ କାମେଅନି ରକିଆ କରା

ଜେନ୍ତକି ତମର୍ ରାଇଜ୍, ତମର୍ ବପୁ,

ଆରି ଡାକ୍ପୁଟା ସବୁ ଜୁଗେଜୁଗେ ତମର୍ ଅଇକରି ରଅ* । ଆମେନ୍ !

୧୪ *ତମର୍ ବିରଦେ ଦସ୍ କରିରଇବା ବିନ୍ ଲକ୍ମନକେ ଜଦି ତମେ କେମା କରସା, ତମର୍ ସରଗର୍ ବାବା ପର୍ମେସର୍ ମିସା ତମକେ କେମା କରସି । ୧୫ ମାତର୍ ତମେ ଜଦି ବିନ୍ ଲକ୍ମନକେ କେମା ନ କରାସ୍, ସରଗର୍ ବାବା ମିସା ତମେ କରିରଇବା ପାପଦସ୍ କେମା ନ କରେ ।”

ଉପାସ୍ ରଇବା ବିସଇ ନେଇ ସିକିଆ

୧୬ “ଉପାସ୍ କରବା ବେଲେ ଦରମ୍ପ ବଲି ଦେକାଇଅଇଲା ଲକ୍ମର୍ ପାରା ବାଇରେ ସପାୟୁତର୍ ଅଇବାଟା ଚାଡ଼ିଦେବାର୍ ନାଇ । ସେମନ୍ ଉପାସ୍ କଲୁନି ବଲି ଲକ୍ମର୍ ଲଗେ ଦେକାଇ ଅଇବାକେ ସେନ୍ତାରି କରବାଇ । ମୁଇ ତମକେ ସଡ଼ କଇଲିନି, ସେମନ୍ ଏନ୍ତି କରବାର୍ ଲାଗି ନିଜର୍ ପୁରୁସ୍କାର୍ ସବୁ ପାଇଲାଇବେ । ୧୭ ମାତର୍ ତମେ ଉପାସ୍ କରବା ବେଲେ, ମୁଣ୍ଡେ ଚିକନୁଲାଗାଇ ଅଇ ସପା ସୁଡ଼ରା ରୁଆ । ୧୮ ଜେନ୍ତକି ଉପାସ୍ କଲାସିନି ବଲି ବିନ୍ ଲକ୍ମନ୍ ନାଜାନତ୍ । ମାତର୍ ତମର୍ ନ ଡିସବା ବାବା ସବୁ କାତା ଜାନେ । ତମେ ଲୁଚ୍ତେ ଜାଇଟା କରସା, ସେଟା ଦେକି ତମକେ ପୁରୁସ୍କାର୍ ଦେଇସି ।”

କରିରଇବା କାମ୍
(ଲୁକ୍ ୧୨:୩୩-୩୪)

୧୯ *ଏ ଦୁନିଆଇ ନିଜରୁପାଇ ଦନ୍ ଅର୍ଜା ନାଇ । ଇଡି ସଙ୍ଗଇଲା ଦନ୍ ଅଲ୍ମା କାଇ ଚିଲମ୍ ଦାରସି ଆରି ଚର୍ମନ୍ କଡି କାଣା କରି ଚରାଇନେବାଇ । ୨୦ ସରଗେ ତମର୍ ପାଇ ଏନ୍ତାରି ଦନ୍ ଅର୍ଜି ସଲୁଆ । ତେଇ ଅଲ୍ମା ଆରି ଚିଲମ୍ ନ ଦାରେ । ଆରି ଚର୍ମନ୍ ମିସା କଡି କାଣାକରି ଚରାଇ ନେଇ ନାପାରଡ଼ । ଜାଗରଡ଼ ! ୨୧ କାଇକେବଇଲେ ଜନ୍ତାନେ ତମର୍ ଦନ୍, ତେଇସେ ତମର୍ ମନ୍ ।”

ଗାଗତର୍ ଉଜଲ୍
(ଲୁକ୍ ୧୧:୩୪-୩୬)

* ୭:୫ ୭:୫ ଲୁକ୍ ୧୮:୧୦-୧୪ * ୭:୧୩ ୭:୧୩ ଏ ବାକିଅ ପୁରା ପାଣ୍ଡୁଲିପି ଗାନେ ନାଇ * ୭:୧୪ ୭:୧୪ ମାର୍ଚ୍ଚକ ୧୧:୨୫,୨୬
* ୭:୧୯ ୭:୧୯ ଜାକୂବ ୫:୨,୩

୨୨ “ତମରୁ ଆଁକି ଅଇଲାନି ଗାଗଡ଼ ବଡ଼ି । ଜେଡେବେଲା ଆଁକି ନିରୁମଲ୍ ରଇସି, ତେବେ ତମରୁ ଗୁଲାଇ ଗାଗଡ଼ ମିସା ଉଜଲ୍ ବରୁଡ଼ି ଅଇରଇସି । ୨୩ ମାତରୁ ଜେବେ ତମରୁ ଆଁକି ନସିରଇସି, ତେବେ ସବୁ ଗାଗଡ଼ ଆନ୍ଦାରୁ ଅଇସି । ତେବେପାଇ ତମରୁ ମନ୍ ବିଡ଼ରରୁ ଉଜଲ୍ ଜେବେ ଆନ୍ଦାରୁ ଅଇସି, ତେବେ ସେ ଆନ୍ଦାରୁ କେଡେକ୍ ବଡ଼ ବିପଦ୍ ।”

ପରମେସର ଆରି ଦନ୍
(ଲୁକ୍ ୧୭:୧୩; ଲୁକ୍ ୧୨:୨୨-୩୧)

୨୪ “କେ ମିସା ଗଟେକ୍ ଲକ୍ ଦୁଇଟା ସାଉକାରରୁ ସେବାକରି ନାପାରେ । ସେ ଗଟେକ୍ ଲକ୍ କେ ମାନ୍ସି ଆରି ଗଟେକ୍ ଲକ୍ କେ ଗିନ୍ କରସି । ନଇଲେ ଗଟେକ୍ ଲକ୍ କେ ବିସବାସ୍ କରସି ଆରି ଗଟେକ୍ ଲକ୍ କେ ବିସବାସ୍ ନ କରେ । ତମେ ଏକାତରୁ ପରମେସରକେ ଆରି ତାକୁକାସୁକେ ସେବାକରି ନାପାରାସ୍ ।”

୨୫ ଏଗାରୁପାଇ ମୁଜ୍ ତମକେ କଲଲିନି, ବଢ଼ବାକେ କାଇଟା କାଇବୁବେ ? ଆରି ଗାଗଡ଼ ପାଇ କାଇଟା ପିନ୍ଦୁ ? ବଲି ବାବି ଚିନ୍ତା କରାନାଇ । କାଦିବତେଇଅନି ଜିବନ୍, ଆରି ବସତରୁ ତେଇଅନି ଗାଗଡ଼ ମୁକିଅ ଆଟେ ।

୨୬ ଚତଇମନ୍ଦକେ ଦେକା, ସେମନ୍ ନ ବୁନଡ଼ କି ନ କାଟଡ଼, କି କଲ୍ କିତେଇ ନ ସଙ୍ଗାଅଡ଼, ଅଇଲେ ମିସା ସରଗରୁ ବାବା ସେମନ୍ଦକେ କାଇବାପାଇ ଜାଗାଇଲାନି । ତମେ କାଇ ସେମନ୍ଦତେଇଅନି ମୁକିଅ ନୁଆସ୍ କି ? ୨୭ ବଢ଼ବା ପାଇ ବଲି ନିଜେ ଚିନ୍ତାକରି ବିକଲ୍ ଅଇ ଜେ ତାରୁ କଣ୍ଡେକ୍ ମିସା ବଢ଼ବା ଦିନ୍ ପାରସି କି ? ନାଇ ନାପାରେ ।

୨୮ ବସତରୁ ପାଇ କାଇକେ ବିକଲ୍ ଅଇଲାସିନି ? ଦେକା, ବନରୁ ପୁଲ୍ମମନ୍ କେନ୍ଦ୍ରି ବଡ଼ଲାଇନି, ସେମନ୍ କାମ୍ଦାମ୍ କରଡ଼ ନାଇ କି ନିଜରୁ ପାଇ ବସତରୁ ତିଆରୁ କରଡ଼ ନାଇ, ୨୯ ମାତରୁ ମୁଜ୍ ତମକେ କଲଲିନି, ରାଜା ସଲ୍ମମନ୍ ତାରୁ ସବୁ ଦନ୍ ସ୍ପତି ସଙ୍ଗ୍ ମିସା ଏ ପୁଲ୍ ପାରା ସୁନ୍ଦର ବସତରୁ କେବେ ପିନ୍ଦି ନ ରଇଲା । ୩୦ ଆଜି ପଦାଇ ରଇଲା ଗାଁସ୍ କାଲିକେ ନ ମିସା ରଏ । କାଟିକରି ଜଇଟାମେ ପଡ଼ାଇଦେବାଇ । ଏଲେମିସା ତାକେ ପରମେସରୁ ଏନ୍ଦ୍ରି ସୁନ୍ଦର ବେସ୍ ଦେଇସି, ତେବେ ଏ ଅଲପ୍ ବିସବାସିମନ୍, ସେ ବାଇଦରେ ତମକେ ଅଦିକ୍ ନିମାନ୍ ବସତରୁ ନ ଦେଏ କି ? ଦେଇସିସେ ।

୩୧ ଏଗାରୁ ପାଇ କାଇଟା କାଇବି ? ଆରି କାଇଟା ପିଇବି ? ଆରି କାଇଟା ଅଡ଼ବି ବଲି ଚିନ୍ତା କରାନାଇ । ୩୨ କାଇକେବଇଲେ ପରମେସରକେ ନାଜାନ୍ଲା ଲକ୍ମନ୍ ଏ ସବୁ କଜିବୁଲ୍ବାଇ । ଆରି ଏ ସବୁ ବିସଇ ଜେ ତମକେ ଲଡ଼ା, ସେଟା ତମରୁ ସରଗରୁ ବାବା ଜାନେ । ୩୩ ମାତରୁ ତମେ ତାରୁ ରାଇଜ୍ ଆରି ସେ ତମରୁଟାମେଅନି କାଇଟା ମନ୍ କଲାନି, ସେ ବିସଇ କଜା । ସେନ୍ତାରୁ କଲେ, ସେ ତମକେ ଲଡ଼ାକେ ଆଇବା ସବୁ ବିସଇ ଜାଗାଇ ଦେଇସି । ୩୪ ଆରି, କାଲିକରୁ ପାଇ ଚିନ୍ତା କରାନାଇ, କାଇକେବଇଲେ କାଲିକରୁ ଚିନ୍ତା କାଲିକେ କରା । ଜନ୍ ଦିନରୁ କସଟ, ସେଦିନରୁପାଇ ଅଦିକ୍ ଅଇସି ।



ବିନ୍ ଲକ୍ କେ ଦସ୍ ଦାରୁବାଟା
(ଲୁକ୍ ୭:୩୭-୩୮, ୪୧-୪୨)

୧ ବିନ୍ ଲକ୍ କରୁ ଦସ୍ କଜି ବୁଲାନାଇ । ତାକରୁ ବିଚାରରୁ ଦସ୍ ନ ଦାରୁଲେ, ପରମେସରୁ ତମରୁ ଦସ୍ ନ ଦାରେ । ୨ କାଇକେବଇଲେ ତମେ ବିନ୍ ଲକ୍ କରୁ ଦସ୍ ଜେନ୍ଦ୍ରି ବିଚାରୁ କରୁଡେରଇସା, ସେନ୍ତାରିସେ ପରମେସରୁ ତମରୁ ବିଚାରୁ କରୁସି । ତମେ ବିନ୍ ଲକ୍ ମନ୍ଦକେ ଜନ୍ ନିୟମ୍ କରୁସା, ପରମେସରୁ ତମକେ ସେ ନିୟମ୍ କରୁସି । ୩ ତମରୁ ଆଁକିତେଇ ବଡ଼ କାରୁରା ରଇଲେ ମିସା, କାଇକେ ତମରୁ ବାଇରୁ ଆଁକିଟାମେ ରଇବା କାରୁରା, ନିକସଙ୍ଗ୍ ଦେଲ୍ଲାସିନି ? ୪ ନିଜରୁ ଆଁକିତେଇ ବଡ଼ କାରୁରା ରଉରଉ ତମେ କାଇ ସାଆସେ ତମରୁ ବାଇରୁ ଆଁକିତେଇ ରଇବା କାରୁରା ବାରୁକରାଇ ଦେବି ବଲି କଇଲାସିନି ? ୫ ଏରେ କୁଟିଆଲ୍ମମନ୍ ! ଆଗେ ନିଜରୁ ଆଁକିତେଇ ରଇଲା କାରୁରା ବାରୁକରାଇ ପାକା, ତାରୁ ପଟେ ନିଜରୁ ବାଇରୁ ଆଁକିତେଇ ରଇବା କାରୁରା ବାରୁକରାଇବାକେ ନିମାନ୍ କରି ଦେକି ପାରାସ୍ ।

୬ ସୁକଲ୍ ଦିନସ୍ କୁକୁରମନ୍ଦକେ ଦିଆସ୍ ନାଇ, ସେମନ୍ ପାସ୍ଲିକରି ତମକେ ଚାବିପାକାଇବାଇ । ଗୁସ୍ରି ମନରୁ ମୁଆଟେ ମୁକ୍ତା ପାକାଆ ନାଇ, ସେମନ୍ ମୁକ୍ତାରୁ ମୁଲିଅ ନ ବୁଜିକରି ମାଣ୍ଡିପାକାଇବାଇ ।

ମାଜ୍ମା, କଜା ଆରି କାପାଟେ ମାର
(ଲୁକ୍ ୧୧:୯-୧୩)

* ୭:୨ ୭:୨ ମାରକ୍ ୪:୨୪

୭ ମାଙ୍ଗା, ତେବେ ତମକେ ଦିଆଅଛନ୍ଦି । କଜା, ତେବେ ମିଲାଇସା, କାପାଟେ ମାରା କାପାଟ୍ ଉଗାଡି ଅଛନ୍ଦି । ୮ ଜେ ମାଙ୍ଗସି, ତାକେ ଦିଆଅଛନ୍ଦି, ଜେ କଜସି, ସେ ମିଲାଇସି, ଜେ କାପାଟେ ମାରସି ତାର୍‌ପାଇ କାପାଟ୍ ଉଗାଡି ଦିଆଅଛନ୍ଦି ।

୯ ତମର୍ ବିତ୍ତରେ ଏନ୍ତାରି ବାବା କେ ଆଟେ କି ? ତମର୍ ପିଲା ଜଦି ରୁଟି ମାଙ୍ଗଲେ, ତାକେ ପାକ୍‌ନା ଦେଇସା ? ୧୦ ନଇଲେ ସେ ମାଟ୍ ମାଙ୍ଗଲେ ତାକେ ସାଁପ୍ ଦେଇସା ?

୧୧ ତମେ କାରାପ୍‌ଲକ୍ ଅଇରଇଲେ ମିସା ନିଜର୍ ପିଲାମନ୍‌କେ ନିକନିକ ଜିନିସ୍ ଦେଇସା । ସେନ୍ତାରିସେ ଜନ୍ ଲକ୍‌ମନ୍ ସରଗର୍ ବାବାକେ ମାଙ୍ଗବାଇ ସେ ସେମନ୍‌କେ ଆରି କେତେ ନିକନିକ ଜିନିସ୍ ଦେଇସା ।

୧୨ *ତମର୍ ପାଇ ବିନ୍ ଲକ୍‌ମନ୍ ଜାଇଟା କରତ୍ ବଲି ମନ୍ କଲାସ୍‌ନି, ସେନ୍ତାରି ତମେ ବିନ୍ ଲକ୍‌ମ୍ ପାଇ କରା । ଏଟା ଅଇଲାନ୍ ମସା ଦେଇରଇବା ନିୟ୍‌ମ୍ ଆରି ବବିସତ୍‌ବକ୍‌ତାମନର୍ ସିକିଆର୍ ଅରତ୍ ।”

ଚିପଙ୍ଗା ଦୁଆର୍
(ଲୁକ୍ ୭:୪୩, ୪୪)

୧୩ “ଚିପଙ୍ଗା ଦୁଆର୍ ବାଟେ ଜାଆ । କାଇକେବଇଲେ ବିନାସ୍ କର୍‌ବାକେ ନେବା ନରୁକେ ଜିବା ବାଟ୍ ଅସାର୍ ଆରି ସୁବିଦାର୍ଟା । କେତେ କେତେ ଲକ୍ ସେ ବାଟେ ଜିବାଇ । ୧୪ ମାତର୍ ନ ସାର୍‌ବା ଜିବନେ ମିସି ରଇଲା ବାଟ୍, ଚିପଙ୍ଗା ଆରି ଜିବାଟା ବେସି କସ୍ଟ । ଉନା ଲକ୍ ସେ ବାଟ୍ କଜି କଜି ମିଲାଇବାଇ ।”

ଗର୍ ଆରି ତାର୍ ପଲ୍
(ଲୁକ୍ ୭:୪୩-୪୪)

୧୫ “ଚକାବଣ୍ଡା କର୍‌ବା ବବିସତ୍‌ବକ୍‌ତାମନର୍ ତେଇଅନି ଜାଗର୍‌ତା ଅଇରୁଆ, ସେମନ୍ ବାଇରେ ମେଣ୍ଡା ପାରା ଡିସବାଇ ମାତର୍ ତାକର୍ ମନ୍ ବିତ୍ତରେ ବାଲିଆତୁର୍କାମାନର୍ ପାରା । ୧୬ ସେମନର୍ କର୍‌ବା କାମ୍ ଦେକି ତମେ ସେମନ୍‌କେ ଚିନିପାରାସ୍ । କାଟା ବୁଟାଇ ଅଙ୍ଗୁର୍ ନ ପଲେ କି କାଟାକଲି ବୁଟାଇ ତୁମ୍‌ରି ପଲ୍ ନ ଦାରେ । ୧୭ ନିକ ଗଟେ ନିକ ପଲ୍ ଦାର୍‌ସି, ବାନିଆ ଗଟର୍ ପଲ୍ ବାନିଆ ସେ । ୧୮ ନିକ ଗଟେ ବାନିଆ ପଲ୍ ନ ପଲେ କି ବାନିଆ ଗଟେ ନିକ ପଲ୍ ଅଇନାପାରେ । ୧୯ *ନିକ ପଲ୍ ନ ଦାର୍‌ଲେ ସେ ଗର୍ କାଟି କରି ଜଇଟାନେ ପାକାଇଅଛନ୍ଦି । ୨୦ *ସେନ୍ତାରି ସେ ଚକାବଣ୍ଡା କର୍‌ବା ବବିସତ୍‌ବକ୍‌ତାମନର୍ କାମ୍ କର୍‌ବାଟାନେ ଅନି ତମେ ସେମନ୍‌କେ ଚିନିପାରାସ୍ ।”

ମୁଇ ତମ୍‌କେ ନାଜାନି
(ଲୁକ୍ ୧୩:୨୫-୨୭)

୨୧ ମକେ ମାପୁରୁ, ମାପୁରୁ ବଲି ତାକ୍‌ବା ଲକ୍‌ମନର୍‌ତେଇ ଅନି ସବୁ ଲକ୍ ସରଗ୍ ରାଇଜେ କେଟିନାପାରତ୍ । ମାତର୍ ଜନ୍ ଲକ୍‌ମନ୍ ସରଗର୍ ବାବା ମନ୍ କଲା ଇସାବେ ଚଲାଟଲ୍‌ଡି କର୍‌ବାଇ, ସେମନ୍‌ସେ ସରଗ ରାଇଜେ କେଟିବାଇ ।

୨୨ ମାପୁରୁ ବିଟାର୍ କର୍‌ବା ଦିନ୍ କେଟ୍‌ଲେ କେତେ କେତେ ଲକ୍ ମକେ କଇବାଇ, ଏ ମାପୁରୁ, ତମର୍ ନାଉଁ ଦାରି ଆମେ ପର୍‌ମେସରର୍ ସୁବକବର୍ ଜାନାଇ ଆରୁ । ତମର୍ ନାଉଁ ଦାରି ତୁମାମନ୍‌କେ କେଦି ଆରୁ ଆରି କେତେକ୍ କାବାଅଇଜିବା କାମମନ୍ କରିଆରୁ । ୨୩ ସେଡକି ବେଲେ ମୁଇ ସେମନ୍‌କେ କଇବି, ନାଇ, ମୁଇ ତମ୍‌କେ ନାଜାନି । କରାପକାମ୍ କର୍‌ବା ଲକ୍‌ମନ୍, ମର୍‌ଲଗେ ରୁଆନାଇ ।

ଦୁଇଟା ଗର୍ ବାହୁମନ୍
(ଲୁକ୍ ୭:୪୭-୪୯)

୨୪ “ଜେ ମର୍ କାତା ସୁନି, ସେ ଇସାବେ ଚାଲ୍‌ସି, ସେ ବଡ଼ ରାଙ୍ଗିନି ପାକ୍‌ନା ଉପ୍‌ରେ ଗର୍ କର୍‌ବା ଗିଆନଲକ୍‌ର୍ ପାରା । ୨୫ ଅପର୍‌ବଲ୍ ବର୍‌ସା ମାଟ୍‌ଲାକେ ଗାଡ଼ ଉଟ୍‌ଲି ଗାଲା ଆରି ସେ ଗର୍ ଉପ୍‌ରେ ବେସି ପବନ୍ ଦାର୍‌ଲା । ମାତର୍ ସେ ଗର୍ ବସ୍‌ଲେ ନାଇ । କାଇକେ ବଇଲେ ସେଟା ପାକ୍‌ନା ଉପ୍‌ରେ ତିଆର୍ ଅଇରଇଲା ।”

୨୬ “ମାତର୍ ଜନ୍ ଲକ୍‌ମନ୍ ମର୍ କାତା ସୁନିକରି ମିସା ସେ ଇସାବେ ଚଲାଟଲ୍‌ଡି ନ କରତ୍, ସେମନ୍ ବାଲି ଗାଦି ଉପ୍‌ରେ ଗର୍ ତିଆର୍ କରି ରଇବା ବକୁଆ ଲକ୍ ପାରା । ୨୭ ଅପର୍‌ବଲ୍ ବର୍‌ସା ଅଇଲାକେ ଗାଡ଼ ପୁରି ଉଟ୍‌ଲୁଲା, ଜବର୍ ବାଉଦୁକା ଆଇଲା ଆରି ଗର୍ କୁରୁପ୍‌ନାସ୍ ଅଇଗାଲା । ସେ କୁରୁପ୍‌ନାସ୍ ଅଇଲାଟା କେତେ ଇନସ୍‌ତା ରଇଲା !”

ଜିସୁର୍ ଅଦିକାର୍ ବିସଇ ନେଇ ସିକିଆ

* ୭:୧୨ ୭:୧୨ ଲୁକ୍ ୭:୩୧ * ୭:୧୯ ୭:୧୯ ମାତ୍ରିକ ୩:୧୦; ଲୁକ୍ ୩:୯ * ୭:୨୦ ୭:୨୦ ମାତ୍ରିକ ୧୨:୩୩

୨୮ *ସାରାସାରି ଜାକ ଜିସୁ ସିକିଆ ଦେବାଟାନେ ଏ ସବୁ କାତା ସୁନିକରି ଲକ୍ଷ୍ମୀନ୍ କାବା ଅଇଗାଲାଇ ।
୨୯ ସେ ବିନ୍ଦବିନ୍ଦ ସାସତର ସିକାଉମନର୍ ପାରା ନ ସିକାଇକରି ନିଜର୍ ଅଦିକାର୍ ସଙ୍ଗ ସିକାଇତେ ରଇଲା ।

୮

ଜିସୁ ଗଟେକ୍ ବଡ଼ ରଗିକେ ନିକ କଲା
(ମାର୍ଚ୍ଚକ ୧:୪୦-୪୫; ଲୁକ୍ ୫:୧୨-୧୬)

୧ ଜିସୁ ତଙ୍ଗରେ ଅନି ଉଡ଼ରି ଆଇଲା ଦାପ୍ରେ, ବେସି ଲକ୍ଷ୍ମୀନ୍ ତାର୍ ପଟେ ପଟେ ଇଣ୍ଟୁଲାଇ ।
୨ ସେବେଲେ ଗଟେକ୍ ବଡ଼ ରଗି ଜିସୁର ମୁଆଟେ ଆସି ମାଣ୍ଡିକୁଟା ଦେଇ କଇଲା, “ଏ ମାପୁରୁ, ତମେ ଜଦି ମନ୍ କଲାସନି ବଇଲେ ମକେ ସୁକଲ୍ କରି ପାରାସ୍ ।”

୩ ତେଇ ଜିସୁ ଆଡ଼ ଲାମାଇ ତାକେ ଚିଇ କଇଲା, “ମୁଇ ମନ୍ କଲିନି, ସୁକଲ୍ ଅ ।” ଜିସୁ ଏଡ଼କି କଇଲା ଦାପ୍ରେ ସେ ଲକ୍ଷ୍ମୀ ବଡ଼ ରଗେଅନି ନିକ ଅଇଲା । ୪ ଜିସୁ ତାକେ କଇଲା, “ସୁନ୍, ତୁଇ କେନ୍ତୁଅଇ ନିକ ଅଇଲୁସ୍, ଏ କାତା କାକେ ମିସା କ ନାଇ, ମାତର୍ ସିଦା ପୁଜାରିର୍ ଲଗେ ଜାଇକରି ନିଜ୍ଜକେ ଦେକାଇ ଅ, ଆରି ତୁଇ ନିକ ଅଇ ଆତୁସ୍ ବଲି ସବୁ ଲକ୍ଷ୍ମୀ ଟାନେ ଜାନାଇଅଇବାକେ ମସାର୍ ନିୟମ୍ ଇସାବେ ପର୍ମେସର୍କେ ସର୍ପିଦେସ୍ ।”

ଜିସୁ ରମିୟ ସନିଅମନର୍ ମୁକିଅର୍ ଗତିଦାଙ୍ଗତାକେ ନିକ କଲା
(ଲୁକ୍ ୭:୧-୧୦)

୫ ଜିସୁ କପରନାଉମ୍ ସଅରେ କେଟଲା । ସେଦାପ୍ରେ ଗଟେକ୍ ରମିୟ ସନିଅମନର୍ ମୁକିଅ ତାକେ ବେଟ୍ ଅଇକରି ବାବୁଜିଆ କରି କଇଲା । ୬ “ଏ ମାପୁରୁ, ମର୍ ଗଟେକ୍ ଗତିଦାଙ୍ଗତା ଅଟ୍ଟନାଇ ତୁଲିକରି ବେସି କସ୍ ପାଇଲାନି ଉଟେ ନାଇ, ବସେ ନାଇ ।”

୭ ଜିସୁ ତାକେ କଇଲା, “ମୁଇ ଆସି ତାକେ ନିକ କରବି ।”

୮ ମାତର୍ ମୁକିଅ କଇଲା, “ନାଇ ମାପୁରୁ ତମେ ଜେ ମର୍ଗରେ ପାଢ଼ ପାକାଇସା, ଏଟାପାଇ ମର୍ ଅଦିକାର୍ ନଇ । ତମେ ପଦେକ୍ କଇଦିଆ, ମର୍ ଗତିଦାଙ୍ଗତା ନିକ ଅଇଜାଇସି । ୯ କାଇକେବଇଲେ ମୁଇ ମର୍ ଉପୁରର୍ ଅଦିକାରିର୍ ତଲେ କାମ୍ କଲିନି, ଅଇଲେ ମିସା ମର୍ ତଲେ କେତେ କେତେ ସନିଅମନ୍ ଆତର୍ । ସେମନର୍ ବିଡ଼ରେଅନି ଜଦି ମୁଇ ଗଟେକ୍ ଲକ୍ଷ୍ମୀକେ ଜାଆ ବଲି ଆଦେସ୍ ଦେଲେ, ସେ ଜାଇସି । ବିନ୍ଦଟାକେ ଆଉ ବଲି କଇଲେ ସେ ଆଇସି । ସେନ୍ତୁସେ ମର୍ ଗତି ଦାଙ୍ଗତାକେ ଏଟା କର୍ ବଲି କଇଲା ଦାପ୍ରେ ସେ ସେଟା କରସି ।”

୧୦ ଜିସୁ ଏଟା ସୁନି କାବା ଅଇଗାଲା, ଆରି ତାର୍ ସଙ୍ଗ୍ ଆଇବା ଲକ୍ଷ୍ମୀନ୍କେ କଇଲା, “ମୁଇ ସଡ଼ କଇଲିନି, ଇସରାଏଲ୍ ବିଡ଼ରେ କନ୍ ଲକ୍ଷ୍ମୀଟାନେ ମିସା ଏ ଲକ୍ଷ୍ମୀ ପାରା ବିସ୍ବାସ୍ ମୁଇ ଦେକିନାଇ ।

୧୧ *ଏ କାତା ତମର୍ ମନେ ର, ପୁରୁସ୍ ଆରି ପସ୍ତରିମ୍ ବାଟର୍ ଦେସେଅନି କେତେ କେତେ ଲକ୍ଷ୍ମୀ ସରଗ୍ ରାଇଜେ ଆସି ଅବ୍ରାଆମ୍ ଇସାକ୍ ଆରି ଜାକୁବର୍ ସଙ୍ଗ୍ ବଜିତେଇ ଗଟେକ୍ଟାନେ କାଇବାକେ ବସ୍ବାଇ । ୧୨ *ମାତର୍ ଜନ୍ ଲକ୍ଷ୍ମୀନ୍ ସରଗ୍ ରାଇଜେ ପୁରୁବାର୍ ରଇଲାଲ, ସେମନ୍କେ ବାଇରର୍ ଆନ୍ଦାରେ ପିଙ୍ଗା ଅଇସି । ତେଇ ସେମନ୍ ଦା଼ର୍ ମୁଣ୍ କାଡ଼ରି ମାରିତପିଅଇ କାନ୍ଦବାଇ ।” ୧୩ ଜିସୁ ସନିଅମନର୍ ମୁକିଅକେ କଇଲା, “ତୁଇ ଏବେ ଗରେ ଜା । ତୁଇ ଜେନ୍ତୁ ବିସ୍ବାସ୍ କଲୁସ୍ନି ସେନ୍ତାରିସେ ଅଇସି ।” ସମାନ୍ ସେ ବେଲାଇସେ ତାର୍ ଗତିଦାଙ୍ଗତା ପୁରାପୁରୁନ୍ ନିକ ଅଇଗାଲା ।

ଜିସୁ କେତେ କେତେ ଲକ୍ଷ୍ମୀନ୍କେ ନିକ କଲା
(ମାର୍ଚ୍ଚକ ୧:୨୯-୩୪; ଲୁକ୍ ୪:୩୮-୪୧)

୧୪ ଜିସୁ ପିତରର୍ ଗରେ ଜାଇ ତାର୍ ସାଡ଼ରି ଜର୍ଅଇକରି ଅଟ୍ଟନାଇ ତୁଲି ରଇବାଟା ଦେକ୍ଲା । ୧୫ ସେ ପିତରର୍ ସାଡ଼ରିର୍ ଆତେ ଚିଇଲା ଦାପ୍ରେ ତାର୍ ଜର୍ ଚାଟିଗାଲା । ଆରି ସେ ଉଚିକରି ଜିସୁର ସେବା କର୍ବାର୍ ଦାରଲା ।

୧୬ ସଞ୍ଜ୍ ଅଇଲାକେ ଲକ୍ଷ୍ମୀନ୍, କେତେକ୍ କେତେକ୍ ତୁମା ଦାରିରଇଲା ଲକ୍ଷ୍ମୀନ୍କେ ଜିସୁର ଲଗେ ଆନୁଲାଇ । ତାର୍ ପଦେକ୍ କାତା କଇଲା ଦାପ୍ରେସେ ତୁମା ଆଡ଼ମାମନ୍କେ ବାଟକରାଇଦେଲା ଆରି ରଗି ଲକ୍ଷ୍ମୀନ୍କେ ନିକ କଲା । ୧୭ ଏଟା କଲାର୍ ଲାଗି ଜିସୁ ଜିସାଇୟ୍ ବବିସଡ଼ବକ୍ତା ଜାନାଇ ରଇଲାଟା

* ୨:୨୮ ୭:୨୮ ମାର୍ଚ୍ଚକ ୧:୨୨; ଲୁକ୍ ୪:୩୨ * ୮:୧୧ ୮:୧୧ ଲୁକ୍ ୧୩:୨୯ * ୮:୧୨ ୮:୧୨ ମାତ୍ରି ୨୨:୧୩;୧୫:୩୦; ଲୁକ୍ ୧୩:୨୮

ପୁରାପୁରୁନ୍ ସିଦ୍ଧକଲା । ବବିସଦ୍‌ବଦ୍‌ତା କଇରଇଲା “ଆମର୍ ଦୁକାସୁକା ସବୁ ନିଜେ ନେଲା ଆରି ଆମର୍ ଜିର୍ଦ୍ଦୁକା ବଇଲା ।”

ଜିସୁର୍ ସଙ୍ଗ ଜିବା ବିସଇ
(ଲୁକ୍ ୯:୫୭-୬୨)

୧୮ ଜିସୁ ତାର ଚାରିବେଟି ରଇଲା ବେସି ଲକ୍‌ମନ୍‌କେ ଦେକିକରି ତାର୍ ସିସ୍‌ମନ୍‌କେ ଗାଡ୍ ସେପାଟ୍ ଜିବାକେ କଇଲା । ୧୯ ତେଇ ଗଟେକ୍ ଜିଉଦିମନ୍‌ର୍ ସାସ୍‌ତର୍ ସିକାଉ ତାର୍ ଲଗେ ଆସି କଇଲା, “ଏ ଗୁରୁ ତମେ ଜନ୍ ଜାଗାଇ ଗାଲେ ମିସା ମୁଇ ତମର୍ ସଙ୍ଗ୍ ଆଇବି ।”

୨୦ ମାତର୍ ଜିସୁ ତାକେ କଇଲା, “କଲିଆ ରଇବାକେ ପାଆର୍ ଆତେ, ଆରି ଉଡିବୁଲ୍‌ବା ଚତଇମନ୍ ରଇବାକେ ଗୁଡା ଆତେ, ମାତର୍ ନର୍ପିଲା ମୁଇ, ମକେ ରଇବାକେ ଜାଗା ନାଇ ।”

୨୧ ଆରି ସିସ୍‌ମନ୍‌ର୍ ବିତ୍‌ରେଅନି ଗଟେକ୍ ସିସ୍ କଇଲା, “ଏ ମାପୁରୁ, ମକେ ପର୍ତ୍ତୁମ୍ ମର୍ ବାବାକେ ଜାଇ ତପି ଆଇବାକେ ମେଲାନି ଦିଆ ।”

୨୨ ମାତର୍ ଜିସୁ ତାକେ କଇଲା, “ମରିଗାଲା ଲକ୍‌ମନ୍ ମଲା ଲକ୍‌ମନ୍‌କେ ତପଡ୍, ତୁଇ ମର୍ ପତେ ପତେ ଆଉ ।”

ଜିସୁ ବାଉ ପବନ୍‌କେ ତବିର୍ କଲା
(ମାର୍‌କ ୪:୩୫-୪୧; ଲୁକ୍ ୮:୨୨-୨୫)

୨୩ ତାର୍ ପତେ ଜିସୁ ଗଟେକ୍ ତଙ୍ଗାଇ ଚଗଲାକେ ତାର୍ ସିସ୍‌ମନ୍ ମିସା ତାର୍ ସଙ୍ଗ୍ ଗାଲା । ୨୪ ସେ ବେଲା ଅଟାଡ୍ ସମ୍‌ଦୁରେ ଏନ୍ତି ବାଉପବନ୍ ଆଇଲା ଆରି ଉଲ୍‌କାର୍ ଲାଗି ତଙ୍ଗା ପାନିତେଇ ବୁଡିଜିବା ପାରି ଅଇଲା । ମାତର୍ ଜିସୁ ତଙ୍ଗାଇ ସଇଦେଇ ରଇଲା । ୨୫ ଆରି ସିସ୍‌ମନ୍ ଜିସୁର୍ ଲଗେ ଜାଇକରି ତାକେ ଉଟାଇ କଇଲା, “ଏ ମାପୁରୁ ଆମ୍‌କେ ରକିଆ କର୍ । ନଇଲେ ଆମେ ବୁଡି ମରିଜିବୁବେ ।”

୨୬ ଜିସୁ ସେମନ୍‌କେ କଇଲା, “ଏ ବିସ୍‌ବାସେ ତାଟ୍ ନ ରଇଲା ଲକ୍‌ମନ୍, ତମେ କାଇକେ ଏତେକ୍ ତରିଗାଲାସିନି ?” ଜିସୁ ବାଉପବନ୍‌କେ ଆରି ଲଅଡିକେ ଦମ୍‌କାଇଲା । ତେବର୍‌ପାଇ ବାଉପବନ୍ ଆରି ଲଅଡି ତବିର୍ ଅଇଗାଲା ।

୨୭ ଏଟା ଦେକି ସିସ୍‌ମନ୍ ବେସି କାବାଅଇଜାଇ ତାକର୍ ତାକର୍ ବିତ୍‌ରେ କୁଆବଲା ଅଇଲା, “ଏ କେନ୍ତାଟ୍ ଲକ୍ ଜେ ବାଉପବନ୍ ଆରି ଲଅଡି ମିସା ଆର୍ କାତା ମାନ୍‌ଲାଜନି ।”

ଜିସୁ ଦୁଇଟା ତୁମା ତସାଇଅଉମନ୍‌କେ ନିକ କଲା
(ମାର୍‌କ ୫:୧-୨୦; ଲୁକ୍ ୮:୨୬-୩୯)

୨୮ ଜିସୁ ଆରି ତାର୍ ସିସ୍‌ମନ୍ ଗାଡ୍ ସେପାଟର୍ ଗଦ୍‌ରିୟ ନାଉର୍ ଜାଗାଇ କେଟ୍‌ଲା ଦାପରେ, ଦୁଇଟା ତୁମା ତସିଲା ଲକ୍ ତାକେ ବେଟ୍ ଅଇଲା । ସେମନ୍ ମସନ୍ ବିତ୍‌ରେ ରଇତେରଇଲା । ଆରି ସେମନ୍ ଏନ୍ତି ରଇଲା ଜେ, ସେ ବାଟେ କେ ମିସା ଆସ୍ ଜା ନ ଅଇତେ ରଇଲା । ୨୯ ସେ ଲକ୍‌ମନ୍ ବେସି କିର୍‌କିରି କରି କଇଲା, “ଏ ପର୍‌ମେସରର୍ ପିଲା ଆମର୍ ଗାନେ ତର୍ କାଇ କାମ୍ ଆତେ ? ବେଲ୍ କାଲ୍ ନ କେଟ୍‌ତେ ତୁଇ କାଇ ତଣ୍ଡ ଦେବାକେ ଇତି ଆଇଲୁସ୍ କି ?”

୩୦ ସେବେଲା ସେ ଜାଗାଇଅନି କଣ୍ଡେକ୍ ଦୁରିକେ ଗଟେକ୍ ବଡ୍ ଗୁସ୍‌ରି ମାନ୍ଦା ଚାରାଇତେରଇଲା । ୩୧ କାରାପ୍ ଆଡ୍‌ମାମନ୍ ଜିସୁକେ ଗୁଆରି କରି କଇଲା, “ତୁଇ ଜିଦି ଆମ୍‌କେ ଏ ଲକ୍‌ମନ୍‌ଟେଇ ଅନି ବାର୍‌କରାଇ ଦେଇସ୍ ବଇଲେ ସେ ଗୁସ୍‌ରି ମାନ୍ଦା ବିତ୍‌ରେ ଜିବାକେ, ଆଦେସ୍ ଦେ ।”

୩୨ ଜିସୁ ସେମନ୍‌କେ ଜା ! ବଲି କଇଲାକେ କାରାପ୍ ଆଡ୍‌ମାମନ୍ ସେ ଲକ୍‌ମନ୍‌ଟେଇଅନି ବାରଇକରି ଗୁସ୍‌ରିମନ୍‌ର୍ ବିତ୍‌ରେ ପୁରଲା । ତେବର୍ ପାଇ, ଗୁସ୍‌ରିମନ୍ ରିପେଅନି ଗସ୍‌ରି ସମ୍‌ଦୁରେ ବୁଡି ମଲା ।

୩୩ ଆରି ତେଇ ଗୁସ୍‌ରି ଚାରାଇତେ ରଇବା ଲକ୍‌ମନ୍ ପାଲା କରି ତୁମା ତସି ରଇଲା ଲକ୍‌ମନ୍‌କେ କାଇକାଜଟା ଅଇଲା ସେଟା ସବୁ କଇଦେଲା । ୩୪ ଆରି ସେ ଗଡ୍‌ର୍ ସବୁ ଲକ୍‌ମନ୍ ଜିସୁକେ ଦେକ୍‌ବାକେ ଆଇଲା । ସେମନ୍ ତାକେ ଦେକିକରି ସେ ଜାଗା ଚାଡି ଜା ବଲି ଗୁଆରି କଇଲା ।



ଜିସୁ ଚେରେଙ୍ଗ୍ ରଗିକେ ନିକ କର୍‌ବାଟା
(ମାର୍‌କ ୨:୧-୧୨; ଲୁକ୍ ୫:୧୭-୨୬)

୧ ଜିସୁ ତଜାଲ ବସି ଗାଡ଼ ସେପାଟେ ରଇଲା ନିଜର ଗତେ ବାଉଡ଼ି ଗାଲା । ୨ ଆରି ତେଇ ଲକ୍ମନନ୍ ଗଟେକ୍ ଚେରେଙ୍ଗ୍ ରଗିକେ ବଇକରି ତାର୍ ଲଗେ ଆନୁଲାଲ । ଚେରେଙ୍ଗ୍ ରଗି ଅର୍ଦ୍ଧନାଲ ସଇରଇଲା । ସେ ଲକ୍ମନନ୍ ବିସ୍ବାସ୍ ଦେକି ରଗିକେ କଇଲା, “ସାଆସ୍ ଦାର୍, ତର୍ ସବୁ ପାଠ୍ କେମା ଅଇଗାଲା ।”

୩ ଏ କାତା ସୁନି କେତେଟା ସାସ୍ତର୍ ସିକାଉମନ୍ ତାକର୍ ତାକର୍ ବିତ୍ରେ କାତା ଅଇଲାଲ, “ଏ ଲକ୍ମ କାଇକେ ପରମେସରର୍ ନିନ୍ଦା କଲାନି ?”

୪ ଜିସୁ ତାକର୍ ମନର୍ ଚିନ୍ତା ଜାନି କଇଲା, “ତମେ ନିଜର୍ ନିଜର୍ ମନେ କାଇକେ କାରାଠ୍ ଚିନ୍ତା କଲାସନି ? ୫ ତମର୍ ପାଠ୍ସବୁ କେମା ଅଇଗାଲା ବଲି କଇବାଟା ସଅଜ୍ କି 'ଉଟିକରି, ଛଣ୍ଡିଜା ବଲି କଇବାଟା ଅଦିକ୍ ସଅଜ୍ ? ୬ ମାତର୍ ଜଗତର୍ ପାଠ୍ କେମା କର୍ବାକେ ନର୍ପିଲା, ମର୍ ଅଦିକାର୍ ଆଚେ, ମୁଇ ଏଟା ତମର୍ ମୁଆଟେ ଦେକାଇବି ।” ତାର୍ ପଚେ ଜିସୁ ଚେରେଙ୍ଗ୍ ରଗିକେ କଇଲା, “ଉର୍, ନିଜର୍ ଟାଟି ଦାରି ଗରେ ଉଟିଜା ।”

୭ ଆରି ସେ ଲକ୍ ଉଟିକରି ଗରେ ବାରିଗାଲା । ୮ ଲକ୍ମନନ୍ ସେଟା ଦେକି କାବା ଅଇଜାଇ ଡରିଗାଲାଲ । ମାତର୍ ନର୍ ଲକ୍ମକେ ଏନ୍ତାରି ଅଦିକାର୍ ଦେଲାର୍ ପାଇ ପର୍ମେସରକେ ତାକ୍ପୁଟା କଲାଲ ।

ଜିସୁ ମାତୃକାକେ ତାକ୍ଲା
(ମାର୍ଚ୍ଚ ୨:୧୮-୨୨; ଲୁକ୍ ୫:୩୩-୩୯)

୯ ଜିସୁ ତେଇଅନି ଉଟି ଜିବାବେଲେ ମାତୃକା ନାଉଁର୍ ଗଟେକ୍ ସିସ୍ତୁ ମାଙ୍ଗ୍କେ, ତାର୍ ସିସ୍ତୁମାଙ୍ଗ୍ମନନ୍ ମାଙ୍ଗ୍ବା ଜାଗାଇ ବସିରଇଲାଟା ଦେକି କଇଲା, “ମର୍ ସଙ୍ଗ୍ ଆଉ ।” ମାତୃକା ସିସ୍ତୁମାଙ୍ଗ୍ମନନ୍ ମାଙ୍ଗ୍ବା ଜାଗାଇଅନି ଉଟି ଜିସୁର୍ ସଙ୍ଗ୍ ଗାଲା ।

୧୦ ଜିସୁ ମାତୃକା ଗରେ କାଇବାବେଲେ ବେସି ସିସ୍ତୁମାଙ୍ଗ୍ମନନ୍, ଆରି ପାପି ଲକ୍ମନନ୍ ତେଇ ଜିସୁ ଆରି ତାର୍ ସିସ୍ତୁମନର୍ ସଙ୍ଗ୍ ବସି କାଇତେ ରଇଲାଲ । ୧୧ ଏଟା ଦେକି ପାରୁସି ଲକ୍ମନନ୍ ଜିସୁର୍ ସିସ୍ତୁମନକେ ପାଟାରୁଲାଲ, “କାଇକେ ତମର୍ ଗୁରୁ ସିସ୍ତୁମାଙ୍ଗ୍ମନନ୍ ସଙ୍ଗ୍ ଆରି ପାପି ଲକ୍ମନନ୍ ସଙ୍ଗ୍ ବସି କାଇଲାନି ?”

୧୨ ଜିସୁ କଇଲା, “ନିକ ରଇଲା ଲକ୍ମର୍ ପାଇ ତାକ୍ଦର୍ ଲତା ନାଲ । ମାତର୍ ଜର୍ପୁକାର୍ ଲକ୍ମନନ୍ ପାଇ ତାକ୍ଦର୍ ଲତା ଆଚେ । ୧୩ ଏସାସ୍ତରେ ଲେକାଅଇଆଚେ, 'ମୁଇ ପସୁ ପୁଜିବା ବିରୁଟାନେଅନି, ଲକ୍ମନକେ ଦୟା ଦେକାଇବାଟା ମନ୍ କଲିନି । ଏ କାତାର୍ ଅରଡ୍ କାଇଟା ? ଜାଇକରି ବୁଜିବାକେ ଚେସ୍ଟା କରା । ମୁଇ ଦରମ୍ ଲକ୍ମନକେ ତାକ୍ବାକେ ଆସି ନାଲ, ପାପିମନକେ ତାକ୍ବାର୍ ଆସିଆଟି ।”

କାଇକେ ଉପାସ୍ କର୍ବାର୍
(ମାର୍ଚ୍ଚ ୨:୧୮-୨୨; ଲୁକ୍ ୫:୩୩-୩୯)

୧୪ ତାର୍ ପଚେ ଦିନେକ୍ ତୁବନ୍ ଦେଉ ଜଅନର୍ ସିସ୍ତୁମନ୍ ଜିସୁର୍ ଲଗେ ଆସି ପାଟାରୁଲାଲ, “ଆମେ ଆରି ପାରୁସିମନ୍ ବେସି ତର୍ ଲାକା ଉପାସ୍ କଲୁନି, ମାତର୍ ତମର୍ ସିସ୍ତୁମନ୍ କାଇକେ ଉପାସ୍ କରଡ୍ ନାଲ ?”

୧୫ ଜିସୁ ସେମନକେ କଇଲା, “ବିବା ଦାଙ୍ଗ୍ତା ଜେତେବେଲେ ଜାକ ଦାଙ୍ଗ୍ତାମନର୍ ସଙ୍ଗ୍ ବିବାଗରେ ରଇସି, ସେ ଦିନ୍ ଜାକ ସଙ୍ଗ୍ ଦାଙ୍ଗ୍ତାମନ୍ ଦୁକ୍ ନ କରଡ୍ । ମାତର୍ ଜେତେବଲ୍ ବିବା ଅଇବା ଦାଙ୍ଗ୍ତାକେ ସଙ୍ଗ୍ଦାଙ୍ଗ୍ତାମନର୍ଗାନେଅନି ଦାରିଜିବାଇ, ସେମନ୍ ଦୁକ୍ କରି ଉପାସ୍ କର୍ବାର୍ ।”

୧୬ କେ ମିସା ପୁରନା ଲୁଗା କାଣା ଅଇଲାଟାନେ, ନୁଆ ଲୁଗାର୍ ଗର୍ଣ୍ଣା ନ ସିଲାଅଡ୍, କାଇକେ ବଇଲେ ନୁଆ ଗର୍ଣ୍ଣା ପୁରନା ଲୁଗାକେ ବେସି ଚିରି ଦେଇସି । ୧୭ ଆରି, କେ ମିସା ନୁଆ ଅଙ୍ଗ୍ ରସ୍, ଚାମ୍ ସଙ୍ଗ୍ ତିଆର୍ ଅଇଲା ପୁରନା ମୁନାଲ ବେସି ଦିନ୍ ନ ସଙ୍ଗ୍ଅଡ୍, ସଙ୍ଗ୍ଲେଲେ ମୁନା ପାଟିଜାଇସି ଆରି ରସ୍ ଚିତ୍ତେ ତାଲି ଅଇଜାଇସି । ସେଟାର୍ ପାଇ ନୁଆ ରସ୍ ନୁଆ ମୁନାଲ ସଙ୍ଗ୍ଇବାଇ । ଏନ୍ତି ସଙ୍ଗ୍ଲେଲେ ମୁନା ଆରି ରସ୍ ଦୁଇଟା ଜାକ ନସ୍ଟ ନ ଅଏ ।

ଜାଇରସର୍ ଟକି ଆରି ଜିସୁର୍ ପଟିଆ ଜାଲି ଚିଇଲା ମାଇଜି
(ମାର୍ଚ୍ଚ ୫:୨୧-୪୩; ଲୁକ୍ ୮:୪୦-୫୬)

୧୮ ଜିସୁ ସେମନକେ ଏ ସବୁ କାତା କଇଲା ବେଲେ, ଦେକା ଗଟେକ୍ ଜିଉଦିମନର୍ ପାର୍ତନା ଗରର୍ ନେତା ଜିସୁର୍ ଲଗେ ଆସି ମାଣ୍ଡିକ୍ଟା ଦେଇ କଇଲା, “ମର୍ ଟକି ଏବେସେ ମରିଗାଲା ଆଚେ, ମାତର୍ ତୁଇ ଆସି ତାର୍ ଉପରେ ଆଡ୍ ସଙ୍ଗ୍ଲେଲେ ସେ ବର୍ଡ୍ସି ।”

୧୯ ଜିସୁ ଦାପରେ ଉଟିକରି ତାର୍ ସିସ୍ତୁମନର୍ ସଙ୍ଗ୍ ଗାଲା ।

☆ ୯:୧୦ ୯:୧୦ ଲୁକ୍ ୧୫:୧୨ ☆ ୯:୧୩ ୯:୧୩ ମାତୃକା ୧୨:୭

୨୦ ତେଜ ଗଟେକ ମାଛଜି ଜିସୁର ପର୍ବବାଟେ ଆଇଲା । ତାକେ ବାର ବରସ୍ ଜାକ ବନି ଜାଇତେ ରଇବା ରଗ ଅଇରଇଲା । ସେ ମାଛଜି ପଟେ ଜାଇ ଜିସୁର ଲୁଗା ଚିଇଲା । ୨୧ ସେ ମନେ ମନେ ବାବଲା ମୁଇ ତାର୍ ପିନ୍ଦଲାଟା ଚିଇଲେ ନିମାନ୍ ଅଇଜିବି ।

୨୨ ମାତର୍ ଜିସୁ ପାସଲି କରି ତାକେ ଦେକି କଇଲା, “ଏ ନୁନି, ତରନାଇ ସାଆସ୍ ଦାର୍, ତର୍ ବିସ୍‌ବାସ୍ ତକେ ନିମାନ୍ କରିଆଟେ ।” ଏଡ଼କି କଇଲା ଦାପରେ ସେ ମାଛଜି ନିମାନ୍ ଅଇଗଲା । ୨୩ ତାର୍ ପଟେ ଜିସୁ ଜିଉଦିମନର୍ ପାର୍‌ତନା ଗରର୍ ମୁକିଆର୍ ଗରେ କେଟ୍‌ଲା । ତେଇ ଦନକର୍‌ବାକେ ଆସି ରଇଲା ଲକ୍‌ମନ୍, ଆରି ବାଜିନିଆମନ୍ କାନ୍ଦାବୁବା ଅଇବାଟା ଦେକି, ୨୪ ଜିସୁ କଇଲା, “ସବୁ ଲକ୍ ଇତିଅନି ବାରଇଜା । ଏ ଟକିତା ମରେନାଇ, ସଇଆଟେ ।” ତାର୍ କାତା ସୁନି ତେଇ ରଇଲା ଲକ୍‌ମନ୍ ତାକେ କିଜାଇବାର୍ ଦାର୍‌ଲାଇ । ୨୫ ମାତର୍ ଲକ୍‌ମନ୍‌କେ ବାର୍‌କଲା ପଟେ ଜିସୁ ବାକ୍‌ରାଇ ଜାଇ ଟକିର୍ ଆଟେ ଦାରି ତାକେ ଉଟାଇଲା । ଟକି ଦାପରେ ଉଟିକରି ଚିଆଅଇଲା । ୨୬ ଏ ଗଟ୍‌ନାର୍ କବର୍ ସେ ଜାଗାର୍ ଗୁଲାଇ ବାଟର୍ ଲକ୍ ସୁନ୍‌ଲାଇ ।

ଜିସୁ ଦୁଇଟା କାଣାକେ ନିକ କଲା

୨୭ ଜିସୁ ସେ ଜାଗାଇଅନି ବାରଇ ଜିବାବେଲେ ଦୁଇଟା କାଣା, ତାର୍ ପଟେ ପଟେ ଇଣ୍ଟି ଆଇଲାଇ । ସେମନ୍ ଆଉଲି ଅଇକରି କଇବାର୍ ଦାର୍‌ଲାଇ । “ଏ ଦାଉଦ୍ ରାଜାର୍ ପଅ ! ଆମ୍‌କେ ଦୟା କରା ।”

୨୮ ଜିସୁ ଗଟେକ୍ ଗରେ ଗାଲା ଆରି କାଣାମନ୍ ମିସା ତାର୍ ପର୍ ପର୍ ପୁରୁଲାଇ । ପୁରୁଲାକେ ଜିସୁ ସେମନ୍‌କେ ପାଚାରୁଲା, “ମୁଇ ତମର୍ ଆଁକି ନିକ କରି ପାର୍‌ବି ବଲି ତମେ ବିସ୍‌ବାସ୍ କଲାସ୍‌ନି କି ?” ସେମନ୍ କଇଲାଇ “ଉଁ ମାପୁରୁ ।”

୨୯ ତାର୍ ପଟେ ଜିସୁ ସେମନ୍‌ର୍ ଆଁକି ଚିଇକରି କଇଲା, “ମକେ ବିସ୍‌ବାସ୍ କଲାର୍ ଲାଗି ତମର୍ ଆଁକି ତିସ ।” ୩୦ ଜିସୁ କଇଲା ଦାପରେ କାଣାମନ୍ ଆଁକି ଦେକିପାରୁଲାଇ । ଆରି ଜିସୁ, ସେମନ୍‌କେ ଡାକ୍‌କରି, “ଏ ବିସଇ କାକେ ମିସା କୁଆ ନାଇ ।” ବଲି କଇଲା ।

୩୧ ମାତର୍ ସେମନ୍ ବାରଇ ଜାଇ ଜିସୁର୍ ଏ କରିରଇବାଟା ଗୁଲାଇ ଦେସେ ଜାନାଇଲାଇ ।

ଗଟେକ୍ ଗୁଲା ଅଇଲା ଲକ୍ କାତା ଅଇ ପାରୁଲା

୩୨ ଜିସୁ ଆରି ତାର୍ ସିସ୍‌ମନ୍ ସେ ଗରେଅନି ବାରଇ ଗାଲାବେଲେ କେତେଟା ଲକ୍‌ମନ୍ ଗଟେକ୍ ଗୁଲା ଲକ୍‌କେ ତାର୍ ଲଗେ ଆନ୍‌ଲାଇ । ତାକେ ତୁମାଦାରିରଇଲାକେ ସେ ଗୁଲା ଅଇଜାଇରଇଲା । ୩୩ ଜିସୁ ତୁମାକେ ସେ ଲକ୍‌ଟେଇଅନି କେଦ୍‌ଲା ପଟେ ସେ କାତାଅଇବାର୍ ଦାରୁଲା । ଆରି ତେଇ ରଇଲା ଲକ୍‌ମନ୍ କାବାଅଇଜାଇ କଇଲାଇ । “ଇସ୍‌ରାଏଲ୍ ଦେସେ ଏଣ୍ଟାରି ଗଟ୍‌ନା ଆମେ କେବେ ଦେକି ନ ରଇଲୁ ।” ୩୪ ମାତର୍ ପାରୁସିମନ୍ କଇଲାଇ, “ସେ ତୁମାମନ୍‌ର୍ ନେତାର୍ ବପୁ ସଇଁ ବିନ୍ ତୁମାମନ୍‌କେ କେଦ୍‌ଲାନି ।”

ଲକ୍‌ମନ୍‌କେ ଜିସୁର୍ ଦୟା

୩୫ ଜିସୁ ଗାଉଁ ଗାଉଁ ବୁଲି ବୁଲି ଜିଉଦିମନର୍ ପାର୍‌ତନା ଗର୍‌ମନ୍‌କେ ଜାଇ ସିକାଇ ଦେଇତେ ରଇଲା । ଆରି ପର୍‌ମେସରର୍ ରାଇଜର୍ ନିମାନ୍ କାତା କଇତେରଇଲା । ବିନ୍ ବିନ୍ ଜର୍ ଆରି ରଗ୍ ଦାରୁଲା ଲକ୍‌ମନ୍‌କେ ସବୁ ନିକ କରିଦେଲା ଆରି ପାର୍‌ତନା ଗରେ ସିକିଆ ଦେଲା । ୩୬ ଆରି ତେଇ ରଇଲା ଜବର୍ ଲକ୍‌ମନ୍‌କେ ଦେକିକରି ସେ ଦୟା କଲା । କାଇକେ ବଇଲେ ସେମନ୍ ବେସି ତାକିଜାଇରଇଲା ଆରି ସାଇଜ ପାଇବାକେ କନ୍ ବାଟେ ଜିବାର୍ ଆଟେ, ଜାନିନାପାର୍‌ତେ ରଇଲାଇ । ସେମନ୍ ଗଉଡ୍ ନଇଲା ମେଣ୍ଟାରାସି ପାରା ଅଇଜାଇରଇଲାଇ । ୩୭ ସେଡ଼କିବେଲେ ସେ ସିସ୍‌ମନ୍‌କେ କଇଲା, “ତାସ୍ ସିନା ବୁତେକ୍ । ମାତର୍ ସେଟା କାଟ୍‌ବାକେ, ଲକ୍‌ମନ୍ ଉନା ଆଟଡ୍ । ୩୮ ତେବର୍‌ପାଇ ‘କେଡ୍ ରଇଲା ପଦାଇ କାଟ୍‌ବାକେ ବେସି ଲକ୍‌କେ ପାଟାଆ’ ବଲି ତାସ୍ କଲା ସାଉକାଟ୍‌କେ ପାର୍‌ତନା କରା ।”

୧୦

**ବାର୍‌ଟା ସିସ୍‌ମନ୍
(ମାର୍‌କ୍ ୩:୧୩-୧୯; ଲୁକ୍ ୬:୧୨-୧୬)**

୧ ଜିସୁ ତାର୍ ବାର୍‌ଟା ପେରିଡ଼ମନ୍‌କେ ଲଗେ ତାକି ତୁମା କେଦ୍‌ବାକେ, ସବୁ ରକାମର୍ ରଗ୍ ଆରି ଜର୍‌ଦୁକା ନିମାନ୍ କର୍‌ବାକେ ଅଦିକାର୍ ଦେଲା । ୨ ସେ ବାର୍‌ଟା ପେରିଡ଼ମନ୍‌ର୍ ନାଉଁ ଅଇଲାନି, ସିମନ୍

* ୯:୩୪ ୯:୩୫ ମାଡ଼ିତ ୧୦:୨୫-୧୨:୨୪; ମାର୍‌କ୍ ୩:୨୨; ଲୁକ୍ ୧୧:୧୫ * ୯:୩୫ ୯:୩୫ ମାଡ଼ିତ ୪:୨୩; ମାର୍‌କ୍ ୧:୩୯; ଲୁକ୍ ୪:୪୪ * ୯:୩୬ ୯:୩୬ ମାର୍‌କ୍ ୬:୩୪ * ୯:୩୭ ୯:୩୭ ଲୁକ୍ ୧୦:୨

ଜାଣେକି ପିତରୁ ବଲି ଡାକ୍‌ବାଇ, ଆରି ତାରୁ ବାଇ ଆନ୍‌ରିୟ, ଜେବଦିରୁ ପଥ ଜାକୁବ୍ ଆରି ତାରୁ ବାଇ ଜଅନ୍, ୩ ପିଲିୟ ଆରି ବାର୍‌ତଲମି, ତମା ଆରି ସିସ୍‌ତୁମାଙ୍ଗୁମନ୍ ମାତ୍ରିର, ଆଲ୍‌ପିରୁ ପଥ ଜାକୁବ୍ ଆରି ତଦିୟ, ୪ କିଶାନିୟ ସିମନ୍ ଜେ କି ଇସରାଏଲ୍ ଲକ୍‌ମନର୍ ମୁକ୍ତିର ପାଇ ଚେସଟା କର୍‌ତେରଇଲା । ଆରି ଇସକାରିୟତ୍ ଜିଉଦା, ଜେ ଜିସୁକେ ସତ୍‌ରୁମନ୍‌କେ ସର୍‌ପିଦେଇ ରଇଲା ।

ବାରଟା ସିସ୍‌କେ ଦିଆଅଇରଇଲା କାମ୍ (ମାର୍‌କ ୭:୭-୧୩; ଲୁକ୍ ୯:୧-୬)

୫ ଜିସୁ ବାରଟା ସିସ୍‌ମନ୍‌କେ ପାଟାଈଲାବେଲେ କାଈଟା କର୍‌ବାରୁ ଆତେ କାଈଟା ନାଇ ବଲି ଆଦେସ ଦେଇ କଇଲା, “ତମେ ଜିଉଦି ନଇଲା ଲକ୍‌ମନର୍ କନ୍ ଜାଗାଇ ମିସା ଜାଆନାଇ କି ସିମିରଣିୟ ଗଡେ ମିସା ପୁରାନାଇ । ୬ ମାତରୁ ଆଜିଗାଲା ମେଣ୍ଡାମନର୍ ପାରା ରଇବା ଇସରାଏଲ୍‌ମନର୍ ଲଗେ ଜା । ୭ ସେମନର୍ ଲଗେ ଜାଇ ଜାନାଇକରି କୁଆ, ସରଗ୍ ରାଇଜ୍ ଲଗେ ଆଇଲା ଆତେ ।” ଜରୁ ଲକ୍‌ମନ୍‌କେ ନିମାନ୍ କରା, ମଲା ଲକ୍‌ମନ୍‌କେ ଉଟାଆ, ବଡ଼ ରଗିମନ୍‌କେ ନିମାନ୍ କରା, ତୁମାମନ୍‌କେ କେଦିଆସ୍ । ଏ ସବୁ ସରଗର ମାପୁରୁଡ଼େ ତେଇଅନି ତିନ୍‌ପଲିଆରେ ମିଲାଇ ଆଗାସ୍ । ସେତି ବିନ୍ ଲକ୍‌ମନ୍‌କେ କାଈଟା ନ ମାଙ୍ଗ୍‌ତେ ଦିଆସ୍ । ୯ ତାକୁ ମିସା ନିଆନାଇ । ୧୦ ଆରି ବୁଲ୍‌ବା ବେଲେ ମୁନା ଦାରି ବୁଲ୍‌ନାଇ । ଗଟେକ୍ ଉଡ଼କା ପିନ୍‌ଦା ପଟିଆ, ପାଣ୍ଡୁଇ, ତାଙ୍ଗ୍ ନିଆ ନାଇ । ପାଇଟି କରୁ ତାରୁ ବୁଡ଼ି ପାଇସିସେ ।”

୧୧ “ଗଟେକ୍ ଗଡେ କି ଗାଏଁ କେଟ୍‌ସା ବଇଲେ, ତେଇ କେ ତମ୍‌କେ ନିଜର୍ ଗରେ ଡାକ୍‌ସି, ସେ ଲକ୍‌କେ କଜା, ଆରି ବିନେ ଜିବା ଜାକ ଡାକ୍‌ର୍ ଗରେସେ ରୁଆ । ୧୨ ଗରେ କେଟ୍‌ଲା ବେଲେ ତେଇ ରଇଲା ଲକ୍‌ମନ୍‌କେ ଜୁଆର୍ କରି କୁଆ, ‘ତମ୍‌କେ ସାକ୍ତି ମିଲ’ । ୧୩ ସେମନ୍ ଜଦି ତମ୍‌କେ ଗଡିଆ କରି ଡାକ୍‌ବାଇ, ତମେ କଇଲା ସାକ୍ତିର୍ କାତା ପୁରୁନ୍ ଅଇସି । ମାତରୁ ସେମନ୍ ଜଦି ତମ୍‌କେ ଗଡିଆ କରି ନ ଡାକ୍‌ତୁ ବଇଲେ, ତମେ କଇଲାଟା ତମ୍‌ର୍ ଲଗେ ବାଉଡ଼ି ଆଇସି । ୧୪ ଜଦି କେ ମିସା ତମ୍‌କେ ନ ଡାକ୍‌ତୁ କି ତମେ କଇଲା କାତା ନ ସୁନ୍‌ତୁ ବଇଲେ, ଏ ଜାଗା ଚାଡ଼ୁଲ୍ ବଲି ଗଟେକ୍ ଚିନ୍ ପାରା ଦେକାଇବାକେ, ପାଦର୍ ବୁଲି ପାପୁଡ଼ି, ସେ ଜାଗା ଗଡ଼ି ଉଟିଜା । ୧୫ ମୁଜ୍ ତମ୍‌କେ ସର୍ କଇଲିନି, ବିଚାର୍‌ନା ଦିନେ ସଦର୍ ଗମରାକେ ପର୍‌ମେସର୍ ଅଦିକ୍ ଦୟା ଦେକାଇସି ।”

ଆଇବା ଦୁକ୍‌କସଟ (ମାର୍‌କ ୧୩:୯-୧୩; ଲୁକ୍ ୨୧:୧୨-୧୫)

୧୬ ସୁନା, ବାଲିଆତୁରକାମନର୍ ବିତ୍‌ରେ ମେଣ୍ଡାମନ୍‌କେ ପାଟାଈଲା ପାରା ମୁଜ୍ ତମ୍‌କେ ପାଟାଈଲିନି । ସାଁପର୍ ପାରା ଚାଲକି ଅଇ ପରୁଆପାରା ସୁଆଲ୍ ଉଆ । ୧୭ ମାତରୁ ଜାଗରତ୍ ଅଇରୁଆ, କାଈକେ ବଇଲେ ଲକ୍‌ମନ୍ ସେମନର୍ ବିଚାରୁ କର୍‌ବା ଜାଗାମନର୍‌ତେଇ ତମ୍‌କେ ସର୍‌ପିଦେବାଇ ଆରି ପାର୍‌ତନା ଗର୍‌ମନ୍‌କେ ତମ୍‌କେ କର୍‌ତା ମାର୍‌ବାଇ । ୧୮ ଆରି ତମେ ମର୍ ସିସ୍ ଅଇଲାର୍ ଲାଗି, ରାଜା ଆରି ସାସନ୍ କର୍‌ବା ଲକ୍‌ମନର୍ ଲଗେ ନିଆଅଇ ବିଚାରୁ କରାଇଅଇସା । ଇଡିଅନି ସେମନ୍‌କେ ଆରି ଜିଉଦି ନଇଲା ଲକ୍‌ମନର୍ ତେଇ ମର୍ ବିସଇନେଇ କଇବାକେ ତମେ ବେଲା ପାଇସା । ୧୯ ତମ୍‌ର୍ ବିଚାର୍‌ନା ଅଇବାବେଲେ ‘କାଈଟା କଇବି, କେକ୍ତି କଇବି’ ବଲି ଚିନ୍ତା କରି ତେରେପେଡେ ନ ଉଆ । ଚିକ୍ ସେବେଲାଇ ସେଟା ତମ୍‌କେ ଜାନାଇ ଦିଆଅଇସି । ୨୦ କାଈକେ ବଇଲେ ତମେ ନିଜେ କାଈଟା କଇବାକେ ନ ପଡେ । ବାବା ପର୍‌ମେସର୍ ସୁକଲ୍ ଆଡ଼ମାଇ ତମ୍‌ର୍ ଟଣ୍ଡେଅନି କାତା କଇସି ।”

୨୧ ଲକ୍‌ମନ୍ ନିଜର୍ ବାଇକେ ମରନର୍ ତଣ୍ଡି ବର୍‌ବାକେ ଦାରାଇଦେବାଇ । ବାବା ମିସା ନିଜର୍ ପିଲାମନ୍‌କେ ସେନ୍ତାରି କର୍‌ସି । ପିଲା ଟକିମନ୍ ବାବାମାଆର୍ ବିରଦେ ଉଟି ସେମନ୍‌କେ ମରାଇବାଇ । ୨୨ ମକେ ବିସ୍‌ବାସ୍ କଲାର୍ ଲାଗି ତମ୍‌କେ ସବୁ ଲକ୍ ଚିନ୍ କର୍‌ବାଇ । ମାତରୁ ଜନ୍ ଲକ୍ ସାରାସାରି ଜାକ ସାଆସ୍ ଦାରି ରଇସି, ସେ ମୁକ୍ତି ପାଇସି । ୨୩ ଗଟେକ୍ ନଅରେ ଦୁକ୍ କସଟ ଦେଲେ, ତମେ ଆରି ଗଟେକ୍ ନଅରେ ଉଟି ପାଲାଆ । ମୁଜ୍ ତମ୍‌କେ ସର୍‌କାତା କଇଲିନି, ତମେ ଇସରାଏଲ୍ ଦେସେ ରଇବା ସବୁ ଗଡେ ବୁଲି ନ ସାର୍‌ତେ, ନର୍‌ପିଲା ମୁଜ୍ ଆରି ତରେକ୍ ବାଉଡ଼ି ଆସିରଇବି ।

୨୪ “କନ୍ ସିସ୍ ମିସା ଗୁରୁର୍ ତେଇଅନି ବଡ଼ ନର୍ । ଗତିଦାଙ୍ଗ୍‌ତା ସାଉକାରୁଡ଼େତେଅନି ବଡ଼ ନର୍ । ୨୫ ସିସ୍ ତାରୁ ଗୁରୁର୍ ପାରା ଆରି ଗତିଦାଙ୍ଗ୍‌ତା ନିଜର୍ ସାଉକାରୁ ପାରା ଅଇଲେ ସେମନ୍ ସାର୍‌ଦା

୫ ୧୦:୧୦ ୧୦:୧୦ ୧ମ କରନ୍ତିୟ ୯:୧୪; ୧ମ ତିମତି ୫:୧୮ ୬ ୧୦:୧୪ ୧୦:୧୪ ପେରିକ୍ ୧୩:୫୧ ୭ ୧୦:୧୫ ୧୦:୧୫ ମାତ୍ରିର ୧୧:୨୪ ୮ ୧୦:୧୫ ୧୦:୧୫ ଲୁକ୍ ୧୦:୪-୧୨ ୯ ୧୦:୧୬ ୧୦:୧୬ ଲୁକ୍ ୧୦:୩ ୧୦ ୧୦:୧୭ ୧୦:୧୭ ମାର୍‌କ ୧୩:୧-୧୧; ଲୁକ୍ ୧୨:୧୧,୧୨:୨୧,୧୨:୧୫ ୧୧ ୧୦:୨୧ ୧୦:୨୧ ମାର୍‌କ ୧୩:୧୨; ଲୁକ୍ ୨୧:୧୭ ୧୨ ୧୦:୨୨ ୧୦:୨୪ ମାତ୍ରିର ୨୪:୯; ମାର୍‌କ ୧୩:୧୩; ଲୁକ୍ ୨୧:୧୭; ମାତ୍ରିର ୨୪:୧୩; ମାର୍‌କ ୧୩:୧୩ ୧୩ ୧୦:୨୪ ୧୦:୨୪ ଲୁକ୍ ୬:୪୦; ଜଅନ୍ ୧୩:୧୫;୧୫:୨୦ ୧୪ ୧୦:୨୫ ୧୦:୨୫ ମାତ୍ରିର ୯:୩୪;୧୨:୨୪; ମାର୍‌କ ୩:୨; ଲୁକ୍ ୧୧:୧୫

ଅଇବାବୁ ଆତେ । ଗଟେକ୍ ଗରର୍ ମୁକିଆ ମକେ, ବାଲୁଜିବୁଲୁ ବଲି ଡାକଲାଇନି ବଇଲେ, ଗରର୍ ଆରି ଅଦେକ୍ ଲକ୍ମନକେ ବାଇଦରେ ଅଦିକ୍ କାରାୟ୍ ନାଉଁ ଦାରି ଡାକବାଇ ।”

କାକେ ଡରବାର୍
(ଲୁକ୍ ୧୨:୨-୭)

୨୬ *ସେଟାପାଲ ଲକ୍ମନକେ ଡରାନାଇ । ଜନ୍ ବିସଇ କି ଲୁକ୍ତେ ଆତେ, ସେଟା କେବେ ନଇଲେ କେବେ ତସି ଆରି ସବୁ ଲୁଚିଲା କାତାମନ୍ ଜାନା ପଡ଼ସି । ୨୭ ଜନ୍ଟା ମୁଇ ତମକେ ଆନ୍ଦା ବେଲାଇ କଇଲିନି ସେଟା ତମେ ଉକ୍ତଲେ କୁଆ, ଆରି ଜନ୍ଟା ଲୁକ୍ତେ ସୁନିଆରାସ୍ ସେଟା ଗରର୍ ଚାଉନି ଉପ୍ରେ ଚିଆଅଇ କୁଆ । ୨୮ ଜନ୍ଲକ୍ମନ ତମର୍ ଗାଗଡ଼ ନସ୍ଟ କରବାଇ ମାତର୍ ତମର୍ ଆତମାକେ କାଇଟା କରିନାପାରତ୍ ସେମନ୍କେ ଡରାନାଇ । ମାତର୍ ଜନ୍ ପର୍ମେସର୍ ତମର୍ ଗାଗଡ଼ ଆରି ଆତମାକେ ନରକ୍ କୁଣ୍ଡେ ପିଙ୍ଗସି, ତାକେ ଡରା । ୨୯ ତାରୁଦେଇ ଦୁଇଟା ଚେଟିଆ ଚଡ଼ଇ ଗେନିପାରାସ୍, ମାତର୍ ତମର୍ ବାବା ପର୍ମେସର୍ ନାଜାନତେ ସେ ଚଡ଼ଇମନତେଇଅନି ଗଟେକ୍ ନ ମରଡ଼ । ୩୦ ଆରି ପର୍ମେସର୍ ତମର୍ ମୁଣ୍ଡର୍ ଚେଣ୍ଟି ମିସା ଗଟେକ୍ ଗଟେକ୍ କରି ଏଜିଆତେ । ୩୧ ଡରାନାଇ, ବେସି ଚେଟିଆ ଚଡ଼ଇମନର୍ ତେଇ ଅନି ତମର୍ ଦାମ୍ ଅଦିକ୍ ।”

ଜିସୁକେ ନାମବାଟା
(ଲୁକ୍ ୧୨:୮-୯)

୩୨ *ଜେ ମକେ ସବୁର୍ ମୁଆଟେ ‘ମର୍ ଲକ୍’ ବଲି ନାମସି, ମୁଇ ମିସା ମର୍ ସରଗର୍ ବାବାର୍ ମୁଆଟେ ସେମନ୍କେ ‘ମର୍ ଲକ୍’ ବଲି କଇବି । ୩୩ *ମାତର୍ ଜନ୍ ଲକ୍ ମକେ ସବୁର୍ ମୁଆଟେ ‘ତାକେ ନାଜାନି’ ବଲି କଇସି, ମୁଇ ମିସା ମର୍ ସରଗର୍ ବାବାର୍ ମୁଆଟେ ‘ତାକେ ନାଜାନି’ ବଲି କଇବି ।”

ସାନ୍ତିର୍ ବାଦୁଲେ କାଣ୍ଡା
(ଲୁକ୍ ୧୨:୫୧-୫୩; ଲୁକ୍ ୧୪:୨୬-୨୭)

୩୪ *ମୁଇ ଏ ଦୁନିଆଇ ସାନ୍ତି ଦେବାର୍ ଆସିଆତି ବଲି ତମେ ବାବା ନାଇ । ନାଇ, ସାନ୍ତି ଦେବାକେ ଆସି ନାଇ, କାଣ୍ଡା ଦେବାକେ ଆଇଲିଆତି । ୩୫ ମର୍ ଲାଗି ପିଲା ବାବାକେ ବିରଦ୍ କରସି, ଟକି ଆୟାକେ ବିରଦ୍ କରସି ଆରି ବୁଆରି ସାଡ଼ରିର୍ ବିରଦେ ଉଟସି । ୩୬ ନିଜର୍ ଗରର୍ ଲକ୍ମନସେ ନିଜର୍ ସଡ଼ୁ ଅଇବାଇ ।”

୩୭ *କେମିସା ଜଦି ନିଜର୍ ମାବାବାକେ ମର୍ତେଇଅନି ଅଦିକ୍ ଆଲାଦ୍ କରସି, ସେ ମର୍ ସିସ୍ ଅଇନାପାରେ । ଆରି ଜନ୍ ଲକ୍ ମକେ ଆଲାଦ୍ କରବାଟାନେ ଅନି ନିଜର୍ ପିଲାଟକିକେ ଅଦିକ୍ ଆଲାଦ୍ କରସି ବଇଲେ ସେ ମର୍ ସିସ୍ ଅଇବାକେ ଅଦିକାର୍ ନ ପାଏ । ୩୮ *ଜନ୍ ଲକ୍ ନିଜର୍ କୁରୁସ୍ ବଇ ମର୍ ସଙ୍ଗ ନ ଆସେ ବଇଲେ ସେ ମର୍ ସିସ୍ ଅଇବାକେ ଅଦିକାର୍ ନ ପାଏ । ୩୯ *ଜନ୍ଲକ୍ ନିଜର୍ ଜିବନ୍ ରକିଆ କରବାକେ ଚେସ୍ଟା କରସି ବଇଲେ ସେ ସେଟା ଆରାଇସି । ମାତର୍ ଜେ ମର୍ ଲାଗି ତାର୍ ଜିବନ୍ ଆରାଇସି ବଇଲେ, ସେ ସଡ଼ଇସେ ସେଟା ରକିଆ କରସି ।”

ପୁରୁସକାର୍
(ମାର୍କ୍ ୯:୪୦)

୪୦ *ଜନ୍ ଲକ୍ ତମକେ ଡାକିନେଇସି, ସେ ମର୍ପାଇ ସେଟା କଲାନି । ଆରି ଜନ୍ ଲକ୍ ମକେ ଡାକିନେଇସି ସେ ମକେ ପାଗାଇଲା ବାବା ପରମେସରର୍ ପାଇ ସେଟା କଲାନି । ୪୧ ଜେ ମିସା ଗଟେକ୍ ବଦିସଡ଼ବକ୍ତାକେ ‘ପର୍ମେସରର୍ କାତା ସୁନାଉ’ ବଲି ଡାକସି, ବଦିସଡ଼ବକ୍ତାକେ ମିଲୁବା ପୁରୁସକାର୍ତେଇ ସେ ମିସା ମିସସି । ଆରି ଜେ ଦରମ୍ ଲକ୍କେ ଗରେ ଡାକସି, ଦରମ୍ ଲକ୍କେ ମିଲୁବା ପୁରୁସକାର୍ତେଇ ସେ ମିସା ମିସସି । ୪୨ ଆରି ଜନ୍ ଲକ୍ ମର୍ ପଟେ ପଟେ ଆଇବା ମୁକିଆ ନଇଲା ଗଟେକ୍ ସାନି ସିସ୍କେ, ଗିଲ୍ସେକ୍ ପାନି ଦେଇସି, ସେ ମର୍ ସିସ୍ । ସେ ପୁରୁସକାର୍ ପାଇସି ଆକା ।”

୧୧

ଜିସୁ ଆରି ତୁବନ୍ ଦେଡ଼ ଜଅନ୍
(ଲୁକ୍ ୭:୨-୭)

* ୧୦:୨୭ ୧୦:୨୭ ମାର୍କ୍ ୪:୨୨; ଲୁକ୍ ୧:୧୭ * ୧୦:୩୩ ୧୦:୩୩ ୨୬ ଡିମତି ୧:୨୧ * ୧୦:୩୮ ୧୦:୩୮ ମାତ୍ରିତ ୧୭:୨୪; ମାର୍କ୍ ୮:୩୪; ଲୁକ୍ ୯:୨୩ * ୧୦:୩୯ ୧୦:୩୯ ମାତ୍ରିତ ୧୭:୨୫; ମାର୍କ୍ ୮:୩୫; ଲୁକ୍ ୯:୨୪; ୧୭:୩୩; ଜଅନ୍ ୧୨:୨୫ * ୧୦:୪୦ ୧୦:୪୦ ଲୁକ୍ ୧୦:୧୬; ଜଅନ୍ ୧୩:୨୦; ମାର୍କ୍ ୯:୩୭; ଲୁକ୍ ୯:୪୮

୧ ଜିସୁ ବାର୍ତ୍ତା ସିସ୍ତାମନକେ ସିକାଇ କରି କଇ ପାଟାଇ ସାରୁଲା ପଟେ, ସେ ଜାଗା ଚାଟିକରି ଲଗେ ରଇଲା ଗଡ଼ମନରୁ ଲକ୍ଷମନକେ ଜାଇ ସିକାଇଲା ଆରି ମାପରୁରୁ କାତା ସୁନାଇବାରୁ ଦାରୁଲା ।

୨ ସେ ବେଲା ତୁବନଦେଉ ଜଅନ୍ ବନ୍ଦିଗରେ ରଇଲା । ଜିସୁ ଜନ୍ କାମମନ୍ ସବୁ କରତେ ରଇଲା, ତାରୁ କବରୁ ସୁନି ତାରୁ କେତେଟା ସିସ୍ତାମନକେ ଜିସୁରୁ ଲଗେ ପାଟାଇଲା । ୩ ସେମନ୍ ଜାଇ ଜିସୁକେ ପାଟାରୁଲା, “ଜନ୍ ଲକ୍ଷ ଆଇସି ବଲି ଜଅନ୍ କଇରଇଲା, ସେ ଲକ୍ଷ ତମେ କି ? ନଇଲେ, ଆମେ ଆରି ବିନ୍ ଲକ୍ଷକେ ଜାଗରୁ କି ?”

୪ ଜିସୁ ସେମନକେ କଇଲା, “ତମେ ବାଉଡି ଜାଇ ଜନ୍ଟା ସବୁ ଦେକ୍ଲାସ୍ ଆରି ସୁନ୍ଲାସ୍, ଜଅନ୍କେ କଇଦିଆସ । ୫ କାଣାମନ୍ ଦେକ୍ପାଠରୁଲାଇନି, ଚଟାମନ୍ ଇଣ୍ଟରୁଲାଇନି, ବଡ଼ ରଗିମନ୍ ନିମାନ୍ ଅଇଲାଇନି, ବଇରାମନ୍ ସୁନ୍ଲାଇନି, ମଲା ଲକ୍ଷମନ୍ ଜିବନ୍ ଅଇଲାଇନି ଆରି ଗରିବ୍ ଲକ୍ଷମନରୁ ଲଗେ ନିମାନ୍ କବରୁ କେଟୁନି । ୬ ଜେ ମରୁ ବିସଇ ନେଇକରି, ‘ସେ କି ନର୍ଥ ଆଲେ’ ବଲି ନ ବାବେ, ସେ କେତେ ନିକ କରମରୁ ଲକ୍ଷ । ଜେ ମକେ ନାମସି ଆରି ମକେ ସବୁ ବେଲା ବିସ୍ତାସ୍ କରସି ତାକେ ପରମେସରୁ ଆସିବରାଦ୍ କରସି ।” ବଲି କଇଲା ।

୭ ଜଅନ୍ରୁ ସିସ୍ତାମନ୍ ବାଉଡି ଗାଲାବେଲେ ଜିସୁ ଲକ୍ଷମନକେ ଜଅନ୍ରୁ ବିସଇ କଇଲା, ତମେ ଜଅନ୍କେ ଦେକ୍ବାକେ ଜେତେବଲ୍ ମରୁବାଲିରୁର୍ ଜାଇରଇଲାସ୍, କାଇଟା ଦେକ୍ବାକେ ଆସା କରିରଇଲାସ୍ ? ପବନ୍ ମାରୁଲେ ଜୁଲ୍ବା ଗାସ୍ ପତରୁ ? ୮ କାକେ ଦେକ୍ବାକେ ଜାଇ ରଇଲାସ୍ ? କାଇ ସୁନ୍ରୁ ବସ୍ତରୁ ପିନ୍ଦିରଇବା ଲକ୍ଷକେ ଦେକ୍ବୁ ବଲି ଜାଇ ରଇଲାସ୍ କି ? ସେନ୍ଦ୍ରି ବସ୍ତରୁ ପିନ୍ଦିବା ଲକ୍ଷ ରାଜାରୁ ଗରେ ରଇବାଇ । ୯ ମକେ କୁଆ, କାଇଟା ଦେକ୍ବାକେ ଜାଇ ରଇଲାସ୍ ? ଗଟେକ୍ ବସ୍ତରୁ ବସ୍ତରୁକାକେ ଦେକ୍ବୁ ବଲିକରି କି ? ସେଟା ତ ସଡ଼, ମାତରୁ ଅବ୍କା ବସ୍ତରୁ ବସ୍ତରୁକା ଗାନେଅନି ଗଟେକ୍ ଅଦିକ୍ ବଡ଼ ଲକ୍ଷକେ ବେଟ୍ପାଇଆଟାସ୍ । ୧୦ କାଇକେ ବଇଲେ ଏ ଜଅନ୍ରୁ ବିସଇ ସାସ୍ତରେ ଲେକାଅଇଲା ଆଟେ । ପରମେସରୁ କଇଲା, “ତମରୁ ପାଇ ବାଟ୍ ତିଆରୁ କରବାକେ ମୁଜ୍ ପରୁଟୁମ୍ ମରୁ ଦୁଟକେ ପାଟାଇବି ।” ୧୧ ମୁଜ୍ ତମକେ ସଡ଼ କଇଲିନି, ଏ ଦୁନିଆଇ ପୁରବେ ଅନି ଆଜିକେ ଜାକ ଜେତେକ୍ ଲକ୍ଷ ସବୁ ଜନମ୍ ଅଇଲାଇଆଟାଟ୍, ସବୁ ଲକ୍ଷମନରୁ ବିଟ୍ରେଅନି ତୁବନ୍ ଦେଉ ଜଅନ୍ ବଡ଼ । ମାତରୁ ସରଗ୍ ରାଇଜେ ଜେ ସବୁରୁଟାନେଅନି ସାନ୍, ସେ ଜଅନ୍ରୁତେଇ ଅନି ବଡ଼ । ୧୨ ଚୁବନ୍ ଦେଉ ଜଅନ୍ ପରମେସରୁ ନିକ କାତା ଜାନାଇବାଟା ଆରାମ୍ କଲାବେଲେ ଅନି ଆଜିକେ ଜାକ ସରଗ୍ ରାଇଜ୍ ନେଇକରି ବେସି ଜୁଇଦ୍ ଚାଲୁଲାଆଟେ । ଦୟା ମାୟା ନଇଲା ଲକ୍ଷମନ୍ ତାକରୁ ବସ୍ତୁଇଁ ସରଗ୍ ରାଇଜ୍ ଅଦିକାରୁ କରବାକେ ଚେସ୍ଟା କଲାଇନି । ୧୩ ଜଅନ୍ ଆଇବା ଜାକ ମସାରୁ ନିୟମ୍ ଆରି ବସ୍ତରୁ ବସ୍ତରୁକାମନ୍ ସରଗ୍ ରାଇଜ୍ ବିସଇ କଇତେ ରଇଲାଇ । ୧୪ ଜଦି ସେମନରୁ କାତା ତମେ ବିସ୍ତାସ୍ କରସା, ତେବେ ଜଅନ୍ ଅଇଲାନି ସେ ଏଲିୟ, ଜେ କି ପରୁଟୁମ୍ ଆଇବାରୁ ରଇଲା । ୧୫ ଜାକେ କାନ୍ଆଟେ, ସେ ସୁନ ।

୧୬ ଏ ଜୁଗରୁ ଲକ୍ଷମନକେ କାରୁ ସଙ୍ଗ୍ ସମାନ୍ କରୁବି ? ସେମନ୍ ଆଟ୍ ମଜାଇ ବସିକରି କେଲୁବା ପିଲାମନର୍ ପାର । ଗଟେକ୍ ଦଲ୍ଲରୁ ପିଲାମନ୍ ଆରି ଗଟେକ୍ ଦଲ୍ଲକେ କଇବାଇ, ୧୭ “ଆମେ ବିବା ବାଜା ବାଜାଇଲୁ, ମାତରୁ ତମେ ନାଟ୍ କରାସ୍ ନାଇ । ଦୁକରୁ ଗିଡ଼ ଗାଇଲୁ ତମେ କାନ୍ୟାସ୍ ନାଇ । ୧୮ ଜଅନ୍ ତରୁକେ ତରୁ ଉପାସ୍ କରତେ ରଇଲା ଆରି କେବେ ମିସା ମଦ୍ ନ କାଇତେ ରଇଲା, ମାତରୁ ତମେ ତାକେ ତୁମା ଦାରୁଲା ଲକ୍ଷ ବଲି କଇଲାସିନି । ୧୯ ମାତରୁ ନରୁପିଲା ମୁଜ୍ କାଇଲେ କି ପିଇଲେ ମକେ କାଉରାଟା ଆରି ମଦୁଆଟା ବଲି କଇଲାସିନି । ସିସ୍ତୁ ମାଙ୍ଗୁମନରୁ ଆରି ପାପି ଲକ୍ଷମନରୁ ମଇତରୁ ବଲି କଇଲାସିନି । ସେଟା ଜନ୍ଟା ଅବେ ଚାଡା, ପରମେସରୁ ବିଚାରୁ ସଡ଼ ଆକା । ଏଟା ତାରୁ କାମେଅନି ଜାନାପଡ଼ସି ।”

ବିସ୍ତାସ୍ ନକଲା ଗଡ଼ରୁ ଲକ୍ଷ
(ଲୁକ୍ ୧୦:୧୩-୧୫)

୨୦ ଜନ୍ ଗଡ଼ମନକେ ଜିସୁ ତାରୁ ବେସି କାବାଅଇଜିବା କାମମନ୍ କରିରଇଲା, ସେ ଗଡ଼ରୁ ଲକ୍ଷମନ୍ ନିଜେ କରିରଇବା ପାପୁଲାଗି ମନ୍ ନ ବାଦ୍ଲାଇଲାଟା ଦେକି, ଜିସୁ ସେ ଗଡ଼ରୁ ଲକ୍ଷମନକେ ନିନ୍ଦା କରି କଇଲା, ୨୧ “ଏ କରାଜିନରୁ ଲକ୍ଷମନ୍, ତମେ କେତେ ଇନସ୍ତା ଅଇ ତଣ୍ଟ୍ ପାଇସା ! ଏ ବେଡ଼ସାଇଦାରୁ ଲକ୍ଷମନ୍, ତମରୁ ଦସା ମିସା ସେନ୍ଦ୍ରିସେ । ତମରୁ ବିତରେ ଜନ୍ କାବାଅଇଜିବା କାମମନ୍ କରାଅଇଲାଆଟେ, ସେଟା ସବୁ ଜଦି ମୁଜ୍ ସର ଆରି ସିଦନ୍ ଗଡେ କରି ରଇଲେ, ସେ ଗଡ଼ରୁ ଲକ୍ଷମନ୍ ପାପେଅନି ବାଅଡ଼ଲୁ ବଲି ଦେକାଇବାକେ ଗାଗ୍ତେ ଚାରୁ ତାଲିଅଇ, ବାସ୍ତା ପିନ୍ଦିକରି ମନ୍ ବାଦ୍ଲାଇତାଇ ।”

☆ ୧୧:୧୨ ୧୧:୧୨ ଲୁକ୍ ୧୭:୧୭ ☆ ୧୧:୧୫ ୧୧:୧୫ ମାତ୍ରିତ ୧୭:୧୦-୧୩; ମାର୍କ ୯:୧୧-୧୩

୨୨ “ମୁଁ ତମ୍ଭଙ୍କ ସହ କଲିନି, ପରମେଶ୍ଵର ବିଚାରକ ଦିନେ ତମ୍ଭଙ୍କୁ ତେଜସ୍ଵୀ ସହ ଆରି ସିଦ୍ଧନ୍ତ ଗତରୁ ଲକ୍ଷ୍ୟମାନଙ୍କ ସେ ଅଦିକ୍ ଦୟା ଦେବାଇସି ।” ୨୩ ଏ କପରନାଭମରୁ ଲକ୍ଷ୍ୟମାନ ! ତମ୍ଭେ କାଲି ନିଜେ ସହଗେ ଜିବାକେ ଚେସ୍ତା କଲାସିନି ? ତମ୍ଭେ ନରୁକେ ପିଙ୍ଗା ଅଇସି । ତମ୍ଭେ ବିତ୍ତରେ ମୁଞ୍ଚି ଜନ୍ କାବାଅଇଜିବା କାମ୍ଭମନ୍ କରୁଛଲି, ସେଟା ଜଦି ସଦମ୍ ଗତେ କରି ରଇଲେ, ସେ ଗତ୍ ଆଜିକେ ଜାକ ରଇତା ।

୨୪ “ମୁଁ ତମ୍ଭଙ୍କ ସହ କାତା କଲିନି, ପରମେଶ୍ଵର ବିଚାରକ ଦିନେ ତମ୍ଭଙ୍କୁ ତେଜସ୍ଵୀ ସଦମ୍ଭରୁ ଲକ୍ଷ୍ୟମାନଙ୍କ ସେ ଅଦିକ୍ ଦୟା ଦେବାଇସି ।”

ମରୁ ଲଗେ ଆସି ପୁଣ୍ଡା
(ଲୁକ୍ ୧୦:୨୧-୨୨)

୨୫ ଜିସୁ ସେବେଲାଇ ପାର୍ତନା କରି କଇଲା, “ଏ ବାବା, ତମ୍ଭେ ସରଗ ଆରି ମତ୍ତପୁରୁ ମାପୁରୁ । ଏ ସବୁ ବିସଇ ସିକଲା ଲକ୍ଷ୍ୟ ଆରି ଗିଆନି ରଇବା ଲକ୍ଷ୍ୟତେଜସ୍ଵୀ ଲୁଚାଇ ସଙ୍ଗାଇ, ନସିକଲା ଲକ୍ଷ୍ୟମାନଙ୍କୁ ତେଜ ଜାନାଇ ଆରୁସ୍ ବଲି ମୁଞ୍ଚି ତମ୍ଭଙ୍କେ ଦନିଅବାଦ୍ ଦେଲିନି ।” ୨୬ ଓ ବାବା, ତମ୍ଭେ ମନ୍ କଲା ଇସାବେ ଏ ସବୁ ଗର୍ଭଲାନି ।”

୨୭ “ମରୁ ବାବା ମକେ ସବୁ ବିସଇ ଦାନ କଲାଆତେ । ବାବାକେ ଚାଡି କେ ମିସା ତାର ପିଲା, ମକେ ନାଜାନତ୍ । ଆରି ତାର ପିଲା, ମକେ ଚାଡି କେ ମିସା ବାବାକେ ନାଜାନତ୍ । ତାର ପିଲା ମୁଞ୍ଚି, ଜନ୍ ଲକ୍ଷ୍ୟମାନଙ୍କୁ ଲଗେ ବାବାକେ ଦେବାଇବି, ସେମନ୍ତେ ବାବାକେ ଚିନି ପାରତ୍ ।

୨୮ “ବେସି ବଜ୍ଢ ବଇକରି ତାକ୍ଲା ଲକ୍ଷ୍ୟମନ୍, ମରୁ ଲଗେ ଆସା । ମୁଞ୍ଚି ତମ୍ଭଙ୍କେ ପୁଣ୍ଡାଇବି । ୨୯ ମରୁ କୁଆଡି ବଇ ମରୁଗାନେଅନି ସିକା । କାଲକେବଇଲେ ମୁଞ୍ଚି ନିଜେ ସୁଆଲ୍ ଆରି ମରୁ ମନ୍ କୁଡିଲ୍ ଅଇଲାବୁ ଲାଗି ତମ୍ଭେ ମରୁଲଗେ ପୁଣ୍ଡାସା । ୩୦ ମୁଞ୍ଚି ତମ୍ଭେ ଉପରେ ଜନ୍ କୁଆଡି ସଙ୍ଗାଇବି ସେଟା ତମ୍ଭଙ୍କେ ବଇବାକେ ସଅଜ୍ ଅଇସି । ଆରି ତମ୍ଭଙ୍କେ ଜନ୍ ବଜ୍ଢ ଦେବି, ସେଟା ମିସା ବେସି ଉସାସ୍ ।”



ବିସ୍ଵରାମ୍ଭାର ବିସଇନେଇ ପାତାବ୍ଵାଗା
(ମାର୍କ ୨:୨୩-୨୮; ଲୁକ୍ ୬:୧-୫)

୧ ତାର କେତେ ଦିନ ପରେ ଜିସୁ ଗଟେକ୍ ବିସ୍ଵରାମ୍ଭାରେ ତାସପଦାରୁ ବାଟେ ଜାଇତେରଇଲା । ଜିବାବେଲେ ତାର ସିସ୍ଵମନ୍ତେ ବୁକ୍ ଲାଗଲାଜେ କେତ୍ ଚିତାଇ କାଇବାରୁ ଦାରୁଲାଇ । ୨ ସେଟା ଦେକି ପାରୁସିମନ୍ ଜିସୁକେ ପାତାବ୍ଵାଗାଇ, “ଦେକ୍ ବିସ୍ଵରାମ୍ଭାରେ ତରୁ ସିସ୍ଵମନ୍ କେନ୍ତାରି ସାସ୍ତରେ ରଇବା ଚିତିନିତି ବିରଦ୍ କାମ୍ କଲାଲିନି ।”

୩ ଜିସୁ ସେମନ୍ତେ କଇଲା, “ଦିନେକ୍ ଦାଉଦ୍ ଆରି ତାର ସଙ୍ଗ୍ ରଇଲା ଲକ୍ଷ୍ୟମନ୍ ବୁକେ ରଇଲା ବେଲେ, ଦାଉଦ୍ କାଲଟା କରି ରଇଲା, ତମ୍ଭେ ସାସ୍ତରେ ପତାସ୍ ନାଇ କି ? ୪ ସେଦିନେ ସେମନ୍ ମନ୍ଦିରୁ ବିତ୍ତରେ ପୁରି, ମାପୁରୁପାଇ ସର୍ପି ଅଇରଇବା ରୁଟି କାଇଲାଇ । ନିୟମ୍ ଇସାବେ ପୁଜାରିକେ ଚାଡି, ସେ ରୁଟି କେ ମିସା କାଇବାରୁ ଅଦିକାର୍ ନ ରଇଲା । ୫ ତମ୍ଭେ କାଲ ପତାସ୍ ନାଇ କି ? ମସାରୁ ନିୟମ୍ ଇସାବେ ସବୁ ବିସ୍ଵରାମ୍ଭାରେ ପୁଜାରିମନ୍ ନିୟମ୍ ନ ମାନିଲେ ମିସା, ସେଟାରୁ ପାଇ, ସେମନ୍ ଦସି ବଲି ବିଚାରନା ନ ଅଅତ୍ । ୬ ମୁଞ୍ଚି ତମ୍ଭଙ୍କେ କଇଲିନି, ଆଜି ଏ ମନ୍ଦିରଗାନେଅନି ମୁକ୍ତି ବିସଇ ଇତି ଆତେ ।”

୭ “ସାସ୍ତରୁ କଇଲାନି, ପସୁ ପୁଞ୍ଜା ବିରୁ ନ କରି, ଲକ୍ଷ୍ୟମନ୍ତେ ଦୟା କରୁବାଟା, ମୁଞ୍ଚି ମନ୍ କଲିନି । ଏ କାତାରୁ ଅରତ୍ ଜଦି ସତ୍ ଇସାବେ ବୁଜିରଇତାସ୍ ବଇଲେ, ଏ ଦସ୍ ନ କଲା ଲକ୍ଷ୍ୟମନ୍ତେ ତମ୍ଭେ ଦସି ନ କରତାସ୍ ।” ଜାନିରୁଆ, ନରପିଲା ମୁଞ୍ଚି ନିଜେ ବିସ୍ଵରାମ୍ଭାରୁ ମାପୁରୁ ।”

ସୁକ୍ଲା ଆଡ୍ ନିମାନ୍ ଅଇଲା
(ମାର୍କ ୩:୧-୬; ଲୁକ୍ ୬:୬-୧୧)

୮ ଜିସୁ ସେ ଜାଗାଇଅନି ବାରଇ ଜାଇ ପାର୍ତନା ଗରେ ପୁରୁଲା । ୯ ତେଜ ଆଡ୍ ସୁକ୍ଲାଇରଇଲା ଗଟେକ୍ ଲକ୍ଷ୍ୟ ରଇଲା । ଜିସୁରୁ ଦସ୍ ଦାରୁବାକେ ପାରୁସିମନ୍ ଗଟେକ୍ ଦଲଅଇ ତେଜ ଜାଗି ରଇଲାଇ । ସେଟାରୁପାଇ ସେମନ୍ ଜିସୁକେ ପାତାବ୍ଵାଗାଇ, “ବିସ୍ଵରାମ୍ଭାରେ ନିମାନ୍ କରୁବାଟା ଆମ୍ଭେ ନିୟମ୍ ବିରଦ୍ ନାସ୍ କି ?”

୧୧ “ଜିସୁ କଇଲା, “ଜଦି ବିସ୍ଵରାମ୍ଭାରେ ତମ୍ଭେ ବିତ୍ତରେ କାରୁଆଲେ ମେଣ୍ଡା ଗଟେକ୍ ତେଜ୍ କାଲେ

୧୧:୨୫ ୧୧:୨୫ ମାତ୍ରିକ ୧୦:୧୫; ଲୁକ୍ ୧୦:୧୨ ୧୧:୨୬ ୧୧:୨୬ ଜଅନ୍ ୩:୩୫; ଜଅନ୍ ୧:୧୮; ୧୦:୧୫ ୧୨:୬ ୧୨:୬ ମାତ୍ରିକ ୯:୧୩ ୧୨:୧୧ ୧୨:୧୧ ଲୁକ୍ ୧୪:୫

ଅଦରଲେ, ତମେ ତାକେ ଜିକି ନ ଆନାସ କି ? ୧୨ ମେଣ୍ଡାବୁତେଇ ଅନି ଗଟେକ୍ ଲକ୍‌ର ମୁଲିଅ କେତେକ୍ ଅଦିକ୍ । ସେଟାର୍ ପାଇ ଆମେ ବିସ୍‌ରାମ୍‌ବାରେ ବିନ୍ ଲକ୍‌କେ ସାଇଜ କର୍‌ବାଟା ସାସ୍‌ତରେ ରଇବା ରିତିନିତିର ବିରଦ୍ ଅଇବା କାମ୍ ନର୍ ୧୩ ଏଡ୍‌କି କଇକରି ସେ ଆଡ୍ ସୁକିଜାଇରଇଲା ଲକ୍‌କେ କଇଲା, “ଆଡ୍ ସଲକ୍ କର୍ ।”

ସେ ଲକ୍ ଆଡ୍ ସଲକ୍ କଲା ଦାପ୍‌ରେ, ସେ ଆଡ୍ ନିକ ଲକ୍‌ର ଆଡ୍ ପାରା ଅଇଗଲା । ୧୪ ତାର୍‌ପଟେ ପାରୁସିମନ୍ ସେ ଜାଗାଇଅନି ବାରଇ ଉଚିଜାଇ ଜିସୁକେ ମରାଇବାକେ ଜଜ୍‌ନା କଲାଇ ।

ମାପରୁ ବାଚିରଇବା ସେବା କାରିଆ

୧୫ ତାର୍ ବିରୁଦେ ପାଁଟ୍‌ବାଟା ସୁନିକରି, ଜିସୁ ସେ ଜାଗା ଚାଡି ବିନେ ଉଚିଗଲା । କେତେକ୍ କେତେକ୍ ଲକ୍ ତାର୍ ପଟେ ପଟେ ଗାଲାଇ । ଆରି ସେ ସବୁ ରଗି ଲକ୍‌ମନ୍‌କେ ନିକ କଲା । ୧୬ ତାର୍ ନିଜର୍ ବିସଇ ବିନ୍ ଲକ୍‌ମନ୍‌କେ କାଇ ବଲି ନ କୁଆ ବଲି ସେମନ୍‌କେ ଆଦେସ୍ ଦେଇତେରଇଲା । ୧୭ ଜିସାୟ ବିସଦ୍‌ବକ୍‌ତାର୍ ଟାନେଅନି ପର୍‌ମେସର୍ ଜନ୍ କାତା ସୁନାଇରଇଲା, ସେଟା ପୁରାପୁରୁନ୍ କର୍‌ବାକେ ଏଟା କଲା,

୧୮ “ଏ ମର୍ ବାଚିରଇବା ସେବାକାରିଆ ।

ଆକେ ମୁଇ ଆଲାଦ୍ କଲିନି,

ତାର୍ ଲଗେ ମର୍ ସାର୍‌ଦା । ମର୍ ଆଡ୍‌ମା ତାର୍ ଉପ୍‌ରେ ଆସି ତାବି ଅଇସି,

ସେ ସବୁ ଜାତିର୍ ଲଗେ ଜାଇ ମର୍ ଟିକ୍ ବିଟାର୍‌ନା ଜାନାଇସି ।

୧୯ ସେ କାକେ କିରଜାଟି ନ କରେ । ସେ ଦେସି ଆଉଲି ନ ଅଏ ।

ସାଇର୍ ମଜାଇ ରିଆ ନ ଅଏ ଆରି ଜବର୍ ଅଇତେ କାତା ନ କଏ ।

୨୦ ଦୁର୍‌ବଲ୍ ଲକ୍‌ମନ୍‌କେ ସେ ଆଲାଦ୍

ଚଲାଚଲ୍‌ତି କର୍‌ସି,

ଆରି ଆକା ସାକା ନଇଲା ଲକ୍‌ମନ୍‌କେ ଦୟା କର୍‌ସି ।

ସେମନ୍ ନିଆଇ ନ ପାଇବାଜାକ ସେ

ତାର୍ କାମ୍ ବନ୍ଦ୍ ନ କରେ ।

୨୧ ତାକେ ସବୁ ଦେସର୍ ଲକ୍ ଆସା କର୍‌ବାଇ ।”

ଜିସୁ ଆରି ବାଲ୍‌ଜିବୁଲ୍

(ମାର୍‌କ୍ ୩:୨୦-୩୦; ଲୁକ୍ ୧୧:୧୪-୨୩)

୨୨ ତାର୍ ପଟେ ଦିନେକ୍ ଲକ୍‌ମନ୍ ଗଟେକ୍ କାଣା ଅଇ ଗୁଲା ଅଇଜାଇରଇଲା ଲକ୍‌କେ ଜିସୁର୍ ଲଗେ ଆନ୍‌ଲାଇ । ତାକେ ତୁମା ଦାରିରଇଲାଜେ କାତାଅଇ ନାପାର୍‌ତେ ରଇଲା । ଜିସୁ ତାକେ ନିମାନ୍ କଲା । ଏଦେ ଦେକା ! ସେ ଦେକଲା ଆରି କାତା କଇପାର୍‌ଲା । ୨୩ ଜିସୁର୍ ଏ କାମ୍ ଦେକି ସବୁ ଲକ୍ କାବା ଅଇଜାଇ ପାଟାର୍ ଉଟାର୍ ଅଇଲାଇ, “ଏ କାଇ ସେ ଦାଉଦର୍ ପଅ କି ?” ୨୪ ଏଟା ସୁନି ପାରୁସିମନ୍ କଇଲାଇ, “ସେ ତୁମାମନ୍‌ର୍ ମୁକିଅ ବାଲ୍‌ଜିବୁଲ୍‌ର୍ ଟାନେଅନି ବପୁ ପାଇ ତୁମା ଚାଡାଇଲାନି ।”

୨୫ ଜିସୁ ତାକର୍ ମନର୍ କାତା ଜାନି ସେମନ୍‌କେ କଇଲା, ଗଟେକ୍ ରାଇଜର୍ ଲକ୍ ବିନ୍‌ବିନ୍ ଦଲେ ବାଗ୍ ଅଇ ନିଜର୍ ନିଜର୍ ବିତରେ ଲାଗାଲାଗି ଅଇଲେ, ସେ ଦେସ୍ ଦେସି ଦିନ୍ ନ ରଏ । କନ୍‌ଆଲେ ସଅର୍ ନଇଲେ ଗର୍ ବିଡ୍‌ରେ ବିନ୍ ବିନ୍ ଦଲ୍ ଗଡିକରି ଲାଗାଜଡା ଅଇଲେ ସେମନ୍ ଦାପ୍‌ରେସେ କୁରୁପ୍‌ନାସ୍ ଅଇଜିବାଇ । ୨୬ ସେନ୍ତାରିସେ, ସଇତାନର୍ ରାଇଜେ ଜଦି ଗଟେକ୍ ଦଲ୍ ବିନ୍ ଦଲ୍ ବିରୁଦେ ଲାଗିଲାନି ବଇଲେ, ସେଟା କୁଟ୍‌କୁଟା ଅଇ ବିଲିଜାଇସି । ଏଟା ଜାନ୍‌ବାଟ୍ ଆଟେ । ୨୭ ମୁଇ ବାଲ୍‌ଜିବୁଲ୍‌ର୍ ବପୁ ପାଇ ତୁମାମନ୍‌କେ ଚାଡାଇଲାନି ବଲି ତମେ କଇଲାସିନି ତେଦେ, ସେମନ୍‌କେ କେଦ୍‌ବାକେ ତମ୍‌ର୍ ସିସ୍‌ମନ୍‌କେ କେ ବପୁ ଦେଲାନି ? ତମ୍‌ର୍ ସିସ୍‌ମନ୍‌ର୍ ଏ କାମ୍‌ର୍ ଲାଗି, ତମେ ଦାବି କଲାଟା ମିଟ୍ ବଲି ଜାନାପଡ୍‌ଲାନି । ୨୮ ତୁମା ଚାଡାଇବା ବପୁ ମୁଇ ବାଲ୍‌ଜିବୁଲ୍‌ର୍ ଟାନେଅନି ପାଇନାଇ । ସେଟା ମୁଇ ପର୍‌ମେସର୍‌ର୍ ଆଡ୍‌ମାଟ୍‌ଟାନେଅନି ପାଇଆଟି । ଏଟାର୍ ପାଇ ଆରି ଗଟେକ୍ ବିସଇ ଜାନାପଡି ଗାଲାନିଜେ ସରଗ୍ ରାଇଜ୍ ତମ୍‌ର୍ ଲଗେ ଆସି କେଟିଗାଲାବେ ।

୨୯ ଆଗେ ଗଟେକ୍ ବପୁର୍ ଲକ୍‌କେ ନ ବାନ୍‌ଡେ କେ ମିସା ତାର୍ ଗରେ ପୁରିକରି ଗରେ ରଇଲାଟା ଚରାଇ ନେଇ ନାପାର୍‌ଡ୍ ।

୩୦ ଏଜେ ମର୍ ବାଟେ ନ ରଏ, ବାଇଦରେ ସେ ମର୍ ବିରୁଦେ ଆଟେ । ଆରି ଜେ ମର୍ ସଙ୍ଗ୍ ମିସିକରି ନ ରୁଲିଅଏ, ସେ ବିଟିଦେଲାନି । ୩୧ ସେଟାର୍‌ପାଇ ମୁଇ ତମ୍‌କେ କଇଲିନି, ଜଦି କେ ଆଲେ ପାପ୍ କଲେ କି

ନିନ୍ଦା କାତା କଇଲେ ମିସା, ତାର ଲାଗି ତାକେ କେମା ଦିଆଅଇସି । ମାତର୍ କେ ଜଦି ସୁକଲ୍ ଆତ୍ମାତ୍ମା ବିରୁଦେ କାଇ ବଲି କଇସି ବଇଲେ, ତାକେ କେମା ନାଇ । ୩୨ ଈଦି କେ ନରପିଲା, ମର୍ ବିରଦେ ନିନ୍ଦା କାତା କଇଲେ, ତାକେ କେମା ମିଲ୍ସି, ମାତର୍ ଜେ ଜଦି ସୁକଲ୍ ଆତ୍ମାତ୍ମା ବିରୁଦେ ନିନ୍ଦା କାତା କଇଲେ ତାକେ ଏବେ କି ପଡ଼କେ ମିସା କେମା ନ ମିଲେ ।

ଗର୍ ଆରି ତାର ପଲ୍
(ଲୁକ୍ ୬:୪୩-୪୫)

୩୩ “ନିକ ପଲ୍ ଦାରବାରୁଆଲେ ଗଟେକ୍ ଗର୍ ନିକ ଅଇବାରୁ ଆଟେ । ବାନିଆ ଗଟେ ବାନିଆ ପଲ୍ ଅଇସି । ଗର୍ କେନ୍ଦ୍ରିଟା, ତାର ପଲେ ଅନି ଜାନାପଡ଼ସି । ୩୪ ଏ ସାପ୍ ପାରା କାରାପ୍ ଲକ୍ମାନ୍ ! ତମେ କାରାପ୍ ଅଇ ନିମାନ୍ କାତା କଇପାରାସ୍ କି ? ମନେ ଚିନ୍ତାକଲାଟା ଚଣ୍ଡବାଟେ ବାରଇସି । ୩୫ ଗଟେକ୍ ନିମାନ୍ ଲକ୍ ତାର ମନବିତ୍ତରେ ଅନି ନିମାନ୍ କାତା ଆନ୍ସି । ଗଟେକ୍ କାରାପ୍ ଲକ୍ ତାର ମନ ବିତ୍ତରେ ବର୍ତ୍ତିଅଇ ରଇବା ବାଦ୍ଲାପାରା କାତା ବାରକରାଇ ଆନ୍ସି ।”

୩୬ “ତମେ କଇରଇଲା କାଇ ଲତାକେ ନଇବା ସବୁ କାତା, ବିଚାରନା ଦିନେ ତମକେ ଇସାଦ୍ ଦେବାକେ ଅଇସି । ୩୭ ତମର୍ କାତାଇଅନି ତମେ ବିଚାର କରାଇଅଇ, ଦସି ନଇଲେ ଦସ୍ ନ କଲା ଲକ୍ ବଲାଇଅଇସା ।”

କାବାଅଇଜିବା କାମ୍ କରବାକେ ଦାବି
(ମାର୍କ ୮:୧୧-୧୨; ଲୁକ୍ ୧୧:୨୯-୩୨)

୩୮ ଗଟେକ୍ ଦିନେ ଜିଉଦି ମନର୍ ନିୟମ୍ ସିକାଇଦେବା ଲକ୍ମାନ୍ ଆରି ପାରୁସି ଲକ୍ମାନ୍ ବିତ୍ତରେଅନି କେତେଲକ୍ ଜିସୁକେ କଇଲାଲ, “ଏ ଗୁରୁ, ତମର୍ ଗଟେକ୍ କାବାଅଇଜିବା ଚିନ୍ ଦେକ୍ବାକେ ଆମେ ମନକଲୁନି ।”

୩୯ ଜିସୁ ସେମନ୍କେ କଇଲା, “ଏ ଜୁଗର୍ ବିସ୍ବାସ୍ ନ କରୁମନ୍ କେତେ କାରାପ୍, ଆରି ପର୍ମେସର୍କେ ବିସ୍ବାସ୍ କରନ୍ନାଇ । ତମେ ମକେ ଗଟେକ୍ କାବାଅଇଜିବା କାମ୍ ଦେକାଇବାକେ କଇଲାସିନି ? ନାଇ, ଅଦ୍ବା ବାବବାଦି ଜୁନସର୍ ଜିବନେ ଗଚିରଇଲା କାବାଅଇଜିବାଟା ତମକେ ଦେକାଇଦେଇ ଅଇସି ।”

୪୦ “ଜୁନସ୍ ଜେନ୍ଦ୍ରି ମାଟ୍ ପେଟେ ତିନ୍ ଦିନ୍ ତିନ୍ ରାତି ରଇଲା, ସେନ୍ଦ୍ରି ନରପିଲା ମୁଇ ମିସା ମାଟି ତଲେ ତିନ୍ ଦିନ୍ ତିନ୍ ରାତି କାଟାଇବି । ୪୧ ଜନ୍ ଦିନେ ପର୍ମେସର୍ ଲକ୍ମାନ୍ ବିଚାର୍ କରସି, ସେ ଦିନେ ନିନିବିର୍ ଲକ୍ମାନ୍ ତମର୍ ବିରୁଦେ ଦାବି କରବାକେ ଚିଆ ଅଇବାଇ । କାଇକେ ବଇଲେ ସେମନ୍ ଜୁନସର୍ କାତା ସୁନି ପାପ୍ ବାଟେଅନି ବାଅଡ଼ଲାଇ । ମୁଇ ତମକେ କଇଲିନି, ଜୁନସର୍ ଟାନେଅନି ବଡ଼ ଲକ୍ ଇତି ଆଟେ । ୪୨ ବିଚାର୍ କରବାବେଲେ ଦକିନ୍ ଦେସେ ରଇବା ସେବା ନାଉର୍ ଗଟେକ୍ ଜାଗାର ରାନି, ତମର୍ ଦସ୍ ଦେକାଇବାକେ ଚିଆ ଅଇସି, କାଇକେ ବଇଲେ ସଲମାନ୍ ଗିଆନ୍ କାତା ସୁନ୍ବାକେ ବେସି ଦୁର୍ ଦେସେଅନି ସେ ଆସି ରଇଲା । ମାତର୍ ମୁଇ ତମକେ ସଡ଼ କଇଲିନି, ସଲମାନ୍ ଟାନେ ଅନି ଗଟେକ୍ ବେସି ବଡ଼ ଲକ୍ ଇତି ଆଟେ ।”

ତୁମା ବାଅଡ଼ଲା
(ଲୁକ୍ ୧୧:୨୪-୨୬)

୪୩ ଜିସୁ ଆରି କଇଲା, ଜେଡେବଲ୍ କାରାପ୍ ଆତ୍ମା ଗଟେକ୍ ଲକ୍ମାନ୍ ଗାଗ୍ଡେଅନି ବାରଇ ଜାଇସି, ସେବେଲା, ସେ ରଇବାକେ ମରୁବାଲିବୁର୍ବି ଜାଗା କଜି ବୁଲ୍ସି । ମାତର୍ ସେନ୍ଦ୍ରି ଜାଗା ତାକେ ନ ମିଲ୍ଲେ । ୪୪ ସେ ବେଲା ସେ କଇସି, “ମୁଇ ଜନ୍ ଲକ୍ମାନ୍ତେଅନି ବାରଇ ଆଇଲି ଆଟି, ତେଇସେ ଆରିତରେକ୍ ଜିବି” ବଲି ବାଉଡି ଉଚିଜାଇସି । ସେଡିକି ବେଲେ ସେ ଆସିକରି ବିତ୍ତରେ ସପାସୁତର୍ ଅଇ ପରିଚଲ୍ ରଇବାଟା ଦେକ୍ଲେ, ସେ ଜାଇ ତାର୍ତେଅନି ଅଦିକ୍ କାରାପ୍ ରଇବା ସାଡ଼ଟା ଆତ୍ମାମାନ୍କେ ଡାକିଆନ୍ସି । ୪୫ ତାର ପଟେ ସବୁ କାରାପ୍ ଆତ୍ମାମାନ୍ ଜାଇକରି ସେ ଲକ୍ମାନ୍ ବିତ୍ତରେ ବାସାକରି ରଇବାଇ । ସେ ବେଲା ସେ ଲକ୍ ଆଗଡୁରତେଅନି ଅଦିକ୍ କରାପ୍ଅଇଜାଇସି । ଏନ୍ଦ୍ରିସେ ଆଜିକାଲି ଜିଇବା କାରାପ୍ ଲକ୍ମାନ୍କେ ଅଇସି । ବଲି କଇଲା ।

ଜିସୁର ଗରର୍ ଲକ୍ମାନ୍
(ମାର୍କ ୩:୩୧-୩୫; ଲୁକ୍ ୮:୧୯-୨୧)

☆ ୧୨:୩୨ ୧୨:୩୨ ଲୁକ୍ ୧୨:୧୦ ☆ ୧୨:୩୩ ୧୨:୩୩ ମାତ୍ରିକ ୭:୨୦; ଲୁକ୍ ୬:୪୪ ☆ ୧୨:୩୪ ୧୨:୩୪ ମାତ୍ରିକ ୩:୭; ୩:୩୩; ଲୁକ୍ ୩:୭; ମାତ୍ରିକ ୧୫:୧୮; ଲୁକ୍ ୬:୪୫ ☆ ୧୨:୩୫ ୧୨:୩୫ ମାତ୍ରିକ ୧୭:୧; ମାର୍କ ୮:୧୧; ଲୁକ୍ ୧୧:୧୭ ☆ ୧୨:୩୬ ୧୨:୩୬ ମାତ୍ରିକ ୧୭:୪; ମାର୍କ ୮:୧୨

୪୭ ଜିସୁ ଜେତେବେଲା ତେଇ ରୁଣ୍ଡିରଇଲା ଲକ୍ମନକେ କାତା ସୁନାଇତେ ରଇଲା, ତାର୍ ଆୟା ଆରି ବାଇମନ୍ ଆସି ତାଣ୍ଡେ ଚିଆଅଇରଇଲାଇ । ସେମନ୍ ଜିସୁର୍ ସଙ୍ଗ କାତାଅଇବାକେ ମନ୍ କର୍ତ୍ତେ ରଇଲାଇ । ୪୮ ସେତିକି ବେଲେ ଗଟେକ୍ ଲକ୍ ଜିସୁକେ କଇଲା, “ତର୍ ଆୟା ଆରି ବାଇମନ୍ ତାଣ୍ଡେ ଜାଗୁଲାଇ ଆତର୍, ସେମନ୍ ତର୍ ସଙ୍ଗ କାତା ଅଇବାକେ ମନ୍ କଲାଇନି ।”

୪୯ ଜିସୁ ସେମନ୍କେ କଇଲା, “କାକେ ମର୍ ଆୟା ଆରି ବାଇମନ୍ ବଳି ବାବଲାସିନି ?” ୫୦ ତାର୍ ସିସ୍ମାନର୍ ବାଟେ ଆଡ୍ ଦେକାଇ କଇଲା, “ଏ ଲକ୍ମନସେ ମର୍ ଆୟା ଆରି ବାଇମନ୍ ଅଇବାଇ । ୫୦ ଜେ ସର୍ଗେ ରଇବା ମର୍ ବାବାର୍ ମନ୍ କଲା ଇସାବେ କାମ୍ କର୍ସି, ସେମନ୍ ଆକା ମର୍ ବାଇ, ବଇନି ଆରି ଆୟା ଅଇବାଇ ।”

୧୩

ବିଅନ୍ ବୁନ୍‌ବା ଲକ୍ମର କାତା
(ମାର୍ଚ୍ଚ ୪:୧-୯; ଲୁକ୍ ୮:୪-୮)

୧ ଦିନେକ୍ ଜିସୁ ତାର୍ ସିସ୍ମାନର୍ ସଙ୍ଗ ଗରେ ଅନି ବାରଇ ସମ୍ପତ୍ତୁର୍ କଣ୍ଡି ଗାଲା । ତେଇ ସେ ବସିକରି ସିକାଇବାର୍ ଦାରୁଲା । ୨ ଲକ୍ମନନ୍ ତାର୍ ଚାରିବେଡ୍‌ତି ଜବର୍ ଅଇ ରୁଣ୍ଡିରଇଲାଇଜେ ସେ ଗଟେକ୍ ଡଙ୍ଗାଜ ଲାଇ ବସୁଲା । ଲକ୍ମନନ୍ ଚିଆ ଅଇ ତାର୍ କାତା ସୁନ୍‌ବାର୍ ଦାରୁଲାଇ । ୩ ଆରି ସେ କେତେକ୍ କେତେକ୍ ବିସଇ, ଉଦାଅରଣ୍ ଦେଇ, ସିକାଇତେ ରଇଲା । ୪ ସେ କଇଲା,

“ଗଟେକ୍ ଚାସି ତରେକ୍ ବିଅନ୍ ବୁନ୍‌ବାର୍ ବାରଇଲା । ୫ ଚାସି ସେ ଜମିଗାନେ ବିଅନ୍ ବୁନ୍‌ବା ବେଲେ କେତେଟା ମୁଞ୍ଚି ମଜା ବାଟେ ଅଦରୁଲାଜେ ସେଟା ଚଡ଼ଇମନ୍ ଆସି କାଇଦେଲାଇ । ୬ ଆରି ଅଦେକ୍ ମାଟି ଉନାରଇ ଜବର୍ ପାକ୍ନା ରଇବା ପଦାଇ ଅଦରୁଲା । ତେଇ ମାଟି ବଉଲ୍ ନ ରଇଲାଜେ ଦାପ୍‌ରେ ଆଁକ୍‌ରି ଗାଜା ଅଇଲା । ୭ ମାତର୍ ଗାଜାର୍ ଚେର୍ ବିଡ୍‌ରେ ଜାଏ ନାଇଜେ, କାରା କଲାକେ ସେଟା ସୁକିଗାଲା । ୮ ଆରି କେତେଟା ବିଅନ୍ କାଟାବୁଟା ବିଡ୍‌ରେ ଅଦରୁଲା, ଆରି କାଟାବୁଟା ଆଁକ୍‌ରି ଗାଜା ଅଇଲା । ବିଅନର୍ ଚାରିବେଡ୍‌ତି ବର୍ଡ୍‌ତି ଜାଇ ସେଟା ସବୁ ଗିଲିଦେଲା । ୯ ମାତର୍ ଆରି ବାକି ସବୁ ବିଅନ୍ ନିକ ବୁର୍ସି ଅଦ୍‌ରି ବୁଟା ଅଇ ବଡ଼ିକରି ପଲ୍ ଦାରୁଲା । କେତେଟା ବୁଟାଇ ତିରିସ୍ ବାଗ, ସାଟେ ବାଗ, ଆରି ସଏ ବାଗ ଅନି ଅଦିକ୍ ପଲ୍‌ଦାରୁଲା ।”

୧୦ ଜିସୁ ଉଦାଅରଣ୍ ସାରାଇକରି କଇଲା, “ଜାକେ ସୁନ୍‌ଲା ପାରା କାନ୍ ଆଟେ, ସେ ସୁନ୍ ।”

ଉଦାଅରଣ୍ କାତାର୍ ଆଦେସ୍
(ମାର୍ଚ୍ଚ ୪:୧୦-୧୨; ଲୁକ୍ ୮:୯-୧୦)

୧୦ ପଟେ ସିସ୍ମନ୍ ଜିସୁର୍ ଲଗେ ଆସି ପାରାରୁଲାଇ, “ତମେ ଲକ୍ମନକେ ସିକାଇଲା ବେଲେ କାଇକେ ଉଦାଅରଣ୍ ଇସାବେ କଇଲାସିନି ?” ୧୧ ଜିସୁ କଇଲା, “ସରଗ ରାଇଜର୍ ଚିକି ନିକି କାତା ବୁଦ୍‌ବାକେ ତମେ ଗିଆନ୍ ପାଇଆଗାସ୍ । ମାତର୍ ସେମନ୍ ପାଅଡ୍ ନାଇ । ୧୨ ଜାକେ ଆଟେ, ତାକେ ଦିଆଅଇସି । ତେଇଅନି ସେ ଅଦିକ୍ ଅଦିକ୍ ଲାବ୍ କର୍ସି । ମାତର୍ ଜାକେ ନାଇ, ତାର୍‌ଗାନେ ଜେଡ୍‌କି ଆଟେ, ସେଟା ମିସା ନିଆଅଇସି ।” ୧୩ ସେମନ୍‌କେ ମୁଇ କାତାନି ଇସାବେ ସିକାଇଲିନି । କାଇକେବଇଲେ ସେମନ୍ ଦେକି ଦେକି ରଇବାଇ, ମାତର୍ ନ ଦେକୁଲା ପାରା । ସୁନ୍‌ତେ ରଇବାଇ, ମାତର୍ ନ ସୁନ୍‌ଲା ପାରା ଆରି ନ ବୁଜଡ୍ । ୧୪ ଜିସାୟ ବବିସଡ୍‌ବକ୍‌ତା କଇରଇବା ବାକିଅ ପୁରାପୁରୁନ୍ ଅଇଲା ।

ଏ ଲକ୍ମନନ୍ ସୁନି ସୁନି ମିସା କାଇଟା ନ ବୁଜଡ୍ ଦେକ୍‌ଡେରଇବାଇ, ମାତର୍ ନ ଦେକ୍‌ଲା ପାରା ।

୧୫ କାଇକେ ବଇଲେ ସେମନର୍ ବୁଦି ଉନା ।

ସେମନ୍ କାନେ ବୁଡିଅଇ ଦେଇଆଟଡ୍

ଆରି ଆଁକି ଲିମିଦେଇ ଆଟଡ୍ ।

ସେନ୍ତାର୍ ନ ଅଇରଇଲେ ସେମନ୍ ଦେକିପାର୍‌ତାଇ,

ସୁନିପାର୍‌ତାଇ ଆରି ମର୍ ଲଗେ ବାଉଡି ଆଇତାଇ ।

ସେମନ୍‌କେ ମୁଇ ନିକ କରିଦେଇଡି ।

୧୬ “ତମେ କେତେକ୍ ନିକ କରମର୍ ଲକ୍ ! ତମେ ଦେକି ପାରୁଲାସିନି ଆରି ସୁନି ପାରୁଲାସିନି !

୧୭ ମୁଇ ତମକେ ସଡ୍ କଇଲିନି, କେତେକ୍ କେତେକ୍ ବବିସଡ୍‌ବକ୍‌ତା ଆରି ପର୍‌ମେସରର୍ ଲକ୍ମନନ୍

☆ ୧୩:୭ ୧୩:୭ ଲୁକ୍ ୫:୧-୩ ☆ ୧୩:୧୨ ୧୩:୧୨ ମାତ୍ରିଚ ୨୫:୨୯; ମାର୍ଚ୍ଚ ୪:୨୫; ଲୁକ୍ ୮:୧୮; ୧୯:୨୭ ☆ ୧୩:୧୬ ୧୩:୧୬ ଲୁକ୍ ୧୦:୨୩, ୨୪

ତମେ ଜନ୍ମଟା ଦେକିଲ୍ୟାସିନି, ସେଟା ଦେକିବାକେ, ଆରି ଜାଇଟା ସୁନ୍ଦଲ୍ୟାସିନି, ସେଟାମନ୍ ସୁନ୍ଦବାକେ ମନ୍ କରତେରଇଲାଇ, ମାତର୍ ନାପାରୁଲାଇ ।”

ବିଅନ୍ ବୁନ୍ଦବା କାତାରୁ ଅରତ୍
(ମାର୍କ ୪:୧୩-୨୦; ଲୁକ୍ ୮:୧୧-୧୫)

୧୮ “ତେବେ ସୁନା, ବିଅନ୍ ବୁନ୍ଦବା କାତାରୁ ଅରତ୍ କଇଲିନି । ତମେ ବୁଜିବାକେ ଚେସ୍ଟା କରା । ୧୯ ଜନ୍ ଲକ୍ମନ୍ ସରଗ୍ ରାଇଜର୍ ବାକିଅ ସୁନି ନ ବୁଜତ୍, ସଇତାନ୍ ଆସି ସେମନ୍ ମନ୍ ବିତ୍ରେ ଅନି ଜନ୍ମଟା ବୁନାଅଇ ରଇସି, ସେଟା ଜିକି ଦାରିଜାଇସି । ଏଟା ଅଇଲାନି ବାଟେ ଅଦ୍ରି ରଇବା ବିଅନ୍ ଅରତ୍ ।”

୨୦ “ଜନ୍ ଲକ୍ମନ୍ ବାକିଅ ସୁନ୍ଦଲା ଦାପ୍ରେ ସାରଦା ସଙ୍ଗ୍ ମାନ୍ଦବାଇ, ସେଟା ପାକନାବାଡି ଜାଗାଇ ଅଦ୍ରିରଇବା ବିଅନ୍ ପାରା । ୨୧ ବାକିଅ ପୁରାପୁରୁନ୍ ତାକର୍ ମନ୍ ବିତ୍ରେ ଜାଇ ନ ରଏ ଜେ, ସେମନ୍ ସେଟା ବେସି ଦିନ୍ ମାନିକରି ରଇ ନାପାରତ୍ । ବାକିଅର୍ ଲାଗି କସଟ୍ କି ବେମଜା ଆଇଲେ, ସେମନ୍ ଦାପ୍ରେସେ ସେଟା ଚାଡିଦେବାଇ । ୨୨ କାଟାବୁଟା କେନ୍ଦ୍ରକି ସାନ୍ ବୁଟାମନ୍ଦକେ ଚାପି ଗିଲିଦେଇସି, ସେନ୍ଦ୍ରି ଏ ଜଗତର୍ ପାଇଟି କାବାଡ୍ ଆରି ଦନ୍ଦକେ ଲବ୍ ଅଇକରି, କେତେକ୍ ଲକ୍ମନ୍ ଟାନ୍ କେଟିରଇବା ବାକିଅ ନସାଇଦେଇସି । ସେମନ୍ କାଟାବୁଟାଇ ଅଦ୍ରିଲାଇ ବିଅନ୍ ପାରା । ସେମନ୍ କାଇ ପସଲ୍ ନ ପାଟାଅତ୍ । ୨୩ ଜନ୍ଲକ୍ମନ୍ ବାକିଅ ସୁନି ନିକକରି ବୁଜିବାଇ, ନିକ ପଦାଇ ଅଦ୍ରିରଇବା ବିଅନ୍ ପାରା । ସେମନ୍ ନିକ ପସଲ୍ ଲାବ୍ କର୍ବାଇ କେ ସଏ ପୁଟିଅନି ଅଦିକ୍, କେ ସାଟେ ପୁଟିଅନି ଅଦିକ୍, କେ ତିରିସ୍ ପୁଟିଅନି ଅଦିକ୍ ପସଲ୍ ପାଟାଇବାଇ ।”

ଜୁଡ୍ ଗାଁସର୍ କାତା

୨୪ ଜିସୁ ତାର୍ ସିସମନ୍ଦକେ ଆରି ଗଟେକ୍ ବିସଇ କାତାନି ଇସାବେ କଇଲା, ସରଗ୍ ରାଇଜ୍ ଏନ୍ଦ୍ରି ଗଟେକ୍ ଲକ୍ମନ୍ ପାରା । ସେ ଲକ୍ ତାର୍ ଜିମିଟାନ୍ ନିକ ବିଅନ୍ ବୁନ୍ଦଲା । ୨୫ ସେ ଦିନେକ୍, ରାତିଆ ସଇଲା ବେଲେ, ତାର୍ ଗଟେକ୍ ବିରଦ୍ ଲକ୍ ଆସି ସେ ଜିମିଟାନ୍ ଗାଁସ୍ ମୁଞ୍ଜି ବୁନି ଦେଇ, ଉଟିଗାଲା । ୨୬ ଜେତେବେଲେ ଗର୍ ବଡି କେଡ୍ ଦାରଲା, ମଜାଇମଜାଇ ଜୁଡ୍ ଗାଁସ୍ ତିସଲା । ୨୭ ସେ ଲକ୍ମନ୍ ଦାଙ୍ଗଡାମନ୍ ଆସି କଇଲାଇ, “ଏ ସାଉକାର୍ ତମେ ଜିମିଟାନ୍ ନିକ ବିଅନ୍ ବୁନିରଇଲାସ୍, ଏତେକ୍ମାଣ୍ ଜୁଡ୍ ଗାଁସ୍ କନ୍ଦ୍ରିଅନି ଆଇଲା ?” ୨୮ ଜିମି ସାଉକାର୍ କଇଲା, ମର୍ ବିରଦି ଲକ୍ ଗଟେକ୍ ଏନ୍ଦ୍ରି କଲାଆଟେ । ସେମନ୍ ପାଟାରୁଲାଇ, “ତେବେ ଆମେ ଜାଇ ସେ ଜୁଡ୍ ଗାଁସମନ୍ଦକେ ଜିକି ପିଙ୍ଗିଦେବୁ କି ?” ୨୯ ସାଉକାର୍ କଇଲା, “ନାଇ, ଜୁଡ୍ ଗାଁସ୍ ଜିକିବାବେଲେ କେତେବଲ୍ ଦାନ୍ବୁଟା ମିସା ଜିକିଅଇଜାଇସି । ୩୦ କାଟ୍ବା ଜାକ ଦାନ୍ ଆରି ଜୁଡ୍ ଗାଁସ୍ ମିସ୍ତେ ବଡ । କାଟ୍ବା ଲକ୍ମନ୍ଦକେ କର୍ଡି ସେମନ୍ ପର୍ତ୍ତୁମ୍ ଜୁଡ୍ ଗାଁସ୍ କାଟି ବାରା ବାନ୍ଦି ପଡାଇ ଦେଅତ୍ । ତାର୍ ପଟେ ଦାନ୍ କାଟି ମାଣ୍ଡାଇ କଲ୍କିଟାନ୍ ସଙ୍ଗାଟ୍ ।”

ସର୍ସ୍ ମୁଞ୍ଜିର୍ ଉଦାଅରଣ୍
(ମାର୍କ ୪:୩୦-୩୨; ଲୁକ୍ ୧୩:୧୮-୧୯)

୩୧ ଜିସୁ ଆରି ଗଟେକ୍ ବିସଇ କଇଲା, “ସରଗ୍ ରାଇଜ୍ ଏନ୍ଦ୍ରି ଗଟେକ୍ ଲକ୍ ତାର୍ ଜିମିଟାନ୍ ସର୍ସ୍ ମୁଞ୍ଜି ତପିଦେଲା । ୩୨ ସେ ମୁଞ୍ଜି ସର୍ସ୍ଟାନ୍ଦେଅନି ସାନ୍ ଅଇଲେ ମିସା ତେଇଅନି ଜନ୍ ଗର୍ ଅଇଲା, ଜିମିଟାନ୍ ରଇଲା ବିନ୍ ଗର୍ମନ୍ଦତେଇଅନି ଅଦିକ୍ ତେଙ୍ଗ୍ ଅଇ ଜୁଜୁରା ଅଇଲା । ଆରି ସେ ଗଟେ ଚତଇମନ୍ ବାସା ଅଇଲାଇ ।”

କମିରର୍ ଉଦାଅରଣ୍
(ଲୁକ୍ ୧୩:୨୦-୨୧)

୩୩ ଜିସୁ ଆରି ତରେକ୍ ଏନ୍ଦ୍ରି କାତା କଇଲା, “ଗଟେକ୍ ମାଇଜି କଣ୍ଡେକ୍ କମିର୍ ନେଇ ଅଦ୍ବାସତା ଗୁଣ୍ଡଟାନ୍ ମିସାଇଦେଲା । ସମାନ୍ ବେଲାଇ ସବୁଜାକ ଗୁଣ୍ଡ କମିର୍ତେଇ ମିସି ପୁଲ୍ଲା । ସରଗ୍ ରାଇଜ୍ ବଡ୍ବାଟା ମିସା ଏନ୍ଦ୍ରିସେ ।”

ଉଦାଅରଣ୍ ବିସଇର୍ ସିକିଆ
(ମାର୍କ ୪:୩୩-୩୪)

୩୪ ଜିସୁ ଏନ୍ଦ୍ରି ଉଦାଅରଣ୍ ଦେଇ ସିକାଇତେ ରଇଲା । ଉଦାଅରଣ୍ ନ ଦେଇ ସେ କାଇଟା ମିସା ନ ସିକାଇତେ ରଇଲା ।

୩୫ ଏଟାର୍ପାଇ ବବିସଡ୍ବକ୍ତାର୍ ଏ ବାକିଅ ପୁରାପୁରୁନ୍ ଅଇଲା । ମୁଇ ଉଦାଅରଣ୍ ଦେଇ

ସେମାନଙ୍କେ କାତା କଇବି,
ଏନ୍ତାରିସେ କାଇଟା ତିଆର୍ ନ ଅଇବା ଆଗତୁଅନି ନାଜାନି ରଇବା
ସବୁ ବିସଇ ମୁଇ ସେମାନଙ୍କେ ବୁଜାଇଦେବି ।

ଜିସୁ ଜୁଡ଼ ଗାଁସର୍ ଅରଡ଼ ବୁଜାଇଲା

୩୭ ଜିସୁ ଲକ୍ ଗଅଲି ବିଡ଼ରେଅନି ବାରଇ ଆସି ଜେଡେବେଲେ ଗର୍ ବିଡ଼ରେ ପୁରଲା, ସେଡ଼କି ବେଲେ
ତାର ସିସମନ୍ ଆସି ପାଟାରଲାଇ, “ଆମ୍‌କେ ଜୁଡ଼ ଗାଁସର୍ ଅରଡ଼ ବୁଜାଇ ଦିଆ ।”

୩୮ ଜିସୁ କଇଲା, “ଜନ୍ ଲକ୍ ନିକ ବିଅନ୍ ବୁନ୍‌ଲା, ସେ ନରୁପିଲା ମୁଇ । ୩୯ ଏ ଦୁନିଆ ଅଇଲାନି ଜମି ।
ଜେମନ୍ ସରଗ ରାଇଜର୍ ଲକ୍, ସେମନ୍ ନିକ ବିଅନ୍ । ଜୁଡ଼ ଗାଁସ ଅଇଲାନି ସଇତାନର୍ ବାଟେ ଜିବା ଲକ୍ ।
୪୦ ଜନ୍ ବିରଦି ଲକ୍ ଜୁଡ଼ ଗାଁସ ମୁଞ୍ଜି ବୁନ୍‌ଲା, ସେ ସଇତାନ । କାଟାବେଟାର ବେଲା ଅଇଲାନି ଜୁଗ ସାର୍‌ବା
ଦିନ୍ । ତାସ୍ କାଟ୍‌ବା ଲକ୍‌ମନ୍ ଅଇଲାଇନି ସରଗର୍ ବୁଡ଼ମନ୍ । ୪୧ ଜୁଡ଼ ଗାଁସମନ୍ ଜେଡ଼ି ବୁଲିଆଇକରି
ପତାଇଲାଇ, ଜୁଗର୍ ସାରାସାରି ବେଲେ ସେନ୍ତାରି ଅଇସି । ୪୨ ନରୁପିଲା ମୁଇ ମର୍ ରାଇଜେଅନି ସବୁ
ପାପ୍ କାମ୍ କଲା ଲକ୍‌ମନ୍‌କେ ଆରି ଜେଜେମନ୍ ବିନ୍ ଲକ୍‌ମନ୍‌କେ ପାପ୍ କର୍‌ବାକେ ଉସ୍‌କାଇଲାଇନି,
ସେମନ୍‌କେ ବୁଲିଆଇବାକେ ସରଗର୍ ଦୁଡ଼ମନ୍‌କେ ପାଟାଇବି । ୪୩ ସେମନ୍ ଏ ସବୁ ଲକ୍‌ମନ୍‌କେ ଲାଗି
ରଇବା ଜଇଟାନ୍‌ନେ ପିଙ୍ଗିବାଇ । ତେଇ ସେମନ୍ କିଲ୍‌ବିଲ୍ ଅଇ କାନ୍‌ବାଇ ଆରି ଦାଡ଼ କାଡ଼ରିଅଇବାଇ
। ୪୪ ସେବେଲେ ପର୍‌ମେସର୍‌କେ ମାନ୍‌ବା ଲକ୍‌ମନ୍ ତାକର୍ ସରଗର୍ ବାବାର୍ ରାଇଜେ ବେଲ୍‌ପାରା
ଜକ୍‌ମକିଜିବାଇ । ସୁନ୍‌ଲା ପାରା କାନ୍ ରଇଲେ ସୁନା ।”

ତପିଅଇଲା ଦନର୍ ଉଦାଅରଣ୍

୪୫ “ଦିନେକ୍ ଗଟେକ୍ ଲକ୍ ଜମିଟାନ୍‌ନେ କୁନି ନେଉନେଉ ତପିଅଇରଇଲା ଦନ୍ ମିଲାଇଲା । ସେଟା ସେ
ଗୁଡାଇପାକାଇଲା ଆରି ସାର୍‌ଦା ସଙ୍ଗ୍ ନିଜର୍ ସବୁ ଦନ୍ ବିକି ଦେଇ, ସେ ଜମି ଗେନ୍‌ଲା । ସରଗ୍ ରାଇଜ୍
ମିସା ଏନ୍ତାରି ତପିଅଇରଇବା ଦନ୍ ପାରା ।”

ମୁକ୍‌ତାର୍ ଉଦାଅରଣ୍

୪୬ ଆରି ସରଗ୍ ରାଇଜ୍ ଏନ୍ତାରି, ଗଟେକ୍ ସୁନାରି ବେସି ମୁଲିଅର୍ ମୁକ୍‌ତା କଜି କଜି ରଇଲା । ୪୭ ଗଟେକ୍
ବେସି ମୁଲିଅର୍ ମୁକ୍‌ତା ରଇଲାଟା ସୁନି, ସେ ତାର୍ ସବୁ ଦନ୍ ସପିଡ଼ି ବିକି ସେଟା ଗେନ୍‌ଲା । ସରଗ୍ ରାଇଜ୍
ମିସା ସେ ମୁକ୍‌ତା ପାରା ।

ମାଟ୍ ଜାଲର୍ କାତା

୪୮ ସରଗ୍ ରାଇଜ୍ ଗଟେକ୍ ମାଟ୍ ଦାର୍‌ବା ଜାଲ୍ ପାରା । କେଉଟ୍‌ମନ୍ ଗାଡେ ଜାଲ୍ ପାକାଇ ବିନ୍‌ବିନ୍
ରକାମର୍ ମାଟ୍ ଦାର୍‌ବାଇ ।

୪୯ “ଜାଲ୍ ବର୍ଡି ଅଇଗାଲେ କଣ୍ଡିଡେଇ ଜିକିଆନି ନିକନିକ ମାଟ୍ ବାଡି କରି ମୁର୍ଡିଡେଇ ସଙ୍ଗାଇବାଇ
ଆରି ବେଙ୍ଗିଟିମାଟ୍ ପାରାଟାମନ୍ ପିଙ୍ଗି ଦେବାଇ । ୫୦ ଜୁଗ୍ ସାର୍‌ବା ବେଲେ ଏନ୍ତାରି ଅଇସି । ସରଗର୍
ଦୁଡ଼ମନ୍ ଦରମ୍ ଲକ୍‌ର୍ ଟାନ୍‌ଅନି ପାପିମନ୍‌କେ ବେଗଲାଇବାଇ । ୫୧ ସେମନ୍‌କେ ଲାଗ୍‌ବା ଜଇଟାନ୍‌ନେ
ପିଙ୍ଗିଦେବାଇ । ତେଇ ସେମନ୍ ମାରିରପିଅଇ କାନ୍ କସ୍‌ଟେ ମସ୍‌ଟେ ଦାଡ଼ କାଡ଼ରିଅଇବାଇ ।”

ପୁରନା ସିକିଆ ଆରି ନୁଆ ସିକିଆ

୫୨ ଜିସୁ ସିସମନ୍‌କେ ପାଟାରଲା, “ଏ ସବୁ ବିସଇ ବୁଜି ପାର୍‌ଲାସନି କି ?” ସେମନ୍ “ଉଁ ମାପୁର ।” ବଲି
କଇଲାଇ ।

୫୩ ଜିସୁ ସେମନ୍‌କେ କଇଲା, “ଜେନ୍ତାରିକି ଗଟେକ୍ ଗରର୍ ଲକ୍, ତାର୍ ବାଣ୍ଡାର୍ ଗରେଅନି ତାକେ
ଦର୍‌କାର୍ ଅଇବା ଇସାବେ ନୁଆ ଦିନ୍‌ସୁ ଆରି ପୁରନା ଦିନ୍‌ସୁ ବାର୍‌କରାଇସି । ସରଗ୍ ରାଇଜେ ସିସ୍
ଅଇରଇବା ଗଟେକ୍ ଦରମ୍ ଗୁରୁ ସମାନ୍ ସେନ୍ତାରିସେ କରସି ।”

ଜିସୁ ନାଜରିଡେ କେଟ୍‌ଲା

(ମାଟ୍‌କ ୭:୧-୭; ଲୁକ୍ ୪:୧୭-୩୦)

୫୪ ଜିସୁ ଏ ଉଦାଅରଣ୍ କଇସାରାଇ, ସେ ଜାଗା ଚାଡ଼ି ଉଡିଗାଲା । ୫୫ ଆରି ନିଜର୍ ଜାଗାଇ ବାଅଡ଼ଲା
। ସେ ଜାଗାଟ୍ ପାର୍‌ତନା ଗରେ ତାର୍ ସିକାଇବାଟା ସୁନି ଲକ୍‌ମନ୍ କାବା ଅଇଜାଇ କଇଲାଇ, “ଏଡେକ୍
ଗିଆନ୍ ଏ କଣ୍ଡିଅନି ମିଲାଇଲା ? ଏ କାବା ଅଇଜିବା କାମ୍‌ମନ୍ କର୍‌ବାକେ ଆକେ କେ ବପୁ ଦେଲା ? ୫୬ ଏ
କାଇ ସେ ବାଡ଼କର୍ ପିଲା ! ମରିୟ୍‌ମ୍ ତାର୍ ମାଆ ! ଜାକୁବ୍, ଜସେପ୍, ସିମନ୍ ଆରି ଜିଉଦା ତାର୍ ବାଇମନ୍

! ୫୭ ତାରୁ ବଇନିମନ୍ତ ଇତି ଆରତ୍ ! ତେବେ ଏ ସବୁ ବସୁ ସେ କନ୍ତିଅନି ମିଲାଇଲା ?” ୫୭ ଏହାରି କଇ,
ସେମନ୍ ଜିସୁକେ ନାମତ୍ ନାଇ ।

ଜିସୁ ସେମନ୍‌କେ କଇଲା “ଗଟେକ୍ ବବିସତ୍‌ବକ୍ତା ନିଜର୍ ଗରେ ଆରି ଗାଏଁ ଚାଡ଼ିଦେଲେ, ସବୁଟାଣେ
ବଲ୍ ବଲାଇଅଇସି ।” ୫୮ କାଇକେବଇଲେ ସେମନ୍ ଜିସୁକେ ବିସ୍‌ବାସ୍ କରତ୍ ନାଇଜେ ସେ ତେଇ ଆରି
ଅଦିକ୍ କାବା ଅଇଜିବା କାମ୍‌ମନ୍ କରେ ନାଇ ।

୧୪

ତୁବନ୍ ଦେଉ ଜଅନର୍ ମରନ୍
(ମାର୍ଚ୍ଚ ୭:୧୪-୨୯; ଲୁକ୍ ୯:୭-୯)

୧ ସେବେଲେ ଗାଲିଲି ଦେସର୍ ସାସନ୍ କାରିଆ ଏରଦ୍, ଜିସୁର୍ ବିସଇ ସୁନ୍‌ଲା । ୨ ସେ ତାର୍‌ଟାଣେ କାମ୍
କରବା ଲକ୍‌ମନ୍‌କେ କଇଲା, “ସତଇସେ ଏ ତୁବନ୍ ଦେଉ ଜଅନସେ । ସେ ଆରିତରେକ୍ ଜିବନ୍ ଅଇ
ଉଟି ବାଉଡ଼ି ଆଇଲାଆଚେ । ସେଟାର୍‌ପାଇ ତାର୍‌ଟାଣେ କାବା ଅଇଜିବା କାମ୍ କରବା ବସୁ ଆଚେ ।”

୩ ଆର୍ ଆଗତୁ ଏରଦ୍ ଜଅନକେ ବାନ୍‌ବାକେ ଆଦେସ୍ ଦେଇରଇଲା ଆରି ତାକେ ସିକିଲି ସଙ୍ଗ୍ ବାନ୍ଦି,
ବନ୍ଦି ଗରେ ସଙ୍ଗଇରଇଲା । ତାର୍ ବାଇ, ପିଲିପର୍ ମାଇଜି ଏରଦିଆର୍ ଲାଗି, ସେ ଏନ୍ତି କରିରଇଲା
। ୪ ଜଅନ୍ ତାକେ କଇରଇଲା “ତମର୍ ବଉ ଏରଦିଆକେ ବିବା ଅଇବାଟା ତମର୍ ଟିକ୍ ଅଏନାଇ
।” ୫ ସେଟାର୍‌ପାଇ ଏରଦ୍ ଜଅନକେ ମରାଇବାକେ ଜଜ୍‌ନା କରତେରଇଲା, ମାତର୍ ସେ ଜିଉଦି
ଲକ୍‌ମନ୍‌କେ ତରତେରଇଲା । କାଇକେବଇଲେ ଜିଉଦି ଲକ୍‌ମନ୍ ଜଅନ୍ ଗଟେକ୍ ବବିସତ୍‌ବକ୍ତା ବଲି
ମାନ୍‌ତେରଇଲା ।

୬ ମାତର୍ ଏରଦର୍ ଜନମ୍ ପୁରତି ଦିନେ ଏରଦିଆର୍ ଚକି, ତାକାଇରଇବା ଲକ୍‌ମନର୍ ମୁଆଟେ ନାଟ୍
କରିରଇଲା । ୭ ଏରଦ୍ ତାର୍ ଉପରେ ଏତେକ୍ ସାର୍‌ଦା ଅଇଲାଜେ, ସାର୍‌ଦା ଅଇ ପର୍‌ମାନ୍ ନିୟମ୍ କରି
କଇଲା “ତୁଇ ଜାଇଟା ମାଙ୍ଗଲେ, ସେଟା ଦେବି !”

୮ ତାର୍ ଆୟାର୍ କାତା ଦାରି ଚକି କଇଲା “ମକେ ଏବେଆକା ତୁବନ୍ ଦେଉ ଜଅନର୍ ମୁଣ୍ଟି ଗଟେକ୍
ତାଲାଇ ସଙ୍ଗଇ କରି ଦିଆ ।”

୯ ଏଟା ସୁନିକରି ରାଜା ଦୁକ୍ ଅଇଗାଲା । ଏଲେମିସା ସବୁର୍ ମୁଆଟେ ନିଜେ ପର୍‌ମାନ୍ ନିୟମ୍
କରିରଇଲାଜେ ଚକିର୍ ମନ୍ କରିରଇବାଟା ପୁରୁନ୍ କରବାକେ ଆଦେସ୍ ଦେଲା । ୧୦ ସେଟାର୍‌ପାଇ ବନ୍ଦି
ଗରେ ଜଅନର୍ ମୁଣ୍ଟି କାଟା ଅଇଲା । ୧୧ ଗଟେକ୍ ତାଲାଟାଣେ ମୁଣ୍ଟି ସଙ୍ଗଇ ଚକିକେ ଦେଲା । ସେ ସେଟା
ନେଇକରି ତାର୍ ମାକେ ଦେଲା ।

୧୨ ତାର୍‌ପଟେ ଜଅନର୍ ସିସମନ୍ ଆସି ମଲା ଗାଗତ୍ ନେଇ ତପ୍‌ବାକେ ଦାରିଗାଲା । ସେମନ୍
ଜାଇକରି ଜିସୁକେ ଏ ବିସଇ ଜାନାଇଲା ।

ଜିସୁ ପାଁଅଜାର୍ ଲକ୍‌କେ କୁଆଇବାଟା
(ମାର୍ଚ୍ଚ ୭:୩୦-୪୪; ଲୁକ୍ ୯:୧୦-୧୭; ଜଅନ୍ ୭:୧-୧୪)

୧୩ ଜିସୁ ଜଅନର୍ କବର ସୁନ୍‌ଲା ଦାପ୍‌ରେ ତଙ୍ଗାଇ ଚଗଲା ଆରି ଗଟେକ୍ କିନରା ଜାଗାଇ ଗଲା । ତେଇ
ସେ ଜିବାଟା ଜାନିକରି ଲଗର୍ ପାକର୍ ସଅରେ ଅନି କେତେକ୍ କେତେକ୍ ଲକ୍‌ମନ୍ ଗାତ୍ କଣ୍ଡିକଣ୍ଡି ଇଣ୍ଡି
ଜିସୁର୍ ପଟେ ପଟେ ଗାଲା । ୧୪ ଜେତେବେଲେ ଜିସୁ ତଙ୍ଗାଇଅନି ଉତ୍‌ରି ଏତେକ୍‌ମାଣ୍ଟି ଲକ୍‌ମନ୍‌କେ
ଦେକ୍‌ଲା, ସେ ଦୟା କଲା । ତେଇ ଜେତ୍‌କି ରିମିମନ୍ ରଇଲା, ସବୁକେ ନିକ କଲା ।

୧୫ ସେଦିନେ ସଞ୍ଜବେଲା, ସିସମନ୍ ଆସି ତାକେ କଇଲା, “ବେସି ଅଲ୍‌ସମ୍ ଅଇଗାଲାନି । ଆରି
ଏଟା ଗଟେକ୍ କିନରା ଜାଗା, ଲକ୍‌ମନ୍‌କେ କଇଦିଆସ୍, ସେମନ୍ ଗାର୍‌ମନ୍‌କେ ଜାଇ କାଦି ମିଲାଇବାଇ ।”

୧୬ ମାତର୍ ଜିସୁ ସେମନ୍‌କେ କଇଲା, “ସେମନ୍ ଇତିଅନି ନ ଜାଅତ୍ । ତମେ ସେମନ୍‌କେ କାଇଟାଆଲେ
କାଇବାକେ ଦିଆସ୍ ।”

୧୭ ସିସମନ୍ କଇଲା, “ଆମର୍ ଟାଣେ ଏକାଇ ପାଁଟା ରୁଟି ଆରି ଦୁଇଟା ମାଟ୍‌ସେ ଆଚେ ।”

୧୮ ଜିସୁ କଇଲା, “ସେଟା ମର୍‌ଟାଣେ ଦାରିଆସା ।” ୧୯ ଜିସୁ ସବୁଲକ୍‌କେ ଗାଁସ୍ ଉପରେ ବସାଇବାକେ
କଇଲା । ସେ ପାଁଟା ରୁଟି ଆରି ଦୁଇଟା ମାଟ୍ ଦାରି ସରଗବାଟେ ଦେକି ପର୍‌ମେସର୍‌କେ ଦନିଅବାଦ୍
ଦେଲା, ଆରି ରୁଟି ବାଙ୍ଗାଇ କରି ସିସମନ୍‌କେ ଦେଲା । ସିସମନ୍ ସବୁଲକ୍‌କେ ବାଟାକରି ଦେଲା ।
୨୦ ସେଟା ସବୁଲକ୍ କାଇକରି ସାନ୍ତି ଅଇଲା । ତାର୍‌ପଟେ ସିସମନ୍ ଅଗଲି ରଇବା ରୁଟି ଆରି ମାଟ୍

☆ ୧୩:୫୭ ୧୩:୫୭ ଜଅନ୍ ୪:୪୪ ☆ ୧୪:୩ ୧୪:୩ ଲୁକ୍ ୩:୧୯,୨୦

ବୁଲିଆଇ ବାଟଟା ଡାଲାଇ ବରୁଡି କଲାଇ । ୨୧ ତେଇ ମାଇଜିମନ୍ ଆରି ପିଲାମନ୍‌କେ ଚାଡି, ସେ କାଦି ପାଁର୍ ଅଜାର୍ ଲକ୍ କାଇରଇଲାଇ ।

ଜିସୁ ପାନି ଉପରେ ଇଣ୍ଟିଲା
(ମାର୍କ ୬:୪୫-୫୨; ଜଅନ୍ ୬:୧୫-୨୧)

୨୨ ତାରୁପଟେ ଜିସୁ ସିସ୍‌ମନ୍‌କେ ଡଙ୍ଗାଲ ବସାଇ ଗାଡ଼ ସେପାଟେ ଜିବାକେ କଇଲା । ସେ ନିଜେ ପଟେ ରଇଜାଇକରି ଲକ୍‌ମନ୍‌କେ ପାଟାଇତେ ରଇଲା । ୨୩ ସେ ଏକ୍‌ଲାସେ ପାରୁତନା କର୍‌ବାକେ ଗଟେକ୍ ଡଙ୍ଗର୍ ଉପରେ ଗାଲା ଆରି ସଞ୍ଜ ଅଇବା ଜାକ ଜିସୁ ଗଟେକ୍ ଲକ୍‌ସେ ତେଇ ରଇଲା । ୨୪ ସେଡ଼କି ବେଲେ ଡଙ୍ଗା କଣ୍ଟିଅନି ବେସି ଦୁର୍ ଗାଡ଼ ବିଡ଼ରେ ଉଟିଜାଇରଇଲା । ଆରି ଜବର୍ ପବନ୍ କଲାଜେ, ଲଅଡି ଟଲମିଲି ଜାଇତେରଇଲା ।

୨୫ କୁକଡା ଡାକେ, ଏଦେ ଦେକା ! ଜିସୁ ପାନି ଉପରେ ଇଣ୍ଟି ଇଣ୍ଟି ସିସ୍‌ମନ୍‌ରୁ ଲଗେ ଆଇଲା । ୨୬ ସିସ୍‌ମନ୍ ତାକେ ଦେକି କିଲ୍‌ବିଲ୍ ଅଇଗାଲାଇ । ତରୁମାତେ ଡୁମା ବଲି କିର୍‌କିର୍‌ଲାଇ ।

୨୭ ସେ ଦାପରେସେ ଜିସୁ ସେମନ୍‌କେ ସାଆସ୍ ଦେଇ କଇଲା, “ମୁଇ କାଇକି, ତରାନାଇ ।”

୨୮ ଜିସୁର୍ ଏ କାତା ସୁନି ପିତର୍ କଇଲା, “ମାପୁରୁ ଜଦି ସତଇସେ ତମେ ଅଇରଇସା ବଇଲେ, ମକେ ପାନି ଉପରେ ଇଣ୍ଟି ଇଣ୍ଟି ତମର୍ ଲଗେ ଆଇବାକେ ଆଦେସ୍ ଦିଆ ।”

୨୯ ଜିସୁ କଇଲା, “ଇଣ୍ଟି ଇଣ୍ଟି ଆଉ ।” ପିତର୍ ଡଙ୍ଗାଅନି ବାଉଇ, ପାନି ଉପରେ ଇଣ୍ଟି ଇଣ୍ଟି ଜିସୁର୍ ବାଟେ ଆଇବାର୍ ଦାରଲା । ୩୦ ମାତର୍ ପବନ୍ ଜବର୍ ଆଇବାଟା ଦେକିକରି ତରିଗାଲା ଆରି ପାନିଟାନେ ବୁଡିଜିବାର୍ ଦାରଲା । ତେବେ ଆକ୍‌ମାରି କରି ଡାକ୍‌ଲା ଏ ମାପୁରୁ ମକେ ରଜିଆ କର୍ !

୩୧ ଜିସୁ ସେ ଦାପରେ, ଆଡ଼ ଲାମାଇକରି ତାକେ ଦାରିକରି କଇଲା, “ଏ ଅଲପ୍ ବିସବାସ୍ କରୁ, କାଇକେ ଦୁଇମନିଆ ଅଇଲୁସନି ?”

୩୨ ମାତର୍ ସେମନ୍ ଡଙ୍ଗାଲ ଚଗଲାକେ ପବନ୍ ବସ୍‌ଅଇ ଗାଲା । ୩୩ ଡଙ୍ଗାଲ ରଇଲା ଲକ୍‌ମନ୍ ଜିସୁକେ ଜୁଆର୍ କରି କଇଲା, “ତମେ ସତ୍‌ସେ ମାପୁରୁ ପିଲା ।”

ଜିସୁ ଗିନେସରତେ ରଗିମନ୍‌କେ ନିକ କର୍‌ବାଟା
(ମାର୍କ ୬:୫୩-୫୬)

୩୪ ଜିସୁ ଆରି ତାର୍ ସିସ୍‌ମନ୍ ଗାଡ଼ଲଜିକରି ଗିନେସରତ୍ ଜାଗାଇ କେଟ୍‌ଲାଇ । ୩୫ ଆରି ତେଇର୍ ଲକ୍‌ମନ୍ ଜିସୁକେ ଚିନିକରି ଲଗେ ପାକେ ରଇବା ଚାରିବେଡ଼ିତର୍ ସବୁ ଜାଗାଇ କବର୍ ପାଟାଇଲାଇ ଆରି ରଗି ଲକ୍‌ମନ୍‌କେ ତାର୍ ଲଗେ ଆନ୍‌ଲାଇ । ୩୬ ରଗିମନ୍ ଜିସୁର୍ ପିନ୍‌ଲା ଲୁଗାର୍ ଜାଲି ଚିଇବାକେ, ଆଦେସ୍ ଦେବାକେ, ଲକ୍‌ମନ୍ ତାକେ ବାବୁଜିଆକରି କଇଲାଇ । ମାତର୍ ଜେଡେକ୍‌ଲକ୍ ସେଟା ଚିଇଲାଇ, ସବୁଲକ୍ ନିକଅଇଲାଇ ।

୧୫

ଆନିଦାଦି ମନର୍ ରିଡିନିଡି
(ମାର୍କ ୬:୧-୧୩)

୧ ଦିନେକ୍ କେଡେଟା ପାରୁସିମନ୍ ଆରି ଦରମ୍ ଗୁରୁମନ୍ ଜିରୁସାଲାମ୍ ଅନି ଆସି ଜିସୁକେ ପାଚାର୍‌ଲାଇ, ୨ “ଆମର୍ ଆନିଦାଦିମନ୍ ଜନ୍ ରିଡିନିଡି ଦେଇଆଡ଼, ସେଟା ସବୁ କାଇକେ ତମର୍ ସିସ୍‌ମନ୍ ମାନଡ଼ନାଇ ? ବିଦି ଇସାବେ କାଇବା ଆଗୁଡୁ ନିକ କରି ଆଡ଼ ନ ଦଅଡ଼ ।”

୩ ଜିସୁ କଇଲା, “ତମେ କାଇକେ ପର୍‌ମେସରର୍ ଆଦେସ୍ ନ ମାନି ନିଜର୍ ରିଡିନିଡି ଇସାବେ କାମ୍ କଲାସନି ?” ୪ ପର୍‌ମେସର ଆଦେସ୍ ଦେଲାଆଟେ, ମା ବାବାକେ ଆଲାଦ୍‌କରା । ଆରି କେ ମିସା ନିଜର୍ ବାବା ମାକେ ସାଇପ୍ ଦେଇକରି କାଇବଲି କଇସି ବଇଲେ, ସେ ମରନର୍ ତଣ୍ଟ ପାଇସି । ୫ ମାତର୍ ତମେ ସିକିଆ ଦେଲାସନି ଜେ, ଗଟେକ୍ ଲକ୍ ଜନ୍ ଦନ୍ ସଙ୍ଗ୍ ବାବା ମାକେ ସାଇଜ କରପାରୁତା, ସେଟା ପର୍‌ମେସରକେ ଦାନ୍ କଲିଆଡି ବଲି କଇଲେ, ୬ “ସେ ଆରି ତାର୍ ବାବା ମାଆର୍ ଦାଇଡ଼ ନେବାର୍ ଲଡାନାଇ । ଏନ୍ତାରି ତମେ ପର୍‌ମେସରର୍ ଆଦେସ୍ ନ ମାନିକରି ନିଜର୍ ରିଡିନିଡି ଇସାବେ ଚାଲିଲାସନି । ୭ ଏରେ ଦରମ୍ ଲକ୍ ବଲାଅଇବା କୁଟିଆଲ୍‌ମନ୍, ତମର୍ ବିସଇ ନେଇ ଜିସାଇୟ ବବିସଡ଼ବକ୍‌ତା କଇରଇବାଟା ଟିକ୍‌ଆକା ।”

୮ ପର୍‌ମେସର କଇଲାନି,
ଏ ଲକ୍‌ମନ୍ କାତାଇସେ ମକେ ସନ୍‌ମାନ୍ ଦେଲାଇନି,

ମାତର ସେମାନର ମନ ମରତେଇଅନି ବେସି ଦୁରିକେ ।
 ୯ ସେମାନ ମକେ ତାକ୍‌ବାଟାନେ କାଇ ଅରଡ଼ ନାଇ,
 କାଇକେ ବଇଲେ ସେମାନ ଲକ୍‌ମାନ ତିଆରକରି ରଇବା ରିତିନିତି ମର ଆଦେସ୍ ବଲି
 ସିକାଇଲାଇନି ।

ଗଟେକ୍ ଲକ୍‌କେ କାଇଟା ଅସୁକଲ୍ କରସି

୧୦ ତାରୁପଟେ ଲକ୍‌ମାନକେ କଇଲା, “ମନ ଦେଇ ସୁନା ଆରି ବୁଜବାକେ ଚେସ୍‌ଟା କରା । ୧୧ ଲକ୍‌ର
 ଟଣ୍ଡେଅନି ଜାଇଟା ବିଡ଼ରେ ଗାଲାନି, ସେଟା ତାକେ ଅସୁକଲ୍ ନ କରେ, ମାତର ଜାଇଟା, ତାରୁ ବିଡ଼ରେଅନି
 ବାରଇଆଇସି, ସେଟା ତାକେ ଅସୁକଲ୍ କରସି ।”

୧୨ ସିସ୍‌ମାନ ଜିସୁର ଲଗେ ଆସି ପାଟାରୁଲାଇ, “ତମେ କଇଲା କାତା ପାରୁସିମାନକେ ବେସି ବାଦଲା,
 ଏଟା କାଇ ତମେ ନାଜାନାସ୍ କି ?”

୧୩ ଜିସୁ କଇଲା, “ଜନ୍ ଗଟମାନ ମର ସରଗର ବାବା ରପେ ନାଇ, ସେ ସବୁ ଜିକା ଅଇସି ।
 ୧୪ *ସେମାନର ବିସଇନେଇ ତେରେପେତେ ଉଆନାଇ । ସେମାନ କାଣାମାନକେ ବାଟ୍ ଦେକାଉ କାଣାମାନ
 । ଗଟେକ୍ କାଣା ଆରି ଗଟେକ୍ କାଣାକେ ବାଟ୍‌ଦେକାଇଲେ ଦୁଇ ଲକ୍ ଜାକ କାଲେ ଅଦରବାଇ ।”

୧୫ ପିତର କଇଲା, “ଏ କାତା ଆମ୍‌କେ ନିକ କରି ବୁଜାଇଦେ ।”

୧୬ ଜିସୁ କଇଲା, “ଆଜିକେ ଜାକ ବିନ୍‌ଲକ୍‌ମାନରୁତେଇ ଅନି ତମର ବୁଜବା ବସୁ କଣ୍ଡେକ୍ ମିସା
 ଅଦିକ୍ ଅଏନାଇ । ୧୭ ତମେ ଏଡ଼କି ବୁଜାସ୍ ନାଇ କି ? ଜନ୍ ଦିନସୁ ମୁନୁସ୍‌ର ଟଣ୍ଡାବେଟେ ପୁରସି,
 ସେଟା ପେଟ୍ ବିଡ଼ରେ ଜାଇସି ଆରି ଗାଗଡେଅନି ବାରଇ ଜାଇସି । ୧୮ *ମାତର ଜନ୍‌ଟା ସବୁ ମୁନୁସ୍‌ର
 ଟଣ୍ଡେଅନି ବାରଇସି, ସେଟା ତାରୁ ମନବିଡ଼ରେଅନି ଜନମ ଅଇସି ଆରି ସେଟାସେ ତାକେ ଅସୁଚି କରସି ।
 ୧୯ କାଇକେବଇଲେ ତାରୁ ମନେ ଜନମ ଅଇଲା କାରାପ୍ ଚିନ୍ତାଇଅନି ସେ ନରୁମାରୁବାଟା, କାରାପ୍ କାମ୍
 କରବାଟା, ବେସିଆ କାମ୍ କରବାଟା, ଚରୁବାଟା, ମିଟ୍‌କାତା କଇବାଟା ଆରି ବିନ୍‌ଲକ୍‌ର କୁଟ୍‌କାତା କଇବା
 ପାରା, ବିନ୍ ବିନ୍ ରକାମର ନିୟମ୍ ନଇଲା କାମ୍‌ମାନ କରସି ।” ୨୦ “ଏସବୁ କାମ୍ ଲକ୍‌କେ ଅସୁକଲ୍ କରସି
 । ମାତର ସେମାନ କଇଲା ଇସାବେ ଆଡ଼ ନ ଦଇକରି କାଇଲେ, କେ ଅସୁକଲ୍ ନଅଅଡ଼ ।”

**ଗଟେକ୍ ମାଇଜିର ବିସବାସ୍
 (ମାଡ଼ିଉ ୭:୨୪-୩୦)**

୨୧ ଜିସୁ ସେ ଜାଗା ଚାଡ଼ିକରି ସର ଆରି ସିଦନରୁ ସଅରେ ଗାଲା । ୨୨ ଆରି ଦେକା, ତେଇ ବାସାକରି
 ରଇଲା ଗଟେକ୍ କିଶାନିୟ୍ ମାଇଜି ଜିସୁର ଲଗେ ଆସି କଇଲା, “ଏ ଦାଉଡ଼ କୁଟ୍‌ମର ମାପୁରୁ, ମକେ
 ଦୟାକରା । ମର ଟକିକେ ତୁମା ଦାରୁଲା ଆତେ ଆରି ସେ ବତେ କସଟ୍ ପାଇଲାନି ।”

୨୩ ମାତର ଜିସୁ ତାକେ ପଦେକ୍ କାତା ମିସା କଏ ନାଇ । ସିସ୍‌ମାନ ତାରୁ ଲଗେ ଆସି ବାବୁଜିଆ କଇଲା,
 “ତାକେ ବିଗି ପାଟାଇ ଦିଆସ୍ । ଦେକା ସେ କେନ୍ତ୍ର ଆଉଲିଅଇ ଆମ୍‌କେ କେଦିଆନ୍‌ଲାନି ?”

୨୪ ଜିସୁ କଇଲା, “ଆଜିରଇବା ମେଣ୍ଡାପାରା ବାଟ୍ ବାନା ଅଇଲା ଇସରାଏଲ୍ ଲକ୍‌ମାନର ଲଗେସେ ମୁଇ
 ଆଇଲି ଆରି ।”

୨୫ ସେ ମାଇଜି ଆସି ଜିସୁର ଗଡ଼ତଲେ ମାଣ୍ଡିକୁଟା ଦେଇ ଜୁଆର୍ କରି କଇଲା, “ମାପୁରୁ ମକେ ଦୟା
 କରା ।”

୨୬ ଜିସୁ କଇଲା, “ପିଲାମାନରୁ କାଦି ନେଇ କୁକୁରରୁ ମୁଆଟେ ପିଙ୍ଗାବାଟା ଟିକ୍ ନାଇ ।”

୨୭ ସେ ମାଇଜି କଇଲା, ଏଟା ସଡ଼ କାତା ମାପୁରୁ, ମାତର କୁକୁରମାନ ମିସା ସାଉକାରରୁ ଅଦରୁଲା
 ସକ୍‌ତି କାଇବାକେ ପାଇବାଇ ।

୨୮ ଜିସୁ ତାକେ କଇଲା, “ତମେ ଗଟେକ୍ ତାଟ୍‌ସଇ ବିସବାସ୍ କରବା ମାଇଜି । ତୁଇ ମନକଲାଟା ପୁରୁନ୍
 ଅଇସି ।” ସେଦାପରେ ତାରୁ ଟକି ନିମାନ ଅଇଲା ।

ଜିସୁ ବେସି ଲକ୍‌ମାନକେ ନିକ କଲା

୨୯ ଜିସୁ ତେଇଅନି ବାରଇ ଗାଡ଼ କଣ୍ଡି କଣ୍ଡି ଜାଇ ଗଟେକ୍ ଡଙ୍ଗା ଉପରେ ବସଲା । ୩୦ ବେସି ଲକ୍‌ମାନ
 ତାରୁ ଲଗେ ରୁଣ୍ଡୁଲାଇ । ସେମାନରୁ ବିଡ଼ରେ ଚଟା, କାଣା, ଆଡ଼ଗଡ଼ ସୁକିଗାଲାଟା ଆରି ବେସି ଜରୁ
 ଲକ୍‌ମାନକେ ଆନି, ଜିସୁର ପାଦ ତଲେ ତୁଲାଇଲାଇ । ଆରି ସେ ସେମାନକେ ନିକ କଲା । ୩୧ ଗୁଲା କାତା
 ଅଇବାଟା, ସୁକ୍‌ଲା ଆଡ଼ ନିକ ଅଇବାଟା, ଚଟା ଇଣ୍ଡବାଟା, କାଣା ଦେକିପାରୁବାଟା ଦେକି ଲକ୍‌ମାନ କାବା
 ଅଇଗାଲାଇ ଆରି ଇସରାଏଲ୍‌ର ମାପୁରୁକେ ଜୁଆର୍ କଲାଇ ।

* ୧୫:୧୪ ୧୫:୧୪ ଲୁକ୍ ୭:୩୯ * ୧୫:୧୮ ୧୫:୧୮ ମାଡ଼ିଉ ୧୨:୩୪

ଜିସୁ ଚାରିଅଜାନ୍ତ ଲକ୍ଷକେ କୁଆଇଲା
(ମାର୍କ ୮:୧-୧୦)

୩୭ ଜିସୁ ସିସ୍ତମନ୍ଦକେ ଡାକି କଇଲା, “ଏ ଲକ୍ଷମନ୍ଦକେ ଦେକି ମକେ ଦୁକ୍ ଲାଗୁଲାନି, କାଇକେ ବଇଲେ ସେମନ୍ ମର ସଙ୍ଗ ତିନ ଦିନ ଅଇଲାନି ଆତତ୍ ଆରି ସେମନ୍ ଲଗେ କାଇଟା ମିସା ନାଇ । ସେମନ୍ ନ କାଇ ଇତିଅନି ଉଚିତାଅତ୍, ଏଟା ମୁଇ ମନ୍ କରି ନାଇ; କାଇକେ ବଇଲେ ବାଉଡିଗାଲାବେଲେ ବାଟେ ସେମନ୍ ଡାକି ଜାଇ ଅଦର୍ ପଡ଼ ଅଇଜିବାଇ ।”

୩୮ ସିସ୍ତମନ୍ ତାକେ କଇଲାକ, “ଏ ମରୁବାଲିବୁଏଁ ଏତେକ୍ ଲକ୍ଷକେ କୁଆଇବାକେ ଆମେ କହିଅନି ଏତେକ୍ ମାଣ୍ଟୁ କାଦି ଆନ୍ତୁ ?”

୩୯ ଜିସୁ ପାଟାନ୍ତଲା, “ତମର୍ ଲଗେ କେତେଟା ରୁଚି ଆଟେ ?” ସେମନ୍ କଇଲାକ,
“ସାତଟା ରୁଚି ଆରି କେତେଟା ସାନ୍ ମାଟ୍ ଆଟେ ।”

୪୦ ଜିସୁ ଲକ୍ଷମନ୍ଦକେ ବୁଏଁ ବସ୍ତାବାକେ କଇଲା । ୩୬ ତାତ୍ପଟେ ସେ ସାତଟା ରୁଚି ଆରି ମାଟ୍ ନେଇ ପରମେସର୍ଦକେ ଦନିଅବାଦ୍ ଦେଲା ଆରି ବାଙ୍ଗାକ କରି ସିସ୍ତମନ୍ଦକେ ଦେଲା । ସିସ୍ତମନ୍ ସେଟା ଲକ୍ଷମନ୍ଦକେ ବାଟାକରି ଦେଲାକ । ୩୭ ସବୁ ଲକ୍ଷ ପେଟ୍ପୁରତେ କାଇଲାକ । ଆରି ସିସ୍ତମନ୍ ଅଗଲୁଲାଟା ସାତଟାତାଲାକ ବରତି କଲାକ । ୩୮ ମାଇଜିଟକି ଆରି ପିଲାମନ୍ଦକେ ଚାଡ଼ି ଚାରି ଅଜାନ୍ତ ଲକ୍ଷ ଏ କାଦି କାଇରଇଲାକ ।

୩୯ ଏଟାଟ୍ ପଟେ ଜିସୁ ଲକ୍ଷମନ୍ଦକେ ପାଟାଇ ଦେଇ ତଙ୍ଗାଇ ଚଗି ମଗ୍ଦାନ୍ ଜାଗାଟ୍ ସନ୍ଦିଲଗେ ଗାଲା ।



କାବାଅଇଜିବା କାମର୍ ପାଇ ଦାବି
(ମାର୍କ ୮:୧୧-୧୩; ଲୁକ୍ ୧୨:୫୪-୫୬)

୧ ଦିନେକ୍ କେତେଟା ପାରୁସିମନ୍ ଆରି ସାଦୁକିମନ୍ ଜିସୁର୍ ଦସ୍ ଦାଉବାକେ ତାନ୍ ଲଗେ ଆଇଲାକ । ସେମନ୍ ତାକେ କଇଲାକ, “ପରମେସର୍ ତକେ ବାଟୁଲା ଆଟେ ବଲି ଆମେ ଜାନ୍ଦବାକେ, ତୁଇ ଗଟେକ୍ ସରଗର୍ କାବାଅଇଜିବା ତିନ୍ ଦେକା ।” ୨ ଜିସୁ କଇଲା, “ତମେ ସଞ୍ଜ ବେଲାକ ବାଦଲ୍ ରଙ୍ଗ୍ ତିସଲେ ପାଗ୍ ବଲ୍ ଅଇସି ବଲି କଇସା, ୩ ଆରି ସାକାଲ୍ ବେଲାକ ରଙ୍ଗ୍ ଆରି ଆନ୍ଦାଟ୍ ତିସଲେ ପାନି ମାଟ୍ସି ବଲି ଜାନାସ୍ । ବାଦଲ୍ ଦେକି ପାଗର୍ କାତା ଆଗ୍ରୁ ଜାନ୍ସା । ମାତର୍ ଆଜିକାଲିର୍ ତିସବା ତିନ୍ ତମେ ବୁଜିନାପାରାସ୍ । ୪ ଏ ଜୁଗର୍ ଲକ୍ଷମନ୍ କେତେ କାରାସ୍ ଆରି ପରମେସର୍ଦକେ ବିସ୍ତାସ୍ ନ କରୁମନ୍ ! ତମେ ଗଟେକ୍ କାବାଅଇଜିବା କାମ୍ ଦେକବାକେ କଇଲାସିନି ? ମାତର୍ ନାଇ, ଜୁନସର୍ ଜିବନେ ଗଟୁଲାଟା ଚାଡ଼ି ଆରି ଗଟେକ୍ ମିସା କାବାଅଇଜିବା କାମ୍, ତମେ ମାଟ୍ତେଇ ଦେକିନାପାରାସ୍ ।” ଏଟା କଇ ଜିସୁ ସେମନ୍ଦକେ ଚାଡ଼ି ଉଚିଗାଲା ।

ପାରୁସି ଆରି ସାଦୁକିମନ୍ଦର ସିକିଆ

୫ ସିସ୍ତମନ୍ ଗାଡ଼ ସେପାଟେ ଜିବାବେଲେ ରୁଚି ନେବାକେ ପାସ୍ରି ଜାଇରଇଲାକ । ୬ ଜିସୁ ସେମନ୍ଦକେ କଇଲା, “ଜାଗରଡ଼, ପାରୁସି ଆରି ସାଦୁକିମନ୍ଦର୍ କମିରତେଇଅନି ତରିକ୍ନା ଅଇ ରୁଆ ।” ୭ ସେମନ୍ ନିଜର୍ ନିଜର୍ ବିତ୍ତରେ କୁଆ ବଲା ଅଇଲାକ, “ଆମେ ରୁଚି ଆନି ନ ରଇଲାଟ୍ ପାଇ ସେ ଏଣ୍ଡାରି କଇଲାନି ।”

୮ ସେମନ୍ କାଇଟା କଇତେ ରଇଲାକ ସେଟା ଜାନି ଜିସୁ ସେମନ୍ଦକେ କଇଲା, “ତମର୍ ଲଗେ ରୁଚି ନାଇ ବଲି କାଇକେ କୁଆବଲା ଅଇଲାସିନି ? ତମର୍ ବିସ୍ତାସ୍ କେତେ ଦୁର୍ବଲ୍ । ୯ ଏବେ ଜାକ ତମେ ବୁଜାସ୍ ନାଇ କି ? ପାଟ୍ ଅଜାନ୍ତ ଲକ୍ଷମନ୍ଦର ବିତ୍ତରେ ମୁଇ ପାଟ୍ଟା ରୁଚି ବାଟାକରି ରଇବା କାତା ତମେ କାଇ ପାସ୍ରି ଗାଲାସ୍ କି ? ସେଡ଼କିବେଲେ ତମେ କେତେଟା ତାଲାକ ବରତି କରି ରଇଲାସ୍ ? ୧୦ ଆରି ଚାରି ଅଜାନ୍ତ ଲକ୍ଷକେ ସାତଟା ରୁଚିର୍ କାତା ମନେ ନାଇ କି ? ସେଡ଼କିବେଲେ କେତେ ତାଲା ବରତି କରି ରଇଲାସ୍ ?

୧୧ “ମୁଇ ରୁଚିର୍ ବିସଇ ନ କଇତେ ରଇଲି, ତମେ କେନ୍ଦ୍ର ବୁଜାସ୍ ନାଇ ? ମୁଇ କଇଲିନି, ପାରୁସି ଆରି ସାଦୁକିମନ୍ଦର୍ କମିର୍ ପାରା ସିକିଆ ତେଇଅନି ତରିକ୍ନା ଅଇ ରୁଆ ବଲି ।” ୧୨ ସେଡ଼କିବେଲେ ସିସ୍ତମନ୍ ବୁଜି ପାରୁଲାକ ଜେ, ଜିସୁ ରୁଚିର୍ କମିର୍ କାତା ନ କଇତେ ରଇଲା, ମାତର୍ ପାରୁସି ଆରି ସାଦୁକିମନ୍ଦର୍ ସିକିଆ ତେଇ ତରିକ୍ନା ଅଇ ରୁଆ ବଲି କଇରଇଲା ।

୫ ୧୭:୧ ୧୭:୧ ମାଠିର ୧୨:୩୮; ଲୁକ୍ ୧୧:୧୭ ୬ ୧୭:୪ ୧୭:୪ ମାଠିର ୧୨:୩୯; ଲୁକ୍ ୧୧:୨୯ ୭ ୧୭:୬ ୧୭:୬ ଲୁକ୍ ୧୨:୧
୮ ୧୭:୯ ୧୭:୯ ମାଠିର ୧୪:୧୭-୨୧ ୯ ୧୭:୧୦ ୧୭:୧୦ ମାଠିର ୧୫:୩୫-୩୮

ପିତର ଜିସୁକେ ମସିଅ ବଲି ଜାନାଇବାଟା
(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ଜିସୁ କାଇସେରିଆ ପିଲିପି ଗଡ଼ ପାକାପାକି ଜାଗାଇ ଗାଲା ପତେ ସିସ୍ତମନ୍‌କେ ପାଟାରୁଲା, “ନର୍ପିଲା କେ ବଲି ଲକ୍‌ମନ୍ କାଇଟା କଇଲାଇନି ?”

୧୪ *ସେମନ୍ କଇଲାଇ, “କେତେ ଲକ୍ କଇଲାଇନି, ସେ ତୁବନ୍ ଦେଉ ଜଅନ୍ । ଆରି କେତେ ଲକ୍ ‘ସେ ଏଲିୟ’, ବିନ୍ ଲକ୍‌ମନ୍ କଇଲାଇନି, ‘ସେ ଜିରିମିୟ ନଇଲେ ବବିସ୍‌ଡ଼ବକ୍‌ତାମନର୍‌ଡେଇଅନି ଗଟେକ୍ ଲକ୍’ ।”

୧୫ ଜିସୁ ପାଟାରୁଲା, “ମୁଇ କେ ବଲି ତମେ କାଇଟା ବଇଲାସିନି ?”

୧୬ *ସିମନ୍ ପିତର କଇଲା, “ତମେ କିରିସ୍‌ଟ, ମସିଅ, ଜିବନ୍ ରଇବା ପରମେସରର୍ ପିଲା ।”

୧୭ ଜିସୁ କଇଲା, “ନିମାନ୍, ଜୁନସର୍ ପିଲା, ପିତର୍ ! ଏଟା ସର୍, ତୁଇ ମୁନୁସର୍‌ଟାମେ ଅନି କଉସ ନାଇ । ମର୍ ସରଗର୍ ବାବା ତକେ ଜାନାଇଲାକେ ତୁଇ କଇଲୁସ୍ । ୧୮ ସେଟାର୍‌ପାଇ ମୁଇ ତକେ କଇଲିନି, ତୁଇ ପିତର୍, ଜାର୍ ଅରଡ଼ କି ପାକନା । ଏ ପାକନା ଉପରେ ମୁଇ ମର୍ ମଣ୍ଡୁଲି ତିଆର୍ କର୍ବି । ଜେକ୍ଟିକି ମରନ୍ ପାରା ବପୁ ମିସା ତାକେ କାଇ କରିନାପାରେ ।

୧୯ *ମୁଇ ତକେ ସରଗ୍ ରାଇଜର୍ କୁଟିକାତି ଦେବି । ତୁଇ ଜାଇଟା ଜଗତେ ନାଇ ବଲୁସୁ, ସେଟା ସରଗେ ମିସା ନାଇ ଅଇସି । ତୁଇ ଜଗତେ ଜାଇଟା କରା ବଲି କଇସୁ ସେଟା ସର୍‌ଗେ ମିସା କରାଅଇସି ।” ୨୦ ସେ ମସିଅ ବଲି କାକେ ନି କଇବାକେ, ସିସ୍ତମନ୍‌କେ ତାଟ୍‌କଲା ।

ଜିସୁ ନିଜର୍ ଦୁକ୍ ଡଣ୍ଟି ବିସଇ ଜାନାଇଲା
(ମାର୍କ ୮:୩୧; ମାଡ଼ିର ୯:୧; ଲୁକ ୯:୨୨-୨୭)

୨୧ ସେବେଲେଅନି ଜିସୁ ସିସ୍ତମନ୍‌କେ ବୁଜୁଲାପାରା କଇବାର୍ ଦାରୁଲା, “ମୁଇ ଜିରୁସାଲାମ୍ ଜାଇ ଦରମଗୁରୁମନ୍, ମୁକିଅ ପୁଜାରିମନ୍ ଆରି ପାର୍ଟିନିମନର୍‌ଟାମେ ବେସି କସ୍‌ଟ ପାଇବି । ସାରାସାରି ମକେ ମରାଇବାଇ, ମାତର୍ ତିନି ଦିନ ଗାଲାପତେ ମୁଇ ଆରି ତରେକ୍ ଜିବନ୍ ଅଇ ଉର୍ବି ।” ୨୨ ପିତର୍ ଜିସୁକେ ଅଁଡ଼ରେ ଡାକିନେଇ ସେକ୍ଟି ନ ଅ ବଲି ଦମ୍‌କାଇଲା । “ପର୍‌ମେସର୍ ତମକେ କାଇଟା ନ କର, ମାପୁରୁ, ତମକେ ଏ ସର୍ କେବେ ମିସା ନଅ ।” ୨୩ ଜିସୁ ପାସୁଲି କରି କଇଲା, “ମର୍ ମୁଆଟେଅନି ଦୁରିକେ ଜା ସଇଡାନ୍ । ତୁଇ ମର୍ ବାଟ୍ ଚୁଟିଦେଲୁସିନି । ମକେ ନିତୁ ବଲି କଅ ନାଇ । କାଇକେ ବଇଲେ ତମର୍ ଚିକ୍ତା ମୁନୁସ୍‌ମନର୍‌ଡେଇଅନି, ପର୍‌ମେସରର୍‌ଡେଇ ଅନି ନାଇ ।”

୨୪ *ଡାର୍‌ପତେ ଜିସୁ ସିସ୍ତମନ୍‌କେ କଇଲା, “କେ ମିସା ମର୍ ସଙ୍ଗ୍ ଆଇବାକେ ମନ୍ କଲେ, ନିଜର୍ ମନ୍ କଲାଟା ସର୍ ଚାଡ଼ିଦେଇ, ନିଜର୍ କୁରସ ବଇବାକେ ଅଇସି, ଆରି ମର୍ ପତେ ପତେ ଇଣ୍ଟୁବାକେ ଅଇସି । ୨୫ *କାଇକେ ବଇଲେ କେ ମିସା ନିଜର୍ ଜିବନ୍ ରକିଆ କର୍‌ବାକେ ମନ୍ କର୍‌ସି ବଇଲେ, ସେଟା ସେ ଆରାଇସି, ମାତର୍ ଜେ ମର୍ ଲାଗି ଜିବନ୍ ଦେଇସି, ସେ ସତଇସେ ସେଟା ରକିଆ କର୍‌ସି । ୨୬ ଜଦି ଗଟେକ୍ ଲକ୍, ଗୁଲାଇ ଜଗଡ଼ ଜିତିକରି ନିଜର୍ ଜିବନ୍ ଆରାଇଦେଇସି ବଇଲେ ସେଟା କାଇ ଲାବ୍ ? ଜିବନ୍ ବାଉଡ଼ାଇ ପାଇବାକେ ଆଲେ ସେ କାଇଟା ମିସା ଦେଇ ନାପାରେ । ୨୭ *ନର୍ପିଲା ମୁଇ ବାବା ପର୍‌ମେସରର୍ ଡାକ୍‌ପୁଟା ପାଇ ସରଗ୍ ଦୁଡ଼ମନର୍ ସଙ୍ଗ୍ ଆରି ତରେକ୍ ଆଇବି । ସେଡ଼କି ବେଲେ ମୁଇ ସର୍ ଲକ୍‌କର୍ କରିରଇବା କାମ୍ ଦେକି ପୁରୁସ୍‌କାର୍ ଦେବି । ୨୮ ମୁଇ ତମକେ ସର୍ କଇଲିନି, ନର୍ପିଲା ମୁଇ ମର୍ ରାଇଜେ ରାଜା ଅଇ ଆଇବା ଜାକ, ଇତି ରଇଲା କେତେ ଲକ୍ ନି ମରଡ଼ ।”



ଜିସୁ ରୁପ୍ ବାଦ୍‌ଲାଇବାଟା
(ମାର୍କ ୯:୨-୧୩; ଲୁକ ୯:୨୮-୩୬)

୧ ତଅ ଦିନପତେ ଜିସୁ ପିତର୍, ଜାକୁବ୍ ଆରି ଜଅନ୍ ଦୁଇ ବାଇକେ ନେଇ ଗଟେକ୍ ତେଙ୍ଗ୍ ଡଙ୍ଗାରେ ଗାଲା । ତେଇ କେ ମିସା ନ ରଇଲାଇ । ୨ ସିସ୍ତମନ୍ ଦେକ୍‌ଲା ଦାପ୍‌ରେ ଜିସୁ, ଗଟେକ୍ ଦେକ୍‌ଲେ କାବା ଅଇଜିବା ରୁପ୍ ଅଇ ବାଦ୍‌ଲି ଗାଲା । ତାର୍ ମୁ ବେଲ୍ ପାରା ଉଜଲ୍ ଅଇଲା ଆରି ପଟିଆର୍ ଉଜଲ୍ ପୁଲ୍‌ପାରା ଦବ୍ ଡିସ୍‌ଲା । ୩ ସିସ୍ତମନ୍ ମିସା ଆରି ଏଲିୟ ଜିସୁର୍ ସଙ୍ଗ୍ କାଟାବାର୍‌ଡା ଅଇବାଟା ଦେକ୍‌ଲାଇ । ୪ ପିତର୍

* ୧୭:୧୪ ୧୭:୧୪ ମାଡ଼ିର ୧୪:୧,୨; ମାର୍କ ୭:୧୫,୧୫; ଲୁକ ୯:୭,୮ * ୧୭:୧୭ ୧୭:୧୭ ଜଅନ୍ ୭:୬୮,୭୯ * ୧୭:୧୯ ୧୭:୧୯ ମାଡ଼ିର ୧୮:୧୮; ଜଅନ୍ ୨୦:୨୩ * ୧୭:୨୪ ୧୭:୨୪ ମାଡ଼ିର ୧୦:୩୮; ଲୁକ ୧୪:୨୭ * ୧୭:୨୫ ୧୭:୨୫ ମାଡ଼ିର ୧୦:୩୯; ଲୁକ ୧୭:୩୩; ଜଅନ୍ ୧୨:୨୫ * ୧୭:୨୭ ୧୭:୨୭ ମାଡ଼ିର ୨୫:୩୧; ରମିୟ ୨:୬

ଜିସୁକେ କଇଲା, “କେତେ ସୁକର୍ କାତା, ଆଜି ଆମେ ଇତି ଆତୁ । ତମେ ଜଦି ମନ୍ କରସା, ଇତି ମୁଇ ତିନଟା କୁଡିଆ ତିଆର୍ କରବି । ତମର୍ ପାଇ ଗଟେକ୍, ମସା ଆରି ଏଲିୟର୍ ପାଇ ଦୁଇଟା ।”

୫ ୦**ପିତର୍ ଏଟା କଇବାବେଲେ ଏଦେ ଦେକା ! କଣ୍ଟେକ୍ ବାଦଲ୍ ଉଜଲ୍ ଅଇ ସେମନ୍‌ର୍ ଉପରେ ଉଡି ଆଇଲା ଆରି ତେଇଅନି ଗଟେକ୍ ସର୍ ଆଇଲା “ଏ ମର୍ ଆଲାଦର୍ ପଅ, ଆର୍ ଲଗେ ମୁଇ ବେସି ସାର୍‌ବା । ତାର୍ କାତା ମନ୍ ଦେଇ ସୁନା ।”

୬ ସିସମନ୍ ସେ ସର୍ ସୁନି ଏତେକ୍ ଡରି ଗାଲାଇ ଜେ ସେମନ୍ ଉମ୍‌ତାଡିଅଇ ଅଦ୍‌ରିଗାଲାଇ । ୭ ଜିସୁ ସେମନ୍‌ର୍ ଲଗେ ଆସି ସେମନ୍‌କେ ଚିଇ କରି କଇଲା, “ଉଟା, ତରା ନାଇ ।” ୮ ସେଟାର୍ ପାଇ ସେମନ୍ ଉପରେ ଦେକ୍‌ଲାଇଜେ ଜିସୁକେ ଚାଡି ଆରି କେ ଡିସଡ୍ ନାଇ ।

୯ ସେମନ୍ ଡଙ୍ଗ୍‌ରେଅନି ଉଡ୍‌ରି ଆଇଲା ବେଲେ ଜିସୁ ସେମନ୍‌କେ ଆଦେସ୍ ଦେଇ କଇଲା, “ନର୍‌ପିଲା ମୁଇ ମଲାଟାନେଅନି ଆରିତରେକ୍ ନ ଉର୍‌ବା ଜାକ ଏ ଦେକ୍‌ଲା କାତା ତମେ କାକେ କୁଆ ନାଇ ।”

୧୦ ସିସମନ୍ ତାକେ ପାଚାରଲାଇ “ଆମର୍ ଦରମ୍ ଗୁରୁମନ୍ ଏଲିୟ ପର୍‌ଡୁମ୍ ଆଇସି ବଲି କାଇକେ କଇଲାଇ ଆଚଡ୍ ?”

୧୧ ଜିସୁ କଇଲା, “ଉଁ ଏଲିୟ ପର୍‌ଡୁମ୍ ଆସିକରି ସବୁ ବିସଇ ତିଆର୍ କରି ରଇବା କାତା । ୧୨ *ମାତର୍ ମୁଇ ତମ୍‌କେ କଇଲିନି, ଏଲିୟ ତା ଆସି ସାର୍‌ଲା ଆତେ ଆରି ଲକ୍‌ମନ୍ ତାକେ ନ ଚିନି ଜନ୍‌ଟା ମନ୍ କଲା ସେଟା ତାକେ କଲାଇ ଆଚଡ୍ । ସେନ୍ତାରିସେ ନର୍‌ପିଲା ମକେ ମିସା ସେମନ୍ ସେନ୍ତା କାରାପ୍ ଚଲାଟଲ୍‌ଡି କରବାଇ ।”

୧୩ ସେଡ୍‌କି ବେଲେ ସେମନ୍ ବୁଜି ପାରଲାଇ ଜେ, ଜିସୁ ତୁବନ୍ ଦେଉ ଜଅନର୍ ବିସଇ କଇଲାନି ବଲି ।

ଜିସୁ ତୁମା ଦାରଲା ପିଲାକେ ନିକ କଲା /
(ମାର୍‌କ ୯:୧୪-୨୯; ଲୁକ୍ ୯:୩୭-୪୩)

୧୪ ଜିସୁ ଆରି ତାର୍ ସିସମନ୍ ଲକ୍ ଗଉଲି ବିଡ୍‌ରେ ବାଉଡି ଆଇଲା ପଟେ, ଗଟେକ୍ ଲକ୍ ଜିସୁର୍ ଲଗେ ଆସି ମାଣ୍ଡିକୁଟା ଦେଇ କଇଲା, ୧୫ “ମାପୁର୍, ମର୍ ପିଲାକେ ଦୟା କରା । ମୁର୍‌ଟା ବେମାର୍ ଲାଗି କସଟ୍ ପାଇଲାନି । ସେ ବେସି ତର୍ ଜଇତେଇ ଆରି ପାନିତେଇ ଅଦ୍‌ରି ଦେଲାନି । ୧୬ ତାକେ ମୁଇ ତମର୍ ସିସମନ୍‌ର୍ ଲଗେ ଆନି ରଇଲି, ମାତର୍ ସେମନ୍ ନିକ କରି ନାପାରଲାଇ ।”

୧୭ ଜିସୁ କଇଲା, “ତମର୍ କେତେ ତାର୍ ନ ରଇବା ବିସ୍‌ବାସ୍ ଆରି ବୁଲ୍ ! ତମର୍ ସଙ୍ଗ୍ ଆରି ମୁଇ କେତେ ଦିନ୍ ରଇବି ? ଆରି କେତେ ଦିନ୍ ତମର୍ ଚଲାଟଲ୍‌ଡିଟା ସୁନି ସୁନି ତୁମ୍‌ପୁଡି ରଇବି ? ସେ ପିଲାକେ ମର୍ ଲଗେ ଆନା ।” ୧୮ ପିଲା ବିଡ୍‌ରେ ରଇଲା କାରାପ୍ ଆଡ୍‌ମାକେ ଜିସୁ ଦମ୍‌କାଇଲା । କାରାପ୍ ଆଡ୍‌ମା ଚାଡି ଉଟିଗଲା ଆରି ସେ ଦାପ୍‌ରେସେ ପିଲା ନିକ ଅଇଗଲା ।

୧୯ ତାର୍ ପଟେ ସିସମନ୍ ଜିସୁ ଏକ୍‌ଲା ରଇଲା ବେଲେ ଆସି ତାକେ ପାଚାରଲାଇ, “ଆମେ କାଇକେ ସେ କାରାପ୍ ଆଡ୍‌ମାକେ କେଦି ନାପାରଲୁ ?”

୨୦ *ଜିସୁ ସେମନ୍‌କେ କଇଲା, “ତମର୍ ବିସ୍‌ବାସ୍ ବେସି ଦୁର୍‌ବଲ୍ । ମୁଇ ତମ୍‌କେ ସଡ୍ କଇଲିନି, ଜଦି ଗଟେକ୍ ସର୍‌ସୁ ମୁଞ୍ଚି ଏଡ୍‌କି ତମର୍ ବିସ୍‌ବାସ୍ ରଇଲେ, ଏ ଡଙ୍ଗ୍‌ର୍, ଇତିଅନି ତେଇ ଗୁଡି ଜିବାକେ କଇଲେ, ସେଟା ଗୁଡି ଜାଇସି । ବିସ୍‌ବାସ୍‌ର୍ ଲାଗି ତମେ ସବୁ ବିସଇ କରିପାରାସ୍ ।”

ଜିସୁ ନିଜର୍ ମରନ୍ ବିସଇ ଆରି ତରେକ୍ କଇଲା

୨୧ ମାତର୍ ଉପାସ୍ ରଇକରି ପାର୍‌ତନା ନ କଲେ, କାଇ ବିନ୍ ଉପାଇ ନେଇ ମିସା ଏନ୍ତାରି ତୁମା ବାରଇ ନ ଜାଏ* ।

୨୨ ସିସମନ୍ ଗାଲିତେଇ ରୁଣ୍‌ଲା ପଟେ ଜିସୁ ସେମନ୍‌କେ କଇଲା, “ନର୍‌ପିଲା ମୁଇ ଲକ୍‌ମନ୍‌କେ ସର୍‌ପି ଅଇବାର୍ ଗାଲିନି । ୨୩ ତେଇ ସେମନ୍ ମକେ ମରାଇବାଇ, ମାତର୍ ତିନ୍ ଦିନ୍ ପଟେ ମୁଇ ଆରି ତରେକ୍ ଜିବନ୍ ଅଇ ଉର୍‌ବି ।” ଜିସୁର୍ କାତା ସୁନି ସିସମନ୍ ବେସି ଦୁକ୍ ଅଇଗାଲାଇ ।

ଜିସୁ ମନ୍‌ରର୍ ସିସ୍‌ତୁମାଙ୍ଗ୍‌ମନ୍‌କେ ଦେଲା

୨୪ ଜିସୁ ଆରି ତାର୍ ସିସମନ୍ କପର୍‌ନାଉମେ କେଟ୍‌ଲା ପଟେ ମନ୍‌ର ପାଇ ସିସ୍‌ତୁମାଙ୍ଗ୍‌ମନ୍ ପିତର୍‌କେ ପାଚାରଲାଇ, “ତମର୍ ଗୁରୁ ମନ୍‌ରର୍ ପାଇ ସିସ୍‌ତୁ ଦେଇସି କି ନାଇ ?”

* ୧୭:୫ ୧୭:୫ ମାତ୍ରିକ ୩:୧୭;୧୮:୧୮; ମାର୍‌କ ୧:୧୧; ଲୁକ୍ ୩:୨୨ * ୧୭:୫ ୧୭:୫ ୨ ଯ ପିତର୍ ୧:୧୭,୧୮ * ୧୭:୧୨ ୧୭:୧୨ ମାତ୍ରିକ ୧୧:୧୪ * ୧୭:୨୦ ୧୭:୨୦ ମାତ୍ରିକ ୨୧:୨୧; ମାର୍‌କ ୧୧:୨୩; ୧୮ କରନ୍ତିୟ ୧୩:୨ * ୧୭:୨୧ ୧୭:୨୧ ଏ ପଦ୍ ସବୁ

୨୫ ପିତର କଇଲା, “ଦେଇସି ।” ପିତର ଗର୍ ବିତ୍ତରେ ପୁରୁପୁରୁ ଜିସୁ ତାକେ ପାଚାରୁଲା, “ସିମନ୍, ତମେ କାଇଟା ବାବୁଲାସିନି ? ଏ ଜଗତର ରାଜାମନ୍ କାର୍ତ୍ତାନେଅନି ସିସୁତୁ ନେବାଇ ? ତାକର୍ ନିଜର୍ ଦେସର୍ ଲକ୍ମନରୁଟାନେଅନି କି ବିନ୍ ଦେସର୍ ଲକ୍ମନରୁଟାନେଅନି ?”

୨୬ ପିତର କଇଲା, “ବିନ୍ ଦେସର୍ ଲକ୍ମନରୁଟେଇଅନି ।” ଜିସୁ କଇଲା, “ସେନ୍ତି ବଇଲେ ରାଇଜର୍ ଲକ୍ମନ ସିସୁତୁ ନ ଦେଅତ୍ ?” ୨୭ ମାତର ଆମେ ଏବେ ସେମନ୍ତକେ ଇନ୍ କରୁବାକେ ମନ୍ କରୁ ନାଈ । ତୁଇ ଗାଡେ ଜାଇ ବଡସି ପାକାଆ ଆରି ଜନ୍ ମାତ୍ ପରୁତୁମ୍ ଲାଗସି, ତାର୍ ଟାଣ୍ଡେଅନି ଗଟେକ୍ ଅଦଲି ମିଲାଇସୁ । ସେଟା ନେଇ ମର୍ ପାଇ ଆରି ତମର୍ ପାଇ ମନ୍ଦିରର୍ ସିସୁତୁମ୍ ଲକ୍ମନକେ ଦେଇଦେସି ।”

୧୮

ସରଗ ରାଇଜେ ସବୁରୁଟାନେଅନି କେ ବଡ୍
(ମାର୍କ ୯:୩୩-୩୭; ଲୁକ୍ ୯:୪୬-୪୮)

୧* ସେ ବେଲେ ସିସୁମନ୍ ଜିସୁକେ ପାଚାରୁଲା, “ସରଗ ରାଇଜେ ସବୁରୁଟାନେଅନି କେ ବଡ୍ ?” ୨ ଜିସୁ ଗଟେକ୍ ସାନ୍ ପିଲାକେ ଡାକି ସେମନ୍ତର୍ ଲଗେ ଟିଆକରାଇ କଇଲା, ୩* “ମୁଇ ତମ୍ତକେ ସତ୍ କଇଲିନି, ତମର୍ ମନ୍ ବାଦୁଲାଇ ସାନ୍ ପିଲାମନ୍ତର୍ ପାରା ନ ଅଇଲେ ସରଗ ରାଇଜେ କେବେ ପୁରି ନାପାରାସ୍ । ୪ ଜେ ନିଜକେ ସୁଆଲ୍ କରି ସାନ୍ ପିଲାପାରା ଅଇସି, ସେ ସରଗ ରାଇଜେ ସବୁରୁଟାନେଅନି ବଡ୍, ୫ ଆରି, ଜେକି ମର୍ ନାଉ ଦାରି ଏ ସାନ୍ ପିଲାକେ ନାମସି, ସେ ମକେ ମିସା ନାମସି ।”

ବିସ୍ବାସେ ବିସ୍
(ମାର୍କ ୯:୪୨-୪୮; ଲୁକ୍ ୧୭:୧-୨)

୬ “ମର୍ତ୍ତେଇ ବିସ୍ବାସ୍ କର୍ତ୍ତେ ରଇବା ଏ ସାନ୍ ପିଲାମନ୍ତର୍ ବିତ୍ତରେଅନି ଗଟେକ୍ ଲକ୍ କେ ଆଲେ ବିସ୍ବାସେ ବାଦା ଗଟାଇସି ବଇଲେ, ତାର୍ ଗାଲାଇ ଜତା ପାକ୍ନା ବାନ୍ଦିକରି ତାକେ ସମ୍ତୁରେ ବୁଡାଇଦେବାଟା ନିଜ ଅଇସି । ୭ ଲକ୍ମନର୍ ବିସ୍ବାସେ ବାଦା ଗଟାଇବାକେ ବେସି ବିସଇ ଆଡେ । ସେଟାର୍ ପାଇ ଏ ଜଗତର୍ ଦସା ବଡେ ଇନସ୍ତା । ସବୁ ବେଲେ ଏନ୍ତି ବାଦା ଅଇସି, ମାତର୍ ଜେ ବାଦା ଗଟାଇସି, ତାର୍ ଦସା କେଡେ ଇନସ୍ତା ଅଇସି !”

୮* “ଜଦି ତମେ ତମର୍ ଆଡ୍ ନଇଲେ ପାଦର୍ ଲାଗି ବିସ୍ବାସ୍ ଆରାଇଲାସିନି, ତେବେ ସେଟା କାଟି ପିଙ୍ଗି ଦିଆସ୍ । ଜଡେକ୍ ପାଦ୍ ଆରି ଜଡେକ୍ ଆଡ୍ ରଇ ସବୁବେଲେ ଲାଗି ରଇବା ଜଏ ପିଙ୍ଗାଇ ଅଇବା ବାଦୁଲେ ଗଟେକ୍ ପାଦ୍ ନଇଲେ ଗଟେକ୍ ଆଡ୍ ନ ରଇ, ନ ସାର୍ବା ଜିବନେ ପୁରୁବାଟା କେଡେ କରମର୍ କାତା । ୯* ଜଦି ତମର୍ ଆଁକି ଲାଗି ତମେ ବିସ୍ବାସ୍ ଆରାଇଲାସିନି ବଇଲେ ତାକେ ବେଟି ପିଙ୍ଗି ଦିଆସ୍ । ଜଡେକ୍ ଆଁକି ରଇ ନରୁକେ ପିଙ୍ଗାଇଅଇବା ବାଦୁଲେ ଗଟେକ୍ ଆଁକି ରଇ ନ ସାର୍ବା ଜିବନେ ପୁରୁବାଟା କେଡେ କରମର୍ କାତା ଅଇସି ।”

ଆଜିରଇବା ମେଣ୍ଡା
(ଲୁକ୍ ୧୫:୩-୭)

୧୦* ଏ ସାନ୍ ପିଲାମନ୍ତର୍ ବିତ୍ତରେ ଅନି ଗଟେକ୍ତକେ ମିସା ଇନକରା ନାଈ । ମୁଇ ତମ୍ତକେ କଇଲିନି, ଏ ମନ୍ତର୍ ଜଡେକ୍ ନେଇଡେ ରଇବା ସରଗର୍ ଦୁଡ୍ମନ୍ ସବୁ ବେଲା ମର୍ ବାବାର୍ ଲଗେ ଆଡତ୍ ।

୧୧ କାଇକେ ବଇଲେ ବାଟ୍ ବାନା ଅଇଲା ଲକ୍ମନକେ କଜି ରଜିଆ କରୁବାକେ ନରୁପିଲା ମୁଇ ଆଇଲିଆଟି* ।

୧୨ ତମେ କାଇଟା ବାବୁଲାସିନି, ଜଦି ଗଟେକ୍ ଲକ୍ତର୍ ସସଟା ମେଣ୍ଡା ରଇସି ଆରି ସିଡିଅନି ଗଟେକ୍ ଆଜି ଜାଇସି, ତେବେ ସେ କାଇଟା କରସି ? ନବେ ନଅଟା ମେଣ୍ଡାକେ ଡଙ୍ଗରେ ଚାରୁବାକେ ଚାଡିଦେଇ ସେ ଆଜିଲା ମେଣ୍ଡାକେ କଜୁବାର୍ ବାରଇସି । † ୧୩ ମୁଇ ତମ୍ତକେ ସତ୍ କଇଲିନି, ଜେଡେବଲ୍ ସେ ମେଣ୍ଡା ମିଲାଇସି, ଆଜି ନ ରଇଲା ନବେ ନଅଟା ମେଣ୍ଡାର୍ ପାଇ ତାର୍ ଜେଡ୍ କି ସାର୍ଦା, ଏ ଗଟେକ୍ ମେଣ୍ଡାର୍ ପାଇ ସେ ଅଦିକ୍ ସାର୍ଦା ଅଇସି । ୧୪ ସମାନ୍ ସେନ୍ତି ସେ, ଏ ସାନ୍ ପିଲାମନ୍ତର୍ ତେଇ ଅନି ଗଟେକ୍ ଲକ୍ ମିସା ବାଟ୍ ବାନା ଅଅଡ୍, ଏଟା ତମର୍ ସରଗର୍ ବାବା ମନ୍ କରେ ନାଈ ।

ଗଟେକ୍ ବାଇ ତମର୍ ବିରୁଦେ ପାପ୍ କଲେ

* ୧୮:୧ ୧୮:୧ ଲୁକ୍ ୨୨:୨୪ * ୧୮:୩ ୧୮:୩ ମାର୍କ ୧୦:୧୫; ଲୁକ୍ ୧୮:୧୭ * ୧୮:୮ ୧୮:୮ ମାତ୍ରିକ ୫:୩୦ * ୧୮:୯ ୧୮:୯ ମାତ୍ରିକ ୫:୨୯ * ୧୮:୧୦ ୧୮:୧୦ ଲୁକ୍ ୧୯:୧୦ * ୧୮:୧୧ ୧୮:୧୧ ଏ ପଦ୍ ସବୁ ପୁରୁନା ପାଣ୍ଡୁଲିପି ଗନେ ନାଈ † ୧୮:୧୨ ୧୮:୧୨ ଏ ପଦ୍ ସବୁ ପୁରୁନା ପାଣ୍ଡୁଲିପି ଗନେ ନାଈ

୧୫ *ଜଦି ତମର ବାଈ ତମର ବିରୁଦ୍ଧେ ପାପ୍ କରୁସି, ତାର ଲଗେ ଜାଇ ତାର୍ ପାପ୍ ତାକେ ଦେକାଇ ଦିଆସ୍ । ମାତ୍ରି ତମେ ଦୁଇ ଲକ୍ ରଇଲା ବେଲେ ଏଟା ଲୁଚ୍ତେ କରା । ଜଦି ସେ ତମର କାତା ସୁନ୍ଦସି, ତମର ବାଈକେ ତମେ ଆରି ତରେକ୍ ପାଇସା । ୧୬ ଆରି ଜଦି ସେ ନ ସୁନ୍ଦଲେ, ଗଟେକ୍ ଲକ୍ କେ ନଇଲେ ଦୁଇ ଲକ୍ କେ ତାକି ନେଇ ତାର ଲଗେ ଜାଆ । ଆମର ସାସ୍ତର ନିୟମ୍ ଇସାବେ, ଦୁଇଟା ନଇଲେ ତିନଟା ସାକିର ମୁଆଟେ ତମର ଦାବି ସତ୍ ବଲି ଜାନା ପଡ୍ସି । ୧୭ ଏଲେ ମିସା ଜଦି ସେ ତମର କାତା ନ ସୁନ୍ଦେ, ମଣ୍ଡଲିତେଇ ଜାନାଇ ଦିଆସ୍ । ସାରାସାରି ଜଦି ମଣ୍ଡଲିର କାତା ମିସା ନ ସୁନ୍ଦେ ବଇଲେ, ତାକେ ଗଟେକ୍ ସିସ୍ତୁମାଙ୍ଗ୍, ବିସ୍ବାସ୍ ନ କରବା ଲକ୍ ବଲି ବାବିକରି, ତାର୍ ସଙ୍ଗ୍ ମିଲାମିସା କରବାଟା ଗଢି ଦିଆସ୍ ।

ଜଗତ୍ରି ଆରି ସରଗର୍ ବିସଇ

୧୮ *ମୁଇ ତମକେ ସତ୍ କଇଲିନି, ତମେ ଏ ଜଗତେ ଜାଇଟା ନାଇ ବଲ୍ଲୁସା, ସେଟା ସରଗେ ମିସା ନାଇ ଅଇସି । ଆରି ଜନ୍ମଟା ପାଇ ତମେ ଜଗତେ ଉଁ କଇସା, ସେଟା ସରଗେ ମିସା ଉଁ ଅଇସି । ୧୯ କାଲି ସେତ୍ କି ନାଁ, ମୁଇ ତମକେ ସତ୍ କଇଲିନି, ଜେତେବେଲେ ମିସା ଏ ଜଗତେ ତମେ ଦୁଇ ଲକ୍ ଜନ୍ ବିସଇ ନେଇକରି ଗଟେକ୍ ମନ୍ ଅଇକରି ପାର୍ତନା କଲେ, ମର୍ ସରଗର୍ ବାବା ତମେ ମାଙ୍ଗ୍ଲାଟା ପୁରୁନ୍ କରୁସି । ୨୦ କାଇକେ ବଇଲେ ଜନ୍ତୁ ଦୁଇ କି ତିନ୍ ଲକ୍ ରୁଣ୍ଡିକରି ମର୍ ନାଉଁ ଦାବ୍ବାଇ, ତେଇ ମୁଇ ଆତି ।”

କେମା ନ ଦେଇରଇଲା ଦାଙ୍ଗ୍ଡା

୨୧ * ଦିନେକ୍ ପିତ୍ରି ଜିସୁର୍ ଲଗେ ଆସି ପାଚାରଲା, “ମାପୁର୍, ଗଟେକ୍ ବାଇ ମର୍ ବିରୁଦ୍ଧେ ତରକେ ତର୍ ଦସ୍ କରତେ ରଇଲେ, ତାକେ ମୁଇ କେତେ ତର୍ କେମା କରବି ? କାଇ ସାତ୍ ତର୍ କି ?”

୨୨ ଜିସୁ କଇଲା, “ନାଇ ସାତ୍ ତର୍ ନାଇ । ସାତ୍ ତରର୍ ସତୁରି ଗୁନ୍ । ୨୩ ସରଗ ରାଇଜର୍ ଆରି ଗଟେକ୍ କାତା ସୁନ୍ । ଗଟେକ୍ ରାଜା ଦିନେକ୍ ତାର୍ଟାନେ କାମ୍ କରୁମନ୍ ରୁନ୍ ନେଇରଇବାଟା ଇସାବ୍ କିତାବ୍ କରବାକେ ମନ୍ କଲା । ୨୪ ସେ ଇସାବ୍ କରବାବେଲେ ତାର୍ଟାନେ ଗଟେକ୍ କାମ୍ କରୁ ଲାକ୍ ଲାକ୍ ଟାଙ୍ଗା ରୁନ୍ ନେଇରଇଲା ଲକ୍ କେ ରାଜାର ଲଗେ ଆନୁଲାଇ । ୨୫ ରୁନ୍ ସୁଜ୍ବାକେ ସେ ଲକ୍ କରୁଟାନେ ସେତ୍ କି ବପୁ ନ ରଇଲା । ତେବର୍ପାଇ ରୁନ୍ ବାଦ୍ବାକେ ବଲି ତାର୍ଟାନେ ଜେତ୍ କି ରଇଲାଟା ବିକିକରି ତାକେ, ତାର୍ ମାଇଜିକେ ଆରି ତାର୍ ପିଲାଟକିମନ୍ କେ ଗତି ଇସାବେ ବିକିଦେବାକେ ରାଜା ଆଦେସ୍ ଦେଲା ।” ୨୬ କାମ୍ କରୁ ରାଜାର ପାଦ୍ତଲେ ଅଦ୍ରି ଗୁଆରି କରି କଇଲା “ ଆଗିଆଁ ଆରି କେତେଦିନ୍ ଜାଗା, ମୁଇ ତମର୍ ସବୁଜାକ ରୁନ୍ ସୁଜିଦେବି ।” ୨୭ ରାଜା ତାକେ ଦୟା କଲା । ତେବର୍ପାଇ ତାକେ କେମା କରି ରୁନ୍ ନ ବାନ୍ଧାଇ ଗଢିଦେଲା ।

୨୮ ମାତ୍ରି ସେ ଗତି ବାରଇ ଜାଇ ତାର୍ତେଇ ଅନି ପତାସ୍ ଟାଙ୍ଗା ରୁନ୍ କରି ରଇବା ଗଟେକ୍ ମିସତେ ରଇବା ଗତିଦାଙ୍ଗ୍ଡାକେ ଦାରି ତାର୍ ଟର୍ବି ପିଚକ୍ ବାର୍ ଦାବ୍ଲା, “ମର୍ତେଇଅନି ନେଇ ରଇଲା ସବୁ ତାବୁ ବାଉଡାଇ ଦେ ।”

୨୯ ସେ ଗତି ଦାଙ୍ଗ୍ଡା ତାର୍ ଗତେଦାରି ବାବୁଜିଆ କରି କଇଲା, “ସାଆସ୍ ଦାବା, ତମର୍ ସବୁ ତାବୁ ସୁଜି ଦେବି ।”

୩୦ ମାତ୍ରି ପର୍ତୁମ୍ ଲକ୍, ସେ ଗୁଆରି କଲାଟା ସୁନ୍ଦେ ନାଇ, ରୁନ୍ ସୁଜ୍ବା ଜାକ ତାକେ ବନ୍ଦି ଗରେ ପୁରାଇ ସଙ୍ଗାଇବାକେ ତିଆରଲା । ୩୧ ଏଟା ଅଇଲାଟା ଦେକି ବିନ୍ କାମ୍ କରୁମନ୍ ଦୁକ୍ କଲାଇ । ସେମନ୍ ରାଜାର ଲଗେ ଜାଇ ଜନ୍ ଜନ୍ମଟା ଅଇରଇଲା, ସବୁ ଜାନାଇଲା । ୩୨ ରାଜା ପର୍ତୁମ୍ କାମ୍ କରୁକେ ତାକାଇ କଇଲା, “ ଅଇରେ ମୁରକ୍ ଦାଙ୍ଗ୍ଡା, ତୁଇ ଗୁଆରି କଲୁସ୍ ଜେ ମୁଇ ତର୍ ସବୁ ରୁନ୍ ଗଢି ଦେଲି । ୩୩ ମୁଇ ଜେନ୍ତୁ ତକେ ଦୟା କଲି, ତୁଇ ମିସା ତର୍ ସଙ୍ଗର୍ କାମ୍ କରୁକେ ଦୟା କରବାର୍ ରଇଲା ।” ୩୪ ରାଜା ବେସି ରିସା ଅଇଗାଲା ଆରି ସବୁ ଜାକ ରୁନ୍ ନ ସୁଜ୍ବା ଜାକ ତଣ୍ଡ ପାଅ ବଲି ତାକେ ବନ୍ଦି ଗରେ ପାଟାଇ ଦେଲା ।

୩୫ ଜିସୁ ଏ କାତା କଇସାରାଇ କଇଲା, “ତମର୍ ବିରୁଦ୍ଧେ ଦସ୍ କରି ରଇବା ବାଇମନ୍ କେ ମନ୍ ବିତ୍ରେଅନି ଜଦି କେମା ନ ଦିଆସ୍, ତେବେ ମର୍ ସରଗର୍ ବାବା ମିସା ତମକେ ଏନ୍ତାରିସେ କରୁସି ।”

୧୯

**ଗାତାମେଲା ବିସଇ ନେଇ ସିକିଆ
(ମାର୍ଚ୍ଚକ ୧୦:୧-୧୨)**

* ୧୮:୧୫ ୧୮:୧୫ ଲୁକ୍ ୧୭:୩ * ୧୮:୧୮ ୧୮:୧୮ ମାତ୍ରିର ୧୭:୧୯; ଅଧନ୍ ୨୦:୨୩ * ୧୮:୨୧ ୧୮:୨୧ ଲୁକ୍ ୧୭:୩,୪

୧ ଜିସୁ ଏ ସବୁ କଇସାରଲା ପତେ ଗାଲିଲି ଚାଡ଼ିକରି ଜର୍ଦଦନ୍ ଗାଡ଼ ସେପାଟେ ରଇଲା ଜିଉଦା ଜାଗାଇ କେଟଲା । ୨ ବେସି ଲକ୍ମାନ ଡାଡ଼ ସଙ୍ଗ ଗାଲାଇ ଆରି ସେ କେଡେକ୍ କେଡେକ୍ ରଗିମନ୍‌କେ ନିକ କଲା ।

୩ କେଡେଟା ପାରୁସିମନ୍ ଜିସୁକେ ବୁଲ୍ ଦାରୁବାକେ ଚେସ୍‌ଟା କଲାଇ । ସେମନ୍ ଡାଡ଼ ଲଗେ ଆସି ପାଟାରୁଲାଇ, “ମସାର ରିଡିନିଡି ଇସାବେ ଗଟେକ୍ ଲକ୍ କାଇଆଲେ ବୁଲର୍ ପାଇ ବଲି ଡାଡ଼ ମାଇଜିକେ ଚାଡ଼ି ଦେଇ ପାରେ କି ?”

୪ ଜିସୁ କଇଲା, “ସାସ୍‌ତରେ ପତାସ୍ ନାଇ କି ? ଆଦିପୁରବେ ପରମେସର୍ ନର୍ ଲକ୍‌କେ ମୁନୁସ୍ ଆରି ମାଇଜି କରି ତିଆର୍ କଲା । ୫ ସେଡେବେଲେ ମାପୁରୁ କଇରଇଲା, ଏଟାର୍ ପାଇ ବଲି ମୁନୁସ୍, ଡାଡ଼ ଆୟା ବାବାରୁଡେଇ ଅନି ବିନେ ଅଇସି ଆରି ସେମନ୍ ବୁଇ ଲକ୍ ଗଟେକ୍ ଅଇବାଇ । ୬ ଆରି ସେମନ୍ ଅଲ୍‌ଗା ନ ଅଅଡ଼, ମିସି ରଇବାଇ । ସେମନ୍ ବୁଇଲକ୍ ଇସାବେ ନ ରଅଡ଼ । ଜନ୍ ଲକ୍‌ମନ୍‌କେ ପରମେସର୍ ଜଡ଼ିଆଟେ, ଲକ୍‌ମନ୍ ସେମନ୍‌କେ ବେଗଲାଇବାଟା ଟିକ୍‌ନାଇ ।”

୭ *ପାରୁସିମନ୍ ଆରି ପାଟାରୁଲାଇ, “ସେନ୍ତାର୍ ଆଲେ ମାଇଜିକେ ରାଜିନାମା ପତର୍ ଲେକି ଚାଡ଼ି ଦେବାକେ ମସା କାଇକେ ନିୟମ୍ କଲାଆଟେ ?”

୮ ଜିସୁ କଇଲା, “ତମର୍ ମନ୍‌ବିଡ଼ରର୍ ବୁଜ୍‌ବା ବପୁ ବୁରବଲ୍ ରଇଲାଟା ଦେକି ମସା ତମର୍ ମାଇଜିମନ୍‌କେ ଚାଡ଼ିବାକେ ରାଜି ଅଇଲା । ମାଡ଼ର୍ ଆଦିପୁରବେ ତିଆର୍ ଅଇଲା ବେଲେ ଏନ୍ତାରି ନିୟମ୍ ନ ରଇଲା । ୯ *ମାଡ଼ର୍ ମୁଇ ତମ୍‌କେ କଇଲିନି, କେ ମିସା ଡାଡ଼ ମାଇଜିକେ ବେସିଆ କାମ୍ ଅପୁରାଦ୍‌କେ ଚାଡ଼ି, ବିନ୍ କାଇଆଲେ କାମ୍ ପାଇ ଚାଡ଼ାମେଲା କରି, ବିନ୍ ମାଇଜିକେ ସଙ୍ଗଇଲେ, ସେ ସେ ନିଜେ ଦାରିଆ ଅଇସି ।”

୧୦ ଜିସୁର ସିସ୍‌ମନ୍ କଇଲାଇ, “ଜଦି ମାଇଜି ମୁନୁସର୍ ବିଡ଼ରେ ଏନ୍ତାରି ଆଟେ ବଇଲେ, ବିବା ନ ଅଇବାଟା ନିକ ।”

୧୧ ଜିସୁ କଇଲା, “ଏ ସିକିଆ ସବୁ ଲକ୍ ନ ମାନଡ଼ । ପରମେସର୍ ଗାନେଅନି ଜନ୍‌ଲକ୍‌ମନ୍‌କେ ଏଟା ଦିଆଅଇଆଟେ ସେମନ୍‌ସେ ଏଟା ମାନବାଇ । ୧୨ ବିନ୍ ବିନ୍ କାମ୍‌ପାଇ ଲକ୍‌ମନ୍ ବିବା ନ ଅଇ ରଇଜିବାଇ । କେଡେ ଲକ୍ ଜନମେ ଅନି ବେଜୁ ଅଇ ବିବାଅଇ ନାପାରଡ଼ । କେଡେ ଲକ୍‌କେ ମୁନୁସ୍‌ମନ୍ ସେନ୍ତାରି କରି ଆଟଡ଼, ଆରି କେଡେ ଲକ୍ ସରଗ୍ ରାଇଜର୍ ପାଇ କାମ୍ କର୍ବାକେ ବିବା ନ ଅଇକରି ଆଟଡ଼ । ଜନ୍ ଲକ୍‌ମନ୍ ଏ ସିକିଆର୍ ଅରଡ଼ ବୁଜିପାରୁଲାଇନି, ସେମନ୍ ସେଟା ମାନଡ଼ ।”

ଜିସୁ ସାନ୍ ପିଲାମନ୍‌କେ ଆସିର୍‌ବାଦ୍ କଲା
(ମାର୍‌କ ୧୦:୧୩-୧୬; ଲୁକ୍ ୧୮:୧୫-୧୭)

୧୩ କେଡେ ଲକ୍ ପିଲାମନ୍‌ର ଉପରେ ଆଡ଼ ସଙ୍ଗଇ ପାର୍‌ତନା କର୍ବାକେ, ସେମନ୍‌କେ ଜିସୁର ଲଗେ ଆନ୍‌ଲାଇ । ମାଡ଼ର୍ ସିସ୍‌ମନ୍ ସେମନ୍‌କେ ଦମ୍‌କାଇଲାଇ । ୧୪ ମାଡ଼ର୍ ଜିସୁ କଇଲା, “ସାନ୍ ପିଲାମନ୍‌କେ ମର ଲଗେ ଆଇବାକେ ବାଟ୍ ଦିଆସ୍ । ସେମନ୍‌କେ ମନା କରା ନାଇ । କାଇକେ ବଇଲେ ଏମନ୍ ଆକା ସରଗ୍ ରାଇଜେ ରଇବା ଲକ୍ ।”

୧୫ ଜିସୁ ପିଲାମନ୍‌ର ଉପରେ ଆଡ଼ ସଙ୍ଗଇ ଆସିର୍‌ବାଦ୍ କଲା । ପତେ ସେ ଡେଇଅନି ଉଟିଗାଲା ।

ଗଟେକ୍ ସାଉକାର୍ ପିଲା
(ମାର୍‌କ ୧୦:୧୭-୩୧; ଲୁକ୍ ୧୮:୧୮-୩୦)

୧୬ ଦିନେକ୍ ଗଟେକ୍ ସାଉକାର୍ ପିଲା ଜିସୁର ଲଗେ ଆସି ପାଟାରୁଲା, “କାଇ ନିକ କାମ୍‌କଲେ, ନ ସାର୍‌ବା ଜିବନ୍ ମିଲ୍‌ସି ?”

୧୭ ଜିସୁ ତାକେ କଇଲା, “ନିକ କାମ୍ ବିସଇ ନେଇକରି ମକେ କାଇକେ ପାଟାରୁଲୁସ୍‌ନି ? ପରମେସର୍‌ସେ ସଡ଼ । ତାର୍ ଆଦେସ୍ ମାନ୍‌ଲେ, ନ ସାର୍‌ବା ଜିବନ୍ ମିଲାଇସୁ ।”

୧୮ ସେ ପାଟାରୁଲା, “କାଇ କାଇ ଆଦେସ୍ ?”

ଜିସୁ କଇଲା, “ନର୍ ଲକ୍‌ମନ୍‌କେ ମରାଇବାର୍ ନାଇ, ବେସିଆ କାମ୍ କର୍‌ବାର୍ ନାଇ, ଚରାଇବାର୍ ନାଇ, କାର୍ ବିରୁଦେ ମିଡ଼ ସାକି ଦେବାର୍ ନାଇ । ୧୯ ଆୟା ବାବାର୍ ସେବା କରା ଆରି ତମର୍ ପତିସାର୍ ଲକ୍‌ମନ୍‌କେ ନିଜର୍ ପାରା ଆଲାଦ୍ କରା ।”

୨୦ ସେ ବେଣ୍ଟିଆ କଇଲା, “ମୁଇ ଏ ସବୁ ଆଦେସ୍ ମାନି ଆଇଲିନି । ଆରି କାଇଟା କର୍‌ବାର୍ ଆଟେ ?”

* ୧୯:୭ ୧୯:୭ ମାଡ଼ିଭ ୫:୩୧ * ୧୯:୯ ୧୯:୯ ମାଡ଼ିଭ ୫:୩୨; ୧ମ କରନ୍ତିୟ ୭:୧୦,୧୧

୨୧ ଜିସୁ ତାକେ କଇଲା, “ତୁଇ ଜଦି ସିଦ୍ ଅଇବାକେ ମନ୍ କଲୁସନି ବଇଲେ, ଜାଆ ତରୁଟାନେ ରଇବା ସବୁଜାକ ବିକି ଦେଇ, ସେ ତାରୁ ଗରିବ ଲକ୍ମନକେ ଦାନ କରିଦେସ । ଏଟା ସବୁ କରି ସାରାଇ ମର୍ ସଜ୍ ଆଉ । ସେନ୍ତାରୁ କଲେ ତକେ ସରଗେ ଦନ୍ ମିଲୁସି ।”

୨୨ ଏଟା ସୁନି କରି ସେ ବେଣ୍ଟିଆ ମୁ ଉଡ଼ରାଇଦେଇ ତେଇଅନି ଉଟିଗାଲା । କାଇକେ ବଇଲେ ସେ ଲକ୍ ବେସି ସାଉକାରୁ ରଇଲା ।

୨୩ ଜିସୁ ସିସ୍ତମନକେ କଇଲା, “ମୁଇ ତମକେ ସଦ୍ କଇଲିନି, ସାଉକାରୁ ଲକ୍ମନ ସରଗୁ ରାଇଜେ ସଲକେ କେଟ୍‌ବାଟା ବଡେ ଆବଡ୍ । ୨୪ ଆରି ତରେକ୍ କଇଲିନି, ଗଟେକ୍ ବଡ଼ଟା ପସୁ ଜେକ୍ତି ସୁଜି କାଣାବାଟେ ଚିଙ୍ଗଲି ଜିବାକେ ଆବଡ୍, ସାଉକାରୁ ଲକ୍ ସରଗୁ ରାଇଜେ କେଟ୍‌ବାଟା ଅଦିକ୍ ଆବଡ୍ ।” ୨୫ ସିସ୍ତମନ୍ ଏ କାତା ସୁନି କାବାଅଇଜାଇ ପାଟାରୁଲାଇ, “ଏକ୍ତି ବଇଲେ କେ ତେବେ ମୁକ୍ତି ପାଇପାରୁସି ?”

୨୬ ଜିସୁ ସେମନର୍ ବାଟେ ଦିରେକରି ଦେକି କଇଲା, “ମୁନୁସ୍ତମନରୁଟାନେ ଏଟା ଅଇନାପାରେ, ମାତର୍ ପର୍‌ମେସରର୍ ଟାନେ ସବୁଟା ଅଇପାରୁସି ।”

୨୭ ଏ କାତା ସୁନି ପିତର୍ କଇଲା, “ଦେକା, ଆମେ ସବୁଜାକ ଚାଡ଼ିକରି ତମର୍ ସଜ୍ ଆସିଆରୁ । ତେବେ ଆମକେ କାଇଟା ମିଲୁସି ?”

୨୮ *ଜିସୁ ସେମନକେ କଇଲା, “ଏ କାତା ସଦ୍ ବଲି ଜାନସା, ଜେତେବେଲେ ନୁଆ ଜୁଗେ ନର୍‌ପିଲା ମୁଇ ମର୍ ତାକ୍‌ପୁଟା ଅଇଟା ବସ୍‌ବାଟାନେ ବସ୍‌ସି । ମର୍ ବାରୁଟା ସିସ୍, ତମେ ମିସା, ବାରୁଟା ବସ୍‌ବାଟାନେ ବସି ଇସ୍‌ରାଏଲର୍ ବାରୁଟା କୁଟୁମକେ ସାସନ୍ କର୍‌ସା । ୨୯ ଜନ୍ ଲକ୍ମନ ମରୁଲାଗି ନିଜର୍ ଗର୍, ବାଇ ବଇନି, ଆୟା ବାବା, ପିଲାଟକି ଆରି ଜମିବାଡ଼ି ଚାଡ଼ି ଆବଡ୍, ସେମନ୍ ତାରୁ ସଏ ଗୁନ୍ ଆସିରୁବାଦ୍ ପାଇବାଇ, ଆରି ନ ସାର୍‌ବା ଜିବନ୍ ମିସା ପାଇବାଇ । ୩୦ *ଏବେ ଜନ୍ ଲକ୍ମନ ଆଗତୁ ଆବଡ୍, ସେମନର୍ ବିଡ଼ରେଅନି ବେସି ଲକ୍ ପଟେ ଅଇଜିବାଇ । ଆରି ଜନ୍ ଲକ୍ମନ ପଟେ ଆବଡ୍, ସେମନର୍ ବିଡ଼ରେ ଅନି ବେସି ଲକ୍ ଆଗତୁ ଅଇଜିବାଇ ।”

୨୦

ଅଜ୍ଞୁର୍ ବାତର୍ ବୁଡ଼ିଆର୍‌ମନ୍

୧ ସରଗୁ ରାଇଜ କେକ୍ତିଟା, ଏଟାରୁ ପାଇ ଆରି ଗଟେକ୍ କାତା ସୁନା । ଦିନେକ୍ ଗଟେକ୍ ଲକ୍ ସାକାଲୁ ସାକାଲୁ ତାରୁ ଅଜ୍ଞୁର୍ ବାତେ କାମ୍ କରାଇବାକେ କୁଲିଆର୍‌ମନକେ କଜ୍‌ବାରୁ ବାରଇଲା । ୨ ସେ ଜନ୍ ଲକ୍ମନକେ ମିସ୍‌ଲା, ସେମନକେ ଗଟେକ୍ ଦିନକେ, ଗଟେକ୍ ଲାକା ରୁପାଟାଙ୍ଗା କୁଲି ଦେବାକେ ରାଜି କରି ତାରୁ ବାତେ ପାଟାଇଲା । ୩ ତାରୁ ପଟେ ସାକ୍‌ଲିଆ ନଅଟା ବେଲେ ଆଟେ ଜାଇ, ଗଟେକ୍ ଦଲର୍ ଲକ୍ କାଇ କାମ୍ ନ କରି ଚିଆଅଇ ରଇଲାଟା ଦେକ୍‌ଲା । ୪ ସେ ଲକ୍ ସେମନକେ କଇଲା, “ତମେ ମିସା ମର୍ ଅଜ୍ଞୁର୍ ବାତେ ଜାଇ କାମ୍ କରା, ତମକେ ମିସା ସମାନ୍ ଇସାବେ ବୁଡ଼ି ଦେବି ।” ୫ ସେମନ୍ ଜାଇ କାମ୍ କର୍‌ବାରୁ ଦାରୁଲାଇ । ସେନ୍ତାରିସେ ମୁଣ୍ଡବେଲାଇ, ଆଡ଼ବେଲାଇ ମିସା ଆରି କେତେଟା କୁଲିଆର୍‌ମନକେ ଆନି କାମେ ମିସାଇଲା । ୬ ସଞ୍ଜୁଆ ପାଁଟୁଟା ବେଲା ଆରି ତରେକ୍ ଆଟେ ଜାଇ ଆରି କେତେ ଲକ୍ ରୁଟାଇ ଚିଆଅଇରଇବାଟା ଦେକ୍‌ଲା । ସେମନକେ ପାଟାରୁଲା “ଗୁଲାଇ ମୁଇଦାନ୍ କାମ୍ ନ କରି କାଇକେ ଇଡ଼ି ଉଜେ ଉଜେ ଆରାସ୍ ?” ୭ ସେମନ୍ ତାକେ କଇଲାଇ, “ଆମକେ ତା କେ ମିସା କାମେ ମିସାଅଡ୍ ନାଇ ।” ସାଉକାରୁ ସେମନକେ କଇଲା “ସେନ୍ତାରୁଆଲେ ତମେ ସବୁ ଲକ୍ ମର୍ ଅଜ୍ଞୁର୍ ବାତେ ଜାଇ କାମ୍ କରା ।”

୮ ସେ ଦିନେ ସଞ୍ଜ ଅଇଲାକେ ଅଜ୍ଞୁର୍ ବାତର୍ ସାଉକାରୁ ଗୁମୁସ୍‌ତାକେ କଇଲା, “କୁଲିଆର୍‌ମନକେ ତାକ୍ । ଜନ୍ ଲକ୍ମନ ସବୁର୍ ପଟେ କାମ୍ ଦାରୁଲାଇ, ସେମନକେ ଆଗେ ବୁଡ଼ି ଦେଇଦେସ । ଜନ୍ ଲକ୍ମନ ସବୁର୍‌ତେଇଅନି ପରୁଟୁମ୍ କାମେ ମିସି ଆବଡ୍, ସେମନକେ ତାକର୍ ବୁଡ଼ି ସାରାସାରି ପଟେ ଦେସ ।” ୯ ଜନ୍ ଲକ୍ମନ ସଞ୍ଜୁଆ ପାଁଟୁଟା ବେଲେ କାମେ ମିସି ରଇଲାଇ ସେମନକେ ସବୁ ଲକ୍‌କେ ଗଟେକ୍ ଗଟେକ୍ ରୁପା ଟାଙ୍ଗା ଦେଲାଇ । ୧୦ ଜନ୍ ଲକ୍ମନ ପର୍‌ଟୁମ୍ କାମ୍ ଆରାମ୍ କରି ରଇଲାଇ, ସେମନକେ ଅଦିକ୍ ବୁଡ଼ି ମିଲୁସି ବଲି ଆସା କଲାଇ । ମାତର୍ ସେମନ୍ ମିସା ଗଟେକ୍‌ସେ ରୁପା ଟାଙ୍ଗା ମିଲାଇଲାଇ । ୧୧ ସେମନ୍ ସେଡ଼କି ନେଇ ମୁର୍‌ମୁରା ଅଇକରି ସାଉକାରୁ ବିରୁଦେ କଇଲାଇ, ୧୨ “ସଞ୍ଜୁଆ ପାଁଟୁଟା ବେଲେ କାମ୍ ଆରାମ୍ କଲା କୁଲିଆର୍‌ମନ୍ ଏକାଇ ଗଟେକ୍ ଗଟାସେ କାମ୍ କଲାଇ ଆବଡ୍ । ଆମେ ଟାଇ ଟାଇ କାରାଇ, ଦିନଜାକ କର୍‌ଲୁ, ଏଲେ ମିସା ବୁଡ଼ି ଦେବା ବେଲେ ଆମକେ ମିସା ସେମନର୍ ସଜ୍ ସମାନ୍ କରିଦେଲାସ୍ ।”

* ୧୯:୨୮ ୧୯:୨୮ ମାଠିର ୨୫:୩୧; ଲୁକ୍ ୨୨:୩୦ * ୧୯:୩୦ ୧୯:୩୦ ମାଠିର ୨୦:୧୨; ଲୁକ୍ ୧୩:୩୦

୧୩ ସାଉକାର୍ ସେମାନର ବିତ୍ତରେଅନି ଗଟେକ୍ ଲକ୍ଷକେ କଇଲା, “ମଇତର ମୁଇ ତମ୍ଭେ ନାଡ଼ାଇ ନାଇ । ଗଟେକ୍ ଦିନର ବୁଡ଼ି ପାଇ ଗଟେକ୍ ରୁପା ଟାଙ୍ଗା ନେଇ କାମକରବାକେ ତମେତା ସବୁ ଲକ୍ଷ ରାଜି ଅଇରଇଲାସ୍ ।”^{୧୪} ତମ୍ଭେ ସେତ୍ତକି ବୁଡ଼ି ଦାରି ଗରେ ଜାଆ । ତମ୍ଭେକେ ଜେତ୍ତକି ଦେଲି ଆଟି, ଗଟେକ୍ ଗଟା କାମ୍ କରରଇବାକେ ଲକ୍ଷମନ୍ଦକେ ମିସା ସେତ୍ତକିସେ ଦେବାକେ ମର୍ ମନ୍ ।^{୧୫} ମର୍ ନିଜର୍ ଦନ୍, ମୁଇ ଜେନ୍ତି ମନ୍ କଲିନି, ସେନ୍ତି କରଟ କରବାକେ ମରକାଇ ଅଦିକାର୍ ନାଇ କି ? କି ମୁଇ ଦାନ୍ ଇସାବେ ଦେଲିନି ବଲି ଆକାର୍ ଅଇଲାସ୍ନି ?”

୧୬ ଜିସୁ ଏ କାତା କଇସାରାଇ କଇଲା, “ଜନ୍ ଲକ୍ଷମନ୍ ଏବେ ପଟେ ଆଟତ୍ ସେମନ୍, ଆଗତୁ ଅଇବାଇ । ଆରି ଜନ୍ ଲକ୍ଷମନ୍ ଆଗତୁ ଆଟତ୍ ସେମନ୍ ପଟେ ସେ ରଇଜିବାଇ ।”

ଜିସୁ ତାର୍ ମରନ୍ ବିସଇ ଏଟାସଙ୍ଗ୍ ତିନ୍ତର୍ ଜାନାଇଲା
(ମାର୍ଚ୍ଚକ ୧୦:୩୨-୩୪; ଲୁକ୍ ୧୮:୩୧-୩୪)

୧୭ ଜିସୁ ଜିରୁସାଲମ୍ ଜିବା ବାଟେ ତାର୍ ବାର୍ତ୍ତା ସିସମନ୍ଦକେ ଗଟେକ୍ ଲଗେ ଡାକି ନେଇ, କେ ନଇଲା ବେଲେ କଇଲା, ^{୧୮} “ସୁନା, ଆମେ ଜିରୁସାଲମେ ଗାଲୁନି । ତେଇ ନରପିଲା ମୁଇ, ମୁଜିଅ ପୁଜାରି ଆରି ଦରମ୍ ଗୁରୁମନ୍ଦକେ ସର୍ପି ଅଇବି । ସେମନ୍ ମକେ ମରନ୍ ତଣ୍ଟ ଦେବାଇ ।^{୧୯} ତାର୍ପଟେ ସେମନ୍ ମକେ, ଜିଉଦି ନ ଅଇଲା ଲକ୍ଷମନ୍ଦକେ ସର୍ପି ଦେବାଇ । ଜିଉଦି ନ ଅଇଲା ଲକ୍ଷମନ୍, ମକେ କିଜାଇବାଇ, କରତା ସଙ୍ଗ ମାର୍ବବାଇ ଆରି କୁରସେ ଚଗାଇବାଇ । ମାତର୍ ତିନ୍ଦିନ୍ ପଟେ ମୁଇ ଆରି ତରେକ୍ ଜିବନ୍ ଅଇ ଉର୍ବି ।”

ଗଟେକ୍ ମାଆର୍ ଗୁଆରି
(ମାର୍ଚ୍ଚକ ୧୦:୩୫-୪୫)

୨୦ ସେଡିକିବେଲେ ଜେବଦିର୍ ମାଇଜି ତାର୍ ଦୁଇଟା ପିଲାମାନର୍ ସଙ୍ଗ୍ ଜିସୁରଲଗେ ଆସି ତାକେ କୁଆରକରି, ଗଟେକ୍ ବିସଇ ମାଙ୍ଗଲା ।

୨୧ ଜିସୁ ତାକେ ପାଚାରୁଲା, “ତୁଇ କାଇଟା ମନ୍ କଲୁସ୍ନି ?” ସେ କଇଲା, “ଜେତେବଲ୍ ତମେ ତମର୍ ରାଇଜେ ରାଜା ଅଇସା, ମର୍ ଏ ଦୁଇଟା ପିଲାମନ୍ଦକେ ତମର୍ ତେବ୍ରି ବାଟେ ଆରି ଉଜା ବାଟେ ବସାଇବି ବଲି ମକେ କାତା ଦିଆ ।”

୨୨ ଜିସୁ ଜେବଦିର୍ ପିଲାମନ୍ଦକେ କଇଲା, “ତମେ କାଇଟା ମାଗଲାସ୍ନି ସେଟା ବୁଜି ନାପାରୁଲାସ୍ନି । ମୁଇ ଜନ୍ ଦୁକପୁରୁନ୍ ମୁତାର୍ ପାନି କାଇବାର୍ ଗାଲିନି, ତମେ କାଇ ପାରାସ୍ କି ?” ସେମନ୍ “ଉ” ବଲି କଇଲାଇ ।

୨୩ ଜିସୁ ସେମନ୍ଦକେ କଇଲା, “ତମେ, ମର୍ ମୁତାର୍ ପାନି କାଇଲେ କାଇପାରାସ୍ । ମାତର୍ ମର୍ ଉଜା ବାଟେ ଆରି ତେବ୍ରି ବାଟେ କେ ବସିପାରେ ସେଟା ବାଟବାକେ ମର୍ ଅଦିକାର୍ ନାଇ । ଜନ୍ ଲକ୍ଷମନ୍ଦକେ ପାଇ ମର୍ ବାବା ସେ ଜାଗା ତିଆର୍ କଲା ଆଟେ, ସେଟା ସେମନ୍ଦକେ ପାଇ ଆକା ।”

୨୪ ବିନ୍ ସିସମନ୍ ଜେତେବେଲ୍ ଏ କାତା ସୁନ୍ଲାଇ, ସେ ଦୁଇ ବାଇର୍ ଲାଗି ବେସି ରିସା ଅଇଗାଲାଇ ।^{୨୫} ଜିସୁ ସିସମନ୍ଦକେ ଗଟେକ୍ଟାଗେନେ ଚୁଲ୍ଲକରି କଇଲା, “ତମେତା ଜାନାସ୍ ଏ ଦୁନିଆର୍ ରାଜାମନ୍ ବିନ୍ ଲକ୍ଷମନ୍ଦକେ ନିଜର୍ ଅଦିକାର୍ କରରଇବାଇ । ବଡ଼ ବଡ଼ ନେତାମନ୍ ମିସା ବିନ୍ ଲକ୍ଷମନ୍ଦକେ ସାସନ୍ କରବାଇ ।^{୨୬} ମାତର୍ ତମେ ସେନ୍ତାର୍ ଉଆନାଇ । ତମର୍ ବିତ୍ତରେ ଗଟେକ୍ ଲକ୍ଷ ବଡ଼ ଅଇବାକେ ମନ୍ କଲାନି ବଇଲେ, ସେ ସବୁଲକ୍ଷର ସେବା କରବାର୍ ଆଟେ ।^{୨୭} ତମର୍ ବିତ୍ତରେ ଜେ ମୁଜିଅ ଅଇବାକେ ମନ୍ କଲାସ୍ନି, ସେ ବିନ୍ ଲକ୍ଷ ଗତିଦାଙ୍ଗ୍ଟା ପାର ଅଇ ସେମନ୍ଦକେ ସେବା କର ।^{୨୮} ଜେନ୍ତାରି କି ପର୍ମେସର୍ ପାଗାଇଲା ନରପିଲା ମୁଇ ମିସା ସେବା ମିଲ ବଲି ଆସି ନାଇ, ମାତର୍ ବିନ୍ ଲକ୍ଷମନ୍ଦକେ ସେବା କରି ସେମନ୍ଦକେ ମୁକ୍ତି ମିଲ ବଲି ନିଜର୍ ଜିବନ୍ ଦେବାକେ ଆଇଲି ଆଟି ।”

ଜିସୁ ଦୁଇଟା କାଣାମନ୍ଦକେ ଦେକ୍ବା ବପୁ ଦେଲା
(ମାର୍ଚ୍ଚକ ୧୦:୪୬-୫୨; ଲୁକ୍ ୧୮:୩୫-୪୩)

୨୯ ଦିନେକ୍ ଜିସୁ ସିସମନ୍ଦକେ ସଙ୍ଗ୍ ଜିରିଅ ସଅର୍ ରାଡିକରି ଜିବାବେଲେ କେତେ କେତେ ଲକ୍ଷମନ୍ ତାର୍ ପଟେ ପଟେ ଇଣ୍ଟୁବାର୍ ଦାନ୍ରଲାଇ ।^{୩୦} ଆରି ଏଦେ ଦେକା ! ବାପ୍ପାଲି ବସି ରଇବା ଦୁଇଟା କାଣା, ଜିସୁ ସେ ବାଟେ ଆଇଲାନି ବଲି ସୁନି, ଆକ୍ପାରି ଡାକ୍ଲାଇ, “ଏ ମାପୁର ଦାଉଦର୍ ପଅ ! ଆମକେ ଦୟା କର ।”

☆ ୨୦:୧୬ ୨୦:୧୭ ମାଡ଼ିର ୧୯:୩୦; ମାର୍ଚ୍ଚକ ୧୦:୩୧; ଲୁକ୍ ୧୩:୩୦ ☆ ୨୦:୨୫ ୨୦:୨୫ ଲୁକ୍ ୨୨:୨୫,୨୬ ☆ ୨୦:୨୬ ୨୦:୨୭ ମାଡ଼ିର ୨୩:୧୧; ମାର୍ଚ୍ଚକ ୯:୩୫; ଲୁକ୍ ୨୨:୨୭

୩୧ ଲକ୍ଷ୍ମୀନ ସେମାନଙ୍କେ ଦମକାଇ କରି ରୁପଅଇ ରଇବାକେ କଇଲାଇ । ମାତର ସେମନ୍ ଅଦିକ୍ ଅଦିକ୍ ଆକ୍ମାରି କଇଲାଇ, “ଏ ମାପରୁ, ଦାଉଦର୍ ପଅ ! ଆମ୍ଭକେ ଦୟା କର ।”

୩୨ ଜିସୁ ତେଇ ଚିଆଅଇ ସେମାନଙ୍କେ ଡାକି ପାଚାରୁଲା, “ମୁଇ ତମର୍ ପାଇ କାଇଟା କର୍ବି ବଲି ମନ୍ କଲାସ୍ତନ ?”

୩୩ ସେମନ୍ କଇଲାଇ, “ମାପରୁ ଆମ୍ଭକେ ଦେକ୍‌ବା ବପୁ ଦିଆ ।”

୩୪ ଜିସୁ ସେମାନର୍ ପାଇ ଦୟା ଅଇ, ତାକ୍ ଆକି ଚିଇଲା । ସେ ଦାପ୍‌ରେସେ ସେମନ୍ ଦେକିପାରୁଲାଇ ଆରି ଜିସୁର୍ ପଡେ ପଡେ ଗାଲାଇ ।

୨୧

ଜିରୁସାଲାମ୍ ଜିସୁ ଡାକ୍‌ପୁଟାରେ ଜିବାଟା

(ମାର୍ଚ୍ଚକ ୧୧:୧-୧୧; ଲୁକ୍ ୧୯:୨୮-୪୦; ଜଅନ୍ ୧୨:୧୨-୧୯)

୧ ଜିସୁ ଆରି ତାର ସିସ୍‌ମନ୍ ଜିରୁସାଲାମ୍ ଲଗାଲଗି ଅଇ କଣ୍ଢେକ ଦୁର୍ ଜାଇ ତଙ୍ଗରଲଗେ ରଇଲା ବେଡ୍‌ପାଗି ଆରି ବେଡିନିଆ ନାଉର୍ ଗାଏଁ କେଟ୍‌ଲାଇ । ତାର ଦୁଇଟା ସିସ୍‌ମନ୍‌କେ ଆଦେସ୍ ଦେଇ କଇଲା, “ତମେ ମୁଆଟେ ରଇଲା ସେ ଗାଏଁ ଜାଆ । ତେଇ କେଟ୍‌ଲା ଦାପ୍‌ରେ, ଗଟେକ୍ ଗଦ ବାନ୍ଧିଅଇ ରଇବାଟା ଦେକ୍‌ସା ଆରି ତାର ଲଗେ ତାର ପିଲା ଆଟେ । ସେମନ୍‌କେ ମେଲି ମରୁଲଗେ ଦାରି ଆସା । ୩ କେ ଜଦି କାଇ ବଲି ପାଚାରୁଲେ କଇସା, ‘ଏଟା ସାଉକାରୁକେ ଦର୍‌କାର୍ ଆଟେ ।’ ସେଡ୍‌କି ଦାପ୍‌ରେ ସେ ଗଦମନ୍‌କେ ଚାଡିଦେଇସି ।”

୪ ଏ ଗର୍‌ନାଅନି ବାବଦାଦିମନ୍ ଲେକି ରଇଲା କାତା ସିଦ୍ ଅଇଲା ।

୫ “ସିଅନ୍ ଗଡେ କୁଆ !

ଦେକା, ତମର୍ ରାଜା ତମର୍ ଲଗେ ଆଇଲାନି,

ସେ କେଡେ ସୁଆଲ୍ ଗଦପିଲାର୍ ପିଟିଡେଇ ବସ୍‌ଲାଆଟେ

ଦେକା, ସେ ଗଦପିଲା ଉପ୍‌ରେ ବସିଆଇଲାନି ।”

୬ ସିସ୍‌ମନ୍ ଜାଇ ଜିସୁ କଇବା ଇସାବେ କଲାଇ । ୭ ଗଦ ଆରି ତାର ପିଲାକେ ଦାରି ଆସି ତାକ୍‌ର ଉପ୍‌ରେ ଲୁଗାମନ୍ ଅଟାଇ ଦେଲାଇ ଆରି ଜିସୁ ଗଦ ଉପ୍‌ରେ ବସ୍‌ଲା । ୮ ତେଇ ରଇଲା ଲକ୍ଷ୍ମୀନ ଜିସୁ ଜିବା ବାଟେ ନିଜର୍ ନିଜର୍ ପଟିଆମନ୍ ଅଟାଇ ଦେଲାଇ ଆରି କେଡେକ୍ ଲକ୍ଷ୍ମୀନ କର୍‌ଦି ତାଲ୍ ଆନି କରି ସେ ବାଟେ ଅଟାଇଦେଲାଇ । ୯ ଜିସୁର୍ ଆଗ୍ରୁବାଟେ ଆରି ପର୍‌ବାଟେ ଜାଇଡେ ରଇଲା ଲକ୍ଷ୍ମୀନ ଆକ୍‌ମାରି କରି କଇଲାଇ, “ଦାଉଦର୍ ପଅକେ ଡାକ୍‌ପୁଟା କରା, ଜେ ମାପରୁର୍ ନାଉଁ ଦାରି ଆଇଲାନି ତାକେ ପର୍‌ମେସର୍ ଆସିରୁବାଦ୍ କର । ପର୍‌ମେସରର୍ ଡାକ୍‌ପୁଟା କରା ।”

୧୦ ଜିସୁ ଜିରୁସାଲାମ୍ କେଟ୍‌ଲାଦାପ୍‌ରେ ସେ ଗଡର୍ ଲକ୍ଷ୍ମୀନ ଜିସୁ କେ ? ବଲି କରି ଗୁଲାଇ ବାଟେ ଉଡ଼ା ଅଇଗାଲା । ୧୧ ଲକ୍ଷ୍ମୀନ ପାଚାରୁଲାଇ, “ସେ କେ ?” ବିନ୍ ଲକ୍ଷ୍ମୀନ କଇଲାଇ, “ସେ ଅଇଲାନି ଗାଲିଲି ରାଇଜେ ରଇବା ନାଜରିଡ୍ ଗଡର୍ ବବିସଡ୍‌ବକ୍‌ତା ଜିସୁ ।”

ଜିସୁ ମନ୍ଦିରେ ଗାଲା

(ମାର୍ଚ୍ଚକ ୧୧:୧୫-୧୯; ଲୁକ୍ ୧୯:୪୫-୪୮)

୧୨ ଜିସୁ ମନ୍ଦିର୍ ବିଡ୍‌ରେ ପୁରିକରି ତେଇ ଗେନା ବିକା କର୍‌ଡେ ରଇବା ସବୁ ଲକ୍ଷ୍ମୀନଙ୍କେ ବାନ୍ଧକରାଇ ଦେଲା । ତାବୁ ବାଦ୍‌ଲାଉମନ୍‌ର ଟେବୁଲ୍ ଆରି ପରୁଆ ବିକ୍ଷୁମନ୍‌ର ବସବାଟା ପାସ୍‌ଲାଇ ଦେଲା । ୧୩ ଜିସୁ ସେମନ୍‌କେ କଇଲା, “ଦରମ୍ ସାସ୍‌ତରେ ଲେକା ଆଟେ, ମର୍ ମନ୍ଦିର୍ ପାର୍‌ତନା ଗର୍ ବଲି ନାଉଁ ଅଇସି । ମାତର୍ ତମେ ତାକେ ଚର୍‌ମନ୍‌ର ଆକାତା ସାଲ୍ ପାରା କରିଆଟାସ୍ ।”

୧୪ ଜିସୁ ମନ୍ଦିରେ ରଇଲାବେଲେ କାଣାମନ୍ ଆରି ମେଟାମନ୍ ତାର ଲଗେ ଆଇଲାଇ ଆରି ସେ ସେମନ୍‌କେ ନିକ କଲା । ୧୫ ମୁକ୍ତିଅ ପୁଜାରିମନ୍ ଆରି ଦରମ୍ ଗୁରୁମନ୍ ତାର କାବା ଅଇଜିବା କାମ୍ ସବୁ ଦେକି ଆରି ପିଲାମନ୍ ଦାଉଦର୍ ପଅର୍ ଜୟ ଜୟ ଅ, ବଲି କଇବାଟା ସୁନି ରିସା ଅଇଗାଲାଇ । ୧୬ ସେମନ୍ ଜିସୁକେ ପାଚାରୁଲାଇ, “ଏମନ୍ କାଇବଲି କଇଲାଇନି ତୁଇ ସୁନି ପାରୁଲୁସ୍ତନ ?” ଜିସୁ କଇଲା, “ଉଁ ସୁନଲିନି । ଦରମ୍ ସାସ୍‌ତରେ କାଇ ଏ କାତା ପଡାସ୍ ନାଇ କି ? ‘ତମେ ପିଲାମନ୍‌କେ ଆରି କଅଁଲା ପିଲାମନ୍‌କେ ଚିକ୍ ଇସାବେ ଆରାଦନା କର୍‌ବାକେ’ ସିକାଇଆଟାସ୍ ?”

୧୭ ଏ କାତା କଇକରି ଜିସୁ ସେମନ୍‌କେ ଚାଡି ଜିରୁସାଲାମେଅନି ବେଡ୍‌ନିଆଇ ଗାଲା । ସେ ତେଇ ଗଟେକ୍ ରାତି ବିତାଇଲା ।

ଜିସୁ ତୁମ୍ଭରି ଗର୍ବକେ ସାଇପ୍ ଦେଲା
(ମାର୍କ ୧୧:୧୨-୧୪, ୨୦-୨୪)

୧୮ ତାର୍ ଆରକର୍ ଦିନେ ଜିସୁ ସାକାଲ୍ ସାକାଲ୍ ଜିରୁସାଲାମ୍ ବାଉଡ଼ଲା ବେଲେ ତାକେ ବୁକ୍ କଲା । ୧୯ ବାଟ୍ ପାଲି ଗଟେକ୍ ତୁମ୍ଭରି ଗର୍ ରଇଲା । ଜିସୁ ସେ ଗର୍ ଲଗେ ଜାଇ ତେଜ ପତର୍ ରଇବାଟା ଚାଡ଼ି, ଆରି କାଇଟା ଦେକେ ନାଇ । ତେବେ ସେ ଗର୍ବକେ କଇଲା, “ତୁଇ ଆରି କେବେ ମିସା ପଲ୍ ନ ଦାରୁସ୍ !” ସେ ଦାପରେ ସେ ତୁମ୍ଭରି ଗର୍ ସୁକିଗାଲା ।

୨୦ ଏଟା ଦେକିକରି ସିସମନ୍ କାବା ଅଇଜାଇ ପାଟାରୁଲାଇ, “ଏ ଗର୍ ଏତେକ୍ ଦାପରେ କେନ୍ତ୍ର ସୁକିଗାଲା ?”

୨୧ ଜିସୁ କଇଲା, “ମୁଇ ତମ୍ଭକେ ସଡ଼ କଇଲିନି, ତମ୍ଭର୍ ମନେ ଅଇସି କି ନ ଅଏ ବଲି ଅଲପ୍ ମିସା ନ ବାବିକରି ଜଦି ପୁରାପୁରୁନ୍ ବିସ୍ବାସ କରୁସା ବଇଲେ ମୁଇ ଏ ତୁମ୍ଭରି ଗର୍ବକେ ଜେନ୍ତ୍ର କରିଆଡ଼ି, ତମେ ମିସା ସେନ୍ତ୍ର କରିପାରାସ୍ । ସେଡ଼କି ଆକା ନଏ, ଏ ତଙ୍ଗର୍ ଉଲ୍ଟିକରି ସମ୍ଭୁରେ ଜାଇ ଅଦର୍ ବଲି କଇଲେ ମିସା ସେଟା ଅଇସି । ୨୨ ତମେ ବିସ୍ବାସ କରି ପାରତନାଇ ଜନ୍ତଟା ମାଙ୍ଗୁସା, ସେଟା ମିଲୁସି ।”

ଜିସୁର୍ ଅଦିକାର ବିସଇ ପାଟାରୁବାଟା
(ମାର୍କ ୧୧:୨୭-୩୩; ଲୁକ୍ ୨୦:୧-୮)

୨୩ ଜିସୁ ମନ୍ଦିରେ ବାଉଡ଼ି ଆସି ତେଇ ସିକିଆ ଦେଇତେ ରଇଲା ବେଲେ ମୁକିଅ ପୁଜାରିମନ୍ ଆରି ପାଟାରିମନ୍ ତାକେ ପାଟାରୁଲାଇ, “କାଇ ଅଦିକାରେ ତୁଇ ଏ ସବୁ କାମ୍ କଲୁସିନି ? ତକେ ଏ ଅଦିକାର କେ ଦେଲା ?”

୨୪ ଜିସୁ କଇଲା, “ମୁଇ ମିସା ତମ୍ଭକେ ଏକାଇ ଗଟେକ୍ ସେ ପରସନ୍ ପାଟାରୁବି । ତାର୍ ଉତର୍ ଦେଇ ପାରଲେ ମୁଇ କାଇ ଅଦିକାରେ ଏ ସବୁ କାମ୍ କଲିନି, ତମ୍ଭକେ କଇଦେବି । ୨୫ ଜଅନ୍ ହୁବନ୍ ଦେବା ଅଦିକାର କାର୍ଟାଗେନଅନି ମିଲାଇ ରଇଲା ? ସର୍ଗେଅନି କି ମୁନ୍ସୁ ମନର୍ଟାଗେନଅନି ?”

ସେମନ୍ ତାକର୍ ତାକର୍ ବିତ୍ରେ କୁଆବଲା ଅଇଲାଇ “ଏ ବିସଇ ନେଇ କାଇବଲି କର୍ ? ଜଦି ପରମେସରର୍ ଟାଗେନଅନି ବଲି କଇଲେ, ତେବେ ସେ ଆମ୍ଭକେ ‘ଜଅନ୍ଦକେ କାଇକେ ବିସ୍ବାସ କରାସ୍ ନାଇ ?’ ବଲି କଇସି । ୨୬ ଜଦି ଲକ୍ମନର୍ ଟାଗେନଅନି ବଲି କଇଲେ, ତେବେ ଲକ୍ମନକେ ଡର୍ ଲାଗିଲାନି । କାଇକେ ବଇଲେ ଜଅନ୍ ଗଟେକ୍ ବବିସ୍ତବକତା ବଲି ସେମନ୍ ସବୁଲକ୍ ବିସ୍ବାସ କଲାଇନି ।”

୨୭ ସେଟାରୁପାଇ ସେମନ୍ ଜିସୁକେ କଇଲାଇ, “ଆମେ ନାଜାନୁ ।”

ଜିସୁ ସେମନ୍କେ କଇଲା, “କନ୍ ଅଦିକାରେ ଏ ସବୁ କଲିନି ସେଟା ମୁଇ ମିସା ତମ୍ଭକେ ନ କଇ ।”

ଦୁଇଟା ପିଲାର୍ କାତାନି

୨୮ ଆଲେ ଏ ବିସଇ ତମେ କାଇ ବଲି ବାବୁଲାସିନି କଇଦେକା ପନି ? ଗଟେକ୍ ଲକ୍ମର୍ ଦୁଇଟା ପଅମନ୍ ରଇଲାଇ । ଦିନେକ୍ ସେ ଲକ୍ ତାର୍ ବଡ଼ ପଅକେ କଇଲା, “ନୁନାରେ, ଆଜି ଆମର୍ ଅଙ୍ଗୁର୍ ବାଡେ ଜାଇ ପାଇଟି କର୍ । ୨୯ ‘ନାଇ ମୁଇ ନ କରି’ ବଲି ବଡ଼ ପଅ କଇଲା । ମାତର୍ ପଟେ ମନ୍ ବାଦୁଲାଇ ପାଇଟି କର୍ବାର୍ ଗାଲା । ୩୦ ସେ ଲକ୍ ସାନ୍ ପଅକେ ମିସା ସେ କାମ୍ କର୍ବାକେ କଇଲା । ‘ଉଁ ବାବା ଗାଲିନି’ ବଲି ସାନ୍ ପଅ କଇଲା । ମାତର୍ ସେ କାମ୍ଟାଗେ ମୁଲ୍କେ ଜାଏ ନାଇ । ୩୧ କଇଦେକା ପନି, ଏ ଦୁଇଟା ପଅର୍ ବିତ୍ରେ କେ ତାର୍ ବାବା ତିଆରୁଲାଟା ମାନିରଇଲା ?” ସେମନ୍ କଇଲାଇ, “ବଡ଼ ପଅ ।”

ଜିସୁ ସେମନ୍କେ କଇଲା, “ମୁଇ ସଡ଼ କଇଲିନି ସିସୁ ମାଙ୍ଗୁମନ୍ ଆରି ବେସିଆମନ୍ ତମ୍ଭର୍ଟାଗେନଅନି ପରମେସରର୍ ରାଇଜେ ଆଗୁ କେଟ୍ବାଇ । ୩୨ ହୁବନ୍ ଦେଇ ଜଅନ୍ ତମ୍ଭର୍ଟାଗେ ଆସି ଦରମର୍ ବାଟ୍ ଦେକାଇ ଦେଇରଇଲା, ମାତର୍ ତମେ ତାକେ ବିସ୍ବାସ କରାସ୍ ନାଇ, ମାତର୍ ସିସୁ ମାଙ୍ଗୁମନ୍ ଆରି ବେସିଆମନ୍ ତାର୍ କଇଲା କାତା ବିସ୍ବାସ କଲାଇ । ଏଟା ଦେକିକରି ମିସା ପଟେ ତମେ ପାପ୍ କାମ୍ କର୍ବାଟା ଚାଡ଼ି ମନ୍ ବାଉଡ଼ାଇ ତାକେ ବିସ୍ବାସ କରାସ୍ ନାଇ ।”

ଆଦିବାଗ୍ ଚାସ୍ କରୁମନର୍ ବିସଇ
(ମାର୍କ ୧୨:୧-୧୨; ଲୁକ୍ ୨୦:୯-୧୯)

୩୩ ଜିସୁ କଇଲା, “ଆରି ଗଟେକ୍ କାତା ସୁନା, ଗଟେକ୍ ସାଉକାର୍ ତାର୍ ଜମିଟାଗେ ଅଙ୍ଗୁର୍ ଚାସ୍ କରିରଇଲା । ତେଇ ଚାରିବେଟ୍ଟି ବାଡ଼ ବୁନ୍ଲା ଆରି ଅଙ୍ଗୁର୍ ପିଲ୍ବାକେ ଗଟେକ୍ କୁଣ୍ଡି ତିଆରକଲା । ଆରି ଜାଗୁଆଲିର୍ ପାଇ ଗଟେକ୍ ମାଟା ମିସା ତିଆର୍ କରିଦେଲା । ତାର୍ ପଟେ ସେ ଜମି, ଚାସିମନ୍କେ ଆଦିବାଗ୍ ଇସାବେ ଦେଇକରି, ସାଉକାର୍ ବିଦେସେ ଉଟିଗାଲା ।”

* ୨୧:୨୧ ୨୧:୨୧ ମାଡ଼ିର ୧୭:୨୦; ୧୮ କରନ୍ତିସ ୧୩:୨ * ୨୧:୩୨ ୨୧:୩୨ ଲୁକ୍ ୩:୧୨; ୭:୨୦

୩୪ ଅଙ୍ଗୁରୁ ତଲ୍ଲବାବେଲେ ସେ ସାଉକାର୍ ତାରୁ ଦାଙ୍ଗୁଡ଼ାମନୁକେ ନିଜରୁ ଆଦିବାଗ୍ ମାଙ୍ଗୁବାବେ ରାସିମନରୁ ଲଗେ ପାଟାଇଲା । ୩୫ ରାସିମନ୍ ସେ ଦାଙ୍ଗୁଡ଼ାମନୁକେ ଦାରି, ଗଟେକ୍ ଲକ୍‌କେ ମାରୁଲାଇ, ଆରି ଗଟେକ୍ ଲକ୍‌କେ ମରାଇଲାଇ, ଆରି ଗଟେକ୍ ଲକ୍‌କେ ପାକ୍‌ନାସଙ୍ଗ୍ ମାରିପାକାଇଲାଇ । ୩୬ ଏଟାରୁ ପାଇ ଜମି ସାଉକାର୍ ଆଗରୁଡେଇଅନି ଅଦିକ୍ ଗତିଦାଙ୍ଗୁଡ଼ାମନୁକେ ପାଟାଇଲା । ବାଗ୍ ରାସିମନ୍ ସେମନୁକେ ମିସା ସେନ୍ତାରିସେ କଲାଇ । ୩୭ ସାରାସାରି ପଟେ ପଦା ସାଉକାର୍ ରାସିମନରୁଟାଣେ ତାରୁପିଲାକେ ପାଟାଇଲା । ସେ ବାବୁଲା, ସେମନ୍ ମରୁ ପିଲାକେ ବାଦିଅରେ ନାମବାଇ ।

୩୮ ମାତରୁ ରାସିମନ୍ ସାଉକାର୍‌ରୁ ପଅକେ ଦେକିକରି ତାକରୁ ତାକରୁ ବିତ୍ତରେ କୁଆବଲା ଅଇଲାଇ, “ଏଦେ ଦେକା, ସାଉକାର୍‌ରୁ ପିଲା ! ଆସା ଆକେ ମିସା ମାରିପାକାଉ । ଏନ୍ତାରୁ କଲେ ଆକା ସାଉକାର୍‌ରୁ ଦନ୍ ଆମରୁଟା ଅଇସି ।” ୩୯ ଏନ୍ତାରି କଇକରି ସେମନ୍ ତାକେ ଜମିଡେଇଅନି ଦାରି ବାଟକରାଇ, ବାଇରେ ନେଇ ମାରି ମରାଇଦେଲାଇ ।

୪୦ ଜିସୁ ପାଟାରୁଲା, “ଜେଡେବେଲ୍ ଜମି ସାଉକାର୍ ଆଇସି ସେ ରାସିମନୁକେ କାଉଟା କରୁସି ?”

୪୧ ସେମନ୍ କଇଲାଇ “ବଦ୍‌ମାସ୍‌ମନୁକେ ମାରି ମରାଇସି । ଆରି ଜନ୍ ରାସିମନ୍ ସମାନ୍ ବେଲାଇ ତାରୁ ଆଦିବାଗ୍ ଦେବାଇ, ସେ ଜମି ସେମନରୁ ଆଡେ ଜିମା ଦେଇସି ।”

୪୨ ଜିସୁ ସେମନୁକେ କଇଲା, “ଏ ସାସ୍‌ତରୁ କାତା କାଇ କେବେ ତମେ ପତାସ୍ ନାଇ କି ?

“ଗରୁବାମୁମନ୍ ଜନ୍ ପାକ୍‌ନା ଲତାକେ ନ ଅଏ ବଲି ଚାଡିଦେଇ ରଇଲାଇ,

ସେଟାସେ ଗରୁ କନରୁ ମୁକିଅ ପାକ୍‌ନା ଅଇଲା ।

ନିଜେ ମାପୁରୁଆକା ଏଟା କଲା ଆଡେ ।

ତାରୁ କାମ୍ କେଡେକ୍ କାବାଅଇଜିବା କାମ୍ !”

୪୩ ଜିସୁ ଆରି କଇଲା, “ସେଟାରୁ ପାଇ ତମୁକେ କଇଲିନି, ପରୁମେସରୁ ରାଇଜେ ପୁରୁବା ଅଦିକାରୁ ତମରୁଡେଇଅନି ଦାରିଜିବାଇ ଆରି ଜନ୍ ଦଲ୍ ଏ ରାଇଜରୁ ନିମାନ୍ ପଲ୍ ଦେକାଇ ପାରୁବାଇ, ସେମନୁକେ ସେଟା ଦିଆଅଇସି ।”

୪୪ ଆରି ଜେ ଏ ପାକ୍‌ନା ଉପରେ ଅଦରୁସି, ସେ କଣ୍ଟୁ କଣ୍ଟୁ ଅଇଜାଇସି । ଆରି ଏ ପାକ୍‌ନା ଜାରୁ ଉପରେ ଅଦରୁସି, ସେଟା ତାକେ ଚାପି କରି ଗୁଣ୍ଟୁ କରି ଦେଇସି* ।

୪୫ ମୁକିଅ ପୁଜାରିମନ୍ ଆରି ପାରୁସିମନ୍ ଏ କାତା ସୁନି, ଜିସୁ ସେମନୁକେ ଦେକାଇ କରି କଇଲାନି ବଲି ବୁଜିପାରୁଲାଇ । ୪୬ ସେଟାରୁ ପାଇ ସେମନ୍ ତାକେ ବାନ୍ଧାଇ ନେବାକେ ଚେସ୍‌ଟା କଲାଇ, ମାତରୁ ଲକ୍‌ମନୁକେ ଡରି ସେମନ୍ ସେଟା କରି ନାପାରୁଲାଇ, କାଇକେବଇଲେ ଲକ୍‌ମନ୍ ଜିସୁକେ ଗଟେକ୍ ବବିସଡ୍‌ବକ୍‌ତା ବଲି ମନେ ବାବ୍‌ଡେରଇଲାଇ ।

୨୨

ବିବା ବଜିରୁ କାତା (ଲୁକ୍ ୧୪:୧୫-୨୪)

୧ ଜିସୁ ଆରିତରେକ୍ ଉଦାଅରଣ୍ ଦେଇ ଲକ୍‌ମନୁକେ ସିକିଆ ଦେଲା । ୨ ପରୁମେସରୁ ସରଗ ରାଇଜ୍ ଏନ୍ତାରି । ତରେକ୍ ଗଟେକ୍ ରାଜା ତାରୁ ପିଲାରୁପାଇ ବଜି କରାଇଲା । ୩ ଜନ୍ ଲକ୍‌ମନୁକେ ବିବା ବଜିଟାଣେ କବରୁ ଦେଇରଇଲା, ସେମନୁକେ ତାକିଆନ୍‌ବାବେ ଦାଙ୍ଗୁଡ଼ାମନୁକେ ପାଟାଇଲା । ମାତରୁ ସେମନ୍ ନିବୁଲାଇ । ୪ ବିବାଟାଣେ ଗାଗଡ୍ ଚେଲିମନୁକେ ମାରି ବଜି ଅଇଲା ଆଡେ । ଦାପୁରେ ଆସା ବଲି ରାଜା ଆରି ତରେକ୍ ବିନ୍ ଦାଙ୍ଗୁଡ଼ାମନୁକେ କଇପାଟାଇଲା । ୫ ମାତରୁ କବରୁ ପାଇରଇଲା ଲକ୍‌ମନ୍ ଏ କାତା ନ ମାନିକରି ନିଜରୁ ନିଜରୁ ପାଇଟି କରୁବାରୁ ଦାରୁଲାଇ । କେଡେ ଲକ୍ ବାରଇକରି ପଦାଇ ଉଟିଗାଲାଇ । ଆରି କେଡେକ୍ ଲକ୍ ତାକରୁ ଦୁକାନେ ଉଟିଗାଲାଇ । ୬ ଆରି କେଡେ ଲକ୍ ରାଜାରୁ ଦାଙ୍ଗୁଡ଼ାମନୁକେ ଦାରି ମାରି ମରାଇଲାଇ । ୭ ରାଜା ରିସାଅଇଜାଇ କରି ସଇନମନୁକେ ପାଟାଇଲା । ସଇନମନ୍ ଜାଇକରି ସେ ମାରୁମନୁକେ ମରାଇ ପାକାଇଲା ଆରି ସେମନ୍ ରଇଲା ସଅର୍ ପତାଇ ପାକାଇଲାଇ । ୮ ତାରୁ ଦେଇ ରାଜା ଗତିଦାଙ୍ଗୁଡ଼ାମନୁକେ ତାକି କଇଲା, ବିବା ବଜିରୁ ରାନ୍ଧାବାତା ସାରୁଲାବେ ମାତରୁ ମୁଇ କବରୁ ଦେଇରଇଲା ଲକ୍‌ମନ୍ ଏ ବଜି କାଇବାବେ ବାଗ୍ ନାଇ ।

୯ ଏବେ ତମେ ଜାଇକରି ଗାଉଁପାଲିରୁ ଗୁଡା ଆରି ପୁଟ୍‌ମନୁକେ, ଜେଡୁକି ଲକ୍‌କେ ବେଟ୍ ଅଇସା ସେ ସବୁ ଲକ୍‌ମନୁକେ ଆମରୁ ବଜିଟାଣେ ତାକିଆନା । ୧୦ ଡେବେ ଦାଙ୍ଗୁଡ଼ାମନ୍ ଲଗରୁ ପାକରୁ ଗାଉଁମନୁକେ

* ୨୧:୪୪ ୨୧:୪୪ ଏ ବାକିଅ ପୁରୁନା ପାଣ୍ଡୁ ଲିପିଗନେ ଲେକାଅଏନାଇ

ବୁଲି ନିକ ଲକ୍ ଅଥଡ଼ କି ବାନିଆ ଲକ୍ ଅଥଡ଼ ଜେଡ଼କି ଲକ୍‌କେ ବେଟ୍ ଅଇଲାଇ, ସବୁକେ ତାକି ଆନ୍‌ଲାଇ । ଆରି ବିବା ଗରେ ଲକ୍‌ମନ୍ ମାଣ୍ଡୁଡ଼ୁଣ୍ଡୁ ଅଇଗାଲାଇ ।

୧୧ ପଟେ ରାଜା ତାକାଲଲା ଲକ୍‌ମନ୍‌କେ ଦେକ୍‌ବାର୍ ଆଇଲା । ସେ ଲକ୍‌ମନ୍‌ର ବିଡ଼ରେ ଅନି ଗଟେକ ଲକ୍ ତିଆର୍‌ପିଆର୍ ନ ଅଇକରି ନିକଟା ପିନ୍ ନ ଆସିରଇଲାଟା ରାଜା ଦେକ୍‌ଲା । ୧୨ ରାଜା ତାର୍ ଲଗେ ଜାଇ ପାଟାର୍‌ଲା, “ମଇତର, ତୁଇ ତିଆର୍ ପିଆର୍ ନ ଅଇତେ କେନ୍ତି ଏ ବଜିଟାନ୍‌ ଆଇଲୁୟ୍” ସେ ଲକ୍ ଚିମ୍‌ରା ଅଇଦେଲା । ୧୩ *ରାଜା ଦାଙ୍ଗତାମନ୍‌କେ କଇଲା, “ତାର୍ ଆଡ଼ ଗଡ଼ ବାନ୍ଦି ବାଇରେ ନେଇ ଆନ୍‌ଦାରେ ପିଙ୍‌ପିଆସ୍ । ତେଇ ସେ ଦାଁଡ଼ମୁଣ୍ଡୁ କାଡ଼ିଅଇ କାନ୍ଦି କାନ୍ଦି ରଅ ।”

୧୪ ଜିସୁ କାତାନି କଇସାରାଇ କଇଲା, ବେସି ଲକ୍‌କେ ତାକ୍‌ବାଇ, ମାତର୍ ଉନାଲକ୍‌କେ ବାଟ୍‌ବାଇ ।

ସିସୁଡ଼ୁ ବାନ୍ଦିବାକେ ପାଟାର୍‌ବାଟା
(ମାର୍‌କ ୧୨:୧୮-୨୭; ଲୁକ୍ ୨୦:୨୭-୪୦)

୧୫ କେତେଟା ପାରୁସିମନ୍ ଜାଇକରି ଜିସୁକେ ପରସନ୍ ପାଟାରି ପାନ୍ଦେ ପାକାଉଁ ବଲି ବାବ୍‌ଲାଇ । ୧୬ ସେମନ୍ ତାକର୍ କେତେଟା ସିସୁମନ୍‌କେ ଆରି ଏରଦର୍ ଦଲେଅନି କେତେଟା ଲକ୍‌ମନ୍‌କେ ଜିସୁର ଲଗେ ପାଟାଇଲାଇ । ଏମନ୍ ଆସି ଜିସୁକେ ପାଟାର୍‌ଲାଇ, “ଗୁରୁ, ତମେ ସଡ଼ କଇସା ଆରି ପର୍‌ମେସରର୍ ସଡ଼ ବିସଇ ସିକିଆ ଦେବାଟା ଆମେ ଜାନୁ । ତମେ ମୁନୁସ୍‌ମନ୍‌ର ମର୍‌ଜିତାକେ କାତୁର୍ କରାସ୍ ନାଇ । ଲକ୍‌ମନ୍ କାଇ ବଲି ବାବ୍‌ବାଇ ବଲି ଚିନ୍ତା କରାସ୍ ନାଇ । ୧୭ ତେବେ କଇଦେକା ପିନି, ଏ ବିସଇ ତମେ କାଇବଲି କଇଲାସିନ ? ରମିୟ୍ ସର୍‌କାର୍‌କେ ସିସୁଡ଼ୁ ଦେବାଟା ଆମର୍ ଦରମ୍ ସାସ୍‌ତରର୍ ଇସାବେ ଚିକ୍ କି ନାଇ ?”

୧୮ ମାତର୍ ଜିସୁ ସେମନ୍‌ର କୁଟ୍‌କାତା ଜାନି କରି କଇଲା, “ଏ କୁଟିଆଲ୍‌ମନ୍, କାଇକେ ମକେ ପାନ୍ଦେ ପାକାଇବାକେ ଚେସ୍‌ଟା କଲାସିନି ? ୧୯ ଜନ୍ ଅଦଲି ତାବୁ ସିସୁଡ଼ୁ ଦେଲାସିନି, ତେଇଅନି ଗଟେକ୍ ଆନିକରି ମକେ ଦେକାଆ ।” ସେମନ୍ ଗଟେକ୍ ଅଦଲି ଆନି ତାକେ ଦେଲାଇ ।

୨୦ ଜିସୁ ସେମନ୍‌କେ ପାଟାର୍‌ଲା “ଏ ଅଦଲି ତାବୁଟାନ୍‌କେ କାର୍ ମୁତ ଆରି ନାଉଁ ଆତେ ?”

୨୧ ସେମନ୍ କଇଲା, “ରମିୟ୍ ରାଜାର୍ ମୁତ ଆରି ନାଉଁ ଆତେ ।” ଜିସୁ ସେମନ୍‌କେ କଇଲା, “ତେବେ ଜନ୍‌ଟା ରମିୟ୍ ରାଜାର୍‌ଟା, ସେଟା ତାକେ ଦିଆସ୍ ଆରି ଜନ୍‌ଟା ପରମେସରର୍‌ଟା, ସେଟା ପରମେସର୍‌କେ ଦିଆସ୍ ।”

୨୨ ଏ କାତା ସୁନି ସେମନ୍ କାବାଅଇଗାଲାଇ ଆରି ତେଇଅନି ଉଚିଗାଲାଇ ।

ମରିକରି ଉଟ୍‌ବା ବିସଇନେଇ ପରସନ୍
(ମାର୍‌କ ୧୨:୧୮-୨୭; ଲୁକ୍ ୨୦:୨୭-୪୦)

୨୩ *ସେ ଦିନେ ସାବୁକି ଦଲର୍ କେତେ ଲକ୍ ଜିସୁର୍ ଲଗେ ଆଇଲାଇ । ସାବୁକିମନ୍ ମରିଗାଲେ ଆରି ତରେକ୍ ଉଚି ନର୍ ବଲି ବିସ୍‌ବାସ୍ କର୍‌ତେ ରଇଲାଇ । ୨୪ ସେମନ୍ ଜିସୁକେ ପାଟାର୍‌ଲାଇ, “ଏ ଗୁରୁ, ଜଦି ଗଟେକ୍ ଲକ୍ ପିଲାଟକି ନ ଅଇତେ ମରିଜାଇସି, ତେବେ ମରିଜାଉର୍ ବାଇ ସେ ରାଣ୍ଡି ମାଇଜିକେ ସଙ୍ଗଇସି । ଆରି ତାକର୍ ଚାନ୍‌ଅନି ଅଇଲା ପିଲାଜିଲା ସେ ମଲା ଲକ୍‌ପିଆଇ ଅଇସି ବଲି ମସା ନିୟ୍‌ମ୍ କଲା ଆତେ । ୨୫ ଗଟେକ୍ କାତା ସୁନା । ଇତି ଆମର୍ ବିଡ଼ରେ ସାଡ଼୍‌ବାଇ ରଇଲାଇ । ବଡ଼ ବାଇ ପିଲାଜିଲା ନ ଅଇତେ ମରିଗାଲାଇ ତାର୍ ପିଟିର୍ ବାଇ ତାର୍ ବଡ଼କେ ସଙ୍ଗଇଲା । ୨୬ ମାତର୍ ବଡ଼ମଜିଆ, ମଜିଆ, ସାନ୍‌ମଜିଆ ଏନ୍ତି ଅଇକରି ସାରାସାରି ସାନ୍‌ର ଦସା ମିସା ଏନ୍ତି ଅଇଲା । ୨୭ ସାରାସାରି ପଟେ ସେ ମାଇଜି ମିସା ମରିଗାଲା । ୨୮ ଜେବେ ମଲା ଲକ୍‌ମନ୍‌ର ଉଟ୍‌ବା ଦିନ୍ ଆଇସି, ତେବେ ଏ ମାଇଜି କାର୍ ମାଇଜି ଅଇସି ? ସବୁ ଲକ୍‌ସେ ତାକେ ସଙ୍ଗାଇ ରଇଲାଇ ।”

୨୯ ଜିସୁ ସେମନ୍‌କେ କଇଲା, “ତମେ କେତେକ୍ ବୁଲ୍ ବିସଇ ବାବ୍‌ବା ଲକ୍‌ମନ୍ ! ଦରମ୍ ସାସ୍‌ତରେ ପର୍‌ମେସରର୍ ବପୁ ବିସଇ ସମାନ୍ ଇସାବେ ଚିନ୍‌ତା କରାସ୍ ନାଇଜେ, ତମେ ଏ କାତା ପାଟାର୍‌ଲାସିନି ।”

୩୦ ମରିକରି ଉଟ୍‌ଲା ପଟେ, ମଲା ଲକ୍‌ମନ୍ ସରଗର୍ ଦୁଡ଼ମନ୍‌ର ପାରି ଅଇଜିବାଇ । ସେମନ୍ ଆରି ବିବା ନ ଅଥଡ଼ କି ନ କରଡ଼ । ୩୧ ମଲା ଲକ୍‌ମନ୍ ଆରି ତରେକ୍ ଉଟ୍‌ବା ବିସଇ, ପରମେସର୍ ଜନ୍‌ଟା କଇଲା ଆତେ, ତମେ କାଇ ସାସ୍‌ତରେ କେବେ ପଡ଼ାସ୍ ନାଇ କି ? ୩୨ ପର୍‌ମେସର୍ କଇଲା ଆତେ “ଆମେ ଅବ୍‌ରାଆମର୍, ଇସାକର୍ ଆରି ଜାକୁବର୍ ମାପୁରୁ ।”

“ପର୍‌ମେସର୍ ତା ଜିବନ୍ ରଇଲା ଲକ୍‌ମନ୍‌ର ମାପୁରୁ, ମଲା ଲକ୍‌ମନ୍‌ର ଅଇନାପାରେ ।”

୩୩ ଲକ୍‌ମନ୍ ଜିସୁର୍ ସିକାଇବାଟା ସୁନିକରି କାବାଅଇଗାଲାଇ ।

* ୨୨:୧୩ ୨୨:୧୩ ମାତ୍ରିକ ୮:୧୨:୨୫:୩୦; ଲୁକ୍ ୧୩:୨୮ * ୨୨:୨୩ ୨୨:୨୩ ପେଟିକ୍ ୨୩:୮

ମୁକ୍ତି ଆଦେଶ
(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜିସୁ ସାଦୁକୀମାନଙ୍କେ ଛୁପକରାଇ ରଇବାଟା ଜାନିକରି ପାରୁସିମନ୍ ସବୁଲକ୍ ଗଟେକ୍ ଅଇ ତାର୍ ଲଗେ ଆଇଲାଇ । ୩୫ ଆରି ସେମାନର୍ ବିତ୍ତରେଅନି ଗଟେକ୍ ନିୟମ୍ ସିକାଇବା ଦରମ୍ ଗୁରୁ ଜିସୁକେ ପାଦେ ପାକାଇବାକେ ଗଟେକ୍ ପରସନ୍ ପାଗାରୁଲା । ୩୬ “ଏ ଗୁରୁ ମସାର୍ ଦରମ୍ ସାସ୍ତରର୍ ନିୟମ୍ ଇସାବେ ସବୁଟାନେଅନି କନ୍ ଆଦେଶ୍ ମୁକ୍ତିଅ ?”

୩୭ ଜିସୁ ତାକେ କଇଲା, “ତମର୍ ମାପୁରୁ, ପରମେସବ୍ରେକେ ପୁରାପୁରୁନ୍ ମନ୍ଦେଇ, ପୁରାପୁରୁନ୍ ଜିବନ୍ ଦେଇ, ପୁରାପୁରୁନ୍ ଚିନ୍ତା ସଙ୍ଗ୍ ତାକେ ମାନା ଆରି ଆଲାଦ୍ କରା । ୩୮ ଏଟା ଅଇଲାନି ସବୁଟାନେଅନି ଆଗତୁ ଆରି ମୁକ୍ତିଆ ଆଦେଶ୍ ।” ୩୯ ତାର୍ ପଟର୍ ମୁକ୍ତିଆ ଆଦେଶ୍ ଅଇଲାନି, ତମର୍ ଲଗର୍ ପାକରୁ ଗରର୍ ଲକ୍ମନକେ ନିଜ୍ଜକେ ଆଲାଦ୍ କଲା ପାରା ଆଲାଦ୍ କରା । ୪୦ ଏ ଦୁଇଟା ଆଦେଶ୍ ଆକା ମସା କରଇଇବା ସବୁ ବିଚିନିତି ଆରି ବିବିସ୍ତବକ୍ତାମାନର୍ ସିକିଆ ଜାନାଇଲାନି ।

କିରିସ୍ତ ଆକା ମସିଅ
(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ କେତେଟା ପାରୁସିମନ୍ ଜିସୁର୍ ଲଗେ ରଇଲା ବେଲେ, ଜିସୁ ସେମାନକେ ପାଗାରୁଲା । ୪୨ “କିରିସ୍ତ ମସିଅର୍ ବିସଇ, ତମେ କାଇଟା ବାବ୍ଲାସିନ ? ସେ କାର୍ ପଅ ?”

ସେମନ୍ କଇଲାଇ, “ସେ ଦାଉଦର୍ ପଅ ।”

୪୩ ଜିସୁ ପାଗାରୁଲା, “ସେନ୍ତାର୍ ଆଲେ ଦାଉଦ୍ ମସିଅକେ ‘ମର୍ ମାପୁରୁ !’ ବଲି କାଇକେ ଜାନାଇ ଆଟେ ?” କାଇକେବଇଲେ ଆଦ୍ମା ଚାଲୁନା ଦେଲାକେ, ସେ ଲେକିଆଟେ,

୪୪ ପରମେସବ୍ ମର୍ ମାପୁରୁକେ କଇଲା,
“ଆମେ ତର୍ ସବୁମାନକେ ତମର୍ ପାଦ୍ ତଲେ ନ ଆନ୍ଦା ଜାକ
‘ତୁଇ ମର୍ ଉଜା ବାଟେ ବସି ରଅ ।’

୪୫ “ଜଦି ଦାଉଦ୍ ମସିଅକେ ‘ମର୍ ମାପୁରୁ’ ବଲି ନାମି ଆଟେ, ତେବେ ମସିଅ କେନ୍ତ୍ରି ତାର୍ ପଅ ଅଇପାରସି ?”

୪୬ ଜିସୁକେ ଇତିର୍ ଉତ୍ତର୍ କେ ମିସା ଦେଇ ନାପାରୁଲାଇ । ସେ ଦିନେଅନି, ଆରି ତାକେ କେ ମିସା କାଇ ପରସନ୍ ପାଗାରୁବାକେ ସାଆସ୍ କରତ୍ ନାଇ ।

୨୩

ପାରୁସି ଆରି ଦରମ୍ ଗୁରୁମାନର୍ ବିରୁଦେ ଜାଗରତ୍ କରାଇବାଟା
(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଜିସୁ ସିସମାନକେ ଆରି ତେଇ ରୁଣ୍ଡି ରଇବା ଲକ୍ମନକେ କଇଲା, ୨ “ପାରୁସି ଆରି ଦରମ୍ ଗୁରୁମାନକେ ମସାର୍ ନିୟମର୍ ଅରତ୍ ବୁଜାଇ ଦେବାର୍ ଅଦିକାର୍ ଆଟେ । ୩ ସେମନ୍ ଜାଇଟା କର୍ବାକେ କଇଲାଇନି, ସେଟା କରା, ମାତର୍ ସେମନ୍ ଜାଇ ଜାଇଟା କଲାଇନି, ସେଟା ଦେକି ସେନ୍ତାରି କରାନାଇ । କାଇକେ ବଇଲେ ସେମନ୍ ନିଜେ ଜନ୍ ସିକିଆ ଦେବାଇ, ତାର୍ ଉଲ୍ଲଟା କର୍ବାଇ । ୪ ସେମନ୍ ତାକର୍ ସିକିଆ ସବୁ ଲକ୍ମନର୍ ପିଟି ଉପରେ ବେସି ବକ୍ ପାରା ଲାଦିଦେବାଇ । ମାତର୍ ସେ ସବୁ ବଜର୍ ନିୟମ୍, ଚିନି ଆଙ୍ଗୁଟିତେଇ ଉଟାଇବା ଏଡକି ମିସା ସାଇଜ ନ କରତ୍ । ୫ ସେମନ୍ ଲକ୍ମକେ ଦେକାଇଅଇବାକେ ସବୁ କାମ୍ କର୍ବାଇ । ସାସ୍ତର୍ ପଦ୍ ଲେକାଅଇଲା କେତେ କେତେ ବଡ୍ ବଡ୍ ତର୍ଥରାମନ୍ କାପାଲେ ଆରି ପଡିଆଇ ବାନ୍ଦିଅଇ ଆଟତ୍ । ଆରି ଦେକା, ସେମାନର୍ ବସ୍ତରର୍ ଜାଲି କେତେକ୍ ତେଙ୍ଗ୍ । ୬ ସେମନ୍ ବଜିମାନକେ ମୁକ୍ତିଆ ଜାଗାଇ ଆରି ପାର୍ତନା ଗରେ ବାଟିଅଇରଇଲା ଜାଗା ଅଦିକାର୍ କର୍ବାକେ ମନ୍ କର୍ବାଇ । ୭ ଆଟେ ବାଟେ ଆରି ଦୁକାନେ ଲକ୍ମନ୍ ସେମାନକେ ମାନିକରି ଛୁଆର୍ କରତ୍ ଆରି ‘ଗୁରୁ’ ବଲି ତାକତ୍, ଏନ୍ତାରି ସେମନ୍ ମନ୍ କର୍ବାଇ । ୮ ମାତର୍ ତମକେ କେ ଗୁରୁ ବଲି ତାକ୍ବାର୍ ଦରକାର୍ ନାଇ । କାଇକେ ବଇଲେ ସବୁ ଲକ୍ ନିଜର୍ ନିଜର୍ ବିତ୍ତରେ ବାଇ, ଆରି ତମର୍ ଗୁରୁ ଗଟେକ୍ ସେ । ୯ ଆରି ଜଗତେ ତମେ କାକେ ବାବା ବଲି ତାକ୍ବାକେ ଦରକାର୍ ନାଇ । କାଇକେ ବଇଲେ ତମର୍ ଗଟେକ୍ ସେ ବାବା, ସେ ସର୍ଗେ ଆଟେ । ୧୦ ତମକେ ନେତା ବଲି ମିସା କେ ନ ତାକତ୍, କାଇକେ ବଇଲେ ଗଟେକ୍ ସେ ନେତା, ସେ ଅଇଲାନି ମାପୁରୁ ମସିଅ । ୧୧ ତମର୍ ବିତ୍ତରେ ଜେ ସବୁଟା ନେଅନି ମୁକ୍ତିଆ, ସେ ତମର୍

☆ ୨୨:୪୦ ୨୨:୪୦ ଲୁକ ୧୦:୨୫-୨୮ ☆ ୨୩:୫ ୨୩:୫ ମାଟିର ୬:୧ ☆ ୨୩:୧୧ ୨୩:୧୧ ମାଟିର ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭

ସେବା କର । ୧୨ *ଜେ ନିଜ୍ଜକେ ବଡ଼ ବଲି କଇସି, ତାକେ ସାନ୍ କରାଅଇସି ଆରି ଜେ ନିଜ୍ଜକେ ସାନ୍ ବଲି ବାବସି, ତାକେ ବଡ଼ କରାଅଇସି ।”

ଜିସୁ ଟକାବଣ୍ଡା ଗୁରୁମାନକେ ନିନ୍ଦା କଲା
(ମାତ୍ରିକ ୧୨:୪୦; ଲୁକ୍ ୧୧:୩୯-୪୨, ୪୪-୫୨; ୨୦:୪୭)

୧୩ “ଅଇରେ ଦରମ୍ ଗୁରୁମାନ ଆରି ପାରୁସିମାନ ! ସେସବେଲେ ତମର ଦସା କେତେ ଅଦିକ୍ ଅଇସି ! ଏଇ ଟକାବଣ୍ଡା ଦଲ୍ଲ, ସରଗ୍ ରାଇଜେ କେଟବା ଦୁଆର୍ ତମେ ଡାବିଦେଇଆଗାସ୍ ! ନିଜେ ତେଇ କେଟାସ୍ ନାଇ ଆରି ଜନ୍ମଲକ୍ମାନ ତେଇ କେଟବାକେ ମନ୍ କଲାଇନି, ସେମନ୍କେ ବାଟ୍ ଚାତାସ୍ ନାଇ ।”

୧୪ “ଏ କୁଟିଆଲ୍ ଦରମ୍ ଗୁରୁମାନ ଆରି ପାରୁସିମାନ ! ତମର ଇନସତା କେତେକ୍ କାକୁରତି ଅଇସି । ତମେ ଚାଲାକି ଅଇକରି ଜବର ପର୍ ପାରତନା କରସା । ମାତର ରାଣ୍ଡି ମାଇଜିମନର୍ ଗର୍ମମନ୍ ସବୁ ଦାପରେ ଗିଲିଦେଇସା । ତେବେ ତମକେ ଅଦିକ୍ ଡଣ୍ଡ ଦିଆଅଇସି ।”

୧୫ ଏ ଟକାବଣ୍ଡା ଦରମ୍ ଗୁରୁମାନ ଆରି ପାରୁସିମାନ ! ତମେ କେତେ ଇନସତା ଅଇ କାକୁରତି ଅଇସା । ସମ୍ବୁର୍ ଲଜି ବିନ୍ ବିନ୍ ଦେସମନ୍କେ ଜାଇ ଗଟେକ୍ ଲକ୍ମକେ ତମର୍ ଦରମ୍ଗାଣେ ମିସାଇବାକେ କଜି ବୁଲ୍ଲାଇସିନି । ମାତର ସେନ୍ତା ଗଟେକ୍ ଲକ୍ମକେ ମିଲାଇଲେ, ତାକେ ତମର୍ ଟାନେଅନି ଅଦିକ୍, ନରକର୍ ଡଣ୍ଡ ପାଇବାକେ ବାଟ୍ଲାସିନି ।

୧୬ ଏଇ ବାଟ୍ ଦେକାଉ କାଣାମାନ ! ତମର୍ ଦସା କେତେକ୍ ଇନସତା ଅଇସି । କେ ମନ୍ଦିରର୍ ନାଉଁ ଦାରି ପର୍ମାନ କଲେ, ସେଟା ସେମନ୍ ମାନବାର୍ ବାଦିଅ ନାଇ, ମାତର ମନ୍ଦିରେ ରଇଲା ସୁନାର୍ ନାଉଁ ଦାରି ଜେ ପର୍ମାନ କରସି, ତାକେ ସେଟା ମାନବାକେ ପଡ଼ସି ବଲି ତମେ ସିକାଇତେ ରଇସା । ୧୭ ଏଇ ବୁଦି ନ ରଇବା କାଣାମାନ ! ସୁନା ବଡ଼, କି ସୁନାକେ ସୁକଲ୍ କରତେ ରଇବା ମନ୍ଦିର ବଡ଼ ? ୧୮ ଗଟେକ୍ ଲକ୍ମ ବେଦିର୍ ନାଉଁ ଦାରି ପର୍ମାନ କଲେ ସେ ସେଟା ମାନବାର୍ ଆକା ଆତେ ବଲି ନଏଁ, ମାତର ବେଦି ଉପରେ ସଙ୍ଗାଇ ରଇବା ମାପୁରୁକେ ଦେଲାଟା ନାଉଁଦାରି ପର୍ମାନ କଲେ, ସେଟା ମାନବାର୍ ବଲି ତମେ ସିକାଇତେ ରଇସା । ୧୯ ତମେ କେତେବଡ଼ କାଣାମାନ ! କନ୍ଟା ମୁକିଅ ? ମାପୁରୁକେ ଦେଲାଟା କି, ମାପୁରୁକେ ଦେଲାଟା ସୁକଲ୍ କରତେ ରଇବା ବେଦି ? ୨୦ ତେବର୍ ପାଇ କେ ମିସା ବେଦିର୍ ନାଉଁ ଦାରି ପର୍ମାନ କଲେ, ସେ ବେଦି ଆରି ତାର୍ ଉପରେ ରଇବା ମାପୁରୁକେ ଦେଇ ରଇବା ସବୁ ଜିନିସ୍ ନାଉଁ ଦାରି ପର୍ମାନ କରସି । ୨୧ କେ ମିସା ମନ୍ଦିରର୍ ନାଉଁ ଦାରି ପର୍ମାନ କଲେ, ସେ ମନ୍ଦିର୍ ଆରି ତେଇ ବାସା ଅଇରଇବା ପର୍ମେସରର୍ ନାଉଁ ଦାରି ପର୍ମାନ କରସି ।

୨୨ *କେ ମିସା ସରଗର୍ ନାଉଁ ଦାରି ପର୍ମାନ କଲେ, ସେ ପରମେସରର୍ ବସବା ଜାଗା ଆରି ସେ ବସବା ଜାଗାଇ ବସି ରଇବା ପର୍ମେସରର୍ ନାଉଁ ଦାରି ପର୍ମାନ କରସି ।

୨୩ ଏଇ କୁଟିଆଲ୍ ଦରମ୍ ଗୁରୁମାନ ଆରି ପାରୁସିମାନ, ତମର୍ ଦସା କେତେ ଇନସତା ଆରି କାକୁରତି ଅଇସି ! ତମେ ପର୍ମେସରର୍ ପାଇ ବଲି ସାନ୍ ସାନ୍ ଜିନିସ୍ ଅଇଲେ ମିସା ଦସବାଟ୍ ଅନି ବାଗେକ୍ ଦାନ କରସା, ମାତର ନିଆଇ, ଦୟା, ବିସବାସ୍ ଏକ୍ତି ମୁକିଅ ମୁକିଅ ବିସଇର୍ ନିୟମର୍ ସିକିଆ ଏଲା କଲାସିନି । ପୁରବର୍ ମୁକିଅ ବିସଇ ଏଲା ନ କରି, ଏ ସବୁଜାକ ଆଗତୁଅନିସେ ଅବିଆସ୍ କରବାର୍ ରଇଲା ।

୨୪ ଏଇ ବାଟ୍ ଦେକାଇବା କାଣା ଲକ୍ମମାନ ! ତମେ କାଇବାବେଲେ କେତେବଲ୍ ତେଇ କାଇଆଲେ କିତା ଅଦି ରଇସି ବଲି ସେଟା ଚାନି ପାକାଇତେ ରଇସା । ମାତର ତମେ ଗଟେକ୍ ଗଟେକ୍ ବଡ଼ ପସୁକେ ମିସା ଗିଲି କାଇପାକାଇସା ।

୨୫ ସାରାସାରି ଦିନେ ତମେ କେତେ କାକୁରତି ଅଇସା, ଏଇ କୁଟିଆଲ୍ ଦରମ୍ ଗୁରୁ ଆରି ପାରୁସିମାନ ! ତମେ ଉପରେ ଉପରେ ତାଲାଗିନା ମାଜି ପରିଚଲ୍ କରିରଇସା, ମାତର ସେ ବିଡ଼ରେ ଛାସା ଆରି ନିଜର୍ ବିସଇ ଚିନ୍ତା କରବାଟା ବରତି ଅଇରଇସି ।

୨୬ ଏଇ କାଣା ପାରୁସିମାନ ! ମୁତାର୍ ବିଡ଼ରେ ରଇବାଟା ଆଗତୁ ପରିଚଲ୍ କରା, ସେନ୍ତା କଲେ ଉପରର୍ଗା ମିସା ପରିଚଲ୍ ଅଇଜାଇସି ।

୨୭ *ଏଇ ଦରମ୍ ଗୁରୁମାନ ଆରି ପାରୁସିମାନ ! ତମକେ କେତେ ବଡ଼ ଡଣ୍ଡ ମିଲ୍ସି । ଏଇ କୁଟିଆଲ୍ମାନ ! ତମେ ଉପରେ ଉପରେ ତୁନ୍ସଙ୍ଗ୍ ସାରଇ ରଇବା ଗୁତାମ୍ ପାରା । ଏଟାମନ୍ ଉପରେ ସୁନ୍ଦର୍ ତିସି, ମାତର ବିଡ଼ରେ କୁଇଲା ମଡ଼ ଆରି ଆଡ଼ଗଡ଼ ବରତି ଅଇରଇସି ।

* ୨୩:୧୨ ୨୩:୧୨ ଲୁକ୍ ୧୪:୧୧,୧୮:୧୪ * ୨୩:୨୨ ୨୩:୨୨ ମାତ୍ରିତ ୫:୩୪ * ୨୩:୨୭ ୨୩:୨୭ ପେରିର୍ ୨୩:୩

୨୮ ସେନ୍ତାରିସେ ତମେ ମିସା ବାଇରେ ଲକ୍ଷ୍ମୀନରୁ ଦେକତେ ଦରମ୍ ପାରା ତ୍ରିସ୍ତେରଇସା, ମାତ୍ରିତ୍ ତମର ବିତ୍ତରେ କୁଟ୍ କାତା, ଆଁକାର୍, ଆରି ପାପ୍ ବରତି ଅଇଆତେ ।

ଜିସୁ ସେମନର୍ ତଣ୍ଡ ପାଇବାଟା ଜାନାଇଲା
(ଲୁକ୍ ୧୧:୪୭-୫୧)

୨୯ ଏଇ ଦରମ୍ଗୁରୁମନ୍ ଆରି ପାରୁସିମନ୍ ! ଏ ଟକାବଣ୍ଡା କରୁମନ୍ ! ତମର ପାଇ ଏଟା କେତେକ୍ ଜନସତାର୍ ବିସଇ । ତମେ ବବିସତ୍ତବକ୍ତାମନର୍ ପାଇ ସୁନ୍ଦର୍ ସୁନ୍ଦର୍ ସମାଦି ତିଆର୍ କଲାସିନି ଆରି ଦରମ୍ ଲକ୍ଷ୍ମୀନକେ ସବୁ ଦିନ୍ ଏତାଇବାକେ ନାଉଁ ଲେକି ତସାଇଲାସିନି । ୩୦ ଆରି ତମେସେ କଇଲାସିନି ଜଦି ତମର ଆନିଦାଦିମନର୍ ବେଲେ, ତମେ ରଇତାସ୍ ବଇଲେ, ସେମନର୍ ପାରା ଚଲାଚଲ୍ତି ନ କରତାସ୍, କି ବବିସତ୍ତବକ୍ତାମନକେ ନ ମରାଇତାସ୍ । ୩୧ ଏ କାତା କଇଲାର୍ ପାଇ ତମେ ବବିସତ୍ତବକ୍ତାମନକେ ମରାଉମନର୍ ନାତି ତିତ୍ତର ଲକ୍ ବଲି ଏବେ ମାନୁଲାସିନି ।

୩୨ ତେବେ ତମେ ଆଗତୁ ଉଆ । ତମର ଆନିଦାଦିମନ୍ କରିରଇବା କରତା କାମ୍ ପୁରାପୁରୁନ୍ ସାରାଇ ଦିଆସ୍ ।

୩୩ ଏଇ ସାଁପମନ୍ ! ବିସରଇବା ସାଁପର୍ କୁଟୁମର ପାରା ଲକ୍ଷ୍ମୀନ, ତମେ କେନ୍ତ୍ର ନରକର୍ ତଣ୍ଡେଅନି ରକିଆ ମିଲ୍ସି ବଲି ଆସା କଲାସିନି ? ୩୪ ସେଟାର୍ ପାଇ ମୁଇ ତମ୍ କେ କଇଲିନି, ତମର ଲଗେ ବବିସତ୍ତବକ୍ତାମନକେ, ସିକାଇବା ଗୁରୁମନକେ ଆରି ଗିଆନ୍ ରଇବା ବଡ଼ ଲକ୍ଷ୍ମୀନକେ ମୁଇ ପାଟାଇବି । ତାକର୍ ବିତ୍ତରେଅନି ତମେ କେତେ ଲକ୍ଷ୍ମୀନକେ ମରାଇସା, କେତେ ଲକ୍ଷ୍ମୀନକେ କୁରସେ ଚଗାଇସା, ଆରି ବାକି ଲକ୍ଷ୍ମୀନକେ ପାର୍ତନା ଗରେଅନି କରତା ସଙ୍ଗ୍ ମାରି ମାରି ଗଟେକ୍ ନଅରେ ଅନି ଆରିଗଟେକ୍ ନଅରେ କେଦି ଦେଇସା । ୩୫ ଜେନ୍ତ୍ରକି ଏବଲର୍ ବେଲେଅନି ଆରାମ୍ କରି ବରକିଆର୍ ପ ଜିକରିୟର୍ ଜାକ, ଜାକେ କି ତମେ ମନ୍ଦିର୍ ଆରି ବେଦିର୍ ମଜାଇ ମରାଇରଇଲାସ୍, ଦସ୍ ନ କରିରଇବା ସବୁ ଲକ୍ଷ୍ମୀନକେ ମରାଇଲା ପାଇ ତମେ ଦସିଅଇ ତଣ୍ଡ ପାଇସା । ୩୬ ମୁଇ ସତ୍ କଇଲିନି, ଏ ସବୁ ଲକ୍ଷ୍ମୀନକେ ମରାଇଲା ପାଇ ଏ ଜୁଗର୍ ଲକ୍ଷ୍ମୀନ ତଣ୍ଡ ପାଇବାଇ ।

ଜିରୁସାଲାମର୍ ପାଇ ଜିସୁର୍ ଆଲାଦ୍
(ଲୁକ୍ ୧୩:୩୪-୩୫)

୩୭ ଏ ଜିରୁସାଲାମ୍, ଏ ଜିରୁସାଲାମ୍, ତୁଇ ବବିସତ୍ତବକ୍ତାମନକେ ମରାଇଲୁସିନି ଆରି ପର୍ମେସର୍ ପାଟାଇରଇଲା କବର୍ ଆନୁମନକେ ପାକନା ମାରି ମରାଇଲୁସିନି । ମାଇ କୁକ୍ତା ତାର୍ ଚିଅଁମନକେ ତେନା ବିତ୍ତରେ ଦାରି ଅଲଣ୍ଡିଲାପାରା, ତର୍ ଲକ୍ଷ୍ମୀନକେ ମୁଇ ପାଟାଲି ରକିଆ କରବାକେ କେତେ କେତେ ତର୍ ଚେସ୍ଟା କଲି । ମାତ୍ରିତ୍ ମକେ ସେନ୍ତାରି କରବାକେ ଦେଉସ୍ ନାଇ । ୩୮ ସେଟାର୍ ପାଇ ତର୍ ମନ୍ଦିର୍ ବାଜିରୁଜି ଚିନ୍ଦିନ୍ ଅଇଜାଇସି । ୩୯ ମାତ୍ରିତ୍ ମୁଇ କଇଲା କାତା ରଇସି, ମାପୁରୁର୍ ନାଉଁ ଦାରି ଜେ ଆଇଲାନି, ସେ କେତେ କରମର୍ ଲକ୍ ବଲି ଏଟା ଜେବେ ଜାକ ନ କୁଆସ୍, ଆଜିଅନି ଆରି କେବେ ମକେ ଦେକି ନାପାରାସ୍ ।

୨୪

ମନ୍ଦିର୍ କୁରୁପନାସ୍ ଅଇବା ବିସଇ ଜାନାଇବାଟା
(ମାର୍କ ୧୩:୧-୨; ଲୁକ୍ ୨୧:୫-୬)

୧ ଜିସୁ ମନ୍ଦିରେଅନି ବାରଇ ଇଣ୍ଡିଜାଜେତେ ରଇବାବେଲେ ସିସମନ୍ ମନ୍ଦିର୍ ପିଣ୍ଡା ଦୁଆରେ ରଇବା ବଡ଼ ବଡ଼ ପାକନା ବାଟେ ଦେକାଇଲାଇ । ୨ ଜିସୁ କଇଲା, “ଏବେ ସିନା ଏ ସବୁ ଦେକିଲାସିନି । ମୁଇ ତମ୍ କେ ସତ୍ କଇଲିନି ଏ ମନ୍ଦିରର୍ ଗଟେକ୍ ମିସା ପାକନା ତାର୍ ଜାଗାଇ ନ ରଏ । ସବୁଜାକ ଅଦ୍ରି ବିଲିଜାଇସି ।”

ଦୁକ୍ ଆରି କସ୍ତ
(ମାର୍କ ୧୩:୩-୧୩; ଲୁକ୍ ୨୧:୭-୧୯)

୩ ଜିସୁ ଜିତ୍ ନାଉଁର୍ ତଙ୍ଗର୍ ଉପ୍ରେ ବସିରଇଲା ବେଲେ, ତେଇ କେ ନ ରଇଲା ବେଲେ, ସିସମନ୍ ଆସି ତାକେ ପାଟାରୁଲାଇ, “ଏ ସବୁଜାକ କେବ୍ କେ ଅଇସି ଆମ୍ କେ କୁଆ କାଇ ଗଟ୍ଟା ଗଟ୍ଟେଲେ ଆମେ ଜାନିପାରୁ ଜେ ତମର୍ ଆଇବା ବେଲା ଅଇଲାନି ଆରି ଏ ଜୁଗ୍ ସେସ୍ ଅଇସି ବଲି ?”

☆ ୨୩:୩୩ ୨୩:୩୩ ମାତ୍ରିତ ୩:୭:୧୨:୩୪; ଲୁକ୍ ୩:୭

।^୪ ଜିସୁ କଲଲା, “ଜାଗରତ୍ ଅଇକରି ରୁଆ, ଜେନ୍ତ୍ରିକି କେ ମିସା ତମକେ ନ ନାତାଅଡ଼ ।^୫ କେତେ କେତେ ଲକ୍ଷମନ୍ ମର ନାଉଁ ଦାରି ଆସି କଇବାଇ, ‘ମୁଇ ଆକା କିରିସ୍ତ ମସିଅ ।’ ସେମନ୍ ଏନ୍ତାର କଇ କେତେ କେତେ ଲକ୍ଷମନ୍ କେ ନାତାଇବାଇ ।^୬ ତମର୍ ଲଗେ ଅଇତେ ରଇବା ଜୁଇଦର୍ କିଲ୍ ବିଲ୍ ଅଇବାଟା ସୁନ୍ୟା ଆରି ଦୁରିକେ ଅନି ଅଇତେ ରଇବା ଜୁଇଦର୍ କବର୍ ଜାନ୍ୟା । ମାତର୍ ତରାନାଇ, ବାଇଦରେ ଏନ୍ତି ଗର୍ନା ଅଇସି । ମାତର୍ ଏଟାର ଅରତ୍ ନର୍ସ୍ ଜେ, ଜୁଗକାଲ୍ କେଟିଗାଲା ।^୭ ଦେସ୍ ଦେସ୍ ବିଡ଼ରେ ଜୁଇଦ୍ ଅଇସି, ଗଟେକ୍ ରାଇଜ୍ ଆରି ଗଟେକ୍ ରାଇଜ୍ ଉପରେ ଜୁଇଦ୍ କରସି । ସବୁ ବାଟେ ମରତି ଆରି ଦରତନି ଚୁଲ୍ ବୁଲ୍ସି ।^୮ ମାତର୍ ଏଟାମନ୍ ସବୁ ମାଇଜିମନ୍ ଅଡ଼ଗଡ଼ ସୁକ୍ ଅଇବା ବେଲେ ପରତୁମ୍ ପରତୁମ୍ ଅଇବା ଦୁକାସୁକା ପାରା ।^୯ ତମେ ଦାରାଇ ଅଇ ମାଡ଼ କାଇବାକେ ଆରି ମରନର୍ ତଣ୍ଟି ପାଇବାକେ ସର୍ପି ଅଇତେ । ତମେ ମକେ ବିସ୍ବାସ୍ କଲାର୍ ପାଇ ବଲି ସବୁ ଲକ୍ ଗିନ୍ କରବାଇ ।^{୧୦} ସେଡ଼କିବେଲେ କେତେ କେତେ ଲକ୍ ତାକର୍ ବିସ୍ବାସ୍ ଆରାଇବାଇ, ତାକର୍ ତାକର୍ ବିଡ଼ରେ ଗିନ୍ ଅଇକରି ତାକର୍ ତାକର୍ ବିଡ଼ରେ ବିସ୍ବାସେ ବିସ୍ ଦିଆ ଦିଇ ଅଇବାଇ ।^{୧୧} ସେବେଲେ କେତେ କେତେକ୍ ଟକାବଣ୍ଟା ବବିସ୍ତବକ୍ତା ଆସିକରି ଲକ୍ଷମନ୍ କେ ନାତାଇବାଇ ।^{୧୨} ଏନ୍ତାରି ଅଇ ପାପ୍ ଅଦିକ୍ ଅଦିକ୍ ଅଇସି ଆରି ପରମେସର୍ ପାଇରଇବା ଲକ୍ଷମନ୍ ଆଲାଦ୍ ସିତଲ୍ ଅଇଜାଇସି ।^{୧୩} ମାତର୍ ଜେ ସାରାସାରି ଜାକ୍ ମୁର୍ତିକରି ରଇସି, ସେ ମୁକ୍ତି ପାଇସି ।^{୧୪} ରାଇଜର୍ ସବୁ ବାସାର୍ ଲକ୍ଷମନ୍ ଲଗେ, ମାପୁରୁର୍ ସାକିଦେବାକେ ଦୁନିଆର୍ ଗୁଲାଇବାଟେ ତାର୍ କାତା ସୁନାଇବାଇ । ତାର୍ପତେ ସେ ଜୁଗ୍ ସାର୍ସି ।”

ସାରାସାରି ଦିନର କସ୍ତ
(ମାତ୍ରିକ ୧୩:୧୪-୨୩; ଲୁକ୍ ୨୧:୨୦-୨୪)

^{୧୫} ଦାନିଏଲ୍ ବବିସ୍ତବକ୍ତା ଟିକି ନିକି ଇସାବେ ଲେକିରଇବା ସେ ବାୟାବିକଲର୍ ଦିନ୍ ତମେ ଆରି ତରେକ୍ ଦେକ୍ସା । ସେଟା ସୁକଲ୍ ଜାଗାକେ ଅସୁକଲ୍ କରିଦେଇସି । ଇତିର୍ ଅରତ୍ କାଜଟା, ପଡ଼ଲା ଲକ୍ ବୁଜା ।^{୧୬} ସେବେଲେ ଜନ୍ ଲକ୍ଷମନ୍ ଜିଉଦା ରାଇଜେ ରଇବାଇ, ସେମନ୍ ତଜ୍ରେ ପାଲାଅଡ଼ ।^{୧୭} ଜନ୍ ଲକ୍ଷମନ୍ ଚାଉନି ଉପରେ ରଇବାଇ, ସେମନ୍ ଗର୍ବିଡ଼ରର୍ ଜିନିସ୍ ପତର୍ ନେବାକେ ତଲେ ଆସି ଚୁଟାଇ ଚୁଟାଇ ବେଲା ନ ଗଡ଼ାଅଡ଼ ।^{୧୮} ଜନ୍ ଲକ୍ଷମନ୍ ପଦାଇ ଜାଇତେ ରଇବାଇ, ସେମନ୍ ତାକର୍ ଲୁଗା ପଟିଆ ନେବାକେ ଗରେ ନ ବାଉତଡ଼ ।^{୧୯} ସେଡ଼କିବେଲେ ଗାଗତେ ରଇବା ମାଇଜିମନ୍ ଆରି ପିଲାକେ ଦୁଦ୍ କୁଆଇତେ ରଇବା ମାମନର୍ ଦସା କେତେ ଇନସ୍ତା ଅଇସି ।^{୨୦} ଏ ସବୁ ଗର୍ନା ସିଡ଼ ଦିନେ ନ ଅ । ସେଟାପାଇ ପରମେସର୍କେ ପାର୍ତନା କରତେ ରୁଆ, ଜେନ୍ତାରି କି ସିଡ଼ମାସେ ନଇଲେ ବିସ୍ତାମବାରେ ତମକେ ପାଲାଇବାକେ ନ ପଡ଼େ ।^{୨୧} ସେବେଲେ ଜନ୍ ଦୁକ୍ ପାଇବାକେ ପଡ଼ସି, ଦୁନିଆ ତିଆର୍ ଅଇଲାଟାନ୍ ଅନି ଆଜିକେ ଜାକ୍ ଅଇ ରଇବା ସବୁ କସ୍ତେତେଅନି ଅଦିକ୍ ଅଇଜାଇସି । ସେନ୍ତାରି ଦୁକ୍ ଆଗକେ ଆରି କେବେ ନ ଆସେ ।^{୨୨} ମାତର୍ ପରମେସର୍ ଦୁକ୍ ବେଲା ଉନାକରି ଦେଇଆଟେ । ସେନ୍ତାରି ନ କରିରଇଲେ କେ ମିସା ନ ରଇତାଇ । ମାତର୍ ସେ ବାଟିରଇବା ଲକ୍ଷମନ୍ କେ ଜିଆଇବାପାଇ ପରମେସର୍ ସେ ବେଲା ଉନାକରି ଦେଇଆଟେ ।

^{୨୩} ସେବେଲେ କେ ଜଦି ତମକେ ଇତି କିରିସ୍ତ ଆଟେ ନଇଲେ ତେଇ ସେ ଆଟେ ବଲି କଇସି, ତାକେ ବିସ୍ବାସ୍ କରା ନାଇ ।^{୨୪} କାଜକେ ବଇଲେ ମୁଇ ନିଜେ ମସିଅ କି ମୁଇ ନିଜେ ବବିସ୍ତବକ୍ତା ବଲାଅଇତେ ରଇବା ଟକାବଣ୍ଟାକରୁମନ୍ ସେବେଲେ ଦେକାଇଅଇବାଇ । ସେମନ୍ କାବା ଅଇଜିବା କାମମନ୍ ଦେକାଇ ପରମେସର୍ ବାଟି ରଇବା ଲକ୍ଷମନ୍ କେ ମିସା ନାତାଇବାଇ ।^{୨୫} ଦେକା, ସେ ବେଲା ନ ଆଇବା, ଆଗତୁ ମୁଇ ତମକେ ଜାନାଇଦେଲିନି ।

^{୨୬} “ଦେକା, ଜଦି ଲକ୍ଷମନ୍ ସେ ମରୁବାଲି ରଇବା ଜାଗାଇ ଆଟେ ବଲି କଇବାଇ, ତମେ ତେଇ ଜାଆ ନାଇ । କି ସେମନ୍ ଇତି ଦେକିଦେକା ସେ ଲୁଟିଆଟେ ବଲି କଇବାଇ, ସେମନ୍ କେ ବିସ୍ବାସ୍ କରା ନାଇ ।^{୨୭} ଉଦିଆନ୍ ଦିଗେଅନି ବୁଡ଼ତି ଦିନ୍ ଜାକ୍ ଜେନ୍ତାରି ବିଜ୍ଜଲି ମାରିକରି ଗୁଲାଇ ଆକାସ୍ ଉଜଲ୍ ଅଇସି, ସେନ୍ତାରି ଅଇକରିସେ ନର୍ପିଲା ମୁଇ ଆଇବି ।”

^{୨୮} “ଜିତି ମତା ପିଜି ରଇବାଇ, ତେଇ ମଡ଼କାର ଗିଦ୍ମନ୍ ରୁଣ୍ଟିରଇବାଇ ।”

ନରପିଲା ଆଇବାଟା
(ମାତ୍ରିକ ୧୩:୨୪-୨୭; ଲୁକ୍ ୨୧:୨୫-୨୮)

* ୨୪:୯ ୨୪:୯ ମାତ୍ରିକ ୧୦:୨୨ * ୨୪:୧୩ ୨୪:୧୩ ମାତ୍ରିକ ୧୦:୨୨ * ୨୪:୧୭ ୨୪:୧୭ ଲୁକ୍ ୧୭:୩୧ * ୨୪:୨୧ ୨୪:୨୧ ପଦ୍ମାସିତ ୭:୧୪ * ୨୪:୨୭ ୨୪:୨୭ ଲୁକ୍ ୧୭:୨୩, ୨୪ * ୨୪:୨୮ ୨୪:୨୮ ଲୁକ୍ ୧୭:୩୭

୨୯ *ସେ ଦୁକରବେଲା ସାର୍ବବା ବେଲେ, ବେଲ୍ ଜାଉଁଲି ଜାଇସି, ଜନ୍ ଆରି ଉଜଲ୍ ନ ଡିସାଏ, ବାଦ୍‌ଲେଅନି ତାରାମନ୍ ଅଦର୍ବାଇ ଆରି ବାଦ୍‌ଲେ ଉଜଲ୍ ଦେବାଟାମନ୍ ସବୁ ବାଟ୍ ବାନା ଅଇଜିବାଇ । ୩୦ *ତାତ୍ ପଡେ ନରପିଲା ମୁଇ ବାଦ୍‌ଲେ ଆଇବାଟା ଦେକ୍‌ସା । ଆରି ଡାକ୍‌ପୁଟାଅଇ ପାନି ବାଦ୍‌ଲେ ବପୁ ସଙ୍ଗ୍ ଆଇବାଟା ଦେକି ଦରତନିର ଲକ୍‌ମନ୍ କାନ୍ଦାବୁବା ଅଇଜିବାଇ । ୩୧ ବଡ୍ ମଇରି ବାଜ୍‌ସି । ଆରି ଗୁଲାଇ ସରଗର୍ ଗଟେକ୍ କନେ ଅନି ବିନ୍ ବିନ୍ କନେ ରଇବା ମର୍ ବାବା ବାତି ରଇବା ଲକ୍‌ମନ୍‌କେ ଚୁଲିଆଇବାକେ ମୁନୁସ୍ ପିଲା ମୁଇ ମର୍ ଦୁଡ୍‌ମନ୍‌କେ ପାଟାଇବି ।

ତୁମ୍‌ରି ଗଟେଅନି ସିକିଆ
(ମାର୍‌କ ୧୩:୨୮-୩୧; ଲୁକ୍ ୨୧:୨୯-୩୩)

୩୨ ତୁମ୍‌ରି ଗଟେଅନି ସିକା । ଜେଡେବେଲେ ତାର୍ କେକ୍‌ସିଅନି ପଡର୍ ପାଲୁଆନି କର୍‌ସି, ଆରି କାଁଟାପଡ୍‌ରିଆ ଡିସଲେ କାରାଦିନ୍ କେଟ୍‌ଲା ବଲି ତମେ ଜାନ୍‌ସା । ୩୩ ସମାନ୍ ସେନ୍ତାନ୍‌ସେ ଏ ସବୁ ଜାକ ଅଇବାଟା ଦେକ୍‌ଲେ, ସାରାସାରି ଦିନ୍‌କାଲ୍ ଆରାମ୍ ଅଇଲା ବଲି ତମେ ଜାନା ।

୩୪ “ଏତାଇରୁଆ, ମୁଇ ସଡ୍ କଇଲିନି, ଏବେ ଜିବନ୍ ରଇଲା ଲକ୍‌ମନ୍‌ର ବିଡ୍‌ରେଅନି ସବୁ ଲକ୍ ମର୍‌ବା ଆଗ୍‌ତୁ, ଏସବୁ ବିସଇ ଗର୍‌ସି । ୩୫ ସରଗ୍ ଆରି ମର୍‌ପୁର କୁରୁପ୍‌ନାସ୍ ଅଇଜାଇସି, ମାତର୍ ମର୍ ସବୁ ବାକିଅ କେବେ ମିଡ୍ ନ ଅଏ ।

ସେ ଆଇବା ବେଲା କେ ମିସା ନାଜାନଡ୍
(ମାର୍‌କ ୧୩:୩୨-୩୭; ଲୁକ୍ ୧୭:୨୭-୩୦, ୩୪-୩୭)

୩୬ “ସେ ଦିନ୍, ସେ ବେଲା କେବେ ଆଇସି, କେ କଇନାପାରଡ୍ । ପର୍‌ମେସରର୍ ପିଲା ମୁଇ ମିସା କି ସରଗର୍ ଦୁଡ୍‌ମନ୍ ମିସା ସେ କାତା ନାଜାନଡ୍, ବାବା ପର୍‌ମେସର୍ ଆକା ଜାନିଆତେ । ୩୭ ନଅର୍ ବେଲେ ଜେନ୍ତାରି ଗଟିରଇଲା, ସମାନ୍ ସେନ୍ତାରିସେ ନରପିଲା ମୁଇ ଆଇବା ବେଲା ମିସା । ୩୮ ପୁରୁଡିବି ଉପରେ ପାନି ବର୍‌ଡି ଅଇବାବେଲେ ଅନି ନଅ ପାନିଜାଜେ ପୁରୁବା ଜାକ, ଲକ୍‌ମନ୍ କାଆ ପିଇ ଅଇ ବିବା କାମେ ତେରେପେଡେ ଅଇରଇଲାଇ । ୩୯ ପାନିତେଇ ସେମନ୍ ବଅଁଲି ଜିବା ଜାକ, କାଇଟା ଅଇଲାନି, ଜାନି ନ ରଇଲାଇ । ନରପିଲା ମୁଇ ଆଇବା ବେଲେ ସମାନ୍ ସେନ୍ତାରି ଅଇସି । ୪୦ ସେ ବେଲାଇ ପଦାଇ ପାଇଟି କର୍‌ଡେ ରଇବା ଦୁଇ ଲକ୍‌ର୍ ବିଡ୍‌ରେ ଅନି ଗଟେକ୍ ଲକ୍‌କେ ବାଟ୍‌ବାଇ ଆରି ଗଟେକ୍ ଲକ୍‌କେ ଚାଡିଦେବାଇ । ୪୧ ଗର୍‌ଡେରଇବା ଦୁଇଟା ମାଇଜି ମନର୍ ବିଡ୍‌ରେ ଅନି ଗଟେକ୍ ଲକ୍ ବାତି ଅଇସି ଆରି ଗଟେକ୍ ଲକ୍ ରଇଜାଇସି । ୪୨ ସେନ୍ତ୍ର ବଇଲେ ତମେ ଜାଗରଡ୍ ଅଇ ରୁଆ, କାଇକେ ବଇଲେ ତମର୍ ମାପୁରୁ କେଡେବେଲା ଆଇସି, ତମେ ନାଜାନାସ୍ । ୪୩ *କେଡେବଲ୍ ଚର୍ ପୁର୍‌ସି ବଲି ଜାନିରଇଲେ, ଗର୍ ସାଉକାର୍ ଜାଗରଡ୍ ରଇ ଚର୍‌କେ ଗରେ ପୁର୍‌ବାକେ ନ ଦେଏ । ୪୪ ତମେ ମିସା ସବୁବେଲେ ଜାଗରଡ୍ ରଇକରି ତିଆର୍ ଅଇ ରୁଆ । କାଇକେ ବଇଲେ ତମେ ଜାଗି ନ ରଇଲା ବେଲେସେ ନରପିଲା ମୁଇ ଉଟିଆଇବି ।

ବିସ୍‌ବାସ୍ ରଇବା ଆରି ବିସ୍‌ବାସ୍ ନ ରଇବା ଦାଙ୍ଗ୍‌ତା
(ଲୁକ୍ ୧୨:୪୧-୪୮)

୪୫ “ସେନ୍ତ୍ର ବଇଲେ କେ ଡେବେ ନିମାନ୍ ଆରି ବୁଦି ରଇବା ଦାଙ୍ଗ୍‌ତା ? ଜାର୍ ଉପରେ ସାଉକାର୍ ବିନ୍ ଦାଙ୍ଗ୍‌ତାମନର୍ ଚିକ୍ ବେଲାଇ, କାଇବା କାଦି ଦେବା ଦାଇଡ୍ ଦେଇରଇସି । ୪୬ ସାଉକାର୍ ବାଉଡି ଆଇଲା ବେଲେ ସେ ଦାଙ୍ଗ୍‌ତା ଜଦି ଚିକ୍ ସଙ୍ଗ୍ କାମ୍ କରିରଇସି ବଇଲେ, ତାର୍ କେଡେକ୍ ନିକ୍ କରମ୍ ! ୪୭ ମୁଇ ସଡ୍ କଇଲିନି, ସେନ୍ତାରି ଦାଙ୍ଗ୍‌ତାକେ ସାଉକାର୍ ଗଟେକ୍ ଦିନେ ତାର୍ ସବୁ ଦନ୍ ସିପଡିର୍ ଦାଇଡ୍ ଦେଇ ଦେଇସି । ୪୮ ମାତର୍‌ ସେ ଦାଙ୍ଗ୍‌ତା ଜଦି ‘ସାଉକାର୍ ନ ଆସେତା’ ବଲି ବାସ୍‌ସି ଆରି ୪୯ ବିନ୍ ଦାଙ୍ଗ୍‌ତାମନ୍‌କେ ମାର୍‌ପିଟ୍ କରି ମଦୁଆମନର୍ ସଙ୍ଗ୍ କିଆପିଆ କର୍‌ଡେ ରଇସି, ୫୦ ସେ ଜାଗରଡ୍ ନ ରଇଲା ବେଲେ ଆରି ଜନ୍ ବେଲାଇ ସେ ନାଜାନି ରଏ, ସେ ଦିନେ ଆରି ସେ ବେଲାଇସେ ସାଉକାର୍ ବାଉଡିଆଇସି । ୫୧ ତାକେ ସେଡ୍‌କି ବେଲେ କଣ୍ଟ୍ କଣ୍ଟ୍ କରି କାଟି ଦେଇସି । ସେ ନାଡାଉମନର୍ ଦସାର୍ ଡଣ୍ଟ୍ ପାଇସି । ଆରି ସାରାସାରି ଦାଁଡ୍ କାଡ୍‌ରି ମାର୍‌ଚପ୍ ଅଇ କାନ୍‌ସି ।”



ଦସ୍‌ଟା ଦାଙ୍ଗ୍‌ଡିମନର୍ କାତା

* ୨୪:୨୯ ୨୪:୨୯ ପର୍କାସିତ ୭:୧୨; ପର୍କାସିତ ୭:୧୩ * ୨୪:୩୦ ୨୪:୩୦ ପର୍କାସିତ ୧:୭ * ୨୪:୪୩ ୨୪:୪୩ ଲୁକ୍ ୧୨:୩୯, ୪୦

୧୧ *ସେତ୍ତିକିବେଲେ ସରଗ ରାଇଜେ କେଟ୍‌ବା ବାଟ୍ ଏନ୍ତି ଅଇସି । ଦସଟା ଦାଙ୍ଗ୍‌ତିମନ୍ ସବୁ ଲକ୍ ଗଟେକ୍ ଗଟେକ୍ ବତି ଦାରି ବାଟେ, ବର୍ ଦାଙ୍ଗ୍‌ତାକେ ଜାଗବାର୍ ଜାଇରଇଲାଇ । ୧୨ ସେମନର୍ ବିଡ୍‌ରେଅନି ପାଁଟ୍‌ଟା ଦାଙ୍ଗ୍‌ତି ଚତୁର୍ ରଇଲାଇ, ଆରି ପାଁଟ୍‌ଟା ଦାଙ୍ଗ୍‌ତି ବକୁଆ ରଇଲାଇ । ୧୩ ବକୁଆ ରଇଲା ଦାଙ୍ଗ୍‌ତିମନ୍ ଅଦିକ୍ ଚିକନ୍ ନେଇ ନ ରଇଲାଇ । ୧୪ ମାତର୍ ଚତୁର୍ ରଇବା ଦାଙ୍ଗ୍‌ତିମନ୍ ନିଜର୍ ନିଜର୍ ବତି ଟାଣେ ରଇବାଟା ଚାଡି ଆରି କାଁରେ ମିସା ଚିକନ୍ ବର୍ତ୍ତ କରି ନେଇରଇଲା । ୧୫ ବର୍ ଦାଙ୍ଗ୍‌ତା ଆଇବାଟା ଅଲସମ୍ ଅଇଲାକେ ଦାଙ୍ଗ୍‌ତିମନ୍ ଜୁମରି ଜୁମରି କରି ସଇଦେଲାଇ ।”

୧୬ ମଜା ରାତିବେଲାଇ ଆଉଲି ସୁନି ଅଇଲା, “ଏଦେ ଦେକା ! ବର୍ ଦାଙ୍ଗ୍‌ତା ଆଇଲାବେ ! ଆସା ସେମନ୍କେ ତାଙ୍ଗିଆନ୍ !” ୧୭ ଦାଙ୍ଗ୍‌ତିମନ୍ ଉଟିକରି ନିଜର୍ ନିଜର୍ ବତିମନ୍ ସାଜାଡ଼ଲାଇ । ୧୮ ସେତ୍ତିକି ବେଲେ ବକୁଆ ଦାଙ୍ଗ୍‌ତିମନ୍ ଚତୁର୍ ରଇଲା ଦାଙ୍ଗ୍‌ତିମନ୍କେ କଇଲାଇ “ଆମ୍‌କେ କଣ୍ଡେକ୍ ଚିକନ୍ ଦିଆ । ଆମର୍ ବତି ଲିବିଗାଲାନି ।” ୧୯ ଚତୁର୍ ଦାଙ୍ଗ୍‌ତିମନ୍ କଇଲାଇ, “ତମ୍‌କେ ଦେଲେସରି ଆମର୍ ପାଇ ଚିକନ୍ ନ ଅଏ । ତମେ ଦୁକାଣେ ଜାଇ ନିଜର୍ ନିଜର୍ ପାଇ ଚିକନ୍ ଗେନିଆନା ।” ୨୦ ସେଟାଟ୍‌ପାଇ ବୁଦି ନଇଲା ଦାଙ୍ଗ୍‌ତିମନ୍ ଚିକନ୍ ଗେନିବାକେ ବାରଇଲାଇ । ସେମନ୍ ଗାଲା, ପଟେ ବର୍ ଦାଙ୍ଗ୍‌ତା ଆସି କେଟ୍‌ଲା । ଜାଗରଡ୍ ଅଇରଇଲା ପାଁଟ୍‌ଟା ଚତୁର୍ ଦାଙ୍ଗ୍‌ତିମନ୍ ତାକର୍ ସଙ୍ଗ୍ ବିବା ବଜିତେଇ ଗାଲା ପଟେ କାପାଟ୍ ଡାବିଅଇଗାଲା । ୨୧ *ସେ ବୁଦି ନ ରଇଲା ଦାଙ୍ଗ୍‌ତିମନ୍ ପଟେ ସେ ଜାଗାଇ ଆଇଲାଇ, ଏ ମାପୁରୁ, ଏ ମାପୁରୁ କାପାଟ୍ ଉଗାତା, ଆମେ ବିଡ୍‌ରେ ଜିବୁ ବଲି ସେମନ୍ ଆଉଲି ଅଇଲାଇ । ୨୨ ବର୍‌ଦାଙ୍ଗ୍‌ତା କଇଲା, “ମୁଇ ସଡ୍ କଇଲିନି, ତମେ କେ, ମୁଇ ନାଜାନି ।” ୨୩ କାତା କଇବାଟା ସାରାଇ, କରି ଜିସୁ କଇଲା, “ଜାଗରଡ୍ ଅଇ ରୁଆ । ସେ ଦିନ୍ କି ବେଲା କେ ମିସା ନାଜାନାସ୍ ।”

ତିନଟା ଚାକରର କାତା
(ଲୁକ୍ ୧୯:୧୧-୨୭)

୨୪ *ସରଗ ରାଇଜ୍ ଏନ୍ତାରି, ସେ ବିସଇର୍ ଆରି ଗଟେକ୍ କାତା ସୁନା । ତରେକ୍ ଗଟେକ୍ ଲକ୍ ତାର୍ ଚାକର୍ମନ୍କେ, ତାର୍ ସଁପତି ଚାଡିଦେଇ ବିଦେସେ ଉଟିଗାଲା । ୨୫ ସେମନର୍ ପାର୍‌ବା ଇସାବେ ସେମନ୍କେ କେତେକ୍ କେତେକ୍ ଡାବୁ ଜିମା ଦେଲା । ଗଟେକ୍ ଲକ୍‌କେ ପାଁଟ୍ ଅଜାର୍ ରୁପା ଟାଙ୍ଗା ଦେଲା, ଗଟେକ୍ ଲକ୍‌କେ ଦୁଇ ଅଜାର୍, ଆରି ଗଟେକ୍‌ଲକ୍‌କେ ଅଜାର୍ ରୁପା ଟାଙ୍ଗା ଦେଲା । ଆରି ବିଦେସେ ଉଟିଗାଲା । ୨୬ ପାଁଟ୍ ଅଜାର୍ ରୁପାଟାଙ୍ଗା ନେଇରଇଲା ଚାକର୍ ସେ ଡାବୁ ବେବାର୍ କରି ଆରି ପାଁଟ୍ ଅଜାର୍ ଲାବ୍‌କଲା । ୨୭ ସେନ୍ତାରି ଦୁଇ ଅଜାର୍‌ଟା ନେଇରଇଲା ଚାକର୍ ମିସା ଆରି ଦୁଇ ଅଜାର୍ ଲାବ୍‌କଲା । ୨୮ ମାତର୍ ଜନ୍ ଚାକର୍ ଅଜାର୍‌ଟା ପାଇରଇଲା, ସେ ଗଟେକ୍ କାଲ୍‌କୁନି ସାଉକାର୍ ଦେଇରଇବା ସେ ରୁପା ଟାଙ୍ଗା ଲୁଟାଇ ସଙ୍ଗିଲା ।

୨୯ “ବେସିଦିନ୍ ଗାଲା ପଟେ ସାଉକାର୍ ବାଅଡ଼ଲା ଆରି ଚାକର୍ମନର୍ ସଙ୍ଗ୍ ଇସାବ୍‌କିତାବ୍ କଲା ।” ୩୦ ପାଁଟ୍ ଅଜାର୍ ରୁପାଟାଙ୍ଗା ନେଇରଇଲା ଚାକର୍ ଆସି ଆରି ପାଁଟ୍ ଅଜାର୍ ଦେଇ କଇଲା, “ସାଉକାର୍ ତମେ ମକେ ପାଁଟ୍ ଅଜାର୍ ଦେଇରଇଲାସ୍, ଏଦେ ଦେକା, ମୁଇ ଆରି ପାଁଟ୍ ଅଜାର୍ ଲାବ୍ କଲିଆଟି ।” ୩୧ ସାଉକାର୍ ସାର୍‌ଦା ଅଇ ତାକେ କଇଲା, “ ଚିକ୍ କରିଆରୁସ୍, ତୁଇ ମର୍ କେତେକ୍ ନିକ୍ ଆରି ବିସବାସ୍ ରଇବା ଚାକର୍ ! ତମେ ବିସବାସ୍ ସଙ୍ଗ୍ ଉନା ଦନ୍ କାର୍‌ବାର୍ କରି ରଇଲାଟ୍ ପାଇ ତମକେ ବେସି ଦନ୍ ଚାଡିଦେବି । ଆଉ ମର୍ ସଙ୍ଗ୍ ସାର୍‌ଦା କର୍ ।”

୩୨ “ଦୁଇ ଅଜାର୍ ରୁପାଟାଙ୍ଗା ନେଇ ରଇଲା ଚାକର୍ ଆସି କଇଲା, ସାଉକାର୍ ତମେ ମକେ ଦୁଇ ଅଜାର୍ ଦେଇ ରଇଲାସ୍, ମୁଇ ଆରି ଦୁଇ ଅଜାର୍ ଲାବ୍ କଲିଆଟି ।” ୩୩ ସାଉକାର୍ କଇଲା, କେତେକ୍ ନିକ୍ ! ତୁଇ ମିସା ମର୍ ବଡିଆ ଚାକର୍ । ଉନା ଡାବୁ ମିସା ନିକକରି କାମେ ଲାଗାଇଲୁସ୍ । ଏବେ ତର୍ ଜିମାରେ ମୁଇ ବୁଡେକ୍ ଦନ୍ ଦେବି । ଆଉ ମର୍ ସଙ୍ଗ୍ ସାର୍‌ଦା କର୍ । ୩୪ ସାରାସାରି ଅଜାର୍ ରୁପାଟାଙ୍ଗା ପାଇରଇଲା ଚାକର୍ ଆସି କଇଲା, “ଏ ସାଉକାର୍ ମୁଇ ଜାନି, ତମେ ଗଟେକ୍ ବେସି ରିସା ଅଇବା ଲକ୍ । ବୁନି ନ ରଇବା ପଦାଇ କାର୍‌ସା ଆରି ବିଅନ୍ ନ ବୁନିକରି ତାସ୍ ବାରା ବାନ୍‌ସା । ୩୫ ସେଟାଟ୍ ପାଇ ମୁଇ ଡରିକରି ତମର୍ ଦନ୍ ମାଟିତେଇ କାଲ୍‌କୁନି ତପି ରଇଲି । ଏଦେ ଦେକା ! ତମର୍ ସେ ଟାଙ୍ଗା !”

୩୬ ସାଉକାର୍ କଇଲା, “ଅଇରେ କାମକେ ନଇଲା ବାହୁ ! ତୁଇତା ଜାନିରଇଲୁସ୍, ମୁଇ ଜନ୍ତି ବୁନି ନ ରଇ, ତେଇ ତାସ୍ ତୁଲିଆଇବି । ୩୭ ତେବେ ମର୍ ଟାଙ୍ଗାମେଇ ବିନ୍ ଲକ୍‌ମନ୍କେ କଲିକ୍ତର୍ ଇସାବେ ଦେଇରଇଲେ ମିସା ତେଇଅନି ମକେ କଲିକ୍ତର୍ ମିଲୁତା ।” ୩୮ ଏନ୍ତାରି କଇ ସାଉକାର୍ ଆଦେସ୍ ଦେଲା, ଏ ଚାକରଟାଣେ ଅନି ସବୁ ଟାଙ୍ଗା ନେଇ, ଜାର୍ ଆତେ ଦସଅଜାର୍ ଆତେ, ତାକେ ଦେଇଦିଆସ୍ ।

* ୨୫:୧ ୨୫:୧ ଲୁକ୍ ୧୨:୩୫ * ୨୫:୧୧ ୨୫:୧୧ ଲୁକ୍ ୧୩:୨୫ * ୨୫:୧୪ ୨୫:୧୪ ଲୁକ୍ ୧୯:୧୧-୨୭

୨୯ *କାଲକେ ବଇଲେ ଜାକେ ଆରେ, ତାକେ ଅଦିକ୍ ଦିଆଅଇସି । ଆରି ସେ ଅଦିକ୍ ଅଦିକ୍ ଲାବ୍ କର୍ସି । ମାତର୍ ଜାକେ ନାଇ ତାନ୍ଲକେ ଜାଇଟା ଆରେ, ସେଟା ମିସା ତାରତେଇଅନି ଚାତାଇ ନିଆଅଇସି । ୩୦ *ଏ କାମ୍‌କେ ନଇଲା ଚାକର୍‌କେ ବାଇରେ ଦାରିଜା ଆରି ଆନ୍ଦାରେ ପଜିଦିଆସ୍ । ତେଇ ସେ କିଲିବିଲିଅଇ ଦାଡ୍ କାଡ୍‌ରି ମାରି ଚପି ଅଇ କାନ୍ଦସି ।

ସାରାସାରିର୍ ବିଚାର୍

୩୧ *ଜେଡେବେଲା ନର୍‌ପିଲା ମୁଇ ରାଜାଅଇ ମର୍ ସରଗର୍ ବୁଡ୍‌ମାନର୍ ସଙ୍ଗ୍ ଆଇବି, ଆରି ମର୍ ଡାକ୍‌ପୁଟା ବସବା ଜାଗାଇ ବସବି, ୩୨ ସବୁ ଜାତିର୍ ଲକ୍ ମର୍ ମୁଆଟେ ଚୁଲ୍ ଅଇବାଇ । ସେଡ୍‌କି ବେଲା ଗଉଡ୍ ଜେନ୍ତ୍ର ମେଣ୍ଟା ଆରି ଚେଲିମନ୍‌କେ ବେଗଲାଇସି, ସେନ୍ତ୍ର ନର୍‌ପିଲା ମୁଇ ଲକ୍‌ମନ୍‌କେ ଦୁଇ ଦଲ୍ କରି ବାଗ୍ କର୍ବି । ୩୩ ଦରମ୍ ଲକ୍‌ମନ୍‌କେ ଉଜା ବାଟେ ଆରି ବିନ୍ ଲକ୍‌ମନ୍‌କେ ମର୍ ତେବ୍‌ରି ବାଟେ ସଙ୍ଗାଇବି । ୩୪ ତାର୍ ପରେ ମର୍ ଉଜାବାଟେ ରଇଲା ଲକ୍‌ମନ୍‌କେ ମୁଇ କଇବି, “ଆସା, ତମ୍‌କେ ମର୍ ବାବା ଆସିବ୍‌ବାଦ୍ କଲାଆଟେ । ଦୁନିଆ ତିଆର୍‌ଅଇଲା ବେଲେଅନି ଜନ୍ ରାଇଜ୍ ତମ୍‌ର୍ ପାଇ ତିଆର୍ ଅଇଲା ଆରେ, ଆସା, ତେଇ ଜାଇ ପୁରା । ୩୫ ମୁଇ ବୁକେ ରଇଲି, ତମେ ମକେ କୁଆଇଲାସ୍ । ମକେ ସସ୍ କଲା, ତମେ ମକେ କାଇବାକେ ଦେଲାସ୍ । ମୁଇ ଚିନାର୍ ଜାନାନ୍ ନ ରଇଲି, ମକେ ତମ୍‌ର୍ ଗରେ ଗତିଆ କରି ଡାକିଲାସ୍ । ୩୬ ମୁଇ ତୁମ୍‌ଣ୍ଟା ରଇଲି, ମକେ ବସ୍‌ତର୍ ପିନ୍‌ଇଲାସ୍ । ମୁଇ ଜର୍‌ଦାରାଇ ଅଇରଇଲି, ମକେ ଜତନ୍ କଲାସ୍ । ମୁଇ ବନ୍ଦି ଗରେ ରଇଲି ମକେ ଦେକ୍‌ବାର୍ ଆସିରଇଲାସ୍ ।”

୩୭ ଦରମ୍ ଲକ୍‌ମନ୍ କଇବାଇ, “ମାପୁରୁ ! କେବେ ତମେ ବୁକେ ରଇଲାଟା ଦେକି ତମ୍‌କେ କାଇବାକେ ଦେଇରଇଲୁ ? କେବେ ତମ୍‌କେ ସସ୍ କଲାଜେ ପାନି କାଇବାକେ ଦେଇ ରଇଲୁ ? ୩୮ କେବେ ତମେ ଚିନାର୍ ଜାନାନ୍ ନ ଅଇରଇଲାସ୍ ଜେ ଆମେ ତମ୍‌କେ ଗତିଆ କରି ଗରେ ଡାକି ରଇଲୁ ? ଆରି କେବେ ତୁମ୍‌ଣ୍ଟା ରଇଲାସ୍ ଜେ ପିନ୍‌ବାକେ ବସ୍‌ତର୍ ଦେଇ ରଇଲୁ ? ୩୯ କେବେ ତମେ ଜର୍ ଦାରାଇ ଅଇରଇଲାସ୍‌ଜେ ଆମେ ତମ୍‌କେ ଜତନ୍ କଲୁ ? ଆରି କେବେ ତମେ ବନ୍ଦି ଗରେ ରଇଲାସ୍‌ଜେ ଆମେ ଦେକ୍‌ବାର୍ ଆସିରଇଲୁ ?” ୪୦ ପରେ, ମୁଇ ସେମନ୍‌କେ କଇବି, ମୁଇ ତମ୍‌କେ ସଡ୍‌କଇଲିନି, ଏ ମର୍ ବାଇମାନର୍ ବିଡ୍‌ରେ ସବୁର୍‌ଟାନେଅନି ଗଟେକ୍ ସାନ୍ ଲକ୍‌ର୍ ପାଇ, ଜାଇଟା ସବୁ କରିଆଟାସ୍, ସେଟା ମର୍ ପାଇ କରିଆଟାସ୍ ।

୪୧ ତାର୍‌ପରେ ଡେବ୍‌ରିବାଟେ ବସି ରଇବା ଲକ୍‌ମନ୍‌କେ ମୁଇ କଇବି “ଏଇ ସାଇସ୍ ପାଇରଇବା ଦଲ୍‌ର୍ ଲକ୍‌ମନ୍ ! ମର୍ ମୁଆଟେ ରୁଆନାଇ । ସଇତାନ୍ ଆରି ତାର୍ ସଙ୍ଗ୍ ରଇଲା ବୁଡ୍‌ମାନର୍ ପାଇ, ସବୁବେଲେ ଲାଗି ରଇବା ଜଇକୁଣ୍ଡ ତିଆର୍ ଅଇଲାଆଟେ । ତେଇ ଜାଆ ! ୪୨ ମୁଇ ବୁକେ ରଇଲି, ତମେ ମକେ କାଇବାକେ ଦିଆସ୍ ନାଇ, ମକେ ସସ୍ କଲାଜେ ପାନି ଗୁଡ୍‌କି ଦିଆସ୍ ନାଇ । ୪୩ ମୁଇ ଅଚିନାର୍ ଅଇ ରଇଲା ବେଲେ ମକେ ଡାକାସ୍ ନାଇ । ମୁଇ ତୁମ୍‌ଣ୍ଟା ରଇଲା ବେଲେ ମକେ ବସ୍‌ତର୍ ପିନ୍‌ଆସ୍ ନାଇ । ଜର୍ ଦାରାଇ ଆରି ବନ୍ଦି ଅଇ ରଇଲା ବେଲେ, ମକେ ଜତନ୍ କରାସ୍‌ନାଇ ।”

୪୪ ସେମନ୍ ସେଡ୍‌କିବେଲେ ମକେ କଇବାଇ, “ମାପୁରୁ, ତମ୍‌କେ ଆମେ କେବେ ବୁକେ ରଇଲା ବେଲେ, ସସେ ରଇଲା ବେଲେ, ଅଚିନାର୍ ରଇଲା ବେଲେ, ତୁମ୍‌ଣ୍ଟା ରଇଲା ବେଲେ ଆରି ଜର୍ ଦାରାଇଅଇ ବନ୍ଦି ରଇବାଟା ଦେକି ତମ୍‌କେ ସାଇଜ କରୁ ନାଇ ?”

୪୫ ସତଇସେ ମୁଇ କଇବି, “ଏ ସାନ୍ ଲକ୍‌ମନ୍‌ର୍ ବିଡ୍‌ରେଅନି ଗଟେକ୍ ଲକ୍‌କେ ସାଇଜ କର୍‌ବାକେ ମନାକର୍‌ବା ବେଲେ, ତମେ ମକେ ସାଇଜ କରାସ୍ ନାଇ । ୪୬ ଏନ୍ତାରି ଲକ୍‌ମନ୍‌କେ ସବୁ ଦିନର୍ ପାଇ ଡଣ୍ଡି ମିଲ୍‌ସି ଆରି ଦରମ୍ ଲକ୍‌ମନ୍ ନ ସାର୍‌ବା ଜିବନ୍ ପାଇବାଇ ।”

୨୭

ଜିସୁର୍ ବିରୁଦେ ପାଁର୍‌ବାଟା

(ମାର୍‌କ ୧୪:୧-୨; ଲୁକ୍ ୨୨:୧-୨; ଜଅନ୍ ୧୧:୪୫-୫୩)

୧ ଜିସୁ ଏ ସବୁ ସିକିଆ ଦେଇ ସାରାଇଲା ପରେ ସିସ୍‌ମନ୍‌କେ, ୨ “ନିସ୍‌ତାର୍ ପରବ୍ ଅଇବାକେ ଆରି ଦୁଇ ଦିନ୍ ଆଟେ । ସେଟା ତମେ ଜାନାସ୍ । ସେଡ୍‌କିବେଲେ ନର୍‌ପିଲା ମୁଇ କୁର୍‌ସେ ମର୍‌ବାକେ ଲକ୍‌ମନ୍‌କେ ସର୍‌ପି ଅଇବି ।”

* ୨୫:୨୯ ୨୫:୨୯ ମାଠିର ୧୩:୧୨; ମାର୍‌କ ୪:୨୫; ଲୁକ୍ ୮:୧୮ * ୨୫:୩୦ ୨୫:୩୦ ମାଠିର ୮:୧୨;୨୨:୧୩; ଲୁକ୍ ୧୩:୨୮ * ୨୫:୩୧ ୨୫:୩୧ ମାଠିର ୧୭:୨୭; ମାଠିର ୧୯:୮

୩ ସେବେଲେ ମୁକ୍ତି ପୁଜାରିମାନ ଆରି ପାତ୍ରିନମାନ ବଡ଼ ପୁଜାରି କୟାପାର୍ ଗରେ ରୁଣ୍ଡ ଅଇଲାଇ । ୪ ସେମନ୍ କେ ନାଜାନଲାପାରା ଜିସୁକେ ଦାରି ମରାଇବାକେ ପାଁନା କଲାଇ । ୫ ମାତର୍ ସେମନ୍ କଇଲାଇ, “ଆମେ ପରବ୍ ବେଲେ ଏ କାମ୍ କରବାଟା ଟିକ୍ ନଏ । ସେ ବେଲେ ଲକ୍ମନ୍ ଗଣ୍ଡଗଲ୍ ମିସା କରିପାରତ୍ ।”

ଜିସୁକେ ବେଡ଼ନିଆଇ ଟିକନ୍ ଲାଗାଇଲାଇ
(ମାର୍ଚ୍ଚ ୧୪:୩-୯; ଜଅନ୍ ୧୨:୧-୮)

୬ ଜିସୁ ଦିନେକ୍ ବେଡ଼ନିଆଇ, ଆଗେଅନି ବଡ଼ରଗ୍ ଅଇ ରଇବା ସିମନର୍ ଗରେ ରଇଲା । ୭ ସିମନର୍ ଗରେ ସେ କାଇବାକେ ବସି ରଇଲା ବେଲେ, ଏଦେ ଦେକା ! ଗଟେକ୍ ମାଇଜି ଆଲାବାସ୍ତା ନାଉଁର୍ ପାକ୍ନାସଙ୍ଗ୍ ତିଆରକଲା କଣ୍ଡିଡେଇ ବେସି ଦାମର୍ ବାସ୍ନା ଟିକନ୍ ବରୁତି କରି ଆନି ତାର୍ ମୁଣ୍ଡେ ତାଲି ଦେଲା । ୮ ଏଟା ଦେକିକରି ତାର୍ ସିସ୍ମାନ୍ ରିସା ଅଇଗାଲାଇ । ସେମନ୍ ତାକେ ପାଚାରୁଲାଇ, “ଏଡେକପାରା ଟିକନ୍ କାଇକେ ହୁଚାଇ ହୁଚାଇ ତାଲିପାକାଇଲୁସ୍ ? ୯ ଏ ବାସ୍ନା ଟିକନ୍ ବିକ୍ଲେଇ ସରି, ବେସି ତାରୁ ମିଲ୍ତା ଆରି ସେଟା ଗରିବ୍ ଲକ୍ମନ୍କେ ଦାନ୍ ଦେବାର୍ ଅଇତା ।”

୧୦ ସେମନ୍ କାଇଟା ବଲି କଇଲାଇନି, ଏଟା ଜାନିକରି ଜିସୁ କଇଲା, “ତାକେ କାଇକେ ତମେ ଅଇରାନ୍ କଲାସ୍ନି ? ସେ ମର୍ ପାଇ ଗଟେକ୍ ନିକ ଆରି ସୁନ୍ଦର୍ କାମ୍ କଲାଆଟେ ।”

୧୧ “ତମେ ସବୁବେଲେ ଗରିବ୍ ଲକ୍ମନ୍ନର୍ ସଙ୍ଗ୍ ମିସା । ମାତର୍ ମରସଙ୍ଗ୍ ସବୁବେଲେ ରଇ ନାପାରାସ୍ । ୧୨ ସେ ମର୍ ଉପରେ ବାସ୍ନା ଟିକନ୍ ରକଇକରି, ମକେ ସମାଦି ଦେବା ଆଗ୍ରୁ, ତିଆର୍ କରି ଦେଲାଆଟେ । ୧୩ ମୁଇ ତମକେ ସଡ଼କାତା କଇଲିନି, ଗୁଲାଇ ଜଗତେ ଜନ୍ ଜାଗାଇ ମିସା ମାପୁରୁର୍ ନିକ କବର୍ ଜାନାଇଅଇସି, ଏ ମାଇଜି ଜାଇଟା କଲାଆଟେ, ତାକେ ଏତାଇକରି ସେଟା ମିସା କଇବାଇ ।”

ଜିସୁକେ ଦାରାଇଦେବାକେ ଜିଉଦାର୍ ରାଜି
(ମାର୍ଚ୍ଚ ୧୪:୧୦-୧୧; ଲୁକ୍ ୨୨:୩-୬)

୧୪ ଜିସୁର୍ ବାର୍ଟା ସିସ୍ମାନ୍ ବିଡ଼ରେଅନି ଇସକାରିୟର୍ ଜିଉଦା ନାଉଁର୍ ଗଟେକ୍ ସିସ୍ ମୁକ୍ତି ପୁଜାରିମାନର୍ ଲଗେ ଜାଇ ପାଚାରୁଲା । ୧୫ “ଜିସୁକେ ଦାରାଇଦେଲେ ମକେ କାଇଟା ଦେଇସା ?” ସେମନ୍ ତାକେ ଡିରିସ୍ତା ରୁପାଟାକା ଏଜିକରି ଦେଲାଇ । ୧୬ ସେ ଦିନେଅନି ଜିଉଦା ଜିସୁକେ ଦାରାଇ ଦେବାକେ ବେଲା କଜ୍ଡେରଇଲା ।

ନିସ୍ତାର୍ ପରବର୍ ବଜି
(ମାର୍ଚ୍ଚ ୧୪:୧୨-୨୧; ଲୁକ୍ ୨୨:୬-୧୪, ୨୧-୨୩; ଜଅନ୍ ୧୩:୨୧-୩୦)

୧୭ ନିସ୍ତାର୍ ପରବର୍ ପରତୁମ୍ ଦିନେ ସିସ୍ମାନ୍ ଆସି ଜିସୁକେ ପାଚାରୁଲାଇ, “ତମର୍ ପାଇ ଆମେ କଜି ନିସ୍ତାର୍ ପରବର୍ ବଜି ତିଆର୍ କରୁ ?”

୧୮ ଜିସୁ କଇଲା, “ନଅରେ ଜାଇ ସେ ଲକ୍ମକେ କଇସା, ତାର୍ ଦିନକାଲ୍ କେଟି ଆଇଲାନି ବଲି ଗୁରୁ କଇଲା ଆଟେ । ତାର୍ ସିସ୍ମାନ୍ ସଙ୍ଗ୍ ତମର୍ ଗରେ ସେ ନିସ୍ତାର୍ ପରବ୍ ମାନ୍ସି ।”

୧୯ ସିସ୍ମାନ୍, ଜିସୁ କଇଲା ଇସାବେ ନିସ୍ତାର୍ ପରବର୍ ବଜି ତିଆରକଲାଇ ।

୨୦ ସଞ୍ଜ୍ ଅଇଲାକେ ଜିସୁ ଆରି ତାର୍ ବାର୍ଟା ସିସ୍ମାନ୍ କାଇବାର୍ ବସ୍ତଲାଇ । ୨୧ କାଇବା ବେଲେ ଜିସୁ କଇଲା, “ମୁଇ ତମକେ ସଡ଼ କଇଲିନି, ତମର୍ ବିଡ଼ରେଅନି ଗଟେକ୍ ଲକ୍ ମକେ ବିସ୍ବାସେ ବିସ୍ଦେଲା ପାରା କରସି ।”

୨୨ ଏ କାତା ସୁନି ସିସ୍ମାନ୍ କାବା ଅଇଗାଲାଇ । ଆରି ଗଟେକ୍ ଗଟେକ୍ ଲକ୍ ଜିସୁକେ ପାଚାରୁଲାଇ “ମାପୁରୁ ସେ ଲକ୍ ମୁଇ କି ?”

୨୩ ଜିସୁ କଇଲା, “ଜନ୍ ଲକ୍ମକି ମରସଙ୍ଗ୍ ଗିନାତେଇ ରୁଟି ତବାଲ୍ଲା, ସେ ଆକା ।” ସେ ମକେ ବିସ୍ବାସେ ବିସ୍ ଦେଲାପାରା କରସି । ୨୪ ସାସ୍ତରର୍ ଲେକା ଇସାବେ ମୁନ୍ସପିଲା ମୁଇ ମରିଜିବି, ମାତର୍ ଜେ ମକେ ଦାରାଇ ଦେଇସି, ତାର୍ ଦସା କେଡେ ଇନସ୍ତା ଅଇସି ! ସେ ଜନମ୍ ନ ଅଇରଇଲେ ନିକ ଅଇତା ।

୨୫ ବିସ୍ବାସେ ବିସ୍ ଦେଉ ଜିଉଦା ଉଟି ପାଚାରୁଲା, “ଗୁରୁ ତମେ ମକେ ଦେକାଇକରି କୁଆସ୍ନାଇ ତ ?” ଜିସୁ ତାକେ କଇଲା, “ସେଟା ତୁଇସେ କଇଲୁସ୍ନି ।”

ମାପୁରୁ ବଜି
(ମାର୍ଚ୍ଚ ୧୪:୨୨-୨୬; ଲୁକ୍ ୨୨:୧୪-୨୦; ୧ମ କରନ୍ତିୟ ୧୧:୨୩-୨୫)

୬ ୨୭:୨ ୨୭:୬ ଲୁକ୍ ୭:୩୭, ୩୮

୨୬ ସେମନ୍ କାଢ଼ବା ବେଳେ ଜିସୁ ଗଟେକ୍ ରୁଟି ଦାରି ପର୍ଯ୍ୟେସର୍‌କେ ଦନିଅବାଦ୍ ଦେଲା, ଆରି ସେଟା ବାଙ୍ଗାଳ ସିସ୍‌ମନ୍‌କେ ଦେଇ କଇଲା, “ଏଟା ମର୍ ଗାଗଡ୍ । ନିଆ ଆରି କାଆ ।”

୨୭ ତାର୍‌ପଟେ ଅଙ୍ଗ୍‌ରସ୍ ରଇଲା ମୁତା ଦାରି ପର୍ଯ୍ୟେସର୍‌କେ ଦନିଅବାଦ୍ ଦେଲା ଆରି ତାର୍‌ ସିସ୍‌ମନ୍‌କେ କଇଲା, “ତମେ ସବୁ ଲକ୍ ଏ ମୁତାରୁଟା କାଆ । ୨୮ ଏଟା ମର୍ ବନି । ମୁନୁସ୍‌ମନ୍‌ର୍ ପାପ୍‌କେମାର୍ ଲାଗି ମୁଇ ମର୍ ଜନ୍ ବନି ତାଲି ଦେବି ବଲି ଗାଲିନି, ସେଟା ପର୍ଯ୍ୟେସର୍‌ ନୁଆ ନିୟ୍‌ମ୍‌ ଟିକ୍ କରସି । ୨୯ ମୁଇ ତମ୍‌କେ କଇଲିନି, ମର୍ ବାବାର୍ ରାଇଜେ ତମ୍‌ର୍ ସଙ୍ଗ୍ ନୁଆ ଅଙ୍ଗ୍‌ର୍ ରସ୍ କାଢ଼ବା ଜାକ୍ ମୁଇ ଆରି କେବେ ଏ ରସ୍ ନ କାଇ ।”

୩୦ ତାର୍‌ପଟେ ସେମନ୍ ଦନିଅବାଦ୍ ଗିଡ୍ ଗାଇ ଗାଇ କରି ଜିଡ୍‌ନାଉର୍ ପର୍‌ବତେ ଗାଲାଇ ।

ପିତର୍ ନାଜାନି ବଲ୍‌ବା ବିସ୍‌ଜ ଜିସୁ କଇବାଟା
(ମାର୍‌କ ୧୪:୨୭-୩୧; ଲୁକ୍ ୨୨:୩୧-୩୪; ଜଅନ୍ ୧୩:୩୬-୩୮)

୩୧ ସେବେଲେ ଜିସୁ ସେମନ୍‌କେ କଇଲା, “ଆଜି ରାତି ତମେ ସବୁ ଲକ୍ ମକେ ଚାଡ଼ିକରି ଉଟିଜାଇସା । ସାସ୍‌ତର୍ କଇଲାନି, ମୁଇ ମେଣ୍ଟା ଚାରାଉକେ ମରାଇବି ଆରି ମେଣ୍ଟାମନ୍ ଚିନ୍‌ବିନ୍ ଅଇଜିବାଇ । ୩୨ ମାତର୍ ମୁଇ ମରିକରି ଆରି ତର୍ ଉଟ୍‌ଲା ପଟେ, ତମ୍‌ର୍ ଆଗତୁ ଆଗତୁ ଗାଲିଲି ରାଇଜେ ଜିବି ।”

୩୩ ପିତର୍ ଜିସୁକେ କଇଲା, “ତମ୍‌କେ ବିନ୍ ଲକ୍‌ମନ୍ ସବୁ ଚାଡ଼ିକରି ଉଟିଗାଲେ ମିସା ମୁଇ ଚାଡ଼ି ନ ଜାଇ ।”

୩୪ ଜିସୁ ପିତର୍‌କେ କଇଲା, “ମୁଇ ସଡ୍ କଇଲିନି ଆଜି ରାତି କୁକ୍‌ତା ନ ତାକ୍‌ତେ, ତୁଇ ମକେ ତିନ୍ ତର୍ ନାଜାନି ବଲି କଇସୁ ।”

୩୫ ପିତର୍ କଇଲା, “ଜିଦି ମୁଇ ତମ୍‌ର୍ ସଙ୍ଗ୍ ମର୍‌ବାର୍ ରଇଲେ ମିସା, ମୁଇ ତମ୍‌କେ କେବେ ନାଜାନି ବଲି ନ କଇ ।” ବିନ୍ ସିସ୍‌ମନ୍ ମିସା ସେଷ୍ଟାର୍ କଇଲାଇ ।

ଗେଡ୍‌ସିମନି ବାଡେ ଜିସୁର୍ ପାର୍‌ତନା
(ମାର୍‌କ ୧୪:୩୨-୪୨; ଲୁକ୍ ୨୨:୩୯-୪୬)

୩୬ ତାର୍‌ ପଟେ ଜିସୁ ତାର୍‌ ସିସ୍‌ମନ୍‌ର୍ ସଙ୍ଗ୍ ଗେଡ୍‌ସିମନି ନାଉର୍ ଗଟେକ୍ ଜାଗାଇ ଜାଇ ସେମନ୍‌କେ କଇଲା, “ତମେ ଇତି ଚନେକ୍ ବସି ରୁଆ । ମୁଇ ସେ ଲଗେ ଜାଇ ପାର୍‌ତନା କରବି ।” ୩୭ ସେ ପିତର୍‌କେ ଆରି ଜେବଦିର୍ ଦୁଇଟା ପିଲାମନ୍‌କେ ତାର୍‌ ସଙ୍ଗ୍ ଡାକିନେଲା । ସେଡ଼ିକି ବେଲେ ସେ ବେସି ଦୁକ୍ କସ୍‌ଟ ଆରି କିଲ୍‌ବିଲ୍‌ଅଇ, ୩୮ ସେମନ୍‌କେ କଇଲା, “ଦୁକ୍ ଅଇ ମର୍ ଜିବନ୍ ରିଡ଼ିଗାଲା ପାରା ଲାଗ୍‌ଲାନି । ଇତି ତମେ ମକେ ଜାଗିରୁଆ ।”

୩୯ ଜିସୁ ତାକ୍‌ର୍ ଟାନେଅନି କଣ୍ଟେକ୍ ଦୁରିକେ ଜାଇ ବୁର୍‌ ଉମ୍‌ତାଡ଼ିଅଇ ପାର୍‌ତନା କଲା, “ବାବା ଜିଦି ଅଇସି ବଇଲେ ଏ ଦୁକ୍ ପୁରୁନର୍ ମୁତା ମର୍‌ଟାନେଅନି ଦାରି ଜା, ମାତର୍ ମୁଇ ମନ୍ କଲାଟା ନର୍, ତମେ ମନ୍ କଲାଟା ପୁରାପୁରୁନ୍ ଅ ।”

୪୦ ତାର୍‌ପଟେ ସେ ତିନ୍‌ଟା ସିସ୍‌ମନ୍‌ର୍ ଲଗେ ବାଉଡ଼ି ଆସି ଦେକ୍‌ଲା, ସେମନ୍ ସଇଦେଇଆବଡ୍ । ଜିସୁ ପିତର୍‌କେ କଇଲା, “ତମେ ଗଟେକ୍ ଗଟା ମିସା ଜାଗି ନାପାର୍‌ଲାସ୍ ? ୪୧ ଜେନ୍ଟିକି ପରିକାର୍ ବେଲାଇ ନ ଆରିଜିବାକେ, ଜାଗିରଇ ପାର୍‌ତନା କରା । କାଇକେ ବଇଲେ ଆଡ଼୍‌ମା କରବି ବଲି ମନ୍ କଲାନି, ମାତର୍ ଗାଗଡ୍ ନିଟି ବଇଲାନି ।”

୪୨ ଜିସୁ ଆରି ତରେକ୍ ଜାଇ ପାର୍‌ତନା କଲା, “ଏ ମର୍ ବାବା ଜିଦି ଏ ଦୁକ୍‌ର୍ ମୁତା ମର୍‌ଟାନେଅନି ନ ନେଲେ, ମୁଇ ସେଟା କାଢ଼ବାକେ ସେ ପଡ଼ସି । ମାତର୍ ମୁଇ ମନ୍ କଲାଟା ନାଇ, ତମେ ମନ୍ କଲାଟା ପୁରାପୁରୁନ୍ ଅ ।” ୪୩ ସେ ଆରି ତରେକ୍ ବାଉଡ଼ି ଆସି ସିସ୍‌ମନ୍ ସଇରଇଲାଟା ଦେକ୍‌ଲା । ସେମନ୍‌କେ ଗୁନ୍ ଡାବି ଆନ୍‌ଡେ ରଇଲାଜେ ଅକି ଦେକି ନାପାର୍‌ତେ ରଇଲାଇ ।

୪୪ ଏଟାସଙ୍ଗ୍ ତିନ୍‌ତର୍ ଅଇଲା ଜିସୁ ସେମନ୍‌କେ ଚାଡ଼ିକରି କଣ୍ଟେକ୍ ଦୁରିକେ ଜାଇ ସେଷ୍ଟାରି ପାର୍‌ତନା କଲା । ୪୫ ତାର୍‌ ପଟେ ସିସ୍‌ମନ୍‌ର୍ ଲଗେ ଆସି କଇଲା, “ଏବେ ଜାକ ତମେ ସଇଆଟାସ୍ ? ଦେକା ପର୍‌ଯ୍ୟେସର୍‌ ନର୍‌ପିଲା ମୁଇ ପାପିମନ୍‌କେ ସର୍‌ପି ଅଇବା ବେଲା କେଟିଆଟେ । ୪୬ ଉଟା, ଜୁ । ଏଦେ ଦେକା ! ମକେ ଦାରାଇ ଦେବା ଲକ୍ ଆସି କେଟ୍‌ଲାବେ ।”

ଜିସୁକେ ଦାରି ବାନ୍‌ଲାଇ
(ମାର୍‌କ ୧୪:୪୩-୫୦; ଲୁକ୍ ୨୨:୪୭-୫୩; ଜଅନ୍ ୧୮:୩-୧୨)

☆ ୨୬:୩୨ ୨୬:୩୨ ମାଢ଼ିର ୨୮:୧୨

୪୭ ଜିସୁ ତାର ସିସ୍ତମନକେ ଏ କାତା କଇବା ବେଲେ ତାର ବାବୁଟା ସିସ୍ତମନର୍ ବିତ୍ତରେ ଅନି ଜିଉଦା ନାଉଁର୍ ସିସ୍ ଆସି କେଟ୍ଲା । ତାର ସଙ୍ଗ୍ କାତି କାଣ୍ଡା ଆରି ଟେଙ୍ଗ୍ ତାଙ୍ଗ୍ ଦାରି ବେସି ଲକ୍ ଡେଇ ଚୁଲ୍ ଅଇଲାଇ । ସେମନକେ ମୁକିଅ ପୁଜାରିମନ୍ ଆରି ପାର୍ଟିନିମନ୍ ପାଟାଇରଇଲାଇ । ୪୮ ବିସ୍ତବାସେ ବିସ୍ ଦେଉ ଜିଉଦା ସେମନକେ ଜାନାଇ ରଇଲା । ସେ ସେମନକେ କଇରଇଲା ମୁଇ ଜନ୍ ଲକ୍କେ ଚୁମ୍ବି ତାକେ ତମେ କଇଲାସିନି, ତାକେ ଦାରା ।

୪୯ ଜିଉଦା ସଲ୍ଲକେ ଜିସୁରଲଗେ ଜାଇ ତାକେ “ଏ ଗୁରୁ ଜୁଆର୍ !” ବଲିକରି ଚୁମ୍ଲା ।

୫୦ ଜିସୁ ଜିଉଦାକେ କଇଲା, “ମଇତର୍ ତର୍ କାମ୍ ଦାପ୍ତରେ ସାରାଇଦେସ୍ ।” ତାର ପଟେ ସେମନ୍ ଜିସୁକେ ଦାରି ବାନ୍ଦି ପାକାଇଲାଇ ।

୫୧ ଜିସୁର ବାଟର୍ ଗଟେକ୍ ଲକ୍ ତାର ନିଜର୍ କାଣ୍ଡା ବାରକରାଇ ମୁକିଅ ପୁଜାରିର୍ ଗତିଦାଙ୍ଗ୍ତାକେ ମାରୁଲା । ସେ ଲକ୍ତର୍ କାନ୍ଦି ଚିଡି ଗାଲା । ୫୨ ଜିସୁ ତାକେ କଇଲା, “ତର୍ କାଣ୍ଡା ପୁରାଇକରି ସଙ୍ଗ୍ । ଜନ୍ ଲକ୍ତମନ୍ କାଣ୍ଡା ଉଟାଇବାଇ, ସେମନ୍ କାଣ୍ଡାଇସେ ମରବାଇ । ୫୩ ତୁଇ କାଇ ନାଜାନୁସ୍ କି ? ମୁଇ ମର୍ ବାବାକେ ସାଇଜ ମାଙ୍ଗ୍ଲେ, ସେ ମର୍ପାଇ ଦାପ୍ତରେସେ, ବାବୁଟା ଦଲେଅନି ଅଦିକ୍ ସରଗର୍ ବୁଡ୍ତମନକେ ପାଟାଇପାରେ । ୫୪ ମାତର୍ ସେନ୍ତାରି ଆଲେ ଏଟାମନ୍ ସବୁ ଗଟ୍ଟିସି ବଲି ସାସ୍ତରେ ଜାଇ ଜାଇଟା ଲେକା ଅଇଲା ଆଟେ, ସେଟା କେନ୍ଦ୍ରି ପୁରାପୁରୁନ୍ ଅଇସି ?”

୫୫ “ତାର ପଟେ ଜିସୁ ତେଇ ଚୁଲ୍ ଅଇରଇବା ଲକ୍ତମନକେ କଇଲା, “ମୁଇ କାଇ ଗଟେକ୍ ପାଲାଇବା କାଙ୍ଗାରେଟେ ଟେଙ୍ଗ୍ ତାଙ୍ଗ୍ ଆରି କାଣ୍ଡା ଦାରି ମକେ ଦାରବାର ଆସିଆଟାସ୍ ? ମୁଇ ସବୁ ଦିନ୍ ମନ୍ଦିରେ ବସି ସିକିଆ ଦେଇତେ ରଇଲି, ସେବେଲେଟା ମକେ ଦାରାସ୍ ନାଇ ! ୫୬ ଜାଇଟା ଅବେ, ବବିସଡ୍ ବକ୍ତାମନ୍ ସାସ୍ତରେ ଜାଇଟା ଲେକ୍ଲାଇ ଆଟଡ୍, ସେ ସବୁ ସିଦ୍ ଅଇବାକେ ଏଟା ଗଟ୍ଲା ।”

ସେଡ୍ କିବେଲେ ସିସ୍ତମନ୍ ସବୁଲକ୍ ଜିସୁକେ ଚାଡି ପାଲାଇଲାଇ ।

ବଡ୍ ସବାଇ ଜିସୁର୍ ବିଚାରନା

(ମାର୍ଚ୍ଚ ୧୪:୩୫-୬୫; ଲୁକ୍ ୨୨:୪୫-୫୫, ୬୩-୭୧; ଜଅନ୍ ୧୮:୧୩-୧୪, ୧୯-୨୪)

୫୭ ଜିସୁକେ ବନ୍ଦି କରୁମନ୍ ତାକେ ବଡ୍ ପୁଜାରି କାୟାପାର୍ ଗରେ ନେଲାଇ । ସିଡି ଦରମ୍ ଗୁରୁ ଆରି ପାର୍ଟିନିମନ୍ ଚୁଲ୍ ଅଇରଇଲାଇ । ୫୮ ପିତର୍ କଣ୍ଡେକ୍ ଦୁରିକେ ରଇକରି ଜିସୁକେ ଦେକ୍ତେ ରଇଲା । ଆରି ସେ କାୟାପା ଗରର୍ ଡାଣ୍ଡୁଜାକ ଗାଲା । ଏ ସବୁ ଗଟ୍ଟିନା କାଇଟା ଅଇସି ବଲି ସେଟା ଦେକ୍ବାକେ ପିତର୍ ମନ୍ଦିର୍ ଜାଗୁଆଲ୍ ମନର୍ ସଙ୍ଗ୍ ଡେଇ ବସ୍ଲା । ୫୯ ମୁକିଅ ପୁଜାରିମନ୍ ଆରି ବଡ୍ ସବାଇ ରଇଲା ସବୁ ଲକ୍ତମନ୍ ଜିସୁକେ ମରନ୍ ତଣ୍ଡ ଦେବାକେ ତାର ବିରୁଦେ ମିର୍ କାତା କଇବାକେ ଟେସଟା କଲାଇ । ୬୦ କେତେ କେତେ ଲକ୍ତମନ୍ ଜିସୁର୍ ବିରୁଦେ ମିର୍ କାତା କଇଲାଇ । ମାତର୍ ସେନ୍ତାରି କାଇ ବୁଲ୍ କାତା ମିସା ମିଲେ ନାଇ । ପଟେ ବୁଲ୍ଲକ୍ ଉଟିକରି, ୬୧ “ଏ ଲକ୍ ମୁଇ ପର୍ମେସରର୍ ମନ୍ଦିର୍ ବାଙ୍ଗାଇ ଦେଇ, ସେଟା ତିନ୍ ଦିନ୍ ବିତ୍ତରେ ଆରି ତରେକ୍ ଉଟାଇ ଦେଇପାରି ।” ବଲି କଇରଇଲା । ୬୨ ବଡ୍ ପୁଜାରି ଟିଆଅଇକରି ଜିସୁକେ କଇଲା, “ତୁଇ କାଇକେ କାଇଟାବଲି କଉସ୍ ନାଇ ? ଏମନ୍ କଇବା କାତା ଚାପବାକେ ତୁଇ ଆରି କାଇଟା କଇବାର୍ ଆଟେ କି ?” ୬୩ ମାତର୍ ଜିସୁ ଟିମ୍ବରଅଇ ରଇଲା । ବଡ୍ ପୁଜାରି କଇଲା, “ମୁଇ ତମକେ ଜିବନ୍ ରଇବା ପର୍ମେସରର୍ ନାଉଁ ଦାରି ପର୍ମାନ୍ କରାଇ ପାଟାଲିନି, ସଡ୍ କଅ, ତୁଇ କାଇ ପର୍ମେସରର୍ ପିଲା ମସିଅ କି ?”

୬୪ ଜିସୁ କଇଲା, “ତୁଇ ସମାନ୍ କାତା କଇଆରୁସ୍ । ମାତର୍ ମୁଇ ତମକେ ସବୁ ଲକ୍କେ କଇଲିନି, ପର୍ମେସର୍ ପାଟାଇଲା ନର୍ପିଲା ମୁଇ, ଦାପ୍ତରେ ସେ ସବୁର୍ ଉପରର୍ ମାପ୍ତରୁର୍ ଉଜା ବାଟେ ବସ୍ବାକେ ଗାଲିନି, ଆରି ମକେ ତମେ ସର୍ଗେଅନି ବାଦଲ୍ ସଙ୍ଗ୍ ଉଡ୍ରି ଆଇବାଟା ଦେକ୍ସା ।”

୬୫ ଏ କାତା ସୁନି ବଡ୍ ପୁଜାରି ତାର ପିନ୍ଦି ରଇବାଟା ଚିରିପାକାଇ କଇଲା, “ଏଟା ସେ ପର୍ମେସର୍କେ ନିନ୍ଦା କରବାଟା ! ଆରି ବିନ୍ଦି ସାକି ଦରକାର୍ ନାଇ । ତମେ ଏବେସେ ଏ ଲକ୍ ପର୍ମେସର୍କେ ନିନ୍ଦା କରବାଟା ସୁନ୍ଲାସ୍ । ୬୬ ଏ ବିସଇନେଇ କରି ତମେ କାଇଟା ବାବୁଲାସିନି ?”

ସେମନ୍ ସବୁ ଲକ୍ କଇଲାଇ, “ସେ ଦସ୍ କରିଆଟେ, ମରନ୍ ତଣ୍ଡ ପାଇବାର୍ ଦରକାର୍ ଆକା ।”

୬୭ ତାର ପଟେ ସେମନ୍ ଜିସୁର୍ ମୁର୍ଦ୍ଦି ତୁକ୍ଲାଇ ଆରି ମାରୁଲାଇ । କେତେ ଲକ୍ ତାକେ ଚାପଡ୍ ସଙ୍ଗ୍ ମାରି କଇଲାଇ, ୬୮ “ଏ କରିସର୍ ! ବବିସଡ୍ କାତା ଅଲପ୍ କଅ । ତକେ କେ ମାରୁଲା କଇଦେକ୍ ପନି !”

ପିତର ଜିସୁକେ ନାଜାନି ବଲି କଇଲା

(ମାର୍କ ୧୪:୨୭-୨୯; ଲୁକ ୨୨:୫୭-୬୨; ଜଅନ୍ ୧୮:୧୫-୧୮, ୨୫-୨୭)

୨୯ ପିତର ବଡ଼ ପୁଜାରିର ଦୁଆର୍ ମୁଆଟେ ବସି ରଇଲା ବେଲେ ଗଟେକ୍ ବଡ଼ ପୁଜାରିର୍ ପାଇଟିକାରିଆନି ଲଗେ ଆସି କଇଲା, “ତୁଇ ମିଆ ଗାଲିଲିର୍ ଜିସୁର୍ ସଙ୍ଗେ ରଇଲୁସ୍ କାଇକି ?”

୩୦ ମାତର ପିତର ସବୁର୍ ମୁଆଟେ ନାତାଇ କରି ଏ କାତା କଇଲା, “ତୁଇ କାଇ ବଲି କଇଲୁସ୍ନି ମୁଇ ନାଜାନି !”

୩୧ ଏନ୍ତି କଇକରି ପିତର ଦୁଆର୍ ମୁଆର୍ ଲଗେ ଉଟିଗାଲା । ଆରି ଗଟେକ୍ ବିନ୍ ପାଇଟିକାରିଆନି ତାକେ ଦେକି ତେଇ ରଇବା ଲକ୍ମନକେ କଇଲା, “ଏ ନାଜରିତର ଜିସୁର୍ ସଙ୍ଗେ ରଇଲା ।”

୩୨ ପିତର ଆରି ତରେକ୍ କଇଲା, “ମୁଇ ପର୍ମାନ କରି କଇଲିନି, ସେ ଲକ୍ମକେ ନାଜାନି ।”

୩୩ କେତେପର୍ ଗାଲାପତେ ତେଇ ରଇଲା ଲକ୍ମନ ପିତର ଲଗେ ଆସି କଇଲାଇ, “ବାଇଦରେ ତୁଇ ମିଆ ସେମନର୍ ବିଡ଼ରେଅନି ଗଟେକ୍ ଲକ୍ । ତର କାତାବାଟାତାଇଅନି ଏଟା ଜାନା ପଠିଗାଲାନି ।”

୩୪ ପିତର କଇଲା, “ମୁଇ ପର୍ମାନ କରି କଇଲିନି, ମର୍ କାତା ସଡ଼ ଆକା । ନଇଲେ ପର୍ମେସର୍ ମକେ ଡଣ୍ଟ ଦେଅ । ସେ ଲକ୍ମକେ ମୁଇ ନାଜାନି ।” ସେଦାପରେ କୁକ୍ତା ଡାକ୍ଲା ।

୩୫ ଆରି ଜିସୁ ଜନ୍ ଜନ୍ କାତା କଇରଇଲା, କୁକ୍ତା ନ ଡାକ୍ତେ ତୁଇ ମକେ ତିନ୍ ତର ନାଜାନି ବଲି କଇସୁ । ସେ ସବୁ ପିତର ଏତାଇଲା ଆରି ସେ ବାଇରେ ଜାଇ ବେସି ଦୁକ୍ ଅଇ କାନ୍ଦିଲା ।

୨୭

ପିଲାତର ମୁଆଟେ ଜିସୁ

(ମାର୍କ ୧୫:୧; ଲୁକ ୨୩:୧-୨; ଜଅନ୍ ୧୮:୨୮-୩୨)

୧ ତାର ଆରକର୍ ଦିନର୍ ସାକାଲ୍ ସାକାଲ୍ ଜିସୁକେ ମରାଇଦେବାକେ ମୁକିଅ ପୁଜାରିମନ୍ ଆରି ପାର୍ଟିନମନ୍ ରାଜି ଅଇଲାଇ ।

୨ ସେମନ୍ ଜିସୁକେ ସିକଲି ସଙ୍ଗେ ବାନ୍ଦି ରମରାଇଜର୍ ରାଜା ପିଲାତର ଲଗେ ଦାରିଗାଲାଇ ।

ଜିଉଦା ମରନ୍

(ପେରିଡ଼ ୧:୧୮-୧୯)

୩ *ଜେଡେବେଲେ ବିସବାସେ ବିସ୍ ଦେଉ ଜିଉଦା ଜିସୁକେ ମରନ୍ ଡଣ୍ଟ ଆଦେସ୍ ଅଇଲା ଆଟେ ବଲି ସୁନ୍ଲା, ସେ ଦୁକ୍ ଅଇ ଏତାଇଲା ଆରି ମୁକିଅ ପୁଜାରିମନ୍କେ ଆରି ପାର୍ଟିନମନ୍କେ ଡିରିସଟା ରୁପାଟାଙ୍ଗା ବାଉତାଇଦେଇ କଇଲା, “ଗଟେକ୍ କାଇ ଦସ୍ ନ ରଇଲା ଲକ୍ମକେ ମୁଇ ବିସବାସେ ବିସ୍ ଦେଲୋପାରା କରି ବଡ଼ ପାପ୍ କରିଆଟି ।” ସେମନ୍ କଇଲାଇ, “ତେଇ ଆମର୍ କାଇଟା ଆଟେ ? ସେଟା ତର ନିଜର୍ କାତା ।” ୫ ଜିଉଦା ସେମନ୍ ଦେଇରଇବା ରୁପାଟାଙ୍ଗା ମନ୍ଦିର୍ ବିଡ଼ରେ ପିଙ୍ଗେଇ ଉଟିଗାଲା । ତାରପତେ ସେ ଜାଇକରି ଗାଲାଇ ତର ବାନ୍ଦି ଉଡ଼କିଅଇ ମରିଗାଲା ।

୬ ମୁକିଅ ପୁଜାରିମନ୍ ଜିଉଦା ପିଙ୍ଗି ରଇଲା ରୁପାଟାଙ୍ଗାମନ୍ ଚୁଲିଆଇ କଇଲା, “ଏଟା ବନ୍ଦିର୍ ମୁଲିଅ, ଏଟା ମନ୍ଦିରର୍ ଦାନ୍ଦେବା ଜାଗାଇ ସଙ୍ଗଇବାଟା ନିୟମ୍ ବିରୁଦ୍ କାମ୍ ।” ୭ ସେ ତାରୁ କେନ୍ତାରି କର୍ତ୍ତ କରିଅଇସି, ଏ ବିସଇର୍ କାତାବାଟା ଅଇ କୁମାରକେଡ଼ ନାଉର୍ କଣ୍ଟେକ୍ ଜମି ଗେନ୍ଲାଇ । ଏଟା ବିନ୍ ଦେସର୍ ମଲା ଲକ୍ମନର୍ ପାଇ କବର୍ ଦେବା ଜାଗା ଅଇଲା । ୮ ତେବର୍ ପାଇ ଆଜିକେ ଜାକ ସେ ଜାଗାକେ ବନ୍ଦିର୍ ଜାଗାବଲିକରି କଇଲାଇନି । ୯ ଏ ବିସଇ ନେଇକରି ଜିରିମିୟ ବବିସଡ଼ବକ୍ତା ଜେନ୍ତି କଇରଇଲା, ସେଟା ପୁରାପୁରୁନ୍ ଅଇଲା । ଜନ୍ମଟା ଡିରିସ୍ ଟାଙ୍ଗାକେ ବିକ୍‌ବାକେ ଇସରାଇଲର୍ ପିଲାମନ୍ ରାଜି କରିରଇଲାଇ ସେଟା ନେଲାଇ । ୧୦ ଆରି ଡିରିସଟା ଅଦ୍ଲି ତାରୁ ନେଇ ସେମନ୍ କୁମାର କେଡ଼ ଗେନ୍ଲାଇ । ଏଟା କର୍ବାକେ ମକେ ମାପୁରୁ ଆଦେସ୍ ଦେଇରଇଲା ।

ପିଲାଡ଼ ଜିସୁକେ ଆଡୁଆ ତାଡୁଆ ପାଟାରୁଲା

(ମାର୍କ ୧୫:୨-୫; ଲୁକ ୨୩:୩-୫; ଜଅନ୍ ୧୮:୩୩-୩୮)

୧୧ ଜିସୁର୍ ମୁଆଟେ ଦେକି ରମ୍ ରାଇଜର୍ ସାସନ୍‌କାରିଆ ପିଲାତ ପାଟାରୁଲା, “ତୁଇ କାଇ ଜିଉଦି ମନର୍ ରାଜା କି ?” ଜିସୁ ତାକେ କଇଲା, ତୁଇ ସେଟା କଇଲୁସ୍ନି । ୧୨ ମାତର ମୁକିଅ ପୁଜାରିମନ୍ ଆରି ପାର୍ଟିନମନ୍ ଜିସୁର୍ ବିରୁଦେ ଆନିରଇବା ନିନ୍ଦା କାତାର୍ କାଇମିସା ଉତର୍ ଦେଏ ନାଇ ।

* ୨୭:୩ ୨୭:୩ ପେରିଡ଼ ୧:୧୮, ୧୯

୧୩ ତେବେ ପାଇ ପିଲାଟୁ ତାକେ କଇଲା, ତରୁ ବିରୁଦ୍ଧେ ସେମନ୍ ଜାଇ ଜାଇଟା କଇଲାକନି ସେଟା କାଇ ତୁଇ ସୁନି ନାପାରୁଲୁସନି କି ? ୧୪ ମାତରୁ ଜିସୁ ପଦେକ୍ ମିସା କଏନାଇ ଜେ ପିଲାଟୁ କାବାଅଇଗାଲା ।

ଜିସୁକେ ମରନର୍ ତଣ୍ଡ ଦେଲା
(ମାର୍କ ୧୫:୬-୧୫; ଲୁକ୍ ୨୩:୧୩-୨୫; ଜଅନ୍ ୧୮:୩୯;୧୯:୧୬)

୧୫ ନିସ୍ତତାରୁ ପରବ୍ ବେଲେ ରମିୟ ସାସନ୍‌କାରିଆ ଲକ୍‌ମନର୍ ମନ୍ କଲା ଇସାବେ କାକେ ମିସା ଗଟେକ୍ ବନ୍ଦି ଲକ୍‌କେ ବନ୍ଦିଗରେଅନି ମୁକ୍‌ଲାଇଦେବା ରିତିନିତି ରଇଲା । ୧୬ ସେବେଲେ ବାର୍‌ବା ନାଉଁର୍ ଗଟେକ୍ ବଡ଼ ଟାଉଟରିଆ ନରୁମାରୁ ବନ୍ଦି ଅଇରଇଲା । ୧୭ ତେଇ ଆସି ରଇଲା ଲକ୍‌ମନ୍କେ ପିଲାଟୁ ପାଟାରଲା, “ମୁଇ କାକେ ମୁକ୍‌ଲାଇ ଦେବି ବଲି ତମେ ମନ୍ କଲାସନି ? ବାର୍‌ବାକେ କି ଜିସୁକେ, ଜାକେ କିରିସ୍‌ତ ବଲି କଇବାଇ ?” ୧୮ ପିଲାଟୁ, ଜିଉଦି ନେତାମନ୍ ଆକାରୁ ଅଇ ଜିସୁକେ ତାରୁଟାନେ ସର୍‌ପିଦେଇ ଆଟଡ଼ ବଲି ନିକ ସଙ୍ଗ ଜାନିରଇଲା ।

୧୯ ପିଲାଟୁ ବିଚାରୁନା ଜାଗାଇ ବସି ରଇଲାବେଲେ ତାରୁ ମାଇଜି ଗଟେକ୍ କବର୍ କଇଲା, “କାଇ ଦସ୍‌ପାପ୍‌ନ କଲା ସେ ଲକ୍‌କେ କାଇଟା କରା ନାଇ । କାଲି ରାତି ସପ୍‌ନେ ତାରୁ ଲାଗି ମୁଇ ବେସି କସ୍‌ଟ ପାଇଲି ।”

୨୦ ମୁକ୍‌ଅ ପୁଜାରିମନ୍ ଆରି ପାରୁଟିନମନ୍ ବାରୁବାକେ ମୁକ୍‌ଲାଇ ଦେଇକରି, ଜିସୁକେ ମରନ୍ ତଣ୍ଡ ଦେବାକେ ଲକ୍‌ମନ୍କେ ପିଲାଟରୁ ଲଗେ ଜାଇ ଦାବି କରୁବାକେ ଉସ୍‌କାଇଲା । ୨୧ ପିଲାଟୁ ଆରି ତରେକ୍ ଲକ୍‌ମନ୍କେ ପାଟାରଲା, “ମୁଇ ଏ ତୁଇ ଲକ୍‌ରୁ ବିତ୍‌ରେଅନି କାକେ ମୁକ୍‌ଲାଇ ଦେବି ବଲି ତମେ ମନ୍ କଲାସନି ?”

ସେମନ୍ କଇଲାଇ, “ବାରୁବାକେ ”

୨୨ ପିଲାଟୁ ପାଟାରଲା, “ତେବେ ସବୁ ଲକ୍ ମସିଅ ବଲି ଜାନିରଇଲା ଜିସୁକେ ମୁଇ କାଇଟା କରୁବି ?” “ତାକେ କୁରୁସେ ଚଗାଆ” ବଲି ସବୁଲକ୍ ଆଉଲି ଅଇଲାଇ ।

୨୩ ପିଲାଟୁ ପାଟାରଲା, “ମାତରୁ ସେ କାଇ ଦସ୍ କଲା ଆଟେ ?”

ସେମନ୍ ଆରି ଅଦିକ୍ ଆଉଲିଅଇ କଇବାରୁ ଦାରୁଲାଇ “ତାକେ କୁରୁସେ ଚଗାଆ ।”

୨୪ ଜେତେବେଲେ ପିଲାଟୁ ଦେକ୍‌ଲା ଜେ ସେମନ୍କେ ଆରି କାଇଟା କଇକରି ମିସା ଲାବ୍ ନାଇ, ନଇଲେ ଗଣ୍ଡଗଲ୍ ଅଇବାରୁ ଉପରେ ଆଟେ, ସେ ପାନି ଗୁଡିକ୍ ନେଇ, ସବୁ ଲକ୍‌ମନ୍କେ ମୁଆଟେ ଆଡ଼ ଦଇପାକାଇ କଇଲା, “ଏ ଲକ୍‌ରୁ ମରନର୍ ପାଇ ମୁଇ ଦାଇ ନାଇ । ଏଟା ତମିର୍ କାମ୍ ।”

୨୫ ଲକ୍‌ମନ୍ କଇଲାଇ, “ତାରୁ ମରନର୍ ତଣ୍ଡରୁ ଦସ୍ ପାଇବାରୁ ରଇଲେ, ସେ ଦସ୍ ଆମ୍‌କେ ଆରି ଆମ୍‌ରୁ ପିଲାଜିଲାକେ ପଡ଼ ।”

୨୬ ସାରାସାରି ପିଲାଟୁ ବାରୁବାକେ ମୁକ୍‌ଲାଇଦେଇ ଜିସୁକେ କରୁଡ଼ା ସଙ୍ଗ୍ ମାରୁବାକେ ଆଦେସ୍ ଦେଲା, ତାରୁ ପଟେ କୁରୁସେ ମରାଇବା ପାଇ ସନିଅମନ୍କେ ସର୍‌ପି ଦେଲାଇ ।

ସନିଅମନ୍ ଜିସୁକେ କିଜାଇଲା
(ମାର୍କ ୧୫:୧୬-୨୦; ଜଅନ୍ ୧୯:୨-୩)

୨୭ ପିଲାଟରୁ ସନିଅମନ୍ ଜିସୁକେ ରମିୟ ସାସନ୍‌କାରିଆରୁ ଗରେ ଦାରି ଗାଲାଇ ଆରି ତାରୁ ଚାରିବେଟ୍‌ତି ଚିଆଅଇଲାଇ । ୨୮ ସେ ପିନ୍ଦି ରଇବାଟା ବେଟି ନେଇକରି ତାକେ ଗଟେକ୍ ଜାମ୍‌କଲି ରଙ୍ଗୁର୍ ବସ୍‌ତର୍ ପିନ୍ଦାଇ ଦେଲାଇ । ୨୯ କାଟାରୁ ମୁକୁଟ୍ ତିଆର୍ କରି ତାରୁ ମୁଣ୍ଡେ ପିନ୍ଦାଇ ଦେଲାଇ ଆରି ତାରୁ ଉଜା ଆଟେ ଗଟେକ୍ ତାଙ୍ଗ୍ ଦାରାଇ ଦେଲାଇ । ତାରୁ ପଟେ, ତାରୁ ମୁଆଟେ ମାଣ୍ଡିକୁଟା ଦେଇ କିଜାଇକରି କଇଲାଇ, “ଏ ଜିଉଦିମନର୍ ରାଜା ! ବେସି ଦିନ୍ ବଞ୍ଚି ରଅ ।” ୩୦ ସେମନ୍ ଜିସୁର୍ ଉପରେ ତୁକି ପାକାଇଲାଇ ଆରି ସେ ଦାରି ରଇବା ତାଙ୍ଗ୍‌ସଙ୍ଗ୍ ତାରୁ ମୁଣ୍ଡେ ମାରୁଲାଇ । ୩୧ ତାକେ ଏନ୍ତାରି କିଜାଇ ସାରୁଲା ପଟେ ରାଜା ପିନ୍ଦା ବସ୍‌ତର୍ ବେଟିଦେଇ ତାରୁ ନିଜର୍ ବସ୍‌ତର୍ ପିନ୍ଦାଇଦେଲାଇ ଆରି ତେଇଅନି ତାକେ କୁରୁସେ ଚଗାଇବାକେ ଦାରିଗାଲାଇ ।

ଜିସୁକେ କୁରୁସେ ଚଗାଇଲା
(ମାର୍କ ୧୫:୨୧-୩୨; ଲୁକ୍ ୨୩:୨୬-୪୩; ଜଅନ୍ ୧୯:୧୭-୨୭)

୩୨ ସେମନ୍ ଜିବାବାଟେ କୁରିଣି ସଅରର୍ ସିମନ୍ ନାଉଁର୍ ଗଟେକ୍ ଲକ୍‌କେ ବେଟ୍‌ଅଇଲାଇ ଆରି ସନିଅମନ୍ ତାକେ ଜିସୁର୍ କୁରୁସ ବଇ ନେବାକେ ବାଦିଅ କଲାଇ ।

୩୩ ସେମନ୍ ଗଲୁଗତା ନାଉଁର୍ ଗଟେକ ଜାଗାଇ କେଟ୍‌ଲାଇ । ଗଲୁଗତାର୍ ଅରତ୍ ଅଇଲାନି, ମୁଣ୍ଡଗିଗତି ପାରା ରଇବା ଜାଗା । ୩୪ ତେଇ ସେମନ୍ ଜିସୁକେ ପିତା ରଇବା ଅଛୁର୍ ରସ୍ କାଇବାକେ ଦେଲାଇ । ସେଟା ଜିସୁ ଅଲପ୍ ଚାକିକରି ଆରି କାଏନାଇ ।

୩୫ ସେମନ୍ ଜିସୁକେ କୁରସେ ମାରି କରି ସେ ପିନ୍ଦିରଇବା ବସ୍ତର୍ ତାକର୍ ତାକର୍ ବିତ୍‌ରେ କେଟ୍‌ପୁଟାଇ ବାଟାକରି ନେଲାଇ । ୩୬ ତାର୍‌ପଟେ ସେମନ୍ କୁରସେ ଚଗାଇଲା ଜିସୁକେ, ତେଇ ଜାଗି ରଇଲାଇ । ୩୭ ତାର୍ ବିରୁଦେ ଲେକାଅଇରଇବା ଗଟେକ୍ ବରତ୍ ଲେକି ତାର୍ ମୁଣ୍ଡ ଉପ୍‌ରେ, ଜୁଲାଇ ରଇଲାଇ । ସେ ବରତ୍ ଲଗେ ଏକ୍ତି ଲେକାଅଇରଇଲା, ଏ ଅଇଲାନି ଜିଉଦିମନ୍‌ର୍ ରାଜା, ଜିସୁ ।

୩୮ ତାର୍‌ପଟେ ସେମନ୍ ତେଇ ଦୁଇଟା ଚର୍‌ମନ୍‌କେ ଆନ୍‌ଲାଇ । ଗଟେକ୍‌କେ ଜିସୁର୍ ଉଜା ବାଟେ ଆରି ଗଟେକ୍‌କେ ତାର୍ ତେବ୍‌ରି ବାଟେ କୁରସେ ଚଗାଇଲାଇ ।

୩୯ ସେବାଟେ ଜାଇତେ ରଇବା ଲକ୍‌ମନ୍ ମୁଣ୍ଡ ଜୁଲାଇ ଜୁଲାଇ ଜିସୁକେ କିଜାଇ କିଜାଇ କଇଲାଇ, ୪୦ * “ତୁଇସେ କାଇକି ମନ୍ଦିର୍ ବସ୍‌ଲାଇଦେଇ ତିନ୍ ଦିନ୍‌କେ ଆରି ତରେକ୍ ତିଆର୍ କରିଦେଇକେତେ ରଇଲୁସ୍ ? ତୁଇ ଜଦି ପର୍‌ମେସରର୍ ପଅ, ନିଜ୍‌କେ ରକିଆ କର୍ ଆରି କୁରସେଅନି ଉତ୍‌ରି ଆଉ ।”

୪୧ ମୁକିଅ ପୁଜାରି, ଦରମ୍ ଗୁରୁ ଆରି ଜିଉଦି ଜାତିର୍ ପାର୍‌ତିନ୍ ନେତାମନ୍ ମିସା ଜିସୁକେ କିଜାଇକରି କଇଲାଇ, ୪୨ “ସେ ବିନ୍ ଲକ୍‌ମନ୍‌କେ ରକିଆ କରତେ ରଇଲା, ମାତର୍ ନିଜ୍‌କେ ରକିଆ କରିନାପାର୍‌ଲାନି । ସେ ଇସ୍‌ରାଏଲର୍ ରାଜା କାଇକି ? ଏବେ ଜଦି ସେ କୁରସେଅନି ଉତ୍‌ରି ଆସି ପାର୍‌ସି ବଇଲେ ଆମେ ତାକେ ବିସ୍‌ବାସ୍ କର୍‌ବୁ । ୪୩ ସେ ନିଜେ ମୁଇ ପର୍‌ମେସରର୍ ପଅ ବଲି କଇ, ପର୍‌ମେସର୍‌ଟାନେ ଆସା କଲାଆଟେ । ଆଲେ ଦେକୁ ତେବେ, ପର୍‌ମେସର୍ ତାକେ ଏବେ ରକିଆ କର୍‌ବାକେ ମନ୍ କଲାନି କି ନାଇ ।”

୪୪ ଜିସୁର୍ ସକ୍ କୁରସେ ଚଗିରଇବା ଦୁଇଟା ଚର୍‌ମନ୍ ମିସା ତାକେ ସେନ୍ତାରି କିଜାଇଲାଇ ।

ଜିସୁର୍ ମରନ୍
(ମାର୍‌କ ୧୫:୩୩-୪୧; ଲୁକ୍ ୨୩:୪୪-୪୯; ଜଅନ୍ ୧୯:୨୮-୩୦)

୪୫ ସେ ଦିନେ ମୁଣ୍ଡବେଲାଇ ଅନି ଆଡ୍‌ବେଲାଇ ଜାକ ଗୁଲାଇ ଜଗତ୍ ଆନ୍‌ବର୍ ଅଇଗାଲା ଆରି ସେଟା ତିନ୍ ଗନ୍‌ଗାଜାକ ରଇଲା ।

୪୬ ଆଡ୍‌ବେଲାର୍ ତିନ୍‌ଟା ବେଲେ ଜିସୁ ଆକ୍‌ମାରି କଇଲା, “ଏଲି, ଏଲି, ଲାମାସବକ୍‌ତାନି, ବଇଲେ ଏ ମର୍ ପର୍‌ମେସର୍, ଏ ମର୍ ପର୍‌ମେସର୍, ମକେ ତମେ କାଇକେ ଚାଡିଦେଲାସ୍ ?”

୪୭ ଲଗେ ଟିଆ ଅଇରଇବା କେତେ ଲକ୍ ଏଟା ସୁନିକରି କଇଲାଇ, “ସେ ଏଲିୟ୍‌କେ ଡାକ୍‌ଲାନି ।”

୪୮ ଗଟେକ୍ ଲକ୍ ପାଲାଇ ଜାଇ ପିତା ରଇଲା ଆଛୁର୍‌ରସ୍‌ଟାନେ ଗଟେକ୍ ସୁତାର୍ ଗର୍‌ଣ୍ଡା ବୁଡାଇଲା । ଆରି ସେଟା ଲାଗି ଚିପେ ବାନ୍ଦି କାଅ ବଲି ଜିସୁର୍ ମୁଆଟେ ଲାମାଜଦେଲା ।

୪୯ ବିନ୍ ଲକ୍‌ମନ୍ କଇଲାଇ “ଚନେକ୍ ଜାଗା, ତାକେ ଏଲିୟ୍ ରକିଆ କରବାକେ ଆଇଲାନି କି ନାଇ ଦେକିଦେକୁ ।” ୫୦ ଜିସୁ ଆରି ତରେକ୍ ଆକ୍‌ମାରିକରି, ସାରାସାରି ଜିବନ୍ ଚାଡିଗାଲା ।

୫୧ ସେଡ୍‌କି ବେଲେ ମନ୍ଦିରେ ଜୁଲୁତେ ରଇବା ପାର୍‌ଦା ଉପ୍‌ରେଅନି ତଲେ ଜାକ ଦୁଇ ଗନ୍‌ଅଇ ଚିରିଅଇଗାଲା । ଦର୍‌ତନି ଚୁଲୁବୁଲି ପାକ୍‌ନାମନ୍ ସବୁ ପୁଟିଗାଲା ୫୨ ଆରି କବର୍ ଦେଇରଇବା କାଲ୍‌ମନ୍ ଉଗାଡିଅଇ କେତେକ୍ କେତେକ୍ ପର୍‌ମେସରର୍ ଦରମ୍ ଲକ୍‌ମନ୍ ଆରିତରେକ୍ ଜିବନ୍ ଅଇ ଉର୍‌ଲାଇ । ୫୩ ସେମନ୍ କବର୍ ଦେଇରଇବା କାଲେଅନି ଉଟି ଆଇଲାଇ । ଜିସୁ ଆରିତରେକ୍ ଉର୍‌ଲା ପଟେ ଲକ୍‌ମନ୍, ଏମନ୍‌କେ ସୁକଲ୍ ଜାଗା ଜିରୁସାଲମେ ଜିବାଟା ଦେକ୍‌ଲାଇ ।

୫୪ ଦର୍‌ତନି ଚୁଲୁବୁଲି ବିନ୍ ବିନ୍ ଗର୍‌ନା ଅଇବାଟା ଦେକି, ଜିସୁକେ ଜାଗିରଇବା ସନିଅମନ୍ ମୁକିଅ ଆରି ବିନ୍ ସନିଅମନ୍ ଡରିଗାଲା । ସେମନ୍ କଇଲାଇ, “ସତଇସେ ଏ ନିଜେ ପର୍‌ମେସରର୍ ପଅ ଆକା !”

୫୫ *ଗାଲିଲିଅନି ଜିସୁର୍ ସକ୍ ରଇକରି ତାକେ ସାଇଜ କରିରଇବା କେତେଟା ମାଇଜି ଦୁରିକେ ରଇକରି ଏଟା ସବୁ ଦେକ୍‌କେତେ ରଇଲାଇ । ୫୬ ସେମନ୍‌ର୍ ବିତ୍‌ରେ ମଗ୍‌ଦଲିନି ମରିୟ୍‌ମ୍, ଜାକୁବ୍ ଆରି ଜସେପର୍ ମାଆ ମରିୟ୍‌ମ୍ ଆରି ଜେବଦିର୍ ମାଇଜି ରଇଲାଇ ।

ଜିସୁକେ କବର୍ ଦେଲାଇ
(ମାର୍‌କ ୧୫:୪୨-୪୬; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨)

* ୨୨:୪୦ ୨୭:୪୦ ମାତ୍ରିତ ୨୭:୨୧; ଜଅନ୍ ୨:୧୯ * ୨୨:୫୫ ୨୭:୫୫ ଲୁକ୍ ୮:୨,୩

^{୫୭} ସଞ୍ଜବେଳାଇ ଆରାମାତିଆ ସଥରର୍ ଜସେପ୍ ନାଉଁର୍ ଗଟେକ୍ ସାଉକାର୍ ଆସି କେଟ୍ଲା । ସେ ମିସା ଗଟେକ୍ ସିସ୍ ରଇଲା । ^{୫୮} ସେ ପିଲାଟୁକେ ବେଟ୍ଅଇକରି ଜିସୁର୍ ମଲାମତ୍ ଦାରିଜିବାକେ ଗୁଆରି କଲା । ଜସେପ୍ ଗୁଆରଲାକେ ପିଲାଟ୍ ମତ୍ ନେବାକେ ଆଦେସ୍ ଦେଲା । ^{୫୯} ସେ ଜିସୁର୍ ଗାଗଡ୍ ଦାରିଗାଲା ଆରି ଗଟେକ୍ ନୁଆ ବାଦର୍ ଗର୍ଣ୍ଣାଇ ଗୁଡିଆଇ ଦେଲା । ^{୬୦} ପାକ୍ନାଇ ତାକର୍ ନିଜର୍ ପାଇ କୁନି ରଇବା ଗଟେକ୍ ନୁଆ କବର୍ ଦେବା ପାଆରେ ସେଟା ନେଇ ସଙ୍ଗଇଲା ଆରି ସେ ପାଆର୍ ମୁଆଟେ ଗଟେକ୍ ବଡ଼ଟା ଚାଟତା ପାକ୍ନା ଡାବିଦେଇ ଉଟିଗାଲା । ^{୬୧} ମଗ୍ଦଲିନି ମରିୟ୍ମ୍ ଆରି ବିନ୍ ମରିୟ୍ମ୍ ଜିସୁକେ କବର୍ ଦେଲା ପାଆର୍ ମୁଆଟେ ବସି ରଇଲାଇ ।

ମସନ୍ ଜାଗୁଆଲ୍‌ମନ୍

^{୬୨} ତାର୍ ଆଡ଼କର୍ ଦିନର୍ ବିସ୍ଵରାମବାରେ ମୁକିଅ ପୁଜାରିମନ୍ ଆରି ପାରୁସିମନ୍ ପିଲାଟୁକେ ବେଟ୍ଅଇ କଇଲାଇ, ^{୬୩} “ଆଗିଆଁ, ସେ ବେସି ମିଟୁଆଟା । ବଠିରଇଲାବେଳେ ‘ମୁଇ ତିନ୍ ଦିନ୍ ପଟେ ଆରିତରେକ୍ ଉଟ୍ଟି’ ବଲି କଇତେ ରଇଲା । ଏଟା ଆମର୍ ମନେ ଆଟେ । ^{୬୪} ତେବର୍ ପାଇ ତିନ୍ ଦିନ୍ ଜାକ ତାକେ କବର୍ ଦେଲାଟାନେ ଜାଗୁଆଲ୍ ଦାଉବାକେ ଆଦେସ୍ ଦିଆସ୍ । ସେକ୍ରି କଲେ ତାର୍ ସିସ୍ମନ୍ ତାର୍ ଗାଗଡ୍ ଚରାଇନେଇ ସେ ଜିବନ୍ ଅଇକରି ମଲାଡେଇଅନି ଉଟ୍ଟିଲା ବଲି କଇନାପାରତ୍ ।” ସେମନ୍-ଏନ୍ତାରି ମିଟ୍ କାତା ଜାନାଇବାଟା ସବୁଟାଟାନେଅନି ଅଦିକ୍ କେତି ଅଇସି ।

^{୬୫} ପିଲାଟ୍ କଇଲା, “ଗଟେକ୍ ଦଲ୍ ଜାଗୁଆଲ୍‌ମନ୍‌କେ ନିଆ ଆରି ତାକେ କବର୍ ଦେଲାଟାନେ କାଇଟା ନ ପୁରଲା ପାରା ଜାଗାଆ ।”

^{୬୬} ସେମନ୍ ଜାଇକରି ଜିସୁକେ କବର୍ ଦେଲାଟାନେ ଜାଗୁବାକେ ସନିଅମନ୍ ଟିକ୍ କଲାଇ । କବର୍ ମୁଆଟେ ଡାବି ରଇବା ପାକ୍ନା ଉପରେ ସିଲ୍‌ମାରି ଜାଗୁଆଲ୍‌ମନ୍‌କେ ଜାଗାଇଲାଇ ।

୨୮

ଜିସୁ ମରିକରି ଆରିତରେକ୍ ଉଟ୍ଟିବାଟା

(ମାର୍ଚ୍ଚକ ୧୬:୧-୧୦; ଜୁକ୍ ୨୪:୧-୧୨; ଜଅନ୍ ୨୦:୧-୧୦)

^୧ ବିସ୍ଵରାମବାରର୍ ଆଡ଼କର୍ ଦିନେ, ରଇବାଟ୍ ସାକାଲେ ମଗ୍ଦଲିନି ମରିୟ୍ମ୍ ଆରି ବିନ୍ ମରିୟ୍ମ୍ ଜିସୁକେ ସଙ୍ଗଇରଇବା କବର୍ ଦେକ୍‌ବାର୍ ଗାଲାଇ । ^୨ ସେଡ଼କିବେଲେ ଅଟାଟ୍ ଦର୍ତ୍ତନି ତୁଲ୍‌ବୁଲିଗାଲା । ଏଦେ ଦେକା ! ମାପରୁର୍ ଗଟେକ୍ ସରଗ୍ ଦୁଡ୍ ଉଡ଼ରି ଆସି, କବର୍ ମୁଆଟେ ଡାବିରଇଲା ପାକ୍ନା ତୁଲ୍‌ଗୁଡାଇଦେଇ ତାର୍ ଉପରେ ବସି ରଇଲା । ^୩ ତାର୍ ଗୁଲାଇ ଗାଗଡ୍ ବିଜ୍ଜିଲି ପାରା ଜଟକ୍‌ତେରଇଲା ଆରି ସେ ପିନ୍‌ରଇବାଟା ବରପ୍ ପାରା ଡିଟ୍ ଦବ୍ ରଇଲା । ^୪ ଜାଗୁଆଲ୍‌ମନ୍ ଦୁଡ଼କେ ଦେକି ଡରି ତଡ଼ଡ଼ରି ଗାଲାଇ ଆରି ମଲା ଲକର୍‌ପାରା ଅଇଗାଲାଇ । ^୫ ସରଗର୍ ଦୁଡ୍ ମାଇଜିମନ୍‌କେ କଇଲା, “ଡରା ନାଇ । ମୁଇ ଜାନି, ତମେ କୁରସେ ମରିରଇବା ଜିସୁକେ ଦେକ୍‌ବାର୍ ଆସିଆଟାସ୍ । ^୬ ସେ ଇତି ନାଇ । ସେ କଇଲା ଇସାବେ ଆରି ତରେକ୍ ଉଟି ଆଟେ । ଆସି ଦେକା, ଇତି ତାର୍ ମଲା ଗାଗଡ୍ ସଙ୍ଗଇରଇଲାଇ ।”

^୭ “ତମେ ଦାପ୍ରେ ଜାଇ ତାର୍ ସିସ୍ମନ୍‌କେ କୁଆ, ସେ ଆରି ତରେକ୍ ଜିବନ୍ ଅଇଆଟେ ଆରି ତମର୍ ଆଗେ ଆଗେ ଗାଲିଲି ଗାଲା ଆଟେ । ତମେ ତେଇ ତାକେ ଦେକ୍‌ସା । ମୁଇ ଜାଇଟା କଇଲି ମନେ ରକିରୁଆ ।”

^୮ ଏ କାତାସୁନି ସେମନ୍ ଦାପ୍ରେ କବର୍‌ଦେଲା ଟାନେଅନି ସିସ୍ମନ୍‌ର ଲଗେ ପାଲାଇଲାଇ । ତରିକରି ରଇଲେ ମିସା, ତାକର୍ ମନେ ବେସି ସାର୍‌ଦା ଜାନିପାର୍‌ତେ ରଇଲାଇ ।

^୯ ସେଦାପ୍ରେ ଜିସୁ ସେମନ୍‌କେ ବେଟ୍ଅଇ କଇଲା, “ତମ୍‌କେ ସାକ୍ରି ମିଲ !” ସେମନ୍ ଜିସୁର୍ ଲଗେ ଜାଇ ତାର୍ ପାଦ୍ ଦାରି କୁଆର୍ କଲାଇ । ^{୧୦} ଜିସୁ ସେମନ୍‌କେ କଇଲା, “ଡରା ନାଇ । ମର୍ ବାଇମନ୍‌କେ କୁଆ, ସେମନ୍ ଗାଲିଲି ଆସତ୍ । ତେଇ ସେମନ୍ ମକେ ଦେକ୍‌ବାଇ ।”

ଜାଗୁଆଲ୍‌ମନ୍ ଜାନାଇବାଟା

^{୧୧} ମାଇଜିମନ୍ ତେଇଅନି ଇଣ୍ଡିଜାଇତେ ରଇଲାଇ । ଜିବାବେଲେ ଜିସୁକେ କବର୍ ଦେଇ ରଇବାଟାନେ ଜାଗି ରଇଲା କେତେଟା ସନିଅମନ୍ ନଅରେ ବାଉଡି ଗାଲାଇ । ଜାଇକରି ମୁକିଅ ପୁଜାରିମନ୍‌କେ ଏ ସବୁ ଅଇଲାଟା ଜାନାଇଲାଇ । ^{୧୨} ମୁକିଅ ପୁଜାରିମନ୍ ପାର୍‌ତିନିମନ୍‌ର ସଙ୍ଗ ମିସି କୁଟ୍ ପାଁର୍‌ଲାଇ । ସେମନ୍ ସନିଅମନ୍‌କେ ବେସି ଡାବୁ ଲାଁଡ଼ିଦେଇ କଇଲାଇ, ^{୧୩} ତମେ କୁଆ “ଆମେ ରାତିଆ ସଇଦେଇ ରଇଲା ବେଲେ ତାର୍ ସିସ୍ମନ୍ ଆସି ତାର୍ ମଲା ଗାଗଡ୍ ଚରାଇ ଦାରିଗାଲାଇ । ^{୧୪} ଜିଦି ସାସନ୍‌କାରିଆ ଏ କାତା

* ୨୭:୨୩ ୨୭:୩୩ ମାତ୍ରିକ ୧୬:୨୧; ୧୭:୨୩; ୨୦:୧୯; ମାର୍ଚ୍ଚକ ୮:୩୧; ୯:୩୧; ୧୦:୩୩, ୩୪; ଜୁକ୍ ୯:୨୨; ୧୮:୩୧-୩୩

ନ ସୁନ୍ଦରୀ, ବଇଲେ ତମର ଦସ୍ ନାଇ ବଲି ଆମେ ବୁଜାଇ ଦେବୁ । ଏ ବିସଇନେଇ ତମେ ଦାନ୍ଦା ଉଆନାଇ ।”

^{୧୫} ସନିଅମନ୍ ତାରୁ ନେଇକରି, ସେମନ୍‌କେ କଇରଇଲା ଇସାବେ କାମ୍ କଲାଇ । ସେମନ୍ ସେବେଲେ ଜେନ୍ତ୍ର କଇରଇଲାଇ, ଜିଉଦିମନ୍ ଆଜିକେ ଜାକ ସେ କାତା ଜାନାଇଲାଇନି ।

ଜିସୁ ସିସମନ୍‌କେ ଦେକାଇ ଅଇଲା ।

(ମାର୍କ ୧୭:୧୪-୧୮; ଲୁକ ୨୪:୩୬-୩୯; ଜଅନ୍ ୨୦:୧୯-୨୩; ପେରିଡ୍ ୧:୬-୮)

^{୧୬} ଜିସୁ କଇବା ଇସାବେ ତାର୍ ଏଗାରଟା ସିସମନ୍ ଗାଲିଲିର୍ ଗଟେକ୍ ଡଙ୍ଗର୍ ଉପରେ ଗାଲାଇ ।

^{୧୭} ଜିସୁକେ ଡଙ୍ଗର୍ ଉପରେ ଦେକି ସେମନ୍ ତାକେ ଜୁଆର୍ କଲାଇ । କେତେ ଲକ୍ ବିସବାସ୍ କରଡ୍ ନାଇ ।

^{୧୮} ଜିସୁ ସେମନ୍‌ର ଲଗେ ଜାଇ କଇଲା, “ସରଗ୍ ଆରି ମଡ୍‌ପୁରର୍ ସବୁ ଅଦିକାର୍ ମକେ ଦିଆଅଇଲା ଆରେ ।”

^{୧୯} ତେବେ ତମେ ଦେସମନ୍‌କେ ରଇବା ସବୁ ବାସାର୍ ଲକ୍‌ମନ୍‌ର ଲଗେ ଜାଇ, ସେମନ୍‌କେ ମର୍ ସିସ୍ କରାଆ । ବାବା, ପଅ ଆରି ସୁକଲ୍ ଆଡ଼ମାର୍ ନାଉଦାରି ସେମନ୍‌କେ ହୁବନ୍ ଦିଆସ୍ ।

^{୨୦} ଆରି ମୁଇ ଜନ୍ ସବୁ ସିକିଆ ଦେଇଆରି, ସେଟା ମାନା ବଲି ସିକାଆ । ଆରି ମନେ ରଅ, କାଲ୍ କାଲ୍ ଜୁଗ୍ ଜୁଗ୍ ମୁଇ ସବୁବେଲେ ତମର୍ ସଙ୍ଗ୍ ରଇବି ।”

ଯୀଶୁଖ୍ରୀଷ୍ଟଙ୍କ ବିଷୟରେ ମାର୍କ ଲେଖିଥିବା ସୁସମାଚାର ଜିସୁକିରିସ୍ଟର ବିଷୟରେ ମାର୍କ ଲେଖିଲା ନିମାନ୍ କବର୍ ଏ ବଇ ବିଷୟରେ ଜାନ୍‌ବାଟା

ଜିସୁ ମାପୁରୁର୍ ଜିବନ୍ ବିସଇର୍ ଟିକି ନିକି କାତା କରିରଇବା ନୁଆ ନିୟମର୍ ଚାରିଟା ବଇ ବିତ୍‌ରେଅନି ମାର୍କ ଲେକିରଇବା ସୁବ୍‌କବର୍ ଅଇଲାନି ଗଟେକ୍ । ସେ ଚାର୍‌ଟା ବଇକେ ସୁସମାଚାର୍ ବଲି କଇବାଇ । ଜନ୍‌ଟାର୍ ଅରଡ୍ କି “ସୁବ୍‌କବର୍ ।” ସେଟା ସବୁ ଜିସୁର୍ ମରନ୍ ପଟେ ମାଡିଉ, ମାର୍କ, ଲୁକ୍ ଆରି ଜଅନର୍ ଲାଗି ଲେକା ଅଇଲା ଆଟେ । ଚାରିଟା ସୁବ୍‌କବର୍ ବିତ୍‌ରେଅନି ମାର୍କ ଲେକିରଇବା ସୁବ୍‌କବର୍ ଅଇଲାନି ସବୁଟାଗେନେଅନି ସାନ୍‌ଟା । ଏଟାକେ ଏନ୍ତି ମିସା ବିସ୍‌ବାସ୍ କର୍‌ବାଇ ଜେ ଏଟା ସୁବ୍‌କବର୍‌ମାନର୍ ବିତ୍‌ରେ ଅନି ସବୁର୍ ଆଗୁଡୁ କିରିସ୍‌ଟାଦ ୬୫-୭୦ ବିତ୍‌ରେ ଲେକାଅଇଲା । କେଟେକ୍ ବାଇବଲ୍ ପଣ୍ଡିତ୍‌ମନ୍ ବିସ୍‌ବାସ୍ କର୍‌ବାଇ ଜେ ରମ୍ ଦେସେ ରଇବା କିରସ୍‌ତାନି ମନ୍‌କେ ସାର୍‌ଦା କରାଇବାପାଇ ବଲି ରମ୍‌ଦେସେ ଏଟା ଲେକାଅଇଲାଆଟେ । ମାର୍କ, ଜେ କି ଜଅନ୍ ମାର୍କ ବଲି ଜାନିରଇଲାଇ । ସେ ପାଉଲ୍ ଆରି ବର୍‌ନବାସର୍ ସଙ୍ଗି ରଇଲା, ମାତର୍ ଜେତେବେଲେ ସେ ସେମନ୍‌କେ ମାପୁରୁର୍ ସେବା କାମର୍ ଲାଗି ଜିବାକେ ଚାଡି ଆଇଲା, ସେତେବେଲେ ସେମନ୍‌ ନାଉଁ ବଡି ବଡି ଆଇଲାବେଲେ, ଦୁକର୍ ବେଲା କେଟ୍‌ଲା ପେରିଡ୍ ୧୩:୧୩ କେଟେ ବରସ୍ ଗାଲାପଟେ ମାର୍କ ଆରିତରେକ୍ ବର୍‌ନବାସର୍ ସଙ୍ଗି ଜିବାକେ ଆରାମ୍ କଲାଇ ପେରିଡ୍ ୧୫:୩୭-୩୯ । ମାର୍କ ମିସା ପିତରର୍ ଗଟେକ୍ ନିଜର୍ ମଇତର୍ ପାରା ବଲି ଜାନିରଇଲାଇ ୧ ମ ପିତର୍ ୫:୧୩ । ମାର୍କ ଜିସୁର୍ ଜିବନେ ଅଇରଇବା ସବୁ ବିସଇର୍ ସାକି ନ ରଇଲେ ମିସା, ପଣ୍ଡିତ୍‌ମନ୍ ତାକେ ବିସ୍‌ବାସ୍ କର୍‌ବାଇ । ସେ ପିତର୍ ସାକିଦେଇରଇବା ବିସଇ ନିଜର୍ ସୁବ୍‌କବର୍ ତେଇ ଲେକିଆଟେ । ମାର୍କ ସିସ୍‌ଅଇଲାଟା ଆରି ସାରାସାରି ବେଲେ ଅଇରଇଲା କାତା ଜିସୁର୍ ସିକିଆ ତେଇ ଜାନାଇଲାଆଟେ । ଏ ମାର୍କ ବଇଟାଗେନେ ଜିସୁ କିରିସ୍‌ଟେ ଗଟେକ୍ ଦରମ୍ ଟାକର୍ ଆରି ପର୍‌ମେସର୍ ଜଜ୍‌ନା କଲାଟା ପୁରାପୁରୁନ୍ କର୍‌ବାକେ, ସବୁବେଲେ ତିଆର୍ ଅଇରଇବା ଆଲାଦର୍ ପିଲାପାରା ଜାନାଇଆଟେ । ସେଟାର୍‌ପାଇ ମାର୍କ ଜିସୁ କରିରଇବା କାବାଅଇଜିବା କାମର୍ ବିସଇ ଅଦିକ୍ ଲେକିଲା । ସାରାସାରି ସେ ଗୁଲାଇ ଜଗତେ ମାପୁରୁର୍ କାତା ସୁନାଇବା ଗଟେକ୍ ମଆନ୍ ଆଦେସ୍ ସଙ୍ଗି ଏ ସୁବ୍‌କବର୍‌ର୍ ଲେକା ତେବାଇଆଟେ ।

ବିତ୍‌ରେ ରଇବାଟା

- ୧. ତୁବନ୍ ଦେଉ ଜଅନ୍ ଆରି ଜିସୁର୍ ତୁବନ୍ । ୧:୧-୧୩
- ୨. ଗାଲିଲିତେଇ ଜିସୁର୍ ସେବାକାମ୍ । ୧:୧୪:୯:୫୦
- ୩. ଜିସୁ ଜିରୁସାଲାମ୍ ଜିବାଟା ଆରି ପାର୍‌ତନା ଗରେ ପୁର୍‌ବାଟା । ୧୦:୧:୧୨:୪୪
- ୪. ପର୍‌କେ ଗର୍‌ବା ବିସଇ ଜାନାଇବାଟା । ୧୩:୩୧-୩୭
- ୫. ଜିସୁର୍ ମରନ୍ ଆରିତରେକ୍ ଉର୍‌ବାଟା ଆରି ମୁକିଅ ଆଦେସ୍ । ୧୪:୧-୧୭:୨୦

ତୁବନ୍ ଦେଉ ଜଅନର୍ ପର୍‌ଟାର୍
(ମାଡିଉ ୩:୧-୧୨; ଲୁକ୍ ୩:୧-୧୮; ଜଅନ୍ ୧:୧୯-୨୮)

୧ ଏଟା ଅଇଲାନି ପର୍‌ମେସର୍‌ର୍ ପଅ ଜିସୁ କିରିସ୍‌ଟର୍ ନିମାନ୍ କବର୍‌ର୍ ଆରାମ୍ ।^୨ ଏଟା ଏନ୍ତାରି ଆରାମ୍ ଅଇଲା । ଜିସାୟ୍ ବବିସ୍‌ଡ୍‌ବକ୍‌ଡାର୍ ସାସ୍‌ତରେ ଜେନ୍ତାର୍ ଲେକାଅଇଲା ଆଟେ, ପର୍‌ମେସର୍ କଇଲା, ଦେକା ମୁଇ ମର୍ କବର୍ ଜାନାଉକେ ତମର୍ ଆଗେ ପାଟାଇଲିନି, ସେ ତମର୍ ବାଟ୍ ତିଆର୍ କର୍‌ସି ।
^୩ ତାର୍ ସର୍ ମରୁବାଲି ବୁର୍‌ଏ ଆଉଲିଅଇକରି ସୁନାଇଲାନି ମାପୁରୁର୍ ବାଟ୍ ତିଆର୍ କରା, ତାର୍‌ପାଇ ବାଟ୍ ସଲ୍‌କାଆ ।

^୪ ତାର୍‌ପଟେ ଏ ସବୁ କାତା ପୁରାପୁରୁନ୍ ଅଇଲା, ଜେତେବେଲେ, ତୁବନ୍ ଦେଉ ଜଅନ୍ ମରୁବାଲିବୁର୍‌ଏ ଆସି ପାପ୍ କେମାର୍ ଲାଗି ବଲି ପାପ୍‌ଟାଗେନେଅନି ବାଉଡାଇବା ବିସଇ କଇବାର୍ ଦାରୁଲା । “ତମର୍ ପାପ୍ କେମା ଅଇବାକେ ପାପ୍‌ଟାଗେନେ ମନ୍ ବାଦ୍‌ଲାଇ ତୁବନ୍ ନିଆ । ପର୍‌ମେସର୍ ତମର୍ ପାପ୍ କେମା କର୍‌ସି ।”
^୫ ସେଡ୍‌କିବେଲେ ଜିଉଦାଦେସର୍ କେଟେକ୍ ଲକ୍ ଆରି ଜିରୁସାଲାମ୍ ରାଇଜର୍ ସବୁ ଲକ୍‌ମନ୍ ବାରଇକରି

୨୮ ସେତୁକିବେଳେ ଜିସୁର କାତା ଗାଲିଲିର୍ ଚାରିବେତୁଡିର୍ ଗାଉଁମନ୍କେ କେଟିଗାଲା ।

ଜିସୁ ବେସି ଲକ୍‌ମନ୍କେ ନିକ କଲା
(ମାତିଉ ୮:୧୪,୧୭; ଲୁକ୍ ୪:୩୮-୪୧)

୨୯ ତାର୍ ପଚେ ଜିସୁ ଆରି ତାର୍ ସିସମନ୍ ପାଉତନା ଗରେ ଅନି ବାରଇ ଜାକୁବ୍ ଆରି ଜଅନର୍ ସଙ୍ଗ୍ ସିମନ୍ ଆରି ଆନ୍‌ରିୟର୍ ଗରେ ଗାଲାଇ । ୩୦ ତେଇ ରଇଲା ଲକ୍‌ମନ୍ ସିମନର୍ ସାତୁରି ଜରକେ ସଇରଇଲା ବିସଇ ଜିସୁକେ କଇଲାଇ । ୩୧ ସେଟାର୍‌ପାଇ ଜିସୁ ଜାଇ ସିମନର୍ ସାତୁରିର୍ ଆତେ ଦାରି ଉଟାଇଲା, ସେଦାପରେ ତାର୍ ଜର୍ ଚାଡିଗାଲା, ଆରି ସେ ଜାଇ ସେମନ୍କେ ସେବା କର୍‌ବାର୍ ଦାରଲା ।

୩୨ ସଞ୍ଜ ବେଲାଇ ବେଲ୍ ବୁଡିଗାଲା ପଚେ, ଲକ୍‌ମନ୍ ଜରର୍ ଲକ୍‌ମନ୍କେ ଆରି ତୁମାଦାରି ରଇବା ସବୁଲକ୍‌ମନ୍କେ ଜିସୁର୍ ଲଗେ ଆନ୍‌ବାର୍ ଦାରଲାଇ, ୩୩ ଆରି ଗାଉଁର୍ ଲକ୍‌ମନ୍ ସେ ଗରର୍ ଦୁଆରେ ରୁଣ୍ଡିଲାଇ । ୩୪ ସେତୁକିବେଳେ ସେ ବିନ୍ ବିନ୍ ରକାମର୍ ରଗ୍ ଅଇରଇବା ଜବର୍ ରଗି ଲକ୍‌ମନ୍କେ ନିମନ୍ କଲା ଆରି ଜବର୍ ତୁମାମନ୍କେ ଚାଡାଇଲା, ମାତର୍ ସେ ତୁମାମନ୍କେ କାତା କଇବାକେ ଦେଏନାଇ । କାଇକେବଇଲେ ତୁମାମନ୍ ଜିସୁ ପର୍‌ମେସରର୍ ଟାନେଅନି ଆଇଲାଆଚେ ବଲିକରି ଜାନି ରଇଲାଇ ।

ଜିସୁ ଗାଲିଲି ରାଇଜେ ମାପୁରୁର୍ କାତା ସୁନାଇଲା
(ଲୁକ୍ ୪:୪୨-୪୪)

୩୫ ଆରକର୍ ସାକାଲେ କୁକଡା ଡାକ୍ ବେଲାଇ ଜିସୁ ଉଟି ଗରେଅନି ବାରଇ ଜାଇ ଗଟେକ୍ କିନରା ରଇବା ଚିମରା ଜାଗାଇ, ଜାଇ ପାଉତନା କର୍‌ବାର୍ ଦାରଲା । ୩୬ ସେତୁକିବେଳେ ସିମନ୍ ଆରି ତାର୍ ସଙ୍ଗ୍‌ରଲକ୍ ତାକେ କଜ୍‌ବାର୍ ଗାଲାଇ, ୩୭ ଜେଡେବଲ୍ ସେମନ୍ ଜିସୁକେ ବେଟ୍ ଅଇଲାଇ, ଆରି କାବାଅଇ ତାକେ କଇଲାଇ, “ସବୁ ଲକ୍ ତମକେ କଜ୍‌ଲାଇନି ।”

୩୮ ସେତୁକିବେଳେ ଜିସୁ ସେମନ୍କେ କଇଲା, “ଆସା, ଆମେ ରଇବା ବିନ୍ ବିନ୍ ଗାଉଁମନ୍କେ ଜୁ, କାଇକେବଇଲେ ସେ ଜାଗାମନ୍କେ ମିସା ମୁଇ ପର୍‌ମେସରର୍ କାତା କଇବି । କାଇକେବଇଲେ ସେଟାର୍‌ପାଇସେ ମୁଇ ଆଇଲିଆଟି ।”

୩୯ ଆରି ଗାଲିଲିର୍ ସବୁଟାନେ ବୁଲି ବୁଲି ସେମନର୍ ସବୁ ପାଉତନା ଗରେ, ମାପୁରୁର୍ କାତା ସୁନାଇଲା, ଆରି ତୁମା ଦାରଲା ଲକ୍‌ମନ୍କେ ଚାଡାଇଲା ।

ଜିସୁ ବଡ଼ ରଗିକେ ନିକ କଲା
(ମାତିଉ ୮:୧:୪; ଲୁକ୍ ୫:୧୨,୧୬)

୪୦ ସେତୁକି ବେଲେ ଗଟେକ୍ ବଡ଼ ରଗି* ତାର୍ ଲଗେ ଆସି ମାଣ୍ଡିକଟା ଦେଇ ତାକେ ବାବୁଜିଆ କରି କଇଲା, “ତମେ ଜିଦି ମନ୍କଲେ ମକେ ସୁକଲ୍ କରି ପାର୍‌ସା ।”

୪୧ ତେଇ ସେ ତାକେ ଜିବନ୍ ଦୁକାଇଲା ଆରି ଆଡ଼ ଲାମାଇ କରି ତାକେ ଡିଇକରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।” ୪୨ ସେଦାପରେ ବଡ଼ ରଗ୍ ତାର୍ ଲଗେ ଅନି ଦୁର୍‌ଅଇଲା ଆରି ସେ ସୁକଲ୍ ଅଇଗାଲା । ୪୩ ଆରି, ଜିସୁ ସେ ଲକ୍‌କେ ଡାବ୍‌ସଙ୍ଗ୍ ଆଦେସ୍ ଦେଇ ସେଦାପରେ କଇ ପାଟାଇଲା ।

୪୪ “ଜାଗରଡ଼, ମୁଇ ତକେ ସୁକଲ୍ କଲି ବଲି କାକେ ମିସା କ ନାଇ, ମାତର୍ ଜା ଆରି ନିଜେ ପୁଜାରିକେ ଦେକାଇ ଅ ଆରି ମସା ଜନ୍ ଜନ୍ ବିରୁ ପର୍‌ମେସରକେ ଦେବାକେ ଆଦେସ୍ ଦେଲାଆଚେ, ସେ ଇସାବେ ଦେସ୍ । ଏଟାର୍ ଲାଗି ତୁଇ ସୁକଲ୍ ଅଇଜାଇଆତୁସ୍ ବଲିକରି ପୁଜାରି ସବୁଲକ୍‌ମନ୍ ମୁଆଚେ ସାକି ଦେଅ ।”

୪୫ ମାତର୍ ସେଲକ୍ ବାରଇ ଜାଇ ଜିସୁ ସୁକଲ୍ କରିରଇବା କବର୍ ଏତେକ୍ ରାଟୁକରି କଇବୁଲୁଲାଇ ଜେ, ଜିସୁ ଲକ୍‌ମନର୍ ଦେକ୍‌ତେ ଦେକ୍‌ତେ କନ୍ ଗାଉଁମନ୍କେ ମିସା ଜାଇ ପୁରି ନାପାରୁଲା । ମାତର୍ ବାଇରେ ଜାଇ ଚିମରା ଜାଗାମନ୍କେ ରଇଲା । ଅଇଲେ ମିସା ଲକ୍‌ମନ୍ ଚାରିଦିଗେ ଅନି ତାର୍ ଲଗେ ଆଇବାର୍‌ଦାରୁଲାଇ ।

୨

ଚେରେଙ୍ଗ୍‌ବାଡ଼ ରଗି ନିମନ୍ ଅଇଲା
(ମାତିଉ ୯:୧-୮; ଲୁକ୍ ୫:୧୭-୨୬)

* ୧:୩୯ ୧:୩୯ ମାତିଉ ୪:୨୩;୯:୩୫ * ୧:୪୦ ୧:୪୦ ବଡ଼ ରଗ୍ ଅଇରଇଲାମ୍ ପାଇ ଗଟେକ୍ ଲକ୍ ପର୍‌ମେସରକେ ପାଉତନା କର୍‌ଚେରଇଲା, କାଇକେବଇଲେ ବଡ଼ ରଗିକେ ଜିଉଦିମନ୍ ଅସୁଟି ବଲି ବାବ୍‌ଚେ ରଇଲାଇ ।

୧ କେତେଦିନ ଗାଲା ପଟେ ଜିସୁ ଆରି ତରେକ୍ କପର୍ନାଉଫେ ବାଅଡ଼ଲାକେ, ସେ ଗରେ ଆଟେ ବଲି ଆଲା ଅଇଗାଲା । ୨ ସେ ଗରେ ଏତେମାଣ୍ଟୁ ଲକ୍ ଜମଲାଜ ଜେ, ଦୁଆରେ ମିସା ଟାନ୍ ଦାରିନାପାରୁଲା, ଆରି ଜିସୁ ସେମନର୍ ଲଗେ ପର୍ମେସରର୍ ବାକିଅ ସୁନାଇବାର୍ ଦାରୁଲା । ୩ ସେଡ଼କି ବେଲେ କେତେକ୍ ଲକ୍ମନ୍ ଗଟେକ୍ ଚେରେଙ୍ଗ୍ ରଗିକେ ବଇକରି ତାର୍ ଲଗେ ଦାରିଆଇଲା । ତାକର୍ ବିଡ଼ରେ ଅନି ଚାରୁଲକ୍ ରଗିକେ ବଇରଇଲା । ୪ ମାତର୍ ଲକ୍ମନ୍ ଚିପାଟେଲା ଅଇରଇଲାକେ, ତାକେ ଜିସୁର ଲଗେ ନେଇ ନାପାରୁଲା । ନାପାରିକରି, ଜିସୁ ଜନ୍ତାଣେ ରଇଲା, ତେଇର୍ ଚାନ୍ ବିଡ଼ଟା କାଣାକରି, ରଗିକେ କର୍ ମିସତେ ତାର୍ ମୁଆଟେ ସିଦା ଉଡ଼ରାଇଦେଲା । ୫ ଜିସୁ ସେମନର୍ ବିସବାସ୍ ଦେକି ଚେରେଙ୍ଗ୍ ରଗିକେ କଇଲା, “ବାବୁରେ ମୁଇ ତର୍ ପାପ୍ କେମା କରିଦେଲି ।”

୬ ମାତର୍ ସେ ଗର୍ ବିଡ଼ରେ କେତେଟା ସାସ୍ତର୍ ସିକାଇବା ଲକ୍ମନ୍ ବସି ନିଜର୍ ନିଜର୍ ମନ୍ ବିଡ଼ରେ ବାବିଅଇତେରଇଲା, ୭ “ଏ ଲକ୍ ଚେରେଙ୍ଗ୍ ରଗିକେ ‘ତର୍ ପାପ୍ କେମା କରିଦେଲି ।’ ବଲି କେନ୍ତ୍ର କଇପାରୁଲା ? ଏ ପର୍ମେସର୍କେ ନିନ୍ଦା କରୁଅଟେ, ସେ ଗଟେକ୍ ମାପୁରୁକେ ଚାଡ଼ିଦେଲେ, ଆରି କେ ମିସା ପାପ୍ କେମା କରି ପାରୁ କି ?”

୮ ସେଦାପୁରେ ଜିସୁ ସେମନ୍ ମନେ ମନେ ଏନ୍ତାରି ବାବିଅଇଲାଟା, ନିଜର୍ ଆଡ଼ମାଇ ଜାନ୍ ସେମନ୍କେ କଇଲା, “ତମେ କାଇକେ ନିଜର୍ ନିଜର୍ ମନେ ଏ ସବୁଜାକ ବାବିଅଇଲାସିନି ? ୯ କନ୍ତା କରୁବାଟା ସଅଜ୍ ଅଇଲାନି ? ବାବୁରେ ‘ମୁଇ ତର୍ ପାପ୍ କେମା କରିଦେଲି ।’ ବଲି କଇବାଟା, କି ‘ଉଟ୍ ତର୍ କର୍ ବଇ କଇଜି ।’ ବଲୁବାଟା ? ୧୦ ମାତର୍ ଗୁଲାଇ ଜଗତର୍ ପାପ୍ କେମା କରୁବାକେ ପର୍ମେସର୍ ପାଟାଇଲା ନରୁପିଲା ମର୍ ଅଦିକାର୍ ଆଟେ ବଲି ଏବେ ମୁଇ, ଏ ଲକ୍କେ ନିକ କରି ଦେକାଇବି ।” ସେ ଚେରେଙ୍ଗ୍ ରଗିକେ କଇଲା, ୧୧ “ମୁଇ ତକେ କଇଲିନି ଉଟ୍, ତର୍ କର୍ ବଇ, ନିଜର୍ ଗରେ ବାରିଜା ।”

୧୨ ସେଦାପୁରେ ସେ ରଗି ଉଟି କର୍ ବଇକରି ସବୁ ଲକ୍ମନ୍ ଦେକ୍ତେ ବାରଇ ଗାଲା । ସେବେଲାଇ ସବୁଲକ୍ କାବା ଅଇ ପର୍ମେସରର୍ ମଇମା କରି କରି କଇଲା, “ଆମେ ଏନ୍ତାରିଟା କେବେ ମିସା ଦେକି ନ ରଇଲୁ ।”

ଜିସୁ ଲେବିକେ ଡାକଲା

(ମାତିଉ ୯:୯-୧୩; ଲୁକ୍ ୫:୨୭-୩୨)

୧୩ ସେ ଆରିତରେକ୍ ସମୁଦ୍ରେ କଣ୍ଟିବାଟେ ବାରଇଗାଲା । ବେସି ଲକ୍ମନ୍ ତାର୍ ଲଗେ ଆଇଲାକେ, ଜିସୁ ସେମନ୍କେ ସିକିଆ ଦେବାର୍ ଦାରୁଲା । ୧୪ ଆରି ସେ ଜାଉ ଜାଉ ଆଲ୍ପିଅର୍ ପଅ ଲେବିକେ ରମିୟ ସର୍କାରର୍ ପାଇ ସିସ୍ତୁମାଙ୍ଗୁମନ୍ ମାଙ୍ଗୁବା ଜାଗାଇ ବସି ରଇବାଟା ଦେକି ତାକେ କଇଲା, “ମର୍ ସଙ୍ଗ୍ ଆଉ ।” ତେଇଅନି ସେ ତାର୍ ସିସ୍ତୁମାଙ୍ଗୁମନ୍ ମାଙ୍ଗୁବାଟା ଚାଡ଼ି ଉଟିକରି ଜିସୁର୍ ସଙ୍ଗ୍ ଗାଲା ।

୧୫ ପଟେ ଜିସୁ ଲେବିର୍ ଗରେ ଜାଇ କାଇବା ବେଲେ ବେସି ସିସ୍ତୁମାଙ୍ଗୁମା ଲକ୍ ଆରି ଜନ୍ ଲକ୍ମନ୍କେ ପାପି ବଲି କଇତେରଇଲା, ତାର୍ ସିସ୍ତୁମନ୍ ସଙ୍ଗ୍ ମିସି କାଇତେରଇଲା । କାଇକେବଲେ ଏନ୍ତାରି ବେସି ଲକ୍ ତାର୍ ସଙ୍ଗ୍ ଜାଇତେ ରଇଲା । ୧୬ ଜିସୁ ପାପି ଆରି ସିସ୍ତୁମାଙ୍ଗୁମନ୍ ସଙ୍ଗ୍ କାଇଲାନି, ଏଟା ଦେକିକରି ପାରୁସି ଦଲର୍ ସାସ୍ତର୍ ସିକାଉମନ୍ ତାର୍ ସିସ୍ତୁମନ୍କେ କଇବାର୍ ଦାରୁଲା, “ସେ କାଇକେ ସିସ୍ତୁମାଙ୍ଗୁମନ୍ ଆରି ପାପିମନ୍ ସଙ୍ଗ୍ କାଇଲାନି ?”

୧୭ ସେଟା ସୁନି ଜିସୁ ସାସ୍ତର୍ ସିକାଉମନ୍କେ କଇଲା, “ନିମାନ୍ ଲକ୍ମନ୍ମନ୍ପାଇ ଡାକ୍ଦରର୍ ଲଡ଼ା ନାଇ, ମାତର୍ ନିମାନ୍ ନ ରଇଲା ଲକ୍ମନ୍କେ ଲଡ଼ା ଆଟେ । ଜେ ନିଜେ ‘ମୁଇ ଦରମ୍ ଲକ୍ ।’ ବଲି ବାବିଅଇବା ଲକ୍ମନ୍ପାଇ ମୁଇ ଆସିନାଇ, ମାତର୍ ପାପିମନ୍କେ ପାପ୍ଟାନେଅନି ବାଉତାଇବାକେ ଆସିଆଟି ।”

ଉପାସ୍ ବିସଇ

(ମାତିଉ ୯:୧୪-୧୭; ଲୁକ୍ ୫:୩୩-୩୯)

୧୮ ତୁବନ୍ ଦେଉ ଜଅନର୍ ସିସ୍ତୁମନ୍ ଆରି ପାରୁସିମନ୍ ଉପାସ୍ କର୍ତେ ରଇଲା । ସେବେଲାଇ କେତେଲକ୍ ଆସି ଜିସୁକେ କଇଲା, “ତୁବନ୍ ଦେଉ ଜଅନର୍ ସିସ୍ତୁମନ୍ ଆରି ପାରୁସିମନ୍ ସିସ୍ତୁମନ୍ ଉପାସ୍ କରୁବାକେ, ମାତର୍ ତର୍ ସିସ୍ତୁମନ୍ କାଇକେ ଉପାସ୍ ନ କରୁ ?”

୧୯ ଜିସୁ ସେମନ୍କେ କଇଲା, “ବଜିଟାଣେ ବିବା ଦାଙ୍ଗୁଡ଼ା ରଇବା ଜାକ ବିବା ଦାଙ୍ଗୁଡ଼ାର୍ ସଙ୍ଗ୍ ରଇବା ଦାଙ୍ଗୁଡ଼ାମନ୍ ଉପାସେ ରଇବାକେ କି ? ନାଇ ନ ରଅର୍ । ବିବା ଦାଙ୍ଗୁଡ଼ା ଜେତେବେଲାଜାକ ରଇସି, ସେ ବେଲାଜାକ ସେମନ୍ ଉପାସେ ନ ରଅର୍ । ୨୦ ମାତର୍ ବେଲା ଆଇସି, ଜେତେବେଲେ ଲକ୍ମନ୍ ଆସି ତାକର୍ ଲଗେ ଅନି ବିବା ଦାଙ୍ଗୁଡ଼ାକେ ଦାରିଜିବାଇ, ସେଦିନେ ସେମନ୍ ଉପାସ୍ କରୁବାଇ ।

୨୧ “କେ ନୁଆ ଲୁଗାନ୍ ଗର୍ଣ୍ଣା ପୁରନା ଲୁଗାଲ ନ ସିଲାଏ, ସିଲାଲକେ ନୁଆ ଗର୍ଣ୍ଣା ପୁରନା ଲୁଗାଲେ ଅଦିକ୍ ଚିରି ପାକାଇସି, ଆରି ଅଦିକ୍ ବଡ଼ଟା କାଣା କରିଦେଇସି । ୨୨ ଆରି କେ ନୁଆ ଅଙ୍ଗୁର୍ ରସ ପୁରନା ଚାମ୍ ସଙ୍ଗ୍ ତିଆର୍ କଲା ମୁନାଇ ନ ସଙ୍ଗ୍ଅଡ଼, ସଙ୍ଗ୍ଲକେଲେ ସେ ଅଙ୍ଗୁର୍ ରସ ଆରି ଚାମ୍ ମୁନା ନସିଜାଇସି । ନାଇ ନୁଆ ଅଙ୍ଗୁର୍ ରସ ନୁଆ ଚାମ୍ ମୁନାଇ ସଙ୍ଗ୍ଲକେଲେ ଆଟେ ।”

ଜିସୁ ବିସ୍ତରାମ୍ ବାରର୍ ମାପୁର୍
(ମାତିଉ ୧୨:୧-୮; ଲୁକ୍ ୬:୧-୫)

୨୩ ଜିସୁ ତରେକ୍ ବିସ୍ତରାମ୍‌ବାରେ ତାସ୍ ରଇବା କେଡ଼୍ ବାଟେ ଜାଇତେ ରଇଲା, ଆରି ଜିବାବେଲେ ତାର୍ ସିସ୍‌ମାନ୍ ଦାନ କେଡ଼୍ ଚିଡ଼ାଇତେ ଗାଲାଲ । ୨୪ ସେ ଜାଗାଲ ରଇବା ପାରୁସିମାନ୍ ଜିସୁକେ କଇଲାଲ, “ଦେକ୍ ବିସ୍ତରାମ୍‌ବାରେ ଜନଟା କର୍‌ବାର୍ ଆମାର୍ ବିଦି ନଏ । ତର୍ ସିସ୍‌ମାନ୍ କାଇକେ ସେଟା କଲାଲନି ?”

୨୫ ଜିସୁ ସେମାନକେ କଇଲା, “ଆମାର୍ ଡାକ୍‌ପୁଟା ଆନିଦାଦି ଦାଉଦର୍ ଅବାଦ୍ ବେଲେ, ସେ ଆରି ତାର୍ ସଙ୍ଗ୍ ଲକ୍‌ମାନ୍ ବୁକେ ରଇଲାଲ, ସେଡ଼୍‌କିବେଲେ ସେ କାଇଟା କରି ରଇଲା, ସେଟା କାଇ ତମେ କେବେ ପତାସ୍ ନାଇ କି ? ୨୬ ବଡ଼ ପୁଜାରି ଅବିୟାତର୍ ବେଲେ ସେ କେନ୍ଦ୍ରି ପର୍‌ମେସର୍‌ ମନ୍ଦିରେ ପୁରିକରି ମାପୁର୍‌କେ ସର୍‌ପଦେଲା ଜନ୍ ଦରସନି ରୁଟି, ପୁଜାରିମାନକେ ଚାଡ଼ିଦେଲେ ଆରି କେ ମିସା କାଇବାର୍ ବିଦି ନଏ, ସେଟା ସେ କାଇଲା, ଆରି ସେ ରୁଟି ନିଜର୍ ସଙ୍ଗ୍ ଲକ୍‌ମାନକେ ମିସା ବାଟାକରି ଦେଇରଇଲା ।” ୨୭ ଜିସୁ ସେମାନକେ କଇଲା, “ ବିସ୍ତରାମ୍‌ବାର୍ ଲକ୍‌ମାନର୍ ସାଇଜର୍‌ପାଇ ଅଇଲା ଆଟେ, ସେଟା ଲକ୍‌ମାନକେ ବିଜାର୍ କର୍‌ବାକେ ଅଏନାଇ । ୨୮ ତେବର୍‌ପାଇ ପର୍‌ମେସର୍‌ ପାଟାଲଲା ନର୍‌ପିଲା ମୁଇ ବିସ୍ତରାମ୍‌ବାରେ ଲକ୍‌ମାନ୍ କାଇଟା କର୍‌ବାର୍ ଆଟେ, କାଇଟା କର୍‌ବାର୍ ନାଇ, ସେଟା କଇବାର୍ ମର୍ ଅଦିକାର୍ ଆଟେ ।”

୩

ଜିସୁ ଗଟେକ୍ ଆଡ଼୍ ସୁକ୍‌ଲା କଲା ଲକ୍‌କେ ନିକ କଲା
(ମାତିଉ ୧୨:୯-୧୪; ଲୁକ୍ ୬:୬-୧୧)

୧ ପଟେ ଜିସୁ ଆରି ଗଟେକ୍ ତର୍ ଜିଉଦିମାନର୍ ପାର୍‌ତନା ଗରେ ଗାଲା । ତେଇ ଗଟେକ୍ ଲକ୍ ରଇଲା । ତାର୍ ଗଟେକ୍ ଆଡ଼୍ ସୁକ୍‌ଜାଇରଇଲା । ୨ ଜିସୁ କେଜାନେ ବିସ୍ତରାମ୍ ବାରେ ନିମାନ୍ କରୁସି ବଲି, ସେମାନ୍ ଆଁକି ନ ମରାଇତେ ଦେକ୍‌ତେରଇଲାଲ, କାଇକେବଇଲେ ଜେନ୍ଦ୍ରିକି ତାର୍ ବିରୁଦେ ଦସ୍ ଦାରିପାର୍‌ବାଲ । ୩ ଜନ୍ ଲକ୍‌ର୍ ଆଡ଼୍ ସୁକ୍‌ ଜାଇରଇଲା, ତାକେ ଜିସୁ କଇଲା, “ଆଉ ମଜାଲ ଚିଆ ଅ ।” ୪ ଆରି ଜିସୁ ଲକ୍‌ମାନକେ ପାଟାରିଲା, “ ବିସ୍ତରାମ୍‌ବାରେ କାଇଟା କର୍‌ବା ନିଆ ? ନିକ କର୍‌ବାର୍ କି ଆସାର୍ କର୍‌ବାର୍ ? ଜିବନ୍ ବଂତାଇବାର୍ କି ମରାଇଦେବାର୍ ?” ମାତର୍ ସେମାନ୍ କାଇଟା ନ କଇ ଚିମାଅଇ ରଇଲାଲ । ୫ ସେବେଲେ ତାକର୍ ମନ୍ ତାଟ୍ ରଇବାଟା ଦେକିକରି ଜିସୁ ଦୁକ୍‌ଅଇ ରିସାସଙ୍ଗ୍, ଚାରିବେଡ଼ି ଦେକଲା । ଆରି ସେ ଲକ୍‌କେ କଇଲା, “ଆଡ଼୍ ଲାମା ।” ସେ ଲକ୍‌ ଆଡ଼୍ ଲାମାଲଲା, ଆରି ତାର୍ ଆଡ଼୍ ନିମାନ୍ ଅଇଗାଲା । ୬ ତେଇଅନି ପାରୁସିମାନ୍ ସେ ଜାଗାଅନି ଦାପ୍‌ରେ ବାରଇ ଜାଇ ଜିସୁକେ ମରାଉ ବଲି ତାର୍ ବିରୁଦେ ଏରଦ୍ ରାଜାର୍ ଲକ୍‌ମାନର୍‌ସଙ୍ଗ୍ ଉପାଇ ପାଁର୍‌ବାର୍ ଦାର୍‌ଲାଲ । ୭ ସେଡ଼୍‌କିବେଲେ ଜିସୁ ସିସ୍‌ମାନର୍ ସଙ୍ଗ୍ ଲକ୍‌ମାନର୍‌ଟା‌ନେଅନି ବେଗ୍‌ଲି କରି, ସମ୍‌ଦୁର୍ କଣ୍ଡିବାଟେ ବାରଇ ଗାଲା । ଆରି ଗାଲିଲି ଅନି ବେସି ଲକ୍‌ ତାର୍ ପଟେ ପଟେ ଆଇଲାଲ, ଆରି ଜିଉଦା, ୮ ଜିରୁସାଲାମ୍, ଇଦମ୍, ଜରଦନ୍‌ର୍ ଉପର୍ ବାଟେ ରଇବା ସର ଆରି ସିଦନର୍ ଚାରିବେଡ଼ିର୍ ଲକ୍‌ ସେ କରିରଇବା ସବୁ କାମର୍ କାତା ସୁନି ତାର୍ ଲଗେ ଆଇଲାଲ । ୯ ସେଡ଼୍‌କିବେଲେ ଚିପାଟେଲା ରଇଲାକେ, ଲକ୍‌ମାନ୍ ଜେନ୍ଦ୍ରିକି ଉପରେ ତାବି ନ ଅଅଡ଼, ତେବର୍ ପାଇ ଜିସୁ ସିସ୍‌ମାନକେ ତାର୍‌ପାଇ ଗଟେକ୍ ସାନ୍‌ଟା ଡଙ୍ଗା ଆନି ଜାଗାଲବାକେ ତିଆର୍‌ଲା । ୧୦ କାଇକେବଇଲେ ସେ ବେସି ଲକ୍‌ମାନକେ ନିମାନ୍ କଲାଜେ ଜର୍‌ଦୁକା ଅଇରଇବା ଲକ୍‌ମାନ୍ ତାକେ ଚିଉଁ ବଲି ଉପ୍‌ରେ ଡାବିଅଇ ଜାଇତେରଇଲାଲ । ୧୧ ଆରି ଜେତେବେଲେ ଜିସୁକେ କରାପ୍ ଆଡ଼୍‌ମାମନ୍ ଦେକ୍‌ତେ ରଇଲାଲ, ସେ ଆଡ଼୍‌ମାମନ୍ ତାର୍ ମୁଆଟେ ଅଦ୍‌ରି ଆଉଲିଅଇ କଇତେରଇଲାଲ, “ତୁଇ ଆକା ପର୍‌ମେସର୍‌ର୍ ପଅ ।” ୧୨ ମାତର୍ ଜିସୁ ତୁମାମାନକେ ତାର୍ ବିସଇନେଇ ବିନ୍ ଲକ୍‌ମାନକେ କାଇ ବଲି ନ କୁଆ ବଲି ତାଟ୍‌ସଙ୍ଗ୍ ଆଦେସ୍ ଦେଇତେରଇଲା ।

ଜିସୁ ବାର୍‌ଟା ସିସ୍‌ମାନକେ ବାଟ୍‌ଲା
(ମାତିଉ ୧୦:୧-୪; ଲୁକ୍ ୬:୧୨-୧୬)

୫ ୩:୯ ମାର୍ଚ୍ଚ ୪:୧; ଲୁକ୍ ୫:୧-୩

୧୩ ଜିସୁ ପରବତ୍ ଉପରେ ଜାଇ, ଜନ୍ ଲକ୍ଷ୍ମୀନକେ ସେ ମନ୍ କଲା, ସେମନ୍‌କେ ଲଗେ ଡାକ୍‌ଲା, ଆରି ସେମନ୍ ତାର ଲଗେ ଆଇଲା। ୧୪ ସେ ବାର ଲକ୍ଷ୍ମୀନକେ ବାଟ୍‌ଲା ଆରି ସେମନ୍‌କେ ତାର କବର୍ ନେଉ ବଲି ଡାକ୍‌ଲା । ଜେନ୍ତ୍ର ସେମନ୍ ତାର ସକ୍ଷ ରଇପାରତ୍ ଆରି ସେମନ୍ ତାର କବର୍ ଜାନାଇବାଇ, ୧୫ ଆରି ତୁମାଚାଡାଇବାକେ ଅଦିକାର ଦେଲା ।

୧୬ ଜିସୁ ବାର ଲକ୍ଷ୍ମୀନକେ ବାଟ୍‌ଲା, ଜନ୍‌ଲକ୍ଷ୍ମୀନ କି ସିମନ୍, ଜାକେ ସେ ପିତର୍ ବଲି ନାଉଁ ଦେଲା, ୧୭ ଜେବଦିର୍ ପ ଜାକୁବ୍ ଆରି ତାର ବାଇ ଜଅନ୍‌କେ ସେ ବିନେରିଗସ୍ ବଲି ନାଉଁ ଦେଲା, ଆର୍ ଅରତ୍ ଅଇଲାନି ମେଗ୍‌ନାଦର୍ ପଅମନ୍, ୧୮ ଆନ୍‌ରିୟ, ପିଲିପ୍, ବାଟ୍‌ଲମି, ମାତିଉ, ତମା, ଆଲ୍‌ପିର୍ ପଅ ଜାକୁବ୍, ତଦିୟ, କିଶାନିୟ ସିମନ୍, ଜେ କି ରମିୟ ସର୍କାରର୍ ବିରୁଦେ ଉଚିରଇଲା । ୧୯ ଆରି ଇସ୍କାରିୟତିୟ ଜିଉଦା, ଜେ କି ଜିସୁକେ ସତ୍‌ରୁକେ ସର୍ପି ଦେଇରଇଲା ।

(ମାତିଉ ୧୨:୨୨-୩୨; ଲୁକ୍ ୧୧:୧୪-୨୩, ୧୨:୧୦)

୨୦ ପେଟେ ଜିସୁ ଗଟେକ୍ ଗରେ ପୁର୍ଲା । ସେଡୁକି ବେଲେ ଲକ୍ଷ୍ମୀନ ଆରି ତରେକ୍ ଏଡେକ୍ ରୁଣ୍ଡିଲାଇ ଜେ, ସେ ଆରି ତାର ସିସମନ୍ କାଇବାର୍ ମିସା ନାପାରଲା। ୨୧ “ ଜିସୁକେ କାଇବାକେ ମିସା ବେଲା ନାଇ ।” ବଲି କଇ ତାକର୍ ଗରର୍ ଲକ୍ଷ୍ମୀନ, ତାକେ ଗରେ ତାକିନେବାକେ ଆଇଲା। କାଇକେବଇଲେ ସେମନ୍ କଇଲା, “ତାର ବୁଦି ବାନାଅଇଗାଲାନି ।”

ଜିସୁ ଆରି ବାଲ୍‌ଜିବୁଲ୍

୨୨ ଆରି, ଜିରୁସାଲମ୍ ଆନି ଆସିରଇବା ସାସତର୍ ସିକାଉମନ୍ କଇଲା, “ଆକେ ତୁମାମନର୍ ନେତା ବାଲ୍‌ଜିବୁଲ୍ ଦାରିଆଟେ, ଆରି ତୁମାମନର୍ ନେତାର୍ ବପୁସକ୍ ତୁମା ଚାଡାଇଲାନି ।” ୨୩ ସେଡୁକିବେଲେ ଜିସୁ ସାସତର୍ ସିକାରମନ୍‌କେ ଲଗେତାକି ଉଦାଅରନ୍ ଦେଇ କଇଲା, “ସଇତାନ୍ କେନ୍ତ୍ର ସଇତାନ୍‌କେ ଚାଡାଇ ପାରସି ? ୨୪ ଜଦି ଗଟେକ୍ ରାଇଜ୍ ଦୁଇ ବାଗ୍ ଅଇ ନିଜର୍ ବିରୁଦେ ଉର୍ସି, ତେବେ ସେ ରାଜିଅ ବେସିଦିନ୍ ନ ରଏ । ୨୫ ଗଟେକ୍ ଗର ବାଗ୍ ଅଇ ନିଜର୍ ବିରୁଦେ ଉର୍ସି, ତେବେ ସେ ଗର୍ ବେସି ଦିନ୍ ନ ରଏ । ୨୬ ସେନ୍ତାରେ ସଇତାନ୍ ଜଦି ବାଗ୍ ଅଇ ନିଜର୍ ବିରୁଦେ ଉର୍ସି, ତେବେ ସେ ତବିର୍ ଅଇ ରଇ ନାପାରେ, ମାତର୍ ତାର ବିନାସ୍ ଗର୍ସି ।

୨୭ “ମାତର୍ କେ ମିସା ବପୁ ରଇବା ଲକ୍ଷ୍ମୀନକେ ପର୍‌ତୁମ୍ ନ ବାନ୍‌ଡେ, ତାର ଗରେ ପୁରିକରି ସେଲକର୍ ନିଜର୍ ସବୁ ଚରାଇ ନେଇ ନାପାରେ, ମାତର୍ ସେ ବପୁ ରଇବା ଲକ୍ଷ୍ମୀନକେ ଆଗେ ବାନ୍‌ଡେ ସିନା ସେ ତାର ଗରେ ପୁରି ଚରିପାରସି ।

୨୮ “ମୁଇ ତମ୍‌କେ ସତ୍ କଇଲିନି, ଲକ୍ଷ୍ମୀନର୍ ସବୁ ପାପ, ଆରି ସେମନ୍ ଜେଡେକ୍ ନିନ୍ଦା କାତା କଇ ପର୍‌ମେସର୍ ନିନ୍ଦା କଲେ ମିସା, ସେ ସବୁକାକ କେମା କରାଅଇସି । ୨୯ ଜେକି ସୁକଲ୍‌ଆତ୍‌ମାର୍ ବିରୁଦେ ନିନ୍ଦା କାତା କଇସି, ତାକେ କନ୍ କାଲେ ମିସା ପର୍‌ମେସର୍ କେମା ନ ଦେଏ, ଆରି ସେ ନ ସାର୍‌ବା ପାପର୍ ଦସି ଅଇସି ।” ୩୦ ତାକେ କାରାପ୍ ଆତ୍‌ମା ଲାଗିଆଟେ ବଲି ସାସତର୍ ସିକାଉମନ୍ କଇଲାକେ, ଜିସୁ ଏନ୍ତାରି କଇଲା ।

ଜିସୁର୍ ମାଆ ଆରି ବାଇବଇନିମନ୍ (ମାତିଉ ୧୨:୪୭-୫୦; ଲୁକ୍ ୮:୧୯-୨୧)

୩୧ ସେଡୁକିବେଲେ ଜିସୁର୍ ମାଆ ଆରି ବାଇମନ୍ ଆସି ବାଇରେ ଠିଆ ଅଇ ଜିସୁକେ ଡାକାଇପାଟାଇଲା। ୩୨ ତେଇ ତାର ଚାରିବେଡୁଡି ବସି ରଇବା ଲକ୍ଷ୍ମୀନ ତାକେ କଇଲା, “ଦେକା, ତମ୍‌ ମାଆ ଆରି ବାଇ ବଇନି ବାଇରେ ରଇ ତମ୍‌କେ କଜ୍‌ଲାଇନି ।” ୩୩ ଜିସୁ ସେମନ୍‌କେ କଇଲା, “କେ ମର୍ ମାଆ ଆରି ବାଇବଇନିମନ୍ ?” ୩୪ ସେ ତାର ଚାରିବେଡୁଡି ବସିରଇବା ଲକ୍ଷ୍ମୀନକେ ଦେକିକରି କଇଲା, “ଏମନ୍ ମର୍ ମାଆ ଆରି ମର୍ ବାଇ ବଇନି ।” ୩୫ ଜନ୍ ଲକ୍ଷ୍ମୀନ ପର୍‌ମେସର୍ ମନ୍‌କଲାଟା ପୁରାପୁରୁନ୍ କର୍‌ବାଇ, ସେ ମର୍ ବାଇ, ବଇନି ଆରି ମା ।”



ବିଅନ୍ ବୁନ୍‌ବା ବିସଇର୍ କାତା (ମାତିଉ ୧୩:୧-୯; ଲୁକ୍ ୮:୪-୮)

☆ ୩:୨୨ ମାତିଉ ୯:୩୫:୧୦:୨୫ ☆ ୩:୨୯ ୩:୨୯ ଲୁକ୍ ୧୨:୧୦

୧୧ *ଜିସୁ ଆରିତରେକ୍ ଗାଲିଲି ସମୁଦ୍ର କଣ୍ଠିଟାଣେ ସିକିଆ ଦେବାର୍ ଦାଉଲା, ଆରି ଏତେକ୍ ମାଣ୍ଡୁ ଲକ୍ମନନ୍ ତାର୍ ଲଗେ ଚୁଲୁଅଇଲାକଜେ, ସେ ସମୁଦ୍ରରେ ରଇବା ଗଟେକ୍ ତଢାଲ ଜାଇ ବସଲା, ଆରି ଗୁଲାଇ ଲକ୍ମନନ୍ ସମୁଦ୍ର ପାଲିକେ ରଇଲାଇ । ୧୨ ଜିସୁ ସେମନ୍ତେ ବେସି ବିସଇ ଉଦାଅରନ୍ ଦେଇ ସିକାଇଲା । ଆରି ସିକାଇବାବେଲେ ସେମନ୍ତେକ କଇଲା,

୩ “ସୁନା ଗଟେକ୍ ଚାସି ତାର୍ ବିଅନ୍ ବୁନ୍ବାର୍ ବାରଇଲା । ୪ ସେ ବୁନ୍ ବୁନ୍ କେତେକ୍ ବିଅନ୍ ବାଟେ ଅଦରଲା, ଆରି ଚତଇମନ୍ ଆସି ସବୁଜାକ ବିଅନ୍ କାଇଦେଲାଇ । ୫ ଆରି କେତେକ୍ ବିଅନ୍ ଉନା ମାଟିରଇ ତଲେ ପାକନା ରଇଲା ବୁର୍ବୁ ଅଦରଲା, ଆରି ମାଟି ଉନା ରଇଲାକେ ଦାପ୍ତରେ ଗାଜା ଅଇଲା । ୬ ମାତର୍ ବେଲ୍ ଉଦଲାକେ ଗାଜା ଅଇଲାଟା ପଡି ମସ୍ବିରାଗାଲା, ଆରି ଚେର୍ ବେଦି ନ ରଇଲାକେ ସୁକିଗାଲା । ୭ ଆରି କେତେକ୍ ବିଅନ୍ କାଟା ବୁଟା ମଜାଇ ଅଦରଲା, ଆରି କାଟା ବୁଟାମନ୍ ଉଟି ବଡିକରି ଗାଜା ଅଇ ସବୁକେ ଚାପି ପାକାଇଲାଇ । ଚାପିଦେଲାକେ କାଇ ଦାନ୍ ମିସା ଅଏ ନାଇ । ୮ ମାତର୍, ଆରି କେତେକ୍ ବିଅନ୍ ନିକ ବୁର୍ବୁ ଅଦରଲା ଆରି ଗାଜା ଅଇ ଉଟି ବଡିକରି ତିରିସ୍ ଗୁଣ୍ ସାଟେ ଗୁଣ୍ ଆରି ସଏ ଗୁଣ୍ ଜାକ ପସଲ୍ ଦେଲା ।”

୯ ଆରି ଜିସୁ କଇଲା, “ଜାକେ ସୁନ୍ବାକେ କାନ୍ ଆଚେବଇଲେ, ସେ ମନ୍ଦେଇ ସୁନ୍ ।”

ଜିସୁ ସେ ଉଦାଅରନ୍ କାଇକେ କଇଲା

(ମାତିଉ ୧୩:୧୦-୧୭; ଲୁକ୍ ୮:୯-୧୦)

୧୦ ଜିସୁ ଗଟେକ୍ଲକ୍ ରଇଲା ବେଲେ ତାର୍ସଙ୍ଗ୍ ରଇଲା ଲକ୍ମନନ୍ ଆରି ବାର୍ଟା ସିସମନ୍ ତାକେ ପାଚାରୁଲାଇ, “ତମେ କାଇକେ ଉଦାଅରନ୍ ଦେଇ ସିକାଇଲାସିନି ?” ୧୧ ଜିସୁ ସେମନ୍ତେ କଇଲା, “ପର୍ତ୍ତେସରର୍ ରାଇକେ ଲୁଟିକରି ରଇଲା ବିସଇ ତମେ ବୁଜିପାରୁଲାସିନି, ମାତର୍ ବାଇରେ ରଇବା ବିନ୍ ଲକ୍ମନନ୍ତେ ଉଦାଅରନ୍ ଦେଇ କୁଆ ଅଇଲାନି ।” ୧୨ ଜେନ୍ତାରିକ୍ “ମୁଜ୍ କର୍ବା କାମ୍ମନ୍ ଦେକ୍ତେ ରଇଲେ ମିସା ବୁଜି ନାପାର୍ତ୍, ଆରି କଇଲାଟାମନ୍ ସୁନି ସୁନି ମିସା ନ ବୁଜ୍ତ୍, ବୁଜ୍ତାଇଆଲେ ସେମନ୍ ପର୍ତ୍ତେସରର୍ ଲଗେ ବାଅଡ୍ତାଇ ଆରି ପାପ୍ କେମା ପାଇତାଇ ।”

ଜିସୁ କାତାନିର୍ ଅରଡ୍ ବୁଜାଇଲା

(ମାତିଉ ୧୩:୧୮-୨୩; ଲୁକ୍ ୮:୧୧-୧୫)

୧୩ ଜିସୁ ସେମନ୍ତେ କଇଲା, “ଏ ଉଦାଅରନ୍ ଅରଡ୍ ତମେ ବୁଜାସ୍ ନାଇ କି ? ତେବେ ବିନ୍ ଉଦାଅରନ୍ ଅରଡ୍ କେନ୍ତ୍ର ବୁଜ୍ସା ?” ୧୪ ଚାସି ପର୍ତ୍ତେସରର୍ ବାକିଅ ବୁନ୍ସି, ୧୫ ଜନ୍ଲକ୍ମନନ୍ ସୁନ୍ବାଇ ଆରି ସୁନ୍ଲା ଦାପ୍ତରେ, ସଇତାନ୍ ଆସି ସେମନ୍ତେ ଗାନେଅନି ବୁନିରଇବା ବାକିଅ ଜିକି ନେଇସି, ସେମନ୍ ବୁନିରଇବା ବାଟ୍ଲଗର୍ ବିଅନ୍ ପାରା । ୧୬ ସେନ୍ତାରି ସେ, ଜନ୍ଲକ୍ମନନ୍ ବାକିଅ ସୁନ୍ଲା ଦାପ୍ତରେ ସାର୍ଦା ଅଇ ସେଟା ମାନ୍ବାଇ, ସେଲକ୍ ପାକନା ରଇବା ଜାଗାଇ ଅଦରଲା ବିଅନ୍ ପାରା । ୧୭ ମାତର୍ ସେମନ୍ତେ ଗାନେ ଚେର୍ ନ ବେଦିଏକେ ଚନେକ୍ପାଞ୍ଚ ବିସ୍ବାସ୍ କରି ରଇବାଇ, ପଚେ ବାକିଅରୁଲାଗି କସ୍ଟ କି ତାଡ୍ନା ଆଇଲେ, ସେ ଦାପ୍ତରେ ବିସ୍ବାସ୍ ଚାଡି ଦେବାଇ । ୧୮ ଆରି ଜନ୍ଲକ୍ମନନ୍ ବାକିଅ ସୁନ୍ବାଇ, ମାତର୍ ତାର୍ ଦିନ୍କର୍ ବିସଇର୍ ଚିନ୍ତା, ଦନର୍ ମାୟା ଆରି ବିନ୍ ବିନ୍ ବିସଇର୍ ଲାଲ୍ସାଟାଣେ ପୁରିକରି ମାପ୍ତରୁର୍ ବାକିଅକେ ଚାପିପାକାଇସି, ତେଇ ମାପ୍ତରୁର୍ ବାକିଅ ନିକ କାମ୍ ନ କରେ । ୧୯ ସେନ୍ତାରି ଅଦେକ୍ ଲକ୍ମନନ୍ ବିଅନ୍ ବୁନିରଇବା କାଟାଲାଟା ବୁଜ୍ ପାରା । ୨୦ ବାକିଲକ୍ମନନ୍ ବାକିଅ ସୁନି ସେଟା ମାନ୍ବାଇ ଆରି ତିରିସ୍ ଗୁଣ୍, ସାଟେ ଗୁଣ୍ ଆରି ସଏ ଗୁଣ୍ ପଲ୍ ଦେବାଇ, ସେମନ୍ ବିଅନ୍ ଅଦ୍ରି ରଇବା ନିକ ବୁଜ୍ ପାରା ।”

ବଡି କୁଦ୍‌ରା

(ଲୁକ୍ ୮:୧୬-୧୮)

୨୧ *ଜିସୁ ଆରିତରେକ୍ ସେମନ୍ତେକ କଇଲା, “ବଡି ତସାଇ ମାନ୍ ତଲେ କି କର୍ ତଲେ ସଙ୍ଗାଇବାକେ ନ ଆନଡ୍ । ବଡି, କୁଦ୍‌ରାଇ ସଙ୍ଗାଇବାକେ ତସାଇବାଇ । ୨୨ *କାଇକେବଇଲେ ଲକ୍ମନନ୍ତେ ଏବେଜାକ ନାଜାନି ରଇବା ବିସଇ ଜାନାଇ ଦିଆଅଇସି, ଆରି ଜନ୍ ବିସଇ ସବୁ ଲୁଟି ରଇସି, ସେଟା ମେଲାକରି ଦିଆଅଇସି । ୨୩ ଜିଦି ଜାକେ ନିକ ସଙ୍ଗ୍ ସୁନ୍ବାର୍ ଆଚେ, ସେ ନିକ ସଙ୍ଗ୍ ସୁନ୍ ।”

* ୪:୧ ୪:୧ ଲୁକ୍ ୫:୧୩ * ୪:୨୧ ୪:୨୧ ମାତିଉ ୫:୧୫; ଲୁକ୍ ୧୧:୩୩ * ୪:୨୨ ୪:୨୨ ମାତିଉ ୧୦:୨୨; ଲୁକ୍ ୧୨:୨

୨୪ *ଆରି ଜିସୁ ସେମାନଙ୍କେ କଇଲା, “କାଇଟା ସୁନ୍‌ଲାସିନି, ସେ ବିସଇ ଏତାଇକରି ଜାଗରତ୍ ରୁଆ । ଜନ୍ ନାପେ ତମେ ନାପୁସା, ସେ ନାପେ ପର୍ମେସର୍ ତମକେ ନାପୁସି, ଆରି ତାର୍‌ତେଇଅନି ଅଦିକ୍ ।
 ୨୫ *କାଇକେବଇଲେ ଜାକେ ରଇ, କାମେ ଲାଗାଇରଇସି ତାକେ ଅଦିକ୍ ଦିଆଅଇସି, ଆରି ଜାକେ ରଇ, କାମେ ନ ଲାଗାଏ, ତାର୍‌ଟାନେ ଅନି ସେ ଅଲପ୍ ରଇଲାଟା ମିସା ନିଆଅଇସି ।”

୨୬ ଆରି ସେ କଇଲା, “ପର୍ମେସର୍ ରାଇଜ୍ ଏଡ୍‌ଆରି । ଗଟେକ୍ ଲକ୍ ନିଜର୍ ପଦାଇ ବିଅନ୍ ବୁନ୍‌ସି ।
 ୨୭ ଆରି, ସେ ଦିନ୍‌ବେଲେ କି ରାତିବେଲେ, ସଇଲେ କି କାମ୍ କଲେ ମିସା ବିଅନ୍ କେନ୍ତି ଆଁକ୍‌ରି ବଡ୍‌ସି, ସେଟା ନାଜାନେ, ୨୮ ଜମି ତାର୍‌ମାନଙ୍କେ ପଲ୍ ଉବ୍‌ଜାଇସି, ପର୍‌ତୁମ୍ ପତର୍, ପଟେ କେଡ୍, ତାର୍‌ପଟେ ମୁଞ୍ଜି ପୁରୁନ୍ ରଇବା କେଡ୍ । ୨୯ ମାତର୍ ତାସ୍ ପାଟ୍‌ଲା ଦାପ୍‌ରେ କାଟ୍‌ବା ବେଲା କେଟିଆଇଲେ, ତାସି କାଟ୍‌ବାକେ ଇଲା ଲାଗାଇସି ।”

ସର୍‌ସୁ ମୁଞ୍ଜିର୍ କାତାନି
 (ମାତିଉ ୧୩:୩୧,୩୨,୩୪; ଲୁକ୍ ୧୩:୧୮-୧୯)

୩୦ ସେ ଆରି ତରେକ୍ କଇଲା, “ଆମେ ପର୍ମେସର୍ ରାଇଜ୍ କାଇଟା ସଙ୍ଗ୍ ସମାନ୍ କରୁ ? ନଇଲେ କାଇ ଉଦାଅରନ୍ ସଙ୍ଗ୍ ବୁଜାଇଦେଉଁ ? ୩୧ ସେଟା ଗଟେକ୍ ସର୍‌ସୁ ମୁଞ୍ଜି ପାରା, ବୁର୍‌ବୁନ୍‌ବା ବେଲେ ସେଟା ପୁର୍‌ତିବିର୍ ସବୁ ମୁଞ୍ଜିତେଇ ଅନି ସାନ୍‌ଟା, ୩୨ ମାତର୍ ବୁନ୍‌ଲେ, ସେଟା ବଡିକରି ସବୁ ସାଗର୍ ଟାନେଅନି ବଡ୍ ଅଇସି, ଆରି ତାର୍ କେନ୍ଦି ଏନ୍ତି ବଡ୍ ବଡ୍ ଅଇଜାଇସି ଜେ, ସରଗର୍ ଚତଇମାନ୍ ତାର୍ କେନ୍ଦାଇ ବାସା ଅଇବାଇ ।”

୩୩ ଜିସୁ ଏନ୍ତି କେତେକ୍ କେତେକ୍ ଉଦାଅରଣ୍ ସଙ୍ଗ୍ ସେମାନର୍ ବୁଜ୍‌ବା ବପୁ ଇସାବେ ବାକିଅ ସୁନାଇତେ ରଇଲା, ୩୪ ଆରି ଉଦାଅରନ୍ ନଇତେ ସେ ତାକର୍ ଲଗେ କାଇ କାତା ନ କଇତେରଇଲା । ମାତର୍ ଜିସୁ ବିନ୍ ଲକ୍‌ମନ୍ କେ ନ ରଇଲାବେଲେ ନିଜର୍ ସିସ୍‌ମନ୍‌କେ ସବୁ ବିସଇ ବୁଜାଇ ଦେଇତେ ରଇଲା ।

ଜିସୁ ପବନ୍‌କେ ତବିର୍ କଲା
 (ମାତିଉ ୮:୨୩-୨୬; ଲୁକ୍ ୮:୨୨-୨୫)

୩୫ ସେଦିନେ ସଞ୍ଜ ଅଇଲାକେ ଜିସୁ ସେମାନଙ୍କେ କଇଲା, “ଆସା, ଗାଡ୍ ସେପାଟେ ଜୁ ।”
 ୩୬ ସେଡ୍‌କିବେଲେ ସେମାନ୍ ଲକ୍ ଗଅଲି ଚାଡିକରି, ଜିସୁ ବସି ରଇଲା, ଗଟେକ୍ ଡଙ୍ଗାଜ ଜାଇ ବସ୍‌ଲାଇ । ଆରି ବିନ୍ ବିନ୍ ଡଙ୍ଗା ମିସା ତାକର୍ ସଙ୍ଗ୍ ରଇଲା । ୩୭ ପଟେ ଅଟାଡ୍ ବେସି ବାଉପବନ୍ ଆଇଲା, ଆରି ଲଅଡିର୍ ମାଡ୍‌କେ ଡଙ୍ଗାଜ ପାନି ପୁରୁନ୍ ଅଇବାର୍ ଦାର୍‌ଲା । ୩୮ ସେଡ୍‌କିବେଲେ ଜିସୁ ଡଙ୍ଗାର୍ ପର୍ ଚରୁ ମାର୍‌ବା ଲଗେ ମର୍‌ଲା ମୁଣ୍ଡିସାକରି ସଇଦେଇ ରଇଲା । ସିସ୍‌ମାନ୍ ତାକେ ଉଟାଇ କଇଲା, “ଏ ଗୁରୁ, ଆମେ ବୁଡିଜିବୁବେ, ତମକେ କାଇ ରେଡ୍‌ନା ନାଇ ?”

୩୯ ସେଡ୍‌କିବେଲେ ଜିସୁ ଉଡି ପବନ୍‌କେ ଦମ୍‌କାଇ ଦେଇ ଲଅଡିକେ କଇଲା, “ତବିର୍ ଅଇ ରୁପ୍ ର ।” ସେଡ୍‌କି ବେଲେ ପବନ୍ ବନ୍ ଅଇଲା, ଆରି ସବୁ ତବିର୍ ଅଇଲା । ୪୦ ଆରି ସେ ସିସ୍‌ମାନଙ୍କେ କଇଲା, “କାଇକେ ଏତେକ୍ ଡର୍‌ଲାସିନି ? ତମକେ ଏବେଜାକ ମର୍‌ଲଗେ ବିସ୍‌ବାସ୍ ନାଇ କି ?”

୪୧ ସେମନ୍ ବେସି ଡରି ଜାଇକରି ତାକର୍ ତାକର୍ ବିତ୍‌ରେ କୁଆବଲା ଅଇଲା, “ତେବେ ଏ କେ ଜେ, ପବନ୍ ଆରି ଲଅଡି ମିସା ତାର୍ ଆଦେସ୍ ମାନ୍‌ଲାଇନି ?”



ତୁମାଦାର୍‌ଲା ଲକ୍‌କେ ଜିସୁ ନିମାନ୍ କଲା
 (ମାତିଉ ୮:୨୮-୩୪; ଲୁକ୍ ୮:୨୬-୩୯)

୧ ଜିସୁ ଆରି ତାର୍ ସିସ୍‌ମାନ୍ ସମ୍‌ତୁର୍ ସେପାଟେ ରଇବା ଗରାସିୟମନର୍ ଜାଗାଇ କେଟ୍‌ଲାଇ ।
 ୨ ଜିସୁ ଡଙ୍ଗାଅନି ଉଡର୍‌ଲା ଦାପ୍‌ରେ ଗଟେକ୍ ତୁମା ଦାରିରଇବା ଲକ୍ ମସ୍‌ନେ ଅନି ବାରଇ ତାକେ ବେଟ୍‌ଅଇବାକେ ଆଇଲା । ୩ ସେ ଲକ୍ ମସ୍‌ନେ ବାସାଅଇରଇଲା, ଆରି କେ ମିସା ତାକେ ସିକିଲି ସଙ୍ଗ୍ ବାନ୍ଦି ନାପାଟ୍‌ତେ ରଇଲାଇ । ୪ ତାକେ କେତେକ୍ ଡର୍ ଗତେ କଡୁ ଆରି ଆତେ ସିକିଲି ସଙ୍ଗ୍ ବାନ୍ଦିଲେ ମିସା, ସେ ସିକିଲି ସବୁ ଚିତାଇ ଦେଇ, କଡୁ ସବୁ ବାଙ୍ଗାଜ ପାକାଇତେ ରଇଲା । ତାକେ ବାନ୍ଦି ସଙ୍ଗିକବାକେ କାର୍ ମିସା ବପୁ ନ ରଇଲା । ୫ ସେ ଦିନ୍ ରାତି ସବୁବେଲେ ମସ୍‌ନେ ଆରି କୁପୁଲିତେଇ ରଇ କିଟ୍‌କିଟ୍‌ତେ ରଇଲା, ଆରି ପାକ୍‌ନା ସଙ୍ଗ୍ ଗାଗଡେ ମୁଣ୍ଡେ ମାରିଅଇ କଣ୍ଡିଆ ବଣ୍ଡିଆ ଅଇଜାଇତେରଇଲା ।

* ୪:୨୪ ୪:୨୪ ମାତିଉ ୭:୨; ଲୁକ୍ ୬:୩୮ * ୪:୨୫ ୪:୨୫ ମାତିଉ ୧୩:୧୨-୨୫; ଲୁକ୍ ୧୯:୨୭

୭ ସେ ଜିସୁଙ୍କ ଦୁରିକେ ଅନି ଦେକି ପାଲାଲ ଆସି ତା'ର ମୁଆଁ ଥପାଟେ ଅଦରୁଲା । ୮ ଆରି ଆଉଲି ଅଇ କିରକିରି କରି କଇଲା, “ଏ ସବୁଟ ଚାନେଅନି ବଡ଼ ପରମେସରର୍ ପ ଜିସୁ, ମର୍ ଚାନେ ତମର୍ କାଇ କାମ୍ ଆଟେ ? ମୁଇ ତମକେ ପରମେସରର୍ ନାଉଁ ଦାରି ଗୁଆରି କରି କଇଲିନି, ମକେ କସଟ ଦିଆନାଇ ।” ୯ କାଇକେବଇଲେ ଜିସୁ ତାକେ ଆଗତୁ କଇତେରଇଲା, “ଏରେ ତୁମା, ଏ ଲକଟ୍ଟାଚାନେଅନି ବାରଇ ଜା ।”

୧୦ ଆରି, ଜିସୁ ତାକେ ପାଟାରୁଲା, “ତର୍ ନାଉଁ କାଇ ନାଉଁ ?” ସେ ତାକେ କଇଲା, “ମର୍ ନାଉଁ ବାଇନି ତୁମା, ଏନ୍ତି ଆମେ ଜବର୍ ଆତୁ ।”

୧୧ ଆରି, ସେ ଲକ୍ ଜେନ୍ତିକି ସେମନ୍ତକେ ସେ ଜାଗାଇ ଅନି ବାଇରେ ନ ପାଟାଅ ବଲି, ଜିସୁକେ ତର୍ତ୍ତକେ ତର୍ କୁଆର୍ ବିଆର୍ କଲା ।

୧୨ ସେ ଲଗର୍ କୁପଲି ପାଲିକେ ବେସି ଗୁସ୍ରି ମାନ୍ଦା ଚାଟ୍ତେରଇଲା । ୧୩ ଆରି ତୁମାମନ୍ ଜିସୁକେ କୁଆର୍ ବିଆର୍ କରି କଇଲା, “ସେ ଗୁସ୍ରିମନ୍ ବିତ୍ତରେ ପୁର୍ବାକେ ଆମକେ ପାଟାଆ ।” ୧୪ ଜିସୁ ସେମନ୍ତକେ ଆଦେସ ଦେଲାଦାପ୍ତରେ, ସେ ଲକର୍ ଲଗେଅନି ତୁମାମନ୍ ବାରଇକରି ଗୁସ୍ରିମନ୍ ବିତ୍ତରେ ପୁର୍ଲାଇ । ସେତ୍ତକିବେଲେ, ସେ ଆଡାର୍ ବିତ୍ତକିକରି ପାଲାଲଲାଲ ଆରି କୁପଲି ଅନି ଗସ୍ରିକରି ସମ୍ତୁରେ ଜାଇ ବୁଡି ମରିଗାଲା । ଆଡାରେ ଗୁସ୍ରି ମାନ୍ଦା ପାକାପାକି ଦୁଇଅଜାଟା ରଇଲା ।

୧୫ ଗୁସ୍ରିମନ୍ତକେ ଚାରାଇତେରଇବା ଲକ୍ମନ୍ ପାଲାଲ ଜାଇ ଗାଉଁ ଆରି ଗୁତାମନ୍ତକେ ସେଟା ଜାନାଇଲା । ଜାନାଇଲାଟା ସୁନି ଲକ୍ମନ୍ “ତେଇ କାଇଟା ଅଇଲାଆଟେ ?” ବଲି ଦେକ୍‌ବାର୍ ଅଇଲା । ୧୬ ଆରି ଲକ୍ମନ୍ ଜିସୁର୍ ଲଗେ ଆସିକରି ସେ ତୁମା ଦାରି ରଇଲା ଜନଲକ୍ତକେ କି ଆଗତୁ ବାଇନି ତୁମା ଦାରିରଇଲା, ସେ ଲକ୍ ନିମାନ୍ ଲୁଗା ପିନ୍ଧିକରି ନିକ ଲକ୍ପାଚା ବସିରଇବାଟା ଦେକି ତରିଗାଲା । ୧୭ ଆରି ଜନ୍ ଲକ୍ମନ୍ ଦେକିରଇଲା, ସେମନ୍ ସେ ତୁମା ଦାରିରଇବା ଲକ୍ତକେ କାଇଟା ଅଇରଇଲା, ସେଟା ଆରି ଗୁସ୍ରିମନ୍ତକେ ଅଇଲା ବିସଇ ସେମନ୍ତକେ କଇଦେଲା ।

୧୮ ତେଇ ଲକ୍ମନ୍ ଜିସୁକେ ସେମନ୍ତ ସନ୍ଧିଅନି ଚାଡି ଜିବାକେ ବାବୁଜିଆ କଲା ।

୧୯ ପଟେ ଜିସୁ ତଙ୍ଗାଇ ତଗବା ବେଲେ ଜନ୍‌ଲକ୍ତକେ ଆଗତୁ ତୁମା ଦାରିରଇଲା, ସେ ଲକ୍ ତା'ର ସଙ୍ଗେ ରଇବାକେ ବାବୁଜିଆ କଲା ।

୨୦ ମାତର୍ ଜିସୁ ତାକେ ତେବାଇକରି କଇଲା, “ତମର୍ ଗରେ, ତମର୍ ନିଜର୍ ଲକ୍ମନ୍ତ ଚାନେ ଜା, ଆରି ପରମେସର୍ ତର୍ପାଇ ଜନ୍ ବଡ଼ କାମ୍ କଲା ଆଟେ ଆରି ତକେ ଜନ୍ ଦୟା ଦେକାଇ ଆଟେ, ସେଟା ସବୁ ସେମନ୍ତକେ ଜାନାଇଦେସ୍ ।”

୨୧ ତେଇଅନି ସେ ଲକ୍ ଜାଇକରି, ଜିସୁ ତା'ରପାଇ ଜନ୍ ବଡ଼ କାମ୍ କରିରଇଲା, ସେ ସବୁ ଦେକାପଲି ନଅରେ, ଗାଉଁମନ୍ତକେ କଇବୁଲୁଲା । ତେଇ ସବୁଲକ୍ କାବା ଅଇଗାଲା ।

ଜିସୁ ଗଟେକ୍ ମଲା ଟକିକେ ଜିବନ୍ ଦେଲା ଆରି ଗଟେକ୍ ରଗି ମାଇଜିକେ ନିମାନ୍ କଲା
 (ମାତ୍ରି ୮:୨୩-୨୭; ଲୁକ୍ ୮:୨୨-୨୫)

୨୨ ଜିସୁ ତଙ୍ଗା ଲଜି ଜାଇ ଆରିତରେକ୍ ବାଉଡି ଆଇଲାଦାପ୍ତରେ, ଜବର୍ଲକ୍ ତା'ର ଲଗେ ରୁଣ୍ଡୁଲା, ଆରି ସେ ସମ୍ତୁର୍ କଣ୍ଡି ରଇଲା । ୨୩ ସେତ୍ତକିବେଲେ ଜିଉଦିମନ୍ତ ପାର୍ତନା ଗରର୍ ମୁକିଅ, ଜାଇରସ୍ ନାଉଁର୍ ଗଟେକ୍ ଲକ୍ ଆସି ଜିସୁକେ ଦେକି ତା'ର ଗଡ଼ତଲେ ଅଦରୁଲା । ୨୪ ଆରି ବେସି ବାବୁଜିଆ କରି କଇଲା, “ମର୍ ଟକି ମର୍ବା ଉପ୍ତରେ ଆଟେ, ସେ ଜେନ୍ତି ନିକ ଅଇ ବର୍ତ୍ତସି, ତେବର୍ ପାଇ ତମେ ଆସି ତା'ର ଉପ୍ତରେ ଆଡ଼ ସଙ୍ଗଇଦିଆସ୍ ।”

୨୫ ଜିସୁ ତାକର୍ ସଙ୍ଗେ ଗାଲା, ଆରି ଗାଦିଲକ୍ ତା'ର ପଟେ ପଟେ ଜିବାର୍ ଦାରୁଲା, ଆରି ଲକ୍ମନ୍ ତାକେ ଡାବାଡାବି ଅଇତେ ରଇଲା ।

୨୬ ତେଇ ଗଟେକ୍ ବାର ବରସ୍ ଜାକ ଗାଗ୍ତେଅନି ବନି ଜିବା ମାଇଜିଟକି ରଇଲା । ୨୭ ଜେ କି କେତେ କେତେ ଡାକ୍ଟର୍ଟାନେ ଜାଇକରି ମିସା ସାସ୍ତି ବଗି ସବୁ ବିକିଦେଇ ରଇଲା । ମାତର୍ ଅଲପ୍‌ମିସା ନିକ ନ ଅଇ ଅଦିକ୍ ଅଦିକ୍ ଅଇଜାଇତେରଇଲା । ୨୮ ଜେତେବେଲେ ସେ ଜିସୁର୍ ବିସଇ ସୁନି, ଲକ୍ ଗଅଲି ବିତ୍ତରେ ପର୍ବାଟେ ଆସି ଜିସୁର୍ ଲୁଗା ଚିଲିଲା, କାଇକେବଇଲେ ସେ କଇତେ ରଇଲା, ୨୯ “କେନ୍ତି ମିସା ମୁଇ ତା'ର ଲୁଗାଜାଲି ଅଲପ୍ ଚିଲିଲେ ନିମାନ୍ ଅଇବି ।”

୩୦ ସେ ଦାପ୍ତରେ ତା'ର ବନି ଜିବାଟା ବନ୍ଦିଅଇଗାଲା, ସେଟା ସେ ନିଜେ ଜାନି ପାରୁଲା । ୩୧ ସେ ଦାପ୍ତରେ ଜିସୁ ନିଜର୍ ଚାନେଅନି ସକ୍ତି ବାରଇବାଟା ଜାନିକରି ଲକ୍ମନ୍ତ ବାଟେ ବୁଲି ଦେକି କଇଲା, “କେ ମର୍ ଲୁଗା ଚିଲିଲା ?”

୩୧ ତାର ସିସ୍ତମନ୍ ତାକେ କଇଲାଇ, “ତମେତା ଦେକଲାସିନି, ଲକ୍ଷ୍ମୀନୀ ତମର ଉପରେ ତାବା ତାବି ଅଇଗାଲାଇନି ଆରି ତମେ କେନ୍ତ୍ର କଇଲାସିନି, କେ ମନେକେ ଚିଇଲା ବଲି ?”

୩୨ ମାତର୍ ଜେ ଏଟା କରିଇଲା, ତାକେ ଦେକବାକେ ସେ ଚାରିବେଡ଼ି ଆଁକି ବୁଲାଇବାର ଦାରଲା । ୩୩ ସେଡ଼କି ବେଲେ ସେ ମାଇଜିଟକି ତାକେ ଜନ୍ ଜନ୍ତା ଗଟିଆତେ, ସେଟା ଜାନି, ତରିକରି ତରତରି ତରତରି ଆସି ଜିସୁର୍ ଗଡ଼ତଲେ ଅଦରି ସବୁ ସଡ଼କାତା କଇଲା । ୩୪ ଜିସୁ ତାକେ କଇଲା, “ନୁନି, ମରଟାବେ ବିସ୍ତାସ୍ କଲାକେ ତୁଇ ନିମାନ୍ ଅଇ ଆରୁସ୍, ସାନ୍ତ୍ରଇଇ ଜା ଆରି ତର୍ ରଗେଅନି ନିମାନ୍ ଅଇ ର ।”

୩୫ ସେ ଏ କାତା କଇଲା ବେଲେ ଜିଉଦି ମନର୍ ପାର୍ତନା ଚାଲାଉ ଜାଇରସର୍ ଗରେଅନି ଗଟେକ୍ ଲକ୍ ଆସି କଇଲା, “ତମର୍ ନୁନି ମରିଗାଲାବେ, କାଇକେ ଗୁରୁକେ ଆରି କସଟ ଦେଲାସିନି ?”

୩୬ ମାତର୍ ଜିସୁ ସେମନ୍ କାତା ଅଇଲାଟା ନ ସୁନିଲାପାରାଅଇ ପାର୍ତନା ଚାଲାଉକେ କଇଲା, “ତରାନାଇ, ଆବ୍‌କା ବିସ୍ତାସ୍ କରା ।” ୩୭ ଆରି ପିତର୍, ଜାକୁବ୍ ଆରି ତାର ବାଇ ଜଅନକେ ଚାଡ଼ି ଆରି କାକେ ନିଜର୍ ସଙ୍ଗେ ଜିବାକେ ଦେଏ ନାଇ । ୩୮ ସେମନ୍ ପାର୍ତନା ଚାଲାଉର୍ ଗରେ ଆଇଲା ଦାପ୍‌ରେ, ଜିସୁ, ଆଉଲି ଅଇବାଟା ଆରି ବେସି ମାର୍ତପ୍ ଅଇ କାନ୍ଦବାଟା ଦେକଲା । ୩୯ ମାତର୍ ବିଡ଼ରେ ଜାଇ ଲକ୍‌ମନକେ କଇଲା, “କାଇକେ ଆଉଲି ଅଇ କାନ୍ଦଲାସିନି ? ଏ ନୁନି ମରେ ନାଇ, ଅବ୍‌କା ସଇଦେଇଆତେ ।” ସେଡ଼କି ବେଲେ ସେମନ୍ ଜିସୁକେ ଲାଜ୍ କରାଇ କଇବାର ଦାରଲାଇ ।

୪୦ ମାତର୍ ସେ ସବୁକେ ବାରକରି ଟକିର୍ ଆୟାବାବାକେ ଆରି ନିଜର୍ ସିସ୍ତମନ୍ ସଙ୍ଗେ, ତାକେ ଜନ୍ ଲଗେ ତୁଲାଇ ରଇଲାଇ, ସେ ଜାଗାଇ ଗାଲା । ୪୧ ଆରି ଟକିର୍ ଆତେଦାରି ତାକେ କଇଲା, “ଟଲିତାକୁମ୍ !” ବଇଲେ “ଏ ନୁନି ମୁଇଁ ତକେ କଇଲିନି ଉର୍ !”

୪୨ ଏଡ଼କି କଇଲା ଦାପ୍‌ରେ ଟକି ଉଟି ବୁଲିବାର ଦାରଲା, ତାକେ ବାର ବରସ୍ ଅଇରଇଲା । ସେଡ଼କିବେଲେ ସବୁଲକ୍‌ମନ୍ ଦେକି ଅଦିକ୍ କାବାଅଇଗାଲାଇ । ୪୩ ଜେନ୍ତ୍ର ଆରି, କେ ମିସା ଟକିକେ ଗର୍‌ଲା ବିସଇ ନାଜାନଡ଼, ଡେବର୍ ପାଇ ସେ ଟକିର୍ ଆୟାବାବାକେ ଅଦିକ୍ ଡାଟ୍ ସଙ୍ଗେ ଆଦେସ୍ ଦେଲା, ଆରି “ଟକିକେ କାଇଟା ଆଲେ କାଇବାକେ ଦିଆସ୍ ।” ବଲି କଇଲା ।



ନିଜର୍ ଗାଁ ଜିସୁକେ ନାମର୍ ନାଇ
(ମାତିଉ ୧୩:୫୩-୫୮; ଲୁକ୍ ୪:୧୬-୩୦)

୧ ଜିସୁ ସେ ଜାଗା ଚାଡ଼ି, ସାନ୍‌ବେଲେ ଅନି ବଡ଼ିଆଇଲା ନଅରେ ଆଇଲା, ଆରି ତାର ସିସ୍ତମନ୍ ମିସା ତାର ସଙ୍ଗେ ଗାଲାଇ । ୨ ବିସ୍ତାମବାର୍ ଆଇଲାକେ, ସେ ଜିଉଦିମନର୍ ପାର୍ତନା ଗରେ ସିକିଆ ଦେବାର ଦାରଲା, ଆରି କେତେ କେତେ ଲକ୍ ତାର କାତା ସୁନି କାବା ଅଇ କଇଲାଇ, “ଏ ଲକ୍ ଏ ସବୁଜାକ କନ୍ତ୍ର ଅନି ସିକିଲା ? ଆରି, ଆକେ ଏନ୍ତାରି ଗିଆନ୍ କେ ଦେଲା ? ଆରି କେବେ ନ ଅଇବା କାମର୍ ବପୁ କନ୍ତ୍ରଅନି ପାଇଲା ? ୩ ଏ ଲକ୍‌ତା ସେ ବାତଇ । ସେ ମରିୟମର୍ ପଅ, ଜାକୁବ୍, ଜସି, ଜିଉଦା ଆରି ସିମନ୍ ତାର ବାଇ ଅଇବାଇ । ଆର୍ ବଇନିମନ୍ ତା ଇଡ଼ି ଆମର୍ ସଙ୍ଗେ ଆଟଡ଼ ।” ଏନ୍ତାରି କଇକରି ସେମନ୍ ତାକେ ମାନର୍ ନାଇ ।

୪ ତେଇ ଜିସୁ ସେମନ୍‌କେ କଇଲା, “ନିଜର୍ ନଅରର୍ କୁଟୁମର୍ ଲକ୍‌ମନକେ ଆରି ନିଜର୍ ଗରର୍ ଲକ୍‌କେ ଚାଡ଼ି ବାକି ସବୁ ଜାଗାଇ ବାବବାଦିମନ୍‌କେ ସନ୍‌ମାନ୍ ମିଲିସି ।” ୫ ସେଜାଗାଇ ଆରି କେତେଟା ରଗିମନ୍‌କେ ସେ ଆଡ଼ ସଙ୍ଗେକରି ନିକ କରବାଟା ଚାଡ଼ି ଆରି କାଇ ନ ଅଇବା କାମ୍ କରିନାପାରୁଲା । କାଇକେବଇଲେ ତେଇର୍ ଲକ୍‌ମନ୍ ତାକେ ବିସ୍ତାସ୍ କରର୍ ନାଇ । ୬ ଆରି ତେଇର୍ ଲକ୍‌ମନ୍ ତାକେ ବିସ୍ତାସ୍ ନ କରବାଟା ଦେକି ଜିସୁ କାବାଅଇଗାଲା ।

ଜିସୁ ବାର୍‌ଟା ସିସ୍ତମନ୍‌କେ ପାଟାଇଲା
(ମାତିଉ ୧୦:୫-୧୫; ଲୁକ୍ ୯:୧-୬)

୭ ପତେ ସେ ଚାରିବେଡ଼ିଟି ଗାଉଁ ମନ୍ ବୁଲି ବୁଲି ସିକିଆ ଦେବାର ଦାରଲା । ଏଡ଼କି ବିଡ଼ରେ ସେ ବାରଟା ସିସ୍ତମନ୍‌କେ ଲଗେ ଡାକି, ତୁଇ ତୁଇ ଲକ୍‌କେ ପାଟାଇବାର୍ ଆରାମ୍ କଲା, ସେମନ୍‌କେ ତୁମାମନ୍‌କେ ଚାଟାଇବାକେ ଅଦିକାର୍ ଦେଲା । ୮ ଜିବାବେଲେ ଗଟେକ୍ ଡାଙ୍ଗ୍ ଚାଡ଼ି ବାଟ୍ କରଟର୍ ପାଇ ରୁଟି କି ବେସିନିଟାଣେ ଡାବୁ ନ ନିଆ ବଲି ଆଦେସ୍ ଦେଲା । ୯ ମାତର୍ ସେମନ୍‌କେ ପାଣ୍ଡୁ ପିନ୍ଧାବାକେ କଇଲା, ପିନ୍ଧିରଇବା ଟକା ଚାଡ଼ି ଆରି ଗଟେକ୍ ଟକା ନିଆନାଇ ବଲି କଇଲା । ୧୦ “ଜେତେବେଲେ ତମ୍‌କେ

☆ ୨:୪ ୬:୪ ଜଅନ୍ ୪:୪୪

ଜାର୍ ଗରେ ଡାକ୍ତରୀର ଯେ ନଅର୍ ଚାଡ଼ିଦିବା ଜାକ ତେଇସେ ରୁଆ । ୧୧ *ଜଦି କନ୍ ନଅରର୍ ଲକ୍ମନର୍ ତମ୍ବକେ ନ ନାମର୍, ଆରି ତମର୍ କାତା ନ ସୁନର୍, ସେ ଜାଗାଇ ଅନି ଆଇବା ବେଲେ ସେମନର୍ ବିରଦେ ସାକି ଇସାବେ, ତମର୍ ପାଦର୍ ଦୁଲି ପାପୁଡ଼ିଦିଆସ୍ । ଏଟାର୍ଲାଗି ସେ ନଅରର୍ ଲକ୍ମନର୍ ଜାନବାଇ ଜେ, ପରମେସର୍ ସେମନ୍କେ ତଣ୍ଟ ଦେଇସି ।”

୧୨ ସିସମନ୍ ବାରଇ ଜାଇ ଲକ୍ମନ୍କେ “ତମର୍ ପାପ ଗନେଅନି ବାଉଡା ।” ବଲି ଜାନାଇଲା । ୧୩ *କେତେକ୍ କେତେକ୍ ଲକ୍ମନ୍କେ ଗନେଅନି ତୁମା ଚାତାଇଲା, ଆରି କେତେକ୍ ରଗି ଲକ୍ମନ୍କେ ଚିକନ୍ ଲାଗାଇ ନିମାନ୍ କଲା ।

ତୁବନ୍ ଦେଉ ଜଅନର୍ ମରନ୍
(ମାଡ଼ିଉ ୧୪:୧-୧୨; ଲୁକ୍ ୯:୭-୯)

୧୪ *ଜିସୁର୍ ନାଉଁ ସବୁବାଟେ ଉଦ୍‌ରା ଅଇଗାଲାକେ, ଏରଦ୍ ରାଜା ଜିସୁର୍ ବିସଇ ସୁନଲା, ଆରି ଲକ୍ମନ୍ କଇତେରଇଲାକେ, ତୁବନ୍ ଦେଉ ଜଅନ୍ ମରିକରି ଭଟି ଆଟେ, ତେବର୍ପାଇ ଏ ସବୁ ନ ଅଇବା କାମର୍ ସକ୍ତି ତାର୍ଗଟାନେ କାମ୍ କଲା । ୧୫ ମାତର୍ ବିନ୍ ବିନ୍ ଲକ୍ମନ୍ କଇତେ ରଇଲା, ଏ ଏଲିୟ, ଆରି କେ କେ କଇତେ ରଇଲା, ଆଗର୍ ବାବବାଦି ମନର୍ପାରା ଗଟେକ୍ ଲକ୍ ।

୧୬ ମାତର୍ ଏରଦ୍ ଏଟା ସୁନି କଇଲା, “ମୁଇ ଜନ୍ ଜଅନର୍ ମୁଣ୍ଟ କାଟାଇଲି, ସେ ମଲାତେଇଅନି ଭଟିଆଟେ !” ୧୭ *ତେବେ ଏରଦ୍ ନିଜର୍ ବାଇ ପିଲିପର୍ ମାଇଜି ଏରଦିଆକେ ବିବା ଅଇ ରଇଲା । ତାକେ ସାରଦା କର୍ବାକେ ନିଜେ ଏରଦ୍ ଲକ୍ମନ୍କେ ପାଟାଇ ତୁବନ୍ ଦେଉ ଜଅନ୍କେ ଦାରି, ବାନ୍ଧିକରି ବନ୍ଦି କର୍ବାକେ ଆଦେସ୍ ଦେଲା । ୧୮ କାଇକେବଇଲେ ଜଅନ୍ ଏରଦ୍କେ ତରକେତର୍ କଇତେରଇଲା “ମସାର୍ ନିୟମ୍ ଇସାବେ ନିଜର୍ ବାଇର୍ ମାଇଜିକେ ସଙ୍ଗାଇବାର୍ ତର୍ ବିଦି ନାଇ ।”

୧୯ ଏନ୍ତାରି କଇଲାକେ ଏରଦିଆ ଜଅନ୍କେ ରିସା ଅଇ ତାକେ ମରାଇବାକେ ମନ୍ କର୍ତେରଇଲା, ମାତର୍ ନାପାର୍ତେ ରଇଲା । ୨୦ କାଇକେବଇଲେ ଏରଦ୍ ଜଅନ୍କେ ଗଟେକ୍ ଦରମ୍ ଆରି ସୁକଲ୍ ଲକ୍ ବଲି ଜାନି ତର୍ତେ ରଇଲା, ଆରି ତାକେ ରକିଆ କର୍ବାକେ ଚେସ୍ଟା କର୍ତେରଇଲା । ଜେତେବେଲେ ମିସା ତାର୍ କାତା ସୁନ୍ତେରଇଲା, ବେସି କଲ୍‌ବଲ୍ ଅଇତେରଇଲା । ଏଲେମିସା ସେଟା ସାର୍ଦା ସଙ୍ଗ୍ ସୁନ୍ତେରଇଲା ।

୨୧ ପଟେ ଏରଦିଆର୍ ଜାଗତେ ରଇବା ଦିନ୍ କେଟିଆଇଲା । ଏରଦ୍ ଜନମ୍ ଦିନେ, ନିଜର୍ ମନ୍ତ୍ରି ମନ୍କେ ଆରି ମୁକିଅ ମୁକିଅ ସେନାପତି ଆରି ଗାଲିଲିର୍ ବଡ଼ବଡ଼ ଲକ୍ମନ୍କେ ଡାକି, ରାତିଆ ଗଟେକ୍ ବଜିକଲା । ୨୨ ତେଇ ଏରଦିଆର୍ ଟକି ବିତ୍ତରେ ପୁରି ଏରଦ୍ ଆରି ତାର୍ ସଙ୍ଗ୍ ବସି କାଇବା ଲକ୍ମନ୍କେ ନାଟକରି ମନ୍ତ୍ରାଇ ଦେଲା । ରାଜା ଟକିକେ କଇଲା, “ତୁଇ ଜାଇଟା ମନ୍ କଲୁସି ସେଟା ମାଙ୍ଗ୍, ମୁଇ ତକେ ଦେବି ।” ୨୩ ଆରି ଏରଦ୍ ତାର୍ ଲଗେ ପର୍ମାନ୍ କଲା, “ତୁଇ ଆମ୍ବକେ ଜାଇଟା ମାଙ୍ଗ୍ଲେ ମିସା, ମୁଇ ରାଇଜର୍ ଅଦ୍ ବାଟ୍ ଜାକ ତକେ ଦେଇ ଦେବି ।”

୨୪ ତେଇଅନି ସେ ବାରଇଜାଇ ତାର୍ ମାଆକେ ପାଟାର୍ଲା, “ମୁଇ କାଇଟା ମାଙ୍ଗ୍ବି ?” ତାର୍ ମାଆ କଇଲା, “ତୁବନ୍ ଦେଉ ଜଅନର୍ ମୁଣ୍ଟ ମାଙ୍ଗ୍ ।”

୨୫ ସେଦାପ୍ରେ ଟକି ରାଜାର୍ ଲଗେ ଆସି ଏଟା କଇ ମାଙ୍ଗ୍ଲା, “ତୁଇ ମକେ ଏବେ ତୁବନ୍ ଦେଉ ଜଅନର୍ ମୁଣ୍ଟ ଗଟେକ୍ ତାଲାଇ କାଟି ଦେ ।” ୨୬ ସେକାତା ସୁନି ରାଜା ବେସି ଦୁକ୍ କଲା ମାତର୍ ନିଜେ କାତା ଦେଇରଇଲାଟା ଆରି କାଇବାକେ ବସି ରଇବା ଲକ୍ମନର୍ମୁଆଟେ ମାଙ୍ଗ୍ଲାଟା ନାଇ ବଲି କଇବାକେ ମନ୍ କରେନାଇ । ୨୭ ତେବେ ରାଜା ସେଦାପ୍ରେ ଗଟେକ୍ ସିଇନକେ ପାଟାଇ ତାର୍ ମୁଣ୍ଟ ଆନୁବାକେ ଆଦେସ୍ ଦେଲା, ତେଇ ସଇନ ବନ୍ଦି ଗରେ ଜାଇ, ତୁବନ୍ ଦେଉ ଜଅନର୍ ମୁଣ୍ଟ କାଟ୍ଲା । ୨୮ ଆରି ସେ ମୁଣ୍ଟ ଗଟେକ୍ ତାଲାଇ ଆନି ଟକିକେ ଦେଲା, ଆରି ଟକି ତୁବନ୍ ଦେଉ ଜଅନର୍ ମୁଣ୍ଟ ନେଇ ତାର୍ ମାକେ ଦେଲା । ୨୯ ଜଅନର୍ ସିସମନ୍ ତେଇର୍ କବର୍ ସୁନି ଆଇଲା, ଆରି ମଲା ମଡ଼କେ ନେଇ ମସନେ ତପ୍ତଲା ।

ଜିସୁ ବେସି ଲକ୍ମନ୍କେ କୁଆଇଲା
(ମାଡ଼ିଉ ୧୪:୧୩-୨୧; ଲୁକ୍ ୯:୧୦-୧୭; ଜଅନ୍ ୬:୧-୧୪)

୩୦ ପଟେ *ପେରିତ୍ମନ ଜିସୁର୍ ଲଗେ ରୁଣ୍ଟଲା, ଆରି ସେମନ୍ ଜନ୍ ଜନ୍‌ଟା କରି ରଇଲା, ଆରି ଜାଇ ଜାଇଟା ସିକାଇ ଦେଇରଇଲା, ସେସବୁ ତାକେ ଜାନାଇଲା । ୩୧ ସେଡ଼କି ବେଲେ ଜିସୁ ସେମନ୍କେ କଇଲା, “ତମେମନ୍ ମର୍ସଙ୍ଗ୍ ଆସା ଆମେ ଗଟେକ୍ କିନରା ଜାଗାଇ ଜାଇ ଚନେକ୍ ବିସରାମ୍ କରୁ ।”

* ୬:୧୧ ୬:୧୧ ପେରିତ୍ ୧୩:୫୧ * ୬:୧୧ ୬:୧୧ ଲୁକ୍ ୧୦:୪-୧୧ * ୬:୧୩ ୬:୧୩ ଜାକୁବ ୫:୧୪ * ୬:୧୪ ୬:୧୪ ମାଡ଼ିଉ ୧୬:୧୪; ମାର୍ଚ୍ଚ ୮:୨୮; ଲୁକ୍ ୯:୧୯ * ୬:୧୭ ୬:୧୭ ଲୁକ୍ ୩:୧୯, ୨୦ * ୬:୩୦ ୬:୩୦ ମାପ୍ତୁର୍ କାତା କଇବାକେ ପାଟାଇଲା ଲକ୍ମନ୍

କାଳକେବଳଲେ କେତେକ କେତେକ ଲକ୍ଷ ଆସି ଜା ଅଇତେରଇଲାଇଜେ ସେମାନଙ୍କେ କାଳବାକେ ମିସା ସୁଜଗ୍ ନ ମିଲ୍‌ତେ ରଇଲା । ୩୭ ତେବେ ଜିସୁ ଆରି ତାର୍ ସିସ୍‌ମନ୍ ବାରଇ ବେଗଲି ଜାଇ ତଞ୍ଜାଇ ବସି ଗଟେକ୍ କିନରା ଜାଗାଇ ଗାଲାଇ ।

୩୮ ମାତର୍ ସେମନ୍ ବାରଇ ଜିବାଟା ବେସିଲକ୍ ଦେକି ଚିନ୍‌ଲାଇ, ଆରି ସବୁ ନଅରେ ଅନି ଲକ୍‌ମନ୍ ପାଲାଇ ପାଲାଇ ଜାଇ ସେମାନର୍ ଆଗତୁ କେଟ୍‌ଲାଇ । ୩୪ ଡିସୁ ତଞ୍ଜାଇଅନି ବାରଇ, ବେସି ଲକ୍‌ମନ୍‌କେ ଦେକି ତାର୍ ଜିବନ୍ ଦୁକାଇ ଦୟାକଲା । କାଳକେବଳଲେ ସେମନ୍ ଗଉଡ଼ ନ ରଇଲା ମେଣ୍ଡାଭାସି ପାରା ରଇଲାଇ ଆରି ସେ ସେମନ୍‌କେ କେତେକ୍ ବିସଇ ସିକିଆ ଦେବାର୍‌ଦାର୍‌ଲା । ୩୫ ଏଡ଼କି ବିଡ଼ରେ ବେଲ୍ ବସି ଆଇବାକେ ସିସ୍‌ମନ୍ ଆସି ଜିସୁକେ କଇଲାଇ, “ଏ ଜାଗା ତା ଚିମରା ଜାଗା ଆରି ବେଲ୍ ମିସା ବସିଆଇଲାନି, ୩୬ ତେବର୍‌ପାଇ ଲକ୍‌ମନ୍‌କେ ପାଟାଇ ଦିଆସ୍ । ଜେନ୍ତି କି ସେମନ୍ ଚାରିବେଡ଼ଡ଼ିର୍ ଗାର୍ଡ଼ ମନକେ କାଇ ନିଜର୍ ନିଜର୍ ପାଇ କାଇବାକେ କାଇଟା ମିସା ଗେନି ।”

୩୭ ମାତର୍ ଜିସୁ ସେମନ୍‌କେ କଇଲା, “ତମେ ସେମନ୍‌କେ କାଇଟା ମିସା କାଇବାକେ ଦିଆସ୍ ।” ସେମନ୍ ତାକେ କଇଲାଇ, “ଆମେ ଜାଇ ଆର୍ ମାସର୍ କୁଲି ତାବୁ ନେଇ ଏମନ୍‌କେ ରୁଟି ଗେନିଆନି କୁଆଇବୁ କି ?”

୩୮ ଜିସୁ ସେମନ୍‌କେ କଇଲା, “ତମର୍ ଲଗେ କେତେଟା ରୁଟି ଆଚେ ? ଜାଇ ଦେକା ।” ସେମନ୍ ଦେକିଆସି ତାକେ କଇଲାଇ, “ପାର୍ଟା ରୁଟି ଆରି ଦୁଇଟା ମାଟ୍ ।”

୩୯ ତେଇ ସବୁଲକ୍ ଜେନ୍ତି ଦଲ୍‌ଦଲ୍ ଅଇ କଅଁଲି ଗାଁସ୍ ଉପରେ ବସ୍‌ବାଇ, ଏଗାର୍‌ପାଇ ଜିସୁ ତାର୍ ସିସ୍‌ମନ୍‌କେ ତିଆର୍‌ଲା । ୪୦ ସେମନ୍ ସଏ ସଏ ଆରି ପଗସ୍ ପଗସ୍ ଲକ୍ ଦାଡି ଦାଡି ଅଇ ବସ୍‌ଲାଇ । ୪୧ ପଚେ ଜିସୁ ପାର୍ଟା ରୁଟି ଆରି ଦୁଇଟା ମାଟ୍ ଦାରି ସରଗ ବାଟେ ଦେକି ପରମେସର୍‌କେ ଦନିଅବାଦ୍ ଦେଲା, ଆରି “ରୁଟି ବାଙ୍ଗାଇ ଲକ୍‌ମନ୍‌କେ ଦିଆସ୍ ।” ବଲି ସିସ୍‌ମନ୍‌କେ ଦେଲା । ଆରି, ସେ ଦୁଇଟା ମାଟ୍ ସବୁକେ ବାଟାକରି ଦେଲା । ୪୨ ତେଇ ସବୁଲକ୍ କାଇକରି ପେଟ୍ ପୁରାଇଲାଇ, ୪୩ ଆରି ସେମନ୍ ବାଙ୍ଗଲା ରୁଟି ଆରି ମାଟ୍ ରୁଣ୍ଡାଇ ବାର୍‌ଟା ତାଲାଇ ପୁରୁନ୍ କଲାଇ । ୪୪ ତେଇ କାଇଲା ଲକ୍‌ମନ୍‌ର୍ ବିଡ଼ରେ ଅବ୍‌କା ମନସ୍ ପିଲାମନ୍ ପାର୍ଟ୍ ଅଜାର୍ ରଇଲାଇ ।

ଜିସୁ ପାନିତେଇ ଇଣ୍ଡିଲା

(ମାତିଉ ୧୪:୨୨-୩୩; ଜଅନ୍ ୬:୧୫-୨୧)

୪୫ ସେଦାପ୍‌ରେ ଜିସୁ ନିଜର୍ ସିସ୍‌ମନ୍‌କେ ତଞ୍ଜାଇ ବସି ଗାଡ଼ ସେପାଟର୍ ବେଟ୍‌ସାଇଦାଇ ତାର୍ ଆଗତୁ ଜିବାକେ କଇଲା, ଆରି ତେଇ ରଇଲା ଲକ୍‌ମନ୍‌କେ ନିଜର୍ ନିଜର୍ ଗର୍ମନ୍‌କେ ପାଟାଇ ଦେଲା । ୪୬ ଜିସୁ ଲକ୍‌ମନ୍‌କେ ପାଟାଇଲା ପଚେ, ପାର୍‌ତନା କର୍‌ବାକେ କୁପ୍‌ଲିଉପ୍‌ରେ ଗାଲା । ୪୭ ରାତି ଅଇଲାକେ ତଞ୍ଜା ସମାପ୍‌ର୍ ମଜାଇ ରଇଲା, ଆରି ସମାପ୍‌ର୍ ପାଲି ଜିସୁ ଗଟେକ୍ ଲକ୍‌ସେ ରଇଲା । ୪୮ ମୁଆର୍ ବାଟେ ଅନି ପବନ୍ ଆଇତେ ରଇଲାଜେ ତାର୍ ସିସ୍‌ମନ୍ ତଞ୍ଜା ଗାଡ଼ବାକେ କସର୍ ଅଇବାଟା ଜିସୁ ଦେକ୍‌ଲା । କୁକ୍‌ତା ତାକେ ଜିସୁ ସମାପ୍‌ର୍ ଉପରେ ଇଣ୍ଡି ଇଣ୍ଡି ସେମାନର୍ ଲଗେ ଗାଲା, ଆରି ସେମନ୍‌କେ ବାଟ୍ ଦେଇ ଜିବାଟା ସିସ୍‌ମନ୍ ଦେକ୍‌ଲାଇ । ୪୯ ମାତର୍ ସେମନ୍ ଜିସୁ ପାନିତେଇ ଇଣ୍ଡିବାଟା ଦେକି ତୁମା ବଲି ବାବି କିଟ୍‌କିଟ୍‌ଲାଇ । ୫୦ କାଳକେବଳଲେ ସବୁଲକ୍ ତାକେ ଦେକି କିଲ୍‌ବିଲ୍ ଅଇଜାଇତେ ରଇଲାଇ । ସେଦାପ୍‌ରେ ଜିସୁ ସେମାନର୍ ସଙ୍ଗ୍ କାତା ବାର୍‌ତା ଅଇ ସେମନ୍‌କେ କଇଲା, “ତରାନାଇ ସାଆସ୍ ଦାରା, ଏଗାଟା ମ୍‌ଇ ।”

୫୧ ଆରି, ସେ ସେମାନର୍ ଲଗେ ଜାଇ ତଞ୍ଜାଇ ଚଗଲା, ଆରି ପବନ୍ ବସ୍ ଅଇଲା । ତେଇ ସେମନ୍ ମନେ ମନେ କାବା ଅଇଗାଲାଇ, ୫୨ କାଳକେବଳଲେ ପାର୍ଟା ରୁଟିର୍ ଗର୍‌ନାଇଅନି ଜିସୁ କେ ବଲି ବୁଜି ନ ରଇଲାଇଜେ ସେମାନର୍ ବୁଦି ଗୁପ୍‌ଜାଇରଇଲା ।

ଜିସୁ ଗିନେସରତେଇ ବେସି ଲକ୍‌ମନ୍‌କେ ନିକ କଲା

(ମାତିଉ ୧୪:୩୪-୩୬)

୫୩ ଜିସୁ ଆରି ତାର୍ ସିସ୍‌ମନ୍ ଗାଡ଼ ଲଙ୍ଗି ଗିନେସରତ୍ ବାଟେ ଜାଇକରି କେଟ୍‌ଲାଇ ଆରି ଗାଡ଼ପାଲି ତଞ୍ଜା ବାନ୍‌ଲାଇ । ୫୪ ଆରି, ତଞ୍ଜାଇ ଅନି ଉତରଲା ଦାପ୍‌ରେ, ଲକ୍‌ମନ୍ ଜିସୁକେ ଚିନ୍‌ଲାଇ । ୫୫ ଆରି ସେମନ୍ ଜିସୁ ଆଇଲା କବର୍ ସୁନାଇବାକେ ସବୁ ଗାଏଁ ପାଲାଇଲାଇ । ସେ ଜନ୍ ଜନ୍ ଜାଗାଇ ଆଚେ ବଲି ସୁନ୍‌ଲାଇ, ସେ ଜାଗାଇ ଜରର୍ ଲକ୍‌ମନ୍‌କେ କର୍ ମିସ୍‌ତେ ବଇ ଆନବାର୍ ଦାର୍‌ଲାଇ । ୫୬ ଆରି ସେ ଜେତେକ୍ ଜେତେକ୍ ଗାର୍ଡ଼, ସଅର୍ ଆରି ପୁଟ୍ ମନ୍‌କେ କେଟ୍‌ଲା, ଲକ୍‌ମନ୍ ସେ ସବୁ ଜାଗାଇ ଆର୍

ବଜାରମାନଙ୍କେ ରଗିମାନଙ୍କେ ସଜାଇଦେଇ, ସେମାନ ତାରୁ ଲୁଗା ଅଁଟିଟାଣେ ଚିଇବୁ ବଲି ଲୁଆରୁବିଆରୁ କଲାଲ । ଜେଡେକ୍ ଲକ୍ ତାକେ ଚିଇଲାଲ, ସବୁଲକ୍ ନିକ ଅଇଲାଲ ।



ସୁଚି ଆରି ଅସୁଚି ବିସଇରେ ସିକିଆ

(ମାଡିଉ ୧୫:୧-୯)

୧ ପତେ ପାରୁସିମନ୍ ଆରି ଜିରୁସାଲାମ୍ ଅନି ଆସିରଇବା କେଡେଟା ସାସତରୁ ସିକାଉ ପଣ୍ଡିତମନ୍ ଜିସୁର ଲଗେ ରୁଣ୍ଡିଲାଲ । ୨ ତାରୁ ସିସମନରୁ ବିଡରେ ଅନି କେଡେକ୍ ସିସମନ୍ ଜିଉଦିମନରୁ ରିତିନିତି ଇସାବେ ଆଡ଼ ନ ଦଇଡେ କାଇବାଟା ଦେକ୍ଲାଲ ।

୩ ପାରୁସିମନ୍ ଆରି ସବୁ ଜିଉଦିଲକରୁ ପାରୁଚିନମନରୁ ନିୟମ୍ ମାନି ରିତିନିତି ଇସାବେ ଆଡ଼ ନ ଦଇଡେ ନ କାଇଡେରଇଲାଲ । ୪ ଆରି ଆଟ୍‌ବାଟ୍ କରିଆସି ରିତିନିତି ଇସାବେ ପାନି ନ ଚିଡି ଅଇଡେ ନ କାଇଡେ ରଇଲାଲ । ଗିନା, ମୁତା, ପିତଲ୍ ତାଲା ଆରି ସଇବା କଟ୍ କେନ୍ତି ଦଇବାଟ୍, ସେଟା ସଙ୍ଗ୍ ଅଲ୍‌ଗା ରିତିନିତି ମିସା ମାନୁଡେରଇଲାଲ ।

୫ ତେବେ ପାରୁସି ଆରି ସାସତରୁ ସିକାଉମନ୍ ଜିସୁକେ ପାଟାରୁଲାଲ, “କାଇକେ ତରୁ ସିସମନ୍ ପାରୁଚିନମନରୁ ରିତିନିତି ନ ମାନି ଆଡ଼ ନ ଦଇ କାଇଲାଲନି ?”

୬ ଜିସୁ ସେମନକେ କଇଲା, “ଏରେ କୁଟିଆଲ୍‌ମନ୍, ତମରୁ ବିସଇନେଇ ଜିସାୟ ବବିସଡ଼ବକ୍ତା ନିକସଙ୍ଗ୍ ଜାନାଇଆଡେ, ସେ ଏନ୍ତି କଇଲା ଆଡେ ।”

ପରମେସରୁ କଇଲାଲି “ଏ ଜାତି, ମକେ ମୁଏ ସନ୍‌ମାନ୍ ଦେବାଇ, ମାତରୁ ତାକରୁ ମନ୍ ମରୁଟାଣେଅନି ଦୁରିକେ ରଇସି ।

୭ ସେମନ୍ ଲକ୍‌ମନ୍ କଲା ନିୟମ୍ ମାପୁରୁରୁ ନିୟମ୍ ବଲି ସିକାଇବାଇ ମାତରୁ ସେ ଉପାସନାରୁ କିଟି ମୁଲିଅ ନାଲ ।

୮ “ତମେ ପରମେସରୁ ଆଦେସ୍ ଇନକରି ନରୁଲକରୁ ରିତିନିତି ଦାରି ବସିଆରାସ ।” ୯ ଆରି ଜିସୁ ସେମନକେ କଇଲା, ତମେ ଚତୁରୁ ଅଇ ନିଜରୁ ରିତିନିତି ମାନୁବାକେ ବଲି ପରମେସରୁ ଆଦେସ୍ ନିରୁ ବଇଲାସିନି । ୧୦ କାଇକେବଇଲେ ମସା ସିକିଆ ଦେଇଆଡେ, ମା ବାବାକେ ମାନା, ଆରି ଜେ କି ତାରୁ ବାବାକେ କି ମାକେ ସାଇପ୍ ଦେଇସି, ସେ ମରନ୍ ତଣ୍ଡୁ ପାଇସି ଆକା । ୧୧ ମାତରୁ ତମେ ସିକାଇଲାସିନି କି ଜେବେ ବାବାକେ କି ମାକେ କଇସା, “ଜନ୍‌ଟା ମୁଇ ତମ୍‌କେ ଦେବାରୁ ରଇଲା ସେଟା କରୁବାନ୍ ।” କରୁବାନ୍ ବଇଲେ ମାପୁରୁକେ ଆକା ମାନତ୍ କରୁବାଟା । ୧୨ ତେବେ ତମେ ତାରୁ ବାବାଟ୍ କି ମାଆରୁ କାଇ ଉପକାର କରୁବାଟାକେ ଡେବାଇଲାସିନି । ୧୩ ଏନ୍ତାରି ତମେ ନିଜରୁ ଆନିଦାଦିମନରୁ ବେଲେ ଅନି ଆଇବା ରିତିନିତି ମାନିକରି ପରମେସରୁ ବାକିଅ ଏଡାଇ ଦେଲାସିନି, ଆରି ଏନ୍ତାରି କେଡେକ୍ କେଡେକ୍ କାମ୍‌ମନ୍ କଲାସିନି ।

ଗଡେକ୍ ଲକ୍‌କେ କାଇଟା ଅସୁକଲ୍ କରୁସି

(ମାଡିଉ ୧୫:୧୦-୨୦)

୧୪ ଜିସୁ ଆରି ତରେକ୍ ଲକ୍‌ମନକେ ଲଗେଡାକି କଇଲା, “ତମେ ସବୁଲକ୍ ମରୁ କାତା ସୁନା ଆରି ବୁଜା । ୧୫ ଲକ୍‌ରୁ ଟଣ୍ଡେଅନି ଏନ୍ତାରି କାଇ ବିସଇ ନାଲ, ଜନ୍‌ଟା ତାରୁ ବିଡରେ ପୁରି ତାକେ ଅସୁକଲ୍ କରି ପାରେ, ମାତରୁ ଜନ୍ ଜନ୍‌ଟା ମୁନୁସମନରୁଟାଣେଅନି ବାରଇସି ସେ ସବୁ ତାକେ ଅସୁକଲ୍ କରୁସି । ୧୬* ଜଦି ଜାକେ ସୁନ୍‌ବାରୁ କାନି ଆଡେ, ସେ ସୁନ ।”

୧୭ ଆରି ଜିସୁ ଲକ୍‌ରୁ ମାଦା ଗାଡି ଗରେ ପୁରୁଲାପତେ ତାରୁ ସିସମନ୍ ସେ ଉଦାଅରନରୁ ଅରଡ଼ କାଇଟା ବଲି ପାଟାରୁବାରୁ ଦାରୁଲାଲ । ୧୮ ଜିସୁ ସେମନକେ କଇଲା, “ତମେ ମିସା କାଇ ବୁଜାସ୍ ନାଲ ? ଜନ୍ ଜିନିସ୍ ମିସା ବାଇରେ ଅନି ମୁନୁସମନରୁ ବିଡରେ ପୁରୁସି, ସେଟା ତାକେ ଆସାରୁ ନ କରେ । ୧୯ କାଇକେବଇଲେ ସେଟା ତାରୁ ମନ୍ ବିଡରେ ପୁରେନାଇ, ମାତରୁ ପେଟ୍ ବିଡରେ ପୁରି କରି ବାଇରେ ବାରଇ ଆଇସି ।” ଏନ୍ତାରି କଇଲାକେ ସବୁ କାଦି ସୁକଲ୍ ଆକା ବଲି ଜିସୁ ଜାନାଇଲା ।

୨୦ ଆରି ସେ କଇଲା, “ମୁନୁସରୁ ମନ୍‌ବିଡରେ ଅନି ଜନ୍‌ଟା ବାରଇସି, ସେଟାସେ ତାକେ ଆସାରୁ କରୁସି । ୨୧ କାଇକେବଇଲେ ମୁନୁସରୁ ମନ୍ ବିଡରେ ଅନି କରାପ୍ ଚିନ୍ତା ବାରଇସି । ସେଟାମନ୍ ଅଇଲାଲି, ପାଦରା

* ୭:୧୬ ୭:୧୭ କେଡକ୍ ପୁରୁନା ଲେକାଇ ଏ ପଦ୍ ଲେକାଅଏ ନାଲ

ପାଦ୍ରି କାମ୍, ଚରକାମ୍, ଲକ୍ଷ୍ମୀନକେ ମରାଇବା କାମ୍ । ୨୨ ବିବା ଅଇ କରୁବା ବେସିଆ କାମ୍, ବିବା ନଇତେ କରୁବା ବେସିଆ କାମ୍, ଲବାଇବାଟା, ମିଡ଼ କଇବାଟା, ଅଲ୍ଲୁସୁଆ ଅଇବାଟା, ଆଁକାର୍ ଅଇବାଟା, ନିନ୍ଦା କାତା କଇବାଟା, ବଡ଼ପନ୍ ଅଇବାଟା, ବକୁଆ ଅଇବାଟା । ୨୩ ଏ ସବୁ କରାପୁ ବିସଇମନ୍ ବିଡ଼ରେଅନି ବାରଇ ଲକ୍ଷ୍ମୀକେ ନସାଇଦେଇସି ।”

ଗଟେକ୍ ମାଇଜିର୍ ତାଟ୍ ବିସ୍ବାସ୍
(ମାଡିଉ ୧୫:୨୧-୨୮)

୨୪ ତାଟପରେ ଜିସୁ ସେ ଜାଗା ଚାଡ଼ିକରି ସର ଆରି ସିଦନର୍ ସଅରେ ଗାଲା । ତେଇ ଗଟେକ୍ ଗରେ ପୁରଲା । ଜେଡ଼ି କେ ମିସା ସେଟା ନାଜାନଡ଼, ଏଟା ସେ ମନ୍ କରତେ ରଇଲା, ମାତର୍ ସେ ନ ଜାନାଇ ଅଇତେ ରଇନାପାରଲା । ୨୫ ଜିସୁ ଆଇଲାଆତେ ବଲି ସୁନ୍ଲା ଦାପୁରେ, ଗଟେକ୍ ମାଇଜି ଜାର୍ ସାନ୍ ଟକିକେ ତୁମା ଦାରିରଇଲା, ତାର୍ ଗଡ଼ତଲେ ଆସି ଅଦରଲା । ୨୬ ସେ ସୁର ଦେସର୍ ପଇନିକିଆ ଜାଗାଇ ଜନମ୍ ଅଇ ଜିଉଦି ଜାଡିର୍ ନ ରଇଲା, ତାର୍ ଟକିକେ ତୁମା ଚାତାଇବାକେ ସେ ଜିସୁକେ ବାବୁଜିଆ କଲା ।

୨୭ ତେବେ ଜିସୁ ତାକେ କଇଲା, “ଆଗ୍ରୁ ପିଲାମନ୍କେ ପେଟ୍ ପୁରୁନ୍ କାଇବାକେ ଦେସ୍, କାଇକେବଇଲେ ପିଲାମନ୍ କାଦି ନେଇ କୁକୁରମନ୍ ଟାନ୍ନେ ପାକାଇବାଟା ଟିକ୍ନାଇ ।”

୨୮ ମାତର୍ ମାଇଜି ତାକେ କଇଲା, “ଉଁ ମାପୁରୁ, କୁକୁରମନ୍ ମିସା ପିଲାମନ୍ ଅଦ୍ରି ରଇଲା ସକ୍ତି କାଇବାଇ ।”

୨୯ ସେଡ଼ିକି ବେଲେ ଜିସୁ ତାକେ କଇଲା, “ଏନ୍ତାରି କଇଲାପାଇ ଜା, ତର୍ ଟକିତେଇଅନି ତୁମା ବାରଇଗାଲାବେ ।”

୩୦ ଆରି ସେ ମାଇଜି ଗରେ ଜାଇ, ଟକି କଟେ ସଇରଇବାଟା ଆରି ତାର୍ଟାନ୍ନେଅନି ତୁମା ବାରଇଜାଇ ରଇବାଟା ଦେକଲା ।

ଜିସୁ ଗଟେକ୍ ଗୁଲା ବଇରାକେ ନିକ କଲା

୩୧ ଜିସୁ ଆରିତରେକ୍ ସର ସଦିଅନି ଜାଇ ସିଦନ୍ ଦେଇ ଦେକାପଲି ଦସ୍ଟା ସଅରେ ଉଡ଼ରି ଗାଲିଲି ସମତୁରେ ଗାଲା । ୩୨ ଆରି ତେଇ କେତେକ୍ ଲକ୍ଷ୍ମୀନ ଗଟେକ୍ କସ୍ଟସକ୍ କାତା ଅଇବା ବଇରାକେ ଜିସୁର୍ ଲଗେ ଆନି ତାର୍ ଉପରେ ଆଡ଼୍ ସଜାଇବାକେ ବାବୁଜିଆ କଲାଇ । ୩୩ ଜିସୁ ସେ ବଇରାକେ ଲକ୍ଷ୍ମୀନର୍ ଟାନ୍ନେଅନି ବେଗଲାଇ କରି, ତାକିନେଇ ତାର୍ ଦୁଇଟା କାନ୍ନେ ଆଙ୍ଗଟି ପୁରାଇଲା ଆରି ତୁକିକି ଆଡ଼୍ସକ୍ ସେ ଲକ୍ଷ୍ମୀ ଜିବେ ଲାଗାଇଲା, ୩୪ ଆରି ସରଗ ବାଟେ ଦେକିକି ଡେଙ୍ଗ୍ ପୁଣ୍ଡା ଦାରି ବଇରାକେ କଇଲା, “ଇପତା !” ବଇଲେ ପୁଟିଅ ।

୩୫ ସେ ଦାପୁରେ ତାର୍ କାନ୍ ଉଗାଡ଼ି ଅଇଲା, ଆରି ଜିବର୍ ବନ୍ଦ୍ ପିଟିଗାଲା, ଆରି ସେ ନିମାନ୍ ସକ୍ କାତା ଅଇବାର୍ ଦାରଲା ।

୩୬ ଜିସୁ ଲକ୍ଷ୍ମୀନକେ ଏ ବିସଇ କାକେ ନ କଇବାକେ ଆଦେସ୍ ଦେଲା, ମାତର୍ ସେ ଲକ୍ଷ୍ମୀନକେ ଜେଡେକ୍ ନିତୁବଇଲେ ମିସା ସେମନ୍ ଆରି ଅଦିକ୍ ଅଦିକ୍ ସେଟା ଜାନାଇଲାଇ । ୩୭ ଆରି ଲକ୍ଷ୍ମୀନ ଅଦିକ୍ କାବା ଅଇ କଇଲାଇ, “ସେ ସବୁ କାମ୍ ନିମାନ୍ ସକ୍ କରିଆତେ, ସେ ବଇରାମନ୍କେ ସୁନ୍ଦା ବପୁ ଆରି ଗୁଲାମନ୍କେ କଇବା ବପୁ ମିସା ଦେଇଆତେ ।”



ଜିସୁ ଚାରିଅଜାର୍ ଲକ୍ଷ୍ମୀକେ କୁଆଇଲା
(ମାଡିଉ ୧୫:୩୨-୩୯)

୯ ସେବେଲେ ଆରି ତରେକ୍ ବେସି ଲକ୍ଷ୍ମୀନ ମିସଲାଇ, ଆରି ସେମନ୍ ଲଗେ କାଇବା ପିଇବାକେ କାଇଟା ନ ରଇଲାଜେ ଜିସୁ ସିସମନ୍କେ ଲଗେଡାକି କଇଲା, ୨ “ଏ ଲକ୍ଷ୍ମୀନକେ ଦେକି ମକେ ଦୁକ୍ ଲାଗୁଲାନି, କାଇକେବଇଲେ ଏମନ୍ ତିନ୍ଦିନ୍ ଅଇଲାନି ମର୍ ସକ୍ ଆଟଡ଼୍ ଆରି ଏମନ୍ ଲଗେ କାଇବାକେ କାଇଟା ମିସା ନାଲ । ୩ ତେବେ ମୁଇ ସେମନ୍କେ ନ କୁଆଇତେ ଗରେ ପାଟାଇଲେ, ବାଟେ ସେମନ୍ ଚେଟା ଆଜିଜାଇସି, ସେମନ୍ ବିଡ଼ରେ କେତେକ୍ ଲକ୍ଷ୍ମୀ ଦୁରେଅନି ଆସି ଆଟଡ଼୍ ।”

୪ ସିସମନ୍ ତାକେ କଇଲାଇ, “ଇଡି ଏ ଟିମରା ଜାଗାଇ ଲକ୍ଷ୍ମୀ ନ ରଇବାଟାନ୍ନେ କଡ଼ିଅନି ରୁଟି ଆନି ଏମନ୍କେ ପେଟ୍ ପୁରାଇବାର୍ ?” ୫ ଜିସୁ ସେମନ୍କେ ପାଚାରଲା, “ତମର୍ଲଗେ କେତେଟା ରୁଟିଆତେ ?” ସେମନ୍ କଇଲାଇ, “ସାଡ଼ଟା ।”

୭ ତେଜ ଜିସୁ ସେ ସବୁ ଲକ୍ଷ୍ୟମାନଙ୍କ ଦୁର୍ଦ୍ଦି ବସବାବେ କଲଲା, ଆରି ସେ ସାତୁଟା ରୁଟି ଦାରିକରି ପରମେସରଙ୍କେ ଦନିଅବାଦ୍ ଦେଇ ସେଟା ସବୁ ବାଙ୍ଗାଲକରି ବାଟାକରିଦେବାବେଳେ ତାର୍ ସିସ୍ତମାନଙ୍କେ ଦେଲା । ଆରି ସେମନ୍ ଲକ୍ଷ୍ୟମାନଙ୍କେ ସେଟା ବାଟାକଲା । ୮ ସେମାନର୍ ଲଗେ ଜଡେକ୍ ପାରା କେତେଟା ସାନ୍ ମାଟ୍ ରଇଲା, ସେଟା ମିସା ସେ ପରମେସରଙ୍କେ ଦନିଅବାଦ୍ ଦେଇ ବାଟାକରବାବେଳେ କଲଲା । ୯ ତେଜ ସେମନ୍ ସବୁ ଲକ୍ଷ୍ୟ ପେଟ୍ପୁରୁତେ କାଲଲା ଆରି ଅଗଲଲାଟା ସାତୁଡାଲା ବେଟଲା । ୧୦ ତେଜ ଚାରିଅଜାର୍ ଲକ୍ଷ୍ୟମନ୍ ରଇଲା । ୧୧ ତାର୍ପତେ ଜିସୁ ଲକ୍ଷ୍ୟମାନଙ୍କେ ପାଟାଲ ଦେଲା ଆରି ନିଜର୍ ସିସ୍ତମାନର୍ ସଙ୍ଗେ ଡଙ୍ଗାଲ ଚରି ଦଲ୍ଲମନୁତା ନାଉର୍ ଗଟେକ୍ ଜାଗାଲ ଆଇଲା ।

ପାରୁସିମନ୍ ଜିସୁକେ ପରିକା କଲାଲ
(ମାତିଉ ୧୭:୧-୪)

୧୧ ଧତେ ପାରୁସିମନ୍ ବାରଇ ଆସି ଜିସୁର୍ ସଙ୍ଗେ ଦଦାପେଲା ଅଇବାର୍ ଦାରୁଲା । ତାକେ ପରିକା କରବାବେଳେ ପାନ୍ଦେ ପାକାଉଁ ବଲି ମନ୍ଦକରି, ସେ ଜେ ପରମେସରଟାଣେଅନି ଆସିଆଚେ, ଏଟା ଦେକାଇବାବେଳେ ଆକାସେଅନି ଗଟେକ୍ କାବାଅଇଜିବା ଚିନ୍ଦ ଦେକାଆ ବଲି କଲଲା । ୧୨ ଜିସୁ ଗଟେକ୍ ତେଙ୍ଗୁପୁଣ୍ଡା ପୁଣ୍ଡିକରି କଲଲା, “ଏବର୍ ଲକ୍ଷ୍ୟମନ୍ କାଲକେ କାବା ଅଇବା ଚିନ୍ଦ ମାଙ୍ଗୁଲାଇନି ? ମୁଇ ତମ୍ବେକେ ସତ୍ କଇଲିନି, ଆଜିକାଲିର ଏ ଲକ୍ଷ୍ୟମାନଙ୍କେ କାବା ଅଇବା କାଲ ଚିନ୍ଦ ମିସା ଦେକାଇ ନର୍ବି ।”

୧୩ ତାର୍ପତେ ଜିସୁ ଆରି ତାର୍ ସିସ୍ତମନ୍ ସେମାନଙ୍କେ ତେଜ ଚାଡି ଡଙ୍ଗାଲ ଚରି ଆରି ତରେକ୍ ଗାଡ୍ ସେପାଟେ ଗାଲା ।

ପାରୁସିମନ୍ ସିକିଆ ବିରୁଦେ ଜିସୁର୍ ଚେତନା
(ମାତିଉ ୧୭:୫-୧୨)

୧୪ ଜିସୁର୍ ସିସ୍ତମନ୍ ଡଙ୍ଗାଲ ଗାଲାବେଲେ କାଲବାବେଳେ ରୁଟି ନେବାବେଳେ ପାସରିଜାଇରଇଲା । ସେମନରୁଟାଣେ ଏକାଲ ଗଟେକ୍ ସେ ରୁଟି ରଇଲା । ୧୫ ଜିସୁ ସେମନ୍ଙ୍କେ ଜାଗରତ୍ କରାଇ କଲଲା, “ପାରୁସିମନ୍ ଆରି ଏରଦର୍ କମିର୍ ଅନି ତରିକନା ଅଇ ରୁଆ ।”

୧୬ ଏଟା ସୁନି ସିସ୍ତମନ୍ ନିଜର୍ ନିଜର୍ ବିତ୍ରେ କାତାବାର୍ତା ଅଇକରି କଲଲା, “ଆମ୍ବଲଗେ କାଲବାବେଳେ ରୁଟିନାଇ ବଲି ସେ ଏନ୍ତାରି କଇଲାଇନି ।” ୧୭ ସେମନ୍ କାଲ ବିସଇନେଇ କାତାବାର୍ତା ଅଇଲାଇନି ବଲି ଜିସୁ ଜାନିକରି ସେମନ୍ଙ୍କେ କଲଲା, “ତମ୍ବେ ଲଗେ ଜେଡକ୍ ଦର୍କାର୍ ଆଚେ, ସେଡକ୍ ରୁଟିନାଇ ବଲିକରି ତମେ କାଲକେ କାତାବାର୍ତା ଅଇଲାସି ? ଏବେଜାକ ତମେ କାଲ ଦେକାସ୍ ନାଇ କି ବୁଜାସିନାଇ ? ତମର୍ ମନ୍ କାଲ ଆର୍ ଅଇଗାଲା ଆଚେ କି ? ୧୮ ଆଜି ରତ୍ ରତ୍ ଦେକାସ୍ ନାଇ ? ଆରି, କାନ୍ ରତ୍ ରତ୍ ସୁନାସ୍ ନାଇ ? ଆମ୍ବଟାଣେ ଜେଡେବେଲେ କାଲବାବେଳେ ଉନା ରଇଲା, ସେ ବେଲେ ମୁଇ କାଲଟା କରିରଇଲି ? ସେ ବିସଇ ତମେ ଏତାଆସ୍ ନାଇକି ? ୧୯ ମୁଇ ଜେଡେବେଲେ ପାଁର୍ ଅଜାର୍ ଲକ୍ଷ୍ୟ ବିତ୍ରେ ପାଁଟା ରୁଟିବାଙ୍ଗାଲ ରଇଲି, ସେଡକ୍ ବେଲେ ତମେମନ୍ ସବୁ କେତେକ୍ ତାଲା ବାଙ୍ଗୁଲା କଣ୍ଟୁ ବେଟି ନେଇ ରଇଲାସ୍, ସେଟାକାଲ ତମର୍ ମନେ ନାଇ ?” ସେମନ୍ ତାକେ କଲଲା, “ବାର ତାଲା ।”

୨୦ “ଆରି, ସେ ଚାରି ଅଜାର୍ ଲକ୍ଷ୍ୟ ବିତ୍ରେ ମୁଇଁ ଜେଡେବେଲ୍ ସାତୁଟା ରୁଟି ବାଙ୍ଗାଲ ରଇଲି, ସେଡକ୍ ବେଲେ ତମେମନ୍ ସବୁ କେତେକ୍ ତାଲା ବାଙ୍ଗୁଲା କଣ୍ଟୁ ଚୁଲିଆଇ ରଇଲାସ୍ ?” ସେମନ୍ କଲଲା “ସାତ୍ ତାଲା ।”

୨୧ ଆରି ଜିସୁ ସେମନ୍ଙ୍କେ ପାଟାରୁଲା, “ମୁଇ କାଲଟା କଇଲିନି, ତମେ କେନ୍ତି ବୁଜାସ୍ ନାଇ ?”

ଜିସୁ ଗଟେକ୍ କାଣାକେ ଆଁକି ଦେକାଇଲା

୨୨ ପତେ ସେମନ୍ ବେତସାଇଦାଲ ଉଟି ଆଇଲା, ଆରି ତେଜ କେତେକ୍ ଲକ୍ଷ୍ୟମନ୍ ଗଟେକ୍ କାଣାଲକ୍ଷ୍ୟକେ ଜିସୁର୍ ଲଗେ ଆନିକରି ତାକେ ଚିଇକରି ନିକ କରବାବେଳେ କଲଲା । ୨୩ ଜିସୁ ତାକେ ଆଡେଦାରି ଗାଉଁ ବାଇରେ ଡାକିନେଲା, ଆରି ତୁକିକରି ତାର୍ ଲାଲ୍ ସେ କାଣାର୍ ଆଁକିତେଇ ଲାଗାଇଲା । ତାର୍ମୁଣ୍ଡେ ଆଡ୍ ସଙ୍ଗାକରି “ତୁଇ ଅଲପ୍ ମିସା ଦେକି ପାରୁଲୁସିନି କି ?” ବଲି ପାଟାରୁଲା ।

୨୪ ସେ ଚାରିବେଡଡି ଦେକିକରି କଲଲା, “ମୁଇ ଲକ୍ଷ୍ୟମନ୍ ଇଣ୍ଟୁବାଟା ଦେକିପାରୁଲିନି, ମାତର୍ ସେମନ୍ ଗର୍ପପାରା ଡିସ୍ଲାଇନି” ବଲିକରି କଲଲା ।

* ୮:୧୧ ୮:୧୧ ମାତିଉ ୧୭:୩୮; ଲୁକ୍ ୧୧:୧୭ * ୮:୧୨ ୮:୧୨ ମାତିଉ ୧୭:୩୯; ଲୁକ୍ ୧୧:୨୯ * ୮:୧୫ ୮:୧୫ ଲୁକ୍ ୧୨:୧
* ୮:୧୫ ୮:୧୫ କମିଟ୍ରେ ଗାଉଁ ଗୁଣ୍ଡେ ପାକାଇଲେ ଏଟା ରୁଟିକେ ପୁଲାଇସି, ସେମନର୍ ଅଲପର୍ ସିକିଆ ଜବର୍ ଲକ୍ଷ୍ୟକେ ବୁଲ୍ ବାଟେ ବାରିକାଇସି * ୮:୧୮ ୮:୧୮ ମାର୍ଚ୍ଚକ ୪:୧୨

୨୫ ଜିସୁ ଆରିତରେକ୍ ସେ କାଣାଲକର୍ ଆଁକିତେଇ ଆଡ଼ସଙ୍ଗ ଚିଇଲା । ସେଦାପରେ ଅନି ତାର୍ ଆଁକି ନିମାନ୍ ଅଇଗାଲା ଆରି ପୁରାପୁରୁନ୍ ନିମାନ୍ ଦେକିପାରଲା । ୨୬ ଆରି ଜିସୁ ତାକେ କଇଲା, “ଏବେ ତୁଇ ଗାଏଁ ନ ଜାଆ, ମାତର୍ ତର୍ ନିଜର୍ ଗରେ ଉଚିଜା” ବଲିକରି ପାଟାଇଦେଲା ।

**ପିତର୍ କଇଲା ଜିସୁ ଅଇଲାନି କିରିସ୍ତ
(ମାତିଉ ୧୭:୧୩-୨୦; ଲୁକ୍ ୯:୧୮-୨୧)**

୨୭ ତାର୍ପଚେ ଜିସୁ ଆରି ତାର୍ ସିସ୍ତାନ୍ କାଇସେରିଆ ପିଲିପ୍ ନାଉର୍ ଗଡ଼ଲଗେ ରଇବା ଚାରିବେଡ଼ିତର୍ ଗାଉଁ ମନକେ ଗାଲାଇ । ବାଟେ ଜିସୁ ତାର୍ ସିସ୍ତାନ୍କେ ପାଟାରଲା, “ଲକ୍ତାନ୍ ମକେ କେ ବଲିକରି ବାବ୍ଲାଇନି ?”

୨୮ *ସେମାନ୍ ତାକେ କଇଲାଇ, “କେତେ ଲକ୍ତାନ୍ ତମକେ ତୁବନ୍ ଦେଉ ଜଅନ୍ ବଲିକରି କଇଲାଇନି, ଆରି ଅଦେକ୍ ଲକ୍ତାନ୍ ତମକେ ଆଗର୍ ଏଲିୟ ବଲି କଇଲାଇନି ଆରି କେତେଲକ୍ ତମକେ ପର୍ମେସରର୍ଗାନେଅନି ଆଦେସ୍ ପାଇ ଆସି, କାତାଅଇବା ବବିସ୍ତବକ୍ତା ମନର୍ଗାନେଅନି ଗଟେକ୍ଲକ୍ ବଲି କଇଲାଇନି ।” ୨୯ *ଆରି ତମେ ମକେ କେ ବଲିକରି ବାବ୍ଲାସ୍ତା ? ବଲି ଜିସୁ ସେମାନ୍କେ ପାଟାରଲା । ପିତର୍ କଇଲା, “ତୁଇ ପର୍ମେସର୍ ପାଟାଇରଇବା ଉଦାରକାରିଆ କିରିସ୍ତ” ବଲି କଇଲା ।

୩୦ ତେଇ ଜିସୁ ସେମାନ୍କେ ତାବ୍ସଙ୍ଗ୍ ଜାଗରତା କରାଇ କଇଲା, “ମୁଇ କେ ବଲି କାକେ ନ କୁଆ ।”

**ନିଜର୍ ମରନ୍ ବିସଇନେଇ ଜିସୁର୍ କାତା
(ମାତିଉ ୧୭:୨୧-୨୮; ଲୁକ୍ ୯:୨୨-୨୭)**

୩୧ ତାର୍ପଚେ ଜିସୁ, ପର୍ମେସର୍ ଅନି ଆଇଲା ନର୍ପିଲାକେ କାଇ କାଇଟା ଅଇସି ବଲି ତାର୍ ସିସ୍ତାନ୍କେ ସିକାଇଦେବାର୍ ଦାରଲା । ସେ କଇଲା, “ପର୍ମେସରର୍ଗାନେଅନି ଆଇଲା ନର୍ପିଲା ମୁଇ ବେସି ଦୁକ୍ କସର୍ ପାଇବାର୍ ଆଚେ । ମୁକିଅ ନେତାମାନ୍, ମୁକିଅ ପୁଜାରିମାନ୍, ଆରି ନିୟ୍ସ ସିକାଇଦେବା ଲକ୍ତାନ୍ ମକେ ନ ନାମର୍ । ସେମାନ୍ ମକେ ମରାଇବାଇ ଆରି ତିନ୍ଦିନ୍ ଗାଲାପଚେ ମୁଇ ଆରି ତରେକ୍ ମଲାତେଇଅନି ଜିବନ୍ ଅଇ ଉର୍ବି ।” ୩୨ ଏ ସବୁ ବିସଇର୍ କାତା ଜିସୁ ତାର୍ ସିସ୍ତାନ୍କେ କାଇଟାମିସା ନ ଲୁଟାଇକରି କୁଲାକୁଲି ବାବେ କଇଦେଲା । ସେ ବେଲା ପିତର୍ ଜିସୁକେ ଅଁଡ଼ରେ ତାକିନେଇକରି କଇଲା, “ତମେ କଇବା କାତା ସବୁ ସେଡ଼ି ନ ଅ ।” ୩୩ ଜିସୁ ପିଟିବାଟେ ପାସ୍ତଲି ତାର୍ ସିସ୍ତାନ୍କେ ଦେକ୍ଲା ଆରି ପିତର୍କେ କଇଲାଇ, “ତୁଇ ଏ କାତା ସଇତାନେଅନି କଇଲୁସ୍ତା, ତୁଇ ମର୍ଗାନେଅନି ଉଚି ଜା । ତୁଇ ପର୍ମେସର୍ ପାରା ଚିନ୍ତା ନ କରି ଲକ୍ତାମନର୍ ପାରା ଚିନ୍ତା କଲୁସ୍ତା ।” ବଲି କଇଲାଇ ।

୩୪ *ତାର୍ପଚେ ଜିସୁ ସିସ୍ତାନ୍କେ ଆରି ଲକ୍ତାନ୍କେ ତାର୍ଲଗେ ତାକିକରି କଇଲାଇ “କେ ମର୍ ସିସ୍ତ ଅଇବାକେ ମନ୍ କଲାମି ବଇଲେ, ସେ ତାର୍ ନିଜର୍ ମନ୍ କଲାଟା ଚାଡ଼ିଦେଇକରି କୁର୍ସତେଇ ମର୍ବା ଲକ୍ତାନ୍ ପାଇବା ଦୁକ୍ କସର୍ ପାରା ଦୁକ୍ କସର୍ ପାଇବାକେ, ତିଆର୍ ଅଇକରି ମର୍ସଙ୍ଗ୍ ଆଇବାର୍ ଆଚେ । ୩୫ *ମାତର୍ କେ ନିଜର୍ ଜିବନ୍ ରକିଆ କର୍ବାକେ ମନ୍ କର୍ସି, ସେ ସେଟା ଆରାଇସି, ମାତର୍ ଜେ ମର୍ ଲାଗି ଆରି ସୁବକବର୍ ଜାନାଇବାକେ ତାର୍ ଜିବନ୍ ଆରାଇସି ବଇଲେ, ସେ ତାର୍ ଜିବନ୍ ରକିଆ କର୍ସି । ୩୬ ଜଦି ଗଟେକ୍ ଲକ୍ତା ଦୁନିଆର୍ ସବୁ ଜିନିସ୍ ପାଇକରି, ନିଜର୍ ଜିବନ୍ ଆରାଇସି, ସେଟା ତାର୍ପାଇ କାଇ ଲାବ୍ ନାଇ । ୩୭ ଆରି ତାର୍ ଆଡ଼ମାର୍ ବାଦୁଲେ କାଇଟା ଦେଲେ ମିସା ସମାନ୍ ନ ଅଏ । ୩୮ ପର୍ମେସର୍କେ ଚାଡ଼ିକରି ରଇବା ଏ କାରାପ୍ ଦୁନିଆଇ, ଲକ୍ତାନ୍ ଜଦି ମର୍ ଲାଗି ଆରି ମର୍ କାତାର୍ ଲାଗି ଲାଜ୍ ଅଇବାଇ, ପର୍ମେସରର୍ ଗାନେଅନି ଆଇଲା ନର୍ପିଲା ମୁଇ ମିସା ମର୍ ବାବାର୍ ବେସି ଉଜଲ୍ ଆରି ତାକ୍ପୁଟା ସଙ୍ଗ୍ ଆରି ସରଗର୍ ସୁକଲ୍ ଦୁଡ଼ମନର୍ ସଙ୍ଗ୍ ଆଇଲାବେଲେ, ସେମାନ୍କେ ମର୍ଲକ୍ତାନ୍ ବଲି କଇବାକେ ମୁଇ ମିସା ଲାଜ୍ ଅଇବି ।”



୧ ଆରିତରେକ୍ ଜିସୁ ସେମାନ୍କେ କଇଲା, ମୁଇ ତମକେ ସତ୍ କାତା କଇଲିନି । ସେଟାର୍ପାଇ ସୁନା, ଏବେ ଇତି ରଇବା କେତେ ଲକ୍ତାମନ୍, ପର୍ମେସର୍ ରାଜା ଅଇକରି ତାର୍ ରାଇଜ୍ ସାସନ୍ କର୍ବାଟା ନ ଦେକ୍ବା ଜାକ ନ ମାରାଏ ।

* ୮:୨୮ ୮:୨୮ ମାର୍ଚ୍ଚ ୭:୧୪,୧୫; ଲୁକ୍ ୯:୬୮ * ୮:୨୯ ୮:୨୯ ଜଅନ୍ ୭:୬୮,୭୯ * ୮:୩୪ ୮:୩୪ ମାତିଉ ୧୦:୩୮; ଲୁକ୍ ୧୪:୨୭ * ୮:୩୫ ୮:୩୫ ମାତିଉ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୫୫

ଜିସୁସ୍ ସଙ୍ଗ ମସା ଆରି ଏଲିୟ
(ମାତିଉ ୧୭:୧-୧୩; ଲୁକ୍ ୯:୨୮)

^୨ *ତଥା ଦିନ ପରେ ଜିସୁସ୍ ପିତରୁ ଜାକ୍ସ୍ ଆରି ଜଅନକେ ତାରୁ ସଙ୍ଗ ମସତେ ତାକିକରି କେ ନଇବା ଗଟେକ୍ ତେଙ୍ଗ୍ ପରବତ୍ ଉପରେ ଗାଲା । ସିତି ସେମନର୍ ମୁଆଟେ ତାରୁ ରୁପ୍ ବଦଲିଗାଲା । ^୩ ଆରି ତାରୁ ପତିଆ ବେସି ଜଗ୍ଜଗି ଜାଇ, ଦବ୍ ଅଇଗାଲା । ଆରି ଏ ଦୁନିଆ ଇସାବେ କେ ମିସା ସେକ୍ତି ଦବ୍ କରି ଦଇନାପାରତ୍ । ^୪ ଆରି ମସାରୁ ସଙ୍ଗ୍ ଏଲିୟ ଆରି ଜିସୁସ୍ ମସତେ କାତାବାରୁତା ଅଇବାଟା ସେମନକେ ଡିସଲା । ^୫ ତେଇ ପିତରୁ ଜିସୁକେ କଇଲା, “ଏ ଗୁରୁ ଆମେ ଇତି ରଇବାଟା ନିକ । ଇତି ତିନିଟା କୁଡିଆ ତିଆର୍ କରୁ । ତମରୁପାଇ ଗଟେକ୍, ମସାରୁପାଇ ଗଟେକ୍ ଆରି ଏଲିୟରୁ ପାଇ ଗଟେକ୍ ।” ^୬ ପିତରୁ କଇବା ବିସଇ କାଇଟା ବଲି ନିଜେ ନାଜାନି ରଇଲା । କାଇକେବଇଲେ ସେମନ୍ ବେସି ତରିଜାଇରଇଲାଇ ।

^୭ *ଆରି ସେମନକେ ମେଗରୁ ଚାଇ ତାବିଅଇଦେଲା । ସେ ମେଗେଅନି ଏନ୍ତାରି କାତା ଅଇଲା, “ଏ ମରୁ ଆଲାଦରୁ ପ, ଆରୁ କାତା ସୁନା ।” ^୮ ଆରି ଅଟାଡ୍ ସେମନ୍ ଚାରିବେଡ୍ଡି ଦେକ୍ଲାଇ, ତାକରୁ ସଙ୍ଗ୍ ଜିସୁକେ ଚାଡି ଆରି କାକେ ମିସା ଦେକଡ୍ ନାଇ ।

^୯ ସେମନ୍ ପରବତେ ଅନି ଉତରୁଲାବେଲେ ଜିସୁ ସେମନକେ ତାଟ୍ ସଙ୍ଗ୍ ଆଦେସ୍ ଦେଇ ଏକ୍ତି ବଲି କଇଲା, “ପରମେସରର୍ ଚାନେଅନି ଆସିରଇବା ନରୁପିଲା ମୁଇ, ମଲାଟାନେଅନି ଆରିତରେକ୍ ନ ଉଟ୍ ବା ଜାକ ଇତି କାଇକାଟା ତମେ ଦେକ୍ଲାସ୍, ସେ ବିସଇ କାକେମିସା ନ କୁଆ ।” ^{୧୦} ସେଟାରୁପାଇ ପରବତ୍ ଉପରେ ଜାଇଟା ସେମନ୍ ଦେକ୍ଲାଇ, ସେ ବିସଇ କାକେମିସା କଅଡ୍ ନାଇ । ମାତରୁ ମଲାଟାନେଅନି ଆରିତରେକ୍ ଉଟ୍ ବା ଅରଡ୍ କାଇଟା ବଲିକରି ସେମନ୍ କାତାବାରୁତା ଅଇତେରଇଲାଇ । ^{୧୧} ସିସମନ୍ ଜିସୁକେ ପାଚାରୁଲାଇ, “ଏଲିୟ ପରତୁମ୍ ଆଇବାଟା ଆରେ ବଲି ନିୟମ୍ ସିକାଇଦେବା ଲକ୍ମନ କାଇକେ କଇଲାଇନି ?”

^{୧୨} ଜିସୁ ତାରୁ ସିସମନକେ କଇଲା, “ଉଁ ପରମେସରର୍ ବଇତେଇ ଏଲିୟ ଆଗତୁ ଆଇସି ବଲି ଲେକା ଅଇଲାକାତା ସଡ୍ ସେ । ଏଲିୟ ପରତୁମ୍ ଆସିକରି ସବୁ ବିସଇ ଟିକ୍ କରୁସି, ମାତରୁ ପରମେସର ଅନି ଆସିରଇବା ନରୁପିଲା ମୁଇ ବେସି ବେସି କସଟ ପାଇବି ଆରି ଲକ୍ମନ ମକେ ନ ନାମଡ୍ ବଲି ମିସା କାଇ ପରମେସରର୍ ବଇଟାନେ ଲେକା ଅଏନାଇ କି ? ^{୧୩} ମୁଇ ତମକେ ସଡ୍ କଇଲିନି, ଏବେ ଏଲିୟ ଆସି ସାରୁଲା ଆରେ । ଆରି ତାରୁ ବିସଇ ପରମେସର ଚାନେ କାଇଟା ଲେକା ଅଇଲା ଆରେ, ସେ ସେକ୍ତିସେ ଲକ୍ମନ ମିସା ତାକରୁ ନିଜର୍ ମନ୍ କଲା ଇସାବେ କରାପ୍ ଚଲାଟଲୁଡି କଲାଇ ।”

ଜିସୁ ଗଟେକ୍ ପିଲାକେ ତୁମା ଚାତାଇଲା
(ମାତିଉ ୧୭:୧୪-୨୦; ଲୁକ୍ ୯:୩୭-୪୩)

^{୧୪} ତାରୁପରେ ଜିସୁ, ପିତରୁ, ଜାକ୍ସ୍ ଆରି ଜଅନ ଦିନ ସିସମନର୍ ଲଗେ କେଟ୍ଲାବେଲେ ତେଇ ବେସି ଲକ୍ମନ ରୁଣ୍ଡିରଇବାଟା ଦେକ୍ଲାଇ । ଆରି ନିୟମ୍ ସିକାଇଦେବା ଲକ୍ମନ ସିସମନର୍ ସଙ୍ଗ୍ ଦଦାପେଲା ଅଇତେରଇଲାଇ । ^{୧୫} ଲକ୍ମନ ଜେଡେବେଲ୍ ଜିସୁ ତେଇ ଆଇବାଟା ଦେକ୍ଲାଇ, ସାରୁଦାରେ କାବା ଅଇଗାଲା ଆରି ଜିସୁକେ ଦୁକ୍ ସୁକ୍ ପାଚାରୁବାକେ ତାରୁଲଗେ ପାଲାଇ ଆସି ଲୁଆର୍ କରୁବାରୁ ଦାରୁଲାଇ । ^{୧୬} ଜିସୁ ତାରୁ ସିସମନକେ ପାଚାରୁଲା, “ତମେ ନିୟମ୍ ସିକାଇବା ଲକ୍, ମର୍ ସିସମନର୍ ସଙ୍ଗ୍ କାଇ ବିସଇନେଇ ଦଦାପେଲା ଅଇତେରଇଲାସ୍ ?”

^{୧୭} ସେ ମାୟା ଲକ୍ମନର୍ ବିଡ୍ରେଅନି ଗଟେକ୍ ଲକ୍ ଜିସୁକେ ତାକି କଇଲା, “ଏ ଗୁରୁ, ମୁଇ ମର୍ ପିଲାକେ ନିକ କରୁବାକେ ତମର୍ ଚାନେ ଆନିରଇଲି । ତାରୁ ବିଡ୍ରେ ଗଟେକ୍ କାରାପ୍ ଆଡ୍ମା ପୁରିକରି ତାକେ କାତା ଅଇବାକେ ଦେଏ ନାଇ । ^{୧୮} ସେ କରାପ୍ ଆଡ୍ମା ପିଲାକେ ଦାରୁଲାବେଲେ, ତାକେ ମଡିକରି ଅଦରାଇଦେଲାନି ଆରି ତାରୁ ଟଣ୍ଡେଅନି ପେପୁଲ୍ ବାରଇଲାନି ଆରି ସେ ଦାଡ୍ କାତରୁସି । ଆରି ତାରୁ ଗାଗଡ୍ ସିଦା ଅଇଜାଇସି । ମୁଇ ତାରୁତେଇ ଅନି କାରାପ୍ ଆଡ୍ମାକେ ବାରୁରାଇ କେଦିଦେବାଇ ବଲି ତମର୍ ସିସମନର୍ ଲଗେ ଆନିରଇଲି । ମାତରୁ ତମର୍ ସିସମନ୍ ନାପାରୁଲାଇ ।”

^{୧୯} ଜିସୁ ସେମନକେ କଇଲା, “ଏ ପରମେସରକେ ବିସବାସ୍ ନ ରଇବା ଆଜିକାଲିରୁ ଲକ୍ମନ, ତମେ ବିସବାସ୍ କରୁବାକେ ଆରି କେତେ ଦିନ ମୁଇ ତମର୍ ସଙ୍ଗ୍ ରଇବାରୁ ଆରେ ? ଆରି କେତେଦିନ ମୁଇ ସାଆସ୍ ଦାରି ତମର୍ ସଙ୍ଗ୍ ରଇବାରୁ ଆରେ ? ସେ ପିଲାକେ ମରୁଲଗେ ଆନା ।” ^{୨୦} ଆରି ଲକ୍ମନ ସେ

* ୯:୨ ୯:୨ ଯ ପିତରୁ ୧:୧୭,୧୮ * ୯:୭ ମାତିଉ ୩:୧୭; ମାର୍ଚ୍ଚକ ୧:୧୧; ଲୁକ୍ ୩:୨୨ * ୯:୧୧ ୯:୧୧ ମାତିଉ ୧୧:୧୪

ପିଲାଙ୍କେ ଜିସୁରୁଲଗେ ଆନ୍‌ଲାଇ । ସେ କରାୟ ଆତ୍ମା ଜିସୁକେ ଦେକ୍‌ଲା ଦାପ୍‌ରେ ପିଲାଙ୍କେ ତଲେ ମଡ଼ିକରି ଅଦରାଇଲା । ଆରି ଗୁଣ୍ଡୁଲି ଗୁଣ୍ଡୁଲି କରି ତାର ଟଣ୍ଡେଅନି ପେପୁଲୁ ବାରଇ ଜାଇତେରଇଲା ।

୨୧ ଜିସୁ ସେ ପିଲାଠ ବାବାଙ୍କେ ପାଚାରୁଲା, “ଏ ପିଲା ଏନ୍ତି ଅଇ କେତେଦିନ ଅଇଲା ?” ପିଲାଠ ବାବା କଇଲା, “ସାନ୍‌ବେଲେଅନି ” ବଲି । ୨୨ ଆରି ସେ କଇଲା, “ସେ କାରାୟ ଆତ୍ମା ପିଲାଙ୍କେ ମରାଇବାକେ ବେସିତର୍ ପାନିଟାନ୍‌ନେ ଆରି ଜଇଟାନ୍‌ନେ ମଡ଼ିକରି ଅଦରାଇ ଆଚେ । ମାତର୍ ତୁଇ ଜଦି କାଇଟା କର୍‌ବାକେ ପାରୁସ୍ ବଇଲେ ଆମର୍ ପାଇ ଦୟାକରି ସାଇଜ କର୍ ।”

୨୩ ଜିସୁ ତାକେ କଇଲା, “କାଇକେ ଜଦି ପାରୁସ୍ ବଇଲେ ନିମାନ୍ କର୍ ବଲିକରି କଇଲୁସ୍‌ନି ? କାଇକେବଇଲେ ପର୍‌ମେସର୍‌କେ ବିସ୍‌ବାସ୍ କର୍‌ବା ଲକ୍‌ମାନର୍ ତେଇ ସବୁ ଅଇସି ।”

୨୪ ସେ ଦାପ୍‌ରେ ପିଲାଠ ବାବା ଆଉଲିଅଇକରି, “ମୁଇ ବିସ୍‌ବାସ୍ କଲିନି, ଆରି ଅଦିକ୍ ବିସ୍‌ବାସ୍ କର୍‌ବାକେ ମକେ ସାଇଜ କର୍ ।” ବଲିକରି କଇଲା ।

୨୫ ଏ ଗର୍‌ମାନ୍ କାମ୍ ଦେକ୍‌ବାକେ ଲକ୍‌ମନ୍ ଏକାତରେ ପାଲାଇଆଇବାଟା ଜିସୁ ଦେକିକରି ସେ କାରାୟ ଆତ୍ମାଙ୍କେ ଦମ୍‌କାଇକରି କଇଲା, “ଏ କରାୟ ଆତ୍ମା, ତୁଇ ଏ ପିଲାଙ୍କେ ଗୁଲା ଆରି ବଇରା କରାଇଆତୁସ୍ । ଏ ପିଲାଠ ଗାନ୍‌ଡେଅନି ବାରଇ ଉଟିଜା ଆରି କେବେ ମିସା ତାର୍ ଗାଗ୍‌ରେ ନ ପୁର୍, ବଲି ମୁଇ ତକେ ଆଦେସ୍ ଦେଲିନି ।”

୨୬ ଆରି କାରାୟ ଆତ୍ମା ବେସି ଆଉଲିଅଇକରି ପିଲାଙ୍କେ ମଡ଼ିକରି ଅଦରାଇ, ତାରଟାନ୍‌ନେଅନି ବାରଇଗାଲା । ଆରି ପିଲା ମରିଗାଲା ଲକ୍‌ମନ୍ ପାରା ଡିସ୍‌ଲା, ଏନ୍ତିକେ କେତେକ୍ ଲକ୍‌ମନ୍ “ସେ ମରିଗାଲା ।” ବଲିକରି କଇଲା । ୨୭ ମାତର୍ ଜିସୁ ସେ ପିଲାଙ୍କେ ଆଡେଦାରି ଉଟାଇକରି ତାକେ ଚିଆ କରାଇଲାକେ ସେ ଚିଆଅଇଲା ।

୨୮ ଜିସୁ ଆରି ତାର୍ ସିସ୍‌ମନ୍ ଗଟେକ୍ ଗର୍ ବିଡ୍‌ରେ ଗାଲାପଚେ, ଲକ୍‌ମନ୍ କେ ନଇଲାବେଲେ ତାକେ ପାଚାରୁଲା, “ଆମେ କାଇକେ ସେ କାରାୟ ଆତ୍ମାଙ୍କେ କେଦି ନାପାରୁଲୁ ?”

୨୯ ଏ କାତା ସୁନି ଜିସୁ ସେମନ୍‌କେ କଇଲା, “ଏନ୍ତାରି କାରାୟ ଆତ୍ମା ପର୍‌ମେସର୍‌କେ ପାର୍‌ତନା କରିସେ କେଦ୍‌ବାର୍ ଅଇସି, ଆରି କାଇ ବାଟ୍ ନାଇ ।”

ନିଜର୍ ମରନ୍ ବିସଇ ଜିସୁ ଆରିତରେକ୍ କଇଲାନି
(ମାତିଉ ୧୭:୨୨-୨୩; ଲୁକ୍ ୯:୪୩-୪୫)

୩୦ ତାରପଚେ ଜିସୁ ଆରି ତାର୍ ସିସ୍‌ମନ୍ ସେ ଜାଗା ଚାଡ଼ିକରି ଉଟିଗାଲା । ସେମନ୍ ଗାଲିଲି ଦେସର୍ ବାଟ୍‌ଦେଇକରି ଜାଇତେରଇଲା । ସେମନ୍ କନ୍ ଜାଗାଇ ଆଚଡ୍ ବଲିକରି ଲକ୍‌ମନ୍ ନ ଜାନଡ୍ ବଲି ଜିସୁ ମନ୍ କର୍‌ଡେରଇଲା ୩୧ କାଇକେବଇଲେ ସେ ତାର୍ ସିସ୍‌ମନ୍‌କେ ସିକାଇ ଦେବାକେ ମନ୍ କର୍‌ଡେରଇଲା । ଜିସୁ ତାର୍ ସିସ୍‌ମନ୍‌କେ କଇଲା, “ସଡ୍ ପର୍‌ମେସର୍‌ର ଟାନ୍‌ନେଅନି ଆସିରଇବା ନର୍‌ପିଲା ମକେ, ଲକ୍‌ମନ୍‌ର ଆତେ ସର୍‌ପି ଦେବାଇ ଆରି ସେମନ୍ ମକେ ମରାଇଦେବାଇ । ମାତର୍ ମୁଇ ମରିକରି ଡିନ୍‌ଦିନ୍ ଗାଲାପଚେ ଆରି ତରେକ୍ ମଲାଟାନ୍‌ନେଅନି ଜିବନ୍ ଅଇ ଉଟ୍‌ବି ।”

୩୨ ମାତର୍ ଜିସୁ କଇବା ଏ କାତାର୍ ଅଚଡ୍ ସିସ୍‌ମନ୍ ବୁଜଡ୍ ନାଇ ଆରି ସେମନ୍ ସେ କାତାର୍ ଅଚଡ୍ ପାଚାର୍‌ବାକେ ଡର୍‌ଲାଇ ।

ସବୁର୍‌ଟାନ୍‌ନେଅନି କେ ବଡ୍
(ମାତିଉ ୧୮:୧-୫; ଲୁକ୍ ୯:୪୬-୪୮)

୩୩ ଜିସୁ ଆରି ତାର୍ ସିସ୍‌ମନ୍ କପର୍‌ନାଉମେ ଆଇଲାଇ ଆରି ସେମନ୍ ଗର୍ ବିଡ୍‌ରେ ଗାଲା । ତାରପଚେ ଜିସୁ ସେମନ୍‌କେ ପାଚାରୁଲା, “ତମେ ବାଟେ କନ୍ ବିସଇନେଇ ଦଦାପେଲା ଅଇତେରଇଲାସ୍ ?”

୩୪ ମାତର୍ ତାର୍ ସିସ୍‌ମନ୍ ଚିମ୍‌ରା ଅଇଦେଲା । କାଇକେବଇଲେ ସେମନ୍ ବାଟେ, ଆମର୍ ବିଡ୍‌ରେ ସବୁର୍‌ଟାନ୍‌ନେଅନି କେ ବଡ୍ ବଲି ଦଦାପେଲା ଅଇତେରଇଲା । ୩୫ ଜିସୁ ବସ୍‌ଲା ଆରି ତାର୍ ବାର୍‌ଟା ସିସ୍‌ମନ୍‌କେ ତାରୁଲଗେ ଡାକାଇ ସେମନ୍‌କେ କଇଲା, “ଜଦି କେ ମୁକିଆ ଅଇବାକେ ମନ୍ କଲେ, ସେ ସବୁର୍‌ଟାନ୍‌ନେଅନି ସାନ୍ ଅଇବାର୍ ଆଚେ, ଆରି ସବୁଲକ୍‌କର୍ ସେବା କର୍‌ବାର୍ ଆଚେ ।” ୩୬ ତାରପଚେ ଜିସୁ ଗଟେକ୍ ସାନ୍‌ଟା ପିଲାଙ୍କେ ନେଇକରି ସେମନ୍‌ର ମୁଆଟେ ଚିଆ କରାଇ ସେମନ୍‌କେ କଇଲା, ୩୭ କେ

☆ ୯:୩୪ ୯:୩୫ ଲୁକ୍ ୨୨:୨୪ ☆ ୯:୩୫ ୯:୩୫ ମାତିଉ ୨୦:୨୬,୨୭;୨୩:୧୧; ମାର୍ଚ୍ଚ ୧୦:୪୩,୪୪; ଲୁକ୍ ୨୨:୨୭ ☆ ୯:୩୭ ୯:୩୭ ମାତିଉ ୧୦:୪୦; ଲୁକ୍ ୧୦:୧୭; ଜଅନ୍ ୧୩:୨୦

କେ ମରୁ ଲାଗି ଏନ୍ତାରି ଗଟେକ୍ ସାନ୍ତା ପିଲାକେ ନାମବାଇ, ସେମନ୍ ମକେ ନାମଲାଜନି, ଆରି କେ କେ ମକେ ନାମଲାଜନି, ସେମନ୍ ମକେ ନାଇ, ମାତର୍ ମକେ ପାଟାଇରଇବା ମରୁ ବାବାକେ ନାମଲାଜନି ।”

ଜେ ଆମକେ ବିରଦ୍ ନ କରେ ସେ ଆମରୁ ନିଜର୍ ଲକ୍
(ଲୁକ୍ ୯:୪୯-୫୦)

୩୮ ଜଅନ୍ ଜିସୁକେ କଇଲା, “ଏ ଗୁରୁ, ଗଟେକ୍ ଲକ୍ ତରନାଉଁ ଦାରି ଲକ୍ମାନର୍ତ୍ତାନେଅନି କାରାପ୍ ଆତ୍ମମାକେ ବାରକରାଇ କେଦିଦେବାଟା ଆମେ ଦେକିକରି, ତାକେ ସେନ୍ତି ନ କର୍ ବଲି କଇଲୁ, କାଇକେବଇଲେ ସେ ଆମରୁ ନିଜର୍ ଲକ୍ ନଏ ।”

୩୯ ମାତର୍ ଜିସୁ କଇଲା, “ତାକେ ଏନ୍ତି ନ କର୍ ବଲି ତେବାଆ ନାଇ କାଇକେବଇଲେ, ମରୁ ନାଉଁର୍ ବପୁ ପାଇକରି କାବା ଅଇଜିବା କାମ୍ମାନ୍ କରିପାରବା ଲକ୍, ମରୁ ବିରୁଦେ କାରାପ୍ କାତା ନ କଏ । ୪୦ *କାଇକେବଇଲେ ଜେ ଆମକେ ବିରଦ୍ ନ କରେ, ସେ ଆମରୁ ନିଜର୍ ଲକ୍ । ୪୧ *ଆରି ମୁଇ ତମକେ ସତ୍ କଇଲିନି, କେ ତମକେ ମରୁନାଉଁ ଦାରି ଗଟେକ୍ ଗିଲାସ୍ ପାନି କାଇବାକେ ଦେଇସିବଇଲେ, ସେଟାପାଇ ସତ୍ସେ ତାକେ ପୁରୁସକାର୍ ମିଲ୍ସି ।”

ବିନ୍ ଲକ୍‌କେ ପାପ୍ ନ କରାଇବାକେ ସିକିଆ
(ମାତିଉ ୧୮:୨-୯; ଲୁକ୍ ୧୭:୧-୨)

୪୨ ଜିସୁ କଇବାର୍ ଦାରଲା “ଜଦି କେ ମରୁତେଇ ବିସ୍‌ବାସ୍ କରିରଇବା ଗଟେକ୍ ଲକ୍‌କେ, ସେ କରିରଇବା ବିସ୍‌ବାସ୍ ଚାଡିଦେବାକେ ପାପ୍‌କାମ୍ କରାଇଲାଜନି ବଇଲେ, ସେ ଲକ୍‌ର୍ ଗାଲାଇ ଜଡା ପାକ୍‌ନା ବାନ୍ଧିକରି ତାକେ ସମ୍‌ପୁରେ ପିଙ୍ଗିଦେବାଟା ତାର୍‌ପାଇ ନିକ ଅଇତା । ୪୩ *ଜଦି ତମର୍ ଆତ୍ ତମକେ ପାପ୍ କରାଇଲାନି ବଇଲେ, ସେ ଆତ୍ କାଟିପାକାଆ । କାଇକେବଇଲେ ଜଡେକ୍ ଆତ୍ ରଇକରି ସବୁଦିନର୍‌ପାଇ ଜଇଲାଗିବା ନର୍‌କେ ପେଲାଇଅଇବା ବାଦୁଲେ ଗଟେକ୍ ଆତ୍ ନ ରଇକରି ସର୍‌ଗେ କେଟ୍‌ବାଟା ନିକ ଅଇସି । ୪୪ କାଇକେବଇଲେ ନର୍‌କେ ସେମନର୍ କିତା ନସର୍ ନ ଅଅତ୍ ଆରି ଜଇ ନ ଲିବେ । * ୪୫ ଜଦି ତମର୍ ପାପ୍ ତମକେ ପାପ୍‌କାମ୍ କରାଇଲାନି ବଇଲେ, ସେ ପାପ୍ କାଟି ପିଙ୍ଗିଦିଆସ୍ । ଜଡେକ୍ ପାପ୍ ରଇକରି ନର୍‌କେ ପେଲାଇଅଇବା ବାଦୁଲେ ତଟା ଅଇକରି ସର୍‌ଗେ କେଟ୍‌ବାଟା ତମର୍‌ପାଇ ନିକଅଇସି । ୪୬ କାଇକେବଇଲେ ନର୍‌କେ ସେମନର୍ କିତା ନସର୍ ନ ଅଅତ୍ ଆରି ଜଇ ନ ଲିବେ । † ୪୭ *ଜଦି ତମର୍ ଆଁକିର୍ ଲାଗି ତମେ ବିସ୍‌ବାସ୍ ଆରାଇଲାସିନି ବଇଲେ, ସେ ଆଁକି ବେଟି ପିଙ୍ଗିଦିଆସ୍ । କାଇକେବଇଲେ ଜଡେକ୍ ଆଁକି ରଇ ନର୍‌କେ ପେଲାଇଅଇବା ବାଦୁଲେ, ଗଟେକ୍ ଆଁକି ରଇକରି ସରଗ୍ ରାଇଜେ କେଟ୍‌ବାଟା ତମର୍‌ପାଇ ନିକରଇସି । ୪୮ କାଇକେବଇଲେ ନର୍‌କେ ସେମନର୍ କିତା ନସର୍ ନ ଅଅତ୍ ଆରି ଜଇ ନ ଲିବେ ।”

୪୯ “ଜେନ୍ତିକି ସୁନା ଜଇଟାନେ ପତାଇକରି ନିର୍‌ମଲ୍ କଲାପାରା ସବୁ ଲକ୍‌ମନକେ ଜଇସଙ୍ଗ୍ ନିର୍‌ମଲ୍ କର୍‌ବାଇ ।”

୫୦ * “ତୁନ ଗଟେକ୍ ନିମାନ୍ ଜିନିସ୍ । ମାତର୍ ନୁନ୍ ଜଦି ତାର୍ କରିଆ ଅଇବାଟା ଆରାଇସି ବଇଲେ ସେ ଆରି ତେରେକ୍ କେନ୍‌ତାର୍ କରିଆ ଅଇପାର୍‌ସି ? ତମେ ନୁନ୍ ପାରା ନିମାନ୍ ଗୁନେ ପୁରାପୁରୁନ୍ ଅଇ ସବୁଲକ୍‌ମନର୍ ସଙ୍ଗ୍ ମିସି ବିଡି କରି ସୁଆଲେ ରୁଆ” ବଲି କଇଲା ।

୧୦

ବିବାଅଇ ଚାଡାଚାଡି ଅଇବା ବିସଇ ଲାଗ ଜିସୁର୍ ସିକିଆ
(ମାତିଉ ୧୯:୧-୧୨; ଲୁକ୍ ୧୬:୧୮)

୧ ତାର୍‌ପଟେ ଜିସୁ ସେ ଜାଗା ଚାଡିକରି ଜିଉଦା ରାଇଜର୍ ସନ୍ଦି ଆରି ଜର୍‌ଦନର୍ ଆରି ଗଟେକ୍ ବାଟେ ଆଇଲା । ଆରି ସବୁ ବେଲାର୍ ପାରା ଲକ୍‌ମନ୍ ତାର୍ ଲଗେ ରୁଣ୍‌ଲାଇ । ଆରି ଜିସୁ ସେମନକେ ପର୍‌ମେସରର୍ କାତା ସିକାଇଦେଲା ।

୨ କେତେଟା ପାରୁସିମନ୍ ଜିସୁର୍ ଲଗେ ଆସିକରି ତାକେ ବୁଲ୍ ଦାର୍‌ବାକେ ଏନ୍ତାରି ପର୍‌ସନ୍ ପାଟାର୍‌ଲାଇ । “ଗଟେକ୍ ମନୁସ୍ ତାର୍ ମାଇଜିକେ ଚାଡିଦେବାଟା ଆମର୍ ନିୟମେ ଆଟେ କି ?”

* ୯:୪୦ ୯:୪୦ ମାତିଉ ୧୭:୩୦; ଲୁକ୍ ୧୧:୨୩ * ୯:୪୧ ୯:୪୧ ମାତିଉ ୧୦:୪୨ * ୯:୪୩ ୯:୪୩ ମାତିଉ ୫:୩୦ * ୯:୪୪ ୯:୪୪ କେତକ୍‌ପୁରନା ଲେକାଇ ଏ ପଦ୍ ନାଇ † ୯:୪୬ ୯:୪୬ କେତକ୍‌ପୁରନା ଲେକାଇ ଏ ପଦ୍ ନାଇ * ୯:୪୭ ୯:୪୭ ମାତିଉ ୫:୨୯
* ୯:୫୦ ୯:୫୦ ମାତିଉ ୫:୧୩; ଲୁକ୍ ୧୪:୩୪, ୩୫

୩ ଜିସୁ ସେମାନଙ୍କେ କଇଲା, “ମସା ତମକେ କାଇ ଆଦେସ୍ ଦେଲା ଆଚେ ?” ୪ *ସେମାନ କଇଲାଲ, “ଗଟେକ୍ ମୁନୁସ୍ ତାର୍ ମାଇଜିକେ ଚାଡ଼ିଦେବାର୍ ରାଜିନାମା ପତର୍ ଲେକି ତାକେ ଦେଲାପଚେ ତାକେ ପାଟାଇଦେଇ ଅଇସି ବଲି ମସା କଇଲା ଆଚେ ।”

୫ ଜିସୁ ସେମାନଙ୍କେ କଇଲା, “ମସା କାଇକେ ଏନ୍ତି ଲେକିରଇଲା ବଇଲେ, ତମର୍ ମନ୍ବିତ୍ତରର୍ ବୁଜ୍ବ ବସୁ ତାର୍ ରଇଲାଟା ଦେକିକରି ସେ, ଏ ଆଦେସ୍ ଲେକିଦେଲା ଆଚେ । ୬ ଜେକ୍ତି ସାସ୍ତର୍ କଇଲାନି, ପର୍ମେସର୍ ଜେଡେବେଲେ ଏ ଦୁନିଆ ତିଆରୁକଲା, ସେବେଲେ ସେ ମାଇଜିମୁନ୍ସ୍ କରି ତିଆରୁକଲା ଆଚେ । ୭ ସେଟାର୍ପାଇ ଗଟେକ୍ ମୁନୁସ୍ ତାର୍ ବାବା ମାକେ ଚାଡ଼ିକରି ତାର୍ ମାଇଜି ସଙ୍ଗ୍ ମିସ୍ସି । ୮ ସେ ଦୁଇଲକ୍ ଗଟେକ୍ ଅଇବାଇ, ଆରି ସେମନ୍ ଦୁଇଲକ୍ ଇସାବେ ନ ରଅଡ୍, ମାତର୍ ଗଟେକ୍ ଲକ୍ ଇସାବେ ରଇବାଇ । ୯ ସେଟାର୍ପାଇ ପର୍ମେସର୍ ଜନ୍ ଦୁଇଲକ୍କେ ମିସାଇଆଚେ, କେ ମିସା ସେମନ୍କେ ବିନେ ନ ବେଗ୍ଲାଅଡ୍ ।”

୧୦ ଜିସୁ ଆରି ତାର୍ ସିସ୍ମନ୍ ଗରେ ବାଉଡ଼ିଗାଲା ପଚେ, ସିସ୍ମନ୍ ଆରିତରେକ୍ ଏ ବିସଇ ତାକେ ପାଟାରୁଲା । ୧୧ *ଜିସୁ ସେମାନଙ୍କେ କଇଲା, “ଗଟେକ୍ ମନସ୍ ତାର୍ ମାଇଜିକେ ଚାଡ଼ପତର୍ ଦେଇ ବିନ୍ ମାଇଜିକେ ବିବା ଅଇସି ବଇଲେ, ସେ ମନସ୍ ପର୍ତ୍ତୁମ୍ ମାଇଜିକ୍ ବିରୁଦେ ପାଦରା କାମ୍ କଲାନି । ୧୨ ଆରି ସେକ୍ତି ସେ ଜନ୍ ମାଇଜିକିକି ତାର୍ ମୁନୁସ୍କେ ଚାଡ଼ ପତର୍ ଦେଇ, ବିନ୍ ମୁନୁସ୍କେ ବିବା ଅଇସି ବଇଲେ ସେ ମିସା ପର୍ତ୍ତୁମ୍ ମନସ୍ ବିରୁଦେ ପାଦରି କାମ୍ କଲାନି ।” ବଲିକରି କଇଲା ।

**ଜିସୁ ସାନ୍ ପିଲାମନ୍କେ ଆସିର୍ବାଦ୍ କଲା
(ମାଡ଼ିଉ ୧୯:୧୩-୧୫; ଲୁକ୍ ୧୮:୧୫-୧୭)**

୧୩ ଗଟେକ୍ ଦିନ୍ କେଡେକ୍ ଲକ୍ମନ୍ ତାକର୍ ପିଲାଟକିମନ୍କେ ଜିସୁ ଆଡ୍ ସଙ୍ଗ୍ ଆସିର୍ବାଦ୍ କର ବଲି ତାରୁଲଗେ ଆନ୍ଲାଇ । ମାତର୍ ତାର୍ ସିସ୍ମନ୍ ଲକ୍ମନ୍କେ, ଦମ୍ କାଲାଇ । ୧୪ ଜିସୁ ଏଟା ଦେକି ବେସି ରିସାଅଇ ସିସ୍ମନ୍କେ କଇଲା, “ସାନ୍ ପିଲାମନ୍କେ ମର୍ ଲଗେ ଆଇବାକେ ବାଟ୍ ଦିଆସ୍, ସେମନ୍କେ ମନା କରାନାଇ । କାଇକେବଇଲେ ପର୍ମେସର୍ ରାଇଜ୍ ଏନ୍ତି ପିଲାଟକିମନ୍ ପାରା ରଇବା ଲକ୍ମନ୍ ପାଇସେ । ୧୫ *ମୁଇ ତମକେ ସଡ୍ କାତା କଇଲିନି, କେ ମିସା ଗଟେକ୍ ସାନ୍ ପିଲାର୍ ପାରା ନ ଅଇ, ପର୍ମେସର୍ ରାଇଜ୍ ନ ନାମଡ୍, ସେମନ୍ କେବେ ମିସା ତାର୍ ରାଇଜେ କେଟି ନାପାରଡ୍ ।” ୧୬ ତାର୍ପଚେ ଜିସୁ ସାନ୍ ସାନ୍ ପିଲାଟକିମନ୍କେ ଡ଼ାରି ତାକର୍ ମୁଣ୍ଡେ ଟିଇକରି ଆସିର୍ବାଦ୍ କଲା ।

**ସାଉକାର୍ ଗର୍ ପିଲାର୍ କାତ
(ମାଡ଼ିଉ ୧୯:୧୭-୩୦; ଲୁକ୍ ୧୮:୧୮-୩୦)**

୧୭ ଜିସୁ ଆରି ତାର୍ ସିସ୍ମନ୍ ଡେଇଅନି ବାରଇ ଜିବାବେଲେ ବାଟେ ଗଟେକ୍ ଲକ୍ ପାଲାଇ ଆସି ତାର୍ ଲଗେ କେଟ୍ଲା ଆରି ତାର୍ ମୁଆଟେ ମାଣ୍ଡିକ୍ଟା ଦେଇ ପାଟାରୁଲା, “ଏ ନିମାନ୍ ଗୁରୁ, ନ ସାର୍ବା ଜିବନ୍ ମିଲାଇବାକେ ଆଲେ ମୁଇ କାଇଟା କର୍ବାର୍ ଆଚେ ?”

୧୮ ଜିସୁ ତାକେ କଇଲା, “ତୁଇ ମକେ କାଇକେ ନିମାନ୍ ଲକ୍ ବଲି କଇଲୁସିନି ? କାଇକେବଇଲେ ପର୍ମେସର୍କେ ଚାଡ଼ିକରି ଆରି ବିନ୍ଟା କେ ମିସା ନିମାନ୍ ଲକ୍ ନାଇ । ୧୯ ଆରି ତୁଇ ନିଅମ୍ତା ଜାନିଆରୁସ୍, ମାର୍ବାର୍ ନାଇ, ପାଦରାପାଦରି କାମ୍ କର୍ବାର୍ ନାଇ, ଚର୍ କାମ୍ କର୍ବାର୍ ନାଇ, ମିର୍ ସାକି ଦେବାର୍ ନାଇ, ଆୟା ବାବାକେ ସମ୍ମାନ୍ ଦିଆସ୍ ।” ବଲି କଇଲା ।

୨୦ ସେ ଲକ୍ ଜିସୁକେ କଇଲା, “ଏ ଗୁରୁ, ମୁଇତା ଏସବୁ ଆଦେସ୍ ସାନ୍ ବେଲେ ଅନି ମାନ୍ଲିନି ।”

୨୧ ଜିସୁ ତାକେ ନିକକରି ଦେକ୍ଲା ଆରି ତାକେ ଆଲାଦ୍ କରି କଇଲା, “ତୁଇ ଏବେ ମିସା ଗଟେକ୍ ବିସଇଡେଇ ଉନା ଆରୁସ୍ । ତୁଇ ଜାଇ ତର୍ ଦନ୍ସିପତି ବିକି, ସେ ତାରୁ ଗରିବ୍ ଲକ୍ମନ୍କେ ବାଟାକରି ଦେସ୍, ତୁଇ ସର୍ଗେ ଦନ୍ ପାଇସୁ । ଏକ୍ତିକରି ମର୍ ପଚେ ପଚେ ଆଉ ।” ବଲିକରି କଇଲା । ୨୨ ଜିସୁ କଇଲା ଏ କାତା ସୁନିକରି ସେ ଲକ୍ ମୁ ସୁକାଇ କରି, ଗରେ ଉଟିଗାଲା । କାଇକେବଇଲେ ସେଲକ୍ ବେସି ସାଉକାର୍ ରଇଲା ।

୨୩ ଜିସୁ ଚାରିବେଡ଼ି ଦେକିକରି ସିସ୍ମନ୍କେ କଇଲା, “ସାଉକାର୍ ଲକ୍ମନ୍ ପର୍ମେସର୍ ରାଇଜେ ଜିବାଟା ବେସି କସର୍ ଆଚେ ।”

୨୪ ଜିସୁର୍ କାତା ସୁନିକରି ସିସ୍ମନ୍ କାବା ଅଇଗାଲାଇ । ମାତର୍ ଜିସୁ ସେମନ୍କେ ଆରିତରେକ୍ କଇଲା, “ଏ ମର୍ ପିଲାନ୍ ପର୍ମେସର୍ ରାଇଜେ ଜିବାଟା ଲକ୍ମନ୍କେ କେଡେକ୍ କସର୍ ! ୨୫ ଜେକ୍ତି ଗଟେକ୍

* ୧୦:୪ ୧୦:୪ ମାଡ଼ିଉ ୫:୩୧ * ୧୦:୧୧ ୧୦:୧୧ ମାଡ଼ିଉ ୫:୩୨; ୧ମ କରକ୍ତିସ୍ ୭:୧୦, ୧୧ * ୧୦:୧୫ ୧୦:୧୫ ମାଡ଼ିଉ ୧୮:୩

ବଡ଼ ଲୁହ ସୂଜି ବାଟେ ଚିଲିଲି ଜିବାକେ କସଟ, ସାଉକାର୍ ଲକ୍ ପରମେସରର ରାଇଜେ କେଟ୍‌ବାଟା ତାରତେଇଅନି ଅଦିକ୍ କସଟ ।”

୨୭ ସିସ୍ତମ୍ ଆରିତରେକ୍ ବେସି କାବା ଅଇଗାଲାଇ ଆରି ନିଜର୍ ନିଜର୍ ବିତ୍‌ରେ କାତା ଅଇଲାଇ, “ଏହି ବଇଲେ କେ ତେବେ ରକିଆ ପାଇସି ?”

୨୮ ଜିସୁ ସେମନ୍‌କେ ଦେକିକରି କଇଲା, “ଏ ବିସଇ ଲକ୍‌ମନ୍‌ ଟାନ୍‌ ଅଇନାପାରେ, ମାତର୍ ପରମେସରର୍ ଟାନ୍‌ ସବୁଟା ଅଇପାର୍‌ସି ।”

୨୯ ପିତର୍ ଜିସୁକେ କଇଲା, “ଦେକା ଆମେ ଆମର୍ ସବୁ ଗତିଦେଇ ତମର୍ ସଙ୍ଗ୍ ଆଇଲୁଆତୁ ।”

୩୦ ଜିସୁ ସେମନ୍‌କେ କଇଲା, “ମୁଇ ତମକେ ସତ୍ କାତା କଇଲିନି, ଜେ ମର୍ ସଙ୍ଗ୍ ଆଇବାକେ ଆରି ପରମେସରର୍ ନିମନ୍ କାତା ଜାନାଇବାକେ ଗର୍ ଦୁଆର୍, ବାଇ ବଇନି, ମା ବାବା, ପିଲାଟକି ଆରି ଜମିବାଡ଼ି ଗଢ଼ିକରି ଆଟେ, ୩୦ ସେ ସତ୍‌ସେ, ନିଜର୍ ଗଢ଼ିରଇଲା ସବୁ ବିସଇତେଇଅନି ସଏ ବାଗ୍ ଅଦିକ୍ ଏ ଜୁଗେ ପାଇସି । ଗର୍ ଦୁଆର୍, ବାଇ ବଇନି, ମାଆ ବାବା, ପିଲାଟକି ଆରି ଜମିବାଡ଼ି ଏ ସବୁ ଦିନ୍‌ସୁ ଅଦିକ୍ ପାଇସି ଆରି ତର୍ ସଙ୍ଗ୍ ଗେଞ୍ଜନା ମିସା ପାଇସି । ମାତର୍ ଆଇବା ଜୁଗେ ପରମେସରର୍ ରାଇଜେ, ସେ ନ ସାର୍‌ବା ଜିବନ୍ ପାଇସି । ୩୧ ମାତର୍ ଜନ୍ ଲକ୍‌ମନ୍ ଆଗତୁ ଅଇତେରଇବାଇ, ସେମନ୍ ପଟେ ରଇବାଇ । ଆରି କେ କେ ପଟେ ରଇବାଇ, ସେମନ୍ ଆଗତୁ ରଇବାଇ ।”

ଜିସୁ ତାର ମରନର୍ ବିସଇ ଏଟା ସଙ୍ଗ୍ ତିନ୍ ପାଲି କଇଲା
(ମାତିଉ ୨୦:୧୭-୧୯; ଲୁକ୍ ୧୮:୩୧-୩୪)

୩୨ ସେମନ୍ ଜିରୁସାଲମେ ଗାଲାବେଲେ, ଜିସୁ ସେମନ୍‌ ଆଗତୁ ଆଗତୁ ଜାଇତେ ରଇଲା । ସେବେଲା ସିସ୍ତମ୍ କାବାଅଇଜାଇତେ ରଇଲାଇ । ଆରି ଜିସୁର୍ ପଟେ ପଟେ ଜିବା ଲକ୍‌ମନ୍ ସବୁ ସେ ଜିରୁସାଲମେ ଗାଲାନି ବଲି ଡରିଜାଇତେ ରଇଲାଇ । ଜିସୁ ତାର ବାର୍‌ଟା ସିସ୍ତମ୍‌କେ ବିନେ ଡାକିନେଇକରି ନିଜ୍‌କେ କାଈକାଈଟା ଅଇସି, ସେ ବିସଇ କଇବାର୍ ଦାର୍‌ଲା । ୩୩ ଜିସୁ ତାର୍ ସିସ୍ତମ୍‌କେ କଇଲା, “ସୁନା ଆମେ ଜିରୁସାଲମେ ଗାଲୁନି । ତେଇ ପରମେସରର୍‌ଟାନ୍‌ଅନି ଆସିରଇବା ନର୍‌ପିଲା, ମକେ ବିସବାସେ ବିସ୍ ଦେଲାପାରା କରି ମୁକିଅ ପୁଜାରିମନ୍ ଆରି ନିୟମ୍ ସିକାଇ ଦେବା ଲକ୍‌ମନ୍‌କେ ସର୍‌ପି ଦେବାଇ । ସେମନ୍ ମକେ କିଜାଇକରି ବିଚାର୍ କରି ‘ଆକେ ମରାଇବାର୍ ଆଟେ ।’ ବଲି ରମିୟ ଲକ୍‌ମନ୍‌କେ ସର୍‌ପି ଦେବାଇ । ୩୪ ସେମନ୍ ମକେ ଟାପୁରା କରବାଇ, ମର୍ ଉପରେ ତୁକ୍‌ବାଇ । ମକେ କରତା ସଙ୍ଗ୍ ମାରବାଇ, ଆରି ସାରାସାରି ମରାଇବାଇ । ମାତର୍ ମରିକରି ତିନ୍‌ଦିନ୍ ଗାଲାପଟେ, ମୁଇ ଆରି ତରେକ୍ ମଲାଟାନ୍‌ଅନି ଉର୍‌ବି ।”

ଜାକୁବ୍ ଆରି ଜଅନ୍ ମାଙ୍‌ବାଟା
(ମାତିଉ ୨୦:୨୦-୨୮)

୩୫ ଜେବଦି ନାଉର୍ ଗଟେକ୍ ଲକ୍‌ର ପିଲାମନ୍ ଜାକୁବ୍ ଆରି ଜଅନ୍ ଜିସୁରେତେଇ ଆସି ତାକେ କଇଲାଇ, “ଏ ଗୁରୁ, ଆମେ ତରେତେଇ ଜାଇଟା ମାଙ୍‌ଗୁ, ତୁଇ ସେଟା କର୍ ବଲି ଆମେ ମନ୍ କଲୁନି ।”

୩୬ ଜିସୁ ପାଟାର୍‌ଲା, “ମୁଇ ତମର୍ ପାଇ କାଈଟା କରବି ବଲି ମନ୍ କଲାସିନି ?”

୩୭ ସେମନ୍ ଜିସୁକେ କଇଲାଇ, “ତୁଇ ତର୍ ଡାକ୍‌ପୁଟା ପାଇବା ବସବା ଜାଗାଇ ବସଲା ବେଲେ ଆମର୍ ଦୁଇଲକ୍‌କର୍ ବିତ୍‌ରେ ଅନି ଗଟେକ୍ ଲକ୍‌କେ ତର୍ ଉଜା ବାଟେ ଆରି ଗଟେକ୍ ଲକ୍‌କେ ତେବ୍‌ରି ବାଟେ ବସାଅ ବଲି ମନ୍ କଲୁନି ।”

୩୮ ଜିସୁ ସେମନ୍‌କେ କଇଲା, “ତମେ କାଇ ବିସଇ ମାଙ୍‌ଲାସିନି ସେ ବିସଇ ନାଜାନାସ୍ । ମକେ ଜନ୍ ମୁତାଇ ଦୁକ୍‌କସଟ୍ ପାଇବାକେ ଆଟେ, ସେ ମୁତାର୍ ଦୁକ୍‌କସଟ୍ ପାଇପାରାସ୍ କି ? ଆରି ମୁଇ ଜନ୍ ତୁବନ୍ ନେବାର୍ ଆଟେ, ସେ ତୁବନ୍ ନେଇ ପାରାସ୍ କି ?”

୩୯ ସେମନ୍ ଜିସୁକେ କଇଲାଇ, “ଉଁ ଆମେ ପାରୁବୁ ।” ଜିସୁ ସେମନ୍‌କେ କଇଲା, “ଏଟା ସତ୍‌ସେ । ମୁଇ ଜନ୍ ମୁତାର୍ ଦୁକ୍‌କସଟ୍ ପାଇବି ଆରି ଜନ୍ ତୁବନ୍ ନେବି ତମେମିସା ସେ ମୁତାର୍ ଦୁକ୍‌ କସଟ୍ ଆରି ତୁବନ୍ ପାଇସା । ୪୦ ମାତର୍ ମର୍ ଉଜାବାଟେ କି ତେବ୍‌ରିବାଟେ ବସବାକେ ଦେବାର୍, ମର୍ ଅଦିକାର୍ ନାଇ, ମାତର୍ ମର୍ ବାବା ବାଟ୍‌ସି ।”

୪୧ ଜାକୁବ୍ ଆରି ଜଅନ୍ କଇଲା କାତା ବିନ୍ ସିସ୍ତମ୍ ଜେତେବେଲ୍ ସୁନ୍‌ଲାଇ, ଜାକୁବ୍ ଆରି ଜଅନ୍‌କେ ବେସି ରିସା ଅଇଗାଲାଇ । ୪୨ ମାତର୍ ଜିସୁ ତାର୍ ସିସ୍ତମ୍‌କେ ଗଟେକ୍‌ଟାନ୍‌ ଡାକି କରି ସେମନ୍‌କେ

* ୧୦:୩୧ ୧୦:୩୧ ମାତିଉ ୨୦:୧୭; ଲୁକ୍ ୧୩:୩୦ * ୧୦:୩୮ ୧୦:୩୮ ଲୁକ୍ ୧୨:୫୦ * ୧୦:୪୨ ୧୦:୪୨ ଲୁକ୍ ୨୨:୨୫,୨୬

କଲଲା, “ଏ ଦୁନିଆଁର ରାଜାମନ୍ଦ ଆରି ନେତାମନ୍ଦ ଲକ୍ଷ୍ମୀମନ୍ଦକେ ନିଜର୍ ଅଦିକାରେ ରକ୍ଷାକେ ମନ୍ଦ କରବାଇ । ଆରି ସର୍ବକାର୍ ମିସା ତାକର୍ ତଲେ ରଇଲା ଲକ୍ଷ୍ମୀମନ୍ଦକେ ନିଜର୍ ଅଦିକାରେ ରକ୍ଷି ରଇବାକେ ମନ୍ଦ କରବାଇ । ଏ ବିସଇ ତମେ ଜାନିଆରାସ୍ । ^{୪୩} ମାତର୍ ତମର୍ ବିତ୍ତରେ ଏନ୍ତ୍ର ନ ରଇକରି ବିନ୍ଦବାବେ ରଇବାର୍ ଆଟେ । ତମର୍ ବିତ୍ତରେଅନି କେ ବଡ଼ ଲକ୍ ପାରା ଦେକାଇଅଇବାକେ ମନ୍ଦ କଲାନି ବଇଲେ, ସେ ତମର୍ ସବୁ ଲକ୍ଷ୍ମୀ ଗଟେକ୍ ଗତିଦାଙ୍ଗ୍ଡା ପାରା ରଅ । ^{୪୪} ଜଦି କେ ତମର୍ ବିତ୍ତରେ ଅନି ପରମେସରର୍ ମୁଆଟେ ମୁକିଅ ଲକ୍ ଅଇବାକେ ମନ୍ଦ କଲାନି ବଇଲେ, ସେ ଗଟେକ୍ ଗେନ୍ଦଲା ଗତିଦାଙ୍ଗ୍ଡା ପାରା ସେବା କର । ^{୪୫} କାଇକେ ବଇଲେ ପରମେସର୍ରାନେଅନି ଆସିରଇବା ନରୁପିଲା ମୁଇ, ବିନ୍ଦ ଲକ୍ଷ୍ମୀମନ୍ଦ୍ରାନେଅନି ମକେ ସେବା ମିଲ ବଲି ଆସି ନାଇ, ମାତର୍ ସେବା କରବାକେ ଆସି ଆଚି । ଆରି ମୁଇ ଜିବନ୍ଦ ଦେବାର୍ ଲାଗି, ବେସି ଲକ୍ ଦସି ବଲି ଏଜାଇ ନ ଅଇ, ପାପେଅନି ରକିଆ ପାଇବାଇ ।”

ଜିସୁ ବାର୍ତ୍ତମୟ କାଣାକେ ନିକ କଲା
(ମାତିଉ ୨୦:୨୯-୩୪; ଲୁକ୍ ୧୮:୩୫-୪୩)

^{୪୬} ତାର୍ପଟେ ଜିସୁ ଆରି ତାର୍ ସିସ୍ତମନ୍ ଜିରିଅ ନାଉର୍ ଗତେ କେଟଲାଇ । ସେ ଗଡ଼ ଚାଡ଼ିକରି ଗାଲାବେଲେ, ତିମାୟ ନାଉର୍ ଲକ୍ଷ୍ମୀ ପିଲା ବାର୍ତ୍ତମୟ ବଲି ଗଟେକ୍ କାଣା ଲକ୍ ବାଟ୍ପାଲି ବସି ବିକ୍ ମାଙ୍ଗ୍ଡେଚରଇଲା । ^{୪୭} ନାଜରିତର୍ ଜିସୁ ଏବାଟେ ଆଇଲାନି ବଲି ସୁନି, ସେ ବେସି ଆଉଲି ଅଇକରି କଇଲା, “ଏ ଦାଉଦର୍ ପଅ ଜିସୁ, ମକେ ଦୟାକରା !”

^{୪୮} ବେସି ଲକ୍ଷ୍ମୀମନ୍ଦ ତାକେ ଚିମ୍ପରାଇଅଇ ରଇବାକେ କଇଲାଇ, ମାତର୍ ସେ କାଣାଲକ୍ ଅଦିକ୍ ଅଦିକ୍ ଆଉଲିଅଇକରି କଇଲା, “ଏ ଦାଉଦର୍ ପଅ ! ମକେ ଦୟା କରା ।”

^{୪୯} ଜିସୁ ଡେବିକରି କଇଲା, “ତାକେ ମର୍ ଲଗେ ଆଇବାକେ କୁଆ ।” ଲକ୍ଷ୍ମୀମନ୍ଦ କାଣାକେ ଡାକିକରି କଇଲାଇ, “ସାଆସ୍ ଦାରିକରି ଉଟ୍, ଜିସୁ ତକେ ଡାକ୍ଲାନି ।”

^{୫୦} କାଣା ଲକ୍ ତାର୍ ଗଦର୍ ତେଇ ପିଙ୍ଗିଦେଇକରି ଚିକାଲାନା ତେଗଇ ଉଟ୍ଲା ଆରି ଜିସୁର୍ ଲଗେ ଗାଲା ।

^{୫୧} ଜିସୁ ତାକେ ପାଚାରଲା “ମୁଇ ତର୍ପାଇ କାଇଟା କରୁବି ବଲି ତୁଇ ମନ୍ଦ କଲୁସିନି ?” ସେ କଇଲା, “ଏ ଗୁରୁ, ମୁଇ ଜେନ୍ତ୍ରିକି ଦେକି ପାରୁବି ସେଟା ମନ୍ଦ କଲିନି ।”

^{୫୨} ଜିସୁ ତାକେ କଇଲା, “ଜା, ତୁଇ ନିମାନ୍ଦ ଅଇଜାଇ ଆତୁସ୍ । କାଇକେବଇଲେ ତୁଇ ମକେ ବିସ୍ତାସ୍ କରି ଆଁକି ଦେକି ପାରୁଲୁସିନି ।” ସେଦାପ୍ରେସେ କାଣା ଆଁକି ଦେକି ବାଟେ ବାଟେ ଜିସୁର୍ ପଟେ ଜିବାର୍ ଦାରଲା ।

୧୧

ଜିସୁ ତାକ୍ପୁଟାଅଇ ଜିରୁସାଲାମ୍ କେଟଲା
(ମାତିଉ ୨୧:୧-୧୧; ଲୁକ୍ ୧୯:୨୮-୪୦; ଜଅନ୍ ୧୨:୧୨-୧୯)

^୧ ଜିସୁ ଆରି ତାର୍ ସିସ୍ତମନ୍ ଜିରୁସାଲାମ୍ ଲଗାଲଗି ଅଇକରି ଜିତ୍ ନାଉର୍ ଡଙ୍ଗ୍ଠରଲଗେ ରଇଲା ବେଡ଼ପାଗି ଆରି ବେଡ଼ନିଆ ନାଉର୍ ଗାଏଁ କେଟଲାଇ । ଜିସୁ ସିସ୍ତମନ୍ଦ୍ ବିତ୍ତରେଅନି ଦୁଇଲକ୍ଷ୍ମୀକେ ଡାକିକରି ସେମନ୍ଦକେ କଇଲା, ^୨ ତମେ ଆମର୍ ମୁଆଟେ ରଇଲା ଗାଏଁ ଜା । ତମେ ଗାଉଁ ବିତ୍ତରେ ଜିବାବେଲେ, ଗଟେକ୍ ଗଦ ପିଲା ବାନ୍ଦିରଇଲାଟା ଦେକ୍ସା । ସେ ଗଦ ପିଲାର୍ ଉପରେ ଏବେଜାକ କେ ମିସା ଚଗଡ଼ ନାଇ । ତାକେ ମେଲିକରି ମର୍ଲଗେ ଦାରିଆସା । ^୩ ଜଦି କେ ତମକେ କାଇକେ ମେଲିକରି ନେଲାସିନି ? ବଲି ପାଚାରଲେ, ମାପୁରୁକେ ଦରକାର୍ ଆଟେ ଆରି ସେ ତମକେ ଦାପ୍ରେସେ ବାଉଡ଼ାଇଦେଇସି । ବଲି ସେମନ୍ଦ୍ ଜିବା ଆଗତୁ ସେମନ୍ଦକେ ପାଟାଇଦେଲା ।

^୪ ସେ ଗାଏଁ ଗାଲାଇ ଜେ ଗଟେକ୍ ଗରର୍ ଡାଣ୍ଡୁର୍ ତିଆଗଡ଼ିଲଗେ ଗଦ ପିଲା ବାନ୍ଦିଅଇ ରଇଲାଟା ଦେକିକରି ତାକେ ଜାଇ ମେଲ୍ଲାଇ । ^୫ ତେଇ ଟିଆଅଇରଇଲା କେତେଲକ୍ଷ୍ମୀମନ୍ଦ କଇଲାଇ, “ତମେ କାଇଟା କଲାସିନି ? ଆରି କାଇକେ ଏ ଗଦ ପିଲାକେ ମେଲ୍ଲାଇସିନି ?”

^୬ ସେମନ୍ଦକେ ଜିସୁ ଜେନ୍ତ୍ର କଇବାକେ କଇରଇଲା, ସେନ୍ତାରିସେ ସିସ୍ତମନ୍ଦ୍ ଲକ୍ଷ୍ମୀମନ୍ଦକେ କଇଲାଇ । ତାର୍ପଟେ ସେ ଲକ୍ଷ୍ମୀମନ୍ଦ “ଗଦ ପିଲାକେ ନିଆ ।” ବଲି କଇଲାଇ ।

^୭ ସେମନ୍ଦ୍ ଗଦ ପିଲାକେ ଜିସୁର୍ ଲଗେ ଆନ୍ଲାଇ ଆରି ନିଜର୍ ନିଜର୍ ପଟିଆମନ୍ଦ ଗଦ ପିଲାର୍ ପିଟି ଉପ୍ରେ ପାକାଇଲାଇ । ଆରି ଜିସୁ ଗଦ ଉପ୍ରେ ବସଲା । ^୮ ବେସି ଲକ୍ଷ୍ମୀମନ୍ଦ୍ ଜିସୁକେ ସନ୍ଦମାନ୍ଦ ଦେବାକେ

୯:୪୩ ୧୦:୪୩ ମାତିଉ ୨୩:୧୧; ମାର୍ଚ୍ଚ ୯:୩୫; ଲୁକ୍ ୨୨:୨୨

ନିଜରୁ ନିଜର ପଟିଆମନ୍ ବାଟେ ଅଚାଳଦେଲାଜ ଆରି ବିନ୍‌ଲକ୍‌ମନ୍ ଗର୍ବ ତାଲ୍‌ପତରୁ ଆରି କେନ୍ଦାମନ୍ କାଟିଆନିକରି ବାଟେ ଅଚାଳଦେଲାଜ । ୯ ଜିସୁର ଆଗତୁବାଟେ ଆରି ପର୍ବବାଟେ ଜିବା ଲକ୍‌ମନ୍ ବେସି ଆଉଲିଅଇ ଏନ୍ତି କଇତେରଇଲାଜ, “ଅସାନା, ପର୍ବେସର୍‌କେ ଡାକ୍‌ପୁଟା କରା । ପର୍ବେସର୍‌ ତାକେ ଆସିର୍‌ବାଦ୍ କଲାଆଟେ । ୧୦ ଆମର୍ ଆନିଦାଦି ଦାଉଦ୍ ରାଜାର ରାଇଜ୍ ଆଇଲାନି, ତାର୍ ରାଇଜ୍ ପର୍ବେସର୍ ଆସିର୍‌ବାଦ୍ କର । ସର୍‌ଗେ ରଇବା ବାବା ପର୍ବେସର୍ ସନ୍‌ମାନ୍ ପାଇଲାପାରା କାତା କୁଆ” ବଲି କଇଲାଜ ।

୧୧ ତାର୍‌ପଟେ ଜିସୁ ଜିରୁସାଲାମ୍ ଆସିକରି ପର୍ବେସର୍‌ର ଗର୍ ବିଡ୍‌ରେ ପୁରୁଲା । ଆରି ଚାରିବେଡ୍‌ତି ରଇଲା ସବୁ ଜିନିସ୍‌ମନ୍ ନିମାନ୍ କରି ଦେକ୍‌ଲା । ସେ ବେଲା ବେସି ଅଲ୍‌ସମ୍ ଅଇଗାଲାଜେ, ସେ ବାର୍‌ଟା ସିସ୍‌ମନ୍‌ର ସଙ୍ଗ୍ ବେଡ୍‌ନିଆ ନାଉର୍‌ ଗାଏ ଉଟିଜାଇକରି ତେଇ ରଇଲା ।

ଜିସୁ ତୁମ୍‌ରି ଗର୍‌କେ ସାଇପଦେଲା

(ମାତିଉ ୨୧:୧୮-୧୯)

୧୨ ତାର୍ ଆରକର୍ ଦିନେ ଜିସୁ ଆରି ତାର୍ ସିସ୍‌ମନ୍ ବେଡ୍‌ନିଆଇଅନି ଜିରୁସାଲାମ୍ ଆଇବାବେଲେ ଜିସୁକେ ବେସି ବୁକ୍ କଲା । ୧୩ ଜିସୁ ଦୁରିକେ ଅନି ବେସି ପତର୍ ରଇବା ଗଟେକ୍ ତୁମ୍‌ରିଗର୍ ଦେକ୍‌ଲା । ଆରି ସେ ଗଟେ କେତେଟା ପଲ୍ ଦାରିରଇସି ବଲି ବାବିକରି ଗର୍‌ବୁନ୍‌ଦେ ଗାଲା । ମାତର୍ ଗର୍‌ଲଗେ ଜାଇକରି ଦେକ୍‌ଲାଜେ, ଗଟେକ୍ ମିସା ପଲ୍ ମିଲେ ନାଜ । କାଇକେବଇଲେ, ସେଟା ତୁମ୍‌ରିପଲ୍ ଦାର୍‌ବା ଦିନ୍ ନ ରଇଲା । ୧୪ ଜିସୁ ଗର୍‌କେ କଇଲା, “ତୁଇ ଆରି କେବେ ମିସା ପଲ୍ ନ ଦାରୁସ୍ ।” ସେ କାତା ତାର୍ ସିସ୍‌ମନ୍ ସୁନ୍‌ଲାଜ ।

ଜିସୁ ଜିରୁସାଲାମର୍ ପାର୍‌ତନା ଗର୍ ପରିଚଲ୍ କଲା

(ମାତିଉ ୨୧:୧୨-୧୭; ଲୁକ୍ ୧୯:୩୯-୪୮; ଜଅନ୍ ୨:୧୩-୨୨)

୧୫ ତାର୍‌ପଟେ ଜିସୁ ଜିରୁସାଲାମର୍ ଗତେ ଜାଇ, ମନ୍ଦିରେ ପୁରିକରି ତେଇ ଗେନାବିକା କର୍‌ବା ଲକ୍‌ମନ୍‌କେ ଡାଣ୍ଡେ ବାରକରାଇଦେଲା । ବିନ୍ ଦେସର୍ ତାବୁ ବାଦ୍‌ଲାଇବା ଲକ୍‌ମନ୍‌ର ଟେବୁଲ୍ ଆରି ବିରୁ କର୍‌ବା ପରୁଆ ବିକବା ଲକ୍‌ମନ୍‌ର ବସବା ପିତା ପାସ୍‌ଲାଜ ପାକାଇଲା । ୧୬ ମନ୍ଦିରର୍ ଡାଣ୍ଡେ ଗେନା ବିକା କର୍‌ବାକେ ସେ କାକେମିସା ଦେଏ ନାଜ । ୧୭ ତାର୍ ପଟେ ସେ ଲକ୍‌ମନ୍‌କେ ସିକାଇଦେବାବେଲେ ଏନ୍ତି କଇଲା,

“ମର୍ ମନ୍ଦିର ସବୁ ଜାତିର ଲକ୍‌ମନ୍‌ର ପାର୍‌ତନା ଗର୍ ବଲି ନାମ୍‌ବାଇ ବଲି ପର୍ବେସର୍‌ର ବଇଟା‌ନେ ଲେକା ଅଇଆଟେ,

ମାତର୍ ତମେ ସେ ଗର୍ ଚର୍‌ମମନ୍‌ର ପାଆର୍ କରିଆବାସ୍ ।”

୧୮ ତେଇ ମୁକ୍‌ଅ ପୁଜାରିମନ୍ ଆରି ନିୟମ୍ ସିକାଉମନ୍ ଏ କାତା ସୁନି, ଜିସୁକେ କେନ୍ତି ମରାଇବାର୍ ଅଇସି ବଲି ଚେସର୍‌ କର୍‌ତେରଇଲାଜ । ମାତର୍ ଲକ୍‌ମନ୍‌କେ ଡର୍‌ତେରଇଲାଜ । କାଇକେବଇଲେ ଲକ୍‌ମନ୍ ସେ ସିକାଇଦେବା ବିସଇ କାବା ଅଇକରି ବେସି ମନ୍ କରି ସୁନ୍‌ତେରଇଲାଜ ।

୧୯ ଆରି ସେଦିନର୍ ସଞ୍ଜ୍ ଅଇଲାକେ ଜିସୁ ଆରି ତାର୍ ସିସ୍‌ମନ୍ ଜିରୁସାଲାମ୍ ନଅରେଅନି ବାରଇକରି ଉଟିଗାଲାଜ ।

ତୁମ୍‌ରି ଗର୍‌ତେଇ ଅନି ସିକିଆ

(ମାତିଉ ୨୧:୨୧-୨୨)

୨୦ ତାର୍ ଆରକର୍ ଦିନର୍ ସାକାଲେ ବାଉଡି ଆଇବାବେଲେ, ଏଦେ ଦେକା ! ସେ ତୁମ୍‌ରିଗର୍ ବୁନ୍‌ଦେଅନି ଟିପେଜାକ ସୁକି ଜାଇରଇଲାଟା ଦେକ୍‌ଲାଜ । ୨୧ ସେବେଲା ଜିସୁ ଆଗତୁ କଇରଇଲା କାତା ପିତର୍ ଏଡାଇକରି ତାକେ କଇଲା, “ଏ ଗୁରୁ ଜନ୍ ତୁମ୍‌ରି ଗର୍‌କେ ତମେ ସାଇପ୍ ଦେଇରଇଲାସ୍, ସେ ଗର୍ ସୁକିଗାଲା ଆଟେ ।”

୨୨ ଜିସୁ ସେମନ୍‌କେ କଇଲା, “ତମେ ପର୍ବେସର୍‌ର ତେଇ ବିସ୍‌ବାସ୍ କରିରୁଆ । ୨୩ ଧୁଇ ତମ୍‌କେ ସର୍ କାତା କଇଲିନି, ଜେ ନିଜର୍ ମନେ ଅଇସି କି ନଏ ବଲିକରି ଏନେ ତେନେ ନ ଅଇ, ସେ କଇବା କାତାଇ ବିସ୍‌ବାସ୍ କରି, ‘ଏ ତଙ୍ଗର୍ ଉଲ୍‌ଟିକରି ସମ୍‌ଦୁରେ ଜାଇ ଅଦର୍ ।’ ବଲି କଇଲେ ସେଟା ସେନ୍ତାରି ଅଇସି । ୨୪ ସେଟାପାଇ ମୁଇ ତମ୍‌କେ କଇଲିନି, ତମେ ପାର୍‌ତନାଜ ଜନ୍‌ଟା ମିଲ୍‌ସି ବଲି ବିସ୍‌ବାସ୍ କରି ମାଙ୍ଗ୍‌ଲେ, ସେଟା ତମ୍‌କେ ମିଲ୍‌ସି । ୨୫ ମାତର୍ ତମେ ପାର୍‌ତନା କର୍‌ବା ବେଲେ ତମ୍‌ ମନେ କାର୍ ବିରଦେ ମିସା କାଇ କାତା ରଇଲେ, ତାକେ କେମା ଦିଆସ୍ । ଏନ୍ତି କଲେ ତମ୍‌ର ସରଗର୍ ବାବା ମିସା

* ୧୧:୨୩ ୧୧:୨୩ ମାତିଉ ୧୭:୨୦; ୧୮ କରନ୍ତିସ ୧୩:୨ * ୧୧:୨୫ ୧୧:୨୫ ମାତିଉ ୨:୧୪, ୧୫

ତମକେ ତମର ପାପେଅନି କେମା ଦେଇସି ।^{୨୬} ମାତର ତମେ କେମା ନ କଲେ, ତମର ସରଗର ବାବା ମିସା ତମକେ କେମା ନ ଦେଏ ।” *

ଜିସୁର ଅଦିକାର ବିସଜନେଇ ପରସନ୍
(ମାତିଉ ୨୧:୨୩-୨୭; ଲୁକ ୨୦:୧-୮)

^{୨୬} ସେମନ୍ ଆରିତରେକ୍ ଜିରୁସାଲମେ ଆଇଲାଇ । ଜିସୁ ମନ୍ଦିରର ଦୁଆରେ ବୁଲୁବାବେଲେ ମୁକିଅ ପୂଜାରିମନ୍, ନିୟମ୍ ସିକାରମନ୍ ଆରି ପାର୍ତିନମନ୍ ତାର୍ ଲଗେ ଆସି ପାଚାରୁଲାଇ,^{୨୮} “ତୁଇ କାଜ ଅଦିକାରେ ଏ ସବୁ କାମମନ୍ କଲୁସନ୍ ? ଆରି ଏ ସବୁ କାମମନ୍ କରବାକେ ତକେ କେ ଅଦିକାର୍ ଦେଲାଆଚେ ?”

^{୨୯} ମାତର ଜିସୁ ସେମନ୍‌କେ କଇଲା, “ମୁଇ ମିସା ତମକେ ଏକାଜ ଗଟେକ୍ ସେ ପରସନ୍ ପାଚାରୁବି, ସେ ପରସନ୍‌ର ଉତର ତମେ କଇଲେ, ମୁଇ ଏ ସବୁ କାମ୍ କନ୍ ଅଦିକାରେ କଲିନି, ସେଟା ତମକେ କଇବି ।^{୩୦} ଜଅନ୍ ତୁବନ୍ ଦେବା ଅଦିକାର୍ ସରଗର ପର୍ମେସରଟାମେଅନି ଆସିରଇଲା କି ଲକ୍ମନର ଗନେଅନି ଆସିରଇଲା ? ଏଟା ମକେ କୁଆ ।” ବଲି କଇଲା ।

^{୩୧} ତେଇ ସେମନ୍ ନିଜର୍ ନିଜର୍ ବିତ୍ତରେ କୁଆବଲା ଅଇଲାଇ, “ଆମେ ଜଦି ସରଗର ପର୍ମେସରଟା ଗନେଅନି ବଲି କଇବୁ ବଇଲେ, ସେନ୍ତାର୍ ଆଲେ ତମେ ଜଅନ୍ ଜନ୍‌ଟା କଇଲା ସେଟା କାଜକେ ବିସବାସ୍ କରାସ୍ ନାଇ ? ବଲିକରି ଜିସୁ ଆମକେ କଇସି ।^{୩୨} ମାତର ଲକ୍ମନରଟାମେଅନି ବଲି କଇବାକେ ଆମକେ ଡର୍ ଲାଗୁଲାନି । କାଜକେ ବଇଲେ ଜଅନ୍ ଗଟେକ୍ ବବିସ୍‌ତବକ୍‌ତା ବଲି ସେମନ୍ ସବୁଲକ୍ ବିସବାସ୍ କଲାଇନି ।”^{୩୩} ସେଟାର୍‌ପାଇ ସେମନ୍ ଆମେ ନାଜାନୁ । ବଲି ଜିସୁକେ କଇଲାଇ । ତାର୍‌ପଚେ ଜିସୁ ସେମନ୍‌କେ କଇଲା, “ଏନ୍ତି ବଇଲେ ମୁଇ ମିସା କନ୍ ଅଦିକାରେ ଏସବୁ କାମ୍ କଲିନି, ସେଟା ତମକେ ନ କିଇ ।”

୧୨

ଅଙ୍ଗୁର ଚାସ୍ ଆରି ଆଦିବାଗ୍ କରବା ଚାସିମନ୍
(ମାତିଉ ୨୧:୩୩-୪୬; ଲୁକ ୨୦:୯-୧୯)

^୧ ତାର୍‌ପଚେ ଜିସୁ ଲକ୍ମନକେ ବୁଢ଼ାଇବାକେ କେତେଟା କାତାନି କଇବାର୍ ଦାରୁଲା । ପର୍‌ତୁମ୍ କାତାନି ଅଇଲାନି, ଗଟେକ୍ ଲକ୍ ଗଟେକ୍ ଅଙ୍ଗୁରବାଡ୍ ତିଆରକରି, ତାର୍ ଚାରିବେଡ୍‌ତି ବାଡ୍ ବୁନୁଲା, ଆରି ଅଙ୍ଗୁର ପିଲୁବାକେ ଗଟେକ୍ କୁଣ୍ଡ ତିଆରକଲା । ବାଡ୍ ଜାଗବାକେ ଗଟେକ୍ ଚାଙ୍ଗ୍ ତିଆରକଲା । ଚାସ୍ କରବା ଲକ୍ମନକେ ବାଡ୍ ଆଦିବାଗ୍ କରବାକେ ଦେଇକରି, ସେ ଗଟେକ୍ ବିନ୍ ଦେସେ ଉଟିଗଲା ।^୨ ତାର୍‌ପଚେ ଅଙ୍ଗୁର ତଲୁବା ବେଲା ଆଇଲାକେ, ସାଉକାର୍ ତାର୍ ଗଟେକ୍ ଗତିଦାଙ୍ଗ୍‌ତାକେ ଅଙ୍ଗୁରପଲର ବାଗ୍ ବାଟା ପାଇବାକେ ଚାସିମନ୍‌ଲଗେ ପାଟାଇଲା ।^୩ ମାତର ଚାସି ଲକ୍ମନ, ସାଉକାର୍ ପାଟାଇଲା ଗତିଦାଙ୍ଗ୍‌ତାକେ ଦାରିକରି ମାରିପାଇଲାଇ ଆରି କାଜଟା ନ ଦେଇ ତୁଟା ଆତେ ପାଟାଇଦେଲାଇ ।^୪ ସାଉକାର୍ ତାର୍ ଆରିଗଟେକ୍ ଗତି ଦାଙ୍ଗ୍‌ତାକେ ଚାସିମନ୍‌ର ଲଗେ ପାଟାଇଲା । ଚାସି ଲକ୍ମନ ସେ ଗତିଦାଙ୍ଗ୍‌ତାକେ ମିସା ମୁଣ୍ଡ ପୁଟ୍‌ତେ ମାରୁଲାଇ ଆରି ଇଜଡ୍ ଜିକ୍‌ଲାଇ ।^୫ ସାଉକାର୍ ଆରି ଗଟେକ୍ ଗତିଦାଙ୍ଗ୍‌ତାକେ ପାଟାଇଲା ଜେ, ଚାସିଲକ୍ମନ ତାକେ ମର୍‌ତେ ମାରିଦେଲାଇ । ତାର୍‌ପଚେ ସାଉକାର୍ ଆରି ଗାଦି ଗତିଦାଙ୍ଗ୍‌ତାମନ୍‌କେ ପାଟାଇଲା ଜେ କେତେଟା ଗତିଦାଙ୍ଗ୍‌ତାମନ୍‌କେ ମାରୁଲାଇ ଆରି କେତେଟାକେ ମର୍‌ତେ ମାରିପାଇଲାଇ ।^୬ ଏବେ ସାଉକାର୍‌ର ଲଗେ ଗଟେକ୍ ଲକ୍‌ସେ ରଇଲା, ତାର୍ ନିଜର୍ ଆଲାଦର୍ ପିଲା । ମର୍ ପିଲାକେ ଚାସିଲକ୍ମନ ନାମବାଇ ଆକା ଆରି ମର୍ ବାଗ୍ ପାଟାଇଦେବାଇ । ବଲି ବାବିକରି ସେ ସାରାସାରି ତାର୍ ପିଲାକେ ଚାସିମନ୍‌ର ଲଗେ ପାଟାଇଲା ।^୭ ମାତର ଚାସିମନ୍ ନିଜର୍ ନିଜର୍ ବିତ୍ତରେ କାତା ଅଇଲାଇ, “ଏ ଲକ୍ ତା ଆମର୍ ସାଉକାର୍‌ର ଗଟେକ୍ ବଲି ପିଲା, ଆସା ଆମେ ଆକେ ମର୍‌ତେ ମାରୁଲେ ଏ ବାଡ୍ ଆମର୍ ଅଇଜାଇସି ।”^୮ ଆରି ଚାସିମନ୍ ସାଉକାର୍‌ର ପିଲାକେ ଦାରିକରି ମର୍‌ତେ ମାରି ଅଙ୍ଗୁର ବାଡ୍‌ର ସେପାଟେ ପିଙ୍ଗିଦେଲାଇ ।

^୯ ଏ କାତାନି କଇସାରାଇଲା ପଚେ, ଜିସୁ ସେମନ୍‌କେ ପାଚାରୁଲା, “ଏନ୍ତି ବଇଲେ ଅଙ୍ଗୁର ବାଡ୍‌ର ସାଉକାର୍ କାଜଟା କରସି ? ସେ ଆସିକରି ଚାସିମନ୍‌କେ ମର୍‌ତେ ମାରସି । ଆରି ଅଙ୍ଗୁର ବାଡ୍ ବିନ୍ ଲକ୍ମନକେ ଆଦିବାଗ୍ କରବାକେ ଦେଇସି ।

^{୧୦} “ଗର୍ ବାନ୍‌ବା ଲକ୍ମନ ଜନ୍ ପାକ୍‌ନା ନଏ ବଲି ଚାଡ୍‌ଲାଇ, ସେ ପାକ୍‌ନା ମୁକିଆ ପାକ୍‌ନା ଅଇଲା ବଲିକରି

* ୧୧:୨୭ ୧୧:୨୭ କେତକ୍ ପୁରନା ଲେକାଜ ଏ ପଦ୍ ନାଜ

ତମେ ପରମେସରର ବଇତେଇ ପତାସ୍ ନାଇ କି ?”

୧୧ ଏ ବିସଇ ମାପୁରୁ କରିଆତେ,

ଏଟା ଆମର୍ ପାଇ କାବାଅଇଜିବା ବିସଇ ।

୧୨ ତେଇ ଜିଉଦି ଲକର୍ ମୁକିଅ ପୂଜାରିମନ୍ ଜିସୁକେ ବାଦିନେବାକେ ବାଟ୍ କଜଲାଇ । କାଇକେବଇଲେ ଜିସୁଆମର୍ ବିରଦେ ଏ କାତାନି କଇଲାଇନି ବଲିକରି ସେମନ୍ ଜାନିରଇଲାଇ । ମାତର୍ ଲକ୍ମନ୍ ଆମ୍ବକେ କାଇ କାଇଟା କର୍ବାଇ । ବଲିକରି ତ୍ତରି, ତାକେ ଚାଡିକରି ଉଟିଗାଲାଇ ।

ସିସୁତୁମାଙ୍ଗୁମନ୍ ବାଦବା ବିସଇ ନେଇ ସିକିଆ

(ମାଡିଉ ୨୨:୧୫-୨୨; ଲୁକ୍ ୨୦:୨୦-୨୬)

୧୩ ତାର୍ପତେ ଜିସୁକେ ତାର୍ କାତାଇ ବୁଲ୍ ଦାର୍ବାକେ ଜିଉଦି ନେତାମନ୍ କେତେଟା ପାରୁସି ଦଲର୍ ଲକ୍ମନ୍କେ ଆରି ଏରଦ ରାଜାର୍ କେତେଟା ଲକ୍ମନ୍କେ ତାର୍ ଲଗେ ପାଟାଇଲାଇ । ୧୪ ସେମନ୍ ଜିସୁର୍ ଲଗେ ଆସିକରି, “ଏ ଗୁରୁ ତମେ ସତ୍ କାତା କଇଲାସ୍ନି ଆରି କାକେ ମିସା ନ ତରାସ୍, ସବୁ ଲକ୍ମନ୍କେ ସମାନ୍ ଇସାବେ ଦେକ୍ଲାସ୍ନି ବଲି ଆମେ ଜାନିଆତୁ । କାଇକେବଇଲେ ତମେ ଲକ୍ମନ୍କେ ଇସାବେ ନାଇ, ମାତର୍ ସତ୍ ବାବେ ସିକାଇଲାସ୍ନି । ଏବେ ଆମ୍ବକେ କୁଆ, ରମିଅ ରାଜାକେ ସିସୁତୁ ଦେବଟା ନିୟମ୍ କି ନାଇ ?”

୧୫ “ଆମେ ସିସୁତୁ ବାଦକୁ କି ନାଇ ?” ଜିସୁ ସେମନ୍କେ ମନ୍ଦିବ୍ତରର୍ କୁଟ୍ କାତା ବୁଜିକରି ସେମନ୍କେ କଇଲା, “କାଇକେ ତମେ ମକେ ପାନ୍ଦେ ପାଇବାକେ ଚେସ୍ଟା କଲାସ୍ନି ? ରମିୟ୍ ସରକାର୍ ଗଟେକ୍ ଅଦଲି ତାବୁ ମର୍ ଲଗେ ଆନା, ମୁଇ ସେଟା ଦେକ୍ବି ।” ୧୬ ସେମନ୍ ଗଟେକ୍ ଅଦଲି ତାବୁ ଆନ୍ଲାଇକେ ଜିସୁ ପାଟାଟଲା, “ଏ ତାବୁ ଉପରେ କାର୍ ମୁରତି ଆରି ନାଉଁ ଲେକା ଅଇଆତେ ?” ସେମନ୍ କଇଲାଇ, “ରମିୟ୍ ରାଜାର୍ ମୁରତି ଆରି ତାର୍ ନାଉଁ ଲେକା ଅଇଲାଆତେ ।”

୧୭ ଜିସୁ କଇଲା, “ଏଡି ବଇଲେ ଜନ୍ମଟା ରମିୟ୍ ରାଜାର୍, ସେଟା ରମିୟ୍ ରାଜାକେ ଆରି ଜନ୍ମଟା ପରମେସରର୍, ସେଟା ପରମେସରକେ ଦିଆସ୍ ।” ଏ କାତା ସୁନିକରି ସେମନ୍ କାବା ଅଇଗାଲାଇ ।

ମଲାଟାନେଅନି ଉଟ୍ବା ବିସଇ

(ମାଡିଉ ୨୨:୨୩-୩୩; ଲୁକ୍ ୨୦:୨୭-୪୦)

୧୮ ତାର୍ପତେ ମଲାଟାନେଅନି ଉଟ୍ବା ବିସଇ, ବିସ୍ବାସ୍ ନ କର୍ବା ସାଦୁକି ଦଲର୍ ଲକ୍ମନ୍ ଜିସୁର୍ ଲଗେ ଆସିକରି ଏ ପରସନ୍ ପାଟାଟଲାଇ । ୧୯ “ଏ ଗୁରୁ, ଜିଦି ଗଟେକ୍ ଲକ୍ ବିବାଅଇକରି ପିଲାଜିଲା ନ ଅଇତେ ମରିଜାଇସି ବଇଲେ, ତାର୍ ବାଇ ସେ ମାଇଜିକେ ବିବାଅଇ ପିଲାଜିଲା ପାଇବାଟ୍ ଆତେ । ଏଡି କଲେ ମରିଗାଲା ବାଇର୍ ପାଇ ସେ ପିଲାଟକିମନ୍ ତାର୍ ନାଉଁ ଦାର୍ବାଇ ବଲି ମସା ଆମର୍ପାଇ ନିଅମ୍ ଲେକିଦେଲା ଆତେ । ୨୦ ଏଡି ସାତ୍ ବାଇ ରଇଲାଇ, ସବୁଟାନେଅନି ବଡ୍ ବାଇ ବିବା ଅଇଲା । ମାତର୍ ପିଲାଟକି ନ ଅଇତେ ମରିଗାଲା । ୨୧ ସେଟାଟ୍ପାଇ ତାର୍ ପତର୍ ବାଇ ସେ ମାଇଜିକେ ସଙ୍ଗଇଲା । ସେ ମିସା ପିଲାଟକି ନଇତେ ମରିଗାଲା । ତାର୍ପତେ ବାଇ ମିସା ବିବା ଅଇ ପିଲାଟକି ନଇତେ ମରିଗାଲା । ୨୨ ସାତ୍ବାଇ ଜାକ ସେ ମାଇଜିକେ ଗଟେକ୍ ଲକ୍ମନ୍ ପତେ ଗଟେକ୍ ଲକ୍ ବିବା ଅଇରଇଲାଇ । ସାରାସାରି ସାତ୍ ବାଇ ଜାକ ପିଲାଟକି ନ ଅଇତେ ମରିଗାଲାଇ । ତାର୍ପତେ ସେ ମାଇଜି ମିସା ମରିଗାଲା । ୨୩ ସାତ୍ବାଇ ଜାକ ତାକେ ବିବା ଅଇରଇଲାଇ, ତେବେ ମରିକରି ଉଟ୍ଲା ବେଲେ, ସେ କାର୍ ମାଇଜି ଅଇସି ? ସାତ୍ବାଇ ଜାକ ତାକେ ବିବା ଅଇରଇଲାଇ ।”

୨୪ ଜିସୁ ସେମନ୍କେ କଇଲା, “ଦରମ୍ ସାସ୍ତରେ ପରମେସରର୍ କାଇଟା ଲେକା ଅଇଲା ଆତେ ସେ ବିସଇ, ଆରି ତାର୍ ବପୁର୍ ବିସଇ ତମେ ନାଜାନି କରି ବୁଲ୍ ବାବ୍ଲାସ୍ନି । ୨୫ କେତେବେଲେ ଲକ୍ମନ୍ ମରିକରି ଆରି ତରେକ୍ ଉଟ୍ବାଇ, ସେବେଲେ ମୁନ୍ସପିଲାମନ୍ ବିବା ନ ଅଅଡ୍, କି ମାଇଜି ଟକିମନ୍କେ ବିବା ଅଇବାକେ ନ ଦେଅଡ୍ । ସେମନ୍ ସବୁଲକ୍ ସରଗର୍ ଦୁଡ୍ପାଟା ଅଇବାଇ । ୨୬ ମଲାଟାନେଅନି ଉଟ୍ବା ବିସଇ ମସା ଲେକ୍ଲା ବଇଟାନେ ପତାସ୍ ନାଇ କି ? ପରମେସର୍ ଜଇଲାଗ୍ବା ବୁଟାଜ ମସାକେ ଦେକାଇରଇଲାଜେ, ‘ମୁଇ ଅବ୍ରାଆମର୍, ଇସାକର୍ ଆରି ଜାକୁବର୍ ପରମେସର୍ ।’ ବଲି କଇଲାଟା, ଲେକା ଅଇଲାଆତେ । ମାତର୍ ଏ ଲକ୍ମନ୍ ସବୁ ମରିଗାଲା ଅତଡ୍ । ୨୭ ପରମେସର୍ ମଲାଲକ୍ମନ୍ ମାପୁରୁ ନସ୍ । ସେ ଜିବନ୍ ରଇଲା ଲକ୍ମନ୍ ମାପୁରୁ । ଏ ବିସଇ ତମେ ବେସି ବୁଲ୍ ବୁଜୁଲାସ୍ନି ।” ବଲି କଇଲା ।

* ୧୨:୧୮ ୧୨:୧୮ ପେରିଡ୍ ୨୩:୮

କନ୍ ଆଦେସ୍ ବେସି ମୁକିଅ
(ମାତିଉ ୨୨:୩୪-୪୦; ଲୁକ୍ ୧୦:୨୫-୨୮)

୨୮ ଜିସୁ ଆରି ସାଦୁକ୍ ଦଲର୍ ଲକ୍ମାନ ଦଦା ପେଲା ଅଇବାବେଲେ ଗଟେକ୍ ନିୟମ୍ ସିକାଉ ତାର୍ ଲଗେ ଆଇଲା । ଜିସୁ ଲକ୍ମାନର୍ ପରସନର୍ ଉତର୍ ନିମାନ୍ସଙ୍ଗ୍ କଇବାଟା ସୁନକରି, ତାକେ ପାଚାର୍ଲା, “କନ୍ ଆଦେସ୍ ସବୁରଟାନେଅନି ଅଦକ୍ ମୁକିଅ ?”

୨୯ ଜିସୁ କଇଲା, “ସବୁରଟାନେଅନି ପରତୁମ୍ବର୍ ମୁକିଅ ଆଦେସ୍ ଅଇଲାନି, ସୁନା ଏ ଇସରାଏଲର୍ ଲକ୍ମାନ୍ ମାପୁରୁ ଆମର୍ ପରମେସର୍ ଗଟେକ୍ସେ ମାପୁରୁ । ୩୦ ତମେ ତମର୍ ପୁରାପୁରୁନ୍ ମନ୍ ସଙ୍ଗ୍, ପୁରାପୁରୁନ୍ ଆତ୍ମା ସଙ୍ଗ୍, ପୁରାପୁରୁନ୍ ଚିନ୍ତା ସଙ୍ଗ୍ ଆରି ପୁରାପୁରୁନ୍ ବସୁସଙ୍ଗ୍ ତାକେ ଆଲାଦ୍ କରବାର୍ ଆଚେ । ୩୧ ଆରି ପଚର ମୁକିଅ ଆଦେସ୍ ଅଇଲାନି, ତମେ ନିଜକେ ଆଲାଦ୍ କଲାପାରା ପଡ଼ିସାର୍ ଲକ୍ମକେ ମିସା ଆଲାଦ୍ କରା । ଏ ଦୁଇଟା ଆଦେସ୍ ଚାଡ଼ିକରି ଆରି କାଜ ମିସା ମୁକିଅ ଆଦେସ୍ ନାଜ” ବଲି କଇଲା ।

୩୨ ଏ କାତା ସୁନି ସେ ଲକ୍ ଜିସୁକେ କଇଲା, “ଏ ଗୁରୁ, ପରମେସର୍ ଗଟେକ୍ ସେ, ତାକେ ଚାଡ଼ିଦେଲେ ଆରି କେ ମିସା ନାଜ । ଏ କାତା ତମେ ଟିକ୍ ବାବେ କଇଆଚାସ୍ । ୩୩ ପରମେସର୍କେ ସବୁ ମନ୍ଦେଇକରି ସବୁ ଚିନ୍ତା ଦେଇକରି ଆରି ସବୁ ବସୁ ଦେଇ ଆଲାଦ୍ କରବାର୍ ଆଚେ ଆରି ନିଜକେ ଆଲାଦ୍ କଲା ପାରା ବିନ୍ ଲକ୍ମକେ ମିସା ଆଲାଦ୍ କରବାର୍ଆଚେ ବଲିକରି ତମେ କଇଲା କାତା ଟିକ୍ ସେ । ଆମେ ପରମେସର୍କେ ଜେତେକ୍ ଅମ୍ କଇଲେ ମିସା ଆରି ଜେତେକ୍ କାଜଟା ପୁଜ୍ଲେଲେ ମିସା, ଏ ଦୁଇଟା ଆଦେସ୍ ବେସି ମୁକିଅ ।” ବଲି କଇଲା । ୩୪ ସେଲକ୍ ବେସି ବୁଦି ସଙ୍ଗ୍ ଉତର୍ ଦେଲା ଆଚେ ବଲି ଜିସୁ ଦେକି, ତାକେ କଇଲା, “ତୁଇ ପରମେସର୍ ରାଇଜେ ପୁରବା ଲଗେସେ ଆରୁସ୍ ।” ତାର୍ପଚେ ଆରି କେ ମିସା ଜିସୁକେ ପରସନ୍ ପାଚାର୍ବାକେ ସାଆସ୍ କରି ନାପାର୍ଲାଇ ।

ଜିସୁ ଦାଉଦର୍ ପିଲା
(ମାତିଉ ୨୨:୪୧-୪୬; ଲୁକ୍ ୨୦:୪୧-୪୪)

୩୫ ଜିସୁ ଜିଉଦିମନ୍ ରୁଣ୍ଡବା ଗରର୍ ତାଣ୍ଡେ ସିକିଆ ଦେବାବେଲେ ଲକ୍ମାନକେ ପାଚାର୍ଲା, “ପରମେସର୍ ବାଚିକରି ପାଟାଇଲା ରାଜା ଦାଉଦର୍ ନାତିତିତି ବଲିକରି ନିୟମ୍ ସିକାଇଦେବା ଲକ୍ମାନ କେନ୍ତ୍ର କଇଲାଇନି ?” ୩୬ ଦାଉଦ୍ ସୁକଲ୍ ଆତ୍ମାଈ ଅନି ଏନ୍ତ୍ର କଇଲା, ପରମେସର୍ ମର ମାପୁରୁକେ କଇଲା, “ମୁଇ ତର୍ ସବୁରମାନକେ ତର୍ ପାଦ୍ ତଲେ ନ ଆନ୍ଦବା ଜାକ ତୁଇ ମର୍ ଉଜାଆତ୍ବାଟେ ବସି ର ।”

୩୭ “ଜଦି ଦାଉଦ୍ ରାଜା ନିଜେ ମାପୁରୁବଲି କଇରଇଲା ବଇଲେ ପରମେସର୍ ବାଚିକରି ପାଟାଇରଇବା ମସିଅ କେନ୍ତ୍ର ଦାଉଦର୍ ପିଲା ଅଇସି ?” ତେଇ ରଇଲା ବେସି ଲକ୍ମାନ୍ ସାର୍ଦଦା ସଙ୍ଗ୍ ଏ କାତା ସୁନ୍ଲାଇ ।

ଜିସୁ ନିୟମ୍ ସିକାଉମାନକେ ଜାଗରତ୍ କରାଇଲା
(ମାତିଉ ୨୩:୩୬; ଲୁକ୍ ୨୦:୪୫-୪୬)

୩୮ ଜିସୁ ଆରି କେତେଟା ବିସଇ ସିକାଇଦେବା ବେଲେ କଇଲା, “ତମେ ନିୟମ୍ ସିକାଇଦେବା ଲକ୍ମାନପାରା ଚଳାଚଲ୍ତି ନ ଅଇକରି ଜାଗରତ୍ ସଙ୍ଗ୍ ରୁଆ । ସେମନ୍ ସନ୍ମାନ ପାଇବାକେ ବେସି ତେଙ୍ଗ୍ ପଟିଆ ପିନ୍ଧିକରି ଏନେ ତେନେ ବୁଲ୍ବାଇ । ଆଚେ ବାଟେ ଲକ୍ମାନରଟାନେଅନି ଜୁଆର୍ ପାଇକରି ସନ୍ମାନ ପାଇବାକେ ମନ୍ କରବାଇ । ୩୯ ଜିଉଦିମନ୍ ପାର୍ତନା ଗରେ ମୁକିଅ ଜାଗାଇ, ବଜିଟାନର୍ ମୁକିଅ ଜାଗାଇ ବସବାକେ ମନ୍ କରବାଇ । ୪୦ ଆରି ସେମନ୍ ରାଣ୍ଡି ମାଇଜିମାନକେ ନାଡ଼ାଇକରି ସେମନ୍ ଦନ୍ସପତି ଜୁରି ନେବାଇ । ସେମନ୍ ନିମାନ୍ ଲକ୍ ବଲିକରି ଦେକାଇଅଇବାକେ ବେସି ପର୍ ପାର୍ତନା କରବାଇ । ଏନ୍ତ୍ର ଲକ୍ମାନକେ ପରମେସର୍ ବିନ୍ ଲକ୍ମାନରଟାନେଅନି ବେସି ବଡ଼ ଡଣ୍ଡ ଦେଇସି ।”

ଗଟେକ୍ ରାଣ୍ଡିମାଇଜିର୍ ଦାନ୍ ଦେବାଟ
(ଲୁକ୍ ୨୧:୧-୪)

୪୧ ଜିସୁ ମନ୍ଦିର୍ ବିତ୍ତରେ ଜାଇକରି ଚାନ୍ଦାଦେବା ପେଡ଼ିଲଗେ ବସିକରି ଲକ୍ମାନ ପରମେସର୍କେ କେନ୍ତ୍ର ଚାନ୍ଦା ଦେଲାଇନି ବଲି ଦେକ୍ତେରଇଲା । ସାଉକାର୍ ଲକ୍ମାନ ଲଟେକ୍ ଲଟେକ୍ ଡାବୁ ଦେବାଟା ଦେକ୍ଲା । ୪୨ ସାରାସାରି ଗଟେକ୍ ଗରିବ୍ ରାଣ୍ଡି ମାଇଜି ଦାନ୍ ଦେବା ପେଡ଼ିଲଗେ ଆସିକରି ଦୁଇଟା ସାନ୍ ତାମା କାସ୍

ପୁରାଇଦେଲା । ସେ ଦୁଇଟା ଡାକ୍ତର ଦାମ୍ ଗଟେକ୍ ଗାଙ୍ଗାଲ ଅନି ମିସା ଉନା । ^{୪୩} ତାର୍ପଚେ ଜିସୁ ତାର୍ ସିସ୍ତମ୍ନକେ ଲଗେ ଡାକି କଇଲା, “ମୁଇ ତମ୍ନକେ ସତ୍ କାତା କଇଲିନି, ଏ ସବୁ ସାଉକାର୍ ଲକ୍ମମନ୍ ଦେଲା ତାରୁତେଇଅନି, ଏ ଅର୍କଡି଼ ରାଣ୍ଡି ମାଇଜି ଅଦିକ୍ ଦେଲାଆଚେ । ^{୪୪} କାଇକେବଇଲେ ସବୁ ଲକ୍ମମନ୍ ସେମନ୍ନକେ ଦର୍କାର୍ ଅଇକରି ଅଗଲ୍ଲା ତାରୁ ଦେଲାଆଚେ । ମାତର୍ ଏ ଗରିବ୍ ରାଣ୍ଡି ମାଇଜି, ସେ ବର୍ତ୍ତବାପାଇ ଜେଡକି ତାରୁ ରଇଲା, ସେ ସବୁ ଦେଲାଆଚେ” ବଲିକରି କଇଲା ।

୧୩

ପାର୍ତନା ଗର୍ ବାଙ୍ଗାଲବା ବିସଇନେଇ ଜିସୁ କଇଲା କାତା

(ମାତିଉ ୨୪:୧-୨; ଲୁକ୍ ୨୧:୫-୬)

^୧ ଜିସୁ ଜିଉଦିମନ୍ନର୍ ପାର୍ତନା ଗରେଅନି ବାରଇକରି ଜିବାବେଲେ ତାର୍ ଗଟେକ୍ ସିସ୍ ତାକେ କଇଲା, “ଏ ଗୁରୁ ଏଦେ ଦେକା ! ବଡ୍ ବଡ୍ ପାକ୍ନାଇ ମନ୍ଦିର୍ କେତେକ୍ ସୁନ୍ଦର୍ ଅଇ ତିଆର୍ ଅଇଲାଆଚେ !”

^୨ ଜିସୁ ତାକେ କଇଲା, “ତୁଇ ଏ ବଡ୍ ବଡ୍ ପାକ୍ନାଇ ତିଆର୍ ଅଇଲା ପର୍ମେସରର୍ ଗର୍ ଦେକଲୁସ୍ନି ? ଏ ସବୁ ଗର୍ ନସର୍ ଅଇଜାଇସି । ସବୁ ପାକ୍ନାମନ୍ ତୁଲିକରି ମାଟିତେଇ ଏନେତେନେ ଅଇଜାଇସି, ଗଟେକ୍ ପାକ୍ନା ଆରି ଗଟେକ୍ ପାକ୍ନାର୍ ଉପ୍ରେ ନ ରଏ ।”

ଜିସୁ ସାରାସାରି ଦିନେ ଗର୍ବା ବିସଇ କଇଲା

(ମାତିଉ ୨୪:୩-୧୪; ଲୁକ୍ ୨୧:୭-୧୯)

^୩ ତାର୍ପଚେ ଜିସୁ ପର୍ମେସରର୍ ଗରର୍ ମୁଆଚେ ରଇଲା ଜିଡ୍ ନାଉର୍ ଗର୍ମନ୍ ରଇବା ତଙ୍ଗ୍ରେ ବସିରଇଲା । ସେବେଲା ପିତର୍, ଜାକ୍ସ୍, ଜଅନ୍ ଆରି ଆନ୍ଦ୍ରିୟ, କେ ନ ରଇଲାବେଲେ ତେଇ ଆସିକରି ତାକେ ପାଗାର୍ଲାଇ । ^୪ “ଏ ସବୁ ଗର୍ବା କେବେ ଅଇସି ଆରି ସବୁ ଅଇବା ତିମ୍ମନ୍ କାଇଟା, ଆମ୍ନେକେ କଇଦେ ।” ବଲି କଇଲାଇ ।

^୫ ଜିସୁ ସେମନ୍ନକେ କଇଲା, “ତମେ ଜାଗରତ୍ ଅଇକରି ରୁଆ, ତମ୍ନକେ କେ ମିସା ନ ନାତାଅଡ୍ । ^୬ କାଇକେବଇଲେ ବେସି ଲକ୍ମମନ୍ ମର୍ ନାଉଁ ଦାରି, ସେମନ୍ କିରିସର୍ ବଲି ବେସି ଲକ୍ମମନ୍କେ ବୁଲ୍ଲକାଇବାଇ । ^୭ ମାତର୍ ଜେତେବେଲେ ତମେ ଜୁଇଦର୍ ବିସଇ ନଇଲେ ଜୁଇଦ୍ ଇତି ଅଇସି ନଇଲେ ସିତି ଅଇସି ବଲିକରି ଲକ୍ମମନ୍ କଇବାଟା ସୁନ୍ଲେ, କିଲ୍ବିଲ୍ ନ ଉଆ । ଏ ସବୁ ଗର୍ବା ଅଇସି, ମାତର୍ ସେଦାପ୍ରେ ଆକା ଜୁଗ୍ ସେସ୍ ନର୍ସ । ^୮ କାଇକେବଇଲେ, ଗଟେକ୍ ଦେସର୍ ଲକ୍ମମନ୍ ଆରି ଗଟେକ୍ ଦେସର୍ ଲକ୍ମମନ୍ ବରଦେ ଜୁଇଦ୍ କର୍ବାଇ । ଗଟେକ୍ ରାଇଜ୍ ଆରିଗଟେକ୍ ରାଇଜର୍ ବିରଦେ ଉର୍ବାଇ । ବେସି ଜାଗାଇ ଦର୍ତନି ତୁଲ୍ଲବୁଲ୍ସି, ଆରି ବେସି ଜାଗାଇ ମର୍ଡି ଅଇସି । ଏସବୁ ଗର୍ବା ଗଟେକ୍ ପିଲା ଜନମ୍ ଅଇବା ଆଗତ୍ ଆଇବା ଦୁକାସୁକା ପାରା ଅଇସି ।”

^୯ “ଏକ୍ତି ସବୁ ଅଇବା ବେଲା ତମେ ଜାଗରତ୍ ରୁଆ । ଲକ୍ମମନ୍ ତମ୍ନକେ ବାନ୍ଦିକରି ବିଚାର୍ କର୍ବା ଲକ୍ମମନ୍କେ ସର୍ପିଦେବାଇ । ସେମନ୍ ନିଆଇ କର୍ବା ଜାଗାଇ ତମ୍ନକେ ମାରିପାକାଇବାଇ । ତମେ ମର୍ ସିସ୍ ଅଇରଇବା ଲାଗି, ସାସନ୍ କର୍ବା ଲକ୍ମମନ୍ ଗର୍ବାନେ ଆରି ରାଜାମନ୍ ମୁଆଚେ ତିଆ କରାଇବାଇ । ତମେ ମର୍ଗାନ୍ ବିସ୍ବାସ କଲା ବିସଇ ତେଇ ସାକି ଦେଇସା । ^{୧୦} ଏ ସବୁ ଗର୍ବା ଅଇଜିବା ଆଗତ୍, ସବୁ ଦେସର୍ ଲକ୍ମମନ୍ ଲଗେ, ଏ ନିମାନ୍ କବର୍ କେଟ୍ବାର୍ ଆଚେ । ^{୧୧} ସେମନ୍ ତମ୍ନକେ ବନ୍ଦିକରି ବିଚାର୍ କର୍ବା ବେଲେ ତେଇ କାଇଟା କଇବୁ ବଲିକରି ଆଗତ୍ ଚିନ୍ତା କରାନାଇ । ତମେ କାଇଟା କଇବାର୍ ଆଚେ, ସେ କାତା ପର୍ମେସର୍ ତମ୍ନକେ ସମାନ୍ ବେଲାଇ ଦେଇସି । କାଇକେବଇଲେ ସେ ବେଲାଇ ତମେ ନିଜେ ନ କୁଆସ୍ ମାତର୍ ସୁକଲ୍ ଆଡ୍ମା ତମ୍ନକେ ମରାଇବାତେଇ ସର୍ପି ଦେବାଇ ଆରି ପିଲାଟକିମନ୍ ତାକର୍ ମାଆ ବାବା ବିରୁଦେ ଉଟିକରି ସେମନ୍ନକେ ମରାଇବାକେ ସର୍ପିଦେବାଇ । ^{୧୩} ତମେ ମର ସିସ୍ ଅଇରଇଲାର୍ ଲାଗି ସବୁ ଲକ୍ମମନ୍ ତମ୍ନକେ ଗିନ୍ କର୍ବାଇ । ମାତର୍ ଜେ ସାରାସାରି ଜାକ ମୁର୍ଚି କରି ରଇସି, ସେ ରକିଆପାଇସି ।”

ଜିସୁ ନାସ୍ କର୍ବା ଅସୁକଲ୍ ବିସଇ କଇଲା

(ମାତିଉ ୨୪:୧୫-୨୮; ଲୁକ୍ ୨୧:୨୦-୨୪)

☆ **୧୩:୯** ୧୩:୯ ମାତିଉ ୧୦:୧୭-୨୦; ଲୁକ୍ ୧୨:୧୧,୧୨ ☆ **୧୩:୧୩** ୧୩:୧୩ ମାତିଉ ୧୦:୨୨

୧୪ “ମାତୃତ୍ୱ ତମେ ଜେଡେବେଲା କେ ମନ୍ ନ କର୍ବାଟା ଆରି ନାସ୍ ଅଇବା ଦିନ୍ସୁ ଜନ୍ମଟାକି ସୁକଲ୍ ଜାଗାଇ ସଙ୍ଗଇବାଟ୍ ନସ୍, ସେ ଜାଗାଇ ସଙ୍ଗଇବାଟା ଦେକଲେ, ତମେ ସେ ଜାଗାଇଅନି ପାଲାଇବାଟ୍ ଆରେ । ଏ ବିସଇ ପଡ଼ବା ଲକ୍ମନ, ତମେ ଏ କାତା ବୁଜା । ସେବେଲେ ଜନ୍ ଲକ୍ମନ ଜିଉଦା ରାଇଜେ ରଇବାଇ, ସେମନ୍ ତଙ୍ଗରେ ପାଲାଅଟ୍ । ୧୫* ଜଦି କେ ଗରତ୍ ଚାଉନି ଉପରେ ରଇସିବଇଲେ, ସେ ଗର୍ ବିଡ଼ରେ ତାର୍ କାଇମିସା ଦିନ୍ସୁ ଆନବି ବଲିକରି ନ ଜାଅ । ୧୬* ଜଦି କେ ଚାସ୍ ରଇବା ପଦାଇ ରଇସି, ସେ ତାର୍ ଚାଦର୍ ଆନବାକେ ଗରେ ବାଉଡି ନ ଜାଅ । ୧୭* ଗାଗଡେ ରଇଲା ମାଇଜିମନର୍ପାଇ ଆରି ଦୁଦ୍ କୁଆଇବା ମାଇଜିମନର୍ ପାଇ ସେବେଲେ ପାଲାଇବାକେ ବେସି କସଟ୍ ଅଇସି । ୧୮* ଏ ସବୁ ଗର୍ନା ସିଡ଼ ଦିନେ ନ ଅଇବାକେ ପାର୍ତନା କରା । ୧୯* କାଇକେବଇଲେ ପର୍ମେସର୍ ଏ ଦୁନିଆ ତିଆରକଲା ଦିନେଅନି ଆଜିକେ ଜାକ ସେନ୍ତାରି ଦୁକ୍ କସଟ୍ ଅଧନଇ ଆରି ପଡେ କେବେମିସା ନ ଅଏ । ସେନ୍ତ୍ରି ବେସି ଦୁକ୍ କସଟର୍ ଗର୍ନା ସେ ଦିନ୍ମନକେ ଅଇସି । ୨୦* ଜଦି ପର୍ମେସର୍ ଅପରବଲ୍ ଦୁକ୍ ଦିନ୍ମନ ଉନା ନ କରି ରଇଲେ, ତେବେ ଦୁନିଆର୍ କେ ମିସା ରକିଆ ନ ପାଇକରି ମରି ଜିବାର୍ ଅଇତା । ମାତର୍ ସେ ଜନ୍ ଲକ୍ମନକେ ବାଟିଆରେ ସେ ଲକ୍ମନର୍ପାଇ ସେ ଦୁକ୍ ଦିନ୍ମନ ଉନା କଲାଆରେ ।”

୨୧ ସେବେଲେ କେ ଜଦି ତମ୍ କେ ଇଡି କିରିସଟ୍ ଆରେ । ନଇଲେ ତେଇ ସେ ଆରେ । ବଲି କଇସି, ତାକେ ବିସ୍ବାସ୍ କରା ନାଇ । ୨୨* ସେଦିନ୍ମନକେ ମୁଇଆକା କିରିସଟ୍ । ବଲିକରି ମିଡ଼ କଇବା ବବିସଡ଼ କଇବାଲକ୍, ବିନ୍ ବିନ୍ ରକାମର୍ ତିନ୍ ଆରି କାବା ଅଇଜିବା କାମ୍ମନ ଦେକାଇବାଇ । ପର୍ମେସର୍ ବାଟଲା ଲକ୍ମନ ତମ୍ କେ ମିସା ନାତାଇବାକେ ଚେସ୍ଟା କର୍ବାଇ । ୨୩* ସେଦିନ୍ମନକେ କାଇ କାଇଟା ଅଇସି ସେ ବିସଇନେଇ ତମେ ଜାଗରତ୍ ଅଇ ରୁଆ । ସେଟାର୍ପାଇ, ଦେକା ସେ ବେଲା ନ ଆଇବା ଆଗରୁ ମୁଇ ତମ୍ କେ ଜାନାଇଦେଲିନି ।

ଜିସୁ ଆରି ତରେକ୍ ଆଇବା ବିସଇ
(ମାତିଉ ୨୪:୨୯-୩୧; ଲୁକ୍ ୨୧:୨୫-୨୮)

୨୪* ସେଦିନ୍ମନକେ, ସେ ଦୁକ୍ ଗର୍ନା ଅଇଲାପଡେ ବେଲ୍ ଉଜଲ୍ ନ ଦେଇକରି ଆନ୍ଦାର୍ ଅଇଜାଇସି ଆରି ଜନ୍ ମିସା ଉଜଲ୍ ନ ଦେଏ । ୨୫* ଚାରାମନ୍ ବାଦ୍ଲେଅନି ଅଦର୍ବାଇ ଆରି ବାଦ୍ଲେ ଉଜଲ୍ ରଇବାଟାମନକେ ପର୍ମେସର୍ ଆଲାଇଦେଇସି । ୨୬* “ସେବେଲା ନର୍ପିଲା ମୁଇ, ବେସି ବପୁତେଇ ଆରି ତାକ୍ପୁଟା ସଙ୍ଗ୍ ବାଦ୍ଲଟାଗେ ଆଇବାଟା ଲକ୍ମନ ଦେକବାଇ । ୨୭* ସେବେଲା ମର୍ ଦୁଡ଼ମନକେ ପାଟାଇକରି ଦୁନିଆ ସାର୍ଲାଆନି ଆରି ସରଗ୍ ଚିଡ଼ଲା ତେଇଅନି ପର୍ମେସର୍ ବାଟଲା ଲକ୍ମନକେ ଟୁଲିଆଇବି ।”

ତୁମ୍ମରି ଗଟର୍ ସିକିଆ
(ମାତିଉ ୨୪:୩୨-୩୫; ଲୁକ୍ ୨୧:୨୯-୩୩)

୨୮* “ଏବେ ତୁମ୍ମରି ଗଟର୍ ଉଦାଅରନ୍ ଅନି ଏ ବିସଇ ସିକା । ଜେଡେବେଲେ ତାର୍ କେସିଅନି ପଡ଼ର୍ ପାଲୁଆନି କରି, କାଟାପଡ଼ିଆ ଡିସଲେ, କାରାଦିନ୍ କେଟ୍ଲା ବଲିକରି ତମ୍ କେ କେ ନ କଇଲେମିସା ଜାନାସ୍ । ୨୯* ସେନ୍ତ୍ରିସେ ତମେ ଏ ସବୁ ଗର୍ନା ଦେକ୍ବାବେଲେ, ମୁଇ ଆଇବା ଦିନ୍ କେଟ୍ଲା, ବଲିକରି ଜାନ୍ସା । ୩୦* ମୁଇ ତମ୍ କେ ସଡ଼କାତା କଇଲିନି, ଏ ଗର୍ନା ନ ଅଇବାଜାକ, ଏବେ ରଇଲା ଲକ୍ମନ ନ ମରତ୍ । ୩୧* ବାଦଲ୍ ଆରି ତେଇ ଉଜଲ୍ ଅଇ ରଇବାଟାମନ୍, ଦୁନିଆଇ ଆରି ତେଇରଇବା ସବୁ ଦିନ୍ସୁ ନାସ୍ ଅଇବା ସାରାସାରି ଦିନ୍ ଆଇସି, ମାତର୍ ମର୍ ବାକିଅ କେବେ ମିସା ନ ସାରେ ।”

ଜିସୁ ଆଇବା କବର୍ କେ ନାଜାନତ୍
(ମାତିଉ ୨୪:୩୬-୪୪)

୩୨* “ମାତର୍ ସବୁ ଗର୍ନା କେବେ ଆରି ଜେଡେବେଲା ଅଇସି ବଲିକରି କେ ମିସା ନାଜାନତ୍ । ସରଗର୍ ଦୁକ୍ କି ସଡ଼ ମାପରୁର୍ ପିଲା ମୁଇ ମିସା ନାଜାନି । ମର୍ ବାବା ପର୍ମେସର୍ ଗଟେକ୍ ଲକ୍ସେ ଜାନିଆରେ । ୩୩* ସେ ଦିନ୍ କି ବେଲା କେବେ ଆଇସି, ସେଟା ତମେ କେ ନାଜାନାସ୍ । ସେଟାର୍ପାଇ ତମେ ଜାଗରତ୍ ଅଇ ତିଆରଅଇ ରୁଆ । ୩୪* ମୁଇ ଆଇବା ଦିନ୍, ଏନ୍ତ୍ରି ଗଟେକ୍ ଲକ୍ ତାର୍ ଗର୍ ଚାଡି ଦିନ୍ ଦେସେ ଜିବା ବିସଇ ସମାନ୍ କରିଅଇସି । ସେ ନିଜର୍ ଗଡିଦାଙ୍ଗ୍ଡାମନକେ ଡାକିକରି ସେମନ୍ କାଇ କାଇ କାମ୍

* ୧୩:୧୫ ୧୩:୧୫ ଲୁକ୍ ୧୭:୩୧ * ୧୩:୧୯ ୧୩:୧୯ ପର୍ଲକାସିତ ୭:୧୪ * ୧୩:୨୪ ୧୩:୨୪ ପର୍ଲକାସିତ ୭:୧୨ * ୧୩:୨୫ ୧୩:୨୫ ପର୍ଲକାସିତ ୭:୧୩ * ୧୩:୨୬ ୧୩:୨୬ ପର୍ଲକାସିତ ୧:୭ * ୧୩:୩୨ ୧୩:୩୨ ମାତିଉ ୨୪:୩୬ * ୧୩:୩୪ ୧୩:୩୪ ଲୁକ୍ ୧୨:୩୬-୩୮

କର୍ତ୍ତାବ୍ରାହ୍ମଣେ, ସେ ସବୁ ବିଷୟ ସେମାନଙ୍କେ କଲଲା । ବାବୁ ତିଆଗତି ଜାଗ୍ରତା ଗତିଦାଙ୍ଗତାକେ ତାକିକରି ସେ ବାଉଡ଼ି ଆଇବା ଜାକ ଜାଗିକରି ରଇବାକେ କଇକରି ଗାଲା । ୩୫ ତମେମିସା ଜାଗୁଆଲର୍ ପାରା ଜାଗରତ୍ ଅଇ ରୁଆ । କାଇକେବଇଲେ ସାଉକାର୍ ସଞ୍ଜବେଲା, କି ମଜାରାତି, କି କୁକତାତାକେ କି ସାକ୍ଲିଆ ଆଇସି ସେଟା ତମେ ନାଜାନାସ୍ । ୩୬ ଜିଦି ସେ ଅଟାଟ୍ ଆସିକରି ଦେକ୍ଲାବେଲେ, ତମେ ଇସ୍ରାଇଲର୍ ଲକ୍ମନର୍ ପାରା ରଇବାଟା ସେ ଦେକ୍ବାରୁନାଇ । ୩୭ ମୁଇ ତମକେ କାଇଟା କଇଲିନି, ସେ ବିସଇସେ ସବୁ ଲକ୍ମକେ କଇଲିନି । ମୁଇ ଆଇବା ଦିନ୍ପାଇ ତିଆର୍ ଅଇକରି ସବୁବେଲା ଜାଗରତ୍ ଅଇକରି ରୁଆ ।”

୧୪

ଜିସୁକେ ମରାଇବାକେ ଜିଉଦି ନେତାମନର୍ ଜଜନା
(ମାତିଉ ୨୭:୧-୫; ଲୁକ୍ ୨୨:୧-୨; ଜଅନ୍ ୧୧:୪୫-୫୩)

୧ ନିସ୍ତାତ୍ ପରବ୍ ଆରି କମିର୍ ନ ମିସାଇ ରୁଟି କାଇବା ପରବ୍ ଅଇବାକେ ଆରି ଦୁଇଦିନ୍ ବାକିରଇଲା । ସେବେଲେ ମୁକିଅ ପୁଜାରିମନ୍ ଆରି ନିୟମ୍ ସିକାଉମନ୍ କେ ନାଜାନୁତେ ଜିସୁକେ କେନ୍ଦ୍ରି ବନ୍ଦିକରି ମରାଇଅଇସି ବଲିକରି ବୁଦି ପାଁଡ଼ତେରଇଲାଇ । ୨ ମାତର୍ ସେମନ୍ କଇଲାଇ, “ପରବ୍ ଦିନ୍ମନକେ ତାକେ ବନ୍ଦିକରି ନିଏ । କାଇକେବଇଲେ ଲକ୍ମନ ଗଣ୍ଡଗଲ୍ କର୍ବାଇ ।”

ଗଟେକ୍ ମାଇଜି ଜିସୁକେ ନାମ୍ଲା
(ମାତିଉ ୨୭:୬-୧୩; ଜଅନ୍ ୧୨:୧-୮)

୩ ଜିସୁ ବେଡ୍ନିଆ ଗତେ ଆଗତୁ ବଡ଼ ରଗ୍ ଅଇଲା ସିମନର୍ ଗରେ କାଇବାକେ ବସଲାବେଲେ, ଗଟେକ୍ ମାଇଜି କାଁତେ ବେସି ଦାମ୍ ଦେବା ବାସନା ଚିକନ୍ ଆନିକରି କାଁତର୍ ଗାଲା ବାଙ୍ଗାଇ, ଜିସୁର୍ ମୁଣ୍ଡେ ରକଇଦେଲା । ୪ ମାତର୍ ତେଇ ରଇବା କେତେକ୍ ଲକ୍ମନର୍ ରିସାଅଇ ନିଜର୍ ନିଜର୍ ବିଡ଼ରେ କାତା ଅଇଲାଇ, “ଏ ଚିକନ୍ କାଇକେ ବେକାର୍ ବେକାର୍ ନସ୍ତ୍ କରି ପାକାଇଲାନି ? ୫ ଏଟା ବରସେକର୍ କାମାଇଲାତେଇଅନି ଅଦିକ୍ ତାବୁକେ ବିକି ଗରିବ୍ ଲକ୍ମନକେ ଦେବାର୍ ଅଇତା ।” ବଲିକରି ସେମନ୍ ସେ ମାଇଜିକେ ବେସି କଇପାକାଇଲାଇ ।

୬ ମାତର୍ ଜିସୁ ସେମନକେ କଇଲା, “ସେ ମାଇଜିକେ ଚାଡ଼ିଦିଆସ୍, କାଇକେ ତାକେ ଲାଗିକରି କସ୍ତ ଦେଲାସିନି ? ସେ ମର୍ପାଇ ନିକ କାମ୍ କଲାଆତେ । ୭ କାଇକେବଇଲେ, ଗରିବ୍ ଲକ୍ମନ ସବୁବେଲା ତମରସଙ୍ଗ୍ ଆଟ୍ । ତମେ ଜେଡେବେଲା ମନକଲେ, ସେଡେବେଲା ସେମନକେ ସାଇଜି କରିପାରାସ୍ । ମାତର୍ ମୁଇ ଆରି ବେସିଦିନ୍ ତମର୍ ସଙ୍ଗ୍ ନ ରଇ । ୮ ଏ ମାଇଜି ଜେଡ଼ିକି ପାରୁଲା, ସେଡ଼ିକି କଲାଆତେ । ସେ ମର୍ ମଲା ଗାଗଡ଼ ମସନେ ତପ୍ପା ଆଗତୁ ଚିକନ୍ ଲାଗାଇଦେଲା ଆତେ । ୯ ମୁଇ ତମକେ ସଡ଼କାତା କଇଲିନି, ଗୁଲାଇ ଜଗତେ ଜନ୍ ଜାଗାଇ ମିସା ମାପୁରୁର୍ ନିକ କବର୍ ଜାନାଇଅଇସି । ଏ ମାଇଜି ଜାଇଟା କଲାଆତେ, ତାକେ ଏତାଇକରି ସେଟା ମିସା କଇବାଇ ।”

ଜିସୁକେ ସଡ଼ରୁମନକେ ସର୍ପି ଦେବାକେ ଜିଉଦାର୍ ରାଜି
(ମାତିଉ ୨୭:୧୭-୨୫; ଲୁକ୍ ୨୨:୩-୬)

୧୦ ତାତ୍ପରେ ଜିସୁର୍ ବାରଟା ସିସମନର୍ ବିଡ଼ରେଅନି ଇସକାରିୟତ୍ ଜିଉଦା ନାଉର୍ ଗଟେକ୍ ସିସ୍ ଜିସୁକେ ମୁକିଅ ପୁଜାରିମନର୍ ଆତେ ଦାରାଇଦେବାକେ ରାଜିଅଇକରି ସେମନର୍ ଲଗେ ଗାଲା । ୧୧ ସେ ମୁକିଅ ପୁଜାରିମନ୍ ଜିଉଦାର୍ କାତା ସୁନିକରି ବେସି ସାର୍ଦା ଅଇଗାଲାଇ । ଏ କାମ୍ କଲେ ସେମନ୍ ଇସକାରିୟତ୍ ଜିଉଦାକେ ତାବୁ ଦେବୁ ବଲିକରି ପର୍ମାନ୍ କରି କଇଲାଇ । ସେଟାପାଇ ଇସକାରିୟତ୍ ଜିଉଦା ଜିସୁକେ ମୁକିଅ ପୁଜାରିମନକେ ଦାରାଇ ଦେବାକେ ବେଲା କଇଲା ।

ରକିଆ ପାଇବା ପରବର୍ ବଜି
(ମାତିଉ ୨୭:୧୭-୨୫; ଲୁକ୍ ୨୨:୬-୧୪, ୨୧-୨୩; ଜଅନ୍ ୧୩:୨୧-୩୦)

୧୨ କମିର୍ ନ ମିସାଇକରି ରୁଟି ତିଆରକରି କାଇବା ବଜିର୍ ପରବର୍ ପର୍ଡୁମ୍ ଦିନେ, ରକିଆ ପାଇବା ପରବେ ମେଣ୍ଡାପିଲା ପୁଜାବାଇ । ସେଦିନେ ଜିସୁର୍ ସିସମନ୍ ତାକେ “ତର୍ପାଇ ରକିଆ ପାଇବା ପରବର୍ ବଜି ସବୁ ଚିକ୍ କର୍ବାକେ ଆମେ କନ୍ ଜାଗାଇ ଜିବୁ ବଲିକରି ତୁଇ ମନ୍ କଲୁସିନି ?”

* ୧୪:୩ ୧୪:୩ ଲୁକ୍ ୭:୩୭, ୩୮

୧୩ ସେଟାରୁପାଇଁ ଜିସୁ ତାର ଦୁଇଟା ସିସ୍ତମକୁ ଡାକିକରି କଇଲା ତମେ ଗତେ ଜା । ତେଜ ଗଟେକ୍ ବଡ଼ଟା ଆଣ୍ଡିତେଜ ପାନି ନେବା ଲକ୍ଷ୍ୟକେ ଦେକ୍‌ସା । ତମେ ତାର ପତେ ପତେ ଜା ।^{୧୪} ସେ ପାନିନେବା ଲକ୍ଷ୍ୟ ଗଟେକ୍ ଗରେ ପୁରୁସି । ତମେ ମିସା ସେ ଗର୍ ବିତ୍ତରେ ପୁରିକରି ସେ ଗରର୍ ସାଉକାରୁକେ କୁଆ, “ଆମର୍ ଗୁରୁ ପାଟାରୁଲାନି, ମୁଇ ମର୍ ସିସ୍ତମନ୍‌ର୍ ସଙ୍ଗ୍ ରକିଆ ପାଇବା ପରବର୍ ବଜି କର୍‌ବା ବାକ୍‌ରା କନ୍ତି ଆତେ ?^{୧୫} ସେ ଗରର୍ ସାଉକାର୍ ତମକେ ଗର୍ ଉପ୍‌ରେ ରଇବା ନିମାନ୍ ସଜାଇଅଇରଇଲା ଗଟେକ୍ ବଡ଼ଟା ବାକ୍‌ରା ଦେକାଇଦେଇସି । ତେଜ ଆମର୍‌ପାଇଁ କାଇବା କାଦି ତିଆରୁକରା ।” ବଲି ପାଟାରୁଲାନା ।

୧୬ ତାର ପତେ ଦୁଇଟା ସିସ୍ତମ୍ ସେ ଗରେ ଗାଲାଇ । ତେଜ ଜିସୁ ସେମନ୍‌କେ ଜେନ୍ତି କଇରଇଲା, ସବୁ ସେନ୍ତି ଦେକ୍‌ଲାଇ । ସେଟାରୁପାଇଁ ସେମନ୍ ତେଜ ନିସ୍ତାର୍ ପରବର୍ ବଜି ତିଆରୁକଲାଇ ।

୧୭ ସଙ୍ଗ୍ ଅଇଲାକେ ଜିସୁ ତାର ସିସ୍ତମ୍‌କେ ଡାକିନେଇ ତେଜ କେଟ୍‌ଲା ।^{୧୮} ସେମନ୍ ବସି କାଇବାବେଲେ ଜିସୁ କଇଲା, “ମୁଇ ତମ୍‌କେ ସଡ଼କାତା କଇଲିନି, ଏବେ ତମର୍ ବିତ୍ତରେଅନି ଗଟେକ୍ ଲକ୍ଷ୍ୟ ଜେକି ଆମର୍ ସଙ୍ଗ୍ କାଇଲାନି, ସେ ମକେ ସଡ଼ରୁମନ୍‌କେ ଦାରାଇଦେଇସି ।”^{୧୯} ଏ କାତା ସୁନିକରି ସିସ୍ତମ୍ ବେସି ମନ୍‌ଦୁକ୍ ଅଇଲାଇ । ସବୁଲକ୍ ଗଟେକ୍ ଗଟେକ୍ ଅଇକରି ଜିସୁକେ ସେଲକ୍ ମୁଇ କି ? ବଲିକରି ପାଟାରୁଲାଇ ।^{୨୦} ଜିସୁ ସେମନ୍‌କେ କଇଲା, “ତମର୍ ବାର ଲକ୍ଷ୍ୟ ବିତ୍ତରେଅନି ଜନ୍ ଲକ୍ଷ୍ୟ ମର୍‌ସଙ୍ଗ୍ ଗିନାତେଜ ରୁଟି ଚବାଲିଆତେ, ସେ ଆକା ।”^{୨୧} “ମର୍ ବିସଇ ପର୍‌ମେସରର୍ ସାସ୍ତରେ କେନ୍ତି ଲେକା ଅଇଲାଆତେ, ସେନ୍ତିସେ ସବୁ ଅଇଲାନି, ସେଟା ସଡ଼ସେ, ମାତର୍ ଜାର୍‌ଗାନେଅନି ନର୍‌ପିଲା ମୁଇ ସଡ଼ରୁମନ୍‌ର୍ ଆତେ ଦାରାଇଅଇବି, ସେ ବେସି ବଡ଼ ଡଣ୍ଡ ପାଇବାଲକ୍ ଆରି ସେ ଜନମ୍ ନ ଅଇରଇଲେ ନିକ ଅଇତା ।”

ଜିସୁ ତାର ସିସ୍ତମନ୍‌ର୍ ସଙ୍ଗ୍ ବଜି କାଇବା ବିସଇ
(ମାତିଉ ୨୬:୨୭-୩୦; ଲୁକ୍ ୨୨:୧୪-୨୦; ୧ମ କରନ୍ତିୟ ୧୧:୨୩-୨୫)

୨୨ ସିସ୍ତମ୍ କାଇବାକେ ବସିଲାବେଲେ, ଜିସୁ ରୁଟିଦାରିକରି ପର୍‌ମେସର୍‌କେ ଜୁଆରୁକଲା ଆରି ସେଟା ବାଙ୍ଗାଇ ସେମନ୍‌କେ ଦେଇକରି କଇଲା, “ ନିଆ ଏଟା ମର୍ ଗାଗଡ଼ ।”

୨୩ ତାରପତେ ଅଙ୍ଗୁର୍ ରସ୍ ଦାରି ପର୍‌ମେସର୍‌କେ ଜୁଆର୍ କରି ସବୁ ଲକ୍ଷ୍ୟକେ କାଇବାକେ ଦେଲାଜେ ସେମନ୍ କାଇଲାଇ ।^{୨୪} ଆରି ସେ ତାର ସିସ୍ତମ୍‌କେ କଇଲା, ଏଟା ଅଇଲାନି ବେସି ଲକ୍ଷ୍ୟପାଇ ଜରାଇଲା ମର୍ ବନି । ଏ ବନି ସଙ୍ଗ୍ ପର୍‌ମେସର୍ ଲକ୍ଷ୍ୟମନ୍‌ର୍ ସଙ୍ଗ୍ ରାଜିନାମା କଲାନି ।^{୨୫} ମୁଇ ତମକେ ସଡ଼ କାତା କଇଲିନି, “ମୁଇ ପର୍‌ମେସର୍ ରାଇଜେ ନୁଆ ଅଙ୍ଗୁର୍ ରସ୍ କାଇବା ଦିନ୍ ନ ଅଇବାଜାକ, ଏଟା ଆରି କେବେ ମିସା ନ କାଇ ।”

୨୬ ସବୁ ସିସ୍ତମ୍ ମିସିକରି ପର୍‌ମେସର୍‌କେ ଦନିଅବାଦର୍ ଗିଡ଼ ଗାଇ ଗାଇ କରି ଜିଡ଼ ନାଉର୍ ପର୍‌ବତେ ଗାଲାଇ ।

ଜିସୁର୍ ବସିସଡ଼ କାତା
(ମାତିଉ ୨୬:୩୧-୩୫; ଲୁକ୍ ୨୨:୩୧-୩୪; ଜଅନ୍ ୧୩:୩୬-୩୮)

୨୭ ସେବେଲେ ଜିସୁ ସିସ୍ତମ୍‌କେ କଇଲା, “ତମେ ସବୁଲକ୍ ମକେ ଚାଡ଼ିକରି ଉଟିଜାଇସା । ସେଟା ପର୍‌ମେସରର୍ ସାସ୍ତରେ ଏନ୍ତି ଲେକାଅଇଲାଆତେ, “ମୁଇ ମେଣ୍ଡା ଗଉଡ଼କେ ମରାଇବି ।

ତେଇର୍ ମେଣ୍ଡାମନ୍ ଚିନ୍‌ଚତର୍ ଅଇଜିବାଇ ।”

୨୮ *“ମାତର୍ ମୁଇ ମଲାଗାନେଅନି ଆରିତରେକ୍ ଉର୍‌ଲାପରେ, ତମେ ଗାଲିଲି ଦେସେ ଜିବା ଆଗୁଡ଼, ମୁଇ ତମର୍ ଆଗୁଡ଼ ଆଗୁଡ଼ ଗାଲିଲି ରାଇଜେ ଜିବି ।”^{୨୯} ମାତର୍ ପିତର୍ ଜିସୁକେ କଇଲା, “ସବୁ ସିସ୍ତମ୍ ତମକେ ଚାଡ଼ିକରି ଗାଲେ ମିସା ମୁଇ ତମକେ କେବେ ନ ଚାଡ଼ି ।”

୩୦ ଜିସୁ ତାକେ କଇଲା, “ମୁଇ ତକେ ସଡ଼କାତା କଇଲିନି, ଆଜି ରାତି ଦୁଇତର୍ କୁକ୍‌ତା ଡାକ୍‌ବା ଆଗୁଡ଼, ତୁଇ ମକେ ତିନ୍‌ତର୍ ଚିନିନାଇ ବଲିକରି କଇସୁ ।”

୩୧ ଏ କାତା ସୁନି ପିତର୍ ଜିସୁକେ ଆରିତରେକ୍ ତାଟ୍‌ସଙ୍ଗ୍ କଇଲା, “ମୁଇ ତମର୍ ସଙ୍ଗ୍ ମର୍‌ବାର୍ ଆଲେ ମିସା କେବେ ତମକେ ନାଜାନି ବଲି ନ କଇ ।” ଆରି ବାକି ସିସ୍ତମ୍ ମିସା ସେନ୍ତିସେ କଇଲାଇ ।

ଗେଡ଼ସିମି ବାତେ ଜିସୁର୍ ପାର୍‌ତନା
(ମାତିଉ ୨୬:୩୬-୪୬; ଲୁକ୍ ୨୨:୩୯-୪୬)

* ୧୪:୨୮ ୧୪:୨୮ ମାତିଉ ୨୮:୧୨

୩୨ ତାର୍ ପରେ ଜିସୁ ତାର ସିସ୍ତାନର ସଙ୍ଗେ ଗେଡ଼ସିମନି ନାଉଁର୍ ଗଟେକ୍ ଜାଗାଇ ଆଇଲା । ତେଇ ଜିସୁ ସିସ୍ତାନକେ କଇଲା, “ମୁଇ ପାର୍ତନା କରବାବେଲେ ତମେ ଇତି ବସିରୁଆ ।” ୩୩ ପିତର, ଜଅନ୍ ଆରି ଜାକୁବ୍ କେ ତାର ସଙ୍ଗେ ମିସ୍ତେ ଡାକିନେଲା । ସେ ଦୁକ୍ ଅଇ କିଲ୍ ବଲ୍ ଅଇବାର୍ ବସ୍ଲା । ୩୪ ଆରି ଜିସୁ, ପିତର, ଜାକୁବ୍ ଆରି ଜଅନ୍ କେ କଇଲା, “ମର ମନେ ବେସି ଦୁକ୍ ଅଇଗାଲା ଆତେ । ଜିବନ୍ ତିଡ଼ିଗାଲା ପାରା ଲାଗ୍ଲାନି । ତମେ ଇତି ବସିରଇ ଜାଗିରୁଆ ।”

୩୫ ଜିସୁ ତାକରଟାନେଅନି କଣ୍ଟେକ୍ ଦୁରିକେ ଇଣ୍ଡିଜାଇ ଉମତାଡ଼ିଅଇ ବୁଏଁ ଅଦ୍ରିକରି ପର୍ମେସରକେ ଏନ୍ତି ପାର୍ତନା କଲା, “ଏନ୍ତି କରିଅଇସି ବଇଲେ, ଏ କସ୍ତର୍ ବେଲା ମକେ ନ ଆସ । ୩୬ ଏ ମର ବାବା ତୁଇ ମନକଲୁସ୍ ବଇଲେ କାଇ କାମ୍ ମିସା କରିପାରୁସ୍ । ସେଟାର୍ ପାଇ ଏ ଦୁକ୍ କସ୍ତର୍ ମୁତା ମରଟାନେଅନି ଦାରି ଜା । ମାତର୍ ମର୍ ମନ୍ କଲା ଇସାବେ ନ କରି ତମର୍ ମନ୍ କଲା ଇସାବେ କରା” ବଲି ପାର୍ତନା କଲା ।

୩୭ ତାର୍ ପରେ ଜିସୁ ତାର ସିସ୍ତାନର୍ ଲଗେ ବାଉଡ଼ି ଆଇଲାଜେ, ସେମନ୍ ସଇରଇବାଟା ଦେକ୍ଲା । ସେ ପିତରକେ କଇଲା, “ ସିମନ୍ ପିତର, ତମେ ସଇଦେଲାସ୍ନି କି ? ଗଟେକ୍ ଗଟା ମିସା ଚେତା ରଇ ଜାଗି ନାପାରୁଲାସ୍ନି ? ୩୮ ତମେ ଜେନ୍ତିକି ପରିକାର୍ ପାନ୍ଦେ ନ ଅଦର୍ବାପାଇ ଜାଗି ରଇକରି ପାର୍ତନା କରା । ମନ୍ କରବି ବଲି ମନ୍ କଲା ନି ମାତର୍ ଗାଗଡ଼ ନିବ୍ଲାନି ।”

୩୯ ଜିସୁ ଆରିତରେକ୍ ଜାଇକରି ଆଗଟୁର୍ ପାରା କଇକରି ପାର୍ତନା କଲା । ୪୦ ତାର୍ ପରେ ସେ ସିସ୍ତାନର୍ ଲଗେ ଆରି ତରେକ୍ ବାଉଡ଼ି ଆସି ଦେକ୍ଲା । ସେମନ୍ ଆରିତରେକ୍ ସଇଦେଇରଇଲା । ସେମନ୍ ଆକିତେଇ ଗୁନ୍ ଡାବି ଆଇତେରଇଲାଜେ ସେମନ୍ ଜିସୁକେ କାଇବଲି ମିସା କଇବାକେ ଜାନି ନାପାରୁଲା ।

୪୧ ଏନ୍ତି ତିନତର୍ ପାର୍ତନା କରି ସାରାଇଲାପରେ ଜିସୁ ସିସ୍ତାନର୍ ଲଗେ ଆରିତରେକ୍ ବାଉଡ଼ି ଆଇଲା ଆରି ସେମନ୍ କେ କଇଲା, “ଏବେଜାକ ତମେ ପୁଣ୍ଡିକରି ସଇଦେଇ ଆଗାସ୍ ? ଏଡ଼କି ଅଇସିବେ, ଏବେ ନର୍ ପିଲା ମକେ, ପାପି ଲକ୍ ମନର୍ ଆତେ ଦାରାଇଦେବା ବେଲା ଆସି କେଟ୍ଲା । ୪୨ ଉଟା ଆମେ ଜୁବେ । ଏଦେ ଦେକା ! ମକେ ସଡ଼ୁମନକେ ଦାରାଇ ଦେବା ଲକ୍ ଆଇଲାଆତେ ।” ବଲି କଇଲା ।

ଜିସୁ ବନ୍ଦି ଅଇଲା

(ମାତିଉ ୨୬:୪୭-୫୨; ଲୁକ୍ ୨୨:୪୭-୫୩; ଜଅନ୍ ୧୮:୩-୧୨)

୪୩ ସେ ଦାପ୍ରେ ଜିସୁ ଏ କାତା କଇବାବେଲା, ବାର୍ଟା ସିସ୍ତାନର୍ ବିତ୍ରେଅନି ଗଟେକ୍ ଲକ୍ ଜେକି ଇସ୍କାରିୟଡ଼ ଜିଉଦା ଆସି କେଟ୍ଲା । ଆରି ତାର୍ ସଙ୍ଗେ ବେସି ଲକ୍ ମନ୍ ରଇଲା । ସେ ଲକ୍ ମନର୍ ଆତେ କାଣ୍ଡା ଆରି ଟେଙ୍ଗ ଦାରିରଇଲା । ସେ ଲକ୍ ମନକେ ମୁକିଅ ପୁଜାରିମନ୍, ନିୟମ ସିକାଇବା ଲକ୍ ମନ୍ ଆରି ମୁକିଅ ଜିଉଦି ନେତାମନ୍, ପାଟାଇ ରଇଲା । ୪୪ ସଡ଼ୁମନର୍ ଆତେ ଦାରାଇଦେବା ଇସ୍କାରିୟଡ଼ ଜିଉଦା ଜିସୁକେ ଦେକାଇଦେବାକେ ଏନ୍ତି ଗଟେକ୍ ତିନ୍ କଇରଇଲା, “ମୁଇ ଜନ୍ ଲକ୍ କେ ରୁମ୍ବି, ସେ ଆକା ଜିସୁ । ତମେ ତାକେ ବନ୍ଦିକରି ଜାଗରଡ଼ ସଙ୍ଗେ ଦୁରିକେ ଦାରିଜାଇସା ।”

୪୫ ସେମନ୍ ତେଇ ଆସିକରି କେଟ୍ଲା ଦାପ୍ରେ, ଇସ୍କାରିୟଡ଼ ଜିଉଦା ଜିସୁର୍ ଲଗେ ଜାଇକରି “ଏ ଗୁରୁ, ଜୁଆର୍ !” ବଲିକରି ରୁମ୍ଲା । ୪୬ ସେବେଲା ସେଲକ୍ ମନ୍ ଜିସୁକେ ଦାରି ବନ୍ଦିକରି ନେବାବେଲେ, ୪୭ ସେ ଲଗେ ଟିଆଅଇରଇଲା ଜିସୁର୍ ଗଟେକ୍ ସିସ୍ତା ତାର୍ କାଣ୍ଡା ବେଟି ମୁକିଅ ପୁଜାରିର୍ ଗତି ଦାଙ୍ଗଡାର୍ ଉଜା କାନ୍ କାଟିଦେଲା । ୪୮ ଜିସୁ ସେ ଲକ୍ ମନକେ ପାଟାରୁଲା, “ମୁଇ କାଇ ଗଟେକ୍ ଅପରାଦି ଲକ୍ କି, ତମେ କାଣ୍ଡା ଆରି ଟେଙ୍ଗ ମନ୍ ଦାରି ମକେ ନେବାର୍ ଆସିଆଗାସ୍ ? ୪୯ ସବୁ ଦିନ୍ ମୁଇ ପାର୍ତନା ଗର୍ ମନକେ ସିକାଇଦେବା ବେଲେ ମୁଇ ତମର୍ ସଙ୍ଗେ ରଇଲି । ମାତର୍ ସେବେଲେ ମକେ ଦାରାସ୍ନାଇ । ମାତର୍ ପର୍ମେସରର୍ ସାସ୍ତରେ ଜେନ୍ତି ଲେକାଅଇରଇଲା ସେଟା ସବୁ ସଡ଼ ଅଇବାକେସେ ଏନ୍ତି ଅଇଲାଆତେ ।” ୫୦ ସେବେଲା ଜିସୁର୍ ସିସ୍ତାନ୍ ତାକେ ଚାଡ଼ି ଉଟିପାଲାଇଲା ।

୫୧ ମାତର୍ ସେବେଲା ଗଟେକ୍ ଦାଙ୍ଗଡା ଅବ୍ କା ପାତଲ୍ ଚାଦର୍ ଡାବିଅଇ ଜିସୁର୍ ପରେ ପରେ ଜାଇତେରଇଲା । ଲକ୍ ମନ୍ ତାକେ ବନ୍ଦିକରବାକେ ଚେସ୍ତା କଲାକେ ୫୨ ସେ ଦାଙ୍ଗଡା ପାତଲ୍ ଚାଦର୍ ଚାଡ଼ିକରି ରୁମ୍ଲା ଉଟିପାଲାଇଲା ।

ଜିଉଦିମନର୍ ବଡ଼ସବା ତେଇ ଜିସୁର୍ ବିଚାର

(ମାତିଉ ୨୬:୫୭-୬୮; ଲୁକ୍ ୨୨:୫୪-୫୫, ୬୩-୭୧; ଜଅନ୍ ୧୮:୧୩-୧୪)

* ୧୪:୪୯ ୧୪:୪୯ ଲୁକ୍ ୧୯:୪୭, ୨୧:୩୭

୧୫

ପିଲାତର ମୁଆଟେ ଜିସୁର ବିଚାର

(ମାତ୍ରି ୨୭:୧-୨, ୧୧-୧୪; ଲୁକ୍ ୨୩:୧-୫; ଜଥନ୍ ୧୮:୨୮-୩୮)

୧ ସାକାଲ୍ ସାକାଲ୍ ପାରତନା ଗରର ମୁକିଅ ପୁଜାରିମନ୍, ମୁକିଅ ନେତାମନ୍, ଜିଉଦି ନେତାମନ୍, ନିୟମ ସିକାଉବା ଲକ୍ମନ୍ ଆରି ଜିଉଦି ଲକ୍ମନ୍‌କେ ସାସନ୍ କର୍ବା ସବୁ ରକାମର୍ ନେତାମନ୍ ଜିସୁକେ କାଇଟା କର୍ବାର ଆଟେ ? ବଲି ଗଟେକ୍ ବଡ଼ ପଁଚାଦି କଲାଇ । ସେମନ୍ ତାକେ ବାନ୍ଧିକରି ସାସନ୍ କର୍ବା ପିଲାତ୍‌କେ ସର୍ପିଦେଲାଇ । ୨ ପିଲାତ୍ ଜିସୁକେ ପାଟାରୁଲା, “ତୁଇ କାଇ ଜିଉଦି ମନର୍ ରାଜା ?” ଜିସୁ ତାକେ କଇଲା, “ତୁଇ ଜନ୍‌ଟା ପାଟାରୁଲୁସିନି, ସେଟା ସତ୍‌ସେ ।” ୩ ମୁକିଅ ପୁଜାରିମନ୍ ଜିସୁକେ ଦସ୍ ଦେଇ କଇବାର ଦାରୁଲାଇ । ୪ ସେବେଲା ପିଲାତ୍ ତାକେ ଆରିତରେକ୍ ପାଟାରୁଲା, “ତୁଇ କାଇକେ ଚିମ୍‌ରା ଅଇଦେଲୁସ ? କାଇଟା ମିସା କଉସ ନାଇ । ଦେକା ସେମନ୍ ତର୍ ବିରଦେ କେତେକ୍ ନିନ୍ଦା କାତା କଇଲାଇନି ।” ୫ ମାତର୍ ଜିସୁ କାତା ଅଏ ନାଇ । ସେଟା ଦେକିକରି ପିଲାତ୍ ବେସି କାବା ଅଇଗଲା ।

ପିଲାତ୍ ଜିସୁକେ ମୁକ୍‌ଲାଇ ନାପାରୁଲା

(ମାତ୍ରି ୨୭:୧୫-୨୬; ଲୁକ୍ ୨୩:୧୩-୨୫; ଜଥନ୍ ୧୮:୩୯; ୧୯:୧୭)

୬ ରକିଆ ପାଇବାର ପରବ୍ କଲାବେଲେ ସବୁ ବରସର୍ ରିତିନିତି ଇସାବେ ପିଲାତ୍, ଜନ୍ ଆଲେ ବନ୍ଦି ଲକ୍‌କେ, ଲକ୍‌ମନ୍ ବାରକରାଇ ଦେବାକେ ମନ୍ କରତେରଇଲାଇ, ତାକେ ବାରକରାଇ ଦେଇତେରଇଲା । ୭ ସେବେଲେ ସର୍କାରର ବିରୁଦେ ଦାବିକରି ବାରବା ନାଉଁର୍ ଗଟେକ୍ ଲକ୍ ବନ୍ଦି ଅଇରଇଲା । ଏ ଲକ୍ ଆରି କେତେଟା ଲକ୍‌ମନର୍ ସଙ୍ଗ୍, ଲକ୍‌ମନ୍‌କେ ମରାଇ ବନ୍ଦି ଅଇରଇଲା । ୮ ଲକ୍‌ମନ୍ ପିଲାତ୍‌ଟାଟାନ୍‌ନେ ଆସି, କଇଲାଇ, “ସବୁ ବରସର୍ ରିତିନିତି ଇସାବେ ଏ ତରେକ୍ ମିସା ଗଟେକ୍ ବନ୍ଦି ଲକ୍‌କେ ମୁକ୍‌ଲାଇ କରି ବାରକରାଇଦେସ୍ ।” ୯ ପିଲାତ୍ ଲକ୍‌ମନ୍‌କେ ପାଟାରୁଲା, “ତମେ କାକେ ମନ୍ କଲାସିନି ? ମୁଇ ତମର୍ ଲାଗି ଜିଉଦିମନ୍‌ର ରାଜାକେ ଚାଡ଼ିଦେବି କି ?” ୧୦ ପିଲାତ୍ ରାଜା କାଇକେ ଏନ୍ତି କଇଲା ବଇଲେ, ମୁକିଅ ପୁଜାରିମନ୍ କୁଟ୍ ପାଁତି ଜିସୁକେ ତାର୍ ଆତେ ସର୍ପିଦେଇ ଆତଡ଼ ବଲିକରି ସେ ଜାନିରଇଲା ।

୧୧ ମାତର୍ ମୁକିଅ ପୁଜାରିମନ୍ ଲକ୍‌ମନ୍‌କେ ଉସ୍‌କାଇ କରି, “ଜିସୁର୍ ବାଦୁଲେ ବାରବାକେ ଆମର୍‌ପାଇ ବନ୍ଦି ଗରେଅନି ମୁକ୍‌ଲାଇବାକେ କୁଆ ।” ବଲି କଇଲାଇ । ୧୨ ମାତର୍ ପିଲାତ୍ ଆରିତରେକ୍ ପାଟାରୁଲା, “ସେନ୍ତିଆଲେ ତମେ ଜନ୍ ଲକ୍‌କେ ଜିଉଦିମନ୍‌ର ରାଜା ବଲି କଇଲାସିନି, ତାକେ ମୁଇ କାଇଟା କର୍ବି ବଲି ତମେ ମନ୍ କଲାସିନି ?”

୧୩ ଲକ୍‌ମନ୍ ବେସି ରାଟୁକରି କଇଲାଇ, “ତାକେ କୁରସେ ମରାଆ ।”

୧୪ ତେଇଅନି ପିଲାତ୍ ଆରିତରେକ୍ ଲକ୍‌ମନ୍‌କେ ପାଟାରୁଲା, “କାଇକେ, ସେ କାଇ ଦସ୍ କଲାଆତେ ଜେ ?” ମାତର୍ ଲକ୍‌ମନ୍ ଅଦିକ୍ ଅଦିକ୍ ରାଟୁଅଇକରି କଇଲାଇ, “ତାକେ କୁରସ୍ କାଟେ ମରାଆ ।”

୧୫ ସେଟାର୍‌ପାଇ ପିଲାତ୍ ଲକ୍‌ମନ୍‌କେ ସାର୍‌ଦା କରାଇବାକେ ମନ୍‌କରି ବାରବାକେ ବନ୍ଦି ଗରେଅନି ମୁକ୍‌ଲାଇଦେଇ ଜିସୁକେ କର୍ତ୍ତା ସଙ୍ଗ୍ ମାରି, କୁରସ୍‌କାଟେ କୁଟିମାରି ମରାଇଦେବାକେ ସନିଅମନ୍‌କେ ସର୍ପିଦେଲା ।

ସନିଅମନ୍ ଜିସୁକେ କିଜାଇଲା

(ମାତ୍ରି ୨୭:୨୭-୩୧; ଜଥନ୍ ୧୯:୨-୩)

୧୬ ସନିଅମନ୍ ଜିସୁକେ ରମିୟ ସର୍କାରର ସାସନ୍‌କାରିଆ ପିଲାତର୍, ମୁକିଅ ଗରର୍ ତାଣ୍ଡେ ଦାରିଗାଲାଇ ଆରି ସେମନ୍ ବିନ୍ ସନିଅମନ୍‌କେ ଗଟେକ୍ ଟାନ୍ନେ ତାକି ରୁଣ୍ଡାଇଲାଇ । ୧୭ ସେମନ୍ ଜିସୁକେ କିଜାଇବାକେ ଜାମ୍‌କଲି ରଙ୍ଗର୍ ବସ୍‌ତର୍ ପିନ୍ଧାଇଲାଇ ଆରି ଗଟେକ୍ କାଟାର୍ ମୁକୁଟ୍ ତିଆରକରି ତାର୍ ମୁଣ୍ଡେ ପିନ୍ଧାଇଦେଲାଇ । ୧୮ ସେମନ୍ ଜିସୁକେ କିଜାଇ କରି କଇଲାଇ, “ଏ ଜିଉଦିମନ୍‌ର ରାଜା ତକେ ଜୁଆର୍, ତୁଇ ବେସି ଦିନ୍ ବୁଟ୍ ।” ୧୯ ସେମନ୍ ତରକେତର୍ ବେଡ଼ ତାଙ୍ଗ୍ ସଙ୍ଗ୍ ତାର୍ ମୁଣ୍ଡେ ମାର୍‌ତେରଇଲାଇ ଆରି ତାର୍ ଉପରେ ତୁକି କିଜାଇକରି ମାଣ୍ଡିକୁଟା ଦେଇ ଜୁଆର୍ କଲାଇ । ୨୦ ସେମନ୍ ଜିସୁକେ କିଜାଇ ସାରାଇଲାପଟେ, ଜାମ୍‌କଲି ରଙ୍ଗର୍ ବସ୍‌ତର୍ ତାର୍ ଗାଗେତେଅନି ବେଟିକରି, ନିଜର୍ ବସ୍‌ତର୍ ପିନ୍ଧାଇଦେଲାଇ । ତାର୍‌ପଟେ ସେମନ୍ ତାକେ କୁରସ୍‌କାଟେ ମରାଇବାକେ ଗଡ଼ ବାଇରେ ଦାରିଗାଲାଇ ।

କୁରସେ ଜିସୁର ମରନ୍

(ମାତ୍ରି ୨୭:୩୨-୪୪; ଲୁକ୍ ୨୩:୨୬-୪୩; ଜଥନ୍ ୧୯:୧୭-୨୭)

୨୧ *ସେବେଲା ଆଲେକଜାଣ୍ଡାର ଆରି କୁର୍ନିୟ ଜାଗାର ରୁପଅର୍ ବାବା ସିମନ୍ ନାଉଁର୍ ଗଟେକ୍ ଲକ୍, ପଲିଗାରାମ୍ ଅନି ଆସିକରି ସେ ବାଟେ ଜାଇତେରଇଲା । ସେ ସନିଅମନ୍ ତାକେ ଜିସୁର୍ କୁର୍ସ ବଇବାକେ ବାଦିଅ କଲା । ୨୨ ତାର୍ପଟେ ସେମନ୍ ଜିସୁକେ ଗଲ୍ଗତା ନାଉଁର୍ ଗଟେକ୍ ଜାଗାଇ ଦାରିଗାଲା । ଗଲ୍ଗତାର୍ ଅରଡ୍ ଅଇଲାନି, କାପାଲ୍ ଜାଗା । ୨୩ ସେମନ୍ ଜିସୁକେ ଅସ ମିସାଇଲା ଅଲ୍ଲୁର୍ ରସ୍ କାଅ ବଲିକରି ଦେଲା, ମାତର୍ ସେ ନିଟ୍ଲା । ୨୪ ତାର୍ପଟେ ଜିସୁକେ କୁର୍ସେ ଚଗାଇଲା ଆରି ତାର୍ ବସ୍ତର୍ କାର୍ବଗାଟେ କାଇଟା ମିଲ୍ସି ବଲି ବାଟାକରି ନେବାକେ, କେଡ୍ ପୁଟାଇକରି ନିଜର୍ ନିଜର୍ ବିଡ୍ରେ ବାଟାକରି ନେଲା । ୨୫ ସେମନ୍ ସାକଲିଆ ନ ଗାଁଟା ବେଲାଜି ଜିସୁକେ କୁର୍ସେ ଚଗାଇଲା । ୨୬ ଆରି “ଏଟା ଜିଉଦିମନ୍ ରାଜା ।” ବଲି ନିନ୍ଦା କାତା ଲେକି କୁର୍ସ ଉପରେ ଡସାଇଲା । ୨୭ କୁର୍ସେ ଜିସୁର୍ ସଙ୍ଗ୍ ଆରି ଦୁଇଟା ଚର୍ମମନ୍ଦକେ, ତାର୍ ଉଜାବାଟେ ଗଟେକ୍ କେ, ତେବ୍ରି ବାଟେ ଆରିଗଟେକ୍ କେ ଚଗାଇରଇଲା । ୨୮ ସେ ବୁଲ୍ କଲା ଲକ୍ମନର୍ ବିଡ୍ରେଅନି ଗଟେକ୍ ଲକ୍ ବଲି, ଇସାଏ ଅଇଲା ବଲିକରି *ପର୍ମେସର୍ସ ସାସ୍ତରେ ଲେକାଅଇରଇବା ବିସୟ ସିଦ୍ ଅଇଲା । ୨୯ *ସେ ବାଟ୍ ଦେଇ ଜିବା ଲକ୍ମନ ନିଜେ ନିଜେ ମୁଣ୍ଡ ଡୁଲାଇ ଜିସୁକେ ନିନ୍ଦାକରି କଇଲା, “ପାର୍ତନା ଗର୍ ବାଙ୍ଗାଇ କରି ତିନ୍ଦିନ୍ ବିଡ୍ରେ ତିଆର୍ କର୍ବାଲକ୍ ଏ ସେ କି ?” ବଲି କିଜାଇଲା । ୩୦ “ତୁଇ ଏବେ କୁର୍ସେ ଅନି ଉଡ୍ରି ନିଜକେ ରକିଆ କର୍ ।”

୩୧ ମୁକିଅ ପୁଜାରିମନ୍ ଆରି ନିୟମ୍ ସିକାଇବା ଲକ୍ମନ୍ ମିସା ନିଜର୍ ନିଜର୍ ବିଡ୍ରେ କାତାଅଇକରି କିଜାଇଲା । ସେମନ୍ କଇତେରଇଲା, “ବିନ୍ ଲକ୍ମନ୍ କେ ରକିଆ କର୍ତେରଇଲା, ମାତର୍ ସେ ନିଜେ ରକିଆ ଅଇ ନାପାର୍ଲା ।” ୩୨ “ତମେ ସତଇସେ ଇସ୍ରାଏଲ୍ ରାଜା କିରିସର୍ ଅଇରଇଲେ, କୁର୍ସେ ଅନି ଉଡ୍ରି ଆଇ । ସେନ୍ତ୍ର ଅଇଲେ ଆମେ ଦେକିକରି ବିସ୍ବାସ୍ କର୍ବୁ ।” ବଲି କଇଲା । ଜନ୍ ଲକ୍ମନ୍ କେ ଜିସୁର୍ ସଙ୍ଗ୍ କୁର୍ସେ ଚଗାଇରଇଲା, ସେମନ୍ ମିସା ଜିସୁକେ ନିନ୍ଦା କଲା ।

ଜିସୁର୍ ମରନ୍

(ମାତିଉ ୨୭:୪୫-୫୬; ଲୁକ୍ ୨୩:୪୪-୪୯; ଜଅନ୍ ୧୯:୨୮-୩୦)

୩୩ ମୁଇଦାନିଆ ବାର୍ଗା ବେଲାଅନି ତିନ୍ଟା ଜାକ ଗୁଲାଇ ଦେସ୍ ଆନ୍ଦା ଅଇଗାଲା । ୩୪ ଦିନ୍ ତିନ୍ଟା ବେଲେ ଜିସୁ ଆଉଲିଅଇ କଇଲା, “ଏଲଇ ଏଲଇ ଲାମା ସବକ୍ତାନି ।” ଆର୍ ଅରଡ୍ ଅଇଲାନି, “ଏ ମର୍ ପର୍ମେସର୍ ଏ ମର୍ ପର୍ମେସର୍, ତମେ ମକେ କାଇକେ ଚାଡିଦେଲାସ୍ ?”

୩୫ ଏ କାତା ସୁନି ସେଲଗେ ଚିଆ ଅଇରଇବା କେତେ ଲକ୍ କଇଲା, “ସେ ଏଲିୟକେ ଡାକ୍ଲାନି ।” ୩୬ ତେଇଅନି ଗଟେକ୍ ଲକ୍ ପାଲାଜି ଜାଇ ଅଲ୍ଲୁର୍ ରସେ, ତୁଲା ବୁତାଇ ତାଙ୍ଗେ ବାସି ଉପରେ ଲାମାଜିଦେଲା । ସେ ଲକ୍ କଇଲା, “ଏବେ ଏଲିୟ ଆସିକରି ଆକେ କୁର୍ସେ ଅନି ଉଡ୍ରିଅଇଦେଇସି କି ନାଇ ଦେକୁ ।”

୩୭ ମାତର୍ ଜିସୁ ଆଉଲିଅଇଲା ଦାପ୍ରେ ତାର୍ ଜିବନ୍ ଚାଡିଗାଲା ।

୩୮ ସେବେଲା ମାନ୍ଦିର୍ ସୁକଲ୍ ଜାଗା ବିନେ କର୍ବା ପାର୍ଦା ଉପରେଅନି ତଲେ ଜାକ ଦୁଇ ଡାଡ୍ ଅଇ ଚିରିଅଇଗାଲା । ୩୯ ତେଇ ଜିସୁର୍ କୁର୍ସ ମୁଆଟେ ଚିଆଅଇରଇଲା ସଏଟା ସନିଅମନ୍ ମୁକିଅ, ଜିସୁ ସାରାସାରି ଆଉଲି ଅଇଲାଟା ଆରି ସେ କେନ୍ତ୍ର ଅଇକରି ମଲା, ଦେକିକରି କଇଲା, “ସତଇସେ ଏ ପର୍ମେସର୍ ପିଲା ରଇଲା ।”

୪୦ *ତେଇ କେତେଟା ମାଇଜିମନ୍ ମିସା କୁର୍ସେ ଅନି ଦୁରିକେ ଚିଆଅଇ ଦେକ୍ତେରଇଲା । ସେମନ୍ ଅଇଲାଜିନି, ମାନ୍ଦିଲିନି ମାନ୍ଦିୟମ୍, ସାନ୍ଟା ଜାକୁର୍ ଆରି ଜସିର୍ ମା ମାନ୍ଦିୟମ୍ ଆରି ସଲମି । ୪୧ ଜିସୁ ଗାଲିଲିତେଇ ରଇଲାବେଲେ ଏ ମାଇଜିମନ୍ ଜିସୁର୍ ସଙ୍ଗ୍ ଜାଇତେରଇଲା । ଆରି ତାକେ ଦର୍କାର୍ ରଇଲା ବିସୟ ସାଇଜ କର୍ତେରଇଲା । ଜିସୁର୍ ସଙ୍ଗ୍ ଜିରୁସାଲମେ ଆସିରଇଲା ବିନ୍ ମାଇଜିମନ୍ ମିସା ତେଇ ରଇଲା ।

ଜିସୁର୍ ମଲା ମଡ୍ ରାଙ୍ଗିନି କାଟି ତିଆର୍ କଲା ପାଆର୍ ବିଡ୍ରେ ସଙ୍ଗାଇଲା

(ମାତିଉ ୨୭:୫୭-୬୧; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨)

୪୨ ସେ ଦିନ୍ ବିସ୍ବାମ୍ ଦିନ୍ ପାଇ ତିଆର୍ ଅଇବା ଦିନ୍ ଅଇରଇଲା । ସେଦିନେ ସଞ୍ଜବେଲା, ୪୩ ଆରାମାତିଆ ଗାଉଁର୍ ବିଚାରକର୍ବା ମୁକିଅ ଲକ୍ ବିଡ୍ରେ ରଇଲା ଜସେପ୍ ନାଉଁର୍ ଗଟେକ୍ ଲକ୍,

* ୧୫:୨୧ ୧୫:୨୧ ରମିୟ ୧୭:୧୩ * ୧୫:୨୮ ୧୫:୨୮ କେତେକ୍ ପୁରନା ଲେକାଜି ଏଟା ଲେକାଅଏନାଜି * ୧୫:୨୯ ୧୫:୨୯ ମାର୍ଚ୍ଚ ୧୫:୫୮; ଜଅନ୍ ୨:୧୯ * ୧୫:୪୦ ୧୫:୪୦ ଲୁକ୍ ୮:୨୩

ପରଫେସର୍ ସାସନ କରବା ରାଜଜର୍ ବେଲା ଆସ ବଲି ଜାଗିରଇବା ଗଟେକ୍ ଲକ୍ । ବେସି ସାଆସ୍ତଇ ପିଲାତର୍ ଲଗେ ଜାଇକରି ଜିସୁର୍ ମଲାମତ୍ ମାଙ୍ଗ୍ଲା । ^{୪୪} ଜିସୁ ଏତେକ୍ ଦାପ୍ତରେ ମରିଗାଲା ବଲି ସୁନି ପିଲାତ୍ କାବା ଅଇଗାଲା । ତାର୍ ସନିଅମନର୍ ନେତାକେ ତାକି “ଜିସୁ ମଲାବେ କି ?” ବଲି ପାଗାରୁଲା । ^{୪୫} ସେ ସନିଅମନର୍ ନେତା, ଜିସୁ ମରିଗାଲା ବିସଇ ପିଲାତ୍ କେ କଇଲା । ତାର୍ପତେ ଜସେପ୍ କେ ପିଲାତ୍ କଇଲା, “ତୁଇ ମତ୍ ନେଇ ପାରୁସ୍ ।” ^{୪୬} ସେଟାର୍ ପାଇ ଜସେପ୍ ଜିସୁର୍ ଗାଗଡ୍ କୁରସ୍ ଉପରେଅନି ଉଡ଼ରାଇ ଆନ୍ଦ୍ଲା ଆରି ଗଟେକ୍ ନୁଆ ଲୁଗା ସଙ୍ଗ୍ ଗୁଡ଼ିଆଇକରି ରାଙ୍ଗନି କାଟି ତିଆର୍ କରି ରଇଲା ଗଟେକ୍ ପାଆରେ ନେଇକରି ସଙ୍ଗ୍ଲଲା । ଗଟେକ୍ ବଡ଼ ଚାତଡା ପାକ୍ନା ନେଇ ପାଆର୍ ମୁଆଟେ ତାବିଦେଲା । ^{୪୭} ଜିସୁକେ ଜନ୍ ଜାଗାଇ ନେଇ ସଙ୍ଗ୍ ରଇଲାଇ, ସେ ଜାଗା ମଗ୍ବଲିନି ମରିୟମ୍ ଆରି ଜସିର୍ ମା ମରିୟମ୍ ଦେକିରଇଲା ।

୧୭

ଜିସୁ ମରିକରି ଉଟ୍ଲା

(ମାତିଉ ୨୮:୧-୮; ଲୁକ୍ ୨୪:୧-୧୨; ଜଅନ୍ ୨୦:୧-୧୦)

^୧ ବିସରାମ୍ବାର୍ ସାରୁଲା ତାର୍ ଆରକର୍ ଦିନେ ମଗ୍ବଲିନି ମରିୟମ୍, ଜାକୁବର୍ ମାଆ ମରିୟମ୍ ଆରି ସଲମି, ଜିସୁର୍ ମଲା ଗାଗଡେ ଲାଗାଇବାକେ ବାସ୍ନା ଚିକନ୍ ଗେନିଆନ୍ଲାଇ । ^୨ ରଇବାର୍ ଦିନର୍ ସାକାଲ୍ ସାକାଲ୍ ସେମନ୍ ତାର୍ ଗାଗଡ୍ ସଙ୍ଗ୍ଲଲା ଜାଗାକେ ଜାଇତେରଇଲାଇ । ସେବେଲେ ବେଲ୍ ଉଦି ଆଇତେରଇଲା । ^୩ ସେମନ୍ ନିଜର୍ ନିଜର୍ ବିତ୍ତରେ “ଜିସୁର୍ ଗାଗଡ୍ ସଙ୍ଗ୍ଲରଇଲା ମୁଆଟର୍ ବଡ଼ ଚାତଡା ପାକ୍ନା ଆମର୍ ପାଇ କେ ଗୁଟାଇଦେଇସି ତେବେ ?” ବଲି କାତା ଅଇତେରଇଲାଇ । ^୪ ସେମନ୍ ସେ ଜାଗାଇ କେଟିକରି ଦେକ୍ଲାବେଲେ, ଏଦେ ଦେକା ! ସେ ବଡ଼ ଚାତଡା ପାକ୍ନା ଗୁଡ଼ିଜାଇରଇଲା । ^୫ ସେବେଲା ସେମନ୍ ସେ ଜାଗା ବିତ୍ତରେ ପୁରିକରି ଦେକ୍ଲାବେଲେ ଗଟେକ୍ ବିଜ୍ଜି ପାଗା ଜଗଜଗି ଜାଇତେରଇବା ଦବ୍ ପଟିଆ ପିନ୍ଦିରଇବା ଦାଙ୍ଗ୍ଡା, ଜିସୁର୍ ମତ୍ ସଙ୍ଗ୍ଲରଇଲା ଜାଗାର୍ ଉଜାବାଟେ ବସିରଇଲା । ସେଟା ଦେକି ସେମନ୍ ବେସି ତରିଜାଇ କାବା ଅଇଗାଲାଇ ।

^୬ ମାତର୍ ସେ ଲକ୍ ସେମନ୍ କେ କଇଲା, “ତରାନାଇ, ତମେ କୁରସେ ମଲା ନାଜରିତ୍ ଗତର୍ ଜିସୁ କିରିସଟକେ କଜ୍ଲାସିନି କି ? ସେ ଇତି ନାଇନି, ଏବେ ମଲାଟାମେଅନି ଉଟ୍ଲା ଆଟେ । ତାର୍ ମତ୍ ସଙ୍ଗ୍ଲଲା ଜାଗା ଦେକା ।” ବଲି କଇଲା । ^୭ “ତମେ ଜାଇକରି ତାର୍ ସିସ୍ମନ୍ କେ ଆରି ପିତର୍ କେ ବାଇଦରେ କୁଆ, ତମେ ଜିବା ଆଗତୁ ଜିସୁ ଗାଲିଲି ଗତେ ଗାଲା ଆଟେ । ସେ ତମକେ ଜେଡ଼ି କଇରଇଲା, ସେଡ଼ିସେ ଗାଲିଲି ଗତେ ତାକେ ଦେକ୍ସା ।” ବଲି କଇଲା । ^୮ ସେ ମାଇଜିମନ୍ ବେସି କାବା ଅଇଜାଇ, ତର୍ତରି ଜାଇକରି ସେ ଜାଗାଇଅନି ବାରଇକରି ପାଲାଲଲାଇ ଆରି ସେମନ୍ ବେସି ତରିଜାଇକରି କାକେ ମିସା କାଇବଲି କଅଡ଼ନାଇ ।

ଜିସୁ ବେସି ଲକ୍ମନ୍ କେ ଦେକାଇଅଇଲା

(ମାତିଉ ୨୮:୯-୧୦; ଜଅନ୍ ୨୦:୧୧-୧୮)

^୯ ଜିସୁ ମଲାଟାମେଅନି ଉଟ୍ଲା ଆଟର୍ ପର୍ତୁମ୍ ଦିନର୍ ସାକାଲେ ଜନ୍ ମାଇଜିଟାମେଅନି ଜିସୁ ସାତ୍ଟା ତୁମାମନ୍ କେ କେଦିରଇଲା, ମଗ୍ବଲିନି ନାଉର୍ ମରିୟମ୍ କେ ପର୍ତୁମ୍ ଦେକାଇଅଇଲା । ^{୧୦} ସେ ମାଇଜି ତେଇଅନି ଜାଇକରି, ଦୁକ୍ ଅଇ କରି କାନ୍ଦତେ ରଇଲା ଜିସୁର୍ ସିସ୍ମନ୍ କେ କଇଲା, ^{୧୧} “ଜିସୁ ମଲାତେଇଅନି ଉଟ୍ଲା ଆଟେ ଆରି ମୁଇ ତାକେ ନିଜେ ଦେକିଆଟି ।” ବଲି କଇଲା । ସିସ୍ମନ୍ ତାକେ ମୁଲ୍ କେ ବିସ୍ବାସ୍ କରଡ଼ ନାଇ ।

ଜିସୁ ଦୁଇଟା ସିସ୍ମନ୍ କେ ଦେକାଇ ଅଇଲା

(ଲୁକ୍ ୨୪:୧୩-୩୫)

^{୧୨} ତାର୍ପତେ ଦୁଇଟା ସିସ୍ମନ୍ ଗଟେକ୍ ଗାଏଁ ଜିବାବେଲେ ଜିସୁ ସେମନ୍ କେ ବିନ୍ ରୁପେ ଦେକାଇଅଇଲା । ସିସ୍ମନ୍ ତାକେ ଚିନି ନାପାରୁଲାଇ । ^{୧୩} ସେ ଦୁଇଟା ସିସ୍ମନ୍ ବାଉଡ଼ିଆସିକରି ବିନ୍ ସିସ୍ମନ୍ କେ ଏ କାତା କଇଲାଇ । ଏଡ଼ି କଇଲେ ମିସା ସିସ୍ମନ୍ ତାକର୍ କାତା ବିସ୍ବାସ୍ କରଡ଼ ନାଇ ।

ଜିସୁ ବେସି ଲକ୍ମନ୍ କେ ଦେକାଇଅଇଲା

(ମାତିଉ ୨୮:୧୭-୨୦; ଲୁକ୍ ୨୪:୩୬-୪୯; ଜଅନ୍ ୨୦:୧୯-୨୩; ପେରିତ୍ ୧:୬-୮)

* ୧୭:୭ ୧୭:୭ ମାତିଉ ୨୭:୩୨; ମାର୍ଚ୍ଚ ୧୫:୮

୧୪ ତାରୁପତେ ଏଗାରୁଟା ସିସ୍‌ମନ୍ କାଇବାବେଲେ ଜିସୁ ସେମନ୍‌କେ ଦେକାଇଅଇଲା । ଜିସୁ ମଲାଟାନେଅନି ଉର୍ଲାଟା ଦେକିରଇଲା ଲକ୍‌ମନ୍ କଇଲା କାତା ବିସ୍‌ବାସ୍ ନ କରି, ସେମନ୍‌ର ମନ୍ ଆର୍ଟ୍ କଲାର୍ ଲାଗି ସେମନ୍‌କେ ଲାଗଲା । ୧୫ ଜିସୁ ସେମନ୍‌କେ କଇଲା, “ତମେ ଏ ଦୁନିଆର୍ ଗୁଲାଇବାଟେ ଜାଇକରି ସବୁ ଲକ୍‌ମନ୍‌କେ ମର୍ ନିମାନ୍ କାତା କୁଆ । ୧୬ ଜେ ଜେ ଏ ନିମାନ୍ କାତା ବିସ୍‌ବାସ୍ କରି ତୁବନ୍ ନେବାଇ, ସେମନ୍ ପାପେଅନି ରକିଆ ପାଇବାଇ, ମାତର୍ ଜେ ଜେ ଏ ନିମାନ୍ କାତା ବିସ୍‌ବାସ୍ ନ କରଡ୍, ପର୍‌ମେସର୍ ସେମନ୍‌କେ ତଣ୍ ଦେଇସି । ୧୭ ଆରି ବିସ୍‌ବାସି ଲକ୍‌ମନ୍ ମର୍ ନାଉଁ ଦାରି ତୁମାମନ୍‌କେ ବାର୍‌କରାଇ କେଦିଦେବାଇ ଆରି ନାଜାନିରଇବା ବାସାଇ କାତା ଅଇବାଇ । ଏନ୍ତି ବିସ୍‌ବାସ୍ କର୍‌ବା ଲକ୍‌ମନ୍‌ରଟାନେ ଗଟେକ୍ ଚିନ୍ ପାରା ଅଇସି । ୧୮ ସେମନ୍ ନାଜାନିକରି ସାଁସ୍ ଆତେ ଦାରଲେ କି ବିସ୍ କାଇଲେ ନ ମରଡ୍ । ଜର୍‌ତୁକାର୍ ଲକ୍‌ମନ୍‌କେ ଆଡ୍ ଚିଇ କରି ପାର୍‌ତନା କଲେ, ସେଲକ୍‌ମନ୍ ନିମାନ୍ ଅଇଜିବାଇ” ବଲି କଇଲା ।

ଜିସୁ ସର୍‌ଗେ ଗାଲା
 (ଲୁକ୍ ୨୪:୫୦-୫୩; ପେରିଡ୍ ୧:୯-୧୧)

୧୯ ମାପୁରୁ ଜିସୁ ଏ ସବୁ କାତା ସେମନ୍‌କେ କଇ ସାରାଇଲା ପତେ, ପର୍‌ମେସର୍ ତାକେ ସର୍‌ଗେ ଦାରିଗାଲା ଆରି ପର୍‌ମେସର୍ ସନ୍‌ମାନ୍ ଜାଗାଇ ବସଲା । ୨୦ ତାରୁପତେ ତାରୁ ସିସ୍‌ମନ୍ ଜାଇକରି ଏ ଦୁନିଆର୍ ଗୁଲାଇବାଟେ ମାପୁରୁ ଜିସୁର୍ ନିମାନ୍ କାତା କଇଲାଇ ଆରି ମାପୁରୁ ତାକର୍ ସଙ୍ଗ୍ ରଇକରି କାବାଅଇଜିବା ବିନ୍ ବିନ୍ କାମ୍ କଲା । ଏନ୍ତାରି ସେମନ୍ କଇବା କାତା ସଡ୍ ବଲି ଦେକାଇଦେଲା । *

☆ ୧୬:୧୫ ୧୬:୧୫ ପେରିଡ୍ ୧:୮ ☆ ୧୬:୧୯ ୧୬:୧୯ ପେରିଡ୍ ୧:୯-୧୧ * ୧୬:୨୦ ୧୬:୨୦ କେତେଟା ପୁରାଣା ଲେକାଇ ମାର୍ଚ୍ଚକ ୧୬, ୯-୨୦ ନ ମିଲେ

ଯୀଶୁଖ୍ରୀଷ୍ଟଙ୍କ ବିଷୟରେ ଲୁକ୍ ଲେଖିଥିବା ସୁସମାଚାର ଜିସୁକ୍ରିସ୍ଟର ବିସଇ ନେଇକରି ଲୁକ୍ ଲେକିରଇବା ନିମାନ୍ କବର୍

ଏ ବଇ ବିସଇ ଜାନ୍‌ବାଟା

ଲୁକ୍ ଲେକିରଇବା ନିମାନ୍ କବର୍ ଅଇଲାନି, ଜିସୁକ୍ରିସ୍ଟର ଜିବନେ ଅଇରଇବା ଚିକିନିକି ବିସଇର୍ କାତା । ନୁଆ ନିଅମର୍ ଚାର୍ଟା ବଇ ବିଡ୍ରେ ଅନି ଏଟା ଗଟେକ୍ । ସେ ବିଡ୍ରେ ଅନି ସବୁକେ ନିମାନ୍ କବର୍ କଇବାଇ । ଜାର୍ ଅରଡ୍ ଅଇଲାନି ସୁବ୍ କବର୍ । ସେଟା ସବୁ ଜିସୁର୍ ମରନର୍ ପଟେ ମାଡିଉ, ମାର୍ଚ୍ଚ, ଲୁକ୍ ଆରି ଜଅନର୍ ଲଗେ ଅନି ଲେକା ଅଇଆଟେ । ଲୁକ୍ ଲେକ୍ଲା ବଇଟାନ୍‌ଜେ ଜିସୁର୍ ଜିବନେ ଗଟ୍ଲା ଲେକ୍‌ବା ସଙ୍ଗ୍ ତାର୍ ମରନ୍ ଆରି ମଲାଟାନ୍‌ଜେ ଅନି ଉଟ୍ଲା ବିସଇ ମିସା ଆଟେ । ତାର୍ ସିସ୍‌ମନ୍ ଜନ୍ ଜନ୍ ବିସଇ ସବୁ କରିରଇଲାଇ, ସେଟାମନ୍‌ମିସା ଏ ବଇଟାନ୍‌ଜେ ଆଟେ । ବଇକେ ପେରିଡ୍‌ମନ୍‌କ୍ କାମର୍ ବିସଇ ବଲି କଇବାଇ । ଲୁକ୍ ସୁବ୍‌କବର୍‌ର ବଇ କେଡେବେଲେ ଆରି କନ୍‌ଟାନ୍‌ଜେ ଲେକାଅଇ ରଇଲା, ସେ ବିସଇ କେମିସା ନିକସଙ୍ଗ୍ ନାଜାନଡ୍ । ମାଡର୍ ପଣ୍ଡିଡ୍‌ମନ୍ ଜେକ୍ରିକି ଏଟା ଜିସୁକ୍ରିସ୍ଟ ଜନମ୍ ଅଇ ୭୦ ବରସ୍ ପଟେ ଲେକା ଅଇଲାଆଟେ ବଲି ବିସ୍‌ବାସ୍ କରବାଇ ।

ଲେକ୍‌ଲା ଲକ୍ ଅଇଲାନି ଲୁକ୍ । ସେ ଗଟେକ୍ ଡାକ୍‌ଦର୍ । ତାର୍ ଲେକା ସଇଲି ଆରି କାତା ଆରି ଚାଲିଚଲନ୍ ଜାନାଇ ଦେଲାନିଜେ, ସେ ଗଟେକ୍ ସିକ୍‌ଡ୍‌ଲକ୍ ରଇଲା । ଜିସୁର୍ ଜିବନେ ଗରିରଇବା ସବୁ ଗଟନାର୍ ଲେକା, ନିୟମ୍ ଇସାବେ ଚିକ୍ ବାଦ୍‌ନା କର୍‌ବାକେ ଇଟା କଲାନି । ଜେକ୍ରିକି ସେଟା ବିନ୍‌ଲକ୍‌ମନ୍ ପଡିକରି ଉପକାର୍ ପାଇବାଇ ୧:୧-୩ । ସେ ଗଟେକ୍ ଜିଉଦି ଲକ୍ ନ ରଇଲା ମିସା କଲସିଅ ୪:୧୦-୧୪ ସେ ଏ ରକାମ୍ ବାଦ୍‌ନାକରି ଲେକ୍‌ଲା । ଜିଉଦି ନଇଲା ଲକ୍‌ମନ୍ ଜେନ୍‌ଡିକି ବୁଜିପାରବାଇ । ସେ ଜିଉଦି ନିତିନିୟମ୍ କଇବାଟା ଇତି ଆମେ ସଅଜେ ଦେକ୍‌ବାର୍ ଅଇସି ୧:୮ ।

ଲୁକ୍ ଲେକ୍‌ଲା ସୁସମାଚାର୍, ମାଡିଉ ଆରି ମାର୍ଚ୍ଚ ବଇସଙ୍ଗେ ସମାନ୍ । କାଇକେ ବଇଲେ ସେମନ୍ ସମାନ୍ ବିସଇ ଆରି ସମାନ୍ ବାଦ୍‌ନାଇ କଇବାଟା ଲେକିଆଟଡ୍ । ତିନ୍‌ଟା ବଇବିଡ୍ରେ ଅନି ଲୁକ୍ ଭୁବନ୍ ଦେଉ ଜଅନର୍ ଜନମ୍ ବିସଇ ତିଆର୍ କଲାଆଟେ । ଆରି ଲୁକ୍ ପାର୍‌ତନା ଉପରେ ଦିଆନ୍ ଦେଇଆଟେ ୩:୨୧:୫:୧୭:୬:୧୨:୧୧:୧୧:୨୨:୩୨; ଆରି ୪ କେମା ଉପରେ ମିସା ଦିଆନ୍ କରିଆନ୍ । ୩:୩, ୧୧:୪, ୧୭:୩-୪, ୨୩:୩୪, ୨୪:୪୭

ଏ ବଇବିଡ୍ରେ ରଇବା ବିସଇ

- ୧. ଲୁକ୍ ସୁବ୍‌କବର୍ ଉପକର୍ମ ଆର୍ ଲେକା ଉଦେସେ ବରନା କର୍‌ସି । ୧:୧-୪
- ୨. ଜିସୁର୍ ଜନମ୍ ଆରି ସେ କେକ୍ରି ସେବାକାମର୍ ପାଇ ତିଆର୍ ଅଇଲା । ୧:୫-୪:୧୩
- ୩. ଜିସୁର୍ କାମ୍ ପୁରାପୁରନ୍ ବିସଇର୍ ବେଲେ ସେ ସବୁକରି ରଇଲା ଚକିଡ୍ କାମ୍ ଆରି ତାର୍ ସିକିଆ ବିସଇ କଇଲା ଆଟେ । ଏଟା ଅଇଲାନି ସୁବ୍‌କବର୍‌ର ବଡ୍ ବାଗ୍ । ୪:୧୪-୨୧:୩୮
- ୪. ତାର୍‌ପଟେ, ପଟର୍ ବାଗ୍ ଟାନ୍‌ଜେ, ଜିସୁ କେକ୍ରି ମରିରଇଲା ମସ୍‌ନେ ତପି ଅଇରଇଲା ଆରି ମଲାଟାନ୍‌ଜେ ଅନି ଉଟ୍ଲା ସେଟାମନ୍ ଆଟେ । ୨୨:୨୪

^୧ ଏ ତିଅପିଲ୍ ମଆସୟ, ଆମର୍ ବିଡ୍ରେ ଜନ୍ ସବୁ ଗଟନା ଗଟ୍ଲା, ସେସବୁ ଲେକ୍‌ବାକେ ବେସି ଲକ୍ ରେସ୍‌ଟା କଲାଇ । ^୨ ଆରାମ୍ ଅଇଲା ମୁଲେ, ଜେଜେ ଏ ସବୁ ଦେକିରଇଲାଲି ଆରି ସୁବ୍ କବର୍ ବିନ୍ ଲକ୍‌ମନ୍‌କେ ଜାନାଇଲାଇ, ସେମନ୍ ଆମ୍‌କେ କଇଲା ଇସାବେ ଲେକ୍‌ଲାଇ । ^୩ ଡେବର୍‌ପାଇ ଏ ମାନନିୟ୍ ତିୟପିଲ୍, ପୁର୍‌ବେଅନି ଚିକିନିକି କଜ୍‌ଲଡ୍‌କରି ତେଇ ସବୁଜାକ ରିତିନିତି ସଙ୍ଗ୍ ଅଇଲାଟା ତମର୍‌ପାଇ ମୁଲେ ଲେକ୍‌ବିଆକା ବଲି ମନ୍‌କଲି । ^୪ ଜେକ୍ରି ତୁଇ ସବୁ ବିସଇର୍ ସିକିଆ ପାଇଆରୁସ୍, ସେ ସିକିଆର୍ ପୁରାପୁରନ୍ ସଡ୍ ପାଇପାରୁସ୍ ।

ଭୁବନ୍ ଦେଉ ଜଅନର୍ ଜନମ୍

^୫ ଜିଉଦା ଦେସର୍ ରାଜା ଏରଦର୍ ବେଲେ, ଅବିୟ୍ ପୁଜାରି ଦଲେ ଜିକରିୟ୍ ନାଉର୍ ଗଟେକ୍ ପୁଜାରି ରଇଲା । ତାର୍ ମାଇଜି ଏଲିସାବେଡ୍ । ସେ ଆରଣ୍ ବସ୍‌ବର୍ ରଇଲା । ^୬ ପର୍‌ମେସରର୍ ଦେକ୍‌ବା ଇସାବେ ସେମନ୍ ଦୁଇଲକ୍ ଜାକ ମାପ୍‌ରୁର୍ ସବୁ ଆଦେସ୍, ବିଦି ଇସାବେ କରଡେରଇଲାଇ । ^୭ ମାଡର୍ ସେମନ୍‌କେ

ପିଲାଜିଲା ନ ରଇଲା । କାଇକେ ବଇଲେ ଏଲିସାବେତ୍ ବାଞ୍ଜି ରଇଲା । ଆରି ସେମନ୍ ଡକ୍ତରା ଡକ୍ତରି ଅଇଜାଇରଇଲା ।

୮ ଦିନେକ ଜିକରିୟ ନିଜର୍ ଦଲର୍ ପାଲି ଇସାବେ, ଜିଉଦିମନର୍ ମନ୍ଦିରେ ପୁଜାରି କାମ କରବାବେଲେ, ୯ ରିତିନିତି ଇସାବେ ଜିକରିୟର୍ ନାଉଁ କେଡ୍ ପୁଟ୍‌ଲାଜେ ତାକେ ମାପ୍‌ରୁର୍ ମନ୍ଦିରେ ଜାଇକରି ବେଦିଟାନ୍ତେ ଦୁପ୍ ଦେବାକେ ପଡ଼ଲା । ୧୦ ଆରି ଦୁପ୍ ଦେବାବେଲେ ଲକ୍‌ମନ୍ ବାଇରେ ପାର୍‌ତନା କର୍ତ୍ତେ ରଇଲା ।

୧୧ ସେଡ଼କିବେଲେ ଏଦେ ଦେକ ! ମାପ୍‌ରୁର୍ ଗଟେକ୍ ଦୁଡ୍ ଦୁପ୍ ଦେବା ବେଦିର୍ ଉଜାବାଟେ ଚିଆଅଇ ତାକେ ଦର୍‌ସନ୍ ଦେଲା । ୧୨ ଜିକରିୟ ତାକେ ଦେକି କିଲ୍‌ବିଲ୍ ଅଇ ଭରିଗାଲା । ୧୩ ମାତର୍ ଦୁଡ୍ ତାକେ କଇଲା, “ଜିକରିୟ ଡର୍‌ନାଇ, କାଇକେବଇଲେ ତମେ ଗୁଆରି କଲାଟା ପର୍‌ମେସର୍ ସୁନିଆଟେ । ତର୍ ମାଇଜି ଏଲିସାବେତ୍ ଗଟେକ୍ ପିଲା ଜନମ୍ ଦେଇସି । ତମେ ତାକେ ଜଅନ୍ ବଲି ନାଉଁ ଦିଆସ୍ । ୧୪ ସେ ତମର୍ ପାଇ ବେସି ସାର୍‌ଦା ଆନ୍‌ସି ଆରି କେତେ କେତେ ଲକ୍‌ମନ୍ ତାର୍ ଜନମେ ସାର୍‌ଦା କରବାଇ । ୧୫ ମାପ୍‌ରୁର୍ ଦେକବା ଇସାବେ ସେ ଗଟେକ୍ ତାକ୍‌ପୁଟା ଲକ୍ ଅଇସି । ସେ ଆମର୍ ଅଇଜାଇରଇବା ଅଙ୍ଗୁର୍ ରସ୍ କି ନିସା ଜିନିସ୍ ମୁଲ୍‌କେ ନ କାଏ ଆରି ମାଆର୍ ଗର୍‌ବେ ଅନି ସୁକଲ୍ ଆଡ଼ମାଇ ପୁରାପୁରୁନ୍ ଅଇ ଆଇସି । ୧୬ ଆରି ଇସରାଏଲ୍ ଲକ୍‌ମନର୍ ବିଡ଼ରେ ଅନି କେତେ କେତେ ଲକ୍‌ମନ୍କେ ମାପ୍‌ରୁ ତାର୍ ପର୍‌ମେସରର୍ ଟାନେ ବାଉଡାଇସି । ୧୭ ସେ ବବିସଡ଼ବକ୍ତା ଏଲିୟର୍ ଆଡ଼ମାଇ ବପୁଅଇ ପର୍‌ମେସରର୍ ଆଗୁଡ୍ ଜାଇସି । ବାବାମନର୍ ମନ୍ ପିଲାମନର୍‌ଟାନେ ବାଉଡାଇସି । ପର୍‌ମେସରର୍ କାତା ନ ମାନ୍‌ବା ଲକ୍‌ମନ୍କେ ଦରମ୍ ଲକ୍‌ମନ୍ ଚିତ୍ରା କରବା ଟାନେ ବାଉଡାଇସି । ଆରି ପର୍‌ମେସରର୍ ଲକ୍‌ମନ୍କେ ତାର୍ ପାଇ ଜାଗରଡ଼ କରାଇସି ।”

୧୮ ତେଇ ଜିକରିୟ ଦୁଡ଼କେ କଇଲା, “ତମେ କଇବାଟା ସଡ଼ ଅଇସି ବଲି ମୁଇ କେନ୍ତ୍ର ଜାନ୍‌ବି ? କାଇକେବଇଲେ ମୁଇତା ଡକ୍‌ରା ଅଇଗାଲିବେ, ଆରି ମର୍ ମାଇଜି ମିସା ଡକ୍‌ରି ଅଇଗାଲାନି ।”

୧୯ ଦୁଡ଼ ତାକେ କଇଲା “ମୁଇ ଗାବ୍‌ରିଏଲ୍, ମୁଇ ପର୍‌ମେସରର୍ ମୁଆଟେ ଚିଆ ଅଇରଇବା ଦୁଡ଼, ତମକେ ଏ କବର୍ ଜାନାଇବାକେ ମକେ ପାଟାଇଆଟେ । ୨୦ ଦେକ୍, ଏ ସବୁ ନ ଅଇବା ଦିନ୍ ଜାକ ତୁଇ ଗୁଲାଅଇ ରଇସୁ । କାଇକେବଇଲେ ମର୍ ସବୁ ବାକିଅ ସମାନ୍ ବେଲାଇସେ ପୁରାପୁରୁନ୍ ଅଇସି । ସେଟା ସବୁ ତୁଇ ବିସ୍‌ବାସ୍ କୁରୁସ୍ ନାଇ ।” ୨୧ ଏଡ଼କି ଅଇବା ବିଡ଼ରେ ଲକ୍‌ମନ୍ ଜିକରିୟକେ ବାଇରେ ଜାଗିରଇଲା ଆରି ଦେଉଲେ ତାର୍ ଅଲ୍‌ସମ୍ ଅଇଲାଜେ ସେମନ୍ କାବାଅଇ ଜାଇଡେରଇଲା । ୨୨ ମାତର୍ ଜିକରିୟ ବାରଇ ଆସି ଲକ୍‌ମନର୍ ସଙ୍ଗ୍ କାତାଅଇ ନାପାଡ଼ଲା, ତେଇ ସେ ଦେଉଲେ ଦର୍‌ସନ୍ ପାଇଆଟେ ବଲି ଲକ୍‌ମନ୍ ବୁଜ୍‌ଲା ଆରି ସେ ଲକ୍‌ମନ୍କେ ଆଡ଼ ସଗିଆ କରି ଜାନାଇବାର୍ ଦାର୍‌ଲା ଆରି ଗୁଲାଅଇକରି ରଇଲା ।

୨୩ ଜିକରିୟ ତାର୍ ସେବା କରବା ପାଲି ଦିନ୍ ସବୁ ସାର୍‌ଲା ପଟେ ତାର୍ ଗରେ ଉଟିଗାଲା । ୨୪ ଏଡ଼କି ଅଇ କେତେକ୍ ଦିନ୍ ଗାଲା ପଟେ ତାର୍ ମାଇଜି ଏଲିସାବେତ୍ ଗାଗ୍‌ଡେ ଅଇଲା ଆରି ସେ ପାଁର୍ ମାସ୍ ଜାକ କାକେ ନ ଜାନାଇ ଗରେସେ ରଇଲା । ୨୫ ତାର୍‌ପଟେ ଏଲିସାବେତ୍ କଇଲା, “ଲକ୍‌ମନର୍ ଜେଞ୍ଜେର୍ କରବାଟା ଦୁର୍ କରବାକେ ସାରାସାରି ମକେ ଦୟା କରି ମାପ୍‌ରୁ ଏଡ଼ାରି କଲାଆଟେ ।”

ଜିସୁର୍ ଜନମ୍ ବିସଇ

୨୬ ଏଲିସାବେତ୍ ଗାଗ୍‌ଡେଅଇ ଚ ମାସ୍ ଅଇଲାକେ, ପର୍‌ମେସର୍ ଗାବ୍‌ରିଏଲ୍ ଦୁଡ଼କେ ଗାଲିଲି ରାଇଜର୍ ନାଜରିଡ଼ ନାଉଁର୍ ନଅରେ ଗଟେକ୍ ଦାଙ୍ଗ୍‌ଡିର୍ ଟାନେ ପାଟାଇଲା । ୨୭ ଏସେ ଦାଙ୍ଗ୍‌ଡିର୍ ନାଉଁ ମରିୟମ୍, ଦାଉଦ୍ ବସ୍‌ର୍ ଜସେପ୍ ନାଉଁର୍ ଗଟେକ୍ ଦାଙ୍ଗ୍‌ଡା ସଙ୍ଗ୍ ତାର୍ ମାଜ୍‌ନି ଅଇରଇଲା । ୨୮ ଦୁଡ଼ ମରିୟମ୍‌ର୍ ଲଗେ ଆସି କଇଲା, “ଏ ନୁନି, ମାପ୍‌ରୁ ତକେ ଦୟାକଲା ଆଟେ, ଆରି ତର୍‌ସଙ୍ଗ୍ ଆଟେ ।”

୨୯ ମରିୟମ୍ ସରଗର୍ ଦୁଡ଼ କଇଲା ବାକିଅ ସୁନ୍‌ଲା ଆରି କାଇଟା ବୁଜିନାପାରି ଉଡ଼ୁକ୍ ଦୁଡ଼ୁକ୍ ଅଇଜାଇକରି, ବାବିବାବି ରଇଲା । ୩୦ ଦୁଡ଼ ତାକେ କଇଲା, “ମରିୟମ୍ ତର୍ ନାଇ, ତୁଇ ମାପ୍‌ରୁର୍ ଦୟା ପାଇଆଡୁସ୍ । ୩୧ ଏଦେକ୍ ତୁଇ ଗାଗ୍‌ଡେ ଅଇ ପିଲା ଗଟେକ୍ ଜନମ୍ କରସୁ ଆରି ତାର୍ ନାଉଁ ଜିସୁ ଦେଇସା । ୩୨ ସେ ଗଟେକ୍ ତାକ୍‌ପୁଟା ଲକ୍ ଅଇସି ଆରି ସବୁର୍ ଉପରେ ରଇବା ପର୍‌ମେସରର୍ ପଅ ବଲି କଇବାଇ, ସରଗର୍ ମାପ୍‌ରୁ ତାକେ, ତାର୍ ଆନିଦାଦି ଦାଉଦ୍‌ର୍ ପାରା ରାଜା କରାଇସି । ୩୩ ସେ କାଲ୍‌କାଲ୍ ଜୁଗଜୁଗ୍ ଇସରାଏଲ୍ ଲକ୍‌ମନ୍କେ ସାସନ୍ କରସି । ତାର୍ ରାଇଜ୍ କେବେ ନ ସାରେ ।”

୩୩ ମରିୟମ୍ ଦୁହେଁ କଇଲା, “ଏଠା କେନ୍ଦ୍ର ଅଇସି ? ମୁଇତା ମୁହୁସକେ ନାଜାନି !” ୩୪ ଦୁହେଁ ତାକେ କଇଲା, “ସୁକଲ୍ ଆତ୍ମା ଆସି ତକେ ଡାକି ଅଇସି, ଆରି ସବୁର୍ ଉପରେ ରଇବା ପର୍ମେସରର୍ ବପୁ ତକେ ଗୁଡ଼ିଆଇ ଅଇସି, ତେବର୍ପାଇ ଜେ ଜାତ୍ ଅଇସି, ସେ ସୁକଲ୍ ପର୍ମେସରର୍ ପଅ ବଲି ତାକ୍ପୁଟା ଅଇସି ।”

୩୫ ଆରି ଦେକ୍, ତର୍ ଲାଗାର୍ ଲିତାର୍ ଏଲିସାବେତ୍ ମିସା ଡକ୍ରି ବେଲେ ଗାଗଡେ ଆରେ, ଜାକେ ଲକ୍ମନ ବାଞ୍ଜି ବଲି କଇତେରଇଲାଇ । ତାକେ ଏବେ ଚ ମାସ୍ ଅଇଲାନି । ୩୬ କାଜକେବଇଲେ ପର୍ମେସରର୍ଗାନେ କାଜାଟା ମିସା ନ ଅଇବା କାମ୍ ନାଇ, ବଲି କଇଲା ।

୩୭ ତେଇ ମରିୟମ୍ କଇଲା, “ଦେକା, ମୁଇ ଗଟେକ୍ ମାପୁରୁର୍ ଦାସି, ତମେ କଇବା ଇସାବେ ମକେ ଅ ।” ତାପରେ ଦୁହେଁ ତାର୍ଗାନେଅନି ଉଟିଗଲା ।

ଏଲିସାବେତ ଆରି ମରିୟମ୍ ବେଟ୍ଗାଟ୍

୩୮ ସେଡକିବେଲେ ମରିୟମ୍ ବାରଇକରି ଜିଉଦା ରାଇଜର୍ ଡଙ୍ଗର୍ ଜାଗାଟ୍ ଗଟେକ୍ ନଅରେ ଉଟିଗଲା । ୪୦ ତେଇ ଜିକରିୟର୍ ଗରେ ପୁରିକରି ସେ ଏଲିସାବେତ୍‌କେ ଜୁଆର୍ କଲା । ୪୧ ମରିୟମ୍ ଜୁଆର୍କଲାଟା ସୁନ୍‌ଲା ଦାପ୍ରେ ଏଲିସାବେତ୍‌ର୍ ଗର୍ବେ, ପିଲା ସାର୍‌ଦା ଅଇ ତେଗଇଲା ଆରି ଏଲିସାବେତ୍ ସୁକଲ୍ ଆତ୍ମାଈ ପୁରାପୁରୁନ୍ ଅଇଲା । ୪୨ ଏଲିସାବେତ୍ ଆଉଲି ଅଇକରି କଇଲା, “ତୁଇ ସବୁ ମାଇଜିମନ୍‌ର୍ ବିତ୍ତେ ଅନି କେତେକ୍ ନିକ କରମର୍ ଲକ୍ ! ତର୍ ଗରବର୍ ପିଲାଟା ମିସା କେତେକ୍ କରମ୍ !” ୪୩ ମୁଇ କେ ଜେ ମର୍ ମାପୁରୁର୍ ମାଆ, ମକେ ଦେକ୍‌ବାର୍ ଆଇଲା ଆରେ ? ୪୪ କାଜକେବଇଲେ, ଦେକ୍, ତୁଇ ଜୁଆର୍କଲାଟା ସୁନ୍‌ଲା ଦାପ୍ରେ ମର୍ ଗରବର୍ ପିଲା ସାର୍‌ଦା ଅଇ ତେଗଇଲା । ୪୫ ଜେ ବିସ୍‌ବାସ୍ କରସି ତାର୍ କେତେକ୍ ନିମାନ୍ କରମ୍, କାଜକେବଇଲେ ମାପୁରୁ ତାକେ ଜାଇଜାକାଟା କୁଆଅଇଲାଆରେ, ସେ ସବୁଜାକ ଅଇସି ଆକା ।”

ମାପୁରୁକେ ମରିୟମ୍ ମଇମା ଗିଡ୍

୪୬ ତେଇ ମରିୟମ୍ କଇଲା,

“ମର୍ ଜିବନ୍ ମର୍ ମାପୁରୁର୍ ମଇମା କଲାନି ।

୪୭ ଆରି ମର୍ ଆତ୍ମା ମର୍ ରକିଆକାରି ପର୍ମେସରର୍ଗାନେ ସାର୍‌ଦା କଲାନି ।

୪୮ କାଜକେବଇଲେ ସେ ମର୍ପାଠା କାକୁର୍ଡିଆନିକେ ନିଜର୍ ଗତିଦାଞ୍ଜିତି ବଲି ଏତାଇଲା ଆରେ

ଆରି ଦେକା ଆଜିଅନି କାଲ୍‌କାଲ୍ ଜୁଗଜୁଗ, ସବୁ ଲକ୍ ମକେ ପର୍ମେସରର୍ ତେଇଅନି ଆସିର୍‌ବାଦ୍ ମିଲଲା ଲକ୍ ବଲି କଇବାଇ ।

୪୯ କାଜକେବଇଲେ ସବୁର୍ଗାନେଅନି ବପୁର୍ ମାପୁରୁ, ମର୍ପାଇ କାବାଅଇଜିବା କାମ୍ କଲାଆରେ, ତାର୍ ନାଉଁ ସୁକଲ୍ ।

୫୦ ଆରି ଜନ୍ ଲକ୍ମନ ତାକେ ଡରିକରି ରଇବାଇ, ଜୁଗେ ଜୁଗେ ସେ ସେମାନ୍‌କେ ଦୟା କରସି ।

୫୧ ସେ ତାର୍ ନିଜର୍ ବପୁର୍ ଆଡ୍ ଦେକାଇଆରେ, ସେ ଆକାର୍ ଲକ୍ମନକେ ସେମନ୍ ମନେ ବାବ୍‌ନା କଲାଟା ଚିନ୍ତତର୍ କଲା ଆରେ ।

୫୨ ସେ ବଡ୍ ବଡ୍ ରାଜାମନ୍‌କେ ସେମନ୍ ରଇବାଟାନେଅନି ଉଡ୍‌ରାଇ ଦେଲା ଆରେ, ଆରି କାକୁର୍ଡିଆମନ୍‌କେ ଉପ୍ରେ ଉଟାଇ ଆରେ ।

୫୩ ସେ ବୁକ୍‌ର୍ ଲକ୍ମନକେ ନିକ ନିକ ବିସଇ ଦେଇ ସାର୍‌ଦା କରାଇ ଆରେ, ସାଉକାର୍‌ଲକ୍ମନକେ ରୁଟା ଆତେ ବାଉଡାଇଦେଇ ଆରେ ।

୫୪ ଆମର୍ ଆନିଦାଦିମନ୍‌କେ ଜନ୍ କାତା ଦେଇରଇଲା, ସେଟା ପୁରାପୁରୁନ୍ କଲା ଆରି ତାର୍ ନିଜର୍ ଚାକର୍ ଇସ୍ରାଏଲର୍ ଉପ୍‌କାର୍ କରି ଆରେ ।

୫୫ ସେ ଅର୍‌ରାଆମ୍ ଆରି ତାର୍ ନାତିମନ୍‌କେ ତାର୍ ଦୟା କାଲ୍‌କାଲ୍ ଜୁଗଜୁଗ୍ ଏତାଅଡ୍‌ବଲି ଦେକାଇଲା ଆରେ ।”

୫୬ ଆରି ମରିୟମ୍ ତିନ୍ ମାସ୍ ପାଠା ଏଲିସାବେତ୍‌ର୍ ସଙ୍ଗ୍ ରଇ ନିଜର୍ ଗରେ ବାଉଡି ଗଲା ।

ତୁବନ୍ ଦେଉ ଜଅନର୍ ଜନମ୍

୫୭ ପରେ ଏଲିସାବେତ୍ ଆଡ୍‌ଗଡ୍ ସୁକ୍ ଅଇବା ଦିନ୍ କେଟି ଆଇଲାଜେ, ସେ ଗଟେକ୍ ପିଲା ଜନମ୍ ଦେଲା । ୫୮ ଆରି ମାପୁରୁଜେ ତାକେ ଦୟା କଲାଆରେ, ଏଟା ସୁନି ଜିକରିୟର୍ ଲାଗାରିତାଟା ଲକ୍ ଆରି ଗତିଆ କୁଟୁମ୍ ତାକର୍ ସଙ୍ଗ୍ ସାର୍‌ଦା କରବାର୍ ଦାରିଲାଇ ।

୫୯ ଆଉଁ ଦିନ ଗାଲାପରେ ଲକ୍ଷ୍ମୀନ ପିଲାଟୁଁ ସୁନଦୁଟାଣେ ଆଇଲାଲ* ଆରି ତାରୁ ବାବାରୁ ନାଉଁ ଇସାବେ ପିଲାଟୁଁ ନାଉଁ ମିସା ଜିକରିୟ ଦେବାକେ ମନକଲାଲ । ୬୦ ମାତରୁ ଏଲିସାବେଦୁ କଇଲା, “ନାଲ ତାରୁ ନାଉଁ ଜଅନ ଦିଆ ଅ ।” ୬୧ ଲକ୍ଷ୍ମୀନ ତାକେ କଇଲାଲ “ତମରୁ ବସ୍ ବିଦରେ ତା ଏନ୍ତାରି ନାଉଁରୁ ଲକ୍ଷ୍ କେ ମିସା ନାଲ ।” ୬୨ ତେଇ ସେମନ୍ ପିଲାକେ କାଲ ନାଉଁ ଦେଉଁ ବଲି ମନ୍ କଲୁସିନ ? ସେଟା ଜିକରିୟକେ ଆଡୁ ଦେକାଇକରି ପାଟାରୁବାରୁ ଦାରୁଲାଲ ।

୬୩ ସେଡୁକିବେଲେ ଜିକରିୟ ଲକ୍ଷ୍ମୀନକେ ଗଟେକ୍ ଲେକ୍‌ବା ପାଟା ମାଙ୍ଗଲା ଆରି “ଏଦେ ଦେକା ! ତାରୁ ନାଉଁ ଜଅନ୍ !” ବଲି ଲେକ୍‌ଲା । ତେଇ ସବୁଲକ୍ କାବା ଅଇଗାଲାଲ । ୬୪ ସେଡୁକି ଦାପରେ ଜିକରିୟରୁ ଟଣ୍ଟୁ ପୁଟୁଲା, ସେ ଆରି ତରେକ୍ କାତା ଅଇ ପର୍ମେସରକେ ମଇମା କର୍‌ବାରୁ ଦାରୁଲା । ୬୫ ତାରୁ ଲଗରୁ ପାକରୁ ଲକ୍ଷ୍ମୀନ ତରିଗାଲାଲ, ଆରି ଏସବୁ କାତା ଜିଉଦା ରାଇଜରୁ ତଙ୍ଗରୁ ଜାଗାରୁ ସବୁ ବାଟରୁ ଲକ୍ଷ୍ମୀନ କୁଆବଲା ଅଇଲାଲ । ୬୬ ଆରି ସୁନିରଇବା ସବୁ ଲକ୍ଷ୍ମୀନ କାବା ଅଇକରି, ମନେ ମନେ ବାବୁଲାଲ, ତେବେ ଏ ପିଲା କାଇଟା ଅଇସି ? କାଇକେବଇଲେ ମାପରୁରୁ ବପୁ ପିଲାଟୁଁସଙ୍ଗ୍ ଆଟେ ବଲି ସବୁକେ ଜାନାପଡୁଲା ।

ଜିକରିୟ ବବିସଦ୍‌ବକ୍‌ତାରୁ କାତା

୬୭ ଆରି ଜଅନରୁ ବାବା ଜିକରିୟ ସୁକଲ୍ ଆଡୁମାଇ ପୁରାପୁରୁନ୍ ଅଇ ପର୍ମେସରରୁ କବରୁ କଇବାରୁ ଦାରୁଲା ।

୬୮ “ଆସା ଆମେ ଇସରାଏଲରୁ ମାପରୁକେ ଦନିଅବାଦ୍ ଦେଉ କାଇକେବଇଲେ ସେ ତାରୁ ନିଜରୁ ଲକ୍ଷ୍ମୀନକେ ଦୟାକରି ମୁକ୍‌ଲାଇସି ।

୬୯ ତାରୁ ନିଜରୁ ଗତିଦାଙ୍ଗ୍‌ତା ଦାଉଦରୁ କୁଟୁମେ ଅନି ଆମରୁ ପାଇ ଗଟେକ୍ ବପୁ ସଙ୍ଗରୁ ଉଦାରୁକାରିଆକେ ଦେଲା ଆଟେ ।

୭୦ ପୁରବୁ କାଲେଅନି ସୁକଲ୍ ରଇବା ନିଜରୁ ବବିସଦ୍‌ବକ୍‌ତାମନରୁ ଟଣ୍ଟେଅନି କାତା ଦେଇ ଜେନ୍ତି କଇରଇଲା,

୭୧ ସେନ୍ତାରି ଆମ୍‌କେ ଇନ୍ କରବା ସବୁ ସଦ୍‌ରୁମନରୁ ଟାଣେଅନି ମୁକ୍‌ଲାଲ ଆଟେ ।

୭୨ ଜେନ୍ତି ସେ ଆମରୁ ଆନିଦାଦିମନରୁପାଇ ଦୟା ଦେକାଇଆଟେ, ଆରି ସେମନରୁ ସଙ୍ଗ୍ କରିରଇବା ନିଜରୁ ସୁକଲ୍ ନିୟମ୍ ଏତାଇ ଆଟେ,

୭୩ ଆମରୁ ପୁରବରୁ ବାବା ଅବରାଆମକେ ଜନ୍ କାତା ଦେଇରଇଲା ।

୭୪ ଆରି ଜେନ୍ତାରିକ ସଦ୍‌ରୁରୁ ଆଟେଅନି ଉଦାରୁ ପାଇ ଆରୁ ।

୭୫ ଜେନ୍ତାରିକ ଆମେ ଜିବନ୍‌ସାରା ଦରମ୍ ସଙ୍ଗ୍, ସୁକଲ୍ ସଙ୍ଗ୍ ତାରୁ ସେବା କର୍‌ବାକେ, ଆମ୍‌କେ ଦୟା କରୁସି ।

୭୬ ଏ ମରୁ ନୁନା, ତୁଇ ସବୁରୁ ଉପରେ ରଇବା ପର୍ମେସରରୁ ଗଟେକ୍ ବବିସଦ୍‌ବକ୍‌ତା ବଲି ତାକ୍‌ପୁଟା ଅଇସୁ । ତୁଇ ସେ ପାଟାଇରଇବା ଗଟେକ୍ ଦୁଡ୍‌ପାରା, ତାରୁପାଇ ବାଟ୍ ତିଆରୁ କର୍‌ସୁ ।

୭୭ ପାପଟାଣେଅନି କେମା ପାଇକରି ଜେନ୍ତି କି ଉଦାରୁ ଅଇବାଇ, ସେ କାତା ଜାନାଇବାକେ ଜାଇସୁ ।

୭୮ ଆମରୁ ପାଦ୍ ସାନ୍ତିର୍ ବାଟେ ଆନ୍‌ବାକେ, ଆମରୁ ପର୍ମେସରରୁ ଆଲାଦରୁ ଦୟାରୁଲାଲ, ଆମରୁପାଇ ସରୁକେଅନି ବେଲ୍ ଡାରୁସି ।

୭୯ ସେ ପୁରାପୁରୁନ୍ ଆଲାଦରୁ ଦୟାରୁଲାଗି ମାପରୁରୁ ଲକ୍ଷ୍ମୀନକେ, ସେମନରୁ ପାପଟାଣେଅନି ମୁକ୍‌ଲାଲବା ଗିଆନ୍ ଦେଇସୁ । ତାରୁ ବାଟ୍ ତିଆରୁ କର୍‌ବାକେ ମୁଲିଆଇସୁ ।”

୮୦ ଆରି ଜଅନ୍ ବଡିକରି ଆଡୁମାଇ ବପୁ ଅଇଲା ଆରି ଲକ୍ଷ୍ମୀନରୁ ଟାଣେ ଜାନାଇ ନ ଅଇକରି କିନରା ଜାଗାମନକେ ରଇତେ ରଇଲା । ପଟେ ସେ ଇସରାଏଲରୁ ଲକ୍ଷ୍ମୀନଟାଣେ ବାକିଅ ସୁନାଇବାରୁ ଦାରୁଲା ।

୨

ଜିସୁରୁ ଜନମ୍ (ମାତିଉ ୧:୧୮-୨୫)

୧ ସେବେଲେ ରମିୟ ରାଇଜରୁ ବଡ୍ ସାସନ୍ କାରିଆ ଅଗସଟ କାଇସରୁ ଆଦେସ୍ ଇସାବେ ସବୁଲକ୍‌କେ ନାଉଁ ଲୋକାଇବାରୁ ଅଇଲା । ୨ କିରିଣିୟ ନାଉଁରୁ ସାସନ୍ କାରିଆ ସିରିଆ ରାଇଜ୍ ସାସନ୍

* ୧:୫୯ ୧:୫୯ ମନସ୍ ପିଲାଟୁଁ ଙ୍ଗିତ୍‌ଗାନରୁ ଟିପର ଗାମ୍ କାଟ୍‌ବାଟା ଅଇଲାଲି ସୁନଦ୍

କରବା ବେଳେ ପରୁତୁମ୍ ତରୁ ଏନ୍ତାରି ନାଉଁ ଲେକା ଅଇରଇଲା । ୩ ସେତାରୁପାଇ ବଲି ସବୁଲକ୍ ନାଉଁ ଲେକାଇବାକେ ନିଜରୁ ନିଜରୁ ନଅରେ ଗାଲାଇ ।

୪ ଆରି ଜସେପ୍ ମିସା ନାଉଁ ଲେକାଇବାକେ ମରିୟମର୍ ସଙ୍ଗ୍ ଗାଲିଲି ରାଇଜର୍ ନାଜରିତ୍ ନାଉଁରୁ ଗଟେକ୍ ନଅରେ ଅନି ଜିଉବା ରାଇଜର୍ ବେତୁଲିଇମ୍ ବଲି ଦାଉଦ୍ ରାଜାରୁ ଜନମ୍ ନଅରେ ଗାଲାଇ । କାଇକେବଇଲେ, ଜସେପ୍ ଦାଉଦ୍ ବସ୍ତୁଆରି ସେ କୁଟୁମର୍ ଲକ୍ ରଇଲା । ୫ ତାରୁସଙ୍ଗ୍ ମରିୟମର୍ ବିବା ମାଙ୍ଗିନି ଅଇରଇଲା, ଆରି ମରିୟମ୍ ଗାଗଡେ ଅଇରଇଲା । ୬ ଜସେପ୍ ଆରି ମରିୟମ୍ ବେତୁଲିଇମେ ରଇଲାବେଳେ, ମରିୟମ୍ ଆଡ଼ଗଡ଼ ସୁକ୍ ଅଇବା ଦିନ କେଟି ଆଇଲା । ୭ ଆରି ମରିୟମ୍ ତାରୁ ପଣ୍ଡୁଆ ପିଲାକେ ତେଇ ଜନମାଦେଲା, ଆରି ତାକେ ଲୁଗାସଙ୍ଗ୍ ଗୁଡିଆଇକରି ଗରୁସାଲର୍ ତଙ୍ଗାକୁଣ୍ଡେ ତୁଲାଇରଇଲା, କାଇକେବଇଲେ ସେମନ୍କେ ରଇବାପାଇ ବାସାଗରେ ଚାନ୍ ନ ରଇଲା ।

ମେଣ୍ଡା ଗଉଡ଼ମନ୍ ଜିସୁର୍ ଜନମ୍ କବରୁ ସୁନ୍ଦଲାଇ

୮ ବେତୁଲିଇମ୍ ଲଗେ କେତେଟା ମେଣ୍ଡା ଚାରାଉ ଗଉଡ଼ମନ୍ ସେ ରାତିଆ ପଦାଇ ରଇ ତାକର୍ ମେଣ୍ଡା ଗଟାନି ଜାଗଡେରଇଲାଇ । ୯ ଆରି ଏଦେ ଦେକା ! ମାପୁରୁର୍ ଦୁଡ଼ ଗଟେକ୍ ଆସି ସେମନ୍ ଲଗେ ଟିଆଅଇଲା, ଆରି ମାପୁରୁର୍ ମଇମାରୁ ଉଜଲ୍ ତାକର୍ ଚାରିବେଡ଼ି ଜଲ୍ ସିଗାଲାଜେ ଗଉଡ଼ମନ୍ ବେସି ତରିଗାଲାଇ । ୧୦ ତେଇ ଦୁଡ଼ ସେମନ୍କେ କଇଲା, “ତରାନାଇ ! ଦେକା ମୁଇ ସବୁଲକ୍ପାଇ ଗଟେକ୍ ବେସି ସାର୍ଦାରୁ କବରୁ ତମକେ ଜାନାଇଲିନି, ଜନ୍ମଟାକି ସବୁଲକ୍ପାଇ ସାର୍ଦାରୁ ବିସଇ ଅଇସି । ୧୧ କାଇକେବଇଲେ, ଆଜିସେ ଦାଉଦ୍ ରାଜାରୁ ଜନମ୍ ନଅରେ ତମର୍ପାଇ ଗଟେକ୍ ଉଦାରକାରିଆ ଜନମକଲା ଆଚେ, ସେ କିରିସ୍ତ ମାପୁରୁ । ୧୨ ଆରି ତମର୍ପାଇ ବଲି ଏଟା ଗଟେକ୍ ଚିନ୍ଦପାର ଅଇସି, ତମେ ଲୁଗା ଗୁଡିଆଇକରି ଗଟେକ୍ ପିଲା ଗରୁସାଲର୍ ତଙ୍ଗାଇ ତୁଲାଇ ରଇବାଟା କଜି ମିଲାଇସା ।”

୧୩ ସେଡ଼କିବେଲେ ଅଗାଡ଼ ସରଗେଅନି ଦୁଡ଼ମନ୍ ମାନ୍ଦାଅଇ, ସେ ସରଗର୍ ଦୁଡ଼ଟାନେ କେଟି ପରମେସରକେ ସୁମରୁନା କରୁବାର ଦାରୁଲାଇ ।

୧୪ “ସରଗେ ରଇବା ପରମେସରକ୍ ଜୟ ଜୟ କରୁ, ଆରି ଦରୁତନିଗାନେ ରଇବା ଜନ୍ ଲକ୍ମନ୍କେ ପରମେସର ବାଟୁଲାଆଚେ ସେମନ୍କେ ସାନ୍ତି ମିଲ ।”

୧୫ ଦୁଡ଼ମନ୍ ମେଣ୍ଡା ଚାରାଉ ଗଉଡ଼ମନ୍କେ ଚାଡି ସରଗେ ଉଡିଗାଲା ପରେ, ଗଉଡ଼ମନ୍ ତାକର୍ ତାକର୍ ବିତରେ କୁଆବଲା ଅଇବାରୁ ଦାରୁଲାଇ, “ଆସା ଆମେ ସବୁ ବେତୁଲିଇମ୍ ଜାକ ଜାଇକରି, ପରମେସର ଜାନାଇରଇଲା ବିସଇ ଦେକୁ ।”

୧୬ ତେଇଅନି ସେମନ୍ ଦାପୁରେ ଜାଇ କଜିକରି ମରିୟମ୍, ଜସେପ୍ ଆରି ଗରୁସାଲର୍ ତଙ୍ଗାଇ ପିଲା ତୁଲିରଇଲାଟା ଦେକ୍ଲାଇ । ୧୭ ସେମନ୍ ପିଲାକେ ଦେକିକରି, ଦୁଡ଼ ଜାଇ ଜାଇଟା କଇରଇଲା, ତେଇ ରଇଲା ସବୁଲକ୍କେ କଇଲାଇ । ୧୮ ଆରି ଜେଡ଼କି ଲକ୍ ତେଇ ରଇଲା ଗଉଡ଼ମନ୍ ଚାନେଅନି ସେ ସବୁ କାତା ସୁନି କାବା ଅଇଗାଲାଇ । ୧୯ ମାତର୍ ମରିୟମ୍ ଏ ସବୁ କାତା ନିଜର୍ ମନେ ସଙ୍ଗାଇ, ସେ ବିସଇସେ ଚିନ୍ତା କରୁବାରୁ ଦାରୁଲା । ୨୦ ଆରି ମେଣ୍ଡା ଚାରାଉମନ୍କେ ଦୁଡ଼ ଜେନ୍ତି କଇରଇଲା, ସେନ୍ତା ସୁନ୍ଦଲାଇ ଆରି ଦେକ୍ଲାଇ । ସେ ସବୁରଲାଗି ପରମେସରର୍ ମଇମା କରି କରି ବାଅଡ଼ଲାଇ ।

ଜିସୁକେ ପରମେସରର୍ ଗରେ ନେଲାଇ

୨୧ *ଆର୍ ଦିନ ଅଇଲାପରେ ଜିଉଦିମନ୍ ନିୟମ୍ ଇସାବେ ପିଲାକେ ସୁନଡ଼ କରବାକେ ମନ୍ଦିରେ ନେଲାଇ । ଆରି ପିଲାରୁ ନାଉଁ ଜିସୁ ବଲି ଦିଆଅଇଲା । ଏ ନାଉଁ ମରିୟମ୍ ଗାଗଡେ ନ ଅଇତେ, ସରଗର୍ ଦୁଡ଼ କଇରଇଲା ।

୨୨ ପରେ ଜେଡେବଲ୍ ମସାରୁ ବିଦି ଇସାବେ, ଜସେପ୍ ଆରି ମରିୟମ୍ ସୁତକ୍ ଅଇରଇବା ବେଲା ପୁରୁନ୍ ଅଇଆଇଲା, ପିଲାକେ ପରମେସରକେ ସର୍ପି ଦେବାକେ ଜିରୁସାଲାମ୍ ମନ୍ଦିରେ ନେଲାଇ ।

୨୩ ମାପୁରୁର୍ ଲେକା ଅଇରଇବା ସାସ୍ତର୍ ଇସାବେ, ସେ ବେଲେ ଜନ୍ ଗରେ ମିସା, ପରୁତୁମ୍ ଜନମ୍ ଅଇଲା ପଣ୍ଡୁଆ ପିଲାମନ୍ ପରମେସରର୍ ସେବାରୁ ପାଇ ସର୍ପି ଅଇବାଇ ବଲି ମାନ୍ତେ ରଇଲାଇ । ୨୪ ଜସେପ୍ ଆରି ମରିୟମ୍ ଜିସୁକେ ଲେକା ଅଇରଇବା ସାସ୍ତର୍ ଇସାବେ ପରମେସରକେ ସର୍ପି ଦେବାକେ ଆରି ସୁକଲ୍ ଅଇବା ବିରୁପ୍ପାଇ ଦୁଇଟା ପରୁଆ ପିଲା ଦାରି ଜିରୁସାଲାମ୍ ଗାଲାଇ ।

ସିମିୟନ୍ ଆରି ଆନା ଜିସୁକେ ଦେକ୍ଲାଇ

୨୫ ସେବେଲେସେ ଜିରୁସାଲାମେ ସିମିୟନ୍ ନାଉଁରୁ ଗଟେକ୍ ଦରମ୍ ଲକ୍ ରଇଲା । ସେ ମାପୁରୁ ଦେକ୍ବା ଇସାବେ ନିମାନ୍ ଲକ୍ । ଇସ୍ରାଏଲ୍ ଦେସେ ଉଦାରକାରିଆ ଆସି ସାନ୍ତି ଦେଅ ବଲି ଜାଗିରଇଲା । ଆରି

* ୨:୨୧ ୨:୨୧ ଲୁକ ୧:୩୧

ତାର୍ତ୍ତାଣେ ସୁକଲ୍ ଆତ୍ତମା ବାସାଅଇରଇଲା । ୨୬ ସୁକଲ୍ ଆତ୍ତମା ତାକେ ଜାନାଇଦେଇରଇଲା ଜେ, ପର୍ତ୍ତେସର୍ ପାଟାଇରଇବା ଉଦାରକାରିଆର୍ ଦର୍ସନ୍ ନ ଫିଲ୍‌ବାଜାକ ତାର୍ ମରନ୍ ନ ଅଏ । ୨୭ ତାକେ ଆତ୍ତମା ଚାଲାଇ ଆନ୍‌ଲାଜେ ସେ ଦେଉଲର୍ ତାଣ୍ଟେ ଆଇଲା, ଆରି ଜେତେବଲ୍ ସାନ୍‌ପିଲା ଜିସୁର୍ ଆୟା ବାବା ତାକେ ବିତ୍ତରେ ଆନ୍‌ଲାଇ,

୨୮ ସେଡ଼କିବେଲେ ସିମିୟନ୍ ସାନ୍‌ପିଲାକେ କଲେ ଦାରି ପର୍ତ୍ତେସର୍ ମଇମା କରି କଇଲା,

୨୯ “ଏ ମାପୁରୁ ! ଏବେ ତୁଇ ନିଜର୍ ବାକିଅ ଇସାବେ

ତର୍ ନିଜର୍ ଦାସ୍ ମକେ ସାନ୍ତିସଙ୍ଗ୍ ଜିବାକେ ଦେଲୁସନ୍ !

୩୦ କାଇକେବଇଲେ ମର୍ ଆଁକି ତର୍ ଉଦାର୍ ଦେକି ଆଟେ,

୩୧ ଜନ୍ ଉଦାରକାରିଆକେ ତମେ ସବୁଲକର୍ ମୁଆଟେ ପାଟାଇ ଆଟାସ୍ ।

୩୨ ଆରି ବିଜାତି ଲକ୍‌ମନର୍‌ପାଇ ବଲି ଜାନାଇଅଇଲା ସତର୍ ଉଜଲ୍

ଆରି ତମର୍ ଲକ୍‌ମନ୍ ଇସରାଏଲର୍ ମଇମା କରି ଆଟାସ୍ ।”

୩୩ ସିମିୟନର୍‌ଗାନେଅନି ଜିସୁର୍ ବିସଇର୍ କାତା ସୁନି ଜସେପ୍ ଆରି ମରିୟମ୍ କାବାଅଇ ଜାଇତେ ରଇଲାଇ । ୩୪ ଆରି ସିମିୟନ୍ ସେଲକ୍‌କେ ଆସିର୍ବାଦ୍ ଦେଇ ଜିସୁର୍ ମାକେ କଇଲା, “ଏ ପିଲା ଇସରାଏଲ୍ ଦେସର୍ କେତେ କେତେ ଲକ୍ ଉବଜ୍‌ବାଟା ଆରି କେତେ କେତେ ଲକ୍ ବୁଡ଼ିକାର୍‌ପାଇ ବଲି ପର୍ତ୍ତେସର୍ ବାଟି ପାଟାଇଲା ଲକ୍ ଅଇସି । କେତେ କେତେ ଲକ୍‌ମନ୍ ତାର୍ ବିରୁଦେ କଇବା, ଗଟେକ୍ ଚିନ୍ ପାରା ଅଇସି । ୩୫ କେତେ କେତେ ଲକ୍ ତାକେ ବିରଦ୍ କରି ନିଜର୍ ମନ୍ ବିତ୍ତରୁ କାତା ସବୁ ଜାନାଇବାଇ । ଆରି ତମର୍ ଜିବନେ ଗଟେକ୍ କାଣ୍ଟା ବୁସିଅଇରଇଲାପାରା ତମକେ ବେସି ଦୁକ୍ ଆଇସି ।”

୩୬ ସେ ଦାପୁରେ, ଏଦେ ଦେକା ! ଆନା ନାଉର୍ ଗଟେକ୍ ମାଇଜି ବବିସର୍‌ବକ୍‌ତା ତାକର୍ ଲଗେ ଆଇଲା । ସେ ଆସେର୍ ବସର୍ ପିନ୍‌ଏଲର୍ ଟକି, ସେ ବେସି ତକ୍‌ରି ଅଇଜାଇରଇଲା । ବିବା ଅଇ ମୁନ୍‌ସ୍ ସଙ୍ଗ୍ ସାଡ଼ ବରସ୍ ରଇକରି, ରାଣ୍ଟି ଅଇଗାଲା । ଆରି ତାକେ ଚାରିକଡ଼ିଚାରି ବରସ୍ ଅଇରଇଲା । ୩୭ ସେ ଦେଉଲେଅନି କେନେ ନ ଜାଇ, ଉପାସ୍ ରଇକରି ଦିନ୍ ରାତି ମାପୁରୁ ଉପାସନା କର୍ତେରଇଲା ।

୩୮ ପିଲାକେ ମାପୁରୁଟାଣେ ସର୍ପି ଦେବାବେଲେ ସେ ଦେଉଲର୍ ତାଣ୍ଟେ କେଟି, ପର୍ତ୍ତେସର୍ ମଇମା କରିକରି ଜନ୍ ଲକ୍‌ମନ୍ ଜିରୁସାଲାମର୍ ମୁକ୍ତି ମିଲ ବଲି ଜାଗ୍‌ତେରଇଲାଇ, ସେ ଲକ୍‌ମନ୍‌କେ ପିଲାର୍ ବିସଇ କଇବାର୍ ଦାର୍ଲା ।

ଜସେପ୍ ଆରି ମରିୟମ୍ ନାଜରିତେ ବାଅଡ଼ଲାଇ

୩୯ ଧପତେ ଜସେପ୍ ଆରି ମରିୟମ୍ ମାପୁରୁ ରିତିନିତି ଇସାବେ କର୍ବା ସବୁ କାମ୍ ସାରାଇ, ଗାଲିଲି ନିଜର୍ ନଅର୍ ନାଜରିତେ ବାଅଡ଼ଲାଇ । ୪୦ ଆରି ପିଲା ଦିନକେ ଦିନ୍ ବଡ଼ିକରି ବପୁଅଇଲା, ଆରି ଗିଆନେ ପୁରାପୁରୁନ୍ ଅଇଲା । ତାକେ ପର୍ତ୍ତେସର୍ ଦୟା ରଇଲା ।

ସାନ୍ ପିଲା ଜିସୁ ଦେଉଲେ ରଇବାଟା

୪୧ ଜିସୁର୍ ବାବା, ମା ସବୁବର୍‌ସେ ଜିଉଦିମନର୍ ନିସ୍‌ତାର୍ ପରବ୍ ପାଇ ଜିରୁସାଲାମେ ଜାଇତେରଇଲାଇ । ୪୨ ତରେକ୍ ଜିସୁକେ ବାର ବରସ୍ ଅଇଲାବେଲେ ସେମନର୍ ରିତିନିତି ଇସାବେ ଜିରୁସାଲାମେ ପରବ୍ ମାନ୍‌ବାର୍ ଗାଲାଇ ।

୪୩ ସେମନ୍ ପରବ୍ ସାରାଇ ବାଉଡ଼ି ଆଇଲାବେଲେ, ପିଲା ଜିସୁ ଜିରୁସାଲାମେ ରଇଗାଲା । ମାତର୍ ତାର୍ ବାବା ମାଆ ମିସା ସେ ତେଇ ରଇଲାଟା ଜାନି ନ ରଇଲାଇ । ୪୪ ତାର୍ ସଙ୍ଗର୍ ଲକ୍‌ମନର୍ ସଙ୍ଗ୍ ଆଟେ କାଇକି ବଲି ବାବିକରି ସେମନ୍ ଗଟେକ୍ ଦିନର୍ ବାଟେ ଇଣ୍ଟି ଉଡ଼ି ଜାଇରଇଲାଇ । ସେମନ୍ ସାଇପତିସା, ତିନାର୍ ଜାନାର୍ ଲକ୍‌ମନ୍‌କେ ପାଟାରି କଜ୍‌ଲାଇ । ୪୫ ତିସେନାଇକେ ଆରି କଜି କଜି ଜିରୁସାଲାମେ ବାଉଡ଼ିଗାଲାଇ । ୪୬ ତିନିଦିନ୍ ପଟେ ସେମନ୍ ତାକେ ମନ୍‌ରେ ଦେକ୍‌ଲାଇ, ସେ ସାପ୍‌ତର୍ ସିକାଉମନର୍ ମଜାଇ ବସି, ତାକର୍ କାତା ସୁନ୍‌ତେରଇଲା, ଆରି ପର୍‌ସନ୍ ପାଟାଟେରଇଲା । ୪୭ ଆରି ତେଇ ଜେଡ଼କି ଲକ୍ ତାର୍ କାତା ସୁନ୍‌ତେରଇଲା, ସବୁଲକ୍ ସେ କାତା ଅଇବାଟା ଆରି ତାର୍ ବୁଦି ଦେକି କାବାଅଇ ଜାଇତେରଇଲାଇ । ୪୮ ଜସେପ୍ ଆରି ମରିୟମ୍ ମିସା ଜିସୁକେ ଦେକି କାବା ଅଇଗାଲା, ଆରି ତାର୍ ମାଆ ତାକେ କଇଲା, “ତୁଇ କାଇକେ ନୁନା ଆମ୍‌କେ ଏନ୍ତାରି କଲୁସ୍ ? ଦେକ୍‌ନି ତର୍ ବାବା ଆରି ମୁଇ କେତେକ୍ କିଲ୍‌ବିଲ୍ ଅଇ କଜ୍‌ଲୁନି ।”

☆ ୨:୩୯ ୨:୩୯ ମାଡ଼ିଉ ୨:୨୩

୪୯ ତେଜ ଜିସୁ ସେମନ୍ତକେ କଇଲା, “କାଇକେ ମନେ କଜତେରଇଲାସ ? ମତ୍ ବାବର୍ ଗରେ ମୁଇ ରଇବାର୍ ଆଚେଆକା, ଏଟା ନାଜାନି ରଇଲାସ କି ?” ୫୦ ମାତର୍ ଜିସୁ ସେମନ୍ତକେ ଜନ୍ କାତା କଇଲା, ସେଟା ସେମନ୍ ବୁଜିନାପାରଲା ।

୫୧ ପଚେ ଜିସୁ ତାର୍ ବାବା ମାଆ ସଙ୍ଗେ ନାଜରିତେ ବାଉଡି ଆଇଲା ଆରି ତାକର୍ କାତା ମାନ୍ତେରଇଲା, ମରିୟ୍ ମିସା ଏ ସବୁ କାତା ନିଜର୍ ମନ୍ ବିତ୍ରେ ସଙ୍ଗଇ ଚିନ୍ତା କଲା । ୫୨ ଜିସୁ, ଗିଆନେ, ଗାଗ୍ତେ, ପର୍ମେସର୍ ଆରି ଲକ୍ମନର୍ ଦୟାକ ବଢିଆଇଲା ।

୩

ତୁବନ୍ ଦେଉ ଜଅନ୍ କଇବା ନିକ କାତା

(ମାତିଉ ୩:୧-୧୨; ମାର୍କ ୧:୧-୮; ଜଅନ୍ ୧:୧୯-୨୮)

୧ ବଡ଼ ସାସନକାରିଆ ଡିବିରିଆ କାଇସର୍ ସାସନ କର୍ବା ପଦ୍ ବରସ୍ ଅଇଲାବେଲେ, ପାନ୍ତ୍ରିୟ ପିଲାଡ଼ ଜିଉଦା ରାଇଜ୍ ସାସନ କର୍ତ୍ତେରଇଲା । ଆରି ଏରଦ୍ ଗାଲିଲିର୍ ସାସନକାରିଆ ରଇଲା । ଏରଦ୍ ବାଇ ପିଲିପ୍ ଇଡୁରିଆ ଆରି ତାକ୍ନିଡ଼ ରାଇଜର୍ ସାମନ୍ତ ରାଜା ରଇଲା । ଲୁସାନିଆ ନାଉର୍ ଗଟେକ୍ ଲକ୍ ଅବିଲିନି ରାଇଜର୍ ସାମନ୍ତ ରାଜା ରଇଲା । ୨ ଆନାନ୍ ଆରି କୟାପ୍ ନାଉର୍ ଦୁଇ ଲକ୍ ବଡ଼ ପୁଜାରି ରଇଲା । ସେବେଲେ ଜିକରିୟର୍ ପଅ ଜଅନ୍, ମରୁବାଲି ବୁର୍ଷ ରଇଲାବେଲେ ପର୍ମେସର୍ କାତା ସେ ସୁନ୍ଲା । ୩ ଜର୍ଦ୍ଦନ୍ ଗାଡ଼ ଲଗେ ରଇବା ଲଗର୍ ପାକର୍ ଗାଉଁଶୁଇ ଜାଇ ଜଅନ୍ ପାପ୍ କେମାର୍ ଲାଗି, ପାପକାମ୍ ରାଡିକରି ମାପୁରୁର୍ ବାଚେ ଆସି ତୁବନ୍ ନେବାକେ ଜାନାଇବାର୍ ଦାରଲା ।

୪ ଜେନ୍ତାରି ଜିସାୟ୍ ବବିସଡ଼ବକ୍ତା ସୁନାଇରଇବା ସାସ୍ତରେ ଲେକା ଅଇଲାଆଚେ,

“ମରୁବାଲିବୁର୍ଷ ଆଉଲିଅଇ କଇବା ଗଟେକ୍ ଲକ୍ ସବଦ୍ କରି କଇଲାନି,

ମାପୁରୁ ଆଇବାଟା ତିଆରକରା,

ତାର୍ ଆଇବା ବାଟ୍ ସଲକାଆ ।

୫ ବଡ଼ ବଡ଼ ଡଙ୍ଗର୍ ପର୍ବଦ୍ ସବୁ ସଦରମ୍ ଅଇକରି

ଗାଡ଼ କଣ୍ଡି କଣ୍ଡି ରଇବା ଆଁଗାଲ୍ ବୁଟାଲ୍ ସାର୍ଦି ଅଇସି,

ବାକ୍ ଟେକ୍ ବାଟ୍ ସଲକ୍ ଅଇସି,

ଆରି କାଲ୍ ତେପ୍ ଜମି ସଦରମ୍ ଅଇଜାଇସି ।

୬ ମର୍ପୁରର୍ ସବୁଲକ୍ ପର୍ମେସର୍ ଉଦାରକାରିଆକେ ଦେକ୍‌ବାଇ ।”

୭ *ଜଅନ୍‌ଟାନେ ତୁବନ୍ ନେବାର୍‌ଲାଗି ବାରଇ ଆଇବା ଲକ୍ମନ୍ତକେ ସେ କଇଲା, “ଏ ବିସ୍ ରଇଲା ସାଁପର୍ ବସ୍‌ବ୍ ଲକ୍ମନ୍, ଆଇବା ପର୍ମେସର୍ କପେଅନି ପାଲାଇବାକେ ତମକେ କେ ରେଡ଼ନା ଦେଲା ? ୮ *ତେବର୍‌ପାଇ ପାପକାମ୍ ରାଡି ନିକ କାମ୍ କରା, ଅବ୍ରାଆମ୍‌ତା ଆମର୍ ଆନିଦାଦି ବଲି ମନେ ମନେ ବାବାନାଇ, କାଇକେବଇଲେ ମୁଇ ତମକେ କଇଲିନି, ପର୍ମେସର୍ ଏ ପାକ୍‌ନାମନ୍‌ଟାନେଅନି ମିସା ଅବ୍ରାମର୍ ପିଲାଜିଲା ଉବ୍‌ଜାଇ ପାର୍‌ସି । ୯ *ଏବେମିସା ଗର୍ମନ୍‌ବୁ ବୁଦେ କୁଡ଼ାଡି ଲାଗିଆଚେ, ତେବର୍‌ପାଇ ଜନ୍ ଗଡ଼ ନିମାନ୍ ପଲ୍ ନ ପଲେ, ସେଟା କାଟିକରି ଜଇଟାନେ ପିଙ୍ଗାଅଇସି ।”

୧୦ ତେଜ ଲକ୍ମନ୍ ଜଅନ୍‌କେ ପାଚାର୍‌ଲାଇ, “ସେନ୍ତାର୍ ଆଲେ ଆମେ କାଇଟା କର୍ବୁ ?”

୧୧ ଜଅନ୍ ସେମନ୍‌କେ କଇଲା “ଜାର୍‌ଟାନେ ଦୁଇଟା ପିନ୍ଦା ଲୁଗା ଆଚେ, ଜାକେ ନାଇ, ତାକେ ସେ ଗଟେକ୍ ଦେଅ, ଆରି ଜାର୍‌ଟାନେ କାଦି ଆଚେ, ସେ ମିସା ସେନ୍ତାରି ବାଟା କରି ଦେଅ ।”

୧୨ *ସିସଡ଼ୁମାଙ୍ଗୁମନ୍ ମିସା ତୁବନ୍ ନେବାକେ ଆସି ତାକେ ପାଚାର୍‌ଲାଇ “ଏ ଗୁରୁ ଆମେ କାଇଟା କର୍ବୁ ?”

୧୩ ଜଅନ୍ ସେମନ୍‌କେ କଇଲା, “ତମର୍ ଜେଡ଼କି ନେବାର୍ ଅଦିକାର୍ ଆଚେ, ତାର୍‌ତେଜଅନି ଅଦିକ୍ ମାଙ୍ଗା ନାଇ ।”

୧୪ ସନିଅମନ୍ ମିସା ତାକେ ପାଚାର୍‌ବାର୍ ଦାର୍‌ଲାଇ, “ଆରି ଆମେ କାଇଟା କର୍ବୁ ?”

ଜଅନ୍ ସେମନ୍‌କେ କଇଲା, “ବପୁ ଦେକାଇ କାଇଟା ମିସା ଜିକି ଆନା ନାଇ କି ନାଡ଼ାଇକରି କାର୍ ଦନ୍‌ସପତି ଆନା ନାଇ, ତମକେ ଜେଡ଼କି କୁଲି ମିଲ୍‌ଲାନି ସେଡ଼କି ନେଇକରି ସାର୍‌ଦା ସଙ୍ଗେ ରୁଆ ।”

୧୫ ଲକ୍ମନ୍ ଆସାଅଇ କିରିସଟକେ ଜାଗ୍‌ତେ ରଇଲାଇ ଜେ, କେତେବେଲେ ଏ ମିସା କିରିସଟ ଅଇରଇସି ବଲି ବାଦି, ଜଅନ୍‌ବି ସିଧଇ ଚିନ୍ତା କର୍ତ୍ତେରଇଲାଇ । ୧୬ ତେବେ ଜଅନ୍ ସବୁଲକ୍ମନ୍‌କେ କଇଲା, “ମୁଇସିନା ତମକେ ପାନିଟାନେ ତୁବନ୍ ଦେଲିନି, ମାତର୍ ମର୍‌ଟାନେଅନି ଅଦିକ୍ ବପୁରଲକ୍

* ୩:୨ ୩:୭ ମାତିଉ ୧:୨୩; ୨୩:୩୩ * ୩:୮ ୩:୮ ଜଅନ୍ ୮:୩୩ * ୩:୯ ୩:୯ ମାତିଉ ୭:୧୯ * ୩:୧୨ ୩:୧୨ ଲୁକ୍ ୭:୨୯

ଆଇଲାନ୍ତି, ମୁଁ ତାର ଗତିଦାଙ୍ଗୁଡ଼ା ଅଇ ପାଦର୍ ପାଣ୍ଡୁଇ ମିସା କୁସଲାଇବାକେ ମର୍ ଅଦିକାର ନାଇ । ସେ ତମ୍ଭକେ ଜଇସଙ୍ଗି ଆରି ସୁକଲ୍ ଆତ୍ମାଈ ତୁବନ୍ ଦେଇସି ।^{୧୭} ତାର୍ ଆତେ କୁଲାଆତେ, ତେବେ ସେ କଟାରେ ରଇଲା ଦାନ୍ ପରିଚଲ୍ କରି ଚୁଲିଆଇ କଲ୍‌କିଟାନ୍‌ନେ ସଙ୍ଗଇସି । କାଇ କାମେ ନ ଆଇବାଟା ଜାକ ସବୁବେଲେ ଲାଗିରଇବା ଜଇଟାନ୍‌ନେ ପତାଇଦେଇସି ।”

^{୧୮} ଜଅନ୍ ଏନ୍ତାରି କେତେକ୍ କେତେକ୍ ଉପଦେସ୍ ଦେଇକରି ଲକ୍‌ମନ୍‌କେ ମାପୁରୁର୍‌ବାଟେ ଆଇବାକେ ମନ୍ କରାଇତେରଇଲା ଆରି ମାପୁରୁର୍ ନିକ କାତା ସୁନାଇତେରଇଲା ଆରି ପାପ୍ କରୁବାଟାନ୍‌ନେଅନ୍‌ନି ବାଅତ୍‌ବାକେ ବୁଜାଇତେରଇଲା ।^{୧୯} ତମାତର୍ ସାମନ୍ତ ରାଜା ଏରଦ୍ ନିଜର୍ ବାଇର୍ ମାଇଜି ଏରଦିଆକେ ସଙ୍ଗଇଲାକେ ତାର୍ କରିରଇବା ବିନ୍ ବିନ୍ ପାପ୍‌କାମର୍ ବିସଇ ଜାନି ଜଅନ୍ ତାକେ ଦମ୍‌କାଇତେରଇଲା ।^{୨୦} ଏରଦ୍ ଜଅନ୍‌କେ ବନ୍ଦିକରି ସେ କରିରଇବା ସବୁ ପାପ୍‌କାମର୍ ସଙ୍ଗି ଏ ବଡ୍ ପାପ୍ ମିସା ଜଡୁଲା ।

ଜିସୁର୍ ତୁବନ୍
(ମାତିଉ ୧୩:୧୭; ମାର୍କ ୧:୯-୧୧)

^{୨୧} ସବୁଲକ୍ ତୁବନ୍ ନେଲା ପତେ ଜିସୁ ମିସା ତୁବନ୍ ନେଲା । ଆରି ପାର୍‌ତନା କର୍‌ବାବେଲେ, ଏଦେ ଦେକା ! ବାଦଲ୍ ଉଗାଡିଅଇଗାଲା,^{୨୨} ଆରି ସୁକଲ୍ ଆତ୍ମା ପରୁଆର୍ ଗାଗଡ୍ ଦାରି ଉଡ୍‌ରି ଆସି, ଜିସୁର୍ ଉପରେ ବସଲା । ସର୍‌ଗେଅନ୍‌ନି ଗଟେକ୍ ଏନ୍ତାରି ସବଦ୍ ଆଇଲା, “ତୁଇସେ ମର୍ ଆଲାଦର୍ ପିଲା, ତର୍‌ଟାନ୍‌ନେ ମୁଁଇ ବେସି ସାର୍‌ଦା ଅଇଲିନି ।”

ଜିସୁର୍ ଆନିଦାଦିମନର୍ ଇସାବ୍
(ମାତିଉ ୧:୧-୧୭)

^{୨୩} ଜିସୁ ପର୍‌ମେସରର୍ କାମ୍ ଆରମ୍ କଲାବେଲେ ତାକେ ଡିରିସ୍ ବରସ୍ ଅଇରଇଲା । ଲକ୍‌ମନ୍‌ର୍ ବାବ୍‌ନା ଇସାବେ, ଜିସୁ ଜସେପର୍ ପଅ, ଜସେପ୍ ଏଲିର୍ ପଅ ।^{୨୪} ଏଲି ମଡ୍‌ତାତର୍ ପଅ, ମଡ୍‌ତାଡ୍ ଲେବିର୍ ପଅ, ଲେବି ମଲ୍‌କିର୍ ପଅ, ମଲ୍‌କି ଜନୟର୍ ପଅ, ଜନୟ ଜସେପର୍ ପଅ,^{୨୫} ଜସେପ୍ ମଡିତିଆର୍ ପଅ, ମଡିତିଆ ଅମସର୍ ପଅ, ଅମସ୍ ନାଉମର୍ ପଅ, ନାଉମ୍ ଏସ୍‌ମିର୍ ପଅ, ଏସ୍‌ମି ନଗୟର୍ ପଅ,^{୨୬} ନଗୟ ମଅତର୍ ପଅ, ମଅଡ୍ ମଡିତିଆର୍ ପଅ, ମଡିତିଆ ସମଇର୍ ପଅ, ସମୟି ଜସେକର୍ ପଅ, ଜସେକ୍ ଜଦାର୍ ପଅ,^{୨୭} ଜଦା ଜଅନର୍ ପଅ, ଜଅନ୍ ରେସାର୍ ପଅ, ରେସା ଜିରୁବାବେଲର୍ ପଅ, ଜିରୁବାବେଲ୍ ସିଅଲ୍‌ତିଏଲର୍ ପଅ, ସଅଲ୍‌ତିଏଲ୍ ନେରିର୍ ପଅ,^{୨୮} ନେରି ମଲ୍‌କିର୍ ପଅ, ମଲ୍‌କି ଅଦିର୍ ପଅ, ଅଦି କସାମର୍ ପଅ, କସାମ୍ ଏଲୁଦାନର୍ ପଅ, ଏଲୁଦାନ୍ ଏରର୍ ପଅ,^{୨୯} ଏର ଜିୟସୁଅର୍ ପଅ, ଜିୟସୁଅ ଏଲିଏଜର୍ ପଅ, ଏଲିଏଜ୍ ଜରିମର୍ ପଅ, ଜରିମ୍ ମଡ୍‌ତାତର୍ ପଅ, ମଡ୍‌ତାଡ୍ ଲେବିର୍ ପଅ,^{୩୦} ଲେବି ସିମିୟନର୍ ପଅ, ସିମିୟନ୍ ଜିଉଦାର୍ ପଅ, ଜିଉଦା ଜସେପର୍ ପଅ, ଜସେପ୍ ଜନାମର୍ ପଅ, ଜନାମ୍ ଏଲିଆକିମର୍ ପଅ,^{୩୧} ଏଲିଆକିମ୍ ମଲାଅର୍ ପଅ, ମଲାଅ ମନାର୍ ପଅ, ମନା ମଡତାଡ୍ ପଅ, ମଡତା ନାତନର୍ ପଅ, ନାତନ୍ ଦାଉଦର୍ ପଅ,^{୩୨} ଦାଉଦ୍ ଜିୟସୁଅର୍ ପଅ, ଜିୟସୁଅ ଆବେଦର୍ ପଅ, ଆବେଦ୍ ବୟଜର୍ ପଅ, ବୟଜ୍ ସେଲଅର୍ ପଅ, ସେଲଅ ନଅସନର୍ ପଅ,^{୩୩} ନଅସ୍ ଅମିନାଦାବର୍ ପଅ, ଅମିନାଦାବ୍ ଅଦମିନର୍ ପଅ, ଅଦମିନ୍ ଅର୍‌ନିର୍ ପଅ, ଅର୍‌ନିର୍ ଏସ୍‌ରନର୍ ପଅ, ଏସ୍‌ରନ୍ ପେରସର୍ ପଅ, ପେରସ୍ ଜିଉଦାର୍ ପଅ,^{୩୪} ଜିଉଦା ଜାକୁବର୍ ପଅ, ଜାକୁବ୍ ଇସାକର୍ ପଅ, ଇସାକ୍ ଅବ୍ରାମର୍ ପଅ, ଅବ୍ରାଆମ୍ ତେରଅର୍ ପଅ, ତେରଅ ନାଅର୍ ପଅ,^{୩୫} ନାଅର୍ ସରୁଗର୍ ପଅ, ସରୁଗ୍ ରଗୁର୍ ପଅ, ରଗୁ ପେଲଗର୍ ପଅ, ପେଲଗ୍ ଏବର୍ ପଅ, ଏବ ସେଲଅର୍ ପଅ,^{୩୬} ସେଲା କଇନାନର୍ ପଅ, କଇନାନ୍ ଆର୍‌ପାକ୍‌ସତର୍ ପଅ, ଆର୍‌ପାକ୍‌ସେତର୍ ସେ ମର୍ ପଅ, ସେମ୍ ନଅର୍ ପଅ, ନଅ ଲାମେକ୍‌କ୍ ପଅ,^{୩୭} ଲାମେକ୍ ମିତୁସେଲଅର୍ ପଅ, ମିତୁସେଲଅ ଅନକର୍ ପଅ, ଅନକ୍ ଜାରେଦର୍ ପଅ, ଜାରେଦ୍ ମଅଲେଲର୍ ପଅ, ମଅଲେଲ୍ କେନାନର୍ ପଅ,^{୩୮} କେନାନ୍ ଏନସର୍ ପଅ, ଏନସ୍ ସେତର୍ ପଅ, ସେତ୍ ଆଦମର୍ ପଅ, ଆଦମ୍ ପର୍‌ମେସରର୍ ପଅ ।



ଜିସୁକେ ସଇତାନର୍ ପରିକା
(ମାତିଉ ୪:୧-୧୧; ମାର୍କ ୧:୧୨-୧୩)

☆ ୩:୧୯ ୩:୧୯ ମାତିଉ ୧୪:୩,୪; ମାର୍କ ୬:୧୭,୧୮ ☆ ୩:୨୨ ୩:୨୨ ମାତିଉ ୩:୧୭; ମାର୍କ ୧:୧୧; ଲୁକ୍ ୯:୩୫

୧ ଜିସୁସ୍ ସୁକୁଲ ଆତ୍ମାଫାଲ ପୁରାପୁରୁନ୍ ଅଇକରି ଜର୍ଦଦନ୍ ଗାଡେଅନି ବାଉଡିଆଇଲା । ଆରି ସଇତାନନ୍ ଚାନେ ପରିକା କରାଇବାକେ ତାକେ ଆତ୍ମା ଚାଲାଇ ନେଲା । ତେଇ ଚାଲିସ ଦିନ୍ ଜାକ ସଇତାନ୍ ତାକେ ପରିକା କର୍ତେରଇଲା । ୨ ସର୍ତେ ଦିନ୍ ସାର୍ଲା ପଟେ ସେ ବୁକ୍‌କେ ବାୟାଡୁରା ଅଇଗାଲା ।

୩ ତେଇ ସଇତାନ୍ ଜିସୁକେ କଇଲା, “ତୁଇ ଜଦି ପର୍ତେସରର୍ ପ, ତେବେ ଏ ପାକ୍‌ନା କାଦି ଅ ବଲି ଆଦେସ୍ ଦେସ୍ ।”

୪ ଜିସୁ ତାକେ କଇଲା, “ପର୍ତେସରର୍ ସାସ୍‌ତରେ ଲେକାଅଇ ଆଟେ, ମୁନ୍‌ସ୍ ଅବ୍‌କା କାଦି କାଇ ନ ବଠେ ।”

୫ ତାର୍‌ପଟେ ସଇତାନ୍ ଜିସୁକେ ଗଟେକ୍ ଉର୍ଦ୍ ଜାଗାଇ ତାକି ଦାରିଜାଇ କରି ଆଁକିମିଟ୍‌କା ମାର୍‌ବା ଏଡ୍‌କି ପରକେ ଜଗତର୍ ସବୁ ରାଇଜି ଦେକାଇଲା । ୬ ଆରି ଜିସୁକେ କଇଲା, “ମୁଇ ତକେ ଏ ସବୁ ଦନ୍ ସ୍‌ପିଡିର୍ ଅଦିକାର୍ ଆରି ମଇମା ଦେବି । କାଇକେବଇଲେ ସେଟା ସବୁ ମକେ ସର୍ପିଦେଲାଆଟେ, ଆରି ମୁଇ ଜାକେ ମନ୍ କର୍ବି, ତାକେ ଦେବି । ୭ ତେବର୍‌ପାଇ, ଜେବେ ତୁଇ ମକେ ଜୁଆର୍ କର୍ସୁ, ତେବେ ସେ ସବୁଜାକ ତର୍ ଅଇସି ।”

୮ ଜିସୁ ତାକେ କଇଲା, “ପର୍ତେସରର୍ ସାସ୍‌ତରେ ଲେକାଅଇଆଟେ, ତୁଇ ତର୍ ପର୍ତେସରକେସେ ଜୁଆର୍ କର୍ସୁ, ଆରି ତାକେସେ ସେବା କର୍ସୁ ।”

୯ ପଟେ ସଇତାନ୍ ଜିସୁକେ ଜିରୁଆଲାମେ ତାକିଦାରିଜାଇ, ମାନ୍‌ରର୍ ଚାଉନି ଚିପେ ଚିଆକରାଇ କଇଲା, “ତୁଇ ଜଦି ପର୍ତେସରର୍ ପ, ତେବେ ଇତିଅନି ତଲେ ଡେଗଇଦେସ୍, ୧୦ କାଇକେବଇଲେ ସାସ୍‌ତରେ ଲେକାଆଟେ ତକେ ରକିଆ କର୍ବାକେ ପର୍ତେସରର୍ ତାର୍ ନିଜର୍ ବୁଡ୍‌ମନ୍‌କେ ଆଦେସ୍ ଦେଇସି । ୧୧ ଆରି ମିସା ଲେକା ଆଟେ, ‘ଜେଡ୍‌କି ତର୍ ପାଦ୍ ପାକ୍‌ନାଇ ନ ପାଏ, ସେଟାର୍‌ପାଇ ବୁଡ୍‌ମନ୍ ତକେ ଆଡେଦାରି ଟେକି ନେବାଇ ।’”

୧୨ ଜିସୁ ସଇତାନ୍‌କେ କଇଲା, “ଏଟା ମିସା ଲେକାଆଟେ, ତୁଇ ତର୍ ମାପୁର୍ ନିଜର୍ ପର୍ତେସରକେ ପରିକା କର୍ ନାଇ ।”

୧୩ ସଇତାନ୍ ସବୁ ରକାମର୍ ପରିକା ସାରାଇଲା ପଟେ, ଆରି ତରେକ୍ ବେଲା ମିଲ୍‌ବାଜାକ କେତେ ଦିନର୍ ପାଇ ଜିସୁକେ ଚାଡି ଉଟିଗାଲା ।

ଜିସୁସ୍ ସେବା କାମ ଆରାମ
(ମାଡିଉ ୪:୧୨-୧୭; ମାର୍କ ୧:୧୪-୧୫)

୧୪ ତାର୍‌ପଟେ ଜିସୁ ଆତ୍ମାଫାଲ ବପୁଅଇକରି ଗାଲିଲି ରାଇଜେ ବାଉଡିଗାଲା । ଆରି ତାର୍ କବର୍ ଗାଲିଲି ରାଇଜର୍ ଗୁଲାଇ ଗାଉଁମନ୍ ଜାନ୍‌ଲାଇ । ୧୫ ପଟେ ଜିସୁ ଜିଉଦିମନ୍‌ର୍ ପାର୍‌ତନା ଗର୍ମାନ୍‌କେ ବୁଲି ବୁଲି ସିକିଆ ଦେଇକରି ସବୁ ଲକର୍‌ଟାଣେ ଅନି ଡାକ୍‌ପୁଟା ପାଇବାର୍ ଦାର୍‌ଲା ।

ଜିସୁକେ ନାଜରିତର୍ ଲକ୍ ନାମଡ୍‌ନାଇ
(ମାଡିଉ ୧୩:୫୩-୫୮; ମାର୍କ ୬:୧-୬)

୧୬ ଏଡ୍‌କିବିଡ୍‌ରେ ନାଜରିତେ, ଜନ୍ ଜାଗାଇ କି ଜିସୁ ସାନ୍‌ବେଲେ ଅନି ବଡ୍ ଅଇରଇଲା, ସେ ଜାଗାଇ ଗାଲା । ଆରି ନିଜର୍ ରିଡିନିତି ଇସାବେ, ବିସରାମ୍ ବାରେ ଜିଉଦିମନ୍‌ର୍ ପାର୍‌ତନା ଗରେ କେଟି ଦରମ୍ ସାସ୍‌ତର୍ ପଡ୍‌ବାକେ ଚିଆ ଅଇଲା । ୧୭ ସେଡ୍‌କିବେଲେ ତାକେ ଜିସାୟ୍ ବସିସ୍‌ତ୍‌ବକ୍‌ତା ଲେକିରଇଲା ଦରମ୍ ସାସ୍‌ତର୍ ଦିଆଅଇଲା, ଆରି ଜିସୁ ସେ ଜିସାୟ୍ ବଇଟାଣେ ଲେକାଅଇରଇଲା ଏନ୍ତାରି ବାକିଅ ମେଲାକରି ପାଇଲା ।

୧୮ “ମାପୁରୁ ଆତ୍ମା ମର୍ ସଇ ଆଟେ,
ତେବର୍‌ପାଇ ନଇଲା ମଇଲା ଲକ୍‌ମନ୍‌ଟାଣେ ସୁବ୍ କବର୍ ଜାନାଇବାକେ, ପର୍ତେସର୍ ମକେ
ବାରିକରି ପାଟାଇଲା,
ବନ୍ଦି ଗରେ ରଇବା ଲକ୍‌ମନ୍‌କେ ମୁକ୍‌ଲାଇବାକେ,
କାଣା ଲକ୍‌ମନ୍‌କେ ଦେକାଇବା ବିସଇ ଜାନାଇବାକେ ଆରି
ଦୁକର୍ ଲକ୍‌ମନ୍‌କେ ମୁକ୍‌ଲାଇବାକେ,

୧୯ ଆରି ମାପୁରୁ ତାର୍ ଲକ୍‌ମନ୍‌କେ ରକିଆ କର୍ବା ବେଲା ଆସିଆଟେ, ବଲି ଜାନାଇବାକେ
ସେ ମକେ ପାଟାଇଆଟେ ।”

୨୦ ପଟେ ସେ ସାସ୍‌ତର୍ ଡାବି, ପାର୍‌ତନା ଚାଲାଇବା ଗଟେକ୍ ଲକ୍‌କେ ବାଉଡାଇଦେଇ ବସିଦେଲା । ପାର୍‌ତନା ଗରେ ରଇଲା ଲକ୍‌ମନ୍ ତାକେସେ ଦେକ୍‌ତେରଇଲାଇ । ୨୧ ଜିସୁ ଲକ୍‌ମନ୍‌କେ କଇବାର୍ ଦାର୍‌ଲା, “ଆଜି ତମେ ସୁନ୍‌ଲା ଏ ଦରମ୍ ସାସ୍‌ତରର୍ ବାକିଅ ପୁରାପୁରୁନ୍ ଅଇଲା ।”

୨୨ ଜିସୁର ବିସଇ ନେଇକରି ସବୁଲକ୍ ନିକ ସାକି ଦେବାର୍ ଦାରୁଲାଲ ଆରି ସେ କଇବା, ମନୁକେ ପାଇଲା ବାକିଅ ସୁନି କାବାଅଇଲାଲ, ଆରି ସେମନ୍ “ଏଟାକାଇ ଜସେପର୍ ପ ନଏଁ ଜେ ?” ବଲି କଇବାର୍ଦାରୁଲାଲ ।

୨୩ ଜିସୁ ଲକ୍ମାନୁକେ କଇଲା, “ତମେ ସେ ଗାଲା କାତା ଆରିତରେକ୍ କଇସା ବଲି ମୁଇ ଜାନିରଇଲି, ଏ ଅସ ଦେଉ, ନିଜେ ତୁଇ ନିକ ଅ, ଆରି କପରନାଉମେ ଜାଇ ଜାଇଗା ଗଟିଆତେ ବଲି ଆମେ ସୁନିଆରୁ, ସେଟା ସବୁ ଏ ଜାଗାଇ, ତରୁ ନିଜରୁ ଜନମ୍ ନଅରେ ମିସା କର୍ ।” ୨୪ * “ମାତରୁ ମୁଇ ତମକେ ସତ୍ କଇଲିନି, ବବିସତ୍‌ବକ୍ତା ଅଇରଇବା କାକେମିସା ନିଜରୁ ଗାଏଁ ନ ନାମତ୍ ।”

୨୫ “ମାତରୁ ମୁଇ ତମକେ ସତ୍‌କାତା କଇଲିନି, ଜେତେବେଲେ ବବିସତ୍‌ବକ୍ତା ଏଲିୟର୍ ବେଲେ ତିନୁବରସ୍ ୪ ମାସ୍ ଜାକ ବାଦଲେଅନି ପାନିମାରେ ନାଇକେ ଗୁଲାଲ ଦେସେ ମରୁଡି ଅଇରଇଲା, ସେବେଲେ ଇସ୍ରାଏଲ୍ ଦେସେ କେତେ କେତେ ରାଣ୍ଡିମାଇଜିମର୍ ରଇଲାଲ । ୨୬ ରଇଲେ ମିସା ପରୁମେସର୍ ଏଲିୟର୍ କାରୁଲଗେ ମିସା ନ ପାଟାଇ ସିଦନ୍ ଦେସର୍ ସାରିପତ୍ ବଲି ଗଟେକ୍ ଜାଗାଇ, ଗଟେକ୍ ରାଣ୍ଡିମାଇଜିମର୍ ଲଗେ ପାଟାଇଲା । ୨୭ ଆରି ମାପୁରୁ ବବିସତ୍‌ବକ୍ତା ଏଲିସାୟର୍ ବେଲେ ଇସ୍ରାଏଲ୍ ଦେସେ କେତେ କୁସ୍ତି ରଗି ରଇଲାଲ, ଏଲେ ମିସା ତାକର୍ ବିତ୍ରେ କାକେମିସା ନିକକରି ନ ରଇଲା, ସୁରିଆ ଦେସର୍ ନାମାନ୍ ନାଉର୍ ଲକ୍‌କେ ସେ ନିକକରି ରଇଲା ।”

୨୮ ଜିଉଦିମନର୍ ପାରୁତନା ଗରେ ଏ କାତା ସୁନି ଲକ୍ମାନୁ ବେସି ରିସାଅଇଗାଲାଲ । ୨୯ ଆରି ସେମନ୍ ଉଟିକରି ଜିସୁକେ ନଅରେଅନି ବାରୁରାଇଦେଲାଲ । ତାକରୁ ନଅରୁ ଜନ୍ ପରୁବତ୍ ଉପରେ ତିଆର୍ ଅଇରଇଲା, ସେ ପରୁବତ୍‌ର ଦାରେଅନି ତଲେ ପିଙ୍ଗିଦେଉଁ ବଲି, ତାକେ ତେଇ ଦାରିଗାଲାଲ । ୩୦ ମାତରୁ ଜିସୁ ସେମନର୍ ବିତ୍ରେ ପୁରି ଉଟିଗାଲା ।

ଜିସୁ ଗଟେକ୍ ତୁମା ଡସିରଇବା ଲକ୍‌କେ ନିମାନ୍ କଲା
(ମାର୍କ ୧:୨୧-୨୮)

୩୧ ଜିସୁ ଗାଲିଲି ରାଇଜର୍ କପରନାଉମ୍ ନାଉର୍ ଗଟେକ୍ ନଅରେ ଆଇଲା, ଆରି ବିସ୍ରାମ୍‌ବାରେ ଲକ୍ମାନୁକେ ସିକିଆ ଦେବାର୍ ଦାରୁଲା । ୩୨ * ଲକ୍ମାନୁ ତାରୁ ସିକାଇବାଟା ଦେକି କାବାଅଇଗାଲାଲ, କାଇକେବଇଲେ ତାରୁ ବାକିଅ ଅଦିକାରୁ ସଙ୍ଗ୍ ରଇଲା । ୩୩ ଦିନେକ୍ ଜିଉଦିମନର୍ ପାରୁତନା ଗରେ ଗଟେକ୍ ତୁମା ଡସିରଇବା ଲକ୍ ରଇଲା । ସେ ଆଉଲିଅଇ କିର୍କିରି କଇଲା, ୩୪ “ଏ ନାଜରିତର୍ ଜିସୁ, ଆମରୁଟାନେ ତରୁ କାଇ କାମ୍ ଆତେ ? ତୁଇ କାଇ ଆମକେ ମରାଇବାକେ ଆସିଆରୁସ୍ ? ତୁଇ କେ ସେଟା ମୁଇ ଜାନି, ତୁଇ ପରୁମେସର୍ ସୁକଲ୍ ଲକ୍ ।”

୩୫ ଜିସୁ ତାକେ ଦମ୍‌କାଇ କରି କଇଲା, “ତୁପ୍ ର, ଆରୁଟାନେଅନି ବାରଇ ଜା ।” ତେଇଅନି ସେ ତୁମା ସେ ଲକ୍‌କେ ସବୁର୍ ମୁଆଟେ ଅଦରାଇଲା ଆରି, ତାକେ କାଇଟା ନ କରି ତାରୁ ଗାଗ୍‌ଡେଅନି ବାରଇ ଉଟିଗାଲା ।

୩୬ ତେଇ ସବୁଲକ୍ କାବାଅଇକରି ତାକର୍ ତାକର୍ ବିତ୍ରେ କୁଆବଲା ଅଇଲାଲ, “ଏଟା କାଇ କାତା, ସେ ବପୁ ଆରି ଅଦିକାରୁ ସଙ୍ଗ୍ ତୁମାମାନୁକେ ମିସା ଆଦେସ୍ ଦେଲାନି । ସେମନ୍ ମିସା ବାରଇ ଗାଲାଲନି ।” ୩୭ ଜିସୁର୍ ଏ କବର୍ ସେ ଜାଗାରୁ ଗୁଲାଇବାଟର୍ ଲକ୍ ଜାନୁଲାଲ ।

ଜିସୁ କେତେ କେତେ ଲକ୍‌ମାନୁକେ ନିମାନ୍ କଲା
(ମାତ୍ତିଉ ୮:୧୪-୧୭; ମାର୍କ ୧:୨୯-୩୪)

୩୮ ପଟେ ଜିସୁ ଜିଉଦିମନର୍ ପାରୁତନା ଗରେଅନି ଉଟି ସିମନର୍ ଗରେ ଗାଲା । ସିମନର୍ ସାତ୍‌ରିକେ ବେସି ଜର୍ ଅଇରଇଲାଲେ ସେମନ୍ ତାରୁ ବିସଇ ନେଇ ଜିସୁକେ କଇଲାଲ । ୩୯ ତେଇ ସେ ସିମନର୍ ସାତ୍‌ରିକ୍ ଲଗେ ଟିଆଅଇ ଜରୁକେ ଦମ୍‌କାଇଲା ଆରି ତାକେ ଜର୍ ଚାଡିଗାଲା । ସେଦାପ୍‌ରେ ସେ ଉଟିକରି ସେମାନୁକେ ସେବା କରୁବାରୁ ଦାରୁଲା ।

୪୦ ବେଲ୍‌ବସି ସଞ୍ଜ୍ ଅଇଲାଲେ ଜରୁଦୁକା ଅଇରଇଲା ଲକ୍‌ମାନୁକେ ଜିସୁର୍ ଲଗେ ଆନୁଲାଲ, ଆରି ସେ ଜରୁଦୁକାରୁ ଲକ୍‌ମାନୁକେ ଗଟେକ୍ ଗଟେକ୍ ଲକ୍‌ରୁ ଉପରେ ଆଦ୍ ସଙ୍ଗାଇ ନିକ କଲା । ୪୧ ତୁମା ଦାରିରଇବା ବେସି ଲକ୍‌ମାନୁ ମିସା କିର୍କିରି କରି “ତୁଇ ପରୁମେସର୍ ପଅ !” ବଲି ଲକ୍‌ରୁ ଗାନେଅନି ଚାଡି ପାଲାଲଲାଲ । ଜିସୁ ସେମାନୁକେ ଦମ୍‌କାଇ କରି କାତାଅଇବାକେ ମିସା ଦେଏନାଇ, କାଇକେବଇଲେ ସେମନ୍ ତାକେ କିରିସ୍ଟ ବଲି ଜାନିରଇଲାଲ ।

* ୪:୨୪ ୪:୨୪ ଜଅନ୍ ୪:୪୪ * ୪:୩୭ ୪:୩୭ ମାତ୍ତିଉ ୭:୨୮,୨୯

**ପାର୍ତନା ଗରେ ଜିସୁସ୍ ସିଦ୍ଧିଆ
(ମାର୍କ ୧:୩୫-୩୯)**

୪୨ ସାକାଲ୍ ପାଇଲାଜେ ଜିସୁ ନଅରେ ଅନି ବାରଇ ଗଟେକ୍ କିନରା ଜାଗାଇ ଗାଲା । ଲକ୍ମନ୍ କଜି କଜି ତାର୍ ଲଗେ ଆଇଲାଇ, ଆରି ସେ ଜେନ୍ତୁକି ତାକର୍ ଲଗେଅନି ଉଦିନଜାଅ ବଲି ଅର୍କାଇବାକେ ଚେସ୍ତା କଲାଇ । ୪୩ ମାତର୍ ଜିସୁ ସେମନ୍‌କେ କଇଲା, “ବିନ୍ ବିନ୍ ନଅରେ ମିଆ ମୁଇ ପର୍ମେସରର୍ ରାଇଜର୍ ନିକ କବର୍ ଜାନାଇବାର୍ ଆଟେ, କାଇକେ ବଇଲେ ସେଟାର୍‌ପାଇ ପର୍ମେସର୍ ମକେ ପାଟାଇଆଟେ ।”

୪୪ ଆରି ସେ ଜିଉଦା ଦେସର୍ ଜିଉଦି ଲକ୍ମନ୍‌ର୍ ପାର୍ତନା ଗର୍ମନ୍‌କେ ବାଜିଅ ସୁନାଇବାର୍ ଦାର୍ଲା ।



**ଜିସୁ ପର୍ତ୍ତୁମ ସିସମନ୍‌କେ ତାକ୍ଲା
(ମାତ୍ତ ୪:୧୮-୨୨; ମାର୍କ ୧:୧୩-୨୦)**

୧ *ଦିନେକ୍ ଜିସୁ ଗିନେସରର୍ ଗାଡ଼କଣ୍ଡି ଚିଆଅଇରଇଲା ବେଲେ ଲକ୍ମନ୍ ମାଣ୍ଡାବୁଣ୍ଡା ଅଇ ପର୍ମେସରର୍ ବାକିଅ ସୁନ୍‌ଡେରଇଲାଇ । ୨ ସେଡ଼କିବେଲେ ସେ ଗାଡ଼କଣ୍ଡି ଦୁଇଟା ତଙ୍ଗା ରଇଲାଟା ଦେକ୍ଲା, କେଉଟ୍‌ମନ୍ ତଙ୍ଗାଇଅନି ଉଦ୍‌ରି ଜାଲ୍ ଦଇଡେରଇଲାଇ । ୩ ସେ ତଙ୍ଗାମନ୍‌ ବିଡ଼ରେଅନି ଜନ୍‌ଟା କେଉଟ୍ ସିମନ୍‌ଟା ରଇଲା, ଜିସୁ ତେଇ ଚଗିକରି “କଣ୍ଡିତେଇଅନି କଣ୍ଡେକ୍ ଦୁର୍ ପାନିତେଇ ଚାଲାଇନେ ।” ବଲି ସିମନ୍‌କେ କଇଲା, ଆରି ତଙ୍ଗାଇ ବସିକରି ସିଦ୍ଧିଆ ଦେବାର୍ ଦାର୍ଲା ।

୪ ଜିସୁ କାତା ସାରାଇକରି ସିମନ୍‌କେ କଇଲା, “ଡେଙ୍ଗ୍ ପାନିଟାନ୍‌ ଜାଇକରି ମାର୍ ଦାର୍‌ବାକେ ତମର୍ ଜାଲ୍ ପାକାଆ ।”

୫ *ଡେଇ ସିମନ୍ କଇଲା, “ଏ ଗୁରୁ ଆମେ ସବୁଲକ୍ ଗୁଲାଇରାତି କସଟ କରି ଗଟେକ୍ ମିଆ ଦାରୁନାଇ, ମାତର୍ ତମର୍ କାତା ଦାରି ମୁଇ ଜାଲ୍ ପାକାଇବି ।” ୬ *ଆରି ଜାଲ୍ ପାକାଇଲାକେ, ଏଦେ ଦେକା ! ଏକ୍ତି ମାର୍ ଲାଗୁଲାଜେ ତାକର୍ ଜାଲ୍ ଚିରିଅଇବାର୍ ଦାରୁଲା । ୭ ତଙ୍ଗାଇ ମାର୍ ବର୍ଡି କଲାଜେ ସେ ଦୁଇଟା ତଙ୍ଗା ବୁଡ଼ଲା ପାରା ଅଇଗାଲା । ୮ ଏଟା ଦେକି ସିମନ୍ ପିତର୍ ଜିସୁର୍ ପାଦେ ମାଣ୍ଡିକ୍‌ଟା ଦେଇ ଜୁଆର୍ କରି କଇଲା, “ମର୍ଟାନ୍‌ଅନି ଜାଆ ମାପୁରୁ, କାଇକେବଇଲେ ମୁଇ ଗଟେକ୍ ପାପି ମୁନ୍‌ସୁ ।”

୯ କାଇକେବଇଲେ ତେଇ ସେମନ୍ ଏଡେକ୍ ମାର୍ ଦାରିରଇଲାଜେ, ସେଟା ଦେକି ସିମନ୍‌ର୍ ସଙ୍ଗାରିମନ୍ କାବାଅଇଗାଲାଇ । ୧୦ ଆରି ଜେବଦିର୍ ଦୁଇଟା ପ ଜାକୁବ୍ ଆରି ଜଅନ୍ ଜନ୍‌ଲକ୍‌ମନ୍ ସିମନ୍‌ର୍ ସଙ୍ଗାରି ରଇଲାଇ, ସେମନ୍ ମିଆ ସେନ୍ତାରିସେ କାବା ଅଇଗାଲାଇ । ଆରି ଜିସୁ ସିମନ୍‌କେ କଇଲା, “ତରାନାଇ, ଆଜିଅନି ତମେ ମାର୍ ନ ଦାରି, ଲକ୍ମନ୍‌କେ ମର୍ଟାନ୍‌ ଆନ୍‌ସା ।”

୧୧ ତେଇ ସେମନ୍ ସବୁ ତାକର୍ ତଙ୍ଗା କଣ୍ଡି ଆନି ଚାଡିଦେଇକରି ଜିସୁର୍ ପଟେ ପଟେ ଗାଲାଇ ।

**ଜିସୁ ଗଟେକ୍ ବଡ଼ ରଗିକେ ନିମାନ୍ କଲା
(ମାତ୍ତ ୮:୧-୪; ମାର୍କ ୧:୪୦-୪୫)**

୧୨ ତରେକ୍ ଜିସୁ ଗଟେକ୍ ନଅରେ ରଇଲାବେଲେ ଗଟେକ୍ ଗୁଲାଇ ଗାଗଡେ ବଡ଼ରଗ୍ ଅଇରଇବା ଲକ୍ ତେଇ ରଇଲା । ସେ ଡାଣ୍ଡାସନ୍ ପଡି ମୁ ବୁର୍ ଚିଆଇ ଜିସୁକେ ବାବୁଜିଆ କରି କଇଲା, “ଏ ମାପୁରୁ, ତମେ ଜଦି ମନ୍‌କଲୁସନି ବଇଲେ, ମକେ ନିକ କରିପାରୁସୁ ।”

୧୩ ତେଇ ଜିସୁ ଆର୍ ଲାମାଲ ତାକେ ଚିଇ କରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।” ଦାପରେସେ ତାର୍ ବଡ଼ ରଗ୍ ଚାଡିଗାଲା । ୧୪ ଆରି ଜିସୁ ତାକେ ଆଦେସ୍ ଦେଇ କଇଲା, “ଏ କାତା କାକେ କ ନାଇ । ମାତର୍ ପୁଜାରିର୍ ଲଗେ ଜା ଆରି ସେ ତକେ ପରିକା କରି ଦେକ । ତୁଇ, ‘ନିକ ଅଇଲିଆଟି’ ବଲି ବିନ୍ ଲକର୍ ଟାନ୍‌ ସାକିଦେବାକେ ମସାର୍ ଆଦେସ୍ ଇସାବେ ବିରୁ ଦେସ୍ ।”

୧୫ ମାତର୍ ଜିସୁର୍ କବର୍ ଗୁଲାଇ ଚାରିବେଡ଼ିରଲକ୍ ଜାନୁଲାଇ । ତାର୍ କାତା ସୁନ୍‌ବାପାଇ ଆରି ନିଜର୍ ନିଜର୍ ରଗେଅନି ନିକ ଅଉଁବଲି ଗାଦି ଲକ୍‌ମନ୍ ଟୁଲ୍‌ଅଇବାର୍ ଦାରୁଲାଇ । ୧୬ ମାତର୍ ଜିସୁ କିନରା ଜାଗାମନ୍‌କେ ଜାଇ ପାର୍ତନା କର୍ଡେରଇଲା ।

**ଜିସୁ ଗଟେକ୍ ତେରେଙ୍ଗ୍ ରଗିକେ ନିମାନ୍ କଲା
(ମାତ୍ତ ୯:୧-୮; ମାର୍କ ୨:୧-୧୨)**

* ୫:୧ ୫:୧ ମାତ୍ତ ୧୩:୧,୨; ମାର୍କ ୩:୯,୧୦,୪:୧ ☆ ୫:୫ ୫:୫ ଜଅନ୍ ୨୧:୩ ☆ ୫:୭ ୫:୭ ଜଅନ୍ ୨୧:୭

୧୭ ଦିନେକ୍ ଜିସୁ ସିକିଆ ଦେଇତେରଇଲା । ତେଇ ଗାଲିଲିର୍ ସବୁ ଗାଏଁଅିନି, ଜିଉଦା ଆରି ଜିରୁସାଲମେଅିନି ଆସିରଇବା ପାରୁସିମନ୍ ଆରି ନିଅମ୍ ସିକାଉମନ୍ ତେଇ ବସିରଇଲା । ଆରି ରଗିମନ୍‌କେ ନିକ କର୍ବାକେ ମାପରୁର୍ ବପୁ, ଜିସୁକେ ରଇଲା । ୧୮ ଆରି ଏଦେ ଦେକା ! ଗଟେକ୍ ଚେରେଙ୍ଗ୍‌ବାଡ଼ ଦାରଲା ମୁନୁସକେ, କେତେଲକ୍ କର୍ ମିସ୍ତେ ବଇଆନିକରି, ଗର୍ ବିତ୍‌ରେ ନେଇ ଜିସୁର୍ ମୁଆଟେ ସଙ୍ଗ୍‌ଉବଲି, ଚେସ୍‌ଟା କରତେରଇଲା । ୧୯ ମାତର୍ ଚିପାଟେଲାରଲାଗି, ତାକେ ବିତ୍‌ରେ ନେବାକେ ବାଟ୍ ମିଲେନାଇ । ଏଦେ ଦେକା ! ସେମନ୍ ରଗିକେ ଗର୍ ଉପ୍‌ରେ ଚଗାଇ ଚାଉନି ଉଜାଡ଼ି, କର୍ ମିସ୍ତେ ଲକ୍‌ମନ୍‌ର୍ ମଜାଇ ଜିସୁର୍ ମୁଆଟେ ଉଡ଼ରାଇଦେଲା । ୨୦ ଜିସୁ ସେମନ୍‌ର୍ ବିସ୍‌ବାସ୍ ଦେକି କଇଲା, “ଏ ବାରୁ, ତମର୍ ସବୁ ପାପ୍ କେମା ଅଇଗାଲାବେ ।”

୨୧ ସାସ୍‌ତର୍ ସିକାଇବା ଲକ୍‌ମନ୍ ଆରି ପାରୁସି ଲକ୍‌ମନ୍ ମନେ ମନେ କୁଆବଲା ଅଇ, ଏନ୍ତି କଇବାର୍ ଦାରଲା, “ଏ କେ ଜେ ପର୍‌ମେସର୍‌ର୍ ନିନ୍‌କାଲାନି ? ପର୍‌ମେସର୍‌କେ ଚାଡ଼ି ଆରି କେ ପାପ୍ କେମା କରିପାରସି ?”

୨୨ ତେଇ ସେମନ୍ ମନେ ମନେ କୁଆବଲା ଅଇବାଟା ଜାନିକରି ସେମନ୍‌କେ ଜିସୁ କଇଲା, “ତମେ କାଇକେ ସବୁଲକ୍ ନିଜର୍ ମନେ ମନେ ଏନ୍ତାରି କୁଆବଲା ଅଇଲାସ୍‌ନି ? ୨୩ କାଇଟା ଉପାସ୍ କାତା ? ତର୍ ସବୁ ପାପ୍ କେମା ଅଇଗାଲା ବଲି କଇବାଟା, କି ଉଟିକରି ଛାଣ୍ଡି ଜା ବଲି କଇବାଟା ? ୨୪ ମାତର୍ ପୁର୍‌ତବିର୍ ସବୁ ପାପ୍ କେମା କର୍ବାକେ ପର୍‌ମେସର୍‌ର୍ ଚାନେଅିନି ଅଇଲା ନର୍‌ପିଲା ମର୍ ଅଦିକାରୁଆଟେ ।” ଏଟା ତମେ ଜେନ୍ତି ଜାନିପାରାସ୍ । ଏଟାରପାଇ ଜିସୁ ଚେରେଙ୍ଗ୍‌ବାଡ଼ ଦାରଲା ରଗିକେ କଇଲା, “ମୁଇ ତକେ କଲଲିନି, ଉର୍ ନିଜର୍ ବିତ୍‌ନା ଦାରି ଗରେ ଜା ।”

୨୫ ସେପାପ୍‌ରେ ଚେରେଙ୍ଗ୍ ଦାରଲା ଲକ୍ ସବୁଲକ୍‌କର୍ ଦେକ୍‌ତେ ଉଟିକରି ଜନ୍ କଟେ ସଇରଇଲା, ସେଟା ବଇ ପର୍‌ମେସର୍‌ର୍ ମଇମା କରି କରି ତାର୍ ଗରେ ଉଟିଗାଲା । ୨୬ ତେଇ ରଇଲା ସବୁଲକ୍ କାବା ଅଇଜାଇକରି ପର୍‌ମେସର୍‌ର୍ ମଇମା କର୍ବାର୍ ଦାରଲା ଆରି ମାପରୁର୍ ଚକିଡ଼ କାମ୍ ଦେକି, “ଆଜି ଆମେ କେବେ ନ ଅଇଲାଟା ଦେକ୍‌ଲୁ !” ବଲି କଇଲା ।

ଜିସୁ ଲେବିକେ ଡାକ୍‌ଲା
(ମାତିଉ ୯:୯-୧୩; ମାର୍କ ୨:୧୩-୧୭)

୨୭ ତାପ୍‌ପଟେ ଜିସୁ ବାରଇଜାଇ ଲେବି ନାଉର୍ ଗଟେକ୍ ସିସ୍‌ତୁମାଙ୍ଗ୍, ସିସ୍‌ତୁମାଙ୍ଗ୍‌ମନ୍ ମାଙ୍‌ବାଟାଣେ ବସିରଇବାଟା ଦେକି, ତାକେ କଇଲା, “ମର୍‌ସଙ୍ଗ୍ ଆଉ ।” ୨୮ ତେଇ ଲେବି ସବୁଜାକ ଚାଡ଼ିଦେଇ ଉଟିକରି ଜିସୁର୍ ସଙ୍ଗ୍ ଜିବାର୍‌ଦାରଲା ।

୨୯ ଆରି ଲେବି ଜିସୁର୍‌ପାଇ ନିଜର୍ ଗରେ, ଗଟେକ୍ ବଡ଼ ବଜିକଲା । ତେଇ ସିସ୍‌ତୁମାଙ୍ଗ୍‌ମନ୍, ଅଦିକ୍ ଲକ୍ ଆରି ବିନ୍ ବିନ୍ ଲକ୍‌ମନ୍‌ର୍ ସଙ୍ଗ୍ ସେ କାଇବାକେ ବସଲା । ୩୦ ତେଇ ପାରୁସିମନ୍ ଆରି ତାକର୍ ଦଲ୍‌ର୍ ସାସ୍‌ତର୍ ସିକାଉମନ୍ ଜିସୁର୍ ମୁଆଟେ ତାର୍ ସିସ୍‌ମନ୍‌କେ ଦସ୍ ଦେକାଇ କଇଲା, “ତମେ କାଇକେ ସିସ୍‌ତୁମାଙ୍ଗ୍‌ମନ୍‌ର୍ ସଙ୍ଗ୍ ଆରି ପାପିମନ୍‌ର୍ ସଙ୍ଗ୍ ମିସି କିଆ ପିଆ କଲାସ୍‌ନି ?”

୩୧ ଜିସୁ ସେମନ୍‌କେ କଇଲା, “ଜାକେ ଦୁକାଦାରି ରଇସି, ସେସେ ଅସ କାଇସି, ଜାକେ ଦୁକା ଦାରେ ନାଇ ତାକେ ଅସ ଲତାନାଇ । ୩୨ ମୁଇ ଦରମ୍ ଲକ୍‌ବଲି ନିଜକେ ବାବ୍‌ବା ଲକ୍‌ମନ୍‌ର୍ ପାଇ ଆସିନାଇ, ମାତର୍ ପାପି ଲକ୍‌ମନ୍‌କେ ପାପେଅିନି ମନ୍ ବାଦ୍‌ଲାକବାକେ ଆଇଲିଆଟି ।”

ଉପାସ୍ ବିସଇନେଇ ସିକିଆ
(ମାତିଉ ୯:୧୪-୧୭; ମାର୍କ ୨:୧୮-୨୨)

୩୩ କେତେକ୍ ଲକ୍ ଜିସୁକେ ପାଚାରୁଲା, “ତୁବନ୍ ଦେଉ ଜଅନର୍ ସିସ୍‌ମନ୍ ତର୍‌କେତର୍ ଉପାସ୍ କରି ପାରତନା କର୍ବାଇ । ପାରୁସିମନ୍‌ର୍ ସିସ୍‌ମନ୍ ମିସା ସେନ୍ତାରି ସେ କର୍ବାଇ । ମାତର୍ ତମର୍ ସିସ୍‌ମନ୍ କିଆ ପିଆ କରବାଇ ।”

୩୪ ଜିସୁ ସେମନ୍‌କେ କଇଲା, “ବର୍‌ବାଟର୍ ଲକ୍‌ମନ୍‌ର୍‌ସଙ୍ଗ୍ ବର୍ ରଇଲାବେଲେ, ତମେ କାଇ ସେମନ୍‌କେ ଉପାସ୍ କରାଇପାରାସ୍ ? ନାଇ, ନାପାରାସ୍ । ୩୫ ମାତର୍ ବେଲା ଆଇସି, ଜେତେବେଲେ ତାକର୍‌ଟାଣେଅିନି ବର୍‌କେ ଡାକିଦାରିଜିବାଇ, ସେଡ଼କିବେଲେ ସେମନ୍ ଉପାସ୍ କଇବାଇ ।”

୩୬ ଜିସୁ ସେମନ୍‌କେ ଆରି ଗଟେକ୍ ଉଦାଅରନ୍ ଦେଇ କଇଲା, “କେ ମିସା ପୁର୍‌ନା ଲୁଗା ପାଟିରଇଲାଟାଣେ ନୁଆଲୁଗା ଚିରି ଚାପ ନ ଦେଅଡ଼, ଚାପ୍ ଦେଲେ ନୁଆଟା ମିସା ନସିଜାଇସି, ନୁଆ ଲୁଗା ଚାପ୍ ପୁର୍‌ନାଟାଣେ ନ ମିସେ । ୩୭ ବେସି ଦିନର୍ ପୁର୍‌ନା ଗାଗ୍‌ରିଟାଣେ କେ ମିସା ଏବେ ଉଡ଼ରାଇଲା ମନ୍

☆ ୫:୩୦ ୫:୩୦ ଲୁକ ୧୫:୧, ୨

ନ ରକ୍ଷାଦେ, ତେଜ ଜିଏ ସେ ମଦ ରକ୍ଷାକ ତାବିଦେଲେ, ଗାଗରି ପୁଟିକରି ପତାଅଇଜାଇସି । ୩୮ ତେବେ ମଦ ଉଡ଼ରାଇଲା ଦାପୁରେ ନୁଆ ଗାଗରିଟାନେ ରକ୍ଷାକ ସଙ୍ଗଇବାବୁଆତେ । ୩୯ ଆରି କେ ମିସା ପୁରନା ମଦ କାଜକରି ଏବେ ଉଡ଼ରାଇଲା ମଦ କାଜବାକେ ମନ୍ ନ କରଡ଼, କାଜକେବଇଲେ, ସେ ବାସିଟା ଆକା ନିକ ବଲି କଇସି ।”



ବିସ୍ଵରାମ୍ ବିନ୍ ବିସଇ ନେଇ ପରସନ୍
(ମାତିଉ ୧୨:୧-୮; ମାର୍କ ୨:୨୩-୨୮)

୧ ତରେକ୍ ବିସ୍ଵରାମ୍ ବାରେ ଜିସୁ ତାସ୍ ରଇଲା ପଦାବାଟେ ଜିବାବେଲେ ତାର୍ ସିସମନ୍ କେଡ଼ ଚିଡ଼ାଇ ଆତେ ରମ୍ଦି କାଜତେରଇଲା । ୨ ସେମନ୍କେ ଦେକ୍ତେରଇବା ପାରୁସି ଲକ୍ମନର୍ ବିଡ଼ରେଅନି କେତେଲକ୍ କଇଲା, “ବିସ୍ଵରାମ୍ ବାରେ ଜନ୍ମଟା କରବାର୍ ବିଦି ନଏ, ସେଟା ତମେ କାଜକେ କଲାସିନ୍ ?”

୩ ଜିସୁ ସେମନ୍କେ କଇଲା, “ଦାଉଦ୍ ଆରି ତାର୍ ସଙ୍ଗର୍ ଲକ୍ମନର୍ ବୁକେ ରଇଲାବେଲେ, ଦାଉଦ୍ କାଜଟା କରିରଇଲା, ସେଟା କାଜ ତମେ ପତାସ୍ ନାଇ କି ? ୪ ସୁନା, ଦାଉଦ୍ ପର୍ମେସରର୍ ଗରେ ପୁଟି, ପର୍ମେସର୍କେ ସର୍ପି ଅଇରଇଲା ଜନ୍ ରୁଟି, ପୁଜାରିମନ୍କେ ଚାଡ଼ି ଆରି କେ ମିସା କାଜବାର୍ ବିଦି ନ ରଇଲା, ସେଟା ନେଇକରି କାଜଲା ଆରି ତାର୍ ସଙ୍ଗର୍ ଲକ୍ମନ୍କେ ମିସା ଦେଇରଇଲା ।”

୫ ଆରି ଜିସୁ କଇଲା, “ପର୍ମେସର୍ ପାଟାଇରଇବା ନରପିଲା ମୁଇ ବିସ୍ଵରାମ୍ ବାରେ ଲକ୍ମନ କାଜଟା କରବାର୍ ଆତେ କାଜଟା କରବାର୍ ନାଇ, ସେଟା କଇବାର୍ ମର୍ ଅଦିକାର୍ ଆତେ ।”

ଆଡ଼ ସୁକିଜାଇରଇଲା ଲକ୍ ନିକ ଅଇଲା
(ମାତିଉ ୧୨:୯-୧୪; ମାର୍କ ୩:୧-୬)

୬ ଆରି ଜିସୁ ବିନ୍ ଗଟେକ୍ ବିସ୍ଵରାମ୍ବାରେ, ଜିଉଦି ଲକ୍ମନର୍ ପାର୍ତନା ଗରେ ଜାଜକରି ସିକାଜତେରଇଲା । ତେଜ ଗଟେକ୍ ଲକ୍ ରଇଲା । ତାର୍ ଉଜା ଆଡ଼ ସୁକିଜାଇରଇଲା । ୭ ଆରି ଜିସୁ ବିସ୍ଵରାମ୍ବାରେ ମିସା କେ ଜାନେ ନିକ କରସି, ଏଟା ଦେକ୍ତୁ ବଲି ପାରୁସି ଲକ୍ମନ ଆରି ସାସ୍ତର୍ ସିକାଉମନ୍ ତାକେସେ ଦେକି ଦେକି ରଇଲା, କାଜକେବଇଲେ ତାର୍ ବିରୁଦେ ଦସ୍ ଦାର୍ବାକେ । ୮ ମାତର୍ ଜିସୁ ତାକର୍ ମନେ ବାବ୍ଲାଟା ଜାନିକରି, ଜନ୍ ଲକ୍ମନ ଆଡ଼ ସୁକିଜାଇରଇଲା, ତାକେ କଇଲା, “ଉଡ଼ ଆରି ସବୁଲକ୍ ମୁଆଟେ ଟିଆ ଅ ।” ଆରି ସେଲକ୍ ଉଟି ଟିଆଅଇଲା । ୯ ତେଜ ଜିସୁ ସେମନ୍କେ କଇଲା, “ମୁଇ ତମ୍କେ ପାଟାର୍ଲିନି, ବିସ୍ଵରାମ୍ବାରେ ବିଦି ଇସାବେ କାଜଟା କରବାର୍ ? ନିକ କରବାର୍ କି କାରାପ କରବାର୍ ? ଜିଏ ବଢ଼ାଇବାର୍ କି ମରାଇବାର୍ ?” ୧୦ ଆରି ସେ ଚାରିବେଡ଼ଡ଼ି ସବୁକେ ଦେକି ସେ ଲକ୍କେ କଇଲା, “ତମର୍ ଆଡ଼ ଲାମାଆ ।” ତେଜ ସେ ସେନ୍ତ୍ରା କଲା, ଆରି ତାର୍ ଆଡ଼ ପୁରାପୁରନ୍ ନିକ ଅଇଗାଲା ।

୧୧ ମାତର୍ ପାରୁସିମନ୍ ଆରି ସାସ୍ତର୍ ସିକାଉମନ୍ ବେସି ରିସା ଅଇଗାଲା ଆରି ଜିସୁର୍ ବିରୁଦେ “କାଜଟା କରୁ ?” ବଲି ତାକର୍ ତାକର୍ ବିଡ଼ରେ ନିଆଇ କଲା ।

ଜିସୁ ବାର୍ଟା ସିସମନ୍କେ ବାଟଲା
(ମାତିଉ ୧୦:୧-୪; ମାର୍କ ୩:୧୩-୧୯)

୧୨ ସେବେଲେ ଦିନେକ୍ ଜିସୁ ପାର୍ତନା କରବାକେ ବାରଇ, ପରବତେ ଗାଲା ଆରି ଗୁଲାଇରାଡ଼ି ପର୍ମେସର୍କେ ପାର୍ତନା କରି କରି ରଇଲା । ୧୩ ସାକାଲ୍ ପାଇଲାକେ, ଜିସୁ ସିସମନ୍କେ ଲଗେ ଡାକି ସେମନ୍କେ ବିଡ଼ରେଅନି ବାର ଲକ୍କେ ବାଟଲା, ଆରି ସେମନ୍କେ ପେରିଡ଼ ବଲି ନାଉଁ ଦେଲା । ୧୪ ସେମନ୍ ରଇଲା, ସିମନ୍ ଜାକେ କି ସେ ପିତର୍ ବଲି ମିସା ନାଉଁ ଦେଲା, ଆରି ସିମନ୍କେ ବାଜ ଆଦ୍ରିୟ, ଜାକୁବ୍ ଆରି ଜଅନ୍, ପିଲପ୍ ଆରି ବାର୍ତଲମି । ୧୫ ମାତିଉ ଆରି ତମା, ଆଲ୍ପିର୍ ପ ଜାକୁବ୍ ଆରି ସିମନ୍, ଜାକେ କି କାଜ କାମ୍ କରବାକେ ମିସା ଆଗଡ଼ୁ ଅଇସି ବଲି କଇବାଇ । ୧୬ ଜାକୁବ୍ ପ ଜିଉଦା ଆରି ଇସ୍କାରିତ ଜିଉଦା, ଜେ କି ଜିସୁକେ ସଡ଼ୁମନ୍କେ ସର୍ପିଦେଇ ରଇଲା ।

ଜିସୁ ସିକିଆ ଦେଲା ଆରି ନିକ କଲା
(ମାତିଉ ୪:୨୩-୨୫)

୧୭ ଆରି ଜିସୁ ପେରିଡ଼ମନ୍ ସଙ୍ଗ ଉଡ଼ିକରି, ଗଟେକ୍ ସଦର୍ମ ରଇଲା ଜାଗାଇ ଟିଆଅଇଲା । ଆରି ତେଜ ତାର୍ ବେସି ସିସମନ୍, ଜିଉଦା ରାଜଜର୍ ବେସି ଲକ୍, ଜିରୁସାଲାମ୍ ଆରି ସମ୍ବୁର୍ ପାଲି ରଇବା

ସର ଆରି ସିଦନ୍ ସଅରେଅନି ବେସି ଲକ୍ଷ୍ମୀନନ୍ଦ ରୁଣ୍ଡିରଇଲା । ୧୮ ଲକ୍ଷ୍ମୀନନ୍ଦ ତାର୍ ବାକିଅ ସୁନ୍ଦବାକେ ଆରି ନିଜର୍ ନିଜର୍ ରଗେଅନି ନିକ ଅଇବାକେ ଆସିରଇଲା । ଜନ୍ ଲକ୍ଷ୍ମୀନନ୍ଦ ତୁମା ଦାରଇଅଇ ଦୁକ୍ କସଟ ପାଇତେରଇଲା, ସେମନ୍ଦକେ ଜିସୁ ନିକ କଲା । ୧୯ ସବୁଲକ୍ଷ୍ମୀନନ୍ଦ ଜିସୁକେ ଚିଇବାକେ ଚେସ୍ଟା କର୍ତେରଇଲା । କାଇକେବଇଲେ ତାର୍ ଗାଗ୍ତେଅନି ମାପୁରୁର୍ ବସୁ ବାରଇତେରଇଲା ଆରି ସବୁଲକ୍ଷ୍ମୀନନ୍ଦକେ ନିକ କରତେରଇଲା ।

ସୁକ୍ ଆରି ଦୁକ୍
(ମାତିଉ ୫:୧-୧୨)

୨୦ ସେବେଲେ ଜିସୁ ନିଜର୍ ସିସ୍ତାମନ୍ଦ ବାଟେ ଦେକି କଇଲା,
“ତମେ ଏବେ କାକୁରୁତି ଅଇଆରାସ୍ ତମର୍ କେତେକ୍ ନିକ କରମ୍,
କାଇକେବଇଲେ ପର୍ମେସର୍ ରାଇଜ୍ ତମର୍ଟା ।

୨୧ ତମେମନ୍ଦ ଏବେ ବୁକେ ଆରାସ୍, ତମର୍ କେତେକ୍ ନିକ କରମ୍,
କାଇକେବଇଲେ, ତମକେ ପର୍ମେସର୍ ପୁରାପୁରୁନ୍ ଦେଇସି ।

ତମେମନ୍ଦ ଏବେ କାନ୍ଦିଲାସିନି, ତମର୍ କେତେକ୍ ନିକ କରମ୍,
କାଇକେବଇଲେ ତମେମନ୍ଦ ସାର୍ଦା ଅଇକରି ଆସିସା ।”

୨୨ ଲକ୍ଷ୍ମୀନନ୍ଦ ଜେବେ ପର୍ମେସର୍ ପାଟାଇରଇବା ନରପିଲା ମର୍ ଲାଗି ତମକେ ଇନ୍ କର୍ବାଇ, ଆରି
ବେଗଲାଇ ଦେବାଇ, ନିନ୍ଦାକରି ତମର୍ ନାଉଁ ମନ୍ଦ ବଲି ଦାରବାଇ, ତମର୍ କେତେକ୍ ନିକ କରମ୍ ।

୨୩ ସେ ଦିନେ ସାର୍ଦା ଅଇ ନାଟ୍ କରସା । କାଇକେବଇଲେ ଦେବା, ସର୍ଗେ ତମର୍ ପୁରୁସକାର୍ ଅଦିକ୍
ଆରି ସେନ୍ତାରି ତା ସେମନ୍ଦର୍ ଆନିଦାଦିମନ୍, ବସିସତ୍ତବକ୍ତାମନ୍ଦକେ କର୍ତେରଇଲା ।

୨୪ ମାତର୍ ଏ ଡଣ୍ଡ ପାଉମନ୍, ତମେମନ୍ଦ ଏବେ ସାଉକାର୍ ଆରାସ୍,
କାଇକେବଇଲେ ତମେ ନିଜେ ନିଜେ ସୁକ୍ ପାଇଲାସିବେ ।

୨୫ ଏ ଡଣ୍ଡପାଉମନ୍, ଏବେ ତମେ ନିକସଙ୍ଗ୍ କାଇଲାସିନି,
କାଇକେବଇଲେ, ତମେ ବୁକେସେ ରଇସା ।

ଏ ଡଣ୍ଡପାଉମନ୍, ତମେମନ୍ଦ ଏବେ ଆସିଲାସିନି,
କାଇକେବଇଲେ ପଟେ ବୁକେ ରଇକରି କାନ୍ଦିସା ।

୨୬ “ଜେତେବେଲେ ତମକେ ଲକ୍ଷ୍ମୀନନ୍ଦ ବଲ୍ ବଲିକରି ବାବ୍ଲାଇନି, ଏ ଡଣ୍ଡପାଉମନ୍, ତାକର୍ ଆନିଦାଦି
ତା ମାପୁରୁର୍ କାତା ବୁଲ୍କାଉମନ୍ଦପାଇ ସେନ୍ତାରି କର୍ତେରଇଲା ।”

ସତ୍ତୁମନ୍ଦକେ ମିସା ଆଲାଦ୍ କର
(ମାତିଉ ୫:୩୮-୪୮:୧-୧୨)

୨୭ “ମାତର୍ ତମେମନ୍ଦ ସୁନି ଆରାସ୍ତେ ମୁଇ ତମକେ କଇଲିନି, ତମର୍ ସତ୍ତୁମନ୍ଦକେ ଆଲାଦ୍ କରା,
ଜନ୍ ଲକ୍ଷ୍ମୀନନ୍ଦ ତମକେ ଇନ୍ କର୍ବାଇ, ସେମନ୍ଦର୍ ମଙ୍ଗଲ୍ କରା । ୨୮ ଜନ୍ ଲକ୍ଷ୍ମୀନନ୍ଦ ତମକେ ସାଇସ୍
ଦେବାଇ, ସେମନ୍ଦକେ ଆସିର୍ବାଦ୍ କରା । ଜନ୍ ଲକ୍ଷ୍ମୀନନ୍ଦ ତମକେ ଇଜଡ୍ ଜିକ୍ବାଇ, ସେମନ୍ଦର୍ପାଇ
ପାର୍ତନା କରା । ୨୯ ଜେ ତମକେ ଗଟେକ୍ ଗାଲେ ଚାପଡ୍ ମାର୍ଦ୍ଦି, ତାକେ ଆରିଗଟେକ୍ ଗାଲ୍ ମିସା
ଦେକାଇଦିଆସ୍ । ଜେ ତମର୍ ତାଦର୍ ଦାରିଜାଇସି, ତାକେ ତମର୍ ପିନ୍ଦାଗା ନେବାକେ ମିସା ମନା
କରାନା । ୩୦ ଜେ ତମକେ ମାଙ୍ଗ୍ସି, ତାକେ ଦିଆସ୍ । ଆରି ଜେ ତମର୍ ଦନ୍ ସିମ୍ପତି ଉଦାର୍ ନେଇସି,
ତାର୍ଗାନେଅନି ସେଟା ଆରିତରେକ୍ ମାଙ୍ଗିନା । ୩୧ ଲକ୍ଷ୍ମୀନନ୍ଦ ତମକେ ଜେନ୍ତ୍ର କରଡ୍ ବଲି ମନ୍ଦ
କଲାସିନି, ତମେମିସା ସେମନ୍ଦର୍ଗାନେ ସେନ୍ତାରି କରା ।”

୩୨ “ଆରି ଜନ୍ ଲକ୍ଷ୍ମୀନନ୍ଦ ତମକେ ଆଲାଦ୍ କଲାଇନି, ଜଦି ସେମନ୍ଦକେସେ ତମେ ଆଲାଦ୍ କରସା
ବଇଲେ କାଇ ଆସିର୍ବାଦ୍ ପାଇସା ? କାଇକେବଇଲେ ପାପିମନ୍ଦ ମିସା ସେନ୍ତାରି କର୍ବାଇ । ୩୩ ଜଦି ଜନ୍
ଲକ୍ଷ୍ମୀନନ୍ଦ ତମର୍ ମଙ୍ଗଲ୍ କଲାଇନି, ସେମନ୍ଦକେସେ ମଙ୍ଗଲ୍ କରସା ବଇଲେ, କାଇ ଆସିର୍ବାଦ୍ ପାଇସା ?
କାଇକେବଇଲେ ପାପିମନ୍ଦ ମିସା ସେନ୍ତାରି କର୍ବାଇ । ୩୪ ଆରି ଜନ୍ ଲକ୍ଷ୍ମୀନନ୍ଦର୍ଗାନେଅନି ତମର୍
ମିଲାଇବାର୍ ଆସା ରଇସି, ଜଦି ସେମନ୍ଦକେସେ ଉଦାର୍ ଦେଇସା ବଇଲେ, ତମେ କାଇ ଆସିର୍ବାଦ୍
ପାଇସା ? ପାପିମନ୍ଦ ମିସା ସମାନ୍ ଇସାବେ ବାନ୍ଦିଲାଗା ମିଲବଲି, ରୁନ୍ଦ ଦେବାଇ । ୩୫ ମାତର୍ ତମର୍
ସତ୍ତୁମନ୍ଦକେ ଆଲାଦ୍ କରା । ଆରି ସେମନ୍ଦର୍ ମଙ୍ଗଲ୍ କରା । ରୁନ୍ଦ ବାନ୍ଦି ବଲି ଆସା ନ କର, ରୁନ୍ଦ
ଦିଆସ୍ । ସେନ୍ତାରିକଲେ ତମର୍ ପୁରୁସକାର୍ ଅଦିକ୍ ଅଇସି । ଆରି ତମେ ପର୍ମେସର୍ ପ ଅଇସା ।

☆ ୨:୨୨ ୧:୨୨ ୧ ମ ପିତର୍ ୪:୧୪ ☆ ୨:୨୩ ୨:୨୩ ପେରିର୍ ୭:୫୨ ☆ ୩:୧୧ ୬:୩୧ ମାତିଉ ୬:୧୨

କାଈକେବଇଲେ ସେ ନ ମାନୁବା ଲକ୍ଷ୍ମୀ ଆରି କରାୟ ଲକ୍ଷ୍ମୀ ମିସା ଦୟାକାରିଆ । ୩୭ ତମର୍ ସରଗର୍ ବାବା ଜେନ୍ତାରି ଦୟା କଲାନ୍ତି, ସେନ୍ତାରି ତମେ ମିସା ଦୟା କରା ।”

ବିନ୍ ଲକ୍ଷ୍ମୀନକେ ବିଚାର କରାନାଇ
(ମାତିଉ ୭:୫-୭)

୩୭ “ବିନ୍ ଲକ୍ଷ୍ମୀ ବିଚାର କରାନାଇ, ସେନ୍ତାରିକଲେ ପର୍ମେସର୍ ତମକେ ବିଚାର କର୍ସି । ଦସ୍ ନ ଦିଆସ୍, ସେନ୍ତାରିକଲେ ପର୍ମେସର୍ ତମକେ ଦସ୍ ନ ଦାରେ । କେମା କରା, ସେନ୍ତାରିକଲେ ତମକେ କେମା ମିଲ୍ସି । ୩୮ ବିନ୍ ଲକ୍ଷ୍ମୀକେ ଦାନ୍ କରା, ସେନ୍ତାରିକଲେ ପର୍ମେସର୍ ତମକେ ଦାନ୍ ଦେଇସି, ଲକ୍ଷ୍ମୀନ ମାନଗାନ୍ କାଦି ପୁରୁନ୍କରି ତାକେ ଚାପି ଜୁଲାଇ, ଉର୍ଲାଇକରି, ତମର୍ ଅଟେଇ ଦେବାଇ, କାଈକେବଇଲେ ଜନ୍ ଇସାବେ ତମେ ନାପୁସା, ସେ ଇସାବେ ସେ ତମକେ ନାପି ଦିଆଅଇସି ।” ୩୯ “ଜିସୁ ସେମାନକେ ଉଦାସିବନ୍ ଦେଇ କଇଲା, “କାଣା କାଈ କାଣାକେ ବାଟ୍ ଦେକାଇପାରେକି ? ନାଇ, ନାପାରେ । ଜଦି ସେମନ୍ ସେନ୍ତାରି କରବାଇ ବଇଲେ ଦୁଇଲକ୍ଷ୍ମୀକ କାଲେ ନ ଅଦରତ୍ କି ? ୪୦ “ଗୁରୁଟାନ୍ଦେଅନି ସିସ୍ ବଡ଼ ନାଇ । ମାତର୍ ସିସ୍ମାନ୍ ସିକିଆ ପାଇ ସାରାଇଲେ ସିଦଅଇ ଗୁରୁର୍ ସମାନ୍ ଅଇବାଇ ।”

୪୧ “ଆରି କାଈକେ ତମର୍ ବାଇର୍ ଆକିଟାନ୍ଦେ ରଇବା ସାନ୍ କାଟ୍ତା ଦେକିଲାସିନ୍ ? ମାତର୍ ତମର୍ ନିଜର୍ ଆକିଟାନ୍ଦେ ଜନ୍ ବଡ଼ କାଟ୍ତା ଆରେ, ସେଟା ବାବିଦେକାସନାଇ । ୪୨ ତମେ ନିଜର୍ ଆକିଟାନ୍ଦେ ରଇବା ବଡ଼ଟା କାଟ୍ତା ନ ଦେକିକରି, ନିଜର୍ ବାଇର୍ ଆକି ଟାନ୍ଦେ ରଇବା ସାନ୍ କାଟ୍ତା ଦେକି କେନ୍ତ୍ର କଇପାରାସ୍, ଆଉ ବାଇ ତମର୍ ଆକିଅନି କାଟ୍ତା ବାଟ୍ଟକରାଇଦେବି ? ଏ କୁଟିଆଲ୍ମାନ୍, ପର୍ତ୍ତୁମ୍ ନିଜର୍ ଆକିଅନି କାଟ୍ତା ବାଟ୍ଟକରାଇପାକା, ତାଟ୍ପଟେ ନିଜର୍ ବାଇର୍ ଆକିଟାନ୍ଦେ ରଇବା କାଟ୍ତା ସବୁ ବାଟ୍ଟକରାଇବାକେ, ନିକକରି ଦେକିପାରାସ୍ ।”

ଗର୍ ଆରି ତାଟ୍ ପଲ୍
(ମାତିଉ ୭:୧୭-୨୦; ୧୨:୩୩-୩୫)

୪୩ “ନିକ ଗଟେ କାରାୟ ପଲ୍ ନ ପଲେ, କାରାୟ ଗଟେ ନିକ ପଲ୍ ନ ପଲେ । ୪୪ *କାଈକେବଇଲେ ଗର୍ମାନ୍ଦେ ତାଟ୍ ପଲ୍ଲରାଗି ଜାନିଅଇସି । କାଟା ଗଟେଅନି ଲକ୍ଷ୍ମୀନ୍ ତୁମ୍ବି ପଲ୍ ନ ତଲ୍ତ୍, କି କାଟା ବୁଟାଅନି ଅଙ୍ଗୁର୍ ପଲ୍ ନ ତଲ୍ତ୍ । ୪୫ *ନିକ ଲକ୍ଷ୍ମୀ ନିଜର୍ ମନ୍ ବିତ୍ତର୍ ଗରବ୍ବିତ୍ତରେ ଅନି ନିକଟା ବାଟ୍ଟକରାଇସି । ଆରି କାରାୟ ଲକ୍ଷ୍ମୀନ୍ ନିଜର୍ ମନ୍ ବିତ୍ତର୍ ଗରବ୍ବଟାନ୍ଦେ ଅନି କାରାୟଟା ବାଟ୍ଟକରାଇବାଇ । କାଈକେବଇଲେ, ମନ୍ବିତ୍ତରେ ଚିନ୍ତା କରବାଟା, ଟଣ୍ଡ କାଟା କଇସି ।”

ଦୁଇଟା ରକାମର୍ ଗର୍ବାନ୍ଦବା ଲକ୍ଷ୍ମୀ
(ମାତିଉ ୭:୨୪-୨୭)

୪୬ “ଆରି ତମେ କାଈକେ ମକେ ଏ ମାପୁରୁ ଏ ମାପୁରୁ, ବଲି ତାକିକରି ମର୍ ଆଦେସ୍ ମାନାସ୍ ନାଇ ? ୪୭ ଜେ ମିସା ମର୍ଲଗେ ଆସି, ମର୍ କାଟା ସୁନି, ସେଟା ସବୁ ମାନ୍ସି, ସେ କାଟ୍ ସମାନ୍ ରଇସି, ସେଟା ମୁଇ ତମକେ ଦେକାଇବି । ୪୮ ସେ ଏନ୍ତାରି ଗଟେକ ଗର୍ ଉଟାଇବା ଲକ୍ଷ୍ମୀପାରା । ଜେ ଗଇର୍ କରି କୁନି, କୁନାଦି ପାକ୍ନା ଉପ୍ରେ ବସାଇଲା । ବନିଆ ପାନି ଆସି ସେଟା ଉଲ୍ଲକା ମାଟ୍ଟା ମିସା ସେଟା ବସଲାଇ ନାପାଟ୍ଟା । କାଈକେବଇଲେ ସେଟା ନିମାନ୍ଦକରି ଉଟାଇରଇଲା । ୪୯ ମାତର୍ ଜନ୍ ଲକ୍ଷ୍ମୀନ୍ ମର୍କାଟା ସୁନିକରି ମିସା ସେ ଇସାବେ ଚଲାଟଲ୍ଟି ନ କରତ୍, ସେ କୁନାଦି ନ କରି, ବାଲି ଉପ୍ରେ ଗର୍କଲା ଲକ୍ଷ୍ମୀପାରା । ଜବର୍ ଅଇତେ ଉଦ୍‌କାମାଟ୍ଟା ଦାପ୍ରେ ସେ ଗର୍ ବସିଗାଲା ଆରି ସେଟା ଅପର୍ବଲ୍ ବିନାସ୍ ଅଇଲା ।”



ଜିସୁ ଗଟେକ୍ ରମିୟ ଲକ୍ଷ୍ମୀ ଗତି ଦାଙ୍ଗାକେ ନିକ କଲା
(ମାତିଉ ୮:୫-୧୩)

୧ ଜିସୁ ଲକ୍ଷ୍ମୀନକେ ସବୁ କାଟା କଇ ସାରାଇକରି କପର୍ନାଉମ୍ ସଥରେ କେଟ୍ଲା । ୨ ସେବେଲେ ସଏଟା ସନିଅମାନ୍ ମୁକିଆର୍ ଗଟେକ୍ ଗତିଦାଙ୍ଗା, ଜର୍ ଅଇକରି ମଲାପାରା ଅଇଜାଇରଇଲା । ସେ ତାକେ ନିଜର୍ଲକ୍ଷ୍ମୀ ପାରା ଆଲାଦ୍ କର୍ତ୍ତେରଇଲା । ୩ ସେ ଜିସୁର୍ ବିସଇର୍ କବର୍ ସୁନି, ଜିସୁ ଜେନ୍ତ୍ରକି ଆସି ତାଟ୍ ଗତିଦାଙ୍ଗାଟା ଜିବନ୍ ରକିଆ କର୍ସି ବଲି ବାଟ୍ଲା । ସେଟାଟ୍ପାଇ ଜିସୁର୍ ଲଗେ କେତେଟା

* ୭:୩୯ ୭:୩୯ ମାତିଉ ୧୫:୧୪ * ୭:୪୦ ୭:୪୦ ମାତିଉ ୧୦:୨୪,୨୫; ଜଅନ୍ ୧୩:୧୭; ୧୫:୨୦ * ୭:୪୪ ୭:୪୪ ମାତିଉ ୧୨:୩୩
* ୭:୪୫ ୭:୪୫ ମାତିଉ ୧୨:୩୪

ଜିଉଦି ପାର୍ତ୍ତିନିମନ୍ତକେ ପାଟାଲ ତାକେ ବାବୁଜିଆ କଲାଲ । ୪ ପାର୍ତ୍ତିନିମନ୍ତ ଜିସୁରଲଗେ କେଟିକରି ତାକେ କୁଆର୍ ବିଆର୍ କରି କଇବାର୍ ଦାର୍ଲାଲ, “ତାର୍ପାଲ ତମେ ଏନ୍ତାରି କରିରଇଲେ, ନିକରଇସି । ୫ କାଲକେବଇଲେ ସେ ଆମର୍ ଲକ୍ମନକେ ଆଲାଦ୍ କର୍ସି ଆରି ନିଜେ ସେ ଆମର୍ ସବୁଲକର୍ ପାଲ ପାର୍ତ୍ତିନାଗର୍ ତିଆର୍କରି ଦେଇଆଟେ ।”

୬ ତେଇ ଜିସୁ ତାକର୍ ସଙ୍ଗ୍ ଗାଲା । ସେ ଗରେ କେଟ୍‌ବାକେ କଣ୍ଢେକ ଦୁର୍ ରଇଲାକେ, ସଏଟା ସନିଅମନର୍ ମୁକିଆ ଲକ୍ମନକେ ପାଟାଲ ତାକେ କଇଲା, “ମାପରୁ, କସ୍‌ଟ ଉଆନାଲ, କାଲକେବଇଲେ ତମେ ଜେ ମର୍ ଗରେ ପାଦ୍ ପାକାଇସା, ମର୍ ଏନ୍ତାରି ବାଗିଅ ନାଲ । ୭ ଏଟାର୍‌ପାଲ ମୁଇ ତମର୍‌ଟାନ୍ଦେ ଆଇବାକେ ମନ୍ କରିନାଲ । ମାତର୍ ଗଟେକ୍ ପଦ୍ ଆଦେସ୍ କରା, ମର୍ ଗତିଦାଙ୍ଗ୍‌ତା ନିକ ଅଇଜାଇସି । ୮ ମୁଇ ଗଟେକ୍ ଲକ୍ମର୍ ତଲେ କାମ୍ କର୍ତେରଇଲେ ମିସା ମର୍ ତଲେ ସନିଅମନ୍ ଆଟଡ୍ । ଆରି ମୁଇ ଗଟେକ୍ ଲକ୍ମକେ ଜା ବଲି କଇଲେ, ସେ ଜାଇସି । ବିନ୍ ଲକ୍ମକେ ଆଉ ବଇଲେ ସେ ଆଇସି । ମର୍ ଗତିଦାଙ୍ଗ୍‌ତାକେ ଏଟା କର୍ ବଇଲେ, ସେ ସେଟା କର୍ସି ।”

୯ ଜିସୁ ତାର୍ ଏ ସବୁ ବିସଇ ସୁନି କାବା ଅଇଗାଲା, ଆରି ବୁଲିକରି ତାର୍ ପଟେ ଆଇତେରଇବା ଲକ୍ମନକେ କଇଲା, “ମୁଇ ତମକେ କଇଲିନି, ଇସରାଏଲ୍ ବିତ୍‌ରେ ମିସା ଏତେକ୍ ବଡ୍ ବିସବାସି ନ ମିଲଡ୍ ।”

୧୦ ଆରି ଜିସୁକେ ତାକ୍‌ବାକେ ଜାଇରଇଲା ଲକ୍ମନ ଗରେ ବାଉଡି ଆସି ଗତିଦାଙ୍ଗ୍‌ତା ନିକ ଅଇରଇବାଟା ଦେକ୍‌ଲାଲ ।

ଜିସୁ ଗଟେକ୍ ରାଣ୍ଡିମାଲଜିର୍ ମରିଜାଇରଇଲା ଦାଙ୍ଗ୍‌ତା ପିଲାକେ ଉଟାଇଲା

୧୧ ତେଇଅନି ଜିସୁ ନାଇନ୍ ନାଉର୍ ନଅରେ ଗାଲା । ତାର୍‌ସଙ୍ଗ୍ ସିସମନ୍ ଆରି ଲକ୍ମନ ବେସି ଜାଇତେରଇଲାଲ ।

୧୨ ସେ ନଅରର୍ ଦୁଆରଲଗେ କେଟୁ କେଟୁ, ଏଦେ ଦେକା ! ଲକ୍ମନ ଗଟେକ୍ ମଲା ଲକ୍ମକେ ବଇଆନ୍‌ତେ ରଇଲାଲ । ସେ ନିଜର୍ ମାଆର୍ ଗଟେକ୍ ସେ ପିଲା, ଆରି ସେ ମାଲଜି ରାଣ୍ଡିଟା । ନଅରର୍ ବେସିଲକ୍ମନ ତାର୍ ସଙ୍ଗ୍ ରଇଲାଲ । ୧୩ ସେ ରାଣ୍ଡି ମାଲଜିକେ ଦେକି ଜିସୁ ଦୁକ୍‌କିଆ ଆରି ତାକେ କଇଲା, “ଏ ମାଆ କାନ୍‌ନାଲ ।” ୧୪ ଆରି, ଜିସୁ ଜାଇକରି ଡାଣ୍ଡିଆ ତିଇଲାକେ ବଇ ଆନ୍‌ତେରଇବା ଲକ୍ମନ ଚିଆଅଇଲାଲ । ଆରି ସେ କଇଲା, “ମୁଇ ତକେ କଇଲିନି, ନୁନା ଉର୍ !” ୧୫ ତେଇ ସେ ଦାଙ୍ଗ୍‌ତା ଉଟିବସଲା ଆରି କାତା କଇବାର୍ ଦାର୍ଲାଲ । ଆରି ଜିସୁ ସେ ଦାଙ୍ଗ୍‌ତାକେ ତାର୍ ମାକେ ସର୍‌ପିଦେଲା ।

୧୬ ତେଇ ସବୁଲକ୍ ଡରିଗାଲାଲ, ଆରି ପର୍‌ମେସରର୍ ମଇମା କରି କରି କଇଲାଲ “ଆମର୍ ବିତ୍‌ରେ ଗଟେକ୍ ମଆନ୍ ବବିସଡ୍‌ବକ୍‌ତା ଆଇଲାଆଟେ, ଆରି ପର୍‌ମେସର୍ ନିଜର୍ ଲକ୍ମନକେ ଉଦାର୍ କର୍‌ବାକେ ଆସିଆଟେ ।”

୧୭ ଜିସୁର୍ ଏ ବିସଇର୍ କାତା ଗୁଲାଲ ଜିଉଦା ଦେସେ ଆରି ଚାରିବାଟର୍ ଗାଉଁଗଣ୍ଡାର୍ ଲକ୍ମନ ଜାନ୍‌ଲାଲ ।

ତୁବନ୍ ଦେଉ ଜଅନର୍ ଦୁଇଟା ସିସ୍ (ମାଡିଉ ୧୧:୨-୧୯)

୧୮ ପଟେ ତୁବନ୍ ଦେଉ ଜଅନର୍ ସିସମନ୍ ଏ ସବୁ କାତା ଜଅନକେ ଜାନାଇଲାଲ । ୧୯ ତେଇ ଜଅନ୍ ନିଜର୍ ସିସମନର୍ ବିତ୍‌ରେଅନି ଦୁଇଲକ୍‌କେ ତାକି ମାପରୁର୍ ଲଗେ ଏନ୍ତାରି କଇ ପାଟାଇଲା, “ଜେ ଆଇବାର୍ ରଇଲା, ସେ ଲକ୍ ତମେସେ କି ? କି କାଲ ବିନ୍ ଲକ୍‌କେ ଆମେ ଜାଗବୁ ?”

୨୦ ସେ ଲକ୍ମନ ଜିସୁରଲଗେ କେଟିକରି କଇଲାଲ, “ତୁବନ୍ ଦେଉ ଜଅନ୍ ଆମକେ ଏନ୍ତାରି କଇ ତମର୍‌ଲଗେ ପାଟାଇଆଟେ, ଜେ ଆଇବାର୍ ରଇଲା, ସେ ଲକ୍ ତମେ କି ? କି କାଲ ଆମେ ଆରି ବିନ୍ ଲକ୍‌କେ ଜାଗବୁ ?”

୨୧ ସେବେଲେ ଜିସୁ ଜର୍ ଦୁକା, ଆରି ତୁମା ଦାର୍ଲାଲ ଲକ୍ମନକେ ନିକ କଲା । ଆରି କେତେଟା କାଣାମନକେ ମିସା ଆକି ତିସାଇଲା ।

୨୨ ଜିସୁ ଜଅନର୍ ସିସମନକେ କଇଲା, “ତମେମନ୍ ଜନ୍ ଜନ୍‌ଟା ଦେକ୍‌ଲାସ୍ ଆରି ସୁନ୍‌ଲାସ୍, ସେଟା ସବୁ ଜାଇ ଜଅନକେ ଜାନାଆ, କାଣା ଲକ୍ମନ ଦେକିପାର୍‌ଲାଇନି, ଚଟାମନ୍ ଇଣ୍ଡିବୁଲ୍‌ଲାଇନି, ବଡ୍ ରଗିମନ୍ ନିକ ଅଇଲାଇନି, ବଇରା ଲକ୍ମନ ସୁନ୍‌ଲାଇନି, ମଲାଲକ୍‌ମନ୍ ଜିବନ୍‌ଅଇ ଉର୍‌ଲାଇନି, ଆରି ଦୁକର୍ ଲକ୍ମନକେ ମାପରୁର୍ ବାକିଅ ସୁନାଇଅଇଲାଲ । ୨୩ ଜନ୍‌ଲକ୍ ମକେ ‘କିରିସଡ୍ ସେ କି ନର୍’ ? ବଲି ନ ବାବିକରି ବିସବାସ୍ କର୍ସି, ତାର୍ କେତେକ୍ ନିକ କରମ୍ ।”

୨୪ ଜଅନର୍ ସିସ୍ତାନ୍ ବାଉଡ଼ିଗାଲାପତେ ଜିସୁ ଲକ୍ଷ୍ମୀନକେ ଜଅନର୍ ବିସଇ କଇବାବଦ୍ଦାରଲା, “କାଜଗା ଦେକ୍‌ବାକେ ତମେ ମରୁବାଲି ବୁର୍ବୁ ବାରଇ ଜାଇରଇଲାସ୍ ? କାଜ ପବନେ ଜୁଲ୍‌ତେରଇବା ବାଉଁସ୍ ନାଲା ? ୨୫ ସେଟା ନଇଲେ ତମେ କାଜଗା ଦେକ୍‌ବାକେ ବାରଇଜାଇ ରଇଲାସ୍ ? କାଜ ଜବର୍ ଡାବୁଦେଇ ବସ୍ତତର୍ ଗେନି ପିନ୍‌ରଇବା ଗଟେକ୍ ଲକ୍ଷ୍ମୀକେ ଦେକ୍‌ବାକେ ? ଦେକା, ଜନ୍ ଲକ୍ଷ୍ମୀନ୍ ଜେ କି ସୁନ୍ଦର୍ ବସ୍ତତର୍ ପିନ୍‌କରି, ସୁକର୍ ସଙ୍ଗ୍ ଦିନ୍ ବିତାଇବାଇ, ସେମନ୍ ତା ରାଜାନ୍ ନଅରେ ରଇବାଇ । ୨୬ ସେନ୍ତାନ୍ ନଇଲେ କାଜକେ ବାରଇ ଜାଇରଇଲାସ୍ ? କାଜ ଗଟେକ୍ ବବିସ୍ତବକ୍‌ତାକେ ଦେକ୍‌ବାକେ ? ମୁଇ ତମକେ ସତ୍ କଇଲିନି, ଜଅନ୍ ବବିସ୍ତବକ୍‌ତାମନର୍ ତେଇଅନି ମିସା ଅଦିକାର୍ ରଇବା ଲକ୍ଷ୍ମୀ ।” ୨୭ ଜାବ୍ ବିସଇ ନେଇକରି ଦମର୍ ସାସ୍ତରେ ଲେକାଆତେ । ପର୍ମେସର୍ କଇଲା, “ଆମେ ନିଜର୍ ଦୁଡ୍‌କେ ତମର୍ ଆଗେ ପାଟାଇଲୁନି, ସେ ତମର୍ ମୁଆଟେ ତମର୍‌ପାଇ ବାଟ୍ ତିଆର୍ କରସି, ଏ ସେ ଲକ୍ଷ୍ମୀ ।” ୨୮ ମୁଇ ତମକେ ସତ୍ କଇଲିନି, ମାଇଜିମନର୍ ଟାନେଅନି ଜାଡ୍ କରିରଇବା ସବୁର୍ ବିତ୍ତରେ, ଜଅନର୍ ଟାନେଅନି ଆରି ମୁଇଅ କେ ମିସା ନାଇ, ଏଲେମିସା ପର୍ମେସରର୍ ରାଇଜେ ଜେ ସାନ୍, ସେ ଜଅନର୍ ଟାନେଅନି ବଡ୍ ।”

୨୯ *ଜନ୍‌ଲକ୍ଷ୍ମୀନ୍ ଏ ସବୁ କାତା ସୁନ୍‌ତେରଇଲାଇ, ସେମନ୍, ଜେନ୍ତାରିକି ସିସ୍ତାମାଙ୍ଗ୍‌ମନ୍ ମିସା ପର୍ମେସରର୍ ଦାବିକଲାଟା ମାନି ଜଅନର୍ ଟାନେ ଦୁବନ୍ ନେଇରଇଲାଇ । ୩୦ ମାତର୍ ପାରୁସିମନ୍ ଆରି ନିଅମ୍ ସିକାଉମନ୍ ତାକର୍ ଜିବନର୍‌ପାଇ ପର୍ମେସର୍ କରିରଇବା ଜଜ୍‌ନା ମାନଡ୍‌ନାଇ, ଆରି ଜଅନର୍‌ଟାନେ ଦୁବନ୍ ନେଅଡ୍‌ନାଇ । ୩୧ ଜିସୁ ଆରିତରେକ୍ କଇଲା, ଏବର୍ ଲକ୍ଷ୍ମୀନକେ ମୁଇ କାର୍ ସଙ୍ଗ୍ ସମାନ୍ କରବି ? ଆରି ସେମନ୍ କାର୍ ପାରା ? ୩୨ ଜନ୍ ପିଲାମନ୍ ଡାଣ୍ଡେବାଟେ ବସି ସେମନ୍ ସେମନ୍ ତାକାତାକିଅଇ କୁଆକୁଇ ଅଇବାଇ, “ ଅଇରେ, ଆମେ ତମର୍‌ଲଗେ ବାଉଁସ୍ ପୁକ୍‌ଲୁ, ତମେ ନାଟ୍ କରାସ୍‌ନାଇ, ଦୁକର୍ ଗିଡ୍ ଗାଇଲୁ, ତମେ କାନ୍ଦାସ୍‌ନାଇ, ସେମନ୍ ତାକର୍‌ପାରା । ୩୩ କାଜକେବଇଲେ, ଦୁବନ୍ ଦେଉ ଜଅନ୍ ଆସି ଉପାସେ ରଇ, ଆମର୍ ଅଇଲା ପଲ୍‌ରସ୍ ମିସା କାଏନାଇ, ଆରି ତମେ ତାକେ କଇଲାସିନି ତୁମା ଦାରିଆତେ ବଲି । ୩୪ ପର୍ମେସର୍ ପାଟାଇରଇବା ନର୍‌ପିଲା ମୁଇ ଆସି କିଆପିଆ କଲିନି, ଆରି ତମେମନ୍ କଇଲାସିନି, ଦେକା ଅ ! ଏ ଗଟେକ୍ କାଉରାଟା ଆରି ମଡୁଆଟା, ସିସ୍ତାମାଙ୍ଗ୍‌ମନର୍ ଆରି ପାପିମନର୍ ମଇତର୍ । ୩୫ ମାତର୍ ଜନ୍‌ଲକ୍ଷ୍ମୀନ୍ ପର୍ମେସରର୍ ଗିଆନ୍ ମାନ୍‌ବାଇ, ସେମନର୍‌ଟାନେ ମାପୁରୁ ସତ୍ ଇସାବେ ଡିସି ।”

ପାରୁସି ସିମନର୍ ଗରେ ଜିସୁ

୩୬ ଆରି ପାରୁସିମନର୍ ବିତ୍ତରେଅନି ଗଟେକ୍ ଲକ୍ଷ୍ମୀ ଜିସୁକେ କାଜବାକେ ତାକଲା । ତେଇ ଜିସୁ ପାରୁସିର୍ ଗରେ ଜାଇକରି କାଜବାକେ ବସ୍ତଲା । ୩୭ *ଆରି ଦେକା, ସେ ନଅରେ ଗଟେକ୍ ପାପି ମାଇଜି ରଇଲା । ଜିସୁ ପାରୁସିର୍ ଗରେ କାଜବାକେ ବସିଆତେ ବଲି ଜାନିକରି, ସେ ଗଟେକ୍ କଣ୍ଡିତେଇ ବାସ୍‌ନା ଚିକନ୍ ଆନ୍‌ଲା । ୩୮ ପର୍‌ବାଟେ ଜିସୁର୍ ପାଦ୍‌ଲଗେ ଚିଆଅଇ ଆସୁ ଜରାଇ ଜରାଇ ତାର୍ ଆସୁ ପାନି ସଙ୍ଗ୍ ଜିସୁର୍ ପାଦ୍ ବିଜାଇକରି ତାର୍ ଚେଣ୍ଡିସଙ୍ଗ୍ ସେଟା ପୁଟ୍‌ବାର୍ ଦାର୍‌ଲା । ଆରି ତାର୍ ପାଦେ ତୁମି ତୁମି କରି ସେ ଚିକନ୍ ଲାଗାଇବାର୍ ଦାର୍‌ଲା । ୩୯ ସେଟା ଦେକିକରି ଜନ୍ ପାରୁସି ତାକେ ତାକିରଇଲା, ସେ ମନେ ମନେ ବାବ୍‌ଲା, “ଜଦି ଏ ଲକ୍ଷ୍ମୀ ବବିସ୍ତବକ୍‌ତା ଅଇରଇତା ବଇଲେ, ଆକେ ଜେ ଚିଇଲାନି, ସେ କେ ଆରି ସେଟା କେନ୍ତାନ୍ ମାଇଜି, ବଲି ଜାନ୍‌ତା । କାଜକେବଇଲେ ସେ ଗଟେକ୍ ପାପି ମାଇଜି ।”

୪୦ ଜିସୁ ତାକେ କଇଲା, “ସିମନ୍ ତକେ ମୁଇ ଅଲପ୍ କଇବାର୍ ଆତେ ।” ସେ କଇଲା, “ଗୁରୁ କୁଆ ତେବେ ।”

୪୧ *ଗଟେକ୍ ସାଉକାର୍ ରୁନ୍ ନେଇରଇବା ଦୁଇଲକ୍ ରଇଲାଇ, ଗଟେକ୍‌ଲକ୍ ପାଁର୍‌ସ ରୁପାଟାଙ୍ଗା ଆରି ଗଟେକ୍‌ଲକ୍ ପଟାସ୍ ରୁପାଟାଙ୍ଗା ରୁନ୍ କରିରଇଲାଇ । ୪୨ ରୁନ୍ ବାନ୍‌ବାକେ ସେମନ୍‌କେ କାଜଗା ନ ରଇଲାଜେ, ସାଉକାର୍ ଦୁଇଲକ୍‌କର୍ ଜାକ ରୁନ୍ ଚାଡିଦେଲା । ତେବେ ସେମନର୍ ବିତ୍ତରେ କେ ତାକେ ବେସି ଆଲାଦ୍ କରସି ?”

୪୩ ସିମନ୍ କଇଲା, “ମୁଇ ବାବ୍‌ଲିନି, ସାଉକାର୍ ଜାକେ ଅଦିକ୍ ରୁନ୍ ଚାଡିଦେଲା, ସେ ।” ଜିସୁ ତାକେ କଇଲା, “ତମେ ଚିକ୍ ବିଚାର୍ କଲାସ୍ ।” ୪୪ ଆରି ଜିସୁ ସେ ମାଇଜିର୍‌ବାଟେ ମୁ ବୁଲାଇକରି ସିମନ୍‌କେ କଇଲା, “ଏ ମାଇଜିକେ ଦେକ୍‌ଲୁସିନି ? ମୁଇ ତମର୍ ଗରେ ଆଇଲି, ମକେ ଗଡ୍ ଦଇବାକେ ପାନି ଦିଆସ୍‌ନାଇ, ମାତର୍ ଏ ତାର୍ ଆସୁପାନି ସଙ୍ଗ୍ ମର୍ ପାଦ୍ ବିଜାଇ ତାର୍ ଚେଣ୍ଡିସଙ୍ଗ୍ ସେଟା ପୁଟିଦେଲା । ୪୫ ତମେ ମକେ ତୁମାସ୍‌ନାଇ, ମାତର୍ ମୁଇ ବିତ୍ତରେ ଆଇଲା ବେଲେଅନି ଏ ମର୍ ପାଦେ ତୁମି ତୁମି,

* ୭:୨୯ ୭:୨୯ ମାଟିଉ ୨୧:୩୨; ଲୁକ ୩:୧୨ * ୭:୩୭ ୭:୩୭ ମାଟିଉ ୨୨:୭; ମାର୍କ ୧୪:୩; ଜଅନ୍ ୧୨:୭

ତାକେନାଇ । ୪୭ ତମେ ମନେ ସନ୍ମାନର ସଙ୍ଗେ ମୁଣ୍ଡେ ଚିକନ୍ ଲାଗାଆସନାଇ, ମାତର ଏ ମର ପାଦେ ବାସନା ଚିକନ୍ ଲାଗାଇଲା । ୪୭ ତେବର୍ପାଇ ମୁଇ ତକେ କଇଲିନି, ଏ ମାଇଜିର୍ କେତେ କେତେ ପାପ କେମାଅଇଲାଆଚେ, କାଇକେବଇଲେ ସେ ବେସି ଆଲାଦ କଲା, ମାତର ଜାକେ ଅଲପ୍ କେମା ଦିଆଅଇସି, ସେ ଅଲପ୍ ଆଲାଦ କରସି ।”

୪୮ ଆରି ଜିସୁ ସେ ମାଇଜିକେ କଇଲା, “ତର ସବୁ ପାପ୍ କେମା ଅଇଲା ଆଚେ ।”

୪୯ ତେଇ ଜିସୁରସଙ୍ଗ କାଇବାକେ ବସିରଇବା ଲକ୍ମାନ ମନେ ମନେ କଇବାର୍ ଦାରୁଲାଇ, “ପାପ୍ ମିସା କେମାକଲାନିଜେ, ଏ କେ ?”
୫୦ ମାତର ଜିସୁ ସେ ମାଇଜିକେ କଇଲା, “ତୁଇ ମନେ ବିସ୍ବାସ କଲାବ୍ପାଇ ବଲି ରକିଆ ପାଇଆରୁସ୍, ସାନ୍ତିସଙ୍ଗ ଉଚିଜା ।”



ସିସମନର ସଙ୍ଗ ଜିସୁ

୧ ତେଇଅନି ଚନେକ୍ ଗାଲାପଚେ, ଜିସୁ ନଅରେ ନଅରେ ଆରି ଗାଏଁ ଗାଏଁ ପର୍ମେସରର୍ ରାଇଜର୍ ସୁବକବର୍ କଇ ବୁଲ୍‌ବାର୍ ଦାରୁଲା, ଆରି ବାରଟା ସିସମନ ତାର୍ ସଙ୍ଗେ ରଇଲାଇ । ୨* ଜନ୍ ମାଇଜିମନ୍ ତୁମାଦାରୁଲା ଚାନେଅନି ଆରି ଜର୍ଦ୍ଦୁକା ଚାନେଅନି ନିକ ଅଇରଇଲାଇ, ସେମନ୍ ମିସା ତାର୍ ସଙ୍ଗେ ରଇଲାଇ । ମାଇଜିମନ୍ ବିତ୍ରେ ଅନି ମରିୟମ୍ ଜାକେ କି ମଗଦଲିନି ମରିୟମ୍ ବଲି କଇବାଇ । ଜାର୍ଟାନେଅନି ସାଡ଼ଟା ତୁମା ବାରଇ ଜାଇରଇଲାଇ । ୩ ଏରଦ୍ ରାଜାର୍ ଗୁମସ୍ତା କୁଜାର୍ ମାଇଜି ଜାଆନା, ସସନା, ଆରି କେତେକ୍ କେତେକ୍ ମାଇଜିମନ୍, ଜିସୁର ସଙ୍ଗେ ରଇ ନିଜର୍ ନିଜର୍ ଦନ୍ ସାରାଇ ତାକେ ସେବା କରତେରଇଲାଇ ।

**ବିଅନ୍ ବୁନ୍‌ବା ଚାସିର୍ କାତା
(ମାତିଉ ୧୩:୧-୯; ମାର୍କ ୪:୧-୯)**

୪ ଜେତେବେଲେ ଲକ୍ମାନ ଗଟେକ୍ ଜାଗାଇ ଚୁଲୁଅଇଲାଇ, ଆରି ନଅରେ ନଅରେ ଅନି ତାରୁଲଗେ ଆଇଲାଇଜେ ଜିସୁ ଏନ୍ତି ଉଦାଅରନ୍ ଦେଇ କଇଲା, ୫ “ଗଟେକ୍ ଚାସି ତାର୍ ବିଅନ୍ ବୁନ୍‌ବାକେ ବାରଇଲା । ସେ ବୁନ୍ ବୁନ୍ କେତେଟା ବିଅନ୍ ବାଟେ ଅଦରୁଲା । ଲକ୍ମନ୍ ସେଟା ମାଣ୍ଡୁଣ୍ଡୁ କରିଦେଲାଇ ଆରି ଚତଇମନ୍ ଆସି କାଇଦେଲାଇ । ୬ କେତେଟା ପାକ୍ନା ବାଡି ରଇଲା ବୁଏଁ ଅଦରୁଲା, ସେଟା ଆଁକ୍ରି ଗାଜା ଅଇଲା, ମାତର ମାଡି ନ ବିଜିରଇଲାଜେ ସୁକିଗାଲା । ୭ କେତେଟା କାଟାବୁଟାମନର୍ ମଜାଇ ଅଦରୁଲା । କାଟାବୁଟାମନ୍ ଦାପ୍ରେ ବଡିକରି ଆଁକ୍ରିଲାଟାମନ୍‌କେ ଚାପିଦେଲା । ୮ ଆରି ବାକି କେତେଟା ନିକ ଜିମିଟାନେ ଅଦରୁଲା ଆରି ସଏ ଗୁନ୍ ପଲ୍ ପଲ୍ଲା ।” ଏଟା କଇସାରାଇ ଜିସୁ ଆଉଲିଅଇକରି କଇଲା, “ଜାକେ ସୁନ୍‌ଲାପାରା କାନ୍ ଆଚେ, ସେ ସୁନ୍ ।”

**ଉଦାଅରନର୍ ଅରଡ୍
(ମାତିଉ ୧୩:୧୦-୧୭; ମାର୍କ ୪:୧୦-୧୨)**

୯ ତାର୍ ସିସମନ୍ ଏ ଉଦାଅରନ୍ ଦେଇରଇବାଟା କାଇଟା ଅଇରଇସି ବଲି ତାକେ ପାଚାର୍‌ବାର୍ ଦାରୁଲାଇ । ୧୦ ତେଇ ଜିସୁ ସେମନ୍‌କେ କଇଲା, “ପର୍ମେସରର୍ ରାଇଜର୍ ଚିକିନିକି ବିସଇ ଜାନଡ୍ ବଲି ତମକେ ଗିଆନ୍ ଦିଆଅଇଲାଆଚେ, ମାତର ବିନ୍‌ଲକ୍ମାନକେ ଉଦାଅରନ୍ ଦେଇ କଇଅଇସି, ଜେନ୍ତାରିକି ସେମନ୍ ଦେକି ଦେକି ନ ଦେକଡ୍ କି ସୁନି ସୁନି ମିସା ନ ବୁଜଡ୍ ।”

**ବିଅନ୍ ବୁନ୍‌ବାଟାର୍ ଅରଡ୍
(ମାତିଉ ୧୩:୧୮-୨୩; ମାର୍କ ୪:୧୩-୨୦)**

୧୧ “ଉଦାଅରନର୍ କାତା ଏନ୍ତାରି, ବିଅନ୍ ଅଇଲାନି ପର୍ମେସରର୍ ବାକିଅ । ୧୨ ବାଟୁଲଗେ ଅଦରୁଲା ବିଅନ୍, ଏନ୍ତାରି ଲକ୍ମାନର୍‌ପାରା, ଜେମନ୍ ବାକିଅ ସୁନ୍‌ବାଇ । ତାରୁପଚେ ସଇତାନ୍ ଆସି, ଜେନ୍ତାରିକି ସେମନ୍ ବିସ୍ବାସ୍ କରି ରକିଆ ନ ପାଅଡ୍, ସେ ଲକ୍ମାନର୍ ମନ୍‌ବିତ୍ରେଅନି ବାକିଅ ଜିକିନେଇସି । ୧୩ ପାକ୍ନାବାଡି ବୁଏଁ ଅଦରୁଲା ବିଅନ୍ ଏନ୍ତାରି ଲକ୍ମାନକେ ବୁଜାଇସି । ସେମନ୍ ବାକିଅ ସୁନି ସାର୍‌ଦାସଙ୍ଗ ମାନ୍‌ବାଇ, ମାତର ସେମନ୍‌କେ ଚେର୍ ନ ରଇଲାବ୍ପାଇ ବଲି ଚନେକ୍ ବିସ୍ବାସ୍ କରୁବାଇ ଆରି କାଇଆଲେ ପରିକା ବେଲାଇ ବିସ୍ବାସ୍ ଚାଡିଦେବାଇ । ୧୪ ଆରି କାଟାବୁଟାମନର୍ ମଜାଇ ଅଦରୁଲା ବିଅନ୍ ଏନ୍ତାରି ଲକ୍ମାନକେ ବୁଜାଇସି । ଜନ୍‌ଲକ୍ମାନ ବାକିଅ ସୁନ୍‌ବାଇ, ମାତର ଜଗତର୍ ଚିନ୍ତା, ଦନ୍ ସଁପଡିର୍ ଚିନ୍ତା

* ୮:୨ ୮:୨ ମାତିଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ୍ ୨୩:୪୯

କରି କରି ଚାପିଅଛନ୍ତିବା । ତେଜ ନିକ ଦାନ ନ ଅଏ । ୧୫ ଆରି ନିମାନ ବୁର୍ବୁ ଅଦରୁଲା, ବିଅନ୍ ଏନ୍ତାରି ଲକ୍‌ମନକେ ବୁଜାଇସି । ଜନ୍ ଲକ୍‌ମନ୍ କି ନିମାନ ଆରି ଦରମ୍ ମନେ ବାକିଅ ସୁନିକରି ସେଟା ତାଟ୍ ସଙ୍ଗ୍ ଦାରି ସଙ୍ଗାଇବାଇ ଆରି ଜାଗିରଇକରି ପଲ୍‌ପଲ୍‌ବାଇ ।”

**ମାନ ତଲେ ବଡି
(ମାର୍ଚ୍ଚ ୪:୨୧-୨୫)**

୧୭ * “ବଡି ତସାଇ କରି କେ ମିସା ତାଲାତାବି ନ ସଙ୍ଗଅଡ୍ । କି କଟ୍ ତଲେ ନ ସଙ୍ଗଅଡ୍ । ମାତର୍ ବଡି କୁଦ୍‌ରା ଉପରେ ସଙ୍ଗାଇବାଇ । ଜେନ୍ତାରିକି ଆଇଲା ଲକ୍‌ମନ୍ ଉଜଲ୍ ଦେକିପାରଡ୍ ।”

୧୭ * “କାଇକେବଇଲେ, ଏନ୍ତାରି ଲୁଚିରଇବା ବିସଇ କାଇଟା ନାଇ, ଜନ୍‌ଟା ଜାନା ନ ପଡେ । ତାବିଅଇରଇବା ବିସଇ କାଇଟା ନାଇ ଜନ୍‌ଟା ଉଗାଡି ନଏଁ ।”

୧୮ * “ସେଟାଟ୍ ପାଇ, ଜେନ୍ତାରି ସୁନ୍‌ସା, ସେ ବିସଇ ନେଇକରି ଜାଗରଡ୍ ରୁଆ । କାଇକେବଇଲେ ଜାକେ ଆତେ ତାକେ ଅଦିକ୍ ଦିଆଅଇସି । ଆରି ଜାକେ ନାଇ, ସେ ଜେଡ୍‌କି ନିଜରଟା ଆତେ ବଲି ବାଦ୍‌ସି, ସେ ଅଲପଟା ମିସା ତାଟ୍‌ଟାନେଅନି ନିଆଅଇସି ।”

**ଜିସୁର୍ ମାଆ ଆରି ବାଇମନ୍
(ମାଡିଉ ୧୨:୪୭-୫୦; ମାର୍ଚ୍ଚ ୩:୩୧-୩୫)**

୧୯ ଜିସୁର୍ ମାଆ ଆରି ବାଇମନ୍ ତାଟ୍ ଲଗେ ଆଇଲାଇ । ମାତର୍ ଲକ୍‌ମନ୍ ଜବର୍ ରଇଲାଇକେ ତାଟ୍ ସଙ୍ଗ୍ ମିସିନାପାରୁତେ ରଇଲାଇ । ୨୦ ତେଇ ଜିସୁକେ ଏ କବର୍ ଦେଲାଇ, “ତମର୍ ମାଆ ଆରି ବାଇମନ୍ ତକେ ଦେକବାକେ ମନ୍‌କରି ବାଇରେ ଚିଆଅଇଲାଇ ଆତଡ୍ ।”

୨୧ ମାତର୍ ଜିସୁ ଲକ୍‌ମନ୍‌କେ କଇଲା, “ଜନ୍ ଲକ୍‌ମନ୍ ପର୍‌ମେସରର୍ ବାକିଅ ସୁନ୍‌ବାଇ ଆରି ମାନବାଇ ସେମନ୍ ମର୍ ମାଆ ଆରି ବାଇମନ୍ ।”

**ଜିସୁ ବାଉପବନ୍‌କେ ଡେବାଇଲା
(ମାଡିଉ ୮:୨୩-୨୭; ମାର୍ଚ୍ଚ ୪:୩୫-୪୧)**

୨୨ ଦିନେକ୍ ଜିସୁ ଆରି ତାଟ୍ ସିସମନ୍ ଗଟେକ୍ ଡଙ୍ଗାଇ ଚଗଲାଇ, ଆରି ସେ ସିସମନ୍‌କେ କଇଲା, “ଆସା, ଗାଡ୍ ସେପାଟେ ଜୁ ।” ତେଇ ସେମନ୍ ଡଙ୍ଗା ମେଲ୍‌ଲାଇ । ୨୩ ମାତର୍ ଡଙ୍ଗାଗାଟି ଗାଲାବେଲେ ଜିସୁ ସଇଦେଲା । ସେଡ୍‌କିବେଲେ ଗାଡେ ଅଟାଡ୍ ବାଉପବନ୍ ଆଇଲା ଆରି ଡଙ୍ଗାଇ ପାନିପୁରି ବର୍ଡି ଅଇବାର୍ ଦାରୁଲା । ସେମନ୍ ବଡ୍ ବିପଦେ ପଡିଗାଲାଇ । ୨୪ ତେଇ ସିସମନ୍ ଜିସୁର୍‌ଲଗେ ଆସି ତାକେ ଉଟାଇ କଇଲା “ଏ ଗୁରୁ, ଏ ଗୁରୁ, ଆମେ ମରିଜିରୁବେ !” ତେଇ ଜିସୁ ଉଚିକରି ପବନ୍ ଆରି ବଡ୍ ଲଅଡିକେ ଦମ୍‌କାଇଲା, ଆରି ସେଟା ସବୁ ଚିମ୍‌ରାଇଅଇ ତବିର୍ ଅଇଲା । ୨୫ ସେ ସିସମନ୍‌କେ କଇଲା, “ତମର୍ ବିସ୍‌ବାସ୍ କେନେ ଅଇଲା ?” ମାତର୍ ସେମନ୍ ଡରିକରି କାବାଅଇ ନିଜେ ନିଜେ କଇବାର୍ ଦାରୁଲା । “ଡେବେ ଏ କେ ଜେ ପବନ୍ ଆରି ପାନିକେ ମିସା ଆଦେସ୍ ଦେଲା ଦାପ୍‌ରେ, ସେଟା ସବୁ ତାଟ୍ ଆଦେସ୍ ମାନବାଇ ।”

**ଜିସୁ ଗଟେକ୍ ତୁମା ଦାରିରଇବା ଲକ୍‌କେ ନିକକଲା
(ମାଡିଉ ୮:୨୮-୩୪; ମାର୍ଚ୍ଚ ୫:୧-୨୦)**

୨୬ ପଡେ ଜିସୁ ଆରି ତାଟ୍ ସିସମନ୍ ଗାଲିଲି ମୁଆଟର୍ ସେପାଟେ ଗରାସିୟମନର୍ ଜାଗାଇ କେଟ୍‌ଲାଇ । ୨୭ ଜିସୁ ଡଙ୍ଗାଅନି ଉଡରୁଲା ଦାପ୍‌ରେ, ସେ ନଅରର୍ ଗଟେକ୍ ତୁମାଦାରୁଲା ଲକ୍ ତାକେ ବେଟ୍‌ଅଇଲା । ସେ ବେସି ଦିନେଅନି କାଇଟା ନ ପିଦିକରି ଗରେ ନ ରଇ, ମସ୍‌ନେ ରଇତେ ରଇଲା । ୨୮ ସେ ଜିସୁକେ ଦେକି କିଚିକି ତାଟ୍ ପାଦେ ଅଦି, ଆଉଲିଅଇ କଇଲା, “ଏ ବେସି ବପୁର୍‌ସଙ୍ଗ୍ ରଇବା ପର୍‌ମେସରର୍ ପଅ ଜିସୁ ମର୍ ଲଗେ ତମର୍ କାଇ କାମ୍ ଆତେ ? ମୁଇ ତମ୍‌କେ ବାବୁଜିଆ କରି କଇଲିନି, ମକେ କସ୍‌ଟ ନ ଦିଆ ।” ୨୯ କାଇକେ ବଇଲେ ଜିସୁ ତୁମାକେ ସେ ମୁନ୍‌ସର୍ ଟାନେଅନି ବାରଇଜାଅ ବଲି ଆଦେସ୍ ଦେଇରଇଲା । ସେ ତୁମା ସେଲକ୍‌କେ ଦାରିଲାଗିରଇଲା, ଆରି ଲକ୍‌ମନ୍ ତାକେ ସିକିଲି ସଙ୍ଗ୍ ବାଦି ଜାଗଡେ ରଇଲାଇ । ମାତର୍ ସେ ବାଦ୍‌ଲାଟା ସବୁ ଚିତାଇ ପାକାଇଡେରଇଲା ଆରି ତୁମା ତାକେ କିନରା ଜାଗାମନ୍‌କେ ଦାରିଜାଇଡେରଇଲା ।

* ୮:୧୭ ୮:୧୭ ମାଡିଉ ୫:୧୫; ଲୁକ୍ ୧୧:୩୩ * ୮:୧୭ ୮:୧୭ ମାଡିଉ ୧୦:୨୭; ଲୁକ୍ ୧୨:୨ * ୮:୧୮ ୮:୧୮ ମାଡିଉ ୨୫:୨୯; ଲୁକ୍ ୧୯:୨୭

୩୦ ଜିସୁ ତାକେ ପାଚାରୁଲା, “ତର୍ ନାଉଁ କାଇ ନାଉଁ ?” ସେ କଇଲା, ବାଇନି, କାଇକେ ବଇଲେ ତାକେ ଗାଦା ତୁମାମନ୍ ଦାରି ରଇଲା । ୩୧ ଆରି ଜିସୁ ଜେନ୍ତୁକି ସେମନ୍‌କେ ପାତାଲେ ଜିବାକେ ଆଦେସ୍ ନ ଦେଏ, ଏଟାର୍ ପାଇ ସେମନ୍ ତାକେ ବାବୁଜିଆ କର୍‌ବାର୍ ଦାରୁଲା ।

୩୨ ତେଇ କୁପୁଲି ଲଗେ ଗଟେକ୍ ମାନ୍ଦା ଗୁସ୍‌ରି ରାସି ଚାଟେତେ ରଇଲା । ଆରି ସେ ଜେନ୍ତୁକି ସେମନ୍‌କେ ସେ ଗୁସ୍‌ରି ମାନ୍ଦା ମଜାଇ ପୁରବାକେ ଆଦେସ୍ ଦେଇସି, ଏଟାର୍ ପାଇ ସେମନ୍ ଜିସୁକେ ବାବୁଜିଆ କଲା । ୩୩ ଜିସୁ ସେମନ୍‌କେ ଆଦେସ୍ ଦେଲା ଦାପ୍‌ରେ ତୁମାମନ୍ ସେ ମୁନୁସ୍‌ବଟାନ୍‌ନେଅନି ବାରଇ ଗୁସ୍‌ରି ରାସିର୍ ମଜାଇ ପୁରୁଲା । ପୁରୁଲାକେ ଗୁସ୍‌ରି ମାନ୍ଦା ଜବର୍ ପାଲାଇକରି ଗଢ଼ଗଡ଼ାବାଟେ ଜାଇ ଗାତେ ଅଦ୍‌ରି ମରିଗାଲା ।

୩୪ ଗୁସ୍‌ରି ଚାରାଇତେ ରଇଲା ଲକ୍‌ମନ୍ ସେ ଗଟ୍‌ନା ଦେକି ପାଲାଇକରି ନଅରେ ଆରି ଗାଉଁମନ୍‌କେ ଜାଇ ସେ କାତା ଜାନାଇଲା । ୩୫ ତେଇ ଲକ୍‌ମନ୍ ସେ ଗଟ୍‌ନା ଦେକବାକେ ବାରଇ ଆଇଲା ଆରି, ସେମନ୍ ଜିସୁର୍ ଲଗେ ଆସି ଜନ୍ ମୁନୁସ୍‌ବଟାନ୍‌ନେଅନି ତୁମାମନ୍ ବାରଇଲା, ସେ ଲକ୍ ଲୁଗା ପିନ୍ଦି ନିକ ମନର୍ ସଙ୍ଗ ଜିସୁର୍ ପାଦ୍ ତଲେ ବସି ରଇବାଟା ଦେକି ଡରିଗାଲା । ୩୬ ଆରି ଜନ୍‌ଲକ୍‌ମନ୍ ଏଟା ସବୁ ଦେକି ରଇଲା, ସେମନ୍ ସେ ତୁମା ଦାରୁଲା ଲକ୍ କେନ୍ତୁକି ନିକ ଅଇଲା, ସେଟା ବିନ୍ଦ ଲକ୍‌ମନ୍‌କେ ଜାନାଇଲା । ୩୭ ତେଇ ଗରାସିୟମନ୍‌ର୍ ଚାରିବେଡ଼ିର୍ ଜାଗାର୍ ଲକ୍‌ମନ୍ ଜିସୁକେ ତାକର୍‌ଟାନ୍‌ନେଅନି ଜିବାକେ ଗୁଆରି କଲା । କାଇକେବଇଲେ ସେମନ୍ ବେସି ଡରିଜାଇ ରଇଲା ଆରି, ଜିସୁ ଗଟେକ୍ ଡଙ୍ଗାଇ ବସି ବାଉଡ଼ି ଆଇଲା । ୩୮ ମାତର୍ ଜନ୍ ଲକ୍‌ଟାନ୍‌ନେଅନି ତୁମାମନ୍ ବାରଇଜାଇ ରଇଲା, ସେ ଜିସୁର୍ ସଙ୍ଗ ରଇବି ବଲି ଗୁଆରି କର୍‌ବାର୍‌ଦାରୁଲା । ୩୯ ମାତର୍ ସେ ତାକେ କଇକରି ପାଟାଇଲା । “ତର୍ ଗରେ ବାଉଡ଼ି ଜା ଆରି ପର୍‌ସେମର୍ ତର୍‌ଲାଗି ଜନ୍ ଜନ୍ କାମ୍ କଲାଆଟେ ସେ ସବୁ କଇଦେସ୍ ।” ତେଇ ସେ ଲକ୍ କଇଜିଜାଇ ଜିସୁ ତାର୍ ପାଇ ଜନ୍ ଜନ୍ କାମ୍ କରିରଇଲା, ଗୁଲାଇ ନଅରେ ଜାନାଇବାର୍ ଦାରୁଲା ।

ଜାଇରସର୍ ଟକି ଆରି ବନି ଜିବା ମାଇଜି ନିକ ଅଇଲା
(ମାତ୍ରି ୯:୧୮-୨୬; ମାର୍ଚ୍ଚ ୫:୨୧-୪୩)

୪୦ ଜିସୁ ଗାଡ଼ ସେପାଟେ ଅନି ଏ ପାଟେ ଆରିତରେକ୍ ବାଉଡ଼ି ଆଇଲା ପଟେ, ଲକ୍‌ମନ୍ ତାକେ ସାର୍‌ଦା ସଙ୍ଗ୍ ମାନୁଲା । କାଇକେ ବଇଲେ ସେମନ୍ ତାକେ ଜାଗି ରଇଲା । ୪୧ ଆରି ଏଦେ ଦେକା ! ଜାଇରସ୍ ନାଉଁର୍ ଗଟେକ୍ ଲକ୍ ଆଇଲା । ସେ ଜିଉଦି ଲକ୍‌ମନ୍‌ର୍ ପାର୍‌ତନା ଗରର୍ ମୁକିଆ ରଇଲା । ସେ ଜିସୁର୍ ପାଦ୍ ତଲେ ଅଦ୍‌ରି ତାର୍ ଗରେ ଆଇବାକେ ଗୁଆରି କଲା । ୪୨ କାଇକେ ବଇଲେ ତାଉଁକେ ଗଟେକ୍‌ସେ ବାର ବରସର୍ ଟକି ରଇଲା ଆରି ସେ ମଲାପାରା ଅଇଜାଇରଇଲା । ମାତର୍ ଜିସୁ ଜାଇତେ ରଇବାବେଲେ ଲକ୍‌ମନ୍ ତାର୍ ଉପରେ ମାଣ୍ଡାଟୁଣ୍ଡାଅଇଜାଇତେ ରଇଲା ।

୪୩ ସେଡ଼ିକେବେଲେ ବାର ବରସ୍ ଦାରି ବନି ଜାଇତେ ରଇବା ଗଟେକ୍ ରଗିନି ମାଇଜି ରଇଲା । ନିଜର୍ ସବୁତାବୁ ସାରାଇକରି ମିସା* କାର୍ ଲଗେ ଜାଇ ନିକ ଅଇ ନାପାରୁଲା । ୪୪ ସେ ପର୍‌ବାଟେଅନି ଆସି ଜିସୁର୍ ଲୁଗା ଜାଲି ଚିଇଲା । ଚିଇଲା ଦାପ୍‌ରେ ତାର୍ ବନି ଜିବାଟା ତେବୁଲା । ୪୫ ତେଇ ଜିସୁ କଇଲା, “କେ ମକେ ଚିଇଲା ?” ମାତର୍ ସବୁ ଲକ୍ ନାଇ ବଲି କଇଲାଜେ, ପିତର୍ କଇଲା, “ଏ ଗୁରୁ ଲକ୍‌ମନ୍ ମାଣ୍ଡାଟୁଣ୍ଡାଅଇ ତମର୍ ଉପରେ ଡାବିଅଇଆଇଲାକିନି ।”

୪୬ ମାତର୍ ଜିସୁ କଇଲା, “କେ କି ଗଟେକ୍ ଲକ୍ ମକେ ଚିଇଲା, କାଇକେ ବଇଲେ ମର୍ ବିଡ଼ରେଅନି ବପୁ ବାରଇଲା ବଲି ମୁଇ ଜାନ୍‌ଲି ।” ୪୭ ଜେଡେବଲ୍ ମାଇଜି ଦେକଲାଜେ ମୁଇ ଲୁଟିନାପାରି, ସେ ତର୍‌ତରି ତର୍‌ତରି ଆସି ଜିସୁର୍ ପାଦେ ଅଦ୍‌ରି, କାଇଟାର୍ ପାଇ ତାକେ ଚିଇଲା, ଆରି କେନ୍ତୁକି ଦାପ୍‌ରେ ନିକ ଅଇଲା, ସେଟା ସବୁ ଲକ୍‌ର୍ ମୁଆଟେ ଜାନାଇଲା । ୪୮ ତେଇ ଜିସୁ ତାକେ କଇଲା, “ଦୁନି ତର୍ ବିସ୍‌ବାସ୍ ତକେ ନିମାନ୍ କଲାଆଟେ ସାନ୍ତୁଅଇ ଉଚିଜା ।”

୪୯ ସେ ଏ କାତା କଇବା ବେଲେ ଜିଉଦିମନ୍‌ର୍ ପାର୍‌ତନା ଗରର୍ ମୁକିଆ ଜାଇରସର୍ ଗରେଅନି ଗଟେକ୍ ଲକ୍ ଆସି କଇଲା, “ତମର୍ ଟକି ମରିଗାଲାବେ, ଗୁରୁକେ ଆରି କସ୍‌ଟ ଦିଆସ୍ ନାଇ ।”

୫୦ ମାତର୍ ଜିସୁ ଏଟା ସୁନି ଜାଇରସ୍‌କେ କଇଲା, “ତରାନାଇ ଅଦ୍‌କା ବିସ୍‌ବାସ୍ କରା, ସେ ବର୍‌ସି ।”

୫୧ ଜିସୁ ଜାଇରସର୍ ଗରେ ଆସି ପିତର୍, ଜଅନ୍ ଆରି ଜାକୁବ୍ ଆରି ଟକିର୍ ବାବା ମାଆ କେ ଚାଡ଼ିକରି କାକେ ମିସା ବିଡ଼ରେ ଡାକିନେଏ ନାଇ । ୫୨ ମାତର୍ ସବୁ ଲକ୍ ଟକିର୍ ଲାଗି କାନ୍ଦି କାନ୍ଦି କରି ବୁକେ

* ୮:୪୩ କେତେଟା ପାଣ୍ଡା ଲିପିଟାଲେ ଏ ପଦ ଲେକାଅଏନାଇ

ମାରିଅଇତେ ରଇଲା । ତେଇ ଜିସୁ କଇଲା “କାନ୍ଦା ନାଇ, ସେ ମରେ ନାଇ, ମାତର୍ ସଇ ଦେଲାଆଚେ ।”

୫୩ ମାତର୍ ଟକି ମରିଗାଲାଆଚେ ବଲି ଜାନି ରଇଲାଜେ ଲକ୍ମନ୍ ଜିସୁକେ କିଜାଇବାର୍ ଦାରୁଲା । ୫୪ ମାତର୍ ଜିସୁ ଟକିର୍ ଆଚେ ଦାରି କଇଲା, “ଏ ନୁନି ଉର୍ ।” ୫୫ ତେଇ ଟକିର୍ ଜିବନ୍ ବାଉଡି ଆଇଲା, ଆରି ସେ ସେଡକି ବେଲେସେ ଉର୍ଲା । ଜିସୁ ତାକେ କାଇଟା ଆଲେ କାଇବାକେ ଦିଆସ୍ ବଲି ଆଦେସ୍ ଦେଲା । ୫୬ ତେଇ ଟକିର୍ ବାବା ମା କାବା ଅଇଗାଲା, ମାତର୍ ଜିସୁ ସେ ଗର୍ନାର୍ କାତା କାକେ ଜାନାଆ ନାଇ ବଲି ଆଦେସ୍ ଦେଲା ।



ଜିସୁ ବାର୍ତ୍ତା ସିସ୍ତମ୍ନକେ ପାଟାଇଲା

(ମାତିଉ ୧୦:୫-୧୫; ମାର୍କ ୬:୭-୧୩)

୧ ପଚେ ଜିସୁ ବାର୍ତ୍ତା ସିସ୍ତମ୍ନକେ ରୁଣ୍ଡାଇକରି, ସେମନ୍କେ ସବୁ ଡୁମା ଚାଡାଇବାକେ, ରନ୍ ନିକ କର୍ବାକେ ବପୁ ଆରି ଅଦିକାର୍ ଦେଲା । ୨ ଆରି ସେମନ୍କେ ପର୍ଯ୍ୟେସରର୍ ରାଇଜ୍ ଜାନାଇବାକେ ଆରି ରଗ୍ତୁକା ଅଇରଇବା ଲକ୍ମନ୍କେ ନିକ କର୍ବାକେ ପାଟାଇଲା । ୩ ସେମନ୍କେ କଇଲା, “ତମେ ଜିବାବେଲେ ତାଜ୍ କି ମୁନା କି ରୁଟି, କି ତାରୁ କାଇଟା ମିସା ନିଆନାଇ । ପିନ୍ଧଲାଟା ଚାଡିକରି ଆରି ଉର୍କା ନିଆନାଇ । ୪ ଜେଡେବେଲେ ତମକେ ଜାର୍ ଗରେ ତାକିନେବାଇ, ସେ ନଅର୍ ଚାଡି ଜିବାଜାକ ତେଇସେ ରୁଆ । ୫ ୬ ଆରି ଜେଡେଲକ୍ ତମକେ ନ ମାନଡ୍, ସେ ନଅରେଅନି ବାରଇ ଆଇବା ବେଲାଇ, ତାକର୍ ବିରୁଦେ ସାକି ଇସାବେ ତମର୍ ପାଦେଅନି ଦୁଲି ପାପ୍ତି ଦିଆସ୍ ।”

୭ ତେଇଅନି ସିସ୍ତମ୍ନ ଜାଇକରି ଗାଉଁ ଗାଉଁ ବୁଲି ଗୁଲାଇ ଜାଗାଇ ସୁବ୍ କବର୍ କଇ କଇ ଆରି ଜର୍ଦୁକାର୍ ଲକ୍ମନ୍କେ ନିମାନ୍ କର୍ବାର୍ ଦାରୁଲା ।

ଏରଦ୍ ବିନ୍ତାରେ ପଡିଗାଲା

(ମାତିଉ ୧୪:୧-୧୨; ମାର୍କ ୬:୧୪-୨୯)

୮ ଏଡକିବିଡ୍ରେ ଗାଲିଲିର୍ ମୁକିଅ ରାଜା ଏରଦ୍ ଏ ସବୁ ଅଇରଇବା ବିସଇ ଜାନି କାନାବାନା ଅଇଗାଲା । କାଜକେବଇଲେ ଡୁବନ୍ ଦେଉ ଜଅନ୍ ମଲାତେଇଅନି ଉର୍ଲାଆଚେ ବଲି କେ କେ କଇତେରଇଲା । ୯ ଆରି, କେ କେ ଏଲିୟ୍ ଦର୍ସନ୍ ଦେଲାଆଚେ ବଲି କଇଲା । ବିନ୍ ଲକ୍ମନ୍ ପୁର୍ବକାଲର୍ ବବିସଡବକ୍ତାମନର୍ ବିଡ୍ରେଅନି ଗଟେକ୍ଲକ୍ ଉଡି ଆସିଆଚେ ବଲି କଇତେ ରଇଲା । ୧୦ ମାତର୍ ଏରଦ୍ କଇଲା, “ମୁଇ ତା ଡୁବନ୍ ଦେଉ ଜଅନ୍ ମୁଣ୍ଡ କାଟାଇଆରି, ମାତର୍ ଜାର୍ ବିସଇ ଆମେ ଏନ୍ତାର୍ କାତା ସୁନ୍ଲୁନି, ଏ କେ ?” ଆରି ସେ ତାକେ ଦେକିବିବଲି ରେସ୍ଟା କର୍ତେରଇଲା ।

ଜିସୁ ପାଁର୍ ଅଜାର୍ ଲକ୍ମନ୍କେ କୁଆଇଲା ବିସଇ

(ମାତିଉ ୧୪:୧୩-୨୧; ମାର୍କ ୬:୩୦-୪୪; ଜଅନ୍ ୬:୧-୧୪)

୧୧ ପଚେ ବାର୍ତ୍ତା ସିସ୍ତମ୍ନ ବାଉଡି ଆସି ଜାଇ ଜାଇଟା କରିରଇଲା, ସେ ସବୁ ଜିସୁର୍ ଲଗେ ବାତାଇଦେଲା । ତେଇଅନି ଜିସୁ ଜେକ୍ଟିକି ଲକ୍ମନ୍ବର୍ତ୍ତାନେଅନି ବିନେ ରଇବାକେ ସେମନ୍କେ ବେଡ୍ସାଇଦା ନାଉଁର୍ ନଅରେ ତାକିନେଲା । ୧୨ ମାତର୍ ଲକ୍ମନ୍ ସେଟା ଜାନିକରି ତାକର୍ ପଚେ ପଚେ ଗାଲା । ଜିସୁ ସେମନ୍କେ ମିସା ଆଲାଦକରି ତାକି ପର୍ଯ୍ୟେସରର୍ ରାଇଜର୍ ବିସଇ କଇବାର୍ ଦାରୁଲା । ଆରି ଜନ୍ ଲକ୍ମନ୍ ନିକ ଅଇବାର୍ ରଇଲା, ସେମନ୍କେ ନିକକଲା ।

୧୩ ଏଡକିବିଡ୍ରେ ଦିନ୍ ସାରି ରାଡିଅଇବାର୍ ଆରାମ୍ ଅଇଲା, ତେଇ ପାଟାଇରଇବା ବାର୍ତ୍ତା ସିସ୍ ଜିସୁର୍ଲଗେ ଆସି କଇଲା, “ଲକ୍ମନ୍ ଜାଇକରି ତାକର୍ପାଇ ବାସା ଆରି କାଦିର୍ପାଇ ଚାରିବେଡ୍ଡିର୍ ଗାଉଁ ଆରି ଗୁଡାମନ୍କେ କଜର୍ । ସେଟାର୍ପାଇ ତମେ ସେମନ୍କେ ମେଲାନି ଦିଆସ୍ । କାଜକେବଇଲେ ଆମେ ଇଡି ମେଲାନ ଜାଗାଇ ଆଚୁ ।”

୧୪ ମାତର୍ ଜିସୁ ସେମନ୍କେ କଇଲା, “ତମେ ସେମନ୍କେ କାଇବାକେ ଦିଆସ୍ ।” ସେମନ୍ କଇଲା, “ଆମ୍ଭଲଗେ ଏକାଇ ପାଁଟା ରୁଟି ଆରି ଦୁଇଟା ମାଟ୍ ଚାଡି ଅଦିକ୍ ନାଇ । ସେନ୍ତାଆଲେ ଆମେ ଜାଇକରି ଏ ସବୁଲକର୍ପାଇ କନ୍ତିଅନି କାଦି ଗେନ୍ବୁ ?” ୧୫ କାଜକେବଇଲେ ସେମନ୍ ଅଦ୍ବା

* ୯:୫ ୯:୫ ପେରିଡ୍ ୧୩:୫୧ * ୯:୫ ୯:୫ ଲୁକ୍ ୧୦:୪-୧୧ * ୯:୭ ୯:୭ ମାତିଉ ୧୭:୧୪; ମାର୍କ ୮:୨୮; ଲୁକ୍ ୯:୧୯

ମୁନୁସପିଲାମାନଙ୍କ ସେ ପାଁଠ ଅଜାତ ରଇଲା । ଜିସୁ ସିସ୍ତମାନଙ୍କ କେ କଲଲା, “ଗଟେକ୍ ଗଟେକ୍ ଦାଡି, ପଚାସ୍ ଲକ୍ଷକେ ଲାକା ବସାଆ ।”

୧୫ ତେଜ ସେମନ୍ ସେନ୍ତାରିକରି ଲକ୍ଷମାନଙ୍କେ ବସାଇଲା । ୧୬ ଆରି, ଜିସୁ ପାଁଟା ରୁଟି ଆରି ଦୁଇଟା ମାତ୍ ଦାରି, ସରଗାବଟେ ମୁ କରି ଦନିଆବାଦ୍ ଦେଲା ଆରି ବାଙ୍ଗାଲକରି ସିସ୍ତମାନଙ୍କେ ବାଟାକଲା । ୧୭ ତେଜ ସବୁଲକ୍ ପେଟ ପୁରୁତେ କାଇଲା ଆରି ସାନ୍ତି ଅଇଲା । ପଟେ ସିସ୍ତମାନଙ୍କେ ଅଗ୍ଲି ରଇବା ବାଙ୍ଗାଲକାଟାମନ୍ ବାର ଡାଲା ଉଦ୍‌ରାଇଲା ।

ଜିସୁକେ ପିତର୍ ମାନୁଲା

(ମାତିଉ ୧୬:୧୩-୧୯; ମାର୍କ ୮:୨୭-୨୯)

୧୮ ତରେକ୍ ଜିସୁ ଗଟେକ୍ ଲକ୍ଷେ କିନରା ଜାଗାଇ ବସି ପାର୍ତନା କର୍ବାବେଲେ ସିସ୍ତମାନଙ୍କେ ଡାକିଲେ ଆଇଲା, ଆରି ସେ ସିସ୍ତମାନଙ୍କେ ପାଟାରୁଲା, “ମୁଇ କେ ବଲି ଲକ୍ଷମନ୍ କଇଲାକିନ ?”

୧୯ *ସେମନ୍ କଇଲା, “କେ କେ ତୁବନ୍ ଦେଉ ଜଅନ୍, ଆରି କେ କେ ଏଲିୟ, ଆରି କେ କେ ପୁରବର୍ ବବିସଦ୍‌ବକ୍ତାମାନର୍ ବିଦ୍‌ରେଅନି ଗଟେକ୍‌ଲକ୍ ମଲାତେଇଅନି ଜିବନ୍ ଅଇଲାଆଟେ ବଲି କଇଲାକିନି ।”

୨୦ *ସେ ସିସ୍ତମାନଙ୍କେ ପାଟାରୁଲା, “ମାତର୍ ତମେ ମୁଇ କେ ବଲି ବାବ୍‌ଲାସ୍‌ନି ?” ପିତର୍ କଇଲା “ତମେ ପର୍‌ମେସର୍ ପାଟାଇଲା କିରିସର୍ ।”

ଜିସୁ ତାର୍ ମରନର୍ ବିସଇ ଜାନାଇଲା

(ମାତିଉ ୧୬:୨୦-୨୮; ମାର୍କ ୮:୩୦:୯)

୨୧ ତେଜ ଜିସୁ ଏଟା କାକେ ନ କଇବାପାଇ ସେମାନଙ୍କେ ଜାଗରତ୍‌କରି ତିଆରୁଲା । ୨୨ ସେ ସେମାନଙ୍କେ କଇଲା, “ପର୍‌ମେସର୍ ପାଟାଇଲା ନର୍‌ପିଲା ମୁଇ ବେସି ଦୁକ୍ କସର୍ ଅଇବାଟାଆଟେ । ପାର୍‌ତିନମନ୍, ସାସ୍‌ତର୍ ସିକାଉମନ୍ ଆରି ମୁକିଅ ପୁଜାରିମନ୍ ମକେ ନ ନାମର୍ । ସେମନ୍ ମକେ ମରାଇବାଇ । ଆରି ତିନୁଦିନ ପଟେ ମୁଇ ଆରିତରେକ୍ ମଲାତେଇଅନି ଜିବନ୍ ଅଇ ଉର୍‌ବି ।”

୨୩ *ସେତ୍‌କିବେଲେ ଜିସୁ ସବୁଲକ୍‌କେ କଇଲା, “ତେବେ କେ ମିସା ମରସଙ୍ଗ୍ ଆଇବାକେ ମନ୍ କର୍‌ସି, ସେ ନିଜର୍ ମନକଲାଟା ସବୁ ଗାଡିଦେବାର୍ ଆଟେ, ଆରି ସବୁଦିନ ତାର୍ ନିଜର୍ କୁରସ ବଇ ମର୍ ସଙ୍ଗ୍ ଆସ । ୨୪ *କାଇକେବଲେ, ଜେ ନିଜର୍ ଜିବନ୍ ବଂଚାଇବାକେ ମନ୍ କର୍‌ସି, ସେ ସେଟା ଆରାଇସି । ମାତର୍ ଜେ ମର୍‌ପାଇବଲି ଜିବନ୍ ଆରାଇସି, ସେ ସେଟା ରକିଆ କର୍‌ସି । ୨୫ ଆରି ଜଦି ଗଟେକ୍ ମୁନୁସ୍ ଗୁଲାଇ ଦୁନିଆ ଜିତିକରି ନିଜେ ବିନାସ୍ ଅଇସି, କି ଆରାଇସି, ତେବେ ତାର୍ କାଇ ଲାବ୍ ? ୨୬ ତେବେ କେ ମିସା ମର୍‌ପାଇ ଆରି ମର୍ ବାକିଅର୍ ଲାଜ୍ ଅଇସି, ଜେତ୍‌କିବେଲେ ପର୍‌ମେସର୍ ପାଟାଇରଇବା ନର୍‌ପିଲା ମୁଇ ନିଜର୍ ଆରି ବାବାର୍, ଆରି ସୁକଲ୍ ଦୁଡ଼ମାନର୍ ମଇମାସଙ୍ଗ୍ ବାଉଡି ଆଇବି, ସେତ୍‌କିବେଲେ ତାର୍ ବିସଇ ନେଇ ଲାଜ୍‌ଅଇବି । ୨୭ ମାତର୍ ମୁଇ ତମକେ ସଦ୍ କଇଲିନି, ପର୍‌ମେସରର୍ ରାଇଜ୍ ନ ଦେକ୍‌ବାଜାକ ଇତି ଟିଆଅଇରଇବା ଲକ୍ଷମାନର୍ ବିଦ୍‌ରେଅନି କେତେଲକ୍, ପର୍‌ମେସରର୍ ରାଇଜ୍ ଦେକ୍‌ବାଇ ।”

ଜିସୁ ବିନ୍ ରକାମ୍ ତିସଲା

(ମାତିଉ ୧୬:୧-୮; ମାର୍କ ୯:୨-୮)

୨୮ ଜିସୁ ଏ ସବୁ କଇ ପାକାପାକି ଆର୍‌ଦିନ୍ ଗାଲାପଟେ, ଜଅନ୍, ପିତର୍ ଆରି ଜାକୁବର୍ ସଙ୍ଗ୍ ପାର୍‌ତନା କର୍ବାକେ ପର୍‌ବଦ୍ ଉପରେ ଗାଲା । ୨୯ ଆରି, ସେ ପାର୍‌ତନା କର୍ବାବେଲେ ତାର୍ ମୁ ବିନ୍ ଅଇଗାଲା ଆରି ସେ ପିନ୍‌ଲା ଲୁଟା ଦବ୍ ଅଇ ବିଜ୍‌ଲିପାରା ଜିକ୍‌ମିକିଗାଲା । ୩୦ ଆରି ଏବେ ଦେକା ! ସେଦାପ୍‌ରେ ମସା ଆରି ଏଲିୟ ତାର୍‌ସଙ୍ଗ୍ କାତାବାର୍‌ତା ଅଇବାର୍ ଦାରୁଲା । ୩୧ ସେମନ୍ ସରଗର୍ ମଇମାସଙ୍ଗ୍ ତିସତେ ରଇଲା । ସେ କେନ୍ତ୍ ଜିରୁସାଲାମେ ଦୁକ୍ କସର୍ ପାଇ ମରିକରି ପର୍‌ମେସରର୍ ଜଜ୍‌ନା ସିଦ୍ କର୍‌ବାର୍ ଆଟେ ବଲି ସେମନ୍ ଜିସୁରସଙ୍ଗ୍ କାତା ଅଇଲା । ୩୨ ସେତ୍‌କିବେଲେ ପିତର୍ ଆରି ତାର୍ ସଙ୍ଗର୍ ଲକ୍ଷମନ୍ ଗାଟିଅଇତେ ସଇଦେଇରଇଲା, ମାତର୍ ସେମନ୍ ଚେତାଅଇ ଜାଗରତ୍ ଅଇବାକେ, ଜିସୁର୍ ମଇମା ଆରି ତାର୍‌ସଙ୍ଗ୍ ଦୁଇଲକ୍ ଟିଆଅଇରଇବାଟା ଦେକ୍‌ଲା । ୩୩ ମସା ଆରି ଏଲିୟ ବାରଇ ଜିବା ବେଲେ ପିତର୍ ଜିସୁକେ କଇବାର୍ ଦାରୁଲା, “ଏ ଗୁରୁ, ଆମେ ତା ଏ ଜାଗାଇ ଆରୁ, ଏଟା ନିକ ଜାଗା, ଇତି ତିନିଟା କୁଡିଆ ତିଆର୍ କରୁ । ତମର୍‌ପାଇ ଗଟେକ୍, ମସାପାଇ ଗଟେକ୍ ଆରି ଏଲିୟପାଇ ଗଟେକ୍ ।” ମାତର୍ ସେ କାଇଟା କଇଲାନି, ସେଟା ସେ ଜାନିନାପାରୁଲା ।

* ୯:୧୯ ୯:୧୯ ମାତିଉ ୧୪:୧,୨; ମାର୍କ ୬:୧୪,୧୫; ଲୁକ ୯:୬,୮ * ୯:୨୦ ୯:୨୦ ଜଅନ୍ ୬:୬୮,୭୯ * ୯:୨୩ ୯:୨୩ ମାତିଉ ୧୦:୩୮; ଲୁକ ୧୪:୨୭ * ୯:୨୪ ୯:୨୪ ମାତିଉ ୧୦:୩୯; ଲୁକ ୧୭:୩୩; ଜଅନ୍ ୧୨:୨୫

୩୪ ସେ ଏହି କଇବାବେଳେ ବାଦଲୁ ଆସି ସେମାନଙ୍କେ ଡାବିଅଇଦେଲା । ବାଦଲୁ ଡାବିଦେଲାକେ ସେମନ୍ ତରିଗାଲାକ । ୩୫ ✠ଆରି, ବାଦଲେଅନି ଏହି ବାକିଅ ଆଇଲା, “ଏଟାସେ ମର୍ ପିଲା, ଆକେ ମୁଇ ବାଟିଆଟି, ସେ କଇବାଟା ସୁନା ।”

୩୬ ସେ ସବଦ୍ ଅଇଲାପଟେ ଜିସୁ ଗଟେକଲକ୍‌ସେ ଡିସଲା । ଆରି, ସେମନ୍ ଚିମରା ଅଇଇଲଲାକ, ତେଇ ଜାଇଜାଇଟା ଦେକିରଇଲାକ, ସେବେଲେ ସେ କାତା କାକେ ନ କଇ, ମନେ ଦାରିରଇଲାକ ।

ଜିସୁ ତୁମା ଡସଲା ପିଲାକେ ନିକ କଲା

(ମାତିଉ ୧୭:୧୪-୨୭; ମାର୍କ ୯:୧୪-୧୭)

୩୭ ଆରକର୍ ଦିନେ ଜିସୁ ଆରି ତିନଟା ସିସମନ୍ ତଙ୍ଗରେଅନି ଉଡ୍‌ରି ଆଇଲାକ । ଆରି ସେ ଜାଗାଇ ବେସି ଲକ୍‌ମନ୍ ତାକର୍‌ସଙ୍ଗ ବେଟ୍ ଅଇଲାକ । ୩୮ ଆରି ଦେକା ଲକ୍‌ମନ୍‌ର୍ ବିଡ୍‌ରେଅନି ଗଟେକ୍ ଲକ୍‌ ଆଉଲିଅଇ କଇଲା, “ଏ ଗୁରୁ ମୁଇ ତମକେ ବାବୁଜିଆ କଲିନି, ମର୍ ପିଲାକେ ଅଲପ୍ ଦେକି ଦୟାକରା, କାଇକେବଇଲେ ସେ ମର୍ ଗଟେକ୍ ବଲି ପଅ । ୩୯ ଦେକା, ତାକେ ଗଟେକ୍ ତୁମା ଦାରସି, ଆରି ସେ ଅଟାଡ୍ କିରକିରି ଉଟ୍‌ସି, ତାକେ ସେ ଏହି ମତିପାକାଇସିଜେ, ତାର୍ ମୁଏଅନି ଦେପୁଲୁ ବାରଇଜାଇସି, ଆରି ସେ ତାକେ କଣ୍ଡିଆବଣ୍ଡିଆ କରି ତାର୍‌ଟାନେଅନି କସ୍‌ଟେ ବାରଇଜାଇସି । ୪୦ ତାକେ ତୁମା ଚାଡାଇବାକେ ବଲି ମୁଇ ତମର୍ ସିସମନ୍‌ର୍ ଲଗେ ଆନି ଗୁଆରି କରିରଇଲି, ମାତର୍ ସେମନ୍ ନାପାରୁଲାକ ।”

୪୧ ଜିସୁ କଇଲା, “ଏରେ କରାପବାଟେ ଜାଇ ବିସବାସ୍ ନ କଲା ଲକ୍‌ମନ୍, କେତେ କାଲୁ ଆରି ମୁଇ ତମର୍‌ସଙ୍ଗ ମୁରଟି ରଇବି, ପିଲାକେ ଇତି ଦାରିଆସା ।”

୪୨ ପିଲା ଆଇବାବେଳେ କାର୍ ଆଡ଼ମା ତାକେ ବୁର୍‌ଆପୁଟିଦେଇ ମତିପାକାଇଲା, ସେ ଆଡ଼ମାକେ ଜିସୁ ଦମ୍‌କାଇଲା ଆରି ପିଲାକେ ନିକକରି ତାର୍ ବାବାକେ ସର୍‌ପିଦେଲା । ୪୩ ତେଇ କେବେ ଦେକି ନ ରଇବା ପର୍‌ମେସର୍‌ର୍ ବପୁ ଦେକି ସବୁଲକ୍‌ କାବା ଅଇଗାଲାକ ।

ଜିସୁ ତାର୍ ମରନର୍ ବିସଏ ଜାନାଇଲା

(ମାତିଉ ୧୭:୨୨-୨୩; ମାର୍କ ୯:୩୦-୩୨)

୪୪ ତାର୍ କରିରଇବା ସବୁ କାମର୍‌ଲାଗି ସବୁଲକ୍‌ ଚକିଡ୍ ଅଇବାବେଳେ ସେ ସିସମନ୍‌କେ କଇଲା, “ଏବେ ମୁଇ କାତା ନିମାନ୍‌କରି କଇଦେଲିନି, ସୁନା । କାଇକେବଇଲେ ପର୍‌ମେସର୍‌ ପାଟାଈରଇବା ନର୍‌ପିଲା ମୁଇ ବିସବାସେ ବିସ୍‌ଦେଲାପାରା ଲକ୍‌ମନ୍‌କେ ସର୍‌ପି ଅଇବାର୍ ଗାଲିନି ।” ୪୫ ମାତର୍ ସିସମନ୍ ସେ କାତା ବୁଜିନାପାରୁଲାକ, ଆରି ସେଟା ତାକର୍‌ଟାନେଅନି ଲୁଟିରଇଲା । ତେବର୍‌ପାଇ ସେମନ୍ ଏଟା ବୁଜିନାପାରୁଲେ ମିସା ଜିସୁକେ ପାଟାଟାବାକେ ଡର୍‌ଡେରଇଲାକ ।

ସରଗ୍ ରାଇଜେ କେ ବଡ୍

(ମାତିଉ ୧୮:୧-୫; ମାର୍କ ୯:୩୩-୩୭)

୪୬ ✠ତରେକ୍ ସିସମନ୍‌ର୍ ବିଡ୍‌ରେ କେ ମୁକିଆ, ସେ ବିସଇ ନେଇ ଦଦାପେଲା ଅଇଲାକ । ୪୭ ମାତର୍ ଜିସୁ ତାକର୍ ମନ୍‌ବିଡ୍‌ରର୍ କାତା ଜାନିକରି, ଗଟେକ୍ ସାନ୍ ପିଲାକେ ଦାରୁଲା ଆରି ତାକର୍ ମୁଆଟେ ଟିଆକରି ସେମନ୍‌କେ କଇଲା, ୪୮ ✠କେ ମିସା ମର୍ ନାଉଁଦାରି ଏ ପିଲାକେ ନାମ୍‌ସି, ସେ ମକେ ନାମ୍‌ସି । ଜେ ମକେ ନାମ୍‌ସି, ସେ ମର୍ ପାଟାଈରଇବା ବାବାକେ ନାମ୍‌ସି । ସେଟାଟାପାଇ ତମର୍ ବିଡ୍‌ରେ ଜେ ସବୁର୍ ଟାନେଅନି ସାନ୍, ସେ ପର୍‌ମେସର୍‌ ତେଇ ମୁକିଅ ।”

ଜନ୍ ଲକ୍ ତମର୍ ବିରଦ୍ ନର୍‌, ସେ ତମର୍ ବାଟେ

(ମାର୍କ ୯:୩୮-୪୦)

୪୯ ତେଇ ଜଅନ୍ କଇଲା, “ଏ ଗୁରୁ, ଆମେ ଗଟେକ୍ ଲକ୍, ତମର୍ ନାଉଁ ଦାରି ତୁମା ଚାଡାଇବାଟା ଦେକ୍‌ଲୁ ଆରି ତାକେ ନ କର୍ ବଲି ତେବାଇଲୁ କାଇକେବଇଲେ ସେ ଆମର୍ ଦଲର୍ ଲକ୍ ନର୍‌ ।” ୫୦ ମାତର୍ ଜିସୁ ସେମନ୍‌କେ କଇଲା, “ତେବାଆ ନାଇ, ଜନ୍‌ଲକ୍ ତମର୍ ବିରଦେ ନାଇ, ସେମନ୍ ତମର୍ ବାଟେ ।”

ଗଟେକ୍ ସମିରଣିୟ ଗାଉଁ ଜିସୁକେ ନାମର୍ ନାଇ

୫୧ ପଟେ ଜେଡେବେଲେ ଜିସୁର୍ ସର୍‌ଗେ ଜିବାର୍ ବେଲା କେଟିଆଇଡେରଇଲା, ସେଡେବେଲେ ସେ ଜିରୁସାଲମ୍ ଜିବାକେ ମନ୍‌କଲା । ୫୨ ସେ ଜିବା ଆଗତୁ କେଡେଟା ଲକ୍‌ମନ୍‌କେ ପାଟାଇଲା । ସେମନ୍

✠ ୯:୩୫ ୯:୩୫ ମାତିଉ ୩:୧୭;୧୭:୧୮; ମାର୍କ ୧:୧୧; ଲୁକ୍ ୩:୨୨ ✠ ୯:୩୫ ୯:୩୫ ୨ ଯ ପିତର୍ ୧:୧୭,୧୮ ✠ ୯:୪୭ ୯:୪୭ ଲୁକ୍ ୨୨:୨୪ ✠ ୯:୪୮ ୯:୪୮ ମାତିଉ ୧୦:୪୦; ଲୁକ୍ ୧୦:୧୨; ଜଅନ୍ ୧୩:୨୦

ଜାଇକରି ଜିସୁସ୍‌ପାଇ ସବୁ କର୍ବାବେକେ ସମିରଣିୟମନର୍ ଗଟେକ୍ ଗାଏଁ କେଟ୍‌ଲାଲ । ୫୩ ମାତର୍ ଜିସୁ ଜିରୁସାଲମ୍ ଜିବାକେ ମନ୍କଲଆତେ ବଲି ଜାନିକରି, ତାକେ ତାକି ବସାଅଡ଼ନାଲ । ୫୪ ଏଟାଦେକି ଜାକ୍‌ବ୍ ଆରି ଜଅନ୍ କଇଲାଲ, “ମାପରୁ ଏଲିୟ ମିସା ଜେନ୍ତ୍ରି କରିରଇଲା, *ସେନ୍ତ୍ରାସ୍‌ସେ ଆମେ ବାଦ୍‌ଲେଅନି ଜଇ ଅଦରାଇ ସେମନ୍‌କେ ନାସକର୍ବାବେକେ ତମେ ମନ୍ କଲାସ୍‌ନି କି ?”

୫୫ ମାତର୍ ଜିସୁ ବୁଲିକରି ସେମନ୍‌କେ ଦମ୍‌କାଇକରି କଇଲା, “ତମେମନ୍ କେନ୍ତ୍ରାରି ଆଡ଼ମାର୍ ଲକ୍, ଏଟା ନାଜାନାସ୍ । ମାପରୁ ପାଟାଇରଇବା ନର୍‌ପିଲା ମୁଇ ମୁନୁସ୍‌ମନର୍ ଜିବନ୍ ନାସ୍ କର୍ବାବେକେ ନ ଆସି, ରକିଆ କର୍ବାବେକେ ଆସିଆତେ ।” ୫୬ ତାର୍‌ପଟେ ସେମନ୍ ଆରିଗଟେକ୍ ଗାଏଁ ଉଡିଗାଲାଲ ।

**ଜିସୁସ୍ ସିସ୍ ଅଇବାକେ ମନ୍ କର୍ବା ଲକ୍‌ମନ୍
(ମାତିଉ ୮:୧୯-୨୨)**

୫୭ ସେମନ୍ ଜିବାବେଲେ ବାଟେ ଗଟେକ୍ ଲକ୍ ଜିସୁକେ କଇଲା, “ତମେ ଜନ୍ ଜାଗାଇ ଜାଇସା, ମୁଇ ତମରସଙ୍ଗ୍ ଆଇବି ।”

୫୮ ଜିସୁ ତାକେ କଇଲା, “କକପାନ୍ଦିର୍ ପାଆର୍ ଆତେ, ଚତଇମନ୍‌କେ ଗୁଡା ଆତେ, ମାତର୍ ମାପରୁ ପାଟାଇରଇବା ନର୍‌ପିଲା ମକେ ବସବାବେକେ ନିଜର୍ ଗର୍ ନାଲ ।”

୫୯ ତାର୍‌ପଟେ ଜିସୁ ଆରିଗଟେକ୍ ଲକ୍‌କେ କଇଲା, “ମର୍‌ସଙ୍ଗ୍ ଆଉ ।” ମାତର୍ ସେ କଇଲା, “ପର୍‌ତୁମ୍ ଜାଇ ମର୍ ବାବାକେ ଦନ୍ କରିଆଇବାଜାକ ମକେ ଆଦେସ୍ ଦିଆ ।” ୬୦ ମାତର୍ ଜିସୁ ତାକେ କଇଲା, “ମଲାଲକ୍‌ମନ୍ ମଲାଲକ୍‌ମନ୍‌କେ ଦନ୍ କର୍ବାବେକେ ଚାଡିଦିଆସ୍, ମାତର୍ ତମେ ଜାଇ ପର୍‌ମେସରର୍ ରାଇଜ୍ ଜାନାଆ ।” ୬୧ ଆରିଗଟେକ୍ ଲକ୍ କଇଲା, “ମାପରୁ ମୁଇ ତମରସଙ୍ଗ୍ ଆଇବି, ମାତର୍ ଗରର୍ ଲକ୍‌ମନ୍‌କେ ଗାଲିନି ବଲି କଇକରି ଆଇବାକେ ଆଦେସ୍ ଦିଆ ।”

୬୨ ମାତର୍ ଜିସୁ ତାକେ କଇଲା, “ଜେ କସ୍‌ବାବେଲେ ନଙ୍ଗ୍‌ଲଦାରି ପଟେ ଦେକିଲାଗିରଇସି, ସେ ପର୍‌ମେସରର୍ ରାଇଜର୍ ସେବା କର୍ବାବେକେ ଅଦିକାର୍ ନ ପାଏ ।”

୧୦

ଜିସୁ ସତୁରି ଦୁଇଟା ସିସ୍‌ମନ୍‌କେ ପାଟାଇଲା

୧ ତାର୍‌ପଟେ ମାପରୁ ଆରି ସତୁରିଦୁଇ ଲକ୍‌କେ ମିସାଇଲା ଆରି ସେ ଜନ୍ ଜନ୍ ଜାଗାଇ ଆରି ଜନ୍ ଜନ୍ ନଅରେ ଜିବାକେ ମନ୍ କରିରଇଲା. ସେ ଜାଗାମନ୍‌କେ ଦୁଇ ଦୁଇ ଲକ୍‌କରି, ସେ ଜିବା ଆଗରୁ ପାଟାଇଲା । ୨ *ଆରି ଜିସୁ ସେମନ୍‌କେ କଇଲା, ଜମିତେଇ ପସଲ୍ ସିନା ଅଦିକ୍, ମାତର୍ କାମକରୁମନ୍ ଉନା । ତେବର୍‌ପାଇ ତାର୍ ଚାସ୍‌କେତେ, ଅଦିକ୍ ଲକ୍‌ମନ୍‌କେ ପାଟାଇ ଦେବାକେ ଜମି ସାଉକାର୍‌ଟାନେ ଜାନାଆ । ୩ *ତମେ ଜାଆ । ଦେକା, ବାଲିଆତୁରକାମନର୍ ବିତ୍ତରେ ମେଣ୍ଡ୍ରାମନ୍‌କେ ପାଟାଇଲା ପାରା ମୁଇ ତମ୍‌କେ ପାଟାଇଲିନି । ୪ ତାଲା, ମୁନା କି ପାଣ୍ଡୁକ ମିସା ନିଆନାଲ, ଆରି ବାଟେ କାକେ ଜୁଆର୍ କରାନାଲ । ୫ ଜାର୍ ଗରେ ତମେ କେଟ୍‌ଲେ, ପର୍‌ତୁମ୍ କରା, ଏ ଗରେ ସାନ୍ତି ମିଲ । ୬ ଜଦି ସେ ଜାଗାଇ ଗଟେକ୍ ସାନ୍ତିର୍ ଲକ୍ ରଇସି, ସେନ୍ତ୍ରାଆଲେ ତମର୍ ଆସିର୍‌ବାଦ୍ ତାକେ ମିଲ୍‌ସି । ୭ * ତାକର୍‌ଲଗେ ଜନ୍‌ଟା ରଇସି, ସେଟା କାଇକରି, ସେ ଗରେ ରୁଆ । କାଇକେବଇଲେ, ପାଇଟିକରୁ ନିଜର୍ ବୁଡି ପାଇବାଇଆକା । ଗର୍ ଗର୍‌କେ ଜାଆନାଲ । ୮ ଜନ୍ ନଅରେ ତମେ କେଟ୍‌ଲେ, ଆରି ଲକ୍‌ମନ୍ ତମ୍‌କେ ଡାକିନେଲେ, ତେଇ ତମ୍‌କେ ଜନ୍‌ଟା କାଇବାକେ ଦେଲେ ସେଟା କାଆ । ୯ ସେ ଜାଗାଇ ଜର୍ ଦୁକା ଅଇରଇଲା ଲକ୍‌ମନ୍‌କେ ନିକ କରା, ଆରି ସେମନ୍‌କେ କୁଆ ପର୍‌ମେସରର୍ ରାଇଜ୍ ତମ୍‌ରଲଗେ ସେ । ୧୦ *ମାତର୍ ଜନ୍ ନଅରେ ତମେ କେଟ୍‌ସା, ତେଇର୍ ଲକ୍ ତମ୍‌କେ ନ ଡାକିନେଲେ, ସେ ତାଣ୍ଡେଅନି, ସେ ସାଇ ଅନି ବାରଇ କୁଆ, ୧୧ *ତମର୍ ନଅରେ ଜନ୍ ଦୁଲି ଆମର୍ ପାଦେ ଲାଗିଆତେ, ସେଟାମିସା ତମର୍‌ପାଇ ପାପଡିଦେଲୁନି, ଅଇଲେମିସା ପର୍‌ମେସରର୍ ରାଇଜ୍ ଲଗେସେ, ଏଟା ତମେ ଜାନିରୁଆ । ୧୨ *ମୁଇ ତମ୍‌କେ ସର୍ କଇଲିନି, ବିଚାର୍ ଅଇବାଦିନେ ସେ ନଅରେ ଦସା, ତଣ୍ଡୁରଲାଗି ସଦମର୍ ଦସାତେଇଅନି ଅଦିକ୍ ରଇସି ।

**ବିସ୍‌ବାସ୍ ନ କର୍ବା ନଅର୍ ମନ୍‌କେ ଜିସୁର୍ ଚେଡନା
(ମାତିଉ ୧୧:୨୦-୨୪)**

* ୯:୫୪ ୯:୫୪ କେତେଟା ପାଣ୍ଡୁଲିପିଟାନେ ଏନ୍‌ଡାରି ଲେକା ଅଏ ନାଲ * ୧୦:୨ ୧୦:୨ ମାତିଉ ୯:୩୭,୩୮ * ୧୦:୩ ୧୦:୩ ମାତିଉ ୧୦:୧୭ * ୧୦:୬ ୧୦:୬ ମେ କରନ୍ତିୟ ୯:୧୪; ୧ମ ତିମତି ୫:୧୮ * ୧୦:୧୦ ୧୦:୧୦ ପେରିର୍ ୧୩:୫୧ * ୧୦:୧୧ ୧୦:୧୧ ମାତିଉ ୧୦:୬-୧୮; ମାର୍କ ୬:୮-୧୧; ଲୁକ ୯:୩-୫ * ୧୦:୧୨ ୧୦:୧୨ ମାତିଉ ୧୧:୨୪; ମାତିଉ ୧୦:୧୫

୧୩ ଅଇରେ ତଣ୍ଡୁପାଇବାକେ ଜାଗିରଇବା କରାଜିନ୍ ! ଅଇରେ ତଣ୍ଡୁପାଇବାକେ ଜାଗିରଇବା ବେହୁଆଇଦା ! ତମରଟାନେ ବପୁରସକ୍ ଜନ୍ ଜନ୍ ନ ଅଇବା କାମ୍‌ମନ୍ ଅଇଲାଆଚେ, ସେ ସବୁ ସର ଆରି ସିଦନେ ଅଇରଇତା ବଇଲେ, ସେମନ୍ କେତେକାଲ୍ ପୁରବେ ବାସ୍ତା ପିନ୍, ଚାରେ ବସି, ମାପୁରୁଟାନେ ମନ୍ ବାଉଡ଼ାଇତାଇ । ୧୪ ଅଇଲେମିସା ବିଚାରୁଦିନେ ତମରୁ ଦସା ସର ଆରି ସିଦନରୁ ଦସାଟାନେଅନି ଅଦିକ୍ ଅଇସି । ୧୫ ଆରି ଏ କପରନାଉମ୍, ସରଗ୍ ଜେଡ଼କି ଉର୍, ତୁଇ କାଇ ସେଡ଼କିଜାକ ଉର୍ ଅଇସୁ କି ? ପାତାଲ୍ ଜେଡ଼କି ତଲେ ଆଚେ, ସେଡ଼କି ତଲେ ତକେ ଆନାଅଇସି ।

୧୬ *ଜେଡେବେଲେ ଜନ୍ ଲକ୍‌ମନ୍ ତମର୍ କାତା ସୁନ୍‌ବାଇ, ସେମନ୍ ମର୍ କାତା ସୁନ୍‌ବାଇ । ଜନ୍ ଲକ୍‌ମନ୍ ତମ୍‌କେ ନ ମାନଡ଼, ସେମନ୍ ମକେ ନ ମାନଡ଼, ଆରି ଜନ୍ ଲକ୍‌ମନ୍ ମକେ ନ ମାନଡ଼, ସେମନ୍ ମକେ ପାଟାଇରଇବା ପରମେସରୁକେ ମିସା ନ ମାନଡ଼ ।

୧୭ ତାର୍‌ପଚେ ସେ ସତୁରି ଲକ୍ ବାଉଡ଼ି ଅଇଲାଲ୍ ଆରି ସାର୍‌ଦାଅଇକରି କଇଲାଲ୍, “ମାପୁର୍, ତମର୍ ନାଉଁ ଦାରି ଆଦେସ ଦେଲେ ତୁମାମନ୍‌ମିସା ଆମର୍ କାତା ମାନ୍‌ଲାଇନି ।” ୧୮ ମାତର୍ ଜିସୁ ସେମନ୍‌କେ କଇଲା, “ସଇତାନ୍ ବାଦ୍‌ଲେଅନି ବିଜ୍‌ଲି ପାରା ଅଇ ଅଦର୍‌ବାଟା ମୁଇ ଦେକ୍‌ଲି । ୧୯ ଦେକା, ମୁଇ ତମ୍‌କେ ସାଁପୁ ଆରି ବିସ୍‌କାକ୍‌ତା ଉପରେ ଇଣ୍ଡୁବାକେ ବପୁ ଦେଲିଆଚି, ଆରି ସତ୍‌ରୁର୍ ଉପରେ ରଇବା ବପୁ ମିସା ଦେଲିଆଚି । ତମ୍‌କେ କେ ମିସା କାଇଟା କରିନାପାରଡ଼ । ୨୦ ଏଲେମିସା ଆତ୍‌ମାମନ୍ ଆମର୍ କାତା ମାନ୍‌ଲାଇନି ବଲି ସାର୍‌ଦା ଉଆନାଇ । ତମର୍ ନାଉଁମନ୍ ସର୍‌ଗେ ଲେକାଅଇଆଚେ ବଲି ସାର୍‌ଦାଉଆ ।”

ଜିସୁ ପରମେସରୁକେ ପାର୍‌ତନା କଲା

୨୧ ଜିସୁ ସେ ତାଣ୍ଡେ ସୁକଲ୍‌ଆତ୍‌ମାଲ୍ ପୁରୁନ୍‌ଅଇ କଇଲା, “ଏ ବାବା ! ସରଗ୍ ଆରି ମର୍‌ପୁରୁର୍ ମାପୁର୍ ! ତୁଇ ଗିଆନି ଆରି ବୁଦିରଇବା ଲକ୍‌ମନର୍‌ଟାନେଅନି ଏ କାତା ଲୁଟାଇରଇଲେ ମିସା, ସାନ୍ ପିଲାମନର୍ ପାରା ଲକ୍‌ରଟାନେ ଜାନାଇଲାସ୍ । ଏଟାର୍‌ପାଇ ତମ୍‌କେ ସୁମର୍‌ନା କଲିନି । ଉଁ ବାବା, କାଇକେବଇଲେ ତମେ ଏଣ୍ଡାଟା ଦେକ୍‌ବାକେ ମନ୍‌କରଡେ ରଇଲାସ୍ । ୨୨ *ମର୍ ବାବାର୍ ସବୁ ବିସଇ ମକେ ସର୍‌ପି ଅଇଲାଆଚେ, ଆରି ପଅ କେ, ଏଟା ବାବାକେ ଚାଡ଼ି ଆରି କେ ନାଜାନଡ଼, ଆରି ବାବା କେ, ଏଟା ପଅକେ ଚାଡ଼ି କେ ନାଜାନଡ଼ । ପଅ ଜାରୁଲଗେ ମର୍ ବାବାକେ ଜାନାଇବି ବଲି ମନ୍‌କରିରଇସି, ସେସେ ଜାନିରଇସି ।” ୨୩ ଜିସୁ ସିସ୍‌ମନର୍‌ବାଟେ ମୁ ବୁଲାଇ ସେମନ୍‌କେ କଇଲା, “ତମେ ଜନ୍ ଜନ୍‌ଟା ଦେକ୍‌ଲାସିନି, ସେ ସବୁ ଜେ ଦେକ୍‌ସି, ସେଟା ନିକ । ୨୪ କାଇକେବଇଲେ ମୁଇ ତମ୍‌କେ କଇଲିନି, ତମେ ଜନ୍ ଜନ୍‌ଟା ଦେକ୍‌ଲାସିନି, ସେ ସବୁଜାକ ଦେକ୍‌ବାକେ କେତେ କେତେ ରାଜାମନ୍ ଆରି ମାପୁରୁର୍ କବର୍ ଜାନାଉମନ୍ ମନ୍‌କଲାଲ୍, ମାତର୍ ଦେକିନାପାରୁଲାଲ୍ । ଆରି ତମେ ଜନ୍ ଜନ୍‌ଟା ସୁନ୍‌ଲାସିନି, ସେ ସବୁ ସୁନ୍‌ବାକେ ସେମନ୍ ମନ୍‌କଲାଲ୍, ମାତର୍ ସୁନିନାପାରୁଲାଲ୍ ।”

ସମିରଣିୟ ଗଡ଼ର୍ ନିକ ଲକ୍

୨୫ *ତାର୍‌ପଚେ ଗଟେକ୍ ଦରମ୍ ସାସ୍‌ତର୍ ସିକାଉ ତାକେ ପରିକାକରି ପାଟାରୁଲା, “ଏ ଗୁରୁ କେବେ ନ ସାର୍‌ବା ଜିବନ୍ ମିଲାଇବାକେ ଆଲେ ମୁଇ କାଇଟା କର୍‌ବାର୍ ଆଚେ ?”

୨୬ ଜିସୁ ତାକେ କଇଲା, “ନିୟ୍‌ମ୍ ସାସ୍‌ତରେ କାଇଟା ଲେକାଆଚେ ? ତୁଇ କେନ୍ତାରି ପଡ଼ୁଲୁସି ?”

୨୭ ସେ କଇଲା, “ତମେ ନିଜର୍ ସବୁ ଗାଗଡ଼, ମନ୍, ଆତ୍‌ମା ଆରି ବପୁ ଦେଇ ପରମେସରୁକେ ଆଲାଦ୍ କରା । ଆରି ପଡ଼ିସାର୍ ଲକ୍‌ମନ୍‌କେ ନିଜର୍ ସମାନ୍ ଆଲାଦ୍ କରା ।”

୨୮ ତାର୍‌ପଚେ ଜିସୁ ତାକେ କଇଲା, “ତମେ ଟିକ୍ କଇଲାସ୍ । ଏଣ୍ଡାର୍ କର୍, ତେବେ ଜିବନ୍ ମିଲାଇସୁ ।”

୨୯ ମାତର୍ ସେ ନିଜେ ଦରମ୍‌ଲକ୍ ବଲି ଦେକାଇବାକେ ମନ୍‌କରି ଜିସୁକେ ପାଟାରୁଲା, “ତେବେ କେ ମର୍ ପଡ଼ିସାର୍ ଲକ୍ ?”

୩୦ ଜିସୁ ତାକେ କଇଲା, ଗଟେକ୍ ଲକ୍ ଜିରୁସାଲମେଅନି ଜିରିଅ ଜିବାବେଲେ ଚର୍‌ମନର୍ ମୁଆଚେ ପଡ଼ୁଲା । ଚର୍‌ମନ୍ ତାର୍ ଲୁଟାପଡ଼ିଆ ଚାତାଇ, ତାକେ ମାରୁଲାଲ୍ ଆରି ମରିଗାଲାପାରା ଅଇଲାକେ ଚାଡ଼ି ଉଟିଗାଲାଲ୍ । ୩୧ ସେଟା ଅଇସାରି କେତେପର୍ ଜିବାକେ ଗଟେକ୍ ପୁଜାରି ସେ ବାଟେ ଜାଇଡେରଇଲା ଆରି ତାକେ ଦେକି, ବାଟ୍ ପିଟାଇଅଇ ଉଟିଗାଲା । ୩୨ ସେନ୍ତାରିସେ ଗଟେକ୍ ଲେବିୟ୍ ଲକ୍ ମିସା ସେ ଜାଗାଇ ଆସି ତାକେ ଦେକି ବାଟ୍ ପିଟାଇଅଇ ଉଟିଗାଲା । ୩୩ ମାତର୍ ସମିରଣିୟର୍ ଗଟେକ୍

* ୧୦:୧୬ ୧୦:୧୭ ମାଡ଼ିଉ ୧୦:୪୦; ମାରୁକ ୯:୩୭; ଲୁକ୍ ୯:୪୮; ଜଅନ୍ ୧୩:୨୦ * ୧୦:୨୨ ୧୦:୨୨ ଜଅନ୍ ୩:୩୫; ଜଅନ୍ ୧୦:୧୫ * ୧୦:୨୫ ୧୦:୨୫ ମାଡ଼ିଉ ୨୨:୩୫-୪୦; ମାରୁକ ୧୨:୨୮-୩୪

ଲକ୍ ତାରୁଲଗେ ଆସି, ଦେକଲା ଆରି ବେସି ମନ୍ଦୁକ୍ କଲା । ୩୪ ଆରି ତାରୁଲଗେ ଜାଇ ମାଡ଼ୁଅଇ କଣ୍ଡିଆ ବଣ୍ଡିଆ ଅଇଲାଟାନେ, ଚିକନ୍ ଆରି ଆମଟ୍ ଅଙ୍ଗୁରୁରସ୍ ଲାଗାଇଦେଲା । ତାକେ ଗର୍ଣ୍ଣା ବାଦି, ଗଦଉପୁରେ ବସାଇ, ଲକ୍ମନ୍ଦ ବସି ମିଟିଙ୍ଗ୍ କରବା ଗରେ ନେଇ ସେବାଜତନ୍ କଲା । ୩୫ ତାର୍ ଆର୍କର୍ ଦିନେ ସିମରଣିୟ୍ ଲକ୍ ଦୁଇଟା ରୁପାଟାଙ୍ଗା ବାରକରାଇ, ମିଟିଙ୍ଗ୍ ଗରର୍ ମୁଜିଆକେ ଦେଇ କଇଲା, “ଆର୍ ସେବା ଜତନ୍ କରା, ଆରି ଅଦିକ୍ କରଟ ଅଇଲେ, ସେଟା ମୁଇ ବାଉଡିଆଇବା ବେଲେ ତମ୍ନେକେ ସୁଜିଦେବି ।”

୩୬ ଏ ତିନିଲକର ବିଡ଼ରେଅନି କେ ଚର୍ମନର୍ ଟାନେ ମାଡ଼କାଉ ଲକର୍ ପଡ଼ିସାର୍ ଲକ୍ ବଲି ବାବ୍ଲୁସ୍ନି ?

୩୭ ସାସ୍ତର୍ ସିକାଉ କଇଲା, “ଜନ୍ ଲକ୍ ତାକେ ଦୟାକଲା, ସେ ଆକା ।” ଜିସୁ ତାକେ କଇଲା, “ଜା ତୁଇ ମିସା ସେନ୍ତାରି କର୍ ।”

ଜିସୁ ମାର୍ତ୍ତା ଆରି ମରିୟମର୍ ଗରେ ଗାଲା

୩୮ ଜିସୁ ଆରି ତାର୍ ସିସ୍ମାନ୍ ଜିବାବେଲେ ଗଟେକ୍ ଗାର୍ବ୍ କେଟ୍ଲାଇ । ତେଇ ମାର୍ତ୍ତା ନାଉର୍ ଗଟେକ୍ ମାଇଜି ଜିସୁକେ ତାର୍ ଗରେ ତାକି ବସାଇଲା । ୩୯ ମାର୍ତ୍ତାକେ ମରିୟମ୍ ନାଉର୍ ଗଟେକ୍ ବଇନି ରଇଲା । ସେ ମାପୁରୁର୍ ପାଦେ ବସି ତାର୍ ବାକିଅ ସୁନ୍ଦେରଇଲା । ୪୦ ମାର୍ତ୍ତା ମାର୍ତ୍ତାକେ ବେସି ପାଇଟି ରଇଲାଜେ ଦାନ୍ଦା ଅଇଜାଇତେ ରଇଲା । ତେବର୍ପାଇ ସେ ଜିସୁରୁଲଗେ ଆସି କଇଲା, “ଏ ମାପୁରୁ, ମର୍ ବଇନି ଗରର୍ ସବୁ ପାଇଟି ମକେ ସେ କରାଇଲାନି, ସେବାଟେ କାଇ ତମ୍ନେକେ ମନ୍ ନାଇ କି ? ସେଟାପାଇ ତାକେ କୁଆ, ସେ ମକେ ଆସି ସାଇଜ କର ।”

୪୧ ମାର୍ତ୍ତା ମାପୁରୁ ତାକେ କଇଲା, “ଏ ମାର୍ତ୍ତା, ତୁଇ ବେସି ବିସଇ ଚିନ୍ତା କରି, ଦାନ୍ଦାଅଇଗାଲୁସ୍ନି, ୪୨ ମାର୍ତ୍ତା, ଗଟେକ୍ ବିସଇ ଆକା ସବୁଟାନେଅନି ମୁଜିଅ । ସେଟା ମରିୟମ୍ ବାଟିକରି ନେଇଆଟେ । ସେଟା ତାର୍ଟାନେଅନି କେ ନେଇ ନାପାରୁ ।”

୧୧

**ପାର୍ତନା ବିସଇ ନେଇ ସିକିଆ
(ମାଡ଼ିଉ ୬:୯-୧୩, ୭-୭-୧୧)**

୧ ତରେକ୍ ଜିସୁ ଗଟେକ୍ ଜାଗାଇ ପାର୍ତନା କର୍ତେରଇଲା । ସେ ପାର୍ତନା କରି ସାରାଇଲା ପଟେ, ତାକର୍ ସିସ୍ମାନ୍ ବିଡ଼ରେଅନି ଗଟେକ୍ ଲକ୍ ତାକେ କଇଲା, “ଏ ମାପୁରୁ ତୁବନ୍ ଦେଉ ଜଅନ ଜେନ୍ତାରି ନିଜର୍ ସିସ୍ମାନ୍କେ ପାର୍ତନା କର୍ବାକେ ସିକାଇଲା, ତମେମିସା ଆମ୍ନେକେ ପାର୍ତନା କର୍ବାକେ ସିକାଆ ।”

୨ ଜିସୁ ସେମନ୍କେ କଇଲା, ଜେତେବେଲେ ତମେ ପାର୍ତନା କର୍ସା, ସେଡ଼କିବେଲେ କୁଆ, “ବାବା ତମ୍ନେ ନାଉଁ ସୁକଲ୍ବଲି ସବୁଲକ୍ ମାନଡ଼ । ତମ୍ନେ ରାଇଜି ଆସ ।

୩ ସବୁଦିନ୍ ଆମ୍ନେକେ ଆମ୍ନେ ଦର୍କାର୍ ରଇଲା କାଦି କାଇବାକେ ଦିଆ ।
୪ ଆମ୍ନେ ସବୁ ପାପ୍ କେମା କରିଦିଆସ୍,

କାଇକେବଇଲେ ଆମେ ମିସା ଆମ୍ନେ ବିରୁଦେ ବୁଲ୍ କଲା ଲକ୍ମନ୍କେ କେମା କଲୁନି ।
ଆମ୍ନେକେ ପାପ୍ ଦସ୍ କରାଇବା ସବୁଟେଇଅନି ରକିଆ କରା ।”

୫ ପଟେ ଜିସୁ ତାର୍ ସିସ୍ମାନ୍କେ କଇଲା, “ତମ୍ନେ ଏନ୍ତାରି କାର୍ ମଇତର୍ ଆଟେ କି, ଜାରୁଲଗେ କି ତମେ ମଜାରାତି ଜାଇ କଇପାରାସ୍, ଏ ମଇତର୍, ମକେ ତିନିଟା ରୁଟି ଉଦାର୍ ଦେଇରୁଆ, ୬ କାଇକେବଇଲେ, ମର୍ ଗଟେକ୍ ବେସି ଦୁରର୍ ସାଙ୍ଗ୍ ଆସିଆଟେ, ତାକେ କାଇବାକେ ଦେବାକେ ମର୍ଲଗେ କାଇଟାମିସା ନାଇ । ୭ ଆରି ବିଡ଼ରେଅନି ସେ କଇସି, ମକେ କସ୍ ଦିଆନାଇ, କାପାଟ୍ ତାବ୍ଲୁବେ, ଆରି ମର୍ସଙ୍ଗ୍ ମର୍ ପିଲାମନ୍ ସଇଆଡ଼ । ତମ୍ନେକେ ଉଟିକରି ଦେଇନାପାରି । ୮ ମୁଇ ତମ୍ନେକେ କଇଲିନି, ତମ୍ନେ ମଇତର୍ ଅଇରଇଲେ ମିସା ସେ ଉଟିକରି ରୁଟି ନ ଦେଏ, ମାର୍ତ୍ତା ତମେ ଲାଜ୍ ନ ଅଇ ମାଙ୍ଗିଲାଗିରଇଲେ, ସେ ଉଟିକରି ତକେ ଜେଡ଼କି ଲଡା, ସେଡ଼କି ଦେଇସି ।”

୯ ମୁଇ ତମ୍ନେକେ କଇଲିନି, ମାଙ୍ଗା ତେବେ ତମ୍ନେକେ ଦିଆଅଇସି । କଜା, ତେଇ ତମେ ମିଲାଇସା । କାପାଟେ ବାଜାଆ, ତେଇ ତମ୍ନେକେ ବଲି ଉଗାଡି ଦିଆଅଇସି । ୧୦ କାଇକେବଇଲେ, ଜେ ମାଙ୍ଗିସି, ସେ ପାଇସି । ଜେ କଜିସି, ସେ ମିଲାଇସି । ଜେ କାପାଟେ ବାଜାଇସି, ତାର୍ପାଇ କାପାଟ୍ ଉଗାଡି ଦିଆଅଇସି ।

☆ ୧୦:୩୮ ୧୦:୩୮ ଜଅନ୍ ୧୧:୧

୧୧ “ଆରି ତମର ବିତ୍ତରେ ଏନ୍ତାରି ବାବା କେ ଆଚେ, ଜେ କି ଜନ୍ ବାବାକେ ତାରୁ ପଥ ମାତ୍ ମାଙ୍ଗଲେ, ତାକେ ମାତ୍ ନ ଦେଇ ସାଁପ୍ ଦେଇସି ? ୧୨ କି ଗାରୁ ମାଙ୍ଗଲେ, ସେ ତାକେ ବିସ୍ୱକାକ୍ତା ଦେଇସି ? ୧୩ ତେବେ ତମେ କରାପ୍ ଲକ୍ ଅଇଲେ ମିସା, ନିଜର୍ ନିଜର୍ ପିଲାମନକେ ନିକ ନିକ ବିସଇ ଦେବାରୁ ଜାନାସ୍ । ତେବେ ଜନ୍ ବାବା ସରଗେଅନି ଦାନ୍ କଲାନି, ସେ ଜାନେ, ସେ ତାକେ ମାଙ୍ଗବା ଲକ୍ କେକେ ତେକ୍ ଅଦିକ୍ ସୁକଲ୍ ଆତ୍ମା ଦେଇସି !”

ଜିସୁ ଆରି ବାଆଲ୍‌ଜିବୁଲ୍
(ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ତରେକ୍ ଜିସୁ ଗଟେକ୍ ଲକ୍‌ରତେଇଅନି ତୁମା ଚାତାଇତେରଇଲା । ସେ ତୁମା ଗୁଲିଟା । ତୁମା ବାରଇଗାଲା ପଟେ ଗୁଲି ଲକ୍ କାତା କଇଲା । କାତାକଇଲାକେ ତେଇ ରଇବା ଲକ୍‌ମନ୍ କାବାଅଇଗାଲା । ୧୫ *ମାତର୍ ସେମନ୍‌ର ବିତ୍ତରେ କେ କେ କଇଲା, “ସେ ତୁମାମନ୍ ନେତା ବାଲ୍‌ଜିବୁଲ୍‌ର୍ ସାଇଜ ନେଇ ତୁମା ଚାତାଇସି ।”

୧୬ *ବିନ୍‌ଲକ୍‌ମନ୍ ଜିସୁକେ ପରିକାକରି ପାନ୍ଦେ ପାକାଇବାକେ ବାବ୍‌ତେ ରଇଲା । ତେବର୍‌ପାଇ ପର୍‌ମେସର୍ ତାରୁ ରକିଆକାରି ବଲି ସବୁକେ ଜାନାଇବାକେ ଗଟେକ୍ କାବାଅଇଜିବା ଚିନ୍ ଦେକାଇବାକେ କଇଲା । ୧୭ ମାତର୍ ଜିସୁ ତାକର୍ ମନ୍‌ର୍ କାତା ଜାନି, ସେମନ୍‌କେ କଇଲା, “ଗଟେକ୍ ରାଇଜ୍ ହୁଇ ବାଗ ଅଇକରି, ନିଜର୍ ନିଜର୍ ବିରୁଦେ ହୁଇଦ୍ କଲେ, ସେଟା କୁରୁପ୍‌ନାସ୍ ଅଇଜାଇସି । ଗଟେକ୍ ଗରର୍ ଲକ୍ ନିଜର୍ ନିଜର୍ ବିରୁଦେ ଲାଗଲେ, ସେ ଗର୍ ମିସା ବାଙ୍ଗିଜାଇସି । ୧୮ ଆରି ସଇତାନ୍ ମିସା ବାଗ୍ ବାଗ୍ ଅଇ, ନିଜର୍ ବିରୁଦେ ଉର୍‌ଲାନି ବଇଲେ, ତାରୁ ରାଇଜ କେନ୍ତ୍ର ତବିର୍ ଅଇକରି ରଇସି ? ନାଇ ନ ରସ । ମୁଇ କାଇକେ ଏଟା କଇଲିନି ବଇଲେ, ବାଲ୍‌ଜିବୁଲ୍‌ର୍ ସାଇଜ ନେଇ ତୁମା ଚାତାଇଲିନି ବଲି ତମେ ତା କଇଲାସିନି । ୧୯ ତମର୍ ପଥମନ୍ ବାଲ୍‌ଜିବୁଲ୍‌ର୍ ବପୁ ପାଇ ସେମନ୍‌କେ ଚାତାଇବାଇ, ତେବର୍‌ପାଇ ସେମନ୍‌ସେ ତମ୍‌କେ ବିଚାର କର୍‌ବାଇ । ୨୦ ନାଇ, ମୁଇ ପର୍‌ମେସର୍‌ର ବପୁସଙ୍ଗ୍ ତୁମା ଚାତାଇବି । ତେବେ ତା ଏଟା ଜାନାଇ ଦେଲାନି, କି ପର୍‌ମେସର୍‌ର ରାଇଜ୍ ତମର୍ ଲଗେ କେଟ୍‌ଲାବେ ବଲି ।”

୨୧ “ଜେତେବେଲେ ଗଟେକ୍ ବପୁର୍ ଲକ୍ ଆତ୍‌ଅତିଆର୍ ଦାରି ନିଜର୍ ଗର୍ ଜାଗସି, ସେତେବେଲାଜାକ ତାରୁ ଦନ୍ କାଇଟା ନ ଅସ । ୨୨ ମାତର୍ ଜେତେବେଲେ ତାରୁ ଗାନେଅନି ଅଦିକ୍ ବପୁର୍‌ଲକ୍ ଆସି, ତାକେ ଲାଗିକରି ଜିତ୍‌ସି । ଗରର୍ ସାଉକାର୍ ଜନ୍ ଆତ୍‌ଆତିଆର୍ ଦାରି ନିଜେ ରକିଆ ପାଇତେରଇଲା , ସେ ସବୁଜାକ ବପୁର୍ ଲକ୍ ଚାତାଇନେଇସି । ଆରି ଚାତାଇ ନେଲାଟା ସେ ମନ୍‌କଲା ପାରା କାକେ ମିସା ବାଟା କାରିଦେଇସି ।

୨୩ * “ଜେ ଆମ୍‌କେ ବିରଦ୍ ନ କରେ, ସେ ଆମ୍‌ ନିଜର୍ ଲକ୍ । ଜେ ମର୍ ସଙ୍ଗ୍ କୁଡାଏନାଇ, ସେ ବିଚିପାକାଇସି ।”

ଗଟେକ୍ ତୁମା ବାରଇଗାଲା
(ମାତିଉ ୧୨:୪୩-୪୫)

୨୪ “ଗଟେକ୍ କରାପ୍ ଆତ୍‌ମା ମୁନ୍‌ସର୍‌ଟାନେଅନି ବାରଇଗାଲାପଟେ, ସେ ଆତ୍‌ମା ବିସ୍‌ରାମ୍ କର୍‌ବାକେ ସୁକଲା ଜାଗାଇ କନ୍‌ଆଲେ ଲକ୍‌ରଟାନେ ରଇବାକେ କଜି ବୁଲ୍‌ସି । ଆରି ଜାଗା ନ ମିଲ୍‌ଲେ କଇସି, ମୁଇ ଜନ୍ ଲକ୍‌ର୍ ଟାନେଅନି ବାରଇଆସି ରଇଲି, ସେ ଲକ୍‌ରଟାନେସେ ବାଉଡି ଜିବି । ୨୫ ଜେତେବେଲେ ସେ ତୁମା ଚାତ୍‌ଲା ମୁନ୍‌ସର୍‌ଲଗେ ଆସି ପରିତଲ୍‌ରଇ ନିମାନ୍ ସଜାଇଅଇରଇଲାଟା ଦେକ୍‌ସି । ୨୬ ତାରୁପଟେ ସେ ତୁମା ଜାଇକରି ତାର୍‌ଟାନେଅନି ବାନିଆରଇବା ବିନ୍ ବିନ୍ ସାତ୍‌ଟା ତୁମାମନ୍‌କେ ଡାକିଆନ୍‌ସି । ସେମନ୍ କେଟିକରି ତେଇ ବାସା ଅଇବାଇ, ଆରି ସେ ଲକ୍ ଆଗତୁ ଜେନ୍ତାରୁ ଅଇରଇଲା, ତାର୍‌ତେଅନି ସାରାସାରି ଅଦିକ୍ କରାପ୍ ଅଇଜାଇସି ।”

ସତ୍ ସାର୍‌ଦା

୨୭ ଜିସୁ ଏନ୍ତାରି ସବୁ କାତା କଇବାବେଲେ ଲକ୍‌ମନ୍‌ର ବିତ୍ତରେଅନି ଗଟେକ୍ ମାଇଜିଟିକି ଆଉଲିଅଇ କଇଲା, “କେତେକ୍ କରମର୍ ମାଆ ଜେ କି ତମ୍‌କେ ଜନମ୍ ଦେଲା ଆରି ନିଜର୍ ବୁଦ୍ କୁଆଇଲା ।”

୨୮ ମାତର୍ ଜିସୁ କଇଲା, “ନାଇ, ଜନ୍ ଲକ୍‌ମନ୍ ପର୍‌ମେସର୍‌ର ବାକିଅ ସୁନ୍‌ବାଇ ଆରି ସେଟା ମାନ୍‌ବାଇ, ସେମନ୍ ନିକ କରମର୍ ଲକ୍ ।”

* ୧୧:୧୫ ୧୧:୧୫ ମାତିଉ ୯:୩୪:୧୦:୨୫ * ୧୧:୧୬ ୧୧:୧୭ ମାତିଉ ୧୨:୩୮:୧୭:୧; ମାର୍କ ୮:୧୧ * ୧୧:୨୩ ୧୧:୨୩ ମାର୍କ ୯:୪୦

କାବାଅଇ ଜିବାପାରା କାମର୍ ଲାଗି ଦାବି
(ମାତ୍ରି ୧୨:୩୮-୪୨)

୨୯ *ଲକ୍ଷ୍ମୀନ ଦଲ୍ ଦଲ୍ ଅଇ ଜିସୁରଲଗେ ଚୁଲ୍ ଅଇବାବେଲାଇ ସେ କଇବାର୍ ଦାର୍ଲା । “ଏବର୍ ଜୁଗର୍ ମୁନ୍ନୁସମନ୍ କରାପ୍, ଏମନ୍ କାବା ଅଇଜିବା କାମର୍ ତିନ୍ କଜ୍ଲାଇନି । ମାତର୍ ଜୁନସ୍ତକେ ଗର୍ଲା ତିନ୍ ଚାଡ଼କରି ଆରି କାଇ ବିନ୍ ତିନ୍ ମିସା ଦିଆ ନ ଅଏ । ୩୦ କାଇକେବଇଲେ ଜୁନସ୍ ଜେନ୍ତି ନିନିବିୟ ଲକ୍ଷ୍ମୀନରପାଇ ତିନ୍ପାରା ଅଇଲା, ପର୍ତ୍ତେସର୍ ପାଟାଇରଇବା ନର୍ପିଲା ମୁଇ ମିସା ଏବର୍ ଲକ୍ଷ୍ମୀନରପାଇ ତିନ୍ ପାରା ଅଇବି । ୩୧ ବିଚାର୍ନା ଦିନେ ଦକିନ୍ ଦେସେ ରଇବା ସେବା ନାଉର୍ ରାନି, ଏବର୍ ଲକ୍ଷ୍ମୀନର୍ ବିରଦେ ଉଟି, ଏମନ୍କେ ଦସି କରାଇସି, କାଇକେବଇଲେ ସେ ରାନି, ସଲ୍ମନରାଜା ସିକାଇରଇବା ଗିଆନର୍ କାତା ସୁନ୍ବାକେ ବେସି ଦୁର୍ଅନି ଆସିରଇଲା । ଆରି ଦେକା ! ସଲ୍ମନରାଜା ନେଅନି ଅଦିକ୍ ବଡ଼ ଲକ୍ ଇତି ଆଚେ । ୩୨ ବିଚାର୍ନାଦିନେ ନିନିବିର୍ ଲକ୍ଷ୍ମୀନ ଏବର୍ ମୁନ୍ନୁସମନ୍ ବିରୁଦେ ଚିଆଅଇ ଏମନ୍କେ ଦସି କର୍ବାଇ । କାଇକେବଇଲେ ସେମନ୍, ଜୁନସ୍ ମାପ୍ତୁର୍ କାତା ଜାନାଇଲାକେ, ପାପ୍କାମେଅନି ବାଉଡ଼ିରଇଲାଇ, ଆରି ଦେକା ! ଜୁନସ୍ ଚାନେଅନି ବଡ଼ ଲକ୍ ଇତି ଆଚେ ।

୩୩ *କେ ମିସା ବଡ଼ି ତସାଇ ମାନ୍ତଲେ ଡାବିକରି ନ ସଙ୍ଗାଅଡ଼ । ମାତର୍ ବଡ଼ି ସଙ୍ଗାଇବା କୁଦ୍‌ରାଇ ସଙ୍ଗାଇବାଇ, ଜେନ୍ତିବିକି ଗର୍ବିବ୍‌ରେ ଜିବାଲକ୍ଷ୍ମୀନ ଉଜଲ୍ ଦେକିପାର୍ବାଇ । ୩୪ ତମର୍ ଆଁକି, ଗାଗଡ଼ର୍ ବଡ଼ି । ଜେଡେବଲ୍ ତମର୍ ଆଁକି ନିକ ରଇସି, ସେଡେବେଲେ, ତମର୍ ଗୁଲାଇ ଗାଗଡ଼ ମିସା ଉଜଲ୍ ଅଇସି । ମାତର୍ ଜେଡେବେଲେ ସେଟା ମୁର୍କି ରଇସି, ସେଡ଼କିବେଲା ତମର୍ ଗାଗଡ଼ ମିସା ଆନ୍ଦା ଅଇଜାଇସି । ୩୫ ଡେବେ ମନେ ରଅ, ଜାଗର୍ଡ଼ଅଇ ରୁଆ, ଜେନ୍ତିକି ତମର୍ ବିଡ଼ର୍ ଉଜଲ୍ କେବେ ଆନ୍ଦା ନ ଅଏ । ୩୬ ଏଟାପାଇ ତମର୍ ଗୁଲାଇ ଗାଗଡ଼ ଜଦି ଉଜଲ୍ ଅଇସି ଆରି ଡେଇର୍ କଣ୍ଡେକ୍ ମିସା ଆନ୍ଦା ନ ରଏ, ସେନ୍ତାଅଇଲେ, ବଡ଼ି ଜେନ୍ତି ଜଗ୍‌ଜଗି ଜାଇ ଉଜଲ୍ ଦେଇସି, ସେନ୍ତାରି ତମର୍ ଗୁଲାଇ ଗାଗଡ଼ ଉଜଲ୍ ଅଇସି ।”

ଜିସୁ ପାରୁସିମନ୍‌କେ ଆରି ସାସ୍‌ତର୍ ସିକାର୍‌ମନ୍‌କେ ଦସ୍ ଦେଲା
(ମାତ୍ରି ୨୩:୧-୩୬; ମାର୍‌କ ୧୨:୩୮-୪୦)

୩୭ ଜିସୁ କାତା କଇସାରାଇଲା ପଟେ ଗଟେକ୍ ପାରୁସିଲକ୍ ତାକେ ନିଜର୍ ଗରେ କାଇବାକେ ଡାକ୍ଲା, ଆରି ଗରେ ବସାଇଲା । ୩୮ ମାତର୍ ଜିସୁ ଜିଉଦି ରିଡିନିଡି ଇସାବେ ଦୁଆପୁଟା ନ ଅଇରଇଲାକେ ଏଟା ଦେକି ସେ ପାରୁସି ଲକ୍ କାବା ଅଇଗାଲା । ୩୯ ଜିସୁ ତାକେ କଇଲା, “ତମେ ପାରୁସିମନ୍ ଗିନା ଆରି ତାଲାର୍ ବାଇରେ ମାଞ୍ଜିରଇସା, ମାତର୍ ତମର୍ ବିଡ଼ର୍ ସକ୍ତି ବେନ୍‌ବେନା ରଇସି । କରାପ୍‌ଟା ଆରି ଲବ୍ କର୍ବାଟା ସବୁ ପୁରୁନ୍ ଅଇଆଚେ । ୪୦ ଏ ବକୁଆମନ୍ ! ଜେ ଗାଗଡ଼ର୍ ବାଇରଟା ତିଆର୍ କଲା ଆଚେ, ସେ କାଇ ବିଡ଼ର୍‌ଟା ମିସା ତିଆର୍ କରେନାଇ କି ? ୪୧ ଡେବର୍‌ପାଇ ତମେ ଜନ୍‌ଟା କଟିକରି ସଙ୍ଗାଇ ଆସାସ୍, ସେଟା ଦୁକିରୁକି ଲକ୍ଷ୍ମୀନକେ ଦାନ୍‌କରା, ଆରି ଦେକା, ତମେ ପୁରାପୁରୁନ୍ ପରିଚଲ୍ ଅଇଜାଇସା ।”

୪୨ “ଅଇରେ ପାରୁସିମନ୍ ! ତମର୍ ଉପ୍‌ରେ ଗଟେକ୍ ବଡ଼ ଡ଼ଣ୍ଡ ଲାଦିଅଇସିବେ ! କାଇକେବଇଲେ ତମର୍ ବାଡେଅନି କାମାଇଲାଟା ଦସ୍‌ବାଟ୍ ଅନି ବାଗେକ୍ ଦେଲାସିନି । ମାତର୍ ତମେ ନିଆଇ ଆରି ଦୟା ଏଲା କଲାସିନି । ଏଟାସଙ୍ଗ ବାଗେକ୍ ଦେବାଟା ମିସା ଚାଡ଼ିବାର୍ ନାଇ ।”

୪୩ “ଅଇରେ ପାରୁସିମନ୍, ତମର୍ ଉପ୍‌ରେ ଗଟେକ୍ ବଡ଼ ଡ଼ଣ୍ଡ ଲାଦିଅଇସିବେ ! କାଇକେବଇଲେ ତମେ ପାର୍‌ତନାଗରେ ମୁକ୍ତିଅ ଜାଗାଇ ବସ୍‌ବାକେ ମନ୍ କର୍‌ସା ଆରି ଆଟେବାଟେ ଲକ୍ଷ୍ମୀନରାଜାନେଅନି ଜୁଆର୍ କରାଇଅଇବାକେ ବଲ୍ ବଲାଅଇଅଇସା । ୪୪ ଅଇରେ ପାରୁସିମନ୍ ! ତମର୍ ଉପ୍‌ରେ ଗଟେକ୍ ବଡ଼ ଡ଼ଣ୍ଡ ଲାଦିଅଇସିବେ । କାଇକେବଇଲେ, ତମେ ନ ଡିସ୍‌ବା ସମାଦି ପାରା । ତାର୍ ଉପ୍‌ରେ ଆସା ଜା କର୍‌ବା ଲକ୍ଷ୍ମୀନ ସେଟା ସମାଦି ବଲି ନାଜାନଡ଼ ।”

୪୫ ଡେଇ ସାସ୍‌ତର୍ ସିକାଇବା ଦର୍ମ୍ ଗୁରୁମନ୍‌ର୍ ବିଡ଼ରେଅନି ଗଟେକ୍ ପଣ୍ଡିର୍ ଜିସୁକେ କଇଲା, “ଏ ଗୁରୁ ତମେ ପାରୁସିମନ୍‌ର୍ ବିସଇ କଇକରି ଆମକେ ଲାଜ୍ କରାଇଲାସିନି ।”

୪୬ ଜିସୁ କଇଲା, “ଅଇରେ ସାସ୍‌ତର୍ ସିକାଉ ପଣ୍ଡିର୍‌ମନ୍ ! ତମର୍ ଉପ୍‌ରେ ଗଟେକ୍ ବଡ଼ ଡ଼ଣ୍ଡ ଲାଦିଅଇସିବେ ! କାଇକେବଇଲେ ତମେ ଲକ୍ଷ୍ମୀନକେ ବେସି ଆବଡ଼ ନିୟମ୍ ମାନ୍‌ବାକେ କଇଲାସିନି, ଆରି ସେ ନିୟମ୍ ମାନ୍‌ବାକେ ମୁଲ୍‌କେ ଆଙ୍ଗଟିଡେଇ ଉଟାଇବା ଏଡ଼କି ମିସା ସାଇଜ୍ କରାସ୍ ନାଇ ।

୪୭ ଅଇରେ, ତଣ୍ଡ ପାଉମନ୍! ତମର ଉପରେ ଗଟେକ୍ ବଡ଼ ତଣ୍ଡ ଲାଦିଅଇସିବେ । କାଈକେବଇଲେ, ତମେ ବବିସଡ଼ବକ୍ତାମନର୍ ମସନେ ସମାଦି ତିଆର୍ କରତେରଇସା, ମାତର୍ ତମର୍ ଆନିଦାଦିମନ୍ ସେମନକେ ମରାଇରଇଲା । ୪୮ ତେବେ ତମର୍ ଆନିଦାଦିମନର୍ ଦରମ୍ କରମ୍ ବିସଇର୍ ତମେ ସାକି ଆରାସ୍ । ଆରି ସେଟା ମାନଲାସନି କାଈକେବଇଲେ ସେମନ୍ ସିନା ବବିସଡ଼ବକ୍ତାମନକେ ମରାଇରଇଲା, ମାତର୍ ତମେ ସେମନର୍ ସମାଦିର୍ କାମ୍ ତିଆର୍ କଲାସନି । ୪୯ ତେବେ ପରମେସର୍ ମିସା ନିଜର୍ ବୁଦିରେ କଇଲାଆରେ, ମୁଇ ବବିସଡ଼ବକ୍ତାମନକେ ଆରି କବର୍ ନେଉମନକେ ସେମନର୍ ଲଗେ ପାଟାଇବି । ସେମନର୍ ବିତ୍ରେ କେତେଲକ୍ତକେ ସେମନ୍ ମରାଇବାଇ ଆରି କେତେଲକ୍ତକେ ନିନ୍ଦାକରି କସଟ ଦେବାଇ । ୫୦ ସେଟାର୍ପାଇ ଜଗଡ଼ ତିଆର୍ଅଇଲାଟାନେଅନି, ଏବଲର୍ ବେଲେଅନି ଆରାମ୍ କରି ବରକିଆର୍ ପ ଜିକରିୟର୍ ଜାକ, ଜାକେ କି ତମେ ମଦିର୍ ଆରି ବେଦିର୍ ମଜାଇ ମରାଇରଇଲା ଜେଡ଼କି ବବିସଡ଼ବକ୍ତାମନକେ ମରାଇଆରାସ୍ ସେ ସବୁ ତଣ୍ଡ ଏ ଆଜିକାଲିର୍ ଲକ୍ତମନ୍ ପାଇବାର୍ ଆରେ । ୫୧ ସେ ସବୁର୍ ମୁଲିଅ, ଏବର୍ ଲକ୍ତମନର୍ ଟାନେଅନି ନିଆ ଅଇସି ।”

୫୨ “ଅଇରେ, ଦରମ୍ଗୁରୁମନ୍! ତମର୍ ଉପରେ ଗଟେକ୍ ବଡ଼ ତଣ୍ଡ ଲାଦିଅଇସିବେ ! କାଈକେବଇଲେ, ତମେ ପରମେସରର୍ ଗିଆନର୍ କାପାଟ୍ ତାବିଦେଇ ଆରାସ୍ । ନିଜେ ପରମେସରର୍ ଗିଆନଟାନେ ନ ଜାଇକରି ତେଇ ଜିବାକେ ମନ୍‌କଲା ଲକ୍ତମନକେ ମିସା ବାଦାଦେଲାସ୍ ।”

୫୩ ଆରି ଜିସୁ ତେଇଅନି ବାରଇଗାଲାପରେ, ପାରୁସିମନ୍ ଆରି ସାସ୍ତର୍ ସିକାଉମନ୍ ବେସି ତାଟସଜ୍ ଜିସୁକେ ବିରଦ୍ କରବାକେ ଆରାମ୍ କଲାଇ । ୫୪ ତାର୍ଟାନେଅନି ବୁଲ୍ ଦାର୍‌ବାକେ କାଇ କାଇ ପରସନ୍ ପାଟାର୍‌ବାର୍ ଦାର୍‌ଲାଇ ।

୧୨

ପାରୁସିମନ୍‌ ପାରା ଉଆନାଇ

(ମାତିଉ ୧୦:୨୭-୨୭)

୧ *ଏଡ଼କି ବିତ୍ରେ ଅଜାର୍ ଅଜାର୍ ଲକ୍ତ ଟୁଲୁଅଇକରି, ତାକର୍ ତାକର୍ ବିତ୍ରେ ମାଣ୍ଡାବୁଣ୍ଡା ଅଇଜାକେତେ ରଇଲାଇ, ସେଡ଼କିବେଲେ ଜିସୁ ପର୍ତୁମ୍ ନିଜର୍ ସିସମନକେ କଇବାର୍ ଦାର୍‌ଲା, “ପାରୁସିମନ୍‌ କମିର୍ ପାରା କପଟ୍ ତେଇଅନି ଜାଗରଡ଼ ଅଇରୁଆ । ୨ *ତାବିଅଇରଇବା ସବୁ ବିସଇ ଜାନାପଡ଼ସି, ଆରି ଲୁଚିରଇବା ବିସଇ ସବୁ ଦେକାଅଇସି । ୩ ତେବର୍ପାଇ, ତମେମନ୍ ଜନ୍ ଜନ୍‌ଟା ଆନାରେ କଇଆରାସ୍, ସେ ସବୁଜାକ ଉଜଲେ ସୁନ୍‌ବାଇ, ଆରି ଜନ୍ ଜନ୍‌ଟା ବିତରଗରେ, କେ ନ ସୁନ୍‌ଡେ କଇଆରାସ୍, ସେଟା ଗରର୍ ଚାନିଉପରେ ଅନି ସୁନାଇଅଇସି ।”

ପରମେସରକେସେ ତରା

(ମାତିଉ ୧୦:୨୮-୩୧)

୪ “ମାତର୍ ତମେ ମର୍ ମଇତର୍, ତମକେ ମୁଇ କଇଲିନି, ଜନ୍ ଲକ୍ତମନ୍ ଗାଗଡ଼କେ ମରାଇବାଇ, ମାତର୍ ତାର୍‌ପତେ ତମର୍ ଆଡ଼ମାକେ କାଈଟା କରିନାପାରଡ଼, ସେମନକେ ତରାନାଇ । ୫ ମାତର୍ କାକେ ତରସା, ସେଟା ମୁଇ ତମକେ ଜାନାଇବି, ମରାଇଲାପରେ ନରକେ ପିଙ୍‌ବାକେ ଜାର୍ ଅଦିକାର୍ ଆରେ, ତାକେ ତରା, ଉଁ ମୁଇ ତମକେ ସଡ଼ କଇଲିନି, ପରମେସରକେ ତରା ।

୬ “ପାଁଟ୍‌ଟା ଚେଟିଆ ଚଡ଼ଇ କାଈ ଅଲପ୍ ତାବୁକେ ବିକା ନଅଏ କି ? ଏଲେ ମିସା ସେମନର୍ ବିତ୍ରେଅନି ଗଟେକ୍‌କେ ମିସା ପରମେସର୍ ନ ପାସରେ । ୭ ମାତର୍ ତମର୍ ମୁଣ୍ଡର୍ ସବୁ ଚେଣ୍ଡି ମିସା ଏଜା ଅଇଲାଆରେ । ତରାନାଇ, ତମେମନ୍ କେତେକ୍ କେତେକ୍ ଚେଟିଆ ଚଡ଼ଇର୍ ଟାନେଅନି ମୁକିଅ ।”

ଜିସୁକେ ନାମି କରି ଚାଡ଼ବାଟା

(ମାତିଉ ୧୦:୩୨-୩୩; ୧୨:୩୨; ରମିୟ ୧୦:୯-୧୦)

୮ “ଆରି ମୁଇ ତମକେ କଇଲିନି, ଜେ ଜଦି ମକେ ଲକ୍ତମନର୍ ମୁଆଟେ ନାମସି ଆରି ବିସବାସ୍ କରସି, ପରମେସର୍ ପାଟାଇରଇବା ନର୍‌ପିଲା ମୁଇ ମିସା ପରମେସରର୍ ଦୁଡ଼ମନର୍ ମୁଆଟେ ତାକେ ନାମିବି । ୯ ମାତର୍ ଜେ ଲକ୍ତମନର୍ ମୁଆଟେ ମକେ ନ ନାମି, ବିସବାସ୍ ନ କରେ, ତାକେ ପରମେସରର୍ ଦୁଡ଼ମନର୍ ମୁଆଟେ ମୁଇ ଇନ୍ କରବି ।”

* ୧୨:୧ ୧୨:୧ ମାତିଉ ୧୭:୬; ମାର୍କ ୮:୧୫ * ୧୨:୨ ୧୨:୨ ମାର୍କ ୪:୨୨; ଲୁକ ୮:୧୨

୧୦ * “ଆରି ଜେ ପର୍ଯ୍ୟେସର୍ ପାଟାଲରଇବା ନର୍ପିଲାର ବିରୁଦ୍ଧେ କଇଲେ, ତାକେ କେମା ଦିଆଅଇସି, ମାତର୍ ଜେ ସୁକଲ୍ ଆଡ଼ମାର୍ ବିରୁଦ୍ଧେ କଇସି, ତାକେ କେମା ନ ଦିଆଅଏ ।

୧୧ * “ଆରି ଜେତେବେଲେ ସେମନ୍ ତମକେ ଜିଉଦି ଲକ୍ଷମନର୍ ପାର୍ତନା ଗରେ, ସାସନ୍ କର୍ବା ଲକ୍ଷମନଟାନେ କି ବିନ୍ ବିନ୍ ଅଦିକାରି ମନଟାନେ ବାନ୍ଦିନେଲେ, ସେଡ଼କିବେଲେ କାଜଟାବଲି କଇସା, ସେ ବିସଇ ନେଇକରି ଚିନ୍ତା କରାନାଇ । ୧୨ କାଜକେବଇଲେ କାଜଟା କଇବାକେ ଅଇସି, ସେବେଲାଜ ସୁକଲ୍ ଆଡ଼ମା ତମକେ ସିକାଇସି ।”

ବକୁଆ ସାଉକାରର୍ କାତା

୧୩ ଲକ୍ଷମନର୍ ଗଅଲି ବିଡ଼ରେଅନି ଗଟେକ୍ ଲକ୍ଷ ଜିସୁକେ କଇଲା, “ଏ ଗୁରୁ, ମର୍ ବାବାର୍ ସଁପତି ବାଗ୍‌ବାଟା କର୍ବାକେ ମର୍ ବାଇକେ କୁଆ ।” ୧୪ ଏଟା ସୁନି ଜିସୁ ତାକେ କଇଲା, “ଏ ମଇତର୍, ତମର୍ ବିଡ଼ରେ ନିଆଇ କର୍ବାକେ ଆରି ଦନ୍‌ସଁପତି ବାଗ୍‌ବାଟା କରିଦେବାକେ ମକେ କେ ଅଦିକାର୍ ଦେଲାଆଟେ ?” ୧୫ ଆରି ଜିସୁ ସେମନ୍‌କେ କଇଲା, “ଜାଗ୍ରତା, ସବୁରକାମାର୍ ଲବ୍ କର୍ବାଟାନେଅନି ନିଜେ ନିଜେ ଦୁରେ ରୁଆ । କାଜକେବଇଲେ ଗଟେକ୍ ଲକ୍ଷର୍ ଜିବନ୍‌ଟାନେଅନି ଦନ୍‌ସଁପତି ବଡ଼ ବିସଇ ନଏ ।”

୧୬ ଆରି ସେ ଲକ୍ଷମନ୍‌କେ ଗଟେକ୍ ଉଦାଅରନ୍ ଦେଇ କଇଲା, ଗଟେକ୍ ସାଉକାର୍‌କେ ତାର୍ ଜମିଟାନେଅନି ବେସି ତାଏ ପାର୍‌ଲା । ୧୭ ସେ ଲକ୍ଷ ମନେ ମନେ ବାଦ୍‌ନାକରି କଇଲା, “କାଜଟା କର୍ବି ? ମର୍ କାଦି ଆନି ସଙ୍ଗଇବାକେ ଜାଗାନାଇ ।” ୧୮ ଆରି ସେ କଇଲା, “ଏନ୍ତାରି କର୍ବି, ମର୍ କାଦି ସଙ୍ଗଇବା ଗରର୍ କତି ବାଙ୍ଗାଇକରି ବଡ଼ ବଡ଼ କରି ତିଆରକର୍ବି ଆରି ତେଇ ମର୍ ସବୁ କାଦିକଣ୍ଡା ଜାଗ୍ରତ୍ କରି ସଙ୍ଗଇବି । ୧୯ ଆରି ମର୍ ଜିବନ୍‌କେ କଇବି, ର ଜିବନ୍, ତର୍‌ପାଇବଲି ବେସି ବରସର୍ କାଦିକଣ୍ଡା ସଙ୍ଗଇ ଅଇଲାଆଟେ, ପୁଣ୍ଡ, କାଆ ଆରି ଆରାମ୍‌ସଙ୍ଗ୍ ର ।” ୨୦ ମାତର୍ ପର୍ଯ୍ୟେସର୍ ତାକେ କଇଲା, “ଏରେ ବକୁଆ ଜଦି ଆଜି ରାତି ପର୍ଯ୍ୟେସର୍ ତର୍ ଜିବନ୍ ମାଙ୍ଗି ବଇଲେ, ତୁଇ ତର୍‌ପାଇ ଜେଡ଼କି ସଙ୍ଗଇଆରୁସ୍, ସେ ସବୁ କାର୍‌ଟା ଅଇସି ? ୨୧ ଜେ ନିଜର୍‌ପାଇ ଦନ୍ ଜତନ୍ କରି ସଙ୍ଗଇସି, ସେ ପର୍ଯ୍ୟେସରର୍ ମୁଆଟେ ସାଉକାର୍ ନଏ, ତର୍‌ପାଇ ଏନ୍ତାରି ଗଟ୍‌ସି ।”

**ମାପୁରୁ ଟାନେ ବିସବାସ କର୍ବାର୍
(ମାତିଉ ୬:୨୫-୩୪)**

୨୨ ଜିସୁ ନିଜର୍ ସିସମନ୍‌କେ କଇଲା, “ଏଟାର୍‌ପାଇ ମୁଇ ତମକେ କଇଲିନି, କାଜଟା କାଜକରି ଜିବନ୍ ବଂଚାଉ ଆରି ଗାଗଡ଼ପାଇ କାଜଟା ପିନ୍‌ରୁ ବଲି ଚିନ୍ତା କରାନାଇ । ୨୩ କାଜକେବଇଲେ କାଦିଟାନେଅନି ଜିବନ୍ ଆରି ବସତରଟାନେଅନି ଗାଗଡ଼ ଆକା ମୁକିଅ । ୨୪ ଚତଇମନର୍ ବିସଇନେଇକରି ବାବିଦେକା, ସେମନ୍ ନ ବୁନଡ଼ କି ନ କାଟଡ଼, ଆରି ସେମନର୍ ବାଣ୍ଟାରଗର୍ କି କାଦି ସଙ୍ଗଇବା ଆମାର୍ ଗର୍ ନାଇ । ଅଇଲେ ମିସା ମାପୁରୁ ସେମନ୍‌କେ କାଦି ଜାଗାଇଦେଇସି । ତମେ ଚତଇମନର୍ ଟାନେଅନି କେତେକ୍ ଅଦିକାରର୍ ଲକ୍ । ୨୫ ତମର୍ ବିଡ଼ରେ ଏନ୍ତାରିଲକ୍ ନ ରଅଡ଼, ଜେ କି ଚିନ୍ତାକରି ତାର୍ କଣ୍ଡେକ୍ ମିସା ଆଇସ୍ ବତାଇ ପାର୍‌ସି । ୨୬ ତେବର୍‌ପାଇ ତମେମନ୍ ଗଟେକ୍ ସାନ୍ ବିସଇ ମିସା କରନାପାର୍‌ଲାସିନି ବଇଲେ ବଡ଼ ବଡ଼ ବିସଇ କାଜକେ ଚିନ୍ତା କଲାସିନି ? ୨୭ ପୁଲ୍‌ମନର୍ ବିସଇ ବାବିଦେକା, ସେମନ୍ କେନ୍ତ୍ର ପୁଟ୍‌ଲାଜିନି, ସୁତା ନ କାଟଡ଼ କି ଲୁଗା ନ ବୁନଡ଼ । ଏଲେମିସା ମୁଇ ତମକେ କଇଲିନି, ସବୁଟାନେଅନି ମଆନ୍ ଆରି ଦନି ରାଜା ସଲ୍‌ମନ୍ ମିସା ସେ ପୁଲ୍‌ମନର୍ ବିଡ଼ରେଅନି ଗଟେକ୍ ପୁଲ୍‌ର୍ ଏଡ଼କି ସଜାଇ ନ ଅଇରଇଲା । ୨୮ ଆଜି ଜନ୍ ଗାଁଏ ପଦାଇ ଆଟେ, କାଲିକେ ସେଟା ରୁଣ୍ଡାଇ ଜଇ ଲାଗାଇବାଇ । ସେଟାକେ ପର୍ଯ୍ୟେସର୍ ଏନ୍ତାରି ବେସ୍ ଦେଲାନି ବଇଲେ, ଏ ଅଲପ୍ ବିସବାସ କର୍ବା ଲକ୍‌ମନ୍, ସେ ତମକେ ପିନ୍‌ବାକେ କେତେକ୍ ଅଦିକ୍ ଦେଇସି ।”

୨୯ “ଆରି କାଜଟା କାଜର୍ ? ବଲି ଚିନ୍ତାକରି ଲାଗିରୁଆନାଇ, ୩୦ କାଜକେବଇଲେ ପର୍ଯ୍ୟେସର୍‌କେ ନାଜାନିଲା ଲକ୍‌ମନ୍ ଏ ସବୁ ବିସଇ କଜିବୁଲ୍‌ବାଇ । ମାତର୍ ଏ ସବୁ ବିସଇ ତମକେ ଦରକାର୍, ସେଟା ତମର୍ ବାବା ଜାନିରଇସି । ୩୧ ମୁଇ କଇଲିନି ତମେ ପର୍ଯ୍ୟେସରର୍ ସରଗ୍ ରାଜଇ କଜା, ଆରି ଏ ସବୁ ବିସଇ ସେ ତମକେ ଦେଇସି ।”

**ସରଗ୍ ରାଜଜେ ଦନ୍
(ମାତିଉ ୬:୯-୨୧)**

* ୧୨:୧୦ ୧୨:୧୦ ମାତିଉ ୧୨:୩୨; ମାର୍କ ୩:୨୯ * ୧୨:୧୧ ୧୨:୧୧ ମାତିଉ ୧୦:୧୯,୨୦; ମାର୍କ ୧୩:୧୧; ଲୁକ୍ ୨୧:୧୪,୧୫

୩୨ ଏ ଉନା ମୋଣ୍ଟ୍ରାସି, ତରାନାଇ, କାଇକେବଇଲେ ତମର୍ ବାବା ତମକେ ତାର ରାଇଜ୍ ଦେବାକେ ମନକଲାଆତେ । ୩୩ ତମକେ ଜନ୍ ଜନ୍ତା ଆତେ, ସେଟା ବିକିଦେଇ ଗରିବମନକେ ଦାନ କରା । ଜନ୍ତା କି କେବେ ନ ସାରେ, ନିଜର୍ ନିଜର୍ପାଇ ଏନ୍ତାରି କାଣା ନ ଅଇବା ବେସ୍ନି ତିଆରକରା । ଜନ୍ତାନେ ଚର୍ ନ ଆସେ କି କିତାମନ ମିସା ନ ନସାଅଡ୍ । ସରଗେ ଏନ୍ତାରି ନ ସାରବା ଦନ୍ ସଙ୍ଗଇରୁଆ । ୩୪ କାଇକେବଇଲେ ଜନ୍ତାନେ ତମର୍ ଦନ୍, ତେଇସେ ତମର୍ ମନ୍ ।

ତରିକ୍ନା ରଇବା ଗତି ଦାଙ୍ଗଡା

୩୫ *ତମର୍ ଆଗର୍ ତୁଆଲ୍ ବାନ୍ଦିଅଇ ସେବା କର୍ବାକେ ଜାଗିରୁଆ, ଆରି ବତି ଲାଗ୍ତେରଅ । ୩୬ * ମାପୁରୁ ବିବା ବଜିଟାନେଅନି ବାଉଡିଆସି କାପାଟେ ବାଜାଉ ବାଜାଉ ଜନ୍ଲକ୍ମାନ୍ ଦାପୁରେ କାପାଟ୍ ଉଗାଡ୍ବାକେ ଜାଗିରଇବାଇ, ତମେ ସେମନର୍ପାରା ଅଇରୁଆ । ୩୭ ମାପୁରୁ ଆସି ଜନ୍ ଦାଙ୍ଗଡାମନକେ ଜାଗରତ୍ ରଇବାଟା ଦେକ୍ସି, ସେମନ୍ କେତେ ନିକ କରମର୍ ଲକ୍ । ମୁଇ ତମକେ ସଡ୍ କଇଲିନି, ସେ ନିଜର୍ ଆଁଟାଇ ତୁଆଲ୍ ବାନ୍ଦିକରି, ସେମନ୍କେ କାଇବାକେ ବସାଇ, ତାକର୍ଲଗେ ଜାଇ ସେବାକର୍ସି । ୩୮ ଆରି ସେ ଜଦି ମଜାରାତି କି କୁକ୍ତାତାକେ ମିସା ଆସି ସେମନ୍କେ, ସେନ୍ତାରି ରଇବାଟା ଦେକ୍ସି, ସେନ୍ତାରିଆଲେ ସେ ଦାଙ୍ଗଡାମନ୍ କେତେ ନିକ କରମର୍ ଲକ୍ । ୩୯ *ମାତର୍ ଏଟା ଜାନିରୁଆ, କେତେବେଲେ ଚର୍ ଆଇସି, ଏଟା ଗରର୍ ସାଉକାର୍ ଜେବେ ଜାନସି, ସେନ୍ତାରିଆଲେ ସେ ନିଜର୍ ଗରର୍ ପେଡି ବାଙ୍ଗାଇବାକେ ନ ଦେଏ । ୪୦ ତମେ ମିସା ଜାଗରତ୍ଅଇ ରୁଆ, କାଇକେବଇଲେ, କେବେ ତମେ ବାବି ନ ରୁଆସି, ସେ ବେଲେ ପର୍ମେସର୍ ପାଟାଇରଇବା ନର୍ପିଲା ମୁଇ ଆଇବି ।”

ବିସ୍ବାସ୍ କର୍ବା ଗତି ଦାଙ୍ଗଡା କି ବିସ୍ବାସ୍ ନକର୍ବାଟା

(ମାତିଉ ୨୪:୪୫-୫୧)

୪୧ ସେଟାସୁନି ପିତର୍ କଇଲା, “ଏ ମାପୁରୁ ତମେ ଆମକେସେ କି ସବୁଲକ୍ମକେ ଏନ୍ତାରି କାତା ଦେକାଇ କଇଲାସୁନି ?”

୪୨ ଜିସୁ କଇଲା, “ବିସ୍ବାସେ ରଇବା ଲକ୍ ଆରି ବୁଦିମାନ୍ ଲକ୍ କେ ଆତଡ୍ ? ତାକେ ସେ ସାଉକାର୍ ଗର୍ ଚାଲାଇବା ଦାଇଡ୍ ଦେଇସି । ସେ ସମାନ୍ ବେଲାଇ ବିନ୍ ଦାଙ୍ଗଡାମନକେ କାଦି ଜାଗାଇ ଦେଇସି । ୪୩ ସାଉକାର୍ ଆସି, ତାର୍ ନିଜର୍ ଦାଙ୍ଗଡା ଏନ୍ତାର୍ କର୍ବାଟା ଦେକ୍ସି ବଇଲେ ସେ କେତେ ନିକ କରମର୍ ଲକ୍ । ୪୪ ମୁଇ ତମକେ ସଡ୍ କଇଲିନି, ସେ ତାକେ ନିଜର୍ ସବୁର୍ ଉପରେ ଅଦିକାର୍ ଦେଇସି । ୪୫ ଜଦି ସେ ଦାଙ୍ଗଡା, ମର୍ ସାଉକାର୍ ଆଇବାଟା ଅଲ୍ସମ୍ ଅଇସି ବଲି ମନେକରି, ମାତୁଆଲ୍ ଅଇ ବିନ୍ ଦାଙ୍ଗଡାମନକେ ଲାଗମାର୍ କର୍ବାଟା ଆରାମ୍ କର୍ସି, ୪୬ ସେନ୍ତାରିଆଲେ ଜନ୍ ଦିନେ ସେ ଜାଗି ନ ରଏ, ଆରି ସେ କେତେବେଲେ ଆଇବାଟା ଜାନି ନ ରଏ, ସେ ସାଉକାର୍ ଆସି ତାକେ ବେସି ବଡ୍ ଡଣ୍ଡ ଦେଇସି । ଆରି ବିସ୍ବାସ୍ ନ କର୍ବା ଲକ୍ ସଙ୍ଗ୍ ମିସାଇ ଦେଇସି ।”

୪୭ “ଆରି ଜନ୍ ଦାଙ୍ଗଡା ନିଜର୍ ସାଉକାର୍ ମନ୍ ଜାନିକରି ଜାଗରତ୍ ନ ଅଇରଏ, କି ସାଉକାର୍ ମନକଲା ଇସାବେ ପାଇଟି ନ କରେ, ତାକେ କର୍ତ୍ତା ସଙ୍ଗ୍ ଅପର୍ବଲ୍ ମାଡ୍ ଅଇସି । ୪୮ ମାତର୍ ଜେ ତାର୍ ମନକଲାଟା ନାଜାନିକରି, ଡଣ୍ଡିମିଲ୍ବା କାମ୍ କର୍ବାଟା ଦାଡ୍ସି, ତାକେ ଅଲ୍ସ ମାଡ୍ ଅଇସି । ଜନ୍ ଲକ୍ମକେ ଅଦିକ୍ ଦିଆଅଇରଇସି, ତାକେ ଅଦିକ୍ ଦାବି କରାଅଇସି । ଆରି ଲକ୍ମମନ୍ ତାକେ ଜାଗ୍ଲଗେ ଅଦିକ୍ ସର୍ପି ଦେଲାଇଆତଡ୍, ଅଦିକ୍ ଅଦିକ୍ ଦାବି କର୍ବାଇ ।”

ଜିସୁର୍ ଲାଗି ବାଗ୍ ବାଗ୍ ଅଇବାଟା

୪୯ ଜିସୁ କଇଲା, “ମୁଇ ଏ ଦୁନିଆଇ ଜଇ ଲାଗାଇବାଟ୍ ଅଇଲିଆତି । ସେଟା ଜଦି ଲାଗ୍ବାକେ ଆରାମ୍ ଅଇଲାନି, ସେନ୍ତାରିଆଲେ ମୁଇ ମନକଲାଟା ପୁରାପୁରୁନ୍ ଅଇଗାଲାବେ । ୫୦ *ମାତର୍ ମକେ ଆରି ଗଟେକ୍ ତୁବନେ ତୁବନ୍ ନେବାକେ ପଡ୍ସି, ଆରି ସେଟା ନ ସାର୍ବାଜାକ, ମର୍ ମନ୍ବିଡ୍ରେ କେନ୍ତ୍ର କସ୍ଟ ଲାଗ୍ଲାନି । ୫୧ ଜଗତେ ସାନ୍ତି ଦେବାକେ ଆସିଆତେ ବଲି ତମେ କାଇ ମକେ ବାବ୍ଲାସୁନି କି ? ନାଇ ମୁଇ ସାନ୍ତି ଆନ୍ବାକେ ନାଇ, ମାତର୍ ବିଚାରନା କର୍ବାକେ ଆସିଆତି । ୫୨ ଏବେଅନି ଗଟେକ୍ ଗରେ ପାଁଡ୍ ଲକ୍ ରଇଲେ, ଦୁଇଲକ୍ମ ବିରୁଦେ ତିନିଲକ୍ ଆରି ତିନିଲକ୍ମ ବିଡ୍ରେ ଦୁଇ ଲକ୍ ବାଗ୍ ଅଇବାଇ । ୫୩ ପଅର୍ ବିରୁଦେ ବାବା, ବାବାର୍ ବିରୁଦେ ପଅ, ଜିଇର୍ ବିରୁଦେ ମା, ମାଆର୍ ବିରୁଦେ ଜିଇ, ବୁଆରିର୍ ବିରୁଦେ ସାଡ୍ରି, ସାଡ୍ରିର୍ ବିରୁଦେ ବୁଆରି ବିନେ ଅଇବାଇ ।”

* ୧୨:୩୫ ୧୨:୩୫ ମାତିଉ ୨୫:୧-୧୩ * ୧୨:୩୬ ୧୨:୩୬ ମାତ୍ମକ ୧୩:୩୫-୩୭ * ୧୨:୩୯ ୧୨:୩୯ ମାତିଉ ୨୫:୪୩,୪୪ * ୧୨:୫୦ ୧୨:୫୦ ମାତ୍ମକ ୧୦:୩୮

**ବେଲା ଦେକି ଜାନ୍‌ବାଟା
(ମାତ୍ତିଉ ୧୭:୨-୩)**

୫୪ ଆରି ଜିସୁ ଲକ୍‌ମନ୍‌କେ କଇଲା, “ବୁଢ଼ି ଦିଗେ ବାଦଲ୍ ଚଗ୍‌ବାଟା ଦେକ୍‌ଲେ, ପାନି ଆଇସିବେ ବଲି କଇସା । ଆରି ସେନ୍ତାରି ସେ ଅଇସି । ୫୫ ଆରି ଦକ୍‌ଶିନ୍‌ ବାଟେଅନି ପବନ୍ ମାର୍‌ବାଟା ଜାନ୍‌ଲେ କାରା ଅଇସି ବଲି କଇସା । ଆରି ସେଟା ସେନ୍ତାରି ଅଇସି । ୫୬ ଏ କୁଟିଆଲ୍‌ମନ୍, ତମେ ଜଗତର୍ ଆରି ସରଗର୍ କାତା ଜାନି ପାଗ୍ କେନ୍ତ୍ର ଅଇସି ବଲି ଆଗତୁ କଇଲାସିନି, ମାତର୍ ଏବେ କାଇଟା ଗର୍‌ସି, ସେଟା କାଇକେ ନାଜାନ୍‌ଲାସିନି ?”

**ସତ୍‌ରୁ ସଙ୍ଗ୍ ମିସ୍‌ବାଟା
(ମାତ୍ତିଉ ୫:୨୫-୨୬)**

୫୭ “ଆରି ନିଜେ ନିଜେ କାଇକେ ଟିକ୍ ବିଚାର୍ କରାସ୍ ନାଇ ? ୫୮ ଜଦି ତମର୍ ବିରଦିସଙ୍ଗ୍ ବିଚାର୍‌କାରିଆରୁଲଗେ ଗାଲାସିନି, ମଜାବାଟେ ତାର୍‌ସଙ୍ଗ୍ ବୁଜାମାନା ଅଇବାକେ ଚେସ୍‌ଟା କରା । ନଇଲେ କେତେବେଲେ ସେ ତମକେ ବିଚାର୍‌କାରିଆର୍ ଟାନେ ଜିକିନେଇସି, ବିଚାର୍‌କାରିଆ ସନିଅମନ୍‌ରୁ ଆତେ ସର୍‌ପିଦେଇସି, ସନିଅମନ୍ ତମକେ ବନ୍ଦି ଗରେ ନେଇ ପୁରାଇଦେବାଇ ।” ୫୯ ମୁଇ ତମକେ କଇଲିନି, “କେନ୍ତ୍ରକଲେ ମିସା ସବୁ ତାବୁ ନ ସୁଜ୍‌ବାଜାକ ସେ ଜାଗାଇଅନି ବାରଇ ଆସିନାପାରାସ୍ ।”

୧୩

ନିଜର୍ ପାପ୍‌କାମେଅନି ବାଉଡା, ନଇଲେ ମର୍‌ସା

୧ ଗାଲିଲିଅନି କେତେ ଲକ୍ ଆସି ପାର୍‌ତନା ଗରେ ବଲି ଦେଇତେରଇଲାବେଲେ ପିଲାଡ଼ ତାର୍ ସଇନମନ୍‌କେ ପାଟାଇ ଗାଲିଲିଅ ମନ୍‌କେ ମରାଇଲା । ତେଇ ମଲାଲକର୍ ବନି ପୁଜ୍‌ଲା ପସୁର୍ ବନି ସଙ୍ଗ୍ ମିସ୍‌ଲା । ଏ ବିସଇ କେତେଲକ୍ ଆସି ଜିସୁକେ ଜାନାଇଲା । ୨ ତେଇ ଜିସୁ ସେମନ୍‌କେ କଇଲା, “ଏ ସବୁ କସର୍ ପାଇବାକେ, ଏ ଗାଲିଲିୟମନ୍ ବିନ୍ ସବୁ ଗାଲିଲିୟମନ୍‌ର ଟାନେଅନି ଅଦିକ୍ ପାପ୍ କଲାଇ ଆତର୍ ବଲି ବାଦ୍‌ଲାସିନି କି ? ୩ ମୁଇ ତମକେ କଇଲିନି, ଜେତେବେଲେ ଜାକ ପାପେଅନି ମନ୍ ନ ବାଦ୍‌ଲାଆସ୍, ତମେ ସବୁ ଲକ୍ ସେନ୍ତାରି କୁରୁପ୍‌ନାସ୍ ଅଇଜାଇସା । ୪ ନଇଲେ ସିଲଅତେଇ ରଇଲା ଜନ୍ ଅର୍‌ବର୍ ଲକ୍‌ର ଉପରେ ବଡ଼ ଗର୍ ଅଦ୍‌ରି ମରିଜାଇ ରଇଲା, ସେମନ୍ ତେବେ ? ତମେ ସେମନ୍‌କେ ଜିହୁଆଲାମର୍ ବିନ୍ ଲକ୍‌ମନ୍‌ର ଟାନେଅନି ଅଦିକ୍ ପାପ୍ କଲାଇ ଆତର୍ ବଲି ବାଦ୍‌ଲାସିନି କି ? ୫ ନାଇ, ମୁଇ ତମକେ କଇଲିନି, ପାପେଅନି ମନ୍ ନ ବାଦ୍‌ଲାଇଲେ ତମେସବୁ ଲକ୍ ସେନ୍ତ୍ର କୁରୁପ୍‌ନାସ୍ ଅଇଜାଇସା ।”

ପଲ୍ ନ ପଲ୍‌ବା ତୁମ୍‌ରି ଗଟର୍ କାତା

୬ ଆରି ଜିସୁ ଏ କାତାନି କଇଲା, ଗଟେକ୍ ଲକ୍‌ର ଅଙ୍ଗୁର୍ ବାତେ ଗଟେକ୍ ତୁମ୍‌ରି ଗଟ୍ ରପିରଇଲା । ସେ ସାଉକାର୍ ଆସି ତେଇ ପଲ୍ କଜ୍‌ଲା, ମାତର୍ ମିଲେନାଇ । ୭ ସେଟାର୍‌ପାଇ ସାଉକାର୍ ଅଙ୍ଗୁର୍ ବାତର୍ ଜାଗୁଆଲ୍‌କେ କଇଲା, “ଦେକା, ଏଟା ତିନ୍ ବରସ୍ ଅଇଲା ମୁଇ ଆସି ଏ ତୁମ୍‌ରି ଗଟେ ପଲ୍ କଜ୍‌ଲିନି ମାତର୍ ମିଲାଇ ନାଇ, ଏଟା କାଟି ପାକା । ଏଟା କାଇକେ ବେକାର୍ ମାଟିକେ ମିସା କାରାପ୍ କର୍‌ସି ?” ୮ ମାତର୍ ଜାଗୁଆଲ୍ ସାଉକାର୍‌କେ କଇଲା, “ସାଉକାର୍ ଏଟାକେ ବର୍‌ସେକ୍ ମିସା ଗାତିଦେଉ, ମୁଇ ଏ ବିତ୍‌ରେ ଗଟର୍ ଚାରିବେଡ଼ି କୁନିକରି କଡ଼ ଦେବି, ୯ ତାର୍ ପଟେ ଜଦି ପଲ୍ ଦାରଲେତା ନିକ, ନଇଲେ ତାକେ କାଟି ପାକାର୍ ।”

ଜିସୁ ବିସ୍‌ରାମ୍‌ବାରେ ଗଟେକ୍ କୁଡ଼ି ମାଇଜିକେ ନିକ କଲା

୧୦ ତରେକ୍ ଜିସୁ ବିସ୍‌ରାମ୍‌ବାରେ ଗଟେକ୍ ପାର୍‌ତନା ଗରେ ସିକିଆ ଦେଇତେରଇଲା । ୧୧ ତେଇ ଗଟେକ୍ ମାଇଜି ରଇଲା । ତାକେ ତୁମ୍‌ ଦାରି ଅର୍‌ବର୍ ବରସ୍ ଜାକ କୁଡ଼ି ଅଇରଇଲା । ସେ ବିଲ୍‌କୁଲ୍‌ ସିଦା ଅଇ ଇଣ୍ଡି ନାପାର୍‌କେ ରଇଲା । ୧୨ ଜିସୁ ତାକେ ଦେକି ଲଗେ ତାକି କଇଲା, “ଏ ନିନି ତକେ ମୁଇ, ଏ କୁଡ଼ି ରଗେଅନି ନିକ କଲିନି ।” ୧୩ ଜିସୁ ସେ ମାଇଜିର୍ ଉପରେ ଆଡ଼ ସଙ୍ଗାଇଲା । ସେ ମାଇଜି ସେ ଦାପ୍‌ରେସେ ସଲକ୍ ଅଇ ପର୍‌ମେସର୍‌କେ ମଇମା କର୍‌ବାର୍ ଲାଗଲା । ୧୪ ଜିସୁ ବିସ୍‌ରାମ୍‌ଦିନେ ସେ ମାଇଜିକେ ନିକ କଲାଟା ଦେକି ଜିଉଦିମନ୍‌ର ପାର୍‌ତନା ଗରର୍ ମୁକିଆ ବେସି ରିସା ଅଇଗାଲା । କାଇକେ ବଇଲେ ଲକ୍‌ମନ୍‌କେ ନିକ କର୍‌ବାଟା ଗଟେକ୍ କାମ୍ ବଲି ଜିଉଦି ଲକ୍‌ମନ୍ ବାଦ୍‌ତେ ରଇଲା । ସେଟାର୍ ପାଇ ପାର୍‌ତନା ଗରର୍ ମୁକିଅ କଇଲା, “ଗଟେକ୍ ଆଟେ କାମ୍ କର୍‌ବାକେ ତଅ ଦିନ୍ ଆଟେ, ସେ ଦିନ୍ ମନ୍‌କେ ତମେ ନିକ ଅଇବାକେ ଆସା । ମାତର୍ ବିସ୍‌ରାମ୍‌ବାରେ ନିକ ଅଇବାକେ କେବେ ମିସା ଆସାନାଇ ।”

୧୫ ମାତର ଜିସୁ ତାକେ ଆରି ତେଇ ରଇଲା ଲକ୍ଷ୍ମୀନକେ କଇଲା, “ଏ କୁଟିଆଲ୍‌ମନ୍ ! ତମେ ତମର୍ ଗରୁମନ୍‌କେ ମେଲି ପାନି କୁଆଇବାକେ ନିଆସ୍ ନାଇ କି ? ସେଟା ମିସା ଗଟେକ୍ କାମସେ ।”

୧୬ “ମୁଇ ତାକେ ନିକ କଲି ଆତି । ଏ ମାଇଜି ଅବରାଆମର୍ କୁଟୁମର୍ ଲକ୍ । ସଇତାନ୍ ତାକେ ଅଟ୍‌ର ବରସ୍ ଜାକ ଦାରି ରଇଲା । ସେ ମାଇଜି ବିସ୍‌ରାମ୍ ବାରେ ନିକ ଅଇବାଟା ଟିକ୍ ନର୍‌ କି ?” ୧୭ ଜିସୁ କଇଲା କାତା ସୁନି ତାର୍ ବିରଦି ଲକ୍‌ମନ୍ ଲାଜ୍ ଅଇଲାଇ । ମାତର୍ ବିନ୍ ଲକ୍‌ମନ୍ ସେ କର୍‌ବା ସବୁ କାବାଅଇଜିବା କାମ୍ ଦେକି ସାର୍‌ବା ଅଇଗାଲାଇ ।

ସର୍‌ସୁ ମୁଞ୍ଜିର୍ ଉଦାଅରନ୍
(ମାତିଉ ୧୩:୩୧-୩୨; ମାର୍କ ୪:୩୦-୩୨)

୧୮ ତାର୍ ପଟେ ଜିସୁ କଇଲା, “ପର୍‌ମେସରର୍ ରାଇଜ୍ କେନ୍ତାଟା, ଆରି ମୁଇ କାଇଟା ସଙ୍ଗ୍ ସେଟା ସମାନ୍ କରବି ? ୧୯ ପର୍‌ମେସରର୍ ରାଇଜ୍ ଗଟେକ୍ ବଡ୍ ବର୍ ଗଟର୍ ସାନ୍‌ଟା ମୁଞ୍ଜି ପାରା । ଗଟେକ୍ ଲକ୍ ଗଟେକ୍ ସାନ୍‌ଟା ମୁଞ୍ଜି ରପିଦେଲା । ସେ ମୁଞ୍ଜି ତେଇ ଗାଜା ଅଇ ବଡ୍ ଗଟ୍‌ପାରା ଅଇଲା ଆରି ତତ୍‌ଇମନ୍ ଆସି ତାର୍ କେନ୍ଦାଇ ଗୁଡା ବାନ୍‌ଲାଇ ।”

କମିରର୍ ଉଦାଅରନ୍
(ମାତିଉ ୧୩:୩୩)

୨୦ ଜିସୁ ଆରି କଇଲା, “ପର୍‌ମେସରର୍ ରାଇଜ୍ କେନ୍ତାଟା ଆରି କାଇଟା ସଙ୍ଗ୍ ସମାନ୍ କରିଅଇସି ?” ୨୧ ସେଟା କମିର୍ ପାରା । ଜନ୍‌ଟା କି ଗଟେକ୍ ମାଇଜି ମାନେକ୍ ଗୁଣ୍ଟାଗେନେ କଣ୍ଟେକ୍ କମିର୍ ପାକାଇ ତକଟ୍‌ଲା ଆରି ସାରାସାରି ସେ କମିର୍, ଗୁଲାଇ ଗୁଣ୍ଟ୍ ଆମର୍ କରିଦେଲା ।

ଟିପୁଞ୍ଜି ବାଟେ ଜିବା ବିସଇ
(ମାତିଉ ୭:୧୩-୧୪; ୨୧:୨୩)

୨୨ ତାର୍ ପଟେ ଜିସୁ ତାର୍ ସିସମନ୍‌ର ସଙ୍ଗ୍ ଜିରୁସାଲମେ ଗାଲାବେଲେ ଗାର୍‌ମନ୍‌କେ ଆରି ଗଟ୍‌ମନ୍‌କେ ପର୍‌ମେସରର୍ ରାଇଜ୍‌ର ବିସଇ ସିକାଇ ଦେଲା । ୨୩ ସେବେଲେ ଲକ୍‌ମନ୍‌ର ବିତ୍‌ରେଅନି ଗଟେକ୍ ଲକ୍ ଜିସୁକେ କଇଲା, “ଏ ମାପ୍‌ରୁ, ଉନା ଲକ୍‌ମନ୍‌ସେ ପାପେ ଅନି ରକିଆ ପାଇବାଇ କି ?”

ଜିସୁ ସେମନ୍‌କେ କଇଲା, ୨୪ “ଟିପୁଞ୍ଜି ଦୁଆର୍ ବାଟେ ପୁରବାକେ ଚେସ୍‌ଟା କରା । କାଇକେ ବଇଲେ ବେସି ଲକ୍‌ମନ୍ ସେ ଟିପୁଞ୍ଜି‌ବାଟ୍‌ଦେଇ ଜିବାକେ ଚେସ୍‌ଟା କର୍‌ବାଇ ମାତର୍ ଜାଇ ନାପାରତ୍ । ୨୫ ମୁଇ ଗଟେକ୍ ଗରର୍ ସାଉକାର୍ ପାରା । ଜେତେବଲ୍ ସେ ସାଉକାର୍ କାପାଟ୍ ତାବି ଦେଇସି । ସେତ୍‌କି ବେଲେ ତମେ ଦୁଆରେ ଟିଆ ଅଇ ରଇସା ଆରି କାପାଟ୍ ତକ୍ ତକ୍ କରି ଏ ମାପ୍‌ରୁ ଆମର୍ ପାଇ କାପାଟ୍ ଉଗାତା ! ବଲି ଜୁଆର୍ ବିଆର୍ କର୍‌ସା । ମାତର୍ ସେ କାପାଟ୍ ନ ଉଗାତି ସେମନ୍‌କେ କଇସି, ‘ତମେ କନ୍‌ତିଅନି ?’ ମୁଇ ତମ୍‌କେ ମୁଲ୍‌କେ ନାଜାନି । ୨୬ ମାତର୍ ତମେ କଇସା ‘ଏ ମାପ୍‌ରୁ ଆମେ ତମର୍ ସଙ୍ଗ୍ କାଇପିଇ ଅଇରଇଲୁ, ତୁଇ ଆମର୍ ଦୁଆର୍ ମନ୍‌କେ ସିକିଆ ଦେଇତେରଇଲୁସ୍ ବଲି କଇସା’ ୨୭ ଆରି ସେ ତମ୍‌କେ କଇସି, ତମେ କନ୍ ଜାଗାର୍ ଲକ୍‌ମନ୍ ମୁଇ ତମ୍‌କେ ମୁଲ୍‌କେ ନାଜାନି, ଏ କାରାପ୍ କାମ୍ କର୍‌ବା ଲକ୍‌ମନ୍, ‘ତମେ ସବୁ ମର୍ ମୁଆଟେ ଅନି ଉଟି ଜା ।’ ୨୮ ✨ଆରି ସେ ତମ୍‌କେ ପାଟାଇଦେବା ଜାଗାଇଅନି ଅବରାଆମ୍ ଇସାକ୍, ଜାକୁବ୍, ଆରି ପର୍‌ମେସରର୍ ଟାମେଅନି ଆସି ରଇଲା ବବିସତ୍ ବକ୍‌ତାମନ୍ ରଇବାଟା ଦେକ୍‌ସା । ମାତର୍ ପର୍‌ମେସର୍ ତାର୍ ରାଇଜେ ତମ୍‌କେ ଜାଗା ନ ଦେଏ । ଜେତେବଲ୍ ଏଟା ଅଇସି, ସେ ବେଲା ସେଟା ଦେକି, ତମେ କାଇକାଇ କାରାପ୍ କାମ୍‌ମନ୍ କରି ରଇଲାସ୍ ସେଟା ସବୁ ଏତାଇ କରି ମାରିତପିଅଇ କାନ୍‌ସା ଆରି ଦାତ୍ ମୁଣ୍ଟି କାତ୍‌ରି ଅଇସା । ୨୯ ଆରି ଜିଉଦି ନଇଲା ଲକ୍‌ମନ୍ ଏ ଦୁନିଆର୍ ସବୁ କନ୍‌ବିକନ୍‌ବି ଅନି ଆସି ପର୍‌ମେସରର୍ ରାଇଜେ କାଇବାକେ ବସ୍‌ବାଇ । ୩୦ ✨ଆରି ଦେକା, ସାରାସାରି ରଇଲା ଲକ୍ ଆଗତ୍ ଅଇବାଇ ଆରି ଆଗତ୍ ରଇବା ଲକ୍‌ମନ୍ ପଟେ ଅଇଜିବାଇ ।”

ଜିସୁ ଜିରୁସାଲମ୍‌କେ ଦେକିକରି କାନ୍‌ଲାଇ
(ମାତିଉ ୨୩:୩୭-୩୯)

୩୧ ସେତ୍‌କିବେଲେ କେତେଟା ପାରୁସି ଲକ୍‌ମନ୍ ଜିସୁର୍ ଲଗେ ଆସି କଇଲାଇ, “ତମେ ଏ ଜାଗା ଚାତି ଉଟି ଜା, କାଇକେ ବଇଲେ ଏରଦ୍ ତମ୍‌କେ ମରାଇବାକେ ମନ୍ କଲାନି ।”

✨ **୧୩:୨୮** ୧୩:୨୮ ମାତିଉ ୨୨:୧୩; ୨୫:୩୦ ✨ **୧୩:୨୮** ୧୩:୨୮ ମାତିଉ ୮:୧୧; ୧୨ ✨ **୧୩:୩୦** ୧୩:୩୦ ମାତିଉ ୧୯:୩୦; ୨୦:୧୨; ମାର୍କ ୧୦:୩୧

୩୨ ଜିସୁ ସେମାନଙ୍କେ କଇଲା, “ତମେ ଜାଇ ସେ କଲିଆପାରା ଲକ୍ଷକେ କୁଆ, ଦେକ୍ ଆଜି ଆରି କାଲି ମୁଇ ହୁମା ଚାତାଇଲିନି ଆରି ନିକ କଲିନି । ଆରି ପର୍ଦିନିକେ ମୁଇ ମର୍ କାବା ଅଇଜିବା କାମ୍‌କଲିନି । ପର୍ତ୍ତମେସରର୍ ଜନ୍ମନାଇ ରଇଲା ବେଲା କେଟ୍‌ବା ଆଗତୁ, ମୁଇ ଏକ୍ତି କାମ୍ କରି ସାରାଇବି । ୩୩ କାଇଟା ମିସା ଅ, ମୁଇ ଆଜି, କାଲିକେ ଆରି ପର୍ଦିନିକେ ଜାଇତେ ରଇବାର୍ ଆତେ, କାଇକେ ବଇଲେ ପର୍ତ୍ତମେସରର୍ ଚାନେଅନି ଆଇଲା ସବୁ ବସିସତ୍‌ବକ୍‌ତାମନକେ ଜିରୁସାଲାମେସେ ମରାଇଆତତ୍ ।”

୩୪ ଜିସୁ କଇଲା, “ଏ ଜିରୁସାଲମର୍ ଲକ୍ଷମନ୍ ! ପର୍ତ୍ତମେସର୍ ତମର୍‌ଗାନେ ଜେଡକ୍ ପାଟାଇରଇଲା ବସିସତ୍‌ବକ୍‌ତାମନକେ ମାରି ମରାଇଲାସ୍ ! ଆରି ପେରିଡ୍‌ମନକେ ତରକେ ତର୍ ପାକ୍‌ନା ମାରି ମରାଇଲାସ୍ । ତେବେ ତମର୍‌ପାଇ ମର୍ ଲଗେ ଗଟେକ୍ କାତା ଆତେ । ମାଇ କୁକୁଡା ଜେକ୍ତି ତାର୍ ଚିଅଁମନକେ ତେନା ତଲେ ରୁଣ୍ଡାଇସି, ମୁଇ ସେକ୍ତି କେତେ ତର୍ ତମ୍‌କେ ରକିଆ କର୍‌ବାକେ ମନ୍ କଲି । ମାତର୍ ସେକ୍ତି କର୍‌ବାକେ ତମେ ନ ଦିଆସ୍ । ୩୫ ଦେକା, ତମର୍ ମନ୍ଦିର୍ ଚାଡିଦେଇ ଆତତ୍ । ସେଟାର୍ ପାଇ ପର୍ତ୍ତମେସର୍ ଏବେ ତମକେ ‘ପାରତନା ଗର୍ ଆରି ତମର୍ ଗଡ୍ ନିଜେ ରକିଆ କରା’ ବଲି ଚାଡି ଦେଲାଆତେ । ମୁଇ ତମକେ କଇଲିନି, ପର୍ତ୍ତମେସର୍ ଜନ୍ମ ଲକ୍ଷକେ ଆସିର୍‌ବାଦ୍ କରି ଆମର୍ ଲଗେ ପାଟାଇଲାଆତେ ବଲି ମର୍ ବିସଇ ନେଇ, ତମେ ନ କଇବାଜାକ ମକେ ଦେକିନାପାରାସ୍ ।”

୧୪

ଜିସୁ ଗଟେକ୍ ରଗିକେ ନିକକଲା

୧ ତରେକ୍ ଜିସୁ ବିସ୍‌ରାମ୍‌ବାରେ ବଜି କାଇବାକେ ଗଟେକ୍ ପାରୁସି ନେତାର୍ ଗରେ ଗାଲା । ଆରି ସେମନ୍ ଜିସୁକେ କାଇଆଲେ ବୁଲ୍ ଦାର୍‌ବାକେ ଆଁକିମରାଇ ଦେକ୍‌ତେ ରଇଲାଇ । ୨ ତେଇ ଜିସୁ ତାର୍ ମୁଆଟେ ଗଟେକ୍ ପୁଲାଗର୍ ଅଇରଇଲା ଲକ୍ଷକେ ଦେକଲା । ୩ ତାର୍ ପଟେ ଜିସୁ ସେ ପାରୁସି ଆରି ମସାର୍ ନିୟମ୍ ସିକାଇଦେବା ଲକ୍ଷମନକେ ପାଟାଉଲା । “ମସାର୍ ନିୟମ୍ ଇସାବେ ବିସ୍‌ରାମ୍‌ବାରେ ଗଟେକ୍ ରଗ ଅଇଲା ଲକ୍ଷକେ ନିକ କର୍‌ବା ବିଦି ଆତେ କି ନାଇ ?”

୪ ମାତର୍ ସେମନ୍ କାଇଟାବଲି ମିସା ନ କଇ ତୁପ୍‌ତାପ୍ ଅଇ ରଇଲାଇ । ସେଟାର୍ ପାଇ ଜିସୁ ସେ ରଗିକେ ଚିଇଲା ଆରି ନିକ କରି ପାଟାଇ ଦେଲା । ୫ ତାର୍ ପଟେ ଜିସୁ ସେମନକେ ପାଟାଉଲା, “ବିସ୍‌ରାମ୍‌ବାରେ ତମର୍ ବିଡ୍‌ରେଅନି ଗଟେକ୍ କାର୍‌ଆଲେ ନିଜର୍ ପିଲା ନଇଲେ ଗଟେକ୍ ଗରୁ କୁଇସାଲେ ଅଦ୍‌ରି ରଇଲେ ତାକେ ଦାପ୍‌ରେ ଜିକି ନ ଆନାସ୍ କି ?” ୬ ଏତର୍ ମିସା ସେମନ୍ ଏ କାତାର୍ ଉତ୍‌ର୍ ଦେଇ ନାପାଉଲାଇ ।

ସତ୍‌ଦରମ୍ ରଇ ସେବାକର୍‌ବାର୍

୭ ଆରି ତେଇ କାଇବାର୍ ଆସି ରଇଲା ଲକ୍ଷମନ୍ ନିଜର୍ ନିଜର୍ ପାଇ ମୁକିଅ ଜାଗା ବାଚି ରଇଲାଇ । ସେଟା ଜିସୁ ଦେକି କରି ସେମନକେ ଏ ଉଦାଅରନ୍ ଦେଇ କଇଲା, “ଜେତେବେଲା ତମକେ କାର୍‌ଆଲେ ବିବାଗରେ ଜିବାକେ ଡାକ୍‌ବାଇ, ସେବେଲା ମୁକିଅ ଲକ୍ଷମନ୍ ବସ୍‌ବା ଜାଗାଇ ଜାଇ ବସାନାଇ । କାଇକେ ବଇଲେ ସେମନ୍ ତମର୍‌ତେଇଅନି ବଡ୍ ଲକ୍ଷକେ ମିସା ବିବାଗାନେ ଜିବାକେ ଡାକି ରଇବାଇ । ୯ କେ ତମକେ ଆରି ବଡ୍ ଲକ୍ଷକେ ଡାକିଲା ଆତେ ସେ ଆସିକରି ତମକେ କଇସି, ‘ଆକେ ଏ ନିକ ଜାଗା ଦେସ୍’ ବଲି । ତେଇ ତମେ ଉଚି ମୁକିଅ ନଇଲା ଜାଗାଇ ଜାଇ ବସ୍‌ବାର୍ ଆତେ । ସେବେଲାଇ ତମକେ ବେସି ଲାଜ୍ ଲାଗସି । ୧୦ ମାତର୍ ଜେତେବଲ୍ ତମକେ ଡାକ୍‌ବାଇ, ସେଡକିବେଲେ ତମେ ଜାଜ ମୁକିଅ ନଇଲା ଜାଗାଇ ବସା । ସେବେଲା ତକେ ଡାକିଲା ଲକ୍ଷ ଆସି କଇସି, ‘ଏ ମଇତର୍ ତୁଇ କାଇକେ ଇତି ବସିଆତୁସ୍ ? ଆଉ ଏ ନିମାନ୍ ଜାଗାଇ ବସ୍’ । ସେବେଲା ତମର୍ ସଙ୍ଗ୍ ବସ୍‌ଲା ସବୁ ଲକ୍ଷମନର୍ ମୁଆଟେଅନି ଡାକିନେଇ ନିକ ଜାଗାଇ ବସାଇ ଦେଇସି । ଆରି ସବୁ ଲକ୍ଷର୍ ମୁଆଟେ ତମେ ସନ୍‌ମାନ୍ ପାଇସା । ୧୧ କେ ନିଜକେ ବଡ୍ ଲକ୍ଷ ବଲି ବାବ୍‌ଲାନି ତାକେ ପର୍ତ୍ତମେସର୍ ସାନ୍ କରାଇସି । ଆରି କେ ନିଜକେ ସାନ୍ ଲକ୍ଷ ବଲି ବାବ୍‌ସି ତାକେ ପର୍ତ୍ତମେସର ବଡ୍ କରାଇସି ।” ବଲି କଇଲା ।

୧୨ ତାତ୍‌ପଟେ ଜିସୁ ବଜିତେଇ ଡାକିଲା ଲକ୍ଷକେ କଇଲା, “ତୁଇ ଲକ୍ଷମନକେ ବଜିତେଇ ଡାକ୍‌ବା ବେଲାଇ ତର୍ ମଇତର୍‌ମନକେ, ବାଇମନକେ, ନିଜର୍ ଲକ୍ଷମନକେ ଆରି ସାଉକାର୍ ଲକ୍ଷମନକେ ଡାକ୍ ନାଇ । କାଇକେବଇଲେ ସେମନ୍ କେତେବଲ୍ ମିସା ତକେ ଡାକିକରି ତୁଇ ଦେଲାପାରା ବଜି ବାଉଡାଇ ଦେଇପାରତ୍ । ୧୩ ତେବେ ତୁଇ ବଜି କଲେ ଗରିବ୍, କାଣା, ଚଟା ଆରି ଚେରେଙ୍ଗ୍‌ଚରି ଏନ୍ତାରି ଲକ୍ଷମନକେ ଡାକି ଦେସ୍ । ୧୪ ସେକ୍ତି କଲେ ପର୍ତ୍ତମେସର୍ ତକେ ଆସିର୍‌ବାଦ୍ କର୍‌ସି । କାଇକେ ବଇଲେ

☆ ୧୪:୫ ୧୪:୫ ମାଡିଇ ୧୨:୧୧ ☆ ୧୪:୧୧ ୧୪:୧୧ ମାଡିଇ ୨୩:୧୨; ଲୁକ ୧୮:୧୪

ଏସ୍ତାରି ଲକ୍ଷ୍ମୀନ ଦୁଇ ଦେଲା ବଜି ବାଉଡ଼ାଇ ଦେଇ ନାପାରତ୍ । ପରଫେସର୍ ଦରମ୍ ଲକ୍ଷ୍ମୀନକେ ମଲାଟାନେଅନି ଉଟାଇଲା ବେଲେ ତକେ ପୁରୁସ୍କାର ମିଲୁସି ।”

ବଡ଼ ବଜିର ଉଦାଅରନ୍
(ମାତିଉ ୨୨:୧-୧୦)

୧୫ ଜିସୁ କଇଲା ବିସଇ ସୁନିକରି ତାର୍ ସଙ୍ଗ୍ ବଜିତେଇ କାଇବାକେ ବସି ରଇଲା ଲକ୍ଷ୍ମୀନର୍ ବିଡ଼ରେଅନି ଗଟେକ୍ ଲକ୍ଷ୍ କଇଲା, “କେ କେ ପରଫେସରର୍ ରାଇଜେ ତାର୍ ସଙ୍ଗ୍ ବଜି କାଇବାକେ ବସ୍ତବାଇ, ସେଟା ତାକର୍ ପାଇ ଗଟେକ୍ ବଡ଼ ଆସିରବାଦ୍ ।”

୧୬ ଜିସୁ ସେ ଲକ୍ଷ୍କେ କଇଲା, “ତରେକ୍ ଗଟେକ୍ ଲକ୍ଷ୍ ବେସି ବଡ଼ ବଜି କଲା ।” ସେ ବଜିତେଇ ବେସି ଗତିଆମନ୍କେ ତାକି ରଇଲା । ୧୭ ଆରି ରାଦ୍‌ବାଟା ଟିକ୍ ଅଇଲା ପତେ ସାଉକାର୍ ତାର୍ ଗତିଦାଙ୍ଗ୍‌ତାକେ ତାକି କଇଲା, “ମୁଇ ବଜିର୍ ପାଇ ତାକ୍‌ଲା ଲକ୍ଷ୍କେ ଜାଇ କଅ, କାଇବାଟା ଅଇଗାଲାବେ କାଇବାକେ ଆସତ୍ ।” ୧୮ ମାତର୍ ଲକ୍ଷ୍ମୀନ ଗଟେକ୍ ରକାମ୍ କଇଲା, “ମକେ କାମ୍ ଆରେ, ନ ଆସୁ” ବଲି । ଗଟେକ୍ ଲକ୍ଷ୍ କଇଲା “ମୁଇ ନୁଆ ବେତା ଗେନୁଲି ଆତି ସେ ବେତା ଦେକ୍‌ବାକେ ଜିବି । ଆସି ନାପାରି, ଦୟାକରି ତର୍ ସାଉକାର୍‌କେ ଅଲପ୍ କଇଦେସ୍ ।” ୧୯ ଆରି ଗଟେକ୍ ଲକ୍ଷ୍ କଇଲା, “ମୁଇ ପାଁର୍ମୁଣ୍ଟ୍ ଗରୁ ଗେନୁଲି ଆତି, ଗରୁମନ୍କେ କସିକରି ଦେକ୍‌ବାକେ ଗାଲିନି । ଆସିନାପାରି ଦୟାକରି ତର୍ ସାଉକାର୍‌କେ ଅଲପ୍ କଇଦେସ୍ ।” ୨୦ ଆରି ଗଟେକ୍ ଲକ୍ଷ୍ କଇଲା, “ମୁଇ ନୁଆରେ ବିବା ଅଇଆତି, ତେବେ ମୁଇ ଆସି ନାପାରି ।”

୨୧ ତାର୍ ପତେ ସେ ଗତିଦାଙ୍ଗ୍‌ତା ଆସି ସାଉକାର୍‌କେ ଏ ସବୁ କାତା ଜାନାଇଲା । ସେଟା ସୁନି ସାଉକାର୍ ବେସି ରିସାଅଇଜାଇ ତାକେ କଇଲା, “ଦାପରେ ଜାଇକରି ନଅରେ ଆରି ଗାର୍ ମନ୍‌କେ ରଇଲା ଗରିବ୍, କାଣା, ଚଟା, ବଇରା ଆରି ଚେରେଙ୍ଗ୍‌ରଗିମନ୍‌କେ ଇତି ତାକି ଆନ୍ ।” ୨୨ ସେ ଗତିଦାଙ୍ଗ୍‌ତା ଜାଇକରି ସାଉକାର୍ କଇଲାପାରି ଲକ୍ଷ୍ମୀନକେ ଆନୁଲା । ତାର୍ ପତେ ଗତିଦାଙ୍ଗ୍‌ତା ତାର୍ ସାଉକାର୍‌କେ କଇଲା, “ଏ ସାଉକାର୍ ତୁଇ କଇଲା ଇସାବେ ମୁଇ ତାକିଆନୁଲି । ଏଲେ ମିସା ଆରି କେତେ ଲକ୍ଷ୍ ପାଇ ଜାଗା ଆରେ ।” ୨୩ ଆରି ସାଉକାର୍ ସେ ଗତିଦାଙ୍ଗ୍‌ତାକେ କଇଲା, “ଗଡ଼ର୍ ସଡ଼କ୍ ପାଲି ରଇଲା ଲକ୍ଷ୍ମୀନକେ ଆରି ଗାର୍ ରଇଲା ଗରିବ୍ ଲକ୍ଷ୍ମୀନକେ ଜାଇକରି ତାକିଆନ୍ । ମର୍ ଗରେ ଲକ୍ଷ୍ ପୁରୁନ୍ ଅଅଡ଼ ବଲି ମୁଇ ମନ୍ କଲିନି ।” ୨୪ ତାର୍‌ପତେ ଜିସୁ କଇଲା, “ମୁଇ ଜନ୍ ଲକ୍ଷ୍ମୀନକେ ପର୍ତୁମ୍ ତାକିରଇଲି, ସେମନ୍ କଣ୍ଟେକ୍ ମିସା ଚାକି ନାପାରତ୍ ।”

ସିସ୍ ଅଇବାର୍ ମୁଲିଅ
(ମାତିଉ ୧୦:୩୭-୩୮)

୨୫ ତରେକ୍ ବେସି ଲକ୍ଷ୍ମୀନ ଜିସୁର୍ ସଙ୍ଗ୍ ଜାଇତେ ରଇଲାଲ । ଆରି ସେ ପର୍‌ବାଟେ ବୁଲିକରି ସେମନ୍‌କେ କଇଲା । ୨୬ * “ଜେ ମର୍ ଲଗେ ଆସିକରି ନିଜର୍ ବାବା, ମାଆ, ମାଇଜି ପିଲା, ବାଇ ବଇନି ଆରି ନିଜ୍‌କେ ମର୍‌ତେଇଅନି ଅଦିକ୍ ଆଲାଦ୍ କର୍‌ସି, ସେ ମର୍ ସିସ୍ ଅଇନାପାରେ । ୨୭ * ଗଟେକ୍ ଲକ୍ଷ୍ ମର୍ ପତେ ପତେ ଇଣ୍ଟୁରାଆଲେ, ତାକେ ଦିଆଅଇଲା କୁରୁସ୍ ବଇକରି ନ ଇଣ୍ଟେ ବଇଲେ, ସେ କେବେ ମର୍ ସିସ୍ ଅଇନାପାରେ । ୨୮ ତମେ ଜଦି ଗଟେକ୍ ବଡ଼ ଗର୍ ବାଦ୍‌ବାକେ ମନ୍ କଲାସିନି ବଇଲେ, ବାଦ୍‌ବା ଆଗତୁ କେତେକ୍ କର୍‌ତ ଅଇସି ସେଟା ବସି କରି ଇସାବ୍ କର୍‌ସା । ଆରି ସେ ଗରର୍ ସବୁ କାମ୍ କରିସାରାଇବାକେ ତମର୍ ଲଗେ ସେଡ଼କି ତାରୁ ଆତେକି ନାଇ ବଲି ଇସାବ୍ କରିଦେକ୍‌ସା । ୨୯ ତମେ ଜଦି ଇସାବ୍ କରି ନ ଦେକ୍‌ଲେ ଗର୍ କାମ୍ ଆରାମ୍ କରି ସାରାଇ ନାପାରାସ୍ । ସେ କାମ୍ କରି ନ ସାରାଇଲେ ତମ୍‌କେ ଦେକ୍‌ବା ଲକ୍ଷ୍ମୀନ ଆସିକରି ଲାଜ୍‌କରି ଦେବାଇ । ୩୦ ସେମନ୍ କଇବାଇ, ଏ ଲକ୍ଷ୍ ବଡ଼ଟା ଗର୍ ବାଦ୍‌ବା ଆରାମ୍ କଲା, ମାତର୍ ସାରାଇବାର୍ ନାପାରୁଲା ।”

୩୧ ଆରି ଜିସୁ କଇଲା, “ଗଟେକ୍ ରାଜା ଦସ୍‌ଅଜାର୍ ସନିଅ ଦାରି, କତେଅଜାର୍ ସନିଅ ରଇଲା ରାଜାସଙ୍ଗ୍ ଜୁଇଦ୍ କର୍‌ବାର୍ ଆଇଲେ, ପର୍‌ତୁମ୍ ତାର୍ ସନିଅମନ୍ ସଙ୍ଗ୍ ବସିକରି ତାର୍ ଦସ୍‌ଅଜାର୍ ସନିଅମନ୍ ସଙ୍ଗ୍ ଜୁଇଦ୍ କଲେ ଜିତି ଅଇସି କି ନାଇ ବଲି ଜଜ୍‌ନା ନ କରେକି ? ୩୨ ଜଦି ସେ ରାଜା ଜିତି ନର୍‌ଏ ବଲି ବାବ୍‌ଲେ ସେମନ୍ ଦୁରିକେ ରଇଲା ବେଲେସେ, ଏ ରାଜା ତାର୍ କେତେଟା ଲକ୍ଷ୍‌କେ ପାଟାଇ କରି, ଜୁଇଦ୍ ନ କରି ସାନ୍ତିର୍ ରାଜିନାମା କର୍‌ବାକେ କଇସି । ୩୩ ତମେମିସା ସେସ୍ତାରିସେ ମର୍ ସିସ୍ ଅଇବାକେ ମନ୍ କଲେ ତମର୍‌ତେଇ ରଇଲା ସବୁଟା ଚାଡ଼ିଦେବାକେ ମନ୍ କର୍‌ବାର୍ ଆରେ । ନଇଲେ ତମେ ମର୍ ସିସ୍ ଅଇ ନାପାରାସ୍ ।”

* ୧୪:୨୬ ୧୪:୨୭ ମାତିଉ ୧୦:୩୭ * ୧୪:୨୭ ୧୪:୨୭ ମାତିଉ ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩

ତପ୍ତରା ରଇବା ନୁନ୍
(ମାତ୍ରିକ ୫:୩; ମାର୍କ ୯:୫୦)

୩୪ “ନୁନ୍ ଗଟେକ୍ ବଢ଼ିଆ ଦିନ୍ସୁ । ନୁନ୍ ଜଦି ନୁନ୍ ପାରା କରିଆ ନ ଅଇଲେ ସେଟା ଆରିତରେକ୍ କେନ୍ଦ୍ରି ନୁନ୍ପାରା କରିଅଇସି । ୩୫ ସେଟା ମାଟି କି କଡ଼ କରବାକେ ମିସା କାମେ ନ ଆସେ । ସେଟା ପିଇ ଦେବାର୍ସେ ଅଇସି । ଜାକେ ସୁନ୍ଲାପାରା କାନ୍ ଆଟେ ସେ ସୁନ୍ ।”

୧୫

ଆଜିଲା ମେଣ୍ଡା
(ମାତ୍ରିକ ୧୮:୧୨-୧୪)

୧୨ “ଦିନେକ୍ ଜିସୁ କଇବା କାତା ସୁନ୍ବାକେ ସିସଡୁ ମାଙ୍ଗବା ଲକ୍ମନ ଆରି ଏନ୍ତି ବେସି ପାପିଲକ୍ମନ ତାର୍ ଲଗେ ଆଇତେ ରଇଲା । ୧୩ ତେଇ ପାରୁସି ଲକ୍ମନ ଆରି ନିୟମ୍ ସିକାଇ ଦେବା ଲକ୍ମନ, ଏଟା ଦେକି ତାର୍ ବିରଦେ ଏନ୍ତି କଇବାର୍ ବସୁଲା । “ଏ ଲକ୍ମକେ ଦେକା, ସେ ପାପି ଲକ୍ମନର୍ ସଙ୍ଗ୍ ମଇତର୍ ପାରା ଅଇ ତାକର୍ ସଙ୍ଗ୍ ମିସ୍ତେ କାଇଲାନି ।” ୧୪ ସେଟାର୍ ପାଇ ଜିସୁ ସେମନକେ ଏ ଉପାଅରନ୍ କଇଲା ।

୪ “ଜଦି ତମର୍ ବିତ୍ତରେ ଗଟେକ୍ ଲକ୍ମର୍ ସଏଟା ମେଣ୍ଡା ରଇସି ଆରି ସେ ବିତ୍ତରେଅନି ଗଟେକ୍ ଆଜିଗାଲିସି ବଇଲେ ତମେ କାଜଟା କରସା ? ସେ ନବେ ନଅଟା ମେଣ୍ଡାମନକେ ଚାରତ୍ତବଲି ଚାଡ଼ିଦେଇ, ଆଜିଗାଲା ଗଟେକ୍ ମେଣ୍ଡା ମିଲବାଜାକ ନ କଜାସ୍ କି ? ୫ ଆରି ଜେତେବଲି ସେ ମେଣ୍ଡା ମିଲାଇସି, ବେସି ସାର୍ଦା ଅଇ ମେଣ୍ଡାକେ କନ୍ଦେ ବଇକରି ଗରେ ଦାରିଆଇସା । ୬ ତମେ ଗରେ କେଟ୍ଲା ପଟେ, ତମର୍ ମଇତର୍ମନକେ ଆରି ଗର୍ ଲଗର୍ ଲକ୍ମକେ ତାକିକରି ‘ମର ସଙ୍ଗ୍ ସାର୍ଦା କରା, କାଇକେବଇଲେ ମର୍ ଆଜିଗାଲା ମେଣ୍ଡା ମିଲ୍ଲା’ ବଲି କଇସା । ୭ ସେନ୍ତାରି ମୁଇ ତମକେ କଇଲିନି, ‘ଆମେ ପାପି ଲକ୍ମନ ନଉଁ ବଲି ବାବ୍ତେରଇବା ନବେ ନଅଟା ଦରମ୍ ଲକ୍ମନର୍ ରଇଲେମିସା ଗଟେକ୍ ପାପି ଲକ୍ମ ନିଜେ ‘ମୁଇ ଗଟେକ୍ ପାପି’ ବଲି ଏତାଇସି । ପଟେ ମନ୍ଦାଦଲାଇ କରି ପର୍ମେସରର୍ ଲଗେ ଆଇସି । ସେ ନବେ ନଅଟା ଦରମ୍ ଲକ୍ମନର୍ତେଇ ଅନି ଏ ଗଟେକ୍ ଲକ୍ମର୍ ପାଇ ସର୍ଗେ ଅଦିକ୍ ସାର୍ଦା କରବାଇ ।”

ଆଜିରଲା ରୁପା ଟାଙ୍ଗା

୮ ଏ କାତା ସୁନାଇ ଦେବାକେ ଜିସୁ ଆରି ଗଟେକ୍ କାତାନି ସେମନକେ କଇଲା, “ଜଦି ଗଟେକ୍ ମାଇଜିର୍ ଦସଟା ରୁପାଟାଙ୍ଗା* ରଇଲା । ତେଇଅନି ଗଟେକ୍ ଅଦଲି ଆଜିଗାଲେ ସେ କାଜଟା କରସି ? ସେ ବଡ଼ି ଲାଗାଇ ଗୁଲାଇ ଗର୍ ସେଟା ନ ମିଲବାଜାକ ବାତାନ୍ ରୁତାନ୍ କରି କଜସି । ୯ ଆରି ସେଟା ମିଲ୍ଲା ଦାପରେ ତାର୍ ମଇତର୍ମନକେ ଆରି ଗର୍ ଲଗେ ରଇଲା ଲକ୍ମନକେ କଇସି ‘ତମେ ମର୍ସଙ୍ଗ୍ ସାର୍ଦା କରା, କାଇକେ ବଇଲେ ଆଜିଗାଲା ରୁପାଅଦଲି ତାରୁ ମକେ ମିଲ୍ଲା ଆଟେ’ । ୧୦ ମୁଇ ତମକେ କଇଲିନି, ସେନ୍ତିସେ ଗଟେକ୍ ପାପି ଲକ୍ମ ମାପୁରୁତେଇ ମନ୍ଦାଦଲାଇସି ବଇଲେ, ପର୍ମେସରର୍ ଦୁତମନ୍ ବେସି ସାର୍ଦା କରବାଇ ।”

ଆଜିଲା ପିଲା

୧୧ ଏ କାତା ବୁଜାଇ ଦେବାକେ ଜିସୁ ସେମନକେ ଆରି ଗଟେକ୍ କାତାନି କଇଲା । ଗଟେକ୍ ଲକ୍ମକେ ଦୁଇଟା ପିଲାମନ୍ ରଇଲା । ୧୨ ଦିନେକ୍ ସାନ୍ ପଅ ତାର୍ ବାବାକେ କଇଲା, “ଏ ବାବା ତର୍ ଦନ୍ ମର୍ବାଗେ ଜେଟ୍ଟି ଅଇସି, ସେଟା ଏବେ ମକେ ଦେଇପାକା ।” ସେଟାର୍ ପାଇ ତାର୍ ବାବା ତାର୍ ଦନ୍ ଦୁଇବାଗ୍ କରି ତାର୍ ପିଲାମନକେ ଦେଲା । ୧୩ ଅଲପ୍ ଦିନ୍ ଗାଲା ପଟେ ସାନ୍ ପିଲା ତାର୍ ବାଗର୍ ସର୍ ଦନ୍ ବିକିଦେଇ ମିଲ୍ଲା ତାରୁ ଟୁଲିଆଇ ଗଟେକ୍ ଦୁର୍ ଦେସେ ଉଟିଗାଲା । ଆରି ତାର୍ ସର୍ ତାରୁ ନିଜେ ମନ୍ଦକଲା ଇସାବେ କରଟ କଲା । ୧୪ ତାରଲଗେ ରଇଲା ସର୍ ତାରୁ ସାରାଇଦେଲା । ପଟେ ସେ ଦେସର୍ ଗୁଲାଇ ବାଟେ ମର୍ଡ଼ି ଅଇଲା । ଆରି କାଜଟା ମିସା ଗେନି କାଇବାକେ ତାରଲଗେ ତାରୁ ନ ରଇଲା । ୧୫ ତେବେ ସେ ଗଡ଼େ ଗଟେକ୍ ଲକ୍ମର୍ ଗରେ କୁଲି ମିଲ୍ଲସି କାଇକି ବଲି କାମ୍ କଜ୍ବାର୍ ଗାଲା । ସେ ଲକ୍ ତାକେ ଗୁସରି ଚାରାଇବା କାମ୍ ଦେଲା । ୧୬ ଆରି ତାକେ ବେସି ବୁକ୍ ଲାଗିତେ ରଇଲା । ତାକେ ଗୁସରିମନ୍ କାଦି କାଇବାକେ ମନ୍ଦାଗଲା ମାତର୍ ସେ କାଦି ମିସା ଦେଅର୍ ନାଇ । ୧୭ ସେବେଲେ ତାକେ ଚେଡ଼ନା ଆଇଲାଜେ ସେ ମନେ ମନେ ଏନ୍ତି ବାଦଲା । ମର୍ ବାବାର୍ ଗରେଟା କାମ୍ କରବା ଗତିଦାଙ୍ଗତାମନ୍ କେତେ କାଦି ଉବ୍ରି ଗାଲାନି । ମାତର୍ ମୁଇ ଇତି ବୁକେ ମରିଜିବିବେ

* ୧୫:୧ ୧୫:୧ ଲୁକ ୫:୨୯, ୩୦ * ୧୫:୮ ୧୫:୮ ଗଟେକ୍ ରୁପା ଟାଙ୍ଗାନ୍ ଦାମ୍, ଗଟେକ୍ ଦିନରୁକି ତାରୁ ଏବ୍ଡି

। ୧୮ ସେଟାରୁପାଇ ମୁଞ୍ଚ ଏ ଜାଗା ଚାଡ଼ିକରି ମଞ୍ଚ ବାବାରୁ ଲଗେ ବାଉଡ଼ି ଜିବି । ଆରି ତାକେ କଇବି, “ଏ ବାବା ମୁଞ୍ଚ ପରମେସରୁ ଆରି ତରୁ ବିରଦେ ପାପ୍ କରୁଆରି । ୧୯ ମୁଞ୍ଚ ଆରି ତରୁ ପିଲା ଅଇବାରୁ ଅଦିକାର ନାଇ ଆରି ତରୁ ଗତିଦାଙ୍ଗତାମାନରୁ ବିତ୍ତରେ ଗଟେକ୍ ଗତିଦାଙ୍ଗତା ଅଇ ରଇବି” ବଲି କଇବି । ୨୦ ଆରି ସେ ଜାଗା ଚାଡ଼ି ବାବାରୁ ଲଗେ ଜିବାକେ ବାରଇଲା ।

ମାତରୁ ସେ ପିଲା ଦୁରିକେ ରଇଲାବେଲେ ବାବା ତାକେ ଦେକଲା । ତାକେ ଦେକି ବେସି କଲିକରମ୍ ଅଇ । ତାରୁ ଲଗେ ପାଲାଇ ଆସି ପାଟାଲିକରି ରୁମଲା । ୨୧ ସେ ପିଲା ତାରୁ ବାବାକେ କଇଲା, “ଏ ବାବା ମୁଞ୍ଚ ପରମେସରୁ ବିରଦେ ଆରି ତରୁ ବିରଦେ ପାପ୍ କଲିଆରି ସେଟାରୁପାଇ ତରୁ ପିଲା ଅଇବାରୁ ମରୁ ଅଦିକାର ନାଇ ।” ୨୨ ମାତରୁ ତାରୁ ବାବା ନିଜରୁ ଗତିଦାଙ୍ଗତାମାନକେ କଇଲା, “ତମେ ବେଟି ଜାଇକରି ସବୁଟାମାନେଅନି ନିମାନ୍ ଚକାପତିଆ ତାକେ ପିନ୍ଧାଇଦିଆସ୍ । ଆରି ତାରୁ ଆଙ୍ଗଟି ମୁନ୍ଦି ପିନ୍ଧାଆ । ତାରୁ ଗଡେ ପାଣ୍ଡୁଇ ପିନ୍ଧାଇଦିଆସ୍ ।” ୨୩ ଆରି ତାରୁ ଗତିଦାଙ୍ଗତାମାନକେ କଇଲା, “ଆମରୁଡେଇ ରଇଲା ସବୁଟାମାନେଅନି ଗଟେକ୍ ଗାଗଡ଼ ରଇବା ପସୁ ଆନି ମାରା, ଆରି ଆମେ ସାରୁଦା ଅଇକରି ବଜି କରୁ । ୨୪ କାଇକେ ବଇଲେ ମରୁ ପିଲା ମରିଜାଇରଇଲା, ଆରି ଏବେ ଜିବନ୍ ଅଇଲା ଆଚେ । ସେ ଆଜିଜାଇ ରଇଲା ଏବେ ମିଲୁଲା ଆଚେ ।” ସେଟାରୁପାଇ ସେମନ୍ ବଜି କରୁବାରୁ ବସଲାଇ ।

୨୫ ସେ ବେଲା ତାରୁ ବଡ଼ ପଥ ଡାସପଦାଇ ରଇଲା । ସେ ବାଉଡ଼ି କରି ଗରୁ ଲଗେ ଆଇବା ବେଲାଇ ବାଜାବାଇଦ୍ କରି ନାଟୁଗିଡ଼ କରୁବାଟା ସୁନ୍ଲା । ୨୬ ସେ ଗଟେକ୍ ଗତିଦାଙ୍ଗତାକେ ଡାକିକରି ପାଟାରୁଲା, “ଇଡି କାଇଟା ଅଇଲାନି ?” ୨୭ ଗତିଦାଙ୍ଗତା ତାକେ କଇଲା, “ତରୁ ବାଇ ଗରେ ବାଉଡ଼ି ଆଇଲା ଆଚେ । ଆରି ତରୁ ବାବା, ତରୁ ବାଇ ଜରୁଦୁକା ନ ଅଇ ଜିବନ୍ଅଇ ଆଇଲାକେ ଗଟେକ୍ ଗାଗଡ଼ ପସୁକେ ମାରୁଲା ଆଚେ ।”

୨୮ ଏ କାତା ସୁନି ବଡ଼ ପଥ ବେସି ରିସା ଅଇଗାଲା । ସେ ଗରୁ ବିତ୍ତରେ ପୁରେ ମିସା ନାଇ । ମାତରୁ ତାରୁ ବାବା ବଡ଼ ପଥରୁ ଲଗେ ଜାଇ ଗରେ ଜିବାକେ ବୁଜାଇବାରୁ ଦାରୁଲା । ୨୯ ମାତରୁ ବଡ଼ ପଥ ତାରୁ ବାବାକେ କଇଲା, “ଦେକ୍, ମୁଞ୍ଚ ଏଡେକ୍ ବରସ୍ ଜାକ ଗଟେକ୍ ଗତିଦାଙ୍ଗତା ପାରା ତରୁ ସେବା କଲିନି ଆରି ତରୁ କାତା ମାନି କରି ରଇଲି । ତୁଞ୍ଚ ମକେ କାଇଟା ଦେଇଆରୁସ୍ ? ମରୁ ମଇତରୁମନରୁ ସଙ୍ଗ ବଜି କରା ବଲି ଗଟେକ୍ ସାନ୍ଟା ପସୁ ମିସା ଦେଉସ୍ ନାଇ । ୩୦ ମାତରୁ ତରୁ ଏ ସାନ୍ ପଥ ସବୁ ଦନ୍ ଦାରିଜାଇ ବେସିଆମନକେ ଦେଇ ସାରାଇଦେଲା ଆରି ସେ ଗରେ ବାଉଡ଼ି ଆଇଲାକେ ତୁଞ୍ଚ ତାରୁ ପାଇ ଗଟେକ୍ ଗାଗଡ଼ଟା ପସୁକେ ମାରୁଲୁସ୍ !” ୩୧ ସେବେଲେ ତାରୁ ବାବା ବଡ଼ ପଥକେ କଇଲା, “ଏ ନୁନା ତୁଞ୍ଚତା ସବୁ ବେଲା ମରୁ ସଙ୍ଗ ରଇଲୁସ୍ନି ଆରି ମରୁ ଜେଡ଼କି ଦନ୍ ଆଚେ ସେଟା ସବୁ ତରୁଟାସେ । ୩୨ ମାତରୁ ତରୁ ବାଇ ମରିଜାଇରଇଲା । ଏବେ ସେ ଜିବନ୍ ଅଇଆଚେ ସେ ଆଜିଜାଇରଇଲା ମାତରୁ ଏବେ ମିଲୁଲା ଆଚେ । ସେଟାରୁପାଇ ଆମେ ସାରୁଦା କରୁବାରୁ ରଇଲା ।”

୧୭

ସିସବାସ୍ କରୁବା ଗୁମସତା

୧ ଜିସୁ ତାରୁ ସିସମାନକେ ଗଟେକ୍ କାତାନି ବୁଜାଇ କଇଲା । “ଗଟେକ୍ ସାଉକାରୁ ଲକ୍ ରଇଲା । ତାରୁ ଦନ୍ ଇସାବକିତାଦ୍ କରୁବାକେ ଗଟେକ୍ ମୁକ୍ତି ଗତିଦାଙ୍ଗତା ରଇଲା । ଆରି ସେ ସବୁ ଦନ୍ ଏନେତେନେ କରିଦେଲାନି ବଲି ଗଟେକ୍ ଲକ୍‌ରୁଡେଇ ଅନି ସାଉକାରୁ ସୁନ୍ଲା ।” ୨ ସେଟାରୁ ପାଇ ସାଉକାରୁ ମୁକ୍ତି ଗତିଦାଙ୍ଗତାକେ ଡାକି କଇଲା, “ତୁଞ୍ଚ ଟିକ୍ ସଙ୍ଗ ଇସାବପତରୁ କରୁସ୍ ନାଇ ବଲି ମୁଞ୍ଚ ବେସି କାତା ସୁନ୍ଲିନି । ମରୁ ସବୁ ଡାଗୁରୁ ଇସାବ ମକେ ଦେ । କାଇକେ ବଇଲେ ତୁଞ୍ଚ ଆରି ମରୁ ମୁକ୍ତି ଗତିଦାଙ୍ଗତାରୁ କାମେ ନ ରଉସ୍ ।” ୩ ସେବେଲା ସେ ମୁକ୍ତି ଗତିଦାଙ୍ଗତା ମନେ ମନେ ଏଡାଇଲା । ଏବେ ମୁଞ୍ଚ କାଇଟା କରୁବି ? ମରୁ ସାଉକାରୁ କାମେ ଅନି ବାରୁକରିଦେବି ବଲି କଇଲା ଆଚେ । ମାଟି ମାରୁବାକେ ମକେ ବସୁ ନାଇ ଆରି ବିକ୍ ମାଗବି ବଇଲେ ମିସା ଲାଜ୍ ଲାଗୁଲାନି । ୪ ମୁଞ୍ଚ କାଇଟା କରୁବାରୁ ଆଚେ ବଲି ଜାନି ଆଟି । ମକେ ଏ କାମେଅନି ବାରୁ କରିଦେଲା ପଚେ କାଇଟା କଲେ ଲକ୍‌ମନରୁ ଗରେ ମକେ ଡାକି ନିକକରି ଦେକିବାଇ ବଲି ବାବୁଲା ।

୫ ତେବେ ସେ ମୁକ୍ତି ଗତିଦାଙ୍ଗତା ତାରୁ ସାଉକାରୁଡେଇଅନି ଉଦାରୁ ନେଲା ସବୁ ଲକ୍‌କେ ଡାକ୍ଲା । ପରତୁମ ଗଟେକ୍ ଲକ୍‌କେ ଡାକି ପାଟାରୁଲା, “ତୁଞ୍ଚ ମରୁ ସାଉକାରୁକେ କେଡେକ୍ ଦେବାରୁ ଆଚେ ?” ୬ ସେ ଲକ୍ ତାକେ “ସଏ ଡାବା ଟିକନ୍ ।” ବଲି କଇଲା । ମୁକ୍ତି ଗତିଦାଙ୍ଗତା ତାକେ କଇଲା, “ତମେ ଉଦାରୁ ନେଲା ପଡିଲଗେ ଉନା କରି ପଗାସ୍ ଡାବା ବଲି ଲେକିଦେସ୍ ।” ୭ ତାରୁ ପଚେ ସେ ଆରି ଗଟେକ୍ ଲକ୍‌କେ ପାଟାରୁଲା, “ତମେ କେଡେକ୍ ଦେବାରୁ ଆଚେ ?” ଉଦାରୁ ନେଲା ଲକ୍ କଇଲା, “ଅଜାରୁ ବାସ୍ତା

ଦାନ ।” ମୁକିଅ ଗତିଦାଙ୍ଗତା ତାକେ କଇଲା “ତୁଇ ଉଦାର୍ ନେଲା ପତିତେଇ ଉନାକରି ଆର୍ ସଥ ବାସ୍ତା ବଲି ଲେକିଦେସ ।”

୮ ଏଟାର ପାଇ ସେ ମିରୁଆ ମୁକିଅ ଗତିଦାଙ୍ଗତାକେ ତାର୍ ସାଉକାର୍ କଇଲା, “ତୁଇ ବେସି ଚାଲାକି ଅଇକରି ଏନ୍ତି କାମ୍ କରିଆରୁସ । କାଇକେ ବଇଲେ ଏ ଦୁନିଆର୍ ଲକ୍ମନ୍ ଦିଜର୍ କାମ୍ କରବାକେ ପରମେସରର୍ ଲକ୍ମନ୍ ଟାନେଅନି ଅଦିକ୍ ଚାଲାକି ।”

୯ ଆରି ଜିସୁ କଇଲା, “ସେଟାର ପାଇ ମୁଇ ତମକେ କଇଲିନି, ଲକ୍ମନ୍ଦକେ ଏ ଦୁନିଆର୍ ଦନ୍ ଦେଇ କରି ନିଜର୍ ନିଜର୍ ପାଇ ମଇତର୍ କରା । ସେନ୍ତାରି କଲେ ଜେଡେବଲ୍ ତମର୍ ଦୁନିଆର୍ ଦନ୍ ସାରିଜାଇସି, ପରମେସର୍ ତମକେ କାଲିକାଲ୍ ଜୁଗ୍ଜୁଗ୍ ରଇବା ଗରେ ତାକି ନେଇସି । ୧୦ କେ ସାନ୍ ବିସଇ ସଡ଼ସଙ୍ଗ୍ କରସି, ସେ ବଡ଼ ବିସଇ ସଡ଼ସଙ୍ଗ୍ କରସି । ସେନ୍ତାରେ କେ ସାନ୍ ବିସଇ ନେଇକରି ସଡ଼ କାମ୍ ନ କରେ ସେ ବଡ଼ ବିସଇତେଇ ମିସା ସଡ଼ କାମ୍ ନ କରେ । ୧୧ ପରମେସର୍ ତମକେ ଏ ଦୁନିଆଇ ଦେଲା ତାହୁ ଆରି ଦନର୍ ବିସଇ ସତଇସେ ନ କରାସ୍ ବଇଲେ ସରଗର୍ ଦନ୍ ତମକେ ମିଲବାକେ ନ ଦେଏ । ୧୨ ତମେ ବିନ୍ ଲକ୍ମନ୍ଦନ୍ ଦନ୍ ସଡ଼ବାବେ ନ ସଙ୍ଗଲେ ନିଜର୍ ଦନ୍ କେ ତମକେ ଦେଇସି ? ୧୩ ଗଟେକ୍ ଗତିଦାଙ୍ଗତା ଦୁଇଟା ସାଉକାର୍ ଦାଉଡ଼ ସମାନ୍ ବାବେ କରିନାପାରେ । କାଇକେବଇଲେ ସେ ଗଟେକ୍ ସାଉକାର୍କେ ଆଲାଦ୍ କରସି ଆରି ଗଟେକ୍ ସାଉକାର୍କେ ଗିନ୍ କରସି । ଗଟେକ୍ ସାଉକାର୍କେ ନାମସି ଆରି ଗଟେକ୍କେ ନ ନାମେ । ସେନ୍ତାରେ ଗଟେକ୍ ଲକ୍ ଏକାତରେକ୍ ଏ ଦୁନିଆର୍ ଦନ୍ ଆରି ପରମେସର୍କେ ସମାନ୍ବାବେ ସେବା କରିନାପାରେ ।”

ଜିସୁର କେତେଟା କାତା

(ମାତିଉ ୧୧:୧୨-୧୩; ଖଃ.୩୧-୩୨; ମାର୍କ ୧୦:୧୧-୧୨)

୧୪ ପାରୁସି ଦଲ୍ଲର୍ ଲକ୍ମନ୍ ଏ ସବୁ କାତା ସୁନି ଜିସୁକେ ଟାପରା କଲାଇ, କାଇକେ ବଇଲେ ତାହୁ ଆକା ସେମନ୍ଦର୍ ଜିବର୍ ଦନ୍ ବଲି ବାବ୍ତେ ରଇଲାଇ । ୧୫ ଜିସୁ ସେମନ୍ଦକେ କଇଲା, “ତମେ ଲକ୍ମନ୍ ମୁଆଟେ ନିକ ବଲି ଦେକାଇ ଅଇଲାସିନି । ମାତର୍ ତମର୍ ମନ୍ଦିବ୍ତରେ କାଇଟା ଆଟେ ସେଟା ପରମେସର୍ ଜାଣିଆଟେ । ଜନ୍ ଦିନ୍ସୁ ଲକ୍ମନ୍ ବେସି ମୁଲିଅ ବଲି ବାବ୍ଲାଇନି ସେଟା ପରମେସର୍ ଦେକ୍ବା ଇସାବେ ଦେସି ଗିନର୍ ବିସଇ ।”

୧୬ “ତୁବନ୍ ଦେଉ ଜଅନ୍ ଆସି ନିକ କାତା କଇବାଟା ଆରାମ୍ କରବା ଜାକ, ମସାର୍ ନିୟମ୍ ଆରି ବବିସଡ଼ବକ୍ତାମନ୍ଦର୍ କାତା ତମକେ କାତାଇ ନେଇତେ ରଇଲା । ଜଅନ୍ ଆଇଲା ପଟେ, ପରମେସର୍ ରାଇଜର୍ ସୁବ୍ କବର୍ ଜାନାଇଲାଇନି । ଆରି ନିଜର୍ ବପୁସଙ୍ଗ୍ ପରମେସର୍ ରାଇଜେ ଜିବାକେ ବେସି ଲକ୍ମନ୍ ଟେସଟା କଲାଇନି । ୧୭ ଏପରା ଆରି ଦୁନିଆ ନସିଗାଲେ ମିସା ନିୟମେ ଲେକା ଅଇରଇଲାଟା ଗଟେକ୍ ମିସା ଅଇକର୍ ନ ନସେ ।”

୧୮ “କେମିସା ନିଜର୍ ମାଇଜିକେ ଚାଡ଼ି ବିନଟା ଆନ୍ଲେ, ସେ ଦାଙ୍ଗଡ଼ିସଙ୍ଗ୍ ବେସିଆ କାମ୍ କଲା ଲକ୍ ଅଇଜାଇସି । ଆରି କେ, ସେ ଚାଡ଼ଲା ଦାଙ୍ଗଡ଼ିକେ ବିବା ଅଇସି ବଇଲେ ସେ ମିସା ଦାଙ୍ଗଡ଼ିସଙ୍ଗ୍ ବେସିଆ କାମ୍ କଲା ଆଟେ ।” ବଲି କଇଲା ।

ଗଟେକ୍ ସାଉକାର୍ ଆରି ଲାଜାର୍

୧୯ ଜିସୁ ସେମନ୍ଦକେ ଗଟେକ୍ କାତାନି ବୁଜାଇକରି କଇଲା, “ଗଟେକ୍ ସାଉକାର୍ ଲକ୍ ରଇଲା । ସେ ଲଟେକ୍ ମଲ୍ ଦେଇ ଗେନ୍ଲା ନିକ ନିକ ଚକା ପଟିଆ ପିନ୍ଦେତେ ରଇଲା । ସେ ସବୁଦିନ୍ ବଜି କରି ନିଜେ ସାର୍ଦା ଅଇତେରଇଲା । ୨୦ ତେଇ ଲାଜାର୍ ନାଉର୍ ଅର୍କିଡ଼ ଲକ୍ ଗଟେକ୍ ରଇଲା । ତାର୍ ଗୁଲାଇ ଗାଗଡ଼ ଗାଉ ଅଇରଇଲା । ତାକେ ଆନିକରି ସାଉକାର୍ କାପାର୍ ଲଗେ ତୁଲାଇତେ ରଇଲାଇ । ୨୧ ତେଇ ରଇ, ସେ ସାଉକାର୍ ତାଲିଅନି ଅଦରଲା ସକ୍ତି ବାଡ଼ିସିତା ବେଟି କାଇବାକେ ମନ୍ କର୍ତେ ରଇଲା । କୁକୁର୍ମନ୍ ତାର୍ ଗାଗଡ଼ ଗାଉ ଚାଡ଼ତେ ରଇଲାଇ ।”

୨୨ କେତେ ଦିନ୍ ଗାଲାପଟେ ସେ ଅର୍କିଡ଼ ଲକ୍ ମରିଗାଲା । ଆରି ପରମେସର୍ ତୁଡ଼ମନ୍ ଆସି ତାକେ ସରଗ୍ପୁରର୍ ବଜିତେଇ ଅବ୍ରାଆମର୍ ଲଗେ ବସବାକେ ଦାରି ଗାଲାଇ । ଆରି କେତେ ଦିନ୍ ଗାଲାପଟେ ସେ ସାଉକାର୍ ମିସା ମରିଗାଲା । ତାକେ ନେଇ ତପିଦେଲାଇ । ୨୩ ଆରି ସେ ନରକ୍ କୁଣ୍ଡେ ଗାଲା । ତେଇ ସେ ବେସି କସଟ୍ ପାଇବାବେଲା ଉପରେ ସରଗ୍ପୁରରେ ଦେକଲେ ଲାଜାର୍ ଅବ୍ରାଆମର୍ ଲଗେ ବସି ଆଟେ । ୨୪ ସେ ଆଉଲି ଅଇ କଇଲା, “ଏ ବାବା ଅବ୍ରାଆମ୍, ମକେ ଦୟା କର୍ । ଲାଜାର୍କେ ମର

☆ ୧୬:୧୩ ୧୬:୧୩ ମାତିଉ ୬:୨୪ ☆ ୧୬:୧୬ ୧୬:୧୬ ମାତିଉ ୧୧:୧୨,୧୩ ☆ ୧୬:୧୭ ୧୬:୧୭ ମାତିଉ ୫:୧୮ ☆ ୧୬:୧୮ ୧୬:୧୮ ମାତିଉ ୫:୩୨; ୧୮ କରନ୍ତିୟ ୬:୧୦,୧୧

ଲଗେ ପାଟାଇଦେସ । ସେ ଆସିକରି ନିଜର ଆଙ୍ଗୁଠି ସଙ୍ଗେ ପାନି ଦେଇ, ମର ଜିବ୍ କାକର କର । କାଇକେ ବଇଲେ ମୁଇ ଏ ନରକପୁରର ଜଇଲଗେ ବେସି କସ୍ତ ପାଇଲିନି ।”

୨୫ ମାତର ଅବରାଆମ୍ କଇଲା, “ବାବୁରେ, ତୁଇ ଜିବନ୍ ରଇଲାବେଲାଟ୍ କାତା ମନେ ଏତାଇ ଦେକ୍ । ତର ଜିବ୍‌ନେ ସବୁ ନିମାନ୍ ବିସଇ ପାଇରଇଲୁସ୍ । ଆରି ଲାଜାର୍ ସବୁ କାରାପ୍ ବିସଇ ପାଇଲା । ମାତର ସେ ଏବେ ଏ ଜାଗାଇ ସାରଦାଅଇ ଆଚେ । ଆରି ତୁଇ ବେସି କସ୍ତ ପାଇଲୁସିନି ।” ୨୬ ଆରି ଗଟେକ୍ ବିସଇ ଅଇଲାନି, ତର ଆମର୍ ମଜାଇ ଗଟେକ୍ ବଡେଟା ପାଗଡ୍ ଆଚେ । ଇତିର ଲକ୍ ସିତି ଜାଇ ନଏଁ ଆରି ସିତିର ଲକ୍ ଇତି ଆସି ନଏଁ” ବଲି କଇଲା । ୨୭ ସେ ବେଲା ସେ ସାଉକାର୍ କଇଲା, “ଏ ବାବା ଏନ୍ତି ବଇଲେ ମୁଇ ତକେ ବାବୁଜିଆ କଲିନି ଲାଜାର୍‌କେ ଦୟାକରି ମର ବାବାର୍ ଗରେ ପାଟାଇଦେସ୍ । ୨୮ କାଇକେ ବଇଲେ ତେଇ ମର ପାଁଟା ବାଇମନ୍ ଆଚଡ୍ । ଲାଜାର୍ ଜାଇ ସେମନ୍‌କେ ଜାଗରଡ୍ କରାଅ । ସେମନ୍ ସେ କାତା ସୁନି ପାପେଅନି ମନ୍ ବାଦ୍‌ଲାଅଡ୍ । ସେମନ୍ ମଲେ ମୁଇ ଏବେ ବେସି କସ୍ତ ପାଇବା ଏ ଜାଗାଇ ନ ଆସଡ୍” ବଲି କଇଲା ।

୨୯ ମାତର ଅବରାଆମ୍ ତାକେ କଇଲା, “ସେମନ୍ ଜାଗରଡ୍ ଅଇ ରଇବାକେ ମସାର୍ ନିୟମ୍ ଆରି ବବିସଡ୍‌ବକ୍‌ତାମନ୍ କଇଲା କାତା ସବୁ ତାକର୍ ଲଗେ ଆଚେ । ସେଟା ସେମନ୍ ପଡିକରି ସିକଡ୍ ।” ବଲି କଇଲା । ୩୦ ଆରି ସେ ସାଉକାର୍ ଅବରାଆମ୍‌କେ କଇଲା, “ସେଡ୍‌କି ନଏଁ ବାବା, ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ସେମନ୍ ବିସବାସ୍ କରି ପାପେଅନି ମନ୍ ବାଉଡାକବାଇ ।” ବଲି କଇଲା । ୩୧ ଅବରାମ୍ ତାକେ କଇଲା, “ତର ବାଇମନ୍ ମସାର୍ ଆରି ବବିସଡ୍‌ବକ୍‌ତାମନ୍ କାତା ନ ସୁନଡ୍ ବଇଲେ ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ମିସା ସେମନ୍ ନ ମାନଡ୍ ।”

୧୭

ପାପ୍

(ମାତିଉ ୧୮:୨-୭; ୨୧:୨୨; ମାର୍କ ୯:୪୨)

୧ ଦିନେକ୍ ଜିସୁ ତାର୍ ସିମ୍‌ମନ୍‌କେ କଇଲା, “ଏ ଦୁନିଆଇ ସବୁ ବେଲା ଲକ୍‌ମନ୍‌କେ ପାପ୍ କରାଇବାକେ କାଇଆଲେ ପରିକା ଆଇସି । ମାତର ଜନ୍ ଲକ୍ ଏନ୍ତି ବିନ୍ ଲକ୍‌କେ ପାପ୍ କରାଇସି, ସେମନ୍‌କେ କେତେକ୍ କସ୍ତର୍ ଦସା ଅଇସି । କାଇକେବଇଲେ ପର୍‌ମେସର୍ ସେମନ୍‌କେ ବେସି ବଡ୍ ଡଣ୍ଟ ଦେଇସି । ୨ ସେନ୍ତାରି ଲକ୍, ଦରମ୍ ଲକ୍‌ମନ୍‌କେ ପାପ୍‌କରାଇବା ବାବୁଲେ ଗାଲାଇ ଗଟେକ୍ ବଡ୍‌ଟା ଜଡା ପାକ୍‌ନା ବାନ୍ଧିକରି ତେଙ୍ଗ୍ ପାନିତେଇ ପିଙ୍ଗି ଦେବାପାରା ଡଣ୍ଟ୍ ତାର୍‌ପାଇ ନିକ ଅଇତା । ୩ ଖଡେବର୍‌ପାଇ ତମର୍ ଚଲାଟଲିଡେଇ ବେସି ଜାଗରଡ୍‌ଅଇ ରୁଆ । ଜଦି ତମର୍ ବାଇ କି ବଇନି ପାପ୍ କଲେ, ସେଟା ନିକ କାମ୍ ନଏଁ ବଲି ଟିକ୍ କରା । ଆରି ସେ କିରିଇଇବା ବୁଲ୍ ଏତାଇ କରି ମନ୍ ବାଦ୍‌ଲାଇସି ବଇଲେ, ତାକେ କେମା ଦିଆସ୍ । ୪ ଜଦି ସେ ଗଟେକ୍ ଦିନେ ସାଡ୍‌ପାଲି ଜାକ ତମର୍ ବିରଦେ ପାପ୍ କରି, ପଟେ ନିଜର୍ ବୁଲ୍ କଲାଟା ଏତାଇ ମନ୍ ବାଦ୍‌ଲାଇକରି ତମର୍ ତେଇ ଆସି ଜେଡେପାଲି କେମା ମାଗ୍‌ଲେ, ସେଡ୍‌କିପାଲି ତାକେ କେମା ଦିଆସ୍ ।”

ବିସବାସ୍

୫ ଆରି ପେରିଡ୍‌ମନ୍ ଜିସୁକେ କଇଲା, “ଆମର୍ ବିସବାସ୍ ଅଦିକ୍ କରିଦିଆସ୍ ।”

୬ ଜିସୁ ସେମନ୍‌କେ କଇଲା, “ଗଟେକ୍ ସର୍‌ସୁ ମୁଞ୍ଜି ପାରା ତମର୍ ବିସବାସ୍ ରଇସି ବଇଲେ ତମେ ବଡ୍ ଗଟ୍‌କେ ଜିକିଅଇ ସମ୍‌ଦୁରେ ଜାଇ ରପିଅ ବଲି କଇଲେ ସେ ଗଟ୍ ତମର୍ କାତା ମାନ୍‌ସି ।”

ଗଟେକ୍ ଗତିଦାଙ୍ଗ୍‌ତାର୍ କାମ୍

୭ “ଜଦି ତୁଇ ଗଟେକ୍ ସାଉକାର୍ ଅଇରଇସୁ ବଇଲେ ତର ଗତିଦାଙ୍ଗ୍‌ତା କସ୍‌ବାଟାନେଅନି ନଇଲେ ଗରୁଟାରିଇବାଟାନେଅନି ଆସି ତାର୍ ନିଜର୍ କାମ୍ ନ ସାରାଇବା ଆଗଟୁ ତୁଇ ତାକେ ‘କାଇବାକେ ବସ୍‌ବେ’, ବଲି କଇସୁ କି ? ନାଇ, ସେନ୍ତି ନ କଉସ୍ । ୮ ମାତର ସେ ନିଜର୍ କାଦି କାଇବା ଆଗଟୁ ତରପାଇ ରାନ୍ଦି ନ ଦେବା ଜାକ, ତୁଇ ତାକେ କାଇବାକେ ନ ଦେଉସ୍ । ୯ ଆରି ତୁଇ ସେ ଗତିଦାଙ୍ଗ୍‌ତାକେ ‘ସବୁ କାମ୍ କରି ସାରାଇଲୁସ୍ !’ ବଲି ଦନିଅବାଦ୍ ଦେଇସୁ କି ? ନାଇ ନ ଦେଉସ୍ । ୧୦ ସେନ୍ତାରି ତମ୍‌କେ କଇରଇଲା ସବୁ ବିସଇ କରିସାରାଇଲା ପଟେ ତମେ କଇବାର୍ ଆଚେ । ଆମେ ଅଦ୍‌କା ଗତିଦାଙ୍ଗ୍‌ତାମନ୍, ଆମର୍ ଜେଡ୍‌କି କର୍‌ବାର୍ ରଇଲା, ସେଡ୍‌କିସେ ଆମେ କରିଆତୁ ।”

* ୧୭:୩ ୧୭:୩ ମାତିଉ ୧୮:୧୫

ଦସ୍ତା ବହରଗ ଅଇଲା ଲକ୍ଷ୍ମୀନ ନିକ ଅଇଲା

୧୧ ଜିସୁ ତାର ସିସ୍ତାନର ସଙ୍ଗେ ଜିରୁସାଲମେ ଜିବା ବେଲେ ସେ ଗାଲିଲି ଆରି ସମିରଣ ଜିଲାର ମଜାଲ କେଟଲା । ୧୨ ଆରି ସେ ଗାଉଁ ବିହରେ ପୁରବା ବେଲେ ବହରଗ ଅଇରଇଲା ଦସ୍ତା ଲକ୍ଷ୍ମୀନ ତାକେ ଦୁରିକେଅନି ଦେକଲା । ସେମାନର ନିୟମେ ବହରଗ ରଇଲା ଲକ୍ଷ୍ମୀନ, ବିନ୍ ଲକ୍ଷ୍ମୀନର ଲଗେ ଆସି ନାପାରତ୍ । ସେତାର ପାଇ ସେମନ୍ ଜିସୁର ଲଗେ ନ ଆସି ଦୁରିକେ ରଇକରି, ୧୩ ବେସି ଆଉଲିଅଇ କଇଲା, “ଜିସୁ ! ଏ ଗୁରୁ ! ଆମକେ ଦୟାକରା ।”

୧୪ ଜିସୁ ସେମନ୍‌କେ ଦେକି କରି କଇଲା, “ତମେ ଜାଇକରି ପରମେସରର୍ ପୁଜାରିମନ୍‌କେ ତମର୍ ଗାଗଡ୍ ଦେକାଆ । ତମେ ନିମାନ୍ ଅଇଲାସ୍ କି ନାଇ ବଲି ସେମନ୍ ଦେକତ୍ ।” ୧୫ ପରେ ସେ ଦସ୍ ଲକ୍ ପରମେସରର୍ ପୁଜାରିମନ୍‌ର ଲଗେ ଜିବା ବେଲେ, ବାଟେ ନିମାନ୍ ଅଇଗାଲା । ୧୬ ଏଦେ ଦେକା ! ସେମାନର୍ ବିହରେଅନି ଗଟେକ୍ ଲକ୍ ନିଜର୍ ଗାଗଡ୍ ନିମାନ୍ ଅଇଲାଟା ଦେକି, ଜିସୁର ଲଗେ ବାଉଡି ଆଇଲା । ଆରି ସେ ବେସି ଆଉଲି ଅଇ ପରମେସରର୍ ତାକ୍‌ପୁଟା କଲା । ୧୭ ସେ ପାଲାଇ ଆସି ଜିସୁର ପାଦେ ଅଦରଲା “ତମେ ମକେ ନିମାନ୍ କରିଆଟାସ୍” ବଲି ଦନିଆବାଦ୍ କଲା । ସେ ଜିଉଦି ଲକ୍ ନର୍ସ । ସେ ସମିରଣିୟ ବଲି ଗଟେକ୍ ଜାଗାର୍ ଲକ୍ । ୧୮ ଜିସୁ ତାକେ କଇଲା, “ମୁଇତା ଦସ୍‌ଲକ୍‌କେ ନିମାନ୍ କରି ରଇଲି । ତକେ ଗଟେକ୍ ଲକ୍‌କେ ଚାଡି ଆରି ନଅ ଲକ୍ କେନେ ଗାଲାଇ ? ୧୯ ନିମାନ୍ ଅଇଲା ପରେ ବାଉଡି ଆସି ପରମେସରକେ ଦନିଆବାଦ୍ କରବାକେ ଏ ଗଟେକ୍ ସମିରଣିୟ ଲକ୍‌ସେ ରଇଲା କି ?” ୨୦ ତାର ପରେ ଜିସୁ ତାକେ କଇଲା, “ତୁଇ ଏବେ ଉର୍ ଆରି ଜାଆ, କାଇକେ ବଇଲେ ମୁଇ ତକେ ନିମାନ୍ କରିପାରବି ବଲି ବିସ୍‌ବାସ୍ କରିରଇଲୁସ୍ ।”

ପରମେସରର୍ ରାଇଜ୍ ଆଇଲାନି (ମାତିଉ ୨୪:୨୩-୨୮, ୩୭-୪୧)

୨୦ କେତେଟା ପାରୁସି ଲକ୍‌ମନ୍ ଜିସୁକେ “କେବେଅନି ପରମେସର୍ ଲକ୍‌ମନ୍‌କେ ସାସନ୍ କରସି ?” ବଲି ପାଚାରଲା । ଜିସୁ ସେମନ୍‌କେ କଇଲା, “ପରମେସର୍ କେନ୍ତ୍ର ସାସନ୍ କରସି, ସେ ରାଇଜ୍ ତମର ଆଁକିତେଇ ନ ତିସେ । ୨୧ ଆରି ପରମେସର୍ ଇତି ସାସନ୍ କଲାନି ନଇଲେ ସିତି ସାସନ୍ କଲାନି ବଲି କଇବାର୍ ନାପାରାସ୍ । କାଇକେ ବଇଲେ, ଲକ୍‌ମାନର୍ ମନ୍ ବିହରେ ପରମେସର୍ ସାସନ୍ କରସି ।”

୨୨ ପରେ ତାର ସିସ୍ତାନକେ କଇଲା, ଏନ୍ତ୍ର ବେଲା ଆଇସି ତମେ ପରମେସର୍‌ଟା‌ନେଅନି ଆଇଲା ନର୍ପିଲା ମର୍ସଇ ଗଟେକ୍ ଦିନ୍ ରଇବାକେ ବେସି ମନ୍ କରସା । ମାତର୍ ସେବେଲା ମକେ ଦେକି ନାପାରାସ୍ ୨୩ ଲକ୍‌ମନ୍ ତମକେ କଇବାଇ, ପରମେସରର୍ ଟା‌ନେଅନି ଆଇଲା ନର୍ପିଲା ଇତି ଆରେ ସିତି ଆରେ ବଲି । ତମେ ସେଟା ଦେକବାକେ ନ ଜାଆ । ତମେ କନ୍ତ୍ର ଆଟାସ୍ ତେଇସେ ରୁଆ ।

୨୪ କାଇକେବଇଲେ ପରମେସରର୍ ଟା‌ନେଅନି ଆଇଲା ନର୍ପିଲା ମୁଇ, ବାଉଡିବାଟା ତମେ ଦେକସା । ସେଟା କେନ୍ତ୍ର ବଇଲେ, ଆକାସେ ଜେନ୍ତ୍ର ଗଟେକ୍ ବାଟେଅନି ଆରି ଗଟେକ୍ ବାଟେ ବିଜୁଲି ମାରିକରି ଗୁଲାଇ ଆକାସ୍ ଉଜଲ୍ ଅଇସି, ସେନ୍ତ୍ରାରିସେ ସବୁ ଲକ୍‌ମନ୍ ଦେକିଅଇସି । ୨୫ ମାତର୍ ସେଟା ଅଇବା ଆଗତ୍ ପରମେସରର୍ ଟା‌ନେଅନି ଆଇଲା ନର୍ପିଲା ମୁଇ ବେସି ଦୁକ୍ କସ୍ଟ ପାଇବାର୍ ଆରେ । ଆରି ମର୍ ସବୁ କାମ୍ ଦେକଲା ଲକ୍‌ମନ୍ ମକେ ନ ନାମତ୍ ।

୨୬ ନଅ ରଇଲା ବେଲା ଲକ୍‌ମନ୍ ଜେନ୍ତ୍ରାରି ରଇଲାଇ ସେନ୍ତ୍ରାରିସେ ପରମେସରର୍ ଟା‌ନେଅନି ଆଇଲା ନର୍ପିଲା ମୁଇ ବାଉଡି ଆଇବାବେଲେ ଲକ୍‌ମନ୍ ରଇବାଇ । ୨୭ ସେବେଲାଇ ନଅ ବଡେଟା ପାନିଜାଜେ ପୁରବା ଦିନ୍ ଜାକ ଲକ୍‌ମନ୍ ଅବକାସେ ରଇଲାଇ । ସେମନ୍ ବଜି କରବାର୍, ଦାଙ୍ଗଡି ଆନ୍‌ବାର୍, ଆରି ଦାଙ୍ଗଡି ଦେବାର୍ କର୍ତେ ରଇଲାଇ । ପରେ ବେସି ପାନିଅଇ ସବୁ ତାବିଅଇଲା । ନଅ ଆରି ତାର୍ କୁଟୁମର୍ ଲକ୍‌କେ ଚାଡି ସବୁ ଲକ୍‌କେ ପାନି ବୁଡାଇ ପାକାଇଲା । ୨୮ ଲତ୍ ନାଉର୍ ଗଟେକ୍ ଲକ୍‌ର ବେଲେ ମିସା ସେନ୍ତ୍ରା ପାରା ଅଇରଇଲା । ଲକ୍‌ମନ୍ ସବୁ ଦିନର୍ ପାରାସେ କାଆ ପିଇ, ବିକାବିକ୍ରି, ଗର୍ତ୍ତପା ଆରି ଗର୍ବାନ୍ୟାତେଇ ଲାଗିରଇଲା । ୨୯ ମାତର୍ ଲତ୍ ସଦମ୍ ନାଉର୍ ଗଡେଅନି ବାରଇକରି ଜିବା ଦିନେ ସେ ବାଦ୍‌ଲେଅନି ଜଇ ଆରି ଗନ୍‌ଗୁଲା ଆସି ଲତ୍ ଆରି ତାର୍ କୁଟୁମର୍ ଲକ୍‌କେ ଚାଡି ସେ ଗଡର୍ ସବୁ ଲକ୍‌କେ ମରାଇ ଦେଲା । ୩୦ ପରମେସରର୍ ଟା‌ନେଅନି ଆଇଲା ନର୍ପିଲା ମୁଇ ବାଉଡି ଆଇବା ଦିନେ ମିସା ସେନ୍ତ୍ରାରିସେ ଅଇସି ।

୩୧ *ସେ ଦିନେ ନିଜର୍ ଗର୍ ଉପରେ ରଇଲେ ତୁଇ ଉଡି ତର୍ ଦିନ୍‌ସୁ ଆନ୍‌ବାକେ ଗର୍ ବିହରେ ନ ଜାଆ । ସେନ୍ତ୍ରାରି ତାସ୍ ପଦାଈ ରଇଲେ, ଦିନ୍‌ସୁ ବେଟି ନେବାକେ ଗରେ ନ ଆଉ । ୩୨ ଲତର୍ ମାଇଜିକେ

* ୧୭:୩୧ ୧୭:୩୧ ମାତିଉ ୨୪:୧୭,୧୮; ମାର୍କ ୧୩:୧୫,୧୬

କାଈଟା ଅଇରଇଲା ସେଟା ଏତାଇ ଦେବା । ତାର ଦନ୍ ସଂପତି କେନ୍ଦ୍ରାରୁ ଅଇଲା ବଲି ପାସଲି ଦେକଲାକେ ସେ ନୁନ୍ କୁମ୍ ପାସଲି ଗାଲା । ୩୩ *କେ କେ ଏ ଦୁନିଆଇ ଜିଇବା ଜିବନ୍ ମନ୍ କଲେ ତାକେ ନ ସାର୍‌ବା ଜିବନ୍ ନ ମିଲେ । ଆରି କେ କେ ଏ ଦୁନିଆଇ ଜିଇବା ଜିବନ୍ ଆରାଇସି, ତାକେ ନ ସାର୍‌ବା ଜିବନ୍ ମିଲୁସି । ୩୪ ମୁଇ ବାଉଡ଼ି ଆଇବା ସେ ରାତି, ତମେ ଦୁଇ ଲକ୍ ଗଟେକ୍ ବାକ୍ରାଇ ସଇରଇୟା । ଗଟେକ୍ ଲକ୍‌କେ ତାକି ନେବି, ଆରି ଗଟେକ୍ ଲକ୍‌କେ ଚାଡ଼ି ଦେବି । ୩୫ ଦୁଇଟା ମାଈଜିମିନ୍ ଗରୁତେ ରଇବାଇ, ତେଇଅନି ଗଟେକ୍ ମାଈଜିକେ ନେବି ଆରି ଗଟେକ୍‌କେ ଚାଡ଼ି ଦେବି । ୩୬ ଦୁଇ ଲକ୍ ପଦାଇ ରଇବାଇ, ଗଟେକ୍ ଲକ୍‌କେ ନେବି, ଆରି ଗଟେକ୍ ଲକ୍‌କେ ଚାଡ଼ିଦେବି ।”

୩୭ ତାରୁପଟେ ସିସ୍‌ମନ୍ ଜିସୁକେ ପାଚାରୁଲାଇ, “ଏ ମାପୁରୁ ଏଟା କନ୍ତି ଗଟ୍‌ସି ?” ଜିସୁ ସେମନ୍‌କେ କଇଲା, “ଜନ୍ତି ମତା ରଇସି, ତେଇ ମଡ଼କାଉ ଗିଦ୍‌ମନ୍ ରୁଣ୍ଡିରଇବାଇ ।”

୧୮

ରାଣ୍ଡି ମାଈଜି ଆରି ବିଚାରୁ କାରିଆ

୧ ଜିସୁ ଦିନେକ୍ ତାରୁ ସିସ୍‌ମନ୍‌କେ ପରମେସର୍‌କେ ମାଈବାବେଲେ ନ ତାକି ପାରୁତନା କରକିରି ରଇବାକେ, ଗଟେକ୍ କାତାନି ବୁଢ଼ାଇ କଇଲା, ୨ ଗଟେକ୍ ଗତେ ଗଟେକ୍ ବିଚାରୁ କାରିଆ ଲକ୍ ରଇଲା । ସେ ପରମେସର୍‌କେ ନ ଡରୁତେ ରଇଲା, କି ଲକ୍‌ମନ୍‌କେ ନ ନାମତେ ରଇଲା । ୩ ସେ ଗତେ ଗଟେକ୍ ରାଣ୍ଡି ମାଈଜି ମିସା ରଇଲା । ସେ ସବୁ ବେଲେ ବିଚାରୁ କାରିଆର୍ ଲଗେ ଜାଇ ଏନ୍ତି କଇତେ ରଇଲା, ଗଟେକ୍ ଲକ୍ ମର୍ ବିରଦି ଅଇଲା ଆତେ । ଏ ବିସଇନେଇକିରି ତମେ ମର୍ ବିରଦିକେ ବିଚାର କରା । ଜେନ୍ତିକି, ସେ ମକେ ନିଆଇ ଇସାବେ ଚଲାଚଲୁଡ଼ି କରୁସି । ୪ ଏନ୍ତି ବେସି ଦିନ୍ ସେ ବିଚାରୁକାରିଆ ନିଆଇ କରବାକେ ମନ୍ ନ କଲେ ମିସା, ସେ ଦିନ୍‌କେ ଆସି ବେମଜା କରୁତେରଇଲା । ମାତରୁ ସେ ବିଚାରୁକାରିଆ ଲକ୍ ମନେ ମନେ ବାଦଲା, “ମୁଇ ପରମେସର୍‌କେ ଡରି ନାଈକି ଲକ୍‌ମନ୍‌କେ ନାମି ନାଈ । ୫ ମାତରୁ ଏ ରାଣ୍ଡିମାଈଜି ସବୁ ବେଲା ଆସି ବେମଜା କଲାନ୍ତି । ସେଟାରୁପାଇ ତାକେ ନିଆଇ ମିଲୁଲା ପାରା ବିଚାରୁ କରବି । କାଈକେ ବଇଲେ ଏନ୍ତି ବିଚାରୁ ନ କଲେ ସେ ସବୁଦିନ୍ ଆସି ମକେ ବେମଜା କରୁତେ ରଇସି ।”

୬ ତେଇ ମାପୁରୁ କଇଲା, “ଏ ଅନିଆଇ ବିଚାରୁକାରିଆ କାଈଟା କରବାକେ ବାଟୁଲା, ସେଟା ତମେ ସିକା । ୭ ସେନ୍ତି ଲାରୁଆଁ ବିଚାରୁକାରିଆ ସେ ରାଣ୍ଡିମାଈଜିର୍ ବିଚାରୁ କଲା । ସେନ୍ତାରୁ ଆଲେ, ତାରୁତେଇଅନି କେତେ ନିମାନ୍ ଇସାବେ ପରମେସର୍ ସେ ବାଟୁଲା ଲକ୍‌ମନର୍ ଦିନ୍‌ରାତିର୍ ପାରୁତନା ସୁନି ନିମାନ୍ ନିଆଇ ବିଚାରୁ କରସି । ସେମନ୍‌କେ ସାଈଜ କରବାକେ ସେ ଅଲ୍‌ସମ୍ ନ କରେ । ୮ ମୁଇ ତମକେ କଈଲିନି, ସେ ଦାପୁରେସେ ତାରୁ ଲକ୍‌ମନର୍‌ପାଇ ନିମାନ୍ ନିଆଇବିଚାରୁ କରସି । ମାତରୁ ପରମେସର୍ ଟାନେଅନି ଆଇଲା ନର୍‌ପିଲା ମୁଇ ଆରିତରେକ୍ ଆଇବାବେଲେ ଏ ଦୁନିଆଇ, ମକେ ବିସ୍‌ବାସ କରବା ଲକ୍‌ମନ୍‌କେ ଦେକ୍‌ବି କି ନାଈ ?”

ପାରୁସି ଆରି ସିସ୍‌ତୁମାଙ୍ଗୁମନର୍ କାତା

୯ ତେଇ ରଇଲା କେତେକ୍ ଲକ୍‌ମନ୍ ନିଜକେ ମୁଇ ନିକ ଆତି ବଲି ବାବିଅଇ ବିନ୍‌ଲକ୍‌କେ ଗିନ୍ କରୁତେ ରଇଲାଇ । ସେନ୍ତି ଲକ୍‌ମନର୍ ବିସଇ ବୁଢ଼ାଇବାକେ ଜିସୁ ସେମନ୍‌କେ ଏ କାତାନି କଇଲା । ୧୦ ଦିନେକ୍ ଦୁଇଲକ୍ ପାରୁତନା କରବାକେ ଗଟେକ୍ ମନ୍‌ରେ ଗାଲାଇ । ଗଟେକ୍ ଲକ୍ ପାରୁସି ଦଲର୍ ଲକ୍ ଆରି ଗଟେକ୍ ସିସ୍‌ତୁମାଙ୍ଗୁ । ୧୧ ପାରୁସି ଲକ୍ ନିଜେ ଅଲପ ଦୁରିକେ ଚିଆଅଇ ଏନ୍ତି ପାରୁତନା କରବାର୍ ବସଲା, “ଏ ପରମେସର୍ ମୁଇ ତମକେ ଦନିଅବାଦ୍ ଦେଲିନି । ମୁଇ ବିନ୍‌ଲକ୍‌କର୍‌ପାରା ଲବରା ନାଈ କି ମିର୍‌ମାୟା ନାଈ କି ବେସିଆ କାମ୍ କରି ନାଈ । ଆରି ତକେ ଜୁଆର୍ କଲିନି ମୁଇ ଏ ସିସ୍‌ତୁମାଙ୍ଗୁ ପାରା ନଈ ।” ୧୨ ଆରି ସେ କଇଲା, “ମୁଇ ଜିଉଦିମନର୍ ନିୟମ୍ ଇସାବେ ଆଟ୍‌କେ ଦୁଇ ଦିନ୍ ଉପାସ୍ ରଇ ପାରୁତନା କଲିନି । କାମାଈଲାଟାନର୍ ଦସ୍‌ବାଗର ବାଗେକ୍ ତମକେ ଦେଲିନି ।” ବଲି ପାରୁତନା କଲା ।

୧୩ ମାତରୁ ସେ ସିସ୍‌ତୁମାଙ୍ଗୁ ଦୁରିକେ ଚିଆଅଇ ପାରୁତନା କରବା ବେଲେ ସରଗ୍‌ବାଟେ ଦେକ୍‌ବାକେ ମିସା ମନ୍ ନକରି ନିଜର୍ ବୁକେ ମାରିଅଇ ଏନ୍ତି ପାରୁତନା କଲା । “ଏ ପରମେସର୍ ମୁଇ ଗଟେକ୍ ପାପି ଲକ୍ ମକେ ଦୟା କରା !” ୧୪ *ଜିସୁ ତାରୁ ସିସ୍‌ମନ୍‌କେ କଇଲା, “ସେ ଦୁଇଲକ୍ ପାରୁତନା ସାରାଇ ବାଅଡ଼ୁଲାକେ, ସିସ୍‌ତୁମାଙ୍ଗୁସେ ପରମେସର୍ ଦେକ୍‌ବା ଇସାବେ ଦରମ୍ ରଇଲା । ପାରୁସି ନାଈ । ଜେ

* ୧୭:୩୩ ୧୭:୩୩ ମାତିର ୧୦:୩୯:୧୭:୨୫; ମାରୁକ ୮:୩୫; ଲୁକ ୯:୨୪; ଜଅନ୍ ୧୨:୨୫ * ୧୮:୧୪ ୧୮:୧୪ ମାତିର ୨୩:୧୨; ଲୁକ ୧୪:୧୧

ବଡ଼ପତ୍ନୀ ଦେକାଇ ଅଛନ୍ତି ଆରି ବଡ଼ ବଲି ବାବୁସି, ତାକେ ପରମେସର୍ ସାନ୍ ଲକ୍ କରୁସି । ମାତର୍ ଜେ ନିଜକେ ସାନ୍ ଲକ୍ପାରି ବାବୁସି ତାକେ ପରମେସର୍ ବଡ଼ ଲକ୍ କରୁସି, ଏ କାତା ଏତାଇ ରୁଆ ।”

ଜିସୁ ସାନ୍ପିଲାମନ୍ଦକେ ଆସିବ୍ବାଦ୍ କଲା

୧୫ ଆରି ଗଟେକ୍ ଦିନେ ଲକ୍ମନ୍ଦ୍ ତାକର୍ ସାନ୍ସାନ୍ ପିଲାମନ୍ଦକେ “ଜିସୁ ଚି କରି ଆସିବ୍ବାଦ୍ କର ।” ବଲି ଆନ୍ତେତେ ରଇଲା । ସିସ୍ମାନ୍ ସେଟା ଦେକି ଲକ୍ମନ୍ଦକେ ଲାଗୁଲା । ୧୬ ମାତର୍ ଜିସୁ ପିଲାମନ୍ଦକେ ଲଗେ ତାକି, ସିସ୍ମାନ୍କେ କଇଲା, “ପିଲାମନ୍ଦକେ ମର୍ ଲଗେ ଆନ୍ଦବାକେ ମନାକରା ନାଇ । କାଇକେ ବଇଲେ ସରଗ୍ ରାଇଜ୍ ଏକ୍ତି ସାନ୍ ସାନ୍ ପିଲାମନ୍ଦ୍ ପାରା ବିସ୍ବାସ୍ କରବା ଲକ୍ମନ୍ଦ୍ପାଇସେ । ୧୭ ଏତାଇ ରୁଆ ! ମୁଇ ତମକେ ସଡ଼କାତା କଇଲିନି । କେ ମିସା ଏ ସାନ୍ଲକ୍ ବିସ୍ବାସ୍ କଲାପାରା ମକେ ବିସ୍ବାସ୍ ନ କଲେ, ସେ ପରମେସର୍ ରାଇଜେ ଜାଇ ନାପାରେ ।”

**ଗଟେକ୍ ସାଉକାର୍ ଲକ୍
(ମାତିଉ ୧୯:୧୭-୩୦; ମାର୍କ ୧୦:୧୭-୩୧)**

୧୮ ଦିନେକ୍ ଗଟେକ୍ ଜିଉଦି ନେତା ଜିସୁକେ ପାଚାରୁଲା, “ଏ ନିମାନ୍ ଗୁରୁ ! ନ ସାର୍ବା ଜିବନ୍ ମିଲାଇବାକେ ମୁଇ କାଇଟା କର୍ବାର୍ ଆଟେ ?”

୧୯ ଜିସୁ ତାକେ କଇଲା, ମକେ କାଇକେ ନିମାନ୍ ବଲି କଇଲୁସି ? କାଇକେ ବଇଲେ ପରମେସର୍ ଗଟେକ୍ ଲକ୍ସେ ନିମାନ୍ । ୨୦ ମାତର୍ ମୁଇ ତମକେ କଇଲିନି “ବେସିଆ କାମ୍ କରା ନାଇ, କାକେ ମରାଆ ନାଇ, ବିନ୍ ଲକ୍ ବନ୍ଦିନି ଚରାଆ ନାଇ, ମିର୍ ସାକି କୁଆ ନାଇ, ଆରି ତମର ମାଆବାବାର୍ କାତା ମାନା । ପରମେସର୍ ମସାକେ ଏକ୍ତି ନିୟମ୍ ଦେଲାଆଟେ ଜାନି ଆରୁସ୍ ।”

୨୧ ସେ ଲକ୍ ଜିସୁକେ କଇଲା, “ଏ ସବୁ ନିୟମ୍ ତା ମୁଇ ପିଲାବେଲେ ଅନି ମାନ୍ଲିନି । ମୁଇ ଆରି କାଇଟା କର୍ବାର୍ ଆଟେ ?”

୨୨ ଜିସୁ ଏଟା ସୁନି ତାକେ କଇଲା, ତର୍ଗାନେ ଆରି ଗଟେକ୍ ବିସଇ ଉନା ଆଟେ । ତର୍ ସବୁ ଦନ୍ ସିପତି ବିକି ଗରିବ୍ ଲକ୍ମନ୍ଦକେ ବାଟାକରିଦେସ୍ । ଏକ୍ତି କଲେ ତକେ ସର୍ଗେ ଦନ୍ ରଇସି । ଏଟା ସବୁ କଲା ପଟେ ତୁଇ ମର୍ ସଙ୍ଗ୍ ଆଉ । ୨୩ ମାତର୍ ସେ ଲକ୍ ଏ କାତା ସୁନି ମନ୍ ଦୁକ୍ ଅଇ ଉଟିଗାଲା । କାଇକେ ବଇଲେ ସେ ବେସି ସାଉକାର୍ ରଇଲା ।

୨୪ ସେ ଲକ୍ ମନ୍ଦୁକ୍ ଅଇଲାଟା ଦେକି ଜିସୁ ତାର୍ ସିସ୍ମାନ୍କେ କଇଲା, “ସାଉକାର୍ ଲକ୍ମନ୍ଦ୍ ସରଗ୍ ରାଇଜେ ଜିବଟା କେତେ କସର୍ ବିସଇ ! ୨୫ ସେ ଲକ୍ମନ୍ଦ୍ ସରଗ୍ ରାଇଜେ ଜିବଟାନେଅନି ଗଟେକ୍ ବଡ଼ ଜିବ୍ ସୁଜିକାଣାବାଟେ ଚିଙ୍ଗାଲି ଜିବାକେ ସଅଜ୍ ଅଇସି ।” ୨୬ ଏକାତା ସୁନ୍ତେତେ ରଇଲା ଲକ୍ମନ୍ଦ୍ କଇଲା, “ଏକ୍ତି ବଇଲେ କେ ତେବେ ଉଦାର୍ ପାଇସି ?” ୨୭ ଜିସୁ କଇଲା, “ପରମେସର୍ ଚାନେ ନାପାରୁଲା ବିସଇ କାଇଟା ନାଇ ।” ୨୮ ପିତର୍ ଜିସୁକେ କଇଲା, “ଦେକା ଆମର୍ ଗରର୍ ସବୁ ଚାଡ଼ିକରି ତମର୍ ସଙ୍ଗ୍ ଆଇଲୁଆରୁ ।”

୨୯ ଜିସୁ ସେମନ୍ଦକେ କଇଲା, “ଉଁ ମୁଇ ତମକେ ସଡ଼କାତା କଇଲିନି । ଜନ୍ ଲକ୍ ପରମେସର୍ ରାଇଜ୍ ପାଇ ନିଜର୍ ଗର୍ଦୁଆର୍, ମାଉଜିପିଲା, ବାଇବଇନି, ମାଆବାବା ଆରି ପିଲାଟକିକେ ଚାଡ଼ି ଆଟେ ବଇଲେ, ୩୦ ତାକେ ଏ ଦୁନିଆର୍ ଜିବନେ, ସେ ଜେଡ଼କି ଚାଡ଼ି ରଇଲା ତାର୍ ତେଇ ଅନି ଅଦିକ୍ ମିଲୁସି । ଆରି ପଟେ ତାକେ ନ ସାର୍ବା ଜିବନ୍ ମିଲୁସି ।”

**ଜିସୁ ଏଟାସଙ୍ଗ୍ ତିନ୍ତର୍ ଅଇଲା ତାର୍ ମରନର୍ କାତା କଇଲା
(ମାତିଉ ୨୦:୧୭-୧୯; ମାର୍କ ୧୦:୩୨-୩୪)**

୩୧ ତାର୍ ପଟେ ଜିସୁ ତାର୍ ବାର୍ଗା ସିସ୍ମାନ୍କେ ବିନେ ତାକିନେଇ କଇଲା, “ସୁନା ! ଆମେ ଜିରୁସାଲମେ ଗାଲୁନି, ଜନ୍ବେଲା ଆମେ କେଟ୍ଟୁ ସେବେଲା ପରମେସର୍ ଚାନେଅନି ଆଇଲା ନର୍ପିଲା, ମର୍ ବିସଇ ନେଇ ବବିସଡ଼ବକ୍ତାମନ୍ ଲେକି ରଇଲା ସବୁ ବିସଇ ପୁରାପୁରୁନ୍ ଅଇସି । ୩୨ ସେଟା କାଇଟା ବଇଲେ, ଜିରୁସାଲମେ ମକେ ରମିୟ ଲକ୍ମନ୍ଦକେ ସର୍ପିଦେବାଇ ଆରି ସେମନ୍ ମକେ କିଜାଇବାଇ ଆରି ଲାଜ୍ କରାଇ, ମର୍ ଉପ୍ରେ ତୁକ୍ବାଇ । ୩୩ ତାର୍ପଟେ କର୍ତ୍ତା ସଙ୍ଗ୍ ମାର୍ବାଇ, ପଟେ ମକେ ମରାଇବାଇ । ମାତର୍ ତିନ୍ଦିନ୍ ପଟେ ମୁଇ ଆରି ତରେକ୍ ଜିବନ୍ ଅଇ ଉଟ୍ବି ।”

୩୪ ମାତର୍ ସିସ୍ମାନ୍ ଏ ସବୁ କାତା ଅଲପ୍ ମିସା ବୁଜିନାପାରୁଲା, ସେ ବିସଇ ସେମନ୍ଚାନେଅନି ଲୁଚିରଇଲା ।

ଆଁକି ନ ଡିସ୍‌ବା ବିକାରିକେ ଜିସୁ ନିକକଲା
(ମାତ୍ରି ୨୦:୨୯-୩୪; ମାର୍କ ୧୦:୪୭-୫୨)

୩୫ ଜିସୁ ଜିରିଅ ଗତେ କେଟାକେଟି ଅଇଲାବେଲେ ଗଟେକ୍ କାଣା ବାଟ୍‌ପାଲି ବସି ବିକ୍ ମାଙ୍ଗ୍‌ତେ ରଇଲା । ୩୬ ଜିସୁର ସଙ୍ଗ୍ ଜିବା ଲକ୍‌ମ୍ କାତା ସୁନି, “ଏଟା କାଇଟା ଅଇଲାନି ?” ବଲି ତେଇ ରଇଲା ଲକ୍‌ମ୍‌ନକେ ପାଟାରୁଲା ।

୩୭ ସେ ଲକ୍‌ମ୍‌ନ କାଣାକେ କଇଲା, “ନାଜରିତ୍ ଗାଉଁର୍ ଜିସୁ ଏ ବାଟେ ଗାଲାନି ।”

୩୮ ତେଇ ସେ ଆଉଲିଅଇ କଇଲା, “ଏ ଦାଉଦ୍ ରାଜାର୍ କୁଟୁମ୍‌ର୍ ପିଲା ଜିସୁ ! ତମେ ମକେ ଦୟା କରା ।”

୩୯ ଆଗେ ଜିବା ଲକ୍‌ମ୍‌ନ କାଣାକେ ଦମକାଇ କରି ରୁପଅଇ ରଇବାକେ କଇଲା । ମାତର୍ ସେ ଅଦିକ୍ ଅଦିକ୍ ଆଉଲିଅଇ “ଏ ଦାଉଦ୍ ରାଜାର୍ କୁଟୁମ୍‌ର୍ ପିଲା ଜିସୁ ! ମକେ ଦୟା କରା !” ବଲି କଇଲା । ୪୦ ଜିସୁ ତାର୍ କାତା ସୁନି ଟିଆ ଅଇଲା ଆରି, “ତାକେ ମର୍ ଲଗେ ଆନା” ବଲି ଆଦେସ୍ ଦେଲା । ୪୧ କାଣା ବିକାରି ଜିସୁର୍ ଲଗେ ଆଇଲାଜେ, ଜିସୁ ତାକେ ପାଟାରୁଲା, “ମୁଇ ତର୍‌ପାଇ କାଇଟା କର୍‌ବି ବଲି ମନ୍ କଲୁସ୍‌ନି ?” ସେ ଜିସୁକେ “ଏ ମାପୁରୁ, ମକେ ଦେକ୍‌ବା ବପୁ ଦିଆ । ସେନ୍ତି ମକେ ନିମାନ୍ କରିଦେ ।” ବଲି କଇଲା ।

୪୨ ତେବେ ଜିସୁ ତାକେ କଇଲା, “ତୁଇ ଦେକ୍‌ବାକେ ପାଆ ! ମୁଇ ତର୍ ଆଁକି ନିକ କର୍‌ବି କାଇକେ ବଇଲେ, ତୁଇ ମର୍‌ତେଇ ବିସବାସ୍ କରି ଆହୁସ୍ ।” ୪୩ ସେ ଦାପୁରେ, ସେ କାଣା ଦେକି ପାରୁଲା । ଆରି ପର୍‌ମେସର୍‌କେ ଦନିଅବାଦ୍ କରିକରି ଜିସୁର୍ ସଙ୍ଗ୍ ଗାଲା । ଏ ଗର୍‌ନା ଦେକ୍‌ଲା ସବୁ ଲକ୍‌ମ୍‌ନ ପର୍‌ମେସର୍‌ର୍ ତାକ୍‌ପୁଟା କଲା ।

୧୯

ଜିସୁ ଆରି ଜକିୟ

୧ ଜିସୁ ଆରି ତାର୍ ସିସ୍‌ମାନ୍ ଜିରିଅ ବାଟେ ଜାଇତେ ରଇଲା । ୨ ତେଇ ଜକିୟ ନାଉଁର୍ ଗଟେକ୍ ମୁକିଅ ସିସ୍‌ତୁମ୍‌ଙ୍ଗ୍ ରଇଲା । ସେ ବେସି ସାଉକାର୍ ରଇଲା । ୩ ଜିସୁ କେନ୍ତାର୍ ଲକ୍ ବଲି ଦେକ୍‌ବାକେ ଜକିୟ ମନ୍ କର୍‌ତେ ରଇଲା । ମାତର୍ ଜିସୁର୍ ସଙ୍ଗ୍ ବେସି ଲକ୍‌ମ୍‌ନ ଜାଇତେ ରଇଲାକେ ତାକେ ଦେକିନାପାର୍‌ତେ ରଇଲା । କାଇକେବଇଲେ ସେ ବୁଟି ରଇଲା । ୪ ସେଟାର୍ ପାଇ ସେ, ଲକ୍‌ମ୍‌ନର୍ ଆଗତୁ ପାଲାଇ ଜାଇ ଜିସୁକେ ଦେକ୍‌ବାକେ ଗଟେକ୍ ତୁମ୍‌ଟି ଗଟେ ତଗଲା । କାଇକେ ବଇଲେ ଜିସୁ ସେ ବାଟ୍‌ଦେଇ ଜିବାର୍ ରଇଲା । ୫ ଜିସୁ ସେ ଜାଗାଇ କେଟି ଉପୁରେ ଦେକିକରି ଜକିୟକେ କଇଲା, “ଜକିୟ ବିଗି ଉଡ୍‌ରି ଆଉ, ଆଜି ମୁଇ ତମ୍‌ର୍ ଗରେ ରଇବି ।”

୬ ତାର୍ ପଟେ ଜକିୟ ଦାପୁରେ ଉଡ୍‌ରି ଆସି ବେସି ସାର୍‌ଦାଅଇ ଜିସୁକେ ତାର୍ ଗରେ ତାକିନେଲା ।

୭ ସେଟା ଦେକି ତେଇ ରଇଲା ଲକ୍‌ମ୍‌ନ ଜିସୁ ଗଟେକ୍ ପାପି ଲକ୍‌ମ୍ ଗରେ କାଇବାକେ ଗାଲାନି ବଲି ଗୁର୍‌ମୁରି ଜାଇତେରଇଲା ।

୮ ଜକିୟ ଟିଆଅଇ ଜିସୁକେ କଇଲା, “ଏ ମାପୁରୁ, ସୁନା ! ମର୍ ସଁପତିଅନି ଅଦାବାଗ୍ ଗରିବ୍ ଲକ୍‌ମ୍‌ନକେ ଦାନ୍ କରିଦେବି । ଆରି ସିସ୍‌ତୁ ମାଙ୍ଗ୍‌ବା ବେଲାଇ କାର୍‌ଟା ଅନିଆଇକରି ଆନି ରଇଲାଟା ମୁଇ ଚାର୍‌ଗୁନ୍ ଅଦିକ୍ ବାଉଡାଇ ଦେବି ।”

୯ ଜିସୁ ଜକିୟକେ କଇଲା, “ଆଜି ଏ ଗରେ ମୁକ୍ତି ମିଲୁଲା । କାଇକେବଇଲେ ଏ ମିଆ ଗଟେକ୍ ଅବ୍‌ରାଆମ୍‌ର୍ ନାତିତିତି । ୧୦ ଧର୍‌ମେସର୍ ଟାନେଅନି ଆସିରଇବା ନର୍‌ପିଲା ମୁଇ ପାପେ ରଇଲା ଲକ୍‌ମ୍‌ନକେ ସେମନ୍‌ର୍ ପାପେଅନି ରକିଆ କର୍‌ବାକେ ଆସିଆଟି ।”

ସୁନା ଟାଙ୍ଗାର୍ କାତାନି
(ମାତ୍ରି ୨୫:୧୪-୩୦)

୧୧ ସେମନ୍ ଜିରୁସାଲାମ୍ ଲଗେ ଆଇଲା ବେଲାଇ ଜିସୁର୍ ସଙ୍ଗ୍ ଜିବା ଲକ୍‌ମ୍‌ନ ତାର୍ କଇବା ସବୁ କାତା ସୁନ୍‌ତେ ରଇଲା । କାଇକେବଇଲେ ତାର୍ କାତା ସୁନିଲା ଲକ୍‌ମ୍‌ନ ପର୍‌ମେସର୍‌ର୍ ରାଇଜର୍ ସାସନ୍ ଦାପୁରେ ଅଇସି ବଲି ବାଟ୍‌ତେ ରଇଲା । ୧୨ ସେଟାର୍‌ପାଇ ସେ ଏ କାତାନି କଇଲା, ଗଟେକ୍ ବଡ୍ ଗରେ ଜନମ୍ ଅଇଲା ଲକ୍ ଦୁର୍ ଦେସେ ଜିବାକେ ତିଆର୍ ଅଇଲା । କାଇକେ ବଇଲେ ତେଇ ତାକେ ରାଜା କରାଇବାଇ । ସମାନ୍ ବେଲାଇ ତାର୍ ଦେସେ ସେ ବାଉଡି ଆଇସି । ୧୩ ତାର୍ ଆଗତୁ ସେ ତାର୍ ଦସ୍‌ଟା

☆ ୧୯:୧୦ ୧୯:୧୦ ମାତ୍ରି ୧୮:୧୧

ଦାଙ୍ଗୁଡ଼ାମନକେ ଡାକି, ଗଟେକ୍ ଗଟେକ୍ ଲକ୍‌କେ ଗଟେକ୍ ଗଟେକ୍ ସୁନାର୍ ତାବୁ ଦେଇ କରି କଇଲା, “ମୁଇ ବାଉଡି ଆଇବାଜାକ ଏ ତାବୁ ବେବାର୍ କରି ବୁଡେକ୍ କରି ରୁଆ ।”

୧୪ ମାତର୍ ତାର୍ ଦେସର୍ ଲକ୍‌ମନ୍ ତାକେ ଇନ୍ କର୍ତେରଇଲାଇ । ଆରି ସାସନ୍ କର୍ବା ଲକ୍‌ମନର୍ ଲଗେ କବର୍ କଇ ପାଟାଇଲାଇ, “ଏ ଲକ୍ ଆମ୍‌କେ ସାସନ୍ କର ବଲି ଆମେ ମନ୍ କରୁନାଇ ।”

୧୫ ଏନ୍ତି ବଲି କଇଲେ ମିସା, ସେ ରାଜାଅଇ ଗରେ ବାଉଡି ଆଇଲା । ଆରି ସେ କାକେ କାକେ ସୁନାର୍ ତାବୁ ଦେଇ ରଇଲା, ସେମନ୍ କେଡେକ୍ ଲାକା ଲାବ୍ କଲାଇ ଆତର୍ ବଲି ଜାନ୍‌ବାକେ ତାକାଇ ପାଟାଇଲା । ୧୬ ତେଇ ପର୍ତୁତୁମର୍ ଲକ୍ ଆସି କଇଲା, “ଏ ଆଗିଆଁ, ତମେ ଦେଲା ଗଟେକ୍ ସୁନାର୍ ତାବୁ ନେଇ ଆରି ଦସଟା କଲିଆରି ।” ୧୭ ସେ ରାଜା ସାର୍‌ଦା ଅଇ ତାକେ କଇଲା “ତୁଇ ନିକ ଦାଙ୍ଗୁଡା, ଅଲମ୍ ବିସଇ ଦାଇଡ୍ ନେଇ କାମ୍ କଲୁସ୍ । ସେଟାର୍‌ପାଇ ମୁଇ ତକେ ଦସଟା ଗଡ୍ ଉପ୍‌ରେ ସାସନ୍ କର୍ବାକେ ସର୍‌ପି ଦେଲିନି ।” ୧୮ ଆରି ଗଟେକ୍ ଲକ୍ ଆସି କଇଲା, “ଆଗିଆଁ, ତୁଇ ଦେଇରଇଲା ସୁନାର୍ ତାବୁ ନେଇ ଆରି ପାର୍‌ଟା ଲାବ୍ କଲିଆରି ।” ୧୯ ସେ ରାଜା ତାକେ ମିସା କଇଲା “ତକେ ସାସନ୍ କର୍ବାକେ ପାର୍‌ଟା ଗଡ୍ ସର୍‌ପିଦେଲିନି ।”

୨୦ ମାତର୍ ଆରି ଗଟେକ୍ ଦାଙ୍ଗୁଡା ରାଜାର୍ ଲଗେ ଆସି କଇଲା, “ଏ ଆଗିଆଁ, ତମେ ଦେଇରଇଲା ସୁନାର୍ ତାବୁ ଏଦେ ଦେକା, ଗଟେକ୍ ଗର୍ଣ୍ଣାଇ ଗୁଡିଆ ବାନ୍ଦି ସଙ୍ଗାଇ ଦେଇରଇଲି । ୨୧ ତୁଇ ସାସନ୍ କର୍ବା ଲକ୍ ବଲି ଡରିକରି ମୁଇ ସେଟା ନେଇ ବେବାର୍ କରିନାଇ । କାଇକେବଇଲେ ଜାକେ ଦେଇ ନ ରଉସ୍ ତାର୍‌ଡେଇଅନି ମାଙ୍ଗିନେଇସୁ । ଆରି ଜନ୍ତି ବୁନି ନ ରଉସ୍ ତେଇଅନି କାରି ନେଇସୁ ।” ୨୨ ସେ ରାଜା ରିସାଅଇ କଇଲା, “ଅଇରେ ଦାଙ୍ଗୁଡା, ତର୍ କାତା ଇସାବେ ଆକା ତକେ ବିଚାର୍ କର୍ବି । ମୁଇ ଲକ୍‌ମନ୍ ଜନ୍‌ଟା ଦେଇ ନ ରଇ ସେଟା ମାଗିନେବି, ଆରି ଜନ୍‌ଡେଇ ବୁନି ନ ରଇ ତେଇଅନି କାଟ୍‌ବି, ସେଟା ଜାନିରଇଲୁସ୍ । ୨୩ ସେନ୍ତାଆଲେ ମର୍ ସୁନାର୍ ତାବୁ କାଇକେ ବେକେ ସଙ୍ଗାଉସ୍ ନାଇ ? ସଙ୍ଗାଇ ରଇଲେ ତେଇଅନି ମକେ କଲଟ୍‌ର୍ ମିଲ୍‌ତା ।”

୨୪ ଆରି ସେ ଲଗେ ଟିଆଅଇଲା ଲକ୍‌ମନକେ ରାଜା କଇଲା, “ତାର୍ ତେଇଅନି ଏ ଅଦ୍‌ଲି ମାଗିନେଇ ଜେ ଦସଟା ଅଦ୍‌ଲି ଲାବ୍‌କଲା ଆରେ, ତାକେ ଦିଆସ୍ ।” ୨୫ ମାତର୍ ସେ ଲକ୍‌ମନ୍ ରାଜାକେ ପାଟାରୁଲାଇ, “ଏ ଆଗିଆଁ ତାର୍‌ଟାରେ ଦସଟା ଆରେ ଆରି ତାକେ କାଇକେ ଦେଉଁ ?” ୨୬ ସେ କଇଲା, “ମୁଇ ତମକେ କଇଲିନି, ଜାକେ ଆରେ ତାକେ ଅଦିକ୍ ଦିଆଅଇସି, ମାତର୍ ଜାର୍ ନାଇ, ତାର୍‌ଡେଇ ରଇଲା ଅଲମ୍ ମିସା ଚାଡାଇ ନିଆଅଇସି । ୨୭ ମାତର୍ ଜେମନ୍ ମୁଇ ତାକର୍ ରାଜା ଅଇବାକେ ମନ୍ ନ କର୍ତେ ରଇଲାଇ, ସେମନକେ ତାକି ଆନି ମର୍ ମୁଆଟେ ମରାଇଦିଆସ୍ ।”

ଜିସୁ ଜିରୁସାଲାମ୍ ଜିତିକରି ଜିବାଟା

(ମାତିଉ ୨୧:୧-୧୧; ମାର୍କ ୧୧:୧-୧୧; ଜଅନ୍ ୧୨:୧୨-୧୯)

୨୮ ଜିସୁ ଏ ସବୁ କାତା କଇସାରାଇ ସିସ୍‌ମନର୍ ଆଗ୍ରୁ ଆଗ୍ରୁ ଜିରୁସାଲାମ୍ ବାଟେ ଗାଲା । ୨୯ ଜେଡେବଲ୍ ଜିସୁ ଆରି ତାର୍ ସିସ୍‌ମନ୍ ଜିଡ୍‌ଗର୍‌ମନ୍ ରଇଲା ଡଙ୍ଗର୍ ପାଲି ଆରି ବେଡ୍‌ପାଗି ଆରି ବେଡ୍‌ନିଆ ଗଡେ କେଟ୍‌ଲାଇ, ସେ ସିସ୍‌ମନର୍ ବିଡ୍‌ରେ ଅନି ଦୁଇ ଲକ୍‌କେ, ସେମନ୍ ଜିବା ଆଗ୍ରୁ ଏନ୍ତାରି କଇପାଟାଇଲା । ୩୦ ତମର୍ ମୁଆଟେ ରଇବା ଗାର୍‌ ଜାଆ । ସେ ଗାର୍ ଗାଲେ, କେ କେବେ ମିସା ଚରିନରଇବା ଗଦପିଲା ବାନ୍ଦିଅଇରଇଲାଟା ଦେକ୍‌ସା । ତାକେ ମେଲି ଦାରିଆସା । ୩୧ ଜେ ଜିଦି ତମକେ “କାଇକେ ମେଲି ନେଲାସିନି ?” ବଲି କଇଲେ “ଏଟା ଗୁରୁକେ ଦର୍‌କାର୍ ଆରେ ବଲି କୁଆ ।”

୩୨ ପରେ ସିସ୍‌ମନ୍ ସେ ଗାର୍‌ ଜାଇ, ଜିସୁ ଜେନ୍ତି କଇରଇଲା ସେନ୍ତି ଦେକ୍‌ଲାଇ । ୩୩ ଆରି ସେମନ୍ ସେ ଗଦପିଲାକେ ମେଲ୍‌ବାବେଲେ ଗଦ ପିଲାର୍ ସାଉକାର୍ ସେମନକେ ପାଟାରୁଲା, “କାଇକେ ଗଦପିଲାକେ ମେଲ୍‌ଲାସିନି ?”

୩୪ ସିସ୍‌ମନ୍ କଇଲାଇ, “ଏ ଗଦପିଲା ଗୁରୁକେ ଦର୍‌କାର୍ ଆରେ ।” ୩୫ ସିସ୍‌ମନ୍ ଗଦ ପିଲାକେ ଜିସୁର୍ ଲଗେ ଆନି ନିଜର୍ ନିଜର୍ ଲୁଗା ଗଦର୍ ଉପ୍‌ରେ ଡାବି ଜିସୁକେ ତାର୍ ଉପ୍‌ରେ ବସାଇଲାଇ । ୩୬ ଆରି ଜିସୁ ଗାଲା ବାଟେ ଲକ୍‌ମନ୍ ନିଜର୍ ନିଜର୍ ପଟିଆମ୍ ଅଟାଇ ଦେଲାଇ ।

୩୭ ଜିସୁ ଜେଡେବଲ୍ ଜିଡ୍‌ଗର୍‌ମନ୍ ରଇଲା ଗଡ୍‌ଗଡା ଜାଗା ଲଗେ କେଟ୍‌ଲା, ସେବେଲା ତେଇ ରଇଲା ତାର୍ ଜେଡ୍‌କି ସିସ୍ ମାନ୍ଦା ସେ କରିରଇଲା କାବାଅଇଜିବା କାମ୍ ଏତାଇ, ସାର୍‌ଦାଅଇ ଆଉଲିଅଇକରି

ପର୍ଯ୍ୟେସରକେ କୁଆର୍ କରି କଇଲାଇ, ୩୮ “ପର୍ଯ୍ୟେସରର୍ ନାଉଁ ନେଇକରି ଜନ୍ ରାଜା ଆଇଲାମି ତାକେ ସେ ଆସିବ୍ବାଦ କର । ସର୍ଗେ ସାକ୍ତି ଅ, ଆରି ସବୁର୍ଗାନେ ଅନି ବଡ଼ ପର୍ଯ୍ୟେସରର୍ ମଇମା ଅ ।”

୩୯ ସେ ସିସ୍ ମାନ୍ଦାର୍ ବିଡ଼ରେ କେତେଟା ପାରୁସିମନ୍ ଜିସୁକେ କଇଲାଇ, “ଏ ଗୁରୁ ତର୍ସଇଁ ଆଇବା ସିସ୍ମାନକେ ଚିମ୍ବରାଅଇ ରଇବାକେ କଅ ।”

୪୦ ମାତର୍ ଜିସୁ ସେମନ୍କେ କଇଲା, “ମୁଇ ତମ୍କେ କଇଲିନି, ଏ ଲକ୍ମମନ୍ ଚିମ୍ବରାଅଇ ରଇଲେ ପାକ୍ମମନ୍ ତାକର୍ ନିଜେ ନିଜେ ଆଉଲି ଅଇବାଇ ।”

ଜିସୁ ଜିରୁସାଲମର୍ ପାଇ କାନ୍ଦଲା

୪୧ ଜିସୁ ଜିରୁସାଲମ୍ ଲଗେ କେଟ୍ଲା ବେଲେ ସେ ଗଡ଼ ଦେକି କାନ୍ଦିକରି କଇଲା, ୪୨ “ସାକ୍ତି ପାଇବାକେ କାଇଟା ଦର୍କାର୍, ସେଟା ଜଦି ତମେ ଆଜି ଜାନିରଇତାସ୍ ଆଲେ, କେତେ ନିକ ଅଇତା ! ମାତର୍ ସେସବୁ ଏବେ ତମେ ଦେକି ନାପାରୁଲାସ୍ନି । ୪୩ ସେଟାର୍ପାଇ ବଲି ଏକ୍ତି ବେସି ବାଦା ଅଇଜିବା ଦିନ୍ ଆଇସି । ତମର୍ ସବୁର୍ଗମନ୍ ତମର୍ ଚାରିବେଟ୍ତି ପାରୁରି ବାନ୍ଦି ଅବ୍ବାକଇବାଇ ଆରି ଚାରିବେଟ୍ତି ଅନି ତମର୍ ଉପ୍ରେ ମାଣ୍ଡି ଆଇବାଇ । ୪୪ ସେମନ୍ ତମ୍କେ ଆରି ତମର୍ ପାରୁରି ତେଇ ରଇବା ଲକ୍ମମନ୍କେ ପୁରାପୁରୁନ୍ ନସାଇ କୁଟ୍ କୁଟା କରିଦେବାଇ । ଗଟେକ୍ ପାକ୍ମମା ମିସା ନିଜର୍ ଜାଗାଇ ନ ଚାଡ଼ତ୍ । କାଇକେବଇଲେ ପର୍ଯ୍ୟେସର୍ ତମ୍କେ ରକିଆ କର୍ବାକେ ଆସିରଇଲା, ସେବେଲା ତମେ ଜାନି ନାପାରୁଲାସ୍ ।”

ଜିସୁ ମନ୍ଦିରେ ଗାଲା

(ମାତିଉ ୨୧:୧୨-୧୭; ମାର୍କ ୧୧:୧୫-୧୯; ଜଅନ୍ ୨:୧୩-୨୨)

୪୫ ଆରି ଜିସୁ ଜିରୁସାଲମ୍ ମନ୍ଦିର୍ ବିଡ଼ରେ ପୁରିକରି ତେଇ ଗେନାବିକା କର୍ବା ଲକ୍ମମନ୍କେ ବାର୍କରାଇଦେବାର୍ ଦାରୁଲା । ୪୬ ସେମନ୍କେ କଇଲା, “ଦରମ୍ ସାସ୍ତରେ ଏଣ୍ଡାରି ଲେକାଅଇଲା ଆଟେ, ମର୍ ଗର୍ ପାର୍ତକା ଗର୍ ଅଇସି । ମାତର୍ ତମେ ସେଟା ତର୍ମନର୍ ଲୁଟ୍ବା ଜାଗା କରିଆଟାସ୍ ।”

୪୭ ତାର୍ ପଟେ ଜିସୁ ସବୁଦିନେ ଜିରୁସାଲମ୍ ମନ୍ଦିରେ ସିକିଆ ଦେଇତେ ରଇଲା । ମାତର୍ ମୁକିଅ ପୁଜାରିମନ୍, ସାସ୍ତର୍ ସିକାଉମନ୍ ଆରି ନେତାମନ୍ ମିସି ଜିସୁକେ ମରାଇବାକେ ରେସ୍ଟା କର୍ତେ ରଇଲା । ୪୮ କାଇକେ ବଇଲେ ଗୁଲାଇ ଲକ୍, ଜିସୁ ସିକାଇଦେବା କାତା ଆରି ସେ କଇତେରଇବା ପଦମନ୍ ମନ୍ଦିଆନ୍ ଦେଇ ସୁନ୍ତେ ରଇଲା । ତେବର୍ ପାଇ ସେମନ୍ କେଣ୍ଡାର୍ କର୍ବାର୍ ବଲି ବାଟ୍ ମିଲାଇ ନାପାର୍ତେ ରଇଲା ।

୨୦

ଜିସୁର୍ ଅଦିକାର୍ ବିସଏ ପର୍ସଦ

(ମାତିଉ ୨୧:୨୩-୨୭; ମାର୍କ ୧୧:୨୭-୩୩)

୧ ଦିନେକ୍ ଜିସୁ ମନ୍ଦିରେ ଲକ୍ମମନ୍କେ ମାପରୁର୍ ନିମାନ୍ କାତାର୍ ସିକିଆ ଦେଇତେରଇଲା । ସେବେଲାଇ ମୁକିଅ ପୁଜାରିମନ୍, ନିୟମ୍ ସିକାଇଦେବା ଲକ୍ମମନ୍ ଆରି ପାର୍ତିନିମନ୍ ଜିସୁର୍ ଲଗେ ଆସି ପାଟାରୁଲାଇ । ୨ “ତୁଇ କାର୍ ଅଦିକାର୍ ମିଲାଇକରି ଏସବୁ ବିସଇ କଲୁସ୍ନି ? କେ ତକେ ଏ ଅଦିକାର୍ ଦେଲା ? ଆମକେ କି ।”

୩ ମାତର୍ ଜିସୁ କଇଲା, “ମୁଇ ମିସା ତମ୍କେ ଗଟେକ୍ କାତା ପାଟାର୍ବି, ତମେ ମକେ କୁଆ । ୪ ଜଅନ୍ କାର୍ ଅଦିକାର୍ ମିଲାଇ ଲକ୍ମମନ୍କେ ତୁବନ୍ ଦେଇତେ ରଇଲା ? ସରଗର୍ ପର୍ଯ୍ୟେସର୍ ଦେଲାଟାନେ ଅନି କି, ଲକ୍ମମନ୍ର୍ଗାନେ ଅନି ?”

୫ ସେବେଲାଇ ସେମନ୍ ନିଜର୍ ନିଜର୍ ବିଡ଼ରେ ଦଦାପେଲା ଅଇଲାଇ । ଜଦି ଜଅନର୍ ତୁବନ୍ ସର୍ଗେଅନି ବଲି କଇଲେ, କାଇକେ ତାକେ ବିସ୍ବାସ୍ କରାସ୍ ନାଇ ? ବଲି କଇବାଇ । ୬ ମାତର୍ ଆମେ ଲକ୍ମମନ୍ର୍ତେଇଅନି ବଲି କଇଲେ ସବୁ ଲକ୍ ଆମକେ ପାକ୍ମମା ମାର୍ବାଇ । କାଇକେ ବଇଲେ, ଜଅନ୍ ସତଇସେ ପର୍ଯ୍ୟେସରର୍ତେଇ ଅନି ଆଇଲା ବବିସ୍ତବକ୍ତା ବଲି ଆମର୍ ଜିଉଦି ଲକ୍ମମନ୍ ବିସ୍ବାସ୍ କଲାକିନି । ୭ ଏଟା ବାବିକରି ସେମନ୍ “ଆମେ ନାଜାନ୍ ।” ବଲି କଇଲାଇ ।

୮ ଆରି ଜିସୁ ସେମନ୍କେ କଇଲା, “ଏକ୍ତି ବଇଲେ ମୁଇ ମିସା କାର୍ ଅଦିକାର୍ ମିଲାଇକରି ଏସବୁ ବିସଇ କଲିନି, ସେଟା ତମ୍କେ ନ କଇ ।”

☆ ୧୯:୪୨ ୧୯:୪୭ ଲୁକ ୨୧:୩୭

ଅଙ୍ଗୁର୍ ବାତର୍ ଆଦିବାଗ୍ ନେବା ତାସିମନ୍
(ମାତ୍ରିଭ ୨୧:୩୩-୪୪; ମାର୍କ ୧୨:୧-୧୨)

୯ ତାର୍ ପଚେ ଜିସୁ ଲକ୍ମନକେ ବୁଜାଇବାକେ ଗଚେକ୍ କାତାନି କଇଲା । “ଗଚେକ୍ ଲକ୍ ତାର୍ ପଦାଇ ଅଙ୍ଗୁର୍ ତାସ୍ କରି, କେତେଟା ତାସିକେ ଆଦିବାଗ୍ କର୍ବାକେ ଦେଲା । ଦେଇକରି ସେ ବେସି ଦିନର୍ ପାଇ ଗଚେକ୍ ଦୁର୍ ଦେସେ ରଇବାକେ ଉଚିଗଲା । ୧୦ ଆରି ଅଙ୍ଗୁର୍ ତଲ୍‌ବାବେଲା କେଟ୍‌ଲାକେ ସାଉକାର୍ ତାର୍ ଗଚେକ୍ ଦାଙ୍ଗଡାକେ ତାର୍ ବାଗ୍ ମାଜି ଆନ୍‌ବାକେ ପାଟାଇଲା । ମାତର୍ ସେ ଲକ୍ମନ ତାର୍ ବାଗ୍ ନ ଦେଇ ତାର୍ ଦାଙ୍ଗଡାକେ କୁଟ୍‌କୁଟା ମାରି ରୁଟା ଆତେ ପାଟାଇଦେଲା । ୧୧ ତାର୍ ପଚେ ସେ ଆରି ଗଚେକ୍ ଦାଙ୍ଗଡାକେ ପାଟାଇଲା । ସେମନ୍ ତାକେ ମିସା ମାରିକରି ନିନ୍ଦା କାତା କଇ, ଲାଜ୍ କରାଇକରି ରୁଟା ଆତେ ପାଟାଇ ଦେଲା । ୧୨ ତାର୍ ପଚେ ସାଉକାର୍ ଆରି ଗଚେକ୍ ଦାଙ୍ଗଡାକେ ସେମନ୍‌ର୍ ଲଗେ ପାଟାଇଲା । ମାତର୍ ସେ ଦାଙ୍ଗଡାକେ ମିସା ରଗ୍‌ରଗା ଅଇତେ ମାରି କେଦିଦେଲା ।” ୧୩ ତାର୍ ପଚେ ସାଉକାର୍ ମନେ ମନେ ବାବ୍‌ଲା, “ଏବେ ମୁଇ କାଇଟା କର୍ବି ? ମୁଇ ବେସି ଆଲାଦ୍ କର୍ବା ମର୍ ପିଲାକେ ପାଟାଇବି । ବାଇଦରେ ସେମନ୍ ତାକେ ମାନବାଇ ।” ୧୪ ମାତର୍ ସେମନ୍ ସେ ପିଲା ଆଇବାଟା ଦେକିକରି ତାକ୍‌ର୍ ବିତ୍‌ରେ କାତାଅଇଲା, “ଏଟାସେ ସେ ସାଉକାର୍ ପିଲା, ଆମେ ଆକେ ମରାଇଦେଲେ ଏ ସବୁ ଦନ୍ ଆମର୍ ଅଇଜାଇସି । ୧୫ ଆରି ସେମନ୍ ସାଉକାର୍ ପିଲାକେ ବାଇରେ ନେଇ ମାରି ମରାଇଦେଲା । ଏନ୍ତି ବଇଲେ ସାଉକାର୍ ସେ ଲକ୍ମନକେ କାଇଟା କରିରଇସି ? ୧୬ ମୁଇ ତମ୍‌କେ କଇଲିନି, ସେ ଆସିକରି ସେ ଲକ୍ମନକେ ମରାଇ ଦେଇସି । ଆରି ବଡ୍ ବିନ୍‌ଲକ୍ମନକେ ଆଦିବାଗ୍ କର୍ବାକେ ଦେଇସି ।” ମାତର୍ କାତାନି ସୁନ୍‌ତେ ରଇଲା ଲକ୍ମନ୍ କଇଲା, “ଏଗ୍‌ର କେବେ ମିସା ନଅ ।”

୧୭ ମାତର୍ ଜିସୁ ଲକ୍ମନକେ ନିକ ଦେକିକରି କଇଲା,
“ଏନ୍ତି ବଇଲେ ପର୍‌ମେସର୍‌ର୍ ସାସ୍‌ତରେ ଲେକାଅଇଲା ଅରଡ୍ କାଇଟା ?
ଗର୍‌ବାନ୍‌ଦା ଲକ୍ମନ ଜନ୍ ପାକ୍‌ନା ‘ନର୍’ ବଲି ଚାଡି ଦେଇରଇଲା
ସେ ପାକ୍‌ନାସେ ଗର୍ କନର୍ ମୁଲ୍ ପାକ୍‌ନା ଅଇଲା ।
୧୮ ଜନ୍ ଲକ୍ମନ ସେ ପାକ୍‌ନା ଉପରେ ଅଦର୍‌ବାଇ, ସେମନ୍ କଣ୍ କଣ୍ ଅଇଜିବାଇ, ଆରି ସେ ପାକ୍‌ନା
ଜାର୍ ଉପ୍‌ରେ ଅଦର୍‌ସି, ସେ ବଲି ଆଜିଜାଇସି ।”

ସିସ୍ତ୍ରୁମାଙ୍ଗୁମନ୍ ଦେବା ବିସଇ ପାଟାର୍‌ବାଟା
(ମାତ୍ରିଭ ୨୨:୧୫-୨୨; ମାର୍କ ୧୨:୧୩-୧୭)

୧୯ ସେବେଲା ସାସ୍‌ତର୍ ସିକାଉମନ୍ ଆରି ମୁଜିଅ ପୁଜାରିମନ୍ ଜିସୁର୍ କାତାନି ସୁନି, ତାକେ ଦାପ୍‌ରେ ବନ୍ଦି କର୍ବାକେ ବାଟ୍ କଜ୍‌ତେ ରଇଲା । କାଇକେ ବଇଲେ ଜିସୁ କଇବା ଅଙ୍ଗୁର୍ ବାତର୍ କାତା, ସେମନ୍‌ର୍ ବିସଇନେଇ କଇଲାନି ବଲି ବୁଜିଲା । ମାତର୍ ସେମନ୍ ଲକ୍ମନକେ ତର୍‌ତେ ରଇଲା ।

୨୦ ସେଟାର୍‌ପାଇ ସେମନ୍ ତାର୍ ବୁଲ୍ ଦାର୍‌ବାକେ ଗଚେକ୍ ସୁଜର୍ କଜ୍‌ତେ ରଇଲା । ସେମନ୍ କେତେଟା ଚର୍‌ମନ୍‌କେ ଲାଡ୍‌ଦେଇ ଦରମ୍ ଲକ୍‌ପାଠା ଦେକାଇ ଅଇବାକେ ପାଟାଇଲା । କାଇକେ ବଇଲେ ଜିସୁର୍ ଟଣ୍ଡେଅନି ବୁଲ୍‌କାତା ବାର୍‌କରାଇ, ଦସ୍ ଦାରି, ରମିୟ୍ ସାସନ୍‌କାରିଆକେ ସର୍‌ପି ଦେବାକେ ମନ୍‌କର୍‌ତେ ରଇଲା । ୨୧ ସେଟାର୍‌ପାଇ ସେ ଚର୍‌ମନ୍ ଜିସୁକେ ପାଟାର୍‌ଲା, “ଏ ଗୁରୁ, ତମେ ଟିକ୍ କଇଲାସିନି ଆରି ଟିକ୍ ସିକାଇଲାସିନି ବଲି ଆମେ ଜାନିଆରୁ । କାର୍‌ବାଟେ ନ ଅଇ ଲକ୍ମନର୍ ଜିବନର୍‌ପାଇ ପର୍‌ମେସର୍‌ର୍ ସଡ୍ ବିସଇସେ ସିକାଇଲୁସିନି । ୨୨ ଏବେ ତୁଇ ଆମ୍‌କେ କଅ, ରମିୟ୍ ସର୍‌କାର୍‌ର୍ ରାଜା କାଇସର୍‌କେ ସିସ୍ତ୍ରୁ ଦେବାଟା ଆମର୍ ନିୟ୍‌ମ୍ ଇସାବେ ଟିକ୍ କି ନାଇ ?”

୨୩ ମାତର୍ ଜିସୁ ସେମନ୍‌ର୍ ମନ୍‌ବିତ୍‌ର୍ କାତା ଜାନିକରି କଇଲା, ୨୪ “ମକେ ଗଚେକ୍ ରମିୟ୍ ସର୍‌କାର୍‌ର୍ ଅଦଲ୍ ତାରୁ ଦେକାଆ । ତେଇ କାର୍ ମୁର୍‌ତି ଆରି କାର୍ ନାଉଁ ଆତେ ?” “କାଇସର୍‌ର୍ ମୁର୍‌ତି ଆରି ନାଉଁ ଆତେ ।” ବଲି ସେମନ୍ କଇଲା ।

୨୫ “ସେଗ୍‌ର୍ ରଇଲେ ଜନ୍‌ଟା କାଇସର୍‌ଟା ସେଟା କାଇସର୍‌କେ ଦିଆସ୍, ଜନ୍‌ଟା ପର୍‌ମେସର୍‌ଟା ସେଟା ପର୍‌ମେସର୍‌କେ ଦିଆସ୍ ।” ବଲି କଇଲା ।

୨୬ ଏ କାତା ସୁନି ସବୁଲକ୍‌ର୍ ମୁଆଟେ ସେମନ୍ ଜିସୁର୍ ବୁଲ୍ ଦାର୍‌ବାର୍ ନାପାର୍‌ଲା । ଆରି ଜିସୁର୍ କାତା ସୁନି ସେମନ୍ କାବାଅଇଜାଇ, ରୁପ୍‌ଅଇ ରଇଲା ।

ଆରିତରେକ୍ ଜିବନ୍ ଅଇ ଉର୍‌ବା ବିସଇ ନେଇ ପର୍‌ସନ୍
(ମାତ୍ରିଭ ୨୨:୨୩-୩୩; ମାର୍କ ୧୨:୧୮-୨୭)

୨୭ *ତାର ପତେ କେତେଟା ସାଧୁକି ଲକ୍ଷ୍ମୀମନ୍ ଜିୟୁର୍ ଲଗେ ଗାଲାଇ । ସେମନ୍, ମଲା ଲକ୍ଷ୍ମୀମନ୍ ଆରି ତରେକ୍ ଜିବନ୍‌ଅଇ ଉର୍ବା ବିସଇ ବିସବାସ୍ ନ କର୍ତ୍ତେ ରଇଲାଇ । ୨୮ ସେମନ୍ ଜିୟୁକେ ପାଟାରୁଲାଇ, “ଏ ଗୁରୁ, ମସା ଆମର୍ ପାଇ ଏନ୍ତି ନିୟମ୍ ଲେକିଆତେ ଜେ, ଗଟେକ୍ ଲକ୍ଷ୍ମୀ ବିବାଅଇ ପିଲାଟକି ନ ଅଇତେ ମରିଗାଲେ ତାର୍ ବାଇ ସେ ରାଣ୍ଡିମାଇଜିକେ ସଙ୍ଗଇସି । ଆରି ପିଲାଟକି ଅଇଲେ ତାର୍ ବଡ଼ବାଇର୍ କୁଟୁମ୍ ରକିଆ ଅଇସି ।” ୨୯ ଏନ୍ତି ସାତବାଇ ରଇଲାଇ । ପରତୁମ୍ ବାଇ ବିବା ଅଇ ପିଲାଟକି ନଇତେ ମରିଗାଲା । ୩୦ ତାର୍ ପତେ ବଡ଼ମଜିଆ ରାଣ୍ଡିମାଇଜିକେ ସଙ୍ଗଇଲା । ମାତର୍ ସେ ମିସା ପିଲାଟକି ନଇତେ ମରିଗାଲା । ୩୧ ତାର୍ ପତେ ମଜିଆବାଇ ରାଣ୍ଡିମାଇଜିକେ ସଙ୍ଗଇଲାକେ ପିଲାଟକି ନଇତେ ମରିଗାଲା । ସେନ୍ତି ସେ ରାଣ୍ଡିମାଇଜିକେ ସାତ୍ ବାଇ ଜାକ ସଙ୍ଗଇ ପିଲାଟକି ନଇତେ ମରିଗାଲାଇ । ୩୨ ସାରାସାରି ପତେ ସେ ମିସା ମରିଗାଲା । ୩୩ ଏନ୍ତି ବଇଲେ ମଲାତେଇଅନି ଉର୍ବା ପତେ ସେ କାର୍ ମାଇଜି ଅଇସି ? କାଇକେ ବଇଲେ ସେମନ୍ ସାତ୍ ଲକ୍ଷ୍ମୀମନ୍ ତାକେ ସଙ୍ଗଇ ରଇଲାଇ ।”

୩୪ ଜିୟୁ ସେମନ୍‌କେ କଇଲା, “ଏ ଜୁଗର୍ ମାଇଜି ମନସ୍ ବିବା ଅଇବାଇ, ୩୫ ମାତର୍ ଜନ୍ ମାଇଜିମନସ୍ ମଲାଟାନେଅନି ଉଟି, ଆଇବା ଜଗତେ ଜିଇବା କାଇବାକେ ବାଟିଅଇଆତଡ଼, ସେମନ୍ ବିବା ନ ଅଅଡ଼ । ୩୬ ସେମନ୍ ପର୍ମେସରର୍ ଦୁତ୍‌ମନର୍‌ପାରା ଅଇ ଆରି କେବେମିସା ନ ମରଡ଼ । ପତେ ମଲାଟାନେଅନି ଉଟି ପର୍ମେସରର୍ ପିଲାଟକି ଅଇ ରଇବାଇ । ୩୭ ମସା ବଲ୍ କରି ବୁଜାଇ ଦେକାଇଦେଇ ଆତେ । ମଲା ଲକ୍ଷ୍ମୀମନ୍ ଜିବନ୍ ଅଇ ଉର୍ବାବାଇ । ଲାଗତେ ରଇବା ବୁଗର୍ କାତାଇ, ମସା ଅବରାଆମର୍ ପର୍ମେସର, ଇସାକର୍ ପର୍ମେସର ଆରି ଜାକୁବର୍ ପର୍ମେସର ବଲି ପର୍ମେସରକେ ଜାନାଇ ଆତେ । ୩୮ ପର୍ମେସର ମଲା ଲକ୍ଷ୍ମୀମନ୍ ମାପୁର୍ ନଏଁ, ଜିବନ୍ ରଇଲା ଲକ୍ଷ୍ମୀମନ୍ ମାପୁର୍ । ପର୍ମେସରର୍ ଦେକବା ଇସାବେ ତେଇ ସେମନ୍ ସବୁ ଲକ୍ଷ୍ମୀମନ୍ ଅଇଆତଡ଼ ।”

୩୯ ତାର୍ ପତେ କେତେଟା ସାଧୁକର୍ ସିକାଉମନ୍ “ଏ ଗୁରୁ ତୁଇ ବତେ ନିକସଙ୍ଗ୍ ଉତର୍ ଦେଇଆରୁସ୍ !” ବଲି ଜିୟୁକେ କଇଲାଇ । ୪୦ କାଇକେବଇଲେ ଜିୟୁକେ ଆରି କେ ମିସା ପର୍ସନ୍ ପାଟାର୍‌ବାକେ ସାଆସ୍ କରଡ଼ ନାଇ ।

ମସିଅ କାର୍ ପିଲା ?
(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ତାର୍ ପତେ ଜିୟୁ ତାର୍ କାତା ସୁନ୍‌ବା ଲକ୍ଷ୍ମୀମନ୍‌କେ ପାଟାରୁଲା, “ପର୍ମେସର ବାଟିପାଟାଇଲା କିରିସଟ ଦାଉଦ୍ ରାଜାର୍ ନାତିତିତି ବଲି ଲକ୍ଷ୍ମୀମନ୍ କାଇକେ କଇଲାଇନି ?”

୪୨ କାଇକେ ବଇଲେ ଦାଉଦ୍ ରାଜା ଗିଡ଼ସଙ୍ଗିତା ବଇତେଇ ନିଜେ ଏନ୍ତି ଲେକି ଆତେ, ପର୍ମେସର ମର୍ ମାପୁରୁକେ କଇଲା,

୪୩ ମୁଇ ତର୍ ବିରଦିମନ୍‌କେ ଆରାଇକରି ତର୍ ପାଦ୍‌ତଲେ ସଙ୍ଗଇବା ପିତାପାରା ନ କର୍ବା ଜାକ, ତୁଇ ମର୍ ଉଜାବାଟେସେ ବସି ର ।

୪୪ ଜିଦି ଦାଉଦ୍ ରାଜା କିରିସଟକେ ମାପୁରୁ ବଲି ତାକି ରଇଲେ ଆରି କିରିସଟ କେନ୍ତି ଦାଉଦ୍ ରାଜାର୍ ନାତିତିତି ଅଇସି ? ବଲି ପାଟାରୁଲା ।

ଜିୟୁ ସାସତର୍ ସିକାଉବା ଲକ୍ଷ୍ମୀମନ୍‌କେ ଜାଗରଡ଼ କରାଇଲା
(ମାତିଉ ୨୩:୧-୩୬; ମାର୍କ ୧୨:୩୮-୪୦)

୪୫ ସେବେଲା ସବୁ ଲକ୍ଷ୍ମୀମନ୍ ଜିୟୁ ସିକାଉବା ବିସଇ ସୁନ୍‌ତେ ରଇଲାବେଲେ, ସେ ତାର୍ ସିସ୍‌ମନ୍‌କେ କଇଲା, ୪୬ “ନିୟମ୍ ସିକାଉବା ଲକ୍ଷ୍ମୀମନ୍‌ତେଇଅନି ଜାଗରଡ଼ ରୁଆ । ସେମନ୍ ନିମାନ୍ ପଟିଆ ପିନ୍ଦି ବୁଲ୍‌ବାକେ ମନ୍ କରବାଇ । ଆଟେବାଟେ ଜୁଆର୍ ପାଇବାକେ, ପାର୍‌ତନା ଗରର୍ ମୁକିଆ ଜାଗାଇ ବସବାକେ, ଆରି ବଜିତେଇ ସବୁ ଲକ୍ଷ୍ମୀମନ୍‌ନେଅନି ଆଗୁଟୁ ବସବାକେ ମନ୍ କରବାଇ । ୪୭ ସେମନ୍ ଲାଜ୍ ନଅଇ ରାଣ୍ଡି ମାଇଜିମନ୍‌କେ ନାତାଇକରି ସେମନ୍‌ର୍ ଦନ୍‌ସ୍‌ପତି ଜୁରି ନେବାଇ । ମାତର୍ ସେମନ୍ ନିମାନ୍ ଲକ୍ଷ୍ମୀମନ୍‌ପାରା ଦେକାଇଅଇବାଇ । ଆରି ଲକ୍ଷ୍ମୀମନ୍ ମୁଆଟେ ବେସି ଲମାଇକରି ପାର୍‌ତନା କରବାଇ । ଏନ୍ତାରି ଲକ୍ଷ୍ମୀମନ୍‌କେ ପର୍ମେସର ବେସି ବଡ଼ ତଣ୍ଡ ଦେଇସି ।”



ଗଟେକ୍ ରାଣ୍ଡିମାଇଜିର୍ ଚାନ୍ଦା

* ୨୦:୨୭ ୨୦:୨୭ ପେରିଡ଼ ୨୩:୮

୧ ତାର ପରେ ଜିସୁ ଚାରିବେଡ଼ି ଦେକଲା ଆରି ସାଉକାରୁ ଲକ୍ଷମନ୍ ମନ୍ଦିରରୁ ପେଟିଆଟାଣେ ଦାନ୍ ଦେବାଟା ଦେକଲା । ୨ ସେବେଲା ଗଟେକ ଅର୍କିଡ଼ ରାଣ୍ଡି ମାଛଜି ମିସା ଜତେକ ତାମାକାସୁ ଦେବାଟା ଜିସୁ ଦେକଲା । ୩ “ମୁଜ ତମ୍ଭକେ ସଡ଼ କାତା କଇଲିନି, ସବୁ ଲକ୍ଷମନ୍‌ନେଅନି ଏ ରାଣ୍ଡିମାଛଜି ଅଦିକ୍ ଦେଲା ଆଟେ । ୪ କାଇକେ ବଇଲେ ସାଉକାରୁ ଲକ୍ଷମନ୍ ନିଜରୁ ନିଜରୁ ଅଗଲୁଲା ଦନ୍ତେଇଅନି ଅଲପ୍ ଅଲପ୍ ଦେଲାଲ ଆଟଡ଼ । ମାତରୁ ଏ, ନିଜେ ବଢ଼ିବା ପାଇ ତାରୁ ଜେଡ଼କି ରଇଲା ସବୁ ଦେଲା ଆଟେ ।”

ମନ୍ଦିର ବସଲୁଲାଟା
(ମାତିଉ ୨୪:୩-୧୪; ମାର୍କ ୧୩:୩-୧୩)

୫ କେତେଟା ସିସ୍‌ମନ୍ ମନ୍ଦିରରୁ ବିସଇ ନେଇକରି ନିଆଇ କରତେ ରଇଲାଲ । “ତେଇ ଲାଦିରଇବା ସୁନ୍ଦର ସୁନ୍ଦର ପାକ୍‌ନା ଆରି ପରମେସରକେ ସରପି ଦେଲା ଦାନ୍ ସଙ୍ଗି କେତେକ ସୁନ୍ଦର ଗରୁ ବାନ୍‌ଲାଲ ଆଟଡ଼” ବଲି କାତାଅଇତେ ରଇଲାଲ । ୬ “ଏନ୍ତି ଦିନ୍ ଆଇସି, ଏବେ ତମେ କାଇ କାଇଟା ଦେକ୍‌ଲାସିନି ସେଟା ସବୁ କୁରୁପ୍‌ନାସ୍ ଜାଇସି । ଗଟେକ୍ ପାକ୍‌ନା ମିସା ତାରୁ ଜାଗାଇ ନ ରଏ । ସବୁ ମାଟିତେଇ ମିସି ଜାଇସି ।”

ଦୁକ୍ ଆରି ତାଡ଼ନା
(ମାତିଉ ୨୪:୩-୨୪; ମାର୍କ ୧୩:୩-୧୩)

୭ ତାରୁ ପରେ ସେମନ୍ ଜିସୁକେ ପାଚାରୁଲାଇ, “ଏ ଗୁରୁ, ଏଟା ସବୁ କେବେ ଅଇସି ? ଆରି ଏ ସବୁ ଗଟ୍‌ନା କେଟ୍‌ବା ଆଗରୁ ସେଟା କେତେବଲ୍ ଅଇସି ବଲି କେନ୍ତି ତିନି ଅଇସି ?”

୮ ଜିସୁ ସେମନ୍‌କେ କଇଲା, “ଜାଗରତ୍‌ଅଇକରି ରୁଆ, ନାତାଇ ଉଆ ନାଇ । ବେସି ଲକ୍ ମରୁ ନାଉଁଦାରି ଆସି କଇବାଇ, ‘ମୁଜ ସେ ଆକା ।’ ବେଲା କେଟ୍‌ଲା ଆଟେ, ମାତରୁ ତମେ ସେମନ୍‌ରୁ ପରେ ଜାଆ ନାଇ । ୯ ଆରି କେବେ ତମେ ଜୁଇଦ୍ ଆରି କିରମାର ଅଇବାଟା ସୁନ୍‌ସା, ସେବେଲା ତରା ନାଇ । କାଇକେ ବଇଲେ ଏ ସବୁ ଗଟ୍‌ନା ଆଗରୁ ଅଇସିସେ । ମାତରୁ ଏ ଦୁନିଆରୁ ସେସ୍ ଦିନ୍ ସେଦାପରେ ନ ଆସେ ।”

୧୦ ଆରି ଜିସୁ କଇଲା, “ଦେସ୍ ବିରୁଦେ ଦେସ୍ ଆରି ଜାତି ବିରୁଦେ ଜାତି ଉର୍‌ସି । ୧୧ ଦରୁତନି ରୁଲୁକୁଲସି । ବଡ଼ ରଗମନ୍ ଅଇସି ଆରି ଆକାସେ କେବେ ନ ଅଇବା କାବା ଅଇଜିବା ତିନ୍‌ମନ୍ ତିସିସି । ୧୨ ମାତରୁ ଏ ସବୁ ବିସଇ ନ ଅଇବା ଆଗରୁ, ତମ୍ଭକେ ବାନ୍ଦିକରି ନେଇ ସାସ୍ତି ଦେବାଇ, ପାରୁତନା ଗର୍‌ମନ୍‌କେ ବିତାରୁ କରି ବନ୍ଦିଗରେ ପାକାଇବାକେ ସରପିଦେବାଇ । ମରୁପାଇ ତମେ ରାଜା ଆରି ସାସନ୍ କାରିଆମନ୍‌ରୁ ମୁଆଟେଟିଆ ଅଇସା । ୧୩ ମରୁ ବିସଇ ତମେ ବିନ୍ ଲକ୍‌ମନ୍‌କେ କଇବାକେ ଗଟେକ୍ ସମାନ୍ ବେଲା ଅଇସି । ୧୪ *କେବରୁ ପାଇ ‘ମୁଜ ନିଜକେ କେନ୍ତି ରକିଆ କରୁବି ?’ ସେ ବିସଇ ବାବିକରି ଆଗେଅନି ଚିନ୍ତା କରା ନାଇ । ୧୫ କାଇକେ ବଇଲେ ମୁଜ ତମ୍ଭକେ ଚିକ୍‌ପଦ୍ କଇବାକେ ଗିଆନ୍ ଦେବି । ତମ୍ଭକେ ବିରଦ୍ କରୁବା ଲକ୍‌ମନ୍ ସେ ଗିଆନ୍‌ରୁ ବାଦୁଲେ କାଇଟା କଇନାପାରୁଡ଼ । ୧୬ ଆରି ତମ୍ଭ ମାଆ ବାବା, ବାଇ, ନିଜରୁ ଲାଗାରୁ ଲିତାରୁ ଲକ୍, ମଇତରୁମନ୍ ଆରି କୁରୁମରୁ ଲକ୍‌ମନ୍, ତମ୍ଭକେ ବିରଦିମନ୍‌କେ ସରପି ଦେବାଇ ଆରି ତମ୍ଭ ବିଡ଼ରେ ଅନି କେତେ ଲକ୍‌କେ ମରାଇଦେବାଇ । ୧୭ ତମେ ମରୁତେଇ ବିସ୍‌ବାସ କଲାସିନି ବଲି ଗୁଲାଇ ଲକ୍‌ମନ୍ ତମ୍ଭକେ ଇନ୍ କରୁବାଇ । ୧୮ ମାତରୁ ତମ୍ଭ ମୁଣ୍ଡରୁ ଚେଣ୍ଡି ମିସା ଗଟେକ୍ ନ ନସେ । ୧୯ ତମେ ତାଡ଼ଅଇ ରଇଲେ ଏ ସବୁ ବିସଇ ମୁରତିକରି, ତମ୍ଭ ଆଡ଼ମାକେ ରକିଆ କରୁସା ।”

ଜିରୁସାଲାମ୍ ନସ୍‌ଟ ଅଇଜାଇସି
(ମାତିଉ ୨୪:୧୫-୨୧; ମାର୍କ ୧୩:୧୪-୧୯)

୨୦ “ମାତରୁ ଜେତେବଲ୍ ତମେ ଜିରୁସାଲାମ୍ ଗତେ ବିରଦି ସନିଅମନ୍ ଚାରିବେଡ଼ି କିନ୍‌ରି ରଇବାଟା ଦେକ୍‌ସା ବଇଲେ, ସେବେଲା ଜିରୁସାଲାମ୍ ନସ୍‌ଟ ଅଇବା ବେଲା ଲଗେ କେଟ୍‌ଲା ବଲି ଜାନା । ୨୧ ସେବେଲାଲ କେ କେ ଜିଉଦା ଦେସେ ରଇବାଇ, ସେମନ୍ ତଙ୍ଗରୁ ବିଡ଼ରେ ପାଲାଅଡ଼ । କେ କେ ଗଡ଼ ବିଡ଼ରେ ରଇବାଇ ସେମନ୍ କେନେ ମିସା ବଢ଼ିବାକେ ପାଲାଅଡ଼ । କେ କେ ଗଡ଼ ବାଇରେ ରଇବାଇ ସେମନ୍ ଗଡ଼ ବିଡ଼ରେ ନ ପୁରୁଡ଼ । ୨୨ କାଇକେ ବଇଲେ ସେଟା ସାସ୍‌ତରୁ ସବୁ ବିସଇ ଜେନ୍ତିକି ସିଦ୍ ଅଇସି, ସେଟାରୁ ପାଇ ସେ ଦିନ୍‌ମନ୍ ବେସି ତଣ୍ଡ ପାଇବା ଦିନ୍‌ମନ୍ ଅଇସି । ୨୩ ସେ ଦିନ୍‌ମନ୍‌କେ ଗାଗତେ ରଇବା ମାଛଜିମନ୍ ଆରି ଦୁଦ୍ କୁଆଇତେରଇବା ମାଆମନ୍‌ରୁ କେତେକ୍ ଦୁକ୍‌କରୁ ଦିନ୍ ଅଇସି । ଏ ଦେସ୍‌ରୁ ଲକ୍‌ମନ୍‌କେ ଅପରୁବଲ୍ ଦୁକ୍ ଆଇସି ଆରି ସେମନ୍ ତଣ୍ଡ ପାଇବାଇ । ୨୪ କେତେ ଲକ୍‌କେ କାଣ୍ଡିରଦା

* ୨୧:୧୪ ୨୧:୧୪ ଲୁକ୍ ୧୨:୧୧-୧୨

ସଙ୍ଗ ମରାଇବାଇ ଆରି କେତେ ଲକ୍ଷମାନଙ୍କେ ବନ୍ଦୀକରି ବିନ୍ଦବିନ୍ଦ ଦେସେ ଦାରିଜିବାଇ । ଜିଉଦି ନଇଲା ଲକ୍ଷମାନର୍ ବେଲା ନ ସାର୍ବଜାକ ଜିରୁସାଲାମ ବିନାସ୍ କର୍ବାକେ ଚାଡ଼ିଦେବାଇ ।”

ନର୍ପିଲା ଆଇବାଟା

(ମାତିଉ ୨୪:୨୯-୩୧; ମାର୍କ ୧୩:୨୪-୨୭)

୨୫ *ବାଦ୍‌ଲେ, ବେଲ୍‌ଟାନେ, ଜନ୍‌ଟାନେ ତାରାମନର୍‌ଟାନେ କେବେ ନ ଡିସ୍‌ବା ଚିନ୍‌ମନ୍ ଡିସ୍‌ସି । ଦୁନିଆର୍ ସବୁ ଦେସର୍ ଲକ୍, ବେସି ଦୁକ୍ କସ୍‌ଟ ପାଇବାଇ । ଜେଡେବେଲା ସମ୍‌ପୁରର୍ ବଡ଼ ଲଅଡି ଗରଜ୍‌ଲେ ଲକ୍‌ମନ୍ କାଇଟା କର୍‌ବାର୍ ଆରେ କାଇଟା ନାଇ ବଲି ବାୟାବିକଲ୍ ଅଇଜିବାଇ । ୨୬ ଆରି ଲକ୍‌ମନ୍ ଦୁନିଆଇ ଆଇବା ସବୁ ଗଟ୍‌ନା ଦେକିକରି ‘କାଇକେ ଏନ୍ତି ଅଇଲାନି ?’ ବଲି ଡରିକରି କେତେ ଲକ୍ ମୁରଟା ଅଇଜିବାଇ । କାଇକେ ବଇଲେ ଆକାସେ ରଇଲା ସବୁ ବିସଇ ପର୍‌ମେସର୍ ଡୁଲ୍‌ବୁଲାଇ ଦେଇସି । ୨୭ *ସେବେଲାଇ ଲକ୍‌ମନ୍ ପର୍‌ମେସର୍ ତେଇଅନି ଆସିରଇବା ନର୍‌ପିଲା ମୁଇ, ବେସି ବପୁସଙ୍ଗ ଆରି ଡାକ୍‌ପୁଟାଅଇକରି ବାଦ୍‌ଲେ ଆଇବାଟା ଦେକ୍‌ବାଇ । ୨୮ ମାତର୍ ଏ ସବୁ ଗଟ୍‌ନା ଆରାମ୍ ଅଇଲେ ତମେ ଡାକ୍‌ସଙ୍ଗ ଚିଆଅଇ ଉପ୍‌ରେ ଦେକା । କାଇକେ ବଇଲେ ତମର୍ ରକିଆ ପାଇବା ଦିନ ଲଗେ ଆଟେ ।”

ଡୁମ୍‌ରି ଗଟର୍ ସିକିଆ

(ମାତିଉ ୨୪:୩୨-୩୫; ମାର୍କ ୧୩:୨୮-୩୧)

୨୯ ଆରି ଜିସୁ ସେମନ୍‌କେ ଗଟେକ୍ ଉଦାଅରନ୍ କଇଲା, “ଡୁମ୍‌ରି ଗଟ୍ ଆରି ବିନ୍ ସବୁ ଗଟର୍ କାତା ଚିନ୍ତା କରା । ୩୦ ଜେଡେବେଲେ ଡାର୍ କେନ୍ଦିଅନି ପଡର୍ ପାଲୁଆନି କର୍‌ସି, ଆରି କାଁଗାପଡ୍‌ରିଆ ଡିସ୍‌ଲେ କାରାଦିନ୍ କେଟ୍‌ଲା ବଲି ତମେ ଜାନୁସା । ୩୧ ସେନ୍ତାରିସେ ଏ ସବୁ ବିସଇ ଅଇବାଟା ଦେକ୍‌ଲେ ପର୍‌ମେସର୍‌ର ରାଇଜ୍ କେଟି ଆଇଲା ବଲି ଜାନୁସା ।”

୩୨ “ମୁଇ ତମକେ ସଡ଼କାତା କଇଲିନି । ମନେ ରକା, ଏବେ ଜିବନ୍ ରଇବା ସବୁ ଲକ୍‌ମାନର୍ ମରନ୍ ଅଇବା ଆଗଟୁ ଏ ସବୁ ଗଟ୍‌ସି । ୩୩ ସରଗ୍ ଆରି ମଟ୍‌ପୁର୍ ନସି ଜାଇସି, ମାତର୍ ମର୍ ବାକିଅ କେବେ ନ ନସେ ।”

ସବୁବେଲା ଜାଗରତ୍ ରୁଆ

୩୪ “ମାତର୍ ତମେ ନିଜର୍ ନିଜର୍ ବିସଇ ନେଇକରି ଜାଗରତ୍ ରୁଆ । ତମର୍ ମନ୍ ସବୁବେଲାଇ ବଜିବାଡ଼ କରି ମଦ୍ ପେଣ୍ଟମ୍ କାଇବା ବିସଇ ଆରି କେନ୍ତାର୍ ଜିଇବାର୍ ଅଇସି କେନ୍ତାର୍ ନାଇ ବଲି ଚିନ୍ତାକରି ରଇଲାବେଲେ, ସେ ଦିନ୍ ଅଟାଡ଼ ପାନ୍ ପାରା ଆସି ଲାଗିଜାଇସି । ୩୫ ସେନ୍ତାରିସେ ଏ ଦୁନିଆର୍ ସବୁ ଲକ୍‌କେ ସେଟା ଗଟ୍‌ସି । ୩୬ ସେ ଦିନ୍‌ମନ୍‌କେ ଗଟ୍‌ବା ସବୁ ବିସଇ ଦେଇ, କାଇ ବିପଦ୍ ନ ଅଇ ଜିବାକେ ଆରି ପର୍‌ମେସର୍ ପାଟାଇରଇବା ନର୍‌ପିଲା ମର୍ ମୁଆଟେ ଚିଆ ଅଇବାକେ, ପାର୍‌ତନା କରି ଜାଗରତ୍ ଅଇରୁଆ ।”

୩୭ *ଜିସୁ ସେ ଦିନ୍‌ମନ୍‌କେ ମନ୍‌ରେ ଜାଇ ନିମାନ୍ କାତା ସିକାଇ ଦେଇତେ ରଇଲା । ଆରି ତାର୍ ସିସ୍‌ମାନର୍ ସଙ୍ଗ ସବୁ ରାତି ବାରିଜାଇ ଜିଡ଼ ନାଉର୍ ଡଙ୍ଗ୍‌ରେ ବିତାଇତେ ରଇଲା । ୩୮ ବେସି ଲକ୍ ଜିସୁର୍ କାତା ସୁନ୍‌ବାକେ ସବୁ ଦିନ୍ ସାକାଲେ ମନ୍‌ରେ ଜାଇତେରଇଲାଇ ।

୨୨

ଜିସୁର୍ ବିରଦେ ସଡ଼୍‌ଜ୍‌ତର୍

(ମାତିଉ ୨୬:୧-୫; ମାର୍କ ୧୪:୧-୨; ଜଅନ୍ ୧୧:୪୫-୫୩)

୧ କମିର୍ ନ ପାକାଇ ରୁଟି ତିଆର୍ କର୍‌ବା ପରବ୍ ଜାକେକି ନିସ୍‌ତାର୍ ପରବ୍ ବଲି ମିସା କଇବାଇ, ସେ ପରବ୍ ଲଗାଲଗି କେଟି ଆଇତେ ରଇଲା । ୨ ଆରି ମୁକିଅ ପୁଜାରିମନ୍, ସାସ୍‌ତର୍ ସିକାଉମନ୍ ଲକ୍‌ମନ୍‌କେ ଡର୍‌ତେ ରଇଲାଇ । ଜିସୁକେ କେନ୍ତି ଲୁଟ୍‌ତେ ମରାଉ ? ବଲି ବାଡ଼ କଜ୍‌ତେ ରଇଲାଇ ।

ଜିସୁକେ ଦାରାଇ ଦେବାକେ ଜିଉଦା ରାଜି ଅଇଲା

(ମାତିଉ ୨୬:୧୪-୧୬; ମାର୍କ ୧୪:୧୦-୧୧)

୩ ଆରି ଜିସୁର୍ ବାର୍‌ଟା ସିସ୍‌ମାନର୍ ବିଡ଼ରେଅନି ଇସ୍‌କାରିୟ୍‌ଡ଼ ଜିଉଦା ନାଉର୍ ଗଟେକ୍ ସିସ୍ ରଇଲା । ସେବେଲାଇ ଡାର୍ ମନ୍ ବିଡ଼ରେ ସଇତାନ୍ ପୁରିଦେଲା । ୪ ଆରି ସେ ମୁକିଅ ପୁଜାରିମନ୍ ଆରି ମନ୍‌ର

☆ ୨୧:୨୫ ୨୧:୨୫ ପର୍କାସିତ ୬:୧୨,୧୩ ☆ ୨୧:୨୬ ୨୧:୨୬ ପର୍କାସିତ ୧:୬ ☆ ୨୧:୩୭ ୨୧:୩୭ ଲୁକ୍ ୧୯:୪୭

ଜାଣି ରଇବା ସେନାପତିମାନର ଲଗେ, କେନ୍ଦ୍ରକରି ଜିସୁକେ ବିସବାସେ ବିସ ଦେଲା ପାରା କରି, ତାକେ ଦାରାଇଦେବି ବଲି ସେମାନର ସଙ୍ଗ କାତାବାରତା ଅଇବାର ଗାଲା ।^୫ ସେଟାରପାଇ ସେ ଲକ୍ମନ ବେସି ସାରଦା ଅଇକରି ତାକେ ତାରୁ ଦେବାକେ ରାଜି ଅଇଲା ।^୬ ଜିଉଦା ମିସା ରାଜି ଅଇଲା ଆରି ଲକ୍ମନର ନ ଜାନ୍ତେ ଜିସୁକେ ଦାରାଇଦେବାକେ ସୁଜଗ୍ କଜ୍ଜେତରଇଲା ।

ନିସ୍ତାର ପରବର ବଜିରପାଇ ଜିସୁ ଜାଗରତୁ ଅଇଲା
(ମାତିଉ ୨୬:୧୭-୨୫; ମାର୍କ ୧୪:୧୨-୨୧; ଜଅନ୍ ୧୩:୨୧-୩୦)

^୭ ତାରପଚେ ନିସ୍ତାର ପରବର ବଜି କରି ମେଣ୍ଟାପିଲା ମାରୁବା ଦିନ୍ ଆଇଲା ।^୮ ଜିସୁ ପିତର ଆରି ଜଅନ୍କେ ଏ କାତା କଇ ପାଟାଇଲା । “ଜା ଆରି ଆମରପାଇ ନିସ୍ତାର ପରବର ବଜି କାଇବାକେ ଟିକ୍ କରା ।”

^୯ ସେମନ୍ ଜିସୁକେ ପାଟାରଲା, “ଆମେ କନ୍ ଜାଗାଇ ବଜି ତିଆରକରୁ ବଲି ତମେ ମନ୍ କଲାସନ୍ ?”

^{୧୦} ଜିସୁ ସେମନ୍କେ କଇଲା, ଦେକା, ତମେ ଗଡ଼ ବିତ୍ତରେ ପୁରବା ବେଲେ ଗଟେକ୍ ଆଣ୍ଡିତେଇ ପାନିନେଇ ଜିବା ଲକ୍ମକେ ବେଟ୍ପାଇସା । ସେ ଜନ୍ ଗରେ ପୁରସି, ତାର ପଡ଼ପଡ଼ ଜାଇ ସେ ଗରର ସାଉକାରକେ କୁଆ, ^{୧୧} “ଆମର ଗୁରୁ ତମକେ ଏ କବର କଇ ପାଟାଇଆଚେ, ମୁଇ ଆରି ମର ସିସମନ୍ କନ୍ ବାକରାଇ ରକିଆ ପାଇବା ପରବର ବଜି ମାନ୍ତୁ ?” ^{୧୨} ତାରପଚେ ସେ ଲକ୍ମ ତମକେ ଗର ଉପରେ ରଇବା ମଅଲା ତିଆର୍ ଅଇରଇଲା ଗଟେକ୍ ବଡ଼ ବାକରା ଦେକାଇ ଦେଇସି । ତେଇ ତମେ କାଦି ତିଆର୍ କରା ।”

^{୧୩} ସେମନ୍ ଜାଇକରି ଜିସୁ ସେମନ୍କେ ଜେନ୍ଦ୍ର କଇରଇଲା ସେନ୍ଦ୍ରସେ ଦେକଲା । ଆରି ନିସ୍ତାର ପରବର ବଜି ତିଆର୍ କଲା ।

ପରବୁ ବଜି
(ମାତିଉ ୨୬:୨୬-୩୦; ମାର୍କ ୧୪:୨୨-୨୬; ୧ମ କରନ୍ଥିୟ ୧୧:୨୩-୨୫)

^{୧୪} ସମାନ୍ ବେଲା କେଟ୍ଲାକେ ଜିସୁ ପେରିତ୍ମାନର ସଙ୍ଗ କାଇବାକେ ମିସତେ ବସଲା ।^{୧୫} ସେବେଲା ଜିସୁ ସେମନ୍କେ କଇଲା, “ମୁଇ ଦୁକ୍ କସଟ ପାଇବା ଆଗରୁ ନିସ୍ତାର ପରବ ତମରସଙ୍ଗ ମିସତେ କରବାକେ ବେସି ମନ୍ କରିରଇଲି ।” ^{୧୬} ମୁଇ ତମକେ କଇଲିନି, ପର୍ମେସରର ରାଇଜେ ଏଟା ପୁରାପୁରୁ ନ ଅଇବାଜାକ, କେବେ ମିସା ଏଟା ନ କାଇ ।”

^{୧୭} ଆରି ସେ ଅଙ୍ଗୁର ରସ ଦାରି ପର୍ମେସରକେ ଜୁଆର୍ କରି କଇଲା, “ଏଟା ନେଇ ତମର ନିଜର ନିଜର ବିତ୍ତରେ ବାଟା କରା ।” ^{୧୮} ମୁଇ ତମକେ କଇଲିନି ପର୍ମେସରର ରାଇଜ ନ ଆଇବା ଜାକ, ଏ ରସ କେବେ ମିସା ନ କାଇ ।”

^{୧୯} ଆରି ରୁଟି ଦାରିକରି ପର୍ମେସରକେ ଦନିଅବାଦଦେଇ ବାଜାଇ ସେମନ୍କେ ଦେଇକରି କଇଲା, “ଏଟା ମର ଗାଗଡ଼, ଜନ୍ଟା ତମର ପାଇ ଦିଆଅଇଲା ଆଚେ । ମକେ ଏତାଇବା ପାଇ ଏଟା କରା ।”

^{୨୦} ସେନ୍ଦ୍ରାସିସେ କାଇଲା ପଚେ ସେ ମୁତାଇ ଅଙ୍ଗୁର ରସ ଦାରି କଇଲା, “ଏ ମୁତା ମର ବନିତେଇ, ପର୍ମେସର ଲକ୍ମନର ସଙ୍ଗ କଲା ନୁଆ ରାଜିନାମା । ଏଟା ତମରପାଇ ଜରୁଲା ମର ବନି ।”

^{୨୧} “ମାତର ଦେକା ଇତି ମରସଙ୍ଗ ବସି କାଇବା ଗଟେକ୍ ଲକ୍ମସେ ବିରଦି ଲକ୍ମନର ଆଚେ ମକେ ଦାରାଇ ଦେଇସି ।” ^{୨୨} ପର୍ମେସରଟାନେଅନି ଆଇଲା ନରପିଲା ମୁଇ, ସେ ଜେନ୍ଦ୍ର ଜନ୍ନା କଲାଆଚେ, ସେନ୍ଦ୍ରାସିସେ ମରବାକେ ଅଇସି । ମାତର ଜନ୍ ଲକ୍ମ ମକେ ବିସବାସେ ବିସ ଦେଲାପାରା ବିରଦିମନର ଆଚେ ଦାରାଇ ଦେଇସି, ତାକେ ବେସି ତଣ୍ଟ ମିଲ୍ସି ।”

^{୨୩} ସେବେଲା ସିସମନ୍ ସେମନ୍ର ବିତ୍ତରେ କାତା ଅଇଲା, “ଏନ୍ଦ୍ର ବଇଲେ ଆମର ବିତ୍ତରେ କେ ଜିସୁକେ ସେନ୍ଦ୍ର କରସି ?”

କେ ବଡ଼ବଲି କାତାବାରତା ଅଇଲା

^{୨୪} ତାର ପଚେ ସେମନ୍ର ବିତ୍ତରେଅନି କେ ବଡ଼ ବଲି ଦଦାପେଲା ଅଇଲା ।^{୨୫} ଜିସୁ ସେମନ୍କେ କଇଲା, “ଏ ଦୁନିଆର ରାଜାମନ୍ ସେମନ୍ର ଲକ୍ମନକେ ନିଜର ଅଦିକାର ଦେକାଇ ସାସନ୍ କରବାଇ । ଆରି ସେମନ୍, ଆମେ ଲକ୍ମନକେ ଦରମ୍ କରବା ଲକ୍ ବଲି ତାକ୍ପୁଟା ଅଇବାଇ ।” ^{୨୬} ତାର ତମର ବିତ୍ତରେ ଏନ୍ଦ୍ର ନ ଉଆ । କେ ବଡ଼ ସେ ସାନ୍ ଅ । ଆରି କେ ନେତା ରଇସି ସେ ସବୁଲକ୍ମର ସେବା କରବାର

☆ ୨୨:୨୪ ୨୨:୨୪ ମାତିଉ ୧୮:୧; ମାର୍କ ୯:୩୪; ଲୁକ୍ ୯:୪୭ ☆ ୨୨:୨୬ ୨୨:୨୬ ମାତିଉ ୨୩:୧୧; ମାର୍କ ୯:୩୫ ☆ ୨୨:୨୯ ୨୨:୨୯ ମାତିଉ ୨୦:୨୫-୨୬; ମାର୍କ ୧୦:୪୨-୪୪

ଆଚେ । ୨୭*ଏ ଦୁନିଆରୁ ଇସାବେ, ବସିକରି କାଈବା ଲକ୍ ବଡ଼ କି, ବାଟାକରି ଦେବା ଲକ୍ ବଡ଼ ? ବସିକରି କାଈବା ଲକ୍ ସେ ବଡ଼ ଅଇସି । ମାତର ମୁଈ ସେନ୍ତ୍ର ନଇ । ମୁଈ ତମର ବିତ୍ରେ ବାଟାକରି ଦେବା ଲକ୍ ପାରା । ୨୮ ତମେ ମରୁ ସବୁ ପରିକାଟାନେ ମରୁସଙ୍ଗ ରଇ ଆଇଲାସିନ । ୨୯ ମରୁ ବାବା ପରମେସବୁ ଜେନ୍ତ୍ର ସାସନ୍ କରବାକେ ମକେ ତାର ରାଇଜର ଅଦିକାର ଦେଲା ଆଚେ, ସେନ୍ତ୍ର ମୁଈ ମିସା ତମକେ ଅଦିକାର ଦେବି । ୩୦*ଆରି ତମେ ମରୁ ରାଇଜେ ମରୁସଙ୍ଗ ବସି କାଆପିଆ କରୁସା । ରାଜ୍‌ଗାଦି ବସି ଇସରାଏଲ୍‌ର ବାରଟା ଜାତିର ଲକ୍‌ମାନକେ ସାସନ୍ କରୁସା ।”

ଜିସୁ ପିତରକେ ମକେ ନାଜାନି ବଲି କଇସୁ ବଲି କଇଲା
(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଜଅନ୍ ୧୩:୩୬-୩୮)

୩୧ “ଏ ସିମନ୍, ସିମନ୍ ! ସୁନ୍ ! ଚାସି ଜେନ୍ତ୍ର ଦାନ୍ ଉଡାଲିକରି ପଟ୍ ବିନେ କରୁସି, ସେନ୍ତ୍ରାରି ସଇତାନ୍ ତମକେ ତେରେପେତେ କରବାକେ ଆଦେସ ପାଇଲା ଆଚେ । ୩୨ ମାତର ତରୁ ବିସବାସ୍ ଉନା ନ ଅ ବଲି ମୁଈ ପାରୁତନା କଲିଆତି । ସେ ପରିକାଇ, ବିସବାସେ ତାଟ୍‌ଅଇ, ଜିତି ଆଇଲେ ତରୁ ବାଇମନକେ ମିସା ସେନ୍ତ୍ର ତାଟ୍ କରାଇସୁ ।”

୩୩ ସେବେଲାଇ ସିମନ୍ ଜିସୁକେ କଇଲା, “ଏ ମାପୁରୁ ମୁଈ ତରୁସଙ୍ଗ ବନ୍ଦି ଗରେ ଜିବାକେ ଆରି ମରୁବାକେ ମିସା ରାଜି ଆତି ।”

୩୪ ତାରୁ ପଚେ ଜିସୁ କଇଲା, “ଏ ପିତର ମୁଈ ତକେ କଇଲିନି, ତୁଇ ଏବେ ଏନ୍ତ୍ର କଇଲୁସିନି, ମାତରୁ ଆଜି ରାତି କୁକ୍‌ଡା ନ ତାକ୍‌ବା ଆଗ୍‌ତୁ ମକେ ତିନ୍‌ତରୁ ନାଜାନି ବଲି କଇସୁ ।”

ବେସନି, ମୁନା ଆରି କାଣ୍ଡା

୩୫*ଜିସୁ ତାରୁ ସିସମନକେ ପାଚାରୁଲା । “ମୁଈ ତମକେ ପାଟାଇଲାବେଲେ ବେସନି, ମୁନା ଆରି ପାଣ୍ଡା ନ ନେବାକେ କଇରଇଲି । ସେବେଲାଇ ତମକେ କାଇ ଅବାସ୍ ଅଇଲା କି ?” “ନାଇ, କାଈଟା ମିସା ଅବାସ୍ ଅଏ ନାଇ ।” ବଲି କଇଲାଇ । ୩୬ ଆରି ସେ କଇଲା, “ମାତରୁ ଏବେ ତମକେ କଇଲିନି, ବେସନି କି ମୁନା ରଇଲେ ନିଆ । ଆରି ଜାକେ କାଣ୍ଡା ନାଇ, ସେ ପିନ୍‌ବାଟା ବିକି କାଣ୍ଡା ଗେନ । ୩୭ ମୁଈ ତମକେ କାଇକେ କଇଲିନି ‘ସେ ଅପରାଦିମନରୁ ସଙ୍ଗ୍ ସମାନ୍ ଦସା ପାଇଲା’ ବଲି ସାସ୍‌ତରେ ଲେକା ଅଇଲା କାତା ସିଦ୍ ଅଇବାକେ ଗାଲାନି ।”

୩୮ ସିମନ୍ ଜିସୁକେ କଇଲା, “ଏ ମାପୁରୁ, ଦେକା ଆମରୁ ବିତ୍ରେ ଜତେକ୍ କାଣ୍ଡା ଆଚେ ।” ଜିସୁ କଇଲା, “ସେଡ଼କି ଅଇସି ।”

ଜିସୁ ଜିଡ଼ ତଙ୍ଗ୍‌ରେ ପାରୁତନା କରବାକେ ଗାଲା
(ମାତିଉ ୨୬:୩୬-୪୨; ମାର୍କ ୧୪:୩୨-୪୨)

୩୯ ତେଇଅନି ଜିସୁ ଗଡ଼ ଚାତି ଆଗ୍‌ତୁରୁ ଅବିଆସ୍ ଇସାବେ ଜିଡ଼ନାଉର୍ ତଙ୍ଗ୍‌ରେ ପାରୁତନା କରବାକେ ଗାଲା । ସିସମନ୍ ମିସା ତାରୁ ସଙ୍ଗ୍ ରଇଲାଇ । ୪୦ ଆରି ସେ ଜାଗାଇ କେଟିକରି ସିସମନକେ କଇଲା, “ତମେ ପରିକାରୁ ପାନ୍ଦେ ନ ଲାଗାଇ ଅଇବାକେ ପାରୁତନା କରା ।”

୪୧ ତାରୁ ପଚେ ଜିସୁ ତାକର୍‌ତେଇଅନି କଣ୍ଡେକ୍ ଦୁରୁ ଜାଇ ମାଣ୍ଡିକ୍‌ଟା ଦେଇକରି ପାରୁତନା କରୁବାରୁ ଦାରୁଲା । ୪୨ “ଏ ବାବା, ତୁଇ ମନକଲେ ଏ କସ୍‌ଟରୁ ମୁତା ମରୁତେଇଅନି ଦୁରିକେ ନେ । ମାତରୁ ମୁଈ ମନ୍ କଲା ଇସାବେ ନାଇ, ତରୁ ମନକଲା ଇସାବେ ସିଦ୍ ଅ ।” ୪୩ ସେଡ଼କିବେଲେ ଏଦେ ଦେକା ! ପରମେସବରୁ ଗଟେକ୍ ଦୁଡ଼ ଆସି ଜିସୁକେ ଦେକାଇଅଇଲା ଆରି ତାଟ୍‌ସଙ୍ଗ୍ ରଇବାକେ ବପୁଦେଲା । ୪୪ ମାତରୁ ଜିସୁ ଅଦିକ୍ ବିକଲ୍ ଅଇ, ମନ୍‌ଦିଆନ୍ ଦେଇ ପାରୁତନା କରୁବାରୁ ଦାରୁଲା । ତାରୁ ଗାଗ୍‌ତରୁ ଜାଲ୍ ପାନି, ବନିପାରା ଜରୁଜରୁ ଅଇ ବୁର୍ବି ତିପିଗାଲା ।

୪୫ ଆରି ଜିସୁ ପାରୁତନା କରିସାରାଇ ସିସମନରୁ ଲଗେ ଗାଲା । ସେମନ୍ ସବୁ ଲକ୍ ଦୁକ୍‌ଅଇକରି ତାକିଜାଇ ସଇରଇଲାଟା ସେ ଦେକ୍‌ଲା । ୪୬ ତେଇ ସେମନକେ କଇଲା, “ତମେ କାଇକେ ସଇଦେଇ ଆଚାସ୍ ? ଉଟା ପରିକାରୁ ପାନ୍ଦେ ନ ଲାଗାଇ ଅଇବାକେ ପାରୁତନା କରା ।”

ଜିସୁକେ ସଡ଼ରୁମନ୍ ବନ୍ଦି କଲାଇ
(ମାତିଉ ୨୬:୪୬-୫୨; ମାର୍କ ୧୪:୪୩-୫୦; ଜଅନ୍ ୧୮:୩-୧୧)

* ୨୨:୨୭ ୨୨:୨୭ ଜଅନ୍ ୧୩:୧୨-୧୫ * ୨୨:୩୦ ୨୨:୩୦ ମାତିଉ ୧୯:୨୮ * ୨୨:୩୫ ୨୨:୩୫ ମାତିଉ ୧୦:୯,୧୦; ମାର୍କ ୬:୯; ଲୁକ୍ ୯:୩:୧୦:୪

୪୭ ଜେଡେବଲ୍ ଜିସୁ ଏ କାତା କଇତେରଇଲା ଗାଦି ଲକ୍ମନ ତେଇ ଆଇଲାଇ । ଜିସୁ ବାର୍ତ୍ତା ସିସ୍ତାନର୍ ବିଡ୍ରେଅନି ଜିଉଦା ନାଉର୍ ସିସ୍, ସେମନର୍ ଆଗ୍ରୁ ଅଇ ସେମନ୍କେ ଡାକିଆନଲା, । ଆରି ଜିସୁକେ ରୁମିକରି ସେମନ୍କେ ଚିନାଇଦେଲା । ୪୮ ଜିସୁ ଜିଉଦାକେ ପାଚାରଲା, “ଏ ଜିଉଦା ପର୍ମେସର୍ତେଇ ଅନି ଆଇଲା ନରପିଲା ମକେ, ତୁଇ ବିରଦି ଲକ୍ମନକେ ରୁମିକରି ଦାରାଇଦେଲୁସନି କି ?”

୪୯ ସେ ବିରଦି ଲକ୍ମନ ଜିସୁକେ ବନ୍ଦିକରି ଦାରିଜିବାଇ ବଲି ସିସ୍ତାନ ଜାନଲାଇ । ସେବେଲାଇ ସିସ୍ତାନ ଜିସୁକେ ପାଚାରଲାଇ, “ଏ ମାପୁରୁ, ଆମର୍ କାଣ୍ଡା ବେଟ୍ଟୁ କି ?” ୫୦ ସିସ୍ତାନର୍ ବିଡ୍ରେଅନି ଗଟେକ୍ ଲକ୍, ବଡ୍ ପୁଜାରିର୍ ଗତିଦାଙ୍ଗ୍ତାର୍ ଉଜା କାନ୍ ତିଡ୍ଡେକେ କାଟିପାକାଇଲା ।

୫୧ ଏଟା ଦେକି ଜିସୁ କଇଲା, “ନିରୁ” । ସେ ତିଡ୍ଡଲା କାନ୍ ତିଇକରି ନିକ କଲା ।

୫୨ ଜିସୁ ତାକେ ବନ୍ଦି କରବାକେ ଆଇଲା ମୁକିଅ ପୁଜାରିମନ୍କେ, ମନ୍ଦିର୍ ଜାଗି ରଇବା ସେନାପତିମନ୍କେ ଆରି ପାର୍ତ୍ତିମନ୍କେ କଇଲା, “ମୁଇ କାଇ ତାକୁ କି ? ମକେ ଦାରବାକେ ବଡ୍ ବଡ୍ ଟେଙ୍ଗ୍ ଆରି କାଟିକାଣ୍ଡା ଦାରି ଆସି ଆଚାସ୍ । ୫୩ ଏସ୍ତୁ ଦିନେତା ମୁଇ ମନ୍ଦିରେ ତମର୍ ସଙ୍ଗ୍ ରଇଲି, ମାତର୍ ତମେ ମକେ ବାନ୍ଦାସ୍ ନାଇ । ଏବେ ବେଲା କେଟ୍ଲା ଆଚେ । ମକେ କାଇଟାମିସା କରବାକେ ପର୍ମେସର୍ ସଇତାନ୍କେ ଅନୁମତି ଦେଲାଆଚେ ।”

ଜିସୁକେ ପିତର୍ ନାଜାନି ବଲି କଇଲା

(ମାତିଉ ୨୬:୫୭-୫୮, ୨୯-୭୫; ମାର୍କ ୧୪:୫୩-୫୪, ୬୭-୭୨; ଜଅନ୍ ୧୮:୧୨-୧୮, ୨୫-୨୭)

୫୪ ତାର୍ ପଚେ ସେମନ୍ ଜିସୁକେ ବନ୍ଦିକରି ବଡ୍ ପୁଜାରିର୍ ଗରେ ଦାରିଗାଲାଇ । ପିତର୍ ଦୁରିକେ ରଇ ସେମନର୍ ପଚେପଚେ ଗାଲା । ୫୫ ସନିଅମନ୍ ଜଇଲାଗାଇ ଚାରିବେଡ୍ଡି ବସ୍ତୁଲାଇ । ପିତର୍ ମିସା ସେମନର୍ ସଙ୍ଗ୍ ବସ୍ତୁ । ୫୬ ଗଟେକ୍ ଗତିଦାଙ୍ଗ୍ତି ପିତର୍ତକେ ଜଇପାଲି ବସ୍ତୁଲାଟା ନିକକରି ଦେକି କଇଲା, “ଏ ଲକ୍ ମିସା ଜିସୁର୍ ସଙ୍ଗ୍ ରଇଲା !”

୫୭ ମାତର୍ ପିତର୍ ରାଜି ନ ଅଇ କଇଲା, “ଏ ଗତିଦାଙ୍ଗ୍ତି, ତାକେ ମୁଇ ମୁଲ୍କେ ନାଜାନି ।”

୫୮ ଚନେକ୍ ରଇଲା ପଚେ ଆରି ଗଟେକ୍ ଲକ୍ ପିତର୍ତକେ ଦେକି କଇଲା, “ତୁଇ ମିସା ତାର୍ ସଙ୍ଗ୍ ରଇଲୁସ୍ ।” ମାତର୍ ପିତର୍ ତାକେ କଇଲା, “ମୁଇ ନଇ ।”

୫୯ ଗଟେକ୍ ଗଟା ଗାଲାପଚେ ଆରି ଗଟେକ୍ ଲକ୍ ପିତର୍ତକେ ଦେକି କଇଲା, “ଏ ଲକ୍ମିସା ନିଜେ ତାର୍ ସିସ୍ତାନର୍ ସଙ୍ଗ୍ ରଇଲା । ଆକେ ମୁଇ ନିକକରି ଜାନି । କାଇକେ ବଇଲେ ସେ ଗଟେକ୍ ଗାଲିଲିର୍ ଲକ୍ ।” ୬୦ ଏଟା ସୁନି ପିତର୍ ସେ ଲକ୍ତକେ କଇଲା, “ଏ ବାଇ ତୁଇ କାଇଟା କଇଲୁସନି ? ମୁଇ ବିଲ୍ଲୁକୁଲ୍ ନାଜାନି ।” ସେ କାତା ପିତର୍ କଇଲା ଦାପ୍ରେ, କୁକ୍ତା ତାକ୍ଲା । ୬୧ ସେବେଲେ ଜିସୁମାପୁରୁ ପିତର୍ତକେ ପାସ୍ଲି ନିମାନ୍ କରି ଦେକ୍ଲା । ଜିସୁ ଆଗ୍ରୁ କଇଲା କାତା ସେ ଏତାଇଲା । ସେ ତାକେ କଇରଇଲା ତୁଇ ମକେ ଆଜି କୁକ୍ତା ତାକ୍ତା ଆଗ୍ରୁ ତିନିତର୍ ନାଜାନି, ବଲି କଇସୁ । ୬୨ ସେଟାର୍ପାଇ ପିତର୍ ସେଟା ଏତାଇ, ଦୁକ୍ ଅଇ ତାଣ୍ଡେଅନି ବିନେ ଜାଇ ବେସି କାନ୍ଲା ।

ଜିସୁକେ ମାର୍ଲାଇ

(ମାତିଉ ୨୬:୬୭-୬୮; ମାର୍କ ୧୪:୬୫)

୬୩ ଜିସୁକେ ଦାରିକରି ସଙ୍ଗ୍ ରଇଲା ଲକ୍ମନ ତାକେ ମାରିମାରି କିଜାଇଲାଇ । ୬୪ ଆରି ତାର୍ ଆଁକି ବନ୍ଦିକରି ତାକେ ପାଚାରଲାଇ, “ତକେ କେ ମାର୍ଲା, କଅ ?” ୬୫ ଆରି କେତେଟା କାତା କଇ ତାକେ ନିନ୍ଦା କଲାଇ ।

ଜିସୁକେ ବଡ୍ ସବାତେଇ ଆନଲାଇ

(ମାତିଉ ୨୬:୫୯-୬୬; ମାର୍କ ୧୪:୫୫-୬୪; ଜଅନ୍ ୧୮:୧୯-୨୪)

୬୬ ତାର୍ ଆର୍କର୍ ଦିନେ ଜୁଲ୍ପୁଲ୍ ଉଜଲ୍ ବେଲାଇ, ପାର୍ତ୍ତିମନ, ମୁକିଅ ପୁଜାରିମନ ଆରି ସାସ୍ତର୍ ସିକାଇଦେବା ଲକ୍ମନ ଗଟେକ୍ଟାନେ ରୁଣ୍ଡୁଲାଇ । ଆରି ଜିସୁକେ ବିଚାର କରବା ବଡ୍ଟା ଜାଗାଇ ନେଲାଇ । ୬୭ “ତୁଇ ସତଇସେ ପର୍ମେସର୍ ବାଟିପାଟାଇଲା କିରିସର୍ କି ? ଆମ୍ବକେ କଅ ।” ମାତର୍ ଜିସୁ ସେମନ୍କେ କଇଲା, “ମୁଇ କଇଲେ ମିସା ତମେ ବିସ୍ବାସ୍ ନ କରାସ୍ । ୬୮ ମୁଇ ତମ୍ବକେ ପାଚାରଲେ ମିସା ନ କୁଆସ୍ । ୬୯ ମାତର୍ ଏବେ ଅନି, ପର୍ମେସରର୍ଟାନେଅନି ଆଇଲା ନରପିଲା ମୁଇ ତାର୍ ଉଜାବାଚେ ବସିରଇବି ।”

☆ ୨୨:୫୩ ୨୨:୫୩ ଲୁକ୍ ୧୯:୪୭, ୨୧:୩୭

୨୦ ସେ କାତା ସୁନି ଗୁଲାଇ ଲକ୍ମନ ଆଉଲିଅଇ ଜିସୁକେ ପାଚାରୁଲା, “ଏନ୍ତି ବଇଲେ ତୁଇକାଇ ପରଫେସରର୍ ପିଲା କି ?” ଜିସୁ ସେମାନକେ କଇଲା “ମୁଇସେ ବଲି ତମେ କଇଲାସିନି ।”

୨୧ ଆରି ସେମାନ କଇଲା, “ଆମ୍ଭକେ ଆରି କାଇ ସାକି ଦରକାର ତା ? ଆମେ ନିଜେ ତାର ଗଣ୍ଠେଅନି ସୁନୁଆରୁ ।”

୨୩

ଜିସୁକେ ପିଲାତରୁ ଲଗେ ନେଲାଇ

(ମାତିଉ ୨୭:୧-୨, ୧୧-୧୪; ମାର୍କ ୧୫:୧-୫; ଜଅନ୍ ୧୮:୨୮-୩୮)

୧ ତାରୁ ପଟେ ବିଚାର କରବା ବଡ଼ ସବାର ଜାଗାଇ ବସିରଇଲା ସବୁ ଲକ୍ମନ ଉଟିକରି ଜିସୁକେ ପିଲାତରୁ ଲଗେ ଦାରିଗାଲାଇ । ୨ ସେ ଲକ୍ମନ ଜିସୁକେ ନିନ୍ଦା କରି ଏନ୍ତି କଇବାରୁ ବସୁଲା, “ଏ ଲକ୍ମ ଆମ୍ଭର ଲକ୍ମନକେ ବୁଲ୍ ସିକିଆ ଦେଇତେ ରଇଲା ଆରି କାଇସର୍ ସମ୍ରାଟକେ ସିସୁତୁ ଦିଆସ୍ ନାଇ ବଲି ସିକାଇଲା ବେଲେ ତାକେ ଦାରୁଲୁ । ଆରି ସେ ନିଜକେ ମୁଇ ପରଫେସର ବାଟି ପାଟାଇଲା ରାଜା କିରିସଟ ବଲି କଇଲାନି ।”

୩ ସେଟାରୁ ପାଇ ପିଲାତୁ ଜିସୁକେ ପାଚାରୁଲା, “ତୁଇ କାଇ ଜିଉଦି ଲକ୍ମନରୁ ରାଜା କି ?” ଜିସୁ ତାକେ କଇଲା, “ତମେତା କଇଲାସିନି ।”

୪ ତାରୁ ପଟେ ପିଲାତୁ ମୁକିଅ ପୁଜାରିମନକେ ଆରି ତେଇ ରଇଲା ସବୁ ଲକ୍ମନକେ କଇଲା, “ମୁଇ ଏ ଲକ୍ମ ଦସି ବଲି କାଇ ବୁଲ୍ ଦେକି ନାଇ ।”

୫ ମାତରୁ ସେମାନ ତରକେତରୁ ଆଉଲିଅଇ କଇଲା, “ତାରୁ ସିକିଆରୁ ଲାଗି ସେ ଜିଉଦାରୁ ସବୁବାଟରୁ ଲକ୍ମନରୁ ବିତରେ କଲି ଲାଗାଇଲାନି । ସେଟା, ସେ ଗାଲିଲିତେଇ ଆରାମ୍ କର, ଏବେ ଇତି ଜାକ ଆଇଲା ଆଟେ ।”

ଜିସୁକେ ଏରଦରୁ ଲଗେ ପାଟାଇଲାଇ

୬ ଏ କାତା ସୁନି ପିଲାତୁ ଲକ୍ମନକେ ପାଚାରୁଲା, “ଏଟା ଗଟେକ୍ ଗାଲିଲି ଦେସରୁ ଲକ୍ମ କି ?” ୭ ପିଲାତୁ ଜିସୁକେ ଗାଲିଲି ଦେସରୁ ଲକ୍ମ ବଲି ଜାନି, ତାକେ ଗାଲିଲି ଦେସ୍ ସାସନ କରବା ଏରଦରୁଲଗେ ପାଟାଇ ଦେଲା । କାଇକେ ବଇଲେ, ସେ ବେଲେ ଏରଦ ମିସା ଜିରୁସାଲମେ ରଇଲା । ୮ ଏରଦ ଜିସୁକେ ଦେକି କରି ବେସି ସାର୍ଦା ଅଇଲା । କାଇକେ ବଇଲେ ଜିସୁରୁ ବିସଇ ଆଗତୁ ସୁନି ରଇଲା ଆରି ତାରୁ ମୁଆଟେ କାବା ଅଇଜିବା କାମ୍ ଦେକବାକେ ମନ୍ କରତେରଇଲା । ୯ ସେଟାରୁ ପାଇ ଏରଦ ତାକେ କାଇ କାଇ ବିସଇ ପାଚାରୁବାରୁ ଦାରୁଲା । ମାତରୁ ଜିସୁ ତାକେ କାଇବଲି ମିସା କଏ ନାଇ । ୧୦ ସେଡିକି ବେଲେ ତେଇ ଟିଆଅଇରଇଲା ମୁକିଅ ପୁଜାରିମନ ଆରି ନିୟମ୍ ସିକାରମନ୍ ସବୁ ମିସି କରି ଜିସୁରୁ ବିରୁଦେ ଆଉଲିଅଇ କଇବାରୁ ଦାରୁଲା । ୧୧ ଏରଦ ଆରି ତାରୁ ସନିଅମନ୍ ଜିସୁକେ କିଜାଇଲା ଆରି ନିନ୍ଦା କଲା । ଜିସୁକେ ରାଜାମନ୍ ପିନ୍ଦା ନିମାନ୍ ପଟିଆ ପିନ୍ଦାଇ ପିଲାତୁଟାଣେ ପାଟାଇ ଦେଲା । ୧୨ ସେ ଦିନେଅନି ପିଲାତୁ ଆରି ଏରଦ ମଇତରୁ ଅଇଲା । ତାରୁ ଆଗତୁ ସେମନ୍ ଦୁଇ ଲକ୍ ସଡ଼ୁରୁ ଅଇରଇଲା ।

ଜିସୁକେ ମରବା ଦଣ୍ଡଦେଲାଇ

(ମାତିଉ ୨୭:୧୫-୨୬; ମାର୍କ ୧୫:୬-୧୫; ଜଅନ୍ ୧୮:୩୯-୧୯:୧୬)

୧୩ ତାରୁପଟେ ପିଲାତୁ ମୁକିଅ ପୁଜାରିମନକେ, ନେତାମନକେ ଆରି ସବୁ ଲକ୍ମନକେ ଗଟେକ୍ଟାଣେ ରୁଣ୍ଡାଇକରି ସେମାନକେ କଇଲା, ୧୪ ଏ ଲକ୍ମ ଲକ୍ମନକେ ସରକାରରୁ ବିରୁଦେ ବୁଲ୍ ସିକିଆ ଦେଲାନି ବଲି ମରୁ ଲଗେ ଆନିଆଟାସ୍ । ଆରି ଦେକା ମୁଇ ତମରୁ ମୁଆଟେ ତାକେ ପରିକା କଲି, ତାରୁ ବିରଦେ ତମେ ସବୁଲକ୍ ନିନ୍ଦାକଲାଟା ମିଲେନାଇ । ୧୫ ଏରଦ ମିସା ତାରୁଟାଣେ କାଇ ବୁଲ୍ କଲାଟା ନ ଦେକି ଆମ୍ଭକେ ବାଉତାଇଦେଲା ଆଟେ । ଏ ଲକ୍ ମରନ୍ ତଣ୍ଡ ପାଇବାପାରା ବୁଲ୍ କାମ୍ କରେ ନାଇ । ୧୬ ସେଟାରୁପାଇ ମୁଇ ଆକେ କରତା ମାତୁ ମାରିକରି ଚାଡ଼ିଦେବି । ୧୭ ଆରି ଦେକା ସବୁ ବରସେ ରକିଆ ପାଇବା ପରବ ବେଲାଇ ଜିଉଦି ଜାତିକେ ସନମାନ୍ ଦେବାକେ ଗଟେକ୍ ବସିକେ ମୁକିଲାଇ ଦେବା ନିୟମ୍ ରଇଲା ।

୧୮ ମାତରୁ ସବୁଲକ୍ମନ ଆଉଲିଅଇ କଇଲା, “ଆକେ ମରାଆ ଆରି ଆମ୍ଭର ପାଇ ବାରୁବାକେ ଚାଡ଼ିଦିଆସ୍ ।” ୧୯ ଏ ବାରୁବା ବଲୁବା ଲକ୍, ସରକାରରୁ ବିରଦେ ବୁଲ୍ କରିରଇଲା ଆରି ଗଟେକ୍ ଲକ୍କେ ମାରି ରଇଲା । ସେଟାରୁପାଇ ତାକେ ବସି କରିରଇଲା ।

୨୦ ମାତରୁ ପିଲାତୁ ଜିସୁକେ ଚାଡ଼ିଦେବାକେ ମନକରି ତାରୁ ଲଗେ କାଇ ବୁଲ୍ କଲାଟା ଡିସେନାଇ ବଲି ସେମାନକେ ତରକେ ତରୁ ବୁଜାଇଲା । ୨୧ ମାତରୁ ଲକ୍ମନ ବେସି ଆଉଲି ଅଇ, “ତାକେ କୁରସେ ତଗାଇ

ମରାଆ ! ତାକେ କୁରୁସେ ଚଗାଇ ମରାଆ !” ୨୨ ତାରୁପତେ ପିଲାଡ଼ ସେମନ୍‌କେ ଆଗେ ଦୁଇତର୍ ପାଚାନ୍‌ଲାଟା ଚାଡ଼ି ଆରିତରେକ୍ ସମାନ୍‌ଟାସେ କଇଲା, “କାଇକେ ? ସେ କାଇ ବୁଲ୍ କଲାଆତେ ଜେ ? ତାରୁଟାନ୍‌କେ କାଇମିଆ ମରନ୍ ପାଇବା ତଣ୍ଟୁ ଏଡ଼କି ଦସ୍ ମିଲେ ନାଇ । ଏଡ଼ି ବଇଲେ ମିଆ ତାକେ କରୁଡ଼ା ମାଡ଼ ମାରି ଚାଡ଼ି ଦେବି ।”

୨୩ ମାତର୍ ଲକ୍‌ମନ୍ ଆରି ବେସି ଆଉଲିଅଇ ତରକେ ତର୍ “ତାକେ କୁରୁସେ ଚଗାଇ ମରାଆ !” ବଲି ବାଦିଅ କଲାଜ । ସାମାସାରି ପତେ ସେମନ୍ ଆଉଲିଅଇଲାଟା ଜିଡ଼ଲା । ୨୪ ତାରୁ ପତେ ପିଲାଡ଼ ଲକ୍‌ମନ୍‌ର ଜାଇଟା କରୁବାକେ ମନ୍ କଲାଜ, ସେ ଇସାବେ ଜିସୁକେ ମରନ୍‌ରୁ ତଣ୍ଟୁ ଦେବାକେ ରାଜି ଅଇଲା । ୨୫ ପତେ ପିଲାଡ଼ ଲକ୍‌ମନ୍‌ରୁ କଇବା ଇସାବେ, ବାରୁବା ନାଉର୍ ଲକ୍ ଜେ କି, ଆଗୁଟୁ ଗଟେକ୍ ଲକ୍‌କେ ମରାଇରଇଲା ଆରି ସରକାରର୍ ବିରୁଦେ ବୁଲ୍‌କାମ୍ କରି ବନ୍ଦି ଅଇରଇଲା, ତାକେ ମୁକ୍‌ଲାଇଲା । ଜିସୁକେ ତାକର୍ ମନ୍‌କଲା ଇସାବେ ତଣ୍ଟୁ ଦେବାକେ ସର୍ପିଦେଲା ।

ଜିସୁକେ କୁରୁସେ କୁଟିମାରୁଲାଜ
(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଜଅନ୍ ୧୯:୧୭-୨୭)

୨୨ ସନିଅମନ୍ ଜିସୁକେ ଦାରିଜିବା ବେଲେ କୁରିଣିୟ ସିମନ୍ ନାଉର୍ ଲକ୍‌କେ ବେଟ୍‌ପାଇଲାଜ । ଜେ କି ଗାର୍‌ଅନି ଜିରୁସାଲାମେ ଆଇତେରଇଲା । ତାକେ ଅଟ୍‌କାଇକରି ଜିସୁ ବଇଲା କୁରୁସ ଲାଦିଦେଲାଜ ଆରି ତାରୁ ପତେ ଜିବାକେ ବାଦିଅ କଲାଜ ।

୨୩ ଆରି ବେସି ଲକ୍‌ମନ୍ ଜିସୁର୍ ପତେ ପତେ ଜାଇତେ ରଇଲାଜ । ତେଇ କେତେଟା ବୁକେ ପିଟିଅଇ କାନ୍‌ଦା ମାଇଜିମନ୍ ମିଆ ରଇଲାଜ । ୨୮ ମାତର୍ ଜିସୁ ସେମନ୍‌ରୁ ବାଟେ ପାସ୍‌ଲିକରି କଇଲା, ଏ ଜିରୁସାଲାମ୍ ଗତର୍ ମାଇଜିମନ୍, ମରୁପାଇ କାନ୍‌ଦା ନାଇ । ମାତର୍ ନିଜର୍ ପାଇ ଆରି ନିଜର୍ ପିଲାମନ୍‌ରୁ ପାଇ କାନ୍‌ଦା । ୨୯ କାଇକେବଇଲେ ଦେକା “ଜନ୍ ମାଇଜି ବାଞ୍ଜି ଆରି କେବେ ମିଆ ଗାଗତେ ନ ଅଇକରି ଆତର୍, ଆରି ଜେ କି କେବେ ମିଆ ଦୁଦ୍ କୁଆଏ ନାଇ, ସେମନ୍ କେତେକ୍ ନିକ କରମର୍ ଲକ୍ !” ବଲି କଇବା ଦିନ୍ ଆଇଲାନି । ୩୦ ଏସେବେଲାଜ ଲକ୍‌ମନ୍ ତଙ୍ଗିମନ୍‌କେ କଇବାରୁ ଦାରୁବାଜ୍, ଆମର୍ ଉପରେ ଅଦ୍‌ରି ଦିଆସ୍ । କୁପ୍‌ଲିମନ୍‌କେ କଇବାରୁ ଦାରୁବାଜ୍, ଆମ୍‌କେ ତପିଦିଆସ୍ । ୩୧ କାଇକେ ବଇଲେ ଗଟ୍ କାଁଚାପଡ଼ିଆ ରଇଲା ବେଲେ, ଜଦି ଏ ସବୁ ଗଟ୍‌ନା ଗଟ୍‌ଲାନି ବଇଲେ ସେଟା ସୁକିଗାଲେ ଆରି କାଇଟା ଅଇସି ।

୩୨ ଜିସୁର୍ ସଙ୍ଗ୍ ଆରି ଦୁଇଟା ବଡ଼ ବୁଲ୍ କରିରଇବା ଲକ୍‌ମନ୍‌କେ ମିଆ ମରାଇବାକେ ନେଲାଜ । ୩୩ ଆରି ସେମନ୍ କପ୍‌ରି ନାଉର୍ ଗଟେକ୍ ଜାଗାଇ କେଟିକରି ଜିସୁକେ ଆରି ଚର୍‌ମନ୍‌କେ, ତାରୁ ତେବ୍‌ରି ବାଟେ ଗଟେକ୍ ଲକ୍‌କେ ଆରି ଉଜାବାଟେ ଗଟେକ୍ ଲକ୍‌କେ ଆତେ, ପାଦେ କୁଟିମାରି ଟେକିଦେଲାଜ । ୩୪ ସେବେଲା ଜିସୁ କଇଲା, “ଏ ବାବା ଏମନ୍‌କେ କେମା କରିଦିଆସ୍, କାଇକେ ବଇଲେ ଏମନ୍ କାଇଟା କଲାଜନି ସେଟା ନାଜାନଡ଼ ।” ସେମନ୍ ଜିସୁର୍ ପଟିଆ ନେଇ କାକେ ମିଲ୍‌ସି ବଲି କେଡ଼ ପୁଟାଇଲାଜ । ୩୫ ସବୁ ଲକ୍‌ମନ୍ ଚିଆଅଇ ଦେକ୍‌ବାବେଲେ ଜିଉଦି ନେତାମନ୍ ଜିସୁକେ କିଜାଇକରି ଆସ୍‌ଲାଜ ଆରି କଇଲାଜ “ସେ ବିନ୍‌ଲକ୍‌ମନ୍‌କେ ରକିଆ କଲା, ଜଦି ତୁଇ ପର୍‌ମେସର୍ ବାଟିପାଟାଇଲା କିରିସର୍ ବଇଲେ ନିଜକେ ରକିଆ କର ।”

୩୬ ଆରି ସନିଅମନ୍ ଜିସୁର୍ ଲଗେ ଆସିକରି ତାକେ ଗନ୍‌ଦା ରସ୍ ଦେଇ କିଜାଇକରି କଇଲାଜ, । ୩୭ “ତୁଇ ଜଦି ଜିଉଦି ଲକ୍‌ମନ୍‌ର ରାଜା, ନିଜକେ ରକିଆ କର୍ ।”

୩୮ ଆରି ତାରୁ କୁରୁସର୍ ଟିପେ ଏଟା ଜିଉଦିମନ୍‌ରୁ ରାଜା, ବଲି ଲେକି ଅଲାଜଦେଲାଜ ।

୩୯ ତେଇ ବଡ଼ ବୁଲ୍ କରି କୁରୁସେ ଚଗାଇଅଇରଇବା ଗଟେକ୍ ଲକ୍ ଜିସୁକେ ନିନ୍ଦା କରି କଇଲା, “ତୁଇ ଜଦି ପର୍‌ମେସର ବାଟି ପାଟାଇଲା କିରିସର୍ ରାଜା ଜିସୁ ବଇଲେ, ନିଜକେ ରକିଆ କରି ଆମ୍‌କେ ମିଆ ରକିଆ କର୍ ।” ୪୦ ମାତର୍ ଆରି ଗଟେକ୍ ଲକ୍ ତାକେ ଦମ୍‌କାଇ କରି କଇଲା, “ତୁଇ କାଇ ପର୍‌ମେସରକେ ଡରୁସ୍ ନାଇ କି ? ତୁଇ ମିଆ ତାରୁପାଆ ସମାନ୍ ତଣ୍ଟୁ ପାଇଲୁସନି କି ନାଇ ? ୪୧ ଆରି ଆମେ ବୁଲ୍‌କରି ନିନ୍ଦା କି ଇସାବେ ତଣ୍ଟୁ ପାଇଲୁନି । ମାତର୍ ସେତା କାଇ ବୁଲ୍ କରେ ନାଇ ।” ୪୨ ଆରି ସେ ଜିସୁକେ, “ଏ ଜିସୁ, ତୁଇ ନିଜର୍ ରାଇଜେ ରାଜା ଅଇ ଆଇଲେ ମକେ ଏତାଆ ।”

୪୩ ଜିସୁ ତାକେ କଇଲା, “ମୁଇ ତକେ ସର୍ କଇଲିନି, ଆଜିସେ ତୁଇ ମର୍‌ସଙ୍ଗ୍ *ପାରଦେସେ ରଇସୁ ।”

* ୨୩:୩୦ ୨୩:୩୦ ପରକାସିତ ୭:୧୭ * ୨୩:୪୩ ୨୩:୪୩ ଜିସୁକେ ବିସ୍‌ବାସ୍ କରି ମଲା ଲକ୍‌ମନ୍ ରଇବା ସାର୍‌ଦାର୍ ଜାଗା

ଜିସୁ ମରବାଟା

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଜଅନ୍ ୧୯:୨୮-୩୦)

୪୪ ସେବେଲେ ଆଡ଼ବେଲା ଅଇରଇଲା । ଆରି ବେଲର ଉଜଲ ଜାଉଁଲିଜାଇକରି, ତିନ୍ ଗଟା ଜାକ ଗୁଲାଇ ଦେସ୍ ଆନ୍ଦାର ଅଇଗାଲା ୪୫ ଆରି ଏଦେ ଦେକା ! ମନ୍ଦିରର୍ ସୁକଲ୍ ଜାଗା, ବିନେ କରବା ପାର୍ଦା ମଜାଇ ଦୁଇପତା ଅଇ ଚିରିଅଇଲା । ୪୬ ଆରି ଜିସୁ ଆଉଲିଅଇ କଇଲା, “ଏ ବାବା, ମର୍ ଆତ୍ମା ତକେ ସର୍ପିଦେଲିନି ।” ଏଡ଼କି କଉ କଉ ତାର୍ ଜିବନ୍ ଚାଡ଼ିଗାଲା ।

୪୭ ରମିୟ ସନିଅମନର୍ ସେନାପତି ଏ ଗଟ୍ଟନା ଦେକି, ପର୍ମେସରର୍ ମଇମା କରି କଇଲା, “ସତଇସେ ଏ ଗଟେକ୍ ଦରମ୍ ଲକ୍ ରଇଲା ।”

୪୮ ଆରି ଜନ୍ ଲକ୍ମନ୍ ଏ ଗଟ୍ଟନା ଦେକବାକେ ରୁଣ୍ଡିରଇଲାଇ ସେମନ୍ ସେଟା ସବୁ ଦେକି ଦୁକ୍‌କରି ବୁକେ ମାରିଅଇ ଗରେ ବାଅଡ଼ଲାଇ । ୪୯ ମାତର୍ ଜିସୁର୍ ଚିନାରଜାନାର୍ ଲକ୍ମନ୍ ଆରି ଗାଲିଲିଅନି ଆସି ତାର୍ ପର୍ପର୍ ଆଇତେରଇବା ମାଇଜିମନ୍ ଦୁରିକେ ଚିଆଅଇ ଏ ସବୁ ଦେକ୍ତେ ରଇଲାଇ ।

ଜିସୁର ମତା ସଙ୍ଗଇବା ଜାଗା

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଜଅନ୍ ୧୯:୩୮-୪୨)

୫୦ ଆରି ଦେକା, ଆରାମାତିଆ ଗତର୍ ଜିଉଦିମନର୍ ନେତା ଜସେସ୍ ନାଉର୍ ଗଟେକ୍ ଦରମ୍ ଆରି ମର୍ଜିତାର୍ ଲକ୍ ରଇଲା । ସେ ପର୍ମେସରର୍ ରାଇଜି ଆସ ବଲି ଜାଗିରଇଲା । ୫୧ ମାତର୍ ଆରାମାତିଆ ଗାଉର୍ ସେ ଲକ୍ ବଡ଼ସବାର୍ ଗଟେକ୍ ମେମର୍ ରଇଲେ ମିସା, ସେମନର୍ ନିଆଇ ଆରି କାମ୍ ସଙ୍ଗ୍ ରାଜିଅଇ ନ ରଇଲା । ଆରି ପର୍ମେସରର୍ ରାଇଜି ଜାଗ୍ତେରଇଲା । ୫୨ ସେ ପିଲାତର୍ ଲଗେ ଜାଇ ଜିସୁର୍ ମଲା ମଡ଼ ମାଙ୍ଗଲା । ୫୩ ଜିସୁର୍ ମଡ଼ କୁରସେଅନି ଉଡ଼ରାଇ ଉଲୁଉଲା ପଟିଆଇ ଗୁଡ଼ିଆଇକରି ଜେଡ଼ିକି କେବେ କାକେ ନ ସଙ୍ଗଇରଇଲା, ଗଟେକ୍ ରାଙ୍ଗିନି କାଟି ତିଆରକରି ରଇଲା ପାଆରେ ନେଇ ସଙ୍ଗଇଲାଇ । ୫୪ ସେ ଦିନ୍ ବିସ୍‌ରାମବାର୍ ଦିନ୍ ନ ଅଇରଇଲା, ସେ ଦିନ୍ କେଟି ଆଇତେରଇଲା ।

୫୫ ଆରି ଗାଲିଲିଅନି ଜିସୁର୍ ସଙ୍ଗ୍ ରଇଲା ମାଇଜିମନ୍ ଜସେପର୍ ସଙ୍ଗ୍ ଜାଇକରି ପାଆର୍ ବିଡ଼ରେ ଜିସୁର୍ ଗାଗଡ଼ କେଡ଼ି ସଙ୍ଗଇଲା ଆରେ ବଲି ଦେକଲାଇ । ୫୬ ସେମନ୍ ବାଉଡ଼ିଜାଇ ବାସ୍ନା ଚିକନ୍ ଆରି ବାସ୍ନା ଦିନ୍ସୁ ତିଆର୍ କର୍ତେ ରଇଲାଇ । ସେ କାମ୍ ସାର୍ବାକେ ବିସ୍‌ରାମଦିନ୍ କେଟଲା । ଆରି ସେ ଦିନେ ମସାର୍ ନିୟମ୍ ଇସାବେ, ସେମନ୍ ବିସ୍‌ରାମ୍ କଲାଇ ।

୨୪

ଜିସୁ ଆରି ତରେକ୍ ଜିବନ୍ ଅଇ ଉଟ୍ଟଲା

(ମାତିଉ ୨୮:୧-୧୦; ମାର୍କ ୧୬:୧-୮; ଜଅନ୍ ୨୦:୧-୧୦)

୧ ଆଟର୍ ପର୍ଡ଼ୁମ୍ ଦିନର୍ ସାକାଲେ, ମାଇଜିମନ୍ ସେମନ୍ ତିଆର୍ କରିରଇବା ବାସ୍ନା ଦିନ୍ସୁ ଆରି ବାସ୍ନା ଚିକନ୍ ଦାରି ଜିସୁର୍ ମଡ଼ ରଇଲା ପାଆରେ ଗାଲାଇ । ୨ ଆରି ପାଆରର୍ ମୁଆଟେ ରଇଲା ପାକ୍ନା ଗୁଣ୍ଡିଲିରଇଲାଟା ଦେକଲାଇ । ୩ ସେଟା ଦେକି ପାଆର୍ ବିଡ଼ରେ ଜାଇ ଦେକଲାଇ, ତେଇ ଜିସୁର୍ ଗାଗଡ଼ ନ ରଇଲା । ୪ କାଈଟା ଅଇଲାବେ, ବଲି, ବାବିକରି ରଇଲାବେଲେ, ଏଦେ ଦେକା ! ବିଜ୍‌ଲି ପାରା ଜଗଜଗି ଜାଇତେରଇବା ଲୁଗା ପିନ୍ଦି ଦୁଇ ଲକ୍ ସେମନର୍ ମୁଆଟେ ଚିଆ ଅଇଲାଇ । ୫ ମାଇଜିମନ୍ ସେ ଦୁଇ ଲକ୍‌କେ ଦେକି ଡରିକରି ଉଡ଼ାଡ଼ିଅଇ ହୁଲିଦେଲାଇ । ସେ ଦୁଇଲକ୍ ସେମନ୍କେ କଇଲାଇ, “ଜିବନ୍ ରଇଲା ଲକ୍‌କେ କାଇକେ ମଲା ଲକ୍‌କେ ସଙ୍ଗଇଲାଟାନେ କଜ୍‌ଲାସ୍ନି ? ୬ ଜିସୁ ଇତି ନାଇ, ପର୍ମେସର୍ ତାକେ ଉଟାଉଲାଆଟେ । ସେ ତମର୍ ସଙ୍ଗ୍ ଗାଲିଲିତେଇ ମିସ୍ତେ ରଇଲା ବେଲେ ତମ୍‌କେ କାଇବଲି କଇରଇଲା, ସେଟା ତମର୍ ମନେ ନାଇ କି ? ୭ ନର୍ପିଲା ପାପି ଲକ୍ମନର୍ ଆତେ ସର୍ପିଆଇ ଅଇସି ଆରି ସେମନ୍ ତାକେ କୁରସେ କୁଟିମାରି ମରାଇ ଦେବାଇ । ମାତର୍ ତିନ୍ଦିନ୍ ଗାଲାପଟେ ସେ ଆରି ତରେକ୍ ଜିବନ୍ ଅଇ ଉଟ୍ଟସି ।”

୮ ସେଡ଼ିକି ବେଲେ ମାଇଜିମନ୍ ଜିସୁ ଏଡ଼ି କାତା କଇରଇଲା ବଲି ଏତାଇଲାଇ । ୯ ସେଟାର୍ ପାଇ ସେମନ୍ ତେଇଅନି ଦାପ୍‌ରେ ବାଉଡ଼ି ଆସିକରି ଏଗାଟ୍ଟା ସିସ୍‌ମନ୍‌କେ ଆରି ତେଇ ରଇଲା ଲକ୍ମନ୍‌କେ ସେ ଜାଗାଇ ଅଇଲା ଗଟ୍ଟନା ସବୁ କଇଲାଇ । ୧୦ ମଗ୍‌ଦଲିନି ମରିୟମ୍, ଜଆନା, ଜାକୁବର୍ ମାଆ ମରିୟମ୍ ଆରି ତାକର୍ସଙ୍ଗ୍ ରଇଲା ବିନ୍ ମାଇଜିମନ୍ ମିସା କାଇ କାଈଟା ଗଟ୍ଟନା, ସେ ସବୁ ବିସଇ ପେରିଡ଼ମନ୍‌କେ କଇଲାଇ । ୧୧ ମାତର୍ ପେରିଡ଼ମନ୍ ମାଇଜିମନ୍ କାତା ଟଣ୍ଡେ ପାନ୍ଦି କଇଲାଇନି ବଲି ବିସ୍‌ବାସ୍ କରଡ଼

୧ ୨୩:୪୯ ୨୩:୪୯ ଲୁକ ୮:୨,୩ ୨୪:୬ ୨୪:୬ ମାତିଉ ୧୬:୨୧,୧୭:୨୨,୨୩:୨୦,୧୮,୧୯; ମାର୍କ ୮:୩୧,୯:୩୧,୧୦:୩୩,୩୪; ଲୁକ ୯:୨୨,୧୮:୩୧-୩୩

ନାଲ । ୧୨ ମାତୃ ପିତୃ ଅଦୃଶ୍ୟ ଅଇ ପାଲାଲ ପାଆରେ ଜାଲ ଏରି ଦେକଲା । ପାଆର୍ ବିତ୍ତରେ ଏରି ଦେକଲାକେ ତେଲ ଜିସୁକେ ଗୁଡିଆଇଲା ଉଲ୍ଲୁଉଲା ପରିଆ ଚାଡି ଆରି କାଜଟା ନ ରଇଲା । ପିତୃ ସେ ଗର୍ବନା ଦେକି କାବାଅଇ ଜାଲକରି, ଗରେ ବାଉଡି ଆଇଲା ।

ଦୁଇଟା ସିସ୍ତାନ୍ ଇମାୟୁ ଗାଏଁ ଗାଲାଲ (ମାର୍କ ୧୬:୧୨-୧୩)

୧୩ ସେ ଦିନେସେ ଜିସୁର୍ ଦୁଇଟା ସିସ୍ତାନ୍ ଜିରୁସାଲମେଅନି ଏଗାର କିଲମିଟର୍ ଦୁର୍ତ୍ତକେ ରଇଲା ଇମାୟୁ ନାଉର୍ ଗାଏଁ ଇଣ୍ଡିକରି ଜାଲତେ ରଇଲାଲ । ୧୪ ଜିସୁକେ କାଜକାଜଟା ଅଇରଇଲା ଆରି ସେ ସବୁ ବିସଇନେଇ ସେମନ୍ କାତାଅଇ କାତାଅଇ ଇଣ୍ଡିକେ ରଇଲାଲ । ୧୫ ସେମନ୍ ଏକ୍ତି କାତାବାର୍ତା ଅଇ ଆଇବାବେଲେ ଏଦେ ଦେକା ! ଜିସୁ ନିଜେ ଆସି ସେମନର୍ ସଙ୍ଗେ ଇଣ୍ଡିକାର୍ ଦାଉଲା । ୧୬ ସେମନ୍ ତାକେ ଦେକଲାଲ, ମାତୃ ଚିନି ନାପାଉଲାଲ । ୧୭ ସେଡିକିବେଲେ ଜିସୁ ସେମନ୍କେ କଇଲା, “ତମେ ଇଣ୍ଡି ଇଣ୍ଡି କାର୍ ବିସଇନେଇକରି ଏତେକ୍ କାତା ଅଇଲାସିନି ?” ସେବେଲାଲ ସେମନ୍ ମନ୍ଦୁକକରି ମୁଁ ସୁକାଲ ଚିଆଅଇଲାଲ । ୧୮ “ଗାଲା କେତେଦିନ ବିତ୍ତରେ ଜିରୁସାଲାମ୍ ଜନ୍ ଗର୍ବନା ଗରିଗାଲା ଆଚେ ? ସେଟା ନାଜାନଲାଟା ତୁଇ ଗଟେକ୍ ଲକ୍ସେ କି ?”

୧୯ ଜିସୁ ସେମନ୍କେ ପାଚାଉଲା, “କାଜଟା ଅଇରଇବା ବିସଇ ତମେ କଇଲାସିନି ?” ସେମନ୍, “ନାଜରିତୃ ଜିସୁକେ ଜାଲଟା ସବୁ ଗର୍ବଲା । ସେ ଗଟେକ୍ ବବିସତ୍ତବକତା ରଇଲା । ପର୍ତ୍ତେସରର୍ ମୁଆଟେ ଆରି ଲକ୍ସନନଟାଚେନେ ଗଟେକ୍ ବପୁସଙ୍ଗର୍ ଲକ୍ ରଇଲା । ତାୃ ସବୁକାମ୍ ଆରି କାତାଅଇନି ଏ ସବୁ ଜାନାପଡ୍ତେ ରଇଲା । ୨୦ ଆମର୍ ମୁକିଅ ପୁଜାରିମନ୍ ଆରି ସାସନ୍ କାରିଆମନ୍ ତାକେ ମରନ୍ ଡଣ୍ଡ ପାଇବାକେ ସତ୍ତରୁମନ୍କେ ସତ୍ତପିଦେଲାଲ ଆରି ତାକେ କୁର୍ସେ ଚଗାଇ ମରାଇଲାଲ । ୨୧ ସେ ଆକା ଇସରାଏଲର୍ ଲକ୍ସନନ୍କେ ରକିଆ କରସି ବଲି ଆସା କରି ରଇଲୁ । ମାତୃ ତାକେ ମରାଇ ତିନିଦିନ ଅଇଲାନି । ୨୨ ଆମର୍ ଦଲର୍ କେତେଟା ମାଇଜିମନ୍ ଆମକେ କାବାଅଇଜିବା କାତା କଇଲାଲ । ସେମନ୍ ଆଜି ସାକାଲ୍ ସାକାଲ୍ ତାୃ ମତ୍ତ ରଇବା ପାଆରେ ଗାଲାଲ । ୨୩ ମାତୃ ତେଲ ତାୃ ଗାଗଡ୍ ନ ରଇଲା । ସେମନ୍ କଇଲାଲ, ପାଆରେଅନି ବାଉଡିଲାବେଲେ ସରଗର୍ ଦୁତ୍ତମନର୍ ଦର୍ସନ୍ ପାଇରଇଲା ଆରି ସେ ଦୁତ୍ତମନ୍ ଜାନାଇଲାଲଜେ, ସେ ଏବେ ଜିବନ୍ ଅଇଆଚେ । ୨୪ ଆମର୍ ସଙ୍ଗାରିମନର୍ ବିତ୍ତରେଅନି ଜେ ଜେ ସେ ପାଆରେ ଜାଲ ଦେକଲାଲ ମିସା ମାଇଜିମନ୍ ଜେକ୍ତି କଇରଇଲାଲ, ସେ ସମାନ୍ ଇସାବେ ଦେକଲାଲ । ମାତୃ ସେମନ୍ ଜିସୁକେ ଦେକତ୍ ନାଲ ।”

୨୫ ସେବେଲେ ଜିସୁ ସେମନ୍କେ କଇଲା, “ତମେ କେତେକ୍ ବକୁଆ ଲକ୍ସନନ୍, ବବିସତ୍ତବକତାମନ୍ କଇଲା କାତା ବିସବାସ୍ କରବାକେ କାଲକେ ଜାଗରଡ୍ ଉଆସ୍ ନାଲ ? ୨୬ ଏ ସବୁ ଦୁକ୍ଷକ୍ଷ ପାଇଲା ପଚେସେ ପର୍ତ୍ତେସର୍ ବାରିପାଟାଇଲା କିରିସଟକେ ମଇମା ପାଇବାକେ ଅଇସି । ୨୭ ଜିସୁ ମସାୃ ବଇତେଇଅନି ଆରି ବିନ୍ ବିନ୍ ବବିସତ୍ତବକତାମନ୍ ଲେକିରଇଲା କାତାଲ ଅନି ଆରାମ୍ କରି ସବୁ ଦରମ୍ ସାସ୍ତରେ ତାୃ ଜେଡ୍ଡି ବିସଇ ଲେକା ଅଇରଇଲା, ସେ ସବୁ ସେମନ୍କେ ବୁଜାଇଦେଲା ।”

୨୮ ଆରି ସେମନ୍ ଜନ୍ ଗାଉଁ ଜିବାୃ ରଇଲା, ସେ ଗାଉଁ ଲଗାଲଗି ଅଇବାକେ ଜିସୁ ଆଗଟୁ ଗାଲାପାରା ଅଇ ଇଣ୍ଡିକାୃ ଦାଉଲା । ୨୯ ମାତୃ ସେ ଲକ୍ସନନ୍ ଜିସୁକେ ସୁତ୍ତରାଇ କରି କଇଲାଲ, “ଆମର୍ ସଙ୍ଗେ, କାଲକେ ବଇଲେ ବେଲ୍ ବସିଗାଲା ଆରି ରାତି ଅଇଗାଲାନି ।” ସେଟାୃ ପାଇ ଜିସୁ ସେମନର୍ ସଙ୍ଗେ ରଇବାକେ ଗର୍ବିତ୍ତରେ ଗାଲା । ୩୦ ଆରି ସେମନର୍ ସଙ୍ଗେ କାଜବାକେ ବସଲା । ରୁଟି ଦାରି ପର୍ତ୍ତେସର୍ତ୍ତକେ ଦନିଅବାଦ୍ ଦେଇକରି ସେଟା ବାଙ୍ଗାଇକରି ସେମନ୍କେ ଦେଲା । ୩୧ ସେ ବେଲାଲ ସେମନର୍ ତାବିଅଇ ଜାଜରଇଲା ଆଁକି ପିଟିଗାଲାଜେ ତାକେ ଚିନି ପାଉଲାଲ । ମାତୃ ସେ ଦାପ୍ତରେ ଜିସୁ ସେମନର୍ତେଇଅନି ମାୟା ଅଇଗାଲା । ୩୨ ସେବେଲାଲ ସେମନ୍ ସେମନର୍ ବିତ୍ତରେ କାତା ଅଇଲାଲ, “ଜେଡେବଲ୍ ସେ ଆମର୍ ସଙ୍ଗେ ବାଟେ କାତା ଅଇତେ ରଇଲା, ଆରି ପର୍ତ୍ତେସରର୍ ସାସ୍ତରର୍ କାତା ବୁଜାଇ ଦେଇତେ ରଇଲା, ଆମର୍ ମନ୍ ବିତ୍ତରେ ଉଡ୍ଡୁକ୍ ଦୁଡ୍ଡୁକ୍ ନ ଅଇତେ ରଇଲା କି ?”

୩୩ ସେଦାପ୍ତରେ ସେମନ୍ ଦୁଇଲକ୍ ଉଡିକରି ଜିରୁସାଲାମେ ବାଉଡି ଉଟିଗାଲାଲ । ତେଲ ଜିସୁର୍ ଏଗାଟା ସିସ୍ତାନ୍ ଆରି ବିନ୍ଲକ୍ସନନ୍ କାତାବାର୍ତା ଅଇତେରଇଲାଟା ଦେକଲାଲ । ୩୪ ସେ ଲକ୍ସନନଟେଇଅନି ସେମନ୍ ଜିସୁମାପ୍ତୁ ଆରି ତରେକ୍ ଜିବନ୍ଅଇ ଉଟିଲା ଆଚେ ଆରି ସିମନ୍କେ ଦେକାଇଅଇଲା ଆଚେ ବଲି ଜାନଲାଲ ।

୩୫ ତାର ପରେ ଦୁଇଲକ୍ଷ ଇମାମ୍ମୁ ଗାଊଁ ଆଇବା ବାଟେ କାଜକାଜଗା ଅଇରଇଲା ଯେତା ସବୁ କଇଲାଇ । ଆରି ସେମନ୍ ଜିସୁ ରୁଟି ବାଙ୍ଗାଇ କରି ଦେଲାବେଳେ କେନ୍ତ୍ର ତାକେ ଚିନି ଦେଇରଇଲାଇ ଯେତା ମିସା ସେମନ୍‌କେ କଇଲାଇ ।

ଜିସୁ ତାର ସିସମନ୍‌କେ ଦେକା ଅଇଲା

(ମାତ୍ତ ୨୮:୧୬-୨୦; ମାର୍କ ୧୬:୧୪-୧୮; ଜଅନ୍ ୨୦:୧୯-୨୩; ପେରିଡ୍ ୧:୬-୮)

୩୬ ସେ ଦୁଇଲକ୍ଷ ଏନ୍ତ୍ର କଇବା ବେଳେ ଏଦେ ଦେକା ! ମାପୁରୁ ନିଜେ ସେମନ୍‌ର ମଜାଇ ଟିଆଅଇଦେଲା । ଆରି ସେମନ୍‌କେ କଇଲା, “ତମକେ ସାନ୍ତି ଅ ।” ୩୭ ମାତ୍ର ସେମନ୍ ସବୁ ଲକ୍ଷ ଏଟା ଗଟେକ୍ ବୁଡ୍ ଦେକ୍‌ଲୁନି ବଲି ଡରିଗାଲାଇ । ୩୮ ଜିସୁ ସେମନ୍‌କେ କଇଲା, “ତମେ କାଜକେ ଡରୁଲାସ୍‌ନି ? ଆରି ଦେକି କରି ମିସା କାଜକେ ବିସବାସ୍ କରାସ୍ ନାଇ ? ୩୯ ମର୍ ଆତେ ଆରି ଗତେ ଦେକା, ଏଟା ମୁଇ ନିଜେ । ମକେ ଚିଇକରି ଦେକା । ଏଟା ମକେ ଜେନ୍ତାରି ଆଡ୍ ଆରି ମାଉଁସ୍ ଆତେ ସେନ୍ତ୍ର ବୁଡ୍‌କେ ନ ରଏ ।” ୪୦ ଜିସୁ ଏଟା କଇକରି, ତାର୍ ଆଡ୍ ଆରି ଗଡ୍ ସେମନ୍‌କେ ଦେକାଇଲା । ୪୧ ସେଟା ଦେକି ସେମନ୍ ସାର୍‌ଦା ଅଇକରି କାବାଅଇ ଗାଲାଇ ମିସା ତାକେ ବିସବାସ୍ କରଡ୍ ନାଇ । ସେଟାର୍ ପାଇ ଜିସୁ ସେମନ୍‌କେ ପାଟାରୁଲା, “ତମର୍ ଲଗେ କାଜଗା କାଜବାଟା ଆତେ କି ?” ୪୨ ସେବେଲାଇ ସେମନ୍ ତାକେ କଣ୍ଡେକ୍ ବାଜୁଲା ମାଡ୍ ଦେଲାଇ । ୪୩ ସେଟା ଜିସୁ ଦାରିକରି ସେମନ୍‌ର ମୁଆଟେ କାଇଲା ।

୪୪ ଜିସୁ ସେମନ୍‌କେ କଇଲା, “ମସାର୍ ନିୟମ୍ ଆରି ବବିସଡ୍‌ବକ୍‌ତାମନ୍ କଇଲା କାତା ଆରି ଗିଡ୍‌ସଙ୍ଗିତା ବଇଟାନ୍‌ନେ କାଜକାଜଗା ଲେକା ଅଇଲାଆତେ ସେ ସବୁ, ସଡ୍ ଅଇବାର୍ ରଇଲା । ମୁଇ ତମର୍ ସଙ୍ଗ୍ ରଇଲାବେଳେ ଏ ସବୁ କାତା ତମ୍‌କେ କଇରଇଲି ।”

୪୫ ତାର୍‌ପରେ ଦରମ୍ ସାସତରର୍ ଅରଡ୍ ବୁଜ୍‌ବାକେ ଜିସୁ ସେମନ୍‌ର ବୁଜ୍‌ବା ବସୁ ଉଗାଡି ଦେଲା । ୪୬ ଆରି ସେମନ୍‌କେ କଇଲା, “ପର୍‌ମେସର୍ ବାଟି ପାଟାଇଲା କିରିସଟ୍ ରାଜା ମୁଇ, ଏନ୍ତ୍ର ଦୁକ୍ କସଟ୍ ପାଇକରି ମର୍‌ବି । ପତେ ତିନ୍‌ଦିନ୍ ଗାଲେ ଆରି ତରେକ୍ ଉଡ୍‌ବି ବଲି ଲେକା ଅଇଲା ଆତେ । ୪୭ ଆରି ଜିରୁସାଲମେଅନି ଆରାମ୍ କରି ସବୁ ଦେସର୍, ସବୁ ଜାତିର୍ ଲକ୍‌ମନ୍‌କେ ମର୍ ନାଉଁଦାରି ପାପ୍ କେମା କରାଇ, ମନ୍ ବଦ୍‌ଲାଇବାକେ କଇବାର୍ ଆତେ । ୪୮ ତମେ ଏ ସବୁ ବିସଇର୍ ସାକି ଆଗାସ୍ । ୪୯ ଆରି ମର୍ ବାବା ଜନ୍ ଜିଦ୍ କରିରଇଲା, ମୁଇ ନିଜେ ସେଟା ପାଟାଇବି । ମାତ୍ର ତମେ ପର୍‌ମେସରର୍ ଟାନ୍‌ଅନି ବସୁ ନ ମିଲ୍‌ବା ଜାକ, ଏ ଜିରୁସାଲମେସେ ରୁଆ ।”

ଜିସୁ ସର୍‌ଗେ ବାଉଡି ଗାଲା

(ମାର୍କ ୧୬:୧୯-୨୦; ପେରିଡ୍ ୧:୯-୧୧)

୫୦ ତାର୍‌ପରେ ଜିସୁ ସେମନ୍‌କେ ବେଡ୍‌ନିଆ ନାଉଁର୍ ଜାଗାଇ ଜିବା ବାଟ୍‌ଜାକ ଡାକିନେଲା । ଆରି ସେମନ୍‌କେ ଆଡ୍ ଚେକି ଆସିର୍‌ବାଦ୍ କଲା । ୫୧ ସେ ଏନ୍ତ୍ର ସେମନ୍‌କେ ଆସିର୍‌ବାଦ୍ କର୍‌ବାବେଳେ ପର୍‌ମେସର୍ ତାକେ ସରଗ୍‌ପୁରେ ଦାରିଗାଲା । ୫୨ ସେମନ୍ ତାକେ ଜୁଆର୍ କଲାଇ ଆରି ସାର୍‌ଦାଅଇ ଜିରୁସାଲମେ ବାଉଡି ଆଇଲାଇ । ୫୩ ସବୁବେଲା ମନ୍‌ଦିରେ ରଇକରି ପର୍‌ମେସରର୍ ଡାକ୍‌ପୁଟା କର୍‌ବାଦ୍ ଦାରିଲାଇ ।

ଯୀଶୁ ଖ୍ରୀଷ୍ଟଙ୍କ ବିଷୟରେ ଯୋହନ ଲେଖିଥିବା ସୁସମାଚାର ଜିସୁକରିଷ୍ଟର ବିଷୟ ନେଇକରି ଜଅନ୍ ଲେକିରଇବା ନିମାନ୍ କବର୍

ଏ ବଇ ବିଷୟରେ ଜାନ୍‌ବାଟା

ଜଅନ ବଇର୍ ସୁବ୍ କବରର୍ କାତା ମାପୁରୁ ପାଟାଇରଇବା ଜେବଦିର୍ ପ ଜଅନ୍ ଲେକିରଇଲା । ଏଟା କିରିସ୍ତାଦେ ୭୦ ଅନି ୯୦ ବିତ୍ରେ ଲେକାଅଇରଇଲା ବଲି କେତେକ୍ ବାଇବଲ୍ ପଣ୍ଡିତମନ୍ ବିସ୍ବାସ୍ କରୁବାଇ, ମାତର୍ ଏଟା କେବେ ଅଇଲାଆଟେ, ନିକସଙ୍ଗେ କେ ମିସା ନାଜାନଡ୍ । ଜିସୁର୍ ସବୁ ସିସମାନର୍ ବିତ୍ରେଅନି ଜଅନ୍ ଆକା ଗଟେକ୍ ମୁକିଅ ସିସ୍ ପାରା ବଲି ଲକ୍ମାନ୍ ଜାନିରଇଲାଇ । ବିନ୍ ସିସମାନର୍ ଟାନେଅନି ଜଅନ୍ ଜିସୁର୍ ମନର୍ ବିସଇ ନିକସଙ୍ଗେ ଜାନିରଇଲା । ସେଟାପାଇ ଏ ସୁବ୍ କବର୍ଟାନେ ଜିସୁ ମନ୍ ବିତ୍ରେଅନି ଚିନ୍ତାକରିରଇବାଟା ଆରି ତାର୍ କେତେକ୍ କେତେକ୍ କାତାମନ୍ ଆମର୍ପାଇ ଲେକିଦେଇଆଟେ । ଜଅନ୍ କୁଲ୍‌କୁଲା ଡକ୍ଟରା ଅଇବାଜାକ ବର୍ତିରଇଲା । ସେ ଏପିସିୟ ଡେଇ ବେସି ବରସ୍ ବାସା କରିରଇଲା । ତେଇ ବାସାକରି ରଇଲାବେଲେ ଆକା ଏ ସୁବ୍ କବର୍ ଲେକ୍‌ଲା ଆଟେବଲି କଇବାଇ । ନୁଆ ନିୟମେ ରଇବା ପର୍ତୁମ, ଦୁଇପାଲି ଆରି ତିନ୍‌ପାଲିର୍ ଚିଟିର୍ ବଇମନ୍ ମିସା ଜେବଦିର୍ ପ ଜଅନ୍ ଲେକିରଇଲା । ଜଅନର୍ ଜିବନ୍ ସାରୁବା ବେଲାଇ, ରୁମ୍ ସାଗରେ ରଇବା ପାଟୁମ ନାଉର୍ ଗଟେକ୍ ଚାରିବେଟ୍‌ତି ପାନି ରଇ ମଜାର୍ ସୁକ୍‌ଲା ଜାଗାର୍ ଦେସେ ତାକେ ପାଟାଇରଇଲାଇ । ତେଇ ରଇଲାବେଲେ ସେ ଜିସୁର୍ ଗଟେକ୍ ଦର୍ସନ୍ ପାଇରଇଲା । ଏ ଦର୍ସନ୍ ବିଷଇର୍ ଚିକିନିକି କାତା ଜଅନ୍ ନୁଆ ନିୟମର୍ ସାରାସାରି ବଇ, ପର୍‌କାସିଡ୍ ବାକିଅ ଟାନେ ଗଟେକ୍ ଗଟେକ୍ କରି ଲେକିଆଟେ । ଜଅନର୍ ସୁବ୍ କବର୍ ମାଡିଉ, ମାର୍‌କ ଆରି ଲୁକ୍ ସୁସମାଚାର୍ ଟାନେଅନି ପୁରାପୁରୁନ୍ ବିନ୍ ଆଟେ । ଜଅନର୍ ସୁସମାଚାରେ ଆମେ ଜିସୁର୍ ମନ୍ ବିତ୍ରେ ରଇବାଟା ଆରି ଆଡ୍‌ମାର୍ ବିଷଇ ଅଦିକ୍ ଦେକିପାରୁବାର୍ ଅଇସି । ଜଅନ୍ ଜିସୁ କେନ୍‌ତିରଇଲା, ତାର୍ ଅବସ୍ତା କାଇଟା, କେନ୍‌ତି ସବୁ ଚିକିନିକି ଲେକ୍‌ଲା ଆଟେ । ଜିସୁ ନିଜର୍ ବିଷଇରେ ଦେଇରଇବା ସିକିଆ ସବୁ ଲେକିଆଟେ । ଜେନ୍‌ଡାରିକି ମୁଇ ଜିବନ୍ ଦେବା କାଦି, ମୁଇ ଜଗତର୍ ଉଜଲ୍, ମୁଇ ନିମାନ୍ ମେଣ୍ଡା ଚାରାଉ ଗଉଡ୍, ମୁଇ ଆକା ଦୁଆର୍, ମୁଇ ସେ ସର୍ ଅଞ୍ଜୁର୍ମାଲ୍, ମୁଇ ବାଟ୍, ସର୍ ଆରି ଜିବନ୍ ।

ଏ ବଇବିତ୍ରେ ରଇବା ବିଷୟ

- ୧. ସୁସମାଚାରେ ଅନି ଆରାମ୍ ଅଇଲା ଜଅନ୍ । ୧:୧-୧୮
- ୨. ଜିସୁ କିରିରଇବା କେତେଟା କାବାଅଇଜିବା କାମ୍ ଜଅନ୍ । ୧:୧୯-୧୨:୫୦
- ୩. ଜିସୁ ମରିକରି ଆରିତରେକ୍ ଉର୍‌ବାଟା ଜଅନ୍ । ୧୩:୧-୨୦:୩୧
- ୪. ଜିସୁ ଆରିତରେକ୍ ଜିବନ୍ ଅଇକରି ଲକ୍ମାନ୍‌କେ ଦେକାଇ ଅଇବାଟା ଜଅନ୍ । ୨୧:୧-୨୫

ଜିବନ୍ ବାକିଅ

୧ କାଇଟା ତିଆର୍ ନ ଅଇରଇଲା ପୁର୍ବେ ବାକିଅ ରଇଲା । ସେ ବାକିଅ ପର୍ମେସରର୍ ସଙ୍ଗ୍ ରଇଲା । ସେ ଆରି ପର୍ମେସର୍ ଗଟେକ୍ ରଇଲାଇ । ୨ କାଇଟା ତିଆର୍ ନ ଅଇବା ଆଗୁର୍ ଏ ବାକିଅ ପର୍ମେସର୍ ସଙ୍ଗ୍ ରଇଲା । ୩ ପର୍ମେସର୍ ସେ ବାକିଅ ଦେଇ ସବୁ ବିଷଇ ତିଆର୍ କଲାଆଟେ । ଏ ଦୁନିଆଇ ତିଆର୍ ଅଇଲା ଗଟେକ୍ ବିଷଇ ମିସା ତାରୁଟାନେଅନି ତିଆର୍ ନ ଅଇଲାଟା ନ ରଇଲା । ୪ ସେ ବାକିଅ ନ ସାରୁବା ଜିବନର୍ ଦାନ୍ ଦେଲା ଆରି ସେ ଜିବନ୍ ଦୁନିଆର୍ ଲକ୍ମାନ୍‌କେ ଉଜଲ୍ ଦେକାଇଦେଲା । ୫ ସେ ଉଜଲ୍ ଆନ୍ଦାର୍ ବିତ୍ରେ ସବୁବେଲେ ଉଜଲ୍ ଦେଇସି । ଆନ୍ଦାର୍ କେବେ ମିସା ସେ ଉଜଲ୍ ଲିବାଇ ନାପାରେ । ୬ ପର୍ମେସର୍, ଜଅନ୍ ନାଉର୍ ଗଟେକ୍ ଲକ୍‌କେ ତାର୍ କବର୍‌ନେଉ କରି ପାଟାଇଲା । ୭ ସେ ଲକ୍ମାନ୍‌କେ ଉଜଲ୍ ବିଷଇ କଇବାର୍ ଆସିରଇଲା । ଜେଷ୍ଟାରିକି ଗୁଲାଇ ଜଗତର୍ ଲକ୍ମାନ୍ ତାର୍‌ତେଇଅନି ସେ ଉଜଲ୍ ବିଷଇ ସୁନ୍‌ବାଇ ଆରି ବିସ୍ବାସ୍ କରୁବାଇ । ୮ ଜଅନ୍ ନିଜେ ସେ ଉଜଲ୍ ନ ରଇଲା, ମାତର୍ ଲକ୍ମାନ୍‌କେ ସେ ଉଜଲ୍ ବିଷଇର୍ ସାକି ଦେବାକେ ଆସିରଇଲା । ୯ ସେ ସର୍ ଏବେ

☆ ୧:୨ ୧:୬ ମାଡିଉ ୩:୧; ମାର୍‌କ ୧:୪; ଲୁକ୍ ୩:୧୨

ଉତ୍ତର ଅଇଲା, ଏ ଉତ୍ତର ଦୁନିଆଇ ଆଇଲା ଆରି ସବୁ ଲକ୍ଷ୍ୟମାନଙ୍କ ମନବିତ୍ତରେ ରଇବା ଆଁକି ତିସାଇଲା ।

୧୦ ବାକିଅ ଏ ଦୁନିଆଇ ରଇଲା । ତାର୍ତ୍ତାନେଅନି ପରମେସର୍ ଏ ଦୁନିଆ ତିଆର୍ କରିରଇଲେ ମିସା ଏ ଦୁନିଆର୍ ଲକ୍ଷ୍ୟମାନଙ୍କ ତାକେ ଚିନ୍ତା ନାଇ । ୧୧ ସେ ତାର୍ ନିଜର୍ ଲକ୍ଷ୍ୟମାନଙ୍କ ଗାନେ ଆଇଲା, ମାତର୍ ତାର୍ ନିଜର୍ ଲକ୍ଷ୍ୟ ଇସରାଏଲର୍ ପିଲାଜିଲା ତାକେ ନାମତ୍ତନାଇ । ୧୨ ମାତର୍ ଜେ ଜେ ତାକେ ନାମଲାଇ, ଆରି ତାକେ ବିସ୍ତାସ୍ କଲାଇ, ସେ ଲକ୍ଷ୍ୟମାନଙ୍କେ ପରମେସର୍ ପିଲାଜିଲା ଅଇଜିବାକେ ସେ ଅଦିକାର୍ ଦେଲା । ୧୩ ସେମାନ ମୁନୁସମାନ ମନକଲାଇ ଇସାବେ ଜନମ୍ ଅଅତ୍ତନାଇ, କି ଗାଗତର୍ ବନି ଇସାବେ ଅଅତ୍ତନାଇ । ନିଜେ ପରମେସର୍ ସେମାନର୍ ବାବା ।

୧୪ ଆରି ସେ ବାକିଅ ନର୍ ଲକ୍ଷ୍ୟ ଅଇକରି ଆମର୍ ସକ୍ଷ୍ ଜିଇଲା । ତାର୍ ସର୍ ଆରି ଜିବନ୍ ଦୁକାଇବାଟା ପୁରାପୁରୁନ୍ ରଇଲା । ତାର୍ ବାବାର୍ ଗଟେକ୍ସେ ପିଲା ବଲି ସେ ମଇମା ପାଇରଇଲା । ତାର୍ ମଇମା ଆମେ ଦେକିଆର୍ ।

୧୫ ତୁବନ୍ ଦେଉ ଜଅନ ଜିସୁର୍ ବିସଇ ଲକ୍ଷ୍ୟମାନଙ୍କେ ଆକ୍ଷମାରି କରି ଏନ୍ତାରି କଇଲା, “ଏ ଲକ୍ଷ୍ୟ ବିସଇ ମୁଇ ଏନ୍ତି କଇରଇଲି, ଜେ ମର୍ପପଟେ ଆଇଲାନି, ସେ ମର୍ତ୍ତେଇଅନି ବେସି ମୁକିଅ, କାଲକେବଇଲେ ମୁଇ ଜନମ୍ ଅଇବା ଆଗତୁଅନି ସେ ଆଟେ ।”

୧୬ “ତାର୍ ମନ୍ ବିତ୍ତରେ ରଇଲା ପୁରାପୁରୁନ୍ ଜିବନ୍ ଦୁକାଇବା ତେଇଅନି ଆମେ ସବୁ ଆସିର୍ବାଦ୍ ପାଇଆର୍ । ଉଁ, ଆସିର୍ବାଦ୍ ପଟେ ଆସିର୍ବାଦ୍ ପାଇଆର୍ । ୧୭ କାଲକେ ବଇଲେ ପରମେସର୍ ଆମ୍ଭକେ ମସାର୍ତ୍ତାନେଅନି ନିୟମ୍ ଦେଲା ଆଟେ । ମାତର୍ ଜିସୁ କିରିସ୍ତର୍ତ୍ତାନେଅନି ଆମ୍ଭକେ ଜିବନ୍ ଦୁକାଇ ସର୍ ବାଟ୍ ଆଇଲା ଆଟେ । ୧୮ କେ ମିସା କେବେ ପରମେସର୍କେ ଦେକତ୍ତନାଇ । ମାତର୍ ତାର୍ ଗଟେକ୍ ବଲି ପିଲା ଜେ କି ପରମେସର୍ ସମାନ୍ ଆଟେ ଆରି ତାର୍ କଲେ ଆଟେ, ସେ ଆକା ଆମ୍ଭକେ ତାର୍ ବିସଇ ଜାନାଇ ଦେଲା ଆଟେ ।”

**ତୁବନ୍ ଦେଉ ଜଅନର୍ ସାକି ଦେବାଟା
(ମାତିଉ ୩:୧-୧୨; ମାର୍କ ୧:୧-୮; ଲୁକ୍ ୩:୧-୧୮)**

୧୯ ଜିରୁସାଲମର୍ ଜିଉଦି ନେତାମନ୍, କେତେଟା ଦରମ୍ ଗୁରୁମାନଙ୍କେ ଆରି ଲେବି ଦଲର୍ ଲକ୍ଷ୍ୟମାନଙ୍କେ ତୁବନ୍ ଦେଉ ଜଅନର୍ ଲଗେ “ତମେ କେ ?” ବଲି ପାଚାର୍ବାକେ ପାଚାଇଲା ।

୨୦ ସେ ସର୍ ବିସଇ କଇବାକେ ନ ନିଚିକରି, ସବୁ ଲକ୍ଷ୍ୟ ବୁଜ୍ଜା ପାଠା କଇଲା, “ମୁଇ କିରିସ୍ତ ନଇ ।”

୨୧ ତେଇ ସେମାନ ପାଚାର୍ଲା, “ସେନ୍ତି ବଇଲେ ତମେ କେ ତେବେ ? ବବିସ୍ତବକ୍ତା ଏଲିୟ କି ?” ଜଅନ୍ କଇଲା, “ନଇ, ମୁଇ ଏଲିଅ ନଇ ।”

ଆରି ସେମାନ ପାଚାର୍ଲା, “ତୁଇ ସେ ବବିସ୍ତବକ୍ତା କି ?”

ଜଅନ୍ କଇଲା, “ମୁଇ ସେ ନଇ ।”

୨୨ ତାର୍ ପଟେ ସେମାନ ପାଚାର୍ଲା, “ସେନ୍ତାଆଲେ ତମେ କେ ? ଆମ୍ଭକେ ପାଚାଇଲା ଲକ୍ଷ୍ୟମାନଙ୍କେ ଆମେ ଜାଇ, କାଲଟା ବଲି କଇବୁ, ସେଟାପାଇ ତମର୍ ନିଜର୍ ବିସଇ ଅଲପ୍ କଇଦିଆ ।”

୨୩ ଜିସାୟ ବବିସ୍ତବକ୍ତା ଜେନ୍ତି କଇରଇଲା, ଜଅନ୍ ସେମାନଙ୍କେ ସେନ୍ତି କଇଲା ।

“ମୁଇ ମରୁବାଲି ବୁର୍ଅ ଆକ୍ଷମାରି ବୁଲ୍ଲବା ଗଟେକ୍ ସବ୍

ମାପୁରୁ ଜିବାକେ ଗଟେକ୍ ସଲକ୍ ବାଟ୍ ତିଆର୍ କରା !”

୨୪ ତାର୍ ପଟେ ପାରୁସିମନ୍ ପାଚାଇ ରଇଲା କବର୍ ନେଉମନ୍ ଜଅନ୍କେ ପାଚାର୍ଲା । ୨୫ “ତମେ ଜଦି କିରିସ୍ତ ନୁଆସ୍, ଏଲିୟ ନୁଆସ୍, ଆରି ବବିସ୍ତବକ୍ତା ନୁଆସ୍, କାଲକେ ଲକ୍ଷ୍ୟମାନଙ୍କେ ତୁବନ୍ ଦେଲାସନି ?” ୨୬ ଜଅନ୍ ସେମାନଙ୍କେ କଇଲା, “ମୁଇ ଲକ୍ଷ୍ୟମାନଙ୍କେ ପାନିତେଇ ତୁବନ୍ ଦେଲିନି, ଜନ୍ ଲକ୍ଷ୍ୟକେ କି ତମେ ନାଜାନାସ୍, ମାତର୍ ସେ ତମର୍ ସକ୍ଷ୍ ଆଟେ । ୨୭ ସେ ମର୍ ପଟେ ଆଇଲାନି । ଆରି ତାର୍ ଗତିଦାକ୍ଷ୍ତା ଅଇ ତାର୍ ପାଣ୍ଡୁଇର୍ ପିତା ବେଟ୍ ବାଟ୍ ମିସା ମର୍ ଅଦିକାର୍ ନାଇ ।”

୨୮ ଏ ଗଟନା ଜର୍ଦ୍ଦନ୍ ଗାତର୍ ସେପାଟେ ବେତ୍ତନି ନାଉର୍ ଜାଗାଇ, ଜଅନ୍ ଲକ୍ଷ୍ୟମାନଙ୍କେ ତୁବନ୍ ଦେଲା ବେଲା ଅଇରଇଲା ।

ପରମେସର୍ ମେଣ୍ଡା ପିଲା

୨୯ ତାର୍ ଆରକ୍ତର୍ ଦିନେ ଜିସୁ ତାର୍ ଲଗେ ଆଇବାଟା ଦେକିକରି ଜଅନ୍ କଇଲା, “ଏଦେ ଦେକା ! ପରମେସର୍ ମେଣ୍ଡାପିଲା ଜେ କି, ଏ ଦୁନିଆର୍ ସବୁ ଲକ୍ଷ୍ୟମାନଙ୍କ ପାପର୍ ତଣ୍ଡୁ ବଇକରି ନେଇସି । ୩୦ ଏ ଲକ୍ଷ୍ୟ ବିସଇ ମୁଇ ଆଗତୁ ଏନ୍ତି କଇରଇଲି, ମୁଇ ଆଇଲା ପଟେ ଜନ୍ ଲକ୍ଷ୍ୟ ଆଇଲାନି ସେ ମର୍ତ୍ତେଇଅନି ବେସି ବଡ଼ଲକ୍ ଆରି ମୁଇ ଜନମ୍ ଅଇଲା ବେସି ଆଗତୁଅନି ଆଟେ । ୩୧ ମୁଇ ନିଜେ ମିସା

ସେ କେ ଅଇରଇସି ବଲି ନାଜାନିରଇଲି । ମାତର୍ ଇସରାଏଲର୍ ଲକ୍ମନ୍ ତାର୍ ବିସଇ ଜାନତ୍ ବଲି ମୁଇ ପାନିତେଇ ତୁବନ୍ ଦେବାକେ ଆସିଆଚି ।”

୩୨ ତାର୍ ପତେ ଜଅନ୍ ଆରି ଏ ସାକି ଦେଇ କଇଲା, “ସୁକଲ୍ ଆତ୍ମା ପରୁଆପାରା ଅଇକରି ସର୍ଗେଅନି ଉତ୍ତରି ଆସି ତାର୍ ଉପ୍ରେ ବସବାଟା ମୁଇ ଦେକିଆଚି । ୩୩ ଏଲେମିସା ସେତ୍ତକିବେଲା ଜାକ ଏ ଲକ୍ ସେ ଆକା ବଲି ମୁଇ ଜାନି ନ ରଇଲି । ମାତର୍ ପାନିତେଇ ତୁବନ୍ ଦେବାକେ ପାଟାଇରଇଲା ପର୍ମେସର୍ ମକେ କଇରଇଲା, ଜେଡେବେଲା ଗଟେକ୍ ଲକ୍ ଉପ୍ରେ ସୁକଲ୍ ଆତ୍ମା ଉତ୍ତରି ଆଇବାଟା ତୁଇ ଦେକ୍ସୁ, ସେସେ ଅଇଲାନି ତୁଇ କଦ୍ବା ଲକ୍ । ସେ ଲକ୍ ସୁକଲ୍ ଆତ୍ମା ତୁବନ୍ ଦେଇସି । ୩୪ ଏକ୍ତି ସୁକଲ୍ ଆତ୍ମା ତାର୍ ଉପ୍ରେ ଉତ୍ତରି ଆଇବାଟା ମୁଇ ଦେକ୍ଲି ଆରି ସେ ପର୍ମେସରର୍ ପିଲା ବଲି ମୁଇ ତମକେ ସାକିଦେଲିନି” ବଲି ଜଅନ୍ କଇଲା ।

ଜିସୁର୍ ପର୍ତୁମ୍ ସିସମନ୍

୩୫ ତାର୍ ଆରକର୍ ଦିନେମିସା ଜଅନ୍ ସେ ଜାଗାଇସେ ରଇଲା । ଆରି ତାର୍ ଦୁଇଟା ସିସମନ୍ର୍ ସଙ୍ଗ୍ ଚିଆ ଅଇରଇଲା । ୩୬ ଆରି ଜିସୁ ସେ ବାଟେ ଜିବାଟା ଜଅନ୍ ଦେକିକରି କଇଲା, “ଏଦେ ଦେକା ! ପର୍ମେସରର୍ ମେଣ୍ଟାପିଲା ଗାଲାନି ।”

୩୭ ଜଅନ୍ର୍ ଦୁଇଟା ସିସମନ୍ ତାର୍ କାତା ସୁନି, ଜିସୁର୍ ପତେ ପତେ ଗାଲାଇ । ୩୮ ଜିସୁ ପାସ୍ଲିକରି ଦେକ୍ବା ବେଲେ ସେ ଦୁଇଟା ସିସମନ୍ ତାର୍ ପତେ ପତେ ଜିବାଟା ଦେକି ସେମନ୍କେ ପାଟାରୁଲା ତମେ କାଇଟା କଇଲାସିନି ? ସେମନ୍ ଜିସୁକେ କଇଲା, “ରାବି ତମେ କନ୍ ଜାଗାଇ ରଇଲାସିନି ?” ରାବିର୍ ଅରତ୍ ଅଇଲାନି ସିକାଇ ଦେବା ଗୁରୁ ।

୩୯ ଜିସୁ ସେମନ୍କେ କଇଲା, “ମର୍ ସଙ୍ଗ୍ ଆସା ମୁଇ ରଇବା ଜାଗା ଦେକ୍ସା ।” ସେଟାର୍ ପାଇ ସେମନ୍ ତାର୍ ସଙ୍ଗ୍ ଜାଇ ସେ ରଇବା ଜାଗା ଦେକ୍ଲାଇ । ଆରି ସେ ଦିନେ ତାର୍ ସଙ୍ଗ୍ ରଇଲାଇ । ସେବେଲା ସଞ୍ଜୁଆ ତାର୍ଟା ଅଇରଇଲା ।

୪୦ ତାକର୍ ବିତ୍ତରେଅନି ଗଟେକ୍ ଲକ୍ ଅଇଲାନି ସିମନ୍ ପିତରର୍ ବାଇ, ଆନ୍ଦରିୟ । ୪୧ ସେ ଦାପ୍ରେ ସେ ତାର୍ ବାଇ ସିମନ୍ ପିତର୍କେ କଜିକରି ବେଟ୍ ପାଇ କଇଲା, “ପର୍ମେସର୍ ବାଟି ପାଟାଇଲା ମସିଅକେ* ଆମେ ବେଟ୍ପାଇଲୁ ।” ୪୨ ତାର୍ ପତେ ଆନ୍ଦରିୟ ସିମନ୍ପିତର୍କେ ଜିସୁର୍ ଲଗେ ତାକି ଆନ୍ଦଲା । ଜିସୁ ତାକେ ଦେକି କଇଲା, “ତମେ ସିମନ୍, ଜଅନ୍ର୍ ପିଲା ଏବେଅନି ତକେ କେପା ବଲି ତାକ୍‌ବାଇ ।” କେପାର୍ ଅରତ୍ ଅଇଲାନି ପିତର୍ ଆରି ପିତରର୍ ଅରତ୍ ଅଇଲାନି ରାଜ୍‌ନି ପାକ୍ନା ।

ଜିସୁ ପିଲିପ୍ ଆରି ନିତନିଏଲ୍‌କେ ତାକ୍‌ବାଟା

୪୩ ତାର୍ ଆରକର୍ ଦିନେ ଜିସୁ ଗାଲିଲି ଦେସେ ଜିବାକେ ମନ୍ କଲା । ଆରି ସେ ଜିବା ବେଲେ ପିଲିପ୍‌କେ ବେଟ୍ପାଇ ତାକେ କଇଲା, “ମର୍ ସଙ୍ଗ୍ ଆଉ ।” ୪୪ ଆନ୍ଦରିୟ ଆରି ପିତର୍ ପାରା ପିଲିପ୍ ମିସା ବେଟ୍‌ସାଇଦା ଗତର୍ ଲକ୍ ରଇଲା । ୪୫ ପିଲିପ୍ ନିତନିଏଲ୍‌କେ ବେଟ୍ ପାଇ କଇଲା, “ଜନ୍ ଲକ୍ ବିସଇ ମସାର୍ ନିୟମେ ଲେକିରଇଲା ଆରି ବବିସ୍‌ବକ୍‌ତାମନ୍ ଲେକି ଆଟକ୍, ଆମେ ତାକେ ଦେକ୍ଲୁ ଆତୁ । ସେ ଜସେପ୍ ପିଲା ନାଜରିତ୍ ଗତର୍ ଜିସୁ ।”

୪୬ ନିତନିଏଲ୍ ପିଲିପ୍‌କେ ପାଟାରୁଲା, “ନାଜରିତ୍ ଗତେଅନି କାଇଆଲେ ନିକ ବିସଇ ଆଇସି କି ?” ପିଲିପ୍ ତାକେ କଇଲା, “ତୁଇ ଆସିକରି ଦେକ୍ !”

୪୭ ଜିସୁ ନିତନିଏଲ୍‌କେ ତାର୍ ଲଗେ ଆଇବାଟା ଦେକି ତାର୍ ବିସଇ ନେଇ କଇଲା, “ଏଦେ ଦେକା ! ଏ ଗଟେକ୍ ଇସରାଏଲର୍ ସତ୍ ଲକ୍, ଏ ଲକ୍‌ତେଇ କାଇମିସା କୁଟ୍‌କପର୍ ନାଇ ।”

୪୮ ନିତନିଏଲ୍ ଜିସୁକେ ପାଟାରୁଲା “ମକେ କେକ୍ତି ଜାନୁସ୍ ?” ଜିସୁ କଇଲା, “ପିଲିପ୍ ତମକେ ତାକ୍‌ବା ଆଗ୍ତୁ ମୁଇ ତକେ ତୁମ୍‌ରି ଗଟ୍ ତଲେ ଦେକି ରଇଲି ।”

୪୯ ତାର୍ ପତେ ନିତନିଏଲ୍ ଜିସୁକେ କଇଲା, “ଏ ଗୁରୁ, ତମେ ପର୍ମେସରର୍ ପିଲା ଆରି ଇସରାଏଲର୍ ରାଜା !”

୫୦ ଜିସୁ ତାକେ କଇଲା, “ମୁଇ ତକେ ତୁମ୍‌ରି ଗଟ୍ ତଲେ ଚିଆଅଇଲାଟା ଦେକ୍ଲି ବଲି କଇଲାକେ ବିସବାସ୍ କଲୁସିନି କି ? ଇତିଅନି ଆରି ଅଦିକ୍ ବଡ୍ ବଡ୍ କାବା ଅଇଜିବା ବିସଇମନ୍ ଦେକ୍ସୁ ।”

୫୧ ଜିସୁ ଆରି ତରେକ୍ କଇଲା, “ମୁଇ ତକେ ସତ୍‌କାତା କଇଲିନି, ସରଗ୍ ଉଗାଡି ଅଇଜାଇ ନର୍‌ପିଲା ମର୍ ଉପ୍ରେ, ପର୍ମେସରର୍ ଦୁତ୍‌ମନ୍ ଚଗି ଜିବାଟା ଆରି ଉତ୍ତରି ଆଇବାଟା ତମେ ଦେକ୍ସା ।”

* e:୪୧ ୧:୪୧ ମସିଅକେ ମସିଅର୍ ଅରତ୍ ଅଇଲାନି କିରିସ୍ତ

୨

କାନା ଗତେ ବିବା

୧ ଦୁଇ ଦିନ ପରେ ଗାଲିଲି ଦେସର କାନା ନାଉଁର୍ ଗତେ ଗଟେକ ବିବା ଅଇତେ ରଇଲା । ସେ ବିବାତେଇ ଜିସୁର୍ ମାଆ ମରିୟମ୍ ରଇଲା । ୨ ଜିସୁ ଆରି ତାର୍ ସିସ୍ମନକେ ମିସା ସେ ବିବାତେଇ ତାକି ରଇଲା । ୩ ବଜି ନ ସାର୍ତେ ଅଙ୍ଗୁର୍ ରସ୍ ସାରିଗାଲାକେ ଜିସୁର୍ ମାଆ ଆସି ତାକେ କଇଲା, “ସେମନର୍ ଅଙ୍ଗୁର୍ ରସ୍ ସାରିଗାଲାବେ ।” ୪ ଜିସୁ ତାକେ କଇଲା, “ଏ ମାଆ, ମର୍ଟାନେ ତର୍ କାଇଟା ଆତେ ? ତୁଇ ମନେ କାଇଟା ମିସା କର୍ବାକେ କଅ ନାଇ । ମର୍ ବେଲା ଏବେ ଜାକ ଆସେ ନାଇଟା ।”

୫ ଜିସୁର୍ ମା ବାଣ୍ଟାନ୍‌ଗରିଆମନକେ କଇଲା, “ଜିସୁ ତମକେ ଜାଇଟା କଇସି ସେଟା କରା ।”

୬ ସେ ଜାଗାଇ ବଡ଼ ବଡ଼ ପାକନା ସଙ୍ଗ୍ ତିଆର୍ କଲା ଚଅଟା କୁଣ୍ଡ ରଇଲା । ଜିଉଦି ଲକ୍ମନ ସୁକଲ୍ ଅଇବାକେ ସେମନର୍ ରିତିନିତି ଇସାବେ ଏ କୁଣ୍ଡ ପାନି କାମେ ଲାଗାଇତେ ରଇଲା । ଗଟେକ ଗଟେକ କୁଣ୍ଡେ ସଏ ଲିଟର୍ ଲାକା ପାନି ଦାନ୍ତେ ରଇଲା । ୭ ଜିସୁ ବାଣ୍ଟାନ୍‌ଗରିଆମନକେ “ସେ କୁଣ୍ଡମନକେ ପାନି ବର୍ତ୍ତି କରା” ବଲି କଇଲା ଆରି ସେମନ୍ ସେ ସବୁ କୁଣ୍ଡେ ପାନି ବର୍ତ୍ତି କଲା । ୮ ତାର୍ ପତେ ଜିସୁ ସେମନକେ ତେଇର୍ ପାନି ତୁମିନେଇ ବଜି ଦାଇତେ ରଇଲା ଲକ୍ମକେ ଦିଆସ୍ ବଲି କଇଲା । ସେମନ୍ ତେଇର୍ ପାନି ତୁମି ନେଇ ତାକେ ଦେଲା । ୯ ମାତର୍ ସେ ସବୁ ପାନି ଅଙ୍ଗୁର୍ ରସ୍ ଅଇଜାଇରଇଲା । ବଜି ଦାଇତେ ରଇଲା ଲକ୍ ଅଙ୍ଗୁର୍ ରସ୍ କନ୍ତ୍ରିଅନି ବଲି ଜାନି ନ ରଇଲା । ମାତର୍ ସେ ପାନି ତୁମି ନେଲା ଲକ୍ମନ ଜାନି ରଇଲା, ପତେ ସେ ଲକ୍ ତାକି କରି ଏ ରସ୍ କନ୍ତ୍ରିଅନି ଆନୁଲା ବଲି ବିବା ଅଇବା ଦାଙ୍ଗତାକେ ତାକି ପାଚାରୁଲା, ୧୦ “ଲକ୍ମନ ସବୁ ବେଲା ପର୍ତୁତୁମ୍ ପର୍ତୁତୁମ୍ କାଇବାକେ ନିମାନ୍ ଅଙ୍ଗୁର୍ ରସ୍ ଦେବାଇ । ଆରି ଗତିଆ ଲକ୍ମନ କାଇ ପୁରୁନ୍ ଅଇଲା ପତେ ଚପରାଟା ଦେବାଇ । ମାତର୍ ତମେ ଏବେ ସାରାସାରି ଜାକ ନିମାନ୍ ଅଙ୍ଗୁର୍ ରସ୍ କନ୍ତ୍ରି ସଙ୍ଗାଇ ରଇଲାସ୍ ?”

୧୧ ଏଟା ଜିସୁ ପର୍ତୁତୁମ୍ କଲା କାବାଅଇଜିବା କାମ୍ । ସେଟା ଗାଲିଲି ଦେସର୍ କାନା ନଅରେ କରିରଇଲା । ଏନ୍ତି କରି ତାର୍ ମଇମା ଦେକାଇଲା ଆରି ତାର୍ ସିସ୍ମନ ତାକେ ବିସ୍‌ବାସ୍ କଲା । ୧୨ ତାର୍ ପତେ ଜିସୁ, ତାର୍ ମାଆ ତାର୍ ବାଇମନ ଆରି ତାର୍ ସିସ୍ମନର୍ ସଙ୍ଗ୍ କପର୍‌ନାଉମ୍ ଗତେ ଜାଇ ତେଇ କେତେ ଦିନ ପାରା ରଇଲା ।

ଜିସୁ ଜିରୁସାଲମ୍ ମନ୍ଦିରେ ଗାଲା

(ମାତିଉ ୨୧:୧୨-୧୩; ମାର୍କ ୧୧:୧୫-୧୭; ଲୁକ୍ ୧୯:୪୫-୪୭)

୧୩ ସେ ବେଲା ଜିଉଦି ଲକ୍ମନର୍ ନିସ୍‌ତାର୍ ପରବ୍ କେଟି ଆଇତେ ରଇଲା । ସେଟାପାଇ ଜିସୁ ଜିରୁସାଲମେ ଗାଲା । ୧୪ ତେଇ ସେ ମନ୍ଦିର୍ ବିତ୍‌ରେ, ଲକ୍ମନ ଗରୁଗାଇ ମେଣ୍ଟା, ଆରି ପାରୁଆମନ ବେବାର୍ କର୍ବାଟା, ଆରି ବିନ୍ ଦେସର୍ ତାବୁ ବାଦ୍‌ଲାଉମନ ସେମନର୍ ଟେବୁଲେ ବସିରଇଲାଟା ଦେକଲା । ୧୫ ତେଇ ଜିସୁ କସିରା ସଙ୍ଗ୍ କର୍ତା ତିଆର୍ କରି ମେଣ୍ଟା ଆରି ଗରୁମନର୍ ସଙ୍ଗ୍ ସବୁ ଲକ୍ମନକେ ମନ୍ଦିରେଅନି ବାରକରାଇ ଦେଲା । ଆରି ଲକ୍ମନଟେଇ ଅନି ବାଦ୍‌ଲାଇ ନେବା ତାବୁ ସବୁ ବିତିଦେଇ ସେମନର୍ ଟେବୁଲ୍ ପାସ୍‌ଲାଇ ଦେଲା । ୧୬ ପରୁଆ ବିକ୍‌ବା ଲକ୍ମନକେ କଇଲା, “ଏ ସବୁ ଦିନ୍‌ସୁ ଇତିଅନି ଦାରିଜା । ମର୍ ବାବାର୍ ଗରେ ଗେନା ବିକା ଜାଗା ପାରା କରାନାଇ ।” ୧୭ ଏ ସବୁ ଗର୍‌ନା ଅଇବାବେଲେ ଜିସୁର୍ ସିସ୍ମନ ପର୍ତ୍ତମେସରର୍ ସାସ୍‌ତରେ ଲେକାଅଇଲା ଗଟେକ୍ ବାକିଅ ଏତାଇଲା । ତମର୍ ଗରର୍ ପାଇ ରଇବା ମର୍ ବକ୍ତି, ମର୍ ମନ୍ ବିତ୍‌ରେ ଜଇ ଲାଗଲା ପାରା ଲାଗଲାନି ।

୧୮ ତେଇ ଜିଉଦି ନେତାମନ୍ ଜିସୁର୍ ଲଗେ ବାଉଡି ଆସି ଏନ୍ତାରି କଇଲା । “ତୁଇ ଏନ୍ତାରି ସବୁ କାମ୍ କର୍ବାକେ ଅଦିକାର୍ ପାଇଆରୁସ୍ ବଲି ଆମେ କେନ୍ତ୍ରି ଜାନ୍‌ବୁ ଆରି କାଇ ତିନର୍‌ଲାଗି ଆମକେ ସେଟା ଦେକାଇଲୁସି ?” ୧୯ ଜିସୁ ସେମନକେ କଇଲା, “ତମେ ଏ ମନ୍ଦିର୍ ବସ୍‌ଲାଇ ଦିଆସ୍ । ସେଟା ମୁଇ ତିନ୍‌ଦିନ୍ ବିତ୍‌ରେ ଆରିତରେକ୍ ତିଆର୍ କରିଦେବି ।”

୨୦ ଜିସୁର୍ ଏ କାତା ସୁନି ସେମନ୍ କଇଲା, “କାଇଟା ! ତିନ୍‌ଦିନ୍ ବିତ୍‌ରେ ତୁଇ ତିଆର୍ କରି ପାରୁସ୍ କି ? ଏ ମନ୍ଦିର୍ ତିଆର୍ କର୍ବାକେ ଚାଲିସ୍ ତଅ ବରସ୍ ଲାଗିରଇଲା ।”

୨୧ ମାତର୍ ଜିସୁ ତାର୍ ନିଜର୍ ଗାଗତର୍ ବିସଇ ମନ୍ଦିର୍‌କେ ଦେକାଇ କରି ଏ କାତା କଇରଇଲା । ୨୨ ସେ ମରିକରି ଆରିତରେକ୍ ଜିବନ୍ ଅଇ ଉର୍‌ଲା ପତେ ସିସ୍ମନର୍ ମନେ ପଡ଼ଲା ଜେ, ସେ ଏନ୍ତାରି କଇରଇଲା । ତେବର୍‌ପାଇ ସେମନ୍ ଦରମ୍ ସାସ୍‌ତର୍ ଆରି ଜିସୁର୍ ବାକିଅ ବିସ୍‌ବାସ୍ କଲା ।

* ୨:୧୨ ୨:୧୨ ମାତିଉ ୪:୧୩ * ୨:୧୯ ୨:୧୯ ମାତିଉ ୨୭:୨୧;୨୭:୪୦; ମାର୍କ ୧୪:୫୮;୧୫:୨୯

ଜିସୁ ମୁନୁସ୍ୟମନର ଗୁନ ଜାନେ

୨୩ ନିସ୍ତାତ୍ ପରବବେଲେ ଜିସୁ ଜିରୁସାଲୀମ୍ ରଇଲାବେଲେ କେତେକ୍ କେତେକ୍ ଲକ୍ ସେ କରିରଇବା କାବା ଅଇଜିବା କାମ୍ମମନ୍ କଲାଟା ଦେକି ତାକେ ବିସ୍ବାସ୍ କଲାଲ । ୨୪ ମାତର୍ ଜିସୁ ସେ ଲକ୍ମନ୍ ବିସ୍ବାସ୍ କରଇରଇବାଟା ସତ୍ବଲି ବାବେନାଇ । କାଇକେ ବଇଲେ ସେ ସବୁ ଲକ୍ମନ୍ ବିସଇ ସେ ନିକସଙ୍ଗ୍ ଜାନି ରଇଲା । ୨୫ ଲକ୍ମନର ବିସଇନେଇକରି ତାକେ, କେ ମିସା କାଇଟାବଲି କଇବାଟ୍ ଦର୍କାର୍ ନ ରଇଲା, କାଇକେବଇଲେ ସେ ତାକର୍ ମନ୍ ବିତ୍ତର୍କ କାତା, ନିଜେ ଜାନି ରଇଲା ।

୩

ଜିସୁ ଆରି ନିକଦିମ

୧ ପାରୁସିମନର୍ ବିତ୍ତରେଅନି ନିକଦିମ ନାଉର୍ ଗଟେକ୍ ଲକ୍ ରଇଲା । ସେ ଜିଉଦି ମନର୍ ଗଟେକ୍ ନେତା । ୨ ସେ ଦିନେକ୍ ରାତିଆ ଜିସୁର ଲଗେ ଆସି କଇଲା, “ଏ ଗୁରୁ ଆମେ ଜାନୁ, ତମେ ପର୍ମେସର୍ ପାଟାଇରଇବା ଗଟେକ୍ ଗୁରୁ । କାଇକେ ବଇଲେ ଜିଦି ଗଟେକ୍ ଲକ୍ମନ୍ ସଙ୍ଗ୍ ପର୍ମେସର୍ ନ ରଇଲେ, ତମେ ଜନ୍ ସବୁ କାବାଅଇଜିବା କାମ୍ମମନ୍ କଲାସ୍ନି, ସେତ୍ତିକି କାମ୍ମମନ୍ କେ ମିସା କରନାପାର୍ତ୍ତ ।”

୩ ଜିସୁ ତାକେ କଇଲା, “ମୁଇ ତକେ ସତ୍ କାତା କଇଲିନି, ଆରିତରେକ୍ ଜନମ୍* ନ ଅଇଲେ କେ ମିସା ପର୍ମେସର୍ ରାଇଜ୍ ଦେକି ନାପାର୍ତ୍ତ ।”

୪ ନିକଦିମ ତାକେ ପାଟାରଲା, “ତକ୍‌ରା ଅଇଲା ଲକ୍ କେନ୍ତ୍ରି ଆରି ତରେକ୍ ଜନମ୍ ଅଇସି ? ସେ ଆରି ତରେକ୍ ମାଆର୍ ପେଟ୍ ବିତ୍ତରେ ଜାଇକରି ଜନମ୍ ଅଇସି କି ? ନାଇ ଅଇ ନର୍ସ ।”

୫ ଜିସୁ ତାକେ କଇଲା, “ମୁଇ ତକେ ସତ୍‌କାତା କଇଲିନି, ଗଟେକ୍ ଲକ୍ ପାନି ଆରି ଆତ୍‌ମାଇଅନି ଜନମ୍ ନି ଅଇଲେ, ପର୍ମେସର୍ ରାଇଜେ ଜାଇ ନାପାରେ । ୬ ଗଟେକ୍ ନର୍ ଲକ୍ ତାର୍ ନର୍ ମାଆ ବାବାର୍‌ତେଇଅନି ଜନମ୍ ଅଇସି । ମାତର୍ ସୁକଲ୍ ଆତ୍‌ମା ତାର୍ ଆତ୍‌ମାଇ ନୁଆ ଜିବନ୍ ଦେଇସି । ୭ ସେଟାର୍‌ପାଇ ମୁଇ ତକେ ଆରିତରେକ୍ ଜନମ୍ ଅଇବାକେ ଅଇସି ବଲି କଇବା ବିସଇ ସୁନି କାବାଅଇଜାଆ ନାଇ । ୮ ପବନ୍ ଜନ୍ ବାଟେ ଜିବାକେ ମନ୍ କରସି ସେ ବାଟେସେ ଜାଇସି, ଆରି ତମେ ତାର୍ ସବ୍ ସୁନ୍‌ସା । ମାତର୍ ସେଟା କନ୍ତ୍ରିଅନି ଆଇସି ଆରି କନ୍ ବାଟେ ଜାଇସି ସେଟା ନାଜାନାସ୍ । ଆତ୍‌ମାଇ ଜନମ୍ ଅଇଲା ସବୁ ଲକ୍ମନ୍ ମିସା ସେନ୍ତାରିସେ ।” ୯ ନିକଦିମ ଜିସୁକେ ପାଟାରଲା, “ଏବେ ତୁଇ କଇବା କାତା କେନ୍ତ୍ରି ଅଇପାର୍ତ୍ତସି ?” ୧୦ ଜିସୁ ତାକେ କଇଲା, “ତୁଇ ଇସରାଏଲର୍ ଗଟେକ୍ ବତ୍ ଗୁରୁ ଅଇକରି ମିସା କେନ୍ତ୍ରି ଏ ସବୁ କାତା ବୁଜି ନାପାର୍‌ଲୁସିନି ?” ୧୧ ମୁଇ ତକେ ସତ୍‌କାତା କଇଲିନି, ଆମେ ଜନ୍‌ଟା ଜାନୁ ସେଟା କଇଦେବୁ, ଜନ୍‌ଟା ଦେକିରଇବୁ ସେଟା ସାକି ଦେବୁ, ଅଇଲେ ମିସା ତୁଇ କାଇକେ ବିସ୍ବାସ୍ କରୁସ୍‌ନାଇ ? ୧୨ ମୁଇ ତକେ ଏ ଦୁନିଆର୍ ବିସଇ କଇବାବେଲେ ବିସ୍ବାସ୍ କରୁସ୍ ନାଇ । ଆରି ସରଗର୍ ବିସଇ କଇବି ବଇଲେ କେନ୍ତ୍ରି ମକେ ବିସ୍ବାସ୍ କରୁସୁ ? ୧୩ ପର୍ମେସନି ଉତ୍ତରି ଆଇଲା ନର୍‌ପିଲା ମୁଇ, ମକେ ଚାଡିକରି ଆରି କେ ମିସା ସର୍ଗେ ଜାଅତ୍ ନାଇଜା ।”

୧୪ “ଆରି ମସା କେନ୍ତ୍ରି ମରୁବାଲି ବୁର୍ସ୍ ପିତଲ୍ ସାଁପକେ ତେଲି ଉପରେ ଟେକି ରଇଲା, ସମନ୍ ସେନ୍ତାରିସେ ପର୍ମେସର୍ ତେଇଅନି ଆଇଲା ନର୍‌ପିଲା ମକେ ମିସା, ଗଟେକ୍ ଦିନେ ଉପରେ ଟେକ୍‌ବାଇ । ୧୫ ତେବେ, ତାକେ ବିସ୍ବାସ୍ କରବା ସବୁ ଲକ୍ମନ୍ ନ ସାର୍‌ବା ଜିବନ୍ ପାଇବାଇ । ୧୬ ପର୍ମେସର୍ ଏ ଦୁନିଆର୍ ଲକ୍ମନକେ ଏତେକ୍ ଆଲାଦ୍ କଲାଜେ, ତାର୍ ଗଟେକ୍ ବଲି ପିଲାକେ ସର୍‌ପିଦେଲା । ଜେ ମିସା ତାକେ ବିସ୍ବାସ୍ କରବାଇ ବଇଲେ, ସେମନ୍ ନସ୍‌ଟ ନ ଅଇକରି, ନ ସାର୍‌ବା ଜିବନ୍ ମିଲାଇବାଇ । ୧୭ ପର୍ମେସର୍ ତାର୍ ପିଲାକେ ଏ ଦୁନିଆଇ ବିଟାର୍ କରବାକେ ପାଟାଏନାଇ, ମାତର୍ ତାର୍ ଲାଗି ଦୁନିଆ ରକିଆ ପାଅ ବଲି ପାଟାଇ ଆଟେ । ୧୮ କେ ପର୍ମେସର୍ ପିଲାକେ ବିସ୍ବାସ୍ କଲାନି ତାର୍ ବିଟାର୍‌ନା ନର୍ସ । ମାତର୍ ଜେ ପର୍ମେସର୍ ପିଲାକେ ବିସ୍ବାସ୍ କରେନାଇ ତାର୍ ବିଟାର୍‌ନା ଅଇସାର୍‌ଲାବେ । କାଇକେବଇଲେ ସେ ଗଟେକ୍ ବଲି ପିଲାକେ ବିସ୍ବାସ୍ କରେନାଇ । ୧୯ ଆରି ସେ ବିଟାର୍‌ନା ଏନ୍ତ୍ରି ଅଇସି, ସର୍ଗେ ଅନି ଉଜଲ୍ ଏ ଦୁନିଆଇ ଆସିରଇଲା । ମାତର୍ ଏ ଦୁନିଆର୍ ଲକ୍ମନ୍ ସେ ଉଜଲେଅନି ଆନ୍ଦାରକେ ବେସି ମନ୍ କଲାଲ । କାଇକେବଇଲେ ସେମନ୍ କରବା କାମ୍ ସବୁ ବେସି କାରାପ୍ । ୨୦ ଜନ୍‌ଲକ୍ମନ୍ କାରାପ୍ କାମ୍ କଲାଇନି ସେମନ୍ ଉଜଲକେ ଗିନ୍ କଲାଇନି । ଆରି ସେ ଉଜଲେ ନ ଆସତ୍ । କାଇକେବଇଲେ ସେମନ୍ ସବୁ କାରାପ୍ କାମ୍ ସେ ଉଜଲେ ଡିସି । ୨୧ ମାତର୍ ଜନ୍‌ଲକ୍ ସତ୍

* ୩:୩ ୩:୩ ଆରିତରେକ୍ ଜନମ୍ ପର୍ମେସର୍ ଗାନ୍ତେ ଜାଡ୍ ଅଇବାଟା

ଆରି ଟିକ୍ ଇସାବେ କାମ୍ କରି ଚଳାଚଳୁଟି କଲାନି, ସେ ଉଜଲ୍ ଲଗେ ଆଇସି । ତେବେ, ସେ କର୍ବା କାମ୍ ପରମେସରର୍ ମନ୍ କର୍ବା ଇସାବେ ଅଇଲାନି ।”

ଜିସୁ ଆରି ତୁବନ୍ ଦେଉ ଜଅନ୍

୨୨ ତାର୍ ପଚେ ଜିସୁ ଆରି ତାର୍ ସିସ୍ମାନ୍ ଜିଉଦା ଦେସେ ଗାଲାଇ ଆରି ସେ ଜାଗାଇ ରଇକରି ଲକ୍ମନକେ ତୁବନ୍ ଦେଲାଇ । ୨୩ ସେ ବେଲାଇ ଜଅନ୍ ମିସା ସାଲମ୍ ଗଡ୍ଲଗେ ଏନନ୍ ନାଉର୍ ଗଟେକ୍ ଗାର୍ବ୍ ତୁବନ୍ ଦେଇତେ ରଇଲା । କାଇକେ ବଇଲେ ସେ ଜାଗାଇ ବେସି ପାନି ରଇଲା । ଆରି ଲକ୍ମନ ଆସିକରି ତୁବନ୍ ନେଇତେ ରଇଲାଇ । ୨୪ *ସେଡ୍‌କି ଦିନ୍ ଜାକ ଜଅନ୍ ବନ୍ଦି ନ ଅଇରଇଲା ।

୨୫ ସେବେଲା ଗଟେକ୍ ଜିଉଦି ଲକ୍ ଆରି ଜଅନର୍ ସିସ୍ମାନ୍ ଅସୁକଲୁଅନି ରିତିନିତି ଇସାବେ ସୁକଲ୍ ଅଇବା ବିସଇ ନେଇ ତାକର୍ ବିଡ୍‌ରେ ଦଦାପେଲା ଅଇତେ ରଇଲାଇ । ୨୬ ଆରି ଜଅନର୍ ସିସ୍ମାନ୍ ତାର୍ ଲଗେ ଆସି କଇଲାଇ, “ଏ ଗୁରୁ, ତମେ ଜର୍ଦ୍ଦନ୍ ଗାଡ୍ ସେପାଟେ କାର୍‌ସଙ୍ଗ୍ ବେଟ୍ ଅଇରଇଲାସ୍ ଆରି ତାର୍ ବିସଇ ତମେ ସାକି ଦେଇତେରଇଲାସ୍, ସେ ଲକ୍ ଏବେ ଲକ୍ମନକେ ତୁବନ୍ ଦେଲାନି ଆରି ସବୁ ଲକ୍ମନ ତାର୍ ଲଗେ ଗାଲାଇନି ।” ୨୭ ଜଅନ୍ କଇଲା, “ପରମେସର୍ ନ ଦେଲେ, କେ ମିସା କାଇଟା ନ ପାଅଡ୍ । ୨୮ *ମୁଇ କଇରଇଲି ପରମେସର୍ ପାଟାଇଲା ମସିଅ ମୁଇ ନଇ ବଲି । ମୁଇ ଅବ୍‌କା ପାଟାଇରଇବା ଗଟେକ୍ ଦୁଡ୍ ପାରା ଅଇ ଆସିଆତି । ୨୯ ଜେ ବିବା ଅଇସି, ସେ ବର୍ ଦାଙ୍ଗ୍‌ତା । ମାତର୍ ବର୍ ଦାଙ୍ଗ୍‌ତାର୍ ଲଗେ ବରର୍ ସଙ୍ଗାରି ଚିଆଅଇ ତାର୍ କାତା ସୁନ୍‌ସି । ସେ ବର୍ ଦାଙ୍ଗ୍‌ତାର୍ କାତା ସୁନ୍, ବେସି ସାର୍‌ଦା ଅଇସି । ସେନ୍ତାରିସେ ମର୍ ସାର୍‌ଦା ମିସା ପୁରାପୁରୁନ୍ ଅଇଲାଆତେ । ୩୦ ସେ ମଆନ୍ ଅଇତେ ଜାଅ ଆରି ମୁଇ ସାନ୍ ଅଇତେ ଜିବି ।”

ସର୍‌ଗେଅନି ଆଇବା ଗଟେକ୍ ଲକ୍

୩୧ *ଜେ ସର୍‌ଗେଅନି ଆଇଲା ଆତେ, ସେ ସବୁ ଲକ୍ମନର୍‌ତେଇଅନି ମଆନ୍ । ଜେ ଜଗତେ ଅନି ଜନମ୍ ଅଇଆତେ, ସେ ଜଗତର୍ କାତାସେ କଇସି । ମାତର୍ ଜେ ସର୍‌ଗେଅନି ଆସିଆତେ, ସେ ସବୁକଲ୍‌ତେଇ ଅନି ମଆନ୍ । ୩୨ ସେ ଜନଗା ଦେକ୍‌ଲା ଆତେ ଆରି ସୁନ୍‌ଲା ଆତେ ସେ ବିସଇ ସେ ଜାନାଇଲାନି । ମାତର୍ ସେ କଇରଇବା କାତା କେ ମିସା ନାମଡ୍ ନାଇ । ୩୩ ଜେ ତାର୍ କଇରଇବା କାତା ନାମସି, ସେ ପରମେସର୍ ସଡ୍‌ଟା ବଲି ନାମସି । ୩୪ ଜାକେ ପରମେସର୍ ପାଟାଇଲା ଆତେ, ସେ ପରମେସରର୍ ବାକିଅ କଇସି । କାଇକେ ବଇଲେ ତାକେ ପରମେସରର୍ ଆଡ୍‌ମା ପୁରାପୁରୁନ୍ ଦିଆଅଇଲାଆତେ । ୩୫ *ବାବା ପିଲାକେ ଆଲାଦ୍ କରି ସବୁ ବିସଇ ତାର୍ ଆତେ ସର୍‌ପି ଦେଲାଆତେ । ୩୬ ଆରି କେ ପରମେସରର୍ ପିଲାକେ ବିସ୍‌ବାସ୍ କରସି, ସେ ନ ସାର୍‌ବା ଜିବନ୍ ପାଇସି । ମାତର୍ ଜେ ପରମେସରର୍ ପିଲାକେ ନାମେ ନାଇ, ସେ ନ ସାର୍‌ବା ଜିବନ୍ ନ ପାଏ । ଆରି ପରମେସରର୍ ଡଣ୍ଡ ପାଇବାକେ ସେ ରଇସି ।”



ଜିସୁ ଆରି ସମିରଣିୟ ମାଇଜି

୧ ଜଅନର୍‌ତେଇଅନି ଜିସୁକେ ଅଦିକ୍ ସିସ୍ ଅଇବାଟା ଆରି ତୁବନ୍ ଦେବା କାତା ପାରୁସିମନ୍ ସୁନ୍‌ଲାଇ । ୨ ଜିସୁ ସତଇସେ ନିଜେ କାକେ ମିସା ତୁବନ୍ ନ ଦେଇତେ ରଇଲା, ମାତର୍ ତାର୍ ସିସ୍ମାନ୍ ତୁବନ୍ ଦେଇତେ ରଇଲାଇ । ୩ ତାର୍ ବିସଇ ନେଇ ଲକ୍ମନ ଏନ୍ତାରି କାତା ଅଇବାଟା ସୁନ୍, ଜିସୁ ଜିଉଦା ରାଇଜ୍ ଚାଡିକରି ଆରି ତରେକ୍ ଗାଲିଲି ଦେସେ ଉଟିଗାଲା । ୪ ମାତର୍ ତାକେ ସମିରଣି ଗଡ୍ ବାଟେ ଜିବାକେ ପଡ୍‌ଲା ।

୫ ଆରି ଜାକୁବ୍ ତାର୍ ନିଜର୍ ପିଲା ଜସେପକେ ଜନ୍ ଜାଗା ଦାନ୍ ଦେଇରଇଲା, ସେ ଲଗେ ସମିରଣି ଗଡ୍ ଗଟେକ୍ ସୁକାର୍ ନାଉର୍ ଜାଗାଇ ଜିସୁ ଆସି କେଟ୍‌ଲା । ୬ ସେ ଜାଗାଇ ଜାକୁବର୍ ଗଟେକ୍ କୁଇସାଲ୍ ରଇଲା । ଜିସୁ ଇଣ୍ଡି ଇଣ୍ଡି ତାକି ଜାଇକରି କୁଇସାଲ୍ ଲଗେ ବସି ରଇଲା । ସେବେଲା ଚିଆମୁଇଦାନ୍ ଅଇରଇଲା ।

୭ ଗଟେକ୍ ସମିରଣିୟ ମାଇଜି କୁଇସାଲେ ପାନି ନେବାକେ ଆଇଲା । ଆରି ଜିସୁ ସେ ମାଇଜିକେ କଇଲା, “ଏ ମା ମକେ ଗୁଡିକ୍ ପାନି କାଇବାକେ ଦେ ।” ୮ ସେଡ୍‌କିବେଲେ ତାର୍ ସିସ୍ମାନ୍ କାଦି ଗେନ୍‌ବାକେ ଗଡ୍ ବିଡ୍‌ରେ ଜାଇରଇଲାଇ ଆରି ଜିସୁ ଗଟେକ୍ ଲକ୍ ସେ ରଇଲା ।

୯ ତେଇ ସମିରଣିୟ ମାଇଜି କାବାଅଇ ଜିସୁକେ କଇଲା, “ତୁଇ ଗଟେକ୍ ଜିଉଦି ଲକ୍ ଆରି ମୁଇ ଗଟେକ୍ ସମିରଣିୟ, ତୁଇ କେନ୍ତ୍ରି ମର୍ ଆତର୍ ପାନି କାଇବାକେ ମାଙ୍ଗ୍‌ଲୁସିନି ?” କାଇକେ ବଇଲେ,

* ୩:୨୪ ୩:୨୫ ମାଟିଉ ୧୪:୩; ମାର୍କ ୬:୧୭; ଲୁକ୍ ୩:୧୯,୨୦ * ୩:୨୮ ୩:୨୮ ଜଅନ୍ ୧:୨୦ * ୩:୩୫ ୩:୩୫ ମାଟିଉ ୧୧:୨୭; ଲୁକ୍ ୧୦:୨୨

ଜିଉଦି ଲକ୍ଷ୍ମୀଙ୍କ ସମ୍ପର୍କରେ ଲକ୍ଷ୍ମୀଙ୍କ କାଉଁରୀତେଜ ନ କାଉଁରୀତେଜ ରଇଲା । ୧୦ ଜିସୁ ତାଙ୍କେ କଇଲା, “ପରମେସର୍ ଦେବା ଦାନର୍ ବିସଇ, ତୁଇ ଅଲପ୍ ଆଲେ ଜାନି ରଇଲେ ଆରି ମୁଇ କେ ବଲି ଜାନିତୁସ୍ ବଇଲେ ମକେ ମାଙ୍ଗୁତୁସ୍ । ଆରି ମୁଇ ତକେ ଜିବନ୍ ଦେବା ପାନି ଦେଇତି ।”

୧୧ ମାଉଜି କଇଲା, “ଆଗିଆଁ, ତମର୍ ଲଗେତା ପାନି ଜିକ୍‌ବାକେ ବାଲୁଟିନାଇ, ଆରି ଏ କୁଇସାଲ୍ ବେସି ତେଙ୍ଗ୍ ଆଚେ । କନ୍ତ୍ରଅନି ତମେ ଜିବନ୍ ଦେବା ପାନି ମିଲାଇସୁ ? ୧୨ ତୁଇ କାଇ ଆମର୍ ଆନିଦାଦି ଜାକୁବର୍ତେଇ ଅନି ବଡ଼ କି ? ଜାକୁବ୍ ଆମ୍‌କେ ଏ କୁଇସାଲ୍ ଦେଇରଇଲା । ସେ ନିଜେ ମିସା ଏ କୁଇସାଲ୍‌ର୍ ପାନି କାଇତେରଇଲା । ତାର୍ ଗରର୍ ଲକ୍ଷ୍ମୀ ଆରି ସେ ପସିରଇଲା ଗରୁଗାଈମନ୍ ଇତିର୍ ପାନି କାଇଲା” ବଲି କଇଲା ।

୧୩ ଜିସୁ ତାଙ୍କେ କଇଲା, “ଏ କୁଇସାଲ୍‌ର୍ ପାନି କାଇବା ସବୁ ଲକ୍ଷ୍ମୀଙ୍କେ ଆରିସେ ସସ୍ ଲାଗ୍ସି । ୧୪ ମାତର୍ ମୁଇ ଜନ୍ ପାନି ଦେବି, ସେ ପାନି ଜେ କାଇସି ବଇଲେ, ତାଙ୍କେ କେବେ ମିସା ସସ୍ ନ ଲାଗେ । ମୁଇ ଜନ୍ ପାନି ଦେବି, ସେଟା ଜିବନ୍ ଦେବା ପାନି ପାରା ଉର୍ଲି ଜାଇତେରଇସି । ତେଇ ଅନି ଜେ କାଇଲେ, ସେ ନ ସାର୍‌ବା ଜିବନ୍ ପାଇସି ।”

୧୫ ସେ ମାଉଜି ଜିସୁଙ୍କେ କଇଲା, “ଏ ଆଗିଆଁ ମକେ ସେ ପାନି ଦେ, ଜେନ୍ତିକି କେବେ ମିସା ମକେ ସସ୍ ନ ଲାଗ ଆରି ମୁଇ ଏତେକ୍ ଦୁର୍ ପାନି ନେବାକେ ନ ଆସି ।”

୧୬ ଜିସୁ ସେ ତାଙ୍କେ କଇଲା, “ତୁଇ ଜାଇକରି ତର୍ ମୁନୁସ୍‌କେ ଇତି ଡାକିଆନ୍ ।”

୧୭ ସେ ମାଉଜି “ମକେ ମୁନୁସ୍ ନାଇ” ବଲି କଇଲା । ଜିସୁ ତାଙ୍କେ କଇଲା, “ମକେ ମୁନୁସ୍ ନାଇ ବଲି ସଡ଼ କାତା କଇଆରୁସ୍ । ୧୮ କାଇକେ ବଇଲେ ତର୍ ପାଁତ୍‌ଟା ମୁନୁସ୍ ରଇଲା ଆରି ଏବେ ତୁଇ ଜନ୍ ଲକ୍‌ର୍ ସଙ୍ଗ୍ ଆରୁସ୍, ସେ ମିସା ତର୍ ମୁନୁସ୍ ନର୍ସି । ଏଟା ସଡ଼ କଇଆରୁସ୍ ।”

୧୯ ସେ ମାଉଜି କଇଲା, “ଏ ଆଗିଆଁ ତୁଇ ଗଟେକ୍ ବବିସତର୍ କାତା କଇବା ଲକ୍ ବଲି, ଏବେ ମୁଇ ଜାନିପାର୍‌ଲିନି । ୨୦ ଆମର୍ ସମ୍ପର୍କରେ ଆନିଦାଦିମନ୍ ପରମେସର୍‌କେ ଏ ତଙ୍ଗ୍‌ରେ ଉପାସନା କର୍ତେ ରଇଲା । ମାତର୍ ତମେ ଜିଉଦି ଲକ୍ଷ୍ମୀ କଇଲାଜିନି ଜିରୁସାଲ୍‌ମ୍‌ସେ ପରମେସର୍‌କେ ଉପାସନା କର୍‌ବା ଚିକ୍ ଜାଗା ।”

୨୧ ଜିସୁ ତାଙ୍କେ କଇଲା, “ଏ ମାଆ ମର୍‌କାତା ବିସ୍‌ବାସ୍ କର୍ । ଏନ୍ତାରି ବେଲା ଆଇଲାନି ତମେ ପରମେସର୍‌କେ ଏ ତଙ୍ଗ୍‌ରେ କି ଜିରୁସାଲ୍‌ମେ ମିସା ଉପାସନା ନ କରାସ୍ । ୨୨ ତମେ ସମ୍ପର୍କ ଲକ୍ଷ୍ମୀଙ୍କ ଜାକେ ଉପାସନା କଲାସ୍‌ନି ତାଙ୍କେ ସତଇସେ ନାଜାନାସ୍ । ମାତର୍ ଆମେ ଜିଉଦି ଲକ୍ଷ୍ମୀଙ୍କ ତାଙ୍କେ ଜାନିକରି ଉପାସନା କଲୁନି । କାଇକେ ବଇଲେ ମୁକ୍ତି ଜିଉଦି ଲକ୍ଷ୍ମୀଙ୍କର୍ ତେଇଅନି ଆଇସି । ୨୩ ବେଲା ଆଇଲାନି ଆରି ସେ ବେଲା କେଟ୍‌ଲାବେ, ଜେତେବେଲା କି ସୁକଲ୍‌ଆଡ଼ମାର୍ ବପୁସଙ୍ଗ୍ ଲକ୍ଷ୍ମୀଙ୍କ, ବାବା ପରମେସର୍‌କେ ନିକସଙ୍ଗ୍ ଚିନ୍‌ବାଇ । ସେବେଲେ ସେମନ୍ ତାକର୍ ମନେ ସଡ଼ସଙ୍ଗ୍ ଉପାସନା କର୍‌ବାଇ । ସେନ୍ତି ଉପାସନା କର୍‌ବା ଲକ୍ଷ୍ମୀଙ୍କେ ବାବା ମନ୍ କଲାନି । ୨୪ ପରମେସର୍ ଅଇଲାନି ଆଡ଼ମା । ଆରି ଜନ୍‌ଲକ୍ଷ୍ମୀଙ୍କ ତାଙ୍କେ ଉପାସନା କଲାଜିନି, ସେମନ୍ ସଡ଼ସଙ୍ଗ୍ ଆଡ଼ମାଇ ଉପାସନା କର୍‌ବାଟ୍‌ଆଚେ ।”

୨୫ ସେ ମାଉଜି କଇଲା, “ମୁଇ ଜାନି, ମସିଅ ଜାକେ କି କିରିସଟ୍ ବଲ୍‌ବାଇ । ସେବେଲା ଆସି ଆମ୍‌କେ ସବୁ ବିସଇ ବୁଜାଇ ଦେଇସି ।” ୨୬ ଜିସୁ ତାଙ୍କେ କଇଲା, “ଏବେ ତର୍ ସଙ୍ଗ୍ ଜେ କାତା ଅଇଲାନି, ମୁଇ ସେ ।”

୨୭ ସେବେଲା ଜିସୁର୍ ସିସମନ୍ ଗତେଅନି ବାଉଡି ଅଇଲା । ଜିସୁ ଗଟେକ୍ ମାଉଜିସଙ୍ଗ୍ କାତା ଅଇବାଟା ଦେକି କାବାଅଇଗାଲା । ମାତର୍ ତାଙ୍କେ କେ ମିସା ତୁଇ କାଇକେ ତାର୍ ସଙ୍ଗ୍ କାତା ଅଇଲୁସ୍‌ନି, କି କାଇ ବିସଇ ତମେ କାତା ଅଇତେ ରଇଲାସ୍ ? ବଲି ପାଟାଟ୍‌ବାକେ ସାଆସ୍ କରଡ଼ନାଇ । ୨୮ ତାର୍ ପଚେ ସେ ମାଉଜି ତାର୍ ଆଣ୍ଡିର୍ ପାନି, ତେଇ ଚାଡ଼ିକରି ସଅର୍ ବିଡ଼ରେ ଉଟିଗାଲା ଆରି ଜାଇକରି ସବୁ ଲକ୍ଷ୍ମୀଙ୍କେ କଇଲା, ୨୯ “ଆସା ଗଟେକ୍ ଲକ୍‌କେ ଦେକ୍‌ସା । ଆଗେ ମୁଇ ଜାଇଜାଇଟା କିରିରଇଲି, ସେ ସବୁ କାତା ସେ ମକେ କଇଦେଲା । ସେ ପରମେସର୍ ବାଟି ପାଟାଜଲା ରାଜା ମସିଅ ଅଇଲେ ଅଇରଇସି କାଇକି ।” ୩୦ ସେଟାର୍‌ପାଇ ଲକ୍ଷ୍ମୀଙ୍କ ମଧ୍ୟରେ ଅନି ବାରଇକରି ଜିସୁଙ୍କେ ଦେକ୍‌ବାକେ ଗାଲା ।

୩୧ ଏଡ଼କି ବିଡ଼ରେ ସିସମନ୍ ଜିସୁଙ୍କେ “ଏ ଗୁରୁ କାଇଟା ଆଲେ ଅଲପ୍ କାଆ ।” ବଲି ବାବୁଜିଆ କଲା ।

୩୨ ମାତର୍ ଜିସୁ ସେମନ୍‌କେ କଇଲା, “ମର୍ ଲଗେ ଜନ୍ କାଦି ଆଚେ, ସେ କାଦିର୍ ବିସଇ ତମେ ନାଜାନାସ୍ ।”

୩୩ ସେଟାର୍ ପାଇ ସିସମନ୍ ନିଜର୍ ନିଜର୍ ବିଡ଼ରେ କୁଆବଲା ଅଇଲା, “ତାର୍‌ପାଇ କେ କାଦି ଆନିଦେଲା ଅତଡ଼ କି ?”

୩୪ ଜିସୁ ସେମାନଙ୍କେ କଇଲା, “ମନେ ପାଟାଇରଇବା ପରମେସର୍ ମନକଲାଟା ମାନକରି ଆରି ସେ ଦେଇରଇବା କାମ ପୁରାପୁରୁନ୍ କରବାଟାସେ ମର୍ କାଦି । ୩୫ ତାରି ମାସ ଗାଲେ କାଟାବେଟା ଦିନ୍ ଆଇସି ବଲି ତମେ କଇତେରଇସା । ମାତର୍ ମୁଇ ତମନେ କଇଲିନି କେତ୍ମନଙ୍କେ ନିକ କରି ଦେକିଦେକା । ଏବେ ତେଇର୍ ତାସ୍ ପାଟିଗାଲା ଆତେ ଆରି କାଟବା ବେଲା ସମାନ୍ ଅଇଲା ଆତେ । ୩୬ ଏବେ ମିସା ଜନ୍ ଲକ୍ ତାସ୍ କାଟଲାନି ତାକେ ବୁଡି ଦିଆ ଅଇଲାନି, ସେ ନ ସାରବା ଜିବନର୍ ପାଇ ତାସ୍ ଚୁଲିଆଇଲାନି । ସେଟାର୍ ପାଇ ବୁନ୍‌ଲା ଲକ୍ ଆରି କାଟବା ଦୁଇ ଲକ୍‌ଜାକ ମିସି ସାର୍‌ଦା କରୁବାଇ । ୩୭ କାଇକେବଇଲେ ଗଟେକ୍ ଲକ୍ ବିଅନ୍ ବୁନ୍‌ଲେ ସେଟା ବିନ୍ ଲକ୍ କାଟ୍‌ସି । ଏ କାତା ପୁରାପୁରୁନ୍ ସର୍ । ୩୮ ତମେ ଜନ୍ତି ବୁନ୍ ନ ରଇଲାସ୍ ତେଇ କାଟବାକେ ପାଟାଇଆଟି । ବିନ୍ ଲକ୍‌ମନ୍ କାମକଲାଇ ଆରି ତମେ ସେମନ୍ କଲା କାମେଅନି ଲାବ୍ ପାଇଲାସ୍ନି ।”

୩୯ ସେ ସଅରର୍ କେତେକ୍ କେତେକ୍ ସମିରଣିୟମନ୍ ଜିସୁକେ ବିସ୍‌ବାସ୍ କଲାଇ । କାଇକେବଇଲେ, ସେ ମାଇଜି ସେମନ୍‌କେ କଇରଇଲା । ଆଗେ ମୁଇ ଜାଇଜାଇଟା କରିରଇଲି, ସେ ସବୁ କାତା ସେ ମନେ କଇଦେଲା । ୪୦ ଆରି ସମିରଣିୟ ଲକ୍‌ମନ୍ ଜିସୁର୍ ଲଗେ ଆସି ତାର୍ ସଙ୍ଗ୍ କେତେ ଦିନ୍ ରଇବାକେ ଗୁଆରି କଲାଇ, ସେଟାର୍‌ପାଇ ସେ ତେଇ ଦୁଇ ଦିନ୍ ରଇଲା ।

୪୧ ଜିସୁର୍ କାତା ସୁନି ତାକେ ବେସି ଲକ୍‌ମନ୍ ବିସ୍‌ବାସ୍ କଲାଇ । ୪୨ ଲକ୍‌ମନ୍ ସେ ମାଇଜିକେ କଇଲାଇ, “ତୁଇ କଇଲାକେ ଆମେ ବିସ୍‌ବାସ୍ କରୁନାଇ, ଆମେ ନିଜେ ତାର୍ କାତା ସୁନି କରି ଏ ଆକା ଦୁନିଆର୍ ରକିଆକରୁ ବଲି ବିସ୍‌ବାସ୍ କଲୁ ।”

ଜିସୁ ଗଟେକ୍ ରାଜାର୍ ମୁକିଅ ଲକ୍‌ର୍ ପିଲାକେ ନିମାନ୍ କଲା

୪୩ ଜିସୁ ତେଇ ଦୁଇ ଦିନ୍ ରଇଲା ପଟେ ଗାଲିଲି ରାଇଜେ ଗାଲା । ୪୪ ଆରି ଗଟେକ୍ ବବିସ୍‌ତ୍‌ବକ୍‌ତା ନିଜର୍ ଦେସେ ସନ୍‌ମାନ୍ ନ ପାଏ ବଲି ଜିସୁ ଆଗୁଟ୍‌ସେ ତାର୍ ସିସ୍‌ମନ୍‌କେ କଇରଇଲା । ୪୫ ସେଟାର୍‌ପାଇ ସେ ଜେଡେବେଲା ଗାଲିଲି ଦେସେ କେଟ୍‌ଲା, ସେବେଲା ଲକ୍‌ମନ୍ ଆଲାସ୍ ସଙ୍ଗ୍ ତାକିନେଲାଇ । କାଇକେବଇଲେ ଆଗେ ଜିରୁସାଲାମେ ନିସ୍‌ତାର୍ ପରବ୍‌ଟାନେ ସେମନ୍ ସେ କରିରଇବା କାମ୍ ସବୁ ଦେକିରଇଲାଇ ।

୪୬ ଜିସୁ ଗାଲିଲିର୍ କାନା ନାଉର୍ ଗତେ ଆରି ତରେକ୍ ଗାଲା । ସେ ଗତେସେ ପାନି ଅଙ୍ଗୁର୍ ରସ୍ କରିରଇଲା । ତେଇ ରମିଅ ସାସନ୍‌କାରିଆର୍ ଗଟେକ୍ ମୁକିଅ ଲକ୍‌ର୍ ପଅ କପରନାଡମେ ଜର୍ ଅଇରଇଲା । ୪୭ ଜିସୁ ଜିଉଦାଇ ଅନି ଗାଲିଲି ଆଇଲା ଆତେ ବଲି ସୁନିକରି ଜର୍ ଅଇଲା ପିଲାର୍ ବାବା ତାର୍ ଲଗେ ଗାଲା । ମର୍‌ବା ସମାନ୍ ଅଇରଇବା ପିଲାକେ ନିମାନ୍ କରବାକେ କପରନାଡମେ ଜୁ ବଲି ଜିସୁକେ ଜୁଆର୍ ବିଆର୍ କଲା । ୪୮ ଜିସୁ ତାକେ କଇଲା, “ତମେ କାବା ଅଇଜିବାଟା ଆରି କେବେ ନ ଅଇଲା ପାରା କାମର୍ ଚିନ୍‌ମନ୍ ନ ଦେକ୍‌ଲେ କେବେ ମିସା ମନେ ବିସ୍‌ବାସ୍ ନ କରାସ୍ ।”

୪୯ ସେ ଲକ୍ ତାକେ କଇଲା, “ଏ ଗୁର୍, ମର୍ ପିଲା ନ ମର୍‌ବା ଆଗୁଟ୍ ତମେ ମର୍ ସଙ୍ଗ୍ ଆସା ।”

୫୦ ଜିସୁ ତାକେ କଇଲା, “ଏବେ ତୁଇ ତର୍ ଗରେ ଜା, ତର୍ ପିଲା ଜିବନ୍ ଅଇଗାଲାବେ ।” ସେ ଲକ୍ ଜିସୁ କଇରଇବା କାତା ବିସ୍‌ବାସ୍ କରି ବାଉଡିଗାଲା । ୫୧ ସେ ଗରେ ଗାଲାବେଲେ ତାର୍ କେତେଟା ଗତି ଦାଙ୍ଗ୍‌ତାମନ୍ ତାକେ ବେଟ୍‌ପାଇକରି, “ତର୍ ପିଲା ନିମାନ୍ ଅଇଲାବେ” ବଲି କଇଲାଇ ।

୫୨ ସେ ଲକ୍ ତାର୍ ଗତିଦାଙ୍ଗ୍‌ତାମନ୍‌କେ ପାଟାରୁଲା, “ପିଲା କେତେବେଲେ ନିମାନ୍ ଅଇଲା ?” ଗତିଦାଙ୍ଗ୍‌ତାମନ୍, “କାଲି ଗୁଟେ ବେଲେ ନିମାନ୍ ଅଇଲା” ବଲି କଇଲାଇ । ୫୩ ଜିସୁ ଟିକ୍ ସେବେଲାସେ ତର୍ ପିଲା ନିମାନ୍ ଅଇଲାବେ ବଲି କଇରଇଲାଟା ସେ ମୁକିଅ ଲକ୍ ମନେପାକାଇଲା । ସେଟାର୍‌ପାଇ ସେ ଲକ୍ ଆରି ତାର୍ ଗରର୍ ସବୁ ଲକ୍ ଜିସୁକେ ବିସ୍‌ବାସ୍ କଲାଇ ।

୫୪ ଜିସୁ ଜିଉଦାଇ ଅନି ଗାଲିଲି ଦେସେ ଆଇଲା ପଟେ ଏଟାସଙ୍ଗ୍ ଦୁଇପାଲି କାବାଅଇଜିବା କାମ୍ କରି ରଇଲାଟା ।



ଜିସୁ ବନ୍‌ଟାନେ ଗଟେକ୍ ରଗିକେ ନିକ କଲା

୧ ତାର୍ ପଟେ ଜିଉଦିମନର୍ ଗଟେକ୍ ମୁକିଅ ପରବ୍ ରଇଲା । ସେଟାର୍ ପାଇ ଜିସୁ ଜିରୁସାଲାମ୍ ଗାଲା । ୨ ଜିରୁସାଲାମର୍ ମେଣ୍ଡୁ ଦୁଆର୍ ଲଗେ ଗଟେକ୍ ବନ୍ ରଇଲା । ସେଟାକେ ଏବ୍‌ରି ବାସାଇ ବେତେସ୍‌ଦା ବଲି କଇବାଇ । ତେଇ ପାଁଟା ମଣ୍ଡୁ ରଇଲା । ୩ ସେ ମଣ୍ଡୁ ମନର୍‌ଟାନେ କେତେକ୍ କେତେକ୍ ଜର୍‌ଦୁକା

☆ ୪:୪୪ ୪:୪୪ ମାଟିଭ ୧୩:୫୭; ମାର୍‌କ୍ ୭:୪; ଲୁକ୍ ୪:୨୪ ☆ ୪:୪୫ ୪:୪୫ ଜଅନ୍ ୨:୧୩ ☆ ୪:୪୬ ୪:୪୬ ଜଅନ୍ ୨:୧-୧୧

ଅଇଲା ଲକ୍ଷ୍ମୀନନ୍ଦ ରଜତେ ରଜଲାଇ । ରଗିମନରୁ ବିତ୍ତରେଅନି କାଣା, ଚଟା, ଆରି କେତେକ୍ ଅଦୁଆ ରଗିମନ୍ ରଜଲାଇ । ୪ କାଜକେବଇଲେ କେତେ କେତେବଲ୍ ପରମେସରର ଗଟେକ୍ ଦୁଡ଼ ଆସିକରି ସେ ବନ୍ଦର ପାନି ଅଲ୍ଲକା କରତେ ରଜଲା । ଆରି ସେ ଅଲ୍ଲକା ଅଇଲାପତେ, ଜନ୍ ଲକ୍ ପରୁଡୁମ୍ ଜାଇତେ ରଜଲା, ତାକେ କାଜ ରଗ୍ ଅଇରଇଲେ ମିସା ନିମାନ୍ ଅଇଜାଇତେରଇଲା । ୫ ତାକର ବିତ୍ତରେ ତିରିସ୍ ଆଡ଼ ବରସ୍ ଜାକ ଡୁଲିରଇବା ଗଟେକ୍ ରଗି ଲକ୍ ରଇଲା । ୬ ତେଇ ଜିସୁ ସେ ରଗି ଡୁଲିରଇବାଟା ଦେକି, ଏ ଲକ୍ ବେସି ବରସର ରଗି ବଲି ଜାନି ତାକେ ପାଟାରୁଲା । “ତମେ କାଜ ନିମାନ୍ ଅଇବାକେ ମନ୍ କଲାସିନି କି ?”

୭ ସେ ରଗି ଲକ୍ ଜିସୁକେ କଇଲା, “ଏ ଆଗିଆଁ ପାନି ଅଲ୍ଲକା କଲାବେଲେ, ସେ ବନ୍ଦ ବିତ୍ତରେ ମକେ ନେବାକେ କେ ନାଇ । ଆରି ବନ୍ଦ ବିତ୍ତରେ ଜିବାକେ ଚେସ୍ତା କଲାବେଲେ ବିନ୍ ଲକ୍ ମର୍ ଆଗୁଡୁ ଉଚିଜିବାଇ ।”

୮ ଜିସୁ ତାକେ କଇଲା, “ଉଚି ଚିଆଅ, ଆରି ତର୍ ଟାଟି ଦାରି ଇଣ୍ଡିଜା ।” ୯ ସେ ଦାପୁରେ ସେ ଲକ୍ ନିମାନ୍ ଅଇଗାଲା ଆରି ନିଜର୍ ଟାଟି ଦାରିକରି ଇଣ୍ଡିବାରୁ ଦାଉଲା । ସେ ଦିନ୍ ବିସରାମ୍ବାରୁ ରଇଲା । ୧୦ ସେଟାରୁପାଇ ଜିଉଦି ନେତାମନ୍, ନିମାନ୍ ଅଇଲା ରଗିକେ କଇବାରୁ ଦାଉଲା, “ଆଜି ବିସରାମ୍ ଦିନେ, ତୁଇ ଟାଟି ଦାରି ଜିବାଟା ଆମର୍ ନିୟମ୍ ନାଇ ।”

୧୧ ମାତର୍ ସେ ଲକ୍ ସେମନ୍ଦକେ କଇଲା, “ଜେ ମକେ ନିମାନ୍ କଲା ସେ ମକେ ତମର୍ ଟାଟିଦାରିକରି ଜା ବଲି କଇଲାଆତେ ।”

୧୨ ସେମନ୍ ତାକେ ପାଟାରୁଲା, “ଜେ ତକେ ଟାଟି ଦାରି ଜା ବଲି କଇଲା, ସେ ଲକ୍ କେ ?”

୧୩ ମାତର୍ ସେ ନିମାନ୍ ଅଇଲା ଲକ୍ ଜିସୁ କେ ବଲି ଚିନି ନରଇଲା, କାଜକେ ବଇଲେ ସେ ଜାଗାଇ ବେସି ଲକ୍ମନ ରଇଲାଇଜେ, ଜିସୁ ତେଇଅନି ବିନେ ପିସ୍ଲି ଉଚିଜାଇରଇଲା ।

୧୪ ତାରୁ ପତେ ଜିସୁ ସେ ନିକ ଅଇଲା ଲକ୍ମକେ ମନ୍ଦିର ବିତ୍ତରେ ଦେକିକରି କଇଲା, “ଦେକ୍ ଏବେ ତୁଇ ନିକ ଅଇଜାଇଆରୁସ୍ । ତୁଇ ଆରି ପାପ୍ କାମ୍ କରନାଇ । ନଇଲେ ତକେ ଆରି ଅଦିକ୍ ଦୁକ୍ କସ୍ତ ଆଇସି ମିସା ।”

୧୫ ତାରୁ ପତେ ସେ ନିକ ଅଇଲା ଲକ୍ ଜିଉଦି ନେତାମନ୍ର ଲଗେ ଜାଇକରି, “ଜେ ତାକେ ନିକ କରିରଇଲା, ସେ ଜିସୁ” ବଲି କଇଲା । ୧୬ ଏ ନିମାନ୍ କାମ୍ କଲାଟା, ବିସରାମ୍ ବାରେ ଅଇରଇଲା ଜେ, ଜିଉଦି ନେତାମନ୍ ଜିସୁକେ ଦୁକ୍ କସ୍ତ ଦେବାରୁ ବସ୍ତାଇ । ୧୭ ମାତର୍ ଜିସୁ ସେମନ୍ଦକେ କଇଲା, “ମରବାବା ପରମେସର୍ ସବୁବେଲା କାମ୍ କଲାନି, ମୁଇ ମିସା ସେନ୍ତି କାମ୍ କଲିନି ।”

୧୮ ଜିସୁ ଏନ୍ତି କଇରଇଲାଜେ ଜିଉଦି ନେତାମନ୍ ତାକେ ମରାଇବାକେ ଅଦିକ୍ ଚେସ୍ତା କଲା । କାଜକେ ବଇଲେ ଜିସୁ ବିସରାମ୍ ବାରୁ ନିୟମ୍ ମାନେ ନାଇ ବଲି ନାଇ, ମାତର୍ ସେ ପରମେସର୍କେ ମର୍ ବାବା ବଲି କଇ, ନିଜକେ ପରମେସର୍ ସଙ୍ଗ୍ ସମାନ୍ କରି ରଇଲା ।

ପଅର ଅଦିକାର

୧୯ ଜିସୁ ସେମନ୍ଦକେ କଇଲା, “ମୁଇ ତମକେ ସଡ଼ କଇଲିନି, ପରମେସରର ପିଲା ମୁଇ ନିଜେ କାଜଟା ମିସା କରିନାପାରି । ମର୍ ବାବା ଜନ୍ ଜନ୍ଟା ସବୁ କରବାଟା ମୁଇ ଦେକ୍ଲିନି ସେଟାସେ ମୁଇ କରିପାରି । କାଜକେ ବଇଲେ ବାବା ଜନ୍ ଜନ୍ଟା ସବୁ କଲାନି ତାରୁପିଲା ମୁଇ ମିସା ସେଟା ସବୁ ସେନ୍ତିସେ କଲିନି । ୨୦ ବାବା ମକେ ଆଲାଦ୍ କରସି ଆରି ନିଜେ ଜନ୍ଟା କରସି, ସେ ସବୁ ମକେ ଦେକାଇସି । ଆରି ଏବେ ଜାଇଟା ଗଟୁଲା ଆତେ, ତାରୁତେଇଅନି ଅଦିକ୍ ବଡ଼ ବଡ଼ କାବାଅଇଜିବା କାମ୍ ମନ୍ ମକେ ଦେକାଇସି । ସେଟା ସବୁ ଦେକି ତମେ ସବୁଲକ୍ କାବାଅଇଜାଇସା । ୨୧ ବାବା ପରମେସର୍ ଜେନ୍ତି ମଲାଲକ୍ମନକେ ଜିବନ୍ କରି ଉଗାଇସି, ସମାନ୍ ସେନ୍ତି ମୁଇ ମିସା ତାରୁ ପିଲା ଜାକେ ଜାକେ ମନ୍ କରୁବି, ସେମନ୍ଦକେ ମଲାତେଇଅନି ଉଗାଇବି । ୨୨ ବାବା ପରମେସର୍ କାକେ ମିସା ତାରୁ ପାପ୍ କାମ୍ଲାଗି ବିଟାରୁ ନ କରେ । ମାତର୍ ସବୁ ଲକ୍ମନରୁ ବିଟାରୁ କରବା ପୁରାପୁରୁନ୍ ଅଦିକାରୁ ତାରୁ ପିଲା ମକେ, ଦେଲା ଆତେ । ୨୩ ତେବେ ସବୁ ଲକ୍ମନ ବାବାକେ ଜେନ୍ତି ସନ୍ମାନ୍ ଦେଲାଇନି, ସେନ୍ତିସେ ତାରୁ ପିଲା ମକେ ମିସା ସନ୍ମାନ୍ ଦେବାଇ । ଜଦି ଜନ୍ ଲକ୍ମନ ତାରୁ ପିଲା ମକେ ସନ୍ମାନ୍ ଦେଅଡ଼ ନାଇ, ସେମନ୍ ମକେ ପାଟାଇଲା ବାବାକେ ମିସା ସନ୍ମାନ୍ ଦେଅଡ଼ ନାଇ ।

୨୪ “ମୁଇ ତମକେ ସଡ଼ କଇଲିନି, ଜେ ମର୍ କାତା ସୁନି ମକେ ପାଟାଇଲା ପରମେସର୍କେ ବିସ୍ବାସ୍ କରସି, ସେ ନ ସାରୁବା ଜିବନ୍ ପାଇସି । ଆରି ସେ ବିଟାରୁନା କରାଇ ନ ଅଏ । କାଜକେବଇଲେ ସେ ମରନ୍ଦକେ ଜିତି କରି ଜିବନ୍ ପାଇଆତେ । ୨୫ ମୁଇ ତମକେ ସଡ଼ କଇଲିନି ଏନ୍ତି ଗଟେକ୍ ବେଲା ଆଇଲାନି, ସେ ବେଲା ଏବେ କେଟିଆତେ । ଜେତେବେଲା ମଲା ଲକ୍ମନ ପରମେସରର ପିଲା ମର୍ କିଟର୍ ସର୍

ସୁନ୍‌ବାଇ, ସେମାନ ଜିବନ୍ ଅଇ ଉର୍‌ବାଇ ।^{୨୭} ବାବା ଜେନ୍ତ୍ରିକି ଜିବନ୍‌ର୍ ମୁଲ୍, ସେନ୍ତ୍ରିକିସେ ତାର୍ ପିଲା ମୁଇ ମିସା ଜିବନ୍‌ର୍ ମୁଲ୍ ।^{୨୮} ଆରି ମୁଇ ପର୍‌ମେସର୍‌ର୍ ଟାନେଅନି ଆଇଲା ନର୍‌ପିଲା ଅଇଲାର୍‌ଲାଗି, ସବୁ ଲକ୍‌ମନ୍‌କେ ବିଚାର୍ କର୍‌ବା ଅଦିକାର୍ ସେ ମକେ ଦେଲାଆଚେ ।^{୨୯} ତମେ ଏଟାର୍‌ପାଇ କାବା ତଥାନାଇ, ଏନ୍ତ୍ରି ବେଲା ଆଇଲାନି, ମରିକରି ତପଅଇଲା ସବୁ ଲକ୍‌ମନ୍ ମର୍ କର୍‌ସର୍ ସୁନ୍‌ବାଇ ।^{୩୦} ଆରି ସେମନ୍ ସମାଦି ଅନି ଆରି ତରେକ୍ ଉର୍‌ବାଇ । କେ କେ ନିକ କାମ୍ କରିଆଚର୍, ସେମନ୍ ମଲାଟାନେଅନି ଜିବନ୍ ଅଇକରି ଉର୍‌ବାଇ । କାରାପ୍ କାମ୍ କରୁମନ୍ ମିସା ମଲାଟାନେଅନି ଉର୍‌ବାଇ ଆରି ଦସି ବଲାଇଅଇବାଇ ।”

ଜିସୁର୍ ବିସଇର୍ କଇବା ସାକି

^{୩୦} ମୁଇ ମର୍ ନିଜର୍ ଅଦିକାରେ କାଇଟା ମିସା କରିନାଇ, ବାବା ମକେ କେନ୍ତ୍ରି କଇଲା ଆଚେ, ସେନ୍ତ୍ରିସେ ବିଚାର୍ କର୍‌ବି । ଆରି ମୁଇ କର୍‌ବାଟା ଟିକ୍‌ସେ । କାଜକେବଇଲେ ମୁଇ ନିଜେ ମନ୍‌କଲାଟା ପୁରାପୁରୁନ୍ କର୍‌ବାକେ ନାଇ, ମାତର୍ ମକେ ପାଟାଇଲା ପର୍‌ମେସର୍ ମନ୍‌କଲାଟା ପୁରାପୁରୁନ୍ କଲିନି ।^{୩୧} ମର୍ ନିଜର୍ ପାଇ ଜଦି ମୁଇ ସାକି ଦେବି, ସେଟା ସର୍ ବଲି ଦାଠା ନ ଜାଏ ।^{୩୨} ମାତର୍ ମର୍ ପାଇ ଆରି ଗଟେକ୍ ଲକ୍ ସାକିଦେଲାନି, ଆରି ସେଟା ମୁଇ ଜାନି । ସେ ମର୍ ବିସଇ କାଇଟା ସବୁ କଇଲାନି ସେଟା ସବୁ ସର୍‌ସେ ।^{୩୩} ତମେ ଜଅନ୍ ଲଗେ କବର୍ ନେଉମନ୍‌କେ ପାଟାଇ ରଇଲାସ୍, ଆରି ସେ ତମ୍‌କେ ସର୍ ବିସଇ ସାକି ଦେଲାଆଚେ ।^{୩୪} ମର୍ ବିସଇ କେ ମିସା ସାକି ଦେଅର୍ ବଲି ମୁଇ ମନ୍ କରିନାଇ । ଜେନ୍ତ୍ରିକି ତମେ ପାପେଅନି ରକିଆ ପାଇସା ସେଟାର୍ ପାଇ ମୁଇ ଏ ସବୁ କଇଲିନି ।^{୩୫} ଜଅନ୍ ଗଟେକ୍ ବଡିପାରା ଲାଗିକରି ଅଲପର୍ ପାଇ ଉଜଲ୍ ଦେଇତେରଇଲା । ଆରି ତମେ ସେ ଉଜଲ୍, ଅଲପ୍ ଦିନର୍ ପାଇ ପାଇକରି ସାର୍‌ଦା ଅଇରଇଲାସ୍ ।^{୩୬} ମାତର୍ ମର୍‌ଲଗେ, ଜଅନ୍‌ର୍ ତେଇଅନି ଅଦିକ୍ ବପୁର୍ ଗଟେକ୍ ସାକି ଆଚେ । ପର୍‌ମେସର୍‌ର୍ ଆଦେସ୍ ଇସାବେ ମୁଇ ଜନ୍ ସବୁ କାମ୍ କଲିନି, ସେଟା ସବୁ ମର୍ ପାଇ ନିକ ସାକି । ସେ ସବୁ କଇଲାନିଜେ, ମକେ ପର୍‌ମେସର୍ ପାଟାଇଲା ଆଚେ ବଲି ।

^{୩୭} ଆରି ମକେ ପାଟାଇଲା ବାବା ପର୍‌ମେସର୍ ମିସା ମର୍ ବିସଇ ସାକି ଦେଲାନି । ତମେ କେବେ ମିସା ତାର୍ କର୍‌ ସୁନାସ୍ ନାଇ, କି ସେ କେନ୍ତ୍ରିଟା ଦେକାସ୍ ନାଇ ।^{୩୮} ଆରି ତାର୍ କାତା ତମ୍ ମନ୍‌ବିତ୍‌ରେ ରଏନାଇ । କାଜକେବଇଲେ ସେ ଜାକେ ପାଟାଇଲା ଆଚେ ତାକେ ତମେ ବିସ୍‌ବାସ୍ କରାସ୍ ନାଇ ।^{୩୯} ତମେ ଜତନ୍‌ସଇ ସାସ୍‌ତର୍‌ମନ୍ ପଡି କଜ୍‌ଲାସ୍‌ନି । ତେଇଅନି ନ ସାର୍‌ବା ଜିବନ୍ ପାଇଅଇସି ବଲି ସେ ସବୁ ପଡିଲାସ୍‌ନି । ସେ ସବୁ ସାସ୍‌ତର୍ ମର୍ ବିସଇସେ ସାକି ଦେଲାନି ।^{୪୦} ଏଲେମିସା ତମେ ନ ସାର୍‌ବା ଜିବନ୍ ପାଇବାକେ ମର୍ ଲଗେ ଆଇବାକେ ନିର୍‌ଲାସ୍‌ନି ।

^{୪୧} “ମୁଇ ମୁନ୍‌ସ୍ ଲକ୍‌ମନ୍‌ର୍ ଟାନେଅନି ତାକ୍‌ପୁଟା କଜି ନାଇ ।^{୪୨} ମୁଇ ଜାନି, ତମେ କେନ୍ତ୍ରି ରକାମର୍ ଲକ୍, ତମ୍ ମନ୍ ବିତ୍‌ରେ ପର୍‌ମେସର୍‌କେ ଆଲାଦ୍ କର୍‌ବାଟା ନାଇ ।^{୪୩} ମୁଇ ମର୍ ବାବା ପର୍‌ମେସର୍‌ର୍ ଅଦିକାର୍ ପାଇ ଆଇଲିଆଡି । ମାତର୍ ତମେ ମକେ ନାମାସ୍ ନାଇ । ମାତର୍ ଜେଡେବେଲା କେ ମିସା ବିନ୍ ଲକ୍ ନିଜେ ମନ୍‌କରି ଆଇଲେ ତାକେ ତାକିନେଲାସ୍‌ନି ।^{୪୪} ତମେ ନିଜର୍ ନିଜର୍ ବିତ୍‌ରେ ସନ୍‌ମାନ୍ ପାଇବାକେ ମନ୍‌କଲାସ୍‌ନି । ମାତର୍ ପର୍‌ମେସର୍‌ର୍ ଆଲାଦ୍ ପାଇବାକେ ମନ୍ କରାସ୍ ନାଇ । ସେନ୍ତ୍ରି ବଇଲେ ତମେ କେନ୍ତ୍ରି ମକେ ବିସ୍‌ବାସ୍ କରିପାରାସ୍ ?^{୪୫} ମୁଇ ତମ୍ ବିରଦେ ପର୍‌ମେସର୍‌ତେଇ ଦସି କର୍‌ବି ବଲି ତମେ ବାବାନାଇ । ତମେ ଜନ୍‌ଟା ମସାର୍ ତେଇ ଆସା କରିଆଟାସ୍ ସେ ସେ ତମ୍ ବିରଦେ ଦସି କଲାନି ।^{୪୬} ଜଦି ତମେ ମସାକେ ସର୍‌ବଲି ବିସ୍‌ବାସ୍ କଲାସ୍‌ନି ବଇଲେ ମକେ ମିସା ବିସ୍‌ବାସ୍ କର୍‌ତେ ରଇସା । କାଜକେବଇଲେ ମସା ମର୍ ବିସଇସେ ଲେକିଆଚେ ।^{୪୭} ମାତର୍ ସେ ଜନ୍‌ଟା ଲେକିଆଚେ, ତେଇ ଜଦି ତମ୍ ବିସ୍‌ବାସ୍ ନାଇ ବଇଲେ, ମୁଇ ଜନ୍‌ଟା କଇଲିନି, ସେଟା କେନ୍ତ୍ରି ବିସ୍‌ବାସ୍ କର୍‌ସା ?”



ଜିସୁ ପାଁର୍ ଅଜାର୍ ଲକ୍‌ମନ୍‌କେ କୁଆଇଲା

(ମାତିଉ ୧୪:୧୩-୨୧; ମାର୍କ ୬:୩୦-୪୪; ଲୁକ୍ ୯:୧୦-୧୭)

^୧ ତାର୍ ପଟେ ଜିସୁ ଗାଲିଲି ଗାଡ୍ ସେପାଟେ ସେ ଗାଡ୍‌କେ ଡିବିରିଆ ଗାଡ୍ ବଲି ମିସା କଇବାଇ, ସେ ଜାଗାଇ ଗାଲା ।^୨ ଆରି ବେସି ଲକ୍‌ମନ୍ ତାର୍ ପଟେ ପଟେ ଗାଲାଇ । କାଜକେ ବଇଲେ ସେ ରଗି ଲକ୍‌ମନ୍‌କେ ତାର୍ କାବାଅଇଜିବା ବପୁ ସଇଁ ନିମାନ୍ କର୍‌ବାଟା ସେମନ୍ ଦେକି ରଇଲାଇ ।^୩ ଜିସୁ ତାର୍

* ୫:୩୩ ୫:୩୩ ଜଅନ୍ ୧:୧୯-୨୭; ୩:୨୭-୩୦ * ୫:୩୭ ୫:୩୭ ମାତିଉ ୩:୧୭; ମାର୍କ ୧:୧୧; ଲୁକ୍ ୩:୨୭

ସିସ୍ତାମନର ସଙ୍ଗେ ଗଟେକ୍ ତଙ୍ଗର ଉପରେ ଜାଇ ବସିଲା ।^୪ ସେବେଲେ ଜିଉଦି ମନରୁ ନିସ୍ତାର ପରବ୍ କେଟି ଆଇତେରଇଲା ।^୫ ତାରୁ ଲଗେ ବେସି ଲକ୍ମନ ଆଇବାଟା ଦେକିକରି ଜିସୁ ପିଲିପ୍ପକେ ପାଟାରୁଲା, “ଏତେକ୍ମାଣ୍ଡ ଲକ୍ମନର ପାଇ କନ୍ତ୍ରୁଅନି ଜାଇ କାଦି ଗେନିଆନି ଅଇସି ?”^୬ ମାତରୁ ପିଲିପ୍ପକେ ପରିକା କରବାକେ ଜିସୁ ଏନ୍ତାରି ପାଟାରି ରଇଲା । କାଇକେ ବଇଲେ ଜିସୁ କାଇଟା କରବାକେ ଗାଲାନି ବଲି ସେ ନିଜେ ଜାନିରଇଲା ।

^୭ ପିଲିପ୍ପ ଜିସୁକେ କଇଲା, “ଇତି ରଇଲା ସବୁ ଲକ୍ମନକେ ଦୁଇସ ତେଇ ଅନି ଅଦିକ୍ ରୁପାଟାଙ୍ଗାରୁ *ରୁଟି ଗେନବାକେ ପଡ଼ୁସି ।”^୮ ତେଇ ଆନ୍ଦରିୟ ନାଉରୁ ଗଟେକ୍ ସିସ୍ତା ରଇଲା, ସେ ସିମନ ପିତରରୁ ବାଇ । ସେ କଇଲା, “ଇତି ଗଟେକ୍ ପିଲାରୁ ଗାନେ ପାଁଟଟା ରୁଟି ଆରି ଦୁଇଟା ବାଜିଲା ସାନ ମାଟ୍ ଆଟେ ।^୯ ମାତରୁ ଏଡ଼କି ଲକ୍ମନପାଇ ସେଟା ନ ଅଏ ।”

^{୧୦} ଜିସୁ ତାରୁ ସିସ୍ତାମନକେ କଇଲା, “ଲକ୍ମନକେ ଗାଁସ୍ ଉପରେ ବସାଆ ।” ସେ ପଡ଼ିଆଇ ବେସି ଗାଁସ୍ ରଇଲା । ଗାଁସ୍ ଉପରେ ସବୁଲକ୍ ବସିଲା । ଆରି ତେଇ ଅବ୍କା ମୁନୁସ୍ ପିଲାସେ ପାଁଟ୍ ଅଜାରୁ ଲକ୍ ରଇଲା ।^{୧୧} ଜିସୁ ରୁଟି ଦାରି ପରମେସରୁକେ ଦନିଅବାଦ୍ ଦେଲା ଆରି ତେଇ ବସିରଇବା ଲକ୍ମନକେ ବାଟାକରି ଦେଲା । ସେନ୍ତ୍ରସେ ମାଟ୍ ମିସା ବାଟାକରି ଦେଲା । ତେଇ ସେମନକେ ପେଟ୍ ପୁରତେ କାଇବାକେ ମିଲୁଲା ।^{୧୨} ସବୁ ଲକ୍ମନ ପେଟ୍ ପୁରତେ କାଇଲା ପଟେ, ଜିସୁ ତାରୁ ସିସ୍ତାମନକେ କଇଲା, “ଅଗଲୁଲା ମାଟ୍ ଆରି ରୁଟି ଗଟେକ୍ଗାନେ ଟୁଲିଆଉ, ତେବେ କଣ୍ଡେକ୍ ମିସା ନସଟ ନ ଅଏ ।”^{୧୩} ଲକ୍ମନ କାଇସାରାଇଲା ପଟେ, ସେ ପାଁଟଟା ରୁଟିଅନି ଜେଡ଼କି ଅଗଲୁଲା, ସିସ୍ତାମନ ସେଟା ଟୁଲିଆଇ କରି ବାଟଟା ଡାଲାଇ ବରଡ଼ି କଲାଇ ।^{୧୪} ଜିସୁ କଲା ଏ କାବାଅଇଜିବା କାମ୍ ଦେକିକରି ତେଇ ରଇଲା ଲକ୍ମନ କଇଲା “ଏ ଦୁନିଆଇ ପରମେସରୁ ଜନ୍ ବବିସଦ୍ ବକ୍ତା ଆଇବାରୁ ରଇଲା, ସତଇସେ ଏ ଆକା ।”^{୧୫} ସେଦାପରେସେ ଲକ୍ମନ ଜିସୁକେ ରାଇ କରାଇବାକେ ତିଆର୍ ଅଇବାଟା ଜାନି, ତେଇଅନି ସେ ଗଟେକ୍ ଲକ୍ ତଙ୍ଗର ଉପରେ ଉଟିଗାଲା ।

ଜିସୁ ପାନି ଉପରେ ଇଣ୍ଡୁଲା
(ମାତିଉ ୧୪:୨୨-୨୭; ମାର୍କ ୬:୪୫-୫୨)

^{୧୬} ସେ ଦିନେ ସଞ୍ଜ୍ ଅଇଗାଲାକେ ଜିସୁର ସିସ୍ତାମନ ତେଇଅନି ଉଡ଼ରିକରି ଗାତେ ଗାଲାଇ ।^{୧୭} ସିସ୍ତାମନ ତଙ୍ଗାଇ ବସି ଗାଡ଼ ସେପାଟେ ରଇଲା କପରନାଉମ୍ ଜାଗାଇ ବାଉଡ଼ବାରୁ ଦାରୁଲା । ସେଡ଼କିବେଲେ ଆନ୍ଦାରୁ ଅଇ ଆଇତେ ରଇଲା । ମାତରୁ ସେ ବେଲା ଜାକ ଜିସୁ ତାକରୁ ଲଗେ ଆସି ନ ରଇଲା ।^{୧୮} ଆରି ତେଇ ବେସି ବାଉ ପବନ୍ ଅଇବାରୁ ଦାରୁଲାଜେ ଗାତେ ବେସି ବଡ଼ ବଡ଼ ଲଅଡ଼ି ଅଇତେ ରଇଲା ।^{୧୯} ସେମନ ଚଟୁ ଗାଟି ଗାଟି ପାଁଟ୍ କି ଚଅ କିଲମିଟରୁ ଗାଲା ପଟେ, ଜିସୁ ପାନି ଉପରେ ଇଣ୍ଡି ଇଣ୍ଡି ତଙ୍ଗା ଲଗେ ଆଇବାଟା ଦେକିକରି ସେମନ ବେସି ଡରିଗାଲା ।^{୨୦} ମାତରୁ ଜିସୁ ସେମନକେ କଇଲା, “ଡରାନାଇ, ଏଟା ମୁଇସେ ।”^{୨୧} ଜିସୁ ଏ କାତା କଇଲା ପଟେ, ସିସ୍ତାମନ ତାକେ ବେସି ସାରଦା ସଙ୍ଗେ ତଙ୍ଗାଇ ଚଗାଇଲା । ଆରି ସେମନ ଜନ୍ ଜାଗାଇ ଜାଇତେରଇଲା, ସେ ଜାଗାଇ ଦାପ୍ରେ ଜାଇ କେଟ୍ଲାଇ ।

ଲକ୍ମନ ଜିସୁକେ କଇଲା

^{୨୨} ତାରୁ ଆରକରୁ ଦିନରୁ ସାକାଲେ, ଗାଡ଼ ସେପାଟେ ରଇଲା ଲକ୍ମନ ଜାନିପାରୁଲାଜେ ଜେ, ତେଇ ଗଟେକ୍ସେ ତଙ୍ଗା ରଇଲା । ଆରି ସିସ୍ତାମନ ଜିସୁକେ ମିସ୍ତେ ଡାକି ନ ନେଇ, ତଙ୍ଗାଇ ବସି ମଜାଗାତେ ଉଟିଗାଲାଜି ଆତଡ଼ ବଲି । ସେମନ ତାକେ ଚାଡ଼ିକରି ଜାଇରଇଲା ।^{୨୩} ଜନ୍ ଜାଗାଇ ମାପୁରୁ ଜିସୁ ପାରଦନା କରି ଲକ୍ମନକେ ରୁଟି କାଇବାକେ ଦେଇରଇଲା, ସେ ଜାଗା ଲଗେ ଡିବିରିଆ ଗାତେଅନି ଆରି କେଡେଟା ତଙ୍ଗା ଆସି କେଟ୍ଲା ।^{୨୪} ସେ ଜାଗାଇ ଲକ୍ମନ ଜିସୁକେ ଆରି ତାରୁ ସିସ୍ତାମନକେ ବେଟ୍ ନ ଅଇଲାକେ, ତଙ୍ଗାମନକେ ଚଗି ତାକେ କଜି କଜି କପରନାଉମ୍ ଜାଗାବାଟେ ଜିବାକେ ବାରଇଲା ।

ଜିସୁ ଅଇଲାନି ଜିବନରୁ କାଦି

^{୨୫} ଲକ୍ମନ ଜିସୁକେ ଗାଡ଼ ସେପାଟେ ବେଟ୍ ଅଇକରି ପାଟାରୁଲା, “ଏ ଗୁରୁ ତମେ ଇତି କେଡେବଲ୍ ଆସି କେଟ୍ଲାସ୍ ?”^{୨୬} ଜିସୁ ସେମନକେ କଇଲା, ମୁଇ ତମକେ ସଡ଼ କଇଲିନି, ମୁଇ କରିରଇବା କାବାଅଇଜିବା କାମ୍ ବୁଜିକରି ମକେ କଜାସ ନାଇ । ମାତରୁ ତମେ ପେଟ୍ ପୁରତେ ରୁଟି କାଇରଇଲାସ୍ ବଲି ଆସିଆଟାସ୍ ।^{୨୭} ଜନ୍ କାଦି ନସିଜାଇସି, ସେ କାଦିରୁ ପାଇ ଏତେକ୍ କସଟ କରାନାଇ, ମାତରୁ ଜନ୍ଟା

* ୨:୨ ୬:୭ ରୁପାଟାଙ୍ଗାରୁ ଗଟେକ୍ ରୁପାଟାଙ୍ଗାରୁ ମୁଲିଅ ଗଟେକ୍ ଦିନରୁ ଆଜି

ନ ନସେ, ସେଟା ନ ସାର୍ବତା ଜିବନ୍ ଦେଇସି, ସେଟାର ପାଇ କସଟ କରା । ଏ କାଦି ନରୁପିଲା ମୁଇ ଦେବି । କାଇକେ ବଇଲେ, ସେଟାରପାଇ ବାବା ପରୁମେସର୍ ମକେ ଅଦିକାର ଦେଲାଆତେ ।

୨୮ ସେବେଲେ ଲକ୍ମନ ଜିସୁକେ ପାଟାରୁଲାଇ, “ଜନ୍ଟା ପରୁମେସର୍ ମନ୍ କଲାନି, ସେଟା ଆମେ କରବାର ଆଲେ କାଇଟା କରବାର ଆତେ ?”

୨୯ ଜିସୁ ସେମନ୍‌କେ କଇଲା, “ଜାକେ ପରୁମେସର୍ ପାଟାଇଲା ଆତେ, ତାକେ ତମେ ବିସ୍‌ବାସ୍ କଲେ ସେଟା କରିପାରାସ୍ ।”

୩୦ ସେବେଲା ସେମନ୍ ଜିସୁକେ ପାଟାରୁଲାଇ, “ଏନ୍ତି ବଇଲେ ଆମେ ଜେନ୍ତି ବିସ୍‌ବାସ୍ କରୁ, ସେଟାର ପାଇ ଆମକେ କାଇଆଲେ କାବାଅଇଜିବା କାମ୍ କରି ଦେକାଇପାରୁସ୍ କି ? କ କାଇଟା କରିପାରୁସ୍ ?”

୩୧ ଆରି ସେମନ୍ କଇଲା, “ଆମର୍ ଆନିଦାଦିମନ୍ ମରୁବାଲି ବୁଏ ମାନା କାଦି କାଇରଇଲା, ସେଟା ଆମର୍ ଦରମ୍ ସାସ୍‌ତର ଇସାବେ ପରୁମେସର୍ ସେମନ୍‌କେ ସର୍ଗେ ଆନି ଦେଇରଇଲା ।”

୩୨ ଜିସୁ ସେମନ୍‌କେ କଇଲା, “ମୁଇ ତମ୍‌କେ ସତ୍ କଇଲିନି, ଜନ୍ଟା ମସା ତମ୍‌କେ ଦେଇରଇଲା, ସେଟା ସର୍ଗେଅନି ଆସିରଇଲା କାଦି ନଏ । ମାତର୍ ମର୍ ବାବା ତମକେ ସର୍ଗେଅନି ସତ୍ କାଦି ଦେଇସି । ୩୩ ପରୁମେସର୍ କାଦି ଅଇଲାନି ଗଟେକ୍ ଲକ୍ ଜେ କି ନ ସାର୍ବତା ଜିବନ୍ ଦେବାକେ ସର୍ଗେଅନି ଦୁନିଆଇ ଆସିରଇଲା” ବଲି କଇଲା ।

୩୪ ଲକ୍ମନ ଜିସୁକେ କଇଲା, “ଆଗିଆଁ ସବୁବେଲେ ଆମକେ ଏ କାଦି ଦିଆ ।”

୩୫ ତାର୍ ପଟେ ଜିସୁ ସେମନ୍‌କେ କଇଲା, “ମୁଇ ସେ ଜିବନ୍‌ର୍ କାଦି । ଜନ୍ ଲକ୍ ମର୍ ଲଗେ ଆଇସି, ସେ କେବେ ମିସା ବୁକେ ନ ରଏ । ଆରି କେ ମକେ ବିସ୍‌ବାସ୍ କରୁସି ତାକେ କେବେ ମିସା ସସ୍ ନ ଲାଗେ । ୩୬ ମୁଇ ତମ୍‌କେ କଇଲିନି, ତମେ ମକେ ଦେକିକରି ମିସା ବିସ୍‌ବାସ୍ କରାସ୍‌ନାଇ । ୩୭ ମର୍ ବାବା ପରୁମେସର୍ ଜନ୍ ଲକ୍ମନକେ ମକେ ଦେଲା ଆତେ, ସେ ଲକ୍ମନ ମର୍ ଲଗେ ଆଇବାଇ । ଆରି ମର୍ ଲଗେ ଆଇବା ଲକ୍ମନକେ କେବେ ମିସା ନ ବାଉଡାଇ । ୩୮ କାଇକେବଇଲେ ମୁଇ ନିଜେ ମନ୍ କଲାଟା ପୁରାପୁରୁନ୍ କରବାକେ ଆସି ନାଇ, ମାତର୍ ମକେ ପାଟାଇରଇବା ପରୁମେସର୍ ମନ୍‌କଲାଟା ପୁରାପୁରୁନ୍ କରବାକେ ସର୍ଗେଅନି ଆସିଆଟି । ୩୯ ଜନ୍ ଲକ୍ମନକେ ସେ ମକେ ଦେଲାଆତେ, ସେମନ୍‌ର୍ ବିତ୍‌ରେଅନି ମୁଇ ଗଟେକ୍ ଲକ୍ମନକେ ମିସା ନ ଆଜାଇ । ସାରାସାରି ଦିନେ ସେ ସବୁ ଲକ୍ମନକେ ଆରିତରେକ୍ ଜିବନ୍ କରି ଉଟାଇବି । ଏଟା ଆକା ସେ ମନ୍ କରବାଟା । ୪୦ ପରୁମେସର୍ ପିଲା ମୁଇ କେ କେ ମକେ ଦେକବାଇ ଆରି ବିସ୍‌ବାସ୍ କରବାଇ, ସେମନ୍ ନ ସାର୍ବତା ଜିବନ୍ ପାଇବାର୍ ଆତେ ବଲି ପରୁମେସର୍ ମନ୍ କଲାନି । ଆରି ମୁଇ ସେମନ୍‌କେ ସାରାସାରି ଦିନେ ମଲାଟାନେଅନି ଜିବନ୍ ଅଇକରି ଉଟାଇ ଦେବାର୍ ଆତେ ବଲି ମିସା ପରୁମେସର୍ ମନ୍ କଲାନି” ବଲି କଇଲା ।

୪୧ ଏଟା ସୁନିକରି ଜିଉଦି ନେତାମନ୍ ଜିସୁର୍ ବିରଦେ ସେମନ୍‌ର୍ ବିତ୍‌ରେ ଦଦାପେଲା ଅଇଲାଇ । କାଇକେ ବଇଲେ, ଜିସୁ ମୁଇ ସର୍ଗେ ଅନି ଆସିରଇବା କାଦି ବଲି କଇଲାର୍ ପାଇ ସେମନ୍ ଏନ୍ତି ଅଇଲାଇ । ୪୨ ସେମନ୍ କଇଲା, “ଏଟା ଜସେପର୍ ପିଲା ଜିସୁ ନଏଁ କି ? ଆମେ ତାର୍ ଆୟା ବାବାକେ ଜାନି ଆତୁ । ସେ କେନ୍ତି ‘ମୁଇ ସର୍ଗେଅନି ଆସିଆଟି’ ବଲି କଇଲାନି ?”

୪୩ ଜିସୁ ସେମନ୍‌କେ କଇଲା, ତମେ ଦଦାପେଲା ଉଆନାଇ, ଚିମ୍‌ରାଇଅଇ ରୁଆ । ୪୪ ମକେ ପାଟାଇରଇବା ପରୁମେସର୍ ମର୍ ଲଗେ ତାକି ନ ଆନ୍‌ଲେ, କେ ମିସା ମର୍ ଲଗେ ଆସିନାପାରତ୍ । ଆରି ଜେ ଜେ ଆଇବାଇ, ସେମନ୍‌କେ ମୁଇ ସାରାସାରି ଦିନେ ମଲାଟାନେଅନି ଜିବନ୍ କରି ଉଟାଇବି । ୪୫ ବବିସ୍‌ତବ୍‌କ୍‌ତାମନ୍ ଦରମ୍ ସାସ୍‌ତରେ ଲେକିଆତତ୍, ପରୁମେସର୍‌ଟାନେଅନିସେ ସବୁଲକ୍ ସିକ୍‌ବାଇ । କେ ମିସା ବାବାର୍ କାତା ସୁନି ତାର୍ ସିକିଆ ପାଇସି, ସେ ମର୍‌ଲଗେ ଆଇସି । ୪୬ କେ ମିସା ବାବାକେ ଦେକ୍‌ନମା । ମୁଇ ପରୁମେସର୍ ତେଇଅନି ଆସିଆଟେ, ମୁଇସେ ବାବାକେ ଦେକିଆଟି । ୪୭ ମୁଇ ତମ୍‌କେ ସତ୍ କଇଲିନି, ଜନ୍ ଲକ୍ ମକେ ବିସ୍‌ବାସ୍ କରୁସି, ସେ ନ ସାର୍ବତା ଜିବନ୍ ପାଇସି । ୪୮ ଉଁ, ମୁଇସେ ଜିବନ୍ ଦେବା କାଦି । ୪୯ ତମ୍ ମର୍ ଆନିଦାଦିମନ୍ ମରୁବାଲିବୁଏ ମାନା କାଦି କାଇରଇଲା, ଏଲେମିସା ସେମନ୍ ମଲାଇ । ୫୦ ମାତର୍ ଜନ୍ କାଦି ସର୍ଗେଅନି ଆଇସି, ସେଟା ଜେ କାଇଲେ ମିସା, ନ ମରତ୍ ।

୫୧ ମୁଇସେ ସର୍ଗେଅନି ଆଇଲା ଜିବନ୍ ଦେବା କାଦି । ଏ କାଦି କାଇଲା ଲକ୍ମନ ସବୁ ଦିନର୍ ପାଇ ବଠି ରଇବାଇ । ଏ କାଦି ଅଇଲାନି ମର୍ ଗାଗତ୍ । ଏ ଦୁନିଆର୍ ଲକ୍ମନ କାଲ୍‌କାଲ୍ ଜୁଗ୍‌ଜୁଗ୍ ବଠି ରଇବାକେ ମର୍‌ଗାଗତ୍ ଦେବି ବଲି କଇଲା ।

୫୨ ଜିସୁ କଇଲା କାତା ସୁନି ଜିଉଦି ନେତାମନ୍ ରିସାଅଇ ଆଉଲିଅଇକରି “ଏ ଲକ୍ କେନ୍ତି ନିଜର୍ ଗାଗତ୍ ଆମକେ କାଇବାକେ ଦେଇ ପାରେ ?” ବଲି ଦଦାପେଲା ଅଇ କଇଲାଇ ।

୫୩ ଜିସୁ ସେମାନଙ୍କେ କଇଲା, “ମୁଇ ସତ୍‌କାତା କଇଲିନି, ପର୍ତ୍ତେସର୍ ପାଟାଇ ରଇବା ନର୍ପିଲା ମୁଇ, ମର୍ ଗାଗଡ୍ ଆରି ବନି ନ କାଇଲେ, ଜିବନ୍ ମିଲାଇ ନାପାରାସ୍ । ୫୪ ମାତର୍ ଜନ୍ ଲକ୍ ମର୍ ଗାଗଡ୍ ଆରି ବନି କାଇସି ସେ ନ ସାର୍‌ବା ଜିବନ୍ ପାଇସି । ମୁଇ ସେ ଲକ୍‌କେ ସାରାସାରି ଦିନେ ମଲାଟାନେଅନି ଉଟାଇବି । ୫୫ କାଇକେବଇଲେ, ମର୍ ଗାଗଡ୍ ଅଇଲାନି ସତ୍ କାଦି ଆରି ମର୍ ବନି ଅଇଲାନି ସତ୍ ପାନି । ୫୬ ଜନ୍ ଲକ୍ ମର୍ ଗାଗଡ୍ ଆରି ବନି କାଇସି, ସେ ମର୍ଟାଣେ ରଇସି ଆରି ମୁଇ ତାଟାଣେ ରଇବି । ୫୭ ଜିବନ୍ ରଇବା ବାବା ମକେ ପାଟାଇଆରେ, ଆରି ତାଟାଲଗି ମୁଇ ବଞ୍ଚିଆରି । ସେନ୍ତାରିସେ ଜେ ମକେ କାଇସି, ମର୍ଟାଲଗି ବଞ୍ଚିରଇସି । ୫୮ ଏଟାସେ ସର୍ଗେଅନି ଆସିରଇବା କାଦି । ଜନ୍ କାଦି ତମର୍ ଆନିଦାଦିମନ୍ କାଇକରି ପଟେ ମଲାଇ, ଏଟା ସେନ୍ତାରି କାଦି ନର୍ । ଏ କାଦି ଜେ କାଇସି ସେ କାଲ୍‌କାଲ୍ କୁଗାକୁଗ୍ ବଞ୍ଚିରଇସି ।”

୫୯ ଜିସୁ କପର୍ନାତମେ ଜିଉଦିମନର୍ ପାର୍ତନା ଗରେ ସିକିଆ ଦେବାବେଲେ ଏ ସବୁ କାତା କଇରଇଲା ।

ନ ସର୍‌ବା ଜିବନର୍ ବାକିଅ

୬୦ ଜିସୁର୍ ସିସମନର୍ ବିତ୍‌ରେ ଅନି କେତେକ୍ ଲକ୍ ଏ କାତା ସୁନିକରି କଇଲା, “ଏ ସିକିଆ ମୁଲ୍‌କେ ବୁଜି ନଇଲାନି । ସେଟାଟ୍‌ପାଇ କେ ଏଟା ନାମ୍‌ସି ?”

୬୧ ଜିସୁକେ ଏ ବିସଇ ନେଇକରି କେ କାଇବଲି ନ କଇରଇଲେ ମିସା, ସିସମନ୍ କୁଆବଲା ଅଇଲାଇନି ବଲି ଜାନିକରି, ସେ ସେମନ୍‌କେ କଇଲା, “ତମେ ଏ କାତା ସୁନି ମନ୍‌ଦୁକ୍ କଲାସ୍‌ନି କି ? ୬୨ ଏନ୍ତି ବଇଲେ, ନର୍ପିଲା ମୁଇ ଜନ୍ ଜାଗାଇଅନି ଆସିରଇଲି, ସେ ଜାଗାଇ ଆରି ତରେକ୍ ବାଉଡି ଜିବାଟା ଦେକଲେ ତମେ କାଇଟା ବଲି କଇସା ? ୬୩ ପର୍ତ୍ତେସରର୍ ଆଡ୍‌ମାସେ ଜିବନ୍ ଦେଇପାରେ । ମୁନ୍‌ସର୍ ବପୁ କାଇଟା କରିନାପାରେ । ପର୍ତ୍ତେସରର୍ ଜିବନ୍ ଦେବା ଆଡ୍‌ମା ତମେ ଜେନ୍ତାରିକି ଜାନି ପାର୍‌ସା ? ସେଟାଟ୍‌ପାଇ ମୁଇ ଏ କାତା କଇଲିଆରି । ୬୪ ମାତର୍ ତମର୍ ବିତ୍‌ରେଅନି କେତେକ୍ ଲକ୍‌ମନ୍ ମକେ ବିସ୍‌ବାସ୍ କରାସ୍ ନାଇ ।” କାଇକେବଇଲେ ବିସ୍‌ବାସ୍ ନ କର୍‌ବା ଲକ୍‌ମନ୍‌କେ ଜିସୁ ଆଗେଅନି ଜାନିରଇଲା । ଆରି ପଟେ ଜନ୍ ଲକ୍ ତାକେ ସତ୍‌ରୁକେ ସର୍ପି ଦେଇସି, ତାକେ ମିସା ଜାନି ରଇଲା । ୬୫ ଆରି ଜିସୁ କଇଲା, “ସେଟାଟ୍‌ ପାଇସେ ମୁଇ ତମକେ କଇଲିନି, ଜଦି ବାବା ନ ପାଟାଇଲେ, କେ ମିସା ମର୍ ଲଗେ ଆସିନାପାରେ ।”

୬୬ ଜିସୁ ଏ କାତା କଇଲାକେ ତାଟ୍ ସଇ ଜାଇତେରଇବା ଲକ୍‌ମନର୍‌ତେଇଅନି ବେସିଲକ୍ ତାଟ୍ ସଇ ଜିବାକେ ମନ୍ ନ କରି ଚାଡି ଉଟିଗାଲାଇ । ୬୭ ସେବେଲେ ଜିସୁ ତାଟ୍ ବାର୍‌ଟା ସିସମନ୍‌କେ ପାଟାଟ୍‌ଲା, “ତମେ ମିସା ମକେ ଚାଡିକରି ଉଟିଜିବାକେ ମନ୍ କଲାସ୍‌ନି କି ?” ୬୮ ସିସମନ୍ ପିତର୍ ତାକେ କଇଲା, “ମାପର୍ ତମକେ ଚାଡି ଆମେ କାଟ୍‌ଲଗେ ଜିବୁ ? ତମର୍‌ଟାଣେଦା ନ ସାର୍‌ବା ଜିବନର୍ ବାକିଅ ଆଟେ । ୬୯ ତମେତା ପର୍ତ୍ତେସରର୍ ଟାନେଅନି ଆଇଲା ସୁକଲ୍ ଲକ୍ ବଲି, ଏବେ ଆମେ ବିସ୍‌ବାସ୍ କରି ଜାନ୍‌ଲୁ ।” ୭୦ ଜିସୁ ସେମନ୍‌କେ କଇଲା, “ମୁଇ କାଇ ତମକେ ବାର ଲକ୍‌କେ ବାଟି ନାଇ କି ? ଏଲେମିସା ତମର୍ ବିତ୍‌ରେଅନି ଗଟେକ୍ ଲକ୍ ସଇତାନର୍ ।” ୭୧ ଇସକାରିୟ୍‌ତର୍ ପିଲା ଜିଉଦାକେ ଦେକାଇକରି ସେ ଏନ୍ତି କଇରଇଲା । କାଇକେ ବଇଲେ ବାର୍‌ଟା ସିସମନର୍ ବିତ୍‌ରେ ଅନି ଜିଉଦା ଗଟେକ୍ ଲକ୍ ଅଇମିସା, ଜିସୁକେ ବିସ୍‌ବାସେ ବିସ୍ ଦେଲାପାରା ସତ୍‌ରୁମନ୍‌କେ ସର୍ପି ଦେବାକେ ମନ୍ କର୍‌ତେ ରଇଲା ।



ଜିସୁ ଆରି ତାଟ୍ ବାଇମନ୍

୧ ତାଟ୍ ପଟେ ଜିସୁ ଗାଲିଲି ବାଟେ ବୁଲ୍‌ବାର୍ ଗାଲା । ସେ ଜିଉଦା ଦେସେ ଜିବାକେ ମନ୍ କରେନାଇ । କାଇକେ ବଇଲେ ଜିଉଦି ନେତାମନ୍ ତାକେ ମରାଇବାକେ ଚେସ୍‌ଟା କର୍‌ତେ ରଇଲାଟା, ସେ ଜାନି ରଇଲା । ୨ ସେ ବେଲେ ଜିଉଦିମନର୍ ଗଟେକ୍ କୁଡିଆ ପରବ୍ ଲଗେ କେଟି ରଇଲା । ୩ ସେଟାଟ୍‌ପାଇ ଜିସୁର୍ ବାଇମନ୍ ତାକେ କଇଲାଇ, “ତୁଇ ଏ ଜାଗା ଚାଡିକରି ଜିଉଦା ଦେସେ ପରବ୍ କାଇବାର୍ ଜା, ତେବେ ତୁଇ କର୍‌ବା କାବାଅଇଜିବା କାମ୍‌ମନ୍ ତର୍ ସିସମନ୍ ଦେକି ପାରବ୍ ।” ୪ ଜେ ତାକ୍‌ପୁଟା ବଲି ଜାନାଇ ଅଇବାକେ ମନ୍‌କଲାନି, ସେ ନିଜର୍ କାମ୍ ଜୁଟାଇକରି ନ ସଙ୍ଗଇ ରଏ । ଜେତେବେଲା ତମେ ଏସବୁ କରିପାର୍‌ଲାସ୍‌ନି ବଇଲେ, ଦୁନିଆର୍ ସତ୍‌ଲକ୍ ତମକେ ଜାନ୍‌ବାଇ । ୫ କାଇକେ ବଇଲେ ଜିସୁର୍ ନିଜର୍ ବାଇମନ୍ ମିସା ତାକେ ବିସ୍‌ବାସ୍ ନ କର୍‌ତେ ରଇଲାଇ ।

୫ ୨:୨୮ ୨:୨୮ ମାଟିଉ ୧୨:୧୨; ମାର୍କ ୮:୨୯; ଲୁକ୍ ୯:୨୦

୭ ଜିସୁ ତାର ବାଇମନ୍କେ କଇଲା, “ଏବେ ଜାକ ମର୍ ସମାନ ବେଲା ଆସେ ନାଇତା । ମାତର୍ ତମରପାଇ ସବୁ ବେଲା ସମାନସେ । ୭ ଏ ଦୁନିଆର୍ ଲକ୍ମନ ତମକେ ଗିନ ନ କରତ୍, ମାତର୍ ମକେ ଗିନ କର୍ବାଇ । କାଇକେ ବଇଲେ ସେମନ୍ କର୍ବା କାମମନ୍ କାରାପ୍ ବଲି ମୁଇ ଜାନାଇଲିନି । ୮ ତମେ ପରବ୍ କର୍ବାକେ ଜାଆ, ମୁଇ ଜାଇ ନାପାରି । କାଇକେ ବଇଲେ ଏବେ ଜାକ ମର୍ ସମାନ ବେଲା ଆସେ ନାଇତା ।” ୯ ଜିସୁ ସେମନ୍କେ ଏ ସବୁ କାତା କଇକରି ଗାଲିଲିତେଇସେ ରଇଗାଲା ।

କୁଡିଆ ପରବଟାନେ ଜିସୁ

୧୦ ତାର୍ ବାଇମନ ପରବ ଟାନେ ଗାଲାପତେ, ଜିସୁ ମିସା ତେଇ ଗାଲା । ସେ ସବୁଲକ୍ ଦେକଲାପାରି ନ ଜାଇକରି ଲୁଡ୍ତେ ଗାଲା । ୧୧ ତେବେ ପରବତେଇ ଜିଉଦି ନେତାମନ୍, “ଜିସୁ କନ୍ତି ଆତେ ?” ବଲି ପାଟାରି ପାଟାରି କଇଲାଇ ।

୧୨ ତେଇ ରଇଲା ବେସି ଲକ୍ମନ ନିଜର୍ ନିଜର୍ ବିତ୍ତରେ ଜିସୁର୍ ବିସଇ କାତା ଅଇତେ ରଇଲାଇ । କେତେ ଲକ୍ ଜିସୁ ବେସି ନିକ ଲକ୍, ବଲି କଇତେ ରଇଲାଇ ମାତର୍ ଆରି ଅଦେକ୍ ଲକ୍ମନ ତାକେ ନାଇ, ସେ ଲକ୍ମନକେ ବୁଲ୍ ସିକିଆ ଦେଲାନି, ବଲି କଇତେ ରଇଲାଇ । ୧୩ ମାତର୍ ଜିଉଦି ନେତାମନ୍କେ ଡରିକରି କେ ମିସା ଜିସୁର୍ ବିସଇ ସବୁଲକ୍ ଜାନୁତେ ସବୁର୍ ମୁଆଁଟେ କଅଡ୍ ନାଇ ।

୧୪ ଆରି ପରବ୍ ଅଦାଅଦି ସାରିଗାଲା ପତେ, ଜିସୁ ମନ୍ଦିର୍ ବିତ୍ତରେ ଜାଇକରି ଲକ୍ମନକେ ସିକିଆ ଦେବାର୍ ଦାରଲା । ୧୫ ତେଇ ଜିଉଦି ନେତାମନ୍ କାବାଅଇଜାଇ କରି କଇଲାଇ, “ଏ ଲକ୍ ପାଡ୍ ନ ପଡି ମିସା କେନ୍ତି ଏଡକି ବିସଇ ଜାନିଆତେ ?”

୧୬ ଜିସୁ ସେମନ୍କେ କଇଲା, “ମୁଇ ସିକାଇଦେବା ଏ ସିକିଆ ମର୍ ନିଜର୍ଟାନେ ଅନି ନଏଁ, ମାତର୍ ମକେ ପାଟାଇରଇବା ପର୍ମେସରର୍ ତେଇଅନି ଆସିଆତେ । ୧୭ ଜେ ଜଦି ପର୍ମେସର୍ ମନ୍କଲାଟା ପୁରୁନ୍ କରବାକେ ମନ୍ କରସି ବଇଲେ ସେ ଜାନିପାରସି, ମୁଇ ଦେଇତେରଇବା ସିକିଆ ପର୍ମେସରର୍ ଟାନେ ଅନି ଆଇଲାନି କି ସେଟା ମର୍ ନିଜର୍ ବପୁର୍ ସଙ୍ଗ୍ କଲିନି ବଲି । ୧୮ ଜନ୍ ଲକ୍ ନିଜର୍ ଅଦିକାରେଅନି କାତା କଇସି ସେ ନିଜେ ମଇମା ପାଇ ଅଇବାକେ କଇସି । ମାତର୍ ଜନ୍ଲକ୍ ମକେ ପାଟାଇଲା ଲକ୍ ସନ୍ମାନ ପାଅ ବଲି ମନ୍ କରସି ବଇଲେ, ସେ ମିଡ୍ ନ କଇ ସଡ୍ କାତା କଇସି । ଆରି ତାର୍ଟାନେ କାଇ ବୁଲ୍ ବିସଇ ନ ରଏ । ୧୯ ମସା ତମକେ ନିୟମ୍ ଦେଲା ଆତେ, ଏଟା ସଡ୍ । ମାତର୍ ତମର୍ ବିତ୍ତରେ କେ ମିସା ଏ ନିୟମ୍ ମାନାସ୍ ନାଇ । ତମେ କାଇକେ ମକେ ମରାଇବାକେ ଚେସଟା କଲାସିନି ?”

୨୦ ଲକ୍ମନ ତାକେ କଇଲାଇ, “ତକେ ତୁମା ଦାରଲା ଆତେ । କେ ତକେ ମରାଇବାକେ ଚେସଟା କଲାନି ?”

୨୧ ଜିସୁ ସେମନ୍କେ କଇଲା, “ମୁଇ ଗଟେକ୍ ଚକିଡ୍ ଅଇଜିବା କାମ୍ କଲି, ସେଟା ଦେକି ତମେ କାବା ଅଇଗାଲାସ୍ । ୨୨ ‘ତମର୍ ପିଲାଜିଲାମନ୍କେ ସୁନଡ୍ କରାଆ’ ବଲି ମସା ଆଦେସ୍ ଦେଇରଇଲା । ଅଇଲେମିସା ମସା ଏ ନିୟମ୍ ଆରାମ୍ କରି ନ ରଇଲା । ତମର୍ ଆନିଦାଦିମନର୍ ବେଲେଅନି ଏଟା ଚଲିଆଇତେରଇଲା ଆରି ତମର୍ ପିଲାମନ୍କେ ବିସରାମ୍ବାରେ ସୁନଡ୍ କରାଇଲାସିନି । ୨୩ *ଜଦି ବିସରାମ୍ବାରେ ଗଟେକ୍ ପିଲାକେ ସୁନଡ୍ କରାଇବାକେ ମସାର୍ ନିୟମ୍ ମାନାସ୍ ନାଇ, ମୁଇ ଜଦି ବିସରାମ୍ବାରେ ଗଟେକ୍ ଲକ୍ମକେ ପୁରାପୁରୁନ୍ ନିକ କଲେ, କାଇକେ ରିସା ଅଇଗାଲାସିନି ? ୨୪ ବାଇରର୍ ବିସଇ ଦେକିକରି କାଇ ବିଟାର୍ କରାନାଇ । ଜନ୍ମଟା ଟିକ୍, ସେ ଇସାବେ ବିଟାର୍ କରା ।”

ଜିସୁ କାଇ ମସିଅ କି ?

୨୫ ଜିରୁସାଲାମର୍ କେତେକ୍ ଲକ୍ କଇଲାଇ, “ସେ ଜିଉଦି ନେତାମନ୍ ଜନ୍ ଲକ୍ମକେ ମରାଇବାକେ ଚେସଟା କଲାଜନି, ଏ କାଇ ସେ ଲକ୍ ନଏଁ କି ? ୨୬ ଦେକା, ସବୁଲକ୍ଟାନେ ଏଡକି ସବୁ କଇପାକାଇଲାନି, ମାତର୍ ତାକେ ର ବଲିକରି କେ ମିସା ପଦେକ୍ କଅଡ୍ନାଇ । ସତଇସେ ଏ ପର୍ମେସର୍ ପାଟାଇଲା ମସିଅ ବଲି ନେତାମନ୍ ଜାନିଆତଡ୍ କି ? ୨୭ ଜେତେବେଲେ ପର୍ମେସର୍ ପାଟାଇଲା ମସିଅ ଆଇସି, ସେଡକିବେଲେ ସେ କନ୍ତି ଅନି ଆସିଆତେ ବଲି କେ ମିସା ନାଜାନଡ୍ । ମାତର୍ ଏ ଲକ୍ କନ୍ତିଅନି ଆସିଆତେ, ସେଟା ଆମେ ସବୁ ଜାନୁ ।”

୨୮ ଜିସୁ ମନ୍ଦିରେ ସିକିଆ ଦେବାବେଲେ ବେସି ଆରଲିଅଇ କଇଲା, “ଉଁ ତମେ ମକେ ନିକ ସଙ୍ଗ୍ ଜାନିଆଟାସ୍ । ସତଇସେ ମୁଇ କେ ଆରି କନ୍ତିଅନି ଆସିଆତି ଜାନିଆଟାସ୍ କି ? ମାତର୍ ମୁଇ ମର୍ ନିଜର୍ ଅଦିକାରେ ଆସିନାଇ, ମକେ ଜେ ପାଟାଇ ଆତେ ସେ ସଡ୍ । ତମେ ତାକେ ନାଜାନାସ୍ । ୨୯ ମାତର୍ ମୁଇ

* ୭:୨୩ ୭:୨୩ ଜଅନ ୫:୯

ତାକେ ଜାନି ଆଚି । କାଇକେ ବଇଲେ ମୁଇ ତାତ୍ତେଇଅନି ଆଇଲି ଆଚି ଆରି ସେ ମକେ ପାଟାଇଲା ଆରେ ।”

୩୦ ଜିସୁ ଏ କାତା କଇବାବେଲେ, ସେମନ୍ ସୁନିକରି ତାକେ ଦାର୍ଦ୍ଦବାକେ ଚେସଟା କଲା । ମାତର୍ କେ ମିସା ଚିଇ ନାପାରୁଲା । କାଇକେ ବଇଲେ ସେଡ଼କି ବେଲା ଜାକ ତାତ୍ତ ବେଲା କେଟି ନ ରଇଲା । ୩୧ ମାତର୍ ତେଇ ରଇଲା ଲକ୍ମନର୍ ବିଡ଼ରେଅନି କେତେକ ଲକ୍ ଜିସୁକେ ବିସ୍ବାସ କରି କଇଲା, “ମସିଅ ଆଇଲେ ଆଟ୍ଟାନେଅନି ସେ କାଇ ଅଦିକ୍ କାବା ଅଇଜିବା କାମ୍ କରସି କି ? ନାଇ ନ କରେ ।”

ଜିସୁକେ ବନ୍ଦି କରବାକେ ଚେସଟା କଲା

୩୨ ଲକ୍ମନ ଜିସୁର୍ ବିସଇ ତାକର୍ ବିଡ଼ରେ ଏନ୍ତାରି କାତା ଅଇଜେ ରଇଲାଟା ପାରୁସି ଦଲର୍ କେତେକ ଲକ୍ମନ ସୁନ୍ଲା । ତେବେ ମୁକିଅ ପୁଜାରିମନ୍ ଆରି ପାରୁସି ଲକ୍ମନ ଜିସୁକେ ବନ୍ଦି କରବାକେ କେତେଟା ମନ୍ଦିର୍ ଜାଗୁଆଲ୍ମନକେ ପାଟାଇଲା । ୩୩ ପଚେ ଜିସୁ କଇଲା, “ମୁଇ ଚନେକସେ ତମର୍ ସଙ୍ଗେ ରଇବି । ତାତ୍ତ ପଚେ ମକେ ଜେ ପାଟାଇଲା ଆଚେ, ତାତ୍ତ ଲଗେ ବାଉଡ଼ି ଜିବି । ୩୪ ତମେ ମକେ କଜସା, ମାତର୍ ବେଟ୍ ନ ଉଆସ । ଆରି ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ଆସି ନାପାରାସ ।”

୩୫ ଜିଉଦି ନେତାମନ୍ ନିଜର୍ ନିଜର୍ ବିଡ଼ରେ କାତା ଅଇଲା । “ଏନ୍ତି ବଇଲେ ଏ ଲକ୍ କନ୍ତି ଜାଇସିଜେ ଆମେ ତାକେ କଜି ନାପାରୁ । ସେ କାଇ ଗିରିକ୍ ନଅରେ ଜାଇକରି ଏନେ ତେନେ ଅଇରଇବା ଆମର୍ ଲକ୍ମନକେ ସିକିଆ ଦେଇସି କି ? ୩୬ ସେ କଇଲାନି, ତମେ ମକେ କଜସା ମାତର୍ ବେଟ୍ ଅଇ ନାପାରସା ବଲି । ଆରି ଏନ୍ତି ମିସା କଇଲାନି, ‘ମୁଇ ଜନ୍ ଜାଗାଇ ଜିବି, ତେଇ ତମେ ଆସିନାପାରାସ’ ବଲି । ଏନ୍ତି ବଇଲେ ସେ କଇବା କାତାତ୍ତ ଅରଡ଼ କାଇଟା ?”

ଜିବନ୍ ଦେବା ପାନି

୩୭ ପରବର୍ ସାରାସାରି ଦିନେ, ଜନ୍ଟାକି ମୁକିଅ ଦିନେ, ଜିସୁ ଚିଆଅଇ ଆକ୍ମାରି କଇଲା, “ଜିଦି କାକେ ସସ୍ କଲାନି, ସେ ମର୍ ଲଗେ ଆସ । ୩୮ ଜେ ମକେ ବିସ୍ବାସ କରସି, ସେ ଆସି କାଅ । କାଇକେବଇଲେ ପର୍ମେସର୍ ସାସ୍ତରେ ଏନ୍ତି ଲେକା ଆଚେ, ଜେ ମର୍ଟାନେ ବିସ୍ବାସ କରସି ତାତ୍ତ ମନ୍ ବିଡ଼ରେଅନି ନ ସାର୍ବା ଜିବନ୍ ଦେବା ପାନି ଉଡ଼ୁଲି କରି ବାରଇସି ।” ୩୯ ଜିସୁ ଜିବନ୍ ଦେବା ପାନି ବଲି ସୁକଲ୍ ଆଡ଼ମା ବିସଇ କଇତେ ରଇଲା । ତାକେ ବିସ୍ବାସ କରବା ଲକ୍ମନକେ ପଚେ ପର୍ମେସର୍ ଏ ସୁକଲ୍ ଆଡ଼ମା ଦେଇସି । ମାତର୍ ଏବେ ଜାକ, କାକେ ଦେଇ ନ ରଇଲା । କାଇକେବଇଲେ ଜିସୁ ସେବେଲା ଜାକ ମଇମାଇ ପୁରାପୁରୁନ୍ ନ ଅଇରଇଲା ।

ଲକ୍ମନର୍ ବିଡ଼ରେ ବାଟ୍ ବିଚାର୍

୪୦ ଜିସୁ ଏ କାତା ସୁନିକରି କେତେକ ଲକ୍ କଇଲା, “ ସଡ଼କାତା, ଏ ଲକ୍ ଗଟେକ୍ ପର୍ମେସର୍ ଗାନେଅନି ଆସିରଇବା ବବିସଡ଼ବକ୍ତା !” ୪୧ ଆରି ଅଦେକ୍ ଲକ୍ କଇଲା, “ସେ ପର୍ମେସର୍ ବାଟି ପାଟାଇଲା ମସିଅ” ବଲି । ଆରି ଅଦେକ୍ ଲକ୍ମନ ପାଟାରୁଲା, “ପର୍ମେସର୍ ବାଟି ପାଟାଇଲା ରାଜା ମସିଅ କାଇ ଗାଲିଲି ଦେସେଅନି ନ ଆସେ କି ? ୪୨ ସାସ୍ତରେ ଏନ୍ତି ଲେକା ଅଇଲା ଆଚେ, ପର୍ମେସର୍ ବାଟି ପାଟାଇଲା ରାଜା ମସିଅ, ଦାଉଦ୍ ରାଜାତ୍ତ ଜାଗାଇ, ତାତ୍ତ କୁଟୁମେ ବେଡ଼ୁଲିଇମ୍ ଗଡ଼େ ଜନମ୍ ଅଇ ଆଇସି ।” ବଲି କଇଲା । ୪୩ ଏନ୍ତି ସେମନର୍ ବିଡ଼ରେ ଜିସୁର୍ ବିସଇନେଇ ବାଟ୍ ବାଟ୍ ଅଇଲା । ୪୪ ଆରି ଲକ୍ମନର୍ ବିଡ଼ରେଅନି କେତେ ଲକ୍ ଜିସୁକେ ବାନ୍ଦାଇ ଅ ବଲି ମନ୍ କର୍ତ୍ତେରଇଲା । ମାତର୍ କେ ମିସା ତାକେ ଦାରି ନାପାରୁଲା ।

ଜିଉଦି ନେତାମନ୍

୪୫ ଜିସୁକେ ବନ୍ଦି କରବାକେ ଜାଇରଇବା ଜାଗୁଆଲ୍ମନ, ବାଉଡ଼ିଆଇଲାକେ ମୁକିଅ ପୁଜାରି ଆରି ପାରୁସିମନ୍ ସେମନକେ ପାଟାରୁଲା, “ତମେ କାଇକେ ଜିସୁକେ ବାନ୍ଦି କରି ଆନାସ୍ ନାଇ ?” ୪୬ ଜାଗୁଆଲ୍ମନ କଇଲା, “ଏ ଲକ୍ କଇଲା ପାରା କାତା ଆଜିକେଜାକ କେ ମିସା କଅଟ୍ ନାଇ ।” ୪୭ ପାରୁସିମନ୍ ସେମନକେ କଇଲା, “ଏନ୍ତି ବଇଲେ ତମକେ ମିସା ସେ ବକୁଆ କରିଦେଲା କି ?” ୪୮ ଆରି ପାଟାରୁଲା, “ଗଟେକ୍ ନେତା ନଅଇଲେ ଗଟେକ୍ ପାରୁସି ତାକେ ବିସ୍ବାସ କରିଆଚଡ଼ ବଲି ତମେ ସୁନିଆଟାସ୍ କି ? ୪୯ ମାତର୍ ଏ ଲକ୍ମନ, ମସାତ୍ ନିୟମ୍ ନାଜାନଡ଼ୁ । ତେବର୍ ପାଇ ଏମନ୍ ସବୁ ଅବିସାୟ ପାଇରଇବା ଲକ୍ ।” ୫୦ ତେଇ ସେ ଦଲେଅନି ନିକଦିମ ନାଉର୍ ଗଟେକ୍ ନେତା ରଇଲା । ସେ ତରେକ୍ ଜିସୁକେ ଦେକ୍ବାର୍ ଜାଇରଇଲା । ସେ କଇଲା, ୫୧ “ଆମର୍ ନିୟମ୍ ଇସାବେ ଗଟେକ୍

ଲକ୍ଷ୍ମୀଙ୍କ ଦସି କରବା ଆଗରୁ ତାର କାତା ସୁନ୍ଦରୀଙ୍କ ପଦସି ଆରି କାଇଟା କଲାଆଚେ କଜବାକେ ପଦସି ।” ୫୨ ବିନଲକ୍ଷ୍ମୀଙ୍କ କଇଲାଇ, “ଏନ୍ତି ବଇଲେ ତୁଇ ମିସା କାଇ ଗଟେକ୍ ଗାଲିଲିର୍ ଲକ୍ଷ୍ମୀ କି ? କେ ମିସା ପରମେସରତ୍ତେ ତେଇଅନି ବବିସଦ୍‌କାତା କଇବା ଲକ୍ଷ୍ମୀ ଗାଲିଲିଅନି ଆସଦ୍ ନାଇ ।” ୫୩ ତାର୍ ପଟେ ତେଇ ରଇଲା ଲକ୍ଷ୍ମୀଙ୍କ ସେ ଜାଗା ଚାଡ଼ିକରି ନିଜର୍ ନିଜର୍ ଗରେ ବାଉଡ଼ି ଗାଲାଇ ।

୮

ଗଟେକ୍ ଦାରିଆନି ମାଇଜି

୯ ଜିସୁ ଜିଡ୍ ନାଉର୍ ଗର୍ମନ୍ ରଇଲା ପରବତେ ଉଚିଗାଲା । ୧୦ ତାର୍ ଆରକର୍ ଦିନର୍ ସାକାଲେ ସେ ମନ୍ଦିରେ ବାଉଡ଼ି ଆଇଲା ଆରି ତେଇ ସବୁଲକ୍ଷ୍ମୀ ତାରଲଗେ ରୁଣ୍ଡୁଲାଇଜେ, ସେ ବସିକରି ସେମନ୍‌କେ ସିକାଇବାର୍ ଦାରଲା । ୧୧ ସେଡ଼କିବେଲେ କେତେଟା ସାସ୍‌ତର୍ ସିକାଉମନ୍ ଆରି ପାରୁସିମନ୍, ଗଟେକ୍ ବେସିଆନି ମାଇଜିକେ ବେସିଆ କାମ୍ କରବାବେଲେ ଦାରିକରି ଜିସୁର୍ ଲଗେ ଆନ୍‌ଲାଇ । ତାକେ ସବୁ ଲକ୍ଷ୍ମୀ ମୁଆଟେ ଚିଆ କରାଇ ଜିସୁକେ ପାଚାରଲାଇ, ୪ “ଏ ଗୁରୁ, ଏ ମାଇଜିକେ ବେସିଆ କାମ୍ କଲାବେଲେ ଦାରିଆରୁ । ୫ ଏନ୍ତାରି ମାଇଜିକେ ପାକ୍‌ନା ସଙ୍ଗ୍ ମାରି ମରାଆ ବଲି ମସାର୍ ନିୟମେ ଲେକା ଅଇଲା ଆଚେ । ଏନ୍ତି ବଇଲେ ତୁଇ କାଇଟା ବଲି କଇଲୁସିନି ?” ୬ ସେମନ୍ ଜେନ୍ତିକି ଜିସୁ କଇବା ଉତ୍ତରତେଇଅନି ବୁଲ୍ ଦାରି ତାକେ ଦସି କରବାକେ ଏ କାତା କଇଲାଇ । ମାତର୍ ଜିସୁ ଲକ୍ଷ୍ମୀ କି ଆଙ୍ଗ୍‌ଟି ସଙ୍ଗ୍ ବୁର୍‌ଲେକ୍‌ବାର୍ ଦାରଲା ।

୭ ମାତର୍ ସେମନ୍ ତାକେ ତରକେ ତର ପାଚାରିଲାଗି ରଇଲାଇ ଜେ ସେ ଚିଆଅଇ କଇଲା, “ ଇତି ମୁଲ୍‌କେ ପାପ୍ ନ କଲା ଲକ୍ଷ୍ମୀ କେ ଆଚାସ୍ ବଇଲେ ସେ ଆଗରୁ ଆସିକରି ତାକେ ପାକ୍‌ନା ମାରି ।” ୮ ତାରପଟେ ସେ ଆରି ତରେକ୍ ଲକ୍ଷ୍ମୀକରି ବୁର୍‌ଲେକ୍‌ବାର୍ ଦାରଲା । ୯ ଜିସୁର୍ ଏ କାତା ସୁନି ମାଇଜିକେ ଆନିରଇବା ସବୁଲକ୍ଷ୍ମୀ ସେ ଜାଗାଜଅନି ଗଟେକ୍ ଗଟେକ୍ ଲକ୍ଷ୍ମୀ ବାରି ଉଚିଗାଲାଇ । ପରୁତୁମ୍ ଡକ୍‌ରାମନ୍ ଗାଲାଇ । ତେଇ ସାରାସାରି ଜାକ ଜିସୁ ଆରି ସେ ମାଇଜିସେ ରଇଲାଇ । ୧୦ ଜିସୁ ଚିଆଅଇ ତାକେ ପାଚାରଲା, “ସେ ଲକ୍ଷ୍ମୀଙ୍କ କେନେ ଗାଲାଇ ? ଇତି କେ ମିସା ତକେ ଦସ୍ ଦାରବାକେ ନାଇ କି ?” ୧୧ ସେ କଇଲା, “ନାଇ ମାପରୁ କେ ମିସା ମକେ ଦସି ବଲି ବିଚାର୍ କରଦ୍ ନାଇ ।” ଜିସୁ ତାକେ କଇଲା, “ମୁଇ ମିସା ତକେ ଦସି ବଲି ବିଚାର୍ ନ କରି । ମାତର୍ ଜା ଆରି ପାପ୍ କର୍ ନାଇ ।”

ଜିସୁ ଦୁନିଆର୍ ଉଜଲ୍

୧୨ ଜିସୁ ଆରିତରେକ୍ ପାରୁସିମନ୍‌କେ କଇଲା, “ମୁଇସେ ଏ ଦୁନିଆର୍ ଉଜଲ୍ । ଜନ୍ ଲକ୍ଷ୍ମୀ ମର୍ ପଟେ ପଟେ ଆଇସି, ସେ ଜିବନର୍ ଉଜଲ୍ ପାଇସି । ଆରି କେବେ ମିସା ଆନ୍‌ରେ ନ ରଏ ।”

୧୩ ପାରୁସିମନ୍ ତାକେ କଇଲା, “ତୁଇ ନିଜେ ନିଜର୍ ବିସଇ ସାକି ଦେଲୁସିନି, ସେଟାର୍‌ପାଇ, ତର୍ ସାକି ଦେଲାଟା ସଦ୍ ନର୍ ।”

୧୪ ଜିସୁ ସେମନ୍‌କେ କଇଲା, “ନାଇ, ମୁଇ ମର୍ ନିଜର୍ ପାଇ ସାକି ଦେଲେ ମିସା, ମୁଇ ଜନ୍‌ଟା କଇଲିନି ସେଟା ସଦ୍‌ସେ । କାଇକେ ବଇଲେ ମୁଇ କନ୍ତିଅନି ଆଇଲି ଆତି ଆରି କନ୍ତି ଗାଲିନି, ସେଟା ମୁଇସେ ଜାନି । ମାତର୍ ମୁଇ କନ୍ତିଅନି ଆଇଲିଆତି ଆରି କନ୍ତି ଜିବି, ସେଟା ତମେ ନାଜାନାସ୍ । ୧୫ ଆରି ତମେ ମକେ ଲକ୍ଷ୍ମୀଙ୍କର ଇସାବେ ବିଚାର୍ କଲାସିନି । ମାତର୍ ମୁଇ କାକେ ବିଚାର୍ ନ କରି । ୧୬ ଜିଡ୍ ମୁଇ ବିଚାର୍ କରତି ବଇଲେ ମର୍ ବିଚାର୍ ପୁରାପୁରୁନ୍ ଟିକ୍ ଅଇତା । କାଇକେ ବଇଲେ ମୁଇ ଗଟେକ୍ ଲକ୍ଷ୍ମୀ ନାଇ, ମାତର୍ ମକେ ପାଚାଇରଇବା ମର୍ ବାବା ମିସା ମର୍ ସଙ୍ଗ୍ ମିସ୍‌ତେ ଆଚେ । ୧୭ କାଇଆଲେ ଗର୍‌ନାର୍ ବିସଇ ରଇଲେ, ତୁଇ ଲକ୍ଷ୍ମୀ ସାକି ସମାନ୍ ଅଇଲାଗି ବଇଲେ, ସେମନ୍ କଇଲା କାତା ସଦ୍‌ସେ । ତମର୍ ଦରମ୍ ସାସ୍‌ତରେ ଏନ୍ତି ଲେକା ଅଇଲା ଆଚେ । ୧୮ ମୁଇ ନିଜେ ନିଜର୍ ବିସଇ ସାକି ଦେଲିନି, ଆରି ମକେ ପାଚାଇଲା ପରମେସର ମିସା ମର୍ ସାକି ଦେଲାଗି ।”

୧୯ ଲକ୍ଷ୍ମୀଙ୍କ ଜିସୁକେ ପାଚାରଲାଇ “ତର୍ ବାବା କନ୍ତି ଆଚେ ?” ଜିସୁ ସେମନ୍‌କେ କଇଲା, “ତମେ ମକେ ନାଜାନାସ୍ ଆରି ମର୍ ବାବାକେ ମିସା ନାଜାନାସ୍ । ତମେ ଜିଡ୍ ମକେ ଜାନିରଇତାସ୍ ବଇଲେ ମର୍ ବାବାକେ ମିସା ଜାନିତାସ୍ ।”

୨୦ ଜିସୁ ମନ୍ଦିରର୍ ଦାନ୍ ସଙ୍ଗ୍‌କିବା ପେଡ଼ିମନ୍ ରଇବା ଆକରାଇ ଏ ସବୁ ବିସଇ ସିକିଆ ଦେଇତେରଇଲା । ଆରି କେ ମିସା ତାକେ ବନ୍ଦି କରି ନାପାଡ଼ିଲାଇ । କାଇକେବଇଲେ ତାର୍ ବେଲା କେଟି ନ ରଇଲା ।

☆ ୮:୧୨ ୮:୧୨ ମାତିର ୫:୧୫; ଜଅନ ୯:୫ ☆ ୮:୧୩ ୮:୧୩ ଜଅନ ୫:୩୧

ଜିସୁ ତାଋ ଜିବା ବିସଇ ବବିସଡ଼କାତା କଇବାଟା

^{୯୧} ଜିସୁ ଲକ୍ଷମନ୍ଦକେ ଆରି ତରେକ୍ କଇଲା, “ମୁଇ ଗାଲିନି ଆରି ତମେ ମକେ କଜ୍ୟା । ମାତରୁ ନିଜରୁ ନିଜରୁ ପାପ୍ କେମା ନ କରାଇଅଇ ମରୁୟା । ଆରି ମୁଇ ଜନ୍ ଜାଗାଇ ଜିବି ତମେ ତେଇ ଆସି ନାପାରାୟ ।”

^{୯୨} ଜିସୁ ଏକ୍ତି କଇଲାକେ ଜିଉଦି ନେତାମନ୍ ନିଜରୁ ନିଜରୁ ବିତ୍ତରେ କୁଆବଲା ଅଇଲାଇ, “ସେ କାଇକେ ମୁଇ ଜନ୍ ଜାଗାଇ ଗାଲିନି, ତମେ ତେଇ ଜାଇନାପାରାୟ ବଲି କଇଲାନି ? ଜିସୁ କାଇ ନିଜେ ଉଡ଼କ୍ ଅଇ ମରୁବାକେ ମନ୍ କଲାନି କ ?”

^{୯୩} ଜିସୁ ସେମନ୍ଦକେ କଇଲା, “ତମେ ଏ ଦୁନିଆଇଅନି ଆସିଆରାସ୍ । ମାତରୁ ମୁଇ ସରଗେଅନି ଆସିଆରି । ତମେ ଏ ଦୁନିଆରୁ ଲକ୍, ମାତରୁ ମୁଇ ଏ ଦୁନିଆରୁ ଲକ୍ ନଇ । ^{୯୪} ତମେ ନିଜରୁ ନିଜରୁ ପାପ୍ କେମା ନ କରାଇଅଇତେ ମରୁୟା ବଲି ମୁଇ ତମକେ କଇରଇଲି । ନିଜେ ମୁଇ ସେ । ଏଟାକେ ବିସବାସ୍ ନ କଲେ, ତମେ ନିଜରୁ ପାପେ ସେ ମରୁୟା ।”

^{୯୫} ଜିଉଦି ନେତାମନ୍ ପାଗରୁଲାଇ, “ତୁଇ କେ ? ଆମକେ କ ।” ଜିସୁ ସେମନ୍ଦକେ କଇଲା, “ଆରାମେ ଅନି ମୁଇ କେ ବଲି କଇଆଇଲିନି । ^{୯୬} ତମେ ପାପ୍ କରିରଇବାଟା ଆରି ଦସ୍ କରିରଇବା ବିସଇ ମରୁ ଟାନେ ବେସି ଆଟେ । କାଇକେବଇଲେ, ଜେ ମକେ ପାଟାଇ ଆଟେ, ତାର୍ତେଇ ଅନି ମୁଇ ଜାଇଟା ସୁନି ଆଟି, ସେଟା ସେ ଜାନାଇଲିନି ।”

^{୯୭} ମାତରୁ ଜିସୁ ତାରୁ ବାବାରୁ ବିସଇ ଏଣ୍ଡାରି କଇଲାନି ବଲି ସେମନ୍ ମୁଲୁକେ ବୁଜି ନାପାରୁଲାଇ । ^{୯୮} ସେଟାରୁପାଇ ସେ ସେମନ୍ଦକେ କଇଲା, “ତମେ ନରୁପିଲା ମକେ କୁରୁସେ କୁଟି ମାରି ଉଟାଇଲାବେଲେ ଜାନୁୟା, ସେ ନିଜେ ମୁଇ ସେ । ମୁଇ ନିଜରୁ ଅଦିକାରେ କାଇଟା କରି ନାପାରି, ମରୁ ବାବାରୁ ଟାନେଅନି ଜାଇଟା ସିକ୍ଲି ଆଟି, ସେଟାସେ କଇଲିନି, ସେଟା ତମେ ବୁଜୁୟା । ^{୯୯} ଜେ ମକେ ପାଟାଇଆଟେ, ସେ ମରୁ ସଜ୍ ଆଟେ । ସେ ମକେ ଏକ୍ଲା ଚାଡ଼ି ଦେଏନାଇ, କାଇକେବଇଲେ ସେ ଜାଇଟା ମନ୍‌କଲାନି, ମୁଇ ସେଟାସେ କଲିନି ।”

^{୧୦୦} ଜିସୁରୁ ଏ ସବୁ କାତା ସୁନି, ବେସି ଲକ୍ଷମନ୍ ତାକେ ବିସବାସ୍ କଲାଇ ।

ସଡ଼ ବିସଇ ତମକେ ମୁକ୍‌ଲାଇସି

^{୧୦୧} ଜିସୁ ତାରୁଟାନେ ବିସବାସ୍ କରିରଇବା ଜିଉଦି ଲକ୍ଷମନ୍ଦକେ କଇଲା, “ଜିଦି ତମେ ମରୁ ସିକିଆ ମାନିକରି ତବିରୁ ଅଇ ରଇୟା, ବଇଲେ ସତଇସେ ମରୁ ସିସ୍ ଅଇୟା । ^{୧୦୨} ଆରି ତମେ ସଡ଼ ବିସଇ ଜାନୁୟା, ସେ ସଡ଼ ତମକେ ମୁକ୍‌ଲାଇସି ।”

^{୧୦୩} ଜିଉଦି ଲକ୍ଷମନ୍ ତାକେ କଲାଇ, “ଆମେ ଅବରାଆମରୁ ନାଡ଼ିଡ଼ିମନ୍, ଆରି ଆମେ କେବେ ମିସା କାରୁ ଗଡ଼ିଆଇ ରଉନାଇ, ଏକ୍ତି ବଇଲେ ତମେ କେକ୍ତି ମୁକ୍‌ଲୁୟା ବଲି କଇଲୁସି ? ଏ କାତାରୁ ଅରଡ଼ କାଇଟା ?”

^{୧୦୪} ଜିସୁ କଇଲା, “ମୁଇ ତମକେ ସଡ଼ କାତା କଇଲିନି, ଜେ ପାପ୍ କରୁସି, ସେ ପାପରୁ ଗଡ଼ିଦାଙ୍ଗୁଡ଼ା । ^{୧୦୫} ଗଡ଼ିଦାଙ୍ଗୁଡ଼ା ଗଟେକ୍ ଗରେ ସବୁ ଦିନରୁପାଇ ନ ରଏ । ମାତରୁ ସେ ଗରରୁ ପିଲାସେ ସବୁଦିନରୁପାଇ ରଇସି । ^{୧୦୬} ସେଟାରୁପାଇ ମୁଇ ଜିଦି ତମକେ ମୁକ୍‌ଲାଇବି ବଇଲେ, ସତଇସେ ତମେ ମୁକ୍‌ଲୁୟା । ^{୧୦୭} ତମେ ଅବରାଆମ୍ କୁଟୁମରୁ ଲକ୍ଷମନ୍ ବଲି ମୁଇ ଜାନିଆଟି, ଅଇଲେ ମିସା ତମରୁ ବିତ୍ତରେଅନି କେତେ ଲକ୍ଷମନ୍ ମକେ ମରାଇବାକେ ଚେସ୍‌ଟା କଲାସିନି । କାଇକେ ବଇଲେ ମରୁ ସିକିଆ ତମେ ମାନାସ୍ ନାଇ । ^{୧୦୮} ମୁଇ ମରୁ ବାବା ସଜ୍ ରଇଲାବେଲେ ମକେ ସେ ଜାଇଟା ଦେକାଇଆଟେ, ସେଟା ତମକେ କଇଲିନି । ମାତରୁ ତମରୁ ବାବା ତମକେ ଜାଇଟା ସିକାଇଆଟେ, ସେଟା କଲାସିନି ।”

^{୧୦୯} ଜିଉଦି ଲକ୍ଷମନ୍ ତାକେ କଇଲା, “ଆମରୁ ବାବା ଅବରାଆମ୍ ।” ଜିସୁ କଇଲା, “ତମେ ଜିଦି ସତଇସେ ଅବରାଆମରୁ ନାଡ଼ିଡ଼ି ଅଇରଇତାସ୍ ବଇଲେ, ଅବରାମ୍ କରିରଇଲା କାମ୍‌ମନ୍ କରୁତାସ୍ । ^{୧୧୦} ପରୁମେସରୁ ତେଇଅନି ସୁନ୍‌ଲା ସଡ଼ କାତା ଚାଡ଼ି ମୁଇ ଆରି ତମକେ କାଇଟା କଇନାଇ । ଅଇଲେ ମିସା ତମେ ମକେ ମରାଇବାକେ ଚେସ୍‌ଟା କଲାସିନି । ମାତରୁ ଅବରାଆମ୍ ଏଣ୍ଡାରି କାଇ କାମ୍ କରି ନ ରଇଲା । ^{୧୧୧} ତମରୁ ବାବାମନ୍ ଜନ୍ କାମ୍‌ମନ୍ କରି ରଇଲାଇ, ତମେ ସେଟା କଲାସିନି ।” ମାତରୁ ଜିଉଦିମନ୍ କଇଲା, “ଆମରୁ ବାବା ପରୁମେସରୁସେ । ଆମେସେ ତାରୁ ପିଲାଟକିମନ୍ ।”

^{୧୧୨} ଜିସୁ ସେମନ୍ଦକେ କଇଲା, “ଜିଦି ପରୁମେସରୁ ତମରୁ ବାବା ଅଇରଇଲେ, ତମେ ମକେ ଆଲାଦ୍ କରୁତାସ୍ । କାଇକେ ବଇଲେ ମୁଇ ପରୁମେସରୁ ତେଇଅନି ଆସି ଏବେ ଛଡ଼ି ଆଟି । ମାତରୁ ନିଜରୁ ଅଦିକାରେ ଆସିନାଇ । ସେ ମକେ ଏ ଦୁନିଆଇ ପାଟାଇଲା ଆଟେ । ^{୧୧୩} ତମେ କାଇକେ ମରୁ କାତା

୮:୩୩ ୮:୩୩ ମାଡ଼ିଉ ୩:୯; ଲୁକ୍ ୩:୮

ବୁଦ୍ଧି ନାପାରୁଲାସିନି ? କାଜକେ ବଇଲେ ତମେ ମର୍ ସିକିଆ ସୁନି ତବିରୁଅଇ ରଇ ନାପାରୁଲାସିନି ।^{୪୪} ସଇତାନ୍ ଅଇଲାନି ତମର୍ ବାବା । ଆରି ତମେ ସେ କରବା କାରାପ୍ କାମ୍‌ମନ୍ କରବାକେ ମନ୍ କଲାସିନି । ସେ ଆଗତୁଅନି ଲକ୍‌ମନ୍‌କେ ନସ୍ତ କଲାନି, ଆରି ସେ ସତ୍ ବିସଇ ଚିନ୍ କଲାନି । ତାରୁତେଇ ସତ୍ ବିସଇ ନାଇ । ଜେତେବେଲା ସେ ମିଚ୍ କଇଲାନି, ସେବେଲା ସେ ନିଜର୍ ଗୁନ୍ ଚଲନ୍‌ଅନି ସେନ୍ତି କଇଲାନି । କାଜକେ ବଇଲେ ସେ ମିଚ୍ କଇବା ଲକ୍, ଆରି ମିଚ୍ କଇବା ଲକ୍‌ମନ୍‌ର ବାବା ।^{୪୫} ଏବେ ମୁଇ ସବୁବେଲା ସତ୍‌କାତା କଇଲିନି ମିସା ତମେ ମକେ ବିସ୍‌ବାସ୍ କରାସନାଇ ।^{୪୬} ତମର୍ ବିତ୍‌ରେ ଅନି କେମିସା ଗଟେକ୍ ଲକ୍ ମୁଇ ପାପ୍ କଲିଆଚି ବଲି ମକେ ଦସି କରାଇପାରେ କି ? ଆରି ମୁଇ ଜଦି ସତ୍‌କାତା କଇଲିନି ବଇଲେ, ତମେ କାଜକେ ବିସ୍‌ବାସ୍ କରାସ୍ ନାଇ ?^{୪୭} ଜେତ୍‌କି ଲକ୍ ପର୍‌ମେସରର୍ ଅଇଲାକ୍ ଆଚତ୍, ସେମନ୍ ପର୍‌ମେସରର୍ କାତା ସୁନ୍‌ବାଇ । ଆରି ତମେ ପର୍‌ମେସରର୍‌ତେଇଅନି ଆଇଲା ଲକ୍ ହୁଆସ୍ । ସେଟାତ୍‌ପାଇ ତମେ ମର୍ ବାକିଅ ସୁନାସ୍ ନାଇ ।”

ଜିସୁ ଆରି ଅବରାଆମ୍

^{୪୮} ଜିଉଦିମନ୍ ଜିସୁକେ ପାଚାରୁଲାକ୍, “ତୁଇ ଗଟେକ୍ ସମିରଣିୟ ଲକ୍, ତକେ ଗଟେକ୍ ହୁମା ଦାରୁଲା ଆଚେ ବଲି ଆମେ କଇଲା କାତା ସତ୍ ନର୍ସି କି ?”

^{୪୯} ଜିସୁ ସେମନ୍‌କେ କଇଲା, “ନାଇ ! ମକେ ହୁମା ଦାରେ ନାଇ । ମୁଇ ମର୍ ବାବାକେ ସନ୍‌ମାନ୍ ଦେଲିନି । ମାତର୍ ତମେ ମକେ ନିନ୍‌କାତା କଇ ଲାଜ୍ କରାଇଲାସିନି ।^{୫୦} ମୁଇ ନିଜେ ତାକ୍‌ପୁଟା ପାଇବାକେ ଚେସ୍‌ଟା କରିନାଇ । ମାତର୍ ଆରି ଗଟେକ୍ ଲକ୍ ମକେ ତାକ୍‌ପୁଟା କରାଇବାକେ ମନ୍ କଲାନି । ସେ ଟିକ୍ ବାବେ ବିଚାର୍ କରବା ମାପରୁ ।^{୫୧} ମୁଇ ତମ୍‌କେ ସତ୍‌କାତା କଇଲିନି, ଜେ ମୁଇ ସିକାଇବା କାତା ମାନ୍‌ସି, ସେ କେବେ ମିସା ନ ମରେ ।”

^{୫୨} ସେମନ୍ ଜିସୁକେ କଇଲାକ୍, “ଏବେ ଆମେ ଜାନ୍‌ଲୁ ତକେ ଗଟେକ୍ ହୁମା ଦାରୁଲା ଆଚେ । ଅବରାଆମ୍ ଆରି ବବିସତ୍‌ବକ୍‌ତାମନ୍ ମରିଗାଲାକ୍ ଆଚତ୍, ମାତର୍ ତୁଇ କଇଲୁସିନି ଜଦି କେ ମିସା ମର୍ କାତା ମାନ୍‌ସା ବଇଲେ ସେ କେବେ ମିସା ନ ମରେ ବଲି ।”^{୫୩} ସେମନ୍ ପାଚାରୁଲାକ୍ “ତୁଇକାକ୍ ଆମର୍ ବାବା ଅବରାଆମ୍‌ଗାନେଅନି ବତ୍ ଲକ୍‌କି ? ସେମନ୍ ମିସା ମରିଗାଲାକ୍ ଆଚତ୍ ଆରି ବବିସତ୍‌ବକ୍‌ତାମନ୍ ମିସା ମରିଜାଇଆଚତ୍ । ତୁଇ ନିଜ୍‌କେ କେ ବଲି ବାବ୍‌ଲୁସିନି ?”

^{୫୪} ଜିସୁ ସେମନ୍‌କେ କଇଲା, “ମୁଇ ଜଦି ନିଜ୍‌କେ ତାକ୍‌ପୁଟା କର୍‌ବି ବଲି ଚେସ୍‌ଟା କର୍‌ତି ବଇଲେ, ସେ ତାକ୍‌ପୁଟାର୍ କାଜ ମୁଲିଅ ନାଇ । ମର୍ ବାବା ଜାକେ କି ତମେ ତମର୍ ପର୍‌ମେସର୍ ବଲି କଇଲାସିନି, ସେ ସେ ମକେ ତାକ୍‌ପୁଟା କରାଇଲାନି ।^{୫୫} ତମେ ତାକେ ନାଜାନାସ୍, ମାତର୍ ମୁଇ ଜାନି । ଜଦି ମୁଇ ତାକେ ନାଜାନି ବଲି କଇବି, ସେନ୍ତାତ୍‌ଆଲେ ମୁଇ ମିସା ତମର୍‌ପାଚା ମିଚ୍ କଇବା ଲକ୍ ଅଇବି । ମାତର୍ ମୁଇ ତାକେ ଜାନିଆଚି ଆରି, ତାର୍ କାତା ମାନ୍‌ଲିନି ।^{୫୬} ମୁଇ ଆଇବା ଦିନ୍ ଦେକ୍‌ବି ବଲି ତମର୍ ବାବା ଅବରାଆମ୍, ବେସି ଆସା କରି ସାର୍‌ଦା ଅଇତେ ରଇଲା । ଆରି ସେ ଦିନ୍‌କେ ଦେକି କରି ସାର୍‌ଦା ଅଇଲା” ବଲି କଇଲା ।

^{୫୭} ତାର୍ ପଚେ ଜିଉଦିମନ୍ ଜିସୁକେ କଇଲାକ୍, “ତକେ ପଚାସ୍ ବରସ୍ ମିସା ଅଏ ନାଇତା, ତୁଇ କାଜ ଅବରାଆମ୍‌କେ ଦେକି ଆଚୁସ୍ କି ?”

^{୫୮} ଜିସୁ ସେମନ୍‌କେ କଇଲା, “ମୁଇ ତମ୍‌କେ ସତ୍‌କାତା କଇଲିନି, ଅବରାଆମ୍ ଜନମ୍ ଅଇବା ଆଗତୁଅନି ମୁଇ ଆଚି ।”

^{୫୯} ଜିସୁ ଏ କାତା କଇବାବେଲେ ସେମନ୍ ତାକେ ମାର୍‌ବାକେ ପାକ୍‌ନା ବେଟ୍‌ଲାକ୍, ମାତର୍ ଜିସୁ, ମନ୍‌ରେ ଅନି ବାରଇ ଲକ୍‌ମନ୍‌ର୍ ବିତ୍‌ରେ ପୁରି ଉଚିଗାଲା ।



ଜିସୁ ଗଟେକ୍ ଜନ୍‌ମେଅନି କାଣା ରଇଲା ଲକ୍‌କେ ନିମାନ୍ କଲା

^୧ ଦିନେକ୍ ଜିସୁ ଜିବାବେଲେ ଗଟେକ୍ ଜନ୍‌ମେଅନି କାଣା ରଇଲା ଲକ୍‌କେ ଦେକ୍‌ଲା ।^୨ ଆରି ତାର୍ ସିସ୍‌ମନ୍ ତାକେ ପାଚାରୁଲାକ୍, “ଏ ଗୁରୁ କେ ପାପ୍ କଲାକ୍‌ଜେ ଏ ଲକ୍ କାଣାଅଇ ଜନମ୍ ଅଇଲା ? ସେ ନିଜେ କି ତାର୍ ବାବା ମାଆର୍ ପାପର୍ ଲାଗି ?”

^୩ ଜିସୁ କଇଲା, “ତାର୍ କି ତାର୍ ବାବା ମାଆର୍ କାଜ ପାପଦସ୍ ନାଇ । ପର୍‌ମେସରର୍ ବପୁ ତାର୍‌ଟାନେ ଜାନାପତ୍‌ସି ବଲି, ସେ କାଣା ଅଇ ଜନମ୍ ଅଇଲା ଆଚେ ।^୪ ବେଲ୍ ରଇତେସେ ମକେ ପାଟାଇରଇବା ପର୍‌ମେସରର୍ କାମ୍ ଆମେ କରବାର୍ ଆଚେ । ଏନ୍ତି ଆନ୍ଦାର୍ ଆଇଲାନି ସେ ବେଲାକ୍ କେ ମିସା କାଜ କାମ୍

କରି ନାପାଠର । ୫ *ମୁଞ୍ଚ ଜେତେ ଦିନ ଜାକ ଏ ଦୁନିଆଇ ରଇବି ସେତୁକି ଦିନ ଜାକ ଏ ଦୁନିଆର୍ ଉଜଲ୍ ।”

୬ ଜିସୁ ଏ କାତା କଇଲା ପରେ, ମାଟିତେଇ ତୁକି ସେ ତୁକ ସଙ୍ଗ କାଦ ଚକଟଲା । ଆରି ସେ କାଦ ନେଇକରି କାଣାର ଦୁଇଟା ଆଁକିତେଇ ଲିପିଦେଲା । ୭ ଆରି ତାକେ କଇଲା, “ତୁଇ ଜା ଆରି ସିଲଅ ନାଉଁର୍ ବନ୍ଦେ ଜାଇକରି ମୁ ଦଇ ଆଉ ।” ସିଲଅର୍ ଆରତ୍ ଅଇଲାନି ପାଟାକଲାଟା । ତାର୍ ପତେ ସେ ଲକ୍ ବନ୍ଦେ ଜାଇକରି ମୁ ଦଇଲାଜେ, ଦେକିପାରୁଲା ଆରି ଆଇଲା ।

୮ କେତେକ ଲକ୍ମନ ଏ ଲକ୍ମନ ଆଗତୁ ବିକ୍ ମାଙ୍ଗାଟା ଦେକି ରଇଲାଇ । ସେଟାର୍ ପାଇ ଏ ଲକ୍ମନ ଆରି କାଣାର ଗର୍ ଲଗର୍ ଲକ୍ମନ ତାକେ ଦେକି କଇଲାଇ, “ଜନ୍ ଲକ୍ମକି ସବୁବେଲା ବସିକରି ବିକ୍ ମାଙ୍ଗାତେ ରଇଲା ସେ କାଇ ଏ ଲକ୍ ନର୍ସ କି ?”

୯ କେତେ ଲକ୍ମନ କଇଲାଇ, “ଉଁ ଏତାର ସେ ଲକ୍ସେ ।” ମାତର୍ ଆରି ଅଦେକ୍ ଲକ୍ କଇଲାଇ, “ନାଇ ଏ ସେ ଲକ୍ ନର୍ସ ମାତର୍ ତାର୍ ପାରା ଡିସଲାନି ।” ମାତର୍ କାଣା କଇଲା, “ମୁଇସେ ଆଗତୁ କାଣା ଅଇରଇଲି ।”

୧୦ ଲକ୍ମନ ତାକେ ପାଟାରୁଲାଇ, “ଏକ୍ଟି ବଇଲେ ତୁଇ କେକ୍ଟି ଦେକିପାରୁଲୁସିନି ?”

୧୧ କାଣା ସେମନକେ କଇଲା, “ଲକ୍ମନ ଜନ୍ ଲକ୍ମକେ ଜିସୁ ବଲି କଇଲାଇନି, ସେ କାଦ କରି ମର୍ ଆଁକିତେଇ ଲିପିଦେଲା । ତାର୍ପତେ ସେ ମକେ ‘ସିଲଅ ନାଉଁର୍ ବନ୍ଦେ ଜାଇକରି ଦ’ ବଲି କଇଲା । ପତେ ମୁଇ ଜାଇକରି ବନ୍ଦେ ମୁ ଦଇଲା ଦାପୁରେ ଦେକି ପାରୁଲି ।”

୧୨ ଆରି ଲକ୍ମନ ତାକେ କଇଲାଇ, “ସେ କକ୍ଟି ଆଟେ ?” ସେ “ମୁଇ ନାଜାନି” ବଲି କଇଲା ।

ପାରୁସିମନ୍ ନିକ ଅଇ ରଇବା ବିସଇ ଜାନିବାକେ ଚେସ୍ଟା କଲାଇ

୧୩ ତାର୍ ପତେ ଲକ୍ମନ ଆଗେଅନି କାଣା ଅଇରଇଲା ଲକ୍ମକେ ପାରୁସିମନ୍ ଲଗେ ତାକିନେଲାଇ । ୧୪ ଜିସୁ ଜନ୍ ଦିନେ କାଦ ଲିପିକରି ତାର୍ ଆଁକି ନିକ କରିରଇଲା, ସେ ଦିନ ବିସରାମ୍ପାବାର୍ ରଇଲା ।

୧୫ ପାରୁସି ଲକ୍ମନ ତାକେ ଆରିତରେକ୍ ପାଟାରୁଲାଇ, “ତୁଇ କେକ୍ଟାର୍ ଦେକିପାରୁଲୁସିନି ?” ତେଇ ସେ ସେମନକେ କଇଲା, “ଜିସୁ ମର୍ ଆଁକିଟାନେ କାଦ ଲାଗାଇଦେଲା । ପତେ ମୁଇ ମୁ ଦଇ ଆଇଲି ଆରି ଏବେ ଦେକି ପାରୁଲିନି ।”

୧୬ କେତେଟା ପାରୁସିମନ୍ କଇଲାଇ, “ଏ ଲକ୍ ପରମେସରର୍ ତେଇଅନି ଆସେ ନାଇ । ସେଟାର୍ ପାଇଁ ସେ ବିସରାମ୍ ଦିନର୍ ନିୟମ୍ ମାନେନାଇ ।”

ଆରି ଅଦେକ୍ ଲକ୍ମନ କଇଲାଇ, “ଗଟେକ୍ ପାପି ଲକ୍ କେବେ ମିଆ ଏକ୍ଟି କାବାଅଇଜିବା କାମ୍ କରିନାପାରେ ।” ଏକ୍ଟି ଜିଉଦି ଲକ୍ମନ ଦୁଇ ବାଗ୍ ଅଇଗାଲାଇ ।

୧୭ ସେଟାର୍ ପାଇ ସେମନ୍ ସେ ଲକ୍ମକେ ଆରି ତରେକ୍ ପାଟାରୁଲାଇ, “ତକେ ଜିସୁ ନିମାନ୍ କଲାଜେ ଦେକି ପାରୁଲୁସିନି । ଏକ୍ଟି ବଇଲେ ତୁଇ ତାକେ କେ ବଲି ବାବୁଲୁସିନି ?”

ସେ ଲକ୍ ସେମନକେ କଇଲା, “ସେ ଗଟେକ୍ ବବିସତ୍ ବକ୍ତା ।”

୧୮ ଜିଉଦି ନେତାମନ୍ ସେ ନିମାନ୍ ଅଇଲା ଲକ୍ ଆଗତୁ କାଣା ରଇଲା ଜେ ଏବେ ସେ ଦେକିପାର୍ବା ବିସଇ ମୁଲ୍ଲକେ ବିସବାସ୍ କରନ୍ତନାଇ । ପାରୁସିମନ୍ ସେ ଲକର୍ ମାଆ ବାବାକେ ନ ଡାକ୍ବା ଜାକ ମୁଲ୍ଲକେ ବିସବାସ୍ କରନ୍ତନାଇ । ୧୯ ସେମନ୍ ତାର୍ ମାଆ ବାବାକେ ପାଟାରୁଲାଇ, “ଏଟା ତମର୍ ପିଲା କି ? ସେ ଜନ୍ମେ ଅନି କାଣାଟା ବଲି ତମେ କଇଲାସିନି, ଏକ୍ଟି ବଇଲେ ସେ କେକ୍ଟି ଦେକିପାରୁଲାନି ?”

୨୦ ତାର୍ ମାଆ ବାବା କଇଲାଇ, “ଉଁ ଏଟା ଆମର୍ ପିଲା । ସେ ଜନ୍ମେଅନି କାଣା ରଇଲା ବଲି ଆମେ ଜାନି ଆତୁ । ୨୧ ମାତର୍ ଏବେ ସେ କେକ୍ଟି ଦେକିପାରୁଲାନି ଆରି କେ ତାକେ ନିମାନ୍ କଲା ସେଟା ଆମେ ନାଜାନୁ । ସେ ଏବେ ବଡ୍ ଅଇଲା ଆତେ ତାକେ ପାଟାରା ସେ ନିଜେ କଇସି ।” ୨୨ ତାର୍ ମାଆ ବାବା ଜିଉଦି ନେତାମନ୍କେ ତରି ଏକ୍ଟି ବଲି କଇଦେଲାଇ । କାଇକେ ବଇଲେ ଜିସୁକେ ଜଦି ମସିଅ ବଲି କଇସି ବଇଲେ ତାକେ ପରମେସରକେ ଉପାସନା କର୍ବା ଗର୍ ବିତ୍ତରେ ଜିବାକେ ନ ଦେଅଡ୍ ବଲି ଆଗତୁସେ କଇରଇଲାଇ । ୨୩ ସେଟାର୍ପାଇ ସେ ମାଆ ବାବା କଇଲାଇ, “ସେ ତ ବଡ୍ ଅଇଲା ଆତେ, ତାକେ ପାଟାରା ।”

୨୪ ସେମନ୍ ସେ ଲକ୍ମକେ ଆରି ତରେକ୍ ବିତ୍ତରେ ତାକି କରି ପାଟାରୁଲାଇ, “ପରମେସରକେ ରାନ୍ ପାକାଇ କି । ଜିସୁ ଗଟେକ୍ ପାପି ଲକ୍ ବଲି ଆମେ ଜାନୁ ।”

୨୫ ତାର୍ ପତେ ସେମନକେ ସେ କଇଲା, “ସେ ପାପି ଲକ୍ମକି ନର୍ସ ସେଟା ମୁଇ ଜାନି ନାଇ । ମାତର୍ ମୁଇ ଗଟେକ୍ ବିସଇ ଜାନି ଆଟି ସେଟା ଅଇଲାନି, ମୁଇ ଆଗତୁ କାଣା ରଇଲି, ଏବେ ଦେକି ପାରୁଲିନି ।”

* ୯:୫ ୯:୫ ମାଟିର ୫:୧୪; ଜଅନ ୮:୧୨

୨୭ ଜିଉଦି ନେତାମନ୍ ତାକେ ପାଚାରୁଲାଇ, “ସେ ତକେ କାଇଟା କଲା ? କେନ୍ତ୍ର ତରୁ ଆଁକି ପିଟାଇଦେଲା ?”

୨୮ ସେ ସେମନ୍‌କେ କଇଲା, “ମୁଇ ଆଗରୁସେ କଇ ସାରାଇଆଚି, ମାତର୍ ତମେ ମାନ୍‌ବାକେ ମନ୍ କରାସ୍ ନାଇ । ଏବେ ଆରି ତରେକ୍ କାଇକେ ପାଚାରୁଲାସିନି ? ତମେ ମିସା କାଇ ତାରୁ ସିସ୍ ଅଇବାକେ ମନ୍‌କଲାସିନି କି ?”

୨୯ ସେମନ୍ ସାଇପ୍ ଦେଇ କଇଲାଇ, “ତୁଇ କାଇ ତାରୁ ସିସ୍ ଅଇସୁ, ଆମେ ନଉଁ, ଆମେ ମସାରୁ ସିସ୍‌ମନ୍ । ୨୯ ପର୍ମେସର୍ ମସାରୁତେଇ କାତା ଅଇରଇଲାଟା ଆମେ ଜାନିଆରୁ, ମାତର୍ ଏ ଲକ୍ କନ୍ତୁଅନି ଆଇଲାଆଚେ, ସେଟା ନାଜାନୁ ।”

୩୦ ତାରୁ ପଚେ ସେ ଲକ୍ ଜିଉଦି ନେତାମନ୍‌କେ କଇଲା, “ଏଟା ଗଟେକ୍ ବେସି ବଡ଼ କାବାଅଇଜିବା ବିସଇ । ସେ ଲକ୍ ମର୍ ଆଁକି ନିମାନ୍ କଲାଆଚେ, ମାତର୍ ସେ କନ୍ତୁଅନି ଆଇଲା ଆଚେ, ସେଟା ତମେ ନାଜାନୁ ବଲି କଇଲାସିନି ।” ୩୧ ପାପି ଲକ୍‌ମନର୍ ପାରୁତନା ପର୍ମେସର୍ ନ ସୁନେ ବଲି ସବୁ ଲକ୍‌ମନ୍ ଜାନିଆଚଡ଼ । ମାତର୍ ଜନ୍ ଲକ୍ ପର୍ମେସର୍‌କେ କୁଆର୍ କରି ସେ ମନ୍‌କଲା ଇସାବେ ଚଲାଚଲୁଟି କଲାନ୍ତି, ସେ ତାରୁ କାତା ସୁନ୍‌ସି । ୩୨ ଦୁନିଆ ଆରାମେଅନି, ଜନ୍‌ମେ ଅନି କାଣା ରଇଲା ଗଟେକ୍ ଲକ୍‌କେ ଆଁକି ତିସାଇବାଟା ଏବେ ଜାକ ମିସା ନ ସୁନିରଇଲାଇ । ୩୩ ଏ ଲକ୍ ଜଦି ପର୍ମେସର୍‌ଟା ନେଅନି ଆସି ନ ରଇଲେ, କେବେ ମିସା ଏ କାମ୍ କରିନାପାରୁତା । ୩୪ ସେବେଲା ଜିଉଦି ନେତାମନ୍ କଇଲାଇ, “ତୁଇ ପାପେ ଜନମ୍ ଅଇକରି ପୁରାପୁରୁନ୍ ପାପେ ବୁଡ଼ି ଆରୁସ୍ । ତେଇଅନି ତୁଇ ବାଅଡ଼ । ଆମ୍‌କେ ସିକାଇଲୁସିନି ?” ଏନ୍ତ୍ର କଇକରି ସେମନ୍ ତାକେ ଜିଉଦିମନର୍ ପାରୁତନା ଗରେଅନି ବାର୍‌କରାଇଦେଲାଇ ।

ଆଡ଼ମ୍‌ ଇସାବେ କାଣା ରଇବାଟା

୩୫ ଜିସୁ ସେ ଲକ୍‌କେ ପାରୁତନା ଗରେ ଅନି ବାର୍ କରାଇ ଦେଲାଟା ସୁନି ଆରିତରେକ୍ ତାକେ ଦେକାଇଅଇ, ପାଚାରୁଲା, “ତୁଇ ପର୍ମେସର୍ ତେଇଅନି ଆଇଲା ନର୍‌ପିଲାକେ ବିସ୍‌ବାସ୍ କଲୁସିନି କି ?”

୩୬ ସେ କାଣା ଲକ୍ କଇଲା, “ଏ ଆଗିଆଁ ସେ ଲକ୍ କେ ? ମୁଇ ତାକେ ବିସ୍‌ବାସ୍ କରୁବି ।”

୩୭ ଜିସୁ ତାକେ କଇଲା, “ତୁଇ ତାକେ ଦେକିଆରୁସ୍, ଆରି ଏବେ ଜନ୍ ଲକର୍ ସଙ୍ଗ୍ କାତା ଅଇଲୁସିନି, ସେ ଆକାଁ ସେ ଲକ୍ ।”

୩୮ ସେବେଲାଇ ସେ କଇଲା, “ମାପରୁ ମୁଇ ତକେ ବିସ୍‌ବାସ୍ କଲିନି ।” ଆରି ଜିସୁର୍ ମୁଆଟେ ମାଣ୍ଡିକୁଟା ଦେଇ କୁଆର୍ କଲା ।

୩୯ ଜିସୁ କଇଲା, “ମୁଇ ଏ ଦୁନିଆର୍ ଲକ୍‌ମନ୍‌କେ ବିଚାର୍ କର୍‌ବାରୁ ଆସିଆଚି । ସେଟାରୁ ପାଇ କାଣା ଲକ୍‌ମନ୍ ଦେକିପାରୁବାଇ, ଆରି ଦେକିପାରୁବା ଲକ୍‌ମନ୍ କାଣା ଅଇଜିବାଇ ।”

୪୦ ଜିସୁ ଏନ୍ତ୍ର କଇବା କାତା, ଲଗେ ରଇଲା କେତେଟା ପାରୁସି ଲକ୍‌ମନ୍ ସୁନିକରି ତାକେ ପାଚାରୁଲାଇ, “ଏନ୍ତ୍ର ବଇଲେ ଆମ୍‌କେ କାଇ କାଣା ଲକ୍‌ମନ୍ ବଲି ବାବ୍‌ଲୁସିନି କି ?”

୪୧ ଜିସୁ ସେମନ୍‌କେ କଇଲା, “ତମେ କାଣା ଅଇରଇତାସ୍ ଆଲେ ଦସି ନ ଅଇତାସ୍ । ମାତର୍ ଦେକି ପାରୁଲୁନି ବଲି କଇଲାସିନିଜେ ଅଦିକ୍ ଦସି ।”

୧୦

ମେଣ୍ଡା ଗଉଡ଼ର୍ କାତା

୧ ଜିସୁ କଇଲା, “ମୁଇ ତମ୍‌କେ ସଡ଼ କଇଲିନି, ଜେ ଦୁଆର୍ ବାଟେ ନ ଜାଇ ବିନ୍‌ବାଟେ ଜାଇ ମେଣ୍ଡାସାଲେ କେଟ୍‌ସି, ସେ ଚର୍ ଆରି କାଙ୍ଗାମ୍ । ୨ ମାତର୍ ଜେ ଦୁଆର୍ ବାଟେ ଜାଇ ମେଣ୍ଡାସାଲେ କେଟ୍‌ସି, ସେ ମେଣ୍ଡା ରାସିର୍ ଗଉଡ଼ । ୩ ଜାଗୁଆଲ୍ ଦୁଆର୍ ଉଗାତି ଦେଇସି ଆରି ନାଉଁ ଦାରି ତାକ୍‌ସି । ମେଣ୍ଡାମନ୍ ତାରୁ ଡାକ୍‌ଲାଟା ସୁନ୍‌ବାଇ, ଆରି ସେମନ୍‌କେ ବାର୍‌କରାଇ ଦାରିଜାଇସି । ୪ ନିଜର୍ ସବୁ ମେଣ୍ଡାମନ୍‌କେ ବାଇରେ ଆନ୍‌ବା ବେଲେ, ସେ ଆଗେ ଆଗେ ଇଣ୍ଡିଆରି ମେଣ୍ଡାମନ୍ ତାରୁ ପଚେ ପଚେ ଜିବାଇ । କାଇକେବଇଲେ ମେଣ୍ଡାମନ୍ ତାରୁ ଡାକ୍‌ଲାଟା ଜାନଡ଼ । ୫ ମାତର୍ ମେଣ୍ଡାମନ୍ କେବେ ମିସା ନ ଚିନ୍‌ଲା ଲକର୍ ପର୍ ପର୍ ନ ଜାଅଡ଼, ତାରୁଲଗେଅନି ପାଲାଇବାଇ । କାଇକେବଇଲେ ସେମନ୍ ଅଚିନାରୁ ଲକ୍ ଡାକ୍‌ଲେ ନ ଜାଅଡ଼ ।”

୬ ଜିସୁ ସେମନ୍‌କେ ଏନ୍ତ୍ର ଉଦାଅରଣ୍ ଦେଇ କଇଲା, ମାତର୍ ସେମନ୍ ତାରୁ ଅରଡ଼ କାଇଟା ବଲି ବୁଜି ନାପାରୁଲାଇ ।

ଜିସୁ ନିମାନ୍ ମେଣ୍ଡା ଗଉଡ଼

୭ ସେଟାର ପାଇଁ ଜିସୁ ଆରିତରେକ କଇଲା, “ମୁଇ ତମ୍ଭକେ ସତ୍ କଇଲିନି ମୁଇ ମେଣ୍ଟାମନର୍ ତିଆଗତି । ୮ ମର୍ ଆଗତୁ ଜେତେଲକ୍ ଆସିଆତଡ୍, ସେମନ୍ ସବୁଲକ୍ ଜାକ ଚର୍ ଆରି କାଙ୍ଗାମନର୍, ସେଟାରପାଇଁ ମେଣ୍ଟାମନ୍ ତାକର୍ କାତା ମୁଲକେ ସୁନତ୍ନାଇ । ୯ ମୁଇ ଦୁଆର୍, ଜଦି କେ ମିସା ମର୍ ବାଟେ ଆସି କେଟ୍ସି ବଇଲେ, ସେ ରକିଆପାଇସି, ଆରି ସେ ବିତ୍ତରେ ଆରି ବାଇରେ ଜାଇ ଚାରି ପାରୁସି । ୧୦ ଚର୍, ଚରାଇବାକେ, ମରାଇବାକେ, ଆରି ନାସ୍ କର୍ବାକେସେ ଆଇସି, ମାତର୍ ମୁଇ ଜେନ୍ତିକି ସେମନ୍କେ ପୁରାପୁରୁନ୍ ଜିବନ୍ ଦେବାକେ ଆଇଲି ଆତି ।”

୧୧ ମୁଇ ନିମାନ୍ ମେଣ୍ଟା ଚାରାଉ ଗଉଡ୍ । ନିମାନ୍ ଗଉଡ୍ ମେଣ୍ଟାମନର୍ ଲାଗି ନିଜର୍ ଜିବନ୍ ମିସା ଦେଇସି । ୧୨ ଜେ ମେଣ୍ଟା ଚାରାଉ ନର୍, ମାତର୍ ବୁଡି ପାଉ, ମେଣ୍ଟାମନ୍ ତାର୍ ନିଜର୍ଟା ନଅଡ୍, ସେଟାରପାଇଁ ତୁରକ୍ ଆଇବାଟା ଦେକି ମେଣ୍ଟାମନ୍କେ ଚାଡି ପାଲାଇସି । ଆରି ତୁରକା ମେଣ୍ଟାମନ୍କେ ଦାରି ତିନ୍ ଚତଡ୍ କରିଦେଇସି । ୧୩ ଜେ ବୁଡି ମିଲବଲି ମେଣ୍ଟା ଚାରାଉସି, ସେ ମେଣ୍ଟାମନ୍କେ ଚାଡି ଉଡିଜାଇସି । କାଇକେବଇଲେ ସେ ମେଣ୍ଟାମନର୍ ପାଇଁ ଚିନ୍ତା ନ କରେ । ୧୪ ମୁଇ ନିକ ମେଣ୍ଟା ଚାରାଉ । ବାବା ଜେନ୍ତାରି ମକେ ଜାନେ, ମୁଇ ମିସା ସେନ୍ତି ବାବାକେ ଜାନି, ୧୫ ସେନ୍ତାରିସେ ମୁଇ ମର୍ ନିଜର୍ ମେଣ୍ଟାମନ୍କେ ଜାନି । ଆରି ମେଣ୍ଟାମନ୍ ମିସା ମକେ ଜାନଡ୍ । ମୁଇ ସେମନର୍ ଲାଗି ମର୍ ଜିବନ୍ ଦେବାକେ ମିସା ରାଜି । ୧୬ ଏନ୍ତାରି ମର୍ ବିନ୍ ମେଣ୍ଟାମନ୍ ଆତଡ୍ । ସେମନ୍ ଏ ରାସି ଚାନେ ନାଇ, ମକେ ସେମନ୍କେ ମିସା ଆନ୍ବାକେ ପଡ୍ସି । ସେମନ୍ ମୁଇ ଡାକ୍ବାଟା ସୁନ୍ବାଇ ଆରି ତେଇର୍ ଗଟେକ୍ ରାସି ଅଇ ରଇବାଇ । “

୧୭ “ମର୍ ବାବା ମକେ ଆଲାଦ୍ କଲାମି, କାଇକେବଇଲେ ମୁଇ ମର୍ ଜିବନ୍ ଦେବାକେ ମନ୍ କଲିନି । ଆରି ମର୍ ଜିବନ୍ ଦାନ୍ କର୍ବି ବଇଲେ ଆରିତରେକ୍ ସେଟା ପାଇବି । ୧୮ ମର୍ ଜିବନ୍ ବିନ୍ ଲକ୍ ନେଇ ନାପାରଡ୍ । ସେଟା ମୁଇ ନିଜେ ମନ୍କରି ଦାନ୍ କର୍ବି କି ଆରିତରେକ୍ ଆନ୍ବାକେ ମିସା ମର୍ ଅଦିକାର୍ ଆଟେ । ମର୍ ବାବା ମକେ ଏ ଅଦିକାର୍ ଦେଇଆଟେ ।”

୧୯ ଜିସୁର୍ ଏ ସବୁ କାତାର୍ ଲାଗି ଜିଉଦିମନ୍ ବାଗ୍ ବାଗ୍ ଅଇଗାଲାଇ । ୨୦ ସେମନର୍ ବିତ୍ତରେ କେତେକ୍ ଲକ୍ କଇବାର୍ ଦାନ୍ଲାଇ, “ତାକେ ତୁମା ଦାରିଆଟେ, ସେ ବାୟାଟା, କାଇକେ ତାର୍ କାତା ସୁନ୍ଲାସିନି ?”

୨୧ ମାତର୍ ବିନ୍ଲକ୍ମନ୍ କଇଲାଇ, “ଏ ସବୁ କାତା ତା ତୁମା ଦାରି ରଇବା ଲକ୍ କଇନାପାରେ । ତୁମା କାଇ କାଣା ଲକ୍ ଆକି ନିମାନ୍ କରିଦେଇପାରେ କି ?”

ଜିସୁକେ ନାମର୍ ନାଇ

୨୨ ସେ ବେଲେ ସିଡ୍ ଦିନ୍ ଅଇରଇଲା ଆରି ଜିରୁସାଲାମ୍ ମନ୍ଦିର୍ ତିଆର୍ କଲା ପରବ୍ ଅଇତେରଇଲା । ୨୩ ତେଇ ଜିସୁ ମନ୍ଦିରେ ସଲ୍ମନର୍ ମଣ୍ଡପେ ବୁଲ୍ତେରଇଲା । ୨୪ ତେଇ ଜିଉଦିମନ୍ ତାକେ ଚାରିବେଟ୍ତୁଅନି ଡାବିଅଇ ପାଟାର୍ବାର୍ ଦାନ୍ଲାଇ, “ଆରି କେତେ ଦିନ୍ ଜାକ ଆମ୍ଭକେ ନାତାଇସୁ ? ତମେ ଜଦି ପର୍ମେସର୍ ବାଟି ପାଟାଇଲା ରାଜା ମସିଅ ଅଇରଇଲେ ଆମ୍ଭକେ ସତ୍ କାତା କ ।”

୨୫ ଜିସୁ ସେମନ୍କେ କଇଲା, “ମୁଇ ତମ୍ଭକେ ପର୍ତୁମ୍ କଇଆତି, ମାତର୍ ମକେ ବିସ୍ବାସ୍ କରାସ୍ନାଇ । ମର୍ ବାବାର୍ ଅଦିକାରେ ମୁଇ ଜନ୍ ଜନ୍ କାମ୍ମାନ୍ କଲିଆତି, ସେ ସବୁଜାକ ମର୍ ବିସ୍ଇର୍ ସାକି ଦେଲାମି । ୨୬ ମାତର୍ ତମେ ମକେ ବିସ୍ବାସ୍ କରାସ୍ନାଇ, କାଇକେବଇଲେ ତମେ ମର୍ ମେଣ୍ଟାମନ୍ ନୁଆସ୍ ।

୨୭ ମର୍ ସବୁ ମେଣ୍ଟାମନ୍ ମୁଇ ଡାକ୍ବାଟା ସୁନ୍ବାଇ, ମୁଇ ସେମନ୍କେ ଜାନି, ଆରି ସେମନ୍ ମର୍ ପଟେ ପଟେ ଆଇବାଇ । ୨୮ ଆରି ମୁଇ ସେମନ୍କେ ନ ସାର୍ବା ଜିବନ୍ ଦେବି । ସେମନ୍ କେବେମିସା ନସ୍ଟ ନ ଅଅଡ୍ । ସେମନ୍କେ ମର୍ ଆତେଅନି କେ ମିସା ଚାତାଇ ନେଇ ନାପାରଡ୍ । ୨୯ ମର୍ ବାବା ମକେ ଜନ୍ଟା ଦେଲାଆଟେ, ସେଟା ସବୁଟାଗନେଅନି ଅଦିକ୍ ମୁଲିଅ । ବାବାର୍ ଆତେଅନି ସେଟା କେ ମିସା ଚାତାଇ ନେଇ ନାପାରଡ୍ । ୩୦ ବାବା ଆରି ମୁଇ ଗଟେକ୍ ସେ ।”

୩୧ ଏ କାତା ସୁନି ଲକ୍ମନ୍ ତାକେ ଆରିତରେକ୍ ମାର୍ବାକେ ପାକ୍ନା ବେଟ୍ଲାଇ । ୩୨ ଜିସୁ ସେମନ୍କେ କଇଲା, “ମୁଇ ବାବାର୍ ଆଦେସ୍ ଇସାବେ ତମ୍ଭକେ କେତେକ୍ କେତେକ୍ ନିମାନ୍ କାମ୍ ଦେକାଇ ଆତି, ସେ ସବୁ ନିମାନ୍ କାମ୍ ବିତ୍ତରେଅନି, କନ୍ କାମ୍ପରପାଇ ମକେ ମାର୍ବାକେ ପାକ୍ନା ବେଟିଆଟାସ୍ ?”

୩୩ ସେମନ୍ ତାକେ କଇଲାଇ, “ନିମାନ୍ କାମ୍ ଲାଗି ତକେ ଆମେ ମାର୍ବାକେ ପାକ୍ନା ବେଟୁନାଇ, ମାତର୍ ପର୍ମେସର୍କେ ନିନ୍ କଲୁସିନି ବଲିକରି, ଆରି ତୁଇ ମନସ୍ ଅଇକରି ନିଜକେ ପର୍ମେସର୍ ବଲାଇଅଇବାର୍ ଲାଗି ।”

୩୪ ଜିସୁ ସେମନ୍କେ କଇଲା, “ତମ୍ଭର୍ ରିଡିନିଡି ଚାନେ କାଇ ଏଟା ଲୋକାନାଇ କି ? ପର୍ମେସର୍ କଇଲା ତମେ ପର୍ମେସର୍ । ୩୫ ଆମେ ଜାନୁ ସାସ୍ତରର୍ ବାକିଅ ସବୁ ଦିନର୍ ପାଇ ସତ୍ । ପର୍ମେସର୍

୫ ୧୦:୧୪ ୧୦:୧୪ ମାଡିର ୧୧:୨୭; ଲୁକ୍ ୧୦:୨୨

ବାକିଅ ଜନ୍ମଲକ୍ଷ୍ମୀମନ୍ ଜାନିଆଡ଼, ସେମାନଙ୍କେ ପରମେସର ବଲି କୁଆ ଅଇଲାଆତେ ।^{୩୭} ବାବା ମନେ ବାଚିକରି ଏ ଦୁନିଆଇ ପାଟାଇଆତେ, ସେନ୍ତାର୍ ଆଲେ ମୁଇ ନିଜେକେ ପରମେସର ପ ବଲି କଇଲାକେ, ତମେ ମନେ କେନ୍ତ୍ର ପରମେସରକେ ନିନ୍ଦା କଲୁସିନି ବଲି କଇଲାସିନି ?^{୩୮} ମୁଇ ଜଦି ମର୍ ବାବାର୍ କାମ୍ ନ କରି, ସେନ୍ତାର୍ଆଲେ ମନେ ବିସ୍ବାସ୍ କରାନାଇ ।^{୩୯} ଜଦି ମୁଇ ସେ ମନକଲ୍ଲାଟା ପୁରାପୁରୁନ୍ କରବି ବଇଲେ, ମନେ ବିସ୍ବାସ୍ ନ କଲେମିସା ମୁଇ କରବା କାମ୍ ବିସ୍ବାସ୍ କରା । ସେଟାର୍ ପାଇ ତମେ ଜାନିପାରାସ୍ ଜେ, ମର୍ ବାବା ପରମେସର ମର୍ ସଙ୍ଗ୍ ଆତେ ଆରି ମୁଇ ତାର୍ଟାନେ ଆରି ।”

^{୩୯} ସେମନ୍ ଆରିତରେକ୍ ଜିସୁକେ ଦାର୍ବବାକେ ଚେସ୍ଟା କଲାଇ, ମାତର୍ ଜିସୁ ସେମନ୍କେ ଦାରାଇ ନ ଅଇକରି କସିରି ଉଚିଗାଲା ।

^{୪୦} ତାର୍ପତେ ସେ ଆରିତରେକ୍ ଜରଦନ୍ ଗାତର୍ ସେପାଟେ ଉଚିଜାଇକରି ଆଗେ ଜଅନ୍ ଜନ୍ ଜାଗାଇ ତୁବନ୍ ଦେଇ ରଇଲା, ସେ ଜାଗାଇ ଜାଇକରି ରଇଲା ।^{୪୧} ଆରି ବେସିଲକ୍ଷ୍ମୀମନ୍ ତାର୍ଲଗେ ଆସିକରି କଇଲାଇ, “ଜଅନ୍ ସିନା କାଇ କାବାଅଇ ଜିବା କାମ୍ କରି ନ ରଇଲା, ମାତର୍ ଏ ଲକ୍ଷ୍ମୀ ବିସଇନେଇ ଜଅନ୍ ଜେଡ଼କି କାତା କଇରଇଲା, ସେ ସବୁ ସର୍ ଆକା ।”^{୪୨} ଆରି ସେ ଜାଗାଇ ବେସି ଲକ୍ଷ୍ମୀମନ୍ ଜିସୁକେ ବିସ୍ବାସ୍ କଲାଇ ।

୧୧

ଲାଜାର୍ ମରନ୍

^୧ ବେଡ଼ନିଆ ଗତେ ଲାଜାର୍ ନାଉର୍ ଗଟେକ୍ ଲକ୍ଷ୍ମୀକେ ଜର୍ ଅଇରଇଲା । ମରିୟ୍ ଆରି ତାର୍ ବଇନି ମାର୍ତା ସେ ଗାର୍ ରଇଲାଇ ।^୨ ଏ ମରିୟ୍ ଅଇଲାନି, ଜନ୍ ମାଇଜି କି ବେସି ଦାମ୍ଦେଦା ବାସ୍ନା ଚିକନ୍ ଜିସୁର୍ ପାଦେ ରକଇକରି ତାର୍ ଚେଣ୍ଡିସଙ୍ଗ୍ ପୁଟିଦେଇରଇଲା । ତାର୍ ବାଇ ଲାଜାର୍କେ ଆକା ଜର୍ ଅଇରଇଲା ।^୩ ସେଟାର୍ପାଇ ତାର୍ ବଇନିମନ୍ ଜିସୁର୍ ଲଗେ କବର୍ ପାଟାଇଲାଇ, “ମାପୁରୁ ତମେ ଜାକେ ଆଲାଦ୍ କଲାସିନି, ସେ ବେସି ଜର୍ ଅଇଲାଆତେ ।”

^୪ ମାତର୍ ଜିସୁ ଏ କାତା ସୁନିକରି କଇଲା, “ଏ ଜର୍ ମର୍ବାପାଇ ଅଏ ନାଇ, ମାତର୍ ପରମେସର ମଇମାର୍ ପାଇ । ସେଟାର୍ ଲାଗି, ତାର୍ ପଅ, ମୁଇ ମିସା ମଇମା ପାଇବି ।”

^୫ ଜିସୁ, ମାର୍ତା, ତାର୍ ବଇନି ଆରି ଲାଜାର୍କେ ବେସି ଆଲାଦ୍ କର୍ତେରଇଲା ।^୬ ସେଟାର୍ପାଇ ଲାଜାର୍ ନିକ ନ ରଇବା କବର୍ ପାଇ ଜିସୁ ଜନ୍ ଜାଗାଇ ରଇଲା, ସେ ଜାଗାଇ ଆରି ଦୁଇଦିନ୍ ରଇଲା ।^୭ ତାର୍ ପତେ ସେ ସିସ୍ମାନକେ କଇଲା, “ଆସା, ଆମେ ଆରିତରେକ୍ ଜିଉଦା ଦେସେ ବାଉଡି ଜୁ ।”

^୮ ସିସ୍ମାନ୍ ତାକେ କଇଲାଇ, “ଏ ଗୁରୁ, ତମକେତା କେତେ ଦିନ୍ ଆଗେ, ଲକ୍ଷ୍ମୀମନ୍ ପାକ୍ନା ସଙ୍ଗ୍ ମାର୍ବାକେ ଚେସ୍ଟା କର୍ତେରଇଲାଇ, ତମେ ଆରିତରେକ୍ ତେଇ ଜିବାକେ ମନ୍ କଲାସିନି କି ?”

^୯ ଜିସୁ କଇଲା “ଗଟେକ୍ ଦିନେ କାଇ ବାର ଗଟା ଉଜଲ୍ ନ ରଏ କି ? ଜନ୍ ଲକ୍ଷ୍ମୀମନ୍ ଦିନ୍ବେଲାର୍ ଉଜଲେ ରଇବାଇ, ସେମନ୍ ଜଟିଆଇ ନ ଅଅର୍, କାଇକେବଇଲେ ସେମନ୍କେ ଏ ଜଗତର୍ ଉଜଲ୍ ତ୍ରିସି ।^{୧୦} ମାତର୍ ରାଟିଆ ଇଣ୍ଡୁଲେ ଜଟିଆଇ ଅଇବାଇ । କାଇକେବଇଲେ ସେମନ୍ଟାନେ ଉଜଲ୍ ନ ରଏ ।”

^{୧୧} ଜିସୁ ଏ ସବୁ କାତା କଇଲା ପତେ, ସିସ୍ମାନକେ କଇଲା, “ଆମର୍ ସବୁଲକ୍ଷ୍ମୀମନ୍ ମଇତର୍ ଲାଜାର୍ ଏବେ ସଇଆତେ, ତାକେ ମୁଇ ଉଟାଇବାର୍ ଗାଲିନି ।”

^{୧୨} ତେଇ ସିସ୍ମାନ୍ ଜିସୁକେ କଇଲାଇ, “ମାପୁରୁ, ଜଦି ସେ ସଇଲାଆତେ ବଇଲେ ନିକ ଅଇସି ।”

^{୧୩} ଜିସୁ ଲାଜାର୍ ମରନ୍ ବିସଇ ନେଇକରି କଇରଇଲା, ମାତର୍ ସିସ୍ମାନ୍ ଲାଜାର୍କେ ଗୁନର୍ଲାଗି ସଇଲା ବିସଇ କଇଲାନି ବଲି ବାବ୍ଲାଇ ।^{୧୪} ସେଟାର୍ପାଇ ଜିସୁ ସେମନ୍କେ ନିକ ସଙ୍ଗ୍ ବୁଜିଲା ପାରା କଇଲା, “ଲାଜାର୍ ମରିଗାଲାଆତେ ।^{୧୫} ଆରି ମୁଇ ତେଇ ନ ରଇଲି, ସେଟାର୍ପାଇ ତମର୍ ସଙ୍ଗ୍ ସାର୍ବା କଲିନି, ଜେନ୍ତାରିକି ତମେ ବିସ୍ବାସ୍ କରସା । ମାତର୍ ଆସା, ଏବେ ଆମେ ତାକେ ଜାଇ ଦେକୁ ।”^{୧୬} ତେଇ ତମା ନାଉର୍ ଜାକେ କି ବିଦୁମ୍ ବଲି କଇବାଇ, ସେ ତାର୍ ସଙ୍ଗ୍ ସିସ୍ମାନକେ କଇଲା, “ଜୁ ଆମେ ମିସା ଗୁରୁର୍ ସଙ୍ଗ୍ ଜାଇ ତାର୍ସଙ୍ଗ୍ ମରୁ ।”

ଜିସୁ ଜିବନ୍ ଆରି ମରନଅନି ଉର୍ବବା ଲକ୍ଷ୍ମୀ

^{୧୭} ଜିସୁ ବେଡ଼ନିଆଇ କେଟିକରି ସୁନ୍ଲା ଜେ ଲାଜାର୍କେ ସମାଦି ଦେଇ ଚାର୍ଦିନ୍ ଅଇରଇଲା ।

^{୧୮} ଜିରୁସାଲାମ୍ ଅନି ବେଡ଼ନିଆ ତିନ୍ କିଲମିଟର୍ ତେଇଅନି ଉନାର୍ ବାଟ୍ ।^{୧୯} ଆରି ଜିଉଦିମନ୍

ତେଜଅନି କେତେକ କେତେକ ଲକ୍ଷମନ୍ଦ ମାର୍ତ୍ତା ଆରି ମରିୟମ୍ ଲଗେ ତାର୍ ମରିଜାଇରଇବା ବାଇର୍ ବିସଇ ସାଁତାଇବାକେ ଆସିରଇଲାଇ ।

୨୦ ଜିସୁ ଆଇଲାନି ବଲି ସୁନ୍‌ଲା ଦାପ୍‌ରେ ମାର୍ତ୍ତା ତାକେ ବେଟ୍‌ଅଇବାର୍ ଗାଲା । ମାତର୍ ମରିୟମ୍ ଗରେସେ ବସିରଇଲା । ୨୧ ମାର୍ତ୍ତା ଜିସୁକେ କଇଲା, “ମାପୁରୁ ତମେ ଜଦି ଇତି ରଇତାସ୍ ବଇଲେ, ମର୍ ବାଇ ନ ମର୍ତ୍ତା । ୨୨ ମାତର୍, ମୁଇ ଜାନି ଆତି । ଏବେ ମିସା ତମେ ପର୍‌ମେସର୍‌କେ ଜାଇଟା ମାଙ୍‌ଲେ, ସେଟା ଦେଇସି ।”

୨୩ ଜିସୁ ତାକେ କଇଲା, “ତର୍ ବାଇ ଆରି ଜିବନ୍ ଅଇ ଉର୍‌ସି ।”

୨୪ ମାର୍ତ୍ତା ଜିସୁକେ କଇଲା, “ସେ ସାରାସାରି ଦିନେ ଆରିତରେକ୍ ଉର୍‌ବା ବେଲାଇ ଉର୍‌ସି, ଏଟା ମୁଇ ଜାନି ।”

୨୫ ଜିସୁ ତାକେ କଇଲା, “ମୁଇ ଜିବନ୍ ଆରି ମରିକରି ଆରିତରେକ୍ ଉର୍‌ବା ଲକ୍ । ଜେ ମକେ ବିସ୍‌ବାସ୍ କର୍‌ସି, ସେ ମଲେ ମିସା, ବର୍‌ସି । ୨୬ ଆରି ଜେ ଜଦି ବର୍‌ଟି ରଇକରି ବିସ୍‌ବାସ୍ କର୍‌ସି, ସେ କେବେ ମିସା ନ ମରେ । ଏ କାତା ବିସ୍‌ବାସ୍ କଲାସ୍‌ନି କି ?”

୨୭ ମାର୍ତ୍ତା ଜିସୁକେ କଇଲା, “ଉଁ ମାପୁରୁ, ମୁଇ ବିସ୍‌ବାସ୍ କଲିନି । ତମେ ସେ ପର୍‌ମେସର୍‌ ପ । ଜନ୍ ମସିଅ ଏ ଜଗତେ ଆଇବାର୍ ରଇଲା, ତମେ ସେ ଆକା ।”

ଜିସୁ କାନ୍‌ଲା

୨୮ ଏ ସବୁ କାତା କଇସାରୁଲାପତେ ମାର୍ତ୍ତା ଜାଇକରି ନିଜର୍ ବଇନିକେ କେ ନ ସୁନ୍‌ଲାପାରା ତାକି କଇଲା, “ଆଉ ଗୁରୁ ଆସିଆତେ ଆରି ତକେ ତାକ୍‌ଲାନି ।” ୨୯ ମରିୟମ୍ ଏ କାତା ସୁନିକରି ଦାନ୍‌ଦା ପାନ୍‌ଦା ଅଇ ଜିସୁକେ ବେଟ୍ ଅଇବାର୍ ଗାଲା । ୩୦ ଜିସୁ ସେଡ୍‌କିବେଲା ଗାଠି ବିଡ୍‌ରେ ଆସି ନ ରଇଲା, ମାତର୍ ମାର୍ତ୍ତା ତାକେ ଜନ୍ ଜାଗାଇ ବେଟ୍ ଅଇରଇଲା, ତେଇସେ ରଇଲା । ୩୧ ମରିୟମ୍ ଉଟିକରି ଦାନ୍‌ଦା ପାନ୍‌ଦା ଅଇ ବାଇରେ ସାଁତାଇବାକେ ଆସିରଇଲା ଲକ୍‌ମନ୍ଦ ଦେକ୍‌ଲାଇ, ସେମନ୍ ମିସା ତାର୍ ପତେ ପତେ ଗାଲାଇ । ସେମନ୍ ବାବ୍‌ଲାଇ, ସେ କବର୍ ଲଗେ କାନ୍‌ବାର୍ ଗାଲାନି ।

୩୨ ତେଇ ଜିସୁ ଜନ୍ ଜାଗାଇରଇଲା, ମରିୟମ୍ ସେ ଜାଗାଇ କେଟ୍‌ଲା ଆରି ଜିସୁକେ ଦେକିକରି ତାର୍ ପାଦେ ତାଣ୍ଡାସନ୍ ପତି କଇଲା, “ମାପୁରୁ ତମେ ଜଦି ଇତି ରଇତାସ୍‌ଆଲେ ମର୍ ବାଇ ନ ମର୍ତ୍ତା ।”

୩୩ ମରିୟମ୍ ତାକେ ଆରି ତାର୍ ସଙ୍ଗ୍ ରଇବା ଲକ୍‌ମନ୍ଦ କାନ୍‌ତେରଇବାଟା ଦେକି ଜିସୁ ଆର୍‌ମାଇ ବେସି ମନ୍‌ଦୁକ୍ ଅଇଗାଲା । ୩୪ ସେ ପାଚାରୁଲା, “ତାକେ କନ୍ତି କବର୍ ଦେଇଆତାସ୍ ?”

ସେମନ୍ ତାକେ କଇଲାଇ, “ମାପୁରୁ ଆସିଦେକା ।”

୩୫ ଜିସୁ କାନ୍‌ଲା । ୩୬ ତେଇ ଜିଡି ଲକ୍‌ମନ୍ଦ କଇଲାଇ, “ଦେକା, ସେ ଲାଜାର୍‌କେ କେନ୍ତି ଆଲାନ୍‌ଦ କର୍‌ତେରଇଲା ।”

୩୭ ମାତର୍ ସେମନ୍‌ର୍ ବିଡ୍‌ରେଅନି କେତେକ୍ ଲକ୍ କଇଲାଇ, “ଏ ଲକ୍ ଜନ୍ କାଣାକେ ଆଁକି ଡିସାଇରଇଲା, ସେ ମନ୍‌କଲେ କାଇ ଏ ଲାଜାର୍‌ର୍ ମରନ୍ ମିସା ତେବାଇ ନାପାର୍‌ତା କି ?”

ଜିସୁ ଲାଜାର୍‌କେ ମଲାତେଇ ଅନି ଉଟାଇଲା

୩୮ ତେଇ ଆରିତରେକ୍ ଜିସୁ ମନ୍ ବିଡ୍‌ରେ କିଲ୍‌ବିଲ୍ ଅଇ ସମାଦି ଲଗେ ଗାଲା । ସମାଦିଟାନେ ଗଟେକ୍ ପାଆର୍ ଆରି ପାଆର୍ ମୁଆଟେ ଗଟେକ୍ ବଡ୍ ପାକ୍‌ନା ତାବିଅଇରଇଲା । ୩୯ ଜିସୁ ଡିଆର୍‌ଲା, “ଏ ପାକ୍‌ନା ଗୁତାଇଦିଆସ୍ ।” ମରିଜାଉ ଲାଜାର୍‌ର୍ ବଇନି ମାର୍ତ୍ତା କଇଲା, “ମାପୁରୁ ସେଟା କୁଇକରି ଗନ୍ଦି ଗାଲାବେ, କାଇକେବଇଲେ, ତାକେ କବର୍‌ଦେଇ ଚାର୍‌ଦିନ୍ ଅଇଗାଲା ।”

୪୦ ଜିସୁ ମାର୍ତ୍ତାକେ କଇଲା, “ତୁଇ ଜଦି ବିସ୍‌ବାସ୍ କର୍‌ସୁ ବଇଲେ ପର୍‌ମେସର୍‌ର୍ ମଇମା ଦେକ୍‌ସୁ ବଲି ମୁଇ ତକେ କଇ ନ ରଇଲି କି ?” ୪୧ ତେଇ ସେମନ୍ ପାକ୍‌ନା ଗୁତାଇଲା । ଜିସୁ ସରଗ୍‌ବାଟେ ମୁ କରି କଇଲା, “ବାବା ତମେ ମର୍ ପାର୍‌ତନା ସୁନ୍‌ଲାସ୍ ବଲି ମୁଇ ତମକେ ଦନିଅବାଦ୍ ଦେଲିନି । ୪୨ ତମେ ଜେତେବେଲେ ମିସା ମର୍ ପାର୍‌ତନା ସୁନ୍‌ସା, ଏଟା ମୁଇ ଜାନି, ମାତର୍ ଜନ୍ ଲକ୍‌ମନ୍ ଏ ଚାରିବେଡ୍‌ତି ଡିଆଇ ଅତର୍, ସେମନ୍ ଜେନ୍ତିକି ତମେଆକା ମକେ ପାଟାଇଆତାସ୍ ବଲି ବିସ୍‌ବାସ୍ କର୍‌ବାଇ, ଏଟାର୍ ପାଇ ମୁଇ ଏନ୍ତିବଲି କଇଲି ।” ୪୩ ଏନ୍ତି କଇ ସାରାଇ ଜିସୁ ଆକ୍‌ମାରି ତାକ୍‌ଲା, “ଲାଜାର୍ ତୁଇ ବାରଇ ଆଉ ।” ୪୪ ତାକ୍‌ଲା ଦାପ୍‌ରେ ମଲା ଲାଜାର୍ ବାରଇ ଆଇଲା । ତାର୍ ଆତେ ଗତେ ମତା ଲୁଗା ବାନ୍‌ଅଇରଇଲା । ମୁଏ ମିସା ଗର୍‌ଣ୍ଡା ଗୁଡିଆଇ ଅଇରଇଲା । ଜିସୁ ସେମନ୍‌କେ କଇଲା, “ତାକେ ବାନ୍‌ଲାଟା କୁସ୍‌ଲାଇ କରି, ଜିବାକେ ଦିଆସ୍ ।”

ଜିସୁସ୍ ବିରୁଦ୍ଧେ କୁଟ୍ ପାଠ୍‌ବାଟା

(ମାତିଉ ୨୬:୧-୫; ମାର୍କ ୧୪:୧-୨; ଲୁକ୍ ୨୨:୧,୨)

୪୫ ଜିଉଦି ଲକ୍‌ମନର୍ ବିତ୍‌ରେଅନି, ବେସି ଲକ୍ ମରିୟମର୍ ଲଗେ ଆସିରଇଲା, ଆରି ଜିସୁସ୍ ଏ କାମ୍ ଦେକି, ତାକେ ବିସ୍‌ବାସ୍ କଲା । ୪୬ ଆରି ସେମନର୍ ବିତ୍‌ରେଅନି କେତେଲକ୍ ପାରୁସିମନର୍ ଲଗେ ଜାଇକରି ଜିସୁ କରି ରଇବା କାମ୍ ଲକ୍‌ମନ୍କେ ଜାନାଇଲା । ୪୭ ପତେ ମୁକ୍ତି ପୁଜାରିମନ ଆରି ପାରୁସିମନ ଗଟେକ୍ ବଡ୍ ପଠାଦି ଡାକାଇ କଇଲା । “ଆମେ କାଇଟା କରୁ ? ଦେବା ଏ ଲକ୍ ତା କେତେକ୍ କେତେକ୍ କାବାଅଇଜିବା କାମ୍‌ମନ କଲାନି । ୪୮ ଆମେ ଜଦି ଆକେ ଏଣ୍ଡାରି ରାତିଦେଉଁ ବଇଲେ ସବୁଲକ୍ ତାର୍‌ଟାଣେ ବିସ୍‌ବାସ୍ କରବାଇ ଆରି ରମିୟ୍ ଅଦିକାରି ଆସିକରି ଆମର୍ ଏ ମନ୍ଦିର୍ ଆରି ଆମର୍ ବିସ୍‌ବାସ୍ କରବା ଦରମ୍ ସବୁ କୁରୁପନାସ୍ କରିପାକାଇସି ।”

୪୯ ମାତର୍ ସେମନର୍ ବିତ୍‌ରେଅନି ଗଟେକ୍ କୟାପା ନାଉଁର୍, ସେ ବରସର୍ ପାଇ ବାଟିରଇବା ବଡ୍ ପୁଜାରି, କଇଲା “ତମେ କେତେ ବକୁଆ ଲକ୍‌ମନ ! ୫୦ ତମେ କାଇ ବୁଜି ନାପାରଲାସି ? ଗୁଲାଇ ଜାତି ନାସ୍ ଅଇବା ବାଦୁଲେ ଗଟେକ୍ ଲକ୍ ମର୍‌ବାଟା ନିକ ।” ୫୧ କୟାପା ସତଇସେ ତାର୍ ନିଜରଟାଣେ ଅନି ଏନ୍ତି କଇ ନ ରଇଲା, ମାତର୍ ସେ ବରସର୍ ବଡ୍ ପୁଜାରି ଅଇରଇଲାଟ୍ ଲାଗି ପରର୍ ଗଟ୍‌ନା ସବୁ ବସିସଡ଼କାତା ତାର୍ ମୁର୍ ଅନି ବାରଇରଇଲା । ସେ ଜାନିଦେଇ ରଇଲା ଜେ, ୫୨ ତିନ୍ ଚତର୍ ଅଇଜାଇରଇବା ପର୍‌ମେସରର୍ ଲକ୍‌ମନ୍କେ ବୁଲିଆଇ, ଗଟେକ୍ କୁଟ୍‌ମ୍ କରାଇବାକେ ଜିସୁ ମର୍‌ବାଟାକେ ଗାଲାନି । ୫୩ ତେବର୍‌ପାଇ ସେ ଦିନେଅନି ଜିଉଦିନେତାମନ୍ ଜିସୁକେ ମରାଇବାକେ ପାଠ୍‌ନା କଲା । ୫୪ ତେବେ ଜିସୁ ଜିଉଦି ଲକ୍‌ମନର୍ ବିତ୍‌ରେ ସବୁଲକ୍ ଜାନ୍‌ଲା ପାରା ଗୁଲାଟାଲା ନ କର୍‌ତେ ରଇଲା । ସେ ଜାଗାଇଅନି ବାରଇଜାଇକରି, ମରୁବାଲି ବୁର୍ ରଇବା କିନରା ଜାଗାଇ ରଇଲା ଏପରଇମ୍ ନାଉଁର୍ ଗଟେକ୍ ଗତେ ଜାଇ ସିସ୍‌ମନର୍ ସଙ୍ଗେ ତେଇ ରଇଲା । ୫୫ ଜିଉଦିମନର୍ ନିସ୍‌ତାର୍ ପରବ୍ କେଟିଆଇଲା । ସେ ପରବ୍ ଅଇବା ଆଗତୁ ନିଜେ ନିଜେ ସୁକଲ୍ ଅଇବାକେ ଗୁଲାଇ ରାଇଜର୍ ଲକ୍‌ମନ ନିସ୍‌ତାର୍ ପରବ୍ ଆଗତୁ ଜିରୁସାଲମ୍ ଜିବାକେ ବାଟ୍‌ଦାରୁଲା । ୫୬ ସେମନ୍ ଜିସୁକେ କଜ୍‌ଲାଇ ଆରି ମନ୍ଦିର୍ ଟିଆଅଇଲାବେଲେ ତାକର୍ ତାକର୍ ବିତ୍‌ରେ କୁଆବଲା ଅଇଲା, “ସେ ପରବ୍‌ଟାଣେ ନ ଆସେବଲି କାଇ ତମେ ବାବ୍‌ଲାସିନି କି ?” ୫୭ ମୁକ୍ତି ପୁଜାରି ଆରି ପାରୁସି ଲକ୍‌ମନ ଜିସୁକେ ବାଟ୍‌ବାଟାକେ ସେ କନ୍ତି ଆତେ ଜାନିରଇବାଇ ବଲି, ସେଟା ଆଦେସ୍ ଦେଇରଇଲା ।

୧୨

ଜିସୁକେ ବେଡ୍‌ନିଆଇ ଚିକନ୍ ଲାଗାଇଲା

(ମାତିଉ ୨୬:୬-୧୩; ମାର୍କ ୧୪:୩-୯)

୧ ଏଡ଼କି ବିତ୍‌ରେ ଜିସୁ ନିସ୍‌ତାର୍ ପରବ୍ ଅଇବାକେ ଚ ଦିନର୍ ଆଗତୁ ବେଡ୍‌ନିଆ ଗାଲା । ତେଇ ଲାଜାର୍ ଗର୍ । ଜିସୁ ଏ ଲାଜାର୍‌କେସେ ମଲାଟାଣେଅନି ଉଟାଇରଇଲା । ୨ ସେ ରାତି ତେଇ ଜିସୁର୍‌ପାଇ ଗଟେକ୍ ବଜି ଟିକ୍ କଲା । ଆରି ମାର୍‌ତା ସେମନ୍କେ କୁଆପୁଟା କରାଇତେରଇଲା । ଲାଜାର୍ ଜିସୁର୍ ସଙ୍ଗେ ବଜିତେଇ ବସି ରଇଲା ।

୩ *ସେଡ଼କିବେଲେ ମରିୟମ୍ ଜଟାମାଉଁସ୍ ନାଉଁର୍ ବେସି ଦାମେ ତିଆର୍ ଅଇଲା ଅଦ୍ ଲିଟର୍ ବାସନା ଚିକନ୍ ଆନି ଜିସୁର୍ ପାଦେ ରକଇ ନିଜର୍ ଚେଣ୍ଡିସଙ୍ଗ୍ ପୁଟିଦେଲା । ଆରି ସେ ଚିକନର୍ ସୁନ୍‌ର୍ ବାସନା ଗୁଲାଇ ଗର୍ ଗମ୍‌କିଗାଲା । ୪ ଜିସୁର୍ ସିସ୍‌ମନର୍ ବିତ୍‌ରେ ଅନି ଇସ୍କାରିୟ୍‌ଡ୍ ଜିଉଦା ନାଉଁର୍ ସିସ୍, ଜେ କି ଜିସୁକେ ସଡ୍‌ରୁମନ୍କେ ସର୍‌ପିଦେବାକେ ଜାଇତେ ରଇଲା, ସେ କଇଲା, ୫ “ଏ ବାସନା ଚିକନ୍ ତିନ୍ ସଅ ରୁପା ଟାଙ୍ଗାକେ ବିକିକରି ସେ ତାର୍ ଗରିବ୍ ଲକ୍‌ମନ୍କେ ଦେଲେ ନଇତା କି ?” ୬ ଇସ୍କାରିୟ୍‌ଡ୍ ଜିଉଦା ଗରିବ୍ ଲକ୍‌ମନର୍‌ପାଇ ଚିଟା କର୍‌ତେରଇଲାଜେ ଏନ୍ତି କଇଲା ବଲି ନାଇ, ମାତର୍ ସେ ଗଟେକ୍ ଚର୍ । ତାର୍ ଦାଇତେ ରଇଲା ଟାଙ୍ଗାମୁନା ଟାଣେଅନି ସେ ନିଜର୍ ପାଇ କେତେକ୍ କେତେକ୍ ଲୁଟାଇ ନେଇତେରଇଲା ।

୭ ମାତର୍ ଜିସୁ କଇଲା, “ତାକେ କାଇଟା ବଲି କୁଆ ନାଇ, ତାର୍‌ଟାଣେ ଜେଡ଼କି ଆତେ, ସେଟା ଜେନ୍ତିକି ମର୍ ସମାଦି ଦିନର୍‌ପାଇ ସଙ୍ଗାଇଆତେ । ୮ ଗରିବ୍ ଲକ୍‌ମନ ତା ସବୁବେଲେ ତମର୍ ସଙ୍ଗେ ରଇଲାଜନି, ମାତର୍ ମୁଇ ସବୁବେଲେ ନ ରଇ ।”

ଲାଜାର୍ ବିରୁଦ୍ଧେ କୁଟ୍ ପାଠ୍‌ବାଟା

* ୧୨:୩ ୧୨:୩ ଲୁକ୍ ୭:୩୭,୩୮

୯ ଏତ୍ତକ୍‌ବିତ୍ତରେ ଜିସୁ ବେତ୍ତନିଆଇ ଆଚେ ବଲି ଜାନିକରି ବେସି ଜିଉଦି ଲକ୍‌ମନ୍ ଆଇଲାଇ । ଅବ୍‌କା ଜିସୁକେ ସେ ଦେକ୍‌ବାକେ ନାଇ, ମାତର୍ ଜନ୍ ଲାଜାର୍‌କେ ଜିସୁ ମଲାଟାନେଅନି ଉଟାଇରଇଲା ତାକେ ମିସା ଦେକ୍‌ବାର୍ ଆସିରଇଲାଇ । ୧୦ ମାତର୍ ମୁକିଅ ପୁଜାରିମନ୍ ଲାଜାର୍‌କେ ମିସା ମରାଇବାକେ ଜନ୍‌ନା କଲାଇ । ୧୧ କାଇକେବଇଲେ ତାର୍‌ଲାଗି ବଲି କେତେକ୍ କେତେକ୍ ଜିଉଦି ଲକ୍‌ମନ୍ ନେତାମନ୍‌କେ ଚାଡି ଜିସୁକେ ବିସ୍‌ବାସ୍ କରତେରଇଲାଇ ।

ଜିସୁ ଜିରୁସାଲାମ୍ ପୁରବାଟା
(ମାତିଉ ୨୧:୧-୧୧; ମାର୍‌କ ୧୧:୧-୧୧; ଲୁକ୍ ୧୯:୨୮-୪୦)

୧୨ ତାର୍ ଆରକର୍ ଦିନେ ରକିଆପାଇବା ପରବେ ଆସିରଇବା ବେସି ଲକ୍‌ମନ୍ ଜିସୁ ଜିରୁସାଲାମ୍ ଆଇଲାନି ବଲି ସୁନ୍‌ଲାଇ । ୧୩ ସେଟାର୍ ପାଇ ସେମନ୍ କଜରିତାଲ୍ ଦାରି ଜିସୁକେ ବେଟ୍‌ଅଇବାର୍ ଗାଲାଇ, ଆରି ଆଉଲିଅଇକରି କଇଲାଇ, “ଅସାନା, ଜେ ମାପୁରୁର୍ ନାଉଁଦାରି ଆଇଲାନି ତାର୍ ମଙ୍ଗାଲ୍ ଅ, ପର୍‌ମେସର୍ ତାକେ ଆସିରବାଦ୍ କର । ସେ ଇସ୍ରାଏଲର୍ ରାଜା ତାକ୍‌ପୁଟା ପାଅ ।”

୧୪ ଆରି ଜିସୁ ଗଟେକ୍ ଗଦ ପିଲାର୍ ଉପରେ ବସି ଆଇତେ ରଇଲା । ଜେନ୍ତିକି ସାସ୍‌ତରେ ଲେକାଅଇଲା ଏ ବବିସ୍‌ଦ୍ କାତା ସିଦ୍ ଅଇଲା ।

୧୫ “ଏ ସିୟନ୍ ନଅରର୍ ଲକ୍‌ମନ୍, ତମେ ତରାନାଇ ଦେକା ତମର୍ ରାଜା ଗଟେକ୍ ଗଦ ପିଲାର୍ ଉପରେ ବସି ଆଇଲାନି ।”

୧୬ ପର୍‌ତୁମ୍ ପର୍‌ତୁମ୍ ଜିସୁର୍ ସିସ୍‌ମନ୍ ଏ ବିସଇ ବୁଜି ନ ରଇଲାଇ । ମାତର୍ ଜିସୁ ଜେତେବେଲା ମଲାଟାନେଅନି ଉଟ୍‌ଲା ପଟେ ଏ ସବୁଜାକ ଲେକା ଏଟାଇଲାଇଜେ, ସାସ୍‌ତରେ ତାର୍ ବିସଇସେ ଲେକା ଅଇରଇଲା । ଆରି ସେମନ୍ ତାର୍ ପାଇ ସବୁ କାମ୍ କରିରଇଲାଇ । ୧୭ ଜିସୁ ଲାଜାର୍‌କେ ମଲାଟାନେଅନି ଉଟାଇକରି ସମାଦିଅନି ବାରଇବାକେ କଇଲାବେଲେ ଜନ୍ ଲକ୍‌ମନ୍ ଜିସୁର୍ ସଙ୍ଗ୍ ରଇଲାଇ, ସେମନ୍ ସେ ଗଟ୍‌ନା ବିସଇର୍ ସାକି ଦେବାର୍ ଦାରୁଲାଇ । ୧୮ ସେଟାର୍‌ପାଇ ଲକ୍‌ମନ୍ ତାକେ ବେଟ୍‌ଅଇବାକେ ଜାଇରଇଲାଇ । କାଇକେବଇଲେ ସେ ଆକା ଏ କାବା ଅଇବା କାମ୍‌ମନ୍ କଲାନି ବଲି ସେମନ୍ ସୁନିରଇଲାଇ । ୧୯ ତେଇ ପାରୁସିମନ୍ ତାକର୍ ତାକର୍ ବିତ୍ତରେ କୁଆବଲା ଅଇଲାଇ, “ଦେକ୍‌ଲାସିନି କାଇକି, ଆମେ ତେସ୍‌ଟା କଲାଟା ଗଟେକ୍ ମିସା ଅଏନାଇ, ଦେକାନି ଗୁଲାଇ ଦୁନିଆଜାକ ତାର୍ ପଟେ ଗାଲାନି ।”

କେତେଟା ଗିରିକ୍ ଲକ୍‌ମନ୍ ଜିସୁକେ କଜ୍‌ବାଟା

୨୦ ନିସ୍‌ତାର୍ ପରବ୍ କର୍‌ବାକେ ଆସିରଇବା ଲକ୍‌ମନର୍ ବିତ୍ତରେ ଗିରିକ୍ ଲକ୍‌ମନ୍ ମିସା କେତେଲକ୍ ରଇଲାଇ । ୨୧ ସେମନ୍ ପିଲିପର୍ ଲଗେ ଆସି ତାକେ କଇଲାଇ, “ଏ ଆଗିଆଁ ଆମେ ଜିସୁକେ ଦେକ୍‌ବାକେ ମନ୍ କଲୁନି ।” ପିଲିପ୍ ବେଟ୍‌ସାଇଦାର୍ ଲକ୍ ରଇଲା ।

୨୨ ପିଲିପ୍ ଜାଇ ଆଦରିୟକେ ଏ କବର୍ ଜାନାଇଲାକେ ସେମନ୍ ଜାଇ ଜିସୁକେ କଇଲାଇ । ୨୩ ଜିସୁ ସେମନ୍‌କେ କଇଲା, “ପର୍‌ମେସର୍‌ତେଇ ଅନି ଆଇଲା ନର୍‌ପିଲା ମୁଇ ତାକ୍‌ପୁଟା ପାଇବା ବେଲା ଆସି କେଟି ଆଚେ । ୨୪ ମୁଇ ତମକେ ସତ୍‌କାତା କଇଲିନି ଜଦି ଗଅମ୍ ମୁଞ୍ଜି ବୁର୍ସ୍ ଅଦ୍‌ରି ନ ମର୍‌ବା ଜାକ ସେନ୍ତିସେ ରଇସି । ସେଟା ମଲେ ସେ ବେସି ମୁଞ୍ଜି ଦାର୍‌ସି । ୨୫ *ଜେ ନିଜର୍ ଜିବନ୍‌କେ ବେସି ଆଲାଦ୍ କର୍‌ସି, ସେ ସେଟା ଆରାଇସି । ଜେ ନିଜର୍ ଜିବନ୍ ଗିନ୍ କରତେରଇସି, କାଲ୍ କାଲ୍ ଜୁଗ୍ ଜୁଗ୍ ଜାକ ତାର୍ ଜିବନ୍ ରକିଆ କର୍‌ସି । ୨୬ ଜନ୍ ଲକ୍ ନାଉଁ ସେବା କର୍‌ବାକେ ମନ୍ କଲାଗି, ସେ ମର୍ ସଙ୍ଗ୍ ଆସ । ମୁଇ ଜନ୍ ଜାଗାଇ ରଇବି, ମର୍ ସେବା କାମ୍ କର୍‌ବା ଲକ୍‌ମନ୍‌ମିସା ସେ ଜାଗାଇ ରଇବାଇ । ଆରି ସେ ମର୍ ଆରି ମର୍ ବାବା ପର୍‌ମେସର୍‌ର୍ ସନ୍‌ମାନ୍ ପାଇସି ।”

ଜିସୁ ତାର୍ ମରନ୍ ବିସଇ ନେଇ କଇବାଟା

୨୭ ଏବେ ମର୍ ଜିବନ୍ ବେସି ବାୟାବିକଲ୍ ଅଇଗାଲାନି । କାଜାଟା କଇବି ? ଏ ବାବା ମକେ ଏ ଦୁକର୍ ବେଲାଅନି ରକିଆ କର୍ ବଲି ଗୁଆରି କର୍‌ବି କି ? ନାଇ ସେନ୍ତି ନ କଇ । ଦୁକ୍ କସ୍‌ଟ ମୁରଟ୍‌ବାକେ ସେ ମୁଇ ଆଇଲିଆଟି । ୨୮ ଏ ବାବା ତର୍ ନାଉଁ ତାକ୍‌ପୁଟା କର । ସେ ବେଲା ସର୍‌ଗେଅନି ଏ କାତା କଇବା ସିବଦ୍ ଆଇଲା, “ମର୍ ନାଉଁ ତାକ୍‌ପୁଟା କଲିଆଟି, ଆରି ତରେକ୍ ତାକ୍‌ପୁଟା କର୍‌ବି ।”

* ୧୨:୨୫ ୧୨:୨୫ ମାତିଉ ୧୦:୩୯; ୧୭:୨୫; ମାର୍‌କ ୮:୩୫; ଲୁକ୍ ୯:୨୫; ୧୭:୩୩

୨୯ ତେଇ ଚିଆଅଇ ରଇଲା ଲକ୍ମନ ଏ ସବଦ୍ ସୁନି କରି “ଏଟା ବାଦଲ୍ ଗୁଡ଼ୁଗୁଡ଼ୁଲା” ବଲି କଇଲାଇ । ମାତର୍ ଅଦେକ୍ ଲକ୍ମନ, “ସର୍ଗେଅନି ଗଟେକ୍ ଦୁଡ଼ ତାର୍ ସଙ୍ଗ୍ କାତା ଅଇଲାନି” ବଲି କଇଲାଇ ।

୩୦ ଜିସୁ ସେ ଲକ୍ମନକେ କଇଲା, “ଏ ସବଦ୍ ମର୍ ପାଇ ଅଏନାଇ, ମାତର୍ ତମର୍ ପାଇସେ ଅଇଲା ।

୩୧ ଏବେ ଏ ଦୁନିଆର୍ ବିଚାର୍ କରବା ଦିନ୍ କେଟ୍ଲା ଆତେ, ଏ ଦୁନିଆର୍ ସାସନ୍ କରୁକେ ମୁଇ ବାଇରେ ପିଜିଦେବି । ୩୨ ଆରି ମକେ କୁର୍ସେ ଟେକ୍ଲେ, ସବୁ ଲକ୍ମନକେ ମରବାଟେ ଜିକ୍ବି ” ବଲି କଇଲା ।

୩୩ ସେ କେନ୍ଦ୍ରିଅଇ ମରବାକେ ଗାଲାନି, ସେଟା ଜାନାଇବାକେ ଏନ୍ଦ୍ରି କଇରଇଲା ।

୩୪ ସେବେଲା ସବୁ ଲକ୍ମନ ତାକେ କଇଲାଇ, “ମସିଅ ସବୁ ଦିନର୍ ପାଇ ବଠି ରଇସି ବଲି ଆମର୍ ସାସତରେ ଲେକା ଆତେ । ତୁଇ କେନ୍ଦ୍ରି ପର୍ମେସରର୍ ପିଲାକେ କୁର୍ସେ ଟେକ୍ବାଇ ବଲି କଇଲୁସିନି ? ଏନ୍ଦ୍ରିକଲେ ପର୍ମେସରର୍ ଟାନେଅନି ଆଇଲା ନର୍ପିଲା କେ ତେବେ ?”

୩୫ ଜିସୁ ସେମନକେ କଇଲା, “ଏବେ ତମର୍ ମୁଆଟେ ଜନ୍ ଉଜଲ୍, ଉଜଲ୍ ଦେଲାନି, ସେଟା ତନେକର୍ପାଇସେ ରଇସି । ଜନ୍ ଜାଗାଇ ଜିବାର୍ ଆତେ, ଉଜଲ୍ ରଇତେ ଆକା ଇଣ୍ଡ୍ରା । ସେଣ୍ଡ୍ରାଆଲେ ତମକେ ଆନ୍ଦା ନ ତାବେ । ଆନ୍ଦାରେ ରଇବା ଲକ୍ କେନେ ଗାଲାନି ସେଟା ନାଜାନେ । ୩୬ ସେଟାର୍ ପାଇ ତମର୍ ଲଗେ ଉଜଲ୍ ରଇତେସେ ଉଜଲ୍ ପାରା ରଇବା ମରକାତା ବିସବାସ୍ କରା । ତେବେ ତମେ ଉଜଲର୍ ଲକ୍ ଅଇସା ” ବଲିକରି କଇଲା । ଜିସୁ ଏ କାତା କଇକରି ଉଟିଗାଲା ଆରି ସେମନକେ ନ ଦେକାଇଅଇକରି ରଇଲା ।

ଲକ୍ମନ ବିସବାସ୍ ନ କରବାଟା

୩୭ ଜିସୁ ସେମନର୍ ଦେକ୍ତେ କେତେକ୍ କେତେକ୍ କାବା ଅଇଜିବା କାମ୍ମନ୍ କରିରଇଲେ ମିସା, ସେମନ୍ ତାକେ ବିସବାସ୍ କରତନାଇ । ୩୮ ଜେଣ୍ଡ୍ରି ଜିସାୟ୍ ବବିସଡ଼ବକ୍ତା କଇଲା କାତା ସଡ଼ ଅଇଲା । ସେ ଏନ୍ଦ୍ରି କଇରଇଲା,

“ଏ ମାପ୍ଟରୁ, ଆମେ କଇଲା କାତା ସୁନିକରି କେ ବିସବାସ୍ କଲାଆତେ ? ଆରି ମାପ୍ଟରୁ କାରଲଗେ ତାର୍ ରକିଆ କରବା ବପୁ ଦେକାଇଲା ?”

୩୯ ସେଟାର୍ପାଇ ସେମନ୍ ବିସବାସ୍ ନ କର୍ତେରଇଲାଇ । ତେବେ ଜିସାୟ୍ ଆରିତରେକ୍ କଇଲାଆତେ,

୪୦ ପର୍ମେସର୍ ଜେନ୍ଦ୍ରିକି ତାକର୍ ଦେକ୍ବା ଆଁକି କାଣା କରିଦେଇଆତେ ଆରି ସେମନର୍ ବୁଜ୍ବା ବପୁ ନସାଇଦେଇଆତେ

ସେଟାର୍ପାଇ ସେମନ୍ ଦେକି ନାପାର୍ଲାଇନି କି ମୁଲ୍କେ ବୁଜି ନାପାର୍ଲାଇନି ।

ସେମନ୍ ନିକ ଅଇବାକେ ମର୍ଗାନେ ବାଉଡି ଆସତନାଇ ।

ଏଟା ପର୍ମେସର୍ କଇଲାନି । ଆମେ ସେମନକେ ନିକ ନ କରୁ ।

୪୧ ଜିସାୟ୍ ବବିସଡ଼ବକ୍ତା ପୁର୍ବେ ଜିସୁ ମାପ୍ଟରୁ ଏ ସବୁ ମଇମା ଜାନିରଇଲାଜେ ଏନ୍ଦ୍ରି ବଲି କଇରଇଲା ।

୪୨ ଏଲେ ମିସା ଜିଉଦି ନେତାମନର୍ ବିଡ଼ରେଅନି କେତେ ଲକ୍ ତାକେ ବିସବାସ୍ କଲାଇ । ମାତର୍ ସେମନ୍ ପାରୁସି ମନର୍ଲାଗି ପାର୍ତନା ଗରେ ଅନି ବାର୍କରାଇଦେବାଇ ବଲି ତରିକରି କାତାବାର୍ତା ନ ଅଇତେ ରଇଲାଇ । ୪୩ ସେମନ୍ ପର୍ମେସରକେ ମାନାଇବା ଟାନେଅନି ଲକ୍ମନକେ ମାନାଇବାଟା ଅଦିକ୍ ନିକ ବଲି ବାବ୍ତେରଇଲାଇ ।

ଜିସୁର ବାକିଅ ନେଇ ଲକ୍ମନର୍ ବିଚାର୍

୪୪ ଜିସୁ ଆଉଲିଅଇ କଇଲା, “ଜନ୍ ଲକ୍ ମକେ ବିସବାସ୍ କରୁସି, ସେ ମକେସେ ବିସବାସ୍ କରେନାଇ, ମକେ ଜେ ପାଟାଇଲା ଆତେ, ତାକେ ମିସା ବିସବାସ୍ କଲାନି ।” ୪୫ ଜେ ମକେ ଦେକି ଆତେ, ସେ ମକେ ପାଟାଉକେ ମିସା ଦେକି ଆତେ । ୪୬ ମୁଇ ଜଗତର୍ ଉଜଲ୍ ଅଇ ଆଇଲିଆରି । ଜେ ମକେ ବିସବାସ୍ କରୁସି, ସେ ଆରି ଆନ୍ଦାରେ ନ ରଏ । ୪୭ ଜେ ମର୍ ବାକିଅ ସୁନି ନ ମାନେ, ମୁଇ ତାର୍ ବିଚାର୍ ନ କରି । କାଇକେବଇଲେ ମୁଇ ଜଗତର୍ ଲକ୍ମନକେ ବିଚାର୍ କରବାର୍ ଆସିନାଇ, ମାତର୍ ସେମନକେ ରକିଆ କରବାର୍ ଆସିଆରି । ୪୮ ଜେ ମକେ ନିତି କରି ମର୍ ବାକିଅ ନ ମାନେ, ମର୍ ଟଣ୍ଡର୍ ବାକିଅ ତାର୍ ବିଚାର୍ କାରିଆ ଅଇସି । ସାରାସାରି ଦିନେ ସେ ବାକିଅସେ ତାକେ ବିଚାର୍ କରୁସି । ୪୯ ମୁଇ ନିଜର୍ ମନେ ଅନି କାଇଟା ମିସା କଇନାଇ, ଏ କାତା ସଡ଼ । ମାତର୍ ମୁଇ କଇବାଟା ମକେ ପାଟାଇରଇବା ବାବା ଆଦେସ୍ ଦେଇଆତେ । ୫୦ ଆରି ମୁଇ ଜାନିଆରି, ତାର୍ ଆଦେସ୍ ନ ସାର୍ବା ଜିବନ୍ ଦେଇସି । ମର୍ ବାବା ମକେ ଜନ୍ କାତା କଇବାକେ ଆଦେସ୍ ଦେଇଆତେ, ସେଟାସେ ମୁଇ କଇଲିନି ।

୧୩

ଜିସୁ ତାର ସିମନର୍ ପାଦ ଦଇଦେଲା

୧ ନିସ୍ତାର ପରବର ଆଗତୁର ଦିନ ଅଇରଇଲା । ଜିସୁ, ଏ ଜଗତ ଚାଡ଼ି ବାବା ପରମେସରର୍ ଲଗେ ଜିବାକେ ତାର ବେଲା କେଟୁଲାବେ ବଲି ଜାନିରଇଲା । ଦୁନିଆଇ ରଇବା ତାର ସବୁ ଲକ୍‌ମନ୍କେ ସାରାସାରି ଜାକ ବେସି ଆଲାଦ୍ କରତେରଇଲା ।

୨ ସେଦିନର୍ ରାତି ଜିସୁ ଆରି ତାର ସିସମନ୍ କାଇବାକେ ବସିରଇଲା । ଜିସୁକେ ବିସ୍‌ବାସେ ବିସ୍ ଦେଲାପାରା କରାଇବା ଚିନ୍ତା, ସଇତାନ୍ ସିମନ୍ ଇସ୍କାରିୟତର୍ ପିଲା ଜିଉଦାର୍ ମନେ ପୁରିକରି ଦେଲା । ୩ ବାବା ପରମେସର୍, ତାକେ ସବୁ ବିସଇର୍ ଅଦିକାର୍ ଦେଇ ଆଚେ, ସେ ପରମେସରର୍ ଟାନେଅନି ଆସିଆଚେ ଆରି ତାର ଲଗେସେ ଜାଇସି, ବଲି ଜିସୁ ସବୁ ବିସଇ ଜାନିରଇଲା । ୪ ତେବର୍‌ପାଇ ସେ କାଇବା ଜାଗାଇଅନି ଉଚିକରି ଅତି ରଇବା ବସ୍‌ତର୍ ବେଟି ସଙ୍ଗା, ଆଁଟାଇ ଗଟେକ୍ ତୁଆଲ୍ ବାନ୍ଧିଅଇଲା । ୫ ତାର ପଚେ ସେ ଗଟେକ୍ ମୁତାଇ ପାନିନେଲା ଆରି ନିଜର୍ ସିସମନର୍ ପାଦ ଦଇକରି ବାନ୍ଧିଅଇଲା ତୁଆଲ୍ ବେଟି ପୁଟି ଦେବାର୍ ଦାରୁଲା । ୬ ଜେଡେବେଲେ ଜିସୁ ସିମନ୍ ପିତରର୍ ଲଗେ ଆଇଲା, ପିତର୍ ତାକେ କଇଲା, “ମାପୁରୁ ତମେ ମର୍ ପାଦ୍ ଦଇସା କି ?” ୭ ଜିସୁ ତାକେ କଇଲା, “ମୁଇ ଏବେ ଜାଇଟା କଲିନି, ସେଟା ତମେ ବୁଜି ନାପାରାସ୍, ମାତର୍ ପଚେ ବୁଜସା ।”

୮ ପିତର୍ ତାକେ ମନାକରି କଇଲା, “ନିତ୍, ତମେ ମର୍ ପାଦ୍ ଦୁଆନାଇ ।” ଜିସୁ ତାକେ କଇଲା, “ମୁଇ ଜଦି ତର୍ ପାଦ୍ ନ ଦଇଲେ, କେବେ ମିସା ମର୍ ସିସ୍ ଅଇ ନାପାରୁସ୍ ।”

୯ ସିମନ୍ ପିତର୍ ତାକେ କଇଲା, “ମାପୁରୁ ସେନ୍ତାଆଲେ କାଇକେ ମର୍ ପାଦ୍‌ସେ ଦଇ ଦେଇସୁ ? ମର୍ ମୁଣ୍ଡ ଆରି ଆଡ୍ ମିସା ଦଇଦିଆସ୍ ।”

୧୦ ଜିସୁ ପିତର୍‌କେ କଇଲା, “ଜନ୍ ଲକ୍‌ମନ୍ ଗାଦଇ ସାରିଆଚଡ୍, ସେମନ୍ ପୁରାପୁରୁନ୍ ସୁକଲ୍ । ପାଦ୍ ଦଇବାଟା ଚାଡ଼ି, କାଇଟା ଦଇବାର୍ ଲତାନାଇ । ଗଟେକ୍ ଲକ୍‌କେ ଚାଡ଼ି, ତମେ ସବୁଲକ୍ ସୁକଲ୍ ଆଗସ୍ ।” ୧୧ କାଇକେ ବଇଲେ ଜନ୍ ସିସ୍ ଜିସୁକେ ସତ୍‌ରୁମନ୍କେ ଦାରାଇଦେଇସି ତାକେ ଜିସୁ ଜାନି ରଇଲା । ସେଟାର୍ ପାଇ ସେ ଗଟେକ୍ ଲକ୍‌କେ ଚାଡ଼ି ସବୁଲକ୍ ସୁକଲ୍ ଆଗସ୍ ବଲି କଇଲା ।

୧୨ *ଜିସୁ ସିସମନର୍ ପାଦ୍ ଦଇଲା ପଚେ ବେଟିରଇଲା ବସ୍‌ତର୍ ପିନ୍ଧିକରି ବସି ସେମନ୍କେ ପାଟାରୁଲା, “ଏବେ ମୁଇ ତମର୍ ପାଇ କଲା କାମ୍ ବୁଜିଲାସ୍‌ନି କି ?” ୧୩ ଆରି ସେ କଇଲା, “ତମେ ମକେ ଗୁରୁ ଆରି ମାପୁରୁ ବଲି ତାକ୍‌ଲାସ୍‌ନି, ସେଟା ଚିକ୍‌ସେ । କାଇକେ ବଇଲେ ଗୁରୁ ଆରି ମାପୁରୁ ମୁଇସେ ।” ୧୪ ମୁଇ ତମର୍ ଗୁରୁ ଆରି ମାପୁରୁ ଅଇକରି, ତମର୍ ପାଦ୍ ଦଇଦେଲି ଆଟି ବଇଲେ ତମେ ମିସା ତମର୍ ତମର୍ ବିଡ୍‌ରେ ପାଦ୍ ଦଇବାର୍ ଆଚେ । ୧୫ ମୁଇ ଏଟା ତମର୍ ପାଇ ଗଟେକ୍ ଉପାଅରଣ୍ ପାରା କଲିଆଟି, ତମେ ମିସା ବିନ୍ ଲକ୍‌ମନ୍କେ ଏକ୍ତି କରା । ୧୬ *ମୁଇ ତମ୍‌କେ ସଡ୍ କାତା କଇଲିନି, ଗତିଦାଙ୍ଗ୍‌ତା ନିଜର୍ ସାଉକାର୍‌ରେ ତେଇଅନି ବଡ୍ ନର୍ସ । ଆରି କବର୍ ନେଉଁ କବର୍ ପାଟାଇଲା ଲକ୍‌ରେତେଇଅନି ବଡ୍ ନର୍ସ । ୧୭ ଜଦି ତମେ ଏ ସବୁ ବିସଇ ଜାନିଆଗସ୍, ଆରି ସେ ଇସାବେ କରୁସା ବଇଲେ ବେସି ସାର୍‌ଦା ଅଇସା ।

୧୮ ମୁଇ ତମର୍ ସବୁ ଲକ୍‌କର୍ ବିସଇ ନେଇକରି କଇନାଇ, ଜନ୍ ଲକ୍‌ମନ୍କେ ବାଟି ଆଟି, ସେମନ୍ କେକ୍ତି ବଲି ଜାନିଆଟି । ମାତର୍ ସାସ୍‌ତରେ ଲେକା ଅଇଲା କାତା ସିଦ୍ ଅଇବାକେ ଏକ୍ତି ଗର୍‌ନା ଅଇଲାନି । ସାସ୍‌ତରେ ଲେକା ଅଇଲା ଆଚେ ଜେ ମର୍ ସଙ୍ଗ୍ କାଇଲାନି ସେ ମର୍ ବିରଦେ ଉଟ୍‌ସି । ୧୯ ଏବେ ଏ ଗର୍‌ନା ଅଇବା ଆଗତୁସେ ମୁଇ ତମ୍‌କେ ଏ କାତା କଇଲିନି । ଜେଡେବେଲା ଏ ଗର୍‌ନା ଗର୍‌ସି, ତମେ ମୁଇ ମସିଅ ବଲି ବିସ୍‌ବାସ୍ କରୁସା । ୨୦ *ତମ୍‌କେ ସଡ୍ କାତା କଇଲିନି, ଜନ୍ ଲକ୍‌ମନ୍ ମର୍ କବର୍ ନେବା ଲକ୍‌ମନ୍କେ ନାମ୍‌ବାଇ, ସେମନ୍ ମକେ ମିସା ନାମ୍‌ବାଇ, ଆରି ମକେ ପାଟାଇଲା ପରମେସର୍‌କେ ମିସା ନାମ୍‌ବାଇ ।”

ବିସ୍‌ବାସେ ବିସ୍ ଦେବା ବିସଇ ଜାନାଇବାଟା

(ମାତିଉ ୨୬:୨୦-୨୫; ମାର୍କ ୧୪:୧୭-୨୧; ଲୁକ୍ ୨୨:୨୧-୨୩)

୨୧ ଜିସୁ ଏ ସବୁ କାତା କଇସାରାଇଲା ପଚେ, ଆଡ୍‌ମାଇ ବାୟାବିକଲ୍ ଅଇ ପୁଟ୍‌କାର୍ କରି କଇଲା, “ମୁଇ ତମ୍‌କେ ସଡ୍ କାତା କଇଲିନି, ତମର୍ ବିଡ୍‌ରେଅନି ଗଟେକ୍ ଲକ୍ ମକେ ବିସ୍‌ବାସେ ବିସ୍ ଦେଲାପାରା କରୁସି ।”

* ୧୩:୧୨ ୧୩:୧୭ ଲୁକ୍ ୨୨:୨୭ * ୧୩:୧୭ ୧୩:୧୭ ମାତିଉ ୧୦:୨୪; ଲୁକ୍ ୬:୪୦; ଜଅନ ୧୫:୨୦ * ୧୩:୨୦ ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ୍ ୯:୪୮; ୧୦:୧୭

୨୭ ସେ ଏ କାତା, କାର୍ ବିସଇ ନେଇକରି କଇଲାନି ବଲି ସିସମନ୍ ବୁଜିନାପାରି ନିଜର୍ ନିଜର୍ ବିତ୍ତରେ ଆର୍ ମୁଏ ସେ ତାର୍ ମୁଏ ଏ, ଦେକାଦେକି ଅଇବାର୍ ଦାର୍ଲାଇ । ୨୮ ଜିସୁର୍ ସିସମନ୍ ବିତ୍ତରେଅନି ଜଅନ୍, ଜାକେକି ଜିସୁ ମୁକିଅ ଇସାବେ ଆଲାଦ୍ କର୍ତେ ରଇଲା, ସେ ଜିସୁର୍ ଲଗେ ବସିକରି କାଇତେ ରଇଲା । ୨୯ ସିମନ୍ ପିତର୍ ଜଅନ୍କେ ସଗିଆ କରି କଇଲା, “ସେ କାର୍ ବିସଇ ନେଇକରି କଇଲାନି, ତାକେ ପାଟାର୍ ।”

୩୦ ସେଟାର୍ ପାଇ ଜଅନ୍ ଜିସୁର୍ ଉପ୍ରେ ଆଉଜି ଅଇକରି ପାଟାର୍ଲା, “ଏ ମାପ୍ତୁରୁ, ସେ ଲକ୍ କେ ?”

୩୧ ଜିସୁ କଇଲା, “ମୁଇ ଏ ରୁଟି ଜଲେ ତବାଲି ଜାକେ ଦେବି, ସେ ଲକ୍ ସେ ।” ସେବେଲେ ସେ ରୁଟି ଜଲେ ତବାଲି କରି ସିମନ୍ ଇସକାରିୟତର୍ ପିଲା ଜିଉଦାକେ ଦେଲା । ୩୨ ଇସକାରିୟତ୍ ଜିଉଦା ରୁଟି ମାଙ୍ଗଲା ଦାପ୍ରେ ସଇତାନ୍ ତାର୍ ମନ୍ ବିତ୍ତରେ ଜାଇକରି ଚାଲାଇବାର୍ ଦାର୍ଲାଇ । ଜିସୁ ସେ ବେଲାଇ ତାକେ କଇଲା, “ତୁଇ ଜାଈଟା କର୍ବାକେ ଗାଲୁସିନି ବେଗି କର୍ ।” ୩୩ ଜିସୁ ଏ କାତା ଇସକାରିୟତ୍ ଜିଉଦାକେ କାଇକେ କଇଲା, ତେଇ କାଇବାକେ ବସି ରଇଲା ଲକ୍ମନର୍ ବିତ୍ତରେଅନି କେମିସା, ବୁଜି ନାପାର୍ଲାଇ । ୩୪ ଇସକାରିୟତ୍ ଜିଉଦାର୍ ଲଗେ ତାବୁ ପେଡି ରଇଲାଜେ କେତେଟା ସିସମନ୍ ପାଟାର୍ଲାଇ, “ପରବ୍ ପାଇ କାଇକାଇଟା ଦର୍କାର୍ ଆତେ, ସେଟାର୍ପାଇ ନଇଲେ ଗରିବ୍ ଲକ୍ମନକେ ଦାନ୍ଦେବାକେ ଜିସୁ ତାକେ କଇଲାଆତେ ।”

୩୫ ତାର୍ ପଟେ ଇସକାରିୟତ୍ ଜିଉଦା ରୁଟି ମାଙ୍ଗି ଦାପ୍ରେ ବାରଇକରି ଉଟିଗାଲା । ସେ ବେଲେ ରାତି ଅଇରଇଲା ।

ଦୁଆ ନିୟମ

୩୬ ଇସକାରିୟତ୍ ଜିଉଦା ବାରଇକରି ଉଟିଗାଲା ପଟେ ଜିସୁ କଇଲା, “ଏବେ ପର୍ମେସରର୍ ତେଇଅନି ଆଇଲା ନର୍ପିଲା ମୁଇ ତାର୍ଗାନେଅନି ତାକ୍ପୁଟା ପାଇବା ବେଲା ଆସିଆତେ । ଆରି ମର୍ ଲାଗି ପର୍ମେସର୍ ମିସା ତାକ୍ପୁଟା ପାଇସି । ୩୭ ଜଦି ପର୍ମେସର୍ ମର୍ତେଇଅନି ତାକ୍ପୁଟା ଅଇଲେ, ନିଜର୍ ମଇମାସଙ୍ଗ ନର୍ପିଲା ମକେ ମିସା ତାକ୍ପୁଟା କରାଇସି । ଦାପ୍ରେସେ ମକେ ସେକ୍ତି କରାଇସି । ୩୮ ଏ ମର୍ ପିଲାମନ୍ ମୁଇ ତମର୍ ସଙ୍ଗ୍ ତନେକର୍ପାଇ ରଇବି । ତାର୍ ପଟେ ତମେ ମକେ କଜସା, ଆରି ମୁଇ ଜେକ୍ତି ଗାଲିନି ତମେ ତେଇ ଜାଇନାପାରାସ୍ । ଏ ବିସଇ ଜିଉଦି ନେତାମନ୍କେ ଜେକ୍ତି କଇରଇଲି, ସେକ୍ତି ଏବେ ତମକେ ଆରିତରେକ୍ କଇଲିନି । ୩୯ ମୁଇ ତମକେ ଗଟେକ୍ ଦୁଆ ଆଦେସ୍ ଦେଲିନି, ତମେ ତମର୍ ନିଜର୍ ନିଜର୍ ବିତ୍ତରେ ଆଲାଦ୍ କରା । ମୁଇ ଜେକ୍ତି ତମକେ ଆଲାଦ୍ କଲିଆତି, ତମେ ମିସା ନିଜର୍ ନିଜର୍ ବିତ୍ତରେ ଆଲାଦ୍ କର୍ବାର୍ଆତେ । ୪୦ ତମର୍ ନିଜର୍ ନିଜର୍ ବିତ୍ତରେ ଆଲାଦ୍ ରଇଲେ, ତମେ ମର୍ ସିସ୍ ବଲି ସବୁଲକ୍ ଜାନ୍ଦାଇ ।”

ପିତର୍ତକେ ଜିସୁ ନାଜାନି ବଲି କଇବାଟା ଜାନାଇଲାନି
(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଲୁକ୍ ୨୨:୩୧-୩୪)

୩୬ ସିମନ୍ ପିତର୍ ଜିସୁକେ ପାଟାର୍ଲା, “ଏ ମାପ୍ତୁରୁ ତମେ କେକ୍ତି ଗାଲାସିନି ?” ଜିସୁ କଇଲା, “ମୁଇ ଜେକ୍ତି ଗାଲିନି ସେ ଜାଗାଇ ଏବେ ତୁଇ ଆସି ନାପାରୁସ୍ ମାତର୍ ପଟେ ଆଇସୁ ।” ୩୭ ପିତର୍ ଜିସୁକେ କଇଲା, “ଏ ମାପ୍ତୁରୁ ଏବେ କାଇକେ ତମର୍ ପଟେ ପଟେ ଆସିନାପାରି ? ମୁଇ ତମର୍ପାଇ ମର୍ବାକେ ମିସା ରାଜିଆତି ।” ୩୮ ଜିସୁ ତାକେ କଇଲା, “ତୁଇ କାଇକେ ମର୍ପାଇ ମର୍ସୁ ? ମୁଇ ତକେ ସତ୍ କାତା କଇଲିନି କୁକୁତା ନ ତାକ୍ତେ ତୁଇ ମକେ ତିନ୍ ତର୍ ନାଜାନି ବଲି କଇସୁ ।”

୧୪

ଜିସୁ ବାବାର୍ ଲଗେ ଜିବା ବାଟ୍

୧ ଆରି ଜିସୁ କଇଲା, “ତମେ କିଲ୍ବିଲ୍ ନ ଉଆ, ପର୍ମେସରର୍ଗାନେ ବିସବାସ୍ କରା । ଆରି ମର୍ତାନେ ମିସା ବିସବାସ୍ କରା । ୨ ମର୍ ବାବାର୍ ଗରେ ରଇବାକେ ବେସି ବାକରା ଆତେ । ଆରି ତେଇ ମୁଇ ତମର୍ ପାଇ ଜାଗା ଟିକ୍ କର୍ବାର୍ ଗାଲିନି । ଜଦି ଏଟା ସତ୍ ନଇତା ଆଲେ, ମୁଇ ତମକେ ଏକ୍ତି ବଲି ନ କଇତି । ୩ ଆରି ମୁଇ ଜାଇ ତମର୍ ପାଇ ଜାଗା ଟିକ୍ କଲା ପଟେ, ଆରି ତରେକ୍ ବାଉଡି ଆସି ତମକେ ମର୍ ସଙ୍ଗ୍ ତାକିନେବି । ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ମର୍ ସଙ୍ଗ୍ ରଇସା । ୪ ମୁଇ ଜନ୍ ଜାଗାଇ ଗାଲିନି, ତମେ ସେ ଜାଗାଇ ଜିବା ବାଟ୍ ଜାନିଆଟାସ୍ ।”

☆ ୧୩:୩୩ ୧୩:୩୩ ଜଅନ୍ ୭:୩୪ ☆ ୧୩:୩୪ ୧୩:୩୪ ଜଅନ୍ ୧୫:୧୨,୧୭; ୧ ମ ଜଅନ୍ ୩:୨୩; ୨ ଯ ଜଅନ୍ ୧:୫

୫ ତମା ଜିସୁକେ କଇଲା, “ଏ ମାପୁରୁ ତମେ କନ୍ ଜାଗାଇ ଗାଲୁସିନି, ସେଟା ଆମେ ନାନାନ୍, ଆରି ତେଜ ଜିବା ବାଟ୍ କେନ୍ତ୍ର ଜାନୁଟୁ ?”

୬ ଜିସୁ ତାକେ କଇଲା, “ମୁଇ ସତ୍, ବାଟ୍ ଆରି ଜିବନ୍ । ମର୍ବାଟେ ନ ଗାଲେ ବାବା ପର୍ମେସର୍ ଲଗେ କେ ମିଆ ଜାଇନାପାରେ ।” ୭ ସେ କଇଲା, “ଜଦି ତମେ ମକେ ଜାନିରଇତାସ୍ ବଇଲେ, ମର୍ ବାବାକେ ମିଆ ଜାନୁତାସ୍ । ଏବେ ମିଆ ତମେ ତାକେ ଜାନିଲାସିନି ଆରି ଦେକ୍ଲାସିନି ।”

୮ ପିଲିପ୍ ଜିସୁକେ କଇଲା, “ଏ ମାପୁରୁ ଆମକେ ବାବାକେ ଦେକାଇ ଦେ, ସେତକିସେ ଆମର୍ପାଇ ବେସି ।” ୯ ଜିସୁ ତାକେ କଇଲା, “ପିଲିପ୍ ଏଡକି ଦିନ୍ ମୁଇ ତମର୍ ସଙ୍ଗ୍ ରଇଲି, ତୁଇ ମକେ ଚିନି ନାପାରୁଲୁସ୍ କି ?” ଜେ ମକେ ଦେକ୍ଲା ଆତେ ସେ ମର୍ ବାବା ପର୍ମେସର୍ତକେ ଦେକ୍ଲା ଆତେ । କେନ୍ତ୍ର ଆମକେ ତର୍ ବାବାକେ ଦେକାଇ ଦେ ବଲି କଇଲୁସିନି ? ୧୦ ତୁଇ ବିସ୍ବାସ୍ କୁରୁସ୍ ନାଇ କି ପିଲିପ୍ ? ମୁଇ ବାବାଟେ ତେଜ ଆରି ଆରି ବାବା ମର୍ଟାନେ ଆତେ । ମୁଇ ତମକେ ଜନ୍ କାତା ସବୁ କଇଲିଆଟି, ସେ ସବୁ କାତା ମର୍ ନିଜର୍ତେଜଅନି କଇନାଇ । ମାତର୍ ବାବା ମର୍ତେଜ ରଇକରି ତାର୍ କାମ୍, ମର୍ଟାନେଅନି କଲାନି । ୧୧ ମୁଇ ବାବାଟେଜ ଆରି ଆରି ବାବା ମର୍ଟାନେ ଆତେ ବଲି ମୁଇ କଇବା ଏ କାତା ବିସ୍ବାସ୍ କରା । ନଇଲେ ମୁଇ କର୍ବା କାମ୍ ଦେକି ବିସ୍ବାସ୍ କରା । ୧୨ ମୁଇ ତମକେ ସତ୍ କଇଲିନି, ଜେ ମକେ ବିସ୍ବାସ୍ କର୍ସି ସେ, ମୁଇ କର୍ବା ଏନ୍ତ୍ର କାମ୍ମନ୍ କର୍ସି ଆରି ମର୍ତେଜଅନି ଅଦିକ୍ ବଡ୍ ବଡ୍ କାମ୍ମନ୍ ମିଆ କର୍ସି । କାଇକେ ବଇଲେ ମୁଇ ମର୍ ବାବାଟେ ଲଗେ ଗାଲିନି । ୧୩ ତମେ ମର୍ ନାଉଁଦାରି ଜାଇଟା ମାଙ୍ଗ୍ସା ସେଟା ସବୁ ମୁଇ ତମକେ ଦେବି । ଇତିଅନି ବାବାଟ୍ ତାକ୍ପୁଟା ମର୍ତେଜ ଜାନାପଡ୍ସି । ୧୪ ତମେ ଜଦି କାଇ ବିସଇ ମିଆ ମର୍ ନାଉଁଦାରି ମାଙ୍ଗ୍ସା ବଇଲେ ମୁଇ ସେଟା ଦେବି ।

ସୁକଲ୍ ଆଡ଼ମାର୍ ଦାନର୍ ସପତ୍

୧୫ ତମେ ଜଦି ମକେ ଆଲାଦ୍ କର୍ସା, ମର୍ ଆଦେସ୍ ମିଆ ମାନୁସା । ୧୬ ମୁଇ ମର୍ ବାବାକେ ଗୁଆରି କର୍ବି । ଆରି ତମର୍ ସଙ୍ଗ୍ ସବୁବେଲା ରଇବା ପାଇ, ସେ ଗଟେକ୍ ସାଇଜକାରିଆକେ ପାଟାଇସି । ୧୭ ସେ ଅଇଲାନି ସତ୍ ଆଡ଼ମା, ଜେକି ସତ୍ସଙ୍ଗ୍ ପର୍ମେସରର୍ ବିସଇ ଦେକାଇସି । ଏ ଦୁନିଆର୍ ଲକ୍ମନ୍ ତାକେ ନ ନାମଡ୍, କାଇକେ ବଇଲେ ତାକେ ଦେକଡ୍ ନାଇ କି ଜାନୁଟ୍ ନାଇ । ମାତର୍ ତମେ ତାକେ ଜାନି ଆଟାସ୍ । କାଇକେ ବଇଲେ ସେ ତମର୍ ସଙ୍ଗ୍ ଆତେ ଆରି ତମର୍ ମନ୍ ବିତ୍ତରେ ରଇସି ।

୧୮ ମୁଇ ଜେତେବଲ୍ ଜିବି, ତମକେ ଚୁରା ପିଲାମନର୍ ପାରା କରି ଗତି ନ ଜାଇ । ଆରିତରେକ୍ ତମର୍ ଲଗେ ବାଉଡି ଆଇବି । ୧୯ ତନେକ୍ ଗାଲେ ଦୁନିଆ ଆରି ମକେ ଦେକିନାପାରେ । ମାତର୍ ତମେ ଦେକ୍ସା, କାଇକେ ବଇଲେ ମୁଇ ସବୁବେଲେ ଜିବନ୍ ରଇବି, ଆରି ତମେ ମିଆ ଜିବନ୍ ରଇସା । ୨୦ ସେ ଦିନ୍ ଆଇଲେ ତମେ ଜାନୁସା, ମୁଇ ବାବାଟେ ଲଗେ, ତମେ ମର୍ ଲଗେ, ଆରି ମୁଇ ତମର୍ ଲଗେ ସବୁବେଲେ ରଇବି ।

୨୧ “ଜେ ମର୍ ଆଦେସ୍ ମାନୁସି, ସେ ଆକା ମକେ ଆଲାଦ୍ କର୍ସି । ଜେ ମକେ ଆଲାଦ୍ କର୍ସି, ମର୍ ବାବା ତାକେ ଆଲାଦ୍ କର୍ସି । ମୁଇ ମିଆ ତାକେ ଆଲାଦ୍ କରି ନିଜକେ ତାଟାନେ ଦେକାଇଅଇବି ।”

୨୨ ତାର୍ ପଟେ ଜିଉଦା, ଇସକାରିୟ୍ଡ୍ ଜିଉଦା ନର୍ସି, କଇଲା “ଏ ମାପୁରୁ ଏଟା କେନ୍ତ୍ର ଅଇସି ? ତମେ ନିଜକେ ଦୁନିଆଇ ଦେକାଇ ନ ଅଇ ଆମର୍ ଲଗେ କେନ୍ତ୍ର ଦେକାଇଅଇସା ?”

୨୩ ଜିସୁ ତାକେ କଇଲା, “ଜନ୍ ଲକ୍ ମକେ ଆଲାଦ୍ କର୍ସି ସେ ମୁଇ ସିକାଇବା ବାକିଅ ମାନୁସି । ସେନ୍ତ୍ର କଲେ ମର୍ ବାବା ପର୍ମେସର୍ ତାକେ ଆଲାଦ୍ କର୍ସି । ବାବା ଆରି ମୁଇ ଆସି ସେ ଲକର୍ ଟାନେ ରଇବୁ । ୨୪ ଜେ ମକେ ଆଲାଦ୍ ନ କରେ, ସେ ମର୍ ବାକିଅ ନ ମାନେ । ଆରି ମୁଇ କଇବା ଏ କାତା ସବୁ ମର୍ତେଜ ଅନି ନର୍ସି, ମାତର୍ ମକେ ପାଟାଇଲା ମର୍ ବାବାଟେ ତେଜଅନି କଇଲିନି ।”

୨୫ ମୁଇ ତମର୍ ଲଗେ ରଇକରିସେ ଏ ସବୁ କାତା କଇଲିନି । ୨୬ ମାତର୍ ପର୍ମେସର୍ ଜନ୍ ସାଇଜକାରିଆ ସୁକଲ୍ ଆଡ଼ମାକେ ମର୍ ନାଉଁ ଦାରି ତମର୍ ଲଗେ ପାଟାଇସି, ସେ ତମକେ ସବୁ ବିସଇ ସିକାଦେଇସି ଆରି ମୁଇ ଜନ୍ ଜନ୍ କାତା କଇଲିଆଟି ସେଟା ସବୁ ତମକେ ଏତାଇ ଦେଇସି ।

୨୭ “ମୁଇ ତମକେ ସାନ୍ତି ଦେଇକରି ଗାଲିନି । ମର୍ ନିଜର୍ ସାନ୍ତି ତମକେ ଦାନ୍ ଦେଇକରି ଗାଲିନି । ଏଟା ଦୁନିଆ ଦାନ୍ ଦେଲାପାରା ସାନ୍ତି ନର୍ସି । ସେଟାର୍ ପାଇ ଚିନ୍ତା କରା ନାଇ କି କିଲ୍ବିଲ୍ ଅଇ ଡରା ନାଇ । ୨୮ ମୁଇ ଜାଇଟା କଇରଇଲି, ସେଟା ସୁନିଆଟାସ୍ । ମୁଇ ଗାଲିନି ମାତର୍ ଆରି ତରେକ୍ ବାଉଡି ଆଇବି । ମକେ ଜଦି ଆଲାଦ୍ କର୍ତାସ୍ ବଇଲେ, ମୁଇ ବାବାଟେ ଲଗେ ଗାଲିନି ବଲି ସୁନି ସାର୍ଦା ଅଇତାସ୍, କାଇକେ ବଇଲେ ମର୍ ବାବା ମର୍ତେଜଅନି ବଡ୍ । ୨୯ ଜାଇଟା ସବୁ ଗର୍ବାର୍ ଆତେ ସେଟା ସବୁ ମୁଇ ତମକେ ଆଗତ୍ ଜାନାଇଦେଲି । ଜେନ୍ତ୍ରକି ସେଟା ସବୁ ଗର୍ଲେ, ତମେ ମକେ ବିସ୍ବାସ୍ କର୍ସା । ୩୦ ମୁଇ

ତମର ସଙ୍ଗେ ଆରି ଅଦିକ୍ ପରୁ କାତାବାରତା କରି ନାପାରି । କାଲକେ ବଇଲେ, ଏ ଦୁନିଆର ସାସନକାରିଆ ଆଇଲାନି । ଆରି ମରୁଟାଣେ ତାରୁ କାଲ ଅଦିକାରୁ ନାଇ । ୩୧ ମୁଜ୍ ମରୁ ବାବାକେ ଆଲାଦ୍ କଲିନି ଆରି ବାବାରୁ ଆଦେସ୍ ଇସାବେ କାମ୍ କଲିନି, ଏଟା ଦୁନିଆର ଲକ୍ମନ ଜାନତ୍ ବଲି ଏନ୍ତି ଗଟ୍ଟନା ଅଇଲାନି । ତୁ, ଆମେ ଏ ଜାଗାଇଅନି ବାରଇ ଉଚି ତୁ ।”

୧୫

ଜିସୁ ସତ୍ ଅଙ୍ଗୁର ମାଲ୍

୧ “ମୁଜ୍ ଅଇଲିନି ସତ୍ ଅଙ୍ଗୁର ମାଲ୍ ଆରି ମରୁ ବାବା ଅଇଲାନି ଚାସି । ୨ ମରୁଟାଣେ ରଇବା ପିଲ୍ଲକା ମାଲେ ପଲ୍ଲ ନ ଦାରୁଲେ, ସେ କାଟି ପାକାଇସି । ଆରି ଜନ୍ ମାଲେ ପଲ୍ଲ ଦାରୁସି ସେ ମାଲ୍ ଅଦିକ୍ ପଲ୍ଲ ଦାରୁବାକେ ପରିଚଲ୍ କରୁସି । ୩ ମରୁତେଇ ଅନି ପାଇରଇବା ସିକିଆଇ ଅନି ତମେ ପରିଚଲ୍ ଅଇସାରି ଆଚାସ୍ । ୪ ତମେ ମରୁସଙ୍ଗେ ମିସକରି ରୁଆ । ସେନ୍ତି ବଇଲେ ମୁଜ୍ ମିସା ତମରୁ ସଙ୍ଗେ ରଇବି । କେନ୍ଦା ଜଦି ବୁଦ୍-ସଙ୍ଗେ ମିସକରି ନ ରଇଲେ ନିଜେ ପଲ୍ଲ ନ ଦାରେ, ସେନ୍ତି ତମେ ମିସା ମରୁତେଇ ମିସି ନ ରଇଲେ, ପଲ୍ଲ ଦାରିନାପାରାସ୍ ।”

୫ “ମୁଜ୍ ଅଇଲିନି ମୁଲ୍ ଅଙ୍ଗୁର ମାଲ୍, ତମେ ଅଇଲାସ୍ନି ପିଲ୍ଲକା ମାଲ୍ । ଜେ ମରୁତେଇ ରଇସି ଆରି ମୁଜ୍ ଜାରୁତେଇ ରଇବି ସେ ବେସି ପଲ୍ଲ ଦାରୁସି, କାଲକେ ବଇଲେ ମକେ ଚାଡ଼ିକରି ତମେ କାଲଟା କରି ନାପାରାସ୍ । ୬ ଜେ ମରୁତେଇ ନ ରଏ, ତାକେ ଗଟେକ୍ ଗରୁଣ୍ଡି କରି ପିଙ୍ଗାଲ୍ ମାଲ୍ପାରା ବାଇରେ ପିଙ୍ଗି ଦେବାଇ ଆରି ସେଟା ସୁକି ଜାଇସି । ଏନ୍ତାରି ମାଲ୍ମାନୁକେ ଚୁଲିଆଇ ଜଇତେଇ ପିଙ୍ଗି ଦେବାଇ ଆରି ସେଟା ପତି ଜାଇସି । ୭ ଜଦି ତମେ ମରୁସଙ୍ଗେ ମିସକରି ରଇସା ଆରି ମରୁ ବାକିଅ ତମରୁ ମନେ ରଇସି, ତମେ ମନୁକରି କାଲ ବିସଇ ମାଙ୍ଗାସ୍ ବଇଲେ ସେଟା ମିଲାଇସା । ୮ ତମେ ବେସି ପଲ୍ଲ ଦାରୁଲେ, ମରୁ ବାବା ତାକପୁଟା ପାଇସି, ଆରି ଇତିଅନି ତମେ ମରୁ ସତ୍ ସିସ୍ମାନୁ ବଲି ଜାନୁବାଇ । ୯ ମରୁ ବାବା ଜେନ୍ତି ମକେ ଆଲାଦ୍ କଲା ଆଚେ, ସେନ୍ତି ମୁଜ୍ ମିସା ତମକେ ଆଲାଦ୍ କଲିନି । ମରୁ ଆଲାଦେ ତବିରୁ ଅଇରୁଆ । ୧୦ ମୁଜ୍ ଜେନ୍ତି ମରୁ ବାବାରୁ ଆଦେସ୍ ମାନିକରି ତବିରୁ ଅଇଆଚି । ସେନ୍ତି ତମେ ମରୁ ଆଦେସ୍ ମାନୁସା ବଇଲେ ମରୁ ଆଲାଦେ ତବିରୁ ଅଇକରି ରଇସା ।”

୧୧ “ଜେନ୍ତିକି ମରୁ ସାରୁଦା ତମରୁ ଟାଣେ ରଇକରି, ସେ ସାରୁଦା ପୁରାପୁରୁନ୍ ଅଇବାକେ ତମକେ ଏ ସବୁ କାତା କଇଲିଆଚି । ୧୨ ମୁଜ୍ ତମକେ ଜେନ୍ତି ଆଲାଦ୍ କଲିଆଚି, ସମାନୁ ସେନ୍ତି ତମେ ମିସା ନିଜରୁ ନିଜରୁ ବିତ୍ତରେ ଆଲାଦ୍ ଅଇକରି ରୁଆ । ଏଟାସେ ମରୁ ଆଦେସ୍ । ୧୩ ନିଜରୁ ମଇତରୁମନରୁ ଲାଗି ଜିବନ୍ ଦେବାଟା ଅଇଲାନି ସବୁରୁଟାଣେଅନି ବଡ଼ ଆଲାଦ୍ । ୧୪ ମୁଜ୍ ତମକେ ଜନ୍ ଆଦେସ୍ ଦେଇଆଚି, ସେଟା ମାନୁସା ବଇଲେ ତମେ ମରୁ ମଇତରୁମନ । ୧୫ ଏବେ ମୁଜ୍ ତମକେ ଗତିଦାଙ୍ଗତାମନ୍ ବଲି ନ ତାକି, କାଲକେ ବଇଲେ, ଗତିଦାଙ୍ଗତା ତାରୁ ସାରକାରୁ କାଲଟା କରୁସି ସେଟା ନାଜାନେ । ମାତରୁ ମୁଜ୍ ତମକେ ମଇତରୁ ବଲି ତାକିବି, କାଲକେ ବଇଲେ ମୁଜ୍ ବାବାରୁତେଇ ଅନି ଜନ୍ ଜନ୍ ବିସଇ ସୁନି ଆଚି, ସେଟା ତମକେ କଇଦେଲିଆଚି । ୧୬ ତମେ ମକେ ବାଟାସ୍ ନାଇ, ମାତରୁ ମୁଜ୍ ତମକେ ବାବୁଲି ଆଚି । ଆରି ଜାଇକରି ଅଦିକ୍ ଅଦିକ୍ ପଲ୍ଲ ଦାରୁବାକେ ତମକେ ଦାଇତ୍ ଦେଲି । ତମରୁ ପଲ୍ଲ ସବୁ ଦିନରୁ ପାଇ ରଇସି । ତେବେ ତମେ ମରୁ ନାଉଁ ଦାରି ବାବାକେ କାଲଟା ମାଙ୍ଗୁଲେ ମିସା ସେ ତମକେ ଦେଇସି । ୧୭ ତମରୁ ତମରୁ ବିତ୍ତରେ ଆଲାଦ୍ କରା । ଏଟା ଅଇଲାନି ମରୁ ଆଦେସ୍ ।”

ଜଗତରୁ ଗିନ୍

୧୮ “ଜାନିରୁଆ, ତମକେ ଜଦି ଏ ଦୁନିଆ ଗିନ୍ କରୁସି, ତେବେ ତମକେ ଗିନ୍ କରୁବା ଆଗ୍ରୁସେ ମକେ ଗିନ୍ କଲାଆଚେ । ୧୯ ତମେ ଜଦି ଏ ଦୁନିଆର ଲକ୍ମନ ଅଇରଇତାସ୍ ଆଲେ ଏ ଦୁନିଆ ତମକେ ନିଜରୁ ବାବି ଆଲାଦ୍ କରୁତା, ମାତରୁ ମୁଜ୍ ତମକେ ବାଟି ଦୁନିଆଇଅନି ବେଗୁଲାଇ ଦେଇଆଚି । ସେଟାରୁ ପାଇ ଏ ଦୁନିଆ ତମକେ ଗିନ୍କରୁସି । ୨୦ ମୁଜ୍ ଜନ୍ଟା କଇରଇଲି ଏଟାଇଦେକା, ଗତିଦାଙ୍ଗତା ତାରୁ ସାରକାରୁତେଇଅନି ବଡ଼ ନଏଁ ବଲି ମୁଜ୍ ତମକେ କଇରଇଲି । ସେମନ୍ ମକେ ସାଦି ଆଚତ୍ ଆରି ତମକେ ମିସା ସାଦୁବାଇ । ଜଦି ସେମନ୍ ମରୁ ସିକିଆ ମାନିଆଚତ୍ ବଇଲେ ତମରୁ କାତା ମିସା ମାନୁବାଇ । ୨୧ ମାତରୁ ତମେ ମରୁ ଲକ୍ ଅଇରଇବାଟା ଲାଗି ସେମନ୍ ତମକେ ଏନ୍ତାରି କରୁବାଇ । କାଲକେ ବଇଲେ ମକେ ଜେ ପାଟାଇଲା ଆଚେ, ସେଟା ସେମନ୍ ନାଜାନତ୍ । ୨୨ ଜଦି ମୁଜ୍ ଆସି ଏ ସବୁ ବିସଇ ସେମନ୍ମକେ

୫ ୧୫:୧୨ ୧୫:୧୨ ଜଅନ୍ ୧୩:୩୪:୧୫:୧୭; ୧ ନ ଜଅନ୍ ୩:୨୩; ୨ ଯ ଜଅନ୍ ୧:୫ ୬ ୧୫:୨୦ ୧୫:୨୦ ମାଟିର ୧୦:୨୪; ଲୁକ୍ ୬:୪୦; ଜଅନ୍ ୧୩:୧୭

ବୁଢ଼ାଇ ନ ରଇତି ବଇଲେ, ସେମନ୍ ଦସି ନ ଅଇତାଇ, ମାତରୁ ଏ ପାପରୁ ଚଲାଚଲୁତି ପାଇ କାଇ ଚାଲାକି ଦେକାଇ ନାପାରତ୍ । ୨୩ ଜେ ମକେ ଗିନ୍ କରୁସି, ସେ ମରୁ ବାବା ପରୁମେସରୁକେ ମିସା ଗିନ୍ କରୁସି । ୨୪ ଜଦି ମୁଇ ତାକରୁ ବିତ୍ତରେ କାବା ଅଇଜିବା କାମ୍ ନ କରି ରଇଲେ, ସେମନ୍ ପାପି ବଲି ଦସି ନ ଅଇତାଇ । ମାତରୁ ସେମନ୍ ମୁଇ କଲା କାବାଅଇଜିବା କାମ୍ମମନ୍ ଦେକଲାଇ ଆତତ୍ । ଏନ୍ତି ବଇଲେ ମିସା ସେମନ୍ ମକେ ଆରି ମରୁ ବାବା ପରୁମେସରୁକେ ଗିନ୍ କଲାଇ ଆତତ୍ । ୨୫ ମାତରୁ ଏସବୁ ଗଟ୍‌ବାରୁ ରଇଲା । କାଇକେବଇଲେ ସେଟାରୁ ଲାଗି ସେମନରୁ ସାସ୍ତତରେ ଜାଇଟା ଲେକାଅଇଲା ଆତେ, ସେଟା ସିଦ୍ ଅଇଲା । କାଇ ଦସି ନ ରଇତେ ସେମନ୍ ମକେ ଗିନ୍ କଲାଇ । ୨୬ ସତଇସେ ସାଇଜକାରିଆ ଆତ୍‌ମା ଆଇସି । ସେ ବାବାରୁତେଇ ଅନି ଆସି, ପରୁମେସରୁ ସବୁ ବିସଇରୁ ସତ୍ ଦେକାଇଦେଇସି । ମୁଇ ତାକେ ବାବାରୁତେଇଅନି, ତମରୁ ଲଗେ ପାଟାଇବି । ଆରି ସେ ମରୁ ବିସଇ ତମକେ କଇସି । ୨୭ ଆରି ତମେ ମିସା ମରୁ ବିସଇସେ କଇସା, କାଇକେବଇଲେ ଆରାମେଅନି ତମେ ମରୁ ସଙ୍ଗ୍ ଆଟାସ୍ ।”

୧୨

୧ “ତମେ ମକେ କରିରଇବା ବିସବାସ୍ ନ ଚାଡ଼ି, ତାଟ୍ ସଙ୍ଗ୍ ରଇବାକେ, ମୁଇ ଏ ସବୁ କାତା କଇଲିଆରି । ୨ ସେମନ୍ ତମକେ ପାରୁତନା ଗରେଅନି ବାରୁକରାଇ ଦେବାଇ । ଉଁ ଏନ୍ତାରି ବେଲା ଆଇଲାନି, ଜେ ମିସା ତମକେ ମରାଇବାଇ, ସେଟା ପରୁମେସରୁକେ ସେବା କଲାପାରା ରଇସି । ୩ ତମକେ ସେମନ୍ ଏନ୍ତି ସବୁ କାମ୍‌ମନ୍ କରୁବାଇ । କାଇକେ ବଇଲେ ସେମନ୍ ମକେ ଆରି ମରୁ ବାବାକେ ନାନାନତ୍ । ୪ ଏବେ ମୁଇ ଏ ସବୁ କାତା କଇଲିନି । ସେଟାରୁ ପାଇ ଏ ସବୁ ଗଟ୍‌ନାମନ୍ ଗଟ୍‌ବା ବେଲା କେଟ୍‌ଲେ ମୁଇ କଇଲା କାତା ଏତାଇସା । ଆରାମେ ଅନି ମୁଇ ତମରୁ ସଙ୍ଗ୍ ରଇଲି ଜେ ଏ ସବୁ କାତା କଇ ନ ରଇଲି ।”

ସୁକଲ୍ ଆତ୍‌ମାରୁ କାମ୍

୫ “ମାତରୁ ମୁଇ ଏବେ ମରୁ ପାଟାଉରୁ ଲଗେ ଗାଲିନି । ଏଲେମିସା ତମରୁ ବିତ୍ତରେ ଅନି କେ ମିସା ମକେ କେନେ ଜାଇସୁ ବଲି ପାଟାରାସ୍ ନାଇ । ୬ ମାତରୁ ଏବେ ମରୁ ଏ ସବୁ କାତା ସୁନିକରି ତୁକ୍ ଅଇକରି ଆଟାସ୍ । ୭ ମୁଇ ତମକେ ସତ୍‌କାତା କଇଲିନି, ମୁଇ ଉଟିଜିବା ବିସଇ ତମରୁ ପାଇ ଗଟେକ୍ ମଙ୍ଗ୍‌ଲରୁ ବିସଇ ଅଇସି । କାଇକେ ବଇଲେ ମୁଇ ନ ଗାଲେ ସାଇଜକାରିଆ ତମରୁଟାନେ ନ ଆସେ, ମୁଇ ଗାଲେ ତାକେ ତମରୁଟାନେ ପାଟାଇଦେବି । ୮ ସେ ଆସିକରି ଦୁନିଆରୁ ଲକ୍‌ମନ୍‌କେ ପାପ, ଦରମ୍ ଆରି ନିଆଇ ବିସଇରୁ ସାକି ଦେଇସି । ୯ ଏ ଦୁନିଆରୁ ଲକ୍‌ମନ୍ ପାପ ବିସଇ ବୁଲୁ ବୁଢ଼ଲାଇ ଆତତ୍ । ସେ ଦେକାଇ ଦେଇସି ଜେ, ମକେ ବିସବାସ୍ ନ କରୁବାଟାସେ ପାପ । ୧୦ ଟିକ୍ ଇସାବେ ଚଲାଚଲୁତି କରୁବା ବିସଇ, ଦୁନିଆରୁ ଲକ୍‌ମନ୍ ବୁଲୁ ବୁଢ଼ିଆତତ୍ । ମୁଇ ମରୁ ବାବାରୁ ଲଗେ ବାଉତି ଗାଲିନି, ଆରି ତମେ ମକେ ଦେକିନାପାରାସ୍ । ସେଟା ମୁଇ ମାନୁବା ଦରମ୍ ବିସଇ ସାକି ଦେଲାନି । ୧୧ ଦୁନିଆରୁ ଲକ୍‌ମନ୍ ବିଚାରୁ କରୁବା ବିସଇ ବୁଲୁ ବୁଢ଼ଲାଇ ଆତତ୍ । କାଇକେବଇଲେ ଏ ଦୁନିଆରୁ ସାସ୍‌ନକାରିଆ ଦସି ବଲି ବିଚାରୁ ଅଇ ସାରାଇ ଆତେ ।”

୧୨ “ମୁଇ ତମକେ କେତେକ୍ କେତେକ୍ କାତା କଇବାରୁ ଆତେ । ମାତରୁ ଏବେ ତମେ ସେ ସବୁ କାତା ଦାରିନାପାରାସ୍ । ୧୩ ମାତରୁ ସତ୍ ଆତ୍‌ମା ଆଇଲେ, ସେ ତମକେ ସବୁ ସତ୍ ବିସଇରୁ ବାଟେ ଡାକିନେଇସି । କାଇକେ ବଇଲେ, ସେ ନିଜରୁ ଅଦିକାରେ କାଇ କାତା ନ କଏ । ମାତରୁ ସେ ବାବାରୁତେଇଅନି ଜନ୍ ଜନ୍ କାତା ସୁନ୍‌ସି, ସେ ସବୁ କଇସି । ଆରି ଆଇବା ଦିନ୍‌ମନ୍‌କେ କାଇଟା ଅଇସି ସେ ସବୁ ବିସଇ ମିସା କଇସି । ୧୪ ସେ ମୁଇ କଇବାଟାନେ ଅନି ନେଇକରି ଆକା ତମକେ କଇସି । ଆରି ମକେ ଡାକ୍‌ପୁଟା କରାଇ ଦେକାଇସି । ୧୫ ଜନ୍‌ଟା ବାବାରୁଟା, ସେ ସବୁ ମରୁଟା । ସେଟାରୁପାଇ ମୁଇ ତମକେ କଇଲିନି, ସୁକଲ୍ ଆତ୍‌ମା ମରୁଟାନେଅନି ନେଇକରି ସେ ତମକେ କଇସି ।”

ତୁକରୁ ବିସଇ ଆରି ସାର୍‌ବାରୁ ବିସଇ

୧୬ “ଚନେକ୍ ଗାଲା ପଟେ ତମେ ଆରି ମକେ ଦେକି ନାପାରାସ୍ । ଆରି ଚନେକ୍ ଗାଲେ ଦେକ୍‌ସା ।”
 ୧୭ ସେବେଲେ ତାରୁ ସିସମନରୁ ବିତ୍ତରେଅନି କେତେ ଲକ୍ ତାକରୁ ବିତ୍ତରେ କୁଆବେଲା ଅଇଲାଇ । “ସେ ଆମକେ କଇଲାନି, ଚନେକ୍ ଗାଲାପଟେ ତମେ ଆରି ମକେ ଦେକି ନାପାରାସ୍, ଆରି ଚନେକ୍ ଗାଲେ ମକେ ଦେକ୍‌ସା । ମୁଇ ଏବେ ବାବାରୁ ଲଗେ ଗାଲିନି ବଲି କଇବା ଅରତ୍ କାଇଟା ?” ୧୮ ତେବେ ସେମନ୍ କଇଲାଇ, “ଏ ଚନେକ୍ ପଟେ ବଲି କାଇକେ କଇଲାନି ? ସେ କାଇଟା ବଲି କଇଲାନି, ଆମେ ବୁଢ଼ି ନାପାରୁଲୁନି ।”

୧୯ ସେମନ୍ ମକେ ପାଟାରୁବାକେ ମନ୍ କଲାଲିନି ବଲି ଜିସୁ ଜାନିକରି ସେମନ୍‌କେ କଇଲା, “ଚନେକ୍ ଗାଲେ ତମେ ଆରି ମକେ ଦେକି ନାପାରାସ୍ ଆରି ଚନେକ୍ ଗାଲାପଟେ ମକେ ଦେକ୍‌ସା ବଲି କଇଲା ଏ

କାତା ନେଇକରି ତମର ତମର ବିଚ୍ଚରେ କାଇକେ କୁଆବଲା ଅଇଲାସିନି ? ୨୦ ମୁଇ ତମକେ ସତ୍ କାତା କଇଲିନି, ତମେ ସାତାରି ସାତାରି କାନ୍ଦସା, ମାତର୍ ଦୁନିଆର୍ ଲକ୍ମନ ସାର୍ଦା ଅଇବାଇ । ତମେ ପରୁତୁମ୍ ଦୁକ୍ ଅଇରଇସା ମାତର୍ ତମର ଦୁକ୍ ସାର୍ଦାଇ ପୁରୁନ ଅଇଜାଇସି । ୨୧ ଗଟେକ୍ ମାଇଜି ନିକ ଅଇବା ବେଲା କେଟ୍ଲେ ବେସି ଦୁକ୍ ଅଇସି । କାଇକେବଇଲେ ତାର୍ ଦୁକ୍ କସ୍ତର୍ ବେଲା କେଟିଆଟେ । ମାତର୍ ନିମାନ୍ ଅଇସାରଲା ପଟେ ତାର୍ ଦୁକ୍ କସ୍ତର୍ ପାସ୍ରିଜାଇସି । କାଇକେ ବଇଲେ ତାର୍ତେଇଅନି ଗଟେକ୍ ପିଲା ଦୁନିଆଇ ଜନମ୍ ଅଇଲା ଆଟେ । ୨୨ ସେନ୍ତାରିସେ ତମକେ ମିସା ଅଇସି । ଏବେ ତମେ ଦୁକ୍ଅଇ ଆଟାସ୍, ମାତର୍ ଆରି ତରେକ୍ ମୁଇ ତମକେ ଦେକାଇଅଇବି, ତାର୍ ପଟେ ତମେ ବେସି ସାର୍ଦା ଅଇସା । ଆରି କେମିସା ତମର ସାର୍ଦା ତମରଟାନେଅନି ଚାତାଇ ନେଇ ନାପାରତ୍ ।

୨୩ “ସେବେଲା ତମେ ମକେ ମୁଲ୍ଲକେ ନ ପାଚାରାସ୍ । ମୁଇ ତମକେ ସତ୍ କାତା କଇଲିନି, ତମେ ମରୁ ନାର୍ତ୍ ଦାରି ବାବାକେ କାଇଟା ମିସା ମାଙ୍ଗ୍ସା ବଇଲେ ସେଟା ଦେଇସି । ୨୪ ତମେ ଏବେ ଜାକ ମରୁ ନାର୍ତ୍ ଦାରି କାଇଟା ମିସା ମାଙ୍ଗ୍ସା ନାଇତା । ଏବେ ମାଙ୍ଗ୍, ତେବେ ତମକେ ମିଲ୍ସି । ଆରି ତମର ସାର୍ଦା ପୁରାପୁରୁନ ଅଇସି ।”

ଦୁନିଆକେ ଜିତ୍‌ବା ବିସଇ

୨୫ “ମୁଇ ତମକେ କାତା ମଲ୍ଲକାଇ କରି ଏ ସବୁ କଇଲିନି, ଏନ୍ତି ବେଲା ଅଇସି, ତମକେ ଆରି ମୁଇ କାତା ନ ମଲ୍ଲକାଇ, ସଲ୍ଲକେ ବାବାର୍ ବିସଇ କଇଦେବି । ୨୬ ତମେ ସେ ଦିନମନକେ ମରୁ ନାର୍ତ୍ ଦାରି ପରମେସରକେ ବେସି ବିସଇମନ୍ ମାଙ୍ଗ୍ସା । ଆରି ମୁଇ ତମର ପାଇ ବାବା ପରମେସରର୍ ତେଇ ଗୁଆରି କର୍‌ବାର୍ ଦର୍‌କାର୍ ନ ରଏ । ୨୭ କାଇକେବଇଲେ ବାବା ତମକେ ଆଲାଦ୍ କଲାନି, ସେ ତମକେ ଆଲାଦ୍ କଲାନି କାଇକେବଇଲେ ତମେ ଜେନ୍ତିକି ମକେ ଆଲାଦ୍ କରି ଆଟାସ୍, ଆରି ମୁଇ ପରମେସରର୍ ତେଇଅନି ଆଇଲି ଆରି ବଲି ବିସବାସ୍ କରିଆଟାସ୍ । ୨୮ ମୁଇ ବାବାରଟାନେଅନି ଏ ଦୁନିଆଇ ଆସିଆଟି, ଆରି ଏବେ ମୁଇ ଏ ଦୁନିଆ ଚାଟିକରି ବାବାର୍ ଲଗେ ବାଉଡି ଗାଲିନି ।”

୨୯ ଜିସୁର୍ ସିସମନ୍ କଇଲାଇ, “ଏବେ ତମେ ଆମକେ କାତା ମଲ୍ଲକାଇ ନ କଇକରି ସଲ୍ଲକେସେ କଇଲାସିନି । ୩୦ ତମେ ସବୁ ବିସଇ ଜାନିଆରୁସ୍, ଏଟା ଏବେ ଆମେ ଜାନଲୁ । ଆରି କେ ତମକେ ଜାନେ କି ନାଇ ବଲି, ପାଚାର୍‌ବାର୍ ଲତା ନାଇ । ଏଟାର୍‌ପାଇ ତମେ ପରମେସରର୍‌ଟାନେ ଅନି ଆସିଆରୁସ୍ ବଲି ଆମେ ବିସବାସ୍ କଲୁନି ।”

୩୧ ଜିସୁ ସେମନକେ କଇଲା, “ଏବେ କାଇ ତମେ ବିସବାସ୍ କଲାସିନି ? ୩୨ ଦେକା, ଏନ୍ତି ବେଲା ଅଇଲାନି, ଉଁ ସେ ବେଲା କେଟ୍ଲା ଆଟେ, ତମେ ମକେ ଗଟେକ୍ ଲକ୍‌କେ ଚାଟି, ଏନେ ତେନେ ଅଇକରି ନିଜର୍ ନିଜର୍ ଗରେ ଉଟିପାଲାଇସା । ଏଲେମିସା ମୁଇ ଗଟେକ୍ ଲକ୍ ନାଇ, ସବୁବେଲା ମରୁ ସଙ୍ଗ୍ ବାବା ଆଟେ । ୩୩ ଜେନ୍ତାରି କି ତମେ ମରତେଇ ରଇକରି ସାନ୍ତି ପାଇସା, ସେଟାର୍‌ପାଇ ମୁଇ ତମକେ ଏ ସବୁ ବିସଇ କଇଆଟି । ଏ ଦୁନିଆଇ ତମରପାଇ ବେସି ଦୁକ୍ କସ୍ତର୍ ଆଟେ, ମାତର୍ ତାଟ୍‌ସଙ୍ଗ୍ ରୁଆ, ମୁଇ ଦୁନିଆର୍ କାରାପ୍ ବପୁ ନସାଇକରି ଜିତିଆଟି ।”



ସିସମନର୍ ପାଇ ଜିସୁର୍ ପାର୍‌ତନ

୧ ଜିସୁ ଏ ସବୁ କାତା କଇସାରାଇଲା ପଟେ, ସରଗ୍ ବାଟେ ଦେକି କଇଲା, “ଏ ସରଗର୍ ବାବା, ଏବେ ବେଲା କେଟ୍ଲା ଆଟେ । ତମର ପିଲା ମକେ ତାକ୍‌ପୁଟା କରା । ଜେନ୍ତିକି ତମର ପିଲା ମୁଇ ତମକେ ତାକ୍‌ପୁଟା କର୍‌ବି । ୨ ତମେ ମକେ ସବୁ ମୁନୁସ୍ ଜାତି ଉପରେ ଅଦିକାର୍ ଦେଇଆଟାସ୍ । ଆରି ଜନ୍‌ଲକ୍‌ମନକେ ମକେ ସର୍‌ପି ଦେଇଆଟାସ୍, ସେମନକେ ମୁଇ ନ ସାର୍‌ବା ଜିବନ୍ ଦେବି । ୩ ତମେସେ ଗଟେକ୍ ପରମେସର୍, ତମକେ ଆରି ତମେ ପାଟାଇରଇବା ଜିସୁ କିରିସଟକେ ଜାନବାଟା ଅଇଲାନି ନ ସାର୍‌ବା ଜିବନ୍ । ୪ ତମେ ମକେ ଜନ୍ କାମମନ୍ କର୍‌ବାକେ ଦେଇଆଟାସ୍, ସେଟା ମୁଇ ସାରାଇ କରି, ଏ ଦୁନିଆଇ ତମକେ ତାକ୍‌ପୁଟା କରିଆଟି । ୫ ଏ ବାବା, ଏ ଦୁନିଆ ତିଆର୍ ନ ଅଇତେ, ତମର ସଙ୍ଗ୍ ରଇଲାବେଲେ, ମର୍ ଜନ୍ ତାକ୍‌ପୁଟା ରଇଲା, ଏବେ ତମେ ରଇତେ ଆକା, ମକେ ତାକ୍‌ପୁଟା କର୍ ।

୬ “ଏ ଜଗତର୍ ଜନ୍ ଲକ୍‌ମନକେ ତମେ ମକେ ସର୍‌ପି ଦେଇରଇଲାସ୍, ସେମନର୍ ଲଗେ ମୁଇ ତମକେ ଜାନାଇଆଟି । ସେମନ୍ ତମର ଅଇରଇଲାଇ, ଆରି ମକେ ସେମନକେ ସର୍‌ପିଦେଲୁସ୍ । ସେମନ୍ ତମର ବାକିଅ ମାନ୍‌ଲାଇନି । ୭ ତମେ ମକେ ଜନ୍ ଜନ୍‌ଟା ସର୍‌ପି ଦେଇ ଆଟାସ୍, ସେଟାମନ୍ ସବୁ ତର୍‌ଟାନେଅନି ଆକା ଅଇଲାଆଟେ, ବଲି ଏବେ ସେମନ୍ ବୁଜିଆଟତ୍ । ୮ ତମେ ମକେ ଦେଇରଇବା କବର୍ ମୁଇ

ସେମନ୍ଦକେ ସୁନାଈଆରି, ସେମନ୍ଦ ସେଟା ମାନି ଆଟଡ଼ । ମୁଈ ତମରଟାନ୍ଦେଅନି ଆସିଆରି ଆରି ତମେ ମକେ ପାଟାଈଆଟାସ, ସେମନ୍ଦ ଏ କାତା ସଡ଼ ବଲି ଜାନିକରି ବିସ୍ବାସ କଲାଈ ଆଟଡ଼ ।”

୯ ମୁଈ ସେମନ୍ଦରୁଲାଗି ପାର୍ତନା କଲିନି, ଦୁନିଆର୍ ଲକ୍ମନର୍ ପାଇ ପାର୍ତନା କରିନାଈ । ମାତର୍ ତମେ ମକେ ଜନ୍ ଲକ୍ମନକେ ଦେଈଆଟାସ, ସେ ଲକ୍ମନର୍ ପାଇ ପାର୍ତନା କଲିନି । କାଈକେ ବଈଲେ ସେମନ୍ଦ ତମର୍ ଲକ୍ମନ । ୧୦ ଜେଡ଼କି ମରଟା, ସେ ସବୁ ତମରଟା । ଆରି ଜେଡ଼କି ତମରଟା ସେ ସବୁ ମରଟା । ଆକରଲାଗି ଆକା ମର ତାକ୍ପୁଟା ଅଈଆଟେ । ୧୧ ଏବେ ମୁଈ ତମର୍ ଲଗେ ଆଈଲିନି, ମୁଈ ଏ ଦୁନିଆଈ ରଈନାଈ । ମାତର୍ ଏମନ୍ ରଈଲାଈନି । ସୁକଲ୍ ରଈବା ବାବା ! ତମେ ଜନ୍ ଲକ୍ମନକେ ମକେ ସର୍ପି ଦେଈଆଟୁସ, ତମେ ଦେଈରଈବା ନାଉର୍ ବପୁସଈ ସେମନ୍ଦକେ ରକିଆ କରା । ଜେନ୍ତାରି ତମେ ଆରି ମୁଈ ଗଟେକ୍ । ସେନ୍ତାରିସେ ସେମନ୍ଦ ଗଟେକ୍ ଅଈରଈବାକେ ସାଈଜ କରା । ୧୨ ମୁଈ ସେମନ୍ଦର୍ ସଈ ରଈଲା ବେଲେ ତମର୍ ନାଉର୍ ବପୁସଈ ସେମନ୍ଦକେ ରକିଆ କରିରଈଲି । ଜେନ୍ତି କି ସେମନ୍ଦ କାଲ୍କାଲ୍ ଜୁଗ୍ଜୁଗ୍ ପର୍ମେସରଟାନ୍ଦେ ଅନି ବିନେ ଅଈ ନସ୍ଟ ନ ଅଅଡ଼ । ଗଟେକ୍ ଲକ୍ମକେ ଚାଡ଼ି ସବୁଲକ୍ମକେ ରକିଆ କରିଆରି । ସେ ଗଟେକ୍ ଲକ୍ ନସ୍ଟ ଅଈସିଆକା । ଜେନ୍ତିକି ଦରମ୍ ସାସ୍ତରେ ଲେକା ଅଈଲାଟା ସିଦ୍ ଅଈବାର୍ ରଈଲା । ୧୩ ଏବେ ମୁଈ ତମର୍ ଲଗେ ଆଈଲିନି । ଏ ଦୁନିଆଈ ରଈଲା ବେଲେ ସେମନ୍ଦକେ, ସେମନ୍ଦର୍ ମନେ ରଈବା ମର୍ ସାର୍ଦା ପୁରାପୁରୁନ୍ ଅଈବାକେ, ଏ ବିସଈ କଈରଈଲି । ୧୪ ମୁଈ ସେମନ୍ଦକେ ତମର୍ ବାକିଅ ସୁନାଈଆରି । ତେବର୍ପାଇ ଏ ଦୁନିଆ ସେମନ୍ଦକେ ଗିନ୍ କଲାନି । କାଈକେ ବଈଲେ ମୁଈ ଜେନ୍ତି ଏ ଦୁନିଆଈ ଅନି ଜାଡ଼ ଅଈଲାଟା ନଈ, ସେନ୍ତି ସେମନ୍ଦ ମିସା ଏ ଦୁନିଆର୍ ନଅଡ଼ । ୧୫ ତମେ ସେମନ୍ଦକେ ଏ ଦୁନିଆଈଅନି ଦାରିଜା ବଲି ମୁଈ ପାର୍ତନା କରିନାଈ । ମାତର୍ ସଈତାନର୍ ପାନ୍ଦେ ଅନି ରକିଆ କରା ବଲି ଗୁଆରି କଲିନି । ୧୬ ମୁଈ ଜେନ୍ତିକି ଏ ଦୁନିଆର୍ ନଈ, ସେନ୍ତି ସେମନ୍ଦ ମିସା ଏ ଦୁନିଆର୍ ନଅଡ଼ । ୧୭ ତମର୍ ସଡ଼ସଈ ସେମନ୍ଦକେ ସୁକଲ୍ କରା, ତମର୍ ବାକିଅ ତା ସଡ଼ । ୧୮ ତମେ ମକେ ଜେନ୍ତି ଏ ଦୁନିଆଈ ପାଟାଈ ଆଟାସ, ସେନ୍ତାରି ମୁଈ ମିସା ସେମନ୍ଦକେ ଏ ଦୁନିଆଈ ପାଟାଈଲିନି । ୧୯ ଜେନ୍ତିକି ସେମନ୍ଦ ତମରଟାନ୍ଦେ ସର୍ପି ଅଈବାଈ । ସେଟାପାଇ ମୁଈ ନିଜକେ ତମର୍ତେଜ ସୁକଲ୍ ଅଈଲିନି ।

୨୦ “ମୁଈ ଅବ୍ବା ଏ ସିସମନ୍ଦର୍ ଲାଗିସେ ପାର୍ତନା କରିନାଈ, ମାତର୍ ଏ ଲକ୍ମନ ଜାନାଈବା କାତାଈଅନି ଜନ୍ ଲକ୍ମନ ମକେ ବିସ୍ବାସ କରବାଈ, ସେ ଲକ୍ମନର୍ ପାଇ ମିସା ପାର୍ତନା କଲିନି । ୨୧ ଏ ବାବା ତମେ ଜେନ୍ତାରି ମରଟାନ୍ଦେ ମିସି ଗଟେକ୍ ଅଈଆଟାସ, ଆରି ମୁଈ ତମରଟାନ୍ଦେ ମିସିକରି ଗଟେକ୍ ଅଈଆଟି । ସେନ୍ତାରିସେ ସେମନ୍ଦ ମିସା ସେମନ୍ଦର୍ ବିଡ଼ରେ ମିସିକରି ଗଟେକ୍ ଅଈ ରଈବାକେ ମୁଈ ପାର୍ତନା କଲିନି । ଜେନ୍ତିକି ତମେସେ ମକେ ପାଟାଈ ଆଟାସ ବଲି ଏ ଦୁନିଆ ବିସ୍ବାସ କର । ୨୨ ଜେନ୍ତି ତମର୍ ତାକ୍ପୁଟା ମକେ ଦେଈଆଟାସ, ସେନ୍ତି ସେଟା ମୁଈ ସେମନ୍ଦକେ ଦେଈଆଟି । ତେବେ ଆମେ ଗଟେକ୍ ଅଈରଈଲାପାରା, ସେମନ୍ଦମିସା ସେମନ୍ଦର୍ ବିଡ଼ରେ ଗଟେକ୍ ଅଈରଈବାଈ । ୨୩ ତମେ ଜେନ୍ତି ମରଟାନ୍ଦେ ଆଟାସ, ସେନ୍ତି ମୁଈ ମିସା ତାକର୍ ଟାନ୍ଦେ ରଈବି । ସେନ୍ତି ରଈଲେ ଆକା ସେମନ୍ଦ ପୁରାପୁରୁନ୍ ଗଟେକ୍ ଅଈ ରଈବାଈ । ଏନ୍ତି ଅଈଲେ ଦୁନିଆ ଜାନ୍ସି ଜେ, ତମେ ମକେ ପାଟାଈ ଆଟାସ, ଆରି ମକେ ଜେନ୍ତି ଆଲାଦ୍ କଲାସିନି, ସେମନ୍ଦକେ ମିସା ସେନ୍ତିସେ ଆଲାଦ୍ କଲାସିନି ।”

୨୪ ଏ ବାବା, ତମେ ମକେ ଜନ୍ ଲକ୍ମନକେ ଦେଈଆଟାସ, ମୁଈ ଜନ୍ ଜାଗାଈ ରଈବି, ସେମନ୍ଦ ମିସା ମର୍ ସଈ ରଅଡ଼ ବଲି ମନ୍ କଲିନି । ତେବେ ମକେ ଦେଈରଈବା ତାକ୍ପୁଟା ସେମନ୍ଦ ଦେକ୍ବାଈ । କାଈକେ ବଈଲେ ତମେ ଏ ଦୁନିଆ ତିଆର୍ କର୍ବା ଆଗ୍ଡୁସେ ମକେ ଆଲାଦ୍ କରିଆଟାସ । ୨୫ ଏ ଦରମ୍ ବାବା, ଏ ଦୁନିଆ ତମକେ ନାଜାନ୍ଦେ, ମାତର୍ ମୁଈ ତମକେ ଜାନିଆଟି । ଆରି ତମେସେ ମକେ ପାଟାଈଆଟାସ୍ ବଲି ସିସମନ୍ଦ ଜାନିଆଟଡ଼ । ୨୬ ମୁଈ ସେମନ୍ଦକେ ତମର୍ ବିସଈ ଜାନାଈ ଆଟି, ଆରି ସବୁ ବେଲେ ଜାନାଈତେରଈବି । ତେବେ ମର୍ଲାଗି ସେମନ୍ଦ ତମର୍ ଆଲାଦ୍ ଏତାଈବାଈ ଆରି ମୁଈ ସେମନ୍ଦର୍ ମନ୍ ବିଡ଼ରେ ରଈବି ।

୧୮

ଜିସୁ ବନ୍ଦି ଅଈଲା
(ମାଡ଼ିଉ ୨୭:୪୭-୫୬; ମାର୍କ ୧୪:୪୩-୫୦; ଲୁକ୍ ୨୨:୪୭-୫୩)

୫ ୧୭:୧୨ ୧୭:୧୨ ଜଅନ ୧୩:୧୮

୧ ଜିସୁ ଏ ପାର୍ତନା ସାରାଇକରି ନିଜର ସିସ୍ତାମନରୁ ସଙ୍ଗ କିଦରଣ ନାଉଁର ଜଳା ସେପାଟରୁ ଜାଗାଇ ଗାଲା । ତେଜ ଗଟେକ ବାଡ଼ ରଇଲା, ଜିସୁ ଆରି ତାର ସିସ୍ତାମନ ସେ ବାଡେ ପୁରଲା । ୨ ଜନ୍ ଜିଉଦା କି ଜିସୁକେ ସଡ଼ରୁମାନକେ ସଡ଼ପିଦେଲା, ସେ ମିସା ସେ ଜାଗା ଜାନି ରଇଲା । କାଇକେବଇଲେ ଜିସୁ ତାର ସିସ୍ତାମନରୁ ସଙ୍ଗ ସେ ବାଡେ କେତେ ତରୁ ଜାଇରଇଲା । ୩ ସେଟାରୁ ପାଇ ଜିଉଦା ରମିୟ ସନିଅମନରୁ ଗଟେକ ଦଲ୍, ମୁକିଅ ପୁଜାରିମନ ଆରି ପାରୁସିମନ ପାଟାଇ ରଇବା ମନ୍ଦିର ଜାଗୁଆଲ୍‌ମାନକେ ଦାରି, ସେ ବାଡେ କେଟଲା । ସେମନ୍ ଆଡ଼ଆଡ଼ିଆରୁ, ଲାଁତରୁ ଆରି ଜଇଉମଲା ଦାରିକରି ତେଜ ଆଇଲା । ୪ ସେବେଲା କାଇ କାଇ ଗଟନାମନ୍ ଗଟସି, ସେଟା ସବୁ ଜିସୁ ଜାନିକରି ଆଗତୁ ଗାଲା ଆରି ସେମନ୍‌କେ “ତମେ କାକେ କଜ୍‌ଲାସିନି ?” ବଲି ପାଟାରଲା ।

୫ “ନାଜରିତୟ ଜିସୁକେ କଜ୍‌ଲୁନି ।” ସେମନ୍ କଇଲା ।

“ମୁଇସେ ଜିସୁ ।” ବଲି ସେମନ୍‌କେ କଇଲା ।

ବିସବାସେ ବିସ ଦେଉ ଜିଉଦା ମିସା ସେ ଲକ୍‌ମନରୁ ସଙ୍ଗ ଚିଆଅଇରଇଲା । ୬ ଜିସୁ ଜେତେବେଲା “ମୁଇ ଆକା ସେ ଲକ୍ ।” ବଲି ସେମନ୍‌କେ କଇଲା, ସେ ଲକ୍‌ମନ ପଡେ ଗୁଡିଜାଇ ତଲେ ଅଦରଲା । ୭ ଜିସୁ ସେମନ୍‌କେ ଆରିତରେକ ପାଟାରଲା, “ତମେ କାକେ କଜ୍‌ଲାସିନି ?” ସେମନ୍ କଇଲା, “ଆମେ ନାଜରିତୟ ଜିସୁକେ କଜ୍‌ଲୁନି ।”

୮ ଜିସୁ କଇଲା, “ମୁଇ ଆକା ସେ ଲକ୍ ବଲି ତମକେ କଇଲି । ତମେ ଜଦି ମକେ କଜ୍‌ଲାସିନି ବଇଲେ ଏ ଲକ୍‌ମନକେ ଚାଡିଦିଆସ୍ ।” ୯ ଜେନ୍ନିକ ସେ ଆଗତୁ କଇରଇଲା ବାକିଅ ସିଦ୍ ଅଇସି, ବାବା ତମେ ମକେ ଜନ୍ ଲକ୍‌ମନକେ ଦେଇଆଚାସ୍, ସେମନରୁ ବିଡ଼ରେଅନି ଗଟେକ ଲକ୍‌କେ ମିସା ଆଜାଇ ନାଇ ।

୧୦ ସିମନ୍ ପିତରରୁ ଆଡେ ଗଟେକ କାଣ୍ଡା ରଇଲା । ସେ କାଣ୍ଡା ବାରକରାଇ ବଡ଼ ପୁଜାରିରୁ ଗତିଦାଙ୍ଗଡ଼ାର ଉଜା କାନ୍ ବିଡ଼ତେ ମାରଲା । ସେ ଗତିଦାଙ୍ଗଡ଼ାର ନାଉଁ ମାଲକ୍ । ୧୧ *ମାତରୁ ଜିସୁ ପିତରକେ କଇଲା, “ତରୁ କାଣ୍ଡା ଜାଗରଡ଼ କରି କଲ୍ ବିଡ଼ରେ ପୁରାଇ ସଙ୍ଗଇ ଦେସ୍ । ମର୍ ବାବା ପରମେସର ମକେ ଜନ୍ ଦୁକ୍‌କସର୍ ପାଇବାକେ ପାଟାଇ ଆଡେ, ସେଟା ମୁଇ ନ ପାଇ କି ?”

ଆନାର ମୁଆଟେ ଜିସୁ

୧୨ ତାର ପଡେ ରମିୟ ସନିଅମନ, ସନିଅ ମନରୁ ମୁକିଅ ନେତାମନ୍ ଆରି ମନ୍ଦିର ଜାଗୁଆଲ୍‌ମନ୍ ଜିସୁକେ ଦାରି ବାନ୍‌ଲା । ୧୩ ଆରି ତାକେ ବାନ୍‌କରି ପର୍‌ତୁମ୍ କାୟାପାରୁ ସାଡ଼ରା ଆନାର ଲଗେ ନେଲା । କାଇକେ ବଇଲେ ଆନା ସେ ବରସର ବଡ଼ ପୁଜାରି ରଇଲା । ୧୪ *ଏ କାୟାପାସେ ଆଗତୁ ଜିଉଦି ନେତାମନ୍‌କେ, ସବୁ ଲକ୍‌ର ପାଇ ଗଟେକ ଲକ୍ ମର୍‌ବାଟା ଗଟେକ୍ ମଙ୍ଗଲରୁ ବିସଇ ବଲି କଇରଇଲା ।

ପିତରୁ ଜିସୁକେ ନାଜାନି ବଲି କଇବାଟା

(ମାତିଉ ୨୭:୨୯-୩୦; ମାର୍କ ୧୪:୨୪-୨୮; ଲୁକ୍ ୨୨:୫୫-୫୭)

୧୫ ସିମନ୍ ପିତରୁ ଆରି ଗଟେକ ବିନ୍ ସିସ୍ ଜିସୁର ପଡେ ପଡେ ଜାଇତେ ରଇଲା । ବିନ୍ ସିସ୍ ବଡ଼ ପୁଜାରିକେ ଜାନି ରଇଲା । ସେଟାରୁପାଇ ଜିସୁରୁ ସଙ୍ଗ ବଡ଼ ପୁଜାରିରୁ ତାଣ୍ଡେ ପୁରଲା । ୧୬ ମାତରୁ ପିତରୁ ବାଇରରୁ ତିଆଗତିଲଗେ ଚିଆଅଇ ରଇଲା । ବଡ଼ ପୁଜାରିକେ ଜାନିରଇଲା ସିସ୍ ତାଣ୍ଡେ ବାଉଡି ଆସି ତାଣ୍ଡରୁ ତିଆଗତି ଲଗେ ଜାଗିରଇଲା । ଗତିଦାଙ୍ଗଡ଼ିକେ କଇକରି ପିତରୁକେ ବିଡ଼ରେ ତାକିନେଲା । ୧୭ ସେ ତିଆଗତି ଜାଗି ରଇଲା ଗତିଦାଙ୍ଗଡ଼ି ସେବେଲା ପିତରୁକେ ପାଟାରଲା, “ତୁଇ ମିସା ଏ ଲକ୍‌ମନରୁ ବିଡ଼ରେଅନି ଗଟେକ ଲକ୍ ନଉଁସ୍ କି ?”

ପିତରୁ କଇଲା “ମୁଇ ତାର ଲକ୍ ନଇ ।” ୧୮ ସିଡ଼ କଲାଜେ ଗତିଦାଙ୍ଗଡ଼ାମନ୍ ଆରି ଜାଗୁଆଲ୍‌ମନ୍ ଜଇଲାଗାଇକରି ଚାରିବେଡ଼ଡି ଚିଆଅଇ ଜଇ ଚେକ୍‌ତେ ରଇଲା । ପିତରୁ ମିସା ସେମନରୁ ସଙ୍ଗ ଚିଆଅଇକରି ଜଇଚେକ୍‌ତେ ରଇଲା ।

ଜିସୁକେ ବଡ଼ ପୁଜାରିମନରୁ ପରସନ୍

(ମାତିଉ ୨୨:୫୯-୬୨; ମାର୍କ ୧୪:୫୫-୬୪; ଲୁକ୍ ୨୨:୬୪-୭୧)

୧୯ ଏଡ଼କି ବିଡ଼ରେ ବଡ଼ ପୁଜାରି ଜିସୁରୁ ସିସ୍ତାମନରୁ ବିସଇ ଆରି ଜିସୁ ସିକାଇଦେଲା ବିସଇ ସେମନ୍‌କେ ପାଟାରୁବାଦାରୁଲା । ୨୦ ଜିସୁ ସେମନ୍‌କେ କଇଲା, “ମୁଇ ସବୁବେଲେ ଲକ୍‌ମନରୁ ଜାନ୍‌ତେ ସିକାଇତେ ରଇଲି । ଆରି ଜିଉଦି ଲକ୍‌ମନରୁ ଉପାସନା ଗରେ ଆରି ମନ୍ଦିରତେଇ ସବୁ ଜିଉଦି ଲକ୍‌ମନ୍ ରୁଣ୍ଡିରଇଲା ବେଲେ ସେମନ୍‌କେ ସିକାଇଲିଆତି । କାଇଟାମିସା ଲୁଡ଼ତେ କଇନାଇ । ୨୧ ଏନ୍ତି ବଇଲେ କାଇକେ ମକେ

* ୧୮:୧୧ ୧୮:୧୧ ମାତିଉ ୨୨:୩୯; ମାର୍କ ୧୪:୩୭; ଲୁକ୍ ୨୨:୪୨ * ୧୮:୧୪ ୧୮:୧୪ ଜଅନ ୧୧:୧୪, ୫୦

ପାଚାରୁଲୁସିନି ? ଜନ୍ ଲକ୍ଷ୍ମୀମନ୍ ମୁଞ୍ଚ କଇଲା କାତା ସୁନିଆଚତ୍, ସେ ଲକ୍ଷ୍ମୀମନ୍ଦେ ପାଚାର୍ । ମୁଞ୍ଚ ଜାଇଜାଇଟା କଇଲିଆଚି, ସେଟା ସେମନ୍ ଜାନିଆଚତ୍ ।”

୨୨ ଜିସୁ ଏ କାତା କଇବା ବେଳେ ଜିସୁର ଲଗେ ଚିଆଅଇରଇଲା ଜାଗୁଆଲ୍ଲମନ୍ଦର୍ ବିତ୍ତରେଅନି ଗଟେକ୍ ଲକ୍ଷ୍ ଜିସୁକେ ଗଟେକ୍ ଚାପଡ଼ା ମାରି କଇଲା, “ତୁଇ ବଡ଼ ପୁଜାରିକେ ଏନ୍ତାରି କାତା ଅଇଲୁସିନି ?”

୨୩ ଜିସୁ ତାକେ କଇଲା “ମୁଞ୍ଚ ଜଦି ବୁଲ୍ଲ କାତା କଇରଇଲେ, ସବୁର୍ ମୁଆଟେ ମର୍ ବୁଲ୍ଲ ଦେକାଆ, ମୁଞ୍ଚ ସତ୍ତକାତା କଇଲିନି ବଇଲେ, ମକେ କାଇକେ ମାରୁଲୁସିନି ?” ୨୪ ତାର୍ପରେ ଆନାନ୍ ଜିସୁକେ ବାନ୍ଦନସେ ବଡ଼ ପୁଜାରି କାୟାପାର୍ ଲଗେ ପାଟାଇଦେଲା ।

ପିତର୍ ଜିସୁକେ ଆରି ତର୍କେ ନାଜାନି ବଲି କଇଲା

(ମାତିଉ ୨୬:୭୧-୭୫; ମାର୍କ ୧୪:୬୯-୭୨; ଲୁକ୍ ୨୨:୫୮-୬୨)

୨୫ ସିମନ୍ ପିତର୍ ଚିଆଅଇ ଜଇଚେକ୍‌ବା ବେଳେ ବିନ୍ ଲକ୍ଷ୍ମୀମନ୍ ତାକେ ପାଚାରୁଲାଇ, “ତୁଇ ମିସା ଏ ଲକ୍ଷ୍ ସିସମନ୍ଦର୍ ବିତ୍ତରେଅନି ଗଟେକ୍ ଲକ୍ଷ୍ ନଉଁସ୍ କି ?” ମାତର୍ ପିତର୍ କଇଲା,

“ନାଇ ମୁଞ୍ଚ ତାର୍ ସିସ ନଇ ।”

୨୬ ବଡ଼ ପୁଜାରିର୍ ଗତିଦାଙ୍ଗ୍‌ତାମନ୍ଦର୍ ବିତ୍ତରେଅନି ଗଟେକ୍ ଲକ୍ଷ୍ ଜାକେ କି ପିତର୍ କାନ୍ କାଟିପାକାଇରଇଲା, ସେ ତାଡ଼ ସଙ୍ଗ୍ କଇଲା, “ସେ ବାତେ ମୁଞ୍ଚ ତକେ ତାର୍ ସଙ୍ଗ୍ ରଇଲାଟା ଦେକି ରଇଲି ।”

୨୭ ପିତର୍ ଆରି ତରେକ୍ କଇଲା “ନାଇ ମୁଞ୍ଚ ତାକେ ମୁଞ୍ଚକେ ନାଜାନି ।” ସମାନ୍ ସେଡ଼କି ଦାପ୍ରେ କୁକ୍‌ତା ତାକ୍‌ଲା ।

ପିଲାତର୍ ଲଗେ ଜିସୁକେ ନେଲାଇ ।

(ମାତିଉ ୨୬:୧-୨, ୧୧-୧୪; ମାର୍କ ୧୫:୧-୫; ଲୁକ୍ ୨୩:୧-୫)

୨୮ ତାର୍ ପଚେ ଜିସୁକେ କାୟାପାର୍ ଗରେଅନି ରମିୟ ସର୍କାର୍ ପିଲାତର୍ତେଇ ଦାରିଗାଲାଇ । ସେଟା କୁକ୍‌ତା ତାକେ ଅଇରଇଲା । ଆରି ଜିସୁକେ ନିନ୍ୟା କର୍ବା ଲକ୍ଷ୍ମୀମନ୍ ନିଜ୍‌କେ ଅସୁକଲ୍ ଅଇବାର୍ ଅଇସି ବଲିକରି ବିତ୍ତରେ ଜାଅଡ଼ନାଇ । କାଜକେ ବଇଲେ ନିସ୍‌ତାର୍ ପରବର୍ ବଜିର୍ ପାଇ ବଲି ସେମନ୍ ଅସୁକଲ୍ ଅଇବାକେ ମନ୍ ନ କର୍ତ୍ତେରଇଲାଇ । ୨୯ ତେବେ ରମିୟ ସର୍କାର୍ ପିଲାଡ଼, ବାଇରେ ଆସିପାଚାରୁଲା, “ଏ ଲକ୍ଷ୍ ବିରୁଦେ ତମର୍ କାଇ ଦାବି ଆନିଆଚାସ୍ ?”

୩୦ ସେ ଲକ୍ଷ୍ମୀମନ୍ ପିଲାଡ଼କେ କଇଲା, “ଏ ଲକ୍ଷ୍ ଜଦି ବୁଲ୍ଲ କାମ୍ କରି ନ ରଇଲେ, ଆମେ ତମର୍ ଲଗେ ନ ଆନ୍‌ତୁ ।” ୩୧ ସେଡ଼କି ବେଲା ପିଲାଡ଼ ସେମନ୍‌କେ କଇଲା, “ତମେ ତାକେ ଦାରିଜାଇକରି ତମର୍ ନିୟ୍‌ମ୍ ଇସାବେ ବିଚାର୍ କରା ।” ଜିଉଦି ନେତାମନ୍ କଇଲା, “ଗଟେକ୍ ଲକ୍ଷ୍‌କେ ମରନ୍ ଡ଼ଣ୍ଡ ଦେବାଟା ରମିୟ ସର୍କାର୍‌କେ ସେ ଆଚେ । ଜିଉଦି ଲକ୍ଷ୍ମୀମନ୍ କାକେମିସା ମରନ୍ ଡ଼ଣ୍ଡ ଦେବାକେ ଆମର୍ ଅଦିକାର୍ ନାଇ ।” ୩୨ ଜିସୁ କେନ୍ତାରି ଅଇ ମର୍ବାକେ ଗାଲାନି ସେ ବିସଇ ନେଇକରି ଜନ୍ କାତା କଇରଇଲା ସେ କାତା ସିଦ୍‌ଅଇବାକେ ଏନ୍ତି ଅଇଲା ।

୩୩ ପିଲାଡ଼ ଆରି ତରେକ୍ ମେଡ଼ ବିତ୍ତରେ ବାଉଡ଼ି ଜାଇକରି, ଜିସୁକେ ତାକି ପାଚାରୁଲା, “ତୁଇ କାଇ ଜିଉଦି ମନ୍ଦର୍ ରାଜା କି ?”

୩୪ ଜିସୁ ତାକେ କଇଲା, “ତୁଇ କାଇ ଏଟା ନିଜର୍‌ଟାନେଅନିସେ କଇଲୁସିନି, କି ବିନ୍ ଲକ୍ଷ୍ମୀମନ୍ ତକେ କଇଲାଜେ କଇଲୁସିନି ?”

୩୫ ପିଲାଡ଼ ପରସନ୍ କଲା, “ମୁଞ୍ଚ ଗଟେକ୍ ଜିଉଦି ଲକ୍ଷ୍ ବଲି ବାଦ୍‌ଲୁସିନି କି ? ତର୍ ନିଜର୍ ଲକ୍ଷ୍ମୀମନ୍ ଆରି ମୁକ୍‌ଅ ପୁଜାରିମନ୍ ତକେ ମର୍‌ଟାନେ ସର୍ପି ଦେଇ ଆଚତ୍ । ତୁଇ କାଇ ବୁଲ୍ଲ କରିଆଚୁସ୍ ?”

୩୬ ଜିସୁ କଇଲା “ମର୍ ରାଇଜ୍ ଏ ଦୁନିଆର୍ ରାଇଜ୍‌ପାରା ନର୍ । ଜଦି ମର୍ ରାଇଜ୍ ଏ ଦୁନିଆର୍ ରାଇଜ୍ ପାରା ଅଇତା, ସେନ୍ତାଆଲେ ମର୍ ସିସମନ୍ ମର୍ବାଟେ ଅଇ କୁଇଦ୍ କର୍ତାଇ । ଆରି ମକେ ଜିଉଦି ନେତାମନ୍‌ର୍ ଟାନେ ସର୍ପି ନ ଦେଇତାଇ । ମାତର୍ ମର୍ ରାଇଜ୍ ଏ ଦୁନିଆର୍ ରାଇଜ୍‌ପାରା ନର୍ ।”

୩୭ ସେବେଲେ ପିଲାଡ଼ ତାକେ ପାଚାରୁଲା, “ଏନ୍ତି ବଇଲେ ତୁଇ କାଇ ଗଟେକ୍ ରାଜା ନଉଁସ୍ କି ?” ଜିସୁ କଇଲା, “ତୁଇସେ ମକେ ରାଜା ବଲି କଇଲୁସିନି । ମୁଞ୍ଚ ସତ୍ ବାଟେ ସାକି ଦେବାକେ ଆକା ଜନମ୍ କରି, ଏ ଦୁନିଆଇ ଆସିଆଚି । ଜନ୍‌ଲକ୍ଷ୍ମୀମନ୍ ସତ୍ କଇଲାଜିନି, ସେମନ୍‌ସେ ମର୍ କାତା ସୁନ୍‌ବାଇ ।”

୩୮ ପିଲାଡ଼ ଜିସୁକେ କଇଲା “ଏନ୍ତି ବଇଲେ ସତ୍ ବିସଇ କାଇଟା ?” ପଚେ ସେ ତାଣ୍ଡେ ବାରଇ କରି ଜିଉଦି ନେତାମନ୍‌କେ କଇଲା, “ଏ ଲକ୍ଷ୍‌ଟାନେ ଡ଼ଣ୍ଡ ଦେବା ଏଡ଼କି କାଇ ଦସ୍ ଦେକିନାଇ ।

ଜିସୁକେ ମରନ୍ ତଣ୍ଟ ପାଇ ଆଦେସ୍ ଆଇଲା

(ମାତ୍ରି ୨୭:୧୫-୩୧; ମାର୍କ ୧୫:୬-୨୦; ଲୁକ୍ ୨୩:୧୩-୨୫)

୩୯ “ତମର୍ ରିତିନିତି ଇସାବେ ନିସ୍ତାତ୍ ପରତ୍ ବେଲେ ଗଟେକ୍ ବନ୍ଦି ଲକ୍‌କେ, ମୁଇ ମୁକ୍‌ଲାଇବାର୍ ଆଟେ । ତେବର୍ ପାଇ ତମର୍ ଜିଉଦିମନର୍ ରାଜା ଜିସୁକେ ମୁଇ ମୁକ୍‌ଲାଇ ଦେବି । ଏଟା ତମେ ମନ୍‌କଲାସ୍‌ନି କି ?” ୪୦ ମାତର୍ ଲକ୍‌ମନ୍ ଆଉଲିଅଇକରି କଇଲାଇ, “ନାଇ ଏ ଲକ୍‌କେ ନାଇ, ମାତର୍ ବାବ୍‌ବାକେ ମୁକ୍‌ଲାଇ ଦିଆସ୍ ।” ଏ ବାରବ୍‌ବା ଗଟେକ୍ ତାକୁ ଲକ୍ ରଇଲା ।

୧୯

୧ ତାର୍ ପଟେ ପିଲାଡ୍ ଜିସୁକେ ନେଇ କର୍ତା ସଙ୍ଗ୍ ମାରା ବଲି ଆଦେସ୍ ଦେଲା । ୨ ସନିଅମନ୍ କାଟାର୍ ମୁକୁଟ୍ ତିଆର୍ କରି ଜିସୁର୍ ମୁଣ୍ଡେ ପିନ୍ଧାଇଲାଇ ଆରି ଜାମକଲି ରଙ୍ଗର୍ ପଟିଆ ଗାଗ୍‌ଡେ ପିନ୍ଧାଇଦେଲାଇ । ୩ ସେମନ୍ ଜିସୁର୍ ଲଗେ ଆସିକରି କଇଲାଇ “ଏ ଜିଉଦିମନର୍ ରାଜା ଜୁଆର୍ ! ତୁଇ ବେସି ବରସ୍ ବର୍ତ୍ତ୍ !” ବଲି ତାକେ ଚାପଡ୍ ଚାପଡ୍ ମାରୁଲାଇ ।

୪ ପିଲାଡ୍ ଆରି ତରେକ୍ ତାଣ୍ଡେ ବାରଇକରି ରୁଣ୍ଡିରଇଲା ଲକ୍‌ମନ୍‌କେ କଇଲା, “ଦେକା, ଏବେ ମୁଇ ତାକେ ଦସି କର୍‌ବାକେ କାଲ ବୁଲ୍‌କଲାଟା ମିଲେନାଇ । ଏଟା‌ରପାଇ ତମର୍ ଲଗେ ଆନ୍‌ବି । ଜେଣ୍ଡିକି ତମେ ଜାନ୍‌ବାର୍ ଆଟେ ।” ୫ ସେବେଲା ଜିସୁ କାଟାର୍ ମୁକୁଟ୍ ଆରି ଜାମକଲି ରଙ୍ଗର୍ ପଟିଆ ପିନ୍ଧି ତାଣ୍ଡେ ଆଇଲା । ପିଲାଡ୍ ସେମନ୍‌କେ କଇଲା, “ଏଦେ ଦେକା ! ଏଦେ ସେ ଲକ୍ !”

୬ ତାକେ ଦେକଲା ଦାପ୍‌ରେ ମୁକ୍‌ଅ ପୁଜାରିମନ୍ ଆରି ମନ୍‌ଦିର୍ ଜାଗୁଆଲ୍‌ମନ୍ ଆଉଲିଅଇକରି କଇଲାଇ, “ତାକେ କୁରସେ ଚଗାଆ ! ତାକେ କୁରସେ ଚଗାଆ !” ବଲି । ପିଲାଡ୍ କଇଲା, “ତମେ ତାକେ ନେଇକରି କୁରସେ ଚଗାଆ, କାଜକେ ବଇଲେ, ମୁଇ ତାଟାଟାନେ କାଲ ବୁଲ୍ ମିସା ଦେକିନାଇ ।”

୭ ଜିଉଦି ନେତାମନ୍ ତାକେ କଇଲାଇ, “ଆମର୍ ଗଟେକ୍ ନିୟମ୍ ଆଟେ । ସେ ନିୟମ୍ ଇସାବେ ଏ ମର୍‌ବାର୍ ଆଟେ ଆକା । କାଜକେ ବଇଲେ ସେ ନିଜେ ମୁଇ ପର୍‌ମେସରର୍ ପିଲା ବଲି ଦାବି କଲାଆଟେ ।”

୮ ତେଇ ପିଲାଡ୍ ଏ କାତା ସୁନିକରି ଅଦିକ୍ ଡରିଗାଲା । ୯ ପିଲାଡ୍ ଜିସୁକେ ଆରିତରେକ୍ ତାର୍ ମେଡେ ବାଉତାଇ ନେଇ ପାଟାଟାଲା, “ତୁଇ କନ୍ତିଅନି ଆସିଆତୁସ୍ ?”

ମାତର୍ ଜିସୁ ତାକେ ପଦେକ୍ ମିସା କଏନାଇ । ୧୦ ସେବେଲାଇ ପିଲାଡ୍ ତାକେ କଇଲା, “ତୁଇ କାଲ ମର୍ ସଙ୍ଗ୍ କାତା ନ ଅଉସ୍ କି ? ତକେ ମୁକ୍‌ଲାଇବାର୍ ମର୍ ଅଦିକାଟ୍ ଆଟେ ଆରି କୁରସେ ଚଗାଇବାର୍ ମିସା ମର୍ ଅଦିକାଟ୍ ଆଟେ । ଏଟା ତୁଇ ନାଜାନ୍‌ସ୍ କି ?”

୧୧ ଜିସୁ ତାକେ କଇଲା, “ପର୍‌ମେସର୍ ତକେ ଦେଲାକେସେ ମର୍ ଉପ୍‌ରେ ତର୍ ଅଦିକାଟ୍ ଆଟେ, ମାତର୍ ତର୍‌ଟାନେ ମକେ ଜେ ସର୍‌ପି ଦେଲାଆଟେ, ତାର୍ ପାପ୍ ଅଦିକ୍ ଜବର୍ ।” ୧୨ ଏ କାତା ସୁନି ପିଲାଡ୍ ଜିସୁକେ ମୁକ୍‌ଲାଇବାକେ ଚେସ୍‌ଟା କଲା । ମାତର୍ ଜିଉଦି ଲକ୍‌ମନ୍ ଆଉଲିଅଇ କଇଲାଇ, “ତୁଇ ଜିଦି ଆକେ ମୁକ୍‌ଲାଇସୁ ବଇଲେ, ସମ୍‌ରାଟର୍ ମଇତର୍ ନଉସ୍ । ଜେ ନିଜ୍‌କେ ରାଜା ବଲି ଦାବି କରସି, ସେ ତାର୍ ବିରଦେ କଇଲାନି ।”

୧୩ ପିଲାଡ୍ ଜିଉଦି ନେତାମନ୍‌ଟାଟାନେଅନି ଏ କାତା ସୁନିକରି ଜିସୁକେ ବାଟ୍‌କରାଇ ଆନି ପାକ୍‌ନାଇ ତିଆର୍ ଅଇରଇଲା ବିଟାଟ୍ କର୍‌ବା ମଣ୍ଡପେ ବସ୍‌ଲା । ଜନ୍‌ଟାକି ଇବ୍‌ରୁ ବାସାଇ ଗବ୍‌ବଟା ବଲି କଇବାଇ । ୧୪ ସେଦିନେ ନିସ୍ତାତ୍ ପରବର୍ ପାଇ ତିଆର୍ ଅଇବା ଦିନ୍ ରଇଲା । ସେଟା ସେଦିନର୍ ଆଡ୍‌ବେଲାଇ ଅଇ ଆଇତେ ରଇଲା । ଆରି ପିଲାଡ୍ ଜିଉଦିନେତାମନ୍‌କେ କଇଲା, “ଏଦେ ଦେକା ! ତମର୍ ରାଜା !”

୧୫ ସେବେଲାଇ ଜିଉଦି ଲକ୍‌ମନ୍ ଆଉଲିଅଇ କଇଲାଇ “ତାକେ ମରାଆ !
“ତାକେ ମରାଆ ! କୁରସେ ଚଗାଆ !” ପିଲାଡ୍ ସେମନ୍‌କେ କଇଲା,
“ମୁଇ ତମର୍ ରାଜାକେ କୁରସେ ଚଗାଇବି କି ?” ଏଟା ସୁନି ମୁକ୍‌ଅ ପୁଜାରିମନ୍ କଇଲାଇ,
“ସମ୍‌ରାଟ୍‌କେ ଚାଡିକରି ଆମର୍ ଆରି କେ ରାଜା ନାଇ ।”

୧୬ ସାରାସାରି ପିଲାଡ୍ ଜିସୁକେ ସେମନ୍‌ର୍ ମନ୍ କଲା ଇସାବେ କୁରସେ ଚଗାଇ ମରାଇବାକେ ସର୍‌ପିଦେଲା । ତା‌ପଟେ ସନିଅମନ୍ ଜିସୁକେ ଦାରିଗାଲାଇ ।

ଜିସୁକେ କୁରସେ ଚଗାଇଲାଇ

(ମାତ୍ରି ୨୭:୩୨-୪୪; ମାର୍କ ୧୫:୨୧-୩୨; ଲୁକ୍ ୨୩:୨୬-୪୩)

୧୭ ଜିସୁ ତା‌ର୍ ନିଜର୍ କୁରସ ବଇକରି ନଅରର୍ ବାଇରେ ରଇବା କାପାଲ୍ ନାଉର୍ ଜାଗାଇ ଗାଲା । ଏବ୍‌ରି ବାସାଇ ସେ ଜାଗାକେ ଗଲ୍‌ଗାତା ବଲି କଇବାଇ । ୧୮ ତେଇ ସେମନ୍ ଜିସୁକେ କୁରସେ ଚଗାଇଲାଇ

। ତାର ସଙ୍ଗେ ଦୁଇ ଲକ୍ଷକେ ମିସା କୁରୁସେ ଚଗାଇଲା । ଦୁଇ ଲକ୍ଷକେ ଦୁଇବାଟେ ଚଗାଇ ଜିସୁକେ ମଜାଇ କଲା । ୧୯ ଆରି ପିଲାଡ଼ ନିଜେ ଗଟେକ ବରତ୍ତ ଲେକି କୁରୁସେ ଅଲାଇବାକେ ଆଦେସ ଦେଲା । ସେ ବରତ୍ତତେଇ ନାଜରିତ୍ତୟ ଜିସୁ, ଜିଉଦିମାନର୍ ରାଜା ବଲି ଲେକିରଇଲା । ୨୦ ଜିସୁକେ ଜନ୍ ଜାଗାଇ କୁରୁସେ ଚଗାଇ ରଇଲା, ସେଟା ଗତେ ଅନି ବେସି ଦୁର୍ ନ ରଇଲା । ସେ ବରତ୍ତେ ଏବ୍ରି ବାସାଇ, ଲାଟିନ୍ ବାସାଇ ଆରି ଗିରିକ୍ ବାସାଇ ଲେକାଅଇରଇଲା । ବେସି ଲକ୍ଷମନ୍ ତେଇ ଲେକ୍ଲାଟା ପଡ଼ଲା । ୨୧ ସେବେଲା ଜିଉଦିମାନର୍ ମୁକିଅ ପୁଜାରିମନ୍ ପିଲାଡ଼କେ କଇଲା “ ଜିଉଦିମାନର୍ ରାଜା ବଲି ନ ଲେକି, ସେ ନିଜେ ମୁଇ ଜିଉଦିମାନର୍ ରାଜା ବଲି କଇଲା ପାରା ଲେକ ।”

୨୨ ପିଲାଡ଼ କଇଲା “ନାଇ ମୁଇ ଜନ୍ଟା ଲେକ୍ଲି ଆଟି ସେଟା ଆରି ନ ବାଦ୍ଲା ।”

୨୩ ଜିସୁକେ କୁରୁସେ ଚଗାଇଲା ପଚେ, ଚାର୍ଟା ସନିଅମନ୍ ତାର୍ ପଟିଆ ନେଇ ଚାରି ବାଗ୍ କଲା । ସବୁ ସନିଅମନ୍କେ ଗଟେକ ଗଟେକ୍ ବାଗ୍ ମିଲ୍ଲା । ସେମନ୍ ଜିସୁ ଉପରେ ପିନ୍ଦା ବସତ୍ତର୍ ମିସା ବେଟ୍ଲା । ସେ ବସତ୍ତର୍ ସିଲାଇ ନ ଅଇ ଉପରେଅନି ତଲେ ଜାକ ଗଟେକ୍ ସେ ରଇଲା । ୨୪ ସେଟାର୍ପାଇ ସେମନ୍ ନିଜର୍ ନିଜର୍ ବିତ୍ତରେ କାତା ଅଇଲା । “ଆମେ ଏ ପଟିଆ ନ ଚିରକରି ଏଟା କାକେଅଇସି ବଲି ଜାନ୍ବାକେ କେଡ଼ ପୁଟାଉଁ ।” ଜେକ୍ଟିକି ସାସ୍ତରେ ଲେକାଅଇଲା କାତା ସିଦ୍ ଅଇବାକେ ଏକ୍ଟି ଅଇଲା । “ମର୍ ପଟିଆ ସେମନ୍ ନିଜର୍ ନିଜର୍ ବିତ୍ତରେ ବାଟା କଲା, ଆରି ମୁଇ ପିନ୍ଦା ପଟିଆର୍ ପାଇ କେଡ଼ପୁଟାଇଲା ।” ସେଟାସେ ସନିଅମନ୍ କଲା । ୨୫ ଜିସୁର୍ କୁରୁସ ଲଗେ ତାର୍ ଆୟା ମରିୟମ୍, ତାର୍ ଆୟାର୍ ବଜନି, କଲ୍ପାର୍ ମାଇଜି ମରିୟମ୍ ଆରି ମଗ୍ଦଲିନି ମରିୟମ୍ ଟିଆଅଇ ରଇଲା । ୨୬ ଜିସୁ ବେସି ଆଲାଡ଼ କରୁବା ଗଟେକ୍ ସିସ୍ ତାର୍ ମାଆର୍ ଲଗେ ଟିଆ ଅଇରଇଲାଟା ଦେକି ଜିସୁ ତାର୍ ମାକେ କଇଲା, “ଏଦେ ଦେକା ! ତର୍ ପଅ !”

୨୭ ତାର୍ ପଚେ ସେ ସିସ୍କେ କଇଲା “ଏଦେ ଦେକା ! ତର୍ ଆୟା !” ସେଦିନେ ଅନି ସେ ସିସ୍ ଜିସୁର୍ ମାକେ ନିଜର୍ ଗରେ ତାକିନେଲା ।

ଜିସୁର୍ ମରନ୍

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ୍ ୨୩:୪୪-୪୯)

୨୮ ଏଡ଼କି ବିତ୍ତରେ ଜିସୁ ସବୁ ବିସଇ ପୁରାପୁରନ୍ ଅଇଲାଟା ଜାନିପାର୍ଲା, ମାତର୍ ସାସ୍ତରର୍ ବବିସଡ଼ କାତା ପୁରା କରୁବାପାଇ ସେ କଇଲା “ମକେ ସସ୍ କଲାନି ।”

୨୯ ତେଇ ଗଟେକ୍ ନକିଟାନେ ଚପରା ଅଙ୍ଗୁର୍ ରସ୍ ରଇଲା । ସନିଅମନ୍ ଗଟେକ୍ ସୁତାର୍ ଗର୍ଣ୍ଣା ଚବାଲ୍ଲାଆରି ଆରି ତେଙ୍ଗ୍ ସୁଲ୍ତାଙ୍ଗ୍ ଟିପେ ବାନ୍ଦି ଜିସୁର୍ ଟଣ୍ଣଲଗେ ଲାମାଇଦେଲା । ୩୦ ଜିସୁ ସେଟା କାଇକରି “ସାରିଗାଲାବେ !” ବଲି କଇଲା । ଏଡ଼କି କଇକରି ତାର୍ ଆଡ଼ମା ସର୍ପିଦେଲା ।

ଜିସୁକେ ପାଞ୍ଜରା ତଲେ କାଁଟ୍ଲାଲ

୩୧ ସେଦିନ୍ ନିସ୍ତାତ୍ ପରବର୍ ନିଉତା ଦିନ୍ ରଇଲାଜେ, ମଲା ଗାଗଡ଼ କୁରୁସ ଉପରେ ନ ରଏ, କାଇକେବଇଲେ ସେ ଦିନ୍ ବିସରାମ୍ବାରର୍ ସୁକଲ୍ ଦିନ୍ ରଇଲା । ସେଟାର୍ପାଇ କୁରୁସେ ରଇବା ତିନିଲକର୍ ଗଡ଼ ବାଙ୍ଗାକକରି ବିନ୍ ଜାଗାଇ ନେଅଡ଼ ବଲି ଜିଉଦିଲକ୍ଷମନ୍ ପିଲାଡ଼କେ ଗୁଆରି କଲା । ୩୨ ସେଟାର୍ପାଇ ସନିଅମନ୍ ଜାଇ ଜିସୁର୍ ସଙ୍ଗେ ଚଗାଇଅଇରଇବା ଆରି ଦୁଇଲକର୍ ଗଡ଼ ବାଙ୍ଗାକଦେଲା । ୩୩ ମାତର୍ ଜେଡେବେଲା ସେମନ୍ ଜିସୁର୍ ଲଗେ ଆସି ଦେକ୍ଲାଲାଇଜେ, ସେ ମରିଜାଇରଇଲା । ସେଟାର୍ପାଇ ସେମନ୍ ତାର୍ ଗଡ଼ ବାଙ୍ଗାଅଡ଼ ନାଇ । ୩୪ ମାତର୍ ଗଟେକ୍ ସନିଅ ଚେଲ୍ ସଙ୍ଗେ ତାର୍ ପାଞ୍ଜରା ତଲେ ରୁସିଲା ଦାପ୍ରେ ବନି ଆରି ପାନି ବାରଇଲା । ୩୫ ଏଟା ଜେ ଦେକି ରଇଲା, ସେ ଏ ସାକି ଦେଲାଆଚେ । (ସେଟାର୍ ପାଇ ତମେ ମିସା ବିସ୍ବାସ୍ କର । ତାର୍ ସାକିଦେଲାଟା ସଡ଼ସେ । ଆରି ସେ ସଡ଼କାତା କଇଲା ଆଚେ ବଲିକରି ନିଜେ ବିସ୍ବାସ୍ କରୁସୁ ।) ୩୬ କାଇକେବଇଲେ ସାସ୍ତରର୍ ଏ ବାକିଅ ପୁରାପୁରନ୍ ଅଇବାପାଇ ବଲି ଏ ସବୁ ବିସଇ ଗର୍ଲା, “ତାର୍ ଗଟେକ୍ ଆଡ଼ ମିସା ନ ଚିଲ୍ପେ ।” ୩୭ ଧର୍ମପେସରର୍ ସାସ୍ତରେ ଆରି ଗଟେକ୍ ବାକିଅ ଏକ୍ଟାରି ଆଚେ ଜାକେ ସେମନ୍ ରୁସିଲାଆଚଡ଼, ତାକେ ଦେକ୍ବାଇ ଆରି ତାର୍ ବାଟେସେ ଦେକ୍ତେ ରଇବାଇ ।

ଜିସୁର୍ ସମାଦି

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଲୁକ୍ ୨୩:୫୦-୫୬)

☆ ୧୯:୩୭ ୧୯:୩୭ ପଢ଼କାସିତ ୧:୭

୩୮ ଏ ସବୁ ଗର୍ବନା ଅଇଲା ପରେ ଆରାମାତିଆ ଗଡ଼ବ୍ ଜସେପ ନାଉଁର ଗଟେକ୍ ଲକ୍ ପିଲାଟୁକେ ଜିସୁର୍ ଗାଗଡ଼୍ ପାଙ୍ଗାଲା । ଜସେପ୍ ଜିସୁର୍ ସିସ୍ ରଇଲା । ମାତର୍ ସେ ଜିଉଦି ନେତାମନକେ ଡରିକରି ଜାନାଇ ନ ଅଇ ରଇତେ ରଇଲା । ପିଲାଟୁ ଜସେପ୍ କେ ଜିସୁର୍ ଗାଗଡ଼୍ ନେ ବଇଲାକେ, ସେ ଜିସୁର୍ ମଲାଗାଗଡ଼୍ ଦାରି ଗାଲା । ୩୯ *ନିକଦିମ ମିସା ଜସେପର୍ ସଙ୍ଗ୍ ଗାଲା । ଏ ନିକଦିମ ଗଟେକ୍ ରାତି ଜିସୁକେ ମିସବାର ଜାଇରଇଲା । ସେ ଜିସୁର୍ ଗାଗଡ଼େ ଲାଗାଇବାକେ ଗନ୍ଦରସ୍ ଆରି ଅଙ୍ଗୁର୍ ମିସାଇଲା ବାସ୍ନା ଡିକନ୍ ଡିରିସ୍ କେଜି ଆନିରଇଲା । ୪୦ ସେମନ୍ ଦୁଇ ଲକ୍ ମିସିକରି ଜିଉଦିମନର୍ ରିଡିନିଡି ଇସାବେ ଜିସୁର୍ ଗାଗଡ଼୍ ନେଇ ବାସ୍ନା ଦିନସୁ ସଙ୍ଗ୍, ତେଙ୍ଗ୍ ପଟିଆ ଗୁଡିଆଇ ଦେଲାଇ । ୪୧ ତାକେ ଜନ୍ ଜାଗାଇ କୁର୍ସେ ଚଗାଇ ରଇଲାଇ, ସେ ଜାଗାଇ ଗଟେକ୍ ବାଡ଼ ରଇଲା । ଆରି ସେ ବାଡେ ମଲା ଲକ୍ ମନକେ ସଙ୍ଗାଇବାକେ ଗଟେକ୍ ନୁଆ ପାଆର୍ ରଇଲା । ସେ ପାଆରେ କେବେ ମିସା କାକେ ନ ସଙ୍ଗାଇ ରଇଲାଇ । ୪୨ ବିସ୍ତରାମ୍ ବାରନ୍ ନିଉଡା ଦିନ୍ ଅଇରଇଲା ଆରି ସେ ପାଆର୍ ଲଗେ ରଇଲା ଜେ, ସେମନ୍ ଜିସୁର୍ ଗାଗଡ଼୍ ନେଇକରି ସେ ପାଆରେ ସଙ୍ଗାଇଦେଲାଇ ।

୨୦

ଚୁଟା ପାଆର୍

୧ ଆଟର୍ ପର୍ତୁମ୍ ଦିନର୍ ସାକାଲେ ଜୁଲ୍ପୁଲ୍ ଉଜଲ୍ ବେଲାଇ ମଗ୍ଦଲିନି ମରିୟମ୍ ଜିସୁକେ ପାକ୍ନା ସଙ୍ଗ୍ ତିଆର୍ କରି ସଙ୍ଗାଇଲା ପାଆରେ ଆସିକରି ଡାବିରଇଲା ପାକ୍ନା ଗୁଡିରଇଲାଟା ଦେକ୍ଲା । ୨ ସେଟାପାଇ ଘେ ପାଲାଇ କରି ସିମନ୍ ପିତର୍ ଆରି ଜିସୁ ଜନ୍ ସିସ୍ କେ ବେସି ଆଲାଦ୍ କର୍ତେତେ ରଇଲା, ସେମନ୍ କେ ଆସି କଇଲା, “ସେମନ୍ ମାପୁରକେ, ସଙ୍ଗାଇଲା ଜାଗାଇଅନି ଦାରିଗାଲାଇ ଆଟଡ଼ । ଆରି ତାକେ କନ୍ ଜାଗାଇ ସଙ୍ଗାଇଲାଇ ଆଟଡ଼ ସେଟା ଆମେ ନାଜାନୁ ।”

୩ ସେଡ଼କି ବେଲେ ପିତର୍ ଆରି ସେ ସିସ୍, ଜିସୁକେ ସଙ୍ଗାଇଲା ଜାଗାଇ ଜିବାକେ ବାରଇଲାଇ । ୪ ସେମନ୍ ଦୁଇ ଲକ୍ ମିସ୍ତେ ପାଲାଇତେ ରଇଲାଇ । ଆରି ସେ ବିନ୍ ସିସ୍ ପିତର୍ କେ ପଟେ କରି ଆଗଟୁ ସଙ୍ଗାଇ ରଇଲା ଜାଗାଇ କେଟ୍ଲା । ୫ ସେ ପାଆର୍ ବିଡ଼ରେ ଲଇକି ଏରି ଦେକ୍ଲାଜେ, ଏଦେ ଦେକା ! ତେଇ ଜିସୁର୍ ଗାଗଡେ ଗୁଡିଆଇ ଅଇରଇଲା ଲୁଗା ଅଦ୍ରିରଇଲାଟା ଦେକ୍ଲା । ମାତର୍ ସେ ବିଡ଼ରେ ପୁରେନାଇ । ୬ ପଟେ ସିମନ୍ ପିତର୍ ମିସା ତାର୍ ପଟେ ପଟେ ଜାଇ କେଟ୍ଲା ଆରି ପାଆର୍ ବିଡ଼ରେ ଜାଇ ତେଇ ଅଦ୍ରି ରଇଲା ଲୁଗା ଦେକ୍ଲା । ୭ ଆରି ଜିସୁର୍ ମୁଣ୍ଡେ ଜନ୍ ଲୁଗା ଗୁଡିଆଇ କରି ବାନ୍ଦିରଇଲାଇ, ସେଟା ପାତଲ୍ ଲୁଗା ସଙ୍ଗ୍ ନ ଅଇକରି ଗଟେକ୍ ବିନ୍ଟାମେ ଗୁଡିଆଇଅଇ ରଇଲା । ୮ ତାର୍ ପଟେ ସେ ବିନ୍ ସିସ୍ ଜେକି ଆଗଟୁ କେଟି ରଇଲା ସେ ପାଆର୍ ବିଡ଼ରେ ଜାଇକରି ସେଟା ସବୁ ଦେକିକରି ବିସ୍ତରାମ୍ କଲା । ୯ (ସେ ସିସ୍ମନ୍ ସେ ବେଲା ଜାକ ପର୍ତେସରର୍ ବଇତେଇ ଲେକା ଅଇଲା ଇସାବେ, ଜିସୁ ମଲାଟାମେଅନି ଆରି ତରେକ୍ ଜିବନ୍ ଅଇ ଉର୍ସି ବଲି ବୁଜି ନ ରଇଲାଇ ।) ୧୦ ତାର୍ ପଟେ ସିସ୍ମନ୍ ପାଆର୍ ଦେକି ସାରାଇ ଗରେ ବାଉଡି ଉଟି ଗାଲାଇ ।

ମଗ୍ଦଲିନି ମରିୟମ୍ କେ ଜିସୁ ଦେକାଇଅଇଲାଇ

(ମାତିଉ ୨୮:୯-୧୦; ମାର୍କ ୧୬:୯-୧୧; ଲୁକ୍ ୨୪:୧-୧୨)

୧୧ ମାତର୍ ମରିୟମ୍ ଜିସୁର୍ ଗାଗଡ଼୍ ସଙ୍ଗାଇରଇଲା ପାଆର୍ ଲଗେ ଚିଆଅଇ କାନ୍ଦତେ ରଇଲା । ସେ କାନ୍ଦି କାନ୍ଦି ଲଇକି ପାଆର୍ ବିଡ଼ରେ ଦେକ୍ଲା, ୧୨ ଆରି ଏଦେ ଦେକା ! ତେଇ ଦର୍ପଟିଆ ପିନ୍ଦିରଇବା ଦୁଇଟା ସରଗର୍ ଦୁଡ଼ମନ୍ ଜିସୁକେ ଜନ୍ ଜାଗାଇ ସଙ୍ଗାଇରଇଲାଇ, ଗଟେକ୍ ଲକ୍ ମୁଣ୍ଡବାଟେ ଆରିଗଟେକ୍ ଲକ୍ ଗଡ଼ବାଟେ ବସିରଇଲାଟା ଦେକ୍ଲା । ୧୩ ସେମନ୍ ମରିୟମ୍ କେ ପାଟାରିଲାଇ, “ତୁଇ କାଇକେ ମା କାନ୍ଦୁସିନି ?” ମରିୟମ୍ କଇଲା, “ସେମନ୍ ମର୍ ମାପୁରର୍ ଗାଗଡ଼୍ କେନେକି ଦାରିଗାଲାଇ ଆଟଡ଼ । ଆରି ସେମନ୍ ତାକେ କନ୍ତ୍ର ସଙ୍ଗାଇଲାଇ ଆଟଡ଼ ସେଟା ମୁଇ ନାଜାନି ।” ୧୪ ସେ ଏନ୍ତ୍ର କଇକରି ପାସଲ୍ଲା ବେଲେ, ତେଇ ଜିସୁ ଚିଆଅଇ ରଇଲାଟା ଦେକ୍ଲା । ମାତର୍ ମରିୟମ୍ ତାକେ ଜିସୁ ବଲି ଚିନି ନାପାରିଲା । ୧୫ ଜିସୁ ତାକେ ପାଟାରିଲା “ଏ ମାଆ ତୁଇ କାଇକେ କାନ୍ଦୁସିନି ? ତୁଇ କାକେ କଜୁସିନି ?” ମରିୟମ୍ ଏ ଲକ୍ ବାଡ଼ର୍ କାମ୍ କରୁ ମାଲି ବଲି ବାବିକରି ତାକେ କଇଲା, “ଏ ଆଗିଆଁ, ତୁଇ କାଇ ଜିସୁର୍ ଗାଗଡ଼୍ ନେଇ ଆତୁସ୍ କି ? ତାକେ ତୁଇ କନ୍ତ୍ର ସଙ୍ଗାଇ ଆତୁସ୍ ? ମକେ କଇଦେ, ମୁଇ ଜାଇକରି ତାକେ ଦାରିଜିବି ।”

୧୬ ଜିସୁ ତାକେ “ମରିୟମ୍ !” ବଲି ଡାକ୍ଲା । ମରିୟମ୍ ତାର୍ ବାଟେ ପାସଲି କରି “ରାବ୍ବୁନି !” ବଲି ଏବ୍ରି ବାସାଇ କଇଲା । ଏଟାର୍ ଅର୍ତ୍ତ୍ ଅଇଲାନି ଗୁରୁ ।

* ୧୯-୩୯ ୧୯-୩୯ ଜଅନ ୩-୧-୨

୧୭ ଜିସୁ ତାକେ କଇଲା, “ମନେ ଦାରି ର ନାଇ, ଏବେ ଜାକ ମୁଇ ବାବା ପର୍ମେସର୍ ଲଗେ ଜାଇନାଇ । ମାତର୍ ତୁଇ ଜାକକରି ମର୍ ବାଇମନ୍କେ କଅ, ମୁଇ, ମର୍ ବାବା ଆରି ସେମନର୍ ବାବା, ମର୍ ପର୍ମେସର୍ ଆରି ସେମନର୍ ପର୍ମେସରର୍ ଲଗେ ବାଉତି ଗାଲିନି ।” ୧୮ ମଗଦଲିନି ମରିୟ୍ ସିସମନର୍ ଲଗେ ବାଉତି ଗାଲା ଆରି କଇଲା “ମୁଇ ମାପୁରୁକେ ଦେକ୍ଲି ଆତି ।” ଆରି ଜିସୁ କଇଲା ସବୁ କାତା ସିସମନ୍କେ କଇଦେଲା ।

ଜିସୁ ନିଜକେ ସିସମନ୍କେ ଦେକାଇଅଇଲାଇ
(ମାତିର ୨୮:୧୭-୨୦; ମାର୍କ ୧୬:୧୪-୧୮; ଲୁକ୍ ୨୪:୩୭-୪୯)

୧୯ ସେ ଦିନ ଆଗର୍ ପର୍ତୁମ୍ ଦିନ ଅଇରଇଲା । ସଞ୍ଜ ବେଲା ସବୁ ସିସମନ୍ ଗଟେକ୍ ତେଇ ରୁଣ୍ଡିଲାଇ । ସେମନ୍ ଜିଉଦି ନେତାମନ୍କେ ତରିକରି ଗରର୍ କାପାଟ୍ ସବୁ ଡାବିଅଇଦେଇ ରଇଲାଇ । ସେ ବେଲା, ଏଦେ ଦେକା ! ଜିସୁ ଅଟାଡ୍ ସେମନ୍କେ ଦେକାଇଅଇକରି ସେମନ୍ ଟିଆଅଇଲା ଜାଗାଇ “ତମକେ ସାନ୍ତି ମିଲ !” ବଲି କଇଲା । ୨୦ ଜିସୁ ଏ କାତା କଇଲା ପଟେ ନିଜର୍ ଆଡ୍ ଆରି ପାଞ୍ଜରା ଦେକାଇଲା । ସିସମନ୍ ମାପୁରୁକେ ଦେକିକରି ବେସି ସାର୍ଦା ଅଇଗାଲାଇ । ୨୧ ଜିସୁ ଆରି ତରେକ୍ ସେମନ୍କେ କଇଲା “ତମକେ ସାନ୍ତି ମିଲ ! ବାବା ପର୍ମେସର୍ ମନେ ଜେନ୍ତି ପାଗାଇଆରେ, ସେନ୍ତିସେ ମୁଇ ତମକେ ପାଗାଇଲିନି ।” ୨୨ ତାର୍ ପଟେ ଜିସୁ ସେମନର୍ ଉପରେ ପୁଣ୍ଡିଲା ଆରି “ତମେ ସୁକଲ୍ ଆଡ୍ମାକେ ନାମା !” ୨୩ “ଜଦି ତମେ ଲକ୍ମନର୍ ପାପ୍ କେମା କରସା ବଇଲେ, ପର୍ମେସର୍ ମିସା ସେମନର୍ ପାପ୍ କେମା ଦେଲା ଆରେ । ଜଦି ତମେ ଲକ୍ମନର୍ ପାପ୍ କେମା ନ କରସା ବଇଲେ ପର୍ମେସର୍ ମିସା ସେମନର୍ ପାପ୍ କେମା ନ କରେ ।” ବଲି କଇଲା ।

ଜିସୁ ତମାକେ ଦେକାଇଅଇଲା ।

୨୪ ଜିସୁର୍ ବାର୍ତା ସିସମନର୍ ବିତ୍ତରେଅନି ତମା ଜାକେକି ଜଅଁଲା ବଲି ଡାକ୍ବାଇ, ଜିସୁ ସିସମନ୍କେ ଦେକାଇଅଇଲା ବେଲେ ସେ ନ ରଇଲା । ୨୫ ସେଟାର୍ ପାଇ ତେଇ ରଇଲା ବିନ୍ ସିସମନ୍ ତମା ଆଇଲା ପଟେ କଇଲାଇ, ଆମେ ମାପୁରୁକେ ଦେକ୍ଲୁ ଆଡ୍ । ମାତର୍ ତମା କଇଲା, “ମୁଇ ତାର୍ ଆତେ କୁଟିର୍ ଚିନ୍ ନ ଦେକ୍ତେ ଆରି ସେ ଚିନେ ମର୍ ଆଙ୍ଗଟି ନ ଚିଙ୍ଗିଲାଇବା ଜାକ ଆରି ତାର୍ ପାଞ୍ଜରାଇ ଆଡ୍ ନ ପୁରାଇବା ଜାକ ବିସ୍ବାସ୍ ନ କରି ।”

୨୬ ଗଟେକ୍ ଆଡ୍ ଗାଲା ପଟେ ସିସମନ୍ ଆରି ତରେକ୍ ଗର୍ ବିତ୍ତରେ ରଇଲାଇ, ତମା ମିସା ସେମନର୍ ସଙ୍ଗ୍ ତେଇ ରଇଲା । କାପାଟେ ଗାତା ଦେଇରଇଲାଇ । ମାତର୍ ଏଦେ ଦେକା ! ଆଗତୁର୍ ପାରା ଜିସୁ ଗର୍ ବିତ୍ତରେ ପୁରିକରି ସେମନର୍ ମଜାଇ ଟିଆଅଇକରି କଇଲା, “ତମକେ ସାନ୍ତି ମିଲ !” ୨୭ ତାର୍ ପଟେ ଜିସୁ ତମାକେ କଇଲା, “ତର୍ ଆଙ୍ଗଟି ଇତି ସଙ୍ଗ୍ ମର୍ ଆଡ୍ ଦେକ୍, ଆରି ମର୍ ପାଞ୍ଜରାଇ ଆଡ୍ ପୁରାଇ ଦେକ୍ । ଆରି କେବେ ମିସା ବିସ୍ବାସ୍ କରିନାଇ ବଲି କଅ ନାଇ, ମାତର୍ ବିସ୍ବାସ୍ କର୍ ।” ୨୮ ତମା ଜିସୁକେ କଇଲା, “ଏ ମର୍ ମାପୁରୁ, ଏ ମର୍ ପର୍ମେସର୍ !”

୨୯ ଜିସୁ ତାକେ କଇଲା, “ତୁଇ ମନେ ଦେକିକରି ବିସ୍ବାସ୍ କଲୁସିନି କି ? ମାତର୍ ଜନ୍ ଲକ୍ମନ୍ ମନେ ନ ଦେକିକରି ମିସା ବିସ୍ବାସ୍ କଲାଇନି, ସେମନ୍ କେତେ ସାର୍ଦା ପାଇବାଇ !”

ଏ ବଇର୍ ଉଦେସ୍

୩୦ ଜିସୁ ସିସମନର୍ ସଙ୍ଗ୍ ରଇଲାବେଲେ କେତେକ୍ କେତେକ୍ କାବାଅଇଜିବା କାମ୍ମନ୍ କରିରଇଲା । ସେଟା ସବୁ ଏ ବଇତେଇ ଲେକା ଅଏନାଇ । ୩୧ ମାତର୍ ଏଡ୍କିସେ ଲେକାଅଇଲା, “ତମେ ଜେନ୍ତିକି ବିସ୍ବାସ୍ କରସା ଜେ, ଜିସୁସେ ପର୍ମେସରର୍ ପଅ, ଜେକି ମସିଅ, ଆରି ତାକେ ବିସ୍ବାସ୍ କଲେସେ ତମେ ଜିବନ୍ ପାଇସା ।”

୨୧

ଜିସୁ ସାଡ୍ଗା ସିସମନ୍କେ ଦେକାଇ ଅଇଲା

୧ ତାର୍ ପଟେ ଜିସୁ ନିଜେ ଆରି ତରେକ୍ ସିସମନ୍କେ ଡିବିରିଆର୍ ଗାଡ୍ପାଲି ଦେକାଇଅଇଲା । ସେଟା ଏନ୍ତି ଅଇଲା । ୨ ଜିସୁର୍ କେତେଟା ସିସମନ୍ ଗଟେକ୍ ତେଇ ରୁଣ୍ଡିରଇଲାଇ । ସେମନ୍ ଅଇଲାଇନି, ସିମନ୍ ପିତର୍, ବିପୁମ୍ ବଲି ଡାକ୍ବା ତମା ନାଉର୍ ସିସ୍, ଗାଲିଲି ଦେସର୍ କାନା ଗତେ ରଇଲା ନିତନିଏଲ୍, ଜେବଦିର୍ ଦୁଇଟା ପିଲା ଜାକୁବ୍, ଜଅନ୍ ଆରି ବିନ୍ ଦୁଇଟା ସିସମନ୍ । ୩*ସିମନ୍ ପିତର୍ ସେମନ୍କେ “ମୁଇ ମାଡ୍ ଦାର୍ବାର୍ ଗାଲିନି ।” ବଲି କଇଲା । ସେମନ୍ ମିସା “ତର୍ ସଙ୍ଗ୍ ଆଇବୁ ।” ବଲି କଇଲାଇ । ଆରି

* ୨୦:୨୩ ୨୦:୨୩ ମାତିର ୧୭:୧୯;୧୮:୧୮ * ୨୧:୩ ୨୧:୩ ଲୁକ୍ ୫:୫

ତଞ୍ଜାଳ ଚଗି, ସେମନ୍ ଗୁଲାଇ ରାତି ଜାଲୁ ମାରୁଲାଇ, ମାତର୍ ମୁଲୁକେ ଦାରତ୍ତନାଇ ।^୪ ଆର୍କର୍ ଦିନେ ଜୁଲୁପୁଲୁ ଉଜଲେ ଜିସୁ ଗାଡ଼କଣ୍ଡି ଚିଆଅଇରଇଲା । ମାତର୍ ସିସମନ୍ ତାକେ ଜିସୁ ବଲି ଚିନି ନାପାରୁଲାଇ ।^୫ ଜିସୁ ସେମନ୍‌କେ ପାଚାରୁଲା, “ଏ ମଇତର୍ମନ୍ ତମେ ଜତେକ ମିସା ମାଟ୍ ଦାରାସ୍ ନାଇ କି ?” ସେମନ୍ “ମୁଲୁକେ ଦାରୁ ନାଇ ।” ବଲି କଇଲାଇ ।^୬ ଜିସୁ ସେମନ୍‌କେ କଇଲା, “ତଞ୍ଜାଟ୍ ଉଜାବାଟେ ଜାଲୁ ମାଚା, ତମେ ମାଟ୍‌ଦାରିସା ଆଲେ ।” ସେ କଇଲା ପାଚା ଜାଲୁ ପାକାଇଲାଇ ଜେ, ଏତର୍ ତାକର୍ ଜାଲେ ଏତେକ୍ ମାଟ୍ ଲାଗିଲାଇଜେ, ସେମନ୍ ଜାଲୁ ଜିକି ନାପାରୁଲାଇ ।^୭ ଜିସୁ ଜନ୍ ସିସକେ ଆଲାଦ୍ କର୍ତେ ରଇଲା, ସେ ସିସ୍ ପିତର୍‌କେ କଇଲା, “ଏଦେ ଦେକା ! ଏଟା ନିଜେ ଆମର୍ ମାପୁରୁ ସେ !” ପିତର୍ ଏଟା ମାପୁରୁ ଆକା ବଲି କଇଲାଟା ସୁନିକରି ବେଟି ସଙ୍ଗଇଲା ବସ୍ତର୍ ପିନ୍ଦି ଗାତେ ତେଗଇଦେଲା । କାଇକେ ବଇଲେ ସେ ମାଟ୍ ଦାରବାବେଲେ, ଉପରେ ପିନ୍ଦଲା ବସ୍ତର୍ ବେଟି ସଙ୍ଗଇ ରଇଲା ।^୮ ଆରି ବାକି ସିସମନ୍ ମାଟ୍ ବର୍ତ୍ତି ରଇଲା ଜାଲୁ ଜିକିଜିକି ତଞ୍ଜା କଣ୍ଡିତେଇ ଆନି ଲାଗାଇଲାଇ । ସେମନ୍ କଣ୍ଡିଅନି ଦୁଇସ୍ ଆଡ୍ ଦୁରିକେସେ ରଇଲାଇ ।^୯ ସିସମନ୍ ତଞ୍ଜାଅନି ଉଡ଼ିକରି ପଦାଇ କେଟ୍‌ଲାବେଲେ, ଜଇରଇଲା ଇଙ୍ଗରା ଉପରେ କେତେଟା ବାଜିଅଇଲା ମାଟ୍ ଆରି ରୁଟି ସଙ୍ଗଇଅଇ ରଇଲାଟା ଦେକ୍‌ଲାଇ ।^{୧୦} ତାଟ୍ ପଟେ ଜିସୁ “ତମେ ଏବେ ଦାରୁଲା କେତେଟା ମାଟ୍ ଆନା ।” ବଲି କଇଲା ।

^{୧୧} ସେଟାଟ୍ ପାଇ ସିମନ୍ ପିତର୍ ଜାଲ ମାଟ୍ ବର୍ତ୍ତି ରଇଲା ଜାଲୁ ପଦାପାଲିକେ ଜିକି ଆନୁଲା । ସେ ଜାଲେ ସଏ ପଚାସ୍ ତିନ୍ତା ବଡ଼ବଡ଼ ମାଟ୍ ଲାଗି ରଇଲାଇ । ମାଟ୍‌ମନ୍‌ଟ୍ ଲାଗି ବେସି ବଜ୍ ରଇଲା ମିସା, ଜାଲୁ ଚିତେନାଇ ।^{୧୨} ଜିସୁ ସେମନ୍‌କେ “ଆସା କାଆ !” ବଲି କଇଲା । ସିସମନ୍‌ଟ୍ ବିଡ଼ରେଅନି କେ ମିସା ତୁଇ କେ ? ବଲି ପାଚାରବାକେ ସାଆସ୍ କରତ୍ ନାଇ । କାଇକେ ବଇଲେ ସେମନ୍ ସେ ମାପୁରୁ ବଲି ଜାନି ରଇଲାଇ ।^{୧୩} ଜିସୁ ତାକର୍ ଲଗେ ଜାଇ ରୁଟି ଆରି ମାଟ୍ ବାଟାକରିଦେଲା ।^{୧୪} ଜିସୁ ମରିକରି ଜିବନ୍‌ଅଇ, ସିସମନ୍‌କେ ଏଟା ସଙ୍ଗ ମିସାଇ, ତିନ୍ତର୍ ଦେକାଇଅଇଲା ।

ଜିସୁ ଆରି ପିତର୍

^{୧୫} ସେମନ୍ କାଇଲା ପଟେ ଜିସୁ ସିମନ୍ ପିତର୍‌କେ କଇଲା, “ଜଅନର୍ ପଅ ସିମନ୍, ତୁଇକାଇ ଏମନର୍‌ତେଇଅନି ମକେ ଅଦିକ୍ ଆଲାଦ୍ କଲୁସିନି କି ?” ପିତର୍ କଇଲା,

“ଉଁ ମାପୁରୁ ମୁଇ ଆଲାଦ୍ କଲିନି ବଲି ତୁଇ ଜାନିଆରୁସ୍ ।”

ଜିସୁ ତାକେ “ତୁଇ ମର୍ ଫେଣ୍ଡାମନ୍‌କେ ନିମାନ୍ କରି ଜତନ୍ କର୍ ।” ବଲି କଇଲା ।^{୧୬} ତାଟ୍ ପଟେ ଜିସୁ ଆରି ତରେକ୍ ତାକେ ପାଚାରୁଲା, “ଜଅନର୍ ପଅ ସିମନ୍, ତୁଇ କାଇ ମକେ ସତଇସେ ଆଲାଦ୍ କଲୁସିନି କି ?”

ପିତର୍ କଇଲା, “ଉଁ ମାପୁରୁ ମୁଇ ତକେ ଆଲାଦ୍ କଲିନି ବଲି ତୁଇ ଜାନିଆରୁସ୍ ।”

ତାଟ୍ ପଟେ ଜିସୁ କଇଲା, “ସେଣ୍ଡାଟାଲେ ମର୍ ଫେଣ୍ଡାମନ୍‌ଟ୍ ଜତନ୍ କର୍ ।”^{୧୭} ଜିସୁ ଦୁଇତର୍ ପାଚାରି ସାରି ଆରିତରେକ୍ ପାଚାରୁଲା, “ଏ ଜଅନର୍ ପଅ ସିମନ୍ ତୁଇ ମକେ ଆଲାଦ୍ କଲୁସିନି କି ?”

ଜିସୁ ତାକେ ତିନ୍ ତର୍ ଜାକ ଗଟେକ୍ କାତାସେ ପାଚାରୁଲାଜେ ପିତର୍ ଦୁକ୍ ଅଇଗାଲା, ଆରି କଇଲା, “ଏ ମାପୁରୁ ! ମୁଇ ଆଲାଦ୍ କଲିନି ବଲି ତୁଇ ସବୁ ଜାନିଆରୁସ୍ ।”

ଜିସୁ ପିତର୍‌କେ କଇଲା, “ତୁଇ ମର୍ ଫେଣ୍ଡାମନ୍‌କେ ନିମାନ୍ କରି କୁଆଅ ।

^{୧୮} “ମୁଇ ତକେ ସର୍ କାତା କଇଲିନି, ତୁଇ ଦାଙ୍ଗଡା ରଇଲାବେଲେ, ତକା ପଟିଆ ପିନ୍ଦି କରି ଜେନେ ପାରୁଲା ତେନେ ଜାଇତେ ରଇଲୁସ୍ । ମାତର୍ ତକରା ଅଇଲେ ଆଡ୍ ଟେକ୍‌ସୁ, ଆରି ବିନ୍ଦି ଲକ୍‌ମନ୍ ତକେ ବାନ୍ଦି ଜନ୍ତ୍ର ଜିବାକେ ମନ୍ ନ ରଏ, ସେ ବାଟେସେ ତକେ ନେବାଇ ।”^{୧୯} ସେ କେଣ୍ଡାରି ଅଇ ମରିକରି ପର୍‌ମେସରର୍ ତାକ୍‌ପୁଟା କର୍ସି, ସେଟା ଜାନାଇବାକେ ଜିସୁ ଏଣ୍ଡାରି କଇଲା । ଏନ୍ତ୍ର କଇ ସାରାଇ ସେ ପିତର୍‌କେ କଇଲା “ମର୍ ସଙ୍ଗ ଆଅ ।”

ଜିସୁର୍ ଆଲାଦର୍ ସିସ୍

^{୨୦} ପିତର୍ ପାସଲିକରି ଜିସୁର୍ ଆଲାଦର୍ ବିନ୍ ସିସକେ ଦେକ୍‌ଲା । ଜାକେ କି ଜିସୁ ବେସି ଆଲାଦ୍ କର୍ତେରଇଲା । ଜନ୍ ସିସ୍ କି ରାତିଆ କାଇଲାବେଲେ ଜିସୁର୍ ବୁକେ ଆଉଜି ଅଇକରି ପାଚାରିରଇଲା । “ମାପୁରୁ କେ ତମକେ ବିସବାସେ ବିସ୍ ଦେଲାପାଚା ସର୍ତ୍ତୁମନ୍‌କେ ସର୍ପି ଦେଇସି ?”^{୨୧} ପିତର୍ ସେ ସିସକେ ଦେକି ଜିସୁକେ ପାଚାରୁଲା, “ଏ ମାପୁରୁ ଆର୍ ବିସଇ କାଇଟା ଅଇସି ?”

^{୨୨} ଜିସୁ ତାକେ କଇଲା, “ଏ ଦୁନିଆଇ ଆରି ତରେକ୍ ଆଇବା ଜାକ ସେ ବଠି କରି ରଅ ବଲି ମୁଇ ମନ୍ କଲିନି ବଇଲେ, ଏଟାଟ୍‌ପାଇ ତୁଇ କାଇକେ ଚିନ୍ତା କଲୁସିନି ? ତୁଇ ମର୍ ସଙ୍ଗ ଆଅ ।”

୨୩ ତେବେ ଜିସୁ ଜନ୍ ସିସକେ ଆଲାଦ୍ କର୍ତ୍ତେ ରଇଲା, ସେ ନ ମରେ ବଲି କଇରଇଲା ବିସଇ ଗୁଲାଇ ବାଟର୍ ବିସବାସ୍ କର୍ବା ବାଇମନର୍ତେଇ କେଟ୍ଲା । ମାତର୍ ସେ ନ ମରେ ବଲି ଜିସୁ କଇ ନ ରଇଲା । ମୁଇ ଏ ଦୁନିଆଇ ଆରି ତରେକ୍ ଆଇବା ଜାକ ସେ ବଞ୍ଚିକରି ରଅ ବଲି ମୁଇ ଜଦି ମନ୍ କଲିନି ବଇଲେ, ଏଟାରପାଇ ତୁଇ କାଇକେ ଚିନ୍ତା କଲୁସନି ? ବଲି କଇରଇଲା ।

୨୪ ସେ ସିସ୍ ଏ ସବୁ ବିସଇ କଇଲାଆରେ, ଏ ସବୁଜାକ ସେ ଲେକି ମିସା ଆରେ ଆରି ସେଟା ଆମେ ଜାନ୍ । ସେ ଜାଇଟା କଇଲା ଆରେ ସେଟା ସବୁ ସଡ଼ସେ ।

ସାରାସାରି ବିସଇ

୨୫ ଜିସୁ କରିରଇବା କାମମନ୍ ଆରି କେତେକ୍ କେତେକ୍ ଆରେ, ମାତର୍ ମର୍ ବିଚାର୍ ଇସାବେ ସେ ସବୁଜାକ ଜଦି ଗଟେକ୍ ଲକ୍ ଲେକଲେ, ଜେଡ଼କି ବଇ ଲେକା ଅଇସି, ସେଟାମନ୍ ସଙ୍ଗାଇବାକେ ଚାନ୍ ନ ଅଏ ।

ପ୍ରେରିତ ମାନଙ୍କର କାର୍ଯ୍ୟ ପେରିଡ଼ ସିସ୍ତମ କାମ୍ବଳା ଇସାବ୍ ଏ ବଇ ବିସଇତେଇ ଜାନ୍‌ବାଟା

ପେରିଡ଼ ବଇ ଅଇଲାନି ମଣ୍ଡଲି ଆରାମ୍ ଅଇଲା ବଇ, ଆରି କେନ୍ତାରି ଜିରୁସାଲମେ ଅନି ଜିଉଦା ସମରିଆ, ଆରି ବିନ୍‌ବିନ୍ ଜାଗାମନ୍‌କେ ଜାନାଇ ଅଇଲା ୧:୮ । ଏଟା ଜିସୁ ସର୍‌ଗେ ଜିବା ଆଗୁଡୁ ତାର୍ ସିସ୍ତମନ୍‌କେ କଇ ରଇଲା, ପେରିଡ଼ ବଇ ଲୁକ୍‌ଲେକି ରଇଲା, ଜେକି ଲୁକ୍ ସୁବ୍‌କବର୍‌ ମିସା ଲେକି ରଇଲା । ସେ ଗଟେକ୍ ତାକ୍‌ଦର୍‌ ରଇଲା, ଆରି କାଇଟାମିସା ବୁଲ୍ ନ କର୍‌ତେ ଲେକ୍‌ବାକେ ମନ୍‌ଦିଆନ୍ ଦେଇତେ ରଇଲା । ସେ ସୁବ୍‌କବର୍‌ ବଇଟାମେ ଆରି ପେରିଡ଼ ବଇ ଏ ଦୁଇଟା ବଇଟାମେଜାକ୍ ତିଅପିଲ୍‌କେ ଜାନାଇ ଆଟେ । ଜନ୍ ଲକ୍‌କି ସେ ଗଟେକ୍ ଗିରିକ୍ ଲକ୍ ରଇଲା ଏ ଦୁଇଟାଜାକ୍ ବଇ ଗିରିକ୍ ଆରି ଜିଉଦି ଲକ୍‌ମନ୍‌ଦର୍ ପାଇ ଅଇରଇଲା ପେରିଡ଼ ୧:୧ ।

ଜାନ୍‌ବାକେ ଗାଲେ ପେରିଡ଼ ବଇ ଜିସୁକିରିସ୍‌ଟ ଜନମ୍ ଅଇକରି ୬୦-୬୪ ବିଡ଼ରେ ଲେକାଅଇ ରଇଲା । କାଲକେବଇଲେ ପାଉଲ୍ ବନ୍ଦିଗରେ ରଇକରି ମୁକଲ୍‌ବା ଆଗୁଡୁ ଏ ବଇର୍ ଲେକାକାମ୍ ସାରିରଇଲା । ଲୁକ୍ ମିସା ପାଉଲ୍‌ର ସଙ୍ଗ୍ ବୁଲି ରଇଲା, ଆରି ପେରିଡ଼ ବଇ ଆନ୍ତିକିଆଇ ଅନି ଲେକାଅଇ ରଇଲା । ପେରିଡ଼ ବଇ ଲୁକ୍ ସୁବ୍‌କବର୍‌ତେଇ ଅନି ଆରାମ୍ ଅଇଲା ଆଟେ, ଆରି ଜିସୁ ସର୍‌ଗେ ଜିବାଟା ଆରାମ୍ ଅଇଲାନି ଲୁକ୍ ସୁବ୍‌କବର୍‌ର ଆଦେସ୍ ଆରି ପେରିଡ଼ର୍ ଲେକା ଆଦେସ୍ ସଙ୍ଗ୍ ସମାନ୍ ଆଟେ । ସେ ତିଅପିଲ୍‌କେ ଆରି ବିସ୍‌ବାସ୍ ବଡ଼ି ଆଇବା ଲକ୍‌ମନ୍‌କେ ନିକସଙ୍ଗ୍ ରଇବାକେ ମନ୍‌କଲାନି । ସେମନ୍‌କେ କାଇ ସିକିଆ ଦିଆ ଅଇରଇଲା ଜିସୁକିରିସ୍‌ଟର୍ ଜିବନ୍ ବିସଇ ଆରି ବଡ଼ିଆଇବା ବିସ୍‌ବାସିମନ୍‌ର ବିସଇ କାଇବୁଲ୍ ନ କର୍‌ତେ ଇସାବ୍ ସଙ୍ଗ୍‌ଆଟେ । ପେରିଡ଼ ବଇଟାମେ ଆଗୁଡୁର୍ ମଣ୍ଡଲି ଜିସୁକିରିସ୍‌ଟର୍ ଟାମେ ବିସ୍‌ବାସ୍ କରି ଜିଇବା କାଇବାକେ ଆମକେ ଜାନାଇଲାନି । ଆମକେ ପେରିଡ଼ମନ୍‌ର୍ ଟାମେଅନି ଜାନାଇଲାନି କି, ଆମେ କେନ୍ତାରି ସୁକଲ୍ ଆଡ଼ମାଟାମେ ରଇକରି ବିନ୍‌ଲକ୍‌ମନ୍‌କେ ସୁବ୍‌କବର୍‌ ଜାନାଇ ଅଇସି ।

ଏ ବଇ ବିଡ଼ରେ ରଇବା ମୁକିଆ ବିସଇ

- ୧. ସୁକଲ୍ ଆଡ଼ମା ଆଇବାଟା ଆରି ମଣ୍ଡଲି ବଡ଼ବାଟା । ୧:୧-୮:୧
- ୨. ମଣ୍ଡଲିର୍ ଦୁକ୍‌କସ୍‌ଟ ଆରି ସୁବ୍‌କବର୍‌ ଅଦିକ୍ ଅଦିକ୍ ବଡ଼ବାଟା । ୮:୨-୧୨:୨୩
- ୩. ପାଉଲ୍ ପର୍‌ଡୁମ୍ ତର୍‌ ସେବା କର୍‌ବାକେ ଜିବାଟା । ୧୨:୨୪-୧୪:୨୮
- ୪. ନୁଆ ବିସ୍‌ବାସିମନ୍‌ର୍ ଦର୍‌କାର୍ ବିସଇ ଆରି ଜିରୁସାଲମର୍‌ ସେବା । ୧୫:୧-୩୫
- ୫. ପାଉଲ୍ ଦୁଇପାଲି ସେବାକାମେ ଜିବାଟା । ୧୫:୩୬-୧୮:୨୨
- ୬. ପାଉଲ୍ ତିନ୍‌ପାଲି ସେବାକାମେ ଜିବାଟା । ୧୮:୨୩-୨୦:୩୮
- ୭. ପାଉଲ୍ ଜିରୁସାଲମେ ବନ୍ଦିଅଇରଇଲାଟା । ୨୧:୨୭
- ୮. ପାଉଲ୍ ରମ୍ ରାଇଜେ ଜିବାଟା । ୨୨:୧-୨୮:୧-୩୧

ସୁକଲ୍‌ଆଡ଼ମା ଦେଇରଇବା କାତା

୧ *ସାର୍‌ଦାର୍ ତିଅପିଲ୍, ମର୍ ପର୍‌ଡୁମ୍ ଲେକିରଇବା ଲୁକ୍‌ବଇଟାମେ ଆରାମେଅନି, ପର୍‌ମେସର୍‌ ତାକେ ସର୍‌ଗେ ନେବା ଦିନ୍ ଜାକ୍, ଜିସୁ କିରିରଇବା ଆରି ସିକାଇରଇବା ସବୁ ବିସଇ ଲେକିରଇଲି । ୨ ତାର୍ ଆଗୁଡୁ ସୁକଲ୍‌ଆଡ଼ମା ବପୁସଙ୍ଗ୍ ସେ ବାଚିରଇବା ପେରିଡ଼ମନ୍‌କେ କେତେଟା ଆଦେସ୍ ଦେଇରଇଲା । ୩ ସେ ଦୁକ୍ କସ୍‌ଟ ଅଇଲାପଟେ, ସେମନ୍‌କେ ନିଜେ ବେସି ତର୍‌ ଦେକାଇଅଇଲା । ଚାଲିସ୍ ଦିନ୍‌ଜାକ୍ ବିନ୍ ବିନ୍ ବେଲାଇ ଦେକାଇଅଇଲା । ମଲାତେଇଅନି ଉର୍‌ଲାଟା ସଡ଼୍‌ସଙ୍ଗ୍ ଜାନାଇଲା । ସେମନ୍‌ ତାକେ ଦେକଲାଇ, ଆରି ସେ ସେମନ୍‌ର୍‌ସଙ୍ଗ୍ ପର୍‌ମେସର୍‌ର୍‌ ରାଇଜ୍ ବିସଇନେଇ କାତା ଅଇଲା । ୪ *ତରେକ୍ ସେମନ୍‌ର୍‌ସଙ୍ଗ୍ ମିସିକରି କାଇବା ବେଲେ, ସେ ଏ ଆଦେସ୍ ଦେଲା, “ଜିରୁସାଲମ୍ ଚାଡ଼ାନାଇ । ମାତର୍ ଜନ୍‌ଟା ମର୍ ସରଗର୍ ବାବା, ଇନାମେ ଦେବିବଲି କଇଆଟେ, ସେଟା ନ ମିଲ୍‌ବା ଜାକ୍ ଜାଗିରୁଆ ।

* ୧:୧ ୧:୧ ଲୁକ୍ ୧:୧-୪ * ୧:୪ ୧:୪ ଲୁକ୍ ୨୪:୪୯

୫ *କାଈକେବଇଲେ ଜଅନ୍ ପାନିତେଇ ହୁବନ୍ ଦେଇରଇଲା, ମାତର୍ କେତେ ଦିନ୍ ବିତ୍ରେ ପର୍ମେସର୍ ତମକେ ସୁକଲ୍ ଆତ୍ମାଈ ହୁବନ୍ ଦେଇସି ।”

ଜିସୁ ସର୍ଗେ ଜିବାଟା

୨ ଦିନେକ୍ ପେରିବ୍ ସିସମନ୍ ଗଟେକତେଇ ରୁଣ୍ଡିରଇଲା ବେଲେ ଜିସୁକେ ପାଚାରୁଲା, “ମାପୁର, ତମେ କାଈ ଏବେ ଇସରାଏଲର୍ ଲକ୍ମନକେ ତାକର୍ ରାଇଜ୍ ଆରିତରେକ୍ ବାଉଡାଈ ଦେଇସୁ କି ?” ୨ ଜିସୁ ସେମନକେ କଇଲା, “ମର୍ ବାବା ତାର୍ ନିଜର୍ ଅଦିକାର୍ସଙ୍ଗ୍ ବେଲାଗତି ଟିକକରି ସଙ୍ଗଇ ଆରେ । ଏ ସବୁ କେବେ ଗଟ୍ସି, ସେଟା ତମର୍ ଜାନ୍ବା ଦରକାର୍ ନାଇ ।” ୮ *ମାତର୍ ସୁକଲ୍ ଆତ୍ମା ତମର୍ ଉପରେ ଉତ୍ତରଲେ, ତମେ ପୁରାପୁରୁନ୍ ବପୁ ଅଇସା ଆରି ଜିରୁସାଲମ୍, ଜିଉଦାର୍ ସବୁଟାନେ, ସମିରଣ୍ ଆରି ଜଗତର୍ ସାରାସାରି ଜାକ ମର୍ ନାଉଁ ଦାରି ସାକି ଅଇସା ।” ୯ *ଏତ୍କି କାତା ସେମନକେ କଇସାରାଇଲା ପଟେ, ସେମନ୍ ଜିସୁକେ ସର୍ଗେ ନେବାଟା ଦେକଲା । ଗଟେକ୍ ଟେଲ୍କା ବାଦଲ୍ ଆସି ଡାବିଅଇଲାକେ ସେ ବାନା ଅଇଗାଲା । ଆରି ସେମନ୍ ତାକେ ଦେକି ନାପାରୁଲା । ୧୦ ସେ ସର୍ଗେ ଗାଲାପଟେ ମିସା ସେମନ୍ ଆଁକି ମରାଇକରି ଉପରେ ସେ ଦେକତେ ରଇଲା । ସେତ୍କିବେଲେ ଏଦେ ଦେକା ! ଦବ୍ ପଟିଆ ପିନ୍ଦା ଦୁଇ ଲକ୍, ସେମନର୍ ମୁଆଟେ ଆସି ଟିଆଅଇଲା । ୧୧ ଆରି କଇଲା “ଏ ଗାଲିଲିର୍ ଲକ୍ମନ୍, ତମେ କାଈକେ ଇତି ଟିଆଅଇ ଆକାସେ ଦେକ୍ଲାସିନ୍ ? ଏ ଜିସୁକେ ପର୍ମେସର୍ ତମରଟାନେଅନି ସର୍ଗେ ନେଲା ଆରେ । ସେ ସର୍ଗେ ଜେନ୍ତ୍ର ଜାଇରଇଲା, ସେନ୍ତ୍ରାତେସେ ଦର୍ତ୍ତନିତେଇ ଆଇବାଟା ଦେକ୍ସା ।”

ଜିଉଦାର୍ ଜାଗାଇ ମତିଆସ୍ତକେ ବାଟଲା

୧୨ ତାର୍ପଟେ ପେରିବ୍ ସିସମନ୍ ଜିତ୍ ପରବତେଅନି ଜିରୁସାଲମ୍ ବାଉଡି ଗାଲା । ସେ ପରବତ୍, ଜିରୁସାଲମ୍ ନଅରେଅନି ଗଟେକ୍ କିଲମିଟର୍ ଦୁର୍ ରଇଲା । ୧୩ *ଜିରୁସାଲମ୍ ନଅରେ ଜାଇକରି ସେମନ୍ ରଇବା ବାକରାଇ ପୁରୁଲା । ପିତର୍, ଜଅନ୍, ଜାକୁବ୍ ଆରି ତାର୍ ବାଇ ଆନ୍ରିୟ, ପିଲିପ୍, ତମା, ବାର୍ତଲମି, ମାତିଉ, ଆଲ୍ପିର୍ ପିଲା ଜାକୁବ୍, ଦେସ୍ ଆଲାଦକର୍ବା ସିମନ୍ ଆରି ଜାକୁବର୍ ପିଲା ଜିଉଦା, ଏମନ୍ ରଇଲା ତେଇର୍ ପେରିବ୍ ସିସମନ୍ । ୧୪ ସେମନ୍ ତ୍ରେକେତ୍ ଗଟେକ୍ ଦଲ୍ ଇସାବେ ପାର୍ତନା କର୍ବାକେ ରୁଣ୍ଡିତେ ରଇଲା । ଆରି ସେମନର୍ସଙ୍ଗ୍ ଜିସୁର୍ ଆୟା ମରିୟମ୍, ବିନ୍ ମାଇଜିମନ୍ ଆରି ଜିସୁର୍ ବାଇମନ୍ ମିସା ମିସ୍ତେରଇଲା । ୧୫ କେତେ ଦିନ୍ ଗାଲାପଟେ ପାକାପାକି ସଏ କଡେ ଲକ୍ ବିସବାସି ବାଇମନ୍ ରଇଲା ଗଟେକ୍ ସବାଇ, ପିତର୍ ଲକ୍ମନର୍ ମୁଆଟେ ଉଡି ଟିଆଅଇ କଇଲା, ୧୬ *ଏ ମର୍ ବାଇବଇନିମନ୍, ଜନ୍ ଇସ୍କାରିୟ୍ତ୍ ଜିଉଦା ଜିସୁକେ ଦାରାଇଦେବାକେ ସର୍ତ୍ତୁମନକେ ବାଟ୍ ଦେକାଇ ଆନିରଇଲା, ତାର୍ ବିସଇ, ଦାଉଦ୍ ସୁକଲ୍ ଆତ୍ମାଈ ପୁରୁଅଇ ବସିସର୍ତ୍ତକାତା ସୁନାଇ ରଇଲା । ଦମର୍ ସାସ୍ତରର୍ କାତା ସିଦ୍ ଅଇବାକେ ଏଟା ଗଟ୍ବାର୍ ରଇଲା । ୧୭ ଏଲେମିସା ସେ ଆମ୍ ଦଲ୍ ଲକ୍ ରଇଲା । ଆରି ଆମ୍ ସଙ୍ଗ୍ କାମ୍ କର୍ବାକେ ବାଟାଇଅଇ ରଇଲା ।” ୧୮ *ଜିଉଦା କିରିରଇବା କରାପ୍ କାମେଅନି ମିଲାଇଲା ତାରୁକେ ଗଟେକ୍ ଜମି ଗେନାଅଇରଇଲା । ଆରି ସେ ଜମିତେଇ, ଉମ୍ତାଡିଅଇ ଅଦ୍ରି ମଲା । ତାର୍ ପେଟ୍ ଚିରିଅଇ ଆଁତି ବାରଇଗାଲା । ୧୯ ଜିରୁସାଲମ୍ ନଅରେ ବାସାଅଇରଇବା ସବୁ ଲକ୍ମନ୍ ଏ ସବୁ ବିସଇ ସୁନ୍ଦଲା । ସେମନର୍ ବାସାଇ ସେ ଜମିର୍ ନାଉଁ ଆକେଲ୍ଦାମା ତାର୍ ଅରଡ୍ ଅଇଲାନି ବନିର୍ ପଦା ବଲି ନାଉଁ ଦେଲା ଅଟଡ୍ ।

୨୦ ଗିଡ୍ସଙ୍ଗିତା ବଇଟାନେ ଏ ବିସଇ ଲେକା ଅଇଲା ଆରେ,

“ତାର୍ ଗର୍ ରୁଟା ଅଇଜାଅ,

ତେଇ ବାସା ଅଇବାକେ କେ ମିସା ନ ଅଡ୍ ।”

ଆରି ମିସା ଲେକା ଅଇଲା ଆରେ,

“ତାର୍ ଜାଗାଇ ସେବା କର୍ବାକେ ଆରି ଗଟେକ୍ ଲକ୍ ମିସ ।”

୨୧ *ସେଟାର୍ ପାଇ, ଜିସୁମାପୁର୍ ଆମ୍ ସଙ୍ଗ୍ ଗାଲାବେଲେ ଜେ ଆମ୍ ଦଲେ ସବୁବେଲେ ରଇଲା, ସେନ୍ତ୍ରାରି ଗଟେକ୍ ଲକ୍ମକେ ବାଟ୍ବାର୍ ଆରେ । ୨୨ ଜନ୍ ଲକ୍ମକେ ଆମେ ବାଟ୍ବୁ, ପର୍ମେସର୍ ଜିସୁକେ ଜେନ୍ତ୍ର ଜିବନ୍ କରି ଉଟାଇଲା, ସେ ବିସଇ ଆମ୍ ସଙ୍ଗ୍ ସେ ସାକି ଅଇବାର୍ଆରେ । ଜଅନ୍ ଜିସୁକେ ହୁବନ୍ଦେଲା ବେଲେଅନି, ପର୍ମେସର୍ ଆମ୍ ରଟାନେଅନି ତାକେ ସର୍ଗେ ନେବା ଜାକ, ସେ ଲକ୍ ଆମ୍

* ୧:୫ ୧:୫ ମାତିଉ ୩:୧୧; ମାର୍କ ୧:୮; ଲୁକ୍ ୩:୧୨; ଜଅନ୍ ୧:୩୩ * ୧:୮ ୧:୮ ମାତିଉ ୨୮:୧୯; ମାର୍କ ୧୬:୧୫; ଲୁକ୍ ୨୪:୪୭-୪୮
* ୧:୯ ୧:୯ ମାର୍କ ୧୬:୧୯; ଲୁକ୍ ୨୪:୫୦-୫୧ * ୧:୧୩ ୧:୧୩ ମାତିଉ ୧୦:୨-୪; ମାର୍କ ୩:୧୬-୧୯; ଲୁକ୍ ୬:୧୪-୧୬ * ୧:୧୮ ୧:୧୮ ମାତିଉ ୨୭:୩-୮ * ୧:୨୧ ୧:୨୧ ମାତିଉ ୩:୧୬; ମାର୍କ ୧:୯; ଲୁକ୍ ୩:୨୧; ମାର୍କ ୧୬:୧୯; ଲୁକ୍ ୨୪:୫୧

ଦଲେ ରଇବାଟ୍ ଆତେ ।”^{୨୩} ସେମନ୍ ଦୁଇ ଲକର୍ ନାଉଁ ଦେଲାଇ । ଜସେପ୍ ଜେକି ବର୍ସବା ଆରି ଜୁସ୍ତକ୍ ବଲି ମିସା କଇବାଇ ଆରି ମତିୟ ।^{୨୪} ଆରି ସେମନ୍ ପାର୍ତନା କଲାଇ, “ମାପୁଟୁ ତମେତା ସବୁ ଲକର୍ ମନର୍ କାତା ଜାନାସ୍ । ଜିଉଦା ଜନ୍ ଜାଗାଇ ରଇବାଟ୍ ରଇଲା, ଟିକ୍ ତେଇ ଉଟିଗାଲା । ପତେ ତାର୍ ଜାଗାଇ ତମେ ବାଟିରଇବା ଲକ୍, ଏ ଦୁଇ ଲକର୍ ବିତ୍ତରେ ଅନି କେ ଅଇରଇସି ?”^{୨୫} ଜେ ପେରିତ୍ ସିସ୍କାମ୍ କରିପାରସି, ତାକେ ଆମ୍ କେ ଜାନାଆ ।”^{୨୬} ତାର୍ ପତେ ଦୁଇ ଲକର୍ ତାନ୍ ଅନି ଗଟେକ୍ ଲକ୍ କେ ବାଟ୍ ବାକେ କେଡ଼ ପୁଟାଇଲାଇ । କେଡ଼ ପୁଟାଇଲାକେ ମତିୟ ସର୍ ନାଉଁ ପୁଟ୍ଲା । ସେନ୍ତାରି, ଏଗାର୍ଟା ସିସ୍କାମନ୍ ଦଲେ ସେ ମିସ୍କା ।

୨

ସୁକଲଆଡ଼ମା ଆଇବାଟା

^୧ ଜନ୍ ଦିନେ ସେମନ୍ ପେନ୍ ଟିକସ୍ ପରବ୍ ମାନ୍ ତେରଇଲାଇ, ଜିସୁକେ ବିସବାସ୍ କରବା ସବୁ ଲକ୍ ମନ୍ ଗଟେକ୍ ଜାଗାଇ ରୁଣ୍ଡିରଇଲାଇ ।^୨ ଏଟାଡ଼ ଆକାସେ ଅନି ବେସି ପବନ୍ ଆଇଲାପାରା ଗଟେକ୍ ସବଦ୍ ଅଇଲା । ଆରି ଜନ୍ ଗରେ ସେମନ୍ ବସି ରଇଲାଇ, ସେଟା ସେ ସବଦେ ପୁରୁନ୍ ଅଇଲା ।^୩ ତାର୍ ପତେ ସେମନ୍ ଦେକ୍ଲାଇ, କେତେଟା ଜଇଜିବ୍ ଉଦ୍ ଲିକରି ବିଟି ଅଇଲା । ଆରି ତେଇ ରଇଲା ସବୁ ବିସବାସିମନ୍ କେ ଟିଇଲା ।^୪ ସେମନ୍ ସବୁ ଲକ୍ ସୁକଲଆଡ଼ମାଲ ପୁରାପୁରୁନ୍ ଅଇଲାଇ ଆରି ଆଡ଼ମା ଦେଲା ବପୁ ଇସାବେ ନାଜାନ୍ଲା ବାସାମନ୍ ସଙ୍ଗ୍ କାତା ଅଇବାଟ୍ ଦାର୍ଲାଇ ।

^୫ ଜଗତର୍ ବିନ୍ ବିନ୍ ଦେସେ ଅନି ଆସିରଇଲା ଜିଉଦି ଲକ୍ ମନ୍ ସେଡ଼କିବେଲେ ଜିରୁସାଲମେ ରଇଲାଇ ।^୬ ଏନ୍ତାରି ଅଇଲାଟା ଦେକି ସେମନ୍ ସାର୍ଦା ଅଇଗାଲାଇ । କାଇକେ ବଇଲେ ସେ ବିସବାସିମନ୍ ତାକର୍ ତାକର୍ ବାସାଲ କାତା ଅଇବାଟା ସେମନ୍ ସୁନ୍ଲାଇ ।^୭ ସେମନ୍ ବୁଦିଗୁପିଗାଲା ଆରି କାବା ଅଇଜାଇ ପାଟାରୁଲାଇ, “ଏନ୍ତାରି ବାସାଲ କାତା ଅଇବା ଲକ୍ ମନ୍ ଗାଲିଲିଅନି ନଅଡ଼ କି ?” ସେନ୍ତିଆଲେ ଆମେ କେନ୍ତି ସେମନ୍ କେ ଆମର୍ ନିଜର୍ ନିଜର୍ ଜନମ୍ ଜାଗାର୍ ବାସାଲ କାତା ଅଇବାଟା ସୁନିଆରୁ ?^୮ ଆମେ ପାର୍ତିୟ, ମାଦିୟ, ଏଲାମିୟ ଆରି ମେସପଟାମିୟ, ଜିଉଦା ଦେସ୍ ଆରି କାପ୍ ପାଦକିଆ, ପନ୍ତ୍ ଆରି ଆସିଆ,^୯ ପିରିଜିଆ ଆରି ପପୁଲିଆ, ମିସର୍ ଆରି କୁରିଣି ଲଗେ ରଇଲା ଲିବିଆ ଜାଗାର୍ ଲକ୍ । ଆମର୍ ବିତ୍ତରେ ରମରାଇଜେ ଅନି ଆସିରଇବା, ଜନମେ ଅନି ଜିଉଦି ଅଇଲା ଲକ୍ ଆରୁ ଆରି ପତେ ଜିଉଦି ଦରମ୍ ନେଲା ଲକ୍ ମିସା ଆରୁ ।^{୧୦} ଆମର୍ ବିତ୍ତରେ ଅନି କେତେଲକ୍ କିରୁତିୟ ଅନି ଆରି ଆରବିୟ ଅନି ଆଇଲୁ ଆରୁ । ଏନ୍ତି ଆମେ ସବୁ ବିନ୍ ବିନ୍ ଜାଗାଇ ଅନି ଆଇଲୁ ଆରୁ । ଏନ୍ତି ବଇଲେ ମିସା ପର୍ମେସର୍ କଲା ବଡ଼ ବଡ଼ କାବା ଅଇଜିବା କାମ୍ ଏ ଲକ୍ ମନ୍ ଆମର୍ ନିଜର୍ ନିଜର୍ ବାସାଲ କାତା ଅଇବାଟା ସୁନ୍ଲୁନି ।”^{୧୧} ଏନ୍ତି ବଲି ସେମନ୍ ବେସି କାବା ଅଇଗାଲାଇ । ଆରି ସେମନ୍ ବୁଦି ଆଜି ଗାଲା । ଆରି ତାକର୍ ତାକର୍ ବିତ୍ତରେ “ଏଟା କେନ୍ତା ଅଇଲା ତେବେ ?” ବଲି ସବୁ ବେଲେ ପାଟାରୁ ଉଗାର୍ ଅଇତେ ରଇଲାଇ ।^{୧୨} ମାତର୍ ବିନ୍ ଲକ୍ ମନ୍ ବିସବାସିମନ୍ କେ କିଜାଇକରି କଇଲାଇ, “ସେମନ୍ ମାତିଆରଡ଼ !”

ପିତର୍ କବର୍ ଜାନାଇବାଟା

^{୧୩} ପିତର୍ ତାର୍ ସଙ୍ଗ୍ ରଇଲା ଏଗାର୍ଟା ପେରିତ୍ ମନର୍ ସଙ୍ଗ୍ ଟିଆଅଇ ଆଉଲି ଅଇ କଇଲା, “ଏ ମର୍ ପାରା ଜିଉଦି ଲକ୍ ମନ୍ ଆରି ଜିରୁସାଲମେ ରଇବା ସବୁ ବାଇମନ୍, ମର୍ କାତା ମନ୍ ଦେଇ ନିମାନ୍ ସୁନା । ଏଟା କାଇଟା ଅଇଲାନି ବଲି ମୁଇ ତମ୍ କେ ବୁଜାଇ କଇବି ।^{୧୪} ଏବେ ସାକ୍ଲିଆ ନଅଟା ବେଲା ଅଇଲା ଆତେ । ତମେ ବାଦ୍ଲାପାରା ଏ ଲକ୍ ମନ୍ ମାତର୍ ନାଇ ।^{୧୫} ଏଟା ଜଏଲ୍ ନାଉଁର୍ ବବିସ୍ତବକ୍ତା କଇଲା କାତା ପାରା ଗଟ୍ ନା ଗଟି ଆତେ ।”

^{୧୬} ସେଟା କାଇଟା ବଇଲେ ପର୍ମେସର୍ କଇଲାନି,
 “ସାରାସାରି ଦିନେ ମୁଇ ଏ ସବୁ ବିସଇ କରୁବି ।

ମର୍ ଆଡ଼ମା ଜବର୍ ଅଇତେ ସବୁ ବାଟର୍ ଲକ୍ କେ ଦେବି ।

ତମର୍ ପିଲାଜିଲା ମୁଇ କଇବା କାତା କଇବାଇ ।

ତମର୍ ଦାଙ୍ଗ୍ ଡାପିଲାମନ୍ କେ ମୁଇ ଦରସନ୍ ଦେକାଇବି ।

ଆରି ଡକ୍ତରା ଲକ୍ ମନ୍ ମର୍ ବିସଇନେଇ ସପନ୍ ଦେକ୍ ବାଇ ।

^{୧୮} ସେ ଦିନମନ୍ କେ ମର୍ ଆଡ଼ମା ଜବର୍ ଅଇତେ ମର୍ ଦାଙ୍ଗ୍ ଡା ଅଇରଇବା ମାଇଜିମୁନ୍ ସମ୍ପନ୍ କେ ଆଜାତି ଦେବି ।

ସେମନ୍ ମୁଇ କଇବା କାତା କଇବାଇ ।

୧୯ ଆକାସେ କାବା ଅଇଜିବା କାମ୍ କରୁବି ।

ଦରୁତନି ତେଇ ମିସା କାବାଅଇଜିବା ଚିନ୍ତାନ୍ କରୁବି ।

ଲକ୍ମନ୍ ବନି, ଜଇ ଆରି କାଲିଆ ଦୁଆଁ ଦେକ୍‌ବାଇ ।

୨୦ ବେଲ୍‌କେ ଆକାର୍ ତିସ୍‌ଲା ପାରା କରାଇବି,

ଜନ୍, ବନି ପାରା ତିସ୍‌ବାକେ କରାଇବି ।

ମୁଇ ବାଉଡ଼ି ଆଇବା ସେ ବଡ଼ ଉଇଲ୍‌ରୁ ଦିନ୍ ଆଗୁଡୁ, ଏଟାସବୁ ଅଇସି ।

୨୧ ଜେଡ଼କି ଲକ୍ମ ମର୍ ନାଉଁ ଦାରି ତାକ୍‌ବାଇ,

ସେମନ୍‌କେ ମୁଇ ରକିଆ କରୁବି ।”

୨୨ ପିତରୁ କଇଲା, “ଏ ଇସ୍ରାଏଲ୍‌ ଦେସର୍ ଲକ୍ମନ୍ ତମେ ମୁଇ କଇବା କାତା ସୁନା । ପରମେସର୍‌ସେ ବାଟି ପାଟାଇଲା ଲକ୍ମ, ନାଜରିଡ଼ ଗଡ଼ର୍ ଜିସୁ ବଲିକରି ସେ ତମର୍ ଲଗେ ରଇଲା ବେଲେ, ଦେକାଇଦେଲା । ସେଟା କେନ୍ତ୍ରାଡ଼ ବଇଲେ, ପରମେସର୍ ତାରୁତେଇଅନି କାବା ଅଇଜିବା କାମ୍ କଲାଆତେ । ଏଟା ସଡ଼ ବଲି ତମେ ଜାନିଆଟାସ୍ । ୨୩ ✨ତାରୁ ଆଗୁଡୁର୍ ଜଜ୍‌ନା ଇସାବେ ସେ କାତା ଦେଇସାରାଇରଇଲା କି, ଜିସୁ ତମର୍ ଆତେ ସର୍‌ପାଇ ଅଇସି । ତାରୁପତେ ତାରୁ ନିୟ୍‌ମ୍ ନ ମାନ୍‌ବା ଲକ୍ମନ୍ ତାକେ କୁରୁସେ ତଗାଇ ମରାଅଡ଼ ବଲି ତମେ ତାକେ ଏକ୍ତି କଲାସ୍ । ୨୪ ✨ମାତର୍ ପରମେସର୍ ଜିସୁକେ ମଲାଟାନେଅନି ଆରି ତରେକ୍ ଉଟାଇଲା । ମରନର୍ ବପୁତେଇଅନି ତାକେ ମୁକ୍‌ଲାଇଲା । କାଇକେବଇଲେ କେ ମିସା ତାକେ ମରାଇକରି ସେ ଜାଗାଇ ସଙ୍ଗାଇ ନାପାରୁଲାଇ । ୨୫ ଏ ବିସଇ ଦାଉଦ୍ ରାଜା ଏକ୍ତି କଇ ଆତେ । ସେଟା କାଜଟା ବଇଲେ,

“ପରମେସର୍ ସବୁ ବେଲା ମର୍ ମୁଆଟେ ରଇବାଟା ଦେକ୍‌ଲି ।

ସେ ମର୍ ସଙ୍ଗି ଆତେ ।

ସେଟାରୁପାଇ ମକେ କେ ମିସା କଟପଟ କରିନାପାରଡ଼ ।

୨୬ ସେଟାରୁ ପାଇ ମୁଇ ସାରୁଦାସଙ୍ଗି ଆଟି ।

ଆରି ସାରୁଦାରୁ କାତା କଇବି ।

ମର୍ ଏ ମର୍‌ବା ଗାଗଡ଼ ରଇଲେ ମିସା ମୁଇ ସବୁବେଲେ

ତମର୍ ତେଇ ଆସା କରୁବି ।

୨୭ କାଇକେ ବଇଲେ ତୁଇ ମକେ ମଲାଲକ୍‌ମନର୍ ଜାଗାଇ ଚାଡ଼ି ନ ଦିଆସ୍ ।

ତମର୍ ସୁକଲ୍ ଦାଙ୍ଗିଡାକେ ସମାଦିଟାନେ କୁଇବାକେ ନ ଚାଡାସ୍ ।

୨୮ ତମେ ମକେ ଜିବନର୍ ବାଟ୍ ଦେକାଇ ଆଟାସ୍ ।

ତମେ ମର୍ ସଙ୍ଗି ଆଟାସ୍, ସେଟାରୁପାଇ ମୁଇ ସାରୁଦା ସଙ୍ଗି ରଇବି ।”

୨୯ ଆରି ପିତରୁ କଇଲା, “ଏ ଇସ୍ରାଏଲ୍‌ରୁ ବାଇବଇନିମନ୍, ଆମର୍ ଆନିଦାଦିବେଲ୍‌ରୁ ଦାଉଦ୍ ରାଜାରୁ ବିସଇ ତାରୁସଙ୍ଗି କଇବାକେ ମର୍ ଅଦିକାରୁ ଆତେ । ସେ ମଲାକେ ତାକେ ତପି ଦେଲାଇ । ସେ ତପୁଲା ଜାଗା ଏବେ ଜାକ ଇତି ଆତେ । ୩୦ ସେ ଗଟେକ୍ ବବିସଡ଼ବକ୍ତା ରଇଲା ଆରି ପର୍‌ମେସର୍ ସପଡ଼କରି କଇଲା ବିସଇ ଜାନିରଇଲା । ପର୍‌ମେସର୍ ତାକେ କାତା ଦେଇରଇଲା ଜେ, ତାରୁ ଗଟେକ୍ ନାଡ଼ିଡ଼ିଡ଼ି ଦିନେକ୍ ତାରୁପାରା ସାସନ୍ କରୁସି । ୩୧ ଏ ବିସଇ ଆଗେ ସେ ଜାନି ରଇଲାରୁପାଇ ପର୍‌ମେସର୍ ମସିଅକେ ମଲାତେଇଅନି ଆରିତରେକ୍ ଜିବନ୍ କରାଇସି ବଲି ସେ କଇପାରୁଲା ।”

“ପର୍‌ମେସର୍ ତାକେ ମରିକରିସେ ତେଇ ରଇବାକେ ଚାଡ଼ିଦେଏ ନାଇ ।

ଆରି ତାରୁ ଗାଗଡ଼ ସମାଦି ତେଇ କୁଇ ଜିବାକେ ଚାଡ଼େନାଇ ।”

୩୨ ଏବେ ଏ ଜିସୁକେ ପରମେସର୍ ଜିବନ୍ ଦେଇ ଉଟାଇଆତେ । ଆମେ ସବୁ ସେ ଗବ୍‌ନାରୁ ସାକି । ୩୩ ପରମେସର୍ ତାକେ ତାରୁ ଉଜାବାଟେ ବସବାକେ ଉଟାଇଆତେ । ଆରି ସେ କାତା ଦେଲା ଇସାବେ ତାରୁଟାନେଅନି ସୁକଲ୍‌ଆଡ଼ୁମା ପାଇଲାଆତେ । ତମେ ଏବେ ଜନ୍‌ଟା ଦେକ୍‌ଲାସିନି ଆରି ସୁନ୍‌ଲାସିନି, ସେଟା ଅଇଲାନି ତାରୁ ଦାନ୍‌କରି ରଇବାଟା । ଜନ୍‌ଟା କି ସେ ଆମକେ ଜବର୍ ଅଇତେ ଆଜାଡ଼ି ଦେଲାଆତେ । ୩୪ ସରଗେ ଗାଲା ଲକ୍ମ ଦାଉଦ୍ ନର୍‌ଏ । ମାତର୍ ସେ କଇଲା, “ପର୍‌ମେସର୍ ମର୍ ମାପୁରୁକେ କଇଲା

ତମର୍ ସବୁ ସଡ଼ରୁମନ୍‌କେ ଆରାଇବା ଜାକ ମର୍ ଉଜାବାଟେ ବସ୍ ଆରି ସାସନ୍ କର୍ ।”

୩୫ ଆରି ତର୍ ସଡ଼ରୁମନ୍‌କେ ତର୍ ପାଦତଲେ ନ ଆନ୍‌ବା ଜାକ ମର୍ ଉଜାବାଟେ ବସି ର । ୩୬ ପିତରୁ ଆରି କଇଲା “ଏ ଇସ୍ରାଏଲ୍‌ରୁ ସବୁ ଲକ୍ମନ୍, ତମେ ଜନ୍ ଜିସୁକେ କୁରୁସେ କୁଟିମାରି ମରାଇରଇଲାସ୍,

✧ ୨:୨୩ ୨:୨୩ ମାଡ଼ିର ୨୭:୩୫; ମାରୁକ ୧୫:୨୪; ଲୁକ୍ ୨୩:୩୩; ଜଅନ୍ ୧୯:୧୮ ✧ ୨:୨୪ ୨:୨୪ ମାଡ଼ିର ୨୮:୫,୬; ମାରୁକ ୧୬:୭; ଲୁକ୍ ୨୪:୫

ପରମେସ୍ୱର ତାକେ ମାପୁରୁ ଆରି ମସିଅ କଲ୍ଲାଆଟେ ବଲି ତାଟ୍‌ସଙ୍ଗ୍ ଜାନ୍‌ବାର୍‌ଆଟେ ।” ୩୭ ଏ କାତା ପିତରଟାନେଅନି ସୁନ୍‌ଲା ସବୁ ଲକ୍‌ମନ୍ ତାକର୍ ନିଜର୍ ବୁଲ୍ ଏତାଇକରି ମନ୍ ବିତ୍‌ରେ କିଲ୍‌ବିଲ୍ ଅଇଗାଲାଇ । ସେମନ୍ ପିତରକେ ଆରି ପେରିଟ୍‌ମନ୍‌କେ ପାଟାରୁଲାଇ, “ଏ ବାଇମନ୍ ଏନ୍ତାର ବଲି କଇଲେ ଆମେ କାଇଟା କରୁବାର୍‌ ଆଟେ ?” ୩୮ ପିତର ସେମନ୍‌କେ କଇଲା, “ତମେ ଗଟେକ୍ ଗଟେକ୍ ଲକ୍ ପାପେଅନି ବାଉଡିକରି ଜିସୁ କିରିସ୍‌ଟର୍ ନାଉଁ ଦାରି ହୁବନ୍ ନେବାର୍‌ ଆଟେ, ଜେନ୍ତାରି କି ତମର୍ ପାପ୍ ସବୁ କେମା ଅଇସି ଆରି ପରମେସ୍ୱର ତମକେ ସୁକଲ୍ ଆତ୍‌ମା ଦେଇସି । ୩୯ ଏ ସପ୍ତ ତମର୍‌ପାଇ ଆରି ତମର୍ ପିଲାମନର୍‌ପାଇ । ଆରି ଇତିଅନି ଦୁରିକେ ରଇବା ସବୁର୍‌ପାଇ । ଜନ୍ ସବୁଲକ୍‌କେ ସେ, ତାର୍ ଲଗେ ତାକ୍‌ଲାନି ।” ୪୦ ଆରି ପିତର ସେମନ୍‌କେ ଜାଗରତ୍ କରାଇବାକେ ବେସି ବିସଇ କଇଲା ଆରି ସେମନ୍‌କେ ବାବୁଜିଆ କଲା । ବିସ୍‌ବାସ୍ ନ କରବା ଜିଉଦି ବାଇମନ୍‌କେ ଆଇଡେରଇବା ବଡ୍ ତଣ୍ଡେଅନି ନିଜ୍‌କେ ରକିଆ କରା । ବଲି କଇଲା । ୪୧ ତେଇ ପିତରର କାତା ସୁନି ବେସି ଲକ୍ ବିସ୍‌ବାସ୍ କଲାଇ । ଆରି ସିସ୍‌ମନ୍ ସେମନ୍‌କେ ହୁବନ୍ ଦେଲାଇ । ସେ ଦିନେ ତିନ୍‌ଅଜାର୍ ଲକ୍‌ମନ୍ ତାକର୍ ଦଲେ ମିସ୍‌ଲାଇ । ୪୨ ସେମନ୍ ପେରିଟ୍‌ମନ୍ ସିକାଇଲା ବିସଇ ମାନୁଲାଇ । ମିସିବିଡି ରଇବାକେ, ମିସିକରି କାଇବାକେ, ଆରି ପାର୍‌ତନା କରବାକେ ।

ବିସ୍‌ବାସିମନ୍‌ ଜିଉନା କାଉନ

୪୩ ଆରି ଲକ୍‌ମନ୍ ଡରିଜାଇଡେରଇଲାଇ । ପରମେସ୍ୱର ପେରିଟ୍‌ମନ୍‌ର ତେଇଅନି ବେସି କାବାଅଇଜିବା କାମମନ୍ କରତେ ରଇଲା । ସବୁ ଲକ୍‌ମନ୍ ପରମେସ୍ୱରକେ ନାମ୍‌ଲାଇ । ୪୪ ଈସୁକେ ବିସ୍‌ବାସ୍ କଲା ଲକ୍‌ମନ୍ ଗଟେକ୍ ଗରର୍ ଲକ୍‌ପାରାଅଇ ରଇତେ ରଇଲାଇ । ଆରି ତାକର୍‌ଡେଇ କାଇକାଇଟା ରଇଲା, ସେଟା ସେମନ୍ ବାଟା କରତେରଇଲାଇ । ୪୫ ତାକର୍ ବିତ୍‌ରେ କେଡେଲକ୍ ଜିମି ଆରି ନିଜର୍‌ପାଇ ରଇବାଟା ବିକିକରି, ସେ ତାବୁ ଦର୍‌କାର୍ ଅଇଲା ଲକ୍‌ମନ୍‌କେ ଦେଇଡେରଇଲାଇ । ୪୬ ସବୁଦିନ ପାର୍‌ତନା କରବା ମନ୍‌ଦିରେ ଗଟେକ୍ ଦଲ୍‌ଅଇ ମିସ୍‌ତେରଇଲାଇ । ଗରେ ଗରେ ମିସିବିଡି କାଇଡେରଇଲାଇ । ସାର୍‌ଦାସଙ୍ଗ୍ ରଇକରି, ମନେ କାଇଟା ନ ବାବି ଦିଆନିଆ ଅଇଡେରଇଲାଇ । ୪୭ ସେମନ୍ ପରମେସ୍ୱରକେ ତାକ୍‌ପୁଟା କରତେରଇଲାଇ ଆରି ଜିରୁଆଲେମର୍ ସବୁଲକ୍ ସେମନ୍‌କେ ନିକ ବଲି ବାବ୍‌ଡେରଇଲାଇ । ମାପୁରୁ ଜନ୍ ଲକ୍‌ମନ୍‌କେ ମୁକ୍ତି କରତେରଇଲା, ଦିନକେ ଦିନ୍ ସେମନ୍‌ର ଦଲେ ମିସାଇଡେରଇଲା ।

୩

ଗଟେକ୍ ଚଟା ନିକ ଅଇଲା

୧ ଗଟେକ୍ ଦିନେ ପିତର ଆରି ଜଅନ୍ ପାର୍‌ତନା କରବାକେ ମନ୍‌ଦିରେ ଗାଲାଇ, ଜେଡେବେଲେ କି ପାର୍‌ତନା କରବା ବେଲା ମୁଇଦାନିଆ ତିନ୍ ଗିଟା ଅଇରଇଲା । ୨ ତେଇ ଗଟେକ୍ ଲକ୍ ରଇଲା । ସେ ଜନମେଅନି ଚଟା । ତାକେ ସବୁଦିନ ଲକ୍‌ମନ୍ ବଇକରି ସୁନ୍‌ର୍ ବଲି କଇବା ମନ୍‌ଦିରର୍ ତିଆଗତି, ନିଆ ଆନା କରତେରଇଲାଇ । ସେ ଜେନ୍ତାରି ମନ୍‌ଦିରେ ଆଇଲା ଲକ୍‌ମନ୍‌କେ ବିକ୍ ମାଜି ପାର୍‌ସି । ୩ ପିତର ଆରି ଜଅନ୍ ମନ୍‌ଦିର୍ ବିତ୍‌ରେ ପୁରୁବାଟା ଦେକି ସେ ସେମନ୍‌କେ କାଇଟା ମିସା ଦିଆ, ବଲି ବିକ୍‌ମାଗଲା । ୪ ପିତର ଆରି ଜଅନ୍ ତାକେ ନିମାନ୍‌କରି ତିରିଆଇ ଦେକ୍‌ଲାଇ ଆରି ପିତର କଇଲା, “ଆମର୍ ବାଟେ ଦେକ୍ !” ୫ ସେ କାଇଟାଆଲେ ପାଇବା ଆସାଇ ସେମନ୍‌ର ବାଟେ ମୁ ବୁଲାଇ ଦେକ୍‌ଲା । ୬ ମାତର ପିତର ତାକେ କଇଲା, “ମର୍‌ଲଗେ ସୁନା କି ରୁପା ନାଇ, ମକେ ଜାଇଟା ଆଟେ ସେଟା ତକେ ଦେଲିନି । ନାଜିରିଡର୍ ଜିସୁର୍ ନାଉଁଦାରି ମୁଇ ଆଦେସ୍ ଦେଲିନି, ଉର୍ ଆରି ଇଣ୍ଟୁ !” ୭ ଏନ୍ତୁ କଇକରି ପିତର ତାକେ ଉଜା ଆତ୍ ଦାରି ଉଗାଇଲା, ସେ ଦାପୁରେ ସେ ଲକ୍‌ର୍ ପାଦ୍ ଆରି ଗଡ୍ ସବୁ ତାଟ୍ ଅଇଲା । ୮ ସେ ଚିକାଲ୍‌ନା ଡେଗଇକରି ଉର୍‌ଲା ଆରି ଇଣ୍ଟୁବାର୍ ଦାନ୍‌ଲା । ସେ ଇଣ୍ଟୁ ଇଣ୍ଟି ଡେଗଇ ଡେଗଇ ପରମେସ୍ୱରର୍ ତାକ୍‌ପୁଟା କିରିକରି ତାକର୍ ସଙ୍ଗ୍ ମନ୍‌ଦିରେ ଗାଲା । ୯ ତେଇ ରଇବା ଲକ୍‌ମନ୍ ତାକେ ଇଣ୍ଟୁବାଟା ଆରି ପରମେସ୍ୱରକେ ତାକ୍‌ପୁଟା କରବାଟା ଦେକ୍‌ଲାଇ । ୧୦ ମନ୍‌ଦିରର୍ ସୁନ୍‌ର୍ ନାଉଁର୍ ତିଆଗତି ବସି ରଇଲା ମାଜିଟିଆ ବଲି ତିନ୍‌ଲାଇ । ଆରି ତାକେ ଜାଇଟା ଗଟି ରଇଲା ସବୁ ଜାନି କାବାଅଇଜାଇ କାନାବାନା ଅଇଲାଇ ।

ପାର୍‌ତନା ମନ୍‌ଦିରେ ପିତରର୍ ଜାନାଇବାଟା

୧୧ ସେ ଲକ୍ ପିତରକେ ଆରି ଜଅନ୍‌କେ ନ ଚାଡ୍‌ଡେରଇଲା । ସଲ୍‌ମନ୍‌ର ପିଣ୍ଡାଇ ତାକର୍ ସଙ୍ଗ୍ ରଇବାଟା ଦେକି, ଲକ୍‌ମନ୍ କାବାଅଇଗାଲାଇ । ପଟେ ପାଲାଇ ଅଇଲାଇ । ୧୨ ପିତର ସେମନ୍‌କେ ଦେକି

* ୨:୪୪ ୨:୪୪ ପେରିଟ୍ ୪:୩୨-୩୫

କଲିଲା, “ଏ ଇସ୍ରାଏଲରୁ ବାଇମନ, ତମେ କାଲକେ କାବାଅଇଜାଇ ଆମର ବାଟେ ଏଣ୍ଡାରୁ ଦେକ୍ଲାଇସନି ? କାଲଟା ବାବଲାଇସନି ? ଆମର ନିଜରୁ ବପୁସଙ୍ଗ କି ଦରମସଙ୍ଗ ଏ ଲକ୍ଷକେ ଇଣ୍ଡା ବପୁ ଦେଲୁଆରୁ ? ୧୩ ଆମର ଆନିଦାଦିମନର ପରମେସର ଅବରାଆମର, ଇସାକରୁ ଆରି ଜାକୁବର ପରମେସର ତାରୁ ସେବାକାରିଆ ଜିସୁକେ ଡାକ୍ପୁଟା କଲାଆଟେ । ମାତରୁ ତମେ ତାକେ ସାସନକାରିଆମନରୁ ଆତେ ସରପିଦେଲାସ । ଏଣ୍ଡି କି ପିଲାଡ଼ ତାକେ ଚାଡ଼ିଦେବାକେ ମନକରି ରଇଲେ ମିସା ତାରୁ ମୁଆଟେ ଚାଡ଼ନାଇ ବଲି କଇଲାସ । ୧୪ *ସେ ଆକା ଗଟେକ୍ସେ ସୁକଲ୍ ଆରି ଦରମ୍ ଲକ୍ଷ ରଇଲା । ମାତରୁ ତମେ ତାକେ ନାମାସ ନାଇ ଆରି ତାରୁ ବାବୁଲେ ଗଟେକ୍ ନରୁମାରୁକେ ମୁକଲାଇବାକେ ପିଲାଡ଼କେ ଗୁଆରି କଲାସ । ୧୫ ଜେ ଜିବନରୁ ବାଟ୍ ଦେକାଉ, ତାକେ ତମେ ମାରୁଲାସ, ମାତରୁ ପରମେସର ତାକେ ମଲାଟାନେଅନି ଆରି ତରେକ୍ ଜିବନ୍ କରି ଉଟାଇଲା । ଆମେ ଅଇଲୁନି ତାରୁ ସାକି । ୧୬ ତାରୁ ନାଉଁରୁ ବପୁ ସଙ୍ଗ ଏ ଚଟା ନିମାନ୍ ଅଇଲାଆଟେ । ଜନ୍ ଗର୍ନା ଏବେ ତମେ ନିଜେ ଦେକି ସତ୍ ବଲି ଜାନ୍ଲାସ, ସେଟା ଅବକା ତାରୁ ନାଉଁଦାରି ବିସବାସ କଲାକେସେ ମିଲିଲା ଆଟେ । ଜିସୁକେ ବିସବାସ କଲାକେ ସେ ନିମାନ୍ ଅଇଲା ଆଟେ, ଏଟା ତମେ ଦେକ୍ଲାଇସ ।”

୧୭ “ସେଟାରୁ ପାଇ ଏ ଇସ୍ରାଏଲରୁ ବାଇମନ, ତମେ ଆରି ତମରୁ ନେତାମନ୍ ଜିସୁକେ ଜାଲଟା କଲାସ, ସେଟା ନାଜାନିକରି କଲାସ, ଏଟା ମୁଜ୍ ଜାନି । ୧୮ ବେସି ବରସ୍ ଆଗରୁ ତାରୁ ବବିସତ୍‌ବକ୍ତା ମନରୁଟାନେ ଅନି ଜାନାଇରଇବା କାତା ଇସାବେ ଏବେ ସିଦ୍ ଅଇଲା ଜେ, ସେ ମସିଅ ଦୁକ୍‌ପାଇବାକେ ଅଇସି । ୧୯ ସେଣ୍ଡିଆଲେ ତମେ ମନ୍‌ବାଦ୍‌ଲାଲ କରି ପରମେସରରୁ ବାଟେ ବାଉଡ଼ି ଆସା । ତେବେ ସେ ତମରୁ ପାପ୍ କେମା କରୁସି ।” ୨୦ ଆରି ମାପୁରୁଟାନେଅନି ଆଡ଼ମାଇ ବପୁ ପାଇସା, ପରମେସର ତମରୁପାଇ ସେ ଆଗେଅନି ବାଟୁଲା, ମସିଅ ଜିସୁକେ ପାଟାଇସି । ୨୧ ପରମେସର ସରୁ ବିସଇ ନୁଆ କରବା ବେଲା ଜାକ ସେ ସରୁଗେ ରଇସି । ଏଟା ପରମେସର ପୁରବେ ରଇଲା ତାରୁ ସୁକଲ୍ ବବିସତ୍‌ବକ୍ତାମନୁକେ ସପତ୍ କରିରଇଲା । ୨୨ ସେ ବିସଇ ମସା କଇରଇଲା, ତମରୁ ମାପୁରୁ ପରମେସର ତମରୁ ଲଗେ ମରୁପାରା ବବିସତ୍‌ବକ୍ତାକେ ପାଟାଇସି । ତମରୁ ବାଇମନରୁ ବିତ୍ରେ ଅନି ଗଟେକ୍ ଲକ୍ଷକେ ପାଟାଇସି । ସେ ଜେଡ଼କି ବିସଇ କଇସି, ସେଟା ସରୁ ତମେ ମାନ୍‌ବାରୁ ଆଟେ । ୨୩ କେ ଜଡ଼ି ସେ ବବିସତ୍‌ବକ୍ତାରୁ କାତା ନ ନାମେ ତାକେ ପରମେସରରୁ ଲକ୍ଷମନରୁଟାନେଅନି ଅଲୁଗା କରି କୁରୁପ୍‌ନାସ କରିପାକାଇସି । ୨୪ ଜେଡ଼କି କବରୁ ସୁନିରଇବା ବବିସତ୍‌ବକ୍ତା ରଇଲାଲ, ସାମୁଏଲ୍ ଆରି ଜେ ଜେ ତାରୁ ପଟେ ଆଇଲାଲ ଆରି ଏବେ ଜାଲଟା ଗର୍ଲା, ସେ ବିସଇ କଇରଇଲାଲ । ୨୫ ପରମେସର ବବିସତ୍‌ବକ୍ତାମନରୁ ଟଣ୍ଡେଅନି ଜନ୍‌ସରୁ କାତା ଦେଲାଆଟେ ସେଟା ତମରୁ ପାଇସେ ଟିକ୍ । ତମରୁ ଆନିଦାଦିମନରୁ ସଙ୍ଗ ଜନ୍ ରାଜିନାମା କଲାଆଟେ, ତମେ ମିସା ତେଇ ମିସିଆଟାସ । ପରମେସର ଅବରାଆମକେ କଇରଇଲା, “ମୁଜ୍ ତମରୁ ନାଡ଼ିଡ଼ିଡ଼ି ମନରୁଟାନେଅନି ଜଗତରୁ ସରୁ ଲକ୍ଷକେ ଆସିରବାଦ୍ କରୁବି । ୨୬ ସେଟାରୁପାଇ ପରମେସର ତାରୁ ସେବାକାରିଆକେ ବାଟୁଲା ଆରି ତମକେ ସରୁ ଲକ୍ଷକେ ବାନିଆ ବାଟେଅନି ବାଉଡ଼ାଇଆନ୍‌ବାକେ ଆରି ଆସିରବାଦ୍ କରବାକେ ପରୁଟୁମ୍ ତାକେ ତମରୁ ଲଗେ ପାଟାଇଲା ।”

୪

ଜିଉଦି ବଡ଼ସବାଇ ପିତରୁ ଆରି ଜଅନ୍

୧ ପିତରୁ ଆରି ଜଅନ୍ ଲକ୍ଷମନୁକେ ଏଣ୍ଡି ସିକିଆ ଦେଇତେ ରଇଲା ବେଲେ ମନ୍‌ଦିରୁ କେତେଟା ପୁଜାରି ଆରି ଜାଗୁଆଲ୍‌ମନରୁ ସେନାପତି ଆରି କେତେଟା ସାପୁକିମନ୍ ଆସି କେଟୁଲାଲ । ୨ ସେମନ୍ ରିସା ଅଇଗାଲାଲ କାଲକେ ବଇଲେ ପେରିଡ଼ ସିସ୍ ଦୁଇଲକ୍ ଜିସୁ ମଲାତେଇଅନି ଉଟୁଲା ଆଟେ ବଲି ସିକାଇତେରଇଲାଲ । ଏଣ୍ଡି ସିକାଇଲେସରି ଲକ୍ଷମନ୍ ମଲାଟାନେଅନି ଉଟୁବାଇବଲି ପରୁମାନ୍ କର୍ତ୍ତେ ରଇଲାଲ । ୩ ସେଟାରୁପାଇ ସେ ଦୁଇଟା ପେରିଡ଼ ସିସ୍‌ମନୁକେ ଦାରି ବାନ୍‌ଲାଲ । ଆରି ସେ ଦିନେ ବେସି ଅଲ୍‌ସମ୍ ଅଇଜାଇରଇଲାକେ ଆରକ୍‌ରୁ ଦିନ୍ ଜାକ ବନ୍‌ଗରେ ରକିରଇଲାଲ । ୪ ମାତରୁ ବେସି ଲକ୍ଷ ସେମନରୁ ସିକିଆ ସୁନିକରି ବିସବାସ କଲାଲ, ଆରି ତାକରୁ ବିତ୍ରେଅନି ମୁନୁସ୍‌ପିଲା ସେ ଅଦିକ୍ ଅଇକରି ପାକାପାକି ପାଁଟଅଜାରୁ ଅଇଲାଲ ।

୫ ତାରୁ ଆରକ୍‌ରୁ ଦିନେ ଜିଉଦି ନେତାମନ୍, ଆରି ପାର୍‌ଟିନିମନ୍ ଆରି ନିୟମ ସିକାଉମନ୍ ଜିରୁସାଲମେ ରୁଣ୍ଡୁଲାଲ । ୬ ସେମନରୁ ବିତ୍ରେ ବଡ଼ପୁଜାରି ଆନାନ୍, କାୟାପା, ଜଅନ୍, ଆଲେକ୍‌ଜାଣ୍ଡାରୁ ଆରି ବଡ଼ ପୁଜାରିରୁ କୁଟୁମେ ରଇବା ଦିନ୍ ଲକ୍ଷମନ୍ ମିସ୍‌ଲାଲ । ୭ ପେରିଡ଼ମନୁକେ ସେମନରୁ ମୁଆଟେ ତାକାଲ

* ୩:୧୪ ମାଡ଼ିଉ ୨୭:୧୫-୨୩; ମାର୍କ ୧୫:୬-୧୪; ଲୁକ୍ ୨୩:୧୩-୨୩; ଜଅନ୍ ୧୯:୧୨-୧୫

ପାଚାରୁଲାଲ, “ତମେ ଏଟା ସବୁ କେନ୍ଦ୍ର କଲାସିନି ? କାର୍ ପଞ୍ଚୁସଙ୍ଗ ନଇଲେ କାର୍ ନାଉଁଦାରି ଏଟା କଲାସିନି ?”

୮ ସେଟାରୁପାଇ ପିତର ସୁକଲୁଆଡ଼ମାଇ ପୁରାପୁରୁନ୍ ଅଇ ସେମନ୍ଦକେ କଇଲା, “ତମେ ଜେ କି ଆମର୍ ସାସନକାରିଆମନ୍ ଆରି ପାର୍ଟିନିମନ୍ ! ୯ ଜଦି ଆଜି ଏ ଚଟାର ପାଇ କରିରଇଲା ନିମାନ୍ କାମରୁଲାରି ଆମକେ ପରସନ୍ କଲାସିନି ଆରି ସେ କେନ୍ଦ୍ର ନିମାନ୍ ଅଇଲା ବଲି ଜାନ୍ବାକେ ମନ୍ କଲାସିନି, ୧୦ ତେବେ ତମେ ଆରି ଇସରାଏଲର୍ ସବୁ ଲକ୍ ଜାନ୍ବାର ଦରକାର୍ ଜେ, ତମର୍ ମୁଆଟେ ଚିଆଅଇରଇଲା ଏ ଲକ୍ ଅବକା ନାଜରିଡ଼ ଗଡ଼ର୍ ଜିସୁକିରିସର୍ ପଞ୍ଚୁସଙ୍ଗ ପୁରାପୁରୁନ୍ ନିମାନ୍ ଅଇଲା ଆଟେ । ସେ ଜିସୁକେ ତମେ କୁର୍ସେ ମରାଇଲାସ୍ । ମାତର୍ ପର୍ମେସର୍ ତାକେ ମଲାତେଇଅନି ଆରି ତରେକ୍ ଉଟାଇଲା ଆଟେ ।” ୧୧ ଜିସୁର୍ ବିସଇ ଦରମ୍ ସାସତରେ ଲେକା ଅଇଲାଆଟେ,

ଗର୍ ତିଆରକରୁମନ୍ ଜନ୍ ପାକନା ନଏଁ ବଲି ପିଜିଦେଇ ରଇଲାଲ,

ସେଟାସେ କନର୍ ମୁକିଅ ପାକନା ଅଇଲା ।

୧୨ ସେ ଆକା ଆମକେ ମୁକତି ଦେଇସି । ଗୁଲାଲ ଜଗତରୁପାଇ ପର୍ମେସର୍ ତାକେସେ ଦେଲା ଆଟେ । ଜେ କି ଆମକେ ରକିଆ କରୁସି । ୧୩ ବଡ଼ସବାର ଲକ୍ମନ୍ ପିତର ଆରି ଜଅନର୍ ସାଆସ୍ ଦେକି କାବା ଅଇଗାଲାଲ । ସେମନ୍ ପାଟସାଟ୍ ନ ପତି ଅବକା ଲକ୍ମନ୍ସେ ବଲି ଜାନିରଇଲାଲ । ଆରି ସେମନ୍ ଦୁଇ ଲକ୍ ଜିସୁର୍ ସଙ୍ଗ ରଇଲାଲ ବଲି ତିନିରଇଲାଲ । ୧୪ ମାତର୍ ତାକର୍ ବିରୁଦେ କାଇବଲି କଇନାପାରୁଲାଲ, କାଇକେ ବଇଲେ ନିମାନ୍ ଅଇଲା ଲକ୍ମକେ ପିତର ଆରି ଜଅନସଙ୍ଗ ଚିଆଅଇରଇଲାଟା ଦେକଲାଲ । ୧୫ ସେଟାରୁ ପାଇ ସେମନ୍ ସିସମନ୍ଦକେ ସେ ସବାଇଅନି ବାରକରାଇଦେଇକରି ତାକର୍ ତାକର୍ ବିତ୍ତରେ କାତାବାରତା ଅଇବାର୍ ଦାରୁଲାଲ । ୧୬ ସେମନ୍ କାତା ଅଇଲାଲ, “ଆମେ ଏମନ୍ଦକେ କାଇଟା କରୁ ? ଏମନ୍ କରିରଇବା ଏ କାବା ଅଇଜିବା କାମ୍ ବିସଇ ଜିରୁସାଲମର୍ ସବୁ ଲକ୍ ଜାନିଗାଲାଲ ଆତର୍ । ଏ ସତ୍ ଗଟେନାଇ କି ନାଜାନୁ ବଲି କଇ ନାପାରୁ । ୧୭ ମାତର୍ ଏ କାତା ଲକ୍ମନର୍ ବିତ୍ତରେ ଆରି ଅଦିକ୍ ଉଡ଼ା ଅଇ ନ ଜାଅ, ଜିସୁର୍ ବିସଇ ଆରି କେବେ କାର୍ ମୁଆଟେ ନ କଇବାକେ ସେମନ୍ଦକେ ଆମେ ତାଟ୍ ସଙ୍ଗ ଜାଗରଡ଼ କରାଇଦେଉଁ ।” ୧୮ ସେଟାରୁ ପାଇ ସେମନ୍ ପିତର ଆରି ଜଅନକେ ଆରି ତରେକ୍ ବିତ୍ତରେ ତାକଲାଲ । ଆରି କେବେମିସା ଜିସୁର୍ ନାଉଁ ଦାରି କାଇମିସା କାତା ନ କଇବାକେ ଆରି ସିକିଆ ନ ଦେବାକେ ଜାଗରଡ଼ କରାଇଦେଲାଲ । ୧୯ ମାତର୍ ପିତର ଆରି ଜଅନ କଇଲାଲ, “ତମର୍ ବାଦିଅ ଅଇବୁ, କି ପରମେସରର୍ ବାଦିଅ ଅଇବୁ, କନ୍ ବିସଇ ପରମେସରର୍ ମୁଆଟେ ଟିକ୍ ସେଟା ତମେ ବିଚାର୍ କରା ।” ୨୦ କାଇକେ ବଇଲେ ଆମେ ଜାଇଟା ଦେକଲୁ ଆତୁ ଆରି ସୁନ୍ଲୁ ଆତୁ ସେଟା ନ କଇକରି ରଇନାପାରୁ ।” ୨୧ ମାତର୍ ବଡ଼ସବାର ଲକ୍ ଆରି ତାଟ୍ସଙ୍ଗ ସେମନ୍ଦକେ ଦମ୍କାଇକରି ଚାଡ଼ି ଦେଲାଲ । ସେମନ୍ଦକେ ତଣ୍ଡଦେବାଟା କସର୍ ବଲି ସେମନ୍ ଜାନିପାରୁଲାଲ । କାଇକେ ବଇଲେ ସେ କାବାଅଇଜିବା କାମର୍ ଲାଗି ଲକ୍ମନ୍ ପର୍ମେସର୍ଦକେ କୁଆର୍ କର୍ତେ ରଇଲାଲ । ୨୨ ଜନ୍ ଲକ୍ କାବା ଅଇଜିବା କାମରୁଲାଗି ନିମାନ୍ ଅଇରଇଲା, ତାକେ ଚାଲିସ୍ ବରସେଅନି ଅଦିକ୍ ଅଇରଇଲା ।

ନ ତରୁବା ପାଇ ପାର୍ତନା

୨୩ ପିତର ଆରି ଜଅନ ମୁକଲୁଲା ଦାପରେ ନିଜର୍ ଦଲେ ବାଉଡିଗାଲାଲ ଆରି ମୁକିଅ ପୁଜାରିମନ୍ ଆରି ପାର୍ଟିନିମନ୍ ଜାଇଟା କଇରଇଲାଲ, ସେଟା ସେମନ୍ଦକେ ଜାନାଇଲାଲ । ୨୪ ବିସବାସିମନ୍ ସବୁ କାତା ସୁନ୍ଲା ପଟେ ଗଟେକ୍ ଅଇ ପର୍ମେସର୍ଦକେ ଏ ପାର୍ତନା କଲାଲ, ଏ ମାପରୁ ! ସରଗ, ଦର୍ତନି, ସମ୍ପୁର୍ ଆରି ତେଇ ରଇବା ସବୁ ବିସଇ ତମେସେ ତିଆର୍ କଲାସ୍ ! ୨୫ ତମେ ସୁକଲୁ ଆଡ଼ମାଇଅନି ଆମର୍ ଆନିଦାଦିମନର୍ ଆରି ତମର୍ ଦାଙ୍ଗତା ଦାଉଦର୍ ଚଣ୍ଡେଅନି ଏ କାତା ସୁନାଇ ରଇଲାସ୍ । ସେ କଇରଇଲା,

ଜିଉଦି ନଇଲା ଲକ୍ମନ୍ କାଇକେ ରିସା ଅଇଲାଲ ?

ଲକ୍ମନ୍ କାଇକେ ରୁଟାଇ ସଡ଼ଜ୍ତର୍ କଲାଲ ?

୨୬ ମାପରୁର୍ ବିରଦେ ଆରି
ତାକର ମସିଆର୍ ବିରଦେ
ଜଗତର୍ ରାଜାମନ୍ ଆରି ସାସନକାରିଆମନ୍
କୁଜ୍ବାକେ ନିଜକେ ତିଆର୍ ଅଇ ରୁଣ୍ଡୁଲାଲ ।

୨୭ *କାଜକେବଇଲେ ଏ ନଅରେ ଏରଦ୍ ଆରି ପନ୍ତ୍ରିୟ ପିଲାଡ଼ ଇସ୍ରାଏଲିୟମନର୍ ସଙ୍ଗ୍ ଆରି ଜିଉଦି ନ ଅଇରଇବା ଲକର୍ସଙ୍ଗ୍ ମିସି ଜିସୁର୍ ବିରଦେ ଜଜ୍ଜନା କଲାଇ । ସେ ସେ ତମର୍ ସୁକଲ୍ ଦାଙ୍ଗ୍ତା ଆରି ତମେ ବାଟଲା ମସିଅ । ୨୮ ତମର୍ ବପୁ ଆରି ମନ୍ କଲାଟା ଇସାବେ ଜାଜଟା ସବୁ ଗଟାଇବାପାଇ ତମେ ଚିକ୍ କରି ରଇଲାସ, ସେମନ୍ ଗଟେକ୍ ଅଇ ସେ ସବୁ କର୍ବାକେ ଲାଗିପଡ଼ଲାଇ । ୨୯ “ଏ ମାପୁରୁ, ସେମନ୍ ଆମକେ ଜନ୍ ଦମକ୍ ଦେଲାଇ ଆତଡ଼ ସେ ବିସଇ ସୁନା ଆରି ନ ତରତେ ତମର୍ କାତା ଜାନାଇବାକେ ତମର୍ ଏ ଦାଙ୍ଗ୍ତାମନ୍ଦକେ ଡାଟ୍ କରା । ୩୦ ନିମାନ୍ କର୍ବାକେ ତମର୍ ଆଡ଼ ଲାମାଆ ଆରି ତମର୍ ସୁକଲ୍ ଦାଙ୍ଗ୍ତା ଜିସୁର୍ ନାଏଁ ନ ଅଇବା କାମ୍ ଆରି କାବା ଅଇଜିବା କାମ୍ମାମନ୍ ସାଦନ୍ କରାଆ ।”

୩୧ ସେମନ୍ ପାର୍ତନା କରିସାରାଇଲା ପତେ ଜନ୍ ଜାଗାଇ ରୁଣ୍ଡିରଇଲାଇ, ସେଟା ତୁଲ୍‌ବୁଲିଗାଲା । ସେମନ୍ ସବୁ ସୁକଲ୍‌ଆଡ଼ମାଇ ପୁରାପୁରୁନ୍ ଅଇଲା । ଆରି ନ ତରତେ ପର୍ମେସରର୍ କାତା ଜାନାଇବାଟ୍ ଦାରଲାଇ ।

ବିସ୍ବାସିମନ୍ ନିଜର୍ ନିଜର୍ ସଁମପତିକେ ବାଗ୍ ମିସ୍ବାଟା

୩୨ *ସବୁ ବିସ୍ବାସିମନ୍ ଗଟେକ୍ ବିସଇ ଚିନ୍ତା କରି ମନ୍ କଲାଇ । କେ ମିସା ନିଜର୍ ସଁମପତି ନିଜର୍ ବଲି ଦାବି ନ କର୍ତେ ରଇଲାଇ । ତାକର୍ଟାନେ ଜେଡ଼କି ରଇଲା ସେଟା ସବୁଲକ୍ ସମାନ୍ କରି ବାଟାସାଟା କର୍ତେ ରଇଲାଇ । ୩୩ ପେରିଟ୍ ସିସ୍ମାମନ୍ ବପୁସଙ୍ଗ୍ ସାକି ଦେବାର୍ ଦାରଲାଇ । ପର୍ମେସର୍ ମାପୁରୁ ଜିସୁକେ କେନ୍ଦ୍ରିକରି ମଲାଟାନେଅନି ଉଟାଇଲା ବଲି । ଆରି ପର୍ମେସର୍ ସବୁ ବିସ୍ବାସିମନ୍ଦକେ ଅଦିକ୍ ଅଦିକ୍ ଜିବନ୍ ଦୁକାଇଲା । ୩୪ ତାକର୍ ଦଲେ ଜିଇବା କାଇବାକେ କାକେ ମିସା ଅବାବ୍ ନ ରଇଲା । ଜନ୍ ଲକ୍ମମନ୍ଦକେ ଗର୍ ଆରି ଜମିରଇଲା, ସେମନ୍ ସେଟା ବିକିକରି ତାବୁ ଆନି, ୩୫ ପେରିଟ୍‌ମନ୍ଦକେ ସର୍ପିଦେଇରଇଲା । ସେ ତାବୁ, ପେରିଟ୍ ମନ୍ ଅବାବେ ରଇଲା ଲକ୍ମମନ୍ଦକେ ବାଟାକରି ଦେଇତେରଇଲାଇ ।

୩୬ ସାଇପରସ୍ ନାଉର୍ ଗଟେକ୍ ଜାଗାଇ ଜନମ୍ କରିରଇବା ଲେବି କୁଟୁମର୍ ଜସେପ୍, ଜାକେ ପେରିଟ୍ ସିସ୍ମାମନ୍ ବର୍ନବା ବଲି ନାଉଁ ଦେଇ ରଇଲାଇ । ବର୍ନବାଟ୍ ଅରଡ଼ ଦୁକ୍ ସାରାଇବା ପିଲା । ସେ ତାଟ୍ ଜମି ବିକଲା ଆରି ୩୭ ତାବୁ ପେରିଟ୍ ସିସ୍ମାମନ୍ଦକେ ସର୍ପିଦେଲା ।



ଅନନିୟ ଆରି ସପିରା

୧ ସେ ଦଲର୍ ଅନନିୟ ନାଉର୍ ଗଟେକ୍ ଲକ୍ ଆରି ତାଟ୍ ମାଇଜି ସପିରା ସେମନର୍ କେତେକ୍ ଜମି ବିକଲାଇ । ୨ ମାତର୍ ମାଇଜିମୁନ୍ସ ରାଜିଅଇକରି ବିକିକରି ପାଇଲା କେତେକ୍ ତାବୁ ଅନନିୟ ନିଜର୍ ପାଇ ସଙ୍ଗାଇଲା । ଅଗଲ୍‌ଲାଟା ସେ ପେରିଟ୍ ସିସ୍ମାମନ୍ଦକେ ଦେଲା । ୩ ପିତର୍ ତାକେ କଇଲା, “ଅନନିୟ ତୁଇ କେନ୍ଦ୍ରି ସଇତାନର୍ ପାନ୍ଦେପତି ଜମି ବିକି ଆନିରଇବା ତାବୁ କେତେକ୍ ନିଜର୍ ପାଇ ସଙ୍ଗାଇକରି ସୁକଲ୍ ଆଡ଼ମାର୍ ମୁଆଟେ ମିଟ୍ କଇଲୁସ୍ ? ୪ ବିକିବା ଆଗଟୁ ସେ ଜମି ତମର୍ ରଇଲା । ବିକଲା ପତେ ମିସା ସେ ତାବୁ ତମର୍ଟାସେ । ଏନ୍ଦ୍ରି କାମ୍ କର୍ବାକେ କାଇକେ ମନ୍ କଲୁସ୍ ? ତୁଇ ଲକ୍ମମନ୍ଦକେ ନାତାଉସ୍ ନାଇ ମାତର୍ ପର୍ମେସର୍ଦକେ ନାତାଉଆରୁସ୍ ।” ୫ ଅନନିୟ ଏ କାତା ସୁନ୍‌ଲା ଦାପ୍ତରେ ତଲେ ଆପତି ଅଇ ଅଦ୍ରି ମରିଗାଲା । ଜନ୍ ଲକ୍ମମନ୍ ଏ କାତା ସୁନ୍‌ଲାଇ ସେମନ୍ ସବୁଲକ୍ ବେସି ଡରିଗାଲାଇ । ୬ ଦଲର୍ ଦାଙ୍ଗ୍ତାମନ୍ ଅନନିୟର୍ ମଲା ଗାଗଡ଼ ଲୁଗାଇ ଗୁଡ଼ିଆଇକରି ବାଇରେ ବଇକରି ଦାରିଗାଲାଇ ଆରି ତପିଦେଲାଇ ।

୭ ପାକାପାକି ତିନ୍‌ଗଟା ପତେ ଅନନିୟର୍ ମାଇଜି ତେଇ ଆସି କେଟ୍‌ଲା । ସେ, ଏ ଗର୍ମା ନାଜାନି ରଇଲା । ୮ ପିତର୍ ତାକେ ପାଟାରୁଲା “ମକେ କ ପନି, ତୁଇ ଆରି ତର୍ ମୁନ୍ସ ଜେଡ଼କି ଜମି ବିକଲାସ, ଏଟା କାଇ ତାର୍ ପୁରାଦାମ୍ କି ?” ସେ କଇଲା, “ଉଁ ଏଡ଼କିସେ ।”

୯ ପିତର୍ ତାକେ କଇଲା, “ମାପୁରୁ ଆଡ଼ମାକେ ପରିକା କର୍ବାକେ ତୁଇ ଆରି ତର୍ ମୁନ୍ସ କାଇକେ ରାଜିଅଇଲାସ୍ ? ଜନ୍ ଲକ୍ମମନ୍ ତର୍ ମୁନ୍ସକେ ସମାଦି ଦେଲାଇ ଆତଡ଼, ବାଟ୍ ତିଆଗତି କେଟ୍‌ଲାଇବେ, ସେମନ୍ ତକେ ମିସା ବଇ ଦାରିଜିବାଇବେ ।” ୧୦ ସେ ଦାପ୍ତରେ ସେ ମିସା ପିତରର୍ ପାଡ଼ତଲେ ଅଦ୍ରି ମରିଗାଲା । ଦାଙ୍ଗ୍ତାମନ୍ ବିଡ଼ରେ ଆସି ତାର୍ ମଲା ଗାଗଡ଼ ବଇନେଲାଇ ଆରି ତାର୍ ମୁନ୍ସର୍ ଲଗେ ତାକେ ମିସା ସମାଦି ଦେଲାଇ । ୧୧ ଜିରୁସାଲେମର୍ ଗୁଲାଇ ମଣ୍ଡିଲିର୍ ଲକ୍ମମନ୍ ଆରି ଜେଡ଼କି ଲକ୍ ଏ କାତା ସୁନ୍‌ଲାଇ, ସବୁଲକ୍ ଡରିଗାଲାଇ ।

* ୪:୨୭ ୪:୨୭ ଲୁକ୍ ୨୩:୧-୧୧; ମାତିଉ ୨୭:୧-୨; ମାର୍କ ୧୫:୧; ଲୁକ୍ ୨୩:୧; ଜଅନ୍ ୧୮:୨୮, ୨୯ * ୪:୩୨ ୪:୩୨ ପେରିଟ୍ ୨:୪୪, ୪୫

କାବାଅଇଜିବା କାମ୍ ଆରି ଚିନ୍

୧୭ ପେରିଟ୍ ସିସ୍ତମନ୍ ଟାନେଅନି ଲକ୍ଷ୍ମନନ୍ ବିତ୍ତରେ ବେସି କାବା ଅଇଜିବା କାମ୍‌ମନ୍ ଆରି ଚିନ୍‌ମନ୍ ସାଦନ୍ ଅଇତେ ରଇଲା । ସବୁ ବିସ୍ତବାସିମନ୍ ସଲ୍‌ମନନ୍ ମଣ୍ଡପେ ରୁଣ୍ଡତେ ରଇଲା । ୧୮ ସେମନ୍ ବିସଇ ବିନ୍‌ଲକ୍ଷ୍ମନନ୍ ନିମାନ୍ କାତା କଇତେ ରଇଲା । ମାତର୍ ଦଲ୍ ବାଇରେ ରଇଲା ଲକ୍ଷ୍ମନନ୍ କେ ମିସା ଦଲେ ମିସବାକେ ସାଆସ୍ ନ କର୍ତେ ରଇଲା । ୧୯ ଏଲେ ମିସା ପରମେସର୍‌କେ ବିସ୍ତବାସ୍ କରି ଅଦିକ୍ ଅଦିକ୍ ମାଇଜିଟକି ଆରି ମୁନ୍‌ସ୍ ପିଲାମନ୍ ଏ ଦଲେ ମିସଲା । ଆରି ସେ ଦଲ୍ ଦିନକେ ଦିନ୍ ଅଦିକ୍ ଅଦିକ୍ ବଡ୍‌ତେ ଗଲା । ୧୫ ପେରିଟ୍ ସିସ୍ତମନ୍ କାମ୍ ଅଦିକ୍ ବଡି ବଡି ଗଲା । ଏଡ୍ରିକି ପିତର୍ ଇଣ୍ଡିଗାଲାବେଲେ ତାର୍ ଚାଇଆଲେ ଅଲ୍‌ପ୍ ପତବଲି ଲକ୍ଷ୍ମନନ୍ ରଚିମନ୍‌କେ ବଇଆନି ବାଟ୍‌ପାଲି କଟେ ଆରି ଟାଟିମନ୍ ଅଚାଇକରି ସୁଆଇ ଦେଇତେ ରଇଲା । ୧୬ ଜିରୁସାଲମର୍ ଚାରିବେଟ୍‌ଟି ରଇବା ଗଡ୍‌ର୍ ରଚି ଆରି ଡ୍ରମାଦାରଲା ଲକ୍ଷ୍ମନନ୍‌କେ ପେରିଟ୍‌ମନର୍ ଲଗେ ଆନ୍‌ତେ ରଇଲା । ଆରି ସେମନ୍ ସବୁ ଲକ୍ ନିମାନ୍ ଅଇତେ ରଇଲା ।

ପେରିଟ୍ ସିସ୍ତମନ୍‌କେ ତାଡ୍‌ନା

୧୭ ତାର୍ ପତେ ବଡ୍ ପୁଜାରି, ତାରସଙ୍ଗ୍ ରଇବା ଲକ୍ଷ୍ମନନ୍ ଆରି ସାଦୁକି ଦଲ୍‌ର୍ ଲକ୍ଷ୍ମନନ୍, ସିସ୍ତମନ୍‌କେ ଛୁଆ ଅଇଗାଲା । ଆରି ସେମନ୍‌ର୍ ବିରୁଦେ କାଇଟାଆଲେ କରୁ ବଲି ଜୁଜନା କଲା । ୧୮ ସେମନ୍ ପେରିଟ୍ ସିସ୍ତମନ୍‌କେ ଦାରି ବାନ୍ଦିକରି ବନ୍ଦିଗରେ ସଙ୍ଗଇଲା । ୧୯ ମାତର୍ ସେ ରାତି ମାପୁରୁର୍ ଗଟେକ୍ ଦୁଡ୍ ବନ୍ଦିଗରର୍ କାପାଟ୍ ଉଗାଡିଦେଲା ଆରି ସେମନ୍‌କେ ମୁକ୍‌ଲା ଆନି କଇଲା, ୨୦ “ଜା ଆରି ମନ୍ଦିରେ ଟିଆଅଇକରି ଲକ୍ଷ୍ମନନ୍‌କେ ଏ ନୁଆ ଜିବନ୍ ବିସଇ ସବୁ କାତା କୁଆ ।” ୨୧ ସିସ୍ତମନ୍ ସେ ଦୁଡ୍‌ର୍ କାତା ମାନି ସାକାଲ୍ ସାକାଲ୍ ମନ୍ଦିରେ ପୁରି ସିକିଆ ଦେବାର୍ ଦାରଲା ।

ବଡ୍ ପୁଜାରି, ତାକର୍ ସଙ୍ଗାରିମନ୍ ଆରି ଇସ୍ରାଏଲର୍ ପାର୍‌ଚିନ୍‌ମନ୍ ଗଟେକ୍ ପୁରା ସବା ପାଇ ଡାକାଇ ପାଟାଇଲା । ତାର୍ ପତେ ପେରିଟ୍ ସିସ୍ତମନ୍‌କେ ବନ୍ଦିଗରେ ଅନି ସବାଇ ଆନିବାକେ ବନ୍ଦିଗରର୍ ଜାଗୁଆଲ୍‌ମନର୍ ମୁକ୍‌ଆମନ୍‌କେ ଆଦେସ୍ ଦେଲା । ୨୨ ମାତର୍ ସେ ମୁକ୍‌ଆମନ୍ ବନ୍ଦିଗରେ କେଟ୍‌ଲାକେ ପେରିଟ୍‌ମନ୍‌କେ ତେଇ ଦେକଡ୍‌ନାଇ । ସେଟାର୍‌ପାଇ ସେମନ୍ ବଡ୍‌ସବାଇ ବାଉଡି ଆଇଲା । ଆରି ଲକ୍ଷ୍ମନନ୍‌କେ କଇଲା, ୨୩ “ଆମେ ବନ୍ଦି ଗରେ କେଟି ଦେକ୍‌ଲୁ ଜେ ଦୁଆର୍ ନିକସଙ୍ଗ୍ ଡାବି ଅଇରଇଲା । ଆରି ଜାଗୁଆଲ୍‌ମନ୍ ମିସା ଜାଗିରଇଲା । ମାତର୍ କାପାଟ୍ ଉଗାଡ୍‌ଲା ପତେ ଆମେ ବିତ୍ତରେ କାକେ ମିସା ଦେକୁ ନାଇ ।” ୨୪ ଏ କାତା ସୁନି ମୁକ୍‌ଅ ପୁଜାରିମନ୍ ଆରି ମନ୍ଦିର୍ ଜାଗୁଆଲ୍‌ମନର୍ ଦାଇତେ ରଇଲା ଲକ୍ଷ୍ମନନ୍ କାବାଅଇଗାଲା । ପେରିଟ୍ ସିସ୍ତମନ୍‌କେ କାଇଟା ଅଇଲାଆତେ ବଲି ସେମନ୍ ବୁଜି ନାପାରୁଲା । ୨୫ ସେଡ୍‌କିବେଲେ ଗଟେକ୍ ଲକ୍ ଆସି କଇଲା “ସୁନା ! ଜନ୍ ଲକ୍ଷ୍ମନନ୍‌କେ ବନ୍ଦି ଗରେ ରକିରଇଲାସ୍, ସେମନ୍ ଏବେ ମନ୍ଦିରେ ଲକ୍ଷ୍ମନନ୍‌କେ ସିକିଆ ଦେଲାଜନି ।” ୨୬ ମନ୍ଦିରର୍ କାମ୍‌କରୁମନ୍ ଜାଗୁଆଲ୍‌ମନର୍ ସଙ୍ଗ୍ ଜାଇ ପେରିଟ୍ ସିସ୍ତମନ୍‌କେ ସୁଡ୍‌ରାଇକରି ଆରିତରେକ୍ ଡାକିଆନୁଲା । ସେମନ୍ ଡରାବିଡ୍‌ରା କରଡ୍ ନାଇ । କାଇକେବଇଲେ ସେମନ୍‌କେ ଲକ୍ଷ୍ମନନ୍ ପାକ୍‌ନାପୁକ୍‌ନି ମାର୍‌ବାଇ ବଲି ଡରିଜାଇତେରଇଲା ।

୨୭ ପେରିଟ୍ ସିସ୍ତମନ୍‌କେ ବିତ୍ତରେ ଡାକିଆନି ବଡ୍‌ସବାର୍ ମୁଆଟେ ଟିଆ କରାଇଲା, ଆରି ବଡ୍ ପୁଜାରି ସେମନ୍‌କେ ପାଟାରଲା । ୨୮ ☆“ଏ ଜିସୁର୍ ନାଉଁ ଦାରି କାଇମିସା ସିକିଆ ନ ଦେବାକେ ତମ୍‌କେ ତାଟ୍ ସଙ୍ଗ୍ ଆଦେସ୍ ଦେଇରଇଲୁ, ମାତର୍ ଦେକା, ତମେ କାଇଟା କରିଆଟାସ୍ ! ତମେ ଦେଇରଇବା ଏ ସିକିଆ ଜିରୁସାଲମେ ରଇଲା ଲକ୍ଷ୍ମନନ୍‌ଟାନ୍‌କେ କେଟ୍‌ଲା ଆତେ । ଆରି ତାର୍ ମରନ୍ ପାଇ ଆମ୍‌କେ ଦାଇ କର୍‌ବାକେ ଚେସ୍‌ଟା କଲାସ୍‌ନି !”

୨୯ ପିତର୍ ଆରି ବିନ୍ ସିସ୍ତମନ୍ କଇଲା, “ଆମେ ତମ୍‌ ଆଦେସ୍ ମାନ୍‌ବା ବାଦୁଲେ ପରମେସର୍‌ ଆଦେସ୍ ମାନ୍‌ବୁ । ୩୦ ତମେ ଜିସୁକେ କୁର୍‌ସେ ଚଗାଇ ମରାଇଲାପତେ, ଆମ୍‌ ଆନିଦାଦିମନନ୍ ପରମେସର୍ ତାକେ ମଲାଟାନ୍‌ଅନି ଉଟାଇଲାଆତେ । ୩୧ ଇସ୍ରାଏଲର୍ ଲକ୍ଷ୍ମନନ୍ ତାକର୍ ପାପେଅନି ବାଅଡ୍‌ଟ୍ ଆରି ପାପ୍ କେମା ଅଅଡ୍ ବଲି ପରମେସର୍ ତାକେ ତାର୍ ଉଜା ବାଟେ ବସାଇଆତେ । ଜେଡ୍‌କି ସେ ଆମ୍‌ର୍ ସାସନ୍‌କାରିଆ ଆରି ରକିଆକର୍‌ବା ଲକ୍ ଅଇସି । ୩୨ ଆମେ ଏ ସବୁ ବିସଇର୍ ସାକି ଆତୁ । ଆରି ଜନ୍ ସୁକଲ୍ ଆଡ୍‌ମାକେ ପରମେସର୍ ତାକର୍ ଆଗିଆଁକାରିମନ୍‌କେ ଦାନ୍‌କଲାଆତେ, ସେ ମିସା ଏଟାର୍ ସାକି ।”

☆ ୫:୨୮ ୫:୨୮ ମାଟିର ୨୭:୨୫

୩୩ ବଡ଼ସବାରୁ ଲକ୍ଷ୍ମୀନନ୍ଦ ଏ କାତା ସୁନି ଏତେକ୍ ରିସାଅଇଗାଲାଲ୍ ଜେ, ପେରିତ୍‌ମନ୍କେ ମରାଇବାକେ ମନ୍ କଲାଲ୍ । ୩୪ ମାତର୍ ସେମନର୍ ବିତ୍‌ରେଅନି ଗମଲିଏଲ୍ ନାଉଁର୍ ଗଟେକ୍ ପାରୁସି ଲକ୍ ରଇଲା । ସେ ନିୟମ୍ ସିକାଜତେ ରଇଲା । ତାକେ ଲକ୍‌ମନ୍ ମାନିଅ କର୍ତ୍ତେରଇଲାଲ୍ । ସେ ବଡ଼ ସବାଇ ତିଆଅଇ ପେରିତ୍‌ମନ୍କେ ତନେକର୍ ପାଇ ବାଇରେ ନେବାକେ ଆଦେସ୍ ଦେଲା । ୩୫ ଆରି ବଡ଼ ସବାରୁ ଲକ୍‌ମନ୍କେ କଇଲା, “ଏ ଇସ୍ରାଏଲିୟ ବାଇମନ୍, ଏ ଲକ୍‌ମନ୍କେ ଜାଇଟା କର୍ବାକେ ଗାଲାସ୍‌ନି ଅଲପ୍ ବାବିଚିଟ୍ଟି କରି କରା । ୩୬ ତମର୍ ମନେରଇସି, ଅଲପ୍ ଆଗତୁ ତିଉଦା ନାଉଁର୍ ଗଟେକ୍ ଲକ୍ ରମିୟମନର୍ ବିରୁଦେ ଉଟ୍‌ଲା । ସେ ନିଜେ ବଡ଼ଲକ୍ ବଲି ଲକ୍‌ମନ୍କେ କଇଲାକେ ତାର୍ ସଙ୍ଗ୍ ଚାରିସଅ ଲକ୍ ମିସି ରଇଲାଲ୍ । ମାତର୍ ତାକେ ମରାଇଲାଲ୍, ତାର୍‌ପତେ ତାର୍‌ସଙ୍ଗ୍‌ର୍ ଲକ୍‌ମନ୍ ତିନ୍‌ବିନ୍ ଅଇଗାଲାଲ୍ ଆରି ତାର୍ ଦଲ୍ ବୁଡିଗାଲା । ୩୭ ତାର୍‌ପତେ ଗାଲିଲି ଅନି ଜିଉଦା ନାଉଁର୍ ଆରି ଗଟେକ୍ ଲକ୍ ରମିୟମନର୍ ବିରୁଦେ ଉଟ୍‌ଲା । ରମିୟ ସର୍କାର ଲକ୍‌ମନର୍ ନାଉଁ ଲେକାଇବା ବେଲେ ଏଟା ଅଇଲା । ବେସି ଲକ୍‌କେ ତାର୍ ଦଲେ ମିସାଇବାକେ ସୁଡ଼ରାଇଲା । ମାତର୍ ତାକେ ମିସା ମରାଇଲାଲ୍ । ଆରି ତାର୍ ସବୁ ସିସ୍‌ମନ୍ ତିନ୍‌ବିନ୍ ଅଇଗାଲାଲ୍ । ୩୮ ସେଟାର୍ ପାଇ ଜିସୁର୍ ସିସ୍‌ମନର୍ ବିସଇ ମୁଇ ତମ୍‌କେ କଇଲିନି, ସେମନ୍ କର୍ବା କାମ୍ ତେବାଆ ନାଲ, ଚାଡିଦିଆସ୍ । ସେମନ୍ କର୍ବା କାମ୍ ଆରି ଜଜନା ଜଦି ଲକ୍‌ମନର୍‌ଟାନେଅନି ଆସିରଇସି, ତେବେ ସେମନ୍ ମିସା ଆରିଜିବାଇ । ୩୯ ମାତର୍ ସେଟା ଜଦି ପର୍‌ମେସରର୍‌ଟାନେ ଆସିରଇସି ବଇଲେ, ତାକେ ତମେ ଦବାଇନାପାରାସ୍ । ସେଡ଼କ୍‌ଅନି ତିସ୍‌ସି ଜେ ତମେ ପର୍‌ମେସରର୍ ବିରଦେ ଜୁଜ୍‌ଲାସ୍‌ନି ।”

ବଡ଼ସବାରୁ ଲକ୍‌ମନ୍ ଗମଲିଏଲ୍ କଇଲା କାତା ମାନୁଲାଲ୍ । ୪୦ ସେମନ୍ ପେରିତ୍ ସିସ୍‌ମନ୍କେ ବଡ଼ସବାରୁ ବିତ୍‌ରେ ଆନୁବାକେ ଆଦେସ୍ ଦେଲାଲ୍ । ତାକିଆନିକରି ସେମନ୍‌କେ କର୍ତ୍ତା ସଙ୍ଗ୍ ମରାଇଲାଲ୍ । ଆରି ଜିସୁର୍ ନାଉଁଦାରି କାଜିମିସା କାତା ନ କଇବାକେ ଆଦେସ୍ ଦେଇ ଚାଡିଦେଲାଲ୍ । ୪୧ ପେରିତ୍ ସିସ୍‌ମନ୍ ସାର୍‌ଦାସଙ୍ଗ୍ ବଡ଼ସବାଇଅନି ବାରଇଲାଲ୍, କାଇକେବଇଲେ ପର୍‌ମେସର୍ ଦେକ୍‌ବା ଇସାବେ ଜିସୁର୍ ସିସ୍ ଅଇକରି ଅପ୍‌ମାନ୍ ପାଇବାକେ ଅଦିକାର୍ ପାଇରଇଲାଲ୍ । ୪୨ ଆରି ସେମନ୍ ସବୁ ଦିନ୍ ମନ୍‌ରେ ଆରି ଲକ୍‌ମନର୍ ଗରେ ଗରେ ମସିଅ ଜିସୁର୍ ବିସଇର୍ ସୁବ୍‌କର୍‌ଟା ଜାନାଇଲାଲ୍ ଆରି ସିକିଆ ଦେବାର୍ ଦାରୁଲାଲ୍ ।



ସାତ୍‌ଟା ସେବାକାରିଆମନ୍

୧ ସେ ବେଲା, ବେସି ଜିଉଦି ଲକ୍‌ମନ୍ ଜିସୁର୍ ସିସ୍ ଅଇ ଆଇଲାଲ୍ । ଗିରିକ୍ ବାସା କଇତେରଇବା ଜିଉଦିମନ୍, ଏବ୍‌ରି ବାସା କଇତେରଇବା ଜିଉଦିମନର୍ ବିରୁଦେ କାତା ଉଟାଇଲାଲ୍ । କାଇକେବଇଲେ ଗିରିକ୍ ବାସାଇ କାତା ଅଇବା ଜିଉଦିମନ୍, ରାଣ୍ଡିମନ୍କେ ଦିନକର୍ କାଦି ବାଟା କଲାବେଲେ ତାକର୍ ରାଣ୍ଡିମନ୍କେ ଏଲା କର୍ତ୍ତେରଇଲାଲ୍ ପନି । ୨ ସେଟାର୍ ପାଇ ବାର୍‌ଟା ପେରିତ୍ ସିସ୍‌ମନ୍ ସବୁ ବିସ୍‌ବାସିମନ୍କେ ରୁଣ୍ଡାଇକରି କଇଲାଲ୍, “କାଇବାଟା ବାଟାକର୍‌ବାର୍ ଆଟେ ବଲିକରି ପର୍‌ମେସରର୍ ବାକିଅ ସିକାଇବାଟା ଜଦି ଆମେ ଏଲା କର୍ବୁ ବଇଲେ ସେଟା ନିକ ବିସଇ ନଏ । ୩ ସେଟାର୍ ପାଇ ଏ ବାଇବଇନିମନ୍, ତମର୍ ବିତ୍‌ରେଅନି ସୁକ୍‌ଲିଆଡ଼୍‌ମାଲ୍ ଆରି ଗିଆନେ ପୁରାପୁରୁନ୍ ଅଇରଇବା ଲକ୍ ବଲି ସବୁଲକ୍ ଜାନିରଇବା ସାଡ଼ ଲକ୍‌କେ ବାଟା । ଆମେ ସେମନ୍‌କେ ଏ ସବୁ ବିସଇ କର୍ବାକେ ଦାଇଡ଼ ଦେବୁ । ୪ ସେଣ୍ଡାର୍ ଆଲେ ପାର୍‌ତନା ଆରି ପର୍‌ମେସରର୍ ବାକିଅ ସିକାଇବାକେ ଆମେ ସବୁ ଦିଆନ୍ ଦେଇପାରିଅଇସି ।”

୫ ଦଲ୍‌ର୍ ସବୁ ଲକ୍ ପେରିତ୍ ସିସ୍‌ମନର୍ କଇଲା କାତାଇ ରାଜିଅଇଲାଲ୍, ଆରି ଏ କାମ୍ କର୍ବାକେ ବିସ୍‌ବାସ୍ ଆରି ସୁକ୍‌ଲି ଆଡ଼୍‌ମାଲ୍ ପୁରୁନ୍ ଅଇରଇବା ତିପାନ୍ ନାଉଁର୍ ଗଟେକ୍ ଲକ୍, ଆରି ପିଲିପ୍, ପକ୍‌ରସ୍, ନିକାନର୍, ତିମନ୍, ପର୍‌ମନା ଆରି ଆଗେ ଜିଉଦି ଦରମ୍ ବିସ୍‌ବାସ୍ କରିରଇବା, ଆନ୍‌ଟିକିୟଜ୍ ଅନି ଆସିରଇବା ଗଟେକ୍ ଜିଉଦି ନ ଅଇଲା, ନିକଲାୟକେ ବାଟ୍‌ଲାଲ୍ । ୬ ବିସ୍‌ବାସିମନ୍ ଏ ସାଡ଼ଲକ୍‌କେ ପେରିତ୍‌ମନର୍ ଲଗେ ଆନ୍‌ଲାଲ୍ । ସେମନ୍‌କେ, ଆଡ଼୍ ସଙ୍ଗ୍‌ ପାର୍‌ତନା କଲାଲ୍ ।

୭ ଏଣ୍ଡାରି ପର୍‌ମେସରର୍ ବାକିଅ ଗୁଲାଇବାଟର୍ ଲକ୍ ସୁନ୍‌ଲାଲ୍ । ଜିରୁସାଲମେ ଅଦିକ୍ ଅଦିକ୍ ସିସ୍‌ମନ୍ ବଡ଼ବାର୍ ଦାରୁଲାଲ୍, ବେସି ପୁଜାରିମନ୍ ମିସା ଜିସୁକେ ବିସ୍‌ବାସ୍ କଲାଲ୍ ।

ତିପାନ୍‌କେ ଦାରିନେଲାଲ୍

୮ ପର୍‌ମେସରର୍‌ଟାନେ ବେସି ଆସିର୍‌ବାଦ୍ ପାଇ ଆରି ବପୁ ସଙ୍ଗ୍ ପୁରୁନ୍ ଅଇରଇବା ତିପାନ୍, ଲକ୍‌ମନର୍ ବିତ୍‌ରେ ବେସି ନ ଅଇବା କାମ୍‌ମନ୍, କାବା ଅଇଜିବା କାମ୍‌ମନ୍ ସାଦନ୍ କଲା । ୯ ମାତର୍ କେଡେଲକ୍ ତାକେ ବିରଦ୍ କଲାଲ୍ । ଏମନ୍ ଗତି କର୍‌ବାଡେଅନି, ମୁକ୍‌ଲିରଇବା ଜିଉଦିମନ୍କେ ନେଇ,

ଅଇରଇବା ପାରୁତନା ଗରୁଡ଼ କେତେ ଲଙ୍କ, ସେମାନର ବିତ୍ତରେଅନି କେତେଲଙ୍କ ସାରିଆ ଅନି, କେତେକ ଆଲେକଜାଣ୍ଡରିଆ ଅନି । ସେମନ୍ ସିଲିସିଆ ଅନି ଆରି ଆସିଆଇଅନି ଆସିରଇବା ବିନ୍ଦୁ ଜିଉଦିମନରୁ ସଙ୍ଗୁ ମିସିକରି ତିପାନରୁ ବିରଦେ ଦଦାପେଲା ଅଇଲା । ୧୦ ମାତର ସୁକଲ୍ ଆତ୍ମା ତିପାନକେ ଏନ୍ତି ଗିଆନ୍ ଦେଲାଜେ, କେମିସା ତାର କାତା ଚାତାଇକରି କଇ ନାପାରୁତେ ରଇଲା । ୧୧ ଏଲେମିସା ସେ “ମସାରୁ ବିରଦେ ଆରି ପରୁମେସରୁ ବିରଦେ କାତା କଇବାଟା ଆମେ ସୁନ୍ଲୁ ।” ବଲି, ଏ ମିଡ଼ ସାକି ଦେବାକେ କେତେ ଲଙ୍କକେ ଲାଁର୍ ଦେଇ ଉସକାଇଲା । ୧୨ ଏନ୍ତାରିକରି ସେମନ୍ ଲଙ୍କମାନକେ, ପାରୁତିମନ୍ ଆରି ସାସତରୁ ସିକାଉମାନକେ ରିସା ଅଇବା କାତା କଇଲା । ଆରି ତିପାନକେ ଦାରି ବଡ଼ସବାଇ ନେଲା । ୧୩ ତାର ପରେ ସେମନ୍ ତାର ବିରୁଦେ ମିଡ଼ ସାକି ଦେବାକେ କେତେଟା ଲଙ୍କମାନକେ ବିତ୍ତରେ ଆନ୍ଲା । ସେମନ୍ କଇଲା, “ଏ ଲଙ୍କ ସବୁବେଳେ ଆମରୁ ସୁକଲ୍ ମନ୍ଦିରୁ ଆରି ମସାରୁ ରିତିନିତି ବିରୁଦେ ନିନ୍ଦା କାତା କଇବୁଲୁଲାଇନି ।” ୧୪ ନାଜରିତରୁ ଜିସୁ ମନ୍ଦିରୁ ବାଙ୍ଗାଇ ପାକାଇସି ଆରି ଆମେ ମସାରୁ ଟାନେଅନି ପାଇ ରଇବା ସବୁ ବିଦିବିଦାନୁ ବାଦଲାଇ ଦେଇସି ବଲି ଏ ଲଙ୍କ କଇବାଟା ଆମେ ସୁନି ଆରୁ ।” ୧୫ ସେତୁକି ବେଲେ ବଡ଼ସବାଇ ବସି ରଇବା ସବୁ ଲଙ୍କ ଆକିଗାତି ତିପାନରୁ ବାଟେ ଦେକଲାଜେ, ଏଦେ ଦେକା ! ତାର ମୁ ସରଗରୁ ଦୁଡ଼ ପାରା ଡିସତେ ରଇଲା ।

୭

ତିପାନ କଇବାଟା

୧ ବଡ଼ ପୁଜାରି ତିପାନକେ ପାଚାରଲା, “ତରୁ ବିରୁଦେ କଇବା ଏ ସବୁ କାତା ସତ କି ?”

୨ ତିପାନ କଇଲା, “ଇତି ରଇବା ମରୁ ବାଇମନ୍ ଆରି ବାବାମନ୍ ଅଲପ୍ ସୁନା, ଆମରୁ ଆନିଦାଦି ଅବରାଆମ୍ ଆରନେ ବାସା ଅଇବାକେ ଜିବା ଆଗୁତୁ ମଇମା କରବା ପରୁମେସରୁ ମେସପୋମିଆଇ ଦେକାଇଅଇଲା ।” ୩ ଆରି ତାକେ କଇଲା, ‘ତମରୁ ଦେସ୍ ଆରି ତମରୁ କୁଟୁମକେ ଚାଡ଼ିକରି ମୁଇ ଜନ୍ ଦେସ୍ ଦେକାଇବି, ସେ ଦେସ୍ ଜା ।’ ୪ ତେବରୁପାଇ ସେ ତାରୁ ଦେସ୍ ଚାଡ଼ିକରି ଆରାନ୍ ନାଉଁର୍ ଗଟେକ ଦେସେ ବାସା ଅଇବାକେ ଗାଲା । ଅବରାଆମରୁ ବାବା ମଲା ପରେ, ପରୁମେସରୁ ତାକେ, ତମେ ରଇବା ଏ ଦେସେ ଆନ୍ଲା । ୫ ସେବେଲେ ପରୁମେସରୁ ଅବରାଆମକେ ଏ ଦେସେ କାଇ ଅଦିକାରୁ କି ପାଦେକ ଜମି ମିସା ଦେଇ ନ ରଇଲା । ମାତରୁ ତାକେ ଏ ଦେସ୍ ପରେ ଦେବାକେ ପରୁମେସରୁ କାତାଦେଇରଇଲା । ଆରି ସେଟା ତାରୁ ନାତିତିତି ମନରୁ ପାଇ ଅଇସି ବଲି ସପତ୍ କଲା । ପରୁମେସରୁ ଏ କାତା ଦେଇରଇଲା ବେଲେ ଅବରାଆମକେ ପିଲାଟକି ନ ଅଇରଇଲା । ୬ ସେବେଲେ ପରୁମେସରୁ ଅବରାଆମକେ ଏନ୍ତିବଲି କଇରଇଲା, “ତମରୁ ନାତିତିତିମନ୍ ବିନ୍ଦୁ ଦେସେ ଚାଲିସ୍ ବରସ୍ ଜାକ ଗତି ଅଇକରି ରଇବାଇ । ସେ ଦେସରୁ ଲଙ୍କ ସେମନ୍କେ କରାପ୍ ଚଲାଟଲୁତି ଦେକାଇବାଇ । ୭ ମାତରୁ ସେମନ୍ ଜନ୍ ଲଙ୍କମାନରୁ ସେବା କରବାଇ, ମୁଇ ସେ ଲଙ୍କମାନକେ ବିଚାରୁ କରୁବି । ପରେ ତମରୁ ନାତିତିତିମନ୍ ସେ ଦେସେଅନି ବାରଇ ଆଇବାଇ ଆରି ଏ ଜାଗାଇ ମରୁ ଉପାସନା କରୁବାଇ ।” ୮ ତାରୁପରେ ପରୁମେସରୁ ଅବରାଆମରୁ ସଙ୍ଗୁ କାତାଦେଇ ରଇବା ରାଜିନାମାରୁ ଚିନ୍ଦି ଇସାବେ ସୁନ୍ଦୁ କରୁବା ବିଦି ତିଆରୁ କଲା । ଇସାକ୍ ଜନମ୍ ଅଇ ଆଡ଼ିଦିନ୍ ପରେ ଅବରାଆମ ତାକେ ସୁନ୍ଦୁ କଲା । ପରେ ଇସାକ୍ ତାରୁ ପଅ ଜାକୁବକେ ସେନ୍ତାରି କଲା । ସେନ୍ତାରିସେ ଜାକୁବ ତାରୁ ବାରୁଟା ପଅମାନକେ ସୁନ୍ଦୁ କଲା, ଜନ୍ ଲଙ୍କମନ୍ କି ଆମରୁ ତାକ୍ପୁଟା ସଙ୍ଗୁ ରଇବା ଆନିଦାଦିମନ୍ ।

୯ “ଜାକୁବରୁ ପଅମନ୍ ତାକରୁ ସାନ୍ ବାଇ ଜସେପ୍କେ ଇସା ଅଇକରି, ମିସରୁ ଦେସରୁ ବେବାରିମନ୍କେ ବିକିଦେଲା । ମାତରୁ ପରୁମେସରୁ ଜସେପରୁ ସଙ୍ଗୁ ରଇଲା । ୧୦ ଆରି ସବୁ ଦୁକ୍ କସଟେଇଅନି ତାକେ ରକିଆ କଲା । ଜେଡେବେଲେ ଜସେପ୍ ମିସରୁ ରାଜାରୁ ମୁଆଟେ ଗିଆଅଇଲା, ପରୁମେସରୁ ତାକେ ଗିଆନ୍ ଦେଲା । ଆରି ସବୁଲଙ୍କ ମନ୍ଦିରୁପାରା ଚଲାଟଲୁତି ଦେଲା । ପାର ରାଜା ଜସେପ୍କେ ସେ ଦେସରୁ ସାସନକାରିଆ ଆରି ତାରୁ କୁଟୁମରୁ ସବୁ ଦେକାରକା କରବା ଦାଇଡ଼ ସରପି ଦେଲା । ୧୧ ଜସେପ୍ ସାସନକାରିଆ ରଇଲାବେଲେ ମିସରୁ ଆରି କିଶାନ୍ ଦେସେ ମରୁତି ଅଇଲା ଜେ ଲଙ୍କମନ୍ ବେସି ଅଇରାନ୍ ଅଇଗାଲା । ସେବେଲେ ଆମରୁ ଆନିଦାଦିମନ୍କେ କାଇଟା ମିସା କାଇବାଟା ମେଲନାଇ । ୧୨ ମିସରୁ ଦେସେ ଦାନ୍ ମିଲୁସି, ବଲି ସୁନି ଜାକୁବ ପରୁଟୁମତରୁ ତାରୁ ପିଲାମାନକେ କାଦି ଗେନୁବାକେ ପାଟାଇଲା । ଜେକି ଆମରୁ ଆନିଦାଦିମନ୍ ଅଇବାଇ । ୧୩ ତେଇ ସେମନ୍ ପରୁ ପାଲି ଗାଲାବେଲେ ଜସେପ୍ ତାରୁ ନିଜରୁ ବାଇମାନକେ ଚିନାଇ ଅଇଲା ଆରି ମିସରୁ ରାଜା ପାର ଜସେପ୍ କୁଟୁମକେ ଜାନ୍ଲା । ୧୪ ତାରୁ ପରେ ଜସେପ୍ ତାରୁ ବାବା ଜାକୁବ ଆରି ତାରୁ କୁଟୁମରୁ ସବୁକେ ମିସାଇ ସତୁରି ପାଁର୍ ଲଙ୍କକେ ମିସରେ ଆଇବାକେ କବରୁ ପାଟାଇଲା । ୧୫ ଜାକୁବ ମିସରୁ ଦେସେ ଗାଲା, ତେଇ ସେ, ତାରୁ ପଅମାନରୁ ମରନ୍

ଅଇଲା । ୧୭ ସେମାନେ ମାଲୀ ଗାଗଡ଼ ସେକିମେ ନେଲାଇ । ଆରି ଅବରାଆମ୍ କେତେକ୍ ତାବୁଦେଇ ଆମ୍ ନାଉଁର୍ ଗଟେକ୍ କୁଟୁମେ ଅନି ଗେନିଲା ମସନେ ନେଇ ସେମାନକେ ସଜାଇଲା ।”

୧୮ ପରମେସର୍ ଅବରାଆମ୍ ଜନ୍ ସପତ୍ ଦେଇ ରଇଲା ସେଟା ସିଦ୍ ଅଇଲା । ମିସର୍ଦେସେ ଆମ୍ ଜାତିର୍ ଲକ୍ମନ୍ ବେସି ବଡ଼ି ଗାଲାଇ । ୧୯ ସାରାସାରି, ଜସେପର୍ ବିସଇ ଜାନି ନ ରଇବା ଗଟେକ୍ ରାଜା, ମିସର୍ ଦେସ୍ ସାସନ୍ କଲା । ୧୯ ସେ ଆମ୍ ଆନିଦାଦିମନ୍ କେ ବେସି ନାଡ଼ାଇଲା । ଆରି ବେସି ଅଇରାନ୍ କଲା । ସେମାନେ କଅଁଲା ପିଲାମନ୍ କେ ନିପାଡ଼ କରି ବାଇରେ ପିଙ୍ଗି ଦେବାକେ ଆଦେସ୍ ଦେଲା । ୨୦ ସେ ବେଲାଇ ମସା ଜନମ୍ ଅଇଲା । ସେ ଗଟେକ୍ ବେସି ସୁନ୍ଦର୍ ପିଲା ରଇଲା । ତାକେ ଡିନ୍ ମାସ୍ ଜାକ ଗରେସେ ପସ୍ତାଇ । ୨୧ ଆରି ଜେଡେବେଲେ ବାଇରେ ଲୁଟାଇଦେଲା, ପାର ରାଜାନ୍ କନିଆ ତାକେ ମିଲାଇକରି ନିଜର୍ ପିଲାପାରା ପସ୍ତାଇ କଲା । ୨୨ ମିସର୍ ଦେସେ ଜେଡକି ଗିଆନ୍ ରଇଲା, ସେ ସବୁ ଗିଆନ୍ ମସାକେ ସିକାଇଲା । ସେ ବଡ଼ିକରି ତାର୍ କାତାବାରତ୍ ଆରି କାମାମ୍ ଲାଗି ଗଟେକ୍ ତାକ୍ ପୁଟା ଲକ୍ ବଲାଇଅଇଲା ।

୨୩ ଜେଡେବେଲେ ମସାକେ ଚାଲିସ ବରସ୍ ଅଇଲା, ସେ ତାର୍ ଇସ୍ରାଏଲର୍ ବାଇମନ୍ କାମ୍ କରୁବା ଜାଗା ଦେକ୍ବାକେ ମନ୍ କଲା । ୨୪ ଇସ୍ରାଏଲିଅ ମନର୍ ବିତ୍ରେଅନି ଗଟେକ୍ କେ ମିସରିୟର୍ ଗଟେକ୍ ଲକ୍ ସାଦ୍ବାନ୍ କରୁବାଟା ଦେକି ମସା ତାକେ ରକିଆ କଲା । ଆରି ସେ କରୁବାଟା ସୁଜାଇବି ବଲି ମିସରିଅକେ ସେ ମରାଇଲା । ୨୫ ମସା ବାଦିରଇଲା, ସେମନ୍ କେ ମୁକ୍ଲାଇବାକେ ପରମେସର୍ ତାକେ ବାଦ୍ଲାଆରେ ବଲି ତାର୍ ନିଜର୍ ବାଇମନ୍ ଏତାଇବାଇ । ମାତର୍ ସେମନ୍ ସେଟା ବୁଜନ୍ ନାଇ । ୨୬ ତାର୍ ଆରକ୍ ଦିନେ ଦୁଇଟା ଇସ୍ରାଏଲିଅ ମନ୍ ମାରାମାରି ଅଇତେରଇବାଟା ଦେକ୍ଲା । ଆରି ସେମନ୍ ମିସର୍ ବଲି ବୁଜାଇବାକେ ରେସ୍ଟା କଲା । ସେ କଇଲା, “ସୁନା ତମେ ଦୁଇ ଲକ୍ତା ଇସ୍ରାଏଲର୍ ବାଇବାଇ ଅଇସା । କାଇକେ ଏନ୍ତାରି ମାରାମାରି ଅଇଲାସି ?” ୨୭ ମାତର୍ ଜନ୍ ଲକ୍ ଆରିଗଟେକ୍ ଲକ୍ କେ କାରାପ୍ କାତା କଇ ଲାଗିତେରଇଲା, ସେ ମସାକେ ଏତାଇଦେଇ କଇଲା, “ଆମ୍ କେ ସାସନ୍ କରୁବାକେ ଆରି ଆମ୍ କେ ବିଚାର୍ କରୁବା ଅଦିକାର୍, କେ ତକେ ଦେଇଆଟେ ?” ୨୮ କାଲି ଜେଡକି ଗଟେକ୍ ମିସରିୟକେ ମରାଇଲୁସ୍, ସେନ୍ତ୍ର ମକେ ମିସା ମରାଇବାକେ ମନ୍ କଲୁସି କି ?” ୨୯ ଏଟା ସୁନିକରି ମସା ମିସର୍ଦେସେଅନି ଉଟିପାଲାଇଲା ଆରି ମିଦିଅନ୍ ଦେସେ ଜାଇ ବାସାକଲା । ତେଇ କେତେ ବରସ୍ ରଇକରି ଆରି ତାର୍ ଦୁଇଟା ପିଲା ଜନମ୍ ଅଇଲା ।

୩୦ “ଚାଲିସ ବରସ୍ ରଇଲା ପରେ, ମରୁବାଲି ରଇବା ଜାଗାର୍ ସିନୟ ନାଉଁର୍ ପର୍ବତେ ଗଟେକ୍ ଜଇ ଲାଗ୍ବା ବୁଟାର୍ ମଜାଇ ପରମେସର୍ ଗଟେକ୍ ଦୁଡ଼, ମସାକେ ଦେକାଇ ଅଇଲା ।” ୩୧ ମସା ଏଟା ଦେକି ବେସି କାବା ଅଇଗାଲା, ଆରି କଣ୍ଟେକ୍ ନିକକରି ଦେକ୍ବି ବଲି ବୁଟା ଲଗେ ଗାଲା । ମାତର୍ ତେଇ ସେ ମାପୁରୁର୍ କାତା ସୁନ୍ଲା । ୩୨ “ମୁଇ ତମ୍ ଆନିଦାଦି ଅବରାଆମ୍, ଇସାକ୍ ଆରି ଜାକ୍ବର୍ ପରମେସର୍ ।” ମସା ଡରିକରି ତର୍ତର୍ ଗଜ୍ଗଜ୍ ଅଇ ଦେକ୍ବାର୍ ନାପାରୁଲା । ୩୩ ମାପୁରୁ ତାକେ କଇଲା, “ତୁଇ ପିନ୍ଦିରଇବା ପାଣ୍ଡୁଇ ବେଟ୍ । କାଇକେବଲେ ତୁଇ ଜନ୍ ଜାଗାଇ ଚିଆଅଇଆରୁସ୍, ସେଟା ସୁକ୍ଲା ଜାଗା । ୩୪ ମିସର୍ ଦେସେ ମର୍ ଲକ୍ମନ୍ କସ୍ ଅଇବାଟା ଦେକିଆଟି । ମୁଇ ସେମାନର୍ କାମାବୁବା ସୁନିଆଟି ଆରି ସେମନ୍ କେ ମୁକ୍ଲାଇ ଆନ୍ଦବାକେ ଉଡ଼ି ଅଇଲିଆଟି । ଏବେ ଆଉ, ମୁଇ ତକେ ମିସର୍ ଦେସେ ପାଟାଇବି ।”

୩୫ ମସାକେ ଇସ୍ରାଏଲର୍ ଲକ୍ମନ୍ ନିବ୍ତେରଇଲା । ସେମନ୍ ପାଟାରି ରଇଲା, “ଆମ୍ କେ ସାସନ୍ କରୁବାକେ ଆରି ଆମ୍ କେ ବିଚାର୍ କରୁବାକେ କେ ଅଦିକାର୍ ଦେଇଆଟେ ?” ମାତର୍ ପରମେସର୍ ଆକା ନିଜେ ମସାକେ ସେ ଲକ୍ମନ୍ ଉପ୍ରେ ସାସନ୍ କରୁବାକେ ଆରି ସେମନ୍ କେ ମୁକ୍ଲାଇ ଆନ୍ଦବାକେ ପାଟାଇରଇଲା । ଜଇଲାଗ୍ବା ବୁଟାଇ ଦରୁସନ୍ ଇସାବେ ଦେକାଇଅଇଲା । ୩୬ ମିସର୍ ଦେସେ, ଲଇଡ୍ ସାଗରେ ଆରି ଚାଲିସ ବରସ୍ ମରୁବାଲି ବୁର୍ବୁ କେତେକ୍ କେତେକ୍ କାବା ଅଇଜିବା କାମ୍ ମନ୍ ଆରି ଚିନ୍ମନ୍ କଲା । ୩୭ ମସା ନିଜେ ଇସ୍ରାଏଲର୍ ଲକ୍ମନ୍ କେ କଇରଇଲା, “ମକେ ଜେଡକି ପରମେସର୍ ପାଟାଇଲା । ସେନ୍ତାରିସେ ତମ୍ ବାଇମନ୍ ଲଗେ ଗଟେକ୍ ବବିସ୍ତବକ୍ତାକେ ପାଟାଇସି, ସେ ତମ୍ ନିଜର୍ ଲକ୍ମନ୍ ଟାନେଅନିସେ ଅଇସି ।” ୩୮ “ଇସ୍ରାଏଲିଅ ଲକ୍ମନ୍ ମରୁବାଲି ବୁର୍ବୁ ରଇଲାବେଲେ ସେ ସେମାନର୍ ସଜ୍ ରଇଲା । ସିନୟ ପର୍ବତେ ଆମ୍ ଆନିଦାଦିମନ୍ ସଜ୍ ଦୁଡ଼ କାତା ଅଇଲାବେଲେ ସେ ରଇଲା । ଆରି ସେ ପରମେସର୍ ଟାନେଅନି ଜିବନ୍ ଦେବା ବାକିଅ ମିଲାଇକରି ଆମ୍ କେ ଜାନାଇଲା ।”

୩୯ “ମାତର୍ ଆମ୍ ପୁର୍ବର୍ ଆନିଦାଦିମନ୍ ମସାର୍ କାତା ସୁନଡ଼ ନାଇ । ମିସର୍ ଦେସେ ବାଉଡ଼ି କୁ ବଲି ମନ୍ କଲା ।” ୪୦ ସେଟାପାଇ ସେମନ୍ ଆରଣ୍ଡକେ କଇଲା, “ଆମ୍ କେ ମିସର୍ ଦେସେଅନି

ବାରକରାଇ ଆନଲା ମସା କେନେ ଗାଲାଆଲେ, ଆମେ ନାଜାନୁ । ଏବେ ଆମକେ ବାଟ୍ ଦେକାଇ ନେବାକେ କେତେଟା ପୁଡ଼ଲା ବନାଇ ଦେ । ସେମନ୍ ଆମର୍ ଦେବତା ଅଇ ବାଟ୍ଦେକାଇବାଇ ।”
 ୪୧ ସେବେଲେ ସେମନ୍ ତେଇ ଗଟେକ୍ ବାଟାପିଲା ପାରା ତିସ୍ତବା ପୁଡ଼ଲା ତିଆରକଲାଇ । ଆରି ତାରଲାଗି ପୁଜାକରୁ ବଲି ଚଗାଇଲାଇ । ଆରି ନିଜେ ତିଆର୍ କରିରଇବା ସେ ମୁର୍ତ୍ତିକେ ସନ୍ମାନ ଦେବାକେ ଗଟେକ୍ ବଜି କଲାଇ । ୪୨ ସେଟାର୍ପାଇ ପର୍ମେସର୍ ସେମନ୍କେ ଦେକେନାଇ ଆରି ସେମନ୍କେ, ଆକାସର୍ ତାରାମନ୍ ପୁଜା କରତ୍ ବଲି ଚାଡ଼ିଦେଲା । ଏ ବିସଇ ବବିସତ୍ବବକ୍ତାର୍ ବଇଟାନେ ଲେକା ଆଚେ,

“ଏ ଇସରାଏଲ୍ ବସ୍ତର୍ ଲକ୍ମନ୍, ମରୁବାଲି ବୁର୍ବ ଚାଲିସବରସ୍ ଜାକ

ତମେ ପସୁମନ୍କେ ମରାଇକରି ବଲି ଇସାବେ ଦେଲାସ୍ ।

ମାତର୍ ସେଟା ମର୍ପାଇ ଦେଇ ନ ରଇଲାସ୍ ।

୪୩ ମଲେକ୍ ପୁଡ଼ଲାକେ ପର୍ମେସର୍ ବଲି ତାର୍ ତମୁ ଗଟେକ୍ ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ ।

ଚେପାନ୍ ତାରାର୍ ପୁଡ଼ଲା ମିସା ଗଟେକ୍ ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ ।

ଏ ସବୁଜାକ ପୁଡ଼ଲାମନ୍କେ ତମେ ପୁଜାବିଦି କର୍ବାକେ ବନାଇରଇଲାସ୍ । ସେଟାର୍ପାଇ ମୁଇ ତମ୍ବକେ ତମର୍ ନିଜର୍ ଦେସେଅନି ବାବିଲନ୍ ଦେସର୍ ତେନକେ ନେବାକେ ଜନ୍ମନା କର୍ବି ।”

୪୪ ତିପାନ୍ ଆରି କଇଲା, “ମରୁବାଲିବୁର୍ବ ଆମର୍ ଆନିଦାଦିମନ୍ ରଇଲାବେଲେ ପର୍ମେସର୍ ସେମନ୍କେ ଲେକି ଦେଇରଇବା ନିୟ୍ମ୍ ମନ୍ ବିତ୍ରେ ରଇଲା । ସେଟା ପର୍ମେସର୍ ମସାକେ ଜେଡି ତମୁ ତିଆର୍ କର୍ବାକେ କଇରଇଲା, ଆରି ତାକେ ଜନ୍ କାମ୍ ଦେକାଇ ରଇଲା, ଏଟା ସେନ୍ତାରିସେ ତିଆର୍ ଅଇରଇଲା ।”

୪୫ “ପଚେ ଆମର୍ ଆନିଦାଦିମନ୍ ସେମନ୍ ଅନିଦାଦିମନ୍ ଗାନ୍ନେଅନି ମିଲାଇକରି ସେ ତୁମ୍ ଜିଅସୁଅ ସଙ୍ଗ୍ ବଇ ଦାରିଗାଲାଇ । ଆରି ପର୍ମେସର୍ ବାରକରାଇ କେଦି ରଇବା ବିନ୍ ଜାତିମନ୍ ଦେସ୍, ସେମନ୍ ଅଦିକାର୍ କଲାଇ । ଦାଉଦର୍ ସାସନ୍ ବେଲେ ଜାକ ସେ ତମୁ ତେଇସେ ରଇଲା । ୪୬ ଦାଉଦ୍ ପର୍ମେସରର୍ ମନ୍କେ ଜାଇରଇଲାଜେ ଜାକୁବର୍ ପର୍ମେସରର୍ ପାଇ ଗଟେକ୍ ମନ୍ଦିର୍ ତିଆର୍ କର୍ବି ବଲି ତାର୍ ଆଦେସ୍ ପାଇବାକେ ମନ୍ କର୍ତେ ରଇଲା । ୪୭ ପଚେ ସେ ମନ୍ଦିର୍ ଦାଉଦର୍ ପଅ ସଲ୍ମନ୍ ତିଆର୍ କର ବଲି ମନ୍କଲା ।”

୪୮ ଅଇଲେ ମିସା ସବୁର୍ ଉପରର୍ ପର୍ମେସର୍ ଲକ୍ମନ୍ ତିଆର୍ କଲା ଗରେ ବାସା ନ କରେ । ଏ ବିସଇ ବବିସତ୍ବବକ୍ତା ଲେକ୍ଲା ଆଚେ,

୪୯ ମାପୁରୁ କଇଲାମି, ସରଗ୍ ମର୍ ବସ୍ତା ଜାଗା

ଦରତନି ଅଇଲାମି ମର୍ ପାଦର୍ ପିତା ।

ତମେ ମର୍ପାଇ କେନ୍ତାରି ଗର୍ ତିଆର୍ କର୍ସା ?

ମୁଇ ପୁଣ୍ଡବାକେ କନ୍ତି ଜାଗା ଆଚେ କି ?

୫୦ “ମୁଇ ନିଜେ କାଇ ଏ ସବୁ ବିସଇ ତିଆର୍ କରି ନାଇ କି ?”

୫୧ ତିପାନ୍ ଆରି କଇଲା, “ତମେ ବିଲ୍କୁଲ୍ କାତା ନ ମାନ୍ବା ଲକ୍ମନ୍ ।” ତମର୍ ମନ୍ ତାର୍ ଅଇଗାଲା ଆଚେ । ମାପୁରୁ ବାକିଅର୍ପାଇ ପୁରାପୁରୁନ୍ ବଇରା ଅଇଆଟାସ୍ । ତମେ ସମାନ୍ ତମର୍ ଆନିଦାଦିମନ୍ ପାରା । ସବୁବେଲେ ସୁକଲ୍ ଆର୍ମାକେ ବିରୁଦ୍ କଲାସ୍ନି । ୫୨ ତମର୍ ଆନିଦାଦିମନ୍ ବବିସତ୍ବବକ୍ତାମନ୍କେ ନ ସାଦିକରି ଚାଡ଼ିରଇଲାଇ କି ? ମସିଅ ଆଇସି ବଲି କେତେ କେତେ ବରସ୍ ଆଗତୁ ଜାନାଇବା ପର୍ମେସରର୍ କାତାଜାନାଉମନ୍କେ ମରାଇଲାଇ । ଏବେ ତମେ ତାକେ ବିସ୍ବାସେ ବିସ୍ ଦେଲାପାରା କରି ମରାଇଆଟାସ୍ । ୫୩ ତମେ ସରଗର୍ ଦୁଡ଼ମନ୍ ଜାନାଇରଇବା ରିଡିନିଡି ଦାରିଆଟାସ୍ । ମାତର୍ ସେଟା ମାନସ୍ ନାଇ ।

ତିପାନ୍ ମରନ୍

୫୪ ବଡ଼ ସବାର୍ ଲକ୍ମନ୍ ତିପାନ୍ କାତା ଅଇବାଟା ସୁନିକରି ବେସି ରିସା ଅଇଗାଲାଇ ଆରି ରିସାର୍ ମାତେ ଦାଡ଼ କାଡ଼ି ଅଇଲାଇ । ୫୫ ମାତର୍ ତିପାନ୍ ସୁକଲ୍ ଆର୍ମାକ ପୁରାପୁରୁନ୍ ଅଇ ସରଗ୍ ବାଟେ ମୁ କଲା । ଆରି ପର୍ମେସରର୍ ମଇମା ଆରି ଜିସୁ ତାର୍ ଉଜାବାଟେ ତିଆଅଇରଇବାଟା ଦେକ୍ଲା ।

୫୬ ତିପାନ୍ କଇଲା, “ଏଦେ ଦେକା ! ସରଗ୍ ଉଗାଡି ଅଇବାଟା ଆରି ନର୍ପିଲା ପର୍ମେସରର୍ ଉଜାବାଟେ ତିଆ ଅଇରଇବାଟା ଦେକ୍ଲିନି ।”

୫୭ ବଡ଼ ସଦା ଲକ୍ଷ୍ମୀନ ସେ କାତା ସୁନିକରି ଆଡ଼ ସଙ୍ଗ କାନେ ଚୁଟିଅଇଦେଲା, ଆରି ବେସି ଆଉଲିଅଇଲା । ତାରପତେ ସବୁଲକ୍ଷ୍ମୀ ଗଟେକ୍ ଅଇକରି ତିପାନର୍ ବାଟେ ଉଦଲି ଆଇଲା । ୫୮ ତାକେ ନଅରର୍ ବାଇରେ ଜିକନେଇକରି ତାର ଉପରେ ପାକ୍ନା ସଙ୍ଗ ମାର୍ବାର ଦାରଲା । ସାକି ଦେଉମନ୍ ତିପାନ୍ ପିନ୍ଦିରଇଲା ବସ୍ତର୍ ସାଉଲ୍ ନାଉର୍ ଗଟେକ୍ ଦାଙ୍ଗତାକେ ଜିମାଦେଇ ଚାଡ଼ି ଜାଇରଇଲା । ୫୯ ସେମନ୍ ତିପାନର୍ ଉପରେ ପାକ୍ନା ମାର୍ବା ବେଲେ ସେ ମାପୁରୁକେ ପାର୍ତନା କରି କଇଲା, “ମାପୁରୁ ଜିସୁ, ମରୁ ଆଡ଼ମାକେ ସଙ୍ଗୁଆ !” ୬୦ ତିପାନ୍ ମାଣ୍ଡିକୁଟା ଦେଇ ଆକମାରି କଇଲା, “ମାପୁରୁ, ଏମନ୍ ବିରଦେ ଏ ପାପ୍ ଆରି ଏତାଆ ନାଇ କି ତଣ୍ଡ ଦିଆସ୍ନାଇ ।” ଏଡ଼କି କଇଲା ଦାପରେ ତାର ଜିବନ୍ ଚାଡ଼ିଗଲା ।



ମଣ୍ଡଲିକେ ତାଡ଼ନା

୯ ସାଉଲ୍ ତିପାନର୍ ମରନେ ରାଜିଅଇକରି ତେଇ ରଇଲା ।

ସେ ଦିନେଅନି ଜିରୁସାଲମେ ରଇବା ମଣ୍ଡଲିମନ୍ଦକେ ଲକ୍ଷ୍ମୀନ ଜବର୍ ତାଡ଼ନା ଦେବାର ଆରାମ୍ କଲା । ସେଟାରପାଇ ପେରିଟ୍ ସିସମନ୍ ତେଇରଇଲା ଆରି ବିନ୍ଦି ବିସ୍ବାସିମନ୍ ଜିବନ୍ ଆତେଦାରି ଜାଉଆ ଆରି ସମିରଣ୍ ଜାଗାଇ ପାଲାଇଲା । ୨ ପର୍ମେସର୍କେ ନାମବା କେତେକ୍ ଲକ୍ଷ୍ମୀ ଆକମାରି କାନ୍ଦିକରି ତିପାନର୍ ମଲା ଗାଗଡ଼ ନେଇ ସମାଦି କଲା ।

୩ ମାତର୍ ସାଉଲ୍ ମଣ୍ଡଲିକେ କୁରୁପ୍ନାସ୍ କରବାକେ ଚେସ୍ଟା କଲା । ସେ ଗରେ ଗରେ ଜାଇ ଜିସୁକେ ବିସ୍ବାସ୍ କରବା ମୁନୁସ୍ ପିଲା ଆରି ମାଜଜି ଟକିମନ୍ ସବୁକେ ଜିକି ଆନି ବନ୍ଦି ଗରେ ପୁରାଇ ଦେଲା ।

ସମିରଣ୍ ଜାଗାଇ ସୁବକବର୍ ଜାନାଇବାଟା

୪ ଜିରୁସାଲମେଅନି ପାଲାଇରଇବା ବିସ୍ବାସିମନ୍ ଗୁଲାଇବାଟେ ଜାଇ ସୁବକବର୍ ଜାନାଇବାର ଦାରଲା । ୫ ସେମନ୍ ବଡ଼ରେଅନି ପିଲିପ୍ ବଲି ଗଟେକ୍ ଲକ୍ଷ୍ମୀ ସମିରଣ୍ ମୁକିଅ ନଅରେ ଜାଇ, ତେଇ ରଇବା ଲକ୍ଷ୍ମୀମନ୍ଦକେ ମସିଅ କଇରଇବା କାତା ଜାନାଇଲା । ୬ ପିଲିପ୍ କଇବା କାତା ସୁନି ଆରି ସେ କରିରଇବା କାବା ଅଇଜିବା କାମମନ୍ ସବୁ ଦେକି ଲକ୍ଷ୍ମୀମନ୍ ତାକେ ଅଦିକ୍ ମନ୍ଦିଆନ୍ ଦେଇ ସୁନ୍ବାର ଦାରଲା । ୭ କେତେ କେତେ ଲକ୍ଷ୍ମୀମନ୍ ଟାନେଅନି ତୁମାମନ୍ କିରକିରି କରି ବାରଇ ଗାଲା । କେତେ କେତେ ଚେରେଙ୍ଗ୍ ରଗି ଆରି ଆଡ଼ ଗଡ଼ ନ ଆଇବାଟାମନ୍ ନିକ ଅଇଗାଲା । ୮ ଏଟାର ପାଇ ସେ ନଅର୍ ସାଇସାର୍ଦା ଅଇରଇଲା ।

୯ ସମରିଆ ଜାଗାଇ ସିମନ୍ ନାଉର୍ ଗଟେକ୍ ଲକ୍ଷ୍ମୀ ତାର ଜନ୍ତର୍ ମନ୍ତର୍ ବିଦିଆ କରିକରି ତେଇର୍ ଲକ୍ଷ୍ମୀମନ୍ଦକେ କାବା କରାଇତେରଇଲା । ୧୦ ସେ, ମୁଇ ନିଜେ ଗଟେକ୍ ବଡ଼ ଲକ୍ଷ୍ମୀ ବଲାଅଇତେରଇଲା । ଆରି ସେ ନଅରେ ରଇବା ସାନ୍ ବଡ଼ ସବୁ ତାକେ ମାନିରଇଲା । ପର୍ମେସର୍ ଜନ୍ ବପୁ ମାଆନ୍ ସେ ବପୁ ଏଟା ଆକା ବଲି ଲକ୍ଷ୍ମୀମନ୍ କଇତେ ରଇଲା । ୧୧ ବେସି ବରସ୍ ଦାରି ତାର ଗୁନି ବିଦିଆର୍ ବପୁ ସଙ୍ଗ ତେଇର୍ ଲକ୍ଷ୍ମୀମନ୍ଦକେ କାବା କରାଇତେରଇଲା । ସେଟାରପାଇ ଗୁଲାଇ ସମିରଣ୍ ଲକ୍ଷ୍ମୀମନ୍ ତାକେ ମାନିକରି ରଇଲା । ୧୨ ମାତର୍ ପିଲିପ୍ ଟାନେଅନି ପର୍ମେସର୍ ରାଇଜ ଆରି ଜିସୁର୍ ବିସଇ ସୁନ୍ଲା । ସୁନିକରି ତେଇର୍ ଲକ୍ଷ୍ମୀମନ୍ ମାପୁରୁକେ ବିସ୍ବାସ୍ କଲା । ଆରି ସେ ଜାଗାର ବିସ୍ବାସ୍ କଲା ମନସ୍ ପିଲା ଆରି ମାଜଜିଟକିକେ ପିଲିପ୍ ତୁବନ୍ ଦେଲା । ୧୩ ସିମନ୍ ନିଜେ ପିଲିପ୍ ଜାନାଇରଇବା ମାପୁରୁର୍ ବାକିଅ ସୁନି ବିସ୍ବାସ୍ କଲା । ଆରି ପିଲିପ୍ ତାକେ ତୁବନ୍ ଦେଲା । ସେ ପିଲିପ୍ ସଙ୍ଗ ସବୁଜାଗାଇ ଜିବାର ଦାରଲା । ପିଲିପ୍ କରିରଇବା କାବା ଅଇଜିବା କାମମନ୍ ଆରି ତିନ୍ମନ୍ ଦେକିକରି ସେ କାବା ଅଇଜାଇତେରଇଲା ।

୧୪ ସମରିଆର୍ ଲକ୍ଷ୍ମୀମନ୍ ପର୍ମେସର୍ ବାକିଅ ବିସ୍ବାସ୍ କଲା ଆତଡ଼ ବଲି ଜିରୁସାଲମ୍ ରଇବା ପେରିଟ୍ ସିସମନ୍ ସୁନ୍ଲା । ପିତର୍ ଆରି ଜଅନ୍ଦକେ ସେମନ୍ ଲଗେ ପାଟାଇଲା । ୧୫ ସେମନ୍ ତେଇ କେଟଲା ପଟେ ସମିରଣ୍ ବିସ୍ବାସିମନ୍ ସୁକଲ୍ ଆଡ଼ମା ପାଇବାକେ, ପାର୍ତନା କଲା । ୧୬ କାଇକେ ବଇଲେ ସେଡ଼କିବେଲ୍ ଜାକ କାର୍ ଉପରେ ସୁକଲ୍ ଆଡ଼ମା ଉଡ଼ରି ନ ରଇଲା । ସେମନ୍ଦକେ ଜିସୁକିସ୍ତର୍ ନାଉଦାରି ଅବକାସେ ତୁବନ୍ ଦେଇରଇଲା । ୧୭ ପିତର୍ ଆରି ଜଅନ୍ ସେମନ୍ ଉପରେ ଆଡ଼ି ସଙ୍ଗଇଲା ଦାପରେ ସେମନ୍ ସୁକଲ୍ ଆଡ଼ମା ପାଇଲା ।

୧୮ ପେରିଟ୍ ସିସମନ୍ ବିସ୍ବାସିମନ୍ ଉପରେ ଆଡ଼ ସଙ୍ଗଇଲାକେ ସୁକଲ୍ ଆଡ଼ମା ପାଇଲାଟା ଦେକି, ସିମନ୍, ପିତର୍ ଆରି ଜଅନ୍ଦକେ ତାବୁ ଜାଟଲା ଆରି କଇଲା, ୧୯ “ମୁଇ ବିନ୍ଦି ଲକ୍ଷ୍ମୀ ଉପରେ ଆଡ଼ି

୫ ୮:୩ ପେରିଟ୍ ୨୨:୪,୫;୨୭:୯-୧୧

ସଙ୍ଗରେ, ସେମାନେ ଜେନ୍ଟି ସୁକଲ୍ ଆଡ଼ମା ପାଇପାରବାଇ, ସେଗାର୍ ପାଇ ମନେ ସେ ବସୁ ଦିଆ ।”
 ୨୦ ମାତର୍ ପିତର୍ ତାକେ କଇଲା, “ତର୍ ତାବୁ ତର୍ ସଙ୍ଗ୍ ନସର୍ ଅ । ତର୍ ସଙ୍ଗ୍ ତର୍ ତାବୁ ମିସା
 ନରକେ ଜାଅ । କାଜକେବଇଲେ ପର୍ମେସରର୍ ଦାନ୍ ତାବୁସଙ୍ଗ୍ ଗେନ୍ଦି ବଲି ବାଦ୍ଲୁସିନି । ୨୧ ଆମର୍
 କାମଟାମେ ତର୍ କାଜମିସା ବାଗ୍ ନାଜ, କାଜକେବଇଲେ ପର୍ମେସର୍ ଦେକ୍ବା ଇସାବେ ତର୍ ମନ୍ ନିକ
 ନାଜ । ୨୨ ସେଗାର୍ ପାଇ ତମର୍ ଏ କରାପ୍ ବାଦ୍ନାମ୍ ପାଇ ମନ୍ ବାଦ୍ଲୁଆ । ଏନ୍ତାରି ବିସଇ ଚିନ୍ତାକଲାମ୍
 ପାଇ ମାପୁରୁ ଜେନ୍ତାରି କେମା ଦେଇସି, ତାର୍ ଲାଗି, ମାପୁରୁକେ ପାର୍ତନା କର୍ । ୨୩ କାଜକେ ବଇଲେ
 ମୁଇ ଦେକ୍ଲିନି ଜେ ତର୍ ମନ୍ ଆଁକାରେ ବର୍ତ୍ତି ଅଇଆଚେ । ତୁଇ ପାପର୍ ବନ୍ଦନେ ବନ୍ଦିଅଇ ଆରୁସ୍ ।”
 ୨୪ ସିମନ୍ ସେମାନକେ କଇଲା, “ତମେ ଜାଇଗା ସବୁ କଇଲାସ୍ ସେଟା ଜେନ୍ତି ମର୍ ଉପରେ ନ ଗଟ୍ ।
 ମୁଇ ତମକେ ବାବୁଜିଆ କଲିନି ମର୍ପାଇ ମାପୁରୁକେ ପାର୍ତନା କରା ।” ୨୫ ନିଜର୍ ଜିବନେ ଅଇରଇବା
 ବିସଇର୍ ସାକି ଆରି ମାପୁରୁର୍ ସୁବ୍ କବର୍ କଇସାରାଇଲା ପଚେ ପିତର୍ ଆରି ଜଅନ୍ ଜିରୁସାଲାମେ
 ବାଅଡ଼ଲା । ବାଅଡ଼ବା ବାଚେ ସେମନ୍ ସମିରଣର୍ ବେସି ଗାଉଁମନ୍ଦକେ ସୁବ୍ କବର୍ ଜାନାଇଲା ।

ପିଲିପ୍ ଆରି ଇତିଅପିଆର୍ କାମ୍ କରୁ

୨୬ ପର୍ମେସରର୍ ଗଟେକ୍ ଦୁଡ଼ ପିଲିପ୍ କେ କଇଲା, “ତିଆର୍ ଅ, ଆରି ଦକିଣ୍ ଦିଗେ ଜିରୁସାଲମେଅନି
 ଗାଜା ବଲି ଗଟେକ୍ ଜାଗାଇ ଜିବାବାଚେ ଜା । ଆଜିକାଲି ଏବାଚେ ଆରି ଲକ୍ମନ୍ ଆସ୍ ଜା କରଡ଼ ନାଜ
 ।” ୨୭ ପିଲିପ୍ ତିଆର୍ ଅଇ ସେବାଚେ ଗାଲା । ଏଦେ ଦେକା ! ଇତିଅପିଆର୍ ଗଟେକ୍ ଲକ୍ ! ସେ ଗଟେକ୍
 ବେହୁ ରଇଲା । ସେ ଜିରୁସାଲମେ ପାର୍ତନା କର୍ବାକେ ଆସିରଇଲା । ୨୮ ସେ ଗଟେକ୍ ମୁଜିଅ ଆରି
 ଇତିଅପିଆ ରାନ୍ଦି ବାଣ୍ଟାଗରିଆ ରଇଲା । ସେ ପର୍ମେସର୍ କେ ଉପାସନା କର୍ବାକେ ଜିରୁସାଲମ୍
 ଜାଇରଇଲା । ତାର୍ ରତେ ବସି ଗରେ ବାଉଡ଼ି ଆଇତେରଇଲା । ବସିକରି ଜିସାୟ ବବିସଡ଼ବକ୍ତାର୍
 ବଇଟାମେଅନି ଆଉଲି ଅଇ ପଡ଼ତେରଇଲା । ୨୯ ସୁକଲ୍ ଆଡ଼ମା ପିଲିପ୍ କେ କଇଲା, “ସେ ରତେ ଜା ଆରି
 ସେ ଲକ୍ ଲଗେ ର ।” ୩୦ ପିଲିପ୍ ପାଲାଇ ପାଲାଇ ଗାଲା ଆରି ସେ ଲକ୍ ଜିସାୟ ବବିସଡ଼ବକ୍ତାର୍ ବଇ
 ପଡ଼ବାଗା ସୁନ୍ଲା । ସେ ତାକେ ପାର୍ତଲା “ତୁଇ ଜାଇଗା ପଡ଼ଲୁସିନି, ସେଟା ବୁଜିପାର୍ଲୁସିନିକି ?”
 ୩୧ ସେ ବାଣ୍ଟାଗରିଆ କଇଲା, “କେ ମିସା ଗଟେକ୍ ଲକ୍ ବୁଜାଜ ନ ଦେଲେ ମୁଇ କେନ୍ତି ବୁଜିପାର୍ବି
 ?” ତାର୍ ସଙ୍ଗ୍ ରତେ ବସବାକେ ସେ ପିଲିପ୍ କେ ତାକ୍ଲା । ପିଲିପ୍ ଜାଇ ବସ୍ଲା । ୩୨ ଦରମ୍ ସାସ୍ତରର୍
 ଏ ପଦ୍ ପଡ଼ତେ ରଇଲା,

“ମରାଇବାକେ ନେବା ମେଣ୍ଟାପାରା, ଲକ୍ମନ୍ ତାକେ ତାକିନେଲାଇ,
 ଗଟେକ୍ ମେଣ୍ଟା ବାଲ୍ କାଟ୍ବା ବେଲେ ଜେନ୍ତି ସେ ଚିମରାଇଅଇରଇସି,
 ସେନ୍ତାରି ସେ ପଦେକ୍ ମିସା କାତା କଏ ନାଜ ।

୩୩ ଲକ୍ମନ୍ ନିନ୍ଦା କଲାବେଲେ ତାକେ ନିଆଇ ମିଲେ ନାଜ
 ତାର୍ କୁଟୁମର୍ ଲକ୍ ବସିଇ, କେ କଇ ନାପାରଡ଼,
 କାଜକେବଇଲେ ମର୍ପୁରେ ତାର୍ ଜିବନ୍ ସାରିଗାଲା ଆଚେ ।”

୩୪ ବାଣ୍ଟାଗରିଆ ପିଲିପ୍ କେ ପାର୍ତଲା, “ମୁଇ ତକେ ଗୁଆରି କଲିନି । ବବିସଡ଼ବକ୍ତା କାର୍ ବିସଇ
 କଇଲାମି, ମକେ କୁଆ । ତାର୍ ନିଜର୍ ବିସଇ କି ଆରି କାର୍ ବିସଇ ?” ୩୫ ପିଲିପ୍ ଦରମ୍ ସାସ୍ତରର୍ ଏ
 ପଦେଅନି ଆରାମ୍ କରି ଜିହ୍ୱର୍ ବିସଇର୍ ସୁବ୍ କବର୍ ତାକେ ଜାନାଇଲା । ୩୬ ସେମନ୍ ଜାଉ ଜାଉ ଗଟେକ୍
 ବଦ୍ ଲଗେ କେଟ୍ଲା । ସେ ବାଣ୍ଟାଗରିଆ କଇଲା, ୩୭ “ଇତି ପାନି ଆଚେ, କାଜ ଅସୁବିଦା ନ ରଇଲେ
 ମକେ ହୁବନ୍ ଦିଆ ।”

୩୮ ସେ ଲକ୍ ରଡ଼ ତେବାଇବାକେ ତିଆର୍ଲା । ପିଲିପ୍ ଆରି ସେ, ପାନି ବିଡ଼ରେ ଗାଲାଇ ଆରି ପିଲିପ୍
 ତାକେ ପାନିତେଇ ହୁବନ୍ ଦେଲା । ୩୯ ସେମନ୍ ପାନିତେଇଅନି ବାରଇ ଆଇଲା ପଚେ, ମାପୁରୁର୍ ଆଡ଼ମା
 ପିଲିପ୍ କେ ଆରିଗଟେକ୍ ଜାଗାଇ ମାୟା କରି ଦେଲା, ସେ ଲକ୍ ପିଲିପ୍ କେ ଆରି କେବେ ଦେକି ନାପାରଲା,
 ମାତର୍ ସାର୍ଦଦାଜ ପୁରୁନ୍ ଅଇ ତାର୍ ବାଚେ ଉଚିଗାଲା । ୪୦ ଚନେକ୍ ଗାଲା ପଚେ ପିଲିପ୍ ଦେକ୍ଲାଜେ ସେ
 ଅସଦର୍ ବଲି ଗଟେକ୍ ଜାଗାଇ କେଟିଆଚେ । ତେଇଅନି ସେ କାଜସେରିଆଇ ଗାଲା ଆରି ବାଚେ ରଇବା
 ସଅର୍ମନ୍ଦକେ ସୁବ୍ କବର୍ ଜାନାଇଲା ।



ସାଉଲ୍ ମନ୍ ବାଦ୍ଲାଇଲା

୧ ସେ ସବୁ ଗଟ୍ବା ବେଲେ, ସାଉଲ୍ ମାପୁରୁର୍ ସିସମନ୍ଦକେ ମରାଇଦେବି ବଲି ଦମ୍ କାଇତେ ରଇଲା ।
 ସେ ବଡ଼ ପୁଜାରିର୍ ଲଗେ ଗାଲା । ୨ ଜାଇକରି ଦାମାସ୍କାସେ ଜିଉଦିମନ୍ଦର୍ ପାର୍ତନା ଗରେ ଦେବାକେ

ଅଦିକାରରୁ ଚିତ୍ତି ମାଙ୍ଗୁଲା । ଦାମାସ୍କାସେ ଜନ୍ ମାଜଜି ଆରି ମୁନ୍ସୁସମ୍ ମାପୁରୁର୍ ବାଟେ ଆଇଲାଇ ଆତଡ଼, ସେମନ୍‌କେ ବନ୍ଦିକରି ତଣ୍ଡ ଦେବାକେ, ଜିରୁସାଲମର୍ ଜିଉଦି ନେତାମନର୍‌ଗାନେ ଆନିଅଇସି । ବନ୍ଦିକରି ଜିରୁସାଲମେ ଆନ୍‌ବାକେ ସାଉଲୁକେ ଏ ଚିତ୍ତି ଅଦିକାର୍ ଦେଲା ।

୩ ସାଉଲୁ ଦାମାସ୍କାସ୍ ନଅର୍ ଲଗାଲଗି ଅଇବା ବେଲେ, ଅଟାଡ଼ ବାଦ୍‌ଲେଅନି ଗଟେକ୍ ଉଜଲୁ ସାଉଲୁର୍ ଚାରିବେଡ଼ତି ଜଗଜଗି ଗାଲା । ୪ ତେଇ ସେ ତଲେ ଅଦ୍‌ରି ଗାଲା ଆରି ଗଟେକ୍ କଇବା କାତା ସୁନ୍‌ଲା “ଏ ସାଉଲୁ ତୁଇ ମକେ କାଇକେ ସାଦ୍‌ଲୁସିନି ?”

୫ ସେ କଇଲା, “ତମେ କେ ମାପୁରୁ ?”

“ତୁଇ ଜାକେ ସାଦ୍‌ଲୁସିନି, ସେ ଜିସୁ ମୁଇ । ୬ ଏବେ ଉର୍, ନଅରେ ଜା, କାଇଟା କର୍‌ବାକେ ଅଇସି, ତେଇ ତକେ ଜାନାଇବି ।”

୭ ସାଉଲୁର୍ ସଙ୍ଗ୍ ଜିବା ଲକ୍‌ମନ୍ କାବାଅଇଜାଇ ତେବିଦେଲାଇ, ତାକର୍ ଚଣ୍ଡେଅନି ପଦେକ୍ କାତା ବାରଏ ନାଇ । କଇବା ସବଦ୍ ସେମନ୍ ସୁନ୍‌ଲାଇ, ମାତର୍ କାକେ ଦେକି ନାପାରୁଲାଇ । ୮ ସାଉଲୁ ଉଚି ଆଁକି ଦେକ୍‌ଲା ମାତର୍ ତାକେ କାଇଟା ଡିସେ ନାଇ । ତେବେ ତାର୍ ସଙ୍ଗର୍ ଲକ୍‌ମନ୍ ଆତେ ଦାରି ଦାମାସ୍କାସ୍ ତାକିନେଲାଇ । ୯ ତିନ୍‌ଦିନ୍ ଜାକ ସେ କାଇଟା ଦେକି ନାପାରୁଲା ଆରି ତିନ୍‌ଦିନ୍ ଜାକ କାଏ ନାଇ କି ପିଏ ନାଇ ।

୧୦ ଦାମାସ୍କାସେ ଅନନିୟ ନାଉର୍ ଗଟେକ୍ ବିସ୍‌ବାସି ଲକ୍ ରଇଲା, ସେ ମାପୁରୁର୍ ଦର୍‌ସନ୍ ପାଇଲା, ମାପୁରୁ ତାକେ କଇଲା, “ଅନନିୟ !”

ସେ କଇଲା, “ମୁଇ ଇତି ଆଚି ମାପୁରୁ, କୁଆ ।”

୧୧ ମାପୁରୁ କଇଲା, “ତିଆର୍ ଅ । ସଲକ୍ ନାଉର୍ ବାଟ୍‌ଦାରି ଜିଉଦାର୍ ଗରେ ଜା । ତେଇ ତାର୍‌ସସେଅନି ଆସି ରଇବା ସାଉଲୁ ନାଉର୍ ଗଟେକ୍ ଲକ୍‌କେ କଜ୍ । ସେ ପାର୍‌ତନା କଲାନି । ୧୨ ସେ ଦର୍‌ସନ୍ ଦେକ୍‌ଲାବେଲେ ଅନନିୟ ବଲି ଗଟେକ୍ ଲକ୍ ତାର୍ ଗରେ ପୁର୍‌ବାଟା ସେ ଦେକିଆଟେ, ତୁଇ ଜା ଆରି ସେ ଜେନ୍ତିକି ଆରିତରେକ୍ ଦେକିପାର୍‌ସି ତାର୍ ଉପ୍‌ରେ ଆଡ଼ ସଙ୍ଗ ।”

୧୩ ମାତର୍ ଅନନିୟ କଇଲା, “ମାପୁରୁ ଏ ଲକ୍ ଜିରୁସାଲମେ ତମର୍ ଲକ୍‌ମନ୍‌କେ ଜେଡ଼କି ପାପ୍ କାମ୍ କଲା ଆତେ, ସେ ବିସଇ କେତେ କେତେ ଲକ୍ ମକେ ଜାନାଇ ଆତଡ଼ । ୧୪ ଆରି ସେ ଲକ୍ ମୁକିଅ ପୁଜାରିମନର୍ ଗାନେଅନି ଅଦିକାର୍ କାଗଜ୍ ନେଇକରି ଦାମାସ୍କାସେ, ତମକେ ପାର୍‌ତନା କର୍‌ବା ଲକ୍‌ମନ୍‌କେ ଦାରି ନେବାକେ ଆସିଆତେ ।”

୧୫ ମାପୁରୁ ତାକେ କଇଲା, “ଜାଆ ଜିଉଦି ନ ଅଇଲା ଲକ୍‌ମନ୍, ତାକର୍ ରାଜାମନ୍ ଆରି ଇସ୍ରାଏଲର୍ ଲକ୍‌ମନ୍‌କେ, ମର୍ ନାଉଁ ଜାନାଇବାକେ ଆରି ମର୍ ସେବା କର୍‌ବାକେ ମୁଇ ତାକେ ବାଟ୍‌ଲି ଆଚି । ୧୬ ସେ ମର୍ ପାଇ ଜେଡ଼କି ସବୁ କସ୍ଟ ମୁରବ୍‌ବାର୍ ଆତେ, ମୁଇ ନିଜେ ତାକେ ଜାନାଇବି ।”

୧୭ ଅନନିୟ ଗାଲା ଆରି ସାଉଲୁ ରଇବା ଗରେ କେଟ୍‌ଲା । ସାଉଲୁକେ ବେଟ୍‌ଅଇ ତାର୍ ଉପ୍‌ରେ ଆଡ଼ ସଙ୍ଗଇ ତାକେ କଇଲା, “ଏ ବାଇ ସାଉଲୁ, ଇତି ତର୍‌ଗାନେ ଆଇବାକେ ମାପୁରୁ ଜିସୁ ମକେ ପାଟାଇଆତେ । ତୁଇ ଇତି ଆଇବା ବାଟେ ସେସେ ତକେ ଦେକାଇଅଇଲା । ତୁଇ ଜେନ୍ତିକି ଆରି ତରେକ୍ ଦେକି ପାରୁସ୍ ଆରି ସୁକଲ୍ ଆଡ଼ମାଇ ପୁରାପୁରୁନ୍ ଅଇପାରୁସ୍ । ସେଟାର୍‌ପାଇ ପର୍‌ମେସର୍ ମକେ ପାଟାଇଆତେ ।”

୧୮ ଅନନିୟ ଏ କାତା କଇଲା ଦାପୁରେ ଏଦେ ଦେକା ! ସାଉଲୁର୍ ଆଁକିଅନି ମାଟ୍ କସ୍‌ଲି ପାରାଟା କୁସ୍‌ଲି ଅଦ୍‌ରୁଲା । ସେ ଆରି ତରେକ୍ ଦେକି ପାରୁଲା । ସେ ଉଟ୍‌ଲା ଆରି ଅନନିୟ ତାକେ ତୁବନ୍ କଲା । ୧୯ ଆରି କାଆପିଆ ଅଇ ବପୁ ଅଇଲା । ସାଉଲୁ ଜିସୁକେ ବିସ୍‌ବାସ୍ କର୍‌ବା ଲକ୍‌ମନର୍ ସଙ୍ଗ୍ ଦାମାସ୍କାସେ କେତେ ଦିନ୍ ରଇଲା ।

ଦାମାସ୍କାସେ ସାଉଲୁର୍ ମାପୁରୁର୍ କାତା ଜାନାଇବାଟା

୨୦ ସେ ସିଦା ପାର୍‌ତନା କର୍‌ବା ଗର୍‌ମନ୍‌କେ ଜାଇ ଜିସୁସେ ପର୍‌ମେସରର୍ ପଅ ବଲି ଜାନାଇବାର୍ ଦାରୁଲା ।

୨୧ ଜନ୍ ଲକ୍‌ମନ୍ ତାର୍ କାତା ସୁନ୍‌ଲାଇ, କାବାଅଇଜାଇକରି ପାଗାରୁଲାଇ, “ଜିରୁସାଲମେ ଜିସୁକେ ବିସ୍‌ବାସ୍ କରି ପାର୍‌ତନା କର୍‌ବା ଲକ୍‌ମନ୍‌କେ ଜନ୍‌ଲକ୍ ମରାଇତେ ରଇଲା, ଏ କାଇ ସେ ଲକ୍ ନଏଁ କି ? ସେମନ୍‌କେ ମୁକିଅ ପୁଜାରିମନର୍ ଲଗେ ଦାରିନେବାକେ ସେ କାଇ ଇତି ଆସି ନ ରଇଲା କି ?”

୨୨ ମାତର୍ ସାଉଲୁ ଦରମ୍ ସାସ୍‌ତରେ ଅନି, ଜିସୁ ଆକା ମସିଅ ବଲି ସଡ଼ ଦେକାଇଲା । ଏ ବିସଇଗାନେ ତାର୍ କଇବା କାତା ଏତେ ବପୁ ରଇଲା ଜେ, ଦାମାସ୍କାସେ ବାସାଅଇ ରଇବା ଜିଉଦିମନ୍ ତାର୍ କଇବା କାତାର୍ ଗଟେକ୍ ମିସା ଉତର୍ ଦେଇନାପାରୁଲାଇ ।

୨୩* କେତେଦିନ ଗାଲା ପତେ ଜିଉଦିମନ୍ ଗଟେକ ଅଇକରି ସାଉଲ୍‌କେ ମରାଇବାକେ ପାଟ୍‌ନା କଲାଇ । ୨୪ ମାତର୍ ସାଉଲ୍ ସେମନର୍ କ୍ରୁଟ୍ କାତା ଜାନ୍‌ଲା । ସାଉଲ୍‌କେ ମରାଇବାକେ ସେମନ୍ ଦିନ୍ ରାତି ନଅରର୍ ସବୁ ଦୁଆର୍‌ମନ୍‌କେ ଜାଗଲାଇ । ୨୫ ମାତର୍ ଦିନେକ୍, ରାତିବେଲେ ସାଉଲ୍‌ର୍ ସିସ୍‌ମନ୍ ତାକେ ଡାଲାଇ ସାଜାତି ନଅରର୍ ଚାରିବେଟ୍‌ତି ରଇବା ପାଟ୍‌ରିର୍ କାଣା ବାଟେ ତଲେ ଉଡ଼ରାଇଦେଲାଇ ।

ଜିରୁସାଲାମେ ସାଉଲ୍

୨୬ ସାଉଲ୍ ଜିରୁସାଲାମେ ଜାଇ ସିସ୍‌ମନର୍ ସଙ୍ଗ୍ ମିସ୍‌ବାକେ ଚେସ୍‌ଟା କଲା । ମାତର୍ ସେମନ୍ ସାଉଲ୍‌କେ ଗଟେକ୍ ସିସ୍ ବଲି ମୁଲ୍‌କେ ବିସ୍‌ବାସ୍ କରଟ୍ ନାଇ । ସବୁ ଲକ୍ ତାକେ ଡରତେ ରଇଲାଇ । ୨୭ ମାତର୍ ପତେ, ବରନବା ତାକେ ପେରିଟ୍ ସିସ୍‌ମନର୍ ଲଗେ ନେଲା । ଦାମାସ୍କସର୍ ବାଟେ କେନ୍ତ୍ର ସାଉଲ୍ ମାପ୍‌ରୁର୍ ଦରସନ୍ ପାଇରଇଲା, ଆରି ମାପ୍‌ରୁ ତାକେ କାତା କଇରଇଲା, ଏ ସବୁ ବିସଇ ସେମନ୍‌କେ ବୁଜାଇକରି କଇଲା । ଦାମାସ୍କସେ ସାଉଲ୍ ନ ଡରତେ କେନ୍ତ୍ରାରି ଜିସ୍‌ର ନାଉଁ ଦାରି ତାର୍ ବାକିଅ ଜାନାଇରଇଲା, ସେମନ୍‌କେ ଟିକି ନିକି ବୁଜାଇ କରି କଇଲା । ୨୮ ଆରି ସାଉଲ୍, ପେରିଟ୍ ସିସ୍‌ମନର୍ ସଙ୍ଗ୍ ରଇଲା ଆରି ଜିରୁସାଲାମର୍ ଗୁଲାଇବାଟେ ଜାଇ, ନ ଡରତେ ମାପ୍‌ରୁର୍ ବାକିଅ ଜାନାଇଲା । ୨୯ ସାଉଲ୍ ଏ ସବୁ ବିସଇ ଗିରିକ୍ ବାସା କଇବା ଜିଉଦିମନର୍ ସଙ୍ଗ୍ ଦଦାପେଲା ଅଇଲା । ମାତର୍ ସେମନ୍ ସାଉଲ୍‌କେ ମରାଇବାକେ ଚେସ୍‌ଟା କଲାଇ । ୩୦ ବିସ୍‌ବାସି ବାଇମନ୍ ଏ କାତା ଜାନିକରି ସାଉଲ୍‌କେ କାଇସରିଆ ନାଉଁର୍ ଗଟେକ୍ ଜାଗାଇ ଦାରିଗାଲାଇ । ଆରି ତେଇଅନି ତାକେ ତାର୍‌ସିସ୍ ବଲି ବିନ୍ ଗଟେକ୍ ଜାଗାଇ ପାଟାଇ ଦେଲାଇ ।

୩୧ ଜିଉଦା, ଗାଲିଲି ଆରି ସମିରଣେ ରଇବା ମଣ୍ଡଲିମନର୍ ପାଇ ସେବେଲା ଗଟେକ୍ ସାନ୍ତ୍ରିର୍ ବେଲା ରଇଲା । ସୁକଲ୍ ଆଡ଼ମା ସେମନର୍ ସଙ୍ଗ୍ ରଇଲା ଜେ ଲକ୍‌ମନ୍ ଦିନକେଦିନ୍ ଅଦିକ୍ ଅଦିକ୍ ଅଇ ତାଟ୍ ଅଇଲାଇ । ଜିସ୍‌କେ ବିସ୍‌ବାସକରବା ଲକ୍‌ମନ୍, ମାପ୍‌ରୁକେ ଡରିକରି ଆରି ମାନିକରି ଜିଇତେ ରଇଲାଇ ।

ଲୁଦା ଆରି ଜପ୍‌ପା ଜାଗାଇ ପିତର୍

୩୨ ପିତର୍ ବିନ୍ ବିନ୍ ଜାଗାଇ ବୁଲି ବୁଲି ତରେକ୍ ଲୁଦାଇ ବାସାଅଇରଇବା, ମାପ୍‌ରୁର୍ ଲକ୍‌ମନର୍ ସଙ୍ଗ୍ ମିସ୍‌ବାକେ ଗାଲା । ୩୩ ତେଇ ଏନିୟ ନାଉଁର୍ ଗଟେକ୍ ଲକ୍‌କେ ସେ ବେଟ୍ ଅଇଲା, ଏନିୟକେ ତରେକ୍ ବାଟ୍ ଦାରି ଆଟ୍ ବରସ୍ ଅଇଜାକରଇଲା । ସଇଲାଗାନେଅନି ଉଚି ନାପାଟ୍‌ତେ ରଇଲା । ୩୪ ପିତର୍ ତାକେ କଇଲା, “ଏନିୟ ଜିସ୍ ମାପ୍‌ରୁ ତକେ ନିକ କରିଆଟେ । ଉଟ୍ ଆରି ତର୍ ଅଟ୍‌ନା ସାଜାଟ୍ ।” ୩୫ କଇଲା ଦାପ୍‌ରେ ଏନିୟ ଉଚି ଟିଆଅଇଲା । ଏଟା ଦେକି କରି ଲୁଦା ଆରି ସାରନେ ବାସା ଅଇରଇବା ସବୁ ଲକ୍‌ମନ୍ ମାପ୍‌ରୁର୍ ବାଟେ ଆଇବାକେ ମନ୍ କଲାଇ ।

୩୬ ଜପାଇ, ଟାବିତା ନାଉଁର୍ ଗଟେକ୍ ବିସ୍‌ବାସି ମାଇଜି ବାସା ଅଇରଇଲା । ତାର୍ ଗିରିକ୍ ନାଉଁ, ଦାଟ୍‌କାସ୍ । ତାର୍ ଅରଟ୍ କଟ୍‌ରା । ସେ ସବୁବେଲା ସଟ୍ କାମ୍ କରି, ରଗି ଦୁକ୍‌ମନର୍ ସେବା କର୍ତେତେ ରଇଲା । ସେବେଲେ ସେ ରଗ୍‌ବେମାଟ୍ ଅଇ ମରିଗାଲା । ୩୭ ତାର୍ ଲକ୍‌ବାକ୍‌ମନ୍ ଟାବିତାଟ୍ ମଲାମାଟ୍ ପାନିଦୁଆଇଲାଇ ଆରି ଲୁଗା ସଙ୍ଗ୍ ଗୁଡିଆଇ ଉପର୍ ତାଲାଟ୍ ବାକ୍‌ରାଇ ସୁଆଇଦେଲାଇ । ୩୮ ଜପା ଜାଗା ଲୁଦାଇଅନି ଦୁରିକେ ନ ରଇଲା । ପିତର୍ ଲୁଦାଇ ଆଟେ ବଲି ସୁନିକରି ଜପାଇ ରଇବା ବିସ୍‌ବାସିମନ୍ ଦୁଇ ଲକ୍‌କେ ପିତର୍‌ର୍ ଲଗେ କଇ ପାଟାଇଲାଇ । “ଅଲସମ୍ ନ କରି, ଦାପେ ଆମ୍‌ର୍ ଲଗେ ତନେକ୍ ଆସା ।” ୩୯ ପିତର୍ ତିଆର୍ ଅଇକରି ସେମନର୍ ସଙ୍ଗ୍ ଗାଲା । ତେଇ ସେ କେଟ୍‌ଲା ଦାପ୍‌ରେ ଲକ୍‌ମନ୍ ତାକେ ଉପର୍ ତାଲାଟ୍ ବାକ୍‌ରାଇ ତାକି ନେଲାଇ । ରାଣ୍ଡି ମାଇଜିମନ୍ ଚାରିବେଟ୍‌ତି ଅଇକରି କାମି କାମି ଦାଟ୍‌କାସ୍ ଜିବନ୍ ରଇଲାବେଲେ ସିଲାଇ ରଇବା ବସ୍‌ତର୍ ଆରି ଲୁଗାମନ୍ ସବୁ ପିତର୍‌କେ ଦେକାଇଲାଇ । ୪୦ ପିତର୍ ବାକ୍‌ରାଇଅନି ସବୁକେ ବାକ୍‌ରାଇ ଦେଲା ଆରି ମାଣ୍ଡିକ୍‌ଟା ଦେଇ ପାଟ୍‌ତନା କଲା । ତାଟ୍‌ପତେ ଦରକାସର୍ ମଲା ଗାଗଡ଼ବାଟେ ଦେକିକରି କଇଲା, “ଟାବିତା ଉଟ୍ !” ଏଦେ ଦେକା ! ଦରକାସ୍ ଆକି ଦେକ୍‌ଲା ଆରି ପିତର୍‌କେ ଦେକି ଉଚିକରି ବସ୍‌ଲା । ୪୧ ପିତର୍ ଆଟ୍ ଲାମାଇ ତାକେ ଉଟାଇଲା । ତାଟ୍ ପତେ ତେଇ ରୁଣ୍ଡି ରଇଲା ସବୁ ବିସ୍‌ବାସି ଆରି ରାଣ୍ଡି ମାଇଜିମନ୍‌କେ ତାକି ଦର୍‌କାସ୍‌କେ ସର୍‌ପିଦେଲା । ୪୨ ଏ କବର୍ ଜପାଟ୍ ଗୁଲାଇ ବାଟର୍ ଲକ୍ ସୁନ୍‌ଲାଇ ଆରି କେତେ କେତେ ଲକ୍‌ମନ୍ ମାପ୍‌ରୁକେ ବିସ୍‌ବାସ୍ କଲାଇ । ୪୩ ପିତର୍ ବେସି ଦିନ୍ ଜପାଇ ସିମନ୍ ନାଉଁର୍ ଗଟେକ୍ ଲକ୍, ଜେକି ପସ୍‌ମନର୍ ତାମ୍ ସଙ୍ଗ୍ କାଇକାଇ ଜିନିସ୍‌ମନ୍ ତିଆର୍ କରି ବର୍ତ୍ତେତେ ରଇଲା, ତାଟ୍ ଗରେ ରଇଲା ।

* ୯:୨୩ ୯:୨୩ ୨ୟ କରନ୍ତିୟ ୧୧:୩୨, ୩୩

୧୦

ପିତରୁ ଆରି କରୁନିଲିଅ

୧ କାଜସରିଆ ଅନି କରୁନିଲିଅ ନାଉଁର୍ ଗଟେକ୍ ଲକ୍ ରଇଲା । ସେ, ଇଟାଲି ଅନି ଆଇବା ଗଟେକ୍ ବଡ଼ ଦଲର୍ ରମିୟ ସନିଅମନର୍, ନେତା ରଇଲା । ୨ ସେ ଗଟେକ୍ ଦରମ୍ ଲକ୍ ରଇଲା । ସେ ଆରି ତାକର୍ ଗରର୍ ଲକ୍ମନର୍ ସବୁ ପର୍ମେସର୍ବକେ ଉପାସନା କର୍ତେ ରଇଲା । ସେ ରକିଦୁକି ଜିଉଦିମନକେ ବେସି ଉପକାର୍ କର୍ତେ ରଇଲା । ଆରି ଜେତେବେଲ୍ ମିସା ପର୍ମେସର୍ବକେ ପାର୍ତନା କର୍ତେ ରଇଲା । ୩ ଦିନେକ୍ ଆଡ଼ବେଲା ଡିନର୍ ବେଲେ କରୁନିଲିଅ ପାର୍ତନା କଲାବେଲେ, ଗଟେକ୍ ଦରସନ୍ ପାଇଲା । ତେଇ ପର୍ମେସର୍ବକେ ଦୁଡ଼ ଆସି ତାକେ “କରୁନିଲିଅ !” ବଲି ତାକ୍‌ବାଟା ନିକ ସଙ୍ଗ୍ ଦେକ୍ଲା ।

୪ ସେ ଡରିକରି ସରଗର୍ ଦୁଡ଼ବାଟେ ଦେକିକରି କଇଲା, “କାଜଟା ବଲି କଇଲୁସିନି ମାପୁରୁ ?” ସରଗର୍ ଦୁଡ଼ କଇଲା, “ପର୍ମେସର୍ବକେ ତର୍ ପାର୍ତନା ଆରି ଦୁକିରକିମନକେ ଦାନ୍ କର୍ବାଟା ଦେକି ସାର୍ଦା ଅଇଲା । ଆର୍ ବାଦୁଲେ କାଜଟାଆଲେ ଦେବାକେ ସେ ମନ୍ କଲାନି । ୫ ଏବେ ସିମନ୍ ପିତରୁ ନାଉଁର୍ ଗଟେକ୍ ଲକ୍ମକେ ଇତି ତାକି ଆନବାକେ, ଜପାଇ ଲକ୍ ପାଟାଆ । ୬ ସେ ସମ୍ପଦୁର୍ କଣ୍ଡି ବାସାଅଇରଇବା ସିମନ୍ ନାଉଁର୍ ଗଟେକ୍, ପସୁମନର୍ ଚାମ୍ ସଙ୍ଗ୍ କାଜକାଜଟା ତିଆର୍ କର୍ବା ଲକ୍ମର୍ ଗରେ ରଇଲାନି ।” ୭ ଏଡ଼କି କାତା କଇ ସରଗର୍ ଦୁଡ଼ ଉଚିଗାଲା । କରୁନିଲିଅ ତାକର୍ ଗରର୍ ଦୁଇଟା ଗତିଦାଙ୍ଗତାକେ ଆରି ତାକେ ସେବା କର୍ତେରଇବା ଆରି ପର୍ମେସର୍ବକେ ଉପାସନା କର୍ତେରଇବା ଗଟେକ୍ ସଇନକେ ତାକାଇଲା । ୮ ସେ ସେମନକେ ଦୁଡ଼ କଇରଇବା ସବୁ କାତା ଜାନାଇ କରି ଜପାଇ ପାଟାଇଲା ।

୯ ତାର୍ ଆରକର୍ ଦିନେ ଆଡ଼ବେଲାଇ ସେମନ୍ ଜପାର୍ ଲଗାଲଗି ଅଇଲାବେଲେ, ପିତରୁ ପାର୍ତନା କର୍ବାକେ ମେଡ଼ଗରର୍ ଚାଉନି ଉପରେ ଜାଇ ରଇଲା । ୧୦ ସେ ଉପାସ୍ ସାରାଇକରି, କାଜଟାଆଲେ କାଜବାକେ ମନ୍ କଲା ଆରି କାଦି ତିଆର୍ ଅଇବା ବେଲାଇ ସେ ଗଟେକ୍ ଦରସନ୍ ଦେକ୍ଲା । ୧୧ ଏଦେ ଦେକା ! ଆକାସ୍ ଉଗାଡିଅଇଲାଟା ଆରି ଗଟେକ୍ ବଡ଼ ଚାଦର୍ ଚାରିକନେ ବାନ୍ଧିଅଇକରି ଦରତନି ଉପରେ ଉଡ଼ି ଆଇବାଟା ଦେକ୍ଲା । ୧୨ ତେଇ ଜଗତେ ରଇବା ରକାମ୍ ରକାମର୍ ଗଡ଼ ସଙ୍ଗ୍ ଇଣ୍ଡିବା ପସୁ, ରାଙ୍ଗିବା ଜନ୍ତୁ ଆରି ଉଡ଼ବା ଚଡ଼ଇମନ୍ ! ୧୩ ଆରି ସେ ଗଟେକ୍ କାତା ଅଇବା ସବଦ୍ ସୁନଲା, “ପିତରୁ ! ଉର୍ ସେମନକେ ମାରିକରି କାଆ !”

୧୪ ମାତରୁ ପିତରୁ କଇଲା, “ନାଇ ମାପୁରୁ, ଆମର୍ ଜିଉଦି ନିୟମ ଇସାବେ ଅସୁକଲ୍ ବଲି କଇବା କାଜ ମାଉସ୍ ମିସା କାଇନାଇ ।”

୧୫ ସେ ସବଦ୍ ଆରି କଇଲା “ପର୍ମେସର୍ବକେ ଜନ୍ମଟା ସୁକଲ୍ କଲାଆଟେ ସେଟା ନିର୍ବାର୍ ନାଇ ।” ୧୬ ଏନ୍ତାରି ତିନିତର୍ ଅଇଲା ପଟେ ଚାଦର୍ ସରଗ ବାଟେ ଚଗାଇ ଦାରି ଗାଲାଇ ।

୧୭ ପିତରୁ ଜନ୍ ଦରସନ୍ ପାଇରଇଲା, ତାର୍ ଅରଡ଼ କାଜଟା, ସେଟା ବାବି କାନାବାନା ଅଇଗାଲା । ଚିକ୍ ସେନ୍ତୁ ଅଇଲାବେଲେ, ଏଦେ ଦେକା ! କରୁନିଲିଅ ପାଟାଇଲା ଲକ୍ମନର୍ ସିମନକେ କଜି କଜି ଆସି, ତାର୍ ଗରର୍ ବାଟିଆଗତି ଲଗେ ଚିଆଅଇଲାଇ । ୧୮ ସେମନ୍ ତାକିକରି ପାଟାଉଲାଇ, “ସିମନ୍ ପିତରୁ, ନାଉଁର୍ ଗତିଆ ଲକ୍ ଇତି ଆଟେ କି ?” ୧୯ ପିତରୁ ସେ ଦରସନ୍ ବିସଇ ଚିନ୍ତା କର୍ତେ ରଇଲାବେଲେ ଆଡ଼ମା ତାକେ କଇଲା, “ସୁନ୍ ! ତକେ ତିନ୍ ଲକ୍ କଜିଲାଇନି ।”

୨୦ “ଉର୍, ତଲେ ଜାଆ । ଏ ଲକ୍ମନର୍ ସଙ୍ଗ୍ ଜିବାକେ ନିର୍ନାଇ, କାଜକେବଇଲେ ମୁଇ ସେମନକେ ପାଟାଇଆତି ।”

୨୧ ତେଇଅନି ପିତରୁ ସେ ଲକ୍ମନର୍ ଲଗେଜାଇ କଇଲା, “ତମେ ଜାକେ କଜିଲାସିନି, ସେ ଲକ୍ ମୁଇ, ତମେ କାଜକେ ଆସି ଆବାସ୍ ?”

୨୨ ସେମନ୍ କଇଲା, “କରୁନିଲିଅ ନାଉଁର୍ ରମିୟ ସଇନମନର୍ ନେତା ଆମକେ ପାଟାଇଆଟେ । ଜେ କି ଗଟେକ୍ ଦରମ୍ ଲକ୍ ଆରି ପର୍ମେସର୍ବକେ ନାମସି । ଗୁଲାଇ ଜିଉଦି ଲକ୍ମନର୍ ତାକେ ନାମବାଇ । ତୁଇ କଇବାଟା ସୁନ୍ବାକେ, ସେ ତକେ ତାର୍ ଗରେ ତାକାଇଆଟେ । ଏନ୍ତାରି କର୍ବାକେ ପର୍ମେସର୍ ପାଟାଇଲା ଦୁଡ଼ ତାକେ ତିଆରୁଲା ଆଟେ ।” ୨୩ ପିତରୁ ସେମନକେ ବିଡ଼ରେ ତାକିନେଇକରି ସେ ରାତି ତେଇ ରଇବାକେ ଗୁଆରି କଲା ।

ତାର୍ ଆରକର୍ ଦିନେ ସେ ଉଚି ସେମନର୍ ସଙ୍ଗ୍ ଗାଲା । ଆରି ଜପା ନାଉଁର୍ ଜାଗାର୍ କେତେଟା ବିସବାସି ବାଇମନ୍ ମିସା ସେମନର୍ ସଙ୍ଗ୍ ଗାଲା । ୨୪ ଆରି ଗଟେକ୍ ଦିନେ ସେମନ୍ ସିସେରିଆଇ କେଟ୍ଲାଇ । ତେଇ କରୁନିଲିଅ ତାର୍ ମଇତର୍ମନକେ ଆରି କୁଟୁମର୍ ଲକ୍ମନକେ ରୁଣ୍ଡାଇକରି ପିତରୁକେ ଜାଗିରଇଲା । ୨୫ ପିତରୁ ଗର୍ ବିଡ଼ରେ ଜିବାବେଲେ କରୁନିଲିଅ ତାକେ ବେଟ୍‌ଅଇ, ତାର୍

ପାଦେ ତାଣ୍ଡାସନ୍ ପତି ଜୁଆର୍ କଲା । ୨୬ ପିତରୁ ତାକେ ଉତ୍ତାଙ୍କକରି କଇଲା, “ଟିଆ ଅ, ମୁଞ୍ଚ ମିସା ତରୁପାରା ଗଟେକ୍ ମୁନୁସସେ ।” ୨୭ ପିତରୁ କରୁନିଲିଅର୍ ସଙ୍ଗ୍ କାତା ଅଇ ଅଇ ଗର୍ ବିତ୍ତରେ କେଟ୍ଲା ଆରି ତେଇ ବେସିଲକ୍ ରୁଣ୍ଡିରଇବାଟା ଦେକ୍ଲା । ୨୮ ସେ ସେମନ୍ଦକେ କଇଲା, “ଜିଉଦି ନ ଅଇଲା ଲକ୍ମନର୍ ସଙ୍ଗ୍ ମିସ୍ବାଟା କି ତାକର୍ ଗରେ ଜିବାଟା ଆମର୍ ଜିଉଦି ଲକ୍ମନର୍ ବିଦି ନାଇ । ସେଟା ତମେ ନିକକରି ଜାନାସ୍ । ଏଲେମିସା କନ୍ୟାଲେ ଗଟେକ୍ ଲକ୍ମକେ ଅସୁକଲ୍ ଇସାବେ ଦେକ୍ବାର ନାଇ ବଲି ପରମେସର୍ ମକେ କଇଲାଆଚେ । ୨୯ ତେବେ ମକେ ତାକାଇଲା ଦାପ୍ତରେ କାଇଟା ନ ବାବିକରି ଆଇଲି । ମକେ କାଇକେ ତାକାଇଲୁସ୍ ତେବେ ? ସେଟା ମୁଞ୍ଚ ଜାନ୍ବାକେ ମନ୍ କଲିନି ।”

୩୦ କରୁନିଲିଅ କଇଲା, ତିନ୍ଦିନ୍ ଆଗତୁ ଆଡ୍ବେଲାର୍ ତିନ୍ଦଟା ସମାନ୍ ଏଡ୍ବକେ ବେଲାଇ, ମୁଞ୍ଚ ଗରେ ପାର୍ତତନା କର୍ତେ ରଇଲି । ସେଡ୍ବକେ ବେଲେ, ଏଦେ ଦେକ୍ ! ଦବ୍ ପଟିଆ ପିନ୍ଦି ରଇବା ଗଟେକ୍ ଲକ୍ମ ମର୍ ମୁଆଟେ ଟିଆଅଇଲା, ଆରି କଇଲା, ୩୧ “କରୁନିଲିଅ ! ପର୍ମେସର୍ ତର୍ ପାର୍ତତନା ସୁନ୍ଲା ଆରି ତମେ ଦୁକିରକିକେ ସାଇଜ୍ କରୁବାଟା ଦେକି ସାର୍ଦା ଅଇଆଚେ । ୩୨ ସିମନ୍ ପିତରୁ ନାଉର୍ ଗଟେକ୍ ଲକ୍ମକେ ଆନ୍ଦବାକେ ଜପା ନାଉର୍ ଜାଗାଇ, ଲକ୍ମମନ୍ଦକେ ପାଟାଆ । ସେ ସମ୍ବୁର୍ କଣ୍ଡି ବାସାଅଇରଇବା ପସୁମନ୍ଦର୍ ଚାମ୍ ସଙ୍ଗ୍ କାଇକାଇଟା ଡିଆର୍କରୁ ସିମନ୍ଦ୍ ଗରେ ଗତିଆ ଅଇଆଚେ । ୩୩ ତେବର୍ ପାଇ, ମୁଞ୍ଚ ତକେ ଦାପ୍ତରେ ତାକାଇଲି, ଆରି ତମେ ମର୍ କାତା ମାନିକରି ଆସି ଆଚାସ୍ । ଏବେ ଆମେ ସବୁ ଲକ୍ମ ପରମେସର୍ ରଇବା ଏ ଜାଗାଇ ରୁଣ୍ଡିଆରୁ । ମାପ୍ତରୁ ତକେ ଜନ୍ଦଟା କଇବାକେ ଆଦେସ୍ ଦେଲା ଆଚେ, ସେଟା ସୁନ୍ଦବାକେ ଜାଗିଆରୁ ।”

ପିତରୁ ଉପଦେସ୍

୩୪ ସିତଅନି ପିତରୁ କଇଲା, “ଏବେ ମୁଞ୍ଚ ବୁଞ୍ଚିପାରଲିନି ଜେ ପର୍ମେସର୍ କେତେଟା ଦଲ୍ମମନ୍ଦକେସେ ତାକ୍ସି, ସେନ୍ତାରି ନର୍ସ, ମାତର୍ ସବୁକେ ସମାନ୍ ଇସାବେ ତାକ୍ସି । ୩୫ ଜନ୍ ଜାତିର୍ ଲକ୍ମ ମିସା ତାକେ ଡରିକରି, ତାର୍ ମୁଆଟେ ସଡ୍କାମ୍ କଲେ, ମାପ୍ତରୁ ତାକେ ତାକ୍ସି । ୩୬ ଇସ୍ରାଏଲିଅ ମନର୍ ଲଗେ ପର୍ମେସର୍ ଜନ୍ କବର୍ ପାଟାଇରଇଲା, ସେଟା ତୁଞ୍ଚ ଜାନିଆରୁସ୍ । ଜିସୁ କିରିସଟ୍ ଜେ କି ସବୁର୍ ମାପ୍ତରୁ, ସେ କିରିରଇବା କାମେଅନି ସବୁଲକ୍ମମନ୍ ସାନ୍ତିସଙ୍ଗ୍ ମିସ୍ବାଇ, ବଲି ପର୍ମେସର୍ ଆମ୍ବକେ ଜାନାଇଲାଆଚେ । ୩୭ ତୁବନ୍ ଦେଉ ଜଅନ୍ ପାପ୍ କାମ୍ କରୁବାଟାନେଅନି ବାଉଡ୍ବା ବିସଇ ଆରି ତୁବନ୍ ନେବା ବିସଇ କଇଲାପଚେ, ଗାଲିଲିଅନି ଆରାମ୍ କରି ଗୁଲାଇ ଜିଉଦାର୍ ସବୁବାଟେ ଜନ୍ ଗର୍ନାସବୁ ଗର୍ଲା ଆଚେ, ସେଟା ତୁଞ୍ଚ ଜାନୁସ୍ । ୩୮ ନାଜରିତର୍ ଜିସୁର୍ ବିସଇ ଆରି ପରମେସର୍ ତାକେ କେନ୍ଦ୍ରି ସୁକଲ୍ ଆଡ୍ପା ଆରି ବପୁ ପୁରାପୁରୁନ୍ ଦେଇରଇଲା, ସେଟା ଜାନୁସ୍ । ଆରି ଜାନିଆରୁସ୍, ସେ ସବୁ ବାଟେ ଜାଇ ନିକନିକ କାମ୍ମମନ୍ କିରିରଇଲା । ସଇତାନର୍ ବାଦନେ ରଇଲା ଲକ୍ମମନ୍ଦକେ ମୁକ୍ଲାଇଲା । କାଇକେବଇଲେ ପରମେସର୍ ତାର୍ ସଙ୍ଗ୍ ରଇଲା । ୩୯ ଜିସୁ ଇସ୍ରାଏଲ ଦେସେ ଆରି ଜିରୁସାଲାମେ ଜେଡ୍ବକି ସବୁ କାମ୍ମମନ୍ କଲା, ଆମେ ସବୁ ଲକ୍ମ ତାର୍ ସାକି ଆରୁ । ତାର୍ପଚେ ତାକେ କୁର୍ସେ କୁଟି ମାରି, ମରାଇଲା । ୪୦ ମାତର୍ ପର୍ମେସର୍ ତାକେ ତିନ୍ଦିନ୍ ଅଇଲାକେ ମଲାତେଇଅନି ଉଟାଇ ଜିବନ୍ କରାଇ, କେତେଲକ୍ମକେ ଦେକାଇଦେଲା । ୪୧ ସବୁଲକ୍ମ ତାକେ ଦେକ୍ବାକେ ପର୍ମେସର୍ ଦେଏନାଇ, ଅବକା ସେ ବାଟ୍ଲା ସାକିମନ୍ଦକେସେ । ତାକେ ଆରିତରେକ୍ ଜିବନ୍ କରାଇଲାପଚେ, ତାର୍ ସଙ୍ଗ୍ କାଆ ପିଞ୍ଚ ଅଇରଇଲା ଲକ୍ମମନ୍ ଆମେସେ । ୪୨ ଲକ୍ମମନ୍ଦ୍ ଲଗେ ସୁବକବର୍ ଜାନାଇବାକେ ସେ ଆମ୍ବକେ ଆଦେସ୍ ଦେଲା । ବୈତରଇବା ଲକ୍ମ ଆରି ମଲା ଲକ୍ମ ବିଚାରକାରିଆ ଇସାବେ ତାକେସେ ବାଟ୍ଲା ଆଚେ, ଏ କାତାର୍ ସାକିଦେବାକେ ମିସା ସେ ଆମ୍ବକେ ଆଦେସ୍ ଦେଲାଆଚେ । ୪୩ ସବୁ ବସିସଡ୍ବକ୍ତାମନ୍ ତାର୍ ବିସଇନଇ, ଏ କବର୍ କଇରଇଲା । ଜେ ମସିଅକେ ବିସ୍ବାସ୍ କରୁସି, ମସିଅ କିରିରଇବା କାମ୍ମର୍ ଲାଗି, ପର୍ମେସର୍ ତାର୍ ପାପ୍କେମା କରୁସି ।”

ବିସ୍ବାସ୍ ନ କରିରଇବା ଲକ୍ମ ସୁକଲ୍ ଆଡ୍ପା ପାଇଲା

୪୪ ପିତରୁ ସିକିଆ ଦେବା ବେଲେ ଜେତେ ଲକ୍ମ ସୁନ୍ତେ ରଇଲା, ସେ ସବୁ ଲକ୍ମ ଉପରେ ସୁକଲ୍ ଆଡ୍ପା ଉଡ୍ବି ଡାବିଅଇଲା । ୪୫ ଜିଉଦିନଇଲା ଲକ୍ମମନ୍ଦ୍ ଉପରେ ମିସା ପରମେସର୍ ସୁକଲ୍ ଆଡ୍ପା ଡାବିଅଇବାଟା ଦେକି ଜପାଇଅନି ପିତରୁ ସଙ୍ଗ୍ ଆସିରଇବା ଜିଉଦି ବିସ୍ବାସିମନ୍ କାବାଅଇଗାଲା । ୪୬ କାଇକେବଇଲେ ସେମନ୍ ପରମେସର୍ତକେ ତାକ୍ପୁଟା କରୁବାଟା, ଆରି ବିନ୍ଦିନ୍ ବାସାଇ କାତାଅଇବାଟା, ଜିଉଦି ବିସ୍ବାସିମନ୍ ସୁନ୍ଲା । ଜପାଇଅନି ଆସିରଇବା ଜିଉଦି ବିସ୍ବାସିମନ୍ଦକେ ପିତରୁ କଇଲା, ୪୭ “ପର୍ମେସର୍ ଆମ୍ବକେ ଜେନ୍ଦ୍ରି ସୁକଲ୍ ଆଡ୍ପା ଦେଲାଆଚେ, ସେନ୍ତାରିସେ ଏ ଲକ୍ମମନ୍ଦକେ ମିସା ଦେଲାଆଚେ । ସେମନ୍ଦକେ ତୁବନ୍ ନିଆ ବଲି କେ ମିସା ଅଟ୍ଟକାଇପାରୁସି କି ?”

୪୮ ସେପାଟ୍ ପାଇ ପିତର ସେମାନଙ୍କେ ଜିସୁକିରିସଟର୍ ନାଉଁ ଦାରି ହୁବନ୍ ଦେଲାପଟେ କର୍ନଲିଅ ଆରି ତାର ସଙ୍ଗ୍ ରଇବାଲକ୍ସମନ୍ ତାକେ ଆରି କେତେ ଦିନ୍ ସେମାନର୍ ସଙ୍ଗ୍ ରଇବାକେ ବାବୁଜିଆ କଲାଇ ।

୧୧

ଜିରୁସାଲମ୍ ମଣ୍ଡଳିକେ ପିତର ଜାନାଇବାଟା

୧ ଜିଉଦି ନଇଲା ଲକ୍ସମନ୍ ମିସା ପର୍ଯ୍ୟେସରର୍ ବାକିଅ ନାମି ଆବତ୍ ବଲି ପେରିଡ଼ ସିସମନ୍ ଆରି ଜିଉଦା ରାଇଜର୍ ବିନ୍ ବିସବାସି ବାଲମନ୍ ସୁନ୍ଲାଇ । ୨ ପିତର କାଇସେରିଆ ଅନି ଜିରୁସାଲମ୍ ଗାଲା । ଜିଉଦି ନଇଲା ଲକ୍ସମନ୍ କେ ସୁନ୍ତ କରୁ ବଲି କଇବା ଲକ୍ସମନ୍ ତାକେ ବାକାନିକରି କଇଲାଇ, ୩ “ତୁଇ ଜିଉଦି ନଇଲା ଗରେ, ଅବକା ଗଡିଆଅଇ ଜାଉସ୍ ନାଇ, ତେଇ କାଇଲୁସ୍ ମିସା ।” ୪ ମାତର୍ ମୁଲେଅନି କର୍ନଲିଅକେ କାଇକାଇଟା ଗଟିରଇଲା, ସେଟା ବୁଜାଇବାକେ ପିତର କଇଲା । ୫ “ମୁଇ ଜପା ନାଉଁର୍ ନଅରେ ପାର୍ତନା କରବା ବେଲେ ଗଟେକ୍ ଦରସନ୍ ଦେକଲି । ଗଟେକ୍ ବଡେଟା ଗାଦର୍ ଚାରିକନେ ଡର୍ସଙ୍ଗ୍ ବାଦି ହୁଲାଇଅଇ ଆକାସେଅନି ଉତରଲା ଆରି ସେଟା ମର୍ଲଗେ ଅଟକଲା ।” ୬ ସେ ବିଡ୍ରେ, ଗରେପସବା ପସୁ, ତଙ୍ଗ୍ରେ ରଇବା ପସୁ, ରାଙ୍ଗି ବୁଲ୍‌ବାଟାମନ୍ ଆରି ବିନ୍ ବିନ୍ ରକାମର୍ ଚଡ଼ଇମନ୍ ରଇଲାଟା ନିକକରି ଦେକଲି । ୭ ତାରପଟେ ଗଟେକ୍ କର୍ଟ୍ ସୁନ୍ଲି, “ପିତର ! ଉଟ୍, ମାରିକରି କାଆ ।” ୮ ମାତର୍ ମୁଇ କଇଲି, “ନାଇ ମାପୁରୁ ! ମୁଲ୍‌କେ ନିତି ! ଆମର୍ ଜିଉଦିମନ୍ ନିୟମ୍ ମନାକିରିରଇବା ଛସାବେ, ଏବେ ଜାକ କାଇମିସା ମାଉଁସ୍ ଟଣ୍ଡେ ଚିଆଇ ନାଇତା ।” ୯ ସରଗେଅନି ଆରିତରେକ୍ ଏ କର୍ଟ୍ ଆଇଲା, “ପରମେସର୍ କାଇଟା ଆଲେ କାଇ ଅଇସି ବଲି କଇଲେ ସେଟା ନିଟ୍‌ବାର୍ ନାଇ ।” ୧୦ ଏଣ୍ଡାରି ତିନ୍‌ତର୍ ଅଇଲା ପଟେ, ସେ ଜିଡ୍‌ମନ୍ ରଇଲାଟା ସଙ୍ଗ୍ ସେ ଚାଦର୍ ସରଗ୍ ଉପ୍ରେ ଜିକିନେଲାଇ । ୧୧ ସମାନ୍ ବେଲାଇସେ, କର୍ନଲିଅ ପାଟାଇଲା ତିନ୍ ଲକ୍ ସିସେରିଆଇ ଅନି ମୁଇ ରଇବା ଗରେ ଆସି କେଟଲାଇ । ୧୨ ଦୁଇମିଆ ନ ଅଇ ସେମାନର୍ ସଙ୍ଗ୍ ଜିବାକେ ମକେ ସୁକଲ୍‌ଆଡ଼ମା ଚାଲ୍‌ନା ଦେଲା । ଜପାର୍ ଏ ଚଅଟା ବିସବାସି ବାଲମନ୍ ମିସା ମର୍ ସଙ୍ଗ୍ ସିସେରିଆଇ ଗାଲାଇ ଆରି ଆରେ ସବୁ ଲକ୍ କର୍ନେଲିଅର୍ ଗରେ କେଟଲୁ । ୧୩ ତାର ଗରେ ସେ କେନ୍ଦ୍ରି ସରଗ୍ ଦୁତର୍ ଦରସନ୍ ପାଇରଇଲା, ସେ ବିସଇ ଆମ୍‌କେ ଜାନାଇଲା । ସରଗ୍ ଦୁତ୍ ତାକେ ଏନ୍ଦ୍ରି କଇରଇଲା, ଜପାତେଇ ରଇବା ପିତରକେ, ତାର୍ ଆରି ଗଟେକ୍ ନାଉଁ ଅଇଲାନି ସିମନ୍, ତାକେ ଇତି ତାକି ଆନ୍‌ବାକେ ଲକ୍ ପାଟା । ୧୪ ସେ ଆସି ତମକେ ସିକିଆ ଦେଇସି ଆରି ସିତିଅନି ତମକେ ଆରି ତମର୍ ଗରର୍ ଲକ୍‌କେ ପର୍ଯ୍ୟେସର୍ ରକିଆ କରସି । ୧୫ ଆରି ମୁଇ ଜେଡେବଲ୍ ସିକିଆଦେବାର୍ ଆରାମ୍ କଲି, ଆଗେ ସୁକଲ୍‌ଆଡ଼ମା ଜେଣ୍ଡାରି ଆମର୍ ଉପ୍ରେ ତାବିଅଇରଇଲା, ସେଣ୍ଡାରି ସେମାନର୍ ଉପ୍ରେ ତାବିଅଇଲା । ୧୬ ତାରପଟେ ମୁଇ ମାପୁରୁର୍ ଏ ବାକିଅ ଏତାଇଲି, ଜଅନ୍ ତମକେ ପାନି ସଙ୍ଗ୍ ହୁବନ୍ ଦେଲା, ମାତର୍ ପର୍ଯ୍ୟେସର୍ ତମକେ ସୁକଲ୍‌ଆଡ଼ମାଇ ହୁବନ୍ ଦେଇସି । ୧୭ “ଏଟା ପୁରାପୁରନ୍ ସଡ଼୍ ଜେ, ଆମେ ମାପୁରୁ ଜିସୁକିରିସଟକେ ବିସବାସ୍ କଲାକେ ପରମେସର୍ ଆମ୍‌କେ ଜନ୍ ଦାନ୍ ଦେଲାଆଟେ, ଜିଉଦିନଇଲା ଲକ୍‌ମନ୍‌କେ ମିସା ସେ ଦାନ୍ ଦେଲା ଆଟେ । ଜଦି ପର୍ଯ୍ୟେସର୍ ମନ୍ କରସି ବଇଲେ, ମୁଇ କେ ଜେ ପରମେସରର୍ ଏ କାମ୍ ଅଟକାଇବି !”

୧୮ ଜିଉଦି ବିସବାସିମନ୍ ଏଟା ସୁନ୍ଲା ପଟେ ଆରି ନ ବାକାନିକରି ପର୍ଯ୍ୟେସର୍‌କେ ତାକ୍‌ପୁଟା କଲାଇ, “ସେଣ୍ଡାରି ଆଲେ ଜିଉଦିନଇଲା ଲକ୍‌ମନ୍‌କେ ମିସା ପାପ୍ କଲାଟା ମାନିଅଇକରି ନ ସାର୍‌ବା ଜିବନ୍ ପାଇବାକେ ସେ ସୁଜଗ୍ ଦେଲାଆଟେ ।”

ଆନ୍‌ଟିୟକର୍ ମଣ୍ଡଳି

୧୯ ଜିରୁସାଲେମର୍ ଲକ୍‌ମନ୍ ତିପାନ୍‌କେ ମରାଇଲାପଟେ ବିସବାସିମନ୍‌କେ ତାଡ଼ନା ଦେଲାଇ । ତେଇଅନି କେତେଲକ୍ ଚିନ୍‌ବିନ୍ ଅଇଗାଲାଇ । ସେମନ୍, ପିନିସିଆ, ସାଇପରସ୍ ଆରି ଆନ୍‌ଟିଅକ୍ ଟାନେ ଜାଇ ଅବକା ଜିଉଦିମନ୍‌କେସେ ସୁନ୍ କବର୍ ଜାନାଇଲାଇ । ୨୦ ମାତର୍ କେତେଟା ସାଇପରସ୍ ଆରି କୁରିନିୟର୍ ବିନ୍ ବିସବାସିମନ୍, ଆନ୍‌ଟିଅକେ ଜାଇ ଜିଉଦି ନଇଲା ଲକ୍‌ମନ୍‌ତେଇ ଜିସୁ ମାପୁରୁର୍ ସୁବ୍ କବର୍ ଜାନାଇଲାଇ । ୨୧ ପରମେସରର୍ ବପୁ ସେମାନର୍ ସଙ୍ଗ୍ ରଇଲା ଆରି ବେସି ଲକ୍ ବିସବାସ୍ କରି ମାପୁରୁର୍ ବାଟେ ମନ୍ ବାଉଡାଇଲାଇ ।

୨୨ ଆନ୍‌ଟିୟକିଆଇ ବେସି ଲକ୍ ଜିସୁର୍‌ଟାନେ ବିସବାସ୍ କଲାଇନି ବଲି ଜିରୁସାଲେମର୍ ମଣ୍ଡଳିମନ୍ ସୁନ୍ଲାଇ । ଆରି ସେମନ୍ ବର୍ନବାକେ ଆନ୍‌ଟିୟକିଆଇ ପାଟାଇଲାଇ । ୨୩ ବର୍ନବା ତେଇ କେଟିକରି ପର୍ଯ୍ୟେସର୍ ସେ ଲକ୍‌ମନ୍‌କେ କେନ୍‌ଡି ଆସିର୍‌ବାଦ୍ କଲାଆଟେ, ସେଟା ଦେକି ସାର୍‌ବା ଅଇଲା । ଆରି

ମନଃପରାନ୍ ଦେଇକରି ମାପୁରୁକେ ବିସ୍ୱାସ କରି ଚଲାଚଲୁତି କର୍ତ୍ତାବେକ ସେମନ୍ତକେ ସିକିଆ ଦେଇ ସାର୍ତ୍ତା କଲା ।^{୨୪} ବରନବା ସୁକଲୁଆଡ଼ମାଇ ଆରି ବିସ୍ୱାସେ ପୁରୁନ୍ ଅଇ ରଇବା ଗଟେକ୍ ଦରମ୍ ଲକ୍ ରଇଲା । ସେ କବର୍ ଜାନାଇଲାକେ ବେସି ଲକ୍ ମାପୁରୁ ଲଗେ ଆଇଲାଇ ।

^{୨୫} ତାର୍ ପଟେ ବରନବା ସାଉଲୁକେ କଜ୍ଜବାକେ ତାର୍ସସ୍ ଜାଗାଇ ଗାଲା । ^{୨୬} ତେଇ ତାକେ ବେଟ୍ପାଇ ବରନବା ଆନ୍ତିଅକେ ଡାକି ଦାରିଆଇଲା । ପୁରା ଗଟେକ୍ ବରସ୍ ଜାକ ବରନବା ଆରି ସାଉଲୁ ତେଇ ମଣ୍ଡଲିର୍ ବିସ୍ୱାସିମନର୍ ସଙ୍ଗ୍ ମିସି, ଲକ୍ମନକେ ସିକିଆ ଦେଲାଇ । ଏ ଆନ୍ତିଅକର୍ ବିସ୍ୱାସିମନକେସେ ଲକ୍ମନ ସିଗ୍ ପର୍ତ୍ତୁମ୍ କିରିସ୍ତାନ୍ ବଲି କଇରଇଲାଇ ।

^{୨୭} ସେବେଲାଇ କେତେଟା ବବିସ୍ତବକ୍ତାମନ୍ ଜିରୁସାଲମେଅନି ଆନ୍ତିଅକେ ଆଇଲାଇ । ^{୨୮} *ସେମନର୍ ବିତ୍ତରେଅନି ଆଗାବ୍ ନାଉର୍ ଗଟେକ୍ ଲକ୍ ଆଡ଼ମାର୍ ବପୁ ସଙ୍ଗ୍ ପୁରୁନ୍ ଅଇ, ଗୁଲାଇ ଦେସେ ଗଟେକ୍ ବଡ଼ ମରୁଡ଼ି ଅଇସି ବଲି ବବିସ୍ତ କାତା ସୁନାଇ ରଇଲା । ଏଟା ବଡ଼ ସାସନକାରିଆ କଲୁଡ଼ିୟ ରମଦେସେ ସାସନ କଲାବେଲେ ଗଟି ରଇଲା । ^{୨୯} ଆନ୍ତିଅକ୍ ସିସ୍ତମ୍ ଜିଉଦାଇ ରଇଲା ବିସ୍ୱାସି ବାଇମନକେ ତାକର୍ ପାରୁଲା ଏଡ଼କି ତାବୁ ପାଟାଇବାକେ ଟିକ୍ କଲାଇ । ^{୩୦} ସେମନ୍ ତାବୁ ଜମାଇକରି ବରନବା ଆରି ସାଉଲୁର୍ ଆଡେ, ମଣ୍ଡଲିର୍ ପାର୍ଟିମନର୍ ଲଗେ ପାଟାଇ ଦେଲାଇ ।

୧୨

ଅଦିକ୍ ତାଡ଼ନା

^୧ ଏ ବେଲାଇ, ଏରଦ୍ ରାଜା ଜିରୁସାଲେମ୍ ମଣ୍ଡଲିର୍ କେତେକ୍ ବିସ୍ୱାସିମନକେ ତାଡ଼ନା ଦେବାର୍ ଦାଉଲା । ^୨ ଜଅନର୍ ବାଇ ଜାକୁବକେ କାଣ୍ଡା ସଙ୍ଗ୍ ମାରି ମରାଇଲା, ଜାକୁବ୍ ଜଅନର୍ ବଡ଼ ବାଇ ରଇଲା । ^୩ ଜାକୁବକେ ମରାଇଲାଟା ଜିଉଦିମନକେ ସାର୍ତ୍ତା କରାଇଲା । ଏଟା ଦେକି ଏରଦ୍ ପିତରୁକେ ମିସା ବନ୍ଦି କର୍ବାକେ ଡିଆରୁଲା । ଏଟା ଜିଉଦିମନ୍ କମିର୍ ନ ମିସାଇତେ ରୁଟିକର୍ବା ପରବ୍ ବେଲେ ଅଇରଇଲା । ^୪ ସଇନମନ୍ ପିତରୁକେ ବାନ୍ଦିକରି ବନ୍ଦିଗରେ ପୁରାଇଲାଇ । ରକିଆ ପାଇବା ପରବର୍ ପଟେ ସବୁ ଲକ୍ମର୍ ମୁଆଟେ ବିଚାରନା କର୍ବି ବଲି ଏରଦ୍ ବାବି ରଇଲା । ସେଟାର୍ପାଇ ଗଟେକ୍ ଦଲେ ଚାରିଲକ୍ ଲାକା ଅଇ, ଚାରିଟା ଦଲ୍ଲକରି ସନିଅମନ୍ ତାକେ ଜାଗିରଇଲାଇ । ^୫ ପିତର୍ ବନ୍ଦିଗରେ ରଇଲାବେଲେ ଜିରୁସାଲେମେ ରଇବା ମଣ୍ଡଲିର୍ ବିସ୍ୱାସିମନ୍ ଗଟେକ୍ ଅଇକରି ତାର୍ପାଇ ପର୍ତ୍ତେସର୍ତ୍ତକେ ପାର୍ତନା କର୍ତେରଇଲାଇ ।

ପିତରୁ ବନ୍ଦିଗରେ ଅନି ମୁକଲ୍ବାଟା

^୬ ଜନ୍ ଦିନେ ଏରଦ୍ ପିତରୁକେ ଲକ୍ମନର୍ ମୁଆଟେ ଆନ୍ଦବାକେ କାତା ଦେଇରଇଲା, ତାର୍ ଆଗ୍ରୁର୍ ରାତି ପିତରୁ ବନ୍ଦିଗରେ ଦୁଇଟା ଜାଗୁଆଲ୍ମନର୍ ମଜାଇ ସଇରଇଲା । ତାକେ ସନିଅମନର୍ ମିସ୍ତେ ଦୁଇଟା ଆଡେ ଦୁଇଟା ସିକ୍ଲି ସଙ୍ଗ୍ ବାନ୍ଦିରଇଲାଇ । ଆରି ଜାଗୁଆଲ୍ମନ୍ ବନ୍ଦିଗରୁ ଦୁଆରେ ଜାଗିରଇଲାଇ । ^୭ ସେ ଦାପୁରେ, ଏଦେ ଦେକା ! ମାପୁରୁ ଗଟେକ୍ ଦୁଡ଼ ଆସି ପିତରୁ ମୁଆଟେ ଟିଆଅଇଲା ଆରି ଗୁଲାଇ ବାକରା ଉଜଲ୍ ଅଇଗାଲା । ସରଗର୍ ଦୁଡ଼ ପିତରୁକେ କନ୍ଦେ ଦାରି ଚୁଲ୍ଚୁଲାଇଲା ଆରି ସଇଲାଟାନେଅନି ଉଟାଇକରି କଇଲା “ଦାପୁରେ ଉର୍ !” ଉର୍ଲା ଦାପୁରେ ବାନ୍ଦି ଅଇରଇଲା ସିକ୍ଲି କୁସଲିଗାଲା । ^୮ ତାର୍ପଟେ ଦୁଡ଼ କଇଲା, “ଆଁଟାଇ ତୁଆଲ୍ ବାନ୍ଦିଆ ଆରି ପାଣ୍ଡୁଇ ପିନ୍ ।” ପିତରୁ ସେନ୍ତ୍ର କଲା ପଟେ ଦୁଡ଼ କଇଲା, “ଚାଦର୍ ତାବିଅଇକରି ମର୍ ସଙ୍ଗ୍ ଆଉ ।” ^୯ ପିତରୁ ଦୁଡ଼ ପଟେ ପଟେ ବନ୍ଦିଗରେ ଅନି ବାରଇ ଆଇଲା । ଦୁଡ଼ ଜନ୍ଟା କର୍ତେରଇଲା, ସେଟା ସଡ଼ କି ନର୍ବି ବଲି ଜାନି ନାପାର୍ତେରଇଲା । “ଏଟା ଗଟେକ୍ ଦର୍ସନ୍ ଦେକ୍ଲିନି ।” ବଲି ବାବ୍ତେରଇଲା । ^{୧୦} ସେମନ୍ ଜାଗୁଆଲ୍ମନ୍ ରଇବା ଦୁଇଟା ଜାଗା ଜିଡକରି ପଟେ ନଅରେ ପୁର୍ବା ଲୁଆ କାପାଟ୍ ରଇବା ଲଗେ ଆଇଲାଇ । ତାକର୍ପାଇ ଲୁଆ କାପାଟ୍ ତାର୍ମନକେସେ ଉଗାଡିଅଇଗାଲା ଆରି ସେମନ୍ ବାରଇ ଉଟିଆଇଲାଇ । ସେମନ୍ ବାଟେ ଇଣ୍ଡୁ ଇଣ୍ଡୁ ଅଟାଡ଼ ସରଗର୍ ଦୁଡ଼ ପିତରୁକେ ଚାଡ଼ି ମାୟା ଅଇଗାଲା ।

^{୧୧} ତାର୍ପଟେ ଜାଇଟା ଗଟିରଇଲା, ସେଡ଼କିବେଲେ ତାକେ କାଇଟା ଅଇରଇଲା, ସେଟା ପିତରୁ ଜାନିପାରି କଇଲା, “ଏଟା ସଡ଼ ବଲି ମୁଇ ଜାନିଆତି । ଏରଦର୍ ଟାନେଅନି ଆରି ଜିଉଦି ଲକ୍ମନ ଜାଇଟା ଗଟ୍ସି ବଲି ଆସା କିରିରଇଲାଇ, ତେଇଅନି ମକେ ରକିଆ କର୍ତାବେକ ମାପୁରୁ ସରଗର୍ ଦୁଡ଼କେ ପାଟାଇରଇଲା ।”

^{୧୨} ନିଜର୍ ବିସଇ ଜାନିକରି ସେ ଜଅନ୍ ମାରକର୍ ଆୟା ମରିୟମର୍ ଗରେ ଗାଲା । ତେଇ ବେସି ବିସ୍ୱାସିମନ୍ ରୁଣ୍ଡିକରି ପିତରୁ ପାଇ ପାର୍ତନା କର୍ତେ ରଇଲାଇ । ^{୧୩} ପିତରୁ ବାଇରୁ କାପାଟେ

* ୧୧:୨୮ ୧୧:୨୮ ପେରିର୍ ୨୧:୧୦

ଚକ୍ରଟକ୍ କରି ମାରୁଲୀକେ, ରଦା ନାଉଁର୍ ଗଟେକ୍ ଗତିଦାଙ୍ଗତି କାପାଟ୍ ଉଗାଡ଼ବାକେ ଆଇଲା ।
 ୧୪ ପିତରୁ କର୍ତ୍ତସର୍ ଜାନିପାରି ସେ ଏତେକ୍ ସାର୍ଦା ଅଇଲା ଜେ କାପାଟ୍ ନ ଉଗାଡ଼ି ବିଡ଼ରେ ପାଲାଇକରି
 ତେଇର୍ ବିସ୍ବାସିମନ୍ଦକେ କଇଲା, “ପିତର୍ ବାଇରେ ଟିଆଅଇଲା ଆଟେ ।” ୧୫ ସେମନ୍ ତାକେ କଇଲା,
 “ତୁଇ ବାୟାଅଇଲୁସ୍ନି ! ମାତର୍ ଏଟା ସଡ଼ ।” ବଲି ସେ ତାଟ୍ ସଙ୍ଗ୍ କଇଲାଗଲାକେ, ସେମନ୍ ଏଟା ତାଟ୍
 ଦୁଡ଼ କାଇକି,” ବଲି ବାବ୍ଲାଇ ।

୧୬ ପିତରୁ ତରକେ ତରୁ କାପାଟେ ମାରୁତେ ରଇଲା । ସାରାସାରି ସେମନ୍ କାପାଟ୍ ଉଗାଡ଼ି ତାକେ ଦେକି
 କାବାଅଇଗାଲାଇ । ୧୭ ସେ ଆଡ଼ ସାଗିଆକରି ସେମନ୍ଦକେ ଚିମରା ଅଇବାକେ କଇଲା । ଆରି ମାପୁରୁ
 କେନ୍ଦ୍ରି ତାକେ ବନ୍ଦି ଗରେଅନି ବାରକରାଇ ଆନ୍ଲା, ସେ ବିସଇ ସେମନ୍ଦକେ କଇଲା । ତାଟ୍ ପଟେ ଏ
 ସବୁ କାତା ଜାକୁବ୍ ଆରି ବିନ୍ ସବୁ ବାଇମନ୍ଦକେ ଜାନାଆ ବଲି କଇଲା । ପଟେ ସେ ତେଇଅନି ବିନ୍ଦାଟେ
 ଉଟିଗାଲା ।

୧୮ ସାକାଲ୍ ପାଇଲାକେ “ପିତର୍ କେନେଗାଲା ?” ବଲି ଜାଗୁଆଲ୍ମନ୍ଦ କିଲ୍ବିଲ୍ ଅଇଗାଲାଇ ।
 ୧୯ ଏରଦ୍ ଏଟା ସୁନିକରି ପିତରୁକେ କଜ୍ବାକେ ତାଟ୍ ସନିଅମନ୍ଦକେ ଆଦେସ୍ ଦେଲା । ମାତର୍ ସେମନ୍
 ତାକେ ମିଲାଇ ନାପାରୁଲାଇ । ତେବେ ସାରାସାରି ଜାଗୁଆଲ୍ମନ୍ଦକେ ପାତାରୁଲା । କେନ୍ଦ୍ରି ଏଟା ଅଇଲାଟା
 କଇନାପାରୁଲାକେ ସେମନ୍ଦକେ ମରନର୍ ତଣ୍ଡ ଦେବାକେ ଆଦେସ୍ ଦେଲା ।

ତାଟ୍ ପଟେ ଏରଦ୍ ଜିଉଦା ରାଇଜେଅନି ଜାଇ କେତେ ଦିନର୍ପାଇ କାଇସରିଆଇ ବାସା ଅଇରଇଲା ।

ଏରଦର୍ ମରନ୍

୨୦ ସେ ବେଲାଇ ଏରଦ୍ ସର୍ ଆରି ସିଦନର୍ ଲକ୍ମନ୍ଦକେ ବେସି ରିସା ଅଇରଇଲା । ସେଟାଟ୍ ପାଇ
 ତେଇର୍ ଲକ୍ମନ୍ଦ ଗଟେକ୍ ଦଲ୍, ତାକେ ବେଟ୍ ଅଇବାକେ ଗାଲାଇ । ପରୁଟୁମ୍ ସେମନ୍ ରାଜା ସଇବା
 ଗର୍ ଦାଇତେ ରଇଲା ବାଲିସ୍ତସ୍ତକେ ବୁଜାଇ, ତାଟ୍ ସାଇଜ ପାଇଲାଇ । ତାଟ୍ ପଟେ ସେମନ୍ ଏରଦର୍
 ଲଗେ ଜାଇ ସାନ୍ତ୍ରସଙ୍ଗ୍ ରଜ୍ ବଲି କାତା ଅଇଲାଇ, କାଇକେ ବଇଲେ ଏରଦର୍ ରାଇଜେଅନି ସେମନ୍ଦ୍
 ଦେସେ କାଇବା ଜିନିସ୍ ଜାଇତେରଇଲା ।

୨୧ ଜନ୍ ଦିନେ ଏରଦର୍ ସଙ୍ଗ୍ ସେମନ୍ ବେଟ୍ ଅଇବାକେ ଟିକ୍ କରିରଇଲାଇ, ସେ ରାଜାମନ୍
 ପିନ୍ଦବା ବସ୍ତର୍ ପିନ୍ଦଲା ଆରି ତାଟ୍ ବସ୍ବା ଜାଗାଇ ବସି ଲକ୍ମନ୍ଦକେ ଗଟେକ୍ ବାସନ୍ ଦେଲା ।

୨୨ ସୁନ୍ଦା ଲକ୍ମନ୍ଦ ଆଉଲିଅଇଲାଇ, “ଜେ କାତା ଅଇଲାନି, ସେ ଲକ୍ ନର୍, ମାତର୍ ପର୍ମେସର୍ !”
 ୨୩ “ମୁଇ ପର୍ମେସର୍ ନଇ,” ବଲି କଏ ନାଇକେ ଦାପୁରେ ମାପୁରୁର୍ ଦୁଡ଼ ଏରଦକେ ରଟି କରାଇଲା ।
 ସେଟାଟ୍ପାଇ ତାଟ୍ ଗୁଲାଇଗାଗଡ଼ କିତା କାଇଲାଇ ଆରି ମରିଗାଲା ।

୨୪ ଏ ବେଲାଇ ବିସ୍ବାସିମନ୍ ପର୍ମେସରର୍ ବାକିଅ ସୁନ୍ଦଲାଇ ଆରି ବିସ୍ବାସ୍ କରୁବା ଲକ୍ମନ୍ଦ
 ବଡ଼ିଗାଲାଇ । ୨୫ ଜିଉଦା ଦେସର୍ ବିସ୍ବାସିମନ୍ଦକେ ତାଟୁ ଦେଇ ସାରାଇକରି ବର୍ଦନବା ଆରି ସାଉଲ୍,
 ଆନ୍ତିଅକିଆଇ ଆଇଲାଇ । ଜଅନ୍ ଆରି ମାର୍କକେ ମିସା ସେମନ୍ ସଙ୍ଗ୍ ନେଇ ଜିରୁସାଲମେ
 ବାଅଡ଼ଲାଇ ।

୧୩

ବର୍ଦନବା ଆରି ସାଉଲ୍‌କେ ପେରିଡ଼ ସିସ୍ ଇସାବେ ବାଟି ପାଟାଇଲାଇ

୧ ଆନ୍ତିଅକି ମଣ୍ଡଲିତେଇ କେତେଟା ବବିସ୍ତବକ୍ତା ଆରି ସିକିଆ ଦେବା ଗୁରୁ ରଇଲାଇ । ସେମନ୍ଦ୍
 ବିଡ଼ରେ ରଇଲାଇ ବର୍ଦନବା, ସିମନ୍ ଜାକେ କି ନିଗର୍ ତାକ୍ତେରଇଲାଇ, ଲୁସିଅସ୍, ଜେ କି କୁରିନିୟ୍ ଅନି
 ଆସିରଇଲା, ମନର୍-ର୍ମ୍ ଜେ କି ଏରଦର୍ ଗରେ ବଡ଼ି ରଇଲା ଆରି ସାଉଲ୍ । ୨ ସେମନ୍ ମାପୁରୁର୍ ସେବା
 ଆରି ଉପାସ୍ କଲାବେଲେ, ସୁକଲ୍ ଆଡ଼ା ସେମନ୍ଦକେ କଇଲା, “ମୁଇ ଜନ୍ କାମ୍ପାଇ ସାଉଲ୍ ଆରି
 ବର୍ଦନବାକେ ତାକଲି ଆଟି, ସେଟାଟ୍ ପାଇ ସେମନ୍ଦକେ ଅଲ୍ଗା କରା ।”

୩ ସେଟାଟ୍ପାଇ ସେମନ୍ ଉପାସ୍ କଲାଇ ଆରି ପାର୍ତନା କରି ତାକର୍ ଉପରେ ଆଡ଼ ସଙ୍ଗା
 ସେମନ୍ଦକେ କବର୍ କଇବା କାମେ ପାଟାଇଲାଇ ।

ସାଇପରସ୍ ତେଇ ସେବା କାମ୍

୪ ସୁକଲ୍ ଆଡ଼ାମାନିଆନ୍ ଆଦେସ୍ ପାଇକରି ଜାଇରଇବା ବର୍ଦନବା ଆରି ସାଉଲ୍ ସେଲୁକିଆଇ ଗାଲାଇ
 । ଆରି ତେଇଅନି ପାନି ଜାଜେ ବସି ସାଇପରସ୍ ସମ୍ପଦୁର୍ ମଜାଇ ରଇବା ଜାଗାଇ ଗାଲାଇ । ୫ ସାଲାମି
 ଗତେ କେଟି ଜିଉଦିମନ୍ଦ୍ ପାର୍ତନା ଗର୍ମନ୍ଦକେ ପର୍ମେସରର୍ ବାକିଅ ଜାନାଇଲାଇ । ଜଅନ୍ ମାର୍କ
 ମିସା ସେମନ୍ଦ୍ ସଙ୍ଗ୍ ରଇକରି ସେମନ୍ଦକେ ସାଇଜ କର୍ତେ ରଇଲାଇ ।

୭ ସେମନ୍ ସାଇପରସ ଜାଗା ଚାଡ଼ି ପାପ୍ତେତ ନାଉଁର୍ ଜାଗାଇ ଗାଲାଇ । ତେଇ ବାଉଁଜିସୁ ନାଉଁର୍ ଗଟେକ୍ ମୈତ୍ତର୍ ସିକିରଇବା ଜିଉଦିକେ ବେଟ୍ ଅଇଲାଇ । ସେ ନିଜକେ ମିଟ୍ରେ ବବିସଡ଼ବକ୍ତା ବଲି କଇତେ ରଇଲା । ୮ ସେ ସମ୍ପଦୁର୍ ମଜାଇ ରଇଲା ଜାଗାଟ୍ ସାସନ୍ କାରିଆର୍ ସର୍ଗିଅ ପାଉଲର୍ ମଇତର୍ ରଇଲା । ସର୍ଗିଅସ୍ ଗଟେକ୍ ଗିଆନି ଲକ୍ ରଇଲା । ସେ ପରମେସରର୍ ବାକିଅ ସୁନ୍ବାକେ ମନ୍ କରି ବର୍ନବା ଆରି ପାଉଲ୍ କେ ଡାକାଇଲା । ୯ ମାତର୍ ଗୁନିଆଁ ଏଲିମାସ୍, (ଏଟା ତାଟ୍ ଗିରିକ୍ ନାଉଁ) ସେମନ୍ କେ ନିଚୁ ବଲି କଇଲା, କାଇକେ ବଇଲେ, ସେ ସାସନ୍ କାରିଆ କିରିସଟ୍ କେ ବିସବାସ୍ ନ କର ବଲି ବାବ୍ତେତ ରଇଲା । ୧୦ ମାତର୍ ସାଉଲ୍ ଜାଟ୍ ନାଉଁକି ପାଉଲ୍, ସୁକଲ୍ ଆଡ଼ମାଇ ପୁରୁନ୍ ଅଇ, ମୈତ୍ତର୍ ଜାନିରଇବା ଲକ୍ ବାଟେ ନିକ ଦେକ୍ଲା । ୧୧ ଆରି କଇଲା, “ଏ ସଇତାନର୍ ପିଲା ! ତୁଇ, ସବୁ ନିମାନ୍ ବିସଇ ବିରଦ୍ କଲାସିନି । ତୁଇ ସବୁ ରକାମର୍ କରାପ୍ କାମେ ପୁରୁନ୍ ଅଇ ଆହୁସ୍ ଆରି ସବୁବେଲେ ପର୍ମେସରର୍ କାମ୍ ମିଟ୍ ବଲି ଦେକାଇବାକେ ଚେସ୍ତା କଲୁସିନି । ୧୨ ଏବେ ମାପୁରୁର୍ ଆତେ ଡଣ୍ଡ ପାଇସୁ । ତୁଇ କାଣା ଅଇଜାଇକରି ତନେକ୍ ପାଇ ବେଲର୍ ଉଜଲ୍ ଦେକି ନାପାଉସ୍ ।”

ସେଦାପ୍ରେ ଏଲିମାସର୍ ଆଁକି ଦୁଉଁରି ଆନ୍ଦର୍ ଅଇଗାଲାପାରା ଲାଗଲା । ଆରି ତାକେ ଆତେ ଦାରି ଡାକିନେବାକେ ଗଟେକ୍ ଲକ୍ କେ ଏନେତେନେ ଆଣ୍ଟାଲି ଅଇ କଜି ବୁଲ୍ଲା । ୧୩ ଏଟା ଦେକି ସାସନ୍ କାରିଆର୍ ବିସବାସ୍ ଅଇଲା, କାଇକେ ବଇଲେ ମାପୁରୁର୍ ସିକିଆ ସୁନି ସେ କାବା ଅଇଜାଇରଇଲା ।

ପିସିଦିଆର୍ ଆନ୍ତିୟକ୍ ତେଇ ସେବା କାମ୍

୧୪ ପାଉଲ୍ ଆରି ତାଟ୍ ସଙ୍ଗ୍ ଜିବା ଲକ୍ ମନ୍ ପାପ୍ତ୍ ଜାଗାଇ ଅନି ପାନିଜାଜେ ଜାଇ ପପୁଲିଆର୍ ପର୍ଗା ନାଉଁ ଜାଗାଟ୍ ଗଟେକ୍ ଗତେ କେଟ୍ଲାଇ । ଜଅନ୍ ମାର୍କ୍ ତେଇ ସେମନ୍ କେ ଚାଡ଼ିକରି ଜିରୁଆଲାମ୍ ବାଉଡିଗାଲା । ୧୫ ସେମନ୍ ପର୍ଗାଇଅନି ଜାଇ ପିସିଦିଆର୍ ଆନ୍ତିୟକ୍ କେ କେଟ୍ଲାଇ । ଆରି ବିସ୍ତାମ୍ବାର୍ ଦିନେ ପାର୍ତନା ଗରେ ଜାଇ ବସ୍ଲାଇ । ୧୬ ମସାର୍ ନିୟମ୍ ଆରି ବବିସଡ଼ବକ୍ତାମନ୍ ଲେକା ପଡ଼ଲା ପରେ, ପାର୍ତନା ଚାଲାଉମନ୍ ସେମନ୍ କେ ଏ କାତା କଇପାଗାଇଲା, “ବାଇମନ୍ ଜଦି ଲକ୍ ମନ୍ ସାର୍ଦା ବତାଇବାପାରା ଉପ୍ଦେସ୍ ଦେବାର୍ ଆରେ, ତେବେ କୁଆ ।” ୧୭ ପାଉଲ୍ ଚିଆଅଇ ଲକ୍ ମନ୍ କେ ଚିମ୍ବରାଇ ଅଇବାକେ ଆଡ଼ ସାଗିଆ କରି କଇଲା ।

“ଇତି ରୁଣ୍ଡୁଅଇଲା ଇସରାଏଲ ବାଇମନ୍ ଆରି ପର୍ମେସର୍କେ ପାର୍ତନା କରବା ଜିଉଦି ନଇଲା ଲକ୍ ମନ୍, ମର୍ କାତା ସୁନା ! ୧୮ ଇସରାଏଲ୍ ଜାତିର୍ ପରମେସର୍ ଆମର୍ ଆନିଦାଦିମନ୍ କେ ବାଟ୍ଲା । ଆରି ମିସର୍ ଦେସେ ସେମନ୍ ପର୍ଦେସିଅଇ ରଇତେ ରଇଲା ବେଲେ, ଗଟେକ୍ ବଡ଼ ଜାଡି କଲା । ପରମେସର୍ ତାଟ୍ ବଡ଼ ବପୁ ସଙ୍ଗ୍ ସେମନ୍ କେ ମିସରେଅନି ବାଟ୍ କରାଇ ଆନ୍ଲା । ୧୯ ଆରି ଚାଲିସ୍ ବରସ୍ ଜାକ ମରୁବାଲିବୁର୍ ସେମନ୍ ସାଦ୍ ବାସ୍ କଲାଟା ମୁରଟ୍ଲା । ୨୦ ସେ କିଣାନେ ସାଡ଼ଟା ଦଲ୍ କେ ନସ୍ଟ କରି ତାଟ୍ ବାଟ୍ଲା ଲକ୍ ମନ୍ କେ ସେ ଦେସ୍ ଦେଲା । ୨୧ ପାକାପାକି ଚାଟ୍ ସଅ ପଟାସ୍ ବରସ୍ ବିଡ଼ରେ ଏ ସବୁ ଗଟ୍ ନା ଗଟିଗାଲା ।”

“ତାଟ୍ ପଟେ ସାମୁଏଲ୍ ବବିସଡ଼ବକ୍ତାଟ୍ ବେଲା ଜାକ ପରମେସର୍ ସେମନ୍ ଉପ୍ରେ ବିଚାର୍ପତିମନ୍ କେ ବାଟ୍ଲା । ୨୨ ଜେତେବେଲେ ସେମନ୍ ଗଟେକ୍ ରାଜା ଦରକାର୍ ବଲି କଇଲା, ପରମେସର୍ ସେମନ୍ କେ ଚାଲିସ୍ ବରସ୍ ଜାକ ସାସନ୍ କରବାକେ ବେନ୍ ଜାମିନ୍ କୁଟୁମର୍ କିସଅର୍ ପଅ ସାଉଲ୍ କେ ବାଟ୍ଲା । ସାଉଲ୍ ଇସରାଏଲିୟମନ୍ କେ ଚାଲିସ୍ ବରସ୍ ସାସନ୍ କଲା । ୨୩ ତାଟ୍ ପଟେ ପର୍ମେସର୍ ତାକେ ରାଜା ପଦ୍ ଚାଡ଼ାଇକରି ଦାଉଦ୍ କେ ସେମନ୍ ରାଜା କଲା ।” ପରମେସର୍ ତାଟ୍ ବିସଇ କଇରଇଲା, “ମୁଇ ଜନ୍ ରକାମେ ଲକ୍ ମନ୍ କେ ଆଲାଦ୍ କରବି, ଜେସିର୍ ପଅ ଦାଉଦ୍ ସେନ୍ତାରି ଗଟେକ୍ ଲକ୍ । ସେ ମୁଇ ମନ୍ କଲା ଇସାବେ ସବୁଜାକ କାମ୍ କରସି ।” ୨୪ ଏ ଦାଉଦ୍ କୁଟୁମର୍ ଲକ୍ ମନ୍ କେ ଅନି ପର୍ମେସର୍ ସେ କାତା ଦେଲା ଇସାବେ ଜିସୁକେ ଇସରାଏଲ୍ ଜାତିର୍ ମୁକ୍ତିକାରିଆ କଲାଆତେ । ୨୫ ଜିସୁ ତାଟ୍ କାମ୍ ଆରାମ୍ କରବା ଆଗଟୁ, ଜଅନ୍ ଇସରାଏଲ୍ ସବୁ ଲକ୍ ମନ୍ ଲଗେ ଜାନାଇକରି, ସେମନ୍ କେ ପାପେଅନି ମନ୍ ବାଉଡାଇ ତୁବନ୍ ନେବାକେ ଅଇସି ବଲି କଇରଇଲା । ୨୬ ଆରି ଜଅନ୍ ତାଟ୍ ସେବା କାମ୍ ସାରାଇବା ଆଗଟୁ ଲକ୍ ମନ୍ କେ ପାଟାର୍ଲା, “ମର୍ ବିସଇ ତମେ କାଇଟା ବାଲ୍ଲାସିନି ? ତମେ ଜାକେ ଜାଗି ଆଟାସ୍, ମୁଇ ସେ ନଇ । ମାତର୍ ସୁନା ! ସେ ଦାପ୍ରେ ଆଇଲାନି । ତାଟ୍ ଗତିଦାଜ୍ତା ଅଇକରି ପାଣ୍ଡାଇ ପିଟା ମିସା କୁସଲାଇବାକେ ମର୍ ଅଦିକାର୍ ନଇ ।”

* ୧୩:୨୫ ୧୩:୨୫ ମାର୍କ୍ ୧:୪; ଲୁକ୍ ୩:୩ * ୧୩:୨୫ ୧୩:୨୫ ଜଅନ୍ ୧:୨୦; ମାତିଉ ୩:୧୧; ମାର୍କ୍ ୧:୭; ଲୁକ୍ ୩:୧୭; ଜଅନ୍ ୧:୨୭

୨୬ ଏ ମର୍ ଇସରାଏଲର୍ ବାଇମନ୍, ଅବରାଆମର୍ ନାତିତିଡ଼ିମନ୍ ଆରି ପରମେସର୍ତ୍ତକେ ପାର୍ତନା କର୍ବାକେ ଇତି ରୁଣ୍ଡଲା ଜିଉଦି ନଇଲା ଲକ୍ମନ୍, ଆମକେ ସେ ମୁକ୍ତିର୍ କବର୍ ମିଲ୍ଲା ଆତେ । ୨୭ ମାତର୍ ସେ ଆକା ଉଦାରକାରିଆ । ଜିରୁସାଲମର୍ ଲକ୍ ଆରି ସେମନର୍ ନେତାମନ୍ ବିସ୍ତାମ୍ବାରେ ବବିସ୍ତବକ୍ତାମନର୍ ଲେକାଇଅନି ପଢ଼ଲାଟା ଲକ୍ମନ୍ ବୁଜୁତନାଇ । ଏଲେମିସା ଜିସୁକେ ଦସି କରି ବବିସ୍ତବକ୍ତାମନର୍ କାତା ସିଦ୍ କଲାଇ । ୨୮ ଜିସୁକେ ଦେସି ଲକ୍ ଦସ୍‌ଦେଲାଇ । ମାତର୍ କେ ମିସା ମରନର୍ ତଣ୍ଡ ପାଇବା ଏଡ଼କି ଦସ୍ କଜି ନାପାରୁଲାଇ । ଏଲେମିସା ତାକେ ମରନର୍ ତଣ୍ଡ ଦେବାକେ ପିଲାଡ଼କେ ବାଦିଅ କଲାଇ । ୨୯ ସାସ୍‌ତରେ ଜନ୍ ସବୁ ବିସଇ ଲେକା ଆତେ, ସେ ଇସାବେ ସବୁ କାମ୍ କଲାପତେ ସେମନ୍ ତାକେ କୁର୍ସେଅନି ଉଡ଼ରାଇ ଆନ୍‌ଲାଇ । ବିନ୍‌ଲକ୍ମନ୍ ଆସିକରି ତାର୍ ଗାଗଡ଼ ନେଇ ସମାଦିଟାଣେ ସଙ୍ଗଇଲାଇ । ୩୦ ମାତର୍ ପର୍ମେସର୍ ତାକେ ମଲାତେଇଅନି ଉଟାଇଲା । ୩୧ ବେସି ଦିନ୍ ଜାକ, ତା୍ ସଙ୍ଗ୍ ଗାଲିଲିଅନି ଜିରୁସାଲମ୍ ଆଇବାଜିବା ଲକ୍ମନ୍ ତାକେ ଦେକ୍‌ଲାଇ । ଏବେ ସେମନ୍ ଇସରାଏଲ୍ ଲକ୍ମନର୍ତେଇ ତା୍ ସାକି ଆତଡ଼ । ୩୨ ଆମର୍ ଆନିଦାଦିମନକେ ପର୍ମେସର୍ କାତା ଦେଇରଇଲା ଇସାବେ ଆମେ ତମକେ ଏ ସୁଦ୍ କବର୍ ଜାନାଇଲୁନି । ୩୩ ପରମେସର୍ ଜିସୁକେ ମଲାତେଇଅନି ଉଟାଇକରି ସେଟା ସିଦ୍ କଲାଆତେ । ସେମନର୍ ପିଲାମନ୍ ଆମକେ, ଆମର୍ ବିତ୍ରେ ସେ କାତା ଦେଲାଟା ସିଦ୍ ଅଇଲା ଆତେ । ଗିଡ଼ ସଙ୍ଗିତାର୍ ଦୁଇ ଲମର୍ ଗିତେ ଦାଉଦ୍ ଏନ୍ତାରି ଲେକିଆତେ,

“ତମେ ମର୍ ପଅ,

ଆଜି ମୁଇ ସବୁକେ ଦେକାଇ ଆତି ଜେ ସତଇସେ ମୁଇ ତର୍ ବାବା ।”

୩୪ ଆରି ପର୍ମେସର୍ ପୁର୍ବେଅନି ସପଡ଼ କରି କାତାଦେଇରଇଲା । ମୁଇ ତାକେ ମଲାତେଇଅନି ଉଟାଇବି । ତା୍ ଗାଗଡ଼ ସମାଦିତେଇ କୁଇ ଜିବାକେ ନ ଦେଇ । ଦାଉଦ୍‌କେ ଦେଇ ରଇବା ସପଡ଼ ଇସାବେ

ସତଇସେ ମୁଇ ତମକେ ସୁକଲ୍ କରି ସବୁ ଆସିର୍ବାଦ୍ ଦେବି ।

୩୫ ଦାଉଦ୍ ଆରି ଗଟେକ୍ ଗିତସଙ୍ଗିତାଇ ଲେକ୍‌ଲାଆତେ,

ମୁଇ ମରିଗାଲେ ମର୍ଗାଗଡ଼ ଦୁଇ ସମାଦିତେଇ କୁଇ ଜିବାକେ ଚାଡ଼ି ନ ଦେଉସ୍ ।

୩୬ ଦାଉଦ୍ ସାସନ୍ କଲାବେଲେ ପର୍ମେସର୍ ମନ୍ କଲା ଇସାବେ କାମ୍ କରି ସାରାସାରି ମଲା । ଆରି ଆନିଦାଦିମନର୍ ସଙ୍ଗ୍ ତପିଅଇଲା । ତା୍ ଗାଗଡ଼ ସମାଦିତେଇ କୁଇଲା । ୩୭ ମାତର୍ ପର୍ମେସର୍ ଜାକେ ମଲାଟାନେଅନି ଉଟାଇଲା, ତା୍ ଗାଗଡ଼ କୁଏ ନାଇ । ୩୮ ଦେବର୍ପାଇ ମର୍ ଏ ଇସରାଏଲର୍ ବାଇମନ୍, ତମେ ଏଟା ଜାନିରୁଆ । ଜିସୁ କରିରଇବା କାମେଅନି ସେ, ତମର୍ ପାଦ୍ କେମା ଅଇସି । ୩୯ ମସା୍ ନିୟମ୍ ମାନିକରି ଆର୍ ବଇଲେ ପାଦ୍ କେମା ନ ଅଇତା । ମାତର୍ ଜିସୁ ଚାଣେ ବିସ୍ତାମ୍ କଲାପାଇ ଆମେ ସବୁଲକ୍ ପାପେ ଅନି ମୁକ୍ତି ଆର୍, ସେଟା ତମେ ଜାନ୍‌ବାର୍ ଆତେ । ୪୦ ଜାଗରଡ଼, ବବିସ୍ତବକ୍ତାମନ୍ ଜାଇଟା କଇଲାଇ ଆତଡ଼, ସେଟା ଜେନ୍ତ୍ରକି ତମକେ ନ ଗଟ । ୪୧ ପର୍ମେସର୍ କଇଲା,

ଏ ମକେ କିଜାଇବା ଲକ୍ମନ୍ ! ତମେମନ୍ କିଲ୍‌ବିଲ୍ ଅଇ ମରା !

କାଇକେ ବଇଲେ ତମର୍ ବେଲାଇ ମୁଇ ଜନ୍ କାମ୍ କର୍ବାକେ ଗାଲିନି,

ସେଟା ଜେ ମିସା ବୁଜାଇ କଇଲେ, ତମେ ବିସ୍ତାମ୍ ନ କରାସ୍ ।

୪୨ ପାଉଲ୍ ଆରି ବରନବା ପାର୍ତନା ଗରେଅନି ବାରଇବା ବେଲେ, ଆରି ଗଟେକ୍ ବିସ୍ତାମ୍ବାରେ ବାଉଡ଼ି ଆସି ଏ ସବୁ ବିସଇ ଆରି ବୁଜାଇବାକେ, ଲକ୍ମନ୍ ବାବୁଜିଆ କଲାଇ । ୪୩ ଲକ୍ମନ୍ ପାର୍ତନା ଗରେଅନି ଉଟିଗାଲା ପତେ, ବେସି ଜିଉଦିମନ୍ ଆରି ଜିଉଦି ଦମର୍ ନେଇରଇବା ଜିଉଦି ନ ଅଇଲା ଲକ୍ମନ୍, ସାଉଲ୍ ଆରି ବରନବାର୍ ସଙ୍ଗ୍ ଜିବାର୍ଦ୍ଦାରୁଲାଇ । ପେରିଡ଼ ସିସମନ୍ ତାକର୍ ସଙ୍ଗ୍ କାତା ଅଇ ପରମେସର୍ ଜିବନ୍‌ଦୁକାଇଲାଟାକେ ମାନିକରି ଜିଇବାକେ ସେମନ୍‌କେ ସାର୍ଦ୍ଦା କରାଇଲାଇ ।

୪୪ ତା୍ ଆର୍କର୍ ବିସ୍ତାମ୍ବାରେ ଆନ୍‌ଟିଅକିଅ ଗତର୍ ସବୁ ଲକ୍ ମାପୁରୁର୍ ବାକିଅ ସୁନ୍‌ବାକେ ଜିଉଦିମନର୍ ପାର୍ତନା ଗରେ ରୁଣ୍ଡଲାଇ । ୪୫ ବେସି ଲକ୍ ରୁଣ୍ଡଲାଟା ଦେକି, ଜିଉଦି ନେତାମନ୍ ଈସା ଅଇଲାଇ । ଆରି ପାଉଲ୍ କଇବା କାତା, ବିରଦ୍ କରି ନିଦା କଲାଇ । ୪୬ ମାତର୍ ପାଉଲ୍ ଆରି ବରନବା ଅଦିକ୍ ତାଡ଼ ସଙ୍ଗ୍ କଇଲାଇ, “ପର୍ତ୍ତମେ ପରମେସର୍ ବାକିଅ ତମର୍ ଲଗେ ଜାନାଇବାର୍ ଦମ୍‌କାର୍ ରଇଲା । ମାତର୍ ତମେ ସେଟା ନିନ୍‌ଲାସିନି । ଆରି ତା୍ ସଙ୍ଗ୍ ନ ସାର୍‌ବା ଜିବନ୍ ପାଇବାକେ ଅଦିକାର୍

☆ ୧୩:୨୮ ୧୩:୨୮ ମାଟିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ୍ ୨୩:୨୧-୨୩; ଜଅନ୍ ୧୯:୧୫ ☆ ୧୩:୨୯ ୧୩:୨୯ ମାଟିଉ ୨୭:୫୭-୭୧; ମାର୍କ ୧୫:୪୨-୪୭; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨ ☆ ୧୩:୩୧ ୧୩:୩୧ ପେରିଡ଼ ୧:୩

ନାଇ ବଲି ବିଚାର କଲାସ୍ତନି । ସେଟାରୁପାଇ ଆମେ ତମ୍ଭକେ ଚାଡ଼ି, ଏ କାତା ଜିଉଦି ନଇଲା ଲକ୍ମନକେ କଇବାରୁ ଗାଲୁନି ।^{୪୭} କାଜକେ ବଇଲେ ମାପୁରୁ ଆମ୍ଭକେ ଏ ଆଦେସ୍ ଦେଲା ଆଟେ ।” ଆନ୍ଦାରେ ଉଜଲ୍ ଅଇଲାପାରା

ଜିଉଦି ନ ଅଇଲା ଲକ୍ମନକେ ମରୁ ବିସଇ ଜାନାଇବାକେ ମୁଇ ତମ୍ଭକେ ବାଟିଆଟି । ଜେଷ୍ଟାରି କି ମୁଇ ସେମାନକେ ରକିଆ କରି ପାରୁବି ବଲି ଦୁନିଆରୁ ସବୁ ଲକ୍ମନକେ ତମେ କଇପାରାସ୍ ।

^{୪୮} ଜିଉଦି ନଇଲା ଲକ୍ମନ ଏଟା ସୁନି ବେସି ସାର୍ଦା ଅଇଗାଲାଇ ଆରି ପରମେସରୁ କବରୁ ପାଇ କୁଆରୁ କଲାଇ । ଜନ୍ ଲକ୍ମନ ନ ସାର୍ଦା ଜିବନରୁ ପାଇ ବାଚାଇ ଅଇରଇଲାଇ, ସେମନ୍ ସେ କବରୁ ସୁନି ବିସବାସ୍ କଲାଇ ।

^{୪୯} ତେଇରୁ ବିସବାସିମନ୍ ସେ ଜାଗାଇ ବୁଲି ବୁଲି ମାପୁରୁ ବାକିଅ ଜାନାଇଲାଇ । ^{୫୦} ମାତରୁ ସେ ଗଡ଼ରୁ ବଡ଼ ଲକ୍ମନ ଆରି ପରମେସରୁକେ ଉପାସନା କରୁବା ଉପରୁକେ ରଇବା ଜିଉଦି ନ ଅଇଲା ମାଜଜିମାନକେ ସୁଡ଼ରାଇକରି, ତେଇରୁ ଜିଉଦିମନ୍, ପାଉଲ୍ ଆରି ବରୁନବାକେ ବିରଦ୍ କଲାଇ । ସେମନ୍ ତାଉକେ ତାଡ଼ନା ଦେବାରୁ ଆରାମ୍ କଲାଇ । ଆରି ସେ ଜାଗାଇଅନି ବାରୁ କରିଦେଲାଇ । ^{୫୧} *ତେଇଅନି ଜିବାବେଲେ ପେରିଡ଼ ସିସମନ୍ ସେ ଲକ୍ମନରୁ ବିରଦେ ତାକରୁ ପାଦରୁ ଦୁଲି ପାପୁଡ଼ିଦେଇ ଇକନିଅତେଇ ଗାଲାଇ । ^{୫୨} ଆନଟିଅକରୁ ବିସବାସିମନ୍ ସୁକଲ୍ ଆଡ଼ମାଇ ଆରି ସାର୍ଦାଜ ପୁରୁନ୍ ଅଇଲାଇ ।

୧୪

ଇକନିୟତେଇ କାମ୍

^୧ ଜନ୍ମଟା ଆନଟିଅକତେଇ ଗଟିରଇଲା, ସେ ସମାନ୍ ବିସଇ ଆକିଅଟାମେ ମିସା ଅଇଲା । ପାଉଲ୍ ଆରି ବରୁନବା ପାରୁତନା ଗରେ ଏଡ଼ି ତାଟ୍ ସଙ୍ଗ୍ ପରୁଟାରୁ କଲାଇ ଜେ ବେସି ଜିଉଦି ଆରି ଗିରିକ୍ ଲକ୍ମନ ଜିସୁକେ ବିସବାସ୍ କଲାଇ । ^୨ ମାତରୁ ଜନ୍ ଜିଉଦିମନ୍ ସେ ବାକିଅ ବିସବାସ୍ କରୁଦମାଇ, ସେମନ୍ ଜିଉଦି ନ ଅଇଲା ଲକ୍ମନକେ ବେମଜା କରି, ବିସବାସି ବାଇମାନକେ ବିରଦ୍ କରାଇଲାଇ । ^୩ ଏଲେମିସା ପାଉଲ୍ ଆରି ବରୁନବା ତେଇ ବେସିଦିନ୍ ରଇକରି ତାଟ୍ ସଙ୍ଗ୍ ମାପୁରୁ ବିସଇ ଜାନାଇଲାଇ । ମାପୁରୁ ଏମନ୍କେ କାବା ଅଇଜିବା କାମ୍ମମନ୍ କରି ଦେକାଇବାକେ ବପୁଦେଲା । ଏଷ୍ଟାରି ମାପୁରୁ ତାରୁ ଜିବନ୍ ଦୁକାଇଲା ବାକିଅ ସତ୍ତବଲି ଦେକାଇଲା । ^୪ ଇକନିଆ ନଅରୁ ଲକ୍ମନ ଦୁଇଟା ଦଲେ ବାଗ ଅଇଲାଇ । ସେମନ୍ ବିତ୍ତରେଅନି କେତେ ଲକ୍ ଜିଉଦିମନ୍ ବାଟେ ଆରି କେତେ ଲକ୍ ପେରିଡ଼ ସିସମନ୍ ବାଟେ ଅଇଲାଇ ।

^୫ ତାରୁପତେ କେତେଟା ଜିଉଦି ନଇଲା ଲକ୍ ଆରି ଜିଉଦିମନ୍ ସେମନ୍ ନେତାମନ୍ ସଙ୍ଗ୍ ଏକଜୁଟ୍ ଅଇ ପେରିଡ଼ ସିସମନ୍କେ ବେସି କାରାୟ ଚଲାଟଲୁଡ଼ି କରି ସେମନ୍ ଉପରେ ପାକନା ମାରି ମରାଇଦେବାକେ ପାଁଟୁଲାଇ । ^୬ ମାତରୁ ପାଉଲ୍ ଆରି ବରୁନବା ସେଟା ଜାନିକରି ଲୁକାନିଆଇ ରଇବା ଲୁସ୍ତାରା ଆରି ଦରୁବି ଗଡ଼ରୁ ଚାରିବେଡ଼ିଟି ଜାଗାଇ ଦାପରେ ପାଲାଇଲାଇ । ^୭ ଆରି ସିଡ଼ି ସୁବ୍ କବରୁ ଜାନାଇଲାଇ ।

ଲୁସ୍ତାରା ଆରି ଦରୁବିତେଇ ସେବା କାମ୍

^୮ ଲୁସ୍ତାରାତେଇ ଜନ୍ମେଅନି ଗଡ଼ ବାଙ୍ଗଟି ରଇଲା ଗଟେକ୍ ତଟା ଲକ୍ ରଇଲା । ସେ ବିଲ୍ କୁଲ୍ ଇଣ୍ଡି ନାପାରୁତେ ରଇଲା । ^୯ ତେଇ ବସି, ସେ ପାଉଲ୍ ସିକିଆ ସୁନ୍ତେ ରଇଲା । ତାରୁ ମନେ ବିସବାସ୍ ଅଇଲାଆଟେ ଆରି ସେ ନିମାନ୍ ଅଇପାରୁସି ବଲି ପାଉଲ୍ ଜାନି ପାରୁଲା । ସେଟାରୁ ପାଇ ତାରୁବାଟେ ଡିରିଆଇ ଦେକି, ^{୧୦} ଆଉଲିଅଇ କଇଲା, “ମଇତରୁ ପାଦ୍ ମାଣ୍ଡିକରି, ସିଦା ଟିଆ ଅ !” ସେ ଲକ୍ ତେଗଇ କରି ଚାରିବେଡ଼ି ଇଣ୍ଡିବାରୁ ଦାରୁଲା । ^{୧୧} ତେଇ ରୁଣ୍ଡିଲା ଲକ୍ମନ୍ ପାଉଲ୍ କାମ୍ ଦେକି ତାକରୁ ଲୁକାନିଆ ବାସାଇ ସାର୍ଦା ଅଇ ଆଉଲିଅଇବାରୁ ଦାରୁଲାଇ । “ଦେକା, ଏ ଲକ୍ମନ୍ ସତଇସେ ଦେବତା ଅଇରଇବାଇ । ନିଜେ ମନସ୍ ରୁପ୍ ଦାରି ଉଡ଼ି ଆଇଲାଇ ଆଟଟ୍ ।” ^{୧୨} ସେମନ୍ ବରୁନବାକେ ଜିଅସ୍ ବଲି ଜେ କି ତାକରୁ ମୁକିଅ ଦେବତା ରଇଲା, ଆରି ପାଉଲ୍କେ ଏରମିସ୍ ବଲି ନାମ୍ମଲାଇ । ଏରମିସ୍ କାଇକେବଇଲେ ସେ ବେସି କାତା ଅଇତେରଇଲା । ^{୧୩} ଗଡ଼ ବାଇରୁ ମୁଆଟେ ରଇଲା ଜିଅସ୍ ମନ୍ଦିରରୁ ପୁଜାରି, ଦୁଆରୁ ଲଗେ କେତେଟା ପୁଲ୍ ମାଲା ପିନ୍ଧାଇକରି, କେତେଟା ସଣ୍ଡମନ୍କେ ଆନୁଲା । କାଇକେବଇଲେ ସେ ଆରି ସିଡ଼ି ରୁଣ୍ଡିଲା ଲକ୍ମନ୍ ପେରିଡ଼ ସିସମନ୍ ପାଇ ବଲଦମନ୍କେ ବିରୁ କରୁବାକେ ମନ୍ କରିରଇଲାଇ ।

* ୧୩:୫୧ ୧୩:୫୧ ମାତ୍ର ୧୦:୧୪; ମାର୍କ ୬:୧୧; ଲୁକ୍ ୯:୫; ୧୦:୧୧

୧୪ ସେମାନ ଜନ୍ କାମ କରୁବାକେ ଜାଇରଇଲାଇ, ବରୁନବା ଆରି ପାଉଲ୍ ସେଟା ସୁନ୍ଦଲା ଦାପୁରେ, ନିଜର ବସତ୍ର ଚିରିପାଇଲାଇଲା, ଲକ୍ଷ୍ମୀନନ୍ଦ ବିତ୍ତରେ ପାଲାଇଜାଇ ଆଉଲିଅଇ କରି କଇଲାଇ, ୧୫ “ଏ ଲକ୍ଷ୍ମୀନନ୍ଦ ତମେ କାଇକେ ଏଟା କଲାସୁନି ? ଆମେ ତମର ପାରା ଲକ୍ଷ୍ମୀ ସେ । ତମକେ ସୁଦ୍ଧ କବରୁ ଜାନାଇବାକେ ଆଇଲୁଆରୁ । ଆରି ଏ ରୁଟାଇ ରଇବା ପୁଡ଼ିଲାମନକେ ପୁଜା କରୁବାଟା ଚାଡ଼ିକରି, ଜିବନ୍ ରଇବା ପରମେସରକେ ଉପାସନା କରା ବଲି, କଇବାକେ ଆସିଆରୁ । ଏ ପରମେସର ସରଗ, ଦରତନି, ସମାପୁରୁ ଆରି ତାରୁ ବିତ୍ତରେ ରଇବା ସବୁ ବିସଇ ତିଆରୁ କଲାଆଚେ । ୧୬ ପୁରୁବେ ନିଜେ ମନକରି ନିଜରୁ ବାଟେ ଜିବାକେ, ପରମେସର ଲକ୍ଷ୍ମୀନନ୍ଦକେ ଚାଡ଼ିଦେଇ ରଇଲା । ୧୭ ମାତରୁ ତାକରୁ ସବୁ ନିମାନ୍ କାମେଅନି ସେ ସବୁବେଲାଇ ଚିନ୍ଦ ଦେକାଇଆଚେ; ସେ ଆକାସେଅନି ପାନି ଆରି ସମାନ୍ ବେଲାଇ କାଦି ପାଟାଇସି, ବେସି କାଦି ଜାଗାଇସି ଆରି ସାରୁଦା ସଙ୍ଗ୍ ତମରୁ ମନ୍ଦ ପୁରୁନ୍ଦ ଅଇଜାଇସି ।” ୧୮ ଏତକ କଇଲେ ମିସା, ପାଉଲ୍ ଆରି ବରୁନବାପୁରୁସାଇ ବଲି ଦେବାରୁ ଆଚେଆକା ବଲି କଇଲାଇ ।

୧୯ ପଚେ ପିସିଆରୁ ଆନ୍ତରିଅକ ଆରି ଇକନିୟଅନି କେତେଟା ଜିଉଦିମନ୍ଦ ଆଇଲାଇ । ସେମନ୍ ଲକ୍ଷ୍ମୀନନ୍ଦକେ ସୁଡ଼ରାଇକରି ତାକରୁବାଟେ ନେଲାଇ । ପାଉଲ୍‌କେ ପାକନାମାରାଇଲାଇ ଆରି ତାକେ ମଲାବଲି ବାବି ଗଡ଼ ବାଇରେ ଅରୁଗତି ଜିକନେଲାଇ । ୨୦ ମାତରୁ ବିସ୍ବାସିମନ୍ଦ ଆସି ତାରୁ ଚାରିବେଟ୍ତି ଚିଆଅଇଲାକେ, ସେ ଉଚିକରି ତାକରୁ ସଙ୍ଗ୍ ଗଡ଼ ବିତ୍ତରେ ବାଅଡ଼ଲା । ତାରୁ ଆରକରୁ ଦିନେ ସେ ଆରି ବରୁନବା ଲୁସରା ଚାଡ଼ି ଦରୁବିଏ ଗାଲାଇ ।

ସିରିଆରୁ ଆନ୍ତରିୟକତେଇ ବାଅଡ଼ଲାଇ

୨୧ ପାଉଲ୍ ଆରି ବରୁନବା ଦରୁବିତେଇ ସୁଦ୍ଧ କବରୁ ଜାନାଇକରି ବେସି ଲକ୍ଷ୍ମୀନନ୍ଦକେ ସିସକଲାଇ । ତାରୁ ପଚେ ସେମନ୍ ଲୁସତାରା, ଦରୁବି, ଇକନିଅ ଆରି ପିସିଆରୁ ଆନ୍ତରିଅକିତେଇ ବାଉଡ଼ି ଗାଲାଇ । ୨୨ ସେମନ୍ ବିସ୍ବାସିମନ୍ଦକେ ବିସ୍ବାସେ ଡାଟୁଅଇ ରଇବାକେ ସାରୁଦା କଲାଇ । ସେମନ୍ ସିକିଆ ଦେଇ କଇଲାଇ, “ପରମେସରରୁ ରାଇଜେ କେଟୁବାକେ ଆଲେ ଆମକେ ବେସି ଦୁକକସଟ ଦେଇ ଜିବାକେ ଅଇସି ।” ୨୩ ସବୁ ମଣ୍ଡଲିରୁ ପାରୁଚିନମନ୍ଦକେ ବାଟୁଲାଇ ଆରି ଜନ୍ ମାପୁରୁତେଇ ସେମନ୍ ବିସ୍ବାସ କରି ରଇଲାଇ, ସେମନ୍‌କେ ପାରୁଚନା ଆରି ଉପାସ ସଙ୍ଗ୍ ସର୍ପପାଇଲାଇ ।

୨୪ ପିସିଆ ବାଟୁଦେଇ ସେମନ୍ ପପୁଲିଆଇ ଆଇଲାଇ । ୨୫ ତାରୁପଚେ ପରୁଗାଇ କେଟୁଲାଇ । ଆରି ମାପୁରୁରୁ କାଡ଼ା ଜାନାଇ ଆତାଲିଆତେଇ ଗାଲାଇ । ୨୬ ଆତାଲିଆଇ ସେମନ୍ ପାନିଜାଜେ ଚରି ଆନ୍ତରିଅକିତେଇ ବାଉଡ଼ି ଆଇଲାଇ । ଏ ଆନ୍ତରିଅକିଅରୁ ବିସ୍ବାସିମନ୍ଦ ପାଉଲ୍ ଆରି ବରୁନବାକେ ପରମେସରଟାନେ ସର୍ପପାଇଦେଇକରି ବିନ୍ଦ ଜାଗାମନ୍ଦକେ ମାପୁରୁରୁ ବାକିଅ ଜାନାଇବାକେ ପାଟାଇରଇଲାଇ ।

୨୭ ସେମନ୍ ଆନ୍ତରିକିଅ କେଟି ମଣ୍ଡଲିରୁ ଲକ୍ଷ୍ମୀନନ୍ଦକେ ରୁଣ୍ଡାଇଲାଇ । ପରମେସରୁ ତାକରୁଟାନେ କରୁରଇବା ସବୁ କାମ ସେମନ୍‌କେ ଜାନାଇଲାଇ । ଜିଉଦି ନ ଅଇଲା ଲକ୍ଷ୍ମୀନନ୍ଦ ଜିସୁଟାନେ ବିସ୍ବାସ କରୁବାକେ ପରମେସରୁ କେନ୍ଦ୍ରି ବାଟୁ ଉଗାଡ଼ଲା, ସେଟା ସବୁଜାକ ସେମନ୍‌କେ ଜାନାଇଲାଇ । ୨୮ ପାଉଲ୍ ଆରି ବରୁନବା ତେଇ ବିସ୍ବାସିମନ୍ଦରୁ ସଙ୍ଗ୍ ବେସି ଦିନ୍ ଜାକ ରଇଲାଇ ।

୧୫

ଜିରୁସାଲାମେ କିରିସ୍ତିଆନ୍ ସବା

୧ ଜିଉଦାଇଅନି କେତେକ ଲକ୍ଷ୍ମୀ ଆନ୍ତରିଅକ ନଅରେ ଆଇଲାଇ । ସେମନ୍ ଆନ୍ତରିଅକରୁ ବିସ୍ବାସି ବାଇମନ୍‌କେ ଏନ୍ଦ୍ରି କଇକରି ସିକାଇଲାଇ, “ମସାରୁ ନିୟମ୍ ଇସାବେ ଜଦି ତମେ ସୁନଡ଼ ନ ଉଆସି, ତମରୁ ପାପରୁ ତଣ୍ଡେଅନି ମୁକ୍ତି ନ ପାଆସି ।” ୨ ଏ ବିସଇ, ସେମନ୍‌ରୁ ସଙ୍ଗ୍ ପାଉଲ୍ ଆରି ବରୁନବା ବେସି ଦଦାପେଲା ଅଇଲାଇ । ତେବରୁପାଇ ଆନ୍ତରିଅକରୁ ବିସ୍ବାସିମନ୍ଦ ରାଜି ଅଇଲାଇଜେ, ପାଉଲ୍ ଆରି ବରୁନବା ଆରି ଆନ୍ତରିଅକ ମଣ୍ଡଲିଅନି କେତେ ଲକ୍ଷ୍ମୀ ଜିରୁସାଲାମେ ଜାଅଡ଼ୁ ଆରି ତେଇରୁ ପାରୁଚିନ୍ ଆରି ପେରିଟ୍ ସିସମନ୍‌ରୁ ସଙ୍ଗ୍ ଏ ବିସଇ କାଡ଼ା ଅଅଡ଼ୁ ।

୩ ଆନ୍ତରିଅକରୁ ମଣ୍ଡଲି ସେମନ୍ ଜିବାଟା ସୁବିଦା କରିଦେଇ ପାଟାଇଲାଇ । ସେମନ୍ ପିନିସିଆ ଆରି ସମିରଣ୍ଡ ବାଟୁ ଦେଇ ଜିବାବେଲେ, ଜିଉଦି ନଇଲା ଲକ୍ଷ୍ମୀନନ୍ଦ କେନ୍ଦ୍ରି ମନ୍ଦ ବାଦ୍‌ଲାଇକରି ପରମେସରୁକେ ନାମ୍‌ଲାଇ, ସେ ବିସଇ ଜାନାଇଲାଇ । ଏ କାଡ଼ା ସୁନି ବିସ୍ବାସି ବାଇମନ୍ ବେସି ସାରୁଦା ଅଇଲାଇ । ୪ ସେମନ୍ ଜିରୁସାଲାମେ କେଟୁଲା ପଚେ ମଣ୍ଡଲିରୁ ଲକ୍ଷ୍ମୀ, ପେରିଟ୍ ସିସମନ୍ ଆରି ମଣ୍ଡଲିରୁ ପାରୁଚିନମନ୍ଦକେ ବେଟୁଅଇଲାଇ । ଆରି ପରମେସରୁ ତାକରୁଲଗେ କିରିରଇବା କାମ୍ ବିସଇ ପାଉଲ୍ ଆରି ବରୁନବାକେ ଜାନାଇଲାଇ । ୫ ମାତରୁ ପାରୁସି ଦଲରୁ କେତେଟା ବିସ୍ବାସିମନ୍ଦ ଚିଆଅଇ କଇଲାଇ, “ଜିଉଦି ନଇଲା

ଲକ୍ଷ୍ମୀଙ୍କ ସୁନ୍ଦର ଅଇବାକୁ ଆଗେ ଆକା ଆରି ମସାର ବିନ୍ ନିୟମମାନ ମାନବାକେ ମିସା ସେମାନକେ ସିକାଇବାକୁ ଆଗେ ।”

୭ ଏ ବିସଇ ଆଲଟନା କରବାକେ ପେରିଟ୍ ସିସମନ୍ ଆରି ମଣ୍ଡଲିର୍ ପାର୍ଟିନ୍ ରୁଣ୍ଡଲାଇ । ୭* ବେସି ପର ଦଦାପେଲା ଅଇଲା ପତେ ପିତର୍ ଟିଆଅଇ କଇଲା, “ମର୍ ବାଇବଇନିମନ୍ ଜିଉଦି ନଇଲା ଲକ୍ଷ୍ମୀଙ୍କ, ସୁନିକରି ବିସବାସ୍ କରବାକେ ସେମାନରୁଟାନେ ସୁବକବର ଜାନାଇବାକେ, ଆଗେଅନି ମକେସେ ବାଟୁଲାଆଗେ । ଏଟା ତମେ ଜାନାସ୍ । ୮* ସବୁ ଲକ୍ଷ୍ମୀଙ୍କର କାତା ଜାନିବା ପରମେସର୍ ଆମ୍ଭକେ ଜେନ୍ତି ସୁକଲ୍ ଆଡ଼ମା ଦାନ କଲା ଆଗେ, ସମାନ୍ ସେନ୍ତି ବିସବାସ୍ କରବା ଜିଉଦି ନଇଲା ଲକ୍ଷ୍ମୀଙ୍କକେ ମିସା ଦାନଦେଇ ସେମାନକେ ବାଟୁଲା ଆଗେ । ୯ ସେମାନରୁ ଆରି ଆମର୍ ବିଡ଼ରେ, ସେ କାଇମିସା ବଡ଼ସାନ୍ ଦେକେ ନାଇ । ସେମନ୍ ଜିସୁକେ ବିସବାସ୍ କଲାବୁଝାଇ, ସେ ସେମାନକେ ସୁକଲ୍ କଲାଆଗେ । ୧୦ ସେନ୍ତି ଆଲେ ଗଟେକ୍ ବଡ଼ ବଜ୍ ପିଟିଡେଇ ଲାଦିଦେଲାପାରା, ଆମର୍ ସବୁ ନିୟମ ମାନବାକୁ ଆଗେ ବଲି କଇକରି ପରମେସର୍କେ କାଇକେ ପରିକା କଲାସିନି ? ଆଜି ଜନ୍ ବଜ୍ ବଇବାକେ, ଆମର୍ ଆନିଦାଦିମନ୍ କି ଆମେ ମିସା ବଇ ନାପାରୁତେ ରଇଲୁ । ୧୧ ନାଇ, ମନେ ଏତାଇଦେକା, ଆମେ ଜେନ୍ତି ବିସବାସ୍ କରି ମାପୁରୁ ଜିସୁ ଜିବନ୍ଦୁକାଇଲାକେ ମୁକ୍ତି ପାଇଆରୁ, ସେମନ୍ ମିସା ସେନ୍ତାରିସେ ।”

୧୨ ତାରପତେ ପାଉଲ୍ ଆରି ବରୁନବାଟାନେଅନି ଜିଉଦି ନଇଲା ଲକ୍ଷ୍ମୀଙ୍କପତେଇ ପରମେସର୍ ଜନ୍ ସବୁ କାବା ଅଇଜିବା କାମମାନ୍ ଆରି ଚକିଡ଼ ବିସଇ କରି ରଇଲା, ସେ ସବୁ କାତା ସୁନି ଦଲ୍ଲର ସବୁ ଲକ୍ଷ୍ମୀଙ୍କ ଚିମ୍ବରାଆଇ ରଇଲା । ୧୩ ସେମନ୍ କଇସାରାଇଲା ପତେ ଜାକୁବ୍ କଇଲା, ଏ ମର୍ ବାଇବଇନିମନ୍ ମର୍ କାତା ସୁନ ! ୧୪ ପରମେସର୍ ପର୍ତତମେ ଜିଉଦି ନଅଇଲା ଲକ୍ଷ୍ମୀଙ୍କକେ ଆଲାଦ୍ କରି, ତାର୍ ନିଜର୍ ଲକ୍ଷ୍ମୀଙ୍କ ଅଥଡ଼ ବଲି, ତାକର୍ ବିଡ଼ରେ ଅନି, ଲକ୍ଷ୍ମୀଙ୍କକେ ବାଟୁଲା । ଏ କାତା ସିମନ୍ ବୁଜାଇ ଦେଇଆଗେ । ୧୫ ପରମେସର୍ କରିରଇବା ଏ କାମ୍ ବବିସଡ଼ବକ୍ତାମନ୍ କଇରଇବାଟା ସଙ୍ଗ୍ ସମାନ୍ ଆଗେ । ୧୬ ମାପୁରୁ କଇଲା,

“ତାର୍ ପତେ ମୁଇ ନିଜେ ଦିନେକ୍ ବାଉଡ଼ି ଆଇବି,
ଆରି ଦାଉଦର୍ ବାଜିଜାଇରଇବା ରାଇଜ୍ ଆରିତରେକ୍ ତିଆର୍ କରବି ।
ଜେନ୍ତିକି ସେଟା ପୁରାପୁରୁନ୍ ଡାଟ୍ ରଇସି ।

୧୭ ଡେଇଅନି ସବୁଜାକ ମନସ୍ ଜାତି ମର୍ ଲଗେ ଆଇବାଇ,
ଜନ୍ ଜିଉଦି ନଇଲା ଲକ୍ଷ୍ମୀଙ୍କକେ ମାପୁରୁ ନିଜର୍
କରବାକେ ଡାକିଲାଆଗେ
ସେମନ୍ ସବୁ ଲକ୍ଷ୍ମୀଙ୍କ ମକେ ନାମିବାଇ ।

୧୮ ମାପୁରୁ ଏ କାତା କଇଲାନି,
ଜେ କି ବେସି ଆଗୁଟୁ ଏ କାତା କଇରଇଲା ।”

୧୯ ଏବେ ଜାକୁବ୍ କଇବାକେ ଆରାମକଲା । ସେ କଇଲା, “ମର୍ ବିଚାର୍ ଇସାବେ, ଜନ୍ ଜିଉଦି ନଇଲା ଲକ୍ଷ୍ମୀଙ୍କ ପରମେସରର୍ ବାଟେ ବାଅଡ଼ଲାଇ ଆଚଡ଼, ଆମେ ଆରି ସେମାନକେ ଅଇରାନ୍ ନ କରୁ । ୨୦ ଏଲେ ସେମନ୍ ଆରି ଜେନ୍ତିକି ପୁଡ଼ଲା ଦେବତାମନକେ ସର୍ପିଦେଲା କାଇମିସା ଅସୁକଲ୍ କାଦି ନ କାଆ, ବିନ୍ ଲକ୍ଷ୍ମୀଙ୍କ ମାଇଜି କି ମୁନ୍ସର୍ ସଙ୍ଗ୍ ମିସବାଟାନେଅନି ଦୁରିକେ ରଅଡ଼, ଟର୍ରି ପିଡ଼କି ମରାଇରଇବା ପସୁର୍ ମାଉଁସ୍ କି ବନି, ନ କାଅଡ଼ ଏ ସବୁ ବିସଇଟାନେ ସେମାନକେ ଉପଦେସ୍ ଦେଇ, ସେମାନର୍ ଲଗେ ଗଟେକ୍ ଚିଟି ଲେକୁ । ୨୧ କାଇକେବଇଲେ ବେସି ଦିନେଅନି ସବୁ ବିସରାମବାରେ ଆମର୍ ପାର୍ତନା ଗର୍ମମାନକେ ମସାର ନିୟମ ପଡ଼ଲାଇନି, ଆରି ସବୁ ଗତେ ସେ ନିୟମମାନ ଜାନାଇଲାଇନି ।”

ଜିଉଦିନଇଲା ବିସବାସିମନ୍ ଲଗେ ଚିଟି

୨୨ ପତେ ପେରିଟ୍ ସିସମନ୍, ମଣ୍ଡଲିର୍ ପାର୍ଟିନିମନ୍, ଆରି ସବୁ ମଣ୍ଡଲିର୍ ବାଇମନ୍ ରୁଣ୍ଡଲାଇ । ସେମନ୍ ରାଜିଅଇରଇବା କାତା ଆନ୍ଟିଅକର୍ ବିସବାସିମନ୍କେ ଜାନାଇବାକେ ପାଉଲ୍ ଆରି ବରୁନବା ସଙ୍ଗ୍ ଜିବାକେ କେତେଲକ୍ଷ୍ମୀଙ୍କ ବାଟୁଲା । ବରସବା ନାଉଁର୍ ଜିଉଦା ଆରି ସିଲକେ ବାଟୁଲା । ଏ ଦୁଇଲକ୍ଷ୍ମୀଙ୍କେ ସବୁ ବିସବାସିମନ୍ ସନ୍ମାନ ଦେଇତେରଇଲା । ୨୩ ବିସବାସିମନ୍ ଏ ତଲେ ଲେକାଅଇଲା ଚିଟି, ସେ ଦୁଇ ଲକ୍ଷ୍ମୀଙ୍କ ଆତେ ପାଟାଇଲା ।

“ଆନ୍ଟିଅକ, ସିରିଆ ଆରି ସିଲିସିଆ ରଇବା ଜିଉଦିନଇଲା ଆମର୍ ବାଇମନ୍, ଜୁଆର୍ ! ଜିରୁସାଲମର୍ ପେରିଟ୍ମନ୍, ପାର୍ଟିନିମନ୍ ଆରି ତମର୍ ବାଇମନ୍, ଏ ଚିଟି ପାଟାଇଲୁନି । ୨୪ ଆମେ ସୁନୁଲୁନି ଜେ,

* ୧୫:୭ ୧୫:୭ ପେରିଟ୍ ୧୦:୧-୪୩ * ୧୫:୮ ୧୫:୮ ପେରିଟ୍ ୧୦:୪୪:୨୪

ଆମର ଦଲେଅନି କେତେ ଲକ୍ଷ ତମରଗାନେ ଆସି, ଜାଇଜାଇଗା ସିକାଇଆଚଡ଼, ତେଇଅନି ସେମନ୍ ତମକେ କଚପଚ ଆରି ତେରେପେତେ କଲାଇଆଚଡ଼ । ମାତରୁ ଆମେ ସେମନ୍‌କେ ସେନ୍ତାରି କରବାକେ, କାଇମିଆ ଆଦେସ୍ ଦେଉନାଇ ।^{୨୫} ସେଟାରୁ ପାଇ ଆମେ ସବୁ ଲକ୍ଷ ଗଟେକ୍ ଅଇକରି କେତେଟା କବରୁ କଉମନ୍‌କେ ବାଟି, ତମରୁ ଲଗେ ପାଟାଇବାକେ ଟିକ୍ କଲୁ । ସେମନ୍ ଆମରୁ ଆଲାଦରୁ ମଇତରୁମନ୍, ବରୁନବା ଆରି ପାଉଲରୁ ସଙ୍ଗ୍ ଜିବାଇ ।^{୨୬} ଏ ମଇତରୁମନ୍ ମାପରୁ ଜିସୁରୁ ସେବାତେଇ ନିଜରୁ ଜିବନ୍ ସରୁପିଦେଇ ଆଚଡ଼ ।^{୨୭} ସେଟାରୁ ପାଇ ଜିଉଦା ଆରି ସିଲାକେ ତମରୁ ଲଗେ ପାଟାଇଲୁନି । ଆମେ ଜାଇଗା ଲେକିଆରୁ, ସେଟା ତମକେ ସେମନ୍ ନିଜେ ବାତାଇଦେବାଇ ।^{୨୮} କେତେଟା ଦରୁକାରୁ ରଇଲା ନିୟମ୍ ଗାତି, ତମରୁ ଉପରେ ଆରି କାଇମିଆ ବଜ୍ର ନ ଲାଦବାକେ ଆମେ ସୁକଲୁଆଡ଼ମାଇ ଅନି ଚାଲୁନା ପାଇଲୁଆରୁ ।^{୨୯} ସେ କେତେଟା ନିୟମ୍ ଅଇଲାନି ପୁଡ଼ଲା ଦେବତାମନ୍‌କେ ପୁଜା କରିରଇବା କାଇମିଆ କାଦି କାଇବାରୁ ନାଇ । ଚଟ୍‌ରି ପିଟକ୍ ମରାଇଲା କନ୍ ମିଆ ପସୁରୁ ବନି କି ମାଉସ୍ କାଇବାରୁ ନାଇ । ଆରି ବିନ୍ ମାଇଜି କି ମୁନୁସରୁ ମିଲାମିଆ ଟାନେଅନି ଦୁରିକେ ରଇବାରୁ । ଏ ସବୁ କାମ୍ ନ କରବାକେ ତମେ ଜାଗରୁଦ୍ ରଇଲେ, ଅଇଜାଇସି । ଏଡ଼କିକେ ରଇଲୁନି ।”

^{୩୦} ଜନ୍ କବରୁ କଉମନ୍‌କେ ପାଟାଇ ରଇଲାଇ, ସେମନ୍ ଆନ୍‌ଟିଅକ୍‌ଡେଇ ଜାଇ ବିସ୍‌ବାସିମନ୍‌ରୁ ସବୁ ଦଲ୍‌କେ ରୁଣ୍ଡାଇକରି ସେ ଚିଟି ଦେଲାଇ ।^{୩୧} ତେଇରୁ ବିସ୍‌ବାସିମନ୍ ସେ ଚିଟି ପଡ଼ିକରି ବେସି ସାରୁଦା ଅଇଗାଲାଇ ।^{୩୨} ଜିଉଦା ଆରି ସିଲା ନିଜେ ଦୁଇ ଲକ୍ଷ ବବିସଡ଼ବକ୍ତା ରଇଲାଇ । ସେମନ୍ ଆନ୍‌ଟିଅକ୍‌ରୁ ବିସ୍‌ବାସି ବାଇମନ୍‌କେ ବେସିଦିନ୍ ରଇକରି, କବରୁ ଜାନାଇ, ସେମନ୍‌ରୁ ବିସ୍‌ବାସ୍ ତାଟ୍ କଲାଇ ।^{୩୩} ତେଇ କେତେ ଦିନ୍ ରଇଲା ପଟେ, ଜନ୍‌ଲକ୍‌ମନ୍ ସେମନ୍‌କେ ପାଟାଇରଇଲାଇ, ସେମନ୍‌ରୁ ଲଗେ ବାଉଡ଼ି ଜିବାକେ, ବିସ୍‌ବାସି ବାଇମନ୍ ସେମନ୍‌କେ ସାନ୍ତି ସଙ୍ଗ୍, ପାଟାଇ ଦେଲାଇ ।^{୩୪} ମାତରୁ ସିଲା ତେଇସେ ରଇବାଟା ଟିକ୍ ବଲି ତେଇ ରଇବାକେ ମନ୍ କଲା ।

^{୩୫} ପାଉଲ୍ ଆରି ବରୁନବା ଆନ୍‌ଟିଅକ୍‌ଡେଇ କେତେ ଦିନ୍ ରଇକରି ବେସି ଲକ୍ଷମନ୍‌ରୁ ସଙ୍ଗ୍, ମିସିବିଡି ମାପରୁରୁ ବାକିଅ ଜାନାଇଲାଇ ଆରି ସିକିଆ ଦେଲାଇ ।

ପାଉଲ୍ ଆରି ବରୁନବା ବିନେ ଅଇଲାଇ

^{୩୬} କେତେ ଦିନ୍ ପଟେ ପାଉଲ୍ ବରୁନବାକେ କଇଲା, “ଜୁ, ଆମେ ବାଉଡ଼ି ଜୁ, ସବୁ ଗଡ଼ମନ୍‌କେ, ଆମରୁ ଜନ୍ ବାଇମନ୍‌କେ ମାପରୁରୁ ବାକିଅ ଜାନାଇ ରଇଲୁ, ସେମନ୍‌କେ ବେଟ୍ ଅର୍ଡି ଆରି ସେମନ୍ ବିସ୍‌ବାସେ କେନ୍ତ୍ର ଆଚଡ଼ ବୁଜି ଦେକୁ ।”^{୩୭} ଜଅନ୍ ମାରକକେ ମିଆ ତାକରୁ ସଙ୍ଗ୍ ନେବାକେ ବରୁନବା ମନ୍ କଲା ।^{୩୮} ମାତରୁ ପାଉଲ୍ କଇଲା “ନିରୁ, କାଇକେ ବଇଲେ, ପପୁଲିଆଇ ଜନ୍ ଦିନେ ଆମରୁ କାମ୍ ସାରି ନ ରଇଲା, ସେ ଆମକେ ଚାଡ଼ି ବାଉଡ଼ି ଉଟିଆଇଲା ।”^{୩୯} ଏ ବିସଇ, ବେସି କୁଆବଲା ଅଇଲାଇ ଆରି ସେମନ୍ ବିନେ ଅଇଲାଇ । ବରୁନବା ଜଅନ୍‌ମାରକକେ ନେଇ ସାଇପରସେ ଜିବା ପାନିଜାଜେ ଚଗଲାଇ ।^{୪୦} ମାତରୁ ପାଉଲ୍ ତାରୁସଙ୍ଗ୍ ଜିବାକେ ସିଲାକେ ବାଟଲା । ଆରି ମାପରୁରୁ ଜିବନ୍‌ଦୁକାନି ତେଇ ସେମନ୍‌କେ ସରୁପିଦେଇ, ବିସ୍‌ବାସିମନ୍ ପାଟାଇ ଦେଲାଇ ।^{୪୧} ପାଉଲ୍ ଆରି ସିଲା, ସିରିଆ ଆରି ସିଲିସିଆଇ ବୁଲି ବୁଲି କରି ତେଇରୁ ମାଣ୍ଡୁଲିମନ୍‌କେ ତାଟ୍ କରାଇଲାଇ ।



ପାଉଲ୍ ଆରି ସିଲାକୁ ସଙ୍ଗ୍ ତିମତି ଜିବାଟା

^୧ ତେଇଅନି ପାଉଲ୍ ଦରୁବି ଆରି ଲୁସ୍‌ତାରାଇ ଆଇଲା । ସେ ନଅରେ ତିମତି ନାଉର୍ ଗଟେକ୍ ବିସ୍‌ବାସି ଲକ୍ଷ ରଇଲା । ତାରୁ ମାଆ ଗଟେକ୍ ଜିଉଦି ବିସ୍‌ବାସି ରଇଲା । ମାତରୁ ତାରୁ ବାବା ଗଟେକ୍ ଗିରିକ୍ ଲକ୍ଷ ରଇଲା ।^୨ ଲୁସ୍‌ତାରା ଆରି ଇକନିଅଡେଇ ରଇବା ସବୁ ବିସ୍‌ବାସି ବାଇମନ୍ ତିମତିକେ ସନ୍‌ମାନ୍ କର୍ତ୍ତେରଇଲାଇ ।^୩ ପାଉଲ୍ ତାରୁ ସଙ୍ଗ୍ ତିମତିକେ ନେବାକେ ମନ୍ କଲା, ସେଟାରୁପାଇ ଜିବା ଆଗରୁ ମସାରୁ ନିୟମ୍ ଇସାବେ ତାକେ ସୁନ୍‌ଡ଼ କଲା । ଜେନ୍ତ୍ରକି ସେ ଜାଗାରୁ ଜିଉଦିମନ୍ ତାକେ ନିୟା ନ କରଡ଼ । କାଇକେବଇଲେ ତେଇରୁ ଲକ୍ଷମନ୍ ତିମତିରୁ ବାବା ଗିରିକ୍ ଲକ୍ଷ ବଲି ଜାନିରଇଲାଇ ।^୪ ସେମନ୍ କେଟୁଲା ସବୁ ଜାଗାଇ ଜିଉଦି ନ ଅଇଲା ବିସ୍‌ବାସିମନ୍‌ରୁପାଇ, ଜିହୁସାଲମରୁ ପାରୁଟିମନ୍ ଆରି ପେରିବ୍‌ମନ୍ ରାଜି ଅଇରଇବା ନିତିନିୟମ୍ ବିସଇ କଇଲାଇ । ଏ ସବୁ ନିୟମ୍ ମାନ୍‌ବାକେ ବିସ୍‌ବାସିମନ୍‌କେ କଇଲାଇ ।^୫ ସେଟାରୁପାଇ ମାଣ୍ଡୁଲିମନ୍‌ରୁ ଲକ୍ଷମନ୍ ବିସ୍‌ବାସେ ତାଟ୍ ଅଇଲାଇ ଆରି ଦିନ୍‌କେ ଦିନ୍ ତାକରୁ ବିସ୍‌ବାସ୍ ବଡ଼ବାରୁ ଦାରୁଲାଇ ।

☆ ୧୫:୩୮ ୧୫:୩୮ ପେରିବ୍ ୧୩:୧୩

ମାସିଦନିଆଇ ଜିବା ପାଇ ତରୟାତେଇ ପାଉଲ୍‌କେ ଚାଲ୍‌ନା ମିଲ୍‌ବାଟା

୭ ସୁକଲ୍‌ଆତ୍‌ମା ସେମନ୍‌କେ ଆସିଆ ଦେସେ ମାପ୍‌ରୁର୍ କାତା କଇବାକେ ଚାଲ୍‌ନା ଦେଅତ୍‌ନାଇକେ, ସେମନ୍ ପିରିଜିଆ ଆରି ଗାଲାଡିଅ ଜାଗାଇ ଗାଲାଇ । ୮ ମସିଆର୍ ସନ୍‌ଲିଗେ କେଟି ବିତିନିଆ ରାଇଜେ ଜିବାକେ ଚେସ୍‌ଟା କଲାଇ । ମାତର୍ ବାରଇଲାବେଲେ ଜିସୁରଲାଗି ତାକର୍ ବିତ୍‌ରେ ରଇବା ସୁକଲ୍‌ ଆତ୍‌ମା, ସେମନ୍‌କେ ଜିବାକେ ଚାଲ୍‌ନା ଦେଏନାଇ । ୯ ସେଟାର୍ ପାଇ ସେମନ୍ ମସିଆବାଟ୍ ଦେଇ ତରଆତେଇ ଗାଲାଇ । ୧୦ ତରଆଇ ରଇଲାବେଲେ, ସେ ରାତିଆ ପାଉଲ୍ ଗଟେକ୍ ଦରସନ୍ ଦେକଲା । ସେ ଦରସନେ ମାସିଦନିଆର୍ ଗଟେକ୍ ଲକ୍ ରିଆଅଇ ବାବୁଜିଆ କରି କଇଲା “ମାସିଦନିଆଇ ଆସି ଆମ୍‌କେ ସାଇଜ କରା !” ୧୧ ପାଉଲ୍ ଏ ଦରସନ୍ ଦେକଲା ଦାପ୍‌ରେ, ମାସିଦନିଆଇ ଜିବାକେ ଆମ୍‌କେ ତିଆର୍ ଅଇଲୁ, କାଇକେବଇଲେ ଆମ୍‌କେ ନିକ ସଙ୍ଗ୍ ଜାନ୍‌ଲୁ, ପର୍‌ମେସର୍ ତେଇର୍ ଲକ୍‌ମନ୍‌ ବିତ୍‌ରେ, ସୁବ୍ କବର୍ ଜାନାଇବାକେ ଆମ୍‌କେ ଡାକ୍‌ଲା ଆତେ ।

ପିଲିପିତେଇ ଲୁଦିଆର୍ ମନ୍ ପେରାନି

୧୧ ଆମ୍‌କେ ତରଆଅନି ଜାଜେ ଚଗି ସିଦା ସାମ୍‌ତରା ଗାଲୁ ଆରି ତାର୍ ଆର୍କର୍ ଦିନେ ନିଆପିଲି କେଟ୍‌ଲୁ । ୧୨ ତେଇଆମ୍‌କେ ଉଡ୍‌ରିକରି ମାସିଦନିଆ ଜିଲାର୍ ମୁକିଅ ଗଡ୍ ପିଲିପେ ଗାଲୁ । ଏ ଗଡ୍ ଗଟେକ୍ ରମିୟ୍ ଦଲ୍ ରଇବା ଗଡ୍ ରଇଲା । ତେଇ ଆମ୍‌କେ ବେସି ଦିନ୍ ଜାକ ରଇଲୁ । ୧୩ ବିସ୍‌ରାମ୍‌ବାରେ ଗଡ୍ ବାଇରର୍ ଗାଡ୍ କଣ୍ଡି ଗାଲୁ । ତେଇ ଜିଉଦିମନ୍ ରୁଣ୍ଡିକରି ପାର୍‌ତନା କର୍‌ବାକେ ଗଟେକ୍ ଜାଗା ବଲି ବାବୁଲୁ । ଆମ୍‌କେ ତେଇ ବସ୍‌ଲୁ ଆରି ତେଇ ରୁଣ୍ଡି ରଇବା ମାଇଜି ମନ୍‌ର୍ ସଙ୍ଗ୍ କାତାବାରତା ଅଇଲୁ । ୧୪ ସେମନ୍‌ର୍ ବିତ୍‌ରେଅନି ତୁୟ୍‌ଟିରା ଗଡ୍‌ର୍ ଲୁଦିଆ ନାଉର୍ ଗଟେକ୍ ମାଇଜି, ଆମ୍‌ର୍ କାତା ସୁନ୍‌ତେରଇଲା । ସେ ବେସି ଦାମ୍ ଅଇବା ଜାମ୍‌କଲିଆ ରଙ୍ଗ୍ ଲୁଗା ବିକ୍‌ତେରଇଲା । ସେ ପର୍‌ମେସର୍‌କେ ପାର୍‌ତନା କର୍‌ବା, ଜିଉଦି ନ ଅଇଲା ଲକ୍ । ପାଉଲ୍ ମାପ୍‌ରୁର୍ କାତା କଇଲାବେଲେ ସେଟା ନାମ୍‌ବାକେ ମାପ୍‌ରୁ ତାର୍ ମନ୍ ଉଗାଡିଦେଲା । ୧୫ ବିସ୍‌ବାସ୍ କଲାପତେ, ସେ ଆରି ତାର୍ କୁଟ୍‌ମର୍ ଲକ୍ ତୁବନ୍ ଦେଲା । ତାର୍ ପତେ ସେ ଆମ୍‌କେ ଡାକିକରି କଇଲା, “ଜଦି ସତଇସେ ମୁଇ ମାପ୍‌ରୁକେ ବିସ୍‌ବାସ୍ କଲିନି ବଲି ତମେ ବାବ୍‌ଲାସ୍‌ନି, ତେବେ ଆସି ମର୍ ଗରେ ରୁଆ ।” ସେ ଏନ୍ତି କଇ ଆମ୍‌କେ ତାର୍ ଗରେ ଜିବାକେ ସୁବ୍‌ରାଇଲା ।

ପିଲିପିର୍ ବନ୍ଦି ଗରେ ପାଉଲ୍ ଆରି ସିଲା

୧୬ ଆରି ଗଟେକ୍‌ଦିନେ ଆମ୍‌କେ ପାର୍‌ତନା ଜାଗାଇ ଜାଇରଇଲୁ । ତେଇ ତୁମା ଡସିରଇବା ଗଟେକ୍ ଗତିଦାଙ୍ଗ୍‌ଡିକେ ବେଟ୍‌ଅଇଲୁ । ସେ ତାର୍ ବିତ୍‌ରେ ରଇଲା କାରାପିଆତ୍‌ମାର୍ ବପୁ ସଙ୍ଗ୍ ବବିସ୍‌ଟ୍ କାତା କଇପାର୍‌ତେ ରଇଲା । ସେ ଲକ୍‌ମନ୍‌ର୍ ଆତ୍‌ ଦେକି, ବବିସ୍‌ଟ୍ କାତା କଇଦେଇକରି, ସାଉକାର୍‌ମନ୍‌କେ ବେସି ତାରୁ କାମ୍‌କଦେଇତେରଇଲା । ୧୭ ଆମ୍‌କେ ତାର୍‌ଲଗେ ଗାଲାକେ, ସେ ପାଉଲ୍ ବଲି କିର୍‌କିରି ଆମ୍‌ର୍ ପର୍ ପର୍ ଆଇଲା । ଆରି କଇଲା, “ଏ ଲକ୍‌ମନ୍ ସବୁର୍‌ଟାମେଅନି ବଡ୍ ପରମେସର୍‌ର୍ ସେବାକରୁମନ୍ । ତମେ କେନ୍ତି ମୁକ୍ତି ପାଇସା, ଏ କାତା ସେମନ୍ କଇଲାଜନି ।” ୧୮ ସେ ଦାଙ୍ଗ୍‌ଡି ବେସି ଦିନ୍ ଦାରି ଏନ୍ତି କଲା । ସାରାସାରିପତେ ପାଉଲ୍ ବିଜାର୍ ଅଇଲା । ସେ ପର୍‌ବାଟେ ପାସ୍‌ଲି ଦେକି କାରାପିଆତ୍‌ମାକେ ଦମ୍‌କାଇକରି କଇଲା, “ଜିସୁ କିରିସ୍‌ଟ୍ ନାଉଁ ଦାରି ଆଦେସ୍ ଦେଲିନି, ତାର୍‌ତେଇଅନି ବାରଇ ଜା ।” ସେ କଇଲା ଦାପ୍‌ରେ, କରାପ୍ ଆତ୍‌ମା ତାର୍‌ତେଇଅନି ବାରଇଗାଲା ।

୧୯ ଜେଡେବେଲ୍ ତାକର୍ ସାଉକାର୍‌ମନ୍‌କେ ନିଜର୍ ଦନ୍ ଅରଜ୍‌ବାଟା, ବୁଡିଗାଲା ବଲି ଜାନ୍‌ଲାଇ, ପାଉଲ୍ ଆରି ସିଲାକେ ଗଡ୍‌ର୍ ମଜାଇ ରଇବା ରମିଅ ଅଦିକାରିର୍ ଲଗେ ଜିକି ଆନ୍‌ଲାଇ । ୨୦ ସେମନ୍‌କେ ତାକର୍ ମୁଆଟେ ଆନି ଦସ୍‌ଦେଇ କରି କଇଲା “ଏମନ୍ ଜିଉଦି ଲକ୍, ଆମ୍‌ର୍ ଗଡେ ଆସି ଶଣ୍ଡିଗଲ୍ କଲାଜନି ।” ୨୧ ଆମ୍‌ର୍ ନିୟ୍‌ମ୍ ବିରଦେ ରିଡିନିଡି ସିକାଇଲାଜନି । ଆମ୍‌କେ ରମିଅ ଲକ୍, ସେଟାର୍ ପାଇ ଏ ରିଡିନିଡି ମାନି ନାପାରୁ । ୨୨ ସାଉକାର୍ ମନ୍‌ର୍ କାତାମିସାଇ ତେଇ ରଇଲା ଲକ୍‌ମନ୍, ପାଉଲ୍ ଆରି ସିଲାର୍ ବିରଦେ ଉର୍‌ଲାଇ ।

ସେ ଅଦିକାରିମନ୍ ପାଉଲ୍ ଆରି ସିଲାର୍ ବସ୍‌ଟର୍ ଚିକିକରି କର୍‌ତା ସଙ୍ଗ୍ ମାର୍‌ବାକେ ଆଦେସ୍ ଦେଲାଇ । ୨୩ ବେସି ମାଡ୍‌କାଇଲା ପତେ ସେମନ୍‌କେ ବନ୍ଦି ଗରେ ପୁରାଇଲାଇ ଆରି କୁଡିଦେଇ ଜାଗ୍‌ବାକେ ବନ୍ଦି ଗର୍ ଜାଗୁଆଲ୍‌କେ ଆଦେସ୍ ଦେଲାଇ । ୨୪ ଏ ଆଦେସ୍ ପାଇ ବନ୍ଦି ଗର୍ ଜାଗୁଆଲ୍ ସେମନ୍‌କେ ଗଟେକ୍ ବିତ୍‌ରର୍ ବାକ୍‌ରାଇ ପୁରାଇ ଦେଇ, ବଜ୍‌ରଇବା ଦାରୁମ୍‌ଲାଇ ତାକର୍ ଗଡ୍ ବାନ୍ଦିଦେଲା ।

୨୫ ପାଉଲ୍ ଆରି ସିଲା ମଜା ରାତି ବେଲାଇ ପର୍‌ମେସର୍‌କେ ପାର୍‌ତନା କରି ଗିଡ୍ ଗାଇତେ ରଇଲାଇ । ବନ୍ଦି ଗରେ ରଇବା ବିନ୍‌ଲକ୍‌ମନ୍ ସେଟା ସବୁ ସୁନ୍‌ତେ ରଇଲାଇ । ୨୬ ସେଡ୍‌କିବେଲେ, ଅଟାଡ୍ ବେସି ଦରତନି ତୁଲ୍‌ବୁଲ୍‌ଲା ଆରି ବନ୍ଦି ଗରର୍ ପାକାଇଲା କୁନାଦି ପାକ୍‌ନା ଆଲିଗାଲା, ସେ ଦାପ୍‌ରେ କାପାଟ୍‌ମନ୍

ଉଗାତି ଅଇଗାଲା ଆରି ସବୁ ବନ୍ଦିମନର୍ ସିକ୍ଲି କୁସ୍ଲି ଗାଲା । ୨୭ ବନ୍ଦି ଗରବ୍ ଜାଗୁଆଲ୍ ଚେତାଅଇ ଉଟ୍ଲା ଆରି ବନ୍ଦି ଗରବ୍ କାପାଟ୍ ଉଗତା ଅଇରଇଲାଟା ଦେକ୍ଲା । ସେ ବନ୍ଦିମନ୍ ସବୁ ପାଲାଇ ଆଟବ୍ ବଲି ବାବ୍ଲା । ସେଟାଟ୍ ପାଇ ସେ ତାଟ୍ କାଣ୍ଡା ବେଟି ବୁସି ଅଇ ମର୍ବାବେକେ ଜାଇତେ ରଇଲା । ୨୮ ମାତର୍ ପାଉଲ୍ ଆଉଲିଅଇ କଇଲା, “ନିଜେ ତର୍ ଗାଗଡ୍ କାଟିଅଇ ନସାନାଇ । ଆମେ ସବୁ ଲକ୍ ଇତି ଆତୁ ! କେ ପାଲାଉ ନାଇ ।”

୨୯ ବନ୍ଦି ଗର୍ ଜାଗୁଆଲ୍ ଗଟେକ୍ ବତି ଆନ୍ବାବେକେ ତିଆର୍ଲା । ଆରି ସେ ବତି ଦାଟ୍ଲା ଆରି ତର୍ତତରି ତର୍ତତରି ଆସି ପାଉଲ୍ ଆରି ସିଲାଟ୍ ଗଡ୍ ତଲେ ଅଦର୍ଲା । ୩୦ ତାଟ୍ ପଟେ ସେମନ୍‌କେ ବାଇରେ ନେଇ ପାଟାଟ୍ଲା, “ଆଗିଆମନ୍ ! ପର୍ମେସର୍‌ରେ ଡଣ୍ଡେଅନି ରକିଆ ପାଇବାବେକେ ମୁଇ କାଇଟା କର୍‌ବାଟ୍ ଆଟେ ?”

୩୧ ସେମନ୍ କଇଲାଇ, “ମାପୁରୁ ଜିସୁକେ ବିସ୍‌ବାସ୍ କଲେ, ତୁଇ ଆରି ତମର୍ କୁଟୁମର୍ ସବୁ, ମୁକ୍ତି ପାଇସା ।” ୩୨ ତାଟ୍ ପଟେ ସେମନ୍ ତାକେ ଆରି ତାକର୍ ଗରବ୍ ସବୁ ଲକ୍‌କେ ମାପୁରୁଟ୍ ବାକିଅ କଇଲାଇ । ୩୩ ସେ ଦାପୁରେ ମଜାରାତି ବେଲେ, ବନ୍ଦି ଗର୍ ଜାଗୁଆଲ୍ ସେମନ୍‌କେ ତାକିନେଇ ସେମନ୍‌ର୍ ଗାଉ ଅଇଲାଟା ସବୁ ଦଇଦେଲା । ତାଟ୍‌ପଟେ ସେ ଆରି ତାଟ୍ କୁଟୁମର୍ ସବୁ ଲକ୍ ତୁବନ୍ ନେଲାଇ । ୩୪ ତାଟ୍‌ପଟେ ସେ ପାଉଲ୍ ଆରି ସିଲାକେ ତାକର୍ ଗରେ ତାକିନେଇ କାଇବାବେକେ ଦେଲା । ତେଇ ପରମେସର୍‌କେ ବିସ୍‌ବାସ୍ କଲାଟ୍ ପାଇ ସେ ଆରି ତାଟ୍ କୁଟୁମର୍ ସବୁ ଲକ୍‌ମନ୍ ସାଟ୍‌ଦା ଅଇଗାଲାଇ ।

୩୫ ଆରିଗଟେକ୍ ଦିନର୍ ସାକାଲେ ରମିଅ ସାସନ୍‌କାରିଆମନ୍ ସେ ଲକ୍‌ମନ୍‌କେ ଚାତି ଦିଆସ୍ ବଲି ଜାଗୁଆଲ୍‌ମନ୍‌କେ କଇକରି ପାଟାଇଲାଇ ।

୩୬ ସେଟାଟ୍ ପାଇ ବନ୍ଦିଗର୍ ଜାଗୁଆଲ୍ ପାଉଲ୍‌କେ କଇଲା, “ରମିଅ ସାସନ୍‌କାରିଆ ତମ୍‌କେ ଆରି ସିଲାକେ ଚାତି ଦେବାବେକେ ଆଦେସ୍ ଦେଲା ଆଟେ । ଏବେ ତମେ ଏ ଜାଗାଇଅନି ସାନ୍ତି ସଙ୍ଗ୍ ଉଟି ଜା ।” ୩୭ ମାତର୍ ପାଉଲ୍ ସନିଅମନ୍‌କେ କଇଲା, “କାଇମିସା ଅପୁରାଦେ ଦସି ଅଇ ନ ରଇଲେ ମିସା, ସେମନ୍ ଆମ୍‌କେ ଲକ୍‌ମନ୍‌ର୍ ମୁଆଟେ ମାଟ୍‌ଲାଇ । ଆମେ ରମିଅ ଲକ୍, ମାତର୍ ସେମନ୍ ଆମ୍‌କେ ବନ୍ଦି କଲାଇ । ଏବେ ଆମ୍‌କେ ଲୁଟ୍‌ତେ ଚାଡିଦେବାବେକେ ମନ୍ କଲାଇନି । ଏଟା କର୍‌ବାବେକେ ଆମେ ନ ଦେଉଁ । ରମିୟ ଅଦିକାରି ନିଜେ ଆସି ଇତି ଆମ୍‌କେ ମୁକ୍‌ଲାଅ ।”

୩୮ ସନିଅମନ୍ ରମିଅ ସାସନ୍‌କାରିଆକେ ଏ କାତା ଜାନାଇଲାଇ । ପାଉଲ୍ ଆରି ସିଲା ରମିଅ ଲକ୍ ବଲି ସୁନି ସେମନ୍ ତରିଗାଲାଇ । ୩୯ ସେଟାଟ୍‌ପାଇ ବନ୍ଦିଗରେ ଜାଇ ସେମନ୍‌କେ କେମା ମାଙ୍ଗ୍‌ଲାଇ ଆରି ସେମନ୍‌କେ ବନ୍ଦି ଗରେଅନି ବାଟ୍‌କରାଇ ଗଡ୍ ଚାଡି ଉଟିଜିବାବେକେ ବାବୁଜିଆ କଲାଇ । ୪୦ ପାଉଲ୍ ଆରି ସିଲା ବନ୍ଦି ଗରେଅନି ବାରଇ ଲୁଦିଆଟ୍ ଗରେ ଗାଲାଇ । ତେଇ ସେମନ୍ ବିସ୍‌ବାସି ବାଇମନ୍‌କେ ବେଟ୍ ଅଇ, ସେମନ୍‌କେ ସାଟ୍‌ଦା କରାଇ, ସେ ଜାଗା ଚାଡିଉଟିଗାଲାଇ ।

୧୭

ତେସଲନିକିତେଇ ସେବା କାମ୍ କର୍‌ବାଟା

୧ ପାଉଲ୍ ଆରି ସିଲା ଅମ୍‌ପିପଲି ଆରି ଆପଲନିଆ ବାଟ୍‌ଦେଇ ତେସଲନି ଜାଗାଇ କେଟ୍‌ଲାଇ । ତେଇ ଜିଉଦିମନର୍ ଗଟେକ୍ ପାଟ୍‌ତନା ଗର୍ ରଇଲା । ୨ ପାଉଲ୍ ତାଟ୍ ରିତିନିତି ଇସାବେ, ପାଟ୍‌ତନା ଗରେ ଗାଲା । ତେଇ ସେ ଲାଗି ଲାଗି ତିନଟା ବିସ୍‌ରାମବାରେ ଲକ୍‌ମନର୍ ସଙ୍ଗ୍ କାତାବାଟ୍‌ଟା କଲା । ୩ ଦରମ୍ ସାସ୍‌ତର୍ ପତିକରି ବୁଜାଇଲା ଜେ, ମସିଅ ଦୁକ୍ ପାଇବାର୍ ରଇଲା ଆରି ପର୍ମେସର୍ ତାକେ ମଲାତେଇଅନି ଉଟାଇବାର୍ ରଇଲା । ପାଉଲ୍ କଇଲା, “ଜନ୍ ଜିସୁଟ୍ ବିସଇ ମୁଇ ଜାନାଇଲି, ସେ ଅଇଲାନି ମସିଅ ।” ୪ ସେମନ୍‌ର୍ ବିଟ୍‌ରେଅନି କେତେ ଲକ୍ ଏଟା ବିସ୍‌ବାସ୍ କଲାଇ । ପାଉଲ୍ ଆରି ସିଲାଟ୍ ସଙ୍ଗ୍ ମିସଲାଇ । ସେନ୍ତି ତାକ୍‌ପୁଟା ରଇବା ମାଇଜିମନ୍ ଆରି ପରମେସର୍‌କେ ପାଟ୍‌ତନା କର୍‌ବା ଗିରିକ୍ ମନର୍ ଗଟେକ୍ ବଡ୍ ଦଲ୍ ମିସା ସେମନ୍‌ର୍ ସଙ୍ଗ୍ ମିସଲାଇ ।

୫ ମାତର୍ କେତେଟା ଜିଉଦିମନ୍ ପାଉଲ୍ ଆରି ସିଲାକେ କୁଟ୍ କରି, କାଇ କାମ୍ ନ କର୍‌ବା ଅଲ୍‌ସିଆ ଲକ୍‌ମନ୍‌କେ ଏକ୍‌ଜୁଟ୍ କଲାଇ, ଆରି ଟୁଲିଆଇ, ଗୁଲାଇ ଗଡ୍ ଜାକର୍ ଲକ୍‌କେ ଉସ୍‌କାଇ ରିସା କରାଇଲାଇ । ସେମନ୍ ପାଉଲ୍ ଆରି ସିଲାକେ କଜି ଆନ୍‌ବାବେକେ ଗଟେକ୍ ଜେସନ୍ ନାଉଁର୍ ଗରେ ଜାଇ, ତାଟ୍ ଗର୍ ଚପିପାକାଇଲାଇ । ୬ ମାତର୍ ତେଇ ପାଉଲ୍ ଆରି ସିଲା ଡିସ୍‌ଟ୍ ନାଇଜେ, ସେମନ୍ ଜେସନ୍ ଆରି ବିନ୍ କେତେଟା ବିସ୍‌ବାସି ବାଇମନ୍‌କେ, ଗତର୍ ନେତାମନର୍ ଲଗେ ଜିକିନେଇ ଆଉଲିଅଇ କଇଲାଇ, “ଏ ଲକ୍‌ମନ୍ ଚାରିବେଟ୍‌ଟି ଗଣ୍ଡଗଲ୍ କଲାଇନି ! ଏବେ ଆମ୍‌ର୍ ଗତେ ମିସା ଆଇଲାଇ ଆଟବ୍ ୭ ଆରି ଏସନ୍ ସେମନ୍‌କେ ତାଟ୍ ଗରେ ରକିରଇଲା । ଜିସୁ ନାଉଁ ଦାରି ଆରି ଗଟେକ୍ ରାଜା ଆଟେ ବଲି କଇକରି

ସେମନ୍ ଆମର ବଡ଼ ସାସନକାରିଆରୁ ନିୟମ୍ ବାଙ୍ଗୁଲାଜିନି ।” ୮ ଏ କାତା କଇ ସେମନ୍, ଲକ୍ମନକେ ଆରି ସାସନକାରିଆରୁ ବିରଦେ ଆଉଲି ଅଇକରି ବେସି ରିସା କରାଇଲାଜି ଆରି ଗଣ୍ଡଗଲ୍ କରାଇଲାଜି । ୯ ସାସନ କରୁମନ୍ ଜେସନ୍ ଆରି ବିସ୍ବାସିମନରୁତେଜଅନି ଚାଡ଼ବାକେ, ଜେଡ଼କି ତାବୁ ବାନ୍ଦବାକେ ରଇଲା, ଲାଟ୍ ନେଇକରି ସେମନ୍କେ ଜାମିଲେ ଚାଡ଼ିଦେଲାଜି ।

ବେରିଆଇ ସେବାକାମ୍

୧୦ ରାତି ଅଇଲା ଦାପୁରେ, ବିସ୍ବାସି ବାଇମନ୍ ପାଉଲ୍ ଆରି ସିଲ୍ଲାକେ ବେରିଆ ନାଉର୍ ଜାଗାଇ ପାଟାଇଦେଲାଜି । ସେମନ୍ ତେଇ କେଟି, ଜିଉଦି ଲକ୍ମନରୁ ପାର୍ତନା ଗରେ ଗାଲାଜି । ୧୧ ତେସଲନିରୁ ଜିଉଦିମନରୁ ଟାନେଅନି ବେରିଆରୁ ଜିଉଦିମନ୍ କୁଲାକୁଲି ମନ୍ ରଇବା ଲକ୍ ରଇଲାଜି । ସେମନ୍ ଅଦିକ୍ ମନ୍ଦିଆନ୍ ଦେଇ ସିସ୍ମନରୁ ସିକିଆ ସୁନ୍ଲାଜି । ଆରି ପାଉଲ୍ କଇଲା କାତା, ସବୁ କି ନାଇ ବଲି ଜାନ୍ଦବାକେ ସବୁ ଦିନ ଦରମ୍ ସାସତରୁ ଅଡ଼ତେରଇଲାଜି । ୧୨ ସେମନରୁ ବିଡ଼ରେଅନି ବେସି ଲକ୍ ବିସ୍ବାସ କଲାଜି । ବେସି ସାଉକାରୁ ଅଇ ସନ୍ମାନ୍ ପାଇବା ଗିରିକ୍ ମାଜିଜି ଆରି ଗିରିକ୍ ଲକ୍ମନ ମିସା ବିସ୍ବାସିମନରୁ ସଙ୍ଗ ମିସାଲାଜି । ୧୩ ମାତରୁ ଜେଡେବଲ୍ ତେସଲନିରୁ ଜିଉଦିମନ୍ ସୁନ୍ଲାଜି ଜେ ବେରିଆତେଇ ମିସା ପାଉଲ୍ ପରମେସରୁ ବାକିଅ ଜାମାଇଲାନି, ସେମନ୍ ତେଇ ଆସି ପାଉଲ୍ ବିରଦେ ଗଣ୍ଡଗଲ୍ କରବାକେ ଲକ୍ମନକେ ଉସ୍ବାକାଇଲାଜି । ୧୪ ସେ ଦାପୁରେ ବିସ୍ବାସି ବାଇମନ୍ ପାଉଲ୍କେ ସମ୍ବୁଦୁ ପାଲିବାଟେ ପାଟାଇଦେଲାଜି, ମାତରୁ ସିଲ୍ଲା ଆରି ତିମତି ଦୁଇ ଲକ୍ ବେରିଆଇ ରଇଲାଜି । ୧୫ ପାଉଲ୍କେ ଡାକିନେବା ଲକ୍ମନ, ତାରୁ ସଙ୍ଗ ଆଡେନସ୍ ଜାକ ଗାଲାଜି । ତେଇଅନି ସେମନ୍ ବେରିଆଇ ବାଉତି ଆସି, ସିଲ୍ଲା ଆରି ତିମତିକେ କଇଲାଜି, “ତମକେ ପାଉଲ୍ ବେରି ମିସ୍ବାକେ କବରୁ ପାଟାଇ ଆଦେସ୍ ଦେଲାଆଟେ ।”

ଆଡେନସ୍ତେଇ ପାଉଲ୍ ସେବାକାମ୍

୧୬ ସିଲ୍ଲା ଆରି ତିମତିକେ ଆଡେନସ୍ତେଇ ଜାଗି ରଇଲା ବେଲେ, ଗଡ଼ଜାକରୁ ଲକ୍ ପୁଜା କରବା ଦେବତାମନରୁ ମୁରତିମନ୍ ଦେକି, ପାଉଲ୍ ମନ୍ ବେସି ଉଡୁକ୍ପୁଡୁକ୍ ଅଇଗାଲା । ୧୭ ସେଟାରୁପାଇ ସେ ଜିଉଦିମନରୁ ପାର୍ତନା ଗରେ ସେମନରୁ ସଙ୍ଗ, ଆରି ପରମେସରୁକେ ପାର୍ତନା କରବା ଜିଉଦି ନଇଲା ଲକ୍ମନରୁ ସଙ୍ଗ, ଏ ବିସଇ ସବୁ ଦିନ ଆଲ୍ଟନା କରବାରୁ ଦାରୁଲା । ଆଟେବାଟେ ଜିବାଆଇବା କରବା ଲକ୍ମନରୁ ସଙ୍ଗ ସେ ବିସଇ ଆଲ୍ଟନା କଲା । ୧୮ କେଡେଟା ଏପିକ୍ଉରିଆନ୍ ଆରି ଟଇକ୍ ସିକିଆ ଦେବା ଗୁରୁମନରୁ ସଙ୍ଗ ଦଦାପେଲା ଅଇଲାଜି । ସେମନରୁ ବିଡ଼ରେଅନି କେତେ ଲକ୍ କଇଲାଜି, “ଏ ବକୁଆ ବଡ଼ପନିଆ, କାଜିଟା କଇବାକେ ଚେସ୍ଟା କଲାନ୍ତି ?”

ବିନ୍ ଲକ୍ମନ କଇଲାଜି, “ବିନ୍ ଦେସେ ରଇବା ଦେବତାମନରୁ ବିସଇ, ସେ ଜାମାଇଲାନି ପାରା ଲାଗିଲାନି ।” ଜିସୁ ଆରି ତରେକ୍ ଜିବନ୍ ଅଇ ଉଟ୍ଲା ବିସଇ ପାଉଲ୍ ଜାମାଇବାଟା ସୁନି ସେମନ୍ ଏକ୍ତି କଇଲାଜି । ୧୯ ସେଟାରୁପାଇ ସେମନ୍ ପାଉଲ୍କେ ଦାରି ସେ ନଅରୁ ବିଟାରୁ କରବା ଜାଗା, ଜନ୍ତା କି ଏରିଅପାଗସ୍ ତେଇ ଆନ୍ଦିଲାଜି । ଆରି ତେଇ କଇଲାଜି, “ତୁଇ ଜନ୍ ନୁଆ ସିକିଆ ବିସଇ କଇଲୁସିନି, ସେ ବିସଇ ଆମେ ଜାନ୍ଦବାକେ ମନ୍ କଲୁନି ।” ୨୦ ତୁଇ କଇବା କେଡେଟା କାତା ଆମେ ଆଗୁରୁ କେବେ ସୁନି ନ ରଇଲୁ । ଆମେ ତାରୁ ଅରଡ଼ ଜାନ୍ଦବାକେ ମନ୍ କଲୁନି । ୨୧ କାଜିକେବଇଲେ ଆଡେନସ୍ ଲକ୍ ଆରି ତେଇ ରଇବା ବିନ୍ ଦେସରୁ ଲକ୍ମନ ନୁଆ ବିସଇ ସୁନ୍ଦବାକେ ଆରି କଇବାକେ ବଲ୍ପାଇକେତେ ରଇଲାଜି । ତେଇ ସେମନ୍ ବେସି ବେଲା ଦେଇତେ ରଇଲାଜି ।

୨୨ ପାଉଲ୍ ସେ ଗଡ଼ରୁ ସବା ମୁଆଟେ ଚିଆ ଅଇ କଇଲା, ଆଡେନିଅର୍ ଲକ୍ମନ, ତମେ ସବୁ ଦରମ୍ ଲକ୍ ବଲି ଜାମାପଡ଼ୁଲାନି । ୨୩ କାଜିକେବଇଲେ, ମୁଇ ତମରୁ ନଅରେ ବୁଲି ଦେକ୍ଲା ବେଲେ, ତମରୁ ପୁଜା କରବା ଜାଗାମନ୍ ଦେକ୍ଲି । ତେଇ ଗଟେକ୍ ବେଦି ରଇଲା । ଗଟେକ୍ ନ ଜାନ୍ଦଲା ଦେବତାକେ, ଲେକାରଇଲାଟା ମିସା ଦେକ୍ଲି । ତମେ ଜାକେ ନାଜାନି ପୁଜାକଲାସିନି । ଏବେ ତାରୁ ବିସଇ ତମକେ ଜାମାଇଲିନି । ୨୪ *ପରମେସରୁ ଦୁନିଆ ଆରି ତେଇ ରଇଲା ସବୁ ବିସଇ ତିଆର୍ କଲା । ସେ ସରଗ୍ ଆରି ଜଗତରୁ ମାପୁରୁ । ଲକ୍ମନ ତିଆର୍ କଲା ମନ୍ଦିରେ ରଇବାକେ ମନ୍ ନ କରେ । ୨୫ ଆମେ ତାରୁ ପାଇ କାମ କରି ତାକେ ଦେଇପାରୁବୁ ପାରା କାଜିଟା ମିସା ସେ ମନ୍ କରେ ନାଜି । କାଜିକେବଇଲେ ସେ ସବୁକେ ଜିବନ୍, ପବନ୍ ଆରି ସବୁ ଦରକାରୁ ରଇଲାଟା ଦେଲାଆଟେ । ୨୬ ଗଟେକ୍ ଲକ୍ମନ ସେ ସବୁ ମୁନ୍ସ ଜାତିକେ ତିଆର୍ କଲା । ଆରି ତାରୁ ଆଦେସ୍ ଇସାବେ ସେମନ୍ ଦୁନିଆର୍ ବିନ୍ ବିନ୍ ଜାଗାଇ ବାସା ଅଇଲାଜି ଆତରୁ, ସେଟା ପୁରବେଅନି ପରମେସରୁ ଚିକି କଲାଆଟେ । ୨୭ ତାକରୁ ଆଦେସ୍ ରଇଲା ଜେ

* ୧୭:୨୪ ୧୭:୨୪ ପେରିଟ୍ ୭:୪୮

ସବୁ ଲକ୍ ତାକେ କଳି କରି ବେଟ୍ ଅଥଡ୍ । ମାତର୍ ସତଇସେ ପର୍ତ୍ତେସର୍ କାର୍ଟାଟେଅନି ମିସା ଦୁରିକେ ନାଇ । ୨୮ ଏ ବିସଇ କେକି ଗଟେକ୍ ଲକ୍ କଇଲା ଆଟେ, “ତାର୍ ଲଗେ ଆକା ଆମର୍ ଜିବନର୍ କୁଟିକାତି ଆଟେ ।”

ତମର୍ ବିଡ୍ରେଅନି କେତେଲକ୍ କଇଆଟଡ୍, ଆମେ ମିସା ତାର୍ ପିଲାଜିଲା ।

୨୯ ଆମେ ପର୍ତ୍ତେସର୍ ପିଲାଜିଲା ଅଇଲାର୍ ପାଇ ମୁନୁସ୍ ତିଆର୍ କଲା ସୁନା, ରୁପା ନଇଲେ ପାକ୍ନା ସଙ୍ଗ୍ ତିଆର୍ କଲା ପୁଡ୍ଲା, ପର୍ତ୍ତେସର୍ ରୁପ୍ ବଲି ବାବି ନାପାରୁ । ୩୦ ଲକ୍ମନ୍ ପର୍ତ୍ତେସର୍କେ ଜାନି ନ ରଇଲା ବେଲେ, ସେ ଦସ୍ ଦାରି ନ ରଇଲା, ମାତର୍ ଏବେ ସବୁ ଜାଗାର୍ ସବୁ ଲକ୍ମନ୍କେ, ସେମନର୍ ପାପ୍ ବାଟେଅନି ବାଅଡ୍ବାକେ ଆଦେସ୍ ଦେଲାନି । ୩୧ ସେ ଗଟେକ୍ ଦିନ୍ ଟିକ୍ କଲା ଆଟେ । ସେ ଦିନେ, ସେ ବାଟିରଇବା ଲକ୍ମନ୍ ସଙ୍ଗ୍ ଗୁଲାଇ ଦୁନିଆର୍ ବିତାର୍ କର୍ସି । ସେ ଲକ୍ ମଲାଟାଟେଅନି ଉଟି ଏ କାତା ସଡ୍ ବଲି, ସବୁକେ ଜାନାଇଲା ଆଟେ ।

୩୨ ପାଉଲ୍ ଟାଟେନ, ମଲାଟାଟେଅନି ଉଟ୍ଲା ବିସଇ ସୁନି ସେମନର୍ ବିଡ୍ରେଅନି କେତେ ଲକ୍ ତାକେ କିଜାଇଲା, ମାତର୍ ବିନ୍ ଲକ୍ମନ୍ କଇଲା, “ତମର୍ତେଇଅନି ଆମେ ଆରିତରେକ୍ ଏ ବିସଇ ସୁନ୍ବାକେ ମନ୍ କଲୁନି ।” ୩୩ ପାଉଲ୍ ସେ ଦିନର୍ ସବାଇ ଅନି ଉଟି ବାରିଗାଲା । ୩୪ ତାୟନିସିଅସ୍ ନାଉର୍ ସବାର୍ ଗଟେକ୍ ମେମର୍, ଦାମାରି ନାଉର୍ ଗଟେକ୍ ମାଇଜି ଆରି କେତେଟା ଲକ୍, ବିସବାସ୍ କରି ତାର୍ ସଙ୍ଗ୍ ମିସଲାଇ ।

୧୮

କରନ୍ତ୍ରିୟ ନଅରେ ପାଉଲ୍ ସେବାକାମ୍

୧ ତାର୍ପଟେ ପାଉଲ୍ ଆଡେନ୍ସ୍ ଗାଡି କରନ୍ତ୍ରିୟ ଗାଲା । ୨ ତେଇ ପନ୍ତସ୍ତେଇ ଜନମ୍ କରିରଇବା ଆକିଲା ନାଉର୍ ଗଟେକ୍ ଜିଉଦିକେ ବେଟ୍ ଅଇଲା । ବଡ୍ ସାଧନକାରିଆ କଲତିଅସ୍, ସବୁ ଜିଉଦିକେ ରମ୍ ଦେସ୍ ଚାଡ୍ବାକେ ଆଦେସ୍ ଦେଇରଇଲା । ସେଟାର୍ପାଇ, ସେ ଅଲ୍ପ୍ ଦିନ୍ ଆଗ୍ଟୁ ତାର୍ ମାଇଜି ପିରିସକିଲାର୍ ସଙ୍ଗ୍ ଇଗାଲିଅନି ଆସିରଇଲା । ୩ ପାଉଲ୍ ସେମନ୍କେ ବେଟ୍ ଅଇବାକେ ଜାଇ ସେମନର୍ ସଙ୍ଗ୍ ରଇଲା । କାଇକେବଇଲେ ସେ ମିସା ସେମନର୍ ପାରା ତୁମ୍ ତିଆର୍ କରି ଜିଉନାକାଉନା କର୍ତେରଇଲା । ୪ ଜିଉଦି ଆରି ଗିରିକ୍ ମନ୍ ମାପୁରୁକେ ଅଦିକ୍ ବିସବାସ୍ କରାଇବାକେ, ସବୁ ବିସ୍ତରାମ୍ବାରେ ପାର୍ତନା ଗରେ ଆଲ୍ଟନା କର୍ତେ ରଇଲା ।

୫ ସିଲା ଆରି ତିମତି ମାସିଦନିଆଇଅନି ବାଉଡି ଆଇଲା ପଟେ ପାଉଲ୍ ଜିଉଦିମନର୍ ଲଗେ ଜିସୁର୍ ସୁବ୍ କବର୍ ଜାନାଇବାକେ ପୁରାପୁରି ବେଲା ଦେଲା ଆରି ଜିସୁକେ ମସିଅ ବଲି ସାକି ଦେଲା । ୬ ମାତର୍ ସେମନ୍ ତାକେ ବିରଦ୍ କରି ତାର୍ କୁଟ୍ ପାଁର୍ବାର୍ ଦାର୍ଲାଇ, ସେଟା ବିରଦ୍ କରବା ଇସାବେ, ତାର୍ ବସ୍ତରର୍ ଦୁଲି ପାପ୍ତିଦେଇ ସେ ସେମନ୍କେ କଇଲା, “ଜଦି ତମେ କୁରୁପ୍ତନାସ୍ ଅଇସା, ତେବେ ସେଟାର୍ପାଇ ତମେ ନିଜେ ଦାଇ ଅଇସା । ମୁଇ ଏଟାର୍ପାଇ ଦାଇ ନଇ, ଏବେ ମୁଇ ଜିଉଦି ନଇଲା ଲକ୍ମନ୍ ଲଗେ ଜିବି ।” ୭ ସେଟାର୍ପାଇ ସେ ସେମନ୍କେ ଗାଡି ପର୍ତ୍ତେସର୍କେ ପାର୍ତନା କର୍ବା ତିତସ୍ ଜୁସ୍ତ ନାଉର୍ ଗଟେକ୍ ଜିଉଦି ନଇଲା ଲକ୍ମନ୍ ଗରେ ରଇବାକେ ଗାଲା । ଜୁସ୍ତର୍ ଗର୍ ପାର୍ତନା ଗର୍ ଲଗେ ରଇଲା । ୮ ପାର୍ତନା ଗରର୍ ମୁକିଅ କିରିସ୍ପସ୍ ଆରି ତାର୍ କୁଟ୍ମର୍ ସବୁ ଲକ୍ ମାପୁରୁଟେଇ ବିସବାସ୍ କଲାଇ ଆରି କରନ୍ତ୍ରିୟର୍ ଅଦିକ୍ ଅଦିକ୍ ଲକ୍ ପାଉଲ୍ ସକିଆ ସୁନି ବିସବାସ୍ କଲାଇ ଆରି ପାନିତେଇବୁଡି ତୁବନ୍ ନେଲାଇ ।

୯ ଗଟେକ୍ ରାଡି, ପାଉଲ୍ ଦର୍ସନ୍ ଦେକ୍ଲା । ଦର୍ସନେ ମାପୁରୁ ତାକେ କଇଲା, “ତର୍ ନାଇ, ଜାନାଇଟେ ରଅ, ସେଟା ତେବାନାଇ । ୧୦ କାଇକେ ବଇଲେ ମୁଇ ତର୍ ସଙ୍ଗ୍ ଆଡି । କେ ତମକେ କାଇଟା କରି ନାପାରଡ୍, କାଇକେବଇଲେ ଏ ନଅରେ ମର୍ ବେସି ଲକ୍ ଆଟଡ୍ ।” ୧୧ ସେଟାର୍ପାଇ ପାଉଲ୍ ପର୍ତ୍ତେସର୍ ବାକିଅ ସିକିଆ ଦେଇ, ତେଇ ବର୍ସେକ୍ ତ ମାସ୍ ଜାକ ରଇଗାଲା ।

୧୨ ଗାଲିୟନ୍ ଆକାୟର୍ ରମିଅ ସାଧନକାରିଆ ରଇଲା ବେଲେ, ଜିଉଦିମନ୍ ଏକ୍ଜୁଟ୍ ଅଇ ପାଉଲ୍କେ ଦାରି ବିତାର୍ନା ଜାଗାଇ ନେଲାଇ । ୧୩ ସେମନ୍ କଇଲା, “ଏ ଲକ୍ ଆମର୍ ନିୟ୍ ବିରଦେ ପର୍ତ୍ତେସର୍କେ ପାର୍ତନା କର୍ବାକେ ଲକ୍ମନ୍କେ ସୁଡ୍ରାଇଲାନି ।”

୧୪ ପାଉଲ୍ କାତା ଅଇବାକେ ଗାଲାବେଲେ, ଗାଲିଅ ଜିଉଦିମନ୍କେ କଇଲା, “ଜଦି ଇତି କାଇ ଦସ୍ ନଇଲେ ଅପରାଦର୍ ବିସଇ ରଇସି, ତେବେ ତମର୍ ବିସଇ ସମାଳି କରି, ତମର୍ କାତା ସୁନ୍ବାଟା, ମର୍ ଇସାବେ ଟିକ୍ ଅଇସି । ୧୫ ମାତର୍ ଏ କାତା ତମର୍ ବିଦିବିଦାନ୍ ଆରି ରିଡିନିଡ୍ କାତା ଅଇଲାର୍ ପାଇ, ଏଟା ତମେ ଟିକ୍ କର୍ବାଟା ନିକ୍ ଅଇସି । ମୁଇ ଏନ୍ତ୍ରି ବିତାର୍ ନ କରି ।” ୧୬ ଏନ୍ତ୍ରି କଇକରି ସେମନ୍କେ

ବିଚାରନା ଜାଗାଇଅନି କେଦିଦେଲା । ୧୭ ସେମାନ ପାର୍ତ୍ତନା ଗରବ୍ ମୁକିଆ ସସ୍ତନସ୍ତକେ ଦାରି ବିଚାରନା ଜାଗାର୍ ମୁଆଟେ ମାଡ଼ମାରୁଲା । ମାତର୍ ଗାଲିଆ ସେଟାକେ ମନ୍ଦେଏ ନା ।

ସିରିଆର୍ ଆନ୍ତିୟକ୍ତେଇ ପାଉଲ୍ ବାଅଡ଼ଲା

୧୮ ପାଉଲ୍ କରନ୍ତିତେଇ ବିସ୍ବାସି ବାଇମନ୍ ସଙ୍ଗ୍ ବେସି ବେଲା ଜାକ ରଇଲା । ତାର୍ପଟେ ସେମନ୍କେ ଚାଡ଼ି ପିରିସ୍କିଲା ଆରି ଆକିଲାର୍ ସଙ୍ଗ୍, ସିରିଆ ଜିବାକେ ପାନିଜାଜେ ବାଟ୍ ଦାରୁଲା । ସେକେରିଆଅନି ଜିବାଟା ଆରାମ୍ କର୍ବା ଆଗ୍ତୁ ତାକର୍ ଗଟେକ୍ ମାନଡ଼ ଇସାବେ ପାଉଲ୍ ମୁଣ୍ଡ କୁରାଇଅଇଲା । ୧୯ ସେମନ୍ ଏପିସିସ୍ତେଇ କେଟ୍ଲା ପଟେ ପାଉଲ୍ ପିରିସ୍କିଲା ଆରି ଆକିଲାକେ ପାଟାଇଦେଲା । ତେଇ ସେ ପାର୍ତ୍ତନା ଗରେ ଜାଇ ଜିଉଦିମନର୍ ସଙ୍ଗ୍ କାତାବାର୍ତା ଅଇଲା । ୨୦ ଲକ୍ମନ୍ ତାକେ ଆରି ବେସି ଦିନ୍ ରଇବାକେ କଇଲା, ମାତର୍ ସେ ରାଜି ନଇଲା । ୨୧ ଜିବା ବେଲାଇ ସେ ସେମନ୍କେ କଇଲା, “ଜଦି ପରମେସର୍ ମନ୍ କଲେ, ତମର୍ ଲଗେ ବାଉଡ଼ି ଆଇବି ।” ତାର୍ ପଟେ ସେ ଏପିସି ଅନି ଜାଜେ ଚଗି ଗାଲା ।

୨୨ ସେ ସିରିଆ କେଟିକରି ତେଇଅନି ଜିରୁସାଲାମେ ଗାଲା ଆରି ମଣ୍ଡଲିକେ ଜୁଆର୍ ଜାନାଇ ତେଇଅନି ଆନ୍ତିକିଆ ଗାଲା । ୨୩ ତେଇ କେତେ ଦିନ୍ ରଇଲା ପଟେ, ସେ ଆରି ତରେକ୍ ଜିବାଟା ଆରାମ୍ କରି ଗାଲାଡ଼ିଆ ଆରି ପିରିଜିଆ ବାଟ୍ଦେଇ ଗାଲା । ବାଟେ ବିସ୍ବାସିମନ୍କେ ବିସ୍ବାସେ ତାଟ୍ ଅଇରଇବାକେ ସାଆସ୍ ଦେଲା ।

ଏପିସ୍ ଆରି କରନ୍ତିତେଇ ଆପଲ

୨୪ ସେ ବେଲାଇ ଆଲେକ୍ତାଣ୍ଡିରିଆଇ ଜନମ୍ ଅଇ ରଇଲା, ଆପଲ୍ ନାଉର୍ ଗଟେକ୍ ଜିଉଦି ଏପିସେ ଆଇଲା । ସେ ଗଟେକ୍ ନିମାନ୍ ସଙ୍ଗ୍ କାତାକଉ ଆରି ଦରମ୍ ସାସ୍ତରେ ତାର୍ ବେସି ଗିଆନ୍ ରଇଲା । ୨୫ ସେ ମାପୁର୍ ଜିସୁର୍ ବାଟ୍ ବିସଇ ସିକିଆ ପାଇରଇଲା ଆରି ଆଡ଼ମାଇ ପୁରାପୁରୁନ୍ ଅଇକରି ବେସି ସାର୍ଦା ସଙ୍ଗ୍ ସଡ଼ କାତା ବାରକରି, ସିକିଆ ଦେଇତେ ରଇଲା । ମାତର୍ କାଲି ଜଅନ ତୁବନ୍ ଦେବା ବିସଇ ଜାନି ରଇଲା ।

୨୬ ପାର୍ତ୍ତନା ଗରେ ସେ ନ ଡର୍ତ୍ତେ ସିକିଆ ଦେବାକେ ଲାଗଲା । ତାର୍ ସିକିଆ ସୁନି ପିରିସ୍କିଲା ଆରି ଆକିଲା ତାକର୍ ନିଜର୍ ଗରେ ଡାକିନେଲାଇ ଆରି ତେଇ ପରମେସରର୍ ବାଟ୍ ବିସଇ ଅଦିକ୍ ବୁଜାଇଦେଲା । ୨୭ ତାର୍ ପଟେ ଆପଲ ଆକାୟା ରାଇଜେ ଜିବାକେ ଟିକ୍ କଲାକେ, ଏପିସର୍ ବିସ୍ବାସି ବାଇମନ୍ ତାକେ ସାଇଜ୍ କଲାଇ ଆରି ତାକେ ସାର୍ଦା ସଙ୍ଗ୍ ଗଡ଼ିଆ କର୍ବାକେ କଇ ଆକାୟାର୍ ବିସ୍ବାସିମନ୍କେ ଚିଟି ଲେକିଲା । ସେ ତେଇ କେଟିକରି ପରମେସର ଜିବନ୍ ଦୁକାଇଲାକେ ବିସ୍ବାସି ଅଇରଇବା ଲକ୍ମନ୍କେ ବେସି ସାଇଜ୍ କଲା । ୨୮ ଜିସୁ ଜେ ମସିଆ, ତାକର୍ ବେସି ତାଟ୍ ଜୁକ୍ତି, ଦରମ୍ ସାସ୍ତରେଅନି ଜାନାଇ କରି, ଜିଉଦିମନ୍କେ ଆରାଇଲା ।

୧୯

ଏପିସିସ୍ ପାଉଲ୍

୧ ଆପଲ୍ କରନ୍ତିଏ ରଇଲାବେଲେ, ପାଉଲ୍ ସେ ରାଇଜର୍ ଉପର୍ ବାଗେ ବୁଲି ସାରାଇ, ଏପିସିସ୍ କେଟ୍ଲା । ତେଇ ସେ କେତେଟା ସିସ୍ମାନ୍କେ ବେଟ୍ ଅଇଲା । ୨ ସେମନ୍କେ ପାଟାରୁଲା “ତମେ ବିସ୍ବାସି ଅଇବା ବେଲାଇ ସୁକଲ୍ ଆଡ଼ମା ପାଇରଇଲାସ୍ କି ?”

ସେମନ୍ କଇଲା, “ସୁକଲ୍ ଆଡ଼ମା ଆଟେ ବଲି ଆମେ କେବେ ମିସା ସୁନ୍ ନାଇ ।” ୩ ପାଉଲ୍ ପାଟାରୁଲା, “ସେନ୍ତି ଆଲେ ତମେ କେନ୍ତାରି ତୁବନ୍ ନେଇ ଆତାସ୍ ?”

ସେମନ୍ କଇଲା, “ତୁବନ୍ ଦେଉ ଜଅନର୍ ତୁବନ୍ ।”

୪ *ପାଉଲ୍ କଇଲା, “ଜନ୍ ଲକ୍ମନ୍ ପାପେଅନି ବାଉଡ଼ି ରଇଲା, ଜଅନର୍ ତୁବନ୍ ସେମନର୍ ପାଇ ଟିକ୍ ରଇଲା । ମାତର୍ ତାର୍ପଟେ ଜେ ଆଇବାର୍ ରଇଲା, ଜନ୍ଟା କି, ଜିସୁ, ତାର୍ ଲଗେ ବିସ୍ବାସ୍ କର୍ବାକେ, ଜଅନ୍ ଇସ୍ରାଏଲ୍ ଲକ୍ମନ୍କେ କଇରଇଲା ।”

୫ ଏଟା ସୁନି ସେମନ୍ ମାପୁର୍ ଜିସୁର୍ ନାଉଁ ଦାରି ତୁବନ୍ ନେଲା । ୬ ପାଉଲ୍ ସେମନର୍ ଉପରେ ଆଡ଼ ଟିଇଲା ଆରି ସୁକଲ୍ ଆଡ଼ମା ତାକର୍ଟାଣେ ଉଡ଼ରୁଲା । ସେମନ୍ ବିନ୍ ବିନ୍ ବାସାଇ କାତା କଇଲା ଆରି ପରମେସରର୍ ସୁବ କବର୍ ଜାନାଇଲା । ୭ ସେମନ୍ ମୁନ୍ସ ପିଲା ବାର ଲକ୍ ରଇଲା ।

୮ ତାର୍ ପଟେ ପାଉଲ୍ ତିନ୍ ମାସ୍ ଜାକ ନ ଡର୍ତ୍ତେ ପାର୍ତ୍ତନା ଗରେ କାତାବାର୍ କରି ପରମେସରର୍ ରାଇଜ୍ ବିସଇ ସେମନର୍ ମନେ ବିସ୍ବାସ୍ ଜନ୍ମାଇବାକେ ଚେସ୍ଟା କଲା । ୯ ମାତର୍ ସେମନର୍

* ୧୯:୪ ୧୯:୪ ମାତିର ୩:୧୧; ମାତ୍ ୧:୪,୭,୮; ଲୁକ୍ ୩:୪,୧୭; ଜଅନ୍ ୧:୨୭,୨୭

ବିତ୍ତରେଅନି କେତେକ ଲକ୍ଷ୍ମୀ ମନ ଡାକ୍ତ ରଇଲା । ସେମାନ ବିସ୍ୱାସ୍ୟ କରନ୍ତୁନା । ଦଲ୍ଲଟ୍ ସବୁ ଲକ୍ଷ୍ମୀ ମୁଆଟେ ସେମାନ ମାପୁରୁର୍ ବାଟ୍ ବିସଜନେଇ, ତିପୁଲ୍ କାତା କଇଲା । ସେଟାପାଇ ପାଉଲ୍ ସେମାନକେ ଚାଡି, ବିସ୍ୱାସ୍ୟମାନକେ ନେଇ, ସବୁ ଦିନ୍ ଚିରାନ୍ୟ ନାଉର୍ ଗରେ ନିଆଇ କର୍ବାର୍ ଦାଢ଼ଲା ।^{୧୦} ଏଟା ଦୁଇ ବରସ୍ୟ ଦାରି ଚାଲିଲା । ରମ୍ ଦେସର୍ ଆସିଆ ଦେସେ ବାସା କରିରଇବା ବେସି ଜିଉଦି ଆରି ଗିରିକ୍ ଲକ୍ଷ୍ମୀ ମାପୁରୁର୍ ବାକିଅ ସୁନ୍ଲା ।

ଏସକେବାର୍ ପଅମନ୍

^{୧୧} ପରମେସର୍ ପାଉଲ୍ ଚେତେଇଅନି ବେସି ବଡ଼ ବଡ଼ କାବାଅଇଜିବା କାମ୍ମାନ କଲା ।^{୧୨} ଏକ୍ତି କି ପାଉଲ୍ ପୁଟିଅଇବା ଉର୍ମାଲ୍ ଆରି ବସ୍ତର୍ ରଗିମାନର୍ ଲଗେ ନେଲେ, ସେମନ୍ ନିମାନ୍ ଅଇତେ ରଇଲା । ସେମାନର୍ ଗାଗତେଅନି କାରାପ୍ ଆଡ଼ମାମନ୍ ସବୁ ବାରଇଜାଇତେ ରଇଲା ।^{୧୩} କେତେଟା ଏନେତେନେ ବୁଲିବା ତୁମା ଚାତାଇବା ଜିଉଦିମନ୍ ମିସା, ଜିସୁର୍ ନାଉଁ ଦାରି ତୁମା ଚାତାଇବାକେ ଚେସ୍ଟା କଲା । ସେମନ୍ କାରାପ୍ ଆଡ଼ମାମନ୍କେ କଇତେ ରଇଲା, “ପାଉଲ୍ ଜାନାଇବା ଜିସୁର୍ ନାଉଁ ଦାରି ତକେ ଆଦେସ୍ ଦେଲିନି ।”^{୧୪} ଏସକେବା ନାଉଁ ଗଟେକ୍ ଜିଉଦି, ବଡ଼ ପୁଜାରିର୍ ସାଡ଼ଟା ପିଲାମନ୍, ଏ ରକାମ୍ କର୍ତେ ରଇଲା ।

^{୧୫} ମାତର୍ କାରାପ୍ ଆଡ଼ମା ସେମନ୍କେ କଇଲା, “ମୁଇ ଜିସୁକେ ଜାନି ଆରି ପାଉଲ୍କେ ଚିନ୍ଲି ଆରି, ମାତର୍ ତମେ କେ ?”

^{୧୬} କାରାପ୍ ଆଡ଼ମା ଦାରିରଇଲା ଲକ୍ଷ୍ମୀ, ସେମନ୍କେ ଦାରି ଚାକ୍ତର୍ କରି ପାକାଇଲା । ସେମାନର୍ ଲୁଗାପଟିଆ ଚିରି ତୁମା କରଦେଲା । ସେମନ୍ କଣ୍ଡିଆ ବଣ୍ଡିଆ ଅଇ ତାର୍ ଗରେଅନି ବାରଇ ପାଲାଇଲା ।^{୧୭} ଏପିସେ ବାସାଅଇରଇବା ଜିଉଦି ବିସ୍ୱାସ୍ୟମନ୍ ଆରି ଗିରିକ୍ ଲକ୍ଷ୍ମୀମନ୍, ଏ ବିସଇ ସୁନି ଡରିଗାଲା ଆରି ତେଇ ମାପୁରୁ ଜିସୁର୍ ନାଉଁ ଅଦିକ୍ ତାକ୍ପୁଟା ଅଇଲା ।^{୧୮} ବିସ୍ୱାସ୍ୟମାନର୍ ବିତ୍ତରେଅନି ବେସି ଲକ୍ଷ୍ମୀ ସବୁର୍ ମୁଆଟେ ନିଜେ କଲା କାରାପ୍ କାମ୍ ମାନ୍ଲା ।^{୧୯} ପାଞ୍ଜନ୍ ବିଦିଆ ଅବିଆସ୍ କର୍ତେରଇବା ବେସି ଲକ୍ଷ୍ମୀମନ୍ ତାକର୍ ବଇମନ୍ ଆନି ବୁଲିଆଇକରି ସବୁ ଲକ୍ଷ୍ମୀ ମୁଆଟେ ପତାଇ ଦେଲା । ସବୁ ମିସିକରି ସେମାନର୍ ବଇର୍ ଦାମ୍ ପଗାସ୍ ଅଜାର୍ ରୁପାଟାଙ୍ଗା ଏଡ଼କି ରଇଲା ।^{୨୦} ଏକ୍ତିବାବ୍ରେ ପରମେସରର୍ ବାକିଅ ଅଦିକ୍ ଅଦିକ୍ ଗୁଲାଇବାଟେ ଉଡ଼ା ଅଇଜାଇ ଅଦିକ୍ ବପୁ ଅଇବାର୍ ଦାଢ଼ଲା ।

ଏପିସସତେଇ କିରମାର

^{୨୧} ଏ ସବୁ ଗଟ୍ଟନା ପଟେ ପାଉଲ୍ ମାସିଦନିଆ ଆରି ଆକାୟା ବାଟ୍ ଦେଇ ଜିସୁଆଲମେ ଜିବାକେ ଚିକ୍ କଲା । ସେ କଇଲା, “ତେଇ ଗାଲା ପଟେ, ମୁଇ ରମ୍ ଦେସେ ମିସା ଜିବାର୍ ଆଟେ ।”^{୨୨} ସେଟାପାଇ ସେ ତାର୍ ଦୁଇଟା ସଙ୍ଗାରି, ତିମତି ଆରି ଏରାସ୍ତସ୍ତକେ ମାସିଦନିଆଇ ପାଟାଇଲା, ମାତର୍ ସେ ନିଜେ ଆସିଆ ଦେସେ ଆରି କେତେ ଦିନ ରଇଲା ।

^{୨୩} ଏଡ଼କି ବିତ୍ତରେ ମାପୁରୁ ଦେକାଇରଇବା ବାଟ୍ ବିସଇ ନେଇ, ଗଟେକ୍ ବେସି ବଡ଼ ଗଣ୍ଡଗଲ୍ ଅଇବାଟା ଉବଜଲା ।^{୨୪} ଦିମିତିରିୟ ନାଉଁ ଗଟେକ୍ ରୁପାର୍ ପୁଡ଼ଲା ତିଆର୍ କରୁ, ଆର୍ତେମି ଦେବିର୍ ମନ୍ଦିରେ ପୁଡ଼ଲା ତିଆର୍ କର୍ତେ ରଇଲା । ଏନ୍ତାରି ବେବାଟକରି ପୁଡ଼ଲା ତିଆର୍ କରୁମନ୍, ବେସି ଲାବ୍ ପାଇତେ ରଇଲା ।

^{୨୫} ସେଟାପାଇ ସେ ତାର୍ ସଙ୍ଗା ବେବାରିମାନକେ ରୁଣ୍ଡାଇକରି କଇଲା, “ଆଗିଆମନ୍, ଏ ବେବାର୍ ଆମ୍ମକେ ସାଉକା କଲାଆଟେ ବଲି ସବୁ ଲକ୍ଷ୍ମୀ ଜାନାସ ।”^{୨୬} ଏବେ, ଏ ଲକ୍ଷ୍ମୀ ପାଉଲ୍ କାଇଟା କଲାନି, ସେଟା ତମେ ନିଜେ ଦେକିପାରୁଲାସିନି ଆରି ସୁନି ପାରୁଲାସିନି । ସେ କଇଲାମାନି, ଲକ୍ଷ୍ମୀ ଆଟେ ତିଆର୍ କଲା ଦେବତା ସବୁ ବିଲ୍ଲକ୍ଷ୍ମୀ ଦେବତା ନଅଡ଼ । ସେ ଇତି ଏପିସେ ଆରି ସବୁ ଆସିଆ ଦେସେ ବେସି ଲକ୍ଷ୍ମୀମନ୍କେ ଏ ବିସଇ କଇ ଉସ୍ତାକାଇଲାନି ।^{୨୭} ସେଟାପାଇ ଆମର୍ ବେବାର୍ ବୁଡ଼ିଜିବାର୍ ଉପରେ ଆଟେ । କାଲି ସେଡ଼କି ନର୍ସ, ଜନ୍ ଦେବି ଆସିଆଇ ଆରି ଗୁଲାଇ ଜଗତେ ସବୁର୍ଟାନେଅନି ପୁଜାପାଇସି, ସେ ତାକ୍ପୁଟା ଆର୍ତେମି ଦେବି, ମନ୍ଦିରର୍ ତାକ୍ପୁଟା ଆରି ନ ରଏ, ଆରି ଆର୍ତେମି ଦେବିର୍ ମରଜିତା ନସ୍ଟ ଅଇସି ।”

^{୨୮} ଲକ୍ଷ୍ମୀମନ୍ ଏ କାତା ସୁନି ରିସା ଅଇଗାଲା ଆରି ଆଉଲିଅଇ କଇଲା, “ଏପିସିୟର୍ ଆର୍ତେମି ବଡ଼ଦେବିର୍ ତାକ୍ପୁଟା ଅ !”^{୨୯} ଏ ଗଣ୍ଡଗଲ୍ ଅଇଲାଟା ଗୁଲାଇ ନଅରେ କେଟିଗାଲା । ଲକ୍ଷ୍ମୀମନ୍ ପାଉଲ୍ ସଙ୍ଗା ରଇବା ମାକିଦନିଆର୍ ଗାୟ ଆରି ଆରିସ୍ତାକସ୍, ଦୁଇଲକ୍ଷ୍ମୀକେ ଦାରି, ଦାପ୍ରେ ଜୁଇଦ୍ ବାଟେ ପାଲାଇଲା ।^{୩୦} ତେଇ ପାଉଲ୍ ଏକ୍ଲାସେ ଲକ୍ଷ୍ମୀମନ୍ ବିତ୍ତରେ ଜିବାକେ ମନ୍କଲା । ମାତର୍

ବିସ୍ବାସୀମାନଙ୍କୁ ତାଙ୍କେ ବିତ୍ତରେ ଜିବାକେ ଚାତୁନ୍ତନାଇ । ୩୧ ଆସିଆ ରାଜଜର୍ କେତେଟା ମୁକ୍ତିଆ ସାସନ୍ କାରିଆମନ୍ ମିସା ପାଉଲ୍ଲର୍ ମଇତର୍ ରଇଲାଇଜେ, ପାଉଲ୍ଲକେ ଜୁଇଦ୍ ପତିଆଇ ନ ଜାଅ ବଲି, କବର୍ ପାଟାଇଲାଇ । ୩୨ ଏଡ଼କ୍ ବିତ୍ତରେ ରୁଣ୍ଡିରଇବା ସବୁ ଲକ୍ ରିସା ଅଇଜାଇରଇଲାଇ । ଲକ୍ମନ୍ ଦଲ୍ଲଦଲ୍ ଅଇକରି ଏକାତା, ସେ କାତା କଇକଇ କରି ଆଉଲିଅଇ ଜାଇତେ ରଇଲାଇ । ମାତର୍ ସେମନ୍ ବିତ୍ତରେଅନି କେତେକ ଲକ୍, କାଇକେ ରୁଣ୍ଡିଆଚ୍ଚ ବଲି ନାଜାନିରଇଲାଇ । ୩୩ ସେମନ୍ ବିତ୍ତରେଅନି କେତେକ ଲକ୍ ଏଟାର୍ପାଇ ଆଲେକ୍ତାଣ୍ଡ୍ରାକେ ଦାଇ କଲାଇ । କାଇକେବଇଲେ ଜିଉଦି ଲକ୍ମନ୍, ଆଗ୍ତୁ ତାକେ ଚିଆ କରାଇରଇଲା । ଆଲେକ୍ତାଣ୍ଡ୍ରା ଲକ୍ମନ୍କେ ଆର୍ଚ୍ଚକି ଚିମରାଇଅଇ ରଇବାକେ କଇଲା ଆରି ତାର୍ ବାସନ୍ତାନେ ବିସ୍ବାସୀମନ୍ ବାଟେ ଅଇକରି ବୁଜାଇବାକେ ଚେସ୍ତା କଲା । ୩୪ ମାତର୍ ସେ ଗଟେକ୍ ଜିଉଦିଲକ୍ ବଲି ଜାନିକରି ଲକ୍ମନ୍ ଏକାତରେକ୍ ଆଉଲିଅଇକରି “ଆର୍ଚ୍ଚକି ଦେବିର୍ ଜୟ ଜୟ ଅ !” ବଲି ଦୁଇ ଗଟା ଜାକ ଆଉଲି ଅଇ ରଇଲାଇ ।

୩୫ ପଟେ ନଅରର୍ ଅଦିକାରେ ରଇବା ଗଟେକ୍ କାମ୍ବରୁ, ଲକ୍ମନ୍କେ ବୁଜା ସୁଜା କରି ଚିମରା କଲା ଆରି କଇଲା, “ଏ ଏପିସ୍ତୟର୍ ବାଇମନ୍, ଏପିସ୍ତୟ ନଅରେ ବଡ଼ଦେବି ଆର୍ଚ୍ଚକିମ୍ବ୍ ମନ୍ଦିର୍ ଆରି ଆକାସେଅନି କସରି ଆଇଲା ସୁକଲ୍ ପାକ୍ନା ରକିଆ କର୍ବା ଦାଇଦ୍, ଏପିସ୍ତୟ ନଅରେ ରଇବା ଲକ୍ମନ୍ । ୩୬ କେ ମିସା ଏଟା ନଏ ବଲି କଇନାପାର୍ଚ୍ଚ । ସେଟାର୍ ପାଇ ତମେ ସବୁ ଲକ୍ ଚିମରାଇ ଉଆ । କାଇକାମ୍ ମିସା ବକୁଆପାରା କରାନାଇ । ୩୭ ଏ ଲକ୍ମନ୍ ମନ୍ଦିରେଅନି କାଇଟା ଚରି କରନ୍ ନାଇ, କି ଆମର୍ ଦେବିର୍ ବିରଦେ, କାଇମିସା କାରାପ୍ କାତା କଅଡ଼ ନାଇ, ଏଲେମିସା ତମେ ଏମନ୍କେ ଦାରି ଆନିଆବାସ୍ । ୩୮ ଜଦି ଦିମିତିରିୟ ଆରି ତେଇର୍ ପୁଡ଼ଲା ତିଆର୍କରୁମନ୍କେ, କାର୍ ବିରଦେ ଦାବାକର୍ବାଟା ଆଚେ, ସେଟା ବିଚାର୍ କର୍ବାକେ ଆମର୍ ଲକ୍ମନ୍ ଆଚଡ଼ । ଆରି ବିଚାର୍ ଅଇବା ଗଟେକ୍ ଦିନ୍ ଆଚେ । ତେଇ ସେ ଦାବା ବିସଇ କଇପାରାସ୍ । ୩୯ ଜଦି ଆର୍ଚ୍ଚକେଅନି ଆରି ଅଦିକ୍ କାଇଟା ଜାନ୍ବାକେ ମନ୍ କଲାସ୍ତାନି, ତେବେ ଲକ୍ମନ୍ ଚିକ୍କଲା ନିୟମର୍ ସବାଇ, ସେଟା ଚିକ୍ କରାଅଇସି । ୪୦ ଆଜି ଜାଇଟା ଗଟ୍ଟଲା ଆଚେ, ତେଇ ଗଣ୍ଡଗଲ୍ କର୍ବା ଆରି ଦାବା କର୍ବା ବିସଇ ଆମର୍ ବିରଦେ କାତା ଉଚିପାରେ । ଏ ଗଣ୍ଡଗଲ୍ କାଇମିସା କାରନ୍ ଦେକାଇ ନାପାରୁ ।” ୪୧ ଏ ସବୁ କାତା କଇ ସେ ଲକ୍ମନ୍କେ ଚିମରା କରାଇ ସବା ସେସ୍ କଲା ।

୨୦

ପାଉଲ୍ ମାସିଦନିଆ ଆରି ଆକାୟା ଜିବାଟା

୧ ଗଣ୍ଡଗଲ୍ ବନ୍ଦ୍ ଅଇଲା ପଟେ, ପାଉଲ୍ ବିସ୍ବାସୀମନ୍କେ ଗଟେକ୍ତେଇ ରୁଣ୍ଡାଇ ସାର୍ଦାର୍ କାତା ସୁନାଇଲା । ସେମନ୍କେ ଜିବିବେ ବଲି କଇ, ତେଇଅନି ବାରଇ ମାକେଦନିଆଇ ଗାଲା । ୨ ତେଇର୍ ସବୁ ଜାଗାଇ ଗାଲା, ଆରି ବେସି ଲକ୍ମନ୍କେ ଉପ୍ଦେସ୍ ଦେଇ, ସାର୍ଦା କରାଇଲା, ତାର୍ପଟେ ସେ ଗିରିସେ ଗାଲା । ୩ ତେଇ ସେ ତିନ୍ ମାସ୍ ରଇଲା, ଆରି ସିରିଆଇ ଜିବାକେ ତିଆର୍ ଅଇଲାବେଲେ, ଜିଉଦିମନ୍ ତାକର୍ ବିରଦେ କୁର୍ପାଠାଇଲାନି ବଲି କବର୍ ପାଇ ମାକିଦନିଆବାଟେ ବାଉଡି ଜିବାକେ ଚିକ୍ କଲା । ୪ ବେରିଆତେଇ ରଇବା ପୁରର୍ ପଅ ସପାତର୍, ତେସ୍ଲାନିକିୟ ଆରିସ୍ତାକାସ୍ ଆରି ସେକୁଦ୍, ଦର୍ବିର୍ ଗାୟ, ଏସିଆ ଦେସର୍ ତୁକିକ୍, ତର୍ପିମ୍ ଆରି ତିମତି । ୫ ସେମନ୍ ଆଗ୍ତୁ ଜାଇ ତରିୟାଇ ଆମ୍ବକେ ଜାଗି ରଇଲାଇ । ୬ କମିର୍ ନ ପାକାଇ ରୁଟି କାଇବା ପରବର୍ ପଟେ, ଆମେ ପିଲିପେଅନି ପାନିଜାଜେ ଜାଇ ପାଠି ଦିନ୍ ପଟେ ତରୟାଇ ସେମନ୍ ସଙ୍ଗ୍ ମିସଲ୍ ଆରି ତେଇ ଗଟେକ୍ ଆଟ୍ ଜାକ ରଇଲୁ ।

ପାଉଲ୍ ତରୟାତେଇ ସାରାସାରି ଜାକ ରଇବାଟା

୭ ଆଚର୍ ପର୍ତୁମ୍ ଦିନ୍ ସଞ୍ଜବେଲାଇ ଆମେ ସବୁଲକ୍ ମିସି କାଇବାକେ ରୁଣ୍ଡଲୁ । ପାଉଲ୍ ଲକ୍ମନ୍କେ ମଜାରାତି ଜାକ ଉପ୍ଦେସ୍ ଦେଲା । କାଇକେବଇଲେ ତାର୍ ଆର୍ଚ୍ଚକି ଦିନେ ସେ ଜାଗା ଚାଡି ଜିବାଚ୍ ରଇଲା । ୮ ଜନ୍ ଉପର୍ ତାଲାର୍ ବାକ୍ତରା ଆମେ ସବା କରତେ ରଇଲୁ, ତେଇ ବେସି ବତିମନ୍ ଲାଗିରଇଲା । ୯ ତେଇ ଇଉଟିକସ୍ ନାଉର୍ ଗଟେକ୍ ଦାଙ୍ଗ୍ତା କିଡ଼କି ଲାଗେ ବସି ରଇଲା । ପାଉଲ୍ କାତା କଇବା ବେଲାଇ, ତାକେ ଗୁନ୍ ଡାବି ଆଇଲା, ସେ ଗୁନ୍ ଲାଡେ, ତିନ୍ତାଲାର୍ ଗର୍ ଉପ୍ରେଅନି ତଲେ ଅଦ୍ରିଦେଲା । ସେମନ୍ ତାକେ ଉଚାକିବା ବେଲାଇ, ସେ ମରିଜାଇରଇଲା । ୧୦ ମାତର୍ ପାଉଲ୍ ତଲ୍ଲକେ ଉଡ଼ିଆସି ତାକେ ପାଟାଲି, ଦାରି କଇଲା, “ତରା ନାଇ । ତାକେ ଜିବନ୍ ଆଚେ ।” ୧୧ ତାର୍ପଟେ ସେ ଉପ୍ରେ ବାଉଡିଜାଇ ରୁଟି ବାଙ୍ଗାଇ କାଇଲା, ଆରି ବେଲ୍ ଉଦ୍‌ବାଜାକ ସେମନ୍ ସଙ୍ଗ୍ ବେସି

କାତାବାହୁଡ଼ା ଅଇ ତେଇଅନି ବାରଇଲା । ୧୨ ଲକ୍ମନ ଦାଙ୍ଗଡ଼ାକେ ଜିବନ୍ ରଇଲାଟା ଦେକି ତାର୍ ଗରେ ଦାରିଗାଲାଇ ଆରି ସାର୍ଦ୍ଦା ଅଇଲାଇ ।

ତରୟାଇ ଅନି ମିଲିଟସେ ଜିବାଟା

୧୩ ଆମେ ଆଗତୁ ଜାଜେ ଚଗି, ଆସସେ ଜିବାକେ ବାରଇଲୁ । ତେଇଅନି ଆମେ ପାଉଲକେ ଜାଜେ ନେଇଜିବାକେ ଟିକ୍ କରିରଇଲୁ । କାଇକେବଇଲେ ସେ ସମ୍ପଦୁରବାଟେ ଜାଇ, ସେ ଜାଗାଇ କେଟ୍ଟି ବଲି କଇରଇଲା । ୧୪ ସେ ଜେଡେବେଲା ଆମକେ ଆସସେ ବେଟ୍ ଅଇଲା, ଆମେ ତାକେ ଜାଜେ ଚଗାଇ ମିଡିଲିନି ଜାଗାଇ ଗାଲୁ । ୧୫ ତେଇଅନି ଆରି ଜିବାହୁଡ଼ା ତାର୍ ଆରକର୍ ଦିନେ କିଅସ୍ ଲଗେ କେଟ୍ଟୁ । ତାର୍ ଆରକର୍ ଦିନେ ମିଲିଟସେ କେଟ୍ଟୁ । ଆରି ଗଟେକ୍ ଦିନ୍ ପଟେ ଆମସେ କେଟ୍ଟୁ । ତାର୍ ଆରକର୍ ଦିନେ ମିଲିଟସେ କେଟ୍ଟୁ । ୧୬ ଆସିଆ ରାଇଜେ ଆରି ବେସି ଦିନ୍ ନ ରଇକରି, ଏପିସସ୍ କଣ୍ଡିକଣ୍ଡି ଜାନ୍ ଚାଲାଇବାକେ ପାଉଲ୍ ଟିକ୍ କଲା । ଜଦି ଅଇପାର୍ସି, ପେନ୍ତିକସ୍ ଦିନେ ଜିରୁସାଲମ୍ କେଟ୍ଟବାକେ ସେ ତେରପେଡେ ଅଇତେ ରଇଲା ।

ଏପିସି ମଣ୍ଡଲିର୍ ନେତାମନକେ ପାଉଲର୍ ପାଟାଇବା କାତା

୧୭ ପାଉଲ୍ ମିଲିଟସେଅନି ଏପିସି ମଣ୍ଡଲିର୍ ପାର୍ଟିନ୍ ମନକେ ତାର୍ ସଙ୍ଗ୍ ମିସ୍ବାକେ ଡାକାଇଲା । ୧୮ ସେମନ୍ ଆସି କେଟ୍ଟଲାକେ ପାଉଲ୍ କଇଲା, “ରମିୟ ରାଇଜର୍ ଆସିଆଇ କେଟ୍ଟଲା ପର୍ତ୍ତୁମ୍ ଦିନେଅନି, କେନ୍ତ୍ର ତମର୍ ସଙ୍ଗ୍ ବେସି ବେଲା କାଟାଇଲି ଆଟି, ସେଟା ତମେ ଜାନିଆଟାସ୍ । ୧୯ ଜିଉଦିମନ୍ କୁଟ୍ ପାଁଟନାର୍ ଲାଗି, ମକେ ଜନ୍ ଦୁକ୍ କସଟ୍ ପାଇକରି ମୁରବବାକେ ପଡ଼ଲା, ସେ ବିତ୍ତରେ ମୁଇ ପରମେସରର୍ ସେବାକାରିଆ ଇସାବେ ଆଁସୁପାନି ଜଡାଇ, ମୁଣ୍ଡ ତଲେକରି, କାମ୍ କଲିଆଟି । ୨୦ ତମେ ଜାନିଆଟାସ୍, ଲକ୍ମନର୍ ଲଗେ କବର୍ ଜାନାଇଲାବେଲେ ଆରି ତମର୍ ଗର୍ମନକେ ଉପଦେସ୍ ଦେଲାବେଲେ, ତମର୍ ଉପକାର୍ ଅଇଲାପାରା କାଇ ବିସଇ ମିସା ଜାନାଇବାକେ ମୁଇ ଦୁଇମନିଆ ଅଇନାଇ ।” ୨୧ ଜିଉଦି ଆରି ଗିରିକ୍ ଲକ୍ମନକେ ସବୁକେ ମୁଇ ତାଟ୍ ସଙ୍ଗ୍ ଜାଗରତ୍ ରଇବା କାତା ସୁନାଇ ରଇଲି, ଜେନ୍ତାରିକି, ସେମନ୍ ପାପେଅନି ବାଉଡିକରି ପର୍ମେସରର୍ ବାଟେ ମନ୍ ଦେଅଟ୍ ଆରି ମାପୁରୁ ଜିସୁକେ ବିସ୍ବାସ୍ କରଟ୍ । ୨୨ ଏବେ ସୁକଲ୍ ଆଡ଼ମାର୍ ଚାଲୁନାଦେଲା ଆଦେସ୍ ମାନିକରି, ମୁଇ ଜିରୁସାଲମେ ଗାଲିନି । ତେଇ ମକେ କାଇଟା ଅଇସି ନାଜାନି । ୨୩ ସୁକଲ୍ ଆଡ଼ମା ମକେ ଜାଗରତ୍ କରିଦେଇ ଆଟେ ଜେ, ମୁଇ ସବୁ ନଅରେ ବନ୍ଦି ଗରେ ରଇକରି କସ୍ଟ ପାଇବି । ୨୪ ମର୍ ପର୍ମେସରର୍ ଜିବନ୍, ମର୍ ପାଇ, ମୁଇ ଇନ୍ କଲିନି । ପର୍ମେସରର୍ ଜିବନ୍ ଦୁକାଇଲା ବିସଇ ଆରି ମାପୁରୁ ଜିସୁ ଜନ୍ କାତା ଜାନାଇବାକେ ମକେ ଦାଇତ୍ ଦେଲାଆଟେ, ସେଟା ସାରାଇବି ଆରି ସୁବ୍ କବର୍ ଜାନାଇବାଟା ପୁରାପୁରୁନ୍ କରବି । ଏଡକି ସେ ମୁଇ ମନ୍ କଲିନି ।

୨୫ “ପର୍ମେସରର୍ ରାଇଜ୍ ବିସଇ ଜାନାଇବାକେ ମୁଇ ତମର୍ ସବୁ ଲକର୍ ଲଗେ ଜାଇଆଟି । ଏବେ ମୁଇ ଜାନିଆଟି, ତମର୍ ବିତ୍ତରେଅନି କେମିସା ମର୍ ମୁଁ କେବେ ଦେକି ନାପାରାସ୍ । ୨୬ ତେବର୍ପାଇ ଆଜି ବେଲା ମିଲିଲା ଆଟେ ବଲି ମୁଇ ତାଟ୍ ସଙ୍ଗ୍ ତମକେ ଜାନାଇଲିନି । ତମର୍ ବିତ୍ତରେଅନି କେ ଜଦି ବାଟ୍ ବାନା ଅଇଗାଲେ, ସେଟାପାଇ ମୁଇ ଦାଇ ନଇ । ୨୭ କାଇକେବଇଲେ ତମର୍ଟାମେ ପର୍ମେସରର୍ ସବୁଜାକ ଆଦେସ୍ ଜାନାଇବାକେ, ମୁଇ ଦୁଇମନିଆ ଅଇନାଇ । ୨୮ ତେବର୍ପାଇ ତମେ ନିଜର୍ ବିସଇ ଆରି ସୁକଲ୍ ଆଡ଼ମା ତାର୍ ସଟ୍ ଗିଆନେ ଜନ୍ ବିସ୍ବାସି ମାନ୍ଦାକେ ଦେକାରକାପାଇ ଚାଡିଦେଇ ଆଟେ, ସେ ସବୁ ବିସଇଟାମେ ଜାଗରତ୍ ଉଆ । ମେଣ୍ଡା ଚାରାଇ ଗଉଡ଼ପାରା ପରମେସରର୍ ମଣ୍ଡଲିର୍ ଜଡନ୍ ନିଆ । ସେ ମଣ୍ଡଲିକେ ପରମେସରର୍ ତାର୍ ନିଜର୍ ବନିଦେଇ ଗୋନିଆଟେ । ୨୯ ମୁଇ ଜାନିଆଟି, ମୁଇ ଗାଲାପଟେ ତମର୍ ବିତ୍ତରେ ଅପର୍ବଲ୍ ଗଦତୁରକାମନ୍ ଆଇବାଇ ଆରି ମେଣ୍ଡାସିକେ ଚିନ୍ ଚଡର୍ କରିସେ ଚାଡ଼ବାଇ । ୩୦ ବେଲା ଆଇସି, ତମର୍ ନିଜର୍ ଦଲର୍ କେତେ ଲକ୍ ବିସ୍ବାସିମନକେ ମିଟ୍ କାତା କଇ ତାକର୍ ବାଟେ ଡାକି ନେବାଇ । ୩୧ ସେ ବେଲେ ତମେ ଜାଗରତ୍ ଅଇ ରୁଆ । ମୁଇ ତିନ୍ ବରସ୍ ଜାକ ଦିନ୍ ରାଡି ଆଁସୁପାନି ଜରାଇ, ତମକେ ଗଟେକ୍ ଗଟେକ୍ କରି, ସବୁ ଲକ୍କେ ସିକାଇ ଆଟି, ଏ କାତା ଏଡାଇରୁଆ ।”

୩୨ “ଏବେ ମୁଇ ତମକେ ପରମେସରକେ, ଆରି ତାର୍ ଜିବନ୍ ଦୁକାଇବା ବାଜିଅଟାମେ ସର୍ପି ଦେଲିନି । ସେ ବାକିଅ ତମକେ ତାଟ୍ କରାଇସି ଆରି ପରମେସରର୍ ଲକ୍ମନର୍ ପାଇ ଅଇବା ସବୁ ଆସିର୍ବାଦ୍ ତମକେ ଦେଇପାର୍ସି । ୩୩ ମୁଇ କାର୍ ସୁନା, ରୁପା କି ଲୁଗାପଟିଆ ମିଲାଇବି ବଲି ଆସା କରିନାଇ । ୩୪ ମର୍ ଏ ଦୁଇଟା ଆତେ କସ୍ଟ କରି, ମର୍ ପାଇ ଆରି ମର୍ସଙ୍ଗ୍ ରଇବାଲକର୍ ପାଇ, ଦର୍କାର୍ ରଇଲାଟା

ପୁରାପୁରୁନ୍ କଲିଆରି ଏଟା ତମେ ଜାନିଆରାସ୍ ।^{୩୫} ମିଲାଲବାଟାନେଅନି ଦାନ୍ଦେଦେବାଟା ଅଦିକ୍ ସାର୍ଦଦାନ୍ଦ୍ ବିସଲ ଅଇରଇସି । ନିଜେ ଜିସୁ ମାପୁରୁ ଏ ବାକିଅ ସୁମରନା କରିରଇଲା । ଏଣ୍ଡାରି କସ୍ଟ କାମେଅନି ନାପାରଲା ଲକ୍ମନକେ ସାଇଜ କର୍ବାର୍ ଆଟେ । ଏ ବିସଲ ମୁଇ ତମକେ ସବୁବେଲେ କରିଦେବାକାଆରି ।”

^{୩୬} ଏ ସବୁ କାତା କଇସାରାଇ ପାଉଲ୍ ସେମନର୍ ସଙ୍ଗ୍ ମାଣ୍ଡିକ୍ଟା ଦେଇ ପାର୍ତତନା କଲା ।
^{୩୭} ସବୁ ଲକ୍ କାନ୍ଦି କାନ୍ଦି କରି ପାଉଲ୍‌କେ ପାଟାଲିକରି ରୁମ୍‌ଟାଟ୍ କରି ପାଟାଇଦେଲା ।^{୩୮} ପାଉଲ୍ ସେମନକେ “ତମେ ଆରି ମକେ ଦେକିନାପାରାସ୍ ।” ବଲି କଇରଇଲାକେ, ସେମନ୍ ବେସି ମନ୍ଦୁକ୍ ଅଇଜାଇରଇଲା । ଲକ୍ମନ ପାଉଲ୍‌କେ ପାଟାଇ ଦେବାକେ, ଜାଜେ ନେଇ ଚାଡ଼ିଲା ।

୨୧

ପାଉଲ୍ ଜିରୁସାଲମେ ଜିବାଟା

^୧ ସେମନକେ ପାଟାଇଦେଇକରି ଆମେ ତେଇଅନି ଜାଜେ ଚରି ସିଦା କସ୍ ନାଉର୍ ଜାଗାଇ କେଟ୍ଲୁ । ତାର୍ ଆରକର୍ ଦିନେ ରଦେ କେଟ୍ଲୁ, ସମ୍‌ଦୁର୍ ପାଲି ପାଲି ଜାଇ ପାତାରା ନାଉର୍ ଜାଗାଇ ଗାଲୁ ।^୨ ତେଇଅନି ପିନିସିଆଇ ଜାଇତେ ରଇବା ଗଟେକ୍ ଜାଜେ ଚରି ଜିବାର୍ ଦାନ୍ତୁ ।^୩ ତାର୍‌ପଟେ ତିସ୍‌ତେରଇବା ସାଇପରସ୍ ନାଉର୍ ଗଟେକ୍ ଜାଗାଇ କେଟ୍ଲୁ । ତେଇଅନି ତାର୍ ଦକ୍‌ଣ୍ଡିଗ୍ ବାଟେ ଜାଇ ସିରିଆଇ କେଟ୍ଲୁ । ଆମେ ଚାୟର୍ ନାଉର୍ ଗଟେକ୍ ଜାଗାଇ, ପାନିଜାଜେଅନି ଉତ୍‌ରୁଲୁ, କାଇକେ ବଇଲେ, ଏ ଜାଜେଅନି ଦିନ୍‌ସୁମନ୍ ଉତ୍‌ରାଇବାର୍ ରଇଲା ।^୪ ତେଇ ଆମେ କେତେଟା ବିସ୍‌ବାସିମନର୍ ସଙ୍ଗ୍ ବେଟ୍ ଅଇ ସେମନର୍ ସଙ୍ଗ୍ ଗଟେକ୍ ଆଟ୍ ରଇଲୁ, ସୁକଲ୍‌ଆଡ଼ମାଟ୍ ଚାଲ୍‌ନା ପାଇକରି ସେମନ୍, ଜିରୁସାଲମେ ଜିବାକେ ପାଉଲ୍‌କେ ମନା କଲା ।^୫ ମାତର୍ ସେମନର୍ ସଙ୍ଗ୍ ଗଟେକ୍ ଆଟ୍ ରଇଲା ପଟେ, ଆମେ ସେମନକେ ଚାଡ଼ିକରି ଆମର୍ ବାଟେ ଉଡ଼ି ଆଇଲୁ । ଆମ୍‌କେ ପାଟାଇ ଦେବାକେ ସେମନ୍ ନିଜର୍ ନିଜର୍ ପିଲା ମାଲଜି ସଙ୍ଗ୍ ଗଡ଼ ବାଇରେ ରଇବା, ସମ୍‌ଦୁର୍ କଣ୍ଡିଜାକ ଆଇଲା । ତେଇ ଆମେ ସବୁ ଲକ୍ ମାଣ୍ଡିକ୍ଟା ଦେଇ ପାର୍ତତନା କଲୁ ।^୬ ତାର୍‌ପଟେ ଆମେ ସେମନର୍ ସଙ୍ଗ୍, ଜୁଆର୍‌ବେଟ୍ ଅଇ ଜାଜେ ଚଗଲୁ, ସେମନ୍ ଗରେ ବାଉଡ଼ି ଗାଲା ।

^୭ ଆମେ ଚାୟରେଅନି ପାନିଜାଜେ ବାରଇ ପଢ଼ଲମା ନାଉର୍ ଜାଗାଇ କେଟ୍ଲୁ, ତେଇ ବିସ୍‌ବାସି ବାଇମନର୍ ସଙ୍ଗ୍ ଜୁଆର୍‌ବେଟ୍ ଅଇ ଗଟେକ୍ ଦିନ୍ ରଇଲୁ ।^୮ ଆରକର୍ ଦିନେ ଆମେ ସେ ଜାଗା ଚାଡ଼ି, ସିସେରିଆ ନାଉର୍ ଜାଗାଇ କେଟ୍ଲୁ, ତେଇ ମାପୁରୁର୍ କାତା ଜାନାଇବା, ପିଲିପ୍ ଗରେ ରଇଲୁ, ଜିରୁସାଲମେ ସେବା କର୍ବାକେ ବାଟାଇଅଇରଇବା ସାଡ଼ ଲକ୍ ବିଡ଼ରେଅନି, ପିଲିପ୍ ଗଟେକ୍ ଲକ୍ ରଇଲା ।^୯ ପିଲିପ୍ ଚାଡ଼ା ଦାଙ୍ଗ୍‌ଡ଼ି ଟକିମନ୍ ବିବା ନ ଅଇକରି ରଇଲା, ସେମନ୍ ପରମେସର୍ କଇଲା କାତା ଜାନାଇତେ ରଇଲା ।^{୧୦} ଆମେ ସେ ଜାଗାକ ବେସି ଦିନ୍ ରଇଲା ପଟେ, ଜିଉଦା ରାଇଜେଅନି ଆଗାବ୍ ନାଉର୍ ଗଟେକ୍ ବବିସ୍‌ବକ୍‌ତା ତେଇ ଆଇଲା ।^{୧୧} ସେ ଆମର୍ ଲଗେ ଆସି ପାଉଲ୍‌ର୍ ଆଟାବେତା ନେଲା, ତେଇ ସେ ନିଜର୍ ଆଟ୍ ଗଡ଼ ବାନ୍ଦି କରି କଇଲା, “ସୁକଲ୍‌ଆଡ଼ମା ମକେ ଜାନାଇଲା ଆଟେ ଜେ, ଏ ଆଟାବେତାଟ୍ ସାଉକାକ୍‌କେ ଜିରୁସାଲମାଟ୍ ଜିଉଦିମନ୍, ଏଡ଼ି ବାନ୍ଦି ଜିଉଦିନଇଲା ଲକ୍ମନକେ ସର୍ପିଦେବାଇ ।”

^{୧୨} ଏଟା ସୁନି ଆମେ ଆରି ସେ ଜାଗାଇ ରଇଲା ବିନ୍‌ଲକ୍‌ମନ୍, ପାଉଲ୍‌କେ “ଜିରୁସାଲମେ ନ ଜାଆ” ବଲି ବାବୁଜିଆ କଲୁ ।^{୧୩} ମାତର୍ ପାଉଲ୍ କଇଲା, “ତମେ ଏଟା କାଇଟା କଲାସିନ୍, କାଇକେ ଏଡ଼ି କାନ୍ଦାବୁବା ଅଇ ମର୍ ମନ୍ କିଲ୍‌ବିଲ୍ କଲାସିନ୍ ? ଜିରୁସାଲମା ଅବ୍‌କା ବାନ୍ଦାଇ ଅଇବାକେସେ ନାଇ, ମାତର୍ ମୁଇ ମାପୁରୁ ଜିସୁର୍ ପାଇ ମର୍ବାକେ ମିସା ରାଜି ଆରି ।”

^{୧୪} ଆମେ ତାକେ ବୁଜାଇ ନାପାରି, ତେଇଅନି ଚିମରାଇ ଅଇ କଇଲୁ “ମାପୁରୁ ମନ୍ କଲାଟା ପୁରାପୁରୁନ୍ ଅ ।”

^{୧୫} ତେଇ କେତେଦିନ୍ ରଇକରି, ଆମର୍ ଦିନ୍‌ସୁପତର୍ ସାଜାଡ଼ି ଜିରୁସାଲମେ ଜିବାକେ ବାରଇଲୁ ।
^{୧୬} ସିସେରିଆର୍ କେତେଟା ସିସମନ୍, ଆରି ସାଇପରସର୍ ମନାସନ୍ ନାଉର୍ ବିସ୍‌ବାସି ମିସା ଆମର୍ ସଙ୍ଗ୍ ଆଇଲା । ମନାସନ୍ ଗରେ ଆମେ ରଇବାକେ ଟିକ୍ ଅଇରଇଲା ।

ଜାକୁବର୍ ସଙ୍ଗ୍ ପାଉଲ୍ ବେଟ୍ ଅଇବାଟା

^{୧୭} ଜିରୁସାଲମାଟ୍ ବିସ୍‌ବାସି ବାଇମନ୍ ଆମ୍‌କେ ସାର୍ଦଦାସଙ୍ଗ୍ ଗଡ଼ିଆ କଲା ।^{୧୮} ତାର୍ ଆରକର୍ ଦିନେ ପାଉଲ୍ ଆମର୍ ସଙ୍ଗ୍ ଜାକୁବକେ ଦେକ୍‌ବାକେ ଗାଲା, ମଣ୍ଡଲିର୍ ସବୁ ପାର୍‌ଚିମନ୍ ତେଇ ରୁଣ୍ଡି

ରଇଲାଲ । ୧୯ ପାଉଲ୍ ସେମାନଙ୍କେ କ୍ରୁଆର୍ବେଟ୍ ଅଇ ତାକର୍ କାମେଅନି, ପରମେସର୍ ଜିଉଦିନଇଲା ଲକ୍ମନର୍ ବିତ୍ତରେ ଜାଇଟା କରିରଇଲା ତାର୍ ଗଟେକ୍ ଟିକିନିକିର୍ ତାଲିକା ଦେଲା । ୨୦ ତାର୍ କାତା ସୁନ୍ଲୀପଟେ ସେମନ୍ ସବୁ ଲକ୍ ପରମେସରର୍ ଡାକ୍ପୁଟା କଲାଲ । ତାର୍ପଟେ କଇଲାଲ, “ବାଇ ପାଉଲ୍, ତମେ ଦେକଲାସିନି, କେନ୍ତି, ଏବେ ଅଜାର୍ ଅଜାର୍ ଜିଉଦିମନ୍ ମାପରୁ ଜିସୁକେ ମାନ୍ଲାଲାନି ଆରି ସେମନ୍ ରିତିନିତି ମିସା ମାନ୍ଲାଲାନି । ୨୧ ସେମନ୍ କବର୍ ପାଇଆଡ଼ତ୍ ଜେ, ତମେ ଜିଉଦିନଇଲା ଦେସେ ବାସା ଅଇରଇଲା, ଜିଉଦିମନ୍କେ ମସାର୍ ରିତିନିତି ଚାଡ଼ିଦେବାକେ, ସେମନ୍ର୍ ପିଲାମନ୍କେ ସୁନ୍ତ୍ ନ କର୍ବାକେ ଆରି ଜିଉଦି ରିତିନିତି ନ ମାନ୍ବାକେ ସିକିଆ ଦେଲାସିନି । ୨୨ ତମେ ଇତି କେଟିଆଟାସ୍ ବଲି ସେମନ୍ ସତ୍ତସେ ସୁନ୍ବାଇ । ସେନ୍ତି ଆଲେ କାଇଟା କରିଅଇସି ? ୨୩ ଆମେ ମନ୍କଲୁନି ତମେ ଗଟେକ୍ କାମ୍ କରା ବଲି । ଇତି ରଇଲା ଚାରିଲକ୍ ଗଟେକ୍ ମାନଡ୍ କଲାଲଆଡ଼ତ୍ । ୨୪ ସେମନ୍ର୍ ସଙ୍ଗ୍ ଜାଆ । ସୁକଲ୍ ଅଇବା ବିଦି ମାନ୍ବାତେଇ ସେମନ୍ର୍ ସଙ୍ଗ୍ ମିସା ଆରି ସେମନ୍ର୍ କର୍ତା ଦେ । ତାର୍ପଟେ ସେମନ୍ ନିଜର୍ ନିଜର୍ ମୁଣ୍ଟୁ କୁରାଇ ଅଅଡ୍ । ଇତିଅନି ଜାନାପଡ଼ସି ଜେ, ତମର୍ ବିସଇ ବାରଇରଇବା କାଇମିସା କବର୍ ସତ୍ ନର୍, ମାତର୍ ତମେ ମସାର୍ ରିତିନିତି ଇସାବେ ଜିବନ୍ ଜିଇଲାସିନି । ୨୫ ଫାତର୍ ଜିଉଦି ନ ଅଇଲା ଲକ୍ମନ୍ ବିସ୍ବାସିଅଇଆଡ଼ତ୍ । ସେମନ୍କେ ଗଟେକ୍ ଟିତି ଲେକି ଉପଦେସ୍ ଦେଲୁଆରୁ ଜେ, ଆମର୍ କଇଲା କାତା ଇସାବେ, ସେମନ୍ ପୁଡ଼ଲାମନ୍କେ ବିରୁକଲା କାଦି ନ କାଅଡ୍, ବନି ନ କାଅଡ୍, ଚର୍ଚ୍ଚି ପିଚ୍ଚିକି ମରାଇରଇବା ପସୁର୍ ମାଉଁସ୍ ନ କାଅଡ୍ ଆରି ବିନ୍ ମାଇଜିମନ୍ର୍ ସଙ୍ଗ୍ ପାପ୍ କାମ୍ କର୍ବାଟାନେଅନି ଦୁରିକେ ରଅଡ୍ ।”

୨୬ ତାର୍ ପର୍ଦ୍ଦିନେ ପାଉଲ୍ ସେ ଚାର୍ ଲକ୍ ସଙ୍ଗ୍ ସୁକଲ୍ ଅଇବା ବିଦି ମାନ୍ଲା । ତାର୍ ପଟେ ସେ ମନ୍ଦିରେ ଜାଇ ସୁକଲ୍ ଅଇବା କାମ୍ କେବେ ସାଡ଼ସି, ଆରି କେଡେବଲ୍ ବିରୁ କର୍ବାଟା ଅଇସି, ସେଟା ଜାନାଇଦେଲା ।

ପାଉଲ୍ ମନ୍ଦିର୍ ବିତ୍ତରେ ବନ୍ଦି ଅଇଲା

୨୭ ଏ ସୁକଲ୍ ଅଇବା କାମର୍ ସାଡ଼ ଦିନ୍ ଗାଲା ପଟେ, ଆସିଆ ରାଇଜର୍ କେଡେଟା ଜିଉଦିମନ୍ ପାଉଲ୍କେ ମନ୍ଦିରେ ଦେକଲାଲ, ସେମନ୍ ତେଇ ରୁଣ୍ଡୁଲା ଲକ୍ମନ୍କେ ଉସକାଇକରି ପାଉଲ୍କେ ଦାରୁଲାଲ । ୨୮ ସେମନ୍ ଆଉଲି ଅଇକରି କଇଲାଲ, “ଏ ଇସ୍ରାଏଲର୍ ବାଇମନ୍ ଆମକେ ସାଇଜ କରା ! ଏ ଲକ୍ ଚାରିବାଟେ ଜାଇକରି ଇସ୍ରାଏଲ୍ ମନ୍ର୍ ବିରଦେ, ମସାର୍ ନିୟମ୍ ଆରି ଏ ମନ୍ଦିର୍ ବିରଦେ, ସିକିଆ ଦେଲାନି । ଏବେ କେଡେଟା ଗିରିକ୍ ଲକ୍ମନ୍କେ ମନ୍ଦିର୍ ବିତ୍ତରେ ଆନି, ଏ ସୁକଲ୍ ଜାଗା ଅସୁକଲ୍ କଲା ଆଟେ ।” ୨୯ ଏସେମନ୍ ଗଡ଼ ବିତ୍ତରେ ଏପିସସର୍ ତର୍ପିମକେ ପାଉଲ୍ ସଙ୍ଗ୍ ଦେକି ରଇଲାର୍ ପାଇ ବାବୁଲାଲ ଜେ, ପାଉଲ୍ ତାକେ ମନ୍ଦିରେ ନେଲା ଆଟେ ବଲି ।

୩୦ ଗଡ଼ର୍ ଗୁଲାଲ ବାଟେ ରିସାର୍ କିଲ୍ବିଲ୍ ତାବିଅଇଗାଲା । ଲକ୍ମନ୍ ପାଉଲ୍କେ ମନ୍ଦିର୍ ବାଇରେ ଅର୍ଗତି ଆନ୍ଲାଲ, ଆରି ମନ୍ଦିରର୍ କାପାଟ୍ମନ୍ ତାବିଦେଲାଲ । ୩୧ ରିସାଅଇଲା ଲକ୍ମନ୍ ପାଉଲ୍କେ ମରାଇବାକେ ଚେସ୍ଟା କଲାଲ, ମାତର୍ ସମାନ୍ ସେ ବେଲାଲ “ ଜିରୁସାଲାମେ ଗଣ୍ଡୁଗଲ୍ ଚାଲୁଲା ଆଟେ ।” ବଲି ରମିୟ୍ ସନିଅମନ୍ର୍ କବର୍ ସୁନ୍ଲାଲ । ୩୨ ସେ କେଡେଟା ସେନାପତି କେଡେଟା ସନିଅମନ୍କେ ଦାରି ଦାପ୍ରେ, ଗର୍ତ୍ତା ଗର୍ତ୍ତା ଜାଗାଇ ଆସି କେଟ୍ଲା । ଲକ୍ମନ୍ ସନିଅ ଆରି ସେନାପତିକେ ଦେକକରି ପାଉଲ୍କେ ମାର୍ବାଟା ଚାଡ଼ିଦେଲାଲ । ୩୩ ସେନାପତି ପାଉଲ୍କେ ବନ୍ଦିକରି, ତାକେ ଦୁଇଟା ସିକ୍ଲିଡେଇ ବାନ୍ଦୁବାକେ ଆଦେସ୍ ଦେଲା, ତାର୍ ପଟେ ସେ ପାଟାରୁଲା, “ଏ ଲକ୍ କେ ? ଆରି ସେ କାଇଟା କଲା ଆଟେ ?” ୩୪ ଲକ୍ମନ୍ର୍ ମାନ୍ଦାଅନି କେ କେଡେ ରକାମ୍ କାତା କଇ ଆଉଲିଅଇଲାଲ । ଏନ୍ତି କିରମାର୍ ଅଇଲା ଜେ, ସନିଅମନ୍ର୍ ମୁକିଆ, ସତ୍ତସେ, ଏ ଗର୍ତ୍ତା କାଇକେ ଅଇଲା ବଲି ବୁଜିନାପାରୁଲା । ସେଟାର୍ପାଇଲ ସେ ପାଉଲ୍କେ ଗଡ଼ବିତ୍ତରେ ଦାରିଜିବାକେ ସନିଅମନ୍କେ ଆଦେସ୍ ଦେଲା । ୩୫ ସନିଅମନ୍ ପାଉଲ୍କେ ଦାରି ଚର୍ଚ୍ଚା ପାଉଟେ କେଟ୍ଲା ଦାପ୍ରେ, ତାର୍ ଚାରିବେଡ଼ି ରଇଲା ଲକ୍ମନ୍ ବେସି ଆଉଲି ଅଇଲାଲକେ ସନିଅମନ୍ ତାକେ ବଇ ଦାରିଗାଲାଲ । ୩୬ ବଇନେବା ବେଲେ ଲକ୍ମନ୍ ପର୍ପର୍ ଆସି ତାକେ ମରାଆ ବଲି ଆଉଲି ଅଇଡେରଇଲାଲ ।

ପାଉଲ୍ ନିଜର୍ ବିସଇ ସାକି ଦେବାଟା

୩୭ ପାଉଲ୍କେ ସନିଅମନ୍ ଗଡ଼ବିତ୍ତରେ ନେବାବେଲେ ସେ ସନିଅମନ୍ର୍ ମୁକିଆକେ କଇଲା, “ମୁଇ ତମର୍ ସଙ୍ଗ୍ କାତା ଅଇପାର୍ବି କି ?”

☆ ୨୧:୨୫ ୨୧:୨୫ ପେରିକ୍ ୧୫:୨୯ ☆ ୨୧:୨୯ ୨୧:୨୯ ପେରିକ୍ ୨୦:୪

ସନିଆମନର ମୁକ୍ତି ଆ କଇଲା, “ତୁଇତା ଗିରିକ୍ କଇଲୁସିନି । ୩୮ ସେକ୍ତି ଆଲେ କେତେ ଦିନ ଆଗେ ମିସରର ଜନ୍ ଲକ୍ ଗାରି ଅଜାର୍ କାଙ୍ଗାମନର ସଙ୍ଗ୍ କେଟିରଇଲା, ତମେ ସେ ଲକ୍ ନୁଆଁସ୍ !”

୩୯ ପାଉଲ୍ କଇଲା, “ମୁଇ ସିଲିସିଆର୍ ତାର୍‌ସିସେ ଜନମ୍ କରିରଇବା ଗଟେକ୍ ଜିଉଦି, ଗଟେକ୍ ମୁକ୍ତି ଗତର୍ ଲକ୍ । ଏ ଲକ୍‌ମନକେ ବୁଜାଇ କଇବାକେ ଦୟାକରି ମକେ ଅଲପ୍ ଆଦେସ୍ ଦିଆ ।”

୪୦ ସେନାପତି ତାକେ ଆଦେସ୍ ଦେଲାକେ ପାଉଲ୍ ପାଉର୍ ଉପ୍ରେ ତିଆଅଇ, ଲକ୍‌ମନକେ ତିମ୍ବା ଅଇବାକେ ଆତ୍ ସାଗିଆ କଲା । ସେମନ୍ ତିମ୍ବା ଅଇଲାକେ, ପାଉଲ୍ ଇବ୍‌ରୁ ବାସାଇ କଇଲା ।

୨୨

୧ “ମର୍ ସଙ୍ଗାରି ଜିଉଦି ବାଇ ଆରି ବାବାମନ୍, ମର୍ ନିଜରବାଟେଅନି ମୁଇ ଜାଜାଟା କଇଲିନି ସେଟା ସୁନା !” ୨ ସେମନର ସଙ୍ଗ୍ ସେ ଇବ୍‌ରୁ ବାସାଇ କାତା କଇବାଟା ସୁନି, ଲକ୍ ମାନ୍ଦା ରୁପ୍‌ଗାପ୍ ଅଇଲାକ ଆରି ପାଉଲ୍ କଇବାକେ ଦାର୍‌ଲା,

୩ “ମୁଇ ଗଟେକ୍ ଜିଉଦି ଲକ୍, ସିଲିସିଆର୍ ତାର୍‌ସିସେ ମର୍ ଜନମ୍, ମାତର୍ ମୁଇ ଜିରୁସାଲାମେ କାଇପଇ ବଡ଼ ଅଇରଇଲି ଆରି ଗମଲିଏଲର୍ ସିସ୍ ରଇଲି । ଆମର୍ ଆନିଦାଦିମନର୍ ରିତିନିତି, ମୁଇ ଟିକ୍ ଇସାବେ ସିକିରଇଲି ଆରି ତମର୍ ପାଗା ପର୍‌ମେସର୍‌କେ ମାନିକରି ଜିଇତେରଇଲି । ୪ *ମାପୁରୁ ବାଟେ ଜିବା ଲକ୍‌ମନକେ ମାର୍‌ଦା କରା ସେମନକେ ମରାଇଦେଇତେ ରଇଲି । ମାଜିଟିକ୍ ମୁନୁସ୍‌ପିଲା ସବୁକେ ବାନ୍ଦିକରି ବନ୍ଦି ଗରେ ପୁରାଇ ଦେଇତେ ରଇଲି । ୫ ମର୍ ଏ କାତା ପୁରା ସତ୍ । ବଡ଼ ପୁଜାରି ଆରି ବଡ଼ ସବାର୍ ସବୁ ପାର୍‌ଟିନିମନ୍ ସାକି ଆତଡ଼ । ଲକ୍‌ମନକେ ବନ୍ଦି କରି ସିକ୍‌ଲି ସଙ୍ଗ୍ ବାନ୍ଦି ଜିରୁସାଲାମ୍ ଦାରିଆଇବାକେ, ମୁଇ ବଡ଼ ପୁଜାରିର୍ ଟାଣେଅନି ଆଦେସ୍ ପତର୍ ପାଇ, ଦାମାସ୍କସେ ରଇବା ଜିଉଦି ବାଇମନର୍ ଲଗେ ଗାଲି ।”

ପାଉଲ୍ ତାର୍ ମନ୍ ବାଦ୍‌ଲାଇଲା ବିସଇନେଇ ଟିକିନିକି କଇଲା

୬ “ମୁଇ ଜେଡେବେଲା ବାରଇ ଜିରୁସାଲାମେ ଜିବାବେଲେ ଦାମାସ୍କସ୍ ଲଗାଲଗି ଅଇଲି, ପାକାପାକି ମୁଣ୍ଡବେଲାଇ, ଆକାସେଅନି ଗଟେକ୍ ଉଜଲ୍ ମର୍ ଚାରିବେଡ଼ତି ଉଜଲ୍ ଅଇଗାଲା ।” ୭ ମୁଇ ବୁର୍‌ ଉମତାତିଅଇ ଅଦ୍‌ରିଗାଲି ଆରି ମର୍‌ପାଇ ଏ କାତା ସୁନିଲି, ସାଉଲ୍, ସାଉଲ୍ ! ମକେ ତୁଇ କାଜକେ କସ୍‌ଟ ଦେଲୁସିନି ? ୮ ମୁଇ ପାଗାରୁଲି, “ମାପୁରୁ, ତମେ କେ ? ସେ ମକେ କଇଲା, ‘ତମେ ଜାକେ କସ୍‌ଟ ଦେଲାସିନି’ ମୁଇ ସେ ନାଜରିତର୍ ଜିସୁ ।” ୯ ମର୍‌ସଙ୍ଗ୍ ରଇଲା ଲକ୍ ସେ ଉଜଲ୍ ଦେକ୍‌ଲାଇ, ମାତର୍ ମର୍ ସଙ୍ଗ୍ କାତା ଅଇବା ଲକ୍‌ର ସର୍ ସୁନି ନାପାରୁଲାଇ । ୧୦ ମୁଇ ପାଗାରୁଲି, “ମାପୁରୁ, ମୁଇ କାଜଟା କର୍‌ବି ?” ମାପୁରୁ ମକେ କଇଲା, “ଉର୍, ଆରି ଦାମାସ୍କସେ ଜାଆ, ପରମେସର୍ ତର୍ ପାଇ ଜନ୍ କାମ୍ ଟିକ୍ କଲା ଆରେ, ସେଟା ତମକେ ତେଇ ଜାନାଇ ଦିଆଅଇସି ।” ୧୧ ସେ ଉଜଲ୍ ଏତେକ୍ ଉଜଲ୍ ରଇଲା ଜେ, ସେ ଉଜଲ୍‌ର୍ ବପୁ ସଙ୍ଗ୍, ମୁଇ କାଣା ଅଇଜାଇରଇଲି । ସେଟାର୍‌ପାଇ ମର୍ ସଙ୍ଗ୍, ଜିବା ଲକ୍‌ମନ୍, ମର୍ ଆତେ ଦାରି, ମକେ ଦାମାସ୍କସେ ତାକିନେଲାଇ ।

୧୨ ଦାମାସ୍କସେ ଅନନିଅ ନାଉର୍ ଗଟେକ୍ ଦରମ୍ ଲକ୍ ରଇଲା । ସେ ଆମର୍ ରିତିନିତି ନାମି କରି ରଇଲା, ତେଇ ରଇବା ଜିଉଦିମନ୍ ସବୁ ତାକେ ବେସି ନାମତେ ରଇଲାଇ । ୧୩ ସେ ମର୍‌ଲଗେ ଆସି ତିଆଅଇ କଇଲା, “ବାଇ ସାଉଲ୍, ତୁଇ ଆଁକି ଆରି ତରେକ୍ ଦେକ୍ ।” ଟିକ୍ ସେ ଦାପୁରେ, ମୁଇ ଆରି ତରେକ୍ ଦେକ୍‌ବା ବପୁ ପାଇଲି । ୧୪ ସେ କଇଲା, “ଆମର୍ ଆନିଦାଦିର୍ ମାପୁରୁ ସେ ମନ୍କର୍‌ବାଟା ଜାନ୍‌ବାକେ, ତାର୍ ଦରମର୍ ଦାଙ୍ଗ୍‌ତାକେ ଦେକ୍‌ବାକେ ଆରି ତାର୍ କାତା ସୁନ୍‌ବାକେ, ତକେ ବାଟ୍‌ଲା ଆତେ । ୧୫ ତୁଇ କାଜଟା ଦେକିଆରୁସ୍ ଆରି ସୁନି ଆରୁସ୍, ସେଟା ସବୁ ଲକ୍‌ର୍ ଲଗେ ଦେକାକିବାକେ ଆରି ସୁନାଇବାକେ ତାକର୍ ସାକି ଅଇସୁ । ୧୬ ଆରି କାଜକେ ଅଲ୍‌ସମ୍ କଲୁସିନି ? ଉର୍, ତୁବନ୍ ନେ, ଆରି ତାକେ ପାର୍‌ତନା କରି ତର୍ ସବୁ ପାପେଅନି ପରିଚଲ୍ ଅ ।”

ଜିଉଦି ନଇଲା ଲକ୍‌ମନରୁତେଇ ମାପୁରୁର୍ କାତା ଜାନାଇବାକେ ପାଉଲ୍‌କେ ତାକ୍‌ରା ଆଇଲା

୧୭ “ମୁଇ ଜିରୁସାଲାମେ ବାଉଡି ଜାଇ, ତେଇର୍ ମନ୍‌ରେ ପାର୍‌ତନା କର୍‌ବାବେଲେ, ମକେ ମାପୁରୁର୍ ଦର୍‌ସନ୍ ମିଲ୍‌ଲା । ୧୮ ମାପୁରୁ ମକେ ନିଜେ ଦେକାକିଅଇ କଇଲା, ଦାପୁରେ ଜିରୁସାଲାମ୍ ଚାଡି ଉଟି ଜା, କାଜକେ ବଇଲେ ଇଡିର୍ ଲକ୍‌ମନ୍ ମର୍ ବିସଇ, ତୁଇ ସାକିଦେବାଟା ନ ନାମଡ଼ ।” ୧୯ ମୁଇ କଇଲି “ମାପୁରୁ, ମୁଇ ପାର୍‌ତନା ଗର୍‌ମନକେ ଜାଇ, ତମକେ ବିସ୍‌ବାସ୍ କର୍‌ବା ଲକ୍‌ମନକେ, କେନ୍ଦ୍ରାରି ବନ୍ଦି କରି

* ୨୨:୩ ୨୨:୩ ପେରିଡ଼ ୫:୩୪-୩୯ * ୨୨:୪ ୨୨:୪ ପେରିଡ଼ ୮:୩:୨୭-୯-୧୧

ରଇଲି ଆରି ମାଡ଼ ମାରି ରଇଲି, ଏଟା ସେମନ୍ ନିକ ସଙ୍ଗ ଜାନଡ଼ । ୨୦ *ଆରି ଜେଡେବେଲ୍ ତମ୍ବୁ ସାକି ଦେଇ ରଇବା ତିପାନ୍ତକେ ମରାଇଦେଲାଇ, ମୁଇ ନିଜେ ତେଇ ରଇଲି, ତାକେ ମାରି ମରାଇଦେବାକେ ରାଜିଅଇରଇଲି । ମାରୁମନର୍ ବେଟ୍‌ଲା ବସ୍‌ତର୍ ଜାଗି ରଇଲି ।” ୨୧ ମାପୁରୁ ମକେ କଇଲା, “ଜାଆ ମୁଇ ତକେ ବେସି ଦୁରିକେ ଜିଉଦି ନଇଲା ଲକ୍‌ମନର୍ ଲଗେ ପାଟାଇବି ।”

୨୨ ପାଉଲ୍ ଏ କାତା କଇବାଜାକ ଲକ୍‌ମନ୍ ମନ୍‌ଦିଆନ୍ ଦେଇ ସୁନ୍‌ତେ ରଇଲାଇ, ମାତର୍ ତାର୍ ପଟେ ସେମନ୍ ଆଉଲିଅଇକରି କଇଲାଇ, “ତାକେ ଜଗଟେଅନି ବାରୁକରାଇ ଦିଆସ୍ ! ମରାଇ ଦିଆସ୍, ସେନ୍ତା ଲକ୍‌ ଜିଇବାକେ ଲତା ନାଈ !” ୨୩ ସେମନ୍ ଆଉଲି ଅଇକରି ବସ୍‌ତର୍ ଉପରେ ଉତାଇତେରଇଲାଇ ଆରି ଦୁଲି ମିସା ଉପରେ ଉତାଇତେ ରଇଲାଇ । ୨୪ ରମିୟ୍ ସନିଅମନର୍ ମୁକିଆ ପାଉଲ୍‌କେ ଗଡ଼ ବିତୁରେ ଦାରିଜିବାକେ ସନିଅମନକେ ତିଆରଲା ଆରି ଜିଉଦିମନ୍ କାଇକେ ତାର୍ ବିରୁଦେ ଆଉଲି ଅଇଲାଇନି, ସେଟା ଜାନବାକେ ପାଉଲ୍‌କେ କରୁତା ସଙ୍ଗ୍ ମାରୁବାକେ ଆଦେସ୍ ଦେଲା । ୨୫ ମାତର୍ ସେମନ୍ ତାକେ କରୁତା ମାରୁବାକେ ବାନ୍ଦିରଇଲା ବେଲେ, ପାଉଲ୍ ତେଇ ରଇବା ଗଟେକ୍ ଅଦିକାରିକେ କଇଲା, “କାଇ ଦସ୍ ନ ରଇକରି ଏବେ ଜାକ ବିଚାରୁନା ନ ଅଇରଇବା ଗଟେକ୍ ରମିଅ ଲକ୍‌କେ କରୁତା ସଙ୍ଗ୍ ମାରୁବାଟା, ଏଟା ତୁଇ ନିୟ୍ ମାନୁଲୁସ୍‌ନି କି ?”

୨୬ ଏ କାତା ସୁନିକରି ସନିଅ ଗାଲା ଆରି ସନିଅମନର୍ ମୁକିଅକେ କଇଲା, “ତୁଇ କାଇଟା କଲୁସ୍‌ନି ? ଏ ଗଟେକ୍ ରମିଅ ଲକ୍‌ !”

୨୭ ସନିଅମନର୍ ମୁକିଅ ପାଉଲ୍‌ର୍ ଲଗେ ଜାଇ ପାଟାରୁଲା, “ସତଇସେ ତମେ କାଇ, ରମିଅ ଲକ୍‌ କି ?” ପାଉଲ୍ ଉତର୍ ଦେଲା “ଉଁ ।”

୨୮ ସେନାପତି କଇଲା, “ମୁଇ ରମିଅ ସରକାରକେ ତାରୁ ଦେଇକରି ଗଟେକ୍ ରମିଅ ଲକ୍‌ ଅଇଲି ଆଟି ।”

ପାଉଲ୍ କଇଲା “ମାତର୍ ମୁଇ ଜନମ୍ କଲାବେଲେଅନି ରମିଅ ଲକ୍‌ ।”

୨୯ ଏଟା ସୁନିକରି ଜନ୍‌ଲକ୍‌ମନ୍ ପାଉଲ୍‌କେ ପାଟାରୁବାର୍ ଜାଇରଇଲାଇ, ସେମନ୍ ପଟ୍‌କେ ଗୁଟ୍‌ଲାଇ । ପାଉଲ୍ ଗଟେକ୍ ରମିୟ୍ ଲକ୍‌ ବଲି ଜାନ୍‌ଲାକେ, ସେମନ୍‌ର୍ ନେତା ମିସା ତର୍‌ଲା । କାଇକେବଇଲେ ପାଉଲ୍‌କେ ସିକ୍‌ଲି ସଙ୍ଗ୍ ବାନ୍ଦିବାକେ ସେ ସେ ତିଆରିରଇଲା ।

ବଡ଼ ସବାର୍ ମୁଆଟେ ପାଉଲ୍

୩୦ ଜିଉଦିମନ୍ ପାଉଲ୍‌କେ କାଇବଲି ନିନ୍ଦା କର୍‌ତେରଇଲାଇ, ସେଟା ଜାନ୍‌ବାକେ ସନିଅମନର୍ ମୁକିଅ ମନ୍ କର୍‌ତେରଇଲା । ତେବର୍‌ପାଇ ତାର୍ ଆରକର୍ ଦିନେ ସବୁ ପୁଜାରିମନକେ ଆରି ବଡ଼ ସବାର୍ ମେମର୍‌ମନକେ ରୁଣ୍ଡାଇବାକେ ତିଆରୁଲା । ତାର୍ ପଟେ ସେ ପାଉଲ୍‌କେ ବାନ୍ଦିଲା ସିକ୍‌ଲି କୁସ୍‌ଲାଇ, ଦାରିକରି ଆନ୍‌ଲା ଆରି ବଡ଼ ସବାଇ ତାକର୍ ମୁଆଟେ ଟିଆ କରାଇଲା ।

୨୩

୧ ପାଉଲ୍ ବଡ଼ସବାର୍ ଲକ୍‌ମନକେ ସିଦା ଦେକି କଇଲା, “ଏ ଇସ୍ରାଏଲର୍ ବାଇମନ୍ ! ଆଜିକେ ଜାକ ମୁଇ ପରମେସରର୍ ମୁଆଟେ କେନ୍ତାଟ୍ ଜିବନ୍ ବିତାଇ ଆଟି, ସେ ବିସଇଟାନେ ମନ୍ ପୁରାପୁରୁନ୍ ନିର୍‌ମଲ୍ ଆଟେ ।” ୨ ଏ କାତା ସୁନିକରି ଅନନିଅ ନାଉର୍ ବଡ଼ ପୁଜାରି ପାଉଲ୍‌ର୍ ଲଗେ ଟିଆଅଇରଇବା ଲକ୍‌ମନକେ, ତାର୍ ଗାଲେ ଚାପଡ଼ ମାରା ବଲି ତିଆରୁଲା । ୩ *ପାଉଲ୍ ତାକେ କଇଲା, “ଏ ତୁନ୍ ମାରିଅଇଲା ଦକ୍‌ଲା ଉଆଁରି କତି, ପରମେସର୍ ତକେ ଡଣ୍ଡ ଦେଇସି ଆକା । ନିୟ୍ ମଇସାବେ ମର୍ ବିଚାର୍ କରୁବାକେ, ତୁଇ ତେଇ ବସିଆରୁସ୍ । ଏଲେ ମିସା, ନିୟ୍ ବାଜିକରି ମକେ ମାରୁବାକେ ତିଆରୁସ୍‌ନି !”

୪ ଲଗେ ରଇବା ଲକ୍‌ମନ୍ ପାଉଲ୍‌କେ କଇଲାଇ, “ପରମେସର୍ ବାଟିରଇବା ବଡ଼ ପୁଜାରିକେ ତୁଇ ନିନ୍ଦା କଲୁସ୍‌ନି !”

୫ ପାଉଲ୍ କଇଲା, “ଏ ଇସ୍ରାଏଲର୍ ବାଇମନ୍, ସେ ବଡ଼ ପୁଜାରି ବଲି ମୁଇ ନାଜାନିରଇଲି । ସାସ୍‌ତରେ ଲେକାଆଟେ, ତମେ ନିଜର୍ ଜାତିର୍ ସାସନ୍‌କାରିଆକେ କରାପ୍ କାତା କଇବାରୁନାଇ ।”

୬ *ବଡ଼ ସବାର୍ ମେମର୍‌ମନର୍ ବିଡ଼ରେ କେତେଟା ପାରୁସି ଆରି କେତେଟା ସାବୁକିମନ୍ ରଇଲାଟା ଦେକି ପାଉଲ୍ ବଡ଼ ସବାର୍ ଲକ୍‌ମନକେ ଦେକାଇ ଆଉଲି ଅଇକରି କଇଲା, “ଏ ଇସ୍ରାଏଲର୍ ବାଇମନ୍, ମୁଇ ଗଟେକ୍ ପାରୁସି ଲକ୍‌, ମର୍ ଆୟା ବାବା ମିସା ପାରୁସି । ମଲା ଲକ୍‌ମନ୍ ଆରିତରେକ୍ ଉଟ୍‌ବାଟା ମର୍ ଆସା ଆଟେ ବଲି, ଇତି ମର୍ ବିଚାରୁନା ଅଇଲାନି ।”

* ୨୨:୨୦ ୨୨:୨୦ ପେରିଟ୍ ୨:୫ * ୨୩:୩ ୨୩:୩ ମାତିଉ ୨୩:୨୨,୨୮ * ୨୩:୨ ୨୩:୨ ପେରିଟ୍ ୨୨:୫; ପିଲିପିୟ୍ ୩:୫

୭ ପାଉଲ୍ ଏ କାତା କଇଲା ଦାପ୍ତରେ, ପାରୁସି ଆରି ସାଦୁକ୍‌ମାନର୍ ବିତ୍ତରେ ଲାଗାଜଡ଼ା ଅଇଗାଲାଇ ଆରି ସେମନ୍ ବେଗଲି ଗାଲାଇ । ୮ *କାଇକେବଇଲେ ସାଦୁକ୍‌ମାନର୍ ବିସ୍‌ବାସ ଇସାବେ ମଲା ଲକ୍‌ମନ୍ ନ ଉଟେ । ସରଗର୍ ଦୁଡ଼ କି ଆଡ଼ମା ମିସା ନାଇ ବଲି, ବିସ୍‌ବାସ କରବାଇ, ମାତର୍ ପାରୁସିମନ୍ ଏ ଡିନ୍‌ଟା ଜାକ ବିସ୍‌ବାସ କର୍ତ୍ତେରଇଲାଇ । ୯ ସେମନର୍ କିରଜାଟି ଅଇବାଟା ଅଦିକ୍ ଅଦିକ୍ ଅଇଆଇଲା । ପାରୁସି ଦଲ୍ଲର୍ କେତେଟା ଦରମ୍ ଗୁରୁ ଉଚିକରି ତାଟ୍ ସଙ୍ଗ୍ କଇଲାଇ, “ଆମେ ଏ ଲକ୍‌ର୍ ଟାନ୍‌ଅନି କାଇ ଦସ୍ ମିସା ମିଲାଉ ନାଇ । କେଜାନ୍‌ଆକେ ଗଟେକ୍ ସରଗର୍ ଦୁଡ଼ କି ଆଡ଼ମା କାତା କଇରଇସି ।” ୧୦ ତାକର୍ ଦଦାପେଲା ଅଦିକ୍ ଅଦିକ୍ ଅଇଗାଲାକେ ଲକ୍‌ମନ୍ ପାଉଲ୍‌କେ ଗନ୍ଦାଗନ୍ଦା କରି ଚିରି ପାକାଇବାଇ ବଲି ସନିଅମନର୍ ମୁକ୍ତିଅ ଡର୍ଲା । ତେବେ ସେ ଗଣ୍ଡଗଲ୍ ଅଇବା ଲକ୍‌ମନର୍ ବିତ୍ତରେଅନି ପାଉଲ୍‌କେ ରକିଆ କରି ଗଡ଼ ବିତ୍ତରେ ଦାରି ଜିବାକେ ସନିଅମନ୍‌କେ ତିଆର୍ଲା ।

୧୧ ସେ ରାତି ମାପୁରୁ ପାଉଲ୍‌ର୍ ଲଗେ ଚିଆଅଇ କଇଲା, “ଡର୍ ନାଇ ! ମର୍ ପାଇ ଇତି ଜିରୁସାଲାମେ ତୁଇ ସାକି ଦେଇ ଆତୁସ୍ । ରମ୍ ଦେସେ ମିସା ତୁଇ ସେନ୍‌ଡାରି କରବାର୍ ଆଟେ ।”

ପାଉଲ୍‌କେ ମରାଇବାକେ ଜନ୍ମନା କରବାଟା

୧୨ ଆରକ୍‌ର୍ ଦିନର୍ ସାକାଲେ କେତେଟା ଜିଉଦିମନ୍ ଗଟେକ୍‌ଟାନ୍‌ ରୁଣ୍ଡି ଜନ୍ମନା କଲାଇ । ପାଉଲ୍‌କେ ନ ମରାଇବା ଜାକ ସେମନ୍ ଅରନ୍‌ପାନି ନ ଚିଉ ବଲି ସପଡ଼ କଲାଇ । ୧୩ ଚାଲିସ୍‌ତେଇଅନି ଅଦିକ୍ ଲକ୍ ଏ ଜନ୍ମନା କଲାଇ । ୧୪ ସେମନ୍ ଜାଇକରି ମୁକ୍ତିଅ ପୁଜାରିମନ୍‌କେ ଆରି ପାଟ୍‌ଚିମନ୍‌କେ କେ କଇଲାଇ, “ପାଉଲ୍‌କେ ନ ମରାଇବା ଜାକ ଅରନ୍‌ପାନି ନ ଚିଉ ବଲି ଆମେ ସପଡ଼ କରିଆତୁ । ୧୫ ତମେ ଆରି ବଡ଼ସବାର୍ ଲକ୍‌ମନ୍ ରମିୟ ନେତା ପାଉଲ୍‌କେ ଇତି ଆରିତରେକ୍ ଆନା ବଲି କବର୍ ପାଟାଆ । ତାର୍ ବିସଇର୍ ଟିକିନିକି ଜାନ୍‌ବାର୍ ଆଟେ ବଲି ମିଡ଼ କଇକରି ଆନାଆ । ସେ ବଡ଼ ସବାଇ ଆଇବା ବେଲେ ତାକେ ବାଟେ ଜାଗି ମାରି ମରାଇଦେବୁ ।”

୧୬ ପାଉଲ୍‌ର୍ ବାନ୍‌ଜା ଏମନର୍ କୁଟ୍ କାତା ସୁନିକରି ଗଡ଼ ବିତ୍ତରେ ଗାଲା ଆରି ସବୁ କାତା ପାଉଲ୍‌କେ କଇଦେଲା । ୧୭ ପାଉଲ୍ ଗଟେକ୍ ରମିୟ ଅଦିକାରିକେ ତାକାଇ କରି କଇଲା, “ଏ ଦାଙ୍ଗ୍‌ତାକେ ସନିଅମନର୍ ମୁକ୍ତିଅ ଲଗେ ଦାରି ଜାଅଡ଼ । ସେ ତାକେ କାଇଟାକି କଇବାର୍ ଆଟେ ।” ୧୮ ସନିଅ ତାକେ ମୁକ୍ତିଆର୍ ଲଗେ ନେଇ କଇଲା, “ବନ୍ଦି ରଇବା ପାଉଲ୍ ମକେ ତାକି ଏ ଦାଙ୍ଗ୍‌ତାକେ ତମର୍ ଲଗେ ଆନ୍‌ବାକେ କଇଲା । ତମ୍‌କେ ପନି ସେ କାଇଟା କଇବାର୍ ଆଟେ ।”

୧୯ ସନିଅମନର୍ ମୁକ୍ତିଅ ତାର୍ ଆଡ଼ ଦାରିକରି ଗଟେକ୍ ପାଲିକେ ତାକିନେଲା ଆରି ପାଟାର୍ଲା, “କାଇଟା କଇବାର୍ ଆଟେ କଅଁ !”

୨୦ ଦାଙ୍ଗ୍‌ତା କଇଲା, “ପାଉଲ୍‌ର୍ ଟିକିନିକି ବିସଇ ଜାନ୍‌ବାର୍ ଆଟେ ବଲି ନାତାଇକରି ତାକେ ଜିଉଦିମନ୍ ବଡ଼ ସବାଇ ନେବାକେ, ତମ୍‌କେ ଗୁଆରି କରବାଇ । ୨୧ ମାତର୍ ତମେ ତାକର୍ କାତା ସୁନା ନାଇ । କାଇକେ ବଇଲେ ଚାଲିସ୍‌ତେଇଅନି ଅଦିକ୍ ଲକ୍ ଲୁଟିକରି ପାଉଲ୍‌କେ ମରାଇବାକେ ଜାଗିଆଟଡ଼ । ତାକେ ନ ମରାଇବା ଜାକ ଅରନ୍‌ପାନି ନ କାର୍ଡ଼ ବଲି ସପଡ଼ କଲାଇ ଆଟଡ଼ । ଏବେ ସେମନ୍ ତମର୍ ଆଦେସ୍ ଦେବାଟାକେ ଜାଗିକରି ଆଟଡ଼ ।”

୨୨ ସନିଅମନର୍ ମୁକ୍ତିଅ କଇଲା, “ତୁଇ ମକେ ଏ କାତା ଜାନାଇ ଆତି ବଲି କାକେ କଅଁ ନାଇ ।” ଏନ୍‌ଡାରି କଇକରି ଦାଙ୍ଗ୍‌ତାକେ ପାଟାଇ ଦେଲା ।

ପାଉଲ୍‌କେ ସାସନ୍‌କାରିଆ ପେଲିକ୍‌ସ୍ ଲଗେ ପାଟାଇଦେଲାଇ

୨୩ ସନିଅମନର୍ ମୁକ୍ତିଅ ତାର୍ ତଲେ ରଇଲା ଦୁଇଟା ସନିଅକେ ତାକାଇ କଇଲା, “ଆଜି ରାତି ନଅଟା ବିତ୍ତରେ ସିସେରିଆ ଜିବାକେ ଦୁଇସ୍ ସନିଅକେ ତିଆର୍, ଆରି ସତୁରିଟା ଗଡ଼ାଇ ଚପୁମନ୍ ଆରି ଦୁଇ ସଅ ବର୍ଡି ଦାରୁମନ୍‌କେ ଟିକ୍ କର୍ । ୨୪ ପାଉଲ୍ ଜିବା ପାଇ କେତେଟା ଗଡ଼ା ଦିଆସ୍ ଆରି ନିକ୍ ସଙ୍ଗେ ତାକେ ସାସନ୍‌କାରିଆ ପେଲିକ୍‌ସ୍ ଲଗେ ଦାରି ଜାଆ ।” ୨୫ ସନିଅମନର୍ ମୁକ୍ତିଅ ପେଲିକ୍‌ସ୍‌କେ ଏନ୍‌ତି ଗଟେକ୍ ଚିଟି ଲେକ୍‌ଲା,

୨୬ “ଏ ଚିଟି ମୁଇ କାଲାତିଆକେ ଲିସିଆର୍ ସବୁର୍‌ଟାନ୍‌ଅନି ତାକ୍‌ପୁଟା ରଇବା ସନିଅମନର୍ ସାସନ୍‌କାରିଆ ପେଲିକ୍‌ସ୍‌କେ ଲେକ୍‌ଲିନି, ଜୁଆର୍ ! ୨୭ ଆଗିଆ, ଜିଉଦିମନ୍ ଏ ଲକ୍‌କେ ଦାରି ତାକେ ମର୍‌ତେ ମାରିଦେବାକେ ଚେସ୍‌ଟା କର୍ତ୍ତେ ରଇଲାଇ । ସେ ଗଟେକ୍ ରମିୟ ଲକ୍ ବଲି ଜାନ୍‌ଲା ପଟେ, ମୁଇ ତାକେ ମର୍ ସନିଅମନ୍ ସଙ୍ଗେ ତାକେ ରକିଆ କଲି । ୨୮ ସେମନର୍ ବିରଦେ ସେ କାଇ ଦସ୍ କଲା ଆଟେ, ସେଟା ଜାନ୍‌ବାକେ ତାକେ ମୁଇ ସେମନର୍ ବଡ଼ସବାଇ ଦାରିଗାଲି । ୨୯ ମାତର୍ ସେ ମରନର୍ କି

* ୨୩:୮ ୨୩:୮ ମାଟିଇ ୨୨:୨୩; ମାର୍‌କ ୧୨:୧୮; ଲୁକ୍ ୨୦:୨୭

ବନ୍ଦି ତଣ୍ଡ ପାଇବା ପାଠା କାଜମିଆ ବୁଲୁ କାମ କରେ ନାଜ ବଲି ମୁଜ ଜାନିପାରୁଲି । ତାଋ ବିରଦେ ଅଇଲା ଦାବା ସବୁ, ତାକର୍ ନିଜର୍ ଦରମ୍ ବିସଇ । ୩୦ ଆରି ତାଋ ବିରଦେ ଗଟେକ୍ କୁଟ୍ ଜନ୍ନା ଅଇଲାନି ବଲି କବର୍ ସୁନି, ବେଗି ବେଗି ତମର୍ ଲଗେ ପାଟାଇ ଦେବାକେ ଟିକ୍ କଲି, ତାଋ ବିରଦେ ରଇଲା ଦାବା, ତର୍ ମୁଆଟେ ଜାନାଇବାକେ ତାଋ ଦାବାଦାରିମନ୍କେ ମୁଜ କଇଲିଆଟି ।”

୩୧ ସନିଅମନ୍ ସେ ଆଦେସ୍ ଇସାବେ ପାଉଲୁକେ ସେ ରାତି ଆନ୍ତିପଟ୍ରିସେ କେଟାଇଦେଲାଜ । ୩୨ ତାଋ ଆର୍କକର୍ ଦିନେ ଇଣ୍ଡିଜିବା ସନିଅମନ୍ ଗତେ ବାଉଡିଗାଲାଜ ଆରି ଗତାଇ ଜାଉ ସନିଅମନ୍କେ ଜିବାକେ କଇଲାଜ । ୩୩ ସନିଅମନ୍ ପାଉଲୁକେ ଦାରି ସିସେରିଆଇ କେଟୁଲାଜ । ତେଇ ସନିଅମନ୍ ମୁକିଅର୍ ଚିଟି ସଙ୍ଗେ ପାଉଲୁକେ ସାସନକାରିଆର୍ ଆତେ ଜିମାଦେଇଦେଲାଜ । ୩୪ ସାସନକାରିଆ ଚିଟି ପତି ପାଉଲୁକେ କନ୍ ରାଇଜେଅନି ଆସିଆତୁସ୍ ? ବଲି ପାଟାଋଲା । ପାଉଲୁ ସିଲିସିଆଇଅନି, ବଲି ଜାନୁଲା । ୩୫ ସେ କଇଲା, “ତମର୍ ଦାବାଦାରିମନ୍ ଆସି କେଟୁଲା ପଟେ, ମୁଜ ତର୍ କାତା ସୁନ୍ଦି ।” ତାଋ ପଟେ ପାଉଲୁକେ ଏରଦ୍ ରାଜାଋ ନଅରେ ବନ୍ଦି କରି ସଙ୍ଗଇବାକେ ଆଦେସ୍ ଦେଲା ।

୨୪

ଜିଉଦିମନ୍ ପାଉଲୁକେ ଦସି କଲାଜ

୧ ପାଋଦିନ ପଟେ ବଡ୍ ପୁଜାରି ଅନନିୟ୍ କେତେଟା ପାଋଚିନ୍ ଆରି ତର୍ତୁଲସ୍ ନାଉର୍ ଗଟେକ୍ ଅକିଲୁ ସଙ୍ଗ୍ ସିସେରିଆଇ ଗାଲାଜ । ସେମନ୍ ପେଲିକ୍ସର୍ ମୁଆଟେ ଟିଆଅଇ ପାଉଲୁ ବିରଦେ ସେମନ୍ ଦାବା ଜାନାଇଲାଜ । ୨ ତାଋପଟେ ପାଉଲୁକେ ତେଇଆନି ଟିଆ କରାଇଲାଜ ଆରି ତର୍ତୁଲସ୍ ଏଣ୍ଡି ତାକର୍ ଦାବାମନ୍ ସବୁ ଜାନାଇଲା ।

“ଆଗିଆଁ, ତମେ ଗଟେକ୍ ତାକ୍ପୁଟା ଲକ୍, ତମର୍ ନିମାନ୍ ସାସନଅନି ଆମେ ବେସି ଦିନ୍ ଦାରି ସାର୍ଦା ଅଇ ସାଣ୍ଡି ସଙ୍ଗ୍ ଜିଇଲୁନି, ଆମର୍ ଦେସର ମଙ୍ଗୁଲ୍ ପାଇ ବେସି ଦରକାର୍ ରଇଲା କାମମନ୍ କରାଇଆଟାସ୍ । ୩ ସବୁଜାଗାଇ ଆରି ସବୁ ବେଲାଜ ଆମେ ଏଟାକେ ନାମଲୁନି, ଏଟାଋପାଇ ଆମେ ତମକେ ମାନି ଆଇଲୁନି । ୪ ସେଟା ଜାଜଟା ଅ, ମୁଜ ତମର୍ ଅଦିକ୍ ବେଲା ନେବାକେ ମନ୍ କରିନାଇ । ସେଟାଋ ପାଇ ଆମର୍ ଗଟେକ୍ ତର୍ ଅର୍ସାସଙ୍ଗର୍ କାତା ସୁନ୍ଦାକେ ବାବୁଜିଆ କଲିନି । ୫ ଏ ଲକ୍ ଗଟେକ୍ ବେସି ବଡ୍ ଗଣ୍ଡଗଲ୍ କରାଉ ବଲି ଆମେ ଜାନୁ, ସେ ଦେସ୍ବିଦେସେ ସବୁ ବାଟେ ବୁଲିବୁଲି ଜିଉଦିମନ୍କେ କିଟମାର କରାଇବାକେ ଉସକାଇଲାନି, ସେ ନାଜରିଡ୍ ଦଲ୍ଲର୍ ଗଟେକ୍ ନେତା । ୬ ସେ ଆମର୍ ମନ୍ଦିର୍ ଅଧୁକଲ୍ କର୍ବାକେ ତେସ୍ଟା କଲାବେଲେ ଆମେ ତାକେ ବନ୍ଦି କଲୁ । ୭ ଆମର୍ ନିୟମ୍ ଇସାବେ ଏ ଲକ୍କେ ବିଚାର୍ କର୍ବାକେ ଆମେ ମନ୍ କର୍ତେରଇଲୁ । ୮ ଆର୍ ବିରଦେ ଜନ୍ ସବୁ ଦାବା କଲୁଆତୁ, ସେଟା ତମେ ଏ ଲକ୍କେ ପାଟାରିକରି ଜାନିପାରାସ୍ ।” ୯ ତେଇରଇଲା ଜିଉଦିମନ୍ ଏଟା ସର୍ବବଲି ତାଟ୍ ସଙ୍ଗ୍ ସେ କାତାଇ ରାଜି ଅଇଲାଜ ।

ପାଉଲୁ ପେଲିକ୍ସର୍ ମୁଆଟେ ମାନିଆଇବାଟା

୧୦ ତାଋପଟେ ସାସନକାରିଆ ପାଉଲୁକେ କାତା ଅଇବାକେ ସାଗିଆ କଲାକେ ପାଉଲୁ କଇଲା । “ମୁଜ ଜାନି ଜେ ବେସି ବରସ୍ ଦାରି ତମେ ଏ ଜାତିର୍ ବିଚାରକରୁ ଅଇ ଆତୁସ୍, ସେଟାଋ ପାଇ ତମର୍ ମୁଆଟେ କଇବାଟା କେତେ କରମର୍ କାତା । ୧୧ ଆଗିଆ, ତମେ ନିଜେ କଜିକରି ଜାନିପାରାସା ଜେ, ପାକାପାକି ବାରଦିନ୍ ତଲେ, ମୁଜ ଜିରୁସାଲାମେ ପାରତନା କର୍ବାକେ ଜାଇରଇଲି । ୧୨ ମନ୍ଦିରେ କାର୍ ସଙ୍ଗ୍, ମୁଜ ଦଦାପେଲା କର୍ବାଟା ଜିଉଦିମନ୍ ଦେକି ନ ରଇଲାଜ କି ପାରତନା ଗର୍ମନ୍କେ କି ଗତର୍ କନ୍ ବିନ୍ ଜାଗାଇ ଲକ୍ମନ୍କେ ଉସକାଇବାଟା ଦେକି ନ ରଇଲାଜ । ୧୩ ସେଟାଋ ପାଇ ମର୍ ବିରଦେ ଏବେ ଆନିରଇବା ଦାବାଋ ପାଇ, ସେମନ୍ କାଜମିଆ ସାକି ଦେଇ ନାପାରୁଟ୍ । ୧୪ ଏଲେ ମିସା ମୁଜ ତମର୍ ଲଗେ ରାଜି ଅଇଲିନି ଜେ, ଜନ୍ ବାଟ୍ ସେମନ୍ ମିର୍ ବଲି କଇଲାଜନି, ସେ ବାଟେ ଜାଇ, ଆମର୍ ଆନିଦାଦିମନ୍ ପରମେସର୍କେ ପାରତନା କଲିନି । ମାତର୍ ମୁଜ ମିସା ମସାଋ ରିଡିନିଡି ଆରି ବସିସର୍ବକ୍ତାମନ୍ ସାସ୍ତରେ ଲୋକାଅଇଲା ସବୁ ବିସଇ ବିସ୍ବାସ୍ କଲିନି । ୧୫ ଏମନ୍ ପାଠା, ମାପୁରୁର୍ ଲଗେ ମର୍ ଗଟେକ୍ ଆସା ଆତେ ଜେ, ନିକ୍ ଲକ୍ ଅଅଡ୍ କି କାରାପ ଲକ୍ ଅଅଡ୍, ସବୁ ମଲାଟାନେଅନି ଉଟ୍ବାଇ । ୧୬ ସେଟାଋ ପାଇ ପରମେସରର୍ ଆରି ମୁନ୍ସର୍ ମୁଆଟେ ନିର୍ମଲ୍ ବିବେକ୍ ଇସାବେ ତଲାଚଲୁଡି କର୍ବାକେ ସବୁବେଲେ ତେସ୍ଟା କଲିନି ।

୧୭ *^{୧୭}“ବେସି ବରସ୍ ଦାରି ଦୁରିକେ ରଇଲା ପତେ, ଜିରୁସାଲେମ୍ ଲକ୍ମନର୍ ପାଇ କିତି ତାବୁ ନେବାକେ ଆରି ବଲିଦେବାକେ ମୁଇ ତେଇ ଜାଇରଇଲି ।^{୧୮} ମୁଇ ନିର୍ମାଲ୍ ଅଇବା ବିଦି ସାରାଇଲା ବେଲେ, ସେମନ୍ ମକେ ମନ୍ଦିରେ ଦେକ୍ଲାଇ । ସେଡ୍‌କିବେଲେ ମର୍ ଲଗେ ବେସି ଲକ୍ ନ ରଇଲାଇ କି କାଇମିଆ ଗଣ୍ଡୁଗଲ୍ ଅଇ ନ ରଇଲା ।^{୧୯} ମାତର୍ ତେଇ ଆସିଆ ଦେସର୍ କେତେଟା ଜିଉଦି ରଇଲାଇ, ଜଦି ସେମନ୍‌କେ ମର୍ ବିରଦେ କାଇଟା କଇବାର୍ ରଇଲା, ଆଗ୍ରୁ ସେମନ୍ ନିଜେ ତମର୍ ମୁଆଟେ ଆସି ଦାବା କର୍‌ବାର୍ ରଇଲା ।^{୨୦} ଆରି ତରେକ୍ ମୁଇ ଜେଡେବେଲା ବଡ୍ ସବାର୍ ମୁଆଟେ ଚିଆଅଇରଇଲି, କନ୍ ଅପରାଦେ ଦସି ଅଇଲି, ସେଟା ଇତି ରଇଲା ଲକ୍ମନ୍ କଅଡ୍ ।^{୨୧} *^{୨୧}ଏଲେମିଆ ମୁଇ ଗଟେକ୍ କାତା କଇରଇଲି । ସେମନ୍‌ର୍ ମୁଆଟେ ଚିଆ ଅଇରଇଲା ବେଲେ ମଲାଲକ୍ମନ୍ ଆରିତରେକ୍ ଉର୍‌ବାଇ ବଲି ତାଟ୍ ସଙ୍ଗ୍ ବିସ୍‌ବାସ୍ କରତେ ରଇଲାର୍ ପାଇ ଆଜି ତମର୍‌ଟାନେ ବିଚାର୍‌ନା ପାଇଲିନି । ଏଟାକେ ଚାଡି ଆରି ସେମନ୍‌ର୍ ମୁଆଟେ କିତି କଇନାଇ ।”

୨୨ ପେଲିକ୍‌ସ୍ ସେ ବାଟ୍ ବିସଇର୍ ଟିକିନିକି ଜାନି ରଇଲାର୍ ପାଇ ସୁନାଇବାଟା ବନ୍ଦ୍ କରି କଇଲା, “ସନିଅମନ୍‌ର୍ ମୁକିଅ ଲିସିଅସ୍ କେଟ୍‌ଲା ପତେ, ମୁଇ ତମର୍ ବିଚାର୍‌ନା ସୁନାଇବି ।”^{୨୩} ତାଟ୍‌ପତେ ସେ ଅଦିକାରେ ରଇବା ମୁକିଆକେ କଇଲା, “ପାଉଲ୍‌କେ ବନ୍ଦି ଇସାବେ ଜାରିରଇବାର୍ ଆତେ, ମାତର୍ ତାକେ ଦରକାର୍ ଅଇବା ଜିନିସ୍ ତାର୍ ଲକ୍ମନ୍ ଆନିଦେଲେ, ସେଟା ତେବାଇବାର୍ ନାଇ ।”

ପେଲିକ୍‌ସ୍ ଆରି ଦୁର୍‌ସିଲାର୍ ମୁଆଟେ ପାଉଲ୍

୨୪ କେତେଦିନ୍ ପତେ ପେଲିକ୍‌ସ୍ ତାର୍ ଜିଉଦି ମାଇଜି ଦୁର୍‌ସିଲା ସଙ୍ଗ୍ ତେଇ ଆଇଲା । ସେ ପାଉଲ୍‌କେ ଡାକାଇ ଜିସୁକିରିସ୍‌ଟେକେ ବିସ୍‌ବାସ୍ କର୍‌ବା ବିସଇ, ତାର୍ କାତା ନିକକରି ସୁନ୍‌ଲା ।^{୨୫} ମାତର୍ ଜେଡେବେଲେ ପାଉଲ୍ ଦରମ୍ ଚଲାଟଲ୍‌ତି ଆରି ଲକ୍ମନ୍ ନିଜର୍ ପାପର୍ ଗୁନୁଚଲନ୍ ଇସାବେ ନ ଜାଇକରି ନିଜେ ଦାରିଅଇରଇବା ବିସଇ, ଆରି ଆଇବା ଦିନର୍ ବିଚାର୍‌ନା ବିସଇ କଇବାକେ ଦାର୍‌ଲା, ପେଲିକ୍‌ସ୍ ତରିଜାଇକରି “ତମେ ଏବେ ଜାଇପାରାସ୍ ।” ବଲି କଇଲା, “ବେଲା ପାଇଲେ ଆରି ତରେକ୍ ମୁଇ ତମକେ ଡାକାଇବି ।”^{୨୬} ସେ ବେଲା ପାଉଲ୍ ତାକେ କେତେକ୍ ଡାବୁ ଲାଟ୍ ଦେଇସି ବଲି ସେ ଆସା କରି ରଇଲା, ସେଟାର୍ ପାଇ ସେ ତରକେ ତର୍ ତାକେ ଡାକାଇ ତାର୍ ସଙ୍ଗ୍ କାତାବାଟା ଅଇବାର୍ ଦାର୍‌ଲା ।

୨୭ ଏକ୍ତି ଦୁଇ ବରସ୍ ଗାଲାପତେ ପର୍‌କିୟସ୍ ପେସ୍‌ଟସ୍ ପେଲିକ୍‌ର୍ ଜାଗାଇ ସାସନ୍‌କାରିଆ ଅଇ ଆଇଲା । ପେଲିକ୍‌ସ୍ ଜିଉଦିମନ୍‌କେ ବଲ୍‌ବଲାଇ ଅଇବାକେ ମନ୍ଦି କରି ପାଉଲ୍‌କେ ନ ମୁକ୍‌ଲାଇ ବନ୍ଦି ଗରେ ଚାଡି ଉଟିଗାଲା ।

୨୫

ସମ୍‌ବାଟର୍ ଲଗେ ପାଉଲ୍‌ର୍ ଗୁଆରି

୧ ପେସ୍‌ଟସ୍ ସାସନ୍‌କାରିଆ ଅଇଲାନି ଆଇଲା ଜାଗାଇ, ତିନ୍ ଦିନ୍ ପତେ, ସେ ସିସିରିଆ ଅନି ଜିରୁସାଲମେ ଗାଲା ।^୨ ସେ ଜିରୁସାଲମେ ରଇଲାବେଲେ, ତେଇ ମୁକିଅ ପୁଜାରି ଆରି ଜିଉଦିନେତାମନ୍ ଆରି ତରେକ୍ ପାଉଲ୍‌ର୍ ବିରଦେ ରଇବା ଦାବି ନେଇ, ସେମନ୍‌ର୍ ଲଗେ ଗାଲାଇ । ସେମନ୍ ପେସ୍‌ଡେସ୍‌କେ ବାବୁଜିଆ କଲାଇ,^୩ ଜେକ୍‌ଟିକି ପାଉଲ୍‌କେ ଜିରୁସାଲାମେ ଆନ୍‌ବାକେ ଗୁଆରି କଲାଇ । କାଇକେବଇଲେ ବାଟେ ଜାଗିରଇ ସେମନ୍ ପାଉଲ୍‌କେ ମାରିମରାଇବାକେ ଜୁଜନ୍‌ନା ତିଆର୍ କରିରଇଲାଇ ।^୪ ପେସ୍‌ଟସ୍ କଇଲା, “ପାଉଲ୍‌କେ ଗଟେକ୍ ବନ୍ଦି ଇସାବେ ସିସିରିଆଇ ରକାଅଇଲା ଆତେ ଆରି ବେଗି ମୁଇ ତେଇ ବାଉଡି ଜିବି ।^୫ ଜଦି ସେ କାଇ ଦସ୍ କଲା ଆତେ, ତେବେ ତମର୍ ନେତାମନ୍ ମର୍ ସଙ୍ଗ୍ ସିସିରିଆଇ ଆସଡ୍ ଆରି ତାର୍ ବିରଦେ ସେମନ୍‌ର୍ ଦାବା ଜାନାଅଡ୍ ।”

୬ ପେସ୍‌ଟସ୍ ସେମନ୍‌ର୍ ସଙ୍ଗ୍ ଆର୍ ଦସ୍ ଦିନ୍ ଜିରୁସାଲମେ ରଇକରି ସିସିରିଆଇ ବାଅଡ୍‌ଲା । ତାର୍ ଆର୍‌କର୍ ଦିନେ ବିଚାର୍ କରବା ଗରେ ବସି ପାଉଲ୍‌କେ ଆନ୍‌ବାକେ ଆଦେସ୍ ଦେଲା ।^୭ ପାଉଲ୍ ଆଇଲା ଦାପରେ ଜିରୁସାଲମେଅନି ଆସିରଇବା ଜିଉଦିମନ୍ ତାକର୍ ଚାରିବେଟ୍‌ଡି ବେଡି ଚିଆ ଅଇଲାଇ ଆରି ତାର୍ ବିରଦେ କେତେକ୍ କେତେକ୍ ବଡ୍ ବଡ୍ ଦାବା କଲାଇ, ମାତର୍ ସେମନ୍ ଏ ସବୁ ସଡ୍ ବଲି ଦେକାଇ ନାପାର୍‌ଲାଇ ।^୮ ମାତର୍ ପାଉଲ୍ ନିଜେ ନିଜର୍ ବାଟେ ଅନି କଇଲା, “ଜିଉଦିମନ୍‌ର୍ ରିଡିନିତି, ମନ୍ଦିରର୍ କି ରମିଅ ସାସନ୍‌କାରିଆ, କାର୍ ମିଆ ବିରଦେ ମୁଇ ଦସ୍ କରିନାଇ ।”

* ୨୪:୧୭ ୨୪:୧୭ ପେରିଟ୍ ୨୫:୧୭-୨୮ * ୨୫:୨୧ ୨୫:୨୧ ପେରିଟ୍ ୨୩:୬

୯ ମାତୃ ପେସ୍ତସ୍ ଜିଉଦିମନକେ ବଲ୍ ବଲାଇ ଅଇବାକେ ମନ୍ କରି ପାଉଲକେ ପାଚାରୁଲା, “ଜିରୁସାଲମେ ଜିବାକେ ଆରି ତେଇ ମର୍ ମୁଆଟେ, ଏ ସବୁ ଦାବାର୍ ବିଚାର୍ କର୍ବାକେ ତୁଇ କାଇ ରାଜି ଅଇସୁ କି ?”

୧୦ ପାଉଲ୍ କଇଲା, “ମୁଇ ବଡ଼ ସାସନକାରିଆର୍ ନିଜର୍ ବିଚାରନା ଜାଗାଇ ଚିଆ ଅଇଲିଆଚି, ଇତିସେ ମର୍ ବିଚାର୍ ଅଇବାର୍ ଦରକାର୍ । ତମେ ନିକକରି ଜାନାସ୍ ଜେ, ମୁଇ ଜିଉଦିମନର୍ ବିରଦେ କାଇମିସା ଦସ୍ କରିନାଇ । ୧୧ ଜଦି ମୁଇ ରିତିନିତି ନ ମାନି ମରନ୍ ତଣ୍ ପାଇବାପାରା କାଇ ଦସ୍ କଲିଆଚି ବଇଲେ, ମର୍ବାକେ ନ ତରି । ମାତୃ ସେମନ୍ ମର୍ ବିରଦେ ଆନିରଇବା ଦାବା ବିତ୍ରେ କାଇମିସା ସତ୍ ନ ରଏ, ତେବେ କେ ମିସା ମକେ ସେମନ୍କେ ସର୍ପିଦେଇ ନାପାରତ୍ । ବଡ଼ ସାସନକାରିଆ ଆକା ମକେ ବିଚାରନା କର ବଲି ଗୁଆରି କଲିନି ।”

୧୨ ତାର୍ପତେ ପେସ୍ତସ୍ ତାର୍ ସବାଇ ରଇଲା ଲକ୍ମନର୍ ସଙ୍ଗ୍ କାତାବାର୍ତା ଅଇ କଇଲା, “ତମେ ବଡ଼ ସାସନକାରିଆ ବିଚାର୍ କର ବଲି ଗୁଆରି କରିଆଟାସ୍, ସେଟାର୍ ପାଇ ତମକେ ବଡ଼ ସାସନକାରିଆର୍ ଲଗେ ପାଟାଇବି ।”

ଆଗରିପା ଆରି ବର୍ନିକିର୍ ମୁଆଟେ ପାଉଲ୍

୧୩ କେତେଦିନ୍ ପତେ ରାଜା ଆଗରିପା ଆରି ବର୍ନିସ୍ ପେସ୍ତସ୍କେ କୁଆର୍ ଜାନାଇବାକେ କାଇସରିଆଇ ମିସ୍ବାର୍ ଆଇଲାଇ । ୧୪ ତେଇ ସେମନ୍ କେତେ ଦିନ୍ ରଇଲା ପତେ ପେସ୍ତସ୍ ପାଉଲର୍ ବିସଇ ରାଜାକେ ଜାନାଇଲା, “ପେଲିକସ୍ ବନ୍ଦିକରି ଜାଇରଇବା ଗଟେକ୍ ଲକ୍ ଇତି ଆଟେ ।” ୧୫ ମୁଇ ଜେତେବେଲା ଜିରୁସାଲାମ୍ ଜାଇରଇଲି, ଜିଉଦିମନର୍ ମୁକ୍ତି ପୁଜାରିମନ୍ ଆରି ସେ ଦରମର୍ ପାର୍ତିମନ୍ ତାର୍ ବିରଦେ କେତେଟା ଦାବା କଲାଇ ଆରି ତାକେ ଦସି କର୍ବାକେ ମକେ କଇଲାଇ । ୧୬ ମାତୃ ମୁଇ ସେମନ୍କେ କଇଲି ଜେ, ଗଟେକ୍ ଦସିକେ ବିଚାର୍ କର୍ବା ଗରେ, ତାକେ ଦାବା କରୁମନର୍ ମୁଆଟେ ନିଜର୍ ବାଟେଅନି କଇବାକେ ବେଲା ଦେବା ଆଗ୍ରୁ, ତାକେ ଦସି କର୍ବାଟା ଆମର୍ ରମିୟମନର୍ ନିୟମେ ନାଇ । ୧୭ ସେମନ୍ ଇତି ଆଇଲା ପତେ ମୁଇ ଅଲ୍ସମ୍ ନ କରି, ତାର୍ ପର୍ଦିନେ ବିଚାର୍ କର୍ବା ଗରେ ବସ୍ତୁ ଆରି ସେ ଲକ୍କେ ବିତ୍ରେ ଆନ୍ବାକେ ଆଦେସ୍ ଦେଲି । ୧୮ ମର୍ ବାବ୍ବାଟା ବୁଲ୍ ରଇଲା, ସେମନ୍ ତାର୍ ବିରୁଦେ ଆନିରଇବା ଦାବି, ସେ କରିରଇବା କରାପ୍ ବିସଇ ଅଇରଇସି ବଲି ବାବ୍ଲି, ମାତୃ ସେନ୍ତାର୍ ନ ରଇଲା । ୧୯ ସେମନର୍ ଦାବି ତାକର୍ ନିଜର୍ ଦରମ୍ ବିସଇ ରଇଲା, ଆରି ଜିସୁ ବଲି ଗଟେକ୍ ମରିଜାଇରଇବା ଲକ୍କର୍ ବିସଇ ରଇଲା । ମାତୃ ସେଲକ୍ ବର୍ଲ୍ଲା ଆଟେ ବଲି ପାଉଲ୍ କଇଲା । ୨୦ ଏ ସବୁ ବିସଇର୍ ସତ୍ କେନ୍ଦ୍ରି ବାର୍କରାଇବି ବଲି ମୁଇମିସା ନାଜାନିରଇଲି, ତେବେ ଏ ସବୁ ବିଚାରନା କର୍ବାକେ ପାଉଲ୍କେ ଜିରୁସାଲମେ ଜାଇସୁ କି ନାଇ ବଲି ପାଚାରୁଲି । ୨୧ ମାତୃ ପାଉଲ୍, ନିଜେ ରମ୍ ରେଇଜର୍ କାଇସର୍ ରାଜା, ତାର୍ ବିଚାର୍ କର ବଲି କଇ ସନିଅମନ୍ ରକିଆ କରତ୍ ବଲି ମନ୍ କଲା । ସେଟାର୍ପାଇ ବଡ଼ ସାସନକାରିଆ ଲଗେ ପାଟାଇବା ଜାକ ବନ୍ଦି କରି ରକ୍ବାକେ ଆଦେସ୍ ଦେଲିଆଚି ।

୨୨ ଆଗରିପା ପେସ୍ତସ୍କେ କଇଲା, “ମୁଇ ନିଜେ ଏ ଲକ୍କର୍ କାତା ସୁନ୍ବାକେ ମନ୍ କଲିନି ।” ପେସ୍ତସ୍ କଇଲା, “କାଲିକେ ତମେ ତାର୍ କାତା ସୁନ୍ସା ।”

୨୩ ତାର୍ ଆରକ୍ ଦିନେ ଆଗରିପା ଆରି ବର୍ନିସ୍ ଆସି କେଟ୍ଲାଇ । ସେମନ୍ ରାଜାମନ୍ ପିୟଲାପାରାଟା ପିନ୍ଦିର ଇଲା । ସନିଅମନର୍ ନେତାମନ୍ ଆରି ସେ ଗତର୍ ବଡ଼ ବଡ଼ ଲକ୍ମନର୍ ସଙ୍ଗ୍ ବେସି ଡାକ୍ପୁଟା ସଙ୍ଗ୍ ଆସି, ବିଚାରନା ଜାଗାଇ ପୁରୁଲାଇ । ପେସ୍ତସ୍ ଆଦେସ୍ କଲାକେ, ପାଉଲ୍କେ ବିତ୍ରେ ଆନିଲାଇ । ୨୪ ପେସ୍ତସ୍ କଇଲା, “ରାଜା ଆଗରିପା ଆରି ରୁଣ୍ଡି ରଇଲା ସବୁ ଲକ୍, ତମେ ଏ ଜନ୍ ଲକ୍କେ ଦେକ୍ଲାସିନି, ତାର୍ ବିରଦେ ଇତିର୍ ଜିଉଦିମନ୍ ଆରି ଜିରୁସାଲମର୍ ଜିଉଦିମନ୍ ମର୍ ଲଗେ ଦାବା କଲାଇ ଆଟତ୍ । ସେମନ୍ ତାକେ ମରାଉଁ ବଲିକରି କଇ ଆଉଲି ଅଇଲାଇନି । ୨୫ ମାତୃ ମୁଇ କଜି ବାର୍କରାଇଲି ଜେ, ଏ ଲକ୍ ମରନ୍ ତଣ୍ ପାଇବା ଏଡ଼କି, କାଇ ଦସ୍ କରେନାଇ । ସେ ନିଜେ ବଡ଼ସାସନକାରିଆକେ ଗୁଆରି କଲାଟ୍ ପାଇ, ମୁଇ ତାକେ ତେଇ ପାଟାଇବାକେ ଟିକ୍ କଲି ଆଚି । ୨୬ ମାତୃ ତାର୍ ଦାବି ବିସଇ ଟିକ୍ ସଙ୍ଗ୍ ବଡ଼ସାସନକାରିଆକେ ଲେକ୍ବାକେ ମର୍ ଲଗେ କାଇଟା ନାଇ । ସେଟାର୍ପାଇ ମୁଇ ସବୁର୍ ମୁଆଟେ ଆରି ଏ ଆଗରିପା ରାଜା, ତମର୍ ମୁଆଟେ ଆନୁଲି ଆଚି, ଜେନ୍ଦ୍ରି କି ତାର୍ ବିସଇ ତମେ ନିକ ସଙ୍ଗ୍ କନ୍ଦ୍ଲା ପତେ ବଡ଼ସାସନକାରିଆକେ ଲେକିପାର୍ବି । ୨୭ କାଇକେବଇଲେ ଗଟେକ୍ ବନ୍ଦିର୍ ବିରଦର୍ ଦାବା ନିକସଙ୍ଗ୍ ନ ଦେକାଇ, ବଡ଼ସାସନକାରିଆର୍ ଲଗେ ପାଟାଇବାଟା ଟିକ୍ ନର୍ବି ବଲି ମୁଇ ବାବ୍ଲିନି ।”

୨୭

ଆଗରିପାର୍ ମୁଆଟେ ପାଉଲ୍ ନିଜର୍ ବିସଇ ସାକି ଦେବାଟା

୧ ଆଗରିପା ପାଉଲ୍‌କେ କଇଲା, “ତକେ ତର୍ ନିଜର୍ ବିସଇ ଜାଇଟା କଇବାର୍ ଆଟେ, ସେଟା କଇବାକେ ଅଦିକାର୍ ଦିଆଅଇଲା ।” ପାଉଲ୍ ଆର୍ ଉଟାଇକରି ନିଜର୍‌ବାଟେଅନି କଇଲା,

୨ “ରାଜା ଆଗରିପା ! ଜିଉଦିମନ୍ ମକେ ଜନ୍ ସବୁ ବିସଇ ନେଇ ଦସି କରିଆଟଡ୍, ସେଟା ବିରଦେ ତମର୍ ମୁଆଟେ, ନିଜର୍ ବାଟେଅନି କଇବାକେ ବେଲା ପାଇଲାର୍ ପାଇ ମୁଇ କେତେ କରମର୍ ଲକ୍ ବଲି ବାବ୍‌ଲିନି ।” ୩ କାଇକେବଇଲେ ଜିଉଦିମନ୍‌ର୍ ରିତିନିତି ବିସଇ ଆରି ସେମନ୍‌ର୍ ଲାଗାଜଡା ବିସଇ ତମେ ନିକସଙ୍ଗ ଜାନାସ୍ । ମୁଇ ଗୁଆରି କଲିନି, ତମେ ବିଜାର୍ ନ ଅଇକରି ମର୍ ସବୁକାତା ସୁନା ।

୪ “ପିଲାବେଲେଅନି କେନ୍ତ୍ର ମୁଇ ଜିଇଲି ଆଟି, ସେଟା ଜିଉଦିମନ୍ ଜାନଡ୍ । ପର୍ତୁମ୍ ମର୍ ନିଜର୍ ଦେସେ ଆରି ପଟେ ଜିରୁସାଲମେ ମୁଇ କେନ୍ତ୍ର ଜିବନ୍ କାଟ୍‌ଲି ଆଟି, ସେଟା ମିସା ସେମନ୍ ଜାନଡ୍ । ୫ ଆଗେଅନି ମୁଇ ଜିଉଦି ନିୟମ୍ ସବୁ ମାନକରି ପାରୁସିମନ୍‌ର୍ ପାରା ଚଲାଟଲୁଟି କଲିଆଟି, ସେ ବିସଇ ସେମନ୍ ସାକି ଦେଇପାରଡ୍ ।” ୬ ପର୍ତମେସର୍ ଆମର୍ ଆନିଦାଦିମନ୍‌କେ ଜନ୍ କାତା ଦେଇ ରଇଲା, ତେଇ ମର୍ ଆସା ରଇଲାର୍‌ପାଇ ଆଜି ମୁଇ ଇତି ବିଚାର୍‌ନା କରାଇଅଇବାକେ ତିଆ ଅଇଲିଆଟି । ୭ ମାତର୍ ଏ ରାଜା, ଏ ଆସା ଆମର୍ ବାର୍‌ଟା ଜିଉଦି ଜାତିର୍ ଲକ୍ ଦିନ୍ ରାତି ମାପୁରୁକେ ପାର୍‌ତନା କରି, ପାଇବାକେ ଆସାକଲାଇନି । ଆରି ଏ ଆସାର୍ ଲାଗି ଆମର୍ ଜିଉଦିମନ୍ ମକେ ଦସି କରିଆଟଡ୍ । ୮ ପର୍ତମେସର୍ ମଲା ଲକ୍‌କେ ଉଟାଇସି, ବଲି କାଇକେ ବିସବାସ୍ କରିନାପାରୁଲାସିନ୍ ?

୯ “ମୁଇ ମିସା ସେମନ୍‌ର୍ ପାରା ରଇଲି । ନାଜରିତ୍‌ୟ ଜିସୁର୍ ବାଟେ ଜିବା ସବୁ ଲକ୍‌ମନ୍‌ର୍ ବିରୁଦେ ମର୍ ଜେଡକି ବସୁ ସଙ୍ଗ ମିସା କାମ୍ କରବାର୍ ଆଟେ ବଲି ଚିନ୍ତା କଲି । ୧୦ ମୁଇ ଜିରୁସାଲମେ ସେନ୍ତ୍ର କଲି । ମୁକିଅ ପୁଜାରିମନ୍‌ର୍‌ତେଇଅନି ଅଦିକାର୍ ଚିତି ପାଇ, ପରମେସର୍‌ର୍ ଦେସି ଲକ୍‌ମନ୍‌କେ ବାଦି କରି, ବାଦି ଗରେ ପୁରାଇଦେଲି । ଆରି ସେମନ୍‌କେ ମରନ୍‌ର୍ ତଣ୍ଟ ଦେବାକେ ବିଚାର୍‌ନା କଲାବେଲେ, ସେମନ୍‌ର୍ ବିରୁଦେ ଚିଆଅଇଲି । ୧୧ କେତେ କେତେ ତର୍ ପାର୍‌ତନା ଗର୍‌ମନ୍‌କେ ସେମନ୍ ବିସବାସ୍ ଚାତଡ୍ ବଲି ମାର୍‌ବାକେ ତିଆର୍‌ଲି, ସେମନ୍‌ର୍ ଉପରେ ଏତେ ରିସା ଅଇଜାଇରଇଲି ଜେ, ସେମନ୍‌କେ କସଟ ଦେବାକେ ବିଦେସେ, ରଇବା ଗର୍‌ମନ୍‌କେ ମିସା ଜାଇରଇଲି ।”

ନିଜେ ବାଦ୍‌ଲାଇଲା ବିସଇ ପାଉଲ୍ କଇବାଟା

୧୨ “ଏଟା କର୍‌ବାକେ ମୁଇ ମୁକିଅ ପୁଜାରିମନ୍‌ର୍‌ତେଇଅନି ଅଦିକାର୍ ଚିତି ଆରି ଆଦେସ୍ ନେଇ ଦାମାସକସେ ଜାଇରଇଲି । ୧୩ ଏ ରାଜା ଏଗରିପା, ଅଟାଡ୍ ଦିନେକ୍ ମୁଣ୍ଟବେଲା ଲଗେ, ଜିବାବାଟେ ବେଲ୍ ତାରାସେଅନି ଅଦିକ୍ ଉଜଲ୍ ଦେକ୍‌ଲି । ସର୍‌ଗେଅନି ସେ ଉଜଲ୍ ଆସି ମକେ ଆରି ମର୍ ସଙ୍ଗ୍ ଜିବା ଲକ୍‌ର୍ ଚାରିବେଟ୍‌ଟି ବିତି ଅଇଲା ।” ୧୪ ଆମେ ସବୁ ଲକ୍ ତଲେ ଅଦରି ତୁଲିଦେଲୁ ଆରି ଇବରୁ ବାସାଇ ମକେ କଇତେରଇବା ଏ କାତା ସୁନ୍‌ଲି, “ସାଉଲ୍, ସାଉଲ୍ !” ତୁଇ ମକେ କାଇକେ କସଟ ଦେଲୁସିନ୍ ? କସଲାବେଲେ କସବାଲକ୍ ବଲଦ୍‌କେ ତୁତାରିବୁସଲେ ବଲଦ୍ ଲାଡ୍‌ମାର୍‌ବା ପାରା, ତୁଇ ନିଜେ କସଟ ପାଇଲୁସିନ୍ । ୧୫ “ମୁଇ ପାଗାର୍‌ଲି, ‘ମାପୁରୁ ତମେ କେ ?’ ସେ କଇଲା, ‘ମୁଇ ଜିସୁ, ମକେସେ ତୁଇ କସଟ ଦେଲୁସିନ୍ ।’ ୧୬ ମାତର୍ ଉଟିକରି ତିଆ ଅ । ତକେ ମର୍ ସେବାକାରିଆ କର୍‌ବାକେ, ଦରସନ୍ ଦେଲିଆଟି । ଆଜି ତୁଇ ମର୍ ବିସଇ ଜାଇଟା ଦେକ୍‌ଲୁସ୍ ଆରି ପଡ୍‌କେ ମିସା ମୁଇ ଜାଇଟା ଦେକାଇବି, ସେ ବିସଇ ତୁଇ ବିନ୍ ଲକ୍‌ମନ୍‌କେ ସାକିଦେସ୍ । ୧୭ ଜନ୍ ଜିଉଦି ଆରି ଜିଉଦିନଇଲା ଲକ୍‌ମନ୍‌ର୍‌ତେଇ ତକେ ପାଗାଇବି, ସେମନ୍‌ର୍‌ତେଇ ଅନି ତାଡ୍‌ନା ପାଇଲେ, ମୁଇ ତକେ ରକିଆ କରବି । ୧୮ ତୁଇ ସେମନ୍‌ର୍ ଆଁକି ପିଟାଇଦେସ୍ ବଲି ମୁଇ ତକେ କଇଲିନି । ଜେନ୍ତ୍ରକି ସେମନ୍ ଆନ୍ଦାରେଅନି ଉଜଲେ ଆରି ସଇତାନର୍ ବାନ୍‌ନେଅନି ମାପୁରୁର୍ ବାଟେ ବାଅଡ୍‌ବାଇ । ଜେନ୍ତ୍ରକି ମକେ ବିସବାସ୍ କଲାର୍ ପାଇ, ସେମନ୍‌ର୍ ପାପ୍ କେମା ଅଇସି । ଆରି ମାପୁରୁ ବାଟ୍‌ଲା ଲକ୍‌ମନ୍‌ର୍ ସଙ୍ଗ୍ ସେମନ୍‌କେ ମିସା ଡାକିନେବାଇ ।”

ନିଜର୍ କାମ୍ ବିସଇ ପାଉଲ୍ ସାକି ଦେବାଟା

୧୯ “ସେଟାର୍‌ପାଇ ଏ ରାଜା ଆଗରିପା ମୁଇ ସର୍‌ଗେଅନି ଜନ୍ ଦର୍‌ସନ୍ ପାଇଲିଆଟି, ସେଟା ପୁରାପୁରୁନ୍ ମାନ୍‌ଲି । ୨୦ ସେନ୍ତ୍ରାରି ମୁଇ ପର୍‌ତମେ ଦାମାସକସେ ଆରାମ୍‌କରି ତାଟ୍‌ପଟେ ଜିରୁସାଲମେ, ପଟେ ଜିଉଦାର୍ ସବୁବାଟେ ଆରି ଜିଉଦିନଇଲା ଲକ୍‌ମନ୍‌ର୍ ବିତରେ ମାପୁରୁର୍ ବିସଇ ଜାନାଇଲି । ଜେନ୍ତ୍ର କି ସେମନ୍ କରିରଇବା ପାପ୍ ଏତାଇ, ଦୁକ୍‌କରି ମାପୁରୁର୍‌ବାଟେ ବାଅଡ୍‌ବାଇ । ଆରି ସେମନ୍ ଜନ୍‌ଟା

* ୨୭:୫ ୨୭:୫ ପେରିଚ୍ ୨୩:୭; ପିଲିପିୟ ୩:୫ * ୨୭:୯ ୨୭:୯ ପେରିଚ୍ ୮:୩; ୨୪:୫ * ୨୭:୨୦ ୨୭:୨୦ ପେରିଚ୍ ୯:୨୦; ୨୮:୯

ମାନିଆଇଲାଇ ଆଚଡ଼, ସେଟା ତାକର୍ ଚଲାଚଲ୍‌ତିଅନି ଜାନିଅଇସି । ୧୯ ଏଟାର୍‌ପାଇ ମୁଇ ମନ୍ଦିରେ ରଇଲାବେଲେ ଜିଉଦିମନ୍ ମକେ ଦାରି ମରାଇବାକେ ଚେସ୍‌ଟା କଲାଇ । ୨୦ ମାତର୍ ପର୍‌ମେସର୍ ମକେ ଆଜିକେଜାକ ରକିଆ କଲାଆଚେ ଆରି ସେଟାର୍‌ପାଇ ଆଜି ସାନ୍ ବଡ଼ ସବୁ ଲକର୍ ଲଗେ ସମାନ୍ ଇସାବେ ମର୍ ସାକିଦେବାକେ ଟିଆକରାଇଆଚେ । ବବିସଡ଼ବକ୍‌ତା ଆରି ମସା ଜାଇଟା ଗଡ଼ସି ବଲି କଇରଇଲାଇ, ଚିକ୍ ସେ କାତା ମୁଇ କଇଲିନି । ୨୧ ଫସିଅ ଦୁକ୍ ପାଇସି ଆରି ମଲାଲକମନର୍ ବିଡ଼ରେଅନି ସିଗ୍ ପର୍‌ତୁମେ ଉଟି, ଜିଉଦି ଆରି ଜିଉଦି ନଇଲା ଲକମନର୍ ଲଗେ ମୁକ୍‌ତିର୍ ଉଜଲ୍ ଦେକାଇସି ।”

୨୪ ପାଉଲ୍ ନିଜର୍ ବାଟେଅଇ କଇଲା ବେଲେ, ପେସ୍‌ଟସ୍ ତାକେ ଆଉଲିଅଇ କରି କଇଲା, “ପାଉଲ୍, ତୁଇ ବାୟା ଅଇଗାଲୁସ୍ ! ତୁଇ ପାଟ୍‌ପତି ବେସି ପାଇରଇବା ଗିଆନ୍ ତକେ ବାୟା କଲାଆଚେ ।”

୨୫ ପାଉଲ୍ କଇଲା, “ଏ ମାପରୁ ପେସ୍‌ଟସ୍, ମୁଇ ବାୟା ଅଇନାଇ, ମୁଇ ଜାଇଟା କଇଲିନି ସେଟା ପୁରାପୁରୁନ୍ ସଡ଼ । ଆରି ତବିର୍ ବୁଦିର୍ କାତା କଇଲିଆଚି । ୨୬ ଏ ରାଜା ଅଗ୍ରିପା ! ତମେ ଏ ବିସଇ ଜାନିରଇଲାଟ୍ ପାଇ, ତମର୍ ମୁଆଟେ ଏ କାତା କଇବାକେ ସାଆସ୍ କଲିନି ! ମୁଇ ଜାନାଇରଇବା ସବୁ ବିସଇର୍ କାଇ କାତା ମିସା, ସେ ନାଜାନେ, ବଲି ମୁଇ ବିସ୍‌ବାସ୍ କରିନାଇ ! କାଜକେବଇଲେ ଏଟା ଲୁଟ୍‌ଡେ କରାଅଏ ନାଇ । ୨୭ ରାଜା ଆଗ୍ରିପା, ତମେ ବବିସଡ଼ବକ୍‌ତାମନକେ ବିସ୍‌ବାସ୍ କଲାସିନି ତ ? ମୁଇ ଜାନି ତମେ ବିସ୍‌ବାସ୍ କଲାସିନି !”

୨୮ ଆଗ୍ରିପା ପାଉଲ୍‌କେ କଇଲା, “ଏ ଅଲସ୍ ବେଲା ବିଡ଼ରେ ତୁଇ କାଇ ମକେ ବିସ୍‌ବାସି କରିଦେବି ବଲି ବାବଲୁସିନି କି ?”

୨୯ ପାଉଲ୍ କଇଲା, “ଚନେକ୍ ଅ କି ପରେକ୍ ଅ, ପର୍‌ମେସର୍ ଲଗେ ମର୍ ଏଡ଼କି ମାଙ୍ଗ୍‌ଲିନି । ଅବକା ତମେସେ ନାଇ ରାଜା, ଆଜି ମର୍ କାତା ସୁନିରଇବା ସବୁ ଲକ୍ ମର୍‌ପାରା କିରିସ୍‌ଟର୍ ସିସ୍ ଉଆ । ମାତର୍ ମର୍‌ପାରା ଏକ୍ଟି ସିକ୍‌ଲିସଙ୍ଗ୍ ବାନ୍ଦାଇ ଉଆ ବଲି ମୁଇ କଇନାଇ ।”

୩୦ ତାର୍ ପଚେ ରାଜା, ସାସନ୍‌କାରିଆ, ଆରି ବର୍‌ନିସ୍ ଆରି ବିନ୍ ଲକମନ୍ ଜିବାକେ ଉର୍‌ଲାଇ । ୩୧ ସେମନ୍ ବାରଇଲା ବେଲେ ତାକର୍ ତାକର୍ ବିଡ଼ରେ କଇଲାଇ, “ଏ ଲକ୍ ଏକ୍ଟି କାଇମିସା କାମ୍ କରେ ନାଇ, ଜନ୍‌ଟା କି ସେ ମରନର୍ ଡ଼ଣ୍ଡି ପାଇବାକେ କି ବନ୍ଦି ଅଇବାକେ ।” ୩୨ ଆଗ୍ରିପା ପେସ୍‌ଟସ୍‌କେ କଇଲା, “ଜଦି ଏ ଲକ୍ ବଡ଼ସାସନ୍‌କାରିଆଟାନେ ବିଚାର୍ ପାଇବି ବଲି ଗୁଆରି କରି ନ ରଇଲେ, ତେବେ ଆମେ ତାକେ ଚାଡ଼ି ଦେଇତୁ ।”

୨୨

ପାଉଲ୍ ରମ୍ ଦେସେ ଗାଡ଼ ଗାଡ଼ ଜିବାଟା

୧ ଆମେ ଜେଡେବେଲେ ପାନି ଜାଜେ ବସି ଇଟାଲି ଜିବାକେ ଚିକ୍ କଲାଲି, ସେଡ଼କିବେଲେ କେଡେଟା ବନ୍ଦି ଅଇଲା ଲକ୍‌କେ ଆରି ପାଉଲ୍‌କେ ରମିୟ୍ ସନିଅମନର୍ ସେନାପତି ଜୁଲିୟ୍‌ସ୍‌କେ ସର୍‌ପି ଅଇଲାଇ । ୨ ଆମେ ସବୁଲକ୍ ରମ୍ ରାଇଜର୍ ଆସିଆ ଜାଗାର୍ ଗାଡ଼କଣ୍ଡି ରଇଲା ବିନ୍ ବିନ୍ ଜାଗାଇ ଜୁ ବଲି ଆଦ୍‌ରାମୁଦିୟ୍‌ମର୍ ଗଟେକ୍ ପାନିଜାଜେ ବସି ଗାଲୁ । ଆରି ମାକିଦନିଆ ବଲି ଗଟେକ୍ ଜାଗାର୍ ଆରିସ୍‌ତାକସ୍ ନାଉର୍ ଡେସ୍‌ଲନିକି ଲକ୍ ଆମର୍ ସଙ୍ଗ୍ ରଇଲା । ୩ ଆର୍‌କର୍ ଦିନେ ଆମେ ସିଦନେ କେଟ୍‌ଲୁ । ଜୁଲିୟ୍‌ସ୍ ପାଉଲ୍‌କେ ବେସି ଦୟା ଦେକାଇଡେରଇଲା । ପାଉଲ୍‌ର୍ ସଙ୍ଗାରିମନର୍ ଟାନେଅନି ତାର୍ ଦର୍‌କାର୍ ଅଇବା ଜିନିସ୍‌ମନ୍ ଚୁଲିଆଇବାକେ ତାକର୍‌ସଙ୍ଗ୍ ଜାଇ ମିସ୍‌ଡ଼ ବଲି ପାଉଲ୍‌କେ ଆଦେସ୍ ଦେଲା । ୪ ଆମେ ତେଇଅନି କେଡେଦୁର୍ ଗାଲାପଚେ ପବନ୍ ଅଇଲାଜେ ସାଇପରସ୍ ଗାଡ଼ର୍ ପାଲି ପାଲି ଗାଲୁ । ୫ ସିଲିସିଆ ଆରି ପପୁଲିଆ ନାଉର୍ ଦୁଇଟା ଜାଗା ଜିଡକିରି ଲୁକିଆ ବଲି ମୁରା ନଅର୍ ଜାଗାଇ ଆଇଲୁ । ୬ ତେଇ ସେନାପତି ଆଲେକ୍‌ଜାଣ୍ଡ୍ରିଆର୍ ଗଟେକ୍ ପାନି ଜାଜ୍ ଇଟାଲି ଜାଇଡେରଇଲାଜେ ଆମ୍‌କେ ଦେକି, ସେ ଜାଜେ ବସାଇଲା ।

୭ ପଚେ ଆମ୍‌କେ ବେସିଦିନ୍ ଲାଗିଗାଲା ଦିରେ ଦିରେ ଜାଇ କରି କେଡେକ୍ କସ୍‌ଟେ କିଦ୍ ନାଉର୍ ଗଟେକ୍ ଜାଗାଇ କେଟ୍‌ଲୁ । ତେଇ କେଟ୍‌ଲା ପଚେ ବେସି ପବନ୍ ଆଇଲାଜେ ଆମେ ଆରି ଆଗ୍‌କେ ଜାଇ ନାପାର୍‌ଲୁ । ତେବେ ସାଲନି ବଲି ଗଟେକ୍ ଜାଗାର୍ ମୁଆଟ୍ ବାଟେ ଜାଇ କିରିଡର୍ ପାଲି ପାଲି ଗାଲୁ । ୮ ଆରି ପାଲି ପାଲି ଆସି ବଡେ କସ୍‌ଟେ ସୁନ୍‌ର୍ ବନ୍ଦି ବଲି ଗଟେକ୍ ପାନିଜାଜ୍‌ମନ୍ ଲାଗିବାଟାନେ ଆସି କେଟ୍‌ଲୁ । ସେଟା ଲାସିଆ ସଅର୍ ଲଗେ ରଇଲା ।

☆ ୨୭:୨୩ ୨୭:୨୩ ୧ମ କଠିୟ୍ ୧୫:୨୦

୯ ସେ ଜାଗାଇ ଆମେ ବେସିଦିନ୍ ରଇଲୁ । ଜିଉଦିମନର୍ ଉପାସ୍ ମାନିଅଇବା ପରବ୍ ସାରି ଜାଇରଇଲା । ତେବେ ଗାଡ୍ ଗାଡ୍ ଜିବାଟା ବିପଦ୍ ରଇଲା । ସେଟାର୍ପାଇ ପାଉଲ୍ ସେମନ୍‌କେ ଜାଗରତ୍ କରାଇ କଇଲା, ୧୦ “ମାଇତର୍ମନ୍ ଆମେ ଏ ଗାଡ୍ ଗାଡ୍ ଗାଲେ ସରି ଜାଆନ୍ତ୍ ଆରି ଜିନିସ୍‌ପତର୍ ଆକା କେତି ନ ଅଏ, କେତେବେଲେ ଜାଜେ ଜିବା ଲକ୍ମନର୍ ମିସା ଦସା କେନ୍‌ସି ।” ୧୧ ମାତର୍ ସେନାପତି ପାଉଲ୍‌ର୍ କାତା ବିସ୍‌ବାସ୍ ନ କରି, ଜାଜ୍ ଚାଲାଉ, ଜାଜ୍ ସାଉକାରର କାତା ବିସ୍‌ବାସ୍ କଲା । ୧୨ ସେ ଗାଡେ ସିଡ୍‌ମାସେ ରଇବାଟା ବେସି କସ୍‌ଟ୍ ରଇଲା । ତେବେ କେନ୍ତ୍ରି କରି ମିସା କସ୍‌ଟେ ମସ୍‌ଟେ ପେନିକସ୍ ବଲି ଗଟେକ୍ ଜାଗାଇ କେଟି, ଦର୍କାର୍ ପଡ୍‌ଲେ ତେଇ ରଇବାକେ ଜାଜେ ଜିବା କେତେଲକ୍ମନର୍ କର୍ତ୍ତେରଇଲା । ପିନିକସ୍ ଅଇଲାନି କିରିତେ ଦକିଣ୍, ପଟିମ୍ ଆରି ଉତର୍ ପୁରୁବ୍ ଦିଗେ ରଇବା ଗଟେକ୍ ଜାଗାର୍ ନାଉ ।

ସମୁଦ୍ରେ ପାନିପବନ୍ ଆଇବାଟା

୧୩ ଜେତେବେଲେ ଦକିନ୍ ଦିଗ୍‌ବାଟେଅନି ଅଲପ୍ ଅଲପ୍ ପବନ୍ ଆଇଲା, ସେତେବେଲେ ଜାଜେ ବସିରଇବା ଲକ୍ମନ୍ ଏଟା ଗଟେକ୍ ସୁବକବର୍ ବଲି ବାଦ୍‌ଲା । ଜାଜ୍ ଅଟ୍‌କାଇବା ପାର୍‌ଦା ଟେକିଦେକ୍‌ଲା ଆରି କିରିଡ୍ ଗାଡ୍ ପାଲି ପାଲି ଜାଜ୍ ଚାଲାଇ ଚାଲାଇ ନେବାର୍ ଦାର୍‌ଲା । ୧୪ ମାତର୍ ତନେକ୍ ଗାଲା ପଟେ କିରଡ୍‌ବାଟେଅନି ଉତର୍ ପୁରବ୍ ବଲି କଇବା ପବନ୍ ଆଇଲା । ୧୫ ସେ ପବନ୍ ଅପର୍‌ବଲ୍ ଆସି ଜାଜେ ପିଟିଅଇଲା । ପବନ୍ ଆଇବା ମୁଆଟ୍‌ବାଟେ ଜାଜ୍ ନେବାକେ ଚେସ୍‌ଟା କରି କରି ନାପାରି ଚାକିଗାଲୁ । ତେବେ ପବନ୍ ଜାଜ୍‌କେ ପାନି ଟାନେ ଉପକାଇକରି ନେଅ ବଲି ଚାଡିଦେଲୁ । ୧୬ ଆରି କାଉଡ୍ ବଲି ଗୁଲାଇ ବାଟେ ପାନି ରଇକରି ମଜାଇ ସୁକ୍‌ଲା ବୁଝି ରଇବା ଜାଗାର୍ ଦକିଣ୍ ଦିଗ୍‌ବାଟେ ଗାଲାବେଲେ ଅଲପ୍ ପବନ୍‌ଟାନେ ଅନି ରକିଆ ପାଇଲୁ । ତେଇ ଆମେ କସ୍‌ଟେମସ୍‌ଟେ ଜାଆନ୍ତର୍ ସାନ୍‌ଡଙ୍ଗା କାଇ ବିପଦ୍ ନଇତେ ସଙ୍ଗଇପାର୍‌ଲୁ । ୧୭ ଜାଜ୍ ଚାଲାଉମନ୍ ସାନ୍ ଡଙ୍ଗା ଜାଜ୍‌ଉପ୍ରେ ଟେକି ନେଲା ଆରି ଡର୍ ସଙ୍ଗ୍ ଡାଟ୍‌କରି ଜାଜ୍‌ର୍ ଚାରିବେଟ୍‌ତି ନ ବାଙ୍ଗ ବଲି ବାନ୍ଦି ଦେଲା । ଜାଜ୍ ଚାଲାଉମନ୍ ଜାଜ୍‌କେ ଲିବିଆର୍ ପାଲି ପାଲି ବାଲିବନ୍ଦ୍ ବାଟେ ଉଟିଜାଇସି ବଲି ଜାଜେ ବାନ୍ଦି ରଇବା ତେରା ଉଡ୍‌ରାଇକରି ପବନେ ସେ ବ୍ଲି ବ୍ଲି ର ବଲି ଚାଡି ଦେଲା । ୧୮ ତନେକ୍ ମିସା ନ ତେବି ଅପର୍‌ବଲ୍ ପବନ୍ ଆଇବାର୍ ଦାର୍‌ଲା ଜେ, ତାର୍ ଆରୁକର୍ ଦିନେ ସେମନ୍ ଜାଜେଅନି ଜିନିସ୍ ପତର୍ ପାନିତେଇ ପିଙ୍ଗବାର୍ ଦାର୍‌ଲା । ୧୯ ତାର୍ ଆରୁକର୍ ଦିନେ ସେମନ୍ ଜାଜ୍‌ର୍ ପାଇ ଦର୍କାର୍ ଅଇବା କେତେଟା ଜିନିସ୍ ବେଟି ପିଙ୍ଗି ଦେଲା । ୨୦ ବେସି ଦିନ୍ ଅଇଗାଲା ଆମେ ବେଲର୍ ମୁକ୍ ନାଇ କି ତାରାର୍ ମୁକ୍ ଦେକ୍‌ନାଇ ସେନ୍ତ୍ରି ରଇଗାଲୁ । ପବନ୍ ତନେକ୍ ମିସା ତେବେ ନାଇ, ଅଦିକ୍ ଅଦିକ୍ ଆଇତେସେ ରଇଲା । ସାରାସାରି ଆମେ ବର୍ତ୍‌ବାର୍ ଆସା ଚାଡି ଦେଇରଇଲୁ ।

୨୧ ଏତେକ୍ ଦିନ୍ ଅଇଲା ସବୁ ଲକ୍‌ଜାକ ନ କାଇ ନ ପିଇ ରଇଲା ପଟେ ପାଉଲ୍, ଜାଜେ ଜିବା ଲକ୍ମନର୍ ମଜାଇ ଟିଆଅଇ କଇଲା, ମଇତର୍ମନ୍ ତମେ ମର୍ କାତା ଦାରି କିଟେଅନି ଜାଜ୍ ନ ଆନି ରଇଲେ ଆମ୍‌କେ ଏ ଦସା ନ ଆଇତା । ୨୨ ମାତର୍ ଏବେ ତମ୍‌କେ ଗୁଆରି କରି କଇଲିନି, ନ ଡରି, ବରସ୍ ଅଇରୁଆ । ତମ୍‌ର୍ ବିଡ୍‌ରେଅନି କେ ମିସା ନ ମରାସ୍ । ଜାଜ୍‌ସେ ନସ୍‌ଟ୍ ଅଇସି । ୨୩ କାଇକେବଇଲେ ମୁଇ ଜାର୍ ଲକ୍ ଅଇଲିଆଟି, ଆରି ଜନ୍ ପର୍‌ମେସ୍‌ଟ୍‌କେ ପାର୍‌ତନା କଲିନି, କାଲି ରାତି ତାର୍ ଗଟେକ୍ ସରଗର୍ ଦୁଡ୍ ମକେ ଆସି କଇଲା, ୨୪ ପାଉଲ୍ ତୁଇ ଡର୍ ନାଇ । ବାଇଦରେ ସମ୍‌ଗାର୍ ମୁଆଟେ ତୁଇ ଟିଆ ଅଇସୁଆକା । ପର୍‌ମେସ୍‌ଟ୍‌କେ ଜିବନ୍ ଦୁକାଇଲାଆଟେ । ଜେ କି, ତକେ ଆରି ଡର୍ ସଙ୍ଗ୍ ଜାଇତେ ରଇବା ସବୁ ଲକ୍ମନ୍‌କେ ବର୍ତାଇସି । ୨୫ ତେବେ ବାଇମନ୍ ତମେ ନ ଡରି ବରସ୍ ଅଇରୁଆ । କାଇକେ ବଇଲେ ମୁଇ ପର୍‌ମେସ୍‌ଟ୍‌କେ ବିସ୍‌ବାସ୍ କଲିନି, ମକେ ଜେନ୍ତ୍ରି କଇଲାଆଟେ ଟିକ୍ ସେଣ୍ଟାରିସେ ଅଇସି । ୨୬ ମାତର୍ ଆମେ ଆଗ୍‌କେ ଗାଲେ ଗଟେକ୍ ଗୁଲାଇବାଟେ ପାନି ରଇକରି ମଜାଇ ରଇବା ସୁକ୍‌ଲା ଜାଗାଇ ପବନ୍ କେଟାଇସି ।

୨୭ ଏନ୍ତାରି ଆମେ ବାଉପବନ୍ ଆରାମଅଇକରି ତଉଦ ଦିନ୍ ତଉଦ ରାତି ମିସା ଅଇଗାଲା । ପବନ୍ ଆମ୍‌କେ ବୁମ୍‌ଦ୍ ସମୁଦ୍ରେ ଏନେ ତେନେ ନେଇତେରଇଲା । ମଜାରାତି ଅଇଲାକେ ଜାଜ୍ ଚାଲାଉମନ୍ ଗଟେକ୍ କଣ୍ଡିପାଲି ଲଗାଲଗି ଆଇଲୁ ବଲି ଅନ୍‌ମାନ୍ କଲା । ୨୮ ତେବେ ସେମନ୍ ଗଟେକ୍ ବଜ୍ ଜିନିସ୍ ଡର୍‌ସଙ୍ଗ୍ ବାନ୍ଦିକରି ନାପିକରି ଜାନ୍‌ଲାଜେ ଜେ, ତେଇ ସଏ କଡେ ପୁର୍ ପାନି ଡେଙ୍ଗ୍ ରଇଲା । ଆରି କଣ୍ଡେକ୍ ଦୁର୍ ଆଇଲାକେ ନବେ ପୁର୍ ପାନି ନାପଲା । ୨୯ ପାନି ଜାଜ୍ କନ୍‌ଆଲେ ଡଙ୍ଗାର୍ ପାକ୍‌ନାଇ ତୁକାଇ ଅଇଜାଇସି ବଲି ଡରିକରି ସେମନ୍ ପର୍‌ବାଟେ ଚାର୍‌ଟା ଜାଜ୍ ଅଟ୍‌କାଇବାଟା ପାକାଇଲା । ଆରି ଦାପ୍ରେ ସାକାଲ୍ ପାଅ ବଲି ପାର୍‌ତନା କଲା । ୩୦ ତାର୍ ପଟେ ଜାଜ୍ ଚାଲାଉମନ୍ ଜାଜେଅନି ଲୁଟି ପାଲାଇବାକେ ଚେସ୍‌ଟା କଲା । ସାନ୍ ଡଙ୍ଗା ବାନ୍ଦିରଇବା ଡର୍ ବେଟି ଡଙ୍ଗା ସମୁଦ୍ରେ ଉଡ୍‌ରାଇଲା । ସେମନ୍

ଆରି କେତେଟା ଜାଜ୍ ଅବକାଇବାଟା ମୁଆବ୍‌ବାଟେ ପାକାଇବୁ ବଲି ନାଡ଼ାଇଲା । ୩୧ ମାତର୍ ପାଉଲ୍, ସେନାପତି ଆରି ସନିଅମନ୍‌କେ କଇଲା, “ଜଦି ଜାଜ୍ ଚାଲାଉମନ୍ ଜାଜେ ନ ରଇଲେ ତମେ ମରିଜାଇସା ।” ୩୨ ସେଟାର୍‌ପାଇ ସନିଅମନ୍ ତଜ୍ଜାର୍ ତର୍ କାଟି ଦେଲାଜ୍ ଆରି ପାନି ଉପରେ ବଲି ଜାଅ ବଲି ଚାଡ଼ି ଦେଲାଜ୍ ।

୩୩ ପାଉଲ୍ କୁକ୍‌ଡାତାକେ ସବୁ ଲକ୍‌କେ କାଆ ବଲି ବାବୁଜିଆ କଲା । ସେ କଇଲା, ଆଜିକେ ଚଉଦ ଦିନ୍ ଅଇଗାଲା କାଆସ୍ ନାଇ, ପିଆସ୍ ନାଇ, ବୁକ୍‌କେସେ ଆଟାସ୍ । ୩୪ ତେବେ ମୁଇ ତମକେ କାଇଟା ଆଲେ କାଆ ବଲି ବୁଜାଇଲିନି, କାଇକେ ବଇଲେ, ବଠି ରଇବାର୍ ଆଲେ କାଇବାର୍ ଆଟେଆକା । ତରା ନାଇ ! ତମକେ କାଇଟା ନ ଅଏ । ୩୫ ପାଉଲ୍ ଏନ୍ତାରି କଇକରି ରୁଟି ଦାରୁଲା ଆରି ସବୁ ଲକ୍‌କର୍ ମୁଆଟେ ପରୁମେସର୍‌କେ ଦନିଅବାଦ୍ ଦେଇ ରୁଟି ଚିଡ଼ାଇ କାଇବାର୍ ଦାରୁଲା । ୩୬ ତେଇ ସେମନ୍ ସବୁ ଲକ୍ ସାଆସ୍ ଅଇକରି ଆରି ନିଜେ ନିଜେ କାଇବାର୍ ଦାରୁଲା । ୩୭ ଆମେ ସେ ଜାଜେ ସବୁ ଲକ୍ ମିସି ଦୁଇସ୍ ସବୁରି ଚଅ ଲକ୍ ରଇଲୁ । ୩୮ ସବୁ ଲକ୍ ପେର୍ ପୁରୁତେ କାଇ ସାରୁଲା ପଟେ ଜାଜ୍ ଉସାସ୍ ଅ ବଲି ଜାଜେ ରଇଲା ସବୁ କାଦିକଣ୍ଡା ସମ୍ପଦୁରେ ପିଜି ଦେଲାଜ୍ ।

ଜାଜ୍ ତୁକାଇ ଅଇଲା

୩୯ ସାକାଲ୍ ପାଇଲାକେ କଣ୍ଡିର କନ୍ ଜାଗାଇ ଆସି କେଟ୍‌ଲୁଆର୍ ବଲି ଜାଜ୍ ଚାଲାଉମନ୍ ଜାନି ନାପାରୁଲାଜ୍ । ମାତର୍ ସେମନ୍ ଦେକ୍‌ଲାଜ୍, ଜେ ସେଟା ଗଟେକ୍ ସମ୍ପଦୁର୍ ଆରି ଗାଡ୍ ମିସ୍‌ଲା ବାଲିପଟା ଜାଗା । ଜଦି ପାରୁଲେ ତେଇ ଜାଜ୍ ଲାଗାଉଁ ବଲି ଚେସ୍‌ଟା କଲାଜ୍ । ୪୦ ସେଟାର୍‌ପାଇ ଜାଜ୍ ଅବକାଇବାକେ ବାନ୍ଦି ରଇବା ତର୍ ସବୁ କାଟି ଦେଇ, ସେଟା ସବୁ ସମ୍ପଦୁରେ ତପି ଅଇବାକେ ଚାଡ଼ି ଦେଲାଜ୍ । ଆରି ଜାଜ୍ ସଲ୍‌କାଇବାକେ ବାନ୍ଦି ରଇବା ତର୍ କୁସ୍‌ଲାଜ୍‌ଦେଇ ମୁଆଟେ ବାନ୍ଦି ଅଇରଇବା ଡେରାକେ ଟେକି ଦେଲାଜ୍ । ସେନ୍ତା କଲାକେ ଜାଜ୍ ପବ୍‌ନେ ଟେଲାଜ୍ ଟେଲାଜ୍ ଅଇକରି କଣ୍ଡିବାଟେ ଜିବାର୍ ଦାରୁଲା । ୪୧ ଗାଡ୍ ଆରି ସମ୍ପଦୁର୍ ମିସ୍‌ଲା ସାଙ୍ଗାମର୍ ବାଲିପଟାଜ୍, ଜାଜ୍ ତୁକାଇ ଅଇ ମୁଆଟ୍ ବାଟର୍‌ଟା ତଲେ ତପିଅଇ ଅବକି ଦେଲା । ଅପର୍‌ବଲ୍ ଲଉଡି ଆସି ଜାଜର୍ ପର୍‌ବାଟେ ତୁକାଇ ଅଇଲାକେ ପର୍ ବାଟର୍‌ଟା ମିସା ବାଜି କଣ୍ଡି କଣ୍ଡି ଅଇଗାଲା ।

୪୨ ସନିଅମନ୍ ବନ୍ଦି ଲକ୍‌ମନ୍‌କେ ପଅଁରି ପଅଁରି ଉଟିଜିବାଇ ବଲି ବାବି କରି ମାରିମରାଇବାକେ ବାବୁଲାଜ୍ । ୪୩ ମାତର୍ ସେନାପତି ପାଉଲ୍‌ର୍ ଜିବନ୍ ବଂଚାଇବି ବଲି ବାବ୍‌ତେ ରଇଲା । ତେବେ ସେ ସନିଅମନ୍‌କେ ସେନ୍ତାରି କରାନାଇ ବଲି ମନାକଲା । ଜେତକ୍ ପଅଁରି ପାରୁବା ସବୁ ଲକ୍‌ମନ୍‌କେ ପାନିଟାନେ ଡେଗଇକରି ପଅଁରି ପଅଁରି କଣ୍ଡିତେଇ ଜିବାକେ ଆଦେସ୍ ଦେଲା । ୪୪ ଆରି ବାକି ଲକ୍‌ମନ୍‌କେ ଜାଜର୍ ବାଙ୍ଗୁଲା ପାଟା ଆରି କାଇ କାଇଟାମନ୍ ଦାରି ପଅଁରି କରି ବାରୁଆ । ବଲି କଇଲା । ଏନ୍ତାରି ଅଇ ସବୁଲକ୍ କାଇଟା ନ ଅଇତେ କଣ୍ଡି ଆସି ବାରଇଲାଜ୍ । ସାରାସାରି ଆମେ ସବୁଲକ୍ କଣ୍ଡି କେଟ୍‌ଲୁ ।

୨୮

ମାଲ୍‌ଟା ଜାଗାଇ ପାଉଲ୍

୧ କାଇଟା ନ ଅଇ, କଣ୍ଡିପାଲି ଜାଇ ଦେକ୍‌ଲୁ ଜେ, ଆମେ ମେଲିଡି ନାଉଁର୍ ଚାରିବେଟ୍‌ଡି ପାନିର୍ ମଜାଇ ରଇବା ସୁକ୍‌ଲା ଜାଗାଇ କେଟିଆର୍ । ୨ ତେଇ ପୁରୁବେଅନି ରଇବା ଲକ୍‌ମନ୍ ଆମ୍‌କେ ଆଲାଦ୍ ଦେକାଇଲାଜ୍, ସେବେଲେ ବରୁସା ମାରି ସିଡ୍ ଅଇତେ ରଇଲା । ସେଟାର୍ ପାଇ ସେମନ୍ ଆମ୍‌କେ ଜଇ ଲାଗାଇ ଗତିଆ ମାନୁଲାଜ୍ । ୩ ପାଉଲ୍ ଗଟେକ୍ ବିଡା ଦାରୁ ଜଇତେଇ ପାକାଇବା ବେଲେ ଜଇ ଡାଡିର୍ ଲାଗି ବିଡାଜ୍‌ଅନି ଗଟେକ୍ ବିସରଇବା ସାଁପ୍ ବାରଇଲା ଆରି ପାଉଲ୍‌ର୍ ଆତେ ଚଗି ଚାବି ଡସିରଇଲା । ୪ ସେ ଜାଗାର୍ ଲକ୍‌ମନ୍ ପାଉଲ୍‌ର୍ ଆତେ ଚାବିକରି ତସି ଜୁଲୁତେ ରଇବା ସାଁପ୍‌କେ ଦେକି ଡାକର୍ ଡାକର୍ ବିଡ୍‌ରେ କୁଆବଲା ଅଇଲାଜ୍, “ଏ ବାଇଦରେ ଗଟେକ୍ ନର୍‌ମାଉ ଲକ୍, ସେ ଜାଇଟା ମିସା ଅ ବେ, ସେ ସମ୍ପଦୁରେ ରକିଆ ପାଇରଇଲେ ମିସା ତାର୍ କରମ୍ ତାକେ ବଂଚାବେ ନ ଦେଏ ।” ୫ ମାତର୍ ପାଉଲ୍ ତାର୍ ଆଡ୍ ଜିଙ୍ଗାଡୁଲାକେ ସାଁପ୍ ଜଇତେଇ ଅଦରୁଲା ଆରି ତାକେ କାଇଟା ଅଏନାଇ । ୬ ଲକ୍‌ମନ୍ ପାଉଲ୍‌ର୍ ଆଡ୍ ପୁଲିଜାଇସି ନଇଲେ ଅଟାଡ୍ ଅଦ୍‌ରି ମରିଜାଇସି ବଲି ଜାଗିରଇଲାଜ୍, ମାତର୍ ଦେସି ପର୍ ଜାଗିକରି ଦେକ୍‌ଲାଜ୍ ମିସା ତାକେ କାଇଟା ଅଏ ନାଇ । ପଟେ ସେମନ୍ କାତା ପାସ୍‌ଲାଜ୍‌କରି କଇଲାଜ୍ “ଏ ଗଟେକ୍ ଦେବ୍‌ତା !”

୭ ତେଇଅନି ଅଲପ୍ ଦୁରିକେ ସେ ଜାଗାର୍ ମୁକିଅ ନେଡା, ତାର୍ ନାଉଁ ପବ୍‌ଲିଅ । ତାର୍ କେତେଟା ପଦା ରଇଲା, ସେ ଆମ୍‌କେ ଗତିଆ ମାନିକରି ଡାକିନେଲା । ଆରି ଆମେ ତିନ୍ ଦିନ୍ ଜାକ ଡାକର୍ ଗରେ ଗତିଆ

ଅଛ ରଇଲୁ । ୮ ସେବେଲେ ପବ୍ଲିଅସର୍ ବାବା ଜର୍ ଆରି ରକଡ଼ଜାତା ଦାରାଇଅଛ ତୁଲିରଇଲା । ପାଉଲ୍ ତାକର୍ ବାକରାଇ ଜାଇ ତାର୍ପାଇ ପାର୍ତନା କରି ତାର୍ ଉପରେ ଆଡ଼ ଚିଇ ତାକେ ନିମାନକଲା । ୯ ଏ ଗର୍ନା ପତେ ସେ ଜାଗାର୍ ଜେଡ଼କି ରଗିମନ୍ ସବୁ ପାଉଲର୍ ଲଗେ ଆସି ନିମାନ୍ ଅଇଲା । ୧୦ ସେମନ୍ ଆମ୍ବକେ ବେସି ବିନ୍ ବିନ୍ ରକାମର୍ ଜିନିସ୍ ଇନାମେ ଦେଲାଜ ଆରି ଆମେ ତେଇଅନି ଜାଜେ ବସି ଜିବାବେଲେ ସେମନ୍ ଆମ୍ବପାଇ ଦର୍କାର ରଇଲା ସବୁ ଜିନିସ୍ ଜାଜେ ଆନି ଦେଲାଜ ।

ମାଲ୍ଟା ଜାଗାଇଅନି ରମ୍ ଦେସେ

୧୧ ସେ ଜାଗାଇଅନି ବାରଇବାକେ ଆମ୍ବକେ ତିନ୍ମାସ୍ ଲାଗଲା । ସିଡ଼ଦିନ୍ ଅଇରଇଲାକେ ତବିର୍ଅଇଲା ଆଲେକ୍ତାଣ୍ଟରିଆ ନଅରେଅନି ଆସିରଇବା ଗଟେକ୍ ଜାଜେ ଆମେ ବାରଇଲୁ । ସେ ଜାଜର୍ ନାଉଁ ରଇଲା ଜୁଲି ଦେବତା । ୧୨ ପର୍ତୁମ୍ ସିରକ୍ସ୍ ନାଉଁର୍ ନଅରେ କେଟି ତେଇ ତିନ୍ଦିନ୍ ରଇଲୁ । ୧୩ ତେଇଅନି ଆରି ତରେକ୍ ଜିବାଟା ଆରାମ୍ କରି ଆମେ ରେଜିଅମ୍ ସଅରେ କେଟ୍ଲୁ । ତାର୍ ଆର୍କର୍ ଦିନେ ଦକ୍ଷିଣ ଦିଗେଅନି ପବନ୍ ଅଇଲା ଆରି ଦୁଇଦିନ୍ ପତେ ପୁତେଅଲି ସଅରେ କେଟ୍ଲୁ । ୧୪ ତେଇ କେତେଟା ଜିସୁକେ ବିସ୍ବାସ୍ କର୍ବା ବାଇମନ୍କେ ମିସ୍ଲୁ । ତାକର୍ ସଙ୍ଗ୍ ଗଟେକ୍ ଆର୍ ରଇବାକେ ସେମନ୍ ଆମ୍ବକେ ବାହୁଜିଆ କଲାଜ । ସାରାସାରିପତେ ଆମେ ରମ୍ ଦେସେ ଜାଇ କେଟ୍ଲୁ । ୧୫ ଆମେ ଗାଲା କବର୍ ସୁନିକରି ରମ୍ ଦେସର୍ ବିସ୍ବାସି ବାଇମନ୍ ତେଇଅନି ଆପିଅ ଜାଗାର୍ ଆଟେ ଆରି ତିନ୍ସରା ନାଉଁର୍ ନଅର୍ମାନ୍ ଜାକ ଆମ୍ବକେ ବେଟ୍ ଅଇବାକେ ଇଣ୍ଟି ଇଣ୍ଟି ଅଇଲାଜ । ସେମନ୍କେ ଦେକି ପାଉଲ୍ ପର୍ତେସର୍କେ ଦନିଅବାଦ୍ ଦେଲା ଆରି ବେସି ସାର୍ଦା ଅଇଲା ।

ରମିୟମନର୍ ନଅରେ ପାଉଲ୍

୧୬ ଆମେ ରମ୍ ଦେସେ କେଟ୍ଲା ପତେ ପାଉଲ୍କେ ଗଟେକ୍ ସନିଅ ସଙ୍ଗ୍ ଗଟେକ୍ ଗରେ ରଇବାକେ ଆଦେସ୍ ମିଲ୍ଲା ।

୧୭ ତିନ୍ ଦିନ୍ ପତେ ପାଉଲ୍ ସେ ଜାଗାର୍ ଜିଉଦି ନେତାମନ୍କେ ଗଟେକ୍ ସବା କର୍ବାକେ କବର୍ ପାଟାଇଲା । ସେମନ୍ ଆସି ରୁଣ୍ଡଲାଇକେ ପାଉଲ୍ ସେମନ୍କେ କଇଲା, “ଏ ଇସ୍ରାଏଲର୍ ବାଇମନ୍, ମୁଇ ଆମର୍ ଲକ୍ମନର୍ ବିରୁଦେ କି ଆମର୍ ଆନିଦାଦିମନର୍ ଗାନେଅନି ସିକିରଇବା ରିତିନିତି ବିରୁଦେ କିଟି କରିନାଇ, ଏଲେ ମିସା ଜିରୁସାଲାମର୍ ଜିଉଦିମନ୍ ମକେ ଦାରି ବହିଗରେ ପୁରାଇ ରମିଅମନ୍କେ ସର୍ପିଦେଲାଜ । ୧୮ ମକେ ପାଗାର୍ ଉଟାର୍ କଲା ପତେ ମରନ୍ ତଣ୍ଟି ପାଇବା ଏଡ଼କି କାଇ ଅପରାଦ୍ କରେ ନାଇ ବଲି ଜାନ୍ଲାଜ । ପତେ ରମିଅ ଲକ୍ମନ୍ ମକେ ମୁକ୍ତାଇବାକେ ମନ୍ କର୍ତେ ରଇଲାଜ । ୧୯ ମାତର୍ ଜିଉଦି ଲକ୍ମନ୍ ମକେ ଚାଡ଼ବାକେ ରାଜି ଅଅଡ଼ନାଇ । ତେବେ ମର୍ ନିଜର୍ ଲକ୍ମନର୍ ବିରୁଦେ ମର୍ କାଇ ଦାବି ନ ରଇଲା ମିସା, ମୁଇ ବଡ଼ସାସନ୍କାରିଆକେ ଗୁଆରି କର୍ବି ଆକା ବଲି ବାଦ୍ଲି । ୨୦ ସେଟ୍ପାଇ ଏ ବିସଇ କାତାବାର୍ତା ଅଉଁ ବଲି ମୁଇ ତମ୍ବକେ ଡାକାଇ ଆଟି । ଇସ୍ରାଏଲର୍ ଲକ୍ମନ୍ ଏବେ ଜାକେ ଆସା କରି ଆଇଲାଜନି, ତାର୍ପାଇ ବଲିକରି ମୁଇ ଆଜି ସିକ୍ଲି ସଙ୍ଗ୍ ବାନ୍ଦାଇ ଅଇଆଟି ।”

୨୧ ସେମନ୍ କଇଲାଜ, “ଆମ୍ବକେ ଜିଉଦା ଦେସେଅନି ତମ୍ବ ବିସଇ କାଇ ଚିଟି ଗଟେକ୍ ମିସା ମିଲେ ନାଇ, କି ବାଇମନର୍ ବିଡ଼ରେଅନି କେ ମିସା ଇତି ଆସି ତମ୍ବ ବିସଇର୍ ବୁଲ୍ କାତା ସୁନାଅଡ଼ ନାଇ କି କଅଡ଼ ମିସା ନାଇ । ୨୨ ମାତର୍ ତମେ କାଇଟା ବଲି ବିସ୍ବାସ୍ କଲାସ୍ନି, ସେଟା ତମ୍ବଟାନେଅନି ଆମେ ସୁନ୍ବାକେ ମନ୍ କଲୁନି । କାଇକେବଇଲେ, ଗୁଲାଇବାଟର୍ ଲକ୍ ତମ୍ବ ଦଲ୍ ବିରୁଦେ କାତା ଅଇଲାଜନି ।”

୨୩ ସେମନ୍ ଗଟେକ୍ଦିନ୍ ଚିକ୍ କଲାଜ ଆରି ଚିକ୍ କଲା ଦିନେ ସେମନର୍ ବିଡ଼ରେଅନି ବେସି ଲକ୍ ପାଉଲ୍ ରଇବା ଜାଗାଇ ଆଇଲାଜ । ପାଉଲ୍ ସେମନ୍କେ ସାକାଲେଅନି ସଞ୍ଜ୍ଜାକ ପରମେସର୍ ରାଇଜ୍ ବିସଇ ବୁଜାଇଦେଲା ଆରି ମସାର୍ ରିତିନିତି ଆରି ବବିସଡ଼ବକ୍ତାମନ୍ ଲେକ୍ଲା ସାସ୍ତରର୍ ବାକିଅ ଦେକାଇକରି ଜିସୁର୍ ବିସଇ ବୁଜାଇଲା । ୨୪ ତେଇ କେତେ ଲକ୍ ପାଉଲ୍ କଇଲା କାତା ବିସ୍ବାସ୍ କଲାଜ, ମାତର୍ କେତେ ଲକ୍ ବିସ୍ବାସ୍ କରଡ଼ ନାଇ । ୨୫ ତେବେ ତାକର୍ ତାକର୍ ବିଡ଼ରେ ଦଦାପେଲା ଅଇକରି ବାରଇ ଉଟିଗାଲାଜ । ପାଉଲ୍ ଗଟେକ୍ କାତା କଇଲା, ସୁକଲ୍ ଆଡ଼ମା ତମ୍ବ ଆନିଦାଦିମନ୍କେ ଜିସାୟ ବବିସଡ଼ବକ୍ତାର୍ ତଣ୍ଟେଅନି ସଡ଼ କାତା କଇରଇଲା ! ୨୬ ସେ କଇରଇଲା, “ଏ ଲକ୍ମନ୍କେ ଜାଇ କଅ, ତମେ ସୁନି ସୁନି ରଇସା, ମାତର୍ ନ ବୁଜାସ୍ ।

ଦେକି ଦେକି ରଇସା, ମାତର୍ ନ ଚିନାସ୍ ।”

୨୭ କାଇକେ ବଇଲେ ଏ ଲକ୍ମନର୍ ମନ୍ ବେସି ଆଁଟ୍,

ସେମନ୍ ନିଜର ନିଜରୁ ଆଁକି ଲିମିଦେଇ ଆଚଡ୍ ଆରି କାନ୍ ରୁଟି ଦେଇ ଆଚଡ୍,
 ସେମନ୍ ଜଦି ଆଁକି ଦେକତାଇ, ଆରି ରୁଟି ଅଇଲା କାନ୍ ଉଗାଡି ସୁନ୍ତାଇ ।
 ସେନ୍ତାନ୍ ଆଲେ ସେମନ୍ ମନେ ମନେ ବୁଜ୍ତାଇ ।
 ଆରି ସେମନ୍ ମରଲଗେ ବାଅଡ୍ତାଇ ଆରି ମୁଇ ସେମନ୍‌କେ ନିକ କରଡି ।
 ଏଟା ପରମେସର୍ କଇଲାନି ।

^{୨୮} ସାରାସାରିପତେ ପାଉଲ୍ କଇଲା “ତେବେ ପରମେସରର୍ ମୁକ୍ତି ଜିଉଦିନଇଲା ଲକ୍ମନର୍ ପାଇ
 ଆଇଲା ଆଚେ । ଏଟା ତମେ ଜାନିରୁଆ, ସେମନ୍ ମିସା ସେଟା ମାନ୍‌ବାଇ ।” ^{୨୯} ପାଉଲ୍ ଏ ସବୁ କାତା
 କଇଲାକେ, ଜିଉଦିମନ୍ ନିଜର ନିଜର ବିତ୍ତରେ ଦଦାପେଲା ଅଇଅଇକରି ଉଟିଗାଲାଇ । ^{୩୦} ପାଉଲ୍
 ଗଟେକ୍ ଗର୍ ବାଡାକରି ତେଇ ଦୁଇ ବରସ୍ ଜାକ ରଇଲା ଆରି ତାକେ ଦେକବାକେ ଆଇଲା ସବୁ
 ଲକ୍ମନକେ ତେଇ ଗତିଆ ମାନ୍‌ତେରଇଲା । ଜେଡ୍‌କି ଲକ୍ ପାଉଲର୍ ଲଗେ ଆଇତେ ରଇଲାଇ ସେ
 ସବୁ ଲକ୍‌କେ ଡାକି, କାକେ ନ ଡର୍ତେ କଲା । ^{୩୧} ଆରି ତାକେ କେ ମିସା ତେବାଅଡ୍ ନାଇ । ସେ
 ପରମେସରର୍ ରାଇଜ୍ ବିସଇ ଜାନାଇକରି ମାପରୁ ଜିସୁକିରିସଟର୍ ବିସଇ ସିକିଆ ଦେଇତେରଇଲା ।

ରୋମିୟ ମଣ୍ଡଳୀର ବିଶ୍ୱାସୀ ମାନଙ୍କ ନିକଟକୁ ପାଉଲଙ୍କର ପତ୍ର ରମିଅ ମଣ୍ଡଳିର ଲକ୍ଷ୍ମୀନରୀନେ ପାଉଲ୍ ତିତି ଲେଖିଲାଟା ଏ ବଇଟାନେ ଜାନବାଟା

ରମିଅ ବଇ ପେରିଡ଼ ପାଉଲର୍ ଲାଗି ଲେକାଅଇରଇଲା । ଏ ବଇ ଜିସୁକିରିସ୍ତର୍ ଜନମଅଇକରି ୫୪ ଅନି ୫୮ ବିତ୍ରେ ଅଇରଇଲା ।

ପାଉଲ୍ ରମ୍ ରାଇଜେ ଜିବା ଆଗ୍ରୁ ଜିଉଦି ବିସ୍ବାସି ଆରି ଜିଉଦି ନ ଅଇରଇବା ବିସ୍ବାସିମନ୍ଦକେ ତିଆରବାକେ ଏ ତିତି ଲେକିରଇଲା । ଜେନ୍ତାରିକି ସବୁ ଲକ୍ଷ୍ମୀନ ବିସ୍ବାସି କରି ନାମ୍ବାଇ ୧୪:୧୭ । ଏଟାରୁପାଇ ସେ କରନ୍ତି ନଅରେ ରଇବା ବେଲାଇ ରମିଅ ବିସ୍ବାସିମନ୍ଦକେ ତିଆରବାକେ ଏ ତିତି ରଇଲା ।

ରମିଅ ବଇ ସବୁ ଜାଗାରୁ ଆରି ସବୁ ବେଲାରୁ ବିସ୍ବାସିମନ୍ଦପାଇ, ଏଟା ଗଟେକ୍ ଗୁରୁତ୍ତୁ ସଙ୍ଗର୍ ବଇ । କାଇକେବଇଲେ, ପାଉଲ୍ ଏ ବଇଟାନେ ଜିସୁକେ ବିସ୍ବାସି କଲେ ଆମ୍ବକେ କେନ୍ଦ୍ରି ମୁକ୍ତି ମିଲ୍ଲିସି, ସେଟା ନିକସଙ୍ଗ ଗଟେକ୍ ଗଟେକ୍ କରି ବୁଜାଇଦେଲାଆଟେ । ପାଉଲ୍ ପୁରନା ନିଅମ୍ବକେ ମିସା ଜିସୁକିରିସ୍ତର୍ ସୁବ୍ କବର୍ଟାନେ ମିସାଇଆଟେ । ଏ ବଇତେଇ ୧:୧୭ ଟାନେ ରଇବା ବାକିଅକେ ନେଇକରି କେତେକ୍ କେତେକ୍ ପଣ୍ଡିତମନ୍ଦ ଦାବିକରି ଏଟା ଏ ସବୁବଇର୍ ମୁଲ୍ ବଲି କଇଲାଜନି । ଜନ୍ତା ଇତି ଜାନାଇଲାଜନି କି, ମୁଇ ବାକିଅ ଜାନାଇବାକେ ଲାଜ୍ ନ ଅଇ । କାଇକେବଇଲେ ଜେଡ଼କି ଲକ୍ ବିସ୍ବାସି କରବାଇ, ସେ ସବୁ ଲକ୍ଷ୍ମୀନ ଏଟା ପର୍ମେସରର୍ ବପୁ । ପର୍ତ୍ତୁମେ ଜିଉଦିମନ୍ଦପାଇ ଆରି ଜିଉଦି ନ ଅଇଲା ଲକ୍ଷ୍ମୀନପାଇ ମିସା ।

ପର୍ତ୍ତୁମ୍ ବାଗେ ୧-୧୨ ତିକିନିକିର୍ ବିସଇ ଆରି ଦୁଇରେ ଅଇଲାନି ବିସ୍ବାସି ଇସାବେ କେନ୍ଦ୍ରି ଚଲାଟଲ୍ଡି କର୍ବାରୁ ଆଟେ, ସେଟା ତିଆରଲାନି ।

ଏ ବଇବିତ୍ରେ ରଇବାଟା

୧. ପାଉଲ୍ ନିଜ୍ଜକେ ଜାନାଇଅଇକରି କାର୍ଟାନେ ତିତି ଲେଖିଲାନି, ସେଟା କଇକରି ଆରାମ୍ କଲାନି । ୧:୧-୧୫
୨. ମୁନ୍ସଜାତିର୍ ରାଇଜ୍ ଆରି ଜିସୁକିରିସ୍ତର୍ ଲାଗି ମୁକ୍ତି ଅଇବାଟା । ୧:୧୬:୧୧:୩୭
୩. କିରିସ୍ତର୍ ଟାନେ ରଇକରି ଜିଉନାକାଉନା କର୍ବା ବିସଇରେ ପାଉଲ୍ ତିଆରଲାଟା । ୧୨:୧-୧୫:୧୩
୪. ସେ ରମିୟ ମଣ୍ଡଳିର୍ ଲକ୍ଷ୍ମୀନକେ ଦନିଅବାଦ୍ ଦେଇକରି ଲେକା ସାରାଇଲାଟା । ୧୭

ପାଉଲ୍ କୁଆର୍ ଜାନାଇବାଟା

୧ ମୁଇ ପାଉଲ୍ ଏଟା ଲେଖିଲିନି, ମୁଇ କିରିସ୍ତର୍ ଜିସୁର୍ ଗଟେକ୍ ସେବାକାରିଆ । ପର୍ମେସର୍ ମକେ ବାଟଲା ଆରି ତାର୍ ନିମାନ୍ କବର୍ ଜାନାଇବାକେ ସର୍ପିଦେଲା । ରମ୍ ରାଇଜେ ରଇବା ତମର୍ ସବୁଲକ୍ଷ୍ମୀନପାଇ ମୁଇ ଏ ତିତି ପାଟାଇଲିନି ।

୨ ପର୍ମେସର୍ ଏ ବିସଇ ଆଗେଅନି କାଟା ଦେଇରଇଲା, ଆରି ସୁକଲ୍ ସାସ୍ତରେ ସେ ସବୁ ଲେକ୍ବା ପାଇ ତାର୍ ବଦିସ୍ତବ୍ କଟାମନ୍ଦକେ ତିଆରଲା । ୩ ଏ ସୁବ୍ କବର୍ତେଇ ପରମେସରର୍ ପଅ, ଆରି ଆମ୍ବ ମାପରୁ ଜିସୁକିରିସ୍ତର୍ ବିସଇ ଆଟେ । ସେ ଏ ମର୍ପୁରେ ନର୍ ରୁପଦାରି ଦାଉଦର୍ ନାତିତିତି ଅଇ ଜାଡ଼ ଅଇଲା । ୪ ମାତର୍ ସେ ପୁରାପୁରୁନ୍ ସୁକଲ୍ ରଇଲା, ଆରି ପର୍ମେସରର୍ ବଡ଼ ବପୁସଙ୍ଗ୍ ତାକେ ମଲାଟାନେଅନି ଉଟାଇଲା । ମଲାଟାନେଅନି ଉଟ୍ଲାରୁପାଇ ସେ ପରମେସରର୍ ପଅ ବଲି ଦେକାଇଲା । ୫ ପରମେସର୍ କିରିସ୍ତର୍ ତେଇଅନି ମକେ ଗଟେକ୍ ପେରିଡ଼ କଲାଆଟେ, ଜେନ୍ତାରି କି ସବୁ ଜଗତର୍ ଲକ୍ଷ୍ମୀନକେ ତାର୍ ବିସଇ ଜାନାଇବି । ସେମନ୍ ସେଟା ବିସ୍ବାସି କରି ମାନ୍ବାଇ । ୬ ଏ ରମ୍ ଦେସର୍ ଲକ୍ ! ତମେମିସା ଜିସୁକିରିସ୍ତର୍ ସିସ୍ ଅଇବାକେ ବାଟାଇ ଅଇଆଟାସ୍ ।

୭ ରମେ ରଇବା ସବୁ ଲକ୍ଷ୍ମୀନ ଏ ତିତି ଲେଖିଲିନି । କାଇକେବଇଲେ ତମ୍ବକେ ପରମେସର୍ ଆଲାଦ୍ କଲାନି । ଆରି ତାର୍ ନିଜର୍ ଲକ୍ ଅଇବାକେ ତାକି ଆଟେ ।

ଆମ୍ବ ବାବା ପରମେସର୍ ଆରି ମାପରୁ ଜିସୁକିରିସ୍ତର୍ ତମ୍ବକେ ଜିବନ୍ ଦୁକାଇ ସାନ୍ତି ଦେଅ ।

ଦନିଅବାଦର୍ ପାର୍ତନ

୮ ମୁଞ୍ଚ ତମକେ ପରତମେ ଏ ବିସଇ କଇବାକେ ମନ୍ କରି ରଇଲିଜେ, ତମର୍ ସବୁଲକର୍ପାଇ ମୁଞ୍ଚ ମାପୁରୁ ଜିସୁର୍ ନାଉଁ ଦାରି ପର୍ତମେସରକେ ଦନିଅବାଦ୍ ଦେଲିନି । କାଇକେବଇଲେ ଗୁଲାଇ ଜଗତର୍ ଲକ୍, ତମେ ବିସବାସ୍ କରିରଇବା ବିସଇ ସୁନ୍ଲାଇନି । ୯ ମୁଞ୍ଚ ମର୍ ସବୁ ମନ୍ପରାନ୍ ଦେଇ ଜନ୍ ପରମେସରକେ ସେବା କଲିନି, ଆରି ଜନ୍ ପରମେସରର୍ ପଅର୍ ସୁବ୍ କବର୍ ଜାନାଇଲିନି, ସେ ପରମେସର୍ ମର୍ ସାକି । ୧୦ ମୁଞ୍ଚ ପାର୍ତନା କଲାଇଲେ ତମକେ ସବୁବେଲେ ଏତାଇଲିନି । ସେ ମନ୍ କଲେ, ମକେ ତମର୍ ଲଗେ ଜିବାକେ ବେଲା ଟିକ୍ କରି ଦେଅ ବଲି ପରମେସରକେ ଗୁଆରି କଲିନି । ୧୧ ତମର୍ ଲଗେ ଆଇବାକେ ମୁଞ୍ଚ ବେସି ମନ୍ କଲିନି । ମର୍ ପାଇରଇଲା ଆତ୍ମାମ୍ ଦାନ୍ ବିସଇ ଜାନାଇବାଟାନେଅନି ତମର୍ ବିସବାସ୍ ତାଟ୍ କରାଇବି । ୧୨ ଏଟାମ୍ ଲାଗି ତମର୍ ବିସବାସେଅନି ମର୍ ବିସବାସ୍ ତାଟ୍ ଅଇସି ଆରି ମର୍ ବିସବାସେଅନି ତମର୍ ବିସବାସ୍ ତାଟ୍ ଅଇସି ।

୧୩ *ବାଇବଇନିମନ୍, ତମର୍ ଟାନେ ଆଇବାକେ ମୁଞ୍ଚ ବେସି ତର୍ ମନ୍ କରିରଇଲି, ମାତର୍ ଦାରାବାନାଅଇ ଜାଇରଇଲି ଜେ ଆଜିକେ ଜାକ ଆସି ନାପାରଲିନି । ବିନ୍ ବିନ୍ ଜାଗାମ୍ ଜିଉଦି ନଇଲା ଲକ୍ମନର୍ ବିତ୍ତରେ ସୁବ୍ କବର୍ ଜାନାଇକରି ମକେ ଜେଡକି ସାଠ୍ଦା ମିଲଲା ଆଟେ, ତମର୍ ଜାଗାଇ ମିସା ସେଟା କରବାକେ ମୁଞ୍ଚ ମନ୍ କଲିନି । ୧୪ କାଇକେବଇଲେ, ଗିରିକ୍ ଲକ୍ମନର୍ ପାରା ଗିଆନ୍ ରଇଲେ ମିସା, ମୁରକ ଲକ୍ ଅଇରଇଲେ ମିସା, ସିକିରଇବା ଲକ୍ ଅଇରଇଲେ ମିସା, କି ନ ସିକିରଇବା ଲକ୍ ଅଇରଇଲେ ମିସା, ଏ ସବୁ ଦଲର୍ ଲକ୍ମନର୍ ପାଇ ମର୍ ଦାଇଡ୍ ଆଟେ । ୧୫ ସେଟାମ୍ ପାଇ ରମ୍ ଗତର୍ ଲକ୍, ତମର୍ ଲଗେ ମିସା ନିମାନ୍ କବର୍ ଜାନାଇବାକେ ମୁଞ୍ଚ ମନ୍ କଲିନି ।

ସୁବ୍ କବରର୍ ବପୁ

୧୬ *ସେ ସୁବ୍ କବରଟାନେ ମର୍ ପୁରାପୁରୁନ୍ ଆସାଆଟେ, ସେଟା ସିଗ୍ ପର୍ତମେ ଜିଉଦି ଲକ୍ମନର୍ ପାଇ ଆରି ତାଟ୍ ପଟେ ବିସବାସ୍ କରବା ଜିଉଦି ନଇଲା ଲକ୍ମନର୍ ପାଇ ପରମେସରର୍ ବଡ୍ ବପୁ । ୧୭ ଲକ୍ମନ୍ ପରମେସରର୍ ଲଗେ କେନ୍ତ୍ର ଦରମ୍ ଲକ୍ ବଲାଇ ଅଇ ପାର୍ତବାଇ, ତାଟ୍ ଉପାଇ ଡେଇ ଦେକାଇ ଦିଆଅଇଲା ଆଟେ । ଆରାମେ ଅନି ସାରାସାରିଜାକ ମୁକ୍ତି ପାଇବା ଗଟେକ୍ ମାତର୍ ଉପାଇ ଅଇଲାନି, ବିସବାସ୍ । ସାସ୍ତରର୍ ବାକିଅ ଇସାବେ “ଜେ ବିସବାସ୍ କରି ପରମେସରର୍ ମୁଆଟେ ଦରମ୍ ବଲାଇ ଅଇସି, ସେ ବୈସି ।”

ପାପକେ ପର୍ତମେସରର୍ ରିସା

୧୮ ଜନ୍ ପାପି ଲକ୍ମନ୍ ନିଜର୍ କାରାପ୍ କାମେଅନି ସର୍ତ୍ତ ବିସଇ ଅଟ୍ କାଇବାଇ, ସେମନର୍ ବିରଦେ ସର୍ତ୍ତେଅନି ପରମେସରର୍ ରିସା ଦେକାଇ ଅଇସି । ୧୯ କାଇକେବଇଲେ ପରମେସରର୍ ବିସଇନେଇ ଜାଇଟା ଜାନ୍ଦ୍ବାର୍ ରଇଲା ସେମନ୍ ସେଟା ଜାନ୍ଲାଇ ଆଟର୍ । ପରମେସର୍ ନିଜେ ସେଟା ଦେକାଇ ଦେଲାଆଟେ । ୨୦ ପରମେସର୍ ଜଗତ୍ ତିଆର୍ କଲାଡେଅନି, ତାଟ୍ ନ ଦେକାଇଅଇବା ଗୁନ୍ ଅଇଲାନି, ତାଟ୍ କାବାଅଇଜିବା କାମ୍ ଆରି ନ ସାଠ୍ଦା ବପୁ । ସେ ତିଆର୍ କଲା ବିସଇଡେଇ ସେଟା ଦେକିଅଇଲାନି । ସେଟାମ୍ ପାଇ ସେମନ୍ ନାଜାନ୍ବଲି କଇନାପାରତ୍ । ୨୧ *ସେମନ୍ ପରମେସରକେ ଜାନିକରି ମିସା ନିକ ନାମଟ୍ ନାଇ କି ତାକେ କାଇ ବିସଇ ନେଇକରି ମିସା ଦନିଅବାଦ୍ ଦେଅଟ୍ ନାଇ । ସେମନ୍ ତିତ୍ତା କରବାଟା ସବୁ କାରାପ୍ ଆରି ତାକର୍ ତୁଟାଇ ରଇବା ମନ୍, ଆନ୍ଦାରେ ଆଟେ । ୨୨ ସେମନ୍ ନିଜକେ ଗିଆନି ବଲି ବାଘ୍ଲାଇନି, ମାତର୍ ସତଇସେ ସେମନ୍ ବକୁଆ । ୨୩ ସର୍ତ୍ତ ପରମେସରକେ ନ ନାମିକରି ନସିଜିବା ମୁନ୍ସ୍, ପସ୍, ଚଡଇ, ସାଁପ୍ପାପା ପୁଟ୍ଲା ତିଆର୍ କରି ସେଟାମନକେ ପୁଜା କଲାଜିନି ।

୨୪ ସେଟାମ୍ ପାଇ ପରମେସର୍ ସେମନକେ ଚାଡିଦେଲାଆଟେ, ଆରି ସେମନ୍ ନିଜର୍ ନିଜର୍ ମନ୍ କଲା କାରାପ୍ କାମେ ବୁଡି ରଇଲାଜିନି । ସେମନ୍ ତାକର୍ ତାକର୍ ବିତ୍ତରେ ଲାଜ୍ ଅଇଜିବା ମିସାବିତା କରବାଟା ସଙ୍ଗାଇଆଟର୍ । ୨୫ ସେମନ୍ ପରମେସରର୍ ବିସଇଟାନେ ରଇବା ସର୍ତ୍ତ ବାଦୁଲେ ମିଟ୍ ଦାରିକରି ଆଟର୍ । ସବୁବେଲେ ତାକ୍ପୁଟା ପାଇବା ପରମେସରକେ ପାର୍ତନା ନ କରି, ତିଆର୍ କଲା ଦିନ୍ସୁମନକେ ପାର୍ତନା କଲାଜିନି । ସେ କାଲ୍ କାଲ୍ ଜୁଗ୍ ଜୁଗ୍ ତାକ୍ପୁଟା ପାଅ ! ଆମେନ୍ ।

୨୬ ସେମନ୍ ଲାଜ୍ ଅଇଜିବା ପାପ୍ କାମେ ବୁଡି ରଇଲାମ୍ ପାଇ ପରମେସର୍ ସେମନକେ ଚାଡି ଦେଲାଆଟେ । ତାକର୍ ମାଇଜିମନ୍ ନିଜର୍ ମୁନ୍ସୁମନର୍ ସଙ୍ଗ୍ ସୁଆବସା ନ ଅଇ, କାରାପ୍ ଇସାବେ ବିନ୍ ମୁନ୍ସୁମନର୍ ସଙ୍ଗ୍ ସୁଆବସା କଲାଜିନି । ୨୭ ସେନ୍ତାରିସେ ମୁନ୍ସୁମନ୍ ମିସା ଆଲାଦେ ମାଇଜି ସଙ୍ଗ୍ ସୁଆବସା ନ କରି ନିଜର୍ ନିଜର୍ ବିତ୍ତରେ କାରାପ୍ ଅଇ ମିସାବିତା ଅଇବା ତିତ୍ତାଇ ଜଲି ଗାଲାଜିନି ।

* ୧:୧୩ ୧:୧୩ ପେରିଡ୍ ୧୯:୨୧ ✧ ୧:୧୬ ୧:୧୬ ମାର୍ଚ୍ଚ ୮:୩୮ ✧ ୧:୨୧ ୧:୨୧ ଏପିସିୟ ୪:୧୭,୧୮

ମୁନୁସ୍‌ମନ୍ ତାକର୍ ତାକର୍ ବିତ୍ତରେ ଲାଜ୍ ଅଇବା ଚଲାଚଲ୍‌ତି କଲାଜ୍‌ନି ଆରି ସେଟାର୍ ପାଇ ଡଣ୍ଡ ପାଇବାକେ ତିଆର୍ ଅଇଲାଜ୍‌ନି ।

୨୮ ଏ ଲକ୍‌ମନ୍ ପରମେସରର୍ ବିସଜନେଇ ନିମାନ୍ ବାବ୍‌ବାକେ ମନ୍ ନ କଲାର୍ ପାଇ, ପରମେସର୍ ସେମନ୍‌କେ ଚାଡ଼ି ଦେଲାଆଚେ । ଆରି ମନ୍ ବିତ୍ତରେ କାରାପ୍ ଚିନ୍ତା କରୁବାଟା କରତ୍ ବଲି ଚାଡ଼ିଦେଲାଆଚେ । ଏଟାର୍‌ପାଇ ସେମନ୍ ନ କରୁବା କାମ୍ କରୁବାଇ । ୨୯ ତାକର୍ ବିତ୍ତରେ ସବୁରକାମର୍ କାରାପ୍ ବିସଇ, ଜନ୍‌ଟାମନ୍‌କି, କାରାପ୍ ଚିନ୍ତା କରୁବାଟା, ବାନ୍‌ିଆ ଚିନ୍ତା କରୁବାଟା, ଲବାଇବାଟା, ଲାଁର୍ ନେବାଟା, ତାକର୍ ତାକର୍ ବିତ୍ତରେ ଛିଂସାତଲା ଅଇବାଟା, ନର୍ ମରାଇବାଟା, କିରମାର ଅଇବାଟା, ନାଡ଼ାଇବାଟା, ଆଁକାର୍ କରୁବାଟା ଆରି କୁଟ୍‌କାତା ଅଇବାଟା ବର୍ତ୍ତି ଅଇଆଚେ । ୩୦ ସେମନ୍ କାନେ ପୁସୁର୍ ପାସାର୍ ଅଇବାଟା, ବିନ୍ ଲକ୍‌କେ ନିନ୍ଦା କରୁବାଟା, ପରମେସରର୍‌କେ ଚିନ୍ କରୁବାଟା, ବଡ଼ପନ୍ ଅଇବାଟା, ବଡ଼ପନ୍‌ଆ କାତା ଅଇବାଟା, ବିନ୍‌ଲକ୍‌କେ ପାନ୍ଦେ ଅଦରାଇବାଟା, ଆରି ଆନ୍ଦା ବାବାର୍ କାତା ନ ମାନ୍‌ବାଟା, ୩୧ ଦରମ୍ ବିବେକ୍ ନ ଅଇବାଟା, କାତା ଦେଲା ପଚେ ସେଟା ବାଜ୍‌ମାଇବାଟା, ତାକର୍ ବିତ୍ତରେ ଆଲାଦ୍ ନ କରୁବାଟା ଆରି ଜିବନ୍ ନ ଦୁକାଇବାଟା । ୩୨ ଜନ୍ ଲକ୍‌ମନ୍ ଏନ୍ତି ଚଲାଚଲ୍‌ତି କରୁବାଇ ସେମନ୍ ମରିଜିବାଟା ନିକ । ପରମେସରର୍ ଏ ନିୟମ୍ ସେମନ୍ ଜାନ୍‌ଲେ ମିସା ଏନ୍ତିସେ ଚଲାଚଲ୍‌ତି କରୁବାଇ, ଅବ୍‌କା ସେଟା ନଏଁ, ମାତର୍ ଏନ୍ତି ଚଲାଚଲ୍‌ତି କରୁବା ଲକ୍‌ର୍ ବାଟେ ଅଇକରି, ସାର୍‌ଦା ସଙ୍ଗ୍ ଏଟା ଟିକ୍ ବଲି ସେମନ୍‌କେ କଇବାଇ ।

୨

ପରମେସରର୍ ସତ୍ ଦରମର୍ ବିଚାର୍

୧ *ତେବେ ଏ ମର୍ ମଇଡ଼ରମନ୍, ତମେ କାଇ ବିନ୍ ଲକ୍‌ର୍ ବିଚାର୍ କଲାସ୍‌ନି କି ? ତମେ ଜେ ଅଇରଇଲେ ମିସା, ଏନ୍ତି କରୁବାଟା ଟିକ୍ ନଏଁ । ବିନ୍ ଲକ୍‌ର୍ ଦସଦାରି ତମେ ଜଦି ନିଜେ ସେ ଦସ୍ କରତେ ରଇସା ବଇଲେ, ତମେ ନିଜେ, ନିଜ୍‌କେ ଦସି ବଲାଇ ଅଇଲାସ୍‌ନି । ୨ ଆମେ ଜାନ୍, ପରମେସର୍ ଏନ୍ତି କରତେ ରଇବା ଲକ୍‌ମନ୍‌କେ ଟିକ୍ ସଙ୍ଗ୍ ବିଚାର୍ କରସି । ୩ ଜନ୍ କାରାପ୍ କାମର୍ ଲାଗି ତମେ ବିନ୍ ଲକ୍‌ମନ୍‌ର୍ ଦସ୍ ଦାରୁଲାସ୍‌ନି, ସେଟା ତମେ ନିଜେ କରତେ ରଇସା, ସେଟାର୍ ପାଇ ତମେ ପରମେସରର୍ ବିଚାର୍ ଜାଗାଇ ଚିଆ ନଉଁ ବଲି ବାବ୍‌ଲାସ୍‌ନି କି ? ୪ ସେନ୍ତି ବଇଲେ ତା, ତମେ ପରମେସରର୍ ବେସି ଜିବନ୍ ଦୁକାଇଲାଟା, ଉଦାର୍ କରୁବାଟା ଆରି ମୁରୁଚୁବାଟାକେ ନାମାସ୍ ନାଇ । ତମେ ସତଇସେ ଜାନିଆବାସ୍ ଜେ, ତମର୍ ମନେ କାରାପ୍ କାମ୍ ଅଇଲାଟା ମାନ୍‌ଅଇବାକେ ପରମେସର୍ ଏତେକ୍ ଦୟା କଲାଆଚେ । ୫ ମାତର୍ ତମେ ବଡ଼ପନ୍‌ଆ ଆରି ମନ୍ ଜିଦିଆ । ସେଟାର୍ ପାଇ ସାରାସାରି ବିଚାର୍‌ନା ଦିନେ ପରମେସର୍ ଟିକ୍ ସଙ୍ଗ୍ ତାର୍ ବିଚାର୍‌ନା ଦେକାଇସି । ସେ ରିସା ଦିନେ ନିଜର୍ ପାଇ ରିସା ଟୁଲିଆଇଲାସ୍‌ନି । ୬ କାଇକେବଇଲେ ପରମେସରର୍ ସେ ଦିନେ ତାର୍ କରମ୍ ଇସାବେ ସବୁକେ ପୁରୁସକାର୍ ଦେଇସି । ୭ ଜନ୍ ଲକ୍‌ମନ୍ ତାକ୍‌ପୁଟା, ସନ୍‌ମାନ୍ ଆରି ଅମର୍ ଅଇବା ଆସାଇ ମୁରୁଚିକରି ସତ୍‌କାମ୍ କରିଜିବାଇ, ସେମନ୍‌କେ ପରମେସର୍ ନ ସାର୍‌ବା ଜିବନ୍ ଦେଇସି । ୮ ମାତର୍ ଜନ୍ ଲକ୍‌ମନ୍ ନିଜର୍ ଲାବ୍ ଆରି ସତ୍ ରଇବା ବିସଇ ନ ମାନ୍, ମିଟ୍‌କାତା ମାନ୍‌ବାଇ, ସେମନ୍‌ର୍ ଉପରେ ବଡ଼ ରିସା ଆଇସି । ୯ ଜନ୍ ଲକ୍‌ମନ୍ କାରାପ୍ କାମେ ବୁଡ଼ି ଆଚତ୍, ସେମନ୍‌ର୍ ପାଇ କସ୍‌ଟ ଆରି ଦୁକର୍ ଦିନ୍ ଆଇଲାନ୍ । ସବୁକେ ଆଗ୍ରୁ ଜିଉଦିକେ ଆରି ତାର୍ ପଚେ ଜିଉଦି ନଇଲା ଲକ୍‌ମନ୍‌ର୍ ପାଇ । ୧୦ ମାତର୍ ଜନ୍ ଲକ୍‌ମନ୍ ସତ୍ ଇସାବେ କାମ୍ କଲାଜ୍‌ନି, ସେମନ୍ ଜିଉଦି ଅଅଡ୍ କି ଜିଉଦି ନଇଲା ଲକ୍ ଅଅଡ୍, ସେମନ୍‌କେ ପରମେସର୍ ତାକ୍‌ପୁଟାକରି ସନ୍‌ମାନ୍ ଆରି ସାନ୍ତି ଦେଇସି । ୧୧ କାଇକେ ବଇଲେ ପରମେସର୍ ଗଟେକ୍ ଟୁଲାଇସେ ସବୁର୍ ବିଚାର୍ କରସି ।

୧୨ ଜିଉଦି ନଇଲା ଲକ୍‌ମନ୍, ମସା ଲେକ୍‌ଲା ନିୟମ୍ ପାଅଡ୍ ନାଇ । ନିୟମ୍ ନ ପାଇ ପାପ୍ କଲାଇ, ସେମନ୍ ନିୟମ୍ ନ ଅଇତେ କୁରୁପ୍‌ନାସ୍ ଅଇବାଇ । ଆରି ଗଟେକ୍‌ବାଟେ ଜିଉଦିମନ୍ ନିୟମ୍ ଜାନିକରି ମିସା, ପାପ୍ କଲାଇ, ସେମନ୍ ସେ ନିୟମ୍ ଇସାବେ ଡଣ୍ଡ ପାଇବାଇ । ୧୩ କାଇକେବଇଲେ ଲକ୍‌ମନ୍ ଉଜେ ନିୟମ୍ ସୁନ୍‌ଲେସେ ପରମେସରର୍ ମୁଆଟେ ୨୮ ଆଟେ ୧୩ ବଲି ଏଜାଇଅଇ ନାପାରତ୍, ମାତର୍ ନିୟମ୍ ନାମ୍‌ଲେସେ ଅଇପାରତ୍ । ୧୪ ଜିଉଦିନଇଲା ଲକ୍‌ମନ୍‌ର୍ ନିୟମ୍ ନାଇ, ମାତର୍ ସେମନ୍ ଅବିଆସ୍ କରି ନିୟମ୍‌ର୍ ବିଦିମନ୍ ନାମ୍‌ବାଇ, ସେଟାସେ ସେମନ୍‌ର୍ ନିୟମ୍ ପାରା । ୧୫ ସେମନ୍‌ର୍ କାମ୍‌ଦାମ୍‌ଗାନେଅନ୍ ଟିକ୍ ସଙ୍ଗ୍ ଜାନାପଡ଼ୁଲାନ୍ ଜେ, ନିୟମ୍‌ର୍ ବିଦିବିଦାନ୍ ସେମନ୍‌ର୍ ମନେ ଲେକାଅଇଲା ଆଚେ । ଏ କାତା ସତ୍, ସେମନ୍‌ର୍ ବିବେକ୍ ଟିକ୍ ବଲି କଇବା ଚଲାଚଲ୍‌ତିଅନ୍ ଜାନାପଡ଼ୁଲା । ଜେନ୍ତାରିକି ସତ୍ କାମ୍ କଲାବେଲେ ତାକର୍ ବିବେକ୍, ଉଁ ବଲି କଇସି, ଆରି କାରାପ୍ କାମ୍ କଲାବେଲେ ବିବେକ୍ ସେମନ୍‌କେ ଦସି

* ୨:୧ ୨:୧ ମାଡ଼ିଉ ୭:୧: କୁକ୍ ୬:୩୭

କରାଇସି । ୧୭ ଜନ୍ ଦିନେ ପରମେସର୍ ଜିସୁକିରିସଟର୍ ଟାନେଅନି ମୁନୁସର୍ ବିତ୍ତରେ ଲୁଚିଲା ବିସଇମନ୍ ବିଚାର କରୁସି, ସେ ଦିନେ ମୁଇ ଜାନାଇ ରଇଲା ସୁବକବର୍ ଇସାବେ ଏ ସବୁ ଗଟୁସି ।

ଜିଉଦି ଲକ୍ମନ୍ ଆରି ନିୟମ୍

୧୭ ତମେମନ୍ ତେବେ ? ନିଜକେ ଜିଉଦି ବଲାଇଅଇଲାସିନି, ନିୟମକେ ଆସାକରି ଆରି ପରମେସର୍ ସଙ୍ଗ୍ ମିସାବିତା କରବାଟା ନେଇ ବଡ଼ପନ୍ ଅଇଲାସିନି, ୧୮ ପରମେସର୍ ତମରଟାନେଅନି କାଇଟା ମନ୍ କଲାନି ସେଟା ତମେ ଜାନିଆଟାସ୍ । ଆରି ନିୟମେଅନି ସତ୍ ଆରି ସତ୍ ନ ଅଇବା ଗିଆନ୍ ପାଇଆଟାସ୍, ୧୯ ସତଇସେ ଜାନିଆଟାସ୍ ଜେ, ତମେ କାଣାକେ ବାଟ୍‌ଦେକାଇବା ଲକ୍, ଆନ୍ଦାରେ ରଇବା ଲକ୍ମନର୍ ପାଇ ଉଜଲ୍ ପାରା । ୨୦ ବକୁଆମନକେ ନିମାନ୍ କାତା କଇବା ଲକ୍, ଗିଆନ୍ ନ ରଇବା ଲକ୍ମନର୍ ଗୁରୁ । ତମେ ବିସବାସ୍ କଲାସିନି ଜେ, ନିୟମ୍ ଜାନିକରି ପୁରାପୁରୁନ୍ ସତ୍ ଆରି ଗିଆନ୍ ପାଇଆଟାସ୍ ବଲି । ୨୧ ତମେ ବିନୁଲକ୍ମନକେ ସିକାଇଲାସିନି, ମାତର୍ କାଇକେ ନିଜେ ସିକାସ୍ ନାଇ ? ଚରାଇବାର୍ ନାଇ ବଲି ସିକିଆ ଦେଇ ନିଜେ ଚରାଇଲାସିନି କି ? ୨୨ ପାଦରା କାମ୍ କରାନାଇ ବଲି କଇ, ନିଜେ ପାଦରା କାମ୍ କଲାସିନି କି ? ପୁତୁଲା ପୁଲକେ ଗିନ୍ କରି ଦେଉଲର୍ ଦିନୁ ଚରୁଲାସିନି କି ? ୨୩ ପରମେସରର୍ ନିୟମ୍ ମିଲାଇଆଟୁ ବଲି ବଡ଼ପନ୍ ଦେକାଇଲାସିନି, ମାତର୍ ସେଟାକେ ଏଡିଦେଇକରି ତାକେ ଲାଜ୍ କରାଇଲାସିନି କି ? ୨୪ ସାସ୍ତରେ ଲେକାଅଇଲା ଆଟେ, “ତମରଲାଗି ଜିଉଦି ନଇଲା ଲକ୍ମନର୍ ବିତ୍ତରେ ପରମେସର୍ ନିନ୍ଦା ପାଇଲାନି ।”

୨୫ ଜଦି ତମେ ନିୟମ୍ ମାନଲେ, ତମର୍ ସୁନତ୍ ଅଇବାଟା ଚିକ୍ ଆଟେ । ଜଦି ନିୟମ୍ ନ ମାନଲେ ସୁନତ୍ ନ ଅଇଲା ଲକ୍ମନର୍ ସଙ୍ଗ୍ ସମାନ୍ । ୨୬ ଜଦି ସୁନତ୍ ନ ଅଇଲା ଗଟେକ୍ ଜିଉଦି ନଇଲା ଲକ୍ ନିୟମର୍ ବିଦିବିଦାନ୍ ସବୁ ନାମତେ ରଇସି, ପରମେସର୍ ତାକେ ସୁନତ୍ ଲକ୍ ଇସାବେ ନ ତାକେ କି ? ୨୭ ସେଟାର୍ ପାଇ ଗାଗତେ ସୁନତ୍ ନ ଅଇରଇଲା ଜିଉଦି ନ ଅଇଲା ଲକ୍ମନ୍, ନିୟମ୍ ମାନିକରି ତମର୍ ବିଚାର୍ କରବାଇ, କାଇକେ ବଇଲେ ତମେ ଗାଗତେ ସୁନତ୍ ଅଇ ନିୟମ୍ ପାଇରଇଲେ ମିସା, ସେଟା ନାମାସ୍ ନାଇ । ୨୮ ଉଜେ ଗାଗତେ ସୁନତ୍ ଅଇ ଉପରେ ଉପରେ ଜିଉଦି ବଲି ଚିନାଇଅଇବା ଲକ୍ ସତଇସେ ଜିଉଦି ନଅଡ୍ । ୨୯ ଜେ ମନ୍ ବିତ୍ତରେଅନି ଜିଉଦି, ସେ ଅଇଲାନି ସତଇସେ ଜିଉଦି । ସତଇସେ ସୁନତ୍ ମନ୍ ବିତ୍ତରର୍ ବିସଇ । ସେଟା ସୁକଲ୍ ଆଡ଼ମାର୍ କାମ୍ । ଲେକଲା ନିୟମ୍ ସେଟା କରିନାପାରେ । ଏନ୍ତାରି ଲକ୍ ଲକ୍ମନରଟାନେଅନି ତାକ୍‌ପୁଟା ନ ପାଏ, ମାତର୍ ପରମେସର୍‌ଅନି ପାଇସି ।

୩

୧ ତେବେ ଜିଉଦି ନଇଲା ଲକ୍ମନରଟେଇଅନି ଜିଉଦିମନର୍ ଅଦିକ୍ ସୁବିଦା କାଇଟା ? ସୁନତ୍ କଲେ କାଇ ଲାବ୍ ? ୨ ସବୁ ରକାମର୍ ଲାବ୍ ଆଟେ । ତେବେ ପର୍ତୁମ୍, ପରମେସର୍ ତାର୍ କବର୍ ଜାନାଇବା ଦାଇକ୍ ଜିଉଦିମନର୍ ଆଟେ ଦେଲା ଆଟେ । ୩ ତେବେ କାଇଟା ଅଇସି ? ଜିଉଦିମନର୍ ବିତ୍ତରେଅନି କେତେ ଲକ୍ ବିସବାସ୍ ନ କଲେ ପରମେସର୍ କାତା ଦେଇରଇବାଟା ପୁରାପୁରୁନ୍ ନ ଅଏ କି ? ୪ କେବେ ନାଇ । ମୁନୁସମ୍ ସବୁ ଲକ୍ ମିଟୁଆ ଅଇଲେ ମିସା, ପରମେସର୍ ସତ୍‌ସେ । ସାସ୍ତରେ ଲେକା ଆଟେ, “ତମର୍ ବାକିଅ ଅନି ତମେସେ ସତ୍ ବଲି ଚିନାଇ ଉଆ,

ତମେ ବିଚାର୍ କରାଇ ଅଇଲାବେଲେ ଜିତି କରି ରୁଆ ।”

୫ ଇତି ଗଟେକ୍ ପର୍‌ସନ୍ ଅଇପାରେ, “ଆମର୍ କାରାପ୍ ଚଲାଟଲ୍‌ଡି, ପରମେସରର୍ ଦରମକେ ଚିନାଇ ଦେଇସି ବଇଲେ, ସେ ଆମକେ ଡଣ୍ଡଦେଇ ଅନିଆଇ କଲାନି ବଲି କଇପାରିଅଇସି କି ? ୬ କେବେ ନାଇ । ପରମେସର୍ ଜଦି ନିଆଇତେଇ ନାଇ, ତେବେ ସେ କେନ୍ତ୍ର ଜଗତର୍ ନିଆଇ ବିଚାର୍ କରୁସି ?”

୭ “ଜଦି ମୁଇ ମିଟ୍ କଇବାଟା ପରମେସରର୍ ସତ୍ ଅଦିକ୍ ଡିସି କରି ତାକ୍‌ପୁଟା କରାଇସି ବଇଲେ, ମୁଇ କାଇକେ ପାପି ବଲି ଡଣ୍ଡ ପାଇବି ?” ୮ ସେନ୍ତାଆଲେ “ଆସା, ଆମେ କାରାପ୍ କାମ୍ କରୁ ଜେନ୍ତାରି କି ତେଇଅନି ନିକ ବିସଇ ବାରଇସି” ବଲି କଇଅଇସି କି ? ନାଇ, କଇ ନଏ । ମୁଇ ସମାନ୍ ଏନ୍ତ୍ର କାତା କଇଲାନି ବଲି ଦାବା କି କେତେ ଲକ୍ ମକେ ଇଜଡ୍ ଜିକ୍‌ଲାଇନି । ସେମନ୍ ସେଟାର୍ ପାଇ ଜନ୍ ଡଣ୍ଡ ପାଇବାଟ୍ ରଇଲା, ସତଇସେ ପାଇବାଇ ।

ଗଟେକ୍‌ଲକ୍ ମିସା ଦରମ୍ ଲକ୍ ନାଇ

୯ ତେବେ କାଇ ଜିଉଦିମନର୍ ଜିଉନା, କାଉନା, ଜିଉଦି ନଇଲା ଲକ୍ମନରଟାନେଅନି ଅଦିକ୍ ନିକ କି ? ନାଇ, ମୁଲକେ ନାଇ ! ମୁଇ ଆଗତୁଅନି କଇଲି ଆତି ଜେ, ସେମନ୍ ଦୁଇ ଦଲ୍ ଜାକ ପାପର୍ ସାସନେ ଆତଡ୍ । ୧୦ ସାସ୍ତରେ ଲେକା ଆଟେ, ଦରମ୍ ଲକ୍ କେ ନାଇ ଗଟେକ୍ ଲକ୍ ମିସା ନାଇ,

୧୧ କେ ମିସା ଗିଆନ୍ ରଇବା ଲକ୍ ନାଇ ।
ସତଇସେ ପରମେସରକେ ଉପାସନା କରୁବା ଲକ୍ ନାଇ ।

୧୨ ସେମନ୍ ସବୁ ଲକ୍ ପରମେସରଟାନେଅନି ଅନି ଦୁରିକେ ଜାଇ ଆଚଡ଼ ।
ସେମନ୍ ବାଟ୍ ବାନା ଅଇଗାଲାଇ ଆଚଡ଼ ।
କେ ଗଟେକ୍ ଲକ୍ ମିସା ସଡ଼ କାମ୍ କରଡ଼ ନାଇ ।

୧୩ ସେମନର୍ କାତା କଇବାଟାନେ ଅଦିକ୍ ନାତାଇବାଟା ଆଚେ,
ଟଣ୍ଟେଅନି ଗାଡ଼ ଗାଲାପାଠା ମିଟ୍ କାତା ବାରଇଲାନି ।
ଜିବ୍ତଲେ ନାଗ୍ ସାପର୍ ବିସ୍ ପାଠା ଆଚେ ।

୧୪ ସେମନର୍ କାତା, ପିତା ଅଇ, ଅବିସାପେ ପୁରୁନ୍ ଅଇଆଚେ ।

୧୫ ସେମନ୍ ମାର୍ବାକେ ଆରି ମରାଇବାକେ ତେରେପେତେ ଅଇଲାଇନି ।

୧୬ ସେମନ୍ ଜନ୍ବାଟେ ଗାଲାଇନି, ତେଇ କୁରୁପ୍ତନାସ୍ ଅଇବାଟା ଆରି କସ୍ଟ ଅଇବାଟା ଉବଜ୍ଜଲାନି ।

୧୭ ସେମନ୍ ସାନ୍ତ୍ରର୍ ବାଟ୍ ନାଜାନଡ଼,
୧୮ କି ପରମେସରକେ ଡରୁବାଟା ସିକଡ଼ ନାଇ ।

୧୯ ଆମେ ଜାନୁ, ଜନ୍ ଲକ୍ମନ୍ ନିୟମର୍ ସାସନ୍ ତଲେ ଆଚଡ଼, ତେଇର୍ ସବୁ ବିଦିବିଦାନ୍ ମାନ୍ବାକେ ବାଦିଅ । ପରମେସର୍ ଜେଡେବଲ୍ ଗୁଲାଇ ଜଗତର୍ ବିଚାର କରୁସି, ନିୟମ୍ ନ ମାନ୍ଲା ଲକ୍ମନ୍ କାଇ କାମ୍ ମିସା ଦେକାଇକରି, ଦସ୍ କରନାଇ ବଲି କଇନାପାରଡ଼ । ୨୦*ମାତର୍ ନିୟମର୍ ରିତିନିତି ମାନିକରି କେ ମିସା ପରମେସରର୍ ମୁଆଟେ ଦରମ୍ ଲକ୍ ଅଇନାପାରେ । ନିୟମେଅନି ସେ ଲକ୍ ଅବ୍ବା ପାପର୍ ବଜସେ ପାଇସି ।

ବିସ୍ବାସ୍ କରି ଦରମ୍ ବଲାଇଅଇବାଟା

୨୧ ମାତର୍ ଏବେ ଲକ୍ମନ୍ ତାର୍ ମୁଆଟେ ଦରମ୍ ବଲି ଏଜାଇ ଅଇବାକେ, ପରମେସର୍ ଜନ୍ଟା ଜଜ୍ନା କରି ରଇଲା, ସେଟା ସେ ଆମକେ ଜାନାଇଦେଲାଆଚେ । ମାତର୍ ଏଟା ନିୟମ୍ ମାନ୍ଲାକେ ଅଏନାଇ । ଏ ଜଜ୍ନା ମସାର୍ ନିୟମେ ଆରି ବିନ୍ ବବିସଡ଼ବକ୍ତାମନର୍ ଟାନେ ମିସା ରଇଲା । ୨୨*ଉଜେ ଜିସୁକ୍ରିସ୍ଟକେ ବିସ୍ବାସ୍ କଲାକେ ଏବେ ଆମେ ପରମେସରର୍ ଦେକ୍ବା ଇସାବେ ଦରମ୍ ଲକ୍ ବଲାଇ ଅଇଆରୁ । ପରମେସର୍ କେତେ ଲକ୍କେ ଆଲାଦ୍ କରି ଆରି କେତେକ୍ ଲକ୍କେ ଗିନ୍ କରେନାଇ । କିରିସ୍ଟକେ ବିସ୍ବାସ୍ କରୁବା ସବୁ ଲକ୍ମନକେ ଏ ଅଦିକାର ଦେଲାଆଚେ । ୨୩ ସବୁ ଲକ୍ ପାପ୍ କଲାଇ ଆଚଡ଼ ଆରି ପରମେସରର୍ ପୁରାପୁରୁନ୍ ମଇମାଇଅନି ଉନା ଅଇଗାଲାଇ ଆଚଡ଼ । ୨୪ ମାତର୍ ପରମେସର୍ କିରିସ୍ଟ ଜିସୁର୍ତେଇଅନି ଇନାମେ ନ ସାରୁବା ଜିବନ୍ ଦୁକାନି ଦାନ୍ କଲାଆଚେ । ଜନ୍ ଲକ୍ମନ୍ ସେଟା ମିଲାଇଆଚଡ଼, ସେମନ୍କେ ମାପରୁ ଜିସୁ ମୁକ୍ତି ଦେଇସି । ସେମନ୍ ପରମେସରର୍ ମୁଆଟେ ଦରମ୍ ଲକ୍ ବଲାଇ ଅଇବାଇ । ୨୫ ପରମେସର୍ ଜିସୁକେ ଦାନ୍କଲା, ଜେନ୍ତ୍ରକି ତାର୍ ମରନ୍, ତାକେ ବିସ୍ବାସ୍ କରୁବା ଲକ୍ମନର୍ ପାପ୍ କେମାର୍ ବାଟ୍ ଦେକାଇସି । ସେ ନିଜର୍ ଦରମ୍ ଅଇଲାଟା ଦେକାଇବାକେ ଏଟା କଲା । ସେ ସବୁ ମୁରତିକରି ଲକ୍ମନ୍ ଆଗ୍ତୁ କରିରଇବା ପାପ୍ ଦାରେ ନାଇ । ୨୬ ମାତର୍ ଏବେ ସେ ତାର୍ ଦରମ୍ ଅଇଲାଟା ଦେକାଇବାକେ ସେ ସବୁ ପାପ୍, ଜନ୍ ପାପ୍ କି ଜିସୁ କୁରସକାଟେ ଦାରିରଇଲା, ତେଇ ମିସାଇ ଆଚେ । ଏଟାରୁଲାଗି ପରମେସର୍ ପୁରାପୁରୁନ୍ ଦରମ୍ ଆଚେ । ଆରି ଜେଡ୍ କି ଲକ୍ ଜିସୁକେ ବିସ୍ବାସ୍ କରୁବା ସେ ସବୁ ଦରମ୍ ଲକ୍ ବଲି ଏଜାଇଅଇବାଇ ।

୨୭ ସେନ୍ତ୍ରାଆଲେ ଆମେ କାଇ ବିସଇନେଇ ବଡ଼ପନ୍ ଅଇବାର୍ ଆଚେ ? ନାଇ ସେନ୍ତ୍ର କାଇଟା ମିସା ନାଇ । ଆମେ ବଡ଼ପନ୍ ଦେକାଇବାକେ କାଇ ବିସଇ ଆଚେ କି ? ଆମେ ପୁରାପୁରି ନିୟମ୍ ମାନ୍ଲୁନି ବଲିକରି କି ? ନାଇ, ଅବ୍ବା ବିସ୍ବାସ୍ କରୁବାଟାସେ ଆମର୍ ବଡ଼ପନ୍ ଦେକାଇବାଟା । ୨୮ ଆମେ ସତଇସେ ବୁଜି ପାରଲୁ ଜେ, ଗଟେକ୍ ଲକ୍ ଅବ୍ବା ବିସ୍ବାସ୍ କରିସେ ଦରମ୍ ଲକ୍ ବଲାଇ ଅଇସି, ନିୟମ୍ ମାନିକରି ନାଇ । ୨୯ ପରମେସର୍ କାଇ ଉଜେ ଜିଉଦିମନର୍ସେ ପରମେସର୍ କି ? ସେ କାଇ ଜିଉଦିନଇଲା ଲକ୍ମନର୍ ପରମେସର୍ ନଏଁ କି ? ସତଇସେ ସେ ସବୁ ଲକ୍ମନ୍ ପରମେସର୍ । ୩୦*ପରମେସର୍ ଗଟେକ୍ସେ । ଜିଉଦି ଆରି ଜିଉଦିନଇଲା ଲକ୍ମନ୍ ପାଇ ସମାନ୍ । ସେମନର୍ ବିସ୍ବାସ୍ ପାଇ ସେମନ୍କେ ଦରମ୍ ଲକ୍ ଇସାବେ ବାଟୁସି । ୩୧ ଏଟାର୍ ଅରଡ଼ କାଇଟା, ଏନ୍ତାରି ବିସ୍ବାସ୍ କରି ନିୟମ୍ ନସାଇଦେଉଁ କି ? ନାଇ, ଆମେ ଜଦି ଜିସୁକିରିସ୍ଟକେ ବିସ୍ବାସ୍ କରୁବୁ ବଇଲେ, ନିୟମକେ ମିସା ଡାଟ୍ କରୁବୁ ।

* ୩:୨୦ ୩:୨୦ ଗାଲାତିୟ ୨:୧୬ * ୩:୨୨ ୩:୨୨ ଗାଲାତିୟ ୨:୧୬ * ୩:୩୦ ୩:୩୦ ଗାଲାତିୟ ୩:୨୦

୪

ବିସ୍ୱାସରୁଲାଗି ଅବରାଆମ୍ ଦରମ ଅଇଲା

^୧ ଆମର ବାବା ଅବରାଆମ୍ ବିସଇନେଇ କାଇଟା ବଲି କଉଁ ? ସେ ଆମରୁ ଜିଉଦି ବସ୍ତୁ ଆନିଦାଦି ରଇଲା । ସେ କେନ୍ତ୍ର ଦରମ୍ ବଲାଇ ଅଇଲା ? ^୨ ଜଦି ଅବରାଆମ୍ ନିଜରୁ କରିରଇବା କାମେଅନି ସେ ପରମେସରରୁ ମୁଆଟେ ଦରମ୍ ଲକ୍ ବଲାଇ ଅଇତା, ସେ ବଡ଼ପନ୍ କାତା କଇପାରୁତା । ମାତରୁ ସେଟା ପରମେସରରୁ ମୁଆଟେ ଅଇ ନାପାରେ । ^୩ *ସାସ୍ତରୁ ଛୟାବେ, “ଅବରାଆମ୍ ପରମେସରରୁତେଇ ବିସ୍ୱାସ କଲା, ଆରି ଏ ବିସ୍ୱାସରୁ ଲାଗି ପରମେସର ତାକେ ଦରମ୍ ଲକ୍ ଛୟାବେ ନିଜରୁ କଲା ।” ^୪ ଜେ କାମ୍ କରୁସି ସେ ବୁଡି ପାଇସି ଆକା । କାରଟାନେଅନି ଦାନ୍ ଛୟାବେ ନ ପାଏ । ^୫ ମାତରୁ ଜେ ନିଜରୁ ଉପରେ ଆସା ନ କରି, ପରମେସରରୁତେଇ ବିସ୍ୱାସ କରୁସି, ତାରୁ ବିସ୍ୱାସରୁ ଲାଗି, ଅପରାଦରୁ ଦସ୍ ନ ଦାରି ରାଡିଦେବା ପରମେସର, ତାକେ ଦରମ୍ ଲକ୍ ଛୟାବେ ତାକ୍ସି । ^୬ ଜନ୍ ଲକ୍ ରିଡିନିଡି ନ ଦେକି ପରମେସର ତାକେ ଦରମ୍ ଲକ୍ ବଲି ତାକ୍ସି, ସେନ୍ତାରି ଲକ୍ ବିସଇନେଇ ଦାଉଦ୍ କଇଆଟେ, ^୭ ଜାରୁ ଦସ୍ ଦଇଅଇଲା ଆଟେ ସେ କେତେ କରମ୍ ଲକ୍ ।

ଜେ ପାପକେମା ପାଇଲାଆଟେ ସେ କେତେ କରମ୍ ଲକ୍ ।

^୮ ମାପରୁ ଜାରୁ ପାପରୁ ଛୟାବ୍ ନ କରେ, ସେ କେତେ କରମ୍ ଲକ୍ !

^୯ ଇଡି ଦାଉଦ୍ ଜନ୍ ଲକ୍ ମନକେ କେତେ କରମ୍ ଲକ୍ ବଲି କଇଲାଆଟେ, ସେମନରୁ ବିତ୍ରେ କାଇ ଅବ୍ କା ସୁନତ୍ ଅଇଲା ଲକ୍ ସେ ରଇଲାଇ କି ? ନାଇ, ସୁନତ୍ ନ ଅଇଲା ଲକ୍ ମିସା କେତେ କରମ୍ ଲକ୍ ଅଇପାରତ୍ । ଆମେ କଇଲୁନି ଅବରାଆମ୍ ବିସ୍ୱାସ କଲାକେସେ ଦରମ୍ ଲକ୍ ଛୟାବେ ଏଜାଇଅଇଲା, ^{୧୦} ଏଟା କେତେବେଲେ ଗଟିରଇଲା ? ଅବରାଆମ୍ ସୁନତ୍ ଅଇଲା ପରେ କି, ତାରୁ ଆଗରୁ ? ଆଗରୁ, ପରେ ନାଇ । ^{୧୧} ସୁନତ୍ ଅଇବା ଆଗରୁ, ଅବରାଆମ୍ ବିସ୍ୱାସ ଲାଗି ପରମେସର ତାକେ ଦରମ୍ ଲକ୍ ଛୟାବେ ତାକି ରଇଲା । ଏଟା ଜାନାଇବାକେ ଗଟେକ୍ ଚିନ୍ପାରା ଅବରାମ୍ ଏ ସୁନତ୍ ବିଦି କରବାଟା ନାମି ରଇଲା । ଜେନ୍ତାରିକ୍ ଜନ୍ ଲକ୍ ମନ ସୁନତ୍ ନ ଅଇକି ମିସା, ବିସ୍ୱାସ କରବାଇ, ସେମନ୍ ଦରମ୍ ଲକ୍ ବଲି ଏଜାଇ ଅଇବାଇ । ସେଟାରୁପାଇ ଗାଗତ୍ ଛୟାବେ ଅବରାଆମ୍ ସେମନରୁ ବାବା ବଲାଇଅଇସି, ^{୧୨} ଅବରାଆମ୍ ସୁନତ୍ ଅଇବା ଆଗରୁ ବିସ୍ୱାସରୁ ଜନ୍ ଚିନ୍ ଦେଇରଇଲା, ଜଦି ସୁନତ୍ ନଇଲା ଲକ୍ ମନ ନିଜରୁ ଜିବନେ ସେ ରକାମ୍ ବିସ୍ୱାସ ଦେକାଇ ପାରୁବାଇ ବଇଲେ, ଅବରାଆମ୍ ସେମନରୁ ମିସା ବାବା ।

ପରମେସର ବିସ୍ୱାସିମନକେ ଦେଇରଇବା କାତା

^{୧୩} *ଅବରାଆମ୍ ନିୟମ୍ ମାନୁଲାଟ୍ ପାଇ ନାଇ, ଅବ୍ କା ବିସ୍ୱାସ କଲାପାଇ ସେ ଦରମ୍ ଲକ୍ ବଲି ଏଜାଇଅଇରଇଲା । ଆରି ସେଟାରୁ ପାଇ, ସେ ଆରି ତାରୁ କୁଟୁମ୍ ଲକ୍ ମନ ଜଗତରୁ ଅଦିକାରି ଅଇବାଇ ବଲି ପରମେସର କାତା ଦେଇରଇଲା । ^{୧୪} *ଜନ୍ ଲକ୍ ମନ ନିୟମ୍ ମାନୁବାଇ, ଅବ୍ କା ସେମନସେ ଜଦି ପରମେସର ଦାନ୍ ପାଇବାଇ, ତେବେ ଲକ୍ ମନରୁ ବିସ୍ୱାସ ତୁଟାଇ ଅଇସି । ପରମେସର ଦେଇରଇବା କାତା ମିସା ତୁଟାଇସେ । ^{୧୫} ନିୟମ୍ ନ ମାନୁଲାପାଇ ଲକ୍ ମନ ପରମେସରରୁ ବଡ଼ ରିସାଇ ପଡ଼ୁବାଇ । ମାତରୁ ଜନ୍ତ୍ର ନିୟମ୍ ନାଇ, ତେଇ ନିୟମ୍ ନ ମାନୁବା କାତା ଉଟେ ନାଇ ।

^{୧୬} * ସେଟାରୁପାଇ ପରମେସର କାତା ଦେଇରଇବାଟା ବିସ୍ୱାସରୁ ଲାଗି ରଇସି । ଜନ୍ ଲକ୍ ମନ ନିୟମ୍ ମାନୁବାଇ, ଅବ୍ କା ସେମନରୁ ପାଇସେ ପରମେସର କାତା ଦେଏ ନାଇ । ଅବରାଆମ୍ ପାରା ବିସ୍ୱାସ କରୁତେ ରଇବା ସବୁଟୁ ପାଇ ସେଟା ଲତା । କାଇକେବଇଲେ ଅବରାମ୍ ସେମନରୁ ଆତ୍ମା ଛୟାବେ ରଇବା ବାବା । ^{୧୭} ଏ ବିସଇ ସାସ୍ତରେ ଲେକାଆଟେ “ତକେ ଆମେ ସବୁ ବସ୍ତୁ ବାବା କରିଆତୁ ।” ପରମେସର ଛୟାବେ ଏ କାତା ଦେଲାଟା ଚିକ୍ ରଇଲା, କାଇକେ ବଇଲେ ଜନ୍ ପରମେସରକେ ଅବରାଆମ୍ ବିସ୍ୱାସ କରୁତେ ରଇଲା, ସେ ପରମେସରରୁ ବାକିଅ ମଲା ଲକ୍ ମନକେ ଜିବନ୍ କରୁସି ଆରି କାଇଟା ନଇଲାତେଇଅନି ସବୁ ବିସଇ ତିଆର୍ କରୁସି । ^{୧୮} ଆସା କରବାକେ କାଇଟା ନ ରଇଲେ ମିସା, ଅବରାଆମ୍ ବିସ୍ୱାସ କରି ଆସାଅଇ ରଇଲା । ସେଟାରୁ ପାଇ ସେ ସବୁ ବସ୍ତୁ ବାବା ଅଇଲା, କାଇକେ ବଇଲେ ସେ ସାସ୍ତରେଅନି କାତା ମିଲାଇରଇଲା, “ ତାରୁ କୁଟୁମ୍ ଲକ୍ ମନ ଏଜି ନାପାରୁବା ଆକାସରୁ ତାରାପାରା ଅଇବାଇ । ” ^{୧୯} ତାକେ ସେଡକିବେଲେ ସଏ ବରସ୍ ଅଇରଇଲା । ମାତରୁ ତାକ୍ ମଲାପାରା ଗାଗତରୁ କାତା ବାଦି, କି ସାରା ଜେକି ଆରି ପିଲା ପାଇ ନାପାରେ, ଏ କାତା ଜାନିକରି ମିସା, ତାକ୍ ବିସ୍ୱାସ ଉନା ଅଏନାଇ । ^{୨୦} ସେ ତାରୁ ବିସ୍ୱାସେଅନି ବିନେ ବେଗଲେ ନାଇ, କି ପରମେସର

* ୪:୩ ୪:୩ ଗାଲାତିୟ ୩:୬ * ୪:୧୩ ୪:୧୩ ଗାଲାତିୟ ୩:୨୯ * ୪:୧୪ ୪:୧୪ ଗାଲାତିୟ ୩:୧୮ * ୪:୧୭ ୪:୧୭ ଗାଲାତିୟ ୩:୭

ଦେଇରଇବା କାତା ଅଇସି କି ନର୍ସ ବଲି କଏନାଇ । ସେ ବିସ୍ବାସ କରି ବପୁ ସଙ୍ଗ ପୁରାପୁରୁନ୍ ଅଇଲା ଆରି ସେ ପରମେସର୍ତ୍ତକେ ଡାକ୍ ପୁଟା କଲା ।^{୧୧} “ପରମେସର୍ତ୍ତ ଜନ୍ କାତା ଦେଇରଇଲା, ସେଟା ସେ କରସି ଆକା ବଲି ଡାବ୍ ସଙ୍ଗ ବିସ୍ବାସ କଲା ।”^{୧୨} ସେ ବିସ୍ବାସର୍ତ୍ତ ଲାଗି ଅବ୍ରାଆମ୍ ପରମେସର୍ତ୍ତ ଦେକବା ଇସାବେ ଦରମ୍ ଲକ୍ ବଲି ଏଜାଇଅଇଲା ।^{୧୩} ଦରମ୍ ଲକ୍ ଇସାବେ ଏଜାଇଅଇବାଟା ସାସ୍ତତର କାତା, ଉଜେ ଅବ୍ରାମ୍ କେସେ ଅଇସି, ସେନ୍ତାରି ନାଇ ।^{୧୪} ସେଟା ଆମର୍ ପାଇ ମିସା ଲେକାଅଇଆଚେ । ଆମେ ମିସା ପରମେସର୍ତ୍ତକେ ବିସ୍ବାସ କଲେ ଦରମ୍ ଲକ୍ ବଲି ଏଜାଇଅଇବୁ । ସେ ମାପୁରୁ ଜିସୁକେ ମଲାତେଇଅନି ଆରି ତରେକ୍ ଜିବନ୍ କରି ଉଟାଇଲା ଆଚେ ବଲି ବିସ୍ବାସ କଲୁନି ।^{୧୫} ମାପୁରୁ ଜିସୁ ଆମର୍ ପାପର୍ ଲାଗି ମରିରଇଲା ଆରି ପରମେସର୍ତ୍ତକେ ଆମ୍ କେ ଦରମ୍ ଲକ୍ କରାଇବାକେ ଆରି ତରେକ୍ ଜିବନ୍ ଅଇ ଉଟ୍ଲା ।



ପରମେସର୍ତ୍ତ ସଙ୍ଗ ମିସିବିଡିରଇବାଟା

^୧ ଏବେ ଆମେ ବିସ୍ବାସ କଲାମ୍ ପାଇ ପରମେସର୍ତ୍ତ ଦେକବା ଇସାବେ ଦରମ୍ ଲକ୍ ବଲାଅଇଲୁ ଆରୁ ଆରି ମାପୁରୁ ଜିସୁ କିରିସ୍ତର ଲାଗି ପରମେସର୍ତ୍ତ ସଙ୍ଗ ସାନ୍ତି ସଙ୍ଗ ଆରୁ ।^୨ କାଇକେବଇଲେ ଆମେ ବିସ୍ବାସ କଲାମ୍ ପାଇସେ ତାର୍ ଜିବନ୍ ଦୁକାଇଲାଟାନେ ଆମ୍ କେ ଆନି ଆଚେ । ଜନ୍ ତେଇ କି ଏବେ ଆମେ ଆରୁ । ଆମେ ବେସି ସାର୍ଦା ସଙ୍ଗ ବଡ଼ପନର୍ କାତା କଇବୁ । କାଇକେବଇଲେ ପରମେସର୍ତ୍ତ ଡାକ୍ ପୁଟାଟେଇ ମିସୁ ବଲି ଆମ୍ କେ ଆସା ଆଚେ ।^୩ ସବୁ ରକାମର୍ ଦୁକ୍ କସ୍ତ ମୁଚ୍ଚି କରି ସାର୍ଦା ଅଇଲୁନି, କାଇକେବଇଲେ ତେରେପେତେ ନ ଅଇ କସ୍ତ ମୁଚ୍ଚିଲେ, ମନେ ସାଆସ୍ ଅଇସି ।^୪ ସାଆସ୍ ଦାରି ରଇଲେ ପରମେସର୍ତ୍ତ ସାର୍ଦା ଅଇସି । ତାର୍ ସାର୍ଦାଅଅନି ଆସା ଅଇସି ।^୫ ଏ ଆସା ଆମ୍ କେ ମୁଚ୍ଚିମୁଚ୍ଚା ଅଇବାକେ ନ ଦେଏ, କାଇକେ ବଇଲେ ପରମେସର୍ତ୍ତ ଆମ୍ କେ ସୁକଲ୍ ଆଡ଼ମା ଦେଇ କରି ଆମର୍ ମନେ ତାର୍ ଆଲାଦ୍ ବଚ୍ଚି କରିଦେଲାଆଚେ । ସୁକଲ୍ ଆଡ଼ମା ଆମର୍ ପାଇ ରଇବା ପରମେସର୍ତ୍ତ ଦାନ୍ ।

^୬ ଆମ୍ କେ କେ ମିସା ଆକାସାକା ନ ରଇଲା ବେଲେ, ପରମେସର୍ତ୍ତ ଚିକ୍ କଲା ବେଲାଇ କିରିସ୍ତ ପାପିମନର୍ ପାଇ ମଲା ।^୭ ଦରମ୍ ଲକ୍ ପାଇ କେ ମିସା ଗଟେକ୍ ଲକ୍ ମର୍ବାଟା ଆମେ ନାଜାନୁ, ମାତର୍ ଏନ୍ତାରି ମିସା ଅଇସି ଜେ, ଗଟେକ୍ ନିମାନ୍ ଲକ୍ ପାଇ ନିଜର୍ ଜିବନ୍ ଦେବାକେ କେ ଆଲେ ସାସ୍ କରବାଇ ।^୮ ମାତର୍ ଆମେ ପାପି ରଇଲାବେଲେ ଜିସୁ ଆମର୍ ପାଇ ନିଜର୍ ଜିବନ୍ ସର୍ପିଦେଲା । ଇତିଅନି ପରମେସର୍ତ୍ତ ଆମ୍ କେ କେତେକ୍ ଆଲାଦ୍ କଲାନି, ସେଟା ଜାନାପତିଆଚେ ।^୯ କିରିସ୍ତର୍ ବନିରଲାଗି ପରମେସର୍ତ୍ତ ଆମ୍ କେ ଦରମ୍ ଲକ୍ କଲାଆଚେ । ସେନ୍ତି ଆଲେ ପରମେସର୍ତ୍ତ ବଡ଼ ରିସାଇଅନି ଆମ୍ କେ ରକିଆ କରବାକେ କିରିସ୍ତ କେତେକ୍ ମନ୍ଦିଆନ୍ ନ ଦେଏ !^{୧୦} ଆମେ ପରମେସର୍ତ୍ତ ସର୍ତ୍ତୁ ରଇଲାବେଲେ ତାର୍ ପିଲା ଆମର୍ ପାଇ ଜିବନ୍ ଦେଲା । ତେଇଅନି ପରମେସର୍ତ୍ତ ସଙ୍ଗ ଆମେ ଆରିତରେକ୍ ଜଡିଅଇଲୁ । ତାର୍ ସଙ୍ଗ ଆରିତରେକ୍ ଜଡିଅଇଲା ପଚେ, ଏବେ କିରିସ୍ତର୍ ଜିବନର୍ ଲାଗି ଆମେ ରକିଆ ପାଇବାକେ କେତେକ୍ ଅଦିକ୍ ନ ପାଉ ?^{୧୧} ଅବକା ସେଡ଼କିସେ ନଏ, ମାପୁରୁ ଜିସୁକିରିସ୍ତର୍ ତେଇଅନି ପରମେସର୍ତ୍ତ ଜନ୍ ସବୁ କାମ୍ କଲାଆଚେ, ସେଟାର୍ ପାଇ ଆମର୍ ମନ୍ ଉଡୁକ୍ ଦୁଡୁକ୍ ଆରି ସାର୍ଦାଅ ପୁରୁନ୍ ଅଇଆଚେ । ସେ ଜିସୁ ପରମେସର୍ତ୍ତ ସଙ୍ଗ ଆମ୍ କେ ଆରିତରେକ୍ ମିସାଇଲା ଆଚେ ।

ଆଦମ୍ ଆରି କିରିସ୍ତ

^{୧୨} ପରତମେ ଗଟେକ୍ ଲକ୍ ସେ ପାପ କରିରଇଲା । ଆରି ପାପର୍ ଲାଗି ମରନ୍ ଆଇଲା । ସବୁ ଲକ୍ ପାପ କଲାମ୍ ପାଇ ମରନ୍ ସବୁ ମୁନ୍ସ୍ ଜାତିକେ ଡାବିଅଇଲା ।^{୧୩} ନିୟମ୍ ମିଲ୍ବା ଆଗୁରୁ ଲକ୍ ମନ୍ ପାପ୍ କର୍ତ୍ତେରଇଲାଇ । ମାତର୍ ନିୟମ୍ ନ ରଇବାଟାନେ ପାପର୍ ଇସାବ୍ ନ ଅଇତେରଇଲା ।^{୧୪} ଆଦମ୍ ବେଲାଅନି ମସାର୍ ବେଲା ଜାକ, କେ ଆଦମ୍ ପାରା କାତା ନ ମାନି, ସେ କରି ରଇବା ପାପ୍ ପାରା ନ କରିରଇଲେ ମିସା, ସବୁ ଲକ୍ ମଲାଇ । ଜେ ଆଇବାର୍ ରଇଲା, ସେ ଆଦମ୍ ଗଟେକ୍ ରୁପ୍ ।^{୧୫} ମାତର୍ ପରମେସର୍ତ୍ତ ଇସାବ୍ ନଇଲା ଦାନ୍ ଆରି ଆଦମ୍ ପାପ୍ ବିଡ଼େଇ କେତେକ୍ କେତେକ୍ ଦୁର୍ ଆଚେ । ଗଟେକ୍ ଲକ୍ ପାପର୍ ପାଇ ବେସି ଲକ୍ ମରନ୍ ଅଇଲା । ମାତର୍ ପରମେସର୍ତ୍ତ ତାର୍ ଜିବନ୍ ଦୁକାଇଲାକେ, ଲକ୍ ମନର୍ ପାଇ ଆରି ଗଟେକ୍ ଲକ୍ କେ ଜନାମେ ଦେଲା । ସେ ବଡ଼ ଜନାମ୍ ଜିସୁ କିରିସ୍ତର୍ ଜିବନ୍ ଦୁକାଇଲାକେ ପୁରାପୁରୁନ୍ ଅଇଲା ।^{୧୬} ସେ ଗଟେକ୍ ପାପ୍ କାମ୍ ଅଇଲା ପଚେ ସବୁ ମୁନ୍ସ୍ ଜାତି ବିଚାରନା ଜାଗାଇ ଟିଆଅଇ ଦସି ବଲାଇ ଅଇଲାଇ । ମାତର୍ ଏବେ ଜବର୍ ଲକ୍ ପାପର୍

ଲାଗି ଲକ୍ମନର ଆସା ନ ରଇଲେ ମିସା, ପରମେସର୍ ଦାନ କଲାକେ ଦସି ନାଇ ବଲି ଏଜାଇଅଇଲାଇ । ୧୭ ଏଲେମିସା ଗଟେକ ମୁନୁସର୍ ପାପର୍ ପାଇ ସବୁ ଲକ୍ମନେ ମରନର୍ ଡଣ୍ଡୁ ଆଇଲା । ମାତର୍ ସେ ଗଟେକ ମୁନୁସ ଜନ୍ମଟାକି କିରିସ୍ତ, ଜାଇଟା କଲାଆଟେ ସେଟା କେତେକ ବଡ଼ ବିସଇ ! ଜେତେକ ଲକ୍ମ ପରମେସର୍ ବଡ଼ ଜିବନ୍ଦୁକାଇଲାଟା ଜବର୍ ଅଇତେ ଇନାମେ ମିଲାଇଆଟଡ଼, ସେମନ୍ ଜିସୁକିରିସ୍ତର୍ ବାଟେଅନି ସବୁ ଲକ୍ମ ତାର୍ଟାନେ ଦରମ୍ ବଲାଇ ଅଇବାଇ । ସେମନ୍ କିରିସ୍ତର୍ ସଙ୍ଗ୍ ଜିତି କରି ଜିଉନା କାଉନା କରି ସାସନ୍ କର୍ବାଇ ।

୧୮ ଗଟେକ ଲକ୍ମର୍ ପାପ୍ ଜେନ୍ତ୍ର ଗୁଲାଇ ଲକ୍ମକେ ଡଣ୍ଡୁ ଆନାଇଲା, ସେନ୍ତ୍ରସେ ଗଟେକ ଲକ୍ମର୍ ଦରମ୍ ଗୁଲାଇ ଲକ୍ମର୍ପାଇ ମୁକ୍ତି ଆରି ନ ସାର୍ବା ଜିବନ୍ ଆନିଦେଲାଆଟେ । ୧୯ ଗଟେକ ଲକ୍ମ୍ ଆଦେସ୍ ନ ମାନ୍ଲାଟ୍ ପାଇ ଜେନ୍ତ୍ରକି ସବୁ ଲକ୍ମ୍ ପାପି ଅଇଲାଇ, ସେନ୍ତ୍ର ଗଟେକ ଲକ୍ମ୍ ଆଦେସ୍ ମାନ୍ଲେ ପରମେସର୍ ମୁଆଟେ ଦରମ୍ ଲକ୍ମ୍ ବଲାଇଅଇବାଇ ।

୨୦ ନିୟମ୍ ଚାଲୁଲାର୍ ପାଇ କାରାପ୍ କାମ୍ ବଡ଼ଲା । ମାତର୍ ପାପ୍ ବଡ଼ି ବଡ଼ି ଗାଲାକେ ପରମେସର୍ ଜିବନ୍ଦୁକାନି ମିସା ବେସି ବଡ଼ଲା । ୨୧ ପାପ୍ ଜେନ୍ତ୍ରକି ସବୁର୍ପାଇ ମରନର୍ ଡଣ୍ଡୁ ଆନିରଇଲା, ସେନ୍ତ୍ର ପରମେସର୍ ଜିବନ୍ଦୁକାନି ମାପୁରୁ ଜିସୁ କିରିସ୍ତର୍ ସାଇଜେ ଅନି ଆମ୍ବକେ ଦରମ୍ ବାଟେ ଡାକିନେଇ ନ ସାର୍ବା ଜିବନ୍ ଦେଇସି ।



ପାପର୍ଲାଗି ମରନ୍, ମାତର୍ କିରିସ୍ତ ସଙ୍ଗ୍ ମିସ୍ଲାପ୍ପାଇ ନ ସାର୍ବା ଜିବନ୍

୧ ସେନ୍ତ୍ରଆଲେ କାଇଟା କଉଁ ? ପରମେସର୍ ଜିବନ୍ଦୁକାନି ଆରି ଅଦିକ୍ ମିଲ୍ସି ବଲି ଆମେ କାଇ ଆରି ସେ ପାପେ ରଇକରି ଚଲାଟଲ୍ଲତି କରୁ କି ? ୨ ନାଇ କେବେ ନାଇ । ପାପ୍ କର୍ବା ବିସଇତେଇ ଆମେ ମରିଗାଲୁଆରୁ । ଆରି କେନ୍ତ୍ର ପାପ୍ କର୍ତେସେ ରଇବୁ ? ୩ ତମେ ଜାନାସ୍, ତୁବନ୍ ନେଲାକେ ଜିସୁକିରିସ୍ତର୍ ସଙ୍ଗ୍ ମିସିକରି ଆମେ ତାର୍ ମରନେ ମିସା ମିସିଆରୁ । ୪*ସେଟାର୍ପାଇ ତୁବନ୍ ନେଲାପଟେ ଆମେ ତାର୍ ମରନେ ମିସି, ତାର୍ ସଙ୍ଗ୍ ତପି ଅଇଲୁଆରୁ । ସେ ଜେନ୍ତ୍ରାରି ବାବାର୍ ଡାକ୍ପୁଟା ବପୁ ସଙ୍ଗ୍ ଆରିତରେକ୍ ଉର୍ଲା, ଆମେ ମିସା ସେନ୍ତ୍ରାରି ନୁଆ ଜିବନ୍ ପାଇକରି ଚଲାଟଲ୍ଲତି କର୍ବାଟ୍ ଆଟେ ।

୫ କାଇକେବଇଲେ ଆମେ ମରନେ ମିସି ତାର୍ ସଙ୍ଗ୍ ଗଟେକ୍ ଅଇଲୁ ଆରୁ, ତାକେ ଆରିତରେକ୍ ଉର୍ବାତେଇ ମିସା, ତାର୍ ସଙ୍ଗ୍ ଗଟେକ୍ ଅଇକରି ରଇବୁ । ୬ ଆମେ ଜାନିଆରୁ, କିରିସ୍ତର୍ ସଙ୍ଗ୍ କୁଟ୍ସେ ଆମର୍ ପୁରୁନା ଜିବନ୍ ମରିଗାଲାଆଟେ । ତେଇଅନି ଆମର୍ ପାପର୍ ଚଲାଟଲ୍ଲତି କୁରୁପ୍ନାସ୍ ଅଇଲା ଆଟେ ଆରି ଆମେ ପାପର୍ ଗତିଅନି ମୁକ୍ତିଆରୁ । ୭ କାଇକେବଇଲେ ମୁନୁସ୍ ମରିଗାଲେସେ, ପାପର୍ ବାନ୍ନେଅନି ରକିଆ ପାଇସି । ୮ ଆମେ ଜିସୁର୍ ସଙ୍ଗ୍ ମରିରଇଲାର୍ ପାଇ, ତାର୍ ସଙ୍ଗ୍ ମିସା ଜିବନ୍ ଅଇବୁ ବଲି ବିସ୍ବାସ୍ କଲୁନି । ୯ ଆମେ ଜାନୁ, କିରିସ୍ତ୍ ମଲାତେଇଅନି ଉର୍ଲାପ୍ପାଇ, ସେ ଆରି କେବେ ମିସା ନ ମରେ । ତାର୍ ଉପ୍ରେ ଆରି କେବେ ମରନର୍ ସାସନ୍ ନ ଚାଲେ । ୧୦ ସେ ଜନ୍ ମରନ୍ ପାଇଲା, ତାର୍ଲାଗି ପାପର୍ ବପୁତେଇଅନି ଏକାତରେକ୍ ଆମ୍ବକେ ମୁକ୍ତିଲାଇଲା । ସେ ଏବେ ଜନ୍ ଜିବନେ ଜିଇଲାନି, ସେଟା ପରମେସର୍ ସଙ୍ଗ୍ ମିସିକରି ରଇଲା ଜିବନ୍ । ୧୧ ସେନ୍ତ୍ରାରି ତମେ ମିସା ପାପେ ମରିଜାଇଆରୁ ବଲି ଏତାଆ । ତମେ ଏବେ କିରିସ୍ତ ଜିସୁର୍ ଜିବନେଅନି ପରମେସର୍ ସଙ୍ଗ୍ ମିସ୍ଲାସ୍ ।

୧୨ ତମର୍ ନସିଜିବା ଗାଗଡ଼ ଉପ୍ରେ ଆରି ପାପ୍ ଅଦିକାର୍ ନ କର, ସେଟାର୍ପାଇ ଆମର୍ ଏ ଗାଗଡ଼ ମନ୍ଦୁକର୍ବା କାରାପ୍ ବିସଇ ମାନିକରି ରୁଆନାଇ । ୧୩ କାରାପ୍ କାମର୍ ଲାଗି ଆମର୍ ଗାଗଡ଼ କଣ୍ଡେକ୍ ବାଗ୍ ମିସା ପାପ୍ କର୍ବାକେ ଦିଆସ୍ନାଇ । ମାତର୍ ଦରମ୍ କାମ୍ କର୍ବାପାଇ ତମର୍ ଗୁଲାଇ ଗାଗଡ଼ ତାକେ ସର୍ପି ଦିଆସ୍ । ପରମେସର୍ ତମ୍ବକେ ମରନେଅନି ଜିବନ୍ କରି ଆନ୍ଲାଆଟେ । ୧୪ କାଇକେ ବଇଲେ ପାପ୍ ତମର୍ ଉପ୍ରେ ସାସନ୍ ନ କର । ତମେ ଆରି ନିୟମ୍ ତଲେ ନାଇ । ମାତର୍ ପରମେସର୍ ଜିବନ୍ଦୁକାନି ଅନି କାଇଟା ନ ଅଇତେ ଆଗାସ୍ ।

ଦରମ୍ ଗତିଦାଙ୍ଗ୍ଡା

୧୫ ସେନ୍ତ୍ରଆଲେ ଆମେ ନିୟମ୍ ତଲେ ନ ରଇ, ପରମେସର୍ ଜିବନ୍ଦୁକାନି ପାଇଲୁ ଆରୁ ବଲି ପାପ୍ କର୍ତେ ରଉଁ କି ? ନାଇ, କେବେ ମିସା ନସ୍ । ୧୬ ଏଲେ ମିସା ତମେ ଜାନିଆଗାସ୍, ଜଦି ତମେ କାକେ ତର୍ ତଲେ ଆକା ମୁଇ ବଲି କଇକରି ତାର୍ ପୁରାପୁରୁନ୍ କାତାମାନ୍ସା ବଇଲେ, ତମେ ତାର୍ ଗେନ୍ଲା ଗତିଦାଙ୍ଗ୍ଡା । ଜଦି ପାପର୍ ଗତିଦାଙ୍ଗ୍ଡା ଅଇସା, ଏଟାର୍ ଦସା ଅଇସି ମରନ୍, ଜଦି ଦରମ୍

* ୨:୪ ୬:୪ ରମିଅ ୨:୧୭

ବାଟେ ଇଶ୍ଵରୀ, ବଇଲେ ନ ସାର୍‌ବା ଜିବନ୍ ପାଇସା ।^{୧୭} ମୁଞ୍ଚ ପରମେସ୍‌ବରକେ ଦନିଅବାଦ୍ କଲିନି, ତମେ ଗଟେକ୍ ବେଲାଈ ପାପରୁ ଗଠିଦାଙ୍ଗଡ଼ା ଅଇରଇଲାସ୍ ମିସା, ଏବେ ଜନ୍ ସିକିଆ ଟାନେ ପାଇରଇବା ସବୁ, ପୁରାପୁରୁନ୍ ମନ୍‌ଦେଇକରି ନାମଲାସ୍‌ନି ।^{୧୮} ଏବେ ତମେ ପାପେଅନି ମୁକଲିକରି ଦରମର୍ ଗଠିଦାଙ୍ଗଡ଼ା ଅଇଆଗାସ୍ ।^{୧୯} ଗଟେକ୍ ବେଲାଈ ତମେ ତମରୁ ଗୁଲାଈ ଗାଗଡ଼, ମନ୍, ପରାନ୍, ଅସୁକଲ୍ ଆରି କାରାପ୍ ଚଲାଚଲୁତି କରବାକେ ଗଠିଦାଙ୍ଗଡ଼ା ଅଇ ସରୁପି ଦେଇରଇଲାସ୍ । ସେନ୍ତାରିସେ ସୁକଲ୍ ଆରି ଦରମ୍ ଚଲାଚଲୁତିରପାଇ ଦରମର୍ ଲଗେ ନିଜକେ ପୁରାପୁରୁନ୍ ସର୍‌ପିଦିଆସ୍ ।

^{୨୦} ତମେ ପାପରୁ ଗଠିଦାଙ୍ଗଡ଼ା ରଇଲାବେଲେ, ଦରମ୍ ଜିବନ୍ ଜିଇବାକେ ମୁରୁମୁରା ଅଇରଇଲାସ୍ ।^{୨୧} ଏବେ ତମକେ ଜନ୍ କାମ୍‌ମନ୍ କରବାକେ ଲାଜୁଲାଗୁଲାନି, ସେଡ଼କିବେଲେ ସେ ସବୁ କରତେ ରଇଲାସ୍ । ତେଇଅନି ତମକେ କାଇ ଲାବ୍ ଅଇଲା ? ସେ ସବୁ କାମର୍ ଦସା ଅଇଲାନି ମରନ୍ ।^{୨୨} ମାତର୍ ତମେ ଏବେ ପାପେଅନି ମୁକଲିକରି ପରମେସ୍‌ବର ଗଠିଦାଙ୍ଗଡ଼ା ଅଇଆଗାସ୍ । ଏଟାର୍ ଲାବ୍ ଅଇଲାନି, ପରମେସ୍‌ବରତେଇ ପୁରାପୁରୁନ୍ ସଲଦ୍ । ଆରି ଇତିଅନି ମିଲ୍‌ବାଟା ଅଇଲାନି ନ ସାର୍‌ବା ଜିବନ୍ ।^{୨୩} ପାପ୍ କାମର୍ ବୁଡ଼ି ଅଇଲାନି ମରନ୍, ମାତର୍ ପରମେସ୍‌ବର ଜାଚାଇକରି ଦାନ୍ ଦେଇଆଟେ । ସେଟା ଆମର୍ ମାପରୁ ଜିସୁ କିରିସ୍‌ଟର୍ ସଙ୍ଗ୍ ମିସିକରି ମିଲାଇରଇବା ନ ସାର୍‌ବା ଜିବନ୍ ।



ବିବାର୍ ଉଦାରନ୍

^୧ ଏ ବାଇବଇନିମନ୍, ଏବେ ମୁଞ୍ଚ ଜାଇଟା କଇବାକେ ଗାଲିନି, ସେଟା ଅଇଲାନି ନିୟମ୍ । ନିୟମ୍ କାଇଟା ବଲି ତମେ ବୁଝିପାରାସ୍, ତାର୍ ଅରଡ଼ ମିସା ଜାନାସ୍ । ମୁନୁସ୍ ଅବ୍‌କା ତାର୍ ଜିଇବା କାଇବା ଦିନ୍ ଜାକ ନିୟମର୍ ତଲେ ରଇସି ।^୨ ବିବା ଅଇବା ବିସଇ ଦେକଲେ, ମୁନୁସ୍ ବଠି ରଇବା ଜାକ, ତାର୍ ମାଈଜି ସଙ୍ଗ୍ ବିବା ବାନ୍‌ନେ ବାନ୍‌ଅଇରଇସି । ମାତର୍ ମୁନୁସ୍ ମରିଗାଲା ପଟେ ତାର୍ ମାଈଜି ଏ ନିୟମେଅନି ମୁକଲୁସି ।^୩ ସେ ବଠି ରଇଲା ବେଲେ, ତାର୍ ମାଈଜି ଜଦି ବିନ୍ ମୁନୁସ୍‌କେ ବିବା ଅଇସି, ତେବେ ତାକେ ଚାଡ଼ରି ବଲି କଇବାଇ, ମାତର୍ ମୁନୁସ୍ ମରନ୍ ପଟେ ବିନ୍ ମୁନୁସ୍‌କେ ବିବା ଅଇଲେ, ତାକେ ଆରି ଚାଡ଼ରି ବଲି ନ କଅଡ଼ । ନିୟମ୍ ଇସାବେ ସେ ଗଟେକ୍ ମୁକଲି ରଇବା ମାଈଜି ।^୪ ଏ ମର୍ ବାଇବଇନିମନ୍, ତମେ ମିସା ସମାନ୍ ସେନ୍ତାରିସେ । ନିୟମ୍ ଇସାବେ କିରିସ୍‌ଟର୍ ଗାଗଡେ ମିସଲାର୍‌ପାଇ ତମେମିସା ମରିଆଗାସ୍ । ଏବେ ତମେ ତାର୍‌ଟା । ପରମେସ୍‌ବର ତାକେ ମରନେଅନି ଉଟାଇଆଟେ । ଜେନ୍ତାରିକି ତାର୍ ସେବାକାମେ ଆମେ ମିସା ମିସବୁ ।^୫ ଜେତେଦିନ୍ ଜାକ ଆମେ ଗାଗଡ଼ ମନ୍ କଲା ଇସାବେ ବାନ୍‌ଅଇରଇଲୁ, ନିୟମ୍ ଆମକେ ନାଇ ବଲି କଇତେରଇଲା । ସେଟା ଆମର୍ ପାପ୍ ଅଦିକ୍ ଅଦିକ୍ କରାଇତେ ରଇଲା । ଆରି ଆମେ ମରନ୍ ବାଟେ ଜାଇତେରଇଲୁ ।^୬ ଏବେ ଆମେ ନିୟମର୍ ସାସନେଅନି ମୁକଲୁ ଆରୁ, କାଇକେବଇଲେ ଜନ୍‌ଟା ଆମକେ ଦିନେକ୍ ବନ୍ଦି କରି ସଙ୍ଗାଇରଇଲା, ସେଟା ଆମର୍ ବିଡ଼ରେ ମରିଗାଲାଆଟେ । ଆମେ ଆରି ଆଗଡ଼ୁର୍ ପାରା ଲେକାଅଇଲା ନିୟମ୍ ଇସାବେ ପରମେସ୍‌ବରକେ ସେବାକରୁ ନାଇ । ଏବେ ସୁକଲ୍ ଆଡ଼ମା ଦେକାଇଲା ବାଟେ ଇଶ୍ଵଲୁନି ।

ନିୟମ୍ ଆରି ପାପ୍

^୭ ତେବେ ଆମେ କାଇଟା ବଲି କଉଁ, ନିୟମେସେ ପାପ୍ ଆଟେ କି ? ସେଟା ସତଇସେ ନଏଁ । ମାତର୍ ପାପ୍ କାଇଟା ? ସେଟା, ମକେ ନିୟମ୍ ଜାନାଇଦେଲା ଆଟେ । “ବିନ୍ ଲକର୍ ଦିନ୍‌ସୁ ଲବାଇବାର୍ ନାଇ ।” ଏ ଆଦେସ୍ ଜଦି ନିୟମ୍‌ତେଇ ନ ରଇତା, ଲବାଇବାଟା କାଇଟା ବଲି ମୁଞ୍ଚ ନାଜାନୁତି ।^୮ ମାତର୍ ଉପରୁ ଆଦେସର୍ ସୁବିଦାନେଇ ପାପ୍ ମର୍ ବିଡ଼ରେ ବିନ୍‌ବିନ୍ ରକାମର୍ କାରାପ୍ ମନ୍ କରବାଟା ଜନ୍‌ମାଇଲା । ନିୟମକେ ଚାଡ଼ିଦେଲେ ପାପ୍ ମଲା ସମାନ୍ ଆଟେ ।^୯ ଗଟେକ୍ ବେଲାଈ, ମୁଞ୍ଚ ନିୟମ୍ ନାଜାନି କରି ଜିଇତେ ରଇଲି, ନିୟମ୍ ଜାନ୍‌ଲା ପଟେ ପାପ୍ ପୁରୁଲା,^{୧୦} ଆରି ମୁଞ୍ଚ ମରିଗାଲି । ଜନ୍ ନିୟମ୍ ଜିବନ୍ ଦେବାକେ ଟିକ୍ କରିରଇଲା, ସେଟା ମର୍ ପାଇ ମରନ୍ ଆନ୍‌ଲା ।^{୧୧} କାଇକେବଇଲେ ନିୟମର୍ ସୁବିଦା ନେଇ ମକେ ପାପ୍ ନାଡ଼ାଇଲା ଆରି ମରାଇଲା ।

^{୧୨} ନିୟମ୍ ପରମେସ୍‌ବରଟାନେଅନି ଆଇଲାକେ ସୁକଲ୍ ଆଟେ । ତାର୍ ଆଦେସ୍ ସବୁ ସୁକଲ୍, ଟିକ୍ ଆରି ବେସି ନିକ ।^{୧୩} ସେନ୍ତିଆଲେ ଜନ୍‌ଟା ନିକ, ସେଟା କାଇକେ ମର୍ ମରନ୍ ଆନ୍‌ବାଟା ଅଇରଇଲା ? ସେନ୍ତାରି କେବେ ନ ଅ । ମାତର୍ ପାପରୁ ମରନ୍ ଅଇଲା । ତାର୍ ନିୟମ୍, ଜେନ୍ତିକି ଆମର୍ ପାପ୍ କେତେକ୍ କାରାପ୍ ଆଟେବଲି ଡିସାଇବାକେ ପରମେସ୍‌ବର ଜଜ୍‌ନା ରଇଲା । ତେବର୍‌ପାଇ ତାର୍ ନିୟମ୍‌ରୁଲାଗି ଏଟା ସାଦନ୍ କଲା ।

ମୁନୁସର୍ ମନେ ବୁଝମନିଆ

୧୪ ଆମେ ଜାନ୍ନୁ ଜେ, ନିୟମ୍ ଆଡ଼ମାଈ ଆଇସି, ମାତର୍ ମୁଈ ମର୍ ଗାଗଡ଼ ମନ୍ କଲ୍ମାଟାକେ ମାନଲ୍ମାପଠାଇ ପାପର୍ ଗତିଦାଙ୍ଗଡ଼ା ଅଇଲିଆତି । ୧୫ *ମୁଈ ଜନ୍ମଟା କଲିନି, ସେଟା ବୁଝି ନାଇ, ମାତର୍ ଜନ୍ ନିକ କାମ୍ କର୍ବାକେ ମନ୍ କଲିନି ସେଟାସେ କରିନାପାରୁଲିନି । ଆରି ଜନ୍ କାରାପ୍ କାମ୍ କର୍ବାକେ ମୁଈ ମୁଲ୍ଲକେ ମନ୍ କରି ନାଇ, ସେଟାସେ କଲିନି । ୧୬ ମାତର୍ ମୁଈ ମନ୍ ନ କରି ରଇବା କାମ୍ କର୍ବାକେ ଲାଗି, ନିୟମ୍ ଟିକ୍ ଆଟେ ବଲି ମାନୁଲିନି । ୧୭ ସେଟାର୍ ପାଇ ଏ ସବୁ ଜାକ କାମ୍ ମୁଈ କରି ନାଇ । ମର୍ ବିଡ଼ରେ ରଇବା ପାପସେ ସେଟା କଲାନି । ୧୮ ମର୍ ଗାଗଡ଼ର୍ କାରାପ୍ ମନ୍ କର୍ବାଟାମେଅନି କାଇମିସା ନିମାନ୍ ବିସଇ ନ ଆସେ ବଲି ମୁଈ ଜାନ୍ଲିନି । କାଇକେବଇଲେ ନିକ କାମ୍ କର୍ବାକେ ମନ୍ ରଇଲେ ମିସା ସେଟା କରି ନାପାରୁଲିନି । ୧୯ ସେଟାର୍ ପାଇ ଜନ୍ ନିକ କାମ୍ କର୍ବାକେ ମୁଈ ମନ୍ କଲିନି, ସେ ନ କରି, ଜନ୍ କାରାପ୍ କାମ୍ କର୍ବାକେ ମୁଲ୍ଲକେ ମନ୍ ନାଇ, ସେଟାସେ କଲିନି । ୨୦ ଜଦି ମୁଈ ମନ୍ ନ କର୍ବାଟା କରିଲାଗି ଆତି, ସେନ୍ତାଟାଆଲେ ଜାଇଟା କଲିନି, ସେଟା ମୁଈ ସତଇସେ କରିନାଇ, ମର୍ ବିଡ଼ରେ ରଇଲା ପାପସେ ସେଟା କଲାନି ।

୨୧ ଏଟା ମର୍ ବିଡ଼ରେ ଗଟେକ୍ କାମକର୍ବା ନିୟମ୍ ବଲି ମନେ ଅଇଲାନି । ଜନ୍ମଟା ନିକ, ସେଟା ମୁଈ କର୍ବାକେ ଗାଲ୍ମାବେଲେ, ଅବକା କାରାପ୍ ବିସଇସେ କଲିନି । ୨୨ ପରମେସରର୍ ନିୟମ୍ ନାମବାକେ ମୁଈ ବେସି ମନ୍ କଲିନି, ୨୩ ମାତର୍ ମର୍ ମନ୍ କଲ୍ମା ବିରଦେ ମର୍ ଗାଗଡ଼ ଡେବାଇବା ବିଦି ସବୁବେଲେ ଜୁଇଦ୍ କଲାନି । ମର୍ ଗାଗଡ଼େ କାମକର୍ତ୍ତେ ରଇବା ସବୁ ପାପ୍ ମକେ ବନ୍ଦି କରି ସଙ୍ଗୁଲ୍ଲା ଆଟେ । ୨୪ କେଡେ କରମ୍ ନଇଲ୍ଲା ଲକ୍ ମୁଈ ! ମରନର୍ ମୁସ୍ ଜିକନେବା ଏ ଗାଗଡ଼ର୍ ଚଲ୍ମାଚଲ୍ମି ଅନି କେ ମକେ ମୁକଲ୍ଲାଇସି ? ୨୫ ପରମେସର୍ ଦନିଅବାଦ୍ ପାଅ ! ମାପୁର୍ ଜିସୁ କିରିସର୍ଟ୍ ଲାଗି ମୁଈ ଉଦାର୍ ପାଇଆତି ।

ତେବେ, ଏଟା ଅଇଲାନି ମର୍ କରମ୍ । ପରମେସରର୍ ନିୟମ୍ କାଲି ମୁଈ ମର୍ ମନେ ନାମି ପାବୁବି । ମାତର୍ ମର୍ ମୁନୁସ୍ ଇସାବର୍ ଚଲ୍ମାଚଲ୍ମି ମକେ ପାପର୍ ଗତି ଦାଙ୍ଗଡ଼ା ଅଇବାକେ ବାଦିଅ କଲାନି ।



ଆଡ଼ମାଈ ଜିବନ୍ ରଇବାଟା

୧ ତେବେ ଆମେ ଜେଡ଼କି ଲକ୍ ଜିସୁ କିରିସର୍ଟ୍ ସଙ୍ଗୁ ମିସିକରି ଆରୁ, ଆମର୍ପାଇ ଆରି ପର୍ମେସରର୍ ଡଣ୍ଡୁ ନାଇ । ୨ ଜିସୁ କିରିସର୍ଟ୍ ସଙ୍ଗୁ ମିସଲ୍ମାପଠାଇ ସୁକଲ୍ମାଆଡ଼ମା ଆମକେ ନୁଆ ଜିବନ୍ ଦେଲ୍ଲାଆଟେ । ତେଇଅନି, ପାପ୍ କଲେ ମର୍ବା ନିୟମେଅନି, ଆମକେ ମୁକଲ୍ଲା ଆଟେ । ୩ ସେ ଆମର୍ ଗୁନୁଚଲନ୍ ନିକ ନ ରଇଲାକେ, ମିସା ଦେଇରଇବା ରିତିନିତି ମାନୁ ନାଇ । ତେଇ ନିୟମ୍ ସାଇଜ କରି ନାପାରୁଲା । ମାତର୍ ସେଟା ପର୍ମେସର୍ କରିଆଟେ । ସେ ଆମର୍ ପାରା ପାପିମନର୍ ଗଟେକ୍ ଗାଗଡ଼ ଦାରାଇ ତାର୍ ପଅକେ ପାଟାଇଲା । ଆରି ସେ ଏନ୍ତାରିକରି ଆମର୍ ଉପରେ ରଇବା ପାପର୍ ସାସନ୍ କୁରୁପ୍ନାସ୍ କଲା । ୪ ଆମେ ଜେନ୍ତାରି କି ନିୟମର୍ ସବୁ ଆଦେସ୍ ମାନିକରି ରଇବୁ, ସେଟାର୍ ପାଇ ପର୍ମେସର୍ ଏନ୍ତି କଲାଆଟେ । ଆମେ ଏବେ ମୁନୁସର୍ ଚଲ୍ମାଚଲ୍ମି ନ କରି ସୁକଲ୍ମାଆଡ଼ମାର୍ ବାଟେ ଇଣ୍ଡଲେସେ ଏନ୍ତି କରିଅଇସି । ୫ ଜନ୍ ଲକ୍ମମନ୍ ମୁନୁସର୍ ଚଲ୍ମାଚଲ୍ମି ଇସାବେ ଜିଉନା କାଉନା କର୍ତ୍ତେଚରଇବାଇ, ସେମନ୍ ନିଜର୍ ଗାଗଡ଼ର୍ ମନ୍ କର୍ବାଟା ଚିନ୍ତା କର୍ତ୍ତେଚରଇବାଇ । ମାତର୍ ଜନ୍ ଲକ୍ମମନ୍ ସୁକଲ୍ମାଆଡ଼ମାର୍ ଚାଲ୍ମନା ଇସାବେ କାମକର୍ବାଇ, ସେମନ୍ ସୁକଲ୍ମାଆଡ଼ମା ଜନ୍ ବିସଇ କର୍ବାକେ ମନ୍ କରାଇସି, ସେଟା କର୍ବାଇ । ୬ ମୁନୁସର୍ ଚଲ୍ମାଚଲ୍ମି ଇସାବେ ଗାଲେ ମରନର୍ ଦସା ଅଇସି, ସୁକଲ୍ମାଆଡ଼ମାର୍ ଚାଲ୍ମନା ଇସାବେ ଗାଲେ ଜିବନ୍ ଆରି ସାନ୍ତି ମିଲ୍ସି । ୭ ଜଦି ଗଟେକ୍ ଲକ୍ ତାର୍ ଗାଗଡ଼ର୍ ମନ୍ କଲା ଇସାବେ ଚଲ୍ମାଚଲ୍ମି କର୍ସି, ସେ ପରମେସରର୍ ବିରଦି ଅଇସି । କାଇକେ ବଇଲେ ସେ ପରମେସରର୍ ନିୟମ୍ ମାନେ ନାଇ, ସେ ସେଟା କର୍ବାକେ ନାପାରେ । ୮ ଜନ୍ ଲକ୍ମମନ୍ ମୁନୁସର୍ ଚଲ୍ମାଚଲ୍ମି ଇସାବେ କାମ୍ କଲାଜନି, ସେମନ୍ ପର୍ମେସର୍କେ ସାର୍ଦା କରିନାପାରଡ଼ ।

୯ ଜଦି ସତଇସେ ପରମେସରର୍ ସୁକଲ୍ମାଆଡ଼ମା ତମର୍ ବିଡ଼ରେ ଆଟେ, ତେବେ ତମେ ଆରି ମୁନୁସର୍ ଚାଲିଚଲନ୍ ପାରା ଜିଉନାକାଉନା କରିନାପାରାସ୍, ମାତର୍ ଜିବନେ ସୁକଲ୍ମା ଆଡ଼ମାର୍ ଆଦେସ୍ ମାନିସା । ଜାର୍ତେଇ କିରିସର୍ଟ୍ ଆଡ଼ମା ନାଇ, ସେ କେବେ ମିସା ତାକର୍ ଲକ୍ ଅଇନାପାରେ । ୧୦ ମାତର୍ ତମର୍ ବିଡ଼ରେ କିରିସର୍ଟ୍ ବାସାଅଇ ରଇସି ବଇଲେ, ତମର୍ ଗାଗଡ଼ ପାପେ ନସ୍ ଅଇବାକେ ଜାଇତେ ରଇଲେ ମିସା, ସୁକଲ୍ମାଆଡ଼ମା ତମକେ ଜିବନ୍ ଦାନ୍ ଦେଇସି । କାଇକେ ବଇଲେ ତମେ ପରମେସରର୍ ମୁଆଟେ

* ୭:୧୫ ୭:୧୫ ଗାଲ୍ମାପିୟ ୫:୧୭

ଦରମ୍ଭ ଲକ୍ଷ ବଲ୍ଲି ଏଜାଇଅଇ ଆଗାସ୍ । ^{୧୧} ଜଦି ତମର୍ ବିତ୍ତରେ ଜିସୁକେ ମଲାତେଇଅନି ଉଟାଇଲା ପରମେସରର୍ ଆତ୍ମା ଆଚେ, ତେବେ ସେ ଆତ୍ମାନ୍ ସାଇଜ ସଙ୍ଗ୍, ପରମେସର୍ ଜେ କି କିରିସ୍ତକେ ମଲାତେଇଅନି ଉଟାଇଲା, ସେନ୍ତ୍ରସେ ତମର୍ କୁଜଜିବା ଗାଗଡ଼ ମିସା ଜିବନ୍ କର୍ସି ।

^{୧୨} ତେବେ ଏ ବାଇବଇନିମନ୍, ଆମର୍ କାମ୍ ଅଇଲାନି, ମୁନ୍ସର୍ ଗୁନ୍ତଲନ୍ ଇସାବେ ଜିଉନାକାଉନା ନ କରୁ । ^{୧୩} କାଇକେବଇଲେ ସେନ୍ତ୍ର କଲେ, ତମେ ମର୍ସା ମାତର୍ ସୁକଲ୍ ଆତ୍ମାନ୍ ସାଇଜ ସଙ୍ଗ୍ ନିଜର୍ ପାପୁଚଲନ୍ ନସ୍ତ କରି ଆରି ପାପ୍ କାମ୍ ନ କରାସ୍, ତେବେସେ ତମେ ବଢ଼ିସା । ^{୧୪} ଜନ୍ ଲକ୍ଷମନ୍ ପରମେସରର୍ ଆତ୍ମା ଇସାବେ ଚାଲ୍ଲାଇନି, ସେମନ୍ସେ ପରମେସରର୍ ପିଲାଟକି । ^{୧୫} କାଇକେବଇଲେ ପରମେସର୍ ଦେଲା ଆତ୍ମା, ତମକେ ଗତିଦାଙ୍ଗ୍ତା ଅଇବା ତେଇଅନି ମୁକ୍ତଲାଇଲା ଆଚେ । ତମେ ଆରି ତର୍ବାର୍ ଲତା ନାଇ । ମାତର୍ ସୁକଲ୍ ଆତ୍ମା ତମକେ ପରମେସରର୍ ପିଲାଟକି କରିଆଚେ । ତାର୍ ବପୁ ଏତାଇକରି ଏବେ ଆମେ ପରମେସର୍କେ “ବାବା, ମର୍ ବାବା !” ବଲ୍ଲି ତାକ୍ଲୁନି । ^{୧୬} ପରମେସରର୍ ଆତ୍ମା ଆମର୍ ବିତ୍ତରର୍ ଆତ୍ମା ସଙ୍ଗ୍ କର୍ତ୍ତ ମିସାଇ ଆମ୍ଭକେ ତାର୍ ପିଲାଟକି ବଲ୍ଲି ଜାନାଇଲାନି । ^{୧୭} କାଇକେବଇଲେ ଆମେ ପରମେସରର୍ ପିଲାଟକି । ତାର୍ ଲକ୍ଷମନ୍କେ କାତା ଦେଇରଇବା ଆସିବବାଦେ ଆମେ ମିସ୍ତୁ । ଆରି କିରିସ୍ତର୍ ପାଇ ପରମେସର୍ ଜନ୍ତା ଟୁଲାଇ ସଙ୍ଗାଇଲା ଆଚେ, ତେଇ ମିସା ଆମର୍ ପାଇ ବାଟା ଆଚେ । ଜଦି ଆମେ ଜିସୁର୍ ଦୁକ୍ପାଇବାତେଇ ମିସ୍ତୁ ଆରୁ, ତେବେ ତାର୍ ତାକ୍ପୁଟା ପାଇବାତେଇ ମିସା ମିସ୍ତୁ ।

ତାକ୍ପୁଟାର୍ ଦିନ୍

^{୧୮} ଜନ୍ ତାକ୍ପୁଟାର୍ ଦିନେ ଆମେ ମିସ୍ତବାକେ ଗାଲୁନି, ଦେକ୍ଲେସରି ଏ ଜିବନେ ଅଇବା ଆମର୍ ଦୁକ୍ କସ୍ତ କିତି ନାଇ । ^{୧୯} ପରମେସର୍ ତିଆରକଲା ସବୁଜାକ ଜାଗରତା ସଙ୍ଗ୍ ସେ ଦିନ୍କେ ଜାଗି ଆଚଡ଼ । ସେବେଲାଇ ପରମେସର୍ ତାର୍ ସଡ଼ ପିଲାଟକିମନ୍ କେ, ବଲ୍ଲି ଦେକାଇସି । ^{୨୦} କାଇକେବଇଲେ ପରମେସର୍ ତିଆର୍ କରିରଇବା ସବୁଜାକ, ଅବିସାପେ ପୁରନ୍ ଅଇଲାଆଚେ । ଜନ୍ବାଟେ ଜିବାର୍ ରଇଲା ସେ ବାଟେ ନ ଜାଇ, ବିନ୍ ବାଟେ ଗାଲାଆଚେ । ମାତର୍ ଏଟା ତାର୍ ନିଜର୍ ମନ୍ କଲା ଇସାବେ ଅଏନାଇ । ପରମେସର୍ ମନ୍ କଲାକେସେ ଅଇଲା । ଏଲେମିସା ତାର୍ ଆସା ରଇଲା, ^{୨୧} ଜେନ୍ତ୍ରକି ଗଟେକ୍ ଦିନେ କୁଜଜିବାଟାନେ ଅନି ମୁକ୍ତଲିକରି ପରମେସରର୍ କୁଟୁମର୍ ତାକ୍ପୁଟାଲ ମିସ୍ତୁ । ^{୨୨} ମାତର୍ ଏବେ ଜାକ ତିଆର୍ ଅଇଲାଟା ସବୁ, ଗାଗଡ଼େ ରଇଲା ମାଇଜି ନିକଅଇବା ଦୁକା ପାରା ଅଇକରି “ଆନା, ଆୟା !” ଅଇଲାନି । ^{୨୩} ଆମେ, ପରମେସର୍ ଦେଲା ପର୍ତୁମର୍ ଦାନ୍ ପାରା ସୁକଲ୍ ଆତ୍ମା ପାଇଲୁଆରୁ, ଆମେ ମିସା ବିତ୍ତରେ ବିତ୍ତରେ “ଆନା, ଆୟା !” ଅଇଲୁନି । ଏଲେମିସା ପରମେସର୍ ଆମକେ କୁଟୁମର୍ ଲକ୍ କରାଇକରି ପୁରାପୁରନ୍ ମୁକ୍ତଲାଇସି ବଲ୍ଲି ଜାଗିକରି ଆରୁ । ^{୨୪} କାଇକେବଇଲେ ଆସା କଲାକେସେ ଆମେ ମୁକ୍ତ ପାଇଆରୁ । ମାତର୍ ଜାଇଟା ତିସ୍ତଲାନି ସେଟାର୍ ପାଇ ଆସାକର୍ବାଟା, ସେଟା ସତଇସେ ଆସା ରକ୍ତବାଟା ନଏ । କେ କାଇ ତିସ୍ତବାଟାକେ ଆସା କର୍ସି କି ? ନାଇ, ନ କରେ । ^{୨୫} ମାତର୍ ଆମେ ଜଦି ନ ତିସ୍ତବା ବିସଇ ଆସାକର୍ତ୍ତୁ, ତେବେ ଆମକେ ସାଆସ୍ ସଙ୍ଗ୍ ଜାଗବାକେ ପଡ଼ସି ।

^{୨୬} ଆମକେ ବପୁ ନାଇ, ମାତର୍ ସୁକଲ୍ ଆତ୍ମା ଆମକେ ସାଇଜ କର୍ସି । କେନ୍ତାରି ପାର୍ତନା କର୍ବାକେ ଅଇସି, ସେଟା ଆମେ ନାଜାନ୍ । ସେଟାର୍ ପାଇ ଜନ୍ତା ଆମେ କଇ ନାପାର୍ଲୁନି, ସେଟା ସୁକଲ୍ ଆତ୍ମା ନିଜେ ଆମର୍ପାଇ “ଆନା, ଆୟା !” ଅଇକରି ପରମେସର୍କେ ଗୁଆରି କର୍ସି । ^{୨୭} ପରମେସର୍ ଆମର୍ ମନର୍ କାତା ଜାନେ । ସୁକଲ୍ ଆତ୍ମାନ୍ ମନର୍ ତିନ୍ତା ସେ ଜାନେ । କାଇକେବଇଲେ ସୁକଲ୍ ଆତ୍ମା ପରମେସର୍ ମନ୍ କଲା ଇସାବେ, ତାକର୍ ଲକ୍ଷମନ୍ ପାଇ ଗୁଆରି କର୍ତେ ରଇସି ।

^{୨୮} ଜନ୍ ଲକ୍ଷମନ୍କେ ପରମେସର୍ ତାର୍ ମନ୍ କଲାଟା ପୁରାପୁରନ୍ କର୍ବାକେ ତାକ୍ଲୁଆଚେ, ଆରି ସେମନ୍ ତାକେ ଆଲାଦ୍ କଲାଇନି, ସେମନ୍ ପାଇ ସେ ସବୁ ମଙ୍ଗଲର୍ ବିସଇ କରାଇଦେଇସି । ^{୨୯} ଜନ୍ ଲକ୍ଷମନ୍କେ ପରମେସର୍ ବାଟ୍ଲା ଆଚେ, ସେମନ୍କେ ତାର୍ ପଅ ପାରା ଅଇବାକେ ଆଗ୍ରୁସେ ଟିକ୍ କରିଆଚେ । ସେନ୍ତ୍ରଆଲେ, ଗଟେକ୍ ବଡ଼ କୁଟୁମେ, ତାର୍ ପଅ ସେମନ୍ ବଡ଼ ବାଇ ଅଇସି । ^{୩୦} ଜନ୍ ଲକ୍ଷମନ୍ ଏନ୍ତାରି ବାଟିଅଇଲାଇ ଆଚଡ଼, ସେମନ୍କେ ତାକିଆଚେ । ସେ ଲକ୍ଷମନ୍କେ ପରମେସରର୍ ମୁଆଟେ ଦରମ୍ଭଲକ୍ ବଲାଇ ଅଇ, ତାର୍ ତାକ୍ପୁଟାଲ ମିସାଇ ଆଚଡ଼ ।

ପରମେସରର୍ ଆଲାଦ୍

* ୮:୧୧ ୮:୧୧ ୧ମ କରନ୍ତିସ୍ ୩:୧୭ * ୮:୧୫ ୮:୧୫ ଗାଲାଡିସ୍ ୪:୫-୭ * ୮:୧୫ ୮:୧୫ ମାର୍କ ୧୪:୩୬; ଗାଲାଡିସ୍ ୪:୬ * ୮:୨୩ ୮:୨୩ ୨ୟ କରନ୍ତିସ୍ ୫:୨-୪

୩୧ ଏ ସବୁରତେଜଅନି ଆରି କାଲଟା କଇବାର୍ ଅଇସି ? ଜଦି ପରମେସର୍ ଆମର୍ ବାଟେ ଆଟେ, ତେବେ କେ ଆମର୍ ବିରଦି ଅଇପାର୍ସି ? ୩୨ ପରମେସର୍ କେବେମିସା ଆମର୍ ବିରଦି ନଏଁ, କାଲକେବଇଲେ ସେ ନିଜର୍ ପଅକେ ମିସା ରକିଆ ନ କରି ଆମର୍ ପାଇ ଦାନ୍ ଦେଇଆଟେ । ସେନ୍ତ୍ରୁଆଲେ ସେ ଆମର୍ ପାଇ କାଇ ସବୁ ବିସଇ ଦାନ୍ ନ ଦେଏ କି ? ୩୩ ପରମେସର୍ ବାଟୁଲା ଲକ୍ଷମନ୍ଦେ କେ ଦସିବଲି କଇପାର୍ସି ? ସେମନ୍ଦକେ ସେ ନିଜେ କାଇ ଦସ୍ କରି ନ ରଇବା ଲକ୍ ବଲି ଉଡ଼ରା କଲାଆଟେ । ୩୪ ତେବେ ସେମନ୍ଦକେ ଦସି ବଲି କେ କଇନାପାରଡ଼ । କିରିସ୍ଟ ଜିସୁ ତା କେବେ ନ କରେ, କାଲକେବଇଲେ ତାକେ ପର୍ମେସର୍ ମଲାତେଇଅନି ଜିବନ୍ କରି ଉଟାଇଲାଆଟେ । ଏବେ ସେ ପରମେସର୍ ଉଜାବାଟେ ରଇକରି ଆମର୍ପାଇ ଗୁଆରି କରି ପାର୍ଡନା କଲାନି । ୩୫ ସେନ୍ତ୍ରୁଆଲେ ତେବେ କେ ମିସା ଆମ୍ଭକେ କିରିସ୍ଟର୍ ଆଲାଦେଅନି ବେଗଲାଇ ନାପାରଡ଼ । ଦୁକେ ରଇଲେ ମିସା, କସ୍ଟ ପାଇକରି ରଇଲେ ମିସା, ନିଦା ପାଇକରି ରଇଲେ ମିସା, କାକୁଟି ଅଇକରି ରଇଲେ ମିସା, ବୁକେ ରଇଲେ ମିସା, ବିପଦେ ରଇଲେ ମିସା କି ମରାଇଲେ ମିସା ଏ ସବୁ ବେଗଲାଇ ନାପାରେ । ୩୬ ସାସ୍ତରେ ଲେକାଆଟେ,

“ତମରଲାଗି ସବୁ ଦିନ୍ ଆମେ ମରନର୍ ମୁଆଟେ ଗାଲୁନି,

ପୁଜବାକେ ନେଲା ମେଣ୍ଡାପିଲା ପାରା ଆମେ ବାଟି ଅଇଲୁ ଆରୁ ।”

୩୭ ଜେ ଆମ୍ଭକେ ଆଲାଦ୍ କଲାଲିନି, ତାର୍ ସାଇଜ ସଙ୍ଗ୍ ଆମେ ଏ ସବୁର୍ ଉପରେ ଜିତି ଆଟୁ । ୩୮ ମୁଇ ସତଇସେ ଜାନ୍ଲିନି ଜେ, ପର୍ମେସର୍ ଜନ୍ ବଡ଼ ଆଲାଦ୍ ଆମ୍ଭକେ ଦେକାଇଲାଆଟେ, ସେ ଆଲାଦେଅନି କାଲଟା ମିସା ଆମ୍ଭକେ ବେଗଲାଇ ନାପାରେ । ଆମେ ମରିଗାଲେ କି ଜିବନ୍ ରଇଲେ, ସରଗର୍ ବୁଡ଼ ଅଅଡ଼ କି ସାସନ୍ଦକାରିଆମନ୍, କି କାଲ ବିନ୍ ବପୁ, କି ଏବେ ଜନ୍ଟା ଅଇଲାନି, ପର୍ବକେ ଜନ୍ଟା ଅଇସି, ୩୯ ଉପରର୍ ଦୁନିଆ କି ତଲର୍ ଦୁନିଆ, ଏ ଜଗତେ ତିଆର୍ ଅଇରଇବା କାଲ ବିସଇ ମିସା ପର୍ମେସର୍ ବଡ଼ ଆଲାଦେ ଅନି ଆମ୍ଭକେ ବେଗଲାଇ ନାପାରେ । ଆମର୍ ମାପୁରୁ ଜିସୁକିରିସ୍ଟକେ ଦେଲା ପରମେସର୍ ସେ ବଡ଼ ଆଲାଦେ ଅନି, ଏ ସବୁ ବିସଇ ଆମ୍ଭକେ ଦେକାଇଲା ଆଟେ । ଏଟା ମୁଇ ଜାନିଆତି ।



ପରମେସର୍ ଆରି ତାକର୍ ଲକ୍ଷମନ୍

୧ ମୁଇ ତମକେ ଗଟେକ୍ ସଡ଼କାତା କଇବି । ମୁଇ କିରିସ୍ଟର୍ ଲକ୍, ଆରି ସୁକଲ୍ ଆଡ଼ମା ମର୍ ବିବେକ୍‌କେ ତାକିନେଲାନି । ସେଟାର୍ପାଇ ମିସା ମୁଇ ମିଡ଼ କଇନାଇ ବଲି ଜାନ୍ଲିନି । ୨ ଏଟା ମୁଇ କିରିସ୍ଟକେ ସାକିଦେଇ କଇଲିନି । ମୁଇ ଜେ କେତେକ୍ ତେରେପେତେ ଆରି ନ ସାର୍‌ବା ଦୁକେ, ମର୍ ମନ୍ କେତେକ୍ ଉଡୁକ୍ ଦୁଡୁକ୍ ଅଇଲାନି । ୩ କାଲକେବଇଲେ ମର୍ ରକଡ଼ ମାଉଁସ୍ ରଇବା ଜିଉଦି ବାଇବଇନିମନ୍ କିରିସ୍ଟକେ ବିସ୍ତାସ୍ କରଡ଼ ନାଇ । ଜଦି ଏଟା ଅଇପାର୍ସି, ତେବେ ମୁଇ ମନ୍ କଲିନି, ନିଜେ ତାକର୍ ପାଇ ପରମେସର୍‌ଟାନେ ସାଇପ୍ ପାଇକରି, କିରିସ୍ଟର୍‌ତେଇ ଅନି ବେଗଲ୍‌ବି ବଲି । ୪ କାଲକେବଇଲେ ସେମନ୍ ପରମେସର୍‌ର ଲକ୍ । ପରମେସର୍ ସେମନ୍‌କେ ନିଜର୍ ପିଲା କରି ବାଟିଆଟେ । ସେ ସେମନ୍‌ର ଲଗେ ନିଜର୍ ତାକ୍‌ପୁଟା ଦେକାଇରଇଲା । ସେମନ୍‌ର ସଙ୍ଗ୍ ରାଜିନାମା କରି ସେମନ୍‌କେ ନିୟ୍ମ୍ ଦେଇରଇଲା । ସେମନ୍ ସତଇସେ ପାର୍ଡନା କର୍‌ବାଇ । ସେମନ୍‌କେ ପରମେସର୍ କାତା ଦେଇରଇଲା । ୫ ସେମନ୍ ଆମର୍ ତାକ୍‌ପୁଟା ଜିଉଦି ଆନିଦାଦିମନ୍ ନାତିତିମନ୍ । ଆରି ମୁକୁସ୍ ରୁପ୍ ଦାରି କିରିସ୍ଟ ତାକର୍ କୁଟୁମେଅନି ଜନମ୍ ଅଇଲା । ସବୁଟାନେଅନି ବେସି ବପୁର୍ ପରମେସର୍ ଜୁଗେ ଜୁଗେ ତାକ୍‌ପୁଟା ପାଅ, ଆମେନ୍ ।

୬ ପରମେସର୍ ତାର୍ କାତା ଦେଇରଇଲାଟା ପୁରାପୁରୁନ୍ କରେନାଇ ବଲି ମୁଇ କଇନାଇ । କାଲକେବଇଲେ ଇସ୍ରାଏଲିୟମନ୍ କେତେଟା ନାତିତିମନ୍ ପରମେସର୍ ଲକ୍ ନଅଡ଼, ୭ କି ଅବ୍ରାଆମର୍ କୁଟୁମର୍ ସବୁ ଲକ୍ ପରମେସର୍ ପିଲାଟକି ନ ଅଅଡ଼ । ପରମେସର୍ ଅବ୍ରାଆମ୍‌କେ କଇରଇଲା, “ମୁଇ ତର୍ ଜନ୍ କୁଟୁମର୍ ବିସଇନେଇ କାତା ଦେଇରଇଲି, ସେମନ୍ ଇସାକ୍ ଟାନେଅନି ଜାଡ଼ ଅଇବାଇ ।” ୮ ଏଟାର୍ ଅଉଡ଼ ଅଇଲାନି, ଗାଗଡ଼ ଦାରି ଜନମ୍ ଅଇବା ପିଲାଟକି ନାଇ । ଜେ କି ପରମେସର୍ ପିଲାଟକିମନ୍ ଅଇବାଇ, ମାତର୍ ତାର୍ କାତା ଦେଇରଇବା ଇସାବେ ଜନମ୍ କରିରଇବା ପିଲାଟକିମନ୍ ତାର୍ ମୁଆଟେ ସତଇସେ ତାର୍ ପିଲାଟକି ବଲି ଏଜାଇ ଅଇବାଇ । ୯ ପରମେସର୍ ଅବ୍ରାଆମ୍‌କେ ଏନ୍ତି କାତା ଦେଇରଇଲା, “ସମାନ୍ ଏ ଦିନେ ଆମେ ବାଉଡ଼ି ଆଇଲାବେଲେ, ସାରା ଗଟେକ୍ ପିଲା ଜନମ୍ ଦେଇରଇସି ।”

୧୦ ଏ ପିଲା ଆମର ପୁରବର ଆନିଦାଦି ଇସାକ୍ ରଇଲା । ରିବିକାର୍ ଜର୍ଥୁଲା ପିଲାମନ୍ଦିବିତ୍ତରେ ଅନି ଗଟେକ୍ ବାବା ଇସାକ୍‌ଗଣେଅନି ଅଇରଇଲା । ୧୧ ପରମେସର୍ ରିବିକାକେ କାତା ଦେଇରଇଲା । ବଡ଼ ପିଲା ସାନ୍ ପିଲାନ୍ ଗତିଦାଙ୍ଗୁଡା ଅଇସି । ଜୁଁଲା ପିଲାମନ୍ ଜନମ୍ ନ ଅଇତେ, ଆରି ନିକ କାମ୍ କି ବାନିଆ କାମ୍ କରବା ଆଗ୍ରୁ ଏଟା ପରମେସର୍ କଇରଇଲା । ଜନ୍ ପିଲାକେ ସେ ବାଟୁଲା, ପିଲା କରିରଇବା କାମର୍ ଲାଗି ଅଏନାଇ । ମାତର୍ ପରମେସର୍ କରିରଇବା ଜଜନାନ୍ ପୁରାପୁରୁନ୍ ଅଇବାକେସେ ସେଟା ଅଇଲା । ୧୨ ଏଟା ପାଇ ତାକେ ଏ କାତା କଇରଇଲା । “ବଡ଼ ପିଲା ସାନ୍ ପିଲାନ୍ ଗତିଦାଙ୍ଗୁଡା ଅଇସି ।” ୧୩ ସାସ୍ତରର୍ ବାକିଅ ଇସାବେ “ଜାକୁବକେ ମୁଇ ଆଲାଦ୍ କଲି, ମାତର୍ ଏସକେ ନାଇ ।”

୧୪ ସେନ୍ତାନ୍ ଆଲେ କାଇଟା ବଲି କଉ, “ପରମେସର୍ ଅନିଆଇ କର୍ସି କି ? ନାଇ କେବେ ନ କରେ ।” ୧୫ କାଇକେବଇଲେ ସେ ପୁର୍ବେ ମସାକେ କଇରଇଲା, “ମୁଇ ଜାକେ ମନ୍ କର୍ସି ତାକେ ଦୟା ଦେକାଇବି ଆରି ଜିବନ୍ ଦୁକାଇବି ।” ୧୬ ସେଟା ପାଇ ପରମେସର୍ ତାନ୍ ଲକ୍‌ମନ୍‌କେ ଦେବା ସବୁ ମଙ୍ଗଲର୍ ଦାନ୍ ଲକ୍‌ମନ୍ ମନ୍ କଲାକେ କି ତାକର୍ ନିକ କାମ୍ କଲାକେ ଅଏ ନାଇ । ମାତର୍ ପରମେସର୍ ଜିବନ୍ ଦୁକାନିଗ୍‌ନେଅନି ସେ ସେଟା ଅଇଲାଆଟେ ।” ୧୭ ସାସ୍ତରର୍ ଇସାବେ ପରମେସର୍ ମିସର୍ ରାଜାକେ କଇରଇଲା, “ତକେ ଦେଇ ମର୍ ବସୁ ଦେକାଇବି ଆରି ଗୁଲାଇ ଜଗଟକେ ମର୍ ତାକ୍‌ପୁଟା ଦେକାଇବାକେ ମୁଇ ତକେ ରାଜା କରିଆଟି ।” ୧୮ ତେବର୍‌ପାଇ ପରମେସର୍ ମନ୍‌କଲା ଇସାବେ, ସେ କାକେ କାକେ ଦୟା ଦେକାଇସି ଆରି କାକେ କାକେ ମନ୍ ଆର୍ଟ ଅଇବାକେ ଚାଡ଼ିଦେଇସି ।

ପରମେସର୍ ରିସା ଆରି ଜିବନ୍‌ଦୁକାନି

୧୯ ତମର୍ ବିତ୍ତରେଅନି କେ ଆଲେ ମକେ କଇବାଇ, “ସେନ୍ତାନ୍‌ଆଲେ, ପରମେସର୍ କାଇକେ ଲକ୍‌ମନ୍‌କେ ଦସି କଲାନ୍ ? ପରମେସର୍ ମନ୍ କଲାଟା ବାଦ୍‌ଲାଇବା ଲକ୍ କେ ମିସା ଆଟଡ଼ କି ?” ୨୦ ମାତର୍ ମୁଇ ତମକେ କଇବି, “ଏ ମଇତର୍ ପରମେସର୍ କାତା ନାଇ ବଲ୍‌ବାକେ ତମେ କେ ?” ଗଟେକ୍ ଆଣ୍ଟି ମକେ କାଇକେ ଏନ୍ତିକରି ଗଡ଼ଲୁସ୍ ବଲି କୁମାନ୍‌କେ ପାଗାରି ନାପାରେ । ୨୧ ନିଜର୍ ମନ୍ କଲା ଇସାବେ ମାଟି ଚକଟିକରି ଆଣ୍ଟି ଗଟେକ୍ ତିଆର୍ କରବାକେ କୁମାନ୍‌ର ସବୁ ଅଦିକାର୍ ଆଟେ । ଗଟେକ୍ ଚକଟ୍‌ଲା ମାଟି ବେଲାଅନି ଦୁଇ ରକାମର୍ ଆଣ୍ଟି ତିଆର୍ କର୍ସି । ତେଇଅନି ଗଟେକ୍‌କେ ପରଦ୍ ଦିନ୍‌ମନ୍‌କେ ବାଇବାଇ । ଆରି ଗଟେକ୍ ଉଜର୍ ଦିନ୍‌ମନ୍‌କେ ବାଇବାଇ । ତେଇ ତାନ୍ ସବୁ ଅଦିକାର୍ ଆଟେ ।

୨୨ ପରମେସର୍ ମିସା ଟିକ୍ ସେନ୍ତିସେ କଲାଆଟେ । ଜେତେବେଲେ ତାନ୍ ରିସା ଆରି ବସୁ ଦେକାଇବାକେ ମନ୍ କରତେ ରଇଲା, ଜେତକି ଲକ୍ ତାନ୍ ରିସାନ୍ ଆଣ୍ଟିତେଇ ଅଦରି ନସର୍ ଅଇବାକେ ରଇଲା, ସେମନ୍ ପାଇ ପରମେସର୍ ବେସି ଜିବନ୍‌ଦୁକାଇଲା । ୨୩ ଆରି ସେ ତାନ୍ ବେସି ବଡ଼ ତାକ୍‌ପୁଟା ଦେକାଇବାକେ ଆମକେ ବେସି ଜିବନ୍‌ଦୁକାଇଲା ଆଟେ । ଆରି ଆମକେ ବେସି ଆଗ୍ରୁ ସେ ବାଟି ରଇଲା । ୨୪ ଜନ୍ ଲକ୍‌ମନ୍‌କେ ସେ ଡାକିଆଟେ, ସେ ବିତ୍ତରେ ଆମେ ମିସା ଆଟୁ । ସେଟା ଅବ୍‌କା ଜିଉଦିମନ୍‌ ବିତ୍ତରେ ଅନି ନାଇ, ମାତର୍ ଜିଉଦି ନଅଇଲା ଲକ୍‌ମନ୍‌ ବିତ୍ତରେଅନି ମିସା । ୨୫ ଏ ବିସଇନେଇ ଅସେୟ ବଇତେଇ ପରମେସର୍ କଇଆଟେ,

“ଜନ୍ ଲକ୍‌ମନ୍ ଆମର୍ ଲକ୍ ନ ରଇଲାଇ, ସେମନ୍‌କେ ମୁଇ ଏବେ ନିଜର୍ ଲକ୍ ଇସାବେ ତାକ୍‌ବି ।
 ଜନ୍ ଜାତିକେ ମୁଇ ଆଲାଦ୍ କରି ନ ରଇଲି, ତାକେ ‘ଆମର୍ ନିଜର୍’ ବଲି ତାକ୍‌ବି ।”

୨୬ “ଜନ୍ ଜାଗାଇ ସେମନ୍‌କେ କଇରଇଲୁ,
 “ତମେ ଆମର୍ ଲକ୍ ନୁଆଁସ୍ ”

“ତେଇ ସେମନ୍ ଜିବନ୍ ରଇବା ପରମେସର୍ ପିଲାଟକି ବଲାଇଅଇବାଇ ।”

୨୭ ଆରି ଇସ୍ରାଏଲ୍ ବିସଇନେଇ ଜିସାୟ କଇଲା ଆଟେ, “ଇସ୍ରାଏଲ୍‌ୟମନ୍ ସମ୍‌ପୁରୁର୍ ବାଲିପାବା ଅଇଲେ ମିସା, ସେମନ୍ ବିତ୍ତରେଅନି କେତେଲକ୍‌ସେ ମୁକ୍ତି ପାଇବାଇ । ୨୮ କାଇକେବଇଲେ ମାପୁରୁ ଦାପୁରେସେ ଗୁଲାଇ ଜଗତର୍ ନିଆଇ ବିତାନ୍ କର୍ସି ।” ୨୯ ଜେନ୍ତିକି ଜିସାୟ ମିସା କଇରଇଲା, “ସବୁଟାଗଣେଅନି ବସୁ ରଇବା ମାପୁରୁ, ଆମର୍ କେତେଟା ଲକ୍‌ମନ୍‌କେ ରକିଆ କରି ନ ରଇଲେ, ଆମର୍ ଦସା ସଦମ୍ ଆରି ଗମ୍‌ରାନ୍ ଲକ୍‌ମନ୍‌ ପାବା ଅଇତା ।”

ଇସ୍ରାଏଲ୍‌ୟମନ୍ ମୁକ୍ତି ପାଇ ପାଉଲର୍ ପାର୍‌ତନା

୩୦ ସେଟା ପାଇ ଜିଉଦି ନଇଲାଲକ୍‌ମନ୍ ବିସଇନେଇ ଏଟା କଇପାରୁ, ସେମନ୍ ଦରମ୍ ଲକ୍ ବଲାଇ ଅଇବାକେ ମନ୍ କରି ନ ରଇଲାଇ ମିସା, ସେମନ୍ ବିସବାସ୍ ଲାଗି ସେମନ୍ ପରମେସର୍ ମୁଆଟେ ଦରମ୍‌ଲକ୍ ବଲାଇ ଅଇଲାଇ ଆଟଡ଼ । ୩୧ ମାତର୍ ଇସ୍ରାଏଲ୍ ଲକ୍‌ମନ୍ ନିୟମ୍ ଆନିକରି

ପରଫେସରର ମୁଆଟେ ଦରମ୍ ଲକ୍ ବଲାଇ ଅଇବାକେ ବେସି ଚେସ୍ତା କଲାଇ, ମାତର୍ ନାପାରୁଲାଇ । ୩୨ କାଇକେ ନାପାରୁଲାଇ ? କାଇକେବଇଲେ ସେମନ୍ ପରଫେସରକେ ବିସ୍ବାସ୍ ନ କରତେ ନିୟମ୍ ମାନବାକେ ଚେସ୍ତା କଲାଇ ଆରି ତାର୍ ମୁଆଟେ ଦରମ୍ ବଲାଇ ଅଇବାକେ ବାବୁଲାଇ । ଏଟାରୁଲାଗି ବାଟେ ଗାଡ଼ିରଇବା ବଡ଼ ପାକ୍ନାଟାନେ ଟେସାଇଅଇଲା ଲକ୍ମନରପାରା ଅଇଗଲା । ୩୩ ଜେନ୍ତୁକି ସାସ୍ତରେ ଲେକାଆଟେ,

ଦେକା ଆମେ ସିୟନେ ଗଟେକ୍ ବାଦାପାକାଇବା ପାକ୍ନା ଆରି
ଅବ୍‌କାଇବା ରାଜ୍‌ନିପାକ୍ନା ସଜ୍‌ଇଲୁ ଆରୁ,

ତେଇ ଲକ୍ମନ ଜଟିଆଇ ଅଇ ଅଦରବାଇ ।

ମାତର୍ ଜେ ତାକେ ବିସ୍ବାସ୍ କରସି, ସେ କେବେ ମୁରମୁରା ନ ଅଏ ।

୧୦

୧ ଏ ବାଇବଇନିମନ୍, ମର୍ ନିଜର୍ ଲକ୍ ମୁକ୍ତି ପାଅର୍ ବଲି ମୁଇ ବେସି ମନ୍ କଲିନି । ଆରି ଏଟାରୁପାଇ ମୁଇ ସବୁବେଲେ ପରଫେସରକେ ପାର୍‌ତନା କଲିନି । ୨ ସେମନ୍ ପରଫେସରକେ ପୁରାପୁରୁନ୍ ବିସ୍ବାସ୍ କଲାଇନି । ମାତର୍ ତାକେ କେନ୍ତାରି ସାର୍‌ଦା କରାଇବାର୍ ଆଟେ, ସେଟା ନାଜାନତ୍ । ୩ ଲକ୍ମନକେ ନିଜର୍ ମୁଆଟେ ଦରମ୍ ବଲାଇ ଅଇବାକେ, ପରଫେସର୍ ଜନ୍ ଜଜ୍‌ନା କଲା, ସେଟା ସେମନ୍ ନିତୁଲାଇ । ମାତର୍ ନିଜେ ଜଜ୍‌ନା ତିଆର୍ କରି, ନିୟମ୍ ବାଟେ ଇଣ୍ଟୁଲାଇ । ୪ କିରିସ୍‌ଟ ଆଇଲାତେଇଅନି ନିୟମ୍ ମାନବାଟା କାଇ ମୁଲିଅ ନାଇ । ଜେନ୍ତୁରି କି ତାକେସେ ବିସ୍ବାସ୍ କଲେ, ମୁନୁସ୍ ପରଫେସର ମୁଆଟେ ଦରମ୍ ଲକ୍ ବଲି ଏଜାଇ ଅଇସି ।

ସବୁର୍ ପାଇ ମୁକ୍ତି

୫ ନିୟମ୍ ମାନବାତେଇଅନି ଦରମ୍‌ଲକ୍ ଅଇବା ବିସଇ ମସା ଲେକ୍‌ଲା ଆଟେ । ଜଦି ଜନ୍ ଲକ୍ମନ ନିୟମ୍ ସବୁଜାକ ଆଦେସ୍ ମାନବାଇ, ସେମନ୍ ବୁଟ୍‌ବାଇ । ୬ ମାତର୍ ଲକ୍ମନ ବିସ୍ବାସକରି ପରଫେସର ମୁଆଟେ ଦରମ୍ ବଲାଇଅଇବାଇ, ସେ ବିସଇ ସାସ୍ତରେ ଏନ୍ତି ଲେକାଆଟେ, କେ ସର୍‌ଗେ ଜାଇକରି କିରିସ୍‌ଟକେ ଉଡ଼ରାଇ ଆନ୍‌ସି ? ବଲି ମନେ ମନେ କଇ ଉଆନାଇ । ୭ ଆରି କୁଆନାଇ, କେ ପାତାଲେ ଜାଇକରି କିରିସ୍‌ଟକେ ମଲାଟାନେଅନି ଆରିତରେକ୍ ଉଟାଇ ଆନ୍‌ସି ? 「କାଇକେବଇଲେ ସାସ୍ତରେ ଏନ୍ତାରି ମିସା ଲେକାଅଇଆଟେ, “ପରଫେସର କବର୍ ତମର୍ ଲଗେ, ତମର୍ ଟଣ୍ଡେ ଆରି ମନେ ଆଟେ ।” ବିସ୍ବାସ୍ ବିସଇର୍ ଏ କବର୍‌ସେ ଆମେ ଜାନାଇଲୁନି । ୮ ଜଦି ଉଁ, କିରିସ୍‌ଟସେ ମାପୁରୁ ବଲି କଇଲାସିନି ଆରି ଉଁ, ପରଫେସର୍ ତାକେ ମଲାତେଇଅନି ଉଟାଇଲା ଆଟେ ବଲି ମନେ ମନେ ବିସ୍ବାସ୍ କଲାସିନି, ସେନ୍ତା ଆଲେ ତମେ ମୁକ୍ତି ପାଇସା । ୧୦ ଆମର୍ ବିସ୍ବାସର୍ ଲାଗି ପରଫେସର୍ ଆମେକେ ଦରମ୍ ଲକ୍ ବଲି ଏଜଲାନି । ଆରି ଟଣ୍ଡେ ଉଁ ବଲି ମାନିଆଇଲୁନିଜେ ଆମେ ମୁକ୍ତି ପାଇଆରୁ । ୧୧ ସାସ୍ତର୍ ଇସାବେ, “କେ ମିସା ତାକେ ବିସ୍ବାସ୍ କରସି, ସେ ବିସ୍ବାସ୍ କରି କେବେ ଲାଜ୍ ନ ଅଏ ।” ୧୨ କାଇଟାବଇଲେ, ଜିଉଦି ଆରି ଜିଉଦି ନଇଲା ଲକ୍‌ର୍ ବିଡ଼ରେ କାଇ ସାନ୍ ବଡ଼ ନାଇ । ସେଟାର୍ ପାଇ ସବୁ ଲକ୍‌ର୍ ତା ଗଟେକ୍ ମାପୁରୁ, ଆରି ଜେଡ୍‌କି ଲକ୍ ତାକେ ପାର୍‌ତନା କରବାଇ ସେ ସବୁ ଲକ୍‌କେ ମଙ୍ଗଲ୍ କରସି । ୧୩ କାଇକେବଇଲେ “ଜେ ମିସା ମାପୁରୁ ନାଉଁ ଦାରି ପାର୍‌ତନା କରସି, ସେ ମୁକ୍ତି ପାଇସି ।”

୧୪ ମାତର୍ ସେମନ୍ ତାକେ ବିସ୍ବାସ୍ ନ କଲେ, କେନ୍ତୁ ତାର୍ ନାଉଁ ଦାରି ପାର୍‌ତନା କରବାଇ ? ଆରି ତାର୍ ବିସଇର୍ ସୁବ୍‌କବର୍ ନ ସୁନିରଇଲେ କେନ୍ତୁ ବିସ୍ବାସ୍ କରବାଇ ? ଆରି ସେମନ୍‌କେ କବର୍ ନ ସୁନାଇଲେ, କେନ୍ତୁ ସୁନବାଇ ? ୧୫ ଆରି କବର୍ ନେଉକେ ନ ପାଟାଇଲେ କେନ୍ତୁ ଜାନାଇସି ? ଏ ବିସଇ ସାସ୍ତରେ ଲେକା ଆଟେ “ସୁବ୍‌କବର୍ ଜାନାଉମ୍ ଆଇବାଟା, କେତେ ସାର୍‌ଦାର୍ କାତା !” ୧୬ ମାତର୍ ସୁବ୍‌କବର୍ ଜାନାଇବାଟାନେ ସବୁ ଲକ୍ ମାନତ୍ ନାଇ । ସେଟାର୍ ପାଇ ଜିସାଇୟ୍ ଲେକ୍‌ଲା ଆଟେ, “ଏ ମାପୁରୁ, ଆମେ କଇଲା କାତା ସୁନିକରି କେ ବିସ୍ବାସ୍ କରତନାଇ ।” ୧୭ ତେବର୍‌ପାଇ ସୁବ୍‌କବର୍ ସୁନବାଟାନେଅନି ବିସ୍ବାସ୍ ଅଇସି । ଆରି କିରିସ୍‌ଟକେ ଜାନାଇବାଟା ସେ ସୁବ୍‌କବର୍ ।

୧୮ ମାତର୍ ମୁଇ ପାଟାରୁଲିନି ଇସ୍ରାଏଲର୍ ଲକ୍ମନ କାଇ, ସେ କବର୍ ସୁନତ୍ ନାଇ କି ? ବାଇଦରେ ସୁନିଆଟର୍, କାଇକେବଇଲେ ଲେକାଆଟେ, “ଜାନାଉମନ୍‌ର୍ ସବ୍‌ବ୍ ଗୁଲାଇ ଜଗତ୍ ତାବିଅଇଗଲା ଆଟେ, ସେମନ୍‌ର୍ କାତା ରାଇଜ୍ ରିଡ୍‌ଲା ଜାକ କେଟ୍‌ଲା ଆଟେ ।”

୧୯ ଆରି ତରେକ୍ ମୁଇ ପାଚାରୁଲିନି, ଇସ୍ରାଏଲରୁ ଲକ୍ଷମନ୍ ଯେଟା ନିକସଙ୍ଗ ବୁଜତ୍ ନାଲ କି ? ଉ ବୁଜିଆତତ୍ । କାଲକେବଇଲେ ବେସି ବରସ୍ ଆଗତୁ ମସା ଉତରଦେଇ ଲେକ୍ଲମା ଆତେ, ଗଟେକ୍ ନାଜାନୁଲା ଜାତିକେ ସାଇଜ କରି ମରୁ ଲକ୍ଷମନ୍କେ ଛିସା କରାଇବି । ସେନ୍ତି ଗଟେକ୍ ବକୁଆ ଜାତିରୁ ଲକ୍ଷକେ ଦୟାକରି ମୁଇ ସେମନ୍କେ ରିସା କରାଇବି ।

୨୦ ଜିସାଇଅ ଆରି ମିସା ତାଟସଙ୍ଗ କଇଲା ଆତେ, “ଜନ୍ ଲକ୍ଷମନ୍ ମକେ ନ କଜ୍ତେରଇଲାଇ, ସେମନ୍ ମକେ ବେଟ୍ ପାଇଲାଇ, ଜନ୍ ଲକ୍ଷମନ୍ ମରୁ ବିସଇ ନ ପାଚାରୁତେ ରଇଲାଇ, ମୁଇ ନିଜେ ସେମନ୍କେ ଦେକାଇଅଇଲି ।”

୨୧ ମାତରୁ ପରମେସରୁ ଇସ୍ରାଏଲରୁ ବିସଇ କଇଲାନି, “ଗୁଲାଇଦିନ୍ ସେମନ୍କେ ତାକି ନେବାକେ ଆତ୍ ଲାମାଇଲି, ମାତରୁ ସେମନ୍ ମକେ ନ ମାନିକରି ବିରଦ୍ କଲାଇ ।”

୧୧

ଇସ୍ରାଏଲମନ୍ ପାଇ ପରମେସରୁ ଦୟା

୧୫ ମୁଇ ଆରିତରେକ୍ ପାଚାରୁଲିନି, “ତେବେ ପରମେସରୁ ସବୁ ଜିଉଦି ଲକ୍ଷମନ୍କେ ଚାଡି ଦେଲା ଆତେ କି ? ନାଲ, କେବେ ନାଲ । ମୁଇ ମିସା ନିଜେ ସେମନ୍ରୁପାଚା ଗଟେକ୍ ଜିଉଦି, ଅବରାଆମତା ମରୁ ଆନିଦାଦି ଆରି ମୁଇ ବେନଜାମିନ୍ କୁଟୁମରୁ ଲକ୍ଷ ଅଇଆତି ।” ୨ ପରମେସରୁ ମୁଲେଅନି ବାଟିରଇଲା ତାରୁ ଲକ୍ଷମନ୍କେ କେବେ ମିସା ଚାଡେନାଲ । ତମେ ସାସ୍ତରେ ପଡିଆଗାସ୍, ଏଲିଅ କେନ୍ତି ଇସ୍ରାଏଲ ମନରୁ ପାପରୁ ଚଲାଚଲୁତିର୍ପାଲ ପରମେସରୁକେ ପାର୍ତନା କରିରଇଲା, ୩ “ଏ ପାପୁରୁ, ସେମନ୍ ତମରୁ ବବିସତ୍ବକ୍ତାମନ୍କେ ମରାଇଆତତ୍ ଆରି ତମରୁ ପୁଜା କରୁବା ବେଦି ସବୁ ବାଙ୍ଗାଇ ପାକାଇଲାଇ ଆତତ୍ । ମୁଇ ଗଟେକ୍ ଲକ୍ଷସେ ତକେ ପୁଜା କରୁବାକେ ଆତି । ମକେ ମିସା ସେମନ୍ ମାରିପାକାଇବାକେ ଚେସ୍ଟା କଲାଇନି ।” ୪ ପରମେସରୁ ଏଲିଅକେ କାଲବଲି କଇ ରଇଲା । “କାରାପ୍ ଦେବ୍ଟା ବାଲୁ ପୁଟୁଲାକେ ପୁଜା ନ କରିରଇବା ତମରୁ ବିତ୍ତରେଅନି ସାତ୍ ଅଜାରୁ ଲକ୍ଷକେ ମରୁ ପାଇ ସଙ୍ଗାଇ ଆତି ।” ୫ ଏବେ ସେ ସମନ୍ ବେଲା ଗଟୁଲା ଆତେ । ପରମେସରୁ ଜିବନ୍ ଦୁକାଇ ଜନ୍ ଲକ୍ଷମନ୍କେ ବାଟି ରଇଲା, ସେମନ୍ରୁ ବିତ୍ତରେଅନି ଅଲପ୍ କେତେଟା ଜିଉଦିମନ୍ ଅଗଲି ଆତତ୍ । ୬ ପରମେସରୁ ସେମନ୍କେ ତାରୁ ନିଜରୁ ଜିବନ୍ ଦୁକାଇକରି ବାଟୁଲା ଆତେ । ସେମନ୍ କରି ରଇବା ନିକ କାମରୁ ଲାଗି ନାଲ । ଜଦି ସେମନ୍ରୁ ନିକ କାମରୁ ଲାଗି ସେମନ୍କେ ବାଟିରଇତା, ତାରୁ ଜିବନ୍ ଦୁକାନି ସତ୍ ଜିବନ୍ ଦୁକାନି ନ ଅଇତା ।

୭ ତେବେ କାଇଟା ଅଇଲା ? ଇସ୍ରାଏଲରୁ ଲକ୍ଷମନ୍ ନିଜେ ଦରମ୍ ବଲାଇଅଇବାକେ ଗଟେକ୍ ବାଟ୍ କଜ୍ଜଲାଇ । ମାତରୁ ତେଇଅନି ଗଟେକ୍ ସାନ୍ ଦଲ୍ଲକେସେ ପରମେସରୁ ବାଟିରଇଲା । ଆରି ବାକିଲକ୍ଷମନ୍ କେ ମିସା ସେ ତାକ୍ଲାକେ ସୁନତ୍ ନାଲ । ୮ ସାସ୍ତରରୁ ବାକିଅ “ଜେନ୍ତିକି ପରମେସରୁ ସେମନ୍ରୁ ଆଁକି ଆରି ମନ୍ ବାନ୍ ଦେଲା ଆତେ । ଏବେ ଜାକ ସେମନ୍ ଦେକି ନାପାରୁଲାଇନି କି ସୁନି ନାପାରୁଲାଇନି ।”

୯ ସେମନ୍ରୁ ବିସଇନେଇ ଦାଉଦ୍ ଲେକ୍ଲମା ଆତେ, ସେମନ୍ ଆମେ ପାପ କରୁନାଲ ବଲି ବୁଲ୍ ଚିନ୍ତା କରତ୍ । ସେମନ୍ ତେଇ ଅଦରି ଜାଅତ୍ । ଅଦରିଜାଇକରି ତଣ୍ଟୁ ପାଅତ୍ ।

୧୦ ସେମନ୍ କାଣାକାଣି ଅଇକରି କାଇଟା ମିସା ଦେକି ନାପାରୁତ୍ । ସବୁବେଲେ ଦୁକ୍ କସ୍ଟ ପାଇପାଇ

ସେମନ୍ରୁ ଆଁଟା ସବୁବେଲରୁ ପାଇ ବାଁକ୍ ଅଇଜାଅ ।

୧୧ ମରୁ ସଙ୍ଗରୁ ଜିଉଦିମନ୍ ଜଟିଆଇ ଅଇକରି ଆଜିଜାଇ ନସ୍ଟ ଅଇଗଲାଇ । ମାତରୁ ସେମନ୍କେ ବାଉଡାଲ ଆନ୍ବାକେ ପରମେସରୁ ନାପାରେ ବଲି ବାବ୍ଲାସନି କି ? ନାଲ ସେ ପାରୁସି । ସେମନ୍ ପରମେସରୁ ବାକିଅ ନିର୍ତ୍ତଲାକେ ଜିଉଦି ନ ଅଇଲା ଲକ୍ଷମନ୍ ମୁକ୍ତି ପାଇଲାଇ ଆତତ୍ । ଜେନ୍ତାରି କି ଜିଉଦିମନ୍ ଛିସା ଅଇଜିବାଇ । ୧୨ ଜିଉଦିମନ୍ରୁ ନ ମାନ୍ବାଟା, ଜଗତରୁ ବିନ୍ ଲକ୍ଷମନ୍କେ ବେସି ଆସିବୁବାଦ୍ ମିଲୁଲା । ଜିଉଦିମନ୍ ପରମେସରୁକେ ନ ମାନ୍ଲାକେ ଜିଉଦି ନ ଅଇଲା ଲକ୍ଷମନ୍ ତାରୁଟାନେ

* ୧୧:୧ ୧୧:୧ ଚିଲିପିୟ ୩:୫

ଅନି ବଡ଼ ଆସିବବାଦ୍ ପାଇଲା । ସେନ୍ତାନ୍ତୁ ଆଲେ ପଡ଼କେ ବାଟି ରଇବା ସବୁ ଜିଉଦିମନ୍ ବିସ୍ବାସ କଲେ, ସେ ଆସିବବାଦ୍ କେତେକ୍ ଅଦିକ୍ ଅଇସି ।

ଜିଉଦିନଇଲା ଲକ୍ମନର୍ ମୁକ୍ତି

୧୩ ଜିଉଦି ନଇଲା ଲକ୍ମନ, ତମକେ ମୁଇ କଇଲିନି, ପେରିଡ଼ସିସ୍ ଇସାବେ ତମର୍ ବିଡ଼ରେ କାମ୍ କର୍ବାକେ ପର୍ମେସର୍ ମକେ ବାଟ୍ଲା ଆଟେ । ସେ ମକେ ଜେଡ଼କି କାମ୍ ଦେଲାଆଟେ, ସେଟା ମୁଇ ଜତନ୍ସଇଁ କଲିନି । ୧୪ ମୁଇ ତମକେ ସାଇଜ କଲାବପାଇ, ମର୍ ସଙ୍ଗର୍ ଜିଉଦିମନ୍ ଇସା ଅଅଡ଼ ବଲି ମୁଇ ମନ୍ କଲିନି । କେ ଜାନେ ସେମନର୍ ବିଡ଼ରେଅନି କେତେଲକ୍ ବିସ୍ବାସ୍ କରି ପର୍ମେସର୍ ଡଣ୍ଡେଅନି ରକିଆ ପାଇବାଇ । ୧୫ ଜିଉଦିମନ୍ ପର୍ମେସର୍ ଟାନେଅନି ବେଗଲୁଲକେ, ଜିଉଦି ନ ଅଇଲା ଲକ୍ମନ ଡାନ୍ ନିଜର୍ ଲକ୍ ଅଇପାରଲା । ସେନ୍ତାନ୍ତୁଆଲେ ଜିଉଦି ଲକ୍ମନ ଡାନ୍ ଟାନେ ଆରିତରେକ୍ ବାଉଡିଆଇଲେ, ଜିଉଦି ନ ଅଇଲା ଲକ୍ମନକେ କେତେକ୍ ଅଦିକ୍ ଆସିବବାଦ୍ ଅଇସି । ସେନ୍ତାରି ଅଇଲେ କେତେକ୍ ନିକ କରମ୍ ! ସବୁ ମଲାଲକ୍ମନ ଜିବନ୍ଅଇ ଉର୍ଲାପାରା ଅଇସି ।

୧୬ ରୁଟିତେଇଅନି କଣ୍ଡେକ୍ ପର୍ମେସର୍କେ ଦିଆଅଇରଇଲେ, ସବୁଜାକ ରୁଟି ଦିଆଅଇଲା ଆଟେ ବଲି ବାବ୍ବାର୍ । ଗଟେକ୍ ଗଟର୍ ଚେର୍ ସୁକଲ୍ ରଇଲେ, ତାର୍ କେନ୍ଦାକଡ଼ ମିସା ସୁକଲ୍ ଆଟେ ବଲି ବାବ୍ବାକେ ଅଇସି । ୧୭ ଇସ୍ରାଏଲ୍ କୁଟୁମର୍ ଲକ୍ମନ ପର୍ମେସର୍ ଜତନ୍ କରିରଇବା ଗଟେକ୍ ଜିଡ଼ ଗଟର୍ ପାରା । ଯେ ଗଟେଅନି କେତେଟା କେନ୍ଦା ବାଙ୍ଗାକକରି ବନର୍ ଜିଡ଼ ଗଟର୍ କେନ୍ଦା ତେଇ, ଜଡିଆଟେ । ତମେ ଜିଉଦି ନ ଅଇଲା ଲକ୍ମନ ସେ ବନର୍ ଜିଡ଼ ଗଟ୍ ପାରା । ଏବେ ତମେ ଜିଉଦିମନ୍ ଡାନ୍ ତାଟ୍ ଆଡ଼ମାନ୍ ଜିବନ୍ତେଇ ଜଡିଅଇଆଗାସ୍ । ୧୮ ସେଟାର୍ ପାଇ ତମେ ଜିଉଦିମନ୍ ଟାନେଅନି ବଡ଼ ବଲି ବାବ୍ବାନଇ । କାଇକେବଇଲେ ତମେ ଅବ୍ବା କେନ୍ଦାସେ ଆରି କେନ୍ଦାମନର୍ କାଦି ଗଟର୍ ରେରେଅନିସେ ଅଇସି । ତେରର୍ କାଦି କେନ୍ଦାଅନି ନ ଆସେ ।

୧୯ “ଉଁ ତମେ କଇପାରାସ୍, ଜିଉଦି ନ ଅଇଲା ଲକ୍ମନ ଆମେସେ ବଡ଼ । କାଇକେବଇଲେ ଆମକେ ଜଡ଼ବାକେ କେନ୍ଦାମନ୍ ବାଙ୍ଗାଇଲା ।”

୨୦ ତମକେ ଜଡିଆଟେ, ସେଟା ସଡ଼ ସେ । ମାତର୍ ଜିଉଦିମନ୍ ବିସ୍ବାସ୍ ନ କଲାର୍ ପାଇ ପର୍ମେସର୍ ସେମନକେ କାଟିଦେଲାଆଟେ । ତମେ ବିସ୍ବାସ୍ କଲାକେସେ ତମକେ ଜଡିଆଟେ । ସେଟାପାଇ ବଡ଼ପନ୍ ନ ଅଇ ଡରିକରି ରୁଆ । ୨୧ କାଇକେବଇଲେ ଜଦି ଗଟେଅନି ନିଜେ ବାରଇଲା କେନ୍ଦା ପାରା ଜିଉଦିମନକେ ପର୍ମେସର୍ ବାଙ୍ଗାକଦେଲା, ତେବେ ବନେଅନି ଆନି ଜଡିତଇବା କେନ୍ଦାମନକେ କେତେକ୍ ଅଦିକ୍ ସେ ନ ବାଙ୍ଗାଏ ? ସେ କେନ୍ଦାମନ୍ ଅଇଲାନି, ତମେ ବିସ୍ବାସ୍ ନ କଲା ଜିଉଦି ନଇବା ଲକ୍ମନ । ୨୨ ଇଡିଅନି ଆମେ ଦେକ୍ଲୁନି ପର୍ମେସର୍ କେନ୍ଦି ଆଲାଦକାରିଆ, ଆରି ସାସନ୍କାରି ମିସା ! ଜନ୍ ଲକ୍ମନ ଡାନ୍ କାଡା ମାନଡ଼ ନାଇ, ସେମନକେ ଡଣ୍ଡ ଦେଲା । ମାତର୍ ତାର୍ ଦୟା ତମେ ତାଟ୍ ସଙ୍ଗ୍ ଦାରିରଇଲେ, ସେ ତମକେ ଦୟା ଦେକାଇସି । ଜଦି ସେନ୍ତାରି ନ କଲେ, ତମକେ ମିସା କାଟିଦେଇସି । ୨୩ ଜଦି ଜିଉଦିମନ୍ ବିସ୍ବାସ୍ କଲେ, ଗଟର୍ ବୁନ୍ଦେ ରଇବା ତାକର୍ ଆଗର୍ ଜାଗାଇ ପର୍ମେସର୍ ସେମନକେ ବାଉଡାଇସି । କାଇକେବଇଲେ ସେଟା ପର୍ମେସର୍ସେ କରିପାରେ । ୨୪ ତମେ ଜିଉଦିନଇଲା ଲକ୍ମନ ବନର୍ ଜିଡ଼ ଗଟର୍ ବାଙ୍ଗାଇଲା କେନ୍ଦାପାରା । ସବୁବେଲେ ଜଡ଼ବାଟାନେ କଲାପାରା ନ କରି, ପର୍ମେସର୍ ନିଜେ ଜତନ୍ କର୍ବା ଗଟେ, ତମକେ ଜଡ଼ଲାଆଟେ । ଜିଉଦିମନ୍ ସେ ନିଜେ ଜତନ୍ କରିରଇବା ଗଟର୍ପାରା । ସେନ୍ତାନ୍ତୁଆଲେ ଗଟର୍ବୁନ୍ଦେ ରଇବା କେନ୍ଦାମନକେ ଆଗର୍ ଜାଗାଇ ନେଇ ଜଡ଼ବାକେ କେତେକ୍ ଅଦିକ୍ ସଅଜ୍ ଅଇସି ।

ସବୁ ଲକ୍ମନ ପାଇ ପର୍ମେସର୍ ଆଲାଦ୍

୨୫ ଏ ବାଇବଇନିମନ୍, ଏ ବିସଇଟାନେ ଗଟେକ୍ ଲୁଟିରଇଲା ସଡ଼ ତମେ ବୁଜା ବଲି ମୁଇ ମନ୍ କଲିନି । ଆମେ ଜିଉଦିମନର୍ ଟାନେଅନି ବଡ଼ ଆଡୁ ବଲି ତମେ ବଡ଼ପନ୍ ନ ଅଇବାକେ, ଏଟା ତମକେ ବୁଜାଇଲିନି । ଜିଉଦିମନର୍ କାଡା ନ ମାନ୍ବାଟା, ବେସିଦିନ୍ ଜାକ ନ ରଏ । ମାତର୍ ଜେଡ଼କି ଜିଉଦି ନ ଅଇଲା ଲକ୍ମନକେ ପର୍ମେସର୍ ବାଟ୍ଲାଆଟେ, ସେମନ୍ ବିସ୍ବାସ୍ କର୍ବାଜାକ ସେଟା ରଇସି । ୨୬ ତାର୍ ପଟେ ଇସ୍ରାଏଲିଅମନ୍ ସବୁ ଲକ୍ ଏ ସାସ୍ତରର୍ ଇସାବେ ରକିଆ ପାଇବାଇ ।

ମୁକ୍ତିକାରିଆ ଜିଉଦିମନର୍ ବିଡ଼ରେ ଅନି ଆଇସି,

ଆରି ତାର୍ ଲାଗି ଜାକୁବର୍ କୁଟୁମେଅନି ସବୁ ତାକର୍ କାରାସ୍ ଚଲାଚଲୁଡି ଚାଡ଼ବାଇ ।

୨୭ ସେମନର୍ ପାସ୍ ରଇବା ଚଲାଚଲୁଡି ମୁଇ ଦାରିଜିବାବେଲେ, ସେମନର୍ ସଙ୍ଗ୍ ଏ ରାଜିନାମା କର୍ବି । ୨୮ ସୁବ୍ କବର୍ ବିସ୍ବାସ୍ ନ କରି ଜିଉଦିମନ୍ ପର୍ମେସର୍ ସଡ଼ୁ ଅଇଗାଲାଇ । ଏନ୍ତାରି

ଅଇଲାକେ ତମେ ଜିଉଦି ନ ଅଇଲା ଲକ୍ଷ୍ମୀନୁ ମୁକ୍ତି ପାଇଲାସ୍ । ଏନ୍ତାରି ଅଇଲେମିସା ପରମେସର୍ ଜନ୍ କାତା ତାକର୍ ଆନିଦାଦିମନ୍ଦକେ ଦେଇରଇଲା, ଆରି ସେମନ୍ ତାର୍ ବାଟିରଇବା ଲକ୍ଷ୍ମୀନୁ ଅଇଲାକେ ମିସା, ସେମନ୍ ତାର୍ ଲକ୍ ଅଇଆଟତ୍ । ୨୯ କାଇକେବଇଲେ ପରମେସର୍ ଜନ୍ ଲକ୍ଷ୍ମୀନୁକେ ବାଟିକରି ଆସିରବାଦ୍ କରସି, ସେ ଦାନ୍ ଦେବାକେ ଜାଗରୁତା ରଇସି । ୩୦ ଜିଉଦିନଇଲା ଲକ୍ଷ୍ମୀନୁ ତମେ ପୁରବେ ପରମେସରର୍ କାତା ନ ମାନ୍ଦେତେ ରଇଲାସ୍, ମାତର୍ ଜିଉଦିମନ୍ କାତା ନ ମାନ୍ଦିଲା ପାଇ, ଏବେ ତମେ ପରମେସରର୍ ଜିବନ୍ ଦୁକାନିର୍ ଆଲାଦ୍ ପାଇଆଟାସ୍ । ୩୧ ଏଟା ଜିଉଦି ଅଇରଇବା ଲକ୍ଷ୍ମୀନୁ ପାଇ ମିସା ସେନ୍ତାରିସେ । ଏବେ ସେମନ୍ କାତା ନ ମାନ୍ଦିଲେ ମିସା, ତମକେ ଜେନ୍ତାରି ପରମେସର୍ ଦୟା ଦେକାଇ ଆଲାଦ୍ କଲାଆଟେ, ସେ ପରକେ ସେମନ୍କେ ମିସା ଦୟା ଦେକାଇସି । ୩୨ ଗୁଲାଈ ମନସ୍ ଜାତି ତାର୍ କାତା ନ ମାନ୍ଦିଲାକେ ଡଣ୍ଡ ପାଇବାର୍ ଆଟେ ବଲି ପରମେସର୍ ଦେକାଇଲା ଆଟେ । ତାର୍ ଜିବନ୍ ଦୁକାଇଲାଟା ସବୁକେ ତିସସି ବଲି ଏନ୍ତାରି କଲାଆଟେ ।

ପରମେସରର୍ ତାକ୍ପୁଟା

୩୩ ପରମେସରର୍ ଦୟା କେତେକ୍ ବଡ଼ ! ତାର୍ ଗିଆନ୍ ଆରି ବିଚାର୍ କରବା ବପୁ କେ ବୁଜିନାପାରତ୍ ! ସେ ଜନ୍ଟା ଉଁ କରସି, ସେଟା ଲକ୍ଷ୍ମୀନୁ ବୁଜିନାପାରତ୍ । ସେ ଜନ୍ କାମ୍ କରବାକେ ଗାଲାନି, ସେଟା କେ ବାତାଇ ନାପାରତ୍ । ୩୪ କାଇକେବଇଲେ ସାସ୍ତରେ ଏନ୍ତାରି ଲେକା ଅଇଲାଆଟେ ।

“ପରମେସର୍ ମନେ ଚିନ୍ତା କରବାଟା କେ ବୁଜି ପାରତ୍ ?

ତାକେ କେ ମିସା ବୁଦିର୍ କାତା କଇବାକେ ଲତାନାଇ ।”

୩୫ ତାକେ କାଇଟା ଉନା ନାଇ ।

ସେ ଆମର୍ ରୁଣି ଅଇବାକେ, ତାକେ କାଇଟା ଦେଇ ନାପାରୁ ।

୩୬ ଚିଆର୍ ଅଇଲା ସବୁ ବିସଇ ସେ ସେ ଚାଲାଇଲାନି । ଆରି ସବୁ ବିସଇ ତାର୍ପାଇସେ । ପରମେସର୍, କାଲେ କାଲେ ଜୁଟେ ଜୁଟେ, ତାର୍ ତାକ୍ପୁଟା ଅ । ଆମେନ୍ !



ପରମେସରକେ ସେବା କରବା ଜିବନ୍

୧ ସେଟାର୍ ପାଇ ଏ ବାଇବଇନିମନ୍, ଆମର୍ ଉପରେ ପରମେସରର୍ ବଡ଼ ଜିବନ୍ଦୁକାନିର୍ ଲାଗି, ତମକେ ମୁଇ ବାବୁଜିଆ କଲିନି, ପରମେସରର୍ ଲଗେ ଗଟେକ୍ ବଲି ଇସାବେ ନିଜର୍ ଜିବନ୍ ସର୍ପିଦିଆସ୍ । ଏନ୍ତାରି ବଲି ଅଇବାଟା ମରବାକେ ନର୍ଏ, ମାତର୍ ତାର୍ ସେବାକରବାକେ ନିଜେ ସର୍ପି ଅଇବାଟା । ସେନ୍ତି ଅଇଲେ ପରମେସର୍ ସାର୍ଦା ଅଇସି । ପରମେସରକେ ଏ ରକାମ୍ ଉପାସନା କରବାର୍ ଆଟେ । ୨ ଏ ଜଗତେ ରଇବା ଲକ୍ଷ୍ମୀନୁ ପାରା ଚଲାଚଲୁତି ଇସାବେ ଜିଉନା କାଉନା କରାନାଇ । ପରମେସର୍ ତମର୍ ମନ୍ ନୁଆକରି ବାଦ୍ଲାଅ । ସେନ୍ତି ଅଇଲେ ସେ ମନ୍ କରବାଟା ବୁଜିପାରସା । ଆରି ଜନ୍ ଚଲାଚଲୁତି ତାର୍ ମୁଆଟେ ନିକ୍, ସିଦ୍ ଆରି ତାକେ ସାର୍ଦା କରାଇସି, ସେଟା ଜାନି ପାରସା ।

୩ ପରମେସର୍ ମକେ ଜିବନ୍ଦୁକାଇକରି ଅଦିକାର୍ ଦେଲାକେ ତମକେ ସବୁ ଲକ୍ଷ୍ମୀକେ କଇଲିନି, । କେ ମିସା ମୁଇ ବିନ୍ ଲକ୍ଷ୍ମୀନୁନେଅନି ବଡ଼ ବଲି ବାବାନାଇ । ପରମେସର୍ ତମକେ ଜେଡୁକି ବିସବାସ୍ ଦେଲାଆଟେ, ସେଡୁକି ନିଜକେ ବିଚାର୍ କରା । ୪ ଆମକେ ସବୁଲକ୍ଷ୍ମୀକେ ଗାଗ୍ତେ ବିନ୍ ବିନ୍ ବାଗ୍ ଆଟେ । ସେ ଗାଗ୍ତର୍ ବିନ୍ ବିନ୍ ବାଗର୍, ବିନ୍ ବିନ୍ କାମ୍ ଆଟେ । ୫ ସେନ୍ତାରିସେ ଆମେ ଜେଡୁକି ଲକ୍ କିରିସଟେଇ ମିସ୍ଲୁଆରୁ, ଆମେ ତାର୍ ଗାଗ୍ତ୍ ଅଇଲୁଆରୁ । ଗାଗ୍ତର୍ ଆଡ଼ ଗଡ଼ ପାରା ଆମେ ସବୁ ଲକ୍ ମିସିଆରୁ । ୬ ସେଟାର୍ ପାଇ ପରମେସର୍ ଆମକେ ଜିବନ୍ ଦୁକାଇ ଜେଡୁକି ବିନ୍ ବିନ୍ ବପୁର୍ ଦାନ୍ ଦେଲା ଆଟେ, ସେ ସବୁ ବପୁ ଆମର୍ କାମେ ଲାଗାଇବାର୍ ଆଟେ । ଜଦି ଆମକେ ପରମେସରର୍ ବାକିଅ ଜାନାଇବା ବପୁ ଦେଲାଆଟେ, ସେନ୍ତାରିଆଲେ ଆମେ ପାଇରଇବା ବିସବାସ୍ ଇସାବେ ସେଟା କରବାର୍ ଆଟେ । ୭ ଜଦି ଆମର୍ ସଙ୍ଗର୍ ଲକ୍ଷ୍ମୀକେ ସାଇଜ କରବା ବପୁ ଦେଲାଆଟେ, ତେବେ ସେଟା କରତେ ରଇବାର୍ ଆଟେ । ଜଦି ପରମେସରର୍ ବାକିଅ ସିକାଇବାଟା ଦେଲାଆଟେ, ତେବେ ସେଟା ଜତନ୍ ସଙ୍ଗ୍ କରବାର୍ ଆଟେ । ୮ ବିନ୍ ଲକ୍ଷ୍ମୀନୁକେ ସାର୍ଦା କରାଇବାକେ ବପୁ ଦେଇରଇଲେ, ସେଟା କରତେ ରଉଁ । ଅକ୍ଷିତ୍ ଲକ୍ଷ୍ମୀନୁକେ ଦାନ୍ କରବା ବପୁ ଦେଇରଇଲେ, କାଇଟା ନ ବାଟିକରି ଦାନ୍ କରୁ । ବିନ୍ ଲକ୍ଷ୍ମୀନୁ କାମକେ ଦେକାରକା କରବା ଅଦିକାର୍ ଦେଇରଇଲେ, ନିଜେ ବେସି କାମ୍ କରବାର୍ଆଟେ । ଜଦି ବିନ୍ ଲକ୍ଷ୍ମୀନୁକେ ଦୟା ଦେକାଇବା ବପୁ ଦେଲାଆଟେ, ବିଜାର୍ ନ ଅଇ ସାର୍ଦା ସଙ୍ଗ୍ କରବାର୍ ଆଟେ ।

* ୧୧:୩୬ ୧୧:୩୭ ୧୧:୩୮ ୧୧:୩୯ ୧୨:୧ ୧୨:୨ ୧୨:୩ ୧୨:୪ ୧୨:୫ ୧୨:୬ ୧୨:୭ ୧୨:୮ ୧୨:୯ ୧୨:୧୦ ୧୨:୧୧ ୧୨:୧୨ ୧୨:୧୩ ୧୨:୧୪ ୧୨:୧୫ ୧୨:୧୬ ୧୨:୧୭ ୧୨:୧୮ ୧୨:୧୯ ୧୨:୨୦ ୧୨:୨୧ ୧୨:୨୨ ୧୨:୨୩ ୧୨:୨୪ ୧୨:୨୫ ୧୨:୨୬ ୧୨:୨୭ ୧୨:୨୮ ୧୨:୨୯ ୧୨:୩୦ ୧୨:୩୧ ୧୨:୩୨ ୧୨:୩୩ ୧୨:୩୪ ୧୨:୩୫ ୧୨:୩୬ ୧୨:୩୭ ୧୨:୩୮ ୧୨:୩୯ ୧୨:୪୦ ୧୨:୪୧ ୧୨:୪୨ ୧୨:୪୩ ୧୨:୪୪ ୧୨:୪୫ ୧୨:୪୬ ୧୨:୪୭ ୧୨:୪୮ ୧୨:୪୯ ୧୨:୫୦ ୧୨:୫୧ ୧୨:୫୨ ୧୨:୫୩ ୧୨:୫୪ ୧୨:୫୫ ୧୨:୫୬ ୧୨:୫୭ ୧୨:୫୮ ୧୨:୫୯ ୧୨:୬୦ ୧୨:୬୧ ୧୨:୬୨ ୧୨:୬୩ ୧୨:୬୪ ୧୨:୬୫ ୧୨:୬୬ ୧୨:୬୭ ୧୨:୬୮ ୧୨:୬୯ ୧୨:୭୦ ୧୨:୭୧ ୧୨:୭୨ ୧୨:୭୩ ୧୨:୭୪ ୧୨:୭୫ ୧୨:୭୬ ୧୨:୭୭ ୧୨:୭୮ ୧୨:୭୯ ୧୨:୮୦ ୧୨:୮୧ ୧୨:୮୨ ୧୨:୮୩ ୧୨:୮୪ ୧୨:୮୫ ୧୨:୮୬ ୧୨:୮୭ ୧୨:୮୮ ୧୨:୮୯ ୧୨:୯୦ ୧୨:୯୧ ୧୨:୯୨ ୧୨:୯୩ ୧୨:୯୪ ୧୨:୯୫ ୧୨:୯୬ ୧୨:୯୭ ୧୨:୯୮ ୧୨:୯୯ ୧୨:୧୦୦

୯ ବିନ୍ ଲକ୍ଷ୍ମୀନକେ ଆଲାଦ୍ କରୁବାର୍ ଆଲେ କାଜ କପର୍ ରଇବାର୍ ନାଜ । କାରାପ୍ ଚଲାଚଲ୍ତି ଗିନ୍ କରି, ସର୍ ଚଲାଚଲ୍ତି ଚାଡ଼ୁବାର୍ ନାଜ ।

୧୦ ତମେ କିରିସ୍ତର୍ ଚାନ୍ନେ ବାଇବଇନି ଅଇଲାର୍ ପାଇ, ଗଟେକ୍ ଲକ୍ ଆରି ଗଟେକ୍ ଲକ୍ କେ ଆଲାଦ୍ କରି ସନ୍ମାନ କରା । ୧୧ ନିସର୍ ନଅଇକରି ଲାଗିରୁଆ । ଜିବନ୍ ପରାନ୍ ଦେଇକରି ପର୍ମେସର୍ କେ ସେବା କରା । ୧୨ ଆମ୍ କେ ରଇବା ଆସାର୍ ଲାଗି ଆମେ ସାର୍ଦା ଅର୍ । ଦୁକ୍ କସ୍ ଅଇଲେ ମୁର୍ଚ୍ଚିକରି ରଇ । ସବୁବେଲା ପର୍ମେସର୍ କେ ପାର୍ତନା କରୁତେ ରଇ । ୧୩ ଆମ୍ ଚାନ୍ନେ ରଇବା ଅର୍କିତ୍ ବାଇବଇନିମନ୍ କେ ସାଇଜ କରୁ । ନ ଜାନ୍ବା ଲକ୍ଷ୍ମୀନ ଆମ୍ ଗରେ ଆଇଲେ ଗତିଆ କରି ତାକିନେଉ ।

୧୪ ଜନ୍ମଲକ୍ଷ୍ମୀନ ତମ୍ କେ ନିନ୍ଦା କରୁବାଇ, ସେମନ୍ କେ ପର୍ମେସର୍ ଆସିରୁବାଦ୍ କରୁବଲି ପାର୍ତନା କରା । ସେମନ୍ କେ ଆସିରୁବାଦ୍ କରା, ସାଇପ୍ ଦିଆସ୍ ନାଜ । ୧୫ ଜଦି ଗଟେକ୍ ଲକ୍ କେ ସାର୍ଦାଦ୍ ଦିନ୍ ଆଇଲାଆଚେ, ତେବେ, ତାର୍ ସଙ୍ଗ୍ ମିସି ସାର୍ଦା କରା, ଜଦି ଦୁକ୍ ଦିନ୍ ଆସିରଇଲେ, ସେ ଲକ୍ ସଙ୍ଗ୍ ମିସି ଦୁକ୍ କରା । ୧୬ ସବୁ ଲକ୍ କେ ସମାନ୍ ଇସାବେ ଆଲାଦ୍ ଦେକାଆ । ଆଁକାର୍ ବୁଦି ଚାଡ଼ିକରି ସଲ୍ଦ୍ ଅଇ ସାନ୍ ସାନ୍ କାମ୍ କରୁବାକେ ମିସା ରାଜି ଉଆ । ନିଜ୍ କେ ଗିଆନ୍ ରଇବାଲକ୍ ବଲି ଦେକାଇ ଉଆନାଜ ।

୧୭ କେ ତମ୍ କେ ଅନିଆଇ କଲେ, ତାକେ ବେର୍ ଦାରୁବାର୍ ନାଜ, ଜନ୍ ଚଲାଚଲ୍ତି ସବୁର୍ ମନ୍ କେ ଜାଇସି, ସେଟା କରୁତେରଇବାର୍ । ୧୮ ସବୁ ଲକ୍ ସଙ୍ଗ୍ ସୁସାରେ ଜିଇବାକେ ଜେତେକ୍ ପାରାସ୍, ସେତେକ୍ ଚେସ୍ଟା କରା । ୧୯ ମର୍ ଆଲାଦ୍ ବାଇବଇନିମନ୍, ଜଦି କେ ତମ୍ କେ ଅନିଆଇ କଲେ, ତମେ ବେର୍ ଦାରାନାଜ, କାଜକେବଇଲେ, ପର୍ମେସର୍ ସେ ତଣ୍ ଦେଇସି । କାଜକେ ବଇଲେ ସାସ୍ତରେ ଲେକା ଆଚେ । ମାପୁର କଇଲାନ୍, “ମୁଇ ବେର୍ ଦାରୁବି । ମୁଇ ତଣ୍ ଦେବି ।” ୨୦ ଏଲେ ସାସ୍ତରର୍ ଲେକା ଇସାବେ “ତମ୍ ସର୍ତ୍ତୁ ବୁକେ ରଇଲେ, ତାକେ କାଜବାକେ ଦିଆସ୍, ସସେ ରଇଲେ, ପାନି କୁଆ । ଏନ୍ତାକଲେ ସେ ତମ୍ କେ କିରିରଇବା ଅନିଆଇର୍ ଲାଗି ବେସି ଲାଜ୍ ଅଇଜାଇସି ।” ୨୧ ମିର୍ କାମ୍ କରି ଆରିଜାଆ ନାଜ, ସବୁ ବିସଇ ସର୍ ବାବେ କରି ଜିତିକରି ରୁଆ ।

୧୩

ସାସନ୍ କରୁମନ୍ କେ ନାମ୍ ବାଟା

୧ ସାସନ୍ କାରିଆମନ୍ କାତା ସବୁ ଲକ୍ ମାନ୍ ବାକେ ବାଦିଅ, କାଜକେବଇଲେ ପର୍ମେସର୍ ଆଦେସ୍ ନ ଦେଲେ କେ ମିସା ସାସନ୍ କରୁବାକେ ଅଦିକାର୍ ନ ପାଏ । ଗାଦିଚାନ୍ନେ ରଇଲା ସାସନ୍ କାରିଆମନ୍ କେ ପର୍ମେସର୍ ବସାଇଲା ଆଚେ । ୨ ସେଟାର୍ ପାଇ ଜେ ଗାଦିତେଇ ବସଲା ସାସନ୍ କାରିଆମନ୍ କେ ବିରଦ୍ କରୁସି, ସେ ପର୍ମେସର୍ ତିଆରୁକଲା ଗାଦିର ବିରଦ୍ କଲାନ୍ । ଜେ ଏଟା କରୁସି ସେ ପର୍ମେସର୍ ବିଚାରୁନା ଜାଗାଇ ଚିଆଅଇସି । ୩ ଆମ୍ ଚଲାଚଲ୍ତି ସର୍ ରଇଲେ ସାସନ୍ କାରିଆକେ ଡରୁବାର୍ ଦରୁକାର୍ ନାଜ । କାରାପ୍ ରଇଲେ ଡରୁବାର୍ ଆଚେ । ସାସନ୍ କାରିଆମନ୍ କେ ତମେ ଡରୁବାକେ ମନ୍ କରାସ୍ ନାଜ, ସେନ୍ତାଆଲେ ନିକ କାମ୍ କରା ଆରି ସେମନ୍ ତମ୍ କେ ନାମ୍ ବାଇ । ୪ ସେମନ୍ ପର୍ମେସର୍ ଗତିଦାଙ୍ଗ୍ ତାମନ୍ ଆରି ତମ୍ ନିକପାଇସେ କାମ୍ କଲାଜିନି । ତମେ ଜଦି କାରାପ୍ କାମ୍ କରୁତେରଇସା, ତେବେ ସେମନ୍ କେ ଡରୁବାର୍ ଆଚେ । କାଜକେବଇଲେ ତମ୍ କେ ତଣ୍ ଦେବାକେ ତାକର୍ ଅଦିକାର୍ ଆଚେ । ସେମନ୍ ପର୍ମେସର୍ ଗତିଦାଙ୍ଗ୍ ତା ଆରି ଜେତ୍ କି ଲକ୍ କାରାପ୍ କାମ୍ କରୁତେରଇବାଇ, ସେମନ୍ କେ ପର୍ମେସର୍ ତଣ୍ ଦେବାଇ । ୫ ସେଟାର୍ ପାଇ ତମେ ସାସନ୍ କାରିଆମନ୍ କାତା ମାନ୍ ବାଟା ଆଚେ । ଉଜେ ପର୍ମେସର୍ ତଣ୍ ତରିକରି ନାଜ, ମାତର୍ ନିଜର୍ ବୁଦିସଙ୍ଗ୍ ଏଟା ଚିକ୍ କାମ୍ ବଲି ଜାନିକରି ମିସା ଏଟା କରୁବାର୍ ଆଚେ ।

୬ ଏଟାର୍ ପାଇ ତମେ ସିସ୍ତୁ ମିସା ଦେଲାସ୍ ନି, କାଜକେବଇଲେ ସାସନ୍ କାରିଆମନ୍ ଚିକ୍ ସଙ୍ଗ୍ କାମ୍ କଲାବେଲେ ପର୍ମେସର୍ ସେବା କରୁତେ ରଇବାଇ । ୭ ସେଟାର୍ ପାଇ ସେମନ୍ ଜେତ୍ କି ପାଇବାର୍ ଆଚେ ସେଟା ସେମନ୍ କେ ଦେଇଦିଆସ୍ । ତମେ ସିସ୍ତୁ କି ଅତି ଜାଜଟା ଦେବାର୍ ଆଚେ, ସେଟା ବାନ୍ଦିଆସ୍ ଆରି ସେମନ୍ କେ ନାମିକରି ସନ୍ମାନ କରା ।

ନିଜର୍ ନିଜର୍ ବିତ୍ତରେ ଆଲାଦ୍

୮ ନିଜର୍ ନିଜର୍ ବିତ୍ତରେ ଆଲାଦ୍ କରାକରି ଅଇବାଟା ଚାଡ଼ି ଆରି କାଜ ବିସଇ କାର୍ ଲଗେ ମିସା ଉଦାର୍ ଉଆ ନାଜ । ଜେ ଏଟା ବିନ୍ ଲକ୍ଷ୍ମୀନ ପାଇ କରୁସି, ସେ ନିୟମ୍ ମାନ୍ସି । ୯ ନିୟମ୍ ତେଇ ଲେକାଅଇଲା

୫ ୧୨:୧୪ ୧୨:୧୪ ମାଡିଉ ୫:୪୪; ଲୁକ୍ ୬:୨୮ ୬ ୧୩:୬ ୧୩:୬ ମାଡିଉ ୨୨:୨୧; ମାର୍କ ୧୨:୧୭; ଲୁକ୍ ୨୦:୨୫

ଆଚେ, “ବେସିଆ କାମ୍ କରୁବାର ନାଲ, ନରୁ ମାରୁବାର ନାଲ, ଚରାଇବାର ନାଲ, ବିନ୍ ଲକ୍ମର ଦିନ୍ସୁ ଲବାଇବାର ନାଲ ।” ନିଜ୍ଜକେ ଆଲାଦ୍ କଲାପାରା ବିନ୍ ଲକ୍ମନକେ ଆଲାଦ୍ କରା । ଏ ଗଟେକ୍ ଆଦେସ୍ ଜଦି ତମେ ମାନୁସା, ନିୟମେ ରଇବା ସବୁ ଆଦେସ୍ ମାନୁଲାପାରା ଅଇସି ।^{୧୦} କାଇକେବଇଲେ ତମେ ଗଟେକ୍ ଲକ୍ମକେ ଆଲାଦ୍ କରୁତେ ରଇଲେ, କେବେ ମିସା ତାକେ ଅନିଆଇ ନ କରାସ୍ । ଆରି ତମେ ଜଦି ସେମନକେ ଆଲାଦ୍ କରୁସାବଇଲେ, ସବୁ ନିୟମ ମାନିକରିଆତାସ୍ ।

^{୧୧} ଏବେ ତମେ ଏଟା କରୁବାରୁ ଆଚେ । କାଇକେବଇଲେ ବେଲା କେଟୁଲାଆଚେ । ଆମେ ସଇରଇବା ଲକ୍ମରପାରା ନ ଅଇକରି ତେତା ଅଇ ଜାଗରତ୍ ଅଇରଇବାରୁ ଆଚେ । ବିସ୍ବାସ୍ କରୁବା ବେଲା ଆଗତୁ ରଇଲେ ମିସା ଆମର୍ ମୁକ୍ତି ପାଇବା ଦିନ୍ ଲଗେ ଅଇଆଚେ ।^{୧୨} ରାତି ଦାପରେ ସାରିଜାଇସିବେ, ସାକାଲ୍ ଅଇବାକେ ଗାଲାନ୍ତି । ସେଟାରୁପାଇ ଆସା, ରାତିଆ କରିରଇବା କାରାପ୍ କାମ୍ ସବୁ ଚାଡ଼ିକରି, ଉଜ୍ଜଲେ ଜୁଇଦ୍ କରୁବା ଆଡୁଆତିଆର୍ ଦାରୁ ।^{୧୩} ବେସିଆମନର୍ ଦଲେ ମିସ୍ବାର ନାଲ, ମାତୁଆଲ୍ମାନନର୍ ଦଲେ ଜିବାର ନାଲ, ବିନ୍ ମାଇଜିମନର୍ ସଙ୍ଗ୍ ମିସିରଇବାରୁ ନାଲ, ଲାଗାଜତା ଅଇବାରୁ ନାଲ ଆରି ଛିସା ଅଇବାରୁ ନାଲ । ଆମେ ଜେଡକି ଲକ୍ ଉଜ୍ଜଲେ ରଇଆରୁ, ଟିକ୍ ସଙ୍ଗ୍ ଚଲାଚଲୁଡି କରୁ ।^{୧୪} ମାପରୁ ଜିସୁକିରିସଟର୍ ଆଡୁଆତିଆର୍ ଦାରି ରଉଁ । ଆରି ଆମର୍ ପାପର୍ ଗୁନଚଲନ୍ ନ ମାନିକରି ଆମେ ମନ୍ କରୁବାଟା ପୁରାପୁରୁନ୍ ନ କରୁ ।

୧୪

ବିନ୍ଲକ୍ମର ଦସ୍ ଦାରାନାଲ

^୧ ଜଦି କେତେକ୍ ଲକ୍ କିରିସଟକେ ବିସ୍ବାସ୍ କଲାଲନ୍ତି, ମାତର୍ ତାକର୍ ବିସ୍ବାସ୍ ଡା଼ୁନାଲ, ସେମନକେ ମିସା ତାକି ମିସାଆ । ମାତର୍ ସେମନର୍ ଚିନ୍ତା କରୁବାଟା ତମରୁପାରା ନ ରଇଲେ, ତାକର୍ ସଙ୍ଗ୍ ଦଦାପେଲା ଉଆ ନାଲ ।^୨ କେତେକ୍ ଲକ୍ ବିସ୍ବାସ୍, ଜେନ୍ତି ରକାମର୍ କାଦିକେ ମିସା ଉଁ ବଲି କଇବାଇ । ମାତର୍ ଜାରୁ ବିସ୍ବାସ୍ ଏବେଜାକ ଡା଼ୁନାଲ ସେମନ୍ କାଇ ମାଉଁସ୍ ମିସା କାଇବାରୁ ନର୍ସି, ଅବ୍କା ସାଗଡାଲୁସେ କାଇବାଇ ।^୩ ଜନ୍ ଲକ୍ମନ ସବୁଜାକ କାଇବାଇ, ସେମନ୍ ଆମେ ଅବ୍କା ସାଗଡାଲୁ କାଇବା ଲକ୍ମରଟାଗେଅନି ବଡ଼ ବଲି ବାବ୍ବାରୁ ନାଲ । ସେନ୍ତାରିସେ ଜନ୍ଲକ୍ମନ ଅବ୍କା ସାଗଡାଲୁସେ କାଇବାଇ, ସେମନ୍ ଆମେ ସବୁରକାମର୍ କାଦିକାଇବା ଲକ୍ମନଟାଗେଅନି ବଡ଼ ବଲି ବାବ୍ବାରୁନାଲ । କାଇକେବଇଲେ ପର୍ମେସର୍ ଦୁଇ ଦଲର୍ ଲକ୍ମନକେ ମିସା ବାଟୁଲା ଆଚେ ।^୪ ବିନ୍ ଲକ୍ମର ଦାଙ୍ଗ୍ତାମନକେ ଆମେ ବିଚାରୁ କରୁବାରୁ ନାଲ । କାଇକେବଇଲେ ସେମନ୍ କରୁବା କାମ୍ କଲାଲ ଆଚଡକି ନାଲ ବଲି ତାକର୍ ସାଉକାରୁ ଦେକ୍ସି । ଆରି ପର୍ମେସର୍ ଜନ୍ଟା ମନ୍ କଲାନ୍ତି, ସେମନ୍ ସେଟା କରୁବାଇ । କାଇକେବଇଲେ ପର୍ମେସର୍ ସେମନକେ ସାଇଜ କଲାନ୍ତି ।

^୫ ସେନ୍ତାରିସେ, ବିନ୍ଦିନ୍ ମନରଟାଗେଅନି କନ୍ଆଲେ ଗଟେକ୍ଦିନ୍ ସୁବ୍ଦିନ୍ ବଲି କେତେ ଲକ୍ ବାବ୍ବବାଇ । ବିନ୍ ଲକ୍ମନ ସବୁଦିନ୍ ସମାନ୍ ବଲି ବାବ୍ବବାଇ । କନ୍ଟା ଟିକ୍ ରଇସି ବଲି ଲକ୍ମନ ନିଜେ ନିଜେ ବିଚାରୁ କରୁବାରୁ ଆଚେ ।^୬ ଜନ୍ ଲକ୍ମନ ବିନ୍ଦିନ୍ ମନରଟାଗେଅନି ଗଟେକ୍ ଦିନ୍ ସୁବ୍ ବଲି ବାବ୍ବବାଇ, ସେମନ୍ ପର୍ମେସର୍କେ ସାରୁଦା କରାଇବାକେ ସେନ୍ତାରି ବାବ୍ବବାଇ । ସେନ୍ତାରିସେ, ଜନ୍ଲକ୍ମନ ସବୁ ରକାମ୍ କାଦି କାଇବାଇ, ସେଟା ପର୍ମେସର୍କେ ସାରୁଦା କରାଇବାକେ କରୁବାଇ ଆରି ସେଟାରୁପାଇ ତାକେ ଦନିଅବାଦ୍ ଦେବାଇ । ଆରି ଜନ୍ଲକ୍ମନ ଅବ୍କା ସାଗଡାଲୁ କାଇବାଇ, ସେମନ୍ ସେଟା ପର୍ମେସର୍ ସାରୁଦା ଅଇସି ବଲି କାଇଲାଲନ୍ ଆରି ସେମନ୍ ମିସା ତାକେ ଦନିଅବାଦ୍ ଦେଲାଲନ୍ ।^୭ ଆମର୍ ବିଡରେ ସବୁଲକ୍ ଦର୍ଡନିତେଇ ବଠିରଇଲେ କି ମରିଗାଲେ ମିସା ପର୍ମେସର୍ ।^୮ ଆମେ ବଠିରଇଲେ ପର୍ମେସର୍ ପାଇ, ମରିଗାଲେମିସା ସେନ୍ତାରିସେ । ତେବର୍ପାଇ ଆମେ ବଠିରଇଲେ କି ମରିଗାଲେ ପର୍ମେସର୍ ପାଇସେ ।^୯ କାଇକେବଇଲେ କିରିସଟ ମରିଗାଲା ଆରି ମଲାତେଇଅନି ଆରିତରେକ୍ ଉଟୁଲା । ସେଟାରୁପାଇ ସେ ମଲାଲକ୍ମନକେ ଆରି ଜିବନ୍ ରଇଲା ଲକ୍ମନକେ ସାସନ୍ କରୁସି ।^{୧୦} ତେବେ ତମେ କାଇକେ ଅବ୍କା ସାଗଡାଲୁ କାଇବା ବାଈମନକେ ବିଚାରୁ କଲାସିନ୍ ? ଆରି ଜନ୍ଲକ୍ମନ ସବୁ ରକାମ୍ କାଦି କାଇଲାସିନ୍, ଅବ୍କା ସାଗଡାଲୁ କାଇବା ଲକ୍ମନକେ କାଇକେ ଚିନ୍ କଲାସିନ୍ ? କାଇକେବଇଲେ ଆମେ ସବୁଲକ୍ ପର୍ମେସର୍ ମୁଆଟେ ଟିଆ ଅଇଲେ, ସେ ଆମକେ ବିଚାରୁ କରୁସି ।^{୧୧} କାଇକେବଇଲେ ସାସ୍ତରେ ଲେକାଆଚେ, “ମାପରୁ କଲାଲନ୍ତି, ମୁଇ ଜିବନ୍ ରଇବା ପର୍ମେସର୍, ତେବର୍ପାଇ ସବୁ ମୁନୁସକାତି ମର୍ ମୁଆଟେ ମାଣ୍ଡିକୁଟା ଦେବାଇ ।

ମୁଞ୍ଚ ପରମେସର୍ ବଲି ସବୁ ଲକ୍ ନାମବାଇ ।”

୧୨ ସେବେଲେ ଆମେ ସବୁ ଲକ୍ ପରମେସରର ଲଗେ ଚିଆଅଇ ଆମେ କରିରଇବା କାମର୍ ଇସାବ୍ ଦେବାକେ ପଡ଼ସି ।

ବାଇକେ ନସ୍ତ ଅଇବାକେ ନ ଦିଆସ୍

୧୩ ସେଟାର ପାଇ ତମର୍ ବିତ୍ତରେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ବିଚାର୍ କରାନାଇ । ତାର୍ ବାଦୁଲେ ଆମର୍ ବାଇମନର୍ ଚଲାଚଲ୍‌ତିତେଇ ବିନ୍ ଲକ୍‌କେ ପାପ୍ କରାଇବା କାଇମିସା ବିସଇ ଆଚେ କି ନାଇ, ସେଟା ଆମେ ନିଜେ ଦେକ୍‌ବାର୍ ଆଚେ । ୧୪ ଜିସୁ ମାପୁରୁର୍ ସଙ୍ଗ୍ ମିସ୍‌ଲାବ୍‌ପାଇ ପର୍ମେସର୍ ଦେକ୍‌ବା ଇସାବେ କାଇ କାଦି ମିସା ନିର୍‌ବାଟା ନାଇ ବଲି ମୁଞ୍ଚ ଜାମି । ମାତର୍ କାଇମିସା ଗଟେକ୍ କାଦି ପର୍ମେସର୍ ନିର୍‌ଲା ଆଚେ ବଲି ଗଟେକ୍ ଲକ୍ ବିସ୍‌ବାସ୍ କଲେ, ସେଟା ସେ ନ କାଇଲେ ତାର୍‌ପାଇ ନିକ । ୧୫ ତମେ କାଇ କାଦି ମିସା କାଇଲାବ୍‌ପାଇବଲି ଜଦି ତମର୍ ଗଟେକ୍ ବାଇକେ ଦୁକ୍ କରାଇସା, ସେନ୍ତାର୍‌ଆଲେ ତାର୍‌ପାଇ ତମର୍ କାଇ ଆଲାଦ୍ ନାଇ ପାରା ଆଚେ । ତମର୍ କାଇବା କାଦିରୁଲାଗି ଆରିଗଟେକ୍ ଲକ୍ ମନ୍ କଲାମି । ସେଟା ନିକ ନର୍ । କାଇକେବଇଲେ ସେ ମିସା ତମର୍ ସଙ୍ଗର୍ ବିସ୍‌ବାସି । ଆରି ତାର୍ ଜାଗାଇମିସା କିରିସ୍‌ଟ ମଲାଆଚେ । ୧୬ ଜଦି ଆରି କନ୍ ରକାମ୍ ଚଲାଚଲ୍‌ତି ପର୍ମେସରର୍ ମନ୍‌କେ ଜାଏ ନାଇ ବଲି କେତେଟା ବିସ୍‌ବାସି ବାବ୍‌ବାଇ, ମାତର୍ ସେଟା ବଲ୍ ବଲି ତମେ ବାବ୍‌ସା ବଇଲେ ସେଟା କରା ନାଇ । ସେନ୍ତାର୍‌ଆଲେ ସେଟା ନିକ ନର୍ ବଲି କେ ବାବିନାପାର୍ । ୧୭ ପରମେସରର୍ ରାଇଜର୍ ସାସନ୍ ଅବ୍‌କା ନ କାଇବା କାଦିପିଦିର୍ ନିଅମର୍‌ପାଇ ନାଇ । ମାତର୍ ତାର୍ ମୁଆଚେ ଦରମ୍ ବଲାଇଅଇବାଟା, ବିନ୍ ଲକ୍‌ମନର୍ ସଙ୍ଗ୍ ମିସି ସୁକ୍‌ସାନ୍ତିସଙ୍ଗ୍ ରଇବାଟା, ଆରି ସୁକ୍‌ଲାଆଦ୍‌ମା ଦ୍ରେଇରଇବା ସାର୍‌ଦା ବିସଇ ଆଚେ । ୧୮ ଆମେ କିରିସ୍‌ଟକେ ଏ ରକାମ୍ ନାମ୍‌ଲେ, ପର୍ମେସରକେ ସାର୍‌ଦା କରାଇବୁ ଆରି ବିନ୍ ଲକ୍‌ମନ୍‌କେ ନାମାଇବୁ ।

୧୯ ସେଟାର ପାଇ ଆସା, ଆମେ ଏନ୍ତାରି ଚଲାଚଲ୍‌ତି କରୁ, ଜେନ୍ତାରିକି ଆମର୍ ଆମର୍ ବିତ୍ତରେ ସୁକ୍ ସାନ୍ତିସଙ୍ଗ୍ ରଇଅଇସି । ଆରି ଆମର୍ ବିସ୍‌ବାସ୍ ତାଟ୍ ରଇସି । ୨୦ ଜନ୍ କାଦି କାଇବାକେ ବିନ୍ ଲକ୍‌ର୍ ମନ୍‌ନାଇ, ସେ କାଦି କାଇକରି, ପର୍ମେସରର୍ କାମ୍ ନସାଆ ନାଇ । ଜନ୍ ରକାମ୍ କାଦିମିସା କାଇଅଇସି । ମାତର୍ ତମେ କାଇଲାବ୍‌ପାଇ ବିନ୍ ଲକ୍‌ମନ୍‌କେ ପାପ୍‌ବାଟେ ତାକିନେଲେ, ସେଟା ବୁଲ୍ । ୨୧ ବିନ୍ ଲକ୍‌ମନ୍ ନିର୍‌ବା କାଦି ଆମେ କାଇବାର୍ ନାଇ । କି ମଦ୍ କାଇବାର୍ ନାଇ । ଆମର୍ ବିତ୍ତରେ ରଇବା ଗଟେକ୍ ବାଇ କି ବଇନିକେ ପାପ୍‌ବାଟେ ଜିବା ବିସଇ ନ କରୁ । ୨୨ ଏ ବିସଇନେଇ ତମେ କାଇଟା ବିସ୍‌ବାସ୍ କଲାସ୍‌ନି ସେଟା ପରମେସରର୍ ଆରି ତମର୍ ବିତ୍ତରେ ରଅ । ଜନ୍ ଲକ୍‌ମନ୍ ନିଜର୍ ଚଲାଚଲ୍‌ତିବ୍‌ପାଇ ନିଜର୍ ବିବେକ୍ ସେମନ୍‌କେ ହସ୍ ନ ଦାରେ, ସେ କେଡେକ୍ କରମର୍ ଲକ୍ । ୨୩ ଜଦି ଗଟେକ୍ ଲକ୍ ତାର୍ କାଇବାଟା ଟିକ୍ କି ନାଇ ବଲି ବାବ୍‌ଲାମି, ଆରି ମନ୍‌କେ ନ ଲାଗବା କାଦି କାଇସି, ସେନ୍ତାର୍‌ଆଲେ ସେ, ପର୍ମେସରର୍ ବିରୁଦ୍ଧେ ପାପ୍‌କଲାମି । କାଇକେବଇଲେ ସେ ନିଜର୍ ବିବେକ୍‌କେ ମାନେନାଇ । ଜନ୍‌ଟା ନିକ ନର୍ ବଲି ଆମେ ବିସ୍‌ବାସ୍ କଲୁନି, ଆରି ସେଟାସେ କରିଆଇଲୁନି, ସେନ୍ତାର୍‌ଆଲେ ଆମେ ପାପ୍‌କଲୁନି ।

୧୫

ବିନ୍‌ଲକ୍‌କେ ସାର୍‌ଦା କରାଆ

୧ ଏବେ ଆମେ, ଜାର୍ ବିସ୍‌ବାସ୍ ତାଟ୍ ଆଚେ, ଜନ୍ ଲକ୍‌ମନ୍ ବିସ୍‌ବାସେ ଦୁର୍‌ବଲ୍ ଆଚଡ୍ ଆରି ଅସୁବିଦାଇ ଆଚଡ୍, ସେମନ୍‌କେ ଆମେ ସାଇଜ କର୍‌ବାର୍ ଆଚେ । ଆରି ନିଜେ ସାର୍‌ଦା ରଇବା ବିସଇ ଚିନ୍ତା କର୍‌ବାର୍ ନାଇ । ୨ ମାତର୍ ଆମର୍ ବାଇବଇନିମନ୍‌କେ ସାର୍‌ଦା କରାଇବାକେ ଆରି ସେମନ୍‌ର୍ ବିସ୍‌ବାସ୍ ତାଟ୍ କର୍‌ବାକେ ତାକର୍ ପାଇ ନିକ ବିସଇ କର୍‌ବାର୍ ଆଚେ । ୩ କାଇକେବଇଲେ କିରିସ୍‌ଟ ନିଜକେ ସାର୍‌ଦା କରାଏ ନାଇ । ମାତର୍ ସାସ୍‌ତରେ ଏନ୍ତାରି ଲେକାଅଇଲାଆଚେ, ଜନ୍ ଲକ୍‌ମନ୍‌ର୍ କାରାପ୍ କାତା ତମ୍‌କେ ନିନ୍‌କଲା, ସେଟା ମକେମିସା ନିନ୍‌କ କଲାଇ । ୪ କାଇକେବଇଲେ ସାସ୍‌ତରେ ଜେଡ୍‌କି ଲେକା ଅଇଲାଆଚେ, ସେ ସବୁ ଆମ୍‌କେ ସିକାଇବାକେ । ଜେନ୍ତାରିକି, ସାସ୍‌ତରେଅନି ଜନ୍ ମୁର୍ତ୍ତି ରଇବାଟା ଆରି ସାର୍‌ଦା କରାଇବାଟା ଆମେ ମିଲାଇଆରୁ, ତେଇଅନି ଆମର୍ ଆସା ବଡ଼ସି । ୫ ପର୍ମେସରର୍‌ସେ ଆମ୍‌କେ ମୁର୍ତ୍ତିରଇବାଟା ଆରି ସାର୍‌ଦା କରାଇବାଟା ଦେଇସି । ଆରି ଜିସୁକିରିସ୍‌ଟର୍ ବାଟେ ଇଣ୍ଡି କିରି ସବୁର୍ ମନ୍ ଗଟେକ୍ ଅଇବାକେ ସାଇଜ କର । ୬ ଜଦି ସେଟା ଅଇଲେ ଆମର୍ ମାପୁର୍ ଜିସୁକିରିସ୍‌ଟର୍ ବାବା ଆରି ଆମର୍ ପର୍ମେସରକେ ତାକ୍‌ପୁଟା କର୍‌ବାଚେଇ ତମେ ସବୁ ଗଟେକ୍ ଅଇସା ।

ଜିଉଦି ଆରି ଜିଉଦିନଇଲା ଲକ୍ମନର୍ ପାଇ ସୁବ୍ କବର୍

^୭କିରିସ୍ତ ଜେନ୍ତ୍ର ତମକେ ଡାକଲା ଆଚେ, ତମେ ମିସା ସେନ୍ତ୍ର ତମର୍ ସଙ୍ଗର୍ ବିସବାସିମନ୍‌କେ ଡାକିନିଆ । ତମେ ଜଦି ଏନ୍ତ୍ର କଲେ ପର୍‌ମେସର୍ ଡାକ୍‌ପୁଟା ପାଇସି । ^୮କିରିସ୍ତ ଜିଉଦିମନର୍‌ଲଗେ ଗଟେକ୍ ଗତିଦାଙ୍ଗ୍‌ତାପାରା ଅଇଲା । ପର୍‌ମେସର୍ ଡାକର୍ ଆନିଦାଦିମନ୍‌କେ ଜନ୍ କାତା ଦେଇରଇଲା, ସେଟା ସତ୍‌ସଙ୍ଗ୍ ସେ ପୁରାପୁରନ୍ କର୍‌ସିଆକା ବଲି ଦେକାଇବାକେ ସେନ୍ତ୍ରାରି କରିରଇଲା । ^୯ଜିଉଦି ନ ଅଇଲା ଲକ୍ମନକେ ପର୍‌ମେସର୍ ତାର୍ ଦୟା ଦେକାଇସି, ଆରି ସେମନ୍ ତାକେ ଡାକ୍‌ପୁଟା କର୍‌ବାଇ । ଜେନ୍ତ୍ରାରି କି ସେମନ୍ ତାକେ ଡାକ୍‌ପୁଟା କର୍‌ବାଇ । ଏ ବିସଇ ସାସ୍‌ତରେ ଲେକା ଆଚେ ।

ମୁଇ ଜିଉଦିନଇଲା ଲକ୍ମନର୍ ବିଡ଼ରେ ତମକେ ଡାକ୍‌ପୁଟା କର୍‌ବି,

ସବୁବେଲା ତମର୍ ଡାକ୍‌ପୁଟାର୍ ଗିଡ଼ ଗାଇବି ।

^{୧୦}ଆରି ଏନ୍ତ୍ରାରିମିସା ଲେକାଆଚେ,

“ତମେ ଜିଉଦିନଇଲା ଲକ୍ମନ ଏ ସାର୍‌ଦାଇ ମିସା
କାଇକେବଇଲେ ଏବେ ତମେ ଜିଉଦିମନର୍‌ପାରା ।
ତମେ ପରମେସର୍‌ର ବାଟିରଇବା ଜିଉଦିମନର୍‌ପାରା ।”

^{୧୧}ଆରିତରେକ୍ ସେ କଇଲାଆଚେ

“ଜେଡ଼କ୍ ଜିଉଦି ନ ଅଇଲା ଲକ୍ମନ ପର୍‌ମେସର୍‌କେ ତୁସ୍‌ତିକରା !”
ଆରି ଗୁଲାଇ ମୁନ୍‌ସ୍ ଜାତି ତାକେ ଡାକ୍‌ପୁଟା କରା ।

^{୧୨}ଆରି ଜିସାଇଅ କଇଆଚେ,

“ଜେସିର୍ କୁଟୁମେଅନି ଗଟେକ୍ ଲକ୍ ବାରଇସି,
ସେ ଜିଉଦି ନଇଲା ଲକ୍ମନକେ ସାସନ୍ କର୍‌ସି
ଆରି ସେମନ୍ ତାକେ ବିସବାସ କର୍‌ବାଇ ।”

^{୧୩}ପରମେସର୍ ଜେକ୍ ସବୁ ଆସାର୍ ମୁଲ୍‌ତେଲି । ତମର୍ ବିସବାସର୍ ଲାଗି ସେ ତମକେ ସବୁ ସାନ୍ତି ସାର୍‌ଦା ଦେଅ । ସୁକଲ୍ ଆଡ଼ମାର୍ ବପୁ ସଙ୍ଗ୍ ତମର୍ ଆସା ଅଦିକ୍ ଅଇଜାଅ ।

ଜିଉଦିନଇଲା ଲକ୍ମନର୍ ଟାନେ ପାଉଲର୍ ସେବାକାମ୍

^{୧୪}ଏ ବାଇବଇନିମନ୍ ତମର୍ ବିସବାସ୍ ନିକଆଚେ, ବଲି ମୁଇ ଜାନିଆରି । ଆରି ପର୍‌ମେସର୍‌ର ବାକିଅ ତମେ ନିକସଙ୍ଗ୍ ବୁଝିଲାସିନି ଆରି ଏବେ ତମେ ବିନ୍ ଲକ୍ମନକେ ମିସା ସିକାଇପାର୍‌ସା । ^{୧୫}ମାତର୍ ଏ ଚିଟିତେଇ ତମକେ କେତେଟା ବିସଇନେଇ ଜାଗରତ୍ କରାଇବାକେ ମୁଇ ବପୁ ଅଇଲି ଆରି । କାଇକେବଇଲେ ପର୍‌ମେସର୍ ମକେ ଅଦିକାର୍ ଦେଲାକେ ମୁଇ ତାଡ଼ସଙ୍ଗ୍ ଏଟା ତମକେ କଇଲିନି । ^{୧୬}କିରିସ୍ତ ଜିସୁର୍ ଦାଙ୍ଗ୍‌ତା ଇସାବେ ଜିଉଦି ନଇଲା ଲକ୍ମନର୍ ପାଇ କାମ୍ କର୍‌ବାକେ ପରମେସର୍ ମକେ ବାଡ଼ଲାଆଚେ । ପରମେସର୍‌ର ସୁବ୍‌କବର୍ ଜାନାଇବା ପାଇ ମୁଇ ଗଟେକ୍ ଦରମ୍ ଗୁରୁ ଇସାବେ କାମ୍‌କଲିନି । ଜେନ୍ତ୍ରାରିକି ଜିଉଦିନଇଲା ଲକ୍ମନର୍ ଗଟେକ୍ ସୁକଲ୍ ବଲି ଇସାବେ ପର୍‌ମେସର୍‌କେ ସର୍‌ପିଦେବାଇ । ଏ କାମ୍ ସୁକଲ୍‌ଆଡ଼ମା ପୁରାପୁରନ୍ କର୍‌ସି । ^{୧୭}କିରିସ୍ତ ଜିସୁର୍‌ତେଇ ମକେ ମିସାଇଲାପାଇ, ତାର୍ ଏ ସେବା କାମ୍ କର୍‌ବାକେ ମୁଇ ମୁଲ୍‌କେ ଲାଜ୍ ଅଇନାଇ । ^{୧୮}ଜିଉଦି ନ ଅଇଲା ଲକ୍ମନକେ ପର୍‌ମେସର୍‌ର ଆଦେସ୍ ମାନ୍‌ବାକେ କିରିସ୍ତ ମକେ ଦେଇକରି ଜନ୍‌ଟା ସାଦନ୍ କଲାଆଚେ, ଅଦ୍‌କା ସେଟାସେ ମୁଇ ତାଡ଼ ସଙ୍ଗ୍ କଇବି । କାଇଟା କଇବାର୍‌ଆଚେ, ଆରି କାଇଟା କର୍‌ବାର୍‌ଆଚେ, ସେମକେ ଜାନାଇଲାକେ ଏଟା ଅଇଲା । ^{୧୯}ଚିନର୍ ଲାଗି, କାବାଅଇଜିବା କାମ୍‌ରୁଲାଗି ଆରି ସୁକଲ୍‌ଆଡ଼ମାର୍ ବପୁରୁଲାଗି ଏଟା ସବୁ କଲାଆଚେ । ସେଟାର୍ ପାଇ ମୁଇ ଜିରୁସାଲମେଅନି ଇଲିରିକମ୍‌କେ ଗାଲାବେଲେ ବାଟେ କିରିସ୍ତର ସୁବ୍‌କବର୍ ପୁରାପୁରନ୍ ଜାନାଇଲି ଆତି । ^{୨୦}ଜନ୍ ତାଗାମନ୍‌କେ ଲକ୍ମନ କିରିସ୍ତର୍ ବିସଇ ସୁନତ୍‌ନାଇ, ସିତି ତାର୍ କବର୍ ଜାନାଇବାର୍ ମର୍ ଆଦେସ୍ ରଇଲା । କାଇକେବଇଲେ ଜନ୍‌ଲକ୍ମନକେ ସୁବ୍‌କବର୍ ବିନ୍‌ଲକ୍ମନ ଜାନାଇ ସାରାଇଆତ୍‌ଡ଼, ତେଇ ମୁଇ ଆରିତରେକ୍ କଇବାକେ ମନ୍ କରିନାଇ । ^{୨୧}ଜେନ୍ତ୍ରାରି ସାସ୍‌ତରେ ଲେକା ଆଚେ,

“ଜନ୍‌ଲକ୍ମନ ତାର୍ ନାଉଁ ଏବ୍‌କେଜାକ ସୁନତ୍‌ନାଇ, ଏବେ ସେ କେ ବଲି ଜାନ୍‌ବାଇ ।
ଜନ୍‌ଲକ୍ମନକେ ଏବେଜାକ ତାର୍ ବିସଇ ଜାନାଅଡ଼ନାଇ, ସେମନ୍ ବୁଝ୍‌ବାଇ ।”

ରମ୍‌ଦେସେ ଜିବାକେ ପାଉଲର୍ ଜଜ୍‌ନା

୨୨ *ମୁଜ୍ଜ ବେସିତର୍ ତମକେ ଦେକିଆଇବାଟା ପିଟିଗାଲା ଆଟେ । ୨୩ ମାତର୍ ଏ ଜାଗା ଲଗେ ମର୍ କାମ୍ ସାରିଗାଲା ଆଟେ । ଆରି ତମକେ ଦେକବାକେ ମର୍ ବେସି ବରସର୍ ଆସା ଏବେ ପୁରାପୁରୁନ୍ ଅଇସି । ୨୪ ସାରାସାରି ଏବେ ମୁଜ୍ଜ ତମକେ ଦେକବାକେ ଆସିଅଇସି । ଏସ୍ପେନ୍ ଦେସେ ଜିବା ବାଟେ ତମକେ ଦେକିଆଇବି ବଲି ବାବ୍ଲିଆଟି । ତମର୍ଗାଟାନେ ସାର୍ଦାସଙ୍ଗ୍ କେତେ ବେଲା ବିତାଇଲା ପଟେ ତମର୍ ସାଇଜେ ଏସ୍ପେନ୍ ଦେସେ ଉଡିଜିବି ।

୨୫ *ଏବେ ମୁଜ୍ଜ ପର୍ତୁମ୍ ଜିରୁସାଲମେ ଗାଲିନି । କାଇକେବଇଲେ ତେଇର୍ ବିସ୍ବାସିମନ୍କେ ସେବାକାମେ ସାଇଜ କର୍ବା କେତେକ୍ ତାବୁ ନେଇଦେବାକେ ମକେ କଇଲାଇ ଆଟତ୍ । ୨୬ ମାକିଡିନିଆ ଆରି ଗିରିସର୍ ଆକାୟାତେଇ ରଇବା ବିସ୍ବାସିମନ୍ ଜିରୁସାଲମେ ରଇବା ଅର୍କିତ୍ ବିସ୍ବାସିମନ୍ପାଇ ଏ ସାଇଜ ପାଟାଇବାଟା ନିକ ରଇସି ବଲି ବାବ୍ଲାଇ । ୨୭ *ସେମନ୍ ବେସି ସାର୍ଦାଅଇ ଏ ସାଇଜ ଦେଲାଇନି । ଏଟା ଦେଇକରି ସେମନ୍ ଟିକ୍ ବିସଇ କଲାଇ । କାଇକେବଇଲେ, ଜିରୁସାଲମେ ରଇବା ବିସ୍ବାସିମନ୍ ଟାନେ ସେମନ୍ ରୁନି ଅଇଆଟତ୍ । ସେଟା କେନ୍ଦିବଇଲେ ଜିଉଦିମନ୍ଗାଟାନେଅନିସେ ପର୍ତେସରର୍ ବାକିଅ ଇଡିର୍ ଜିଉଦି ନ ଅଇଲା ଲକ୍ମନକେ ଆନିରଇଲା । ସେଟାପାଇ ତେଇର୍ ଅର୍କିତ୍ ଜିଉଦିମନ୍କେ କେତେକ୍ ତାବୁ ସାଇଜ ପାଟାଇବାଟା ନିକ ବିସଇ । ୨୮ ଆରି ମର୍ ଏ କାମ୍ ସାରାଇକରି ସେମନ୍ ସାଇଜପାଇ ଆନିରଇବା ତାବୁ ସର୍ପିଦେଲା ପଟେ, ମୁଜ୍ଜ ଇସ୍ପେନ୍ଦେସେ ଜିବାକେ ବାରଇବି । ଆରି ବାଟେ ଡେବିକରି ତମକେ ଦେକ୍ବି । ୨୯ ମୁଜ୍ଜ ଜାନିଆଟି, ତମର୍ଗାଟାନେ କେଟ୍ଲାବେଲେ କିରିସଟର୍ ପୁରାପୁରୁନ୍ ଆସିରବାଦ୍ନେଇ ମୁଜ୍ଜ ଆଇବି ।

୩୦ ଏ ମର୍ ଆଲାଦର୍ ବାଇବଇନିମନ୍ ! ଆମର୍ ମାପୁରୁ ଜିସୁ କିରିସଟର୍ ନାଉଁ ଦାରିଆରି ସୁକଲ୍ଆଡ୍ମା ଦେଲା ଆଲାଦର୍ ପାଇ ମୁଜ୍ଜ ତମକେ ଗୁଆରି କଲିନି, ମର୍ ପାଇ ମନ୍ଦେଇ ପାର୍ତନା କର୍ତେରୁଆ । ୩୧ ଜିଉଦା ଦେସେ ରଇବା ବିସ୍ବାସି ନ କଲା ଲକ୍ମନର୍ ଟାନେଅନି ମକେ କାଇଟା ନ ଅଅ ବଲି ସାର୍ତନା କରା । ଜିରୁସାଲମର୍ ବିସ୍ବାସିମନ୍କେ ଜନ୍ ସାଇଜ ମୁଜ୍ଜ ନେଇଦେଲିନି, ସେଡକିରେ ସେମନ୍ ସାର୍ଦାସଙ୍ଗ୍ ରଅଟ୍, ବଲି ସେଟାପାଇ ମିସା ପାର୍ତନା କରା । ୩୨ ସେଟା ସାର୍ଲାପଟେ ପରମେସର୍ ମନ୍ କଲେ ମୁଜ୍ଜ ତମର୍ ଲଗେ ଆଇବି । ଆରି ତମର୍ ସଙ୍ଗ୍ ସାର୍ଦାସଙ୍ଗ୍ କେତେଦିନ୍ ରଇକରି ମର୍ ମନେ ସାନ୍ତି ପାଇବି । ୩୩ ସାନ୍ତିଦେବା ପରମେସର୍ ତମର୍ ସବୁ ଲକର୍ ସଙ୍ଗ୍ ରଅ । ଆମେନ୍ ।

୧୭

ଜୁଆର୍

୧ ଏ ଚିଟିତେଇ ପିବି, ଜେ କି କିରିସଟର୍ ଲାଗି ଆମର୍ ବଇନି ଅଇଲାଆଟେ, ତାର୍ ବିସଇ ଜାନାଇଲିନି । ସେ କେକ୍ ଜାଗାଇ ରଇବା ମଣ୍ଡଲିଟାନେ ଏବେ ସେବାକାମ୍ କଲାନି । ତାକେ ମୁଜ୍ଜ ତମର୍ଲଗେ ପାଟାଇଲିନି । ୨ ଆମର୍ ମାପୁରୁ ନାଉଁ ଦାରି ତାକେ ଡାକିନିଆ । କାଇକେବଇଲେ ଏଣ୍ଡାରି ଚଲାଟଲ୍ଡି ବିସ୍ବାସିମନ୍ପାଇ ନିକ । ତାକେ କାଇଆଲେ ଲତା ରଇଲେ ସାଇଜ କରା । କାଇକେବଇଲେ ସେ ମକେ ଆରି ବେସି ବିସ୍ବାସିମନ୍କେ ସାଇଜ କଲାଆଟେ ।

୩ *କିରିସଟର୍ ମର୍ ସଙ୍ଗ୍ କାମ୍ କରୁମନ୍ ପିରିସକିଲା ଆରି ଆକିଲାକେ ମର୍ ଜୁଆର୍ ଜାନାଆ । ୪ ସେମନ୍ ମକେ ସାଇଜ କଲାପାଇ ନିଜର୍ ଜିବନ୍ ବିପଦେ ପାକାଇ ଆଟତ୍ । ଏଟାପାଇ ମୁଜ୍ଜ ସେମନ୍କେ ବେସି ଜୁଆର୍ କଲିନି । ଅବ୍ବା ମୁଜ୍ଜସେ ନାଇ, ଇଡି ରଇବା ସବୁ ଜିଉଦି ନଇଲା ମଣ୍ଡଲିମନ୍ ମିସା ସେମନ୍କେ ଜୁଆର୍ ଜାନାଇଲାଇନି । ୫ ସେମନ୍ ଗରେ ପାର୍ତନାକେ ରୁଣ୍ଡା ମଣ୍ଡଲିକେ ମିସା ମର୍ ଜୁଆର୍ ଜାନାଇଲିନି ।

ମର୍ ଆଲାଦର୍ ମଇତର୍ ଏପାଇନେତନ୍କେ ମର୍ ଜୁଆର୍ ଜାନାଇଲିନି । ଆସିଆ ରାଇଜେ ସେ ସିର୍ ପର୍ତୁମ୍ କିରିସଟ୍ ବିସ୍ବାସି ଅଇରଇଲା । ୬ ତମର୍ ନିକ ପାଇ ବେସି କସର୍ ପଡିରଇବା ମରିୟମକେ ମର୍ ଜୁଆର୍ ଜାନାଇ ଦିଆସ୍ । ୭ ଆନ୍ଦରନିକ୍ ଆରି ୟୁନିୟାକେ ମର୍ ଜୁଆର୍ ଜାନାଇଲିନି । ଏ ଦୁଇଟା ମର୍ ସଙ୍ଗର୍ ଜିଉଦିଲକ୍ । ସେମନ୍ ମର୍ ସଙ୍ଗ୍ ବନ୍ଦିସାଲେ ରଇଲାଇ । ମର୍ ଆଗଟୁ ସେମନ୍ କିରିସଟ୍କେ ବିସ୍ବାସ୍ କଲାଇ । ଆରି ସବୁ ପେରିଡ୍ ସିସ୍ମାନ୍ ସେମନ୍କେ ସନ୍ମାନ୍ ଦେବାଇ ।

୮ ମାପୁରୁଲଗେ ମର୍ ଆଲାଦର୍ ମଇତର୍ ଆମ୍ପଲିଆକେ ଜୁଆର୍ ଜାନାଇଦିଆସ୍ । ୯ କିରିସଟ୍ ସେବାଇ ମର୍ ସଙ୍ଗାରି ଉର୍ବାନ ଆରି ମର୍ ଆଲାଦର୍ ମଇତର୍ ଡାକିୟକେ ମିସା ମର୍ ଜୁଆର୍

* ୧୫:୨୨ ୧୫:୨୨ ରମିୟ ୧:୧୩ * ୧୫:୨୫ ୧୫:୨୫ ୧୫ କରନ୍ତିୟ ୧୭:୧-୪ * ୧୫:୨୭ ୧୫:୨୭ ୧୫ କରନ୍ତିୟ ୯:୧୧ * ୧୬:୩ ୧୬:୩ ପେରିଡ୍ ୧୮:୨

ଜାନାଇଦିଆସ୍ । ୧୦ କିରିସ୍ତଟକେ ବିସ୍ବାସକରି ସେବାକରୁବା ଆପଲ ଆରି ଆରିସତବଲର୍ କୁଟୁମ୍ବର୍ ସବୁକେ ମର୍ ଜୁଆର୍ ଜାନାଇଦିଆସ୍ । ୧୧ ମର୍ ସଙ୍ଗର୍ ଜିଉଦି ଏରଦିୟନ୍ ଆରି ନାରସିସର୍ ଗରେ ରୁଣ୍ଡବା ବିସ୍ବାସି ବାଇବଇନିମନ୍ଦକେ ମର୍ ଜୁଆର୍ ଜାନାଇଦିଆସ୍ ।

୧୨ ମାପୁରୁର୍ ସେବାଇ ଲାଗିରଇଲା ତିରିପନ୍ ଆରି ତିରିପସା ଆରି ମାପୁରୁର୍ ପାଇ ବେସି କସ୍ତ ପଡିରଇବା ଆଲାଦର୍ ପର୍ସିସକେ ମର୍ ଜୁଆର୍ ଜାନାଇଦିଆସ୍ । ୧୩ ଫାପୁରୁର୍ ମୁକିଅ ଦାଙ୍ଗ୍ଡା ରୁପସ୍ ଜେ କି ସେବା କାମଟାନେ ଆବଡ୍ ଅଇ କଲାଆଟେ । ଆରି ମର୍ ଆୟାପାରା ତାକର୍ ଆୟାକେ ମିସା ମର୍ ଜୁଆର୍ । ସେ ମକେ ନିଜର୍ ପଅ ପାରା ଦେକ୍ଲା । ୧୪ ଆସୁକିରି, ପେଲେଗନ୍, ଅର୍ମିସ୍, ପାଡରବା, ଅର୍ମାସ୍ ଆରି ସେମନର୍ ସଙ୍ଗ୍ ରଇବା ସବୁ ବିସ୍ବାସି ବାଇବଇନିମନ୍ଦକେ ଜୁଆର୍ ଜାନାଆ । ୧୫ ପିଲଲଗ୍ ଆରି ଜୁଲିଆ, ନିରୁସ୍ ଆରି ତାର୍ ବଇନି ଆରି ଅଲୁମ୍ପା ଆରି ସେମନର୍ ସଙ୍ଗ୍ ରଇତେରଇବା ସବୁ ପର୍ମେସରର୍ ଲକ୍ମନିମନ୍ଦକେ ମର୍ ଜୁଆର୍ ଜାନାଆ ।

୧୬ ତମର୍ ବିଡରର୍ ଆଲାଦ୍ ଦେକାଇକରି ଗଟେକ୍ ଲକ୍ ଆରି ଗଟେକ୍ ଲକ୍କେ ଜୁଆର୍ବେଟ୍ ଉଆ । କିରିସ୍ତର୍ ସବୁ ମଣ୍ଡଲି ତମକେ ଜୁଆର୍ ଜାନାଇଲା ।

ପାଉଲର୍ ସାରାସାରି ଆଦେସ୍

୧୭ ଏ ମର୍ ବାଇବଇନିମନ୍, ମୁଇ ତମକେ ବାବୁଜିଆ କଲିନି, ତମେ ଜାଗରଡ୍ ଅଇକରି ରୁଆ । ତମର୍ ବିସ୍ବାସ୍ ଆରି ଗଟେକ୍ ମନ୍ ଅଇରଇବାଟା ଜନ୍ ଲକ୍ମନ୍ ବେଗ୍ଲାଇବାକେ ଚେସ୍ଟା କଲାଇନି, ତାକଟାନେଅନି ଦୁରିକେ ରୁଆ । କାଜକେବଇଲେ, ତମେ ଜନ୍ ସିକିଆ ପାଇଆଟାସ୍, ତାର୍ ବିରଦ୍ କଲାଇନି । ୧୮ ଜନ୍ ଲକ୍ମନ୍ ଏଣ୍ଡାରି କାମେ ବୁଡି ଆଟଡ୍, ସେମନ୍ ଆମର୍ ମାପୁରୁ କିରିସ୍ତର୍ ଆଦେସ୍ ମାନଡ୍ ନାଇ । ସେମନ୍ କାଲି ନିଜର୍ ମନ୍ କର୍ବାଟା ପୁରାପୁରୁନ୍ କର୍ବାକେ ତେରେପେତେ ଅଇଲାଇନି । ସୁଆଦ୍ କାତା ଆରି ତିପୁଲ୍ କାତା କଇ ଦରମ୍ ଲକ୍ମନିକେ ବୁଲ୍ଲକାଇଦେଲାଇନି । ୧୯ ତମେ ପର୍ମେସରର୍ ଆଦେସ୍ ମାନ୍ଲାସିନି ବଲି ତାର୍ ସୁବକବର୍ ଗୁଲାଇବାଟର୍ ଲକ୍ ଜାନ୍ଲାଇ । ସେଟାର୍ ପାଇ ମୁଇ ବେସି ସାର୍ଦା । ମୁଇ ମନ୍ କଲିନି, ତମେ ସଡ୍ ବିସଇତେଇ ଗିଆନି ଉଆ ଆରି କାରାପ୍ ବିସଇତେଇ ବୁଡି ରୁଆନାଇ । ୨୦ ଆରି ସାକ୍ରିଦେଉ ପରମେସର୍ ତମର୍ ଲାଗି ସଇତାନ୍ଦକେ ପୁରାପୁରୁନ୍ କୁରୁପ୍ନାସ୍ କରସି ।

ଆମର୍ ମାପୁରୁ ଜିସୁକିରିସ୍ତର୍ ଜିବନ୍ଦୁକାଇଲାଟା ତମର୍ ସଙ୍ଗ୍ ସବୁବେଲେ ରଅ ।

୨୧ ଫର୍ ସଙ୍ଗ୍ ମିସିକରି କାମକରବା ସଙ୍ଗାରି ତିମତି, ଆରି ଆମର୍ ଜିଉଦି ବାଇମନ୍ ଜୁକିଅ, ଜାସନ୍ ଆରି ସପିପାଡର୍ ତମକେ ଜୁଆର୍ ଜାନାଇଲାଇନି ।

୨୨ ମୁଇ ତରଡିଅ, ମର୍ ସଙ୍ଗାରି ପାଉଲ୍, କଇଦେଲାକେ ଏ ଚିଟି ଲେକ୍ଲିଆଟି । ମାପୁରୁ ନାଉଁ ଦାରି ମୁଇ ତମକେ ଜୁଆର୍ ଜାନାଇଲିନି ।

୨୩ ଗୋୟସ୍ ତମକେ ଜୁଆର୍ ଜାନାଇଲା । ମୁଇ ତାର୍ ଗରେ ରଇଲିନି ଆରି ତାର୍ ଗରେ ରୁଣ୍ଡବା ଇତିର୍ ବିସ୍ବାସିମନ୍ ତମକେ ଜୁଆର୍ ଜାନାଇଲାଇନି । ଏ ଗଡର୍ ତାବୁ ଇସାବକିତାବ୍ କରୁ ଏରାସ୍ଟ ଆରି ବାଇ କାର୍ଡ ମିସା ତମକେ ଜୁଆର୍ ଜାନାଇଲା । ୨୪ ମାପୁରୁ ଜିସୁକିରିସ୍ତର୍ ଜିବନ୍ଦୁକାଣି ତମର୍ ସବୁ ଲକ୍ମନ୍ ଲଗେ ରଅ ।

ପାର୍ତନା ଆରି ସାର୍ଦାସଙ୍ଗ୍ ଏ ଚିଟି ସାର୍ଲାଟା

୨୫ ଆସା, ପରମେସର୍କେ ତାକ୍ପୁଟା କରୁ । ମୁଇ ଜାନାଇତେରଇବା ଜିସୁ କିରିସ୍ତର୍ ବିସଇର୍ ସୁବ୍ କବର୍ ଆରି ଜୁର୍ ଜୁର୍ ଦାରି ଜୁଟି ରଇବା ଟିକିନିକିର୍ ସଡ୍ ଇସାବେ ରଇବା ତମର୍ ବିସ୍ବାସ୍ ପରମେସର୍ ତାଟ୍ଟକରି ସଙ୍ଗାଇବାକେ ପାରେ । ୨୬ ସେ ଟିକିନିକିର୍ ସବୁ ସଡ୍ ବବିସଡ୍ବକ୍ତାମନର୍ ସାସ୍ତରେ ସେ ଜାନାଇଲା ଆଟେ । ଆରି ଏବେ ମାପୁରୁ ପରମେସର୍ ସଡ୍ ଜୁର୍ ଜୁର୍ ଅନି ସବୁ ଲକ୍ମନର୍ ବିଡ୍ରେ ଜାନାଇଆଟେ । ଇତିଅନି ସବୁ ବିସ୍ବାସ୍ କରି ପରମେସର୍ କାତାମାନି ଚାଲି ପାର୍ବାଇ ।

୨୭ ମାପୁରୁ ଜିସୁ କିରିସ୍ତର୍ତେଇଅନି ସବୁ ଜାନ୍ବା ଗଟେକ୍ସେ ପରମେସର୍ କାଲେ କାଲେ ଜୁଗେ ଜୁଗେ ତାକ୍ପୁଟା ପାଅ । ଆମେନ୍ !

* ୧୭:୧୩ ୧୭:୧୩ ମାର୍କ ୧୫:୨୧ * ୧୭:୨୧ ୧୭:୨୧ ପେରିଡ୍ ୧୭:୧ * ୧୭:୨୩ ୧୭:୨୩ ପେରିଡ୍ ୧୯:୨୯; ୧୧ କରନ୍ତିୟ ୧:୧୪; ୨ୟ ଡିମତି ୪:୨୦

କରନ୍ତସିନ୍ଧ ମଣ୍ଡଳୀର ବିଶ୍ୱାସୀମାନଙ୍କୁ ପାଉଳଙ୍କ ପ୍ରଥମ ପତ୍ର କରନ୍ତସିନ୍ଧ ମଣ୍ଡଳୀର ଲକ୍ଷ୍ମୀନନ୍ଦନ ଟାଣେ ପାଉଲ୍ ପରତୁମ୍ଭତ୍ତ ଚିଠି ଲେଖିଲାଟା

ଏ ବଇ ବିସଇତେଇ ଜାନ୍‌ବାଟା

ପରତୁମ୍ଭ କରନ୍ତସିନ୍ଧ ଚିଠି ପେରିତ୍ ପାଉଲ୍ ଲେଖିରଇଲା । ଏଟା ଜିସୁ କିରିସ୍ତ ଜନମ୍ ଅଇକରି ୫୫ ବରସ ପତେ ଲେଖିରଇଲା । ୧:୧ପାଉଲ୍ ଲେଖିରଇଲା ଦୁଇଟା ଚିଠି ବିତ୍ତରେଅନି ଏଟା ୧ ମ ଚିଠି । ସେ ଏପିସିତେଇ ରଇଲା ବେଲାଇ ଏ ଚିଠି ଲେଖିରଇଲା । ମାକିଦନିଆଅନି କରନ୍ତସିନ୍ଧ ବାସୀଅଇଲା ଆଗେ ଲେଖାଅଇରଇଲା । ୧୭:୫-୯ ।

ପାଉଲ୍ ଏ ଚିଠିଟାଣେ ମଣ୍ଡଳୀ ବିତ୍ତରେ ଅଇତେ ରଇବା କରାପ୍ କାମ୍, ଦଲ୍ ଦଲ୍ ବିତ୍ତରେ ବେଗ୍‌ଲା ବେଗ୍‌ଲି ଅଇବାଟା, ପାପ୍ କାମ୍ କରବାଟା ଜାନିରଇଲା । ଏ ସବୁ ବିସଇ ମଣ୍ଡଳୀର ଲକ୍ଷ୍ମୀନନ୍ଦ ଟାଣେ ସୁନିକରି ଏ ସବୁ ଉତ୍ତର ଦେବାକେ ଦିଆନ୍ ଦେଇତେ ରଇଲା । କରନ୍ତସିନ୍ଧ ନଅରେ ମୁନୁସ୍ ପିଲା ମାଜଜିଟକି ଅଇବା କରାପ୍ କାମ୍ ପାଇ ତାକ୍‌ପୁଟା ରଇଲା । ତେବର୍ ପାଇ ମଣ୍ଡଳୀମନ୍ଦକେ ଏଡ୍ଡାରି ଅସୁବିଦାମନ୍ ଆଇତେ ରଇଲା । ୧ ମ କରନ୍ତସିନ୍ଧ ଆଲାଦ୍ ବିସଇ ଗଟେକ୍ ବାଗ୍ ଦାରିଆତେ ।

ଏ ବଇଟାଣେ ରଇବାଟା

୧. ପାଉଲ୍ କରନ୍ତସିନ୍ଧ ରଇବା ଲକ୍ଷ୍ମୀନନ୍ଦକେ କୁଆର୍ ଜାନାଇଲାଣି ଆରି ସେମନ୍‌ର୍ ପାଇ ପରମେସର୍‌କେ ଦନିଅବାଦ୍ ଦେଲାଣି । ୧:୧-୯

୨. ପାଉଲ୍ କରନ୍ତସିନ୍ଧ ମଣ୍ଡଳୀଅନି ସୁନି ରଇବା ମଣ୍ଡଳୀ ମଣ୍ଡଳୀ ବେଗ୍‌ଲି ଜାଇରଇବା ବିସଇ ସିକିଆ ଦେଲାଣି । ୧:୧୦:୪:୨୧

୩. ବିନ୍ଦ୍‌ଟା ଅଇଲାଣି ମାଜଜିଟକି ମୁନୁସ୍ ପିଲା ଅଇବା କାରାପ୍ କାମ୍ କରି ଗଟେକ୍ ଲକ୍ ଆରି ଗଟେକ୍ ଲକ୍‌କେ କରର୍ ଦୁଆର୍ ଜାକ ନେବା ବିସଇ ଲେଖିଆତେ । ୫-୬

୪. ପତେ ଜିବା ବିସଇ ମୁରତିମନ୍ଦକେ ବଲିଦେବାଟା, ସବୁ ମିସିକରି ପାର୍‌ତନା କରବାଟା, ଆଡ୍‌ମାଇ ଦାନ୍ ପାଇଲାଟା ଆରି ମରି କରି ଆରି ତରେକ୍ ଉଟବାଟା ବିସଇ ଲେଖା ଆତେ । ୭-୧୫

୫. ସାରାସାରି ସେ ନିଜେ କରତେରଇବା କେତେଟା ବିସଇ ଲେଖିକରି ସାରାଇଲାଣି । ୧୭

୧ ମୁଇ ପାଉଲ୍ ଆରି ଆମର୍ ସଙ୍ଗର୍ ବିସବାସି ସସଡିନା କୁଆର୍ ଜାନାଇଲୁଣି । ପରମେସର୍‌ର୍ ମନ୍ କଲା ଇସାବେ କିରିସ୍ତ ଜିସୁର୍ ପେରିତ୍ ଅଇବାକେ ମକେ ବାଟିଆତେ ।

^୨ କରନ୍ତସିନ୍ଧ ନଅରେ ରଇବା ପରମେସର୍‌ର୍ ମଣ୍ଡଳୀର୍ ଲକ୍ଷ୍ମୀନନ୍ଦକେ ଲେଖିଲୁଣି । ପରମେସର୍‌ ତମ୍‌କେ ଜିସୁକିରିସ୍ତ ସଙ୍ଗ୍ ମିସାଇ, ତାର୍ ନିଜର୍ ଲକ୍ କଲାଆତେ । ଆରି ମାପୁରୁ ଜିସୁକିରିସ୍ତକେ ଉପାସନା କରବା, ସବୁ ଜାଗାଇ ରଇବା ଲକ୍‌ର୍ ସଙ୍ଗ୍ ତମ୍‌କେ ସୁକଲ୍ ଅଇବାକେ ବାଟିଆତେ । ସେ ଆମର୍ ମାପୁରୁ ଆରି ତାକର୍ ମିସା ।

^୩ ଆମର୍ ବାବା ପରମେସର୍‌ ଆରି ଜିସୁ କିରିସ୍ତ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

କିରିସ୍ତର୍ ଟାଣେ ଆସିରବାଦ୍

^୪ କିରିସ୍ତ ଜିସୁର୍‌ଟାଣେ ପରମେସର୍‌ର୍ ଜେନ୍ତ୍ର ଜିବନ୍ ଦୁକାଇରଇଲା, ସେ ଜିବନ୍ ଦୁକାନିର୍ ଲାଗି, ମୁଇ ସବୁବେଲେ ତମ୍‌ର୍ ବିସଇନେଇ ପରମେସର୍‌କେ ଦନିଅବାଦ୍ ଦେଲିଣି । ^୫ କାଲକେବଇଲେ ତମ୍‌େ କିରିସ୍ତ ସଙ୍ଗ୍ ମିସିକରି ଆଗାସ୍ ବଲି ପରମେସର୍‌ ତମ୍‌କେ ଲତାକେ ଅଇବା ସବୁ ବିସଇ, ତମ୍‌ର୍ କାତା ଅଇବା ବପୁ ଆରି ସବୁ ରକାମର୍ ଗିଆନ୍ ଦେଇଆତେ । ^୬ କିରିସ୍ତର୍ ବିସଇନେଇ ତମ୍‌କେ ଜନ୍ କବର୍ କଇରଇଲୁ, ସେଟା ଟିକ୍ ଆକା ବଲି ଜାନା ଦଡ୍‌ଲାଣି । ^୭ ତେବେ ତମ୍‌େ ଆମର୍ ମାପୁରୁ ଜିସୁ କିରିସ୍ତର୍ ଏ ଜଗତେ ବାଉଡି ଆଇବାଟା ଜାଗିରଇବାକେ ସବୁ ରକାମର୍ ଆଡ୍‌ମାର୍ ଦାନ୍ ମିଲାଇ ଆଗାସ୍ । ^୮ ଜେନ୍ତ୍ରକି ଆମର୍ ମାପୁରୁ ଜିସୁ ଆଇବା ଦିନେ ତମ୍‌କେ କାଲ ମିସା ନିନ୍ଦା ନ ଅ । ଏଟାପାଇ ମାପୁରୁ ତମ୍‌କେ ସାରାସାରି ଜାକ ମିସା ତବିର୍ କରି ସଙ୍ଗାଇସି ।

^୯ ଜନ୍ ପରମେସର୍‌ର୍ ଲାଗି ତମ୍‌େ ତାର୍ ପଅ ଜିସୁ କିରିସ୍ତ, ଆମର୍ ମାପୁରୁର୍‌ସଙ୍ଗ୍ ମିସିବିତି ରଇବାକେ ବାଟିଅଇ ଆଗାସ୍, ସେ ସେନ୍ତ୍ର କର୍‌ସି ଆକା ବଲି ତାର୍ ସଙ୍ଗ୍ ବିସବାସ୍ କଲାସିଣି ।

☆ ୧:୨ ୧:୨ ପେରିତ୍ ୧୮:୧

ବିସ୍ବାସୀମନ୍ ବେଗଲା ବେଗଲି ଅଇବାଟା

୧୦ ଏ ମର୍ ବାଇବଇନିମନ୍, ଆମର୍ ମାପୁରୁ ଜିସୁ କିରିସ୍ତର୍ ନାଉଁ ଦାରି ମୁଇ ତମକେ ବାବୁଜିଆ କଲିନି, ଜେଜ୍ରିକି ତମେ ସବୁଲକ୍ ଗଟେକ୍ କାତାଇ ରାଜି ଉଆ, ଆରି ତମର୍ ତମର୍ ବିତ୍ତରେ ବେଗଲା ବେଗଲି ଉଆନାଇ । ମାତର୍ ତମେ ଗଟେକ୍ ଦଲ୍, ଗଟେକ୍ ମନ୍ ଆରି ଗଟେକ୍ କାତାଇ ରାଜି ଉଆ । ୧୧ ତମର୍ ତମର୍ ବିତ୍ତରେ ଲାଗାଜଡା ଆଚେ ବଲି ମୁଇ କିଲିୟର୍ କୁଟୁମେ ଅନି ସୁନିଆତି । ୧୨ ମୁଇ ବାବୁଲିନି, ତମର୍ ବିତ୍ତରେ କେତେଲକ୍ କଇବାଇ, ଆମେ ପାଉଲର୍ ବାଟେ ଜିବାଲକ୍, କେତେଲକ୍ ଆପଲର୍ ବାଟେ ଜିବାଲକ୍, କେତେଲକ୍ କେପାର୍ ବାଟେ ଜିବା ଲକ୍, ଆରି କେତେଲକ୍ ଆମେ କିରିସ୍ତର୍ ବାଟେ ଜିବା ଲକ୍ । ୧୩ କିରିସ୍ତକେ ମୁକା ମୁକା କରି ବାଗ୍ ବାଗ୍ କଲାପାରା ଦଲ୍ ଅଇଆରାସ୍ । ମୁଇ ପାଉଲ୍, ତମର୍ ପାଇ କୁର୍ସେ ମରିରଇଲି କି ? କି ତମେ ପାଉଲର୍ ନାଉଁ ଦାରି ତୁବନ୍ ନେଇରଇଲାସ୍ ?

୧୪ ସେଟାରପାଇ କିରିସ୍ତ ଆରି ଗାଅକେ ଚାଡ଼ଲେ ତମର୍ ବିତ୍ତରେ ଆରି କାକେ ମିସା ତୁବନ୍ ଦେଇ ନାଇ ବଲି ମୁଇ ପର୍ମେସର୍ତକେ ଦନିଅବାଦ୍ ଦେଲିନି । ୧୫ ତମେ ମର୍ ନାଉଁ ଦାରି ତୁବନ୍ ନେଇଆରାସ୍ ବଲି କେତେବେଲେ କେ ମିସା କଇଦେବାଇ । ୧୬ ଉଁ ତିପାନକେ ଆରି ତାର୍ କୁଟୁମର୍ ଲକ୍କେ ମିସା ତୁବନ୍ ଦେଇରଇଲି । ଆରି କାକେ ତୁବନ୍ ଦେଲିଆଚି କି ନାଇ ବଲି ମକେ ଏଡ୍ ଆସେ ନାଇ । ୧୭ କାଇକେବଇଲେ କିରିସ୍ତ ମକେ ତୁବନ୍ ଦେବାକେ ପାଟାଏ ନାଇ, ନିମାନ୍ କବର୍ ଜାନାଇବାକେ ପାଟାଇଲା ଆଚେ । ଜଦି ଲକ୍ମନର୍ ଗିଆନ୍ ଇସାବେ ସେଟା ମୁଇ କରୁତି, ସେନ୍ତାର୍ ଆଲେ କିରିସ୍ତର୍ କୁର୍ସର୍ କବରର୍ ବପୁ ଉନା ଅଇତା । ୧୮ କୁଟୁମନାସ୍ ଅଇଜାଇତେରଇବା ଲକ୍ମନର୍ପାଇ, କୁଟୁସେ ଅଇଲା କିରିସ୍ତର୍ ମରନର୍ କାତା, କାଇ ମୁଲିଅ ନାଇ । ମାତର୍, ଆମର୍ପାଇ ସେଟା ପର୍ମେସର୍ତ୍ ବପୁ । ଆମେ ମୁକ୍ତି ପାଇତେରଇବା ଲକ୍ମନ । ୧୯ ତେବେ ଦରମ୍ ସାସ୍ତରେ ଏଣ୍ଡି ଲେକାଆଚେ,

ମୁଇ ଗିଆନ୍ ରଇବା ଲକ୍ମନର୍ ଗିଆନ୍ ନସାଇବି,
ଆରି ବୁଦି ରଇବା ଲକ୍ମନର୍ ବୁଦି
କାଇ ଲତାକେ ନ ଆଇଲା ପାରା କରୁବି ।

୨୦ ତେବେ ଗିଆନ୍ ରଇବା ଲକ୍ମନର୍ ବିସଇ କାଇଟା କଇଅଇସି ? ସାସ୍ତର୍ ସିକାରମନର୍ ବିସଇ କାଇଟା କଇ ଅଇସି ? ଆରି ଏ ଜଗର୍ ଦଦାପେଲା ଅଇବା ଲକ୍ମନର୍ ବିସଇ କାଇଟା କଇଅଇସି ? ପର୍ମେସର୍ ଏ ଜଗତର୍ ଗିଆନ୍ ରଇବା ଲକ୍ମନକେ କାଇ ଲତାକେ ନ ଆଇବାଟା ବଲି କଏ ନାଇ କି ?

୨୧ ଏ ଜଗତର୍ ଲକ୍ମନ୍ ତାକର୍ ଚାଲାକିସଙ୍ଗ୍ ପର୍ମେସର୍ତକେ ନ ଜାନତ୍ ବଲି, ସେ ନିଜର୍ ଗିଆନ୍ ଇସାବେ ଚିକ୍କଲା । ଆମେ ଜାନାଇବା ବିସଇ ଜନ୍ଟା କି କାଇ ମୁଲିଅ ନାଇ ବଲି ଲକ୍ମନ୍ କଇବାଇ, ସେଟା ବିସ୍ବାସ୍ କରବା ଲକ୍ମନକେ ମୁକ୍ତି ଦେବାକେ ପର୍ମେସର୍ ସାର୍ଦା ଅଇଲା । ୨୨ ଜିଉଦିମନ୍ କାବା ଅଇଜିବା ଚିନ୍ ପାଇ ଦାବି କଲାଇନି । ଗିରିକ୍ମନ୍ ଗିଆନ୍ କଜ୍ଜଲାଇନି । ୨୩ ମାତର୍ ଆମେ କୁଟୁସ୍ ଉପରେ ଚଗାଇ ଅଇରଇବା କିରିସ୍ତର୍ ବିସଇ ଜାନାଇଲୁନି । ଏ କାତା ସୁନଲେ ଜିଉଦିମନ୍ ରିଆ ଅଇଗାଲାଇନି ଆରି ଜିଉଦି ନଇଲା ଲକ୍ମନ୍ ସେ କାତାର୍ କାଇ ମୁଲିଅ ନାଇ ବଲି ବାବୁଲାଇନି । ୨୪ ମାତର୍ ଜିଉଦି ଅଅଡ୍, କି ଜିଉଦି ନଇଲା ଲକ୍ ଅଅଡ୍, ଜନ୍ ଲକ୍ମନ୍ ବାଜି ଅଇଆଚତ୍, ସେମନର୍ ପାଇ କିରିସ୍ତ ପର୍ମେସର୍ତ୍ ବପୁ ଆରି ପର୍ମେସର୍ତ୍ ଗିଆନ୍ ପାରା ଆଚେ । ୨୫ ତେବେ ଜନ୍ଟା ପର୍ମେସର୍ତ୍ ବକୁଆ ବିସଇ ସେଟା ମୁନୁସର୍ ଗିଆନେ ଅନି ଅଦିକ୍ ଆଚେ, ଆରି ଜନ୍ଟା ପର୍ମେସର୍ତ୍ ଦୁର୍ବଲ୍ ବିସଇ, ସେଟା ମୁନୁସର୍ ବପୁଟାନେଅନି ଅଦିକ୍ ବପୁ ।

୨୬ ଏ ବାଇବଇନିମନ୍, ପର୍ମେସର୍ତ୍ ତମକେ ବାଟୁଲା ବେଲେ ତମେ କେନ୍ତାର୍ ରଇଲାସ୍ ବାବିଦେକା । ଜଗତର୍ ବିଦି ଇସାବେ ବେସିଲକ୍ ଗିଆନି ନ ରଇଲାସ୍ । ବେସିଲକ୍ ନେତା ନ ରଇଲାସ୍ ଆରି ବଡ୍ ଗରେ ଜନମ୍ ନ ଅଇରଇଲାସ୍ । ୨୭ ପର୍ମେସର୍ତ୍ ଗିଆନି ଲକ୍ମନକେ ଲାଜ୍ କରାଇବାକେ ଜଗତର୍ ଦୁର୍ବଲ୍ ଲକ୍ମନକେ ବାଟୁଲା, ଜେଜ୍ରିକି ଜଗତେ ଗିଆନି ରଇବା ଲକ୍ମନ୍ ଆରି ବପୁ ରଇବା ଲକ୍ମନ୍ ଲାଜ୍ ଅଇଜିବାଇ । ୨୮ ତେବର୍ ପାଇ, ପର୍ମେସର୍ତ୍ ଏ ଜଗତର୍ କାଇ ଲତାକେ ନ ଆସେ ବଲି କଇବା ଲକ୍ମନକେ, ଆରି ସବୁବେଲେ ତଲେ ରଇ ଲକ୍ମନ୍ ଚିନ୍ କର୍ତ୍ତେରଇବା ଲକ୍କେ ବାଟୁଲାଆଚେ । ୨୯ କେନ୍ତାର୍ କି ଜଗତ୍ ବିତ୍ତରେ ତଲେ ଲକ୍ମନ୍ ବଡ୍ ବଲି ନାମାଇ ଅଇବାଇ, ସେମନ୍ କାଇ ଲତାକେ ନ ଆସତ୍ ଆରି ପର୍ମେସର୍ତ୍ ମୁଆଟେ କେ ମିସା ବଡ୍ପନ୍ ଅଇ ନ କଅଡ୍ । ୩୦ ମାତର୍ ପର୍ମେସର୍ତ୍ ତମକେ କିରିସ୍ତ ଜିସୁର୍ ସଙ୍ଗ୍ ମିସାଇଆଚେ ଆରି ସେ କିରିସ୍ତକେସେ ଆମର୍ପାଇ ଗିଆନ୍ ପାରା କରିଆଚେ । ତାର୍ଲାଗି ଆମେ ପର୍ମେସର୍ତ୍ ସଙ୍ଗ୍ ସଡ୍ ମିସାବିତା ଅଇଲାଟା ଆରିତରେକ୍ ଜଡିଅଇଲାଆଚେ । ଆମେ

* ୧:୧୨ ୧:୧୨ ପେରିଡ୍ ୧୮:୨୪ * ୧:୧୪ ୧:୧୪ ପେରିଡ୍ ୧୮:୮; ପେରିଡ୍ ୧୯:୨୯; ରମିୟ ୧୭:୨୩ * ୧:୧୭ ୧:୧୭ ୧୩ କରନ୍ତଃ ୧୭:୧୫

ଦରମ୍ ଆରି ସୁକଲ୍ ଲକ୍ ଅଇ ପାପେ ଅନି ମୁକ୍ତି ପାଇଆରୁ । ୩୧ ମାତରୁ ଜେନ୍ତ୍ର ଦରମ୍ ସାସ୍ତରେ ଲେକା
ଅଇଆରେ, ଜେ ଜଦି ବଡ଼ପନ୍ ଅଇସି, ତେବେ ସେ ମାପରୁ କଲା କାମ୍ ତେଇ ବଡ଼ପନ୍ ଅ ।

୨

କୁରୁସକାଟେ ମଲା କିରିସଟ୍ କାତା

^୧ଏ ବାଇବଇନିମନ୍, ଜେଡ଼କିବେଲେ ମୁଇ ତମର୍ ଲଗେ ପର୍ମେସରର୍ ଚିକିନିକି କାତା ସୁନାଇବାକେ
ଆସି ରଇଲି ପଣ୍ଡିତମନର୍ ପାରା କି ବାସଣି ଦେବା ଲକ୍ପପାରା ବଡ଼ ବଡ଼ କାତା କଇ ନ ରଇଲି ।
^୨କାଇକେବଇଲେ କୁରୁସ୍ କାଟେ ମରିରଇବା ଜିସୁ କିରିସଟ୍ କେ ଚାଡ଼ି ଆରି ବିନ୍ ବିସଇ ତମକେ ନ କଇ
ବଲି ମୁଇ ଚିକ୍ କଲି । ^୩ସେବେଲେ ମୁଇ ତମର୍ ଲଗେ ଦୁର୍ବଲ୍ ଅଇ ଡରିକରି ରଇଲି ଆରି ତରତରି
ଗଜଗଜି ରଇଲି । ^୪ଜେନ୍ତ୍ରକି ତମର୍ ବିସବାସ୍ ମୁନୁସର୍ ଗିଆନ୍ ଉପରେ ନ ରଇକରି ପର୍ମେସରର୍ ବସୁ
ଉପରେ ବାଦିଅଇ ରଅ । ^୫ତେବର୍ପାଇ ମର୍ ସିକିଆ ଆରି ମୁଇ ସୁନାଇବା ବାକିଅ, ମର୍ ନିଜର୍ ଗିଆନେ
ଅନି ନ ରଇଲା । ଚାଲାକି କାତା କଇକରି ମୁଇ ସୁନାଇଲାଟା ତମକେ ବିସବାସ୍ କରାଇନାଇ । ମାତର୍
ପର୍ମେସରର୍ ଆଡ଼ମା ଆରି ତାର୍ ବସୁ ସଙ୍ଗି ମୁଇ କଇଲା ବିସଇ ସଡ଼ ବଲି ଜାନାପଡ଼ଲା ।

ପର୍ମେସରର୍ ଗିଆନ୍

^୬ଏଲେମିଆ ଆମେ ଜେତେବଲ୍ ଆଡ଼ମାଇ ବଡ଼ିରଇବା ବିସବାସିମନର୍ ସଙ୍ଗି ରଇଲାବେଲେ ଗିଆନର୍
କାତା କଇଲୁନି । ମାତର୍ ସେଟା ଏ ଜୁଗର୍ ଗିଆନ୍ ନର୍ସି କି ଏ ଜୁଗର୍ ନସଟ୍ ଅଇଜାଇରଇବା ନେତାମନର୍
ଗିଆନ୍ ନର୍ସି । ^୭ନାଇ, ଜନ୍ ଗିଆନର୍ ବିସଇ ଆମେ କଇଲୁନି, ସେଟା ପର୍ମେସରର୍ ଚିକିନିକି ଗିଆନର୍
କାତା । ପୁରବେ ପର୍ମେସର୍ ତାର୍ ଜଜନା କାକେ ମିସା ଜାନାଏ ନାଇ । ସେ ଜଜନା ଇସାବେ, ପଡ଼କେ
ଆମର୍ ମଇମାର୍ପାଇ ସେ ବାଟିରଇଲା । ^୮ଏ ଜୁଗର୍ ଅଦିକାରିମନକେ ମିସା ସେଟା ବୁଜଡ଼ନାଇ ।
କାଇକେବଇଲେ ସେମନ୍ ସେଟା ଜାନିରଇଲେ ଡାକ୍ପୁଟା ମାପରୁକେ କୁର୍ସେ ମାରି ନ ରଇତାଇ ।

^୯ଜେନ୍ତ୍ରାରି କି ସାସ୍ତରେ ଲେକା ଆଟେ,

ଜନ୍ଟାକି କାର୍ ଆକି କେବେ ଦେକେନାଇ,

କାର୍ କାନ୍ କେବେ ସୁନେ ନାଇ ଆରି କେ ମିସା କେବେ ବାବି ନ ରଅଡ଼, ସେ ସବୁ ବିସଇ,

ପର୍ମେସର୍ ଜନ୍ ଲକ୍ମନକେ ଆଲାଦ୍ କଲାନ୍ତି,

ଡାକର୍ପାଇ ତିଆର୍ କଲାଆଟେ ।

^{୧୦}ମାତର୍ ଆମକେସେ ପର୍ମେସର୍ ତାର୍ ଚିକିନିକି ବିସଇ ଜାନାଇଆଟେ । ସେ ସୁକଲ୍ ଆଡ଼ମାସେ
ସବୁ ବିସଇ ସିକାଇସି ଆରି ତାର୍ ବିଡ଼ରେ ରଇବା ଚିକିନିକି ଚିନ୍ତା ମିସା କର୍ସି । ^{୧୧}ମୁନୁସ୍ କର୍ବା ଚିନ୍ତା
ସବୁ ତାର୍ ବିଡ଼ରେ ରଇବା ଆଡ଼ମାକେ ଚାଡ଼ିଲେ ଆରି କେ ମିସା ନାଜାନଡ଼ । ସେନ୍ତ୍ରସେ ପର୍ମେସରର୍
ସବୁ ଚିନ୍ତା କଲାଟା ତାର୍ ଆଡ଼ମାକେ ଚାଡ଼ିଦେଲେ ଆରି କେ ମିସା ନାଜାନଡ଼ । ^{୧୨}ଏ ଜଗତର୍ ଲକ୍ମନ୍
ପାଇରଇବା ଆଡ଼ମା ପାରା ଆମେ ପାଉନାଇ । ମାତର୍ ପର୍ମେସରର୍ ଆଡ଼ମା ପାଇଆରୁ । ଜେନ୍ତ୍ରାରିକି
ଜନ୍ ସବୁ ବିସଇ ଆମକେ ସେ ଦେଲାଆଟେ, ସେଟା ସବୁ ଆମେ ଜାନୁ ।

^{୧୩}ତେବେ ସେ ସବୁ ବିସଇ ମିସା ଆମେ ଜଗତର୍ ଗିଆନ୍ ଇସାବେ ସିକାଉନାଇ, ମାତର୍ ଜନ୍
ବିସଇ ଆମକେ ପର୍ମେସରର୍ ସୁକଲ୍ ଆଡ଼ମା ସିକାଇଲା ଆଟେ, ସେ ବିସଇ ଆକା ସିକାଇଲୁନି । ଜନ୍
ଲକ୍ମନ୍ ସୁକଲ୍ ଆଡ଼ମା ପାଇଆଟଡ଼, ସେ ଲକ୍ମନକେ ଏ ଆଡ଼ମାର୍ ବିସଇ ସିକାଇଲୁନି । ^{୧୪}ମାତର୍
ସୁକଲ୍ ଆଡ଼ମା ନ ପାଇ ରଇବା ଲକ୍, ଆଡ଼ମାର୍ ବିସଇ ନ ମାନେ, ମାତର୍ ସେଟାମନ୍ ତାର୍ପାଇ ଗଟେକ୍
କାଇଟା ନାଜାନବା ବକୁଆ ପାରା, ଆରି ସେ ସେଟା ବୁଜି ନାପାରେ, କାଇକେବଇଲେ ସେ ସବୁ ବିସଇ
ସୁକଲ୍ ଆଡ଼ମା ସିକାଇଲେ ସେ ବୁଜିଅଇସି । ^{୧୫}ମାତର୍ ଜନ୍ଲକ୍ମନ୍ ଆଡ଼ମା ପାଇଆଟଡ଼, ସେ ସବୁ
ବିସଇର୍ ମୁଲିଅ, ସଡ଼ ବାବେ ବିଚାର୍ କର୍ସି । ଏଲେ ମିସା ତାକେ କେ ବିଚାର୍ ନ କରଡ଼ । ^{୧୬}ସାସ୍ତରେ
ଲେକା ଅଇଲାପାରା କେ ମିସା ମାପରୁର୍ ମନର୍ କାତା ଜାନି ନାପାରଡ଼, କି କେ ମିସା ତାକେ ସିକାଇ
ନାପାରଡ଼ ।

ମାତର୍ ଆମେ କିରିସଟ୍ ମନ୍ ପାଇଆରୁ ।

୩

ମଣ୍ଡଲିଟାନେ କିର ଜାଟି

୧୪ ଏ ବାଈବଜନିମନ୍, ମୁଞ୍ଚ କରନ୍ତଃତେଜ ରଜଲ୍ଲାବେଲେ ସୁକଲ୍ଲାଆତ୍ମା ପାଇଲା ଲକ୍ଷ୍ମୀମନ୍ତ ଇସାବେ ତମ୍ଭକେ କାତା ଅଛ ନାପାରୁଲି । ମାତର୍ ନିଜେ ମନ୍ତକଲ୍ଲା ଇସାବେ ରଜବା ଲକ୍ଷ୍ମୀମନ୍ତ ଇସାବେସେ କାତା ଅଛଲି । କାଈକେ ବଜଲେ ତମେ ସେବେଲେସେ, ବିସ୍ୱବାସ୍ କର୍ବାକେ ମୁଲିଆଛ ରଜଲ୍ଲାସ୍ । କିରିସ୍ତର୍ ତେଜ କର୍ଥଲ୍ଲା ପିଲାମନ୍ତ ପାରା । ୧୫ ମୁଞ୍ଚ ତମ୍ଭକେ ଆର୍ତ୍ତ କାଦି ନ ଦେଇ କିରି ଦୁଦ୍ କାଈବାକେ ଦେଇରଜଲି । କାଈକେବଜଲେ ତମେ ଆର୍ତ୍ତ କାଦି କାଈବାର୍ ନାପାର୍ତ୍ତେ ରଜଲ୍ଲାସ୍ । ଏବେ ମିସା ନାପାରାସ୍ । ୧୬ ତେବେ, ତମେ ନିଜର୍ ମନ୍ତ କଲ୍ଲା ଇସାବେ ରଜବା ଲକ୍ଷ୍ମୀମନ୍ତପାରା ଆଚାସ୍ । ମୁଞ୍ଚ ଏଟାର୍ ପାଇ କଲ୍ଲିନି, କାଈକେବଜଲେ ତମ୍ଭର୍ ତମ୍ଭର୍ ବିତ୍ତରେ ଈସା ତଲା, ଲାଗାଜତା ଆରି ଜାତିନିତି ଆଚେ । ତମେ ନିଜର୍ ମନ୍ତ କଲ୍ଲା ଇସାବେ ରଜବା ଲକ୍ଷ୍ ବଲି ଜାନାପଡ୍ଲାନି । ଜଗତର୍ ଲକ୍ଷ୍ମୀମନ୍ତ ପାରା, ନିଜର୍ ମନ୍ତ କଲ୍ଲା ଇସାବେ ଚଲାଚଲ୍ଲିତ କଲ୍ଲାସ୍ନି । ୧୭ ଜେନ୍ତ୍ରକି ତମ୍ଭର୍ ବିତ୍ତରେ କେତେଲକ୍ କଇବାଇ, ଆମେ ପାଈଲ୍ଲର୍ ବାଟେ ଗାଲୁନି । ତେଜଅନି ଆରି କେତେଲକ୍ କଇବାଇ, ଆମେ ଆପଲ୍ଲର୍ ବାଟେ ଗାଲୁନି । ସେତ୍ତକିବେଲେ ତମେ କାଈ ନିଜର୍ ମନ୍ତ କଲ୍ଲା ଇସାବେ ରଜବା ଲକ୍ଷ୍ ନୁଆସ୍ କି ?

୧୮ ସେ ଇସାବେ ଦେକ୍ଲେ ଆପଲ୍ଲ କେ ? ଆରି ମୁଞ୍ଚ ମିସା କେ ? ଆମେତା ଅବକା ସେବା କରୁମନ୍ । ଜେନ୍ତ୍ରକି ତମ୍ଭକେ ବିସ୍ୱବାସ୍ କର୍ବାକେ ଆମେ ସାଇଜ କଲୁ । ପର୍ମେସର୍ ଆମକେ ଜନ୍ କାମ୍ କର୍ବାକେ ଦେଇରଜଲା, ଆମେ ସେ କାମ୍ କରିଆର୍ । ୧୯ ମୁଞ୍ଚ ମୁଞ୍ଚି ରପ୍ଲଲା ଲକ୍ ପାରା, ଆରି ଆପଲ୍ଲ ଗଟେ ପାନିଦେଲା ଲକ୍ ପାରା । ମାତର୍ ପର୍ମେସର୍ ସେ ଗର୍ ବତାଇଆଚେ । ୨୦ ସେନ୍ତ୍ରସେ ଜେ ରପିରଇସି ଆରି ଜେ ପାନି ଦେଇସି, ତାକର୍ କାଈଟା ନାଇ, ଜେ ବତାଇରଇସି, ସେ ପର୍ମେସର୍ ସେ ସବୁଟା । ୨୧ ଜେ ରପ୍ଲଲା ଆଚେ ଆରି ଜେ ପାନି ଦେଲାଆଚେ, ସେ ଦୁଇଲକ୍ ଗଟେକ୍ କାଈଆଲେ ଲତାବ୍ପାଈ କାମ୍ କଲାଈନି । କାଈକେବଜଲେ ସେମନ୍ତକେ ପର୍ମେସର୍ ନିଜର୍ ନିଜର୍ କାମ୍ ଇସାବେ ପୁରୁସକାର୍ ଦେଇସି । ୨୨ ଆମେ ପର୍ମେସର୍ ସଙ୍ଗ୍ କାମ୍ କର୍ବା କୁଲିଆର୍ ମନ୍ । ଆରି କରନ୍ତଃର ବିସ୍ୱବାସିମନ୍ ତମେ, ପର୍ମେସର୍ ଚାସ୍ କର୍ବା ଜମି, ଆରି ତାର୍ ଗର୍ । ୨୩ ପର୍ମେସର୍ ମକେ ଦେଇରଜବା ତାର୍ ଜିବନ୍ ଦୁକାନି ଇସାବେ ମୁଞ୍ଚ ଗଟେକ୍ ସବୁ ଜାନିରଇବା ଗର୍ ତିଆରକରୁ ପାରା କୁନାଦି ବସାଇଆତି । ସେବେଲେଅନି ବିନ୍ ଲକ୍ ତାର୍ ଉପରେ ତିଆର୍ କଲାନି । ମାତର୍ ତିଆର୍ କର୍ବା ବେଲେ ତମେ, ଗଟେକ୍ ଗଟେକ୍ ଲକ୍ ଜାଗରତ୍ ରଇବାର୍ ଆଚେ । ୨୪ କାଈକେବଜଲେ, ଜନ୍ କୁନାଦି ତିଆର୍ ଅଇସାର୍ଲା ଆଚେ, ତାକେ ଚାତି ଅଲ୍ଗା କୁନାଦି କେ ମିସା ତିଆର୍ କରି ନାପାର୍ତ୍ତ । ସେ କୁନାଦିର୍ ମୁଲ୍ ପାକନା ଅଇଲାନି ଜିସୁକିରିସ୍ତର୍ । ୨୫ ମାତର୍ କେତେକ୍ ଗର୍ ବାନ୍ତୁମନ୍ କୁନାଦି ଉପରେ ସୁନା, ରୁପା ଆରି ବେସି ଦାମ୍ ଅଇବା ପାକନା ସଙ୍ଗ୍ ବାନ୍ତୁଲାନି । ଆରି କେତେକ୍ ଲକ୍ ଦାରୁ, ଗାଁସ୍ ଆରି ପିରି ସଙ୍ଗ୍ କୁନାଦି ଉପରେ ବାନ୍ତୁଲାନି । ୨୬ କିରିସ୍ତର୍ ଆରି ତରେକ୍ ଆଇବା ଦିନେ ଗଟେକ୍ ଗଟେକ୍ ଲକ୍ କିରିରଇବା ସବୁ କାମ୍ କେଟାଟା ବଲି ଜଇଟାନେ ଜାନାପତିଜାଇସି । ସେଟା ଗଟେକ୍ ଏନ୍ତ୍ର ବେଲା ଆଇସି ଜେତେବେଲେ ସବୁ ଜିନିସ୍ ଜଇଟାନେ ପତାଇ ପରିକା କରାଅଇସି । ୨୭ ଜନ୍ ଲକ୍ମମନ୍ କିରିରଇବା କୁନାଦି ଉପରେ ଜଇର୍ ପରିକାଟାନେ ନ ନସେ, ସେ ପୁରୁସକାର୍ ପାଇସି । ୨୮ ଜଦି ଜାର୍ କାମ୍ ପତି ଜାଇସି, ସେ କାମ୍ କରୁକେ କାଈଟା ନ ମିଲେ । ମାତର୍ ସେ ଲକ୍ ଲାଗତେରଇବା ଜଇଟାନେଅନି ରକିଆ ପାଇଲା ପାରା ନିଜେ ରକିଆ ପାଇସି ।

୨୯ ତମେ ନିକ ସଙ୍ଗ୍ ଜାନିଆଚାସ୍, ତମେ ଅଇଲାସ୍ନି ପର୍ମେସର୍ ମନ୍ଦିର୍ । ଆରି ତାର୍ ଆତ୍ମା ତମ୍ଭର୍ ଗାଗଡ୍ ବିତ୍ତରେ ବାସାଅଇଆଚେ । ୩୦ ଜଦି କେ ମିସା ପର୍ମେସର୍ ମନ୍ଦିର୍ ନସାଇସି, ତେବେ ପର୍ମେସର୍ ତାକେ ନସାଇସି । କାଈକେବଜଲେ ପର୍ମେସର୍ ମନ୍ଦିର୍ ସୁକଲ୍ଲଟା । ତମେମନ୍ ଆକା ସେ ମନ୍ଦିର୍ ।

୩୧ ନିଜକେ ମିସା ନାତାଇ ନ ଉଆ । ଜେ ଜଦି ମୁଞ୍ଚ ଜଗତର୍ ଇସାବେ ଗିଆନ୍ ରଇବାଲକ୍ ବଲି ମନେ ମନେ ବାସ୍ସି, ତେବେ ସେ ସତ୍ ଗିଆନ୍ ପାଇବାକେ ଆଲେ, କାଈଟା ନାଜାନିଲା ବକୁଆ ଲକ୍ମପାରା ଅଇବାର୍ ଆଚେ । ୩୨ କାଈକେବଜଲେ ଏ ଜଗତର୍ ଗିଆନ୍ ପର୍ମେସର୍ ମୁଆଟେ କାଈ ଲତାକେ ନ ଆସେ । ଜେନ୍ତ୍ରକି ସାସ୍ତରେ ଲେକା ଆଚେ, ଗିଆନ୍ ରଇଲା ଲକ୍ମମନ୍ତକେ ତାକର୍ ଚାଲକିତେଇସେ ପର୍ମେସର୍ ଦାର୍ସି । ୩୩ ଆରିତରେକ୍ ସାସ୍ତରେ ଲେକାଆଚେ । ଗିଆନ୍ ରଇବା ଲକ୍ମମନ୍ ବାବ୍ବାଟା ସବୁ ଚୁଚାଇସେ ବଲି ପର୍ମେସର୍ ଜାନିଆଚେ । ୩୪ ଆରି କେ ମିସା ଲକ୍ମମନ୍ କିରିରଇବା କାମ୍ଟାନେ ବଡ୍ପଦ୍ ନ ଉଆ । ଏବେ ତମେ ସବୁ ବିସଇର୍ ଅଦିକାର୍ ପାଇଆଚାସ୍ । ୩୫ ଜଦି ମୁଞ୍ଚ ଅଇଲେ କି, ଆପଲ୍ ଅଇଲେ କି, ପିତର୍ ଅଇଲେ କି, ଜଗତର୍ କାଈଟା ମିସା ଅଇଲେ, ତମେ ମଲେ କି ବୁଲେ, ଏବେ ଜାଈଟା

☆ ୩:୨ ୩:୨ ଏବ୍ରି ୫:୧୨, ୧୩ ☆ ୩:୪ ୩:୪ ୧୩ କରନ୍ତଃ ୧:୧୨ ☆ ୩:୨ ୩:୨ ପେରିବ୍ ୧୮:୪-୧୧; ପେରିବ୍ ୧୮:୨୪-୨୮ ☆ ୩:୨୨ ୩:୨୨ ୧୩ କରନ୍ତଃ ୨:୧୨; ୨୫ କରନ୍ତଃ ୨:୧୨

ଅଇଲେ କି ପଦ୍ମକେ ଜନ୍ମଟା ଅଇଲେ ମିସା, ସବୁ ବିସଇ ତମର ମଙ୍ଗଲର ପାଇସେ । ୨୩ ମାତର ତମେ କିରିସଟର ଲକ୍ଷ, ଆରି କିରିସଟ ପରମେସର ।

୪

କିରିସଟର ପେରିଡ଼ମନ୍

୧ ତେବେ ତମେ ଆମକେ କିରିସଟର ସେବା କରୁମନ୍ ବଲି ନାମ୍ବାରୁ ଆଚେ । ଆରି ପରମେସର ଆମକେ ଚିକିନିକି ସତ୍ତ୍ୱ ବିସଇର ବାଣ୍ଟାବରଣିଆରୁ ଦାଇତ୍ତ ଦେଲାଆଚେ । ୨ ଆରି ସେନ୍ତାରି ଦାଇତ୍ତ ନେଇରଇବା ସେବାକରୁମନ୍ ସତ୍ତ୍ୱ ବାବେ କାମ୍ କରୁବାରୁ ଆଚେ । ୩ ମାତର ତମର ବିତ୍ତରେ କେତେକ୍ ଲକ୍ଷ କି, ବିନ୍ ଲକ୍ଷ କେ ମିସା ମରୁ କାମ୍ ଦେକି ମକେ ବିଚାରନା କଲେ, ମକେ କାଇଟା ନର୍ଥ । ମୁଇ ନିଜେ ମରୁ ବିଚାରନା ନ କରି । ୪ କାଇକେବଇଲେ ମୁଇ ନିଜରୁ ବିତ୍ତଦେ କାଇ ଦସ୍ କଲାଟା ମରୁ ମନ୍ ନାଜାନେ । ଅଇଲେ ମିସା ମୁଇ ଛାଡି କାଇ ଦସ୍ ନ କଲା ଲକ୍ଷ ବଲି କଇନଏ । ମାତରୁ ଜେ ମକେ ବିଚାରୁ କରୁସି, ସେ ମାପରୁ । ୫ ସେଟାରୁପାଇ ତମେ କାକେ ମିସା କାଇ ବିସଇ ନେଇ ବିଚାରୁ କରାନାଇ । କାଇକେବଇଲେ ବିଚାରନା କରୁବାକେ ବେଲା ଅଏ ନାଇତା । ମାପରୁ ବିଚାରନା କରୁବାକେ ଆଇବାଜାକ ଜାଗା । ମାପରୁ ଆଇଲେ ଆକା ସାରାସାରି ବିଚାରନା ଅଇସି । ସେ ଆକାରୁ ବିତ୍ତରେ ଲୁଚ୍ତେ ରଇଲା ସବୁ ବିସଇ ଉଜଲେ ଦେକାଇ ଦେଇସି । ଆରି ଲକ୍ଷମନରୁ ମନ୍ ବିତ୍ତରୁ କାତା ସବୁ ଦେକାଇ ଦେଇସି । ସେତ୍ତ୍ୱକି ବେଲେ ସବୁଲକ୍ଷ ପରମେସର ଟାନେଅନି ଲାଡ଼ ପାଇବାଇ ।

୬ ଏ ବାଇବଇନିମନ୍, ମୁଇ ଏ ସବୁ କାତା ତମେ ସିକା ବଲି, ମରୁ ବିସଇ ଆରି ଆପଲରୁ ବିସଇ ଉଦାଅରନ୍ ଦେଇ କଇଲି । ଜେତ୍ତ୍ୱିକି ସାସ୍ତରେ ଲେକାଅଇଲାଟାନରୁ ଅରତ୍ତ ତମେ ସିକସା । ସାସ୍ତରେ ଜେତ୍ତ୍ୱକି ସବୁ ଲେକା ଅଇଲାଆଚେ, ତାରଟାନେଅନି ଅଦିକ୍ କରାନାଇ । ସେନ୍ତାରି କଲେ କାକେ ମିସା ନେଇକରି ବତ୍ତ୍ୱପନ୍ ନ ଉଆସୁ, ଆରି କାକେ ମିସା ଇନ୍ ନ କରାସୁ । ୭ କାଇକେବଇଲେ ବିନ୍ ଲକ୍ଷଟାନେଅନି କେ ତମକେ ବତ୍ତ୍ୱ କରତ୍ତ ନାଇ । ଆରି ଜନ୍ ଗୁଣ୍ଡ ତମେ ଦାନ ଇସାବେ ମିଲାଇଆଟାସ୍ ସେଟା ପରମେସର ଦେଲାଆଚେ । ତେବେ ତମରୁ ନିଜରୁଟା ବଲି ବତ୍ତ୍ୱପନ୍ ଅଇ କଇ ନାପାରାସ୍ ।

୮ ତମକେ ଦରୁକାରୁ ରଇଲା ସବୁ ବିସଇ ମିଲାଇ ଆଟାସ୍ କି ? ତମେ କାଇ ସାଉକାରୁ ଅଇସାରି ଆଟାସ୍ କି ? ଗଟେକ୍ ଗଟେକ୍ ରାଜା ଅଇଜାଇଆଟାସ୍ କି ? ଏଲେ ମିସା ଆମେ ଅଇ ନାପାରୁଲୁନି । ସତଇସେ ତମେ ରାଜାଅଇତାସ୍ କି ? ସେନ୍ତାଟାଆଲେ, ଆମେ ମିସା ତମରୁ ସଙ୍ଗୁ ରଇ କାମ୍ କରୁତୁ । ୯ ମାତରୁ ମୁଇ ବାଦ୍ଲିନି ପରମେସର ଆମରୁ ପାରା ପେରିଡ଼ମନ୍କେ ଦାଡିଟ୍ତ ସାରାସାରି ଜାଗା ଦେଲାଆଚେ । ଜଗତରୁ ସବୁ ଲକ୍ଷ ଆରି ସରୁଗରୁ ଦୁଡ଼ମନ୍ ଦେକ୍ତେ ରଇବାବେଲେ ଆମେ, ବନ୍ଦି ଅଇଲା ଲକ୍ଷମନ୍କେ ମରାଇବାକେ ନେଲାପାରା ଅରୁ । ୧୦ ଆମେ କିରିସଟର ଲାଗି ବକୁଆ ଲକ୍ଷ, ମାତରୁ ତମେ କିରିସଟରୁ ସଙ୍ଗୁ ମିସଲାରୁ ପାଇ ବୁଦିରଇବା ଲକ୍ଷ । ଆମେ ଦୁରୁବଲ୍, ମାତରୁ ତମେ ବପୁରଇବା ଲକ୍ଷ, ତମକେ ଲକ୍ଷମନ୍ ସନ୍ମାନ ଦେଲାଇନି, ମାତରୁ ଆମକେ ସନ୍ମାନ ମିଲେନାଇ । ୧୧ ଏବେ ଜାକ ମିସା ଆମକେ ପେଟ୍ପୁଟେ କାଇବାପଇବାକେ ମିଲେନାଇ । ପିୟବାକେ ବେସି ପୁରନା ବସ୍ତ୍ର ଆଚେ । ଲକ୍ଷମନ୍ ଆମକେ ମାରୁଲାଇନି ଆରି ରଇବାକେ ଜାଗା ନଇଲାଟୁ ପାଇ ଏନେତେନେ ଅଇ ବୁଲୁଲୁନି । ୧୨ ଆବତ୍ତ୍ୱ କାମ୍ କରି ଆମେ ଦିନକେ ଦିନ ଜୁଲିସୁକି ଗାଲୁନି । କେ ଆମକେ ସାଇଦ୍ତ ଦେଲେ ତାକେ ଆମେ ଆସିରବାଦ୍ କଲୁନି, ଆରି ଉଡା ସୁନିକରି ମିସା ମୁରୁଟି କରି ରଇଲୁନି । ୧୩ ନିନ୍ଦା ପାଇଲେ, ଆଲାଦରୁ କାତା କଇଲୁନି । ଆମେ ଏବେ ଜାକ ମିସା ଜଗତରୁ କାର୍ତ୍ତା ପାରା ଅଇଆରୁ । ଲକ୍ଷମନ୍ ଆମକେ ଆଣ୍ଡି ଦଇରଇବା ମୁରୁକି ପାନିପାରା ଦେକ୍ଲାଇନି ।

୧୪ ମୁଇ ତମକେ ଲାଜ୍ କରାଇବାକେ ଏ ସବୁ ବିସଇ ଲେକିନାଇ, ମାତରୁ ତମକେ ମରୁ ଆଲାଦରୁ ପିଲାଟକି ବଲି ଏତାଇ କରି ତେଡ଼ନା ଦେବାକେ, ଏ ସବୁ ଲେକ୍ଲିନି । ୧୫ କାଇକେବଇଲେ ତମରୁଟାନେ କିରିସଟର ବିସଇ ସିକାଇବାକେ କେତେକ୍ କେତେକ୍ ଗୁରୁ ରଇଲେ ମିସା, ବାବା ଇସାବେ ତମକେ ବେସି ଲକ୍ଷ ନାଇ । କିରିସଟ ଜିସୁରେତେଇ ମିସଲାରୁ ପାଇ ମୁଇ ତମରୁ ବାବା ଅଇଗାଲି । କାଇକେବଇଲେ ମୁଇ ତମକେ ଜିସୁକିରିସଟରୁ ସୁଦ୍ଧକବରୁ କଇରଇଲି । ୧୬ ତେବେ ମୁଇ ତମକେ ବାବୁଜିଆ କରି କଇଲିନି, ମୁଇ ଜାଜାଟା କଲିନି ତମେ ମିସା ସେନ୍ତାରି କରା । ୧୭ ସେଟାରୁପାଇ ମୁଇ ତିମତିକେ ତମରୁ ଲଗେ ପାଟାଇ ଆଚି । ମୁଇ ତାକେ ଆଲାଦ୍ କଲିନି । ସେ ମରୁ ନିଜରୁ ପିଲା ପାରା ଆରି ମାପରୁରୁ ସେବାକାମେ ସବୁ ନିକସଙ୍ଗୁ କରୁସି । ଜେତ୍ତ୍ୱକିବେଲେ ସେ ତମରୁଟାନେ ଅଇସି, କିରିସଟରେତେଇ ମିସଲାରୁ ପାଇ ବଲି ମୁଇ

* ୪:୧୭ ୪:୧୭ ପେରିଡ଼ ୧୮:୩ * ୪:୧୭ ୪:୧୭ ୧୩ କରନ୍ତଃ ୧୧:୧, ପିଲିପିୟ ୩:୧୭

କେନ୍ଦ୍ର ଚଳାଚଳୁତି କଲିନି, ସେ ବିସଇନେଇ ସେ ତମକେ କଇସି । ସେ ସମାନ୍ ବିସଇ, ସବୁ ମଣ୍ଡଲିକ୍ ବିସ୍ବାସିମାନକେ ମୁଇ ସିକାଇଲିନି ।

୧୮ ସେ କରନ୍ତୁଅତେଇ ଆରି କେବେ ନ ଆସେ, ବଲିକରି ତମର୍ ବିତ୍ତରେ କେତେ ଲକ୍ ବଡ଼ପନ୍ ଅଇଆଗାସ୍ । ୧୯ ମାତର୍ ଜଦି ମାପୁରୁ ମନ୍ କଲେ ମୁଇ ବାପୁରେ ତମରୁଟାନେ ଆଇବି । ଏ ବଡ଼ପନିଆ ଲକ୍ମାନ କାଇ କାତା ଅଇଲାଇନି ବଲି ମୁଇ ନିଜେ ଜାନ୍ବି ଆରି ତାକର୍ ବପୁ ପରମେସରରୁଟାନେଅନି କି ନାଇ, ସେଟା ଜାନ୍ବି । ୨୦ ପରମେସର ରାଇଜ୍, ଅବକା କାତା ଅଇବା ବିସଇ ନଏଁ, ମାତର୍ ବପୁର ସଙ୍ଗ ରଇବା ବିସଇ । ୨୧ ମୁଇ ଆଇଲାବେଲେ ତମକେ କେନ୍ଦ୍ର ଚଳାଚଳୁତି ଦେକାଇବାର୍ ଆରେ ? ମୁଇ ବେଡ଼ାଙ୍ଗ ଦାରି ତମର୍ ଲଗେ ଆଇବାର୍ କି, ଆଲାଦ୍ ଆରି ସାନ୍ତ୍ରିର୍ ମନ୍ ଦାରି ଆଇବି ?



ମଣ୍ଡଲିତେଇ ବେବିଟାର୍

୧ ମୁଇ ସତ୍ତ୍ସେ ସୁନ୍ଲି ଜେ, ତମର୍ ବିତ୍ତରେ ବେସିଆ କାମ୍ ଆରେ । ଆରି ଏନ୍ତାରି ବେସିଆ କାମ୍, ଜନ୍ତାକି ବିସ୍ବାସ୍ ନ କଲା ଲକ୍ତ୍ ବିତ୍ତରେ ମିସା ନାଇ । ଜେନ୍ତାକି ନିଜର୍ ସାନ୍ ଆୟାର୍ ସଙ୍ଗ୍ ସୁଆବସା ଅଇଲାମି । ୨ ଆରି ତମର୍ ବିତ୍ତରେଅନି ଗଟେକ୍ ଲକ୍ ଏନ୍ତାରି କାମ୍ କଲାଆରେ, ତେବେ ତମେ କାଇକେ ବଡ଼ପନ୍ ଦେକାଇଲାସ୍ ? ସେ କରିରଇବା ପାପ୍ କାମର୍ ଲାଗି ଲାଜ୍ ଅଇକରି ସେନ୍ତାରି ଲକ୍ତ୍ କେ ତମର୍ ବିତ୍ତରେଅନି ବାର୍କରାଇ ଦେବାର୍ ରଇଲା । ୩ ମୁଇ ଗାଗଡ଼ ଇସାବେ ତମର୍ ଗାନେ ନ ରଇଲେମିସା ସେନ୍ଦ୍ରି କର୍ବାର୍ ରଇଲା, ଏଲେ ମିସା ଆଡ଼ମାଇ ତମର୍ ସଙ୍ଗ୍ ଆତି । ଜେ କି ଏନ୍ତା କାମ୍ କରିଆରେ, ମୁଇ ତେଇ ରଇଲା ପାରା, ବେସି ବଡ଼ ଦସ୍ କଲା ଲକ୍ତ୍ କେ ତଣ୍ ଦେବାର୍ ଆରେ ବଲି ମାପୁରୁ ଜିସୁକିରିସ୍ତର୍ ନାର୍ ଦାରି, ମୁଇ ବିଟାର୍ କରି ସାରାଇ ଆତି । ୪ ତମେ ମାପୁରୁ ଜିସୁର୍ ନାର୍ଦଦାରି ଗଟେକଲଗେ ରୁଣ୍ଡ୍ ଅଇଲା ବେଲେ ମର୍ ଆଡ଼ମା ଆରି ମାପୁରୁ ଜିସୁର୍ ବପୁ ତେଇ ଆରେ । ୫ ଏନ୍ତାରି ଲକ୍ତ୍ କେ ତାର୍ ଗାଗଡ଼ କୁରୁପ୍ନାସ୍ ଅଇଜିବାକେ ସଇତାନର୍ ଆତେ ସର୍ପି ଦେବାର୍ ଆରେ । ସେନ୍ତା କଲେ ମାପୁରୁ ଆରି ତରେକ୍ ଆଇବା ବେଲେ ତାର୍ ଆଡ଼ମା ରକିଆ ପାଇପାର୍ସି ।

୬ ଏନ୍ତାରି ଲକ୍ତ୍ କେ ତମର୍ ମଣ୍ଡଲିତେଇ ସଙ୍ଗାଇକରି ଏନ୍ଦ୍ରି ବଡ଼ପନ୍ ଅଇବାଟା ବଲ୍ଲନାଇ । ମନେ ରକା କଣ୍ଡେକ୍ କମିରର୍ ଲାଗି, ଚକଟ୍ଲା ସବୁ ଗୁଣ୍ଡ୍ ଆମର୍ ଅଇଜାଇସି, ଏଟା କାଇ ତମେ ନାଜାନାସ୍ କି ?

୭ ତମର୍ ବିତ୍ତରେ ରଇବା ପାପୁର୍ ପୁରନା କମିର୍ ପିଙ୍ଗିଦେଇ ପୁରାପୁରୁନ୍ ସୁକଲ୍ ଉଆ । ସେନ୍ତା କଲେ ତମେ କମିର୍ ନଇତେ ଚକଟ୍ଲା ନୁଆ ଗୁଣ୍ଡ୍ ପାରା ଅଇସା । ମୁଇ ଜାନି, ଏବେମିସା ତମେ ସେନ୍ତାରି ଆଗାସ୍ । ଆମର୍ ନିସ୍ତାର୍ ପରବ୍ ଦିନ୍ ତିଆର୍ ଅଇ ସାରଲା ଆରେ । ପରବର୍ ମେଣ୍ଡାପିଲା ନିଜେ କିରିସ୍ତ ସର୍ପି ଅଇଆରେ । ୮ ତେବେ ଆସା, ଆମର୍ ପାପ୍ ଆରି କାରାପ୍ ରଇବା ପୁରନା କମିର୍ ଗାଡ଼ିଦେଉଁ ଆରି କମିର୍ ନ ମିସଲା ରୁଟି ପାରା ଜେନ୍ଦ୍ରିକି ସଡ଼ ଆରି ସୁଆଲ୍ ଅଇ ଏ ପରବର୍ ସାର୍ଦଦା କରୁ ।

୯ ମୁଇ ଆଗରୁ ବେସିଆମାନର୍ ସଙ୍ଗ୍ ନ ମିସ୍ବାକେ ଚିଟି ଲେକିରଇଲି । ୧୦ ତାର୍ ଅରଡ଼ ନଏଁ ଜେ ଏ ଜଗତେ ରଇବା ବେସିଆ, ଲବ୍ବା, ଚରନା ଆରି ମୁରତି ପୁଜା କର୍ବା ଲକ୍ତ୍ ସଙ୍ଗ୍ ମୁଲ୍ତ୍ କେ ମିସା ନାଇ ବଲି । ଜଦି ସେନ୍ତା କଲେ ତମେ ଜଗତ୍ ଗାଡ଼ି ବାରଇଜିବାକେ ପଡ଼ସି । ୧୧ ମାତର୍ ମର୍ କଇବାଟା ଅଇଲାମି, ଜନ୍ ବାଇ ମୁଇ ବିସ୍ବାସି ବଲି କଇକରି ବେବିଟାର୍ କାମ୍ କରସି, କି କାଇଟା ଦେବାକେ ମିସା ଲବ୍ କରସି, କୁଟ୍ କାତା କଇସି, ପୁଡ଼ଲା ପୁଜା କରସି, ବିନ୍ ଲକ୍ତ୍ ଚା ଦନ୍ଦିପନ୍ଦିକରି ନେଇସି, ଆରି ମାଡୁଆଲ୍ ଅଇସି ବଇଲେ, ତାର୍ ସଙ୍ଗ୍ ମିସାନାଇ । ଏନ୍ଦ୍ରିକି ତାର୍ ସଙ୍ଗ୍ ମିସିକରି କାଇବାର୍ ମିସା ନାଇ ।

୧୨ ବିସ୍ବାସ୍ ନ କର୍ବା ଲକ୍ମାନକେ ବିଟାର୍ କର୍ବାକେ ମୁଇ କେ ? ପର୍ମେସର୍ ସେମାନକେ ବିଟାର୍ କରସି । ଜନ୍ ଲକ୍ମାନ ମଣ୍ଡଲିତେଇ ରଇବାଇ, ସେମାନକେ ବିଟାର୍ କର୍ବାଟା ଆମର୍ କାମ୍ । ୧୩ ସାସ୍ତରେ ଲେକା ଅଇଲାପାରା ତମର୍ ବିତ୍ତରେ ଜନ୍ଲକ୍ ସେନ୍ତାରି କାରାପ୍ ଚଳାଚଳୁତି କଲାମି, ତାକେ ତମର୍ ବିତ୍ତରେଅନି ବାର୍କରାଇ ଦିଆସ୍ ।



ବିସ୍ବାସିମାନର୍ ବିଟାର୍

୧ ଜଦି ତମର୍ ବିତ୍ତରେ ଗଟେକ୍ ବିସ୍ବାସି ବାଇକେ ଆରି ଗଟେକ୍ ବିସ୍ବାସି ବାଇର୍ ବିରୁଦେ କାତା ରଇଲେ, ସେଟା ବିଟାର୍ କର୍ବାକେ ବିସ୍ବାସ୍ ନ କଲା ବିଟାର୍କାରିଆର୍ ଲଗେ ଜାଆ ନାଇ । ତାର୍ ବାଡୁଲେ ବିସ୍ବାସିମାନ୍ ସେଟା ବିଟାର୍ କରଡ଼ । ୨ ମନେ ରଅ, ପର୍ମେସରର୍ ଲକ୍ମାନ ଜଗତ୍

☆ ୫:୨ ୫:୬ ଗାଲାତିୟ ୫:୯

ଲକ୍ଷ୍ମୀନନ୍ଦ ବିଚାର କରୁବାଇ । ସେନ୍ତ୍ରାଉଆଲେ, ଏ ଗଟେକ୍ ସାନ୍ ବିସଇ ବିଚାର କରିନାପାରାୟ୍ କି ?
 ୩ ଏଦେ ସୁନା ! ଦିନେକ୍ ଆମେ ସରଗର୍ ଦୁଡ଼ମନକେ ବିଚାର କରୁବୁ । ତେବେ ଏ ଜିବନେ ଆଇବା
 ସାନ୍ ସାନ୍ ବିସଇ ବିଚାର କରୁବାକେ ଅଦିକ୍ ସଅଜ୍ ନ-ଏଁ କି ? ୪ ଜଦି ବିନ୍ ବିସବାସି ମନର୍ ସଜ୍
 ଲାଗାଜଡ଼ା ଅଇଲେ ରାଜିନାମା କରୁବାକେ ତମର୍ ମଣ୍ଡୁଲି ବିଡ଼ରେ ବିସବାସ୍ ଇସାବେ ସନ୍ମାନ ନ ପାଇବା
 ଲକ୍ଷ୍ମୀନନ୍ଦେ କାଜକେ ଗାଲାସିନି ? ୫ ମୁଇ ତମକେ ଲାଜକରାଇବାକେ ଏ କାତା ଲେକିଆରି । ବିସବାସି
 ବାଇ ବାଇ ବିଡ଼ରେ କିରମାର ଅଇଲାଟା ରାଜିନାମା କରୁବାକେ ସତଇସେ ତମର୍ ବିଡ଼ରେ ଗଟେକ୍ ମିସା
 ଦୁଦି ରଇଲା ଲକ୍ ନାଇ କି ? ୬ ଏଦେ ଦେକା ! ଏଟା କେନ୍ତ୍ରାକ୍ କଲାସିନି ? ଗଟେକ୍ ବିସବାସି ବାଇ
 ଆରି ଗଟେକ୍ ବାଇବୁ ବିରୁଦେ ବିଚାରନା ଗରେ ଗାଲାନି, ଆରି ସେ ବିଚାରନା, ବିସବାସ୍ ନ କରୁମନକେ
 ସର୍ପିଦେଲାସିନି ।

୭ ତମେ ତମର୍ ତମର୍ ବିଡ଼ରେ ଲାଗାଜଡ଼ା ଅଇକରି କରବୁ ଦୁଆର୍ ଜାକ ଗାଲାସିନି । ଇଡ଼ଅନି ଜାନି
 ପଡ଼ଲାନିଜେ ମିସାବିତାଟାଗେନେ ପୁରାପୁରୁନ୍ ଆରି ଜାଇ ଆଚାସ୍ । ତମର୍ ପାଇ ଅନିଆଇ ମୁରୁଚିକରି, କେଡି
 ଅଇବାଟା ମୁରୁଚିକରି ରଇଲେ ନିକ ଅଇତା । ୮ ତାର୍ ବାଦୁଲେ ତମର୍ ତମର୍ ବିଡ଼ରେ ଅନିଆଇ ଆରି
 କେଡି କଲାସିନି । ସେଟା ମିସା ନିଜର୍ ବିସବାସି ବାଇବଇନିମନକେ ! ୯ ମନେରଅ ଜନ୍ ଲକ୍ଷ୍ମୀନନ୍
 ପାପେରଇକରି ବଢ଼ିବାଇ ସେମନ୍ ପର୍ମେସରର୍ ରାଇଜେ ଜାଇ ନାପାରଡ଼ । ନିଜେ ନାତାଇ ଉଆନାଇ
 । ଜନ୍ ଲକ୍ଷ୍ମୀନନ୍ ନିୟମ୍ ବିରୁଦେ ଚଲାଚଲ୍ଡି କଲାଇନି କି ମୁରୁଚି ପୁଜା କଲାଇନି କି ବେବିଚାର୍ କାମ୍
 କଲାଇନି କି ମନସ୍ ମନସ୍ ବିଡ଼ରେ ଆରି ମାଇଜି ମାଇଜି ବିଡ଼ରେ ଅଇବା କାରାପ୍ କାମ୍ କଲାଇନି,
 ବେସିଆ କାମ୍ କଲାଇନି, ୧୦ ଚରନା ଅଇଲାନି, କି ଦନ୍ ଲବରା ଅଇଲାନି, ମାଡୁଆଲ୍ କି ନିୟା କରୁବାଲକ୍
 ଅଇଲାନି କି ଅଲ୍ଗା ଲକ୍ଷ୍ମୀନନ୍ ଜିନିସ୍ ଚରାଇବା ଲକ୍ ଅଇଲାନି, ଏମନ୍ ପର୍ମେସରର୍ ରାଇଜେ ଜାଇ
 ନାପାରଡ଼ । ୧୧ ମାପୁରୁକେ ବିସବାସ୍ କରୁବା ଆଗଡୁ, ତମର୍ ବିଡ଼ରେ କେ କେ ଏନ୍ତାରି ଅଇରଇଲାସ୍,
 ମାତର୍ ପର୍ମେସର୍ ତମର୍ ପାପ୍ ସବୁ ଦଇ ଦେଲା । ଆରି ମାପୁରୁ ଜିସୁ କିରିସର୍ ଆରି ସୁକଲ୍ ଆଡ଼ମାର୍
 ଲାଗି ଦରମ୍ ବଲାଇ ଅଇଆଚାସ୍ ।

ବେବିଚାରେ ଅନି ବାଉଡା

୧୨ *ତମର୍ ବିଡ଼ରେ କେଡେଲକ୍ କଇବାଇ, “ମୁଇ ଜନ୍ମଟା ମନ୍ କଲିନି, ସେଟା କରୁବି” । ମୁଇ କଇବି,
 “ଉଁ, ସେଟା ସଡ଼, ମାତର୍ ସବୁ ବିସଇ ମର୍ ପାଇ ନିକ ନ-ଏଁ ।” କେଡେଲକ୍ କଇବାଇ ସବୁ କରୁବାକେ ମର୍
 ଅଦିକାର୍ ଆଚେ, । ମାତର୍ ମୁଇ କଇବି, ଜନ୍ ବିସଇ ମିସା ମକେ ଦାରି ରକିରଇବାକେ ମୁଇ ନ ଦେଇ,
 । ୧୩ କେଡେଲକ୍ କଇବାଇ, ପେଟ୍ ଜଦି କାଦି କାଇବାକେ ମନ୍ କଲାନି ବଇଲେ କାଦି କାଇବାଟା ନିକ,
 । ମାତର୍ ମୁଇ କଇଲିନି, ପର୍ମେସର୍ ଗଟେକ୍ ଦିନ୍ ଏ ଦୁଇଟାକେ ମିସା କୁରୁପ୍ତନାସ୍ କରୁସି । ଗାଗଡ଼
 ବେବିଚାର୍ କାମ୍ କରୁବାକେ ନାଇ, ମାତର୍ ମାପୁରୁ ସେବା କରୁବାକେ ଲାଗ । ଗାଗଡ଼କେ ଦରକାର୍
 ଅଇବାଟା ମାପୁରୁ ଜାଗାଇସି । ୧୪ ପର୍ମେସର୍, ମାପୁରୁ ଜିସୁକେ ତାର୍ ନିଜର୍ ବପୁସଜ୍ ମଲାଡେଇଅନି
 ଉଟାଇଲା । ସେନ୍ତାରିସେ ଆମକେ ମିସା ଉଟାଇସି, ।

୧୫ ତମର୍ ଗାଗଡ଼ କିରିସର୍ ଗାଗଡେ ମିସିକରି ଆଚେ, ଏଟା କାଇ ତମେ ନାଜାନାସ୍ କି ? ତେବେ ମୁଇ
 କାଇ କିରିସର୍ ଗାଗଡର୍ ଗଟେକ୍ ବାଗ୍ ନେଇକରି ବେସିଆର୍ ଗାଗଡେ ମିସାଇବି କି ? ନାଇ, ସେନ୍ତାରି
 କେବେ ମିସା ନ ଅ । ୧୬ ମାତର୍ ଜେ ବେସିଆ ସଜ୍ ମିସସି, ସେ ତାର୍ ସଜ୍ ଗଟେକ୍ ଗାଗଡ଼ ଅଇସି । ଏଟା
 ତମେ ନାଜାନାସ୍ କି ? କାଇକେବଇଲେ ଲେକା ଅଇଆଚେ, ସେ ଦୁଇଲକ୍ ଜାକ ଗଟେକ୍ ଅଇବାଇ ।
 ୧୭ ମାତର୍ ଜେ ମାପୁରୁ ସଜ୍ ମିସସି, ତାର୍ ଆଡ଼ମା ଆରି ମାପୁରୁ ଆଡ଼ମା ଗଟେକ୍ ଅଇଜାଇସି ।

୧୮ ବେବିଚାର୍ କାମେଅନି ଦୁରିକେ ରୁଆ । ଲକ୍ଷ୍ମୀନନ୍ କାଇ ବିନ୍ ପାପ୍ କଲେ ମିସା, ସେଟା ତାର୍ ଗାଗଡ଼ର୍
 ବିରୁଦେ ନ-ଏଁ । ମାତର୍ ଜେ ବେବିଚାର୍ କାମ୍ କରୁସି, ସେ ନିଜର୍ ଗାଗଡ଼ ବିରୁଦେ ପାପ୍ କରୁସି । ୧୯ *ମନେ
 ରଅ, ତମର୍ ଗାଗଡ଼ ସୁକଲ୍ ଆଡ଼ମା ରଇବା ମିନ୍ଦିର୍, ଜନ୍ ଆଡ଼ମା ତମର୍ ବିଡ଼ରେ ବାସା ଅଇଲାଆଚେ,
 ସେଟା ପର୍ମେସରର୍ ଟାନେଅନି ମିଲାଇ ଆଚାସ୍ । ତମେ ନିଜେ, ନିଜର୍ ନୁଆସ୍ ମାତର୍ ପର୍ମେସରର୍
 । ୨୦ କାଇକେବଇଲେ ପର୍ମେସର୍ ତମକେ ଜବର୍ ଦାମ୍ ଦେଇକରି ଗେନିଆଚେ, ସେଟାର୍ ପାଇ ତମର୍
 ଗାଗଡ଼ର୍ କାମ୍ ସଜ୍ ପର୍ମେସରର୍ ମଇମା କରା ।



ବିବା ବିସଇରେ ନିୟମ୍

୧ ଏବେ ତମେ ଲୋକଲୀଳାଗାନେ ଜନ୍ ସବୁ ବିସଇ ଆଚେ, ସେ ସବୁର ଉତ୍ତର ମୁଜ ଦେବି । ତମେ ପାଚାରିରଇଲାସ୍ ବିସ୍‌ବାସିମନ୍ ବିବା ନ ଅଇବାଟା ନିକ କି ? ୨ ଓଁ ସେଟା ସତ୍, ମାତର୍ ବେସି ଲକ୍ ବେବିଟାର୍ କାମେ ଚଲାଚଲୁତି କଲାଲନି । ମୁଜ କଇଲିନି ଗଟେକ୍ ଗଟେକ୍ ମୁନୁସ୍‌କେ ତାର୍ ନିଜର୍ ମାଜଜି ଆରି ଗଟେକ୍ ଗଟେକ୍ ମାଜଜିକେ ତାର୍ ନିଜର୍ ମୁନୁସ୍ ରଇବାର୍ ଆଚେ । ୩ ଗଟେକ୍ ମନସ୍ ବିବା ଅଇଲାବ୍ ଲାଗି, ତାର୍ ମାଜଜିକେ କରଇଇବା ସବୁ ଦାଇଡ୍ କର୍‌ବାର୍ ଆଚେ । ସେନ୍ତାରିସେ ମାଜଜି ମିସା ତାର୍ ମୁନୁସ୍‌କେ କର୍‌ବାର୍ ଆଚେ । ୪ ମାଜଜିକେ ତାର୍ ନିଜର୍ ଗାଗତର୍ ଅଦିକାର୍ ନାଇ, ମାତର୍ ମୁନୁସ୍‌ର ଆଚେ । ସେନ୍ତାରିସେ ମୁନୁସ୍‌କେ ତାର୍ ନିଜର୍ ଗାଗତର୍ ଅଦିକାର୍ ନାଇ, ମାତର୍ ମାଜଜିର୍ ଆଚେ । ୫ ଦୁଇ ମାଜଜି ମୁନୁସ୍ ବେଗ୍‌ଲିକରି ନ ରଅର୍ । ମାତର୍ ବେଗ୍‌ଲିକରି ରଇବାର୍ ଆଲେ, ଦୁଇ ଲକ୍ ରାଜି ଉଆ । ଜେନ୍ତାରି କି ସେ ବେଗ୍‌ଲି ରଇବା ବେଲାଇ, ପାର୍‌ତନା କରିଅଇସି । ମାତର୍ ତାର୍‌ପଟେ ଆରିତରେକ୍ ଆସି ମିସାଆ । ଏନ୍ତାରିକଲେ ସଇତାନର୍ ପରିକାତେଇ ଅନି ତମେ ରକିଆ ପାଇସା । କାଜକେବଇଲେ ତମ୍‌କେ ମୁରତିକରି ରଇବା ବସୁ ଉନା ଆଚେ ।

୬ ଏ ବିସଇ ମୁଜ ତମ୍‌କେ ଜେଡ୍‌କି କଇଲି ଆଚି, ସେଟା ଆଦେସ୍ ଦେଲା ପାରା କଇନାଇ, ମାତର୍ ତମର୍ ଦୁର୍‌ବଲ୍ ଜାନିକରି ଉପଦେସ୍ ଦେଲା ପାରା କଇଲିନି । ୭ ତମେ ସବୁଲକ୍ ମର୍‌ପାରା ବିବା ନ ଉଆ ବଲି ମୁଜ ମନ୍ କଲିନି । ମାତର୍ ଗଟେକ୍ ଗଟେକ୍ ଲକ୍‌କେ ପର୍‌ମେସର୍‌ର ଟାନେଅନି ମୁଲିଅ ରଇବା ଦାନ୍ ମିଲିଆଚେ । ଗଟେକ୍ ଲକ୍‌କେ ଗଟେକ୍ ରକାମ୍‌ଟା ଆରି ବିନ୍ ଲକ୍‌କେ ବିନ୍ ରକାମ୍ ଦାନ୍ ଦେଲାଆଚେ ।

୮ ଏବେ ମୁଜ ବିବା ନ ଅଇରଇବା, ଆରି ରାଣ୍ଡି ମାଜଜିମନ୍‌କେ କଇଲିନି, ତମେ ମର୍ ପାରା ଏକଲା ରଇଲେ ତମ୍‌ପାଇ ନିକ ଅଇସି । ୯ ମାତର୍ ତମେ ଜଦି ମନର୍ ଲାଲୁସା ମୁରତିକରି ରଇ ନାପାରୁଲାସ୍‌ନି ବଇଲେ, ବିବା ଅଇବାଟା ନିକ । କାଜକେବଇଲେ ଲାଲୁସାଇ ପଡ଼ିଜିବା ବାଦୁଲେ ବିବା ଅଇବାଟା ନିକ ।

୧୦ ମାତର୍ ବିବା ଅଇବା ବିସ୍‌ବାସିମନ୍‌କେ ମୁଜ ଆଦେସ୍ ଦେଲିନି, ମୁଜ ଦେଇ ନାଇ ମାତର୍ ମାପୁରୁ ଦେଲାନି । ଜଦି ତମେ ଗଟେକ୍ ବିବାଇ ମାଜଜି, ସେନ୍ତା ଆଲେ ମୁନୁସ୍‌କେ ଗତି ବିନେ ନ ରୁଆ । ୧୧ ଜଦି ତାକେ ଚାଡ଼ଲେ, ବିବା ନ ଅଇତେ ରୁଆ । ନଇଲେ ଆରି ଗଟେକ୍ ତର୍ ନିଜର୍ ମୁନୁସ୍ ସଙ୍ଗ୍ ମିସା । ଜଦି ତମେ ବିବାଇ ମୁନୁସ୍, ନିଜର୍ ମାଜଜିକେ ନ ଚାଡ଼ା ।

୧୨ ଏବେ ମୁଜ ବିସ୍‌ବାସିମନ୍ ଜେ କି ବିସ୍‌ବାସ୍ ନ କଲାମାମନ୍‌କେ ବିବା ଅଇଆଚ୍‌ତ୍, ସେମନ୍‌କେ କଇଲିନି, ମୁଜ କଇନାଇ ମାପୁରୁ କଇଲାମି, । ଜଦି ଗଟେକ୍ ବିସ୍‌ବାସି, ବିସ୍‌ବାସ୍ ନଇଲା ମାଜଜିକେ ବିବା ଅଇଲାଆଚେ, ଆରି ସେ ମାଜଜି ତାର୍ ସଙ୍ଗ୍ ମିସି ରଇବାକେ ମନ୍ କର୍‌ସି ବଇଲେ, ସେ ବାଇ ତାକେ ନ ଚାଡ଼ । ୧୩ ଆରି ଜନ୍ ବିସ୍‌ବାସି ମାଜଜି ବିସ୍‌ବାସ୍ ନ କଲା ମୁନୁସ୍‌କେ ବିବାଅଇରଇସି, ଆରି ସେ ତାର୍‌ସଙ୍ଗ୍ ମିସି ରଇବାକେ ମନ୍ କର୍‌ସି, ତେବେ ସେ ନିଜର୍ ମୁନୁସ୍‌କେ ନ ଚାଡ଼ । ୧୪ କାଜକେବଇଲେ ଜଦି ତମେ ଗଟେକ୍ ବିସ୍‌ବାସି ମାଜଜି, ବିସ୍‌ବାସ୍ ନ କର୍‌ବା ମୁନୁସ୍‌କେ ବିବା ଅଇଆଚାସ୍, ତର୍ ମୁନୁସ୍ ତର୍ ସଙ୍ଗ୍ ମିସ୍‌ଲାର୍‌ପାଇ ତାକେ ପର୍‌ମେସର୍ ତାର୍ ନିଜର୍ ସୁକଲ୍ ଲକ୍ କଲାଆଚେ । ସେନ୍ତାରିସେ ବିସ୍‌ବାସ୍ ନ କରିରଇବା ମାଜଜିକେ, ପର୍‌ମେସର୍ ତାକ୍‌ଲା ଆଚେ । କାଜକେବଇଲେ ସେ ବିସ୍‌ବାସ୍ କର୍‌ବା ମନସ୍ ସଙ୍ଗ୍ ମିସ୍‌ଲା ଆଚେ । ଏନ୍ତାରି ନ ରଇଲେ ତମର୍ ପିଲାମନ୍ ବିସ୍‌ବାସ୍ ନ କର୍‌ବା ଲକ୍‌ର୍ ପିଲାମନ୍‌ପାରା ଅଇତାଇ । ମାତର୍ ଏବେ ସେମନ୍‌କେ ମିସା ପର୍‌ମେସର୍ ତାର୍ ନିଜର୍ ଲକ୍ କଲାଆଚେ ।

୧୫ ସେ ଜାଇଟା ମିସା ଅ, ଜଦି ଗଟେକ୍ ବିସ୍‌ବାସ୍ ନ କଲା ଲକ୍ ତାର୍ ବିସ୍‌ବାସି ମାଜଜି କି ମୁନୁସ୍‌ର ଟାନେଅନି ବିନେ ଅଇବାକେ ମନ୍ କଲାମି ବଇଲେ, ସେ ବିନେ ଅ । ଏନ୍ତାରି ଅଇଲେ କିରିସ୍‌ଟକେ ବିସ୍‌ବାସ୍ କର୍‌ବା ମାଜଜି କି ମୁନୁସ୍ ବିବା ବନ୍‌ନେ ଅନି ମୁକ୍‌ଲି ଆଚେ । ପର୍‌ମେସର୍ ତମ୍‌କେ ସାନ୍ତିସଙ୍ଗ୍ ମିସି ବିଡି ଜିଇବାକାଇବାକେ ତାକ୍‌ଲା ଆଚେ । ୧୬ ଅଇପାରେ, ଦୁଇ ଗଟେକ୍ ବିସ୍‌ବାସି ବିବାଅଇଲା ମାଜଜି, ତର୍ ବିସ୍‌ବାସ୍ ନ କଲା ମୁନୁସ୍‌କେ କିରିସ୍‌ଟର୍ ଟାନେ ବିସ୍‌ବାସ୍ କରାଇପାରୁସ୍ । ସେନ୍ତାରିସେ ଦୁଇ ଗଟେକ୍ ବିସ୍‌ବାସି ବିବାଅଇଲା ମୁନୁସ୍, ତର୍ ବିସ୍‌ବାସ୍ ନ କଲା ମାଜଜିକେ କିରିସ୍‌ଟର୍ ଟାନେ ବିସ୍‌ବାସ୍ କରାଇ ପାରୁସ୍ ।

ପର୍‌ମେସର୍ କଇଲା ଇସାବେ ଚଲାଚଲୁତି କରା

୧୭ ମାପୁରୁ ଜାକେ ଜେନ୍ତି ଜିବନ୍ ଦୁକାଇ ଆଚେ, ପର୍‌ମେସର୍ ଜାକେ ଜନ୍ ଇସାବେ ତାକ୍‌ଲା ଆଚେ, ସେ ସେନ୍ତାରି ଜିଉନା କାଉନା କର । ମୁଜ ସବୁ ମଣ୍ଡୁଲିଟାଣେ ଏ ରକାମ୍ ଆଦେସ୍ ଦେଲିନି । ୧୮ ଜଦି ତମେ ଗଟେକ୍ ସୁନର୍ ଅଇଲା ଜିଉଦି ଲକ୍ ଆରି ପର୍‌ମେସର୍ ତମ୍‌କେ ତାକ୍‌ଲାଆଚେ, ସେନ୍ତାରି ଆଲେ ତମେ ତମର୍ ଗାଗ୍‌ତେଅନି ସୁନର୍ ଚିନ୍ ଲିବାଇବାକେ ଚେସ୍‌ଟା କରା ନାଇ । ସେନ୍ତାରିସେ ତମେ ଜଦି ଜିଉଦି

* ୭:୧୦ ୭:୧୦ ମାଟିଉ ୫:୩୨;୧୯:୯; ମାର୍କ ୧୦:୧୧,୧୨; ଲୁକ୍ ୧୬:୧୮

ନ ଅଇଲା ଲକ୍ ଜାକେ କି ପରଫେସର୍ ତାକଲା ଆଚେ, ତଫେ ସୁନତ୍ ଅଇବାକେ ଚେସଟା କରାନାଇ ।
 ୧୯ ଲକ୍‌ମନ୍ ସୁନତ୍ ଅଇବାଟା କି ସୁନତ୍ ନ ଅଇବାଟା କାଇଟା ନାଇ, ପରଫେସରର୍ ଆଦେସ୍ ମାନବାଟାସେ
 ମୁକିଅ । ୨୦ ମାପୁରୁ ତଫକେ ଜନ୍ ଇସାବେ ତାକିଆଚେ, ତଫେ ସେ ଇସାବେ ରୁଆ । ୨୧ ପରଫେସର୍
 ତଫକେ ତାକଲାବେଲେ ତଫେ କାଇ ଗତିଦାଙ୍ଗଡା ରଇଲାସ୍ କି ? ସେ ବିସଇନେଇ ମନ୍‌ଦୁକ୍ କରାନାଇ
 । ଜଦି ତର୍ ସାଉକାର୍ ତକେ ମୁକଲାଇଲାନି, ତେବେ ଉଟିଜା । ୨୨ ମାପୁରୁ ତାକଲାବେଲେ ଜେ
 ଗତିଦାଙ୍ଗଡା ରଇଲା ସେ ଏବେ ମୁକଲି ରଇଲା ଲକ୍ । କାଇକେବଇଲେ ମାପୁରୁ ତାକେ ମୁକଲାଇ
 ଆଚେ । ସେନ୍ତାରିସେ ଏବେ ଜେ ମୁକଲିକରି ଆଚେ, ସେ କିରିସର୍ ଗତିଦାଙ୍ଗଡା । ୨୩ ତଫକେ ଅଦିକ୍
 ଦାମ୍ ଦେଇ ଗେନାଅଇଆଚେ । ଲକ୍‌ମନ୍ ଗତିଦାଙ୍ଗଡା ଉଆ ନାଇ । ୨୪ ଏ ବାଇବଇନିମନ୍, ତଫକେ
 ପରଫେସର୍ ତାକଲାବେଲେ ଜନ୍ ଇସାବେ ରଇଲାସ୍, ସେ ଇସାବେ ପରଫେସର୍ ସଙ୍ଗ୍ ମିସକରି ରଇବାର୍
 ଆଚେ ।

ବିବା ନ ଅଇରଇବା ଆରି ରାଣ୍ଡି ମାଇଜିମନର୍ ବିସଇରେ ପର୍ସନ୍

୨୫ ଏବେ ମୁଇ ବିବା ନ ଅଇଲା ଦାଙ୍ଗଡାଦାଙ୍ଗଡି ବିସଇନେଇ ଲେକ୍‌ବି । ସେ ବିସଇନେଇ ମାପୁରୁର୍
 ଲଗେଅନି କାଇ ଆଦେସ୍ ପାଇନାଇ । ମାତର୍ ପରଫେସର୍ ମକେ ଦୟା କରି ଗଟେକ୍ ସତ୍‌ଦରମ୍ ଲକ୍
 ଇସାବେ ନିଜର୍ ମନର୍ କାତା କଇଲିନି ।

୨୬ ଏବର୍ ଦୁକ୍ କସର୍ଟର୍ ବେଲା ଏତାଇଲେ, ମୁଇ ବାବ୍‌ଲିନି ଗଟେକ୍ ଲକ୍ ଜେନ୍ତାରି ଆଚେ, ସେନ୍ତାରିସେ
 ରଇବା ଦରକାର୍ । ୨୭ ତଫେ କାଇ ମାଇଜି ସଙ୍ଗ୍ ବାନ୍‌ଅଇ ଆରାସ୍ କି ? ସେନ୍ତାରିଆଲେ ମୁକଲ୍‌ବାକେ
 ଚେସଟା କରାନାଇ । ତଫେ କାଇ ବିବା ଉଆସ୍ ନାଇ କି ? ସେନ୍ତାରିଆଲେ ମାଇଜି କଜ୍‌ବାକେ ଚେସଟା
 କରାନାଇ । ୨୮ ଜଦି ତଫେ ବିବାଅଇ ଆରାସ୍, ବଇଲେ ତଫେ ପାପ୍ କରାସ୍ ନାଇ । ଜଦି ଗଟେକ୍
 ଦାଙ୍ଗଡି ବିବାଅଇସି, ସେ ମିସା ପାପ୍ କରେନାଇ । ମାତର୍ ବିବାଅଇଲା ଲକ୍‌ମନ୍ ଦୁକ୍ କସର୍ଟ୍ ମୁର୍ଚିକରି
 ରଇବାକେ ପଡ୍‌ସି । ଏନ୍ତାରି ଦୁକ୍ କସର୍ଟର୍ ବେଲାଇ ସିତିଅନି ରକିଆ ପାଆ, ବଲିକରି ମୁଇ ମନ୍ କଲିନି ।

୨୯ ମାତର୍ ଏ ବାଇମନ୍ ମୁଇ ତଫକେ କଇଲିନି, ଏବେ ଆମ୍‌କେ ଅଲସ୍ ଦିନ୍ ଆଚେ । ଏଟାର୍
 ପାଇ ଏବେଅନି ଜେ ବିବା ଅଇଆଚେ ସେ ବିବା ନ ଅଇଲା ଲକ୍‌ର୍ ପାରା ରଅ । ୩୦ ସେନ୍ତାରିସେ ଜନ୍
 ଲକ୍‌ମନ୍ କାନ୍‌ବୁବା ଅଇରଇଲାସିନି, ସେମନ୍ କାନ୍‌ବୁବା ନ ଅଇ ରଇଲା ଲକ୍‌ର୍ ପାରା ରୁଆ । ଆରି
 ଜନ୍ ଲକ୍‌ମନ୍ ସାର୍‌ଦା ଅଇରଇଲାଇନି, ସେମନ୍ ସାର୍‌ଦା ନ ଅଇଲା ଲକ୍‌ର୍ ପାରା ଅଇ ରଅତ୍ । ଜନ୍
 ଲକ୍‌ମନ୍ ଗେନ୍‌ବାଇ, ସେଟା ନିଜର୍‌ଟା ନଏଁ ବଇଲାପାରା ରଅତ୍ । ୩୧ ଜନ୍ ଲକ୍‌ମନ୍ ଜଗତର୍ ଜିନିସ୍
 ନେଇ ବେବାର୍‌ପାନି କଲାଇନି, ସେମନ୍ ସବୁବେଲେ ସେ ବିସଇ ଚିନ୍ତା ନ କଲା ଲକ୍‌ର୍ ପାରା ରଅତ୍ ।
 କାଇକେବଇଲେ ଜନ୍ ଜଗତେ ଆମେ ଆରୁ, ସେ ଜଗତର୍ ସବୁ ଜିନିସ୍ ବୁଡିଜାଇସି ।

୩୨ ମାତର୍ ତଫେ ଏ ବିସଇନେଇ ତେରେପେତେ ଉଆନାଇ । ବିବା ନ ଅଇଲା ଲକ୍‌ମନ୍ ସବୁବେଲେ
 ମାପୁରୁର୍ ସେବା କାମ୍ କର୍‌ବାକେ ମନ୍ କର । କାଇକେବଇଲେ ମାପୁରୁକେ ସାର୍‌ଦା କରାଇବାଟା ତାର୍
 ମୁକିଅ କାମ୍ । ୩୩ ମାତର୍ ଜେ ବିବାଅଇଆଚେ, ସେ ଏ ଜଗତର୍ ସବୁ ବିସଇନେଇ ଚିନ୍ତା କର୍‌ସି ।
 କାଇକେବଇଲେ ସେ ତାର୍ ମାଇଜିକେ ସାର୍‌ଦାସଙ୍ଗ୍ ରକ୍‌ବାକେ ମନ୍ କର୍‌ସି । ୩୪ ସେନ୍ତାରିସେ ତାର୍
 ଦୁଇବାଟେ ଜିକ୍‌ଟାନ୍ ଅଇଲାନି । ବିବା ନ ଅଇଲା ମାଇଜି କି ଦାଙ୍ଗଡି ମାପୁରୁର୍ କାମ୍ ବିସଇ ଚିନ୍ତା
 କର୍‌ସି । କାଇକେବଇଲେ ସେ ତାର୍ ଗାଗଡ୍ ଆରି ଆଡ୍‌ମା ପରଫେସର୍‌କେ ସର୍‌ଦି ଦେବାକେ ମନ୍ କର୍‌ସି
 । ମାତର୍ ବିବା ଅଇଲା ମାଇଜି ଏ ଜଗତର୍ ସବୁଦିନର୍ ବିସଇ ଚିନ୍ତା କର୍‌ସି । କାଇକେ ବଇଲେ ତାର୍
 ମୁନୁସକେ ସାର୍‌ଦା କର୍‌ବାକେ ସେ ବାବ୍‌ତେ ରଇସି ।

୩୫ ଏ କାତା ମୁଇ ତଫକେ ନିଜର୍ ମଙ୍ଗଲର୍ ପାଇ କଇଲିନି । ତଫକେ ଆଦେସ୍ ମାନବାକେ ଦେଇ ନାଇ
 ମାତର୍ ତଫେ ଜେନ୍ତାରି ସତ୍ ବାବେ ଚଲାଟଲ୍‌କି କରି ଏନେତେନେ ଚିନ୍ତା ନ ଅଇକରି ପୁରାପୁରୁନ୍ ବାବେ
 ମାପୁରୁକେ ସର୍‌ଦି ଅଇବାକେ କଇଲିନି ।

୩୬ କନିଆ ମାଙ୍ଗନି ଅଇଲାପଚେ ଜଦି ଜନ୍ ମନସ୍ ତାର୍ ମାଙ୍ଗଲା ମାଇଜି ସଙ୍ଗ୍ ଚିକ୍‌ସଙ୍ଗ୍ ଚଲାଟଲ୍‌କି
 କରି ନାପାରୁଲାନି ଆରି ତାର୍ ଲାଲ୍‌ସା ସେ କନିଆ ଉପ୍‌ରେ ବତିଗାଲାନି, ଏ ତାର୍ ଇସାବେ ବିବା ଅଇବାର୍
 ଆଚେ ଆକା ବଇଲେ, ସେ ବିବା ଅଇ ପାଚେ । ଏଟାର୍‌ପାଇ କାଇ ପାପ୍ ନାଇ । ୩୭ ମାତର୍ ସେ ଜଦି କାନ୍
 ବାଦିଅ ନ ଅଇ ତାର୍ ମନ୍ ତାଟ୍ କରି ଚିକ୍‌କଲେ, ଆରି ତାର୍ ମନ୍ କଲାଟା ପୁରାପୁରୁନ୍ ଦାରି ରକିପାରୁଲେ,
 ସେ ଡିଣ୍ଡା ଚକିକେ ବିବା ନ କଲେ ନିକ । ୩୮ ତେବେ ଜାକେ ଡିଣ୍ଡା ଚକିର୍ ମାଙ୍ଗନି ଅଇଲା ଆଚେ, ସେ ଚିକ୍
 କାମ୍ କଲାନି, ମାତର୍ ଜେ ବିବା ନ ଅଏ, ସେ ତାର୍ ତେଇଅନି ଅଦିକ୍ ନିମାନ୍ କାମ୍ କଲାନି ।

୩୯ ମୁନୁସ୍ ଜିବନ୍ ରଇବା ଜାକ, ମାଇଜି ବାନ୍‌ ଅଇରଇସି । ଜଦି ମୁନୁସ୍ ମରିଜାଇସି, ତେବେ ମାଇଜି
 ମାପୁରୁକେ ବିସବାସ୍ କର୍‌ବା ଲକ୍‌କେ, କାକେ ମିସା ବିବା ଅଇପାର୍‌ସି । ୪୦ ମୁଇ ବାବ୍‌ଲିନି ସେ ବିବା ନ

ଅଇ ସେନ୍ତ୍ରସେ ରଇଲେ ଅଦିକ୍ ସୁକ୍ ମିଲ୍‌ସି । ଆରି ଏଟା ପରମେସରର୍ ସୁକଲ୍ ଆଡ଼ମାଡ଼ ମନ୍ କଲାଟା ବଲି ମୁଇ ବାବ୍‌ଲିନି ।

୮

ପୂଜା କଲା ପର୍ଯ୍ୟାଦ ବିସଇ ପର୍ଯ୍ୟନ୍

୧ ଏବେ ମୁଇ ଦେବିଦେବତାମନ୍‌କେ ପୂଜିଲା ମାଉଁସ୍ ବିସଇନେଇ ଲେକ୍‌ଲିନି । ଏଟା ସତ୍ ଜେ ଆମ୍‌କେସେ ବୁଦ୍ ଆଟେ ବଲି ତମେ ଜନ୍‌ଟା କଇଲାସିନି, ସେଟା ଆମେ ଜାନିଆରୁ । ସେନ୍ତା ଗଟେକ୍ ଲକ୍‌କେ ଆଁକାର୍ ଜନମ୍ କରାଇସି । ମାତର୍ ଆଲାଦ୍ ଆମର୍ ବିସ୍‌ବାସ୍‌କେ ଡାଟ୍ କରାଇସି । ୨ ଜନ୍ ଲକ୍, ଏ ବିସଇ ମୁଇ ଅଲପ୍ ଜାନିଆରିବଲି ବାବ୍‌ସି, ସେ ସତଇସେ ଜାଇଟା ଜାନିବା ଦରକାର୍, ସେଟା ଜାନେ ନାଇ । ୩ ମାତର୍ ଜନ୍‌ଲକ୍ ଜଦି ପର୍‌ମେସର୍କେ ଆଲାଦ୍ କଲାନି, ତାକେ ପର୍‌ମେସର୍ ଜାନେ ।

୪ ତେବେ ଦେବିଦେବତାମନ୍‌କେ ପୂଜିଲା ମାଉଁସ୍ ବିସଇ ଜାନିଆରୁ ଜେ, ଏ ଜଗତେ ଦେବି ଦେବତା ବଲି କାଜଟା ନାଇ । ଆମର୍ ପର୍‌ମେସର୍କେ ଚାଡ଼ିଦେଲେ ଆରି କେ ମିସା ପର୍‌ମେସର୍ ନାଇ ।

୫ କାଇକେବଇଲେ ସରଗ୍ ପୁରେ ଅ କି ମର୍‌ପୁରେ ଅ ଜନ୍‌ଟାମନ୍‌କେ ଦେବିଦେବତା ବଲି କଇଲାଜନି, ଏଲେ ମିସା ସେମନ୍ ରଇପାରଡ୍ । ଏନ୍ତି କେତେକ୍ କେତେକ୍ ଦେବତା ଆରି ମାପୁରୁ ଆଟଡ୍ । ୬ ସେମନ୍ ରଇଲେ ମିସା ଆମର୍ ଗଟେକ୍ ଆକା ବାବା ପର୍‌ମେସର୍, ଜନ୍ ବାବା କି ସବୁ ତିଆର୍ କଲାଆଟେ, ଆରି ଆମେ ତାର୍ ଲାଗି ବର୍‌ଲୁନି, ମାତର୍ ଗଟେକ୍ ବଲି ମାପୁରୁ ଜିସୁ କିରିସ୍‌ଟ, ତାର୍ ଲାଗି ସବୁ ବିସଇ ଅଇଆଟେ, ଆରି ତାର୍ ଲାଗି ଆମେ ବର୍‌ଲୁନି ।

୭ ଏଲେ ମିସା ଏ ସତ୍ ଗିଆନ୍ ସବୁଲକ୍ ନାଜାନଡ୍ । ମାତର୍ କେତେଲକ୍ ଆଗେଅନି ଦେବି ଦେବତା ଆଟଡ୍ ବଲି ବାବିକରି ସେମନ୍‌କେ ପୂଜା କରି ଆଇଲାଜନି । ସେମନ୍‌ ବିସ୍‌ବାସ୍ ଡାଟ୍ ନାଇଜେ ଦେବିଦେବତାମନ୍‌କେ ପୂଜିଲାଟା କାଇଲେସରି ସେମନ୍ ସୁକଲ୍ ଅଇବାର୍ ନଏ ବଲି ବାବ୍‌ଲାଜନି । ୮ ମାତର୍ କାଦି କାଇବାଟା, ପର୍‌ମେସରୁଟାନେଅନି ଆମ୍‌କେ ବିନେ ନ କରେ । ଆମେ କାଇଲେ କାଇ ଲାବ୍ ନଏ, କି ନ କାଇଲେ ମିସା କାଇଟା ନ ଜାଏ ।

୯ ମାତର୍ କାଇଟା କାଇଲାସିନି ସେ ବିସଇନେଇ ଜାଗରଡ୍ ରୁଆ । ତମେ ଜନ୍‌ଟା କାଇଲାଟ୍ ଲାଗି ତମର୍ ଜନ୍ ବାଇର୍ ବିସ୍‌ବାସ୍ ଡାଟ୍ ନାଇ, ସେ ତମର୍‌ଲାଗି ପାପ୍ କର୍‌ବାର୍ ନାଇ । ୧୦ କାଇକେ ବଇଲେ, ତମେ ଗଟେକ୍ ବୁଦ୍ ରଇଲା ଲକ୍ । ପୂଜିଲାଟା କାଇଲେ କାଇଟା ନଏ ବଲି ଜାନାସ୍ । ଜଦି ମନ୍ ବିତ୍‌ରେ ବିସ୍‌ବାସେ ଡାଟ୍ ନଇଲା ତମର୍ ଗଟେକ୍ ବାଇ, ସେ ତମ୍‌କେ ମନ୍‌ରେ କାଇବାଟା ଦେକ୍‌ଲେ, ତାକେ ମିସା ପୂଜିଲାଟା କାଇବାକେ ମନ୍ ଲାଗସି । ୧୧ ତେବେ ସେ ବାଇ ନସ୍‌ଟ ଅଇଲାନି, କାଇକେବଇଲେ ପୂଜିଲାଟା କାଇଲାକେ ପାପ୍ କଲିନି ବଲି ସେ ବାବ୍‌ସି । କିରିସ୍‌ଟ ସେ ବାଇର୍‌ପାଇ ମଲାଆଟେ ବଲି ମିସା ତମର୍ ମନେ ରଇବାର୍ ଆଟେ । ୧୨ ଏନ୍ତାରି ତମେ ସଙ୍ଗର୍ ବିସ୍‌ବାସି ବାଇମନ୍‌ ବିରୁଦେ ପାପ୍ କଲାସିନି ଆରି ତାକର୍ ବୁଜିବା ବପୁ ଉନାଟାକେ, ବାଦା ଦେଇ ମାପୁରୁ ଜିସୁର୍ ବିରୁଦେ ମିସା ପାପ୍ କଲାସିନି । ୧୩ ତେବେ ମୁଇ ପୂଜିଲା ମାଉଁସ୍ କାଇଲାଟ୍ ଲାଗି ମର୍ ବାଇବଇନିମନ୍‌କେ ପାପ୍ କରାଇଲିନି ବଇଲେ, ମୁଇ କେବେ ମିସା ସେଟା ନ କାଇ । କାଇକେବଇଲେ ସେଟାର୍‌ଲାଗି ମର୍ ବାଇବଇନିମନ୍ ପାପେ ନ ପଡ଼୍ ।

୯

ପେରିଡ୍ ସିସମନ୍‌ ଅଦିକାର୍

୧ ମର୍ ଜାଇଟା ମନ୍ କଲାଟା, ସେଟା କାଇ କରିନାପାରି କି ? ମୁଇ କାଇ ଗଟେକ୍ ପେରିଡ୍ ନଇ କି ? ମୁଇ କାଇ ଆମର୍ ମାପୁରୁ ଜିସୁର୍ ଦର୍‌ସନ୍ ପାଇ ନାଇ କି ? ତମେ ସବୁ, ମୁଇ ମାପୁରୁର୍ ପାଇ କରିରଇବା କାମର୍ ଲାଗି ବିସ୍‌ବାସ୍ କଲାସ୍ ନାଇ କି ? ୨ ଜଦି ମକେ ବିନ୍ ଲକ୍‌ମନ୍ ଗଟେକ୍ ପେରିଡ୍ ବଲି ନ ନାମ୍‌ଲେ ମିସା, ତମେ କେ ସତ୍ ଇସାବେ ନାମି ଆଗାସ୍ । କାଇକେବଇଲେ ମାପୁରୁର୍ ସଙ୍ଗ୍ ତମର୍ ଜିବନ୍ ମିସିଲାଟ୍ ଲାଗି, ମର୍ ପେରିଡ୍ ପଦର୍ ସାକି ଆଗାସ୍ ।

୩ ତମେ ଗଟେକ୍ ପେରିଡ୍ କି ? ବଲି ମକେ ପର୍‌ସନ୍ କର୍‌ବା ଲକ୍‌ମନ୍‌କେ ମୁଇ ଏ କାତା କଇବି । ୪ ଆମେ ମାପୁରୁ ଜିସୁର୍ ପେରିଡ୍ ମନ୍ । ତାର୍ କାମର୍ ଲାଗି, କାଇବାଟା କି ପିଇବାଟା ମିଲ୍‌ଲେ, ସେଟା ନେବାର୍ ମର୍ ଅଦିକାର୍ ନାଇ କି ? ୫ ଅଲ୍‌ଗା ପେରିଡ୍‌ମନ୍‌ର୍ ପାରା, ପିତର୍ ଆରି ଆମର୍ ମାପୁରୁ ଜିସୁର୍ ବାଇମନ୍‌ର୍ ପାରା, ବିସ୍‌ବାସ୍ କରିରଇବା ମାଇଜିକେ ବିବା ଅଇକରି ତାକେ ମର୍ ସଙ୍ଗ୍ ନେବାକେ କାଇ ମର୍ ଅଦିକାର୍ ନାଇ କି ? ୬ ଅବ୍‌କା ଜିଇବା କାଇବାକେ ମୁଇ ଆରି ବର୍‌ନବା ଆବଡ୍ କାମ୍ କର୍‌ତେ ରଇବୁ

କି ? ୭ ବାବିଦେକା, ଗଟେକ୍ ସଇନ ଜୁଇଦେ ରଇଲାବେଲେ ନିଜେ କରୁ କର କେବେ କାମ୍ କରିପାରେ କି ? ନାଉ, ନାପାରେ । କି ଗଟେକ୍ ଚାସି ତାର୍ କେତେ ଅନି ଅଇଲା ପସଲ୍, ତାର୍ କାଇବାର୍ ଅଦିକାର୍ ନାଉ କି ? ଆରି କେ ଗରୁଗାଉ ପସିରଇକରି ସେମନର୍ ଦୁଦ୍ ନ କାଅଡ୍ କି ?

୮ ମୁଇ କାଇ ଏଟା ମୁନୁସ୍ ଇସାବେ କଇଲିନି କି ? ନିୟମେ ଏଟା ଲେକା ଅଏ ନାଉ କି ? ୯ ସେ ନିୟମେ ଏନ୍ତାରି ଲେକା ଅଇଆଟେ । ଦାନ୍ ଗାନାଉ ବୁଲ୍ତେ ରଇବା ବଲଦର୍ ତମ୍ନାଇ ବାନ୍ଦାନାଉ । ଜେନ୍ତି କି ସେ ଅଲପ୍ ଅଲପ୍ କାଇତେରଇସି । ଏ ନିୟମ୍ ଲେକଲାବେଲେ ପରମେସର୍ କାଇ ଏ ବଲଦମନର୍ ବିସଇସେ ଚିନ୍ତା କରତେରଇଲା କି ? ୧୦ ଏଟା ଆମର୍ ପାଇ ଲେକା ଅଇଲାଆଟେ । ଜେନ୍ତିକି ଜନ୍ ଲକ୍ମନ କସବାତେଇ ଆରି କାଟବାତେଇ ମିସଲାଇ ଆତଡ୍, ସେମନ୍ତେ ତେଇର୍ ପସଲ୍ଗାନେ ବାଗ୍ ମିଲ୍ସି ବଲି ଆସା କର କାମ୍ କରବାଇ । ୧୧ ଆମେ ତମର୍ ବିତ୍ତରେ ଆଡମ୍ବର୍ ମୁଞ୍ଚି ବୁନ୍ଲୁ ଆଡ୍ । ସେଟାର୍ ପାଇ ତମର୍ଗାନେ ଅନି କାଇ ଜଗତର୍ ପସଲ୍ ପାଇବାକେ ମନ୍ କରବାଟା, ଗଟେକ୍ କାରାପ୍ କାତା କି ? ୧୨ ତମର୍ ଗାନେଅନି ଏଟା ଆସା କରବାକେ ଜଦି ବିନ୍ ଲକ୍ମନର୍ ଅଦିକାର୍ ଆଟେ, ସେନ୍ତି ବଇଲେ ତାକର୍ଗାନେଅନି ଆମର୍ ଅଦିକାର୍ ବେସି ନଏ କି ?

ଏଲେ ମିସା ସେ ଅଦିକାର୍ ଆମେ ବେବାର୍ କରୁନାଉ, ମାତର୍ କିରିସର୍ତ୍ତ୍ ସୁବକବର୍ତ୍ତେ କାଇମିସା ଅସୁବିଦା ନ ଆସ ବଲି ଆମେ ସବୁ ରକାମର୍ କସର୍ତ୍ ମୁଚ୍ଚି କରି ରଇଲୁନି । ୧୩ ଜନ୍ ଲକ୍ମନ ମନ୍ଦିରେ ସେବା କଲାଜନି, ସେମନ୍ ମନ୍ଦିରେ ଅନି କାଦି ପାଇବାଇ । ଆରି ଜେ ସବୁଦିନେ ବେଦିଗାନେ ବଲି ଦେଲାଜନି, ସେମନ୍ ବେଦିଗାନେ ବଲିକଲା ବାଟାଇ ମିସବାଇ, ଏଟା ତମେ ଜାନିଆଟାସ୍ । ୧୪ ସୁସମାଚାର୍ ଜାନାଇବା ଲକ୍, ତେଇଅନି ଜିଉନା କାଉନା କରା ବଲି ମାପରୁ ଆଦେସ୍ ଦେଲାଆଟେ ।

୧୫ ମାତର୍ ମୁଇ ଏନ୍ତାରି କାଇମିସା ଅଦିକାର୍ ମାଙ୍ଗିନାଉ, ଏ ବିସଇ ଦାବି କରବାକେ ମୁଇ ଲେକିନାଉ । ତମର୍ଗାନେଅନି ମାଙ୍ଗିବା ବାଦୁଲେ ମୁଇ ମରିଜିବି ସିନା, ନ ମାଙ୍ଗି । କାଇକେବଇଲେ ମୁଇ ତମର୍ଗାନେ କାଇଗା ନ ମାଙ୍ଗିତେ କାମ୍ କଲି, ବଲି ବଡ୍ପନ୍ ଅଇବି । ୧୬ ସୁବକବର୍ ସୁନାଇଲିନି ବଲି ମର୍ ବଡ୍ପନ୍ ଅଇବା ଅଦିକାର୍ ନାଉ, କାଇକେବଇଲେ ଏଟା ମକେ ତିଆରିରଇବା କାମ୍ । ଜଦି ମୁଇ ସୁବକବର୍ ନ ଜାନାଇଲେ ମକେ ବଡ୍ ତଣ୍ଟି ମିଲ୍ସି । ୧୭ ଏଟା ଜଦି ମୁଇ ନିଜର୍ ମନ୍ କଲା ଇସାବେ କଲେ, କୁଲି ପାଇବାକେ ମର୍ ଅଦିକାର୍ ରଇତା । ମାତର୍ ପରମେସର୍ ମକେ ଏ କାମ୍ ସର୍ପି ଦେଲାକେ, ମୁଇ ଏଟା କଲିନି । ୧୮ ସେନ୍ତାରିଆଲେ ମକେ କେତେକ୍ କୁଲି ମିଲ୍ଲାନି ? ମର୍ କରଟା ପାଇ ମାଙ୍ଗିବାକେ ମର୍ ଦାବି ରଇଲେ ମିସା, ମୁଇ କୁଲି ନ ପାଇତେ ସୁବକବର୍ ଜାନାଇଲିନି । ସୁବକବର୍ ଜାନାଇବାକେ ଜନ୍ ଅଦିକାର୍ ମୁଇ ପାଇ ଆଟି, ସେଟାସେ ମର୍ କୁଲି ।

୧୯ ଏଟାର୍ପାଇ ମୁଇ କାର୍ ତଲିଆ ନାଉ କି କାର୍ ଗତିଦାଙ୍ଗ୍ଟା ନାଉ । ଅଇଲେ ମିସା କେତେକ୍ କେତେକ୍ ଲକ୍ମକେ କିରିସର୍ତ୍ତେତେଇ ଆନ୍ଦବାକେ ମୁଇ ସବୁଲକର୍ ଗତିଦାଙ୍ଗ୍ଟା ଅଇଆଟି । ୨୦ ମୁଇ ଜିଉଦି ଲକ୍ମନକେ ପାଇବାକେ, ତାକର୍ ପାରା ଚଲାଚଲ୍ତି କଲିନି, ଜେନ୍ତିକି ମୁଇ ସେମନ୍ତେ କିରିସର୍ତ୍ତ ବାଟେ ଆନିପାର୍ବି । ମୁଇ ଜଦି ମସାର୍ ନିୟମର୍ ତଲିଆର୍ ନ ଅଇରଇଲେ ମିସା, ସେମନ୍ତେ କିରିସର୍ତ୍ତ ବାଟେ ଆନ୍ଦବାକେ, ନିୟମ୍ ମାନ୍ଦବା ଲକର୍ ପାରା ଚଲାଚଲ୍ତି କଲିନି । ୨୧ ସେନ୍ତାରିସେ ଜିଉଦି ନ ଅଇଲା ଲକ୍ମନର୍ ସଙ୍ଗ୍ ରଇଲାବେଲେ, ମୁଇ ଜିଉଦି ନିୟମ୍ ମାନି ନାଉ । ସେ ବେଲେ ମୁଇ ଜିଉଦି ନ ଅଇଲା ଲକର୍ ପାରା ଚଲାଚଲ୍ତି କରବି । ଜେନ୍ତିକି ସେମନ୍ତେ କିରିସର୍ତ୍ତ ବାଟେ ଆନିପାର୍ବି । ଏଟାର୍ ଅରଡ୍ ନଏ ଜେ ମୁଇ ପରମେସର୍ ନିୟମ୍ ମାନି ନାଉ । କାଇକେବଇଲେ ମୁଇ କିରିସର୍ତ୍ତ ନିୟମର୍ ତଲେ ଆଟି । ୨୨ ଜେତେବେଲେ ମୁଇ ବିସ୍ବାସେ ଦୁର୍ବଲ୍ ଲକର୍ ସଙ୍ଗ୍ ରଇବି, ତାକର୍ପାରା ଦୁର୍ବଲ୍ ଅଇବି । ଜେନ୍ତିକି ସେନ୍ତିଅଇକରି ସେମନ୍ତେ କିରିସର୍ତ୍ତ ବାଟେ ଆନି ପାର୍ବି । ସେଟାର୍ପାଇ ମୁଇ ବିନ୍ ବିନ୍ ଲକର୍ଗାନେ ବିନ୍ ବିନ୍ ରକାମ୍ ଅଇରଇଲି । କେନ୍ତିକି ମିସା ମୁଇ ସେମନ୍ତେ ରକିଆ କରବି ।

୨୩ କିରିସର୍ତ୍ତ ସୁବକବର୍ ସବୁବାଟେ ଜାନାଇବାକେ ଆରି ତାର୍ ଆସିରବାଦ୍ ପାଇବାକେ ମୁଇ ସବୁଟା କଲିନି । ୨୪ ଆରାଜିତା ଗାନେ ପାଲାଜବା ଲକ୍ ବେସି ଆଟଡ୍, ଏଟା ସଡ୍ । ମାତର୍ ଗଟେକ୍ ଲକ୍ମକେସେ ପୁରୁସକାର୍ ମିଲ୍ସି । ଏଟା ତମେ ଜାନିଆଟାସ୍ । ତମେ ମିସା ପୁରୁସକାର୍ ପାଇଲା ପାରା ପାଲାଆ । ୨୫ ଜେ ପାଲାଜବାଗାନେ ବାଗ୍ ନେଇସି, ସେ ଅବିଆସ୍ କରି, ତାର୍ ଗାଗଡ୍ ତାର୍ କରରଇସି । ଆରି ସେ ଦାପେ ନସିଜିବା ପୁରୁସକାର୍ ମିଲାଇବାକେ ସେଟା କରସି । ମାତର୍ ଆମେ, କେବେ ମିସା ନ ନସିବା ପୁରୁସକାର୍ ପାଇବାକେ, ସେଟା କଲୁନି । ୨୬ ମୁଇ ଏନେତେନେ ନ ଦେକି ସାରାସାରି କେଟବାଟାଗାନେ ପାଲାଜବା ଲକର୍ ପାରା ଆଟି । ମୁଇ ଗଟେକ୍ ବିଦା ସଙ୍ଗ୍ ଜୁଇଇ କରବା ଲକର୍ପାରା, ଜେକି ତାର୍ ବିଦା ମାର୍ଲେ ପାଇସି

ଆକା । ୨୭ ମୁଞ୍ଚ କସ୍ତମ ମୁରୁତିକରି ଗାଗଡ଼ ମେଲା ଚାଡ଼ିନାଇ । କାଇକେ ବଇଲେ ବିନ୍ଦୁ ଲକ୍ଷ୍ମୀମନ୍ଦିର ଲଗେ ସୁବକବର ଜାନାଇରଇଲେ ମିସା ମକେ ଜେନ୍ତୁକି ନାଇବଲିକରି ନ କଅଡ଼ ।

୧୦

ମୁରୁତିପୁଜା ବିରୁଦ୍ଧେ ଜାଗରତା

୧ ଏ ମର ବାଇବଇନିମନ୍ଦ, ଆମର ଆନିଦାଦିମନ୍ଦ, ଜନ୍ମ ଲକ୍ଷ୍ମୀମନ୍ଦ ମସାର ବାଟେ ଜାଇତେରଇଲାଇ, ସେମନ୍ଦକେ କାଇଟା ଅଇଲା ଏତାଇ ଦେକା । ସେମନ୍ଦ ସବୁ ଲକ୍ଷ୍ମୀ ବାଦଲୁ ତଲେ ରଇ ରକିଆ ପାଇତେରଇଲାଇ । ଆରି ରଞ୍ଜ ସମୁଦ୍ରେ ନ ବୁଡ଼ତେ ଇଣ୍ଡି ଇଣ୍ଡି ଲକ୍ଷ୍ମୀଲାଇ । ୨ ସେମନ୍ଦ ସବୁ ବାଦଲେ ଆରି ସମୁଦ୍ରେ ତୁବନ୍ଦ ନେଲାଇ । ମସାର ସିସମନ୍ଦ ବଲି ସେମନ୍ଦକେ ଗଟେକ୍ ଚିନ୍ଦ ରଇଲା । ୩ ଆରି ସବୁଲକ୍ଷ୍ମୀ ପରମେସ୍ବର ଜାଗା ରଇବା କାଦି କାଇଲାଇ, ୪ ଆରି ସେ ପାକ୍ଷ୍ମୀମନ୍ଦ ଅନି ଆଇବା ପାନି କାଇଲାଇ । ସେ ପାକ୍ଷ୍ମୀମନ୍ଦ ଅଇଲାନି କିରିସଟ । ୫ ଏଲେମିସା ସେମନ୍ଦର ବିତ୍ତରେ ଅନି ବେସି ଲକ୍ଷ୍ମୀକେ ପରମେସ୍ବର ସାରଦା ନ ରଇଲା । ସେଟାର ପାଇ ସେମନ୍ଦ ମରୁବାଲି ବୁର୍ଦ୍ଧା ମଲାଇ ।

୬ ସେମନ୍ଦ ଜନ୍ମ ରକାମ ଆସାର ବିସଇଟ ପାଇ ଲାଲ୍‌ସା ଅଇ ରଇଲାଇ, ଆମେ ମିସା ସେ ରକାମ୍ ଲାଲ୍‌ସା ନ ଅର୍ଡ଼ । ସେଟାରପାଇ ଏ ସବୁ ଗଟ୍‌ଲା ବିସଇ ଆମରପାଇ ଲେକାଅଇଆଟେ । ୭ ଜେନ୍ତୁକି ସେମନ୍ଦର ବିତ୍ତରେ ଅନି କେତେଲକ୍ଷ୍ମୀ ପୁଡ଼ଲା ପୁଜା କରବାର ଦାରଲାଇ, ତମେ ସେନ୍ତାରି ପୁଡ଼ଲା ପୁଜା କରବାଟା, ଆରାମ୍ କରା ନାଇ । ସାସ୍ତରେ ଲେକା ଅଇଆଟେ, ଜେନ୍ତୁକି ଲକ୍ଷ୍ମୀମନ୍ଦ ପୁଜାକଲାଟା କାଇବାକେ ବସିରଇଲାଇ ଆରି ମଦ୍ କାଇକରି ବେବିଟାର କରବାର ଦାରଲାଇ । ୮ ଜେନ୍ତୁକି ସେମନ୍ଦର ବିତ୍ତରେ କେତେଲକ୍ଷ୍ମୀ ବେସିଆ କାମକରି ଗଟେକ୍ ଦିନେ କତେ ତିନ୍ଦ ଆଜାର ଲକ୍ଷ୍ମୀ ପରମେସ୍ବରର ଡଣ୍ଡ ପାଇକରି ମରିଗାଲାଇ । ସେନ୍ତାରି ଆମେ ବେସିଆ କାମ୍ ନ କରୁ । ୯ ସେନ୍ତୁସେ ସେମନ୍ଦର ବିତ୍ତରେ କେତେଲକ୍ଷ୍ମୀ ମାପୁରୁକେ ପରିକା କଲାଇ ଆରି ବିସ ରଇବା ସାଁସ୍ ଟକାଇ ଅଇକରି ମଲାଇ । ସେନ୍ତାରି ଆମେ ମାପୁରୁକେ ପରିକା ନ କରୁ । ୧୦ ସେମନ୍ଦ ଜେନ୍ତୁକି ପରମେସ୍ବରର ବିରୁଦ୍ଧେ ତାକର୍ ତାକର୍ ବିତ୍ତରେ ଦଦାପେଲା ଅଇକରି, କୁରୁପ୍ ନାସ୍ କରବା ଦୁତରଲାଗି ମରିଆଜିଗାଲାଇ । ତମେ ସେନ୍ତାରି ଦଦାପେଲା ଉଆନାଇ ।

୧୧ ସବୁ ଲକ୍ଷ୍ମୀପାଇ ଏ ସବୁ ଗଟ୍‌ନା ଗଟ୍‌ଲା । ଆରି ଆମକେ ଚେଟ୍‌ନା ପାଇବାକେ ସେଟା ସବୁ ଲେକାଅଇଆଟେ । କାଇକେବଇଲେ ଏ ଜଗତ୍‌ର ସାରାସାରି ବେଲା ଆସି କେଟ୍‌ଲା ଆଟେ ।

୧୨ ସେଟାରପାଇ ଜେ ମୁଞ୍ଚ ନିଜେ ଡାଡ଼ି ଆଟି ବଲି ମନେ ମନେ ଏତାଇସି, ସେ ବିସ୍ବାସେ ଅନି ବିନ୍ଦବାଟେ ନ ଜାଆ, ସେଟାରପାଇ ଜାଗରତ୍ ରୁଆ । ୧୩ ଆମକେ ପରିକା ଜାଇ ପରିକା ଆଇସି, ସେଟା ନୁଆ ବିସଇ ନର୍ଦ୍ଧ । କାଇକେବଇଲେ ସବୁବେଲେ ଏନ୍ତାରି ଲକ୍ଷ୍ମୀମନ୍ଦକେ ପରିକା ଆଇତେରଇସି । ମାତ୍‌ର ପରମେସ୍ବର ତାର କାତାଇ ଡାଡ଼ି ଆଟେ । ଆମକେ ମୁରୁତି ନାପାରୁଲା ପାରା ପରିକା ଅଇବାକେ ସେ ନ ଦେଏ । ପରିକା ଆଇବାବେଲେ ସେ ଆମକେ ବପୁ ମିସା ଦେଇସି ଆରି ତେଇ ଅନି ରକିଆ ପାଇବା ବାଟ୍ ଦେକାଇସି ।

୧୪ ସେଟାର ପାଇ ଏ ମର ଆଲାଦର୍ ବାଇବଇନିମନ୍ଦ, ପୁଡ଼ଲା ପୁଜା କରବା ଟାନେଅନି ଦୁରିକେ ଉଟିଜା । ୧୫ ମୁଞ୍ଚ ବୁଦି ରଇଲା ଲକ୍ଷ୍ମୀମନ୍ଦକେ କଇଲା ପାରା କଇଲିନି । ମୁଞ୍ଚ କାଇଟା କଇଲିନି ସେଟା ତମେ ବିଟାର କରା । ୧୬ ଜେତେବେଲେ ଆମେ ମାପୁରୁକେ କାଦିପପାଇ ରୁଣ୍ଡୁବୁ, ଜନ୍ମ ମୁତାଇଅନି ଆମେ କାଇବୁ, ସେ ମୁତାରପାଇ ଆମେ ପରମେସ୍ବରକେ ଦନିଆବାଦ୍ ଦେଲୁନି । ସେ ମୁତାଇଅନି କାଇଲାବେଲେ ଆମେ କିରିସଟ୍‌ର ବନିତେଇ ମିସ୍‌ଲୁନି । ଜନ୍ମ ରୁଟିଆମେ ବାଙ୍ଗାକରୁ, ସେଟା କାଇଲାବେଲେ କିରିସଟ୍‌ର ଗାଗଡ଼େ ମିସ୍‌ଲୁନି । ୧୭ କାଇକେବଇଲେ ରୁଟି ଗଟେକ୍ ଅଇଲେ ମିସା ଆମେ ବୁଡେକ୍ ଲକ୍ଷ୍ମୀ ଆଟୁ । ସେ ଗଟେକ୍ ରୁଟି ଆମେ ମିସକରି କାଇବାବେଲେ ଗଟେକ୍ ଗାଗଡ଼ ଅଇଗାଲୁନି ।

୧୮ ଜିଉଦି ମନ୍ଦର ବିସଇ ବାଦିଦେକା । ଜନ୍ମ ଲକ୍ଷ୍ମୀମନ୍ଦ ପୁଜାକଲା ମାଉଁସ୍ କାଇଲାଇନି, ସେମନ୍ଦ କାଇ ବେଦିଲଗେ ଉପାସନା କଲାବେଲେ ନ ମିସଡ଼ ? ୧୯ ଏଟାରପାଇ ମୁଞ୍ଚ କଇଲିନି ଜେ, ଦେବତାମନ୍ଦ ବଲି କଲା ପରସାଦ୍ କାଇଟା ନାଇ କି ପୁଡ଼ଲା ବଲି କାଇଟା ନାଇ । ୨୦ ପୁଡ଼ଲାକେ ପୁଜା କରୁମନ୍ଦ ସେମନ୍ଦ ଜନ୍ମ ଜନ୍ମଟା ବଲି ଇସାବେ ସର୍ପି ଦେଲାଇନି, ସେସବୁ ପରମେସ୍ବରକେ ନ ସର୍ପପାଇ କିରି ତୁମାମନ୍ଦକେ ସରପୁଲାଇନି । ସେଟାରପାଇ, ତମେ ତୁମାମନ୍ଦ ପୁଜାଟାନେ ମିସା ନାଇ । ୨୧ ତମେ ଜଦି ମାପୁରୁକେ କାଦିଟାନେ ମିସିଆଗାସ୍, ସେନ୍ତାରିଆଲେ ତୁମାମନ୍ଦକେ ପୁଜିରଇବା କାଦି ତମେ କାଇବାର ନାଇ । ୨୨ ଜଦି

* ୧୦:୧୨ ୧୦:୧୬ ମାଟିର ୨୬:୨୬-୨୮; ମାରକ୍ ୧୪:୨୨-୨୪; ଲୁକ୍ ୨୨:୧୯,୨୦

ମାପରୁ ଆମର ଉପରେ ରିସା ଅଇଲେ, ତାର ତଣ୍ଡେଅନି ଆମେ ରକିଆ ପାଇ ନାପାରୁ । କାଇ ମାପରୁଟ ଗାନେଅନି ଆମେ ଅଦିକ୍ ବପୁ ଆରୁକି ?

୨୩ *ସବୁ ବିସଇ କରବାକେ ଆମରୁ ଅଦିକାରୁ ଆଚେ, ସେନ୍ତ୍ର ସେମନ୍ କଇବାଇ, ସେଟା ସତ୍ । ମାତରୁ ମୁଇ କଇଲିନି ସବୁ ବିସଇ ଆମକେ ସାଇଜ ନ କରେ । ୨୪ କେ ମିସା ଅବ୍ବା ନିଜରୁ ପାଇ କାଇଟା ନିକ ଅଇସି ବଲି ଚିନ୍ତା ନ କରି, ନିଜରୁ ବାଇମନରୁ ମଙ୍ଗଲୁ ବିସଇ ମିସା ଚିନ୍ତା କରା ।

୨୫ ଆଚେ ବିକ୍ରି ଅଇବା ଜନ୍ ମାଉସ୍ ମିସା କାଇବାରୁ ତମରୁ ଅଦିକାରୁ ଆଚେ, ତମରୁ ବିବେକରୁ ପାଇ ଏଟା ପୁଜା କଲାଟା କି ନାଇ ? ବଲି ନ ପାଟାରି କାଇଦିଆସ୍ । ୨୬ ଜେନ୍ତ୍ରକି ସାସ୍ତରେ ଲେକା ଅଇଲାପାରା ଏ ଗୁଲାଇ ଜଗତେ ରଇବାଟା ମାପରୁଟା ।

୨୭ ଜଦି ବିସ୍ବାସ୍ ନ କଲା ଗଟେକ୍ ଲକ୍ ତମକେ ତାରୁ ଗରେ କାଇବାକେ ଡାକ୍ଲେ, ତମେ ଜିବାକେ ମନ୍ କରସା ବଇଲେ ତେଇ ତମକେ ଜାଇଟା ଦେଲେ ମିସା ସେଟା କାଇଦିଆସ୍ । ମାତରୁ ତମରୁ ବିବେକରୁ ଲାଗି ଏଟା ପୁଜାକଲାଟା କି ନାଇ ? ବଲି ପାଟାରି ନାଇ । ୨୮ ମାତରୁ କେମିସା ତମକେ ଏ କାଦି ପୁଜା କଲାଟା । ବଲି କଇଲେ, ସେଟା ନିଟା । ଜେନ୍ତ୍ରକି ସେ କଇଲାରୁପାଇ ଆରି ତମରୁ ବିବେକରୁପାଇ ସେଟା କାଆ ନାଇ । ୨୯ ସେଟା ତରୁ ବିବେକରୁ ପାଇ ନାଇ, ସେଟା କଇଲା ଲକ୍ ବିବେକରୁ ପାଇ ।

ବାଦିଅରେ କେ ମିସା ପାଟାରି ପାରତ୍, ଜଦି ଆମରୁ ମନ୍ କଲା ଇସାବେ କାଇଟା ମିସା କରବାକେ ଅଦିକାରୁ ଆଚେ, ବିନ୍ ଲକ୍ ବିବେକରୁ ଲାଗି ମୁଇ କାଇକେ ନ କାଇ ? ୩୦ ସେ କଇସି, “ଜଦି ମୁଇ ପରମେସରୁକେ ଦନିଅବାଦ୍ ଦେଇ କାଇବି, ତେବେ ମରୁ ସଙ୍ଗରୁ ବିସ୍ବାସିମନ୍ ମକେ କାଇକେ ନିନ୍ଦା ଦେବାରୁ ଆଚେ ?”

୩୧ ତେବରୁପାଇ ବାଡ୍ କା, କି ପାନି କା, କି ଜାଇଟା ମିସା କରା, ପରମେସରୁ ଡାକ୍ପୁଟା ପାଇବାକେ ସବୁ କରା । ୩୨ ଜିଉଦି ଅ କି ଜିଉଦି ନ ଅଇଲା ଲକ୍ ଅ କି ତମରୁ ସଙ୍ଗରୁ ପରମେସରୁ ମଣ୍ଡଲିରୁ ବିସ୍ବାସି ଅ, କାକେ ମିସା ତମରୁ ଚଲାଚଲୁଡି ଦେକି ନିନ୍ଦା ପାଇବାକେ ଦିଆସ୍ନାଇ । ୩୩ ତମେ ମରୁପାରା ଚଲାଚଲୁଡି କରା, ମୁଇ ସବୁଲକ୍ ମଙ୍ଗଲୁ ଅ ବଲି ତେସଟା କଲିନି । ମୁଇ ମରୁ ନିଜରୁ ମଙ୍ଗଲୁ ଅ, ବଲି ଚିନ୍ତା କରିନାଇ, ମାତରୁ ସବୁଲକ୍ ମଙ୍ଗଲୁ ଅ ବଲି ଚିନ୍ତା କଲିନି । ଜେନ୍ତ୍ରକି ସେମନ୍ ସବୁଲକ୍ ରକିଆ ପାଇବାଇ ।

୧୧

୧ *ମୁଇ ଜେନ୍ତ୍ରାରି ମାପରୁଟ ପଟେ ପଟେ ଗାଲିନି, ତମେମନ୍ ମିସା ସେନ୍ତ୍ରାରି ମରୁ ପଟେ ପଟେ ଆସା ।

ଉପାସନା କଲାବେଲେ ଅତୁନା

୨ ତମେ ସବୁ ବିସଇଟାନେ ମକେ ଏଡାଇଲାସ୍ନି ଆରି ମୁଇ ତମକେ ଜନ୍ ସବୁ ବିଦିବିଦାନ୍ ସିକାଇଆଚି, ସେ ସବୁ ମାନ୍ଲାସ୍ନି, ସେଟାରୁ ପାଇ ମୁଇ ତମକେ ଦନିଅବାଦ୍ ଦେଲିନି । ୩ କିରିସଟ୍ ସବୁ ମୁନୁସ୍ ପିଲାମନରୁ ନେଡା, ଆରି ମୁନୁସ୍ ମାଇଜିରୁ ନେଡା, ଆରି ପରମେସରୁ କିରିସଟ୍ ନେଡା । ଏଟା ତମେ ଜାନିରୁଆ ବଲି ମୁଇ ମନ୍ କଲିନି । ୪ ଜେଡେବେଲେ ତମେ ମଣ୍ଡଲିଡେଇ ରୁଣ୍ଡିସା, ତେଇ ଗଟେକ୍ ମୁନୁସ୍ ପିଲା ପାରତନା କଲାନି କି ପରମେସରୁ କାଟା ଜାନାଇଲାନି, ସେ ତାରୁ ମୁଣ୍ଡ ଡାବ୍ବାରୁ ନାଇ । ସେନ୍ତ୍ରା କଲେ ସେ କିରିସଟ୍କେ ଲାଜ୍ କରାଇସି । ୫ ସେନ୍ତ୍ରାରିସେ ଗଟେକ୍ ମାଇଜି ପାରତନା କଲାନି, କି ପରମେସରୁ କାଟା ଜାନାଇଲାନି, ସେ ତାରୁ ମୁଣ୍ଡେ ଅତୁନା ପାକାଇବାରୁ ଆଚେ । ସେନ୍ତ୍ରା ର ନ କଲେ ସେ ମୁନୁସ୍କେ ଲାଜ୍ କରାଇସି । ସେ ଗଟେକ୍ ମୁଣ୍ଡିରି ମାଇଜିରୁ ପାରା ରଇସି । ୬ କାଇକେବଇଲେ ସେ ମାଇଜି ଜଦି ଅତୁନା ନ ପାକାଏ, ତାରୁ ଚେଣ୍ଡି କାଟିଦେବାଟା ନିକ । ଗଟେକ୍ ମାଇଜି ଜଦି ତାରୁ ଚେଣ୍ଡି କାଟ୍ସି କି ମୁଣ୍ଡ କୁରାଇସି, ସେଟା ତାରୁ ପାଇ ଲାଜ୍ ବିସଇ, ସେଟାରୁପାଇ ସେ ମୁଣ୍ଡେ ଅତୁନା ପାକାଇବାରୁ ଆଚେ । ୭ ମାତରୁ ଗଟେକ୍ ମୁନୁସ୍ ପିଲା ପାରତନା କଲାବେଲେ ତାରୁ ମୁଣ୍ଡେ ଅତୁନା ପାକାଇବାରୁ ଦରକାରୁ ନାଇ । କାଇକେ ବଇଲେ ସେ ପରମେସରୁ ଚାଇ ଆରି ତାରୁ ଡାକ୍ପୁଟା ଦେକାଇସି । ଆରି ମାଇଜି ମୁନୁସରୁ ଡାକ୍ପୁଟା ଦେକାଇସି । ୮ କାଇକେବଇଲେ ମୁନୁସ୍ ମାଇଜିରୁ ତେଇଅନି ତିଆର୍ ଅଏନାଇ, ମାତରୁ ମାଇଜି ମୁନୁସରୁତେଇ ଅନି ତିଆର୍ ଅଇଆଚେ । ୯ ମନସ୍ ମାଇଜିରୁ ପାଇ ତିଆର୍ ଅଏନାଇ । ମାତରୁ ମାଇଜି ମୁନୁସରୁ ପାଇ ତିଆର୍ ଅଇଲାଆଚେ । ୧୦ ସେଟାରୁ ପାଇ ମାଇଜିମନ୍ ମୁଣ୍ଡେ ଅତୁନା ପାକାଇବାଟା ନିକ, ଜେନ୍ତ୍ରକି ସରଗରୁ ଦୁଡମନ୍ ମିସା ସେ ତାରୁ ମୁନୁସରୁ ଅଦିକାରେ ଆଚେ ବଲି ଜାନ୍ବାଇ । ୧୧ ମାତରୁ ଆମେ ବିସ୍ବାସିମନରୁପାଇ ମାଇଜି ନଇତେ ମୁନୁସ୍ ରଇ ନାପାରେ କି ମୁନୁସ୍ ନଇତେ ମାଇଜି ରଇ ନାପାରେ

* ୧୦:୨୩ ୧୦:୨୩ ୧ମ କରନ୍ତସ ୬:୧୨ * ୧୧:୧ ୧୧:୧ ୧ମ କରନ୍ତସ ୪:୧୬; ପିଲିପି ୩:୧୭

। ୧୭ ମାଛଜି ମୁନୁସର୍ ଗାଗତେ ଅନି ଜାଡ଼ ଅଇଲେମିସା, ମୁନୁସ୍ ମିସା ମାଛଜି ଜନମ୍ ଦେଲାକେ ଜାଡ଼ ଅଇଆଚେ । ମାତର୍ ସବୁ ବିସଇ ପର୍ମେସର୍ ଟାନେଅନି ଜାଡ଼ ଅଇଆଚେ ।

୧୮ କନ୍ତା ନିକ ବଲି ତମେ ନିଜେ ନିଜେ ବିଚାର୍ କରା । ଜଦି ଗଟେକ୍ ମାଛଜି ମଣ୍ଡଲିତେଇ ସବୁର୍ ମୁଆଟେ ମୁଣ୍ଡେ ଅଡ଼ନା ନ ପାକାଇ ପାର୍ତନା କଲେ ସେଟା ସୁନ୍ଦର୍ କି ? ନାଇ ସୁନ୍ଦର୍ ନାଇ । ୧୯ ସେନ୍ତାରିସେ ଜଗତର୍ ଜାନ୍ବା ବିସଇ ନେଇକରି ମୁନୁସ୍ ପିଲା ଜଦି ମାଛଜିମନର୍ ପାରା ତେଣ୍ଟି ବଡ଼ାଇରଇଲେ ସେଟା ଲାଜର୍ କାତା । ୧୫ ମାତର୍ ମାଛଜିଟକି ତେଣ୍ଟି ବଡ଼ାଇଲେ ତାଡ଼ପାଇ ସୁନ୍ଦର୍ ବିସଇ । କାଇକେବଇଲେ ପର୍ମେସର୍ ତାଡ଼ ତେଙ୍ଗ୍ ତେଣ୍ଟି ତାଡ଼ ମୁଣ୍ଡେ ଡାବି ଅଇବାକେ ଦେଲା ଆଚେ । ୧୬ ଜଦି ଏ ବିସଇନେଇ କେ ମିସା ମର୍ ଆଦେସ୍ ମାନ୍ବାକେ ମନ୍ ନ କରେ, ଆମେ କି ପର୍ମେସରର୍ ବିନ୍ ମଣ୍ଡଲିମନ୍କେ ମିସା ଏଟା ଚାଡ଼ି ଆରି କାଇ ଅବିଆସ୍ ନାଇ ।

ମାପୁରୁର୍ ବଜି

୧୭ ଆରି ଗଟେକ୍ ବିସଇ ମୁଇ କଇବାର୍ ଆଚେ । ତମେ ଉପାସନା କର୍ବାକେ ରୁଣ୍ଡିଲାବେଲେ ଗଟେକ୍ କର୍ବା ବିସଇ ମର୍ ମନ୍କେ ଜାଏନାଇ । କାଇକେବଇଲେ ତମେ ରୁଣ୍ଡିଲାର୍ ଲାଗି ତମର୍ ବିସ୍ବାସ୍ ତାଡ଼ ଅଏନାଇ, ମାତର୍ ଦୁର୍ବଲ୍ ପାରା ଅଇଗାଲାନି । ୧୮ ମୁଇ ସୁନିଆଟି ଜେ, ତମେ ଉପାସନା କର୍ବାକେ ରୁଣ୍ଡିଲାବେଲେ ବାଗ୍ ବାଗ୍ ଅଇକରି ଗଟେକ୍ ବାଟର୍ ଲକ୍ ଆରି ଗଟେକ୍ ବାଟର୍ ଲକ୍କେ ବିଚ୍ଚ କଲାସି ଆରି ଏଟା ସତ୍ ବଲି ମୁଇ ଜାନି । ୧୯ ତମର୍ ବିତ୍ତରେ ଏନ୍ତାରି ଅଇବାଟା ନିକ । ଜେନ୍ତାରି କି ତେଇଅନି ପରିକାଟାନେ ସିଦ୍ ଅଇଲା ଲକ୍ମନ୍ ବାରଇବା । ୨୦ ଜେତେବେଲେ ତମେ ମାପୁରୁର୍ କାଦି କାଇବାକେ ଗଟେକ୍ ଜାଗାଇ ଜମଲାସି, ସେଟା ସତଇସେ ମାପୁରୁର୍ କାଦି ନଏ, ୨୧ କାଇକେ ବଇଲେ, ତମର୍ ବାଇମନର୍ପାଇ କାଇଟା ଚାଡ଼ାସ୍ ନାଇ । ଏଟାପାଇ କେତେଲକ୍ ବୁକେ ଉଟିଗାଲାଜନି । ଆରି କେତେଲକ୍ ମାଡ଼ଲାସି । ୨୨ ତମେ କାଇବାକେ କାଇ ନିଜର୍ ଗର୍ ନାଇ କି ? ତମର୍ ଲାଗି ତମର୍ ଗରିବ୍ ବାଇମନ୍ ଲାଜ୍ ଅଇଗାଲାଜନି । ଆରି ବାକି ବିସ୍ବାସିମନ୍କେ ଇଜଡ଼ ଜିକାଇଲାସି । ଏ ବିସଇ ଆରି ମୁଇ ତମକେ କାଇଟା ବଲି କଇବି ? ଏନ୍ତାରି ଅ ବଲି କଇବି କି ? ନାଇ, ନ କଇ ।

୨୩ କାଇକେବଇଲେ ମାପୁରୁର୍ ସିକିଆ ପାଇଲି ଆରି, ସେଟାସେ ମୁଇ ତମକେ ସିକାଇଆଟି । ଜନ୍ ରାତି ଆମର୍ ମାପୁରୁ ଜିସୁ ବିସ୍ବାସେ ବିସ୍ ଦେଲାପାରା ଅଇଲା, ସେ ରୁଟିନେଇ, ପର୍ମେସର୍କେ ଦନିଅବାଦ୍ ଦେଲା । ୨୪ ଏଟା ତମର୍ ପାଇ ବଲିଅଇରଇବା ମର୍ ଗାଗଡ଼, ମକେ ଏଡ଼ାଇବାକେ ଏନ୍ତାର୍ କରା । ୨୫ ସେନ୍ତାରିସେ କାଇଲା ପଚେ, ସେ ମୁତା ଦାରିକରି କଇଲା “ଏ ମୁତା ପର୍ମେସରର୍ ନୁଆ ରାଜିନାମା, ଜନ୍ତା କି ମର୍ ନିଜର୍ ବନି ଦେଲାକେ, ଟିକ୍ ଅଇଲା ।”

୨୬ ଆମର୍ ମାପୁରୁ ଜିସୁ ବାଅଡ଼ବାଜାକ, ଜେଡ଼କିତର୍ ରୁଟି କାଇସା କି ଏ ମୁତାଇ ଅନି ତୁକ୍ସା, ତମେ ମାପୁରୁର୍ ମରନ୍ ବିସଇର୍ କବର୍ ଜାନାଇସା । ୨୭ ଏଟାଅର୍ ଅରଡ଼ ଅଇଲାନି, ଜେ ଜଦି ମାପୁରୁକେ ସନ୍ମାନ ନ ଦେଇ, ଏ ରୁଟି କାଇସି କି ମୁତାଇ ଅନି ତୁକ୍ସି, ସେ ମାପୁରୁର୍ ଗାଗଡ଼ ଆରି ବନିର୍ ବିରୁଦ୍ଧେ ପାପ୍ କଲାଜି । ୨୮ ସେଟାପାଇ ତମେ ନିଜ୍ଜକେ ପରିକା କରି ଦେକ୍ବାର୍ଆଚେ, ଦେକି ସାରାଇ ଏ ରୁଟି କାଇଅଇସି ଆରି ମୁତାଇଅନି ତୁକ୍ ଅଇସି । ୨୯ କାଇକେବଇଲେ ଜଦି ସେ ରୁଟି କାଇଲାବେଲେ ଜେ ମାପୁରୁର୍ ଗାଗଡ଼ ଆରି ମୁତାଇଅନି ତୁକ୍ଲାବେଲେ ସତ୍ବିସଇ ନ ବୁଜଡ଼, ସେମନ୍ ନିଜେ ନିଜର୍ ଉପ୍ରେ ପର୍ମେସରର୍ ତଣ୍ଡ୍ ଡାକି ଆନ୍ଲାଜନି । ୩୦ ସେଟାପାଇ ତମର୍ ବିତ୍ତରେ ବେସି ଲକ୍ ଦୁର୍ବଲ୍ ଆଟାସ୍ ଆରି ବିନ୍ ବିନ୍ ଜର୍ ଦାରାଇ ଅଇଆଟାସ୍ ଆରି ମଲାସି ମିସା । ୩୧ ମାତର୍ ଆମେ ଜଦି ନିଜ୍ଜକେ ପରିକା କର୍ଡା ଆଲେ, ପର୍ମେସରର୍ ତଣ୍ଡ୍ ଆମର୍ ଉପରେ ନ ଆଇତା । ୩୨ ମାତର୍ ଜଗତର୍ ଲକ୍ମନ୍ ପର୍ବର୍ ତଣ୍ଡ୍ଲଗେ ଅନି ଆମକେ ରକିଆ କର୍ବାକେ ପର୍ମେସର୍ ଆମକେ ବିଚାର୍ କରି ଦେଇସି ।

୩୩ ତେବେ ଏ ମର୍ ବାଇବଇମନ୍, ତମେ ଆମର୍ ମାପୁରୁର୍ କାଦି କାଇବାକେ ରୁଣ୍ଡିଲା ବେଲେ ଗଟେକ୍ ଲକ୍ ଆରି ଗଟେକ୍ ଲକ୍କେ ଜାଗା । ୩୪ ଜଦି କେ ବୁକେ ଆଚେ, ସେ ନିଜର୍ ଗରେ କାଇକରି ଆଇବାର୍ ଆଚେ । ଜେନ୍ତିକି ତମେ ରୁଣ୍ଡିଲାବେଲେ ପର୍ମେସରର୍ ତଣ୍ଡ୍ ତମର୍ ଉପରେ ନ ଆସେ । ଆରି ରଇଲା ବିନ୍ ବିନ୍ ବିସଇମନ୍ ମୁଇ ଆଇଲେ, ପଚେ ବୁଜାଇ ଦେବି ।



ସୁକଲ୍ ଆଡ଼ମାର୍ ଦାନ୍

୧ ମର୍ ବାଇମନ୍, ତମେ ସୁକଲ୍ ଆଡ଼ମା ଦେବା ଦାନ୍ ବିସଇର୍ ଜାଗାଟା ଲେକିରଇଲାସ୍ ସେଟା ନିକସଇ ବୁଜା ବଲି ମୁଇ କଲିନି । ୨ ତମେ ଜିସୁକେ ବିସ୍ବାସ୍ କର୍ବା ଆଗଡ଼୍ ଜିବନ୍ ନ ରଇବା ପୁଡ଼ଲାମନ୍କେ

ପୁଜାକରି ବାଟ୍ ବାମା ଅଇଜାଇ ରଇଲାସ୍ । ୩ ସେଟାର୍‌ପାଇ ମୁଇ ଏବେ ତମ୍‌କେ କଇଲିନି, ଜନ୍ ଲକ୍ ସୁକଲ୍ ଆତ୍‌ମାର୍ ଚାଲ୍‌ନା ପାଇଲାଆତେ, ସେ ଜିସୁକେ ଅବିସାୟ ଦେଇ ନାପାରେ । ଆରି ଜନ୍ ଲକ୍ ତାର୍ ଆତ୍‌ମା ପାଏନାଇ, ସେ ଜିସୁ ପର୍‌ମେସର୍‌ ବଲି କଇନାପାରେ ।

୪ * ସୁକଲ୍ ଆତ୍‌ମାର୍ ଦାନ୍ ବିନ୍ ବିନ୍ ରକାମ୍, ମାତର୍ ଜନ୍ ଆତ୍‌ମା ସେଟାମନ୍ ଦେଇସି ସେ ଗଟେକ୍ ସେ । ୫ ସେବା ବିନ୍ ବିନ୍ ରକାମର୍, ମାତର୍ ଜନ୍ ମାପରୁ ସେବା ପାଇଲାନି, ସେ ଗଟେକ୍ ସେ । ୬ କାମ୍ କରବା ବପୁ ବିନ୍ ବିନ୍ ରକାମର୍, ମାତର୍ ପର୍‌ମେସର୍ ଗଟେକ୍ । ସେ ଆକା ସବୁକେ ବପୁ ଦେଲାନି । ୭ ମାତର୍ ସବୁ ଲକ୍‌ର୍ ମଙ୍ଗଲ୍ ପୁରାପୁରୁନ୍ ଅଇବାକେ ବିନ୍ ବିନ୍ ଲକ୍‌ର୍ ବିତ୍‌ରେ ସୁକଲ୍ ଆତ୍‌ମାର୍ ବପୁ ବିନ୍ ବିନ୍ ଇସାବେ ଜାନାପଡ଼ସି । ୮ ସୁକଲ୍ ଆତ୍‌ମା କାକେ କାକେ ବୁଦିର୍ ବାକିଅ କଇବାକେ ଦେଇସି, ଆକି କାକେ କାକେ ଗିଆନର୍ ବାକିଅ ଦେଇସି । ୯ ସେ ଗଟେକ୍ ସୁକଲ୍ ଆତ୍‌ମାସେ କାକେ କାକେ ବିସ୍‌ବାସ୍ ଦେଇସି ଆରି କାକେ କାକେ ନିକ ଅଇବା ବପୁର୍ ଦାନ୍ ଦେଇସି । ୧୦ କାକେ କାକେ କାବାଅଇଜିବା କାମ୍ କରିପାରବା ବପୁ, କାକେ କାକେ ପର୍‌ମେସର୍ ଜାନାଇଲା କାତା କଇବା ବପୁ, କେତେ ଲକ୍‌କେ ଆତ୍‌ମା ଦେଇରଇବା ଦାନ୍ ଚିନ୍‌ବା ବପୁ, ଆରି କେତେକ ଲକ୍‌କେ ସେ ନାଜାନି ରଇବା ବିନ୍ ବିନ୍ ବାସାଇ କାତା କଇବା ବପୁ, ଆରି କେତେକ ଲକ୍‌କେ ସେ ବାସାର୍ ଅରଡ଼ ବୁଜାଇବା ବପୁ ଦେଇରଇସି । ୧୧ ମାତର୍ ଏ ସବୁଜାକ ବପୁ ଗଟେକ୍ ଆତ୍‌ମାସେ କରି ରଇସି । ସେ ନିଜର୍ ମନ୍ କଲା ଇସାବେ ବିନ୍ ବିନ୍ ଲକ୍‌ମନ୍‌କେ ବିନ୍ ବିନ୍ ବିସଇର୍ ଦାନ୍ ଦେଇରଇସି ।

ଗଟେକ୍ ଗାଗଡ଼ ମାତର୍ ବେସି ଆତ୍‌ଗଡ଼

୧୨ * ଜେକ୍ରିକି ବିନ୍ ବିନ୍ ବାଗ୍ ମିସିକରି ରଇଲେ ମିସା ଗାଗଡ଼ ଗଟେକ୍‌ସେ, ସେନ୍ତାରିସେ କିରିସର୍ ଗଟେକ୍ ଗାଗଡ଼ ପାରା । ଜନ୍‌ଡେଇ କି ବିନ୍ ବାଗ୍ ମିସିଆତଡ଼ । ୧୩ କାଇକେବଇଲେ ଆମେ ସବୁ ଜିଉଦି ଅଇଲେ କି ଜିଉଦି ନ ଅଇଲେ ମିସା, ଗଡ଼ିବାଙ୍ଗଡ଼ା ଅଇଲେ କି ନିଜର୍ ଇସାବେ ଚଲାଚଲୁଟି କଲେ ମିସା ପର୍‌ମେସର୍‌ର ସେ ସମାନ୍ ଗଟେକ୍ ଆତ୍‌ମାର୍ ଲାଗି, ଗଟେକ୍ ଗାଗଡ଼ ଅଇବାକେ ତୁବନ୍ ନେଇଆରୁ । ଆରି ଏ ସମାନ୍ ସୁକଲ୍ ଆତ୍‌ମା ପାଇଆରୁ ।

୧୪ ଆମର୍ ଗାଗଡ଼ ବିସଇ ଆରି ଗଟେକ୍‌ତର୍ ଚିନ୍ତା କରିଦେକୁ । ସେଟାକେ ଗଟେକ୍ ବାଗ୍ ନାଇ ମାତର୍ ବେସି ବାଗ୍ ଆତେ । ୧୫ ଜଦି ପାଦ୍, “ମୁଇ ଆଡ଼ ନଇ, ମୁଇ ଗାଗଡ଼ର୍ ନଇ ।” ବଲିକରି କଇଲେ ମିସା ପାଦ୍ ଗାଗଡ଼ର୍ ସେ । ୧୬ ସେନ୍ତ୍ରସେ କାନ୍ ଜଦି, ମୁଇ ଆଁକି ନଇ, ମୁଇ ଗାଗଡେ ମିସ୍‌ବାଟା ନଇ ସେନ୍ତ୍ର କଇଲେ ମିସା ଆଁକି ଗାଗଡ଼ର୍‌ଟାସେ । ୧୭ ସବୁ ଗାଗଡ଼ ଜଦି ଗଟେକ୍ ଆଁକିସେ ରଇଲେ, ତେବେ ସୁନ୍‌ବାଟା କନ୍ତ୍ରି ରଇତା ? ସବୁ ଗାଗଡ଼ ଜଦି ଗଟେକ୍ କାନ୍‌ସେ ଅଇତା, ତେବେ ସୁଙ୍ଗାଟା କନ୍ତ୍ରି ରଇତା ? ୧୮ ମାତର୍ ଗାଗଡ଼ ସେନ୍ତ୍ରାରି ନର୍ଏ । କାଇକେବଇଲେ ପର୍‌ମେସର୍ ତାର୍ ନିଜର୍ ମନ୍ କଲା ଇସାବେ ଗାଗଡ଼ର୍ ସବୁ ବାଗ୍, ସମାନ୍ ଜାଗାଇ ସାଜାଡ଼ି ସଙ୍ଗିଆତେ । ୧୯ ଆରି ଗାଗଡ଼କେ ଜଦି ଗଟେକ୍‌ସେ ବାଗ୍ ରଇତା, ତେବେ ଗାଗଡ଼ ବଲି କେନ୍ତ୍ର ବଲାଇ ଅଇତା ? ୨୦ ମାତର୍ ସଡ଼ ବିସଇ ଅଇଲାନି ବେସି ବାଗ୍ ରଇଲେ ମିସା ଗାଗଡ଼ ଗଟେକ୍‌ସେ ।

୨୧ ତର୍ ଚାନେ ମର୍ କାଇ ଲଡ଼ା ନାଇ, ବଲି ଆଁକି ଆଡ଼କେ କଇନାପାରେ କି, ମୁଣ୍ଟ ପାଦ୍‌କେ କଇ ନାପାରେ । ୨୨ କାଇକେବଇଲେ ଜନ୍ ଗାଗଡ଼ର୍ ବାଗ୍ ବିନ୍‌ଟାମନ୍‌ର୍ ତେଇଅନି ଦୁର୍‌ବଲ୍ ଆତେ ବଲି ଆମେ ବାବ୍‌ଲୁନି, ସେଟାମନ୍‌ସେ ଆମ୍‌କେ ବେସି ଲଡ଼ାକେ ଆଇସି । ୨୩ ଆରି ଜନ୍ ଗାଗଡ଼ର୍ ବାଗ୍ ବେସି ମୁକିଅ ନାଇ, ଆରି ସୁନ୍‌ର୍ ନ ଡିସେ, ସେଟାମନ୍‌ସେ ଆମେ ନିକସଙ୍ଗ ଜତନ୍ କରି ଡାବ୍‌ଲୁନି । ୨୪ ଆରି ଜନ୍ ବାଗ୍ ବାଇରେ ଅନି ସୁନ୍‌ର୍ ଡିସି, ସେଟାମନ୍ ସେନ୍ତ୍ରାରି ଜତନ୍ କରବା ଦନ୍‌କାର୍ ନାଇ । ପର୍‌ମେସର୍ ଆମର୍ ଗାଗଡ଼ର୍ ବାଗ୍‌ମନ୍‌କେ କାଇକେ ଏନ୍ତ୍ର ସାଜାଇଲା ବଇଲେ, ଜନ୍‌ଟାକି ବେସି ମୁକିଅ ନାଇ ବଲି ଆମେ ବାବ୍‌ଲୁନି, ସେଟାମନ୍‌କେ ଆମେ ନିକସଙ୍ଗ ଜତନ୍ କରି ସନ୍‌ମାନ୍ ଦେବୁ । ୨୫ ଜେନ୍ତ୍ରାରି କି ଗାଗଡ଼ର୍ ବାଗ୍ ସବୁ ଗଟେକ୍ ବାଗ୍ ଆରି ଗଟେକ୍ ବାଗ୍‌କେ ବିରଦ୍ ନ କରେ, ମାତର୍ ତାକ୍‌ର୍ ତାକ୍‌ର୍ ବିତ୍‌ରେ ସାଇଜ ଅଇବାଇ । ତେବେ ଗାଗଡ଼ର୍ ଗଟେକ୍ ବାଗ୍‌କେ ଦୁକା ଅଇଲେ, ସେଟା ସବୁର୍‌ପାଇ ଦୁକା । ୨୬ ଗଟେକ୍ ବାଗ୍ ଦୁକା ଅଇଲେ, ଆରି ଅଲ୍‌ଗା ବାଗ୍‌କେ ମିସା ଦୁକା ଅଇସି । ଗଟେକ୍ ବାଗ୍ ତାକ୍‌ପୁଟା ଅଇଲେ, ସେମନ୍ ସବୁ ମିସି ସାବ୍‌ବା ଅଇବାଇ ।

୨୭ ଆମେ ଜେଡ଼କି ଲକ୍ ବିସ୍‌ବାସି, କିରିସର୍ ଗାଗଡ଼ ସଙ୍ଗ ସମାନ୍ କରିଅଇସି । ଆରି ତେଇ ଆମେ ଗଟେକ୍ ଗଟେକ୍ ବାଗ୍ । ୨୮ * କିରିସର୍ ଇଏ ଗାଗଡେ ପର୍‌ମେସର୍ ବିନ୍ ବିନ୍ ଲକ୍‌ମନ୍‌କେ ବିନ୍ ବିନ୍ କାମ୍ ଦେଲାଆତେ । ପର୍‌ତୁମ୍ ପେରିଡ଼ ଇସାବେ ବାଟ୍‌ଲା ଲକ୍, ତାର୍ ପତେ ବବିସଡ଼ କାତା କଇବା

ଲକ୍ଷ୍ୟମାନଙ୍କେ, ସିକାର୍ତ୍ତମାନଙ୍କେ, କାବାଅଇଜିବା କାମ୍ କରୁବା ଲକ୍ଷ୍ୟମାନଙ୍କେ, ନିକ କରୁବା ଲକ୍ଷ୍ୟମାନଙ୍କେ, ସାଇଜ କରୁବା ଲକ୍ଷ୍ୟମାନଙ୍କେ, ନେତା ଇସାବେ ଦାଇଡ଼ ନେବାଙ୍କେ, ଆରି ନାଜାନୁଲା ବାସାଇ କାତା କଇବା ଲକ୍ଷ୍ୟମାନଙ୍କେ ବାଟୁଲା ଆଟେ । ୨୯ ସେମନ୍ ସବୁଲକ୍ଷ୍ୟ ପେରିଡ଼ ନଅଡ଼ କି ବବିସଡ଼ବକ୍ତା କି ସିକାର୍ତ୍ତମାନ ନଅଡ଼ । ସବୁଲକ୍ଷ୍ୟକେ କାବା ଅଇଜିବା କାମ୍ କରୁବା ବପୁ ନାଇ । ୩୦ କି ନିକ କରୁବା ବପୁ କି ନାଜାନୁବା କାତାଇ କଇବା ବପୁ, କି ଜନ୍ତଟା କଇଲାଟା ବୁଜାଇବା ବପୁ ନାଇ । ୩୧ ତେବେ ଅଦିକ୍ ମୁକ୍ତି ଅରଇବା ବପୁ ପାଇବାଙ୍କେ ଆମେ ମନ୍ କରୁବାଟା ଆଟେ । ସବୁରଟାମେ ଅନି ମୁକ୍ତି ବପୁର ବିସଇ ମୁଇ ତମ୍ବେକ ଜାନାଇବି ।

୧୩

ଆଲାଦ୍

୧ ଜଦି ମୁଇ ଲକ୍ଷ୍ୟମାନ ବାସାଇ କି ସରଗର୍ ଦୁଡ଼ମନର୍ ବାସାଇ କାତା ଅଇବି । ମର୍ ବାଇମାନଙ୍କେ ମୁଇ ଆଲାଦ୍ ନ କରି ବଇଲେ, ମର୍ କାତା ବୁଟାଇସେ, ଜେନ୍ତିକି ଗଟେକ୍ ସବଦ୍ ଅଇକରି ବାଜିବା ଗିଟା ପାରା । ୨ ଯେସ୍ତାରି ମକେ ମାପୁରୁ ବାକିଅ ବୁଜାଇବା ବପୁ ରଇଲେ ମିସା, କି ମୁଇ ସବୁ ବିସଇ ଜାନିରଇଲେ ମିସା, ଚିକି ନିକି ବିସଇ ବୁଜିରଇଲେ ମିସା ଆରି ମର୍ ବିସବାସ୍ ଏଡେକ୍ ଡାଟ୍ ଆଟେ ଜେ, ତଙ୍ଗର୍ ଉଡ଼କାଇବା ପାରା ମର୍ ଡାଟ୍ ବିସବାସ୍ ରଇଲେ ମିସା ବାଇମାନର୍ ପାଇ ଆଲାଦ୍ ନାଇ ବଇଲେ ମୁଇ ବୁଟାଇସେ । ୩ ଜଦି ମୁଇ ମର୍ ସବୁ ଦନ୍ ସିପତି ଅରକିଡ଼ ଲକ୍ଷ୍ୟମାନଙ୍କେ ଦେଇରଇଲେ ମିସା, ଆରି କିରିସଟର୍ପାଇ ମର୍ ଗାଗଡ଼ ପଡ଼ାଇବାଙ୍କେ ସର୍ପି ଦେଲେ ମିସା ମର୍ ଆଲାଦ୍ ନାଇ ବଇଲେ, ମର୍ପାଇ କାଇ ଲାବ୍ ନାଇ ।

୪ ଆମେ ବାଇମାନଙ୍କେ ଆଲାଦ୍ କଲେ ଦାପେ ରିସା ନ ଅଇ ଦୟା ଦେକାଇବୁ । ଆଁକାର୍ ନ ଅଇ, ବଡ଼ପନ୍ ନ ଅଇ ଲକ୍ଷ୍ୟମାନଙ୍କେ ନିଜର୍ ତଲିଆ ନ ଦେକୁ । ୫ ଆମେ କାରାପ୍ ବେବାର୍ ନ କରୁ, ନିଜେ ପାଇବାଙ୍କେ ମନ୍ ନ କରୁ । ଦାପେ ବିରୁବିରା ନ ଅର୍ଥ ଆରି ଆଗେ କଲା ବୁଲ୍ କାମ୍ମମନର୍ ଇସାଦ୍ ନ କରୁ । ୬ ଆମେ ଦରମ୍ ନଇଲାଟାଙ୍କେ ଦେକି ସାର୍ଦା ନ ଅର୍ଥ, ମାତର୍ ସଡ଼ ଟାମେ ସାର୍ଦା ଅଇବୁ । ୭ ସବୁ ବିସବାସ୍ କର୍ବୁ, ସବୁଟା ଆସାକର୍ବୁ, ସବୁବିସଇ ମୁରଟ୍‌ବାଟା ନ ଚାଡ଼ୁ ।

୮ ଆଲାଦ୍ କରାକରି ଅଇବାଟାଟ୍ ସେସ୍ ନାଇ । ପର୍ମେସରର୍ ବାକିଅ କଇବା ବପୁ, ଆରି ନାଜାନୁବା ବାସା କଇବା ବପୁ, ସବୁ ସାରିଜାଇସି । ସେସ୍ତାରିସେ ଆମ୍ବେକେ ଗିଆନ୍ ରଇଲେ ମିସା ସେଟା ଆଜିଜାଇସି । ୯ ମାତର୍ ଆମର୍ ଗିଆନ୍ ଏବେ ଜାକ ପୁରାପୁରୁନ୍ ଅଏ ନାଇତା । ଆରି ପର୍ମେସରର୍ ବାକିଅ କଇବାଟା ମିସା ଏବେ ଜାକ ପୁରାପୁରୁନ୍ ଅଏ ନାଇତା । ୧୦ ମାତର୍ ଜେତେବେଲେ ଗଟେକ୍ ଦିନ୍ ଆଇସି, ଆମେ ସବୁ ନିକକରି ଜାନୁ । ସେ ଦିନ୍ମାନଙ୍କେ ଲକ୍ଷ୍ୟମାନ ସଙ୍ଗର୍ ବିସବାସିମାନଙ୍କେ ସିକାଇବାଙ୍କେ ଦର୍କାର୍ ନ ପଡେ ।

୧୧ ମୁଇ ଜେତେବେଲେ ପିଲା ରଇଲି, ପିଲାମନ୍ କଇଲାପାରା କାତା ଅଇଲି ଆରି ପିଲାମନ୍ ଚିନ୍ତା କଲାପାରା ଚିନ୍ତା କର୍ତେରଇଲି ଆରି ସେମନ୍ ବାବ୍ଲା ପାରା ବାବ୍ତେରଇଲି । ମାତର୍ ମୁଇ ଏବେ ବୟସେ ବଡ଼ ଅଇଗାଲିଜେ ପିଲାମାନର୍ ପାରା ଚଲାଚଲୁଡ଼ି କରୁବାଟା ଚାଡ଼ିଦେଲି । ୧୨ ମାତର୍ ଜନ୍ତଟା ଆମେ ଏବେ ଦେକ୍ଲୁନି, ସେଟା ଦର୍ପମେ ଦେକ୍ଲାପାରା ସେତେକ୍ ନିକ ଡିସେ ନାଇ । ମାତର୍ ଗଟେକ୍ ଦିନ୍ ଆଇସି, ଜେବେ କିରିସଟେକେ ଆମର୍ ମୁଆଟେ ଦେକ୍ବୁ । ସେ ବେଲେ ଆମେ ନିକସଙ୍ଗ୍ ଜାନୁ । ଏବେ ଆମେ ଉନା ବିସଇ ଜାନୁଲୁନି, ମାତର୍ ସେ ଦିନ୍ମାନଙ୍କେ ଆମେ ପୁରାପୁରୁନ୍ ବାବେ ଜାନୁ । ଜେନ୍ତାଟ୍ କି ପର୍ମେସର୍ ଆମ୍ବେକେ ପୁରାପୁରୁନ୍ ବାବେ ଜାନେ ।

୧୩ ସାରାସାରି ତିନ୍ତା ବିସଇ ଆଟେ, ପର୍ମେସର୍ ଟାମେ ବିସବାସ୍ କରୁବାଟା, ସେ କାତା କଇଲାଟା ଆସା କରୁବାଟା, ଆରି ବାଇମାନର୍ ପାଇ ରଇବା ଆମର୍ ଆଲାଦ୍ । ଏ ତିନ୍ତା ବିଡ଼ରେଅନି ବାଇମାନଙ୍କେ ଆଲାଦ୍ କରୁବାଟା ସବୁରଟାମେଅନି ମୁକ୍ତି ବିସଇ ।

୧୪

ସୁକଲ୍ ଆଡ଼ମାର୍ ଦାନ୍ ଦେବାଟା

୧ ତେବେ ବାଇମାନଙ୍କେ ଆଲାଦ୍ କରୁବାଙ୍କେ ତମର୍ ସବୁ ବପୁ ସାରାଆ । ସୁକଲ୍ ଆଡ଼ମା ଜନ୍ ସବୁ ବପୁ ଦେଲାନ୍, ସେଟା ପାଇବାଙ୍କେ ମିସା ମନ୍ କରା । ସେ ବିଡ଼ରେ ଅନି ପର୍ମେସରର୍ ବାକିଅ ଜାନାଇବା ବପୁ ପାଇବାଙ୍କେ ମନ୍ କରା । ୨ କାଇକେବଇଲେ ଜେ ନାଜାନୁଲା ବାସା ସଙ୍ଗ୍ କାତା ଅଇସି, ସେ ଲକ୍ଷ୍ୟମାନର୍

୧୩:୨ ୧୩:୨ ମାତିଉ ୧୭:୨୦;୨୧:୨୧; ମାର୍କ ୧୧:୨୩

ସଙ୍ଗେ ନାହିଁ, ମାତ୍ର ପରମେଶ୍ୱର ସଙ୍ଗେ କାତା ଅଛନ୍ତି । କାଳକେବଳେ ତାହା କେ ମିଥା ବୁଝନ୍ତୁ ନାହିଁ । ସେମାନେ ଆତ୍ମାକୁ ବସ୍ତୁର ସଙ୍ଗେ ଲୁଚେ ରହିବା ସହ ବିସଇ କାତା ଅଛନ୍ତି । ୩ ମାତ୍ର ଜେ ପରମେଶ୍ୱର ବାକିଅ ଜାନାଇସି, ଲକ୍ଷ୍ମୀନର ସଙ୍ଗେ କାତା ଅଛନ୍ତି । ଜେନ୍ତାରିକି, ସେମାନେ ସାଇଜ, ସାର୍ଦ୍ଦା ଆରି ବୁକ୍ ସାରାଇବାଟା ଦେଇରଇସି । ୪ ଜେ ନାଜାନୁଲା ବାସାଇ କାତାଅଛନ୍ତି, ସେଟା ତାହା ନିଜର ବିସବାସକେ ତାହା କରାଇସି । ମାତ୍ର ଜେ କି ପରମେଶ୍ୱର ବାକିଅ ଜାନାଇସି, ସେ ଗୁଲାଇ ମାଣ୍ଡୁଲିର ବିସବାସ ତାହା କରାଇସି ।

୫ ତମେ ସବୁଲକ୍ ନାଜାନୁଲା ବାସାଇ କାତା ଅଛଲେ ମୁଇ ସାର୍ଦ୍ଦା ଅଛବି । ମାତ୍ର ପରମେଶ୍ୱର ବାକିଅ ଜାନାଇବାକେ ବସ୍ତୁ ଉଆ ବଲି ମୁଇ ଅଦିକ୍ ମନ୍ କଲିନି । କାଳକେବଳେ ପରମେଶ୍ୱର ବାକିଅ ପାଇକରି ଜାନାଇବା ଲକ୍, ନାଜାନୁବା ବାସାଇ କାତା ଅଛବା ଲକ୍ ଟାମେଅନି ମୁକ୍ସି । ଜଦି ମଣ୍ଡୁଲିର କେ ମିଥା ସେ କଲଲା ବିସଇ ଅରତ୍ ନ ବୁଜାଇବାଜାକ ଗୁଲାଇ ମଣ୍ଡୁଲି ସାଇଜ ନର୍ସି । ୬ ତେବେ ଏ ବାଇବଇନିମନ୍ ମୁଇ ତମଟାମେ ଅଛଲାଇବେଲେ, ଜଦି ନାଜାନୁଲା ବାସାଇ କାତା କଲଲେ, ତମକେ କେନ୍ତା ତାହା କରାଇବି ? ମୁଲକେ ନାହିଁ, ଜଦି ମୁଇ ପରମେଶ୍ୱର ଟାମେଅନି ପାଇଲା ବାକିଅ, କି ଗିଆନ୍, କି ବସିସହ କାତା ସିକ୍ସା ବିସଇ ନ ଜାନାଇଲେ, ତେବେ ତମକେ କେନ୍ତା ତାହା କରାଇବି ?

୭ ସେନ୍ତାରିସେ ବାଉସି ଆରି ତୁଡୁଙ୍ଗା ପାରା ଜିବନ୍ ନ ରଇବା ବାଇଦ୍ ବିସଇ ବାବିଦେବୁ, ସେଟା ଜଦି ବାଜନ୍ତେଇ ବିନ୍ ସର୍ ନ ରଇଲେ, ସେଟା ବାଜୁଲାନି ବଲିକରି ଜାନି ନଏ ।

୮ ସେନ୍ତାରିସେ ସନିଅମନ୍ ଜନ୍ ବାଁକା ବାଜାଇବାଇ, ଜଦି ତାହା ସବଦ୍ ଚିକ୍ ନାହିଁ, ଜୁଇଦେ ଜିବାଜେ କେ ମିଥା ଜାଗ୍ରତ୍ ନ ଅଥଡ୍ । ୯ ସେନ୍ତାରିସେ ନ ବୁଜୁବା କାତା କଲଲେ, ତମେ କାଜଟା କାତା ଅଛଲାଇସିନି ବଲି କେ ବୁଜି ନାପାରତ୍ । ତମର କାତା ପବନ୍ ଉଡାଇନେଲା ପାରା ଅଛନ୍ତି । ୧୦ ଏ ଜଗତେ କେତେକ୍ କେତେକ୍ ବାସା ଆତେ । ଆରି ସେଟାହ୍ ସବୁର୍ ଅରତ୍ ଆତେ । ୧୧ ମାତ୍ର କାତାଅଛରଇବା ବାସା ଜଦି ମୁଇ ବୁଜି ନାପାରୁଲିନି, ସେ ବାସାଇ କାତା ଅଛବା ଲକ୍ ମନ୍ ମର୍ ଅଚିନାର୍ ଲକ୍ ପାରା, ମୁଇ ମିଥା ସେମାନୁପାଇ ଅଚିନାର୍ ପାରା । ୧୨ ତେବେ ତମେ ଜେନ୍ତାରିକି ସୁକଲ୍ ଆତ୍ମାକୁ ବିନ୍ ବିନ୍ ରକାମର୍ ଦାନ୍ ପାଇବାକେ ମନ୍ କଲାଇସି, ସେ ସବୁ ଟାମେଅନି ଜନ୍ ସବୁ ଦାନ୍ ତମର୍ ମଣ୍ଡୁଲିକେ ତାହା କରାଇସି, ସେ ଦାନ୍ ବାଇବାକେ ତେସ୍ତାକି କର ।

୧୩ ତେବେ ଜେ ନାଜାନୁଲା ବାସାଇ କାତା ଅଛନ୍ତି, ସେ କାତା ଅଛଲାଟା ବୁଜାଇବା ଦାନ୍ ମିଲ ବଲି ପାରତନା କର । ୧୪ କାଳକେବଳେ ମୁଇ ଜଦି ନାଜାନୁବା ବାସାଇ ପାରତନା କରୁବି, ମର୍ ଆତ୍ମା ପାରତନା କଲାନି । ମାତ୍ର ମର୍ ବୁଜୁବାର୍ ବସ୍ତୁ ତେଇ ମିସେନାଇ । ୧୫ ତେବେ ମୁଇ କାଜଟା କରୁବି ? ମର୍ ଆତ୍ମାକ ପାରତନା କରୁବି, ମାତ୍ର ବୁଜୁଲା ପାରା ମିଥା ପାରତନା କରୁବି । ମର୍ ଆତ୍ମାକ ଗିଡ୍ କଇବି । ମାତ୍ର ବୁଜୁଲାପାରା ମିଥା ଗିଡ୍ କଇବି । ୧୬ କାଳକେବଳେ ପରମେଶ୍ୱରକେ ଆତ୍ମାକସେ ଦନିଅବାଦ୍ ଦେଇସା, ସବାଇ ରଇଲା ମାମୁଲି ଲକ୍ ମନ୍ ତମର୍ ପାରତନା ସୁନିକରି, କେ ଆମେନ୍ ବଲି କଇପାରୁବାଇ ? ନାହିଁ ନା ପାରେ । କାଳକେବଳେ ତମେ କାଜଟା କଇଲାଇସିନି, ସେଟା ସେ ନାଜାନେ । ୧୭ ତେବେ ପରମେଶ୍ୱର ଟାମେ ତମର୍ ଦନିଅବାଦ୍ ଦେବାଟା ବେସି ନିକ ରଇଲେ ମିଥା ତମର୍ ବିନ୍ ବାଇମନ୍ତକେ ତାହା କରାଇ ନାପାରୁଲାଦ୍ ।

୧୮ ମୁଇ ପରମେଶ୍ୱରକେ ଦନିଅବାଦ୍ ଦେଲିନି, ମୁଇ ତମର୍ ସବୁଟାମେଅନି ଅଦିକ୍, ନାଜାନୁଲା ବାସାଇ କାତା କଇପାରି । ୧୯ ମାତ୍ର ମଣ୍ଡୁଲିର ଉପାସନା ବେଲାଇ, ନାଜାନୁଲା ବାସାଇ ଅଜାର୍ ଅଜାର୍ ପଦ୍ ନ କଇକରି ସବୁଲକ୍ ବୁଜୁଲା ପାରା ପାଁଟା ପଦ୍ କଇବାଟା ନିକ ।

୨୦ ଏ ବାଇବଇନିମନ୍ ତମେ ପିଲାମନର୍ ପାରା ଚିନ୍ତା କରାନାହିଁ । କାରାପ୍ ବିସଇତେଇ ପିଲାପାରା ଉଆ । ମାତ୍ର ବୁଦି ଆରି ବିଚାର୍ କରୁବାତେଇ ବଡ୍ ଲକ୍ ପାରା ଅଛବାର୍ ଦରକାର୍ । ୨୧ ସାସତରେ ଲେକାଆତେ,

ମାପୁରୁ କଇଲାନି, ବିନ୍ ବାସା କଇବା ଲକ୍ ମନର୍ ବାଟେଅନି

ଏ ଲକ୍ ସଙ୍ଗେ ମୁଇ କାତା ଅଛବି ।

ନାଜାନୁବା ବାସା କଇବା ଲକ୍ ଟାମେଅନି

ମୁଇ ଏ ଜାତିସଙ୍ଗେ କାତା ଅଛବି,

ଏଲେ ମିଥା ସେମନ୍ ମର୍ କାତା ନ ସୁନତ୍ ।

୨୨ ନାଜାନୁବା ବାସା କାତା ଅଛବା ବସ୍ତୁ, ବିସବାସ୍ ନ କଲା ଲକ୍ ମନର୍ ପାଇ ଗଟେକ୍ ଚିନ୍ ପାରା । ମାତ୍ର ବିସବାସିମନର୍ପାଇ ନାହିଁ । ଆରି ପରମେଶ୍ୱର ବାକିଅ ଜାନାଇବା ବସ୍ତୁ ବିସବାସି ମନର୍ପାଇ ଗଟେକ୍ ଚିନ୍, ଆରି ବିସବାସ୍ ନ କରୁବା ଲକ୍ ମନର୍ ପାଇ ନାହିଁ ।

୨୩ ତେବେ ତମେ ମଣ୍ଡୁଲି ଇସାବେ ରୁଣ୍ଡୁଲା ବେଲେ ନାଜାନୁଲା କାତା କଇସା ବଇଲେ, ତେଇରଇବା ବିନ୍ଦୁ ଲକ୍ଷ୍ମୀନୁ ଆରି ବିସ୍ଵାସ୍ ନ କରବା ଲକ୍ଷ୍ମୀନୁ କାଇଟା ବଲି କଇବାଇ ? “ଏ ତା ବାୟା ଅଇଗାଲା ଆଟେ !” ୨୪ ଜଦି ସବୁଲକ୍ଷ୍ମୀ ପରମେସ୍ଵର ଜାନାଇଲା କାତା କଇଲାସିନି, ଜଦି ତେଇ ଗଟେକ୍ ବିସ୍ଵାସ୍ ନ କଲା ଲକ୍ଷ୍ମୀ କି ଗଟେକ୍ ମାମୁଲି ଲକ୍ଷ୍ମୀ ଆଇଲେ, ତେବେ ସେ ନିଜର୍ ପାପର୍ ବିସ୍ଵଇର୍ ଚେତ୍ନା ପାଇସି । ଆରି ସେ ସୁନୁଲା ସବୁ ବିସ୍ଵଇର୍ କାତାଅନି ତାକେ ବିଚାର୍ ଅଇସି । ୨୫ ଆରି ତାର୍ ମନେ ଲୁଚି ରଇବା ବିସ୍ଵଇ ସବୁ ଜାନାପଡ଼ସି । ପଟେ ସେ ପରମେସ୍ଵରକେ ତାଣ୍ଡସନ୍ ପଡ଼ି, ତାର୍ କରିରଇବା ପାପ୍ ମାନିଅଇକରି “ତମର୍ ବିତ୍ତରେ ସତଇସେ ପରମେସ୍ଵର ଆଟେ !” ବଲି କଇସି ।

ମଣ୍ଡୁଲି ସାନ୍ତି ରକିଆ କରବାଟା

୨୬ ଏ ବାଇବଇନିମନ୍, ମର୍ କଇବା କାତା ଅଇଲାସିନି, ତମେ ଉପାସନା କରବାକେ ରୁଣ୍ଡୁଲା ବେଲାଇ ଏନ୍ତାରି କରା । ତମର୍ ବିତ୍ତରେଅନି କାକେ କାକେ ଗିତ୍ ଆଟେ, କାକେ କାକେ, ସିକିଆ ଦେବାଟା ଆଟେ, ଆରି କାକେ କାକେ ପରମେସ୍ଵରର୍ ଟାନେ ଅନି କାତା ପାଇ, ସେଟା ଜାନାଇବାଟା ଆଟେ, କି ନାଜାନୁଲା ବାସାଇ କାତା କଇବାଟା ଆଟେ, ଆରି କାକେ କାକେ ନାଜାନୁଲା ବାସାଇ କଇଲା କାତାର୍ ଅରଡ଼ ବୁଜାଇବା ବପୁ ଆଟେ, ଏନ୍ତ୍ର କାଇଟା ନଇଲେ କାଇଟା ଆଟେ । ଏଟା ସବୁ ଅଇସି, ତେବେ ମଣ୍ଡୁଲିର୍ ବିସ୍ଵାସି ମନର୍ ବିସ୍ଵାସ୍ ଡାବ୍ ଅଇସି । ୨୭ ଜଦି କେ ନାଜାନୁଲା ବାସାଇ କାତା ଅଇଲେ, ଦୁଇ ତିନି ଲକ୍ଷ୍ମୀ ତେଇଅନି ଅଦିକ୍ ଲକ୍ଷ୍ମୀ ନ କଅଡ଼ । ଆରି ଗଟେକ୍ ଲକ୍ଷ୍ମୀ ପଟେ ଗଟେକ୍ ଲକ୍ଷ୍ମୀ କଇବାର୍ ଆଟେ । ଆରି ସେ କାତା ବୁଜାଇ ଦେବା ଲକ୍ଷ୍ମୀ ମିସା ତେଇ ରଇବାର୍ ଆଟେ । ୨୮ ଜଦି ସେଟା ବୁଜାଇବାକେ ତେଇ କେ ନାଇ, ସେ ଉପାସନାଲେ ରୁପ୍ ଅଇ ରଥ । ସେ ଅବକା ମନେ ମନେ ପରମେସ୍ଵରର୍ ସଙ୍ଗ୍ କାତା ଅ । ୨୯ ଜଦି ପରମେସ୍ଵରଟାନେଅନି କାତା ପାଇ, ଜାନାଇବା ଲକ୍ଷ୍ମୀ ଆଟଡ଼, ତେବେ ଦୁଇ ଲକ୍ଷ୍ମୀ କି ତିନି ଲକ୍ଷ୍ମୀ ରଇବାର୍ । ସେ ବେଲାଇ ତେଇ ରଇଲା ଲକ୍ଷ୍ମୀନ୍ ସେ ବାକିଅ ବିଚାର୍ କରବାର୍ ଆଟେ । ୩୦ ମାତର୍ ଉପାସନାତେଇ ରଇବା ଜଦି କାକେ ଅଟାଡ଼ ପରମେସ୍ଵରର୍ ଟାନେ ଅନି କାତା ପାଇସି, ତେବେ ବାକିଅ କଇତେରଇବା ଲକ୍ଷ୍ମୀ ତେଇ ବନ୍ଦୁ କରିରଇବାର୍ ଆଟେ । ୩୧ କାଇକେବଇଲେ ତମେ ଏନ୍ତାରି କଲେ ପରମେସ୍ଵରର୍ ବାକିଅ, ଗଟେକ୍ ଲକ୍ଷ୍ମୀ ପଟେ ଗଟେକ୍ ଲକ୍ଷ୍ମୀ, କଇ ପାରାସ୍ । ଜେନ୍ତ୍ରକି ସବୁଲକ୍ଷ୍ମୀ ସିକିଆ ପାଇକରି ଚେତ୍ନା ଅଇବାଇ । ୩୨ ମାତର୍ ପରମେସ୍ଵରର୍ ବାକିଅ ଜାନାଇବା ଦାନ୍, ଜାନାଇବା ଲକ୍ଷ୍ମୀ ତଲିଆ ରଇବା ଦରକାର୍ । ୩୩ କାଇକେବଇଲେ ପରମେସ୍ଵର ଆଗାପଥ ନ ଅଇକରି ସବୁ ବିସ୍ଵଇ ଅରସା ସଙ୍ଗ୍ ଅ, ବଲି ମନ୍ଦ କଲାସି ।

ପରମେସ୍ଵରର୍ ବିନ୍ଦୁ ଉପାସନା ମଣ୍ଡୁଲିତେଇ ଜେନ୍ତାରି, ୩୪ ତମେ ମଣ୍ଡୁଲି ଇସାବେ ରୁଣ୍ଡୁଲା ବେଲେ, ମାଇଜିମନ୍ ରୁପ୍ପାପ୍ ଅଇରଇବାର୍ ଆଟେ । ତେଇ ସେମନ୍ କାତା କଇବାକେ ସେମନ୍କେ ଆଦେସ୍ ମିଲେନାଇ । ଜିଉଦି ନିୟମ୍ ଇସାବେ ସେମନ୍ ମନସ୍ ପିଲାଟୁ ତଲିଆ ରଇବାର୍ ଆଟେ । ୩୫ ସେମନ୍ ଜଦି କାଇ ବିସ୍ଵଇ ବୁଜିବାକେ ମନ୍ଦ କଲାସିନି, ଗରେ ଜାଇ କରି ନିଜର୍ ମୁନୁସ୍ଵକେ ପାଟାର । କାଇକେବଇଲେ ମଣ୍ଡୁଲିଟାନେ କାତା କଇବାଟା ମାଇଜିମନ୍ର୍ ପାଇ ଗଟେକ୍ ଲାଜର୍ କାତା ।

୩୬ କାଇଟା ? ପରମେସ୍ଵରର୍ ବାକିଅ ତମର୍ ଟାନେଅନି ଜାଡ଼ ଅଇଲା ଆଟେ କି ? ସେ ବାକିଅ କାଇ ତମର୍ଟାନେସେ ଆସିରଇଲା କି ? ନାଇ ଆସି ନ ରଇଲା । ୩୭ କେ ଜଦି ତମର୍ ବିତ୍ତରେ ପରମେସ୍ଵରର୍ ବାକିଅ ଜାନାଇବା ଲକ୍ଷ୍ମୀ କି ସୁକଲ୍ ଆଡ଼ମା ଅନି ଦାନ୍ ପାଇଲିଆରି ବଲି ବାବ୍ସି, ସେନ୍ତ୍ରଆଲେ ମୁଇ ତମକେ ଜାଇ ଜାଇଟା ଲେକଲିନି, ସେ ସବୁ ଜେ ମାପୁରୁର୍ ଆଦେସ୍, ଏଟା ସେ ଜାନୁବାର୍ ଆଟେ । ୩୮ ଜଦି ସେ ଏ ସବୁ କାତା ନ ସୁନେ କି ନ ମାନେ, ତମେ ମିସା ତାର୍ କାତା ସୁନା ନାଇ କି ମାନା ନାଇ ।

୩୯ ସେଟାର୍ପାଇ ଏ ବାଇବଇନିମନ୍ ପରମେସ୍ଵରର୍ କାତା ଜାନାଇବାକେ ମନ୍ଦ କରା, ମାତର୍ ନ ବୁଜିବା ବାସାଇ କାତା କଇବାକେ କାକେ ନିରୁ ବଲି କୁଆନାଇ । ୪୦ ତମର୍ ସବୁ କାମ୍ ଟିକ୍ ବାବେ ଆରି ଅରସା ସଙ୍ଗ୍ କରବାର୍ ଦରକାର୍ ।

୧୫

କିରିସ୍ଟ ଆରିତରେକ୍ ଉର୍ଲାଟା

୧ ଏ ବାଇବଇନିମନ୍, ମୁଇ ତମର୍ ଲଗେ ଜନ୍ ସୁବକ୍‌ବର୍ ଜାନାଇରଇଲି ସେଟା ତମକେ ଏତାଇଦେବି ବଲି ମନ୍ଦ କଲିନି । ସେଟା ତମେ ମାନି ରଇଲାସ୍ ଆରି ତେଇସେ ତମର୍ ବିସ୍ଵାସ୍ ଡାବ୍ ଆଟେ । ୨ ଜଦି ଏ ସୁସମାଚାର୍ ତମେ ଡାବ୍ ସଙ୍ଗ୍ ଦାରିରଇସା, ତେବେ ଉଦାର୍ ପାଇସା, ନଇଲେ ତମେ ବେକାର୍ ବିସ୍ଵାସି ଅଇ ଆଟାସ୍ ।

୩ କାଳକେବଳଲେ ଜନ୍ ସିକିଆ ମୁଞ୍ଚ ପାଇରଇଲି, ତେଜଅନି ଏ ବଡ଼ ସିକିଆ ତମକେ ସିକାଇ ରଇଲି । ସାସ୍ତର ଛସାବେ କିରିସ୍ତ ଆମର୍ ପାପ କେମା ଅଇବାକେ ମରିଗାଲା । ୪ ତାକେ ତପିରଇଲାଜେ, ସାସ୍ତର ଛସାବେ ତିନ୍ଦିନ୍ ନ ଅଇତେ ତାକେ ପର୍ମେସର୍ ଜିବନ୍ କରି ଉଟାଇଲା । ୫ ଯେ ପିତର୍ ଆରି ତାର ବାର୍ତ୍ତା ପେରିଡ଼ ସିସ୍ତମକେ ଦରସନ୍ଦେଲା । ୬ ତାର ପଚେ ତର ସଙ୍ଗ୍ ଜାଇତେରଇବା ଏକାତର୍ ପାଁଡ଼ସଅ ଲଗେଅନି ଅଦିକ୍ ବାଇମନକେ ଦରସନ୍ ଦେଲା । ସେମନର୍ ବିତ୍ରେ ଅନି କେତେଲକ୍ ମରିଗାଲା ଆରି ବେସି ଲକ୍ ଆଜିକେ ଜାକ ଜିବନ୍ ଆଚଡ଼ । ୭ ତାରପଚେ ସେ ଜାକୁବକେ ଆରି ସବୁ ପେରିଡ଼ମନକେ ଦରସନ୍ ଦେଲା ।

୮ ଯେ ଦରସନ୍ ଦେଲା ଲକ୍ମନର୍ ବିତ୍ରେ ସାରାସାରି ମୁଞ୍ଚ ରଇଲି । ସବୁର୍ ପଚେ, ଦିନ୍ ନ କେଟ୍ତେ, ଜନମ୍ ଅଇଲା ପିଲା ପାରା ମକେ ମିସା ଦରସନ୍ ଦେଲା । ୯ ସବୁ ପେରିଡ଼ ସିସ୍ତମନର୍ ବିତ୍ରେ ଅନି ମୁଞ୍ଚସେ ସାନ୍ । ପେରିଡ଼ ବଲି ତାକାଇ ଅଇବାକେ ମର୍ ଅଦିକାର୍ ନାଇ । କାଳକେବଳଲେ ପର୍ମେସରର୍ ମଣ୍ଡଲିର୍ ବିସ୍ବାସିମନକେ ମୁଞ୍ଚ କସ୍ତ ଦେଇତେ ରଇଲି । ୧୦ ଅଇଲେ ମିସା, ପର୍ମେସରର୍ ଜିବନ୍ ଦୁକାଇଲାଟାନେଅନି ମୁଞ୍ଚ ଏବେ ଏନ୍ତାରି ଆରି । ତାର ଜିବନ୍ ଦୁକାଇଲାଟା ମକେ ଦାରି ଆତେ ବଲି ଜାନା ପଡ଼ଲାନି । କାଳକେବଳଲେ ମର୍ ସଙ୍ଗର୍ ପେରିଡ଼ ମନର୍ଟାନେଅନି ମୁଞ୍ଚ ଅଦିକ୍ କାମ୍ କରିଆରି । ମାତର୍ ସେଟା ମର୍ ନିଜର୍ ବପୁସଙ୍ଗ୍ ନାଇ, ପର୍ମେସର୍ ଜିବନ୍ ଦୁକାଇ ମକେ ସାଇଜ କଲା । ୧୧ ଅଇଲେ ମିସା ମୁଞ୍ଚ ସୁବକବର୍ ଜାନାଇଲେ କି ସେମନ୍ ଜାନାଇଲେ ମିସା କିଟି ବିନ୍ ନାଇ । କାଳକେବଳଲେ ଆମେ ସବୁ ଜାନାଇବାଟା ଗଟେକ୍ ବିସ୍ଲସେ । ସେଟା ତମେ ବିସ୍ବାସ୍ କରିଆଗାସ୍ ।

ଆମେ ଆରିତରେକ୍ ଉଟ୍ଟବା ବିସ୍ଲ

୧୨ ଜଦି କିରିସ୍ତକେ ପର୍ମେସର୍ ମଲାତେଜଅନି ଜିବନ୍ କରି ଉଟାଇଆତେ ବଲି ଆମେ ସିକାଇଲୁନି, ତେବେ କାଳକେ ତମର୍ ବିତ୍ରେ କେତେଲକ୍, ମଲା ଲକ୍ମନର୍, ଆରି ତରେକ୍ ଜିବନ୍ ଅଇବାଟା ନର୍, ବଲି କଇଲାସିନି ? ୧୩ ମଲା ଲକ୍ମନର୍ ଆରିତରେକ୍ ଜିବନ୍ ନ ଅଇବାଟା ଜଦି ସଡ଼, ତେବେ କିରିସ୍ତକେ ମିସା ଜିବନ୍ କରାଇ ଉଟାଏ ନାଇ । ୧୪ ଆରି, ଜଦି କିରିସ୍ତକେ ମଲାତେଜ ଅନି ଉଟାଏ ନାଇ, ତେବେ ଆମେ ଜାନାଇବାଟା ବୁଟାଇସେ, ତମେ ବିସ୍ବାସ୍ କରବାଟା ମିସା ବୁଟାଇସେ । ୧୫ ସେଡ଼କିସେ ନର୍, ଆମେ ପର୍ମେସରର୍ ବିସ୍ଲର୍ ମିଡ଼ ସାକି ଦେଇତେରଇଲୁ ବଲି ଜାନାପଡ଼ସି । କାଳକେବଳଲେ ଆମେ କିରିସ୍ତକେ ଜିବନ୍ କରାଇ ଉଟାଇ ଆଟେ ବଲି କଇରଇଲୁ । ମାତର୍ ମଲାଲକ୍ ଜିବନ୍ ଅଇ ନ ଉଟ୍, ସେଟା ଜଦି ସଡ଼, ସେନ୍ତାରିଆଲେ ପର୍ମେସର୍ କିରିସ୍ତକେ ଜିବନ୍ କରାଇ ଉଟାଏ ନାଇ । ୧୬ ଜଦି ମଲା ଲକ୍ମନକେ ନ ଉଟାଏ, ତେବେ, କିରିସ୍ତକେ ମିସା ଉଟାଏ ନାଇ । ୧୭ ଜଦି କିରିସ୍ତକେ ଉଟାଏ ନାଇ, ତେବେ ତମର୍ ବିସ୍ବାସ୍ କରବାଟା ବୁଟାଇସେ । ଆରି ତମେ ଏବେ ଜାକ ନିଜର୍ ନିଜର୍ ପାପେ ଆଗାସ୍ । ୧୮ ସେନ୍ତାରିସେ ଜନ୍ ଲକ୍ କିରିସ୍ତକେ ବିସ୍ବାସ୍ କରି ମରିଗାଲାଜ ଆଚଡ଼, ସେମନ୍ ରକିଆ ଅଅଡ଼ ନାଇ, ମାତର୍ ନସ୍ତ ଅଇଆଚଡ଼ । ୧୯ ଜଦି କିରିସ୍ତର୍ ଟାନେ ଆମର୍ ଆସା କରିରଇବାଟା ଏ ଜଗତର୍ ଜିବନ୍ ସଙ୍ଗ୍ ସାଡ଼ସି, ତେବେ ସବୁଲକ୍ମନର୍ ତେଜଅନି ଆମର୍ କେତେକ୍ କାକୁରଡ଼ିର୍ କରମ୍ ।

୨୦ ମାତର୍ କିରିସ୍ତକେ ମଲାତେଜଅନି ଉଟାଇଆତେ, ଏଟା ଅଇଲାନି ସଡ଼ ଆରି ଏନ୍ତାରିସେ ସବୁ ମଲା ଲକ୍ମନକେ ପର୍ମେସର୍ ଜିବନ୍ କରି ଉଟାଇସି, ଏଟା ଆମେ ଜାନ୍ । ୨୧ କାଳକେବଳଲେ ଗଟେକ୍ ଲକ୍ମନର୍ ଲାରି ଗୁଲାଜ ଲକ୍ମନକେ ମଲାତେଜଅନି ଉଟାଇସି । ୨୨ ଜେକ୍ଟି ଆଦମର୍ ବସେଅନି ଆଇଲା ଲକ୍ମନର୍ ମରବାଜ, ସେନ୍ତାରିସେ କିରିସ୍ତର୍ତେଜ ରଇଲା ସବୁଲକ୍ମ ଜିବନ୍ ଅଇ ଉଟ୍ଟବାଜ । ୨୩ ମାତର୍ ଗଟେକ୍ ଲକ୍ମ ଆଗାପଟା ଛସାବେ ଉଟ୍ଟବାଜ । ପର୍ତୁମ କିରିସ୍ତ ତାରପଚେ ସେ ଆଇବା ଦିନେ ଜେଡ଼କି ଲକ୍ ସବୁ ତାରଲଗେ ରଇଲାଜ । ୨୪ ତାରପଚେ ଜୁଗର୍ ସାରାସାରି ଦିନ୍ କେଟ୍ସି । ସେଡ଼କିବେଲେ ସବୁ ସାସନ୍କାରିଆମନକେ, ଅଦିକାର୍ ଆରି ବପୁ ରଇଲା ଲକ୍ମନକେ ସେ ଆରାଇସି ଆରି ବାବା ପର୍ମେସର୍କେ ସେ ରାଇଜ୍ ସର୍ପି ଦେଇସି । ୨୫ କାଳକେବଳଲେ ପର୍ମେସର୍ ତାର ସବୁ ସଡ଼ୁମନକେ ଆରାଇ, ତାର ପାଦ୍ତଲେ ଆନ୍ବାଜାକ କିରିସ୍ତ ସାସନ୍ କରବାର୍ ଆତେ । ୨୬ ସାରାସାରି ପଚେ ସଡ଼ୁମନ ମିସା ଆରିଜିବାଜ । ୨୭ ଜେକ୍ଟି କି ସାସ୍ତରେ ଲେକା ଅଇଲାଆତେ, ପର୍ମେସର୍ ସବୁ ବିସ୍ଲ ତାର ପାଦ୍ତଲେ ସଙ୍ଗାଇଆତେ । ସବୁ ବିସ୍ଲ ବଲି, କଇବା ବେଲେ ତାର ଅରଡ଼ ଅଇଲାନି, ପର୍ମେସର୍କେ ଚାଡ଼ି ସବୁ ବିସ୍ଲ । ସେ ଆକା ସବୁ ବିସ୍ଲ କିରିସ୍ତର୍ ତଲିଆ କରି ସଙ୍ଗାଇଆତେ । ୨୮ ସବୁ ବିସ୍ଲ କିରିସ୍ତର୍ ତଲେ ସଙ୍ଗାଇଲା ପଚେ,

୫ ୧୫:୪ ୧୫:୪ ମାଡିର ୧୨:୪୦; ପେରିଡ଼ ୨:୨୪-୩୨ ୬ ୧୫:୫ ୧୫:୫ ଲୁକ୍ ୨୪:୩୪; ମାଡିର ୨୮:୧୭,୧୭; ମାଡିକ ୧୫:୧୫; ଲୁକ୍ ୨୪:୩୭; ଜଅନ୍ ୨୦:୧୯ ୭ ୧୫:୮ ୧୫:୮ ପେରିଡ଼ ୯:୩-୭ ୮ ୧୫:୯ ୧୫:୯ ପେରିଡ଼ ୮:୩

ନିଜେ କରିସତ୍ ଜେ କି ପଅ, ସେ ପରମେସରର୍ ତଲିଆ ଅଇ ରଇସି । ସବୁ ବିସଇ ପରମେସର୍ ତାର୍ ତଲିଆ କରି ସଙ୍ଗାଆତେ ଆରି ପରମେସର୍ ପୁରାପୁରୁନ୍ ସବୁର୍ ଉପରେ ସାସନ୍ କରସି ।

୨୯ ମଲାଲକ୍‌କେ ଆରିତରେକ୍ ନ ଉଟାଏ, ଜଦି ଏଟା କେନ୍ତ୍ରାଟ୍ ଜେ ମଲା ଲକ୍‌ମନର୍ ପାଇ ତାର୍ ମଇତରମନ୍ ତୁବନ୍ ନେଲାଇନି ? ତେବେ ସେମନ୍‌କେ କାଇଟା ମିଲ୍‌ସି ? ଜଦି ମଲାଲକ୍‌ମନ୍‌କେ ନ ଉଟାଅଟ୍, ସେନ୍ତ୍ରାଟ୍ ଆଲେ କାଇକେ ଏମନ୍ ମଲା ଲକ୍‌ମନର୍‌ପାଇ ତୁବନ୍ ନେଲାଇନି ? ୩୦ ଆରି ଆମେ ମିସା କାଇକେ ସବୁ ବେଲେ ଆମର୍ ଜିବନ୍ ବିପଦେ ପାକାଇତେ ରଇବୁ ? ୩୧ ଏ ମର୍ ବାଇବଇନିମନ୍ ଦିନ୍‌କେ ଦିନ୍, ଲକ୍‌ମନ୍ ମକେ ମରାଇବାକେ ଚେସ୍‌ଟା କଲାଇନି । ମୁଇ ଏଟା କାଇକେ କଇଲିନି ବଇଲେ, ତମର୍‌ଟାମେ ମର୍ ଜନ୍ ବଡ଼ପନ୍ ଆତେ, ଆରି ଆମର୍ ମାପୁର୍ ଜିସୁକିରିସ୍‌ଟର୍ ଟାମେ ଆମର୍ ଜିବନ୍ ମିସିରଇଲାଜେ ମୁଇ କଇଲିନି । ୩୨ ଏପିସି ସଅରେ ମୁଇ ବେସି କସ୍‌ଟ ପାଇଲି । କାଇକେବଇଲେ ଜନ୍ ଲକ୍‌ମନ୍ ମକେ ବିରଦ୍ କଲାଇ, ସେମନ୍‌ର୍ ସଙ୍ଗା ତଙ୍ଗରେ ରଇବା ପସୁମନ୍‌ର୍ ପାରା ଜୁଡିରଇଲି । ତେଇ ଆମେ ଜେନ୍ତି କସ୍‌ଟ ପାଇତେରଇଲୁ, ସେନ୍ତ୍ରାଟି ଅଇଲାକେ ଆମ୍‌କେ କାଇ ଲାବ୍ ମିଲ୍‌ଲା ? ଜଦି ମଲା ଲକ୍‌ମନ୍‌କେ ନ ଉଟାଏ, ତେବେ ଏନ୍ତାଟି କଇବାଟା ନିକ ରଇସି । “ଆସା ଆମେ ବଜିକରି କାର୍, କାଇକେବଇଲେ ଆମେ କାଲିକେ ମର୍‌ବାର୍ ଅଇସିବେ ।”

୩୩ ନାତାଇ ଉଆନାଇ, କାରାପ୍ ଲକ୍‌ମନର୍ ସଙ୍ଗା, ସାଙ୍ଗ ଅଇଲେ ସେମନ୍ ତମର୍ ନିକ ଚଲାଚଲ୍‌ତି କରାବାରା ନସାଇ ଦେବାଇ । ୩୪ ଟିକସଙ୍ଗା ଟିନ୍ତା କରା । ତମର୍ ପାପୁର୍ ଚଲାଚଲ୍‌ତି କରାବାରା ଚାଡିଦିଆସ୍ । କାଇକେବଇଲେ ପରମେସର୍‌କେ ନାଜାନ୍‌ଲା କେତେକ୍ ଲକ୍ ତମର୍ ବିଡ଼ରେ ଆଚଡ୍ । ଏଟା ମୁଇ ତମ୍‌କେ ଲାଜ୍ କରାଇବାକେ କଇଲିନି ।

ଆରିତରେକ୍ ଜିବନ୍ ଅଇବା ଗାଗଡ୍

୩୫ କେତେଲକ୍ ପାଟାର୍‌ବାଇ, “ମଲା ଲକ୍‌ମନ୍‌କେ କେ ଜିବନ୍ ଦେଇ ଉଟାଇସି ? ଆରି ସେମନ୍‌ର୍ ଗାଗଡ୍ କେନ୍ତ୍ରାଟ୍ ରଇସି ?” ଜେ ଏନ୍ତାଟି ପରସନ୍ ପାଟାର୍‌ସି, ସେ ବକୁଆଟା । ୩୬ ତମେ ଜାନାସ୍ । ଜେତେବେଲେ ଗଟେକ୍ ମୁଞ୍ଜି ରପା ଅଇସି, ମୁଞ୍ଜିର୍ ଉପୁରର୍ ଚପା କୁଇଜାଇସି, ମାତର୍ ବିଡ଼ରଟା ଆକ୍‌ରସି । ୩୭ ଜେତେବେଲେ ଗଟେକ୍ ମୁଞ୍ଜି ରପା ଅଇସି, ସେଟା ଦାନ୍ ଅ, କି ଆରି କାଇ ମୁଞ୍ଜି ଅ, ମୁଞ୍ଜିସେ ରପି ଅଇସି । ପତେ ବଡିରଇବା ବୁଟା ନ ରପଡ୍ । ୩୮ ପରମେସର୍ ନିଜର୍ ମନ୍ କଲା ଇସାବେ ମୁଞ୍ଜିତେଇଅନି ଆକ୍‌ରି ଗଡ୍ ଅ, ବଲି ଟିକ୍ କଲା । ଆରି ସେ ବିନ୍ ବିନ୍ ରକାମର୍ ମୁଞ୍ଜି ବଡ଼ବାକେ ଦେଲା, ଜେନ୍ତିକି ଗଟେକ୍ ଗଟେକ୍‌କେ ତାର୍ ଗାଗଡ୍‌ର୍ ରୁପ୍ ବାଦ୍‌ଲାଇସି ।

୩୯ ଜିବନ୍ ରଇବା ସବୁ ଗାଗଡ୍ ସମାନ୍ ନଏ । ଲକ୍‌ମନ୍‌କେ ଗଟେକ୍ ରକାମ୍ ଗାଗଡ୍, ପସୁ ଚଡଇ ଆରି ମାଟ୍‌ମନ୍‌କେ ବିନ୍ ବିନ୍ ରକାମ୍ ଗାଗଡ୍ ଆତେ ।

୪୦ ସେନ୍ତିସେ ସର୍‌ଗେ ରଇବାଟାମନ୍ ଆରି ଦର୍‌ତନି ରଇବାଟାମନ୍ ଆଚଡ୍ । ଜେନ୍ତିକି ସର୍‌ଗେ ରଇବାଟାମନ୍‌ର୍ ସୁନ୍‌ର୍ ଗଟେକ୍ ରକାମ୍, ଦର୍‌ତନି ରଇବାଟାମନ୍‌ର୍ ବିନ୍ ବିନ୍ ରକାମ୍ । ୪୧ ବେଲ୍ ତାର୍ ନିଜର୍ ଇସାବେ ସୁନ୍‌ର୍ ଆତେ । ସେନ୍ତ୍ରାଟିସେ ଜନ୍ ତାରାମନ୍ ମିସା ନିଜର୍ ନିଜର୍ ଇସାବେ ସୁନ୍‌ର୍ ଆଚଡ୍ ।

୪୨ ସେନ୍ତ୍ରାଟିସେ ଆମର୍ ଗାଗଡ୍ ଆରି ଜନ୍ ଗାଗଡ୍ ପରମେସର୍ ଉଟାଇସି, ଦୁଇଟାଜାକ ବିନ୍ ଆତେ । କାଇକେବଇଲେ ଆମର୍ ଗାଗଡ୍ ଏବେ ମରିକରି କୁଇଜାଇସି । ମାତର୍ ଜନ୍ ଗାଗଡ୍ ପରମେସର୍ ଉଟାଇସି, ସେଟା କେବେ ନ ମରେ । ୪୩ ସେଟା ତପ୍‌ଲାବେଲେ ଦୁର୍‌ବଲ୍ ଅଇ ସୁନ୍‌ର୍ ନ ରଏ । ମାତର୍ ଉଟାଇଲାବେଲେ ସୁନ୍‌ର୍ ରଇକରି ଡାବ୍ ରଇସି । ୪୪ ତପ୍‌ଲା ବେଲେ ଅଦ୍‌କା ଗାଗଡ୍, ମାତର୍ ଉଟାଇଲାବେଲେ ଆଡ୍‌ମାର୍ ଗାଗଡ୍ ଅଇସି । ଅଦ୍‌କା ଗାଗଡ୍ ଆତେ ବଇଲେ ଆଡ୍‌ମାର୍ ଗାଗଡ୍ ମିସା ରଇବାର୍ ଆତେ । ୪୫ ଜେନ୍ତାଟିକି ଲେକା ଅଇଲାଆତେ, ପର୍‌ତୁମ୍ ମୁନ୍‌ସ୍ ଜେ କି ଆଦମ୍, ତାକେ ତିଆର୍ କରି ଜିବନ୍ ଦେଇରଇଲା, ମାତର୍ ସାରାସାରିପଟର୍ ଆଦମ୍ ନ ସାର୍‌ବା ଜିବନ୍ ଦେବା ଆଡ୍‌ମା ଅଇଲା । ୪୬ ମାତର୍ ଆଡ୍‌ମାର୍ ଗାଗଡ୍ ପର୍‌ତୁମ୍ ନ ଆସେ । ତୁଟାଇ ଗାଗଡ୍ ଅଇସି, ତାର୍‌ପତେ ଆଡ୍‌ମାର୍ ଗାଗଡ୍ । ୪୭ ପର୍‌ତୁମ୍ ଆଦମ୍ ମାଟିସଙ୍ଗା ତିଆର୍ ଅଇ ଏ ଦର୍‌ତନି ଅଇଲା । ମାତର୍ ପଟର୍ ଆଦମ୍ ସର୍‌ଗେ ଅନି ଅଇଲା । ୪୮ ଜନ୍ ଲକ୍‌ମନ୍ ଏ ଦର୍‌ତନିର୍, ସେମନ୍ ଜେ କି ମାଟି ସଙ୍ଗା ତିଆର୍ ଅଇରଇଲା, ତାର୍‌ପାରା । ଆରି ଜନ୍ ଲକ୍ ସର୍‌ଗର୍, ଜେ କି ସର୍‌ଗେ ଅନି ଅଇଲା, ତାର୍‌ପାରା । ୪୯ ଜେନ୍ତିକି ଆମେ ଜନ୍‌ଲକ୍ ମାଟିସଙ୍ଗା ତିଆର୍ ଅଇରଇଲା, ତାର୍ ବାନିମୁର୍‌ତି ଆଚୁ, ସେନ୍ତ୍ରାଟିସେ ଜେ ସର୍‌ଗେଅନି ଅଇଲା ତାର୍ ପାରା ବାନିମୁର୍‌ତି ଦାବୁ ।

୫୦ ଏ ବାଇବଲ୍‌ନିମନ୍ତ, ମୁଞ୍ଚ କଲବା ଅରତ୍ ଅଇଲାନି ବନି ମାଉଁସ୍ ରଇବା ଗାଗଡ୍ ପର୍ତ୍ତେସରର୍ ରଇଜେ ମିସିନାପାରତ୍ । ଆରି ଜନ୍ ଗାଗଡ୍ ମର୍ବାଇ, ସେମନ୍‌କେ ନ ସାର୍‌ବା ଜିବନ୍ ଦେଇ ନଏ ।

୫୧ *ସୁନା, ମୁଞ୍ଚ ତମକେ ଗଟେକ୍ ଆଗତୁ ନ ଜାନାଇରଇବା ବିସଇ କଇବି । ଆମେ ସବୁଲକ୍ ନ ମରୁ, ମାତର୍ ଆମର୍ ଗାଗଡ୍ ସବୁ ବାଦଲି ଜାଇସି । ୫୨ ଗଟେକ୍ ଲକ୍ ଆକି ମିଟ୍‌କା ମାର୍‌ଲା ବିତ୍‌ରେ ସେଟା ଗର୍ସି । ସାରାସାରିର୍ ମଇରି ବାଜିଲା ବେଲେ ମଲା ଲକ୍‌ମନ୍ ଜିବନ୍ ଅଇ ଉର୍‌ବାଇ । ସେମନ୍ ଆରି କେବେ ମିସା ନ ମରତ୍ ଆରି ଆମେ ସବୁ ବଦଲି ଜିବୁ । ୫୩ କାଇକେବଇଲେ ଆମର୍ ଏ ମର୍‌ବା ଗାଗଡ୍ ନ ମର୍‌ବା ଗାଗଡ୍ ଅଇ ବାଦଲିଜାଇସି । ୫୪ ସେଟା ଅଇଲାବେଲେ ଜନ୍‌ଟା କି ସାସ୍‌ତରେ ଲେକା ଅଇରଇଲା, ସେଟା ପୁରାପୁରୁନ୍ ଅଇସି ମରନ୍ ଆରିଜାଇକରି, ଜିତ୍‌ବାଟା ପୁରାପୁରୁନ୍ ଅଇଲା ।

୫୫ ତେବେ ଆମେ କଇ ପାରବୁ,

ଅଇରେ ମରନ୍ ! ତୁଇ କେନେ ଜିତ୍‌ଲୁସ୍ ?

ଅଇରେ ମରନ୍ ! କେନେ ତର୍ ବପୁ ?

୫୬ ଆମର୍ ପାପେଅନି ଆମକେ ବାଦବା ବପୁ ମରନ୍ ପାଇଲା ଆଚେ । ଆରି ପର୍ତ୍ତେସରର୍ ନିୟମ୍ ନ ମାନ୍‌ଲାତେଇଅନି ପାପ୍ ବପୁ ପାଇସି । ୫୭ ମାତର୍ ଆମେ ପର୍ତ୍ତେସରକେ ଦନିଅବାଦ୍ ଦେଲୁନି । କାଇକେବଇଲେ ଆମର୍ ମାପୁରୁ ଜିସୁ କିରିସ୍‌ଟ କଲା କାମେଅନି ପାପ୍‌କେ ଆରି ମରନ୍‌କେ ଆରାଇବା ବପୁ ସେ ଆମକେ ଦେଲାଆଚେ ।

୫୮ ସେଟାର୍‌ପାଇ ଏ ମର୍ ଆଲାଦର୍ ବାଇବଲ୍‌ନିମନ୍ତ, ଡାକ୍ ଅଇକରି ରୁଆ । ମାପୁରୁ ଜିସୁକିରିସ୍‌ଟର୍ ସେବା କାମ୍ ଆବତ୍ ଅଇକରି କରା । କାଇକେବଇଲେ ତମେ ଜାନାସ୍, ତାର୍‌ପାଇ ଜନ୍ କାମ୍ ସବୁ କର୍‌ସା, ସେଟା ସବୁ ଲତାକେ ଆଇସି ।



ସାବୁ ଲକର୍ ପାଇ ଦାନ୍

୧ *ଜିଉଦା ମଣ୍ଡଲିର୍ ବିସବାସିମନ୍‌କେ ତାରୁ ସାଇଜ କର୍‌ବା ବିସଇ ମୁ ଲେକ୍‌ଲିନି । ମୁ ଗାଲାଡିଅ ମଣ୍ଡଲିମନ୍‌କେ ଜାଇଟା କର୍‌ବାକେ ଆଦେସ୍ ଦେଲିଆରି, ସେ ଆଦେସ୍ ଡାକ୍ ସଙ୍ଗ୍ କର୍‌ବାଆଚେ । ୨ ତମର୍ କାମାଇବା ଇସାବେ, ସବୁ ବିସବାସିମନ୍, ବିସରାମ୍ ଦିନେ ମଣ୍ଡଲିତେଇ ରୁଣ୍ଡଲାବେଲେ ଅଲପ୍ ଅଲପ୍ ତାରୁ ଜମାଇବାର୍ ଆଚେ । ଜେନ୍ତ୍ରିକି ମୁଞ୍ଚ ଅଇଲାବେଲେ ଆରି ତାରୁ ତଲ୍‌ବାକେ ନ ଲାଗେ । ୩ ମୁଞ୍ଚ ଅଇଲାବେଲେ ତମେ ବାଟିରଇବା ଲକ୍‌ମନ୍‌କେ ଗଟେକ୍ ଚିଟି ଲେକିଦେବି ଆରି ସେମନ୍ ଜମାଇଲା ତାରୁ ଆରି ସେମନ୍‌କେ ଜାନାଇବା ଚିଟି ଦାରି, ଜିରୁସାଲାମ୍ ଜିବାଇ । ୪ ଜିଦି ମର୍ ଜିବାକେ ଦର୍‌କାକ୍ ଅଇସି ବଇଲେ ସେମନ୍ ମର୍‌ସଙ୍ଗ୍ ଜାଇପାରତ୍ ।

ପାଉଲର୍ ଉପାଇ

୫ *ମାତର୍ ମୁଞ୍ଚ ଏବେ ମାକିଦନିଆଇ ଗାଲିନି । ତେଇଅନି ଜାଇ ଅଇଲେ ତମର୍ ଲଗେ ଆଇବି । ୬ ମୁଞ୍ଚ ତେଇ ତମର୍ ସଙ୍ଗ୍ କେତେକ୍ ଦିନ୍ ରଇବି । ଅଇପାରେ ସିଡ୍‌ଦିନ୍ ସାର୍‌ବା ଜାକ । ତାର୍‌ପଚେ ଜନ୍ତ୍ରି ଜିବାକେ ମନ୍ କଲିନି, ତେଇ ଜିବାକେ ତମେ ମକେ ସାଇଜ କରିପାରାସ୍ । ୭ କାଇକେବଇଲେ ଜିବାବେଲେ ବାଟେ ତମର୍ ସଙ୍ଗ୍ ବେଟ୍ ଅଇକରି ତନେକ୍‌ସେ ରଇବାକେ ମର୍ ମନ୍ ନାଇ । ମୁଞ୍ଚ ଆସା କଲିନି ମାପୁରୁ ମନ୍ କଲେ ମୁଞ୍ଚ ତମର୍ ସଙ୍ଗ୍ ଏତର୍ ବେସି ଦିନ୍ ରଇବି ।

୮ *ମାତର୍ ମୁଞ୍ଚ ପେନ୍‌ଟିକସ୍‌ର୍ ପରବ୍ ଜାକ ଏପିସିଏ ରଇବି, ୯ ଇଡି ମର୍ ବିରଦେ ବେସିଲକ୍ ରଇଲେ ମିସା, ସପଲ୍ ଅଇବା କାମ୍ କର୍‌ବାକେ ମର୍ ପାଇ ଦୁଆର୍ ଉଗାଡି ଅଇଆଚେ ।

୧୦ *ଜଦି ତିମତି ତମର୍‌ଗାନେ ଆଇଲେ, ତାକେ ଗଡିଆ କରି ଡାକିନିଆ । କାଇକେବଇଲେ ସେ ମିସା ମର୍‌ପାରା ମାପୁରୁର୍ କାମ୍ କଲାନ୍ତି । ୧୧ ସେଟାର୍ ପାଇ ତାକେ କେ ମିସା ସାନ୍ ପାରା ଦେକାନାଇ । ମାତର୍ ତାକେ ସାଇଜ କରା, ଜେନ୍ତ୍ରିକି, ସେ ତମର୍ ଜାଗାଇଅନି ଗାଲାବେଲେ, ସାନ୍ତ୍ରିସଙ୍ଗ୍ ଜାଇପାର୍‌ସି । ଆରି ସେ ମର୍‌ଲଗେ ବାଅଡ୍‌ସି । ଇଡିର୍ ବାଇବଲ୍‌ନିମନ୍ତର୍ ସଙ୍ଗ୍ ମୁଞ୍ଚ ତାକେ ଜାଗଲିନି ।

୧୨ ବାଇ ଆପଲର୍ ବିସଇ ମୁଞ୍ଚ କଲଲିନି । ବିନ୍ ବିସବାସିମନ୍‌ର୍ ସଙ୍ଗ୍ ତମକେ ବେଟ୍ ଅଇବାକେ ମୁଞ୍ଚ ତାକେ ବେସି ତର୍ ସାର୍‌ଦା କରାଇଲି, ମାତର୍ ସେ ଏବେ ଜିବାକେ ମୁଞ୍ଚକେ ରାଜି ଅଏନାଇ । ପଚେ ସୁଜଗ୍ ମିଲ୍‌ଲେ ସେ ତମର୍‌ଗାନେ ଆଇସି ଆକା ।

* ୧୫:୫୧ ୧୫:୫୧ ୧ମ କେସଲିକିୟ ୪:୧୫-୧୭ * ୧୭:୧ ୧୭:୧ ରମିୟ ୧୫:୨୫,୨୬ * ୧୭:୫ ୧୭:୫ ପେରିର୍ ୧୯:୨୧ * ୧୭:୮ ୧୭:୮ ପେରିର୍ ୧୯:୮-୧୦ * ୧୭:୧୦ ୧୭:୧୦ ୧ମ କରନ୍ତଃ ୪:୧୭

ସାରାସାରିରୁ କାତା

^{୧୩} ତମେ ଜାଗରତ୍ ରଜକରି ବିସ୍ତାସେ ଡାଁଟ୍ ରୁଆ । ବପୁ ଅଇକରି ସାଆସେ ରୁଆ । ^{୧୪} ତମେ କର୍ବା ସବୁ କାମ୍ ଆଲାଦେ ସାରାଇବାରୁ ଆତେ ।

^{୧୫} *ଏ ବାଇମନ୍, ତମେ ତିପାନ୍ ଆରି ତାରୁ କୁଟୁମ୍ ବିସଇ ଜାନାସ୍ । ସେମନ୍ ଆକାୟାରୁ ପର୍ତୁମ୍ ବିସ୍ତାସିମନ୍ ଆରି ପର୍ତମେସରର୍ ଲକ୍ମନର୍ ସେବାଇ ନିଜେ ସର୍ପି ଅଇଲାଇ ଆତଡ୍ । ଏ ବାଇବଇନିମନ୍ ମୁଇ ତମ୍‌କେ ବାବୁଜିଆ କଲିନି, ^{୧୬} ଏନ୍ତାରି ଦାଇଡ୍ ନେବା ଲକ୍ମନର୍ ତଲିଆ ରୁଆ । ଆରି ସେମନର୍ ସଙ୍ଗ୍ ସେବା କର୍ବା ଲକ୍ମନର୍ ତଲିଆ ଉଆ ।

^{୧୭} ତିପାନା, ପର୍ତୁନାଡ୍ ଆରି ଆକାଇ ଇତି ଆଇଲାକେ ମୁଇ ବେସି ସାର୍ଦା ଅଇଲିନି । କାଇକେବଇଲେ ତମେ ନ ରଇଲେ ମିସା ସେମନ୍ ତମର୍ ଜାଗାଇ ରଇଲା ପାରା । ^{୧୮} ତମ୍‌କେ ଜେନ୍ତି ସାର୍ଦା କରାଇଲାଇ, ମକେ ମିସା ସେନ୍ତି ସାର୍ଦା କରାଇଲାଇ । ଏନ୍ତାରି ଲକ୍ମନ୍‌କେ ନାମ୍‌ବାରୁ ଆତେ ।

^{୧୯} *ଆସିଆ ଦେସର୍ ମଣ୍ଡଲିମନ୍ ତମ୍‌କେ ଜୁଆର୍ ଜାନାଇଲାଇନି । ଆକିଲା, ପିରିସକିଲା ଆରି ସେମନର୍ ଗରେ ଉପାସନା କର୍ତେରଇବା ମଣ୍ଡଲି ମାପୁରୁର୍ ନାଉଁ ଦାରି ତମ୍‌କେ ତାକର୍ ମନ୍ ବିଡ୍‌ରେ ଅନି ଜୁଆର୍ ଜାନାଇଲାଇନି ।

^{୨୦} ଇଡିର୍ ବାଇବଇନିମନ୍ ସବୁ ତମ୍‌କେ ଜୁଆର୍ ଜାନାଇଲାଇନି । ତମର୍ ତମର୍ ବିଡ୍‌ରେ ଆତେ ଦାରାଦାରି ଅଇ କିରିସ୍‌ଟର୍ ଆଲାଦେ ସାଲାମ୍ କରି ଜୁଆର୍‌ବେଟ୍ ଉଆ ।

^{୨୧} ମୁଇ ପାଉଲ୍, ଏଡ୍‌କିସେ ଲେକି ଜୁଆର୍ ଜାନାଇଲିନି ।

^{୨୨} ଜଦି କେ ମାପୁରୁକେ ଲାଡ୍ ନ କରେ, ସେ ଅବିସାପ୍ ପାଅ । ମାରାନାତା, ଆମର୍ ମାପୁରୁ ଆସ ।

^{୨୩} ମାପୁରୁ ଜିସୁର୍ ଜିବନ୍ ଦୁକାନି ତମର୍‌ଟାନେ ରଅ ।

^{୨୪} କିରିସ୍‌ଟ ଜିସୁକିରିସ୍‌ଟର୍ ସଙ୍ଗ୍ ମିସିରଇବା ସବୁକେ ମର୍ ଆଲାଦ୍ ରଅ ।

କରକ୍ରିୟା ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ଦ୍ୱିତୀୟ ପତ୍ର କରକ୍ରିୟା ମଣ୍ଡଳୀର ଲକ୍ଷ୍ୟମାନଙ୍କୁ ଗଠନେ ପାଉଲ୍ ଦୁଇପାଲି ଚିଠି ଲେଖିଲାଟା

ଏ ବଇ ବିସଇନେଇକରି ଜାନ୍‌ବାଟା

୨ ଯ କରକ୍ରିୟା ଜିସୁ କିରିସ୍ଟ ଜନମକରି ଲଗାଲଗି ୫୫-୫୬ ପଟେ ପେରିଡ୍ ପାଉଲ୍ ଲେକିରଇଲା । ୧:୧ ଆମରୁଗାନେ ରଇଲା କରକ୍ରିୟା ମଣ୍ଡଳୀକେ ଲେକାଅଇରଇବା ଚିଠି ବିତ୍ତରେଅନି ଏଟା ଅଇଲାନି ପାଉଲ୍‌ର ଦୁଇ ଲମ୍ବ ଚିଠି । ଆର୍ ଆଗୁରୁ ପାଉଲ୍ କରକ୍ରିୟା ମଣ୍ଡଳୀକେ ରିସାଅଇ ଲାଗିକରି ଚିଠି ଲେକିରଇଲା ବଲିକରି ପଣ୍ଡିତମନ୍ ବିସ୍ୱାସ କରବାଇ । ୨:୩-୪ପଦେ ଏଟା ଜାନାଇଲାନି । ସେ ସମାନ୍ ଚିଠି କାଇଟାମିସା ଆମରୁଗାନେ ନାଇ ।

ପାଉଲ୍ ମାକିଦନିଆଇ ରଇଲା ବେଲେସେ ୨ ଯ କରକ୍ରିୟା ଲେକିରଇଲା ୨:୧୩ ୨ ଯ କରକ୍ରିୟା ପାରା ଚିଠି ଆରି ନାଇ । ସେଟା ନିଜର୍ ପାଇସେ ଆରି ସାର୍‌ଦାର୍ ପାଇସେ ଆଟେ । ତିତସର୍ ଟାନେଅନି କରକ୍ରିୟା ମଣ୍ଡଳୀର୍ ସବୁ ନିକ ବିସଇ ସୁନି କରି ପାଉଲ୍ ସାର୍‌ଦା ଜାନାଇଲାନି । ଏ ଚିଠିଟାନେ ନୁଆ ନିୟମର୍ ଦାନ୍ ଦେବା ବିସଇ ସିକିଆ ପାଇବାର୍ ଅଇସି । ଏ ପାକୁଡାଇ ପାଉଲ୍ ଜିରୁସାଲମର୍ ବିସ୍ୱାସିମନ୍‌କେ ସାଇଜର୍ ପାଇ ବଲି ତାରୁ ଉଟାଇବାକେ ଆଦେସ୍ ଦେଲାନି ୮:୯ । ଆରି ମିସା ଏଟା ଜାନାଇଲାନିଜେ, ମଣ୍ଡଳୀ ବାଇରେ ରଇକରି କେତେଟା ମିରୁଆ ପେରିଡ୍‌ମନ୍ ସେମନ୍ ନିଜେ ଉପରେ ଉର୍‌ବୁ ବଲି ପାଉଲ୍‌ର ବିରୁଦେ ଉର୍‌ଲାଇନି । ସେମନ୍ କେତେଟା ମଣ୍ଡଳୀର୍ ନିକ ନିକ ଲକ୍ଷ୍ୟମନ୍‌କେ ତାକର୍ ତାକର୍ ବିତ୍ତରେ ଜୁଜାଇଲାଇନି । ସେମନ୍ ପାଉଲ୍‌ର ଅଦିକାରକେ ସତ୍ କି ମିର୍ ବଲି ବାଡ୍‌ତେରଇଲାଇ । ଜନ୍‌ଟାର୍ ପାଇ କି ୨ ଯ କରକ୍ରିୟା ସାରାସାରିବାଟେ ମୁଇ ନିଜେ ଗଟେକ୍ ଜିସୁକିରିସ୍ଟର୍ ଅଦିକାରର୍ ପେରିଡ୍ ଅଇଆରି ବଲି ତାଟ୍ ସଙ୍ଗ୍ ଦେକାଇଲା ।

ଗଠି ରଇବାଟା

- ୧. ପାଉଲ୍ ଚିଠି ଲେକିବାକେ ଆରାମ୍ କରବା ଆଗୁରୁ ଜୁଆର୍ ଜାନାଇଲାନି । ୧:୧-୭
- ୨. ପାଉଲ୍ ସେ ଜିବାକେ ତିଆର୍‌ଅଇଲାଟା ବାଦ୍‌ଲାଇଲା ଆରି ସେମନ୍‌ର୍ ସୁନିରଇବା କାତା ବିସଇ ସେମନ୍‌କେ ଜିବାଦ୍ ଦେବାଟା ୧:୮-୭:୧୬
- ୩. ପାଉଲ୍ ଜିରୁସାଲମେ ରଇବା ବିସ୍ୱାସିମନ୍‌ର୍ ପାଇ ଦାନ୍ ଉଟାଇବାକେ ଆଦେସ୍ ଦେବାଟା । ୧:୮-୯:୧୫
- ୫. ସାରାସାରିବେଲେ ପାଉଲ୍ ପେରିଡ୍ ପଦ୍‌କେ ରକିଆ କରବାଟା ଆରି ଆରିତରେକ୍ ଜିବାକେ ଜାଗରଡ୍ ଅଇବାଟା । ୧୦:୧-୧୩:୧୦

୧ *ମୁଇ ପାଉଲ୍, ପର୍‌ମେସରର୍ ମନ୍ କଲା ଇସାବେ କିରିସ୍ଟ ଜିସୁର୍ ଗଟେକ୍ ପେରିଡ୍ ସିସ୍ ବାଟାଇଅଇଲାଆଟି ।

ମୁଇ ଆରି ଆମର୍ ବାଇ ତିମତି ଆରି କରକ୍ରିୟାଗାନେ ରଇବା ପର୍‌ମେସରର୍ ଗୁଲାଇ ମଣ୍ଡଳୀମନ୍‌କେ ଆରି ଆକାଇଆଟାନେ ରଇବା ସବୁ ପର୍‌ମେସରର୍ ଲକ୍ଷ୍ୟମନ୍‌କେ, ଏ ଚିଠି ଲେକିଲୁନି । ୨ ଆମର୍ ବାବା ପର୍‌ମେସର୍ ଆରି ମାପୁରୁ ଜିସୁର୍ ଟାନେଅନି ଜିବନ୍ ଦୁକାଇଲାଟା ଆରି ସାନ୍ତି ତମକେ ଅ ।

ପର୍‌ମେସର୍‌କେ ପାଉଲ୍‌ର ଦନିଅବାଦ୍

୩ ଆମର୍ ମାପୁରୁ ଜିସୁ କିରିସ୍ଟର୍ ବାବା ପର୍‌ମେସର୍‌କେ ଦନିଅବାଦ୍ ଦେଉଁ । ସେ ଆମର୍ ଦୟାକାରିଆ ବାବା ଆରି ଜାର୍ ଟାନେଅନି କି ଆମ୍‌କେ ସବୁ ବିସଇର୍ ସାଇଜ ଅଇସି । ୪ ସେ ଆମ୍‌କେ ସବୁ ଦୁକ୍ କସଟ ଆଇଲେ ସାଇଜ କରସି । ସେନ୍ତାରିସେ ବିନ୍ ବିନ୍ ରକାମର୍ କସଟ ପାଇତେରଇବା ଲକ୍ଷ୍ୟମନ୍‌କେ ଆମେ ଜେନ୍ତି ଦୁକ୍ ସାରାଇରୁ । ପର୍‌ମେସର୍ ଟାନେଅନି ଜନ୍ ସାଇଜ ଆମେ ପାଇଲୁଆରୁ, ସେ ସାଇଜର୍ ଲାଗି, ଆମେ ମିସା ବିନ୍ ଲକ୍‌କେ ସାଇଜ କରୁ । ୫ କାଇକେବଇଲେ ଜେନ୍ତିକି କିରିସ୍ଟର୍‌ତେଇ ମିସଲ୍‌ପାଇ ଆମର୍ ଦୁକ୍, କସଟ ଅଦିକ୍ ଅଦିକ୍ ଅଇଆଟେ, ସେନ୍ତାରିସେ କିରିସ୍ଟର୍ ଲାଗି ଆମର୍ ଦୁକ୍ ସାରାଇବାଟା ମିସା ଅଦିକ୍ ଅଦିକ୍ ଅଇଲାନି । ୬ ମାତର୍ ଆମ୍‌କେ ଦୁକ୍ କସଟ ଅଇଲେ, ସେଟା ତମର୍ ଦୁକ୍ ସାରାଇବାକେ ଆରି ନ ସାର୍‌ବା ଜିବନ୍ ପାଇବାକେ । ସେନ୍ତାରିସେ ଜେତେବେଲେ ଆମେ ପର୍‌ମେସରର୍ ଟାନେଅନି

* ୧:୧ ୧:୧ ପେରିଡ୍ ୧୮:୧

ସାଈଜ ମିଲାଈକୁ, ସେଟା ତମରପାଇ ମିସା ସାଈଜ ମିଲୁଲା ପାଠା । ଏନ୍ତାରି ସେ ତମର ବିସବାସ କରବାଟା ତାଟ୍ କରାଇସି, ଜେନ୍ତୁକି ଆମେ ଦୁକ୍‌କସଟ୍ ଆଇଲେ ମିସା ମୁରତି କରି ଆରୁ, ସେନ୍ତାରି ଦୁକ୍ କସଟ୍ ଆଇଲେ ତମେ ମିସା ମୁରତି କରି ରଇପାରାସ୍ ।^୭ ଏଟାରୁଲାଗି ତମରଟାନେ ଆସା କରବାଟା ତାଟ୍ ଅଇଲାଆତେ । କାଈକେବଇଲେ, ଆମେ ଜାନିଆରୁ, ଆମକେ ଦୁକ୍ କସଟ୍ ଆଇଲେ ମିସା ମୁରତିକରି ଆରୁ, ତମେ ମିସା ସେନ୍ତାରି ମୁରତିକରି ଆଗାସ୍ । ଜେନ୍ତାରି କି ପରମେସର୍ ଟାନେଅନି ଆମେ ସାଈଜ ମିଲାଈଆରୁ । ସେନ୍ତାରିସେ ତମେ ମିସା ସାଈଜ ମିଲାଈଆଗାସ୍ ।

୮ *କାଈକେ ବଇଲେ, ଏ ବାଈବଇନିମନ୍, ଆସିଆ ରାଈଜେ ଆମକେ ଅଇରଇବା ବଡ୍ ଦୁକ୍ କସଟ୍ ବିସଇ ତମେ ଜାନିରୁଆ ବଲି ଆମେ ମନ୍ କଲୁନି । ମୁରତି ନାପାରୁଲା ବଡ୍ ପରିକା ଆଇଲା । ଏନ୍ତାରି କି ଆମେ ଆରି ନ ରଇକରି ମରିଜିବାର୍ ଅଇସିବେ ବଲି ବାବଡେତରଇଲୁ ।^୯ ଉଁ, ଆମକେ ମରନ୍ ଆସି ତାବିଅଇରଇଲା । ମାତର୍ ନିଜର୍ ନିଜର୍ ଉପରେ ଆସା ନ କରି, ଜନ୍ ପରମେସର୍ ମଲା ଲକ୍‌ମନ୍‌କେ ଉଟାଇସି, ତାର୍ ଉପରେ ଆସା କରବାକେ ଏ ସବୁ ଅଇଲା ।^{୧୦} ସେ ଆମକେ ମରନ୍‌ଟାନେ ଅନି ବଠାଇଲା । ସେଟାରପାଇ ଆମେ ରକିଆ ପାଇଲୁ । ମରନ୍ ରଇଲା ଆକା, ମାତର୍ ମରୁନାଇ । ଆରି ସେ ଆମକେ ସାଈଜ କରଡେତରଇସି ଆକା ବଲି ଜାନିଆରୁ । ଆମକେ ବଡ୍ ଆସା ଆତେ ଜେ, ସେ ଆମକେ ସାଈଜ କରବାଟା କେବେ ନ ତେବାଏ ।^{୧୧} ତମେ ଆମର ପାଇ ପାରତନା କରି ଆମକେ ସାଈଜ କରବାଟାଆତେ । ସେନ୍ତାରି କଲେ ପରମେସର୍ ସବୁ ପାରତନାଇ ମାଙ୍ଗଲାଟା ପାଟାଇସି । ଆରି ବେସି ଲକ୍ ପରମେସର୍‌କେ ଦନିଅବାଦ୍ ଦେବାଇ । କାଈକେବଇଲେ ସେ ଆମକେ ଆସିରବାଦ୍ କଲାଆତେ ।

ପାଉଲ୍ ଜଜ୍‌ନା କଲାଟା ବାଦ୍‌ଲାଇଲା

^{୧୨} ବାଈମନ୍ ଆମେ ବଡ୍‌ପନ୍ ଅଇକରି କଇବା ଗଟେକ୍ କାତା ଆତେ । ସେଟା ଆମେ ସଡ୍ ବଲି ଜାନିଲୁନି ଆରି ସେଟା ଅଇଲାନି, ଏ ସବୁଲକରଟାନେ ଆରି, ତମରଟାନେ ମିସା ଆମର୍ ଚଲାଚଲୁଡି ସୁକଲ୍ ଆରି ଦରମ୍‌ଆତେ । ଏଟା ଆମର୍ ବିବେକ୍ ସାକି ଦେଲାନି । ଲକ୍‌ମନ୍‌ରୁ ଗିଆନ୍ ଈସାବେ ଆମେ କରୁନାଇ, ମାତର୍ ପରମେସର୍‌ର ଜିବନ୍ ଦୁକାଈଲା ବପୁର୍ ସଙ୍ଗ୍ ଏ ସବୁଜାକ କଲୁନି ।^{୧୩} କାଈକେ ବଇଲେ, ଆମେ ଚିଟି ପାଟାଇଲା ବେଲେ ତମେ ଜାଈଜାଈଟା ପଡିକରି ବୁଜିପାରାସ୍, ସେଟାସେ ଲେକି ପାଟାଇଲୁନି ।^{୧୪} ଏବେ ଆମେ ଜାଈଟା କଲୁନି, ସେ ବିସଇ ତମେ ଅଲପ୍ ଅଲପ୍ ବୁଝଲାସିନି । ମାତର୍ ମୁଈ ଆସା କଲିନି, ସେଟା ତମେ ପୁରାପୁରୁନ୍ ବୁଜି ପାରାସା । ଜେନ୍ତାରି କି, ଆମର୍ ମାପୁରୁ ଜିସୁ ବାଉଡୁଲା ଦିନେ, ତମେ ଆମର୍ ଲାଗି ସାର୍‌ଦା କରାସା, ସେନ୍ତାରିସେ ଆମେ ମିସା ତମରୁଲାଗି ସାର୍‌ଦା କରୁ ।

^{୧୫} ଏଟା ସବୁ ତମେ ବୁଜି ପାରାସା, ସେଟା ଜାନିକରି ମୁଈ ତମରଟାନେ ବୁଲିଆଇବି ବଲି ମନ୍‌କଲି । ଜେନ୍ତାରି କି ମୁଈ ତମକେ ଦୁଇତର୍ ସାଈଜ କରିପାରୁବି ।^{୧୬} *କାଈକେବଇଲେ ମୁଈ ମାକିଦନିଆଇ ଜିବାବାଟେ ତମରଟାନେ ଆସି ରଇବି ବଲି ମନ୍‌କଲି । ଆରି ମୁଈ ଗରେ ବାଅଡବାବେଲେ ଆରିତରେକ୍ ତମରଟାନେ ତେବି ବଲି ମନ୍ କଲି । କାଈକେବଇଲେ ମୁଈ ଜେବେ ଜିଉଦା ଦେସେ ଜିବାକେ ବାରଇବି, ସେ ବେଲେ ତମେ ମକେ ସାଈଜ କରି ପାରାସ୍ ।^{୧୭} ତେବେ ମୁଈ ଏନ୍ତାରି ମନ୍ କଲାକେ ମକେ ତମେ ଦୁଇ ମନିଆ ଲକ୍ ବଲି ବାବଲାସିନି କାଈକି । ନିଜର୍ ମନ୍ କଲା ଈସାବେ ଚିନ୍ତା କରବା ଗଟେକ୍ ଲକ୍‌ପାଠା ତମେ ମକେ ବାବଲାସ୍ କାଈକି । ମୁଈ ଆଇବି ବଲି କଇଲେ ମିସା ତମର୍ ମନେ ସେ ନ ଆସେ, ବଲି ବାବଲାସ୍ କାଈକି ।^{୧୮} ଜିବି ପରମେସର୍ କଇବାଟା ସଡ୍, ସେନ୍ତାରି ଆଲେ ମୁଈ କଇବାଟା ମିସା ସଡ୍ ସେ । ଏକାବେଲେ ଉଁ ଆରି ନାଇ ବଲି, ନ କଇ ।^{୧୯} *ମୁଈ, ସିଲାନ୍ ଆରି ତିମତି, ପରମେସର୍‌ର ପଅ ଜେ କି କିରିସଟ୍ ଜିସୁ, ତାର୍ ବିସଇନେଇ ତମକେ ଜାନାଇରଇଲୁ । ସେ ଉଁ ଆରି ନାଇ, ବଲି କଇବା ଦୁଇ ମନିଆ ଲକ୍ ନଏ ।^{୨୦} ତାରୁଲାଗି ପରମେସର୍ ଉଁ ବଲି, କଇରଇବାଟା, ସବୁଜାକ ପୁରାପୁରୁନ୍ କରସି । ସେଟାରପାଇ ଜିସୁକିରିସଟ୍‌କେ ଆମେ ଆମେନ୍ ବଲି, କଇବାଟା ପରମେସର୍‌ର ମଇମା ପାଇ ଅଇସି ।^{୨୧} ତମକେ ଆରି ଆମକେ ଜିସୁକିରିସଟ୍‌ତେଇ ମିସିରଇବାକେ ଆଇବା ତାଟ୍ ବିସବାସ୍ ଆନବାଟା, ପରମେସର୍ ସେ । ଆରି ସେ ଆମକେ ବାଟୁଲା ଆତେ ।^{୨୨} ଆମେ ତାରୁଟା ବଲି ଜାନିବାକେ ସେ ଆମକେ ତାର୍ ତିନ୍ ମାରୁଲା ଆତେ ଆରି ସୁକଲ୍‌ଆଡ୍‌ମା ଆମର୍ ବିଡ୍‌ରେ ଦାନ କଲା ଆତେ । ପରମେସର୍ ଆମରପାଇ ଜେଡ୍‌କି ବିସଇ ସଙ୍ଗଇଆତେ, ସେ ଆଡ୍‌ମାର ଲାଗି ଆମେ ସେଟା ସବୁ ପାଇବୁ ବଲି ଜାନୁଲୁନି ।

* ୧:୮ ୧:୮ ୧ମ କବଚିୟ ୧୫:୩୭ * ୧:୧୭ ୧:୧୭ ପେରିଡ୍ ୧୯:୨୧ * ୧:୧୯ ୧:୧୯ ପେରିଡ୍ ୧୮:୫

୨୩ ଜଦି ମୁଈ କଇବାଟା ସତ୍ ନାଇ, ସେନ୍ତାଆଲେ ପରଫେସର୍ ମକେ ଡଣ୍ଟ ଦେଅ । ମୁଈ କରନ୍ତିଅତେଇ ବୁଲି ଆଇବାକେ କାଇକେ ଅଏ ନାଇ ବଲି ସେ ଜାନେ । ମୁଈ ତେଇ ଆଇଲେ, ତମର୍ ଚଲାଚଲ୍ଡିର୍ ବୁଲ୍ଡିକ୍ ଦେକଲେ, ତମେ ଦୁକ୍ କରତାସ୍ । ୨୪ ତମେ କନ୍ଟା ମାନବାର୍ ଆରେ, କନ୍ଟା ନାଇ, ସେଟା ଆଦେସ୍ ଦେବାକେ ଆମେ ମନ୍ କରୁନାଇ । କାଇକେବଇଲେ, ତମର୍ ବିସ୍ବାସ୍ ଡାଟ୍ ଅଇଗାଲା ଆରେ । ତମର୍ ସଙ୍ଗ୍ ମିସିକରି କାମ୍ କରବାକେ ଆମେ ମନ୍ କଲୁନି । ଜେନ୍ତାରିକି ତମେ ସାର୍ଦା ଅଇସା ।

୨

୧ ମାତର୍ ମୁଈ ଆଗତୁ ଆଇଲା ବେଲେ ଜେନ୍ତିକି ତମ୍ବେ ଦୁକ୍ ଦେଲି, ସେନ୍ତି ଆରିତରେକ୍ ଦୁକ୍ ଦେବାର୍ ଆଲେ ନ ଆସି ବଲି ବାବ୍ତେ ରଇଲି । ୨ ଜଦି ମୁଈ ତମ୍ବେ ଦୁକ୍ଦେବି, ତେବେ କେ ମକେ ସାର୍ଦା କରାଇବାଇ ? ଜନ୍ ଲକ୍ବେକେ ମୁଈ ଦୁକ୍ ଦେଇରଇଲି, ସେ ସମାନ୍ ଲକ୍ ତମେ ଆକା । ୩ ସେଟାପାଇ ମୁଈ ତମ୍ବେକେ ଚିଟି ଲେକିରଇଲି । ଜନ୍ ଲକ୍ବମନ୍ ମକେ ସାର୍ଦା କରାଇବାର୍ ଆରେ, ମୁଈ ଆଇଲେ ସେମନ୍ଦେସେ ମକେ ଦୁକ୍ ଦେଅଡ୍ ବଲି ମନ୍ କରିନାଇ । ମୁଈ ଜାନି, ମୁଈ ସାର୍ଦା ଅଇକରି ରଇଲେ, ତମେ ମିସା ସବୁଲକ୍ ସାର୍ଦା ଅଇରଇସା । ୪ ମୁଈ ମନେ ମନେ ବେସି ଦୁକ୍ କସ୍ତ ଅଇକରି ଆରି ମନେ ମନେ କାନ୍ଦି ଆସୁଜରାଇ କରି ଲେକି ରଇଲି, ଜେନ୍ତିକି ତମେ ଦୁକ୍ ଅଇରୁଆ ବଲିକରି ମୁଈ ବାବିନାଇ । କାଇକେବଇଲେ ମୁଈ ତମ୍ବେକେ ବେସି ଆଲାଦ୍ କଲିନି । ଏଟା ଜେନ୍ତିକି ତମେ ଜାନିରୁଆ ।

ଦସିକେ କେମା ଦେବାଟା

୫ ଏବେ ତମର୍ ବିତ୍ତରେ ଜେ ପାଠ୍ କରି ତମ୍ବେ ଦୁକ୍ ଦେଲା ଆରେ, ସେ ଅବ୍ବା ମକେ ଦୁକ୍ ଦେଏନାଇ, ମାତର୍ ତମ୍ବେକେ ସବୁକେ ଦୁକ୍ ଦେଲାଆରେ । ସବୁକେ ନଇଲେ ମିସା, କେତେଲକ୍ବେକେ ଦେଇଆରେ । ତାର୍ ପାଠ୍ କଲାଟା ଅଦିକ୍ ବଡ୍ ଅଇକରି ତ୍ରିସ ବଲି ମୁଈ ମନ୍ କରିନାଇ । ୬ ତମର୍ ବିତ୍ତରେ ଜବର୍ ଲକ୍ ତାକେ ଡଣ୍ଟ ଦେଲାଇ ଆଟ୍ । ଆରି ସେମନ୍ ତାକେ ଦେଇରଇବା ଡଣ୍ଟ ତାର୍ପାଇ ଅଇଜାଇସି । ୭ ଏବେ ତମେ ତାକେ କେମା ଦେଇକରି ସାଆସ୍ ଦେବାର୍ ଆରେ । ସେନ୍ତାରି ନ କଲେ, ସେ ବେସି ଦୁକ୍ ଅଇକରି ତାର୍ ମନ୍ ବାଜିଜାଇସି । ୮ ସେଟାପାଇ ତାକେ ଆରିତରେକ୍ ଆଲାଦ୍ କରା ବଲି ମୁଈ ତମ୍ବେକେ ବାବୁଜିଆ କଲିନି । ୯ କାଇକେବଇଲେ ତମେ ବିସ୍ବାସର୍ ପରିକାତେଇ ଡାଟ୍ ଅଇ ରଇଲାସ୍ କି ନାଇ, ଆରି ତମେ ମର୍ ଆଦେସ୍ ମାନ୍ଲାସିନି କି ନାଇ ବଲି ଜାନ୍ବାକେ ମୁଈ ତମ୍ବେକେ ଆଗ୍ଡୁର୍ ସେ ଚିଟି ଲେକିରଇଲି ।

୧୦ ଜେତେବେଲେ ମିସା ତମେ ସେ କରିରଇବା କାମର୍ ପାଇ ତାକେ କେମା କରସା, ତେବେ ମୁଈମିସା ତାକେ କେମା କରୁବି, ଜଦି କାଇଟା ମିସା ମୁଈ କରୁବାର୍ ରଇଲା, ତମର୍ପାଇ ମୁଈ କିରିସର୍ ମୁଆଟେ ସେମନ୍ଦେକେ କେମା ଦେଇସାରାଇ ଆରି । ୧୧ ଜେନ୍ତିକି ସଇତାନ୍, ଆମର୍ ଉପ୍ରେ ଜିତି ନାପାରେ, କାଇକେବଇଲେ, ସେ କରିରଇବା ସବୁ ଜନ୍ମା ଆମେ ଜାନ୍ଲୁନି ।

୧୨ କିସ୍ତର୍ ସୁବକବର୍ ଜାନାଇବାକେ ମୁଈ ଜେତେବେଲେ ଆଇଲି, ତରୁଆୟାଇ ସେବା କାମର୍ପାଇ ମାପ୍ତୁର୍ ବାଟ୍ ମେଲାଅଇଆରେ ବଲି ମୁ ଜାନି ପାରୁଲି । ୧୩ ମାତର୍ ଆମର୍ ବାଇ ତିତସ୍ବେକେ ବେଟ୍ ନ ଅଇଲି ଜେ ମର୍ ମନେ ମନେ ବେସି ଚିନ୍ତା ରଇଗାଲା । ତେବର୍ ପାଇ ମୁଈ ତେଇର୍ ଲକ୍ବମନ୍ଦେକେ ଗାଲିନିବେ ବଲି ତେଇଅନି ମାକିଦନିଆଇ ଉଚିଗାଲି ।

ଜିସ୍ତୁର୍ ଲାଗି ଜିତ୍ବାଟା

୧୪ ମାତର୍ ପରଫେସର୍ ଦନିଅବାଦ୍ ପାଅ । କିରିସ୍ତେତେଇ ମିସିରଇଲାଟ୍ପାଇ ତାର୍ ଜିତ୍ବଲା ଦଲ୍ଡର୍ ଦାଡିତେଇ ବନ୍ଦି ଲକ୍ବର୍ ଇସାବେ ପରଫେସର୍ ଆମ୍ବେକେ ସବୁବେଲେ ଡାକିନେଲାନି । ସବୁଲକ୍ବେକେ କିରିସ୍ତର୍ ବିସଇ ଜାମାଇବାକେ ସେ ଆମର୍ ଦେଇକରି କାମ୍ କଲାନି । ଜନ୍ଟା କି ଦୁପ୍ ପାରା ସବୁ ଜାଗାଇ ବାସ୍ନା ମାରୁସି । ୧୫ କାଇକେବଇଲେ ଆମେ କିରିସ୍ତର୍ ପରଫେସର୍କେ ପତାଇ ଦେଇତେରଇବା ଦୁପ୍ ପାରା ଆଟୁ । ଆମେ ଜାନାଇତେରଇବା ସୁବକବର୍ ଗଟେକ୍ ସୁନ୍ଦର୍ ବାସ୍ନା ପାରା ସବୁଲକ୍ବେକେ ଗାଲାନି । ଗଟେକ୍ ବାଟର୍ ଲକ୍ବମନ୍ ଆଜିଗାଲାଇନି, ଆରି ଗଟେକ୍ ବାଟର୍ ଲକ୍ବମନ୍ ରକିଆ ପାଇଲାଇନି । ୧୬ ଜନ୍ ବାଟର୍ ଲକ୍ବମନ୍ ଆଜିଗାଲାଇନି, ସେମନ୍ଦପାଇ ସେଟା ଗନ୍ । ଆରି ସେଟା ମର୍ବା ବାଟେ ଡାକିନେଇସି । ମାତର୍ ଜନ୍ ବାଟର୍ ଲକ୍ବ ରକିଆ ପାଇଲାଇନି, ସେଟା ସେମନ୍ଦେକେ ସୁନ୍ଦର୍ ବାସ୍ନା । ଆରି ସେଟା ନ ସାର୍ଦା ଜିବନ୍ଦେଇ ଡାକିନେଇସି । ଏ ଆବଡ୍ କାମ୍ କେ ମିସା କରି ନାପାରେ । ୧୭ କେତେକ୍ ଲକ୍ବମନ୍ ପରଫେସର୍ ବାକିଅ ବେବାର୍ କର୍ତ୍ତେରଇବା ଜିନିସ୍ ପାରା ବାଇବାଇ, ମାତର୍ ଆମେ ସେନ୍ତା

☆ ୨:୧୭ ୨:୧୭ ପେରିକ୍ ୨୦:୧

ନାଇ । କାଈକେବଲେ ପର୍ଯ୍ୟେସର୍ ଆମକେ ପାଟାଇଆତେ । କିରିସ୍ତର୍ ଗତିଦାଙ୍ଗ୍ତା ଇସାବେ, ଆମେ ତାର୍ ମୁଆଟେ ସତ୍ ବାକିଅ ଜାନାଇବୁ ।

୩

ନୁଆ ନିୟମ୍ବର ଗତି

୧ ଆମେ ଆରିତରେକ୍ ନିଜ୍ଜକେ ଉପର୍ଯ୍ୟେସର୍ ଉଟାଇବା କାତା କଇଲୁନି ବଲି ତମେ କୁଆ ନାଇ । ଆମେ ତେଇ ରଇବା କେତେଟା ଦରମ୍ ଗୁରୁମାନର୍ ପାରା ନାଇ । ବିନ୍ ଲକ୍ବର୍ ତେଇଅନି ଏ ଲକ୍ବ ନିକଟା ବଲି ଚିଟି ଆନ୍ଲେ, ତମେ ସେମନ୍କେ ଡାକି ନେଇସା, ଆରି ତମର୍ ଜାଗା ଚାଡ଼ିକରି ଗାଲେ, ଏ ଲକ୍ବ ନିକଟା ବଲିକରି ତମର୍ଗାନେଅନି ଏମନ୍ ଚିଟି ମାଙ୍ଗ୍ବାଇ । ଆମକେ ସେନ୍ତାରି ଚିଟି ଦରକାର୍ ନାଇ । ୨ ତମେସେ ଆମର୍ ମନ୍ ବିତ୍ତରେ ଲେକିଅଇ ରଇବା ଚିଟି । ସବୁ ଲକ୍ବ ତମକେ ଦେକ୍ବାଇ ଆରି ତମର୍ ଚଲାଚଲ୍ଡି ଜାନ୍ବାଇ । ୩ କିରିସ୍ତର୍ ଆମକେ ଏ ଚିଟି ଲେକ୍ଲା ଆତେ । ଏଟା ସିରା ସଙ୍ଗ୍ ଲେକା ଅଏନାଇ, ମାତର୍ ଜିବନ୍ ରଇବା ପର୍ଯ୍ୟେସର୍ ଆତ୍ମା ସଙ୍ଗ୍ ଲେକାଅଇଆତେ । ଏଟା ପାକ୍ନାଇ ଲେକା ନ ଅଇକରି ଲକ୍ବମାନର୍ ମନ୍ବିତ୍ତରେ ଲେକାଅଇଆତେ ।

୪ ଆରି କିସ୍ତର୍ ଲାଗି ପର୍ଯ୍ୟେସର୍କେ ଆସା କରି ଆମେ ସାଆସ୍ ସଙ୍ଗ୍ କଇପାରୁଲୁନି । ୫ ଏ କାମ୍ ଆମେ ନିଜର୍ ବପୁ ସଙ୍ଗ୍ କରି ପାରୁବୁ ବଲି କଉନାଇ । ପର୍ଯ୍ୟେସର୍ ଆକା ଆମକେ ବପୁ ଦେଇସି । ୬ ସେ ତା ଆମକେ ବପୁ ଦେଲାଆତେ, ଜେନ୍ତିକି ଆମେ ତାର୍ ନୁଆ ରାଜିନାମା କଲାଟା ସବୁକେ ଜାନାଇ ପାରୁବୁ । ସେଟା ଲେକ୍ଲା ନିୟମ୍ ନଏଁ, ମାତର୍ ତାର୍ ଆତ୍ମା ଅନି ଅଇଲାଟା । ଲେକ୍ଲା ନିୟମ୍ ମରନ୍ ଆନ୍ସି, ମାତର୍ ପର୍ଯ୍ୟେସର୍ ଆତ୍ମା ନ ସାର୍ବା ବିବନ୍ ଦେଇସି ।

୭ ମସାର୍ ନିୟମ୍ ପର୍ଯ୍ୟେସର୍ ତେପଟା ପାକ୍ନାଇ ଲେକା ଅଇରଇଲା ଆରି ସେ ନିୟମ୍ ଦେଲାବେଲେ ପର୍ଯ୍ୟେସର୍ ମଇମା ତିସ୍ତେରଇଲା । ମସାର୍ ମୁଏ ରଇଲା ସେ ମଇମା ଉନା ଉନା ଅଇଜାଇତେରଇଲା । ଅଇଲେ ମିସା ତାର୍ ଉଜଲ୍ପାଈ ଇସ୍ବାଏଲ୍ ଲକ୍ବମନ୍ ତାର୍ ମୁଏ ଆକି ସଙ୍ଗ୍ ନାପାର୍ତେରଇଲା । ଜଦି ପର୍ଯ୍ୟେସର୍ ମରନ୍ ଆନ୍ବା ସେ ନିୟମ୍ ମଇମା ସଙ୍ଗ୍ ପାଟାଇରଇଲା, ୮ ତେବେ ପର୍ଯ୍ୟେସର୍ ଆତ୍ମା ଅନି ଆଇବା ନୁଆ ରାଜିନାମା ଆରି କେତେକ୍ ଅଦିକ୍ ମଇମାସଙ୍ଗ୍ ରଇସି । ୯ ଲକ୍ବମନ୍ ତଣ୍ଡ୍ ପାଇବାଇ ବଲି ଜାନାଇ ଅଇବା କାମ୍, ଜଦି ମଇମା ସଙ୍ଗ୍ ଆଇଲା, ତେବେ ଆମର୍ ସବୁ ପାପ୍ କେମା ଅଇଲାଆତେ ବଲି ଜାନାଇବା ବାକିଅ କେତେକ୍ ଅଦିକ୍ ମଇମା ଅଇରଇସି ? ୧୦ ପର୍ଯ୍ୟେସର୍ ନିୟମ୍ବର ମଇମା ବେସି ଉଜଲ୍ ରଇଲା, ମାତର୍ ଏବେ ନୁଆ ନିୟମ୍ବର ରାଜିନାମାର୍ ଲାଗି ପୁରନା ନିୟମ୍ବର ମଇମା ଉନାଅଇଗାଲା ଆତେ । ୧୧ ଜଦି ଆଗର୍ ପର୍ଯ୍ୟେସର୍ ନିୟମ୍ ପାକାଇ କାତା ଦେଇରଇବାଟା ଚନେକ୍ପାଈ ଅଇଲେ ମିସା ମଇମାସଙ୍ଗ୍ ରଇଲା, ତେବେ ନୁଆ ପର୍ଯ୍ୟେସର୍ ନିୟମ୍ ପାକାଇ ଦେଇରଇବାଟା, ଜନ୍ତା କି କେବେ ନ ସାରେ, ସେଟା କେତେକ୍ ଅଦିକ୍ ମଇମା ସଙ୍ଗ୍ ରଇସି !

୧୨ ଆମକେ ଏ ଆସା ରଇଲାକେ, ଆମେ ବେସି ସାଆସ୍ ସଙ୍ଗ୍ ଆରୁ । ୧୩ ଆମେ ମସାର୍ ପାରା ନାଇ, ସେ ମୁ ଡାବିଅଇ ରଇଲା । ଜେନ୍ତିକି, ଲିବି ଆଇତେରଇବା ଆରି ଇସ୍ବାଏଲ୍ ଲକ୍ବମନ୍ ତେଇର୍ ମଇମା ଉନା ଅଇକରି ପୁରାପୁରନ୍ ଜିବାଟା ନ ଦେକ୍ତ । ୧୪ ସେବେଲେ ଇସ୍ବାଏଲ୍ ଲକ୍ବମନ୍ ନ ବୁଜିତେରଇଲା, ତାକର୍ ମନ୍ ଡାବ୍ଲା ପାରା ଅଇରଇଲା । ଆରି ସେମନ୍ ପୁରନା ରାଜିନାମାର୍ ବଇମନ୍ ପଢ଼ଲାଜିନି ଜେ ଏବ୍ବକେ ଜାକ ବୁଜ୍ତ ନାଇ । ଜେତେବେଲେ ଜାକ ସେମନ୍ କିରିସ୍ତର୍ତେଇ ନ ମିସି ରଅଡ୍, ସେ ବେଲା ଜାକ ତାକର୍ ମନ୍ ଡାବ୍ଲା ନ ବେଟି ଅଏ । ୧୫ ଏବେ ଜାକ ମିସା ସେମନ୍ ମସାର୍ ନିୟମ୍ ପଢ଼ବାବେଲେ, ତାକର୍ ମନ୍ ସେନ୍ତି ଡାବିସେ ଅଇରଇସି । ୧୬ ମାତର୍ ସାସ୍ତର୍ କଇଲାନି, “ଜଦି ଜେ ମାପୁରୁ ବାଟେ ମନ୍ ବାଉଡାଇଲେ, ତାର୍ ମନେ ଡାବିଅଇ ରଇବାଟା ଉଗାଡି ଅଇସି ।” ୧୭ ଏ ଚିଟିତେଇ ମାପୁରୁ ବଲି କଇବାଟା ଅଇଲାନି ଆତ୍ମା ଆରି ମାପୁରୁ ଆତ୍ମା ଜନ୍ତି ମିସା ରଇଲେ, ତେଇ ଆମେ ମୁକ୍ତି କରି ଆରୁ । ୧୮ ତେବେ ଆମେ ଜେଡ୍ ଲକ୍ବ ସବୁ ମାପୁରୁକେ ବିସ୍ବାସ୍ କରିଆରୁ, ଆମର୍ ମୁଁ ଡାବି ଅଏନାଇ । ପର୍ଯ୍ୟେସର୍ ବପୁ ଆରି ମଇମା ଦେକାଇଅଇବା ଗଟେକ୍ ଦର୍ପନ୍ ପାରା ଆମେ ଆରୁ । ଆମେ ତାର୍ପାରା ଅଇବା ଜାକ ଦିରେ ଦିରେ ବାଦ୍ଲାଇ ଅଇ ଆଇଲୁନି । ପର୍ଯ୍ୟେସର୍ ଆତ୍ମାସେ ଆମକେ ବାଦ୍ଲାଇଲାନି ।

୪

ମାଟି ଆଣ୍ଡିତେଇ ସରଗର୍ ଦନ୍

^୧ ପରମେସ୍ୱର ତାକୁ ଜିବନ୍ ମୁକ୍ତକାଳକରି ଆମ୍ଭଙ୍କେ ଏ ସେବାକାମ ଦେଲାଆତେ । ସେଟାପାଇଁ, ଆମ୍ଭେ ବସୁ ନଇଲା ଲକ୍ଷ୍ମୀ ପାରା କାମ କରୁନା । ^୨ ଆମ୍ଭେ ଲୁଚିତେ ରଇବା କାମ କି ଲାଭ କରାଇବା କାମ କରୁନା । ଆମ୍ଭେ ଲକ୍ଷ୍ମୀଙ୍କେ ନାତାଉ ନା । ଆମ୍ଭେ ଜାନାଇତେରଇବା ମାପୁରୁ ବାକିଆ ତେଜ ମିତ୍ରି ସିକିଆ ମିସାଉ ନା । ମାତ୍ର ସବୁଲକ୍ଷ୍ମୀ ବୁଝିଲାପାରା ସତ୍ତ୍ୱ ସିକିଆ ଦେଲୁନି । ଜେନ୍ତାରି କି, ମୁଞ୍ଚ କଇଲା ବାକିଆ ଲକ୍ଷ୍ମୀଙ୍କ ତାଙ୍କର ବିବେକ୍ଷଣେ ସତ୍ତ୍ୱ ବଳି ଜାନ୍‌ବାଇ । ଆମ୍ଭେ କରବା ସବୁ କାମ ପରମେସ୍ୱର ମୁଆଟେ ଆତେ । ^୩ ଜିନ୍ଦି ଆମ୍ଭେ ଜାନାଇବା ସୁବକ୍ଷର ନ ବୁଝିବା ଲକ୍ଷ୍ମୀ ଆତେ, ସେନ୍ତାରି ଆଲେ ସେମାନସେ ଆଜିଜାଇରଇବା ଲକ୍ଷ୍ମୀ । ^୪ ଏ ଜଗତର କାରାୟ ସାସନକାରିଆ ତାଙ୍କର ମନ୍ଦ ଆନ୍ଦାଫ୍ କରି ଦେଇଆତେ ଜେ, ସେମନ୍ଦ ବିସ୍ୱବାସ୍ କରତ୍ ନା । ଜନ୍ଦ ଉଜଲ୍ ତାଙ୍କର ଉପରେ ଉଜଲ୍ ଦେଲାନ୍ଦି, ସେଟା ନ ଦେକ୍ଷାକେ ସେ ଆଗୁଟିଦେଲାନ୍ଦି । କିରିସ୍ତର ମଇମାର ଉଜଲ୍ ତାର ସୁବକ୍ଷରେଅନି ଆଇସି । କିରିସ୍ତ ସମାନ୍ଦ ପରମେସ୍ୱର ପାରାସେ ଆତେ । ^୫ କାଲକେବଇଲେ ଆମ୍ଭେ ନିଜର ବିସଇ ଜାନାଇ ଅଉନାଇ । ମାତ୍ର ଜିସୁ କିରିସ୍ତ ଜେ କି ମାପୁରୁ, ତାର ବିସଇ ଜାନାଇଲୁନି । ଜିସୁର ଲାଗି ତମ୍ଭେ ଗତିଦାଙ୍ଗଡ଼ା ଇସାବେ ଆମ୍ଭେ ନିଜେ ଜାନାଇଅଇଲୁନି । ^୬ ପରମେସ୍ୱର ଜେ କି କଇଲା “ଉଜଲ୍ ଆନ୍ଦାରେ ଅନି ଉଜଲ୍ ଦେଇସି ।” ସେ ସମାନ୍ଦ ପରମେସ୍ୱର କିରିସ୍ତର ମୁଏ ଅନି ତାର ଉଜଲ୍ ଆମ୍ଭର ବିତ୍ତରେ ଉଜଲ୍ କରାଇଲା । ଜେନ୍ତାରି କି କିରିସ୍ତ ତେଜ ରଇବା ପରମେସ୍ୱର ମଇମା, ଆମ୍ଭେ ବୁଝି ପାରୁ ।

^୭ ଆମ୍ଭେ ଗଟେକ୍ ମାଟି ଆଣ୍ଡି ପାରା । କାଲକେବଇଲେ ଆମ୍ଭଙ୍କେ ବସୁ ନ ରଇଲେ ମିସା ପରମେସ୍ୱର ତାର ବେସି ମୁଲିଅ ରଇବା ବାକିଆ ଆମ୍ଭଙ୍କେ ସରପି ଦେଲାଆତେ । ଜେନ୍ତାରି କି ଆମ୍ଭଙ୍କେ ବସୁ ନ ରଇକରି ପରମେସ୍ୱରକେସେ ବେସି ବସୁ ଆତେ ବଳି ଲକ୍ଷ୍ମୀଙ୍କ ଜାନ୍‌ବାଇ । ^୮ ଆମ୍ଭେ ସବୁ ରକାମର ଦୁକ୍ଷକ୍ଷ ଅଇକରି ଗାଲୁନି, ଏଲେ ମିସା କସ୍ତ ପାଉ ନା । କେବେ କେବେ କାଲଟା କରୁବୁ ବଳି ଗିଆନ୍ଦ ନ ରଇଲା ଲକ୍ଷ୍ମୀପାରା ଅଇଲୁନି, ଅଇଲେମିସା ମନ୍ଦୁକ୍ କରୁ ନା । ^୯ ସତ୍ତ୍ୱରମନ୍ଦ ଟାନେଅନି ଉଡ଼ା ସୁନି ସୁନି ରଇଲୁ, ଏଲେମିସା ମାପୁରୁ ଆମ୍ଭଙ୍କେ ଚାତେ ନା । ଆମ୍ଭର ଗାଗତେ କେତେକ୍ କେତେକ୍ ମାଡ଼ ଅଇଲା । ଅଇଲେ ମିସା ମାପୁରୁ ଆମ୍ଭଙ୍କେ ବିନାସ୍ ଅଇବାକେ ଦେଏନାଇ । ^{୧୦} ଆମ୍ଭେ ସବୁବେଲେ ଜିସୁର ମରନ୍ଦ ଆମ୍ଭର ଗାଗତେ ଏତାଇଲୁନି । ଜେନ୍ତାରି ଜିସୁର ଜିବନ୍‌ମିସା ଆମ୍ଭର ଗାଗତେ ତିସିସି ।

^{୧୧} ଆମ୍ଭେ ଜିସୁର ସଙ୍ଗ୍ ରଇଲାପାଇ ବର୍ତ୍ତବାଜାକ ମରବା ବିପତେ ଆତୁ । ଜେନ୍ତାରି ଲକ୍ଷ୍ମୀଙ୍କ ଏ ମରବା ଗାଗତେ ଜିସୁ ବର୍ତ୍ତିରଇବାଟା ଦେକ୍‌ବାଇ । ^{୧୨} ଏନ୍ତାରିସେ ଆମ୍ଭେ ମରନ୍ଦ ଦାରିଆ । ମାତ୍ର ତମ୍ଭେଟାମାନେ ଜିବନ୍ ଅଇ ଆଇଲାନ୍ଦି । କାଲକେବଇଲେ ତମ୍ଭେ ନ ସାର୍‌ବା ଜିବନ୍ ପାଇସା ।

^{୧୩} ସାସତରେ ଲେକା ଅଇଲାପାରା “ ମୁଞ୍ଚ ବିସ୍ୱବାସ୍ କଲି, ତେବରପାଇ ମୁଞ୍ଚ କାତା ଅଇଲି ” । ସେ ସମାନ୍ଦ ବିସ୍ୱବାସ୍ ଆଡ଼ମାଇ, ଜନ୍ଦ ବାକିଆ ମୁଞ୍ଚ ବିସ୍ୱବାସ୍ କଲିଆରି, ସେଟାସେ ମୁଞ୍ଚ ଏବେ ଲକ୍ଷ୍ମୀଙ୍କେ ଜାନାଇଲିନି । ^{୧୪} କାଲକେ ବଇଲେ ଆମ୍ଭେ ଜାନିଆରୁ ପରମେସ୍ୱର ଜେ କି ମାପୁରୁ ଜିସୁଙ୍କେ ଜିବନ୍ କରି ଉଟାଇଲା, ସେ ଆମ୍ଭଙ୍କେ ମିସା ମାପୁରୁ ଜିସୁର ସଙ୍ଗ୍ ଉଟାଇସି । ଆରି ତମ୍ଭେ ସଙ୍ଗ୍ ଆମ୍ଭଙ୍କେ ମିସା ପରମେସ୍ୱର ମୁଆଟେ ନେଇସି । ^{୧୫} ତେବରପାଇ ଜେଡ଼କି ସବୁ ସାଦନା ବାନ୍ଦନା ଆଇଲାନ୍ଦି, ସେ ସବୁ ବିସଇ ତମ୍ଭେ ମଙ୍ଗଲପାଇ ସେ ଅଇଲାନ୍ଦି । ପରମେସ୍ୱର ଜିବନ୍ ମୁକ୍ତକାଳାଟା ଅଦିକ୍ ଅଦିକ୍ ଅଇକରି ଲକ୍ଷ୍ମୀଙ୍କରଟାମାନେ କେଟ୍‌ସି, ଆରି ସେମନ୍ଦ ସବୁଲକ୍ଷ୍ମୀ ତାଙ୍କେ ଦନିଅବାଦ୍ ଦେବାଇ ।

ବିସ୍ୱବାସ୍ କରି ଜିଇବାଟା

^{୧୬} ତେବରପାଇ ଆମ୍ଭେ ସାଆସ୍ ନ ଅଇରଇବା ଲକ୍ଷ୍ମୀ ପାରା ନ ଅଉଁ । କାଲକେବଇଲେ ଆମ୍ଭର ବାଇରର ଗାଗତ୍ ମରିମରି ଆଇଲେ, ମିସା ବିତ୍ତରେ ରଇବା ଲକ୍ଷ୍ମୀ ଦିନ୍ଦକେ ଦିନ୍ଦ ନୁଆ ଅଇ ଆଇଲାନ୍ଦି । ^{୧୭} କାଲକେ ବଇଲେ ଆମ୍ଭର ଦୁକ୍ କସ୍ତ ସବୁ ଉନା ଅଇକରି ଚନେକର୍ପାଇ । ମାତ୍ର ସେଟା ଆମ୍ଭଙ୍କେ ନ ସରବା ସବୁଦିନର୍ ମଇମା ଆନ୍ଦସି । ସେଟା ଆମ୍ଭର ଦୁକ୍ କସ୍ତ ଟାନେଅନି ବଡ଼ ରଇସି । ^{୧୮} ତେବରପାଇ ଆମ୍ଭେ ଏ ଜଗତେ ତିସିବା ବିସଇ ଆସା ନ କରି ନ ତିସିବା ବିସଇ ଆସା କଲୁନି । କାଲକେବଇଲେ ଦେକ୍‌ବା ବିସଇ ସବୁଦିନ୍ଦ ନ ରଏ, ମାତ୍ର ନ ଦେକ୍‌ବା ବିସଇ ସବୁ ଦିନର୍ପାଇ ରଇସି ।



^୧ ଆମ୍ଭର ଗାଗତ୍ ତୁମ୍ଭ ଟାନିକରି ବାନ୍ଦିରଇବା ଗର୍ପପାରା । ଆରି ଆମ୍ଭେ ଜାନୁ ଜେ ଜେତେବେଲେ ମିସା ଏଟା ବାଙ୍ଗି ଜାଇସି, ତେବେ ସର୍ଗେ ରଇବାପାଇ ଆମ୍ଭଙ୍କେ ଗଟେକ୍ ଗର୍ ଆତେ । ଏଟା ନିଜେ ପରମେସ୍ୱର ତିଆର୍ କଲାଟା । ସେଟା କେବେ ବିନାସ୍ ନ ଅଏ । ସବୁ ଦିନର୍ପାଇ ରଇସି । ^୨ ମାତ୍ର ଆମ୍ଭେ ଏ ଜଗତେ ରଉ ରଉ ଏଡ଼କି କସ୍ତ ପାଇଲୁନି । ସର୍ଗେ ରଇବା ଆମ୍ଭରୁ ନୁଆ ଗାଗତ୍ ଏବେଆକା

ଆମ୍ଭଙ୍କେ ମିଳି ବଲି ଆମେ ମନ୍ କଲୁନି ।^୩ କାଈକେବଇଲେ ମଲାତେଇଅନି ଆମ୍ଭଙ୍କେ ଉଟାଈଲାବେଲେ ଆମ୍ଭଙ୍କପାଇ ଗଟେକ୍ ଗାଗଡ଼ ଦନ୍କାର୍ ଆତେ ।^୪ ଏ ଜଗତେ ଆମେ ବଠି ରଇଲାବେଲେ, ଈଡିର୍ ଗାଗଡ଼ ନେଇକରି ଜେଡ଼କି ଦୁକ୍ କସର୍ ପାଇବାର୍ ଆତେ, ସେଟା ସବୁ ବଇକରି ଆଉଜି ଗାଲୁନି । ମାତର୍ ଏ ଗାଗଡ଼ ଚାଡ଼ବାକେ ଆମେ ମନ୍ କରୁ ନାଈ । ସର୍ଗେ ଅନି ଆଇବା ନୁଆ ଗାଗଡ଼ ଆମ୍ଭଙ୍କେ ମିଳି ବଲି ମନ୍ କଲୁନି । ସେନ୍ତାଆଲେ ମରନ୍କେ ସର୍ପି ଦେଇରଇବା ଏ ଗାଗଡ଼ ବାଦୁଲେ ସବୁଦିନର୍ ପାଇ ଜିବନ୍ ରଇବା ଗଟେକ୍ ଗାଗଡ଼ ମିଲାଈବୁ ।^୫ ମାତର୍ ପର୍ମେସର୍ ଆମ୍ଭଙ୍କପାଇ ଏ ସବୁ ବିସଇ ଜାଗାଇଦେଇ ସାରାଇଆତେ । ଜେଡ଼ିକି ଆଇବା ଦିନମନ୍କେ ଏଟାସବୁ ଅଇସି । ଏଟା ସବୁ ସେ ପୁରାପୁରୁନ୍ କର୍ସି ବଲି ଆମ୍ଭଙ୍କେ ଚିନ୍ ଈସାବେ ସୁକଲୁ ଆଡ଼ମା ଦେଲାଆତେ ।

^୬ ସେଟାର୍ ପାଇ ଆମେ ସବୁବେଲେ ସାଆସ୍ ଅଇକରି ଆରୁ । ଏ ସାର୍ବା ଗାଗଡେ ଆମେ ରଇ ରଇ, ମାପୁରୁ ରଇବା ଗରେ ଅନି ଦୁରିକେ ବାସା ଅଇଆରୁ ବଲି ଜାନିଆରୁ ।^୭ ଏ ଜଗତେ ରଇବା ଆମ୍ଭଙ୍କ ଜିବନ୍, ପର୍ମେସର୍ଗଟେନେ ବିସ୍ବାସ୍ କରି ରଇଲୁନି । କାଈକେବଇଲେ ଜନ୍ ଜାଗାଇ ଆମେ ବାସା ଅଇବାକେ ଗାଲୁନି, ସେ ଜାଗା ଏବେଜାକ ଆମେ ଦେକୁ ନାଈତା ।^୮ ଈ ଆମ୍ଭଙ୍କ ବିସ୍ବାସ୍ ସବୁବେଲେ ଡା଼ର୍ ଆତେ । ଏ ସାରିଜିବା ଗାଗଡ଼ ଚାଡ଼ିକରି ମାପୁରୁର୍ ଗରେ ଜିବାକେ ବଲି ଆମେ ଜାନିଆରୁ ।^୯ ମାତର୍ ଏବେ ଆମେ ଜନ୍ତି ରଇଲେ ମିସା, ଏ ଜଗତେ ରଇଲେ କି, ପର୍ମେସର୍ ରଇବାଟାନେ ରଇଲେ ମିସା, ସେ ଜନ୍ଟା ଆମ୍ଭଙ୍କଟାନେଅନି ଆସା କଲାନି, ସେଟା ପୁରାପୁରୁନ୍ ଅ ବଲି ଆମେ ମନ୍ କଲୁନି ।

^{୧୦} ଏଆମେ ସବୁଲକ୍ କିରିସ୍ତର୍ ମୁଆଟେ ଆଇବାକେ ପଡ଼ସି । କାଈକେବଇଲେ ସେ ଆମ୍ଭଙ୍କ କାମ୍ ବିଚାର୍ କର୍ସି । ଏ ଜଗତେ ରଇକରି ଆମେ ଜନ୍ଟା କଲୁଆରୁ, ସେଟା ନିକ ଅ କି ନ ଅ, ସେ ଈସାବେ ଆମ୍ଭଙ୍କେ ଗଟେକ୍ ଗଟେକ୍ ଲକ୍‌କେ ବୁଡ଼ି ମିଲୁସି ।

କିରିସ୍ତର୍ ଦେଇ ପର୍ମେସର୍ ସଙ୍ଗ୍ ମଇତର୍

^{୧୧} ଆମେ ଜାନିଆରୁ ମାପୁରୁ ଆମ୍ଭଙ୍କେ ବିଚାର୍ କରବାବେଲେ ଗଟେକ୍ ଡରବା ବେଲା ଅଇସି । ସେଟାପାଇ ଆମେ ଲକ୍‌ମନ୍‌କେ ମାନାଇଲୁନି । ପର୍ମେସର୍ ଆମ୍ଭଙ୍କେ ପୁରାପୁରୁନ୍ ଜାନିଲାନି । ଆରି ମୁଇ ଆସା କଲିନି ତମେ ମିସା ତମର୍ ମନେ ମନେ ମକେ ଜାନିରୁଆ ।^{୧୨} ଏଟା ସବୁ ଲେକିକରି ତମେ ଆମ୍ଭଙ୍କେ ଆରିତରେକ୍ ଏ ଲକ୍ ନିକ ବଲିକରି କୁଆଇଅଇବାକେ ଆମେ ମନ୍ କରୁନାଈ । ମାତର୍ ଆମେ ଆସା କର୍ବାଟା ଟିକ୍ ଆତେ, ସେଟା ତମେ ଜାନା ବଲି ଆମେ ମନ୍ କଲୁନି । ଆରି ଜନ୍ ଲକ୍‌ମନ୍ ନିକ ଗୁନ୍ ନ ମାନିକରି, ବାଇରେ ଡିସ୍‌ବା ବିସଇଟାନେ ବଡ଼ପନ୍ ଅଇବାଇ, ସେମନ୍‌କେ ବୁଜାଇପାରାସ୍ ।^{୧୩} କେତେଲକ୍ ଆମେ ବାୟା ଅଇଗାଲୁଆରୁ ବଲି ବାବ୍‌ବାଇ । ସେନ୍ତାଆଲେ ସେନ୍ତି ଅଇବାଟା ପର୍ମେସର୍ ମନ୍ କଲା ଈସାବେ । ଜିଦି ଆମେ ନିକ ଆରୁ ବଲି ବାବ୍‌ଲେ ସେଟା ତମର୍ ବଲି ପାଇ ।^{୧୪} କିରିସ୍ତର୍ ଆଲାଦ୍ ଆମ୍ଭଙ୍କେ ବାଡ଼ ଦେକାଇଲାନି । ସେଟା ଆମେ ଜାନିଆରୁ । ସେଟାର୍ ଲାଗି ଆମେ ସବୁଲକ୍ ତାର୍ ମରନେ ମିସିଆରୁ ।^{୧୫} ସେ ସବୁ ଲକ୍‌ପାଇ ମଲାଆତେ । ଜେଡ଼ି କି ଜନ୍‌ଲକ୍‌ମନ୍ ବଠି ଆଚଡ଼, ସେମନ୍ ନିଜର୍ ପାଇ ନ ବଠିଡ଼ । ଜେ ତାକର୍ ପାଇ ମରିକରି ଜିବନ୍ ଅଇ ଉର୍ଲା, ଅବ୍‌କା ତାର୍ ପାଇସେ ବଠିବାର୍ ଆତେ ।

^{୧୬} ଏ ଜଗତର୍ ଲକ୍‌ମନ୍ ବିଚାର୍ କଲାପାରା ଆମେ ଲକ୍‌ମନ୍‌କେ ବିଚାର୍‌ନା କରୁନାଈ । ପୁର୍ବେ ଆମେ କିରିସ୍ତର୍‌କେ ମିସା ଏ ଜଗତର୍ ଲକ୍ ବିଚାର୍ କଲାପାରା କର୍ତେରଇଲୁ । ମାତର୍ ଏବେ ଆମେ ସେନ୍ତି କରୁନାଈ ।^{୧୭} ଜେ ଜିଦି କିରିସ୍ତର୍ ସଙ୍ଗ୍ ମିସ୍‌ଲେ ସେ ଗଟେକ୍ ନୁଆ ଲକ୍ ଅଇସି । ପୁର୍ନା ଚଲାଟଲୁଡି ଆରି ନାଈନି, ସବୁଜାକ ନୁଆ ଅଇଗାଲା ଆତେ ।^{୧୮} ଏଟା ସବୁ ପର୍ମେସର୍ କଲାଆତେ । ସେ କିରିସ୍ତର୍‌କେ ଦେଇ ଆମ୍ଭଙ୍କେ ସଡ଼ୁରୁ ରଇବା ତେଇଅନି ମଇତର୍ କରିଆତେ । ବିନ୍ ଲକ୍‌ମନ୍‌କେ ମିସା ତାର୍ ମଇତର୍ କରାଇବା କାମ୍ ଆମ୍ଭଙ୍କେ ସର୍ପି ଦେଲାଆତେ ।^{୧୯} ତେବେ ଆମେ ଏ ବିସଇ ଜାନାଇଦେଲୁନି, ଜେ କିରିସ୍ତର୍ ଲାଗି ପର୍ମେସର୍ ସବୁ ମୁନ୍‌ସ୍ ଜାଡିକେ ତାର୍ ନିଜର୍ ମଇତର୍ କରିପାର୍ସି । ଆରି ସେ ତାକର୍ ସବୁ ପାପ୍ କେମା କରିଦେଇସି । ବିନ୍ ଲକ୍‌ମନ୍‌କେ ମିସା ତାର୍ ମଇତର୍ କରାଇବା କାମ୍ ଆମ୍ଭଙ୍କେ ସର୍ପି ଦେଲାଆତେ ।

^{୨୦} ପର୍ମେସର୍ ଆମ୍ଭଙ୍କେ ଦେଇ ତମ୍‌କେ ବାବୁଜିଆ କଲାନି । ଏଟାପାଇ କିରିସ୍ତର୍ ଆମ୍ଭଙ୍କେ ପାଟାଇଲା ଆତେ । ଆରି କିରିସ୍ତର୍ ଲାଗି ଆମେ ମିସା ତମ୍‌କେ ବାବୁଜିଆ କଲୁନି । ପର୍ମେସର୍ ତମ୍‌କେ ସଡ଼ୁରୁଟାନେଅନି ମଇତର୍ କର ।^{୨୧} କିରିସ୍ତର୍‌କେ କାଈ ପାପ୍ ନ ରଇଲା । ମାତର୍ ଆମ୍ଭଙ୍କ ପାପର୍ ପାଇ

* ୫:୧୦ ୫:୧୦ ରନିୟ ୧୫:୧୦

ଆକା ସେ ତଣ୍ଡ ପାଅ ବଲି ପରମେସର୍ ଟିକ୍ କଲା । କିରିସଟ୍ ସଙ୍ଗ୍ ମିସ୍ଲାନ୍‌ପାଇ ଏବେ ପରମେସର୍ ଆମ୍ଭକେ ଦରମ୍ ଲକ୍ ଇସାବେ ଦେକ୍‌ଲାନ୍ ।



୧ ତେବେ ପରମେସରର୍ ଏ କାମେ, ଆମେ କାମ୍‌କରୁମନ୍ ଅଇଲୁଆରୁ ଜେ, ତମ୍‌କେ ଆମେ ବାବୁଜିଆ କଲୁନ୍ । ତମେ ତାର୍ ଜିବନ୍ ଦୁକାଇଲାଟା ମିଲାଇ ଆଗାସ୍ । ସେଟା ରୁଗଇ ନ ଅ । ୨ ପରମେସର୍ କଇବାଟା ସୁନା ।

“ ତମ୍‌କେ ଦିୟା ଦେକାଇବା ବେଲା ସମାନ୍ ଅଇଲାକେ,

ମୁଇ ତମେ ଗୁଆରି କଲାଟା ସୁନ୍‌ଲି ।

ଜନ୍ ଦିନେ ମୁଇ ମୁକ୍‌ଲାଇବା ଦିନ୍ ବଲି ଟିକ୍ କଲି,

ସେ ଦିନେ ମୁଇ ତମ୍‌କେ ସାଇଜ କଲି ।”

ସୁନା ! ପରମେସର୍ ତମ୍‌କେ ତାର୍ ଆଲାଦ୍ ଦେକାଇବି ବଲି, ଟିକ୍ କଲା ଦିନ୍ ଆଜିସେ । ତମ୍‌ର୍ ପାପର୍ ତଣ୍ଡେ ଅନି ସେ ତମ୍‌କେ ରକିଆ କରବା ଦିନ୍ ଆଜି ସେ ।

୩ ଜେନ୍ତ୍ରିକି ଆମର୍ ସେବା କାମେ ଲକ୍‌ମନ୍ ଆମ୍ଭକେ ଦସ୍ ନ ଦାରତ୍ ବଲି ଆମେ ମନ୍ କରୁନାଇ । ସେଟାର୍‌ପାଇ କିରିସଟ୍‌ର୍ ପଟେ ଜିବା ଲକ୍‌ମନ୍‌କେ ଆମ୍ଭକେ ଆଗଟୁ ନାଇ । ୪ ତାର୍ ବାବୁଲେ ଆମେ ଜାଇଟା କଲେ ମିସା ପରମେସରର୍ ସେବାକାରିଆ ଇସାବେ କଲୁନ୍ । ଜେନ୍ତ୍ରିକି, କିରିସଟ୍‌ର୍ ଲାଗି ଉତ୍ତାସୁନ୍‌ବା ଟାନେ, ଦୁକ୍ କସ୍‌ଟ ଟାନେ, ଆମେ ସାଆସ୍ ଅଇ ମୁରୁଟିକରି ଆରୁ । ୫ *ଆମେ କର୍ତ୍ତା ମାତ୍ କାଇ ବନ୍ଦି ଗରେ ରଇଆରୁ, ମାନ୍, ଲକ୍‌ରଟାନେ ଅନି କେଦାଇଅଇଆରୁ, ବେସି ଆବତ୍ କାମ୍ କରି ଆରୁ, ନ ସଇକରି ରଇଲୁଆରୁ, ଦିନ୍ ଦିନ୍ ଦାରି ନ କାଇ ନ ପିଇ କରି ରଇଆରୁ । ୬ ଆମର୍ ସୁକଲ୍ କାମେ, ଆମର୍ ଗିଆନେ, ଆମର୍ ମୁରୁଟି ରଇବାଟାନେ, ଆମର୍ ଦୟା ଦେକାଇବାଟାନେ, ସୁକଲୁଆଡ଼ମାଟାନେ, ଆମର୍ ସତ୍ ଆଲାଦ୍‌ଟାନେ, ଆମେ ପରମେସରର୍ ସେବା କାରିଆ ବଲିକରି ଜାନାଇ ଅଇଲୁନ୍ । ୭ ଆମେ ସିକାଇବା ବାକିଅ ସତ୍ ବାକିଅ । ଆରି ଆମର୍ ସଙ୍ଗ୍ ପରମେସରର୍ ବପୁ ଆଟେ । ପରମେସର୍ ଦେକ୍‌ବା ଇସାବେ, ଆମର୍ ଦରମ୍ ବଲାଇ ଅଇବାଟା ଗଟେକ୍ ଆଡ଼ୁଆଡ଼ିଆର୍ ପାଠା । ଆମର୍ ସତ୍‌ରୁମନର୍ ବିରୁଦେ ଜୁଜ୍‌ବାକେ ଆରି ନିଜ୍‌କେ ରକିଆ ପାଇବାକେ, ସେଟା ବାଇଲୁନ୍ । ୮ କେବେ କେବେ ଆମ୍ଭକେ ସନ୍‌ମାନ୍ ମିଲୁଲାନ୍ । ମାତର୍ କେବେ କେବେ ତଲେ ପାକାଇଲାଇନ୍ । କେବେ କେବେ ନିକ୍ ଲକ୍ ବଲାଇଅଇଲୁନ୍ । ମାତର୍ କେବେ କେବେ ଆମେ ନିୟା ପାଇଲୁନ୍ । ୯ ଆମେ ମିରୁଆ ବଲାଇଅଇଲୁନ୍ । ମାତର୍ ସତ୍ କାତା କଇଲୁନ୍ । ନାଜାନ୍‌ତେ ରଇଲେ ମିସା ସବୁଲକ୍ ଜାନ୍ ଆଟତ୍ । ମଲା ସମାନ୍ ରଇଲୁ, ମାତର୍ ଆଜିକେ ଜାକ୍ ବଠିଆରୁ । ତଣ୍ଡ ପାଇଲୁ ମିସା ମରୁନାଇ । ୧୦ ବେସି ଦୁକେ ରଇଲେ ମିସା ସାର୍‌ଦା ସଙ୍ଗ୍ ଆରୁ । ଆମେ ଅର୍‌କିତ୍ ପାଠା ଅଇରଇଲେ ମିସା, ଦିନ୍ ଲକ୍‌ମନ୍‌କେ ସାଉକାର୍ କରାଇଆରୁ । ଆମେ କାଇଟା ନ ରଇବା ଲକ୍‌ର୍ ପାଠା ଆରୁ, ମାତର୍ ସବୁଜାକ୍ ଆମର୍‌ଟା ।

୧୧ ଏ କରନ୍ତିଏ ରଇବା ଆମର୍ ମଇତର୍‌ମନ୍, କାଇ କପର୍ ନ କରି, ଆମର୍ ମନେ ଜାଇଟା ରଇଲା, ସେଟା ସବୁ ତମର୍ ମୁଆଟେ କଇଲୁଆରୁ । ଆମେ ତମ୍‌କେ ବେସି ଆଲାଦ୍ କଲୁନ୍ । ୧୨ ତମ୍‌ର୍‌ପାଇ ବଲିକରି ଆମର୍ ଆଲାଦ୍ ଉନା ଅଏ ନାଇ । ମାତର୍ ଆମର୍ ପାଇ ରଇବା ତମର୍ ଆଲାଦ୍ ଉନା ଅଇଆଟେ । ୧୩ ନିଜ୍‌ର୍ ପିଲାମନ୍‌କେ କଇଲା ପାଠା ତମ୍‌କେ କଇଲିନ୍, ଆମେ ଜେନ୍ତ୍ରିକି କି ତମ୍‌କେ ଆଲାଦ୍ କଲୁନ୍, ସେନ୍ତ୍ରିସେ ତମେ ଆମ୍ଭକେ ଆଲାଦ୍ କରା ।

ବିସ୍‌ବାସ୍ ନ କଲା ଲକ୍‌ମନ୍‌ର୍ ଟାନେ ଜାଟାଇ ଉଆନାଇ

୧୪ ତମେ ବିସ୍‌ବାସ୍ ନ କର୍‌ବା ଲକ୍‌ମନ୍‌ର୍ ସଙ୍ଗ୍ ମିସିକରି କାମ୍ କରାନାଇ । ସେ କାମ୍ କେବେମିସା ନ ଅଏ । କାଇକେବଇଲେ ସତ୍ ଆରି ମିତ୍ ମିସାଇ ନ ଅଏ । ଉଜଲ୍ ଆରି ଆନ୍ଦାର୍ ନ ମିସତ୍ । ୧୫ କିରିସଟ୍ ଆରି ସଇତାନ୍ କାଇ ବିସଇଟାନେ ମିସା ରାଜି ନ ଅଅତ୍ । ଗଟେକ୍ ବିସ୍‌ବାସ୍ କର୍‌ବା ଲକ୍ ଆରି ଗଟେକ୍ ବିସ୍‌ବାସ୍ ନ କର୍‌ବା ଲକ୍, ଗଟେକ୍ ଟାନେ ମିସିକରି ନ ରଅତ୍ । ୧୬ *ପରମେସରର୍ ମନ୍‌ରେ ପୁଡ଼ଲା ପୁଜା କର୍‌ବାର୍ ନ ଅଏ । ଆମେ ପରମେସରର୍ ମନ୍‌ର୍ ପାଠା । କାଇକେବଇଲେ ଜିବନ୍ ରଇବା ପରମେସର୍ ଆମର୍ ବିତ୍‌ରେ ବାସା ଅଇଆଟେ । ସେ ନିଜେ କଇଲାଆଟେ

“ ଜନ୍ ଲକ୍‌ମନ୍ ମର୍ ଲକ୍,

ମୁଇ ସେମନ୍‌ର୍ ସଙ୍ଗ୍ ରଇବି ।

ତାକର୍ ବିତ୍‌ରେ ଚାଲାବୁଲା କର୍‌ବି । ମୁଇ ସେମନ୍‌ର୍ ପରମେସର୍ ଅଇବି ।

ଆରି ସେମନ୍ ମର ଲକ୍ ଅଇବାଇ ।”

୧୭ ତେବେ ମାପୁରୁ କଇଲାନି,
“ଜନ୍ ଲକ୍ମନ୍ ମରୁ ସଙ୍ଗ ଆସତ୍ ନାଇ,
ସେ ମାନ୍ଦାଇ ଅନି ଚାଡ଼ି କରି ବେଗଲି ଉଚିଆସା ।
ସୁକଲ୍ ନ ରଇବା କାଇଟା ମିସା ଚିଆନାଇ ।

ସେନ୍ତାନ୍ଥାଲେ ମୁଇ ତମ୍ବେ ତାକିନେବି ।”

୧୮ ମୁଇ ତମ୍ବେ ବାବା ଅଇବି ଆରି,
ତମେ ମର ପିଲାଜିଲା ଅଇସା ।

ଏଟା ସବୁରୁଟାନେ ଅନି ବପୁ ରଇବା
ମାପୁରୁ କଇଲାନି ।

୭

୧ ତେବର୍ପାଇ ଏ ମର ଆଲାଦର ମଇତରମନ୍, ପର୍ବେସର୍ କାତା ଦେଇରଇବାଟା ସବୁ ଆମ୍ବେ
ସର୍ପିଆରେ । ତେବର୍ପାଇ ଜନ୍ମଟା ସବୁ ଆମ୍ବେ ଗାଗଡ଼କେ ଆରି ଆଡ଼ମାକେ ସୁକଲ୍ ନ କରାଏ, ସେଟା
ସବୁ ଚାଡ଼ିଦେଉଁ । ପର୍ବେସର୍ବେକେ ତରିରଇକରି ପୁରାପୁରୁନ୍ ସୁକଲ୍ ଅଇରଉଁ ।

ପାଉଲ୍ ସାର୍ଦା ଅଇଲାଟା

୨ ତମେ ଆମ୍ବେକେ ଅଦିକ୍ ଆଲାଦ୍ କରବା ଦରକାର୍ । ଆମେ ତମ୍ବେ ବିରୁଦେ କାଇ ଦସ୍ କରୁନାଇ
। ଆମେ କାକେ ନସ୍ତ କରୁନାଇ, କି କାକେ ନାଡାଉ ନାଇ । ୩ ମୁଇ ତମ୍ବେକେ ଦସ୍ଦେଦାକେ ଏ କାତା
କଇନାଇ । ଆଗତୁ କଇଲାପାରା, ଆମେ ତମ୍ବେକେ ସତ୍ସେ ଆଲାଦ୍ କଲିନି, ବଠି ରଇଲେ କି ମଲେ
ମିସା, ତମେ ଆମ୍ବେ ମନ୍ ବିତ୍ତରେ ଆଗାସ୍ । ୪ ତମ୍ବେ ଲଗେ ମର ବିସ୍ବାସ୍ ଆରେ । ଆରି ମୁଇ ତମ୍ବେ
ବିସଇନେଇ ବଡ଼ପନ୍ ଅଇଲିନି । ଆମେ ବେସି ଦୁକ୍ କସ୍ତ୍ ଆଇଲେ ମିସା ସାଆସ୍ ଦାରି ଆତୁ । ମର
ମନ୍ବିତ୍ତରେ ସାର୍ଦା ଅଦିକ୍ ଅଦିକ୍ ଅଇକରି ଉଡ଼ଲି ଗାଲାନି ।

୫*ଆମେ ମାକିଦନିଆ ଅଇଲାପରେ ମିସା ଚନେକ୍ ପୁଣ୍ଡୁଲାଇ । କାଲକେବଇଲେ ତେଇ ଦୁକ୍ କସ୍ତ୍
ରଇଲା, କେତେଲକ୍ ଆମ୍ବେ ବିରଦେ କଇ ଲାଗାଜଡା କଲାଇ । ଆମେ ମନ୍ ବିତ୍ତରେ ବେସି ତରିଜାଇତେ
ରଇଲୁ । ୬ ମାତର୍ ଜେ କି ଆକା ସାକା ନ ରଇବା ଲକ୍ମନ୍ବେକେ ଦୁକ୍ ସାରାଇବା ପର୍ବେସର୍ବେକେ ତିତସ୍ବେ
ଆନାଇ କରି ଆମ୍ବେକେ ସାର୍ଦା କରାଇଲା । ୭ ଅବ୍ବା ସେ ଆଇଲାକେସେ ଆମେ ସାର୍ଦା ଅଉନାଇ,
ମାତର୍ ତମ୍ବେ ଲାଗି ତିତସ୍ ବେସି ସାର୍ଦା ଅଇଗାଲା ବଲି ଆମ୍ବେକେ କଇଲାପୁରାଇ ମିସା ସାର୍ଦା ଅଇଲୁ
। ତମେ ମକେ ଦେକବାକେ ମନ୍ କଲାସ୍ବି ବଲି ମିସା ସେ କଇଲା । ଆରି ତେଇ ମକେ ଜେଡ଼କି ଗଟ୍ଲା,
ସେଟାପୁରାଇ ଦୁକ୍ ଅଇକରି ଆଗାସ୍ । ଆରି ତମେ ମର୍ବାଟେ ଅଇକରି କଇବାକେ ମିସା ରାଜିଆଗାସ୍ ।
ଏଟାମନ୍ ସବୁ ସୁନିକରି ମୁଇ ବେସି ସାର୍ଦା ଅଇଗାଲି ।

୮ ମର ତିଟିରୁଲାଗି ତମେ ଦୁକ୍ ଅଇରଇଲେ ମିସା, ସେ ତିଟି ତମ୍ବେକେ ପାଟାଇଲି ବଲି, ମୁଇ ଦୁକ୍
କରିନାଇ । ସେ ତିଟିରୁ ଲାଗି ତମେ ଚନେକର୍ ପାଇ ଦୁକ୍ କରିରଇଲାସ୍ ଜେ ଜାନିକରି, ମୁଇ ମିସା
ଦୁକ୍ ଅଇରଇଲି, ଏଟା ସର୍ । ୯ ମାତର୍ ମୁଇ ଏବେ ସାର୍ଦାସଙ୍ଗେ ଆତି । ତମ୍ବେକେ ଦୁକ୍ଦେଇ ଆତି
ବଲିକରି ନାଇ, ମାତର୍ ସେ ଦୁକ୍ ଲାଗି ତମେ ତମ୍ବେ ଚଲାଚଲୁଟି ବଦଲାଇଲାସ୍ । ସେ ଆସିରଇବା
ଦୁକ୍ ପର୍ବେସର୍ବେକେ ମନ୍ କଲା ଇସାବେ ଅଇବାଟା । ଜେଡ଼ିକି ମାନିଆଇସା । ସେନ୍ତାନ୍ଥାଲେ ଆମେ ତମ୍ବେ
ପାଇ କାଇ ବାଦା ଆନୁନାଇ । ୧୦ କାଲକେବଇଲେ ଜଦି ଗଟେକ୍ ଲକ୍ମନ୍ ଦୁକ୍ ପର୍ବେସର୍ବେକେ ମନ୍ କଲା
ଇସାବେ ଆଇସି, ସେଟା ନିଜର୍ ପାପ୍ କଲାଟା ମାନିଅଇକରି, ମନ୍ ବାଉଡାଇବାକେ ଲତାକେ ଆଇସି ।
ତେଇ କାଇ ମିସା ଦୁକ୍ ନାଇ । ମାତର୍ ମୁନ୍ସମନ୍ ଟାନେଅନି ଅଇବା ଦୁକ୍ ମରନ୍ଦବାଟେ ତାକିନେଇସି ।

୧୧ ତମ୍ବେକେ ଦୁକ୍ ଦେଇକରି ପର୍ବେସର୍ବେକେ କାଇଟା କଲାଆରେ ଦେକିଦେକା । ଜେଡ଼ିକି ଏବେ ତମେ ଚିକ୍
ଚଲାଚଲୁଟି କରବାକେ ମନ୍ କଲାସ୍ବି, ବୁଲ୍ କାମ୍ କରୁନାଇ ବଲି ବୁଜାଇବାକେ ଚେସଟା କଲାସ୍ବି, ଲାଜ୍
ପାଇବା କାମ୍ କରବାକେ ବାକାନ୍ଲାସ୍ବି, ତରିକରି ଆଗାସ୍, ଆମେ ଆରିତରେକ୍ ବେଟ୍ ଅଇବୁ ବଲି ମନ୍
କଲାସ୍ବି, ମକେ ସାର୍ଦା କରାଇବାକେ ମନ୍ କଲାସ୍ବି, ପାପ୍ କଲା ଲକ୍ବେ ଦାପ୍ରେ ତଣ୍ଡ ଦେଲାସ୍,
ଏଟା ସବୁ କଲାକେ ସେ କରିରଇବା ପାପେ ତମ୍ବେ କାଇ ବୁଲ୍ ନାଇ ।

୧୨ ଜନ୍ ଲକ୍ ପାପ୍ କରିଆରେ, ତାର୍ ବଲ୍ ପାଇ କି ଜନ୍ ଲକ୍ମନ୍ ବିରୁଦେ ପାପ୍ କରାଇଅଇଲା, ତାର୍
ବଲ୍ ପାଇ ମୁଇ ସେ ଚିଟି ଲେକିନାଇ । ମାତର୍ ଆମ୍ବେକେ ତମେ ଏତେକ୍ ଆଲାଦ୍ କଲାସ୍ବି, ସେଟା

* ୭:୫ ୭:୫ ୨ୟ କରନ୍ତିୟ ୭:୧୩

ତମେ ନିକସଙ୍ଗ ଜାନ୍‌ବାକେ ମୁଞ୍ଚ ଲେକିରଇଲି । ପରମେସର୍ ଏଟା ଜାନିଆଚେ । ୧୩ ସେଟାପୁଞ୍ଚାଳ ତମେ ଆମ୍ଭକେ ବେସି ସାର୍‌ଦା କରାଇଲାସ୍ ।

ଅବକା ଆମେସେ ସାର୍‌ଦା ଅଇଲୁ ସେତୁକି ନଏଁ, ମାତର୍ ତିତସ୍ ସାର୍‌ଦା ଅଇଲାଟା ଦେକିକରି ମିସା ଆମେ ସାର୍‌ଦା ଅଇଲୁ । ତମେ ସବୁ ତାକେ ସାର୍‌ଦା କରାଇଲାକେ ସେ ମିସା ସାର୍‌ଦା ଅଇରଇଲା । ୧୪ ତିତସ୍ ତମରଟାନେ ନ ଆଇବା ଆଗ୍‌ତୁ, ମୁଞ୍ଚ ତମର୍ ବିସଇ ବଡ଼ପନ୍ ଅଇକରି ତାକେ କଇରଇଲି । ସେ ତମରଟାନେ ଆଇଲାକେ ମୁଞ୍ଚ ବଡ଼ପନ୍ ଅଇକରି ସବୁ କଇଲାଟା ସତ୍ ବଲି ଜାନ୍‌ଲା । ତମେ ମକେ ଲାଜ୍ କରାସ୍ ନାଇ । ମୁଞ୍ଚ ତମ୍ଭକେ ଜାଇଟା ସବୁ କଇଲି ଆରି, ସେଟା ସତ୍ । ଆରି ତିତସ୍‌କେ ଜାଇଟା କଇରଇଲି ସେଟା ମିସା ସତ୍ ବଲି ଜାନ୍‌ପଡ଼ଲାନି । ୧୫ ତେବେ ତମେ ତାର୍ ସବୁ ଆଦେସ୍ ମାନ୍‌ଲାସ୍ ଆରି ତମେ ତାକେ ସାର୍‌ଦାଇ ରଇସି କି ନ ରଏ ବଲି ଡରିକରି ରଇଲାଟା ସେ ଏତ୍ କଲା । ତମର୍ ପାଇ ରଇବା ତାର୍ ଆଲାଦ୍, ଅଦିକ୍ ଅଦିକ୍ ଅଇ ଆଇଲାନି । ୧୬ ତମରଟାନେ ମର୍ ପୁରାପୁରୁନ୍ ଆସା ଆଚେ ବଲିକରି ମୁଞ୍ଚ ବେସି ସାର୍‌ଦା ଅଇଲିନି ।

୮

ବିସ୍‌ବାସିମନ୍ ଦାନ୍ ଦେବାଟା

୧ ଏ ମର୍ ବାଇବଇନିମନ୍, ମାସିଦନିଆର୍ ବିସ୍‌ବାସିମନ୍‌କେ ପରମେସର୍ ଜିବନ୍‌ଦୁକାଇ ରଇଲାପୁଞ୍ଚାଳ ତେଜ କାଇଟା ଗଟ୍‌ଲା, ସେଟା ତମେ ଜାନିରୁଆ ବଲି ମୁଞ୍ଚ ମନ୍ କଲୁନି । ୨ ବେସି ବଡ଼ ଦୁକ୍ କସଟ୍ ପାଇ, ମୁରୁଟି ରଇକରି, ତେଜ ସେମନ୍ ବେସି ସାର୍‌ଦା କଲାଇ । ତାକର୍ ସାର୍‌ଦା ଏତେକ୍ ବଡ଼ିଜାଉରଇଲା ଜେ ସେମନ୍ ଅରକିଡ଼ ଅଇରଇଲେ ମିସା ତାକର୍ ବିସ୍‌ବାସି ବାଇମନର୍ ପାଇ ବେସି ବେସି ଦାନ୍ କଲାଇ । ୩ ସେମନ୍ ଜେଡ଼କି ଦେବାର୍ ରଇଲା, ତାର୍‌ତେଜଅନି ଅଦିକ୍ ଦେଲାଇ ବଲି ମୁଞ୍ଚ ସାକି ଦେଲିନି । ଦେବାର୍ ମନ୍ ରଇଲାକେ ନିଜର୍ ମନ୍ କଲା ଇସାବେ ଦେଲାଇ । ୪ ଜିଉଦା ଦେସେ ରଇବା ପରମେସରର୍ ଲକ୍‌ମନ୍‌କେ ସାଇଜ କରବାକେ ସେମନ୍ ମିସା ମିସତ୍ ବଲି ଆମ୍ଭକେ ବାବୁଜିଆ କଲାଇ । ୫ ତାକରଟାନେଅନି ଆମେ ଜେଡ଼କି ଆସା କରିରଇଲୁ, ତାର୍‌ତେଜଅନି ଅଦିକ୍ ଦେଲାଇ । କାଇକେବଇଲେ ପର୍‌ତମେ ସେମନ୍ ନିଜେ ନିଜେ ମାପୁରୁକେ ସର୍‌ପି ଅଇଲାଇ । ତାର୍‌ପଚେ ପର୍‌ମେସରର୍ ମନ୍ କଲା ଇସାବେ ସେମନ୍ ଆମ୍ଭକେ ମିସା ସର୍‌ପି ଅଇଲାଇ । ୬ ତେବର୍‌ପାଇ ତିତସ୍ ଜେ କି ତମର୍ ବିଡ଼ରେ ଏ କାମ୍ ଜେଣ୍ଟି ଆରାମ୍ କରିରଇଲା, ସେଣ୍ଟାରି ଆକା ତମର୍ ଆଲାଦର୍ ଦାନ୍ ସାରାଅ ବଲି ଆମେ ତାକେ ବାବୁଜିଆ କଲୁ । ୭ ତମେ ବେସି ବିସଇଟାନେ ପୁରାପୁରୁନ୍ ଆଗାସ୍ । ସବୁ ବିସଇଟାନେ ସାଉକାର୍ ଅଇଆଗାସ୍ । ବିସ୍‌ବାସେ ଡାଁଟ୍‌ଆଗାସ୍, ବାକିଅ ସିକାଇବାକେ ଜାନିଆଗାସ୍, ବାକିଅତେଜ ତମର୍ ଗିଆନ୍ ଜବର୍ ଆଚେ, ସଙ୍ଗର୍ ବିସ୍‌ବାସିମନ୍‌କେ ସାଇଜ କରବାଟା ଆରି ଆମ୍ଭପୁଞ୍ଚାଳ ରଇବା ତମର୍ ଆଲାଦ୍ ବେସି ବଡ଼ ଆଚେ । ସେଣ୍ଟାରିସେ ଦାନ୍ ଦେବାଟାନେ ମିସା ଅଦିକ୍ ଅଦିକ୍ ଦିଆସ୍ ବଲି ଆମେ ମନ୍ କଲୁନି ।

୮ ଏଟା ତମ୍ଭକେ ମୁଞ୍ଚ ତିଆରୁଲା ପାରା କଇନାଇ, ମାତର୍ ବିନ୍ ବିସ୍‌ବାସିମନ୍ ତାର୍ ବାଇମନ୍‌କେ କେଣ୍ଟି ଅଦିକ୍ ମନ୍ କରି ସାଇଜ କଲାଇନି, ସେଟା ଜାନିରଇବାକେ କଇଲିନି । ସେମନ୍ କଲାପାରା ତମେ କରିପାରାସ୍ ଆରି ସେଟା ଦେକି ତମର୍ ଆଲାଦ୍ ସତ୍ କି ମିଟ୍ ବଲି ମୁଞ୍ଚ ଜାନିପାର୍‌ବି । ୯ ଆମର୍ ମାପୁରୁ ଜିସୁକିରିସଟ୍ ଜିବନ୍ ଦୁକାଇ ଅଇଲା ବିସଇ ତମେ ଜାନିଆଗାସ୍ । ସର୍‌ଗେ ସେ ବେସି ସାଉକାର୍ ଅଇରଇଲେ ମିସା ସେ ନିଜେ ଅରକିଡ଼ ଅଇଆଇଲା । ଜେଣ୍ଟି କି ତାରୁଲାଗି ତମେ ସାଉକାର୍ ଅଇସା ।

୧୦ ସାଇଜ କରବାକେ ତମେସେ ଆଗ୍‌ତୁ ଅଇଲାସ୍ ଆରି ପରୁ ଅନି ଆରାମ୍ କରିଆଗାସ୍ । ଏବେ ମୁଞ୍ଚ ବାବୁଲିନି, ସେଟା ତମେ ସାରାଇଦେବାଟା ନିକ । ଉଜେ କାମ୍‌କରବାଟାସେ ନାଇ, ମାତର୍ କାମ୍‌କରବାକେ ମନ୍ କରି କରବାକେ ତମେ ପର୍‌ତୁମ୍ ଆଗାସ୍ । ୧୧ ତେବେ ତମେ ସେଟା କରା, ଆରି ଦେବାଟା ସାରାଇଦିଆସ୍ । ତମେ ବେସି ସାର୍‌ଦା ଅଇ ମୁଲିଆଇଲାସ୍ । ସେଣ୍ଟାରିସେ ସାର୍‌ଦା ଅଇ ସାରାଇବାଟ୍ ଆଚେ । ଗଟେକ୍ ଗଟେକ୍ ଲକ୍ ଜେଡ଼କି ଦେଇପାରାସ୍, ସେଡ଼କି ଦେଇ ସାରାଇଦିଆସ୍ । ୧୨ କାଇକେ ବଇଲେ ଜଦି ତମ୍ଭକେ ଦାନ୍ ଦେବାକେ ମନ୍‌ଆଚେ, ତମର୍ ପାବୁବା ଏତେକ୍ ଦେଲାସ୍‌ନି । ତମେ ଦେବାଟା ପର୍‌ମେସର୍ ସଙ୍ଗଇସି । କାଇକେବଇଲେ, ତମେ ନାପାର୍‌ବା ଏତୁକି ଦିଆ ବଲି ମାଙ୍ଗେ ନାଇ ।

୧୩ ତମର୍ ବାଇମନ୍‌କେ ସାଇଜ କରିକରି ତମରଟା ଉନା ଅଇଜାଅ ବଲି ମୁଞ୍ଚ ମନ୍ କରିନାଇ । ମାତର୍ ଏବେ ତମର୍ ଟାନେ ଜବର୍ ଆଚେଜେ, ଜାକେ ଲଡାଆଚେ, ତାକେ ସାଇଜ କରବାଟା ଟିକ୍ ରଇସି । ୧୪ ଏଣ୍ଟାରିକଲେ, ତମ୍ଭକେ ଜେଡେବେଲେ ଲଡା ପଡ଼ସି, ଆରି ସେମନ୍‌କେ ଜବର୍ ରଇଲେ, ସେମନ୍

୮:୧ ୮:୧ ରମିୟ ୧୫:୨୭

ତମ୍ଭଙ୍କେ ସାଇଜ କରୁବାଇ । ଏନ୍ତାରି ଦୁଇ ବାଟରୁ ଲକ୍ଷ ସମାନ୍ ଇସାବେ ପାଇବାଇ । ୧୫ ଜେନ୍ତ୍ରକି ସାସ୍‌ତରେ ଲେକା ଅଇଆତେ, ଜେ ଅଦିକ୍ କାମାଲଲା, ତାଟା ଉବ୍‌ରେ ନାଇ, ଆରି ଜେ ଉନା କାମାଲଲା, ତାକେ ଉନା ଅଏନାଇ ।

ତିତସର୍ ମଇତର୍‌ମନ୍

୧୬ ଆମେ ପରମେସର୍‌ରେ ଦନିଅବାଦ୍ ଦେଲୁନି, ଜେନ୍ତ୍ର ତମ୍ଭଙ୍କେ ସାଇଜ କରୁବାକେ ମନ୍ କଲୁ. ସେନ୍ତାରିସେ ତିତସ୍‌କେ ମିସା ସାଇଜ କରୁବାକେ ମନ୍ ଦେଲା । ୧୭ ଆମେ ଜେଡେବେଲେ ତିତସ୍‌କେ ତମ୍ଭଟାମେ ଜିବାକେ କଇଲୁ, ସେ ଦାପ୍‌ରେ ଜିବାକେ ରାଜି ଅଇଲା । ସେ ନିଜେ ମନ୍ କରି ତମ୍ଭଟାମେ ନେ ଜାଇ ତମ୍ଭଙ୍କେ ସାଇଜ କରୁବି ବଇଲା । ୧୮ ତାର୍ ସଙ୍ଗ୍ ଆରି ଗଟେକ୍ ବାଇକେ ମିସା ପାଟାଇଲୁନି । ଏ ଲକ୍ ଜିସୁକ୍‌ରିସ୍‌ଟର୍ ସୁବ୍‌କବର୍ ଜାନାଇଲାନିଜେ ସବୁ ବିସ୍‌ବାସିମନ୍ ତାକେ ସନ୍‌ମାନ୍ ଦେଲାଜନି । ୧୯ କାଲି ସେଡ୍‌କିରେ ନିର୍ଦ୍ଦ, ତମେ ଦେଇରଇବା ଆଲାଦର୍ ଦାନ୍ ଆମେ ଲତା ରଇବା ବାଇମନ୍‌ର ଲଗେ ନେବାବେଲେ, ଆମର୍ ସଙ୍ଗ୍ ଜିବାକେ ସବୁ ବିସ୍‌ବାସିମନ୍ ତାକେ ବାଟିକରି ପାଟାଇଆତଡ୍ । ଏଟା ପରମେସର୍ ତାକ୍‌ପୁଟା ପାଇବାକେ ଆରି ତମ୍ଭଙ୍କେ ସାଇଜ କରୁବାକେ ଆମେ ସାର୍‌ଦା ଅଇକରି ଏନ୍ତାରି କଲୁନି ।

୨୦ ଆମର୍ ଲାଗି ସେବା କାମର୍ ପାଇ ତମେ ଆଲାଦ୍ ସଙ୍ଗ୍ ଦେଇ ଜମାଇରଇଲା ଏ ତାବୁ ଜନ୍‌ଟାକି ଆମେ ଦାରିଗାଲୁନି, ଏ ତାବୁ ବିସଇନେଇ ଆମ୍ଭଙ୍କେ କେ ମିସା ନିନ୍ଦା ନ କରଡ୍ । ସେଟାଟ୍‌ପାଇ ଆମେ ଜାଗରଡ୍ ଅଇଆତୁ । ୨୧ କାଇକେ ବଇଲେ ଆମେ କରୁବା କାମ୍ ସବୁ ଟିକ୍ ରଇବାର୍ ଆତେ । ଅବ୍‌କା ପରମେସର୍ ଦେକ୍‌ବା ଇସାବେସେ ନାଇ ମାତର୍ ଲକ୍‌ମନ୍ ଦେକ୍‌ବା ଇସାବେ ମିସା ଅ ।

୨୨ ଆମେ ଆରି ଗଟେକ୍ ବାଇକେ ମିସା ତିତସର୍ ଦଲ୍ ସଙ୍ଗ୍ ପାଟାଇଲୁନି । ଏ ବାଇକେ ଆମେ ବେସି ତର୍ ପରିକା କଲୁଆତୁ । ଆରି ତାକେ ସାଇଜ କରୁବାକେ ବେସି ମନ୍ ଆତେ । ଏବେ ସେ ଅଦିକ୍ ମନ୍ କଲାନି । କାଇକେବଇଲେ କେ ତମ୍ଭଙ୍କେ ଅଦିକ୍ ଆସା କଲାନି । ୨୩ ଏବେ ତିତସର୍ ବିସଇ ଜାନ୍‌ବାନ୍ ଆଲେ ସେ ତମ୍ଭଙ୍କେ ସାଇଜ କରୁବାକେ ମର୍ ସଙ୍ଗ୍ କାମ୍ କଲାନି । ଆରି ସେ ଦୁଇଟା ବିନ୍ ବାଇମନ୍ ଇଡିର୍ ବିସ୍‌ବାସିମନ୍ କଇଲାକେସେ ତାର୍‌ସଙ୍ଗ୍ ଗାଲାନି । ସେମନ୍ କରୁବା କାମର୍ ଲାଗି କିରିସ୍‌ଟ ତାକ୍‌ପୁଟା ଅଇସି । ୨୪ ସେମନ୍ ତେଇ କେଟ୍‌ଲେ ସରି ତମେ ଆଲାଦ୍ କରି ସେମନ୍‌କେ ତାକିନିଆ । ଜେନ୍ତାରି କି ତମର୍ ଆଲାଦ୍ ସଡ୍ ବଲି ସବୁ ବିସ୍‌ବାସିମନ୍ ଜାନ୍‌ବାଇ ଆରି ତମର୍ ବିସଇନେଇ ଆମେ ବଡ୍‌ପନ୍ ଅଇ ସବୁ କଇବାଟା, ସଡ୍ ବଲି ଜାନ୍‌ବାଇ ।



ବିନ୍ ବିସ୍‌ବାସି ମନ୍‌କେ ସାଇଜ

୧ ଜିଉଦାଦେସେ ରଇବା ପରମେସର୍‌ର ଲକ୍‌ମନ୍‌କେ ଦାନ୍ ଦେଇ ପାଟାଇତେରଇବା ତାବୁ ବିସଇ ତମ୍ଭଙ୍କେ ଆରି ମୁଇ ନ ଲେକି । ୨ କାଇକେବଇଲେ ମୁଇ ଜାନି ଆଟି, ତମେ ସବୁବେଲେ ସାଇଜ କରୁବାକେ ସାର୍‌ଦା ଅଇଲାସ୍‌ନି । ଆରି ମୁଇ ବଡ୍‌ପନ୍ ଅଇ ତମର୍ ବିସଇନେଇ ମାକିଦନିଆର୍ ଲକ୍‌ମନ୍‌କେ କଇ ଆଟି । ମୁଇ କଇଲି “ଆକାୟ୍‌ର ବାଇବଇନିମନ୍ ପରୁଅନି ସାଇଜ କରୁବାକେ ଜାଗିଆତଡ୍ ।” ସେମନ୍ ଏଟା ସୁନ୍‌ଲାବେଲେ ତାକର୍ ବିଡ୍‌ରେ ଅନି ବେସି ଲକ୍ ଦେବାକେ ମନ୍ କଲାଇ । ୩ ଏବେ ମୁଇ ଏ ବାଇବଇନିମନ୍‌କେ ପାଟାଇଲିନି । ଜେନ୍ତ୍ରକି ତମର୍ ବିସଇନେଇ ମୁଇ ବଡ୍‌ପନ୍ ଅଇ କଇଲାଟା ଅବ୍‌କା କାତାଇ ନ ରଅ । ମାତର୍ ମୁଇ କଇଲାପାରା ତମେ ଦାନ୍ ଦେବା ତାବୁସଙ୍ଗ୍ ଜାଗରଡ୍ ଅଇ ରୁଆ । ୪ ମାତର୍ ମାକିଦନିଆର୍ ଲକ୍‌ମନ୍ ଜଦି ମର୍ ସଙ୍ଗ୍ ଆସି ତମେ ଜାଗରଡ୍ ନ ଅଇଲାଟା ଦେକ୍‌ଲେ, ତାକର୍ ମୁଆଟେ ଆମେ ଲାଜ୍ ଅଇଜିବାର୍ ଅଇସି । ଆରି ତମେ ମିସା ଲାଜ୍ ଅଇଜାଇସା । କାଇକେବଇଲେ ଆମେ ତମ୍ଭଙ୍କେ ବେସି ଆସାକରି ରଇଲୁ । ୫ ତେବେ ମୁଇ ବାବ୍‌ଲି, ଏ ବାଇବଇନିମନ୍, ମୁଇ ଜିବା ଆଗ୍‌ତୁ ସେମନ୍ ଜାଇକରି ଜନ୍ ଦାନ୍ ତମେ ଦେବୁ ବଲି କଇତେରଇଲାସ୍, ସେଟା ଜମାଇକରି ସଙ୍ଗିକବାକେ ସେମନ୍‌କେ ବାବୁଜିଆ କରୁବି । ଜଦି ଆମେ ସେନ୍ତାରି କରୁବୁ ବଇଲେ, ଦାନ୍ ଦେବା ତାବୁ ମୁଇ ଆଇଲା ବେଲେ, ଜାଗରଡ୍ ଅଇରଇସି । ଆରି ସେଟା ତମେ ନିଜେ ମନ୍ କରି ଦେଲାସ୍ । ବାଦିଅ କଲାକେ ଦିଆସ୍ ନାଇ ବଲି ଜାନାପଡ୍‌ସି ।

୬ ତମର୍ ମନେ ର । ଜଦି ଗଟେକ୍ ଚାସି ଉନା ବିଅନ୍ ବୁନ୍‌ସି, ସେ ଉନା ପସଲ୍ ପାଇସି । ଆରି ଜନ୍ ଚାସି ବୁଡେକ୍ ବିଅନ୍ ବୁନ୍‌ସି, ସେ ବୁଡେକ୍ ପସଲ୍ ପାଇସି । ୭ ଦାନ୍ ଦେବାକେ ତମେ ଜେନ୍ତ୍ର କାତାବାର୍‌ତା ଅଇଆଟାସ୍, ସେନ୍ତାରି ଦେବାର୍‌ଆତେ । ଦୁକ୍ ଅଇକରି ନାଇ କି କେ ବାଇଦ୍ କଲାଟ୍‌ପାଇ ନାଇ । କାଇକେବଇଲେ ତମେ ସାର୍‌ଦା ସଙ୍ଗ୍ ଦେଲେ ପରମେସର୍ ସେଟା ମନ୍ କରୁସି । ୮ ଆରି ତମ୍ଭଙ୍କେ ଜେଡ୍‌କି

ଲତା ଆରେ, ତାର୍ତ୍ତେଇଅନି ଅଦିକ୍ ପରଫେସର୍ ଦେଇ ପାରୁସି । ଜେନ୍ତାରିକି ନିଜର୍ପାଇ ଜେଡ୍‌କି ଦରକାର୍, ସେଡ୍‌କି ତମରଟାନେ ସବୁ ବେଲେ ରଇସି ଆରି ବିନ୍ ଲକ୍‌ମନ୍‌କେ ସାଇଜ କରବାକେ ମିସା ଜବର୍ ରଇସି । ୯ ସାସ୍‌ତର୍ କଇଲାପାରା

ଲତାକେ ଆଇବା ଲକ୍‌ମନ୍‌କେ ସେ ଜବର୍ ଦେଇସି ଆରି

ତାର୍ ଜିବନ୍ ଦୁକାଇଲାଟା କେବେ ମିସା ନ ସାରେ ।

୧୦ ଆରି ପରଫେସର୍ ଜେ କି ବୁନ୍‌ବାକେ ବିଅନ୍ ଆରି କାଇବାକେ କାଦି ଦେଇସି, । ସେ ତମ୍‌କେ ଜେଡ୍‌କି ବିଅନ୍ ଦରକାର୍ ସେଡ୍‌କି ଦେଇସି । ଆରି ସେଟା ବଡିକରି ବେସି ପସଲ୍ ଅଇସି । କାଇକେବଇଲେ ତମେ ଜବର୍ ଦେଲାସିନି । ୧୧ ସେ ତମ୍‌କେ ସାଉକାର୍ କରାଇସି । ଜେନ୍ତାରି କି ତମେ ସବୁବେଲେ ଜବର୍ ଦେଇପାରାସ୍ । କାଇକେବଇଲେ ଆମରଟାନେଅନି ପାଇରଇବା, ତମେ ଦେଲା ଦାନର୍ପାଇ ବେସି ଲକ୍ ପରଫେସର୍‌କେ ଦନିଅବାଦ୍ ଦେବାଇ । ୧୨ ତମେ କରବା ଏ ନିକ କାମର୍ ଲାଗି ପରଫେସର୍‌କେ ଲକ୍‌ମନ୍‌କେ ଲତାକେ ଆଇବା ବିସଇ ପୁରାପୁରନ୍ ଅଇଲାନି । ଆରି ପରଫେସର୍‌ଟାନେ ଦନିଅବାଦ୍ ଆଜାତି ଅଇଲାପାରା ମିସା ଅଇଲାନି । ୧୩ ତମେ କରବା ଏ ନିକ କାମ୍ ଦେକିକରି ଲକ୍‌ମନ୍ ପରଫେସର୍‌କେ ମଇମା କରବାଇ । କାଇକେବଇଲେ ବିସବାସ୍ କରିରଇବା କିରିସ୍‌ଟର୍ ସୁବକବର୍ ତମେ ମାନିଲାସିନି । ଆରି ସେମନ୍‌କେ ଆରି ବିନ୍‌ଲକ୍‌ମନ୍‌କେ ମିସା ଜବର୍ ଦେଲାସିନି । ୧୪ ପରଫେସର୍ ଜିବନ୍ ଦୁକାଇ ତମ୍‌କେ ଦୟା ଦେକାଇଲାପାଇ ସେମନ୍ ବେସି ଆଲାଦ୍ ଅଇକରି ତମ୍‌ପାଇ ପାର୍‌ତନା କରବାଇ । ୧୫ ପରଫେସର୍‌କେ ବେସି ମୁଲିଅ ରଇବା ଦାନର୍ପାଇ ଆମେ ତାକେ ଦନିଅବାଦ୍ ଦେଉଁ ।

୧୦

ପନି କାତା ବିରୁଦେ ପାଉଲ୍ ଉତର୍ ଦେବାଟା

୧ ମୁଇ ପାଉଲ୍ ତମ୍‌କେ ବାବୁଜିଆ କଲିନି, ମୁଇ ତମର୍ ସଙ୍ଗ୍ ରଇଲାବେଲେ, ତମ୍‌କେ ଲାଗିବାକେ ତରୁସି ବଲି କେତେଲକ୍ କଇଲାଇନି । ମାତର୍ ଲେକ୍‌ବାକେ ସାଆସ୍ ଅଇକରି ବାଦ୍‌ଲାପାରା ଲେକ୍‌ଲାଗି ବଲି କଇଲାଇନି । ଆମେ କିରିସ୍‌ଟର୍ ସଙ୍ଗ୍ ଗାଲୁନି, ଜେ କି ବେସି ସୁଆଲ୍ ଆରି ଦରମ୍ । ସେଟା ନେଇକରି ବାବୁଜିଆ କଲିନି । ୨ ମୁଇ ତେନେ ଆଇଲାବେଲେ ତମର୍ ଚଲାଟଲ୍‌ତି ନିକ ଅଇରଅ । ଜେନ୍ତାରି କି ମୁଇ ତମ୍‌କେ ଲାଗିବାକେ ନ ପଡେ । ମାତର୍ ଜନ୍ ଲକ୍‌ମନ୍ ଏ ଜଗତର୍ ଲକ୍ ପାରା ନିଜର୍ ମନ୍ କଲା ଇସାବେ ଗାଲାଇନି ବଲି ଆମର୍ ବିସଇନେଇ କଇଲାଇନି, ସେମନ୍‌କେ ଲାଗିବାକେ ମୁଇ ନ ଡିରି । ୩ ଆମେ ଏ ଜଗତେ ବଢୁଲୁନି ଏଟା ସଡ୍, ମାତର୍ ଲକ୍‌ମନ୍‌ର ଗିଆନ୍ ସଙ୍ଗ୍ ଜୁଜିକରି ରଉନାଇ । ୪ ଜନ୍ ଆଡ୍ ଆଡିଆର୍ ସଙ୍ଗ୍ ଆମେ ଜୁଜୁଲୁନି, ସେଟା ଲକ୍‌ମନ୍‌ରଟାନେଅନି ଆସେନାଇ, ମାତର୍ ସେଟା ବେସି ବପୁର ସଙ୍ଗ୍ ରଇବା ପରଫେସର୍‌ଟାନେଅନି ଆଇସି । ଏ ପପୁ ସଙ୍ଗ୍ ପରଫେସର୍‌କି ବିରୁଦେ ତାର୍ ସଡ୍‌ରୁମ୍‌କି ଉଟାଇରଇବା ଡାଁଟର୍ କଡି ଜାକ ଆରି ଲକ୍‌ମନ୍‌କେ ମନ୍ ବିଡ୍‌ରେ ଦଦାପେଲା ଅଇବା ଚିନ୍ତା ସବୁ ଆମେ ଆରାଇପାରୁବୁ । ୫ ବଡ୍‌ପନ୍ ଅଇବା ଲକ୍‌ମନ୍ ପରଫେସର୍‌କି ବିରୁଦେ ନିଜ୍‌କେ ଉଟାଇବାଟା ଆରି ଜେଡ୍‌କି ସବୁ ଚିନ୍ତା ପରଫେସର୍‌କି ଗିଆନ୍ ଉପ୍‌ରେ ଉଡ୍‌ସି, ସେଟା ସବୁ ଜାକ ଆମେ ବାଦିକରି କିରିସ୍‌ଟକେ ମାନଡ୍ ବଲି ସର୍‌ପାଇବୁ । ୬ ତମେ କିରିସ୍‌ଟର୍ ଆଦେସ୍ ସବୁ ମାନିଲାଟା ଦେକାଇଲା ପରେ, ତେଇ ରଇବା ଜେଡ୍‌କି ସବୁ ବିସବାସିମନ୍, ଜନ୍‌ଲକ୍‌ମନ୍ କି ତାର୍ ଆଦେସ୍ ମାନିବାକେ ମନ୍ କରଡ୍ ନାଇ, ସେମନ୍‌କେ ଡ଼ି ସ୍ ଦେବାକେ ଆମେ ଜାଗ୍‌ରଡ୍ ଅଇକରି ରଇବୁ ।

୭ ତମେ ଲକ୍‌ମନ୍‌କି ବାଇରର୍ ବିସଇ ଦେକ୍‌ଲାସିନି । କାଇକେବଇଲେ ତମର୍ ବିଡ୍‌ରେ କେତେଲକ୍ ବୁଲ୍ ଚିନ୍ତାକରି ଆମେସେ କିରିସ୍‌ଟର୍ ସଡ୍ ସେବାକରୁମନ୍ ବଲି ବାଦ୍‌ଲାଇନି । ସେମନ୍ ଆରିତରେକ୍ ନିଜର୍ ବିସଇ ଚିନ୍ତାକରି ଦେକ୍‌ବାର୍ ଆରେ । କାଇକେବଇଲେ ସେମନ୍ ଜେନ୍ତାରି ଆଟଡ୍ ଆମେ ମିସା ସେନ୍ତାରି କିରିସ୍‌ଟର୍ ସଡ୍ ଦାସ୍ । ୮ ତମର୍ ଉପ୍‌ରେ ଆମର୍ ଅଦିକାର୍ ଆରେ । ସେଟା ପରଫେସର୍ ଆମ୍‌କେ ଦେଇରଇଲା । ମାତର୍ ସେ ଅଦିକାର୍ ବିସଇନେଇ ଜଦି ମୁଇ ବେସି ବଡ୍‌ପନ୍ ଅଇଲିଆଡି, ସେଟାପ୍‌ପାଇ ମକେ ଲାଜ୍ ନ ଲାଗେ । ତମ୍‌କେ ନସ୍‌ଟ କରବା ଅଦିକାର୍ ସେ ମକେ ଦେଏନାଇ, ମାତର୍ ଜେଜ୍ କି ତମର୍ ବିସବାସ୍ ଡାଁଟ୍ କରାଇବି । ୯ ଏ ଚିଟି ଲେକିକରି ମୁଇ ତମ୍‌କେ ତରାଇବାକେ ମନ୍ କରିନାଇ । ୧୦ ମାତର୍ ତମ୍‌କେ ଲେକ୍‌ଲାବେଲେ ଦମକାଇ କରି ଲେକ୍‌ଲିନି ବଲି କେତେଲକ୍ କଇଲାଇନି । ମାତର୍ ତମର୍ ସଙ୍ଗ୍ ରଇଲାବେଲେ ମୁଇ ବୁର୍‌ବଲ୍ ଅଇକରି ମର୍ କଇଲା ପଦ୍ କାଇ ମୁଲିଅ ନାଇ ପାରା ରଇଲା । ୧୧ ଜନ୍ ଲକ୍‌ମନ୍ ଏନ୍ତାରି କାତା ଅଇବାଇ, ଚିଟିଟାନେ ଆମେ ଜନ୍ ବିସଇ ଲେକିଆରୁ, ତେଇ ଆଇଲେ, ସମାନ୍ ବିସଇସେ କରବୁ ବଲି ସେମନ୍ ଜାନ୍‌ବାର୍ ଆରେ ।

^{୧୭} ଜନ୍ମଲକ୍ଷ୍ମୀ ଆମେ ନିଜେ ବହୁଲକ୍ଷ୍ମୀ ବଲି ବାବିଅଇଲାଭନି, ସେମାନଠୁ ସଙ୍ଗେ ସମାନ୍ ଅଇବାକେ ଆମେ ମନ୍ କରୁନାଇ । ସେମନ୍ ସବୁବଟାଣେ ଅନି ଆମେ ଆକା ଜାନିଆରୁ ବଲି ବୁଲି ଚିନ୍ତା କଲାଭନି । ସେମନ୍ ସତଇସେ ବକୁଆ । ନିଜକେ ନାପୁବାକେ, ନାପି ଅଇବାଟା ନିଜେ ତିଆର୍ କଲାଭନି । ନିଜକେ ବିଚାର କରବାକେ ପରିକା ନିଜେ ତିଆର୍ କଲାଭନି । ^{୧୮} ମାତର୍ ଆମେ, ଆମର କାମ୍ ବିସଇନେଇ ଅଦିକ୍ ବହୁପନ୍ ଅଉନାଇ । ଆମେ ଜେହକି ବହୁପନ୍ ଅଇବାର୍ ଆଚେ ସେହକି ବହୁପନ୍ ଅଇବୁ । ପରମେସର୍ ଆମକେ ଜେହକି କାମ୍ ଦେଲାଆଚେ, ସେହକି କାମେ, ଆମେ ବହୁପନ୍ ଅଇବୁ । ଆରି ତମର୍ ବିହରେ ଆମେ କରବା କାମ୍ ମିସା ତେଇ ମିସଲା ଆଚେ । ^{୧୯} ପରମେସର୍ ଆମକେ ଦେଇରଇବା କାମେ ତମେ ମିସଲାପାଇ କରିସଟର୍ ସୁବକବର୍ ନେଇକରି ଆଇଲାବେଲେ, ପରମେସର୍ ଆମକେ ଦେଲା କାମେଅନି ବାଇରେ ଜାଏ ନାଇ । ^{୨୦} ତେବର୍ପାଇ ବିନ୍ ଲକର୍ କାମ୍ କଲାଟା ନେଇକରି ଆମେ ନିଜେ ଡାକ୍ପୁଟା ଅଉନାଇ । ସେ କାମ୍ କରବାକେ ପରମେସର୍ ଆମକେ ଦେଏ ନାଇ । ମାତର୍ ତମର୍ ବିସବାସ୍ ତାଟ୍ ଅ ବଲି ଆମେ ମନ୍ କଲୁନି । ଜେହକି ତମର୍ ଜାଗାଇ ଆମେ କରବା କାମ୍ ଅଦିକ୍ ଅଦିକ୍ ଅଇସି । କାଇକେବଇଲେ ପରମେସର୍ ଆମକେ ଦେଇରଇବା କାମେଅନି ଅଦିକ୍ କରବାକେ ଆମେ ମନ୍ କରୁନାଇ । ^{୨୧} ସେହାଆଲେ ଆମେ ଜାଇକରି କରିସଟର୍ ସୁବକବର୍ ତମର୍ ଜାଗାଇ ଅନି ତେନ୍କର୍ ଜାଗା ମନ୍କେ ଜାନାଇବୁ । କାଇକେବଇଲେ ଆମକେ ଦେଇରଇବା କାମେସେ ଆମେ ବହୁପନ୍ ଅଇବୁ ବଲି ମନ୍ କଲୁନି । ବିନ୍ ଲକ୍ କରିରଇବା କାମ୍ଟାଣେ ବହୁପନ୍ ନ ଅଇ ।

^{୨୨} ସାସତର୍ କଇଲାପାରା “ଜେ ବହୁପନ୍ ଅଇବାକେ ମନ୍ କଲାମି, ସେ ମାପରୁ କଲା କାମେସେ ବହୁପନ୍ ଅଇବାର୍ ଆଚେ ।” ^{୨୩} କାଇକେ ବଇଲେ ଗଟେକ୍ ଲକ୍ ନିଜେ ବଲ୍ ବଲାଅଇଲେ, ମାପରୁ ତାକେ ଅଦିକାର୍ ନ ଦେଏ । ମାତର୍ ମାପରୁ ଦେକ୍ବା ଇସାବେ ଜେ ନିକ, ସେ ତାର୍ ନିଜର୍ ଲକ୍ ଅଇସି ।

୧୧

ପାଉଲ୍ ଆରି ନାତାଇବା ସିସମନ୍

^୧ ଜଦି ମୁଇ ବକୁଆ ଲକ୍ପରା କାତା କଇଲେ ମିସା ତମେ ସେଟା ସୁନି ତିମରା ଅଇରୁଆ । ^୨ ମାପରୁ ତମର୍ ବିସଇନେଇ ମର୍ ଲକ୍ମନ୍ ମକେସେ ନାମିକରି ରଅର୍ ବଲି ଦାରିଆଚେ । ସେହିସେ ମୁଇ ମିସା ତମକେ ପରମେସର୍ବକେସେ ମନ୍ କରା ବଲି ଆସା କଲିନି । ସୁକଲ୍ ଅଇରଇବା ଗଟେକ୍ ଦାଙ୍ଗିପାରା ମୁଇ ତମକେ ଗଟେକ୍ ଦାଙ୍ଗିତାର୍ ପାଇ ମାଙ୍ଗିନି କଲିଆଟି । ସେ ଅଇଲାମି ନିଜେ କରିସଟ୍ । ^୩ ମୁଇ ତମର୍ ବିସଇନେଇ ବାବି ବାବି ଆଟି । କେତେବେଲେ ତମର୍ ମନର୍ ଚିନ୍ତା କରିସଟତେଇ ଅନି ବିନ୍ ବାଟେ ଜାଇସି ଆରି ତାର୍ପାଇ ରଇବା ତମର୍ ଆଲାଦ୍ ପୁରାପୁରୁନ୍ ମନ୍ ସଙ୍ଗି ନ ରଏ । ଅବା ପାରା ତମେ ନାତାଇଅଇସା ମିସା । ଜେହକି ସେ ଗଟେକ୍ ଚତୁର୍ ସାପର୍ କାତା ଦାରି ନାତାଇଅଇଲା । ^୪ କାଇକେବଇଲେ, ଜଦି କେ ମିସା ତମର୍ ଲଗେ ଆସି କିଆ ଆମେ ତମକେ ଜାନାଇରଇବା ଜିସୁର୍ ବିସଇକେ ଗାଡି, ବିନ୍ ସିକିଆ ଦେଲେ ତମେ ସାର୍ବା ଅଇସା । ସୁକଲ୍ ଆତ୍ମାମକେ ନ ପାଇକରି ବିନ୍ ଆତ୍ମାମକେ ପାଇଲାସିନି । ଆରି ସେମନ୍ ଜନ୍ ସୁବକବର୍ ଜାନାଇଲାଭନି, ସେଟା ଆମେ ଜାନାଇବା ସୁବକବର୍ ନଏ ।

^୫ ତମର୍ ଟାଣେ ଜେହକି ସିକାଉମନ୍ ଆଚର୍ । ଜଦି ସେମନ୍ ଆମେ ସବୁବଟାଣେଅନି ମୁକିଅ ପେରିତ୍ମନ୍ ବଲି ନିଜେ କଇଅଇଲେ ମିସା, ସେମନ୍ ମର୍ଟାଣେଅନି ବହୁ ବଲି ମୁଇ ବାବି ନାଇ । ^୬ ମୁଇ ଅଦିକ୍ କାତା କଇ ନାପାର୍ଲେ ମିସା, ସହ୍ ସିକିଆ ଜାନିଆଟି । ଆରି ମୁଇ ତମକେ ଜେତେବେଲେ ଜାକ ଏ ସିକିଆ ଦେଇତେରଇଲି, ଏଟା ତମକେ ଜାନାଇଆଟି ।

^୭ ତମକେ ମୁଇ ଜେତେବେଲେ ସୁବକବର୍ ଜାନାଇରଇଲି, କେବେ ମିସା ମର୍ ବୁଡି ମାଜି ନାଇ । ତମକେ ମୁକିଅ ଲକ୍ କରାଇବାକେ ମୁଇ ନିଜେ ତଲକେ ଅଇଲି । ମୁଇ କରିରଇଲାଟା ବୁଲି ରଇଲା କି ? 「 ମୁଇ ତମର୍ ବିହରେ ସେବା କାମ୍ କଲାବେଲେ, ବିନ୍ ମଣ୍ଡଲିର୍ ଲକ୍ମନ୍ ମର୍ପାଇ କର୍ତ୍ତ ଅଇଲାଟା ଦେଲାଟା । ତମକେ ସାଇଜ କରବାକେ ତାର୍ଟାଣେଅନି ମୁଇ ତରାଇକରି କଲାପାରା ଅଇଲା । ^୮ ମୁଇ ତମର୍ଟାଣେ ରଇଲାବେଲେ ମକେ ଲଡା ରଇଲାବେଲେ, ତମର୍ଟାଣେଅନି ମାଜିନାଇ । କାଇକେବଇଲେ ମାକିଦନିଆର୍ ବାଇବଇନିମନ୍ ମକେ ଜାଗଟା ଲଡା ରଇଲା, ସେଟା ସବୁ ଆନିଦେଲାଇ । ପୁରବେ ଜେହ୍ ରଇଲା, ପର୍ବକେ ମିସା ମୁଇ ତମର୍ଟାଣେଅନି କାଇଟା ନ ମାଜି । ^୯ ମୁଇ ବହୁପନ୍ ଅଇକରି ଏହାରି କଇବାଟା ଆକାୟାର୍ କେ ମିସା ମର୍ ବିରୁଦେ କଇନାପାର୍ତ୍ତ । ମୁଇ କଇବାଟା ସହ୍ । କାଇକେବଇଲେ କରିସଟ୍ ମର୍ସଙ୍ଗ ଆଚେ । ^{୧୦} ମକେ ଆଲାଦ୍ ନାଇକେ ମାଙ୍ଗେ ନାଇ ବଲି ବାବ୍ଲାସିନି କି ? ମାତର୍ ମୁଇ ତମକେ ସତଇସେ ଆଲାଦ୍ କରବାଟା ପରମେସର୍ ଜାଣେ ।

* ୧୧:୯ ୧୧:୯ ପିଲିପିୟ ୪:୧୫-୧୮

^{୧୭} ମୁଞ୍ଚ ତମରୁଟାଣେ ଅନି କାଞ୍ଚକେ ବୁଡ଼ି ନେଇନାଇ ବଇଲେ, ଜେନ୍ତାରିକି ତମରୁ ଟାଣେ ରଇବା ବିନ୍ଦୁ ପେରିତୁମନ୍ ବଡ଼ପନ୍ ଅଇକରି, ଆମେ ପରମେସରୁ ପାଇ କରୁବା କାମ୍ ସମାନ୍ ଆଚେ ବଲି କଇନାପାରତ୍ । ^{୧୮} ସେମନ୍ ସତ୍ ପେରିତୁମନ୍ ନଅଡ଼ । ସେମନ୍ ମିରୁଆଟାମନ୍ । ଜେ କି ନିଜରୁ ନିଜରୁ କାମ୍ ବିସଇନେଇ ମିରୁ କଇବାଇ । ଆରି ସେମନ୍ ମିରୁ ବେସ୍ ଦାରିକରି ଆମେ ସତ୍ ପେରିତୁ ବଲି ଦେକାଇଅଇବାଇ । ^{୧୯} ଏଟା ଦେକି କାବାଅଇ ଜାଆ ନାଇ । କାଞ୍ଚକେବଇଲେ, ସଇତାନ୍ ମିସା ନିଜେ ବାଦ୍‌ଲାଇଅଇ ଉଜଲରୁ ବୁଡ଼ ପାରା ଦେକାଇ ଅଇସି । ^{୨୦} ସେନ୍ତାରୁ ଆଲେ ତାରୁ ସେବାକାମ୍ କରୁମନ୍ ମିସା ବାଦ୍‌ଲାଇଅଇ ଦରମ୍ କାମ୍‌କରୁମନରୁ ପାରା ଦେକାଇଅଇଲେ, ସେଟା କାବା ଅଇଜିବା ବିସଇ ନଏ । ସାରାସାରି ସେମନ୍‌କେ ତାକରୁ କରିରଇବା କାରାପ୍ କାମ୍ ଇସାବେ ତଣ୍ଟୁ ମିଲ୍‌ସି ।

ପେରିତୁ ସିସ୍ ଇସାବେ ପାଉଲରୁ ଦୁକ୍

^{୧୭} ମୁଞ୍ଚ ଏ କାତା ଆରିତରେକ୍ କଇଲିନି ଜେ, ଏଟା ଗଟେକ୍ ବକୁଆଟା, ବଲି ବାବାନାଇ । ଜଦି ତମେ ମକେ ବକୁଆ ବଲି ମାନ୍‌ଲାସିନି, ମୁଞ୍ଚ କଇବା ଏ ବଡ଼ପନରୁ କାତା ଆରି ଅଲପ୍ ସୁନାତା । ସେନ୍ତାରୁ କଲେ ମୁଞ୍ଚ ବଡ଼ପନ୍ ଅଇ କାତା ଅଇବି । ^{୧୮} ମୁଞ୍ଚ ଏ କଇବା କାତାମନ୍ ମାପରୁ ମକେ କଅ ବଲି ମନ୍ କରେନାଇ । ମାତରୁ ଏ କାତା ଗଟେକ୍ ବକୁଆ ଲକରୁପାରା ବଡ଼ପନ୍ ଅଇକରି କଇଲିନି । ^{୧୯} କାଞ୍ଚକେବଇଲେ, ଏ ଜଗତେ ତାକରୁ ନିଜରୁ କାମ୍ ବିସଇନେଇ ବଡ଼ପନ୍ ଅଇ କଇବାଲକ୍ ବେସି ଆତଡ଼ । ମୁଞ୍ଚ ମିସା ମରୁ ବିସଇନେଇ ବଡ଼ପନ୍ ଅଇକରି କଇବି । ^{୨୦} ତମେ ସବୁ ବୁଦ୍ଧି ରଇବା ଲକ୍ ବଲି ବଲାଇ ଅଇଲାସିନି । ମାତରୁ ବକୁଆ ମନରୁ କାମ୍ ଦେକ୍‌ଲେ ହୁପ୍ ଅଇଆଟାସ୍ । ^{୨୧} ତେବରୁପାଇ ସେମନ୍ ଜଦି ତମକେ ଗତିଦାଙ୍ଗ୍‌ତା କରି ସଙ୍ଗଇଲେ, କି ତମରୁ ଦନ୍ ସିପତି ନେଲେ, କି ତମକେ କାଞ୍ଚଆଲେ ପାନ୍ଦେ ପାକାଇଲେ, କି ଆମରୁ ତଲେ ରୁଆ ବଲି କରି କଇଲେ କି ଏନ୍ତାରି କି କେ ତମରୁ ଗାଲେ ଚାପଡ଼ ମାରୁଲେ ମିସା ତମେ ମୁରୁଚି କରି ରଇସା । ^{୨୨} ସେ ସବୁ କାରାପ୍ ବିସଇ କରୁବାକେ ଆମ୍‌କେ ସାଆସ୍ ନ ରଇଲା । ଏଟା ସତ୍ ବଲି କଇବାକେ ମୁଞ୍ଚ ଲାଜ୍ ଅଇନାଇ ।

ମାତରୁ ସେମନ୍ କାଞ୍ଚ ବିସଇନେଇ ବଡ଼ପନ୍ ଅଇ କାତା ଅଇବାକେ ସାଆସ୍ କରୁବାଇ, ସେନ୍ତ୍ର ମୁଞ୍ଚ ମିସା ସାଆସ୍ କରୁବି । ଦେକା ! ମୁଞ୍ଚ ଏଟା ଗଟେକ୍ ବକୁଆ ଲକରୁପାରା କାତା ଅଇଲିନି । ^{୨୩} ସେମନ୍ ଜଦି ଆମେ ଏବରି ବସରୁ ଲକ୍ ବଇଲେ, ମୁଞ୍ଚ ମିସା ତେଇରୁଟାସେ, ଜଦି ଆମେ ଇସରାଏଲରୁ ନାତିଡ଼ିଡ଼ି ବଇଲେ, ମୁଞ୍ଚ ମିସା ତେଇରୁ ଗଟେକ୍ । ଅବରାଆମ୍ ଆମରୁ ଆନିଦାଦି ବଇଲେ, ସେ ମରୁ ମିସା ଆନିଦାଦି । ^{୨୪} ସେମନ୍ ଜଦି ଆମେ କିରିସ୍‌ଟରୁ ଦାଙ୍ଗ୍‌ତା ବଇଲେ, ମୁଞ୍ଚ ମିସା ଗଟେକ୍ ଦାଙ୍ଗ୍‌ତା । ମାତରୁ ସେମନରୁ ଟାଣେ ଅନି ମୁଞ୍ଚ ଅଦିକ୍ ନିକ ଦାଙ୍ଗ୍‌ତା । ନିଜକେ ବଡ଼ କରାଇ ମୁଞ୍ଚ ଗଟେକ୍ ବାୟାଲକରୁ ପାରା କାତା ଅଇଲିନି ବଲି ଜାନିଆତି । ମୁଞ୍ଚ ତାକରୁଟାଣେ ଅନି ଅଦିକ୍ ଆବଡ଼ କାମ୍ କରିଆତି, ଅଦିକ୍ ତରୁ ବନ୍ଦିଗରେ ରଇଆତି, ଅଦିକ୍ ତରୁ ମାଡ଼ କାଞ୍ଚଆତି, ଅଦିକ୍ ତରୁ ମଲାସମାନ୍ ଅଇଜାଇରଇଲି । ^{୨୫} ମୁଞ୍ଚ ଜିଉଦି ଲକ୍‌ମନରୁଟାଣେଅନି ପାଁଟୁପାଲି ତିରିସ୍ ନ ତାଙ୍ଗ୍ ମାଡ଼କାଇ ଆତି । ^{୨୬} ରମିଆମନରୁଟାଣେ ତିନ୍‌ତରୁ କରୁତା ସଙ୍ଗ୍ ମାଡ଼କାଇ ଆତି । ଗଟେକ୍‌ତରୁ ସେମନ୍ ମକେ ପାକନା ମାରୁଲାଇ । ମୁଞ୍ଚ ଜନ୍ ଜାଜେ ଜାଇତେରଇଲି, ସେ ଜାଜ୍ ତିନ୍‌ତରୁ ବୁଡ଼ି ଜାଇରଇଲା । ତରେକ୍ ମରୁ ଜାଜ୍ ନସିଗାଲାକେ ମୁଞ୍ଚ ଗଟେକ୍ ଦିନ୍ ଆରି ଗଟେକ୍ ରାତି, ସମ୍‌ପୁରେ ଉପକ୍ ଅଇ ରଇଲି । ^{୨୭} ମୁଞ୍ଚ ଜିବାବେଲେ ବାଟେ, ମରୁ ମୁଆଟେ କେତେକ୍ କେତେକ୍ ବିପଦ୍ ଆଇଲା । ଜେନ୍ତ୍ରକି, ବନିଆରୁ ବିପଦେ, ତରୁମନରୁ ବିପଦେ, ମରୁ ଜିଉଦି ବାଞ୍ଚମନରୁ ବିପଦେ, ଜିଉଦି ନ ଅଇଲା ଲକ୍‌ମନରୁ ବିପଦେ, ସଅରେ ଅଇରଇବା ବିପଦେ, କିନଟା ଜାଗା ମନରୁ ବିପଦେ, ତଙ୍ଗରୁ ଜିଉଦି ଜିଆଦ୍ ମନରୁ ବିପଦେ, ସମ୍‌ପୁରେ ବନିଆ ଆଇଲାବେଲରୁ ବିପଦେ ଆରି କିରିସ୍‌ଟରୁ ବିସବାସିମନ୍ ବଲି ନାତାଇ ଅଇରଇବା ଲକ୍‌ମନରୁ ବିପଦେ । ^{୨୮} ମରୁ କାମ୍ ଆବଡ଼ କାମ୍ ଆରି ମୁଞ୍ଚ ସବୁବେଲେ ଆବଡ଼ କାମ୍ କଲିଆତି । ବେସି ତରୁ ରାତିଆ ସଇ ନାପାରୁଲି, ବୁକେ ସସେ ରଇଆତି, ବେସି ତରୁ ମକେ କାଦି କେଟେ ନାଇ, ପିନ୍ଦାବକେ ବସ୍‌ତରୁ ନାଇ, କି ରଇବାକେ ଗରୁ ନ ରଇଲା । ^{୨୯} ସେ ସବୁ ବିସଇ ମରୁପାଇ ଅଇରଇଲା । ମାତରୁ ଆରି ମରୁ ବିନ୍ଦୁ ବିନ୍ଦୁ ଦୁକ୍ କସ୍‌ଟ ଆଚେ । ସବୁ ମଣ୍ଡଲିରୁ ପାଇ ଚିନ୍ତା କରି ମୁଞ୍ଚ ଦୁକ୍ କସ୍‌ଟ ପାଇଲିନି । ^{୩୦} ଜଦି କିରିସ୍‌ଟରୁ ଲଗେ ରଇବା କାରୁ ବିସବାସ୍ ଉନା ଅଇସି ବଇଲେ ମକେ ମିସା ଦୁର୍‌ବଲ୍ ଲାଗସି । କେ ଜଦି ପାପ୍ କଲେ, ତାରୁ ଲାଗି ମୁଞ୍ଚ ବେସି ଦୁକ୍ କସ୍‌ଟ ପାଇଲିନି ।

☆ ୧୧:୨୩ ୧୧:୨୩ ପେରିତୁ ୧୭:୨୩ ☆ ୧୧:୨୫ ୧୧:୨୫ ପେରିତୁ ୧୭:୨୨; ପେରିତୁ ୧୪:୧୯ ☆ ୧୧:୨୭ ୧୧:୨୭ ପେରିତୁ ୯:୨୩; ପେରିତୁ ୧୪:୫

୩୦ ମୁଞ୍ଚ ବଡ଼ପନ୍ ଅଇ କାତା ଅଇବାକେ ମନ୍ କରନାଇ । ଜଦି ସେନ୍ତ୍ର କର୍ବରୁ ଆଲେ, ମକେ ଗଟିରଇବା, ଦୁକ୍ କସଟ ବିସଇନେଇ ମୁଞ୍ଚ ବଡ଼ପନ୍ ଅଇବି । ସେନ୍ତ୍ରୁଆଲେ ମୁଞ୍ଚ କେତେ ଦୁର୍ବଲ୍ ଆଟି ବଲି ତମେ ଜାନ୍‌ସା । ୩୧ ମୁଞ୍ଚ ତମକେ ଜେଡ଼କି ବିସଇ କଇଲି, ସେଟା ସବୁ ସଡ଼ । ଗଟେକ୍ ମିସା ମିଟ୍ ନଏଁ । ଆମର୍ ମାପୁରୁ ଜିସୁର୍ ବାବା ପରମେସର୍ ଏଟା ଜାନେ । ସେ ଜୁଗ୍ ଜୁଗ୍ ଡାକ୍‌ପୁଟା ପାଅ । ୩୨ ପୁରବେ ମୁଞ୍ଚ ଦାମାସକାସେ ରଇଲା ବେଲେ ରାଜା ଆରେତାସରର୍ ତଲେ ଗଟେକ୍ ସାସନ୍ କାରିଆ ରଇଲା । ସେ ସଅର୍ ସଦି ଜାଗବାକେ ତାର୍ ସନିଅମନ୍‌କେ କଇଲା । ଜେନ୍ତ୍ରାରି କି ଜେଡେବେଲେ ମୁଞ୍ଚ ସେ ସଅରେ ବାରଇତି, ସେମନ୍ ମକେ ଦାର୍‌ତାଇ । ୩୩ କେନ୍ତ୍ର ବଇଲେ ତେଇର୍ ପାକ୍‌ନା ପାଠୁରିର୍ କାଣାବାଟେ ମକେ ଚାଟ୍‌ନାଇ ପୁରାଇ ଉଡ଼ରାଇ ଦେଲାଇ । ଆରି ତାର୍ ଟାନେ ଅନି ବଟିଗାଲି ।

୧୨

ପାଉଲ୍ ଦରସନ୍ ଦେକଲାଟା

୧ ସେନ୍ତ୍ରୁଆଲେ ମୁଞ୍ଚ ବଡ଼ପନ୍ ଅଇ କଇଲା ଟାନେ କାଇ ଲାବ୍ ନଇଲେ ମିସା ମୁଞ୍ଚ ବଡ଼ପନ୍ ଅଇ କାତା ଅଇବି । ଏବେ ମୁଞ୍ଚ ଦରସନ୍ ବିସଇ ଆରି ମାପୁରୁ ମକେ ଜାନାଇଲା ବିସଇ ତମକେ କଇବି । ୨ ମୁଞ୍ଚ ଜାନିରଇବା ଗଟେକ୍ ବିସବାସି ଆଟେ । ଜାକେ କି ତଉଦ ବରସର୍ ଆଗେ ସର୍ଗେ ନେଲାଇ । ସେ ସଡ଼ରେ ସର୍ଗେ ଗାଲା କି ତାକେ ଦରସନେ ସେ ସରଗ୍ ଦେକାଇଅଇଲା କି ନାଇ ବଲି ମୁଞ୍ଚ ନାଜାନି । ସେଟା ପର୍ମେସର୍ ସେ ଜାନେ । ୩ ମାତର୍ ମୁଞ୍ଚ ଜାନିଆଟି, ତାକେ ସର୍ଗେ ନେଲାଇ ବଲି । ମୁଞ୍ଚ ଆରି ତରେକ୍ କଇଲିନି ସେ ସତଇସେ ତେଇ ଗାଲା କି ଦରସନେସେ ସରଗ୍ ଦେକାଇ ଅଇରଇଲା, ସେଟା ମୁଞ୍ଚ ନାଜାନି । ସେଟା ପର୍ମେସର୍‌ସେ ଜାନେ । ୪ ଆରି ସେ ତେଇ ରଇଲାବେଲେ ଲକ୍‌ର୍ ବାସାଇ କାତା ନ ଅଇବା ବିସଇ ସୁନ୍‌ଲା । ଜନ୍‌ଟା ମୁନୁସ୍ ମନର୍ କଇବାର୍ ଅଦିକାର୍ ନାଇ, ସେଟା ମିସା ସେ ସୁନ୍‌ଲା । ୫ ଏ ଲକ୍‌ର୍ ବିସଇନେଇ ମୁଞ୍ଚ ବଡ଼ପନ୍ ଅଇ କାତା ଅଇବି, ମାତର୍ ମର୍ ନିଜର୍ ବିସଇନେଇ ବଡ଼ପନ୍ ଅଇ କାତା ନ ଅଇ । ମର୍ ଦୁର୍ବଲ୍ ରଇବା ବିସଇଟାନେସେ ମୁଞ୍ଚ ବଡ଼ପନ୍ ଅଇବି । ୬ ମୁଞ୍ଚ ଜଦି ବଡ଼ପନ୍ ଅଇ କାତା ଅଇବାକେ ମନ୍ କଲେ, ସେଟା ବୁଦି ନ ରଇଲା ଲକ୍ ବଡ଼ପନ୍ ଅଇଲାପାରା ନ ଅଏ । ମୁଞ୍ଚ କଇବାଟା ସବୁ ସଡ଼ । ମାତର୍ ମୁଞ୍ଚ ବଡ଼ପନ୍ ଅଇକରି କାତା ନ ଅଇ । କାଇକେବଇଲେ ଲକ୍‌ମନ୍ କେଡେବେଲେ ମିସା ମକେ ମୁଞ୍ଚ ଜେଡ଼କି ଆଟି, ତାର୍‌ତେଇଅନି ଅଦିକ୍ ଗଟେକ୍ ବଡ଼ ଲକ୍ ଇସାବେ ଦେକ୍‌ବାଇ । ମୁଞ୍ଚ କର୍ବା କାମ୍ ଦେକିକରି ଆରି ମୁଞ୍ଚ କଇବା କାତା ସୁନିକରିସେ ସେମନ୍ ମାନ୍‌ବାଇ ।

୭ ମୁଞ୍ଚ ପର୍ମେସର୍ ଟାନେଅନି ବେସି ବଡ଼ିଆ ଦରସନ୍ ପାଇଲିଆଟି ବଲିକରି ବଡ଼ପନ୍ ନ ଅଇବାକେ ପର୍ମେସର୍ ମକେ ଦୁକାଇବା ଗଟେକ୍ ରଗ୍ ଦେଲା । ଏ ରଗ୍ ସଇତାନର୍ ଦୁଡ଼ପାରା ମାର୍‌ବାକେ ମର୍ ଗାଗତେ ଆଟେ । ଜେନ୍ତ୍ରା କି ମୁଞ୍ଚ ଆରି ବଡ଼ପନ୍ ନ ଅଇ । ୮ ଏ ରଗ୍ ମର୍‌ଟାନେଅନି ଦାରିଜାଅ ବଲି ମୁଞ୍ଚ ତିନ୍‌ତର୍ ମାପୁରୁକେ ଗୁଆରି କଲି । ୯ ମାତର୍ ସେ ଏନ୍ତ୍ରାରି କଇଲା, “ତମକେ ଜେଡ଼କି ସବୁ ଲତା ଆଟେ, ମର୍ ଜିବନ୍ ଦୁକାଇଲାଟା, ସେଟା ପୁରାପୁରୁନ୍ କରବାକେ ଅଇସି । କାଇକେବଇଲେ ଜେଡେବେଲେ ତୁଞ୍ଚ ଦୁର୍ବଲ୍ ରଇସୁ, ସେବେଲେ ମର୍ ବପୁ ନିକକରି ତିସି ।” ତେବେ ମର୍ ଦୁର୍ବଲ୍ ବିସଇନେଇ ବଡ଼ପନ୍ ଅଇକରି କଇବାକେ ମକେ ବେସି ସାର୍‌ଦା ଲାଗସି । କାଇକେବଇଲେ ମୁଞ୍ଚ ଦୁର୍ବଲ୍ ରଇଲାବେଲେ କିରିସର୍‌ର୍ ବପୁ ମକେ ସାଇଜ କରବାଟା ଜାନ୍‌ଲିନି । ୧୦ ସେଟାର୍ ପାଇ ମକେ କିରିସର୍‌ର୍ ଲାଗି ଜେଡ଼କି ସବୁ ଗର୍‌ସି, ମୁଞ୍ଚ ସାର୍‌ଦା ଅଇ ରଇବି । ଜେନ୍ତ୍ରାକି ମର୍‌ଗାଗଡ଼ ଦୁର୍ବଲ୍ ରଇଲେ ମିସା, ନିନ୍‌ପା ପାଇଲେ ମିସା, ଦୁକ୍ କସଟ୍ ଅଇରଇଲେ ମିସା, ଆରି ସାଦ୍‌ବାନ୍ ଅଇ ଦୁକ୍ କସଟ୍ ପାଇଲେ ମିସା । କାଇକେବଇଲେ ଜେଡେବେଲେ ମୁଞ୍ଚ ଦୁର୍ବଲ୍ ଅଇଆଟି, ସେଡ଼କି ବେଲେ ମୁଞ୍ଚ ବପୁ ଅଇଆଟି ।

କରକ୍ରିଅର୍ ଲକ୍‌ମନର୍ ପାଇ ପାଉଲ୍‌ର୍ ବାଦ୍‌ନା

୧୧ ନିଜେ ବଡ଼ ଅଇବାକେ ମୁଞ୍ଚ ବକୁଆ ଲକ୍‌ର୍ ପାରା ଅଇଲିନି । ମାତର୍ ମୁଞ୍ଚ ତମକେ ଦସ୍ ଦେଲିନି । କାଇକେବଇଲେ ତମେ ଜଦି ମକେ ସନ୍‌ମାନ୍ ଦେଇତାସ୍, ମୁଞ୍ଚ ଏନ୍ତ୍ରାରି ନ କର୍‌ତି । ମୁଞ୍ଚ କାଇ କାମେ ନାଇ, ବଲି କେତେଲକ୍ କଇଲେ ମିସା ତମର୍ ସେ ପେରିଡ଼ମନ୍‌ର୍ ଟାନେ ଅନି ଉନ୍‌ନା ନଇ । ୧୨ ଜେଡେବେଲେ ମୁଞ୍ଚ ତମର୍‌ଟାନେ ରଇଲି, ସେ ବେଲେ ମୁଞ୍ଚ ମୁର୍‌ଟିକରି ରଇବା କାବା ଅଇଜିବା କାମ୍‌ମାନ୍ ଆରି ତିନ୍‌ମାନ୍ ତମେ ଦେକିରଇଲାସ୍ । ସେଟା ଦେକି ମୁଞ୍ଚ ଗଟେକ୍ ପେରିଡ଼ ବଲି ତମେ ଜାନ୍‌ଲାସ୍ । ୧୩ ବିନ୍ ମଣ୍ଡଲିମନ୍‌କେ ମୁଞ୍ଚ ଜାଇଟା କରିରଇଲି, ସେ ସମାନ୍ ବିସଇସେ ତମର୍‌ପାଇ ମିସା

☆ ୧୧:୩୨ ୧୧:୩୨ ପେରିଡ଼ ୯:୨୩-୨୫

କଲି । ଏଡ଼ିକି ସେ ଜେ ତମକେ ବୁଡ଼ି ମାଜି ତମର ଉପରେ ବଜ୍ର ଚାପାଇନାଇ । ଜଦି ସେଟା ମରୁ ବୁଲୁ ଅଇଲା ଆତେ ବଇଲେ ମକେ କେମା କରିଦିଆସ୍ ।

୧୪ ଦେକା, ଏଟା ସଙ୍ଗ୍ ତିନି ତରୁ ଅଇଲାବେ ମୁଇ ତମରଲଗେ ବୁଲି ଆଇବି ବଲି ଜାଗିଆଟି । ଆଗରୁ ପାରା ଏବେ ମିସା ତମରଟାମେ ଅନି କାଇଟା ନ ମାଜି । ତମେ ଦେବାଟା ମୁଇ ମନ୍ଦ କରିନାଇ, ତମରୁ ଆଲାଦ୍ ମନ୍ଦ କଲିନି । ଏନ୍ତାରି ନ-ର୍ଦ୍ଦି ଜେ ପିଲାମନ୍ଦ ଆୟା ବାବାରୁପାଇ ସଙ୍ଗାଇବାଇ, ମାତରୁ ଆୟାବାବା ପିଲାମନ୍ଦରୁ ପାଇ ସଙ୍ଗାଇବାରୁ ଆତେ । ୧୫ ସତଇସେ ମରୁ ଜେଡ଼ିକି ସବୁ ଆତେ, ସେଟା ସବୁଜାକ ତମକେ ଦେବାକେ ମୁଇ ସାରୁଦା ଅଇବି । ଜେନ୍ତାରି କି ତମକେ ସାଇଜ କରୁବାକେ ମରୁ ଗାଗଡ଼ୁ ମିସା ସରୁପି ଅଇଦେବି । ତମରୁ ପାଇ ରଇବା ମରୁ ଆଲାଦ୍ ଅଦିକ୍ ଅଦିକ୍ ଅଇ ଆଇଲାମି, ମାତରୁ ମରୁ ପାଇ ରଇବା ତମରୁ ଆଲାଦ୍ ଉନା ଅଇ ଆଇଲାମି ।

୧୬ ମୁଇ ତମରଟାମେଅନି ବୁଡ଼ି ମାଜିନାଇ, ସେଟା ସତ୍ତ୍ୱେ ବଲି ତମେ କଇଲାସୁନି, ମାତରୁ ତମରୁ ବିତ୍ତରେ କେତେ ଲକ୍ କଇଲାଇନି, ଜେ ମୁଇ ଚାଲାକି ଆରି ମରୁ ଲାଗି ତମେ ନାତାଇଅଇଲାସ୍ । ୧୭ ମୁଇ ତମକେ କେନ୍ତେ ନାତାଇଲି ? ମୁଇ ତମରୁ ଲଗେ ଜନ୍ଦ ଲକ୍ ମନ୍ଦକେ ପାଟାଇ ରଇଲି, ସେମନ୍ଦ ଦେଇ ନାତାଇଲି କି ? ୧୮ ମୁଇ ତିତସକେ ତମରୁ ଲଗେ ଜିବାକେ ବାବୁଜିଆ କଲି । ଆରି ତାରୁସଙ୍ଗ୍ ଜିବାକେ ଗଟେକ୍ ବିସ୍ୱାସି ବାଇକେ ମିସା ପାଟାଇରଇଲି । ତିତସକାଇ ତମରୁ ଲଗେ ଅନି କାଇଟା ଲାଦ୍ କଲା ଆତେ କି ? ତିତସ୍ ତମକେ ନାତାଇଲା ବଲି ତମେ କଇନାପାରାସ୍ । କାଇକେବଇଲେ, ସେ ଆରି ମୁଇ, ଆମେ ସୁକଲ୍ କାମରୁ ପାଇସେ ଏଟା କଲୁନି ।

୧୯ ଆମେ ତମରୁ ବିରୁଦେ କାଇ ଦସ୍ କରୁନାଇ ବଲି ତମକେ ଦେକାଇ ଅଇବାକେ ଚେସ୍ଟା କଲୁନି ବଲି ତମେ ବାଦସା ମିସା । ମାତରୁ ସେନ୍ତାରି ନାଇ । ଆମେ କିରିସ୍ତରୁ ଲକ୍ ଇସାବେ ପରୁମେସରୁ ମୁଆଟେ କାତା ଅଇଲୁନି । ଆଲାଦ୍ ମଇତରୁମନ୍ଦ ! ତମରୁ ଟାମେ ଆମେ ଜେଡ଼ିକି ବିସଇ କଲୁଆରୁ, ସେଟା ତମରୁ ବଲ୍ ପାଇ । ୨୦ ମୁଇ ବେସି ଚିନ୍ତାଇ ଆଟି, ମୁଇ ତମରୁ ଟାମେ ଆଇଲାବେଲେ, ମନ୍ଦ ନ କରୁବା ଚଲାଚଲୁଡ଼ି ତମରୁ ବିତ୍ତରେ ଦେକ୍ ବି ମିସା । ସେନ୍ତାରି ଅଇଲେ, ମୁଇ ତମକେ ଦମକାଇବାକେ ପଡ଼ସି ଆରି ସେଟା ତମେ ମନ୍ଦ ନ କରାସ୍ । ତେଇ କେତେଟା ଜୁଜିଆଲମନ୍ଦ, ଈସ୍ଲିଆମନ୍ଦ, ଦାପରେ ରିସା ଅତମନ୍ଦ, ନିଜରୁ ବିସଇ ଦେକାଇ ଅତମନ୍ଦ, ତାରୁ ବାଇମନ୍ଦକେ ନିନ୍ଦା କରୁମନ୍ଦ, ତିପୁଲିଆମନ୍ଦ, ବଡ଼ପନିଆମନ୍ଦ, ଆରି ବିସ୍ୱାସିମନ୍ଦ ଗଟେକ୍ ମନ୍ଦ ନ ଅଇଲାଟା ଦେକ୍ ବି । ୨୧ ମୁଇ ଚିନ୍ତାଇ ଆଟି ଜେ, ମୁଇ ଆରିତରେକ୍ ଆଇଲାବେଲେ, ତମରୁ ମୁଆଟେ ମକେ ପରୁମେସରୁ ଲାଜ୍ କରାଇସି । ଆରି ମୁଇ ବେସି ଦୁକ୍ ଅଇବି । କାଇକେବଇଲେ, ଆମେ ଜେଡ଼ିକି ଲକ୍ ପାପ୍ କରି ଆତଡ଼ ବଲି ମୁଇ ଜାନିଆଟି । ସେମନ୍ଦ ଏବକେ ଜାକ ତାକରୁ କାରାପ୍ ଚଲାଚଲୁଡ଼ି ଲାଗି ମାନି ଅଅଡ଼ ନାଇ । ଜନ୍ଦଟାକି ନିଜରୁ କାରାପ୍ ମନ୍ଦ କଲା ଇସାବେ ବର୍ତ୍ତାଟା ଆରି ବେସିଆ କାମ୍ କରୁବାଟା ।

୧୩

ସାରାସାରି ଜୁଆରୁ କରି ମନା କରୁବାଟା

୧ ଏଟାସଙ୍ଗ୍ ତିନିତରୁ ଅଇଲାବେ ତମରୁ ଲଗେ ମୁଇ ଆଇଲିନି । ସାସ୍ତରୁ କଇଲାପାରା "ମଣ୍ଡଲିରୁ ବାଇମନ୍ଦରୁ ବିରୁଦେ ନିନ୍ଦା କାତା ଉଟ୍ଲେ, ସେଟା ତିନି ଲକ୍ ନଇଲେ ଦୁଇଲକ୍ ସାକିରୁ ମୁଆଟେ ସବୁଜାକ ରାଜିନାମା କରାଇବାରୁ ଆତେ । ୨ ଆମେ ପାପ୍ କରି ରଇବା ଲକ୍ ମନ୍ଦକେ, ଆରି ଏବେ ପାପ୍ କଲା ଲକ୍ ମନ୍ଦକେ ମୁଇ ତମରୁ ଲଗେ ଦୁଇପାଲି ଆଇଲା ବେଲେ କଇରଇଲି । ମୁଇ ତେଇ ନ ଆଇବା ଆଗ୍ରୁ କଇଲିନି, ମୁଇ ଆରିତରେକ୍ ଆଇଲାବେଲେ କେ ଜଦି ତାକରୁ ପାପେ ଅନି ନ ବାଉଡ଼ୁ, । ସେମନ୍ଦକେ ଦୟା ନ ଦେକାଇ । ୩ ମୁଇ କଇବାଟା ଏ ସବୁ କିରିସ୍ତରୁ ଆଦେସେ ଅନି ଆଟେବଲି ଜାନିବାକେ ତିନି ମାଜିଲାସୁନି । ମୁଇ ତମକେ ତଣ୍ଡୁ ଦେଲାବେଲେ ସେ ତିନି ବିସଇ ଜାନ୍ସା । କିରିସ୍ତ ତମରୁ ବିତ୍ତରେ କାଇ କାମ୍ କଲେ ମିସା ବପୁରୁ ସଙ୍ଗ୍ କରୁସି, ଦୁରୁବଲ୍ ଅଇକରି ନାଇ । ୪ କାଇକେବଇଲେ କୁରୁସେ ଚଗାଇଲାବେଲେ ସେ ଦୁରୁବଲ୍ ପାରା ତିସ୍ଲେ ମିସା ପରୁମେସରୁ ବପୁସଙ୍ଗ୍ ସେ ବର୍ତ୍ତାଆତେ । ସେନ୍ତାରିସେ କିରିସ୍ତରୁତେଇ ମିସି ରଇଲାପାଇ ଆମେ ମିସା ଦୁରୁବଲ୍ ପାରା ତିସ୍ଲୁନି । ମାତରୁ ପରୁମେସରୁ ବପୁ ସଙ୍ଗ୍ ଜିଇ ରଇବୁ ଆରି ତମରୁ ବିତ୍ତରେ କରୁବା ଜନ୍ଦ କାମେ ମିସା ତାରୁ ବପୁ ରଇସି ।

୫ ତମେ ନିଜେ ନିଜେ ବିସ୍ୱାସେ ଆଗାସ୍ କି ନାଇ, ବିଚାରୁ କରି ଦେକା । ଜିସୁକିରିସ୍ତ ତମରୁ ବିତ୍ତରେ ବାସା ଅଇଆତେ ବଲି ନାଜାନାସ୍ କି ? ତମେ ବିସ୍ୱାସ୍ କରାସ୍ ନାଇକେ, କିରିସ୍ତ ତମରୁଟାମେ ବାସା ଅଏନାଇ । ୬ ମାତରୁ ମୁଇ ଆସା କଲିନିଜେ, ଆମେ ସବୁଲକ୍ କିରିସ୍ତରୁ ପେରିଡ଼ ଅଇଆରୁ । ୭ ତମେ

କାଈ କରାପୁ କାମ୍ ନ କରା ବଲି, ଆମେ ପର୍ଯ୍ୟେସରକେ ଗୁଆରି କଲୁନି । ଇତି ପୁରାପୁରୁନ୍ ଟିକ୍ କରିଆରୁ ବଲି ଆମେ ଦେକାଇବାକେ ଜାଉନାଇ, ମାତର୍ ସେଟା ନାପାରି ରଇଲେ ମିସା, ତମେ ଜେନ୍ତିକି ସତ୍‌କାମ୍ କରସା, ଏଟାପାଇ ଆମେ ପାର୍‌ତନା କଲୁନି । ୮ ସତ୍ ବିସଇର୍ ବିରୁଦେ ଆମେ କାଇଟା ନ କରୁ, ମାତର୍ ତାର୍ ପାଇ ଟିଆ ଅଇବୁ । ୯ ଜଦି ଲକ୍‌ମନ୍ ଆମ୍‌କେ ଦୁର୍‌ବଲ୍ ଆଟତ୍ ବଲି କଇଲେ ମିସା, ଆମେ ସାର୍‌ଦାସଙ୍ଗ୍ ଆରୁ । ତମେ ଆକା ବିସ୍‌ବାସେ ଡା଼ର୍ ରଇବାର୍‌ଆଟେ । ଆରି ତମର୍ ଚଲାଟଲ୍‌ତି ସିଦ୍ ଅଇଜାଅ ବଲି ଆମେ ଗୁଆରି କଲୁନି । ୧୦ ମୁଇ ନ ଆଇତେ ଏ ସବୁଜାକ ତମ୍‌କେ କାଇକେ ଲେକ୍‌ଲିନି ବଇଲେ, ଜେନ୍ତିକି ମୁଇ ଆଇଲାବେଲେ ମାପୁରୁ ମକେ ଦେଇରଇବା ଅଦିକାର୍ ସଙ୍ଗ୍ ତମ୍‌କେ ଡଣ୍ଡ ଦେବାକେ ନ ପତେ । ଜନ୍ ଅଦିକାର୍ ତମର୍ ବିସ୍‌ବାସ୍ ବଡାଇବାକେ ଦେଲାଆଟେ, ମାତର୍ ସେଟା ଉନା କରବାକେ ନାଇ ।

୧୧ ଏବେ ଏ ମର୍ ବାଇବଇନିମନ୍ ମୁଇ ରଇଲିନି । ତମର୍ ଚଲାଟଲ୍‌ତି ସିଦ୍ କରବାକେ ଜବର୍ ଚେସ୍‌ଟା କରା । ମର୍ ଆଦେସ୍ ସବୁ ମାନିକରି ରୁଆ । ସବୁଲକ୍ ଗଟେକ୍ ମନ୍ ଅଇକରି ସାନ୍ତିଅଇ ରୁଆ । ତେବେ ଆଲାଦ୍ ଆରି ସାନ୍ତିର୍ ପର୍ଯ୍ୟେସର୍ ତମର୍ ସଙ୍ଗ୍ ରଇସି ।

୧୨ ତମେ ରୁଣ୍ଡଲା ବେଲେ ନିଜର୍ ନିଜର୍ ବିତ୍‌ରେ କିରିସ୍‌ଟର୍ ଆଲାଦେ ଜୁଆର୍‌ବେଟ୍ ଉଆ । ଇତି ରଇବା ପର୍ଯ୍ୟେସରର୍ ଲକ୍‌ମନ୍ ତମ୍‌କେ ଜୁଆର୍ ଜାନାଇଲାଇନି ।

୧୩ ଆମର୍ ମାପୁରୁ ଜିସୁକିରିସ୍‌ଟର୍ ଜିବନ୍ ଦୁକାଇଲାଟା, ପର୍ଯ୍ୟେସରର୍ ଆଲାଦ୍ ଆରି ସୁକଲ୍ ଆଡ୍‌ମାର୍ ମିସିକରି ରଇବାଟା, ତମର୍ ସବୁ ଲକ୍‌ର୍ ସଙ୍ଗ୍ ରଅ । ଜୁଆର୍ ।

ଗାଲାତିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର ଗାଲାତିୟ ମଣ୍ଡଳୀର ଲକ୍ଷ୍ୟମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇ ବିସଇ ପଦେକ୍ ଜାନ୍‌ବାଟା

ଗାଲାତିୟ ବଇ ପେରିଡ଼ ପାଉଲ୍ ଲେକିଆଟେ । ୧:୧ ଏ ଚିଠି ଗାଲାତିଆ ମଣ୍ଡଳୀର ବିସ୍ତାରିତମାନଙ୍କେ ଲେକାଅଇରଇଲା । ଏଟା ଜିସୁକିରିସ୍‌ଟ ଜନମ୍ ଅଇକରି ୪୮-୫୭ ବିଡ଼ରେ ଲେକିରଇଲା । ଗାଲାତିୟର୍ ଲକ୍ଷ୍ୟମନ୍ ରମ୍ ରାଇଜର୍ ଗାତିଆ ନାଉର୍ ଜାଗାଇ ବାସା ଅଇରଇଲା । ପାଉଲ୍ ଏ ଚିଠି ଲେଖିଲା ବେଲେ କନ୍ତି ରଇଲା, ସେ ବିସଇ ପଣ୍ଡିତମନ୍ ନିକସଙ୍ଗ୍ ନାଜାନଡ଼ । ମାତର୍ ଏପିସେ ନଇଲେ କରନ୍ତି ଏ ଦୁଇଟା ଜାଗାଇ ରଇସି କାଇକି ବଲି କଇବାଇ । ପାଉଲ୍ ଗାଲାତିୟ ମଣ୍ଡଳୀତେଇ ରଇବା ଜିଉଦି ଆରି ଜିଉଦି ନ ଅଇଲା ବିସ୍ତାରିତମନ୍ କୁଟୁମ୍, ଜାଗା ସବୁ ମିସାଇକରି ଚିଠି ଲେକିଆଟେ । ସେ ମିଡ଼ ସିକିଆ ବିରଦ୍ କରବାପାଇ ଅଦିକ୍ ଦିଆନ୍ ସଙ୍ଗ୍ ଲେକିଆଟେ । ସେଟା ଜିଉଦିମନ୍‌କେ ପୁରନା ନିୟମର୍ ତାକର୍ ରିତିନିତି ମାନି ଚଲିବାକେ ଲେକାଅଇଆଟେ । ଦେକବାକେଗାଲେ ସୁନ୍‌ଡ଼ ଅଇବା ବିଦି ବିସଇ ଅଦିକ୍ ଦିଆନ୍ ଦିଆଅଇଆଟେ । ବିସ୍ତାରିତମନ୍ ବିଡ଼ରେଅନି କେତେକ ଲକ୍ଷ୍ୟ, ଜନ୍ ଲକ୍ଷ୍ୟମାନଙ୍କେ କି ଜୁଡାଇମ୍ ବଲି କଇତେରଇଲା । ସେମନ୍ ଜିଉଦି ନଇଲା ବିସ୍ତାରିତମାନଙ୍କେ ସୁନ୍‌ଡ଼ ଅଇବା ରିତିନିତି ମାନିବାକେ କଇତେରଇଲା ।

ସେମନ୍ ପାଉଲ୍ କେନ୍ତି ପେରିଡ଼ ଅଇବା ଅଦିକାର୍ ପାଇଲା, ସେ ବିସଇ ପାଗାଡ଼ତେରଇଲା । ପାଉଲ୍ ସେମନ୍‌କେ କେତେଟା କାତାନି ସଙ୍ଗ୍ ମିସାଇକରି ସେ ପେରିଡ଼ ଅଇଲା ଅଦିକାର୍ ବିସଇ ଜୁକ୍‌ତି କରତେରଇଲା । ୧:୧-୨:୧୪ ଜିସୁକିରିସ୍‌ଟକେ ବିସ୍ତାରିତମାନଙ୍କେ ମୁକ୍ତି ପାଇବାର୍ ଅଇସି ବଲି ବୁଜାଇକରି ସୁଦ୍‌କବର୍‌କେ ରକିଆକରିଆଟେ ୨:୧୭ । ଜନ୍‌ଟାକି ପର୍‌ମେସର୍ ଦୟାକଲେ ଅଇସି, ମୁନ୍‌ସୁ କଲାଟା ନଏଁ ।

ଏ ବିଡ଼ରେ ରଇବାଟା

- ୧. ପାଉଲ୍ ଜୁଆର୍ ଜାନାଇବାଟା । ୧:୧-୫
- ୨. ଆଗତୁ ପାଉଲ୍‌ର ଜିବନ୍ କେନ୍ଦ୍ରା ରଇଲା, ତାର୍ ସିକିଆଦେବା ଅଦିକାର୍ ଆରି ରିତିନିତି ମାନିବା ବିସଇ । ୧:୬-୨:୨୧
- ୩. ରିତିନିତି ମାନିବାଟା ଆରି ପର୍‌ମେସର୍‌ର ଦୟାଟାଣେ ଅନି ମୁକ୍ତି ପାଇବାଟା । ୩-୪
- ୪. ନିକ ବିସ୍ତାରିତ ଅଇକରି ଜିଉନା କାଉନା ବିସଇର୍ ସିକିଆ । ୫:୧-୬:୧୦
- ୫. ପାଉଲ୍ ଜୁଆର୍ ଜାନାଇବାଟା ଆରି ପର୍‌ମେସର୍‌ର ଟାଣେ ରଇକରି ଜିବନ୍ ବାଦ୍‌ଲାଇବା ବିସଇ ଜାଗରଡ଼ କରାଇଲାନି । ୬:୧୧-୧୮

^୧ ମୁଇ ପେରିଡ଼ ସିସ୍ ପାଉଲ୍ । ପେରିଡ଼ ସିସ୍ ଅଇବାକେ ମୁଇ ଲକ୍ଷ୍ୟମାନର୍‌ଟାଣେଅନି କି ଲକ୍ଷ୍ୟମାନର୍ ମାଲାକାରିଆ ଇସାବେ ତାକ୍‌ରା ପାଇନାଇ । ଏ ତାକ୍‌ରା ମୁଇ ବାବା ପରମେସର୍‌ ଆରି ଜିସୁ କିରିସ୍‌ଟର୍ ତେଇଅନି ପାଇଲିଆଟି । ପରମେସର୍ ତାକେ ମାଲାଟାଣେଅନି ଉଗାଇଆଟେ । ^୨ ଆରି ଏଟା ଗାଲାତିୟ ମଣ୍ଡଳୀତେଇ ରଇବା ତମର୍‌ପାଇ ମର୍ ଚିଠି । ଜନ୍ ବିସ୍ତାରିତ ବାଇବଇନିମନ୍ ମର୍ ସଙ୍ଗ୍ ଆଟଡ଼, ସେମନ୍ ମିସା ମର୍ ସଙ୍ଗ୍ ଜୁଆର୍ ଜାନାଇଲାଜାନି ।

^୩ ଆମର୍ ବାବା ପରମେସର୍ ଆରି ମାପୁରୁ ଜିସୁ କିରିସ୍‌ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।
^୪ ଏବେ ଏ ପାପ୍ ବର୍‌ଡ଼ି ଅଇରଇବା ଜଗତେଅନି ଆମ୍‌କେ ଉଦାର୍ କରବାକେ ଆମର୍ ବାବା ପରମେସର୍ ମନ୍ କଲାଟା, ମାନିକରି କିରିସ୍‌ଟ ଆମର୍ ପାପର୍ ପାଇ ନିଜ୍‌କେ ସର୍‌ପିଦେଲା ।
^୫ ପରମେସର୍ କାଲ୍ କାଲ୍ ଜୁଗ୍ ଜୁଗ୍ ତାକ୍‌ପୁଟା ପାଅ । ଆମେନ୍ !

ଗଟେକ୍ ସେ ସୁଦ୍‌କବର୍

^୬ କିରିସ୍‌ଟ ଜିବନ୍ ଦୁକାଇକରିସେ ତମ୍‌କେ ତାକିରଇଲା । ମାତର୍ ତମେ ତାକେ ଏତେକ୍ ଦାପ୍‌ରେ ଚାଡ଼ିଦେଇକରି ଆରି ଗଟେକ୍ ବିନ୍ ସୁଦ୍‌କବର୍‌ବାଟେ ମନ୍ ଦେଲାସ୍‌ନି । ତମର୍ ଏ ମନ୍ ବାଦ୍‌ଲାଇବାଟା ଦେକିକରି ଇତି ମୁଇ କାବା ଅଇଗାଲିନି । ^୭ ଏ ସୁଦ୍‌କବର୍ ଚାଡ଼ି ଆରି ଗଟେକ୍ ବିନ୍ ସୁଦ୍‌କବର୍ ନାଇ । ମାତର୍ ମୁଇ ଏନ୍ତି କଇଲିନି, କାଇକେ ବଇଲେ କେତେଲକ୍ କିରିସ୍‌ଟର୍ ସୁଦ୍‌କବର୍ ବିନ୍ ବିନ୍ ରକାମ୍ କାରି, ତମ୍‌କେ କଟପଟ କରବାକେ ଚେସ୍‌ଟା କଲାଇନି ବଲି ମୁଇ ସୁନ୍‌ଲିନି ।^୮ ମାତର୍ ଆମେ ତମର୍ ଲଗେ ଜନ୍ ସୁଦ୍‌କବର୍ ଜାନାଇ ରଇଲୁ, ଜଦି ସେଟାକେ ଚାଡ଼ି ବିନ୍ ଗଟେକ୍ ସୁଦ୍‌କବର୍ ଆମେ ନିଜେ, ନଇଲେ ସରଗ୍

ଦୁର୍ଘଟ ମିଥା ଜାନାଇସି ବଇଲେ, ସେ ଅବିସାପ୍ ପାଅ । ୯ ଏଟା ଆମେ ଆଗତୁ କଇରଇଲୁ ଆରି ମୁଇ ଏବେ ଆରି ତରେକ୍ କଇଲିନି, ତମେ ତମର୍ ଜିବନେ ଜନ୍ ସୁବକବର୍ ମାନିରଇଲାସ୍, ସେଟା ଚାଡ଼ି ଆରି ଜଦି କେ, କାଇମିସା ବିନ୍ ସୁବକବର୍ ଜାନାଇସି ବଇଲେ ସେ ଅବିସାପ୍ ପାଅ ।

୧୦ ଏଟା ସୁନି ତମେ ମନେ ମନେ କାଇଟା ବାବ୍ଲାସୁନି ? ମୁଇ ଲକ୍ମନର୍ ମାନ୍ବାଟା ପାଇବାକେ ଚେସ୍ଟା କଲିନି କି ? ନାଇ, କେବେ ନାଇ । ମୁଇ ପରମେସରର୍ ମାନ୍ବାଟାସେ ମନ୍ କଲିନି । ମୁଇ କାଇ ଡାକ୍ପୁଟା ଅଇବି ବଲି ମନ୍ କଲିନି କି ? ମୁଇ ଜଦି ଏବେ ଜାକ ଡାକ୍ପୁଟା ଅଇବାକେ ମନ୍ କର୍ତ୍ତ ବଇଲେ, ଆଜି କିରିସ୍ତର୍ ସେବାକାରିଆ ନ ଅଇତି ।

ପାଉଲ୍ କେନ୍ତାରି ପେରିଡ୍ ସିସ୍ ଅଇଲା

୧୧ କାଇକେବଇଲେ, ଏ ବାଇବଇନିମନ୍ ମୁଇ ତମକେ ଜନ୍ ସୁବକବର୍ ଜାନାଇଲିନି, ସେଟା ମୁନୁସରଟାନେଅନି ବାରଏ ନାଇ । ୧୨ ତେବେ ମୁଇ ସେଟା ମୁନୁସ୍ ମନର୍ ଟାନେଅନି ପାଇନାଇ, କି କେ ମକେ ସିକାଅଡ୍ ନାଇ । ନିଜେ ଜିସୁ କିରିସ୍ତର୍ ସେଟା ମକେ ଜାନାଇଲା ଆତେ ।

୧୩ ଆଗତୁ ମୁଇ ଜିଉଦି ଦରମ୍ ନାମବା ବେଲାଇ ଜେକ୍ରିକି ଜିଇତେ କାଇତେ ରଇଲି । ପାର୍ତନା କର୍ବାକେ ରୁଣ୍ଡବା ଲକ୍ମନକେ କେକ୍ରି କସ୍ତ ଦେଇତେ ରଇଲି ଆରି ସେଟାମନ୍ ନସ୍ତ କର୍ବାକେ କେକ୍ରି ଚେସ୍ଟା କିରିରଇଲି, ଏଟା ସବୁ ବିସଇ ତମକେ ଜାନାଇଦିଆଅଇଆତେ । ୧୪ ଜିଉଦି ଦରମ୍ ମାନ୍ବା ବେଲେ, ମୁଇ ଦାଙ୍ଗ୍ଡା ବଇସେ ଆମର୍ ଜିଉଦିମନର୍ ବିତ୍ରେ ସବୁକେ ଅନି ଆଗତୁ ରଇଲି ଆରି ଆମର୍ ଆନିଦାଦିମନ୍ ବିସ୍ବାସ୍ କରି ଆଇଡେରଇବା ରିତିନିତି ବେସି ତାଟ୍ ସଙ୍ଗ୍ ମାନ୍ତେରଇଲି ।

୧୫ ମାତର୍ ପରମେସର୍ ତାଟ୍ ଜିବନ୍ ଦୁକାଇ ମର୍ ମାଆର୍ ଗର୍ବେ ରଇଲା ବେଲେ, ମକେ ବାଟିରଇଲା ଆରି ତାଟ୍ ସେବା କର୍ବାକେ ଡାକ୍ଲା । ୧୬ ଆରି ଜେଡେବେଲେ ଜିଉଦି ନଇଲା ଲକ୍ମନର୍ ଟାନେ ସୁବକବର୍ ଜାନାଇବାକେ ପର୍ମେସର୍ ମକେ ତାଟ୍ ପଅକେ ଦେକାଇଲା, । ଏ ବିସଇନେଇ ମୁଇ କାର୍ଲଗେ ଜିବି ଆରି ସେମନ୍ ମକେ ସିକାଇଦେଅଡ୍ ବଲି ଚିନ୍ତାକରି ନାଇ । ୧୭ ଜେକ୍ରିକି ମର୍ ଆଗତୁ ଜେଡ୍ କି ଲକ୍ ପେରିଡ୍ ସିସ୍ ଅଇରଇଲାଇ, ସେମନର୍ ସଙ୍ଗ୍ ମିସ୍ବାକେ ଜିରୁସାଲମେ ଜାଇନାଇ । ସେବେଲେ ମୁଇ ଦାପ୍ରେ ବାରଇ ଆରବ୍ ଦେସେ ଉଟିଗାଲି । ଜାଇକରି ଆରିତରେକ୍ ଦାମାସ୍କସେ ବାଉଡ଼ି ଆଇଲି । ୧୮ ଆରି ତିନ୍ ବରସ୍ ପଚେ ମୁଇ ପିତରକେ ବେଟ୍ ଅଇବାକେ ଜିରୁସାଲମେ ଗାଲି । ତେଇ ତାଟ୍ ସଙ୍ଗ୍ ଦୁଇ ଆଟ୍ ରଇଲି । ୧୯ ମାତର୍ ମାପ୍ପରୁର୍ ବାଇ ଜାକୁବକେ ଚାଡ଼ଲେ ଆରି ମୁଇ କନ୍ ପେରିଡ୍ ସିସ୍ କେ ମିସା ବେଟ୍ ଅଇନାଇ ।

୨୦ ମୁଇ ଜେଡ୍ କି ବିସଇ ଲେକ୍ଲିନି, ସେଟା ସଡ୍, ପରମେସର୍ ଜାନିଆତେ ମୁଇ କାଇଟା ମିସା ମିଟ୍ କଇନାଇ !

୨୧ ତାଟ୍ ପଚେ ମୁଇ ସିରିଆ ଆରି ସିଲିସିଆର୍ ବେସି ଜାଗାଇ ଜାଇରଇଲି । ୨୨ ସେବେଲା ଜିଉଦା ରାଇଜେ ରଇଲା କିରସ୍ତକେ ବିସ୍ବାସ୍ କର୍ବା ମଣ୍ଡଲିର୍ ଲକ୍ମନ ମକେ ନିକସଙ୍ଗ୍ ନାଜାନି ରଇଲାଇ । ୨୩ ବିନ୍ ଲକ୍ମନ ମର୍ ବିସଇ ଜାଇଟା କଇରଇଲାଇ, ସେମନ୍ ସେଡ୍ କିସେ ଜାନିରଇଲାଇ । ବିନ୍ ଲକ୍ମନରଟାନେଅନି ସେମନ୍ ସୁନିରଇଲାଇ କି, ଜନ୍ ଲକ୍ ଗଟେକ୍ ବେଲାଇ ଆମକେ କସ୍ତ ଦେଇତେ ରଇଲା, ଆମର୍ ଦରମ୍ କୁରୁପ୍ତାସ୍ କିରିଦେବାକେ ଚେସ୍ଟା କର୍ତ୍ତେ ରଇଲା, ଏବେ ସେ ଆକା ମାପ୍ପରୁର୍ ସୁବକବର୍ ଜାନାଇଲାନି ! ୨୪ ସେଟାଟ୍ ପାଇ ସେମନ୍ ମର୍ପାଇ ପରମେସରର୍ ଡାକ୍ପୁଟା କର୍ତ୍ତେରଇଲାଇ ।

୨

ପାଉଲ୍ ଆରି ବିନ୍ ପେରିଡ୍ ସିସ୍ମନ୍

୧ ଚତୁର୍ଦ୍ଦ ବରସ୍ ପଚେ ବରୁନବାର୍ ସଙ୍ଗ୍ ମୁଇ ଜିରୁସାଲମେ ବାଉଡ଼ିଆଇଲି । ଆମର୍ ସଙ୍ଗ୍ ତିତସ୍ କେ ମିସା ଡାକି ନେଇରଇଲୁ । ୨ ମୁଇ ତେଇ ଜିବାର୍ ଆଟେଆକା ବଲି ପରମେସରର୍ ଟାନେଅନି ଆଦେସ୍ ପାଇ ଜାଇରଇଲି । ଜିଉଦି ନ ଅଇଲା ଲକ୍ମନର୍ ଲଗେ ମୁଇ ଜନ୍ କବର୍ ଜାନାଇଲିନି, ସେଟା ଜିରୁସାଲମର୍ ନେଟା ବଲି ମାନିଅ ପାଇରଇବା ଲକ୍ମନ, ଗଟେକ୍ ଗରେ ବସ୍ଲା ବେଲେ, ତେଇ ବୁଜାଇ ଦେଲି । ଜେକ୍ରିକି ମର୍ ଆଗର୍ ପଚର୍ ଜାନାଇବା ସୁବକବର୍ ବେକାର ନ ଅ, ସେଟାଟ୍ ପାଇ ମୁଇ ଦିଆନ୍ ଦେଇରଇଲି । ୩ ମୁଇ କଇଲା ବିସଇ ସେମନ୍ ରାଜି ଅଇଲାଇ । କାଇକେବଇଲେ ମର୍ ସାଙ୍ଗ୍ ତିତସ୍,

* ୧:୧୩ ୧:୧୩ ପେରିଡ୍ ୮:୩୨:୪:୫:୬:୯-୧୧ * ୧:୧୪ ୧:୧୪ ପେରିଡ୍ ୨୨:୩ * ୧:୧୫ ୧:୧୫ ପେରିଡ୍ ୯:୩-୬:୨୨-୭:୧୦:୨୩-୧୮ * ୧:୧୮ ୧:୧୮ ପେରିଡ୍ ୯:୨୬-୩୦ * ୨:୧ ୨:୧ ପେରିଡ୍ ୧୧:୩୦:୧୫:୨

ଗଟେକ୍ ଗିରିକ୍ ଲକ୍ ଅଇରଇଲେ ମିସା, ତାକେ ସୁନତ୍ ଅ ଆକା ବଲି ବାଦିଅ କରତ୍ ନାଇ ।^୪ ଏଲେମିସା କେତେକ୍ ଲକ୍ ତାକେ ସୁନତ୍ କରବାକେ ମନ୍ କରତେ ରଇଲାଇ । ସେମନ୍ ବିସ୍ବାସି ବାଇ ବଲି ନାତାଇକରି କୁଟିଆଲ୍ ଇସାବେ ଦଲେ ମିସିରଇଲାଇ । କିରିସ୍ତ ଜିସୁର୍ ସଙ୍ଗ ମିସିରଇଲାକ୍ ଲାଗି ଆମେ ଜନ୍ ମୁକ୍ଲିରଇବା ଦିନ୍ ପାଇଲୁଆତୁ, ସେ ବିସଇ କଜି ମିଲାଇବାକେ ସେମନ୍ ମନ୍ କରତେ ରଇଲା । ଆମକେ ଆରିତରେକ୍ ମସାର୍ ନିୟମର୍ ଦାଙ୍ଗ୍ତା କରବାକେ ମିସା ମନ୍ କରତେରଇଲାଇ ।^୫ ମାତର୍ ତମର୍ ଲାଗି, ସୁବକବର୍ ସତ୍ସଙ୍ଗ୍ ଦାରି ରକ୍ବାକେ, ଆମେ ସେ ନାତାଉମନ୍ଦକେ ଚନେକ୍ ମିସା ବେଲା ଦେଇ ନ ରଇଲୁ ।

^୬ ମାତର୍ ଜନ୍ ଲକ୍ମନ୍ ନେତା ବଲାଇ ଅଇତେ ରଇଲାଇ, ସେମନ୍ ଜେ ମିସା ଅଥତ୍, ସେଟାର୍ ପାଇ ମକେ କାଇଟା ନ ଅଏ । କାଇକେବଇଲେ ପରମେସର୍ କାକେ ମିସା ବାଇରର୍ ଚଲାଟଲ୍ଡି ଦେକି ବିଚାରୁନା ନ କରେ । ସେ ନେତାମନ୍ ମକେ କାଇମିସା ନୁଆ ଜନ୍ମନା ନ ଦେଇରଇଲାଇ ।^୭ ଆରି ଗଟେକ୍ ବାଟେ ସେମନ୍ ଦେକ୍ଲାଇ ଜେ, ପରମେସର୍ ଜେନ୍ଟିକି ପିତରକେ ଜିଉଦିମନ୍ଦ୍ ଲଗେ ସୁବକବର୍ ଜାନାଇବାକେ ଦାଇତ୍ ଦେଇ ରଇଲା, ସେନ୍ତି ଜିଉଦି ନଇଲା ଲକ୍ମନ୍ଦ୍ ଟାନେ ସୁବକବର୍ ଜାନାଇବାକେ ମକେ ଦାଇତ୍ ଦେଲାଆଟେ ।^୮ କାଇକେବଇଲେ ପିତର୍ ଜେନ୍ତି ପରମେସର୍ ବସୁ ପାଇକରି ଜିଉଦିମନ୍ଦ୍ ପାଇ ପେରିତ୍ ସିସ୍ ଇସାବେ ଦାଇତ୍ ପାଇରଇଲା, ସମାନ୍ ସେନ୍ତି, ମୁଇ ମିସା ପରମେସର୍ ବସୁ ପାଇକରି ଜିଉଦି ନଇଲା ଲକ୍ମନ୍ଦ୍ ପାଇ ପେରିତ୍ ସିସ୍ ଇସାବେ ଦାଇତ୍ ପାଇଲିଆଟି ।^୯ ନେତା ଇସାବେ ଏଜାଇଅଇରଇବା ଜାକୁବ୍, ପିତର୍ ଆରି ଜଅନ୍, ଉଁ ବଲି ମାନ୍ ଅଇରଇଲାଇ ଜେ, ପରମେସର୍ ମକେ ଏ ମୁକ୍ତି କାମର୍ ଦାଇତ୍ ଦେଲାଆଟେ । ସେଟାର୍ ପାଇ ସେମନ୍ ମକେ ଆରି ବରୁନବାକେ, ଆମେ ମିସିକରି କାମ୍ କରୁବଲି ଗଟେକ୍ ଚିନ୍ ଇସାବେ ଆତ୍ ମିଲାଇଲାଇ । ବରୁନବା ଆରି ମୁଇ ଜିଉଦି ନଇଲା ଲକ୍ମନ୍ଦ୍ ବିତ୍ରେ ଆରି ସେମନ୍ ଜିଉଦିମନ୍ଦ୍ ବିତ୍ରେ କାମ୍ କରବୁ ବଲି ରାଜି ଅଇରଇଲୁ ।^{୧୦} ସେମନ୍ ଆମକେ ସେମନ୍ଦ୍ ଦଲେ ଅବାବେ ରଇଲା ଲକ୍ମନ୍ଦକେ ଏତାଇତେରୁଆ ବଲି ଅବ୍ବା ଏଡକି ଗୁଆରି କରିରଇଲାଇ । ସେ ବିସଇ କରବାକେସେ ମର୍ ମନ୍ ରଇଲା ।

ଆନ୍ତିଅକ୍ତେଇ ପାଉଲ୍ ପିତରକେ ମନାକରବାଟା

^{୧୧} ପିତର୍ ଆନ୍ତିଅକ୍ତେଇ ଆସି ରଇଲା ବେଲେ ମୁଇ ସବୁ ଲକ୍ମନ୍ ମୁଆଟେ ତାକେ ମନାକରିରଇଲି, କାଇକେ ବଇଲେ ସତଇସେ ସେ ବୁଲ୍ କାମ୍ କରତେରଇଲା ।^{୧୨} ଆଗତୁ ସେ ଜିଉଦି ନଇଲା ଲକ୍ମନ୍ଦ୍ ସଙ୍ଗ୍ କାଇତେରଇଲା, ମାତର୍ ଜେତେବଲ୍ ଜାକୁବ୍ ପାଟାଇରଇବା ଲକ୍ମନ୍ଦ୍ ତେଇ ଆଇଲାଇ, ତେଇ ମିସିକରି କାଇବାଟା ଚାଡି ବିନେ ରଇଲା । ଜନ୍ ଜିଉଦି ବିସ୍ବାସିମନ୍ ଜିଉଦି ନଇଲାଟାମନ୍ଦକେ ସୁନତ୍ ଉଆ ବଲି ବାଦିଅ କରତେରଇଲାଇ, ସେମନ୍ଦକେ ଡରି ପିତର୍ ଏନ୍ତି କଲା ।^{୧୩} ବିନ୍ ଜିଉଦି ବାଇମନ୍ ମିସା ପିତର୍ ସଙ୍ଗ୍ ମିସି କୁଟିଆଲ୍ମନ୍ଦ୍ ପାରା ଚଲାଟଲ୍ଡି କରତେ ରଇଲାଇ । ଏନ୍ତିକି ବରୁନବା ମିସା ସେନ୍ତାରି ଅଇଗାଲା ।^{୧୪} ସବୁର୍ ମୁଆଟେ ମୁଇ ପିତରକେ କଲିଲି, “ତୁଇ ଜିଉଦି ଅଇକରି ମିସା, ଜିଉଦି ନଇଲା ଲକ୍ମନ୍ଦ୍ ପାରା କେତେଟା ଜିଉଦି ରିଡିନିଡି ଚାଡିଦେଇ ଆତୁସ୍ । ସେନ୍ତାରିଆଲେ ଜିଉଦି ନ ଅର୍ଡାମନ୍ଦକେ ଆମର୍ ଦରମର୍ ସବୁ ରିଡିନିଡି ମାନ୍ଦବାକେ କେନ୍ତି ବାଦିଅ କଲୁସିନ୍ ?”

ବିସ୍ବାସର୍ ଲାଗି ମୁକ୍ତି

^{୧୫} ଏବେ ଆମକେ ଜନ୍ମେଅନି ଜିଉଦି ଲକ୍ ବଲି ଜାନତ୍ । ପରମେସର୍ ନିୟମ୍ ନାଜାନ୍ଲା ଜିଉଦି ନଇଲା ଲକ୍ମନ୍ଦ୍ପାରା ନଉଁ ।^{୧୬} ଅଇଲେ ମିସା ଆମେ ଜାନ୍, ମସାର୍ ନିୟମର୍ ଦାବି ପୁରାପୁରୁନ୍ କଲେ ନଏଁ, ମାତର୍ ଉଜେ ଜିସୁ କିରିସ୍ତର୍ତେଇ ବିସ୍ବାସ୍ କଲେ, ଗଟେକ୍ ଲକ୍ ପରମେସର୍ ମୁଆଟେ ଦସ୍ ନ ରଇବା ଲକ୍ ବଲାଅଅଇସି । ତାର୍ ମୁଆଟେ ଦରମ୍ ଲକ୍ ବଲାଅଅଇବାକେ, ଆମେ ଜିଉଦିମନ୍ ମିସା ଜିସୁକିରିସ୍ତକେ ବିସ୍ବାସ୍ କଲୁନି । କାଇକେବଇଲେ ପରମେସର୍ ମୁଆଟେ କେମିସା ନିୟମ୍ ମାନ୍ଦବା ଲକ୍ ଦରମ୍ ବଲି ଏଜାଇ ନ ଅଥତ୍ ।^{୧୭} ମାତର୍ କିରିସ୍ତର୍ ସଙ୍ଗ ମିସିରଇଲାକେ ତାର୍ ମୁଆଟେ ଆମେ ଦରମ୍ଲକ୍ ବଲି ଏଜାଇ ଅଇବୁ । ମାତର୍ ମସାର୍ ନିୟମ୍ ଇସାବେ, ଜିଉଦି ନଇଲା ଲକ୍ମନ୍ଦ୍ ପାରା ଆମେ ପାପିଲକ୍ ବଲି ଏଜାଇ ଅଇଲୁନି । କିରିସ୍ତ ଲକ୍ମନ୍ଦକେ ପାପ୍ କରାଇବାକେ ବାଦିଅ କଲାନ୍ ବଲି ତାର୍ ଅରତ୍ ଆଟେ କି ? ନାଇ, ଏନ୍ତାରି କେବେ ନ ଅଏ ।^{୧୮} କାଇକେବଇଲେ ମୁଇ ମସାର୍ ନିୟମ୍ ପିଡି ପାସ୍ଲିଦେଲି । ମାତର୍ ଜନ୍ ନିୟମ୍ ମୁଇ ଚାଡିଦେଇରଇଲି, ସେଟା ଆରିତରେକ୍ ମାନ୍ଦବାକେ ଚେସ୍ଟା କଲେ ସତଇସେ ପାପ୍ ଅଇଜିବି ।^{୧୯} ନିୟମ୍ ପାଇ ମୁଇ ମଲାସମାନ୍ ଅଇଆଟି । ନିୟମ୍ ଲାଗି ସେ,

☆ ୨:୧୨ ୨:୧୭ ରମିୟ ୩:୨୦; ରମିୟ ୩:୨୨

ପରଫେସରର ମୁଆଣେ ଦସି ଅଇକରି ମରନର୍ ଡଣ୍ଟ ପାଇଲି ।^{୧୦} ପରଫେସରର୍ ପାଇ ବଞ୍ଚିବାକେ ମକେ କିରିସଟର୍ ସଙ୍ଗ୍ କୁରସେ ମରାଇଆଚେ । ଏବେ ମୁଇ ଜିଇକରି ରଇନାଇ । ମାତର୍ କିରିସଟର୍ ମରଟାନେ ଜିଇକରି ଆଚେ । ଏବେ ମର୍ ଗାଗଡ୍ ବିସ୍ବାସର୍ ଲାଗି ଜିବନ୍ ଆଚେ । ଜନ୍ଟା କି ପରଫେସରର୍ ପଅ ଜିସୁ କିରିସଟର୍ ମକେ ଆଲାଦ୍ କରି ମର୍ପାଇ ସେ ନିଜେ ସର୍ପି ଅଇଲା । ତାକେ ବିସ୍ବାସ୍ କରି ମୁଇ ଜିଇଲି ଆଚି ।^{୧୧} ଏଟାମ୍ପାଇ ପରଫେସରର୍ ଜିବନ୍ ଦୁକାଇଲାଟାକେ ମୁଇ କେବେ ମିସା ନାଇ ବଲି କଇନାପାରି । କାଇକେ ବଇଲେ ନିୟମ୍ ମାନଲେ ଜଦି ଗଟେକ୍ ଲକ୍ ତାର୍ ମୁଆଣେ ଦରମ୍ ଲକ୍ ଅଇପାରେ, ତେବେ କିରିସଟର୍ ମଲାର୍ କିଟି ମୁଲିଅ ନାଇ । ଏ ସବୁ ବିସଇ ମୁଇ ଆନ୍ଦିଅକେ କଇଲି ।

୩

ନିୟମ୍ କି ବିସ୍ବାସ୍

^୧ ଏ ବକୁଆ ଗାଲାତିଆମନ୍ ! କେ ତମକେ ଏନ୍ତାରି ବୁଲ୍ ସିକିଆ ଦେଇ ଚର୍ପଟ୍ କରାଇଲାନି ? ତମର୍ ମୁଆଣେ ତା କୁରସେ ମରିରଇବା ଜିସୁ କିରିସଟର୍ ବିସଇ ଅର୍ସା ସଙ୍ଗ୍ ବାତାଇ ଦେଇଆଚୁ ।^୨ ଗଟେକ୍ କାତା ମକେ କଇଦେକାପିନି, ମସାର୍ ନିୟମ୍ ମାନଲାକେ ତମେ ସୁକଲୁଆଡ଼ମା ପାଇଆଚାସ୍ କି, ସୁବକବର୍ ସୁନି ସେଟା ବିସ୍ବାସ୍ କଲାକେ ?^୩ ତମେ କେନ୍ତାଟ୍ ଏତେକ୍ ବୁଦି ନଇଲା ଲକର୍ ପାରା ଅଇଗାଲାସିନି ? ଆଡ଼ମାର୍ ବସୁ ପାଇକରି ତମେ ଜନ୍ ବିସ୍ବାସର୍ ଜିବନ୍ ଆରାମ୍ କଲାସ୍, ସେଟା କାଇ ନିଜର୍ ବପୁସଙ୍ଗ୍ ସାରାଇବାକେ ମନ୍‌କଲାସିନି କି ?^୪ ସେଟାମ୍ପାଇ ତମେ ଆଗଟୁ ସିକିଲାଟା ସବୁ ବେକାର୍ କି ? ତେଇଅନି କାଇଟା ମିସା ସିକାସ୍ ନାଇ କି ?^୫ ପରଫେସର୍ କାଇକେ ତାର୍ ଆଡ଼ମା ଦେଇ ତମର୍ ବିଡ଼ରେ କାବାଅଇଜିବା କାମ୍‌ମନ୍ କଲା ? ତମେ ମସାର୍ ନିୟମ୍ ମାନଲାଟ୍ ପାଇ କି ଜନ୍ ସୁବକବର୍ ତମ୍‌କେ ଜାନାଇରଇଲାଇ ସେଟା ବିସ୍ବାସ୍ କଲାକେ ?

^୬ *ଅବରାଆମର୍ କାତା ଏତାଇ ଦେକା । ସାସ୍ତରେ ଲେକାଆଚେ, “ସେ ପରଫେସର୍ କଇଲା ବିସଇ ବିସ୍ବାସ୍ କଲା । ଆରି ତାର୍ ବିସ୍ବାସର୍ ଲାଗି ପରଫେସର୍ ତାକେ ଦରମ୍ ଲକ୍ ଇସାବେ ଲେକା କଲା ।”

^୭ *ଜନ୍ ଲକ୍‌ମନ୍ ବିସ୍ବାସ୍ କର୍ବାଇ, ସେମନ୍‌ସେ ଅବରାଆମର୍ କୁଟୁମର୍ ଲକ୍ । ଏଟା ତମେ ଜାନ୍‌ବାର୍ ଆଚେ ।^୮ ପୁରବେଅନି ଦରମ୍ ସାସ୍ତରେ ଲେକାଅଇଲା ଆଚେ ଜେ, ବିସ୍ବାସ୍ କଲେସେ ପରଫେସର୍ ଜିଉଦିନଇଲା ଲକ୍‌ମନ୍‌କେ ମିସା ଦରମ୍ ଲକ୍ ଇସାବେ ଲେକା କରସି । ପରଫେସର୍ ତମ୍‌ଟାନେଅନି ଜଗତର୍ ସବୁ ଲକ୍‌କେ ଆସିର୍ବାଦ୍ କରସି । ଏ କବର୍ ପର୍ତୁମ୍ ଅବରାଆମ୍‌କେ ଜାନାଇ ଦିଆଅଇରଇଲା ।^୯ ଅବରାଆମ୍ ବିସ୍ବାସ୍ କରି ଆସିର୍ବାଦ୍ ପାଇରଇଲା । ସେଟାମ୍ ପାଇ ଜେଡ୍‌କି ଲକ୍ ବିସ୍ବାସ୍ କର୍ବାଇ, ସେମନ୍ ସବୁ ଲକ୍ ତାର୍ ପାରା ଆସିର୍ବାଦ୍ ପାଇବାଇ ।

^{୧୦} ଜନ୍ ଲକ୍‌ମନ୍ ରିଡିନିଡିର୍ ନିୟମ୍ ମାନଲୁନି ବଲି ବଡ଼ପନ୍ ଅଇବାଇ, ସେମନ୍ ସାଇପ୍ ପାଇବାଇ । କାଇକେ ବଇଲେ ଦରମ୍‌ସାସ୍ତରେ ଲେକାଆଚେ, “ମସାର୍ ନିୟମ୍ ବଇଟାନେ ଜାଇଟା ସବୁ ଲେକାଅଇଲା ଆଚେ, ଜଦି କେ ସେଟା ପୁରାପୁରୁନ୍ ନ ମାନେ, ସେ ପରଫେସରର୍ ସାଇପ୍ ପାଇସି ।”

^{୧୧} ଏଟା ନିକସଙ୍ଗ୍ ଜାନାପଡ଼ଲାନି । ରିଡିନିଡିର୍ ନିୟମ୍ ମାନିକରି କେ ମିସା ପରଫେସରର୍ ମୁଆଣେ ଦରମ୍ ବଲାଇଅଇ ନ ଅଅଡ୍ । କାଇକେବଇଲେ ଦରମ୍ ଲକ୍ ବିସ୍ବାସର୍ ଲାଗି ବଞ୍ଚିବାଇ ।^{୧୨} ନିୟମ୍ ମାନବାଟା ଆରି ବିସ୍ବାସ୍ କର୍ବାଟା ଦୁଇଟା ମୁଲକେ ନ ମିସେ । ଦରମ୍ ସାସ୍ତରେ ଲେକାଆଚେ, ଜନ୍ ଲକ୍ ନିୟମ୍ ଦାବି ଇସାବେ କାମ୍ କରସି ସେ ଜିବନ୍ ପାଇସି ।

^{୧୩} ଆମେ କେ ମିସା ନିୟମ୍ ସବୁ ଆଦେସ୍ ମାନି ନାପାରୁ । ସେଟାମ୍ପାଇ ଆମେ ସବୁ ଡଣ୍ଟ ପାଇବାର୍ ରଇଲା । ମାତର୍ କିରିସଟର୍ ଆମର୍ ସାଇପ୍ ନିଜେ ନେଲା ଆରି ନିୟମ୍ ସାଇପେଅନି ଆମ୍‌କେ ମୁକ୍‌ଲାଇଲା । ଦରମ୍ ସାସ୍ତରେ ଲେକାଆଚେ, ଜେ ଗଟେ ଉଡ୍‌କିଅଇ ମର୍ସି, ସେ ପରଫେସରର୍‌ତେଇ ଅନି ସାଇପ୍ ପାଇଲା ଲକ୍ !^{୧୪} ଅବରାଆମ୍ ଜନ୍ ଆସିର୍ବାଦ୍ କର୍ବାକେ ସପଡ୍ କରିରଇଲା ଜିଉଦି ନଇଲା ଲକ୍‌ମନ୍ ମିସା ସେଟା ପାଇବାଇ, ସେଟାମ୍ ପାଇ କିରିସଟର୍ ଏ କାମ୍ କଲାଆଚେ । ସେଟାମ୍ ପାଇ ବିସ୍ବାସ୍ କରି ଆମେ ମିସା ପରଫେସରର୍ କାତା ଦେଲା ଇସାବେ ସୁକଲୁଆଡ଼ମା ପାଇପାରୁ ।

ନିୟମ୍ ଆରି ସପଡ୍

^{୧୫} ଏ ବାଇବଇନିମନ୍ ! ପରଫେସର୍ ଅବରାଆମ୍‌କେ ଜନ୍ ସପଡ୍ ଦେଇ ରଇଲା, ସେଟା ବାତାଇବାକେ ମୁଇ ଗଟେକ୍ ଉଦାଅରନ୍ କଇବି । ଜେତେବଲ୍ ଦୁଇ ଲକ୍ ଗଟେକ୍ ବିସଇତେଇ ରାଜିନାମା ଲେକ୍‌ବାଇ, ସେ ରାଜିନାମା କେ ମିସା ବାଙ୍ଗାଇ ନାପାରଡ୍ । କି ତେଇ କାଇଟା ମିସାଇ ନାପାରଡ୍

* ୩:୬ ୩:୭ ରମିୟ ୪:୩ * ୩:୭ ୩:୭ ରମିୟ ୪:୧୭

। ୧୭ ସେନ୍ତାହସେ ପରମେସର୍ ଅବ୍ରାଆମ୍ ଆରି ତାର୍ ନାତିତିକେସେ ସପତ୍ ଦେଇରଇଲା । ଏ ବିସଇନେଇ ନାତିତିକେସେ ବଲି ସାସ୍ତରେ ଲେକାରଇବାଟା, ଅବ୍ରାଆମ୍ ସବୁ ନାତିତିକେସେ କଏନାଇ । ମାତର୍ ଗଟେକ୍ ଲକ୍‌କେସେ କଇଲାଆଟେ । ଜେ କି କିରିସ୍ତ । ୧୭ ମର୍ କଇବାର୍ ଅରତ୍ ଅଇଲାନି, ପରମେସର୍ ଅବ୍ରାଆମ୍ ସଙ୍ଗ୍ ଗଟେକ୍ ରାଜିନାମା ତିଆର୍ କରିରଇଲା, ଆରି ସେଟା ମାନ୍‌ବାକେ ସପତ୍ କରିରଇଲା ।

ଜନ୍ ନିୟମ୍ ଚାରି ସଅ ତିରିସ୍ ବରସ୍ ପଟେ ଦିଆଅଇଲା, ସେ ନିୟମ୍ ରାଜିନାମା କେ ମିସା ବାଙ୍ଗାଇ ଦେଇ, ପରମେସର୍ ଦେଇରଇବା ସପତ୍ ନସ୍ତ କରିନାପାରେ । ୧୮ *ପରମେସର୍ ଆସିର୍ବାଦ୍ ପାଇବାଟା ଜଦି ନିୟମ୍ ମାନ୍‌ବା ଉପରେ ଅଇସି ବଇଲେ, ତେବେ ସେଟା ଆରି ତାକର୍ ସପତ୍ ଲାଗି ଅଇଲାଟା ବଲି କଇ ନର୍ । ସେଟା ପାଇ ପରମେସର୍ ଅବ୍ରାଆମ୍‌କେ ଅବ୍‌କା ତାର୍ ସପତ୍ ଇସାବେ ସେ ଆସିର୍ବାଦ୍ ଦେଇରଇଲା ।

୧୯ ତେବେ ନିୟମ୍ କାଇକେ ଦିଆଅଇଲା ? ମୁନ୍‌ସର୍ ସତ୍ ନ ଅଇବା ସବୁ କାମ୍ ଦେକାଇ ଦେବାକେ ଦିଆଅଇଲା । ଆରି ଅବ୍ରାଆମ୍ ଜନ୍ କୁଟୁମ୍ ଦେକି ପରମେସର୍ ସେ ସପତ୍ କରିରଇଲା, ସେ ଲକ୍ ଆଇବା ଜାକ ନିୟମ୍ ଦରକାର୍ ରଇଲା । ପରମେସର୍ ଗଟେକ୍ ଲକ୍‌କେ ମାଲାକାରିଆ କରାଇ ସରଗର୍ ଦୁଡ଼ମନ୍ ଆତେ ନିୟମ୍ ପାଟାଇରଇଲା । ୨୦ ମାତର୍ ଅବ୍ରାଆମ୍‌କେ ସପତ୍ ଦେଲା ବେଲେ ମାଲାକାରିଆମ୍ ନ ରଇଲା । ପରମେସର୍ ନିଜେସେ ସପତ୍ କରିରଇଲା ।

ନିୟମ୍ ଆଦେସ୍

୨୧ ନିୟମ୍ କାଇ ପରମେସର୍ ସପତ୍ ବିରଦ୍ କଲାନି କି ? ନାଇ କେବେ ନାଇ ! କାଇକେବଇଲେ ଲକ୍‌କେ ଜିବନ୍ ଦେଲାପାଟା ଗଟେକ୍ ନିୟମ୍ କରା ଅଇତା, ତେବେ ସେଟା ମାନ୍‌ଲେସିରି ସେ ପରମେସର୍ ମୁଆଟେ ଦସ୍ ନ କଲାଲକ୍ ବଲାଇ ଅଇତା । ୨୨ ମାତର୍ ଦରମ୍ ସାସ୍ତରେ ଲେକା ଆଟେ, ସବୁ ମୁନ୍‌ସ୍ ଜାତି ପାପର୍ ତଲେ ଆଟତ୍, ସେଟା ପାଇ କିରିସ୍ ବିସ୍‌ବାସିମନ୍, ଜିସୁ କିରିସ୍‌ଟେତେଇ ବିସ୍‌ବାସ୍ କଲାର୍ ପାଇ ସପତର୍, ଆସିର୍ବାଦ୍ ପାଇବାଇ ।

୨୩ ବିସ୍‌ବାସର୍ ଜୁଗ୍ ଆଇବା ଆଗତୁ ଆରି ଦେକାଇଅଇବା ଜାକ, ନିୟମ୍ ଆମ୍‌କେ ବନ୍ଦି କରି ରକିରଇଲା । ୨୪ କିରିସ୍‌ଟର୍ ଆଇବା ଜାକ ଆମେ ନିୟମ୍ ତଲେ ରଇଲୁ । ମାତର୍ ତାର୍ ପଟେ, କାଲି ବିସ୍‌ବାସେଅନି ଆମେ ପରମେସର୍ ମୁଆଟେ ଦସି ନଇଲା ଲକ୍ ବଲାଇ ଅଇବୁ । ୨୫ ଏବେ ବିସ୍‌ବାସର୍ ଜୁଗ୍ କେଟିଆଟେ, ଆମେ ଆରି ନିୟମ୍ ତଲେ ନାଇ ।

୨୬ ବିସ୍‌ବାସ୍ କଲାକେ କିରିସ୍‌ଟ୍ ଜିସୁର୍ ସଙ୍ଗ୍ ମିସିକରି, ଆମେ ସବୁ ପରମେସର୍ ପିଲାଟକି ଅଇଆତୁ । ୨୭ ଆମେ ତୁବନ୍ ନେଇକରି କିରିସ୍‌ଟର୍ ସଙ୍ଗ୍ ଗଟେକ୍ ଅଇଆତୁ ଆରି ଏବେ ଜିସୁ କିରିସ୍‌ଟର୍ ଜିବନ୍ ରୁପର୍ ବସତର୍ ପିନ୍ଦି ଆତୁ । ୨୮ ସେଟା ପାଇ ଜିଉଦି ଆରି ଜିଉଦିନଇଲା ଲକ୍, ଗେନାଅଇଲା ଗତିଦାଙ୍ଗତାଦାଙ୍ଗତି କି ମୁକ୍‌ଲାଇଲା ଲକ୍, ମୁନ୍‌ସ୍ କି ମାଇଜି ବିଡ୍‌ରେ, କାଇଟା ମିସା ବିନ୍ ନାଇ । ଆମେ ସବୁ ଲକ୍ ଜିସୁର୍ ସଙ୍ଗ୍ ମିସିକରି ଗଟେକ୍ ଅଇଆତୁ । ୨୯ *ଜଦି ତମେ କିରିସ୍‌ଟର୍ ଲକ୍, ତେବେ ତମେ ମିସା ଅବ୍ରାଆମ୍ କୁଟୁମ୍ ଆରି ପରମେସର୍ ଜାଇଟା ସପତ୍ କଲାଆଟେ, ସେଟା ମିଲାଇସା ।

୪

୧ କାତା ଇସାବେ କଇଅଇସି । ପିଲା ବାବାର୍ ସବୁ ଦନ୍‌ସ୍‌ମ୍‌ପତି ପାଇବାର୍ ଅଦିକାର୍ ଆଟେ, ମାତର୍ ସବୁ ଜାକ ତାର୍ ଅଇରଇଲା ପଟେ ମିସା, ବୟସ୍ ନ ଅଇବା ଜାକ ସେ ଗତିଦାଙ୍ଗତା ଇସାବେ ଲେକା ଅଇସି । ୨ ବୟସ୍ ନ ଅଇବା ଜାକ, ତାର୍ ବାବା ଟିକ୍ କର୍‌ବା ବେଲା ନ ଅଇବା ଜାକ, ବିନ୍ ଲକ୍‌ମନ୍ ତାକେ ଜତନ୍ କରାଇ ଆରି ତାର୍ ସବୁ ବିସଇ ଦେକାରକା କର୍‌ବାଇ । ୩ ସେନ୍ତାରିସେ ଆମେ ମିସା ଆଡ଼ମ୍‌କ୍ ଇସାବେ ବୟସ୍ ନ ଅଇବା ଆଗତୁ, ଜଗତ୍‌କେ ସାସନ୍ କର୍‌ବା ନିଅମ୍, ଆରି ରିତିନିତି ଗତିଦାଙ୍ଗତା ଅଇ ରଇଲୁ । ୪ ସାରାରି ଜେତେବଲ୍ ସମନ୍ ବେଲା କେଟ୍‌ଲା, ପରମେସର୍ ତାର୍ ନିଜର୍ ପଅକେ ପାଟାଇଲା । ଗଟେକ୍ ମାମୁଲି ଟକିର୍ ଗର୍‌ବେଅନି ଜାଡ୍ ଅଇକରି ସେ ଜିଉଦି ନିଅମ୍ ମାନିକରି ଜିଇଲାଇ କାଇଲାଇ । ୫ *ଜେନ୍ତ୍ରିକି ଦରକାର୍ ରଇଲା ମୁଲିଅ ଦେଇ, ନିଅମ୍ ବନ୍ଦନେଅନି ଲକ୍‌ମନ୍‌କେ ମୁକ୍‌ଲାଇବାକେ ଆରି ସେମନ୍‌କେ ପରମେସର୍ ପିଲାଜିଲା ଅଇବାକେ ବେଲା ଟିକ୍ କର୍‌ବାକେ, ତାର୍ ଜିବନ୍‌ର୍ ଆଦେସ୍ ରଇଲା ।

୬ ତମେମନ୍ ଜେ ପରମେସର୍ ପିଲାଜିଲା, ଏଟା ଦେକାଇ ଦେବାକେ, ପରମେସର୍ ତାର୍ ପଅର୍ ଆଡ଼ମ୍ ଆମ୍‌ର୍ ମନ୍ ବିଡ୍‌ରେ ପାଟାଇଲା ଆଟେ । ସେ ଆଡ଼ମ୍ ଆଉଲିଅଇ କଇଲାନି, “ବାବା ! ଏ ମର୍

* ୩:୧୮ ୩:୧୮ ରମିୟ ୪:୧୪ * ୩:୨୯ ୩:୨୯ ରମିୟ ୪:୧୩ * ୪:୫ ୪:୫ ରମିୟ ୮:୧୫-୧୭

ବାବା !” ୭ ସେତାବଦ୍ ପାଇ ତମେ ଆରି ବିକିଅଇରଇବା ଗତିଦାଙ୍ଗତା ନୁଆସ୍, ମାତର୍ ପିଲାମନ୍ । ତମେ ତାବ୍ ପିଲାଜିଲା ଅଇଲାବ୍ ଲାଗି, ପରମେସର୍ ତାବ୍ ପିଲାଟକିମନର୍ପାଇ ଜାଇଟା ସଙ୍ଗଇଲା ଆଟେ, ସେଟା ସବୁ ତମ୍‌କେ ଦାନ୍ କରିଦେଇସି ।

ଗାଳାତିଅମନର୍ ପାଇ ପାଉଲର୍ ଚିନ୍ତା

୮ ଆଗରୁ ତମେମନ୍ ପରମେସର୍‌କେ ଜାନି ନ ରଇଲାସ୍, ସେଟାବ୍ ପାଇ ତମେ ମିର୍ ଦେବିଦେବ୍‌ତାମନର୍ ଗତି ଅଇରଇଲାସ୍ । ୯ ମାତର୍ ଏବେ ତମେ ପରମେସର୍‌କେ ଜାନିଆଟାସ୍, ନଇଲେ ମୁଇ କଇବି ପରମେସର୍ ତମ୍‌କେ ଜାନିଆଟେ । ତେବେ ଏଟା କେନ୍ତ୍ର ଅଇପାରେ ଜେ, ତମ୍‌କେ ରକିଆ କରିନାପାରି, ବସ୍ତୁ ନ ରଇ ନସିଜିବା ଦେବ୍‌ତାମନର୍ ଲଗେ ଆରି ତରେକ୍ ବାଉଡି ଜିବାକେ ମନ୍ କଲାସିନ୍ ? ତମେ କାଇକେ ଆରି ତରେକ୍ ସେମନର୍ ଗତିଦାଙ୍ଗତା ଅଇବାକେ ମନ୍ କଲାସିନ୍ ? ୧୦ ଦୁକର୍ କାତା, ତମେ କେତେଟା ଦିନ୍, ମାସ୍, ପାଗ୍ ଆରି ବରସ୍‌କେ ବେସି ମନ୍‌ଦିଆନ୍ ଦେଲାସିନ୍ । ୧୧ ମୁଇ ତମର୍ ପାଇ ବେସି ଚିନ୍ତା କଲିନ୍ । ତମର୍‌ପାଇ ମର୍ ସବୁ କାମ୍ ବେକାବ୍ ଅଇଲା କି ?

୧୨ ବାଇମନ୍, ମୁଇ ତମ୍‌କେ ଜୁଆର୍ କରି କଇଲିନ୍, ମୁଇ ଜେନ୍ତାବ୍ କଇଲିନ୍, ସେନ୍ତାରି ଜିଆ । ମୁଇ ଜିଉଦି ଅଇଲେ ମିସା ତମର୍‌ପାରା ଜିଉଦି ନଇଲା ଲକ୍ ପାରା ଅଇକରି, ମସାବ୍ ନିୟମେଅନି ମୁକ୍‌ଲିଆତି । ଆରି ତମେ ମକେ କାଇମିସା ଅନିଆଇ କରାସ୍ ନାଇ । ୧୩ ମୁଇ ପରତୁମ୍ ତର୍ କାଇକେ ତମର୍ ସଙ୍ଗ୍ ରଇଲି, ସେଟା ଏତାଆ । ସେତୁକି ବେଲେ ମକେ ଜର୍‌ଅଇରଲାକେ ତମ୍‌କେ ସୁବ୍‌କବର୍ ଜାନାଇରଇଲି । ୧୪ ମାତର୍ ମର୍ ଗାଗଡ୍ ନିକ ନ ରଇଲାବ୍‌ପାଇ ତମ୍‌କେ ବେସି ଅସୁବିଦା ଅଇଲା । ଅଇଲେମିସା ତମେ ମକେ ଏଲା କରାସ୍ ନାଇ କି ଗାଡି ଦିଆସ୍ ନାଇ, ମାତର୍ ମକେ ଗଟେକ୍ ସରଗର୍ ଦୁବ୍‌ପାରା ତାକି ରଇଲାସ୍ । କିରିସର୍ ଜିସୁକେ ଜେନ୍ତ୍ର ତମେ ତାକ୍‌ତାସ୍, ସେନ୍ତ୍ର ମକେ ମିସା ତାକ୍‌ଲାସ୍ । ୧୫ ସେବେଲା ତମେ କେତେକ୍ ସାରଦା ରଇଲାସ୍ ! ମାତର୍ ଏବେ ଆମର୍ ବିତ୍‌ରେ ରଇବା ସେ ସାରଦା କେନେ ଗାଲା ? ତମର୍ ବିସଇ ମୁଇ ତାବ୍‌ସଙ୍ଗ୍ କଇଲିନ୍ ଜେ, ଜଦି ଅଇପାର୍‌ତା ଆଲେ, ତମର୍ ନିଜର୍ ନିଜର୍ ଆଁକି ବେଟି ଆନି ମକେ ଦେଇତାସ୍ ! ୧୬ ମାତର୍ ମୁଇ ଏବେ ସତ୍ କଇଲାବ୍ ପାଇ, କାଇ ତମର୍ ସତ୍‌ରୁ ଅଇଗାଲି ଆଟି କି ?

୧୭ ସେ ବିନ୍ ଲକ୍‌ମନ୍ ତମର୍ ବାଟେ ବେସି ଦିଆନ୍ ଦେଲାଜନି । ମାତର୍ ସେମନର୍ ଦିଆନ୍ ଦେବାଟା ସତ୍ ଇସାବେ ନାଇ । ସେମନ୍ ଏଟା ମନ୍ କଲାଜନି, ଜେନ୍ତ୍ରକି ମର୍‌ବାଟେଅନି ତମ୍‌କେ ବିନେ କଲେ, ତମେ ତାକର୍‌ବାଟେ ମନ୍ କରାସା । ୧୮ ବିନ୍ ଲକ୍‌ମନ୍ ତମର୍ ବାଟେ ବେସି ଦିଆନ୍ କର୍‌ବାଟା ନିକ ବିସଇ । ମୁଇ ରଇଲା ବେଲେ କି ନ ରଇଲା ବେଲେ ସେମନ୍ ତମର୍‌ଟାଣେ ଦିଆନ୍ ଦେବାଟା ନିକ ବିସଇ, ମାତର୍ ତାକର୍ ଦିଆନ୍ ଦେବାଟା ଟିକ୍ ରଇବାଟେ ଆଟେ । ୧୯ ଏ ମର୍ ଆଲାଦର୍ ପିଲାମନ୍, ତମର୍ ବିତ୍‌ରେ କିରିସର୍‌ ପାରା ଚଲାଚଲ୍‌ତି ଅଇ ଅଇବାକେ, ମୁଇ ଆରିତରେକ୍ ଆଡ୍‌ଗଡ୍ ସୁକ୍ ଅଇବା ପାରା ଦୁକ୍‌କସର୍ ପାଇଲିନ୍ । ୨୦ ଜେନ୍ତ୍ରାରିକି ମୁଇ ଏବେ ତମର୍ ଲଗେ ରଇକରି ଦାକାପୁକା ନ କରି, ବିନ୍ ଇସାବେ କାତା ଅଇବାକେ ମନ୍ କଲିନ୍ । କାଇକେବଇଲେ ମୁଇ ତମର୍ ବିସଇନେଇ ବେସି ଚିନ୍ତା କଲିନ୍ ।

ଆଗାବ୍ ଆରି ସାରାବ୍ ବିସଇନେଇ କଇବାଟା

୨୧ ମସାବ୍ ରିତିନିତିର୍ ତଲେସେ ରଇବାକେ ତମେ ମନ୍ କଲାସିନ୍ କି ? ମକେ କଇଦେକାପନି, ତମେ କାଇ ରିତିନିତିଟାମନର୍ ବାକିଅ ସୁନାସ୍ ନାଇ କି ? ୨୨ ଅବ୍‌ରାଆମକେ ଦୁଇଟା ପଅ ରଇଲାଇ । ଗଟେକ୍ ତାବ୍ ଗରେ ପାଇଟି କରବା କୁଲିଆର୍‌ନିର୍‌ଟା, ଆରି ଗଟେକ୍ ତାବ୍ ନିଜର୍ ବିବାଇ ମାଇଜିର୍‌ଟା । କାଇକେବଇଲେ ଲେକା ଆଟେ, ୨୩ ଜନ୍‌ଟା କୁଲିଆର୍‌ନିର୍‌ ପଅ, ସେ ମୁନୁସର୍ ମନ୍ କଲା ଇସାବେ ଜନମ୍ ଅଇଲା । ଜନ୍‌ଟା ବିବାଇ ମାଇଜିର୍‌ଟା, ପର୍‌ମେସର୍ କରିରଇବା ସପ୍‌ତ୍ ଇସାବେ ଜାଡ୍ ଅଇଲାଟା । ୨୪ ଏ କାତା ଗଟେକ୍ ଜର୍‌କା ଇସାବେ ଆଟେ । କାଇକେବଇଲେ ଦୁଇଟା ମାଇଜି ଦୁଇଟା ରାଜିନାମା ପାରା । ଗଟେକ୍ ରାଜିନାମା ଆରାବ୍ ଦେସେ ରଇବା ସିନଅ ପର୍‌ବତ୍ ଉପ୍‌ରେ ପର୍‌ମେସର୍ ମସାକେ ଦେଇରଇବା ନିୟମ୍ । ଏ ରାଜିନାମା ଆଗାବ୍‌କେ ସମାନ୍ କରି ଅଇସି । କାଇକେବଇଲେ ଆଗାବ୍ ଆରି ତାବ୍ ପିଲାମନ୍ ଗତି ଅଇରଇଲାଇ । ସମାନ୍ ସେନ୍ତାରିସେ ଏ ରାଜିନାମାବ୍ ପିଲାମନ୍ ସବୁଲକ୍ ଗତିଦାଙ୍ଗତା । ୨୫ ଆଗାବ୍‌କେ ଆରବର୍ ସିନଅ ପର୍‌ବତ୍ ସଙ୍ଗ୍ ସମାନ୍ କରିଅଇସି, କନ୍ତ୍ରଅନି ନିୟମ୍ ଆଇଲାଆଟେ । ତାକେ ଏବର୍ ଜିରୁସାଲାମ୍ ସଅର୍‌କେ ମିସା ସମାନ୍ କରିଅଇସି । କାଇକେବଇଲେ, ଜିରୁସାଲାମେ ରଇବା ଜିଉଦିମନ୍ ମସାବ୍ ନିୟମ୍ ବିସବାସ୍ କଲାଜନି । ସେ ନିୟମ୍ ବିସବାସ୍ କରି ନିୟମର୍ ଗତିଦାଙ୍ଗତା ଅଇଆଟଡ୍ ।

୨୬ ମାତ୍ର ଅବରାଆମର୍ ବିବାଇ ମାଇଜି ଜେ କି ଗତିଦାଙ୍ଗ୍ତା ନଏଁ, ତାକେ ସରଗର୍ ଜିରୁସାଲାମକେ ସମାନ କରିଅଇସି । ସେ ଆମେ ବିସବାସ କରବା ସବୁ ଲକର୍ ମାଆ । ୨୭ ଜେନ୍ତାରିକି ସାସ୍ତରେ ଲେକାଅଇଆଟେ,

“ ଅଇରେ ବାଞ୍ଜି ମାଇଜି, ତୁଇ ସାର୍ଦା ଅ,
କେବେମିସା ପିଲାଜିଲା ପାଇବା ଦୁକାସୁକା

ଦାରାଇ ଅଇବାଟା ନାଜାନିରଇଲେ ମିସା
ଆଉଲି ଅଇ ତର୍ ସାର୍ଦା ସବୁକେ ଜାନାଇଦେସ୍ । କାଇକେବଇଲେ ମୁନୁସ୍ ସଙ୍ଗ୍
ବାସା ଅଇରଇବା ମାଇଜିର୍ ଗାନେଅନି ଗଟେକ୍ ତାଡ୍ରି
ମାଇଜିର୍ ପିଲାଜିଲା ଅଦିକ୍ ଅଇସି । ”

୨୮ ଏ ବାଇବଇନିମନ୍ ତମେ ଇସାକର୍ ପାରା ପର୍ମେସର୍ ସପଡ୍ କରି ପାଗାଇରଇବା ପିଲାଜିଲା ଅଇଗାଲାସ୍ । ୨୯ ସେବେଲେ ଅବରାଆମର୍ ପିଲା ଜେ କି ଗାଗତର୍ ଇସାବେ ଜନମ୍ ଅଇରଇଲା, ତାର୍ ସାନ୍ ବାଇକେ ସାଦ୍ବାଦ୍ କଲା । ଜେ କି ପର୍ମେସରର୍ ଆଡ୍ମା ଇସାବେ ଜନମ୍ ଅଇଲା । ସେଟା ଏବେ ମିସା ଅଇଲାନି । ୩୦ ମାତ୍ର ଏ ବିସଇନେଇ ସାସ୍ତର୍ କାଇଟା କଇଲାନି ? ତେଇ ଲେକାଅଇଆଟେ, କୁଲିଆର୍ନି ଆରି ତାର୍ ପଅକେ ବାର୍ତ୍ତରାଇ ଦିଆସ୍ । କାଇକେବଇଲେ କୁଲିଆର୍ନିର୍ ପଅ ବିବାଇ ମାଇଜିର୍ ପଅର୍ ସଙ୍ଗ୍ ବାବାର୍ ଦନ୍ ସପଡି ପାଇନାପାରେ । ୩୧ ତେବେ ଏ ମର୍ ବାଇବଇନିମନ୍ ଆମେ କୁଲିଆର୍ନିର୍ ପିଲାଜିଲା ନଉଁ, ବିବାଇ ମାଇଜିର୍ ପିଲାଜିଲା ।



ତମର୍ ମୁକଲ୍ଲାଟା ଜତନ୍ କରା

୧ ଏବେ ଆମେ ବାନ୍ଦନେଅନି ମୁକଲିଆରୁ । ଆମକେ କିରିସଟ୍ ବାନ୍ଦନେଅନି ମୁକଲାଇଆଟେ । ସେଟାର୍ ପାଇ ଆମେ ବାନ୍ଦନ୍ କୁସଲାଇ ତାଟ୍ ସଙ୍ଗ୍ ରଉଁ । ଆରି ତରେକ୍ ଗତିଦାଙ୍ଗ୍ତା ବାନ୍ଦନେ ବାନ୍ଦିଅଇବାକେ ନ ଦେଉ ।

୨ ମୁଇ ପାଉଲ୍ ଏବେ କଇଲିନି ସୁନା, ତମେ ଜଦି ପର୍ମେସରର୍ ମୁଆଟେ ଦରମ୍ ଅଇବାକେ ସୁନତ୍ ଅଇବା ରିତିନିତି ମାନ୍ଲାସିନି, ତମକେ କିରିସଟ୍ ଆରି ଲତାନାଇ ବଲି ତେଇଅନି ଜାନା ପଡ୍ଲାନି । ୩ ଜନ୍ ଲକ୍ ସୁନତ୍ ଅଇବାକେ ଗାଲାନି, ମୁଇ ଆରିତରେକ୍ ତାକେ ଜାଗରତ୍ କରାଇଦେଲିନି ଜେ, ମସାର୍ ନିୟମ୍ ପୁରାପୁରନ୍ ମାନ୍ବାର୍ ଆଟେ । ୪ ତମର୍ ବିତ୍ରେ ଜେଡ୍ କି ଲକ୍ ନିୟମ୍ ମାନ୍ଲାର୍ପାଇ ପର୍ମେସରର୍ ମୁଆଟେ ଦରମ୍ ଅଇବାକେ ଚେସ୍ଟା କଲାସିନି, । ତମେ କିରିସଟ୍ତେଇ ଅନି ବିନେ ଅଇଆଟାସ୍, ଆରି ପର୍ମେସରର୍ ଜିବନ୍ ଦୁକାଇଲାତେଇଅନି ବାଇରେ ଆଟାସ୍ । ୫ ମାତ୍ର ଆମେ ଆସାକଲୁନି ଜେ, ପରମେସର୍ ଆମକେ ତାର୍ ବିଟାର୍ ଇସାବେ ଦସ୍ ନଇଲା ଲକ୍ ବଲି କଇସି, ଜନ୍ ସୁକଲ୍ ଆଡ୍ମାର୍ ବପୁ ବିସବାସର୍ ଲାଗି ଆମର୍ ବିତ୍ରେ କାମ୍ କଲାନି, ସେ ବପୁର୍ ଲାଗି ସେଟା ଅଇସିବଲି ଆମେ ଜାଗଲୁନି । ୬ କାଇକେବଇଲେ ଜିସୁ କିରିସଟ୍ଟର୍ ସଙ୍ଗ୍ ମିସିକରି ଜିଇଲେ କାଇଲେ, ସୁନତ୍ ଅଇବାଟା କି ସୁନତ୍ ନ ଅଇବାଟା କାଇଟା ମିସା ନାଇ । ଏକାଇ ଗଟେକ୍ସେ ଦର୍କାର୍ ରଇଲା ବିସଇ । ସେଟା ଅଇଲାନି, ବିସବାସେ ତାଟ୍ ରଇ ଆଲାଦ୍ ସଙ୍ଗ୍ ଦାଇତେ ରଇବା କାମ୍ କରବାର୍ ।

୭ ତମେ ନିମାନ୍ ସଙ୍ଗ୍ ଆଗକେ ଜାଇତେ ରଇଲାସ୍ ! ସଡ୍ ବାଟେ ଇଣ୍ଡୁଲା ବେଲେ, କେ ତମକେ ଅଟ୍ଟକାଇଲା ? କାରାପ୍ ବାଟେ ଜିବାକେ କେ ଉସକାଇଲା ? ୮ ତମକେ ତାକି ରଇଲା ପରମେସର୍ଗାନେଅନି ଏଟା ଅଏନାଇ । ୯ କାତାଇ ଆଟେ, ତକ୍ଟି ରଇବା ସବୁ ଅଟାଗୁଣ୍ଡ ପୁଲାଇବାକେ କଣ୍ଡେକ୍ସେ କମିର୍ ଲତା । ୧୦ ସେଟା ଜାଇଟା ଅଇଲେ ମିସା ଅଅଟେ, ଏବେ ଜାକ ମର୍ ତମର୍ ଉପରେ ଆସାବରସା ଆଟେ । କାଇକେ ବଇଲେ ଆମେ ସବୁ ଲକ୍ ମାପୁରର୍ ସଙ୍ଗ୍ ମିସି ଆରୁ । ମୁଇ ବିସବାସ୍ କଲିନି, ତମେ ମର୍ ସିକିଆ ବିରଦ୍ ନ କରାସ୍ । ଆରି ଜନ୍ ଲକ୍ ତମକେ କଟପଟ କଲାଜିନି, ସେ ଜେ ଅଇରଇଲେ ମିସା, ତାକେ ପର୍ମେସର୍ ତଣ୍ଡ ଦେଇସି ।

୧୧ ମାତ୍ର ଏ ବାଇବଇନିମନ୍, ମୁଇ ଆଜିକେଜାକ ଜିଉଦି ନ ଅଇଲା ଲକ୍ମାନ୍ ବିସବାସ୍ କଲେ ମିସା, ସୁନତ୍ କରବାର୍ ଆଟେ ଆକା ବଲି ସିକାଇଲିନି ପନି । ମୁଇ ଏନ୍ତାରି ସିକାଇଲିନି ବଲି, କେତେକ୍ ଲକ୍ମାନ୍ କଇବୁଲୁଲାଇନି । ସେନ୍ତାଟ୍ ଆଲେ ମୁଇ ଏବେ ମିସା କାଇକେ ନିୟା ପାଇଲିନି ? ତେବେ ମୁଇ କିରିସଟ୍ଟର୍ କୁରୁସ୍ ବିସଇ ଜାନାଇବାଟା ସୁନିକରି ଜିଉଦିଲକ୍ମାନ୍ ରିସା ନ ଅଇତାଇ । ୧୨ ମୁଇ ମନ୍ କଲିନି, ଏ

* ୫:୧ ୫:୧୯ କରନ୍ତ୍ରୟ ୫:୬

ବିସଇନେଇ ଜେ ଜେ ତମକେ କଟପଟ କଲାଇନି, ସେମନ୍ ଆରି ଅଲପ୍ ଆଗକେ ଜାଅଡ଼ । ଉଜେ ସୁନଡ଼ ନ ଅଇ ସେମନର୍ ଲିଙ୍ଗ୍ ପୁରାପୁରନ୍ କାଟି ଦେଅଡ଼ !

୧୩ ଏ ବାଇବଇନିମନ୍, ନିୟମର୍ ତଣ୍ଡେଅନି ମୁକ୍ତଲାଇ ଅଇବାକେ ପର୍ଯ୍ୟେସର୍ ତମକେ ଡାକ୍ଲାଆତେ । ମାତର୍ ଜାଗରଡ଼, ଏବେ ଆରି ଗାଗତର୍ ମନ୍ କର୍ବାଟା ସବୁ ପୁରାପୁରନ୍ କରିଅଇସି ବଲି କୁଆନାଇ । ମାତର୍ ଆଲାଦେଅନି ଚଲାଚଲ୍ଲତି ଅଇ ତମର୍ ବିତ୍ତରେ ଗଟେକ ଲକ୍ ଆରି ଗଟେକ୍ ଲକ୍ ସେବା କରା । ୧୪ କାଇକେ ବଇଲେ ସବୁ ନିୟମ୍ ଏ ଗଟେକ୍ ବାକିଅତେଇ ସିଦ୍ ଅଇସି, ତମେ ନିଜ୍ଜକେ ଆଲାଦ୍ କଲାପାରା ବିନ୍ ଲକ୍କେ ଆଲାଦ୍ କରା । ୧୫ ମାତର୍ ତମେ ଜଦି କିରମାର ଅଇ ତମର୍ ବିତ୍ତରେ ଚାବାକାଡ଼ରା ଅଇସା, ତେବେ ଜାଗରଡ଼, ଜେନ୍ତିକି ତମର୍ ଗଟେକ୍ ଲକ୍ ଆରି ଗଟେକ୍ ଲକ୍କେ ମାରି ନସଟ ନ ଉଆ ।

ସୁକଲ୍‌ଆଡ଼ମା ଆରି ଲକ୍‌ମନର୍ ଚଲନ୍

୧୬ ମର୍ କଇବା କାତା ଅଇଲାନି, କେନ୍ତି ଚଲାଚଲ୍ଲତି କର୍ବାର୍ ସେଟା ସୁକଲ୍‌ଆଡ଼ମା ତମକେ ସିକାଅ । ସେନ୍ତି ବଇଲେ, ତମେ ଆରି ଲକ୍‌ର୍ ଚଲନ୍ ଆରି ଲାଲ୍‌ସା ବାଟେ ନ ଜାଆସ୍ । ୧୭ ଲକ୍‌ର୍ ଚଲନ୍ ସୁକଲ୍‌ଆଡ଼ମା ବିରଦି । ସେନ୍ତି ସେ ସୁକଲ୍‌ଆଡ଼ମା ମନ୍ କର୍ବାଟା, ଲକ୍‌ର୍ ଚଲନ୍ ବିରଦି । ଏମନ୍ ଗଟେକ୍ ଲକ୍ ଆରି ଗଟେକ୍ ଲକ୍‌ର୍ ସତ୍ତୁ । ସେଟାର୍ ପାଇ ତମେ କାଇଟା କର୍ବାକେ ମନ୍ କଲାସ୍‌ନି ସେଟା କରି ନାପାରାସ୍ । ୧୮ ଜଦି ସୁକଲ୍‌ଆଡ଼ମା ତମକେ ଚାଲ୍‌ନା ଦେଇସି, ତେବେ ତମେ ଆରି ମସାଡ଼ ନିୟମର୍ ତଲେ ନାଇ ।

୧୯ ଗାଗତର୍ କାମ୍‌ମନ୍ ତା ନିକ ସଙ୍ଗ୍ ଜାନା ପଡ଼ଲାନି, ବେସିଆ କାମ୍ କର୍ବାଟା, ସୁକଲ୍ ନଇଲାଟା, ୨୦ କାରାପ୍ ଛାସାବେ ଦେକ୍‌ବାଟା, ପୁଡ଼ଲାପୁଜା କର୍ବାଟା, ଜାଦୁବିଦିଆ କର୍ବାଟା, ଲାଗାଜଡା କରି ସତ୍ତୁ ଅଇବାଟା, ଆଁକାର୍ ଅଇବାଟା, ରିସା ଅଇବାଟା, କାମ୍ ଅଇଲାପଟେ ପାଟାରି ନ ଦେକ୍‌ବାଟା, ଦଲ୍‌ବିରଦି ଅଇବାଟା, କିରମା ଅଇବାଟା, ୨୧ ଛାଁସାତଲା ଅଇବାଟା, ମାଡୁଆଲ୍ ଅଇବାଟା, ମଜାମଜଲିସ୍ ଅଇବାଟା, ଏ ସବୁ କାମ୍‌ମନ୍ ମୁଜ୍ ଆଗତୁ ଜେନ୍ତି ତମକେ କଇରଇଲି, ସେଟାର୍ ପାଇ ଆରିତରେକ୍ କଇଦେଲିନି ଜେ, ଜନ୍ ଲକ୍‌ମନ୍ ଏନ୍ତାରି କାମ୍ କର୍ବାଇ, ସେମନ୍ ପରମେସରର୍ ରାଇଜେ ପୁର୍ବା ଅଦିକାର ପାଇ ନାପାରଡ଼ ।

୨୨ ମାତର୍ ଆଡ଼ମା ପଲ୍ ଅଇଲାନି, ଆଲାଦ୍ କରାକରି ଅଇବାଟା, ସାର୍‌ଦାସଙ୍ଗ୍ ରଇବାଟା, ସାନ୍ତିସଙ୍ଗ୍ ରଇବାଟା, ମୁର୍ଚିକରି ରଇବାଟା, ବିନ୍‌ଲକ୍‌କେ ଉପକାର୍ କର୍ବାଟା, ନିମାନ୍ ଚଲାଚଲ୍ଲତି କର୍ବାଟା, ବିସ୍‌ବାସେ କାମ୍‌କର୍ବାଟା, ସଲ୍‌ଦ୍ ଅଇବାଟା, ଆଡ଼ମାଲ୍ ସାଆସ୍ ଦାରି ଚଲାଚଲ୍ଲତି କର୍ବାଟା, ୨୩ ଏ ସବୁର୍ ଚଲନ୍ ମାନ୍‌ବା ଲକ୍ ନିୟମର୍ ବିରୁଦେ କାଇଟା ନ କରେ । ୨୪ ଜନ୍ ଲକ୍‌ମନ୍ କିରିସଟ୍ ଜିସୁର୍, ସେମନ୍ ଡାକ୍‌ର୍ ଗାଗଡ଼କେ ତାର୍ ମନ୍ କର୍ବାଟା ଆରି ଆସା କର୍ବାଟା ସଙ୍ଗ୍ କୁର୍‌ସତେଇ ମରାଇ ଆଟଡ଼ । ୨୫ ଜଦି ଆମେ ସୁକଲ୍‌ଆଡ଼ମାଅନି ଜିବନ୍ ପାଇଆରୁ, ତେବେ ଆଡ଼ମା ଛାସାବେ ଚଲାଚଲ୍ଲତି କରୁ । ୨୬ ଆମେ ତୁଚାଇ ବଡ଼ପନ୍ ଅଇ ଗଟେକ୍ ଲକ୍ ଆରି ଗଟେକ୍ ଲକ୍‌କେ ରିସା ନ କରୁ ଆରି ଛାଁସା ନ କରୁ ।



ମିସିବିଡିକରି ବଜ୍ ବୁଆ

୧ ଏ ବାଇବଇନିମନ୍ ଜଦି ତମର୍ ବିତ୍ତରେ କେ କାରାପ୍ କାମ୍ କଲା ବେଲେ ଦାରାପଡ଼ଲେ, ତମର୍‌ଟାନେ ଜେ ସୁକଲ୍‌ ଆଡ଼ମାଅନି ଚାଲ୍‌ନା ପାଇଲାନି, ସେ ତାକେ ଟିକ୍ ବାଟେ ଆନ୍‌ବାର୍ ଆଟେ । ମାତର୍ ସେ ଏ କାମ୍ ସାର୍‌ଦା ଆରି ସଲ୍‌ଦସଙ୍ଗ୍ କର୍ବାଟା ଆଟେ । ଆରି ଜାଗରଡ଼, ଜେନ୍ତିକି ସେ ନିଜେ ସେନ୍ତାର୍ କାମ୍ କର୍ବାକେ ମନ୍ କର୍ବାଟା ନାଇ । ୨ ତମର୍ ତମର୍ ବିତ୍ତରେ, ଜିବନେ ଆଇବା ବଜ୍ ବିସଇ ବଇବାକେ ସାଇଜ କରାକରି ଉଆ । ଏନ୍ତାରି କଲେ ତମେ କିରିସଟ୍ ଆଦେସ୍ ମାନ୍‌ସା । ୩ ଜେ ନିଜର୍ ବିସଇନେଇ ବଡ଼ ବଲି ବାସ୍‌ସି, ସତ୍ତୁଇସେ ଦେକ୍‌ଲେ ସେ ବଡ଼ ନଏ । ସେ ନିଜେ ନାଡ଼ାଇ ଅଇଲାନି । ୪ ସବୁ ଲକ୍ ନିଜର୍ ନିଜର୍ ଚଲାଚଲ୍ଲତି ବିଚାର୍ କରି ଦେକ୍‌ବାର୍ ଆଟେ । ଜଦି ସେଟା ନିକ ଅଇରଇସି, ତେବେ ସେ ନିଜେ ସାର୍‌ଦା ଅ । ଆରି ବିନ୍ ଲକ୍‌ର୍ କାମ୍‌ସଙ୍ଗ୍ ନିଜେ କଲାଟା ସମାନ୍ ନ କର । ୫ କାଇକେ ବଇଲେ ସବୁ ଲକ୍ ନିଜର୍ ନିଜର୍ ଜିବନେ ଆଇବା ବଜ୍ ବଇବାକେ ପଡ଼ସି ।

୬ ଜନ୍ ଲକ୍‌ମନ୍ ବାକିଅଟାନେ ସିକିଆ ପାଇଲାଇନି, ସେମନ୍‌ଟାଟାନେ ଜନ୍‌ଟା ଆଟେ, ସେଟା ଡାକ୍‌ର୍ ସିକାଡ଼ମନର୍ ସଙ୍ଗ୍ ବାଟା କର୍ବାଟା ଆଟେ ।

* ୫:୧୭ ୫:୧୭ ରମିୟ ୭:୧୫-୨୩

^୭ ପରମେସ୍ୱର ନାତାଲ ନ ଅଏ, ନିଜେ ନାତାଲ ଉଆ ନାଲ । ଜେ ଜନ୍ମଟା ବୁନିରଇସି, ସେ ସମାନ୍ତଟା ଆକା କାଟ୍ସି ।^୮ ଜେ ନିଜର ଗାଗତର ଗୁନ୍ତଚଲନ୍ ଇସାବେ ବୁନ୍ସି, ସେ ଗାଗତେଅନି ବାରଇବା ମରନର୍ କେଡ୍ କାଟ୍ସି । ମାତର୍ ଜେ ଆଡ଼ମାର୍ ଇସାବେ ବୁନ୍ସି, ସେ ଆଡ଼ମାଲଅନି ବାରଇଲା ନ ସାର୍ବା ଜିବନ୍ପାରା କେଡ୍ କାଟ୍ସି ।^୯ ସେଟାର୍ ପାଇ ଆମେ ନିକ କାମ୍ କରି ଲାଗି ରଇବୁ । କାଇକେ ବଇଲେ ନ ତାକଲେ ସେ ସମାନ୍ ବେଲାଲ ପସଲ୍ ପାଇବାର୍ ଅଇସି ।^{୧୦} ସେନ୍ତ୍ର ବଇଲେ ଜେଡେକ୍ ତର୍ ବେଲା ପାଇଲୁନି, ସବୁବେଲା ସବୁରସଙ୍ଗ୍, ଜନ୍ମଲକ୍ମନ୍ ଆମର୍ ବିସ୍ବାସି କୁଟୁମେ ମିସ୍ଲାଲ ଆଚର୍, ସେମନ୍ର୍ ପାଇ ନିମାନ୍ କର୍ବାର୍ ଆମର୍ ଦାଇଡ୍ ।

ସାରାସାରି ବେଲର୍ ଜାଗର୍ଡ୍ କରାଇବା କାତା

^{୧୧} ଦେକା, କେଡେ ବଡ୍ ବଡ୍ ଅଇକର୍ସଙ୍ଗ୍ ମୁଇ ତମ୍ବକେ ଏ ଚିଚିର୍ ସାରାସାରି କାତା ମର୍ ନିଜର୍ ଆଡେ ଲେକ୍ଲିନି ।^{୧୨} ଜନ୍ ଲକ୍ମନ୍ ବାଇରର୍ ରିଡିନିତି ମାନିକରି ଡାକ୍ପୁଟା ପାଇବାକେ ମନ୍ କର୍ବାଇ, ସେମନ୍ ତମ୍ବକେ ସୁନର୍ ଅଇବାକେ ବାଦିଅ କଲାଲିନି । କିରିସର୍ କୁର୍ସର୍ ଲାଗି ସେମନ୍ ଜେନ୍ତ୍ର ସଙ୍ଗର୍ ଜିଉଦିମନ୍ କସ୍ଟ ନ ପାଇବାର୍ ଲାଗି ଏଟା କଲାଲିନି ।^{୧୩} କାଇକେ ବଇଲେ ଜନ୍ ଲକ୍ମନ୍ ସୁନର୍ ବିଦିକେ ଟିକ୍ ବଲି କଇଲାଲିନି, ସେମନ୍ ନିଜେ, ମସାର୍ ସବୁ ନିୟମ୍ ମାନର୍ ନାଲ । ଜେନ୍ତ୍ର କି ତମେ ସୁନର୍ ଅଇ ସେମନ୍ରବାଟେ ମିସ୍ଲାସ୍ । ଏଟା ନେଇକରି ବଡ୍ପନ୍ ଅଇବାଇ ।^{୧୪} ମାତର୍ ମାପରୁ ଜିସୁ କିରିସର୍ କୁରୁସ୍ ଚାଡିକରି ଆରି କାଇଡେଇ ବଡ୍ପନ୍ ଅଇବାଟା ମର୍ଟାନେଅନି ଦୁରିକେ ରଅ । କାଇକେବଇଲେ ଜଗର୍ ଜନ୍ ବିସଇର୍ ପାଇ ବେସି ଦାନ୍ଦା ଅଇଲାଲି, ସେଟା ମୁକ୍ତିସି ବିସଇ ବଲି ମୁଇ ନ ବାବି । ଆରି ଜଗର୍ ମିସା ମକେ କାଇ ମୁକ୍ତିସି ନ ଅଇଲା ଲକ୍ ପାରା ଦେକ୍ଲାଲିନି ।^{୧୫} କେ ସୁନର୍ ଅଇଲା, କେ ସୁନର୍ ଅଏନାଇ, ସେଟା କିଚି ନାଲ । ମାତର୍ ପରମେସ୍ୱର ଆମ୍ବକେ ନୁଆ ଜନମ୍ ଦେଲାଆଡେ, ସବୁର୍ଟାନେଅନି ସେଟାସେ ମୁକ୍ତିସି ବିସଇ ।^{୧୬} ଜନ୍ ଲକ୍ମନ୍ ନିଜର୍ ଜିବନେ ଏ କାତା ଦାର୍ବାଇ, ସେମନ୍ ସବୁ ଲକ୍ ଆରି ପରମେସ୍ୱରର୍ ସବୁ ଲକ୍ମନ୍ ଜିବନେ ସାନ୍ତି ଆରି ଜିବନ୍ ଦୁକାନି ପାଇବାଇ ।

^{୧୭} ସାରାସାରି ଏଡ୍ କି କଇଲିନି, ଆଜିଅନି ବୁଲ୍ ସିକିଆ ଦେଇକରି ମକେ ଆରି କେ ମିସା କସ୍ଟ ନ ଦେଅ, କାଇକେ ବଇଲେ ମୁଇ ଜିସୁର୍ ଗତିଦାଙ୍ଗ୍ଡା ବଲି ଦେକାଇବାକେ ମର୍ ଗାଗତେ ତାର୍ କଣ୍ଡିଆ ଚିନ୍ ଆଡେ ।

^{୧୮} ଏ ବାଇବଇନିମନ୍ ! ଆମର୍ ମାପରୁ ଜିସୁକିରିସର୍ ଜିବନ୍ ଦୁକାନି ତମର୍ ସବୁ ଲକ୍ ଲଗେ ରଅ । ଆମେନ୍ !

ଏପିସିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ପତ୍ର ଏପିସିୟ ମଣ୍ଡଳୀର ବିସ୍ତୃତାସନାକୁ ପାଉଲ୍ ଚିଠି ଲେଖିଲାଟା ଏ ବଇର ବିସଇ ଜାନବାଟା

ଏପିସିୟ ମଣ୍ଡଳୀର ଲକ୍ଷ୍ୟମାନଙ୍କେ ପାଉଲ୍ ଲେଖିରଇଲା ଚିଠି ପାକାପାକି ୬୦ କିରିସ୍ତାଦ ବିତ୍ତରେ ଲେଖାଅଇରଇଲା । ଏଟା କଲସିଅ ମଣ୍ଡଳୀର ଲକ୍ଷ୍ୟମାନଙ୍କେ ଲେଖିରଇଲା ବେଲେ ଲେଖା ଅଇରଇଲା । ଜେ ଏ ଚିଠି ଲେଖିଲା ଆତେ, ସେ ନିଜେ ପେରିତ୍ ପାଉଲ୍ ବଲି ଜାନାଇଅଇଲା ଆତେ ୧:୧ । କଲସିଅ ବଇଟାମେ ନିଜେ ଜାନାଇ ନ ଅଇରଇଲେ ମିସା କେତେଟା ପଣ୍ଡିତମନ୍ ଏପିସିୟ ବଇ ପାଉଲ୍ ଲେଖିଲାଆତେ ବଲି କଇବାଇ । ଏଟାରପାଇ ସବୁ ମଣ୍ଡଳୀକେ ଚିଠି ବାଟ୍‌ବା ଆଦେସ୍ ନେଇକରି ଲେଖାଅଇରଇସି କାଜକି ବଲି କଇବାଇ । ପାଉଲ୍ ଏଟା ମିସା ଜାନାଇଦେଇ ଆତେ, କି ଏ ଚିଠି ଲେଖିବା ବେଲେ ସେ ବନ୍ଦି ରଇଲା । ୩:୧;୪:୧, ୬:୨୦ । ପାଉଲ୍ ତୁକିକକେ ଏ ଚିଠି ଦେଇକରି ଏପିସିୟ ମଣ୍ଡଳୀତେଇ ପାଟାଇରଇଲା ୬:୨୧-୨୨ ।

ଏପିସିୟ ଅଇଲାନି ଏପିଆ ଦେସର୍ ଗଟେକ୍ ବଡ଼ ସଅର୍ ଆରି ରାଜ୍‌ଦାନି ରଇଲା । ଏପିସି ଗିରିକ୍ ଦେବଟା ଆର୍ତେମିର୍ ଉପାସନା କର୍ବାବେ ଆରି ମନ୍ଦିରର୍ ପାଇ ତାକ୍‌ପୁଟା ରଇଲା । ପେରିତ୍ ୯:୨୩-୩୧ । ଏପିସିୟ ମଣ୍ଡଳୀ ପର୍ତୁଗୁ ତାଟ୍ ରଇଲା, ମାତର୍ ପଟେ ପଟେ ଉନା ଉନା ଅଇଆଇଲା । ପର୍ବାସିତ ୨:୧-୬ । ପାଉଲ୍ ତାର୍ ଚିଠି ଲେଖିଲା ଅଦା ବାଗେ ପର୍ମେସର୍ ତାର୍ ଲକ୍ଷ୍ୟମାନଙ୍କେ କେନ୍ଦ୍ରି ବାଟ୍‌ଲାଆତେ ଆରି ଜିୟୁକିରିସ୍‌ଟର୍ ଲାଗି କେନ୍ଦ୍ରି ପାପେଅନି ରକିଆ କଲାଆତେ, ସେଟା ଦୁକାଇଦେଇଆତେ ।

ପାଉଲ୍ ମଣ୍ଡଳୀକେ ଗାଗଡ଼ ସମାନ୍ କରି କିରିସ୍‌ଟ ଇଡିର୍ ମୁଣ୍ଡ ଆରି କନର୍ ମୁଲ୍‌ଡେଲି ବଲି କଇଆତେ, ଜନ୍‌ଟାକି ସଙ୍ଗ ମିସିକରି ବଡ଼ ଅଦିକ୍ ଅଦିକ୍ ଅଇଲାନି । ପାଉଲ୍ ଚିଠିଟାମେ ଅଦାବାଗ୍ ବିସ୍ତୃତାସନାକୁ ଜିବନ୍ କେନ୍ଦ୍ରି ରଇବାର୍, ସେ ବିସଇ ଆଦେସ୍ ଦେଲାଆତେ ।

ଏ ବଇ ବିତ୍ତରେ ରଇବାଟା

- ୧. ପାଉଲ୍ ଜୁଆର୍ କରି ନିଜେ ଜାନାଇଅଇଆତେ । ୧:୧-୭
- ୨. କିରିସ୍‌ଟର୍ ସଙ୍ଗ ମଣ୍ଡଳୀର ମିସାବିତା ଅଇବାଟା । ୧:୩-୩:୨୧
- ୩. ବିସ୍ତୃତାସନା ଜିବନ୍ କେନ୍ଦ୍ରି ବିତାଇବାର୍ । ୪:୧-୬:୨୦
- ୪. ପାଉଲ୍ ସାରାସାରି ଜୁଆର୍ ଜାନାଇବାଟା । ୬:୨୧-୨୪

୧* ମୁଇ ପାଉଲ୍ ପର୍ମେସରର୍ ମନ୍ କଲା ଇସାବେ କିରିସ୍‌ଟ ଜିୟୁର୍ ଗଟେକ୍ ପେରିତ୍ ସିସ୍ ଅଇ ବାଟି ଅଇଆଟି ।

ଜିୟୁ କିରିସ୍‌ଟର୍ ସଙ୍ଗ ମିସିକରି ବିସ୍ତୃତାସନା ଜିଉନା କାଉନା କର୍ତେ ରଇବା ଏପିସିୟର୍ ବିସ୍ତୃତାସନାକୁ ଲାଗେ ଏ ଚିଠି ଲେଖିଲିନି ।

୨ ଆମର୍ ବାବା ପର୍ମେସର୍ ଆରି ମାପୁରୁ ଜିୟୁକିରିସ୍‌ଟ ତମକେ ସବୁଲକ୍‌କେ ଜିବନ୍ ଦୁକାଇକରି ସାନ୍ତି ଦେଅ ।

ଆଡ଼ମାର୍ ଆସିରବାଦ୍

୩ ଆମର୍ ମାପୁରୁ ଜିୟୁ କିରିସ୍‌ଟର୍ ବାବା ପର୍ମେସର୍ ଦନିଅବାଦ୍ ପାଅ । କାଜକେ ବଇଲେ ସେ ଆମ୍‌କେ କିରିସ୍‌ଟର୍ ସଙ୍ଗ ମିସାଇକରି ସର୍ଗେ ରଇବା ସବୁଜାକ ଆଡ଼ମାଇଅନି ମିଲାଇବା ଆସିରବାଦ୍ ଦେଇଆତେ । ୪ କିରିସ୍‌ଟର୍ ସଙ୍ଗ ମିସିରଇକରି ଆମେ ଜେନ୍ଦ୍ରି ପର୍ମେସରର୍ ଅଇବୁ, ସେଟାର୍‌ପାଇ ସେ ଆମ୍‌କେ ଜଗଡ଼ ତିଆର୍ ନ ଅଇବା ଆଗତୁ ବାଟି ରଇଲା ।

ଜେନ୍ଦ୍ରିକି ସୁକଲ୍ ଆରି କାଜ ଦସ୍ ନ ଅଇତେ ତାର୍ ମୁଆଟେ ଚିଆଅଇବୁ । ୫ ତାର୍ ଆଲାଦର୍ ଲାଗି, ଜିୟୁ କିରିସ୍‌ଟର୍ ସଙ୍ଗ ସେ ଆମ୍‌କେ ତାର୍ ନିଜର୍ ପଅଜି ପାରା କର୍ବାବେ ବାଟିଆତେ । ଏଟାସେ ତାର୍ ଆଦେସ୍ ଆରି ସାର୍‌ଦା । ୬ ଜେନ୍ଦ୍ରିକି ତାର୍ ବଡ଼ ଜିବନ୍ ଦୁକାନିର୍ ଲାଗି ଆମେ ତାକେ ତାକ୍‌ପୁଟା କରୁ । ତାର୍ ଆଲାଦର୍ ପଅ କରି ରଇଲା କାମର୍ ଲାଗି, ଇନାମେ ତାର୍ ଜିବନ୍ ଦୁକାଇଲାଟା ସେ ଆମ୍‌କେ ଦେଲା ଆତେ । ୭* କିରିସ୍‌ଟ ବନି ଜରାଇ ମଲାଟ୍‌ପାଇ ଆମେ ମୁକ୍ତି ପାଇଆର୍ ଆରି ଆମର୍ ସବୁଜାକ ପାପ୍ କେମା ଅଇଲା ଆତେ । ପର୍ମେସର୍ ଜିବନ୍ ଦୁକାଇଲାଟା କେତେ ବଡ଼ ବିସଇ !

* ୧:୧ ୧:୧ ପେରିତ୍ ୧୮:୧୯-୨୧:୧୯:୧ * ୧:୭ ୧:୭ କଲସିଅ ୧:୧୪

୮ ସେଟା ସେ ଆମ୍ଭଙ୍କେ ନ ସାରାଇତେ ଦେଇଆଚେ । ସବୁ ଗିଆନ୍ ଆରି ବୁଦ୍ଧବା ବପୁ ସଙ୍ଗେ ମିସା ଦେଲା ଆଚେ । ୯ ଆଗରୁ ଆମେ ଜାନି ନ ରଇଲା ତାରୁ ଜଜ୍ଜନାରୁ ଟିକିନିକି ବିସଇ, ସେ ଆମ୍ଭଙ୍କେ ଜାନାଇ ଆଚେ । ସେଟା ଜିସୁ କିରିସ୍ତର୍ ଦେଇ ସେ ପୁରାପୁରୁନ୍ କଲାଆଚେ, କାଇକେ ବଇଲେ ଏଟା ତାକେ ସାର୍ଦା କଲା ।

୧୦ ସରଗେ ଆରି ଜଗତେ ତିଆର୍ ଅଇରଇବା ସବୁ ବିସଇ ଗଟେକ୍ଟାଣେ ଆନ୍ବାକେ ପର୍ମେସରର୍ ଜଜ୍ଜନ ରଇଲା । କିରିସ୍ଟ ସେସବୁ ବିସଇର୍ ମୁଣ୍ଡ ପାରା ଅଇକରି ରଇସି । ଏଟା ସମାନ୍ ବେଲାଇ ସେ ପୁରାପୁରୁନ୍ କରସି ।

୧୧ କିରିସ୍ଟର୍ ସଙ୍ଗେ ମିସାଇ କର, ପରମେସର୍, ଆମେ ଜିଉଦିମନ୍ତକେ ବାଟି ଆଚେ । କାଇକେ ବଇଲେ ଆଗେ ଅନି ଏନ୍ତାରି କରବାକେ ସେ ଜଜ୍ଜନା କରି ରଇଲା । ସେ ଜେନ୍ତାରି ମନ୍ କରସି, ସେ ଇସାବେ ସବୁ ବିସଇ ପୁରାପୁରୁନ୍ କରସି । ୧୨ ଜେନ୍ତାରିକି ଆମେ ଜେଡକି ଜିଉଦି ଲକ୍ ପରତୁମ୍ କିରିସ୍ଟକେ ଆସାକରି ରଇଲୁ, ସବୁଲକ୍ ପରମେସର୍କେ ମଇମା କରୁ !

୧୩ ତମେ ମିସା ଜେଡେବେଲେ ମୁକ୍ତି ପାଇବା, ଏ ସୁବ୍ କବରର୍ ସଡ଼ କାତା ସୁନ୍ଲାସ, ସେ ବେଲେଅନି ପର୍ମେସରର୍ ଲକ୍ ଅଇଆଗାସ୍ । ତମେ କିରିସ୍ଟକେ ବିସ୍ବାସ କଲାକେ, ପର୍ମେସର୍ ସେ ଦେଇରଇବା କାତା ଇସାବେ ସୁକଲ୍ ଆଡ଼ମା ଦାନ୍ କରିଆଚେ । ଆରି ସେ ତମକେ ଚିନ୍ କଲାଆଚେ । ୧୪ ପର୍ମେସର୍ ତାରୁ ଲକ୍ମନକେ ଜେଡକି ବିସଇ ଦାନ୍ କରବାକେ କାତା ଦେଲାଆଚେ, ସେ ସବୁଜାକି ଆମେ ମିଲାଇପାରୁ । ସୁକଲ୍ଆଡ଼ମା ଆମରୁବାଟେ ଚିଆଅଇସି । ପର୍ମେସର୍ ତାରୁ ଲକ୍ମନକେ ପୁରାପୁରୁନ୍ ନିଜେ ମନକରି ମୁକ୍ତି ଦେଇସି । ଏଟା ସଡ଼ ବଲିକରି, ଆସା ପର୍ମେସର୍କେ ମଇମା କରୁ !

ପାଉଲର୍ ପାର୍ତନା

୧୫ ସେଟାରୁ ପାଇ ମାପୁରୁ ଜିସୁର୍ ଲଗେ ତମେ ବିସ୍ବାସ କରବାଟା ଆରି ପର୍ମେସରର୍ ଲକ୍ମନର୍ ପାଇ ରଇବା ତମର୍ ଆଲାଦର୍ ବିସଇ ସୁନ୍ଲା ଦିନେଅନି, ୧୬ ମୁଇ ପର୍ମେସର୍କେ ତମର୍ପାଇ ଦନିଅବାଦ୍ ଦେଇ ଆଇଲିନି । ମୁଇମିସା ପାର୍ତନା କଲାବେଲେ ତମର୍ପାଇ ପର୍ମେସର୍କେ ଦନିଅବାଦ୍ ଦେବାକେ ପାସରି ଜାଇ ନାଇ । ମୁଇ ପାର୍ତନା କଲାବେଲେ ତମକେ ଏତାଇଲିନି । ୧୭ ଆରି ତାକ୍ପୁଟାରୁ ବାବା, ଆମର୍ ମାପୁରୁ ଜିସୁକିରିସ୍ଟର୍ ପର୍ମେସର୍କେ ପାର୍ତନା କଲିନି । ଜେନ୍ତକି ସେ ତମକେ ସୁକଲ୍ ଆଡ଼ମା ଦେଇସି । ସେ ଆଡ଼ମା ତମକେ ଗିଆନ୍ କରାଇସି ଆରି ପର୍ମେସର୍କେ ତମର୍ ମୁଆଟେ ଦେକାଇସି । ୧୮ ମୁଇ ପାର୍ତନା କଲିନି, ଜେନ୍ତାରିକି ତାରୁ ଉଜଲ୍ ଦେକବାକେ ତମର୍ ଆଡ଼ମାରୁ ଆଁକି ଡିସ । ଜେନ୍ତକି ଜନ୍ ଆସା ନେଇକରି ତମେ ତାରୁ ଲଗେ ଆସି ଆଗାସ୍, ସେଟା ଜାନିପାରାସ୍ । ୧୯ ତାରୁ ଲକ୍ମନର୍ ପାଇ ସେ ଦେଇରଇବା କାତାରୁ ସବୁ ବଡ଼ ଆସିରବାଦ୍ କେତେକ୍ ଅଦିକ୍ ଆଚେ । ଆରି ଆମର୍ ପାରା ବିସ୍ବାସିମନର୍ ପାଇ ରଇବା ତାରୁ ବପୁ କେତେ ବଡ଼, ସେଟା ତମେ ଜାନି ପାରାସ୍ । ୨୦ ଏବେ ଆମର୍ ବିଡ଼ରେ କାମ୍ କରତେରଇବା ସେ ବପୁର୍ ସଙ୍ଗେସେ, ପର୍ମେସର୍ କିରିସ୍ଟକେ ମଲାଡେଇଅନି ଉଟାଇକରି ତାରୁ ଉଜାବାଟେ ବସାଇଆଚେ । ୨୧ କିରିସ୍ଟ ସରଗେ, ସାସନ୍ କରବା ଲକ୍ମନକେ, ସନ୍ମାନ୍ ପାଇବା ଲକ୍ମନକେ, ବପୁରଇବା ଲକ୍ମନକେ ଆରି ସାସନ୍କାରିଆମନର୍ ଉପରେ ସାସନ୍ କରସି । ତାରୁ ଅଦିକାରୁ ଏବର୍ ସାସନ୍କାରିଆମନର୍ କି ଆଇବା ଦିନର୍ ସାସନ୍କାରିଆମନର୍ ତେଇଅନି ଅଦିକ୍ ବପୁ ସଙ୍ଗେ ଆଚେ । ୨୨ *ପର୍ମେସର୍ ସବୁବିସଇ କିରିସ୍ଟର୍ ପାଦତଲେ ସଙ୍ଗାଇଆଚେ । ଆରି ସବୁ ବିସଇର୍ ଉପରେ, ସବୁଡେଇଅନି ଉପରର୍ ମାପୁରୁ କରି ମଣ୍ଡଲିକେ ଦାନ୍କଲା ଆଚେ । ୨୩ ମଣ୍ଡଲି ଅଇଲାନି କିରିସ୍ଟର୍ ଗାଗଡ଼ । କିରିସ୍ଟର୍ ଜିବନ୍ ସଙ୍ଗେ ମଣ୍ଡଲି ପୁରାପୁରୁନ୍ ଅଇସି । ଆରି କିରିସ୍ଟ ସବୁବିସଇ ପୁରାପୁରୁନ୍ କରସି ।

9

ମରନ୍ଟାଣେ ଅନି ଜିବନ୍

୧୪ ଆଗରୁ ତମର୍ ପାପୁର୍ ଲାଟି, ତମେ ଆଡ଼ମାଲ ମରି ରଇଲାସ୍ । ୧୫ ସେବେଲେ ଜଗତର୍ ସଡ଼ ନଇଲା ବାଟେ ଇଣ୍ଡିଡେରଇଲାସ୍ ଆରି ଆକାସର୍, ଗାଗଡ଼ ଦାରି ନ ରଇବା, ସାସନ୍କାରିଆର୍ ତଲେ ରଇଲାସ୍ । ସେ ସାସନ୍କାରିଆ ଏବେ ପର୍ମେସରର୍ ଆଦେସ୍ ନ ମାନ୍ବା ଲକ୍ମନକେ ସାସନ୍ କଲାନ୍ତି । ୧୬ ସତଇସେ ଆମେ ସବୁଜାକ, ସେ ରକାମ୍ ରଇଲୁ ଆରି ଗାଗଡ଼ ଆରି ମନର୍ ଲାଲୁଆ ଇସାବେ ଜିଉନା କାଉନା କରତେ ରଇଲୁ । ଆରି ଅଲ୍ଗା ଲକ୍ମନର୍ ପାରା ଆମେମିସା ପର୍ମେସରର୍ ରିସାର୍ ତଣ୍ଡ ପାଇବାକେ ଜାଇତେ ରଇଲୁ ।

* ୧:୨୨ ୧:୨୨ କଲସିଅ ୧:୧୮ * ୨:୧ ୨:୧ କଲସିଅ ୨:୧୩

୪ ଫାତରୁ ଏ ରକାମ୍ ରଇଲେମିସା ଦୟାଦେକାଇବା ପରଫେସର୍, ଆମକେ ଜନ୍ ବଡ଼ ଆଲାଦ୍ ସଙ୍ଗି ଆଲାଦ୍ କଲା, ୫ ସେଟାରପାଇ ଆମକେ କିରିସ୍ତର୍ ସଙ୍ଗି ଜିବନ୍ କଲାଆତେ, ସେ ଜିବନ୍ ଦୁକାଇଲାକେ ତମେ ମୁକ୍ତି ପାଇ ଆଗାସ୍ । ୬ ପରଫେସର୍ କିରିସ୍ତର୍ ସଙ୍ଗି ଆମକେ ଉଟାଇଲା ଆତେ, ଆରି ତାର୍ ସଙ୍ଗି ଗଟେକ୍ ଅଇବାର୍ ଲାଗି, ସରନ୍ ଉପରେ ସାସନ୍ କରବାପାଇ ବଲିକରି, ତାର୍ ସଙ୍ଗି ବସାଇଲା ଆତେ । ୭ ଜେନ୍ତିକି ଆଇବା ଦିନମନକେ ଜିସୁ କିରିସ୍ତର୍ ଲାଗି ରଇବା ତାର୍ ବଡ଼ ଜିବନ୍ଦୁକାଇଲାଟା, ସବୁକେ ଦେକାଇ ଅଇସି । ୮ କାଇକେବଇଲେ ପରଫେସର୍ ଜିବନ୍ ଦୁକାଇଲାପାଇ, ତମେ ମୁକ୍ତି ପାଇ ଆହୁସ୍, ସେଟା ତମେ ବିସବାସ୍ କଲାବ୍ ଲାଗି, ତମେ କରରଇବା କାଇ ନିକ କାମର୍ ଲାଗି ନାଇ, ସେଟା ପରଫେସରର୍ ଦାନ୍ । ୯ ଜେନ୍ତିକି ଏ ବିସଇନେଇ କେ ମିସା ନିଜେ ବଡ଼ପନ୍ ଅଇ ନାପାତେ । ୧୦ ପରଫେସର୍ସେ ଆମକେ ତିଆର୍ କଲା ଆତେ । ତମେ କିରିସ୍ତର୍ ସଙ୍ଗି ମିସଲାରପାଇ, ନିକ କାମ୍ କରବାକେ ସେ ଆମକେ ନୁଆ କଲା ଆତେ । ଏଟା ଆଗତୁଆନି ସେ ଆମର୍ ପାଇ ମନ୍ କରି ରଇଲା ।

କିରିସ୍ତର୍ଗାନେ ଗଟେକ୍

୧୧ ତମେ, ଜିଉଦି ନ ଅଇଲା ଲକ୍ମନ୍, ଆଗେ କେନ୍ତ୍ରାର ରଇଲାସ୍ ଏତାଇ ଦେବା । ନିଜେ ସୁନତ୍ ବଲାଅଇତେ ରଇବା ଜିଉଦିମନ୍ ତମକେ ସୁନତ୍ ନ ଅଇଲା ଲକ୍ ବଲି କଇତେ ରଇଲାଇ । ଫାତର୍ ସୁନତ୍ ଅଇବାଟା ଗାଗତେ କରବା କାମ୍ । ୧୨ ଆଗେ ତମେ କିରିସ୍ତର୍ ଲଗେ ଅନି ଦୁରକେ ରଇଲାସ୍ । ଆରି ପରଫେସର୍ ବାଟିରଇବା ଲକ୍ମନ୍ରୁଗାନେ ମିସି ନ ରଇଲାସ୍ । ତାର୍ ଲକ୍ମନ୍କେ କାତା ଦେଇ, ତିଆର୍ କରରଇବା ନିୟମ୍ଗାନେ, ତମର୍ କାଇ ମିସା ଅଦିକାର୍ ନ ରଇଲା । ତମେ ଜଗତେ ବାସାକରି, କାଇ ଆସା ନ ରଇକରି ପରଫେସରର୍ ଲକ୍ ନ ଅଇ ରଇଲାସ୍ । ୧୩ ଗଟେକ୍ ବେଲାଇ ଦୁରକେ ରଇଲାସ୍ । ଏବେ ଜିସୁର୍ ସଙ୍ଗି ମିସକରି କିରିସ୍ତର୍ ବନି ଦେଇ ମଲାରପାଇ ତାର୍ ଲଗେ ଅଇଆଗାସ୍ । ୧୪ କାଇକେ ବଇଲେ ଜିଉଦି ଆରି ଜିଉଦି ନଇଲା ଲକ୍କେ ଗଟେକ୍ କରି, କିରିସ୍ତ ନିଜେ ଆମର୍ ବିଡ଼ରେ ସାନ୍ତି ଆନିଦେଇ ଆତେ । ସେମନ୍କେ ବେଗଲାଇକରି ନିଜର୍ ନିଜର୍ ସତ୍ତ୍ୱ ପାରା କରି ସଙ୍ଗାଅଇରଇବା ପାତୁରି, ସେ ତାର୍ ଗାଗତ୍ସଙ୍ଗି ବାଙ୍ଗାଇଲା ଆତେ । ୧୫ ଏସେ ଜିଉଦିମନ୍ ମାନିଆଇତେରଇବା ସବୁ ରିତିନିତି ନିୟମ୍ ବାଙ୍ଗାଇକରି, ଜିଉଦି ଆରି ଜିଉଦି ନଇଲା ଲକ୍ମନ୍ରୁଗାନେଅନି ତାର୍ ରାଇଇ ପାଇତେରଇବା ଗଟେକ୍ ନୁଆ ମୁନୁସାନ୍ତି ତିଆର୍ କଲାଆତେ । ଏନ୍ତାରି କରି ଦୁଇ ଦଲ୍ ବିଡ଼ରେ ସେ ସାନ୍ତି ଆନିଦେଇ ଆତେ । ୧୬ ଏସେ କୁରସେ ମଲାରପାଇ ବଲି ତାକର୍ ତାକର୍ ବିଡ଼ରେ ସତ୍ତ୍ୱ ଅଇ ରଇବାଟା, ଲିବାଇଦେଇଆତେ । କୁରସର୍ ଲାଗି ସେ ଦୁଇଟାଜାକ ମିସାଇକରି ଗଟେକ୍ ଗାଗତ୍ ପାରା କଲାଆତେ । ଆରି ସେମନ୍କେ ପରଫେସରର୍ ଲଗେ ବାଉଡାଇ ଆନିଲାଆତେ । ୧୭ ସେଟାର୍ ପାଇ କିରିସ୍ତ ଆଇଲା ଆରି ପରଫେସର୍ତେଇଅନି ଦୁରକେ ଜାଇ ରଇବା ଜିଉଦି ନଇଲା ଲକ୍ମନ୍କେ ଆରି ତାର୍ ଲଗର୍ ଜିଉଦିମନ୍କେ ସୁବକବର୍ ସୁନାଇଲା । ୧୮ କିରିସ୍ତର୍ ଲାଗିସେ ଜିଉଦି ଆରି ଜିଉଦି ନଇଲା ସବୁଲକ୍ ଗଟେକ୍ ଆଡ଼ମାଇ, ବାବାର୍ ମୁଆଟେ ଆସି ପାର୍ଲୁ ।

୧୯ ତେବର୍ ପାଇ ଏ ଜିଉଦି ନଇଲା ଲକ୍ମନ୍, ତମେ ଆରି ବିନ୍ ଦେସେ ବାସା ଅଇରଇବାଲକ୍ ନୁଆସ୍ । ଏବେ ପରଫେସରର୍ ଲକ୍ମନ୍ରୁସଙ୍ଗି ତମେମିସା ତାର୍ ରାଇଜେ ମିସବା ଲକ୍ ଆରି ତାର୍ ଜାତିର୍ କୁଟୁମର୍ ଲକ୍ । ୨୦ ତମେ ମିସା ପେରିଡ଼ ସିସମନ୍ ଆରି ବବିସଡ଼ବକ୍ତାମାନ୍ କରରଇବା କୁନାଦି ଉପରେ, ତିଆର୍ ଅଇଲା ଗର୍ ପାରା । ସେ ଗର୍ କନର୍ ମୁଲ୍ ପାକ୍ନା ଅଇଲାନି କିରିସ୍ତ ଜିସୁ । ୨୧ ସେ ଆକା ଗର୍କେ ସମାନ୍କରି ସଙ୍ଗାଇଲା ଆତେ ଆରି ମାପୁରୁପପାଇ ଗଟେକ୍ ସର୍ପଦେଲା ସୁଲ୍ ମନ୍ଦିରପାରା କଲାଆତେ । ୨୨ କିରିସ୍ତର୍ ସଙ୍ଗି ମିସଲାର ପାଇ, ଗଟେକ୍ ଗର୍ ପାରା ତମେ ସବୁକେ ମିସକରି ତିଆର୍ କଲାନି । ଜେନ୍ତାରିକି ତମେ ପରଫେସର୍ ତାର୍ ଆଡ଼ମାଇ ରଇବା ଗଟେକ୍ ବାସା ଅଇବା ଗର୍ ପାରା ଅଇସା ।

୩

ଜିଉଦି ନଇଲା ଲକ୍ ପାଇ ପାଉଲର୍ କାମ୍

୧ ଏଟାରଲାଗି ତମର୍ ପାରା ଜିଉଦି ନଇଲା ଲକ୍ ପାଇ, କିରିସ୍ତ ଜିସୁର୍ ଲାଗି ବନ୍ଦି ଅଇରଇବା ପାଉଲ୍ ମୁଇ, ପରଫେସର୍କେ ପାର୍ତନା କଲିନି । ୨ ତମର୍ ନିକପାଇ ପରଫେସର୍ ତାର୍ ଜିବନ୍ ଦୁକାଇଲାଟେ ତେଇଅନି ମକେ ଏ କାମ୍ ଦେଇଆତେ । ଏଟା ନିଜେ ସୁନିଆଗାସ୍ । ୩ ପରଫେସର୍ ସେ ଜାନାଇ ନରଇଲା ବିସଇ ମକେ ଜାନାଇ ଆତେ । ଏ ବିସଇ ମୁଇ ଆଗତୁ ତମକେ ଅଲପ୍ ଲେକି ରଇଲି । ୪ ଏସେଟା ପଡ଼ଲେ, କିରିସ୍ତର୍ ପାଇ ରଇବା ପରଫେସରର୍ ଟିକିନିକି ବିସଇ ମୁଇ ବୁଜିଲିଆତି ବଲି,

ତମେ ଜାନି ପାରୁସା । ୫ ଆଗରୁ ଲକ୍ଷ୍ମୀନକେ ଏ ଚିକିତ୍ସିକି ବିସଇ ନ କୁଆଅଇ ରଇଲା । ମାତର୍ ଏବେ ତାରୁ ଆଡ଼ମା ଦେଇ, ସେ ବାଟି ରଇବା ତାରୁ ସୁକଲ୍ ପେରିଡ଼ମନକେ ଆରି ବବିସଡ଼ବକ୍ତାମନକେ ସେ ଜାନାଇଲା ଆଟେ । ୬ ଏ ଲୁଟି ରଇବା ବିସଇ ଅଇଲାନି, ସୁକବରରୁ ଲାଗି, ଜିଉଦି ବିସବାସିମନର୍ ସଙ୍ଗ୍, ଜିଉଦି ନଇଲା ବିସବାସିମନି ମିସା ପର୍ମେସରର୍ ଆସିରବାଦେ ମିସବାଇ । ସେମନି ମିସକରି, ଗଟେକ୍ ଗାଗଡ଼ ପାରା ଅଇଜିବାଇ । ମାପୁରୁ ଜିସୁ କିରିସଟର୍ ଲାଗି ପର୍ମେସର୍ ଦେଇ ରଇବା ସବୁ କାତାଇ ବାଗ୍ ଅଇସା ।

୭ ପର୍ମେସର୍ ତାରୁ ଜିବନ ଦୁକାଇଲାରୁ ତେଇଅନି ମକେ ଜନ୍ ଦାନ ଦେଇ ଆଟେ, ସେଟାରୁ ଲାଗି ମୁଇ ନିମାନ କବରୁ ଜାନାଇବା ଲକ୍ ଅଇଲିଆଟି । ତାରୁ ବପୁ ମର୍ ବିଡ଼ରେ କାମ କଲାରୁ ଲାଗି ଏଟା ଅଇଲା । ୮ ମୁଇ ପର୍ମେସରର୍ ଲକ୍ଷ୍ମୀନକେ ସବୁରଟାନେଅନି ସାନ ଅଇଲେ ମିସା ଜିଉଦିନଇଲା ଲକ୍ଷ୍ମୀନକେ କିରିସଟର୍ଟାନେ ରଇବା ନିକ ନିକ ବିସଇ ଜାନାଇବାକେ ମକେ ସେ ବାଟୁଲା ଆଟେ । ଏ ବିସଇ ଲକ୍ଷ୍ମୀନ ଦୁଜବାକେ ଆବଡ଼ ରଇବାଟା । ୯ ପର୍ମେସର୍ ତାରୁ ଲୁଟିତେରଇବା ଜଜନା କେନ୍ଦ୍ରାରୁ ପୁରାପୁରୁନ କରସି, ସେଟା ସବୁ ଜାନାଇବାକେ ମିସା ମକେ ବାଟୁଲା ଆଟେ । ସବୁ ବିସଇ ତିଆର୍ କଲା ବେଲେଅନି, ଏବେ ଜାକ ସେ ତାରୁ ଚିକିତ୍ସିକି ବିସଇ ଲୁଟାଇକରି ସଙ୍ଗାଇରଇଲା, । ୧୦ ଜେନ୍ଦ୍ରାରିକି ମଣ୍ଡଲିରୁ ଟାନେଅନି ତାରୁ ବିନ୍ ବିନ୍ ରକାମର୍ ଗିଆନ ସର୍ଗରୁ ସାସନକାରିଆମନକେ ଆରି ବପୁ ରଇବାଟାମନକେ, ସେ ଜାନାଇସି । ୧୧ ଜଗଡ଼ ତିଆର୍ କରବା ଆଗୁ, ଏଟା ସେ ଜଜନା କରିରଇଲା । ଏଟା ଆମର୍ ମାପୁରୁ ଜିସୁ କିରିସଟର୍ ଲାଗି ସେ ପୁରାପୁରୁନ କଲା ଆଟେ । ୧୨ କିରିସଟର୍ ତେଇ ବିସବାସ କଲାରୁ ପାଇ ଆରି ତାରୁ ସଙ୍ଗ୍ ମିସି ରଇଲାରୁ ପାଇ, ନ ତରୁତେ, ସାଆସ ଅଇକରି, ପର୍ମେସରର୍ ମୁଆଟେ ଟିଆ ଅଇବୁ । ୧୩ ସେଟାରୁ ପାଇ ମୁଇ ତମକେ ବାବୁଜିଆ କରି କଇଲିନି, “ତମର୍ ପାଇ ବଲି ଅଇବା ମର୍ ଦୁକ୍ କସଟର୍ ପାଇ ମନୁଦୁକ୍ କରାନାଇ, ଏ ସବୁ ତମର୍ ବଲ୍ ପାଇ ଅଇଆଟେ ।”

କିରିସଟର୍ ଆଲାଦ୍

୧୪ ସେଟାରୁପାଇ ବଲିକରି ମୁଇ ପର୍ମେସରର୍ ମୁଆଟେ ମାଣ୍ଡିକୁଟା ଦେଇ ପାରୁତନା କଲିନି, ୧୫ ତାରୁ ଲାଗିସେ ସରଗର୍ ଆରି ପୁରୁତିବିର୍ ସବୁ କୁଟୁମ୍ ଅଇଲା ଆଟେ, ୧୬ ମୁଇ ପାରୁତନା କଲିନି ଜେନ୍ଦ୍ରାରିକି ସେ ତାରୁ ନ ସାରବା ମଇମାଇଅନି, ତାରୁ ଆଡ଼ମା ତମକେ ବପୁ ଦେଇସି, ଜେନ୍ଦ୍ରାରିକି ତମର୍ ମନ ତାଟ୍ ଅଇସି । ୧୭ ମୁଇ ପାରୁତନା କଲିନି, ଜେନ୍ଦ୍ରାରିକି ତମର୍ ବିସବାସର୍ ଲାଗି, କିରିସଟ ତମର୍ ବିଡ଼ରେ ବାସା ଅଇସି । ଆରି, ତମେ ପର୍ମେସରକେ ଆରି ବିନ୍ ଲକ୍ଷ୍ମୀନକେ ଆଲାଦ୍ କଲାରୁଟାନେଅନି, ବୁର୍ଷ୍ ଜାଇତେରଇବା ଗଟର୍ ଟେରପାରା ଆରି କୁନାଦି ଉପରେ ତିଆର୍ ଅଇଲା ଗର୍ ପାରା ତାଟ୍ ଅଇସା । ୧୮ ମୁଇ ପାରୁତନା କଲିନି ତମେ ପର୍ମେସରର୍ ଲକ୍ଷ୍ମୀନକେ ସଙ୍ଗ୍ ମିସକରି କିରିସଟର୍ ଆଲାଦ୍ ବୁଜବାକେ ବପୁ ପାଇସା । ତାରୁ ବଡ଼ ଆଲାଦ୍ ସଙ୍ଗ୍ ସେ ଆମକେ ଆଲାଦ୍ କଲା ଆଟେ । ୧୯ ଉଁ, ନରଲକ୍ ବୁଜବା ତେଇଅନି ଅଦିକ୍ କିରିସଟ ଆମକେ ଆଲାଦ୍ କଲା ଆଟେ, ସେ ଆଲାଦ୍ ତମେ ଜାନା ବଲି ମୁଇ ପାରୁତନା କଲିନି । ଜେନ୍ଦ୍ରାରିକି ତମର୍ ଚାଲାଗାଲ୍ଡି ପର୍ମେସରର୍ ପାରା ଅଇ ଆଇସି ।

୨୦ ପର୍ମେସର ଜେକି ଆମେ ତାକେ ମାଙ୍ଗ୍ବା ତେଇଅନି କି ତିନ୍ତା କରବା ତେଇଅନି ଅଦିକ୍ କରିପାରସି, କାଇକେ ବଇଲେ ତାରୁ ବଡ଼ ବପୁ ସଙ୍ଗ୍ ସେ ଆମର୍ ବିଡ଼ରେ କାମ କରି ଆଇଲାନି । ୨୧ ମଣ୍ଡଲିଟାନେ ଆରି କିରିସଟ ଜିସୁଟାନେଅନି ପର୍ମେସରର୍ ବଡ଼ ବପୁ ବିନ୍ ଲକ୍ଷ୍ମୀନକେ ତିସଲାନି, ତାରୁ ବଡ଼ ବପୁରୁ ଲାଗି ପର୍ମେସରକେ ତାକ୍ପୁଟା କରୁ, କାଲକାଲ୍ ଜୁଗଜୁଗି ସେ ତାକ୍ପୁଟା ପାଇତେରଅ । ଆମେନ !

୪

ଗଟେକ୍ ଗାଗଡ଼

୧ ଏ ସବୁରୁଲାଗି ମାପୁରୁରୁ ସେବାକାରିଆ ମୁଇ ବନ୍ଦିଗରେ ଆଟି । ମାପୁରୁ ତମକେ କେନ୍ଦ୍ରାରି ଚଲାଗଲ୍ଡି କରବାକେ ତାକ୍ଲାଆଟେ, ସେନ୍ଦ୍ରାରିସେ କରାବଲି ମୁଇ ତମକେ ବାବୁଜିଆ କଲିନି । ୨ ତମେ ଲକ୍ଷ୍ମୀନକେ ସଙ୍ଗ୍ ମିସାବିତା ଅଇଲାବେଲେ, ପୁରାପୁରୁନ ଦରମ ଅଇ ସୁଆଲେ ରୁଆ । ତମେ ଗଟେକ୍ ଲକ୍ ଆରି ଗଟେକ୍ ଲକ୍ଷ୍ମୀନକେ ଆଲାଦ୍ କଲାରୁପାଇ ସାଆସ ଅଇ, ମୁରୁଟିକରି ରୁଆ । ୩ ଜନଟା କି ଗଟେକ୍ ମନୁ ଅଇକରି ରଇବାକେ ସୁକଲ୍ଆଡ଼ମା ଆମକେ ବାନ୍ଦିଆଟେ, ସେନ୍ଦ୍ରାରି ସାନ୍ତି ଅଇକରି ରୁଆ । ୪ ଆମେ ସବୁ ବିସବାସି ବାଇବଇନିମନି ଗଟେକ୍ ଗାଗଡ଼ ପାରା ଆରି ସବୁଲକ୍ ସମାନ ଆଡ଼ମା ମିଲାଇଆରୁ । ସେନ୍ଦ୍ରାରିସେ ସମାନ ଆସିରବାଦ୍ ମିଲାଇବାକେ ସେ ଆମକେ ତାକ୍ଲାଆଟେ । ୫ ଆମକେ ଗଟେକ୍ ମାପୁରୁ ଆଟେ, ସମାନ ସିକିଆଇ ବିସବାସ କଲୁନି ଆରି ସମାନ ତୁବନ୍ ନେଲୁ ଆରୁ । ୬ ଗଟେକ୍ ପର୍ମେସରକେ

☆ ୪:୨ ୪:୨ କଲସିଅ ୩:୧୨, ୧୩

ଆମେ ଉପାସନା କଲୁନି । ଜେ କି ସବୁର ବାବା ଅଇଆତେ । ସେ ଆମର୍ ବିତ୍ତରେ ରଇକରି ଆରି ଆମ୍ବେକ ଦେଇକରି ସବୁର ଉପରେ ସାସନ୍ କଲାନ୍ତି ।

୭ ମାତର୍ କିରିସ୍ତ ଆମେ ବିନ୍ ବିନ୍ ଲକ୍ଷକେ ବିନ୍ ବିନ୍ ଦାନ୍ ଦେଲାଆତେ । ସେଟା କାକେ କେନ୍ତାରି ବାଟା କରବାଟ୍ ଆତେ, ସେ ସେ ଟିକ୍ କଲାଆତେ । ୮ ତେବର୍ ପାଇ ସାସ୍ତରେ ଲେକାଅଇଲା ଆତେ, “ସେ ତାର ସତ୍ତରୁମନ୍ଦକେ ଆରାଇକରି ଜେତେବେଲେ ଉର୍ତ୍ତ ରଇବା ଜାଗାଇ ଗାଲା,

ତାର ଆରାଇ ରଇବା ସତ୍ତରୁମନ୍ଦକେ ବାନ୍ଦିକରି ନେଲା

ଆରି ତାର ଦାନ୍ ବିନ୍ ବିନ୍ ଲକ୍ଷକେ ଦେଲା ।

୯ “ସେ ଗଟେକ୍ ଉର୍ତ୍ତ ଜାଗାଇ ଗାଲା ।” ଏନ୍ତାରି ଲେକ୍ବା ଅରତ୍ କାଇଟା ? ଏଟାର୍ ଆରତ୍ ଅଇଲାନ୍ତି, କିରିସ୍ତ ଉତ୍ତରି କରି ଏ ଜଗତେ ଆସି ସାରି ଆତେ । ୧୦ ଜେ କି ଏ ଜଗତେ ଉତ୍ତରି ଆଇଲା, ସେ ସମାନ୍ ଲକ୍ଷସେ, ସର୍ଗେ ଅନ୍ ଉପରେ ରଇବା ଜାଗାଇ ଚରି ଗଲା । ଜେନ୍ତାରି କି ସେ ଗୁଲାଇ ଜଗତ୍ତକେ ପୁରାପୁରୁନ୍ କରସି ।

୧୧ ସେ ଆକା କେତେ ଲକ୍ଷମନ୍ଦକେ ପେରିତ୍ ଅଇବାକେ, କେତେଲକ୍ଷକେ ବବିସତ୍ କାତା କଇବାକେ, କେତେଲକ୍ଷକେ ସୁବକବର୍ ଜାନାଇବାଟା ଅଇବାକେ, କେତେଲକ୍ଷକେ ମଣ୍ଡୁଲି ଚାଲାଇବାକେ ଆରି କେତେଲକ୍ଷକେ ସିକାଇବାକେ ବପୁ ଦେଇ ବାଟ୍ଲାଆତେ । ୧୨ ପର୍ମେସରର୍ ଲକ୍ଷମନ୍ଦ ଜେନ୍ତାରି କି ତାକେ ସେବା କରିପାରତ୍, ତାରଲାଗି ଏ ସବୁ ଦାନ୍ ତାର ଲକ୍ଷମନ୍ଦକେ ଦେଲା । ଏନ୍ତାରି ଅଇ କିରିସ୍ତର୍ ଗାଗତ୍ ପାରା ଅଇବା ବିସ୍ବାସିମନ୍ ବପୁ ଅଇ ସିଦ୍ ଅଅତ୍ । ୧୩ ଏନ୍ତାରି ଅଇ ଆମେ ସବୁ ବିସ୍ବାସେ ବଡିକରି ଆରି ପର୍ମେସରର୍ ପଅକେ ଜାନିକରି, ସିଦ୍ ଅଇବୁ । ଆମେ ଜେନ୍ତାରିକି ପୁରାପୁରୁନ୍ କିରିସ୍ତର୍ ପାରା ଅଇବୁ । ସେ ପୁରାପୁରୁନ୍ ସିଦ୍ ଆତେ । ୧୪ ତେବେ ଆମେ ସାନ୍ ପିଲାମନର୍ ପାରା ନ ଅଇ କରି, ଜଗତର୍ ମନସମନର୍ ସିକିଆଇ ଆରି ତାକର୍ ଦଦାପେଲା ଅଇବା ପାରା ବିଚାର୍ନା ଇସାବର୍ ବିନ୍ ବିନ୍ ସିକିଆଇ, ଗାତର୍ ଲଅତି ଆରି ମାର୍ବା ପବନ୍ ଜେନ୍ତାରି ଡଙ୍ଗାକେ ଏନେତେନେ କର୍ସି, ସେନ୍ତାରି ତାକର୍ ସିକିଆ ସୁନିକରି ଏନେତେନେ ନ ଅର୍ତ୍ତ । ୧୫ ତାର୍ ବାଦୁଲେ ଆମେ ପର୍ମେସରର୍ ସତ୍ ବିସଇର୍ ଆଲାଦ୍ ଜାନାର୍ । ସେନ୍ତାରି ମୁଣ୍ଡ ଇସାବେ ରଇବା କିରିସ୍ତର୍ ପାରା ଆମେ ସବୁ ବିସଇତେଇ ସିଦ୍ ଅଇ, ତାର୍ ପାରା ଅଇବୁ ।

୧୬ କାଇକେବଇଲେ କିରିସ୍ତ ତାର୍ ସବୁ ଲକ୍ଷମନ୍ଦକେ ମିସାଇକରି ସଙ୍ଗାଇ ଆତେ । ଗଟେକ୍ ଗାଗତର୍ ସନ୍ଦି ଜେନ୍ତିକି ସେ ଗାଗତର୍ ସବୁ ବାଗକେ ମିସାଇକରି ସଙ୍ଗାଇସି, ସେନ୍ତାରିସେ ଗାଗତର୍ ଗଟେକ୍ ଗଟେକ୍ ବାଗ୍ ନିଜର୍ ନିଜର୍ କାମ୍ କଲେ, ଗୁଲାଇ ଗାଗତ୍ ବଡିକରି ବପୁ ଅଇସି ।

କିରିସ୍ତର୍ ଲଗେ ନୁଆଜିବନ୍

୧୭ ତେବର୍ ପାଇ ମାପୁରୁର୍ ନାର୍ଦ୍ଦାରି ମୁଇ ତମ୍ବେକେ ଜାଗର୍ତା କରିଦେଲିନି । ତମେ ଆରି ପର୍ମେସରକେ ନାଜାନ୍ଲା ଲକ୍ଷପାରା ଚଲାଟଲ୍ଡି କରା ନାଇ । ୧୮ ସେମନ୍ ଚିନ୍ତାକର୍ବାଟା ଚୁଟାଇସେ । ସେମନ୍ ପର୍ମେସରର୍ ବିସଇ ବୁଜି ନାପାରତ୍ । ଆରି ସେ ଦେଇରଇବା ଜିବନେ ଅନ୍ ଦୁରିକେ ଆତତ୍ । ସେମନ୍ ତାକର୍ ମନ୍ ତାଟ୍ କଲାଟପାଇ ତାକେ ନାଜାନ୍ତ । ୧୯ ସେମନ୍ ପାପ୍ କାମ୍ କଲେ ମିସା, ବୁଲ୍ କଲି ବଲି ଲାଜ୍ କି ଦୁକ୍ ନ ଅଅତ୍ । ତେବର୍ପାଇ ସବୁରକାମର୍ ବେସିଆ କାମ୍ କର୍ବାଟାନେ ସର୍ପିଅଇ ଆତତ୍ । ଏନ୍ତାରି କାମ୍ କରି କରି ଆରି କର୍ବାକେସେ ଲାଲ୍ସା ଅଇ ଆତତ୍ ।

୨୦ ମାତର୍ ତମେ କିରିସ୍ତର୍ ଗାନେଅନ୍ ସେନ୍ତାରି ସିକିଆ ସିକାସ୍ ନାଇ । ୨୧ ତମେ ଜେତେବେଲେ ତାର୍ ବିସଇ ସୁନିକରି ସିକିଲାସ୍, ସେଟା ତାର୍ ସତ୍ ସିକିଆଅଅନ୍ ସିକିଲାସ୍ । ୨୨ ଅଗ୍ଟ ଜନ୍ ପୁରନା ଚଲାଟଲ୍ଡି କରି ତମେ ଜିଉନା କାଉନା କର୍ତେ ରଇଲାସ୍, ସେଟା ଚାଡବାକେ ତମକେ ସିକାଇ ରଇଲାଇ । ତମର୍ ମନେ କାରାପ୍ ଚିନ୍ତା ଆଇବାଟା, ତମକେ ନାଡାଇକରି ତମର୍ ଜିବନ୍ ନସାଇ ଦେଲାଇ । ୨୩ ତମେ ଚିନ୍ତା କର୍ବାଟା ପର୍ମେସର ନୁଆକରି ବାଦୁଲାଇବାକେ ତାକେ ସର୍ପି ଦିଆସ୍ ବଲି ସିକାଇଲାଇ ଆତତ୍ । ୨୪ ପର୍ମେସର ତମକେ ତାକର୍ ଗୁନ୍ତଲନ୍ ପାରା ରଇବା ନୁଆ ଗୁନ୍ତଲନ୍ ଦେଲାଆତେ । ତେବର୍ପାଇ ସେ ରକାମ୍ ଚଲାଟଲ୍ଡି କରା । ପୁରାପୁରୁନ୍ ଦମେ ଅଇକରି ସୁକଲ୍ ଅଇରୁଆ ।

୨୫ ତମର୍ ବିତ୍ତରେ ମିଦ୍ କଇବାଟା ରାଡିଦିଆସ୍, ନିଜର୍ ନିଜର୍ ବିତ୍ତରେ ସତ୍ କୁଆକୁଇ ଉଆ । କାଇକେବଇଲେ ଆମେ ସବୁଲକ୍ ଗଟେକ୍ ଗାଗତର୍ ବିନ୍ ବିନ୍ ବାଗ୍ ଅଇଲୁଆରୁ । ୨୬ ଜେତେବେଲେ ରିସା ଆଇଲେ, ସେତେବେଲେ ପାପ୍କରା ନାଇ । ବେଲ୍ ନ ବୁଡତେ ତମର୍ ରିସା ଚାଡି ଦିଆସ୍ । ୨୭ ତମକେ ପାପ୍ କରାଇବା ସଇତାନ୍ଦକେ ଜାଗା ଦିଆସନାଇ । ୨୮ ଜେ ଚରାଇତେ ରଇଲା, ସେ ଆରି

☆ ୪:୧୭ ୪:୧୭ କଲସିଅ ୨:୯୯ ☆ ୪:୨୨ ୪:୨୨ କଲସିଅ ୩:୯ ☆ ୪:୨୪ ୪:୨୪ କଲସିଅ ୩:୧୦

ନ ଚର୍ଚ୍ଚ ଅଥ । ମାତର୍ ନିଜେ ତାର ଜିଉନା କାଉନାର୍ ପାଇ କାଇଆଲେ ନିକ କାମ୍ କର । ସେନ୍ତାନ୍ତାଲେ ଅର୍କ୍ତକ୍ତ ଲକ୍ଷ୍ମୀନକେ ଦେବାକେ ତାର୍ତ୍ତାନେ କାଇଟା ମିସା ରଇସି । ^{୨୯} ଜନ୍ କାତା ବିନ୍ଲକ୍ଷ୍ମୀନକେ ଲତାକେ ନ ଆସେ, ସେନ୍ତାରି କାତା ତମର୍ ଟଣ୍ଡେ ଅନି ନ ବାରଅ । ତାର୍ବଦୁଲେ ସେମନ୍କେ ସାର୍ଦା କରାଇ ବପୁ ଆଇବା କାତା କୁଆ । ଜେନ୍ତାରିକି ସୁନ୍ଦା ଲକ୍ଷ୍ମୀନ ତାକର୍ ଲତାକେ ଆଇବା ବେଲାଇ ସେଟା ସୁନିକରି ସାର୍ଦା ଅଇବାଇ । ^{୩୦} ପର୍ମେସରର୍ ସୁକଲ୍ ଆଡ଼ମାକେ ଦୁକ୍ ଦିଆସ୍ ନାଇ । ତାକେ ମୁକଲ୍ଦା ଦିନ ଜାକ ଗଟେକ୍ ଚିନ୍ ଇସାବେ ସେ ତମ୍କେ ଦେଲାଆଟେ । ^{୩୧} ସବୁ ରକାମର୍ କୁଟ୍ କାତା ଚିନ୍ତା କରବାଟା, ରିସା ଅଇବାଟା, କିରଜାଟି କରବାଟା, ନିନ୍ଦା କାତା କଇବାଟା, ଇସା ତଲା ଅଇବାଟା, ଏ ସବୁଜାକ ତମର୍ତାନେ ଅନି ଦୁରିକେ ସଙ୍ଗୁଆ । ^{୩୨} ତାର୍ ବାଦୁଲେ ତମର୍ ତମର୍ ବିତ୍ତରେ ମାନାମାନି ଅଇକରି ଆଲାଦ୍ ସଙ୍ଗ୍ ଦରମ୍ ଅଇ ରୁଆ । ଜେନ୍ତାରିକି କିରିସ୍ତର୍ ଲାଗି ପର୍ମେସର୍ ତମ୍କେ କେମା କିରିଦେଲା ଆଟେ । ତମେମନ୍ ମିସା ସେ ରକାମ୍ ନିଜର୍ ବିତ୍ତରେ କେମା କରାକରି ଉଆ ।

୫

ଉଜଲର୍ ଜିବନ୍

^୧ ପର୍ମେସର୍କେ ବେସି ଆଲାଦ୍ କରବା ତାର୍ ପିଲାମନ୍ ଅଇବାକେ, ତାର୍ପାରା ଅଇ ଗଟେକ୍ ଆଲାଦର୍ ଚଲାଟଲ୍ଡି କରା । ^୨ ଜେନ୍ତାରି କି କିରିସ୍ତ ଆମ୍କେ ଆଲାଦ୍ କରି ଆମର୍ ପାଇ ମରି ରଇଲା । ଗଟେକ୍ ସୁନ୍ଦର୍ ବାସ୍ନା ଅଇବା ବଲି ପାରା ସେ ତାର୍ ଜିବନ୍ ପର୍ମେସର୍କେ ସର୍ପିଦେଲା ।

^୩ ମାତର୍ ତମର୍ ବିତ୍ତରେ ବେସିଆ ଇସାବେ ରଇବା ଚଲାଟଲ୍ଡି, କି କାଇ ରକାମର୍ ସୁକଲ୍ ନ ଅଇବାଟା କି ଲବ୍ ଅଇବାଟା ଆଟେ, ବଲି ବିନ୍ ଲକ୍ଷ୍ମୀନ ନ କଅଡ୍ । କାଇକେବଇଲେ ଏଟା ସବୁ ପର୍ମେସରର୍ ସୁକଲ୍ ଲକ୍ଷ୍ମୀନ କରବା ଟିକ୍ ବିସଇ ନଏ । ^୪ ସେନ୍ତାରିସେ ଜନ୍ତାକି ଲତାକେ ନ ଆଇବା ଗୁନ୍ତଲନ୍, କି କାରାପ୍ କାତା, ଲାଜ୍ କରବା କାତା କି ଟାପୁରା କାତା ତମର୍ତାନେ ନ ଡିସି । ଏଟାମନ୍ ତମର୍ତାନେ ରଇବାଟା ଟିକ୍ ନଏ । ତାର୍ବଦୁଲେ ତମେ ପର୍ମେସର୍କେ ଦନିଅବାଦ୍ ଦେବା କାତା କୁଆ । ^୫ ତମେ ଜାନ୍ବାର୍ ଆଟେ ଜେ, କେନ୍ତାରି ମିସା ବେସିଆ କାମ୍ କରବା ଲକ୍, କି ସୁକଲ୍ ନ ଅଇଲା ଲକ୍, କି ଲବ୍ ରା ଲକ୍ ପର୍ମେସରର୍ ଆରି କିରିସ୍ତର୍ ରାଇଜେ ରଇବା କାଇ ବିସଇ ମିଲାଇବାକେ ଅଦିକାର୍ ପାଇ ନାପାରଡ୍ । ଗଟେକ୍ ଲବ୍ ରା, ପୁଡ଼ଲା ପୁଜା କରବା ଲକ୍ ସଙ୍ଗ୍ ସମାନ୍ ।

^୬ ବିନ୍ ଲକ୍ ଟାନେଅନି କାଇ ଲତାକେ ନ ଆଇବା ରୁଟା କାତା ସୁନି ନାଡାଇ ଉଆ ନାଇ । କାଇକେବଇଲେ, ଏନ୍ତାରି କରି ତାକେ ନ ନାମ୍ବା ଲକ୍ଷ୍ମୀନକେ ପର୍ମେସର୍ ଡଣ୍ଡ ଦେଇସି । ^୭ ତେବର୍ପାଇ ସେନ୍ତାରି ଲକ୍ଷ୍ମୀନର୍ ସଙ୍ଗ୍ ମିସା ନାଇ । ^୮ କାଇକେବଇଲେ ଆଗଟୁ ତମେ ଆନ୍ଦାରେ ରଇଲାସ୍ । ମାତର୍ ଏବେ ମାପୁରୁର୍ ସଙ୍ଗ୍ ମିସ୍ଲାର୍ପାଇ ଉଜଲେ ପୁରି ଆଟାସ୍ । ତେବର୍ପାଇ ଉଜଲେ ରଇବା ଲକ୍ଷ୍ମୀନର୍ପାରା ଚଲାଟଲ୍ଡି କରା । ^୯ କାଇକେବଇଲେ, ଉଜଲେ ରଇଲେ ତେଇଅନି ସବୁ ରକାମର୍ ନିକ, ଦରମ୍, ଆରି ସଡ୍ ବିସଇ ବାରଇସି । ^{୧୦} ପର୍ମେସର୍କେ ସାର୍ଦା କରାଇବା ବିସଇ କଜିକରି ମିଲାଆ । ^{୧୧} ଆନ୍ଦାରେ ରଇବା ଲକ୍ଷ୍ମୀନ କରବା କାଇ ମୁଲିଅ ନ ରଇବା କାମେ ମିସାନାଇ । ସେଟାମନ୍କେ କାଇ ମୁଲିଅ ନାଇ । ତାର୍ ବାଦୁଲେ ସେନ୍ତାରି କାରାପ୍ ଅଇବା କାମ୍ ନ ଲୁଟାଇ ଦେକାଇଦିଆସ୍ । ^{୧୨} ସେନ୍ତାରି ଲୁଟତେ କରବା କାମର୍ ବିସଇ କାତା ଅଇବାକେ ମିସା ଲାଜ୍ ଲାଗସି । ^{୧୩} ଏନ୍ତାରି କାମ୍ ନ ଲୁଟାଇ ବାଟକରାଇଲେ, ତେଇର୍ ସଡ୍ ବିସଇ ଲକ୍ଷ୍ମୀନ ଦେକବାଇ । ^{୧୪} କାଇକେବଇଲେ ଉଜଲର୍ ସବୁ ବିସଇ ଉଜଲ୍ସେ । ସେଟାର୍ ପାଇ ଏନ୍ତାରି ଲେକାଅଇଲାଆଟେ, “ଏ ଗୁନେରାମନ୍ ଉଟା,

ମଲାପାରା ନ ରଇକରି ଜିବନ୍ ରୁଆ,

କିରିସ୍ତ ତମ୍କେ ଉଜଲ୍ ଦେଇସି ।”

^{୧୫} ତେବେ ତମର୍ ଚଲାଟଲ୍ଡି କରବାଟାନେ ଜାଗରଡ୍ ରୁଆ । ବକୁଆ ଲକ୍ଷ୍ମୀନର୍ପାରା ନ ଅଇ ବୁଦିରଇବା ଲକ୍ଷ୍ମୀନର୍ପାରା ରୁଆ । ^{୧୬} ସବୁବେଲେ ନିକ କାମ୍ କରବାକେ କଜ୍ଡତେ ରୁଆ । କାଇକେବଇଲେ ଏ ଜୁଗର୍ ଲକ୍ଷ୍ମୀନ ବେସି କାରାପ୍ ଆଟଡ୍ । ^{୧୭} ତେବର୍ପାଇ ବୁଦିନଇଲା ଲକ୍ ପାରା ନଅଇ ମାପୁରୁର୍ ମନ୍କଲାଟା କଜିକରି ମିଲାଆ ।

^{୧୮} ମଦ୍ ପେଣ୍ଡୁମ୍ କାଇ ମାତା ନାଇ । କାଇକେବଇଲେ ସେଟା ତମ୍କେ ଡିଲା ଚାଡ଼ବା ଗରୁଗାଇର୍ ପାରା ଚଲାଟଲ୍ଡି କରବାକେ ଡାକିନେଇସି । ତାର୍ବଦୁଲେ ସୁକଲ୍ଆଡ଼ମା ବାନ୍ଦିନେବାକେ ସର୍ପିଦେଆ

✧ ୪:୨୯ ୪:୩୨ କଲସିଅ ୩:୧୩ ✧ ୫:୧୨ ୫:୧୬ କଲସିଅ ୪:୫

। ୧୯ *ଗିଡ଼ ସଜ୍ଜିତାର ଗିଡ଼, ଆତ୍ମାମାଳ ଅନି ଆଇବା ବିନ୍ ଗିଡ଼ମନ୍, ତମର ବିତ୍ତରେ କୁଆକୁଳ ଉଥା । ଗିଡ଼ କଲକର ନିଜେ ନିଜେ ମନ୍‌ବିତ୍ତରେ ମାପରୁକେ ତାଙ୍କପୁଟା କରା । ୨୦ ଆମର ମାପରୁ ଜିପୁକିରିସ୍‌ଟର ନାର୍ଦ୍ଦାରି ସବୁବେଳେ ସବୁ ବିସଇରପାଇ ବାବା ପରମେସରକେ ଦନିଅବାଦ୍ ଦିଆସ୍ ।

ମାଇଜି ମୁନୁସ୍

୨୧ କିରିସ୍‌ଟପାଇ ରଇବା ତମର ସନ୍‌ମାନର ଲାଗି, ତମର ତମର ବିତ୍ତରେ ସରପାସରପି ଉଥା ।

୨୨ *ଏ ମାଇଜିମନ୍ ତମେ ଜେନ୍ତାର ମାପରୁକେ ସରପିଅଇ ଆଗାସ୍, ସେନ୍ତାରି ତମର ନିଜର ନିଜର ମୁନୁସ୍‌କେ ମିସା ସରପି ଉଥା । ୨୩ କାଇକେବଇଲେ କିରିସ୍‌ଟ ଜେ କି ତାର ଗାଗଡ଼ପାରା ରଇବା ମଣ୍ଡଲିର ନେତା ଆଚେ, ସେନ୍ତାରିସେ ମୁନୁସ୍ ମିସା ତାର ମାଇଜିର ନେତା ଆଚେ । କିରିସ୍‌ଟସେ ତାର ମଣ୍ଡଲିକେ ରକିଆ କଲାଆଚେ । ୨୪ ତେବରପାଇ ମଣ୍ଡଲି ଜେନ୍ତାର କିରିସ୍‌ଟକେ ସରପି ଅଇସି, ସେନ୍ତାରି ଏ ମାଇଜିମନ୍, ତମେ ମିସା ସବୁ ବିସଇତେଇ ତମର ମନସ୍‌ମାନର ଗାନେ ସରପି ଅଇବାରୁଆଚେ ।

୨୫ * ଏ ମୁନୁସ୍‌ମନ୍, କିରିସ୍‌ଟ ଜେନ୍ତାର ମଣ୍ଡଲିକେ ଆଲାଦ୍ କରି, ତାକେ ସୁକଲ୍ କରବାକେ ନିଜେ ସରପିଅଇଲା, ସେନ୍ତାରିସେ ତମେ ମିସା ନିଜର ମାଇଜିମନ୍‌କେ ଆଲାଦ୍‌କରା । ୨୬ କିରିସ୍‌ଟ ପରମେସରର ବାକିଅ ସଜ୍ଜି ଆରି ପାନିସଜ୍ଜି ଦଇକରି ମଣ୍ଡଲିକେ ସୁକଲ୍ କଲା । ୨୭ ମଣ୍ଡଲିକେ ତାର ମୁଆଟେ ଆନୁଲାବେଲେ, ମଣ୍ଡଲି ଜେନ୍ତାରି କି, କାଇ ମୁରକି ନ ଅଇତେ, ଅସୁକଲ୍ ନଇତେ, କାଇ ଦସ୍ ନ ଅଇତେ ରଇ, ତାର ବାଦୁଲେ ସୁକଲ୍ ଆରି ସିଦ୍ କାରାଇ ତାକେ ଚିଆ କରାଇସି । ୨୮ ସେନ୍ତାରିସେ ମୁନୁସ୍‌ମନ୍ ନିଜର ଗାଗଡ଼କେ ଜତନ୍ କରି ଆଲାଦ୍ କଲାପାରା ନିଜର ମାଇଜିମନ୍‌କେ ସେନ୍ତାରି କରା । ଜେ ନିଜର ମାଇଜିକେ ଆଲାଦ୍ କରସି, ସେ ନିଜକେ ମିସା ଆଲାଦ୍ କରସି । ୨୯ କେ ମିସା କେବେ ନିଜର ଗାଗଡ଼କେ ଗିନ୍ ନ କରେ । ମାତର ତାରପାଇ ଦୁଆପୁଟା କରି କାଦି କୁଆଇସି । ଜେନ୍ତାରି କି କିରିସ୍‌ଟ ତାର ମଣ୍ଡଲିର ପାଇ ଜତନ୍ କଲାନି । ୩୦ କାଇକେବଇଲେ ଆମେ ସବୁ ତାର ଗାଗଡ଼ର ବାଗ୍ ଅଇଆରୁ ।

୩୧ ଏଟାରପାଇ ଦରମ୍ ସାସ୍‌ତରେ ଲେକାଅଇଆଚେ ମୁନୁସ୍ ତାର ନିଜର ଆୟା ବାବାକେ ଚାଡ଼ି ନିଜର ମାଇଜିର ସଜ୍ଜି ମିସି ଜାଇସି । ଆରି ସେ ଦୁଇଲକ୍ ମିସି ଗଟେକ୍ ଅଇବାଇ । ୩୨ ଏଟା ଗଟେକ୍ ବଡ଼ ଲୁଟି ରଇବା ବିସଇ । ମାତର ମୁଇ କିରିସ୍‌ଟ ଆରି ମଣ୍ଡଲି ବିତ୍ତରେ ମିସିବିଡ଼ି ରଇବା ବିସଇ କାତା ଅଇଲିନି । ୩୩ ସାରାସାରି ତମେ ଗଟେକ୍ ଗଟେକ୍ ଲକ୍ ନିଜେ ନିଜେ ଆଲାଦ୍ ଅଇଲାପାରା ନିଜର ନିଜର ମାଇଜିକେ ସେନ୍ତାରି କରବାରୁ ଆଚେ । ଆରି ମାଇଜିମନ୍ ତାକର ମୁନୁସ୍‌ମନ୍‌କେ ସନ୍‌ମାନ୍ ଦେବାରୁ ଆଚେ ।



ବାବା ମାଆ ଆରି ପିଲାଟକି

୧ *ଏ ମର ପିଲାଟକିମନ୍, ତମେ ମାପରୁର ସଜ୍ଜି ମିସ୍‌ଲାରପାଇ ଆୟା ବାବାର କାତା ମାନିକରି ରୁଥା । ତମେ ଏନ୍ତାରି କରବାରୁ ଆଚେଆକା । ୨ ଏନ୍ତାରି ଲେକା ଅଇଲାଆଚେ, ନିଜର ଆୟା ବାବାକେ ସନ୍‌ମାନ୍ ଦିଆସ୍ । ଜେନ୍ତାରି କି ତମରପାଇ ସବୁ ବିସଇ ମଙ୍ଗଲ୍ ରଇସି । ଆରି ତମେ ସାର୍‌ଦା ଅଇ ବେସି ଦିନ୍ ଜାକ ଏ ଜଗତେ ବଠିରଇସା । ୩ ଏଟା ଅଇଲାନି ପରମେସରର ପରତୁମ୍ ଆଦେସ୍ ଜନ୍‌ଟା କି ସେ ଗଟେକ୍ ଦେଇରଇବା କାତା ମିସା ତେଇ ମିସାଇଆଚେ ।

୪ *ଏ ବାବାମନ୍, ପିଲାମନ୍‌କେ ରିସା କରାଆ ନାଇ । ତାର ବାଦୁଲେ ସେମନ୍‌କେ ମାପରୁର ବାକିଅ ଇସାବେ ସିକାଇକରି ବତାଆ ।

ଗତିଦାଙ୍ଗଡା ଆରି ସାଉକାର୍

୫ *ଏ ଗତିଦାଙ୍ଗଡାମନ୍, ଏ ଜଗତେ ରଇବା ସାଉକାର୍‌ମାନର କାତା ମାନିକରି ରୁଥା । ସେମନ୍‌କେ ସନ୍‌ମାନ୍ ଦେଇ, ପୁରାପୁରୁନ୍ ମନ୍ ସଜ୍ଜି ନାମିକରି ରୁଥା । ଜେନ୍ତାରି କି ତମେ କିରିସ୍‌ଟକେ ନାମିକରି ରଇସା । ୬ ଅବ୍‌କା ସେମନ୍‌ର ମୁଆଟେ ବଲ୍ ବଲାଇ ଅଇବାକେ ନାଇ, କି ସେମନ୍ ଦେକ୍‌ଲାବେଲେସେ ନାଇ । ମାତର କିରିସ୍‌ଟର ଗତିଦାଙ୍ଗଡା ପାରା, ପରମେସର ମନ୍‌କଲାଟା ପୁରାପୁରୁନ୍ ମନ୍ ଦିଆନ୍ ଦେଇ କରା । ୭ ତମକେ ଦାଇଡ଼ ଦେଇରଇବା ସବୁ କାମ୍ ସାର୍‌ଦା ସଜ୍ଜି କରା । ଜେନ୍ତାରିକି ତମେ ଅବ୍‌କା ଲକ୍‌ମାନର ପାଇ କାମ୍ ନ କରି ମାପରୁର ସେବା କଲା ପାରା କରା । ୮ କାଇକେବଇଲେ ତମେ ନିକ କାମ୍ କଲେ, ମାପରୁ ତମକେ ପୁରୁସ୍‌କାର୍ ଦେଇସି । ତମେ ଗତିଦାଙ୍ଗଡା ଅଇରୁଥା କି ମୁକଲ୍‌ଲା ଲକ୍ ଅଇରୁଥା ।

୯ *ଏ ସାଉକାର୍‌ମନ୍, ସେନ୍ତାରିସେ ତମର ଦାଙ୍ଗଡାମନ୍‌କେ ନିକସଜ୍ଜି ଦେକାରକା କରା । ସେମନ୍‌କେ

* ୫:୧୯ ୫:୧୯ କଲସିଅ ୩:୧୭,୧୭ * ୫:୨୨ ୫:୨୨ କଲସିଅ ୩:୧୮; ୧ ମ ପିତର ୩:୧ * ୫:୨୫ ୫:୨୫ କଲସିଅ ୩:୧୯; ୧ ମ ପିତର ୩:୭ * ୬:୧ ୬:୧ କଲସିଅ ୩:୨୦ * ୬:୪ ୬:୪ କଲସିଅ ୩:୨୧ * ୬:୫ ୬:୫ କଲସିଅ ୩:୨୨-୨୫ * ୬:୯ ୬:୯ କଲସିଅ ୪:୧; କଲସିଅ ୩:୨୫

ଦକାପୁକା ଦିଆସ୍ ନାଇ । ତମର୍ ମନେ ରଅ, ତାକର୍ ଆରି ତମର୍ ସାଉକାର୍ ସର୍ଗେ ଆଚେ । ଆରି ସେ ସାନ ବଡ଼ ନ ବାବି ଦେକାରକା କର୍ସି ।

ଆଡ଼ମାର୍ ଆଡ଼ଆତିଆର୍

^{୧୦} ସାରାସାରି ପଚେ, ମାପୁରୁଟ ଟାନେ ମିସିକରି ତାର୍ ବପୁପାଇକରି ତାଟ୍ ଅଇରୁଆ ।

^{୧୧} ପରମେସର୍ ତମକେ ଦେଇରଇବା ଜୁଇଦର୍ ସବୁ ରକାମ୍ ଆଡ଼ ଆତିଆର୍ ସାଜାଡ଼ିକରି ରୁଆ । ଜେନ୍ତାରିକି ତମକେ ସଇତାନ୍ ନାଡ଼ାଇବା ବେଲେ ତାକେ ବିରଦ୍ କରିପାରାସ୍ । ^{୧୨} କାଇକେବଇଲେ ଆମେ ଜଗତର୍ ଲକ୍ମନର୍ ବିରୁଦ୍ଧେ ଜୁଇଦ୍ କରୁନାଇ । ମାତର୍ କାରାପ୍ ଆଡ଼ମାମନକେ, ଆନ୍ଦାରେ ରଇବା ଜଗତର୍ ସାସନକାରିଆମନକେ, ଆରି ସର୍ଗେ କାରାପ୍ ବପୁ ପାଇରଇବା ଆଡ଼ମାମନର୍ ବିରୁଦ୍ଧେ ଜୁଇଦ୍ କଲୁନି । ^{୧୩} ତେବର୍ପାଇ ପରମେସର୍ ଦେଇରଇବା ସବୁରକାମ୍ ଜୁଜ୍ ବା ଆଡ଼ ଆତିଆର୍ ଗଟେକ୍ ସନିଅଁ ପିନ୍ଦଲାପାରା ପନ୍ଦିକରି ସାଜାଡ଼ା । ସେନ୍ତାର୍ ରଇଲେ ସଇତାନ୍ ଆରି ତାର୍ କାରାପ୍ ଆଡ଼ମାମନ୍ ତମକେ ଜୁଜ୍ଲାବେଲେ ସେମନକେ ତମେ ବିରଦ୍ କରି ପାରାସ୍ । ଜୁଇଦର୍ପାଇ ସବୁ ରକାମ୍ଟା ସାଜାଡ଼ି ରଇଲେ ତମେ ପଚେ ନ ଗୁଡ଼ିକରି ଟିଆଅଇ ପାର୍ସା ।

^{୧୪} ତେବେ ଜୁଇଦର୍ପାଇ ତମେ ଏନ୍ତାରି ଜାଗରଡ଼ ଉଆ । ଜେନ୍ତାରି କି, ପରମେସରର୍ ସଡ଼ ଆଁଟାବେତା, ଆଁଟାଇ ବାନ୍ଦିଅଇ, ତାର୍ ଦରମର୍ ସାଷୁ ଜଗାଡ଼ି ଅଇ, ^{୧୫} ସୁବକବରେଅନି ଆଇବା ସାନ୍ତିର୍ ପାଣ୍ଡୁଇ ପିନ୍ଦି ସାଜାଡ଼ି ଉଆ । ^{୧୬} ଏ ସବୁର୍ ଉପରେ ବିସ୍ବାସର୍ ତେବାଇବା ତାଲ୍ ଦାରିରୁଆ । ଏ ତାଲ୍ ସଙ୍ଗ୍ ସଇତାନ୍ ତମର୍ ମୁଆଟେ ବିନ୍ଦବା ଜଇର୍ କାଣ୍ଡ ଅର୍କାଇ ପାର୍ସା ।

^{୧୭} ଆରି ମାପୁରୁ ଦେଇରଇବା ମୁକ୍ତି, ଗଟେକ୍ ଚପିପାରା ମୁଣ୍ଡ ରକିଆ କର୍ବାବେକ ପିନ୍ଦିରୁଆ । ସୁକଲ୍ ଆଡ଼ମା ଦେଇରଇବା କାଣ୍ଡା ଦାରିରୁଆ । ସେ କାଣ୍ଡା ଅଇଲାନି ପରମେସରର୍ ବାକିଅ । ^{୧୮} ସୁକଲ୍ ଆଡ଼ମା ଚେଡ଼ନା ଦେଲା ଇସାବେ ପାର୍ତନା କରା । ସବୁ ରକାମର୍ ପାର୍ତନା ଆରି ଗୁଆରିସଙ୍ଗ୍ ପାର୍ତନା କରା । ଏଟାର୍ଲାଗି ଜାଗରଡ଼ ଅଇରୁଆ । ପରମେସରର୍ ଲକ୍ମନର୍ପାଇ ପାର୍ତନା କରିଲାଗିରୁଆ । ^{୧୯} ମର୍ପାଇ ମିସା ପାର୍ତନା କରା । ଜେନ୍ତାରି ମୁଇ କାତା ଅଇବାବେଲେ ପରମେସର୍ ମକେ ଟିକ୍ ବାକିଅ ଦେଅ । ସେନ୍ତାର୍ କଲେ, ସୁବ୍ କବରର୍ ଲୁଟିରଇବା ବିସଇ ମୁଇ କାକେ ନ ଭରିକରି ଲକ୍ମନକେ ଜାନାଇ ପାର୍ବି । ^{୨୦} ଏବେ ମୁଇ ବନ୍ଦି ଅଇ ରଇଲେ ମିସା କିରିସଟର୍ ସୁବକବର୍ ଜାନାଇବାପାଇ ଗଟେକ୍ ରାଜାର୍ ଦୁଡ଼ ପାରା ଅଇଲିଆତି । ସୁବକବର୍ ଟିକ୍ ସଙ୍ଗ୍, ନ ଭରିକରି ଜାନାଇବାବେକେ ପରମେସର୍ ମକେ ବପୁ ଦେଅ ବଲି ପାର୍ତନା କରା ।

ସାରାସାରି ଜୁଆର୍ବେଟ୍ ଅଇବାଟା

^{୨୧} [✠] ତକିକସ୍ ଜେ କି ଆମର୍ ଆଲାଦ୍ ବାଇ, । ସେ ମାପୁରୁକେ ବିସ୍ବାସ୍ ସଙ୍ଗ୍ ସେବା କଲାନି । ମୁଇ କେନ୍ତ୍ର ଆତି ଆରି କାଇଟା କଲିନି, ସେ ସବୁ ବିସଇ ତମକେ କଇଦେଇସି । ^{୨୨} ଆମକେ ଗଟ୍ ବା ବିସଇ ସବୁ ତମେ ଜାନିରୁଆ ବଲିକରି ମୁଇ ତାକେ ତମର୍ଟାନେ ପାଟାଇଲିନି । ଆରି ସେ ତମକେ ସାର୍ଦ୍ଦା କରାଇସି ।

^{୨୩} ଆମର୍ ବାବା ପରମେସର୍ ଆରି ମାପୁରୁ ଜିସୁକିରିସଟ୍ ସବୁ ବିସ୍ବାସି ବଇମନକେ ସାନ୍ତି ଦେଅ । କିରିସଟେକେ ବିସ୍ବାସ୍ କରି ତମର୍ ବିଡ଼ରେ ଆଲାଦ୍ କରାକରି ଅଇବାବେକେ ସେମନ୍ ତମକେ ସାଇଜ କରଡ଼ ।

^{୨୪} ଆମର୍ ମାପୁରୁ ଜିସୁ କିରିସଟେକେ ଜେଡ଼କି ଲକ୍ ଆଲାଦ୍ କଲାଇନି, ସେମନକେ ପରମେସର୍ ତାର୍ ଜିବନ୍ ଦୁକାଇଲାଟା ଆରି ନ ସାର୍ଦ୍ଦା ଆଲାଦ୍ ଦେଅ ।

ପିଲିପିଅ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର ପିଲିପିୟ ମଣ୍ଡଳିର ବିସ୍ତାରିତମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ପଦେକ୍ ଜାନ୍‌ବାଟା

ଜିସୁକିରିସ୍ତ ଜନମ୍ ଅଇକରି ୬୧ ବରସ ପରେ ପାଉଲ୍ ପିଲିପିଅ ମଣ୍ଡଳିର ବିସ୍ତାରିତମାନଙ୍କୁ ଲଗେ ଏ ଚିଠି ଲେକିରଇଲା । ଏ ଚିଠି ପାଉଲ୍ ରମ୍ ରାଇଜେ ବନ୍ଦି ରଇଲାବେଳେ ଲେକିରଇଲା ୧:୧୩ ।

ପିଲିପି ସଅରେ ରଇବା ମଣ୍ଡଳିମାନଙ୍କେସେ ଏ ଚିଠି ଲେକାଅଇରଇଲା । ଆମେ ପେରିଡ୍ ବଇଟାମେ ମିସା କେତେଟା ବିସଇ ପିଲିପିୟ ବଇର ବିସଇ ଜାନିପାରିଅଇସି । ପିଲିପି ମାକିଦନିଆର୍ ରାଜ୍‌ଦାନି ରଇଲା । ଏଟା ମାକିଦନିଆଇ ତିଆର୍ ଅଇରଇବା ପର୍ତୁମ୍ ମଣ୍ଡଳି ରଇଲା । ଏ ମଣ୍ଡଳି ପାଉଲ୍ ଆରି ସିଲା ମିସିକରି ଆରାମ୍ କରିରଇଲାଇ । ଆରି ତେଇ ରଇଲାବେଳେ ଗଟେକ୍ ରାଡିପାଲ ସେମାନଙ୍କେ ବନ୍ଦିକରି ସଙ୍ଗଇରଇଲାଇ ପେରିଡ୍ ୧୬ ।

ପାଉଲ୍ ଏ ଚିଠି ଲେକିବାକେ କେତେଟା ଆଦେସ୍ ରଇସି ମିସା । ସେ ବନ୍ଦି ରଇବା ବିସଇ ସୁନି ମଣ୍ଡଳିର ଲକ୍‌ମନ୍ ଚାନ୍ଦା ଉଟାଇକରି ପାଟାଇରଇଲାଇଜେ ସେମାନଙ୍କେ ଦନିଅବାଦ୍ ଦେବା ଉଦେସେ ଚିଠି ଲେକିଲାଆଟେ ୪:୧୦-୧୯ । ସେ ମିସା ତାର୍ ବନ୍ଦିରଇଲା ବେଲ୍‌ଟ୍ ଚିକିନିକି ବିସଇ ମଣ୍ଡଳିତେଇ ତିମତିକେ ଆରି ଏପ୍ରାପଦିଡ୍‌କେ ଜାନାଇଦେଲାନ୍ତି । ବିସ୍ତାରିତମାନଙ୍କେ ଜେଣ୍ଟିକି ସେମାନଙ୍କେ ମାନିକରି ଜୁଆର୍ ଜାନାଇବାଇ ଆରି ତାକର୍ ଦାଇତେ ନାମିକିରିରଇବାଇ ୨:୧୯-୩୦ ।

ଏ ବଇ ବିତ୍‌ରେ ରଇଲାଟା

- ୧. ପିଲିପିୟ ମଣ୍ଡଳିକେ ପାଉଲ୍ ଜୁଆର୍ ଜାନାଇବାଟା । ୧:୧-୨
- ୨. ପାଉଲ୍‌ର କସର୍ ପଡିରଇଲାଟା ଆରି ବାବ୍‌ବାଟା । ୧:୩-୨:୩୦
- ୩. ବିସ୍ତାରିତମାନଙ୍କୁ କିରିସ୍‌ଟକେ ବିସ୍ତାରିକରି ଜିନ୍ଦାନାଉନା କରବାକେ ପାଉଲ୍ ତିଆରି ଆଟେ । ୩:୧-୪:୯
- ୪. ପାଉଲ୍ ଚାନ୍ଦାକରି ବାନ୍ ଦେବାକେ ପିଲିପେ ରଇବା ମଣ୍ଡଳିର ବିସ୍ତାରିତମାନଙ୍କେ ଜୁଆର୍ ଆରି ଦନିଅବାଦ୍ ଜାନାଇଆଟେ । ୪:୧୦-୨୩

ପାଉଲ୍‌ର ପାର୍‌ତନା

୧*ଏ ଚିଠି ପାଉଲ୍ ଆରି ତିମତି, କିରିସ୍‌ଟ ଜିସୁର୍ ଦୁଇଟା ଗତିବାଙ୍ଗାତାମନ୍ ଲେକିଲୁନି ।

ଜିସୁକିରିସ୍‌ଟର୍ ଅଇକରି ପିଲିପି ନଅରେ ରଇବା ସବୁ ପର୍‌ମେସର୍‌ର ଲକ୍‌ମନର୍‌ପାଇ ଏଟା ଲେକାଅଇଲା ଆଟେ । ତମର୍ ବିତ୍‌ରେ ନେତା ଅଇକରି ତମକେ ସାଇଜ କରବା ଲକ୍‌ମନର୍‌ପାଇ ମିସା ।

୨ ଆମର୍ ବାବା ପର୍‌ମେସର୍ ଆରି ମାପୁର୍ ଜିସୁକିରିସ୍‌ଟ ତମକେ ଜିବନ୍ ଦୁକାଇକରି ସାନ୍ତି ଦେଅ ।

ପାଉଲ୍‌ର ପାର୍‌ତନା

୩ ମୁଇ ତମକେ ଜେଡ୍‌କିତର୍ ଏତାଇଲିନି, ସେଡ୍‌କିତର୍ ମର୍ ପର୍‌ମେସର୍‌କେ ଦନିଅବାଦ୍ ଦେଇତେରଇବି । ୪ ପାର୍‌ତନା କଲାବେଳେ ସବୁତର୍ ତମର୍‌ପାଇ ସାର୍‌ଦାସଙ୍ଗ୍ ପାର୍‌ତନା କଲିନି ।

* କାଜକେବଇଲେ ସୁବ୍‌କବର୍ ଜାନାଇବା କାମେ ତମେ ମର୍ ସଙ୍ଗ୍ ମିସିକରି ରଇଲାସ୍ । ବିସ୍ତାରିତ କରବା ପର୍‌ତୁମ୍ ଦିନେଅନି ଆଜିକେ ଜାକ ତମେ ମକେ ଏଟା କଲାସ୍ନି । ଆରି ଏବେ ମିସା କରି ଆଇଲାସ୍ନି । ୨ ପର୍‌ମେସର୍ ଜେକି ତମର୍ ମନ୍ ବିତ୍‌ରେ କାମ୍ କରବାକେ ଆରାମକରିଆଟେ, ଜିସୁକିରିସ୍‌ଟ ବାଉଡିଆଇବା ଜାକ, ସେଟା କରି ସାରାଇସି । ୩ ତମେ ସବୁବେଳେ ମର୍ ମନ୍ ବିତ୍‌ରେ ଆଗାସ୍ । ତେବର୍‌ପାଇ ତମର୍ ବିସଇନେଇ କରି ଏଣ୍ଡାରି ବାବ୍‌ବାଟା ଚିକ୍ ସେ । ମୁଇ ବନ୍ଦି ନ ଅଇକରି ରଇଲାବେଳେ କି ଏବେ ବନ୍ଦି ରଇକରି ସୁବ୍‌କବର୍ ବିରୁଦେ ଦଦାପେଲା ଉଟ୍‌ଲାବେଳେ, ଏଟା ସଦ୍ ଆକା ବଲି ତାବ୍‌ସଙ୍ଗ୍ ଦେକାଇବାଟାମେ ମିସା, ତମେ ସବୁ ମିସ୍ତାବକେ ପର୍‌ମେସର୍ ବେଲା ଚିକି କରି ଦେଲାଆଟେ । ୮ ମୁଇ ତମକେ ସବୁ ଲକ୍‌କେ ଆରିତରେକ୍ ଦେକ୍‌ବି ବଲି ମନ୍ କଲିନି । ଏ ବିସଇତେଇ ନିଜେ ପର୍‌ମେସର୍ ସାକିଆଟେ । କାଜକେବଇଲେ ଜିସୁକିରିସ୍‌ଟ ଆଲାଦ୍ କଲାପାରା ମୁଇ ତମକେ ଆଲାଦ୍ କଲିନି ।

* ୧:୧ ୧:୧ ପେରିଡ୍ ୧୭:୧୨

୯ ମୁଞ୍ଚ ତମରୂପାଇ ଏନ୍ତାରି ପାର୍ତତନା କଲିନି, ଜେନ୍ତାରିକି ତମେ ଆଲାଦ୍ କରୁବାଟାନେ ଅଦିକ୍ ଅଦିକ୍ ବଡ଼ୁସା । ପରୁମେସରୁ ଜେନ୍ତାରି ଆଚେ, ସେ ବିସଇ ତମେ ଅଦିକ୍ ଅଦିକ୍ ଜାନସା ବଲି ମୁଞ୍ଚ ପାର୍ତତନା କଲିନି । ଆରି ଜେତେବଲ୍ ମିସା କନଟା ସଡ଼ କନଟା ବୁଲ୍ ସେଟା ଜାନିପାରୁସା । ୧୦ ସେନ୍ତାରିଆଲେ ଚିକ୍ ବିସଇ କନଟା ବଲି ବାଟିକରି କରିପାରୁସା । ଆରି ଏବେଅନି କିରିସଟ୍ ବାଉଡି ଆଇବାଜାକ ସବୁ ପାପେଅନି ମୁକ୍ଲିକରି କାଇ ଦସ୍ ନ ଅଇକରି ରଇପାରୁସା । ୧୧ ଜେନ୍ତାରିକି ଗଟେକ୍ ପଲ୍ ଦେବା ଗର୍ ପଲ୍ ଦେଇସି, ସେନ୍ତାରିସେ ତମେ ମିସା ଜିସୁକିରିସଟ୍ ବପୁ ସଙ୍ଗ୍ ଦରମ୍ କାମର୍ ପଲ୍ ଦେଇସା । ଏଟା ପରୁମେସରୁକେ ଡାକ୍ପୁଟା ଆରି ମଇମା କରୁସି ।

କିରିସଟ୍ ଅଇଲାନି ଆମର୍ ଜିବନ୍

୧୨ ଏ ବାଇବଇନିମନ୍, ତମେ ଜାନୁବାର୍ ଆଚେ କି କିରିସଟ୍‌ରୂପାଇ ମର୍ ଜିବନେ ଜେଡ଼କି ଗଟିଆଚେ, ତାରୁଲାଗି ଅଦିକ୍ ଲକ୍ ସୁବକବର୍ ବିସବାସ କରୁବାକେ ଗଟେକ୍ ବାଟ୍ ଆଇଲା । ୧୩*ଜେନ୍ତାରି, ସମରାଟ୍‌ରୁ ମେତେ ଜେଡ଼କି ସଇନ ଜାଗିଆଚଡ଼, ସେମନ୍ ସବୁ ମୁଞ୍ଚ କିରିସଟ୍‌କେ ସେବା କଲାର୍ ପାଇ ବନ୍ଦିଗରେ ଆଟିବଲି ଜାନୁଲାଇ । ୧୪ ମୁଞ୍ଚ ବନ୍ଦିଗରେ ରଇଲାଟ୍‌ପାଇ, ଇଡି ରଇବା କେତେକ୍ କେତେକ୍ ବିସବାସି ବାଇବଇନିମନ୍‌କେ ମାପୁରୁ ବପୁ ଦେଲାଆଚେ । ପରୁମେସରୁ ବାକିଅ ନ ଡ଼ଡ଼େ ଜାନାଇବାକେ ସେମନ୍‌କେ ଏବେ ସାଆସ୍ ଆଚେ ।

୧୫ ଅଇଲେ ମିସା ସେମନ୍‌ରୁ ବିଡ଼ରେ ଅନି କେତେଲକ୍ ମକେ ଆଁକାର୍ କଲାଟ୍‌ପାଇ କିରିସଟ୍‌ରୁ ବିସଇ ଜାନାଇବାକେ ମନ୍ କଲାଇନି । ସେମନ୍ ମର୍ଟାନେଅନି ବଡ଼ ବଲି ଦେକାଇଅଇବାକେ ଏଡ଼ି କଲାଇନି । ମାତର୍ ଆରି କେତେକ୍ ଲକ୍ ଏଟା ସଡ଼ ବଲି ମନେବାବିକରି କଲାଇନି । ୧୬ ଏ ଲକ୍‌ମନ୍ ମକେ ଆଲାଦ୍ କଲାଟ୍ ପାଇ ସୁବକବର୍ ଜାନାଇଲାଇନି । କିରିସଟ୍‌ରୁ ସୁବକବର୍ ଦେକାରକା କରୁବାକେ ପରୁମେସରୁସେ ମକେ ଏ ବନ୍ଦିଗରେ ସଙ୍ଗାଇଆଚେ ବଲି ଜାନିକରି ମିସା । ୧୭ ମାତର୍ ଜନ୍ ଲକ୍‌ମନ୍ ମକେ ଆଁକାର୍ କଲାଇନି, ମର୍ଟାନେଅନି ବଡ଼ ଅଇରୁ ବଲିକରି, କିରିସଟ୍‌ରୁ ସୁବକବର୍ ଜାନାଇଲାଇନି । ତାକର୍ ମନେ ଏଟା ସଡ଼ବଲି ବାବିକରି କରଡ଼ନାଇ । ମୁଞ୍ଚ ବନ୍ଦି ଗରେ ରଇକରି ଜେଡ଼କି କସଟ୍ ମୁରୁଲିନି, ତାରୁତେଇଅନି ଅଦିକ୍ କସଟ୍ ମିସାଇବାକେ କୁଟ୍ ପାଁଟୁଲାଇନି ।

୧୮ ମାତର୍ ଏଟା ମର୍ପାଇ କାଇଟା ନାଇ । ସେମନ୍ ସତଇସେ କଲେ କି ବୁଲ୍ କାମର୍ ପାଇ କଲେ ମିସା, କିରିସଟ୍‌ରୁ ବିସଇରୁ କବର୍ ଜାନାଇ ଅଇଲେ, ସେଟା ମୁକିଅ ବିସଇ । ଆରି ସେଟାଟ୍‌ପାଇ ମୁଞ୍ଚ ସାର୍ଦା ସଙ୍ଗ୍ ରଇବି । ୧୯ ଆରି ମୁଞ୍ଚ ସାର୍ଦା ଅଇଡେରଇବି । କାଇକେବଇଲେ ତମେ ମର୍ପାଇ ପାର୍ତତନା କଲାସିନି ବଲି ମୁଞ୍ଚ ଜାନି । ଆରି ଜିସୁକିରିସଟ୍‌ରୁ ସୁକଲ୍ ଆଡ଼ମାର୍ ସାଇଜରୁଲାଗି ପରୁମେସରୁ ମକେ ମୁକ୍‌ଲାଇସି । ୨୦ ମୁଞ୍ଚ ଦିଆନ୍ ଦେଇ ଆରି ଆସା କରି ଜାଗଲିନି । ମୁଞ୍ଚ ଜିବନ୍ ରଇଲେ କି ମର୍ବାକେ ଅଇଲେ ମିସା ମର୍ କାମ୍‌ଟାନେ ଏଲା ନ କରି । ମାତର୍ ଅଦିକାର୍ ସଙ୍ଗ୍ ରଇବା ଲକ୍‌ମନ୍‌ରୁ ମୁଆଟେ କାତା ଅଇବାକେ ମକେ ଅଦିକ୍ ସାଆସ୍ ଆଇସି । ଏନ୍ତାରିକରି ମୁଞ୍ଚ ଜେଡ଼କି କାମ୍ କଲିନି, କିରିସଟ୍‌କେ ଡାକ୍ପୁଟା କରାଇବି । ୨୧ କାଇକେବଇଲେ ମର୍ପାଇ ଜିଇବା କାଇବାଟା ସବୁ କିରିସଟ୍‌ସେ । ଆରି ମର୍ ଇସାବେ, କିରିସଟ୍‌ରୁଟାନେ ରଇକରି ମର୍ବାଟା ବେସି ନିକ । ୨୨ ମୁଞ୍ଚ ଜିଇରଇଲେ, କିରିସଟ୍‌ରୂପାଇ ନିକ ସଙ୍ଗ୍ କାମ୍ କରିଅଇସି । ମାତର୍ ମଲେ ନିକ କି ଜିଇରଇଲେ ନିକ ବଲି ଜାନି ନାପାରୁଲିନି । ୨୩ ଏ ବୁଞ୍ଚାଟା ବିଡ଼ରେ କାଇଟା କରୁବି ବଲି ଜିକାଟାନା ଅଇଲିନି । ଏ ଜିବନ୍ ଗାଡି ସର୍ଗେ କିରିସଟ୍‌ରୁ ସଙ୍ଗ୍ ରଇବାକେ ମୁଞ୍ଚ ମନ୍ କଲିନି । କାଇକେବଇଲେ ସେଟା ଅଦିକ୍ ନିକ । ୨୪ ମାତର୍ ତମରୂପାଇ ମୁଞ୍ଚ ଜିଇକରି ରଇବାଟା ବେସି ମୁକିଅ ବିସଇ । ୨୫ ଏ ବିସଇ ମୁଞ୍ଚ ଡାଁଟ୍ ସଙ୍ଗ୍ ଜାନୁଲିନି । ତେବର୍ପାଇ ମୁଞ୍ଚ ଜିଇକରି ରଇବି ଜେନ୍ତାରିକି, ତମେ ବିସବାସେ ଡାଁଟ୍ ଅଇସା ଆରି ବିସବାସ୍ କଲାଟ୍‌ପାଇ ସାର୍ଦା ଅଇସା । ୨୬ ସେନ୍ତାରିଆଲେ, ମୁଞ୍ଚ ତମର୍ ସଙ୍ଗ୍ ଆରିତରେକ୍ ମିସାବେଲେ, ଜିସୁକିରିସଟ୍‌ରୁ ସଙ୍ଗ୍ ମିସଲାଟ୍‌ପାଇ ତମେ ମର୍ ବିସଇନେଇ ବଡ଼ପନ୍ ଅଇସା ।

୨୭ ସବୁଟାନେଅନି ମୁକିଅ ବିସଇ ଅଇଲାନି ଏଟା । କିରିସଟ୍‌ରୁ ସୁବ କବର୍ ବିସବାସ୍ କରୁବା ଲକ୍‌ମନ୍ କେନ୍ତାରି ଚଲାଚଲୁଡି କରୁବାରୁଆଚେ, ତମେ ସେନ୍ତାରି କରା । ମୁଞ୍ଚ ତମକେ ଦେକ୍‌ବାରୁ ଆଇଲେମିସା, କି ତମର୍ଟାନେଅନି ଦୁରିକେ ରଇ ଅବ୍‌କା ସୁନିପାରୁଲେ ମିସା ଏନ୍ତାରି ଜିଇଡେରୁଆ । ଏଟାରୁଲାଗି ତମେ ସବୁ ଗଟେକ୍ ମନ୍ ଅଇ ମିସିଆଟାସ୍ ବଲି ମୁଞ୍ଚ ଜାନିପାରୁବି । ଜନ୍ ଲକ୍‌ମନ୍ ସୁବ କବରରୁ ବିରୁଦେ ଦଦାପେଲା କଲାଇନି, ତାକର୍ ମୁଆଟେ କିରିସଟ୍‌ରୁ ସୁବକବର୍ ଦେକାରକା କରୁବାକେ ତମେ ସବୁ ଗଟେକ୍ ଅଇ ଟିଆଅଇଲାସିନି ବଲି ମୁଞ୍ଚ ଜାନୁବି । ୨୮ ଜନ୍ ଲକ୍‌ମନ୍ ତମର୍ ବିରଦେ ଆଇଲାଇନି, ସେମନ୍‌କେ ତରା

* ୧:୧୩ ୧:୧୩ ପେରିଡ଼ ୨୮:୩୦

ନାଲ । ତମେ ସାଆସ୍ ଦାରିରଇଲେ, ପର୍ତ୍ତମେସର୍ ସେମନ୍ତକେ କୁରୁପ୍ତନାସ୍ କରି ତମକେ ରକିଆ କର୍ସି ବଲି ଜାନବାଇ । ଏ ସବୁ ବିସଇ ପର୍ତ୍ତମେସର୍ସେ କର୍ସି ।^{୨୯} କାଇକେବଇଲେ ପର୍ତ୍ତମେସର୍ ତମକେ କିରିସ୍ତକେ ଅବକା ବିସବାସ୍ କର୍ବା ଦାନ୍ ଦେଏନାଇ, ମାତର୍ ତାତ୍ପାଇ ଦୁକ୍ କସଟ୍ ପାଇକରି ରଇବା ଦାନ୍ ମିସା ଦେଲାଆଟେ ।^{୩୦} ତମର୍ ବିରୁଦେ ଆଇବା ଲକ୍ମନର୍ ସଙ୍ଗ୍ ଜନ୍ ଜୁଇଦେ ତମେ ରଇଲାସ୍, ସେନ୍ତାରିସେ ଗଟେକ୍ ଜୁଇଦେ ମୁଇ ମିସା ପିଲିପ୍ତେତଇ ରଇଲାବେଲେ ଅଇଲାଟା ତମେ ଦେକିଆଟାସ୍ । ଆରି ଏବେ ମିସା ସେ ଜୁଇଦେ ମୁଇ ଆରି ବଲି ତମେ ସୁନି ଆଇଲାସ୍ନି ।

୨

କିରିସ୍ତର୍ ଦରମ୍ ଆରି ତାକ୍ପୁଟା

^୧ ଜଦି କିରିସ୍ତର୍ ସଙ୍ଗ୍ ମିସଲାର୍ ପାଇ ତମର୍ ମନ୍ ସାର୍ଦା ଅଇଲାଆଟେ, ଆରି ତାର୍ ଆଲାଦର୍ ଲାଗି ସାନ୍ତି ପାଇଆଟାସ୍, ଜଦି ସୁକଲ୍ ଆତ୍ମାର୍ ସଙ୍ଗ୍ ମିସିବିତିକରି ଆଟାସ୍, ଆରି ଜଦି କିରିସ୍ତର୍ ତମକେ ଜିବନ୍ ଦୁକାଇ ଦୟା ଦେକାଇଆଟେ, ^୨ ସେନ୍ତାର୍ ଆଲେ, ମୁଇ ତମକେ ଜୁଆର୍ କରି କଇଲିନି, ତମର୍ ତମର୍ ବିତ୍ତରେ ଗଟେକ୍ ମନ୍ ଉଆ । ଗଟେକ୍ ଲକ୍ ଆରି ଗଟେକ୍ ଲକ୍ କେ ସମାନ୍ ଇସାବେ ଆଲାଦ୍ କରା । ଗଟେକ୍ ଚିନ୍ତା କରା ଆରି ତମର୍ ଆତ୍ମାଲ ଗଟେକ୍ ଅଇକରି ତମର୍ ବାଦ୍ବାଟା ଗଟେକ୍ ଅ । ଏନ୍ତାରି କରି ମକେ ପୁରାପୁରୁନ୍ ସାର୍ଦା କରାଆ ।^୩ ବିନ୍ ଲକ୍ମନର୍ ଟାନେଅନି ନିଜେ ବଡ୍ ଅଇବାକେ ଚେସ୍ଟା କରାନାଇ । ଅବକା ବଡ୍ପନ୍ କାତା କଇବାକେ କାଇ ବିସଇ ମିସା କରାନାଇ । ତାର୍ ବାଦୁଲେ ନିଜ୍ଜକେ ସାନ୍ କରା । ବିନ୍ ଲକ୍ମନର୍ ଟାନେଅନି, ନିଜେ ମୁଇ ବଡ୍ ବଲି ବାବାନାଇ ।^୪ ମର୍ ନିଜର୍ପାଇ କାଇଟାକଲେ ଅଦିକ୍ ନିକ ରଇସି ବଲି ଅବକା ସେଟାସେ ବାବି ବାବି ରୁଆନାଇ । ବିନ୍ ଲକ୍ମନର୍ପାଇ ଜନ୍ ବିସଇ ନିକ ରଇସି, ସେଟାମିସା ଏତାଇରୁଆ ।^୫ କିରିସ୍ତର୍ ଜିସ୍ତର୍ ମନ୍ ଜେନ୍ତି ରଇଲା, ତମର୍ ମନ୍ମିସା ସେ ରକାମ୍ ଅ ।

^୬ ସେ ପର୍ତ୍ତମେସର୍ ପାରା ସବୁ ରକାମ୍ ରଇଲେ ମିସା, ତାର୍ ସଙ୍ଗ୍ ସମାନ୍ ଅଇ ରଇବା ଅଦିକାର୍ ନିଜର୍ପାଇ ଦାରିକରି ରଇବି ବଲି ମନ୍ କରେ ନାଇ ।

^୭ ତାର୍ ବାଦୁଲେ ସେ ନିଜେ ମନ୍କରି, ତାକେ ରଇଲା ସବୁଟା ଚାଡିଦେଇ ଗଟେକ୍ ଗତିଦାଙ୍ଗ୍ଡାତ୍ତ ରୁପ୍ ଦାରିଆଇଲା । ନର୍ ଲକ୍ ପାରା ଅଇକରି ନର୍ ଲକ୍ମନର୍ ବାନିମୁଟ୍ଟି ଦାରି ଜାଡ୍ ଅଇଲା ।

୮ ନର୍ଲକ୍ ପାରା ଅଇ ଆଇଲାପଟେ, ସେ ପର୍ତ୍ତମେସର୍ ଆଦେସ୍ ମାନିକରି, ନିଜ୍ଜକେ ଆରି ଅଦିକ୍ ସାନ୍କଲା । ଲକ୍ମନର୍ ମରାଅଡ୍ ବଲି ସର୍ପାଇ ଅଇଲା । ଅବକା ମର୍ବାକେ ନାଇ, ମାତର୍ କୁରୁସ୍ କାଟେ କୁଟିମାରାଇଅଇ ଚଗାଇଅଇବାକେ ମିସା ।

^୯ ତେବର୍ପାଇ ପର୍ତ୍ତମେସର୍ ତାକେ ସବୁବେତେଅନି ଉପରେ ଉଟାଇଲା । ଆରି ସବୁର୍ ନାଉଁଟାନେଅନି ଅଦିକ୍ ତାକ୍ପୁଟା ଆରି ଅଦିକାର୍ ରଇବା ନାଉଁ ତାକେ ଦେଲା ।

^{୧୦} ଜେନ୍ତିକି ସରଗ୍ପୁରେ, ମର୍ପୁରେ ଆରି ପାତାଲେ ରଇବା ସବୁ, ଜିସୁକେ ମାଣ୍ଡିକୁଟା ଦେଇ ଜୁଆର୍ କର୍ବାଇ । ସେଟାପାଇ ପର୍ତ୍ତମେସର୍ ଏ ସବୁ କଲାଆଟେ ।

^{୧୧} ଆରି ସବୁ ଲକ୍ ଜିସୁକିରିସ୍ତର୍ସେ ମାପରୁ ବଲି ମାନିଅଇବାଇ । ଏନ୍ତାରି ଅଇଲେ ବାବା ପର୍ତ୍ତମେସର୍ ତାକ୍ପୁଟା ପାଇସି ।

ପୁର୍ତ୍ତବିତେଇ ଉଜଲ୍ ଅଇ ରୁଆ

^{୧୨} ତେବର୍ ପାଇ, ଏ ମର୍ ଆଲାଦର୍ ମଇତର୍ମନ୍, ତମେ ଜେନ୍ତିକି, ମାପରୁ ଆଦେସ୍ ମାନିକରି ରଇଆଟାସ୍, ଜାଗିରଇ ଡରିକରି ତମର୍ ମୁକ୍ତିର୍ କାମ୍ ପୁରାପୁରୁନ୍ କରା । ମୁଇ ରଇଲାବେଲେସେ ନାଇ, ମାତର୍ ମୁଇ ଦୁରିକେ ରଇଲେ ମିସା ଏଟା କରା ।^{୧୩} ପର୍ତ୍ତମେସର୍ ନିଜେ ତମର୍ ବିତ୍ତରେ ଏ କାମ୍ କଲାପାଇ ତମେ ଏଟା କରିପାରସା । ତମକେ ଜାଇଟା କରବ୍ ବଲି ସେ ମନ୍ କଲାନି, ସେ ସମାନ୍ ମନ୍ କର୍ବାଟା, ତମକେ ମିସା ଦେଇସି । ଆରି ସେଟା କର୍ବାକେ ବପୁ ମିସା ଦେଇସି ।

^{୧୪} ମୁର୍ମୁରା ଆରି କିରଜାଟି ନ ଅଇକରି ସବୁ ଲକ୍ମନାକ କାମ୍ କରା ।^{୧୫} ଏନ୍ତାରିକଲେ, ତମେ କାରାପ୍ କାମ୍ କଲାସ୍ନି ବଲି ବିନ୍ଲକ୍ କାଇ ଦସ୍ ନ ଦାରଡ୍ ଆରି ତମେ ସୁକଲ୍ ଅଇସା । ପାପକରି କାରାପ୍ କାମ୍ କର୍ବା ଲକ୍ମନର୍ ମଜାଇ ପର୍ତ୍ତମେସର୍ସେ ସିଦ୍ ପିଲାଟକି ଇସାବେ ତମେ ରଇସା । ତାକର୍ ବିତ୍ତରେ ଆନ୍ଦାର୍ ଜଗତେ ଉଜଲ୍ ଜଟକ୍ଲା ପାରା ତମର୍ ଚଲାଟଲ୍ଡି ତିସି ।^{୧୬} ନ ସାର୍ଦା ଜିବନର୍ କବର୍ ସବୁ

* ୧:୩୦ ୧:୩୦ ପେରିବ୍ ୧୭:୧୯-୪୦

ଲକ୍ଷ୍ୟେ ଜାନାଥା । ଏନ୍ତାରିକଲେ, କିରିସ୍ତ ବାଅଡ଼ବା ଦିନେ ମୁଜ୍ଜ ତମର୍ ବିସଇଜ୍ ଲାଗି ବଡ଼ପନ୍ ଅଇବି । ତମର୍ ବିତ୍ତରେ ଆବଡ଼ ଅଇକରି କରିରଇବା କାମ୍ ତୁଚାଇ ଅଏ ନାଇ ବଲି ସେ ଦିନେ ତିସ୍ତି ।

୧୭ ସୁବକବର୍ ବିସବାସ୍ କଲାଟପାଇ, ତମେ ଜେନ୍ତାରି ଦୁକ୍ କସ୍ତ ପାଇକରି ମୁରତ୍ଲାସ୍ତିନ, ସେନ୍ତାରିସେ ମୁଜ୍ଜ ମିସା ସୁବକବର୍ ଜାନାଇଲାର୍ ପାଇ ଦୁକ୍ କସ୍ତ ପାଇକରି ମରିମିସା ଜିବି । ସେନ୍ତାରିଅଇଲେ ମିସା ମୁଜ୍ଜ ନିଜେ ସାର୍ଦା ଅଇ ତମର୍ସଜ୍ ସାର୍ଦା କର୍ବି । ୧୮ ସେନ୍ତାରିସେ ତମେମିସା ସାର୍ଦା ଅଇକରି ମର୍ସଜ୍ ସାର୍ଦା କର୍ବାର୍ ଆଚେ ।

ତିମତି ଆରି ଏପାପର୍ଦିତ୍

୧୯ ଜଦି ମାପୁରୁ ମନକଲେ, ତିମତିକେ ତମର୍ଗାନେ ଦାପରେ ପାଟାଇବାକେ ମନ୍ କଲିନି । ତାର୍ଗାନେଅନି ତମେ ନିକ ଆଚାସ୍ ବଲି ସୁନ୍ଲେ, ମୁଜ୍ଜ ମିସା ସାର୍ଦା ଅଇବି । ୨୦ ତିମତିକେ ଗତିଦେଲେ ଆରି ତମର୍ ବିସଇ କେ ମିସା, ଅଦିକ୍ ଚିନ୍ତା କରବା ଲକ୍ ମର୍ ଲଗେ ନାଇ । ସେ ତମର୍ ଦୁକ୍ ସୁକ୍ ବିସଇନେଇ ସତଇସେ ଚିନ୍ତା କରସି । ୨୧ ମୁଜ୍ଜ କାଇକେ ଏନ୍ତାରି କଇଲିନି ବଇଲେ, ସବୁ ଲକ୍ ନିଜର୍ ନିଜର୍ ମନ୍ କଲାଟା ପୁରାପୁରୁନ୍ କର୍ବାକେ ମନ୍ କର୍ବାଇ । ଜିସୁକିରିସ୍ତ ମନ୍ କଲାଟା ପୁରାପୁରୁନ୍ କର୍ବାକେ ମନ୍ କରଡ଼ ନାଇ । ୨୨ ତମେତା ଜାନିଆଚାସ୍, ତିମତି ନିଜ୍ଜକେ ସଡ଼ବାବେ କାମ୍ କର୍ବା ଲକ୍ ପାରା ଦେକାଇଅଇଆଚେ । ସେ ଜେନ୍ତାରି ଗଟେକ୍ ପଅ, ତାର୍ ବାବା ସଜ୍ ସେବା କରସି, ସେନ୍ତାରିସେ ସେ ମର୍ସଜ୍ ସୁବକବର୍ ଜାନାଇବା କାମେ ମିସିଆଚେ । ୨୩ ତେବର୍ ପାଇ, ମକେ କାଇଟା ଗର୍ସି, ସେଟା ଜାନିଲା ଦାପରେ, ତାକେ ତମର୍ ଲଗେ ପିଲିପିଡେଇ ପାଟାଇବି ବଲିକରି ଆସା କଲିନି । ୨୪ ମୁଜ୍ଜ ମାପୁରୁ ଲଗେ ବିସବାସ୍ କଲିନିଜେ, ମୁଜ୍ଜ ନିଜେ ମିସା ଦାପରେ ତମ୍ମକେ ଦେକବାକେ ଆଇବି ।

୨୫ ମାତର୍ ଆମର୍ ବାଇ ଏପାପର୍ଦିତକେ ତମର୍ଗାନେ ପାଟାଇବି ବଲି ମୁ ମନେ ମନେ ବାବୁଲିନି । ସେ ମର୍ ସଜ୍ କାମ୍ କରି ସୁବକବରର୍ ଦେକାରକା ପାଇ ଆବଡ଼ କଲା । ତମର୍ ବାବୁଲେ ମର୍ ସବୁ ବିସଇ ପୁରାପୁରୁନ୍ କର୍ବାକେ ତାକେ ତମେ ପାଟାଇରଇଲାସ୍ । ୨୬ କାଇକେ ବଇଲେ ସେ ତମ୍ମକେ ଦେକବାକେ ବେସି ମନ୍ କଲାନି । ଆରି ତାକେ ବେମାର୍ ଦାରାଇ ଅଇଆଚେ ବଲିକରି ତମେ ସୁନିକରି ଦାଦାଦାଦା ଅଇରଇଲାସ୍ ବଲି ସେ ଜାନିରଇଲା । ୨୭ ଓ, ସେ ମର୍ ବା ଉପରେ ରଇଲା । ଆରି ପର୍ମେସର୍ ତାକେ ଦୟାକଲା । ଅବ୍କା ତାକେସେ ନାଇ, ମାତର୍ ଜେନ୍ତାରି ମର୍ପାଇ ଦୁକ୍ତପରେ ଦୁକ୍ ନ ଆସ ବଲି ମକେ ମିସା ଦୟାକଲା । ୨୮ ତେବର୍ପାଇ ମୁଜ୍ଜ ତାକେ ଆରିତରେକ୍ ବେସି ସାର୍ଦା ସଜ୍ ପାଟାଇଲିନି । ଜେନ୍ତାରି ତମେ ତାକେ ଆରିତରେକ୍ ଦେକି ସାର୍ଦା ଅଇସା ଆରି ମୁଜ୍ଜ ମିସା ଦୁକ୍ ନ କର । ୨୯ ତେବର୍ପାଇ ତାକେ ଗଟେକ୍ ବିସବାସି ବାଇ ଇସାବେ ସାର୍ଦା ସଜ୍ ତାକିନିଆ । ତାର୍ପାରା ଲକ୍ମନକେ ସନ୍ମାନ ଦିଆସ୍ । ୩୦ କାଇକେବଇଲେ କିରିସ୍ତର୍ ଲାଗି ବଲିକରି ସେ ତାର୍ ଜିବନ୍ ବିପଦେ ପାକାଇଲା । ଆରି ତମେ ମର୍ଲାଗି ବଲିକରି ସେବାକାମେ ଜାଜଟାସବୁ ଉନା ଅଇଲାଆଚେ, ସେଟା ସବୁଜାକ ସେ ପୁରାପୁରୁନ୍ କଲା ।

୩

ସଡ଼ବାବ୍ରେ ଦରମ୍ମକରୁ

୧ ସାରାସାରି ପଚେ ଏ ମର୍ ବାଇବଇନିମନ୍, ମୁଜ୍ଜ ତମ୍ମକେ ଆଗ୍ରୁ କଇଲାଟା ଆରିତରେକ୍ କଇବାକେ ମକେ ବିଜାର୍ ଲାଗେନାଇ । କାଇକେବଇଲେ ସେନ୍ତାରି କଲେ ବୁଲ୍ ବିସଇ ସିକାଉମନର୍ଗାନେଅନି ତମେ ଜାଗରଡ଼ ଅଇରଇସା । ୨ କୁକୁମ୍ମମନ୍ ପାରା ରଇବା ସେନ୍ତାରି ଲକ୍ମନର୍ ଗାନେଅନି ଜାଗରଡ଼ା ରୁଆ । କାଇକେବଇଲେ ସେମନ୍ କାରାସ୍ ବିସଇ କଲାଜନି । ବିସବାସି ଅଇବା ମନସ୍ ପିଲାମନ୍ ସବୁ ସୁନଡ଼ ଅଇବାର୍ ଆଚେ ବଲି କଇଲାଜନି । ୩ କାଇକେ ବଇଲେ ଆମେସେ ସତଇସେ ପର୍ମେସରର୍ ଲକ୍ । ଆମେସେ ସୁକଲ୍ଆଡ଼ମାର୍ ସାଇଜ ସଜ୍ ପର୍ମେସର୍କେ ଜୁଆର୍ କଲୁନି । ଆମେ ଜିସୁ କିରିସ୍ତକେ ତାକ୍ପୁଟା କଲୁନି । ଆମର୍ ନିଜର୍ ରିତିନିତି ସେ ମୁକିଅ ବଲି ଚଲୁନାଇ । ୪ ମୁଜ୍ଜ ଆମର୍ ରିତିନିତି ଇସାବେ ଚାଲିବାକେ ଅଦିକ୍ ମନ୍ କରଡ଼ି । ଜଦି କେଆଲେ ବିନ୍ ଲକ୍ ରିତିନିତିକେ ଆସା କର୍ବାଇ, ସେନ୍ତାରିଆଲେ ସେମନର୍ଡେଇଅନି ମୁଜ୍ଜ ଅଦିକ୍ କରଡ଼ି । ୫ ପର୍ମେସର୍ ଆମର୍ ଆନିଦାଦିମନ୍କେ ତିଆର୍ଲାପାରା ଗଟେକ୍ ଆର୍ ଅଇଲାକେ ମକେ ସୁନଡ଼ କରିରଇଲା । ମୁଜ୍ଜ ଗଟେକ୍ ଇସରାଏଲର୍ ଲକ୍ । ଦେକବାକେ ଗାଲେ ମୁଜ୍ଜ ବେନଜାମିନ୍ କୁଟୁମର୍ ଲକ୍ । ମୁଜ୍ଜ ଗଟେକ୍ ଏବ୍ରିଅ ଆରି ଆମର୍ ଆନିଦାଦିମନ୍ ମିସା ଏବ୍ରିଅ ରଇଲା । ମସାର୍ ରିତିନିତି ମାନବାକେ ଗଟେକ୍ ପାରୁସି ପାରା ରଇଲି

୩:୫ ରମିୟ ୧୧:୧; ପେରିଡ଼ ୨୩:୨-୨:୫

। ୭* ପରଫେସର୍ ମନକଲାରା ପୁରାପୁରୁନ୍ କରବାକେ ମୁଇ ବେସି ମନ୍ କଲି ଆରି ସେନ୍ତାରି କରୁ କରୁ ଜିସୁର୍ ସିସ୍ମାନକେ କସଟ ଦେଲି । ଆମର୍ ଜିଉଦି ନିୟମ୍ ସବୁ ପୁରାପୁରୁନ୍ ମାନଲାର ପାଇ ଜଦି ଗଟେକ୍ ଲକ୍ ଦରମ୍ ଅଇପାର୍ତା ବଇଲେ, ମୁଇ ସେନ୍ତାରି ଅଇତି । କାଇକେବଇଲେ ମୁଇ ସେ ସବୁ ନିୟମ୍ ମାନତେରଇଲି । ୮ ମାତର୍ ଆଗେ ମୁଇ ଜେଡ୍‌କି ସବୁ ବିସଇ ବେସି ମୁଲିଅ ଆଚେବଲି ବାବ୍‌ତେରଇଲି, ଏବେ କିରିସ୍‌ଟର୍ ସଙ୍ଗ୍ ମିସ୍ଲାର ପାଇ ସେଟାମନ୍ ସବୁ ତୁଟାଇସେ ବଲି ଜାନଲିନି । ୯ ସେଡ୍‌କିସେ ନର୍ଏ ଆଗତୁ ଜେଡ୍‌କି ସବୁ ବିସଇ ପରଫେସର୍‌କେ ସାର୍‌ଦା କରାଇବାକେ କରତେରଇଲି, ଜିସୁ କିରିସ୍‌ଟକେ ମର୍ ମାପୁରୁ ବଲି ମାନଲାତେଇଅନି, ସେଟା ତୁଟାଇସେ ବଲି ଜାନଲିନି । ୧୦ ତାର୍‌ପାଇ ମୁଇ ସବୁ ବିସଇ ଚାଡିଦେଲିଆତି । କିରିସ୍‌ଟର୍ ସିସ୍ ଅଇବି ବଲିକିରି ସେଟାମନ୍ ତୁଟାଇସେ ବଲି ଏଡ୍‌କଲିନି । ୧୧ ଜେନ୍ତାରି କି ମୁଇ ତାର୍ ସଙ୍ଗ୍ ପୁରାପୁରୁନ୍ ମିସିରଇବି । ରିଡିନିତି ମାନକିରି ପରଫେସର୍‌ର୍ ମୁଆଟେ ଦରମ୍ ଲକ୍ ଅଇବି ବଲି ଚେସ୍‌ଟା କରତେରଇଲି, ଏବେ ସେଟା ସବୁ ଚାଡିଦେଲି । ତାର୍ ବାଦୁଲେ କିରିସ୍‌ଟକେ ବିସିବାସ୍ କଲାରପାଇ ପରଫେସର୍ ମକେ ଦରମ୍ ଲକ୍ ଇସାବେ ଦେକ୍‌ଲାନି । ୧୨ ମୁଇ କିରିସ୍‌ଟକେ ଜାନବି ବଲି ମନ୍ କଲିନି । ଆରି ପରଫେସର୍ ତାକେ ଜନ୍ ବପୁସଙ୍ଗ୍ ମଲାତେଇଅନି ଉଟାଇଲା, ସେ ବପୁ ମୁଇ ମର୍ ଜିବନେ ମିଲାଇବି ବଲି ଆସା କଲିନି । ସେ ଜେନ୍ତାରି ମର୍‌ପାଇ ଦୁକ୍ କସଟ ପାଇଲା, ସେନ୍ତାରିସେ ମୁଇମିସା ତାର୍‌ପାଇ ଦୁକ୍ କସଟ ପାଇବି ଆରି ତାର୍ ମରନେ ମିସିବି । ୧୩ ସେନ୍ତାରି ପରଫେସର୍ ଜେଡ୍‌କି ଲକ୍‌କେ ମଲାତେଇଅନି ଜିବନ୍ କରି ଉଟାଇସି, ସେମନ୍‌ର୍ ବିଡ୍‌ରେଅନି ମୁଇ ଗଟେକ୍ ଲକ୍ ଅଇବି ।

ପୁରୁସ୍କାର ପାଇବାକେ ପାଇଇଲିନି

୧୪ ଏ ସବୁ ବିସଇ ମୁଇ କିରିସାରାଇ ଆତି ବଲି କଇନାଇ । ପରଫେସର୍ ମକେ ସିଦ୍ କରି ସାରାଇଆଚେ ବଲି ମିସା ମୁଇ କଇନାଇ । ମାତର୍, କିରିସ୍‌ଟର୍ ପାରା ଅଇବାକେ ମୁଇ ବେସି ଚେସ୍‌ଟା କଲିନି । ସେଟାର୍‌ପାଇ କିରିସ୍‌ଟ ମକେ ବାବ୍‌ଲା ଆଚେ । ୧୫ ନାଇ, ମର୍ ବାଇବଇନିମନ୍, ଏ ସବୁଜାକ କିରିସାରାଇଆତି ବଲି ମୁଇ କଇନାଇ । ମାତର୍ ଅଦିକ୍ ଗଟେକ୍ ମୁକିଅ ରଇବା ବିସଇ ମୁଇ କଲିନି, । ଜେଡ୍‌କି ସବୁ ବିସଇ ଅଇସାରଲା ଆଚେ, ସେଟା ସବୁ ପାସିରି ଚାଡିଦେଇକିରି କିରିସ୍‌ଟ ଜନ୍ ରକାମ୍ ମକେ ଅଇବାର୍‌ଆଚେ ବଲି ମନ୍ କଲାନି, ସେନ୍ତାରି ଅଇବାକେ ମୁଇ ଚେସ୍‌ଟା କଲିନି । ୧୬ ମର୍ ସାରାସାରି ଜାଗାଇ କେଟ୍‌ବା ଜାକ ଆଗତୁ ଆଗତୁ ଗାଲିନି । ଜେନ୍ତାରି ମୁଇ ସର୍‌ଗେ ପୁରୁସ୍କାର୍ ପାଇବି । ଜିସୁକିରିସ୍‌ଟ ମର୍‌ପାଇ ଜେଡ୍‌କି ବିସଇ କଲାଆଚେ, ସେଟାର୍‌ପାଇ ସେ ପୁରୁସ୍କାର୍ ମୁଇ ସର୍‌ଗେ ପାଇବି ।

୧୭ ସେନ୍ତାରିଆଲେ ଆସା, ଆମେ ଜେଡ୍‌କି ଲକ୍ ସୁକଲ୍ ଅଇଆର୍, ଏ ରକାମ୍ ବିସଇ ସମାନ୍ ଇସାବେ ଚିନ୍ତା କରତେରଉଁ । ଆରି ଜଦି ଏ ସବୁ ବିସଇର୍‌ପାଇ ତମେ ମର୍ ସଙ୍ଗ୍ ରାଜି ଉଆସ୍‌ନାଇ, ଚିକ୍ ସଙ୍ଗ୍ ଚିନ୍ତା କରବାକେ ପରଫେସର୍ ତମକେ ସାଇଜ କରସି । ୧୮ ଜେନ୍ତା ମିସା ପରଫେସର୍ ଜେଡ୍‌କି ବିସଇ ସବୁ ଆମକେ ଦେକାଇ ସାରାଇଆଚେ, ସେ ସବୁଜାକ ଆମେ ମାନବାର୍ ଆଚେ ।

୧୯* ଏ ମର୍ ବାଇବଇନିମନ୍, ମୁଇ ଜେନ୍ତାରି କଲିନି, ତମେ ମିସା ସେନ୍ତାରିସେ କରା । ଆମେ ତମର୍ ସଙ୍ଗ୍ ରଇଲାବେଲେ ଜେନ୍ତା ଚଲାଟଲୁଡି କରତେରଇଲୁ, ସେଟା ଜାଗ୍‌ରଡ୍ ସଙ୍ଗ୍ ଦେକା ଆରି ସେନ୍ତାରି ଚଲାଟଲୁଡି କରା । ୨୦ କାଇକେ ବଇଲେ ମୁଇ ତମକେ ଆଗତୁ କେତେତର୍ କଇ ସାରାଇଆତି, ଆରି ଏବେ ବେସି ଦୁକ୍‌ର୍ ସଙ୍ଗ୍ କାନ୍ଦିକିରି କଇଲିନି, ବେସି ଲକ୍ କିରିସ୍‌ଟର୍ ବିରଦି ଇସାବେ ଚଲାଟଲୁଡି କରବାଇ । ୨୧ ସାରାସାରି ପରଫେସର୍ ସେମନ୍‌କେ ବିନାସ୍ କରସି । ସେମନ୍ ଅବ୍‌କା ଗାଗଡ୍ ମନ୍ କରବାଟା ପୁରାପୁରୁନ୍ କରବାକେ ମନ୍ କଲାଇନି । ଲାଜର୍ ବିସଇ କରି ସାର୍‌ଦା କଲାଇନି । ଅବ୍‌କା ଏ ଜଗତର୍ ବିସଇସେ ଚିନ୍ତା କଲାଇନି । ୨୨ ମାତର୍ ଆମେତା ସରଗର୍ ଲକ୍‌ମନ୍, ସେ ଜାଗାଇଅନି ଆମର୍ ଉଦାକ୍‌କାରିଆ ମାପୁରୁ ଜିସୁକିରିସ୍‌ଟ ବାଉଡି ଆଇବା ବେଲାକେ ଆମେ ଜାଗଲୁନି । ୨୩ ଜେନ୍ତାକି ତାକେ ଜଗତର୍ ସବୁ ବିସଇ ସର୍‌ପିଅଇବାଇ, ସେନ୍ତାରି ତାର୍‌ଟାଗେ ବପୁ ଆଚେ । ସେ ବପୁସଙ୍ଗ୍ ଆମର୍ ମର୍‌ବା ଗାଗଡ୍‌ମନ୍‌କେ ନୁଆ କରି ବାଦ୍‌ଲାଇସି । ପରଫେସର୍ ତାକେ ଜିବନ୍ କରି ଉଟାଇଲାବେଲେ, ସେ ଜନ୍ ମଇମାର୍ ଗାଗଡ୍ ପାଇରଇଲା, ସେନ୍ତାରି ରଇବା ମଇମାର୍ ଗାଗଡ୍ ଆମକେ ମିସା ଦେଇସି ।

୪

ସିକିଆ ଆରି ଆଦେସ

୧ ତେବର୍ ପାଇ ଏ ମର୍ ବିସିବାସି ବାଇବଇନିମନ୍, ମୁଇ ତମକେ ଆଲାଦ୍ କରି ଦେକ୍‌ବାକେ ମନ୍ କଲିନି, ତମେ ମକେ ବେସି ସାର୍‌ଦା କରାଇଲାସିନି ଆରି ତମେ ଆକା ମର୍ ପୁରୁସ୍କାର୍ । ମର୍

* ୩:୭ ପେରିଡ୍ ୮:୩:୨୨-୪:୨୭:୯-୧୧ * ୩:୧୭ ୩:୧୭ ୧୮ କରନ୍ତ୍ରସ ୪:୧୭:୧୧:୧୧

ମୁକ୍ତତରଫାନ୍, ମୁକ୍ତ ତମକେ ଜେଡ଼କି ବିସଇ କଇଥାରି, ସେନ୍ତାରିସେ ମାପୁରୁଟାଗାନେ ବିସବାସେ ଡାବ୍ ରୁଆ ।

୨ ଇୟଦିଆକେ ଆରି ସନ୍ତୁକେ ମୁକ୍ତ ବାବୁଜିଆକରି କଇଲିନି, ତମେ ଦୁଇଲକ୍ ଜାକ ମାପୁରୁ ଲକ୍ ଅଇଆଗାସ୍ । ତେବର୍ ପାଇ ତମର୍ ବିଡ଼ରେ ଗଟେକ୍ ମନ୍ ଅଇ ରାଜିଉଆ । ୩ ଆରି ବାଇ ଜେ କି ସବୁବେଲେ ମକେ ସାଇଜ କର୍ସୁ, ଏ ଦୁଇଟା ମାଇଜିମନ୍ ସାନ୍ତି ସଙ୍ଗ ରଇବାକେ ତୁଇ ସାଇଜ କର୍ । କାଇକେବଇଲେ ସୁବକବର୍ ଜାନାଇବା କାମେ ସେମନ୍ ମର୍ସସଙ୍ଗ ରଇକରି ବେସି ଆବଡ୍ ଅଇଲାଇ ଆଚଡ୍ । ସେନ୍ତାରିସେ କେଲେମେନଟ୍ ଆରି ବିନ୍ ଲକ୍ମନ୍ ମିସା ମର୍ ସଙ୍ଗ କାମ୍ କର୍ତେତରଇଲାଇ । ପର୍ମେସର୍ ଡାବ୍ ବଇଟାନେ ସେମନର୍ ସବୁ ଲକର୍ ନାଉଁ ଲେକ୍ଲା ଆଚେ । ସେ ସବୁ ଲକ୍ ନ ସାର୍ବା ଜିବନ୍ ପାଇଲାଇ ଆଚଡ୍ ।

୪ ମାପୁରୁ ସଙ୍ଗ୍ ମିସିରଇଲାର୍ପାଇ ସବୁବେଲେ ସାର୍ଦା ଅଇକରି ରୁଆ । ମୁକ୍ତ ଆରିତରେକ୍ କଇଲିନି ସାର୍ଦା ଅଇକରି ରୁଆ ।

୫ ଦରମ୍ ଅଇକରି ସବୁ ଲକର୍ ସଙ୍ଗ ଚଲାଚଲ୍ତି କରା । ମାପୁରୁ ଆଇବା ଦିନ୍ କେଟି ଆଇଲାନି ବଲି ପାସରାନାଇ । ୬ କାଇ ବିସଇ ନେଇକରି ମିସା ଚିନ୍ତା କରି ଦାନ୍ଦା ଉଆନାଇ । ତାର୍ ବାଦୁଲେ ସବୁ ଗର୍ମ୍ ଅଇଲାଇ ବେଲେ, ତମକେ ଜାଇଟା ଲଡା ଆଚେ, ସେ ବିସଇ ପର୍ମେସର୍କେ ଗୁଆରି କରା । ଆରି ପାର୍ଡନା କଲାବେଲେ, ତାକେ ଦନିଅବାଦ୍ ମିସା ଦିଆସ୍ । ୭ ଏନ୍ତାରି କଲେ, ପର୍ମେସର୍ ତମକେ ସାନ୍ତି ଦେଇସି । ଏ ସାନ୍ତି ଲକ୍ମନ୍ ବୁଜ୍‌ବା ସାନ୍ତିପାରା ନାଇ । କିରିସଟ୍ ଜିସ୍ତୁ ସଙ୍ଗ ମିସଲାର୍ପାଇ ଜଦି ଏ ସାନ୍ତି ତମେ ପାଇଲେ, ତମର୍ ଜିବନେ କସଟ୍ ଆଇଲେ ମିସା ନ ଡିକିରି, ଚିନ୍ତାକରି ଦାନ୍ଦା ନ ଅଇବାକେ ସାଜି କର୍ସି ।

୮ ସାରାସାରି ପଟେ ଏ ମର୍ ବାଇବଇନିମନ୍, ଜେଡ଼କି ସବୁ ବିସଇ ନିକ ରଇସି, ଜେଡ଼କି ସବୁ ବିସଇ ସନ୍ମାନ୍ ପାଇସି, ଜନ୍ ସବୁ ବିସଇ ସଡ୍ ରଇସି, ଜନ୍ ସବୁ ବିସଇ ପାପ୍ ନଇତେ ରଇସି, ଜନ୍ ସବୁ ବିସଇ ଦରମ୍ ରଇସି, ଆରି ଡାକ୍‌ପୁଟା ରଇସି, ଏ ସବୁ ବିସଇନେଇ ଚିନ୍ତା କରା । ୯ ତମକେ ମୁକ୍ତ ଜେଡ଼କି ସବୁ ବିସଇ ସିକାଇରଇଲି, ଆରି ତମେ ମାନିରଇଲାସ୍ ସେଟା ସବୁ କର୍ତେତୁଆ । ମୁକ୍ତ ଜେଡ଼କି ବିସଇ କଇତେରଇଲି, ସେଟା ସୁନ୍ତେରଇଲାସ୍ ଆରି ଜେଡ଼କି ବିସଇ କର୍ତେତରଇଲି, ସେଟା ଦେକିରଇଲାସ୍, ସେଟା ସବୁ କର୍ତେତୁଆ । ପର୍ମେସର୍ ତମର୍ସଙ୍ଗ ରଇ ତମକେ ସାନ୍ତି ଦେଇସି ।

ଦାନ୍ ଦେବାର୍‌ଲାର୍ ଦନିଅବାଦ୍

୧୦ ମାପୁରୁ ସଙ୍ଗ୍ ମିସଲାର୍ ପାଇ ମୁକ୍ତ ବେସି ସାର୍ଦା ଅଇଲିନି । କାଇକେବଇଲେ, ମକେ ଲତାକେ ଲାଗ୍‌ବାଟା ପାଟାଇଦେଲାକେ ତମେ ମର୍ ବିସଇ ଚିନ୍ତା କଲାସିନି ବଲି ମୁକ୍ତ ଜାନ୍‌ଲିନି । ତମର୍ ଆଲାଦ୍ ଦେକାଇବାକେ ଏବେସେ ତମକେ ବେଲା ଟିକ୍ ଅଇଲା । ୧୧ ମକେ ଲତାକେ ଲାଗ୍‌ବା ବିସଇ ମର୍ଲଗେ ନ ରଇଲାକେ ବଲି ଏନ୍ତାରି କଇନାଇ । କାଇକେବଇଲେ ମର୍ ଜିବନର୍ କାଇ ରକାମର୍ ଗର୍ମା ଆଇଲେ ମିସା, ସାର୍ଦା ସଙ୍ଗ ରଇବାକେ ସିକ୍‌ଲିଆଟି । ୧୨ ଅଲପକେ ମିସା ସାର୍ଦାସଙ୍ଗ୍ ରଇବାକେ, କି ବୁଡେକ୍ ରଇଲେ ମିସା ସାର୍ଦା ସଙ୍ଗ ରଇବାକେ ସିକ୍‌ଲିଆଟି । ପେର୍ ପୁର୍ତେ କାଇଲେମିସା, କି ବୁଡେକ୍ ରଇଲେ ମିସା, ଲତାକେ ଆଇବା ସବୁ ବିସଇ ରଇଲେ ମିସା, ନ ରଇଲେ ମିସା, ସାର୍ଦାସଙ୍ଗ୍ ରଇବାକେ ମୁକ୍ତ ଜାନି । ୧୩ ଏ ସବୁ ଗର୍ମା ଆଇଲେ ମିସା ମୁକ୍ତ ମୁର୍ଚିକରି ରଇବାକେ ସିକ୍‌ଲିଆଟି । କାଇକେବଇଲେ, କିରିସଟ୍ ମକେ ବପୁ ଦେଲାନି ।

୧୪ ଏନ୍ତାରି ଅଇଲେ ମିସା ଅବାଦ୍ ରଇଲା ବେଲାଇ, ତମେ ମକେ ଦୟାଦେକାଇ ମର୍ପାଇ ସାଇଜ ପାଟାଇଲାସ୍ । ୧୫ ପିଲିପିଅତେଇ ରଇବା ବାଇବଇନିମନ୍, ତମେ ସତଇସେ ଜାନିଆଗାସ୍, ସିଗ୍ ପର୍ଡୁମ୍ ସୁବକବରର୍ ବିସଇ ସିକାଇବା ବେଲେ, ମୁକ୍ତ ମାକେଦନିଆଇଅନି ଜେତେବଲ୍ ବାରଇ ଜାଇରଇଲି, । ବିସବାସି ମନର୍ ଦଲ୍ ବିଡ଼ରେ, ତମର୍ ମଣ୍ଡଲିର୍ ବିସବାସିମନ୍‌ସେ ମକେ ଡାବୁ ଦାନ୍ କିରିରଇଲାସ୍ । ୧୬ ଧର୍ତ୍ତେସଲନିକିଆ ନଅରେ ରଇବାବେଲେ ମିସା ମକେ ଲତା ରଇଲାବେଲେ, ତମେ ଦୁଇତର୍ ଦାନ୍ ପାଟାଇଲାସ୍ । ୧୭ ତମକେ ମୁକ୍ତ ଦାନ୍ ପାଟାଇତେରଅଡ୍ ବଲି ଏନ୍ତାରି କଇନାଇ । ମାଡର୍ ମକେ ସାଇଜ କଲାର୍ ପାଇ, ପର୍ମେସର୍ ତମକେ ପୁରୁସକାର ଦେଅ ବଲି ମୁକ୍ତ ମନ୍ କଲିନି । ୧୮ ତେବେ ତମେ ମର୍ପାଇ ପାଟାଇଲାଟା ସବୁଜାକ ମର୍ଟାଗାନେ କେଟ୍‌ଲା ଆଚେ । ଆରି ସେଟା ମର୍ପାଇ ଅଦିକ୍ । ତମେ ପାଟାଇଲା ସବୁ ବିସଇ ଏପାପର୍ଦିସ୍ ମର୍ଲଗେ ଆନ୍‌ଲାକେ, ମକେ ଲତାକେ ଆଇବା ସବୁ ମୁକ୍ତ ମିଲାଇଆଟି । ଏନ୍ତାରି କଲାକେ ତମେ ପର୍ମେସର୍କେ ସର୍ପି ଦେଲା ନିକ ବାସ୍ନା ଅଇବା ଦାନ୍ ପାରା

✽ ୪:୧୭ ୪:୧୭ ପେରିବ୍ ୧୭:୧ ✽ ୪:୧୭ ୪:୧୭ ୨ୟ କରନ୍ତିୟ ୧୧:୯

ଅଇଲା ଆଚେ । ସେ ସେଟା ସଙ୍ଗାକରି ସାର୍ଦା ଅଇଲାଆଚେ । ^{୧୯} ଜିସୁକିରିସ୍ଟ କରି ରଇବା କାମର୍ ଲାଗି, ବେସି ରଇବା ତାର ଦନ୍‌ସ୍‌ପତି ଟାନେଅନି ସେ ତକେ ଲତାକେ ଆଇବା ସବୁ ବିସଇ ଦେଇସି । ^{୨୦} ଆମର୍ ସରଗର୍ ବାବା ପର୍‌ମେସର୍ କାଲ୍ କାଲ୍ ଜୁଗ୍‌ଜୁଗ୍ ଡାକ୍‌ପୁଟା ପାଅ । ଆମେନ୍ !

ସାରାସାରିର୍ ଜୁଆର୍

^{୨୧} କିରିସ୍ଟ ଜିସୁକେ ବିସ୍‌ବାସ୍ କର୍‌ବା ପର୍‌ମେସର୍‌ର ସବୁ ଲକ୍‌ମନ୍‌କେ ଜୁଆର୍ କରା । ମର୍‌ସଙ୍ଗ୍ ରଇବା ଆମର୍ ବିସ୍‌ବାସି ବାଇବନିମନ୍ ତାକର୍ ଜୁଆର୍ ଜାନାଇଲାଇନି । ^{୨୨} ଏ ନଅରେ ରଇବା ବାକି ସବୁ ପର୍‌ମେସର୍‌ର ଲକ୍‌ମନ୍ ତମ୍‌କେ ଜୁଆର୍ ଜାନାଇଲାଇନି । ଜନ୍ ବିସ୍‌ବାସିମନ୍, ଜନ୍‌ଲକ୍ କି ରମିଅ ସାସନ୍‌କାରିଆର୍ ଗତିଦାଙ୍ଗ୍‌ତା ଅଇଲାଇଆଚଡ୍, ସେମନ୍ ତାକର୍ ଜୁଆର୍ ଜାନାଇଲାଇନି ।

^{୨୩} ମାପରୁ ଜିସୁକିରିସ୍ଟ ତମ୍‌କେ ଜିବନ୍ ଦୁକାଇ ଦୟା କଲାଟା ତମର୍ ବିଡ୍‌ରେ ରଅ ।

କଲସିଅ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର କଲସିଅ ମଣ୍ଡଳୀର ବିସ୍ୱାସୀମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇରୁ ବିସଇ ପଦେକ୍ ଜାନ୍‌ବାଟା

କଲସିଅତେଇ ଲେକିରଇବା ଚିଠି ଅଇଲାନ୍ତି ପାଉଲ୍ ଲେକିରଇବାଟା୧:୧ । ଦେକ୍‌ବାକେ ଗାଲେ ଜିସୁକିରିସ୍ତ ଜନମଅଇକରି ୬୦ କିରିସ୍ତାଦ ପାକାପାକି ଲେକାଅଇଆତେ । ରମ୍ ପାଉଲ୍‌ଜେ ବନ୍ଦି ରଇଲା ବେଲେ ସେ ଏ ଚିଠି ଲେକିରଇଲା । କଲସିଅ ବଇ ସଙ୍ଗ୍ ଏପିସିୟ ଆରି ପିଲିପିୟ ବଇମାନଙ୍କେ ମିସା ବନ୍ଦି ଗରୁ ବଇ ବଲି କଇବାଇ । କାଜକେବଇଲେ ପାଉଲ୍ ବନ୍ଦିଗରେ ରଇବା ବେଲେ ଏ ବଇ ଲେକିରଇଲା । ସେ କଲସିଅ ସଅରେ ରଇବା ମଣ୍ଡଳିମାନଙ୍କେ ଏ ବଇ ଲେକିରଇଲା । ପାଉଲ୍ ଏ ମଣ୍ଡଳି ଆରାମ୍ ନ କରିରଇଲା, ଜନ୍‌ଟା ସେ ୨:୧ ତେଇ ଜାନାଇଆତେ, ମାତରୁ ବେସି ଲକ୍ ତେଇ ତାରୁ ବାଇତେ ରଇବା କାଟା ମନେପାକାଇଲାଜନ୍ତି । ଏପାପରସ୍ ଏ ମଣ୍ଡଳି ତିଆରକରିରଇଲା । ସେଟାରୁପାଇ ସେ କଲସିଅର୍ ଗଟେକ୍ ଲକ୍ ରଇଲା ।

ପାଉଲ୍ କଲସିଅ ମଣ୍ଡଳିଟାମେ ଅଇତେରଇବା କେତେଟା ମିର୍ ସିକିଆର୍‌ପାଇ ବାବ୍‌ତେରଇଲା । ସେ ଚିଟିଗାମେ ଏ ବିସଇ ଲେକ୍‌ବାକେ ବେସି ଦିନ୍ ବିତାଇରଇଲା । ଅଇଲେ ଅଇରଇପାରେ କେତେଟା ଜିଉଦି ବିସ୍ୱାସୀମାନ୍ ଜନ୍‌ଲକ୍‌ମାନ୍ କି ବିନ୍ କେତେଟା ବିସ୍ୱାସୀମାନଙ୍କେ ପୁରନା ନିୟମ୍ ଜିଉଦି ରିଟିନିତି ନିକସଙ୍ଗ୍ ମାନ୍‌ବାକେ ବାଦିଅ କରତେରଇଲାଇ । ସେମନ୍ ସୁନତ୍ ବିଦିର୍ ନିୟମ୍ ମାନ୍‌ବାକେ ବାଦିଅ କରବାକେ ତେସ୍‌ଟା କରତେରଇଲାଇ । ପାଉଲ୍ ଲଡାକେ ନ ଆଇବା ବିସ୍ୱାସୀମାନର୍ ବିସଇ ନିକ ସଙ୍ଗ୍ ଲେକିଆତେ । କେ ଅଇଲେ ମିସା ଗଟେକ୍ ଲକ୍ କିରିସ୍‌ଟକେ ରାତି ପର୍‌ମେସରୁ ମୁଆଟେ ତାରୁ ଅଇ ନାପାରେ ୧:୧୫-୨୦ । ମାତରୁ ଏ ନର୍ ଲକ୍‌ମାନର୍ ଦଦାପେଲାଟୁଲାଗି ତିଆର୍‌ଅଇରଇବା ସିକିଆ କାଜ କାମ୍‌କେ ନ ଦେଏ ୨:୮ ।

ଏ ବଇ ବିବରେ ରଇବାଟା

- ୧. କଲସିଅ ମଣ୍ଡଳିକେ ପାଉଲ୍ ଜୁଆର୍ ଜାନାଇବାଟା । ୧:୧-୨
- ୨. କିରିସ୍‌ଟର୍ କେବେ କେ କରି ନ ରଇବା କାମ୍ ଆରି ମିର୍ ସିକିଆ ବିସଇ ନେଇକରି ପାଉଲ୍ ଉତର୍ ଦେବାଟା । ୧:୩-୩:୪
- ୩. ପାଉଲ୍ ଗଟେକ୍ ନିମାନ୍ ବିସ୍ୱାସୀ ଅଇ ଜିଉନା କାଉନା କରବାକେ କଇଲାଆତେ । ୩:୫-୪:୭
- ୪. ପାଉଲ୍ ଏ ଚିଠି ବିନ୍ ବିନ୍ ମଣ୍ଡଳିତେଇ ମିସା ପଡ଼ବାକେ କଇକରି, ଆରି ଜୁଆର୍‌ବେଟ୍ ଜାନାଇ ସରାଇଲାନ୍ତି । ୪:୭-୧୮

୧ ଏ ଚିଠି ମୁଇ ପାଉଲ୍ ଆରି ବିସ୍ୱାସୀର୍ ଲାଗି ଆମର୍ ବାଇଅଇରଇବା ତିମତି ମିସି ଲେକ୍‌ଲୁନି । ପର୍‌ମେସର୍ ମକେ ବାଟୁଲାଟୁପାଇ ମୁଇ ଜିସୁକିରିସ୍‌ଟର୍ ଗଟେକ୍ ପେରିଡ୍ ଅଇଆତି ।

୨ କଲସି ନଅରେ ରଇବା ପର୍‌ମେସରର୍ ଲକ୍‌ମନ୍ ତମ୍‌କେ, ମୁଇ ଏ ଚିଠି ଲେକି ପାଟାଇଲିନି । ତମେ ଆମର୍ ବିସ୍ୱାସ୍ ରଇବା ବାଇବଇନିମନ୍ ଆରି କିରିସ୍‌ଟର୍ ସଙ୍ଗ୍ ମିସିଆଟାସ୍ ।

ଆମର୍ ବାବା ପର୍‌ମେସର୍ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

ଦନିଅବାଦ୍ ଦେବା ପାର୍‌ତନା

୩ ଆମେ ତମର୍‌ପାଇ ପାର୍‌ତନା କଲାବେଲେ ଆମର୍ ମାପୁର୍ ଜିସୁକିରିସ୍‌ଟର୍ ବାବା ପର୍‌ମେସର୍‌କେ ଦନିଅବାଦ୍ ଦେଲୁନି । ୪ କାଜକେବଇଲେ ମାପୁର୍ ଜିସୁକିରିସ୍‌ଟର୍ ତେଇ ରଇବା ତମର୍ ବିସ୍ୱାସ୍ ଆରି ପର୍‌ମେସରର୍ ଲକ୍‌ମାନର୍ ପାଇ ରଇବା ତମର୍ ଆଲାଦର୍ ବିସଇ ଆମେ ସୁନିଆର୍ । ୫ ତମେ ପର୍‌ତୁମ୍ ସୁବ୍ କବରୁ ବିସଇ ସୁନଲାବେଲେ, ସୁବ୍‌କବରେ ରଇବା ଆସାକରୁବା ବିସଇ ଜାନିରଇଲାସ୍ । ତେବର୍‌ପାଇ ତମେ ବିସ୍ୱାସ୍ କରି ପର୍‌ମେସରର୍ ଲକ୍‌ମାନଙ୍କେ ଆଲାଦ୍ କରତେ ରଇଲାସ୍ । ତମର୍‌ପାଇ ସର୍‌ଗେ ତିଆର୍ ଅଇରଇବା ପୁରୁସ୍‌କାର୍ ଆସାକରି ଏନ୍ତାରି କଲାସ୍ । ୬ ଗୁଲାଇ ଜଗତର୍ କେତେକ୍ କେତେକ୍ ଲକ୍‌ମନ୍ ଏ ସୁବ୍‌କବର୍ ବିସ୍ୱାସ୍‌କରି ତାକର୍ ମନ୍ ବାଦ୍‌ଲାଇଲାଜନ୍ତି । ତମେ ସୁବ୍‌କବର୍ ସୁନଲା ପର୍‌ତୁମ୍ ଦିନେଅନି ତମର୍ ବିବରେ ମିସା ଏନ୍ତାରିସେ ଅଇରଇଲା ଆରି ପର୍‌ମେସର୍ ଜିବନ୍ ଦୁକାଇଲା ସର୍ ବିସଇ ତମେ ପୁରାପୁରୁନ୍ ଜାନିରଇଲାସ୍ । ୭ ପର୍‌ମେସର୍ ତାରୁ ଜିବନ୍ ଦୁକାଇ ଦୟା ଦେକାଇଲା ବିସଇ ଆମର୍

☆ ୧:୭ ୧:୭ କଲସିଅ ୪:୧୨; ପିଲିମ୍ ୧:୨୩

ଆଲାଦର୍ ଗତିଦାଙ୍ଗଡ଼ା ଏପାପରାସ୍ ତମ୍ଭକେ ସିକାଇରଇଲା । ଆମର୍ ବାପୁଲେ ସେ ବିସ୍ବାସ୍ ରଇକରି କିରିସ୍ତକେ ସେବାକଲାନି । ୮ ପର୍ତ୍ତମେସର୍ ଲକ୍ମନକେ ଆଲାଦ୍ କର୍ବାକେ ତମ୍ଭକେ ସୁକଲ୍‌ଆତ୍ମା କେନ୍ତାରି ସାଇଜ କଲାଆଚେ ବଲି ଏପାପରାସ୍ ଆମ୍ଭକେ ଜାନାଇଆଚେ ।

୯ ଆମେ ତମ୍ଭ ବିସଇର୍ ଏ ନିକ କବର୍ ସୁନିକରି, ତମ୍ଭପାଇ ପାର୍ତତନା କରିଲାଗିଆରୁ । ତାର୍ ସୁକଲ୍‌ଆତ୍ମାଆଇଅନି ପାଇରଇବା ଗିଆନ୍ ଆରି ବୁଝବା ବପୁସଙ୍ଗ୍ ସେ ମନକଲାଟା ତମେ ପୁରାପୁରୁନ୍ ଜାନିପାରସା ବଲି ଆମେ ମାପୁରୁକେ ଗୁଆରି କଲୁନି । ୧୦ ଡେବର୍ପାଇ ତମେ ତାକେ ସାର୍ଦା କରାଇଲାପାରା ଚଲାଚଲୁତିକରି ସେ ମନକଲାପାରା ଜିଉନାକାଉନା କର୍ସା । ବିନ୍ ଲକ୍ମନକେ ସାଇଜ କରିଲାଗିରଇସା ଆରି ପର୍ତ୍ତମେସର୍ ବିସଇ ଜାନ୍‌ବାକେ ଅଦିକ୍ ଅଦିକ୍ ବଡିଆଇସା । ୧୧ ତାର୍ ବଡ୍ ବପୁସଙ୍ଗ୍ ନିଜେ ବପୁଅଇ ତମେ ସାର୍ଦାସଙ୍ଗ୍ ମୁର୍ଚିକରି ରଇପାରସା । ୧୨ ବାବା ପର୍ତ୍ତମେସର୍ ଉଇଲର୍ ରାଇଜେ ତାର୍ ଲକ୍ମନର୍ ପାଇ ଜାଜାଟା ଟୁଲିଆଇ ଆଚେ, ତେଜ ମିସ୍ବାକେ ସେ ତମ୍ଭକେ ବାଟୁଲା ଆଚେ । ସେଟାର୍ପାଇ ସାର୍ଦା ସଙ୍ଗ୍ ତାକେ ଦନିଅବାଦ୍ ଦେଇସା । ୧୩ ସେ ଆମ୍ଭକେ ଆହାରର୍ ବପୁତେଇଅନି ମୁକ୍ତାଇକରି ତାର୍ ଆଲାଦର୍ ପଅର୍ ରାଇଜେ ତାକିଆନିଆଚେ । ୧୪ *ତାର୍ ପଅର୍ଲାଗି ସେ ଆମ୍ଭକେ ମୁକ୍ତାଇକରି ଆମର୍ ସବୁ ପାପ୍ କେମା କରିଦେଲାଆଚେ ।

କିରିସ୍ତ ଆରି ତାର୍ କାମ୍

୧୫ କିରିସ୍ତ ନ ତିସ୍ବା ପର୍ତ୍ତମେସର୍ ସମାନ୍ ବାନିମୁରୁତି ଆଚେ । ତିଆର୍ କିରିରଇବା ସବୁର୍ ଉପରେ, ପର୍ତ୍ତୁମ୍ ଜନମ ଅଇଲା ପଅ ଇସାବେ, ତାର୍ ଅଦିକାର୍ ଆଚେ । ୧୬ କାଇକେବଇଲେ ପର୍ତ୍ତମେସର୍ ତାର୍ଟାନେଅନି ସବୁ ବିସଇ ତିଆର୍କଲା ଆଚେ । ଜଗତେ ରଇବାଟା ସବୁଜାକ, ସର୍ଗେ ରଇବାଟା ସବୁଜାକ, ତିସ୍ବାଟା ଆରି ନ ତିସ୍ବାଟା, ବପୁରଇ ସାସନ୍ କର୍ବା ଦୁର୍ତ୍ତମନ୍ ଆରି ଆତ୍ମା ରଇବାଟାମନ୍ । କିରିସ୍ତର୍ତେଇଅନି ସବୁ ବିସଇ ତିଆର୍ କିରିରଇଲା ଆରି ତାର୍ଲାଗିସେ ସବୁ ବର୍ତିଆଚଡ୍ । ୧୭ କାଇଟା ତିଆର୍ ନ ଅଇତେ ସେ ରଇଲା, ଆରି ତାର୍ଟାନେ ସବୁ ବିସଇ ମିସିକରି ଚାଲୁଡେରଇସି । ୧୮ *ମଣ୍ଡୁଲି ଅଇଲାନି ତାର୍ ଗାଗଡ୍ ଆରି ସେ ମଣ୍ଡୁଲିର୍ ମୁଣ୍ଡ । ମୁଣ୍ଡ ଗାଗଡ୍‌କେ ସାସନ୍ କଲାପାରା, ସେ ମଣ୍ଡୁଲିକେ ସାସନ୍ କଲାନି । ତାକେସେ ପର୍ତ୍ତମେସର୍ ମରନେଅନି ପର୍ତ୍ତୁମ୍ ଉଟାଇରଇଲା । ଜେନ୍ତିକି କିରିସ୍ତ ସବୁର୍ ଉପରେ ସାସନ୍ କର୍ସି । ୧୯ କାଇକେବଇଲେ ପର୍ତ୍ତମେସର୍ ତାର୍ ପଅକେ ତାର୍ ପୁରାପୁରୁନ୍ ଗୁନ୍‌ଚଲନ୍‌ସଙ୍ଗ୍ ରଅ ବଲି ଟିକ୍ କରିରଇଲା । ୨୦ *ଆରି କିରିସ୍ତର୍ଟାନେଅନି ସେ ତିଆର୍ କିରିରଇବା ସବୁଜାକ, ତାର୍ଟାନେ ବାଉଡାଇ ଆନ୍‌ବି ବଲି ଟିକ୍ କରିରଇଲା । ଦର୍ତ୍ତନିଟାନେ ରଇବାଟା ଅ କି ସର୍ଗେ ରଇବାଟା ଅ । ତାର୍ ପଅ କୁରୁସକାଟେ ମରି ବନି ଜରାଇଲାର୍ପାଇ ସବୁ ବିସଇ ତାର୍ଟାନେ ସାନ୍ତିଅଇ ରଇସି ।

୨୧ ଗଟେକ୍ ବେଲାଇ ତମେ ପର୍ତ୍ତମେସର୍ ଟାନେଅନି ବେଗ୍ଲି ରଇଲାସ୍ । ତମେ କିରିରଇବା ଆରି ମନେ ବାବିରଇବା କାରାପ୍ ବିସଇର୍ ଲାଗି ତାର୍ ସବୁର୍ ଅଇରଇଲାସ୍ । ୨୨ ମାତର୍ ଏବେ କିରିସ୍ତ ନର୍ ରୁପ୍ ନେଇ ମଲାର୍ ପାଇ ସେ ତମ୍ଭକେ ତାର୍ ମୁଆଟେ ସାନ୍ତି ସଙ୍ଗ୍ ଆଇବାକେ ଟିକ୍ କଲାଆଚେ । ତମେ ତାର୍ ମୁଆଟେ ଚିଆଅଇଲାବେଲେ ତମ୍ଭକେ ପୁରାପୁରୁନ୍ ସୁକଲ୍ ଇସାବେ କାଇ ପାପ୍ ନ କରି, କାଇ ନିନ୍ଦା ନ ରଇଲା ଲକ୍ମନପାରା ସେ ଦେକ୍ସି । ୨୩ ତମେ ବିସ୍ବାସ୍ କରିଲାଗିରଇଲେ, ତମ୍ଭ ବିସ୍ବାସ୍ ତାର୍ ରଇସି । ସ୍ବର୍ କବର୍ଟାନେ ମାପୁରୁ ଜନ୍ ଆସା ଦେବି ବଲି କାତା ଦେଇଆଚେ, ସେ ଆସା ପାଇବାଟାନେଅନି ତମ୍ଭକେ କେ ମିସା ନ ତେବାଅଡ୍ । ଏ କବର୍ ତମେ ଆଗଟୁ ସୁନିସାରାଇଆଗାସ୍ । ଆରି ଜଗତର୍ ଗୁଲାଇକକ୍‌କେ ଜାନାଇଅଇଆଚେ । ଏ ସ୍ବର୍ କବର୍ ଜାନାଇବାକେ ମୁଇ ପାଉଲ୍ ଗଟେକ୍ ଗତିଦାଙ୍ଗଡ଼ା ଅଇଲିଆଚି ।

ମଣ୍ଡୁଲିତେଇ ପାଉଲ୍ କାମ୍

୨୪ ଏବେ ମୁଇ ସାର୍ଦାଅଇଆଚି । କାଇକେବଇଲେ ଜେଡ୍‌କି ଦୁକ୍‌କସ୍ତ ମୁଇ ମୁର୍ଚିକରିଆଚି, ସେଟା ତମର୍ ନିକପାଇ । ତାର୍ ବାପୁଲେ ରଇକରି ଜେଡ୍‌କି ଦୁକ୍‌କସ୍ତ ମକେ ମୁରବ୍‌ବାକେ କିରିସ୍ତ ମନ୍ କଲାନି, ସେଟା ସବୁ ସାର୍ଦାସଙ୍ଗ୍ କଲିନି । ତାର୍ ଗାଗଡ୍ ପାରା ରଇବା ତାର୍ ମଣ୍ଡୁଲିର୍ ନିକପାଇ ମୁଇ ସେଟା କଲିନି । ୨୫ ପର୍ତ୍ତମେସର୍ ମକେ ମଣ୍ଡୁଲିର୍ ଗତିଦାଙ୍ଗଡ଼ା କରିଆଚେ । ତମ୍ଭକେ ସାଇଜ କର୍ବାକେ ସେ ମକେ ବାଟିଆଚେ । ତାର୍ କବର୍ ତମ୍ଭକେ ପୁରାପୁରୁନ୍ ଜାନାଇବାଟା ଅଇଲାନି ମର୍ କାମ୍ । ୨୬ ପୁରବେ ବର୍ତିରଇବା ସବୁଲକର୍ ଟାନେଅନି ଏ ବିସଇ ଲୁଟାଇକରି ସଙ୍ଗିରଇଲା । ମାତର୍

* ୧:୧୪ ୧:୧୪ ଏପିସିୟ ୧:୭ * ୧:୧୮ ୧:୧୮ ଏପିସିୟ ୧:୨୨,୨୩ * ୧:୨୦ ୧:୨୦ ଏପିସିୟ ୨:୧୭

ଏବେ ସେଟା ତା'ର ଲକ୍ଷ୍ୟମାନଙ୍କ ସେ ଜାନାଇଆଡେ । ^{୨୭} ଜିଉଦି ନ ଅଇଲା ଲକ୍ଷ୍ୟମାନଙ୍କ ପାଇ ସେ ଟିକ୍ କରିରଇବା ମଇମାସଙ୍ଗର ଜଜନା ତା'ର ଲକ୍ଷ୍ୟମାନଙ୍କେ ଜାନାଇବାକେ ପରମେସର୍ ଟିକକଲା । ସେ ଲୁଚିରଇବା ବିସଇ ଅଇଲାମି, ଜିଉଦି ନଇଲା ଲକ୍ଷ୍ୟମାନଙ୍କୁଟାନେମିସା କରିସଟ ରଇସି । ଆରି ସେ କାତା ଦେଇରଇବା ସବୁ ରକାମର୍ ମଇମା ତମେମିସା ପାଇସା ବଲି ଜାନିରୁଆ । ^{୨୮} କରିସଟର ବିସଇ ରଇବା ଏ କବର୍ ଆମେ ସବୁକେ ଜାନାଇଲୁନି । ଆମେ ସବୁକେ ଜାଗରତ୍ କରାଇ, ସେ ଆମକେ ଦେଇରଇବା ଗିଆନ୍ ସଙ୍ଗ ସିକାଇଲୁନି । ଜେଷ୍ଟାରିକି ସେମନ୍ ତା'ର ମୁଆଟେ ଚିଆଅଇଲାବେଲେ କରିସଟରସଙ୍ଗ ମିସିରଇଲା ସବୁଲକ୍ଷ୍ୟ ପୁରାପୁରୁନ୍ ସିଦ୍ ଅଇରଇବାଇ । ^{୨୯} ଏ କାମ୍ ମୁଇ ପୁରାପୁରୁନ୍ କର୍ବାକେ ମକେ କରିସଟ ଦେଇରଇବା ବଡ଼ ବପୁସଙ୍ଗ ଆବଡ଼ ଅଇ କଲିନି ।

୨

^୧ କାଇକେବଇଲେ ତମରୁପାଇ, ଲାଉଦିକିଆର୍ ଲକ୍ଷ୍ୟମାନଙ୍କେ ଆରି ଏବେ ଜେଡ଼କି ଲକ୍ଷ୍ୟ ମକେ ନ ଦେକିରଇଲାଇ, ସେ ସବୁଲକ୍ଷ୍ୟ ପାଇ, ମୁଇ କେଡେକ୍ କସଟ କଲିନି, ସେଟା ତମେ ଜାନା ବଲିକରି ମନ୍‌କଲିନି । ^୨ ଏ ସବୁ ବିସଇ ତମକେ ଆଡ଼ମା ଇସାବେ ସାର୍‌ଦା କରାଇବାପାଇ ମୁଇ କଲିନି । ଜେଷ୍ଟାରିକି ତମେ ଗଟେକ୍ ମନ୍ ଅଇକରି ଆଲାଦ୍ କରାକରି ଅଇସା । ତମେ ପୁରାପୁରୁନ୍ ବୁଦ୍‌ବାବେଲେ ବେସି ଆସା ଆରି ସାର୍‌ଦା ଅଇରଇସା । ଜଦି ତମକେ ଏ ଆସା ରଇଲେ, ପରମେସର୍ ଜଜନା କଲାଟା ଜାନିପାରାସ୍ । ସେ ଆସା ପୁରବେ ରଇଲା ଲକ୍ଷ୍ୟମାନଙ୍କେ ଜାନାଇ ନ ରଇଲା । ସେଟା ନିଜେ କିରିସଟର ବିସଇସେ ।

^୩ ସେ ନିଜେ ଏ କବରର ଅରଡ଼ ବୁଢ଼ାଇପାରସି । ସେଟା ଗଟେକ୍ ବେସି ମୁଲିଅ ରଇବା ବିସଇ ।

^୪ କେ ମିସା କାତାର୍ ଚାଲାକିସଙ୍ଗ ତମକେ ନ ନାତାଅଡ଼ ବଲି ଆସାକରି ଏଟା ମୁଇ ତମକେ ଲେକ୍‌ଲିନି । ସେମନ୍ କଇବା କାତା ସଡ଼ପାରା ଲାଗିଲେମିସା ନାତାଇ ଉଆନାଇ । ^୫ କାଇକେବଇଲେ ଗାଗଡ଼ ଇସାବେ ମୁଇ ତମର୍ ସଙ୍ଗ ନ ରଇଲେ ମିସା ଆଡ଼ମା ଇସାବେ ଆଟି । ତମେ କିରିସଟକେ ତାଟ୍‌ସଙ୍ଗ ବିସବାସ୍ କଲାଟା ଆରି ଗଟେକ୍ ମନ୍ ଅଇରଇବାଟା ଦେକି ମୁଇ ବେସି ସାର୍‌ଦା ଅଇଲିନି ।

କିରିସଟରତେଇ ପୁରାପୁରୁନ୍ ଜିବନ୍

^୬ ତେବେ ଜିପୁକିରିସଟକେ ତମର୍ ମାପୁରୁ ଇସାବେ ଜେଷ୍ଟି ବିସବାସ୍ କରିଆରାସ୍, ସେଷ୍ଟାରି ତା'ରସଙ୍ଗ ମିସିକରି ରୁଆ । ^୭ କିରିସଟର ବିସଇ ବିସବାସ୍ କରିରଇବା କବର୍ ତା'ଟ୍‌ସଙ୍ଗ ଦାରିରୁଆ । ତା'ର ବିସଇ ଅଦିକ୍ ଅଦିକ୍ ସିକା ଆରି ବିସବାସେ ତା'ଟ୍ ଉଆ । ଜେଷ୍ଟିକି ତମକେ ସିକାଇଲାପାରା, ପରମେସର୍‌କେ ଦନିଅବାଦ୍ ଦେଇତେରୁଆ ।

^୮ କେ ମିସା ନିଜର୍ ଚାଲାକିକରି ପରମେସରର୍ ବିସଇ ଚିଆରକରି ରଇବାଟା ସଙ୍ଗ ତମକେ ପାନ୍ଦେ ନ ଲାଗାଅଡ଼, ସେଟାରୁପାଇ ଜାଗରତ୍ ଅଇରୁଆ । ସେମନ୍ ସିକାଇବାଟା କାଇ ଲାତକେ ନ ଆସେ ଆରି ସେଟା ସଡ଼ ବିସଇ ନଏ । ସେଟା ବିନ୍ ଲକ୍ଷ୍ୟମାନେଅନି ସୁନି ସୁନି ଆଇବାଟା ଆରି ସେଟା ଏ ଜଗଡ଼ ବିଡ଼ରେ ରଇବା ନିୟମ୍ । ମାତର୍ କିରିସଟର ବିସଇଟାନେ ରଇବା, ସଡ଼ ସିକିଆ ନଏ । ^୯ କାଇକେବଇଲେ ନିରୁପ୍ ଦାରିରଇବାବେଲେ ମିସା କିରିସଟ ପୁରାପୁରୁନ୍ ପରମେସର୍ ରଇଲା । ^{୧୦} ଆରି ତମେ ତା'ର ସଙ୍ଗ ମିସିରଇଲାପାଇ ଆଡ଼ମା ଇସାବେ ପୁରାପୁରୁନ୍ ଅଇଆରାସ୍ । ବିନ୍ ବିନ୍ ବପୁ ଆରି ଅଦିକାର୍ ଉପରେ ରଇ, କିରିସଟର ସାସନ୍ ବଡ଼ ।

^{୧୧} ତମେ କିରିସଟ ସଙ୍ଗ ମିସଲାରପାଇ ସୁନଡ଼ ଅଇଲାପାରା ଅଇଆରାସ୍ । ଜେଷ୍ଟିକି ତମର୍ ପାପର୍ ଗୁନ୍‌ଚଲନେ ଅନି ମୁକ୍‌ଲିଆରାସ୍ । ଗାଗଡ଼ ଇସାବେ ସୁନଡ଼ ଅଇଆରାସ୍ ବଲି ମୁଇ କଇନାଇ, ମାତର୍ କିରିସଟସେ ତମର୍ ପାପର୍ ଗୁନ୍‌ଚଲନେଅନି ମୁକ୍‌ଲାଅଆଡେ । ^{୧୨} ତମେ ଜେଡେବେଲେ ତୁବନ୍ ନେବାକେ ପାନିଟାନେ ବୁଡ଼ଲାସ୍, ସେଟା ତମର୍ ପାପର୍ ଗୁନ୍‌ଚଲନ୍ କିରିସଟର୍ ସଙ୍ଗ ମରିକରି ତପିଅଇଲାପାରା ଅଇରଇଲାସ୍ । ପାନିବିଡ଼ରେଅନି ବାରଇଲାଟା ନୁଆ ଗୁନ୍‌ଚଲନ୍ ଦାରି କିରିସଟର୍ ସଙ୍ଗ ଆରି ତରେକ୍ ଉଟ୍‌ଲାପାରା ଅଇଲା । ପରମେସର୍ ତା'ର ବପୁସଙ୍ଗ ମଲାତେଇଅନି ଜିବନ୍‌କରି କିରିସଟକେ ଉଟାଇଲା ବଲି ତମେ ବିସବାସ୍ କଲାପାଇ ଏଟା ତମକେ ଗଟ୍‌ଲା । ^{୧୩} ତମେ ଜିଉଦି ନ ଅଇଲା ଲକ୍ଷ୍ୟମାନଙ୍କ ପରମେସରର୍ ନିୟମ୍ ନ ମାନିଲାପାଇ ତା'ରଟାନେଅନି ବେଗଲି ରଇଲାସ୍ । ଆରି ତମର୍ ପାପର୍ ଗୁନ୍‌ଚଲନର୍ ବପୁଅନି ମୁକ୍‌ଲି ନ ରଇଲାସ୍ । ମାତର୍ ପରମେସର୍ କିରିସଟର୍ ସଙ୍ଗ ଗଟେକ୍ ନୁଆ ଜିବନ୍ କରି ତମକେ ଉଟାଇଆଡେ । ସେ ଆମର୍ ସବୁ ପାପ୍ କେମାକରି ଦେଲାଆଡେ । ^{୧୪} ଆମେ କିରିରଇବା ସବୁ ପାପ୍ ଲେକାଅଇରଇବା ଚିଟିପତର୍ ଜନ୍‌ଟା କି ଆମକେ ଦସିକରିରଇଲା, ସେ ସବୁ

* ୨:୧୨ ୨:୧୨ ରମିୟ ୭:୪ * ୨:୧୩ ୨:୧୩ ଏପିସିୟ ୨:୧-୫ * ୨:୧୪ ୨:୧୪ ଏପିସିୟ ୨:୧୫

ପରମେସ୍ୱର ଲିବାଇଦେଲା । ଲେକ୍‌ଲାଗାମନ୍ କୁରୁସ୍‌କାଟେ କୃତି ମାରି କୁରୁପ୍‌ନାସ୍ କଲା । ୧୫ ସାସନ୍ କରି ଅଦିକାରେ ରଇବା ସବୁ କାରାପ୍ ଆତ୍‌ମାନଙ୍କେ ସେ ଆରାଇଲା । କିରିସ୍‌ଟ କୁରୁସ୍‌କାଟେ ମଲାକେ, ସେ ସବୁ ସାସନ୍‌କାରିଆମନ୍‌କେ ଆରାଇଲା ବଲି ଦେକାଇଲା ।

୧୬ *ତେବର୍‌ପାଇ ତମର୍ କାଇବା, ପିଇବା, ବିସଇ ଅ କି ତାକର୍ କେତେଟା ପରବ୍‌ତନ୍‌ଟାନେ କି ଉଆଁସରାତି ବେଲେ କି ବିସ୍‌ରାମବାରେ ତମେ ମିସାସ୍‌ନାଇ, ବଲି କାକେ ବିଚାର୍ କରବାକେ ଦିଆସ୍‌ନାଇ । ୧୭ ଏ ସବୁ ନିୟମ୍ ପରମେସ୍ୱର ଆମକେ ଦେବିବଲି କାତାଦେଇରଇବା ବିସଇର୍ ତିନ୍ । ଏ ସବୁ ନିୟମ୍ ତିନ୍ କିରିସ୍‌ଟ୍‌ଗାନେ ପୁରାପୁରୁନ୍ ସିଦ୍ ଅଇସି । ୧୮ ନିଜକେ ନିଚ୍‌କରି ସେମନ୍ ଉପାସନା କଲାପାରା ଦୁଡ୍‌ମନ୍‌କେ ଉପାସନା କରବାକେ, କାକେମିସା ବାଦିଅ କରବାକେ ଦିଆସ୍‌ନାଇ । ସେନ୍ତ୍ରାକକଲେ ପରମେସ୍ୱର କାତାଦେଇରଇବା ପୁରୁସ୍‌କାର୍ ତମକେ ନ ମିଲେ । ସେନ୍ତ୍ରାରି ସିକାଇବା ଗଟେକ୍‌ଲକ୍, ପରମେସ୍ୱରଟାନେ ଅନି ଦରସନ୍ ଦେକିଆତି ବଲିକରି ଅଦିକାର୍ ସଙ୍ଗ୍ ସିକାଇଲା । ସେ ତାର୍ ଚାଲାକିସଙ୍ଗ୍ ନିଜେ ତିଆରକରିରଇବା ବିସଇର୍ ଲାଗି ବଡ୍‌ପନ୍ ଅଇସି, ମାତର୍ ସତଇସେ ସେନ୍ତ୍ରାରି ବଡ୍‌ପନ୍ ଅଇବାକେ କାଲଟାମିସା ନାଇ । ୧୯ *କିରିସ୍‌ଟ୍ ବିସଇଟାନେ ରଇବା ସଦ୍ ସିକିଆ ଚାଡିଦେଲାକ୍ ଆଚଡ୍ । କିରିସ୍‌ଟ ଜେ କି ଗାଗଡର୍ ମୁଣ୍ଡ୍ ଅଇଆଚେ । ମୁଣ୍ଡ୍ ଜେନ୍ତ୍ରାଟ୍‌କି ଗାଗଡ୍‌କେ ବାଟ୍ ଦେକାଇସି, ସେନ୍ତ୍ରାରିସେ ତାର୍ ଲକ୍‌ମନ୍ ଗଟେକ୍ ଅଇରଇବାକେ କିରିସ୍‌ଟ୍ ବାଟ୍ ଦେକାଇସି । ଗାଗଡର୍ ସନ୍ଦି ଆରି ତିର୍ ଗାଗଡ୍‌କେ ଗଟେକ୍ କରି ସଙ୍ଗ୍‌ଇଲାପାରା । ଆରି ପରମେସ୍ୱର ମନ୍‌କଲାପାରା ସେଟା ବଡ୍‌ସି ।

କିରିସ୍‌ଟ୍ ସଙ୍ଗ୍ ମରୁ ନଇଲେ ଜିଉଁ

୨୦ ତମେ କିରିସ୍‌ଟ୍‌ର ସଙ୍ଗ୍ ମଲାଟ୍‌ପାଇ ଏ ଜଗତର୍ ସାସନ୍‌କାରିଆମନ୍‌ଟ୍ ଟାନେଅନି ମୁକ୍‌ଲିଆଚାସ୍ । ତେବେ ଏ ଜଗତେ ରଇବା ନିୟମ୍‌ମନ୍ ଏବେ ଜାକ କାଇକେ ମାନିଆଚାସ୍ ? ୨୧ ଏନ୍ତ୍ରାରିଟାମନ୍ ଦାରାନାଇ କି କାଆନାଇ କି, ଏନ୍ତ୍ରାରିଟାମନ୍ ତିଆନାଇ ମିସା । ଏ ନିୟମ୍‌ମନ୍ କାଇକେ ମାନିକରି ଆଚାସ୍ ? ୨୨ ଏ ସବୁଜାକ ନିୟମ୍ ମାନିକରି ଚାଲିଲେ ତମକେ କାଇ ଲାଡକେ ନ ଆସେ । କାଇକେବଇଲେ ସେଟା ଲକ୍‌ମନ୍ ତିଆରକଲାଟା । ୨୩ ଏ ରକାମର୍ ନିୟମ୍ ବେସି ଗିଆନ୍ ରଇଲାପାରା ତିସିସି । ବାଦିଅକରି ଦୁଡ୍‌ମନ୍‌କେ ଉପାସନା କରବାଟାନେ ଆରି ଲକ୍‌ମନ୍‌କେ ଦେକାଇଅଇଲା ପାରା ନିଜକେ ନିଚ୍‌କରି ଆରି ଗାଗଡ୍‌କେ କସ୍‌ଟ ଦେବା ବିସଇ ସିକାଇବାଇ । ମାତର୍ ଏ ସବୁ ନିୟମ୍ ଲକ୍‌ମନ୍‌ଟ୍ ପାପର୍ ଗୁନ୍‌ଚଲନ୍ ଜାଗରଡ୍ କରି ସଙ୍ଗ୍‌ଇବାକେ କାଇ ମୁଲିଅ ନ ରଏ ।

୩

୧ କିରିସ୍‌ଟ୍‌ର ସଙ୍ଗ୍ ମରିରଇଲାର୍ ପାଇ ଆରି ତାର୍ ସଙ୍ଗ୍ ନୁଆଜିବନ୍ ପାଇ ପରମେସ୍ୱର ତମକେ ଉଟାଇଲାଟ୍‌ପାଇ ସର୍ଗେ ରଇବା ବିସଇ ଦେକ୍‌ତେରୁଆ । ତେଇ କିରିସ୍‌ଟ୍ ପରମେସ୍ୱରର୍ ଉଜାବାଟେ ମସିଆଚେ । ୨ ଏ ଜଗତର୍ ବିସଇ ନ ବାବିକରି ସରଗର୍ ବିସଇ ଚିନ୍ତାକରା । ୩ କାଇକେବଇଲେ ତମେ ମରିକରି ପରମେସ୍ୱରର୍ ମୁଆଚେ କିରିସ୍‌ଟ୍‌ର ସଙ୍ଗ୍ ମିସିରଇବା ଜିବନ୍ ବିତାଇଲାସି । ସେ ଜିବନ୍ ଲୁଚିକରିଆଚେ । ୪ କିରିସ୍‌ଟ୍ ଅଇଲାନ୍ ତମର୍ ଜିବନ୍ । ସେ ବାଅଡ୍‌ଲାବେଲେ ତମେ ମିସା ସବୁର୍ ଦେକ୍‌ତେ ତାର୍ ମଇମାତେଇ ମିସା ।

ପୁରନା ଆରି ନୁଆ ଜିବନ୍

୫ ତମର୍ ପାପର୍ ଗୁନ୍‌ଚଲନ୍ ଇସାବେ ଜେଡ୍‌କି ସବୁ ପାପ୍ କାମ୍ କରତେରଇଲାସ୍, ସେଟାମନ୍ ଆରି କରାନାଇ । ଜେନ୍ତ୍ରାରି କି ବେସିଆ କାମ୍, ସୁକଲ୍ ନ ରଇବା ଚଲାଟଲୁଡି, ଗାଗଡର୍ ଲାଲ୍‌ସାଅଇବାଟା, କାରାପ୍ ବିସଇ ମନ୍ କରବାଟା, ଆରି ଲବ୍ ଅଇବାଟା, ଏ ସବୁ ବିସଇ ପୁଡ୍‌ଲାମନ୍‌କେ ଜୁଆର୍ କରବାଟା ସଙ୍ଗ୍ ସମାନ୍ । ୬ ଏ ସବୁ କାମେ ବୁଡିକରି ଜନ୍‌ଲକ୍‌ମନ୍ ପରମେସ୍ୱରର୍ କାତା ନ ମାନଡ୍, ସେମନ୍‌କେ ତାର୍ ବଡ୍ ରିସା ଆଇସି । ୭ ପୁରବେ ତମେ ମିସା ଏ ସବୁ କାମେ ମିସି ରଇକରି ସେନ୍ତ୍ରାରି ଚଲାଟଲୁଡି କରତେରଇଲାସ୍ ।

୮ ମାତର୍ ଏବେ ସେନ୍ତ୍ରାରି ବିସଇ କରା ନାଇ । ଜେନ୍ତ୍ରାରି ରିସା ଅଇବାଟା, ଇସାତଲା କରବାଟା, ବିନ୍‌ଲକ୍‌କେ ଗିନ୍ କରବାଟା, ନିନ୍‌କାତା କଇବାଟା, ଆରି ପିଡ୍‌ତେ କାତାକଇବାଟା ଚାଡିଦିଆସ୍ । ୯ *ନିଜର୍ ନିଜର୍ ବିଡ୍‌ରେ ମିଟ୍ କାତା ଜୁଆବଲା ଉଆନାଇ । କାଇକେ ବଇଲେ ତମେ ପୁରନା ଗୁନ୍‌ଚଲନର୍ ସବୁ ଅବିଆସ୍ ଚାଡିଦେଇକରି, ୧୦ *ନୁଆ ଚଲାଟଲୁଡି ଆରାମକରି ଆଚାସ୍ । ପରମେସ୍ୱର ତମକେ ଦେଇରଇବା ଏ ନୁଆ ଚଲାଟଲୁଡିତେଇ ତମେ ତାର୍ ବିସଇ ଅଦିକ୍ ଅଦିକ୍ ଜାନ୍‌ସା ଆରି

* ୨:୧୬ ୨:୧୭ ରମିୟ ୧୪:୧-୬ * ୨:୧୯ ୨:୧୯ ଏପିସିୟ ୪:୧୭ * ୩:୯ ୩:୯ ଏପିସିୟ ୪:୨୨ * ୩:୧୦ ୩:୧୦ ଏପିସିୟ ୪:୨୪

ତାହାପାଇଁ ଅଦିକ୍ ଅଦିକ୍ ଅଛୁଆଇଯା । ୧୧ ତମେ ଜିଉଦି ଲକ୍ ଉଆ କି ଜିଉଦି ନ ଅଛୁଲାଇ ଲକ୍ ଉଆ, ସୁନ୍ଦ୍ର ଅଛୁଲାଇଲକ୍ କି ସୁନ୍ଦ୍ର ନ ଅଛୁଲାଇ ଲକ୍, ଦାପ୍ତରେ ରିସା ଅଛୁ ମାରିମରାଇବା ଲକ୍ କି ବିନ୍ ଦେସର୍ ଗତିଦାଙ୍ଗତା କି ମୁକ୍ତଲାଇଲାଇ ଲକ୍, ସେଟା କାଇଟା ନଏ । ମାତର୍ କିରିସ୍ତ ସବୁଟାଟାନ୍ ଆଟେ ଆରି ସେ ଆକା ସବୁଟା ଉପରେ ସାସନ୍ କଲାନି ।

୧୨ *ତେବେ ପର୍ତ୍ତେସର୍ ତମକେ ତାହା ଲକ୍ ଅଛୁବାକେ ବାଟିରଇଲାଇ ପାଇ ଆରି ତମକେ ଆଲାଇ କି ସୁକ୍ତ ଲକ୍ ଅଛୁବାକେ ବେଗଲାଇଲାଇ ପାଇ, ଦୟା ଦେକାଇବାକେ, ଦରମ ଅଛୁବାକେ, ନିର୍ ଅଛୁବାକେ, ସୁଆଲ୍ ଅଛୁବାକେ, ମୁର୍ଚ୍ଚିକରି ରଇବାକେ ଜାଗରତ୍ ଉଆ । ୧୩ *ତମର୍ ତମର୍ ବିତ୍ତରେ ଦେସ୍ ଦାରାଦାରି ଅଛୁ ବୁଲ୍ଲକଲେ କେମା ଦିଆଦିଛ ଉଆ । ବିନ୍ ଲକ୍ ବିରଦ୍ କାତା ରଇଲେ ମୁର୍ଚ୍ଚିକରି କେମା ଦିଆଦିଛ ଉଆ । ମାପୁରୁ ତମକେ କେମା ଦେଲାଇପାରା ତମର୍ ବିତ୍ତରେ କେମା କରାକରି ଉଆ । ୧୪ ଏ ସବୁ ବିସଇ କି ତମର୍ ବିତ୍ତରେ ଆଲାଇ କରାକରି ଉଆ । ସେନ୍ତାଟୁଆଲେ ତମେ ଗଟେକ୍ତମନ୍ ଅଛୁକରି ରଇବାଟା ସିଦ୍ ଅଛୁସି । ୧୫ ତମେ ସବୁଲକ୍ ଗଟେକ୍ ଗାଗତେ ଉଛୁବା ବିନ୍ ବିନ୍ଦା ଅଛୁଲାଇ ପାଇ, କରବା ସବୁ କାମେ କିରିସ୍ତ ତମକେ ବାଟ୍ ଦେକାଅ । ସେ ତମକେ ସାନ୍ତି ଦେଲା ଆଟେ । ତମେ ସାନ୍ତି ସଙ୍ଗି ରଇବାକେ ସେ ତମକେ ବାଟ୍ଲାଆଟେ । ଆରି ପର୍ତ୍ତେସର୍ତ୍ତେ ଦନିଅବାଦ୍ ଦେଇତେରୁଆ ।

୧୬ *କିରିସ୍ତର୍ ବାକିଅ ଦିଆନ୍କରି ଲାଗିରୁଆ । ତମର୍ ତମର୍ ବିତ୍ତରେ ସିକ୍ତକରି ଜାଗରତ୍ ଅଛୁରୁଆ । ଏଟା ଗିଆନ୍ ସଙ୍ଗି କରା । ଗିତ୍ ସଙ୍ଗିଟା ବଇର୍ ଗିତ୍ତମନ୍, ବିନ୍ ଗିତ୍ତମନ୍ ଆରି ସୁକ୍ତ ଗିତ୍ତମନ୍ କଇତେରୁଆ । ମନ୍ଦିତ୍ତରେ ଦନିଅବାଦ୍ କଇକରି ପର୍ତ୍ତେସର୍ତ୍ତେ ଗିତ୍ କଇତେରୁଆ । ୧୭ ତମେ କାଇଟା ମିସା କଇଲେ କି କଲେ, ସେ ସବୁ ମାପୁରୁ ଜିସୁର୍ ନାଉଁଦାରି ବାବା ପର୍ତ୍ତେସର୍ତ୍ତେ ଦନିଅବାଦ୍ ଦିଆସ୍ ।

ନୁଆ ଜିବନର୍

୧୮ *ଏ ମାଇଜିମନ୍, ତମେ ନିଜର୍ ନିଜର୍ ମୁନୁସ୍ତମନ୍ କାତା ମାନିକରି ରୁଆ । ଜିସୁ କିରିସ୍ତର୍ ସଙ୍ଗି ମିସିରଇଲାଇ ପାଇ ଏନ୍ତାରି କରବାଟା ନିକ ।

୧୯ *ଏ ମୁନୁସ୍ତମନ୍, ତମେ ନିଜର୍ ନିଜର୍ ମାଇଜିମନ୍ତେ ଆଲାଇ କି ଦରମ ଉଆ ।

୨୦ *ଏ ପିଲାଟକିମନ୍, ତମର୍ ଆୟାବାବାର୍ କାତା ମାନିକରି ରୁଆ । ସେଟା ପର୍ତ୍ତେସର୍ତ୍ତେ ସାର୍ଦା କରାଇସି ।

୨୧ *ଏ ଆୟା ବାବାମନ୍, ତମର୍ ପିଲାଟକିମନ୍ତେ ସବୁବେଲେ ଲାଗିକରି ମନ୍ ବାଙ୍ଗାଆ ନାଇ ।

୨୨ *ଏ ଗତିଦାଙ୍ଗତାମନ୍, ତମେ କିରିସ୍ତ ସବୁକାମ୍ଟାନ୍ତେ ତମର୍ ଜଗତେରଇବା ସାଉକାର୍ତମନ୍ କାତା ମାନିକରି ରୁଆ । ସେମନ୍ ତମର୍ କାମ୍ ଦେକି ବଲ୍ ବଲ୍ବାକେ ନାଇ ମାତର୍ ମାପୁରୁକେ ତରିକିରି ସ୍ତ ମନେ ରଇ ସବୁ କାମ୍ କରା । ୨୩ ତମେ ଜାଇଟା କଲେମିସା ପୁରାପୁରୁ ମନ୍, ଦିଆନ୍, ଜିବନ୍, ପରାନ୍ ଦେଇ ମାପୁରୁପାଇ କଲା ଇସାବେ କରା । ଲକ୍ତମନ୍ ପାଇ କାମ୍ କଲାପାରା କରାନାଇ ।

୨୪ କାଇକେବଇଲେ ମାପୁରୁ ତମକେ ପୁରୁସ୍କାର୍ ଦେଇସି ଆରି ତାହା ଲକ୍ତମନ୍ତେ ସେ ଦେବି ବଲି କାତା ଦେଇରଇବା ସବୁ ଆସିର୍ବାଦ୍ ତମେ ପାଇସା ବଲି ଜାନିଆଟାସ୍ । ତମେ ସେବା କରବା ସାଉକାର୍ କିରିସ୍ତ, ବଲି ଏତାଇରୁଆ ।

୨୫ *ଜଦି କେ ମିସା ବୁଲ୍ କାମ୍ କିରି ଲାଗିରଇଲେ, ପର୍ତ୍ତେସର୍ତ୍ତେ ସେମନ୍ତେ ତଣ୍ଟ ଦେଇସି ଆରି ସେ ସବୁଲକ୍ତେ ସମାନ୍ ନାପ୍ତା ତାଙ୍ଗିସଙ୍ଗି ବିତା କରସି ।

୪

୧ *ଏ ସାଉକାର୍ତମନ୍, ତମର୍ ଦାଙ୍ଗତାମନ୍ତେ ଜତନ୍ କରା ଆରି ସେମନ୍ତେ ସବୁକେ କାଇ ଅନିଆଇ ନ କିରି ଚଲାଟଲ୍ଲି କରା । କାଇକେବଇଲେ ସର୍ତ୍ତେ ମିସା ତମର୍ ପାଇ ଗଟେକ୍ ସାଉକାର୍ ଆଟେ ବଲି ଏତାଆ ।

ବିନ୍ ବିନ୍ ବିସଇର୍ ଆଦେସ୍ ଦେବାଟା

୨ ପାର୍ତନା କିରିଲାଇରୁଆ । ଆରି ଜାଗରତ୍ ଅଛୁରୁଆ । ପର୍ତ୍ତେସର୍ତ୍ତେ ସବୁବେଲେ ଦନିଅବାଦ୍ ଦେଇତେରୁଆ । ୩ ଆମର୍ ପାଇ ମିସା ପାର୍ତନା କରା । ଜେନ୍ତକି କିରିସ୍ତର୍ ବିସଇଟାନ୍ତେ ରଇବା ଏ ସୁକ୍ତକର୍ ଆମେ ସବୁଲକ୍ତେ ଜାନାଇପାରୁ । ଏ ସୁକ୍ କବର୍ ସେମନ୍ ଆଗୁ ନାଜାନିରଇଲାଇ ।

* ୩:୧୨ ୩:୧୨ ଏପିସିୟ ୪:୨ * ୩:୧୩ ୩:୧୩ ଏପିସିୟ ୪:୩୨ * ୩:୧୬ ୩:୧୬ ଏପିସିୟ ୫:୧୯,୨୦ * ୩:୧୮ ୩:୧୮ ଏପିସିୟ ୫:୨୨; ୧ ମ ପିତର୍ ୩:୧ * ୩:୧୯ ୩:୧୯ ଏପିସିୟ ୫:୨୫; ୧ ମ ପିତର୍ ୩:୩ * ୩:୨୦ ୩:୨୦ ଏପିସିୟ ୬:୧ * ୩:୨୧ ୩:୨୧ ଏପିସିୟ ୬:୪ * ୩:୨୨ ୩:୨୨ ଏପିସିୟ ୬:୫-୮ * ୩:୨୫ ୩:୨୫ ଏପିସିୟ ୬:୯ * ୪:୧ ୪:୧ ଏପିସିୟ ୬:୯

ଏ ସୁବକବର୍ ଜାନାଇଲାର୍‌ପାଇ ମୁଞ୍ଚ ଏବେ ବନ୍ଦିଗରେ ଆଚି । ୪ ଜେନ୍ତ୍ରିକି ମୁଞ୍ଚ ଜେଡ୍‌କି ଲକ୍‌କେ ଏ ସୁବକବର୍ ନିକସଙ୍ଗ ଜାନାଇବି, ସେଟାର୍‌ପାଇ ପାର୍‌ତନା କରା ।

୫ *ମାପୁରୁ ଜିସୁକ୍ରିସ୍‌ଟକେ ବିସବାସ୍ ନ କଲା ଲକ୍‌ମନରତେଇ ଜାଗରତ୍ ସଙ୍ଗ୍ ଚଲାଚଲୁଡି କରା । ତମେ ମିଲାଇରଇବା ସବୁ ବେଲା ବୁଦିର୍ ସଙ୍ଗ୍ କରା । ୬ ସେମନ୍‌କେ ସନ୍‌ମାନ୍ ଦେଇ କାଟା ଉଆ । ଜେନ୍ତ୍ରିକି ତମେ କଇବା ବିସଇ ସେମନ୍ ମନକରବାଇ । ତେବେ ତମେ ବିସବାସ୍ କରବା ବିସଇଟାନେ କାଇଆଲେ କାଟା ଉଟ୍‌ଲେ, ତମେ ଉତ୍‌ର୍ ଦେଇପାର୍‌ସା ।

ସାରାସାରିର୍ କାଟା

୭ *ତୁକିକ କଲସିଅ ଆଇଲାବେଲେ ମକେ କାଇକାଇଟା ଗର୍‌ଲାନି ବଲି ତମ୍‌କେ କଇଦେଇସି । ସେ, ମୁଞ୍ଚ ବେସି ଆଲାଦ୍ କରବା ଗଟେକ୍ ବିସବାସି ବାଇ । ସେ ବିସବାସ୍ ସଙ୍ଗ୍ କାମ୍ କରସି ଆରି ମର୍ ସଙ୍ଗ୍ ମାପୁରୁକେ ସେବା କରସି । ୮ ଆମ୍‌କେ କାଇଟା ଗର୍‌ଲାନି ବଲି ତାର୍‌ଟାନେଅନି ଜାନ୍‌ସା । ଆରି ସେ ତମ୍‌କେ ବିସବାସ୍ କରାଇବାଟା ତାଟ୍ କରାଇସି । ଏଟାର୍‌ପାଇ ତାକେ ତମ୍‌ଟାନେ ପାଟାଇଲିନି । ୯ *ଅନିସିମ୍‌କେ ତାର୍‌ସଙ୍ଗ୍ ପାଟାଇଲିନି । ସେ ଆମର୍ ଆଲାଦର୍ ବେସି ବିସବାସ୍ ରଇବା ବାଇ । ସେ ତମର୍ ନଅରର୍ ଲକ୍ । ଇତି ଗର୍‌ବା ସବୁ ବିସଇ ସେମନ୍ ତମ୍‌କେ ଜାନାଇବାଇ ।

୧୦ *ଆରିସତାକସ୍ ତାର୍ ଜୁଆର୍ ଜାନାଇଲାନି । ସେ ମର୍ ସଙ୍ଗ୍ ବନ୍ଦିଗରେ ଆଚେ । ବର୍‌ନବାର୍ ମେନାବାଇ ମାର୍‌କ ମିସା ଜୁଆର୍ ଜାନାଇଲାନି । ମାର୍‌କର୍ ବିସଇ ତମେ ସୁନିସାରାଇ ଆଗାସ୍ । ସେ ତମର୍ ଲଗେ ଆଇଲେ ତାକେ ତାକି ନିଆ । ୧୧ ଜୁସ୍‌ତ ନାଉଁଦାରି ତାକ୍‌ପୁଟା ଅଇଲା ଜିୟ୍‌ସୁୟ୍ ମିସା ତମ୍‌କେ ଜୁଆର୍ ଜାନାଇଲାନି । ଏ ତିନ୍ ଲକ୍‌ସେ ଇତି ରଇବା ଜିଉଦି ବିସବାସିମନ୍ । ପର୍‌ମେସରର୍ ରାଇଜ୍ ବିସଇତେଇ ରଇବା ସୁବକବର୍ ଜାନାଇବାକେ ସେମନ୍ ମର୍ ସଙ୍ଗ୍ କାମ୍ କଲାଇନି । ସେମନ୍ ମକେ ବେସି ସାର୍‌ଦା କରାଇଆଚଡ୍ ।

୧୨ *ଏପାପରା ତାର୍ ଜୁଆର୍ ଜାନାଇଲାନି । ସେ ମିସା ତମର୍ ନଅରର୍ ଲକ୍ । ସେ ମିସା ଗଟେକ୍ ଜିସୁକ୍ରିସ୍‌ଟର୍ ଗତିଦାକ୍‌ଡା । ସେ ତମ୍‌ପାଇ ସବୁବେଲେ ମନ୍‌ଦିଆନ୍ ଦେଇ ପାର୍‌ତନା କରିଲାଗିରଇସି । ଜେନ୍ତ୍ରିକି ତମେ ତାଟ୍ ଅଇ ସିଦ୍ ଅଇସା ଆରି ପର୍‌ମେସର୍ ତମ୍‌କେ କରା ବଲି ମନ୍‌କଲାଟା ଜାନିରଇସା । ୧୩ ଏରାପଲି ଆରି ଲାଉଦିକିଆଇ ରଇବା ବିସବାସିମନର୍‌ପାଇ ଆରି ତମ୍‌ପାଇ ମିସା ସେ ଆବଡ୍ ଅଇଲାନି ବଲି ମୁଞ୍ଚ ସାକି ଦେଲିନି । ୧୪ *ଆମର୍ ଆଲାଦର୍ ନିଜେ ଅସଦେଉ ଜୁକ୍ ଆରି ଦିମା ତମ୍‌କେ ଜୁଆର୍ ଜାନାଇଲାଇନି ।

୧୫ ଲାଉଦିକିଆତେଇ ରଇବା ବାଇବଇନିମନ୍‌କେ, ମର୍ ଜୁଆର୍ ଜାନାଇଦିଆସ୍ । ବଇନି ନୁମ୍‌ପାକେ ଆରି ତାର୍ ଗରେ ରୁଣ୍ଡବା ସବୁ ବିସବାସିମନ୍‌କେ ମିସା ମର୍ ଜୁଆର୍ ଜାନାଆ । ୧୬ ତମେ ଏ ଚିଟିତେଇ ଲେକ୍‌ଲାଟା ସୁନିସାରାଇଲାପତେ ଲାଉଦିକିଆଇ ରଇବା ବାଇବଇନିମନ୍‌କେ ମିସା ସୁନାଇଦେବାର୍‌ଆଚେ ଆକା । ୧୭ *ମାପୁରୁ ତକେ ସର୍‌ପିଦେଲା କାମ୍ ତୁଇ କରିସାରାଇବାର୍‌ ଆଚେ ଆକା” ବଲି ଆର୍‌କିପସ୍‌କେ କୁଆ ।

୧୮ ମୁଞ୍ଚ ପାଉଲ୍ ଏଟା ନିଜେ ଲେକ୍‌ଲିନି, “ଜୁଆର୍ ! ମୁଞ୍ଚ ବନ୍ଦିଗରେ ଆଚିବଲି ଏତାଆ ।” ପର୍‌ମେସରର୍ ଜିବନ୍ ଦୁକାଇ ଦୟା ଦେକାଇଲାଟା ତମର୍ ସଙ୍ଗ୍ ରଅ ।

୪:୫ ୪:୫ ଏପିସିୟ ୫:୧୭ ୪:୭ ୪:୭ ପେରିଡ୍ ୨୦:୪; ୨ୟ ଡିମତି ୪:୧୨ ୪:୭ ୪:୭ ଏପିସିୟ ୭:୧୧, ୨୨ ୪:୯ ୪:୯ ପିଲିମନ୍ ୧:୧୦-୧୨ ୪:୧୦ ୪:୧୦ ପେରିଡ୍ ୧୯:୨୯; ୨୭:୨; ପିଲିମନ୍ ୧:୨୪; ପେରିଡ୍ ୧୨:୧୨, ୨୫; ୧୩:୧୩; ୧୫:୩୭-୩୯ ୪:୧୨ ୪:୧୨ କଲସିଅ ୧:୧; ପିଲିମନ୍ ୧:୨୩ ୪:୧୪ ୪:୧୪ ୨ୟ ଡିମତି ୪:୧୧; ପିଲିମନ୍ ୧:୨୪; ୨ୟ ଡିମତି ୪:୧୦; ପିଲିମନ୍ ୧:୨୪ ୪:୧୭ ୪:୧୭ ପିଲିମନ୍ ୧:୨

ତେସଲଲନିକିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଠଲକର ପ୍ରଥମ ପତ୍ର ତେସଲଲନିକିୟ ମଣ୍ଡଳିର ବିସ୍ତାରିତମନ୍ତ୍ରଣା ପାଠଲ ପଢ଼ୁମନ୍ତର ଚିଠିଲେକଲଗା ଏ ବଇର ବିସଇ ଜାନ୍‌ବାଟା

୧ ମ ଦେସଲଲନିକିୟ ଚିଠି ପେରିଡ଼ ପାଠଲ୍ ଲେକାଅଇରଇଲା୧:୧ । ଏଟା ପାଠଲ୍ ପଢ଼ୁମ୍ ତରୁ ଲେକାଅଇରଇଲା ଆରି ଏଟା ବାଇବଲେ ଗଟେକ୍ ବାଗ୍ ଅଇଆଟେ । ଏଟା ଜିସୁକିରିସ୍ତ ଜନମ୍ ଅଇକରି ଲଗାଲଗି ୫୧ ବରସ୍ ପଟେ ଲେକା ଅଇଲାଆଟେ । ଜେତେବେଲେ ପାଠଲ୍ ତେସଲଲନିକିୟ ମଣ୍ଡଳିକେ ଚିଠି ଲେକଲ୍ଲା, ସେବେଲେ ସେ କରନ୍ତିଅ ମଣ୍ଡଳିକେଇ ରଇଲା । ଜନ୍ ମଣ୍ଡଳିକେ କି ସେ ମିସନାରି କ୍ଷୟାବେ ଦୁଇପାଲି ଗାଲାବେଲେ ତାପନା କରିରଇଲା । ପେରିଡ଼ ୧୭:୧-୧୦ ।

ଏଟା କେତେଟା ଜିଉଦି ଆରି କେତେଟା ଗିରିକ୍ ବାସା କଇବା ଲକ୍‌ମନ୍ ଆକା କରିରଇଲାଇ ବଲି ପେରିଡ଼ ବଇଗାଟେ କୁଆଅଇଆଟେ । ପାଠଲ୍ ମଣ୍ଡଳି ତାପନା କଲା ପଟେ, ବେସି ଦିନ୍ ତେସଲଲନିକିଏ ରଇନାପାରୁଲା । ତେବର୍‌ପାଇ ତେଇ ରଇବା ବିସ୍ତାରିତମନ୍ତ୍ରଣା ନ ଡରିକରି ରଇବାକେ ସେ ଏ ଚିଠି ପାଟାଲଲା । ଗଟେକ୍ ବିସ୍ତାରିତ କେନ୍ତାରି ଜିଉନା କାଉନା କରୁବାକେ ପଡ଼ସି, ଏ ଚିଠି ଗାଟେ କେତେକ୍ କେତେକ୍ ବିସଇ, ଆରି ବିନ୍ ବିନ୍ ଜାନ୍‌ବା କାତା ଆଟେ । ପାଠଲ୍ କେତେଟାଟାଟେନେ ଆରିତରେକ୍ ଆଇବା ବିସଇ ମନ୍‌ଦିଆନ୍ ଦେଲାଆଟେ । ଜେନ୍ତକି ତେସଲଲନିକିୟ ମଣ୍ଡଳିର ବିସ୍ତାରିତମନ୍ତ୍ରଣା ଏ ବିସଇକେଇ କାଇ ଅସୁବିଦା ନ ଅଇକରି ଆଗତୁ ଅଇତେରଇଲାଇ । ପାଠଲ୍ ଜିସୁ ଆରିତରେକ୍ ଆଇବାଟା ନେଇ କେନ୍ତାରି ଜିଉନା କାଉନା କରୁବାର୍ ଆରି ପର୍‌ମେସର୍‌କେ ସାର୍‌ଦା କରାଇବାକେ ଜାନାଇଲାନି । ୫:୨-୮ ।

ଏ ବଇଗାଟେ ରଇଲାଟା

- ୧. ପାଠଲ୍ ମଣ୍ଡଳିକେ କୁଆର୍ ଜାନାଇ କରି ଆରି ପର୍‌ମେସର୍‌କେ ଦନିଅବାଦ୍ ଦେଇକରି ଚିଠି ଆରାମ୍ କଲାଆଟେ । ୧
- ୨. ପଟେ ସେ ତିମତି ଆନିରଇବା କବର୍ ଆରି ତାର୍ କାମ୍ ବିସଇନେଇ ବୁଜାଇଲା । ୨-୩
- ୩. ଜିସୁକେ ବିସ୍ତାରିତ କଲା ଲକ୍ ସେ ଆରିତରେକ୍ ଆଇବା ଜାକ ଜାଗିରଇକରି କେନ୍ତାରି ଜିଉନା କାଉନା କରୁବାର୍ ସେଟା ଟେଡାଇ କରି ଆଦେସ୍ କଲାନି । ୪:୧-୫:୧୫
- ୪. ପାଠଲ୍ ଆରିତରେକ୍ ମଣ୍ଡଳିକେ କୁଆର୍ ଜାନାଇକରି ସେମନ୍‌କେ ଚିଠି ପଡ଼ବାକେ ବାଦିଅ କରାଇ ସେସ୍ କଲାନି । ୫:୧୬-୨୮

୧ *ମୁଇ ପାଠଲ ଆରି ମର୍ ବାଇମନ୍ ସିଲାନ୍, ଆରି ତିମତି ତେସଲଲନିକିୟ ମଣ୍ଡଳିକେଇ ରଇବା ଲକ୍‌ମନ୍‌କେ ଏ ଚିଠି ଲେକଲୁନି । ବାବା ପର୍‌ମେସର୍ ଆରି ମାପରୁ ଜିସୁକିରିସ୍ତ ଜିବନ୍ ଦୁକାଇଲା ସାନ୍ତି ତମକେ ମିଲ ।

ତେସଲଲନିକିୟ ମନର୍ ବିସ୍ତାରିତ

୨ ଆମେ ସବୁବେଲେ ତମର୍ ସବୁ ଲକ୍‌ମନ୍‌ପାଇ ପର୍‌ମେସର୍‌କେ ଦନିଅବାଦ୍ ଦେଇତେରଇବୁ ଆରି ପାର୍‌ତନା କଲାବେଲେ ତମର୍ ବିସଇ ସବୁବେଲେ ଜାନାଇତେରଇବୁ । ୩ ତମେ ବିସ୍ତାରିତ କରି କେନ୍ତି ଚଲାଚଲୁଡି କଲାସିନି ଆରି ତମର୍ ତମର୍ ବିତ୍‌ରେ ରଇବା ଆଲାଦର୍ ଲାଗି, ମିସିବିଡି କେନ୍ତି ସାଇଜ କରାକରି ଅଇଲାସିନି ଆରି ମାପରୁ ଜିସୁ କିରିସ୍ତ ଟାଟେ ତମର୍ ବିସ୍ତାରିତ କେନ୍ତି ତାର୍ ଅଇଆଗାସ୍ । ୪ ବାଇବଇନିମନ୍ ! ଆମେ ଜାନିଆରୁ ଜେ, ପର୍‌ମେସର୍ ତମକେ ଆଲାଦ୍ କଲାନି । ଆରି ସେ ତମକେ ନିଜର୍ ଲକ୍ କରୁବି ବଲି ବାଟ୍‌ଲାଆଟେ । ୫ ଜେତେବେଲେ ଆମେ ତମକେ ଏ ସୁବ୍ କବର୍ ଜାନାଇରଇଲୁ, ସେଟା ଅଦ୍‌କା କାତାଇ ନ ରଇଲା, ମାତର୍ ସୁକଲ୍‌ଆଡ଼ମାର୍ ବସ୍ ସଙ୍ଗ୍ ଆରି ସେଟା ସଡ଼ ବଲି ପୁରାପୁରୁନ୍ ବିସ୍ତାରିତ ସଙ୍ଗ୍ ରଇଲା । ତମେ ଜାନାସ୍, ତମର୍ ସଙ୍ଗ୍ ରଇଲାବେଲେ ଆମେ କେନ୍ତି ରକାମେ ଜିଉନାକାଉନା କରୁତେରଇଲୁ, ଜେନ୍ତକି ତମର୍ ମଙ୍ଗଲ୍ ଅ ବଲି ଆମର୍ ବାବ୍‌ନା ରଇଲା । ୬ *ତମେ ଚଲାଚଲୁଡିକେ ଆମର୍ ପାରା ଆରି ମାପରୁର୍ ପାରା ରଇଲାସ୍ । ତମକେ ଦୁକ୍‌କସ୍ତ ଅଦିକ୍ ରଇଲେ ମିସା ସୁକଲ୍‌ ଆଡ଼ମାର୍ ଟାଟେନି ମିଲାଇରଇବା ସାର୍‌ଦା ସଙ୍ଗ୍ ସୁବ୍ କବର୍ ମାନ୍‌ଲାସ୍ ।

* ୧:୧ ୧:୧ ପେରିଡ଼ ୧୭:୧ * ୧:୨ ୧:୨ ପେରିଡ଼ ୧୭:୫-୯

୭ ତେବେ ତମେ ମାକିଦନିଆ ଆରି ଆକାୟାତେଇ ରଇବା ସବୁ ବିସ୍ବାସିମନ୍ଦକେ ଗଟେକ୍ ବାଟ୍‌ଦେକାର ପାରା ରଇଲାୟ । ୮ ତମରଲଗେଅନି ମାସିଦନିଆ ଆରି ଆକାୟାର୍ ଜାଗାମନ୍ଦକେ ଅବ୍‌କା ମାପୁରୁର୍ ସୁବକବରସେ ବିଚି ନ ଅଇରଇଲା । ମାତର୍ ତମେ ମାପୁରୁକେ ବିସ୍ବାସ୍ କରିରଇବା କାତା ସବୁ ବାଟେ ଜାନାପଡ଼ଲା ଆଟେ । ଏ ବିସଇ ଆରି ଆମେ ଅଦିକ୍ କଇବା ଦରକାର୍ ନାଇ । ୯ ଆମେ ତମରଲଗେ ଆଇଲାବେଲେ ତମେ ଜେନ୍ତି ଆଲାଦରସଙ୍ଗ୍ ଡାକିରଇଲାୟ ଆରି ତୁଟା ପାକନାମନ୍ ପୁଜା କରବାଟା ଚାଡ଼ିକରି ଜିବନ୍ ରଇବା ପରମେସରୁକେ ଉପାସନା କରବାକେ ଆଗ୍ରତୁ ଆସିରଇଲାୟ । ଏ ସବୁ ବିସଇ ତେଇର୍ ଲକ୍‌ମନ୍ କାତା ଅଇଲାଇନି । ୧୦ ଆରି ପରମେସର୍ ତାର୍ ନିଜର୍ ଜନ୍ ପଅକେ, ମଲା ଲକ୍‌ମନର୍ ବିତ୍‌ରେ ଅନି ଉଟାଇଲା । ଆରି ଜେ କି ଆଇତେରଇବା ପରମେସରର୍ ବଡ଼ ତଣ୍ଡୁତେଇଅନି ଆମ୍‌କେ ରକିଆ କରସି । ତାର୍‌ପିଲା ଜିସୁ ସର୍ଗେଅନି ଆରିତରେକ୍ ଆଇବାଟାକେ ଆମେ ଜାଗିକରି ରଇ । ଏ ସବୁ ବିସଇ ମିସା ତେଇର୍ ଲକ୍‌ମନ୍ କାତାବାର୍ତା ଅଇଲାଇନି ।

୨

ତେସଲନିକିତେଇ ପାରଲର୍ କାମ୍

୧ ଏ ବାଇବଇନିମନ୍ ତମେ ନିଜେ ଜାନି ଆଗାସ୍, ତମରଲଗେ ଆମେ ଆଇଲାଟା ତୁଟାଇ ନ ରଇଲା । ୨ ତମରଗାନେ ଆଇବା ଆଗ୍ରତୁ ପିଲିପେ ଆମ୍‌କେ କେନ୍ତି ଦୁକ୍ ନିନ୍ଦା ଅଇରଇଲା, ସେଟା ତମେ ଜାନାସ୍ । ବେସି ଲକ୍ ଆମ୍‌କେ ବିରଦ୍ କଲେ ମିସା ସୁବକବର୍ ତମ୍‌କେ ଜାନାଇବାକେ ପରମେସର୍ ସାଆସ୍ ଦେଇରଇଲା । ୩ ଆମେ ବାବୁଜିଆ କଲାଟା, ଲକ୍‌ମନର୍ ବୁଲୁ ଆଦେସ୍ ଅନି ନ ରଇଲା ଆରି ନାଟାଇବାଟା କି ବୁଲୁବାଟେ ନେବା ବିସଇ ନ ରଇଲା । ୪ ମାତର୍ ସବୁବେଲେ ଆମେ ପରମେସରର୍ ମନ୍ କଲା ଇସାବେ ସେ କାତା କଇତେରଇବୁ । କାଇକେବଇଲେ ସେ ଆମ୍‌କେ ବାଚିକରି ସୁବକବର୍ ଜାନାଇବା ଦାଇଡ୍ ସର୍ପି ଦେଲାଆଟେ । ଲକ୍‌ମନ୍‌କେ ସାର୍‌ଦା କରାଇବାକେ ଆମର୍ ଆଦେସ୍ ନାଇ । ଜନ୍ ପରମେସର୍ ଆମର୍ ମନ୍ ବିତ୍‌ରରୁଟା ପରିକା କରି ଦେକିପାରସି, ତାକେ ଆକା ସାର୍‌ଦା କରବାକେ ଆମେ ଚେସ୍‌ଟା କଲୁନି । ୫ ତମେଟା ନିକ କରି ଜାନାସ୍ । ଆମେ କେବେ ମିସା ତମ୍‌କେ ସାର୍‌ଦା କରାଇବା କାତା କଇ ନ ରଇଲୁ । ଆମର୍ ଲବଅଇବାଟାକେ ଲୁଟାଇକରି ସଙ୍ଗରନାଇ । ତମରଲଗେ କାରାପ୍ ବେବାର୍ କରି ନ ରଇଲୁ । ଏ ବିସଇଟାନେ ପରମେସର୍ ଆମର୍ ସାକି । ୬ ଆମେ କାର୍‌ଲଗେ ଅନି ସନ୍‌ମାନ୍ ପାଇବୁ ବଲି ଚେସ୍‌ଟା କରି ନ ରଇଲୁ । ତମରଗାନେ ଅନି କି ବିନ୍ ଲକର୍ ଗାନେଅନି ମିସା ନାଇ । ୭ ଜଦି କିରିସ୍‌ଟ ପାଟାଇରଇବା ପେରିଡ୍ ଇସାବେ ଆମ୍‌କେ ତମେ ମାନିକରି ରୁଆ ବଲି ଦାବି କରୁଡୁ । ମାଆ ଜେନ୍ତି ନିଜର୍ ପିଲାମନ୍‌କେ ଜତନ୍ କରତେରଇସି, ଆମେ ତମରଲଗେ ରଇବା ବେଲାଇ ସେରକାମ୍ କରତେରଇଲୁ । ୮ ଆମେ ତମ୍‌କେ ବେସି ଆଲାଦ୍ କଲୁ ଜେ, ତମ୍‌କେ ଅବ୍‌କା ପରମେସରର୍ ସୁବ କବର୍ ଜାନାଇବୁ ବଲି ନାଇ, ମାତର୍ ତମରଲାଗି ନିଜକେ ସର୍ପି ଅଇବାକେ ମିସା ତିଆର୍ ଅଇରଇଲୁ । ତମେ ଆମର୍ କେଡେକ୍ ନିଜର୍ ନ ରଇଲାୟ ! ୯ ଏ ବାଇବଇନିମନ୍ ଆମେ ଆବଡ୍ ଅଇ ଗାଗ୍‌ତେ ବାଦିଜାଇରଇଲେ ମିସା ମାନିଅଇ କାମ୍ କଲାଟା ତମ୍‌କେ ମନେରଇସି । ଆମେ ଜେନ୍ତିକି ତମର୍ ଉପ୍‌ରେ ବଜ୍ ନ ଅଇକରି, ଏଟାର୍‌ପାଇ ଦିନ୍ ରାତି କସ୍‌ଟ ପାଇ ପରମେସରର୍ ସୁବକବର୍ ତମ୍‌କେ ଜାନାଇରଇଲୁ ।

୧୦ ଜେଡେବେଲେ ଆମେ ତମରଗାନେ ରଇଲୁ, ଆମେ କେନ୍ତି ସୁକଲ୍‌ଅଇ, ସତଇସେ କାଇ ଦସ୍ ନ ଅଇକରି ଚଲାଟଲୁଟି କରତେରଇଲୁ । ନିଜେ ପରମେସର୍ ଆରି ତମେ ଆକା ଆମର୍ ସାକି ଆଗାସ୍ । ୧୧ ତମେଟା ଜାନାସ୍ । ବାବା ଜେନ୍ତି ନିଜର୍ ପିଲାମନ୍‌କେ ଚଲାଟଲୁଟି କରତା, ଆମେ ମିସା ସମାନ୍ ସେନ୍ତାରିସେ ଚଲାଟଲୁଟି କରିରଇଲୁ । ୧୨ ଆମେ ତମ୍‌କେ ସାଆସ୍ ଦେଇରଇଲୁ, ଦୁକ୍ ସାରାଇରଇଲୁ, ଆରି ପରମେସର୍‌ଗାନେ ଟିକ୍‌ସଙ୍ଗ୍ ଚଲାଟଲୁଟି ଅଇ ବର୍‌ବାକେ ବାବୁଜିଆ କରତେରଇଲୁ । ପରମେସର୍ ଜେ କି ତାର୍ ରାଇଜେ ଆରି ତାର୍ ମଇମା ଗାନେ ମିସିରଇବାକେ ତମ୍‌କେ ଡାକ୍‌ଲାନି ।

୧୩ ଆମେ ପରମେସରୁକେ ଏଟାର୍‌ପାଇ ମିସା ଦନିଅବାଦ୍ ଦେଲୁନି, କାଇକେବଇଲେ ଜେଡେବେଲେ ଆମେ ତାର୍ ସୁବକବର୍ ତମ୍‌କେ ଜାନାଇରଇଲୁ ସେଟା ପରମେସର୍ ଗାନେ ଅନି ଆଇଲା ବାକିଅ ବଲି ତମେ ମାନ୍‌ଲାୟ । ଏଟା ଲକ୍‌ମନର୍ ଗାନେଅନି ଆସି ଆଟେ ବଲି ନାଇ । ସତଇସେ ସେଟା ପରମେସରର୍ ବାକିଅ । ଆରି ତମର୍‌ପାରା ବିସ୍ବାସିମନ୍‌କେ ମନ୍ ବିତ୍‌ରେ, ସେଟା ତାଟ୍ ଅଇରଇସି । ୧୪ ଏ ବାଇବଇନିମନ୍ ଜିଉଦା ଦେସେ ରଇବା ପରମେସରର୍ ମଣ୍ଡଲିମନ୍‌କେ ଆରି ତେଇ ରଇବା କିରିସ୍‌ଟ ବିସ୍ବାସିମନ୍‌ରଲାଗି ଜନ୍ ଗର୍‌ନା ଗଟିରଇଲା, ତମର୍‌ପାଇ ମିସା ସେ ଗର୍‌ନା ଗର୍‌ଲା

☆ ୨:୨ ୨:୨ ପେରିଡ୍ ୧୭:୧୯-୨୪; ପେରିଡ୍ ୧୭:୧-୯ ☆ ୨:୧୪ ୨:୧୪ ପେରିଡ୍ ୧୭:୫

ଆତେ । ସେମନ୍ ଜିଉଦିମାନର୍ ଲଗେଅନି ଜନ୍ ରକାମ୍ ତାଡ଼ନା ପାଇରଇଲାଇ, ତମେ ମିସା ନିଜର୍ ଦେସର୍ ଲକ୍ମାନର୍ ଲଗେଅନି ସେ ସମାନ୍ ତାଡ଼ନା ପାଇଆରାସ୍ । ୧୫ * ଜିଉଦିମନ୍ ମାପୁରୁ ଜିସୁକେ ଆରି ବଦିସ୍ତବକ୍ତାମାନକେ ମରାଇରଇଲାଇ ଆରି ଆମକେ ମିସା ଦୁକ୍ କସଟ୍ ଦେଇରଇଲାଇ । ସେମାନର୍ଟାନେ ପର୍ମେସର୍ ସାନ୍ତି ନାଇ । ସେମନ୍ ସବୁ ମୁନୁସ୍ତାତିର୍ ସତୁରୁ ।

୧୬ ଜେନ୍ତାରି କି ଜନ୍ ସୁବକବର୍ ଜାନାଇଲେ ଜିଉଦି ନଇଲା ଲକ୍ମାନକେ ମୁକ୍ତି ମିଲି ପାରୁସି, ସେଟା ଚାଡ଼ି ଦେଅଡ଼ ବଲି ଆମକେ ସେମନ୍ ଚେସଟା କଲାଜନି । ଏନ୍ତାରି ସେମନ୍ କର୍ତ୍ତେରଇବା ପାପ୍ ଅଦିକ୍ ଅଦିକ୍ ବଡ଼ିଜାଇକରି ସାରାସାରି ଆସି କେଟିଆତେ । ଏବେ ସାରାସାରି ବେଲାଇ ସେମାନର୍ ବିରୁଦେ ପର୍ମେସରର୍ ରିସା ଅଇଆତେ ।

ପାଉଲ୍ ଆରିତରେକ୍ ଜିବାକେ ମନ୍‌କଲା

୧୭ ଏ ବାଇବଇନିମନ୍ ଜେତେବେଲେ ଆମେ ଚନେକର୍ପାଇ ତମର୍ଟାନେଅନି ବିନେ ଅଇଜାଇରଇଲୁ, ସେଟା ଗାଗଡ଼ ଇସାବେ । ମାତର୍ ଆମର୍ ମନ୍ ବିତ୍ରେ ତମେ ସବୁବେଲେ ବାସାଅଇରଇଲାସ୍ । ତମକେ ଏତାଇ ଏତାଇ କରି ବେସି ଚିନ୍ତା କର୍ତ୍ତେରଇଲୁ । ପତେ ଆରିତରେକ୍ ତମକେ ଦେକ୍‌ବାକେ ଚେସଟା କର୍ତ୍ତେରଇଲୁ । ୧୮ ମାତର୍ ତମର୍ଲଗେ ବାଉଡ଼ିଆଇବାକେ ଆମକେ ବେସି ମନ୍‌ରଇଲା । ମୁଇ ନିଜେ ତମର୍ଲଗେ ବାଉଡ଼ିଆଇବାକେ ଗଟେକ୍‌ତର୍ ଚେସଟାକରିରଇଲି, ମାତର୍ ଏଟାପାଇ ଆମକେ ସଇତାନ୍ ବାଦା ଦେଲା । ୧୯ ସେ ଗାଲା କାତା ଗାଲାବେ । ମର୍ ଆସା ଆତେ, ମାପୁରୁ ଜିସୁ ଆଇବା ବେଲେ ତମେ ଆମର୍ ଆସା, ସାର୍‌ଦା ବଡ଼ପନ୍ ଆରି ଜିଡ଼ବାଟା । ୨୦ ତମେ ସବୁବେଲେ ଆମର୍ପାଇ ତାକ୍‌ପୁଟା ଆରି ସାର୍‌ଦା ।

୩

୧ * ସାରାସାରିପତେ ଆମେ ଦୁକ୍ କସଟ୍ ମୁରୁଟି ନାପାରିକରି ଆଡିନେସ୍‌ତେଇ କାର୍ ସଙ୍ଗ୍ ନ ମିସିକରି ଜିଉନାକାଉନା କରୁବଲି, କାତା ଅଇଲୁ । ୨ ତମକେ ବପୁ କରାଇବାକେ ଆରି ତମର୍ ବିସ୍‌ବାସ୍ ଡାବ୍ କରାଇବାକେ ତମର୍ ଲଗେ ଆମର୍ ବାଇ ତିମତିକେ ପାଟାଇରଇଲୁ । ସେ ଆମର୍‌ସଙ୍ଗ୍ କିରିସ୍‌ଟର୍ ସୁବକବର୍ ଜାନାଇକରି ପର୍ମେସରର୍ ସେବା କଲାନି । ୩ ତମର୍ ଉପରେ ଅଇତେରଇବା ବିପଦର୍ ଲାଗି ଜେନ୍ତାରି କେ ମିସା ବିନ୍ ବାଟେ ନ ଜାଅଡ଼ । ସେଟାପାଇ ସେ ତମକେ ସାଇଜ କରୁସି । ଏଲେମିସା ତମେଟା ଜାନାସ୍, ଆମକେ ମିସା ଏନ୍ତାରି କସଟ୍ ମିଲୁଲାନି, ଏଟା ଆମର୍ ପାଇ ପର୍ମେସର ମନ୍ କର୍‌ବାଟା । ୪ ଆମେ ତମର୍‌ସଙ୍ଗ୍ ରଇଲା ବେଲେ, ବେସି ଆଗେଅନି ଆମକେ ଦୁକ୍‌କସଟ୍ ଆଇସି ବଲି ପୁର୍‌ବେଅନି ଜାନାଇ ଦେଇରଇଲୁ । ଏବେ ତମେ ଜାନୁଲାସିନି, ଟିକ୍ ସେଟାସେ ଗଟୁଲା । ୫ ଏଟାପାଇ ତମର୍ ବିସଇ ନାଜାନିକରି ମୁଇ ରଇ ନାପାରୁଲି । ତମେ ବିସ୍‌ବାସେ ଆଗାସ୍ କି ନାଇ ଚିନ୍ତାକରି ମୁଇ ତିମତିକେ ପାଟାଇଲି । ଏଟାପାଇ ବଲି କେତେବେଲେ ସଇତାନ୍ ତମକେ ପରିକା କରି ଆମେ ଆବଡ଼ ଅଇ କଲାଟା ରୁଟାଇ ଜାଇସି ବଲି ତର୍‌ତେ ରଇଲି ।

୬ * ମାତର୍ ତିମତି ତମର୍ଲଗେଅନି ବାଉଡ଼ି ଆସି ତମର୍ ବିସ୍‌ବାସ୍ ଆରି ଆଲାଦର୍ ବିସଇର୍ ସୁବକବର୍ ଆନୁଲା । ସେ ଆମକେ ଜାନାଇଦେଲାଆତେଜେ, ତମେ ସବୁବେଲେ ଆମକେ ଆଲାଦ୍ ସଙ୍ଗ୍ ଏଡ଼ କଲାସିନି ଆରି ଆମେ ଜେନ୍ତାରି ତମକେ ଦେକ୍‌ବାକେ ମନ୍ କଲୁନି, ତମେ ମିସା ସେରକାମ୍ ଆମକେ ଦେକ୍‌ବାକେ ମନ୍ କଲାସିନି । ୭ ତେବେ ଏ ବାଇବଇନିମନ୍, ଆମେ କାକୁରୁଟି ଅଇ ଦୁକ୍ କସଟ୍ ପାଇଲା ବେଲେ ତମର୍ ବିସ୍‌ବାସର୍‌ଲାଗି ସାର୍‌ଦା ଅଇଲୁନି । ତମର୍ ବିସ୍‌ବାସ୍ ଆକା ଆମକେ ସାଆସ୍ ଦେଇକରି ସଙ୍ଗାଇଆତେ । ୮ କାଇକେବଇଲେ ଏବେ ତମେ ତାଟ୍‌ଅଇ ମାପୁରୁ ସଙ୍ଗ୍ ମିସିକରି ଆରାସ୍ । ଏଟା ଆମେ ଜାନିକରି ଆରିତରେକ୍ ସାର୍‌ଦା ସଙ୍ଗ୍ ଜିଇଲୁନି । ୯ ଉଁ, ଆମର୍ ପର୍ମେସରର୍ ମୁଆଟେ ତମର୍ ଲାଗି ଆମେ ସବୁଲକ୍ ସାର୍‌ଦା ଅଇଲୁନି । ସେଟାପାଇ ତମର୍‌ଲାଗି ପର୍ମେସରକେ ଦନିଅବାଦ୍ ଦେଲୁନି । ୧୦ ତମେ ବିସ୍‌ବାସ୍ କଲାଟାନେ କେତେଟା ଉନା ଆତେ । ସେଟା ପୁରାପୁରୁ କର୍‌ବାକେ, ଆମେ ତମର୍‌ସଙ୍ଗ୍ କେନ୍ତା ମିସିପାରୁ, ଏଟାପାଇ ଦିନ୍ ରାତି ପାର୍‌ତନା କରିଲାଗିଆରୁ ।

୧୧ ତମର୍ଲଗେ ଆଇବାକେ ଆମକେ ଆମର୍ ବାବା ପର୍ମେସର୍ ଆରି ଆମର୍ ମାପୁରୁ ଜିସୁ ବାଡ଼ ତିଆରକରି ଦେଅଡ଼ । ୧୨ ଜେନ୍ତାରି ଆମର୍ ଆଲାଦ୍ ତମର୍ପାଇ ବଡ଼ିଆଇଲାଣି, ସେନ୍ତାରିସେ ନିଜର୍ ନିଜର୍ ବିତ୍ରେ, ଆରି ସବୁ ଲକ୍ମାନକେ ମାପୁରୁ ଆଲାଦ୍ ବଡ଼ାଇକରି ଅଦିକ୍ କର । ୧୩ ମାପୁରୁ ଏନ୍ତାରି ତମକେ

* ୨:୧୫ ୨:୧୫ ପେରିକ୍ ୯:୨୩,୨୯:୧୩:୪୫,୫୦:୧୪:୫.୧୯:୧୭:୫.୧୩:୧୮:୧୨ * ୩:୧ ୩:୧ ପେରିକ୍ ୧୭:୧୫ * ୩:୨ ୩:୨ ପେରିକ୍ ୧୮:୫

ତବିର୍ କରାଅ । ଜେତେବେଲେ ଆମର୍ ମାପୁରୁ ଜିସୁ ତାର ନିଜର୍ ସୁକଲ୍ ଲକ୍ମନର୍ ସଙ୍ଗ ଆଇବା ବେଲେ, ତମେ କାଇ ଦସ୍ ନ ଅଇତେ ଆରି ସୁକଲ୍ ଅଇ, ବାବା ପର୍ମେସରର୍ ମୁଆଟେ ଚିଆଅଇସା ।

୪

ପର୍ମେସର୍ ଦେକବା ଇସାବେ ସାନ୍ତିରେ ରଇବା ଜିବନ୍

୧ ତେବେ ଏ ବାଇମନ୍ ସାରାସାରି ବେଲାଇ କେନ୍ତାରି ଚଲାଚଲୁତି କଲେ ପର୍ମେସର୍ ସାର୍ଦା ଅଇସି, ସେ ବିସଇ ତମେ ଆମର୍ଗାନେଅନି ସିକିଆଗାସ୍ । ଆରି ସେନ୍ତାରିସେ ଚଲାଚଲୁତି କଲାସିନି । ତମେ ଜେନ୍ତାରି କଲାସିନି, ସେ ଇସାବେ ଆରି ଆଗ୍ରୁ ଆଗ୍ରୁ ଜିବାକେ ଆମେ ତମକେ ମାପୁରୁ ଜିସୁର୍ ନାଉଁଦାରି ବାବୁଜିଆ କରି ସାର୍ଦା କରାଇଲୁନି । ୨ କାଇକେବଇଲେ ମାପୁରୁ ଜିସୁର୍ଗାନେଅନି ଆଦେସ୍ ପାଇକରି ଜାଇ ଜାଇଟା କର୍ବାକେ କଇରଇଲୁ, ସେଟା ତମେ ଜାନାସ୍ । ୩ ଜେନ୍ତାରି କି ତମେ ବେସିଆ କାମ୍ଗାନେଅନି ବିନେ ରଇକରି, ସୁକଲ୍ ସଙ୍ଗ ରଇବାଟା ପର୍ମେସର୍ ମନ୍ କଲାମି । ୪ ସବୁଲକ୍ ସୁକଲ୍ ଆରି ଆଲାଦସଙ୍ଗ ନିଜର୍ ନିଜର୍ ମାଇଜିମନର୍ ସଙ୍ଗ ରଇବାକେ ସିକା । ୫ ଆରି, ଜେନ୍ତାରି ବିସ୍ବାସ୍ ନ କଲା ଲକ୍ମନର୍ପାରା ପର୍ମେସରର୍ ବାକିଅ ନ ମାନିକରି ଆସାର୍ କାମ୍ କରାନାଇ । ୬ ଜେ ଜଦି ଏ ବିସଇ ନ ମାନିକରି କନ୍ ବିସ୍ବାସି ବାଇକେ ମିସା ଅନିଆଇ କର୍ସି ବଇଲେ, ମାପୁରୁ ଏ ସବୁ ବିସଇ ନେଇ ତଣ୍ ଦେଇସି । ଏ କାତା ଆମେ ପୁରବେ ଜାନାଇଦେଇ ଆରୁ । ୭ କାଇକେବଇଲେ ପର୍ମେସର୍ ଆମକେ ସୁକଲ୍ ନ ଅଇକରି ଜିଉନା କାଉନା କର୍ବାକେ ତାକେନାଇ ମାତର୍ ସୁକଲ୍ ଅଇ ରଇବାକେ ତାକିଆଚେ । ୮ ତେବେ ଜେ ଆମର୍ ଏ ସିକିଆ ନ ନାମେ, ସେ ଅବକା ମୁସ୍‌ସକେ ନ ନାମେ । ମାତର୍ ଜନ୍ ପର୍ମେସର୍ ତମର୍ ବିତ୍ତରେ ସୁକଲ୍‌ଆର୍ଦା ଦେଇସି, ତାକେ ନ ନାମେ ।

୯ ଏ କିରିସ୍ଟ ବିସ୍ବାସି ବାଇବଇନିମନ୍, ତମର୍ ଆଲାଦ୍ କର୍ବା ବିସଇ ଆମେ ଆରି ଅଦିକ୍ ଲେକ୍‌ବାର୍ ଦରକାର୍ ନାଇ । କାଇକେବଇଲେ ତମେ ପର୍ମେସର୍ଗାନେଅନି ନିଜର୍ ନିଜର୍ ବିତ୍ତରେ ଆଲାଦ୍ କର୍ବାଟା ସିକିଆଗାସ୍ । ୧୦ ଆରି ଗୁଲାଇ ମାକିଦନିଆଇ ରଇବା ସବୁ ବିସ୍ବାସି ବାଇମନ୍‌କେ ସେନ୍ତାରି କଲାସିନି । ଏଲେମିସା, ତମେ ଆରି ଅଦିକ୍ ଅଦିକ୍ ସେନ୍ତାରି କରା । ୧୧ ଆରି ତମକେ ପୁରବେ ଦିଆଅଇରଇବା ଆଦେସ୍ ଇସାବେ ତମେ ସାନ୍ତିସଙ୍ଗ ରଇକରି ନିଜର୍ ନିଜର୍ କାମେ ଲାଗିରୁଆ, ପାଇଟି କାବାଡ୍ କରି ରୁଆ । ଏଟାର୍‌ପାଇ ଆମେ ତମକେ ବାବୁଜିଆ କଲୁନି । ୧୨ ଏନ୍ତାରି କଲେ ବିସ୍ବାସ୍ ନ କର୍ବା ଲକ୍ମନ୍ ମିସା ତମକେ ନାମ୍‌ବାଇ । ଆରି କାଇଟା ମିସା ଅବାବ୍ ନ ଅଏ । ତମକେ ଦରକାର୍ ରଇବା ବିସଇପାଇ ବିନ୍‌ଲକ୍‌କେ ଆସା କର୍ବାକେ ନ ପଡେ ।

ମାପୁରୁ ଆରିତରେକ୍ ଆଇବାଟା

୧୩ ଏ ବାଇବଇନିମନ୍, ଆସା ନ କର୍ବା ବିନ୍ ଲକ୍ମନର୍ ପାରା ଦୁକ୍ ଚିନ୍ତା ଅଇ ରୁଆନାଇ । ଏଟାର୍‌ପାଇ ତମେ ମରିଜାଇରଇବା ଲକ୍ମନର୍ ବିସଇ ଜାନିରୁଆ । ୧୪ କାଇକେବଇଲେ ଜିସୁ ମରିକରି ଆରିତରେକ୍ ଉଚିଆଚେ ବଲିକରି ଆମେ ବିସ୍ବାସ୍ କଲୁନି । ତେବେ ଆମେ ତାଟ୍ ସଙ୍ଗ ଜାନି ଆରୁ କି, ଜନ୍ ଲକ୍ମନ୍ ଜିସୁକେ ବିସ୍ବାସ୍ କରି ମରିଆଚଡ୍, ସେ ଆରିତରେକ୍ ଆଇଲେ ପର୍ମେସର୍ ତାର୍ ସଙ୍ଗ ସେମନ୍‌କେ ଦାରିଜାଇସି ।

୧୫ ଏବେ ଆମେ ତମକେ ଜନ୍ ସିକିଆ ଦେଲୁନି, ସେଟା ମାପୁରୁ ସିକିଆ । ମାପୁରୁ ଆଇବା ବେଲେ ଜେଡ୍‌କି ଲକ୍ ଆମେ ନ ମରିକରି ଜିଇ ଆରୁ, ଆମେ ଦେକବା ଆଗ୍ରୁ ମରିଜାଇରଇବା ବିସ୍ବାସିମନ୍ ମାପୁରୁକେ ଦେକ୍‌ବାଇ । ୧୬ କାଇକେବଇଲେ ମାପୁରୁ ନିଜେ ଆଦେସ୍ ଦେଇ, ମୁକିଆ ଦୁତର୍ ସର୍ ଆରି ପର୍ମେସରର୍ ବାଜାମଇରି ସଙ୍ଗ୍ ସର୍ଗେ ଅନି ଉତ୍‌ରସି । ଜିସୁକିରିସ୍‌ଟକେ ବିସ୍ବାସ୍‌କରି ଜନ୍‌ଲକ୍ମନ୍ ମରିଆଚଡ୍ ସେମନ୍ ତେଇ ପର୍ତମେ ଉର୍‌ବାଇ । ୧୭ ତାର୍‌ପଟେ ଆମେ ଜେଡ୍‌କି ଲକ୍ ଜିବନ୍ ରଇବୁ, ସେବେଲେ ମେଗମାଲାଅନି ସେମନର୍‌ସଙ୍ଗ୍ ଉତ୍‌ରିକରି ସବୁବେଲେ ମାପୁରୁ ସଙ୍ଗ୍ ସରଗ୍‌ପୁରେ ରଇବୁ । ୧୮ ଏସବୁ କାତାମନ୍ ସୁନାଇକରି ତମେ ନିଜର୍ ନିଜର୍ ଲକ୍ମନ୍‌କେ ସାଆସ୍ କରାଆ ।

୫

ମାପୁରୁ ଆରିତରେକ୍ ଆଇଲାମି ତିଆର୍ ଅଇରୁଆ

୧ ଏ ବାଇମନ୍, ମାପୁରୁ ଜିସୁର୍ ଦିନ୍ କେବେ ଆରି କେତେବେଲେ ଗର୍ସି, ସେ ବିସଇ ତମକେ ଆରି ଅଦିକ୍ ଲେକ୍‌ବାକେ ଲତା ନାଇ, ୨ କାଇକେବଇଲେ ମାପୁରୁ ଦିନ୍ ଗଟେକ୍ ଚର୍ ରାତିଆ ଗରେ ଆସି

* ୪:୧୫ ୪:୧୫ ୧ମ କରନ୍ତ୍ରିୟ ୧୫:୫୧,୫୨ ✧ ୫:୨ ୫:୨ ମାତିର ୨୪:୪୩; ଲୁକ୍ ୧୨:୩୯; ୨ ଯ ପିତର୍ ୩:୧୦

ପୁରୁଲୀପାଠା କେବ଼ି ।^୩ ଜେତେବେଲେ ଲକ୍ମନ଼ ସାନ୍ତ୍ରସଙ୍ଗ଼ ରକ୍ଷକରି ଆମକେ ଆରି କାଜ ବିପଦ୍ ନ ଆସେ ବଲି ବାବ୍ତେରକ୍ଷବାଇ, ସେତ୍ତକିବେଲେ ଅଟାଡ଼ ଗାଗଡ଼େଅଇ ରକ୍ଷଲା ମାଜଜିକେ ପିଲା ଜନମ୍ ଅଇବାବେଲର୍ ଦୁକାସୁକାପାଠା ବିନାସର୍ ବେଲା ଆସି କେବ଼ି । ଆରି ସେମନ୍ କାଜଟା କଲେମିସା ତେଇଅନି ବ଼ିତି ନାପାରଡ଼ ।^୪ ମାତର୍ ଏ ବାଜବଇନିମନ୍, ଏବେ ତମେ ଆନ୍ଦାରେ ବାସାଅଇ ରୁଆସ୍ ନାଇ । ତେବେ ସେ ଦିନ୍ ତମର୍ ନାଜାନଡ଼େ ଆରି ଜାଗରଡ଼ ନ ରଇଲା ବେଲାଜ୍ ଚରପାଠା ଅଇ ନ ଆସେ ।^୫ ତମେ ସବୁଲକ୍ ଉଜ୍ଜ୍ ଆରି ଦିନ୍ ବେଲର୍ ପିଲାମନ୍ । ଆମେ ରାତିଆଇ କି ଆନ୍ଦାରେ ରଉନାଇ ।^୬ ତେବେ ଆସା, ଆମେ ବିନ୍ ଲକ୍ମନ଼ର୍ ପାଠା ଗୁନି ଗୁନି କରି ନ ରଉଁ । ଚେତା ଅଇକରି ଜାଗରଡ଼ସଙ୍ଗ଼ ରଉଁ ।^୭ ତେବେ ଜନ୍ ଲକ୍ମନ଼ ସଇବାଇ, ସେମନ୍ ରାତିବେଲେ ସଇବାଇ । ଆରି ଜନ୍ ଲକ୍ମନ଼ ମାଡ଼ବାଇ, ସେମନ୍ ରାତିଆ ମାଡ଼ବାଇ ।^୮ ଆମର୍ ବିସ୍ବାସ୍ ଆରି ଆମର୍ ଆଲାଦ୍ ଗଟେକ୍ ରକିଆ ପାଇବା ଲୁଆର୍ ବସ୍ତର୍ ପାଠା ରକିଆ କରସି । ଆମର୍ ଆସା ଗଟେକ୍ ଲୁଆର୍ ଚପି ପାଠା ଆମକେ ରକିଆ କରସି ।^୯ କାଜକେବଇଲେ ପରମେସର୍ ଆମକେ ରିସାର୍ ମୁତାର୍ ତଣ୍ଟି ପାଇବାକେ ନ ବାଟିକରି ଆମର୍ ମାପୁର ଜିସୁକିରିସଟର୍ ଲାଗି, ମୁକ୍ତି ପାଇବାକେ ତିଆର୍ କଲାଆତେ ।^{୧୦} ସେ ଆମର୍ ଲାଗି ତାର୍ ଜିବନ୍ ଦେଲା । ଜେନ୍ତିକି ଆମେ ଜାଗରଡ଼ ଅଇକରି ରଇଲେ କି ସଇକରି ରଇଲେ ମିସା ତାର୍ ସଙ୍ଗ଼ ଜିଇକରି ରଇବାର୍ ଅଇସି ।^{୧୧} ତେବେ ତମେ ଜେନ୍ତାରି କଲାସିନି, ସେନ୍ତାରି ନିଜର୍ ଲକ୍ମନ଼କେ ଦୁକ୍ ସାରାଆ । ଆରି ସାଇଜ କରଡେରୁଆ ।

ସାରାସାରି କାତା

^{୧୨} ଏ ବାଜବଇନିମନ୍, ଆମେ ତମକେ ଗୁଆରି କଲୁନି । ତମର୍ ବିତ୍ତରେ ଜନ୍ ଲକ୍ମନ଼ କସ୍ତ କରବାଇ, ଆରି ମାପୁରୁର୍ ସେବା କାମେ ମିସିକରି, ନେତା ପାଠା ରଇକରି ତମକେ ସିକାଇବାଇ, ସେମନ୍କେ ମାନିଅ କରା ।^{୧୩} ତାକର୍ କାମର୍ ଲାଗି ସେମନ୍କେ ଜିବନ୍ ପରାନ୍ ଦେଇକରି ଆଲାଦ୍ କରା । ନିଜର୍ ନିଜର୍ ଲକ୍ମନ଼ର୍ ସଙ୍ଗ଼ ସାନ୍ତ୍ରସଙ୍ଗ଼ ରୁଆ ।

^{୧୪} ଏ ବାଜବଇନିମନ୍, ଆମେ ତମକେ ଗୁଆରି କଲୁନି । ପାଠଟି କାବାଡ଼ ନ କରି ବାଡ଼ୁ ଅଇ ରଇବା ଲକ୍ମନ଼କେ ଜାଗରଡ଼ କରା । ତାକଲା ପୁଣ୍ଡୁଲା ଲକ୍ମନ଼କେ ଜତନ୍ କରା । ତରବା ଲକ୍ମନ଼କେ ସାଆସ୍ ଦିଆସ୍ । ଲକ୍ମନ଼ର୍ କୁଆ କାତା ମୁରଟି କରି ରୁଆ ।^{୧୫} ଜାଗରଟା, କେ ମିସା କାରୁଆଲେ ଅନିଆଇର୍ ବାଦୁଲେ ଅନିଆଇ ନ କରା । ତାର୍ ବାଦୁଲେ ନିଜର୍ ନିଜର୍ ବିତ୍ତରେ ଆରି ସବୁଲକ୍ ପାଇ ସବୁବେଲେ ମଙ୍ଗୁଲ୍ କରବାକେ ଚେସଟା କରା ।

^{୧୬} ସବୁବେଲେ ସାର୍ଦାଅଇ ରୁଆ ।^{୧୭} ସବୁବେଲେ ପାଟନା କରା ।^{୧୮} ସବୁ ସୁକ୍ ସୁକ୍ ବେଲେ ମାପୁରୁକେ ଦନିଅବାଦ୍ ଦିଆସ୍ । କାଜକେବଇଲେ କିରିସଟ ଜିସୁର୍ ସଙ୍ଗ଼ ମିସିକରି ଜିଉନା କାଉନା କଲାସିନି ବଲି ପରମେସର୍ ତମର୍ଟାମେ ଅନି ମାଙ୍ଗୁଲାନି ।

^{୧୯} ସୁକଲୁଆଡ଼ମାକେ ଏଲା କରାନାଇ ।^{୨୦} ସୁକଲୁଆଡ଼ମା କଇଲା କାତା ଏଲା କରାନାଇ ।^{୨୧} ସବୁ ବିସଇ ପରିକା କରି ଦେକା, ଜନ୍ଟା ସଡ଼, ସେଟା ଚାତାନାଇ ।^{୨୨} ସବୁ ରକାମର୍ କାରାପ୍ କାମେଅନି ଦୁରିକେ ରୁଆ ।

^{୨୩} ନିଜେ ସାନ୍ତ୍ର ଦେବା ପରମେସର୍ ତମକେ ପୁରାପୁରୁନ୍ କରି ସୁକଲ୍ କର । ଆରି ଆମର୍ ମାପୁରୁ ଜିସୁ ଆରିତରେକ୍ ଆଇବା ବେଲେ, ତମର୍ ଆଡ଼ମା, ଜିବନ୍, ଗାଗଡ଼ କାଜ ଦସ୍ ପାପ୍ ନ ଅଇକରି ସଙ୍ଗ଼ ରଅ ।^{୨୪} ଜେ ତମକେ ବାଟଲା ଆଟେ, ସେ ସେଟା କରସି । କାଜକେବଇଲେ ସେ ବିସ୍ବାସ୍ ରକ୍ଷା ଲକ୍ ।

^{୨୫} ଏ ବାଜବଇନିମନ୍, ଆମର୍ପାଇ ମିସା ପାଟନା କରା ।

^{୨୬} ସବୁ ବାଜମନ଼କେ ସୁକଲ୍ ରଇ, ଆତେ ଦାରି ଜୁଆର୍ କରା ।

^{୨୭} ସବୁ ବାଜବଇନିମନ଼ ଲଗେ ଏ ଚିତି ପତାଆ ବଲି ମୁଇ ମାପୁରୁର୍ ନାଉଁ ଦାରି ତମକେ ମୁଇ ତିଆରଲିନି ।

^{୨୮} ମାପୁରୁ ଜିସୁ ଜିବନ୍ ଦୁକାଇ ଦୟା କଲାଟା ତମର୍ ସଙ୍ଗ଼ ର ।

ତେସଲନିକିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ଦ୍ୱିତୀୟ ପତ୍ର ୨ ଯ ତେସଲନିକିୟ ମଣ୍ଡଳୀର ବିସ୍ତାରିତମନ୍ତ୍ରଣା ପାଉଲ ଦୁଇପାଲି ଚିଠି ଲେଖିଲେ ଏ ବଇର ବିସଇ ଜାନ୍‌ବାଟା

୨ ଯ ତେସଲନିକିୟ ବଇ ତେସଲନିକିୟ ମଣ୍ଡଳୀତେଇ ଲେଖିଲା ଦୁଇ ପାଲି ଜାଇରଇଲା ଚିଠି । ଏ ଚିଠି ପେରିଡ଼ ପାଉଲ ଲେଖାଇରଇଲା ୧:୧ । ୧ ମ ତେସଲନିକିୟର ଦାପେ ଦାପେସେ କିରିସ୍ତ ଜନମ୍ କରି ୫୧ ବରସ୍ ଗାଲା ପଟେ ଏ ଚିଠି ଲେଖି ରଇଲା । ତେସଲନିକିୟ ମଣ୍ଡଳୀକେ ଚିଠି ଲେଖିଲା ବେଲେ ପାଉଲ୍ କରନ୍ତିୟ ମଣ୍ଡଳୀତେଇ ରଇଲା । ଜନ୍ ମଣ୍ଡଳୀକେ କି ସେ ମିସ୍‌ନାରି ଇସାବେ ଦୁଇ ପାଲି ଗାଲାବେଲେ ଗଠି ରଇଲା ପେରିଡ଼ ୧୭:୧-୧୦ ।

କେତେଟା ଜିଉଦିମନ୍ ଆରି କେତେଟା ଗିରିକ୍ ଲକ୍‌ମନର୍ ଲାଗି ଏ ମଣ୍ଡଳୀ ତାପ୍‌ନା ଅଇଲା ଆତେ ବଲି ପେରିଡ଼ ବଇଟାନ୍ କଇଲାଆତଡ଼ । ତେସଲନିକିୟ ମଣ୍ଡଳୀ ଲେଖାଅଇରଇବା ଚିଠିଟାନ୍ କିରିସ୍ତ ଆରିତରେକ୍ ଆଇବାଟା ଆରି ସାରାସାରିବେଲାରୁ ବିସଇ ଲେଖାଅଇଲାଆତେ । କାଇକେବଇଲେ ପାଉଲ୍ ତାର୍ ଚିଠିଟାନ୍ ଏ ଦୁଇଟା ଜାକ ତେସଲନିକିୟ ମଣ୍ଡଳୀକେ ଲେଖିଆତେ । ୨ ଯ ତେସଲନିକିୟଟାନ୍ ଲେଖାଉଇବା ବିସଇ ପାକାପାକି ଅଦା ବିସଇ ସାରାସାରିବେଲା ବିସଇରେସେ ଆତେ । ପାଉଲ୍ ଅଲ୍‌ସିଆ ବିସଇନେଇ ମିସା ତରିକ୍‌ନା କରାଇଲାନି । ସବୁ ମୁସ୍‌ସ୍ ଜାତି ସେମନ୍‌କ୍ କାଦିର୍ ପାଇ ପାଇଟିକାବାଡ଼ କରବାର୍ ଆତେ ୩:୬-୧୦ ।

ଏ ବଇ ବିଡ଼ରେ ରଇବାଟା

- ୧. ପାଉଲ୍ ତାର୍ ଚିଠିଟାନ୍ ତାର୍ ନିଜର୍ ମଇତର୍‌ମନ୍‌କେ ଚିନାର୍ ଜାନାର୍ କରାଇ ଆଗାମ୍ କଲାନି । ୧:୧-୨
- ୨. ତେସଲନିକିୟ ମଣ୍ଡଳୀର ପାଇ ପରମେସର୍‌କେ ଦନିଅବାଦ୍ ଦେଲାନି ଆରି ପାର୍‌ତନା କଲାନି । ୧:୩-୧୨
- ୩. ୨ ଯ ଅଦିଆଇ ଜଗତର୍ ସାରାସାରି ବେଲାରୁ ବିସଇ କଇଲାନି । ୨:୧-୧୭
- ୪. ସେ ଅଲ୍‌ସ୍‌କେ ବିରଦ୍ କଲାନି ଆରି ପାଇଟିକାବାଡ଼ କରବା ବିସଇ କଇଲାନି । ୩:୧-୧୫
- ୫. ପାଉଲ୍ ଆରିତରେକ୍ ମଣ୍ଡଳୀର ଲକ୍‌ମନ୍‌କେ ଜୁଆର୍ ଜାନାଇକରି ସାରାଇଲାନି । ୩:୧୭-୧୮

୧* ମୁଇ ପାଉଲ୍, ବାବା ପର୍‌ମେସର୍ ଲଗେ ଆରି ମାପୁରୁ ଜିସୁକିରିସ୍ତ ତେଇ ରଇବା ତେସଲନିକିୟ ମଣ୍ଡଳୀର ଲକ୍‌ମନ୍‌କେ ଏ ଚିଠି ଲେଖି ପାଟାଇଲାନି । ମର୍ ସଙ୍ଗ୍ ରଇକରି ସିଲା ଆରି ତିମତି ମିସା ଜୁଆର୍ ଜାନାଇଲାଇନି ।

୨ ଆମର୍ ବାବା ପର୍‌ମେସର୍ ଆରି ମାପୁରୁ ଜିସୁକିରିସ୍ତ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

ଜିସୁ ଆରିତରେକ୍ ଆସି ବିଚାର୍ କରବାଟା

୩ ଏ ବାଇବଇନିମନ୍ ତମ୍‌ପରପାଇ ଆମେ ପର୍‌ମେସର୍‌କେ ସବୁବେଲେ ଦନିଅବାଦ୍ ଦେବା କାତା । ଏଟା ଟିକ୍ ବିସଇ । କାଇକେବଇଲେ ତମ୍‌ ବିସ୍‌ବାସ୍ ଅଦିକ୍ ଅଦିକ୍ ଅଇଲାନି । ଆରି ତମ୍‌ ନିଜର୍ ନିଜର୍ ବିଡ଼ରେ ସବୁଲକ୍‌କେ ଆଲାଦ୍ ବଢ଼ିଗାଲାନି । ୪ ତମେ ଜେଡ଼ିକ୍ ସବୁ ଉତ୍ତାସୁନିକରି ମିସା ବିସ୍‌ବାସ୍ କରି ବପୁସଙ୍ଗ୍, ତାଟ୍ ଅଇକରି ଆଗାସ୍ । ଏ କାତା ଆମେ ପରମେସର୍‌ର ମଣ୍ଡଳୀମନ୍‌କେ ବଡ଼ପନ୍ ଅଇକରି କଇଲୁନି ।

୫ ପର୍‌ମେସର୍ ଜନ୍ ରାଇଜୁରପାଇ ତମେ ଦୁକ୍ କସ୍ତ୍ ପାଇଲାସ୍‌ନି, ସେ ରାଇଜୁ ପାଇସା । ପର୍‌ମେସର୍ ବିଚାର୍ କରବାଟା ଟିକ୍ ଆକା, ଇତିଅନି ସେଟା ଜାନିଅଇଲାନି । ୬ ଜନ୍‌ଟା ଟିକ୍, ସେଟା ପର୍‌ମେସର୍ ପୁରାପୁରୁନ୍ କର୍‌ସି । ଜନ୍‌ଲକ୍‌ମନ୍ ଏବେ ତମ୍‌କେ କସ୍ତ୍ ଦେଲାଇନି, ସେମନ୍ କସ୍ତ୍ ପାଇବାଇ । ୭ ପର୍‌ମେସର୍ ତମ୍‌ ଦୁକ୍ କସ୍ତ୍ ଅଇବାଟା ସାରାଇକରି ଆମ୍‌କେ ମିସା ସାନ୍ତି ଦେଇସି । ଜେତେବେଲେ ମାପୁରୁ ଜିସୁ ସର୍‌ଗେଅନି ତାର୍ ବପୁର୍ ଦୁଡ଼ମନ୍‌ ମଜାଇ ବପୁଅଇ ଆଇସି, ପର୍‌ମେସର୍ ଏ କାମ୍ ପୁରାପୁରୁନ୍ କର୍‌ସି । ୮ ଜନ୍‌ଲକ୍‌ମନ୍ ପର୍‌ମେସର୍‌କେ ନାଜାନଡ଼୍, ଆରି ଆମର୍ ମାପୁରୁ ଜିସୁର୍ ବାକିଅ ନ ମାନଡ଼୍, ସେନ୍ତାରି ଲକ୍‌ମନ୍‌କେ ସେ ତଣ୍ ଦେବାକେ ଲାଗ୍‌ତେରଇବା ଜଇସଙ୍ଗ୍ ଆଇସି ।

* ୧:୧ ୧:୧ ପେରିଡ଼ ୧୭:୧

୯ ସେ ଲକ୍ଷ୍ମୀନାଥ ମାପୁରୁ ମୁଆଟେ ତାହାସଙ୍ଗ ଡାକ୍ତରୀ ପାଇବା ତେଜଅନି, କାଲ୍ କାଲ୍ କୁଟ୍ କୁଟ୍ ପାଇ କୁଟ୍ପୁନାସ୍ ଅଇଜିବାଇ । ୧୦ ସେଦିନେ ମାପୁରୁ ତାର ଲକ୍ଷ୍ମୀନାଥ ଚାନେଅନି ଆରି ସବୁ ଲକ୍ଷ୍ମୀନାଥ ଚାନେଅନି ଡାକ୍ତରୀ ଅଇ ସନ୍ମାନ ପାଇସି । ଏମାନର୍ ବିତ୍ତରେ ତମେ ମିସା ମିସା । କାଇକେବଇଲେ ଆମେ ଜନ୍ କବର୍ ଦେଇରଇଲୁ, ସେଟା ତମେ ବିସ୍ବାସ୍ କଲାସ୍ ଆରି ମାନିଲାସ୍ ।

୧୧ ତମକେ ଜେନ୍ତ୍ର ଜିଉନା କାଉନା କରବାପାଇ ପର୍ମେସର୍ ବାଟ୍ଲା ଆଟେ, ସେନ୍ତ୍ରାରି ଚଲାଟଲ୍ଡି କରାଇବାକେ ଆମେ ପର୍ମେସର୍କେ ଗୁଆରି କଲୁନି । ସେ ତାର ବପୁସଙ୍ଗ ସବୁ ଆସା କରବା ସତ୍ ପୁରାପୁରୁନ୍ କରି ତମର୍ ବିସ୍ବାସ୍ ଡାକ୍ କର । ସେଟାପାଇ ଆମେ ସବୁବେଳେ ତମର୍ଲାଗି ପାର୍ତନା କଲୁନି । ୧୨ ଏନ୍ତାରି କଲେ ଆମର୍ ସବୁଲକ୍ଷ୍ମୀନାଥ ପର୍ମେସର୍ ଆରି ମାପୁରୁ ଜିସୁକିରିସଟ୍ ଜିବନ୍ ଦୁକାଇ ତମକେ ମିସା ଡାକ୍ତରୀ କରାଇସି । ଆରି ତମେ ମିସା ତାର୍ଗାନେ ଡାକ୍ତରୀ ଅଇସା ।

୨

କାରାପ୍ କରବା ଲକ୍

୧ *ଏ ବାଇବଇନିମନ୍, ମାପୁରୁ ଜିସୁକିରିସଟ୍ ଆରିତରେକ୍ ଆଇବା ବିସଇ ଆରି ତାର୍ଗାନେ ଆମେ ସବୁଲକ୍ ରୁଣ୍ଡିଅଇବା ବିସଇ, ତମକେ ଆମେ ବାବୁଜିଆ କଲୁନି । ୨ କାର୍ଲଗେଅନି ମିସା ମାପୁରୁର୍ ଦିନ୍ କେଟ୍ଲାବେ, ବଲିକରି ସୁନିଦେଇ କିଲ୍ବିଲ୍ ଉଆନାଇ । ଜଦି ସେ କବର୍ ଆମେ ବବିସତ୍କାତା କଇଲୁ କି ଜାନାଇଲୁ ନଇଲେ ଚିଟିଟାଣେ ଲେକିଆଟ୍ ବଲି ସୁନଲେ ମିସା ସେନ୍ତ୍ରାରି ଉଆନାଇ । ୩ କେ ମିସା ସେନ୍ତ୍ରାରିକରି ତମକେ ବୁଲ୍ ବାଟେ ନ ନେଅ । କାଇକେବଇଲେ ପର୍ତ୍ତୁମ୍ ଦରମର୍ ପାଇ ବିରଦ୍ ଅଇସି । ତାର୍ପଟେ ବିନାସ୍ କରୁ ଜେ କି ପାପି ମୁନୁସ୍ ଆଇବା ଦରକାର୍ । ସେ ପାପି ମୁନୁସ୍ ନ ସାର୍ବା ମରନେ ଜାଇସି । ୪ ସେ ଦୁରାଗାର୍ ମୁନୁସ୍ ଜନ୍ ସବୁ ବିସଇ ପର୍ମେସର୍ ବଲି ଲକ୍ଷ୍ମୀନାଥ ପୁଜା କଲାଜନି, ସବୁଟାଣେଅନି ସେ ନିଜେ ମୁକିଅ ବଲି କଇସି । ଜେନ୍ତ୍ର କି ପର୍ମେସର୍ ମନ୍ଦିରେ ବସିକରି ମୁଇ ଆକା ପର୍ମେସର୍, ବଲି ଦେକାଇ ଅଇସି ।

୫ ମୁଇ ତମର୍ ସଙ୍ଗ ରଇଲାବେଲେ ତରକେ ତର ଏ ସବୁ ବିସଇ ଏତାଇ ଦେଇତେ ରଇଲି । ସେଟା କାଇ ତମର୍ ମନେ ନାଇ କି ? ୬ ଅଇଲେମିସା ସେ ବିପଦ୍ ଏବେ ନ ଗଟେଟା । କାଇକେବଇଲେ ତାର୍ସଙ୍ଗ କୁଜବାକେ ଏବେ ଗଟେକ୍ ବପୁ ଆଟେ । ସେଟା କାଇ ତମେ ଜାନାସ୍ କି ? ସମାନ୍ ବେଲାଇ ସେ କାରାପ୍ ଲକ୍ ବାରଇସି । ୭ କାଇକେବଇଲେ ଏବେ ମିସା ଲୁଟ୍ତେ ଅନିଆଇର୍ ପାପ୍ କାମ୍ ଚାଲିଆଟେ । ଜନ୍ କାରାପ୍ ଲକ୍ ମାପୁରୁର୍ ବାଟେ ଜିବା ଲକ୍ଷ୍ମୀନାଥକେ ବିରଦ୍ କଲାନି, ସେ ଲକ୍ ବିନାସ୍ ନ ଅଇବା ଜାକ୍, ଏଟା ଏନ୍ତସେ ଅଇତେରଇସି । ୮ ସେଡକିବେଲେ ସେ କାରାପ୍ ଲକ୍ ଦେକାଇ ଅଇସି । ତାକେ ମାପୁରୁ ଜିସୁ ତାର୍ ନିଜର୍ ଟଣ୍ଡେଅନି ବାରଇବା ପୁଣ୍ଡା ସଙ୍ଗ ନାସ୍ କରସି । ଆରି ତରେକ୍ ସେ ଡାକ୍ତରୀ ସଙ୍ଗ ଆଇବାବେଲେ ସେ କାରାପ୍ ଲକ୍ ବିନାସ୍ ଅଇଜାଇସି । ୯ *ସେ କାରାପ୍ ଲକ୍, ସଇତାନର୍ ବପୁ ପାଇକରି ଆଇସି । ଆରି କାବା ଅଇବା କାମ୍ମାନ୍ କରି ଦେକାଇସି । ୧୦ କେତେ କେତେ ଲକ୍ଷ୍ମୀନାଥ ସେ କରବା କାମେ ଜାଇ କିଲ୍ବିଲ୍ ଅଇବାଇ ଆରି ନସ୍ତ୍ ଅଇଜିବାଇ । ଜନ୍ ସତ୍ ମାନିକରି ସେବାଟେ ଗାଲେ, ସେମନ୍ ନ ସରବା ଜିବନ୍ ପାଇତାଇ, ସେଟା ଚାଡିଦେଇରଇବା ଲାଗି ସେମନ୍କେ ଏ ଦସା ଅଇସି । ୧୧ ସେମନ୍ ଜେନ୍ତ୍ରକି ମିଟ୍ କାତା ବିସ୍ବାସ୍ କରବାଇ, ସେଟାପାଇ ପର୍ମେସର୍ ସେମନ୍ଟାଣେ ସତ୍ ନଇବା ବପୁ ପାଟାଇସି । ୧୨ ଜେନ୍ତ୍ରକି ଜନ୍ ଲକ୍ଷ୍ମୀନାଥ ସତ୍ ବିସଇ ବିସ୍ବାସ୍ ନ କରି ମିଟ୍ ବିସଇ ବିସ୍ବାସ୍ କରି ସାର୍ବା ଅଇବାଇ, ସେମନ୍ ସବୁଲକ୍ ଏ ରକାମ୍ ଡଣ୍ଡି ପାଇବାଇ ।

ବିସ୍ବାସେ ତବିର୍ ଅଇରଇବାର୍

୧୩ ତେବର୍ପାଇ ଏ ବାଇବଇନିମନ୍, ତମର୍ପାଇ ସବୁବେଳେ ପର୍ମେସର୍କେ ଦନିଆଦ୍ ଦେବାର୍ ଆଟେ । କାଇକେ ବଇଲେ ପର୍ମେସର୍ ତମକେ ଆଲାଦ୍ କଲାନି ଆରି ଆଗେଅନି ସେ ତମକେ ବାଟ୍ଲା ଆଟେ । ଜେନ୍ତ୍ରକି ସେ ତମକେ ରକିଆ କରି ପାର୍ସି । ସୁକଲ୍ ଆଡ଼ମାର୍ କାମର୍ ଲାଗି ତମେ ସୁକଲ୍ ଅଇ ସତ୍ ବିସଇ ବିସ୍ବାସ୍ କରି ପାର୍ସା । ୧୪ ଆମେ ତମର୍ଟାଣେ ଜନ୍ ନିମାନ୍ କବର୍ ଜାନାଇଆରୁ, ସେଟାଲାଗି ପର୍ମେସର୍ ତମକେ ବାଟ୍ଲା ଆଟେ । ଆମର୍ ମାପୁରୁ ଜିସୁ କିରିସଟ୍ ନାଉଁ ଡାକ୍ତରୀ ଅଇବା ଟାଣେ ମିସାଇବାକେ ବାଟିଆଟେ । ୧୫ ତେବେ ଏ ବାଇବଇନିମନ୍, ତମେ ତବିର୍ ଅଇକରି ରୁଆ । ଆମେ ବାକିଅ ଦେଲାଟାଣେ ଅନି, କି ଚିଟିତେଇ ଅନି ତମେ ଜନ୍ତା ସିକିଆଟାସ୍, ସେ ସବୁ ଚାତାନାଇ ।

* ୨:୧ ୨:୧ ମ ମ ଚେପଲନିକିୟ ୪:୧୫-୧୭ * ୨:୯ ୨:୯ ମାତିଉ ୨୪:୨୪

୧୭ ନିଜେ ଆମର ମାପରୁ ଜିସୁ କରିସର, ଆରି ଜନ୍ ଆମର ବାବା ପରମେସର ଆମକେ ଆଲାଦ କଲା, ସେ ଆକା ଆମକେ ଜିବନ୍ ଦୁକାଇକରି କେବେ ନ ସାରବା ବସୁ ଆରି ଆସା ଦେଇଆଚେ । ୧୭ ସେ ସବୁବେଳେ ସତ୍ କାମ୍ କରବାକେ ଆରି ବାକିଅତେଇ ତବିରୁ ଅଇ ରଇବାକେ ସାଇଜ କର ।

୩

ପାରତନାର ଲାଗି ଗୁଆରି

୧ ଏ ବାଇବଇନିମନ୍, ସାରାସାରି ଆମରପାଇ ପାରତନା କରା । ମାପରୁ ବାକିଅ ତମର ବିତ୍ତରେ ଜେନ୍ଦ୍ରିକି ଦାପ୍ତରେ ତାବିଅଇ ଜାଇରଇଲା, ସେନ୍ତାରିସେ ଦାପ୍ତରେ ଗୁଲାଇବାଚେ ବିଚିଅଇକରି ତାକ୍‌ପୁଟା ଅ । ୨ ଜେନ୍ତାରିକି ପରମେସର ଆମକେ ପଟ୍‌କାର ଆରି କୁଟିଆଲ୍ ଲକ୍‌ମନର ଟାନେଅନି ରଇଆ କର । କାଇକେବଇଲେ, ସବୁଲକ୍ ମାପରୁ ବାକିଅ ବିସ୍‌ବାସ୍ କରତ୍ ନାଇ । ଏଟାପାଇ ଆରିତରେକ୍ ପାରତନା କରା ।

୩ ମାତର ମାପରୁ, କାତା ରକିଆକାରି । ସେ ତମକେ କାରାପୁଟାନେଅନି ରକିଆ କରି ତବିରୁ କରାଇସି । ୪ ଆମେ ଜେଡ୍‌କି ସବୁ ଆଦେସ୍ ଦେଲେ ମିସା ତମେ ସେଟା କଲାସିନି, ଆରି କରସା ମିସା । ଏଟା ମାପରୁ ଟାନେ ତମର ବିସଇ ନେଇ ଆମେ ତାଟ୍‌ସଙ୍ଗ୍ ବିସ୍‌ବାସ୍ ।

୫ ଆରି ମାପରୁ ତମର ମନ୍‌କେ ପରମେସର ଆଲାଦ୍ ଆରି କିରିସଟ୍‌ର ସାଆସ୍ ବାଚେ ଜିବାକେ ସାଇଜ କର ।

ଅଲସରୁ ବିରୁଦ୍ଧେ ଚେତାଇବାଟା

୬ ଏ ବାଇବଇନିମନ୍, ଆମେ ତମକେ ଆମର ମାପରୁ ଜିସୁ କରିସର ନାଉଁ ଦାରି ଆଦେସ୍ ଦେଲୁନି । କନ୍ ବାଇ ମିସା ଆମରଟାନେଅନି ପାଇରଇବା ସିକିଆ ଇସାବେ ମାନିକରି ବାଡୁଅଇକରି ଚଲାଟଲ୍‌ତି କରସି ବଇଲେ, ତାରଟାନେଅନି ବେଗଲି ଦିଆସ୍ । ୭ କାଇକେବଇଲେ, ତମେ, ଆମେ କଲାପାରା କରବା ଦରକାର୍ । ଆରି ସେଟା କେନ୍ତାରି କରବାରୁ ନିଜେ ଜାନିଆଟାସ୍ । ସେଟାପାଇ ଆମେ ତମର ଟାନେ ବାଡୁଅଇକରି ଚଲାଟଲ୍‌ତି କରୁନାଇ । ୮ କାର୍ ଗରେ ମିସା ଉଜେ ଉଜେ ମାଜି ନ କାଇତେରଇଲୁ । ତମର ବିତ୍ତରେ କାର୍‌ମିସା ବଜ୍ ପାରା ନ ଅଇ ରଇକରି କସ୍‌ଟ ପାଇ, ଆବତ୍ ପାଇଟି କରି ଦିନ୍‌ରାତି କାମ୍ କରତେରଇଲୁ । ୯ ତମକେ କାଇବାଟା ମାଜ୍‌ବାକେ ଆମର ଅଦିକାର୍ ରଇଲା, ମାତର ସେନ୍ତାରି କରୁନାଇ । କାଇକେବଇଲେ ତମରପାଇ ଗଟେକ୍ ଉଦାଅରନ୍ ଦେକାଇବାକେ ସେନ୍ତାରି କଲୁ । ୧୦ ତମର ସଙ୍ଗ୍ ରଇଲାବେଲେ ଆମେ ତମକେ କଇରଇଲୁ, ଜନ୍ ଲକ୍ ପାଇଟି କାବାଡ୍ ନ କରେ, ସେ ବାଡ୍‌ପେଜ୍ ନ କାଅ ।

୧୧ ଏବେ ଏ କାତା ଆରିତରେକ୍ କଇଲୁନି, କାଇକେବଇଲେ ଆମେ କବରୁ ପାଇଲୁ ଆରୁଜେ, ତମର ବିତ୍ତରେ କେତେକ୍ ଲକ୍‌ମନ୍ ବାଡୁ ଅଇକରି ଜିଉନାକାଉନା କଲାଇନି । କାଇ ପାଇଟି ନକରି ବିନ୍ ଲକ୍‌ର କାମେ ମଜାଇ ଅଇସି ଆରି କାଇଟାମିସା ନ କରତ୍ । ୧୨ ମାପରୁ ଜିସୁକିରିସଟ୍‌ର ନାଉଁ ଦାରି ଆମେ ସେ ଲକ୍‌ମନ୍‌କେ ଜାଗରତ୍‌କରି ଆଦେସ୍‌ଦେଲୁନି, ସେମନ୍ ସେନ୍ତାରି କରବାଟା ଚାଡିଦେସ୍ । ଜେନ୍ତାରିକି ନିଜର ପେଟ୍‌ପାଇ କାଦି ପାଇବାକେ ପାଇଟି କରତ୍ ।

୧୩ ମାତର ଏ ବାଇବଇନିମନ୍ ତମେ ସତ୍‌କାମ୍ କରବାକେ ତାକିଜାଆ ନାଇ । ୧୪ ଏ ଚିଟିଲଗେ ତମକେ ଜନ୍ କବରୁପାଗଇଲୁ ଆରୁ, କେନ୍ଦ୍ରି ଆଲେ ତମର ବିତ୍ତରେଅନି କେ ମିସା ସେଟା ମାନ୍‌ବାକେ ମନ୍ ନ କରେ, ସେନ୍ତାରି ଲକ୍‌କେ ଚିନିରୁଆ ଆରି ତାର୍‌ସଙ୍ଗ୍ ମିସିବିତି ରଇବାଟା ଚାଡି ଦିଆସ୍ । ୧୫ ସେନ୍ତାରି କଲେ ସେ ଲାଜ୍ ଅଇଜାଇସି । ମାତର ତାର୍‌ସଙ୍ଗ୍ ସତ୍‌ରୁଟ୍ ପାରା କାତାବାରୁତା ନ ଅଇକରି, ନିଜର ବିସ୍‌ବାସି ବାଇପାରା ତାକେ ଜାଗରତ୍ କରା ।

ସାରାସାରି କାତା

୧୬ ଜନ୍‌ମାପରୁ ଆମକେ ସାନ୍ତି ଦେଲାନି, ସେ ତମକେ ସବୁବେଳେ ଆରି ସବୁରକାମ୍ ସାନ୍ତିଦେଅ । ମାପରୁ ତମର ସିଦ୍‌ରଲଗେ ରଅ ।

୧୭ ମୁଇ ମର ନିଜର ଆତେ ଏଟା ଲେକ୍‌ଲିନି । ପାଉଲ୍‌ର ଜୁଆର୍ ଜାନାଇଲୁନି । ମୁଇ ଲେକିରଇବା ସବୁ ଚିଟିପତର ଲଗେ ମୁଇ ଏନ୍ତାରି ଦସ୍‌ତକତ୍ କରି ଲେକିରଇବି ।

୧୮ ଆମର ମାପରୁ ଜିସୁକିରିସଟ୍‌ର ଜିବନ୍ ଦୁକାନି ତମକେ ସବୁକେ ମିଲ ।

ତୀମଥ୍ୟୁକ ନିକଟକୁ ପାଉଲଙ୍କର ପ୍ରଥମ ପତ୍ର ପାଉଲ୍ ତିମତିକେ ଲେଖିରଇବା ପତ୍ରରୁମ୍ ତିତି ଏ ବଇର ବିସଇ ଜାନବାଟା

ପତ୍ରରୁମ୍ ତିମତି ବଇ ଗଟେକ୍ ତିତିପାରା । ପେରିଡ୍ ପାଉଲ୍‌ଟାନେଅନି ତରସିସ୍ ତିମତିରୁପାଇ ଏ ତିତି ଲେକାଜାଇ ଆରେ ।

ପତ୍ରରୁମ୍ ତିମତି ଜିସୁକିରିସଟ ଜନମ୍ ଅଇକରି ୬୨-୬୪ ବିତ୍ରେ ଲେକାଅଇଆରେ । ଏଟା ପାଉଲ୍‌ର ଜିବନରୁ ସାରାସାରିବ୍ ବେଲା ଅଇରଇସି କାଇକି । ପାଉଲ୍ ଆରି ତିମତି ଦୁଇଲକ୍ ମିସିବିଡିକରି ରଇଲାଇ । ସେ କେବେକେବେ ତିମତିକେ ପ ବଲିକରି ତାକ୍‌ତେ ରଇଲା । ପିଲିପିୟ ୨:୨୨; ପତ୍ରରୁମ୍ ତିମତି ୧:୨; ୧:୧୮ । ଏଟା ପାଉଲ୍‌ଟାନେ ଅନି ଲେକି ରଇବା ଚାର୍‌ଟା ତିତି ବିତ୍ରେ ଅନି ଏଟା ଅଇଲାନି ଗଟେକ୍ । ଜନ୍‌ଟାନେକି ମଣ୍ଡଲିକେ ଚାଡିକରି ଗଟେକ୍ ଲକ୍‌ର ବିସଇରେ ଜାନାଇଲାନି । ଅଲ୍‌ଗା ତିନ୍‌ଟା ବଇ, ଦୁତିଅ ତିମତି, ତିତସ୍ ଆରି ପିଲିମନ୍ । ପତ୍ରରୁମ୍ ତିମତିଟାନେ ମଣ୍ଡଲିକେତଇ ଏନ୍ତାରି ଉପାସନା କରବା ବିସଇ ଆରେ । ୨:୧-୫ ।

ଇତି ମଣ୍ଡଲିକ୍ ନେତାମନ୍ କେନ୍ତାରି ରଇବାରୁଆରେ ସେ ବିସଇରେ ଲେକାଅଇଆରେ । ୩:୧-୧୩ ମିଡ୍ ସିକିଆ ଦେଉମନରୁଟାନେ ଅନି କେନ୍ତା ଜାଗରତା ରଇବାରୁ ସେ ବିସଇରେ ଆରେ । ୧:୧-୧୧, ୪:୧-୫, ୬:୨-୫ । ତିମତିକେ ମଣ୍ଡଲି ବିତ୍ରେ କେନ୍ତାରି ଗଟେକ୍ ନେତାଅଇବା ଦରକାର୍ ସେଟା ପାଉଲ୍ ସିକିଆଦେବା ବିସଇ ଜାନାଇଲାନି ପତ୍ରରୁମ୍ ତିମତି ଏବର୍ ଗାଉଁମନକେ ରଇବା ମଣ୍ଡଲି ଚାଲାଇବାକେ କେନ୍ତାରି କାମ୍ କରବାର୍ ଆରେ ସେଟା ଜାନାଇଲାନି । ଆରି ଆମର୍ କ୍ଲୁଗର୍ ମଣ୍ଡଲିକ୍ ନେତାମନର୍ ପାଇ କେତେଟା ମୁଲିକା ଉପାଇରେ ସିକାଇଲାନି ।

ଏ ବଇ ବିତ୍ରେ ରଇବାଟା

- ୧. ପାଉଲ୍ ତିମତିକେ କୁଆର୍ ଜାନାଇକରି ଲେକ୍‌ଲାଟା ମୁଲିଆଇ ଆରେ । ୧:୧-୨
- ୨. ପାଉଲ୍ ତିମତିକେ ମିଡ୍ ସିକିଆ ଦେବା ଗୁରୁମନର୍ ବାଟେ ନ ଜିବାକେ ଜାଗରଡ୍ କରାଇଆରେ । ୧:୩-୧୧
- ୩. ପାଉଲ୍ କିରିସଟକେ କେତେକ୍ ବିସ୍‌ବାସ୍ କଲାନି ସେଟା ଜିସୁଟାନେ ବୁଜାଇଲାନି । ୧:୧୨-୧୯
- ୪. ପାଉଲ୍ ମଣ୍ଡଲିଟାନେ ସେବାକରବାଟା ଆରି ନେତାମନର୍ ବିସଇରେ ଆଦେସ୍ ଦେଇ ଆରେ । ୨-୩
- ୫. ସାରାସାରି ପାଉଲ୍ ତିମତିକେ କେତେଟା କରବା ବିସଇ ଜାନାଇକରି ଲେକା ସାରାଇଲାନି । ୪-୬

ତିମତିରୁ ଲଗେ ପେରିଡ୍ ପାଉଲ୍‌ର ପତ୍ରରୁମ୍ ତିତି

୧ ମୁଇ ପାଉଲ୍ ଜିସୁକିରିସଟର ଗଟେକ୍ ପେରିଡ୍, ଏ ତିତି ଲେକଲିନି । ଆମର୍ ମୁକ୍ତିକାରିଆ ପର୍‌ମେସର୍ ଆରି ଆମେ ଆସା କରିରଇବା କିରିସଟ ଜିସୁର୍ ଆଦେସ୍ ଇସାବେ ବାଟିଅଇଆଟି ।

୨* କିରିସଟକେ ବିସ୍‌ବାସ୍ କଲାର୍‌ପାଇ, ତୁଇ ତିମତି ମର୍ ନିଜର୍ ପଅ ଅଇ ଆତୁସ୍ । ଆମର୍ ବାବା ପର୍‌ମେସର୍ ଆରି ମାପୁର୍ ଜିସୁ କିରିସଟ ତମକେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

ସତ୍ ନଇଲା ଉପଦେସ୍ ପାଇ ଜାଗରତା

୩ ମୁଇ ମାକିଦନିଆଇ ଜିବା ଆଗତୁ ତମକେ ଏପିସିଅଡେଇ ରୁଆ ବଲି କଇରଇଲି । ତେଇ ଜନ୍ ଲକ୍‌ମନ୍ ବୁଲ୍ ସିକିଆ ସବୁ ଦେଲାଇନି, ସେମନ୍‌କେ ବୁଲ୍ ସିକିଆ ଦେବାଟା ବନ୍ଦ୍ କରବାକେ ଆଦେସ୍ ଦିଆସ୍ ବଲି ମୁଇ ତମକେ କଇରଇଲି । ୪ ସେମନ୍ ଟଣ୍ଡେ ପାସି କାତା କଇବାଇ ଆରି ଆଗତୁର୍ ଆନିଦାଦିମନର୍ କୁଟୁମର୍ କାତା ତିଆର୍ କରବାଟା ଚାତାବଲି ତିଆରା । ଲକ୍‌ମନ୍‌କେ ଏନ୍ତାରି ସିକିଆ ଦେଇତେରଇଲେ ଲକ୍‌ମନ୍ ତେଇ ଦଦାପେଲା ଅଇବାଇ । ବିସ୍‌ବାସ୍ ମାନିକରି ଜନ୍‌କାମ୍ ପର୍‌ମେସର୍ ସେମନ୍‌କେ କରଡ୍ ବଲି ମନ୍ କଲାନି, ସେଟା ସେମନ୍ କରଡ୍ ନାଇ । ୫ ତମେ ଏନ୍ତାରିଟା ତିଆରା ଜେନ୍ତାରିକି, ସେମନ୍ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରବାଇ । ଜନ୍ ଲକ୍‌ମନ୍‌କେ ସତ୍ ବିସ୍‌ବାସ୍ ଆରି ସୁକଲ୍ ଜିବନ୍, କାଈ କପର୍ ନ ରଇବା ମନ୍ ଆରେ, ସେମନ୍‌ସେ ଏଟା କରିପାରବାଇ । ୬ ମାତର୍ ଜନ୍ ଲକ୍‌ମନ୍ ବୁଲ୍ ସିକିଆ ଦେଲାଇନି, ଏ ସବୁ ବିସଇ ଚାଡିଦେଇକରି ରୁଟା ବିସଇ କାତା ଅଇଲାନି । ୭ ନିୟମ୍ ଗୁରୁ ଇସାବେ ସବୁଲକ୍ ସେମନ୍‌କେ ନାମାଡ୍ ବଲି ସେମନ୍ ମନ୍ କଲାଇନି । ମାତର୍

* ୧:୨ ୧:୨ ପେରିଡ୍ ୧୭:୧

ସେମନ୍ ସିକାଇବା ବିସଇ ନିଜେ ବୁଜନ୍ତନାଇ ଆରି ସାଆସ୍ ସଙ୍ଗ୍ ଜନ୍ତା ସତ୍ ବଲି କଇଲାଇନି, ସେଟା ସତ୍ କି ନର୍ସ ବଲି ନାଜାନତ୍ ।

୮ ପରମେସର ନିୟମଟାଣେ କାଇ ଅନିଆଇ ନାଇ । ମାତର ଲକ୍ମନ ସେଟା ଚିକ୍ ସଙ୍ଗ୍ ସିକାଇବାର୍ ଆଟେ । ୯ ଦରମ୍ କାମ୍ କରବା ଲକ୍ମନରପାଇ ନିୟମ୍ ତିଆର୍ ନ ଅଇରଇଲା । ତାର୍ ବାଦୁଲେ ଜନ୍ ଲକ୍ମନ ତାର୍ ବିରଦ୍ ଅଇରଇଲା, ଆରି ତାର୍ କାତା ମାନି ନ ରଇଲା, ସେନ୍ତାରି ଲକ୍ମନର ପାଇ ପରମେସର ନିୟମ୍ ତିଆର୍ କରିରଇଲା । ଜନ୍ ଲକ୍ମନ ପରମେସର ରଏ ନାଇ ବଲି ଚଲାଚଲ୍ତି କଲାଇନି, ଜନ୍ ଲକ୍ମନ ପାପ୍ କରବାଇ, କରାପ୍ କାମ୍ କରତେରଇବାଇ, ଆରି ପରମେସରକେ ସନ୍ମାନ ନ ଦେଇତେରଅତ୍, ଜନ୍ଲକ୍ମନ କି ତାକର୍ ଆୟା ବାବାମନକେ ମରାଇବାଇ କି ବିନ୍ ଲକ୍ମନକେ ମିସା ମରାଇବାଇ, ୧୦ ବେବିତାର୍ କାମ୍ କରି ପାପ୍ କରବାଇ, ମୁନୁସ୍ମୁନୁସ୍ ବିତ୍ରେ ଆରି ମାଇଜିମାଇଜି ବିତ୍ରେ ବେବିତାର୍ କାମ୍ କରବା ଲକ୍ମନରପାଇ, ଗତିଦାଙ୍ଗଡା ଇସାବେ ଲକ୍ମନକେ ବିକବା ସାଉକାର୍ ମନରପାଇ, ଜନ୍ ଲକ୍ ସତ୍ କଅଡ୍ନାଇ, ସତ୍ସେ କଇବି ବଲି କାତା ଦେଇରଇକରି ମିତ୍ କଇବା ଲକ୍ମନରପାଇ ଆରି ପରମେସର ବିସଇଟାଣେ ରଇବା ସତ୍ ସିକିଆ ବିରୁଦେ ଜେଡ୍ କି ସବୁ କାତା ଉତ୍ସି, ସେ ସବୁରପାଇ । ୧୧ ଏ ସତ୍ ସିକିଆ ସୁବକବରର୍ ସିକିଆ ସଙ୍ଗ୍ ମିସ୍ସି । ଆମର୍ ତାକ୍ପୁଟା ପରମେସର ମଇମା ଆରି ଜନ୍ ସୁବକବର୍ ଜାନାଅ ବଲି ସେ ମକେ ଦାଇତ୍ ଦେଲାଆଟେ, ସେଟାମିସା ମିସ୍ସି ।

ମାପୁର ଦୟାର ପାଇ ଦନିଅବାଦ୍

୧୨ ଆମର୍ ମାପୁର ଜିସ୍ କରିସ୍ତକେ ମୁଇ ଦନିଅବାଦ୍ ଦେଲିନି । ସେ ମକେ ବପୁ ଦେଲାଆଟେ । ତାର୍ ମୁଆଟେ ଗଟେକ୍ ବିସବାସ୍ ସଙ୍ଗ୍ ରଇବା ଗତି ଦାଙ୍ଗଡା ଇସାବେ ଏଜ୍ଲା ଆରି ତାକେ ସେବା କରବାକେ ମକେ ବାଟଲା । ୧୩ ଗଟେକ୍ ବେଲାଇ କିରିସ୍ତର୍ ବିସଇର୍ କାରାପ୍ କାତା କଇତେରଇଲେ ମିସା ଆରି ବିନ୍ ବିସବାସିମନକେ କାରାପ୍ ଇସାବେ ଦେକି ନିୟା କରତେରଇଲି ମିସା, ପରମେସର୍ ମକେ ଦୟା ଦେକାଇଲା । କାଇକେବଇଲେ ମୁଇ କାଇଟା କରତେରଇଲି, ସେଟା ନିଜେ ନାଜାନତେରଇଲି । ଆରି ମୁଇ କିରିସ୍ତକେ ବିସବାସ୍ ନ କରିରଇଲି । ୧୪ ଆମର୍ ମାପୁର ମକେ ବେସି ଦୟା ଦେକାଇଲା । ଜେନ୍ତାରି କି, କିରିସ୍ତ ଜିସୁର୍ ସଙ୍ଗ୍ ମିସ୍ଲାରପାଇ ମୁଇ ତାକେ ବିସବାସ୍ କରି ବିନ୍ ଲକ୍ମନକେ ଆଲାଦ୍ କରିପାରଲି । ୧୫ ଏଟା କଇବାଟା ପୁରାପୁରୁନ୍ ସତ୍ ଆଟେ । ଆରି ସେଟା ଅଇସି କି ନର୍ସ ବଲି ନ ବାବିକରି ନାମବାର୍ ଆଟେ । ପାପିମନକେ ଉଦାର୍ କରବାକେ କିରିସ୍ତ ଜିସ୍ ଏ ଜଗତେ ଆଇଲା ଆରି ପାପିମନର୍ ବିତ୍ରେଅନି ମୁଇ ବତ୍ ପାପି । ୧୬ ଏଲେମିସା ଏଟାରପାଇ ମକେ କିରିସ୍ତ ଦୟା ଦେକାଇଲା । ସେ ମକେ କେମା କଲାକେ କେତେକ୍ ମୁରଚିକରି ଆଟେ ବଲି ଦେକାଇବାକେ ସେ ମନ୍ କଲା । ବିନ୍ ଲକ୍ମନଟାଣେଅନି ମୁଇ ଅଦିକ୍ ପାପ୍ କଲିଆଟି । ଏଟା ଏନ୍ତାରି ଅଇଲା । ଜେନ୍ତିକି ଦିନେକ୍ ଜେଡ୍ କି ଲକ୍ମସ୍ତ ତାକେ ବିସବାସ୍ କରି ସବୁଦିନରପାଇ ମୁକ୍ତି ପାଇବାଇ ସେମନରପାଇ ମୁଇ ଗଟେକ୍ ସାକି ଇସାବେ ରଇବି । ୧୭ ଜନ୍ ରାଜା କାଲ୍ କାଲ୍ ଜୁଗ୍ ଜୁଗ୍ ସାସନ୍ କରସି, ଆରି ଜାକେ କି କେ ଦେକି ନାପାରତ୍, ସେ ଆକା ଗଟେକ୍ ପରମେସର୍ । ସେ କାଲ୍ କାଲ୍ ଜୁଗ୍ ଜୁଗ୍ ମଇମା ଆରି ସନ୍ମାନ ପାଅ । ଆମେନ୍ !

୧୮ ମର୍ ପଅ ତିମତି, ମୁଇ ତକେ ଏଟା ତିଆରଲିନି, ତମେ କାଇଟା କରସା ବଲି ସୁକଲ୍ଆତ୍ମା କେତେଟା ବବିସତ୍ବକ୍ତାମନକେ ଜାନାଇରଇଲା ଇସାବେ ମୁଇ ଏଟା କଇଲିନି । ସେ ବବିସତ୍ବକ୍ତାମନ କଇଲା ବିସଇ ସୁବକବରର୍ ଦେକାରକା କରବା ଜୁଇଦର୍ କାମେ ତମେ ଜେନ୍ତିକି ସାର୍ଦା ସଙ୍ଗ୍ ମିସ୍ସା, ସେ ବିସଇ କଇଲିନି । ୧୯ ତାର୍ସଙ୍ଗ୍ ସବୁବେଳେ ବିସବାସ୍ କରବାଟା ଚାଡାନାଇ । ଆରି ଏଟା ସତ୍ ବଲି ନିଜେ ଜାନିରଇବା ବିସଇ କରତେରୁଆ । କେତେକ୍ ଲକ୍ ନିଜର୍ ବିବେକ୍ କଇବାଟାକେ ଦିଆନ୍ ନ ଦେଇକରି କିରିସ୍ତକେ ବିସବାସ୍ କରବାଟା ଚାଡିଦେଇଆଟ୍ । ୨୦ ସେମନର୍ ବିତ୍ରେ ଉମନାୟକେ ଆରି ଆଲେକ୍ଜାଣ୍ଡାରକେ ବିନ୍ ବିସବାସି ମନରଟାଣେଅନି ବେଗ୍ଲାଇକରି ସଇତାନକେ ସର୍ପିଦେଲିଆଟି । ଏନ୍ତାରି କଲେ ପରମେସର ବିରଦେ କାରାପ୍ କାତା କଇବାଟା ସେମନ୍ ଚାଡିଦେବାଇ ବଲି ଆସା କଲିନି ।

9

ପାରତନାର୍ ନିୟମ୍

* ୧:୧୩ ୧:୧୩ ପେରିଡ୍ ୮:୩:୪,୫

୧ ପରୁତୁମ୍ ବିସଇ ତମକେ ଡାଟ୍‌ସଙ୍ଗ କଇଲିନି, ସେଟା ଅଇଲାନି ସବୁରଟାଣେଅନି ମୁକିଅ ବିସଇ । ସବୁ ଲକ୍‌ମନରୁପାଇ ପରୁମେସରକେ ଗୁଆରି କରା । ସେମନରୁପାଇ ପାର୍ତନା କରି ମଜାଇ ଉଆ ଆରି ସେମନରୁ ପାଇ ତାକେ ଦନିଅବାଦ୍ ଦିଆସ୍ । ୨ ରାଜା ମନୁକେ ଆରି ଅଦିକାରେ ରଇକରି ସାସନ୍ କରୁବା ଲକ୍‌ମନରୁପାଇ ପାର୍ତନା କରା । ସେନ୍ତାରି କଲେ କାଇଟା ନ ଅଇତେ ସାନ୍ତିସଙ୍ଗ ରଇପାରୁସା । ଆରି ଆମେ କାକେ ନ ଡରୁତେ ପରୁମେସରକେ ପାର୍ତନା କରି ତାର୍ ମନ୍ କଲା ଇସାବେ ଚଲାଟଲୁଡି କରିପାରୁ । ୩ ଲକ୍‌ମନରୁ ପାଇ ଏନ୍ତାରି ପାର୍ତନା କରୁବାର୍ ଦରୁକାର୍ ଆକା । କାଇକେବଇଲେ ଏ ରକାମର୍ ପାର୍ତନା ଆମର୍ ଉଦାରୁକାରିଆ ପରୁମେସରକେ ସାରୁଦା କରାଇସି । ୪ ସବୁଲକ୍ ଜେନ୍ତାର୍ କି ରକିଆ ପାଅଡ୍ ଆରି ସଡ୍ ବିସଇ ଜାନଡ୍ ବଲି ପରୁମେସର୍ ମନ୍ କଲାମି । ୫ କାଇକେବଇଲେ ଗଟେକ୍ ସେ ପରୁମେସର୍ ଆତେ । ଆରି ଗଟେକ୍‌ସେ ଲକ୍ ଆତେ, ଜେ କି ପରୁମେସର ଆରି ଲକ୍‌ମନର୍ ବିଡ୍‌ରେ ସାନ୍ତି ଆନିପାରୁସି । ସେ ଲକ୍ ଅଇଲାନି ଜିସୁ କିରିସଟ । ୬ ସବୁଲକ୍‌କେ ମୁକ୍‌ଲାଇବାକେ ସେ ନିଜେ ସର୍ପି ଅଇଲା । ସମାନ୍ ବେଲାଇ ପରୁମେସର୍ ତାକେସେ ବାଟୁଲା । ସେ ସବୁକେ ରକିଆ କରୁବି ବଲି ମନ୍ କଲାଟା ଏନ୍ତାରି ଜାନାଇଲା । ୭ ଧେବରୁପାଇ ପରୁମେସର୍ ତାର୍ ସୁବ୍ କବରୁ ଜାନାଇବାକେ ଆରି ତାର୍ ପେରିଡ୍ ଅଇବାକେ ମକେ ବାଟୁଲା । ମୁଇ ମିଡ୍ କଇନାଇ, ସଡ୍‌ସେ କଇଲିନି । ଜିଉଦି ନ ଅଇଲା ଲକ୍‌ମନୁକେ ମିସା ସୁବ୍ କବରୁ ସଡ୍ ବିସଇ ଜାନାଇବାକେ ମକେ ବାଟିରଇଲା ।

୮ ମୁଇ ମୁନୁସ୍ ପିଲାମନୁକେ କଇଲିନି, ସେମନ୍ ଜେଡେବେଲେ ପାର୍ତନା କରୁବାକେ ରୁଣ୍ଡିବାଇ, ସୁକଲ୍ ଚଲାଟଲୁଡି ଅଇକରି ତାକରୁ ଆଡ୍ ଟେକି ପାର୍ତନା କରୁଡ୍ । ଜଦି ଏବେ ମିସା ସେମନ୍ ଦଦାପେଲା ଅଇରଇଲେ କି ଲାଗାଲାଗି ଅଇରଇଲେ, ସେଟା ରାଜିନାମା କରୁବାର୍ ଆତେ । ୯ ସେନ୍ତାରିସେ ମାଇଜିମନ୍ ମିସା ଜାଗରଡ୍ ରଇକରି ସୁଆଲ୍‌ସୁତର୍ ଉଆ । ମୁଣ୍ଡର୍ ଟେଣ୍ଡିଡେଲ ଚିକ୍‌ଟାକ୍ ନ କରି, ସୁନା କି ମୁକ୍‌ତା କି ଅଦିକ୍ ଦାମ୍ ଦେଇରଇବା ଲୁଗା ନ ପିନ୍ଧିକରି, ନିକ ବୁଦିସଙ୍ଗ ମରୁଜିତା ସଙ୍ଗ ନିଜକେ ମାନିଲାପାରା ତିଆର୍ ଉଆ । ୧୦ ତାର୍ ବାଦୁଲେ ବିନ୍‌ଲକ୍‌ମନୁକେ ଦୟା ଦେକାଅଡ୍ । ପରୁମେସରକେ ଜୁଆର୍ କଲୁନି ବଲି କଇବା ମାଇଜିମନରୁପାଇ ସେଟା ନିକ ଚଲାଟଲୁଡି ଅଇସି । ୧୧ ମାଇଜିମନ୍ ଚିମରାଇଅଇ ରଇ ସୁଆଲ୍‌ସୁତର୍ ଅଇକରି ବସଡ୍ । ୧୨ ମୁଇ ମାଇଜିମନୁକେ ସିକାଇବା ଅଦିକାର୍ କି ମୁନୁସର୍ ଉପରେ ସାସନ୍ କରୁବା ଅଦିକାର୍ ଦେଇନାଇ । ତାର୍ ବାଦୁଲେ ସେମନ୍ ଚିମରାଇଅଇ ରଅଡ୍ । ୧୩ କାଇକେ ବଇଲେ ପରୁମେସର୍ ପରୁତମେ ଆଦମକେ ତିଆର୍ କଲା । ତାର୍ ପତେ ଅବାକେ । ୧୪ ପରୁତମେ ଆଦମ୍ ସଇତାନରୁଟାଣେ ନାତାଇ ଅଏନାଇ, ମାତର୍ ମାଇଜି ନାତାଇ ଅଇ ପରୁମେସରର୍ ଆଦେସ୍ ନ ମାନିକରି ପାଦି ଅଇଲା । ୧୫ ମାତର୍ ମାଇଜିମନ୍ ପିଲାଟକିମନୁକେ ଜନମ୍ ଦେଇକରି ଉଦାର୍ ପାଇବାଇ । ସେମନ୍ କିରିସଟକେ ବିସବାସ୍ କରି ବିନ୍ ଲକ୍‌ମନୁକେ ଆଲାଦ୍ କରି ସୁଆଲ୍ ସୁକଲ୍ ସଙ୍ଗ ଚଲାଟଲୁଡି କରଡ୍ ।

୩

ମଣ୍ଡଲିର ନେତାମନ୍

୧ ଏ କାତା ସଡ୍ ଜେ, କେ ଜଦି ମଣ୍ଡଲିଟାଣେ ମୁକିଅ ପଦ୍ ପାଇବାକେ ମନ୍ କଲାମି, ତେବେ ସେ ନିମାନ୍ କାମ୍ କରୁବାକେ ମନ୍ କଲାମି । ୨ ଧେବରୁପାଇ ଜେନ୍ତୁକି ତାର୍ ଜିବନେ ବିନ୍ ଲକ୍‌ମନରୁ କାଇ ନିୟା ନ ରଇବାର୍ । ସେ ଗଟେକ୍ ମାଇଜି ସଙ୍ଗଇରଇବାର୍ ଆତେ । ନିଜେ ଜାଗରଡ୍ ରଇକରି, ନିଜର୍ ଜିବନେ ସୁସ୍ତା ରଇକରି, ସବୁଲକ୍‌ର ସନ୍‌ମାନ୍ ପାଇକରି, ଆଇଲା ଲକ୍‌ମନୁକେ ତାକିନେବା ପାରା ଲକ୍ ଅଇକରି, ଲକ୍‌ମନୁକେ ବୁଦିର୍ କାତା ସିକାଇବା ଲକ୍ ଅଇ, ୩ ନ ମାତି କରି, କିରମାର୍ ନ ଅଇକରି ସାନ୍ତିସଙ୍ଗ ରଇ, ଦଦାପେଲା ନ ଅଇକରି, ଦନ୍ ମିଲାଇବାକେ ଆସା ନ ଅଇକରି ରଇବାର୍ ଆତେ । ୪ ନିଜର୍ କୁଟୁମକେ ନିକକରି ଚାଲାଇଡେରଇବାର୍ ଆତେ । ଆରି ତାର୍ ପିଲାଟକିମନୁକେ ସେ ତିଆରୁଲାଟା ମାନ୍‌ବାକେ ବାଦିଅ କରାଇବା ସିକିଆ ଦେଇରଇବାର୍ ଆତେ । ୫ ଜଦି କେ ମିସା ନିଜର୍ କୁଟୁମକେ ଚାଲାଇବାର୍ ନାଜାଣେ, ସେ କେନ୍ତ୍ର ପରୁମେସରର୍ ମଣ୍ଡଲିର ଦାଇଡ୍ ନେଇପାରୁସି ? ୬ ସେ ନୁଆ ନୁଆ ବିସବାସ୍ କରୁବା ଲକ୍ ନ ରଇବାର୍ ଆତେ । ନଇଲେ ସେ ବଡ୍‌ପନିଆ ଅଇକରି ସଇତାନ୍ ଜେନ୍ତାରି ଡଣ୍ଡୁ ପାଇଲା, ସେ ମିସା ସେନ୍ତାର୍ ଡଣ୍ଡୁ ପାଇସି । ୭ ତାର୍ ଚଲାଟଲୁଡି ଦେକି ବିସବାସ୍ ନ କରୁବା ଲକ୍‌ମନୁ ମିସା ତାକେ ଗଟେକ୍ ସନ୍‌ମାନରୁ ଲକ୍ ପାରା ନାମ୍‌ବାର୍ ଆତେ । ଜେନ୍ତୁକି ଲକ୍‌ମନୁ ତାକେ ନିୟା ନ କରି ସଇତାନର୍ ପାଦେ ନ ଲାଗେ ।

☆ ୨:୭ ୨:୭ ୨:୭ ଚିମ୍ବି ୧:୧୧ ☆ ୨:୯ ୨:୯ ୧ ମ ପିତରୁ ୩:୩ ☆ ୩:୨ ୩:୨ ଡିପ୍‌ସ୍ ୧:୬-୯

ମଣ୍ଡଲିର ସେବା କରୁମାନ

୮ ସେନ୍ତାରିସେ ମଣ୍ଡଲିର ସେବା କରୁମାନ ମୁକ୍ତିଅର୍ ପାରା ସବୁ ଲକ୍ଷ୍ୟଗାନେଅନି ସନ୍ମାନ ପାଇବା ଲକ୍ଷ ରଇବାରୁ ଆତେ । ସେମାନ ସତ୍ତ୍ୱ ବାବେ ଚଲାଟଲ୍ଲି କରୁବାରୁ ଆତେ । ମଦୁଆ ଲକ୍ଷ ଅଇ ରଇବାରୁ ନାଇ । ତାରୁକାସୁର ପାଇ ଆସା ନ ରଇବାରୁ ଆତେ । ୯ ପରମେସର ଜନ୍ ସତ୍ତ୍ୱ କବର ସେମାନକେ ଜାନାଇଆତେ, ସେଟା ସେମାନ ତାଟ୍ ସଙ୍ଗ୍ ବିସ୍ୱାସ କରୁବାରୁ ଆତେ । ଆରି ସେମାନ ପାପେ ରଉନାଇ ବଲି ତାକର୍ ବିବେକ୍ ସାକିଦେବାରୁ ଆତେ । ୧୦ ମଣ୍ଡଲିର ସେବାକରୁ ଅଇବା ଆଗରୁ ବିନ୍ ଲକ୍ଷମାନ ସେମାନକେ ପରିକା କରି ଦେକତ୍ । କାଇ ଦସ୍ ନ ରଇଲେ ସେମାନ ସେବା କରୁବାକେ ଦାଇତ୍ ନେଅତ୍ । ୧୧ ସେନ୍ତାରିସେ ତାକର୍ ମାଇଜିମାନ ମିସା ବିନ୍ ଲକ୍ଷର ସନ୍ମାନ ପାଇଲା ପାରା ଚଲାଟଲ୍ଲି କରତ୍ । ସେମାନ ତିପୁଲ୍ କାତା କଇବାରୁ ନାଇ । ତାରୁ ବାଦୁଲେ ନିଜେ ଜାଗରତ୍ ରଇବାରୁ ଆତେ । ସେମାନ ସତ୍ତ୍ୱ ଲକ୍ଷ ବଲି ବିନ୍ ଲକ୍ଷ ଆସା କରୁବାରୁ ଆତେ । ୧୨ ସେବାକରୁ ଗଟେକ୍ ମାଇଜି ସଙ୍ଗ୍, ତାରୁ ପିଲାଟକିମାନକେ, ତାରୁ କୁଟୁମ୍ ବିନ୍ ଲକ୍ଷମାନକେ, ଆରି ଗତିଦାଙ୍ଗତାମାନକେ ନିକସଙ୍ଗ୍ ଜତନ୍ କରୁବାରୁ ଆତେ । ୧୩ ସେବାକାରିଆମାନ ଆବତ୍ ଅଇ ନିକ କାମ୍ କଲେ, ଲକ୍ଷମାନ ଟାନେଅନି ଅଦିକ୍ ସନ୍ମାନ ମିଲ୍ସି । ସେନ୍ତାରି ଲକ୍ଷ କିରିସଟ୍ ଜିସୁର୍ ବିସଇ ବିନ୍ ଲକ୍ଷମାନକେ ତାଟ୍ ସଙ୍ଗ୍ କଇପାରୁବାଇ ।

ବିସ୍ୱାସର ସତ୍ତ୍ୱ

୧୪ ମୁଇ ଏପିସେ ଆସି ଦାପ୍ରେ ତମକେ ଦେକ୍‌ବି ବଲି ମନ୍ କଲିନି । ଅଇଲେ ମିସା ଏ ଚିଟିଟାନେ ତମକେ ମୁଇ ତିଆରଲିନି । ୧୫ କାଇକେବଇଲେ ଜଦି ମର୍ ଆଇବାଟା ଅଲ୍‌ସମ୍ ଅଇଲେ ମିସା, ପରମେସର କୁଟୁମ୍ ଇସାବେ ମଣ୍ଡଲିଟାନେ ତମେ ଗଟେକ୍ ଲକ୍ଷ ଆରିଗଟେକ୍ ଲକ୍ଷକେ କେନ୍ତାରି ମିସିକରି ରଇବାରୁଆତେ, ସେ ବିସଇ ତମେ ଜାନ୍‌ସା । ଏ ମଣ୍ଡଲି ପରମେସର, ଜେକି ସତ୍ତ୍ୱକେ ସେ ବଠିଆତେ । ସେ କୁନାଦି ଆରି ମୁଲ୍ ଡେଲି ପାରା ଅଇ ସତ୍ତ୍ୱ ବିସଇକେ ତାଟ୍ କରାଇଲାନି ।

୧୬ ଆମର୍ ବିସ୍ୱାସଗାନେ କେ ନାଜାନଲା ପାରା ବିସଇ ଲୁଟିକରି ଆତେ । ସେନ୍ତାରି ନର୍ସ ବଲି କେ କଇନାପାରତ୍ ।

“ ଜିସୁକିରିସଟ୍ ନର୍ ରୁସ୍ ଦାରି ଆଇଲା ।

ସେ ନିଜେ ପରମେସର ପଅ ବଲି ସୁକଲ୍ ଆତ୍‌ମା କାତାଦେଲା ଆତେ ।
ଦୁତ୍‌ମନ୍ ତାକେ ଦେକ୍‌ଲାଇ ।

ତାରୁ ବିସଇର ସତ୍ତ୍ୱ କବର ଗୁଲାଇ ରାଇଜେ ଜାନାଇଲାଇ ।

ସବୁ ଜାଗାର କେତେକ୍ କେତକ୍ ଲକ୍ଷମନ୍ ତାକେ ବିସ୍ୱାସ୍ କଲାଇ ।
ପରମେସର ତାକେ ସର୍ଗେ ନେଲା ।”



ବୁଲ୍ ସିକିଆ ଦେଉମାନକେ ଜାଗରତା କରାଇବାଟା

୧ ସୁକଲ୍ ଆତ୍‌ମା ନିକସଙ୍ଗ୍ କଇଲାନି, ସାରାସାରି ଦିନେ, ଲକ୍ଷମନ୍ ସତ୍ତ୍ୱ ବିସଇ ବିସ୍ୱାସ୍ କରୁବାଟା ଗାଡିଦେବାଇ । କାରାପ୍ ଆତ୍‌ମାମାନରୁ ସିକିଆ ମାନ୍‌ବାଇ । ଆରି ସେମାନ ସିକାଇବା ବୁଲ୍ ସିକିଆ ବିସ୍ୱାସ୍ କରୁବାଇ । ୨ ଏନ୍ତାରି ସିକିଆ ଦେବାବେଲେ ଏଟା ସତ୍ତ୍ୱ ସିକିଆବଲି ଲକ୍ଷମନ୍ ମାନ୍‌ବାଇ । ମାତର୍ ସେଟା ମିଟ୍ ସିକିଆ ରଇସି । ସେମନ୍ ଟିକ୍ କଲାଇନି କି ବୁଲ୍ କଲାଇନି, ସେଟା ନିଜେ ଜାନି ନ ରଅତ୍ । ଜେନ୍ତାରି କି ତପ୍‌ଲା ଲୁଆସଙ୍ଗ୍ ମାଡ଼ିସ୍‌ଗାନେ ଚାପଲେ ମରିଜାଇସି, ସେନ୍ତାରିସେ । ୩ ସେମନ୍, ମାଇଜି ମନସ୍ ବିବା ଅଇବାରୁ ନାଇ ଆରି କାଇ କାଇ କାଦି କାଇବାରୁ ନାଇ ବଲି ବୁଲ୍ ସିକିଆ ଦେବାଇ । ସବୁ ରକାମର୍ କାଦି ପରମେସର ତିଆର୍ କଲାଆତେ । ଜେନ୍ତାରି କି ଜେଡ୍‌କି ସବୁ ଲକ୍ଷ ତାରୁ ସତ୍ତ୍ୱ କବର ବିସ୍ୱାସ୍ କରୁବାଇ, ସେମନ୍ ସେ କାଦିର୍ ଲାଗି ତାକେ ଦନିଅବାଦ୍ ଦେବାଇ । ୪ ସେନ୍ତାରି ସିକିଆ ଦେଉମନ୍ ବୁଲ୍ ସିକିଆ ଦେଲାଇନି । କାଇକେବଇଲେ କାଦି ଆରି ପରମେସର ତିଆର୍‌କଲା ସବୁ ବିସଇ ନିକିଆତେ । ଆରି କାଇ ରକାମର୍ କାଦି ମିସା ନିଟ୍‌ବାରୁ ନାଇ । ତାରୁ ବାଦୁଲେ ସବୁ କାଦି ନିକ ବଲି ମାନିକରି ତାକେ ଦନିଅବାଦ୍ ଦେବାରୁ ଆତେ । ୫ କାଇକେବଇଲେ ପରମେସର କଇରଇବା ବାକିଅ ଆରି ଆମର୍ ପାର୍‌ତନା ବିସଇ ସବୁ ସୁକଲ୍ ଅଇଆତେ ।

କିରିସଟ୍ ଜିସୁର୍ ନିକ ସେବାକାରିଆ

୬ ଏ ସବୁ ବିସଇ ତମେ ବିସ୍ୱାସିମାନକେ ସିକାଇବାରୁ ଲାଗି, ତମେ ଜିସୁ କିରିସଟ୍‌କେ ସେବା କଲାସ୍‌ନି । ତମର୍ ବିସ୍ୱାସର ଲାଗି ଆରି ସତ୍ତ୍ୱ ସିକିଆ ମାନ୍‌ଲାଟ୍ ଲାଗି ପରମେସର ତମକେ ବତାଇସି । ୭ ଜନ୍ ସବୁ ସିକିଆ ମିଟ୍, ଆରି ଜନ୍‌ଟା ସବୁ ଟଣ୍ଡେପାଦି କଇବାଟାନେ ଅନି ଦୁରିକେ ରୁଆ । ତାରୁ

ବାବୁଲେ ନିଜେ ଜାଗରତ୍ ରଇକରି ପରଫେସର୍ ଜନ୍ମଟା ମନ୍ କଲାମି, ସେନ୍ତାରି ଚଲାଚଲ୍ଲି କରା ।
 ୮ କାଇକେବଇଲେ ଗାଗଡ଼କେ ବୁଲାଚାଲା କରି ନିକ ସଙ୍ଗ୍ ସଙ୍ଗାଇବାଟା କେତେଟା କାମର୍ ପାଇ ନିକ
 ବିସଇ । କାଇକେବଇଲେ ଏଟା ଜଗତେ ବଠିରଇଲେ କି ମରିଗାଲେ ମିସା ତାକେ ଲତାକେ ଆଇସି ।
 ମାତର୍ ଆଡ଼ମାଇ ଚଲାଚଲ୍ଲି କରବାଟା ସବୁ କାମେ ନିକ ରଇସି । ୯ ଏଟା ବାଇଦରେ ସତ୍ ଆକା ।
 ଏଟା ସବୁଲକ୍ ଅଇସି କି ନ ଅଏ ବଲିକରି ପୁରାପୁରୁନ୍ ବିସବାସ୍ କରିଅଇସି । ୧୦ ଆମେ ପରଫେସର୍କେ
 ବିସବାସ୍ କଲାଚପାଇ କସଟ ଅଇ କାମ୍ କରି ଏଟା ଆସା କଲୁନି । ସେ ସତଇସେ ବଠିଆତେ । ସେ ଗୁଲାଇ
 ମନସ୍ ଜାତିର୍ ଉଦାକରିଆ, ଜେଡ଼କି ସବୁ ତାକେ ବିସବାସ୍ କଲାଇନି, ତାକର୍ପାଇ ଅଦିକ୍ ।

୧୧ ମୁଇ ତମକେ ଜେଡ଼କି ବିସଇ ଲେକ୍ଲିଆଟି ସେଟାସବୁ ବିନ୍ ଲକ୍ମନକେ ସିକାଆ ଆରି ତିଆରା
 । ୧୨ ତକେ ଦାଙ୍ଗଟା ଆତେ ବଲି କେ ମିସା ଇନ୍ ନ କର । ମାତର୍ ସବୁ ବିସବାସି ମନର୍ପାଇ
 ଗଟେକ୍ ସାକିପାରା ନିକ ଚଲାଚଲ୍ଲି କର୍ । ସବୁ ବେଲେ ସତ୍ କାତା କଇତେର, ନିକସଙ୍ଗ୍ ଚଲାଚଲ୍ଲି
 କରତେରଇବା, ଲକ୍ମନକେ ଆଲାଦ୍ କରତେରଇବା, କିରସଟକେ ବିସବାସ୍ କରତେରଇବା, ପାପେ
 ରଅନାଇ । ୧୩ ମୁଇ ତରଟାମେ ଆଇବା ଜାକ ବିସବାସିମନ୍ ରୁଣ୍ଡୁଲା ବେଲାଇ, ଜେନ୍ତାରି କି ସବୁଲକ୍
 ନିକକରି ସୁନ୍ଲାପାରା ସାସତର୍ ପତିଦେସ୍ । ତେଇର୍ ଅରତ୍ ସେମନକେ ବୁଜାଇଦେସ୍ । ୧୪ ପରଫେସର୍
 ତର୍ପାଇସେ ବଲିକରି ଜନ୍ ଦାନ୍ ଦେଲାଆତେ, ସେ କାମେ ଲାଗିର । ଏଟା ବବିସତ୍ ବକ୍ତାମନ୍
 ଆରି ପାର୍ଟିନମନ୍ ତର୍ ମୁଣ୍ଡେ ଆଡ଼ ସଙ୍ଗଇ ପାର୍ଟନା କଲାବେଲେ, ତୁଇ ପରଫେସରର୍ ଟାମେଅନି
 ପାଇରଇଲୁସ୍ । ୧୫ ଏ ସବୁ ବିସଇ ପୁରାପୁରୁନ୍ ମନ୍ ଦିଆନ୍ ଦେଇ କର୍ । ଜେନ୍ତାରିକ୍, ସୁବକବର୍
 ଜାନାଇବାଟାମେ ଆରି ସିକାଇବାଟାମେ ତୁଇ ଆଗତୁ ଆଗତୁ ଗାଲୁସିନି ବଲି ଲକ୍ମନ ଦେକବାଇ ।
 ୧୬ ତୁଇ ଜାଗରତ୍ ସଙ୍ଗ୍ ଚଲାଚଲ୍ଲି କର୍ । ଆରି ପରଫେସରର୍ ବିସଇ ଜନ୍ମଟା ସିକାଇଲୁସିନି, ସେ
 ବିସଇଟାମେ ଜାଗରତ୍ ର । ଏଟା କରିଲାଗିର । କାଇକେବଇଲେ ସେନ୍ତାରି କଲେ, ତୁଇ ନିଜକେ ଆରି
 ତର୍ କାତା ସୁନ୍ବା ଲକ୍ମକେ ରକିଆ କରସୁ ।

୫

ବିସବାସିମନର୍ଟି କରବା କାମ୍

୧ ତରଟାମେଅନି ବୟସେ ବଡ଼ ରଇବା ଲକ୍ମକେ ତାଟ୍ ସଙ୍ଗ୍ ଦାକାପୁକା ଦେସନାଇ । ତାର୍ ବାବୁଲେ
 ନିଜର୍ ବାବାକେ ବାବୁଜିଆ କଲାପାରା ସନ୍ମାନ୍ ସଙ୍ଗ୍ କର୍ । ବଇସେ ସାନ୍ ରଇଲା ଲକ୍ମନକେ ନିଜର୍
 ବାଇ ଇସାବେ କାତା ଅ । ୨ ବଇସେ ବଡ଼ ରଇବା ମାଇଜିମନକେ ନିଜର୍ ମାଆ ପାରା ଆରି ଦାଙ୍ଗ୍ଡିମନକେ
 ନିଜର୍ ବଇନି ପାରା ମାନିକରି ର । ସେମନକେ ମନେ ମନେ ମିସା ପାୟ୍ ଇସାବେ ଦେକନାଇ ।

୩ ରାଣ୍ଡିଜୁଣ୍ଡିମନକେ ସନ୍ମାନ୍ ଦେକାଇ ଜତନ୍ କର୍ । ୪ ଜଦି କନ୍ ରାଣ୍ଡିମାଇଜିକେ ପିଲାଟକି କି
 ନାତିତିତି ରଇଲେ, ସେମନ୍ ନିଜର୍ କୁଟୁମର୍ ଲକ୍ମ ଇସାବେ ତାକେ ଜତନ୍ କରତ୍ । ସେନ୍ତାରି ସେମନ୍ ଆୟା
 ବାବାମନକେ ଆରି ଆନିଦାଦିମନକେ ତାକର୍ ଆଲାଦ୍ ବାଉତାଇ ଦେଅଡ଼ । ଏଟା ପରଫେସର୍କେ ସାର୍ଦା
 କରାଇସି । ୫ ଜନ୍ ରାଣ୍ଡିମାଇଜି ଜାକେ କି ଆକାସାକା ନାଇ, ସେ ପରଫେସର୍କେ ଆସାକରିଆତେ, ସେ
 ଦିନରାତି ତାକେ ଗୁଆରିକଲାମି, ତାକେସେ ମଣ୍ଡୁଲିର୍ ବିସବାସିମନ୍ ଜତନ୍ କରବାର୍ ଆତେ । ୬ ମାତର୍
 ଗଟେକ୍ ରାଣ୍ଡି ମାଇଜି ଅବକା ନିଜେ କରବା ବିସଇ ମନକରି, ପରଫେସର୍ ତାକେ ଜନ୍ମଟା କର ବଲି ମନ୍
 କଲାମି, ସେଟା ନ କରିରଇଲେ, ସେ ବଠିରଇକରି ମିସା ମଲା ସମାନ୍ ଆତେ । ୭ ରାଣ୍ଡି ମାଇଜିମନର୍
 ଜତନ୍ ପାଇ ମୁଇ ଜେଡ଼କି ଆଦେସ୍ ଦେଲିଆଟି, ସେଟା ସବୁ ମାନା ବଲି ବିସବାସିମନକେ ତିଆର୍ ।
 ଜେନ୍ତାରିକି ସେମନକେ କେ ମିସା ନିନ୍ଦା କରି ନାପାରତ୍ । ୮ କେ ଜଦି, ତାର୍ ନିଜର୍ ଲକ୍ମନକେ କି
 କୁଟୁମର୍ ଲକ୍ମନକେ ଲତାକେ ରଇବା ବିସଇ ନ ଦେଲେ, ସେ ଜନ୍ମଟା ବିସବାସ୍ କଲିନି ବଲି କଇସି,
 ସେ ସତଇସେ ସେଟା ବିସବାସ୍ କରେନାଇ । ସେ ବିସବାସ୍ ନ କରିରଇବା ଲକ୍ମଟାମେଅନି ଅଦିକ୍ ଇନ୍
 ।

୯ ଗଟେକ୍ ରାଣ୍ଡି ମାଇଜି କଡେଡାରି ବରସ୍ ନ ଅଇତେ, ତାକେ ରାଣ୍ଡି ବଲି ଲେକା କରବାର୍ ନାଇ ।
 ସେ ଗଟେକ୍ ମୁନ୍ସର୍ ସଙ୍ଗ୍ ସେ ମିସିରଇବାଟାଆତେ । ୧୦ ବିନ୍ ଲକ୍ମ ଦେକବା ଇସାବେ, ସେ ବେସି ଦରମ୍
 ଅଇ, ବିନ୍ ଲକ୍ମକେ ସାଇଜ କରବାର୍ ଆତେ । ଜେନ୍ତାରି କି ନିଜର୍ ପିଲାମନକେ ନିକ ସଙ୍ଗ୍ ବଡ଼ାଇରଇସି,
 ଆଇଲା ଲକ୍ମନକେ ଗତିଆ ଇସାବେ ତାକ୍ସି, ପରଫେସରର୍ ସୁକଲ୍ ଲକ୍ମନର୍ ଗଡ଼ ଦଇଦେଇସି,
 ଦୁକ୍ କସଟେ ରଇବା ଲକ୍ମନକେ ସାଇଜ କରସି, ଲକ୍ମନକେ ସାଇଜ କରବାକେ ବିନ୍ ବିନ୍ କାମ୍
 କରତେରଇସି ।

୧୧ ତକ୍ରି ନ ରଇବା ରାଣ୍ଡିମନ୍କେ ରାଣ୍ଡି ଇସାବେ ଲେକା କର୍ ନାଇ । କାଇକେବଇଲେ ସେମନ୍ ରାଣ୍ଡି ଇସାବେ କିରିସ୍ତକେ ସେବା କର୍ବି ବଲି କାତା ଦେଇରଇଲେ ମିସା, ମୁନ୍ନସର୍ ସଙ୍ଗ ରଇବି ବଲି ମନ୍ ଆଇଲେ, ଆଗତୁ ଦେଇରଇବା କାତା ପାସ୍ରିଜାଇ ଆରିତରେକ୍ ବିବା ଅଇବାକେ ମନ୍ କର୍ବାଇ । ୧୨ ଆରିତରେକ୍ ବିବା ଅଇଲାଟ୍ ପାଇ ସେମନ୍ ଦସି ଅଇବାଇ । କାଇକେବଇଲେ, ସେମନ୍ ଆଗତୁ ଦେଇରଇବା କାତା ପୁରାପୁରୁନ୍ କରତ୍ ନାଇ । ୧୩ ଏଟାର୍ ମିସ୍ତେ ସେମନ୍ ଅଲସ୍ ଅଇବାଟା ସିକବାଇ । ଆର୍ ଗରେ ତାର୍ ଗରେ ଜାଇ ବେଲା ବିତାଇବାଇ । ତିପୁଲ୍ କାତା କଇ ବିନ୍ ଲକ୍ କର୍ ବିସଇ କାତାବାରୁତା ଅଇବାଇ । ୧୪ ତେବର୍ପାଇ ତକ୍ରି ନ ରଇବା ରାଣ୍ଡିମନ୍କେ ମୁଇ ତିଆର୍ଲିନ୍, ଆରିତରେକ୍ ଗର୍ ବସାଇ ପିଲାଟକିର୍ ଜତନ୍ କରା । ସେନ୍ତାରି କଲେ ଆମର୍ ବିରଦିମନ୍ ଆମକେ ନିନ୍ଦା ନ କରତ୍ । ୧୫ କାଇକେବଇଲେ ସେମନ୍ ପର୍ମେସରର୍ ଟାନେଅନି ଦୁରିକେ ଜାଇ ସଇତାନର୍ ସଙ୍ଗ ଜିଇବାକେ ଆରାମ୍ କଲାଇ ଆଟତ୍ । ୧୬ ଜଦି କନଆଲେ ମାଇଜି କିରିସ୍ତକେ ବିସ୍ବାସ୍ କରସି, ଆରି ତାର୍ କୁଟୁମେ ରାଣ୍ଡିମାଇଜିମନ୍ ରଇବାଇ, ସେ ଆକା ସେମନ୍କେ ସାଇଜ କର୍ବାଟ୍ ଆଟେ । ବିନ୍ ବିସ୍ବାସିମନ୍ ସେ ଦାଇତ୍ ନେଇ କରତ୍ ବଲି ସେ ଆସା କର୍ବାଟ୍ ନାଇ । ଏଟା ଜେନ୍ତାରିକି ଜାକେ ଆକାସାକା ନ ରଅତ୍ ସେମନ୍କେ ବିସ୍ବାସିମନ୍ ଜତନ୍ କରିପାରତ୍ ।

୧୭ ଜନ୍ ପାର୍ଟିନମନ୍ ମଣ୍ଡଲିର୍ ନେତା ଅଇ ତାକିନେଲାଇନି, ସେମନ୍ ଦୁଇଗୁନ୍ ବୁତି ପାଇବା ଦର୍କାର୍ । କାଇକେବଇଲେ ସୁବ୍‌କବର୍ ଜାନାଇବାଟା ଆରି ସିକାଇବାଟା ସେମନ୍କେ ଦାଇତ୍ ଇସାବେ ଦେଲାଇ ଆଟତ୍ । ୧୮ ସ୍ବାସ୍ତରେ ଜେନ୍ତି ଲେକାଅଇଲା ଆଟେ, ଗାନାଇ ଦାନ୍ ମାଣ୍ଡାଇବାବେଲେ ବଲଦର୍ ଟଣ୍ଡେ କତୁରା ବାନ୍ଦା ନାଇ ଆରି କାମ୍ କରୁ ସାଉକାର୍‌ଟାନେଅନି ତାର୍ କୁଲି ପାଇସି ଆକା । ୧୯ ଗଟେକ୍ ପାର୍ଟିନ୍ ବିରୁଦେ ନିନ୍ଦା କାତା ଉଟ୍‌ଲେ, ଦୁଇ କି ତିନିଲକ୍ ସାକି ନଇଲେ, ସେଟାକେ ମାନ୍ ନାଇ । ୨୦ ପାପେ ରଇବା ଗଟେକ୍ ପାର୍ଟିନ୍କେ ସବୁର୍ ମୁଆଟେ ଲାଗ୍ । ଜେନ୍ତାରିକି ବିନ୍ ପାର୍ଟିନମନ୍ ସେନ୍ତାରି ପାପ୍ କର୍ବାକେ ଡର୍ବାଇ ।

୨୧ ଆମର୍ ବାବା ପର୍ମେସର୍ ଜିସୁକିରିସ୍ତ ଆରି ସେ ବାଟିରଇବା ଦୁଡ଼ମନ୍କେ ସାକିକରି ମୁଇ ତକେ ତିଆର୍ଲିନି, ମୁଇ ତିଆର୍ଲା ଏ ସବୁ ବିସଇ କାଇ ବଡ଼ସାନ୍ ନ ଦେକିକରି କର୍ । ୨୨ ଗଟେକ୍ ଲକ୍‌କେ ପରିକା ନ କର୍ବା ଜାକ ତାକେ ମୁକିଅ ଇସାବେ, ତର୍ ଆଡ଼ ତାର୍ ମୁଣ୍ଡେ ସଙ୍ଗଇ, ସେବା କାମର୍ ପାଇ ସରପ୍ ନାଇ । ନଇଲେ ତାର୍ ପାପର୍ ପାଇ, ତୁଇ ଦାଇ ଅଇସୁ । ତୁଇ ନିଜେ ପାପ୍ ନ କର୍ବାକେ ଜାଗ୍‌ରତ୍ ର ।

୨୩ ଆରି ତୁଟା ପାନି ନ କାଇକରି ତର୍ ପେଟର୍ ଲାଗି ଅଲପ୍ ଅଙ୍ଗୁର୍ ମଦ୍ ମିସା କାଆ । କାଇକେବଇଲେ ତୁଇତା ସବୁବେଲେ ନିକ ରଉସ୍ ନାଇ ।

୨୪ କେତେ ଲକ୍ ସବୁର୍ ଦେକ୍‌ତେ ପାପ୍ କଲାଇନି । ଜେନ୍ତିକି ତୁଇ ସେଟା ଜାନିପାର୍‌ଲୁସିନି । ସେମନର୍ ଚଲାଟଲ୍‌ଡି ପରିକା କର୍ବା ଆଗତୁ, ତୁଇ ସେଟା ଜାନ୍‌ସୁ । ମାତର୍ ଆରି କେତେଲକ୍‌କର୍ ପାପ୍ ବେସି ଦିନ୍ ଅଇଲେ ମିସା ଜାନି ନର୍ । ୨୫ ସେନ୍ତାରିସେ କେତେ ଲକ୍ କର୍ବା ନିକ ବିସଇ ସବୁକେ ଡିସିସି । ସେମନ୍ କର୍ବା ନିକ ବିସଇ ଦାପ୍‌ରେ ନ ଡିସଲେ ମିସା କେତେଦିନ୍ ପଟେ, ସେଟା ଲକ୍‌ମନ୍ ଜାନ୍‌ବାଇ ।



୧ ଜନ୍ ବିସ୍ବାସିମନ୍ ଗତିଦାଙ୍ଗ୍‌ତା ଇସାବେ ଗଟେକ୍ ସାଉକାର୍ ତଲେ କାମ୍ କଲାଇନି, ସେମନ୍ ତାକର୍ ସାଉକାର୍‌ମନ୍କେ ଅଦିକ୍ ସନ୍‌ମାନ୍ ଦେବାର୍ ଆଟେ । ଜେନ୍ତାରି କି, ପର୍ମେସରର୍ ନାଉଁ ଆରି ଆମେ ସିକାଇବାଟା କେ ନିନ୍ଦା ନ କରତ୍ । ୨ ଜଦି ତାକର୍ ସାଉକାର୍‌ମନ୍ କିରିସ୍ତକେ ବିସ୍ବାସ୍ କଲାଇନି, ସେନ୍ତାଆଲେ ବିସ୍ବାସି ସାଉକାର୍‌ମନ୍କେ, ବିସ୍ବାସ୍ ନ କର୍ବା ସାଉକାର୍‌ମନର୍ ତେଇଅନି, କିରିସ୍ତର୍‌ଟାନେ ବାଇ ଇସାବେ ସନ୍‌ମାନ୍ ଉନା ଦେକାଇଲେ ଅଇସି ବଲିକରି ବାବ୍‌ବାର୍ ନାଇ । ତାର୍ ବାଦୁଲେ ସେମନର୍‌ପାଇ ଅଦିକ୍ ଆବଡ଼ କାମ୍ କର୍ବାଟ୍ ଆଟେ । କାଇକେବଇଲେ ସେମନ୍ ଜନ୍ ସାଉକାର୍‌ପାଇ କାମ୍ କଲାଇନି, ସେମନ୍ ମିସା ବିସ୍ବାସି ଲକ୍ । ଆରି କିରିସ୍ତର୍‌ଟାନେ ବାଇ ଇସାବେ ଆଲାଦ୍ କଲାଇନି । ବିସ୍ବାସି ମନ୍କେ ଏ ସର୍ତ୍ତେ ବିସଇ ସିକାଆ । ଆରି ସେଟା କର୍ବାକେ ସେମନ୍କେ ସାର୍‌ଦା କର୍ ।

ବୁଲ୍ ସିକିଆ ଆରି ସଡ଼ ଦନ୍

୩ ଜଦି କେ ବୁଲ୍ ବିସଇ ସିକାଇଲାଇନି, ଆରି ଆମର୍ ମାପୁରୁ ଜିସୁକିରିସ୍ତର୍ ସଡ଼ ସିକିଆଟାନେ ରାଜି ନ ଅଅଡ଼, ୪ ସେନ୍ତାରି ଲକ୍ ବେସି ବଡ଼ପିନିଆ ଆରି ସେ କାଇଟା ନାଜାନେ । ସେ ସବୁବେଲେ ଦଦାପେଲା

* ୫:୧୮ ୫:୧୮ ମାଟିଜ ୧୦:୧୦; ଲୁକ୍ ୧୦:୭

କରି କାଜ ମୁଲିଅ ନ ରଇବା ବିସଇନେଇ ଜଗତାଜାତି କରୁତେରଇବାକେ ମନ୍ କରୁସି । ଏନ୍ତାରି କରି କରି ଲକ୍ଷକେ ଛୁଆ କରୁବାଟା, କିରଜାତି କରୁବାଟା, ନିନ୍ଦା କରୁବାଟା ଆରି କାରାପ୍ ଚିନ୍ତା, ^୫ ଗଟେକ୍ ଲକ୍ ଆରି ଗଟେକ୍ ଲକ୍ ମନ୍ ସଙ୍ଗ୍ କିରଜାତି ଅଇ ଲାଗି ରଇସି । ସେନ୍ତାରି ଲକ୍ ମନ୍ କାରାପ୍ ଅଇଲା ଆଟେ ଆରି ସତ୍ ବିସଇ ତାକର୍ ମନ୍କେ ନ ଜାଏ । ସେମନ୍ ପର୍ମେସରର୍ ବିସଇ ସିକାଇତେରଇଲେ ତାକୁ ମିଲ୍ତେରଇସି ବଲି ବାବଲାଇନି ।

^୬ ତାର୍ ବାଦୁଲେ ଆମେ ଜେତେବେଲେ ପର୍ମେସରକେ ସାର୍ଦା କରାଉଁ, ଆରି ଆମ୍ବକେ ଜେତୁକି ଆଟେ ସେତୁକି ସଙ୍ଗ୍ ସୁସ୍ତା ସଙ୍ଗ୍ ରଉଁ, ତେବେ ଆମେ ଜବର୍ ଅଇତେ ମିଲାଇଆରୁ । ^୭ କାଇକେବଇଲେ ଆମେ ଜନମ୍ ଅଇଲାବେଲେ ତୁଟାଆତେ ଆଇଲୁ, ଆରି ଜେତେବେଲେ ମର୍ବୁ, ତୁଟା ଆତେସେ ଉଡିଜିବୁ । ^୮ ତେବେ ଆମ୍ବକେ ଲତାକେ ଆଇବା କାଦି ଆରି ପିନ୍ଦବାକେ ବସ୍ତର୍ ରଇଲେ ସେତୁକିସଙ୍ଗ୍ ସୁସ୍ତାରେ ରଇବାର୍ ଅଇସି । ^୯ କେତେ କେତେ ଲକ୍ ସାଉକାର୍ ଅଇବାକେ ଏନ୍ତ୍ର ମନ୍ କରୁବାଇଜେ, ସେମନ୍ ଜିବନେ କାଜ ପରିକା ଆଇଲେ ମିସା ତେଇ ଅଦରୁବାଇ । ଗଟେକ୍ ପସୁ ପାରା ପାଘେ ଲାଗୁବାଇ । ଜେତୁକି ବିସଇ ତାକର୍ପାଇ ଆରି ବିନ୍ ଲକ୍ ପାଇ କାରାପ୍ ଆରି ବିପଦ୍ ଆନ୍ସି, ସେ ସବୁ ବିସଇ କରୁବାକେ ମନ୍ କରୁବାଇ । ଏନ୍ତାରି ମନ୍ କରୁବାଟା ଅଦିକ୍ ଅଦିକ୍ ବାବି, ସେମନ୍ କୁଟୁପ୍ତନାସ୍ ଅଇଜିବାଇ । ^{୧୦} କାଇକେବଇଲେ ଜନ୍ ଲକ୍ ମନ୍ ତାକୁ ଆସାକରି ଆଟତ୍, ସେ ତାକୁ ମିଲାଇବାକେ ବିନ୍ ବିନ୍ ରକାମର୍ କାରାପ୍ ବିସଇ କରୁବାକେ ମନ୍ କରୁବାଇ । କେତେଲକ୍ କିରିସ୍ତର୍ ବିସଇଟାନେ ରଇବା ସିକିଆ ବିସ୍ତବାସ୍ କରୁବାଟା ଦିରେ ଦିରେ ଚାଡିଦେଇଆଟତ୍ । କାଇକେବଇଲେ ସେମନ୍ ତାକୁ ମନ୍ କଲାଇ ଆରି ନିଜେ ବୁସିଅଇଲା ଲକ୍ ପାରା ବେସି ରକାମ୍ ଦୁକ୍ କସ୍ଟେ ପଡୁଲାଇଆଟତ୍ ।

ପାଉଲର୍ ସାରାସାରି କାତ

^{୧୧} ମାତର୍ ଏ ଡିମ୍ବି, ତୁଇ ଗଟେକ୍ ପର୍ମେସରର୍ ଲକ୍ । ତୁଇ ଏମାମ୍ ଚାଡିଦେସ୍ । ସତ୍ ବିସଇଆକା କରୁବାକେ ବେସି ଆବତ୍ ଅ । ପର୍ମେସର୍ ଜେନ୍ତ୍ର ମନ୍ କଲାନି, ସେନ୍ତାରି ଚଲାଟଲୁଡି କର୍ । କିରିସ୍ତକେ ବିସ୍ତବାସ୍ କର୍ । ବିନ୍ ଲକ୍ ମନ୍କେ ଆଲାଦ୍ କର୍ । ପର୍ମେସର୍ ତିଆରୁଲାଟା ମାନ୍ବାକେ କେ ଚାଡୁନାଇ । ଲକ୍ ମନର୍ ସଙ୍ଗ୍ ରିସା ଅ ନାଇ । ^{୧୨} ଗଟେକ୍ ନିକ୍ ସଇନ ଜେନ୍ତାରି ଜୁଇଦେ ଜୁଇବାକେ କେବେ ନ ଚାଡେ, ସେନ୍ତାରିସେ ତୁଇ ମିସା ପର୍ମେସରକେ ବିସ୍ତବାସ୍ କରି ତାର୍ ତିଆରୁଲାଟା ମାନ୍ବାକେ ଚାଡୁନାଇ । ଜନ୍ ନ ସାର୍ବା ଜିବନ୍ ପର୍ମେସରର୍ଟାନେ ଆଟେ, ସେଟା ତୁଇ ନିଜର୍ପାଇ ଆନ୍ । ସେ ବିସଇ ମିଲାଇବାକେ ବେସି ଲକ୍ ମ୍ ଆଟେ କାତା ଦେଇରଇଲୁସ୍ । ^{୧୩} *ପର୍ମେସର୍ ମର୍ ସାକି, ଜେ କି ସବୁକେ ବର୍ତ୍ତବାକେ ଦେଇସି । ଆରି ଜିସୁକିରିସ୍ତର୍ ଜେ କି, ପନ୍ତ୍ର ଅ ପିଲାଦ୍ ପାଟାରୁଲା ବେଲେ ସତ୍ କଇଲା, ଏ ଦୁଇ ଲକ୍ ସାକି ନେଇକରି ମୁଇ ତକେ ତିଆରୁଲିନି, ^{୧୪} ଆମ୍ବ ମାପୁରୁ ଜିସୁକିରିସ୍ତର୍ ବାଉଡି ଆଇବା ଜାକି ମୁଇ ତକେ ତିଆରିରଇବା ଜେତୁକି ସବୁ ବିସଇ ମାନିକରି, କାଜ ନିନ୍ଦା ନ ଅଇତେ ର । ^{୧୫} ସେ ବାଉଡି ଆଇବାଟା ପର୍ମେସର୍ ଟିକ୍ କଲା ବେଲାଇ ଗର୍ସି, ସେ ଗଟେକ୍ ଲକ୍ ସେ ସାସନ୍ କାରିଆ । ସେ ସେ ରାଜାମନର୍ ଉପରେ ରଇବା ରାଜା ଆରି ମାପୁରୁମନର୍ ଉପରେ ରଇବା ମାପୁରୁ । ^{୧୬} ସେ କାଲ୍ କାଲ୍ ଜୁର୍ ଜୁର୍ ବର୍ତ୍ସି ଆରି ତାର୍ ଚାରିବେଟ୍ ରଇବା ଉଜଲେ କେ ଆସିନାପାରତ୍ । ବର୍ତ୍ତ ରଇବା କେ ମିସା ତାକେ ଦେକତ୍ ନାଇ ଆରି କେବେ ମିସା ଦେକିନାପାରତ୍ । ଲକ୍ ମନ୍ ତାକେ ତାକ୍ ପୁଟା କରୁବାଇ ଆରି ତାର୍ଟାନେ ସବୁବେଲେ ବେସି ବପୁ ରଇସି । ଆମେନ୍ ।

^{୧୭} ଏ ଜିବନର୍ ବିସଇନେଇ ଜେତୁକି ଲକ୍ ମନ୍ ସାଉକାର୍ ଅଇ ଆଟତ୍, ବିନ୍ ଲକ୍ ମନର୍ଟାନେ ଅନି ସେମନ୍ ନିକ୍ ବଲି ନ ବାବୁବାକେ ତିଆର୍ । ଦନ୍ ସିପତି ଉପରେ ବେସି ଆସା କରୁବାର୍ ନାଇ ବଲି ସେମନ୍ କେ ସିକା । କାଇକେବଇଲେ ତାକୁ ଦାପୁରେ ମାୟା ଅଇଜାଇସି । ତାର୍ ବାଦୁଲେ ସେମନ୍ କେ ଲତାକେ ଲାଗୁବା ବିସଇ ସବୁ ଦେବାକେ ପର୍ମେସରର୍ଟାନେ ଆସା ରକ୍ତବାକେ ସିକାଇଦେସ୍ । ସେ ଆକା ଆମ୍ବପାଇ କାଇଟା ନ ଦେକି, ସବୁ ବିସଇ ସାର୍ଦା କରୁବାକେ ଦେଇସି । ^{୧୮} ଦରମ୍ ମନେ ଲକ୍ ମନ୍କେ ସାଇଜ କରୁବାକେ ସେମନ୍ କେ କଇଦେସ୍ । ଅର୍କିତ୍ ଲକ୍ ମନ୍କେ କାଇଟା ନ ବାବି ଦେବାକେ, ତାକର୍ ଟାନେ ରଇଲାଟା ସାର୍ଦା ସଙ୍ଗ୍ ବାଟାକରୁବାକେ କଇଦେସ୍ । ^{୧୯} ଏନ୍ତାରି ତାକର୍ ନିକ୍ କାମ୍ ସବୁ ଗଟେକ୍ ବତ୍ ଦନ୍ ଇସାବେ ସେମନ୍ ସର୍ଗେ ସଙ୍ଗ୍ ଅଟତ୍ । ସେନ୍ତାରି ଆଲେ ସେମନ୍ ତାକର୍ ନିଜର୍ପାଇ ଜିବନ୍ ମିଲାଇବାଇ ।

^{୨୦} ଏ ଡିମ୍ବି, ପର୍ମେସର୍ ତକେ ଜନ୍ ଟା କରୁବାକେ ଦାଇତ୍ ଦେଲାଆଟେ, ସେ ଦାଇତ୍ ନିକ୍ ସଙ୍ଗ୍ କର୍ । ଆସା ନ ରଇବା ତୁଟା କାତା, କାଜ ଲତାକେ ନ ଆଇବା କାତାବାର୍ଟା ଆରି ପର୍ମେସରର୍ ବିସଇଟାନେ

ରଞ୍ଜିତା ସତ୍ତ୍ୱ ସିଦ୍ଧିଆ ଜନ୍ମ ଲାଭ ବିରତ୍ କଲାଈନି, ସେମାନର ଟାନେଅନି ଦୁରିକେ ର । ସେଟା ସେମାନ ସିଦ୍ଧିଆ ଗିଆନ୍ ବଲି ବୁଲୁ ବୁଲୁଲାଈନି । ୨୧ ଏ ବୁଲୁ ସିଦ୍ଧିଆ କେତେଲକ୍ ମାନିକରି କିରିସ୍ତର ବିସଇଟାନେ ରଞ୍ଜିତା ସତ୍ତ୍ୱ ସିଦ୍ଧିଆ ଚାଡ଼ିଦେଇଆଡ଼ । ପରମେସ୍ତ ଜିବନ୍ ଦୁକାଇ ଦୟା ଦେକାଇଲାଟା ତର ସଙ୍ଗ ସବୁବେଳେ ରଥ । ଆମେନ୍ !

ତିମଥୁଙ୍କ ନିକଟକୁ ପାଉଲଙ୍କର ଦ୍ଵିତୀୟ ପତ୍ର ପାଉଲ୍ ଡିମତିକେ ଦୁଇପାଲି ଲେକିରଇବା ଚିଠି

ଏ ବଇ ବିସଇରେ ଜାନ୍‌ବାଟା

ତିମତି ବଇ ପାଉଲ୍‌ରୁଟାଣେଅନି ତରୁସିସେ ତିମତିର୍ ଲଗେ ଲେକାଅଇରଇବା ଚିଠି । ଦୁଡିଅ ତିମତି ପାଉଲ୍‌ରୁ ଜିବନର୍ ସାରାସାରିର୍ ବେଲେ ଲେକାଅଇ ରଇବା ଚିଠି ।

ଏ ଚିଠି ଲେକାଅଇଲା ବେଲେ ସେ ରମିୟରାଇଜେ ବନ୍ଦିଅଇ ରଇଲା ୧:୧୬ ପାଉଲ୍ ଆରି ତିମତି ଦୁଇଲକ୍ ସବୁବେଲେ ମିସିବିତି ରଇଲାଆରି ପାଉଲ୍ ତିମତିକେ ପ ପାରା ଜାନାଇଜେ ରଇଲା ପିଲିପିୟ ୨:୨୨୧୮ ତିମତି ୧:୨:୧:୧୮ ।

ଏଟା ପାଉଲ୍‌ରୁ ଚାରୁଟା ଚିଟିଟାଣେ ଅନି ଗଟେକ୍‌ଚିଟି । ଜନ୍‌ଟାଣେକି ମଣ୍ଡଲିକେ ଗଟେକ୍ ଲକ୍‌ଇସାବେ ଜାନାଇ ଆଚେ । ଆରି ବିନ୍ ତିନ୍‌ଟା ଚିଟି ଅଇଲାନି ପର୍‌ତୁମ୍ ତିମତି, ତିତସ୍ ଆରି ପିଲିମନ୍ । ଦୁଇପାଲି ଚିଟିଲେକା ଅଇଲାବେଲେ ରମିୟରାଇଜେ କସ୍‌ଟ ଦେଇଜେ ରଇଲା । ଏନ୍ତାରି ଅଇଜେରଇଲାକେ ପାଉଲ୍ ବନ୍ଦିରଇଲା କାଇକି ଆରି ତିମତିକେ କସ୍‌ଟ ଆଇଲେ ମିସା ମୁରଟିକରି ରଇବାକେ ଆଦେସ୍ ଦେଇଜେ ରଇଲା । ପର୍‌ତୁମ୍ ତିମତିପାରା ପାଉଲ୍ ତିମତିକେ ମିଟ୍ ସିକିଆ ଦେଉ ଗୁରୁମନର୍ ବିସଇ ନେଇକରି କେଡେଟା ଜାଗରତା ରଇବା ବିସଇ ଜାନାଇଲା ଆଚେ । ପର୍‌ତୁମ୍ ତିମତି ୧:୧୬-୧୮ ପାଉଲ୍ ତିମତିକେ ଆଇବା ଦିନ୍‌ମନ୍‌କେ କେଡେକ୍ କସ୍‌ଟ ପାଇବା ବେଲା ଆଚେ ବଲି କଇଲାନି । ୩:୧

ଏ ବଇ ବିକ୍‌ରେ ରଇବାଟା

- ୧. ପାଉଲ୍ ତିମତିକେ ଆଲାଦ୍ ଜାନାଇକରି ସାସ୍ ଦେଇଆଚେ । ୧:୧-୧୮
- ୨. ପାଉଲ୍ ତିମତିକେ କେନ୍ଦ୍ରି ମୁରଟିରଇ ଦେକାଇବାଇ ସେଟା ବପୁଦେଲାନି । ୨:୧-୧୩
- ୩. ସାରାସାରିପଚେ ପାଉଲ୍ କେଡେଟା ଜାନାଇବା ବିସଇ କଇଆଚେ । ୨:୧୪-୧୬
- ୪. ଆଇବା ଦିନ୍‌ମନ୍‌କେ କେନ୍ଦ୍ରିଅଇ ଜାଗରତା ଅଇବାଟ୍ ଆଚେ ଆରି ସତ୍‌ବାଟ୍ ବାଟ୍‌ବାକେ ଜାଗରତା କଲାଆଚେ । ୩:୧-୪:୮
- ୫. ପତ୍‌ତୁଲ୍ ତିମତିକେ କେଡେଟା ନିଜର୍ ବିସଇ ଜାନାଇ କରି ଲବ୍ ବିସଇ ଜାନାଇଆଚେ । ୪:୯-୨୨

ପେରିର୍ ପାଉଲ୍ ତିମତିକେ ଦୁଇପାଲି ଚିଠି ଦେବାଟା

୧ ମୁଇ ପାଉଲ୍ ଏ ଚିଠି ଲେକ୍‌ଲିନି । ଜିସୁକିରିସ୍‌ଟର୍ ଗଟେକ୍ ପେରିର୍ ଅଇବାକେ ପର୍‌ମେସର୍ ମକେ ବାଟ୍‌ଲା ଆଚେ । ନ ସାର୍‌ବା ଜିବନ୍ ପାଇବା ଜନ୍ ସୁଦ୍ କବର୍ ପର୍‌ମେସର୍ କାତା ଦେଇରଇଲା, ସେଟା ଜାନାଇବାକେ ମକେ ପାଟାଇଲାଆଚେ । ସେ ଜିବନ୍ କିରିସ୍‌ଟର୍ ସଙ୍ଗ୍ ମିସିରଇବା ଜିବନ୍ ।

୨ ଏ ଚିଠି ତିମତି ମୁଇ ତକେ ଲେକ୍‌ଲିନି । ତୁଇ ମର୍ ଆଲାଦର୍ ପଅ ପାରା ଅଇ ଆହୁସ୍ । ଆମର୍ ବାବା ପର୍‌ମେସର୍ ଆରି ଆମର୍ ମାପତୁ ଜିସୁକିରିସ୍‌ଟ, ତକେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

ଦନିଅବାଦ୍ ଆରି ସାର୍‌ଦା କରାଇବାଟା

୩ ମୁଇ ପର୍‌ମେସର୍‌କେ ଦନିଅବାଦ୍ ଦେଲିନି । ମର୍ ଆନିବାଦିମନ୍ ଜେନ୍ତାଟ୍ ତାକେ ସେବା କଲାଇ, ସେନ୍ତାରି ମୁଇ ମିସା ତାକେ ସେବା କଲିନି । ମର୍ ବିବେକ୍ ମକେ ଦସ୍ ଦେଏ ନାଇ । ମୁଇ ତର୍‌ପାଇ ଦିନ୍‌ରାତି ପାଟ୍‌ତନା କଲିନି । ୪ ଆମେ ଦୁଇ ଲକ୍ ବେଗଲ୍‌ଲାବେଲେ ତୁଇ ଦୁକ୍ ଅଇ ଆଁସୁ ଜରାଇଲୁସ୍, ସେଟା ମର୍ ମନେଆଚେ । ତେବର୍‌ପାଇ ତକେ ଦେକ୍‌ବି ବଲି ମୁଇ ବେସି ମନ୍ କଲିନି । ଜେନ୍ତାରି କି ମୁଇ ପୁରାପୁରୁନ୍ ସାର୍‌ଦା ଅଇବି । ୫ ତୁଇ ସତଇସେ ଜିସୁକିରିସ୍‌ଟକେ ବିସ୍‌ବାସ୍ କରିଆହୁସ୍ ବଲି ମର୍ ମନେଆଚେ । ତୁଇ ବିସ୍‌ବାସ୍ କର୍‌ବା ଆଗତୁ ତର୍ ଆମା ଲଇ ଆରି ତର୍ ଆୟା ଉନିସ୍ ତାକେ ବିସ୍‌ବାସ୍ କର୍‌ଜେରଇଲାଇ । ସେନ୍ତାରିସେ ତୁଇ ବିସ୍‌ବାସ୍ କର୍‌ବାଟା ଘାଟ୍ ଆଚେବଲି ମୁଇ ଜାନ୍‌ଲିନି । ୬ ତେବର୍‌ପାଇ ମୁଇ ମର୍ ଆଟ୍, ତର୍ ମୁଣ୍ଡେ ସଙ୍ଗାଇ ପାଟ୍‌ତନା କଲାବେଲେ, ଜନ୍ ଆଟ୍‌ମାଟ୍ ଦାନ୍ ପର୍‌ମେସର୍ ତକେ ଦେଇରଇଲା, ସେଟା ବଟାଇକରି ସଙ୍ଗ୍ ବଲି ଏଟାଇଦେଲିନି । ୭ କାଇକେବଇଲେ ଜନ୍ ଆଟ୍‌ମା ପର୍‌ମେସର୍ ଆମକେ ଦେଲାଆଚେ, ସେଟା ଆମକେ ଡର୍‌ବାକେ ନ ଦେଏ । ତାର୍ ବାଦୁଲେ

✧ ୧:୨ ୧:୨ ପେରିର୍ ୧୬:୧ ✨ ୧:୫ ୧:୫ ପେରିର୍ ୧୬:୧

ଆଡ଼ମ୍ଭାଲ ବସୁ ଦେଇସି, ବିନ୍ ଲକ୍ଷ୍ମୀନକେ ଆଲାଦ୍ କରବାକେ ସିକାଇସି ଆରି ନିଜ୍ଜକେ ଜାଗରତ୍ ରଇବାକେ ସିକାଇସି ।

୮ ଡେବରପାଲ ଆମର୍ ମାପୁରୁ ଜିସୁକିରିସ୍ତର୍ ବିସଇ, ବିନ୍ ଲକ୍ଷ୍ମୀନକେ ଜାନାଇବାକେ ଲାଜ୍ ଅ ନାଇ । ତାର୍ ପାଇ ମୁଇ ଏବେ ବନ୍ଦିଗରେ ଆରି, ମରପାଲ ମିସା ଲାଜ୍ ଅ ନାଇ । ମାତର୍ ସୁବ୍ କବରତ୍ ଲାଗି ଦୁକ୍ କସ୍ତ୍ ପାଇବାକେ ମରସଇ ମିସ୍ । ସେକ୍ତି କରବାକେ ପରମେସର୍ ତକେ ବସୁ ଦେଇସି । ପରମେସର୍ ଆମ୍ଭକେ ନ ସାର୍ବା ମରନେଅନି ବଂଚାଇକରି ଗଟେକ୍ ସୁକଲ୍ ଚଲାଚଲୁକ୍ତି କରବାକେ ଡାକିନେଲା ଆତେ । ୯ ନିକ କାମ୍ କଲାର୍ ପାଇ ସେ ଆମ୍ଭକେ ବାଚେନାଇ । ମାତର୍ ତାର୍ ନିଜର୍ ଜନ୍ମନା ଇସାବେ ସେ ଆମ୍ଭକେ ବାଟିକରି ତାର୍ ଦୟା ଦେକାଇଲା ଆତେ । ଏ ଜଗତ୍ ତିଆର୍ ନ ଅଇତେ ପରମେସର୍ ଜିବନ୍ ଦୁକାଇ, ଜିସୁକିରିସ୍ତକେ ଆମ୍ଭଲାଗି ଏ ଜଗତେ ପାଟାଇଲା । ୧୦ ଆରି ଏବେ ସେ ଜିବନ୍ ଦୁକାଇ ଦୟା ଦେକାଇଲାଟା, ପରମେସର୍ ଆମ୍ଭକେ ଜାନାଇଆତେ । ଏଟା ଆମ୍ଭ ରକ୍ଷିଆକାରି ଜିସୁକିରିସ୍ତ ଜେ କି ଆମ୍ଭଟାଗେନେ ଆଇଲା । ମରନର୍ ବସୁକେ ସେ କୁରୁପ୍ତନାସ୍ କଲା । ଆରି ସୁବ୍ କବର୍ ଜାନ୍ଲାଟ୍ପାଇ ନ ସାର୍ବା ଜିବନ୍ ପାଇବାକେ ସେ ଆମ୍ଭକେ ବାଟ୍ ଦେକାଇଲା ।

୧୧ ୧୧ ଜିସୁକିରିସ୍ତର୍ ବିସଇ ରଇବା ଏ ସୁବ୍ କବର୍ ପରମେସର୍ ମକେ ଜାନାଇବାକେ କଇଆତେ । ଗଟେକ୍ ସିକାଇବା ଲକ୍ ଆରି ପେରିତ୍ ଇସାବେ, ସେ ମକେ ବାଟିଆତେ । ୧୨ ଏଟାର୍ ଲାଗି ମୁଇ ଏ ବନ୍ଦିଗରେ ଦୁକ୍ କସ୍ତ୍ ପାଇଲିନି । ପାଇଲେ ମିସା ଲାଜ୍ ଅଇନାଇ । କାଇକେବଇଲେ ମୁଇ ଜାକେ ବିସ୍ବାସ୍ କରିଆରି, ତାକେ ଜାନି, ଆରି ମୁଇ ତାକେ ଜନ୍ମଟା ସର୍ପି ଆତେ, ସେଟା ସେ ବାଉଡି ଆଇବା ଦିନ୍ ଜାକ, ଜତନ୍ କରି ସଙ୍ଗଇବାକେ ତାର୍ ବସୁ ଆତେ । ଏଟା ମୁଇ ତାର୍ ସଙ୍ଗ ବିସ୍ବାସ୍ କଲିନି । ୧୩ ତୁଇ ମରଟାଗେନେଅନି ସତ୍ ସିକିଆ ସୁନିଆରୁସ୍ । ସେକ୍ତିରିସେ ଚଲାଚଲୁକ୍ତି କର୍ । ଜିସୁକିରିସ୍ତର୍ ସଙ୍ଗ ମିସ୍ଲାଟ୍ ପାଇ ଏଟା ବିସ୍ବାସ୍ ଆରି ଆଲାଦ୍ ସଙ୍ଗ୍ କର୍ । ୧୪ ଜନ୍ ସୁବ୍ କବର୍ ପରମେସର୍ ତକେ ଦେଇଆତେ, ସେଟାକେ ଦେକାରକା କର୍ । ଆମ୍ଭ ବିତ୍ରେ ରଇବା ସୁକଲ୍ ଆଡ଼ମାଟ୍ ବସୁସଙ୍ଗ୍ ସେଟା ଦେକାରକା କର୍ ।

୧୫ ଆସିଆ ଦେସେ ରଇବା ବେସି ବିସ୍ବାସିମାନ୍ ମକେ ଚାଡିକରି ଗାଲାଇ ଆତର୍ ବଲି ତୁଇ ଜାନିଆରୁସ୍ । ତେଇ ପୁଗେଲ୍ ଆରି ଅର୍ମଗେନା ମିସା ମକେ ଚାଡି ଉଟିଗାଲାଇ । ୧୬ ଅନିସିପର୍ ଆରି ତାର୍ କୁଟୁମ୍ଭକେ ମାପୁରୁ ଦୟାକର । କାଇକେବଇଲେ ମୁଇ ବନ୍ଦିଗରେ ରଇଲାବେଲେ ସେ ମକେ ଦେକବାକେ ଲାଜ୍ ଅଏନାଇ । ତାର୍ ବାଦୁଲେ ସେ ତରକେ ତର୍ ଆସି ମକେ ସାର୍ଦା କରାଇଲା । ୧୭ ସେ ରମ୍ ଦେସେ ଆଇଲା ଦାପୁରେ ମକେ ବେଟ୍ ଅଇବାଜାକ ସବୁ ଜାଗାଇ କଇଲା । ୧୮ ବଡ୍ ବିଚାରନା ଦିନେ ତାକେ ଜେକ୍ତି ମାପୁରୁ ଦୟା କର । ତୁଇ ନିଜେ ଜାନିଆରୁସ୍ ଏପିସିତେଇ ସେ ମକେ କେତେକ୍ ସାଇଜ କଲା ।

୨

କିରିସ୍ତ ଜିସୁକେ ବିସ୍ବାସ୍ କରିରଇବା ସନିଅ

୧ ଏ ମର୍ ଆଲାଦର୍ ପ । ଜିସୁକିରିସ୍ତ ଆମ୍ଭକେ ଜିବନ୍ ଦୁକାଇ ଦୟା ଦେକାଇଲାଟ୍ ପାଇ ତାର୍ ଅଇ ର । ୨ ଜେଡ୍ ଲକ୍ଷ୍ମୀନ ବିନ୍ ଲକ୍ଷ୍ମୀନକେ ସିକାଇବାକେ ଅଦିକାର୍ ପାଇଆତର୍, ଏକ୍ତିରି ଲକ୍ଷ୍ମୀନକେ ସବୁ ବିସଇ ସର୍ପିଦେସ୍ । କେତେକ୍ କେତେକ୍ ସାକ୍ମାନର୍ ମୁଆଟେ ତୁଇ ମରଟାଗେନେଅନି ଜନ୍ ସାକ୍ ସୁନିଆରୁସ୍, ସେକ୍ତିରି ଲକ୍ଷ୍ମୀନକେ ସେ ସବୁଜାକ ସର୍ପିଦେସ୍ ।

୩ କିରିସ୍ତ ଜିସୁର୍ ଗଟେକ୍ ନିକ ସନିଅ ଅଇ, ମର୍ପାପା ଦୁକ୍ କସ୍ତ୍ ମୁଟିକିରି ରଅ । ୪ ଗଟେକ୍ ସନିଅର୍ ବିସଇ ବାବିଦେକା । ସଇନ ଜୁଇଦକେ ଜିବାକେ ଜାଗରତ୍ ଅଇବାବେଲେ, ଏ ଜଗତର୍ ବିସଇ କରବାକେ ମନ୍ ନ ଦେଏ । କାଇକେବଇଲେ, ସେ ତାର୍ ଉପ୍ପରର୍ ଅଦିକାରିକେ ସାର୍ଦା କରାଇବାକେ ମନ୍ କରସି । ୫ ସେକ୍ତିରିସେ, ଗଟେକ୍ ପାଲାଇବା ଲକ୍ କର୍ ବିସଇ ବାବିଦେକ୍ । ଜେ ଆରାଜିତାଟାଗେନେ ପାଲାଇବାକେ ମନ୍ କରସି, ସେ ଜଡ୍ ଆରାଜିତାର୍ ନିୟମ୍ ମାନିକରି ନ ପାଲାଇଲେ, ତାକେ ସେ ଇନାମ୍ ନ ମିଲେ । ୬ ଗଟେକ୍ ଚାସିର୍ ବିସଇ ବାବିଦେକ୍, ଜନ୍ ଚାସି କସ୍ତ୍ କରିରଇସି, ସେ ପରୁଟୁମ୍ ପଲ୍ ପାଇବା ଦରକାର୍ । ୭ ମୁଇ ଜାଇଟା କଇଲିନି, ସେଟା ବାବିଦେକ୍, ମାପୁରୁ ସବୁ ବିସଇଟାଗେନେ ତକେ ଗିଆନ୍ ଦେଇସି ।

୮ ମୁଇ ଜନ୍ ସୁବ୍ କବର୍ ତକେ ଜାନାଇରଇଲି, ତେଇ ଜିସୁକିରିସ୍ତକେ ଏତାଉଁ । ସେ ଦାଉଦର୍ କୁଟୁମ୍ଭେ ଜନମ୍ ଅଇଲା ଆରି ପରମେସର୍ ତାକେ ମରନେଅନି ଉଟାଇଲା । ୯ ସେ ସୁବ୍ କବର୍ ଲାଗି ମୁଇ ଦୁକ୍ କସ୍ତ୍ ଅଇ ଆଇଲିନି ଆରି ଗଟେକ୍ ଦସ୍ କଲା ଲକ୍ଷ୍ମୀନକେ ବନ୍ଦିଗରେ ଆଟି । ମାତର୍ ପରମେସର୍

୧:୧୧ ୧:୧୧ ୧ମ ଡିମ୍ବି ୨:୭

ବାକିଅ ବାନ୍ଧାଇଅଇ ରଏନାଇ । ୧୦ ସେନ୍ତାରିସେ ବାଟିଅଇଲା ଲକ୍ଷ୍ମୀନ ମିସା କେବେ ନ ସାର୍ବବା ମଇମା ସଙ୍ଗେ ଜିସୁକିରିସତ ଦେବା ମୁକ୍ତି, ପାଇବାଇ । ସେମାନରଲାଗି ଏ ସବୁ ବିସଇ ମୁଇ ମୁରଟିକରି ରଇଲିନି । ୧୧ ଏ ବାକିଅ ସତ୍,

ଜଦି ଆମେ ତାର ସଙ୍ଗେ ମରିଜାଇଆରୁ,
ସେନ୍ତାର ଆଲେ ଆମେ ତାରସଙ୍ଗେ ବଢ଼ୁ ମିସା,

୧୨ *ଜଦି ଆମେ ମୁରଟିକରି ରଇରୁ
ତେବେ ତାର ସଙ୍ଗେ ସାସନ ମିସା କରୁ ।

ଆମେ ଜଦି ତାକେ ନ ନାମୁ,
ସେ ଆମ୍ଭକେ ମିସା ନ ନାମେ ।

୧୩ ମାତର ଆମେ ବିସ୍ବାସ କରୁବାଟା ଏଲା କଲେ ମିସା
ସେ କାତା ଦେଇରଇବାଟା ସବୁ କରିସାରାଇସି ।
କାଇକେବଇଲେ ସେ ତାର କାତା ନ ବାଦଲାଏ ।

ନିମାନ୍ ସେବା କରୁ

୧୪ ପଦେକ୍ କାତା ନେଇ ଦଦାପେଲା ଅଇତେରଇଲେ, ସେଟା ରୁଚାଇସେ । ସୁନ୍ଦରା ଲକ୍ଷ୍ମୀନକେ ନସବକରି ଦେଇସି । ଏନ୍ତାରି କଇ ପରମେସରର ମୁଆଟେ ଲକ୍ଷ୍ମୀନକେ ଡାଟ୍‌ସଙ୍ଗେ ଆଦେସ୍ ଦେସ୍ । ୧୫ ସତ୍ ବାକିଅ ନିମାନ୍ ସଙ୍ଗେ ଜାନା । ଲାଜ୍ ନଇଲା କାମ୍ କରୁବା ଲକ୍ଷ୍ମୀପାରା ମାପୁରୁର୍ ଲଗେ ନିଜକେ ଅଦିକାର୍ ପାଇଲା ଲକ୍ଷ୍ମୀ ବଲି ଦେକାଇଅଇବାକେ ଜତନ୍ ଅ । ୧୬ ମାତର ଜନ୍ ଲକ୍ଷ୍ମୀନ ଆସାର୍ କାତାଇ ଆରି ବକୁଆ କାତାଇ ଦିଆନ୍ ଦେଇତେ ରଇବାଇ, ସେନ୍ତାରି ଲକ୍ଷ୍ମୀନର ଟାନେଅନି ଦୁରିକେ ର । ଜନ୍ ଲକ୍ଷ୍ମୀନ ସେନ୍ତାରିଟାନେ ମିସବାଇ, ସେ ଲକ୍ଷ୍ମୀନ ପରମେସରର ଟାନେଅନି ଦୁରିକେ ଜିବାଇ । ୧୭ ତାକର୍ କାତା ଗାଗତେ ଅଦିକ୍ ଅଦିକ୍ ଅଇବା ଗଟେକ୍ ଗାଉପାରା ଅଇ ଲକ୍ଷ୍ମୀନକେ ନସାଇସି । ସେନ୍ତାରିସେ ଉମନାଅ ଆରି ପିଲିଟ୍ ଲକ୍ଷ୍ମୀନକେ ଏନ୍ତି ସିକିଆ ଦେଇ ବୁଲୁଲାଇନି । ୧୮ ସେମନ୍ ମଲାଲକ୍ ଉଟି ସାରିଆଟେ ବଲି କଇକରି ସତ୍‌କେ ଚାଡ଼ିଦେଇଆତତ୍ । ଏନ୍ତାରି କଇକରି କେତେ କେତେ ଲକ୍ଷ୍ମୀ ବିସ୍ବାସ ନସାଇଦେଇ ଆତତ୍ । ୧୯ ଅଇଲେମିସା ପରମେସର ଜନ୍ କୁନାଦି ବସାଇଆଟେ, ସେଟା ଡାଟ୍‌ସେ ରଇସି । ସେ କୁନାଦି ଉପରେ ଏନ୍ତାରି ଲେକା ଅଇଲାଆଟେ, “ମାପୁରୁ ତାର୍ ନିଜର୍ ଲକ୍ଷ୍ମୀକେ ଜାନେ, ଆରି ଜେଡ଼କିଲକ୍ ସବୁ ଆମେ ମାପୁରୁର୍ ଲକ୍ଷ୍ମୀ ବଲାଇଅଇଲାଇନି, ସେମନ୍ ବୁଲୁ କାମେ ଅନି ଦୁରିକେ ରଅତ୍ ।”

୨୦ ଗଟେକ୍ ରାଜାର୍ ଗରେ କେତେ ରକାମର୍ ଗିନାକୁଡ଼କା ରଇସି, କେତେଟା ସୁନା ରୁପା ସଙ୍ଗେ ତିଆର୍ ଅଇଲାଟା, କେତେଟା ଗର୍ ଆରି ଚିକଟ୍ ମାଟିସଙ୍ଗେ ତିଆର୍ ଅଇଲା, କେତେଟା ବିବା ବଜି ବେଲୁପାଇ ଆରି କେତେଟା ଦିନକେ ବାଇବାକେ ରଇସି । ୨୧ ଜେ ନିଜକେ ସବୁ ରକାମର୍ ପାପେଅନି ଜାଗରତ୍ କରିରଇସି, ମାପୁରୁ ସେମନ୍‌କେ ନିକ କାମର୍ପାଇ ବାଇସି । କାଇକେବଇଲେ, ସେ ଦେକ୍‌ବା ଇସାବେ, ସେମନ୍ ନିକ ଲକ୍ଷ୍ମୀ ଆରି ସବୁ ରକାମର୍ ଦରମ୍ କାମର୍ପାଇ ନିଜେ ସରପି ଅଇଲାଇ ଆତତ୍ । ୨୨ ମାତର ଦାଙ୍ଗ୍‌ତା ବଇସେ ରଇବା ଗାଗତର୍ ମନ୍‌କରୁବାଟାନେଅନି ତୁଇ ଦୁରିକେ ର । ଚିକ୍ ବିସଇ କରୁବାକେ ଚେସଟା କର୍ । ବିସ୍ବାସେ ଡାଟ୍ ରଅ । ବିନ୍ ଲକ୍ଷ୍ମୀନକେ ଆଲାଦ୍ କର୍ । ଆରି ତାକର୍ ସଙ୍ଗେ ସାନ୍ତିସଙ୍ଗେ ର । ମନ୍‌କେ ସୁଲୁ କରି ଜେଡ଼କି ସବୁଲକ୍ ମାପୁରୁକେ ପୁଜା କଲାଇନି, ସେମନ୍‌ର୍ ସଙ୍ଗେ ଏ ସବୁଜାକ କର୍ । ୨୩ ଆସାର୍ କାତାଇଅନି, ରୁଚାଇ ଦଦାପେଲା ଅଇବା କାତାଇଅନି ଦୁରିକେ ର । କାଇକେବଇଲେ, ସେନ୍ତାରି ଟାନେ ମିସବା ଲକ୍ଷ୍ମୀନ ସବୁ କିରଜାଟି ଅଇକରି ସାରିଜିବାଇ । ଏଟା ତୁଇ ଜାନିଆରୁସ୍ । ୨୪ ମାପୁରୁକେ ସେବା କରୁବା ଏନ୍ତାରି ଗଟେକ୍ ଲକ୍ଷ୍ମୀ କିରଜାଟି କରୁବାରୁନାଇ । ତାର୍ ବାଦୁଲେ, ସେ ସବୁକେ ସୁଆଲେ ଚଲାଟଲୁଟି କରୁବାର୍ । ସେ ନିକସଙ୍ଗେ ସିକାଇବାକେ ଜାନୁବାରୁଆଟେ । ଦାପୁରେ ରିସା ନ ଅଇକରି ମୁରଟି ରଇବାର୍ ଆଟେ । ୨୫ ପରମେସର ତାର୍ ମନ୍ ବାଉତାଇବାକେ ଦେଇସି, ସେଟା ଆସାଅଇ ତାର୍ ବିରଦେ କାତା ଅଇବା ଲକ୍ଷ୍ମୀନକେ ସେ ଦରମ୍ ସଙ୍ଗେ ସୁଆଲୁ କରୁବାର୍ ଆଟେ । ସତ୍ ବିସଇ ଜାନୁବାକେ ସେମନ୍‌କେ ସାଇଜ କର । ୨୬ ତାର୍ ଚିନ୍ତା କରୁବାଟାନେ ସେମନ୍ ସତ୍ ବିସଇ ଅଇସି ବି ନାଇ ବଲି ନ ବାଦିକରି ରଇବାର୍ । ତାର୍ ମନ୍ କଲାଟା ପୁରାପୁରୁ କରୁବାକେ ସଇତାନ୍ ସେମନ୍‌କେ ବାଦିକରି ନେଲାଆଟେ । ତାର୍ ପାଦେଅନି ସେମନ୍ ରକିଆ ପାଅତ୍ ।

* ୨:୧୨ ୨:୧୨ ମାଡ଼ିଇ ୧୦:୩୩; ଲୁକ୍ ୧୨:୯

୩

ସେସ୍ କାଲେ ଗଟଲା ଗଟନା

^୧ ଫାତର୍ ଜାନିର । ଜଗତର୍ ସାରାସାରି ଦିନଫନକେ ବେସି ଦୁକ୍ କସଟ ବେଲା ଆଇସି ।
^୨ କାଇକେବଇଲେ ଲକ୍‌ଫନ ନିଜେ ଆଲାଦ୍ ଅଇକରି ବିନ୍ ଲକ୍‌କେ ଆଲାଦ୍ ନ କରତ୍ । ସେଫନ୍ ତାରୁକାୟୁ ଆସାକରବା ଲକ୍, ନିଜର୍ ବିସଇଟାନେ ବଡ଼ପନ୍ ଅଇବା ଲକ୍, ବିନ୍ ଲକ୍‌କେ ନିନ୍ଦା କରବା ଲକ୍, ତାକର୍ ଆୟା ବାବାର୍ କାତା ନ ଫାନବା ଲକ୍, ଦନିଅବାଦ୍ ଦେବାଟା ପାସରବା ଲକ୍, ପରଫେସରର୍ ବିସଇକେ ସନଫାନ ନ ଦେବା ଲକ୍, ^୩ ବିନ୍ ଲକ୍‌ଫନକେ କେଫା ନ ଦେବା ଲକ୍, ବିନ୍ ଲକ୍‌କର୍ ବିସଇ ମିଟ୍ କଇବା ଲକ୍, ନିଜେ ଜାଗରତ୍ ନ ରଇବା ଲକ୍, କିରଜାଟି ଅଇବା ଲକ୍, ନିକ ବିସଇ ଗିନ୍ କରବା ଲକ୍, ^୪ ବିସବାସେ ବିସ୍ ଦେବା ଲକ୍, ବକ୍ତୁଆ ବିସଇ କରବା ଲକ୍, ବିନ୍ ଲକ୍‌ରଟାନେଅନି ବଡ଼ ବଲାଇଅଇବା ଲକ୍, ପରଫେସରକେ ଆଲାଦ୍ କରବା ବାଦୁଲେ ନିଜକେ ସାରଦା କରାଇବା ଲକ୍ । ^୫ ପରଫେସରକେ ସେବା କଲିନି ବଲି ଦେକାଇବାଇ, ଫାତର୍ ତାର୍ ବପୁ ତାକର୍ ଜିବନ୍ ବାଦଲାଇବାକେ ନ ଦେଅତ୍ । ସେନ୍ତାରି ଲକ୍‌ଫନରଟାନେଅନି ଦୁରିକେ ର । ^୬ କାଇକେବଇଲେ ଏନ୍ତାରି ଲକ୍ ବିନ୍ ଗରଫନକେ ପୁରିଦେଇ ତେଇ ରଇବା ଫାଇଜିଫନକେ ନାତାଇଲାଇନି । ଏ ଫାଇଜିଫନ୍ ତାକର୍ ପାପର୍ ଲାଗି ନିଜକେ ଦସ୍ ଦେଇ ବିନ୍ ବିନ୍ ରକାଫର୍ କରାପ୍ ଫନକରବାଟାସଙ୍ଗ୍ ପୁରାପୁରୁନ୍ ଅଇଲାଇଆତ୍ । ^୭ ସେଫନ୍ ସବୁବେଲେ ବିନ୍ ବିନ୍ ରକାଫର୍ ସିକିଆ ସିକ୍‌ବାକେ ଫନ୍ କଲାଇନି । ଫାତର୍ ତେଇର୍ ସତ୍ ବିସଇ ନାଜାନଲାଇନି । ^୮ ଆଗର୍ କାଲେ ଜେନ୍ତାରିକି, ଜୁନସ୍ ଆରି ଜମ୍‌ବିରିସ୍ ଫସାର୍ ବିରୁଦେ ଉଟଲାଇ, ସେନ୍ତାରିସେ ଏ ସିକାଉଫନ୍ ମିସା ସତ୍‌କେ ବିରଦ୍ କଲାଇନି । ସେଫନର୍ ଫନ୍ କରାପ୍ ଅଇଆତେ । ଆରି ବିସବାସର୍ କାତା ଉଟଲେ ତାକରଟା ତୁଟାଇସେ । ^୯ ଫାତର୍ ସେଫନ୍ ନିଜେ ପାଁଟିରଇବାଟା ସବୁବେଲ୍‌ରପାଇ ନ ରଏ । କାଇକେବଇଲେ ଜାନାସ୍ ଆରି ଜିମିରସ୍ ବକ୍ତୁଆଟାଫନ୍ ବଲି ଆଗତୁର୍ ଲକ୍ ଜାନିଲାଇ, ସେନ୍ତାରିସେ ଏବର୍ ଲକ୍‌ଫନ୍ ମିସା ସେଫନ୍ ବକ୍ତୁଆ ବଲି ଜାନିବାଇ ।

ତିମତିକେ ପାଠଲର୍ ସେସ୍ କାତା

^{୧୦} ଫାତର୍ ତିମତି ତୁଇ ଫର୍ ସବୁ ବିସଇ ଜାନିଆରୁସ୍ । ମୁଇ ଲକ୍‌ଫନକେ କେନ୍ତାରି ସିକାଇଲିନି, କେନ୍ତାରି ଚଲାଟଲୁଟି କଲିନି, ଫର୍ ଆଦେସ୍ କାଇଟା, ଫର୍ ବିସବାସ୍ କେନ୍ତାଟା, ମୁଇ କେନ୍ତି ମୁରୁଟିକରି ରଇଲିଆଟି, ବିନ୍ ବିନ୍ ଲକ୍‌ଫନକେ କେନ୍ତି ଆଲାଦ୍ କରିଆଟି ଆରି ଫକେ ଆଇଲା ଦୁକ୍ କସଟ ମିସା ଜାନୁସ୍ । ^{୧୧} ଲକ୍‌ଫନ୍ ଫକେ ଦୁକ୍ କସଟ ଦେଲାଟା ଆନ୍‌ଟିକିୟ, ଇକନିୟ ଆରି ଲୁସ୍‌ତା ନଅର୍‌ଫନକେ କାଇ କାଇଟା ଅଇରଇଲା ଆରି କେତେକ୍ ଅଦିକ୍ କସଟ୍ ପାଇରଇଲି, ସେ ସବୁ ବିସଇ ତୁଇ ଜାନୁସ୍ । ଫାତର୍ ଫାପୁର୍ ଜିସୁ ଫକେ ସବୁ ଦୁକ୍ କସଟ୍ ଟାନେଅନି ରକିଆ କଲା । ^{୧୨} ଦେକ୍‌ବାକେଟାଲେ ଜେଡ଼କି ଲକ୍ ଜିସୁକିରିସଟକେ ବିସବାସ୍ କରି ପରଫେସର୍ ଦେକ୍‌ବା ଇସାବେ ଦରମ୍ ଚଲାଟଲୁଟି କରବାକେ ଫନ୍ କଲାଇନି, ସେଫନ୍ ସବୁ ବିସବାସ୍ ନ କଲା ଲକ୍‌ଫନରଟାନେଅନି ଦୁକ୍ କସଟ୍ ପାଇବାଇ । ^{୧୩} ଫାତର୍ କରାପ୍ ଲକ୍‌ଫନ୍ ଆରି ନାତାଉଫନ୍ ଅଦିକ୍ ଅଦିକ୍ କରାପ୍ ଅଇଜିବାଇ । ସେଫନ୍ ଲକ୍‌ଫନକେ ନାତାଇକରି ନିଜେ ନାତାଇଅଇବାଇ । ^{୧୪} ଫାତର୍ ତୁଇ ଜେଡ଼କି ବିସଇ ସିକିଆରୁସ୍, ଆରି ସେଟା ସବୁ ସତ୍ ବଲି ବିସବାସ୍ କରିଆରୁସ୍, ସେଟା ସବୁ ତାଟ୍ ସଙ୍ଗ୍ ଦାରି ର । କାଇକେବଇଲେ, ନିକ ସିକାଇବା ଲକ୍‌ଫନର୍ ଟାନେଅନି ଏ ସବୁ ସିକିଆରୁସ୍ । ^{୧୫} ଆରି ତୁଇ ପିଲାବେଲେ ଅନି ସୁକଲ୍ ସାସତର୍ ଜାନିଆରୁସ୍ । କିରିସଟ୍ ଜିସୁକେ ବିସବାସ୍ କଲାର୍ ପାଇ ପରଫେସର୍ ତକେ ରକିଆ କରସି ବଲି ତୁଇ ଜାନିଲୁସିନି । ^{୧୬} ସବୁ ସାସତର୍ ପରଫେସରର୍ ଟାନେଅନି ଆଇଲା ଆଟେ, ଆରି ସେଟା ଲକ୍‌ଫନକେ ସିକାଇବାକେ, ବୁଲ୍ ଅଇଲାଟା ଟିକ୍ କରବାକେ, ଟିକ୍ ବିସଇ କରବାକେ, ଆରି ଲକ୍‌ଫନକେ ସିକାଇବାକେ ଆମ୍‌କେ ସାଇଜ କରସି । ^{୧୭} ଜେନ୍ତାରି କି, ପରଫେସଟ୍‌କେ ସେବା କରବା ଗଟେକ୍ ଲକ୍ ପୁରାପୁରୁନ୍ ତିଆର୍ ଅଇ, ସବୁ ଦରମ୍ କାମ୍ କରବାକେ ବପୁ ପାଇସି ।

୪

^୧ ପରଫେସର୍ ଆରି ଜିସୁକିରିସଟ୍ ଫର୍ ସାକି । ଜେକି ଫଲା ଲକ୍‌ଫନର୍ ଆରି ଜିବନ୍ ରଇଲା ଲକ୍‌ଫନର୍ ବିଚାର୍ କରସି । ତାର୍ ରାଇଜର୍ ଲାଗି, ସେ ଜଗତେ ସାସନ୍ କରବାକେ ଆଇସି । ସେଟାପାଇ ମୁଇ ତମ୍‌କେ ତିଆର୍ଲିନି । ^୨ ସୁବ୍ କବର୍ ସବୁକେ ଜାନାଆ । ଲକ୍‌ଫନ୍ ସେଟା ସୁନ୍‌ବାକେ ଫନ୍ କଲାବେଲେ କି ନ ସୁନ୍‌ବା ବେଲେ ସେଟା ଜାନାଇବାକେ ଜାଗିର । ବୁଲ୍‌କରି କାରାପ୍ କାମ୍ କରବା ଲକ୍‌ଫନକେ ସେଟା

* ୩:୧୧ ୩:୧୧ ପେରିଡ୍ ୧୩:୧୪-୫୨; ପେରିଡ୍ ୧୪:୧-୭; ପେରିଡ୍ ୧୪:୮-୨୦

ଚାହୁଁବାକେ ତାହୁଁ ସଙ୍ଗ କ । ଆସା ନ ଚାଡ଼ି ପରମେସରର ବାକିଅ ସିକାଇତେର । ସେମନ୍ଦକେ ନିକ କାମ୍ କରୁବାକେ ସାର୍ଦା କରାଆ ।^୩ ଗଟେକ୍ ବେଲା ଆଇସି, ଜେତେବେଲେ ସବୁ ସିକିଆ ସୁନ୍ଦବାକେ ଲକ୍ମନ୍ଦ୍ ମନ୍ ନ କରତ୍ । ତାର୍ ବାଦୁଲେ ସେମନ୍ଦ ଜନ୍ କାରାପ୍ ବିସଇ କରୁବାକେ ମନ୍ କରୁବାଇ, ସେଟା କରତେରଇବାଇ । ବିନ୍ ବିନ୍ଟା ସିକାଇମନ୍ଦକେ ତାକିକରି, ତାକର ଟାନେ ଜନ୍ ସାରଦାର୍ ବିସଇ ସୁନ୍ଦବାକେ ମନ୍ କରୁବାଇ, ସେନ୍ତାରି ଲକ୍ମନ୍ଦକେ ତାକିଆନ୍ଦବାଇ ।^୪ ସବୁ ବିସଇ ବିଆନ୍ ନ ଦେଇକରି କାତାନିମନ୍ ସୁନ୍ଦବାକେ ମନ୍ କରୁବାଇ ।^୫ ମାତରୁ ତିମତି, ତୁଇ ନିଜେ ସବୁବେଲେ ଜାଗରତ୍ ଅଇ ର । ଦୁକ୍ କସଟ୍ ଆଇଲେ ମୁରଟିକରି ର । ସୁବକବର୍ ଜାନାଇତେର । ତର ଦାଇତେ ରଇବା ସବୁ କାମ୍ କରତେରଇବାଟ୍ ।

^୬ ଗଟେକ୍ ପୁଜାରି ଜେନ୍ତିକି ବେଦିଟାନେ ବଲି ଚଗାଇସି, ସେନ୍ତାରିସେ, ଏବେ ମର ଜିବନ୍ ସରପାଇ ଅଇବା ବେଲା ବେଟିଆଟେ । ତାରୁଲାରି ଏ ସବୁ ଆଦେସ୍ ମୁଇ ତକେ ଦେଲିନି ।^୭ ଆରାଜିତାଟାନେ ମୁଇ ନିକସଙ୍ଗ୍ ଜୁଇଦ୍ କଲିଆତି । ଜେତ୍‌କି ପାଲାଇବାର୍ ରଇଲା ମୁଇ ନିକସଙ୍ଗ୍ ସାରାଇଲି । ଆରି ମୁଇ ମର ବିସବାସ୍ ଆରାଇନାଇ ।^୮ ଏବେ ସର୍ଗେ ମରପାଇ ଜିତୁଲା ମୁକୁଟ୍ ସଙ୍ଗଇଆଟେ । ଏ ମୁକୁଟ୍ ପରମେସରର୍ ମୁଆଟେ ମୁଇ ଦରମ୍ ସଙ୍ଗ୍ ଚଲାଚଲ୍‌ତି କଲାବପାଇ ଆଟେ । ମାପୁରୁ ଜେ କି କାକେ ଅନିଆଇ ନ କରି ବିଚାର୍ କରସି, ତାର୍ ବିଚାରୁନା ଦିନେ ସେ ମୁକୁଟ୍ ମକେ ପୁରୁସକାର୍ ଇସାବେ ଦେଇସି । ସେଟା ଅବକା ମରପାଇ ନାଇ, ମାତରୁ ଜେତ୍‌କି ଲକ୍ ସେ ବାଉଡ଼ି ଆଇବାଟା ଜାଗିଆଟତ୍, ସେମନ୍ଦକେ ସବୁକେ ଦେଇସି ।

ନିଜର ଆଦେସ୍

^୯ ତିମତି, ଜେତେକ୍ ଦାପୁରେ ତୁଇ ମରଲଗେ ଆଇବାକେ ଚେସ୍‌ଟା କର ।^{୧୦} କାଇକେବଇଲେ ଦିମା ଏବେ ମକେ ଚାଡ଼ିକରି ତେସଲନିକି ଗାଲାଆଟେ । ସେ ଏ ଜଗତର୍ ବିସଇ ଅଦିକ୍ ମନ୍ କଲାମି । କରସିନ୍ ଗାଲାଡିଆଇ ଗାଲା, ଆରି ତିତସ୍ ଦୁଲ୍‌ମତି ଗାଲା ।^{୧୧} କୁକ୍ ଗଟେକ୍ ଲକ୍‌ସେ ମରସଙ୍ଗ୍ ଆଟେ । ତୁଇ ଆଇଲାବେଲେ ମାରକକେ ତରୁ ସଙ୍ଗ୍ ତାକିଆନ୍ । କାଇକେବଇଲେ ଇତି ରଇଲାବେଲେ ମର କାମେ ସେ ସାଇଜ କରସି ।^{୧୨} ଚିକିକସକେ ମୁଇ ଏପିସିଆ ପାଟାଇଆତି ।^{୧୩} ଚୟସ୍ ନଅର୍ ଚାହୁଁଲାବେଲେ କରପର ଗରେ ମୁଇ ମର ଅହବାଟା ଚାଡ଼ିଆତି । ତୁଇ ଆଇବାବେଲେ ସେଟା ଦାରିଆଉ । ଆରି ମର ବଇପତର୍‌ମନ୍ ଆରି ଲଡାକେ ଆଇବା କାଗଜ୍‌ପତର୍ ମିସା ଦାରିଆଉ । ମେଣ୍ଡାର୍ ଚାମ୍ ସଙ୍ଗ୍ ତିଆର୍ ଅଇଲାଟା ଚାହୁଁବାର୍ ନାଇ ।

^{୧୪} କସ୍ କାମ୍ କରୁ ଆଲେକ୍‌ଜାଣ୍ଟେର ମକେ ବେସି ଅନିଆଇ କରି ଆଟେ । ସେ କଲା କାମରୁପାଇ ମାପୁରୁ ତାକେ ବେସି ତଣ୍ଟ ଦେଇସି ।^{୧୫} ତୁଇ ମିସା ତାରଟାନେଅନି ଜାଗରତ୍ ରଅ । ସେ ଆମର୍ ସିକିଆ ତାହୁଁ ସଙ୍ଗ୍ ବିରଦ୍ କରିରଇଲା ।

^{୧୬} ମୁଇ ପରତୁମ୍‌ତର୍ ନିଜକେ ରକିଆ କରୁବାକେ ବିଚାରୁନା ଜାଗାଇ ଗାଲାବେଲେ, ମରବାଟେ ଅଇକରି ସାକି ଦେବାକେ କେ ନ ରଇଲାଇ । ତାର୍ ବାଦୁଲେ ସବୁଲକ୍ ମକେ ଚାଡ଼ିଦେଲାଇ । ଏ କାମରୁପାଇ ସେମନ୍ଦକେ ପରମେସର୍ ତଣ୍ଟ ନ ଦେଅ ।^{୧୭} ସେ ବିଚାରୁନା ଜାଗାଇ ଜେତ୍‌କି ଜିଉଦି ନ ଅଇଲା ଲକ୍ମନ୍ଦ୍ ରୁଣ୍ଡିରଇଲାଇ, ସେମନ୍ଦକେ ସବୁକେ ଜିସୁକିରିସର୍ଟ୍ ସୁବକବର୍ ଜେନ୍ତାରିକି ମୁଇ ପୁରାପୁରୁନ୍ ବାବେ ଜାନାଇପାର୍‌ସି, ସେଟାରୁପାଇ ମାପୁରୁ ମରସଙ୍ଗ୍ ରଇକରି ମକେ ବପୁଦେଲାଆଟେ । ସେ ବିଚାରୁନାର୍ ସାରାସାରି ମକେ କାଇବାକେ ଆସିରଇବା ଗଟେକ୍ ସିଅର୍ ଟାନେଅନି ରକିଆ କଲାପାରା ମାପୁରୁ ରକିଆ କଲା ।^{୧୮} ବିପଦେ ପାକାଇବା ସବୁ ଗଟ୍‌ନାଇଅନି ମାପୁରୁ ଜିସୁ ମକେ ରକିଆ କରି, ସର୍ଗେ ରଇବା ତାରୁ ରାଇଜେ କାଇଟା ନ ଅଇତେ ତାକିନେଇସି । କାଲ୍ କାଲ୍ ଜୁଗ୍ ଜୁଗ୍ ସେ ଆକା ତାକ୍‌ପୁଟା ପାଅ । ଆମେନ୍ !

ପାଉଲର୍ ଜୁଆର୍

^{୧୯} ଚିପୁସିଲାକେ ଆରି ଆକିଲାକେ ଜୁଆର୍ ଜାନାଆ । ଆରି ଅନିସିପରର୍ କୁଟୁମକେ ମିସା ମର ଜୁଆର୍ ଜାନାଆ ।^{୨୦} ଏରାସ୍‌ତ କରନ୍ତିଅ ନଅରେ ଆଟେ । ଆରି ତରୁପିମସକେ ଜର୍ ଅଇଲାକେ ମୁଇ ତାକେ

✧ ୪:୧୦ ୪:୧୦ କଲସିଅ ୪:୧୪; ପିଲିମନ୍ ୧:୨୪; ୨ୟ କରନ୍ତିୟ ୮:୨୩; ଗାଲାତିୟ ୨:୩; ତିତସ୍ ୧:୪ ✧ ୪:୧୧ ୪:୧୧ କଲସିଅ ୪:୧୪; ପିଲିମନ୍ ୧:୨୪; ପେରିକ୍ ୧୨:୧୨, ୨୫:୧୩; ୧୫:୩୭-୩୯; କଲସିଅ ୪:୧୦; ପିଲିମନ୍ ୧:୨୪ ✧ ୪:୧୨ ୪:୧୨ ପେରିକ୍ ୨୦:୪; ଏପିସିୟ ୬:୨, ୨୨; କଲସିଅ ୪:୬, ୮ ✧ ୪:୧୩ ୪:୧୩ ପେରିକ୍ ୨୦:୬ ✧ ୪:୧୪ ୪:୧୪ ୧ମ ତିମତି ୧:୨୦; ରମିୟ ୨:୬ ✧ ୪:୧୯ ୪:୧୯ ପେରିକ୍ ୧୮:୨, ୨ୟ ତିମତି ୧:୧୬, ୧୭ ✧ ୪:୨୦ ୪:୨୦ ପେରିକ୍ ୧୯:୨୨; ରମିୟ ୧୬:୨୩; ପେରିକ୍ ୨୦:୪, ୨୧:୨୯

ମିଳିତ ଚାଡ଼ିଦେଇ ଆସିଆଚି । ^{୨୧} ତୁଇ ସିଡ଼ିଦିନ୍ ଅଇବା ଆଗୁରୁ ଆଇବାକେ ଚେସଟା କର । ଇଉବୁଲ୍ ପୁଦେନ୍ସ, ଲିନ୍, କଲ୍‌ଦିଆ ଆରି ଇତିରଇବା ସବୁ ବିସ୍‌ବାସି ବାଇବଇନି ତକେ ଜୁଆର୍ ଜାନାଇଲାଇନି ।

^{୨୨} ପର୍‌ମେସର୍ ଜିବନ୍ ଦୁକାଇ ଦୟା କଲାଟା ତମର୍ ସଙ୍ଗ୍ ରଥ ।

ତିତସକ ନିକଟକୁ ପାଉଲଙ୍କର ପତ୍ର ପାଉଲ୍ ତିତସ୍‌ଙ୍କେ ଚିଠିଲେଖଲାଟା ଏ ବଇର ବିସଇ ଜାନ୍‌ବାଟା

ପାଉଲ୍‌ର ଚାର୍‌ଟା ଚିଠି ବିତ୍‌ରେଅନି ତିତସ୍‌ ବଇ ଗଟେକ୍ । ଜନ୍‌ଟାକି ମଣ୍ଡଲିକେ ନ ଜାନାଇକରି ଲକ୍‌ମନ୍‌କେ ଜାନାଇଲାନି । ବିନ୍‌ ତିନ୍‌ଟା ଚିଠି ଅଇଲାନି ୧ ମ ତିମତି, ୨ ଯ୍ ତିମତି ଆରି ପିଲିମନ୍ । ପାଉଲ୍‌ ତିତସ୍‌କେ ଜେକ୍ଟିକି ସେ ସବୁ ଲକ୍‌ମନ୍‌ ମୁଆଟେ ଆଉଲିଅଇକରି ଏ ଚିଠି ପତ ବଲି ଲେଖଲାନି । ପେରିତ୍ ଇସାବେ ତାର୍ କାଇକାଜଟା ରଇବାର୍ ଦର୍କାର୍ ସେ ବିସଇରେ ବୁଜାଇଲାନି । ଏଟା କେତେଟା ବିସଇ ତିତସ୍‌ ଆଗେଅନି ଜାନିରଇଲା । ଏ ଚିଠି କିରିସ୍‌ଟ ଜନମ୍‌ ଅଇକରି ୨୩-୨୫ ବରସ୍ ବିତ୍‌ରେ ପାଉଲ୍‌ ଲେକି ରଇସି ।

ପାଉଲ୍‌ କିରିତର୍ ଦିପେ ରଇଲା ମଣ୍ଡଲିମନ୍‌କେ ଚାଲାଇବାକେ ତିତସ୍‌କେ ଆଦେସ୍ ଦେଲାନି । ସେ ସମାନ୍ ସିକିଆ ତିମତିକେ ମିସା ଦେଲାଆଟେ । ପାଉଲ୍‌ ଏ ଚିଠିଟାନ୍‌େ ତିତସ୍‌କେ ମଣ୍ଡଲିର୍ ମୁକିଅ ଲକ୍‌ମନ୍‌କେ ବାଟ୍‌ଲା ଆରି ସେମନ୍‌କେ ସିକାଇବା ବିସଇରେ ଲେଖଲାନି । ଆଜିର୍ ମଣ୍ଡଲି ଆରି ମଣ୍ଡଲିର୍ ନେତାମନ୍‌ ସାସନ୍‌ କର୍‌ବାକେ କେକ୍ଟି ଗୁନ୍‌ଟଲନ୍‌ ରଇବାର୍ ଆଟେ ତାର୍ ଚିକିନିକି ସଙ୍ଗ୍ ଦିଆନ୍‌ ଦେବାର୍ ଦର୍କାର୍, ସେଟା ଚିଠିତେଇ ଲେଖଲା ଆଟେ ।

ଏ ବଇ ବିତ୍‌ରେ ରଇଲାଟା

- ୧. ପାଉଲ୍‌ ତିତସ୍‌କେ ସୁଆଲ୍‌ ଲକ୍‌ମନ୍‌କେ ବାଟ୍‌ବାକେ ଆଦେସ୍ ଦେଲାନି । ୧:୧-୧୬ ।
- ୨. ତାର୍‌ପଟେ ସେ ଲକ୍‌ମନ୍‌କେ ମିସା ଦରମ୍ ଜିବନେ ଜିଇବା କାଇବାକେ ସିକିଆ ଦେବାକେ ଆଦେସ୍ ଦେଲାନି, ଜନ୍‌ଟାକି ପରମେସ୍‌ରକେ ସାର୍‌ଦା କରାଇସି । ୨:୧-୩:୧୧
- ୩. ସାରାସାରି ପାଉଲ୍‌ ତାକର୍ ସାରାସାରି କାତା ଲେକି ଲେଖିବାଟା ସାରାଇଲାଜନ୍ । ୩:୧୨-୧୫

ତିତସ୍‌କେ ପାଉଲ୍‌ର ଚିଠି

୧ ମୁଇ ପାଉଲ୍‌, ଏ ଚିଠି ଲେଖଲିନି । ମୁଇ ପରମେସ୍‌ରକେ ସେବାକରି ଜିସୁକିରିସ୍‌ଟର୍ ଗଟେକ୍ ପେରିତ୍ ଅଇଆଟି ।

ଜନ୍‌ ଲକ୍‌ମନ୍‌କେ ତାର୍‌ଟାନ୍‌େ ତାଟ୍ ସଙ୍ଗ୍ ବିସ୍‌ବାସ୍ କର୍‌ବାକେ ପରମେସ୍‌ର ବାଟ୍‌ଲା ଆଟେ, ଆରି ସେମନ୍‌ ଜେକ୍ଟିକି ଜିସୁକିରିସ୍‌ଟର୍ ନିକ ସିକିଆ ବୁଜ୍‌ବାଇ, ସେନ୍ତାରି ଲକ୍‌ମନ୍‌କେ ସାଇଜ କର୍‌ବାକେ ମୁଇ ବାଟିଅଇଆଟି । ଏ ସିକିଆ ନିକସଙ୍ଗ୍ ଜାନିଲେ, ପରମେସ୍‌ରକେ ସାର୍‌ଦା କରାଇବା ପାରା ଚଲାଟଲ୍‌ତି କର୍‌ବାକେ ସେମନ୍‌ ସିକିବାଇ । ୨ ଏନ୍ତାରିଅଇ ସେମନ୍‌ କାଲ୍‌କାଲ୍‌ ଜୁଗ୍‌ଜୁଗ୍‌ ପରମେସ୍‌ର ସଙ୍ଗ୍ ବର୍‌ବାକେ ଆସା କର୍‌ବାଇ । କାଇକେବଇଲେ କାଇଟା ତିଆର୍ ନ ଅଇତେ କାଲ୍‌କାଲ୍‌ ଜୁଗ୍‌ଜୁଗ୍‌ ତାର୍ ଲକ୍‌ ତାର୍ ସଙ୍ଗ୍ ବର୍‌ବାଇ ବଲି ପରମେସ୍‌ର କାତା ଦେଇରଇଲା । ଏଟା ପୁରାପୁରୁନ୍ ସବ୍ ବଲି ଆମେ ଜାନ୍‌ଲୁନି । କାଇକେବଇଲେ ସେ କେବେ ମିତ୍ ନ କଏ । ୩ ପରମେସ୍‌ର ଟିକ୍ କଲା ବେଲାଇ ମୁଇ ସୁବ୍‌କବର୍ ଜାନାଇଲିକେ, ଲକ୍‌ମନ୍‌ ସେଟା ବୁଜ୍‌ବାକେ ସେ ବପୁଦେଲା । ଏଟା ପରମେସ୍‌ର କାମ୍ । ସେ ଆକା ଆମ୍‌କେ ରକିଆ କରସି । ସେ ଏ ଦାଇତ୍ ଦେଇକରି ମକେ ତିଆରୁଲା ଆଟେ ।

୪ ଏ ତିତସ୍‌, ତର୍‌ପାଇ ମୁଇ ଏ ଚିଠି ଲେଖଲିନି । ଆମେ ଜିସୁକିରିସ୍‌ଟକେ ବିସ୍‌ବାସ୍ କଲାଟ୍‌ପାଇ ତୁଇ ମର୍ ନିଜର୍ ପଅପାରା ଅଇ ଆରୁସ୍ ।

ବାବା ପରମେସ୍‌ରକେ ଆରି ଆମ୍‌ର୍ ଉଦାର୍‌କାରିଆ ଜିସୁକିରିସ୍‌ଟକେ ମୁଇ ବାବୁଜିଆ କଲିନି, ସେମନ୍‌ ତକେ ଦୟା ଦେକାଅତ୍ ଆରି ସାନ୍ତି ଦେଅତ୍ ।

କିରତେଇ ତିତସ୍‌ର କାମ୍

୫ କିରତେ ତକେ ରଇଜା ବଲି ମୁଇ କଇରଇଲି । ଜେଡ୍‌କି ସବୁ କାମ୍ କରିସାରାଇବାକେ ମକେ ବେଲା ନ ରଇଲା, ସେଟା କରିସାରାଇବାକେ ମୁଇ ସେନ୍ତାରି କଲି । ଏଟା ଅଇଲାନି ପର୍‌ତୁମ୍ ବିସଇ । କିରତେ ରଇବା ସବୁ ଜାଗାର୍ ମଣ୍ଡଲିମନ୍‌କେ ପାର୍‌ତିନ୍ ଇସାବେ ଲକ୍‌ମନ୍‌କେ ବାଟ୍ । ମୁଇ ତର୍ ସଙ୍ଗ୍ ରଇଲାବେଲେ ଏ ବିସଇନେଇ ତକେ ତିଆରି ରଇଲି । ୬ ଜନ୍‌ ଲକ୍‌କେ ତୁଇ ପାର୍‌ତିନ୍ ଇସାବେ ବାଟ୍‌ସୁ,

୫ ୧:୪ ୧:୪ ୨ୟ କରନ୍ତିୟ ୮:୩; ଗାଲାତିୟ ୨:୩; ୨ୟ ତିମତି ୪:୧୦ ୬ ୧:୨ ୧:୨ ଦିମତି ୩:୨

ସେ ଏନ୍ତାରି ଲକ୍ଷ ଅଇବାରୁ ଆଚେ, କେ ମିସା ତାକେ ବୁଲ୍ କଲାନି ବଲି ଦସ ଦେଇନାପାରତ୍ । ତାକେ ଗଟେକ୍ ସେ ମାଜଜି ରଇବାରୁ ଆଚେ । ତାରୁ ପିଲାଟକିମନ୍ଦ କିରିସତକେ ବିସବାସ୍ କରବାରୁ ଆଚେ । ସେମନ୍ ନିକ ଚଲାଟଲୁତି କରତେରଇବାରୁ ଆଚେ । ଜେନ୍ତାରି କି ତାକର୍ ଆୟାବାବାମନ୍ଦକେ ମାନତ୍ ନାଜ କି ନିଜର୍ ମନ୍ କଲା ଇସାବେ ଚଲାଟଲୁତି କଲାଜନି ବଲି ସେମନ୍ଦକେ କେ ଦସ ଦାରି ନାପାରତ୍ ।^୭ ବିନ୍ଦ ବିସବାସିମନ୍ଦକେ ଜତନ୍ କରବାକେ ଦାଇତ୍ ଇସାବେ ପରମେସର୍ ଗଟେକ୍ ପାର୍ତ୍ତିନକେ ଦେଲାଆଚେ । ତେବର୍ ପାଇ ଜନ୍ ମଣ୍ଡଲିର୍ ପାର୍ତ୍ତିନକେ ତୁଇ ବାତ୍ସୁ, ତାକେ କାଇ ଦସ୍ ନ ରଅ । ସେ ବତ୍ପନିଆ ନ ରଇବାରୁ, ଦାପ୍ରେ ରିସା ନ ଅଇବାରୁ, ମାତୁଆ ନ ରଇବାରୁ, ବିନ୍ଦ ଲକ୍ଷର୍ ସଙ୍ଗ୍ କିରଜାଟି ନ ଅଇବାରୁ, ତାବୁକେ ଆସା ନ କରବାରୁ ।^୮ ସେନ୍ତାରି ନ ଅଇକରି ଲକ୍ଷମନ୍ଦକେ ତାକିନେବା ଲକ୍ଷ, ଦରମ୍ ବିସଇ କରବାକେ ମନ୍ କରବା ଲକ୍ଷ, ନିଜେ ଜାଗରତ୍ ରଇବା ଲକ୍ଷ, ବତ୍ ସାନ୍ ଇସାବେ ନ ଦେକ୍ବା ଲକ୍ଷ, ସୁକଲ୍ ଇସାବେ ଚଲାଟଲୁତି କରବା ଲକ୍ଷ, ନିଜେ ମନ୍ଦକରବା ବିସଇଟାନେ ଜାଗରତ୍ ଅଇବା ଲକ୍ଷ, ରଇବାରୁ ଆଚେ ।^୯ ସେ ଲକ୍ଷ ଆମେ ସିକାଇତେରଇବା ସୁବ୍ କବର୍ ତାତ୍ସଙ୍ଗ୍ ବିସବାସ୍ କିରିରଇବାରୁ ଆଚେ । ଏ କବର୍ ସତ୍ ଆରି ନ ବାଦଲେ ବଲି ସେ ଜାନବାରୁ ଆଚେ । ଏନ୍ତାରି ଆଲେ ସେ ଲକ୍ଷମନ୍ଦକେ ସତ୍ ବିସଇ ସିକାଇପାରସି । ଆରି ଜନ୍ ଲକ୍ଷ ତାରୁ ବିରୁଦେ କାତା ଅଇଲାଜନି, ତାକର୍ ବୁଲ୍ ଦେକାଇପାରସି ।

^{୧୦} ମଣ୍ଡଲିର୍ ପାର୍ତ୍ତିନମନ୍ଦର୍ ଅଦିକାର ନ ନାମ୍ବା ଲକ୍ଷ ବେସି ରଇଲାଟପାଇ ମୁଇ ତକେ କଇଲିନି । କାଇ ମୁଲିଅ ନ ରଇବା କାତା ସବୁ ସେମନ୍ଦକେ ସିକାଇକରି, ସେମନ୍ଦକେ ବିସବାସ୍ କରାଇଲାଜନି । ଜିଉଦ୍ ନିୟମ୍ ଇସାବେ ସବୁ ବିସବାସିମନ୍ ସୁନତ୍ ଅଇବାରୁ ଆଚେ ବଲି ସିକାଇଲାଜନି ।^{୧୧} ଏନ୍ତାରି ଲକ୍ଷମନ୍ଦକେ ସିକାଇବାକେ ଦେସ୍ ନାଜ । କାଇକେବଇଲେ ନ ସିକାଇବା ବିସଇ ସିକାଇକରି ସେମନ୍ ଗୁଲାଜ କୁଟୁମ୍ମମନ୍ଦକେ ବିସବାସ୍ କରାଇ, ସତ୍ ବିସଇତେକ୍ ଅନି ବାଉତାଇଲାଜନି । ଲକ୍ଷମନ୍ଦଟାନେଅନି ତାରୁ ମିଲାଇବାକେ ମିସା ଏନ୍ତାରି କଲାଜନି ।^{୧୨} କିରତେଅନି ଆଗେ ଗଟେକ୍ ଗିଆନ୍ ରଇବା ଲକ୍ଷ ରଇଲା । ସେ ଏନ୍ତାରି କଇରଇଲା, “ କିରତେରଇବା ଲକ୍ଷମନ୍ ବେସି ମିତ୍ କଇବାଇ । ସେମନ୍ ବନର୍ ପସୁପାରା ଚଲାଟଲୁତି କରବାଇ ଆରି ସେମନ୍ ବେସି ଅଲ୍ସିଆ ଆରି କାଉରାମନ୍ ।”^{୧୩} କିରତେ ରଇବା ଲକ୍ଷର୍ ବିସଇ ସେ ବବିସତ୍ବକ୍ତା କଇଲାଟା ଏବେ ମିସା ସତ୍ସେ । ତେବର୍ ପାଇ ସେମନ୍ଦକେ ତାତ୍ ସଙ୍ଗ୍ ଦମ୍ବାକାଇକରି କଇବାରୁ ଆଚେ । ଜେନ୍ତାରିକି ସେମନ୍ ସତ୍ ସିକିଆ ବିସବାସ୍ କରବାଇ ।^{୧୪} ଜିଉଦି ଲକ୍ଷମନ୍ ତିଆରକଲା କାତାନିମନ୍ ନ ମାନକରି ଆରି ସତ୍ ସିକିଆ ନ ମାନକରି ରଇବା ଲକ୍ଷମନ୍ଦ ତିଆରକଲା ରିତିନିତି ଦିଆନ୍ ନ କରତ୍ ।^{୧୫} ଜନ୍ ଲକ୍ଷମନ୍ ପରମେସର୍ ଦେକବା ଇସାବେ ସୁକଲ୍ ରଇବାଇ, ସେନ୍ତାରିସେ ତାକର୍ପାଇ ସବୁ ବିସଇ ସୁକଲ୍ ରଇସି । ମାତର୍ ଜନ୍ ଲକ୍ଷମନ୍ଦ ବିବେକ୍ ସେମନ୍ଦକେ ଦସି କରସି, ସେମନ୍ କାରାପ୍ ଅଇ ଜିସୁକିରିସତକେ ବିସବାସ୍ ନ କଲେ, ତାକର୍ପାଇ କାଇ ବିସଇ ମିସା ସୁକଲ୍ ନାଜ ।^{୧୬} ଏ ଲକ୍ଷମନ୍ ପରମେସର୍ଦକେ ଜାନିଆତୁ ବଲି କଇ ବୁଲ୍ବାଇ, ମାତର୍ ତାକର୍ ଚଲାଟଲୁତିଟାନେ ସେଟା ନ ଡିସେ । ସେମନ୍ ଗିନ୍ କରବାଲକ୍ଷ, କାତା ନ ମାନ୍ବା ଲକ୍ଷ ଆରି କାଇ ଦରମ୍ ବିସଇ କଇବାକେ ନାପାରତ୍ ।

୨

ସତ୍ ଦରମ୍ କାତା

^୧ ମାତର୍ ତିତସ୍ ତୁଇ ବିସବାସିମନ୍ଦକେ ଜନ୍ ବିସଇ ସିକାଇଲୁସିନି ସେଟା ଜିସୁକିରିସତର୍ ସତ୍ ସିକିଆ ଇସାବେସେ ସିକା ।^୨ ପର୍ତ୍ତୁମ୍ ତକ୍ଟରାମନ୍ଦକେ ତାକର୍ ଜିବନେ ନିକ ଚଲାଟଲୁତି କରବାକେ ସିକା, ଜେନ୍ତାରି ନିଜେ ବୁଦିରସଙ୍ଗ୍ ରଇ, ଲକ୍ଷମନ୍ଦଟାନେଅନି ସନ୍ମାମନ୍ ପାଇବାଲକ୍ଷ ପାରା ଅଇ ଜାଗରତ୍ ରଇବାରୁ । ସେମନ୍ ପରମେସର୍ଦକେ ତାତ୍ସଙ୍ଗ୍ ବିସବାସ୍ କିରି ବିନ୍ଦ ଲକ୍ଷମନ୍ଦକେ ସତ୍ସଙ୍ଗ୍ ଆଲାଦ୍ କିରି ମୁରୁତି ରଇବାରୁ ଆଚେ ।^୩ ସେନ୍ତାରିସେ ତକ୍ଟରିମନ୍ଦକେ ମିସା ସିକାଆ । ଜେନ୍ତାରି, ସେମନ୍ ସୁକଲ୍ ଚଲାଟଲୁତି କରବାଇ । ତିପୁଲ୍ କାତା ନ କଇକରି, ମାତୁଆଲ୍ଲିନିମନ୍ ନ ଅଇକରି, ତାରୁ ବାଦୁଲେ ବିନ୍ଦ ଲକ୍ଷମନ୍ଦକେ ନିକ ବିସଇ ସିକାଅତ୍ ।^୪ ଏନ୍ତାରି କଲେ ସେମନ୍ଦଟାନେଅନି ଦାଙ୍ଗ୍ଡିମନ୍ ନିକ ଚଲାଟଲୁତି କରବାଟା ସିକବାଇ । ସେମନ୍ଦ ପର୍ତ୍ତୁମ୍ ନିଜର୍ ମୁନ୍ଦୁସକେ ଆରି ପିଲାଟକିମନ୍ଦକେ ଆଲାଦ୍ କରବାଟା ସିକତ୍ ।^୫ ନିଜେ ଜାଗରତ୍ ଅଇକରି ମୁନ୍ଦୁସମନ୍ଦକେ ସୁକଲ୍ ଚଲାଟଲୁତି କିରି, ନିଜର୍ ଗର୍ଦୁଆର୍ ଚଲାଇକରି, ବିନ୍ଦ ଲକ୍ଷମନ୍ଦକେ ଦୟା ଦେକାଇକରି ଆରି ନିଜର୍ ମୁନ୍ଦୁସର୍ କାତା ମାନକିରି ରଇବାକେ ସିକା । ସେନ୍ତାରି କଲେ ପରମେସର୍ ଆମକେ ସର୍ପି ଦେଲା କବର୍ କେ ମିସା ନିୟା ନ କରତ୍ ।^୬ ସେନ୍ତାରି ସେ ଦାଙ୍ଗ୍ଡାମନ୍ଦକେ ମିସା ନିଜେ ଜାଗରତ୍ ରଇବାକେ ସିକା ।^୭ ତୁଇ ନିଜେ ସବୁ ବିସଇଟାନେ ନିକ ଚଲାଟଲୁତି କର୍ । ଜେନ୍ତାରି କି ତକେ ଦେକିଦେକି ଦାଙ୍ଗ୍ଡାମନ୍ ସେନ୍ତାରି ଅଇବାଇ

। ସିକାଈଲାବେଳେ, ମନ୍ ସତ୍ତ୍ୱ ରଈକକରି ଲକ୍ଷ୍ମୀମନ୍ତ୍ୱ ମୁଆଟେ ସନ୍ତମାନ୍ ପାଈଲାପାରା ପର୍ତ୍ତମେସରତ୍ତ୍ୱ ବିସଇ ସିକା । ୮ ଜେଡ୍ଡକି ବିସଇ ସିକାଈଲୁସ୍ତନି, ସେ ସତ୍ତ୍ୱ ବିସଇ ସତ୍ତ୍ୱ ରଥ ଜେନ୍ତ୍ୱରିକି ଲକ୍ଷ୍ମୀମନ୍ ନିନ୍ଦା କରନାପାରତ୍ତ୍ୱ । ଜେଡ୍ଡକି ଲକ୍ଷ୍ମୀ ଜିସୁକିରିସ୍ତର୍ତ୍ତ୍ୱପାଈ ତୁଈ କର୍ତ୍ତ୍ୱା କାମ୍ ବିରତ୍ତ୍ୱ କଲାଈନି, ସେମନ୍ ସତ୍ତ୍ୱ ଲାଜ୍ ଅଈଜିବାଈ । କାଈକେବଈଲେ ଆମ୍ବକେ ନିନ୍ଦା କର୍ତ୍ତ୍ୱାକେ ତାକର୍ତ୍ତ୍ୱାନେ କାଈଟା ନ ରଥ ।

୯ ତର୍ତ୍ତ୍ୱ ମଣ୍ଡଲିମନ୍ତ୍ୱକେ ରଈକବା ଗତିଦାଈତ୍ତ୍ୱାମନ୍ତ୍ୱକେ ତାକର୍ତ୍ତ୍ୱ ସାଈକାର୍ତ୍ତ୍ୱମନ୍ତ୍ୱକେ ମାନିକକରି ରଈକବାକେ ସିକା । ତାକର୍ତ୍ତ୍ୱ କର୍ତ୍ତ୍ୱା କାମ୍ ଦେକି ସାଈକାର୍ତ୍ତ୍ୱମନ୍ ସାର୍ତ୍ତ୍ୱା ଅଥତ୍ତ୍ୱ ଆରି ସାଈକାର୍ତ୍ତ୍ୱମନ୍ତ୍ୱକେ ସେମନ୍ ଗଣ୍ଡ ନ ଲାଗାଅତ୍ତ୍ୱ । ୧୦ ସାଈକାର୍ତ୍ତ୍ୱ କାଈ ଜିନିସ୍ତ୍ୱ ନ ଚରାଈକକରି ସତ୍ତ୍ୱବେଲେ ଦରମ୍ ଚଲାଟଲ୍ଡି କର । ସେମନ୍ତ୍ୱକେ ସାଈକାର୍ତ୍ତ୍ୱ ବିସ୍ତ୍ୱାସ୍ତ୍ୱ କର୍ତ୍ତ୍ୱାଟ୍ତ୍ୱ ଆଟେ । ତାକର୍ତ୍ତ୍ୱ ନିକ ଚଲାଟଲ୍ଡି କର୍ତ୍ତ୍ୱାଟା ଦେକି ଆମ୍ବକେ ମୁକ୍ତି ଦେବା ପରମେସର୍ତ୍ତ୍ୱ କର୍ତ୍ତ୍ୱା ସୁନ୍ଦବାକେ ଲକ୍ଷ୍ମୀମନ୍ ମନ୍ କର୍ତ୍ତ୍ୱାଈ ।

୧୧ କାଈକେ ବଈଲେ ପରମେସର୍ତ୍ତ୍ୱ ଗୁଲାଈ ମୁନ୍ତ୍ୱସ୍ତ୍ୱଜାତିକେ ପାପେଅନି ମୁକ୍ତି କର୍ତ୍ତ୍ୱାକେ ତାର୍ତ୍ତ୍ୱ ଦୟା ଦେକାଈଲା ଆଟେ । ୧୨ ସେ ଦୟା କଲାକେ, କାରାପ୍ ଚଲାଟଲ୍ଡି କର୍ତ୍ତ୍ୱାଟା ଗାତିକରି, ବିସ୍ତ୍ୱାସ୍ତ୍ୱ ନ କର୍ତ୍ତ୍ୱା ଲକ୍ଷ୍ମୀମନ୍ କର୍ତ୍ତ୍ୱା ଚଲାଟଲ୍ଡି ନ କରି, ସେମନ୍ ଲାଲୁସା ଅଈକବା ବିସଇ ମନ୍ ନ କର୍ତ୍ତ୍ୱାକେ ପର୍ତ୍ତମେସର୍ତ୍ତ୍ୱ ଆମ୍ବକେ ସିକାଈଲାନି । ତାର୍ତ୍ତ୍ୱ ବାପୁଲେ ଜେଡ୍ଡକି ଦିନ୍ ଆମେ ଏ ଜଗତେ ବଈଟିଆତ୍ତ୍ୱ, ସେଡ୍ଡକି ଦିନ୍ ନିଜେ ଜାଗରତ୍ତ୍ୱ ରଈ, ଦରମ୍ ଚଲାଟଲ୍ଡି କରି ତାକେ ସାର୍ତ୍ତ୍ୱା କରାଈବାକେ ସେ ଆମ୍ବକେ ବପୁ ଦେଲାନି । ୧୩ ଜନ୍ ବଡ୍ ଦିନ୍ ଆଈକବାକେ ଆମେ ଜାଗିଆତ୍ତ୍ୱ, ସେଡ୍ଡକି ଦିନ୍ ଜାକ ଏନ୍ତ୍ୱରିସେ ଚଲାଟଲ୍ଡି କରୁ । ସେ ଦିନେ ଜିସୁକିରିସ୍ତର୍ତ୍ତ୍ୱ ଜେକି ଆମର୍ତ୍ତ୍ୱ ପର୍ତ୍ତମେସର୍ତ୍ତ୍ୱ ଆରି ମୁକ୍ତିକାରିଆ, ତାର୍ତ୍ତ୍ୱ ସତ୍ତ୍ୱ ତାକ୍ପୁଟା ସଈ ଏ ଜଗତେ ବାଈଡିଆଈସି । ୧୪ ✧ ✧ ✧ ଜିସୁ କିରିସ୍ତର୍ତ୍ତ୍ୱ ଆମର୍ତ୍ତ୍ୱ ଲାଗି ମର୍ତ୍ତ୍ୱାକେ ନିଜେ ସର୍ତ୍ତ୍ୱପିଅଈଲା । ପାପର୍ତ୍ତ୍ୱ ବାନ୍ଦନେଅନି ମୁକ୍ତିଲାଈବାକେ ଆରି ତାର୍ତ୍ତ୍ୱପାଈ ସୁକଲ୍ ଲକ୍ଷ୍ମୀ କରାଈବାକେ ସେ ଏନ୍ତ୍ୱି କଲା । ସେ ଦେକ୍ତ୍ୱା ଈସାବେ, ଦରମ୍ କାମ୍ କର୍ତ୍ତ୍ୱାକେ ବେସି ମନ୍ କର୍ତ୍ତ୍ୱା ଲକ୍ଷ୍ମୀ ଅଈକବାକେ ମିସା ।

୧୫ ତେବର୍ତ୍ତ୍ୱପାଈ ତିତସ୍ତ୍ୱ, ତୁଈ କିରତେ ରଈକବା ବିସ୍ତ୍ୱାସିମନ୍ତ୍ୱକେ, ମୁଈ ତକେ କଈରଈକବା ସତ୍ତ୍ୱ ବିସଇ ସିକାଈଦେସ୍ତ୍ୱ । ଏ ସତ୍ତ୍ୱ ବିସଇ କର୍ତ୍ତ୍ୱାକେ ସାର୍ତ୍ତ୍ୱା କରା ଆରି ନ କଲେ ସେମନ୍ତ୍ୱକେ ଜାଗରତ୍ତ୍ୱ କରା । ସେନ୍ତ୍ୱାରି କର୍ତ୍ତ୍ୱାକେ ତର୍ତ୍ତ୍ୱ ଅଦିକାଟ୍ତ୍ୱ ଆଟେ । ତୁଈ ସିକାଈଲା ବିସଇମନ୍ତ୍ୱ କେ ମିସା ନିତ୍ତ୍ୱ ଈସାବେ ନ ନାମତ୍ତ୍ୱ ।

୩

ବିସ୍ତ୍ୱାସି ମନ୍ତ୍ୱ କାତାବାର୍ତ୍ତ୍ୱା

୧ ସାସନ୍ତ୍ୱକାରିଆ ଆରି ଅଦିକାରିମନ୍ତ୍ୱ ତଲେ ରଈକକରି ସେମନ୍ ତିଆର୍ତ୍ତ୍ୱଲାଟା ମାନିକକରି ରଈକବାକେ ମଣ୍ଡଲିର୍ତ୍ତ୍ୱ ବାଈବଈନିମନ୍ତ୍ୱକେ ଏତାଈଦେସ୍ତ୍ୱ । ବିନ୍ ଲକ୍ଷ୍ମୀକେ କାଈ ସାଈଜ ମିସା କର୍ତ୍ତ୍ୱାକେ ଜାଗରତ୍ତ୍ୱ ଅଈରଅତ୍ତ୍ୱ । ୨ ବିନ୍ ଲକ୍ଷ୍ମୀ ବିସଇ ମିର୍ତ୍ତ୍ୱ ନ କଈ ସତ୍ତ୍ୱର୍ତ୍ତ୍ୱ ସଈ ସାନ୍ତ୍ୱିସଈ, ଆଲାଦେ, ମନ୍ତ୍ୱବିତ୍ତ୍ୱରେ ଦରମ୍ବରଈ ମିସିବିତି ରଅତ୍ତ୍ୱ । ୩ କାଈକେବଈଲେ ଗଟେକ୍ତ୍ୱ ବେଲାଈ ଆମେମିସା ବକୁଆ ଲକ୍ଷ୍ମୀପାରା ରଈ ପର୍ତ୍ତମେସର୍ତ୍ତ୍ୱ କାତା ନ ମାନିକକରି, ବୁଲ୍ ବିସଇ କର୍ତ୍ତ୍ୱାକେ ରଈଲୁ । ଆମର୍ତ୍ତ୍ୱ ପାପର୍ତ୍ତ୍ୱ ଗୁନ୍ତଚଲନ୍ତ୍ୱ ଈସାବେ ଜେଡ୍ଡକି ସତ୍ତ୍ୱ ବିସଇ ରଈଲା, ସେଟା ସତ୍ତ୍ୱ ସାର୍ତ୍ତ୍ୱାସଈ କର୍ତ୍ତ୍ୱାକେ ରଈଲୁ । ବିନ୍ ଲକ୍ଷ୍ମୀ ତିପୁଲ୍ କାତା ଗୁଲାଈବାଟେ ବିଚିକି ସେମନ୍ତ୍ୱକେ ଈସା କର୍ତ୍ତ୍ୱାକେ ରଈଲୁ । ସେମନ୍ ଆମ୍ବକେ ଗିନ୍ କର୍ତ୍ତ୍ୱାକେ ରଈଲାଈ, ଆମେମିସା ସେମନ୍ତ୍ୱକେ ଗିନ୍ କର୍ତ୍ତ୍ୱାକେ ରଈଲୁ । ୪ ମାତର୍ତ୍ତ୍ୱ ଆମେ ସେନ୍ତ୍ୱାରି ଚଲାଟଲ୍ଡି କର୍ତ୍ତ୍ୱାକେ ରଈଲେ ମିସା ଆମର୍ତ୍ତ୍ୱ ମୁକ୍ତିକାରିଆ ପର୍ତ୍ତମେସର୍ତ୍ତ୍ୱ ନିଜର୍ତ୍ତ୍ୱ ଦୟା ଆରି ଆଲାଦ୍ ଆମ୍ବକେ ଦେକାଈଆଟେ । ୫ ପାପର୍ତ୍ତ୍ୱ ତଣ୍ଡେଅନି ସେ ଆମ୍ବକେ ମୁକ୍ତିଲାଈଲା । ଆମେ ଦରମ୍ କାମ୍ କଲାଟ୍ତ୍ୱପାଈ ସେ ଆମ୍ବକେ ଏନ୍ତ୍ୱି କରେନାଈ । ମାତର୍ତ୍ତ୍ୱ ସେ ଆମ୍ବକେ ଜିବନ୍ ଦୁକାଈ ଦୟା ଦେକାଈଲାକେସେ । ସୁକଲ୍ ଆତ୍ତ୍ୱା ଦେଈକକରି ସେ ଆମ୍ବକେ ରକିଆ କଲା । ଜେକି ଆମର୍ତ୍ତ୍ୱ ସତ୍ତ୍ୱ ପାପ୍ ଦଈକକରି ନୁଆ ଜିବନ୍ ଦେଲା । ୬ ଆମର୍ତ୍ତ୍ୱ ରକିଆକାରି ଜିସୁକିରିସ୍ତର୍ତ୍ତ୍ୱ କଲା କାମର୍ତ୍ତ୍ୱାଗି ପର୍ତ୍ତମେସର୍ତ୍ତ୍ୱ ଏଟା କଲା । କାଈ ମୁଲିଅ ନ ଦେଈ ଜେଡ୍ଡକି ବଈଲେ ସେଡ୍ଡକି ଆମ୍ବକେ ସୁକଲ୍ଆତ୍ତ୍ୱା ଦେଲା ଆଟେ । ୭ ପର୍ତ୍ତମେସର୍ତ୍ତ୍ୱ ଆମ୍ବକେ ତାର୍ତ୍ତ୍ୱ ପିଲାଟକି କର୍ତ୍ତ୍ୱାକେ ଏନ୍ତ୍ୱାରି କଲା ଆଟେ । ତାର୍ତ୍ତ୍ୱସଈ କାଲ୍କାଲ୍ କୁଗ୍ତ୍ୱୁଗ୍ତ୍ୱୁ ବଈଟ୍ତ୍ୱାକେ ଆମେ ଆସା କର୍ତ୍ତ୍ୱାଟ୍ତ୍ୱ ଅଈସି । ଆମର୍ତ୍ତ୍ୱପାଈ ରଈକବା ତାର୍ତ୍ତ୍ୱ ବଡ୍ ଦୟାଟ୍ତ୍ୱାଗି, ତାର୍ତ୍ତ୍ୱ ମୁଆଟେ ଦସି ଈସାବେ ନ ଦେକେ । ପର୍ତ୍ତମେସର୍ତ୍ତ୍ୱ ଆମ୍ବକେ କାଈ ଦସ୍ତ ନ କଲା ଲକ୍ଷ୍ମୀକି ଜାନାଈଆଟେ । ୮ ମୁଈ ତକେ ଲେକିରଈକବା ଏ ସତ୍ତ୍ୱ ବିସଇ ସତ୍ତ୍ୱ ବଲି ମାନିଅଈସି ।

✧ ୨:୧୪ ୨:୧୪ ୧ ମ ପିତ୍ତ୍ୱ ୨:୯

ତେବତ୍ତପାଇ ମୁଞ୍ଚ ତକେ ବାବୁଜିଆକରି କଇଲିନି, ତୁଞ୍ଚ ସିକାଇବାବେଲେ ଏ ସବୁ ବିସଇ ନ ପାସ୍ତରି ଏତାଇତେ ର । ଜେନ୍ତାରିକି ପରମେସରକେ ଜେଡ଼କି ଲକ୍ ବିସ୍ତବାସ୍ କରୁବାଇ, ସେମନ୍ ସବୁ ଦରମ୍ କାମ୍ କରୁବାକେ ମନ୍ଦିଆନ୍ ଦେବାଇ । ଏନ୍ତାରି ସିକିଆ ଦେଲେ ସବୁ ଲକ୍ତପାଇ ସେଟା ନିକ ଆରି କାମ୍‌କେ ଆଇସି । ୯ ମାତର୍ ଜନ୍ ଲକ୍‌ମନ୍ କାଇ ଲତାକେ ନ ଆଇବା ବିସଇତ୍ତପାଇ ଦଦାପେଲା ଅଇବାଇ, ଆରି ତାକର୍ କୁଟୁମର୍ ଆନିଦାଦିମନ୍‌ର ବିସଇ କଇ ଲାଗିରଇବାଇ, ତୁଟାଇ ତୁଟାଇ ଦଦାପେଲା ଅଇବାଇ ଆରି ମସା ମିଲାଇରଇବା ରିଡିନିଡି ବିସଇନେଇ ଲାଗାଲାଗି ଅଇବାଇ, ସେନ୍ତାରିଟାମେ ପୁରନାଇ । କାଇକେବଇଲେ ଏଟା କାକେ ଲତାକେ ନ ଦେଏ, ଆରି ତୁଟାଇସେ । ୧୦ ବିସ୍ତବାସିମନ୍‌ର ବିଡ଼ରେ ଜଦି କେ ମିସା ଗଟେକ୍ ବେଗ୍‌ଲାଇବା ଲକ୍ ରଇଲେ, ତାକେ ତାଟ୍ ସଙ୍ଗ୍ କଇକରି ଚାଡାଇଦେସ୍ । ସେ ନ ଚାଡ଼ଲେ ଆରିତରେକ୍ ଜାଗରତା କରା । ତାରପତେ ମିସା ସେ କରିଲାଗିରଇଲେ ତାକେ ଚାଡ଼ିଦେସ୍ । ୧୧ ଏନ୍ତାରି ଲକ୍ ସଡ଼ ବିସଇତେଇଅନି ମନ୍ ବାଉଡାଇଲା ଆଟେ ବଲି ତୁଞ୍ଚ ଜାନିପାରୁସ୍ । ତାର ପାପରଲାଗି ସେ ପରମେସର ମୁଆଟେ ଦସ୍ କରିଆଟେ ବଲି ଲକ୍‌ମନ୍ ନିକସଙ୍ଗ୍ ଜାନିବାଇ ।

ସାରାସାରି ବେଲର୍ କାତା

୧୨ *ତକେ ସାଇଜ କରୁବାକେ ମୁଞ୍ଚ ଆରତେମସ୍‌କେ ନଇଲେ ତେକିକସ୍‌କେ ପାଟାଇବି । ଆକର୍ ବିଡ଼ରେ କେ ଆଲେ ଆଇଲେ, ତୁଞ୍ଚ ତେଇଅନି ବାରଇ ନିକପଲି ନଅରେ ମକେ ବେଟ୍ ଅଇବାକେ ଆଉ । କାଇକେବଇଲେ ସିଡ଼ମାସ୍ ସାରୁବାଜାକ ତେଇ ରଇବାକେ ମୁଞ୍ଚ ମନ୍ କଲିନି । ୧୩ *ଜିନି ନାଉର୍ ଗଟେକ୍ ଅକିଲ୍ ଆରି ଆପଲ୍ ନାଉର୍ ଆରିଗଟେକ୍ ଲକ୍ ଜିବାକେ ବାରଇବାବେଲେ, ସେମନ୍‌କେ ଜେଡ଼କି ସାଇଜ ଲତା ଆଟେ, ସେଟା ସବୁ କରିଦେସ୍ । ସେମନ୍‌କେ ଲତାକେ ଆଇବାଟା ଜାଗାଇଦେସ୍ । ୧୪ ସେଟାକେ ଚାଡ଼ି କିରତେରଇବା ଆମର୍ ସବୁ ବିସ୍ତବାସି ବାଇବଇନିମନ୍, ଦରମ୍ କାମ୍ କରୁବାଟା ନ ଚାଡ଼ିକରି, ପାଇଟିକାବାଡ଼୍ କରତେରଅଡ଼ । ସେନ୍ତାରି କଲେ, ଅବାବେ ରଇଲା ଲକ୍‌ମନ୍‌କେ ଦେଇପାରୁବାଇ । ଆରି ବିସ୍ତବାସିମନ୍ ବେକାର୍ ଜିବନ୍ ନ ବିତାଅଡ଼ ।

୧୫ ମର୍ ସଙ୍ଗ୍ ରଇବା ସବୁ ବିସ୍ତବାସିମନ୍ ତକେ ଜୁଆର୍ ଜାନାଇଲାଇନି । କିରତେରଇବା ଆମର୍ ବିସ୍ତବାସି ବାଇବଇନିମନ୍ ଜେଡ଼କିଲକ୍ ଆମ୍‌କେ ଆଲାଦ୍ କଲାଇନି, ସେମନ୍‌କେ ସବୁକେ ଆମର୍ ଜୁଆର୍ ଜାନାଇଦେସ୍ ।

ପରମେସର୍ ତାର୍ ଜିବନ୍ ତୁକାଇ ତମକେ ଦୟା ଦେକାଅ ।

* ୩:୧୨ ୩:୧୨ ପେରିଡ଼୍ ୨୦:୪; ଏପିସିୟ ୭:୨୧,୨୨; କଲସିଅ ୪:୭,୮; ୨ୟ ଡିମତି ୪:୧୨ * ୩:୧୩ ୩:୧୩ ପେରିଡ଼୍ ୧୮:୨୪; ୧ମ କରନ୍ଥ୍ରିୟ ୧୭:୧୨

ଫିଲିମନଙ୍କ ନିକଟକୁ ପାଉଲଙ୍କ ପତ୍ର ପାଉଲ୍ ପିଲିମନଙ୍କେ ଚିଠି ଲେଖିଲାଟା ଏ ବଇ ବିସଇରେ ଜାନବାଟା

ସବୁରଅନି ସାନ୍ ବଇ ପିଲିମନ ପେରିଡ଼ ପାଉଲ୍ ଲେଖିଲା ଆତେ ୧:୧ । ଜେତେବଲ୍ ସେ ଏ ବଇ ଲେଖିଲା ସେଡ଼କିବେଲେ ସେ ବନ୍ଦି ଗରେ ବନ୍ଦି ଅଇରଇଲା । ଜାନ୍ ଅରଡ଼ ଏଟା ଅଇପାରେ ସେ ରମ୍ପଦେସେଅନି ଲେଖିଆତେ । ଜଦି ସେ ରମ୍ପଦେସେ ରଇଲା କିରିସ୍ତ ଜନମର୍ ପାକାପାକି ୬୧ ବରସ୍ ପଟେ ଏ ଚିଠି ଲେଖି ରଇପାରେ । ଜନ୍ଟା କି ସେ ସମାନ୍ ବେଲାଇସେ କଲସିଅ ମଣ୍ଡଲିକେ ମିସା ଲେଖି ରଇସି । ସେ ଏ ଚିଠି ପିଲିମନ ନାଉଁର୍ ଗଟେକ୍ ଲକ୍‌କେ ଲେଖିଆତେ । ପିଲିମନ ଗଟେକ୍ ମଣ୍ଡଲିକ୍ ଲକ୍ ଆରି ଗତିଦାଙ୍ଗ୍‌ତାମନର୍ ସାଉକାର୍ ରଇଲା । ପାଉଲ୍ ଲେଖିଲାଜନି ଜେ, ସେ ଅନିସିମସ୍‌କେ ତଣ୍ଟ ନ ଦେଅ ଜେ କି ଚରିକରି ପିଲିମନର୍ ଟାନେଅନି ଦୁରିକେ ପାଲାଇରଇଲା । ରମ୍ପିୟ ନିୟମ୍ ଇସାବେ ପିଲିମନ ଅନିସିମସ୍‌କେ ମରନର୍ ତଣ୍ଟ ଦେବାର୍ ଅଦିକାର୍ ରଇଲା । ଅନିସିମସ୍‌କେ କିରିସେ ବାଇ ଇସାବରେ ତାକ୍‌ବାକେ ପିଲିମନଙ୍କେ ପାଉଲ୍ ବାଦିଅ କରି ବାବୁଜିଆ କରି ସାର୍‌ଦା ଦେଲାନି । ପାଉଲ୍ ଅନିସିମସ୍‌କେ ପିଲିମନର୍ ଜାଗାଇ ସେବା କାମ୍ କର୍‌ବାକେ ରାଜିଅଇବାକେ କଇଦେଲା । ୧:୧୩-୧୪

ଏ ବଇ ବିଡ଼ରେ ରଇଲାଟା

- ୧. ପାଉଲ୍ ପିଲିମନଙ୍କେ ଜୁଆର୍ ଜାନାଇବାଟା । ୧:୧-୩
- ୨. ପାଉଲ୍ ଅନିସିମସ୍‌ ବାଟେଅଇ ଅନିସିମସ୍‌କେ ଗଟେକ୍ କିରିସ୍‌ଟର୍‌ଡେଇ ଗଟେକ୍ ବାଇ ଇସାବେ ନାମ୍‌ବାକେ ପିଲିମନଙ୍କେ କଇଲାନି । ୧:୪-୨୧
- ୩. ପାଉଲ୍ ଗଟେକ୍ ଜାଗାଇଅନି ଆରି ଗଟେକ୍ ଜାଗାଇ ଜିବାକେ ରଇଲା ମନ୍‌ବିଡ଼ରର୍ କାତାକେ ଜାନାଇଲାନି ଆରି ଜୁଆର୍ ପାଟାଇଲାନି । ୧:୨୨-୨୫

୧ ମୁଇ ପାଉଲ୍ ଜେକି ଜିସୁକିରିସ୍‌ଟର୍ ଲାଗି ବନ୍ଦି ଆତି । ଆରି ଆମର୍ ବାଇ ତିମତି ।

ଆମେ ମିସିକରି ଆମର୍ ମଇଡର୍ ଆରି ସଙ୍ଗର୍ କାମ୍‌କରୁ ପିଲିମନଙ୍କେ ଏ ଚିଠି ଲେଖିଲୁନି । ୨ *ତର୍ ଗରେ ରୁଣ୍ଡିକରି ପାର୍‌ତନା କର୍‌ବା ମଣ୍ଡଲିକେ, ଆରି ଆମର୍ ବଇନି ଆପିୟାକେ, ଗଟେକ୍ ସନିଅ ପାରା ଆମର୍ ବିସ୍‌ବାସ୍‌ ଦେକାରକା କର୍‌ବା ଆରକିପସ୍‌କେ ମିସା ଏ ଚିଠି ଲେଖିଲୁନି ।

୩ ଆମର୍ ବାବା ପରମେସ୍‌ର୍ ଆରି ମାପୁରୁ ଜିସୁ କିରିସ୍‌ଟ ତାର୍ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

ପିଲିମନର୍ ଆଲାଦ୍ ଆରି ବିସ୍‌ବାସ୍

୪ ବାଇ ପିଲିମନ, ମୁଇ ଜେତେବେଲେ ମିସା ପାର୍‌ତନା କର୍‌ବା ବେଲେ, ତକେ ଏତାଇକରି ପର୍‌ମେସ୍‌ର୍‌କେ ଦନିଅବାଦ୍ ଦେଲିନି । * କାଇକେବଇଲେ ପର୍‌ମେସ୍‌ର୍‌ର ଲକ୍‌ରପାଇ ରଇବା ତମର୍ ଆଲାଦ୍ ଆରି ମାପୁରୁ ଜିସୁରଟାନେ ରଇବା ତମର୍ ବିସ୍‌ବାସ୍ ମୁଇ ସୁନିଆତି । ୬ କିରିସ୍‌ଟର୍ ସଙ୍ଗ୍ ଆମେ ମିସ୍‌ଲାର୍‌ପାଇ ଆମର୍ ଜିବନେ ଜେଡ଼କି ସର୍ ଆସିର୍‌ବାଦ୍ ପାଇଆରୁ, ସେଟା ସର୍ ନିକ ସଙ୍ଗ୍ ବୁଜିବାକେ ଆମେ ତମର୍ ସଙ୍ଗ୍ ରଇଲାବେଲେ, ବୁଜିପାରୁ ବଲି ମୁଇ ଆସା କଲିନି । ୭ ଏ ମର୍ ଆଲାଦର୍ ବାଇ, ତର୍ ଆଲାଦ୍ ମକେ ବେସି ସାର୍‌ଦା କରାଇଲା ଆତେ । ପର୍‌ମେସ୍‌ର୍‌ର ସରୁଲକର୍ ମନ୍ ମିସା ତୁଇ ସାର୍‌ଦା କରାଇ ଆରୁସ୍ ।

ଅନିସିମସ୍ ପାଇ ଗୁଆରି

୮ ତେବେ ଏଟାରୁଲାଗି କିରିସ୍‌ଟର୍ ପାଇ ଗଟେକ୍ ବାଇ ଇସାବେ ତକେ ତିଆର୍‌ବାକେ ମର୍ ପୁରାପୁରୁନ୍ ଅଦିକାର୍ ଆତେ । ୯ ମାତର୍ ମୁଇ ତକେ ଆଲାଦ୍ କଲିନି, ସେଟାରୁଲାଗି ଅବ୍‌କା ବାବୁଜିଆ କର୍‌ବି । ମୁଇ ପାଉଲ୍ କିରିସ୍‌ଟ ଜିସୁର୍ ମୁକିଅ କବର୍‌ନେଉ ଅଇରଇଲେମିସା, ତାରୁଲାଗି ଏବେ ମୁଇ ବନ୍ଦିଅଇଆତି । ୧୦ *ଅନିସିମସ୍ ଜେକି କିରିସ୍‌ଟର୍ ଲାଗି ମର୍ ନିଜର୍ ପଅ ପାରା ଅଇଗାଲା ଆତେ । ତାର୍ ବାବୁଲେ ମୁଇ ତକେ ବାବୁଜିଆ କଲିନି । ଆମେ ବନ୍ଦିଗରେ ରଇଲା ବେଲେ, ମୁଇ ତାର୍ ଆଡ଼ମା ଇସାବେ ରଇବା ବାବା

* ୧:୨ ୧:୨ କଲସିଅ ୪:୧୭ * ୧:୧୦ ୧:୧୦ କଲସିଅ ୪:୯

ପାରା ଅଇଆତି । ୧୧ ଗଟେକ୍ ବେଲାଇ ସେ ତର୍ପାଇ ଅବ୍‌କା ରଇଲା । ମାତର୍ ଏବେ ଆମର୍ ଦୁଇଲକର୍ ଲତାକେ ଲାଗିବା ଲକ୍ ଅଇଲା ।

୧୨ ମୁଇ ଏବେ ତାକେ ତର୍ ଲଗେ ପାଟାଇଲିନି । ମର୍ ଜିବନେ କାନ୍ଦି କାନ୍ଦି ଆତି । ୧୩ ତାକେ ବନ୍ଦିଗରେ ମର୍ ସଙ୍ଗ୍ ରଅ ବଲି ମନ୍ କରତେରଇଲି । ସୁବ୍ କବରର୍ ଲାଗି ତର୍ ବାଦୁଲେ ସେ ମକେ ଇତି ସାଇଜ କର୍ତା । ୧୪ ମାତର୍ ତୁଇ ମକେ ସାଇଜ କର୍ ଆକା ବଲି ବାଦିଅ କରନାଇ । ତୁଇ ନିଜେ ମନ୍‌କରି କଲେ, ମୁଇ ମନ୍ କର୍ତି । ତେବେ ତୁଇ ରାଜି ନ ଅଇତେ ମୁଇ କାଈଟା ନ କରି ।

୧୫ ଜେନ୍ତାରିକି ଅନିସ୍‌ମସ୍ ଆରି ତୁଇ, ସାଉକାର୍ ଆରି ଗତିଦାଙ୍ଗତା ପାରା ନ ଅଇ, ମର୍‌ବା ଜାକ ନିଜର୍ ବାଇ ଇସାବେ ରଇବାକେ, ଚନେକର୍‌ପାଇ ତର୍‌ଟାନେଅନି ଦୁରିକେ ରଇଲା । ୧୬ ଆରି ଏବେ ସେ ଅବ୍‌କା ଗତିଦାଙ୍ଗତା ନର୍, ମାତର୍ କିରିସ୍‌ଟର୍ ଲାଗି ଗଟେକ୍ ଆଲାଦର୍ ବାଇ ଅଇଆଚେ । ମୁଇ ତାକେ ବେସି ଆଲାଦ୍ କଲିନି । କିରିସ୍‌ଟର୍ ଲାଗି ଗଟେକ୍ ବାଇ ଇସାବେ ଆରି ଗତିଦାଙ୍ଗତା ଇସାବେ ସେ ତର୍‌ପାଇ କେତେକ୍ ଅଦିକ୍ ଆଲାଦର୍ ଲକ୍ ଅଇସି ।

୧୭ ତେବର୍‌ପାଇ ତୁଇ ମକେ ଜଦି ସଙ୍ଗ୍‌କାମ୍‌କରୁ ଇସାବେ ଦେକ୍‌ଲୁସ୍‌ନି, ଜେନ୍ତି ତୁଇ ମକେ ତାକିନେଇତୁସ୍, ସେନ୍ତାରିସେ ତାକେ ମିସା ତାକିନେ । ୧୮ ସେ ଜଦି ତର୍ କାଇ ପାପ୍‌ଦସ୍ କରି ରଇଲେ, କି କାଈଟା ଦେବାର୍ ରଇଲେ ସେଟା ମର୍ ରୁନ୍‌ବଲି ବାବ୍ । ୧୯ ଏବେ ମୁଇ ନିଜେ ଲେକ୍‌ଲିନି ମୁଇ ପାଉଲ୍ ତକେ ସୁଜ୍‌ବି । ତୁଇତା ମର୍ ରୁନି ଅଇ ଆରୁସ୍, ଏଟା ମୁଇ ତକେ ଏତାଇଦେବାକେ ଲତା ନାଇ । ୨୦ ତେବେ ତୁଇ ଜେକି କିରିସ୍‌ଟର୍ ଲାଗି ମର୍ ବାଇଅଇଆରୁସ୍ । ମର୍‌ପାଇ ଏ ଗଟେକ୍ କାମ୍ କରି ମକେ ସାର୍‌ଦା କିରାଆ ।

୨୧ ଏଟା ଲେକ୍‌ଲାବେଲେ, ମୁଇ ତାବ୍ ସଙ୍ଗ୍ ଜାନିଆତି, ମୁଇ ମାଙ୍ଗ୍‌ବା ବିସଇ ତୁଇ କର୍‌ସୁ ଆକା । ଦେକ୍‌ଲେ, ମାଙ୍ଗ୍‌ଲାତେଇଅନି ଅଦିକ୍ କର୍‌ସୁ । ୨୨ ଏଟାଟି ମର୍‌ପାଇ ଗଟେକ୍ ବାକରା ସାଜାତି ର । କାଇକେବଇଲେ, ତୁଇ ପାର୍‌ତନା କଲା ଇସାବେ ମୁଇ ତର୍‌ଲଗେ ଦାପ୍‌ରେ କେଟିପାର୍‌ବି ।

ଜୁଆର୍‌ବେବ୍

୨୩ ଏପାପୁରା ଜେକି କିରିସ୍‌ଟର୍ ଲାଗି ମର୍‌ସଙ୍ଗ୍ ବନ୍ଦିଅଇଆଚେ, ସେ ତାର୍ ଜୁଆର୍ ଜାନାଇଲାନି ।

୨୪ ଏସେନ୍ତାରିସେ, ମର୍ ସଙ୍ଗ୍‌କାମ୍ କରୁମନ୍ ମାର୍‌କ, ଆରିସ୍‌ତାକସ୍, ଦିମା ଆରି ଲୁକ୍ ମିସା ।

୨୫ ଆମର୍ ମାପୁରୁ ଜିସୁ କିରିସ୍‌ଟ ଜିବନ୍ ଦୁକାଇ ଦୟା ଦେକାଇଲାଟା ତମର୍ ସବୁର୍ ସଙ୍ଗ୍ ର ।

୧:୨୩ ୧:୨୩ କଲସିଅ ୧:୭:୪:୧୨ ୧:୨୪ ୧:୨୪ ପେରିର୍ ୧୨:୧୨, ୨୫:୧୩; ୧୫:୩୭-୩୯; କଲସିଅ ୪:୧୦; ପେରିର୍ ୧୯:୨୯:୨୭:୨; କଲସିଅ ୪:୧୦; କଲସିଅ ୪:୧୪; ୨ୟ ଡିମତି ୪:୧୦; କଲସିଅ ୪:୧୪; ୨ୟ ଡିମତି ୪:୧୧

ଏହି ମାନଙ୍କ ନିକଟକୁ ପଢ଼ ଏବ୍ରି ଲକ୍ଷ୍ୟମାନଙ୍କ ଲଗେ ଚିଟି ଲେଖିଲାଟା ଏ ବଇ ବିସଇରେ ଜାନ୍‌ବାଟା

ଏବ୍ରି ବଇ ଗଟେକ୍ ଲକ୍ଷ୍ୟମାନଙ୍କେ ସାର୍‌ଦା କରାଇବା ଚିଟି । ପୁରୁନା ନିୟମରୁ ବିନ୍ ବିନ୍ ବବିସତ୍ କାତା, ପୁରାପୁରୁନ୍ ଅଇରଇବା ବିସଇ ଏ ବଇଟାନେ ମିଲାଇବାର୍ ଅଇସି । ଏଟା ଗଟେକ୍ ଉପଦେସ୍ ଦେବା ବଇପାରା । ଇତି ପାକାପାକି ୭୦ ଅନି ଅଦିକ୍ ପୁରୁନା ନିୟମରୁ ବିସଇ ଆଚେ । ଜନଟାକି ଜିସୁ କିରିସ୍ତ କେନ୍ଦ୍ରବାବେ ବବିସତ୍ କାତା ଆରି ଜିଉଦି ପୁଜାରିମାନର୍ କରମ୍ ପୁରାପୁରୁନ୍ କଲା, ସେଟାମନ୍ ଏ ବଇଟାନେ ଆମେ ମିଲାଇବାର୍ ଅଇସି । ସେଟାର୍‌ପାଇ ଏଟା ଜିଉଦି ବିସବାସିମାନଙ୍କେ ଗଟେକ୍ ବପୁଦେବା ବଇ । ଜିସୁ ଜେନ୍ତାରି ରିଡିନିତି ମନ୍ ସାରାଇଲା, ଜନ୍‌ଟାକି ପୁଜାରିମନ୍ ଆରିତରେକ୍ କେବେ ବଲି ନ ଦେଅତ୍, ସେଟା ଏବ୍ରି ଚିଟିଟାନେ ଦେକାଇଆଚେ ।

ଜିସୁ କିରିସ୍ତ ଅଇଲାମି ସବୁରକାମର୍ ପାପର୍ ବଲି । ଏଟା ଗଟେକ୍‌ତରକେସେ ସବୁବେଲ୍‌ରୁପାଇ ଅଇସି । ଏବର୍ ଜୁଗର୍ ବିସବାସିମାନର୍‌ପାଇ ଏବ୍ରି ଲେକ୍‌ଲା ଚିଟିଟାନେ ବପୁ ରଇବାଟା ଡିସ୍‌ଲାମି । କିରିସ୍ତ ଆକା ଆମ୍‌କେ ପର୍‌ମେସରର୍ ସଙ୍ଗେ ରଇକରି ଜିଇବା କାଇବାଟା କରିପାର୍‌ସି ଆରି ତାକେ ଆସାକରି ତାର୍ ସଙ୍ଗେ ରଇବାର୍ ଆରି ଇଣ୍ଡୁବାର୍ ଅଇସି । ୧୨:୨ । ଏବ୍ରି ବଇ କେ ଲେକ୍‌ଲାଅଟାତ୍ ସେଟା ଏବେଜାକ ଜାନାପଡେନାଇ । ମାତର୍ ପଣ୍ଡିତ୍‌ମନ୍ ପେରିତ୍ ପାଉଲ୍ ଲୁକ୍ ନଇଲେ ବରୁନବା ଲେକିରଇବାଇ ବଲି କଇଆଚତ୍ । ଏଟା କେବେ ଲେକା ଅଇଲାଆଚେ, ସେଟାମିସା କେ ନାଜାନତ୍ । ମାତର୍ କେତେକ୍‌ଲକ୍ ଏଟା ଜିସୁକିରିସ୍ତ ଜନମ୍ ଅଇକରି ୭୦ କିରିସ୍‌ଟାବ୍‌ଦରେ ଲେକିଆଚତ୍ ବଲି ବିସବାସ୍ କଲାଇନି ।

ଜିରୁସାଲମା ମନ୍‌ତ୍ ୭୦ କିରିସ୍‌ଟାବ୍‌ଦରେ ନସ୍ତ ଅଇଗାଲା, ମାତର୍ ଏ ଚିଟିଲଗେ ଲେକ୍‌ଲା ଲକ୍, ଏଟା ନ ନସ୍‌ଲାପାରା କଇଲା ଆଚେ । ଏବ୍ରି ଚିଟି କଇବାକେ ଗାଲେ ରମିୟ ନଅରେ ଲେକା ଅଇରଇଲା । ୧୩:୨୪ ଆରି ବିନ୍ ବିନ୍ ମଣ୍ଡଲିମାନଙ୍କେ ବାଟାକରି ଦେଇରଇଲାଇ ।

ଏ ବଇ ବିତ୍‌ରେ ରଇବାଟା

୧. ଜେ ଲେକ୍‌ଲାଆଚେ ସେ ଜିସୁକିରିସ୍ତ ଅଇଲାମି ପର୍‌ମେସରର୍ ବବିସତ୍‌ବକ୍‌ତା ଦୁତ୍‌ମନର୍ ଟାନେମିସା ମୁକ୍ତିଅ ବଲି ଜାନାଇଦେଲାମି । ୧:୧-୪:୧୩
୨. ଲେକ୍‌ଲା ଲକ୍ ମିସା ଜାନାଇଦେଲାମି କି, ଜିରୁସାଲମେ ପୁଜାରି ଇସାବେ ସେବା କର୍‌ତେରଇବା ଲକ୍‌ମାନର୍‌ଟାନେ ମିସା ଜିସୁ ମୁକ୍ତିଅ । ୪:୧୪-୭:୨୮
୩. ପର୍‌ମେସର ମସାକେ ନିୟମ ଦେଇକରି ତାର୍ ଲକ୍‌ମାନର୍ ସଙ୍ଗେ କିରିରଇବା ରାଜିନାମା ଟାନେଅନି ଜିସୁର୍ ସେବା କର୍‌ବାଟା ମୁକ୍ତିଅ । ୮:୧-୧୦:୩୧
୪. ଲେକିରଇବା ଲକ୍ ଜିସୁକେ ସବୁକାମେ ମୁକ୍ତିଅ ବଲି ବୁଜାଇଦେଲାଆଚେ । ଆରି ସବୁର୍‌ପାଇ ଏ ଆଦେସ୍ ଦେଇଆଚେ । ୧୦:୩୨-୧୩:୧୭
୫. ଲେକ୍‌ଲା ଲକ୍ ଏ ଚିଟିଟାନେ କେତେଟା ବିସଇ ମୁରଟିକରି ରଇବାକେ ଆଦେସ୍ ଦେଲାଆଚେ । ଆରି ଜୁଆର୍‌ବିଆର୍ ଜାନାଇକରି ଏ ଲେକା ସାରାଇଆଚେ । ୧୩:୧୮-୨୫

ପଅର୍ ଲାଗି ମାପୁରୁ ବାକିଅ

^୧ ପର୍‌ମେସର ପୁରୁବେ ବିନ୍ ବିନ୍ ବେଲାଇ ଆରି ବିନ୍ ବିନ୍ ବାଟେ ବବିସତ୍‌ବକ୍‌ତା ମନ୍‌କେ ପାଟାଇକରି, ଆମର୍ ଆନିଦାଦିମାନର୍ ସଙ୍ଗେ କାତା ଅଇଲା । ^୨ ମାତର୍ ଏ ସେସ୍ କାଲେ ତାର୍ ପଅକେ ପାଟାଇକରି ତାର୍ କାତା ଜାନାଇ ଆଚେ । ତାର୍‌ଲାଗି ଏ ଜଗତ୍ ତିଆର୍ କଲାଆଚେ ଆରି ଜଗତର୍ ସବୁ ବିସଇର୍ ଉପରେ ତାକେ ଅଦିକାର୍ ଦେଲାଆଚେ । ^୩ ପର୍‌ମେସରର୍ ମଇମାର୍ ଉଜଲ୍ ମାପୁରୁ ଜିସୁଟାନେ ଡିସ୍‌ସି । ପର୍‌ମେସର ଜେନ୍ତାରି ଆଚେ, ତାର୍ ପଅ ସେନ୍ତାରିସେ । ଜନ୍ ବପୁର୍ ବାକିଅ ପଅ କାତା ଅଇସି, ସେ ବାକିଅ ସଙ୍ଗେ ତିଆର୍‌କଲାଟା ସେ ସାସନ୍ କର୍‌ସି । ଆମର୍ ପାପର୍ ଲାଗି କେମା କରିସାରାଇଲା ପଟେ, ସେ ସର୍‌ଗେ ବାଅଡ଼ଲା । ଆରି ସବୁର୍‌ତେଇଅନି ବପୁ ରଇବା ପର୍‌ମେସରର୍ ଉଜାବାଟେ ସାସନ୍ କର୍‌ବାକେ ବସ୍‌ଲା ।

ପରମେସରର୍ ପ ମୁକ୍ତିଆ

୪ ପରମେସରର୍ ତାର୍ ପଅକେ ସରଗର୍ ଦୁଡ଼ମନର୍ ଟାନେଅନି ମୁକ୍ତିଆ କଲା ଆରି ସେମନର୍ଟାନେଅନି ତାକେ ବଡ଼ ନାଉଁ ଦେଲା । ୫ କାଇକେବଇଲେ, ପରମେସରର୍ ତାର୍ କନ୍ ଦୁଡ଼କେ ମିସା ଏନ୍ତାରି କଏ ନାଇ, ତୁଇ ମର୍ ପଅ,

ଆଜିଅନି ମୁଇ ତର ବାବା ଅଇଲି ଆରି,

ତାର୍ କନ୍ ଦୁଡ଼ର ବିସଇ ଏନ୍ତାରି କଏନାଇ,

ମୁଇ ତର ବାବା ଅଇବି ଆରି

ସେ ମର୍ ପଅ ଅଇସି ।

୬ ମାତର୍ ପରମେସରର୍ ଜେତେବେଲେ ତାର୍ ପଶୁଆ ପଅକେ ଏ ଜଗତେ ପାଟାଇଲା, ସେ ଏନ୍ତାରି କଇରଇଲା,

ପରମେସରର୍ ଦୁଡ଼ମନ୍ ତାକେ ସେବା କରବାଇ ।

୭ ମାତର୍ ସରଗର୍ ଦୁଡ଼ମନର୍ ବିସଇନେଇ ପରମେସରର୍ ଏନ୍ତାରି କଇରଇଲା,

ପରମେସରର୍ ତାର୍ ଦୁଡ଼ମନ୍କେ ପବନ୍ ପାରା କଲାଆତେ ।

ଆରି ତାର୍ ଦାଙ୍ଗଡାମନ୍କେ ଲାଗବା ଜଇପାରା କଲାଆତେ ।

୮ ତାର୍ ପଅର୍ ବିସଇ ସେ ଏନ୍ତାରି କଇରଇଲା,

“ଏ ପରମେସରର୍ ତର ରାଇଜ୍ କାଲକାଲ୍ ଜୁଗଜୁଗ୍ ରଇସି, ଆରି କେବେ ନ ସାରେ ।

କାଇ ଅନିଆଇ ନ କରି ତର ଲକ୍ମନ୍କେ ସାସନ୍ କଲୁସିନି ।

୯ ସଡ଼ ବିସଇ ମନ୍କରି ବିନ୍ ବିସଇ ଗିନ୍ କଲୁସିନି ।

ତେବର୍ପାଇ ତର ପରମେସରର୍ ତକେ ବାଡ଼ଲାଆତେ ।

ସେ ତକେ ଆଲାଦ୍ କରି

ତର ସଙ୍ଗାରିମନର୍ ତେଇଅନି ଅଦିକ୍ ସନ୍ମାନ୍ ଦେଇ ସାର୍ଦା କରାଇଆତେ ।”

୧୦ ସେ ଏନ୍ତାରି ମିସା କଇଲାଆତେ,

“ଏ ମାପରୁ ଆରାମେ ଅନି ତୁଇ ଜଗଡ଼ ତିଆର୍ କରିଆରୁସ୍ ।

ଆରି ତର ନିଜର୍ ଆତେ ଆକାସ୍ ଆରି ତେଇ ରଇବା ସବୁଜାକ ତିଆର୍ କଲୁସ୍ ।

୧୧ ସେଟା ସବୁ ମାୟା ଅଇଜାଇସି, ମାତର୍ ତୁଇ ସବୁଦିନର୍ପାଇ ରଇସୁ ।

ସେଟା ସବୁ ପୁରନା ଲୁଗା ପାରା ଚିରି ଅଇଜାଇସି ।

୧୨ ଲୁଗା ଦୁନାଇକରି ସଙ୍ଗାଇଲା ପାରା ତୁଇ ସେଟାମନ୍କେ ସଙ୍ଗଇସୁ ।

ଆରି ଲୁଗା ପାଲଟନା କଲାପାରା ବାଦ୍ଲାଇସୁ ।

ମାତର୍ ନିଜେ ତୁଇ ନ ବାଦ୍ଲି କରି

କାଲ୍ କାଲ୍ ଜୁଗ୍ ଜୁଗ୍ ରଇସୁ ।”

୧୩ ପରମେସରର୍ ତାର୍ କନ୍ ଦୁଡ଼ମନ୍କେ ମିସା କଏନାଇ,

“ମୁଇ ତମର୍ ଦୁଡ଼ମନ୍କେ ତମର୍ ପାଦ୍ତଲେ

ନ ସଙ୍ଗଇବା ଜାକ

ମର୍ ରଜାବାଟେ ବସି ରୁଆ ।”

୧୪ ତେବର୍ପାଇ ପିଲାମନ୍ ସବୁ ରକଡ଼ ମାଉଁସ୍ ମିସି ରଇବାକେ ସେ ମିସା ନିଜର୍ ସେ ରକାମ୍ ସିତି ମିସିଗଲା, ଆରି ତାର୍ ମରନ୍ ସଙ୍ଗ୍ ମରନର୍ ଅଦିକାରି ସୟତାନ୍କେ ବିନାସ୍ କଲା ।

୨

ବଡ଼ ମୁକ୍ତି

୧ ଆମେ ଜେନ୍ତୁକି ସଡ଼ଟାନେଅନି ବିନେ ନ ବେଗଲୁ, ସେଟାପାଇ ଆମେ ସୁନିରଇବା ସଡ଼ ବାକିଅଟାନେ ଡାଁଟୁଅଇ ରଇବା ଦରକାର୍ । ୨ କାଇକେ ବଇଲେ ପୁରବେ ପରମେସରର୍ ସରଗ୍ ଦୁଡ଼ମନର୍ ଅନି ଜାନାଇ ଆତେ, ସେଟା ସଡ଼ ବଲି ପରମାନ୍ ଅଇଆତେ, ଜନ୍ ଲକ୍ମନ୍କେ ସେଟା ମାନଡ଼ ନାଇ, ସେମନ୍ ତଣ୍ଟ ପାଇଆତଡ଼ । ୩ ତେବେ ଏନ୍ତାରି ରଇବା ବଡ଼ ମୁକ୍ତି ଆମେ ଏଲା କରିଦେଲେ କେନ୍ତୁ ରକିଆ ପାଇବାର୍ ଅଇସି ? ଏ ମୁକ୍ତିର୍ ବିସଇ ପରତମେ ମାପରୁ ନିଜେ ଜାନାଇ ଆତେ ଆରି ତାର୍ଟାନେଅନି ସୁନିରଇବା ଲକ୍ମନ୍କେ ତେଇର୍ ସଡ଼ ଆମର୍ଟାନେ ପରମାନ୍ କରି ଜାନାଇ ଆତଡ଼ । ୪ ସେମନ୍ ପରମାନ୍ କଲାଟା ସଡ଼ ବଲି ପରମେସରର୍ ମିସା ସାକିଦେଲା । କାଇକେବଇଲେ ସେ ସେମନ୍କେ, କେତେ ରକାମର୍

ଚିନ୍ ଆରି କାବାଅଇଜିବା କାମ୍‌ମନ୍, ନ ଗର୍ବା ଗର୍ବନାମନ୍ କର୍ବାକେ ବପୁଦେଲା । ତାର୍ ମନ୍ କଲା ଇସାବେ ସୁକଲ୍‌ଆଡ଼ମାର୍ ଦାନ୍ ମିସା ସେମନ୍‌କେ ବାଟାକରି ଦେଇ ରଇଲା ।

ଜିସୁ ପୁରାପୁରୁନ୍ ବାବ୍‌ରେ ନରୁପ୍ ଦାରଲା

^୫ ପର୍ମେସର୍ ନୁଆ ଜଗଡ଼ ତିଆର୍ କର୍ସି । ଆରି ଆମେ ଜନ୍ ଜଗଡ଼ର୍ କାତା କଇଲୁନି, ତେଇର୍ ସାସନ୍ କର୍ବାକେ, ସେ ସରଗର୍ ଦୁଡ଼ମନ୍‌କେ ବାଟିକରି ମିସାଏ ନାଇ । ^୬ କାଇକେ ବଇଲେ ଦରମାସ୍‌ସତରେ ଏନ୍ତି ଲେକାଅଇଆରେ,

“ଏ ପର୍ମେସର୍, ମୁନୁସ୍ କେ ଜେ
ତମେ ତାର୍‌ପାଇ ଚିନ୍ତା କଲାସ୍‌ନି ?
ଆରି ମୁନୁସ୍ ଏତେକ୍ ଇନ୍ ଅଇଲେ ମିସା
ତାକେ ଜଡ଼ନ୍ କଲାସ୍‌ନି ।

^୭ ତମେ ତାକେ ସରଗର୍ ଦୁଡ଼ମନ୍‌ର ଟାନେଅନି ଅଲପ୍ ଉନା କରି ଆଗାସ୍ ।

ସେମନ୍‌କେ ମଇମା ଆରି ଡାକ୍‌ପୁଟା କରିଆଗାସ୍ ।

“ସବୁ ବିସଇର୍ ଉପରେ ସାସନ୍ କର୍ବାକେ ଅଦିକାର୍ ଦେଇଆଗାସ୍ ।”

ଇତି ଲେକାଅଇଆରେ, କାଇ ବିସଇ ନ ଚାଡ଼ି ମୁନୁସ୍‌କେ ସବୁ ବିସଇ ଉପରେ ସାସନ୍ କର୍ବାକେ ଦେଇଆରେ । ଇତିଅନି ଜାନାପତି ଗାଲାନିଜେ ସବୁ ବିସଇ ତାର୍ ଅଦିକାରେ ଆରେ । ମୁନୁସ୍ ଏବେ ସବୁ ବିସଇର୍ ଉପରେ ଅଦିକାର୍ କରେ ନାଇତା । ଏଟା ଏବେ ଆମେ ଜାନ୍‌ଲୁନି । ^୯ ଆମେ ଦେକ୍‌ଲୁନି, ଜିସୁ କେନ୍ତ୍ର ଚନେକର୍‌ପାଇ ସରଗର୍ ଦୁଡ଼ମନ୍‌ର ଟାନେଅନି ତଲେ ଅଇରଇଲା । ଆରି ଜେନ୍ତ୍ରକି ସେ ପର୍ମେସର୍‌ର ଦୟା ପାଇକରି ସବୁଲକର୍ ପାଇ ଜନ୍ ଦୁକ୍ କସ୍‌ଟ ପାଇକରି ମଲା, ସେ ମରନର୍ ଲାଗି ଏବେ ଆମେ ତାକେ ମଇମା ଆରି ଡାକ୍‌ପୁଟା ଅଇଲାଟା ଦେକ୍‌ଲୁନି । ^{୧୦} ପର୍ମେସର୍ ସବୁ ବିସଇ ତିଆରକରି ସଙ୍ଗଇଲା ଆରେ । ସେଟାର୍‌ପାଇ ଜିସୁକେ ଦୁକ୍ କସ୍‌ଟ ପାଇବାକେ ସେ ଦେଲା । ଏନ୍ତାରି ଅଇ ସେ ସିଦ୍ ଅଇଲା ଆରି ଆମର୍ ବିଡ଼ରେଅନି ବେସି ଲକ୍, ତାର୍ ପଅ ଅଇଗାଲୁ । ଜେନ୍ତାରି କି ଆମେ ମିସା ତାର୍ ମଇମା କଲାଟାନେ ମିସ୍‌ବୁ, କାଇକେବଇଲେ ଜିସୁ ପାପର୍ ତଣ୍ଡେଅନି ଆମ୍‌କେ ମୁକ୍‌ଲାଇଲା ।

^{୧୧} ସେ ଆମ୍‌କେ ପାପେ ଅନି ସୁକଲ୍ କଲାଆରେ । ଆରି ଆମେ ଜେ କି ସୁକଲ୍ ଅଇଆରୁ, ଆରି ଜେ କି ଆମ୍‌କେ ସୁକଲ୍ କରିଆରେ, ନରୁଲକ୍‌ମନ୍‌ର ଗଟେକ୍ ସେ ବାବା । ଏଟାର୍‌ଲାଗି ଜିସୁ ସେମନ୍‌କେ ବାଇବଇନି ବଲିକରି କଇବାକେ ଲାଜ୍ ଅଏ ନାଇ । ମାତର୍ ତାର୍ କୁଟୁମ୍ ବଲି ଡାକ୍‌ସି । ^{୧୨} ଜିସୁ ପର୍ମେସର୍‌କେ କଇଲା ଆରେ,

“ମୁଇ ତମର୍ ସବୁଜାକ କାମ୍ ମର୍ ବାଇମନ୍‌କେ ଜାନାଇବି ।

ସେମନ୍ ରୁଣ୍‌ଲାଟାନେ ତମ୍‌କେ ସୁମର୍‌ନା କର୍ବି ।”

^{୧୩} ସେ ଏନ୍ତାରି ମିସା କଇଲାଆରେ,

“ପର୍ମେସର୍‌ଟାନେ ମୁଇ ଆସା କର୍ବି ।”

ଆରି ସେ କଇଲା, “ପର୍ମେସର୍ ମକେ ଦେଲା ପିଲାଟକିମନ୍, ମର୍‌ସଙ୍ଗ୍ ଆତଡ଼ ।”

^{୧୪} ଇତି ଜନ୍ ଲକ୍‌ମନ୍‌କେ ପିଲାମନ୍ ବଲି ଡାକ୍‌ଲାଇନି, ସେମନ୍ ବନି ମାଉଁସ୍ ରଇବା ଗାଗଡ଼ ସଙ୍ଗର୍ ଲକ୍‌ମନ୍ । ଜିସୁ ମିସା ସେମନ୍‌ର ପାରା ଗଟେକ୍ ଗାଗଡ଼ ନେଲା ଆରି ତାକର୍ ଗୁନ୍‌ତଲନ୍‌ଡେଇ ମିସ୍‌ଲା । ତାର୍ ମରନର୍ ଲାଗି ସେ ମରନର୍ ଉପରେ ବପୁ ରଇବା ସଇତାନ୍‌କେ ପୁରାପୁରୁନ୍ ବାବେ ଆରାଇଲା । ^{୧୫} ଜନ୍ ଲକ୍‌ମନ୍ ମରନ୍‌କେ ଡରିକରି ରଇଲାଇ, ସେଟାର୍ ପାଇ ସେମନ୍ ଜନମେ ଅନି ଗତିଦାଙ୍ଗ୍‌ତା ପାରା ଅଇରଇଲାଇ । ସେମନ୍‌କେ ସେ ମରନର୍ ତଣ୍ଡେଅନି ମୁକ୍‌ଲାଇଲା । ^{୧୬} ଇତିଅନି ନିକ କରି ଜାନିଅଇଲାନି ଜେ, ସେ ସରଗର୍ ଦୁଡ଼ମନ୍‌କେ ସାଇଜ କରେନାଇ । ତାର୍ ବାଦୁଲେ ଆମେ ଜନ୍‌ଲକ୍‌ମନ୍ କି ଅବରାଆମର୍ ବସ୍‌ସର୍ ନାତିଡିଡି ବଲି ଏଜାଇଅଇଲୁନି, ସେ ଆମ୍‌କେ ସାଇଜ କଲାନି । ^{୧୭} ତେବର୍ ପାଇ ସେଟା ଦର୍‌କାର୍ ରଇଲା ଜେ ଆମେ ଜନ୍‌ଲକ୍‌ମନ୍‌କି ତାର୍ ବାଇବଇନି ଅଇଲୁଆରୁ, ସେ ସମାନ୍ ଆମର୍ ପାରା ଅଇରଇବାକେ । ସେନ୍ତାର୍ ଆଲେ ସେ ଆମର୍ ପର୍ମେସର୍ ଟାନେ ରଇବା ସଡ଼ସଙ୍ଗ୍ ଆରି ଦୟାସଙ୍ଗ୍ ରଇବା ବଡ଼ ପୁଜାରି । ସେ ଆମର୍ ବଡ଼ ପୁଜାରି ଅଇଲାକେ ଆମର୍ ପାପର୍ କେମା ଅଇଲା । ^{୧୮} ସେ ଦୁକ୍‌କସ୍‌ଟ ପାଇଲା ଆରି ପରିକା କରାଇ ଅଇଲା, ଏବେ ଆମେ ଜେଡ଼କି ଲକ୍ ପରିକା କରାଇଅଇଲୁନି, ଆମ୍‌କେ ସବୁକେ ସାଇଜ କରିପାରସି ।

୩

ଜିସୁ କିରିସ୍ତ ମସାବ୍ ଚାନ୍ତୁ ବଡ଼

^{୧୧} ଏ ମରୁ ବିସବାସି ବାଜବଜନିମନ୍, ଜନ୍ମଲକ୍ଷ୍ମୀମନ୍‌କେ କି ପରମେସ୍‌ବର ତାରୁ ଲକ୍ଷ୍ମୀ ବଲି ବାଟୁଲା ଆଚେ, । ଆମେ ଜିସୁରୁ ବିସଇ ଅଲପ୍‌ ବାବିଦେକୁ । କାଲକେବଇଲେ ଜେଡ଼କି ସବୁ ବିସଇ ଆମରୁ ବିସବାସରୁ ଲାଗି ଆଚେ, ତାକେ ସେ ପରମେସ୍‌ବର ବଡ଼ ପୁଜାରି ଇସାବେ ପାଟାଜଲା । ^{୧୨} ମସା ଜେନ୍ତାରି ପରମେସ୍‌ବର କୁଟୁମେ ସଡ଼ ବାବେ କାମ୍ କଲା, ସମାନ୍ ସେନ୍ତାରିସେ, ସେ ମିସା ସଡ଼ ବାବେ ପରମେସ୍‌ବର ଆଦେସ୍ ମାନ୍‌ବାକେ ସଡ଼ ସଙ୍ଗ୍ କଲା ଆରି ପରମେସ୍‌ବରସେ ତାକେ ବାଟି ପାଟାଜରଇଲା । ^{୧୩} ଗର୍ତ୍ତେଇଅନି ଗରୁ ତିଆରକଲା ମେସ୍‌ବୁରି ଅଦିକ୍ ସମ୍‌ମାନ୍ ପାଇସି । ସେନ୍ତାରିସେ ଜିସୁ ମସାବ୍‌ଚାନ୍ତେଅନି ଅଦିକ୍ ବଡ଼ ବଲି ସମ୍‌ମାନ୍ ମିଲ୍‌ସି । ^{୧୪} କାଲକେବଇଲେ ସବୁ ଗରୁ ମେସ୍‌ବୁରିସେ ତିଆର୍ କରୁସି । ମାତରୁ ପରମେସ୍‌ବର ସବୁ ବିସଇ ତିଆର୍ କଲାଆଚେ । ^{୧୫} ମସା ଗତିଦାଙ୍ଗ୍‌ତା ଇସାବେ ପରମେସ୍‌ବର ଗରେ କାମ୍ କରତେରଇଲା, ଆରି ପରମେସ୍‌ବର ଜନ୍‌ଗା ଆଇବା ଦିନ୍‌ମାନ୍‌କେ ଜାମାଈସି, ସେଟାଆକା ସେ କଇରଇଲା । ^{୧୬} ମାତରୁ କିରିସ୍ତ ଅବ୍‌କା ଗତିଦାଙ୍ଗ୍‌ତାସେ ନ ରଇ ଗଟେକ୍ ପଥ ରଇଲା । ତାରୁ ବାବାରୁ ଗରେ ରଇବା ସବୁ ଦାଈଡ଼ ସେ ସଡ଼ ବାବେ କଲା । ଆମେ ଜଦି ମୁର୍ତ୍ତିରଇକରି ଆସା କଲାଟା ମିଲାଈବୁ ବଲି ଜାଗିରଇଲେ, ତାରୁ କୁଟୁମେ ମିସବୁ ।

ଇସ୍‌ପରରୁ ଲକ୍ଷ୍ମୀମନ୍ ପୁଣ୍ଡବାଟା

^{୧୭} ସୁକଲ ଆଡ଼ମା ଜେନ୍ତାରି କଇଲାନ୍ତି,
 “ଆଜି ଜଦି ତମେ ପରମେସ୍‌ବର କାତା ସୁନ୍‌ସା,
 “ଜେନ୍ତାରୁ, ମରୁବାଲି ବୁର୍‌ସ୍‌ ତମରୁ ଆନିଦାଦିମନ୍ ମାପରୁକେ ପରିକା କଲାଇ
 ଆରି ତାରୁ ବିରଦେ ଚିଆ ଅଇଲାଈ,
 ସେ ରକାମ୍ ତମେ ନିଜରୁ ମନ୍ ଆର୍ଟ୍ କରାନାଇ ।”

^{୧୮} କାଲକେବଇଲେ ସେ ଜେଡ଼କି କରିରଇବା କାବାଅଇଜିବା କାମ୍‌ମନ୍ ଚାଲିସ୍‌ ବରସ୍‌ଜାକ ଦେକ୍‌ଲେ ମିସା, ସେମନ୍ ତାରୁ ବପୁକେ ପରିକା କରିଲାଗିରଇଲା ।

^{୧୯} ସେଟାରୁପାଇ ପରମେସ୍‌ବର ସେ ଲକ୍ଷ୍ମୀମନ୍‌କେ ରିସାଅଇଲା, ଆରି କଇଲା, ସେମନ୍ ବେଗଲିକରି ବିନ୍ ବିସଇମନ୍ କରିଲାଗିଆଚଡ଼ । ମୁଇ ତିଆରୁଲାଟା କରବାକେ ନିର୍‌ଲାଇନି ।

^{୨୦} ସେଟାରୁ ପାଇ ମୁଇ ରିସାଅଇ ସପଡ଼କରି କଇଲି, ମୁଇ ଜନ୍‌ଦେସେ ପୁଣ୍ଡବାକେ ଦେଇତି, ସେ ଦେସେ କେବେ ମିସା ତମକେ ପୁରବାକେ ନ ଦେଇ ।

^{୨୧} ତେବରୁ ପାଇ ଏ ମରୁ ବିସବାସି ବାଜବଜନିମନ୍, ଜାଗରତାଅଇ ରୁଆ, ଜେନ୍ତାରିକି ତମରୁ ବିଡ଼େଅନି କେ ମିସା କାରାପ୍ ମନ୍ ରଇକରି ପରମେସ୍‌ବରକେ ବିସବାସ୍ ନ କରା, ଆରି କେ ମିସା ଜିବନ୍ ରଇବା ପରମେସ୍‌ବର ଚାନ୍ତେଅନି ବେଗଲି ନ ଜା । ^{୨୨} ତମରୁ ବିଡ଼ରେ କେ ମିସା ପାପରୁଲାଗି ନାତାଇ ଅଇବାରୁ ନାଇ । ସେଟାରୁଲାଗି ତମରୁ ମନ୍ ଆର୍ଟ୍ ଅଇଜାଇସି । ଆମରୁ ଜିଇବାକାଇବା ଦିନ୍ ସାରୁବାଜାକ ଆମେ ଗଟେକ୍ ଲକ୍ଷ୍ ଆରି ଗଟେକ୍ ଲକ୍ଷ୍‌କେ ଏ ବିସଇ ଜାଗରତୁ କରାଇବାରୁ ଆଚେ । ^{୨୩} କାଲକେବଇଲେ ଆମେ ଜଦି ସାରାସାରି ଦିନ୍ ଜାକ ଆମରୁ ବିସବାସ୍ ଡାଟ୍ ସଙ୍ଗ୍ ଦାରିରଇବୁ, ସେନ୍ତାରିଆଲେ ଆମେ ସବୁଲକ୍ କିରିସ୍‌ଟରୁ ସଙ୍ଗ୍ ବାଗ୍ ନେଇ ମିସିକରି ରଇବୁ ।

^{୨୪} ଦରମ୍‌ସାସ୍‌ତରେ ଏନ୍ତାରି ଲେକା ଅଇଲାଆଚେ
 “ଜଦି ତମେ ଆଜି ପରମେସ୍‌ବର ବାକିଅ ସୁନ୍‌ସା,
 ତମରୁ ଆନିଦାଦିମନ୍ ଜେନ୍ତି ତାକରୁ ମନ୍ ଆର୍ଟ୍‌କରି ତାକେ ବିରଦ୍ କଲାଈ,
 ସେନ୍ତାରି ତମରୁ ମନ୍ ଆର୍ଟ୍ କରାନାଇ ।”

^{୨୫} ପରମେସ୍‌ବର ବାକିଅ ସୁନିକରି ମିସା ଜେଡ଼କି ଲକ୍ଷ୍ ତାକେ ବିରଦ୍ କଲାଈ, ସେ ଲକ୍ଷ୍‌ମନ୍ କେ ? ଜନ୍ ଲକ୍ଷ୍‌ମନ୍‌କେ ମସା ମିସବ୍‌ଦେସେଅନି ବାରକରାଇ ଆନିରଇଲା ସେମନ୍ ନ ଅଥଡ଼ କି ? ^{୨୬} ଚାଲିସ୍‌ ବରସ୍ ଜାକ ପରମେସ୍‌ବର କନ୍ ଲକ୍ଷ୍‌ମନ୍‌କେ ରିସା ଅଇରଇଲା, ସେମନ୍ କେ ? ଜନ୍ ଲକ୍ଷ୍‌ମନ୍ କି ପାପ୍ କରିରଇଲାଈ ଆରି ମରୁବାଲି ବୁର୍‌ସ୍‌ ମରିଜାଈରଇଲାଈ, ସେମନ୍ ନଅଡ଼ କି ? ^{୨୭} ପରମେସ୍‌ବର ଜେବେ ସପଡ଼କରି କଇରଇଲା ଜେ, ସେମନ୍ ତାରୁ ପୁଣ୍ଡବାଦେସେ କେବେମିସା ପୁରି ନାପାରଡ଼, ସେବେଲେ ସେ କନ୍ ଲକ୍ଷ୍‌ମନ୍‌କେ କଇରଇଲା ? ଜନ୍‌ଲକ୍ଷ୍‌ମନ୍ ତାରୁ କାତା ନିର୍‌ଦେ ରଇଲାଈ ସେମନ୍‌କେସେ । ^{୨୮} ଆମେ ଏନ୍ତାରି ଜାନ୍ତୁ ଜେ, ସେମନ୍ ବିସବାସ୍ କରଡ଼ ନାଇଜେ ପରମେସ୍‌ବର ତିଆର୍ କରିରଇବା ପୁଣ୍ଡବା ଜାଗାଇ ସେମନ୍ ପୁରି ନାପାରୁଲାଈ ।

୪

୧ ପରମେସ୍ୱର ଆମ୍ଭଙ୍କେ କାତା ଦେଇରଇଲାଜେ, ସେ ଆମ୍ଭପାଇ ଗଟେକ ପୁଣ୍ଡବା ଜାଗା ତିଆର୍ କଲାଆଚେ । ତେବର୍ ପାଇ ଆମେ ଜାଗରତ୍ ରଇବାକେ ପଡ଼ସି । ଜେନ୍ତୁକି ଆମ୍ଭ ବିତ୍ତରେ ସେନ୍ତାରି କେ ନ ରଅଡ଼, ଜେ କି ସେ ଜାଗାଇ ପୁରିନାପାରତ୍ । ୨ କାଇକେବଇଲେ ଆମ୍ଭ ଆନିଦାଦିମନର୍ପାରା ଆମେ ମିସା ସୁବକବର୍ ସୁନିଆରୁ । ମାତର୍ ସେମନ୍ ସେଟା ସୁନିକରି ମିସା ମାନତ୍ ନାଇ, କାଇକେବଇଲେ ସେଟା ସେମନ୍ ବିସ୍ୱାସ୍ କରତ୍ ନାଇ । ୩ ଆମେ ଜେଡ଼କି ଲକ୍ ବିସ୍ୱାସ୍ କରରୁ, ଆମେସେ ସେ ପୁଣ୍ଡବା ଜାଗାଇ ପୁରୁ । କାଇକେବଇଲେ ତାକର୍ ବିସଇନେଇ ପରମେସ୍ୱର କଇଲାଆଚେ,

“ମର୍ ରିସାଇ ମୁଇ ସପତ୍ କରିଆଟି ।

ମୁଇ ତିଆର୍ କରିରଇବା ପୁଣ୍ଡବା ଜାଗାଇ ସେମନ୍କେ ନ ପୁରାଇ ।”

ଜଗତ୍ ତିଆର୍ ଅଇଲା ବେଲେଅନି ସେ ପୁଣ୍ଡବା ଗର୍ ତିଆର୍ ଅଇରଇଲା । ଏଲେ ମିସା ପରମେସ୍ୱର ସେନ୍ତାରି କଇରଇଲା । ୪ କାଇକେବଇଲେ ଆଟର୍ ସାରାସାରି ଦିନର୍ ବିସଇ ସାସତରେ ଏନ୍ତାରି ଲେକାଅଇଲାଆଚେ, “ପରମେସ୍ୱର ସବୁଜାକ କାମ୍ପାସାରାଇ କରି ଆଟର୍ ସାରାସାରି ଦିନେ, ଅଲପ୍ ପୁଣ୍ଡଲା ।” ୫ ଆରି ଏ ବିସଇ ବିନ୍ଟାନ୍ନେ ଲେକାଅଇଆଚେ । “ସେମନ୍ ମର୍ ପୁଣ୍ଡବା ଜାଗାଇ କେବେ ମିସା ପୁରିନାପାରତ୍ ।” ୬ ପଡ଼ତମେ ଜେଡ଼କିଲକ୍ ସୁବକବର୍ ସୁନିରଇଲାଇ, ନିଜେ ବିସ୍ୱାସ୍ କରତ୍ ନାଇ ଆରି ସେମନ୍ ସେ ପୁଣ୍ଡବା ଜାଗା ପାଅତ୍ ନାଇ । ତାପରେ ପରମେସ୍ୱର ବିନ୍ ଲକ୍ମାନ୍ ପୁରବାକେ ଆଦେସ୍ ଦେଲା । ୭ ଲକ୍ମାନ୍ ତେଇ ପୁରବାକେ ପରମେସ୍ୱର ଆରି ଗଟେକ ବେଲା ବାଟ୍ଲା । ସେ ବେଲା ଅଇଲାନି ଆଜି । ବେସି ବରସ୍ ପରେ ପରମେସ୍ୱର ମୁଇ କଇଲା ବିସଇ ଦାଉଦର୍ ସାସତରେ ଲେକାଅଇରଇଲା,

“ଆଜି ଜଦି ପରମେସ୍ୱର ସବଦ୍ ସୁନଲେ

ତମର୍ ମନ୍ ଆର୍ କରା ନାଇ ।”

୮ ଆମେ ଏ ବିସଇ ମିସା ଜାନିଆରୁ ଜେ, ପରମେସ୍ୱର ଜନ୍ ବିସ୍ୱାମ୍ ଜାଗା ପାଇ ସପତ୍ କରିରଇଲା, ସେ ଜାଗା ଜିଅସୁଆ ଆମ୍ଭ ଆନିଦାଦିମନ୍କେ ତାକି ନେଇ ରଇବା ଜାଗା ନଏ । ଜଦି ସେ ଜାଗା ସେଟା ଅଇରଇତା, ତେବେ ପରମେସ୍ୱର ଆରି ଗଟେକ ପୁଣ୍ଡବା ଦିନର୍ କାତା ନ କଇତା । ୯ ସେଟାପାଇ ଏଟା ସତ୍ ଆକା । ଆଟର୍ ସାରାସାରି ଦିନେ ପରମେସ୍ୱର ପୁଣ୍ଡଲାପାରା ତାକର୍ ଲକ୍ମାନର୍ ପାଇ ଗଟେକ ପୁଣ୍ଡବା ବେଲା ସଙ୍ଗାଆଚେ । ୧୦ କାଇକେବଇଲେ ପରମେସ୍ୱର ସପତ୍ କରିରଇବା ବିସ୍ୱାମେ ଜେଡ଼କିଲକ୍ ପୁରବାଇ, ସେ ବିସ୍ୱାମ୍ କଲାପାରା, ତାକର୍ କାମେଅନି ବିସ୍ୱାମ୍ କରବାଇ । ୧୧ ସେଟାପାଇ ଆମେ ସବୁଲକ୍ ମନ୍ ଦିଆନ୍ ଦେଇକରି, ସେ ବିସ୍ୱାମ୍ ଜାଗାଇ ପୁରବାକେ ଚେସ୍ଟା କରୁ । ଆମ୍ଭ ଆନିଦାଦିମନର୍ପାରା ନ ଅଇବାକେ ଆମେ ଜାଗରତ୍ ରଉ । ପରମେସ୍ୱର କଇଲାଟା ବିସ୍ୱାସ୍ ନ କଲାପାଇ, ସେମନ୍ ସେଜାଗାଇ ପୁରି ନାପାରୁଲାଇ ।

୧୨ ପରମେସ୍ୱର ବାକିଅ ଜିବନ୍ରଇବାଟା ଆରି ବେସି ବପୁରଇ ଦୁଇବାଟେ ଦାରରଇବା ଗଟେକ୍ ଲାଗନ୍ କାଣ୍ଟା ପାରା । ସେଟା ଆତର୍ ଗିଟି ଆରି ଆଡ଼ ବିତ୍ତରେ ରଇବାଟା କାଟ୍ସି । ଗଟେକ୍ ଲକ୍ମନ୍ ମନ୍ ବିତ୍ତରେ ରଇବା ସବୁ ବିସଇ ବିଟାଟ୍ କରିପାର୍ସି । ମନ୍ ବିତ୍ତରେ ଲୁଟିରଇବା ସବୁ ବିସଇ ମିସା । ୧୩ ପରମେସ୍ୱରଟାନ୍ନେ କାଇ ବିସଇ ମିସା ଲୁଟିକରି ନ ରଏ । ତାଟ୍ ଆକିଟାନ୍ନେ ସବୁ ବିସଇ ଉଗାଡ଼ି ଅଇରଇଲାପାରା ଆଚେ । କାଇକେବଇଲେ ସେ ସବୁ ବିସଇ, ଗଟେକ୍ ନ ଚାଡ଼ିକରି, ସବୁ ଜାନେ । ଆରି ତାଟ୍ ଲଗେ ଆମେ ଆମ୍ଭ ନିଜର୍ ବିସଇର୍ ଇସାବ୍ ଦେବାଟ୍ ଆଚେ ।

ଜିସୁଆକା ବଡ଼ ମୁକିଅ ପୁଜାରି

୧୪ ଜିସୁ ପରମେସ୍ୱର ପଅ ଅଇଲାକେ, ସେ ଆମ୍ଭ ମନେ ଜନ୍ ବଡ଼ ପୁଜାରି ବଲି ବିସ୍ୱାସ୍ କରି ଦାରିକରି ଆରୁ, ସେଟା ଡାଟ୍ କରରୁ । ୧୫ ସେ ଆମ୍ଭ ବାଦୁଲେ ବଡ଼ ପୁଜାରିଅଇ ପରମେସ୍ୱର ମୁଆଚେ ଗାଲାଆଚେ । ଆରି ଜେଡ଼କି ରକାମ୍ ପରିକା, ଜେଡେକ୍ କସଟ୍ ଆମେ ପାଇଲୁନି, ସେଟା ଆମ୍ଭ ବଡ଼ ପୁଜାରି ସବୁବେଲେ ଆମ୍ଭ ସଙ୍ଗି ମିସିକରି କଲାନ୍ତି । କାଇକେବଇଲେ ଜେଡ଼କି ସବୁ ଆମେ କଲୁନି, ସେଟା ସବୁଜାକ ସେ ମିସା କଲା । ମାତର୍ ସେ କେତେବେଲେ ମିସା ପାପ୍ କରେ ନାଇ । ୧୬ ତେବର୍ପାଇ ତମେ ସାଆସ୍ ସଙ୍ଗି ପରମେସ୍ୱର ଟାନେ ଜାଇଅଇସି, ଜଦି ଆମେ ମାଙ୍ଗଲେ ସେ ଜିବନ୍ ଦୁକାଇ ଆମ୍ଭଙ୍କେ ଦୟା କରସି ଆରି ସାଇଜ ଦରକାଟ୍ ରଇବାବେଲେ, ଆମ୍ଭଙ୍କେ ସାଇଜ କରସି ।

୫

୧ ଜିଉଦିମାନରୁ ଜେହୁକି ବଡ଼ ପୁଜାରିମାନ ତାଙ୍କର ନିଜରୁ ଲକ୍ଷ୍ୟମାନରୁତେଜଅନି ବାଚାଇଅଛବାଇ । ତାଙ୍କରୁବାଟେଅନି ପାପ କେମା କରୁବା ବଲି ଆରି ସର୍ପିଦେବା ବଲି, ଦେଇକରି ପରମେସରୁକେ ସେବା କରୁବାଇ । ୨ ଜେତେବେଲେ ତାରୁ ସଜ୍ଜାରିମାନ ନାଜାନିକରି ରଇବାଇ, ଆରି ବୁଲ୍ କାମ୍ କରିରଇବାଇ, ସେ ସେମାନରୁ ସଜ୍ଜ ଦୟାଦରମ ଦେକାଇକରି ରଇପାରୁସି । କାଇକେବଇଲେ ତାରୁ ଜିବନେ ମିସା ବେସି ବୁଲ୍ ରଇସି । ୩ ଆରି ତାକେ ମିସା ବେସି ବୁଲ୍ ରଇଲାକେ ସେ ଅବକା ବିନ୍ ଲକ୍ଷ୍ୟ ପାପର ପାଇ ବଲି ଦେଲେ ନଏ, ମାତରୁ ନିଜରୁ ପାପରୁଲାଗି ମିସା ବଲି ସର୍ପିଦେବାକେ ପଡ଼ୁସି । ୪ କେ ମିସା ନିଜେ ବାଟିଅଇକରି ବଡ଼ପୁଜାରିରୁ ବେସି ସନ୍ମାନ ପାଇବା ପଦ୍ ପାଇ ନାପାରେ । ମାତରୁ ଗଟେକ୍ ଲକ୍ଷ୍ୟ ପରମେସରୁ ତାଙ୍କୁ ଇସାବେସେ ବଡ଼ ପୁଜାରିରୁ ପଦ୍ ପାଇଅଇସି । ଜେନ୍ତାରି କି କେତେ କେତେ ବରସ୍ ପୁରୁବେ ଆରଣ୍ୟକେ ବାଟିରଇଲା ।

୫ ସେନ୍ତାରିସେ କିରିସଟ୍ ବଡ଼ ପୁଜାରିରୁ ସନ୍ମାନ ପାଇବାକେ ନିଜୁକେ ବଡ଼ କରେ ନାଇ । ମାତରୁ ପରମେସରୁସେ ତାକେ ବାବୁଲା । ତାରୁ ବାବୁଲେ ସେ ତାକେ କଇଲା,
 “ତୁଇ ମରୁ ପଅ,

ଆଜି ମୁଇ ତରୁ ବାବା ଅଇଲିଆଟି ।”

୬ ଆରି ଗଟେକ୍ ଜାଗାଇ ମିସା ସେ କଇଲା,

“ତୁଇ ପୁଜାରି ପଦ୍ ପାଇକରି
 ମଲ୍ଲକିସେଦକରୁ କୁରୁମ ପାରା
 କାଲ୍ କାଲ୍ ଜୁଗ ଜୁଗ ପୁଜାରି ଅଇ ରଇସୁ ।”

୭ ଜିସୁ ଏ ଜଗତେ ରଇଲାବେଲେ, ସେ ଆକ୍ମାରି କାନ୍ଦିକରି ଆରି ଆଁସୁ ଜରାଇକରି କାନ୍ଦି ପରମେସରୁକେ ପାରୁତନା କରିଲାଗିରଇଲା । ମରନେଅନି ତାକେ ରକିଆ କରୁବାକେ ପରମେସରୁକେ ବପୁଆତେ ବଲି ସେ ଜାନିକରି ଏନ୍ତାରି କଲା । ସେ ନିଜେ ଦୟାଦରମ ଦେକାଇଲାକେ ଆରି ପରମେସରୁ କାତା ମାନୁଲାକେ, ପରମେସରୁ ତାରୁ ପାରୁତନା ସୁନ୍ଲା । ୮ ଜିସୁ ପରମେସରୁ ପଅ ଅଇରଇଲେ ମିସା, ସେ ଦୁକ୍ କସଟ୍ ପାଇରଇଲାଗି ଲାଗି, ତାରୁ କାତା ମାନୁବାକେ ସିକ୍ଲା । ୯ ସେ ପରମେସରୁ କାତା ମାନୁଲାକେ ପୁରାପୁରୁନ୍ ସିଦ୍ ଅଇଲା । ତାକେ ବିସ୍ବାସ କରୁବା ଲକ୍ଷ୍ୟମନକେ କେବେ ନ ସାରୁବା ମୁକ୍ତି ଦେବା ଲକ୍ଷ୍ୟ ଅଇଲା । ୧୦ ସେଟାରୁ ପାଇ ତାକେ ପରମେସରୁ ମଲ୍ଲକିସେଦକ୍ ପୁଜାରିରୁ ପାରା ବଡ଼ ପୁଜାରି କରି ବାବୁଲା ।

ବିସ୍ବାସ୍ ନ ଆଜାଇବାକେ ଜାଗରତ୍

୧୧ ଏ ବିସଇ ଆରି ଅଦିକ୍ ତମକେ ଜାନାଇବି ବଲି ମୁଇ ମନ୍ କଲିନି । ମାତରୁ ତମେ ଦାପରେ ବୁଜି ନାପାରାସକେ ବୁଜାଇବାକେ କସଟ୍ ଆତେ । ୧୨ ତମେ ବିସ୍ବାସ୍ କରି ବେସିଦିନି ଅଇଗାଲା ଆତେ ।

ଆରି ଏବେ ତମେ ତମରୁ ସଜ୍ଜାରିମାନକେ ସିକାଇବାରୁ ରଇଲା । ମାତରୁ ପରମେସରୁ ପରୁଡ଼ୁମ୍ ସିକିଆ ତମକେ ଏବେ ସିକାଇବାକେ ଲକ୍ଷ୍ୟ ଲତାଆତେ । ତମେ ଗଟେକ୍ ଦୁଦ୍ କାଇବା ପିଲାପିଲା ଆଗାସ୍ । କାଇକେବଇଲେ ଆଁଟା ମନ୍ କାତୁରି ନାପାରାସ୍ । ୧୩ ଜେ ଦୁଦ୍ କାଇବାରୁ ଆତେ, ସେ ଏବେ ମିସା ପିଲାସେ । ସେନ୍ତାରି ଲକ୍ଷ୍ୟମନ୍ ଟିକ୍ ଆରି ବୁଲ୍ ଚଲାଚଲ୍ଲିତ କରୁବାଟା ଚିନି ନାପାରୁଲାଇନି । ୧୪ ଚାବି ଚାବି କାଇବା କାଦି ବଡ଼ ଲକ୍ଷ୍ୟମନପାଇ । ସେମନ୍ ନିକ ଆରି କାରାପ୍ ତିନୁବାକେ, ନିଜୁକେ ଅବିଆସ୍ କରାଇ ଆଟଡ଼ ।

୬

୧ ତେବରୁପାଇ କିରିସଟ୍ ମୁଲେଅନି ସିକିରଇବା ବିସଇ ତରୁକେ ତରୁ ନ ସିକିକରି ତାରୁ ଟିକିନିକି ବିସଇ ସିକୁ । ଜେନ୍ତୁକି ଆମରୁ ବିସ୍ବାସ୍ ମିସା ଡାଁଟ୍ ଅଇସି । ତୁଚାଇ କାମ୍ମାନୁ ଚାଡ଼ିକରି ପରମେସରୁଟାନେ ବାଉଡ଼ବା ଜନ୍ମଟା କି ଆମରୁ ବିସ୍ବାସରୁ ମୁଲ୍ ପାକ୍ନା ରଇଲା, ତେଇ ଆରିତରେକ୍ ସେଟାସେ କରୁବାଟ୍ ନାଇ । ୨ ତୁବନ୍ ବିସଇରୁ ସିକିଆ ଦେବାଟା, ଆଡ଼ ସଜ୍ଜାକିରି ପାରୁତନା କରୁବାଟା, ମଲା ଲକ୍ଷ୍ୟମନ୍ ଆରିତରେକ୍ ବଡ଼ବାଟା ଆରି ଲକ୍ଷ୍ୟମନକେ ସବୁଦିନରୁପାଇ ରଇବା ପରମେସରୁ ନ ସାରୁବା ବିଚାରୁନା । ୩ ଏବେ ଆମେ ଆଗକେ ଜିବାକେ ପଡ଼ୁସି । ମାପୁରୁକେ ଆସାକରି ଆଗରୁ ବିସଇ ସିକୁ ।

୫:୨ ୫:୭ ମାଟିର ୨୬:୩୬-୪୬; ମାରୁକ ୧୪:୩୬-୪୨; ଲୁକ୍ ୨୨:୩୯-୪୬ ୫:୧୨ ୫:୧୨ ୧ମ କରନ୍ତିୟ ୩:୭

୪ କାଳକେବଳଲେ ଜେଡ଼କି ଲକ୍ଷ ତାକର୍ ବିସ୍ତାସ୍ୟ ଚାଡ଼ିଆଚଡ଼, ସେମନର୍ ମନ୍ ପର୍ମେସରର୍ ଉଜଲ୍ୟଙ୍ଗ ଉଗାଡ଼ି ଅଇ ଆଚେ । ସେ ଦେଇ ରଇବା ସୁଆଦ୍ ସେମନ୍ ଚାକିଆଚଡ଼ । ଆରି ସୁକଲ୍ୟାତ୍‌ମା ପାଇଆଚଡ଼ । ୫ ପର୍ମେସରର୍ ବାକିଅ କେତେକ ନିକ ବଲି ସେମନ୍ ଜାନିଆଚଡ଼ । ଆଇବା ଜୁଗେ ଡାକ୍ ଜନ୍ ବପୁ ସବୁକେ ଦେକାଇ ଅଇସି, ସେଟା ସେମନ୍ ଜାନିଆଚଡ଼ । ୬ ଏଟା ସବୁ ଅଇଲା ପତେ ସେମନ୍ ଡାକର୍ ବିସ୍ତାସ୍ୟ ଆରାଇ ଆଚଡ଼ । ସେଟାରପାଇ ସେମନ୍‌କେ ଆରିତରେକ୍ ମନ୍ ବାଉଡ଼ାଇବାକେ ସଅଜ୍ ନାଇ । କାଳକେବଳଲେ ସେମନ୍ ପର୍ମେସରର୍ ପଅକେ ଆରିତରେକ୍ କୁରୁସେ ମରାଇକରି ଗୁଲାଇ ଲକ୍ଷର୍ ମୁଆଟେ ଇଜଡ଼ ଜିକ୍‌ଲାଇନି ।

୭ ବରୁସା ପାନି ଜମିଟାନେ ମାରୁଲେ ସେ ପାନି ଜମି ଜିକିନେଇସି । ସେନ୍ତାରି ଜମିକେ ପର୍ମେସର୍ ଆସିରବାଦ୍ କରୁସି । ସେନ୍ତାରି ଜମିଟାନେ ଲକ୍ଷମନ୍‌କେ ଦରକାର୍ ଅଇବା ଚାସ୍ କରିଅଇସି । ୮ ମାତର୍ ସେ ଜମିଟାନେ ଜଦି କାଟା ଚର୍ ଅଇସି, ଆରି ଲାଟାବୁଟା ଗାଜା ଅଇସି, ତେବେ ସେଟା କାଇ ଲତାକେ ନ ଲାଗେ । ଆରି ସେଟାକେ ପର୍ମେସର୍ ତଣ୍ଡ ଦେଇସି ଆରି ସେଟାମନ୍‌କେ ଜଇଟାନେ ପତାଇଦେଇସି ।

୯ ଏ ଆଲାଦର୍ ମଇତର୍‌ମନ୍, ମୁଇ ଏନ୍ତାରି କଇତେରଇଲେ ମିସା ତମେ ସେନ୍ତାରି ନୁଆସ୍ ବଲି ମୁଇ ଜାନି । ତମେ ଆଗ୍ରୁଅନି ବିସ୍ତାସ୍ୟ କଲାସ୍‌ନି ଆରି ତମର୍ ଚଲାଚଲୁଡ଼ି ନିକ ଆଚେ । ଏ ସବୁ ତମେ ମୁକ୍ତି ପାଇରଇବା ଗଟେକ୍ ଚିନ୍ । ୧୦ କାଳକେବଳଲେ, ପର୍ମେସର୍ ଅନିଆଇ ନ କରେ । ତମେ କରିରଇବା ନିକ କାମ୍ ସେ ନ ପାସ୍‌ରେ । ତାଟପାଇ ରଇବା ତମର୍ ଆଲାଦ୍ ମିସା । ସେ ଆଲାଦ୍ ତମର୍ ବିସ୍ତାସି ବାଇବଇନିକେ ସାଇଜ କଲାଟ୍ ପାଇ ତମେ ଦେକାଇ ଆଟାସ୍ । ୧୧ ମୁଇ ଜନ୍‌ଟା ମନ୍ କଲିନି, ସେଟା ଅଇଲାନି ସାରାସାରି ଜାକ ପର୍ମେସର୍ ଜନ୍ କାତା ଦେଇଆଚେ, ସେଟା ପୁରାପୁରୁନ୍ ଅଇବାଜାକ ତମର୍ ଆସା ନ ଚାତା । ୧୨ ସେନ୍ତାରି କଲେ ଅଇସ୍ ନଅଇ ବିସ୍ତାସ୍ୟ ଆରି ମୁରୁଡ଼ି ରଇବା ଲକ୍ଷ ଅଇସା । ସେନ୍ତାରି ଲକ୍ଷ ପର୍ମେସର୍ ଜନ୍‌ଟା ଦେବାକେ କାତା ଦେଇଆଚେ, ସେମନ୍ ସେଟା ପାଇବାଇ ।

ପର୍ମେସରର୍ ସପଡ଼ ସଡ଼ ଅଇସି

୧୩ ପର୍ମେସର୍ ଅବରାଆମକେ କାତା ଦେଇରଇଲା ବେଲେ, ସେ ପୁରାପୁରୁନ୍ କରୁବି ବଲି ସପଡ଼ କରିରଇଲା । ତାରୁଟାନେ ଅନି ଆରି କେ ମିସା ବଡ଼ ନ ରଇଲାକେ ନିଜର୍ ନାଉଁ ଦାରି ସପଡ଼ କଲା । ୧୪ ସେ ଅବରାଆମକେ କଇଲା, “ମୁଇ ତମକେ ବାଇଦରେ ଆସିରବାଦ୍ କରୁବି । ଆରି ତରୁ କୁଟୁମ୍ ଜବରୁ କରୁବି ।” ୧୫ ଅବରାଆମ୍ ତାରୁ କାତା ଦାରି ଜାଗିରଇଲାକେ, ପର୍ମେସର୍ ସପଡ଼ କଲାଟା ସେ ମିଲାଇଲା । ୧୬ ଜେତେବେଲେ ଲକ୍ଷମନ୍ ପର୍ମାନ୍ ସଇଡ଼ କରୁବାଇ, ସେମନ୍ ବଡ଼ଲକ୍ଷମନ୍ ନାଉଁ ଦାରି ପର୍ମାନ୍ ସଇଡ଼ କରୁବାଇ । ସେନ୍ତାରି କଲେ ସେ ସପଡ଼ ଲାଗିରଇବା ସବୁ ଦଦାପେଲାକେ ଚିତାଇସି । ୧୭ ଜନ୍‌ଲକ୍ଷମନ୍ ସେ କାତା ଦେଇରଇବାଟା ମିଲାଇବାଇ, ସେମନ୍ ଏ ସବୁ ବିସଇ ଜାନଡ଼ ବଲି ସେ ମନ୍ କରିରଇଲା । ତାରୁ ମନ୍ କେବେ ନ ବାଦଲେ ବଲି ସବୁ ଲକ୍ଷ ଜାନିରଅଡ଼ । ସେଟାରପାଇ ସେ ତାରୁ କାତାଦେଇ ରଇବାଟାନେ ତାରୁ ସପଡ଼ ମିସା ମିସାଇଲା । ପର୍ମେସର୍ ଦେଇରଇବା କାତା ଆରି ତାରୁ ସପଡ଼ ସଡ଼ସେ । ୧୮ ଏ ଦୁଇଟା ବିସଇ କେବେ ନ ବାଦଲେ । କାଳକେବଳଲେ ପର୍ମେସର୍ ମିଦ୍ ନ କାଏ । ତେବରପାଇ ଆମେ ମୁକ୍ତି ପାଇରଇବା ଲକ୍ଷମନ୍, ଆମର୍ ମନେ ବେସି ସାଆସ୍ ଦାରିଆରୁ । ଆରି ତାରୁଟାନେ ରଇବା ଆମର୍ ଆସା ଡାକ୍ ଆଚେ ।

୧୯ ଏ ଆସା ଆମର୍ ବିସ୍ତାସ୍ୟ ଡାକ୍ କରାଇସି । କାଳକେବଳଲେ ସେଟା ପୁରାପୁରୁନ୍ ଅଇସିଆକା । ଅମର୍ ଆସାର ଲାଗି ଆମେ ପର୍ମେସରର୍ ଜାଗାଇ ପୁରିଆରୁ । ଏଟା ଜେନ୍ତାରି ବଡ଼ ପୁଜାରି ମନ୍‌ରର୍ ଅଦିକ୍ ସୁକଲ୍ୟା ଜାଗାଇ ପୁରୁସି । ଜନ୍ ଜାଗା କି ପାରଦା ବିଡ଼ରେ ଲୁଚିରଇସି । ୨୦ ସେ ଜାଗାଇସେ ଆମର୍ ଜିସୁ ଆଗ୍ରୁ ଜାଇଆଚେ । ଆରି ସବୁଦିନର୍ପାଇ ମଲ୍‌କିସେଦକର୍ ପୁଜାରି ପଦ୍ ପାରା ସେ ବଡ଼ ପୁଜାରି ଅଇଲାଆଚେ ।



ମଲ୍‌କିସେଦକ୍ ପୁଜାରି ଅଇବାଟା

୧ ଏ ମଲ୍‌କିସେଦକ୍ ସାଲେମ୍ ରାଇଜର୍ ରାଜା ରଇଲା । ସେ ସବୁରୁଟାନେଅନି ଉପରେ ରଇବା ପର୍ମେସରର୍ ପୁଜାରି ରଇଲା । ଚାରୁଟା ରାଜାମନ୍‌କେ ଜୁଇଦେ ଆରାଇକରି ବାଉଡ଼ଲାବେଲେ ମଲ୍‌କିସେଦକ୍ ଅବରାଆମକେ ବେଟ୍ ଅଇବାରୁ ଗାଲା ଆରି ତାକେ ଆସିରବାଦ୍ କଲା । ସେଡ଼କିବେଲେ ଜୁଇଦେ ଜିତିକରି ତେଇର୍ ଜେଡ଼କି କାଇକାଟା ନେଇକରି, ନିଜର୍‌ଟା କରିରଇଲା, ତେଇଅନି ଦସ୍‌ବାଗେ ଅନି ଗଟେକ୍‌ବାଗ୍ ଅବରାଆମ୍ ତାକେ ଦେଲା । ୨ ମଲ୍‌କିସେଦକ୍ ନାଉଁର୍ ଅରଡ଼ ଅଇଲାନି, ଦରମ୍‌ସଙ୍ଗ୍ ରଇବା ରାଜା । ଆରି ସାନ୍ତିର୍ ରାଜା ମିସା । କାଳକେବଳଲେ ସାଲେମ୍ ନାଉଁର୍ ଅରଡ଼

ଅଛନ୍ତି । ୩୩ ଫଲ୍‌କିସେଦକର୍ ଆୟା ବାବା, ଆନିଦାଦିମନର୍ ବିସଜନେଇ କାଜଗା ଲେକା ଅଏନାଇ । ସେନ୍ତାରିସେ ତାର ଜନମ୍ ମରନ୍ ବିସଇ ମିସା କାଜଗା ନାଇ । ସେଟାର ପାଇ ସେ ପର୍ମେସରର୍ ପଥ ପାରା । ସେ ସବୁଦିନରୁପାଇ ପୁଜାରି ଅଇରଇସି ।

୪ ଫଲ୍‌କିସେଦକ୍ କେତେବଡ଼ ଲକ୍ ରଇଲାବଲି ଆମେ ଏତାଇଦେକୁ । ପର୍ତ୍ତମେ ଆମେ ଜିଉଦିମନର୍ ତାକପୁଟା ପାଇରଇବା ଆନିଦାଦି ଅବରାଆମ୍ ମିସା ଜୁଇଦକରି ତେଇଅନି ମିଲାଇ ଆନିରଇବା କାଇକାଜଗା ଦସ୍ ବାଗେଅନି ଗଟେକ୍ ବାଗ୍ ତାକେ ଦେଇରଇଲା । ୫ ମସାର୍ ନିୟମ୍ ଇସାବେ ଜିଉଦିମନକେ ଏନ୍ତାରି ଗଟେକ୍ ନିୟମ୍ ଆତେ । ଲେବି ବସ୍‌ସର୍ ଜେଡ଼କି ନାତି ତିତିମନ୍ ପୁଜାରିଅଇବାଇ । ତାକର୍ ସଜେ ରଇବା ଜିଉଦିମନ୍ କାମାଇ ଆନ୍‌ବା ଚାସେଅନି ଦସ୍‌ବାଗେଅନି ଗଟେକ୍ ବାଗ୍ ନେବାଇ । ସେମନ୍ ସବୁ ଅବରାଆମର୍ ନାତିତିତି ଅଇରଇଲେ ମିସା ଏନ୍ତାରି କର୍ତେରଇଲା । ୬ ମାତର୍ ଫଲ୍‌କିସେଦକ୍ ଲେବିର୍ ନାତିତିତି ନ ଅଇରଇଲେ ମିସା, ସେ ଅବରାମର୍ତ୍ତାମେଅନି ଦସ୍‌ବାଗେଅନି ବାଗେକ୍ ନେଇତେରଇଲା । ସେବେଲେ ଫଲ୍‌କିସେଦକ୍ ଅବରାଆମ୍‌କେ ଆସିର୍‌ବାଦ୍ କରି ରଇଲା । ଅବରାଆମ୍‌କେସେ ପର୍ମେସରର୍ ସବୁକାତା ଦେଇରଇଲା । ୭ ଆମେସବୁ ଜାନିଆରୁ, ଜନ୍ ଲକ୍‌କେ ଆସିର୍‌ବାଦ୍ କର୍ବାକେ ଅଦିକାର୍ ଆତେ, ସେ ଆସିର୍‌ବାଦ୍ ପାଇବା ଲକ୍‌ଗାମେଅନି ବଡ଼ । ୮ ଲେବିର୍ ଜେଡ଼କି ନାତିତିତିମନ୍, ଦସ୍‌ବାଗେ ଅନି ଗଟେକ୍ ବାଗ୍ ନେଇରଇଲା, ସେମନ୍ ସବୁଲକ୍ ଜାକ ଗଟେକ୍ ଦିନ୍ ମର୍ବାଇ । ମାତର୍ ଫଲ୍‌କିସେଦକର୍ ମରନ୍ ବିସଇ ସାସ୍‌ତରେ କନ୍ତି ମିସା ଲେକା ଅଏନାଇ । ତାର୍ ବାବୁଲେ ତେଇ ଲେକାଅଇଲା ଆତେ, ତାର୍ ପୁଜାରି ପଦ୍ ନ ବାଦ୍‌ଲିକରି ସବୁ ଦିନରୁପାଇ ରଇସି । ୯ ଲେବିର୍ ଜେଡ଼କି ସବୁ ନାତିତିତିମନ୍ ଦସ୍‌ବାଗେ ଅନି ଗଟେକ୍ ବାଗ୍ ନେଇତେ ରଇଲା, ସେମନ୍ ଅବରାଆମର୍ ସଜ୍ ମିସିକରି ଫଲ୍‌କିସେଦକ୍‌କେ ଦସ୍‌ବାଗେଅନି ଗଟେକ୍ ବାଗ୍ ଦେଲାବଲି ଆମେ କଇଅଇସି । ୧୦ କାଇକେବଇଲେ ଜେଡେବଲ୍ ଫଲ୍‌କିସେଦକ୍ ଅବରାମ୍‌କେ ବେଟ୍ ଅଇଲା, ସେ ଲେବି ଜନମ୍ ନ ଅଇରଇଲା, ମାତର୍ ସେ ଅବରାଆମର୍ ଗାଗ୍‌ତେ ରଇଲା । କାଇକେବଇଲେ ଅବରାଆମ୍ ତାର୍ ଆନିଦାଦି ରଇଲା ।

୧୧ ଲେବିର୍ ନାତିତିତି ପୁଜାରି ଇସାବେ ବାଟ୍‌ଲାପାଇ ପର୍ମେସର୍ ତାର୍ ନିୟମ୍ ଜିଉଦିମନକେ ଦେଇରଇଲା । ମାତର୍ ଲେବି ବସ୍‌ସର୍ ପୁଜାରିମନ୍ ଜଦି ସିଦ୍‌ଲକ୍ ଅଇରଇତାଇ ଆଲେ, ଆରି ଗଟେକ୍ ପୁଜାରି ଆଇବାକେ ଦର୍‌କାର୍ ନ ରଇଲା । ସେନ୍ତାର୍ ଏ ପୁଜାରି ଆରଣ୍ ଜେ କି ଲେବିର୍ ନାତିତିତି ରଇଲା, ତାର୍ ପୁଜାରିପଦ୍ ନ ଦାରି ଫଲ୍‌କିସେଦକର ପୁଜାରି ପଦ୍ ଦାରି ଆଇସି । ୧୨ ଜନ୍ ପୁଜାରି ଲକ୍‌ମନର୍ ବାବୁଲେ ପର୍ମେସରର୍ ମୁଆଟେ ଟିଆ ଅଇସି, ତାର୍ ପୁଜାରି ପଦ୍ ବାଦ୍‌ଲାଇଲେ ଜନ୍ ନିୟମ୍ ମାନିଆଇଲାଜନି, ସେଟାମିସା ବାଦ୍‌ଲ୍‌ବାର୍ ଆତେ । ୧୩ ଏ ସବୁ ବିସଇ ବାଦ୍‌ଲିଗାଲା ଆଟେବଲି ଆମେ ଜାନ୍ । କାଇକେବଇଲେ ଆମର୍ ମାପରୁ ଜିସୁ ଜାର୍ ବିସଜନେଇ ଏ ସବୁ କାତା କଇଲୁନି, ସେ ଲେବି ବସ୍‌ସର୍ ନାତିତିତି ନ ରଇଲା । ଜିଉଦା ବସ୍‌ସେଅନି ଏବେଜାକ ସେ ପୁଜାରି ବାବେ ସେବା କରଡ଼ ନାଇ । ୧୪ ଜିଉଦା ତାର୍ ଆନିଦାଦି ରଇଲା । ମିସା ଦେଇରଇବା କାତାଇ ମିସା ଜିଉଦାର୍ ନାତିତିତିମନ୍ ପୁଜାରି ଅଇବା ବିସଇ କାଜଗା କଏ ନାଇ ।

ଫଲ୍‌କିସେଦକର୍ ପାରା ଆରିଗଟେକ୍ ପୁଜାରି

୧୫ ଇତିଅନି ନିମାନ୍ ଜାନାପଡ଼ଲାନି ଜେ, ଆଗର୍ ରକାମ୍ ପୁଜାରି ଆରି ସେମନ୍ ମାନିଆଇତେରଇବା ନିୟମ୍ ଏବେ ବାଦ୍‌ଲାଇକରି ଗଟେକ୍ ନୁଆ ରକାମ୍ ପୁଜାରି ବାରଇଆତେ । ସେ ଫଲ୍‌କିସେଦକର୍ ପୁଜାରି ପଦ୍ ଦାରି ଆଇବାଟା । ୧୬ ଆରି ସେ ମୁନୁସମନର୍ ନିୟମ୍ ଆରି ରିତିନିତି ଇସାବେ ପୁଜାରି କରେନାଇ, ମାତର୍ କେବେ ନ ସାର୍‌ବା ଗଟେକ୍ ବପୁର୍ ଜିବନ୍ ଲାଗି କଲାଆତେ । ଫଲ୍‌କିସେଦକର୍ ପାରା ଗଟେକ୍ ବିନ୍ ପୁଜାରି ବାରଇଲା । ୧୭ କାଇକେବଇଲେ ତାର୍ ବିସଇରେ ସାସ୍‌ତର୍ କଇଲାନି, “ଫଲ୍‌କିସେଦକର୍ ପୁଜାରି ପଦ୍‌ପାରା ତୁଇ ପୁଜାରି ଅଇ ଆତୁସ୍ ।” ୧୮ ପୁର୍ନା ନିୟମ୍ ବାଦ୍‌ଲାଇଲା । କାଇକେବଇଲେ, ସେଟା ଲକ୍‌ମନକେ ପର୍ମେସରର୍ ଲଗେ ଆନ୍‌ବାକେ ବପୁ ନ ରଇଲା ଆରି ବେକାର୍ ରଇଲା । ୧୯ କାଇକେବଇଲେ ମସାର୍ ନିୟମ୍ କାଜଗା ମିସା ପୁରାପୁରୁନ୍ ସିଦ୍‌କରି ନାପାର୍‌ଲା । ମାତର୍ ଏବେ ଆମକେ ଗଟେକ୍ ବପୁର୍ ଆସା ମିଲ୍‌ଲା ଆତେ । ଜାଟ୍‌ଲାଗି ଆମେ ପର୍ମେସରର୍ ଲଗେ ଅଇବାକେ ଆସିପାରୁଲୁନି ।

୨୦ ଆରି ଆମର୍ ପାଇ ପର୍ମେସରର୍ କାତାଦେଇ ରଇବାଟା ମିସା ଆତେ । ବିନ୍ ଲକ୍‌କର ନାତିତିତିମନ୍ ପୁଜାରି ପଦେ ରଇଲାବେଲେ ସେ ଏନ୍ତି କାଇମିସା ସପଦ୍ କରି ନ ରଇଲା । ୨୧ ମାତର୍ କିରିସ୍‌ଟ୍ ପୁଜାରି ଅଇବାବେଲେ ପର୍ମେସରର୍ ତାକେ ସପଦ୍ କରି କଇରଇଲା, “ମାପୁରୁ ଗଟେକ୍ ସପଦ୍ କଲା ଆତେ

ତୁଇ ସବୁଦିନର୍ପାଇ ପୁଜାରି ଅଇରଇସୁ ।
କଇଲା ଏ କାତା କେବେ ନ ବାଦ୍‌ଲାଏ ।
ତମେ କାଲକାଲ୍ ଜୁଗ୍ ଜୁଗର୍ ପାଇ ପୁଜାରି ଅଇସା ।”

୨୭ କାଇକେବଇଲେ ପର୍ମେସର୍ ଜନ୍ ସପତ୍ ତାକେ ଦେଇରଇଲା, ତାର୍ ନୁଆ ରାଜିନାମା ପୁରାପୁରୁନ୍ ଅଇସିଆକା ବଲି ଜିସୁ ଡା଼ର୍ ସଙ୍ଗ୍ କଇଲାନି ।

୨୮ ଜିସୁର୍ ପୁଜାରି ପଦ୍ ଆରି ଲେବି ବସର୍ କେତେକ୍ କେତେକ୍ ପୁଜାରି ପଦ୍ ଦାରିରଇବା ବେସି ପୁଜାରିମନର୍ ବିତ୍ରେ ଏନ୍ତାରି ବିନ୍ ରଇଲା । ସେମନ୍ ସବୁ ତାକର୍ ପୁଜାରିପଦ୍ କରିଲାରି ରଥଡ୍ ନାଇ । କାଇକେବଇଲେ ସେମନ୍ ସବୁଲକ୍ ମରିଗାଲାଇ ।

୨୯ ମାତର୍ ଜିସୁ କେବେ ନ ମରେ । ଆରି ପୁଜାରି ଇସାବେ ରଇବା ତାର୍ କାମ୍ ଆରି କାକେ ମିସା ଦିଆ ନ ଅଏ । ୩୦ ସେଗର୍ ପାଇ ଜନ୍ ଲକ୍‌ମନ୍ ତାକେ ବିସବାସ୍ କରି ଲଗେ ଆଇବାଇ, ସେମନ୍‌କେ ସବୁଲକ୍‌ପାଇ ରେକ୍‌ଆ କରିପାର୍‌ସି । କାଇକେ ବଇଲେ ସେମନର୍ ପାଇ ପର୍ମେସର୍‌ମ୍ ମୁଆଟେ ଗୁଆରି କର୍‌ବାକେ ସେ ଜୁଗ୍ ଜୁଗର୍ ପାଇ ଜିବନ୍ ଅଇକରି ଆଟେ ।

୩୧ ତେବର୍‌ପାଇ ଜିସୁ ଅଇଲାନି ଆମର୍ ବଡ୍ ପୁଜାରି । ସେ ଆମର୍‌ପାଇ ସମନ୍ ଆଟେ । କାଇକେବଇଲେ ସେ ସୁକଲ୍, ତାର୍‌ଗାନେ କାଇ ବୁଲ୍, କି ପାପ୍ ନାଇ । ଆମର୍ ପାପିମନର୍‌ଗାନେଅନ୍‌ସି ସେ ପୁରାପୁରୁନ୍ ବିନ୍‌ଆଟେ । ଆରି ପର୍ମେସର୍ ତାକେ ସରଗ୍ ଜେଡ୍‌କି ଜାଇ ଉଟାଇଆଟେ । ୩୨ ବିନ୍ ବଡ୍ ପୁଜାରି ମନ୍ ସବୁଦିନ୍ ପର୍ମେସର୍‌ଗାନେ ଦିନ୍‌କେ ବଲି ଦେବାର୍ ଆଟେ । ତାର୍‌ପଟେ ସେମନ୍ ଲକ୍‌ମନର୍ ପାପର୍‌ପାଇ ମିସା ବଲି ଦେବାର୍ ଆଟେ । ମାତର୍ ଜିସୁ ଏନ୍ତାରି ନାଇ । ସେ ସବୁଲକ୍‌ପାଇ ମିସ୍‌ତେ ଗଟେକ୍‌ତର୍‌ସେ ବଲି ଅଇଲା ଆଟେ । ତାର୍ ସେ ମରନ୍ ସବୁଦିନର୍‌ପାଇ ଅଇସି । ୩୮ କାଇକେବଇଲେ ମସାର୍ ନିୟ୍‌ମ୍ ଇସାବେ, ଜନ୍‌ଲକ୍ ବଡ୍ ପୁଜାରି ପଦ୍‌ପାଇରଇସି, ସେମନ୍‌କେ ମିସା ପାପ୍ ରଇସି । ମାତର୍ ଜନ୍‌ଗା ପର୍ମେସର୍ ଗଟେକ୍ ସପତ୍ କରି କାତା ଦେଇରଇଲା, ସେଗା ନିୟ୍‌ମ୍ ପଟେ ଆଇଲା । ଜନ୍ ଲକ୍ ବାଟାଇଅଇରଇଲା, ତାର୍ ପଅ ରଇଲା । ସେ ସବୁଦିନର୍‌ପାଇ କାଇ ପାପ୍ ନ ରଇବା ପୁଜାରି ଅଇଆଟେ ।

୮

ଜିସୁ ଆମର୍ ବଡ୍‌ପୁଜାରି

୧ ଏ ସବୁ କାତାଇଅନ୍ ତମକେ ବୁଜଡ୍ ବଲି ମୁଇ ମନ୍ କଲିନି ଜେ, ଏ ଆମର୍ ବଡ୍ ପୁଜାରି ସରଗର୍ ସବୁର୍ ଉପରେ ପର୍ମେସର୍‌ର ଉଜାବାଟେ ବସଲା ଆଟେ । ୨ ଆରି ପର୍ମେସର୍‌ର ଅଦିକ୍ ସୁକଲ୍ ଜାଗାଇ ସେ ବଡ୍ ପୁଜାରି ଇସାବେ ସେବା କଲାନି । ସେ ତୁମ୍‌କୁଡିଆ ଲକ୍‌ମନ୍ ତିଆର୍‌କଲାଗା ନଏ, ମାତର୍ ସେଗା ମାପୁରୁ ତିଆର୍ କଲାଆଟେ ।

୩ ସବୁ ବଡ୍‌ପୁଜାରିମନ୍ ଲକ୍‌ମନ୍ ଦେଇରଇବା ପସୁମନ୍ ଆରି ବିନ୍ ରକାମର୍ ବଲି ପର୍ମେସର୍‌କେ ସର୍‌ପି ଦେବାକେ ବାଟ୍‌ଲାଇ ଆଟଡ୍ । ତେବର୍‌ପାଇ ଆମର୍ ବଡ୍ ପୁଜାରି ମିସା କାଇଗା ମିସା ପର୍ମେସର୍‌କେ ସର୍‌ପାଇବାର୍ ଆଟେ । ୪ ମାତର୍ ଏ ଜଗତେ ସେବା କରେନାଇ । ସେ ଜଦି ଏ ଜଗତେ ରଇତା, ତେବେ ସେ ଗଟେକ୍ ପୁଜାରି ନ ଅଇତା । କାଇକେ ବଇଲେ ଜିଉଦିମନର୍ ନିୟ୍‌ମ୍ ଇସାବେ ଦାନ୍ ସର୍‌ପିଦେବାକେ ପୁଜାରିମନ୍ ରଇଲାଇ । ୫ ମାତର୍ ତାକର୍ ସେବା କର୍‌ବା ଜାଗା ସର୍‌ଗେ ରଇବା ସଡ୍ ବିସଇ ଅଦ୍‌କା ଗଟେକ୍ ଚାଇପାରା । ସମାନ୍ ସେନ୍ତାରିସେ ମସାର୍ ବେଲେ ଅଇଲା । ସେ ଜେଡେବଲ୍ ଗଟେକ୍ ତୁମ୍‌କୁଡିଆ ତିଆର୍ କର୍‌ବାକେ ଜାଇତେରଇଲା, ପର୍ମେସର୍ ତାକେ ତିଆର୍‌ଲା, “ଜାଗରଡ୍ ! ତୁଇ ସୁକଲ୍ ତୁମ୍‌କୁଡିଆଇ ଜେଡ୍‌କି କର୍‌ସୁ ବଇଲେ, ମୁଇ ତକେ ସେଗା ପର୍‌ବତେ ଦେକାଇଲା ରକାମ୍ କର୍‌ବାର୍ ଆଟେ ।” ୬ ଏ ଜଗତର୍ ପୁଜାରିମନର୍ କାମ୍‌ତେଅନ୍‌ସି ଜନ୍ କାମ୍ ପର୍ମେସର୍ ଜିସୁକେ ସର୍‌ପିଦେଲା, ସେ କାମ୍ ଅଦିକ୍ ଗୁର୍‌ତୁ ରଇବାଟା । ସେନ୍ତାରିସେ ଜନ୍ ନୁଆ ରାଜିନାମାସଙ୍ଗ୍ ସେ ପର୍ମେସର୍ ଆରି ମନୁସଜାତିକେ ଆରିତରେକ୍ ମିସାଇଲା, ସେଗା ପୁରନା ରାଜିନାମାତେଇ ଅନ୍ ନିକ । କାଇକେବଇଲେ, ନୁଆ ରାଜିନାମାତେଇ ରଇବା ପର୍ମେସର୍‌ର ସପତ୍ ସବୁ ବେସି ନିକ ଆଟେ ।

୭ ପର୍‌ତୁମର୍ ରାଜିନାମାତେଇ ଜଦି କାଇ ବୁଲ୍ ନ ରଇତା, ତେବେ ପର୍ମେସର୍ ସେଗା ନ ବାଦ୍‌ଲାଇତା । ୮ ମାତର୍ ସେ ରାଜିନାମା ମାନିକରି ରଇଲା ଲକ୍‌ମନର୍ ଚଲାଟଲ୍‌ତି ସଙ୍ଗ୍ ପର୍ମେସର୍ ସାର୍‌ଦା ନ ରଇଲା । କାଇକେବଇଲେ ସାସ୍‌ତରର୍ ମାପୁରୁ ବାକିଅଟାନେ ଲେକା ଅଇଲାଆଟେ, “ଆଗ୍‌କେ ଗଟେକ୍ ବେଲା ଆଇଲାନି

ଜେଡେବେଲ୍ କି ଇସ୍ରାଏଲର ଲକ୍ଷ୍ୟମାନଙ୍କେ ଆରି ଜିଉଦାର୍ ଲକ୍ଷ୍ୟମାନଙ୍କେ ମର୍ ନିଜର୍ କର୍ବାକେ ମୁଜ୍ ଗଟେକ୍ ନୁଆ ରାଜିନାମା ଟିକ୍ କରବି ।”

୯ ଏ ନୁଆ ରାଜିନାମା ଆଗର୍ ରାଜିନାମା ପାରା ନ ରଏ । ସେ ରାଜିନାମା ତାକର୍ ଆନିଦାଦିମାନଙ୍କେ ମିସର୍ଦେସେଅନି ତାକି ଆନିଲାବେଲେ ମୁଜ୍ କରିରଇଲି । ଆଗର୍ ରାଜିନାମାର୍ ମର୍ ଆଦେସ୍ ସବୁ ସେମନ୍ ମାନଡ଼ନାଇ । ତେବର୍ପାଇ ମୁଜ୍ ଆରି ସେମନ୍ରବାଟେ ନ ଦେକି ।

୧୦ ମାପ୍ପୁର ଆରିତରେକ୍ କଇଲା, ଇସ୍ରାଏଲର୍ ଲକ୍ଷ୍ୟମାନଙ୍କେ ମର୍ ନିଜର୍ କର୍ବାକେ ମୁଜ୍ ଜନ୍ ନୁଆ ରାଜିନାମା ତିଆରକରବି ସେଟା ଏଣ୍ଡାରି ରଇସି । ମୁଜ୍ ମର୍ ଆଦେସ୍ ତାକର୍ ଚିଣ୍ଡା କଲାଟାନ୍ଦେ ଦେବି ଆରି ତାକର୍ ମନ୍ ବିତ୍ତରେ ଲେକବି । ଆରି ମୁଜ୍ ତାକର୍ ପର୍ମେସର୍ ଅଇରଇବି ଆରି ସେମନ୍ ମର୍ ନିଜର୍ ଅଇରଇବାଇ ।

୧୧ ଏଟାରଲାଗି କେ ମିସା ମର୍ ବିସଇରେ ତାର୍ ସଙ୍ଗର୍ ଲକ୍ଷ୍ୟମାନଙ୍କେ ସିକାଇବାକେ ନ ପଡେ । ଆରି ମୁଜ୍ କେ ବଲି କେ ମିସା ତାକର୍ ବାଇମାନଙ୍କେ ବାତାଇବାକେ ନ ପଡେ । କାଇକେବଇଲେ, ସେବେଲେ ଗୁଲାଇ ଲକ୍ ବଡ଼ ଅଅଡ଼ କି ସାନ୍ ଅଅଡ଼ ମୁଜ୍ କେ ବଲି ଜାନ୍ବାଇ ।

୧୨ ମୁଜ୍ ସେମନ୍ ସବୁ ପାପ୍ କେମା କରବି ଆରି ସେମନ୍ କାଇ ଅନିଆଇ କଲାଟା ମିସା ମନେ ନ ଏତାଇ ।

୧୩ ଏବେ ଗଟେକ୍ ନୁଆ ରାଜିନାମା ଆଟେ ବଲି ପର୍ମେସର୍ କଇଲାକେ ପୁରନା ରାଜିନାମାକେ କାଇ ମୁଲିଅ ନାଇ ବଲି ଆମେ ଜାନ୍ । ଜନ୍ଟା ପୁରନା ଅଇଗାଲା ଆରି କାଇଟା ପାଇ ମିସା ଲାଡାକେ ନ ଆଇଲେ, ସେଟା ବାଇରେ ପିଣ୍ଡିଦେବାଇ ।



ସରଗ୍ ଆରି ମର୍ପୁରର୍ ପାର୍ତନା

୧ ପର୍ମେସରର୍ ପର୍ତୁମ୍ ରାଜିନାମାତେଇ, ତାକେ କେନ୍ଦ୍ରାରି ଉପାସନା କର୍ବାକ୍ ଆଟେ ବଲି ନିୟମ୍ ରଇଲା । ତାକେ ଏ ଜଗତେ ଉପାସନା କର୍ବାକେ ଗଟେକ୍ ତୁମ୍ ଉଟାଇରଇଲା । ୨ ଏ ତୁମ୍ଟାନ୍ଦେ ଦୁଇଟା ଜାଗା ରଇଲା । ପର୍ତୁମ୍ ଜାଗାକେ ସୁକଲ୍ ଜାଗା ବଲି ନାଉଁ ରଇଲା । ସେ ବିତ୍ତରେ ବଡ଼ିସଙ୍ଗାଇବା କୁଦରା ଆରି ପର୍ମେସର୍କେ ସର୍ପିଦେବାକେ ରୁଟି ସଙ୍ଗାଇବା ଗଟେକ୍ ଟେବୁଲ୍ ରଇଲା । ୩ ସେ ଜାଗାଇ ପୁରବା ବାଟେ ଗଟେକ୍ ପାର୍ଦା ରଇଲା । ପାର୍ଦାର୍ ପର୍ତ୍ତବାଟେ ଜନ୍ ଜାଗା ରଇଲା, ତାକେ ବଡ଼ ସୁକଲ୍ ଜାଗା ବଲି କଇତେ ରଇଲା । ୪ ସେ ବଡ଼ ସୁକଲ୍ ଜାଗାଇ ଗଟେକ୍ ଦୁପ୍ ପଡାଇବା ସୁନାନ୍ ବେଦି ଆରି ସୁନାନ୍ ନିୟମ୍ ପେଡି ରଇଲା । ଏ ନିୟମ୍ ପେଡି ବିତ୍ତରେ, ମାନା ରଇବା ଗଟେକ୍ ସୁନାନ୍ ଆଣ୍ଟି ରଇଲା । ତେଇ ପତର୍ କଅଁଲି ରଇବା ଆରଣ୍ଟ ଦାରି ଇଣ୍ଡିବା ତାଙ୍ଗ୍ ରଇଲା । ଆରି ପରମେସରର୍ ଆଦେସ୍ ଲେକାଅଇରଇଲା ଦୁଇ କଣ୍ଟି ଚାଟତା ପାକ୍ନା ମିସା ରଇଲା । ୫ ପେଡିର୍ ତାବ୍ନା ଉପରେ ପର୍ମେସର୍ ଆଟେ ବଲି ଚିନ୍ ଇସାବେ କେରୁବିନ୍ ବଲି ତାକ୍ବା ଦୁଇଟା ତେନା ରଇଲା ଜିତୁର୍ ମୁଡି ରଇଲା । ତାକର୍ ଉତାଡିଅଇରଇବା ତେନା ପେଡିର୍ ତାବ୍ନା ଉପରେ ତାବିଅଇଜାଇରଇଲା । ତାର୍ ଉପରେ ବନି ଚିଟିଅଇରଇଲା । ଜେନ୍ଦ୍ରାରିକି ଲକ୍ଷ୍ୟମନ୍ ପାପ୍କେମା ଅଇଜିବାକେ । ମାତର୍ ଏ ଚିକିନିକି ବିସଇ ବୁଜାଇବାକେ ଲତାନାଇ ।

୬ ତୁମ୍ ବିତ୍ତରେ ଏ ସବୁ ବିସଇ ସାଜାଡିଅଇରଇଲା । ପୁଜାରିମନ୍ ସବୁଦିନ୍ ତାମ୍ ଗରର୍ ବାଇରର୍ ଜାଗାଇ ପୁରି, ସେମନ୍ କାମ୍ କର୍ବାଇ । ୭ ମାତର୍ ବିତ୍ତରର୍ ଜାଗାଇ ବଡ଼ ପୁଜାରିସେ ଜିବାକେ ଅଦିକାର୍ ରଇଲା । ସେ ସିଡି ବର୍ତ୍ତେକ୍ତେ ତରେକ୍ ସେ ଜାଇତେରଇଲା । ସେ ନିଜର୍ ପାଇ ଆରି ଲକ୍ଷ୍ୟମନ୍ ନ ଜାନିକରି କରିରଇବା ପାପ୍ ପାଇ ବନି ନେଇକରି ଜଦି ନ ପୁରଲେ ସେ ଜାଇନାପାର୍ତେ ରଇଲା । ୮ ଏ ସବୁ ବିସଇରଲାଗି ସୁକଲ୍ ଆଡ଼ମା ଜାନାଇଲାନ୍ଦି ଜେ, ପର୍ମେସରର୍ ଅଦିକ୍ ସୁକଲ୍ ଜାଗାଇ ପୁରବାକେ ଲକ୍ଷ୍ୟମାନଙ୍କେ ଅଦିକାର୍ ନ ରଇଲା । କାଇକେବଇଲେ ସୁକଲ୍ ଜାଗା ଆରି ଅଦିକ୍ ସୁକଲ୍ ଜାଗା ବିସଇନେଇ ରଇବା ଆଗ୍ରୁର୍ ଆଦେସ୍ ସବୁ ଲକ୍ଷ୍ୟମନ୍ ମାନିଆଇତେ ରଇଲା । ୯ ସେ ସବୁ ବିସଇ ଗଟେକ୍ ବାନା ପାରା । ଜନ୍ଟା ସବୁ ଏବର୍ ଦିନେ ସିପ୍ ଅଇଲା ଆଟେ । କାଇକେବଇଲେ ଜନ୍ ସପୁମାନଙ୍କେ ଉପାସନା ଇସାବେ ଲକ୍ଷ୍ୟମନ୍ ପର୍ମେସର୍କେ ସର୍ପି ଦେଇତେ ରଇଲା, ସେଟା ସବୁ ଲକ୍ଷ୍ୟମନ୍ ବିବେକ୍ ଦଇ ନାପାରଲା । ୧୦ କାଇକେବଇଲେ ସେଟା ସବୁ ଗାଗଡ଼ର୍ ଲାଗି ରଇବା ନିୟମ୍ ରଇଲା । ଜେନ୍ଦ୍ରାରିକି, କାଇଟା କାଇଅଇସି, କାଇଟା ପିଇ ଅଇସି ଆରି ସେ ସବୁ ନିକ ସଙ୍ଗ୍ ଦଇବା ବିସଇ, ବାଇରେ ଦେକାଅଇବା ରିଡିନିଡି ସେ । ପରମେସରର୍ ନୁଆ ନିୟମ୍ ଚିକ୍ ଅଇବାଜାକ, ଏ ସବୁ କର୍ବାଟା ରଇଲା ।

୧୧ ମାତୃ ଆମେ ଜେଡ଼କିଲକ୍ ସବୁରତେଇଅନି ବଢ଼ିଆ ବିସଇ ପାଇଆରୁ, କିରିସଟ ଆମରୁ ବଡ଼ ପୁଜାରି ଅଇ ଆଇଲା ଆଚେ । ସେ ସେବା କରବା ଜାଗାରୁ ତୁମ୍ଭ ଲଗେ ରଇବା ଅଦିକ୍ ସୁକଲ୍ ଜାଗାଇଅନି ଅଦିକ୍ ମୁଲିଅ ରଇଲାଟା ଆରି ଅଦିକ୍ ସିଦ୍ ଆଚେ । କାଇକେବଇଲେ ସେଟା ଲକ୍ମନ ତିଆର୍ କଲାଟା ନର୍ସ, କି ଏ ନସିଜିବା ଜଗତରୁଟା ମିସା ନର୍ସ । ୧୨ କିରିସଟ ସେ ତାମ୍ଭ ବାଟେଜାଇ ଏକାତରେକ୍ ସେ ବଡ଼ ସୁକଲ୍ ଜାଗାଇ ପୁରଲା । ସେ ତେଇ ପୁରବା ବେଲେ ବଲି କରବାକେ ଚେଲି କି ପସୁ ବନି ନେଇ ନ ଜାଇରଇଲା । ମାତୃ ସେ ନିଜରୁ ବନି ନେଇକରି ଜନ୍ ଜନ୍ଟା କରବାରୁ ରଇଲା, ସେଟା ପୁରାପୁରୁନ୍ କଲା । ଜେନ୍ତାରି କି ଆମ୍ଭକେ ମୁକଲାଇକରି କାଲ୍ କାଲ୍ ଜୁଗଜୁଗରୁ ପାଇ ମୁକ୍ତି ଦେଲା । ୧୩ ଆଗରୁ କାଲେ ଚେଲି ଆରି ବଲ୍‌ଦମନରୁ ବନି ଆରି ପଡ଼ାଇଲା ବାରିପିଲାଟୁ ଚାରୁ ଚିତ୍‌ବାଟା, ଏସବୁ ଅସୁକଲ୍ ଅଇରଇବା ଲକ୍ମନରୁ ଗାଗଡ଼ ଦଇବା କାମ୍ଭକେସେ ଆଇଲା । ୧୪ ଏଟା ଜଦି ଲକ୍ମନରୁ ଗାଗଡ଼ ଦଇପାରଲା, ସେନ୍ତାରିଆଲେ କିରିସଟରୁ ବନିସଙ୍ଗ୍ ଆରି କେତେକ୍ ଅଦିକ୍ କିରିଅଇସି ? ନ ସାରବା ଆଡ଼ମାରୁପାଇ ସେ ନିଜେ ପରମେସରରୁ ସାଇଜ ନେଇ, କାଇ ପାପଦସ୍ ନ ଅଇତେ ବିରୁ ଇସାବେ ନିଜକେ ପୁରାପୁରୁନ୍ ସର୍ପି ଦେଲାଆଚେ । ତାରୁ ବନିରୁଲାଗି ବାନିଆ ରିଡିନିଟି କାମ୍ଭେଅନି ଜିତି କରି ଆମରୁ ବିବେକ୍ ସୁକଲ୍ ଅଇସି । ଆରି ଆମେ ସତଇସେ ଜିବନ୍ ରଇଲା ପରମେସରରୁ ସେବା କରବା ଅଦିକାରୁ ପାଇଆରୁ ।

୧୫ ଏଟାରୁପାଇ କିରିସଟସେ ରୁଆ ନିୟମ୍ ସାଦନ୍ କଲାଆଚେ । ଜେନ୍ତାରି କି, ଜେଡ଼କି ଲକ୍ମନକେ ପରମେସରୁ ଡାକିଆଚେ, ସେମନ୍ ପରମେସରୁ ସପତ୍ କରି କଇରଇବା ନ ସାରବା ଆସିବାରୁ ପାଇବାଇ । କିରିସଟ ମଲାଟୁପାଇ ଆଗରୁ ରାଜିନାମାତେଇ କରିରଇବା ସବୁ ପାପେଅନି ସେମନ୍ ମୁକଲ୍‌ଲାଇ ।

୧୬ ଗଟେକ୍ ଲକ୍ ଜଦି ତାରୁ ଦନ୍ ସିପତି ବାଗ୍ ବାଟା କରବା ବିସଇରୁ ଚିଟି କରିରଇସି । ସେଟା ଜାନାଇବାକେ ସେ ଲକ୍ମନ ନାଉଁଦାରି ରାଜିନାମା ପାଆଟା ପତରୁ ରଇବାରୁ ଆଚେ । ସେ ମରିଗାଲାପତେ ତାରୁଟା ଜାନାପଡ଼ବାରୁ ଆଚେ । ୧୭ କାଇକେ ବଇଲେ ବାଗ୍‌ବାଟା ଲେକିରଇଲା ଲକ୍ ବଢ଼ି ରଇଲା ଜାକ, ବାଗ୍‌ବାଟାରୁ କାଗକ୍ ପତରୁ କିଟି ମୁଲିଅ ନାଇ । ସେଟା ତାରୁ ମରିଗାଲା ପତେ ସେ କାମ୍ ଦେଇସି । ୧୮ ସେନ୍ତାରିସେ, ପରୁତୁମ୍ ରାଜିନାମା ମିସା ବନି ଜରାଇଲାକେସେ ସେଟାରୁ ମୁଲିଅ ରଇଲା । ୧୯ ମସା ପରୁତୁମ୍ ନିୟମରୁ ଆଦେସ୍ ଲକ୍ମନରୁ ଲଗେ କଇଲା । ତାରୁପତେ ସେ ବଲଦ୍ ଆରି ଚେଲିମନରୁ ବନି ନେଇ ପାନି ସଙ୍ଗ୍ ମିସାଇଲା । ତାରୁପତେ ଅଲପ୍ ମେଣ୍ଟାରୁ ବାଲେ ଏସୁବ୍ ନାଉଁରୁ ଗତରୁ କେସିତେଇ ଗୁଡ଼ାଇଲା । ପତେ ସେଟା ବନିଟାନେ ବୁଡ଼ାଇ ନିୟମରୁ ବଇତେଇ ଆରି ଲକ୍ମନରୁ ଉପରେ ଚିଟିଲା । ୨୦ ସେ କଇଲା, ଜନ୍ ନିୟମ୍ ମାନୁବାକେ ପରମେସରୁ ତମ୍ଭକେ ଆଦେସ୍ ଦେଲାଆଚେ, ଏ ବନି ସେ ନିୟମକେ ଚିନ୍ ମାରିଆଚେ । ୨୧ ତାରୁପତେ ମସା ସେ ବନିନେଇ ତମ୍ଭ, ମସିରୁ ଆରି ପରମେସରୁକେ ପାରତନା କରବାବେଲେ କାମ୍ଭେ ଆଇବା ସବୁ ଜିନିସ୍ ପତରୁ ଉପରେ ଚିଟିଲା । ୨୨ କାଇକେବଇଲେ ମସାରୁ ନିୟମ୍ ଇସାବେ ସବୁ ବିସଇ ସୁକଲ୍ କରବାକେ, ବନି ଦରକାରୁ । ବନି ନ ଜରାଇଲେ ପାପ୍ କେମା ନ ଅଏ ।

କିରିସଟ ବଲିଦାନ୍ ଅଇଲାଟା ପାପ୍ ଦୁରୁ କରସି

୨୩ ତେବରୁପାଇ ଏ ସବୁ ବିସଇ ଜନ୍ଟା ସରୁଗେ ରଇବା ବିସଇ ରୁଚାଇସେ ଆଚେ । ଏଟା ସବୁ ପସୁମନରୁ ବନିସଙ୍ଗ୍ ସୁକଲ୍ କରାଇବାକେ ଦରକାରୁ ରଇଲା । ମାତୃ ସରଗରୁ ବିସଇମନକେ ସୁକଲ୍ କରବାକେ ସର୍ପି ଅଇବାଟା ଅଦିକ୍ ନିକ୍ ଅଇରଇବାରୁ ରଇଲା । ୨୪ କାଇକେବଇଲେ ଲକ୍ମନରୁ ଆଚେ ତିଆର୍ ଅଇଲା ସୁକଲ୍ ଜାଗାଇ କିରିସଟ ଜାଏନାଇ । ସେଟା ସଡ଼ ଜାଗାରୁ ଚାୟାସେ ରଇଲା । ମାତୃ ସେ ସଡ଼ରେ ସରୁଗେ ଗାଲା । ଆରି ସେ ଏବେ ତେଇ ଆଚେ । ପରମେସରୁ ମୁଆଟେ ଆମରୁ ପାଇ ଗୁଆରି କଲାନ୍ତି । ୨୫ ଜିଉଦିମନରୁ ବଡ଼ ପୁଜାରି ଜେଡ଼କି ବରସକେ ତରେକ୍ ପସୁରୁ ବନି ନେଇ ବଡ଼ ସୁକଲ୍ ଜାଗାଇ ଜାଇସି, ସେନ୍ତାରି କିରିସଟ ନିଜକେ ତରୁକେ ତରୁ ସର୍ପିଅଇକରି ତେଇ ଜାଏନାଇ । ୨୬ କାଇକେବଇଲେ, ସେ ଜଦି ସେନ୍ତାରି କରୁତା ଏ ଜଗଡ଼ ତିଆର୍ ଅଇଲା ଦିନେଅନି ସେ ବେସି ତରୁ ଦୁକ୍‌ପାଇବାକେ ଅଇତା । ମାତୃ ସେ ଏ ସାରାସାରି ଦିନ୍ ମନକେ ତରେକ୍‌ସେ ଏ ଜଗତେ ଆଇଲା ଆରି ନିଜକେ ସର୍ପିଦେଇକରି ସବୁ ପାପ୍ ଦାରିଗାଲା । ୨୭ ଆମେ ସବୁ ଲକ୍ ତରେକ୍ ମରୁ ଆରି ତାରୁପତେ ପରମେସରୁ ମୁଆଟେ ବିଟାରୁ ଦିନେ ଟିଆଅଇବୁ । ୨୮ ସେନ୍ତାରିସେ କିରିସଟ ମିସା ସବୁ ଲକ୍ମରୁ ପାପ୍ ନିଜେ ନେବାକେ ବଲି ଇସାବେ ତରେକ୍ ସେ ସର୍ପିପାଇ ଅଇଲା । ସେ ଆରି ତରେକ୍ ଆଇଲାବେଲେ, ଆମରୁ ପାପରୁପାଇ ସେ ନ ଆସେ । ମାତୃ ତାକେ ଜାଗି ରଇଲା ଲକ୍ମନକେ ଉଦାରୁ କରବାକେ ଆଇସି ।

୧୦

୧ ମସାହ ନିୟମ ଅବକା ଗଟେକ୍ ବାନା ପାରା ରଇଲା । ଜନ୍ ନିକ ଆସିବଦ୍ କିରିସ୍ଟ ଆମ୍ଭେ ଦେଇସି, ସେ ଆସିବଦ୍ ଗୁନଫଲନ୍ ତେଇ ତିସ୍ତେରଇଲା । ମାତର୍ ସେଟା ଆସିବଦ୍ ସମାନ୍ ନର୍ଏ । ତେବର୍ପାଇ ନିୟମ୍ ମାଙ୍ଗଲା ଇସାବେ, ସେମନ୍ ସବୁ ବରସେ ବଲି ସର୍ପପାଇ ଅଇତେରଇଲା । ମାତର୍ ସେ ସବୁ ବଲି ସରପବାଟା ପର୍ମେସର୍ଗାନେ ଆଇବା ଲକ୍ମନକେ ସିଦ୍ କରିନାପାରୁଲା ।
 ୨ ସେନ୍ତାରି ଜନ୍ ଲକ୍ମନ୍ ପର୍ମେସର୍ଗାନେ ଉପାସନା କର୍ତେରଇଲା, ଜଦି ସେମନ୍ ତାକର୍ ପାପେ ଅନି ସୁକଲ୍ ଅଇତାଇ, ତେବେ ସେମନ୍କେ ତାକର୍ ପାପ୍ ଦସି ନ କରାଇତା । ଆରି ସବୁ ବଲିଦେବାଟା ସାରିଜାଇତା ।
 ୩ ମାତର୍ ସବୁ ବରସେ ସେ ସମାନ୍ ବେଲାଇ ବଲି ସର୍ପଦେବାଟା କର୍ବାକେ ପଡ଼ଲା । ସେମନ୍ ପାପ୍ ରଇଗାଲା ଆତେ ବଲି ସେମନ୍ ତେଇଅନି ଜାନ୍ଲା ।
 ୪ କାଇକେବଇଲେ ବଲିଦମନ୍ ଆରି ଚେଲିମନ୍ ବନି କେବେ ମିସା ଆମ୍ଭେ ପାପ୍ ଦାରି ନ ନେଏ ।

୫ ଆମେ ଜାନ୍ଥାରୁ ଜେ, କିରିସ୍ଟ ଏ ଜଗତେ ରଇଲାବେଲେ ସେ ତାର୍ ବାବା ପର୍ମେସର୍ଗାନେ କଇ ରଇଲା,

ବଲି ଆରି ସର୍ପଦେବାଟା ତୁଇ ମନ୍ କରୁସ ନାଇ ।
 ସେଟାର୍ପାଇ ତୁଇ ମର୍ପାଇ ଗଟେକ୍ ଗାଗଡ୍ ତିଆର୍ କଲୁସ ।

୬ ବେଦିଗାନେ ପଡ଼ାଇବା ପସୁମନ୍କେ
 ତୁଇ ମନ୍ କରୁସ ନାଇ ।
 କି ପାପ୍ ଦଇନେବା ବଲି ମିସା ନାଇ ।

୭ ତାର୍ପତେ ମୁଇ କଇଲି, ଏ ପରମେସର୍,
 ମର୍ ବିସଇ ନିୟମ୍ ବଇଗାନେ
 ଜେନ୍ତି ଲେକାଅଇଆଟେ,
 ସେ ଇସାବେ ତୁଇ ମନ୍ କଲାଟା
 ପୁରାପୁରୁନ୍ କର୍ବାକେ ରାଜିଆଟି ।

୮ ସେ ପର୍ତୁମ୍ କଇଲା, ତମେ ସର୍ପଦେବାଟା, କି ବେଦିଗାନେ ପଡ଼ାଇବାଟା, କି ପାପ୍ ଦାରିନେବା ପସୁମନ୍ ବନି ମନ୍ କରୁସ ନାଇ । ଏ ସବୁ ବଲି ନିୟମ୍ ଇସାବେ ସର୍ପପାଇ ଅଇରଇଲେ ମିସା, ସେ ଏନ୍ତାରି କଇଲା ।
 ୯ ତାର୍ ପତେ ସେ ଆରିତରେକ୍ କଇଲା, ତୁଇ ଜାଇଟା ମନ୍ କଲୁସି ସେଟା ସିଦ୍ କର୍ବାକେ ଏ ପର୍ମେସର୍, ମୁଇ ଇତି ଆଟି । ସେନ୍ତାରି ଆଗର୍ପାରା ବଲିଦେବାଟା ପର୍ମେସର୍ ମନାକରି, ତାର୍ ବାପୁଲେ କିରିସ୍ଟର୍ ବଲି ଟିକ୍ କଲା ।
 ୧୦ କିରିସ୍ଟ ପର୍ମେସର୍ ମନ୍ କର୍ବାଟା ସାଦନ୍ କଲା । ସେ ତାର୍ ଗାଗଡ୍ ସର୍ପଦେଇକରି ଏକାତର୍ ସର୍ପବେଲର୍ପାଇ ଆମ୍ଭେ ପାପ୍ ଦଇଦେଲା ।

୧୧ ସବୁ ଜିଉଦି ପୁଜାରିମନ୍ ସେ ସମାନ୍ ବଲି ସର୍ପଦେଇକରି ଦିନକେଦିନ ଟିଆ ଅଇତେରଇଲା । ମାତର୍ ଏ ବଲି ଲକ୍ମନର୍ ପାପ୍ ନେଇ ନାପାରୁଲା ।
 ୧୨ ମାତର୍ କିରିସ୍ଟ ତରେକ୍ ସେ ନିଜ୍ଜେକେ ବଲିଅଇଲା, ସେଟା ଆମ୍ଭେ ପାପ୍ ଦାରିଗାଲା ଆରି ସେ ସର୍ପପାଇ ଅଇଲାଟା ସବୁଦିନର୍ ପାଇ ନିକ । ସେ କରିରଇବା କାମ୍ ସାରିଲା ଇସାବେ ଗଟେକ୍ ଚିନ୍ ପାରା, ପର୍ମେସର୍ ଉଜାବାଟେ ବସଲା ।
 ୧୩ ସେ ଏବେ ମିସା ତେଇସେ ଜାଗିଆଟେ । ଜନ୍ ବେଲାଇ ପର୍ମେସର୍ ତାର୍ ସବୁ ସର୍ପୁମନ୍କେ ତାର୍ ପାପେ ଆନ୍ସି ।
 ୧୪ ଗଟେକ୍ ବଲିରଲାଗି ଆମେ ଜେଡ୍କିଲକ୍ ପାପେଅନି ଦଇଅଇ ଆତୁ, ସେ ଆମ୍ଭେ ସବୁଦିନର୍ ପାଇ ସିଦ୍ କରି ଆଟେ ।

୧୫ ସୁକଲ୍ଆଡ଼ମା ମିସା ଆମ୍ଭେକେ ତାର୍ ସାକି ଦେଇ କଇଲାନି,

୧୬ “ମାପୁରୁ କଇଲାନି, ଆଇବା ଦିନମନ୍କେ,
 ମୁଇ ଏ ନୁଆଁ ରାଜିନାମା,
 ସେ ଲକ୍ମନର୍ପାଇ କର୍ବି ।

ମୁଇ ମର୍ ନିୟମ୍ ସେମନ୍ ମନେ ସଙ୍ଗଇବି ଆରି
 ଚିନ୍ତା କର୍ବାଗାନେ ଲେକ୍ବି ।”

୧୭ ସେ ଆରି ତରେକ୍ କଇଲା, ତାକର୍ ପାପ୍ ଆରି କାରାପ୍ ଗୁନ୍ ଚଲନ୍ ମୁଇ ପାସିବି ଜିବି ।
 ୧୮ ସେନ୍ତାରି ଏ ସବୁ ବିସଇ କେମା ଅଇଲାଟା ପାଇ, ତାକର୍ ପାପ୍ ଦାରି ନେବାକେ ବଲି ଆରି ଦେବାକେ ନ ପଡେ ।

ପରମେସର୍ ଲଗେ ଆଇବାଟା

୧୯ ଏ ମର୍ ବାଇବଇନିମନ୍, ଜିସୁର୍ ମରନର୍ ଲାଗି ଆମେ ଅଦିକ୍ ସୁକଲ୍ ଜାଗାଇ ପୁରବାକେ ଆମ୍ଭେ ଅଦିକାର୍ ଆଟେ ।
 ୨୦ କାଇକେବଇଲେ, ତାର୍ ଗାଗଡ୍ ସର୍ପଦେ ଅଇଲାକେ ପାର୍ଦାବାଟେ ଆମ୍ଭେ ନୁଆ

ଆରି ଜିବନ୍ ରଇବା ବାଟ ଉଗାଡ଼ିଦେଲା ଆଚେ । ୨୧ ଆରି ସେତୁକିସେ ନଏଁ, ଆମ୍ଭକେ ଏବେ ଗଟେକ୍ ବଡ଼ ପୁଜାରିଆଚେ । ଜେ କି ପରମେସର୍ ଗରର୍ ଅଦିକାରେ ରଇବା ଲକ୍ । ୨୨ ସେଟାର୍‌ପାଇ ତେବେ ଆସା, ଆମେ ସତଇସେ ମନକରି ଆରି ତାଟ୍‌ସଙ୍ଗ୍ ବିସ୍‌ବାସ୍ କରି ପର୍ମେସର୍‌ର ଲଗେ ଜୁ । ଆମର୍ ବିବେକ୍ ଆମ୍ଭକେ ଦସ୍ ନ ଦେଲାପାରା କିରିସ୍‌ଟର୍ ବନିସଙ୍ଗ୍ ଚିଟିଅଇକରି ଦଇଅଇ ରଇବାର୍ ଆଚେ । ଆରି ଆମର୍ ଗାଗଡ଼ ସୁକଲ୍ ପାନିସଙ୍ଗ୍ ଦଇଅଇଲାପାରା ରଇବାର୍ ଆଚେ । ୨୩ ଆମର୍ ଜନ୍ ଆସା ଉଁ, ବଲି ମାନିଆଇଲୁନି, ତାକେ ଡାଁଟ୍ କରୁ । ଆମେ ଅଇସି କି ନଏଁ ଆଲେ, ବଲି ନ ବାବୁ । କାଇକେବଇଲେ ପର୍ମେସର୍ ଜନ୍ ସପଡ଼ କଲାଆଚେ, ସେଟା ସେ କରସି ଆକା । ୨୪ ଆସା, ଆମେ ବିନ୍ ଲକ୍‌ମନକେ ମନଦେଇ ସେମନକେ ସାଇଜ କରୁ । ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରି ନିକ କାମ୍ କରୁ । ୨୫ ଜେନ୍ତୁକି ଆରି କେତେଲକ୍ କଲାଇନି, ଆମେ ମିସିବିଡି ରଇବା ବିସ୍‌ବାସି ବାଇବଇନି ମନର୍ ସଙ୍ଗ୍ ରୁଣ୍ଡବାକେ ଏଲା ନ କରୁ । ତାର୍ ବାଦୁଲେ ଆମର୍ ସଙ୍ଗାରିମନର୍ ବିସ୍‌ବାସ୍ ଡାଁଟ୍ କରାଉ । ଆମର୍ ମାପୁରୁ ଜିସୁ ଆରିତରେକ୍ ଆଇବା ଦିନ ଲଗେ କେଟି ଆଇଲାନି ।

୨୬ କିରିସ୍‌ଟର୍ ବିସଇତେଇ ରଇବା ସଡ଼, ଆମେ ଜାନିକରି ପାପକରି ଲାଗିରଇଲେ, ଆମର୍ ପାପ ଦାରିନେବାକେ ଆରି କାଇ ବଲି ନାଇ । ୨୭ ସେନ୍ତାର୍‌ଆଲେ ପର୍ମେସର୍‌ର ଜନ୍ ବଡ଼ବିଚାର୍ ଦିନ୍ ଆଇଲାନି, ତେଇ ତାର୍ ବେସି ତର୍ ଲାଗିବା ବିଚାର୍‌ନାର୍‌ପାଇ ଜାଗବାକେ ପଡ଼ସି । ପରମେସର୍‌ର ସବୁ ବିରଦିମନକେ କୁରୁପ୍‌ନାସ୍ କରବା ସେ ବେସି ଲାଗ୍‌ତେରଇବା ଜଇର୍ ପାଇ ମିସା ଜାଗବାକେ ପଡ଼ସି । ୨୮ ମସାର୍ ନିୟମ୍ ନ ମାନବା ଗଟେକ୍ ଲକ୍‌କେ କାଇଟା ଅଇତେରଇଲା ବଲି ବାବିଦେକା । ଦୁଇ କି ତିନ୍ ଲକ୍ ତାର୍ ପାପର୍ ଲାଗି ସାକିଦେଲେ, ସେ କାଇମିସା ଦୟା ନ ପାଇକରି ମର୍‌ବାକେ ଆଦେସ୍ ଦେଇତେରଇଲାଇ ।

୨୯ ମସାର୍ ନିୟମ୍ ନ ମାନବା ଗଟେକ୍ ଲକ୍‌ର ଦସା ସେନ୍ତାରି ରଇଲେ, ପର୍ମେସର୍‌ର ପଅକେ ଇନ୍ କରବା ଗଟେକ୍ ଲକ୍‌ର ଦସା କେତେକ୍ ଅଦିକ୍ ନ ରଏ । ଜଦି ତାର୍ ରାଜିନାମାର୍ ବନିକେ କାଇ ମୁଲିଅ ନାଇ ବଲି ଏଲାକରିଦେଲେ, ଏ ବନିର୍ ଲାଗି ସେ ପାପେଅନି ସେ ସୁକଲ୍ ଅଇରଇଲା । ସେନ୍ତାରି କରବା ଲକ୍ ପର୍ମେସର୍‌ର ଆଡ଼ମା ଜେ କି ଜିବନ୍ ଦୁକାଇ ଦୟା ଦେକାଇସି, ତାକେ ମିସା ମନଦୁକ୍ କରାଇଲାନି । ତାର୍ ତଣ୍ଡୁ କେତେକ୍ ଅଦିକ୍ ନ ଅଏ । ୩୦ କାଇକେବଇଲେ ଆମେ ଜାନିଆରୁ, ପର୍ମେସର୍ କଇଲା, “ବେର୍ ସୁଜାଇବାକେ ମର୍ ଅଦିକାର୍ ଆଚେ । ମୁଇସେ ବାଉଡାଇବି ।” ସେ ଏନ୍ତାରି ମିସା କଇରଇଲା, “ମୁଇସେ ମାପୁରୁ ଆରି ମର୍ ଲକ୍‌ମନକେ ମୁଇ ଆକା ବିଚାର୍ କରବି ।” ୩୧ ଜିବନ୍ ରଇବା ଆରି ସବୁଟାଣେଅନି ବପୁ ରଇବା ପର୍ମେସର୍ ତଣ୍ଡୁ ପାଇବାକେ କେତେକ୍ ତର୍ ଲାଗସି ।

୩୨ ଗାଲା ଦିନ୍‌ମନକେ ତମେ କେନ୍ତାରି ରଇଲାସ୍, ତମେ ଏତାଇଦେକା । ପର୍ମେସର୍‌ର ସଡ଼ ବିସଇର୍ ପାଇ ତମର୍ ମନ ଉଗାଡ଼ି ଅଇଲାକେ, ତମକେ ବେସି ଦୁକ୍ କସଟ୍ ଅଇଲେମିସା, ସେଟା ସବୁ ମୁର୍ଚି କରି ରଇଲାସ୍ । ଆରିତେଇ ଆରିଜାଆସ୍ ନାଇ । ୩୩ କେତେ କେତେ ତର୍ ତମକେ ସବୁର୍ ମୁଆଟେ ଇଜଡ଼ ଜିକ୍‌ଲାଇ ଆରି କାରାପ୍ ଇସାବେ ଦେକ୍‌ଲାଇ । କେବେ କେବେ ଜନ୍ ଲକ୍‌ମନକେ ଦୁକ୍ ଆଇସି, ତାକର୍ ସମାନ୍ ଅଇତେରଇଲାସ୍ । ୩୪ ଆରି ବନ୍ଦି ଗରେ ରଇବା ତମର୍ ସଙ୍ଗାରିମନକେ ଦୟା ଦେକାଇଲାସ୍ । ତମର୍‌ଟାଣେ ଜେଡ଼କି ରଇଲାଟା ସେମନ୍ ମାର୍‌ଦାର୍ କରି ନେଲାବେଲେ, ତମେ ସାର୍‌ଦାସଙ୍ଗ୍ ମୁର୍ଚି ରଇଲାସ୍ । କାଇକେବଇଲେ, ତମକେ ତାର୍‌ତେଇଅନି ନିକଟା ଆରି ନ ସାର୍‌ବା ଦିନ୍ ଜାକ ରଇବା ଦନ୍‌ସପିଡି ଆଚେ ବଲି ଜାନିରଇଲାସ୍ । ୩୫ ସେଟାର୍‌ପାଇ ତମର୍ ସାଆସ୍ ଚାତାନାଇ । ମାତର୍ ସେଟା କର୍‌ତେରୁଆ । କାଇକେ ବଇଲେ ତମର୍ ଇନାମ୍ ବଡ଼ ରଇସି । ୩୬ ପର୍ମେସର୍‌ର ମନ୍ କଲାଟା ସାଦନ୍ କର୍‌ବାକେ ତମେ ମୁର୍ଚିକରି ରଇବାର୍ ଆଚେ ଆରି ସେ କାତା ଦେଇରଇବାଟା ତମେ ମିଲାଇସା ।

୩୭ ଜେନ୍ତାରିକି ସାସ୍‌ତରେ ଲେକା ଅଇଲାଆଚେ,
ଚନେକ୍ ଜାଗିରୁଆ,

ଜେ ଆଇବାର୍ ଆଚେ, ସେ ଆଇସି ଆକା,
ସେ ଅଲ୍‌ସମ୍ ନ ଅଏ ।

୩୮ ମର୍ ଜେଡ଼କି ଦରମ୍ ଲକ୍ ଆଟଡ଼,
ସେମନ୍ ବିସ୍‌ବାସ୍ କରି ବର୍‌ବାଇ
ମାତର୍ ଜେ ଜଦି ପଡ଼କେ ବାଅଡ଼ଲେ
ମୁଇ ତାର୍‌ଟାଣେ ସାର୍‌ବା ନ ଅଇ ।

୩୯ ମାତର୍ ଆମେ ପର୍ମେସର୍‌କେ ନ ମାନିକରି ତାର୍ ତେଇଅନି ବେଗଲି ଜିବା ଲକ୍ ନଉଁ । ମାତର୍ ଆମେ ବିସ୍‌ବାସ୍ କରି ରକିଆ ପାଇଲା ଲକ୍‌ମନର୍ ସଙ୍ଗ୍ ଆରୁ ।

୧୧

ବିସ୍ୱାସ

୧ ତେବେ ବିସ୍ୱାସ ଆଲେ କାଇଟା ? ଜନ୍ ବିସଇର୍ ପାଇ ଆମେ ଆସା କଲୁନି, ସେଟା ସିଦ୍ ଅଇସି ଆକା ବଲି ଆମର୍ ମନେ ଜାନ୍‌ବାଟା ଅଇଲାନି ବିସ୍ୱାସ । ଆରି ଜନ୍‌ଟା ଆମେ ଦେକି ନାପାରୁ, ସତଇସେ ଆତେ ବଲି ଜାନ୍‌ବାଟା, ମିସା ବିସ୍ୱାସ । ୨ ପୁରବେ ରଇବା ଆମର୍ ଆନିଦାଦିମନର୍ ବିସ୍ୱାସର୍ ଲାଗି ପର୍ମେସର୍ ସେମନ୍‌କେ ମନ୍‌କଲା ।

୩ ଆମର୍ ବିସ୍ୱାସର୍‌ଲାଗି, ଏ ଜଗତ୍ ଆରି ତେଇ ରଇବା ସବୁଜାକ ପର୍ମେସର୍‌ଆଦେସ୍ ଇସାବେ ତିଆର୍ ଅଇଲାଆତେ ବଲି ଆମେ ଜାନ୍‌ଲୁନି । ତେବେ ଜନ୍‌ଟା ଦେକି ଅଇଲାନି, ସେଟା ଦେକି ନ ରଇଲା ଟାନେଅନି ତିଆର୍ ଅଇଆତେ ।

୪ ଏବଲର୍ ବିସଇ ବାବି ଦେକୁ । ତାର୍ ବିସ୍ୱାସର୍ ଲାଗି ସେ ଜନ୍‌ଟା ପର୍ମେସର୍‌କେ ସର୍ପି ଦେଇରଇଲା, ତାର୍ ବାଇ କଇନ୍ ଦେଲାଟାନେଅନି ନିକରଇଲା । ତାର୍ ବିସ୍ୱାସର୍ ଲାଗି ପର୍ମେସର୍ ତାକେ ଦରମ୍ ବଲି ଏଜାଇଲା । ସେ ସର୍ପିଦେଲାଟା ପର୍ମେସର୍ ମାନ୍‌ଲାକେ ଆମେ ଏଟା ଜାନ୍‌ଲୁନି । ତେବର୍‌ପାଇ ଏବଲ୍ ମରିଗାଲେମିସା ତାର୍ ବିସ୍ୱାସର୍ ଲାଗି, ସେ ଆମ୍‌କେ କାଇକାକାଟା କଇଲାନି ।

୫ ଆରି ଗଟେକ୍ ଲକ୍ ରଇଲା ଇନକ୍, ତାର୍ ବିସ୍ୱାସର୍ ଲାଗି ସେ ମରେନାଇ, ମାତର୍ ଜିବନ୍ ରଇତେ ତାକେ ପର୍ମେସର୍ ଦାରିଗାଲା । ତେବେ ସେମନ୍ ତାକେ କଜ୍‌କଇ ମିସା ମିଲାଇ ନାପାରୁଲା । କାଇକେବଇଲେ ପର୍ମେସର୍ ତାକେ ନେଇରଇଲା । ସାସ୍‌ତରେ ଏନ୍ତାରି ଲେକା ଅଇଲାଆତେ, ତାକେ ଦାରି ନେବା ଆଗ୍ରୁ ପର୍ମେସର୍ ତାକେ ମନ୍ କରରଇଲା । ୬ ତେବର୍‌ପାଇ ଜନ୍ ଲକ୍‌ମନ୍ ପର୍ମେସର୍‌ର ଲଗେ ଆଇବାକେ ମନ୍ କଲାଇନି, ପର୍ମେସର୍ ଆତେ ବଲି ବିସ୍ୱାସ୍ କର୍‌ବାର୍ ଆତେ । ଜେଟ୍‌କି ଲକ୍‌ମନ୍ ତାକେ କଜ୍‌ବାଇ, ସେ ସେମନ୍‌ର ଆସା କଲାଟା ପୁରାପୁରୁନ୍ କର୍‌ସି ।

୭ ନଅର୍ ବିସଇ ବାବିଦେକା । ତାର୍ ବିସ୍ୱାସର୍ ଲାଗି ପର୍‌କେ ଅଇବା ବିସଇ ପର୍ମେସର୍ ତାକେ ଜାଗରତ୍ କରାଇଲାକେ, ସେ କାତା, ସେ ଏଲାଇନେ ନାଇ । ତାର୍ ଆଗ୍ରୁ ସେ ସେନ୍ତାରିଟା କାଇଟା ନ ଦେକିରଇଲେ ମିସା, ସେ ବିସ୍ୱାସ୍ କଲା । ତାର୍‌ପତେ ସେ ଆରି ତାର୍ କୁଟ୍‌ମ୍ ରକିଆ ପାଇବାକେ ଗଟେକ୍ ବଡ୍ ତଜା ତିଆର୍ କଲା । ତାର୍ ବିସ୍ୱାସର୍ ଲାଗି ପର୍ମେସର୍ ତାକେ ଦରମ୍ ଲକ୍ ବଲି ଏଜଲା, ମାତର୍ ବିନ୍‌ଲକ୍‌ମନ୍‌କେ ଦସି କଲା ।

୮ ଅବ୍ରାଆମ୍ ମିସା ତାର୍ ବିସ୍ୱାସର୍ ଲାଗି ପର୍ମେସର୍‌ର କାତା ମାନ୍‌ଲା । ପର୍ମେସର୍ ତାର୍‌ପାଇ ସଜ୍‌ଇରଇବା ଗଟେକ୍ ଦେସେ ଜା ବଲି କଇଲାକେ, ସେ ଦାପ୍‌ରେ ମାନ୍‌ଲା ଆରି ବାରଇଲା । ସେ କନ୍ତି ଗାଲିନି ବଲି ନାଜାନି ରଇଲେ ମିସା ସେ ସେନ୍ତାର୍ କଲା । ୯ ତାର୍ ବିସ୍ୱାସର୍ ଲାଗି ପର୍ମେସର୍ ତାକେ ଦେବି ବଲି କାତା ଦେଇରଇଲା ଦେସେ, ସେ ବିନ୍‌ଦେସର୍ ଲକ୍ ପାରା ତୁମ୍ ଟାନି ରଇଲା । ସେନ୍ତାରିସେ ତାର୍ ପଅ ଇସାକ୍ ଆରି ଜାକୁବ୍ ତାର୍ ନାତି ମିସା ପର୍ମେସର୍ କାତା ଦେଇରଇଲାଟା ମିଲାଇବାଟାନେ ମିସ୍‌ଲାଇ । ୧୦ ଅବ୍ରାଆମ୍ ସେନ୍ତାରି ଜାଗାଇ ମୁରତିକରି ରଇଲା । କାଇକେବଇଲେ ପର୍ମେସର୍ ତିଆର୍ କଲା ସବୁଦିନ ରଇବା ସରଗର୍ ନଅରେ ରଇବି ବଲି ସେ ଆସାକଲା ।

୧୧ ତାର୍ ବିସ୍ୱାସର୍ ଲାଗି ଅବ୍ରାଆମ୍ ବେସି ତକ୍‌ରା ରଇଲା ମିସା ଆରି ତାର୍ ମାଜ୍‌ଜି ସାଆରା ବାଞ୍ଜି ରଇଲେ ମିସା, ବାବା ଅଇଲା । ପର୍ମେସର୍ କାତା ଦେଇରଇଲାଟା ସିଦ୍ କର୍‌ସିଆକା ବଲି ସେ ଜାନିରଇଲା । ୧୨ ଅବ୍ରାଆମ୍ କୁଲ୍‌କୁଲା ତକ୍‌ରା ଅଇଲାକେ ସେ ପିଲାଜିଲା କରି ନାପାରୁଲା । ଅଇଲେମିସା ତାର୍ ନାତିତିଡିମ୍ ବାଦଲର୍ ତାରା ପାରା ଆରି ସମ୍‌ତୁରେ ରଇବା ବାଲି ପାରା ଜବର୍ ଅଇଗାଲାଇ ।

୧୩ ଏ ସବୁ ଲକ୍‌ମନ୍ ସେମନ୍ ମଲାବେଲେ ମିସା ପର୍ମେସର୍‌କେ ବିସ୍ୱାସ୍ କର୍‌ତେ ରଇଲାଇ । ପର୍ମେସର୍ ସେମନ୍‌କେ କାତା ଦେଇରଇଲାଟା, ସେମନ୍ ଜିବନ୍ ରଇଲାବେଲେ ନ ମିଲାଇରଇଲେ ମିସା, ଜନ୍‌ଟା ପାଇବାଇ, ସେଟା ଦୁରିକେଅନି ଦେକ୍‌ଲାପାରା ଦେକି ସାର୍‌ଦା ଅଇଲାଇ । ଏ ଜଗତେ ସେମନ୍ ବିନ୍ ଦେସର୍ ପାରା ଆରି ନିଜର୍ ଦେସେ ନ ରଇଲା ଲକ୍‌ପାରା ମାନିଅଇକରି ରଇଲାଇ । ୧୪ ସେମନ୍ ମାନିଅଇ ରଇଲାଟାନେ ଅନି ଆମେ ଜାନ୍‌ବୁ ଜେ, ସେମନ୍ ନିଜର୍‌ଟା ବଲି ଜାନାଇବା ଗଟେକ୍ ଦେସ୍ କଜ୍‌ତେ ରଇଲାଇ । ୧୫ ସେମନ୍ ଚାଡିକରି ଆସିରଇବା ଦେସ୍ ବିସଇନେଇ ଚିନ୍ତା କରନ୍‌ନାଇ । ସେନ୍ତାରି କର୍‌ତାଇଆଲେ, ସେମନ୍ ବାଉଡ୍‌ବାକେ ଅଇତା । ୧୬ ସେମନ୍ ଚାଡିଆଇଲା ନଅର୍‌ତେଇଅନି ଅଦିକ୍ ନିକ ଗଟେକ୍ ନଅର୍‌ର ପାଇ ତାକ୍ ଆକି ରଇଲା । କାଇକେବଇଲେ, ସେମନ୍ ସରଗ୍ ଦେସ୍

* ୧୧:୩ ୧୧:୩ ଇଅନ୍ ୧:୩

ପାରାଟା କଜ୍ଜେତରଇଲା । ସେମନ୍ ତାକେ ପର୍ମେସର୍ ବଲି ତାକ୍ଲାର୍ ପାଇ, ସେ ଲାଜ୍ ଅଧନାଇ । କାଜକେବଇଲେ ସେ ତାକର୍ପାଇ ଗଟେକ୍ ନଅର୍ ତିଆରକଲା ଆଟେ ।

୧୭ ତାର୍ ବିସ୍ବାସର୍ ଲାଗି ଅବ୍ରାଆମ୍ ଜେତେବେଲେ ପର୍ମେସର୍ ତାକେ ପରିକା କଲା, ସେ ତାର୍ ପଅକେ ବଲି ଛସାବେ ସର୍ପି ଦେଲା । ମାତର୍ ପର୍ମେସର୍ କାତା ଦେଇରଇଲାଟାନେ ଅବ୍ରାଆମ୍ ବିସ୍ବାସ୍ ଡାଂର୍ ରଇଲା । ଆରି ସେ ତାର୍ ଗଟେକ୍ ବଲି ପଅ ଛସାକକେ ବଲି ଛସାବେ ଦେବାକେ ରାଜି ରଇଲା । ୧୮ ତାର୍ ପଅ ଛସାକର୍ ଲାଗି, ତାର୍ ନାତିତିତିମନ୍ ଜବର୍ ଅଇଜିବାଇ ବଲି ପର୍ମେସର୍ ତାକେ କାତା ଦେଇରଇଲା । ୧୯ ଜିଦି ଛସାକ୍ ମରିଗାଲେ, ପର୍ମେସର୍ ତାକେ ଜିବନ୍ କରି ଉଟାଇପାରୁସି ବଲି ଅବ୍ରାଆମ୍ ବାବିରଇଲା । ଆରି ସେବେଲେ ସେନ୍ତାରିସେ ତାକେ ମଲାତେଇଅନି ଜିବନ୍ ଅଇକରି ପାଇଲା ପାରା ସେ ରଇଲା ।

୨୦ ଛସାକ୍ ତାର୍ ବିସ୍ବାସର୍ ଲାଗି, ତାର୍ ପଅମନ୍ ଜାକୁବ୍ ଆରି ଏସ୍ଅକେ ଆଇବା ଦିନ୍ମନର୍ ପାଇ ଆସିରବାଦ୍ ଦେଲା ।

୨୧ ଜାକୁବ୍ ତାର୍ ବିସ୍ବାସର୍ ଲାଗି, ସେ ମରବା ବେଲେ ତାର୍ ନାତିତିତିମନ୍ ଜେ କି ଜସେପର୍ ପଅମନ୍କେ ଆସିରବାଦ୍ କଲା । ସେ ଦାରିକରି ଇଣ୍ଡବା ତାଙ୍ ଉପ୍ରେରେ ଆଉଜି କରି ପର୍ମେସର୍କେ ଉପସନା କଲା ।

୨୨ ଜସେପ୍ ତାର୍ ବିସ୍ବାସର୍ ଲାଗି ସେ ମରବାବେଲେ ଆଇବା ଦିନ୍ମନ୍କେ ଇସ୍ରାଏଲର୍ ଲକ୍ମନର୍ ସବୁ ମିସର୍ ଦେସ୍ ଗାଡି ଜିବାଇ ବଲି କଇରଇଲା । ଆରି ତାର୍ ମଲା ଗାଗଡ୍‌ସଙ୍ କାଇଟା କର୍ବାର୍ ଆଟେ ବଲି ସେମନ୍କେ ତିଆରି ରଇଲା ।

୨୩ ମସାର୍ ଆୟାବାବାମନ୍ ତାକର୍ ବିସ୍ବାସର୍ ଲାଗି ଏବ୍ରିଆମନ୍ ପିଲାଟକିକେ ମରାଇବାର୍ ଆଟେ ବଲି ରାଜା ଆଦେସ୍ ଦେଇରଇଲା ମିସା, ସେମନ୍ ମସା ଜନମ୍ ଅଇଲାକେ ତାକେ ତିନ୍ମାସ୍ ଲୁଟାଇକରି ସଙ୍ଗାଇଲା । ସେ ଗଟେକ୍ ସୁନ୍ଦର୍ ପିଲା ବଲି ସେମନ୍ ଦେକ୍ଲା । ରାଜା ଆଦେସ୍ କଲାଟାକେ ସେମନ୍ ତରଡ୍ ନାଇ ।

୨୪ ମସା ତାର୍ ବିସ୍ବାସର୍ ଲାଗି, ସେ ବଡ୍ ଅଇଲାକେ ରାଜାର୍ ଜିଇର୍ ପିଲା ବଲାଅଇବାକେ ମନ୍ କରି ନ ରଇଲା । ୨୫ ଚନେକର୍ପାଇ ସାରଦା ଦେବା ପାପ୍ କର୍ବାଟେଇଅନି, ପର୍ମେସର୍ ଲକ୍ମନର୍ ସଙ୍ଗ୍ କସର୍ ଅଇରଇବାଟା ଅଦିକ୍ ନିକ ବଲି ସେ ବାବ୍ଲା । ୨୬ ମସିଅର୍ ଲାଗି ଲାଜ୍ପାଇ ମୁରଟିକରି ରଇବାଟା ମିସର୍ ଦେସେଅନି ମିଲାଇରଇବା ବଡ୍ ଦନ୍ ସପ୍ତିତେଇଅନି ଅଦିକ୍ ନିକଟା ବଲି ସେ ବାବ୍ଲା । ଆଇବା ଦିନ୍ମନ୍କେ ମିଲାଇବା ପୁରୁସକାର୍ଟାନେ ସେ ଆଁକିପାକାଇ ରଇଲା ।

୨୭ ତାର୍ ବିସ୍ବାସର୍ ଲାଗି, ସେବେଲେ ସେ ମିସର୍ଦେସ୍ ଗାଡିଆଇଲା । କାଜକେବଇଲେ, ସେ ରାଜାର୍ ରିସା ଡରେନାଇ । ଆକିସଙ୍ ଦେକି ନାପାର୍ବା ପର୍ମେସର୍କେ ଦେକ୍ଲା ପାରା ସେ ଆରି ସେ ଦେସେ ବାଉଡେନାଇ । ୨୮ ତାର୍ ବିସ୍ବାସର୍ ଲାଗି ସେ ନିସ୍ତାର୍ ପରବ୍ ମାନଲା ଆରି ଇସ୍ରାଏଲ୍ ଲକ୍ମନର୍ ରଇବା ଗରର୍ କାପାଟେ, ଗଟେକ୍ ମେଣ୍ଟିପିଲା ବନି ତିବ୍ବାକେ ଆଦେସ୍ ଦେଲା । ସେ ଏନ୍ତାରି କଲାକେ ପର୍ମେସର୍ ବୁଡ୍ ଇସ୍ରାଏଲ୍ ଲକ୍ମନର୍ ପଣ୍ଡା ପିଲାମନ୍କେ ମରାଏ ନାଇ ।

୨୯ ଇସ୍ରାଏଲର୍ ଲକ୍ମନ୍ ତାକର୍ ବିସ୍ବାସର୍ ଲାଗି ଲାଜ୍ ନାଉର୍ ସମ୍ପୁର୍ ବିତ୍ରେ ସୁକ୍ଲା ବୁଇପାରା ଇଣ୍ଡି ଇଣ୍ଡି ଲାଜ୍ଲା । ସେମନ୍କେ କେଦି ଆନ୍ତେରଇବା ମିସର୍ ଦେସର୍ ଲକ୍ମନ୍, ସେନ୍ତାରି ଲାଜ୍ବାକେ ଚେସ୍ଟା କଲାକେ ସେମନ୍ ସବୁଲକ୍ ବୁଡିଗାଲା । କାଜକେବଇଲେ ଜନ୍ ସମ୍ପୁରେ ସେମନ୍ ଇଣ୍ଡବା ବେଲେ ପାନି ଦୁଇବାଟ୍ ଅଇରଇଲା, ପର୍ମେସର୍ ସେ ପାନି ମିସାଇଦେଲା ।

୩୦ ଇସ୍ରାଏଲର୍ ଲକ୍ମନ୍ ତାକର୍ ବିସ୍ବାସର୍ ଲାଗି ଜିରିକର୍ ପାରୁରିତେଇ ଆସି ସାଡ୍ ଦିନ୍ ଜାକ ତେଇ ବୁଲିଲାକେ ତାର୍ ପାରୁରି ବସିଲିଗାଲା । ୩୧ ଜେରିକର୍ ନଅରେ ରଇବା ରାଆବ୍ ନାଉର୍ ଗଟେକ୍ ବେସିଆ ମାଜି, ତାର୍ ବିସ୍ବାସର୍ ଲାଗି ପର୍ମେସର୍କେ ନ ମାନିକରି ରଇବା ଲକ୍ମନ୍ ସଙ୍ଗ୍ ମରେନାଇ । ଇସ୍ରାଏଲର୍ କବର୍ ନେବା ଲକ୍ମନ୍ ଲୁଡ୍ତେ ନଅରେ ଆଇଲାବେଲେ ରାଆବ୍ ସେମନ୍କେ ସାଇଜ କଲା ।

୩୨ ମୁଇ ଇତି ତେବ୍ବି । କାଜକେବଇଲେ ମୁଇ ଆରି କଇବାଟା ଆରାମ୍ କଲେ, ଗିଦିୟନ୍, ବାରାକ୍, ସାମ୍ସନ୍, ଜେପ୍ତା, ସାମୁଏଲ୍, ଆରି ବବିସ୍ତବ୍‌କ୍‌ତାମନ୍ ବିସ୍ବାସ୍ ବିସଇ କାତା ଅଇବାକେ ବେଲା ନ କେଟେ । ୩୩ ତାକର୍ ବିସ୍ବାସର୍ ଲାଗି କେତେକ୍ ଲକ୍ ରାଇଜେ ଜୁଇଦ୍ କରି ଜିତ୍ଲାଇ । ବିନ୍‌ଲକ୍ମନ୍ ଦରମ୍ ଚଲାଚଲ୍‌ତିକରି ପର୍ମେସର୍ କାତା ଦେଇରଇବାଟା ମିଲାଇଲା । ସେମନ୍ ବାଦରା ସିଆମନ୍କେ ଆରାଇଲା । ୩୪ ବିନ୍ ଲକ୍ମନ୍ ତାକର୍ ବିସ୍ବାସର୍ ଲାଗି ଜବର୍ ଜଇଲାବ୍ଲାଇ ମିସା ପତଡ୍‌ନାଇ, । କାଣ୍ଡାତେଇଅନି ରକିଆ ପାଇଲା । ସେମନ୍ ଦୁର୍ବଲ୍ ରଇଲା । ମାତର୍ ତାକର୍ ବିସ୍ବାସର୍ ଲାଗି ତାଟ୍ ଅଇଲା । ଜୁଇଦ୍‌କର୍ବାକେ ବସ୍ ଅଇଲା । ସତ୍‌ରୁମନ୍ ସଇନମନ୍କେ

ଆରାଉଲାଇ । ୩୫ କେତେଟା ମାଲଜିମନ୍ ମିସା ତାକର୍ ବିସ୍ବାସର୍ ଲାଗି ସେମନ୍ କୁଟୁମର୍ ଲକ୍ମନକେ ମଲାତେଇଅନି ଜିବନ୍ ଅଇତେ ମିଲାଇଲାଇ । ବିସ୍ବାସିମନ୍କେ ବନ୍ଦିକରି ନେଲାଇ ।

ସେମନ୍ ମରୁବାଜାକ ଦୁକ୍ କସ୍ତ ପାଇଲେ ମିସା ତାକର୍ ବିସ୍ବାସ୍ ଚାତଡ଼ ନାଇ । ଆଇବା ଦିନମନ୍କେ ଅଦିକ୍ ନିକ୍ ଜିବନ୍ ପାଇବୁ ବଲି ସେନ୍ତାରି ଅଇକରି ମଲାଇ । ୩୬ କେତେ ଲକ୍ମକେ କିଜାଇଲାଇ, କର୍ତ୍ତା ମାରାଇଲାଇ, ବିନ୍ ଲକ୍ମନକେ ବାନ୍ଦିକରି ଜଇଲେ ପୁରାଇଲାଇ । ୩୭ ବିନ୍ ଲକ୍ମନକେ ପାକ୍ନା ମାରାଇ ମରାଇଲାଇ, । ଦୁଇପତାକରି କାଟାଇଲାଇ, କାଣ୍ଡା ସଙ୍ଗ ମାରାଇଲାଇ । କେତେକ ଲକ୍ମ ତାକର୍ ବିସ୍ବାସ୍ ଚାତଡ଼ନାଇକେ ଅବକା ତେଲିମେଣ୍ଡା ଚାମସେ ଲୁଗାର୍ପାଇ ରଇଲା । ସେମନ୍ ବେସି ଅରକିଡ଼ ରଇଲାଇ । ସେମନ୍କେ ସାଦ୍‌ବାନ୍ଦ୍ କରି ଡାଡ଼ନା କଲାଇ । ୩୮ ଏ ଜଗତର୍ କାରାପ୍ ଲକ୍ମନ, ସେ ଦରମ୍ ଲକ୍ମନନ୍ ସଙ୍ଗ ମିସ୍‌ବାକେ ସମାନ୍ ନ ରଇଲାଇ, ବିନ୍ ବିସ୍ବାସିମନ୍ ନିଜର୍ ଗର୍ଦୁଆର୍ ଗତି ଆଜିଜାଇରଇବା ଲକ୍ମନନ୍ ପାରା ମରୁବାଲି ବୁର୍ସି, ଆରି କୁପ୍‌ଲିତେଇ ରଇବା ପାଆରେ, ଆରି କଲେ ରଇଲାଇ ।

୩୯ ତାକର୍ ବିସ୍ବାସର୍ ଲାଗି ସେମନ୍ ତାକ୍‌ପୁଟା ଅଇଲାଇ । ଏଲେମିସା ପର୍ମେସର୍ କାତା ଦେଇରଇବାଟା ସେମନ୍ ମିଲାଅଡ଼ ନାଇ । ୪୦ କାଇକେବଇଲେ ପର୍ମେସର୍ ଗଟେକ୍ ବେସି ନିକ୍ ଜିଜ୍ନା ଆମର୍ପାଇ ଚିକ୍ କଲାଆତେ । ଆମେ ସେ ଲକ୍ମନନ୍ ସଙ୍ଗ ନ ମିସ୍‌ବାଜାକ, ସେ ସେମନ୍କେ କାତା ଦେଇରଇଲାଟା ସିଦ୍ ନ କରେ ।

୧୨

ପର୍ମେସର୍ ଆମର୍ ବାବା

୧ ଏବେ ଆମେ ସବୁ ଆରାଜିତାଗାନେ ପାଲାଇବା ଲକ୍ମନନ୍‌ପାରା ଆବୁ । ଆମର୍ ଚାରିବେଟି ଗଟେକ୍ ବଡ଼ ଦଲର୍ ସାକିମନ୍ ଦେକ୍‌ଲାଇନି । ତେବର୍ପାଇ ଜନ୍‌ଗାମନ୍ ଆମ୍‌କେ ବାଦା ଦେଲାନି, ଆରି ଜନ୍ ପାପ୍‌ମନ୍ ଆମ୍‌କେ ପଡ଼କେ ଜିକ୍‌ଲାନି, ସେଟା ସବୁ ବେଟି ପିଙ୍ଗିଦେବାର୍ । ଜନ୍ ଆରାଜିତା ଅଇ ପାଲାଇବାଟା ପର୍ମେସର୍ ଆମର୍ ମୁଆଟେ ସଙ୍ଗିଆଟେ, ତେଇ ଆମେ ମୁରୁଚିକରି ପାଲାଇ ସାରାଇଦେଉଁ । ୨ ଆମର୍ ଆଁକି ଜିସୁର୍‌ଗାନେ ସଙ୍ଗିତ । ତାକେ ଆମେ ଆରାମେ ଅନି ସାରାସାରି ଜାକ ବିସ୍ବାସ୍ କରିଆବୁ । ଜନ୍ ସାର୍‌ଦା ତାର୍ ମୁଆଟେ ସଙ୍ଗିରଇଲା, ସେ ସାର୍‌ଦାର୍‌ଲାଗି ରଇବା ଦୁକ୍‌କସ୍ ମୁରୁଚି କରି ରଇଲା । ଆରି ତେଇ ମର୍‌ବା ଲାଜର୍ ବିସଇ ମନେ ଦାରେନାଇ । ପର୍ମେସର୍ ଆଜି ଜନ୍ ଜାଗାଇ ବସ୍‌ଲାଆଟେ, ତାର୍ ଉଜାବାଟେ ସେ ମିସା ବସ୍‌ଲାଆଟେ ।

୩ ବାବିଦେକା, ସେ କେତେକ୍ ଦୁକ୍ କସ୍ତ ପାଇଆଟେ । ସେ ପାପିମନ୍‌ ଗାନେଅନି କେତେକ୍ ଉତା ସୁନିଆଟେ । ଜେନ୍ତାରିକି ଆସା ନ କରି ଗତି ଦିଆସ୍ ନାଇ । ୪ କାଇକେବଇଲେ ପାପର୍ ବିରୁଦେ ଆଇବା ଜୁଇଦେ ବନି ଜର୍‌ବା ଏଡ଼ିକି ତମେ କରାସ୍ ନାଇତା । ୫ ପର୍ମେସର୍ ସାସ୍‌ତରେ ଲେକା ଅଇଲାଟା ତମେ ପାସ୍‌ରିଗାଲାସ୍ କି ? ସେ ତାର୍ ପିଲାଜିଲ୍‌ମନ୍‌କେ ମନ୍ ସାର୍‌ଦା କରାଇ ଏନ୍ତାରି କଇରଇଲା । ସେ କଇଲା,

ମର୍ ପଥ ମାପ୍‌ରୁର ସାସନ୍ କର୍‌ବାଟା ଏଲା କର୍‌ବାର୍ ନାଇ ।

ସେ ତମ୍‌କେ ତଣ୍ଡ ଦେବାବେଲେ ଆସା ଚାଡ଼୍‌ବାର୍ ନାଇ ।

୬ କାଇକେବଇଲେ ମାପ୍‌ରୁ ଜେଡ଼ିକି ଲକ୍ମକେ ଆଲାଦ୍ କରସି, ସେଡ଼ିକି ଲକ୍ମକେ ସେ ସାସନ୍ କରସି ।

ଆରି ଜେଡ଼ିକି ଲକ୍ମକେ ତାର୍ ପିଲାଜିଲା ବଲି ଏଜିଆଟେ

ସେ ସବୁ ଲକ୍ମକେ ତଣ୍ଡ ଦେଇସି ।

୭ ତେବର୍ପାଇ ତମର୍ ଦୁକ୍‌କସ୍ତ ସବୁ ତମର୍ ବାବାର୍‌ତେଇଅନି ମିଲିରଇବା ତଣ୍ଡ ପାରା ବଲି ବାବ୍‌ବାର୍ ଆଟେ । ପର୍ମେସର୍ ତମକେ ତାର୍ ପିଲା ଜିଲା ବଲି ଏଜ୍‌ଲାନି । ଏଟା ତମର୍ ଦୁକ୍‌କସ୍ତ ପାଇବାତେଇଅନି ଜାନାପଡ଼ସି । କାଇକେବଇଲେ, ତାର୍ ପିଲାକେ ତଣ୍ଡ ନ ଦେଲା ବାବା କେ ଆଟେ ? ୮ ତେବର୍ପାଇ ତାର୍ ସବୁ ପିଲାଜିଲାପାରା ପର୍ମେସର୍ ଜଦି ତମ୍‌କେ ତଣ୍ଡ ନ ଦେଏ, ତାର୍ ଅରଡ଼ ଅଇଲାନି ସତଇସେ ତମେ ତାର୍ ପିଲାଜିଲା ନୁଆସ୍, ମାତର୍ ଉପକା ପିଲାଜିଲା । ୯ ଆମ୍‌କେ ଜନମ୍ ଦେଲା ବାବାମନ୍ ତଣ୍ଡ ଦେଇରଇଲାକି ଆରି ସେଟାର୍‌ପାଇ ଆମେ ସେମନ୍‌କେ ମାନିଅ କର୍‌ତେରଇଲୁ । ସେନ୍ତାରିଆଲେ ସର୍‌ଗେ ରଇବା ଆମର୍ ବାବାକେ ଆମେ କେତେକ୍ ଅଦିକ୍ ନିଜ୍‌କେ ସର୍‌ପିଆଇ ବୁର୍‌ବୁ ? ୧୦ ଆମର୍ ବାବାମନ୍ ସେମନ୍ ଟକ୍ ବଲି ବାବ୍‌ବା ଇସାବେ, ଚନେକର୍‌ପାଇ ରଇବା ଏ ଜିବନେ ଆମ୍‌କେ ତଣ୍ଡ ଦେଇରଇଲାଇ । ମାତର୍ ଜେତେବେଲେ ପର୍ମେସର୍ ଆମ୍‌କେ ତଣ୍ଡ ଦେଇସି, ଆମର୍ ନିକପାଇ ଦେଇସି । ଜେନ୍ତାରିକି ଆମେମିସା ତାର୍‌ପାରା ସୁକ୍‌ଲ୍ ଅଇବୁ । ୧୧ ଜେତେବେଲେ ତଣ୍ଡ ପାଇବୁ, ଆମେ ସାର୍‌ଦା ନ ଅଉଁ, ମାତର୍ ଦୁକ୍ ଅଇବୁ । ସେଟା ସଡ଼, ମାତର୍ ସେ ତଣ୍ଡ ପାଇଲାତେଇଅନି କାଇକାଇଟା

ସିଦ୍ଧାନ୍ତ ପରେ, ସେମାନେ ନିଜ ବଳି ବାବୁକୁ । କାଳକେବଳଲେ ସେମାନେ ଆମ୍ଭଙ୍କ ସାହିତ୍ୟକୁ ରକ୍ଷା କରିବା ପାଇଁ ଆମ୍ଭଙ୍କ ଗଣେଶଙ୍କ ଦରମା ଚଳାଚଳୁଥିବା କର୍ତ୍ତାବ୍ୟକୁ ସାଜନ କରୁଥିଲେ ।

ସିଦ୍ଧାନ୍ତ ଆମ୍ଭଙ୍କ ଚେତନା

^{୧୨} ଚେତନାପାଇଁ ଅନୁଷ୍ଠାନ ଅଭାବରୁ ଆମ୍ଭ ଉପାଧିଆ ଆମ୍ଭଙ୍କୁ ଲୁଚାନ୍ତୁ ଲୋକମାନଙ୍କୁ ଆମ୍ଭଙ୍କୁ ମାଣ୍ଡିତ୍ୟ ଦେବାକୁ ଚାହୁଁଛନ୍ତି । ^{୧୩} ସମ୍ପୂର୍ଣ୍ଣ ବାଟେ ଲୁଚାନ୍ତୁ । ସେମାନଙ୍କୁ ଲୋକମାନଙ୍କୁ ତମ୍ଭଙ୍କୁ ନ ଆଜ୍ଞାପାଦ୍ୟ ନିଜ ଅଭିମତ ଚାହୁଁଛନ୍ତି ।

^{୧୪} ସବୁ ଲୋକଙ୍କୁ ସଙ୍ଗେ ସୁସାଧାରଣ ଆମ୍ଭଙ୍କୁ ସଙ୍ଗେ ରକ୍ଷାକେ ଚେତନା କରା, ଆମ୍ଭଙ୍କୁ ସୁକଳ୍ପ ନ ଅଭିମତ ମାପୁଥିବା ଦେଖି ନାପାଉ । ^{୧୫} ଗଣେଶଙ୍କ ଲକ୍ଷ ଆମ୍ଭଙ୍କୁ ଲକ୍ଷକେ ଲାଗୁରୁ କରାଥା । ଜେନ୍ତୁରି କି ପରମେଶ୍ଵର ଜିବନ୍ତ ବୁଦ୍ଧିକର ଦୟା ଦେଖାଇଲେମାନେ ଅମିତ କେ ପଦ୍ମକେ ନ ଜାଣନ୍ତୁ । କାଳକେବଳଲେ ସେମାନଙ୍କୁ ଲକ୍ଷ ପିତା ପଲ୍ଲ ଦାରୁବା ଗଣେଶଙ୍କ ଗର୍ବ ପାରା ରକ୍ଷା ଆମ୍ଭଙ୍କୁ ବେସି ଲକ୍ଷକେ ତାଙ୍କୁ ବିସ୍ତ ସଙ୍ଗେ ଅଭିମତ କରୁଥିଲେ । ^{୧୬} ଜାଗରତା ରୁଆ, ତମ୍ଭଙ୍କୁ ବିଚାର କେ ମିଆ ବେସିଆ କାମ୍ କରାନା । ପରମେଶ୍ଵରଙ୍କୁ ବିସ୍ତାସ ନ କରି ରକ୍ଷା ଏସ୍ତ ପାରା ନ ଉଥା । ସେ ଗଣେଶଙ୍କ କାନ୍ଦିରପାଇଁ ପରମେଶ୍ଵର ସେ ପାଇଁ ବଳି କାତା ଦେଇରକ୍ଷା ବଡ଼ ପିଲାଙ୍କୁ ଅଦିକାର ପାଲଟାଇଲା । ^{୧୭} ଆମ୍ଭେ ଜାଣିଆରୁ ଜେ ସେ ସେମାନଙ୍କୁ କଳାପରେ, କରିରକ୍ଷା କାମ୍ ପାଇ ବୁଦ୍ଧି କଲା । କାଳକେବଳଲେ ବାବାଙ୍କୁ ବଡ଼ ପଥ ଲକ୍ଷାବେ ତାଙ୍କୁ ବାବାଙ୍କୁ ଆସିବରୁ ପାଇବାକେ ବେସି ମନ୍ତ କଲା । ମାତ୍ର ତାଙ୍କୁ ସଙ୍ଗେ କାନ୍ଦିକରି ବାବୁଜିଆ କଳାମିଆ, ସେ ମିଲାଜ ନାପାଉଲା କି କରିରକ୍ଷା କାମ୍ ମିଆ ବାଦଲେ ନା ।

^{୧୮} ଇସ୍ତରାଏଲ୍ ଲକ୍ଷମନ୍ତ ପରମେଶ୍ଵର ଲଗେ ଆଇଲାପାରା ତମ୍ଭେ ଆସାସ ନା । ସେମାନେ ଜନ୍ମଟା ଦେଖିଲେ, ସେମାନେ ଜାଣିପାରୁଲେ । ସିନ୍ଧୁ ପରବତେ ରକ୍ଷା ଜଳ ଦେଖିଲେ । ବେସି ଆନ୍ଦାରୁ ଅଭିମତ ଆମ୍ଭଙ୍କୁ ଜିବନ୍ତ ପଦ୍ମ ଆଇଲାଟା ତେଜ ରକ୍ଷା କରି ଜାଣିପାରୁଲେ । ^{୧୯} ମଇରି ପୁଲ୍‌ବାଟା ଆମ୍ଭଙ୍କୁ ସବୁ ଅଭିମତ ସୁନ୍ଦର । ସେ ସବୁ ସୁନ୍ଦରାକେ ଲକ୍ଷମନ୍ତ ଆମ୍ଭଙ୍କୁ ନ ସୁନ୍ଦ ବଳି ବାବୁଜିଆ କଲା । ^{୨୦} କାଳକେବଳଲେ ତେଜ ଦେଇରକ୍ଷା ଆଦେଶକେ ସେମାନେ ବେସି ତରୁଲେ । “ଗଣେଶଙ୍କ ପସ୍ତୁ ମିଆ ସେ ପରବତେ ପାଦ ମାଣ୍ଡିଲେ ତାଙ୍କେ ପାକ୍‌ନା ସଙ୍ଗେ ମାରି ମରାଇବାକୁ ଆମ୍ଭେ ।” ବଳି ଆଦେଶ ରକ୍ଷା । ^{୨୧} ଜନ୍ମଟା ଦେଖିଲେ ଆମ୍ଭଙ୍କୁ ସୁନ୍ଦର, ସେମାନେ ବେସି ତରୁ ଲାଗୁବାଟା ରକ୍ଷା । ଜେନ୍ତୁରି କି ମିଆ ମିଆ କଲା, “ସତରକ୍ଷେ ମୁକ୍ତିମିଆ ତରୁତରି କରି ତରୁଲିନି ।”

^{୨୨} ମାତ୍ର ଏବେ ଆମ୍ଭେ ସିନ୍ଧୁ ପରବତେ ଆସିଆରୁ । ସେମାନେ ଅଭିମତ ସର୍ବେ ରକ୍ଷା ଜିରୁସାଲେମ୍ । ଜିବନ୍ତ ରକ୍ଷା ପରମେଶ୍ଵର ନଅରେ ଆଇଲୁ ଆରୁ । ଜନ୍ମଟା ନେ କି ଅଜାକୁ ଅଜାକୁ ଦୁର୍ଦ୍ଦମ୍ ଆଟୁ । ^{୨୩} ପରମେଶ୍ଵର ପଶୁଆ ପିଲାମନ୍ତ ସାବୁଦାସଙ୍ଗେ ରୁଣ୍ଡିରକ୍ଷା ଜାଗାଇ ଆମ୍ଭେ ଆଇଲୁଆରୁ । ତାଙ୍କୁ ନାଉଁମନ୍ତ ସର୍ବେ ଲୋକାଭିମତ ଆମ୍ଭେ । ଆମ୍ଭେ ପରମେଶ୍ଵର ଲଗେ ଆଇଲୁ ଆରୁ । ସେ ସବୁକେ ବିଚାର କରୁଥିଲେ । ସେ ସିନ୍ଧୁ କରିରକ୍ଷା ଦରମାଲକ୍ଷର ଆତ୍ମାମନରୁଟା ନେ ଆଇଲୁ ଆରୁ । ^{୨୪} ଆମ୍ଭଙ୍କୁ ଆମ୍ଭଙ୍କୁ ରାଜିନାମା ତିଆରୁ କରିରକ୍ଷା ଜିସୁକିରିସର୍ବ ଲଗେ ଆଇଲୁଆରୁ । ସେ ତାଙ୍କୁ ବନ୍ଦି ଜରାଇରକ୍ଷା । ସେମାନେ ଏବଲ୍‌ର ବନ୍ଦିତେଜ ଅମିତ ନିଜ ଆମ୍ଭେ ।

^{୨୫} ଜନ୍ମଟା ତମ୍ଭଙ୍କୁ ପରମେଶ୍ଵର କଲାମାନି, ନ ସୁନ୍ଦର ଲକ୍ଷପାରା ଉଥା ନା । କାଳକେବଳଲେ ପରମେଶ୍ଵର କାତା ନ ମାନ୍ଦାକେ ଆମ୍ଭଙ୍କୁ ଆମ୍ଭଙ୍କୁ ଆମ୍ଭଙ୍କୁ ସିନ୍ଧୁ ପରବତେ ତଣ୍ଡ ପାଇରକ୍ଷା । ଜନ୍ମ ଲକ୍ଷ ଆମ୍ଭଙ୍କୁ ସର୍ବେ ଅମିତ କଲାମାନି, ସେ କାତା ଆମ୍ଭେ ନ ସୁନ୍ଦିକରି ଏଲାକେ, କେତେକ୍ ଅଦିକ୍ ତଣ୍ଡ ପାଇବୁ ? ^{୨୬} କାଳକେବଳଲେ, ସିନ୍ଧୁ ପରବତେ ପରମେଶ୍ଵର କାତା ଅଭିମତେଲେ, ଦରତନି ଚୁଲ୍‌ଚୁଲିଗାଲା । ମାତ୍ର ସେ ଏବେ କାତା ଦେଇ କଲା ଆମ୍ଭେ, “ମୁଜ ଆମ୍ଭଙ୍କୁ ଦରତନିକେ ଚୁଲ୍‌ଚୁଲିଗାଲି । ଅବକା ଦରତନିକେ ନଏଁ, ଆକାସେ ରକ୍ଷା ସବୁଜାକେ ମିଆ କରୁଥିଲେ ।” ^{୨୭} ଜେତେବେଲେ ସେ ଆମ୍ଭଙ୍କୁ ବଳି କଲା ରକ୍ଷା, ତାଙ୍କୁ ଅଭିମତ ତିଆରୁ କରିରକ୍ଷା ସବୁଜାକେ ଚୁଲ୍‌ଚୁଲିଗାଲି କରି ସବୁଜାକେ ଦାରିଜାଇଥିଲେ । ଜେନ୍ତୁରି କି ନ ଚୁଲ୍‌ଚୁଲିଗାଟାସେ ରକ୍ଷା ।

^{୨୮} ସେମାନଙ୍କୁ ଆମ୍ଭେ ପରମେଶ୍ଵରଙ୍କୁ ଦନିଅବାଦ୍ ଦେଉଁ । କାଳକେବଳଲେ ସେ ଆମ୍ଭଙ୍କୁ ସାସନ୍ତ କଲାମାନି । ଆମ୍ଭେ ତାଙ୍କୁ ରକ୍ଷା ନ ଚୁଲ୍‌ଚୁଲେ । ତାଙ୍କୁ ସାବୁଦା କରାଇବାକେ ତରିକରି ସନ୍ତମାନ୍ତ ସଙ୍ଗେ ଉପାସନା କରୁ । ^{୨୯} କାଳକେବଳଲେ ଆମ୍ଭଙ୍କୁ ପରମେଶ୍ଵର ସବୁକେ ପଠାଇକରି କୁରୁପ୍‌ନାୟ କରୁବା ଜଳପାରା ଆମ୍ଭେ ।

୧୩

ପରମେଶ୍ଵରଙ୍କୁ ସନ୍ତୁଷ୍ଟକରୁ

୧ କିରିସ୍ତଟାଣେ ମିସିବିଡ଼ି ରଇବା ବିସ୍ବାସି ବାଇବଇନି ପାରା ଆଲାଦ୍ କରାକରି ଅଇ ରୁଆ ।
 ୨ ନ ଚିନ୍ତା ଲକ୍ଷ୍ମୀନକେ ମିସା ତମର୍ ଗର୍ମନକେ ତାକିନିଆ । କାଇକେବଇଲେ କେତେଲକ୍ ନାଜାନିକରି ସେନ୍ତାରି ଦୁର୍ତ୍ତମନକେ ତାକିନେଲାଇ । ୩ ବନ୍ଦି ଗରେ ରଇବା ଲକ୍ଷ୍ମୀନକେ ତମେ ତାକର୍ ସଙ୍ଗ୍ ରଇଲାପାରା ଦୟା ଦେକାଆ । ଦୁକ୍ଷ୍ମକ୍ଷ୍ଟ ଅଇରଇବା ଲକ୍ଷ୍ମୀନକେ ନିଜେ ତାକର୍ପାରା ଦୁକ୍ଷ୍ମକ୍ଷ୍ଟ ପାଇଲୁନି ବଲି ଏତାଆ ।

୪ ବବା ଅଇବାଟା ସବୁଲକ୍ ନିକ ବଲି ମାନଡ୍ । ସବୁ ମାଇଜିମନସ୍ ମନ୍ ଗଟେକ୍ ମାଇଜି ଆରି ଗଟେକ୍ ମନସ୍ ଅଇକରି ସତ୍ସଙ୍ଗ୍ ରଇବାଟାଆଟେ । ଜନ୍ ଲକ୍ଷ୍ମୀନ ବେସିଆ କାମ୍ କରି ରଇବାଇ, ସେମନକେ ପର୍ମେସର୍ ଡକ୍ସ୍ ଦେଇସି ।

୫ ତାକୁ ଆସା ଅଇକରି ତାପ୍ତରେ ପାଲାଆ ନାଇ । କାଇକେବଇଲେ ପର୍ମେସର୍ କଇଲାଆଟେ, “ମୁଇ ତମ୍ନକେ କେବେ ନ ପାସରି କି ନ ଚାଡ଼ି ।” ୬ ତେବର୍ପାଇ ଆମେ ସାସ୍ ଦାରି କଇପାରୁବୁ ପର୍ମେସର୍ ଆକା ମକେ ସାଇଜ କର୍ସି,

ମୁଇ କେବେ ନ ଡରି
 ଲକ୍ଷ୍ମୀନ ମକେ କାଇଟା କରି ନାପାରଡ୍ ।

୭ ଜନ୍ ଲକ୍ଷ୍ମୀନ ତମ୍ନକେ ମୁକ୍ତି ଇସାବେ ତାକିନେଇ ପର୍ମେସର୍ ବାକିଅ ସିକାକେତେରଇଲାଇ, ସେମନର୍ ବିସଇ ବାବିଦେକା । ସେମନ୍ କେନ୍ତ୍ର ଜିଇଲାଇ ଆରି ମଲାଇ ? ତମେ ତାକୁ ପାରା ବିସ୍ବାସ୍ କରା । ୮ କାଇକେବଇଲେ, ଜିସୁକିରିସ୍ଟ କେବେ ନ ବାଦଲେ । ସେ ଆଜିରପାଇ, କାଲିକର୍ପାଇ, ଆରି ସବୁଦିନର୍ ପାଇ ସମାନ୍ ସେ ରଇସି । ୯ ତେବର୍ପାଇ ଲକ୍ଷ୍ମୀନ ତମ୍ନକେ ବିନ୍ ବିନ୍ ସିକିଆ ସୁନାଇକରି ସତ୍ସଙ୍ଗେଅନି ବିନେ ନେବାକେ ରାଜି ଉଆନାଇ । କାଇକେବଇଲେ ପର୍ମେସର୍ ଜିବନ୍ ଦୁକାଇକରି ଦୟା ଦେକାଇଲାଟା ଆମର୍ ମନକେ ଡାକ୍ କର୍ସି । କାଦିର୍ ଲାଗି ରଇବା ନିୟମ୍ ମାନବାଟା ନର୍ସ । ସେନ୍ତାରି ନିୟମ୍ ମାନବା ଲକ୍, ତେଇ ଅନି କାଇଟା ମିସା ପାଅଡ୍ ନାଇ ।

୧୦ ଜିଉଦିମନର୍ ବେଦିଟାଣେ ସେବା କର୍ବା ପୁଜାରିମନ୍ ତେଇ ସର୍ପି ଦେଇରଇବା କାଇଟା ମିସା କାଇବା ନର୍ସ । ୧୧ ବଡ଼ ପୁଜାରି ପସୁମନର୍ ବନି ନେଇକରି, ପାପର୍ ବଲି ସର୍ପିଦେବାକେ ଅଦିକ୍ ସୁକଲ୍ ଜାଗାଇ ନେଇସି । ମାତର୍ ପଡ଼ିଜାଇରଇବା ପସୁମନର୍ ଗାଗଡ଼ ତୁମ୍ ଗର୍ ବାଇରେ ରଇସି । ୧୨ ସେଟାସେ ଜିସୁକେ ଅଇରଇଲା । କାଇକେବଇଲେ, ତାକେ ନଅରର୍ ବାଇରେ ଲକ୍ଷ୍ମୀନ ମରାଇରଇଲାଇ । ଆରି ତାକୁ ବନି ଗୁଲାଇ ମୁନ୍ସ ଜାତିର୍ ପାପ ଦଇଦେଲା । ୧୩ ତେବର୍ପାଇ ନଅରର୍ ବାଇରେ ଜୁ । ଆରି ତାକେ ଆମେ ବିସ୍ବାସ୍ କଲାପାଇ, ଲକ୍ଷ୍ମୀନ ଜେଡ଼କି ନିନ୍ଦା କଲାଟା ଆମେ ମୁର୍ଚ୍ଚିକରି ରଉ ।

୧୪ କାଇକେ ବଇଲେ ଆମେ ସବୁଦିନି ଏ ଜଗତେ ନ ରଉ । ମାତର୍ ଆଇବା ଦିନମନକେ କେବେ ନ ସାର୍ବା ଦିନଜାକ ରଇବା ନଅରେ ରଇବୁ ବଲି ଆମେ ଜାଗିଆଟୁ । ୧୫ ତେବେ ଆସା । ଜିସୁକିରିସ୍ଟକେ ଦେଇକରି ଆମେ ସବୁବେଲେ ପର୍ମେସର୍କେ ବଲି ସର୍ପି ଦେଇତେ ରଉ । ସେମା ଆମର୍ ଟଣ୍ଡେଅନି ଆଇବା ଉପାସନା । ସେ ଆକା ମାପୁରୁ ବଲି ଆମେ କର୍ଡ଼ । ୧୬ ନିକ କାମ୍ କର୍ବାକେ ପାସରା ନାଇ । ଗଟେକ୍ ଲକ୍ ଆରି ଗଟେକ୍ ଲକ୍ଷ୍ମୀନକେ ସାଇଜ କରା । କାଇକେବଇଲେ, ଏନ୍ତାରି ରଇବା ଚଲାଟଲ୍ଡି ପର୍ମେସର୍କେ ସାର୍ଦା କରାଇବା ଗଟେକ୍ ବଲି ।

୧୭ ତମର୍ ମୁକ୍ତି ଲକ୍ଷ୍ମୀନର୍ କାତା ମାନିକରି ଆଦେସ୍ ଦେଲାଟା କରା । ସେମନ୍ ଜାଗୁଆଲ୍ମାନର୍ ପାରା ନ ତାକିକରି ତମର୍ ଆଡ଼ମାନକେ ଜତନ୍ କଲାନ୍ । କାଇକେବଇଲେ ସେମନକେ ତାକର୍ କରିରଇବା କାମ୍ ପର୍ମେସର୍ କେ ଇସାବ୍ ଦେବାକେ ପଡ଼ସି । ତମେ ଜିଦି ତାକର୍ କାତା ମାନସା, ସେମନ୍ ସାର୍ଦା ସଙ୍ଗ୍ ସେବା କାମ୍ କର୍ବାଇ । ତମେ ତାକର୍ କାତା ନ ମାନଲେ, ସେମନ୍ ଦୁକ୍ ଅଇବାଇ । ତେବେ ତମ୍ନକେ କାଇ ସାଇଜ ନର୍ସ ।

୧୮ ଆମର୍ ପାଇ ପାର୍ତନା କର୍ତେତୁଆ । ଆମର୍ ବିବେକ୍ ଆମେ କରିରଇବା କାମ୍ ସତ୍ ବଲି ସାକିଦେଲାନ୍ । ୧୯ ମର୍ପାଇ ମିସା ପାର୍ତନା କରା । ଜେନ୍ତାରି କି ପର୍ମେସର୍ ଦାପ୍ତରେ ମକେ ତମ୍ନଲଗେ ପାଟାଇସି ।

ସାରାସାରିର୍ ପାର୍ତନା

୨୦ ଆମର୍ ମାପୁରୁ ଜିସୁକେ ପର୍ମେସର୍ ମଲାତେଇଅନି ଉଗାଇଲା । ସେ ଗଟେକ୍ ଗଡ଼ପାରା ଆମକେ ଜାଗିରଇସି । ଆମେ ପର୍ମେସର୍ ସଙ୍ଗ୍ ସବୁଦିନର୍ପାଇ ଗଟେକ୍ ଅଇବାଟାକେ ତାକୁ ବନି ଜରାଇଲା । ୨୧ ଜିସୁକିରିସ୍ଟର୍ ଲାଗି ସାନ୍ତି ଦେବା ପର୍ମେସର୍ ତମକେ ସବୁ ରକାମର୍ ସାଇଜ ଦେଅ

। ଜେନ୍ତାରି କି ସେ ମନ୍ କଲ୍ୟାଣ ତମେ ପୁରାପୁରୁନ୍ କରସା । ଆମେ କରବା କାମ୍ ତାକେ ସାର୍ଦା ଦେଅ । ଜିସୁକିରିସଟକେ ଆମେ ନ ସାର୍ଦା ଦିନ୍ଦାକ ତାକ୍ପୁଟା ଦେଉଁ ।

ସେସ୍ କାତା

^{୨୨} ଏ ମର୍ ବାଇବଇନିମନ୍, ମୁଇଁ ତମ୍‌କେ ବାବୁଜିଆ କଲିନି, ମୁଇ ତମ୍‌କେ କଇଲା ଏ ସବୁ କାତା ମୁରଟିକରି ସୁନା । କାଇକେବଇଲେ, ଏ ଚିଟି ବେସି ତେଙ୍ଗ୍ ନାଇ । ^{୨୩} ଆମର୍ ବାଇ ତିମତି ବନ୍ଦିଗରେ ଅନି ମୁକ୍‌ଲି ଆଚେବଲି ଜାନ୍‌ସା । ସେ ଜଦି ସେ ଦାପ୍‌ରେ ଆଇସି, ତେବେ ମରସଙ୍ଗ୍ ତାକେ ତାକିଆନ୍‌ବି ।

^{୨୪} ତେଇ ରଇବା ତମର୍ ମୁକିଅ ଲକ୍‌ମନ୍‌କେ ଆରି ପର୍‌ମେସରର୍ ସବୁ ଲକ୍‌ମନ୍‌କେ ମର୍ ଜୁଆର୍ ଜାନାଇ ଦିଆସ୍ । ଇଟାଲିତେଇ ମର୍ ସଙ୍ଗ୍ ରଇବା ଆମର୍ ବାଇବନିମନ୍ ମିସା ଜୁଆର୍ ଜାନାଇଲାଇନି ।

^{୨୫} ପର୍‌ମେସର୍ ତମ୍‌କେ ସବୁଲକ୍‌କେ ତାର୍ ଜିବନ୍ ଦୁକାଇ ଦୟା ଦେକାଅ ।

ଜାକୁବଙ୍କ ପତ୍ର ଜାକୁବ ଲେଖିରଇବା ଚିଠି ଏ ବଇର ବିସଇ ଜାନବାଟା

ଜାକୁବ୍ ବଇ ଜାକୁବ୍ ନାଉଁ ତାକ୍ତେରଇବା ଗଟେକ୍ ଲକ୍ ଲେଖିଆଟେ । ଦେକ୍ବାକେ ଗାଲେ ଏ ଜାକୁବ୍ ଜିସୁକିରିସ୍ତର୍ ବାଇ ରଇଲା । ଜେ କି ଆଦିଅ ମଣ୍ଡଲିର୍ ଗଟେକ୍ ନେତା ରଇଲା ଆରି ଜିରୁସାଲମ୍ ସବାର୍ ଗଟେକ୍ ମେମର୍ ରଇଲା ପେରିଡ୍ ୧୫:୧୩ । ପେରିଡ୍ ପାଉଲ୍ ମିସା ଜାକୁବ୍‌କେ ମଣ୍ଡଲିର୍ ମୁଲ୍ ଡେଲି ବଲି ତାକ୍ତେରଇଲା ଗାଲାତିୟ ୨:୯ ।

ଜାକୁବ୍ ବଇ ଜିସୁକିରିସ୍ତ ଜନମ୍ ଅଇକରି ୫୦ ବରସ୍ ପଟେ ଲେକାଅଇଆଟେ ବଲି ପଣ୍ଡିତ୍‌ମନ୍ ବିସ୍‌ବାସ୍ କରବାଇ । ଜାକୁବ୍ ଜିରୁସାଲମ୍ ମଣ୍ଡଲିର୍ ନେତା ରଇଲା । ତେବର୍‌ପାଇ ସେ ତେଇ ବାସାଅଇକରି ରଇଲାବେଲେ ସେ ଏ ବଇ ଲେଖିରଇଲା । ଜାକୁବ୍ ବିନ୍ ବିନ୍ ଦେସେ ଚିନ୍‌ବିନ୍ ଅଇଜାଇରଇବା ବାର୍‌ଟା କୁଟୁମକେ ତାର୍ ବଇଟାନେ ନିଜେ ଜାନାଇଅଇଆଟେ ୧:୧ ।

ଜାକୁବର୍ ଏ ବଇ ସବୁ ବିସ୍‌ବାସିମନ୍ ନିଜେ ବାଇବାର୍ ବିସଇ ଆଟେ । ମାତର୍ ଜାକୁବ୍ ବାର୍‌ଟା କୁଟୁମ୍ ବିସଇ ନେଇକରି ସିଦା ସିଦା ଜିଉଦି ବିସ୍‌ବାସିମନ୍‌କେ ଲେକ୍‌ଲାଆଟେ । କାଇକେବଇଲେ ଏ ବଇ ଚିନ୍‌ବିନ୍ ଅଇଜାଇରଇବା ପଡ୍‌ବା ଲକ୍‌ମନ୍‌କେ କେଟାଇବା ବିସଇରେ ଜାନାଇଲାଇନି ।

ଜାକୁବ୍ ବିସ୍‌ବାସ୍ ଆରି କରମର୍ ନିକ ମିସିରଇବା ବିସଇ ଜାନାଇଲାନି ଜେ, ସଡ୍ ବିସ୍‌ବାସ୍ କରବା କରମ୍‌ତେଇ ଜାନାପଡ୍‌ସି ୩:୧-୧୨ ।

ଦେକିଟାଇଁ କର କାତା କଇବାକେ ମିସା ଜାଗରଡ୍ କରାଇଲାନି ।

ଏ ବଇ ବିଡ୍‌ରେ ରଇବାଟା

୧. ଜାକୁବ୍ ତାର୍ ଚିଠି ପଡ୍‌ବା ଲକ୍‌ମନ୍‌କେ କୁଆର୍ ଜାନାଇଆଟେ । ୧:୧
୨. ସେ ବିସ୍‌ବାସିମନ୍‌କେ ଦୁକ୍ ଅଇଲାବେଲେ ତାଟ୍‌ସଙ୍ଗେ ରଇବାକେ ସାଆସ୍ ଦେଇଆଟେ । ୧:୨-୨୭
୩. କରମ୍ କର କେନ୍ଦ୍ରାରି ବିସ୍‌ବାସ୍ ଦେକାଇ ଅଇସି, ସେ ବିସଇରେ କଇଆଟେ । ୨:୧-୨୭
୪. ବାକିଅ କେନ୍ଦ୍ରାରି ଅଦିକ୍ ବସୁ ଅଇସି, ସେଟା ସେ ଜାନାଇଆଟେ । ୩:୧-୧୨
୫. ଜାକୁବ୍ ପର୍‌ମେସରର୍ ଗିଆନ୍ ଜଗତର୍ ଗିଆନ୍ ଟାନେ ଅନି ବିନ୍ ଆଟେ ବଲି ଚିକି ନିକି ଜାନାଇଆଟେ । ୩:୧୩-୪:୧୦
୬. ପଟେ ସେ ପଡ୍‌ବା ଲକ୍‌ମନ୍‌କେ ବଡ୍‌ପନ୍ ନ ଅଇବାକେ ଜାଗରଡ୍ କରାଇଲାନି । ୪:୧୧-୫:୬
୭. ସାରାସାରି ଜାକୁବ୍, କେତେଟା ସାନ୍ ସାନ୍ ମାନ୍‌ବା ଆଦେସ୍ ଦେଇକରି ତାର୍ ଲେକା ସାରାଇଆଟେ । ୫:୭-୨୦

୧*ମୁଇ ଜାକୁବ ମାପରୁ ଜିସୁକିରିସ୍ତ ଆରି ବାବା ପର୍‌ମେସରର୍ ଗଟେକ୍ ଗତିଦାଙ୍ଗ୍‌ତା ।

ଗୁଲାଇ ଜଗତେ ଚିନ୍‌ତତର୍ ଅଇଜାଇରଇବା ପର୍‌ମେସରର୍ ବାର୍‌ଟା କୁଟୁମର୍ ଲକ୍‌ମନ୍‌କେ ମୁଇ କୁଆର୍ ଜାନାଇକରି ଏ ଚିଠି ଲେକ୍‌ଲିନି ।

ବିସ୍‌ବାସ୍ ଆରି ଗିଆନ୍

୨ ଏ ମର୍ ବାଇବଇନିମନ୍ ଜିବନ୍ ବିତାଇଲାବେଲେ ତମର୍ ବିସ୍‌ବାସ୍ ଡାଁଟ୍ ଆଟେ କି ନାଇ ବଲି, ଜେଡ୍‌କି ଦୁକ୍ କସ୍‌ଟର୍ ପରିକା ଆଇଲେ, ଏଟା ଗଟେକ୍ ନିକ କରମର୍ ବିସଇ ବଲି ଏଟାଆ ।
 ୩ କାଇକେବଇଲେ, ଏନ୍ଦ୍ରାରି ଦୁକ୍ କସ୍‌ଟ୍ ଆଇଲେ ତମର୍ ବିସ୍‌ବାସ୍ ପରିକାକରି ଡାଁଟ୍ ଆଟେବଲି ଦେକାଇସି । ଆରି ମୁରଦ୍‌ବାଟା ଅଦିକ୍ ଅଦିକ୍ ଅଇସି ବଲି ତମେ ଜାନିଆରାସ୍ ।
 ୪ ତମେ ସାରାସାରିଜାକ ମୁରଚିକରି ରଇଲେ, କାଇ ବିସଇଟାନେ ମିସା ଉନା ନ ଅଇକରି ପୁରାପୁରୁନ୍ ସିଦ୍ ଅଇସା ।
 ୫ ମାତର୍ ତମର୍ ବିଡ୍‌ରେ ଜଡି କାକେ ଗିଆନ୍ ଉନା ରଇ, ଗିଆନ୍ ପାଇବାର୍‌ଆଲେ ପର୍‌ମେସର୍‌କେ ମାଙ୍ଗା । ସେ ତାର୍ ଆଡ୍ ମେଲାଇକରି, ଦସ୍ ନ ଦାରି ସବୁକେ ଦାନ୍ କର୍‌ସି ।
 ୬ ମାତର୍ ସେ ଅଇସି କି ନ ଅଏ ବଲିକରି ନ ବାବି, ବିସ୍‌ବାସର୍ ସଙ୍ଗ୍ ପାର୍‌ତନା କରବାର୍‌ଆଟେ । କାଇକେ ବଇଲେ ଜେ ଅଇସି କି ନ ଅଏ ବଲିକରି ବାବ୍‌ସି, ସେ ପବନ୍‌ସଙ୍ଗ୍ ଇଣ୍ଡିତେ ରଇବା ସମ୍‌ଦୁରର୍ ଉଲ୍‌କା ପାନି ପାରା ଗଟେକ୍ ଲକ୍ ।
 ୭ ସେ ରକାମ୍

* ୧:୧ ୧:୧ ମାତିର ୧୩:୫୫; ମାର୍‌କ ୭:୩; ପେରିଡ୍ ୧୫:୧୩; ଗାଲାତିୟ ୧:୧୯

ଲକ୍ଷ୍ମୀ ମାପୁରୁ ଟାଣେଅନି କାଜଟା ଆଲେ ପାଇବି ବଲିକରି ଆସା ନ କର । ୮ ସେ ତା, ଦୁଇମନିଆ ଲକ୍ଷ୍ମୀ, ସେ କରବା ସବୁ କାମଟାଣେ ତବିର ନ ରଏ ।

ସାଉକାର୍ ଆରି ଅରକିତ୍

୯ ଗଟେକ୍ କାକୁରତି ଅଇ ରଇବା ବିସ୍ୱାସି ବାଇକେ ପରମେସର୍ ସାଉକାର୍ କଲେ ସେ ସାର୍ଦା ଅ । ୧୦ ସେନ୍ତାରିସେ ଗଟେକ୍ ସାଉକାର୍ ବିସ୍ୱାସିକେ ସେ ଅରକିତ୍ କଲେ, ସେ ମିସା ସାର୍ଦା ଅ । କାଇକେବଇଲେ ସାଉକାର୍ ଲକ୍ଷ୍ମୀ ପଦାର୍ ଗାଁସର୍ ପୁଲ୍ ପାରା ଜାଉଁଲି ଜାଇସି । ୧୧ ଜେନ୍ତି କି ବେଲ୍ ଉଦିକରି ବେସି ତାତିକଲେ ଗାଁସ୍ ସୁକିଜାଇସି, ତାର୍ ପୁଲ୍ ଜତିଜାଇସି ଆରି ତାର୍ ବାନିମୁରତି ନସି ଜାଇସି । ସେନ୍ତାରିସେ, ସାଉକାର୍ ଲକ୍ଷ୍ମୀନ୍ କାମ୍ କରି କରି ମରିଜିବାଇ ।

ପରିକା ଆରି ଦୁକ୍ଷକସର୍

୧୨ ଜନ୍ ଲକ୍ଷ୍ମୀନ୍ ପରିକା ଆଇଲେ ମିସା ମୁରତି କରି ରଇବାଇ, ସେମନ୍ କେତେକ୍ ନିକ କରମର୍ ଲକ୍ଷ୍ମୀ । କାଇକେବଇଲେ ସେ ସବୁ ପରିକାଇ ସେମନ୍ ଡାଁର୍ ସଙ୍ଗ୍ ଟିଆଅଇଲାପତେ, ପୁରୁସକାର୍ ପାଇବାଇ । ପରମେସର୍ ତାର୍ ନିଜର୍ ଲକ୍ଷ୍ମୀନ୍କେ ଜନ୍ ଜିବନର୍ ମୁକୁର୍ ଦେବାକେ ସପତ୍ କଲାଆରେ, ସେମନ୍ ସେଟା ପୁରୁସକାର୍ ଇସାବେ ମିଲାଇବାଇ । ୧୩ କାକେ ମିସା ଦୁକ୍ଷକସର୍ ପାଇବା ପରିକା ଆଇଲେ, ଏ ପରିକା ପରମେସର୍ ପାଟାଇଆରେ ବଲିକରି କଇବାର୍ ନାଇ । କାଇକେବଇଲେ ପରମେସର୍କେ କେ ମିସା ପରିକାକରି ନାପାରେ । ଆରି ସେ ନିଜେ କାକେ ପରିକା ନ କରେ । ୧୪ ମାତର୍ ଗଟେକ୍ ଲକ୍ଷ୍ମୀ କରାପ୍ ଗୁନ୍ତଲନ୍ ତାକେ ପରିକା କରାଇ ଅଇବାକେ ତାକିନେଇସି । ୧୫ ତାର୍ପତେ ତାର୍ କାରାପ୍ ଗୁନ୍ତଲନେଅନି ପାପ୍ ବାରଇସି । ଆରି ପାପ୍ ଅଦିକ୍ ଅଦିକ୍ ବତିଜାଇକରି ମରନ୍ ଆଇସି ।

୧୬ ଏ ମର୍ ଆଲାଦର୍ ବାଇବଇନିମନ୍, ତମେ ନାତାଇଉଆ ନାଇ । ୧୭ ସବୁ ନିକ ଆରି ସିଦ୍ ରଇବା ଦାନ୍ ପରମେସର୍ ଦେଲା ଆରେ । ବାଦ୍ଲେ ଉଜଲ୍ ଅଇବା ସବୁଜାକ ସେ ତିଆରକଲା ଆରେ । ସେଟାମନ୍ ବାଦ୍ଲେ ବୁଲ୍ବାବେଲେ ବାଦ୍ଲସି ଆରି ଚାଇଁ ଏନେତେନେ ଅଇସି । ମାତର୍ ପରମେସର୍ ଅଲପ୍ ମିସା ସେନ୍ତାରି ନ କରେ । ୧୮ ତାର୍ ସତ୍ ବାକିଅ ଆମ୍ବକେ ଜାନାଇକରି ତାର୍ତେଇଅନି ଆମ୍ବକେ ଜିବନ୍ ଦେବାକେ ସେ ମନ୍ କଲା । ଜେଡ୍‌କି ସବୁ ବିସଇ ସେ ତିଆରକଲା ମିସା ଆମେ ଅଦ୍‌କା ତାର୍ପାଇସେ ଅଇବାକେ ସେ ମନ୍ କଲା ।

ସୁନ୍‌ବାଟା ଆରି କାମ୍ କରବାଟା

୧୯ ଏ ମର୍ ଆଲାଦର୍ ବାଇବଇନିମନ୍, ମନେ ରକିରୁଆ । ତମେ ଆଗ୍ରୁ ନିକକରି ସୁନ୍ । ମାତର୍ ବାବିତିକିକରି କାତା କୁଆ । ଦାପ୍ରେ ରିସା ଉଆନାଇ । ୨୦ କାଇକେବଇଲେ ମୁନ୍‌ସର୍ ରିସାର୍ ଲାଗି ପରମେସର୍ ସୁକଲ୍‌ସଙ୍ଗ୍ ଜଜନା କଲାଟା ନସିଜାଇସି । ୨୧ ସେଟାର୍ ପାଇ ତମର୍ ଚଲାଟଲ୍‌ତି ଟାଣେଅନି ବାରଇବା ସବୁ ରକାମର୍ କାରାପ୍ ଅବିଆସ୍ ଚାଡିଦିଆସ୍ । ପରମେସର୍‌କେ ନିଜର୍ ମନ୍ ସର୍ପି ଦିଆସ୍ । ତମର୍ ମନ୍ ବିଡ୍ରେ ସେ ଜନ୍ ବାକିଅ ରପିଆରେ ସେଟାକେ ଦିଆନ୍ ଦିଆ । ସେ ବାକିଅ ତମ୍‌କେ ରକିଆ କରସି ।

୨୨ ବାକିଅ ଜନ୍‌ଟା କରା ବଲି କଇଲାନ୍, ସେଟା କରା । ଅଦ୍‌କା ସୁନିକରି ରଇବା ଲକ୍ଷ୍ମୀମର୍ପାରା ଉଆ ନାଇ । ଏନ୍ତାରିକଲେ ତମେ ନିଜେ ନାତାଇ ଅଇଲାସିନି । ୨୩ ଜନ୍‌ଲକ୍ଷ୍ମୀ ପରମେସର୍‌ର୍ ବାକିଅ ଅଦ୍‌କା ସୁନ୍‌ସି, ମାତର୍ ତେଇର୍ କାତା ନ ନାମେ, ସେ ତାର୍ ମୁଏ ରଇବା ଆର୍‌ଲା, ଦର୍ପନେ ଦେକ୍‌ବା ଲକ୍ଷ୍ମୀ ପାରା । ୨୪ ସେ ନିକ କରି ନିଜର୍ ଟାଈ ଦେକି ଅଇତେରଇସି । ମାତର୍ ତେଇଅନି ଉଟିଗାଲା ପତେ ତାର୍ ବାନିମୁରତି ପାସି ଜାଇସି । ୨୫ ମାତର୍ ମୁନ୍‌ସର୍ ମୁକ୍ତି ପାଇ ଗଟେକ୍ ପୁରାପୁରନ୍ ନିୟ୍‌ମ୍ ଆରେ । ଜେ ସେ କାତା ସୁନିକରି ନ ପାସରେ, ଆରି ତାର୍‌ଲାଗି ସବୁ ମନ୍‌ପରାନ୍ ଦେଇକରି ନିଜର୍ ଜିବନ୍‌ତେଇ ମାନିକରି ରଇସି ବଇଲେ ପରମେସର୍ ତାର୍ କରିରଇବା ସବୁ କାମ୍ ମଙ୍ଗଲ୍ କରସି ।

୨୬ କେ ଜଦି ମୁଲ୍ ନିଜେ ଗଟେକ୍ ଦରମ୍ ଲକ୍ଷ୍ମୀ ବଲି ବାଦ୍‌ଲାନ୍, ସେ ଜଦି ତାର୍ ନିଜର୍ ଜିବ୍ ଜାଗର୍‌ତା କରେ ନାଇ, ସେ ନିଜେ ଆକା ନାତାଇ ଅଇଲାନ୍ । ତାର୍ ରିତିନିତି କରବାଟା ରୁଟାଆଇସେ । ୨୭ ପରମେସର୍ ଦେକ୍‌ବା ଇସାବେ ଜନ୍ ରିତିନିତି ସତ୍ ଆରି ନିକ, ସେଟା ଅଇଲାନ୍ ଦୁକେ ରଇବା ରୁଟାଗୁରି ପିଲାମନ୍ ଆରି ରାଣ୍ଡିଗୁଣ୍ଡିମନର୍ ଜତନ୍ କରବାଟା । ପତେ ଜଗତର୍ ଜଞ୍ଜାଲେଅନି ମୁକଲ୍‌ବାଟା, ଜେନ୍ତାରିକି ସେ ସବୁ ତାକେ ନ ନସାଏ ।

୨

ଲକ୍ଷ୍ମୀ ଦେବୀ କରୁବା କାମେ ଜାଗରତ୍

୧୧ ଏ ବାଇବେଲନିମନ୍ ଆମର ତାଙ୍କୁପୁଟା ମାପୁରୁ ଜିସୁ କିରିସ୍ତକେ ବିସ୍ବାସ୍ କଲାଋଲାଗି, ଲକ୍ଷ୍ମୀନନ୍ଦ ଅଲ୍ଲଗା ପିତାଅତା ଦେବୀକରି, ନିଜର ଚଲାଚଳିତ ବାଦଲାଭବାଟା ଚିକ୍ ନାଇ । ୧୨ ଜଦି ସବାଇ ଗଟେକ୍ ଲକ୍ଷ୍ମୀ ସୁନାର ମୁନ୍ଦି ଆରି ଜକ୍ମକି ଜାଇତେରଇବା ବସ୍ତତ୍ ପିନ୍ଧିକରି ତମରଲଗେ ଆଇସି, ଆରି ଗଟେକ୍ ଲକ୍ଷ୍ମୀ ମୁରକି ରଇ ଚିତ୍ତୁରଅଇରଇବା ବସ୍ତତ୍ ପିନ୍ଧିକରି ଆଇସି । ୧୩ ଆରି ତମେ ସୁନ୍ଦର୍ ବସ୍ତତ୍ ପିନ୍ଧିଆସି ରଇବା ଲକ୍ଷ୍ମୀକେ ଅଦିକ୍ ସନ୍ମାନ ଦେଇକରି କଇସା, “ଆସା ଏ ନିକ କ୍ଷୁରତି ଉପରେ ବସା ।” ମାତର୍ ଅରକ୍ଷ୍ମିକ୍ ଲକ୍ଷ୍ମୀକେ କଇସା “ତେଇ ଜାଇ ତିଆ ଅ ।” ନଇଲେ “ତଲେ ବସ୍ ।” ବଲିକରି କଇସୁ । ୧୪ ସେନ୍ତ୍ରା ଆଲେତା ତମେ ନିଜର ନିଜର ବିତ୍ତରେ ବଡ଼ସାନ୍ ବଲିକରି ଅଲ୍ଲଗା ଇସାବେ ଦେକ୍ଲାସ୍ନି । ଆରି କାରାପ୍ ଇସାବେ ମୁ ଦେବୀ, ବିଚାରୁ କଲାସ୍ନି ।

୧୫ ଏ ମର୍ ଆଲାଦର୍ ମଇତର୍ମନ୍ ସୁନା, ପର୍ମେସର୍ ଏ ଜଗତର୍ ଅରକ୍ଷ୍ମିକ୍ ଲକ୍ଷ୍ମୀନକେ ବାଟି ଆଟେ । ସେମନ୍ ତାକେ ବିସ୍ବାସ୍ କରୁବାଇ ଆରି ତାର ରାଇଜେ କେଟ୍‌ବାଇ । ତାକେ ଆଲାଦକରୁବା ସବୁ ଲକ୍ଷ୍ମୀକେ ସେ ରାଇଜ୍ ଦେବିବଲି କାତା ଦେଏ ନାଇ କି ? ୧୬ ମାତର୍ ତମେ ଅରକ୍ଷ୍ମିକ୍ ଲକ୍ଷ୍ମୀନକେ ସନ୍ମାନ ଦିଆସ୍ ନାଇ । ସାଉକାର୍ ଲକ୍ଷ୍ମୀନକେ ତମକେ କସ୍ତ ଦେଲାଇନି । ସେମନ୍ସେ ତମକେ ବିଚାରୁନା ଜାଗାଇ ଜିକ୍ ନେଲାଇନି । ୧୭ ତମକେ ଜନ୍ ନାଉଁ ଜିସୁ କିରିସ୍ତ ଦିଆଅଇଆଟେ, ସେ ନାଉଁ ନେଇକରି ନିନ୍ଦା କଲାଇନି ।

୧୮ ନିଜକେ ଆଲାଦ୍ କଲାପାରା ବିନ୍ ଲକ୍ଷ୍ମୀନକେ ଆଲାଦ୍ କରା । ସାସ୍ତରେ ଲେକା ଅଇରଇଲାପାରା ପର୍ମେସର୍‌ର ରାଇଜର୍ ଏ ନିୟମ୍ ଜଦି ତମେ ମାନ୍‌ସା, ସେନ୍ତ୍ରା ଆଲେ ଚିକ୍ କଲାସ୍ନି । ୧୯ ମାତର୍ ତମେ ଜଦି ବଡ଼ ସାନ୍ ଦେକ୍ଲାସ୍ନି, ପାପ୍ କଲାସ୍ନି । ଆରି ସେ ରିତିନିତିର୍ ଲାଗି ଦସି ବଲାଇ ଅଇଲାସ୍ନି । ୨୦ କାଇକେବଇଲେ ଜେ ମିସା ସବୁ ନିଅମ୍ ମାନିକରି ଗଟେକ୍ ନିୟମ୍ ଚାଡ଼ିଦେଲେ, କାଇ ନିୟମ୍ ନ ମାନ୍‌ଲା ଲକ୍ଷ୍ମୀ ପାରା ଦସିଅଇ ତଷ୍ ପାଇସା । ୨୧ କାଇକେବଇଲେ ପର୍ମେସର୍ କଇଲାଆଟେ “ତମେ ବେସିଆ କାମ୍ କରୁବାରୁନାଇ, ଆରି ନର୍ ମାର୍‌ବାରୁ ନାଇ” ବଲିକରି । ତେବେ ତମେ ଜଦି ବେସିଆ କାମ୍ ନ କରି, ଲକ୍ଷ୍ମୀନକେ ମାର୍‌ସା, ତେବେ ତାର ନିଅମ୍ ମାନାସ୍ ନାଇ । ୨୨ ପର୍ମେସର୍ ବିଚାରୁନା କରୁସି ବଲି ଜାନିକରି ସେନ୍ତ୍ରାରି କାତା କଇ କାମ୍ କରି ଦେକାଆ । ଜନ୍ ନିୟମ୍ ଆମକେ ମୁକ୍ତଲାଇସି, ସେ ନିୟମ୍ ଇସାବେ ଆମକେ ବିଚାରୁନା କରୁସି । ୨୩ କାଇକେବଇଲେ ଜେଲକ୍ ବିନ୍ ଲକ୍ଷ୍ମୀକେ ଦୟା ନ ଦେକାଏ, ପର୍ମେସର୍ ବିଚାରୁନା କରୁବାବେଲେ ତାକେ ମିସା ଦୟା ନ ଦେକାଏ । ଜନ୍ ଲକ୍ଷ୍ମୀନ୍ ବିନ୍ ଲକ୍ଷ୍ମୀନକେ ଦୟା କରିଆଟେ, ସେମନ୍ ବିଚାରୁନାଗାନେ ତର୍‌ବାରୁ ନାଇ ।

ବିସ୍ବାସ୍ ଆରି କାମ୍

୨୪ ଏ ମର୍ ବାଇବେଲନିମନ୍, ଜଦି ଗଟେକ୍ ଲକ୍ଷ୍ମୀ ମୁଇ ବିସ୍ବାସ୍ କଲିନି ବଲି କଇସି । ମାତର୍ ତାରୁ କାମ୍ କଲାଗାନେ ସେଟା ନ ଡିସେ ବଇଲେ, ତାରୁ ପାଇ କାଇ ମୁଲିଅ ନାଇ । ଏନ୍ତାରି ବିସ୍ବାସ୍ ତାକେ କାଇ ମୁକ୍ତି ଦେଇ ନାପାରେ । ୨୫ ଜଦି ଗଟେକ୍ ବିସ୍ବାସି ବାଇ କି ବଇନିକେ, ସେ ଦିନର୍ ପାଇ କାଇବାକେ କି ପିନ୍ଧିବାକେ ନ ରଇଲେ, ୨୬ ତମର୍ ବିତ୍ତରେ କେଆଲେ ଗଟେକ୍ ଲକ୍ଷ୍ମୀ ତାରୁ ଲଗେ ଜାଇ, ତକେ ପେଟ୍‌କେ କାଦି ଆରି ଗାଗଡ଼କେ ଲୁଗା ମିଲ ବଲି କଇସା । ତମେ ତାକେ ଲତାକେ ଲାଗିବାଟା ନ ଦେଇ ଏନ୍ତାରି କଇଲେ କାଇ ଲାବ୍ ? ୨୭ ସେନ୍ତ୍ରାରିସେ ଗଟେକ୍ ବିସ୍ବାସ୍ କରୁବା ଲକ୍ଷ୍ମୀ ତାରୁ ବିସ୍ବାସ୍ ସଙ୍ଗ୍ ନିକ କାମ୍ ମିସା ନ ଡିସ୍‌ଲେ ତାରୁ ବିସ୍ବାସ୍ ମରିଗାଲା ଆଟେ ।

୨୮ ମାତର୍ କେ ଆଲେ ମକେ କଇସି, ଗଟେକ୍ ଲକ୍ଷ୍ମୀ ବିସ୍ବାସ୍ ଆଟେ ଆରି ଗଟେକ୍ ଲକ୍ଷ୍ମୀ ନିକ କାମ୍ ଆଟେ, ମୁଇ ତାକେ କଇବି ନିକ କାମ୍ ଚାଡ଼ି, ଗଟେକ୍ ଲକ୍ଷ୍ମୀକେ କେନ୍ତ୍ରା ବିସ୍ବାସ୍ ଅଇସି ? ଅବକା ବିସ୍ବାସ୍ କର୍ତ୍ତେରଇବା ଲକ୍ଷ୍ମୀ ରଇଲେ ମକେ ଦେକାଆ । ମର୍ କରୁବା ନିକ କାମ୍ ସଙ୍ଗ୍ ମର୍ ବିସ୍ବାସ୍ ମୁଇ ଦେକାଇବି । ୨୯ ପର୍ମେସର୍ ଗଟେକ୍‌ସେ ଆଟେବଲି ତମେ ବିସ୍ବାସ୍ କଲାସ୍ନି, ସେଟା ନିକ । ତୁମାମନ୍ ମିସା ସେନ୍ତ୍ରାରି ବିସ୍ବାସ୍ କଲାଇନି ଆରି ତରିକରି ଗଜ୍‌ଗଜ୍ ଜିବାଇ । ୩୦ ମାତର୍ ଏ ନିଲ୍‌ଜାଇ ଲକ୍ଷ୍ମୀନକେ ତମେ ବୁଜିନାପାରାସ୍, ଜଦି ଗଟେକ୍ ଲକ୍ଷ୍ମୀ ବିସ୍ବାସ୍ କଲିନି, ବଲି କଇସି ଆରି ନିକ କାମ୍ ନ କେ, ସେନ୍ତ୍ରାଆଲେ ତାରୁ ବିସ୍ବାସ୍ କରୁବାଟା ତୁଚାଇସେ । ୩୧ ଆମର୍ ପୁରୁବର୍ ଆନିଦାଦି ଅବକାଆମ୍ କେ ଦେକା, ପର୍ମେସର୍ ତାକେ ଦରମ୍ ଲକ୍ଷ୍ମୀ ବଲି ତାକ୍‌ଲା । ସେଟା ତାରୁ ନିକ କାମ୍ ପାଇ । ଜେତେବେଲେ ନିଜର୍ ପିଲା ଇସାକ୍‌କେ ବେଦିଗାନେ ବଲି ଦେବାବେଲେ ନେଇରଇଲା । ୩୨ ତମେ ଦେକ୍ଲାସ୍ନିଜେ, ତାରୁ ବିସ୍ବାସ୍ ଆରି କରମ୍ ମିସିକରି ରଇଲା । ସେ କରିରଇବା କରମର୍ ଲାଗି ବିସ୍ବାସ୍ ସିଦ୍ ଅଇଲା । ୩୩ ଏଗାର ଲାଗି ଦରମ୍ ସାସ୍ତରର୍ ଏ ବାକିଅ ପୁରାପୁରୁନ୍ ଅଇଲା । ଅବକାଆମ୍ ପର୍ମେସର୍‌କେ

ବିସ୍ଵାସ କଲା । ତାରୁ ବିସ୍ଵାସରୁ ଲାଗି ପରମେସ୍ଵର ଦେବତା ଇସାବେ ଦରମ୍ ଲକ୍ଷ ବଲି ଏଜାଇଅଇଲା । ଆରି ଲକ୍ଷମନ୍ ତାକେ ପରମେସ୍ଵରର ମଇତରୁ ବଲି ଡାକିରଇଲା । ୨୪ ଅବକା ବିସ୍ଵାସ କଲେସେ ଗଟେକ୍ ଲକ୍ଷ ଦରମ୍ ବଲି ନାମାଇଅଇ ନଏ, ମାତରୁ ତାରୁ କରବା ନିକ କାମରୁ ଲାଗି ଅଇସି । ଏଟା ତମେ ଦେକଲାସ୍ଵନି ।

୨୫ ସେନ୍ତାରିସେ ବେସିଆ ମାଇଜି ରାଆବକେ ମିସା ଅଇଲା । ସେ ଇସ୍ରାଏଲରୁ ଦେକାଦେକି କରବା ଲକ୍ଷମନ୍ଦକେ ଡାକିନେଲା ଆରି ବିନ୍ ବାଟେ ବାରଇଜିବାକେ ସାଇଜ କଲା । ସେ ଏନ୍ତାରି କଲାକେ ପରମେସ୍ଵର ଦେବତା ଇସାବେ ଗଟେକ୍ ଦରମ୍ ଲକ୍ଷ ବଲି ଜାନାଇଅଇଲା ।

୨୬ ତେବେ, ଆଡ଼ମା ଚାଡ଼ିଗାଲେ ଲକ୍ଷମନ୍ଦରୁ ଗାଗଡ଼ ଜେନ୍ତକି ମଲା ସମାନ, ସେନ୍ତାରିସେ ନିକ କାମ୍ ନ କଲେ, ବିସ୍ଵାସ୍ ମିସା ମଲା ସମାନ୍ ଆଟେ ।

୩

ଜିବକେ ବାନ୍ଦି ସଙ୍ଗାଇବାଟା

୧ ଏ ମରୁ ବାଇବଇନିମନ୍, ତମରୁ ବିତ୍ତରେ ବାକିଅ ସିକିଆ ଦେବା ଗୁରୁ ଅଦିକ୍ ଉଆ ନାଇ । ଜନ୍ଲକ୍ଷ ବିନ୍ ଲକ୍ଷମନ୍ଦକେ ସିକାଇବାଇ ସେମନ୍ ଅଦିକ୍ ଡଣ୍ଡ ପାଇବାଇ, ଏଟା ଜାନିରୁଆ । ୨ ଆମେ ସବୁ ଡରୁକେତରୁ ବୁଲୁ କଲୁନି । ମାତରୁ ଜେ ମିସା ତାରୁ କାତାବାରୁତା କଲଲାବେଲେ ବୁଲୁ ନ କରେ, ତେବେ ସେ ସିଦ୍ ଲକ୍ । ଆରି ସେ ତାରୁ ସବୁଜାକ ମିସା ଜାଗରତ୍ କରି ସଙ୍ଗାଇ ଆଟେ । ୩ ଗଟେକ୍ ଗତାରୁ ବିସଇ ବାବିଦେକ୍ । ଜଦି ଗତା ଆମରୁ କାତା ମାନବାରୁ ଆଟେ ବଇଲେ, ତାରୁ ଟଣ୍ଡେ ଲାଗନ୍ ଚାବାଇଲୁନି । ଜେନ୍ତାରିକି ଗତାରୁ ବୁଲାଇ ଗାଗଡ଼ ମିସା ବୁଲାଇକରି, ଆମେ ଜନ୍ଦବାଟେ ମନ୍ କରୁ, ସେବାଟେ ନେଲୁନି । ୪ ସେନ୍ତାରିସେ ଗଟେକ୍ ବଡ଼ ପାନିଜାଜରୁ ବିସଇ ଚିନ୍ତା କରିଦେକା । ସେଟା ବେସି ବଡ଼ ରଇଲେ ମିସା ଜବରୁ ପବନ୍ ଆଇତେରଇଲେସେ ସେଟା ଚାଲାଇଅଇସି । ମାତରୁ ଗଟେକ୍ ଜାଜିଗାଲାଉ ସାନ୍ଦଟା ବୁଲାଇବା ଚକା ମାରିକରି ସେ ଜନ୍ତ୍ର ମନ୍ କରସି, ଜାଜି ସେ ବାଟେ ଚାଲାଇ ନେଇସି । ୫ ସେ ରକାମ୍ ଆକା ଆମରୁ ଟଣ୍ଡେ ରଇବା ଜିବ୍ ମିସା ଆମରୁ ଗାଗଡ଼ରୁ ଗଟେକ୍ ସାନ୍ ଜିନିସ, ମାତରୁ ଏଟା ବେସି ବଡ଼ବଡ଼ କାତା କଇସି ।

ଗଟେକ୍ ଡଙ୍ଗାରୁ ବିସଇ ବାବିଦେକା, ସେଟା ବଡେଟା ରଇଲେ ମିସା କଣ୍ଡେକ୍ ଜଇ ଇଙ୍ଗରା ଲାଗିକରି ସବୁ ପଡାଇଦେଇସି ।

୬ ସେନ୍ତାରି ଜିବ୍ ମିସା ଜଇପାରା, ଜିବ୍ ବିତ୍ତରେ ମିଟଟାମନ୍ ବରୁଡିଅଇ ଆଟେ । ସେଟା ଆମରୁ ଗାଗଡ଼ ବିତ୍ତରେ ବାସାଅଇ ଆଟେ । ଆମରୁ ବୁଲାଇ ଗାଗଡ଼କେ କାରାପ୍ ଡାବିଦେଇସି । ଆମରୁ ଜିବନ୍ ଜଇଗାନେ ପଡାଇଲାପାରା ପଡାଇ ଦେଇସି । ଆରି ସେ ଜଇ ନରୁକେଅନି ଆଇସି ।

୭ କାଜକେବଇଲେ ସବୁ ରକାମରୁ ଡଙ୍ଗାରୁ ଜିବ୍, ଉଡିବୁଲୁବାଟାମନ୍, ରାଜିବୁଲୁବାଟାମନ୍ ଆରି ପାନିତେଇ ରଇବାଟାମନ୍, ପୁରୁବେଅନି ଲକ୍ଷମନ୍ ସେଟାମନ୍ଦକେ ମାନାଇକରି ଆଟଡ଼ । ୮ ମାତରୁ ଏବେଜାକ ଜିବକେ କେ ମିସା ମାନାଅଡ଼ ନାଇ । ତେଇ କାରାପ୍ ବିସଇ ପୁରୁନ୍ ଅଇଆଟେ । ସେ ତାରୁ ନିଜରୁ ମନ୍ କରବା ଇସାବେ ଜାଇସି । ଆରି ମରନ୍ ଡାକିଆନ୍ଦବା ବିସ୍ଵ ବରୁଡି ଅଇଆଟେ । ୯ ଆମେ ଜିବ୍ ସଙ୍ଗ ମାପରୁକେ ଆରି ବାବା ପରମେସ୍ଵରକେ ଦନିଅବାଦ୍ ଦେଲୁନି ଆରି ଏ ଜିବସଙ୍ଗ୍ ପରମେସ୍ଵରୁ ଡରୁପାରା ତିଆର୍ କରିରଇବା ମୁନ୍ସକେ ସାଇପ୍ ଦେଲୁନି । ୧୦ ଗଟେକ୍ ଟଣ୍ଡେଅନିସେ ଦନିଅବାଦ୍ ଦେବାଟା ଆରି ସାଇପ୍ ଦେବାଟା ବାରଇସି । ମରୁ ବାଇବଇନିମନ୍, ଏନ୍ତାରି ଅଇବାଟା ଟିକ୍ ନଏ । ୧୧ ଗଟେକ୍ ରୁଆବିଲେଅନି, ଗଲାପାନି ଆରି ନିର୍ମଲୁପାନି ବାରଇସି କି ? ନାଇ, ନ ବାରଏ । ୧୨ ଏ ମରୁ ବାଇବଇନିମନ୍, ତୁମରିଗଟେ ଜିବ୍ପଲ୍ ନ ପଲେ କି କାଜ ଅଙ୍ଗୁ ମାଲେ ତୁମ୍ରି ନ ପଲେ । ସେନ୍ତାରିସେ ଗଟେକ୍ ଗଲାପାନି ବାରଇବା ରୁଆଇ ଅନି ନିର୍ମଲୁ ପାନି ନ ବାରଏ ।

ସରଗରୁ ଗିଆନ୍

୧୩ ତମରୁ ବିତ୍ତରେ ଗିଆନି ଆରି ବୁଲୁଟିକ୍ ବଲି କଇବା ଲକ୍ଷ ଆଟଡ଼ କି ? ତାରୁ ନିକକରି ଜିଇବାକାଇବାଟାନେଅନି ସେଟା ଦେକାଅ । ତାରୁ ଜିବନେ, ଗଟେକ୍ ଗିଆନ୍ ରଇବା ଲକ୍ଷରୁ ଇସାବେ, ସବୁବିସଇ ସୁଆଲେ କଲାଆଟେ ବଲି ଦେକାଅ । ୧୪ ଜଦି ତମରୁ ମନ୍ବିତ୍ତରେ ଇସାତଲା, କପଦାରୁବାଟା ଆରି ସବୁବେଲେ ନିଜରୁ ବିସଇ ଚିନ୍ତା କରବାଟା ରଇସି, ସେନ୍ତାରିଆଲେ ସେ ବିସଇଗାନେ ବଡ଼ପନ୍ ଉଆନାଇ । ଆରି ସଡ଼ ବିସଇ ବୁଲୁ ଆଟେବଲି କୁଆ ନାଇ । ୧୫ ଏନ୍ତାରି ଗିଆନ୍ ପରମେସ୍ଵରରୁ ଟାନେଅନି ନ ଆସେ । ସେଟା ଜଗତେଅନି ଆଇସି । ପରମେସ୍ଵରରୁ ଆଡ଼ମା ନ ରଇବାଟାନେ ଅନି ଆଇସି । ଆରି ସେଟା ସଇତାନରୁ ଗିଆନେ ଅନି ଆଇସି । ୧୬ ଜନ୍ ଜାଗାଇ ଲକ୍ଷମନ୍ଦରୁ ବିତ୍ତରେ ଇସା, ଆରି ନିଜରୁ

ବିସଇସେ ଚିନ୍ତା କରବାଟା ରଇଲେ, ସେ ଜାଗାଇ ଲାଗାଲାଗି ଆରି ସବୁ ରକାମର୍ କାରାପ କାମ ରଇସି ।
 ୧୭ ମାତର୍ ପର୍ମେସର୍ ସିକାଇବା ଗିଆନ୍ ଜନ୍‌ଲକ୍‌ମନ୍‌କେ ଆଟେ, ତାକର୍ ଗୁନ୍‌ଚଲେନେ ସେମନ୍ ସୁକଲ୍
 ଅଇରଇବାଇ, ସାନ୍ତିସଙ୍ଗ୍ ରଇବାଇ, ସୁଆଲେ ରଇବାଇ, ଦୟା ଦେକାଇବାଇ, ଜିବନ୍‌ଦୁକାଇବାଇ ଆରି
 ତାକର୍ ସବୁ କାମ୍ ନିକ ରଇସି । ସେମନ୍ ଲକ୍‌ମନ୍‌କେ ବଡ଼ ସାନ୍ ଇସାବେ ନ ଦେକଡ଼ ଆରି ଚଲାନିକାତା
 ନ କଅଡ଼ । ୧୮ ଜନ୍‌ଲକ୍‌ମନ୍‌ ସାନ୍ତିପପାଇ କାମ୍ କରବାଇ, ସାନ୍ତି ସଙ୍ଗ୍ ରଇକରି ଦରମର୍ ବିଅନ୍ ଗୁନ୍‌ବାଇ,
 ସେନ୍ତାରି ଲକ୍‌ମନ୍‌ ପର୍ମେସର୍ ଦେକ୍‌ବା ଇସାବେ, ନିକ କାମର୍ ଦାନ୍ କାଟ୍‌ବାଇ ।

୪

ଜଗତର୍ ସଙ୍ଗ୍ ମଇତର୍

୧ ତମର୍ ବିତ୍ତରେ ମାରାମାରି ଆରି ଲାଗାଜଡ଼ା କାଇକେ ଆଇଲାନି ? ତମର୍ ମନ୍‌ବିତ୍ତରେ ତସିରଇବା
 କାରାପ୍ ମନ୍‌କଲମାଟା ଉଚିକରି ତମର୍ ବିତ୍ତରେ ଜୁଜ୍‌ଲାନି, ଏଟାର୍ ଲାଗି ଏନ୍ତାରି ଅଇଲାନି । ସେଟାର୍‌ପାଇ
 ଗଟେକ୍ ଲକ୍ ଆରିଗଟେକ୍ ଲକ୍‌ର୍ ସଙ୍ଗ୍ ଲାଗଲାସିନି । ୨ କାଇକେବଇଲେ ତମେ ଜନ୍‌ଟା ମିଲାଇବାକେ
 ମନ୍ କଲାସିନି, ସେଟା ମିଲାଇ ନାପାରଲେ, ମରାଇବାକେ ମନ୍‌କଲାସିନି । ଜନ୍‌ଟା ମିଲାଇବାକେ
 ଦେସି ମନ୍ ଅଇଲାନି, ସେଟା ମିଲାଇବାକେ ତମକେ ବପୁନାଇ । ସେଟାର୍‌ପାଇ ତମର୍‌ତମର୍ ବିତ୍ତରେ
 ଲାଗାଜଡ଼ା ଅଇ ମାରାମାରି ଅଇଲାସିନି । ତମେ ପର୍ମେସର୍‌କେ ମାଙ୍ଗାସି ନଇଜେ ମନ୍‌କଲାଟା ମିଲାଇ
 ନା ପାରଲାସିନି । ୩ ତମେ ମାଙ୍ଗାଡେରଇସା, ମାତର୍ ସେ ତମକେ ଦେଏ ନାଇ । କାଇକେବଇଲେ ସେଟା
 କାରାପ୍ କରବାକେ ମାଙ୍ଗାଲାସିନି । ସୁକେ ରଇକରି ସାଇସାର୍‌ଦା ସଙ୍ଗ୍ ରଇବୁ ବଲି ମାଙ୍ଗାଲାସିନି । ୪ ଏ
 ବିସ୍‌ବାସେ ବିସ୍‌ଦେବା ଲକ୍‌ମନ୍, ତମେ କାଇ ନାଜାନାସି କି ଜଗତ୍‌କେ ଆଲାଦ୍ କରୁମନ୍ ପର୍ମେସର୍‌ର
 ସତ୍ତ୍ୱ ବଲିକରି ? ଜନ୍‌ଲକ୍ ଏ ଜଗତ୍‌ର ଚଲାଚଲ୍‌ତି ଆଲାଦ୍ କରବାଇ ସେମନ୍ ପର୍ମେସର୍‌ର ବିରଦି ।
 ୫ ତମେ ଦରମ୍ ସାସ୍‌ତରେ ଲେକାଅଇରଇବା ଏ ବାକିଅ ଚୁଟାଇ ବଲିକରି ବାବ୍‌ଲାସିନି କି ? ପର୍ମେସର୍
 ଜନ୍ ଆଡ଼ମାକେ ଆମର୍ ବିତ୍ତରେ ବାସାଅଇରଇବାକେ ଦେଲାଆଟେ, ସେ ଆମକେ ପୁରାପୁରୁନ୍ ଅଦିକାର୍
 କରବାକେ ମନ୍ କଲାସି । ୬ ମାତର୍ ପର୍ମେସର୍ ଜିବନ୍ ଦୁକାଇଲାଟା, ତାର୍‌ଡେଇଅନି ଅଦିକ୍ ବପୁଆଟେ
 । ସେଟାର୍‌ପାଇ ସାସ୍‌ତର୍ କଇଲାନି, ଆଁକ୍‌ରିଆମନ୍‌କେ ପର୍ମେସର୍ ବିରଦ୍ କରସି, ମାତର୍ ସୁଆଲେ
 ରଇବା ଲକ୍‌କେ ତାର୍ ଜିବନ୍ ଦୁକାଇ, ଦୟା କରସି ।

୭ ଡେବର୍ ପାଇ, ତମେ ପର୍ମେସର୍‌କେ ସର୍‌ପାଇଉଆ । ସଇତାନ୍‌କେ ଜାକି ଦିଆସି । ସେନ୍ତାରି କଲେ
 ସଇତାନ୍ ତମର୍‌ଲଗେ ଅନି ପାଲାଇସି । ୮ ପର୍ମେସର୍‌ର ଲଗେ ଆସା, ଡେବେ ସେ ମିସା ତମର୍ ଲଗେ
 ଲଗେ ରଇସି । ଏ ପାପିମନ୍, କାରାପ୍ କାମ୍‌କରବାଟା ଚାଡ଼ିଦିଆସି । ଆରି ଏ ଦୁଇବାଟେ ମନ୍‌କରୁମନ୍
 ତମର୍ ମନ୍ ନିର୍‌ମଲ୍ କରା । ୯ ତମର୍ ପାପର୍‌ଲାଗି ମାରିଚପି ଅଇକରି କାନ୍‌ଡେଟୁଆ । ନ ଆସିକରି
 କାନ୍‌ଡେଟୁଆ, ସାର୍‌ଦା ନ ଅଇକରି ଦୁକେ ରୁଆ । ୧୦ ମାପରୁର୍ ମୁଆଟେ ନିଜେ ନିଜେ ସର୍‌ପିଉଆ, ସେ
 ତମକେ ଉଟାଇସି ।

ବିନ୍‌ଲକ୍‌ର୍ ବିଚାର୍ କରାନାଇ

୧୧ ଏ ମର୍ ବାଇବଇନିମନ୍, ନିଜର୍ ନିଜର୍ ବିତ୍ତରେ କୁର୍ କାତା କୁଆ ନାଇ । ଜଦି ବିସ୍‌ବାସି ବାଇମନର୍
 ବିରୁଦେ କୁର୍ କାତା କଇ ତାକେ ଦସ୍ ଦେଇସା, ତମେ ପର୍ମେସର୍‌ର ନିୟମ୍ ବିରୁଦେ କାତା ଅଇଲାସିନି
 । ଆରି ତାର୍ ନିୟମକେ ବିଚାର୍ କଲାସିନି । ପର୍ମେସର୍‌ର ନିୟମ୍ ବିଚାର୍ କଲେ, ତମେ ତାର୍ ଆଦେସ୍
 ମାନାସି ନାଇ । ମାତର୍ ବିଚାର୍‌କାରିଆ ଇସାବେ ରଇଲାସିନି । ୧୨ ପର୍ମେସର୍‌ସେ ନିୟମ୍ ଦେଇପାରସି
 । ସେ ସେ ଆମକେ ବିଚାର୍ କରିପାରସି । ସେ ସେ ଲକ୍‌ମନ୍‌କେ ରକିଆ କରିପାରସି ଆରି ସେ ସେ
 କୁରୁପ୍‌ମାସି କରିପାରସି । ମାତର୍ ତମେ କେ ଜେ, ବିନ୍ ଲକ୍‌ର୍ ବିଚାର୍ କରିପାରାସି ?

ବଡ଼ପନ୍ ବିସଇର୍ ଚେଡ଼ନା

୧୩ ଡେବେ ମର୍ କାତା ସୁନା । ତମର୍ ବିତ୍ତରେ ଜନ୍ ଲକ୍‌ମନ୍ ଏନ୍ତାରି କାତା ଅଇଡେରଇସା, ଆଜି
 ନଇଲେ କାଲିକେ ଆମେ ଏ ନଅରେ କି ସେ ନଅରେ ଜିବୁ, ତେଇ ବଡ଼ସେକ୍ ରଇବୁ ଆରି ବେବାର୍ କରି
 ତାରୁ ଅରଜୁ । ୧୪ ମାତର୍ କାଲିକେ କାଇଟା ଗର୍‌ସି, ସେଟା ତମେତା ନାଜାନାସି ! ତମର୍ ଜିବନ୍ ଦୁର୍‌ଇ
 ସମାନ୍, ଜନ୍‌ଟାକି ଚନେକର୍ ପାଇ ଡିସିସି ଆରି ମାୟା ଅଇଜାଇସି । ୧୫ ତାର୍ ବାଦୁଲେ ତମେ ମାପରୁ
 ମନ୍ କଲେ ଆମେ ଜିଇକରି ଏନ୍ତାରି ନଇଲେ ସେନ୍ତାରି କରୁ ବଲି କଇବାର୍ ଆଟେ । ୧୬ ମାତର୍ ତମେ
 ସେନ୍ତାରି କରାସି ନାଇ । ଆଁକ୍‌ରିଆମନ୍ ଆରି ବଡ଼ପନ୍ କାତା କର୍‌ମନ୍ । ଏନ୍ତାରି ବଡ଼ପନ୍ କାତା କଇବାଟା
 ବୁଲ୍‌ଆଟେ ।

୧୭ ଏତାଇ ରୁଆ । ଜେ ଜଦି ଏଟା ନିକ କାମ୍ ବଲି ଜାନେ, ମାତର୍ ସେଟା ନ କରେ ବଇଲେ, ପର୍ମେସର୍ ଦେକ୍‌ବା ଇସାବେ ସେ ଦସ୍ କଲାଆଟେ ।



ସାତକାର୍ ମନ୍‌କେ ଜାଗରତ୍ କରାଇବାଟା

୧ ଏ ସାତକାର୍ ଲକ୍‌ମନ୍, ମର୍‌କାତା ସୁନା । ତମ୍‌କେ ଜନ୍ ଦୁକ୍‌କସ୍‌ଟ ଆଇଲାନି, ସେଟାର୍ ପାଇ ମାରିତପିଅଇ କାନ୍ଦା । ୨*ତମ୍‌ର୍ ଦନ୍‌ର୍‌ପତି କୁଜଗାଲାନି ଆରି ନିକନିକ ବସ୍‌ତର୍‌ମନ୍ ଅଲ୍‌ମା କାଇଲାନି । ୩ତମ୍‌ର୍ ସୁନାରୁପା ଚିଲମ୍ ଦାରଲାନି ଆରି ଏ ଚିଲମ୍ ଦାରଲାଟାକେ ନେଇକରି ପର୍ମେସର୍ ତମ୍‌କେ ଦସି କର୍‌ସି । ଆରି ଜଇଟାନ୍‌ନେ ପଡ଼ଲେ ଜେନ୍ତି ଗାଗଡ଼ ନସ୍‌ସି, ସେନ୍ତି ତମ୍‌ର୍ ଗାଗଡ଼ ସେ କୁରୁପ୍‌ନାସ୍ କର୍‌ସି । ଏ ଜୁର୍ ସାର୍‌ବାକେ ଜାଇତେରଇଲେ ମିସା ତମ୍‌େ ସବୁଲକ୍ ଦନ୍‌ର୍‌ପତି ରୁଲିଆଇଲାସିନି । ୪ ତମ୍‌ର୍ ଜମିବାଡିଲଗେ କାମକର୍‌ବା ବୁଡିଆର୍‌ମନ୍‌କେ ବୁଡି ଦିଆସ୍ ନାଇ । ତାର୍ ବାଦୁଲେ ସେମନ୍‌କେ ନାତାଇ ଆଟାସ୍ । ସୁନା, ସେମନ୍‌ର୍ ବୁଡି ତମ୍‌ର୍ ବିରୁଦେ କାନ୍‌ଲାପାରା ସୁନିଅଇଲାନି । ସେମନ୍‌ର୍ କାନ୍‌ବାଟା ସବୁଟାନ୍‌ନେଅନି ବପୁ ରଇବା ମାପୁରୁ, ସୁନ୍‌ଲା ଆଟେ । ୫ ଏ ଜଗତେ ତମ୍‌େ ସାଇସାର୍‌ଦା ସଙ୍ଗ୍ ଜିଇଲାସିନି । ଜାଇଟା ମନ୍ କଲେ, ସେଟା କଲାସିନି । ମାତର୍ ପର୍ମେସର୍‌ର୍ ତଣ୍ଡୁ ଦିନ୍ ଦାପ୍‌ରେ ଆଇଲାନି । ୬ ତମ୍‌େ ଦସ୍ ନ କଲା ଲକ୍‌ମନ୍‌କେ ଦସି ବଲିକରି ମାରି ମରାଇଆଟାସ୍ । ଏଲେମିସା ସେମନ୍ ତମ୍‌କେ ଅଟ୍‌କାଅଡ଼ ନାଇ ।

ସାଆସ୍ ଦାରିକରି ପାର୍‌ତନା କରା

୭ ଏ ମର୍ ବାଇବଇନିମନ୍, ମାପୁରୁ ଆରିତରେକ୍ ଆଇବାଜାକ ମୁରୁଚିକରି ରୁଆ । ଚାସିମନ୍‌ର୍ ବିସଇ ଚିନ୍ତାକରିଦେକା, ତାକର୍ ଜମିଅନି ନିକ ପସଲ୍ ମିଲ୍‌ବା ଜାକ ସେମନ୍ ଜାଗିକରି ରଇବାଇ । ଜେନ୍ତିକି ମାଟିବିଜାଇବାକେ ପର୍‌ଡୁମର୍ ବରିସା ଆରି ନିଙ୍ଗାବାପାଡ଼ବା ବେଲର୍ ସାରାସାରି ବର୍‌ସାକେ ମୁରୁଚିକରି ଜାଗି ରଇବାଇ । ୮ ସେ ରକାମ୍ ତମ୍‌େମନ୍ ମିସା ମୁରୁଚି ଜାଗିରୁଆ । ତମ୍‌ର୍ ମନ୍ ଡାଁକରି ରୁଆ, କାଇକେବଇଲେ ମାପୁରୁ ଆଇବା ଦିନ୍ ଲଗେ କେଟିଆଇଲାନି ।

୯ ଏ ମର୍ ବାଇବଇନିମନ୍, ନିଜର୍ ନିଜର୍ ବିଡ଼ରେ ଦସ୍ ଦାରାଦାରି ଉଆ ନାଇ । ସେନ୍ତିଆଲେ ମାପୁରୁ ତମ୍‌କେ ବିଟାର୍ ନ କରେ । ଦେକା ବଡ଼ ବିଟାର୍‌କାରିଆ ଲଗେ ଆଟେ । ୧୦ ମର୍ ବାଇବଇନିମନ୍, ଜନ୍ ବବିସଡ଼ବକ୍‌ତାମନ୍ ମାପୁରୁର୍ ନାଉଁ ଦାରି କାତାଦେଇ ରଇଲାଇ, ସେମନ୍‌କେ ଏତାଆ । ଦୁକ୍‌କସ୍‌ଟ ଆଇଲାବେଲେ । ସେମନ୍ ମୁରୁଚିକରି ରଇଲାଇ । ତମ୍‌େମିସା ସେନ୍ତାରି ଅଇକରି ମନେ ଏତାଆ । ୧୧ ସେମନ୍ ମୁରୁଚିକରି ରଇଲାପାଇ ବଲି କେଡେକରମର୍ ଲକ୍ ବଲି କଇଲୁନି । ସେନ୍ତାରିସେ ଆୟୁର୍ ବେସି ଦିନ୍‌ଜାକ ମୁରୁଚିକରି ରଇଲାଟା ତମ୍‌େ ସୁନି ଆଟାସ୍ । ସାରାସାରି ପଟେ ମାପୁରୁ ଜନ୍‌ରକାମ୍ ତାକେ ବାଉତାଇଦେଲାଟା ଜାନିଆଟାସ୍ । କାଇକେ ବଇଲେ ଆମର୍ ମାପୁରୁ ଦୟାକର୍‌ସି ଆରି ପୁରାପୁରୁନ୍ କଲିକରମ୍ ଦେକ୍‌ବା ମାପୁରୁ ।

୧୨*ଏ ମର୍ ବାଇବଇନିମନ୍, ତମ୍‌େ କାତା ଦେଲା ବେଲେ ରାନ୍ ନିୟମ୍ ପାକାଆ ନାଇ । ସରଗର୍ କି ଏ ଜଗତର୍ ନାଉଁ ଦାରିକରି କାଇ ବିସଇ ରାନ୍ ପାକାଆ ନାଇ । ତମ୍‌ର୍ ଅଇବା କାତାଆଲେ “ଉଁ” ଆରି, ନ ଅଇବା କାତା ଆଲେ “ନାଇ” ବଲିକୁଆ । ସେନ୍ତାର୍ ରଇଲେ, ତମ୍‌େ ପର୍ମେସର୍‌ର୍ ବିଟାର୍‌ନାଟାନ୍‌େ ତଣ୍ଡୁ ନ ପାଆସ୍ ।

୧୩ ତମ୍‌ର୍ ବିଡ଼ରେ କେ ଜଦି ଦୁକ୍ ଜଞ୍ଜାଲେ ରଇଲେ, ସେ ପାର୍‌ତନା କର । କେ ଜଦି ସାର୍‌ଦାସଙ୍ଗ୍ ଆଟେ ବଇଲେ, ସେ ପର୍ମେସର୍‌ର୍ ତାକ୍‌ପୁଟାର୍ ଗିଡ଼ ଗାଅ । ୧୪*କେ ଜଦି ଜର୍‌ଦୁକା ଅଇ ରଇଲେ ସେ ମଣ୍ଡଲିର୍ ପାର୍‌ଚିନ୍‌ମନ୍‌କେ ତାକାଆ, ସେମନ୍ ମାପୁରୁର୍ ନାଉଁଦାରି ଚିକନ୍ ରକଇ କରି ତାକେ ଲାଗାଇ, ପାର୍‌ତନା କର୍‌ବାଇ । ୧୫ ବିସ୍‌ବାସ୍ ସଙ୍ଗ୍ ସରପୁଲା ପାର୍‌ତନା ଜରୁ ଲକ୍‌କେ ନିମାନ୍ କରି ଉଟାଇସି । ଜଦିସେ ପାପ୍‌କରି ରଇସି ବଇଲେ ମାପୁରୁ ତାକେ କେମା କର୍‌ସି । ନିଜର୍ ନିଜର୍ ଲଗେ ପାପ୍ କଲାଟା ଜାନାଆ ଆରି ନିଜର୍ ନିଜର୍ ପାଇ ପାର୍‌ତନା କରା । ସେନ୍ତାର୍ କଲେ, ତମ୍‌େ ନିକ ଅଇସା । ୧୬ ଗଟେକ୍ ଦରମ୍ ଲକ୍ ପାର୍‌ତନା କଲାଟା ବେସି ବପୁ ରଇସି ଆରି ସେ ପାର୍‌ତନା ଉତର୍ ଦେକିଅଇସି । ୧୭ ଏଲିଅର୍ ବିସଇ ବାବିଦେକା, ସେ ମିସା ଆମର୍ ପାରାସେ ରଇଲା । ପୁର୍‌ବେ ଇସ୍ରାଏଲ୍ ଦେସେ ପାନି ନ ମାର ବଲି ସେ ମନ୍‌ଦିଆନ୍ ଦେଇ ପାର୍‌ତନା କର୍‌ତେରଇଲା । ସେଟାର୍‌ପାଇ ସେ ଦେସେ ତିନ୍ ବରସ୍

ଚ ମାସ୍ ଜାକ ପାନି ମାରେ ନାଇ । ^{୧୮} ଆରି ତରେକ୍ ପାନି ମାର ବଲି ପାର୍ତନା କଲାକେ ବାଦ୍ଲେଅନି ପାନି ମାରଲା । ତେବର୍ପାଇ ଜମିଟାନେ ତାସ୍ ଅଇଲା ।

^{୧୯} ଏ ମର୍ ବାଇବଇନିମନ୍ ତମର୍ ବିତ୍ରେ ଜଦି କେ ସର୍ ବାଟ୍ ଚାଡ଼ିକରି ବିନ୍ ବିନ୍ ବାଟେ ଗାଲେ, ତାକେ କେ ଆଲେ ଜାଇ ବାଉଡାଇ ଆନ୍ଲେ, ^{୨୦} ☆ଏଡାଇରୁଆଜେ, କେ ଜଦି, ଗଟେକ୍ ପାପିକେ ବୁଲ୍ବାଟେଅନି ବାଉଡାଇ ଆନ୍ସି, ସେ ତାକେ ମରନେଅନି ରକିଆ କର୍ସି । ଆରି ସେ ଲକର୍ ଜବର୍ ପାପ୍ ରଇଲେ ମିସା ତାକେ କେମା ଅଇସି ।

ପିତର ଲେଖିଥିବା ପ୍ରଥମ ପତ୍ର ପିତୃ ଲେଖିଲା ପତ୍ରରୁ ଚିତି ଏ ବଇର ବିସଇ ଜାନ୍‌ବାଟା

ପିତର ପତ୍ରରୁ ଚିତି ପେରିଡ଼ ତିତସର ଲାଗି ଲେଖାଅଇ ରଇଲା । ପିତୃ କେ ଆରି ସେ କାକେ ଏ ଚିତି ଲେଖିଲାନ୍ତି, ସେ ଏଚିତିତେଇ ସବୁ ବିନ୍ ଦେସର ବିସବାସି ବାଇବଇନି ମନର ପାଇ ବଲିକରି ଏ ଚିତି ଲେଖିଲାନ୍ତି ୧:୧-୧:୧୭ ଆରି ୨:୧୧ ସେ ତାକର ପତ୍ରବା ଲକ୍‌ମନ୍‌କେ ଏ ରକାମ୍ ବାବିକରି ଲେଖିଲାନ୍ତି । କାଜକେବଇଲେ ସେମନ୍ ବିନ୍‌ବିନ୍ ଦେସେ ଚିନ୍‌ବିନ୍ ଅଇରଇଲା । ଏ ଚିତି କେତେଟା ଏପିସିଆ ମଣ୍ଡଲିଲଗେ ପାଠଲାର ଚିତି ରକାମ୍ । ବେସିଲକ୍ ବିସବାସି କଲାଜନିଜେ, ପତ୍ରରୁ ପିତୃ ଜିସୁକିରିସଟର ଜନମଅଇ ୬୫ ବରସ ପଚେ ଲେଖାଅଇ ରଇଲା । ପିତୃ ଏ ଚିତି ରମେଅନି ଜାକେକି ବାବିଲନ୍ ବଲିକରି କଇବାଇ ସିତିଅନି ସେ ଲେକି ରଇଲା । ୫:୧୩ ।

ପିତୃ ଏ ଚିତିତେଇ ଲକ୍‌ମନ୍ କଇଲାଜ ନିଜେ, ଏ ବଇର ଆଦେସ୍ ତମକେ ସାଆସ୍ ଦେଇସି ଆରି ପର୍‌ମେସରର ସତ୍ ଆରି ଦୟାକେ ପରିକା କରବାଟା ଆକା ୫:୧୨ ଏଟା କେତେଟା ସମାନ୍‌ସେ ଆଚେ ଆରି ୧ ମ ପିତୃ ୨:୧୧-୩:୭ଏପିସିୟ ୫:୧୮-୨:୯କଲସିଆ ୩:୧୮-୪:୬ ଏ ତିନ୍‌ଟା ଚିତିର ସବୁବଇ ନିଜର୍ ନିଜର୍ ଲକ୍ ମନର୍ ବିସଇ ଆରି ଅଦିକାର ବିସୟରେ କଇଲା ଆଚେ । ସାରାସାରି ବେଲାଇ କେଟ୍‌ଲାନ୍‌କେ କସଟ୍ ବେଲାଇମିସା ତବିରଅଇକରି ରଇବାକେ ବିସବାସିମନ୍‌କେ ବପୁଦେଲାନ୍ତି ୪:୧

ଏ ବିତ୍‌ରେ ରଇବାଟା

- ୧. ପିତୃ ତାର ଚିତି ପତ୍ରବା ଲକ୍‌ମନ୍‌କେ ତାର ନିଜର୍ ବିସଇ ଆରି ସେ ରଇବା ଜାଗାର ବିସଇ ଜାନାଇଆଚେ । ୧:୧-୨
- ୨. ପିତୃ ପର୍‌ମେସରକେ ଦନିଅବାଦ୍ ଦେଇଆଚେ । ଜେକ୍‌କି ସବୁଲକ୍ ପର୍‌ମେସରର୍ ମୁକ୍‌ତିଗାନେ ମିସବାଇ । ଜନ୍‌ଟାକି ତାକର୍ ଜିବନ୍ ଉଦାର ଅଇସି । ୧:୩-୨:୧୦
- ୩. ପଚେ ଜଗତେ କେନ୍ତାରି ଜିଉନା କାଉନା କରିଅଇସି ଆରି ମାଜି ମୁନ୍‌ସ୍ ସାଉକାର ଆରି ଦାଙ୍ଗ୍‌ତାମନର୍ ବିତ୍‌ରେ କେନ୍ତାରି ମିସିବିତ୍ ରଇବାକେ ଅଇସି, ସେଟା ଜାନାଇଦେଲାନ୍ତି । ୨:୧୧-୪:୧୧
- ୪. ତାରପଚେ ଦୁକ୍ କସଟ୍ ଆଇଲାବେଲେ ତବିର ଅଇରଇବାକେ ପିତୃ ସେମନ୍‌କେ ସାଆସ୍ ଦେଲାନ୍ତି । ୪:୧୨-୫:୧୧
- ସେ ତାର ଚିତି ଲେଖିବାଟା ସାରାଇଆଚେ । ୫:୧୨-୧୪

ପିତୃ ଲେଖିଲା ପତ୍ରରୁ ଚିତି

୧ ମୁଇ ପିତୃ, ଜିସୁକିରିସଟର ଗଟେକ୍ ପେରିଡ଼ ସିସ୍ ।

ପତ୍ର, ଗାଲାତିଅ, କାପାଦକିଆ, ଆସିଆ ଆରି ବିତୁନିଆ ରାଜଜମନ୍‌କେ, ବିନ୍‌ଦେସର ଲକ୍‌ମନର୍‌ପାରା ବିନ୍‌ବିନ୍ ଅଇଜାଉରଇବା ପର୍‌ମେସରର୍ ଲକ୍‌ମନ୍‌କେ ମୁଇ ଏ ଚିତି ଲେଖିଲିନି ।^୨ ତାର ଜିଉନା ଇସାବେ ବାବା ପର୍‌ମେସର ତମକେ ତାକଲା ଆଚେ । ତାର ସୁକିଲ୍ ଆଡ଼ମାଇ ସେ ତମକେ ତାର ସୁକିଲ୍ ଲକ୍ କରାଇସି । ତମେ ଜିସୁ କିରିସଟକେ ମାନିକରି, ତାର ବନିତେଇ ଦଇଅଇକରି ରଇବାକେ ସେ ଏନ୍ତାରି ଜିଉନା କଲା ।

ତାର ଜିବନ୍‌ଦୁକାଇଲାଟା ଆରି ସାନ୍ତି ପୁରାପୁରୁନ୍ ତମକେ ମିଲ ।

ଜିବନ୍ ରଇବା ଆସା

୩ ଆମର୍ ମାପୁରୁ ଜିସୁକିରିସଟର ବାବା ପର୍‌ମେସରକେ ଦନିଅବାଦ୍ ଦେଉଁ । କାଜକେବଇଲେ ସେ ଜବର୍ ଅଇତେ ଦୟା କଲାପାଇ ଆମକେ ନୁଆ ଜିବନ୍ ଦେଲା ଆଚେ । ଜିସୁକିରିସଟକେ ମଲାଗାନେଅନି ଉଗାଇକରି ଏନ୍ତାରି କରିଆଚେ । ଆମେ ମଲେ ମିସା ଆମକେ ଉଟାଇସି ବଲିକରି ପୁରାପୁରୁନ୍ ଆସାଆଚେ ।^୪ ସେଟାରପାଇ ପର୍‌ମେସର ତାର ଲକ୍‌ମନର୍‌ପାଇ ଜେଡ଼କି ସବୁ ଆସିର୍‌ବାଦ୍ ସର୍‌ଗେ ଜତନ୍ କରି ସଙ୍ଗଇଆଚେ, ସେଟା ସବୁ ଆମର୍ ଅଇସି ବଲି ଆସାକଲୁନି । ତେଇ ସେଟା ନ ନସେ କି ଚିଲମ୍ ନ ଦାରେ କି ଉନା ମିସା ନ ଅଏ ।^୫ ଏ ସବୁ ଆସିର୍‌ବାଦ୍ ଆମର୍‌ପାଇ । ତମେ ପର୍‌ମେସରକେ

ବିସ୍ୱାସ କଲାପାଇ, ତା'ର ବସ୍ତୁ ତମକେ କାଳିଙ୍ଗ ନ ଅଇତେ ସଙ୍ଗାଇଲା ଆଚେ । ସାରାସାରିଦିନେ ତା'ର ମୁକ୍ତି ସବୁଲକ୍ଷ୍ମୀ ଜାନ୍‌ବା ଜାକ, ତମର ଉପରେ ଜାଗତେରଇସି ।

^୭ ଚନେକପାଇ ତମର ଜିବନେ ବିନ୍ଦୁ ବିନ୍ଦୁ ଦୁକ୍‌କସ୍ତ ଆଇଲାକେ ମୁକ୍ତିକରି ରଇବାକେ ପଢ଼ଲେ ମିସା, ସେଟାପାଇ ତମେ ସାର୍‌ଦା ଅଇକରି ରୁଆ । ^୮ ତମର ଜିବନେ ଆଇଲା ଦୁକ୍‌କସ୍ତ ସବୁ ତମର ବିସ୍ୱାସ ସତ୍ତାଚେ କି ନାଇ ବଲି ପରିକା କରବାକେସେ । ସୁନାର ବିସଇ ବାବିଦେକା, ଏ ଜଗତର ସବୁ ବିସଇରୁପାରା ସୁନା ମିସା ନସିଜାଇସି । ସୁନା ନିକଟା କି କାରାପୁଟା ବଲି ଜାନ୍‌ବାକେ ଜଇଟାନେ ସିଲାଇବାଇ । ତମର ବିସ୍ୱାସ ସୁନାଟାନେଅନି ଅଦିକ୍ ମୁଲିଅ । ସେନ୍ତାଆଲେ ତମର ବିସ୍ୱାସ ନିକଟା କି ନାଇ ବଲି ପରିକା କରବାରୁ ଆଚେ । ତମର ବିସ୍ୱାସ ଜିଦି ନିକଟା, ଜିସୁ କିରସ୍ତ ଦେକା ଅଇବା ସେ ଦିନେ ତମେ ତାକ୍‌ପୁଟା ଆରି ମଇମା ପାଇସା । ଏବେ ତମେ ତାକେ ନ ଦେକିରଇଲେ ମିସା ଆଲାଦ୍ କଲାସିଆରି ବିସ୍ୱାସ କଲାସିନି । ସେଟାପାଇ ତମର ସାର୍‌ଦା ବେସି ବଡ଼ । ^୯ ତମେ ବିସ୍ୱାସ କଲାସିଆରି ତମକେ ସର୍‌ଗେ ନ ସାର୍‌ଦା ଜିବନ୍ ଆଚେ ।

^{୧୦} ପରମେସର୍ ମୁନ୍‌ସମନକେ ତାକର୍ ପାପେଅନି କେନ୍ତ୍ର ମୁକ୍‌ଲାଇସି ବଲି ପୁରବର୍ ବବିସତ୍‌ବକ୍‌ତାମନ୍ ମନ୍‌ଦିଆନ୍ କରି ପଢ଼ଲାଇ । ପରମେସର୍ ତମକେ ଦେବା ଏ ଦାନ୍ ବିସଇ, ସେମନ୍ ଆଗକେ ଗର୍‌ବା କାତା କଇଲାଇ । ^{୧୧} କିରିସ୍‌ଟ କେନ୍ତ୍ର ଦୁକ୍‌କସ୍ତ ମୁରଟ୍‌ଲା, ଆରି ସବୁ ନିନ୍ଦା ସାର୍‌ଲା ପଚେ ସେ କେନ୍ତ୍ର ତାକ୍‌ପୁଟା ପାଇଲା, ସେ ବିସଇ ପରମେସର୍ ଆଡ଼ମା ସେମନକେ ଜାନାଇଲା । ଏଟା ସବୁ କେବେ ଅଇସି ଆରି କେନ୍ତ୍ରାରି ଅଇସି, ସେଟା ଜାନ୍‌ବାକେ ସେମନ୍ ବେସି ମନ୍ କଲାଇ । ସେଟାପାଇ ସେମନ୍ ସେ ବିସଇ ମନ୍‌ଦିଆନ୍ କରି ପଢ଼ଲାଇ । ^{୧୨} ମାତର୍ ଜନ୍ ଆଗକେ ଗର୍‌ବା କାତା ସେମନ୍ କଇରଇଲାଇ, ସେଟା ସେମନର୍ ବଲ୍‌ପାଇ ନାଇ ମାତର୍ ତମର ବଲ୍‌ପାଇ ବଲି ପରମେସର୍ ସେମନକେ ଜାନାଇଲା । ଆରି ଏବେ ସେଟା ପୁରାପୁରନ୍ ଅଇଲା । କାଲକେବଇଲେ ଜନ୍ ଲକ୍‌ମନ୍ ତମକେ ସ୍ୱର୍ କବର୍ ଜାନାଇଲାଇ ଆଚଡ଼, ତମେ ସେ କାତା ସୁନିଆରାସ୍ । ସର୍‌ଗେଅନି ପାଟାଈରଇବା ସୁକ୍‌ଲାଆଡ଼ମା ସେମନକେ ବପୁଦେଲା । ଦୁର୍‌ମନ୍ ମିସା ଏ ବିସଇ ଜାନ୍‌ବାକେ ମନ୍ କଲାଇ ।

ସୁକ୍‌ଲ ଅଇକରି ଜିଉନା କାଉନା କରବାଟା

^{୧୩} ସେଟାପାଇ ତମେ ନିଜର୍ ନିଜର୍ ମନେ ପରମେସର୍ ମନକଲାଟା ପୁରାପୁରନ୍ କରବାକେ ଜାଗିରୁଆ । ଆରି ଜିସୁ କିରିସ୍‌ଟ ବାଉଡି ଆଇବା ବେଲାଇ ସେ ଜନ୍ ଆସିର୍‌ବାଦ୍ ତମକେ ଦେଇସି, ସେଟା ମିଲ୍‌ସି ବଲି ପୁରାପୁରନ୍ ଆସା ଉଆ । ^{୧୪} ପରମେସର୍ ଆଦେସ୍ ମାନିକରି ରୁଆ । ତା'ର ସତ୍ତ୍ୱ ସିକିଆ ଜାନ୍‌ବା ଆଗତୁ ତମେ କେନ୍ତ୍ରାରି ନିଜେ ମନ୍ କଲାଟା ପୁରାପୁରନ୍ କର୍‌ତେରଇଲାସ୍, ସେନ୍ତାରି ଆରି କରାନାଇ । ^{୧୫} ମାତର୍ ତମକେ ତାକ୍‌ଲା ମାପୁରୁ ଜେନ୍ତା ସୁକ୍‌ଲ ଆଚେ, ସେନ୍ତାରିସେ ତମେମନ୍ ମିସା ତମର ସବୁ ବିସଇଟାନେ ସୁକ୍‌ଲ ଉଆ । ^{୧୬} ତେବେ ସାସ୍‌ତରେ ଲେକା ଆଚେ, ପରମେସର୍ କଇଲାଆଚେ, ମୁଇ ଜେନ୍ତାରି ସୁକ୍‌ଲ, ତମେ ମିସା ସେନ୍ତାରି ସୁକ୍‌ଲ ଉଆ ।

^{୧୭} ପରମେସର୍ ଜେତେବେଲେ ମୁନ୍‌ସମନକେ ବିଚାର କରସି, ସେ କାର୍‌ବିତ୍‌ରେ ସାନ୍ ବଡ଼ ନ ଦେକେ । ଗଟେକ୍ ଗଟେକ୍ ଲକ୍‌କେ ତାକର୍ କଲା କାମ୍ ଇସାବେ ସେ ବିଚାର କରସି । ତେବେ ତମେ ପାର୍‌ତନା କରବାବେଲେ ପରମେସର୍‌କେ ବାବା ବଲି ତାକ୍‌ଲାସିନି । ତମେ ଜେଡ଼କ୍ ଦିନ୍ ଏ ଜଗତେ ବଠିଆରାସ୍, ତାକେ ମାନିକରି ରଇବାରୁଆଚେ । ^{୧୮} ତମର ଆନିଦାଦିମନର୍ ଟାନେଅନି ଲତାକେ ନ ଆଇବା ରିଡିନିଡିଅନି ସେ କାଲ ମୁଲିଅ ଦେଇକରି ତମକେ ମୁକ୍‌ଲାଆଚେ, ସେଟା ତମେ ଜାନିଆରାସ୍ । ତମକେ ମୁକ୍‌ଲାଆବାକେ ସେ ନସି ଜିବା ସୁନା କି ରୁପାର୍ ମୁଲିଅ ଦେଏ ନାଇ । ^{୧୯} ମାତର୍ ବେସି ମୁଲିଅ ରଇବା ଜିସୁକିରିସ୍‌ଟର୍ ବନି, ଜନ୍‌ଟା ସେ ତା'ର ମରନେ ରକଇଦେଲା । କାଲ ଦସ୍ କି କାଲ ଅବାଦ୍ ନ ରଇବା ମେଣ୍ଡାପିଲା ପାରା ବଲିଅଇଲା । ^{୨୦} ଏ ଜଗତ୍ ତିଆର୍ ନ ଅଇବା ଆଗତୁ ପରମେସର୍ କିରିସ୍‌ଟକେ ବାଟିରଇଲା । ମାତର୍ ଏବେ ଏ ସାରାସାରି ଦିନେ ସେ ତାକେ ଦେକାଇଲା ଆଚେ । ଜେନ୍ତାରି କି ସେ ଆମକେ ସାଇଜକରିପାରସି । ^{୨୧} ଜିସୁକିରିସ୍‌ଟର୍ ଲାଗି ତମେ ଏବେ ପରମେସର୍‌କେ ବିସ୍ୱାସ କଲାସିନି । ସେ ଆକା କିରିସ୍‌ଟକେ ମରନେଅନି ଉଟାଇକରି ତାକ୍‌ପୁଟା କଲା ଆଚେ । ତେବର୍‌ପାଇ ତମର ବିସ୍ୱାସ୍ ଆରି ଆସା ଏବେ ପରମେସର୍‌ଟାନେ ଆଚେ ।

^{୨୨} ତମେ ସତ୍ତ୍ୱ ମାନ୍‌ଲାଟ୍ ପାଇ, କାରାପ୍ ଚଲାଚଲ୍‌ତି ଚାଡିକରି ତମର ସଙ୍ଗର୍ ବିସ୍ୱାସିମନ୍‌କେ ସତ୍ତ୍ୱଅଲ୍ ଆଲାଦ୍ କଲାସିନି । ମନ୍ ପରାନ୍ ଦେଇକରି ଗଟେକ୍‌ଲକ୍ ଆରି ଗଟେକ୍ ଲକ୍‌କେ ଆଲାଦ୍ କଲାସିନି । ^{୨୩} ତମେ ଆରିତରେକ୍ ଜନମ୍ ଅଇଲାସକେ ଏନ୍ତାରି କଲାସିନି । କେବେ ନ ମର୍‌ବା

ବାବାମାଆର୍ ପିଲାମାନର୍ ଇସାବେ । ତାର୍ ବାକିଅ ତମକେ ନୁଆ ଜିବନ୍ ଦେଲାଆତେ । ତାର୍ ବାକିଅ ସବୁଦିନର୍ପାଇ ରଇସି ।^{୨୪} ସାସ୍ତରେ ଲେକାଅଇଲାପାରା, ଗୁଲାଇ ମୁନୁସ୍ ଜାତି ଗାଁସ୍ ପାରା ।

ତାକର୍ ବାନିମୁରତି ଗାଁସର୍ ପୁଲ୍‌ପାରା ।

ଗାଁସ୍ ସୁକିଜାଇସି ଆରି ପୁଲ୍ ଜଡିଜାଇସି ।

^{୨୫} ମାତର୍ ପର୍ମେସରର୍ ବାକିଅ ସବୁଦିନ୍ ପାଇ ରଇସି ।

ଏ ବାକିଅ ଅଇଲାନି ତମକେ ଜାନାଇରଇବା ସୁବକବର୍ ।

9

ଜିବନ୍ ପାକ୍‌ନା ଆରି ସୁକଲ୍ କୁଟୁମ୍

^୧ ତମେ ନୁଆ ଜିବନ୍ ପାଇଲାରପାଇ ସବୁ କାରାପ୍ ବିସଇରଟାନେଅନି ଦୁରିକେ ରୁଆ । ସବୁ ରକାମ୍ ମିର୍ କଇବାଟା, ନାଡାକବାଟା, ଛାଁସା ଅଇବାଟା ଆରି ନିନ୍ୟା କାତା କଇବାଟା ଚାଡିଦିଆସ୍ ।^୨ ଏବେ ଜନମ୍ ଅଇଲା କଅଁଲା ପିଲାମନ୍ ଦୁଦ୍ କାଇବାକେ ଜେନ୍ତାରି ମନ୍ କରବାଇ, ସେନ୍ତାରିସେ ତମେ ଆଡ଼ମାର୍ ଦୁଦ୍ କାଇବାକେ ମନ୍ କରା । ସେଟା ଅଇଲାନି ପର୍ମେସରର୍ ସତ୍ ବାକିଅ । ସେଟା କାଇବାକେ ମନ୍ କଲେ, ତମର୍ ମୁକ୍ତି ସିଦ୍ ଅଇବାଜାକ ତମେ ବିସବାସେ ଅଦିକ୍ ଅଦିକ୍ ବଡି ଆଇସା ।^୩ ସାସ୍ତରେ ଲେକା ଅଇଲାପାରା “କାଇକେ ବଇଲେ, ମାପୁରୁ ଜିବନ୍ ଦୁକାଇ ଦୟା କଲାଟା ତମେ ଜାନିସାରାଇ ଆଟାସ୍ ।”

^୪ ତେବର୍ପାଇ କିରିସର୍ ଲଗେ ଆସା । ସେ, ଗର୍ ଡାବ୍ କରବା ଜିବନ୍ ପାକ୍‌ନା ପାରା ଆତେ । ଏ ପାକ୍‌ନା, କାଇ ମୁଲିଅ ନାଇ ବଲି, ଲକ୍‌ମନ୍ ଚାଡିଦେଇରଇଲାଇ । ମାତର୍ ପର୍ମେସର୍ ସେଟାକେସେ, ବେସି ମୁଲିଅ ରଇବାଟା ବଲି ବାଟିଆତେ ।^୫ ତାର୍ ଲଗେ ଆଇଲାରପାଇ ତମେ ଜିବନ୍ ରଇବା ପାକ୍‌ନାପାରା ଅଇଆଟାସ୍ । କାଇକେବଇଲେ, ତମକେ ଜଡିକରି ଗଟେକ୍ ଆଡ଼ମା ରଇବା ମଣ୍ଡୁଲି ତିଆର୍ ଅଇଲାନି । ଆରି ପର୍ମେସରର୍ ସୁକଲ୍ ରଇବା ପୁଜାରି ଇସାବେ ତମେ ତାକେ ସେବା କଲାସିନି । ଜିସୁକିରିସର୍ ଲାଗି ଏ ଆଡ଼ମାର୍ ସେବା ପର୍ମେସର୍‌କେ ସାର୍‌ଦା କରାଇସି ।^୬ ସାସ୍ତରେ କଇଲାପାରା “ଦେକା, ମୁଇ ସବୁଦେଇଅନି ଅଦିକ୍ ମୁଲିଅ ରଇବା ପାକ୍‌ନା ବାଟଲିଆଟି,

ସେଟା ଗର୍ କନର୍ ମୁଲ୍‌ପାକ୍‌ନା ଇସାବେ ସିୟନେ ସଙ୍ଗାଇଆଟି

କେ ଜଦି ତାକେ ବିସବାସ୍ କରବାଇ, ସେ କେବେ ଲାଜ୍ ନଏଁ ।”

^୭ ତମେ ବିସବାସି ଲକ୍‌ମାନର୍ପାଇ, ଏ ପାକ୍‌ନା ବେସି ମୁଲିଅ ରଇବାଟା । ମାତର୍ ଜେଡ଼କି ଲକ୍ ବିସବାସ୍ କରଡ଼ ନାଇ, ସାସ୍ତରେ ଲେକା ଅଇଲା ବିସଇ ସେମନ୍ ମନେ ରକ୍‌ବାର୍ ଆତେ ।

“ଗର୍ ତିଆର୍ କରୁମନ୍ ଜନ୍ ପାକ୍‌ନା ଚାଡିଦେଇରଇଲାଇ,

ସେ ପାକ୍‌ନାକେସେ ପର୍ମେସର୍ ସବୁରଟାନେ ଅନି ମୁଲିଅ ରଇବା ପାକ୍‌ନା କଲାଆତେ ।”

^୮ ସାସ୍ତରେ ଲେକା ଅଇଲା ଆରି ଗଟେକ୍ ବିସଇ ମିସା ସେମନ୍ ଏତାଇବାର୍ ଆତେ ।

“ଏ ପାକ୍‌ନା କେତେ ଲକ୍‌ପାଇ ବାଦା ଆନ୍‌ସି ।

ତେଇ ବେସି ଲକ୍ ଜଟିଆଇ ଅଇ ଅଦର୍‌ବାଇ ।”

“ସେମନ୍ ପର୍ମେସରର୍ ବାକିଅ ବିସବାସ୍ ନ କଲାପାଇ ଜଟିଆଇ ଅଇ ଅଦର୍‌ବାଇ । ଏଟା ତାକର୍ପାଇ ପର୍ମେସରର୍ ଜଡିନା ରଇଲା ।”

^୯ ମାତର୍ ତମେ, ବାଟି ଅଇରଇବା ପର୍ମେସରର୍ କୁଟୁମ୍ । ଆରି ଆମର୍ ରାଜାର୍ ପୁଜାରି ଦଲ୍ । ପର୍ମେସରର୍ ଚକିଡ଼ ଅଇଜିବା କାମ୍ ଜାନାଇବାକେ ସେ ବାଟିରଇବା ତାର୍ ନିଜର୍ ଲକ୍ ଅଇଆଟାସ୍ । ଆନ୍ଦାର୍ ବିଡ଼ରେଅନି ତାର୍ କାବା ଅଇଜିବା ଉଜଲେ ଜିବାକେ ସେ ତମକେ ଡାକି ଆତେ ।^{୧୦} ଆଗେ ତମେ ତାର୍ ନିଜର୍ ଲକ୍ ନ ରଇଲାସ୍ । ମାତର୍ ଏବେ ତାର୍ ନିଜର୍ ଲକ୍ ଅଇଆଟାସ୍ । ଆଗେ ତାର୍ ଦୟା ପାଇ ନ ରଇଲାସ୍, ମାତର୍ ଏବେ ପାଇଆଟାସ୍ ।

ପର୍ମେସରର୍ ଗତି ଦାଙ୍ଗ୍‌ଡା

^{୧୧} ଏ ମର୍ ମଇତର୍‌ମନ୍, ତମେ ଏ ଜଗତେ ବିଦେସି ପାରା ଆଟାସ୍ ଆରି ରନେକର୍ ପାଇସେ ଇଡି ରଇଲାସିନି । ତମର୍ ଗାଗତେ ରଇବା ପାପର୍ ଗୁନ୍‌ତଲନେ ଅନି ଆଇବା ସବୁ ରକାମ୍ କାରାପ୍ ମନ୍‌କର୍‌ବା ଟାନେଅନି ଦୁରିକେ ରୁଆ ।^{୧୨} ତମର୍ ନଅରେ ରଇବା ବିସବାସ୍ ନ କର୍‌ବା ଲକ୍‌ମନ୍ ଦେକ୍‌ବା ଇସାବେ ତମର୍ ଚଲାଟଲ୍‌ଡି ନିକ ରଇବାର୍‌ଆତେ । ସେନ୍ତାରି ରଇଲେ ସେମନ୍ ତମର୍ ବିରୁଦେ ନିନ୍ୟା କାତା

* ୨:୯ ୨:୯ ବିତସ୍ ୨:୧୪

କଲଲେ ମିସା, ତମେ କରିରଇବା ନିକ କାମ୍ ଦେକିକରି ପରମେସର୍ ବାଉଡିଆଇବା ଦିନେ ତାକେ ଡାକ୍ପୁଟା କରୁବାଇ ।

୧୩ ତମର୍ ଉପରେ ଅଦିକାର କରବା ଲକ୍ମନକେ ଆମର୍ ମାପୁରୁ ଲାଗି ମାନିକରି ରୁଆ । ସବୁରଟାନେଅନି ଅଦିକାର ରଇବା ସାସନକାରିଆକେ ମିସା ମାନିକରି ରୁଆ । ୧୪ ସବୁରଟାନେଅନି ବଡ଼ ସାସନକାରିଆ, ଜେ କି କାରାପ୍ କାମ୍ କରବା ଲକ୍ମନକେ ତଣ୍ଡ ଦେବାକେ ଆରି ନିକ କାମ୍ କରବା ଲକ୍ମନକେ ଡାକ୍ପୁଟା କରବାକେ ପାଟାଇଆଚେ, ତାକେ ମିସା ମାନିକରି ରୁଆ । ୧୫ କାଇକେବଇଲେ, ତମେ କରିରଇବା ନିକ କାମ୍‌ରୁଲାଗି କାଇ ଲତାକେ ନ ଆଇବା କାତା କଇତୁଲୁବା ଲକ୍ମନକେ ରୁପ୍ କରାଇବାକେ ପରମେସର୍ ମନ୍ କଲାନି । ୧୬ ତମେ ମୁକଲୁଲା ଲକ୍ମନ ବଲି ତମର୍ ଜିବନର୍ ଚଲାଚଲୁଡିତେଇ ଦେକାଆ । ମାତର୍ ଆମ୍‌କେ ମୁକ୍ତି ମିଲୁଲାଆଚେ ବଲି କାଇଟା ମିସା କରବୁ ବଲି ନ ବାବିକରି ପରମେସର୍‌କେ ସେବା କରା । ୧୭ ସବୁ ଲକ୍ମନକେ ସନ୍‌ମାନ୍ ଦିଆସ୍ । ବିସବାସି ବାଇବଇନିମନ୍‌କେ ଆଲାଦ୍ କରା । ପରମେସର୍‌କେ ମାନିକରି ରୁଆ । ଆରି ସବୁର୍ ଉପରୁ ସାସନକାରିଆକେ ସନ୍‌ମାନ୍ ଦିଆସ୍ ।

କିରିସଟର୍ ଦୁକ୍‌ବଟାଟ୍ ସିକିଆ

୧୮ ତମର୍ ବିତ୍‌ରେ ଜେଡ଼କି ଲକ୍ ଗତିଦାଙ୍ଗ୍‌ତା ଅଇଆଟାସ୍, ତମର୍ ସାଉକାର୍‌ମନ୍‌ କାତା ମାନିକରି ରୁଆ ଆରି ସେମନ୍‌କେ ପୁରାପୁରୁନ୍ ସନ୍‌ମାନ୍ ଦିଆସ୍ । ଦମର୍ ରଇବା ସାଉକାର୍‌ମନ୍ ରଇଲେ, କି ଟେରା ରଇବା ସାଉକାର୍‌ମନ୍‌କେ ମିସା ଏନ୍ତାରି କର୍‌ତେରୁଆ । ୧୯ ତମର୍ କାଇ ବୁଲ୍ ନ ରଇଲେ ମିସା ମୁରତିକରି ରଇଲେ, ତେଇ ପରମେସର୍ ସାର୍‌ଦା ଅଇସି । କାଇକେବଇଲେ ତମେ ତାର୍ ମନ୍ କଲାରା ସିଦ୍ କଲାଇସି । ୨୦ ଜଦି ବୁଲ୍ କଲାରପାଇ ଦୁକ୍‌କସଟ୍ ମୁରତି କରି ତଣ୍ଡ ପାଇଲେ, ତେଇ ତମେ କଲା କରମସେ ପାଇଆଟାସ୍ । ମାତର୍ ସଡ଼କାମ୍ କରି ଦୁକ୍ କସଟ୍ ମୁରଟ୍‌ଲେ, ସେଟା ପରମେସର୍‌କେ ସାର୍‌ଦା କରାଇସି । ୨୧ ସେନ୍ତାରି ଚଲାଚଲୁଡି କରବାକେ ପରମେସର୍ ତମକେ ଡାକ୍‌ଲାଆଚେ । କିରିସଟ୍ ତମର୍‌ପାଇ ଦୁକ୍‌କସଟ୍ ମୁରତି କରି, ତମେ ଚଲାଚଲୁଡି କରବାଟା ଦେକାଇଆଚେ । ୨୨ ସେ କେବେ ପାପକରି ନ ରଇଲା ଆରି ତାର୍ ଟଣ୍ଡେଅନି ଗଟେକ୍ ମିସା ମିଟ୍‌କାତା ନ ବାରଇ ରଇଲା । ୨୩ ଲକ୍ମନ ତାକେ କିଜାଇଲାବେଲେ ସେ ନିନ୍ଦା କାତାକଇ ଟଣ୍ଡ ଲାଗାଏ ନାଇ । ତାକେ ଦୁକ୍ କସଟ୍ ଦେଲାକେ ସେ ଦମ୍‌କାଏ ନାଇ । ମାତର୍ କାଇ ଅନିଆଇ ନ କରବା ପରମେସର୍‌କେ ସବୁ ବିସଇ ଚାଡିଦେଲା । ୨୪ ଆମେ ପାପ୍ କଲାରପାଇ ପାଇବା ତଣ୍ଡ କୁରୁସକାଟେ ମରିକରି କିରିସଟ୍ ନିଜେ ବଇନେଲା । ପାପ୍ କରବାଟା ଚାଡିକରି ଦରମ୍ ଚଲାଚଲୁଡି କରବାକେ ସେ ଏନ୍ତାରି କଲା । ତାର୍ ଗାଗତେ ମାରି ରଇବା ଗାଉର୍ ଲାଗି ଆମେ ନିକ ଅଇଆଟୁ । ୨୫ ଆଗ୍ରତୁ ତମେ ବାଟ୍ ବାନା ଅଇଲା ମେଣ୍ଡିପାରା ରଇଲାସ୍, ମାତର୍ ଏବେ ସେ ତମକେ ଡାକି ଆନିଆଚେ । ସେ ଆକା ତମକେ ଜଡନ୍‌କରି ତମର୍ ଆଡ଼ମାମନ୍‌କେ ଜାଗଲାନି ।



ମାଲଜି ମୁନୁସର୍ ପାଇ ସିକିଆ

୧ *ସେନ୍ତାରିସେ ତମେ ବିବାଅଇ ରଇବା ଏ ମାଲଜିମନ୍, ନିଜର୍ ନିଜର୍ ମୁନୁସମନ୍‌ର୍ କାତାମାନିକରି ରୁଆ । କାଇକେବଇଲେ ତାକର୍ ବିତ୍‌ରେ କେ ଜଦି ପରମେସର୍‌ର୍ ବାକିଅ ବିସବାସ୍ ନ କରିରଅଡ଼, ତମର୍ ନିକ ଚଲାଚଲୁଡି ଦେକିକରି ସେମନ୍ ମିସା ମନ୍ ବାଦ୍‌ଲାଇବାଇ । ତମକେ ପଦେକ୍ କଇବାକେ ନ ପଡେ । ୨ କାଇକେବଇଲେ ତମର୍ ସୁଆଲ୍ ଚଲାଚଲୁଡି ଆରି ପରମେସର୍‌କେ ମାନିକରି ରଇବାଟା ସେମନ୍ ଦେକ୍‌ବାଇ । ୩ *ବିନ୍ ମାଲଜିମନ୍ ଜେନ୍ତାରିକି, ପିନ୍ଦାଅତା ଅଇକରି, ସୁନାବାନା ପିନ୍ଦିକରି, ଚେଣ୍ଡି ସାଜାଡିକରି, ନିଜେ ସୁନ୍‌ର୍ ଅଇବାଇ, ତମେ ସେନ୍ତାରି ଉଆନାଇ । ୪ ମାତର୍ ମନ୍‌ବିତ୍‌ରେ ସୁଆଲେ ରଇକରି ଆଡ଼ମାଲ ସୁସାରେ ରଇବା ଗଟେକ୍ ମାଲଜି ପରମେସର୍ ଦେକ୍‌ବା ଇସାବେ ସୁନ୍‌ର୍ । ସେନ୍ତାରି ସୁନ୍‌ର୍ ରଇବାଟା ବେସି ମୁଲିଆ ଆରି ସବୁଦିନର୍‌ପାଇ ରଇସି । ୫ ପୁରୁବେ ରଇବା ସୁକଲ୍ ମାଲଜିମନ୍ ଏନ୍ତାରିସେ ସେମନ୍ ଆସା କରବାଟା ପରମେସର୍‌କେ ସର୍‌ପିଦେଇ ନିଜର୍ ମୁନୁସମନ୍‌ର୍ କାତା ମାନିକରି ସୁନ୍‌ର୍ ଅଇତେଚଇଲାଇ । ୬ ପୁରୁବେ ସାରା ସେନ୍ତାରି କର୍‌ତେଚଇଲା । ସେ ତାର୍ ମନ୍‌ସ୍ ଅବରାଆମ୍‌କେ ନିଜର୍ ସାଉକାର୍ ଇସାବେ କାତା ମାନିକରି ରଇଲା । ତମେ ଜଦି ସଡ଼କାମ୍ କରି କାଇଟାର୍ ପାଇ ଡରି ନ ରଇଲେ, ତମକେ ମିସା ତାର୍ ଟକିମନ୍ ଇସାବେ ଲେକା କରୁସି ।

* ୩:୧ ୩:୧ ଏପିସିପ୍ ୫:୨୨; କଲସିଅ ୩:୧୮ * ୩:୩ ୩:୩ ୧ମ ତିମତି ୨:୯

୭* ସେନ୍ତାରିସେ ତମେ ବିବାଅଇରଇବା ଏ ମୁନୁସ୍‌ମନ୍, ନିଜରୁ ମାଜିମାନରୁ ସଙ୍ଗୁ ବୁଜାମାନା ଅଇରୁଆ । କାଜକେବଇଲେ ସେମନ୍‌କେ ତମରୁଟାନ୍‌ଆନି ଉନା ବପୁଆତେ । ସେମନ୍‌କେ ସନ୍‌ମାନ୍ ଦିଆସ୍, କାଜକେବଇଲେ ପରମେସରୁ ଦେବା ନ ସାରୁବା ଜିବନ୍ ତମରୁ ସଙ୍ଗୁ ସେମନ୍‌କେ ମିସା ମିଲୁସି । ତମରୁ ପାରୁତନା କରୁବାଟା ବାଦା ନ ଆଇବାକେ ଏ ସବୁ ଆଦେସ୍ ମାନିକରି ରୁଆ ।

ନିମାନ୍ କାମପାଇ ଦୁକ୍‌କସ୍‌ଟ

୮ ସାରାସାରି ତମରୁ ସବୁଲକରୁ ମନ୍ ଗଟେକ୍ ଅ । ଦୁକ୍‌ସୁକ୍ ବେଲେ ତମରୁ ତମରୁ ବିତ୍‌ରେ ମିସିବିତି ରୁଆ । ନିଜରୁ ନିଜରୁ ବିତ୍‌ରେ ଆଲାଦ୍ ଅଇକରି ସୁଆଲେ ରୁଆ । ୯ ତମରୁ ବିରୁଦେ କେ କାରାପ୍ କାମ୍ କଲେ ତାକେ ଦେରୁଦାରି ରୁଆନାଇ । ନିନ୍ଦାକାତା କଇଲେ ଟଣ୍ଡୁ ଲାଗାଆ ନାଇ । ତାରୁ ବାଦୁଲେ ପରମେସରୁ ସେମନ୍‌କେ ଦୟା ଦେକାଇବାକେ ପାରୁତନା କରା । କାଜକେବଇଲେ ସେ ତମ୍‌କେ ତାକ୍‌ଲାବେଲେ ମୁଇ ତମ୍‌କେ ଆସିରୁବାଦ୍ କରୁବି । ବଲି କାତା ଦେଇରଇଲା । ୧୦ ସାସ୍‌ତରେ ଲେକା ଅଇଲାପାରା,

“ଗଟେକ୍ ଲକ୍ ଜଦି ତାରୁ ଜିବନେ ସାରୁଦାରୁ ଦିନ୍
ଆରି ମଙ୍ଗଲରୁ ଦିନ୍ ଦେକ୍‌ବିବଲି ମନ୍‌କଲେ,
ସେ କାରାପ୍ କାତା ନ କଅ
ଆରି ମିର୍ କାତା ନ କଅ ।

୧୧ “ସେ କରାପ୍ କାମ୍ ଗାଡିକରି, ନିକ ବିସଇ କରୁବାରୁ ଆତେ ।
ତାରୁ ସଙ୍ଗୁରୁ ଲକରୁ ସଙ୍ଗୁ ସୁସାରେ ରଇବାରୁଆତେ ।”

୧୨ କାଜକେବଇଲେ ଦରମଲକ୍‌କେ ମାପରୁ ଜାଗିଲାଗିରଇସି ।

ସେମନ୍ ପାରୁତନା କଲାଟା ସୁନ୍‌ସି
ଜେଡ୍‌କି ଲକ୍ କାରାପ୍ ବିସଇ କରୁବାଇ
ସେମନ୍‌କେ ବିରଦ୍ କରୁସି ।

୧୩ ତମେ ଜଦି ନିକ କାମ୍ କରୁବାକେ ମନ୍ କଲେ, ତମରୁ ବିରଦେ କେ ମିସା କାରାପ୍ କାମ୍ ନ କରଡ୍ । ୧୪* ସବୁ କାମ୍ କରି ମୁରୁତି ରଇଲେ ତମେ କେତେକ୍ କରମରୁ ଲକ୍ । ଜନ୍ ଲକ୍‌ମନ୍ ତମ୍‌କେ କସ୍‌ଟ ଦେଲାଜନି, ସେମନ୍‌କେ ଡରିକରି ଚିନ୍ତା କରାନାଇ । ୧୫ ମାତରୁ କିରିସ୍‌ଟକେ ମାପରୁବଲି ତାକ୍‌ପୁଟା କରା ଆରି ସନ୍‌ମାନ୍ ଦିଆସ୍ । ବିସ୍‌ବାସି ଇସାବେ, ତମେ ଆସା କରୁବା ବିସଇ କେ ମିସା ପାଗାରଲେ, ସେମନ୍‌କେ ବାତାଇବାକେ ଜାଗରଡ୍ ଅଇରୁଆ । ୧୬ ମାତରୁ ମନ୍‌ବିତ୍‌ରେ ସୁଆଲ୍ ରଇକରି, ସନ୍‌ମାନ୍ ଦେଇକରି କାତାଉଆ । ତମରୁ ବିବେକ୍ ତମ୍‌କେ ଦସି ନ କର । ଜେନ୍ତାରିକି ତମରୁ ନିକ ଚଲାଚଲୁତି ବିରୁଦେ ଜେଡ୍‌କି ଲକ୍ ନିନ୍ଦା କରୁବାଇ, ତାକରୁ କାତାଇସେ ସେମନ୍ ଲାଜ୍ ଅଇବାଇ ।

୧୭ କାଜକେବଇଲେ ତମେ ନିକ କାମ୍ କଲାମ୍ ଲାଗି ଦୁକ୍ କସ୍‌ଟ ମୁରୁଦ୍‌ବାକେ ପରମେସରୁ ଜଦି ମନ୍ କଲେ, ସେନ୍ତାରି ଅଇବାଟା ନିକ । କାରାପ୍ କରି ଦୁକ୍ କସ୍‌ଟ ମୁରୁଦ୍‌ବା ବାଦୁଲେ, ସେଟା ନିକ । ୧୮ କିରିସ୍‌ଟ ମିସା ଆମରୁ ପାପରୁଲାଗି ଏକାତରେକ୍ ସବୁଲକରୁପାଇ ଦୁକ୍‌କସ୍‌ଟ ଅଇ ମୁରୁତିକରି ମଲା । ସେ ଦରମ୍ ରଇ ପାପ୍‌କରିରଇବା ଲକ୍‌ମନ୍‌କେ ପରମେସରୁ ଲଗେ ଆନ୍‌ବାକେ ମରିଜାଇରଇଲା । ଲକ୍‌ମନ୍ ତାରୁ ଗାଗଡ୍ ମରାଇଲାଇ, ମାତରୁ ତାରୁ ଆଡ୍‌ମା ଜିବନ୍ ଅଇଆତେ । ୧୯ ମଲା ଲକ୍‌ମନ୍‌ରୁ ଆଡ୍‌ମା ବନ୍ଦିଅଇରଇବା ଜାଗାଇ, ଆଡ୍‌ମାରୁ ଇସାବେ ସେ ସୁବ୍ କବରୁ ଜାନାଇଲା । ୨୦ ଏ ବନ୍ଦି ଆଡ୍‌ମାମନ୍ ପୁରୁବେ ନଅରୁ ବେଲେ ପରମେସରୁ କାତା ନ ମାନ୍‌ଲାଟାମନ୍ । ସେଡ୍‌କିବେଲେ ନଅ ବଡ୍ ଡଙ୍ଗା ତିଆର୍ କରୁତେରଇଲା । ତାରୁ କାତା ଲକ୍‌ମନ୍ ବିସ୍‌ବାସ୍ କରୁବାଇ ବଲି ପରମେସରୁ ମୁରୁତିକରି ରଇଲା । କାଜକେବଇଲେ, ଏକାଜ ଆର୍ ଲକ୍‌ସେ ସେ ପାନିଡେଇ ବୁଡ୍‌ତନାଇ । ସେମନ୍ ଡଙ୍ଗାଲ ଚରିରଇଲାଇ ଆରି ରକିଆ ପାଇଲାଇ । ୨୧ ସେ ପାନି ଆମରୁ ତୁବନ୍ ବିସଇ ଜାନାଇଲାନ୍ । ତମେ ତୁବନ୍ ନେଲାକେ ତମରୁ ଗାଗଡ୍ ମୁରୁତି ଦଇଅଇଲାମ୍ ପାଇ ନଏ, ମାତରୁ ଗଟେକ୍ ନିକ ବିବେକ୍ ସଙ୍ଗୁ ପରମେସରୁକେ ଦେଇରଇଲା କାତାରୁ ଲାଗି ତମ୍‌କେ ମୁକ୍ତି କରୁସି । ଜିସୁ କିରିସ୍‌ଟ ମଲାଡେଇଅନି ଜିବନ୍ ଅଇକରି ଉଟ୍‌ଲାକେ ଏଟା ଅଇସି । ୨୨ ସେ ସରୁଗେ ବାଉତି ଜାଇ ପରମେସରୁ ଉଜାବାଟେ ଆତେ । ସରୁଗେ ରଇବା ସବୁ ଦୁଡ୍, ଅଦିକାରୁ ଆରି ବପୁ ଉପରେ ସେ ସାସନ୍ କଲାନ୍ ।



ମନ୍ ବାଦ୍‌ଲାଇଲା ଜିବନ୍

୧ କିରିସ୍ତ ନିଜର ଗାଗଡେ ଦୁକ୍‌କସ୍ତ ମୁରୁଚିକରି ଜେନ୍ତାରି ଚିନ୍ତା କରତେ ରଇଲା, ତମେମିସା ସେନ୍ତାରି ଚିନ୍ତାକରି ତାଟ୍ ଉଆ । କାଜକେବଇଲେ ଜେ ଗାଗଡେ ଦୁକ୍‌କସ୍ତ ମୁରୁଚିସି, ସେ ଆରି ପାପ୍ କରବାକେ ମନ୍ ନ କରେ । ୨ ତେବର୍‌ପାଇ ତମର୍ ମନ୍କେ ଜାଗରତ୍ କରା । ଜେନ୍ତାରିକି, ଏବେ ଅନି ତମର୍ ମରନ୍ ଜାକ, ପରମେସର୍ ମନ୍ କଲା ଇସାବେ ଚଲାଟଲୁଡି କରସା । ତମର୍ ପାପର୍ ଗୁନ୍ ଚଲନ୍ ଇସାବେ କରାନାଇ । ୩ କାଜକେବଇଲେ ପରମେସର୍‌କେ ନାଜାନ୍‌ଲା ଲକ୍ ଜନ୍‌ଟା କରବାକେ ମନ୍ କରବାଇ, ସେନ୍ତାରି ତମେମିସା କରତେ ରଇଲାସ୍ । ଆରି ସେନ୍ତାରି କରି କରି ରୁଚାଇ ରୁଚାଇ ଦିନ୍ ଗାଲା । ତମର୍ ଗାଗଡତ୍ ପାପେରଇବା ଗୁନ୍‌ଚଲନ୍ ଇସାବେ ଲାଜର୍ ବିସଇ, ପାଦ୍‌ରା କାମ୍ କରବାକେ ମନ୍ କରବା ବିସଇ, ମାତିରଇବା ବିସଇ, କରାପ୍ ବିସଇଟାମେ ମଜାମଜଲିସ୍ କରବା ବିସଇ ଆରି ପରମେସର୍ ଗିନ୍‌କରବା ପୁଡୁଲା ପୁଜା କରବାଟାମନ୍ କରତେରଇଲାସ୍ । ୪ ମାତର୍ ଏବେ, ବିସବାସ୍ ନ କଲା ଲକ୍‌ମନ୍ କାବାଅଇଗାଲାଇନି ଆରି ତମକେ ନିନ୍ଦାର୍ କାତା କଇଲାଇନି । କାଜକେବଇଲେ ସେମନ୍ କରିରଇବା କାରାପ୍ ମଜାମଜଲିସ୍ ବିସଇତେଇ ତମେ ମିସାସ୍ ନାଇ । ୫ ମାତର୍ ସେମନ୍ ନିଜେ ପରମେସର୍‌କେ ଇସାବ୍ ଦେବାକେ ପଡୁସି । ସେ ବୈଚିରଇବା ଆରି ମରିରଇବା ସବୁକେ ବିଚାର୍ କରବାକେ ଜାଗିଆତେ । ୬ ସେଟାପ୍‌ପାଇ ସୁବକବର୍ ମରିରଇବା ଲକ୍‌ମନ୍‌କେ ମିସା ଜାନାଇରଇଲାଇ । କାଜକେବଇଲେ ସବୁଲକ୍‌ମନ୍ ପାଇବା ତଣ୍ଟ୍ ସେମନ୍ ପାଇରଇକରି ମରିରଇଲେ ମିସା ତାକର୍ ଆଡ଼ମା ପରମେସର୍‌ର ପାରା ବୈଚବାକେ ସୁବ କବର୍ ଜାନାଇରଇଲାଇ ।

ଇସ୍‌ପର୍ ଦେବା ଦାନର୍ ନିମାନ୍ ଗୁମସ୍‌ତା

୭ ମାତର୍ ସବୁ ବିସଇ ସାର୍‌ବା ବେଲା ଲଗେ କେଟ୍‌ଲାବେ । ତେବର୍‌ପାଇ ନିଜେ ଜାଗରତ୍ ରୁଆ ଏନ୍ତାରି କଲେ ତମେ ନିକସଇ ପାର୍‌ତନା କରିପାରାସ୍ । ୮ ସବୁରଟାମେଅନି ମୁକିଅ ବିସଇ ଅଇଲାନି ତମର୍ ତମର୍ ବିଡ୍‌ରେ ଆଲାଦ୍ କରାକରି ଅଇବାଟା । କାଜକେବଇଲେ, ସେନ୍ତାରି ଆଲାଦ୍ କଲେ, ତମର୍ ତମର୍ ପାପ୍ ବିସଇ ଚିନ୍ତା ନ କରି ମୁରୁଚିକରି କେମା ଦିଆଦିଇ ଅଇସା । ୯ ତମର୍ ବିଡ୍‌ରେ ମୁରୁମୁରା ନଅଇ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଗତିଆ କରି ତାକାତାକି ଉଆ । ୧୦ ତାକେ ବିସ୍‌ବାସ୍ କରବା ସବୁଲକ୍‌କେ ପରମେସର୍ ବିନ୍ ବିନ୍ ଦାନ୍ ସର୍‌ପିଦେଲା ଆତେ । ଗଟେକ୍ ବିସ୍‌ବାସ୍ ରଇବା ଗତିଦାଙ୍ଗ୍‌ତା ପାରା ସେ ଦେଇରଇବା ଦାନ୍ ବିନ୍ ଲକ୍‌ର ମଙ୍ଗଲ୍ ଅଇବାକେ ଦିଆସ୍ । ୧୧ ଜନ୍ ଲକ୍‌ମନ୍ କବର୍ ଜାନାଇଲାଇନି, ଆମେ ପରମେସର୍‌ର କବର୍ ଜାନାଇଲୁନି, ବଲି ଜାଗରତ୍ ରଇବାର୍ ଆତେ । ଜନ୍ ଲକ୍‌ମନ୍ ତାକର୍ ବାଇବଇନିମନ୍‌କେ ସେବା କଲାଇନି, ଆମେ ପରମେସର୍ ବପୁ ଦେଲାକେସେ, ସେବାକଲୁନି ବଲି ଏତାଅଡ୍ । ତମେ କରିରଇବା ସବୁ କାମେ ଜିସୁକିରିସ୍‌ଟର୍‌ଟାମେଅନି ପରମେସର୍ ତାକ୍‌ପୁଟା ପାଅ । ସେ ଆକା କାଲ୍ କାଲ୍ ଜୁଗ୍ ଜୁଗ୍ ମଇମା ଆରି ବପୁ ପାଇସି । ଆମେନ୍ !

କିରିସ୍‌ଟ ବିସ୍‌ବାସିର୍ ଦୁକ୍

୧୨ ଏ ମର୍ ମଇତର୍‌ମନ୍, ତମେ ବେସି ଦୁକ୍ କସ୍ତ ମୁରୁଚିକରି ରଇବାବେଲେ କାବାଅଇଜିବାର୍ ନାଇ । ନ ଅଇବା ବିସଇ ମକେ କେନ୍ତାରି ଗଟ୍‌ଲାନି ବଲି ବାବ୍‌ବାର୍ ନାଇ । ୧୩ ତାର୍ ବାଦୁଲେ, କିରିସ୍‌ଟ ଦୁକ୍ କସ୍ତ ମୁରୁଚିକରି ରଇଲାଟ୍ ପାରା ତମକେ ମୁରୁଚିବାକେ ଆଇଲେ, ସାର୍‌ଦା ଉଆ । ଜନ୍ ଦିନେ ସେ ତାର୍ ତାକ୍‌ପୁଟା ଦେକାଇସି, ସେ ଦିନେ ତମେ ଅଦିକ୍ ସାର୍‌ଦା ଅଇସା । ୧୪ କିରିସ୍‌ଟର୍ ସିସ୍ ଅଇଲାଟ୍ ପାଇ ଲକ୍‌ମନ୍ ତମକେ ନିନ୍ଦା କଲେ, ତମେ କେତେକ୍ କରମର୍ ଲକ୍ ! କାଜକେବଇଲେ ବେସି ମଇମା ରଇବା ପରମେସର୍‌ର ଆଡ଼ମା ତମର୍‌ଟାମେ ଆତେ ବଲି ଜାନିପାର୍‌ସା । ୧୫ ତମର୍ ବିଡ୍‌ରେ ଜଦି କେ ମିସା ନର୍ ମାର୍‌ଲାଟ୍ ପାଇ ନଇଲେ ଚର୍ ଅଇଲାଟ୍ ପାଇ କି ନିୟ୍ ମ ନ ମାନ୍‌ଲାଟ୍‌ପାଇ କି ବିନ୍ ଲକ୍‌ର ବିସଇତେଇ ମୁଣ୍ଟ୍ ପୁରାଇଲାଟ୍‌ପାଇ ଦୁକ୍ କସ୍ତ ପାଆନାଇ । ୧୬ ମାତର୍ କିରିସ୍‌ଟକେ ବିସ୍‌ବାସ୍‌କରି ଜଦି ଦୁକ୍ କସ୍ତ ପାଇଲେ ଲାଜ୍ ନ ଅଇ ପରମେସର୍‌କେ ତାକ୍‌ପୁଟା କରା । କାଜକେବଇଲେ ତମକେ କିରିସ୍‌ଟର୍ ଲକ୍ ଇସାବେ ଲେକାଅଇଲା ଆତେ ।

୧୭ କାଜକେବଇଲେ ପରମେସର୍ ସବୁ ଲକ୍‌କେ ବିଚାର୍ କରବାଦିନ୍ ଲଗେ କେଟ୍‌ଲା ଆତେ । ଆରି ସେ ତାର୍ ନିଜର୍ ଲକ୍‌କେ ପର୍‌ଡୁମ୍ ବିଚାର୍ କରୁସି । ଜଦି ସେଟା ଆମର୍ ସଙ୍ଗ୍ ଆରାମ୍ ଅଇଲେ, ତାର୍ ସୁବ କବର୍ ଚାଡିଦେଲା ଲକ୍‌ମନ୍‌ର ଦସା କେନ୍ତାର୍ ଅଇସି ? ୧୮ ଦରମ୍ ସାସ୍‌ତରେ ଲେକାଅଇଲାପାରା,

“ଜଦି ଦରମ୍ ଲକ୍ ମୁକ୍ତି ପାଇବାଟା ଆବଡ୍

ପରମେସର୍‌ର ବିସଇ କାଜ ଚିନ୍ତା ନ କରବା ପାପିମନ୍‌ର ବିସଇ କେନ୍ତାର୍ ରଇସି ?”

୧୯ ତେବେପାଇ ପରମେସ୍ୱର ମନ୍ କଲ୍ୟାଣେ ତମେ ଜଦି ଦୁକ୍ କସ୍ତ ମୁରୁଚିକରି ଆଗାସ୍, ସେନ୍ତାଉ ଆଲେ ନିକ କାମ୍ କରବାକେ ଲାଗିରୁଆ ଆରି ନିଜେ ତାକେ ସର୍ପିଉଆ । ସେ କାତା ଦେଇରଇଲାଟା ସିଦ୍ କରସିଆକା ।

୫

ପରମେସ୍ୱର ମେଣ୍ଟାରାସି

୧୦ ତମ୍ ପ୍ରାଣ୍ଟିଲିର୍ ପାର୍ଟିନିମନକେ ଗଟେକ୍ ବିସଇ କଇବାକେ ମୁଇ ମନ୍ କଲିନି । କାଜକେବଇଲେ ମୁଇ ମିସା ଗଟେକ୍ ପାର୍ଟିନି । କିରିସ୍ତ ଦୁକ୍ କସ୍ତ ମୁରୁଚିଲାଟା ମୁଇ ଦେକିଆଚି । ଆରି ତାର୍ ତାକ୍ ପୁଟା ଜାନାଇବା ଦିନେ ମୁଇ ମିସା ତେଇ ମିସ୍ ବି । ମୁଇ ତମ୍ କେ ବାବୁଜିଆ କଲିନି, ୧୧ ତମେ ଦେକାରକା କରବା ବିସ୍ୱାସିମନକେ ଜତନ୍ କରା । କାଜକେବଇଲେ ସେମନ୍ ପରମେସ୍ୱର ମେଣ୍ଟାରାସି ପାରା । ପରମେସ୍ୱର ସେ ଲକ୍ ମନକେ ତମ୍ କେ ସର୍ପିଦେଇଆଚେ । ତମେ ସାର୍ଦାସକ୍ ତାକର୍ ଜତନ୍ ନେବାରୁଆଚେ । କାଜକେବଇଲେ ସେଟା ସେ ମନ୍ କଲାନି । ତାବୁ ଆସା ଅଇକରି ଏ କାମ୍ କରବାର୍ ନାଇ । ତାର୍ ବାବୁଲେ, ପରମେସ୍ୱରକେ ଆରି ତାର୍ ଲକ୍ ମନକେ ସେବାକରବାକେ ମନ୍ କରି ସେଟା କରା । ୧୨ ତମେ ଦେକାରକା କରବା ଲକ୍ ମନକେ ବାଦିଅ କରାନାଇ । ତାର୍ ବାବୁଲେ ତମ୍ ନିକ ଚଲାଟଲ୍ ଡି ଦେକି ସେମନ୍ ସିକଡ୍ । ୧୩ ଆରି ଜେଡେବେଲେ ଜିସୁକିରିସ୍ତ ଜେ କି ସବୁ ବିସ୍ୱାସିମନର୍ ବଡ୍ ନେତା ଦେକାଇ ଅଇସି, ଉଜଲ୍ ଉନା ନ ଅଇବା ତାକ୍ ପୁଟାର୍ ପୁରୁସକାର୍ ତମ୍ କେ ଦେଇସି ।

୧୪ ସେନ୍ତାରିସେ ଏ ଦାଙ୍ଗ୍ ତାମନ୍, ତମେ ବଡ୍ ଲକ୍ ମନର୍ କାତା ମାନିକରିରୁଆ । ମନ୍ ବିତ୍ରେ ସୁଆଲ୍ ରଇ ଗଟେଲକ୍ ଆରି ଗଟେଲକ୍ କେ ସେବା କରାକରି ଅଇରୁଆ । କାଜକେବଇଲେ ସାସ୍ତରେ ଲେକା ଅଇଲାଆଚେ ବଡ୍ ପନ୍ ଅଇବା ଲକ୍ ମନକେ ପରମେସ୍ୱର ବିରଦ୍ କରସି, ମାତର୍ ମନେ ମନେ ସୁଆଲ୍ ରଇବା ଲକ୍ ମନକେ ଦୟା ଦେକାଇସି । ୧୫ ସବୁରଟାନେ ଅନି ବପୁ ରଇବା ପରମେସ୍ୱରକେ ନିଜେ ସର୍ପିଉଆ । ତାର୍ ସମାନ୍ ବେଲାଇ ସେ ତମ୍ କେ ଉଟାଇସି । ୧୬ ତମ୍ ସବୁଜାକ ଚିନ୍ତା କରବାଟା ପରମେସ୍ୱରକେ ସର୍ପି ଦିଆସ୍, କାଜକେବଇଲେ, ସେ ତମ୍ କେ ଜତନ୍ କଲାନି ।

୧୭ ଜାଗରତା ଅଇକରି ଜାଗିରୁଆ, କାଜକେବଇଲେ ଆମର୍ ସବୁରୁ ସଇତାନ୍ କାକେ ମିସା ଗିଲ୍ ବି ବଲି ଅଡ୍ରି ବୁଲ୍ଲାନି । ୧୮ ବିସ୍ୱାସେ ତାର୍ ରଇକରି ତାକେ ବିରଦ୍ କରା । ଗୁଲାଇ ଦୁନିଆଇ ରଇବା ତମ୍ ବିସ୍ୱାସି ବାଇବଇନିମନ୍, ଏନ୍ତାରି ଦୁକ୍ କସ୍ତ ପାଇ ମୁରୁଚିଲାଇନି ବଲି ତମେ ଜାନିଆଗାସ୍ । ୧୯ ଚନେକର୍ ଆଇବା ଦୁକ୍ କସ୍ତ ମୁରୁଚି ସାରାଇଲେ, ତମ୍ କେ ପରମେସ୍ୱର କାଜ ଦସ୍ ନ ରଇବା, ତାର୍ ସିଦ୍ ଲକ୍ କରାଇସି । ତମ୍ ବିସ୍ୱାସ୍ ତାର୍ ଅଇବାକେ ସେ ତମ୍ କେ ବପୁ ଦେଇସି । ଆରି ତମ୍ କେ ନିକ କୁନାଦି ପାରା ତିଆର୍ କରସି । କିରିସ୍ତର୍ ସକ୍ ମିସ୍ ଲାମ୍ ପାଇ, ତାର୍ ନ ସାର୍ ବା ମଇମାତେଇ ମିସ୍ ବାକେ ତମ୍ କେ ତାକ୍ ଲାଆଚେ । ସେ ତମ୍ କେ ଜିବନ୍ ଦୁକାଜ ଦୟା କରି ଏ ସବୁ ବିସଇ କଲାଆଚେ । ୨୦ ତାକେ ସବୁରଟାନେ ଅନି ବପୁଆଚେ, ସେ ସେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରସି । ଆମେନ୍ ।

ସାରାସାରିର୍ ଜୁଆର୍

୨୧ ଏ ଅଲପ୍ ବିସଇର୍ ଚିଟି ଲେକ୍ ବାକେ ସିଲା ମକେ ସାଇଜ କରରଇଲା । ସେ ଗଟେକ୍ ଆମର୍ ବିସ୍ୱାସି ବାଇ । ତମ୍ ବିସ୍ୱାସ୍ ତାର୍ କରାଇବାକେ ଆରି ପରମେସ୍ୱର ତାର୍ ଜିବନ୍ ଦୁକାଜ ଦୟା ଦେକାଇଲାଟା ତମେ ସତଇସେ ଜାନିଲାସି ବଲି ଟିକ୍ କରବାକେ ମୁଇ ଏ ଚିଟି ଲେକ୍ଲିନି । ତାର୍ ଜିବନ୍ ଦୁକାଜଲାଟାନେ ତମେ ତାର୍ ସକ୍ ରୁଆ ।

୨୨ ବାବିଲନେ ରଇବା ତମ୍ ବିସ୍ୱାସି ବାଇବଇନିମନ୍ ତାକର୍ ଜୁଆର୍ ଜାନାଇଲାଇନି । ପରମେସ୍ୱର ସେମନ୍ କେ ବାଟ୍ ଲାଆଚେ । ମାର୍ କ ଜାକେ କି ମର୍ ପଅ ଇସାବେ ଦେକ୍ଲିନି, ସେମିସା ତାର୍ ଜୁଆର୍ ଜାନାଇଲା । ୨୩ ତମ୍ ବିତ୍ରେ ଆଲାଦ୍ ଆଚେ ବଲି ଦେକାଇବାକେ ଆଚେ ଦାରି ଜୁଆର୍ କରାକରିଉଆ ।

କିରିସ୍ତର୍ ତେଇ ଜେଡ୍ ଲକ୍ ମିସ୍ ଲାଆଟର୍ ସେମନ୍ ସବୁ ଲକ୍ କେ ସାକ୍ତି ମିଲ ।

୫:୭ ୫:୭ ଜଅନ୍ ୨୧:୧୫-୧୭ ୫:୭ ୫:୭ ମାଜିର ୨୩:୧୨; ଲକ୍ ୧୪:୧୧:୧୮:୧୪ ୫:୧୨ ୫:୧୨ ପେରିର୍ ୧୫:୨୨:୪୦ ୫:୧୩ ୫:୧୩ ପେରିର୍ ୧୨:୧୨,୨୫:୧୩:୧୩:୧୫:୩୭-୩୯; କଲସିଅ ୪:୧୦; ପିଲିମନ୍ ୧:୨୪

ପିତର ଦ୍ୱିତୀୟଥର ଲେଖୁଥିବା ପତ୍ର ପିତର ଦୁଇପାଲି ଲେକିରଇବା ଚିଠି ଏ ବଇର ବିସଇ ଜାନ୍‌ବାଟା

ପିତର ଦୁଇପାଲି ଲେକଲା ଚିଠି ଜାମାଜଲାନି କି, ଏ ଚିଠି ପେରିତ୍ ପିତର ଲେକଲାଆତେ । ମାତର୍ ଏବେ କେତେକ୍ କେତେକ୍ ପଣ୍ଡିତ୍‌ମନ୍ ଏଟା ସତ୍ ନାଇ ବଲି କଇଲାଇନି । କଇବାକେଗାଲେ ଏଟା ଗଟେକ୍ ବିନ୍ ପିତର୍ ଲେକିଆତେ । ସେ ଜିସୁକିରିସ୍‌ଟର୍ ଗଟେକ୍ ସତ୍ ସାକି ରଇଲା ବଲି ଲେକଲା ଲକ୍ କଇଲାମି । ଦେକ୍‌ବା ଇସାବେ ଜିସୁକିରିସ୍‌ଟର୍ ବାଦଲ୍‌ବା ବିସଇ କଇଲାମି ୧:୧୭-୧୮ । ପିତର୍ ଏ ଚିଠି କିରିସ୍‌ଟ ଜନମ୍ ଅଇଲାପତେ ୫୭-୬୯ ବିତ୍‌ରେ ତାର୍ ମରନ୍ ଅଇବା ଆଗତ୍ତୁ ଏଟା ଲେକଲାଆତେ । ପିତର୍ ଏଟା ତାର୍ ଦୁଇପାଲି ଲେକ୍‌ବା ଚିଠିବଲି ମିସା କଇଆତେ ୩:୧ ।

ପିତରର୍ ପର୍ତ୍ତୁମ୍ ଚିଠି ଲେକାଅଇଲା ପତେ, ସେ ଲେକାର୍ ବେଲାକେ ଇତି ଜାଗାଦେଇ ଏଟାକେ ଦୁଇପାଲି ଲେକଲା ଚିଠି ବଲି କଇଆତେ । ଏ ଚିଠିଟାମେ ସବୁ ବିସବାସିମନ୍‌କେ ତାର୍ ସବୁ ବିସଇ ଦେଇଆତେ । ପିତର୍ ବିସବାସିମନ୍‌କେ ସାଆସ୍ ଆରି ନିକସଙ୍ଗେ ଜିଉନା କାଉନା କର୍ବାକେ ଆରି ମିର୍ ସିକିଆ ଦେଉ ମନର୍ କାତା ନ ମାନି ଜାଗରତ୍ ରଇବାକେ ଏ ଚିଠିଟାମେ ଲେକିଆତେ ୨ । ଜିସୁ ଆଇବାଟା ବେସି ଦିନ୍ ଆତେ ବଲି ମିର୍ କଇବା ଲକ୍‌ମନ୍‌କେ ସାଆସ୍ ଦେଲାମି । ପର୍ତ୍ତେସର୍ ଦିରେ ରଇବା ପର୍ତ୍ତେସର୍ ନଏ, ମାତର୍ ସବୁଲକ୍ ତାର୍‌ଲାଗି ଉଦାର୍ ପାଅଡ୍ ବଲି ସେ ମନ୍‌କଲାମି ୨ ଯ ପିତୃ ୩:୮-୯ ଏଟାସେ ଗଟେକ୍ ନିକସଙ୍ଗେ ଜିଉନା କାଉନା କର୍ବାଟା ୩:୧୪

ଏ ବଇ ବିତ୍‌ରେ ରଇବାଟା

୧. ପିତର୍ ତାର୍ ନିଜର୍ ବିସଇ ଆରି ତାର୍ ଚିଠି ପତ୍‌ବା ଲକ୍‌ମନ୍‌କେ ରଇବା ଜାଗା ବିସଇରେ ଜାମାଜଲାମି । ୧:୧-୨
୨. ତାର୍‌ପତେ ବିସବାସି ବାଇବଇନିମନ୍‌କେ ନିକସଙ୍ଗେ ଜିଉନା କାଉନା କର୍ବାକେ ଏଟାକେଦେଲାଆତେ । କାଇକେବଇଲେ ପର୍ତ୍ତେସର୍ ଆମକେ ସାଆସ୍ ଦେଲାଆତେ । ୧:୩-୨୧
୩. ସେ ମିର୍ ସିକାଇବା ଗୁରୁମନ୍‌କେ ଜାଗରତା କରାଇ ସାରାସାରି ପତେ ସେମନ୍‌ଲାଗି କାଇଟା ଗଟ୍‌ସି, ସେଟା କଇଲାଆତେ । ୨:୧-୨୨
୪. ପିତର୍ ଜିସୁକିରିସ୍‌ଟ ଆରିତରେକ୍ ଆଇବା ବିସଇ ଜାଗିରଇ ଜିଉନା କାଉନା କର୍ବାକେ ସାସ୍ ଦେଇଆତେ । ୩:୧-୧୮

ପିତର୍ ଦୁଇପାଲି ଚିଠି ଲେକ୍‌ବାଟା

୧ ମୁଜ୍ ସିମନ୍ ପିତର୍, ଜିସୁକିରିସ୍‌ଟର୍ ଗଟେକ୍ ଗତିଦାଙ୍ଗ୍‌ତା ଆରି ପେରିତ୍ ଅଇଆତି ।

ଆମେ ଜେନ୍ତ୍ର ଜିସୁକିରିସ୍‌ଟକେ ବିସବାସ୍ କରିଆତୁ, ସେନ୍ତାରି ବିସବାସ୍ କର୍ବା ଲକ୍‌ମନ୍‌କେ ଏ ଚିଠି ଲେକ୍‌ଲିନି । ସେ ଆମର୍ ପର୍ତ୍ତେସର୍ ଆରି ମୁକ୍ତିକାରିଆ । ତାକେ ବିସବାସ୍ କର୍ବାକେ ସେ ଆକା ଆମକେ ବପୁଦେଲାଆତେ । ସେ କର୍ବା ସବୁ କାମ୍ ଚିକ୍ ଆରି କାଇ ଅନିଆଇ ନାଇ ।

। ୨ ପର୍ତ୍ତେସର୍‌କେ ଆରି ଆମର୍ ମାପୁର୍ ଜିସୁକିରିସ୍‌ଟକେ ତମେ ଜାନ୍‌ଲାର୍ ପାଇ ତାର୍ ସାନ୍ତି ଆରି ସେ ଜିବନ୍ ଦୁକାଇ ଦୟା କଲାଟା ତମକେ ମିଲ ।

ପର୍ତ୍ତେସର୍ ତାକ୍‌ଲାଟା ଆରି ବାଟ୍‌ଲାଟା

୩ ତାକେ ସାର୍‌ଦା କରାଇଲାପାରା ଚଲାଟଲ୍‌ତି କର୍ବାକେ ସେ ଆମକେ ଲତାକେ ଆଇବା ସବୁ ବିସଇ ଦେଲାଆତେ । ତାର୍ ବପୁର୍‌ଲାଗି ସେ ଆମକେ ଏଟା ଦେଲାଆତେ ଆରି ଆମେ ତାକେ ଜାନ୍‌ଲାର୍‌ପାଇ ମିସା । ତାର୍ ମଇମାଜ୍ ଆରି ଦରମେ ମିସବାକେ ସେ ସେ ଆମକେ ଡାକିଆତେ । ୪ ତାର୍ ମଇମା ଆରି ଦରମର୍ ଲାଗି ସେ ଆମକେ ବେସି ବଡ୍ ଆରି ବେସି ମୁଲିଅ ରଇବା ଦାନ୍ ଦେଲାଆତେ । କିରିସ୍‌ଟକେ ବିସବାସ୍ ନ କଲା ଲକ୍‌ମନ୍ ଜେନ୍ତ୍ରକି କାରାପ୍ ବିସଇ କର୍ବାକେ ମନ୍ କର୍ବାଇ, ସେନ୍ତାରି ମନ୍‌କର୍‌ବା ଗାନେଅନି ମୁକ୍‌ଲାଇବାକେ ସେ ଆମକେ ଏନ୍ତାରି କଲାଆତେ । ଏ ସବୁ ବିସଇ ତାକର୍ ମନ୍‌କେ ନସାଇସି । ମାତର୍ ତମେ ପର୍ତ୍ତେସର୍‌ର ପାରା ଦରମ୍ ଅଇପାର୍‌ସା । ୫ ତେବେ କିରିସ୍‌ଟକେ ବିସବାସ୍ କଲାର୍ ପାଇ ନିକ ଚଲାଟଲ୍‌ତି କର୍ବାକେ ଚେସ୍‌ଟା କରା । ଏଟାର୍ ସଙ୍ଗ୍, ଗିଆନ୍ ସଙ୍ଗ୍ ଜିଉନାକାଉନା

କରୁବାକେ, ^୬ ଜିଉନାକାଉନା ସଙ୍ଗ ନିଜେ ଜାଗରତ୍ ଅଇରଇବାକେ, ଜାଗରତ୍ ରଇକରି ମୁରୁତି ରଇବାକେ, ମୁରୁତିକରି ରଇ ପରୁମେସରୁକେ ସାରୁଦା କରୁବା ଗୁନ୍ତରଲନ୍ କରୁବାକେ, ^୭ ଗୁନ୍ତରଲନ୍ ସଙ୍ଗ ବାଇବଇନିକେ ଆଲାଦ୍ କରୁବାକେ, ବାଇବଇନିକେ ଆଲାଦ୍ କରି ସବୁଲକ୍ଷକେ ଆଲାଦ୍ କରୁବାକେ ଚେସ୍ଟା କରା । ^୮ ତମରୁ ଚଲାଚଲୁତି ଜଦି ଏନ୍ତାରି ଅଦିକ୍ ଅଦିକ୍ ଅଇ ଆଇଲେ, ଆମରୁ ମାପୁରୁ ଜିସୁକିରିସ୍ତକେ ଜାନୁବା ବିସଇତେଇ ତମେ ଅଦିକ୍ ଅଦିକ୍ ବଡିଆଇସା । ^୯ ଜଦି ଗଟେକ୍ ଲକ୍ ଏନ୍ତାରି ଜିଉନାକାଉନା ନ କଲେ, ସେ ଗଟେକ୍ ନିକ ନ ଡିସ୍ବା ଲକରପାରା ଅଇଆତେ । ସେ ପୁରୁବେ କିରିରଇଲା ପାପରୁ ଲାଗି ପରୁମେସରୁ କେମା ଦେଲାଆତେ ବଲି ପାସିରିଦେଇ ଆତେ ।

^{୧୦} ତେବରୁପାଇ ଏ ମରୁ ବାଇବଇନିମନ୍, ନିକ ଚଲାଚଲୁତି କରୁବାକେ ଚେସ୍ଟା କରା । ସେନ୍ତାବୁକଲେ ପରୁମେସରୁ ତମକେ ବାଟିକରି ତାରୁ ଲକ୍ ଅଇବାକେ ଡାକ୍ଲାଆତେବଲି ସବୁଲକ୍ଷକେ ଡିସ୍ସି । ଏ ସବୁ ବିସଇ କଲେ ତମେ କେବେ ମିସା ତାରୁତେଇଅନି ବିନୁବାଟେ ନ ଜାଆସ୍ । ^{୧୧} ଆମରୁ ମାପୁରୁ ଜିସୁକିରିସ୍ତରୁ କେବେ ନ ସାରୁବା ରାଇଜେ ପରୁମେସରୁ ତମକେ ସାରୁଦା ସଙ୍ଗ ଡାକିନେଇସି ।

^{୧୨} ଏ ସବୁ ବିସଇ ତମେ ଜାନିରଇଲେ ମିସା, ଆରି ପାଇଲା ସତ୍ ବିସଇଟାନେ ତାଟ୍ ଆଗାସ୍ ମିସା, ଏ ସବୁ ବିସଇ ତମକେ ଏତାଇଦେଇତେ ରଇବି । ^{୧୩} ମୁଇ ବଠିରଇବା ଜାକ ଏ ସବୁ ବିସଇ କାତା ଅଇବାଟା ନିକ । ଜେନ୍ତୁକି ତମେ ସେଟା ଆରି ନ ପାସରାସ୍ । ^{୧୪} ମରୁ ଜିବନ୍ ଦାପରେ ସାରିଜାଇସି ବଲି ମୁଇ ଜାନି । କାଇକେବଇଲେ ଆମରୁ ମାପୁରୁ ଜିସୁକିରିସ୍ତ ମକେ ନିକସଙ୍ଗ ଜାନାଇଆତେ । ^{୧୫} ଏ ସବୁ ବିସଇ ତମକେ ଏତାଇଦେବାକେ ମୁଇ ବେସି ଆବଡ୍ ଅଇଲିନି । ଜେନ୍ତାରିକି ମୁଇ ମଲାପତେ ମିସା ଏ ସବୁ ବିସଇ ଏତାଇସା ।

କିରିସ୍ତରୁ ମଇମା ସବୁଲକ୍ଷ ଦେକ୍‌ବାଇ

^{୧୬} ଆମରୁ ମାପୁରୁ ଜିସୁକିରିସ୍ତ ତାରୁ ସବୁ ବପୁରୁସଙ୍ଗ ବାଉଡି ଆଇସି ବଲି ତମକେ କଇରଇଲୁ । ସେଟା ବିନ୍ ଲକ୍ ତାକରୁ ଚାଲାକିକରି ତିଆରୁକଲା ଗଟେକ୍ କାତାନି ନର୍ସ । ^{୧୭} ଆମେ ନିଜେ ଆକିସଙ୍ଗ ତାରୁ ମଇମା ଦେକ୍‌ଲୁ । ବାବା ପରୁମେସରୁ ତାକେ ଡାକ୍‌ପୁଟା କରି ମଇମା ଦେଲାବେଲେ ଆମେ ତେଇ ରଇଲୁ । ସେ ନିଜେ ସବୁରୁଟାନେଅନି ମଇମାରୁ ପରୁମେସରୁ କଇରଇଲା “ଏଟା ମରୁ ଆଲାଦ୍ ପ, ତାରୁଟାନେ ମୁଇ ବେସି ସାରୁଦା ।” ^{୧୮} ସେ ସବୁ ସୁନ୍‌ଲାବେଲେ ପରୁମେସରୁ ସୁକଲ୍ ପରୁବତେ ଆମେ ମିସା କିରିସ୍ତରୁ ସଙ୍ଗ ରଇଲୁ ।

^{୧୯} ବବିସ୍ତବକ୍‌ତାମନରୁ କାତା ସତ୍ ଆତେ ବଲି ଆମେ ଜାନିଆରୁ । ଏ ସବୁ କାତା ତମେ ମନ୍‌ଦିଆନ୍ ଦେଇ ସୁନା । କାଇକେବଇଲେ ସେଟା ଆନ୍ଦାରେ ଲାଗିରଇବା ଗଟେକ୍ ବଡିରୁ ଉଜଲ୍ ପାରା ଆତେ । ସାକ୍‌ଲିଆ ଉଜଲ୍ ଡିସ୍ବା ତାରାପାରା ତମରୁ ମନ୍‌ବିତ୍‌ରେ ଉଜଲ୍ ଦେଇସି । ^{୨୦} ବବିସ୍ତବକ୍‌ତାମନ୍ କେ ମିସା ନିଜେ ବାବିକରି ସାସ୍ତରୁଟାନେ ଲେକଡ୍‌ନାଇ । ଏଟା ତମେ ବାଇଦରେ ଜାନୁବାରୁ ଆତେ । ^{୨୧} କାଇକେବଇଲେ, ସେମନ୍ କେବେମିସା ନିଜରୁତେଇଅନି କାଇ ବବିସ୍ତ କାତା କଅଡ୍ ନାଇ । ମାତରୁ ପରୁମେସରୁଟାନେଅନି ଆଇଲା କାତା ସୁକଲ୍‌ଆଡ୍‌ମାରୁ ସାଇଜ ସଙ୍ଗ କଇରଇଲାଇ ।

୨

ମିତ୍ ସିକିଆ ଦେଉମନ୍

^୧ ପୁରୁବେ ପରୁମେସରୁ ଲକ୍‌ମାନରୁ ବିତ୍‌ରେ ମିତ୍ କାତା କଇବା ବବିସ୍ତବକ୍‌ତାମନ୍ ମିସା ରଇଲାଇ । ସେନ୍ତାରିସେ ତମରୁ ବିତ୍‌ରେ ମିସା ମିତ୍ ସିକାଉମନ୍ ରଇବାଇ । ପରୁମେସରୁ ବିସଇ ସେମନ୍ ମିତ୍‌ଟା ସିକାଇବାଇ । ଜନ୍ ଲକ୍‌ମନ୍ ସେ କାତା ବିସ୍‌ବାସ୍ କରୁବାଇ, ସେମନ୍ ବିନାସ୍ ଅଇଜିବାଇ । ସେମନ୍‌କେ ମୁକ୍‌ଲାଲଲା ନିଜରୁ ମୁକ୍ତିକାରିଆକେ ସେମନ୍ ଚାଡିଦେବାଇ । ସେନ୍ତାରି କଲାଟ୍ ପାଇ ପରୁମେସରୁ ସେମନ୍‌କେ ଦାପ୍‌ରେ କୁରୁପ୍‌ନାସ୍ କରୁସି । ^୨ ବିସ୍‌ବାସି ବଲାଜଅଇବା ବେସି ଲକ୍‌ମନ୍ ତାକରୁ କାରାପ୍ ଚଲାଚଲୁତି ଦାରୁବାଇ ଆରି ସତ୍ ବାଟରୁ ବିସଇନେଇ କାରାପ୍ କାତା କଇ ବୁଲୁବାଇ । ^୩ ଏନ୍ତାଟା ସିକାଉମନ୍ ଲବ୍ ଅଇକରି ନିଜେ ତିଆରୁ କିରିରଇବା କାତା କଇକରି ତମକେ ନାତାଇବାଇ । ସେନ୍ତାରି ଲକ୍‌ମନ୍‌କେ ଡଣ୍ଡ ଦେବି ବଲି ପରୁମେସରୁ କାତା ଦେଇରଇଲା । ଆରି ସେଟା କରୁବାକେ ସେ ଏବେ ଜାଗିଆତେ । ସେ ସେମନ୍‌କେ କୁରୁପ୍‌ନାସ୍ କରୁସି ଆକା ।

^୪ ପୁରୁବେ କେତେଟା ଦୁଡ୍‌ମନ୍ ଜେତେବେଲେ ପାପ୍ କିରିରଇଲାଇ, ପରୁମେସରୁ ସେମନ୍‌କେ ଡଣ୍ଡ ନ ଦେଇକରି ଚାଡିଦେଏ ନାଇ । ମାତରୁ ସେମନ୍‌କେ ନରୁକେ ପିଙ୍ଗିଦେଲା । ସେମନ୍‌କେ ବିଟାରୁ କରି

☆ ୧:୧୭ ୧:୧୭ ମାଡିଉ ୧୭:୧-୫; ମାରୁକ ୯:୨-୭; ଲୁକ୍ ୯:୨୮-୩୫

ତଣ୍ଡଦେବା ଦିନ୍ ଜାକ ସେ ସେମାନଙ୍କେ ବନ୍ଧିକରି ଆନ୍ଧାରେ ସଙ୍ଗାଇସି । ^୫ ଆଗରୁକାଲେ ବଞ୍ଚିରଇବା ଲକ୍ଷ୍ମୀମନ୍ ପରମେସ୍ୱରକେ ମାନିକରି ରଥଡ଼ନାଇକେ, ସେ ସେମାନଙ୍କେ ତଣ୍ଡ ନ ଦେଇକରି ଚାଡ଼େନାଇ । ତାର୍‌ବାଦୁଲେ ସେମାନରୁପାଇ ବନିଆ ଆନାଇଲା । ତେଇ ସବୁଲକ୍ଷ୍ମୀ ବୁଢ଼ିଗାଲାଇ । ମାତରୁ ସେ ନଅ ଆରି ତାରୁ କୁରୁମରୁ ସାତଲକ୍ଷ୍ମୀକେ ସେ ରକିଆ କଲା । ସେବେଲେ ନଅ ପରମେସ୍ୱର ଦେବତା ଇସାବେ ଚିକ୍ ବିସଇ କରୁବାରୁ ଆଚେ ବଲି ଲକ୍ଷ୍ମୀମନ୍‌କେ କଇତେରଇଲା । ^୬ ସଦମ ଗମରା ନଅରୁମନ୍‌କେ ରଇବା ଲକ୍ଷ୍ମୀମନ୍‌କେ ପରମେସ୍ୱର ଦସିକରି ତାକରୁ ନଅରୁମନ୍‌କେ ପତାଇକରି କୁରୁପନାୟ କରିଦେଲା । ସେମନ୍ ବେସି କାରାପ୍ କାମ୍ କଲାଇଜେ ଏନ୍ତାରି କଲା । ତାକେ ନ ମାନିକରି ରଇବା ଲକ୍ଷ୍ମୀମନ୍‌କେ ଏନ୍ତାରି ଦସା ଅଇସି ବଲି ଲକ୍ଷ୍ମୀମନ୍‌କେ ଦେକାଇଲା । ^୭ ସେ ନଅରୁମନ୍ ପତାଇବା ଆଗରୁ ସେ ଲକ୍ଷ୍ମୀକେ ରକିଆ କଲା । ଲକ୍ଷ୍ମୀ ଗଚେକ୍ ନିକଲକ୍ଷ୍ମୀ ରଇଲା । ତାରୁ ନଅରୁ ଲକ୍ଷ୍ମୀମନ୍ କରିରଇବା ପାଦ୍ରାପାଦ୍ରି କାମ୍ ଆରି ନିୟମ୍ ନ ମାନିବାଟା ଦେକି ବେସି ଦୁକ୍ କରତେରଇଲା । ^୮ ସେନ୍ତାରି କାରାପ୍ ଲକ୍ଷ୍ମୀମନ୍‌ରୁ ବିତ୍ତରେ ଲାଡ଼ ନିକ ସଙ୍ଗ ବଞ୍ଚିକରି ରଇଲା । ସେମନ୍ କରିରଇବା କାରାପ୍ କାମ୍ ସେ ଦେକତେରଇଲା ଆରି କଇତେରଇବା ସତ୍ ନ ରଇବା ବିସଇ, ସୁନ୍‌ତେରଇଲା । ସେ ଗଚେକ୍ ନିକ ଲକ୍ଷ୍ମୀ ରଇଲାଜେ ଏଟାମନ୍ ସୁନ୍ ଦୁକ୍ କରତେରଇଲା । ^୯ ସେନ୍ତାରି ଆଲେ ଦରମ୍ ଲକ୍ଷ୍ମୀମନ୍‌କେ ପରମେସ୍ୱର ତାକରୁ ଦୁକ୍ କସଟ୍ ତେଇଅନି ଆରି ଆଇବା ପରିକାଇ ଅନି ରକିଆ କରୁସି । ଆରି କାରାପ୍ ଲକ୍ଷ୍ମୀମନ୍‌କେ ସେ ସବୁ ଲକ୍ଷ୍ମୀକେ ବିଚାରୁ କରୁବା ଦିନ୍ ଜାକ ତଣ୍ଡଦେଇ ସଙ୍ଗାଇସି । ^{୧୦} ତାକରୁ ପାପରୁ ଗୁନ୍‌ଚଲନ୍ ଇସାବେ ଚଲାଚଲୁତିକରି ଲାଜର ବିସଇ କରୁବା ଲକ୍ଷ୍ମୀମନ୍‌କେ ସେ ବେସି ବଡ଼ ତଣ୍ଡ ଦେଇସି । ତାକରୁ ଉପରେ ସାସନ୍ କରୁବାକେ ପରମେସ୍ୱର ଜନ୍ ଅଦିକାରୁ ଆଚେ, ସେଟା ସେମନ୍ ନିଦ୍‌ଲାଇନି ।

ଏନ୍ତାରି ମିର୍ ସିକାଉ ଆଁକରିଆମନ୍, ନିଜରୁ ମନ୍‌କେ ଆଇଲାଟା କରୁବାକେ ଡରତ୍ ନାଇ । ସରଗେ ମଇମାସଙ୍ଗ ରଇବାଟାମନ୍‌କେ ମିସା ନିନ୍ଦା କରୁବାଇ । ^{୧୧} ତାକରୁଟାନ୍‌ନେଅନି ଅଦିକ୍ ବଡ଼ରଇ ବପୁ ରଇବା ଦୁଡ଼ମନ୍, ମାପୁରୁ ମୁଆଟେ ଆକରୁ ବିସଇନେଇ ନିନ୍ଦାକାତା କଅଡ଼ ନାଇ । ^{୧୨} ମାତରୁ ଏମନ୍ ତଙ୍ଗରେ ରଇବା ପସୁମାନରୁପାରା । ତାକରୁ ଗାଗଡ଼ ଜନ୍‌ଟା କରୁବାକେ ମନ୍ କରୁସି, ସେଟାଏ କଲାଇନି । ସେନ୍ତାରି ପସୁମନ୍‌କେ ଲକ୍ଷ୍ମୀମନ୍ ଦାରିକରି ମରାଇବାଇ । ସେମନ୍ ନାଜାନିଲା ବିସଇ ନେଇକରି ନିନ୍ଦାକାତା କଇବାଇ । ସେମନ୍‌କେ ଲକ୍ଷ୍ମୀମନ୍ ମରାଇଲା ପାରା ପରମେସ୍ୱର କୁରୁପନାୟ କରୁସି । ^{୧୩} ଦିନ୍ ଲକ୍ଷ୍ମୀମନ୍‌କେ ସେମନ୍ ବେସି ଦୁକ୍ କସଟ୍ ଦେଲାଇଆଚୁକେ ପରମେସ୍ୱର ମିସା ସେମନ୍‌କେ ଦୁକ୍ କସଟ୍ ଦେଇସି । ନିଜରୁ ଗାଗଡ଼ ମନ୍ କଲାଟା ପୁରାପୁରୁନ୍ କରୁବାକେ ସେମନ୍ କାଜଟା ମିସା କରୁବାଇ । ସେଟା ଦିନ୍‌ବେଲେ ମିସା କରୁବାଇ । ମାତରୁ ସେମନ୍ ତମରୁ ସଙ୍ଗ କାଇବାକେ ବସଲାବେଲେ ମିସା ସେନ୍ତାରି ଅଇତେରଇବାଇ, ଜନ୍‌ଟାକି ତମ୍‌କେ ଇଜଡ଼ ଜିକି ଲାଜ୍ କରାଇସି । ^{୧୪} ବେସିଆ କାମ୍ କରୁବାକେ ସବୁବେଲେ ମନ୍ କରତେରଇବାଇ । ସେନ୍ତାରି କରୁବାଟାନ୍‌ନେଅନି ସେମନ୍ କେବେ ନ ତେବଡ଼ । ମନ୍ ବିତ୍ତରେ ଦୁରୁବଲ୍ ରଇବା ଲକ୍ଷ୍ମୀମନ୍‌କେ ନାତାଇକରି ପାପକାମ୍ କରୁବାଟାନ୍‌ନେ ତାକିନେବାଇ । ସେମନ୍ ବେସି ଲବି ଅଇଆଚୁ । ପରମେସ୍ୱର ସେମନ୍‌କେ ସାଇପ୍ ଦେଲା ଆଚେ । ^{୧୫} ସଲକ୍ଷ୍ମୀ ବାଟ୍ ଚାଟିକରି ବାଟ୍‌ବାନା ଅଇଲାଇ ଆଚୁ । ବେଅର୍ ପଅ ବାଲାମ୍, ଜେ କି ଗଚେକ୍ ବବିସତ୍‌ବକ୍‌ତା ରଇଲା, ସେ ଜନ୍ ରକାମ୍ କାମ୍‌ମନ୍ କରିରଇଲା, ଏମନ୍ ମିସା ସେନ୍ତାରି କଲାଇଆଚୁ । ତାରୁ ଆସାଅଇ ବାଲାମ୍ ଏନ୍ତି ରଇଲାଜେ ସେଟା ମିଲାଇବାକେ ବୁଲ୍ କାମ୍ କରୁବାକେ ମିସା ତିଆର୍ ଅଇରଇଲା । ^{୧୬} ମାତରୁ ସେ କରିରଇବା କାରାପ୍ କାମ୍‌ରୁ ଲାଗି, ପରମେସ୍ୱର ତାକେ ଦମ୍‌କାଇଲା । ତାରୁ ଗଦ ନରୁଲକ୍ଷ୍ମୀ ପାରା କାତା ଅଇଲା ଆରି ଜନ୍ ବାୟା କାମ୍ କରୁବାକେ ସେ ଜାଇତେରଇଲା, ସେ କାମ୍‌ନେଅନି ତାକେ ତେବାଇଲା ।

^{୧୭} ଏ ଲକ୍ଷ୍ମୀମନ୍ ପାନି ଆଁଟିଜାଇରଇବା ପାଜୁରା ପାରା । ଜବରୁ ପବନ୍ ଆସି ଉଡ଼ାଇନେବା ବାଦଲ୍ ପାରା । ପରମେସ୍ୱର ସେମନ୍‌ରୁପାଇ ପୁରାପୁରୁନ୍ ଆନ୍ଧାରୁ ରଇବା ଗଚେକ୍ ଜାଗା ସଙ୍ଗାଇଆଚେ । ^{୧୮} ସେମନ୍ ଲକ୍ଷ୍ମୀମନ୍‌କେ ସିକାଇବା ବେଲେ ମୁକିଅ ବିସଇପାରା ରଇସି, ମାତରୁ ତେଇ କାଜଟା ନ ରଏ । ଗାଗଡ଼ ମନ୍ କଲା ସବୁ ଗୁନ୍‌ଚଲନ୍ କରିଅଇସି ବଲି ସେମନ୍ ସିକାଇବାଇ । ନୁଆ ନୁଆ ନିକ ଚଲାଚଲୁତି କରି ଅଇତେରଇବା ଲକ୍ଷ୍ମୀମନ୍‌କେ ସୁଡ଼ରାଇକରି ନେବାଇ । ^{୧୯} ତାକରୁ ସିକିଆ ମାନିକରି ରଇଲେ ମୁକ୍ତି ମିଲୁସି ବଲି ସେମନ୍ କାତାଦେବାଇ । ମାତରୁ ସେମନ୍ ନିଜେ କାରାପ୍ ଚଲାଚଲୁତି ଗତିବାଜୁଡ଼ା ଅଇଆଚୁ । ସେ କାରାପ୍ ଚଲାଚଲୁତି ସେମନ୍‌କେ କୁରୁପନାୟ କରୁସି । ଜଦି ଗଚେକ୍ ଲକ୍ଷ୍ମୀକେ କାରାପ୍ ଅବିଆସ୍ ଦାରିଆଚେ, ସେ ତାରୁ ଗତିବାଜୁଡ଼ା । ^{୨୦} ସେନ୍ତାରି ମିର୍ ସିକାଉମନ୍ ଲକ୍ଷ୍ମୀମନ୍‌କେ କୁରୁପନାୟ କରୁବା କାରାପ୍ ବିସଇତେଇଅନି ରକିଆ ପାଇକରି ଆମ୍‌ରୁ ମୁକ୍ତିକାରିଆ ମାପୁରୁ ଜିୟୁକିରିସ୍‌ଟକେ ଜାନିରଇଲାଇ । ମାତରୁ ଆରିତରେକ୍ ସେ କାରାପ୍ ବିସଇମନ୍ କରୁବାକେ ନିଜେ ସର୍‌ପିଅଇଲାଇ ଆଚୁ । ତାକରୁ ଏବରୁ ଇନସ୍‌ତା ଆଗରୁ ଇନସ୍‌ତାକି କେତେକ୍ ଅଦିକ୍ ଆଚେ । ^{୨୧} ଦରମ୍ ଚଲାଚଲୁତି କରୁବା

ବାଟ୍ ସେମନ୍ କେବେ ଜାନିନରଇଲେ ତାକର୍ ପାଇ ନିକ ଅଇତା । ମାତର୍ ସେମନ୍ ଏବେ ଲକ୍ମନ୍ ସିକିଆ ପାଇରଇବା ପର୍ମେସରର୍ ନିୟମ୍ ଚାଡ଼ିଦେଇଆଚର୍ ।^{୨୨} ସେମନ୍ କଲାପାରା ବିସଇ ଉପଦେସ୍ ବଇଟାନ୍ ଲେକା ଅଇଲାଆଚେ । କୁକୁର୍ ଜନ୍ମଟା ବାଡ଼ିକରୁସି, ସେଟାସେ ଜାଇ କାଇସି, ଗୁସ୍ରିକେ ପାନି ଦୁଆଇଦେଇ ରଇଲେ ମିସା ସେ କାଦଲଗେସେ ଜାଇ ଚକ୍ଟି ଅଇସି ।

୩

ମାପରୁ ଆଇବା ଦିନ୍

^୧ ଏ ମର୍ ଆଲାଦର୍ ବାଇବଇନିମନ୍, ଏଟା ମୁଇ ତମର୍ ଲଗେ ଦୁଇପାଲି ଅଇଲା ଚିଟି ଲେକ୍ଲିନି । ଏ ଦୁଇଗାଜାକ ଚିଟିତେଇ ଏ ସବୁ ବିସୟ୍ ମନେ ଏତାଇ ତମର୍ ମନେ ସୁକଲ୍ କରୁବାପାଇ ଚିନ୍ତା କଲିନି ।^୨ ବେସି ଆଗେ ସୁକଲ୍ ବବିସଡ଼ବକ୍ତାମନ୍ ଜନ୍ମସବୁ କାତା ଜାନାଇ ରଇଲାଇ ଆରି ଉଦାର୍ କରୁବା ମାପରୁ ଦେଇରଇବା ଆଦେସ୍ ତମ୍‌କେ ପେରିଡ଼ ସିସ୍‌ମନ୍ ଦେଇଆଚର୍, ସେଟା ତମର୍ ମନେ ଏତାଇ ଦେବାକେ ମନ୍‌କଲିନି ।^୩ *ପର୍ତମେ ଏଟା ଜାନା ଜେ, ସାର୍‌ଲା ଦିନମନ୍‌କେ ଲକ୍ମନ୍ ନିଜର୍ ନିଜର୍ କାରାପ୍ ମନ୍‌କଲା ଇସାବେ ଚଲାଚଲ୍‌ତି କରୁବାଇ । ସାରାସାରି ଦିନେ ସେମନ୍ ସଡ଼କେ ନିସାର୍ କରି ପାଟାଟୁବାଇ ।^୪ ଆରି କିଜାଇକରି କଇବାଇ, “ଜିସୁ ଆଇବି ବଲି କାତା ଦେଇରଇଲାଟା, କେନେ ତେବେ ?” କାଇକେବଇଲେ ପୁର୍ବେଅନି ଆମର୍ ଆନିଦାଦିମନ୍ ମଲାତେଇଅନି ଏବ୍‌କେ ଜାକ ସବୁ ବିସଇ ଜେନ୍ତି ରଇଲା, ଏବେ ମିସା ସେନ୍ତାରୁସେ ଆଚେ ।^୫ ସେମନ୍ ଜାନି ଜାନି ପାସ୍‌ରିଗାଲାଇନି ଜେ ଆଗର୍ ବେଲ୍ ଆରି ବାଦଲ୍ ସବୁ ମାପରୁର୍ ବାକିଅର୍ ଲାଗି ଗଟୁଲା ଆଚେ, ଦରତନି ପାନି ବିଡ଼ରେଅନି ବାରଇଲା ଆଚେ ଆରି ଦରତନି ଚାରିବେଟ୍‌ତି ପାନି ରଇଲା ବଲି ।^୬ ତାରୁଲାଗି ସେ ସେବେଲେ ପୁରୁନା ଜଗର୍ ପାନି ସଙ୍ଗ୍ ବୁଡ଼ି ନସିଗାଲା ।^୭ ମାତର୍ ଏବେ ରଇବା ବାଦଲ୍ ଆରି ଦରତନି ସେ ବାକିଅର୍ ଲାଗି, ଦରମ୍ ନଇଲା ଲକ୍ମନ୍‌କେ ବିଚାର୍ ଆରି ବିନାସ୍ ଦିନ୍ ଜାକ, ଜଇ ସଙ୍ଗ୍ ନସ୍‌ଟ ଅଇବାକେ ଜମାାଇକରି ସଙ୍ଗ୍‌ଇଲା ଆଚେ ।

^୮ ମାତର୍ ଏ ଆଲାଦର୍ ବାଇମନ୍, ମାପରୁ ଦେକବା ଇସାବେ, ଗଟେକ୍ ଦିନ୍‌ଜେ ଅଜାଟ୍ ବରସ୍ ପାରା, ଆରି ଅଜାଟ୍ ବରସ୍, ଗଟେକ୍ ଦିନ୍ ପାରା, ଏ ମୁଲିକା ରଇଲା ବିସଇ ତମେ ପାସ୍‌ରା ନାଇ ।^୯ ଅଲସମ୍ ଅଇସି ବଲି କେତେଲକ୍ ଏତାଇଲାଇନି, ମାତର୍ ମାପରୁ ନିଜେ କାତା ଦେଲା ବିସଇ ସେନ୍ତାଟ୍ ଅଲସମ୍ କରେନାଇ । ମାତର୍ କେମିସା ଜେନ୍ତିକି ବିନାସ୍ ନଅଟ୍, ସେମନ୍ ସବୁ ମନ୍ ବାଦ୍‌ଲାଇବାଇ, ଏଟା ସେ ମନ୍‌କରି ତମର୍ ପାଇ ବଲି ଅଲସମ୍ ଅଇଲାନି ।

^{୧୦} *ମାପରୁର୍ ଦିନ୍ ଚର୍ ଆଇଲା ରକାମ୍ କେଟିଜାଇସି । ସେ ଦିନେ ବାଦଲ୍ ସବୁ ବେସି ସବଦ୍ ସଙ୍ଗ୍ ନସ୍‌ଟ ଅଇଜାଇସି, ବାଦଲେ ଉଜଲ୍ ରଇବାଟାମନ୍ ସବୁ ସିଲିଜାଇସି, ପୁର୍ତବି ଆରି ସିତି ରଇଲା ଲକ୍ମନ୍ ତିଆର୍ କଲା ଜେତେକ୍ ସବୁ ଜିନିସ୍ ପଡ଼ିଜିବାଇ ।

^{୧୧} ଏ ସବୁ ବିସଇ ଏ ରକାମ୍ ଆଜିଜାଇସି, ତେବର୍ ପାଇ ତମେମନ୍ ବେସି ସୁକଲ୍ ଆରି ଜାଗରଡ଼ସଙ୍ଗ୍ ରଇବାଟ୍ ଆଚେ ।^{୧୨} ମାପରୁ ଆଇବା ଦିନକେ ଜାଗି କରି, ସେଟାଜେନ୍ତି ଦାପ୍‌ରେ ଆଇସି, ସବୁ ବେଲେ ଦରମ୍ ଚଲାଚଲ୍‌ତି କରୁବାଟ୍ ଆଚେ ।

^{୧୩} *ଆମେ ସେ କାତା ଦେଲା ଇସାବେ ନୁଆଁ ବାଦଲ୍ ଆରି ନୁଆଁ ପୁର୍ତବିକେ ଜାଗ୍‌ଲୁନି । ସେଟା ଦରମ୍‌ଲକର୍ ବାସା ଅଇବା ଜାଗା ଅଇସି ।

^{୧୪} ସେଟାଟ୍ ପାଇ ଏ ଆଲାଦର୍ ବାଇମନ୍, ତମେ ସେ ଦିନକେ ଜାଗ୍‌ତେରୁଆ । ପର୍ମେସର୍ ଦେକବା ଇସାବେ, କାଇ ଦସ୍ ନ ଅଇତେ, ସୁକଲ୍ ଲକ୍ମନ୍‌ମନ୍ ପାରା, ତାର୍ ସଙ୍ଗ୍ ସାନ୍ତିଅଇ ରଇବାକେ ଜାଗରଡ଼ ଉଆ ।^{୧୫} ଆରି, ଆମର୍ ମାପରୁ ବେସି ଦିନ୍ ଜାଗ୍‌ବାଟା ଆରି ରକିଆ କରୁବାଟା ବଲି ଏତାଆ । ଆମର୍ ଆଲାଦର୍ ବାଇ ପାରଲ୍‌କେ ମିସା ମାପରୁ ତାକେ ଦେଲା ବୁଦି ଇସାବେ ତମର୍ ଲଗେ ଏନ୍ତାଟ୍ ଲେକ୍‌ଲା ଆଚେ ।^{୧୬} ସେ ତାର୍ ସବୁ ଚିଟି ଲଗେ ମିସା ଏ ସମାନ୍ ବିସଇ ଲେକ୍‌ଲାଆଚେ । ମାତର୍ ତେଇଅନି କେତେଟା ବିସଇ ଲକ୍ମନ୍‌କେ ବୁଜ୍‌ବାକେ କସ୍‌ଟ ଆଚେ । ଜନ୍ ଲକ୍ମନ୍ ନିକ ସିକଡ଼ନାଇ ଆରି ତାକର୍ ବିସ୍‌ବାସ୍‌ଟାନ୍ ତାଟନାଇ, ଏ ସବୁ ବିସଇର୍ ଅରଡ଼ ବୁଲ୍‌ଇସାବେ ବାତାଇଲାଇନି । ପର୍ମେସରର୍ ବାକିଅଡ଼େଇରଇବା କେତେଟା ଦିନ୍ ବିସଇମନ୍ ମିସା ଏନ୍ତାରି ବୁଲ୍‌କରି ବାତାଇଲାଇନି । ଏନ୍ତାରି କଲାଟ୍‌ପାଇ ପର୍ମେସର୍ ସେମନ୍‌କେ କୁରୁପନାସ୍ କରୁସି ।

* ୩:୩ ୩:୩ ଜିଉଦା ୧:୮ * ୩:୧୦ ୩:୧୦ ମାଡ଼ିଉ ୨୪:୪୩; ଲୁକ୍ ୧୨:୩୯; ୧ମ ତେସଲନିକିୟ ୫:୨; ପର୍‌କାସିତ ୧୭:୧୫ * ୩:୧୩ ୩:୧୩ ପର୍‌କାସିତ ୨୧:୧

^{୧୭} ଏ ଆଲାଦର୍ ବାଇମନ୍, ତମେ ଆଗେ ଅନି ଏ ସବୁ ବିସଇ ଜାନି ଜାଗରତା ଅଇରୁଆ । କେତେବଲ୍ ନିୟମ୍ ନ ମାନିଲା ଲକର୍ ଆସାର୍ କାମର୍ ପାୟଲଗେ ଅଦରି, ତାଟ୍‌ସଙ୍ଗ୍ ରଇବା ବିସବାସେ ଅନି ଭନା ଭଆନାଇ । ^{୧୮} ମାତର୍ ଆମର୍ ମାପୁରୁ ଆରି ଭଦର୍ କରବା ଜିସୁକ୍ରିସ୍ଟର୍ ଜିବନ୍ ଦୁକାଇଲାଟା ଆରି ଗିଆନ୍ ସଙ୍ଗ୍ ଅଦିକ୍ ଅଦିକ୍ ବତା । ଏବେ ଆରି କାଲ୍ କାଲ୍ ଜୁଗ୍ ଜୁଗ୍ ଜାକ୍ ସେ ତାକ୍‌ପୁଟା ପାଅ । ଆମେନ୍ ।

ଯୋହନ ଲେଖିଥିବା ପ୍ରଥମ ପତ୍ର ଜଅନ୍ ଲେକିରଇବା ୧ ମ ଚିଟି ଏ ବଇର ବିସଇ ଜାନ୍‌ବାଟା

ଜଅନର୍ ପର୍ତୁଗୁ ଚିଟି ଜିସୁକିରିସ୍‌ଟ ଜନମ୍ ଅଇକରି ୫୦-୧୦୦ କିରିସ୍‌ଟାବ୍‌ଦ ବିତ୍‌ରେ ପେରିଡ୍ ଜଅନ୍ ଲେକି ରଇଲା ।

ଜଅନ୍ ନିଜ୍‌କେ ଗଟେକ୍ ଲେକ୍‌ବା ଲକ୍‌ର୍ ଇସାବେ ଜାନାଇ ଅଏନାଇ । ମାତର୍ ପର୍ତୁଗୁ ପାଟେ ସେ ଜିସୁକିରିସ୍‌ଟର୍ ଜିବନର୍ ଆରି ମରିକରି ଉର୍‌ବା ବିସଇ ନେଇକରି ସେ ମୁଇନଜେ ସାକିବଲିକିରି କଇଲାନି୧:୧-୩ଜଅନ୍ ପର୍ତୁଗୁ ଲେକି ରଇଲାଟା ଜଅନ୍ ସୁସମାଚାର୍ ଲଗେ ଲେକା ଅଇଲାପାରା ଅଲପ୍ ମିସି । ସେ ଜେଡେବେଲେ ଏପିସିଡେଇ ରଇଲା । ସେ ଜଅନ୍ ସୁବକବର୍ ଆରି ଜଅନର୍ ତିନଟା ଚିଟି ଲେକିଆଟେ ବଲିକିରି ବିସ୍‌ବାସ୍ କର୍‌ବାଇ । ଜନ୍ ବଇକି ପର୍ତୁଗୁ ଜଅନ୍ ଦୁଡିଅ ଜଅନ୍ ତୁଡିଅ ଜଅନ୍ ।

ଗିଆନି ବଲିକିରି କଇଡେରଇବା ଲକ୍‌ମନର୍ ଗଟେକ୍ ଦଲ୍ ଜନ୍‌ଲକ୍‌ମନର୍ ଲାଗି ମଣ୍ଡୁଲିଡେଇ କାଜିଆଲେ ଗଟେକ୍ ଗର୍‌ନା ଆଇଲେ ତିଆ ଅଇଡେ ରଇବା ଲକ୍‌ମନ୍ । ସେ ବେଲେ ଜଅନ୍ ସବୁ ବିସ୍‌ବାସି ମନ୍‌କେ ଏ ଚିଟିଲେକି ରଇଲା । ସେମନ୍ ବିସ୍‌ବାସ୍ କର୍‌ବାଇକି ଜିସୁ ସତ୍‌ରେ ଆଇବା ପୁରାପୁରୁନ୍ ପର୍‌ମେସର୍, ମାତର୍ ଜଗଡେ ରଇବାବେଲେ ସେ ବନିମାଉଁସ୍ ଦାରିରଇବା ଗଟେକ୍ ନର୍‌ଲକ୍ ନର୍ । ଜଅନ୍ ଜିସୁକିରିସ୍‌ଟର୍ ସଙ୍ଗ୍ ରଇବା ଗଟେକ୍ ସାକି ଆରି ତାର୍ ନିଜର୍ ଆଡ୍‌ସଙ୍ଗ୍ ଜିସୁକେ ଚିଇ ରଇଲାକେ ସେ ଏଡ୍‌ଗାରି ଲେକିଲା ଆଟେ ୧:୧-୩ । ଜଅନ୍ ଏ ଚିଟି ଲେକ୍‌ବାର୍ ମୁଜିଅ କାରନ୍ ଅଇଲାନି ତାର୍ ସାର୍‌ଦା ପୁରାପୁରୁନ୍ ଅଇବାଟା । ପର୍ତୁଗୁ ଜଅନ୍ ୧:୪ ଆରି ବିସ୍‌ବାସି ମନ୍‌କେ ପାପେଅନି ଦୁର୍‌କେ ରଇବାକେ ପର୍ତୁଗୁ ଜଅନ୍ ୨:୧ଆରି ବିସ୍‌ବାସି ମନ୍‌କେ ମିର୍ ସିକିଆଇଅନି ରକିଆକର୍‌ବାକେ, ପର୍ତୁଗୁ ଜଅନ୍ ୨:୨୬ ଆରି ବିସ୍‌ବାସି ମନ୍‌କେ ରକିଆ କର୍‌ବାକେ, ୫:୧୩

ଏ ବଇବିଡ୍‌ରେ ରଇବା ବିସଇ

- ୧. ଜଅନ୍ ତାର୍ ଚିଟିଟାଣେ ନିଜର୍ ବିସଇ ଜାନାଇକିରି ଆରି କାଜକେ ଲେକ୍‌ଲାନି ସେଟାସବୁ ଆଟେ । ୧:୧-୪
- ୨. ପର୍‌ମେସର୍ କେନ୍ତାରି ଉଜଲ୍ ବଲିକିରି ବୁଜାଇଦେଇ ଜିସୁର୍‌ପାରା ଚଲାଚଲୁଡି କର୍‌ବାକେ କଇଆଟେ । ୧:୫-୩:୧୦
- ୩. ଗଟେକ୍‌ଲକ୍ ଆରି ଗଟେକ୍ ଲକ୍‌କେ କେନ୍ତାରି ଆଲାଦ୍ କର୍‌ବାର୍ ଅଇସି ସେ ବିସଇ ମନେ ଏଡାଇଦେଲା ଆଟେ । ୩:୧୧-୫:୧୨
- ୪. ସେ ତାର୍ ଲେକ୍‌ବାଟା ସାରାଇ ଆଟେ । ୫:୧୩-୨୧

ଜିବନର୍ ବାକିଅ

୧*ଜାକେ ଜିବନର୍ ବାକିଅ ବଲି କଇଲାଇନି, ତାର୍ ବିସଇ ତମ୍‌କେ ଲେକ୍‌ଲୁନି । କାଜଟା ତିଆର୍ ନ ଅଇଡେ ପୁର୍‌ବେଅନି ସେ ରଇଲା । ତାର୍ ବାକିଅ ଆମେ ସୁନିଆରୁ । ସେ କିରିରଇବା କାମ୍‌ମନ୍ ଆମେ ଆକି ସଙ୍ଗ୍ ନିକ ଦେକି ଆରୁ । ଆରି ଆମେ ତାକେ ଆଡ୍ ସଙ୍ଗ୍ ଚିଇଲୁ ଆରୁ । ୨*ଏ ଲକ୍ ସତ୍ ଜିବନ୍ ଦେଇସି । ପର୍‌ମେସର୍ ଏ ଲକ୍‌କେ ସବୁକେ ଦେକାଇଲା । ଆରି ଆମେ ଦେକଲୁ ଆରି ତାର୍ ସତ୍ ବିସଇ ତମ୍‌କେ କଇଲୁନି । ସେ ଦେଇରଇବା ନ ସାର୍‌ବା ଜିବନର୍ ବିସଇ ତମ୍‌କେ ଜାନାଇଲୁନି । ପୁର୍‌ବେଅନି ସେ ଆମର୍ ବାବା ପର୍‌ମେସରର୍ ସଙ୍ଗ୍ ରଇଲା । ମାତର୍ ପର୍‌ମେସର୍ ତାର୍ ବିସଇ ଆମ୍‌କେ ଜାନାଇଲାଆଟେ । ୩ ଡେବର୍‌ପାଇ ଏ ଲକ୍, ଜାର୍ ବିସଇ ଆମେ ଦେକିଆରୁ ଆରି ସୁନିଆରୁ, ତାର୍ ବିସଇ ଆକା ଆମେ ତମ୍‌କେ କଇଲୁନି । ଜେନ୍ତାରିକି ତମେ ମିସା ଆମର୍ ସଙ୍ଗ୍ ମିସିବିଡି ରଇସା । କାଜକେବଇଲେ ଆମେ ବାବା ପର୍‌ମେସରର୍ ସଙ୍ଗ୍ ଆରି ତାର୍ ପଅ ଜିସୁ କିରିସ୍‌ଟର୍ ସଙ୍ଗ୍ ମିସିବିଡି ଆରୁ । ୪ ଆମର୍ ସାର୍‌ଦା ଜେନ୍ତାର୍ ପୁରାପୁରୁନ୍ ଅଇସି, ଡେବର୍ ପାଇ ଏ ସବୁ ବିସଇ ତମ୍‌କେ ଲେକ୍‌ଲୁନି ।

ପର୍‌ମେସର୍ ଆକା ଉଜଲ୍

* ମାତର୍ ଜନ୍ ବିସଇ ଜିସୁକିରିସ୍‌ଟ ଆମ୍‌କେ କଇଲା, ଆରି ଜାଜଟା ତମ୍‌କେ ଆମେ ଜାନାଇ ଆରୁ, ସେଟା ଅଇଲାନି ପର୍‌ମେସରର୍ ଉଜଲ୍ । ଆରି ତାର୍‌ଟାଣେ ମୁଲ୍‌କେ ଆନ୍ଦାର୍ ନାଇ ।

* ୧:୧ ୧:୧ ଜଅନ୍ ୧:୧ * ୧:୨ ୧:୨ ଜଅନ୍ ୧:୧୪

୭ ତେବେପୁରୀ ଆମେ ପରମେସରର ସଙ୍ଗ ମିସିବିତି ଆତୁ ବଲି କଇକରି କାରାପୁ କାମ କରି ଆନ୍ଦରେସେ ରଇବୁ ବଇଲେ, ଆମେ କଇବାଟା ମିଟ୍ । ଆରି ସତ୍ ବିସଇ ଆମେ ଚାଡ଼ିଦେଇଆତୁ ବଲି ଆମରୁ ଚଲାଚଲୁଟିଗାନେ ଜାନାପଦଲାନି । ୮ ମାତରୁ ଆମେ ସତ୍ କାମ କରି ଉଜଲେ ରଇବୁ ଜେନ୍ତାରି କି ପରମେସର ସବୁବେଳେ ଉଜଲେଆତେ । ସେନ୍ତାରି ଆଲେ ଆମେ ଗଟେକ୍ ଲକ୍ ଆରି ଗଟେକ୍ ଲକ୍ ସଙ୍ଗ ମିସିବିତି ଆତୁ । ଆରି ପରମେସରର ପଥ ଜିସୁର ବନି ଆମରୁ ସବୁ ପାପକେ ଦଇଦେଇସି ।

୯ ଆମେ କେବେମିସା ପାପ କରୁନାଇ ବଲି କଇଲେ, ଆମେ ନିଜେସେ ନାଡ଼ାଇଆଇଲୁନି । ଆରି ସତ୍ ବିସଇ ଆମେ ନାଜାନୁନି । ୧୦ ଜଦି ଆମେ ବୁଲ୍ କରିଆତୁ ବଲି ପରମେସରକେ ନ ଲୁଟାଇତେ କଇଲେ, ସେ ଆମରୁ ସବୁ ପାପ କେମା କରୁସି । ଆରି ସବୁ କାରାପୁ କାମେଅନି ଆମକେ ସୁକଲ୍ କରୁସି । ୧୧ ଜଦି ଆମେ କେବେ ମିସା ପାପ କରୁନାଇ ବଲି କଇଲେ, ପରମେସର ସତ୍ତା ନର୍ସ ବଲି କଇଲୁନି । ଆରି ତାରୁ ବାକିଅ ମାନକରି ରଉନାଇ ।

୨

ରକିଆ କାରି ଜିସୁ

୧ ଏ ମର ପିଲାଟକି ପାରା ଅଇରଇବା ଲକ୍ମନ, ତମକେ ମୁଇ ଏଟା ଲେକ୍ଲିନି । ଜେନ୍ତକି ତମେ ପାପ ନ କରାସ୍ । ମାତରୁ କେ ଜଦି ପାପ କଲେ ଆମରୁ ବାବା ପରମେସରର ମୁଆଟେ ଚିଆଅଇରଇବା ଗଟେକ୍ ଲକ୍ ଆମରୁ ପାଇ ଗୁଆରି କଲାନି । ସେ ଅଇଲାନି ଜିସୁକିରିସଟ । ପରମେସର ଦେକ୍ବା ଇସାବେ ସେ ପୁରାପୁରୁନ୍ ସତ୍ତାତେ । ୨ ଆମରୁ ବୁଲ୍ କାମରୁପାଇ ଆମରୁ ବାଦୁଲେ ପରମେସର ଜିସୁକେ ଡଣ୍ଡ ଦେଲା । ତାରୁଲଗି ଅବ୍ବା ଆମରୁ ପାପସେ ନର୍ସ ମାତରୁ ଗୁଲାଇଗାନେ ରଇବା ସବୁଲକ୍ ପାପ ସେ କେମା କରୁସି ।

୩ ଆମେ ତାକେ ଜାନୁବା ଲକ୍ ଅଇଲୁଆତୁ । ଜଦି ଆମେ ତାରୁ ତିଆରୁଲାଟା ମାନୁଲୁନି, ଏଟା ଡ଼ିଟ୍ସଙ୍ଗ ଜାନୁଲୁନି । ୪ କେ ଜଦି ମୁଇ ପରମେସରକେ ଜାନିଆଟିବଲି କଇକରି, ତାରୁ ତିଆରୁଲାଟା ନ ମାନେ, ସେ ମିଟ୍ କଇଲାନି ଆରି ସେ ସତ୍ ବିସଇମନ୍ ନାଜାନେ । ୫ ମାତରୁ ଜେ ଜଦି ତାରୁ ବାକିଅ ମାନୁସି, ସେନ୍ତାରି ଆଲେ ପରମେସରପାଇ ରଇବା ତାରୁ ଆଲାଦ୍ ସତଇସେ ପୁରାପୁରୁନ୍ ସିଦ୍ ଅଇଆତେ । ଆମେ ପରମେସରର ସଙ୍ଗ ମିସଲୁଆତୁ ବଲି ଦେକାଇବା ବିସଇ । ୬ କେ ଜଦି ପରମେସରର ସଙ୍ଗ ମିସିଆଟି ବଲି କଇଲେ, ଜିସୁର ଚଲାଚଲୁଟି ପାରା ଚଲ୍ବାଟାଆତେ ।

ନୁଆଁ ଆଗିଆ

୭ ଏ ମରୁ ଆଲାଦରୁ ମଇତରୁମନ୍, ମୁଇଁ ତମରୁ ଲଗେ କାଜମିସା ନୁଆ ଆଦେସ୍ ଲେକିନାଇ । ତମେ ଜିସୁର ସଙ୍ଗ ଜିବାକେ ଆରାମ୍ କଲାବେଲେଅନି, ଏ ସମାନ୍ ଆଦେସ୍ ତମେ ଜାନିଆଟାସ୍ । ସେ ପୁରୁନା ଆଦେସ୍ ସୁନି ସାରାଇଆଟାସ୍ ।

୮ ମାତରୁ ଏଟା ଗଟେକ୍ ନୁଆ ଆଦେସ୍ ପାରା ମିସା ଆତେ । କାଜକେବଇଲେ ତେଇଟ୍ ସତ୍ ବିସଇ କିରିସଟ ଲଗେ ଆରି ତମରୁ ଲଗେ ଡିସଲାନି । ଆନ୍ଦାରୁ ଉଟିଗାଲାନି, ଆରି ସତ୍ ଉଜଲ୍ ଡିସଲାନି ।

୯ ଜଦି କେ ମିସା ପରମେସରର ଉଜଲ୍ ଆରି ସୁକଲ୍ ଇସାବେ ଚଲାଚଲୁଟି କଲିନି ବଲି କଇକରି ତାରୁ ସଙ୍ଗ ମିସିବିତି ରଇବା ବିସବାସି ବାଇବଇନିମନ୍କେ ଗିନ୍ କରୁସି, ସେ ଏବେଜାକ ଆନ୍ଦରେସେ ରଇଲାନି । ୧୦ ଜନ୍ ଲକ୍ମନ ତାକରୁ ମିସିବିତି ରଇବା ବିସବାସି ବାଇବଇନିମନ୍କେ ଆଲାଦ୍ କରୁବାଇ, ସେମନ୍ ପରମେସରର ସୁକଲ୍ ଇସାବେ ଚଲାଚଲୁଟି କଲାଇନି । ସେମନରୁ ଜିବନେ ବିନ୍ ଲକ୍ମନକେ ପାପ କରାଇବା କାଇ ବିସଇ ନାଇ । ୧୧ ମାତରୁ ଜେ ମିସା ମିସିବିତି ରଇବା ବିସବାସି ବାଇବଇନିମନ୍କେ ଗିନ୍ କଲେ, ସେ ଆନ୍ଦରେ ଆତେ । ସେ ବୁଲ୍ ଟିକ୍ ନାଜାନିକରି ଚଲାଚଲୁଟି କଲାନି । ସେ କନ୍ତ୍ର ଗାଲାନି ସେଟା ନାଜାନେ । କାଜକେବଇଲେ ସେ ଆନ୍ଦାରୁ ତାରୁ ଆକିକେ କାଣା କରିଆତେ ।

୧୨ ଏ ଆଲାଦରୁ ପିଲାମନ୍, ମୁଇ ତମକେ ଲେକ୍ଲିନି । କାଜକେବଇଲେ କିରିସଟରୁ ଲାଗି ତମରୁ ପାପ କେମା ଅଇଲାଆତେ । ୧୩ ଏ ବଡ଼ଲକ୍ମନ, ମୁଇ ତମକେ ଲେକ୍ଲିନି, କାଜକେବଇଲେ ତମେ କିରିସଟକେ ଜାନିଆଟାସ୍ । କାଜଟା ତିଆରୁ ନ ଅଇବା ଆଗତୁ ସେ ରଇଲା । ଏ ଦାଙ୍ଗଡ଼ାଦାଙ୍ଗଡ଼ିମନ୍ ମୁଇ ତମକେ ଲେକ୍ଲିନି । କାଜକେବଇଲେ ସବୁ କାରାପୁ କାମ କରାଇବା ସଇତାନ୍କେ ତମେ ଆରାଇଆଟାସ୍ ।

୧୪ ଏ ଆଲାଦର୍ ପିଲାଟକିମନ୍, ମୁଞ୍ଚ ତମ୍ବକେ ଲେକ୍‌ଲିନି । କାଞ୍ଜକେବଞ୍ଜଲେ ତମେ ବାବା ପର୍ତ୍ତେସର୍ତ୍ତକେ ଜାନିଆରାସ୍ । ଏ ବଡ଼ ଲକ୍‌ମନ୍ ମୁଞ୍ଚ ତମ୍ବକେ ଲେକ୍‌ଲିନି । କାଞ୍ଜକେବଞ୍ଜଲେ ତମେ କିରିସ୍‌ଟକେ ଜାନ୍‌ବା ଲକ୍ ଅଞ୍ଜଆରାସ୍ । କାଞ୍ଜଟା ତିଆର୍ ନ ଅଞ୍ଜବା ଆଗ୍ରୁ ସେ ରଞ୍ଜଲା । ଏ ଦାଙ୍ଗ୍‌ତାମନ୍ ମୁଞ୍ଚ ତମ୍ବକେ ଲେକ୍‌ଲିନି, କାଞ୍ଜକେବଞ୍ଜଲେ ତମେ ବିସ୍‌ବାସେ ତାର୍ ଅଞ୍ଜଆରାସ୍ । ପର୍ତ୍ତେସର୍ତ୍ତ ବାକିଅ ସବୁବେଲେ ତମ୍ବକେ ମନେ ଆତେ । ଆରି ସବୁ ରକାମ୍ ପାପ୍ କାମ୍ କରାଇବା ସଞ୍ଜତାନ୍‌କେ ଆରାଞ୍ଜଆରାସ୍ ।

ଜଗତ୍‌କେ ଆଲାଦ୍ କରାନାଞ୍ଜ

୧୫ ମୁଞ୍ଚ ତମ୍ବକେ କଞ୍ଜଲିନି ଏ ଜଗତର୍ ଚଲାଟଲୁତି ଆରି ତେଞ୍ଜରଞ୍ଜବା ସବୁ କାରାପ୍ ବିସଞ୍ଜ ଆଲାଦ୍ କରାନାଞ୍ଜ । କାଞ୍ଜକେବଞ୍ଜଲେ ଏ ଜଗତର୍ କାରାପ୍ ବିସଞ୍ଜର୍ ଆଲାଦ୍ କରି, ବାବା ପର୍ତ୍ତେସର୍ତ୍ତକେ ମିସା ଆଲାଦ୍ କରାନାପାରେ । ୧୬ ସେ କାରାପ୍ ଚଲାଟଲୁତି ତେଞ୍ଜ ଲକ୍‌ମନ୍ ଜାଞ୍ଜଟା ମନ୍ କର୍‌ବାଞ୍ଜ, ଲକ୍‌ମନ୍ ଦେକିକରି ଲାଲ୍‌ସା ଅଞ୍ଜବାଟା, ସବୁ ବିସଞ୍ଜ ରଞ୍ଜଲାଟପାଞ୍ଜ ବଡ଼ପନ୍ ଅଞ୍ଜବାଟା ଏ ସବୁ ରଞ୍ଜସି । ଏ ରକାମ୍ ଚଲାଟଲୁତି ଏ କାରାପ୍ ଜଗତର୍ ଲାଗି ଅଞ୍ଜଲାଆତେ । ଆମର୍ ବାବା ପର୍ତ୍ତେସର୍ତ୍ତ ଏଣ୍ଡାରି କର୍‌ବାକେ ଆମ୍‌କେ ତିଆରେନାଞ୍ଜ । ୧୭ ଏ କାରାପ୍ ଜଗତ୍ ଆରି ତେଞ୍ଜର୍ ସବୁ ରକାମ୍ ଚଲାଟଲୁତି ଦାପ୍‌ରେ ଉଚିଜାଞ୍ଜସି । ମାତର୍ ଜେ ପର୍ତ୍ତେସର୍ତ୍ତକେ ମାନ୍‌ସି, ସେ ନ ସାର୍‌ବା ଜିବନ୍ ପାଞ୍ଜସି ।

କିରିସ୍‌ଟର୍ ସତ୍‌ରୁ

୧୮ ଏ ପିଲାଟକିମନ୍, ଏ ଦିନ୍‌ମନ୍ ଏ ଜଗତର୍ ସାରାସାରି ଦିନ୍ । କିରିସ୍‌ଟକେ ବିରଦ୍ କର୍‌ବା ଗଟେକ୍ ତାକ୍‌ପୁଟା ଲକ୍ ବାରଞ୍ଜସି ବଲି ଆମେ ତମ୍ବକେ କଞ୍ଜରଞ୍ଜଲୁ, ସେଟା ମନେ ପାକାଆ । ଏବେମିସା କିରିସ୍‌ଟକେ ବିରଦ୍ କର୍‌ବାଟାମନ୍ ଜବର୍ ଉର୍‌ଲାଞ୍ଜ ଆତଡ଼ । ସେଟାଞ୍ଜଲାଗି ଏ ଜଗତର୍ ସାରାସାରି ଦିନ୍ ଲଗେ ଅଞ୍ଜଲା ବଲି ଆମେ ଜାନ୍‌ଲୁନି । ୧୯ ଏ ବିରଦ୍ କର୍‌ବାଟାମନ୍ ଆମର୍ ସଙ୍ଗ୍ ମିସିବିଡି ରଞ୍ଜଲାଞ୍ଜ । ଆରି ଏବେ ସେମନ୍ ଗଡିଦେଲାଞ୍ଜ । ସେମନ୍ କେବେ ମିସା ଆମର୍ ମିସାବିଡାଟାମେ ମିସଡ୍‌ନାଞ୍ଜ । ଜଦି ସେମନ୍ ସତଞ୍ଜସେ ଆମର୍ ସଙ୍ଗ୍ ବିସ୍‌ବାସି ଅଞ୍ଜରଞ୍ଜଲେ, ଆମର୍ ସଙ୍ଗ୍ ରଞ୍ଜତାଞ୍ଜ । ମାତର୍ ସେମନ୍ ଗଡ଼ଲାଟପାଞ୍ଜ ଆମର୍ ଦଲ୍‌ର୍ ଲକ୍ ନଅଡ଼ ବଲି ଜାନାପଡ଼ଲା ।

୨୦ ମାତର୍ କିରିସ୍‌ଟ ତମ୍ବକେ ସୁକଲ୍ ଆଡ଼ମା ଦେଲାଆତେ । ୨୧ ତମେ ସଡ଼ ନାଜାନାସ୍ ବଲିକରି ମୁଞ୍ଚ ତମ୍ବକେ ଲେକ୍‌ଲିନି, ସେଣ୍ଡାରି ନଏଁ । ମାତର୍ ସେଟା ତମେ ନିକ ସଙ୍ଗ୍ ଜାନାସ୍ । ଆରି ସଡ଼ ସିକିଆ ସଙ୍ଗ୍ ବୁଲ୍ ସିକିଆ କେବେ ନ ମିସେ ।

୨୨ ତେବେ କେ ମିଟ୍ କଞ୍ଜଲାଞ୍ଜନି ? ଜିସୁକେ ମସିଅ ନଏଁ ବଲି ଜେ କଞ୍ଜଲାନି, ସେ ଆକା ସବୁଟାମେଅନି ବଡ଼ ଚିରୁଆ । ସେଣ୍ଡାରି ଲକ୍‌ମନ୍ କିରିସ୍‌ଟର୍ ବିରଦି ଲକ୍‌ମନ୍ । ସେମନ୍ ଉଜେ ବାବା ପର୍ତ୍ତେସର୍ତ୍ତକେ ଆରି ତାର୍ ପଅ ଜିସୁ କିରିସ୍‌ଟକେ ନାମଡ୍‌ନାଞ୍ଜ । ୨୩ ଜେ ଜଦି ପର୍ତ୍ତେସର୍ତ୍ତ ପଅକେ ନାମେ ନାଞ୍ଜ, ସେ ବାବା ପର୍ତ୍ତେସର୍ତ୍ତକେ ମିସା ନାମେ ନାଞ୍ଜ, ଜେ ପର୍ତ୍ତେସର୍ତ୍ତ ପଅକେ ନାମସି, ସେ ବାବା ପର୍ତ୍ତେସର୍ତ୍ତକେ ମିସା ନାମସି ।

୨୪ ତମେ କିରିସ୍‌ଟର୍ ସଙ୍ଗ୍ ଜିବାକେ ଆରାମ୍ ଅଞ୍ଜଲାତେଞ୍ଜଅନି ଜନ୍ କବର୍ ସୁନିଆରାସ୍, ସେଟା ସବୁବେଲେ ମନେ ପାକାଆ । ଜଦି ସେ କବର୍ ତମର୍ ମନେ ରଞ୍ଜସି, ସେଣ୍ଡାରିଆଲେ ତମେ ବାବା ପର୍ତ୍ତେସର୍ତ୍ତ ସଙ୍ଗ୍ ଆରି ତାର୍ ପଅର୍ ସଙ୍ଗ୍ ମିସିକରି ରଞ୍ଜସା । ୨୫ କିରିସ୍‌ଟ ନିଜେ ଆମ୍‌କେ ନ ସାର୍‌ବା ଜିବନ୍ ଦେବି ବଲି କାତାଦେଞ୍ଜଆତେ ।

୨୬ ଜନ୍ ଲକ୍‌ମନ୍ ତମ୍ବକେ ସୁବକବର୍ ଜାନାଇଲୁନି ବଲି ବୁଲ୍ ସିକିଆ ଦେଞ୍ଜ ତମ୍ବକେ ନାତାଞ୍ଜବାକେ ତେସ୍‌ଟା କଲାଞ୍ଜନି, ସେମନ୍‌ର୍ ବିସଞ୍ଜ ଜାନାଇବାକେ ଏ ସବୁ ବିସଞ୍ଜ ମୁଞ୍ଚ ତମ୍ବକେ ଲେକ୍‌ଲିନି । ୨୭ ମାତର୍ ତମେ ନାତାଞ୍ଜ ନ ଉଆସ୍ । କାଞ୍ଜକେବଞ୍ଜଲେ କିରିସ୍‌ଟ ତାର୍ ସୁକଲ୍‌ଆଡ଼ମା ତମ୍ବକେ ଦେଞ୍ଜଆତେ । ସେ ସୁକଲ୍‌ଆଡ଼ମା ଏବେ ମିସା ତମର୍ ବିଡ଼ରେ ଆତେ । ତେବର୍‌ପାଞ୍ଜ କେ ମିସା ବିନ୍ ଲକ୍ ତମ୍ବକେ ସିକାଇବାକେ ଲଡାନାଞ୍ଜ । ସୁକଲ୍‌ଆଡ଼ମା ତମ୍ବକେ ସବୁ ବିସଞ୍ଜର୍ ସଡ଼ ସିକାଞ୍ଜସି । ତେଞ୍ଜ ସେ ଜନ୍‌ଟା ସିକାଞ୍ଜସି, ସେଟା ପୁରାପୁରୁନ୍ ସଡ଼ । ତେଞ୍ଜ କାଞ୍ଜ ବୁଲ୍ ବିସଞ୍ଜ ନ ରଏ । ତେବର୍‌ପାଞ୍ଜ ମୁଞ୍ଚ ତମ୍ବକେ କଞ୍ଜଲିନି, କିରିସ୍‌ଟର୍ ସଙ୍ଗ୍ ମିସିରୁଆ ।

୨୮ ଏ ଆଲାଦର୍ ପିଲାଟକିମନ୍, ମୁଞ୍ଚ ତମ୍ବକେ ଆରିତରେକ୍ କଞ୍ଜଲିନି କିରିସ୍‌ଟର୍ ସଙ୍ଗ୍ ମିସିକରି ରୁଆ । ଜେଣ୍ଡାରି କି ସେ ଆରିତରେକ୍ ଏ ଜଗତେ ବାଉଡିଆଞ୍ଜଲାବେଲେ ତାକେ ବେଟ୍ ଅଞ୍ଜବାକେ ତାକେ ନ ତରୁ କି ଲାଜ୍ ମିସା ନ ଉଆସ୍ । ୨୯ ଆମେ ଜାନିଆରୁ, କିରିସ୍‌ଟ ଅନିଆଞ୍ଜ କାମ୍ ନ କରେ । ଏଟାମିସା ଜାନିଆରୁ, ଜନ୍‌ଲକ୍‌ମନ୍ ସଡ଼ କାମ୍ କର୍‌ବାଞ୍ଜ, ସେମନ୍ ପର୍ତ୍ତେସର୍ତ୍ତ ପିଲାଟକି ।



ପରମେସରର୍ ପିଲାଟକିମନ୍

୧୧ *ଆଲପ୍ ବାବିଦେକାପନି, ବାବା ପରମେସର୍ ଆମକେ କେତେକ୍ ଆଲାଦ୍ କଲାନି । ତାଋ ଏତେକ୍ ଆଲାଦର୍ ଲାଗି ଆମେ ତାଋ ପିଲାଜିଲା ବଲାଇ ଅଇଲୁନି । ଆରି ସତଇସେ ଆମେ ତାଋ ଅଇଆତୁ ବଲି ଏ ଜଗତର୍ ଲକ୍ ବୁଜତନାଇ । କାଇକେବଇଲେ ଆମର୍ ବାବା ପରମେସର୍କେ ସେମନ୍ ନାଜାନତ୍ । ୧୨ ଏ ମର୍ ଆଲାଦର୍ ମଇତର୍ମନ୍, ଏବେ ଆମେ ପରମେସରର୍ ପିଲାଜିଲା ଅଇଆତୁ । ପଟ୍ଟକେ ଆମେ କେନ୍ତାଋ ଅଇରଇବୁ ବଲି ଏବେଜାକ ନାଜାନୁ । ମାତର୍ ଜେଡେବେଲେ କିରିସ୍ଟ ଏଜଗତେ ବାଉଡି ଆଇସି, ସେବେଲେ ସେ ଜେନ୍ତାରି ଆତେ, ସେନ୍ତାରି ତାକେ ଆମେ ଦେକ୍ତୁ । ଆମେ ମିସା ତାଋପାରା ଅଇଜିବୁ । ଏଟା ସତ୍ । ୧୩ ଜେଡକ୍ ଲକ୍ କିରିସ୍ଟର୍ ପାରା ଅଇବୁ ବଲି ଆସା କଲ୍ୟାନ୍, ନିଜେ ପାପ୍ କାମ୍ ଚାଡି ସୁକଲ୍ ରଇବାର୍ ଆତେ । ଜେନ୍ତାରିକି କିରିସ୍ଟ କେବେ ପାପ୍ ନ କରେ ।

୧୪ ଜେ ପାପ୍ କର୍ସି, ସେ ପରମେସରର୍ ନିୟମ୍ ବିରୁଦେ ଗାଲାନି । କାଇକେବଇଲେ ନିୟମ୍ ନ ମାନବଟା ଆକା ପାପ୍ । ୧୫ *ଆମର୍ ପାପର୍ ତଷ୍ଟ ନେବାର୍ପାଇ କିରିସ୍ଟ ଏ ଜଗତେ ଆଇଲା, ସେଟା ତମେ ଜାନାସ୍ । ଆରି ସେ କାଇ ପାପ୍କାମ୍ ନ କରେ । ୧୬ ତେବେ ଜଦି ଗଟେକ୍ ଲକ୍ କିରିସ୍ଟର୍ ସକ୍ ମିସିରଇଲେ, ସେ ଆରି ପାପ୍ କର୍ବାର୍ ନାଇ । ମାତର୍ ଗଟେକ୍ ଲକ୍ ଜଦି ପାପ୍ କରିଲାଗିରଇସି, ସେ କିରିସ୍ଟକେ ଦେକେନାଇ କି ନାଜାନେ ମିସା ।

୧୭ ଏ ପିଲାଟକିମନ୍, ତମେ କାର୍ଟନେଅନି ମିସା ନାତାଇ ନ ଅଇବାକେ ଜାଗ୍ରତ୍ ଅଇରୁଆ । ପରମେସର୍ ଦେକ୍ବା ଇସାବେ ଜନ୍ ଲକ୍ ଦରମ୍ କାମ୍ କର୍ବାଇ, ସେମନ୍କେସେ ଦରମ୍ ଲକ୍ ବଲି ତାକ୍ସି । ସେନ୍ତାରି ଲକ୍ମନ୍ ପରମେସର୍ ଦେକ୍ବା ଇସାବେ ଦରମ୍ । ଜେନ୍ତାରିକି କିରିସ୍ଟ ଦରମ୍ ରଇଲା । ୧୮ ମାତର୍ ପାପ୍କରି ଲାଗିରଇବା ଲକ୍ମନ୍ ସଇତାନର୍ । କାଇକେବଇଲେ କାଇଟା ତିଆର୍ ନଅଇବା ଆଗ୍ରୁ ସଇତାନ୍ ପାପ୍ କରିଆଇଲାନି । ସଇତାନ୍ କରିରଇବା କାମ୍ କୁରୁପନାସ୍ କର୍ବାକେ ପରମେସରର୍ ପଥ ଏ ଜଗତେ ଆଇଲା ।

୧୯ ପରମେସରର୍ ପିଲା ଅଇରଇବା କେ ମିସା ପାପ୍କରିଲାଗି ରଇବାର୍ ନାଇ । କାଇକେବଇଲେ ପରମେସରର୍ ଗୁନ୍ତଚଲନ୍ ତାକର୍ ବିତ୍ରେ ଆତେ । ସେମନ୍ ପରମେସରର୍ ପିଲାଜିଲା ଅଇଲାଇକେ, ପାପ୍କରିଲାଗି ନ ରଅତ୍ । ୨୦ କେ କେ ସଇତାନର୍ ପିଲାମନ୍ ଆରି କେ କେ ପରମେସରର୍ ପିଲାମନ୍ ବଲି ଆମେ ଜାନୁ । ଜନ୍ ଲକ୍ମନ୍ ପରମେସର୍ ଦେକ୍ବା ଇସାବେ ସତ୍ କାମ୍ ନ କରତ୍ । ଜନ୍ ଲକ୍ମନ୍ ମିସିବିଡକିରି ରଇବା ବିସ୍ବାସି ବାଇବଇନିମନ୍କେ ଆଲାଦ୍ ନ କରତ୍, ସେମନ୍ ତାଋ ପିଲାଜିଲା ନ ଅଅତ୍ ।

ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରା

୨୧ *ଏ କବର୍ ତମେ ଆଗ୍ରୁଅନି ସୁନିଆସିଆଗାସ୍ । ସେଟା ଅଇଲାନି, ଆମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କର୍ବାର୍ ଆତେ । ୨୨ ଆମେ କୟିନର୍ପାରା ଅଇବାର୍ ନାଇ । ସେ ଗଟେକ୍ ସଇତାନର୍ ଲକ୍ ରଇଲା । ଜେକି ଜେଡକ୍ କାରାପ୍ କାମ୍ କରାଇଲା । ସେ ତାଋ ସାନବାଇକେ ମିସା ମରାଇଲା । ସେ କାଇକେ ସେନ୍ତାରି କଲା ? କାଇକେବଇଲେ, ତାଋ ନିଜର୍ ଜେଡକ୍ କାମ୍ କାରାପ୍ ରଇଲା, ତାଋ ବାଇ ଏବଲର୍ କାମ୍ମନ୍ ସେଡକ୍ ଦରମ୍ ରଇଲା ।

୨୩ ତେବର୍ପାଇ ଏ ମର୍ ବାଇବଇନିମନ୍, ଏଜଗତର୍ ଲକ୍ମନ୍ ତମ୍କେ ଗିନ୍ କଲେ, କାବା ଅଇବାର୍ନାଇ । ୨୪ * ଆମେ କିରିସ୍ଟ ବିସ୍ବାସି ବାଇବଇନିମନ୍କେ ଆଲାଦ୍ କର୍ବାର୍ ଲାଗି ଏଟା ଜାନ୍ଲୁନି । ଜେ ଆଲାଦ୍ ନ କରେ, ସେ ଏବେ ମିସା ମରନ୍ ସାସନର୍ ତଲେଆତେ । ୨୫ କେ ଜଦି ବିନ୍ ବିସ୍ବାସି ବାଇବଇନିମନ୍କେ ଗିନ୍ କର୍ସି, ନର୍ମାର୍ବା ଲକ୍ମନ୍ ସମାନ୍ । ଗଟେକ୍ ନର୍ମାରୁ ଲଗେ ପରମେସରର୍ ନ ସାର୍ବା ଜିବନ୍ ନ ରଏ । ଏଟା ତମେ ଜାନିଆଗାସ୍ । ୨୬ ଏଟାର୍ଲାଗି ଆଲାଦ୍ କାଇଟା ଆମେ ଜାନ୍ଲୁନି । କିରିସ୍ଟ ଆମର୍ପାଇ ତାଋ ନିଜର୍ ଜିବନ୍ ଦେଲା । ସେନ୍ତାରିସେ ଆମେମିସା ଆମର୍ ମିସିବିଡକିରି ବାବିସ୍ବାସି ବାଇବଇନି ମନର୍ଲାଗି ମର୍ବାକେ ତିଆର୍ ଅଇବାର୍ଆତେ । ୨୭ ଜଦି କାକେମିସା ବର୍ବାକେ ତାଋ ଲତାକେ ଲାଗିବଟା ସବୁ ବିସଇଆତେ, ଆରି ତାଋ ବିସ୍ବାସି ବାଇକେ ଲତାଆତେ ବଲି ସେ ଜାନେ, ମାତର୍ ତାଋପାଇ ଜିବନ୍ ଦୁକାଏ ନାଇ, ସେ ମୁଇ ପରମେସର୍କେ ଆଲାଦ୍ କଲିନି ବଲି କଇନାପାରେ । ୨୮ ଆଲାଦର୍ ପିଲାମନ୍, ଆମର୍ ଆଲାଦ୍ ଅବ୍ବା କୁଆବଲାଇ ରଇବାର୍

* ୩:୧ ୩:୧ ଜଅନ୍ ୧:୧୨ * ୩:୫ ୩:୫ ଜଅନ୍ ୧:୨୯ * ୩:୧୧ ୩:୧୧ ଜଅନ୍ ୧୩:୩୪ * ୩:୧୪ ୩:୧୪ ଜଅନ୍ ୫:୨୪

ନାଲ । ଆମେ ସତ୍ସଙ୍ଗ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରବାର୍ ଆତେ । ଜେନ୍ତାରିକି ପରମେସର୍ ସତ୍ସଙ୍ଗ୍ ଆମକେ ଆଲାଦ୍ କରସି ।

୧୯ ଆମେ ସବୁ ସେନ୍ତାରି ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କଲେ, ପରମେସରର୍ ଲକ୍‌ବଲି ଜାନ୍‌ବୁ ଆକା । ଜନ୍‌ଟା ସତ୍ ଆରି ଜନ୍‌ଟା ଟିକ୍, ସେ ତାର୍ ଲକ୍‌ମନ୍‌କେ ଦେକାଇସି । ଆରି ଆମେ ପରମେସର୍କେ ପାର୍‌ତନା କଲାବେଲେ ନ ତରୁ । ୨୦ ଆମର୍ ବିବେକ୍ ଜଦି ଆମକେ ପାପିବଲି ଦସ୍ ଦେଲେ, ଆମେ ସାନ୍ତିସଙ୍ଗ୍ ରଇବୁ । କାଇକେବଇଲେ ଆମର୍ ବିବେକ୍ ଟାନେଅନି ଆମେ ଜାନ୍‌ବାତେଇଅନି ପରମେସର୍ ଅଦିକ୍ ଜାନେ । ଆରି ଆମେ କରବା ସବୁ କାମ୍ ସେ ଜାନେ । ୨୧ ଏ ଆଲାଦର୍ ମଇତର୍‌ମନ୍, ଆମର୍ ବିବେକ୍ ଜଦି ଆମକେ ଦସି ବଲି ନ ଜାନାଇଲେ, ଆମେ ପରମେସର୍କେ ପାର୍‌ତନା କଲାବେଲେ ନ ତରୁ । ୨୨ ଆମେ ତାକେ ଜେଡ୍‌କି ମାଙ୍ଗ୍‌ଲୁନି, ସେଟା ସବୁ ପରମେସର୍ ଆମକେ ଦେଇସି । କାଇକେବଇଲେ ସେ ତିଆର୍‌ଲାଟା ସବୁ ଆମେ କଲୁନି । ୨୩ ଆରି ଏଟା ଅଇଲାନି ତାର୍ ଆଦେସ୍ । ତାର୍ ପଅ ଜିସୁକିରିସ୍‌ଟକେ ବିସ୍‌ବାସ୍ କରବାର୍ ଆରି ଜିସୁ ତିଆର୍‌ଲାପାଠା ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରବାର୍ । ୨୪ ଜେଡ୍‌କି ଲକ୍ ତାର୍ ଆଦେସ୍ ମାନ୍‌ବାଇ, ସେମନ୍ ସବୁ ପରମେସରର୍ ସଙ୍ଗ୍ ମିସଲାଇ ଆଚଡ୍ । ଆରି ସେ ମିସା ସେନ୍ତାରିସେ । ସେ ଆମର୍ ବଡିରେ ଆତେ ବଲି ଏନ୍ତାରି ଆମେ ଜାନ୍‌ଲୁନି । ଜନ୍ ସୁକଲ୍‌ଆଡ୍‌ମା ପରମେସର୍ ଆମର୍ ବିଡିରେ ରଇବାକେ ଦେଲାଟପାଇ ।

୪

ଆଡ୍‌ମା ମନ୍‌କେ ଚିନା

୧ ଏ ଆଲାଦର୍ ବାଇବଇନିମନ୍, ଜଦି କେ ମିସା ପରମେସରର୍ ଆଡ୍‌ମା ମର୍‌ଟାନେ ଆତେ, ବଲି କଇବା ଲକ୍‌ମନ୍‌ର କାତା ବିସ୍‌ବାସ୍ କରବାର୍ ନାଲ । ମାତର୍ ସେନ୍ତାରି ଲକ୍‌ରୁଟାନେ ସତ୍‌ଇସେ ପରମେସରର୍ ଆଡ୍‌ମା ଆତେ କି ନାଲ ଜାନ୍‌ବାକେ ମନ୍‌ଦିଆନ୍ ଦେଇ ସେ କଇବା କାତା ପରିକା କରବାର୍ ଆତେ । କାଇକେବଇଲେ ମିଡ୍ କାତା ସିକାଉମନ୍ ଦେସି ଲକ୍ ବାରଇଆଚଡ୍ । ପରମେସରର୍ ଟାନେଅନି ମିଲାଇଲା କି ନବୁ ବଲି ସବୁବାଟେ ଗାଲାଇ ଆଚଡ୍ । ୨ ଗଟେକ୍ ଲକ୍‌ରୁଟାନେ ପରମେସରର୍ ଆଡ୍‌ମା ଆତେ କି ନାଲ ବଲି ଏନ୍ତାରି ତମେ ଜାନ୍‌ସା । ଜେ ଜିସୁକିରିସ୍‌ଟ ନର୍‌ରୁପ୍ ଦାରି ଏ ଜଗତେ ଆଇଲା ବଲି କଇଲେ, ତାର୍‌ଟାନେ ପରମେସରର୍ ଆଡ୍‌ମା ଆତେ । ୩ ମାତର୍ ଜେ କି ଏ କାତା ନ ମାନେ, ତାର୍‌ଟାନେ ପରମେସରର୍ ଆଡ୍‌ମା ନାଲ । ସେନ୍ତାରି ଲକ୍‌ମନ୍‌ରୁଟାନେ କିରିସ୍‌ଟର୍ ବିରଦିର୍ ଆଡ୍‌ମା ଆତେ । ଏ ଆଡ୍‌ମା ଜଗତେ ଆଇସି ବଲି ତମେ ସୁନିଆଟାସ୍ । ସେନ୍ତାରି ସେ ଆଡ୍‌ମା ଆଇଲାଆତେ । ଆରି ଏବେ ମିସା ସେଟା ଜଗତେ ଆତେ ।

୪ ମାତର୍ ତମେ ପରମେସରର୍ ଲକ୍ । ଏ ଆଲାଦର୍ ପିଲାମନ୍, ସେନ୍ତାରି ବୁଲ୍ ସିକିଆ ଦେଉମନ୍‌ର କାତା ମାନା ନାଲ । କାଇକେବଇଲେ ତମ୍‌ରୁଟାନେ ରଇବା ଆଡ୍‌ମା ଏ ଜଗତର୍ ଲକ୍‌ମନ୍‌ର ଆଡ୍‌ମାତେଇଅନି ଅଦିକ୍ ବପୁଟା । ୫ ସେମନ୍ ଏ ଜଗତର୍ ଲକ୍ । ଆରି ଏ ଜଗତର୍ ଲକ୍‌ମନ୍ ତାକର୍ କାତା ସୁନ୍‌ବାଇ । କାଇକେବଇଲେ ସେମନ୍‌ର ସିକିଆ ଆରି ଏ ଜଗତର୍ ଲକ୍‌ମନ୍‌ର ସିକିଆ ସମାନ୍‌ଆତେ । ୬ ମାତର୍ ଆମେ ପରମେସରର୍ ଲକ୍ । ଆରି ଜେଡ୍‌କି ଲକ୍ ପରମେସର୍କେ ଜାନିଆଚଡ୍, ସେମନ୍ ସବୁ ଆମର୍ ସିକିଆ ମାନ୍‌ବାଇ । ମାତର୍ ଜେଡ୍‌କି ପରମେସରର୍ ଲକ୍ ନଅଡ୍, ଆମର୍ ସିକିଆ ନ ମାନ୍‌ଡ୍ । ଏଟାର୍‌ଲାଗି ଗଟେକ୍ ଲକ୍‌କେ ସତ୍ ଆଡ୍‌ମା ଆତେ କି ସଇତାନର୍ ଆଡ୍‌ମା ଆତେ ବଲି ଜାନିଅଇସି ।

ପରମେସର୍ ଆଲାଦ୍‌କାରିଆ

୭ ଏ ମର୍ ଆଲାଦର୍ ମଇତର୍‌ମନ୍, ଆମେ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରାକରି ଅଇ । କାଇକେବଇଲେ ଆଲାଦ୍ କରବାକେ ପରମେସର୍ ଆମକେ ସାଇଜ କରସି । ଜେ ଜଦି ବିନ୍ ଲକ୍‌ମନ୍‌କେ ଆଲାଦ୍ କରସି, ସେ ପରମେସରର୍ ପିଲା ଆରି ପରମେସର୍କେ ଜାନେ । ୮ ଜେ ବିନ୍ ଲକ୍‌ମନ୍‌କେ ଆଲାଦ୍ ନ କରେ, ସେ ପରମେସର୍କେ ନାଜାନେ । କାଇକେବଇଲେ ପରମେସର୍ ସବୁବେଲେ ଆଲାଦ୍‌କାରିଆ । ୯ ପରମେସର୍ ଏନ୍ତାରି ଆମର୍‌ପାଇ ତାର୍ ଆଲାଦ୍ ଦେକାଇଲା । ସେ ଗଟେକ୍ ବଲି ତାର୍ ପିଲାକେ ଏ ଜଗତେ ପାଟାଇଲା । ଜେନ୍ତାରିକି ତାର୍‌ଲାଗି ଆମେ ନ ସାର୍‌ବା ଜିବନ୍ ପାଇବୁ । ୧୦ ଏନ୍ତାରି ନର୍‌ଏଜେ, ଆମେ ପରମେସର୍କେ ଆଲାଦ୍ କଲୁ, ମାତର୍ ସେ ଆମକେ ଆଲାଦ୍ କଲା । ଆରି କୁରୁସକାଟେ ମଲାର୍‌ପାଇ ଆମର୍ ଡଣ୍ଡ ପାଇବାକେ ତାର୍ ପଅକେ ପାଟାଇଲା । ଏଟା ଅଇଲାନି ସତ୍‌ସଙ୍ଗ୍ ଆଲାଦ୍ କରବାଟା ।

୫:୨୩ ୩:୨୩ ଜଅନ୍ ୧୩:୩୪;୧୫:୧୨,୧୨

୧୧ ଏ ମରୁ ଆଲାଦରୁ ମଇତରୁମନ୍, ଜେନ୍ତ୍ରକି ପରୁମେସରୁ ଆମ୍ଭକେ ଏତେକ ଆଲାଦ କଲାବଦ୍ଧା, ଆମେମିସା ଗଟେକ ଲକ୍ ଆରିଗଟେକ ଲକ୍‌କେ ସେନ୍ତାରି ଆଲାଦ କରୁବାରୁ ଆତେ । ୧୨ *କେ ମିସା ପରୁମେସରୁକେ ଦେକଡ଼ ନାଇତା । ମାତରୁ ଆମେ ଜଦି ଗଟେକ ଲକ୍ ଆରିଗଟେକ ଲକ୍‌କେ ଆଲାଦ କଲେ, ପରୁମେସରୁ ଆମରୁ ସଙ୍ଗ ମିସିଆତେ । ସେ ଆମରୁଟାନେ ତାରୁ ଆଲାଦ ସିଦ୍ କରୁସି ।

୧୩ ପରୁମେସରୁ ସଙ୍ଗ ମିସିଆତୁ ବଲି ଆମେ ଜାନୁ । ଆରି ସେ ମିସା ଆମରୁ ସଙ୍ଗ ମିସିଆତେ । କାଇକେବଇଲେ ସେ ତାରୁ ଆଡ଼ମା ଆମ୍ଭକେ ଦେଲାଆତେ । ୧୪ ଆରି ଆମେ ଦେକିଆତୁ ପାପରୁ ତଣ୍ଡେଅନି ଲକ୍‌ମନ୍‌କେ ରକିଆ କରୁବାକେ ବାବା ପରୁମେସରୁ ତାରୁ ପଅକେ ଏ ଜଗତେ ପାଟାଇଲା । ଏଟା ସଡ଼ କାତା ବଲି ବିନ୍ ଲକ୍‌ମନ୍‌କେ କଇଲୁନି । ୧୫ ଜେ ମିସା ଜିସୁକେ ପରୁମେସରୁ ପଅ ବଲି ନାମ୍‌ଲେ, ପରୁମେସରୁ ସେ ଲକ୍‌ରୁ ସଙ୍ଗ ମିସିରଇସି । ଆରି ସେ ମିସା ପରୁମେସରୁ ସଙ୍ଗ ରଇସି । ୧୬ ପରୁମେସରୁ ଜନ୍ ଆଲାଦ ଆମରୁପାଇ ଦେକାଇଆତେ, ସେଟା ଆମେ ଜାନୁଲୁନି ଆରି ବିସବାସ କଲୁନି ।

ସେ ସବୁବେଲେ ଲକ୍‌ମନ୍‌କେ ଆଲାଦ କରୁସି । ଜେଡ଼କି ଲକ୍ ପରୁମେସରୁକେ ଆରି ବିନ୍ ଲକ୍‌ମନ୍‌କେ ଆଲାଦ କରୁବାଇ, ସେମନ୍ ପରୁମେସରୁ ସଙ୍ଗ ମିସିଆତଡ଼ । ଆରି ସେ ମିସା ତାକରୁ ସଙ୍ଗ ଆତେ । ୧୭ ପରୁମେସରୁ ଆମ୍ଭକେ ଦେଇ ବିନ୍ ଲକ୍‌ମନ୍‌କେ ଆଲାଦ କରୁବା କାମ୍ କଲାଆତେ । ଜେନ୍ତ୍ରକି ସେ ସବୁକେ ବିଚାରୁନା କରୁବା ଦିନେ ଆମେ ଭରିକରି ନ ରଉଁ । କିରିସ୍‌ଟ ଏ ଜଗତେ ରଇଲାବେଲେ, ଜେନ୍ତ୍ର ଚଲାଟଲୁଡି କରୁଡେରଇଲା, ସେନ୍ତାରିସେ ଆମେମିସା ଚଲାଟଲୁଡି କରୁ । ଆରି ଆମେ ଭରିକରି ନ ରଉଁ । ୧୮ ଜେ ପରୁମେସରୁକେ ଆଲାଦ କରୁସି, ସେ ତାକେ ନ ଭରେ । ତାରୁ ଆଲାଦ ଆମରୁ ବିଡ଼ରେ କାମ୍ କରୁସି, ଆମେ ତାକେ ଭରିନର୍ । ସେ ସେମନ୍‌କେ ତଣ୍ଡ ଦେଇସି ବଲି ଲକ୍‌ମନ୍ ତାକେ ଭରୁଲାଇନି । ଜଦି କେ ମିସା ପରୁମେସରୁକେ ଭରୁସି, ତାରୁ ଆଲାଦ ସେ ଲକ୍‌ରୁଟାନେ କାମ୍ କରେନାଇ ବଲି ଜାନାପଡ଼ସି ।

୧୯ ଆମେ ତାକେ ଆଲାଦ କରୁବା ଆଗତୁ ପରୁମେସରୁ ଆମ୍ଭକେ ଆଲାଦ କଲା । ସେଟାପାଇ ଆମେ ତାକେ ଆଲାଦ କଲୁନି । ୨୦ ଜଦି କେ ମିସା ମୁଇ ପରୁମେସରୁକେ ଆଲାଦ କଲିନି ବଲି କଇସି, ମାତରୁ ନିଜରୁ ବିସ୍‌ବାସି ବାଇବଇନିକେ ଗିନ୍ କରୁସି, ସେନ୍ତାରିଆଲେ ସେ ମିଡ଼ କଇଲାମି । କାଇକେବଇଲେ ଦୁଇଟା ଆଁକିତେଇ ଡିସବା ବାଇବଇନିମନ୍‌କେ ଆଲାଦ ନ କରୁବା ଗଟେକ ଲକ୍, ନ ଡିସବା ପରୁମେସରୁକେ ଆଲାଦ କରିନାପାରେ । ୨୧ ଆରି ସେ ଆମ୍ଭକେ ଏ ଆଦେସ୍ ଦେଇ ତିଆରୁଲାଆତେ, ଜେ ପରୁମେସରୁକେ ଆଲାଦ କରୁସି, ତାରୁ ମିସିବିତି ରଇବା ବିସ୍‌ବାସି ବାଇବଇନିମନ୍‌କେ ମିସା ଆଲାଦ କରୁବାରୁ ଆତେ ।



ଏ ଜଗତେ ଜିଡ଼ବାଟା

୧ ଜେ କି ଜିସୁକେ ମସିଅ ବଲି ବିସ୍‌ବାସ୍ କରୁସି, ସେ ପରୁମେସରୁ ପିଲା । ଆରି ଜେ କି ବାବାକେ ଆଲାଦ କରୁସି, ସେ ତାରୁ ପିଲାକେ ମିସା ଆଲାଦ କରୁସି । ୨ ପରୁମେସରୁ ପିଲାମନ୍‌କେ ଆମେ ଆଲାଦ କଲୁନି ବଲି ଏନ୍ତାରି ଜାନିଅଇସି । ପରୁମେସରୁକେ ଆଲାଦ କରି ଆରି ତାରୁ ଆଦେସ୍ ମିସା ମାନିକରି । ୩ *ଆମେ ଜଦି ସତଇସେ ପରୁମେସରୁକେ ଆଲାଦ କଲେ, ତାରୁ ଆଦେସ୍ ସବୁ ମାନୁବୁ । ସେ ଆମ୍ଭକେ ତିଆରୁଲା ବିସଇ ମାନୁବାକେ ଆମ୍ଭକେ ଆବଡ଼ ନ ଲାଗେ । ୪ କାଇକେବଇଲେ ପରୁମେସରୁ ସବୁ ପିଲା ଏ ଜଗତରୁ କାରାପ୍ ଚଲାଟଲୁଡି ନିତିକରି ଜିଡ଼ିପାରୁସି । ଆମରୁ ବିସ୍‌ବାସରୁ ଲାଗି ଆମେ ଜଗଡ଼କେ ଜିଡ଼ିଅଇସି । ୫ ଏ ଜଗଡ଼କେ କେ ଆରାଇପାରୁସି ? ଜିସୁକେ ପରୁମେସରୁ ପଅ ବଲି ଜେ ବିସ୍‌ବାସ୍ କରୁସି, ସେ ଏ ଜଗଡ଼କେ ଆରାଇସି ।

ଜିସୁ କିରିସ୍‌ଟର ଲାଗି ସାକି

୬ ଜିସୁକିରିସ୍‌ଟ ପରୁମେସରୁ ପ ବଲିକରି, ତୁବନ୍ ଦେଉ ଜଅନ୍ ତାକେ ପାନିତେଇ ତୁବନ୍ ଦେଲା । ଆରି ସେ ମଲାବେଲେ ତାରୁ ବନି ରକଇଅଇଲା । ଏନ୍ତାରି ନର୍‌ସି ଜେ ସେ ଅବ୍‌କା ପାନିସଙ୍ଗ ତୁବନ୍ ଅଇଲା, ମାତରୁ ତାରୁ ମରନେ ତାରୁ ବନି ରକଇଅଇଲା । ଏ ସବୁ ବିସଇ ସଡ଼ ବଲି ସୁକଲୁଆଡ଼ମା ଆମ୍ଭକେ ସାକିଦେଲାମି । କାଇକେବଇଲେ ସେ ସଡ଼ ଆଡ଼ମା । ୭ ତେବରୁପାଇ ତିନ୍‌ଟା ସାକିତେଇଅନି ଆମେ ସଡ଼ ଜାନୁଲୁନି । ୮ ସୁକଲୁଆଡ଼ମା, ତୁବନ୍ ଅଇରଇବା ପାନି, ଆରି ରକଇଅଇରଇବା ବନି, ତିନ୍‌ଟାଟାକ ସାକିତେଇ ରାଜି ଅଇଆତଡ଼ । ୯ ଜେଡେବେଲେ ଲକ୍‌ମନ୍ ତାକରୁ ଜାନିରଇବା ବିସଇନେଇ ସାକିଦେବାଇ, ଆମେ ସେମନ୍‌କେ ବିସ୍‌ବାସ୍ କରୁବୁ । ମାତରୁ ପରୁମେସରୁ ଆମ୍ଭକେ ସାକିଦେବାଟା

* ୪:୧୨ ୪:୧୨ ଜଅନ୍ ୧:୧୮ * ୫:୩ ୫:୩ ଜଅନ୍ ୧୪:୧୫

ତାର୍ତ୍ତେଇଅନି ଅଦିକ୍ ମୁକିଅ । କାଇକେବଇଲେ ସେଟା ପର୍ମେସରର୍ ସାକି । ସେ ତାର୍ ନିଜର୍ ପଅର୍ ବିସଇନେଇ ଆମକେ ସାକିଦେଲାନି । ୧୦ କେ ମିସା ଜିସୁକେ ପର୍ମେସରର୍ ପଅ ବଲି ବିସବାସ୍ କଲେ, ପର୍ମେସରର୍ ସାକି ତାକର୍ ମନ୍ ବିତ୍ତରେ ଆତେ । ପର୍ମେସର କଇଲା କାତା ଜେ ଜଦି ବିସବାସ୍ ନ କରେ, ସେ ମିତ୍ ବଲିକରି କଇଲାନି । କାଇକେବଇଲେ ତାର୍ ନିଜର୍ ପଅର୍ ବିସଇ କଇଲାଟା ସେମନ୍ ବିସବାସ୍ କରଡ଼ ନାଇ । ୧୧ ସେ ସାକିଅ ଏଟା ସେ । ପର୍ମେସର ଆମକେ ନ ସାର୍ବବା ଜିବନ୍ ଦେଲାଆତେ । ଏ ଜିବନ୍ ଆମେ ତାର୍ ପଅର୍ଲାଗି ମିଲାଇଆରୁ । ୧୨ ତାର୍ ପଅସଙ୍ଗ୍ ଜେ ମିସା ମିସିରଇବାଇ, ସେମନ୍ ଏ ନ ସାର୍ବବା ଜିବନ୍ ପାଇବାଇ । ଆରି ଜେ ତାର୍ ପଅସଙ୍ଗ୍ ମିସେନାଇ ସେ ଏ ଜିବନ୍ ମିସା ପାଏନାଇ ।

ନ ସାର୍ବବା ଜିବନ୍

୧୩ ତମେ ଜେଡ଼କି ଲକ୍ ପର୍ମେସରର୍ ପଅକେ ବିସବାସ୍ କଲାସ୍ନି, ତମ୍ଭକେ ଏ ଚିଟି ଲେକ୍ଲିନି । ଜେନ୍ତାରିକି ଆମକେ ନ ସାର୍ବବା ଜିବନ୍ ଆତେ ବଲି ତମେ ଜାନାସ୍ । ୧୪ ପର୍ମେସରକେ ପାର୍ତନା କର୍ବାବେଲେ ଆମେ ଡରିକରି ରଉନାଇ । କାଇକେବଇଲେ ତାର୍ ମନ୍ କଲା ଇସାବେ ଆମେ କାଇଟା ମାଙ୍ଗଲେ ମିସା ସେ ଆମକେ ଦେଇସି । ୧୫ ଜେଡେବେଲେ ଆମେ ତାକେ ମାଙ୍ଗଲେ, ସେ ଆମର୍ କାତା ସୁନ୍ସି । ଆମେ ତାକେ ପାର୍ତନାଇ ଜାକଟା ମାଙ୍ଗଲେ ସେଟା ଆମକେ ଦେଇସି ।

୧୬ ଜଦି ତମର୍ ସଙ୍ଗର୍ ବିସବାସି ବାଇ ପାପକଲାନି ବଲି ଜାନଲେ, ଆରି ସେ ପାପ, ଲକ୍କେ ପର୍ମେସରର୍ ଟାନେଅନି ସବୁଦିନର୍ପାଇ ବେଗଲ୍ବା ପାରା ପାପ୍ ନଇଲେ, ସେ ଲକ୍କେ ରକିଆ କର ବଲି ତାକେ ଗୁଆରି କର୍ବାର୍ ଆତେ । ଆରି ପର୍ମେସର ସେ ଲକ୍କେ କେମାକରି ରକିଆ କର୍ସି । ଏଟା ଜେନ୍ତାରି ପାପ୍ ଜନ୍ମଟା ମରନର୍ ବାଟେ ଲକ୍ମନ୍କେ ନ ଡାକିନେଏ, ସେନ୍ତାରି ପାପ୍ ପାଇ । ମାତର୍ ପର୍ମେସରର୍ ଟାନେଅନି ସବୁଦିନର୍ପାଇ ବେଗଲ୍ବା ପାରା ପାପ୍ ପାଇ, ତମେ ତାକେ ଗୁଆରି କରା ବଲି ମୁଇ କଇ ନାଇ । ୧୭ ସବୁ ରକାମର୍ ବୁଲ୍ କାମ୍ ପାପ୍ସେ । ମାତର୍ ସବୁ ରକାମର୍ ପାପ୍ ମରନର୍ ବାଟେ ନ ଡାକିନେଏ ।

୧୮ ଆମେ ଜାନିଆରୁ, ଜେ ପର୍ମେସରର୍ ପିଲା ଅଇଗାଲା ଆତେ, ସେ ପାପକାମ୍ କରଲାଗି ନ ରଏ । କାଇକେବଇଲେ ପର୍ମେସରର୍ ପଅ ତାକେ ଦେକାରକା କର୍ସି । ଆରି ସଇତାନ୍ ଜେ କି ସବୁ ରକାମ୍ କାରାପ୍ କାମ୍ କରାଇସି, ତାକେ କାଇଟା କରନ୍ସି ।

୧୯ ଆମେ ଜାନିଆରୁ, ଆମେ ପର୍ମେସରର୍ ପିଲାଜିଲା ଆରି ଜେ କି ତାକେ ନାଜାନେ, ସଇତାନ୍ ସେମନ୍କେ ସାସନ୍ କଲାନି ।

୨୦ ଆମେ ଏଟା ମିସା ଜାନିଆରୁ ଜେ, ତାର୍ ପଅ ଏ ଜଗତେ ଆଇଲା ଆରି ଆମକେ ସତ୍ ପର୍ମେସରକେ ଜାନାଇଲା । ଏ ସତ୍ ପର୍ମେସରର୍ ସଙ୍ଗ୍ ଆମେ ମିସିକରିଆରୁ । କାଇକେବଇଲେ ତାର୍ ପଅ ଜିସୁକିରିସଟର୍ ସଙ୍ଗ୍ ଆମେ ମିସିଆରୁ । ସେ ସେ ସତ୍ ପର୍ମେସର ଆରି ସେ ସେ ଲକ୍ମନ୍କେ ନ ସାର୍ବବା ଜିବନ୍ ଦେଇସି ।

୨୧ ଏ ମର୍ ଆଲାଦର୍ ପିଲାଟକିମନ୍, ମିତ୍ ପୁଡ଼ଲାମନର୍ ଟାନେଅନି ଦୁରିକେ ରୁଆ ।

ଯୋହନ ଲେଖିଥିବା ତ୍ରିତୀୟ ପତ୍ର ଜଅନ୍ ଦୁଇପାଲି ଚିଠି ଲେଖିଲାଟା ଏ ବଇର୍ ବିସଇ ଜାନ୍‌ବାଟା

ଜଅନ୍ ଲେଖିଲା ଦୁଇଟା ଚିଠି ଜିୟୁକ୍ରିସ୍ଟ ଜନମେଅନି ୧୦୦ କିରିସ୍ଟାନ୍‌ଦରେ ପେରିଡ୍ ଜଅନ୍‌ର ଲାଗି ଲେକା ଅଇରଇଲା । ଜଅନ୍ ନିଜକେ ଲେକିଆଟିବଲି ଜାନାଏନାଇ । ତାର୍ ବାଦୁଲେ ସେ ନିଜକେ ପାର୍‌ଚ୍ଚିନ୍ ବଲିକରି ଜାନାଇ ଅଇଲାନି । ଜଅନ୍‌ର ଦୁତିଅ ଚିଠିର୍ ବିସଇ ସଙ୍ଗ୍ ଜଅନ୍ ଲେଖିଲା ସୁସମାଚାର୍ ରଇବା ବିସଇ ସଙ୍ଗେ ସମାନ୍ । ଏଟା ସତ୍‌ସଙ୍ଗ୍ ଜିୟୁକେ ଜଅନ୍ ଛାସାବେ ସେ ଗଟେକ୍ ଆରି ଗଟେକ୍ ଲକ୍‌କେ ଆଲାଦ୍ କରବା ସମାନ୍ । ଜିୟୁର୍ ଆଦେସ୍‌କେ ମନ୍‌ଦେବାଇ, ସେ ରକାମ୍ ଜିୟୁର୍ ଆଦେସ୍‌କେ ମାନ୍‌ବାଟା ଅଇଲାନି, ତାକେ ଆଲାଦ୍ କରବାର୍ ଜଅନ ୧:୫-୬:୧:୨:୧୦ ।

ଏଟା ବିସବାସ୍ କରିଅଇସିଜେ, ଜଅନ୍ ଜେଡେବେଲେ, ଏପିସିଏ ବାସାଅଇ ରଇଲା, ସେ ସୁବକ୍‌ବର୍ ସଙ୍ଗ୍ ତାର୍ ତିନ୍‌ଟା ଚିଠି ମିସା ଲେକି ରଇଲା । ସେଟା ଅଇଲାନି ୧ ଜଅନ, ୨ ଜଅନ, ଆରି ୩ ଜଅନ୍

ଏ ବଇର୍‌ବିଚ୍ରେ ରଇବା ବିସଇ

୧. ଜଅନ୍ ଏ ଚିଠି କାର୍‌ପାଇ ଲେଖିଲାନି ଏଟା କଇ ତାର୍ ବିସବାସ୍ କରବା ଲକ୍‌ମନ୍‌କେ ଜୁଆର୍ ଜାନାଇଲାନି । ୧:୧-୩
୨. ଜଅନ୍ ତାର୍ ମଣ୍ଡଲିମନ୍‌କେ ସାଆସ୍‌ଦେଇକରି ବଡ୍ ଆଦେସ୍‌ର୍ ବିସଇ ମନେ ଏତାଇଦେଲାନି । ୧:୪-୬
୩. ସେ ମିଡ୍‌ସିକିଆ ଦେଉ ମନର୍ ବିସଇ ଜାଗର୍‌ଟା କଲାନି । ୧:୭-୧୧
୪. ସେ ଜନ୍‌ଲଗେ ବାସାଅଇ ଆଟେ ଡେଇର୍ ବିସବାସିମନ୍‌କେ ଜୁଆର୍ ଜାନାଇକରି ଏ ଲେକା ସାରାଇଆଟେ । ୧:୧୨-୧୩

୧ ପାର୍‌ଚ୍ଚିନ୍ ଜଅନ୍‌ଜେ ମୁଇ ଏ ଚିଠି ଲେଖିଲିନି । ଏ ଚିଠି ଆମର୍ ଆଲାଦ୍‌ର୍ ବଇନି ଆରି ତାର୍ ପିଲାମନ୍‌ରୁପାଇ । ମୁଇ ସତଇସେ ତମ୍‌କେ ସବୁଲକ୍‌ମନ୍‌କେ ଆଲାଦ୍ କଲିନି । ଆରି ମୁଇସେ ନାଇ, ସତ୍ ବିସଇ ଜାନିରଇବା ସବୁଲକ୍ ମିସା । ୨ ଆମେ ସତ୍ ବିସଇ ଜାନିରଇଲାଟ୍‌ପାଇ ତମ୍‌କେ ଆଲାଦ୍ କଲିନି । ଆରି କାଲକାଲ୍ ଜୁଗଜୁଗ୍ ପାଇ, ସେ ସତ୍ ବିସଇ ଜାନିରଇବୁ ।

୩ ଆମର୍ ବାବା ପର୍‌ମେସର୍ ଆରି ତାର୍ ପଅ ଜିୟୁକ୍ରିସ୍ଟ ଆମ୍‌କେ ଆସିର୍‌ବାଦ୍ କରି ଦୟା ଦେକାଅ ଆରି ସାନ୍ତି ଆରି ସତ୍‌ସଙ୍ଗ୍ ବର୍‌ବାକେ ଦେଅ । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

ସତ୍ ଆରି ଆଲାଦ୍

୪ ଆମର୍ ବାବା ପର୍‌ମେସର୍ ଆମ୍‌କେ ତିଆର୍‌ଲାପାରା ତମର୍ କେଡେଟା ପିଲାଟିମନ୍ ତାର୍ ସତ୍‌ବାଟେ ଇଣ୍ଡିଲାଇନି ବଲି ସୁନିକରି ମୁଇ ବେସି ସାର୍‌ଦା ଅଇଲି । ୫* ଏବେ ଆରି ମର୍ ଆଲାଦ୍‌ର୍ ବଇନି, ମୁଇ ତକେ ଗଟେକ୍ ବିସଇ କରବାକେ କଇବି । ଗଟେକ୍ ନୁଆ ଆଦେସ୍ କର୍ ବଲି କଇନାଇ । ମାତର୍ କିରିସ୍ଟ ସଙ୍ଗ୍ ଜିବାକେ ଆରାମ୍ କରବା ବେଲେଅନି ଏଟା ଆମେ ସୁନି ଆଇଲୁନି । ମୁଇ ମାଙ୍ଗ୍‌ଲିନି ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା । ୬ ଏ ଆଲାଦ୍‌ର୍ ଅରଡ୍ ଅଇଲାନି ଆମେ ପର୍‌ମେସର୍‌ର୍ ଆଦେସ୍ ସବୁ ମାନ୍‌ବାର୍ ଆଟେ । କିରିସ୍ଟ୍ ସଙ୍ଗ୍ ଜିବାକେ ଆରାମ୍ କରବା ବେଲେଅନି ଏଟା ଆମେ ସୁନି ଆଇଲୁନି । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

୭ କାଇକେ ବଇଲେ ମୁଇ ଏନ୍ତିବଲି କଇଲିନିଜେ ସତ୍ ନ ରଇବା ବିସଇ ସିକାଇକରି ଲକ୍‌ମନ୍‌କେ ନାଡାଇବା ବେସି ଲକ୍ ଗୁଲାଇବାଟେ ଆଟଡ୍ । ଜିୟୁକ୍ରିସ୍ଟ ନରୁରୁପ୍ ଦାରି ଏ ଜଗେତେ ଆସେନାଇ ବଲି ସେମନ୍ କଇବାଇ । ଜଦି କେ ମିସା ସେନ୍ତାରି କଇଲେ, ସେ ଲକ୍‌ମନ୍‌କେ ନାଡାଇବା କିରିସ୍ଟର୍ ବିରଦି । ୮ ଲକ୍‌ମନ୍ ତମ୍‌କେ ନାଡାଇ ନାପାରଡ୍, ତମେ ଜାଗରଡ୍‌ସଙ୍ଗ୍ ରଇବାର୍ ଆଟେ । ଜେନ୍ତାରିକି ପର୍‌ମେସର୍‌କେ କରବା ତମର୍ ସେବା କାମ୍ ବେକାର୍ ନ ଅ । ମାତର୍ ତମର୍ ସେବାକାମର୍ ପାଇ ପର୍‌ମେସର୍ ତମ୍‌କେ ପୁରାପୁରୁନ୍ ଅଇତେ ଇନାମ୍ ଦେଇସି ।

୯ ଜଦି କେ କିରିସ୍ଟ୍ ସିକାଇଲା ବିସଇ ବିସବାସ୍ ନ କରେ, ଆରି ତାର୍ ସିକିଆର୍ ସଙ୍ଗ୍ ତାର୍ ନିଜର୍‌ଟା ମିସାଇଲେ, ସେ କିରିସ୍ଟର୍ ସଙ୍ଗ୍ ମିସେନାଇ । ମାତର୍ କେ ଜଦି କିରିସ୍ଟ୍ ସିକାଇଲା ବିସଇ ବିସବାସ୍

* ୧:୫ ୧:୫ ଜଅନ୍ ୧୩:୩୪:୧୫:୧୨:୧୭

କରୁତେରଇସି, ସେ ବାବା ପରମେସର୍ ସଙ୍ଗ ଆରି ତାର୍ ପଥ ଜିମୁକିରିସ୍ତ ସଙ୍ଗ ମିସଲାଆଚେ ।
 ୧୦ ତେବର୍ପାଇ କେ ଜଦି ତମରଟାନେ ଆସି, କିରିସ୍ତ ସିକାଇରଇବା ବିସଇତେଇଅନି ବିନ୍ ବିସଇ
 କଇଲେ, ତାକେ ତମର୍ ଗରେ ମୁଲ୍‌କେ ଡାକିନିଆ ନାଇ, କି ସଙ୍ଗର୍ ବିସବାସି ଇସାବେ ଜୁଆର୍‌ବିଆର୍
 କରାନାଇ । ୧୧ ଜଦି କେ ମିସା ସେନ୍ତାରି ଲକ୍‌କେ ଜୁଆର୍‌ବିଆର୍ କରସି, ସେ ବୁଲ୍ ସିକାଉର୍ ସଙ୍ଗ ମିସିକରି
 ତାର୍ କାରାପ୍ କାମେ ମିସଲାନି ।

ସାରା ସାରି ବେଲର୍ କାତା

୧୨ ମୁଇ ତମ୍‌କେ ବେସି ବିସଇ ଲେକ୍‌ବାକେ ମନ୍ କଲିନି, ମାତର୍ ତିଟିଟାନେ ଲେକ୍‌ବାକେ ମନ୍
 କରିନାଇ । ତାର୍‌ବାଦୁଲେ ଆସିକରି ତମର୍ ମୁଆଟେ କାତା ଅଇବି । ତେବେ ଆମେ ପୁରାପୁରୁନ୍ ସାର୍‌ଦା
 ଅଇବୁ ।

୧୩ ପରମେସର୍ ବାଟିରଇବା ବଇନିର୍ ପିଲାମନ୍, ତମ୍‌କେ ଜୁଆର୍ ଜାନାଇଲାଇନି ।

ଯୋହନ ଲେଖିଥିବା ତୃତୀୟ ପତ୍ର ଜଅନ୍ ତିନିପାଲି ଚିଟି ଲେକ୍‌ଲାଟା ଏ ବଇର ବିସଇ ଜାନ୍‌ବାଟା

ଜଅନ୍‌ର ତିନିପାଲି ଚିଟି ଜଅନ୍‌ର ଲାଗି ୫୦-୧୦୦ କିରିସ୍‌ଟାଏଦ୍‌ରେ ଜିସୁ କିରିସ୍‌ଟର୍ ଜନମ୍ ପତେ ଲେକାଅଇ ରଇଲା । ଜଅନ୍ ନିଜ୍‌କେ ଲେକିଆତି ବଲିକରି ଜାନାଇଅଇ ନିଜ୍‌କେ ପାର୍‌ଟିନ୍ ଇସାବେ କଇଲାନି ୧:୧ ସେ ଜଅନ୍‌ର ଦୁଇଟା ଚିଟିତେଇ ଜେନ୍ତାର୍ ଲେକି ରଇଲା ୧:୧ । ଏଟା ବିସ୍‌ବାସ୍ କରି ଅଇସିଜେ, ସେ ଏପିସିତେଇ ରଇବାବେଲେ ଜଅନ୍ ଲେକ୍‌ଲା ନିମାନ୍ କବର୍‌ସଙ୍ଗ୍ ୩ ଟା ଚିଟିମିସା ଲେକି ରଇଲା । ୧ ଜଅନ୍ ୨ ଜଅନ୍ ୩ ଜଅନ୍,

ଜଅନ୍ ଗାଅ ନାଉଁର୍ ଗଟେକ୍ ବିସ୍‌ବାସିକେ ଏ ଚିଟି ଲଗେ ଲେକ୍‌ଲା ଆତେ ।

ଏ ବଇ ବିତ୍‌ରେ ରଇବାଟା

୧. ଜଅନ୍ ତାର୍ ଚିଟିର୍ ବିସଇ ଜାନାଇଲାନି । ୧:୧

୨. ସେ ଗାୟକେ ସାଆସ୍ ଦେଇକରି ନଅର୍ ମନ୍‌କେ ବୁଲ୍‌ତେ ରଇବା ବିସ୍‌ବାସି ବାଇମନ୍‌କେ, ଗତିଆ କୁଟୁମ୍‌କେ ତାକି ଦେକାରକା କର୍‌ବାକେ ସିକାଇଲାନି । ୧:୨-୮

୩. ସେ ଦୁଇଲକ୍‌କେ ତାୟଟର୍‌ପିସ୍ ଆରି ତିମିଟିଅସ୍ ବିସଇ କଇସି । ୧:୯-୧୨

୪. ସାରାସାରି ପତେ ଲେକା ସାରାଇଆତେ । ୧:୧୩-୧୪

୧*ଏ ମଣ୍ଡଲିର୍ ପାର୍‌ଟିନ୍ ଇସାବେ ମୁଇ ଜଅନ୍,

ଏ ଚିଟି ଆଲାଦର୍ ଗାଇସ୍, ତକେ ଲେକ୍‌ଲାନି । ମୁଇ ତକେ ସତଇସେ ଆଲାଦ୍ କଲିନି ।

୨ ଏ ମର୍ ଆଲାଦର୍ ମଇତର୍, ତମେ ଗାଗଡ୍ ଇସାବେ ବପୁ ଉଆ ଆରି ତମର୍ ସବୁ କାମ୍ ନିକ ଅ ବଲି ମୁଇ ପାର୍‌ତନା କଲିନି । ଜେନ୍ତାରିକି ମୁଇ ଜାନି, ତମେ ଆଡ଼ମାଇ ମିସା ନିକସେ ଆଗାସ୍ । ୩ ପରମେସରର୍ ସଡ୍ ବାଡ୍ ଇସାବେ ତମେ ଚଲାଚଲ୍‌ତି କଲାସ୍‌ନି ବଲି କେତେଟା ସଙ୍ଗର୍ ବିସ୍‌ବାସି ବାଇମନ୍ ଇତି ଆସିକରି ଆମ୍‌କେ କଇଲାଇ । ଆରି ତମେ ସେନ୍ତାରିସେ ଚଲାଚଲ୍‌ତି କଲାସ୍‌ନି ବଲି ମୁଇ ଜାନି । ୪ ମର୍ ପିଲାମନ୍ ସଡ୍ ଇସାବେ ଚଲାଚଲ୍‌ତି କଲାଇନି ବଲି ସୁନ୍‌ଲାତେଇଅନି ଆରି କାଇ ବିସଇ ମକେ ସାର୍‌ଦା ନ କରାଏ ।

ଗାୟସର୍ ସଡ୍ କରମର୍ ମଇମା

୫ ମର୍ ଆଲାଦର୍ ମଇତର୍, ତମର୍ ସଙ୍ଗ୍ ରଇବା ବିନ୍ ଦେସର୍ ବିସ୍‌ବାସି ବାଇମନ୍‌ରୁପାଇ ତମେ କର୍‌ବା କାମ୍ କେବେ କେବେ ନାଜାନିରଇଲେ ମିସା ସଡ୍‌ସଙ୍ଗ୍ କଲାସ୍‌ନି । ୬ ତାକର୍ ବିତ୍‌ରେଅନି କେତେକ୍ ଲକ୍ ଇତିର୍ ମଣ୍ଡଲିର୍ ଲକ୍‌ମନ୍‌କେ ତମର୍ ଆଲାଦର୍ ବିସଇ କାତା ଅଇଲାଆଟର୍ । ସେନ୍ତାରି ଲକ୍‌ମନ୍‌କେ, ଜେତେବେଲେ ତମ୍‌କେ ଚାଡି ଅଲ୍‌ଗା ଜାଗାମନ୍‌କେ ଜିବାବେଲେ, ଆଗ୍‌କେ ପର୍‌କେ କାଇଟା ନ ବାବିକରି ସାଇଜ୍ କରିଲାଗିରୁଆ । ୭ ଏ ଲକ୍‌ମନ୍ ଜିସୁକିରିସ୍‌ଟର୍ ସେବା କାମ୍‌ରୁଲାଗି ଗୁଲାଇବାଟେ ବୁଲ୍‌ଲାଇନି । ଆରି କିରିସ୍‌ଟକେ ବିସ୍‌ବାସ୍ ନ କର୍‌ବା ଲକ୍‌ମନ୍‌ରୁତେଇଅନି ସେମନ୍ କାଇ ସାଇଜ୍ ନ ମାଙ୍ଗଡ୍ । ୮ ତେବର୍‌ପାଇ ଆମେ ତାକର୍ ସଙ୍ଗର୍ ବିସ୍‌ବାସିମନ୍, ସେମନ୍‌କେ ଜାଇଟା ଲତାଆତେ ସେଟା ଦେଇତେରଇ । ଏନ୍ତାରି ଲକ୍‌ମନ୍‌କେ ସଡ୍ ଜାନାଇବା କାମ୍‌ଟାମେ ଆମେ ମିସିକରି କରୁ ।

ତାୟଟେପିସ୍ ଆରି ତିମିଟିଅସ୍

୯ ତମର୍ ନଅରେ ରଇବା ମଣ୍ଡଲିର୍ ଲକ୍‌ମନ୍‌କେ ମୁଇ ଆଗ୍ରୁ ଗଟେକ୍ ଚିଟି ଲେକିରଇଲି । ମାତର୍ ତାୟଟେପିସ୍ ମର୍ କାତା ଦାରେନାଇ । କାଇକେବଇଲେ ସେ ନିଜେ ମଣ୍ଡଲିର୍ ନେତା ଅଇବି ବଲି ମନ୍‌କଲାନି । ୧୦ ତେବର୍‌ପାଇ ମୁଇ ଜେତେବେଲେ ତମର୍ ନଅରେ ଆଇବାବେଲେ ତାୟଟେପିସ୍ ଜାଇଟା କଲାନି, ସେଟାସବୁ ମଣ୍ଡଲିର୍ ଲକ୍‌ମନ୍‌କେ, କଇଦେବି ବଲି ମନ୍ କଲି । ସେ ମର୍ ବିରୁଦେ, ନ କର୍‌ଲାଟାମନ୍ କଇବୁଲଲାନି । ଆରି ତାର୍‌ତେଇଅନି ଅଦିକ୍ କାରାପ୍‌ଟା ମିସା ସେ କଲାନି । ଆମର୍ ସଙ୍ଗର୍ ବିସ୍‌ବାସିମନ୍, ଜେକି ସୁବକବର୍ ଜାନାଇଲାଇନି, ସେ ସେମନ୍‌କେ ତାକିନେବାକେ ନିର୍‌ହଲାନି । ଜନ୍ ଲକ୍‌ମନ୍ ସେମନ୍‌କେ ତାକିନେବାକେ ମନ୍ କଲାଇନି, ସେମନ୍‌କେ ତେବାଇଲାନି । ସେନ୍ତାରି ଲକ୍‌ମନ୍‌କେ ମଣ୍ଡଲିର୍ ସବାତେଇ ଆଇବାକେ ମନାକଲାନି ।

* ୧:୧ ୧:୧ ପେରିଡ୍ ୧୯:୨୯; ରମିୟ ୧୬:୨୩; ୧ମ କରନ୍ଥସ୍ ୧:୧୪

^{୧୧} ଆଲାଦର୍ ମଇତର, କାରାପ କାମ କରି ଚଲାଚଲ୍ଲି କରବା ଲକ୍ମନର ପାରା ଉଥାନାଇ । ତାର ବାବୁଲେ ନିକ କାମ କରବା ଲକ୍ମନରପାରା ଉଥା । ଜଦି କେ କାରାପ କାମ କଲେ, ତାର କାମେଅନି ସେ ପରମେସରକେ ନାଜାନେ ବଲି ତିସଲାନି ।

^{୧୨} ତିମିତିର ଗଟେକ୍ ନିକ ଲକ୍ ବଲି ମଣ୍ଡଲିର ସବୁଲକ୍ କଇଲାଜନି । ସେ ସତ୍ ବିସଇ ଇସାବେ ଚଲାଚଲ୍ଲି କଲାନି । ତେବରପାଇ ସେ ଗଟେକ୍ ନିକ ଲକ୍ ବଲି ଆମେ ଜାନିଆରୁ । ସେ ଗଟେକ୍ ନିକ ଲକ୍ ବଲି ମୁଇ ମିସା ସାକିଦେଲିନି । ଆରି ତମେ ଜାନାସ୍ ଆମେ ଗଟେକ୍ ଲକ୍ କାଇଆଲେ ବିସଇ କଇଲେ, ସେଟା ସତ୍ ।

ସାରା ସାରି କାତା

^{୧୩} ତମକେ ମୁଇ ବେସି ବିସଇ କଇବାକେ ମନ୍ କଲିନି, ମାତର ଚିଟିଟାନେ ଲେକ୍ବାକେ ମନ୍ କରିନାଇ । ^{୧୪} ମୁଇ ବାପରେ ତମଟାନେ ଆସିକରି ତମର ମୁଆଟେ ସବୁ କାତା କଇବି ।

^{୧୫} ପରମେସର ତମକେ ସାନ୍ତି ଦେଅ ।

ମଣ୍ଡଲିତେଇ ରଇବା ତମର ସବୁ ମଇତରମନ୍ ଜୁଆର ଜାନାଇଲାଜନି । ତମର ନଅରର୍ ମଣ୍ଡଲିତେଇ ରଇବା ମର ସବୁ ମଇତରମନ୍କେ ଗଟେକ୍ ଗଟେକ୍ ଲକ୍କେ, ଜୁଆର ଜାନାଆ ।

ଜିଉଦାଙ୍କ ପତ୍ର ଜିଉଦା ଲେକ୍‌ଲା ଚିଠି ଏ ବଇର୍ ବିସଇ ଜାନବାଟା

ଏ ଚିଠି ଲେକ୍‌ଲା ଲକର୍ ନାଉଁ ଇସାବେ ଏ ବଇର୍ ନାଉଁ ଦିଆଅଇଆଚେ । ଜିଉଦା ନିଜେ ଜାକୁବ୍ ଜିସୁର୍ ବାଇ ବଲି ଜାନାଇଅଇଲାନି । ତେବର୍‌ପାଇ ତାକେ ଜିସୁର୍ ବାଇମନର୍ ବିତ୍‌ରେଅନି ଗଟେକ୍ ଲକ୍ ବଲି କଇବାଇ ୧ ପୁରନା ନିୟମର୍ ବିସଇ ଉଦାର୍ କରିରଇଲାକେ ଏଟା ଗଟେକ୍ ନିକ୍ ମଣ୍ଡଲିକେ ଲେକା ଅଇରଇଲା ପାରା ମନେ ଆଇସି । ଜିଉଦାର୍ ଚିଠି ସତ୍‌ରେ ପତ୍ରବା ଲକ୍‌ମନ୍ ଜିଉଦି ବଲି ଜାନାଇଅଇଲାନି । ଜନ୍ ଲକ୍‌ମନ୍ କି ବାବା ପର୍‌ମେସରର୍ ଆଲାଦେ କିରିସ୍‌ଟର୍ ପାଇ ସଙ୍ଗଇଅଇଆଚତ୍ । ଜାଜାଟା ଅବେ, ଜିଉଦା ବାଟାଇଅଇରଇବା ସବୁ ଲକ୍‌ମନ୍‌କେ ନିଜର୍ ବିସଇରେ ଜାନାଇଲାନି । ଏ ଚିଠି ଜିସୁକିରିସ୍‌ଟ ଜନମ୍ ଅଇକରି ପାକାପାକି ୬୦ ବିତ୍‌ରେ ଲେକାଅଇରଇଲା ।

ଜନ୍ ଲକ୍‌ମନ୍ ଟକାବଣ୍ଡା କର୍‌ବା ବିସ୍‌ବାସି ମନର୍ ବାଟେ ଜାଇତେରଇଲାଇ, ସେ ସବୁ ବିସ୍‌ବାସିମନ୍‌କେ ଜାଗରତ୍ କରାଇବାକେ ଲେକାଅଇଆଚେ । ସେ ଦଦାପେଲା ଅଇକରି ପୁରନା ନିୟମର୍ ବିସଇ ଆରି ଗଟିରଇବା ବିସଇ କଇଲାନି । ଏ ଚିଠିତେଇ ମିଟ୍ ସିକାଉମନର୍ ବିରୁଦେ ପିତରର୍ ୨ ଯ ଚିଠିତେଇ ବାବିକରି ଲେକା ଅଇଲାଟା ସଙ୍ଗ୍ ମିସିଆଚେ । ଇତି ଦୁତ୍ ଆରି ସଦମ୍ ଗମ୍‌ରା ବିସଇ ମିସା ଲେକାଅଇଆଚେ ଜିଉଦା ୧:୪; ୨ ଯ ପିତର୍ ୨:୧

ଏ ବଇ ବିତ୍‌ରେ ରଇଲାଟା

- ୧. ଜିଉଦା ପର୍‌ତୁମ୍ ତାର୍ ଚିଠି ପତ୍ରବା ଲକ୍‌ମନ୍‌କେ ନିଜର୍ ବିସଇ ଜାନାଇଆଚେ । ୧:୧-୨
- ୨. ମିଟ୍ ସିକାଉମନର୍ ବିରଦେ ଜାଗରତ୍ କରାଇଆଚେ । ୧:୩-୪
- ୩. ସେ ପୁରନା ନିୟମର୍ ଲକ୍‌ମନ୍‌କେ ଆରି ଅଇରଇବା ଗଟନାକେ ଦେକାଇ କଇବା ବିସଇ । ୧:୫-୧୭
- ୪. ଜାକୁବ୍ ଜାଗରତ୍ କରାଇଲାଟା, ସେ ବିସଇ ସେମନର୍ ଦାଇତ୍ କେନ୍ଦ୍ରା ରଇବାର୍ ଆଚେ ସେ ବିସଇ କଇଲାଆଚେ ୧:୧୭-୨୩
- ୫. ସାରାସାରି ସେ ପର୍‌ମେସର୍‌କେ ତାକ୍‌ପୁଟା କରି ସେ ଲେକ୍‌ବାଟା ସାରାଇଆଚେ । ୧:୨୪-୨୫

୧* ମୁଇ ଜିଉଦା । ଜିସୁ କିରିସ୍‌ଟର୍ ଗଟେକ୍ ଗତିଦାଙ୍ଗାଆ ଆରି ଜାକୁବର୍ ବାଇ । ଜନ୍ ଲକ୍‌ମନ୍‌କେ ପର୍‌ମେସର୍ ବାଟ୍‌ଲାଆଚେ, ସେମନର୍‌ପାଇ ମୁଇ ଏ ଚିଠି ଲେକ୍‌ଲିନି । ବାବା ପର୍‌ମେସର୍ ତମ୍‌କେ ଆଲାଦ୍ କଲାନି । ଆରି ତମ୍‌କେ ଜିସୁକିରିସ୍‌ଟ ଦେକାରକା କର୍‌ବାକେ ସଙ୍ଗଇଆଚେ ।

୨ ପର୍‌ମେସର୍ ତମ୍‌କେ ଦୟା ଦେକାଅ, ତାର୍ ସାନ୍ତି ଆରି ଆଲାଦ୍ ତମ୍‌କେ ଜବର୍ ଅଇତେ ମିଲ ।

ବୁଲ୍ ସିକିଆ ଦେଉମନ୍

୩ ଏ ମର୍ ଆଲାଦର୍ ମଇତର୍‌ମନ୍, ଆମେ ପାଇରଇବା ମୁକ୍ତିର୍ ବିସଇ ତମ୍‌କେ ଲେକ୍‌ବି ବଲି ମନ୍ କଲିନି ମିସା, ସତ୍ ବିସଇର୍‌ପାଇ ଚିଆ ଅଇବାକେ ତମ୍‌କେ ସାର୍‌ଦା କରାଇବି ବଲି ମନ୍‌କଲି । ତାର୍ ସୁକଲ୍ ଲକ୍‌ମନର୍‌ପାଇ ପର୍‌ମେସର୍ ଏ ସତ୍ ସିକିଆ ଗଟେକ୍ ବେଲେ ସବୁଲକ୍‌ପାଇ ଦେଲାଆଚେ । ୪ କାଇକେବଇଲେ ବିସ୍‌ବାସି ବଲି କେତେକ୍ ନାଡାଇବା ଲକ୍ କେ ନାଜାନୁତେ ପୁରିଆଚତ୍ । ଏ ଲକ୍‌ମନ୍ ପାଇବା ତଣ୍ଡ ଆଗର୍ କାଲେଅନି ସାସ୍‌ତରେ ଲେକାଅଇଆଚେ । ଏ ଲକ୍‌ମନ୍ ପର୍‌ମେସରର୍ ଅଦିକାର୍ ନାମତ୍‌ନାଇ । ଆମର୍ ପର୍‌ମେସର୍ ଦମ୍‌ମଟା ବଲି ଲକ୍‌ମନ୍ ଜେନ୍ଦ୍ରା ସେନ୍ଦ୍ରା ବେସିଆ କାମ୍ କଲେମିସା କାଜାଟା ନର୍‌ବି ବଲି କଇଲାଇନି । ମାପୁରୁ ଜିସୁକିରିସ୍‌ଟେ ଆମର୍ ମାଲିକ୍ ବଲି ସେମନ୍ ନାମତ୍‌ନାଇ ।

୫ ଏ ସବୁ ବିସଇ ତମେ ଜାନିରଇଲେ ମିସା ମାପୁରୁ ଇସ୍ରାଏଲର୍ ଲକ୍‌ମନ୍‌କେ ମିସର୍ ଦେସ୍‌ଡିନି ମୁକ୍‌ଲାକିରି ଆନ୍‌ଲା ବିସଇ ତମ୍‌କେ ଏତାଇଦେବାକେ ମୁଇ ମନ୍ କଲିନି । ମାତର୍ ପଟେ ଜେଡ୍‌କି ଲକ୍ ବିସ୍‌ବାସ କରତ୍‌ନାଇ, ସେମନ୍‌କେ ସବୁକେ କୁରୁପ୍‌ନାସ୍ କଲା । ୬ ସେଡ୍‌କିସେ ନର୍‌ସି ସେ ଦୁତ୍‌ମନ୍‌କେ ମିସା ତଣ୍ଡ ଦେଇରଇଲା । ପର୍‌ମେସର୍ ସେମନ୍‌କେ ଜେଡ୍‌କି ଅଦିକାର୍ ସର୍‌ପି ଦେଇରଇଲା, ସେମନ୍ ତାର୍‌ତେଇଅନି ଅଦିକ୍ ନେଲାଇ । ଆରି ତାକର୍ ଦେଇରଇବା ଜାଗା ଚାଡ୍‌ଲାଇ । ସେ ସେମନ୍‌କେ ବିଚାର୍ କର୍‌ବା ଦିନ୍ ଜାକ, ଗଟେକ୍ ଆଦାର୍ ଜାଗାଇ, କେ ବାଙ୍ଗା ନାପାରୁଲା ପାରା, ସିକ୍‌ଲି ସଙ୍ଗ୍ ବାନ୍ଧିଆଚେ । ୭ ସଦମ୍ ଗମ୍‌ରା ଆରି ତାର୍ ଚାରିବେଟ୍‌ତି ରଇବା ନଅର୍‌ମନର୍ ବିସଇ ଏତାଇଦେକା । ନ ଲିବ୍‌ବା

* ୧:୧ ୧:୧ ମାତିଉ ୧୩:୫୫; ମାର୍‌କ୍ ୬:୩

ଜଗତାନେ ତଣ୍ଡ ଇସାବେ ସେମନ୍ ଜେଡ଼କି ଦୁକ୍ କସଡ଼ ପାଇଲାଲ, ସେଟା ସବୁଲକର୍ପାଇ ଗଟେକ୍ ଜାଗରତ୍ ଅଇରଇବା ବିସଇ । ସେମନ୍ ଅବ୍ବା ପାଦରା ପାଦରି କାମସେ କରଡ଼ନାଇ ମାତର୍ ମନସ୍ ମନସ୍ ବିଡ଼ରେ ମାଇଜି ମାଇଜି ବିଡ଼ରେ ବେସିଆ କାମ୍ କରଡ଼େ ରଇଲାଲ ।

୮ ସେନ୍ତାରିସେ ଏ ଲକ୍ମନ୍ ନିଜେ ଦରସନ୍ ପାଇକରି ମିସା ପାଦରା ପାଦରି କାମ୍ କରି ନିଜର୍ ଗାଗତ୍ ଅସୁକଲ୍ କଲାଲନି । ମାପୁରୁର୍ ଅଦିକାର୍ ସେମନ୍ ଗିନ୍ କରି ସର୍ତ୍ତେ ରଇବାଟାମନ୍କେ ନିନ୍ଦା କଲାଲନି ।

୯ *ମୁକ୍ତି ଅ ଦୁଡ଼ ମିକାଏଲ୍ ମିସା ମସାର ମଲା ଗାଗତ୍ ନେଇକରି ତପ୍ତବାକେ କାର୍ ଅଦିକାର୍ ଆଟେ ବଲିକରି ସଇତାନର୍ ସଙ୍ଗ୍ ଦଦାପେଲା କରଡ଼େରଇଲା । ସେଡ଼କିବେଲେ ପରମେସର୍ ଜାଗାଇ ରଇ, ସଇତାନକେ ବିଚାର୍ କରବା ଅଦିକାର୍ ନେବାକେ ସେ ସାଆସ୍ କରେନାଇ । ତାର୍ ବାଦୁଲେ ମାପୁରୁ ତକେ ତଣ୍ଡ ଦେଇସି ବଲି କଇଲା । ୧୦ ଏଲେମିସା ଏ ଲକ୍ମନ୍ ନ ବୁଜବା ବିସଇ ନେଇ ନିନ୍ଦା କାତା କଲାଲନି । ସେମନ୍ ଜେଡ଼କି ବିସଇ ବୁଜଲାଲନି, ସେଟା ସେମନ୍କେ ଅଦିକ୍ ବାବବାକେ ନ ପଡ଼େ । ଜେନ୍ତାରି, କି ପସ୍ତମନ୍ କାଇ ବିସଇ ନ ବାବଡ଼ । ଏ ସମାନ୍ ବିସଇ ଆକା ସେମନ୍କେ କୁରୁପ୍ତନାସ୍ କରସି । ୧୧ ସେମନ୍ କେଡେକ୍ ତଣ୍ଡ ପାଇବା ଲକ୍ ସେମନ୍ କଇନର୍ ବାଟ୍ ଦାରଲାଲ ଆଡ଼ । ବିଲିଆମ୍ ପାପ୍ କଲାପାରା ସାର୍ଦା ସଙ୍ଗ୍ ପାପ୍ କଲାଲଆଡ଼ । କରା ବିରଦ୍ କଲାପାରା ସେମନ୍ ବିରଦ୍ କରି କୁରୁପ୍ତନାସ୍ ଅଇବାଲ । ୧୨ ତମେ ଗଟେକ୍ତେଇ ରୁଣ୍ଡିକରି ମିସି କାଇଲାବେଲେ, ତମର୍ ସଙ୍ଗ୍ ସେମନ୍ ଲାଜ୍ ଲାଗବା କାମ୍ କଲେ ମିସା ସେମନ୍ ତମର୍ ମୁଆଟେ ଲାଜ୍ ନ ଅଇକରି ସାଆସ୍ ସଙ୍ଗ୍ କାଇଲାଲନି । ମେଣ୍ଡାମନ୍କେ ନ ଚାରାଇ ନିଜେ ଚାରାଇଅଇଲା ଗଡ଼ ପାରା ଅଇଲାଲନି । ପବନ୍ ଅଇଲେ ଉତାଇନେବା ପାନି ନ ମାରବା ବାଦଲ୍ପାରା ଏମନ୍ ଆଡ଼ । ପଲ୍ ଦେବା ବେଲାଲ କାଇପଲ୍ ନ ରଇବା ଗଟ୍ ଜେନ୍ତାରି ଉପାଡ଼ିକରି ସୁକବାକେ ଚାଡ଼ଲାପାରା, ସେନ୍ତାରି ଅଇ ସେମନ୍ ଆଡ଼ । ୧୩ ସେମନ୍ ସମ୍ପଦୁରର୍ ଲଅଡ଼ି ଜେନ୍ତାରି ପେପୁଲ୍ ବାରକରସି, ସେ ପେପୁଲ୍ପାରା ତାକର୍ ଲାଜର୍ ଚଲାଟଲ୍ଡି ତ୍ରିସି । ଆକାସର୍ କେଡେକ୍ କେଡେକ୍ ତାରାମନ୍ ଜେନ୍ତାରି ତାକର୍ ପାଇ ରଇବା ଜାଗାଇ ନ କିନ୍ଦ୍ରିକରି ବିନ୍ଦବାଟେ ବୁଲ୍ଡେତେରଇବାଲ, ସେମନ୍ ସମାନ୍ ସେନ୍ତାରିସେ । ପରମେସର୍ ସେମନ୍କପାଇ ଗଟେକ୍ ବଡ଼ ଗଇରି ରଇବା ଆନ୍ଦାର୍ ଜାଗା ସଙ୍ଗ୍ଲଆଟେ । ଜନ୍ତାରି ସେମନ୍ ସବୁଦିନର୍ପାଇ ରଇବାଲ ।

୧୪ ଅନକର୍ ବିସଇ ବାବିଦେକା । ସେ ଆଦମର୍ଟାନେ ଅନି ଆଇବା ସାଡ଼ ଲମର୍ ନାତିତିତି । ଏନ୍ତାରିଲକ୍ମନ୍ନର୍ ବିସଇନେଇ ସେ ବବିସଡ଼ବକ୍ତା ଏନ୍ତାରି କଇଲା, ଦେକା ମାପୁରୁ ତାର୍ ଅଜାର୍ ଅଜାର୍ ସୁକଲ୍ ଦୁଡ଼ମନ୍ନର୍ ସଙ୍ଗ୍ ଆଇସି । ୧୫ ସେ ସବୁଲକ୍କେ ବିଚାର୍ କରସି । ଆରି ଜେଡ଼କି ଲକ୍ ତାକେ ନାମଡ଼ନାଇ, ସେମନ୍ ସବୁଲକ୍କେ ଦସି କରସି । ସେମନ୍ କରିରଇବା ସବୁ କାରାପ୍ କାମର୍ ଲାଗି ମିସା ଦସିଅଇବାଲ ।

୧୬ ଏ ଲକ୍ମନ୍ ମୁରମୁରା ଅଇକରି ବିନ୍ଦ୍ ଲକ୍ମନ୍କେ ନିନ୍ଦା କରବାଲ । ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବାଲ, ନିଜର୍ ବିସଇନେଇ ବଡ଼ପନ୍ ଅଇବାଲ ଆରି ନିଜର୍ ଲାବ୍ ପାଇବାକେ ବିନ୍ଦ୍ଲକ୍କେ ନିକ କାତା କଇ ସୁଡ଼ରାଇବାଲ ।

ଜାଗରତ୍ ରଇବାକେ ଆଦେସ୍

୧୭ ମାତର୍ ଏ ମର୍ ଆଲାଦର୍ ମଇତର୍ମନ୍, ଆମର୍ ମାପୁରୁ ଜିସୁ କିରିସର୍ ପେରିଡ଼ ସିସମନ୍ କାଇଟା ଅଇସି ବଲି କଇଲାଟା ତମର୍ ମନେ ରଅ । ୧୮ *ସାରାସାରି ବିନ୍ଦ୍ ମନ୍କେ ମାପୁରୁକେ କିଜାଇକରି ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବା ଲକ୍ମନ୍ ରଇବାଲ ।” ସେମନ୍ ତମକେ ଏନ୍ତା କଇରଇଲାଲ । ୧୯ ଏନ୍ତାରି ସେମନ୍ ଲକ୍ମନ୍କେ ବେଗଲାଲବାଲ, ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବାଲ । ସେମନ୍ ସୁକଲ୍ଆଡ଼ମା ପାଅଡ଼ନାଇ । ୨୦ ମାତର୍ ତମେ ମର୍ ଆଲାଦର୍ ମଇତର୍ମନ୍, ଆମର୍ ବେସି ସୁକଲ୍ ରଇବା ବିସବାସେ ନିଜେ ତାଟ୍ ଅଇଡେରୁଆ । ସୁକଲ୍ଆଡ଼ମାର୍ ସାଇଜ ନେଇ ପାରତନା କରଡେରୁଆ । ୨୧ ମାପୁରୁ ଜିସୁକିରିସର୍ ବାଉଡ଼ି ଆଇବା ଦିନକେ ଜାଗଡେରୁଆ ଆରି ପରମେସର୍ ଆଲାଦେ ବଡ଼ିଆସା । ସେନ୍ତାରିଆଲେ ତମେ ତାର୍ସଙ୍ଗ୍ କାଲ୍କାଲ୍ ଜୁଗଜୁଗ୍ ରଇସା । କାଇକେବଇଲେ ସେ ଆମ୍ବକେ ଦୟା ଦେକାଇଲା ଆଟେ ।

୨୨ ଦୁଇମନିଆ ଅଇବା ଲକ୍ମନ୍କେ ଦୟା ଦେକାଆ । ୨୩ କେବେ ନ ଲିବବା ଜଗତାନେଅନି ଚାଡ଼ାଇକରି ସେମନ୍କେ ରକିଆ କରା । ତରିକରି ପାପ୍କରବା ଲକ୍ମନ୍କେ ଦୟା ଦେକାଆ । ମାତର୍ ତାକର୍ ପାପ୍କାମେ ମୁରକି ରଇବା ବସଡ଼ର୍ ମିସା ଗିନ୍ କରା ।

* ୧:୯ ୧:୯ ପର୍କାସିତ ୧୨:୭ * ୧:୧୧ ୧:୧୮ ୨:୫ ପିତର୍ ୩:୩

୨୪ ତମେ ଜେନ୍ତାରିକି ନ ଅଦରତେ, ପରମେସର୍ ତମ୍ଭେ ଦେକାରକା କର୍ସି । ସେ ଅଇଲାନି ମଇମା ପାଇବା ପରମେସର୍ । କାଇ ଦସ୍ ନ ଦାରି ସାରଦାସଙ୍ଗ୍ ତମ୍ଭେ ତାର୍ ମୁଆଟେ ଚିଆକରାଇବାକେ ତାର୍ ବପୁଆଟେ । ୨୫ ଆମର୍ ମାପୁରୁ ଜିସୁକିରିସର୍ ଲାଗି ସେ ଗଟେକ୍ ସେ ପରମେସର୍, ଜେ କି ଆମ୍ଭେ ରକିଆ କଲାଆଟେ । ସବୁ ତାକ୍ପୁଟା, ମଇମା, ବପୁ ଆରି ସାସନ୍ କାଇଟା ନ ଅଇତେ ତାର୍ଟାସେ ରଇଲା, ଏବେ ତାର୍ଟାସେ ଆଟେ ଆରି କାଲ୍ କାଲ୍ ଜୁଗ୍ ଜୁଗ୍ ତାର୍ଟାସେ ରଇସି । ଆମେନ୍ !

ଯୋହନ ଦର୍ଶନ ପାଇଥିବା ପୁସ୍ତକ ଜଅନ୍ ଦରସନ୍ ପାଇରଇବା ବଇ ଏ ବଇ ବିସଇରେ ଜାନ୍‌ବାଟା

ପଢ଼କାସିତ ବଇ ନୁଆ ନିୟମର୍ ସାରାସାରି ବଇ । ଏ ବଇ ମିସା ଜଅନ୍ ଲେକିରଇଲା । ଏଟା ଜିସୁକିରିସ୍ତର୍ ଜନମ୍ ଅଇକରି ପାକାପାକି ୯୫ ବେଲେ ଲେକାଅଇରଇଲା ୧:୧ । ସେ ଜଅନ୍ ପୁସ୍ତକବର୍ ସଇଁ ତିନିଟା ଚିଟି ମିସା ଲେକିରଇଲା । ଜନ୍‌ଟାମନ୍ କି, ୧ ମ ଜଅନ୍, ୨ ଯ୍ ଜଅନ୍ ଆରି ୩ ଯ୍ ଜଅନ୍ । ଜଅନ୍ ଜାଣେ କି ଜିସୁ ବେସି ନିକଲକ୍ ବଲି ଦେକ୍‌ତେରଇଲା ବଲି ଜାନିଅଇସି । ଜଅନ୍ ଆଇସ୍‌ଲାଣ୍ଡର୍ ପାଢ଼ରସ୍ ନାଉର୍ ଜାଗାଇ ରଇଲାବେଲେ ଏ ପଢ଼କାସିତ ବଇ ଲେକିରଇଲା । ଜଅନ୍ ୧୩:୨୩ କାଇକେବଇଲେ ଜିସୁକିରିସ୍ତର୍ ପୁସ୍ତକବର୍ ଜାନାଇବାକେ ତେଇ ଜାଇ ବାସାଅଇରଇଲା ୧:୯ ।

ଜିସୁ ଆରିତରେକ୍ ଆଇବା ବେଲା ଲଗେ ଅଇରଇଲାଜେ, ଜିସୁକିରିସ୍ତର୍‌କେ ବିସ୍‌ବାସ୍ କରି ରଇବାକେ ପଢ଼ବା ଲକ୍‌ମନ୍‌କେ ଆସା ଆରି ସାଆସ୍ ଦେବାକେ ଏ ପଢ଼କାସିତ ବଇ ଜଅନ୍ ଲେକିରଇଲା ୧:୩:୨୨:୭ । ସେ ସାଢ଼ଟା ମଣ୍ଡଲିକେ ସବୁ ବିସ୍‌ବାସିମନର୍‌ପାଇ ନିକସଙ୍ଗ୍ ଲେକିଆଟେ ୨:୩ । ଜଅନ୍ ତାରୁ ଲେକାଟାନ୍‌ନେ ଆଗ୍‌କେ ଗର୍‌ବା ବବିସ୍ତର୍ କାତା ୧:୩ ଆରି ସେ ଦରସନ୍ ଦେକିରଇବା କେତେକ୍ କେତେକ୍ ଚିନ୍‌ମନର୍ ବିସଇ ଲେକିଆଟେ । ଏ ବଇଟାନ୍‌ନେ କେତେଟା ବାଗଟାନ୍‌ନେ ପୁରନା ନିୟମର୍ ବାଗସଙ୍ଗ୍ ସମାନ୍ ଆଟେ । ଜନ୍‌ଟାକି ଜିକରିୟ ୬:୧-୮ ଦେକିଅଇସି ।

ଜନ୍‌ଟା କି ସାଢ଼ଟା ମଇରି, ସାଢ଼ଟା ମୁତା । ଜନ୍‌ଟା ପର୍‌ମେସର୍ ମିସରର୍ ଲକ୍‌ମନ୍‌କେ ଡଣ୍ଡ ଦେବାକେ ମର୍ତ୍ତ ପାଟାଇରଇଲା । ଜାଡ଼ରା ୭:୯ ।

ପଢ଼କାସିତ ବଇ ସାରାସାରି ଜୁଗ୍ ବିସଇ ଜାନାଇଲାନି । ସାରାସାରି ବେଲେ ଜିସୁ ଜିଢ଼ିଆରି ଜେଡ଼କି ଲକ୍‌ମନ୍ ତାକେ ଆସାକରି ରଇବାଇ, ସେମନ୍ ସବୁବେଲର୍‌ପାଇ ତାରୁ ସଙ୍ଗ୍ ରଇବାଇ । ଏ ବଇ ଆମ୍‌କେ ଜାଗର୍‌ତା ଆରି ଆସା ଦେଲାନି ଜେ, ଜିସୁ ଦାପରେ ବାଉଡି ଆଇଲାନି ।

ଏ ବଇ ବିଡ଼ରେ ରଇଲାଟା

- ୧. ଜଅନ୍ ନିଜର୍ ବିସଇ ଜାନାଇ ଅଇଲାଟା ଆରି ସେ ଆଗ୍‌କେ କାଇଟା ଅଇସି ସେ ବିସଇ ଦରସନ୍ ଦେକ୍‌ଲାଟା । ୧:୧-୨୦
- ୨. ଜଅନ୍ ଜିସୁକିରିସ୍ତର୍ ତେଇଅନି ସାଢ଼ଟା ମଣ୍ଡଲିକେ ଜାନାଇବାଟା । ୧:୧-୩:୨୨
- ୩. ସାଢ଼ଟା ଚିନ୍ ୪:୧:୮:୫ ସାଢ଼ଟା ମଇରି । ୮:୬:୧୧:୯
- ୪. ମାପ୍‌ରୁର୍ ପିଲାଜିଲା ଆରି ସାଢ଼ଟା ମୁଣ୍ଡ ଦାରିକରି ରଇବା ପୁରନା ସାଁପ୍ ସଙ୍ଗ୍ ଜୁଇଦ୍ କର୍‌ବାଟା । ୧୨:୧:୧୪:୨୦
- ୫. ସାଢ଼ଟା ରିସାର୍ ମୁତା ବିସଇରେ ଚିକିନିକି ଜାନାଇବାଟା । ୧୭:୧:୧୭:୮
- ୬. ସରଗ୍‌ପୁରେ ପର୍‌ମେସର୍ ତାରୁ ସଡ଼ରୁ ସଙ୍ଗ୍ ଜୁଇଦ୍ କରି ଜିଢ଼ବାଟା । ୧୭:୧:୨୦:୧୫
- ୭. ନୁଆ ସରଗ୍ ଆରି ନୁଆ ଜଗ୍ । ୨୧:୧:୨୨:୨୧

୧ ଜାଇ ଜାଇଟା ଦାପରେ ଗର୍‌ବାକେ ଗାଲାନି, ପର୍‌ମେସର୍ ଜିସୁ କିରିସ୍ତର୍‌କେ ଜାନାଇ ରଇବା ବିସଇ ଏ ବଇଟାନ୍‌ନେ ଲେକାଅଇ ଆଟେ । ସେ ସବୁ ବିସଇ ତାରୁ ଦାଙ୍ଗ୍‌ତାମନ୍‌କେ ଜାନାଇବାକେ ପର୍‌ମେସର୍ ତାକେ ଜାନାଇଲା । ତେବର୍‌ପାଇ ମୁଇ ଜଅନ୍ ଜେ କି ତାରୁ ସିସ୍ ଅଇଲିଆଟି, ମକେ ଜାନାଇବାକେ କିରିସ୍ତର୍ ତାରୁ ଦୁଡ଼କେ ପାଟାଇଲାଆଟେ । ^୨ ଆରି ମକେ ଜେଡ଼କି ବିସଇ ଦେକାଇରଇଲା, ମୁଇ ସେଟାମନ୍ ସବୁ ଲେକିଆଟି । ଆରି ଏ ସବୁ ଜିସୁ କିରିସ୍ତର୍ ଜାନାଇରଇବା ପର୍‌ମେସରର୍ ସର୍ ବାକିଅ ବଲି ମୁଇ ତାରୁ ସଙ୍ଗ୍ କଇଲିନି । ^୩ ଏ ବଇ ପଢ଼ିକରି ତେଇ ଲେକାଅଇରଇବା ଆଗ୍‌କେ ଗର୍‌ବା କାତାମନ୍ ବୁଜିକରି ମାନ୍‌ବା ଲକ୍‌ମନ୍ କେତେକ୍ କରମର୍ ଲକ୍‌ମନ୍ ! କାଇକେବଇଲେ ଏ ସବୁ ବିସଇ ଗର୍‌ବା ବେଲା କେଟ୍‌ଲା ।

ସାଢ଼ଟା ମଣ୍ଡଲିକେ ଜୁଆର୍

୪ ^୫ ମୁଇ ଜଅନ୍ ଆସିଆ ରାଇଜେ ରଇବା ସାଢ଼ଟା ମଣ୍ଡଲିକେ ଲେକ୍‌ଲିନି । ପର୍‌ମେସର୍ ଟାନ୍‌ନେଅନି ଆସିରଇବା ଜିବନ୍ ଦୁକାଇଲାଟା ଆରି ସାନ୍ତି ତମ୍‌କେ ମିଲ । ସେ ଏବେ ଆଟେ । ଆଗ୍‌ତୁ ମିସା ରଇଲା ଆରି କାଲ୍ କାଲ୍ ଜୁଗ୍ ଜୁଗ୍ ରଇସି । ସେ ବସିରଇବା ଜାଗାର୍ ମୁଆଟର୍ ସାଢ଼ଟା ଆଡ଼ାମାନର୍ ଟାନ୍‌ନେଅନି

* ୧:୪ ୧:୪ ପଢ଼କାସିତ ୪:୫

୫ ଆରି ଜିସୁକିରିସଟ ଟାନେଅନି । ସେ ଆକା ପର୍କେସେସରତ୍ ବିସଇତ୍ ସତ୍ ସାକି ଦେଇପାରୁସି । ମଲା ଲକ୍‌ମନର୍‌ଟାନେଅନି ତାକେସେ ପର୍କୁମ୍ ଉଟାଇରଇଲା । ଏ ଜଗତର୍ ସାସନକାରିଆମନର୍ ଉପ୍‌ରେ ରଇବା ସାସନକାରିଆ । ସେ ଆମକେ ଆଲାଦ୍ କଲାନି । ଆମର୍‌ପାଇ ଗଟେକ୍ ବଲି ଛସାବେ ମଲାକେ ଆମର୍ ପାପେଅନି ସେ ଆମକେ ମୁକ୍‌ଲାଆତେ । ୬* ତାର୍ ବାବା ପର୍କେସେସଟେକେ ସେବା କରବାପାଇ ସେ ଆମକେ ଗଟେକ୍ ରାଜାର କୁଟୁମେ ପୁଜାରି କଲାଆତେ । ସେ କାଲ୍ କାଲ୍ ଜୁଗ୍ ଜୁଗ୍ ବପୁ ଆରି ମଇମା ପାଅ । ଆମେନ । ୭* ଏବେ ଦେକା ! ସେ ମେଗ୍‌ମାଲାଇ ବସି ଆଇଲାନି । ଗୁଲାଇ ଲକ୍‌ମନ୍ ତାକେ ଦେକ୍‌ବାଇ । ତାକେ କୁଟୁସକାଟେ କୁଟି ମାରିରଇବା ଲକ୍‌ମନ୍ ମିସା ଦେକ୍‌ବାଇ । ଏ ଜଗତେ ରଇବା ସବୁ ଲକ୍‌ମନ୍ ତାର୍‌ଲାଗି ଦୁକ୍ କରବାଇ । ସେଟା ସେନ୍ତାରିସେ ଅଇସି । ଆମେନ !

୮* ମାପୁର ପର୍କେସେସ୍ ସବୁଟଟାନେଅନି ଅଦିକ୍ ବପୁଟଟା । ସେ ଏବେ ମିସା ଆତେ । ସେ ଆଗ୍‌ତୁ ରଇଲା । ଆରି କାଲ୍ କାଲ୍ ଜୁଗ୍ ଜୁଗ୍ ରଇସି । ସେ କଇଲାଆତେ “ଆରାମେଅନି ସବୁ ବିସଇ କରବା ଲକ୍ ମୁଇ, ଆରି ସାରାଇବା ଲକ୍ ମିସା ମୁଇସେ ।”

କିରିସଟ ଦରସନ୍ ଦେଲା

୯ “ମୁଇ ଜଅନ୍, ତମର୍ ବିସବାସର୍ ଲାଗି ବାଇ ଅଇଲାଆତି । ଜିସୁର୍ ସଙ୍ଗ୍ ଆମେ ମିସିଆଟୁକେ, ତାର୍ ରାଇଜେ ରଇବା ଲକ୍‌ମନର୍‌ପାଇ ଆସିରଇବା ସବୁ ଦୁକ୍ କସଟଟାନେ ମୁଇ ତମର୍ ସଙ୍ଗ୍ ମୁରଟିକରି ଆତି । ଚାରିବେଟ୍‌ସି ସମ୍‌ଦୁର୍ ରଇକରି ମଜାଇ ରଇବା ପାଟ୍‌ମସ୍ ବଲି ଗଟେକ୍ ରାଇଜେ ମକେ ନେଇରଇଲା । ମୁଇ ପର୍କେସେସର୍ କାତା ଆରି ଜିସୁ ଦେଇରଇବା ସିକିଆ ଜାନାଇରଇଲିଜେ, ମକେ ସେନ୍‌ତାରି କଲା । ୧୦ ଆମେ ମିସିକରି ତାକେ ଆରାଦନା କରବା ମାପୁରୁର୍ ଦିନେ, ତାର୍ ଆଟ୍‌ମା ମକେ ଦାରିରଇଲା । ଆରି ଜବର୍ ଅଇତେ ମଇରି ବାଜୁଲା ପାରା ମର୍ ପର୍‌ବାଟେ ସୁନୁଲି । ୧୧ ତୁଇ ଦେକ୍‌ଲାଟା ବଇଟାନେ ଲେକ୍ ଆରି ଏପିସିୟ, ସୁରନା, ପର୍କାମା, ତିଆଟିର, ସାର୍‌ଦି, ପିଲାଦେଲ୍‌ପିଆ ଆରି ଲାଉଦିକିଆଇ ମଣ୍ଡୁଲିତେଇ ପାଟାଆ ବଲି ସେ ସବଦ୍ ସୁନୁଲି ।”

୧୨ ସେ ସବଦ୍ ସୁନୁଲାକେ, କେ କାତାଅଇଲାନି, ଦେକ୍‌ବି ବଲି ପାସଲୁଲି ଆରି ସାତ୍‌ଟା ସୁନାନ୍ ବତି ତାଣ୍ଡି ଦେକ୍‌ଲି । ୧୩ ତାର୍ ମଜାଇ ନର୍ ପାରା ତିସ୍‌ତେରଇବା ଗଟେକ୍ ଲକ୍‌କେ ଦେକ୍‌ଲି । ତାର୍ ପାଦ୍‌ଜାକ ଅଇବା ଗଟେକ୍ ଡେଙ୍ଗ୍ ଲୁଗା ପିନ୍‌ରଇଲା । ତାର୍ ବୁକ୍‌ତଲେ ଗଟେକ୍ ସୁନାନ୍ ବେଲ୍‌ଟୁ ବାନ୍ଦି ରଇଲା । ୧୪ ତାର୍ ମଣ୍ଡୁର୍ ଡେଣ୍ଡି ଦଇଲା ଚାଉଲ୍ ଆରି ଦୁଦ୍‌ପାରା ଦବ୍ ରଇଲା । ଆରି ତାର୍ ଆକି ଲାଗ୍‌ତେ ରଇବା ଜଇ ପାରା ଗଜ୍‌ଗଜ୍ ଜାଇତେ ରଇଲା । ୧୫ ତାର୍ ପାଦ୍‌ଟ୍ ରେତି ପିତଲ୍ ପାରା ଜଗ୍‌ଜଗି ଜାଇତେରଇଲା, ଜନ୍‌ଟାକି ଜଇଟାନେ ପରିଟଲ୍ ଅଇ ସୁନ୍‌ର୍ କିରି ରେଟ୍‌ଲାପାରା । ଆରି ତାର୍ ସବଦ୍ ଅଦର୍‌ଡେରଇବା ଜନ୍‌ନା ପାନିର୍ ସବଦ୍‌ପାରା ଜବର୍ ସବଦ୍ ଅଇତେରଇଲା । ୧୬ ସେ ତାର୍ ଉଜା ବାଟର୍ ଆତେ ସାଟ୍‌ଟା ତାରା ଦାରି ରଇଲା, ଆରି ତାର୍ ଟଣ୍ଡେ ଅନି ଦୁଇବାଟେ ଦାର୍ ରଇବା ତିପ୍‌ତିପା କାଣ୍ଡା ବାରଇତେ ରଇଲା । ଆରି ତାର୍ ମୁଁ ମୁଇଦାନିଆର୍ ବେଲ୍‌ପାରା ଜଲ୍‌କି ଜାଇତେ ରଇଲା । ୧୭* ତାକେ ଦେକିକରି ମୁଇ ମଲାପାରା ଅଇକରି ତାର୍ ପାଦ୍‌ତଲେ ଅଦ୍‌ରି ଗାଲି । ତାର୍ ପଟେ ସେ ମର୍ ଉପ୍‌ରେ ତାର୍ ଉଜା ଆଟ୍ ସଙ୍ଗ୍‌ଇ କରି କଇଲା, ଡର୍‌ନାଇ, ମୁଇସେ ଆରାମ୍ ମୁଇସେ ସେସ୍ । ୧୮ ମୁଇସେ ଜିବନ୍ ରଇବା ଲକ୍ । କାଲକେବଇଲେ ମୁଇ ମରିରଇଲି ମିସା ଦେକା କାଲ୍ କାଲ୍ ଜୁଗ୍ ଜୁଗ୍ ବଟିକରି ଆତି । ମର୍ ଆତେ ମରନର୍ ଆରି ପାତାଲର୍ କୁଟିକାଡି ଆତେ । ମରିରଇବା ସବୁ ଲକ୍‌ମନର୍ ଉପ୍‌ରେ ଆରି ମଲାଲକ୍‌ମନ୍‌କେ କନ୍ତି ପାଟାଇବାର୍, ସେଟା ମର୍ ଅଦିକାର୍‌ଆତେ । ୧୯ ଡେବର୍ ପାଇ ତମେ ଏବେ ଜାଇଜାଇଟା ଦେକି ଆଟାସ୍ ଆରି ଜାଇଜାଇଟା ଏବେ ଗଟ୍‌ଲାନି ଆରି ପର୍‌କେ ଗଟ୍‌ସି, ସେଟା ସବୁ ଲେକିକରି ସଙ୍ଗୁଆ । ୨୦ ମର୍ ଉଜାବାଟେ ରଇବା ସାଟ୍‌ଟା ତାରା ଆରି, ସାଟ୍‌ଟା ସୁନାନ୍ ବତି ତାଣ୍ଡିର୍ ଅରଡ୍ ମୁଇ ତମକେ କଇଦେବି । ସେ ସାଟ୍‌ଟା ବତିତାଣ୍ଡି ଅଇଲାନି ସାଟ୍‌ଟା ମଣ୍ଡୁଲି । ସାଟ୍‌ଟା ତାର୍‌ମନ୍ ଅଇଲାଜନି, ସାଟ୍‌ଟା ମଣ୍ଡୁଲିର୍ ଦାଇଡ୍ ନେବା ଦୁଦ୍‌ମନ୍ ।

9

ଏପିସି ମଣ୍ଡୁଲିର୍ କାତା

୧ ସେ କଇଲା, ଏପିସିୟ ମଣ୍ଡୁଲିକେ ଦେକାରକା କରବା ଦୁଡ୍‌କେ ଲେକା । ଏ କବର୍ ମର୍‌ଟାନେଅନି ପାଟାଇଲିନି । ସାଟ୍‌ଟା ତାରାକେ ମୁଇ ମର୍ ଉଜାବାଟେ ଦାରିରଇବି । ସାଟ୍‌ଟା ସୁନାନ୍ ବତିତାଣ୍ଡି ମଜାଇ

* ୧:୬ ୧:୬ ପର୍କାସିତ ୫:୧୦ * ୧:୭ ୧:୭ ମାତିର ୨୪:୩୦; ମାର୍କ ୧୩:୨୬; ଲୁକ୍ ୧:୨୭; ୧ମ ଡେସଲିନିକିୟ ୪:୧୭; ଜଅନ୍ ୧୯:୩୪, ୩୬; ମାତିର ୨୪:୩୦ * ୧:୮ ୧:୮ ପର୍କାସିତ ୨୨:୧୩ * ୧:୧୭ ୧:୧୭ ପର୍କାସିତ ୨:୮, ୨:୨୧

ଇଣ୍ଡିକାଦେବୀ ।^୨ ମୁକ୍ତ ତମରୁ ଚଳାଚଳୁଛି ଜାନି । ତମେ ଆବଦ୍ଧ ଅଛ ପାଇଟି କରୁବାଟା ଆରି ଦୁକ୍ କସର୍ତ୍ତ ଆଇଲେ ମିସା ମୁରୁତି କରି ରଇବାଟା ମୁକ୍ତ ଜାନି । କରାୟ ଲକ୍ଷ୍ମୀ କାମ୍ ତମକେ ସାର୍ଦ୍ଦା ନ କରାଏ ବଲି ମୁକ୍ତ ଜାନି । ଜନ୍ ଲକ୍ଷ୍ମୀନ୍ ଆମେ ପେରିତ୍ସିସ୍ ବଲି ନାତାଲଲାଇନି, ସେମନ୍ ସତ୍ କି ମିତ୍ ବଲି ତମେ ପରିକା କରିଆଟାସ୍ । ସେମନ୍ ମିତ୍ କଇଲାଇନି ବଲି ତମେ ଜାନିଆଟାସ୍ ।^୩ ଦୁକ୍ କସର୍ତ୍ତ ଆଇଲେ ମିସା ମର୍ ଲାଗି ମୁରୁତିକରି ରଇଲାସ୍ନି । ଆରି ବିସ୍ବାସ୍ ଚାଡ଼ାସ୍ନାଇ ।^୪ ମାତର୍ ତମରୁ ଚଳାଚଳୁଛିତେଇ ମକେ ଗଟେକ୍ ବିସ୍ତର ବଲି ନ ଲାଗେ । ସେଟା ଅଇଲାନି ଆଗେ ତମେ ମକେ ଜେନ୍ତ୍ରୀ ଆଲାଦ୍ କରୁତେରଇଲାସ୍, ଏବେ ସେନ୍ତ୍ରୀରି କରାସ୍ ନାଇ ।^୫ ମର୍ପାଇ ରଇବା ତାଟ୍ ଆଲାଦ୍ ମନେ ଏତାଆ । ପାପେଅନି ବାଉଡା । ଆରି ଆଗରୁ କରୁତେରଇବା ନିକ କାମ୍ମମନ୍ କରା । କାଇକେବଇଲେ ତମେ ପାପେଅନି ନ ବାଅଡ଼ଲେ, ମୁକ୍ତ ତମରୁଟାମେ ଆଇବି ଆରି ତମରୁ ବଡ଼ିତାଣ୍ଡି ଗଟେକ୍ ଜାଗାଇଅନି ଆରି ଗଟେକ୍ ଜାଗାଇ ଗୁଡ଼ାଇଦେବି ।^୬ ମାତର୍ ତମରୁ ଗଟେକ୍ ବିସ୍ତର ମକେ ନିକ ଲାଗସ୍ । ତମେ ନିକଲାତିଅର୍ ଲକ୍ଷ୍ମୀନ୍ କରୁବା କାମ୍ ଗିନ୍ କରୁସା । ଜନ୍ଗାକି ମୁକ୍ତମିସା ବେସି ଗିନ୍ କରୁବି ।^୭ ଆତ୍ମା ମଣ୍ଡଲିମନ୍ଦକେ କଇବାଟା ମନ୍ଦିଆନ୍ ଦେଇକରି ସୁନା । ଜେ ଜିତ୍ସି, ତାକେ ମୁକ୍ତ ପର୍ମେସରର୍ ବାଡେ ପଲିରଇବା ଜିବନ୍ ଗଟର୍ ପଲ୍ କାଇବାକେ ଦେବି ।

ସୁମରନା ମଣ୍ଡଲିର୍ କାତା

୮^{*} ସୁମରନା ମଣ୍ଡଲିକେ ଦେକାରକା କରୁତେରଇବା ଦୁଡ଼କେ ଲେକା । ଏ କବର୍ ମରୁଟାମେଅନି ପାଟାଇଲିନି । ଆରାମେଅନି ସବୁ ବିସ୍ତର କରୁବା ଲକ୍ ମୁକ୍ତ ଆରି ସାରାଇବା ଲକ୍ ମିସା ମୁକ୍ତସେ । ମୁକ୍ତ ମରିରଇଲି ଆରି ଜିବନ୍ ଅଇକରି ଉଡ଼ଲି ।^୯ ତମରୁ ଦୁକ୍ କସର୍ତ୍ତ ମୁକ୍ତ ଜାନି । ତମେ ଅର୍କିତ୍ ବଲି ମୁକ୍ତ ଜାନି । ମାତର୍ ସତଇସେ ତମେ ସାଉକାର୍ ଲକ୍ । ଜିଉଦିମନ୍ ତମରୁ କାରାୟ ବିସ୍ତର କଇଲାଇନି ବଲି ମୁକ୍ତ ଜାନି । ମାତର୍ ସେମନ୍ ଆମେ ଜିଉଦି ବଲି କଇଲେମିସା ସତ୍ସେ ସେମନ୍ ପର୍ମେସରର୍ ଲକ୍ ନଅଡ଼ । ମାତର୍ ସଇତାନ୍ ଦଲର୍ ଲକ୍ ।^{୧୦} ତମେ ଜେଡ଼କି ଦୁକ୍ କସର୍ତ୍ତ ମୁରୁତିକରି ରଇବାକେ ଗାଲାସ୍ନି, ସେ ବିସ୍ତର ଚିନ୍ତା କରି ତରାନାଇ । ସୁନା ତମକେ ସଇତାନ୍ ବନ୍ଦିଗରେ ପାକାଇକରି ପରିକା କରୁସି, ଦସ୍ତନ୍ ଜାକ ତମେ କସ୍ତେ ରଇସା । ମାତର୍ ମରୁବାକେ ପଡ଼ଲେ ମିସା ମକେ ବିସ୍ବାସ୍ କରି ରୁଆ । ଆରି ଇନାମ୍ ଇସାବେ ତମକେ ନ ସାରୁବା ଜିବନ୍ ଦେବି ।

^{୧୧} ଆତ୍ମା ମଣ୍ଡଲିମନ୍ଦକେ କଇବାଟା ମନ୍ଦିଆନ୍ ଦେଇ ସୁନା । ଜନ୍ ଲକ୍ କାରାୟକେ ଆରାଇକରି ଜିତ୍ସି, ପଟର୍ ମରନେ ସେମନ୍ ତଣ୍ଡି ନ ପାଅଡ଼ ।

ପରଗାମ ମଣ୍ଡଲିର୍ କାତା

^{୧୨} ପରଗାମ ମଣ୍ଡଲିକେ ଦେକାରକା କରୁବା ଦୁଡ଼କେ ଲେକା । ଏ କବର୍ ମରୁଟାମେଅନି ପାଟାଇଲିନି । ଦୁଇବାଟେ ଦାର୍ ରଇବା ଲାଗନ୍ କାଣ୍ଡା ମରୁଟାମେ ଆଟେ ।^{୧୩} ତମେ ଜନ୍ ନଅରେ ରଇଲାସ୍ନି, ସେଟା ସଇତାନ୍ ସାସନର୍ ଜାଗା ବଲି ମୁକ୍ତ ଜାନି । ମାତର୍ ସେନ୍ତ୍ରୀର୍ ଅଇଲେମିସା, ତମେ ମକେ ବିସ୍ବାସ୍ କଲାସ୍ନି । ବିସ୍ବାସେ ମରୁକାମ୍ କରୁବା ଦାଙ୍ଗଡା ଆନ୍ତ୍ରପା ମର୍ ବିସ୍ତର ସାକି ଦେଲାକେ ମରାଇରଇଲା । ତମେ ରଇବା ସଇତାନ୍ ନଅରେ ତାକେ ମରାଇରଇଲେ ମିସା ତମେ ବିସ୍ବାସ୍ ଚାଡ଼ାସ୍ନାଇ ।^{୧୪} ମାତର୍ ତମରୁ ଚଳାଚଳୁଛିତାମେ କେତଟା ବିସ୍ତର ମର୍ ମନ୍ଦକେ ଜାଏନାଇ । କାଇକେବଇଲେ ତମରୁ ବିତ୍ରେ କେତେକ୍ ଲକ୍ ବାଲାମର୍ ସିକିଆ ମାନ୍ଲାସ୍ନି । ଇସରାଏଲର୍ ଲକ୍ଷ୍ମୀମନ୍ଦକେ ପାପ୍ବାଟେ ତାକିନେବାକେ, ସେ ବାଲାକ୍ କେ ସିକାଇରଇଲା । ସେମନ୍ଦକେ ମୁରୁତିମନ୍ଦକେ ସର୍ପି ଦେଇରଇବା କାଦି କାଇବାକେ ଆରି ବେସିଆ କାମ୍ କରୁବାକେ ସେ ସିକାଇତେରଇଲା ।^{୧୫} ସେନ୍ତ୍ରୀରିସେ ତମରୁ ବିତ୍ରେ କେତେଲକ୍ ନିକଲାତିୟମନର୍ ସିକିଆ ମିସା ମାନ୍ଲାସ୍ନି ।^{୧୬} ଏବେ ତମ୍ ପାପେଅନି ବାଉଡା । ନଇଲେ ମୁକ୍ତ ତମରୁଟାମେ ଦାପ୍ରେ ଆଇବି । ଆରି ମର୍ ଟଣ୍ଡେଅନି ବାରଇବା କାଣ୍ଡା ସଙ୍ଗ୍ ମୁକ୍ତ ସେ ଲକ୍ଷ୍ମୀମନ୍ଦ ବିରୁଦେ ଜୁଇଦ୍ କରୁବି ।

^{୧୭} ଆତ୍ମା ମଣ୍ଡଲିମନ୍ଦକେ କଇବାଟା ମନ୍ଦିଆନ୍ ଦେଇ ସୁନା । ଜେ ଜିତ୍ସି, ସେମନ୍ଦକେ ଲୁଟାଇକରି ସଙ୍ଗାଇରଇବା ମାନା ଦେବି । ନୁଆ ନାଉଁ ଲେକିରଇବା ଗଟେକ୍ ଦବ୍ ପାକନା ମିସା ସେମନ୍ଦକେ ଦେବି ।

ତିଆଟିରା ମଣ୍ଡଲିକେ କବର୍

* ୨:୨ ୨:୭ ପରକାସିତ ୨୨:୨ * ୨:୮ ୨:୮ ପରକାସିତ ୧:୧୭:୨୨:୧୩ * ୨:୧୧ ୨:୧୧ ପରକାସିତ ୨୦:୧୪:୨୧:୮ * ୨:୧୭ ୨:୧୭ କଅନ୍ ୬:୪୮-୫୦

୧୮ ତିଆରିବା ମଣ୍ଡଳିକେ ଦେକାରକା କରୁବା ଦୁହେଁକେ ଲେକା । ପରମେସରର୍ ପଥ ମୁଞ୍ଚ ଏ କବର୍ ମରଗାନେଅନି ପାଟାଈଲିନି । ମର୍ ଆଁକ ଜଇପାରା ଜଗଜ୍ଜି ଗାଲାନି ଆରି ପାଦ୍ ରେଡିରଇବା ପିତଲ୍ପପାରା ଆଟେ । ୧୯ ତମର୍ ଚଲାଟଲୁଡି ମୁଞ୍ଚ ଜାନି । ତମର୍ ଆଲାଦ୍, ସତ୍ ସଙ୍ଗ୍ କାମ୍ କରୁବାଟା, ସେବା କରୁବାଟା ଆରି ମୁରୁଚିକରି ରଇବାଟା ମୁଞ୍ଚ ଜାନି । ଆଗତୁର୍ ଟାନେଅନି ଏବେ ଅଦିକ୍ ନିକ କଲାସ୍ତନି ବଲି ମୁଞ୍ଚ ଜାନି । ୨୦ ମାତର୍ ତମର୍ ଚଲାଟଲୁଡିତେଇ ଗଟେକ୍ ବିସଇ ମର୍ ମନ୍ଦକେ ଜାଏନାଇ । ସେ ଜେଜେବଲ୍ ନାଉଁର୍ ମାଈଜିକେ ତମର୍ ଦଲେ ମିସାଇଲାସ୍ । ମୁଞ୍ଚ ନିଜେ ପରମେସରର୍ ଦୁହେଁ ବଲାଈଅଇଲାନି । ମର୍ ଗତିଦାଙ୍ଗ୍ତାମନ୍ଦକେ ସେ ବେସିଆ କାମ୍ କରୁବାକେ ସିକାଇଲାନି । ମୁରୁତିମନ୍ଦକେ ସର୍ପିଦେଇରଇବା କାଦି ମିସା କାଇବାକେ କଇଲାନି । ୨୧ ପରମେସର୍ ଟାନେ ବାଉଡ ବଲି ମୁଞ୍ଚ ତାକେ ଜାଗଲି, ମାତର୍ ତାନ୍ ବେସିଆ କାମ୍ କରୁବାକେ ସେ ମନ୍ କଲା । ୨୨ ଡେବର୍ପାଇ ମୁଞ୍ଚ ତାକେ ବଡ଼ ବେମାର୍ ଦାରାଇବି । ଜେଷ୍ଟାରି କି ସେ ସଇଲାଡେଇଅନି ଉଟିନାପାରେ । ତାନ୍ ସଙ୍ଗ୍ ଜେଡକ୍ ଲକ୍ମନ୍ ପାପ୍ କରିରଇଲାଈ, ମୁଞ୍ଚ ସେମନ୍ଦକେ ବେସି ଦୁକ୍ କସର୍ ଦେବି । ତାନ୍ କରାପ୍ ଚଲାଟଲୁଡିଟାନେ ମିସିରଇବା ଜେଡକ୍ ଲକ୍ମନ୍ ନ ବାଉଡଲେ, ଏ ସବୁଜାକ୍ ମୁଞ୍ଚ ଏବେସେ କରୁବି । ୨୩ ତାନ୍ବାଟେ ଜାଇଡେରଇବା ସବୁ ଲକ୍ମନ୍ଦକେ ମୁଞ୍ଚ ମରାଇବି । ସେଷ୍ଟାରି ସବୁ ଲକ୍ମନ୍ ଚିନ୍ତା ଆରି ମନ୍ ଜାନ୍ବା ଲକ୍ ମୁଞ୍ଚସେ ବଲି ସବୁ ମଣ୍ଡଳି ଜାନ୍ବାଇ । ତମେ କରିରଇବା କାମ୍ ଇସାବେ ମୁଞ୍ଚ ତମ୍ଦକେ ବାଉଡାଇବି ।

୨୪ ମାତର୍ ତିଆରିଆଇ ରଇବା, ତମେ ବାକି ଲକ୍ମନ୍ ଏ କରାପ୍ ସିକିଆ ମାନାସନାଇ । ସଇତାନର୍ ଚିକିନିକି ସିକିଆ ବଲି ଲକ୍ମନ୍ ମାନ୍ବା ସିକିଆ ତମେ ମାନାସନାଇ । ଡେବର୍ପାଇ ତମେ ମାନ୍ବାକେ ବେସି ଆଦେସ୍ ମୁଞ୍ଚ ନ ଦେଇ । ୨୫ ମାତର୍ ମୁଞ୍ଚ ଆଇବା ଜାକ ତମେ ବିସବାସ୍ କଲାଟା ତାନ୍ ସଙ୍ଗ୍ ଦାରିରୁଆ । ୨୬ ଜେଡକ୍ ଲକ୍ ଜିଡକରି ସାରାସାରି ଜାକ ରଇବାଇ, ମୁଞ୍ଚ ମର୍ ବାବାଟ୍ଟାନେଅନି ପାଇରଇବା ସମାନ୍ ଅଦିକାର୍ ସେମନ୍ଦକେ ଦେବି । ୨୭ ରାଇଜ୍ମନ୍ଦକେ ଲୁଆର୍ ତାଙ୍ଗ୍ସଙ୍ଗ୍ ସାସନ୍ କରି ମାଟିର୍ ଆଣ୍ଡିପାରା ବାଙ୍ଗାଈବାକେ ମୁଞ୍ଚ ଅଦିକାର୍ ଦେବି । ୨୮ ଆରି ମୁଞ୍ଚ ସେମନ୍ଦକେ ସାକଲିଆ ବେଲର୍ ତାରା ଦେବି । ୨୯ ଆଡ଼ମା ମଣ୍ଡଳିମନ୍ଦକେ କଇବାଟା ମନ୍ ଦିଆନ୍ ଦେଇ ସୁନା ।

୩

ସାର୍ଦ୍ଦି ମଣ୍ଡଳିକେ କବର୍

୧ ସାର୍ଦ୍ଦି ମଣ୍ଡଳିକେ ଦେକାରକା କରୁବା ଦୁହେଁକେ ଲେକା । ଏ କବର୍ ମୁଞ୍ଚ ପାଟାଈଲିନି । ପରମେସରର୍ ସାର୍ଦ୍ଦା ଆଡ଼ମା ଆରି ସାର୍ଦ୍ଦା ତାରା ମର୍ଲଗେ ଆଟେ । ତମର୍ ଚଲାଟଲୁଡି ମୁଞ୍ଚ ଜାନି । ଲକ୍ମନ୍ ଦେକ୍ବା ଇସାବେ, ତମେ ଆଡ଼ମାଇ ଜିବନ୍ ଆଟାସ୍ । ମାତର୍ ପରମେସର୍ ଦେକ୍ବା ଇସାବେ ମରିଆଟାସ୍ । ୨ ଡେବର୍ପାଇ ସଇଲାଡେଇଅନି ଉଟା । ତମର୍ ଦୁର୍ବଲ୍ ବିସବାସ୍ ତାନ୍ କରା । ନଇଲେ ସେଟା ପୁରାପୁରନ୍ ମରିଜାଇସି । କାଇକେବଇଲେ ମୁଞ୍ଚ ଜାନି ଜେ ପରମେସର୍ ତମର୍ ଟାନେ ସାର୍ଦ୍ଦା ଅଇଲାପାରା ତମର୍ କାମ୍ ସିଦ୍ ଅଏନାଇ । ୩ ତମେ ଜନ୍ ସିକିଆ ସିକିଆଟାସ୍, ଆରି ଜନ୍ଦ୍ ସୁନି ଆଟାସ୍, ସେଟା ଏଟାଆ । ସେଟା ମାନିକରି ତମର୍ ପାପେଅନି ବାଉଡା । ସଇଲାଡେଇଅନି ନ ଉର୍ଲେ ମୁଞ୍ଚ ଚର୍ ପାରା ଆସି ତମ୍ଦକେ ଡଣ୍ଡ ଦେବି । ମୁଞ୍ଚ କେଡେବେଲେ ଆଇବି, ସେଟା ତମେ ଜାନିନାପାରାସ୍ । ୪ ମାତର୍ ସାର୍ଦ୍ଦିସେ ରଇବା ତମର୍ ବିତ୍ତରେ କେଡେଲକ୍ ବସ୍ତର୍ ପରିଚଳ୍ କରି ଆଟାସ୍ । ମୁଞ୍ଚ ଆଇବା ଦିନ୍ମନ୍ଦକେ ସୁକଲ୍ ବସ୍ତର୍ ପିଦିକରି ମର୍ ସଙ୍ଗ୍ ଇଣ୍ଡିଆ । କାଇକେ ବଇଲେ ତମେ ସେଟା କରୁବାକେ ଅଦିକାର୍ ପାଇ ଆଡୁସ୍ । ୫ ଜେ ଜିଡସି ସେ ଏ ରକାମ୍ ସୁକଲ୍ ବସ୍ତର୍ ପିଦିସି । ଆରି ମୁଞ୍ଚ ଜିବନ୍ ବଇଲଗେଅନି ଜେଷ୍ଟାଲେ ମିସା ତମର୍ ନାଉଁ ନ ଲିବାଇ । ମର୍ ବାବା ଆରି ତାନ୍ ଦୁହେଁମନ୍ ମୁଆଟେ ତମର୍ ନାଉଁ ମର୍ ଲକ୍ମନ୍ ବଲି ସର୍ପି ଦେବି । ୬ ଆଡ଼ମା ମଣ୍ଡଳିମନ୍ଦକେ କଇବାଟା ମନ୍ ଦିଆନ୍ ଦେଇ ସୁନା ।

ପିଲାଦେଲ୍ପିଆ ମଣ୍ଡଳିକେ କବର୍

୭ ପିଲାଦେଲ୍ପିଆ ମଣ୍ଡଳିକେ ଦେକାରକା କରୁବା ଦୁହେଁ ଲଗେ ଲେକା । ଏ କବର୍ ମୁଞ୍ଚ ପାଟାଈଲିନି । ମୁଞ୍ଚ ସୁକଲ୍ ଆରି ସତ୍ । ଦାଉଦ୍ ରାଜାର୍ କୁଟିକାଡି ମର୍ଗାନେ ଆଟେ । ମୁଞ୍ଚ ଉଗାଡଲେ, କେ ମିସା ଡାବି ନାପାରତ୍ । ଆରି ମୁଞ୍ଚ ଡାବଲେ କେ ମିସା ଉଗାଡି ନାପାରତ୍ । ୮ ମୁଞ୍ଚ ତମର୍ ଚଲାଟଲୁଡି ଜାନି । ତମ୍ଦକେ ଅଲଦ୍ ସେ ବପୁ ଆଟେବଲି ମିସା ଜାନି । ମାତର୍ ମର୍ ସିକିଆ ତମେ ମାନିଆଟାସ୍ ଆରି ସତ୍ସେ

* ୩:୩ ମାଟିର ୨୪:୪୩,୪୪; ଲୁକ୍ ୧୨:୩,୪୦; ପରକାସିତ ୧୭:୧୫ * ୩:୫ ୩:୫ ପରକାସିତ ୨୦:୧୨; ମାଟିର ୧୦:୩୨; ଲୁକ୍ ୧୨:୮

ମରୁ ସିକିଆ ମାନଲାସ । ତେବର୍ପାଇ ମୁଇ ତମରୁ ମୁଆଟେ ଗଟେକ୍ କାପାଟ୍ ଉଗାଡିଆଟି । ସେଟା କେ ମିସା ଡାବିନାପାରତ୍ । ୯ ସୁନା ତମରୁ ବିଡ଼ରେ କେତେଟା ଜିଉଦିମନ୍ ସଇତାନର୍ ଦଲେ ମିସିଆତଡ୍ । ମାତର୍ ସେମନ୍ ଜିଉଦିଲକ୍ ନଅଡ୍ । ଆଇବା ଗଟେକ୍ ଦିନେ ମୁଇ ସେମନ୍‌କେ ତମରୁଟାନେଅନି ମାଣ୍ଡିକ୍‌ଟା ଦିଆଇବି । ମୁଇ ତମକେ ଆଲାଦ୍ କଲିନି ବଲି ସେମନ୍ ଜାନ୍‌ବାଇ । ୧୦ ଦୁକ୍ କସ୍‌ଟ ଆଇଲାବେଲେ ମୁରୁଟିକରି ରୁଆ ବଲି ମୁଇ ତିଆରୁଲାଟା ତମେ ମାନଲାସ । ସେଟାର୍‌ପାଇ ଜଗତର୍ ସବୁ ଲକ୍‌କେ ପରିକା କରବାକେ ଦୁକ୍ କସ୍‌ଟ ଆଇବା ବେଲାଇଅନି ମୁଇ ମିସା ତମକେ କାଇଟା ନ ଆଇବାକେ ରକିଆ କରି ସଙ୍ଗାଇବି । ୧୧ ମୁଇ ଦାପ୍‌ରେ ଆଇଲିନି । ଜନ୍ ସଡ୍ ସିକିଆ ତମେ ପାଇଆଗାସ୍, ସେଟା ମାନିକରି ରୁଆ । ଜେନ୍ତାରି କି ତମରୁ ଇନାମ୍ କେ ମିସା ଚରାଇନେଇ ନାପାରତ୍ । ୧୨ *ଜେ ଜିଡ଼ସି, ମୁଇ ତାକେ ଆମର୍ ପର୍‌ମେସରର୍ ମନ୍ଦିରର୍ ମୁଲ୍‌ତେଲି କର୍‌ବି । ଆରି ସେମନ୍ ତେଇଅନି କେବେ ମିସା ଚାଡି ନ ଜାଅଡ୍ । ତାକର୍ ଉପ୍‌ରେ ମୁଇ, ମରୁ ପର୍‌ମେସରର୍ ନଅରର୍ ନାଉଁ ଆରି ନୁଆ ଜିରୁଆଲମର୍ ନାଉଁ ଲେକ୍‌ବି । ସେଟା ମରୁ ପର୍‌ମେସରର୍ ଟାନେଅନି ସର୍‌ଗେଅନି ଉଡ଼ରି ଆଇସି । ତାକର୍ ଉପ୍‌ରେ ମିସା ମରୁ ନୁଆ ନାଉଁ ଲେକ୍‌ବି ।

୧୩ ଆଡ଼ମା ମଣ୍ଡଲିମନ୍‌କେ କଇବାଟା ମନ୍ ଦିଆନ୍ ଦେଇ ସୁନା ।

ଲାଉଦିକିଆ ମଣ୍ଡଲିକେ କବର୍

୧୪ ଲାଉଦିକିଆ ମଣ୍ଡଲିକେ ଦେକାରକା କର୍‌ବା ଦୁଡ଼କେ ଲେକା । ଏ କବର୍ ମୁଇ ପାଟାଇଲିନି । ମୁଇ ଅଇଲିନି, ଆମେନ୍ । ମୁଇ ଅଇଲିନି ସଡ୍ ବିସ୍‌ବାସର୍ ସାକି । ମର୍‌ଟାନେ ଅନି ପର୍‌ମେସର୍ ସବୁ ବିସଇ ତିଆରୁକାମା । ୧୫ ମୁଇ ତମରୁ ଚଲାଟରୁକି ଜାନି । ତମେ ବେସି କାକର୍ ନାଇ କି ବେସି ତପୁଲାଟା ପାରା ନାଇ । ମାତର୍ ଉସୁମ୍ ପାନିପାରା ଆଗାସ୍ । ତମେ ତପଡ୍ ଉଆ, ନଇଲେ କାକର୍ ଉଆ ବଲି ମୁଇ ମନ୍ କଲିନି । ୧୬ ମାତର୍ ତମେ ଉସୁମ୍ ଅଇଲାର୍ ପାଇ ମୁଇ ତମକେ ତୁକିଦେବି । ୧୭ ତମେ କଇଲାସୁନି ମୁଇ ସାଉକାର୍, ମକେ ଜାଇ ଜାଈଟା ଦରକାର୍, ସେଟା ମର୍‌ଲଗେ ଆଟେ । ମାତର୍ ତମେ କେତେକ୍ କାକ୍‌ରୁଟି ଅଇଆଗାସ୍, ତମେ ଅରୁକିଡ୍, ତୁମଣ୍ଡା ଆରି କାଣା, ସେଟା ତମେ ନାଜାନାସ୍ । ୧୮ ମୁଇ ତମକେ ବୁଦି ସିକାଇବି । ମର୍‌ଟାନେଅନି ସୁନା ଗେନା । ସୁନା ବଇଲେ ଅସୁଲି ସୁନା । ଜେନ୍ତାରିକି ତମେ ସତଇସେ ସାଉକାର୍ ଅଇସା । ମର୍‌ଟାନେଅନି ସୁକଲ୍ ଲୁଗା ଗେନା । ଜେନ୍ତାରି କି ତମେ ତୁମଣ୍ଡା ଅଇଲାର୍ ପାଇ ଲାଜ୍ ନ ଉଆସ୍ । ଲାଗାଇଅଇବା ଅସ ମିସା ମର୍‌ଟାନେଅନି ନିଆ । ସେଟା ତମରୁ ଆଁକିଟାନେ ଲାଗାଆ । ଜେନ୍ତାରିକି ତମେ ଦେକିପାର୍‌ସା । ୧୯ *ମୁଇ ଜେଡ଼କି ଲକ୍‌କେ ଆଲାଦ୍ କଲିନି, ସେ ଲକ୍‌ମନ୍‌କେ ଦମ୍‌କାଇ କରି ତଣ୍ଡ ଦେଲିନି । ତେବର୍ପାଇ ତମରୁ ପାପେଅନି ବାଉଡା । ଜେନ୍ତାରି କି ସଡ୍ ବାବେ ମର୍‌ବାଟେ ଆଇସା । ୨୦ ଦେକା, ମୁଇ କାପାଟେ ଟିଆଅଇ ମାରୁଲିନି । ଜେ ଜଡି ମରୁ ମାର୍‌ବା ସବ୍‌ ସୁନି କାପାଟ୍ ଉଗାଡ଼ଲେ ମୁଇ ବିଡ଼ରେ ପୁରୁବି ଆରି ସେମନ୍‌ର୍ ସଙ୍ଗ୍ କାଇବି । ୨୧ ଜେ ଜିଡ଼ସି ମରୁ ଲଗେ ତାକେ ବସାଇ ସାସନ୍ କର୍‌ବାକେ ଅଦିକାର୍ ଦେବି । ମୁଇ ଜିଡ଼ଲି ଆରି ଏବେ ମରୁ ବାବାର୍ ଲଗେ ବସି ସାସନ୍ କଲିନି । ୨୨ ଆଡ଼ମା ମଣ୍ଡଲିମନ୍‌କେ କଇବାଟା ମନ୍ ଦିଆନ୍ ଦେଇ ସୁନା ।

୪

ସର୍‌ଗେ ପାର୍‌ତନା

୧ ସେବେଲେ ମୁଇ ଆରିଗଟେକ୍ ଦର୍‌ସନ୍ ଦେକ୍‌ଲି । ସର୍‌ଗେ ଗଟେକ୍ ଉଗାଡିରଇବା କାପାଟ୍ ରଇଲା । ଆଗେ ସୁନିରଇବା ମଇରି ପାରା ସବ୍‌ ଆରିତରେକ୍ ସୁନ୍‌ଲି । ଉପ୍‌ରେ ଚଗି ଆଉ, ଏଟାଉପଟେ କାଇଟା ଅଇସି ମୁଇ ତକେ ଜାନାଇବି । ୨ ସେ ଦାପ୍‌ରେ ଆଡ଼ମା ମକେ ଗଟେକ୍ ସପନ୍ ଦେକାଇଲା । ସର୍‌ଗର୍ ବସ୍‌ବାଟାନେ ଗଟେକ୍ ଲକ୍ ବସିରଇବାଟା ମୁଇ ଦେକ୍‌ଲି । ୩ ତାର୍ ମୁ ଇରା ଆରି ମୁକ୍‌ଟା ପାରା ଜଗ୍‌ଜଗି ଜାଇତେରଇଲା । କାଁଟାପଡ଼ରିଆ ଡିସ୍‌ବାପାରା ଇରା ମୁକ୍‌ଟାର୍ ଇନ୍‌ଦ୍ରୁମ୍‌ନ୍ ବସ୍‌ବା ଜାଗାର୍ ଚାରୁବେଟ୍‌ଡି ଗୁଡିଆଇ ଅଇଲାପାରା ଅଇରଇଲା । ୪ ସେ ବସ୍‌ବା ଜାଗାର୍ ଗୁଲ୍‌ଟି ବିଡ଼ରେ କଡେ ଚାରୁଟା ବସ୍‌ବା ଜାଗା ରଇଲା । ତେଇ ଦବ୍‌ଲୁଟା ପିନ୍‌କିରି ଆରି ସୁନାର୍ ମୁକ୍‌ଟ୍ ପିନ୍‌ କଡେଚାରିଟା ପାରୁଟିମନ୍ ବସିରଇଲାଲ । ୫ *ବସ୍‌ବା ଜାଗାଅନି ବିଜ୍‌ଲି ମାରୁଲା ଆରି ଗୁଡ଼ଗାଡ୍ କରି ଗଡ଼ଗତି ମାରୁଲା । ବସ୍‌ବା ଜାଗାର୍ ମୁଆଟେ ସାଡ଼ଟା ଜଇଉମ୍‌ଲା ଲାଗ୍‌ତେରଇଲା । ସେଟା ଅଇଲାନି ପର୍‌ମେସରର୍ ସାଡ଼ଟା ଆଡ଼ମା । ୬ ଆରି ବସ୍‌ବା ଜାଗାର୍ ମୁଆଟେ ନିର୍‌ମଲ୍ ଅଇକରି ଡିସ୍‌ବା କାଁଟର୍ ସମ୍‌ଦୁର୍ ପାରା ରଇଲା । ବସ୍‌ବା

* ୩:୧୨ ପରକାସିତ ୨:୨ * ୩:୧୯ ୩:୧୯ ଏବ୍‌ରି ୧୨:୬ * ୪:୫ ୪:୫ ପରକାସିତ ୮:୫,୧୧:୧୯;୧୬:୧୮; ପରକାସିତ ୧:୪

ଜାଗାନ୍ତୁ ଚାରିବେଢ଼ି ଚାରିଟା ଜିବନ୍ ରଇବା ପସୁ ରଇଲା । ତା' ମୁଆଁ ବାଟେ ଆରି ପଦ୍‌ବାଟେ ଆଁକିମନ୍ ରଇଲା ।^୧ ପଦ୍‌ତୁମ୍‌ ପସୁ ସିଆଁବାଗପାଗା ଡିସ୍‌ତେ ରଇଲା । ଦୁଇ ଲମ୍‌ବର୍‌ଟା ସଣ୍ଡପାଗା ରଇଲା । ତିନ୍ ଲମ୍‌ବର୍‌ଟା ଲକ୍‌ବୁ ପାଗା ବାନ୍‌ମୁରତି ରଇଲା । ଆରି ସାରାସାରିଟା ଉଡ଼ିବୁଲ୍‌ବା ଗିଦ୍ ପାଗା ଡିସ୍‌ତେ ରଇଲା ।^୨ ସେ ଚାରିଟା ଜାକ ଜିବନ୍ ରଇବା ପସୁମନ୍‌କେ ଗଟେକ୍‌କେ ଚଅଟା ଲାକା ଡେନା ରଇଲା । ଆରି ତାକ୍‌ବୁରାଜରେ ବିଡ଼ରେ ମିସା ଆଁକି ରଇଲା । ଦିନ୍ ରାତି ଗିଦ୍ କଇବାଟା ସେମନ୍ ଡେବଡ଼ନା । ସବୁଟାଟାନ୍‌ ଅନି ବପୁରଇବା ମାପରୁ ପରମେସର୍‌, ସୁକଲ୍‌ଟା ! ସୁକଲ୍‌ଟା ! ସୁକଲ୍‌ଟା ! ସେ ଆଗତୁ ରଇଲା, ଏବେ ଆଟେ ଆରି ସେ କାଲ୍‌ କାଲ୍‌ ଜୁଗ୍ ଜୁଗ୍ ରଇସି ।^୩ ଚାରିଟା ଜିବନ୍ ରଇବା ପସୁମନ୍ ଜେ ବସ୍‌ବା ଜାଗାଇ ବସିରଇଲା ତା' ମଇମାନ୍, ତାକ୍‌ପୁଟା ଆରି ଦନିଆଦନ୍ ଗିଦ୍ ସୁନାଇଡେରଇଲା । ସେ କାଲ୍‌ କାଲ୍‌ ଜୁଗ୍ ଜୁଗ୍ ବଢ଼ିସି । ସେମନ୍ ସେନ୍ତାରି କଲାକେ^{୧୦} କଡେ ଚାରିଟା ପାର୍‌ତିମନ୍‌ ଜେ ବସ୍‌ବା ଜାଗାଇ ବସିରଇଲା ତା' ମୁଆଁଟେ ତାଣ୍ଡାସନ୍ ପତି ତାକେ ଜୁଆର୍ କଲା । ସେ କାଲ୍‌ କାଲ୍‌ ଜୁଗ୍ ଜୁଗ୍ ବଢ଼ିରଇସି । ସେମନ୍ ପିନ୍‌ ରଇବା ମୁକ୍‌ବୁ ବସ୍‌ବା ଜାଗାନ୍ ମୁଆଁଟେ ଗିଜିଦେଇକରି କଇଲା, ^{୧୧} ଏ ଆମର୍ ମାପରୁ ଆରି ଆମର୍ ପରମେସର୍ ! ସବୁ ମଇମା, ତାକ୍‌ପୁଟା ଆରି ବପୁ ତୁଇ ଆକା ପାଇସୁ । ତୁଇ ସବୁଜାକ ତିଆର୍ କଲାସ୍ ଆରି ତମର୍ ମନ୍ କଲା ଇସାବେ ସେମନ୍ ତିଆରିଅଇ ବଢ଼ିଲାକିନି ।

୫

ବଇ ଆରି ମେଣ୍ଡାପିଲା

^୧ ଜେ ବସ୍‌ବା ଜାଗାଇ ବସିରଇଲା ତା' ଉଜା ଆଡେ ଗୁଡ଼ିଆଇଅଇରଇବା ଗଟେକ୍ ପୁରନ୍‌ କାଗଜ୍ ଦେକ୍‌ଲି । ସେଟା ଦୁଇବାଟେ ଲେକା ଅଇରଇଲା । ଆରି ସାଡ଼ଟା ସିଲ୍ ମାରି ଡାବିରଇଲା ।^୨ ଆରି ଗଟେକ୍ ବେସି ବପୁରଇବା ଦୁଡ଼କେ ଦେକ୍‌ଲି । ସେ ଆଉଲିଅଇ କଇଲା “ଏ ସାଡ଼ଟା ସିଲ୍ ପିଟାଇକରି କେ, ଏ କାଗଜ୍ ମେଲାକରି ପାର୍‌ସି ?”^୩ ମାତର୍ ସର୍‌ଗେ କି ମର୍‌ପୁରେ କି ପାତାଲେ କେ ମିସା ସେ କାଗଜ୍ ମେଲାକରି ଦେକି ନାପାରୁଲା ।^୪ ସେ କାଗଜ୍ ମେଲାକରି ବିଡ଼ରଟା ଦେକ୍‌ବାକେ କେ ନାପାରୁଲାକି ମୁଇ ବେସି ମନ୍‌ଦୁକ୍ କରି କାନ୍‌ଲି ।^୫ ତା'ପଡେ ଗଟେକ୍ ପାର୍‌ତିମ୍ ମକେ କଇଲା, “କାନ୍‌ନାଇ, ଏଡେ ଦେକା ! ଜିଉବା ବଢ଼ିଅନି ଆଇବା ସିଅଁ, ଜେ କି ବାଉଦର୍ ଗଟେକ୍ ତାକ୍‌ପୁଟା ନାଡ଼ିଡ଼ି, ସେ ଜିଡ଼ଲାଆଟେ । ସେ ସାଡ଼ଟା ସିଲ୍ ବାଙ୍ଗାଇସି ଆରି କାଗଜ୍ ମେଲାକରି ପାର୍‌ସି ।”

^୬ ତା'ପଡେ ବସ୍‌ବା ଜାଗାନ୍ ମଇଲ ଗଟେକ୍ ମେଣ୍ଡାପିଲା ଚିଆଅଇରଇବାଟା ଦେକ୍‌ଲି । ତା' ଚାରିବେଢ଼ି ଚାରିଟା ଜିବନ୍ ରଇବା ପସୁ ଆରି ପାର୍‌ତିମନ୍‌ ରଇଲା । ମେଣ୍ଡାପିଲା ମରାଇରଇଲାଟା ପାଗା ଡିସ୍‌ତେରଇଲା । ତାକେ ସାଡ଼ଟା ସିଲ୍ ଆରି ସାଡ଼ଟା ଆଁକି ରଇଲା । ସେଟା ପର୍‌ମେସର୍‌ ସାଡ଼ଟା ଆଡ଼ମା ରଇଲା । ପର୍‌ମେସର୍‌ ସେ ସାଡ଼ଟା ଆଡ଼ମାକେ ଗୁଲାଇ ଜଗଡେ ପାଟାଇରଇଲା ।^୭ ଜେ ବସ୍‌ବା ଜାଗାଇ ବସିରଇଲା, ତା' ଉଜାଆଡେଅନି ସେ ମେଣ୍ଡା କାଗଜ୍ ନେଲା ।^୮ ସେ ସେନ୍ତାରି କଲାକେ ସେ ଚାରିଟା ଜିବନ୍ ରଇବା ପସୁ ଆରି କଡେଚାରିଟା ପାର୍‌ତିମନ୍‌ ମେଣ୍ଡା ମୁଆଁଟେ ତାଣ୍ଡାସନ୍ ପତି ଜୁଆର୍ କଲା । ସେମନ୍‌କେ ସବୁ ଲକ୍‌ବୁ ଆଡେ ଗଟେକ୍ ଗଟେକ୍ ତୁଡ଼ୁଟା ଆରି ସୁନା ଗିନାମନ୍‌କେ ଗନ୍‌ରସ ରଇଲା । ସେଟା ଅଇଲାନି ପର୍‌ମେସର୍‌ ଲକ୍‌ବୁ ଗୁଆରି କର୍‌ବାଟା ।^୯ ସେମନ୍ ଗଟେକ୍ ନୁଆ ଗିଦ୍ କଇଡେରଇଲା । “ଗୁଡ଼ିଆଇଅଇରଇବା କାଗଜ୍ ସିଲ୍ ବାଙ୍ଗାଇକରି ନେବାକେ ତୁଇସେ ପାରୁସି । କାଲକେବଇଲେ ତୁଇ ମରାଇଅଇଲୁସ୍ ଆରି ତର୍ ବଲି ଇସାବ୍ ମରନ୍‌ ଲାଗି, ସବୁ ବଢ଼ିଅନି, ସବୁବାସାଇଅନି, ସବୁ ରାଇଜେଅନି ଆରି ଲକ୍‌ବୁମନ୍‌ ଦଲେଅନି ପର୍‌ମେସର୍‌ ପାଇ ତୁଇ ଲକ୍‌ବୁମନ୍‌କେ ଆନ୍‌ଲୁସ୍ ।^{୧୦} ତୁଇ ସେମନ୍‌କେ ଗଟେକ୍ ପୁଜାରିମନ୍‌ ରାଇଜ୍ କରି ଆତୁସ୍ । ସେମନ୍ ଆମର୍ ପର୍‌ମେସର୍‌କେ ସେବା କର୍‌ବାଇ । ଆରି ଏ ଜଗଡେ ସାସନ୍ କର୍‌ବାଇ ।”

^{୧୧} ମୁଇ ଆରିଡରେକ୍ ଦେକ୍‌ଲି । ତେଇ ଅଜାନ୍ ଅଜାନ୍ ଦୁଡ଼ମନ୍‌ ସବନ୍ ସୁନ୍‌ଲି । ସେ ଦୁଡ଼ମନ୍ ଚାରିଟା ପସୁମନ୍‌ ଆରି ପାର୍‌ତିମନ୍‌ ଚାରିବେଢ଼ି ଚିଆ ଅଇଲା ।^{୧୨} ସେମନ୍ ଆଉଲି ଅଇକରି ଗିଦ୍ କଇଡେ ରଇଲା, “ମରାଇଅଇରଇବା ମେଣ୍ଡାପିଲା, ସବୁ ବପୁ, ସବୁ ଦନ୍‌ସିପତି, ସବୁ ଗିଆନ୍, ସବୁ ସକ୍‌ତି, ତାକ୍‌ପୁଟା, ମଇମା, ଆରାଦନା ପାଇବା ଅଦିକାନ୍ ତର୍ ଲଗେ ଆଟେ ।”

^{୧୩} ଜଗଡେ ରଇବା ସବୁ ଜିବନ୍ ରଇବାଟାମନ୍ ଜେନ୍ତାରି କି ସର୍‌ଗେ ରଇବା ସବୁଜାକ, ଜଗଡେରଇବା ସବୁଜାକ, ପାତାଲେ ରଇବା ସବୁଜାକ ଆରି ସମ୍‌ଦୁରେ ରଇବାଟାମନ୍ ଗିଦ୍ ଗାଇଡେରଇଲା । ଜେ ବସ୍‌ବା ଜାଗାଇ ବସିଆଟେ ଆରି ମେଣ୍ଡାପିଲାକେ ଆରାଦନା, ତାକ୍‌ପୁଟା, ମଇମା, ଆରି ବପୁ କାଲ୍ କାଲ୍

* ୫:୧୦ ୫:୧୦ ପର୍କାସିତ ୧:୭

ଜୁଗ୍ ଜୁଗ୍ ଅ । ୧୪ ଚାରିଟା ଜିବନ୍ ରଇବା ପସୁମନ୍ କଇଲାଇ, ଆମେନ୍ ! ଆରି ପାର୍ତ୍ତିନମନ୍ ତାଣ୍ଡାସନ୍ ପତି ଜୁଆରକଲାଇ ।



ସାତ୍ତା ସିଲ୍ଲର ଅରତ୍

୯ ଚାତ୍ତପରେ ସେ ମେଣ୍ଡାପିଲା ସାତ୍ତା ସିଲ୍ଲ ବିତ୍ତରେ ପର୍ତ୍ତୁମ୍ ସିଲ୍ଲ ବାଙ୍ଗାଲବାଟା ମୁଇ ଦେକଲି । ଚାରଟା ଜିବନ୍ ରଇବା ପସୁମନ୍ ବିତ୍ତରେଅନି ଗଟେକ୍ ପସୁ ଗଡ୍‌ଗତି ସବଦପାରା କରି ମକେ କଇଲା “ଆଉ !” ୯ ତେଇ ମୁଇ ଦେକଲି, ଆରି ଏଦେ ଦେକା ! ଗଟେକ୍ ଦବ୍‌ଲା ଗତା ଡିସଲା । ତାକେ ଚାଲାଇବା ଲକର୍ ଆଡେ ଦୁନୁ ରଇଲା । ତାକେ ଗଟେକ୍ ମୁକୁଟ୍ ଦିଆ ଅଇଲା । ସେ ତାର୍ ସତ୍ତୁମନ୍‌କେ ଆରାଇବାକେ ଦାପ୍‌ରେ ଗାଲା । ୧୦ ସେ ମେଣ୍ଡାପିଲା ଦୁଇ ଲମର୍ ସିଲ୍ଲ ବାଙ୍ଗାଲଲା । ଆରି ସେ ଦୁଇ ଲମର୍ ଜିବନ୍ ରଇବା ପସୁ ମକେ କଇଲା “ଆଉ !” ୪ ଆରି ଏଦେ ଦେକା ! ଆରିଗଟେକ୍ ରଙ୍ଗ ରଇବା ଗତା ବାରଇଲା । ଜଗତେ ଜୁଇଦ୍ କରାଇବାକେ ସେ ଗତା ଚାଲାଉକେ ଦିଆଅଇରଇଲା । ଜେନ୍ତାରିକି, ଲକ୍‌ମନ୍ ତାକର୍ ତାକର୍ ବିତ୍ତରେ ମାରାମାରିଅଇ ମର୍ବାଇ । ତାକେ ଗଟେକ୍ ବତେଟା କାଣ୍ଡା ଦିଆଅଇଲା ।

୧୦ ଚାତ୍ତପରେ ସେ ମେଣ୍ଡାପିଲା ତିନ୍ ଲମର୍ ସିଲ୍ଲ ବାଙ୍ଗାଲଲା । ତିନ୍ ଲମର୍ ଜିବନ୍ ରଇବା ପସୁ ମକେ କଇଲା “ଆଉ !” ମୁଇ ଦେକଲି ଆରି ଏଦେ ଦେକା ! ଆରି ଗଟେକ୍ କାଲିଆ ଗତା ଡିସଲା । ସେ ଗତା ଚାଲାଉଟ୍ ଆଡେ ଗଟେକ୍ ତୁଲ୍‌ବା କେଜି ରଇଲା । ୧୧ ଚାରିଟା ଜିବନ୍ ରଇବା ପସୁମନ୍ କଇତେରଇଲା “ଦିନେକର୍ ବୁଡିକେ ମାନେକ୍ ମୁଣ୍ଡିଆ ଆରି ଦିନେକର୍ ବୁଡିକେ ତିନ୍ ମାନ୍ ଦାନ୍ । ମାତର୍ ଅଜୁର୍ ବାଡ୍ ଆରି ଜିଡ୍ ଗର୍ ନସାଇବାରୁନାଇ ।”

୧୨ ଚାତ୍ତପରେ ସେ ମେଣ୍ଡାପିଲା ଚାରି ଲମର୍ ସିଲ୍ଲ ବାଙ୍ଗାଲଲା । ଆରି ଚାରି ଲମର୍ ଜିବନ୍ ରଇବା ପସୁ ମକେ “ଆଉ !” ବଲି କଇଲା । ୧୩ ତେଇ ମୁଇ ଦେକଲି, ଏଦେ ଦେକା ! ଗଟେକ୍ ଚାରୁଆ ଗତା ଡିସଲା । ଗତା ଚାଲାଉ ଅଇଲାନି ମରନ୍ ଆରି ତୁମାମନର୍ ରାଇଜ୍ । ସେ ପରେ ପରେ ଆଇତେରଇଲା । ସେମନ୍‌କେ ଏ ଜଗତର୍ ଚାରିବାଗେ ଅନି ଗଟେକ୍ ବାଗ୍ ଉପରେ ଅଦିକାର୍ ଦେଇତେରଇଲା । ତେଇ ଜୁଇଦର୍ ଲାଗି, ମର୍ତ୍ତିର ଲାଗି, ରଗର୍ ଲାଗି ଆରି ତଙ୍ଗର୍ ପସୁର୍ ଲାଗି ମରାଇବାକେ ଅଦିକାର୍ ଦେଲା ।

୧୪ ଚାତ୍ତପରେ ମେଣ୍ଡାପିଲା ପାଁଟ୍ ଲମର୍ ସିଲ୍ଲ ବାଙ୍ଗାଲଲା । ଆରି ଏଦେ ଦେକା ! ବେଦିର୍ ତଲ୍‌ବାଟେ ସତ୍ତବାବେ ସାକି ଦେଲାର୍‌ପାଇ ଆରି ପର୍ତ୍ତମେସରର୍ ବାକିଅ ଜାନାଇଲାର୍‌ପାଇ ଜନ୍ ଲକ୍‌ମନ୍ ମରାଇ ଅଇରଇଲାଇ ତାକର୍ ଆତ୍‌ମାମନ୍‌କେ ଦେକଲି । ୧୫ ସେମନ୍ ଆଉଲି ଅଇକରି କଇଲାଇ “ଏ ମାପୁର୍ ପର୍ତ୍ତମେସର୍ ଜେ କି ସତ୍ତୁରାଣେଅନି ବପୁରଟା । ତୁଇ ସୁକଲ୍ ଆରି ସତ୍ । ଆମ୍‌କେ ମରାଇଲା ଲକ୍‌କେ ବିଚାରକରି ତଣ୍ ଦେବାକେ ଆମେ ଆରି କେତେକ୍ ଦିନ୍ ଜାଗୁ ?” ୧୬ ସେମନ୍‌କେ ସବୁକେ ଗଟେକ୍ ଗଟେକ୍ ଦବ୍ ବସ୍‌ତର୍ ଦିଆଅଇରଇଲା । ତାକର୍ ସଙ୍ଗେ ରଇବା ଦାଙ୍ଗାତାମନ୍‌କେ ଆରି ବାଇମନ୍‌କେ ତାକର୍ ପାରାସେ ମରାଇଅଇସି । ଜେଡ୍‌କି ଲକ୍ ଅଇବା କାତା, ସେଡ୍‌କି ଲକ୍ ପୁରାପୁରୁନ୍ ନ ଅଇବାଜାକ ସେମନ୍‌କେ ଆରି କେତେଦିନ୍ ପୁଣ୍ଡିରଇବାକେ କୁଆ ଅଇଲା ।

୧୭ ଆରି ଏଦେ ଦେକା ! ମେଣ୍ଡା ପିଲା ଚଅ ଲମର୍ ସିଲ୍ଲ ବାଙ୍ଗାଲବାଟା ମୁଇ ଦେକଲି । ତେଇ ଦର୍ତ୍ତନି ଜବ୍‌ଅଇତେ ତୁଲ୍‌ତୁଲ୍‌ଲା । ବେଲ୍ କାଲିଆ ଅଇ କର୍‌କର୍‌ସା ରଇବା ଲୁଗାପାରା ଅଇଗାଲା ଆରି ଜନ୍ ବନି ପାରା ପୁରାପୁରୁନ୍ ରଙ୍ଗ ଅଇଗାଲା । ୧୮ ଜବ୍‌ ପବନ୍ ଆସି ଗଟେକ୍ ତୁମ୍‌ରି ଗର୍ ଦୁନିଅଇଲେ ଜେନ୍ତାରି ନ ପାଡ୍‌ଲା ତୁମ୍‌ରି ତଲେ ଅଦର୍‌ସି, ସେନ୍ତାରିସେ ବାଦଲ୍‌ର୍ ତାରାମନ୍ ଦର୍ତ୍ତନି ଉପରେ ଅଦର୍‌ଲାଇ । ୧୯ ବାଦଲ୍ ଦୁଇପତା ଅଇଗାଲା ଆରି କାଗଜ୍‌ପାରା ଗୁଡିଆଇଅଇଲା । ଗଟେକ୍ ଗଟେକ୍ ତଙ୍ଗର୍ ଆରି ଚାରିବେଟ୍‌ତି ପାନିରଇ ମଜାଇ ରଇବା ସୁକ୍‌ଲା ଜାଗା ତାର୍ ଜାଗାଇ ଅନି ଅସକ୍‌ଲାଇ । ୨୦ ଚାତ୍ତପରେ ଏ ଜଗତର୍ ରାଜାମନ୍, ସାସନ୍‌କାରିଆମନ୍, ସନିଅର୍ ନେତାମନ୍, ସାଉକାର୍ ଆରି ବେସି ବପୁରଇବା ଲକ୍‌ମନ୍, ବନ୍ଦିରଇବା ଆରି ମୁକ୍‌ଲିରଇବା ଲକ୍‌ମନ୍ ସେନ୍ତାରି ସବୁଲକ୍‌ମନ୍ ପାଆରେ ଆରି ତଙ୍ଗରେ ରଇବା ବଡ୍ ପାକ୍‌ନା ତଲେ ଜାଇ ଲୁଚ୍‌ଲାଇ । ୨୧ ସେମନ୍ ଆମ୍‌କେ ଦୟା କର୍ ବଲି ବାବୁଜିଆ କଲାଇ । ଆରି ତଙ୍ଗର୍‌ମନ୍‌କେ ଆରି ପାକ୍‌ନାମନ୍‌କେ ଆଉଲିଅଇକରି କଇଲାଇ, “ଆମ୍‌ର୍ ଉପରେ ଅଦ୍‌ରା ଆରି ଆମ୍‌କେ ଆତୁକା ଉଆ । ଜେନ୍ତାରି କି ଜେ ବସବା ଜାଗାଇ ବସିଆଟେ, ସେ ଆମ୍‌କେ ନ

୨:୧୨ ୬:୧୨ ପରକାସିତ ୧୧:୧୩;୧୬:୧୮; ମାଡିଉ ୨୪:୨୯; ମାର୍‌କ ୧୩:୨୪,୨୫; ଲୁକ୍ ୨୧:୨୫ ୬:୧୪ ୬:୧୪ ପରକାସିତ ୧୬:୨୦
୨:୧୨ ୬:୧୨ ଲୁକ୍ ୨୩:୩୦

ଦେକେ । ଆରି ମେଣ୍ଡାଋ ବଡ଼ ରିସାଇଅନି ଆମେ ରକିଆ ପାଇବୁ । ୧୭ କାଇକେବଇଲେ ତାଋ ରିସା ବେସି ରିସାଋ ଦିନ ଆଇଲାଆଚେ । ଆରି ଆମେ ସେଟା ମୁଋଚିରଇ ନାପାଋ ।”

୭

୧୪,୪୦୦୦ ଇସ୍ରାଏଲିଋ ଲକ୍

୧ ତାଋପଚେ ଦଋଡନିଋ ଚାରିଟା କନେ ଚାରିଟା ଦୁଡ଼ ଟିଆଅଇରଇବାଟା ମୁଇ ଦେକ୍ଲି । ଜେନ୍ତାରିକି କାଇ ପବନ୍ ଦଋଡନି କି ସମଦୁରେ କି କାଇ ଗଋ ଉପୁରେ ନ ଆଇବାକେ ପବନ୍କେ ଦାରି ଅଟକାଇ ରଇଲା । ୨ ପୁରୁଋ ଦିଗେଅନି ଆରି ଗଟେକ୍ ଜିବନ୍ ରଇବା ପଋମେସରଋ ସିଲ୍ ସଙ୍ଗ୍ ଆଇବାଟା ମୁଇ ଦେକ୍ଲି । ସେ ଦୁଡ଼ ସେ ଚାଋଟା ଦୁଡ଼ମନକେ ଆଉଲି ଅଇ ତାକି କଇଲା । ପଋମେସର ସେମନକେ ଦଋଡନି ଆରି ସମଦୁର ବିନାସ୍ କଋବାକେ ବସୁ ଦେଇରଇଲା । ୩ ସେ ଦୁଡ଼ କଇଲା ଆମର ପଋମେସରକେ ସେବା କଋବା ଲକ୍ମାନର କାପାଲେ ଚିନ୍ ନ ଦେବା ଜାକ ଦଋଡନିକେ କି ସମଦୁରେ କି ଗଋକେ ବିନାସ୍ ନ କରା । ୪ ସେମନ୍ ସେ ଲକ୍ମାନକେ ଚିନ୍ କରି ସାରାଇଲା ପଚେ, ସସ ଚାଲିସ୍ ଚାରି ଅଜାଋ ଲକ୍ମାନକେ ଚିନ୍ ଦେଲୁ ବଲି ମକେ କଇଲା । ସେମନ୍ ଇସ୍ରାଏଲିଋ ବାଋଟା ବସେଅନି ରଇଲା । ୫ ଜିଉଦା ବସେଅନି ବାରଅଜାଋ । ସେନ୍ତାରିସେ ରୁବେନ୍ଅନି, ଗାଦ୍ ନାଉଁର୍ ଜାଗାଇଅନି ବାର ଅଜାଋ । ୬ ଆସ୍ରେଅନି, ନାପ୍ତାଲିଅନି, ମାନାସେଅନି, ବାରଅଜାଋ । ୭ ସିମିୟନ୍ଅନି, ଲବିଅନି, ଇସାକଋ ତେଇଅନି ବାରଅଜାଋ । ୮ ସବ୍ଲୁନେଅନି, ଜସେପେଅନି, ବନିୟମେଅନି, ବାରଅଜାଋ ଲାକା ଚିନ୍ କଇଲା ।

ବଡ଼ ଦଲ୍

୧ ତାଋପଚେ ମୁଇଦେକ୍ଲି ଏଦେ ଦେକା ! ତେଇ ଏତେକ୍ ମାନ୍ଦା ଲକ୍କେ ଦେକ୍ଲି ଜେ ସେ ଲକ୍ମାନକେ କେ ମିସା ଏଜି ନାପାଋଡ଼ । ସେମନ୍ ସବୁ ଜାତିଅନି, ବସେଅନି, ରାଇଜେଅନି, ଆରି ବାସାଇଅନି ଆସିରଇଲା । ସେମନ୍ ବସବା ଜାଗାଋ ମୁଆଟେ ଆରି ମେଣ୍ଡାପିଲାଋ ମୁଆଟେ ଟିଆଅଇଲା । ସେମନ୍ ଦବ୍ ଲୁଗାପିନ୍ଦିକରି ଆରି ଆତେ କଜ୍ରି ତାଲ୍ ଦାରିରଇଲା । ୧୦ ସେମନ୍ ଆଉଲି ଅଇକରି କଇତେ ରଇଲା, “ଆମର ପଋମେସର ଜେ କି ବସବା ଜାଗାଇ ବସିଆଚେ, ତାଋଟାନେଅନି ଆରି ମେଣ୍ଡା ପିଲାଋ ଟାନେଅନି ମୁକ୍ତି ମିଲ୍ସି ।” ୧୧ ସବୁ ଦୁଡ଼ମନ୍ ବସବା ଜାଗାଋ ଆରି ପାଋଚିନ୍ ମନର ଆରି ଚାରିଟା ଜିବନ୍ ରଇବା ପସୁମନର ଚାରିବେଟ୍ଟି ଟିଆଅଇଲା । ତାଋପଚେ ସେମନ୍ ବସବା ଜାଗାଋ ମୁଆଟେ ତାଣ୍ଡାସନ୍ ପଡ଼ି ପଋମେସରକେ ଲୁଆଋ କରି, ୧୨ କଇଲା, ଆମେନ୍, ଦନିଅବାଦ୍, ମଇମା, ଗିଆନ୍, ତାକ୍ପୁଟା, ବପୁ ଆରି ସକ୍ତି କାଲ୍ କାଲ୍ ଜୁଗ୍ ଜୁଗ୍ ଆମର ପଋମେସରକେ ଅ । ଆମେନ୍, ବଲି କଇତେରଇଲା ।

୧୩ ପାଋଚିନ୍ ମନର ବିଡ଼ରେ ଅନି ଗଟେକ୍ ଲକ୍ ଆସିକରି ମକେ ପାଚାଋଲା, “ଏ ଲକ୍ମାନ କାଇକେ ଦବ୍ ଲୁଗା ପିନ୍ଦି ଆଚଡ଼ ଆରି ସେମନ୍ କନ୍ତିଅନି ଆଇଲା ?” ୧୪ ମୁଇ ତାକେ କଇଲି “ଆଗିଆ ମୁଇ ନାଜାନି, ତୁଇତା ଜାନୁସ୍ ।” ସେ ମକେ କଇଲା “ବେସି ବଡ଼ ତାଋନା ପଚେ ରକିଆ ପାଇ ଆଇଲାଆଚଡ଼ । ମେଣ୍ଡାପିଲାଋ ବନି ସଙ୍ଗ୍ ସେମନ୍ ତାକ୍ ବସଡ଼ ଦଇକରି ଦବ୍ କଲାଆଚଡ଼ ।” ୧୫ ସେଟାଋ ପାଇ ସେ ଲକ୍ମାନ ପଋମେସରଋ ବସବା ଜାଗାଋ ମୁଆଟେ ରଇ ତାଋ ମନ୍ଦିରେ ଦିନ୍ ରାତି ତାକେ ସେବା କଲା । ଜେ ବସବା ଜାଗାଇ ବସିଲାଆଚେ, ସେ ସେମନକେ ରକିଆ କରୁସି । ୧୬ ସେମନକେ କେବେ ବୁକ୍ ନ ଲାଗେ କି ସସ ନ କରେ । ବେଲ୍ କି ଅଦିକ୍ ତପି ରଇବା ତାତି ସେମନକେ ପଡ଼ାଇନାପାରେ । ୧୭ କାଇକେବଇଲେ ବସବା ଜାଗାଋ ମଜାଇ ରଇବା ମେଣ୍ଡାପିଲା, ସେ ଲକ୍ମାନର ସେବାକାରିଆ ଅଇସି, ଆରି ଜିବନ୍ ରଇବା ଗାଡ଼ବାଟେ ସେ ଲକ୍ମାନକେ ବାଋକାତାଇ ନେଇସି । ଆରି ପଋମେସର ସେ ଲକ୍ମାନର ଆକିଋ ଆସୁ ପୁଟି ଦେଇସି ।

୮

ସାଡ଼ଟା ସିଲ୍

୧ ମେଣ୍ଡାପିଲା ଜେତେବେଲେ ସାଡ଼ ତମର ସିଲ୍ ବାଙ୍ଗାଇଲା, ସେଡ଼କିବେଲେ ସଋଗେ ସମାନ୍ ଅଋଗଟା ଜାକ ଚିମ୍ପା ଅଇଗାଲା । ୨ ତାଋପଚେ ପଋମେସରଋ ମୁଆଟେ ସାଡ଼ଟା ଦୁଡ଼ମନକେ ଟିଆଅଇ ରଇଲାଟା ମୁଇ ଦେକ୍ଲି । ସେ ମନକେ ସାଡ଼ଟା ମଇରି ଦିଆଅଇ ରଇଲା । ୩ ତେଇ ଆରି ଗଟେକ୍ ଦୁଡ଼

* ୭:୧୪ ୭:୧୪ ମାଟିଇ ୨୪:୨୯; ମାର୍କ୍ ୧୩:୯୯

ଆସିକରି ବେଦିଲଗେ ଚିଆ ଆଇଲା । ତା'ର ଆଡେ ଗନ୍ଦରସ୍ ପଡ଼ାଇବା ଗଟେକ୍ ସୁନାର ଗିନା ରଇଲା । ପରଫେସରର ଲକ୍ଷ୍ମୀନର ପାର୍ତନା ସଙ୍ଗେ ମିସାଇବାକେ ତାକେ ବେସି ଗନ୍ଦରସ୍ ଦିଆଅଇରଇଲା । ତା'ରପଟେ ସେ ସେଟା ବସ୍ତା ଜାଗାର୍ ମୁଆଟେ ରଇବା ସୁନାର ବେଦି ଉପରେ ସରପ୍ସି ।
 ୪ ପଡ଼ତେରଇବା ଦୁପର୍ ଦୁଆଁ ପରଫେସରର ଲକ୍ଷ୍ମୀନର ପାର୍ତନା ସଙ୍ଗେ ଉପରେ ଗାଲା । ପରଫେସରର ମୁଆଟେ ଚିଆଅଇରଇବା ଦୁଡ଼ ସେଟା ଦାରିରଇଲା । * ତା'ରପଟେ ସେ ଦୁଡ଼ ଦୁପ୍ ପଡ଼ାଇବା ଅର୍କି ନେଇକରି ବେଦିଟାନର ଜଇସଙ୍ଗେ ବରୁତି କଲା । ସେଟା ସେ ଦରୁତି ଉପରେ ପିଙ୍ଗିଦେଲା । ତେଜ ଗୁଡ଼ଗାଡ଼ କରି ଗଡ଼ଗତି ମାରଲା ଆରି ବିଜୁଲି ମାରି ଦରୁତି ରୁଲୁଲୁଲା ।

ମଇରି ବାଜା

୨ ତା'ରପଟେ ସାଡ଼ଟା ମଇରି ଦାରିରଇବା ସାଡ଼ଟା ଦୁଡ଼ ସେଟା ପୁକ୍‌ବାକେ ତିଆରଅଇଲା । ୨ ପରଡୁମର ଦୁଡ଼ ତାର ମଇରି ପୁକ୍‌ଲା ଆରି ଏଦେ ଦେକା ! କାରାପାକନା ଆରି ଜଇ ଜନଟା କି ବନି ସଇ ମିସିରଇଲା, ସେଟା ଦରୁତି ଉପରେ ତାଲିଅଇଲା । ଦରୁତି ତିନ୍‌ବାଗ ଅନି ଗଟେକ୍ ବାଗ୍ ପତିଗାଲା । ତାର ସଙ୍ଗେ ତିନ୍‌ବାଗେ ଅନି ଗଟେକ୍ ବାଗ୍ ଗଡ଼ମନ୍ ଆରି ସବୁ ଗାଁସମନ୍ ମିସା ପତିଗାଲା ।

୮ ତା'ରପଟେ ଦୁଇଲମର ଦୁଡ଼ ମଇରି ପୁକ୍‌ଲା । ଆରି ଏଦେ ଦେକା ! ଗଟେକ୍ ବଡ଼ କୁପ୍‌ଲି, ଜନଟା ଜଇ ଲାଗତେରଇଲା, ସେଟା ସମ୍‌ଦୁର୍ ବିଡ଼ରେ ପିଙ୍ଗା ଅଇଲା । ଆରି ସମ୍‌ଦୁର ପାନି ତିନ୍‌ବାଗେ ଅନି ଗଟେକ୍ ବାଗ୍ ବନି ଅଇଗାଲା । ୯ ଆରି ସମ୍‌ଦୁର୍ ବିଡ଼ରେ ରଇବା ତିନ୍‌ବାଗେ ଅନି ଗଟେକ୍ ବାଗ୍ ଝଡ଼ଜିଆଦ୍ ମରିଗାଲା । ଆରି ତିନ୍‌ବାଗେ ଅନି ଗଟେକ୍ ବାଗ୍ ପାନି ଜାଜ୍ ମିସା କୁରୁପନାସ୍ ଅଇଗାଲା ।

୧୦ ତା'ରପଟେ ତିନ୍ ଲମରର ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ସେ ଦାପ୍‌ରେସେ ଆକାସେ ଅନି ଜଇଅଲା ପାରା ଲାଗତେରଇବା ଗଟେକ୍ ବଡ଼ ତାରା ବାଦ୍‌ଲେଅନି ଅଦରଲା । ସେଟା ତିନ୍‌ବାଗେ ଅନି ଗଟେକ୍ ବାଗ୍ ଗାଡ଼ମନ୍‌କେ ଆରି ଜଲାମନର ଉପରେ ଅଦରଲା । ୧୧ ସେ ତାରା ନାଉଁ ଅଇଲାନି ଲାଗ୍‌ଦଣାତିକ୍‌ତଡ଼ା । ତାରା ଅଦରଲାକେ ତିନ୍‌ବାଗେ ଅନି ଗଟେକ୍‌ବାଗ୍ ପାନି ପିତା ଅଇଗାଲା । ସେ ପିତା ପାନି କାଇକରି ବେସିଲକ୍‌ମନ୍ ମରିଗାଲା ।

୧୨ ତା'ରପଟେ ତାର ଲମରର ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ବେଲରୁ ତିନ୍‌ବାଗେ ଅନି ଗଟେକ୍ ବାଗ୍‌କେ ମାଡ଼ ଅଇଲା । ସେନ୍ତାରିସେ ଜନରୁ ତିନ୍‌ବାଗେ ଅନି ଗଟେକ୍ ବାଗ୍, ଆରି ତାରା ମନରୁ ତିନ୍‌ବାଗେ ଅନି ଗଟେକ୍ ବାଗ୍ ନସ୍ ଅଇଗାଲା । ତେବର୍ ପାଇ ଜନ୍ ଆରି ତାରାମନରୁ ଉଜଲ୍ ଦେବାଟା ତିନ୍‌ବାଗେ ଅନି ଗଟେକ୍ ବାଗ୍ ଉନା ଅଇଗାଲା । ତା'ରପଟେ ଦିନ୍‌ମିସା ତିନ୍‌ବାଗେ ଅନି ଗଟେକ୍ ବାଗ୍ ଆରି ରାତି ମିସା ତିନ୍‌ବାଗେ ଅନି ଗଟେକ୍ ବାଗ୍ ଉଜଲ୍ ନ ରଇଲା ।

୧୩ ତା'ରପଟେ ମୁଇ ଆରି ଦେକ୍‌ଲି ଆରି ଏଦେ ଦେକା ! ଗଟେକ୍ ଗିଦ୍ ବେସି ଉପରେ ଉଡ଼ତେରଇଲା । ଆରି ଆଉଲି କଇତେରଇଲା, “କାଇ ଇନସ୍‌ତା, କାଇ ଇନସ୍‌ତା । ଜେତେବେଲେ ବାକି ତିନ୍‌ଟା ଦୁଡ଼ମନର ମଇରି ଚାନେଅନି ସବଦ୍ ଆଇଲାବେଲେ, ଦରୁତି ଚାନେ ରଇବା ସବୁ ଲକ୍ଷ୍ମୀନର ପାଇ କେତେକ୍ ଇନସ୍‌ତା ଅଇସି ।”



୧ ତା'ରପଟେ ପାଁ ଲମରର ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ବାଦ୍‌ଲେଅନି ଦରୁତି ଉପରେ ଅଦ୍‌ରି ରଇବା ଗଟେକ୍ ତାରା ଦେକ୍‌ଲି । ତାକେ ପାତାଲର କୁଟିକାତି ଦିଆଅଇରଇଲା । ୨ ସେ ତାରା ପାତାଲ୍ ଉଗାଡ଼ଲା ଆରି ତେଇଅନି ଗଟେକ୍ ଜଇଲାଗିବା ବାଟି ଅନି ଦୁଆଁ ବାରଇଲା ପାରା ବାରଇଲା । ପାତାଲେଅନି ଆଇବା ଦୁଆଁ ଲାଗି ବେଲରୁ ଉଜଲ୍ ଆରି ପବନ୍ ଆଦା଼ ଅଇଗାଲା । ୩ ଦରୁତିଟାନେ ରଇବା ଦୁଆଁ ଲାଗି, ତେଇଅନି ଚିବ୍‌କାମନ୍ ବାରଇଲା । ସେଟାମନ୍‌କେ ବିସ୍‌କାକ୍‌ତାର ପାରା ବପ୍ ଦିଆଅଇରଇଲା । ୪ ସେମନ୍‌କେ ଦରୁତିନି ଗାଁସ୍ କି ଗଡ଼ କି ବିନ୍ ବାଡ଼ର ଗଡ଼କୁଟିକେ ମାରାନାଇ ବଲି କୁଆଅଇରଇଲା । ପରଫେସରର ସିଲରୁ ତିନ୍, ଜନ୍ ଲକ୍ଷ୍ମୀନର କାପାଲେ ନ ରଇଲା, ସେମନ୍‌କେ ଆକା ମାରୁବାକେ ଆଦେସ୍ ରଇଲା । ୫ ଏ ଲକ୍ଷ୍ମୀନକେ ମାରାଇବାକେ ଚିବ୍‌କାମନ୍‌କେ ଆଦେସ୍ ନ ଦେଇରଇଲା । ମାତର୍ ପାଁର୍‌ମାସ୍ ଜାକ ସେମନ୍‌କେ କସ୍‌ଦ ଦେବାକେ ସେମନ୍ ଜନ୍ କସ୍‌ଦ ପାଇବାଇ, ସେଟା ଗଟେକ୍ ବିସ୍‌କାକ୍‌ତା ଚାବ୍‌ଲାବେଲରୁ ଦୁକାପାରା ରଇସି । ୬ ସେ ପାଁର୍‌ମାସ୍ ଜାକ କେନ୍ଦ୍ରି କରି ମରୁ ବଲି ବାଟ୍ କଜ୍‌ବାଇ । ମାତର୍ ସେଟା ମିଲାଜନାପାରଡ଼ । ସେମନ୍ ମରୁବାକେ ବେସି ମନ୍ କରୁବାଇ, ମାତର୍ ସେଟା ନ ଅସି ।

* ୮:୫ ୮:୫ ପରକାସିତ ୧୧:୧୯:୧୭:୧୮

୭ ଜୁଇଦ୍ ପାଇ ତିଆର୍ ଅଇରଇବା ଗତାମନର୍ପାରା ସେ ଚିତ୍କାମନ୍ ତିସତେରଇଲା । ସେମନର୍ ମୁଣ୍ଡ ସୁନାନ୍ ମୁକୁଟ୍ ପିନ୍ଦି ରଇଲା । ସେମନର୍ ମୁ ଲକ୍ମନର୍ ମୁ ପାରା ରଇଲା । ୮ ସେମନର୍ ଚେଣ୍ଡି ମାଜଜିଟକିମନର୍ପାରା ଆରି ଦାଡ୍ ସିଅଁମନର୍ପାରା ରଇଲା । ତାକର୍ ବୁକେ ଲୁଆର୍ ସାଞ୍ଜୁ ଡାବିଅଇରଇଲା । ୯ ତାକର୍ ଡେନାମନ୍ ଜାଡ୍ଲେ ଜୁଇଦ୍ କେ ଜିବା ଗଡାର ଚତର୍ ସବଦ୍ ପାରା ସୁନିଅଇତେରଇଲା । ୧୦ ବିସ୍ବାକାକ୍ତା ମନର୍ ପାରା ସେମନର୍ ଲେଞ୍ଜ୍ ଗଜିଆ ରଇଲା । ଆରି ବିସ୍ବାକାକ୍ତା ପାରା ଚାବ୍ତେରଇଲା । ପାଁଡ୍ମାସ୍ ଜାକ ଲକ୍ମନକେ ନସାଇବାକେ ତାକର୍ ଲେଞ୍ଜ୍ ବପୁ ରଇଲା । ୧୧ ତାକର୍ ଉପ୍ରେ ଗଟେକ୍ ରାଜା ସାସନ୍ କର୍ତ୍ତେରଇଲା । ସେ ପାତାଲେ ଦେକା ରକା କର୍ବା ଦୁଡ୍ । ଏବ୍ରି ବାସାଇ ତାର୍ ନାଉଁ ଅଇଲାନି ଅବଦନ୍ । ଆରି ଗିରିକ୍ ବାସାଇ ଅପଲିୟନ୍ । ତାର୍ ଅରଡ୍ ଅଇଲାନି କୁରୁପ୍ନାସ୍ କର୍ବା ଲକ୍ ।

୧୨ ପରତୁମର୍ ଡର୍ ଲାଗବା ଦୁକ୍ କସ୍ଟ ସାରଲା । ତାର୍ପତେ ଆରି ଦୁଇଟା ଅଦିକ୍ ଦୁକ୍ କସ୍ଟ ଅଇବାଟା ଆଇଲାନି ।

୧୩ ତାର୍ପତେ ଚଅ ଲମରର୍ ଦୁଡ୍ ତାର୍ ମଇରି ପୁକ୍ଲା । ଆରି ଏଦେ ଦେକା ! ପରମେସର୍ ମୁଆଁଟେ ରଇବା ସୁନା ବେଦିର୍ ଗାରିଟା କନେଅନି ମୁଇ ଗଟେକ୍ ସବଦ୍ ସୁନୁଲି । ୧୪ ସେ ସବଦ୍ ଚଅ ଲମର୍ ଦୁଡ୍ କେ କଇଲା, ବଡ୍ ଗାଡ୍ ଇଉପ୍ଟ୍ରିସ୍ ଗାଡେ, ବାନ୍ଦି ସଙ୍ଗାଇବା ଗାରିଟା ଦୁଡ୍ମନକେ ମୁକ୍ଲାଇଦେସ୍ । ୧୫ ଚାର୍ଟା ଦୁଡ୍ମନକେ ମୁକ୍ଲାଇଲା । ଗୁଲାଇ ମୁନୁସ୍ଜାତିର୍ ତିନ୍ ବାଗେଅନି ଗଟେକ୍ ବାଗ୍ କେ ମରାଇବାକେ ସେମନକେ ତିଆର୍ କରି ସଙ୍ଗାଇରଇଲା । ଏ ସମାନ୍ ବରସର୍, ସମାନ୍ ମାସର୍, ସମାନ୍ ଦିନର୍, ସମାନ୍ ଗିଡାର୍ପାଲ ସେମନକେ ସଙ୍ଗାଇରଇଲା । ୧୬ ତାର୍ପତେ ଗଟେକ୍ ବଡ୍ପଲ୍ ଅଇକରି ଗଡାଲଗେ ଆଇଡେ ରଇବା ସନିଅମନ୍ ଜନଲକ୍ମନ କି ଦୁଇସ ଲକିଅ ଲକ୍ମନ ଆଡ୍ ବଲି ସେମନ୍ କଇଲା, ସେଟା ଦେକଲି । ୧୭ ମୁଇ ମର୍ ଦରସନେ ଗତାମନକେ ଆରି ତାର୍ ଚାଲାଉମନକେ ଦେକଲି । ତାକର୍ ସାଞ୍ଜୁମନ୍ ଜଇପାରା ରଙ୍ଗ୍ ଆରି ନିଲି ପାରା ନିଲିଆ, ଅଲ୍ପି ପାରା ରଇଲା । ସେ ଗତା ମନର୍ ମୁଣ୍ଡ ସିଅଁମନର୍ ମୁଣ୍ଡ ପାରା ରଇଲା । ଆରି ତାକର୍ ଚଣ୍ଡେଅନି ଜଇ ଦୁଆଁ ଆରି ରକଡ୍ ପାରାଟା ବାରଇତେରଇଲା । ୧୮ ଗୁଲାଇ ମୁନୁସ୍ ଜାତିର୍ ତିନ୍ବାଗେ ଅନି ଗଟେକ୍ ବାଗ୍ ସେ ତିନ୍ଟା ମଡ୍ଡିରଲାଗି ମରିଗାଲା । ଗତାମନର୍ ଚଣ୍ଡେଅନି ଆଇବା ଜଇ ଦୁଆଁ ଆରି ଗନ୍ଧପାରା ତିନ୍ଟା ମଡ୍ଡି ଅଇଲା । ୧୯ ଗତାମନର୍ ବପୁ ତାକର୍ ଚଣ୍ଡେ ଆରି ତାକର୍ ଲେଞ୍ଜେ ମିସିକରି ରଇଲା । ତାକର୍ ଲେଞ୍ଜ୍ ମୁଣ୍ଡ ରଇବା ସାଁପ୍ମନର୍ ପାରା ରଇଲା । ସେଟାସଙ୍ଗ୍ ସେମନ୍ ଲକ୍ମନକେ ମାର୍ତେରଇଲା । ୨୦ ଏ ମଡ୍ଡି ଅଇଲାର୍ ପାଇ ଜେଡ୍ କି ରଇଲା ମନସ୍ ଜାତି, ଆଡେ ତିଆର୍କରି ରଇବାଟାକେ ଚାଡ୍ଡନାଇ । ଗଡ୍ସଙ୍ଗ୍, ପାକ୍ନାସଙ୍ଗ୍, ପିତଲ୍ସଙ୍ଗ୍, ରୁପାସଙ୍ଗ୍ ଆରି ସୁନାସଙ୍ଗ୍ ତିଆର୍ କରିରଇବା ମୁଡ୍ଡିମନକେ ଆରି ତୁମାମନକେ ସେବା କର୍ବାଟା ସେମନ୍ ଚାଡ୍ଡନାଇ । ୨୧ ସେମନ୍ ଚରାଇବାଟା, ବେସିଆ କାମ୍ କର୍ବାଟା, ଜାଦୁ ମିଡ୍ କର୍ବାଟା ଆରି ନର୍ ମରାଇବାଟା ମିସା ଚାଡ୍ଡନାଇ ।

୧୦

ସରଗର୍ ଦୁଡ୍ ଆରି ସାନ୍ଦା ବଇ

୧ ତାର୍ପତେ ଏଦେ ଦେକା ! ସରଗେଅନି ଆରି ଗଟେକ୍ ବଡ୍ ଦୁଡ୍ ଉଡ୍ରି ଆଇବାଟା ମୁଇ ଦେକଲି । ତାକେ ଗଟେକ୍ ବାଦଲ୍ ଗୁଡାଇରଇଲା ଆରି ମୁଣ୍ଡେ ଗଟେକ୍ ଇୟର୍ଦୁମ୍ ଗୁଡିଆଇ ଅଇରଇଲା । ତାର୍ ମୁ ବେଲ୍ ପାରା ରଇଲା । ତାର୍ ଗଡ୍ମନ୍ ଜଇର୍ କୁନାଦି ପାରା ରଇଲା । ୨ ତାର୍ ଆଡେ ଉଗାଡି ଅଇରଇବା ଗଟେକ୍ ସାନ୍ଦ ବଇ ରଇଲା । ସେ ତାର୍ ଉଜାଗଡ୍ ସମ୍ପୁର୍ ବିଡ୍ରେ ସଙ୍ଗାଇଲା ଆରି ଡେବ୍ରି ଗଡ୍ ସୁକ୍ଲା ବୁର୍ସ୍ ସଙ୍ଗାଇଲା । ୩ ସେ ଆଉଲି ଅଇଲାକେ ସିଅଁମନ୍ ଅଡର୍ଲା ପାରା ସୁନିଅଇଲା । ସେ ଡାକ୍ଲା ପତେ, ସାଡ୍ଟା ଗଡ୍ଗତିମନ୍ ଅଡ୍ରିକରି କଇଲା । ୪ ସେମନ୍ କାତା ଅଇଲା ଦାପ୍ରେ ମୁଇ ଲେକ୍ବାକେ ଆରାମ୍ ଅଇରଇଲା । ମାଡର୍ ସରଗେଅନି ଗଟେକ୍ ସବଦ୍ ସୁନୁଲି, ସାଡ୍ଟା ଗଡ୍ଗତିମନ୍ କଇଲାଟା କେ ନାଜାନଲାପାରା ସଙ୍ଗ । ସେଟା ଲେକ୍ନାଇ । ୫ ତାର୍ପତେ ମୁଇ ଆଗଡ୍ ଦେକିରଇବା ଦୁଡ୍ ଜେ କି ସମ୍ପୁରେ ଆରି ସୁକ୍ଲା ପଦାଇ ଚିଆ ଅଇରଇଲା, ସେ ତାର୍ ଉଜା ଆଡ୍ ସରଗବାଟେ ଲାମାଇଲା । ୬ ପରମେସର୍ ନାଉଁ ଦାରି ସେ ଗଟେକ୍ ସପଡ୍ କଲା । ପରମେସର୍ କାଲ୍ କାଲ୍ ଜୁଗ୍ ଜୁଗ୍ ବୁର୍ସ୍ । ସେ ସରଗେ ରଇବାଟା, ଦର୍ତ୍ତନିଡେଇ ରଇବାଟା ଆରି ସମ୍ପୁରେ ରଇବା ସବୁଜାକ ତିଆର୍ କଲା । ସେ ଦୁଡ୍ କଇଲା, “ଆରି ଅଲ୍ପମ୍ ନ ଅଏ ।” ୭ ମାଡର୍ ଜେଡେବେଲେ ସାଡ୍ ଲମର୍ ଦୁଡ୍ ତାର୍ ମଇରି ପୁକ୍ସି, ସେଡ୍କିବେଲେ, ପରମେସର୍ କାକେ ନ ଜାନାଇରଇବା ତାର୍ ମନ୍ କଲାଟା ପୁରାପୁରନ୍ ସିଦ୍ କର୍ସି । ଏଟା ସେ ତାର୍ ଦାଙ୍ଗତାମନକେ ଆରି ବବିସଡ୍ବକ୍ତାମନକେ ସେ ଆଗଡ୍ ଜାନାଇରଇଲା । ୮ ତାର୍ପତେ

ସରଗେଅନି ଜନ୍ ସବଦ୍ ମରୁସଙ୍ଗ କାତା ଅଇତେରଇଲା, ସେଟା ଆରିତରେକ୍ ମକେ କଇଲା, “ଜାଆ, ସମତୁରେ ଆରି ସୁକଲା ଜାଗାଇ ଚିଆଅଇରଇବା ଦୁତର୍ ଆତେଅନି ଉଗାଡି ଅଇରଇବା କାଗଜ୍ ବେଟ୍ ।”^୯ ମୁଇ ଦୁତର୍ ଲଗେ ଗାଲି ଆରି ସାନ୍ତା କାଗଜ୍ ମକେ ଦେ ବଲି କଇଲି । ସେ ମକେ କଇଲା “ଏଟା ନେଇକରି କାଆ । ତର୍ ପେଟେ ଏଟା ପିତା ଅଇସି । ମାତର୍ ତର୍ ଚଣ୍ଡେ ସେଟା ମୁ ପାରା ମୁହୁର୍ ରଇସି ।”^{୧୦} ତେଇ ମୁଇ ଦୁତର୍ ଟାନେଅନି ସାନ୍ତା କାଗଜ୍ ନେଲି ଆରି କଇଲି । ସେଟା ମର୍ ଚଣ୍ଡେ ପାକାଇଲାକେ ମୁ ପାରା ସୁଆଦ୍ ରଇଲା । ମାତର୍ ଗିଲଲା ପଟେ ପେଟ୍ ବିଡ଼ରେ ପିତା ଅଇଗାଲା ।^{୧୧} ତାରୁପଟେ ମକେ କଇଲା, “ସବୁ ରାଜାମନର୍ ବିସଇ, ବାସାମନର୍ ବିସଇ, ବସ୍ତୁ ବିସଇ, ଆରି ରାଇଜର୍ ବିସଇ, ଏ ସବୁଜାକର୍ ଉପରେ ପର୍ମେସରର୍ କବର୍ ତୁଇ ଆରିତରେକ୍ ଜାଇ ଜାନାଇବାଟ୍ ଆଟେ ।”

୧୧

ଦୁଇଟା ସାକି

^୧ ତାରୁପଟେ ମକେ ନାପୁବା ତାଙ୍ଗ୍ ପାରା ଡିସ୍ବା ତାଙ୍ଗ୍ ଗଟେକ୍ ଦିଆଅଇଲା । “ଜାଆ ଆରି ପର୍ମେସରର୍ ମନ୍ଦିର୍ ଆରି ବେଦି ନାପ୍ । ମନ୍ଦିରେ ପାର୍ତନା କର୍ବା ଲକ୍ମନକେ ଏଜିକରି ଆଉ ।”^୨ ମାତର୍ ମନ୍ଦିର୍ ବାଇରେ ରଇବା ତାଣ୍ଟ ନାପୁନାଇ । କାଇକେବଇଲେ ସେ ଜାଗା ଜିଉଦି ନ ଅଇଲା ଲକ୍ମନକେ ଦିଆଅଇଲା ଆଟେ । ସେମନ୍ ସୁକଲ୍ ନଅରେ ରଇ ୪୨ ମାସ୍ ଜାକ୍ ସେ ନଅର୍କେ ଅସୁକଲ୍ କରିଦେବାଇ ।^୩ ବାସ୍ତା ପିନ୍ଦିରଇବା ଦୁଇଟା ସାକିମନକେ ମୁଇ ପାଟାଇବି । ସେ ବାରସ୍ ସାଟେଦିନ୍ ମୁଇ ସେମନକେ କଇଲାଟା ଜାନାଇବାଇ ।

^୪ ସେ ଦୁଇଟା ସାକିମନ୍ ଜଗତର୍ ମାପୁରୁ ମୁଆଟେ ଚିଆଅଇବା ଜିଡ଼ ଗଟ୍ ଆରି ଦୁଇଟା ବଡ଼ି ଅଇଆତର୍ ।^୫ କେ ଜଦି ସେମନର୍ ଅନିଆଇ ଦେକି ମାର୍ବାକେ ଚେସ୍ଟା କରୁବାଇ, ତାକର୍ ଚଣ୍ଡେଅନି ଜଇ ବାରକରାଇ ତାକର୍ ବିରଦିମନକେ ବିନାସ୍ କରୁବାଇ । ଏଣ୍ଡାରି ଜେ ସେମନକେ ମାର୍ବାକେ ଚେସ୍ଟା କରୁବାଇ, ସେମନ୍ ମରିଜିବାଇ ।^୬ ସେମନ୍ ପର୍ମେସରର୍ କବର୍ ଜାନାଇବାବେଲେ ଜେଣ୍ଡାରି କି ବରୁସା ନଅ ବଲି ବାଦଲକେ ଡାବିକରି ସଙ୍ଗାଇବାକେ ତାକର୍ ଅଦିକାର୍ଆଟେ । ପାଜୁରା ପାନିମନକେ ବନି କରୁବାକେ ମିସା ତାକର୍ ଅଦିକାର୍ ରଇସି । ଜେତେବେଲେ ମନକଲେ, ସେତେବେଲେ ଜନ୍ ରକାମ୍ ମରୁଡି ଦରୁଡି ଉପରେ କେତେତର୍ ମିସା କରି ବାଦାଦେବାକେ, ସେମନର୍ ଅଦିକାର୍ ଆଟେ ।^୭ ସେମନ୍ ତାକର୍ କବର୍ ଜାନାଇଲା ପଟେ, ଗଟେକ୍ ବେସି ତର୍ ଲାଗବା ପସୁ ପାତାଲେଅନି ବାରଇଆସି ତାକର୍ ବିରୁଦେ ଜୁଇଦ୍ କରୁସି । ସେ ପସୁ ସେମନକେ ଆରାଇକରି ମରାଇଦେଇସି ।^୮ ବଡ଼ ନଅର୍ ସାଇର୍ ମଜାଇ ତାକର୍ ମଲା ଗାଗଡ଼ ରଇସି । ସେ ବଡ଼ ନଅରେ ତାକର୍ ମାପୁରୁ କୁରୁସକାଟେ ସର୍ପି ଅଇରଇଲା । ସେ ନଅର୍ ସଦମ୍ କି ମିସର୍ ରାଇଜ୍ ପାରା ଆଟେ ।^୯ ତିନ୍ ଦିନ୍ ଆରି ଅଦା ଦିନର୍ପାଇ ସବୁ ରାଇଜର୍, ସବୁ ଦେସର୍, ସବୁ ବିସର୍, ସବୁ ଜାତିର୍ ଆରି ସବୁ ବାସାର୍ ଲକ୍ ଦେକ୍ବାଇ । ସେ ମଲା ମତାମନକେ ତପୁବାକେ ସେମନ୍ ରାଜି ନଅର୍ ।^{୧୦} ଏ ଦୁଇ ଲକ୍ ମଲାପୁପାଇ, ଜଗତର୍ ଲକ୍ ସାର୍ଦା ଅଇବାଇ । ଏ ଦୁଇଟା ବବିସଡ଼ବକ୍ତାମନ୍ ଜଗତେ ବେସି ଦୁକ୍କସର୍ ଆନାଇଲାଇଜେ ଲକ୍ମନ ସାର୍ଦା ଅଇବାଇ ଆରି ସାଇସାର୍ଦା ଅଇକରି ସାର୍ଦା ଅଇବା ଜିନିସମନ୍ ଦିଆନିଆ ଅଇବାଇ ।^{୧୧} ତିନ୍ଦିନ୍ ଆରି ଅଦା ଦିନ୍ ପଟେ ଜିବନ୍ ଦେବା ଗଟେକ୍ ପୁଣ୍ଡା ପର୍ମେସର୍ ଟାନେଅନି ଆସି ତାକର୍ ବିଡ଼ରେ ପୁରୁଲା । ଆରି ଏଦେ ଦେକା ! ସେମନ୍ ଉଟ୍ଲାଲ । ସେମନକେ ଦେକ୍ଲା ଲକ୍ମନ ବେସି ଡିରିଗାଲାଇ ।^{୧୨} ତାରୁପଟେ ସରଗେ ଅନି ଗଟେକ୍ ଜବର୍ ସବଦ୍ ବବିସଡ଼ବକ୍ତାମନକେ କଇଲା, “ଉପରେ ଆସା ।” ଆରି ତାକର୍ ବିରଦିମନ୍ ଦେକ୍ବାବେଲେ ସେମନ୍ ଗଟେକ୍ ବାଦଲ୍ ଉପରେ ବସି ସରଗେ ଗାଲାଇ ।^{୧୩} ସେଡ଼କିବେଲେ, ଏଦେ ଦେକା ! ବେସି ଦରୁଡି ତୁଲ୍‌ବୁଲି ଗାଲା । ନଅରର୍ ଦସ୍‌ବାଗେଅନି ଗଟେକ୍ ବାଗ୍ କୁରୁପୁନାସ୍ ଅଇଗାଲା । ଆରି ତେଇ ୭,୦୦୦ ଲକ୍ମନ ମରିଗାଲାଲ । ବାକି ରଇଲା ଲକ୍ମନ ଡିରିକରି ସରଗେ ରଇବା ପର୍ମେସରର୍ ବପୁକେ ତାକ୍‌ପୁଟା କଲାଇ ।^{୧୪} ବେସି ତର୍ ଅଇବା ଦୁଇ ଲମର୍ ଦୁକ୍‌କସର୍ ସାରିଗାଲା । ମାତର୍ ଏବେ ଦେକା ପଟର୍ଟା ଦାପରେ ଆଇସି ।

ସାଡ଼ଟା ମଇରି

^{୧୫} ତାରୁପଟେ ସାଡ଼ ଲମର୍ ଦୁଡ଼ ତାର୍ ମଇରି ପୁକଲା । ଆରି ଏଦେ ଦେକା ! ସରଗେ ଜବର୍ ଆଉଲି ଅଇବାଟା ସୁନିଅଇଲା । ଜଗଡ଼କେ ସାସନ୍ କରୁବା ବପୁ ଆମର୍ ମାପୁରୁ ଆରି ତାର୍ ମସିଅକେ । ସେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରୁସି ।^{୧୬} ତାରୁପଟେ ପର୍ମେସରର୍ ମୁଆଟେ ବସ୍ବା ଜାଗାଇ ବସିରଇବା

* ୧୧:୨ ୧୧:୨ ଲୁକ୍ ୨୧:୨୪ * ୧୧:୭ ୧୧:୭ ପରକାସିତ ୧୩:୫-୭,୧୭:୮ * ୧୧:୧୩ ୧୧:୧୩ ପରକାସିତ ୭:୧୨,୧୭:୧୮

୨୪ ଟା ପାର୍ତ୍ତିନିମନ୍ତ ଭାଣ୍ଡାସନ୍ ପତି ତାକେ ଜୁଆର୍ କଲାଇ ।^{୧୭} ସେମନ୍ ଏନ୍ତାରି କଇଲାଇ “ମାପୁରୁ ପରମେସର୍ ସବୁରଟାଣେଅନି ଉପରେ ଆଚେ । ସେ ସବୁବେଳେ ରଇଲା ଆରି ରଇସି ମିସା । ତର୍ ବଡ଼ ବପୁ ସଙ୍ଗେ ତୁଇ ସାସନ୍ କରବାକେ ଆରାମ୍ କଲୁସ୍ । ଆରାମ୍ କଲାର୍ପାଠା ଆମେ ତକେ ଜୁଆର୍ କଲୁନି ।^{୧୮} ଜିଉଦି ନ ଅଇଲା ଲକ୍ମନ୍ ବେସି ରିସା ଅଇଜାଉରଇଲାଇ ।” କାଇକେବଇଲେ ଏବେ ରିସା ଅଇବା ପାଲି ତମରଟା । ଏବେ ମଲା ଲକ୍ମନ୍‌ନର ବିଚାର ଅଇସିବେ । ବବିସଡ଼ବକତାମନ୍ ଜେ କି ତମର ଦାଙ୍ଗଡା ଅଇରଇଲାଇ, ସେମନ୍‌କେ ପୁରୁସକାର୍ ଦେବା ବେଲା କେଟ୍‌ଲା । ତକେ ଜେଡ଼କି ନାମାବା ଲକ୍, ବଡ଼ସାନ୍ ସମାନ୍ ଅଇକରି ଦରତନିକେ ବିନାସ୍ କରିରଇବା ଲକ୍ମନ୍ ଏବେ ନିଜେ ବିନାସ୍ ଅଇବାଇ ।^{୧୯} *ସର୍ଗେ ରଇବା ପରମେସରର୍ ମନ୍ଦିର୍ ଉଗାତି ଅଇଲା ଆରି ତେଇ ରାଜିନାମାର୍ ପେତି ତିସ୍‌ଲା । ତାର୍‌ପଚେ ବିଜ୍‌ଲି ଜଟକ୍‌ଲା, ଗଡ଼ଗତି ମାର୍‌ଲା ଦରତନି ଚୁଲ୍‌ବୁଲ୍‌ଲା ଆରି ବେସି କାରାପାକ୍‌ନା ମିସା ମାର୍‌ଲା ।

୧୨

ମାଇଜି ଆରି ସାଁପ୍

^୧ ତାର୍‌ପଚେ ବାଦ୍‌ଲେ ଗଟେକ୍ କାବାଅଇଜିବା ଚିନ୍ ତିସ୍‌ଲା । ଆରି ଏଦେ ଦେକା ! ଜନ୍ ବିଡ଼ରେ ଗଟେକ୍ ମାଇଜି ଚିଆଅଇରଇବାଟା ତିସ୍‌ଲା । ତାର୍ ଲୁଗା ବେଲ୍‌ପାରା ଜକ୍‌ଜକ୍ ଜାଇତେରଇଲା ।^୨ ସେ ମାଇଜି ବାରଟା ତାରା ରଇବା ମୁକୁଟ୍ ପିନ୍‌ରଇଲା । ସେ ନିକ ଅଇବା ବେଲା ଲଗେ କେଟିରଇଲା । ଆରି ଦୁକାସୁକାର୍‌ଲାଗି କାନ୍ଦତେରଇଲା ।

^୩ ଆରି ବାଦ୍‌ଲେ କେବେ ଦେକି ନ ରଇବା ବିନ୍ ରକାମ୍ ଚିନ୍ ତିସ୍‌ଲା । ଆରି ଏଦେ ଦେକା ! ସାଡ଼ଟା ମୁଣ୍ଡ ଆରି ଦସ୍‌ଟା ସିଙ୍ଗ୍ ରଇବା ଗଟେକ୍ ବତେଟା ଅଇ ରଙ୍ଗ୍ ରଇଲା ଅସୁର୍ ସାଁପ୍ ତିସ୍‌ଲା । ତାର୍ ସାଡ଼ଟା ମୁଣ୍ଡେ ଆଡ଼ଟା ମୁକୁଟ୍ ରଇଲା ।^୪ ବାଦ୍‌ଲେ ରଇବା ତିନ୍ ବାଗେଅନି ଗଟେକ୍ ବାଗର୍ ତାରାମନ୍‌କେ ତାର୍ ଲେଞ୍ଜି ଜିକିନେଇକରି ଦରତନିଟାଣେ ପିଙ୍ଗିଦେଲା । ସେ ମାଇଜି ନିକ ଅଇଲାଦାପ୍‌ରେ ତାର୍ ପିଲାକେ କାଇବି ବଲି ମାଇଜିର୍ ମୁଆଟେ ଚିଆଅଇଲା ।^୫ ତାର୍‌ପଚେ ସେ ମାଇଜି ଗଟେକ୍ ପିଲାକେ ଜନମ୍ ଦେଲା । ସେ ପିଲା ଜଗତର୍ ସବୁ ରାଇଜ୍ ଗଟେକ୍ ଜୁଆର୍ ଡାଙ୍ଗ୍‌ସଙ୍ଗ୍ ସାସନ୍ କରସି । ମାତର୍ ଗତାଇକରି ପରମେସର୍ ବସବା ଜାଗାଇ ନିଆଅଇଲା ।^୬ ପରମେସର୍ ତାର୍‌ପାଠା ତିଆର୍ କରି ସଇଇରଇବା ମରୁବୁଇଁ ବାଟେ ସେ ମାଇଜି ପାଲାଇଲା । ତେଇ ୧,୨୭୦ ଦିନ୍ ଜାକ ତାକେ ଜତନ୍ ନିଆଅଇସି ।

^୭ *ତାର୍‌ପଚେ ସରଗ୍‌ପୁରେ ଗଟେକ୍ ଜୁଇଦ୍ ଆରାମ୍ ଅଇଲା । ମିକାଏଲ୍ ଆରି ତାର୍‌ଦୁଡ଼ମନ୍ ସେ ଅସୁର୍ ଆରି ତାର୍ ଦୁଡ଼ମନ୍‌ର୍ ସଙ୍ଗେ ଜୁଇଦ୍ କଲାଇ ।^୮ ସେମନ୍ ସେ ଅସୁର୍‌କେ ଆରାଜିଲାଇ । ତାକେ ଆରି ତାର୍ ଦୁଡ଼ମନ୍‌କେ ସର୍ଗେ ରଇବାକେ ଆଦେସ୍ ନ ରଇଲା ।^୯ *ସେ ଅସୁର୍ ସାଁପ୍‌କେ ବାଇରେ ବେଟି ପିଙ୍ଗିଦେଲାଇ । ସେ ଅସୁର୍‌ସାଁପ୍ ଦିଆବଲ୍ ବଲି ଡାକ୍‌ବା ସାଁପ୍ ରଇଲା । ଜେ କି ଗୁଲାଇ ଜଗଡ଼ ନାଡ଼ାଇରଇଲା । ତାର୍ ଦୁଡ଼ମନ୍‌କେ ଆରି ତାକେ ମିସ୍‌ତେ ଦରତନି ଉପରେ ପିଙ୍ଗିଦେଲାଇ ।

^{୧୦} ତାର୍‌ପଚେ ସର୍ଗେ ଗଟେକ୍ ଜବର୍ ସବଦ୍ ଅଇବାଟା ମୁଇ ସୁନ୍‌ଲି । ସେ ସବଦ୍ କଲା “ଏବେ ଲକ୍‌ମନ୍‌ରପାଠା ଅଇରଇବା ପରମେସରର୍ ମୁକ୍ତି ସିଦ୍ ଅଇଲାଆଚେ । ରାଜା ଇସାବେ ତାର୍ ବପୁ କେ ଦେକାଇଆଚେ । ତାର୍ ମସିଆ, ତାର୍ ଅଦିକାର୍ ଦେକାଇଲା ଆଚେ ।” କାଇକେବଇଲେ, ଜେ କି ପରମେସରର୍ ମୁଆଟେ ଚିଆଅଇ ଆମର୍ ବାଇବଇନିମନ୍‌କେ ଦସ୍ ଦେଇତେରଇଲା, ତାକେ ସର୍ଗେଅନି ବାରକରାଇ ଦେଲାଆଚେ ।^{୧୧} ମେଣ୍ଡାପିଲାର୍ ବନିରଲାଗି ଆରି ସେମନ୍ ଜାନାଇରଇବା ସତର୍ ଲାଗି ଆମର୍ ବାଇବଇନିମନ୍ ତାର୍‌ସଙ୍ଗେ ଜୁଇଦ୍ କରି ଜିଡ଼ଲାଇ । ସେମନ୍ ମରିଜିବାଜାକ ଜାନିରଇଲେ ମିସା ବିସ୍‌ବାସ୍ କରତେରଇଲାଇ ।^{୧୨} ତେବର୍‌ପାଠା, ତମେ ସର୍ଗେ ରଇବା ଜେଡ଼କି ଲକ୍ ସାର୍‌ଦା ଉଆ । ମାତର୍ ଦରତନିତେଇ ଆରି ସମ୍‌ପୁରେ ରଇବା ଲକ୍ମନ୍ ତମର୍‌ପାଠା କେତେ ଇନସ୍‌ତାର୍ ଦିନ୍ ଆଇସି । କାଇକେବଇଲେ ତମର୍ ବିଡ଼ରେ ସଇତାନ୍ ଉଡ଼ରି ଆଇଲାଆଚେ । ସେ ବେସି ରିସାଅଇଆଚେ । କାଇକେବଇଲେ ସେ ଏବେ ବେଲା ଚନେକ୍‌ସେ ଆଚେବଲି ଜାନିଆଚେ ।

^{୧୩} ଅସୁର୍‌ସାଁପ୍ ମକେ ଦରତନିଲଗେ ପିଙ୍ଗିଦେଲାଇ ବଲି ଜାନିକରି ପିଲାକେ ଜନମ୍‌କରିରଇବା ମାଇଜିର୍ ପର୍ ପର୍ ଜିବାର୍‌ଦାର୍‌ଲା ।^{୧୪} ମରୁବାଲି ବୁର୍ବୁଁ ତାର୍ ଜାଗାଇ କେଟ୍‌ବାକେ ଗଟେକ୍ ବଡ଼ ଗିଦର୍ ଦୁଇଟା ତେନା ତାକେ ଦିଆଅଇଲା । ତେଇ ଅସୁର୍ ସାଁପ୍ ତାକେ ନ ମିଲାଇକରି କାଇଟା ନ କଲାପାରା ତିନ୍ ବରସ୍ ଅଦା ଦିନ୍ ତାର୍ ଜତନ୍ ନିଆଅଇସି ।^{୧୫} ତାର୍‌ପଚେ ସେ ଅସୁର୍‌ସାଁପ୍ ତାର୍ ଟଣ୍ଡେଅନି ବନିଆ ଅଇଜିବା ଏଡ଼କି ପାନି ବାର୍‌କରାଇଲା । ଜେନ୍ତାରି କି ସେ ପାନି ସେ ମାଇଜିକେ ବଞ୍ଚିଲାଇ ନେଇସି ।

* ୧୧:୧୯ ୧୧:୧୯ ପରକାସିତ ୮:୫:୧୭:୧୮; ପରକାସିତ ୧୭:୨୧ * ୧୨:୭ ୧୨:୭ ଜିଉଦା ୧:୯ * ୧୨:୯ ୧୨:୯ ଲୁକ୍ ୧୦:୧୮

୧୭ ମାତର ଦରତନି ସେ ମାଈଜିକେ ସାଇଜ କଲା । ଅସୁରୁର୍ସାଁପ ଟଣ୍ଡେଅନି ଆଇଲାପାନି ତାର ନିଜର ଟଣ୍ଡାପତିକରି ଗିଲିଦେଲା । ୧୭ ସେଟାରପାଇ ସେ ଅସୁରୁର୍ସାଁପ ବେସି ରିସାଅଇଗାଲା । ଆରି ସେ ମାଈଜିକ ବାଳିରଇବା ନାତିତିତି ମନର ସଙ୍ଗେ ଜୁଇଦ କରବାରୁ ଆଇଲା । ସେମନ୍ ପରମେସରର ଆଦେସ ମାନକରି ଜିସୁ ଜାନାଇରଇବା ସତ୍ତ୍ୱ ଦାରିରଇବାଇ । ୧୮ ଆରି ସେ ଅସୁରୁର୍ସାଁପ ସମ୍ପୁରୁର ବାଲିଉପରେ ଜାଇ ଟିଆ ଆଇଲା ।

୧୩

ଦୁଇଟା ପସୁ

୧ ତାରପତେ ମୁଇ ସମ୍ପୁରୁ ବିଡ଼ରେ ଅନି ଗଟେକ୍ ପସୁକେ ବାରଇଆଇବାଟା ଦେକ୍ଲି । ତାକେ ଦସଟା ସିଙ୍ଗ୍ ଆରି ସାଡ଼ଟା ମୁଣ୍ଟ ରଇଲା । ତାର ସବୁ ସିଙ୍ଗେ ଗଟେକ୍ ଗଟେକ୍ ମୁକୁଟ ରଇଲା । ଆରି ମୁଣ୍ଟ ଉପରେ ପରମେସରକେ ନିନ୍ଦା କଲା ପାରା ବିନ୍ଦ ବିନ୍ଦ ରକାମର ସାଡ଼ଟା ନାଉଁ ରଇଲା । ୨ ସେ ପସୁ ଚିତାବାଗ ପାରା ରଇଲା । ତାରପାଦ ବାଲୁର ପାଦପାରା, ତାର ଟଣ୍ଡ ସିଅଁର ଟଣ୍ଡ ପାରା ରଇଲା । ଆରି ସେ ଅସୁରୁର୍ସାଁପ, ସେ ପସୁକେ ନିଜର ବସୁ, ସିଆଁସନ୍ ଆରି ତାର ବଡ଼ ଅଦିକାର ଦେଲା । ୩ ସେ ପସୁ ଦସଟା ମୁଣ୍ଡେଅନି ଗଟେକ୍ ମୁଣ୍ଟ ବେସି ମାଡ଼ ଅଇରଇଲାପାରା ଡିସ୍ତେତେରଇଲା । ମାତର ସେଟା ନିକ ଅଇଲା । ଗୁଲାଜ ଜଗତର ଲକ୍ମନ୍ କାବାଅଇଜାଇକରି ତାର ପତେ ପତେ ଗାଲାଇ । ୪ ଆରି ନିଜର ଅଦିକାର ସେ ପସୁକେ ଦେଲାକେ ସବୁ ଲକ୍ ଅସୁରୁର୍ ସାଁପକେ ଜୁଆର କଲାଇ । ଏନ୍ତାରି କଇକରି ମିସା ସେ ପସୁକେ ସେମନ୍ ଜୁଆରକଲାଇ । ଏ ପସୁର ପାରା ଆରି କେ ନାଇ । ତାର ବିରଦେ ଜୁଇଦ କରି କେ ମିସା ଜିତି ନାପାରତ୍ ।

୫ ସେ ପସୁକେ ୪୨ ମାସଜାକ ଅଦିକାର ସଙ୍ଗଇବାକେ ଆରି ପରମେସରର ବିରୁଦେ ବଡ଼ପନ୍ କାତା କଇବାକେ ପରମେସର ଆଦେସ ଦେଲା । ୬ ସେ ପସୁ ପରମେସରର ନାଉଁକେ, ସେ ରଇବା ଜାଗାକେ ଆରି ସର୍ଗେ ରଇବା ସବୁକେ ସାଇପ ଦେବାରୁଦାରଲା । ୭ ପରମେସର ଲକ୍ମନ୍ନର ସଙ୍ଗେ ଜୁଇଦ କରି ସେମନ୍କେ ଆରାଇବାକେ ତାକେ ଅଦିକାର ଦିଆଅଇଲା । ସବୁ ବସ୍ତ୍ର ଉପରେ, ରାଜଜର ଉପରେ, ବାସା ଉପରେ ଆରି ଜାତିର ପାଇ ତାକେ ଅଦିକାର ଦିଆଅଇଲା । ୮ ଦରତନିଟାମେ ରଇବା ସବୁଲକ୍ ତାକେ ଜୁଆରକରାଇ । ଜିବନ୍ ରଇବା ଲକ୍ମନ୍ନର ବଇଟାମେ ନାଉଁ ଲେକାଅଇରଇବା ଲକ୍ମନ୍ନସେ ତାକେ ଜୁଆର ନ କରତ୍ । କାଇଟା ତିଆର ନ ଅଇରଇବା ଆଗତୁ ଲେକା ଅଇଜାଇରଇଲା । ସେ ବଇ ମରାଇଜାଇରଇବା ମେଣ୍ଟାପିଲାଟା । ୯ କାନ୍ ରଇଲା ଲକ୍ ମନ୍ଦିଆନ୍ କରି ସୁନା । ୧୦ ପରମେସରର ଜଜନା ଇସାବେ ଜାର କରମେ ବନ୍ଦିଗରେ ରଇବାରୁ ଆଟେ, ସେ ବନ୍ଦିଗରେ ଜାଇସି । ପରମେସରର ଜଜନା ଇସାବେ ଜାର କରମେ କାଣ୍ଡାସଙ୍ଗ ମରବାରୁଆଟେ, ସେ କାଣ୍ଡାସଙ୍ଗ ମାରାଇଅଇସି । ମାତର ପରମେସରର ଲକ୍ ବିସ୍ବାସ ଦାରି ମୁରତିକରି ରଇବାରୁଆଟେ ।

୧୧ ଏଦେ ଦେକା ! ତାରପତେ ଦରତନି ଅନି ଆରିଗଟେକ୍ ପସୁ ବାରଇ ଆଇବାଟା ମୁଇ ଦେକ୍ଲି । ତାକେ ମେଣ୍ଟାପିଲାଟା ସିଙ୍ଗପାରା ଦୁଇଟା ସିଙ୍ଗ୍ ରଇଲା ଆରି ଅସୁରୁର୍ସାଁପ ପାରା କାତା କଇତେରଇଲା । ୧୨ ଆଗତୁର ପସୁରପାରା ତାକେ ମିସା ଅଦିକାର ରଇଲା । ସେ ଅଦିକାର ସଙ୍ଗେ ସେ ସେବା କରତେରଇଲା । ଜଗତେ ଆରି ଜଗତେରଇବା ସବୁ ଲକ୍ମନ୍ନକେ, ଆଗତୁର ପସୁକେ ଜୁଆର କରା ବଲି ଡରାଇତେରଇଲା । ଏଡ଼କି ବିଡ଼ରେ ପରତୁମ୍ ପସୁର ଗାଉ ସୁନିଜାଇତେରଇଲା ।

୧୩ ପତର ପସୁ ବଡ଼ ବଡ଼ କାବା ଅଇଜିବା କାମମନ୍ କଲା । ଦରତନିଟାମେ ରଇବା ସବୁଲକ୍ ଦେକ୍ଲାପାରା ସର୍ଗେଅନି ଜଇ ବାରକରାଇତେରଇଲା । ୧୪ ପରତୁମ୍ ପସୁର ମୁଆଟେ କେତେକ୍ କେତେକ୍ କାବାଅଇଜିବା କାମମନ୍ କରବାକେ ତାକେ ଅଦିକାର ରଇଲା । ସେ କାବା ଅଇଜିବା କାମମନ୍ନର ଲାରି ଦରତନିତେଇ ରଇବା ସବୁ ଲକ୍ମନ୍ନକେ ନାଡ଼ାଇଲା । ପରତୁମ୍ ପସୁ ଜେ କି କାଣ୍ଡାସଙ୍ଗ ମାରି ରଇଲେ ମିସା ଜିଇ ରଇଲା, ତାକେ ତାକ୍ପୁଟାରପାଇ ଗଟେକ୍ ମୁରତି ତିଆରକରୁ ବଲି ସେ ଲକ୍ମନ୍ନକେ କଇଲା । ୧୫ ପତର ପସୁ ଆଗତୁ ତିଆର କରିରଇବା ପସୁର ମୁରତିତେଇ ପୁଣ୍ଡାବାକେ ଅଦିକାର ପାଇଲା । ଜେନ୍ତାରି କି ସେନ୍ତି କଲେ, ସେ ମୁରତି କାତା ଅଇକରି ତାକେ ଜୁଆର ନ କରବା ସବୁଲକ୍କେ ମରାଇସି । ୧୬ ସେ ପସୁ ସାନ୍ ବଡ଼ ଲକ୍ମନ୍ନକେ, ସାଉକାର ଆରି ଅଡ଼କିଡ଼ ଲକ୍ମନ୍ନକେ, ବନ୍ଦି ଆରି ମୁକ୍ତିରଇବା ଲକ୍ମନ୍ନକେ ଆରି ସବୁକେ ତାକର ଉଜାଆତେ ନଇଲେ ତାକର କାପାଲେ ଗଟେକ୍

* ୧୩:୧ ୧୩:୧ ପରକାସିତ ୧୭:୩,୭-୧୨

ଚିନ୍ତା ଗଦବାକେ ଭରାଇଲା । ୧୭ ଏ ଚିନ୍ତା ନ ଅଇତେ କେ ମିସା ଗେନା ବିକା କରି ନାପାରୁଲା । ଏ ଚିନ୍ତା ଅଇଲାନି, ସେ ପସୁର ନାଉଁ ନଇଲେ ସେ ନାଉଁ ବାଦଲିରଇବା ଲମ୍ବ ।

୧୮ ସେ ପସୁର ନମରର ଅରତ୍ତ ଗଟେକ୍ ଗିଆନ୍ ରଇବା ଲକ୍ଷ୍ୟେ ଜାନିଅଇସି । କାଇକେବଇଲେ ସେ ନମର ଗଟେକ୍ ଲକ୍ଷ୍ୟ ନାଉଁର ବାଦୁଲେ ଆଚେ । ସେ ନମର ଅଇଲାନି ୭୬୭ ।

୧୪

ମେଣ୍ଡାପିଲାର୍ ସଙ୍ଗେ ଜିବାଲକ୍

୧୦ ତାର୍‌ପଚେ ମୁଇ ସିୟନ୍ ପରବତେ ମେଣ୍ଡାପିଲା ଚିଆଅଇରଇବାଟା ଦେକ୍ଲି । ତାର୍ ସଙ୍ଗେ ୧୪,୪୦୦୦ ଲକ୍ଷ୍ୟମନ୍ ରଇଲା । ତାକର୍ କାପାଲେ ମେଣ୍ଡାପିଲାର୍ ନାଉଁ ଆରି ତାର୍ ବାବାର୍ ନାଉଁ ଲେକିରଇଲା । ୨ ଆରି ସର୍ତ୍ତେ ଅନି ମୁଇ ଗଟେକ୍ ସବ୍ ସୁନ୍ଲି । ସେଟା ଗଟେକ୍ ଜବର୍ ଗଡ଼ଗତି ଅଇ ବଡ଼ ସବଦର୍ ପାରା ଆରି ଜବର୍ ପାନି ଅଦରଲାପାରା ରଇଲା । ବିଶା ବାଜଲେ ସବ୍ ଅଇବା ଗିଡ଼ପାରା ସୁନି ଅଇଲା । ୩ ସେ ୧୪୪,୦୦୦ ଲକ୍ଷ୍ୟମନ୍ ବସ୍ତା ଜାଗାର୍ ତାର୍‌ଟା ବଠିରଇବା ପସୁମନର୍, ପାର୍‌ଚିନ୍‌ମନର୍ ମୁଆଚେ ଚିଆଅଇଲା । ସେମନ୍ ଗଟେକ୍ ମୁଆ ଗିଡ଼ କଇତେରଇଲା । ସେମନ୍ ଆକା ସେ ଗିଡ଼ ଜାନିରଇଲା । ସେମନ୍‌ସେ ମୁକ୍ତି ପାଇରଇବା ଲକ୍ଷ୍ୟମନ୍ । ୪ ସେମନ୍ ନିଜେ ସୁକଲ୍ ରଇଲା । ମାଇଜି ମନର୍ ସଙ୍ଗେ ମିସାବିତା ଅଇକରି ନିଜକେ ଅସୁକଲ୍ ଅଇ ନ ରଇଲା । ସେମନ୍ ପିଲାବେଣ୍ଡିଆ ପାରା ରଇଲା । ସେମନ୍ ସବୁବେଲେ ମେଣ୍ଡାପିଲାର୍ ସଙ୍ଗେ ଜାଇତେରଇଲା । ସେମନ୍ ମୁନୁସ୍‌ଜାତିର୍ ବିତ୍ତରେ ପରତୁମ୍ ତର୍ ମୁକ୍ତି ପାଇକରି ପରମେସରପାଇ ଆରି ମେଣ୍ଡାପିଲାର୍‌ପାଇ ନିଜ୍ଜକେ ସର୍ପି ଅଇଆଚଡ଼ । ୫ ସେମନ୍ କେବେ ମିସା ମିଡ଼ ନ କଅଡ଼ । କେ ମିସା ସେମନ୍‌କେ ଦସ୍ ଦେଇନାପାରେ ।

ଚିନ୍ତା ଦୁଡ଼ମନ୍

୬ ତାର୍‌ପଚେ ମୁଇ ଆରିଗଟେକ୍ ଦୁଡ଼କେ ଆକାସେ ଉଡ଼ି ଜିବାଟା ଦେକ୍ଲି । ଏ ଜଗତର୍ ସବୁ ରାଇଜେଅନି, ବାସାଇଅନି, ବଞ୍ଚେଅନି, ଜାତିଅନି ଆଇବା ସବୁ ଲକ୍ଷ୍ୟମନ୍‌କେ ଜାନାଇବା ପରମେସର କେବେ ନ ସାର୍‌ବା ସୁବକବର୍ ଜାନାଇତେରଇଲା । ୭ ସେ ଆଉଲିଅଇକରି କଇଲା “ପରମେସରକେ ତାକ୍‌ପୁଟା କରା । ତାର୍ ବଡ଼ ବଡ଼ କାମର୍ ପାଇ ତାକେ ଆରାଦନା କରା । ଲକ୍ଷ୍ୟମନ୍‌କେ ବିଚାର୍ କରବାକେ ତାର୍ ବେଲା କେଟଲାଆଚେ । ସରଗ, ଦରତନି, ସମ୍‌ଦୁର୍, ଆରି ପାଜ୍‌ରା ପାନି ସବୁଜାକ ସେ ତିଆରକଲାଆଚେ, ତାକେ ଜୁଆର୍ କରା ।” ୮ *ଆରି ଗଟେକ୍ ଦୁଡ଼ ପରତୁମର୍ ଦୁଡ଼ ପଚେ ଗାଲା । ସେ କଇଲା “କୁରୁପନାସ୍ ଅଇଲା । ବେସି ତାକ୍‌ପୁଟାରିଇବା ବାବିଲନ୍ କୁରୁପନାସ୍ ଅଇଲା ।” ତେଇର୍ ଲକ୍ଷ୍ୟମନ୍ ବିନ୍ଦ ଦେସର୍ ଲକ୍ଷ୍ୟମନ୍‌କେ ତାକର୍ ମଦ୍ କୁଆଇଲା । ତାର୍ ଅରତ୍ତ ଅଇଲାନି, ତାକର୍ ପାରା କାରାପ୍ ଚଲାଚଲ୍‌ତି କରାଇଲା । ୯ ସେ ଦୁଇଟା ଦୁଡ଼ମନର୍ ପଚେପଚେ ଆରି ଗଟେକ୍ ଦୁଡ଼ ଆସିକରି ଆଉଲି ଅଇକରି କଇବାର୍ ଦାରଲା, ଜେ ଜଦି ପସୁକେ କି ତାର୍ ମୁର୍ତ୍ତିକେ ପୁଜା କରସି ଆରି ନିଜର୍ କାପାଲେ କି ତାର୍ ଆଚେ ତାର୍ ଚିନ୍ତା ଗଦାଇଅଇସି, ୧୦ ସେମନ୍ ପରମେସର ମଦ୍ କାଇବାଇ । ଜନ୍‌ଟାକି ପାନି ଗାବିକରି ଚପ୍‌ରା ନ କଲାଟା । ତାର୍ ଡର୍ ଲାଗବା ତଣ୍ଡୁ ଆରି ବଡ଼ ରିସା ସେମନ୍ ମୁରବ୍‌ବାଇ । ସେମନ୍‌କେ କାଇ ଦୟା ନ ଦେକାଅଡ଼ । ସୁକଲ୍ ଦୁଡ଼ମନର୍ ମୁଆଚେ ଆରି ମେଣ୍ଡାପିଲାର୍ ମୁଆଚେ ଗନ୍‌ଟାନେ ପଡ଼ିକରି ବେସି ଦୁକ୍ କସର୍ ପାଇବାଇ । ୧୧ ଜଇଟାନେଅନି ଆଇବା ଦୁଆଁ, ଜନ୍‌ଟାକି ସେମନ୍‌କେ ଦୁକ୍ କସର୍ ଦେଲାନି, ସେଟା କାଲ୍ କାଲ୍ ଜୁର୍ ଜୁର୍ ଉପରେ ଜାଇତେ ରଇସି । ପସୁକେ କି ତାର୍ ମୁର୍ତ୍ତିକେ ପୁଜାକରବା ଲକ୍ଷ୍ୟମନ୍ ଦିନ୍‌ରାତି ପୁଣି ନାପାରଡ଼ । ଜେଟ୍ରିକି ତାର୍ ନାଉଁର ନେଇରଇବା ଲକ୍ଷ୍ୟମନର୍‌ପାଇ ମିସା । ୧୨ ପରମେସର ଲକ୍ଷ୍ୟମନ୍ ଜନ୍ ଲକ୍ଷ୍ୟମନ୍ କି ତାର୍ ଆଦେସ୍ ନାମ୍‌ବାଇ, ଆରି ଜିସୁକେ ବିସବାସ୍ କରି ଆଚଡ଼, ସେମନ୍ ମୁର୍ତ୍ତିକରି ରଇବାର୍ ଆଚେ । ୧୩ ତାର୍‌ପଚେ ସରଗେଅନି ମୁଇ ଏଠାରି ସୁନ୍ଲି । “ଏଟା ଲେକି ସଙ୍ଗାଇ । ଏବେଅନି ମାପରୁଟାନେ ମିସାଲପଚେ ମରିଜିବାକ ସେ ଲକ୍ଷ୍ୟମନ୍ କେତେକ୍ କରମର୍ ଲକ୍ଷ୍ୟ । ଉଁ ବଲି ଆଡ଼ମା କଇଲାନି । ଏଟା ସତଇସେ ଗର୍‌ସି, ତାକର୍ ଆବଡ଼ କାମେଅନି ଚନେକ୍ ପୁଣ୍ଡବାକେ ସେଟା ତାକର୍ ବେଲା ରଇସି । କାଇକେବଇଲେ ସେମନ୍ କରିରଇବା ନିକ କାମର୍ ଲାଗି ସେମନ୍ ପୁରୁସକାର୍ ପାଇବାଇ ।”

ପସଲ୍ ପାଠ୍‌ଲା

* ୧୪:୧ ୧୪:୧ ପରକାସିତ ୭:୩ * ୧୪:୮ ୧୪:୮ ପରକାସିତ ୧୮:୨

୧୪ ତାର୍‌ପତେ ମୁଇ ଦେକଲି, ଏଦେ ଦେକା ! ଗଟେକ୍ ଦବ୍ ବାଦଲ୍ ଡିସ୍‌ଲା । ଆରି ଗଟେକ୍ ନରୁପାରା ଡିସ୍‌ବା ବାଦଲ୍ ଉପ୍‌ରେ ବସିରଇଲା । ତାର୍ ମୁଣ୍ଡେ ସୁନାର୍ ମୁକୁଟ୍ ଆରି ଆତେ ଗଟେକ୍ ଗଢ଼ିଆ ଇଲା ଦାରିରଇଲା । ୧୫ ତାର୍ ପତେ ମନ୍ଦିରେଅନି ଆରି ଗଟେକ୍ ଦୁଡ୍ ବାରଇ ଆଇଲା । ଆରି ବାଦଲ୍ ଉପ୍‌ରେ ବସିରଇଲା ଲକ୍‌କେ ଆଉଲିଅଇକରି କଇଲା “ବେଲା କେଟ୍‌ଲାବେ ।” ତମର୍ ପସଲ୍ ପାଟ୍‌ଲାଆତେ । ତର୍ ଇଲାସଙ୍ଗ୍ ସେଟା କାଟ୍ । ୧୬ ତାର୍‌ପତେ ବାଦଲେ ବସଲା ଲକ୍ ତାର୍ ଇଲା ଦରତନି ଉପ୍‌ରେ ବୁଲାଇଲା । ଦରତନିର୍ ଚାସ୍ ସବୁ କାଟାଅଇଲା । ୧୭ ସରଗର୍ ମନ୍ଦିରେଅନି ଆରିଗଟେକ୍ ଦୁଡ୍ ବାରଇ ଆଇବାଟା ମୁଇ ଦେକଲି । ତାର୍ ଆତେ ମିସା ଗଟେକ୍ ଲାଗନ୍ ଇଲା ରଇଲା । ୧୮ ତାର୍‌ପତେ ବେଦିଗାନେଅନି ଜଇ ଦେକାରକା କର୍‌ବା ଆରିଗଟେକ୍ ଦୁଡ୍ ଆଇଲା । ସେ ଆଉଲିଅଇକରି ଲାଗନ୍ ଇଲା ଦାରିରଇବା ଦୁଡ୍‌କେ କଇଲା “ଦରତନିଗାନେ ରଇବା ଅଙ୍ଗୁରବାଡର୍ ଅଙ୍ଗୁର୍ ପାଟ୍‌ଲାଆତେ । ତର୍ ଇଲାଦାରି କାଟିନେ ।” ୧୯ ତେବର୍‌ପାଇ ସେ ଦୁଡ୍ ଦରତନି ଉପ୍‌ରେ ତାର୍ ଇଲା ବୁଲାଇଲା । ମାଲେଅନି ଅଙ୍ଗୁର୍ କାଟ୍‌ଲା । ଆରି ଅଙ୍ଗୁର୍ ଆଜାଡ୍‌ବା କୁଣ୍ଡେ ଡାଲିଦେଲା । ସେ ଜାଗା ଅଇଲାନି ପର୍‌ମେସରର୍ ବଡ୍ ରିସାର୍ ଜାଗା । ୨୦* ନଗରର୍ ବାଇରେ ରଇବା କୁଣ୍ଡେ ଚକଟାଗାଲା ଜାଗାଇ, ଅଙ୍ଗୁର୍‌ମନ୍ ପିଟକଲାଇ ଆରି ତେଇଅନି ବନି ବାରଇଲା । ସେ ବନି ତିନ୍‌ସ କିଲମିଟର୍ ଲମ୍, ଆରି ଦୁଇମିଟର୍ କାଲ୍‌ସେଡ୍‌କି ବଇଗାଲା ।

୧୫

ସାରାସାରିର୍ ମରୁତି

୧ ଏଦେ ଦେକା ! ତାର୍‌ପତେ ଆକାସେ ଆରିଗଟେକ୍ କାବା ଅଇଜିବା ତିନ୍ ମୁଇ ଦେକଲି । ତେଇ ସାଡ୍‌ଗା ଦୁଡ୍‌ମନ୍‌କେ ସାଡ୍‌ଗା ମରୁତି ସର୍‌ପାଇ ଅଇରଇଲା । ଏ ସର୍‌ତେ ମରୁତି ସାରାସାରି ବେଲ୍‌ରଟା । କାଇକେବଇଲେ ଏଟା ଅଇଲାନି ଦରତନି ଉପ୍‌ରେ ପର୍‌ମେସର୍ ଆନ୍‌ବା ସାରାସାରିର୍ ଡଣ୍ଡ । ୨ ତାର୍‌ପତେ କାଟ୍ ପାରା ଡିସ୍‌ବା ସମ୍‌ଦୁର୍ ସଙ୍ଗ୍ ଜଇ ମିସାଇଲା ପାରାଟା ଗଟେକ୍ ଦେକଲି । ପସୁ ଆରି ତାର୍ ମୁରୁତି ଉପ୍‌ରେ ଜୁଇଦ୍ କରି ଜିତିରଇବା ଲକ୍‌ମନ୍‌କେ ମିସା ମୁଇ ଦେକଲି । ସେ ପସୁର୍ ନାଉଁ ଗଟେକ୍ ଲମ୍‌ରର୍ ବାଦୁଲେ ରଇଲା । ସେମନ୍ କାଟର୍ ସମ୍‌ଦୁର୍ ପାଲିବାଟେ ଚିଆ ଅଇରଇଲା । ପର୍‌ମେସର୍ ସେମନ୍‌କେ ଦେଇରଇବା ବିଣା ତାକର୍ ଆତେ ରଇଲା । ୩ ସେ ଲକ୍‌ମନ୍ ମସା ଜେ କି ପର୍‌ମେସରର୍ ଗତିଦାଙ୍ଗା, ତାର୍ ଗିଡ୍ ଆରି ମେଣ୍ଡାପିଲାର୍ ଗିଡ୍ ଗାଇତେରଇଲା । ମାପୁର୍ ପର୍‌ମେସର୍ ଜେ କି ସବୁର୍ ଉପ୍‌ରେ ଆତେ, ତମେ କର୍‌ବା କାମ୍ ବେସି ବଡ୍ ଆରି କାବାଅଇଜିବାଟା । ତୁଇ ରାଇଜମନ୍‌ର୍ ରାଜା । ତର୍ ବାଟ୍ ସବ୍ ଆରି ସମାନ୍ । ୪ ତମ୍‌କେ ପର୍‌ମେସର୍ ବଲି ନ ନାମବା ଲକ୍ କେ ନ ରଅଡ୍ । ତମ୍‌କେ ତାକ୍‌ପୁଟା ନ କର୍‌ବା ଲକ୍ କେ ନ ରଅଡ୍ । କାଇକେବଇଲେ ତମେସେ ସୁକଲ୍ । ସବୁ ରାଇଜର୍ ଲକ୍‌ମନ୍ ତମ୍‌କେ ଜୁଆର୍ କର୍‌ବାକେ, ତମର୍ ମୁଆଟେ ରୁଣ୍ଡିବାଇ । କାଇକେବଇଲେ ତମର୍ ଦରମ୍ କାମ୍‌ମନ୍ ସବୁ ସେମନ୍ ଦେକଲାଇ ଆଟଡ୍ ।

୫ ତାର୍‌ପତେ ସୁକଲ୍ ତମ୍ ରଇବା ସରଗର୍ ମନ୍ଦିର୍ ଉଗାଡି ଅଇରଇବାଟା ମୁଇ ଦେକଲି । ୬ ସାଡ୍‌ଗା ମରୁତି ସର୍‌ପାଇ ଅଇରଇବା ସାଡ୍‌ଗା ଦୁଡ୍‌ମନ୍ ମନ୍ଦିରେ ଅନି ବାରଇଲା । ସେମନ୍ ଦବ୍ ରଇକରି ଜକ୍‌ଜକ୍ ଜାଇତେରଇବା ବସଡ୍‌ର୍ ପିନ୍ ରଇଲା । ଆରି ସୁନାର୍ ବେଲ୍‌ଟୁ ବୁକେ ବାନ୍ଦିଅଇରଇଲା । ୭ ଚାର୍‌ଗା ଜିବନ୍ ରଇବା ପସୁମନ୍‌ର୍ ବିଡ୍‌ରେ ଗଟେକ୍ ସବୁବେଲ୍‌ର୍ ପର୍‌ମେସରର୍ ରିସାସଙ୍ଗ୍ ବରୁତି ଅଇରଇବା ସାଡ୍‌ଗା ସୁନାର୍ ଗିନା, ସେ ସାଡ୍‌ଗା ଦୁଡ୍‌ମନ୍‌କେ ଦେଲା । ୮ ପର୍‌ମେସର୍ ବପୁ ଆରି ତାର୍ ମଇମାର୍ ଲାଗି ମନ୍ଦିର୍ ଦୁଆଁ ସଙ୍ଗ୍ ବରୁତି ଅଇଲା । ସେ ସାଡ୍‌ଗା ଦୁଡ୍‌ମନ୍ ସାଡ୍‌ଗା ମରୁତି ନ ସାରାଇବା ଜାକ୍, ମନ୍ଦିର୍ ବିଡ୍‌ରେ କେ ପୁରିନାପାରୁଲା ।

୧୬

ପର୍‌ମେସରର୍ ଗିନାର୍ ରିସା

୧ ତାର୍‌ପତେ ଗଟେକ୍ ମନ୍ଦିରେଅନି ଗଟେକ୍ ଜବର୍ ସବଦ୍ ସେ ସାଡ୍‌ଗା ଦୁଡ୍‌ମନ୍‌କେ କାଟା ଅଇବାଟା ମୁଇ ସୁନ୍‌ଲି । “ଜାଆ ଆରି ପର୍‌ମେସରର୍ ରିସା ବରୁତି ଅଇରଇବା ସାଡ୍‌ଗା ଗିନା ଦରତନି ଉପ୍‌ରେ ଆଜାଡିଦେସ୍ ।” ୨ ପର୍‌ଡୁମ୍ ଦୁଡ୍ ଗାଲା ଆରି ତାର୍ ରିସାର୍ ଗିନା ଦରତନି ଉପ୍‌ରେ ଆଜାଡିଦେଲା । ଆରି ଏଦେ ଦେକା ! ଜନ୍ ଲକ୍‌ମନ୍ ଜେ କି ପସୁର୍ ତିନ୍ ଗଦିଅଇରଇଲା ଆରି ତାର୍ ମୁରୁତିକେ ଜୁଆର୍ କର୍‌ତେରଇଲା, ତାକର୍ ଗାଗ୍‌ତେ ମୁରୁତି ନାପାରୁଲା ପାରା ଉଟାନ୍ ବାରଇଲା । ୩ ତାର୍‌ପତେ

* ୧୪:୨୦ ୧୪:୨୦ ପରକାସିତ ୧୯:୧୫

ଦୁଇ ଲମ୍ବର ଦୁହ୍ ତାର ରିସାର୍ ଗିନା ସମଦୁରେ ଆଜାତି ଦେଲା । ଆରି ଏଦେ ଦେକା ! ତେଇତ୍ ପାନି ମଲାଲକର୍ ବନିପାରା ଅଇଗାଲା । ଆରି ସମଦୁରେ ରଇବା ଜୁଡ଼ଜିଆଦ୍ ମରିଗାଲା । ^୪ ତାରପତେ ତିନ୍ ଲମ୍ବର ଦୁହ୍ ତାର ରିସାର୍ ଗିନା ଗାଡ଼ମନ୍ଦକେ ଆରି ପାଉରାମନ୍ଦକେ ଆଜାତିଦେଲା । ସେଟାମନ୍ଦ ପାନି ସବୁ ବନି ଅଇଗାଲା । ^୫ ତାରପତେ ପାନି ଦେକାରକା କରବା ଦୁହ୍ ଏନ୍ତାରି କଇବାଟା ମୁଇ ସୁନ୍ଲି “ଏ ସୁକଲ୍ ରଇବା ପର୍ମେସର୍ ତମେ ଆଗେଅନି ଆରି ଏବେ ମିସା ଆଗାସ୍ । ତମର୍ ବିଚାରନା ଟିକ୍ ଆଚେ । ^୬ ପର୍ମେସର୍ ଲକ୍ମନର ଆରି ବବିସଡ଼ବକ୍ତାମନ୍ଦର ବନି ତାଲିଦେଲା । ତେବର୍ପାଇ ତମେ ସେମନ୍ଦକେ କାଇବାକେ ବନି ଦେଇଆଗାସ୍ । ସେମନ୍ଦ କରରିଇବା କାମର୍ ପଲ୍ ସେମନ୍ଦ ଆକା ପାଇଲା । ଆଚତ୍ ।” ^୭ ତାରପତେ ବେଦିଟାନେଅନି ଗଟେକ୍ ସବଦ୍ ମୁଇ ସୁନ୍ଲି । “ମାପୁରୁ ପର୍ମେସର୍ ଜେ କି ସବୁର୍ ଉପରେ ଆଚେ, ତମର୍ ବିଚାରନା ସମାନ୍ ଆରି ସତ୍ ।”

୮ ତାରପତେ ଚାରି ଲମ୍ବର ଦୁହ୍ ତାର ରିସାର୍ ଗିନା ବେଲ୍ ଉପରେ ଆଜାଡ଼ଲା । ଆରି ଏଦେ ଦେକା ! ତାର ଅପରବଲ୍ ତାତି ସଙ୍ଗ୍ ଲକ୍ମନକେ ପଡ଼ାଇଦେବାକେ ବେଲ୍ ଆଦେସ୍ ପାଇଲା । ^୯ ସେ ଅପରବଲ୍ ତାତିର୍ ଲାଗି ସେମନ୍ଦ ପଡ଼ିଗାଲା । ଆରି ପର୍ମେସରର୍ ନାଉଁ ଦାରି ସାଇପ୍ ଦେଲା । କାଇକେବଇଲେ ଏ ସବୁର୍ ମର୍ଡ଼ି ଉପରେ ତାରଆକା ଅଦିକାର୍ ରଇଲା । ମାତର୍ ସେମନ୍ଦ ଏନ୍ତା ଅଇଲା ମସିଆ ତାକର୍ ପାପେଅନି ବାଉଡ଼ନାଇ । ଆରି ପର୍ମେସରର୍ ବଡ଼ କାମକେ ମାନନ୍ନାଇ । ^{୧୦} ତାରପତେ ପାଁର୍ ଲମ୍ବର ଦୁହ୍ ତାର ରିସାର୍ ଗିନା ପସୁର୍ ବସବା ଜାଗାର୍ ଉପରେ ଆଜାତିଦେଲା । ଆରି ଏଦେ ଦେକା ! ପସୁର୍ ରାଇଜେ ଆନ୍ଦାର୍ ତାବିଅଇଦେଲା । ଆରି ଦୁକାର୍ ଲାଗି ଲକ୍ମନ୍ ନିଜର୍ ନିଜର୍ ଜିବ୍ ଚାବିଅଇଦେଲା । ^{୧୧} ତାକର୍ ଦୁକା ଆରି ଉଟାମନ୍ଦ ଲାଗି ସରଗର୍ ପର୍ମେସର୍କେ ସେମନ୍ଦ ସାଇପ୍ ଦେଲା । ମାତର୍ ତାକର୍ କାରାପ୍ ଚଲାଟଲୁଡ଼ିର୍ ଲାଗି ସେମନ୍ଦ ବାଉଡ଼ନାଇ । ^{୧୨} ତାରପତେ ଚଅ ଲମ୍ବର ଦୁହ୍ ତାର ରିସାର୍ ଗିନା ଇଉପର୍ଟିସ୍ ନାଉଁର୍ ଗଟେକ୍ ବଡ଼ଗାତେ ଆଜାତିଦେଲା । ଆରି ଏଦେ ଦେକା ! ସେ ଗାତର୍ ପାନି ଆଁଗିଗାଲା । ସେନ୍ତାରି ପୁରବେଅନି ଜନ୍ ରାଜାମନ୍ଦ ଆରି ତାକର୍ ସନିଅମନ୍ଦ ଆଇବାର୍ ରଇଲା, ସେମନ୍ଦପାଇ ବାଟ୍ ତିଆର୍ଅଇଲା । ^{୧୩} ତାରପତେ ତିନ୍ଟା ବେଙ୍ଗପାରି ତିସବା ଅସୁକଲ୍ ଆଡ଼ମାମନ୍ଦକେ ମୁଇ ଦେକ୍ଲି । ସେମନ୍ଦ ଅସୁର୍ପାପର୍ ଟଣ୍ଡେଅନି, ପସୁର୍ ଟଣ୍ଡେଅନି ଆରି ମିର୍ କଇବା ବବିସଡ଼ବକ୍ତାଟାଟା ଟଣ୍ଡେଅନି ବାରଇ ଆଇଡେରଇଲା । ^{୧୪} ସେମନ୍ଦ କାବାଅଇଜିବା କାମ୍ କରବା ତୁମାମନ୍ଦ ଆଡ଼ମାମନ୍ଦ । ଏ ତିନ୍ଟା ଆଡ଼ମା ଜଗତେ ରଇବା ସବୁ ରାଜାମନ୍ଦଟାଗେ ଗାଲା । ବେସି ବପୁ ରଇବା ପର୍ମେସରର୍ ବଡ଼ ଦିନର୍ ଜୁଇଦେ ସେ ଆଡ଼ମାମନ୍ଦ ସବୁ ରାଜାମନ୍ଦକେ ଚୁଲିଆଇ ଆନ୍ଦା ।

^{୧୫} ସୁନା, ମୁଇ ଚର୍ ପାରା ଆଇଲିନି । ଜନ୍ ଲକ୍ମନ୍ ଜାଗରଡ଼ ରଇକରି ତାକର୍ ବସତର୍ ଜାଗରଡ଼ା କରି ସଙ୍ଗାଇବାଇ, ସେମନ୍ଦ କେତେକ୍ କରମର୍ ଲକ୍ମନ୍ । ମୁଇ ଆଇବା ଦିନେ ସେମନ୍ଦ ଗଟେକ୍ ତୁମାଣ୍ଡା ଅଇକରି ଏନେତେନେ ବୁଲୁବା ଲକ୍ ପାରା ନ ରଏ । ଆରି ସେମନ୍ଦ ଲକ୍ମନ୍ଦକେ ଦେକି ଲାଜ୍ ନ ଅଥଡ଼ । ^{୧୬} ତାରପତେ ଆଡ଼ମାମନ୍ଦ ସବୁ ରାଜାମନ୍ଦକେ ଗଟେକ୍ ଜାଗାଇ ଚୁଲିଆଇ ଆନ୍ଦଲା । ଏବ୍ରି ବାସାଇ ସେ ଜାଗା ନାଉଁ ଅଇଲାନି ଅମିଗର୍ଦନ୍ । ^{୧୭} ତାରପତେ ସାଡ଼ ଲମ୍ବର ଦୁହ୍, ତାର ରିସାର୍ ଗିନା ପବନେ ଆଜାତିଦେଲା । ଆରି ଏଦେ ଦେକା !! ମନ୍ଦିରେ ରଇବା ବସବା ଜାଗାଇ ଅନି ଗଟେକ୍ ବଡ଼ ସବଦ୍ ଆଇଲା । “ସେଟା ସବୁ ସାରିଗାଲା !” ^{୧୮} ଦାପୁରେ ବିଜ୍ଲି ମାର୍ଲା, ଗଡ଼ଗଡ଼ି ମାର୍ଲା ଆରି ବେସି ଦରତନି ବୁଲୁବୁଲୁଲା । ମୁନ୍ସ ଜାତି ତିଆର୍ କଲାଡେଇଅନି ଏନ୍ତାରି ଦରତନି ବୁଲୁବୁଲୁବାଟା କେବେ ନ ଅଇରଇଲା । ଏଟା ସବୁଟାଗେ ଅନି କାରାପ୍ ରଇଲା । ^{୧୯} ସେ ବଡ଼ ନଅର୍ ତିନ୍ଦାଗ୍ ଅଇଗାଲା । ସବୁ ଦେସର୍, ସବୁ ରାଇଜର୍ ନଅର୍ମନ୍ଦ, ବିନାସ୍ ଅଇଗାଲା । ପର୍ମେସର୍ ତାକ୍ପୁଟା ରଇବା ବାବିଲନ୍ଦକେ ଏତାଇଲା । ଆରି ତାର୍ ଗିନାଇଅନି ତାକେ ମଦ୍ କୁଆଇଲା । ଏଟା ଅରଡ଼ ଅଇଲାନି, ତାର ରିସାଇଅନି ଆଇବା ବଡ଼ ଡଣ୍ଡ୍ ସେମନ୍ଦ ପାଇବାଇ । ^{୨୦} ସମଦୁର୍ ମଜାଇ ରଇବା ସୁକଲା ଜାଗାମନ୍ ସବୁ କୁପ୍ଲି, କି ଡଙ୍ଗର୍ମନ୍ ନ ରଇଲା । ^{୨୧} ଆକାସେଅନି ପଟାସ୍ କେଜି ଲାକା ରଇବା କାରାପାକ୍ନାମନ୍ ଲକ୍ମନର୍ ଉପରେ ଅଦର୍ଲା । କାରାପାକ୍ନା ଅଦର୍ଲା ବିପଦର୍ଲାଗି ଲକ୍ମନ୍ ପର୍ମେସର୍କେ ସାଇପ୍ ଦେଲା । କାଇକେବଇଲେ ସେଟାଗଟେକ୍ ବଡ଼ ବିପଦ୍ ରଇଲା ।



* ୧୬:୧୫ ୧୬:୧୫ ମାତିଉ ୨୪:୪୩,୪୪; ଲୁକ୍ ୧୨:୩୯,୪୦; ପରକାସିତ ୩:୩ * ୧୬:୧୮ ୧୬:୧୮ ପରକାସିତ ୮:୫:୧୧:୧୩,୧୯
 * ୧୬:୨୦ ୧୬:୨୦ ପରକାସିତ ୬:୧୪ * ୧୬:୨୧ ୧୬:୨୧ ପରକାସିତ ୧୧:୧୯

ତାକ୍‌ପୁଟା ବେସିଆ

^୧ ତାତ୍‌ପଟେ ସାତ୍‌ଟା ଗିନାଦାରିରଇବା ସାତ୍‌ଟା ଦୁଡ଼ଫନର୍ ବିଡ଼ରେ ଅନି ଗଟେକ୍ ଦୁଡ଼ ଫକେ ଆସିକରି କଇଲା, “ଇତି ଆଉ ।” ସେ ତାକ୍‌ପୁଟା ବେସିଆ କେନ୍ଦ୍ରାରି ତଣ୍ଡ ପାଇସି, ସେଟା ମୁଇ ତକେ ଦେକାଇବି । ବେସି ଗାଡ଼ଫନ୍ ମିସିରଇବା ଜାଗାଇ ସେ ନଅର୍ ତିଆର୍ ଅଇଲାଆଟେ । ^୨ ଜଗତର୍ ରାଜାମନ୍ ତାତ୍‌ ସଙ୍ଗ୍ ବେସିଆ କାମ୍ କଲାଇ । ଜଗତର୍ ଲକ୍‌ମନ୍ ତାତ୍‌ ମଦ୍ କାଇକରି ମାଡ଼ଲାଇ । ତାତ୍‌ ଅରଡ଼ ଅଇଲାନି, ତାକ୍‌ କାରାପ୍ ଚଲାଚଲୁତିକେ ସେମନ୍ ମାନ୍‌ଲାଇ ।

^୩ ଧକେ ଆଡ଼ଫା ଦାରିଦେଲା ଆରି ଦୁଡ଼ ଫକେ ମରୁବାଲି ବୁର୍ଦ୍ଧି ତାକିନେଲା । ଆରି ଏଦେ ଦେକା ! ତେଇ ରଙ୍ଗ୍ ପସୁର୍ ଉପ୍‌ରେ ଗଟେକ୍ ମାଇଜି ବସିରଇବାଟା ମୁଇ ଦେକ୍‌ଲି । ତାକେ ସାତ୍‌ଟା ମୁଣ୍ଡ ଆରି ଦସ୍‌ଟା ସିଙ୍ଗ୍ ରଇଲା । ପରମେସରକେ ନିନ୍ଦାକରୁବା ନାଉଁ ସେ ପସୁର୍ ଉପ୍‌ରେ ଲେକାଅଇରଇଲା । ^୪ ସେ ମାଇଜି ରଙ୍ଗ୍ ଆରି ଜାମକଲି ରଙ୍ଗ୍‌ର୍ ବସତର୍ ପିନ୍‌ରଇଲା । ସେ ବେସି ସୁନାବାନା, ଆରି ବେସି ଦାମ୍ ଦେଇରଇବା ଇରାନିଲା ପିନ୍‌ରଇଲା । ତାତ୍‌ ଆତେ ସୁନାର୍ ଗିନା ଦାରିରଇଲା । ସେ କରିରଇବା ବେସିଆ କାମ୍‌ମନ୍ ଆରି କାରାପ୍ କାମ୍‌ମନ୍ ସେ ଗିନାଇ ବର୍ଡିଅଇରଇଲା । ^୫ ତାତ୍‌ କାପାଲେ ଲେକିରଇବା ନାଉଁ କେ ନାଜାନିବା ଗଟେକ୍ ଅରଡ଼ ରଇଲା । “ଏ ତାକ୍‌ପୁଟା ବାବିଲନ୍ !” ଜଗତେ କରିରଇବା ସବୁ ବେସିଆ କାମ୍‌ମନ୍ ଆରି କରାପ୍ କାମ୍‌ମନ୍ ଆୟା ତୁଇସେ । ^୬ ଆରି ସେ ମାଇଜି ପର୍‌ମେସରକ୍ ଲକ୍‌ମନ୍‌ର୍ ବନି କାଇ ମାଡିରଇବାଟା ମୁଇ ଦେକ୍‌ଲି । ଜିସୁକେ ବିସବାସ୍ କରି ସାଦବାନ୍ ଅଇ ମରିଜାଇରଇବା ଲକ୍‌ମନ୍‌ର୍ ବନି କାଇକରି ମିସା ସେ ମାଡିରଇଲା । ମୁଇ ତାକେ ଦେକିକରି କାବା ଅଇଗାଲି । ^୭ ଦୁଡ଼ ଫକେ ପାଟାରୁଲା, “କାଇକେ ତୁଇ କାବା ଅଇଗାଲୁସ୍ ? ଏ ମାଇଜିର୍ ଆରି ତାକେ ଦାରିରଇବା ପସୁର୍ କେ ନାଜାନି ରଇବା ଅରଡ଼ ମୁଇ ତକେ କଇଦେବି ।” ସେ ପସୁକେ ସାତ୍‌ଟା ମୁଣ୍ଡ ଆରି ଦସ୍‌ଟା ସିଙ୍ଗ୍ ରଇଲା । ^୮ ଆଗତୁ ତରେକ୍ ସେ ପସୁ ବର୍ଡିରଇଲା । ମାତର୍ ଏବେ ଆରି ସେ ନ ବର୍ଡେ । ପାଟାଲେଅନି ସେଟା ବାରଇ ଆଇସି । ତାକେ ଆରି ତରେକ୍ ସେ ତଣ୍ଡ ପାଇବା ଜାଗାଇ ନିଆଅଇସି । ଜଗତେରଇବା ଲକ୍‌ମନ୍, ସବୁ ତିଆର୍ ନ ଅଇବା ଆଗତୁ, ଜାତ୍ ନାଉଁ ଜିବନ୍‌ରଇବା ବଇଟାନ୍‌େ ଲେକାଅଡ଼ନାଇ, ସେମନ୍ ସେ ପସୁକେ ଦେକି କାବାଅଇଜିବାଇ । କାଇକେବଇଲେ ସେ ଆଗତୁ ବର୍ଡିରଇଲା, ଏବେ ଆରି ସେଟା ବର୍ଡିଏନାଇ । ମାତର୍ ସେଟା ଆରିତରେକ୍ ଆଇସି ।

^୯ “ଗଟେକ୍ ଗିଆନ୍ ରଇବା ଆରି ଚିନ୍ତା କରୁବା ଲକ୍‌ସେ ଏଟା ବୁଜିପାରୁସି । ସେ ସାତ୍‌ଟା ମୁଣ୍ଡର୍ ଅରଡ଼ ଅଇଲାନି, ସେ ମାଇଜି ବସ୍‌ବା ସାତ୍‌ଟା କୁପ୍‌ଲି । ସେଟା ଅଇଲାନି ସାତ୍‌ଟା ରାଜାମନ୍ ମିସା । ^{୧୦} ସେ ସାତ୍‌ଟା ରାଜାମନ୍‌ର୍ ବିଡ଼ରେ ଅନି ପାଟିଟା ରାଜା ବୁଡିଗାଲାଇ । ଗଟେକ୍ ଏବେ ମିସା ସାସନ୍ କଲାମି । ସାରାସାରିଟା ଏବେଜାକ ଆସେନାଇତା । ସେ ଆଇଲେ ଚନେକର୍‌ପାଇ ସାସନ୍ କର୍‌ବାରୁଆଟେ । ^{୧୧} ଆରି ଜନ୍ ପସୁ ଜେ କି ଆଗତୁ ବର୍ଡିରଇଲା, ଆରି ଏବେ ସେ ବର୍ଡେନାଇ, ସେ ଅଇଲାନି ଆର୍ ଲମ୍‌ର୍ ରାଜା । ସାତ୍‌ଟା ରାଜାମନ୍‌ର୍ ବିଡ଼ରେଅନି ସେ ଗଟେକ୍ । ଆରି ସେ ମିସା ବୁଡିଜାଇସି ।”

^{୧୨} ଜନ୍ ଦସ୍‌ଟା ସିଙ୍ଗ୍ ତୁଇ ଦେକିରଇଲୁସ୍, ସେଟା ଅଇଲାନି ଦସ୍‌ଟା ରାଜା । ସେମନ୍ ଏବେଜାକ ରାଇଜେ ସାସନ୍ କରଡ଼ ନାଇତା । ମାତର୍ ପସୁସଙ୍ଗ୍ ରାଜା ଇସାୟେ ଗଟେକ୍ ଗିଟା ସାସନ୍ କର୍‌ବାକେ ଅଦିକାର୍ ଦିଆଅଇସି । ^{୧୩} ଏ ସବୁ ଦସ୍‌ଟା ରାଜାମନ୍‌କେ ଗଟେକ୍ ଆକା ଆଦେସ୍ ଆଟେ । ତାକର୍ ସବୁ ବପୁ ଆରି ଅଦିକାର୍ ପସୁକେ ଦେବାଇ । ^{୧୪} ସେମନ୍ ମେଣ୍ଡାପିଲାଟ୍ ବିରୁଦ୍ଧେ ଜୁଇଦ୍ କରୁବାଇ । ମାତର୍ ମେଣ୍ଡାପିଲା ସେମନ୍‌କେ ଆରାଇସି । କାଇକେବଇଲେ ସେ ସବୁ ମାପୁରୁମନ୍‌ର୍ ଟାନ୍‌େଅନି ଉଟେ ରଇବା ମାପୁରୁ । ଆରି ରାଜା ମନ୍‌ର୍‌ଟାନ୍‌େ ଅନି ଉପ୍‌ରେ ରଇବା ରାଜା । ତାତ୍‌ ଜେଡ଼କି ସିସମନ୍‌କେ ସେ ତାକିକରି ବାଟ୍‌ଲାଆଟେ, ଆରି ତାକେ ସଡ଼ ସଙ୍ଗ୍ ନାମ୍‌ବାଇ, ସେମନ୍‌ର୍ ସଙ୍ଗ୍ ସେ ଜୁଇଦ୍ କରୁସି ।

^{୧୫} ଦୁଡ଼ ଏନ୍ଦ୍ରାରି ମିସା ମକେ କଇଲା, ତୁଇ ଜନ୍ ପାନି ଉପ୍‌ରେ ବେସିଆ ବସିରଇବାଟା ଦେକ୍‌ଲୁସ୍, ସେଟା ଅଇଲାନି ଏ ଜଗତର୍ ରାଇଜମନ୍, ଲକ୍‌ମନ୍, ଜାତିମନ୍ ଆରି ବାସାମନ୍ । ^{୧୬} ତୁଇ ଦେକିରଇବା ଦସ୍‌ଟା ସିଙ୍ଗ୍ ଆରି ସେ ପସୁ ବେସିଆକେ ଗିନ୍ କରୁବାଇ । ତାତ୍‌ଟାନ୍‌େ ରଇବାଟା ସବୁ ଚାଡାଇନେଇ ତୁମଣ୍ଡା କରୁବାଇ । ତାତ୍‌ ମାଉଁସ୍ କାଇକରି ତାକେ ଜଇଟାନ୍‌େ ପଡାଇଦେବାଇ । ^{୧୭} କାଇକେବଇଲେ ପର୍‌ମେସର୍ ତାତ୍‌ ଜଜିନା ପୁରାପୁରନ୍ କର୍‌ବାକେ ସେମନ୍‌ର୍ ମନ୍‌କେ ଏ କାତାଦେଇ ପାଟାଇଆଟେ । ସେମନ୍ ଗଟେକ୍ ଅଇ କାମ୍ କରୁବାଇ । ପର୍‌ମେସରକ୍ ବାକିଅ ସିଦ୍ ଅଇବାଜାକ ତାତ୍‌ ରାଇଜର୍ ସାସନ୍ କରୁବା ବପୁ, ପସୁକେ ଦେଲାଆଟେ ।

୧୭:୩ ୧୭:୩ ପରକାସିତ ୧୩:୧ ୧୭:୮ ୧୭:୮ ପରକାସିତ ୧୧:୭

୧୮ ଆରି ଜନ୍ ମାଲିକିକେ ତୁଇ ଦେକଲୁସ୍, ସେ ଅଇଲାନି, ଜଗତର୍ ରାଜାମନ୍ଦକେ ସାସନ୍ କର୍ବା ସେ ବଡ଼ ନଅର୍ ।

୧୮

ବାବିଲନ୍ ବୁଡ଼ିଗାଲାଟା

୧ ତାରପଟେ ଏଦେ ଦେକା ! ସରଗେଅନି ଆରି ଗଟେକ ଦୁଡ଼ ଉଡ଼ରିଆଇବାଟା ମୁଇ ଦେକଲି । ତାକେ ବେସି ଅଦିକାର୍ ରଇଲା । ଆରି ତାର ଉଜଲ୍ ଗୁଲାଇ ଜଗତେ ବରଡ଼ି ଅଇଗାଲା । ୨ *ସେ ବେସି ଆକଫାରି କଇଲା, “ତାର୍ ଦସା ଅଇଲା ଆଟେ ! ସେ ବଡ଼ ବାବିଲନ୍ ମାଟିଲଗେ ମିସି ରୁନ୍‌ରୁନ୍‌ ଅଇଗାଲାବେ ! ସେଟା ଏବେ ମାଟିବିଡ଼ରେ ତପିଅଇ ଗାଲାବେ ! ତାକେ ଏବେ ତୁମାମନ୍ ଆରି ଅସୁକଲ୍ ଆଡ଼ମାମନ୍ ବାଦାଦେଲାଇନି । ସବୁ ରକାମର୍ ଅସୁକଲ୍ ଆରି ଗିନ୍‌କର୍ବା ଚତଇମନ୍ ତାର୍ ବିଡ଼ରେ ବାସା ଅଇଆଟଡ଼ । ୩ କାଇକେବଇଲେ ଜଗତର୍ ସବୁ ରାଇଜ୍‌ମନ୍, ତାର୍ ମଦ୍ କାଇ ମାଡ଼ିଜାଇଆଟଡ଼ । ଏଟାର୍ ଅରଡ଼ ଅଇଲାନି ତାର୍ କାରାପ୍ ଚଲାଚଲ୍‌ତି ମାନ୍‌ବାକେ ସେମନ୍‌କେ ସୁଡ଼ରାଇଲା । ଜଗତର୍ ରାଜାମନ୍ ତାର୍ ସଙ୍ଗ୍ ବେସିଆ କାମ୍ କରବାର୍ ଅବିଆସ୍ କଲାଇ । ଜନ୍ ସିପତି ପାଇବା ଆସାଇଅନି ଏ ଜଗତର୍ ବେବାର୍‌ମନ୍ ସାଉକାର୍ ଅଇଗାଲାଇ ।”

୪ ତାରପଟେ ସରଗେ ଅନି ଆରି ଗଟେକ ସବଦ୍ ଏନ୍ତାରି କଇବାଟା ମୁଇ ସୁନ୍‌ଲି । “ମର୍ ଲକ୍‌ମନ୍ ତାର୍‌ଟାନେଅନି ବାରଇ ଆସା । ତମେ ଜଦି ତାର୍ ପାପେ ମିସଲେ, ସେ ପାଇବା ତଣ୍ଡେ ମିସସା । ୫ କାଇକେବଇଲେ ତାର୍ ସବୁଜାକ ପାପ୍ କୁପା କୁଡ଼ାଇଲା ପାରା ସରଗେ ଜାକ କେଟ୍‌ଲା ଆଟେ । ଆରି ପର୍ମେସର୍ ତାକର୍ କାରାପ୍ ଚଲାଚଲ୍‌ତି ଏତାଇଲାନି । ୬ ତାର୍ କରିରଇବା କାମର୍ ଲାଗି ତାକେ ବାଉତାଇ ଦିଆଅଇସି । ଆରି ସେ ସମାନ୍ ତଣ୍ଡେ ପାଇସି । ଲକ୍‌ମନ୍‌କେ ଦୁକ୍‌କସର୍ ଦେବାକେ ସେ ଜାଇଜାଇଟା କଲାଆଟେ, ସେଟା ତାକେ ଦୁଇ ଗୁନ୍ ଇସାବେ ବାଉତାଇ ଦିଆଅଇସି । ସେ ଜେଡ଼କି କାଟୁର୍ ମଦ୍ ବିନ୍ ଲକ୍‌ମନ୍‌କେ କାଇବାକେ ଦେଇଡେରଇଲା, ତାର୍ ଦୁଇଗୁନ୍ ଅଦିକାର୍‌ଟା ତାକେ କାଇବାକେ ଦିଆଅଇସି । ୭ ତାର୍ ଜେଡ଼କି ଦନ୍ ସିପତି ଆରି ବଡ଼ପନ୍ ଆଟେ, ସେ ଇସାବେ ତାର୍ ଦୁକ୍ କସର୍ ଆରି କାକୁରତି ରଇସି । ସେ ନିଜକେ କଇସି ‘ମୁଇ ଇତି ସାସନ୍ କର୍ବା ଗଟେକ ରାନି ।’ ରାଣ୍ଡି ଅଇଲିଆତି ଜେ ମୁଇ କାନ୍‌ଦି ? ୮ ସେଟାର୍‌ପାଇବଲି ଦିନେକ ବିଡ଼ରେ ତାକେ ମର୍ଡ଼ି, ରଗ୍‌ଦୁକା, କାକୁରତି ଆରି ଇନସଡ଼ା ଆଇସି । ଆରି ସେ ଜଇଟାନେ ପଡ଼ିଜାଇସି । କାଇକେବଇଲେ ବେସି ବପୁର୍ ମାପୁର୍ ପର୍ମେସର୍ ତାକେ ବିଚାର୍‌ନା କର୍ସି ।”

୯ ତାର୍ ବେସିଆ କାମେ ଆରି ଲାଲ୍‌ସା ଅଇ ମିସଲ୍ ଜେଡ଼କି ରାଜାମନ୍ ସେ ଜଇଲଗେ ପଡ଼ଲାଡେଇଅନି ବାରଇବା ଦୁଆଁ ଦେକିକରି ଆକଫାରି କାନ୍‌ବାଇ । ୧୦ ସେମନ୍ ଆମେମିସା ତଣ୍ଡେ ପାଇବୁ ବଲି ଡରିକରି ଦୁରିକେ ରିଆଅଇ କଇବାଇ, “ଏଟା କାଇ ଇନସଡ଼ା, କାଇ କାକୁରତି, ଏ ବଡ଼ ଅଇକରି ସୁନ୍‌ର୍ ବାବିଲନ୍ । ତୁଇ ପାଇବା ତଣ୍ଡେ ଅଟାଡ଼ ଅଇଗାଲା । କାଇକେବଇଲେ ଗଟେକ୍ ଗଟା ବିଡ଼ରେ ତୁଇ କୁରୁପ୍‌ନାସ୍ ଅଇଗାଲୁସ୍ ।”

୧୧ “ଏ ଜଗତର୍ ବେବାର୍‌ମନ୍ ତାର୍‌ପାରା ଦୁକ୍ ଅଇକରି କାନ୍‌ଲାଇନି । କାଇକେବଇଲେ ତାକର୍ ଜିନିସ୍ ଆରି କେ ନ ଗେନଡ଼ ।” ୧୨ ତାକର୍ ସୁନାବାନା, ତାକର୍ ରୁପା, ଜବର୍ ଦାମ୍ ଦେଇରଇବା ଇରା ମଡ଼ିମନ୍, ସିଲ୍‌କୁ ଲୁଗା, ଜାମ୍‌କଲି ରଙ୍ଗର୍ ବସଡ଼ର୍, ରଙ୍ଗୁଆ ବସଡ଼ର୍, ବିନ୍ ବିନ୍ ରକାମର୍ ବେସି ଦାମ୍ ଦେବା ବାସନା ଗର୍, ଆଁଡିର୍ ଦାଡ଼ାଇଅନି ଜବର୍ ଦାମ୍‌ଦେବାଟାମନ୍, ଗଟେଅନି, ପିତଲେଅନି, ଲୁଆଇଅନି, ମାର୍‌ବଲ୍ ପାକନାଇ ଅନି, ତିଆର୍ କରିରଇବାଟା, ବିନ୍ ବିନ୍ ଜିନିସ୍ କେ ମିସା ନ ଗେନଡ଼ । ୧୩ ଡାଲ୍‌ଚିନି, ବିନ୍ ବିନ୍ ରକାମର୍ ମସଲା, ଦୁପ୍, ବାସନାଦେବା ଦିନ୍‌ସୁ, ଟୁଣ୍ଡି, ଅଙ୍ଗୁର୍ ମଦ୍, ଚିକନ୍, ଅଟା, ଗର୍ମ୍, ଗୁର୍, ମେଣ୍ଡା, ଗଡ଼ା, ରଡ଼, ଏନ୍ତାରିକି ଗଡ଼ିକଟ୍‌ବା ଦାଙ୍ଗୁଡ଼ା ଆରି ଲକ୍‌ମନ୍‌କେ ମିସା ଜାକେ କି ସେମନ୍ ଗଡ଼ିଦାଙ୍ଗୁଡ଼ା କରି ବିକ୍‌ବାଇ, ସେମନ୍‌କେ ମିସା ଗେନି ନେବାକେ କେ ନ ବାରଅଡ଼ । ୧୪ ବେବାର୍‌ମନ୍ ତାକେ କଇଲାଇ, “ଜନ୍ ସବୁ ଜିନିସ୍ ତମେ ନିଜର୍ କର୍ବାକେ ମନ୍ କର୍ଡେରଇଲାସ୍, ସେଟା ସବୁ ପୁରାପୁରନ୍ ନସର୍ ଅଇଗାଲା । ତମର୍ ଦନ୍ ସିପତି ନସିଗାଲା ଆରି ଜେଡ଼କି ଜିନିସ୍ ତମକେ ସାର୍‌ଦା କରାଇଡେରଇଲା, ସେଟାମନ୍ ଆରି ନ ତିସେ ।” ୧୫ ସେ ନଅରେ ବେବାର୍ କରି ବେବାର୍‌ମନ୍ ଜେଡ଼କି ସାଉକାର୍ ଅଇଗାଲାଇ, ସେ ନଅରର୍ ତଣ୍ଡେ, ସେମନ୍‌କେ ମିସାଇବାଇ ବଲି ଡରିକରି ସେମନ୍ ଦୁରିକେ ରଇବାଇ । ସେମନ୍ ଆକଫାରି କାନ୍‌ବାଇ । ୧୬ ଆରି ଏନ୍ତାରି କଇବାଇ “ଏଟା କାଇ ଇନସଡ଼ା ! ଏ ବଡ଼ ନଅରର୍ ପାଇ କାଇ କାକୁରତି ? ତେଇର୍ ଲକ୍‌ମନ୍ ଜାମ୍‌କଲିଆ ରଙ୍ଗର୍ ଆରି ଦଦ୍ ସିଲ୍‌କୁ

* ୧୮:୧୭ ୧୮:୧୮ ପରକାସିତ ୧୪:୮

ଲୁଗା ପିନ୍ଧିଦେଉଛନ୍ତି । ସେମାନ ସୁନା ଆରି ବେସି ଦାମ୍ ଦେବା ଇଚ୍ଛା ମୁକ୍ତାମାନ ପିନ୍ଧିରଇଲାଇ ।
 ୧୭ ମାତର ଗଟେକ ଗିଟା ବିତ୍ତରେ ତାଙ୍କର ସବୁ ଦମ୍ ସଂପତ୍ତି କୁରୁପନାସ୍ ଅଇଗାଲା । ପାନିଜାଜ୍ ଚାଲାଉମନ୍
 ଆରି ଜାଜେ ଜିବାଲକ୍ଷମନ୍ ଜାଜେ କାମ୍ କରବା ଲକ୍ଷମନ୍ ଆରି ସମତୁରେ କାମ୍ କରି ଜିଉନାକାଉନା
 କରି ସାଉକାର୍ ଅଇରଇଲାଇ, ସେମନ୍ ସବୁ ଦୁରିକେ ରଇକରି ଦେକ୍ତେରଇଲାଇ ।” ୧୮ ସେ ନଅର୍
 ପଡ଼ଲାକେ ତେଇଅନି ଉଟ୍ଟା ଦୁଆଁ ଦେକି ସେମନ୍ ଆଉଲି ଅଇକରି କଇଲାଇ, “ଏ ନଅର ପାରା ଆରି
 କନ୍ ନଅର୍ ମିସା ନ ରଇଲା ।” ୧୯ ସେମନ୍ ତାକର ମୁଣ୍ଡେ ଦୁଲି ବିଡିଅଇଲାଇ ଆରି ଆକ୍ମାରି କାନ୍ଦି
 କାନ୍ଦି କଇଲାଇ, “ଏଟା କାଇ ଇନସ୍ତା । ଏ ବଡ଼ ନଅରର୍ ପାଇ କାଇ କାକୁରତି ?” ସମତୁରେ ଆସ୍ତା
 ଅଇତେରଇବା ଜାଆଜ୍ ମନ୍ ତାକର୍ ଦନର୍ ଲାଗି ସାଉକାର୍ ଅଇରଇଲାଇ । ଆରି ଏବେ ଗଟେକ ଗିଟା
 ବିତ୍ତରେ ସେଟାସବୁ ନସିଗାଲା । ୨୦ ସେ ବଡ଼ ନଅରର୍ ଦସାର୍ଲାଗି ସର୍ଗେ ରଇବା ଲକ୍ଷମନ୍ ସାର୍ଦା
 ଉଆ । ପରମେସର୍ ସେ ନଅର୍କେ ତଣ୍ଡ ଦେଲାକେ ତମେ ବବିସ୍ତବକ୍ତାମନ୍, ପାର୍ଟିନମନ୍ ଆରି
 ପରମେସର୍କେ ବିସ୍ତାସ୍ କରବା ଲକ୍ଷମନ୍ ସାର୍ଦା ଉଆ । ସେ ନଅରର୍ ଲକ୍ଷମନ୍ ତମ୍କେ ତାହ୍ନା
 କରତେରଇଲାଇ ।

୨୧ ତାର୍ପତେ ଏଦେ ଦେକା ! ଗଟେକ ବେସି ବପୁର୍ ଦୁଡ଼ ଗଟେକ ବଡ଼ ଜତା ଏଡ଼କି ପାକ୍ନା ବେଟି
 ସମତୁରେ ପିଙ୍ଗା । ଆରି କଇଲା “ଏନ୍ତାରିସେ ବଡ଼ ନଅର୍ ବାବିଲାନକେ ଜବର୍ ଅଇତେ ପିଙ୍ଗାବାଇ ।
 ଆରି ତାର୍ ନାଉଁଗନ୍ ନ ମିଲେନି ।” ୨୨ ବିଶା ବାଜାଉମନ୍, ଗିଟ୍ଟାଉମନ୍, ବାଉଁସି ପୁକୁମନ୍ ଆରି ମଇରିର୍
 ସବ୍ କେବେ ନ ସୁନଡ଼ । ସୁନ୍ଦର୍ ଜିନିସ୍ ତିଆରକରୁମନ୍ ତେଇଆରି ନ ତିସଡ଼ । ଲକ୍ଷମନ୍ ଜତାସଙ୍ଗ୍
 ଗର୍ବା ସବ୍ ମିସା ଆରି ନ ସୁନିଅଏ । ୨୩ ଏ ନଅର୍ କାଇବତିସଙ୍ଗ୍ ମିସା ଉଜ୍ଜ ନ ତିସେ । ଏବେ ବିବା
 ଅଇବା ଦାଙ୍ଗ୍ଟା ଦାଙ୍ଗ୍ଡିର୍ କାତା ମିସା ନ ସୁନିଅଏ । ତମର୍ ବେବାର୍ମିମନ୍ ଗୁଲାଇ ଜଗତେ ତାକ୍ପୁଟା
 ଅଇଆତଡ଼ । ଆରି ତର୍ ମାୟାଜାଲେ ପଡ଼ିକରି ଜଗତର୍ ଲକ୍ଷମନ୍ ସବୁ ନାତାଇଅଇଲାଇ ।”

୨୪ ବଡ଼ ନଅର୍ ବାବିଲନ୍ ତଣ୍ଡ ପାଇଆତେ । କାଇକେବଇଲେ ବବିସ୍ତବକ୍ତାମନ୍ ଆରି
 ପରମେସର୍ ଲକ୍ଷମନ୍ ବନି ସେ ନଅରେ ବଇଗାଲାଆତେ । ଆରି ଗୁଲାଇ ଜଗତେ ମରାଇଅଇରଇବା
 ଜେଡ଼କି ଲକ୍ଷ ଏ ନଅରର୍ ଲାଗି ମରିଜାଇରଇଲାଇ । ବାବବାର୍ମିମନ୍ ସାଦୁଲକ୍ଷମନ୍ ଆରି
 ପୁର୍ତ୍ତିବିତେଇ ମାରା ଜାଇରଇବା ସବୁଲକ୍ଷମନ୍ ବନି ସେ ତିସି ରଇଲା ।

୧୯

ସର୍ଗର୍ ସାର୍ଦା

୧ ତାର୍ପତେ ସର୍ଗେ ଗଟେକ ଜାଗାଇ ମାନ୍ଦା ଲକ୍ଷ ଆଉଲିଅଇକରି ଏନ୍ତାରି କଇବାଟା ମୁଇ ସୁନ୍ଲି
 । “ପରମେସର୍କେ ଜୁଆର୍ କରା । ସେ ଆମ୍ବକେ ମୁକ୍ତି ଦେଲାଆତେ । ଆମ୍ବ ପରମେସର୍କେ
 ତାକ୍ପୁଟା ଆରି ବପୁ ଅ ।” ୨ ତାର୍ ବିଚାର୍ନା ଜାକ ସଡ଼ ଆରି ଅନିଆଇ ନ ଅଇତେ ଜନ୍ ବେସିଆ ମାଇଜି
 ଗୁଲାଇ ଜଗଡ଼କେ ତାର୍ କାରାପ୍ ଚଲାଚଲ୍ଡି ସଙ୍ଗ୍ ନସାଇତେରଇଲା, ସେ ତାକେ ଦସ୍ ଦେଲାଆତେ
 । ତାର୍ ଦାଙ୍ଗ୍ଟାମନ୍କେ ସେ ମରାଇଲାକେ ତାକେ ସେ ତଣ୍ଡ ଦେଲାଆତେ । ୩ ସେମନ୍ ଆରିତରେକ୍
 ଆଉଲିଅଇଲାଇ । “ପରମେସର୍କେ ଜୁଆର୍ କରା । ସେ ବଡ଼ ନଅର୍ ଜଇଲଗେ ପଡ଼ଲାଉପାଇ ଉଟ୍ଟା
 ଦୁଆଁ କେବେ ନ ସାରେ ।” ୪ ୪ ପାର୍ଟିନମନ୍ ଆରି ଚାର୍ଟା ଜିବନ୍ ରଇବା ପସୁମନ୍ ତାଣ୍ଡାସ୍ ପତି
 ବସ୍ତା ଜାଗାଇ ବସିରଇବା ପରମେସର୍କେ ଜୁଆର୍ କଲାଇ । ଆମେନ୍ ପରମେସର୍ ତାକ୍ପୁଟା ପାଅ ।
 ବଇଲାଇ ।

ମେଣ୍ଡାପିଲାର୍ ବିବା ବଜି

୫ ତାର୍ପତେ ବସ୍ତା ଜାଗାଇଅନି ଗଟେକ୍ ସବ୍ ଆଇଲା । ସେଟା ଏନ୍ତାରି କଇଲା, “ଆମ୍ବ
 ପରମେସର୍କେ ଜୁଆର୍ କରା । ତାର୍ ଦାଙ୍ଗ୍ଟାମନ୍, ଆକେ ନାମ୍ବା ଜେଡ଼କି ସବୁ ବଡ଼ସାନ୍ ଲକ୍ଷମନ୍
 ତାକେ ଜୁଆରକରା ।” ୬ ତାର୍ପତେ ଗଟେକ୍ ଜବର୍ ମାନ୍ଦା ଲକ୍ଷପାରା ଆରି ବେସି ସବ୍ କରି
 ଉପରେ ଅନି ଅଦରତେରଇବା ଗଟେକ୍ ଜଲାପାରା ଆରି ଗୁଡ଼ଗୁଡ଼ ଅଇ ଆଇବା ଗଡ଼ଗତି ପାରା
 ଗଟେକ୍ ସବ୍ ସୁନ୍ଲି । ସେମନ୍ ଏନ୍ତାରି କଇତେରଇଲାଇ “ପରମେସର୍କେ ଜୁଆର୍ କରା । ଆମ୍ବ
 ମାପୁର୍ ସବୁରଟାନେଅନି ବପୁରଟା । ଆମ୍ବ ପରମେସର୍ ଅଇଲାନି ମାପୁର୍ ।” ୭ ଆସା ଆମେ ସାର୍ଦା
 ସଙ୍ଗ୍ ଗିଟ୍ଟା କରୁ ଆରି ତାର୍ କାବାଅଇଜିବା କାମ୍ପପାଇ ତାକେ ତାକ୍ପୁଟା କରୁ, କାଇକେବଇଲେ
 ମେଣ୍ଡାପିଲାର୍ ବିବା ଅଇବା ବେଲା ଲଗେ କେଟ୍ଲାବେ । ଆରି ତାର୍ କନିଆଦାଙ୍ଗ୍ଡିକେ ବିବା ଅଇବାକେ

ନିଜେ ତିଆର୍ କଲାଆଚେ । ୮ ତାକେ ସୁକଲ୍ ପିର୍ପିରା ଅଇ ଜକ୍ମକିଜିବା ବସତର୍ ପିନ୍ଦବାକେ ଦିଆଅଇଆଚେ । ପିର୍ପିରା ଲୁଗା ଅଇଲାନି, ପରମେସରର୍ ଲକ୍ମନର୍ ଦରମ କାମ ।

୯ *ତାର୍ପଚେ ଦୁଡ଼ ମକେ କଇଲା, “ଏଟା ଲେକି ସଙ୍ଗଇର । ମେଣ୍ଡାପିଲାନ୍ ବା ବଜିକେ ଜେଡ଼କି ଲକ୍ମକେ ତାକ୍ରା ଅଇଲାଆଚେ । ସେମନ୍ କେଡେକ୍ ନିକ କରମର୍ ଲକ୍ ।” ଆରି ଦୁଡ଼ କଇଲା, “ଏଟା ପରମେସରର୍ ସଡ଼ ବାକିଅ ।”

୧୦ ମୁଇ ତାକେ ଜୁଆର୍ କର୍ବି ବଲି ତାର୍ ଗତେ ତାଣ୍ଡାସନ୍ ପଡ଼ଲି, ମାତର୍ ସେ ମକେ କଇଲା, “ନିରୁ, ମୁଇ ଆରି ତର୍ ସଙ୍ଗର୍ ବିସ୍ବାସି ବାଇମନ୍ ଜେଡ଼କି ଲକ୍ ଆମେ ସବୁ ଜିସୁ ଜାନାଇରଇବା ସଡ଼ ବାରିଆରୁ, ଆମେ ସବୁ ଅବକା ଦାଙ୍ଗତାମନ୍, ପରମେସରକେ ଜୁଆର୍ କରା । କାଇକେବଇଲେ ଜିସୁ ଜନ୍ ସଡ଼ ଜାନାଇଆଚେ, ସେଟାସେ ବବିସଡ଼ ବକ୍ତାମନ୍କେ କାତାଅଇବାକେ ବପୁଦେଲାଆଚେ ।”

ଦବଲା ଗତାଇ ବସି ଜାଇତେ ରଇବା ଲକ୍

୧୧ ତାର୍ପଚେ ସରଗ ଉଗାଡ଼ି ଅଇଲାଟା ମୁଇ ଦେକଲି । ଆରି ଏଦେ ଦେକା ! ଗଟେକ୍ ଦବ୍ ଗତା ଆଇବାଟା ଡିସ୍ଲା । ଗତା ଚାଲାଉର୍ ନାଉଁ ଅଇଲାନି ବିସ୍ବାସ୍ କରବାଟା ଆରି ସଡ଼ଟା । ସେ ଅନିଆଇ ନ କରି ତାର୍ ଜୁଇଦ୍ କର୍ସି ଆରି ଜିଡ଼ସି । ୧୨ ତାର୍ ଆଁକି ଲାଗତେ ରଇବା ଜଇପାରା ରଇଲା । ଆରି ତାର୍ ମୁଣ୍ଡେ ବେସି ମୁକୁଟ୍ ପିନ୍ଦି ରଇଲା । ଜନ୍ ନାଉଁ ତାର୍ ଉପ୍ରେ ଲେକା ଅଇରଇଲା, ସେଟାକେ ଚାଡ଼ିଦେଲେ ଆରି କେ ନାଜାନିରଇଲାଇ । ୧୩ ତାର୍ ବସତର୍ ବନିତେଇ ବୁଡ଼ାଇଲାପାରା ରଇଲା । ତାର୍ ନାଉଁ ରଇଲା ପରମେସରର୍ ବାକିଅ । ୧୪ ସର୍ଗର୍ ସନିଅମନ୍ ଦବ୍ ବସତର୍ ପିନ୍ଦିକରି ଆରି ଦବ୍ଗତାଇ ବସି ତାର୍ ପଚେ ପଚେ ଜାଇତେରଇଲାଇ । ୧୫ *ତାର୍ ଟଣ୍ଡେଅନି ଗଟେକ୍ ଗଢିଆ କାଣ୍ଡା ବାରଇଲା । ସେଟାସଙ୍ଗ୍ ସେ ଏ ଜଗତର୍ ରାଇଦ୍ମନକେ ଆରାଇସି । ସେ ତାର୍ ସଙ୍ଗ୍ ତାକର୍ ଉପ୍ରେ ସାସନ୍ କର୍ସି । ବେସି ବପୁ ରଇବା ପରମେସରର୍ ରିସା ସେମନ୍କେ ଦେକାଇସି । ସେ ତାର୍ ସଡ଼ରୁମନ୍କେ ମାଣ୍ଡିକରି ରମ୍ପିଦିଦେଇସି । ଜେନ୍ତାରିକି ଅଙ୍ଗୁର୍ ପିଡ଼କିକରି ରସ୍ ବାଢ଼କରାଇସି । ୧୬ ତାର୍ ବସତରେ, ଜଙ୍ଗେ, ଏ ନାଉଁ ଲେକାଅଇରଇଲା । “ସବୁରାଜାମନର୍ ଉପ୍ରେ ରଇବା ରାଜା, ସବୁ ମାପ୍ତରୁମନର୍ ଉପ୍ରେ ରଇବା ମାପ୍ତରୁ ।”

୧୭ ତାର୍ପଚେ ଏଦେ ଦେକା ବେଲ୍ ଉପ୍ରେ ଗଟେକ୍ ଦୁଡ଼ ତିଆଅଇରଇବାଟା ମୁଇ ଦେକଲି । ଆକାସ୍ ମଜାଇ ଉଡ଼ତେରଇବା ଜେଡ଼କି ସବୁ ଚଡ଼ଇମନ୍କେ ସେ ଆକ୍ମାରି କଇଲା “ଆସା ପରମେସରର୍ ବଡ଼ ବଜିତେଇ ଜିବାକେ ସବୁଲକ୍ ରୁଲ୍ଡାଅ । ୧୮ ଆସା ଆରି ରାଜାମନର୍, ମୁକିଆମନର୍ ଆରି ସଇନମନର୍ ମାଉଁସ୍ କାଇବାକେ ଆସା । ଗତାମନର୍ ଆରି ତାକେ ଚାଲାଉମନର୍, ବଡ଼ ସାନ୍ ଲକ୍ମନର୍, ବସି ଆରି ମୁକ୍ଲି ରଇବା ଲକ୍ମନର୍ ସବୁ ଲକ୍ମର୍ ମାଉଁସ୍ କାଇବାକେ ଆସା ।”

୧୯ ତାର୍ପଚେ ସେ ପସୁ, ଜଗତର୍ ରାଜାମନ୍ ଆରି ତାକର୍ ସନିଅମନ୍ ଜେ ଗତା ଚାଲାଇତେରଇଲା ଆରି ତାର୍ସନିଅମନର୍ ସଙ୍ଗ୍ ଜୁଇଦ୍ କରବାକେ ରୁଣ୍ଡିଲାଟା, ମୁଇ ଦେକଲି । ୨୦ *ତେଇ ପସୁକେ ବସିକରି ନେଲାଇ । ତାର୍ ସଙ୍ଗ୍ ଜନ୍ ମିଡ଼ କଇବା ବବିସଡ଼ବକ୍ତା, ଜେ କି ତାର୍ ମୁଆଟେ କାବାଅଇଜିବା କାମ୍ମାନ୍ କର୍ତେରଇଲା, ତାକେ ମିସା ବଦିଗରେ ନେଲାଇ । ଏ କାବାଅଇଜିବା କାମ୍ମାମନ୍ ଲାଗି ସେ ଲକ୍ମନକେ ନାଡ଼ାଇରଇଲା । ଜନ୍ ଲକ୍ମନନ୍ କି ପସୁର୍ ଚିନ୍ ଗଦିଅଇକରି ତାର୍ ମୁର୍ତ୍ତିକେ ଜୁଆର୍ କର୍ତେରଇଲାଇ ସେ ପସୁ ଆରି ମିଡ଼ କଇବା ବବିସଡ଼ବକ୍ତା ଦୁଇଲକ୍ତାକ ଜିବନ୍ ରଇତେ ଗନ୍ ଅଇତେରଇବା ଜଇର୍ ଗାଟେ ପିଙ୍ଗାଅଇଲା । ୨୧ ଗତା ଚାଲାଉର୍ ଟଣ୍ଡେଅନି ବାରଇ ଆଇବା କାଣ୍ଡା ସଙ୍ଗ୍ ତାକର୍ ସନିଅମନ୍ ମରିଗାଲାଇ । ସବୁ ଚଡ଼ଇମନ୍ ତାକର୍ ମାଉଁସ୍ ପେଟ୍ପୁର୍ତେ କାଇଲାଇ ।

୨୦

ଅଜାର୍ ବର୍ସର୍ ସାସନ୍

୧ ତାର୍ପଚେ ଏଦେ ଦେକା ! ସର୍ଗେଅନି ଗଟେକ୍ ଦୁଡ଼ ଉଡ଼ି ଆଇବାଟା ମୁଇ ଦେକଲି । ତାର୍ଲଗେ ପାତାଲର୍ କୁଟିକାଡ଼ି ଆରି ଗଟେକ୍ ବଜ୍ ରଇବା ସିକ୍ଲି ରଇଲା । ୨ ସେ ଅସୁର୍ ସାପ୍ତକେ ଦାର୍ଲା । ଜନ୍ ଆଗର୍ କାଲେ ରଇଲା ସାପ୍, ସେଟା ଅଇଲାନି ସଇତାନ୍ । ତାକେ ଅଜାର୍ ବରସର୍ପାଇ ସିକ୍ଲିସଙ୍ଗ୍ ବାଦିଦେଲା । ୩ ଦୁଡ଼ ତାକେ ପାତାଲେ ପିଙ୍ଗଦେଲା ଆରି କୁଟି ପାକାଇକରି ସିଲ୍ ମାର୍ଲା । ଏନ୍ତାରି

* ୧୯:୯ ୧୯:୯ ମାଡ଼ିତ ୨୨:୨,୩ * ୧୯:୧୫ ୧୯:୧୫ ପରକାସିତ ୧୪:୨୦ * ୧୯:୨୦ ୧୯:୨୦ ପରକାସିତ ୧୩:୧-୧୮

କଲ୍ମାକେ ଅଜାର୍ ବରସ୍ ନ ସାର୍ତ୍ତେ ସେ ବିନ୍ଦ୍ ବିନ୍ଦ୍ ରାଇଜର୍ ଲକ୍ଷ୍ମୀନକେ ଆରି ନାଡ଼ାଇ ନାପାରେ । ତାର୍ପପତେ ଚନେକର୍ପପାଇ ତାକେ ଚାଡ଼ିଦେବାଇ ।

୪ ତାର୍ପପତେ ମୁଇ କେତେଟା ବସ୍ତା ଜାଗାମନ୍ଦ ଦେକଲି । ଜେଡ଼କି ଲକ୍ଷ୍ ବସ୍ତା ଜାଗାଇ ବସିରଇଲାଇ, ସେମନ୍ଦକେ ନିଆଇ କରବାକେ ବସୁ ଦିଆଅଇରଇଲା । ଆରି ତାଡ଼ନା ପାଇ ମରାଇଅଇରଇବା ଆଡ଼ମାମନ୍ଦକେ ଦେକଲି । ଜିସୁ ଜାନାଇରଇଲା ସଡ଼ ଆରି ପର୍ମେସରର୍ ବାକିଅ ସେମନ୍ଦ ଜାନାଇରଇଲା । ପସୁକେ କି ତାର୍ ମୁରୁତିକେ ସେମନ୍ଦ କୁଆର୍ କରଦନାଇ । ପସୁର୍ ଚିନ୍ଦ୍ ତାକର୍ କାପାଲେ କି ତାକର୍ ଆତେ ଗଦିଅଅଡ଼ ନାଇ । ସେମନ୍ଦ ଜିବନ୍ଦ୍ ପାଇଲାଆରି ଅଜାର୍ ବରସ୍ତାକ ବାକିସ୍ତସଙ୍ଗ୍ ରାଜା ଇସାବେ ସାସନ୍ଦ୍ କଲାଇ । ୫ ଅଜାର୍ ବରସ୍ ନ ସାର୍ତ୍ତବାଜାକ ମରିଜାଇରଇବା ଜେଡ଼କି ଦାକି ଲକ୍ଷ୍ ଜିବନ୍ଦ୍ ପାଅଡ଼ନାଇ । ଏଟାଆକା ପର୍ତ୍ତୁମ୍ ଜିବନ୍ଦ୍ ପାଇବାଟା । ୬ ମଲାତେଇଅନି ପର୍ତ୍ତମେ ଜେଡ଼କି ଲକ୍ଷ୍ କେ ଉଟାଇରଇଲାଇ, ସେମନ୍ଦ କେତେକ୍ କରମର୍ ଲକ୍ଷ୍ । ପତର୍ ମରନ୍ଦ୍ ତାକର୍ ଉପରେ ସାସନ୍ଦ୍ ନ କରେ । ସେମନ୍ଦ୍ ପର୍ମେସରର୍ ଆରି କିରିସ୍ତର୍ ପୁଜାରି ଅଇବାଇ । ସେମନ୍ଦ୍ ତାକର୍ ସଙ୍ଗ୍ ଅଜାର୍ ବରସ୍ ଜାକ ସାସନ୍ଦ୍ କର୍ବାଇ ।

ସଇତାନର୍ ଆର୍ବାଟା

୭ ଅଜାର୍ ବରସ୍ ସାର୍ଲପତେ ବନ୍ଦିଗରେଅନି ସଇତାନକେ ମୁକ୍ତଲାଇବାଇ । ୮ ତେଇଅନି ଜଗତର୍ ରାଇଜ୍ମନ୍ଦକେ ନାଡ଼ାଇବାକେ, ଗୁଲାଇ ଜଗତେ ବିଚିଅଇରଇବା ରାଇଜ୍ମନ୍ଦକେ ନାଡ଼ାଇବାକେ ସେ ବାରଇସି । ସେଟା ଅଇଲାନି ଗଗ୍ ଆରି ମାଗଗ୍ । ସଇତାନ ସେମନ୍ଦକେ କୁଇଦ୍ କରବାକେ ରୁଣ୍ଡାଇସି । ସମ୍ପଦ୍ରେ ରଇବା ବାଲି ଜେଡ଼କି ଆଟେ, ସେଡ଼କି ଲକ୍ଷ୍ ସେମନ୍ଦ୍ ରଇବାଇ । ୯ ସେମନ୍ଦ୍ ଗୁଲାଇ ଜଗତେ ବିଚି ଅଇବାଇ । ଆରି ପର୍ମେସରର୍ ଲକ୍ଷ୍ ବାସାଅଇରଇବା ଜାଗାଇ ଆରି ସେ ମନ୍ଦକର୍ବା ନଅରର୍ ଚାରିବେଡ଼ି ଅଇବାଇ । ମାତର୍ ଏଦେ ଦେକା ! ସର୍ଗେଅନି ଜଇ ଅଦ୍ରି ସେମନ୍ଦକେ କୁରୁପ୍ନାସ୍ କଲା । ୧୦ ତାର୍ପପତେ ସଇତାନ ଜେ କି ସେମନ୍ଦକେ ନାଡ଼ାଇଲା, ଜଇ ଆରି ଗନ୍ଦରସ୍ ରଇବା ଗାତେ ପିଙ୍ଗାଅଇଲା । ସେ ପସୁ ଆରି ମିର୍ କଇବା ବନ୍ଦିସଡ଼ବକ୍ତା ଆଗେଅନି ତେଇ ପିଙ୍ଗାଅଇରଇଲା । ସେମନ୍ଦ୍ ତେଇରଇକରି ଦିନ୍ଦ୍ ରାତି କାଲ୍ କାଲ୍ କୁଗ୍ କୁଗ୍ ସେ ଲକ୍ଷ୍ମୀନକେ କାବା କରିରଇଲା, ତାକେ ଜଇ ଆରି ଗନ୍ଦତେ ରଇବା ଗାତେ ନସର୍ତ୍ତ କରାଇଲା, ସେ ତେଇ ସେ ପସୁ ଆରି ମିର୍ସିକିଆ ଦେଉଁ ବାବଦାଦିମନ୍ଦ୍ ମିସା ଆଟଡ଼, ଆରି ସେ ଲକ୍ଷ୍ମୀନ ଦିନ୍ଦ୍ ରାତିଜାକ କସ୍ତ ବଗ୍ବାଇ ।

ସାରାସାରି ବିଚାର୍

୧୧ ତାର୍ପପତେ ମୁଇ ଗଟେକ୍ ବଡ଼ଟା ଦବ୍ ବସ୍ତା ଜାଗା ଆରି ଜେ ତାର୍ ଉପରେ ବସିରଇଲା, ତାକେ ଦେକଲି । ସରଗ୍ ଆରି ଦର୍ତ୍ତନି ତାର୍ ମୁଆଟେଅନି ପାଲାଇଲାଇ ଆରି କେବେ ତିସଡ଼ନାଇ । ୧୨ ତାର୍ପପତେ ମୁଇ ଜେଡ଼କି ମଲା ବଡ଼ ସାନ୍ଦ୍ ଲକ୍ଷ୍ କେ ଦେକଲି । ସେମନ୍ଦ୍ ବସ୍ତା ଜାଗାର୍ ମୁଆଟେ ଚିଆଅଇରଇବାଟା ମୁଇ ଦେକଲି । ବଇମନ୍ଦ୍ ଉଗାଡ଼ି ଅଇଲା, ଜିବନ୍ଦ୍ ରଇବା ଲକ୍ଷ୍ମୀନର୍ ବଇ ମିସା ଉଗାଡ଼ି ଅଇଲା । ସେମନ୍ଦ୍ କଲା କାମ୍ ଇସାବେ ମଲା ଲକ୍ଷ୍ମୀନକେ ବିଚାର୍ କଲାଇ । ସେମନ୍ଦ୍ କରିରଇବା କାମ୍ମନ୍ଦ୍ ବଇଟାଗେ ଆଗୁଅୁଅନି ଲେକା ଅଇରଇଲା । ୧୩ ତାର୍ ପତେ ସମ୍ପଦ୍ରେ ଜେଡ଼କିଲକ୍ଷ୍ ମରିରଇଲାଇ, ସେମନ୍ଦ୍ ବାରଇଆଇଲାଇ । ମରନ୍ଦ୍ ଆରି ପାତାଲ୍ ମିସା ସେମନ୍ଦ୍ ଦାରିରଇବା ମଲାଲକ୍ଷ୍ମୀନକେ ଚାଡ଼ିଦେଲାଇ । ସେମନ୍ଦକେ ସବୁକେ କରିରଇବା କାମ୍ ଇସାବେ ବିଚାର୍ନା କଲାଇ । ୧୪ ତାର୍ପପତେ ମଲା ଲକ୍ଷ୍ ଜାଗାଇଅନି ଆଇଲା ସବୁଲକ୍ଷ୍ ଗାଗଡ଼ ଆରି ଆଡ଼ମା, ଜଇର୍ ଗାତେ ପିଙ୍ଗାଲାଇ । ସେ ଗାଡ଼ ଅଇଲାନି ଦୁଇ ଲମ୍ପରର୍ ମରନ୍ଦ୍ ୧୫ ସେ ବେଲେ ଜେଡ଼କି ଲକ୍ଷ୍ ନାଉଁ ଜିବନ୍ଦ୍ ରଇବା ବଇଟାଗେ ଲେକା ନ ଅଇରଇଲା, ସେ ସବୁଲକ୍ଷ୍ ଜଇଲାଗା ଗାତେ ପିଙ୍ଗା ଅଇଲା ।

୨୧

ନୁଆଁ ସରଗ୍ ଆରି ଜଗଡ଼

୧ ତାର୍ପପତେ ଏଦେ ଦେକା ! ନୁଆଁ ସରଗ୍ ଆରି ନୁଆଁ ଜଗଡ଼ ଦେକଲି । ପର୍ତ୍ତୁମ୍ ସରଗ୍ ଆରି ପର୍ତ୍ତୁମ୍ ଜଗଡ଼ ଆରି ତିସେନାଇ । ସମ୍ପଦ୍ରେ ମିସା ଆରି ତିସେନାଇ । ୨ ଆରି ସେ ସୁକଲ୍ ନଅର୍ ଦେକଲି । ସେଟା ରଇଲା ନୁଆଁ ଜିରୁସାଲେମ୍ । ସର୍ଗେଅନି, ପର୍ମେସରଟାଗେଅନି, ସେଟା ଉଡ଼ି ଆଇତେରଇଲା । ଗଟେକ୍ ଦାଙ୍ଗୁଡ଼ି ଦାଙ୍ଗୁଡ଼ାକେ ବେଡ଼ ଅଇବାକେ ଗାଲେ କେନ୍ଦ୍ରାଟା ପିନ୍ଦିରଇସି, ସେନ୍ଦ୍ରାଟି ତିଆର୍ ପିଆର୍ ଅଇରଇଲା । ୩ ବସ୍ତା ଜାଗାଇଅନି ଗଟେକ୍ ବଡ଼ ସବ୍ କାତାଅଇବାଟା ମୁଇ ସୁନ୍ଲି "ସାରାସାରି ବେଲେ

୫ ୨୧:୧ ୨୧:୧ ୨ ଘ ପିତର୍ ୩:୧୩ ୫ ୨୧:୨ ୨୧:୨ ପଢ଼କାସିତ ୩:୧୨

ପରମେସ୍ୱର ମୁକୁତ୍ୟଜାତି ସଙ୍ଗେ ବାସୀ ଅଇବାକେ ଆଇଲାଆଚେ । ସେ ତାକର ସଙ୍ଗେ ବାସୀ ଅଇସି । ଆରି ସେମନ୍ ତାର ଲକ୍ ଅଇବାଇ । ପରମେସ୍ୱର ନିଜେ ତାକର ସଙ୍ଗେ ରଇସି । ଆରି ସେ ତାକର ପରମେସ୍ୱର ଅଇସି ।” ୪ ସେ ତାକର ଆଁସୁ ପୁଟିଦେଇସି । କେ ଆରି ନ ମରତ୍ । କାନ୍ଦାବୁବା, ଦୁକାସୁକା ନ ରଏ । ପୁରନା ବିସଇ ଆରି ନ ଡିସେ ।

୫ ତାର୍ପତେ ଜେ ବସିବା ଜାଗାଇ ବସିରଇଲା, ସେ କଇଲା “ମୁଇ ଏବେ ସବୁ ବିସଇ ନୁଆ କଲିନି ।” ସେ ମକେ ଆରି କଇଲା “ଏଟା ଲେକିକରି ସଙ୍ଗେ । କାଇକେବଇଲେ ଏ ବାକିଅ ସବୁ ସତ୍ । ଆରି ବିସିବାସ୍ କରିଅଇସି ।” ୬ ସେ ଆରି କଇଲା ସେଟା ସାରିଗାଲା, ମୁଇ ଅଇଲିନି ଆରାମର୍ ଲକ୍ ଆରି ସାରାସାରିକ୍ ଲକ୍ । ମୁଇ ସେ ଆରାମ୍ ମୁଇ ସେ ସାରାସାରି । ଜାକେ ଜଦି ସସ୍ କରସି, ପାନ୍ଦରାପାନି କାଇବାକେ ମୁଇ ତାକେ ତାକିନେବି । ଏ ପାନ୍ଦରାଇ ଅନି ଜନ୍ ପାନି ବାରଇସି, ସେଟା ନ ସାରବା ଜିବନ୍ ଦେଇସି । ସେମନ୍‌କେ ସେଟା ଇନାମେ ମିଲୁସି । ୭ ଜନ୍ ଲକ୍‌ମନ୍ ଜୁଇଦ୍ କରି ଜିହ୍‌ବାଇ ସେମନ୍‌କେ ଇନାମ୍ ଦେବି, ଆରି ତାକର ପରମେସ୍ୱର ଅଇବି ଆରି ସେମନ୍ ମର୍ ପିଲାଟକି ଅଇବାଇ । ୮ ମାତର୍ ଜେ ମର୍‌ସଙ୍ଗେ ଆଇବାକେ ତରବାଇ, ଆରି ବିସିବାସ୍ ନ କରତ୍, ଜାର୍ ଚଲାଚଲୁତି କାରାପ୍, ଜେ କି ନର୍‌ମାରୁମନ୍ ଆଚତ୍, ଜନ୍ ଲକ୍‌ମନ୍ କାରାପ୍ ରିତିନିତି ଅବିଆସ୍ କରବାଇ, ଜନ୍‌ଲକ୍‌ମନ୍ ମୈତର୍ ଜୈତର୍ କରବାଇ ଆରି ଜନ୍ ଲକ୍‌ମନ୍ ମିତ୍ ଦେବ୍‌ତାମନ୍‌କେ ଜୁଆର୍ କରବାଇ, ଆରି ଜେହ୍‌କି ସବୁ ମିରୁଆମନ୍ ରଇବାଇ, ତାକର ସେସ୍‌ର ବେଲା ଏଣ୍ଡାରି ଅଇସି । ସେମନ୍‌କେ ଲାଗ୍‌ତେରଇବା ଗନ୍‌ଟାଗେନ ପିଙ୍ଗା ଅଇସି । ସେଟା ଅଇଲାନି ପଚର୍ ମରନ୍ ।

୯ ସାତ୍‌ଟା ଦୁତ୍‌ମନ୍‌ର ବିହ୍‌ରେ ଗଟେକ୍ ଦୁତ୍, ଜାର୍ ଆତେ ସାତ୍‌ଟା ମର୍‌ତି ରଇବା ଗିନା ରଇଲା, ସେ ମକେ ଆସି କଇଲା ଆଉ ମୁଇ ତକେ କନିଆ ଦାଙ୍ଗ୍‌ଡିକେ ଦେକାଇବି । ସେ ଅଇଲାନି ମେଣ୍ଡାପିଲାଟ୍ ମାଇଜି । ୧୦ ସୁକଲ୍ ଆତ୍‌ମା ମକେ ଦାରଲା, ଦୁତ୍ ମକେ ଗଟେକ୍ ଉର୍ ତଙ୍ଗର୍ ଚିପେ ଦାରିଗାଲା । ସେ ମକେ ସୁକଲ୍ ନଅର୍ ଜିରୁସାଲେମ୍ ପରମେସ୍ୱର ଟାଗେନଅନି, ସର୍‌ଗେଅନି ଉତ୍‌ରି ଆଇବାଟା ଦେକାଇଲା । ୧୧ ସେ ନଅର୍ ପରମେସ୍ୱର ମଇମାସଙ୍ଗେ ଜକ୍‌ମକି ଜାଇତେରଇଲା । ଗଟେକ୍ ବେସି ଦାମ୍ ରଇବା ଜାସ୍‌ପର୍ ନାଉର୍ ଇରାପାକ୍‌ନା ପାରା ଜକ୍‌ମକି ଜାଇତେରଇଲା । ସେ ପାକ୍‌ନାଇ ଦେକ୍‌ଲେ ଏବାଟେ ଅନି ସେବାଟର୍‌ଟା ସବୁ ଡିସ୍‌ତେରଇଲା । ୧୨ ସେ ନଅରେ ଗଟେକ୍ ବେସି ଉର୍‌ଟର୍ କତି ରଇଲା । ତେଇ ବାର୍‌ଟା ଗେଟ୍ ରଇଲା ଆରି ବାର୍‌ଟା ଦୁତ୍‌ମନ୍ ସେ ଗେଟ୍‌ମନ୍‌ର ଦେକାରକା କରତେରଇଲାଇ । ଇସ୍ରାଏଲ୍ ଲକ୍‌ମନ୍‌ର ବାର୍‌ଟା ବସ୍‌ର୍ ନାଉର୍‌ମନ୍ ସେ ଗେଟେ ଲେକାଅଇରଇଲା । ୧୩ ସବୁ ଦିଗେ ତିନିଟାଲାକା କାପାଟ୍ ରଇଲା, ଉତ୍‌ର୍ ଦିଗେ ତିନିଟା କାପାଟ୍ ଦକିନ୍‌ଦିଗେ ତିନିଟା କାପାଟ୍ ଆରି ପଡିମ୍‌ଦିଗେ ତିନିଟା କାପାଟ୍ ରଇଲା । ୧୪ ବାର୍‌ଟା ମୁଲ୍ ପାକ୍‌ନାଇ ସେ ନଗରର୍ କତି ଉଟାଇରଇଲାଇ । ଆରି ସେ ପାକ୍‌ନା ଉପରେ ମେଣ୍ଡାପିଲାଟ୍ ବାର୍‌ଟା ପେରିତ୍ ମନ୍‌ର ନାଉଁ ଲେକା ଅଇରଇଲା । ୧୫ ଜନ୍ ଦୁତ୍ ମର୍‌ସଙ୍ଗେ କାତା ଅଇତେ ରଇଲା, ତାର୍ ଆତେ ନଗର୍କେ, ତାର୍ କାପାଟ୍ ମନ୍‌କେ ଆରି କତିମନ୍‌କେ ନାପ୍‌ବା, ସୁନା ନାପ୍‌ବା ତାଙ୍ଗ୍ ରଇଲା । ୧୬ ସେ ନଅର୍ ପୁରାପୁରନ୍ ଚାରିକନିଆ ରଇଲା । ତାର୍ ଲମ୍ ଆରି ଅସାର୍ ସମାନ୍ ରଇଲା । ଦୁତ୍ ତାର୍ ନାପ୍‌ବା ତାଙ୍ଗ୍ ଏଇ ନଅର୍ ନାପ୍‌ଲା । ସେ ନାପ୍‌ବା ଇସାବେ ସେଟା ଦୁଇଅଜାଟ୍ ଚାର୍‌ସ କିଲମିଟର୍ ଲମ୍ ରଇଲା । ତାର୍ ଲମ୍ ଅସାର୍ ଆରି ଉର୍ ସମାନ୍ ରଇଲା । ୧୭ ଦୁତ୍ କତି ମିସା ନାପ୍‌ଲା । ସେଟା ୬୦ ମିଟର୍ ଉର୍ ରଇଲା । ୧୮ ଜାସ୍‌ପର୍ ନାଉଁ ଗଟେକ୍ ବେସି ଦାମର୍ ଇରା ପାକ୍‌ନା ସଙ୍ଗେ କତି ତିଆର୍ ଅଇରଇଲା । ଅସ୍‌ଲି ସୁନା ସଙ୍ଗେ ନଅର୍ ତିଆର୍ ଅଇରଇଲା । ଆରି କାଁଟ୍‌ପାରା ସବୁ ଡିସ୍‌ତେରଇଲା । ୧୯ ସେ ନଅରର୍ କତିର୍ ମୁଲ୍ ପାକ୍‌ନାମନ୍ ବିନ୍ ବିନ୍ ରକାମର୍ ଇରାପାକ୍‌ନାମନ୍‌ର ସଙ୍ଗେ ସୁନ୍‌ର୍ କରିରଇଲାଇ । ପର୍‌ତୁମ୍ ମୁଲ୍ ପାକ୍‌ନା ରଇଲା, ଇସ୍‌ପର୍ । ତାର୍‌ପଚର୍ ସପାୟର୍, ତାର୍ ପଚର୍ ଆଗାଟେ । ତାର୍ ପଚର୍ ଏମରଲ୍ । ୨୦ ତାର୍ ପଚର୍ ଅନିକ୍ । ତାର୍ ପଚର୍ କର୍‌ନିଲିଅନ୍ । ତାର୍ ପଚର୍ ଅଲ୍‌ଦି ରଙ୍ଗର୍ କାଟ୍, ତାର୍ ପଚର୍ ବେରିଲ୍, ତାର୍‌ପଚର୍ ତପାଜ୍, ତାର୍ ପଚର୍ ଚାଲ୍‌କେଦନି, ତାର୍ ପଚର୍ ତର୍କଇ, ଆରି ସାରାସାରି ଆମେତି । ୨୧ ବାର୍‌ଟା ମୁକ୍‌ତାଇ ବାର୍‌ଟା କାପାଟ୍ ତିଆର୍ ଅଇରଇଲା । ଗଟେକ୍ ଗଟେକ୍ କାପାଟ୍ ଗଟେକ୍ ଗଟେକ୍ ମୁକ୍‌ତାଇଅନି ତିଆର୍ ଅଇରଇଲା । ନଅରର୍ ବାଟ୍ ଅସ୍‌ଲି ସୁନାସଙ୍ଗେ ତିଆର୍ ଅଇରଇଲା । କାଁଟ୍‌ପାରା, ଏନେ ଅନି ଦେକ୍‌ଲେ ତେନଟାମନ୍ ଡିସ୍‌ତେରଇଲା ।

୨୨ ସେ ନଅରେ ମୁଇ ଗଟେକ୍ ମିସା ମନ୍‌ଦିର୍ ଦେକିନାଇ । କାଇକେବଇଲେ, ତାର୍ ମନ୍‌ଦିର୍ ରଇଲା ମାପରୁ ପରମେସ୍ୱର । ଜେ କି ସବୁର୍ ଉପରେ ଆଚେ, ଆରି ମେଣ୍ଡାପିଲା । ୨୩ ସେ ନଅର୍ ଉପରେ ଉଜଲ୍ ଦେବାକେ ବେଲ୍ କି ଜନ୍ ଦର୍‌କାର୍ ନ ରଇଲା । କାଇକେବଇଲେ, ପରମେସ୍ୱର ମଇମା ତେଇ ଉଜଲ୍ ଦେଇତେରଇଲା ଆରି ମେଣ୍ଡାପିଲା ତେଇର୍ ବଡି ରଇଲା । ୨୪ ସେ ଉଜଲେ ଜଗତର୍ ଲକ୍‌ମନ୍ ଇଣ୍ଡିଜିବାଇ ଆରି ରାଜାମନ୍ ତାକର ଦନ୍ ସ୍‌ପତି ତେଇ ଆନି ସର୍‌ପି ଦେବାଇ । ୨୫ ସେ ନଅରର୍

କାପାଟ୍‌ମନ୍ଦ ସବୁବେଳେ ଉଗ୍ରତା ରକ୍ଷି । ସେଟା କେବେ ମିସା ଡାବିଅଇ ନ ରଏ । କାଇକେବଇଲେ ତେଇ କେବେ ରାତି ନ ଅଏ । ୨୬ ରାଇଜ୍ ମନର୍ ଡାକ୍‌ପୁଟା ଆରି ଦନ୍ ସିପତି ସେ ନଅରେ ଆନ୍‌ବାଇ । ୨୭ ମାତର୍ ଅସୁକଲ୍ ରଇବା କାଇ ବିସଇ ମିସା ସେ ନଅରେ ନ ପୁରେ । ଲାଜ୍ ଅଇବା କାମ୍‌ମନ୍ କର୍‌ବା ଲକ୍ କି ମିର୍ କଇବା ଲକ୍ କେ ମିସା ତେଇ ପୁରି ନାପାରଟ୍ । ମେଣ୍ଡାପିଲାର୍ ବଇଲଗେ ଜାର୍ ନାର୍ ଲେକାଅଇଆରେ, ସେମନ୍‌ସେ, ସେ ନଅରେ ଜାଇପାରଟ୍ ।

୨୨

୧ ତାର୍‌ପତେ ଦୁଟ୍ ମକେ ଜିବନର୍ ପାନି ରଇବା ଗାଡ୍ ଦେକାଇଲା, ଜନ୍‌ଟା କି କାଁଟ୍‌ପାରା ତିସ୍‌ତେରଇଲା । ପର୍‌ମେସରର୍ ବସ୍‌ବା ଜାଗାଇଅନି ଆରି ମେଣ୍ଡାପିଲାର୍‌ଟା‌ନେଅନି ସେ ଗାତର୍ ପାନି ଆଇତେରଇଲା । ୨ ନଅରର୍ ବାଟର୍ ମଜାଇ ସେଟା ବଇ ଆଇତେରଇଲା । ଗାତର୍ ଦୁଇବାଟେ ଜିବନର୍ ଗଟ୍ ରଇଲା । ସେ ଗଟ୍ ମାସକେ ଗଟେକ୍ ତର୍ ଅଇ ବରସକେ ବାରତର୍ ପଲ୍ ଦାବୁସି । ରାଇଜ୍‌ମନ୍ ନିକ ଅଇବାକେ ତାର୍ ପତର୍‌ମନ୍ ରଇଲା । ୩ ପର୍‌ମେସରର୍ ଅବିସାପ୍ ରଇବା କାଇଟାମିସା ସେ ନଅରେ ନ ତିସେ । ପର୍‌ମେସରର୍ ଆରି ମେଣ୍ଡାପିଲାର୍ ବସ୍‌ବାଜାଗା ସେ ନଅରେ ରଇସି । ଆରି ତାର୍ ଦାଙ୍ଗ୍‌ତାମନ୍ ତାକେ ଜୁଆର୍ କର୍‌ବାଇ । ୪ ସେମନ୍ ତାକେ ଦେକ୍‌ବାଇ ଆରି ତାର୍ ନାର୍ ସେମନ୍‌ର କାପାଲେ ଲେକାଅଇ ରଇସି । ୫ ତେଇ ଆରି ରାତି ନ ରଏ । ବତିର୍ ଉଜଲ୍ କି ବେଲର୍ ଉଜଲ୍ ଦର୍‌କାର୍ ନ ପଡେ । କାଇକେବଇଲେ ମାପୁର୍ ପର୍‌ମେସର୍ ତାକର୍ ଉଜଲ୍ ରଇସି । ସେମନ୍ ରାଜା ଇସାବେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କର୍‌ବାଇ ।

ଜିସୁ ଆରିତରେକ୍ ଆଇବାଟା

୬ ତାର୍‌ପତେ ଦୁଟ୍ ମକେ କଇଲା “ଏ ବାକିଅ ସବୁ ସର୍ ଆରି ବିସ୍‌ବାସ୍ କରିଅଇସି । ମାପୁର୍ ପର୍‌ମେସର୍ ଜେ କି ତାର୍ ଆଟ୍‌ମା ବବିସ୍‌ଡ୍‌ବକ୍‌ତାମନ୍‌କେ ଦେଇରଇଲା, ସେ ତାର୍ ଦୁଟ୍‌କେ ପାଟାଇଆରେ । ଆଇବା ଦିନ୍‌ମନ୍‌କେ କାଇଟା ଅଇସି, ସେଟା ତାର୍ ଦାଙ୍ଗ୍‌ତାମନ୍‌କେ ଦେକାଇସି ।” ୭ ଜିସୁ କଇଲାନି, “ସୁନା ମୁଇ ଦାପୁରେ ଆଇଲିନି । ଏ ବଇର୍, ଆଇବା ଦିନ୍‌ମନ୍‌କେ ଗଟ୍‌ବା କାତା, ଜେଡ୍‌କି ଲକ୍ ନାମ୍‌ବାଇ, ସେମନ୍ କେଡେକ୍ କରମର୍ ଲକ୍ ।” ୮ ମୁଇ ଜଅନ୍ ଏ ସବୁ ସୁନିଆତି ଆରି ଦେକିଆତି । ଏ ସବୁଜାକ ଦେକିଲା ପତେ ଆରି ସୁନିଲାପତେ ଜନ୍ ଦୁଟ୍ ମକେ ଏ ସବୁ ବିସଇ ଦେକାଇରଇଲା, ତାର୍ ପାଦେ ତାଣ୍ଡାସନ୍ ପଡ୍‌ଲି । ମୁଇ ତାକେ ଜୁଆର୍‌କର୍‌ବାକେ ଜାଇରଇଲି । ୯ ମାତର୍ ସେ ମକେ କଇଲା, “ନିହୁ । କାଇକେବଇଲେ ମୁଇ ମିସା ତମ୍‌ପାଠା ଗଟେକ୍ ଲକ୍‌ସେ । ତମ୍‌ ଜେଡ୍‌କି ବବିସ୍‌ଡ୍‌ବକ୍‌ତା ବାଇମନ୍ ଆରି ଜେଡ୍‌କି ବଇଟା‌ନେ ରଇବା ବାକିଅମନ୍ ଆତେ, ସେଟାମନ୍ ମାନିକରି ରଇଲାଜିନି । ତାକର୍ ପାରା ମୁଇ ମିସା ଗଟେକ୍ ସେବାକାରିଆ । ପର୍‌ମେସର୍‌କେ ଜୁଆର୍ କରା ।” ୧୦ ଆରି ସେ ମକେ କଇଲା, ଏ ବଇର୍ ଜେଡ୍‌କି ବିସଇ ତକେ ଜାନାଇଅଇଲାଆରେ, ସେଟା କେ ନାଜାନଲା ପାରା ଲୁଟାଇ ସଙ୍ଗମାଇ । କାଇକେବଇଲେ ଏ ସବୁ ଗଟ୍‌ବା ବେଲା ଲଗେଆତେ । ୧୧ ଜେ କରାପ୍ ଚଲାଟଲ୍‌ତି କରି ଜିଉନା କାଉନା କଲାଜିନି, ସେ ସେନ୍ତାରିସେ କାରାପ୍ କର୍‌ତେ ରଅ । ଜେ କି ନିକ ଚଲାଟଲ୍‌ତିକରି ଜିଉନା କାଉନା କଲାଜିନି, ସେ ସେନ୍ତାରିସେ ନିକ କର୍‌ତେରଅ । ଜେ କି ସୁକଲ୍ ଆରେ, ସେ ସେନ୍ତାରିସେ ସୁକଲ୍ ରଅ । ୧୨ ଜିସୁ କଇଲାନି “ସୁନା ମୁଇ ଦାପୁରେ ଆଇଲିନି । ଲକ୍‌ମନ୍ କରିରଇବା କାମ୍‌ଇସାବେ ମୁଇ ସେମନ୍‌କେ ପୁରୁସ୍‌କାର୍ ଦେବି । ୧୩ ମୁଇ ପର୍‌ତୁମର୍ ଲକ୍ ଆରି ସାରାସାରିର୍ ଲକ୍ । ମୁଇ ଆରାମ୍ କର୍‌ବି ଆରି ମୁଇସେ ସାରାଇବି ।”

୧୪ ଜେଡ୍‌କି ସବୁଲକ୍ ତାକର୍ ବସ୍‌ତର୍ ଦଇକରି ସୁକଲ୍ କର୍‌ବାଇ, ସେମନ୍ କେଡେକ୍ କରମର୍ ଲକ୍ ! ଜିବନର୍ ଗଟେଅନି ପଲ୍ କାଇକରି କାବାଟ୍‌ବାଟେ ଜାଇ କରି ନଅରେ ପୁରୁବାକେ ସେମନ୍ ଅଦିକାର୍ ପାଇବାଇ । ୧୫ ମାତର୍ ଜନ୍ ଲକ୍‌ମନ୍ ଲାଜ୍ ଅଇବା କାମ୍‌ମନ୍ କର୍‌ବାଇ, ଜେଟ୍‌କି, ଜିଟ୍‌ଟ୍‌ମନ୍ ଅବିଆସ୍ କର୍‌ବାଇ, ବେସିଆ କାମ୍‌ମନ୍ କର୍‌ବାଇ, ନର୍ ମରାଇବାଇ, ମୁର୍‌ତି ପୁଜା କର୍‌ବାଇ, ଆରି କାତାଇ ଆରି କାମେ ମିର୍ କଇବାଇ, ସେମନ୍ ନଅରର୍ ବାଇରେ ରଇବାଇ । ୧୬ “ମୁଇ ଜିସୁ, ମଣ୍ଡିଲିଟା‌ନେ ରଇବା ତମ୍‌କେ ସବୁ ଲକ୍‌କେ ଏ ବିସଇ ଜାନାଇବାକେ ମର୍ ଦୁଟ୍‌କେ ପାଟାଇଆତି । ମୁଇ ଦାଉଦର୍ କୁଟ୍‌ମେ ଆତି । ମୁଇ କୁକ୍‌ତା ତାକ୍‌ବାବେଲେ ଉଜଲ୍‌ଦେବା ତାରା ।” ୧୭ ମାଟ୍‌ମା ଆରି କନିଆ ଦାଙ୍ଗ୍‌ତି କଇଲାନି ଆଉ, । ଜେଡ୍‌କି ଲକ୍ ଏଟା ସୁନିଲାଜିନି, ସେମନ୍ ମିସା ଆଉ, ବଲି କଇବାଟ୍‌ଆରେ । ଆସା ଜେଡ୍‌କି ଲକ୍‌କେ ସସ୍ କଲାଜିନି, ଜିବନର୍ ପାନି ଇନାମେ ନିଆ ।

ସାରାସାରିର୍ କାତା

୨୨:୧୩ ୨୨:୧୩ ପରକାସିତ ୧:୮; ପରକାସିତ ୧:୧୭:୨୮

୧୮ ମୁଁ ଜଣେ ସବୁକେ ଜାଗରତ୍ କରାଇଲିନି, ଆଇବା ଦିନମନକେ ଗତ୍‌ବା ଏ ବଇରୁ ଜେଡ଼କି ବାକିଅ
 ଆତେ, କେ ଜଦି ଇତି ଆରି କାଇ କାଇଟା ମିସାଇଲେ, ପରମେସର୍ ଏ ବଇଟାନେ ଜନ୍ ମରୁଡ଼ି ବିସଇ
 ଲେକ୍‌ଲାଆତେ, ସେ ତାର୍ ପାଇବା ତଣ୍ଟି ସଙ୍ଗ୍, ଏ ମରୁଡ଼ି ମିସା ମିସାଇସି । ୧୯ ଏ ବବିସତ୍ କାତାର୍
 ବଇଟାନେଅନି କେ ଜଦି କାଇ ବିସଇ ମିସା ଲୁଟାଇଦେଲେ, ଏ ବଇଟାନେ ଲେକାଅଇରଇବା ଜିବନର୍
 ଗତର୍ ପଲ୍ ଆରି ସୁକଲ୍ ନଅରେଅନି ସେମନ୍ ପାଇରଇବାଟା ତାକର୍ଟାନେଅନି ଦାରିଜାଇସି । ୨୦ ଜେ
 କି ଏ ସବୁ ବିସଇର୍ ପାଇ ସାକି ଦେଇସି, ସେ କଇଲାନି ଓଁ ମୁଁ ଦାପୁରେସେ ଆଇଲିନି ! ସେନ୍ତାରିସେ ଅ
 ବେ ! ମାପୁରୁ ଜିସୁ ଆଉ ! ୨୧ ମାପୁରୁ ଜିସୁ ଜିବନ୍ ଦୁକାଇଲାଟା ସବୁର୍ ଲଗେ ରଅ । ଆମେନ୍ !